

PATROLOGIÆ

CURSUS COMPLETUS

SIVE

BIBLIOTHECA UNIVERSALIS, INTEGRÆ, UNIFORMIS, COMMODA, ŒCONOMICA,
OMNIUM SS. PATRUM, DOCTORUM SCRIPTORUMQUE ECCLESIASTICORUM

QUI

AB ÆVO APOSTOLICO AD INNOCENTII III TEMPORA
FLORUERUNT;

RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER DUODECIM PRIORA
ECCLESIAE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS,
PERQUAM DILIGENTER CASTIGATA;

DISSERTATIONIBUS, COMMENTARIIS LECTIONIBUSQUE VARIANTIBUS CONTINENTER ILLUSTRATA;
OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS
DETECTIS, AUCTA;

INDICIBUS PARTICULARIBUS ANALYTICIS, SINGULOS SIVE TOMOS, SIVE AUCTORES ALICUJUS MOMENTI
SUBSEQUENTIBUS, DONATA;

CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM
SUPERIOREM DISTINGUENTIBUS SUBJECTANQUE MATERIAM SIGNIFICANTIBUS, ADORNATA;

OPERIBUS CUM DUBIIS TUM APOCRYPHIS, ALIQUA VERO AUCTORITATE IN ORDINE AD TRADITIONEM
ECCLESIASTICAM POLLENTIBUS, AMPLIFICATA;

DUOBUS INDICIBUS GENERALIBUS LOCUPLETATA: ALTERO SCILICET RERUM, QUO CONSULTO, QUIDQUID
UNUSQUISQUE PATRUM IN QUODLIBET THEMA SCRIPSERIT UNO INTUITU CONSPICIATUR; ALTERO

SCRIPTURÆ SACRÆ, EX QUO LECTORI COMPERIRE SIT OBIIVM QUINAM PATRES

ET IN QUIBUS OPERUM SUORUM LOCIS SINGULOS SINGULORUM LIBRORUM

SCRIPTURÆ TEXTUS COMMENTATI SINT.

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR: CHARACTERUM NITIDITAS.

CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS

TUM NUMERUS, FORMA VOLUMINUM PERQUAM COMMODA SIBIQUE IN TOTO OPERIS DECURSU CONSTANTEM

SIMILIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,

SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM,

PRIMUM AUTEM IN NOSTRA BIBLIOTHECA, EX OPERIBUS AD OMNES ÆTATES,

LOCOS, LINGVAS FORMASQUE PERTINENTIBUS, COADUNATORUM.

SERIES SECUNDA,

IN QUÆ PRODEUNT PATRES, DOCTORES SCRIPTORESQUE ECCLESIAE LATINÆ
A GREGORIO MAGNO AD INNOCENTIUM III.

Accurante J.-P. Migne,

BIBLIOTHECÆ CLERI UNIVERSÆ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIA HINC EDITIONE TYPIS MANDATA EST, ALIA NEMPE LATINA, ALIA GRÆCO-LATINA. —

VENIUNT MILLE FRANCIS DUCENTA VOLUMINA EDITIONIS LATINÆ; OCTINGENTIS ET

MILLE TRECENTA GRÆCO-LATINÆ. — MERÆ LATINA UNIVERSOS AUCTORES TUM OCCIDENTALES, TUM
ORIENTALES EQUIDEM AMPECTITUR; HI AUTEM, IN EA, SOLA VERSIONE LATINA DONANTUR.


PATROLOGIÆ TOMUS CLXIV.

S. BRUNO ASTENSIS, ABBAS MONTIS CASINI ET EPISCOPI SIGNIENSIS

EXCUEBATUR ET VENIT APUD J.-P. MIGNE EDITOREM,
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,
SEU PETIT-MONTROUX.

1854

8004



PATROLOGIE

CURSES COMPLETE

WITH A COMPLETE INDEX TO THE CONTENTS OF THE WORKS OF THE AUTHOR

BY THE AUTHOR

CHRONOLOGICAL

TABLE OF THE DATES OF THE PUBLICATION OF THE WORKS OF THE AUTHOR

TABLE OF CONTENTS

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

CHRONOLOGICAL

TABLE OF THE DATES OF THE PUBLICATION OF THE WORKS OF THE AUTHOR

THE WORKS OF THE AUTHOR

THE WORKS OF THE AUTHOR

SÆCULUM XII

S. BRUNONIS

ASTENSIS

ABBATIS MONTIS CASINI ET EPISCOPI SIGNIENSII

OPERA OMNIA

AUCTA ET ADNOTATIONIBUS ILLUSTRATA

JUXTA EDITIONEM ROMÆ ANNO 1791 CURANTE BRUNO BRUNI DATAM

ACCREDIT

ODDONIS ASTENSIS MONACHI BENEDICTINI

EXPOSITIO IN PSALMOS

S. BRUNONI AB IPSO AUCTORE DICATA

Quam ad calcem Operum S. Brunonis edidit D. Maurus Marchesius, Casinensis decanus, Venetiis anno 1681

ACCURANTE J.-P. MIGNE

BIBLIOTHECÆ CLERI UNIVERSÆ

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE

TOMUS PRIMUS

VENEUNT 2 VOLUMINA 14 FRANCIS GALLICIS



EXCUDERATUR ET VENIT APUD J.-P. MIGNE EDITOREM
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM
SEU PETIT MONTROUGE

1854

8004

ELENCHUS

AUCTORUM ET OPERUM QUI IN HOC TOMO CLXIV CONTINENTUR

S. BRUNO ASTENSIS SIGNIENSIS EPISCOPUS.

PROLEGOMENA.	Col.	9.
Expositio in Genesin.		147
— in Exodum:		233
— in Leviticum.		377
— in Deuteronomium.		505
— in Job.		551
— in Psalmos.		695
— in Proverb.		1230
— in Cantica.		1234

EXPOSITIO IN PSALMOS

S. BRUNO ASTENSIS SIGNIENSIS EPISCOPUS

ASTENSIS SIGNIENSIS EPISCOPUS

ASTENSIS SIGNIENSIS EPISCOPUS

ASTENSIS SIGNIENSIS EPISCOPUS

ASTENSIS SIGNIENSIS EPISCOPUS

1.304

222 M

REGIÆ CELSITUDINI

CAROLI EMMANUELIS

PEDEMONTII PRINCIPIS, ETC., ETC.

BRUNO BRUNI SCHOLARUM PIARUM.

Cum, Regia Celsitudo, novam operum S. Maximi episcopi taurinensis editionem, jussu Pil sexti pontificis inaximi absolvisses, eamque Augusto regi, Victorio Amedeo optimo parenti tuo, ipsius nomine ornatam, eodem pontifice maximo jubente, Taurini reddidisses; prospere etiam mihi contigit, quod jamdiu magnopere optaveram, ut te quoque præsentem colerem; atque ex ipsius pontificis mandato eadem S. Maximi opera tibi humillimus offerrem. Tunc sane quæ absens de te celebrari, summisq; laudibus extolli audiveram; egregiam nempe indolem tuam, ingenii aciem, singularem humanitatem, animique præstantiam, quibus certam spem præbes proavis tuis ducibus, ac regibus imparem non futurum, coram sum admiratus. Sed multo magis me in obsequium, et admirationem abripuit sapientia tua; vix namque illustratis aliquibus S. Maximi homiliis; statim de ejus latini sermonis elegantia, de doctrinæ copia, de orationis robore, tanquam peritissimus judex, quam recte, præclareque sentires, significasti. Hæc admiratio desiderium in me accendit, ut aliquid pro exiguis viribus meis pararem, quod regia celsitudine tua non indignum foret, meamque erga te venerationem testatam faceret. Neque diu cogitandum mihi fuit, quid eligerem; cum novissem, quanti rex parens tuus æstimarat munus pontificium editionem scilicet conciorum, et tractatum sancti Maximi, qua nominis ejus celebritas, laus Ecclesiæ Taurinensis, atque regalis familiaris gloria confirmata, et illustrata est. Ægre jamdiu ferebam alterum Ecclesiæ lumen in Pedemontii regione ortum, atque excultum, a probatissimis scriptoribus commendatum, in quadam oblivione, et obscuritate jacere; quod scripta ejus non satis diligenter conquisita fuerint, nulla autem cura typis tradita pene in contemptum abierint. Is est S. Bruno Astensis ex nobilissima Soleria gente, medio sæculo xi procreatus, Signiæ in Campania episcopus, atque insignis monasterii Casinensis abbas. Scripsit autem Bruno doctissimos commentarios in plures utriusque Testamenti libros, sermones etiam quamplurimos in Evangelia, atque tractatus ecclesiasticæ eruditionis non paucos, quibus cum præclara doctrinæ, et sapientiæ argumenta præbuisset, sanctus Gregorius VII, Victor III, Urbanus II, Paschalis II, Romani pontifices, eum plurimi fecerunt, eique gravissima munera demandarunt. Collatis igitur S. Brunonis operibus quæ edita sunt cum optimis mss. ejusdem ævi, aut paulo inferioris, novi illa immerito huc usque neglecta, ab erratis mendisque librorum expurgari posse, suppleri omnia, et singula nativæ suæ lectioni restitui. Comperi etiam maximam homiliarum partem, quarum ipsum S. episcopum auctorem fuisse constat evidentissime, notho scriptori Græco non sine fraude tributam, nonnullosque alios libros a S. Brunone exaratos alio nomine publici juris factos. Quare operæ pretium duxi, injurias hujusmodi S. antistitis æstimationi rapinas detegere, scripta ejus ab usurpatione vindicare, emendatiorem perfectionemque editionem veteri mendosæ opponere, atque conflatas in eum censuras diluere ac propulsare. Causam ago doctissimi sanctissimique viri, cujus in rempublicam Christianam merita, amplissimæque doctrinæ ornamenta tunc me vere prædicasse putabo, cum clarissimis Pedemontanis episcopis jure optimo comparandum Brunonem dicam. Hi quidem sunt, qui luctuosis temporibus Ecclesiæ laboranti firmissimo præsidio fuerunt; qui magna, et ardua pro Dei gloria egerunt, qui invicto animo pro doctrina catholica decertarunt. Eusebium Vercellensem cum nominem, quis ignorat eum fidei Nicænæ assertorem validissimum, malleum Arianorum appellari? Si huic addam Valerianum Cimeliensem seu Nicæensem episcopum medio v. sæculo homiliarum auctorem illustrem, Maximum Taurinensem sacro e suggestu oratorem disertissimum, Turibium item episcopum Asturicensem sanctitate, atque doctrina tota in Hispania celebratissimum ab ipso S. Leone Magno suis litteris commendatum, eos in fastis ecclesiasticis laudatissimos commemorabo. Horum gloriam et in Ecclesiæ merita æmulati sunt posteriores Atto Vercellensis ob commentarios in Sacras litteras, tractatus theologicos, et conciones ad populum nemini secundus, atque Anselmus archiepiscopus Cantuariensis iurium Ecclesiasticorum vindex post hominum memoriam invictissimus doctissimusque theologus. Age vero nonne inter istos splendidissimum obtinet locum S. Bruno Astensis Signiensium episcopus, ut acta Vitæ ejus et scripta luculentissime testantur? Ille enim operarius in vineam Domini missus fuit ea ætate qua hæresis Berengariana, Guiberti Ravennatis schisma, Simonia, clerici corruptio, ecclesiasticorum iurium usurpatio sacra omnia conturbabant. Bruno igitur, refugientibus et pertimescentibus cæteris callidissimi hominis audaciam, decertare cum Berengaria in concilio Romano non dubitavit, et longam acerrimamque de sanctissimo Eucharistiæ sacramento instituere disputationem; cujus tandem fuit exitus, ut

homo ante audacissimus, et in sua perfidia obſtinatissimus, mutaret repente animum erroneſque ſuos damnet. Ampliſſimam hanc victoriam aliis atque aliis palmis vir ſanctiſſimus cumulavit, qua ſermonibus, qua ſcriptis ſuis, cum eſſet episcopus Signinus, virtuteque paſtorali divinitus inſtructus, hæreticos, ſchiſmaticos, Simoniacos aggreſſus, nullibi eos conſiſtere patiebatur, donec ad Eccleſiæ catholicæ ſinum confugerent, ubi et ſacrorum dogmatum integritatem addicerent, et pacis concordiæque amori ſtuderent, et legum cuſtodiam tenerent. Hæc cum recolo, lectiſſime princeps, videor videre exultantem animum tuum, qui ad omnem religionem ac pietatem formatus, lætariſ profecto, audiens a ſanctiſſimis et doctiſſimis episcopis tua in dominatione ortis Eccleſiam ſemper eſſe deſenſam, eliminatos errores, ſancta Jeſu Chriſti dogmata populis tuis tradita, et alias etiam in regiones propagata. Lætariſ, inquam, quod nihil felicius, nihilque jucundius regibus atque principibus contingere poſteſt, quam quod ſuo in regno floreat Chriſtiana religio, illæſum a pravis opinionibus ſervetur depositum fidei, et perfecta concordia ſacerdotium inter et regnum ſtabilis perſeſveret. Hæc te ſentire, hæc te in votis habere, cum ab ore tuo, non ſine maxima jucunditate perceperim, tuæque geſta ad hoc unum perſtingere videantur; enixas preces ad te effundere non dubitavi, ut S. Brunonis opéra a me collecta, ineditis ſcriptis aucta, adnotationibus illuſtrata, et ſuæ ſinceritati reſtituta benigne complectariſ, tuoque nomine ornari permiſiſ. Vereor tamen exiguitatem meam haud ſatis dignitati ac ſapientiæ tuæ reſponſuram; ſed erit magnanimitati tuæ veniam, quam exoro, mihi clementer impertiri; et hoc qualecunque obſequentiſ animi mei teſtimonium habere acceptum. Interim Deum O. M. deprecor atque obteſtor, ut regem parentem tuum, et te, totamque regiam familiam diutiſſime ſocios ſervet ad Chriſtiani nominis gloriam, ad populorum tuorum felicitatem, ad Eccleſiæ catholicæ præſidium, ad ſcientiarum bonarumque artium incrementum.

Dabam Romæ ex collegio Nazareno Scholar. Piar. Kalend. Sextilibus anno D. 1789.

PROLEGOMENA IN S. BRUNONIS ASTENSIS OPERA.

PROLEGOMENON PRIMUM.

PROOEMIUM.

Absoluta ſub auſpiciis, magnaſque auctoritate, ac beneficentia Pii VI pontificis O.M. operum S. Maximi episcopi Taurinensis editione, cui literati omnes plauſerunt, egeruntque grates quamplurimas ſapientiſſimo pontifici, qui doctis tam præclari antiſciſti monumentis ornari Eccleſiam mandaverit; deſiderium optimæ ejus voluntati obſequendi, et amor illuſtrandæ patriæ me impulit, ut alterius Pedemontani præſulis pervulgata ſcripta ſplendidiorem in lucem emitterem. Noveram equidem S. Brunonem Aſtenſem Signiæ in Campania episcopum commentariorum in utrumque Teſtamentum, plurimorumque tractatum auctorem; ſed vehementer dolebam tum interpretationes ejus in ſacram Scripturam, tum lucubrationes alias parum feliciter editas huc uſque obſcuras jacere, atque neglectas. Quare operæ præſtium duxi eas cum melioribus codicibus mſs. conferre, et quidquid novi, vel perfectioriſ lectionis comperiſſem, addere, ut ad ſuam integritatem, et nativam præſtantiam reſtitutæ revivſcant amplioremque aſſimilationem oblineant. Hanc igitur provinciam, arduam valde, et ſalebroſam alacriter aggreſſus ſum, ſperans rem me facieturum gratiſſimam hiſ qui ſacris ſtudiis delectantur, quique ſancta religionis noſtræ dogmata, atque eccleſiaſticaſ traditiones a SS. Patribus, tanquam a puriſſimis fontibus haurire concupiſcunt, ſi S.

A Brunonem expurgatum, illuſtratum, et ineditis ſcriptis auctum eis legendum præbeam.

CAPUT PRIMUM.

DE SCRIPTIS S. BRUNONIS ASTENSIS A MAURO MARCHESIO MONACHO CASINENSIS EDITIS, DEQUE SCRIPTORUM TESTIMONIIS.

In duo volumina Marcheſius S. Brunonis opéra diſtribuit, ediditque Venetiis apud Brentanos an. 1651. Horum primum comprehendit commentarios in quinque libros Moysi, in Pſalterium, in Canticum canticorum, in Job, et in Apocalypſim. Hiſ præmiſit collector diſſertationem ſuam historicam de S. Brunone, deque ejus ſcriptis. Huic ſubſequitur diſquiſitio Philippi Malabaylæ monachi Cisterciensis, et congregationiſ S. Bernardi viſitatoriſ B De ortu S. Brunonis, canonice, et reſeſſu a Casinatis. Tertio legitur Vita ejusdem ſancti ſcripta a Petro Diacoro bibliothecario Caſinensi, lib. iv, cap. 54 chronici ejusdem cænobi. Quartum locum tenet altera Vita S. episcopi ab anonymo, ut fertur, Signienſi canonico in quinque lectiones diſtributa. Hæc ſunt documenta, quibus lectores ſuos de geſtis, ſcriptiſque S. Brunonis inſtruit editor prælaudatus. Alterum volumen continet 145 homiliæ, ſeu ſacras conciones in Evangelia totius anni, ſex libros Sententiarum, qui ſunt ſermones de diverſiſ; præterea tractatus De incarnatione Domini, De ſacrificio Azymi, De ſacramentis, et eccleſiaſticis ritibus, Vi-

tam S. Leonis papæ IX, cui additur responsio ad questionem : *Cur corruptus status Ecclesiæ*. Insuper eodem in volumine habentur compendium Vitæ S. Petri Anagninæ episcopi, et epistolæ duæ, una ad Petrum episcopum Portuensem, altera ad Paschalem II pontificem.

Sed alia plura exarasse Brunonem constat ex catalogo scriptorum ecclesiasticorum, quorum testimonia suo loco subijciemus. Petrus Diaconus nuper laudatus primus fuit, qui de eo scripsit, lib. xxxiv De viris illustribus Casinensibus, eumque insignissimum, et splendidissimum Ecclesiæ defensorem, et doctorem appellavit. Post eum de eodem S. episcopo Signiensis egerunt Sixtus Senensis, Cæsar cardinalis Baronius, Robertus cardinalis Bellarminus, Natalis Alexander, Ferdinandus Ughellius, Aubertus Miræus, Joan. Albertus Fabricius, Antonius Possevinus, Theophilus Raynaudus, Philippus Labbeus, Jacobus de Long, Guillelmus Caveus, Casimirus Oudin, Joannes Mabillonius, Franciscus Combefisius, Ludovicus Elies Dupinius, Augustinus Calmetus, Remigius Ceillerius, Dominicus Maria Mansius in notis ad bibl. Fabricii M. et J. Latinitatis, Joannes Marius in adnotat. ad Petrum Diaconum De viris illustribus, Joannes M. comes Mazzuchellus, omnes tandem scriptores Casinenses, quos si recensere, nimis longus essem.

CAPUT II.

DE DISCREPANTIA SCRIPTORUM IN ADNOTANDIS BRUNONIS OPERIBUS.

Dissentiunt autem inter se prælaudati auctores in eodem censu operum S. Brunonis describendo; cum alii plura, alii pauciora ei tribuant. Aliqui non vulgata quædam memorant, quidam nonnulla ei auferunt, aliaque falso supponunt. Scripta vero, quæ omnium suffragiis Brunoni Astensi conceduntur, sunt expositiones in Pentateuchum, in psalmos, in Job, in Canticum canticorum, et in Apocalypsim. Habetur etiam auctor plurimarum homiliarum in Evangelia, et sermonum, sicuti aliquorum tractatum, cum de his expressam mentionem faciat Petrus Diaconus, ejusque sacras conciones suis sub titulis describat. Verum non satis diligenter adnotata sunt a Petro Diacono singula Brunonis opera; omittit enim commentarium in Isaiam, cujus ipse in præfatione ad Apocalypsim meminit; item expositiones siliit in libros Josue, Judith, et Regum ab aliis eidem commentatori attributas. Silentio etiam præterivit præclaram illustrationem in quatuor Evangelia, sicut parabolam Salomonis De muliere forte a Brunone interpretatam. Jacobus equidem le Long fere omnes hujusmodi commentarios in elencho opp. S. Brunonis descripsit, ejusque expositionem in quatuor Evangelia testimonio duorum codicum confirmavit; quorum unus est Bibl. S. Victoris Parisiensis, alter bibl. Regiæ Athænei Taurinensis, quod etiam admonet comes Mazzuchellus. Diligentior etiam fuit Remigius Ceillerius congr. S. Mauri monachus in catalogo scriptorum

S. Brunonis, cum plurâ memoret ab aliis prorsus omisâ.

CAPUT III.

DE CODICIBUS MSS., QUIBUS NOVA OPP. S. BRUNONIS EDITIO INSTAURATUR.

Non ausus essem Venetæ editionis S. Brunonis emendationem suscipere, nisi lectione, collationeque optimorum codicum mihi constitisset, eam expurgari, suppleri, perficique posse. Et quidem cum in feriis autumnalibus anno 1785, hac de causâ Florentiam me contulsem, primas curas impendi in comparanda lectione V librorum Moysi, qua usus est Bruno cum insigni codice biblico olim monasterii S. Salvatoris montis Amiata ordinis Cisterciensis in agro Senensi jam ab anno præcedenti in bibl. Mediceam Laurentianam translato. Hoc de codice clariss. canonicus Angelus M. Bandinius Reg. bibl. præfectus eruditissimam descriptionem in Ephemeridis Florentinis statim publicavit, pluraque de ejus præstantia, et antiquitate disseruit, quæ ego breviter contraham, ut quanti faciendum sit venerabile illud sæc. Scripturæ monumentum magis magisque innotescat. Volumen istud ingentis molis est membranaceum in folio grandiori, quadratis characteribus Romanis nitidissimo exaratum, optimeque asservatum, ejusque relictas a vi Domini sæculo repetitur, cum ex epigraphe ab aliquo S. Gregorii M. discipulo excerptum arguatur. Continet autem libros omnes utriusque Testamenti, cujus variantes lectiones adnotabimus. D.fert autem C in capitum divisione, quod, ut eruditissimus Joseph M. Blanchinius admonet, et clariss. Petrus Lazzarius in præf. ad comment. Brunonis in Evangelia, apud veteres bibliographos usitatum comperimus. Nemo huc usque in dubium veritæ S. Brunonem Signiensem episcopum expositionem in Pentateuchum egisse, cum ipse sua in prolusione fateatur, rogatu Petri Anagninæ episcopi opus illud elaborasse, de quo etiam testimonium perhibent plures mss. codices vel xii seculi, in quo foris S. Bruno, vel sequentis xiii. Primum codicem, quem ego ipse cum editione Veneta comparavi mihi suppeditavit supra memoratus canonicus Angelus M. Bandinius, et est membranaceus in fol. minor. olim. bibl. S. Crucis Minor. in Laurent. Medice. translatus, et exstat in Plat. ix, p. S. in cujus epigraphe legitur : *Incipit expositio venerabilis Brunonis Signiensis episcopi*; qui codex omnimodam præ se fert integritatem, atque ex eo plura decerpsi ad corrigendam, supplendamque Marchesii editionem valde opportuna. Duo pariter codices Casinenses mihi peritiles fuere, quorum alter sign. n. 195, alias 366. sec. xii, alter sign. n. 619, sec. xiii, uterque membranaceus in fol. charactero Romano descriptus. Ex his copiosam segetem pro restauranda, perficiendaque in novis formis. Brunonis expositione in Pentateuchum, mihi liberaliter morem gerens collegit cultissimus D. Thomas Capomatius insignis illius cœnobii modernus præsul, ac præcipue magni habendam censeo aliam fere ex in-

doctrina, et perspicuitate longe excellit commentarium a Marchesio editum. Ad horum confirmationem codices tres bibl. Regiæ Parisien. sign. numm. 2505, 2506, 2507, commemorabo, qui Brunonis episcopi nomen in fronte deferunt.

Haud minus sollicitè codices exquisivi pro confirmanda, et illustranda Expositione A. N. in librum Job; verum et si plures adiverim bibliothecas, ut cum veteribus mss. libris hoc opus conferrem, sola bibliotheca Ghisiana non inutilem reddidit sollicitudinem meam, cum in ea præclarum codicem advennerim talibus notis exornatum, ut sufficere possit pro multis. Fuit enim codex iste recognitus a doctissimo Jacobo Sirmundo cum alio codice bibl. Reg. Parisiensis, quod sua manu in fronte adnotavit, donoque misit an. 1638, ad eminentissimum cardinalem Fabium Ghisium, qui deinde creatus Romanus pontifex Alexander VII appellatus est. Codex hic membranaceus sæc. XIV, in fol. minori nitidissime descriptus S. Brunonis Signiensis episcopi nomine exornatur, ex quo nonnulla in meum exemplar induxi. Paucis nunc egi de commentario in Job; cum alia dicturus sim in præliminari admonitione. Expositio in psalmos imperfecta, multisque defectibus laborans a Marchesio edita, requirebat, ut nihil emitterem, quod ad ejus correctionem, et integritatem conducere. Sed contra expectationem nec in Vaticana, nec in Casiuensi bibliothecis reperti fuere codices hujusmodi commentarium continentes; sed vices eorum supplerunt codices duo multo in pretio habendi; alter Vallicellanus, alter Ghisianus. Ex primo consecutus sum expositionem, quæ deest in Marchesio a psalmo LIX ad ps. LXIV, a ps. etiam LXXVII usque ad ps. LXXXII, et mediam expositionis partem psalmi LXX. Eodem lacunæ in cod. Ghisiano reperuntur; attamen valde mihi utilis fuit, cum emendatissimus sit, et aliquibus in locis cod. Vallicellano præstantior. Alias insuper additiones ab utroque codice acquisivi, tam pro emendatione lectionis psalmorum, quam pro recta eorum interpretatione, quibus constabit Marchesium mendosis, interpolatisque mss. usum fuisse. Codices autem Vallicellanus, et Ghisianus, qui membranacei sunt, in folio, et sæc. XIII a tribus codicibus bibl. Reg. Paris. sign. numm. 2506, 2509 et 2902, confirmantur, sicuti a duobus aliis bibl. Rom. S. Crucis in Jerusalem, imperfectis quidem, sed S. Brunonis episcopi Signiensis nomen ferentibus. Neque omittam mentionem facere de cod. bibl. Med. Laurentiano, quem pro brevitate temporis, quo mihi licuit Florentiæ moram facere, aliosque codices consulere volui, ut inferius dicam, vix delibavi, aliqua tamen ab eo accepi, cæteris adnotationibus addenda.

Diutius immorari me oportet in statuenda interpretatione super Canticum canticorum, quæ sub lata omni controversia, Brunoni nostro ascribi debeat. Ex quo Marchesius inter opera Signiensis episcopi expositionem illam in Canticum canticorum publicavit, magna orta est dissceptatio Benedictinos scri-

ptiores inter, et Dominicanos. Comperita est eruditæ viris inveterata opinio, D. Thomam Aquinatem, cum in monasterio Cisterciensi Fosse Novæ decumbens, monachorum illorum præcibus Canticum canticorum explanasse, cujus commentarius inter opera ejusdem sancti doctoris jussu S. Pii V Romæ edita a. 1570 insertus fuit, iterumque recusus in altera editione Veneta apud Galterium anno 1745, tom. XII. Iis in publicum deductis, cum palam fieret Marchesii suppositio, qui scilicet Brunoni Astensi tribuerat, quod S. Thomæ Aquinati germanum opus aserebatur, partes ejus cepit Angelus de Nuce auctor Benedictinus in notis ad chronicon Casinense lib. IV, cap. 31. Innotuit præcipue auctoritati duorum codicum Casinensium, quorum alterum vetustissimum dicit, et ornatum epigraphe: *Brunonis in Canticum canticorum*, alterum recentiorum fateretur sæc. nempe XIV, cujus in fronte adnotatum est: *continet Expositionem S. Brunonis in Canticum canticorum*. Erasmus etiam Gattula in Republica litteraria satis notus Marchesii, et Nucei opinionis defensorem se fecit in Historia Casinensi sæculi VII, p. 383 et seq., contenditque S. Brunonem Signinæ episcopum commentarii illius parentem agnosendum. Cum hujusmodi controversia penderet adhuc ex typographio Joan., Bapt. Pasqualis Veneti an. 1750, prodire dissertationes clarissimi viri Joan. Francisci de Rubéis O. P. *De doctrina, et scriptis, et doctrina S. Thomæ Aquinati*. In his ad trutinam revocat momenta scriptorum Benedictinorum, qui satis tutam suam sententiam arbitrantur; et invicte probat, neque S. Brunonem Astensem, neque D. Thomam interpretationi illi operam dedisse. Observat enim maximam eodd. mss. diversitatem, cum aliqui, ut antiquissimus Fabrianensis, Aymoni Alberstatensi, alii Remigio Antissiodorensi, alii etiam Cassiodorio laudem hujus operis tribuant; in hac tanta mss. Codd. discrepantia, nihil certi statui posse affirmat. Apparuerat ante studio eruditissimi Joannis Garetti congreg. S. Mauri Rotomagi, an. 1679, renovata operum Cassiodori editio, in qua juxta plurimorum opinionem commentarium in Canticum canticorum sub ejus nomine vulgatum ei ascribit. Sed in præfatione multis rationum momentis probat opus illud Cassiodorio haud esse nuncupandum. Horum primum est, quod diversis in locis affertur S. Gregorius M., præsertim super Evangelia, cujus illustrationem non egit, nisi postquam summus pontifex creatus est, quod contigit anno 590, quo jam ad minus anni 17, effluerant a morte Cassiodorii, non amplius superstitis inter vivos an. 575. Secundo, hic commentarius in sacrum epithalamium a Cassiodorii stilo, et forma scribendi plurimum differt. Tertio, de hoc tractatu ne verbum quidem habet idem Cassiodorius in præfatione ad librum *De orthographia*, ubi libros omnes a se exaratos recognoscit. Quarto, sacra Scripturæ lectio non est juxta vulgatam translationem, qua prælaudatus commentator semper usus videtur in cæteris suis scriptis. Tandem opinatur Gareti

commentarium hunc, compendium, et epitomem esse amplioris tractatus super eundem librum Cantici canticorum, qui sub nomine S. Isidori Hispalensis fertur in vulgus. In hac tanta opinionum diversitate Bruno noster laude expositionis in sacrum epithalamium caruisset, quamvis ipse aper tissimis verbis illam egisse fateatur. *Canonicis Senensibus*, ait in præf. ad comment. super Apocalypsim, cum quibus et ipse qualiscunque canonicus vicitadam, *Cantica canticorum*, pro ut potui, exposui; nisi clarissimus Joannes Lamius in catalogo codd. mss. bibl. Riccardianæ descripsisset volumen, in quo exstat hujusmodi Brunonis explanatio, atque de ea etiam specimen dedisset. Hoc de codice mentionem faciunt doctissimus Dominicus M. Mansius in notis ad Fabricii bibliothecam, et Remigius Ceillierius tom. XXI, p. 101 Histor. sac. Script. Eo autem tempore, quo, ut dixi, Florentiæ versabar, humanissimus Riccardianæ bibl. præfectus Franciscus Fontanus hunc præclarum codicem mihi concessit, non tam ut consulerem, sed ut exemplar ab eo educerem; de quo hæc subjiciam. Imprimis est membranaceus in fol. minori signat. n. vi Plut. K. ordin. iii, atque in fronte legitur, codicem illum, clariss. Benedictum Varchium Flor. Histor. possedisse. Nitidissime exaratus inspicitur, et ad sæc. xiii referendus. Secundo, continet collectionem plurium commentariorum super eundem librum, qui ita describuntur. 1. *Translatio de tractatu Origenis in epithalamia auctore S. Hieronymo*. 2. *Expositio in Canticis canticorum auctore Origene, et interprete Rufino presbytero*. 3. *Expositio B. Ambrosii episcopi super Cantica canticorum ex libris ejus collecta*. 4. *Expositio in Canticis canticorum, auctore S. Gregorio papa*. 5. *Expositio de muliere sorte, auctore domino Brunone Signino episcopo*. 6. *Expositio in Cantica canticorum auctore eodem*. 7. *Epistola quatuor auctore eodem*. Cum igitur pateat collectoris mentem fuisse præcipuos divini epithalamii commentatores uno volumine complecti, non est ambigendum eum S. Brunonem nostrum verum illius expositionis parentem novisse. Idem etiam scribendi genus Brunonis proprium, et carmina diversi generis juxta illius ætatis gustum, quibus auctor speciosiora divini sponsi, et sponsæ colloquia complexus est, certum argumentum præbent, et hunc commentarium Brunonem scripsisse.

Hæc sunt ergo opera S. Brunonis Astensis, quæ hoc in primo volumine continentur; scilicet Expositiones in Pentateuchum, in librum Job, in Psalmos, et in Cantica canticorum, cui præmittitur explanatio parabolæ De muliere sorte; utraque inedita. Quæ supersunt ejusdem scriptoris opera, pro secundo volumine reservamus, quod quam primum in lucem emittere Deo dante vitam, speramus; et de his quicquid præmonendum erit satis lectoribus faciemus.

CAPUT IV.

DE SCRIPTIS S. BRUNONIS DEPERDITIS.

Inter scripta S. Signiensis episcopi, quæ dolemus amissa, præcipue commemoranda est Explanatio ejus in Isaiam prophetam, de qua hæc verbis testimonium præbet in præfatione ad Expositionem super Apocalypsim. *Ante hanc*, inquit, *prophetarum nobilissimum Isaiam, rogatu Damiani venerabilis abbatis, satis compendiose, dilucideque disserui*. Quid vero pro eo commentario obtinendo egerim, dicam. Legeram, apud Jacobum le Long, manuscriptum illud existere apud Carthusianos S. Bartholomæi ad Anagninam. Non Anagninæ, sed Trisulti non longe ab Aletrio exstat cœnobium illud Carthusianorum. Desiderio igitur incensus pretiosi illius monumenti acquirendi, collegam meum Clementem Porrum in collegio Aletrino rethoricæ professorem rogavi, ut ad monasterium Trisulti se conferret, atque bibliothecæ codices mss. recognosceret. Morem mihi gessit eximius ille vir, sed infructuoso prorsus itinere. Rescripsit enim mihi xvi Kal. Junii 1786, nullum omnino codicem illa in bibliotheca superasse; dictumque ei a seniore monacho, olim præsidem quemdam Neapolitanum Neapolim ad Carthusiana S. Martini omnia mss. volumina transtulisse. Hæc de re sermonem habens cum spectatissimo præsule Dominico Coppola sæc. congr. Rituum a secretis; ipse pro sua singulari comitate, studioque in omnem ecclesiasticam eruditionem, mihi patrocinium suum pollicitus est, ut in codicibus mss. bibl. S. Martini Expositio illa in Isaiam S. Brunonis inquireretur. Illam autem provinciam dedit D. advocato Xaverio Matthæio in litteraria republica notissimo. Amico monacho Carthusiano usus est Matthæius, qui nihil omisit, ut scriptum illud episcopi Signiensis e latinebris erueret; sed eruditus monachus nequicquam teimpus, et labores insumpsit; quemadmodum factus est in epistola typis Neapolitanis anno sequenti edita, eidemque D. Xaverio Matthæio nuncupata; de qua alibi agendum erit. Interim cum ad plures amicos meos Briziæ, Novariæ, Vercellis, Mutinæ, Mediolani, Casini commemorantes litteras misissem, ut in bibliothecis, et archivis urbium illarum ea expositio in Isaiam detegeretur, omnium responso affirmavit, incompetant esse, et deperditam reputari. Me spe aliqua recreaverat Philippus Amedeus Millo eccl. metropol. Taurinensis canonicus, et in studiis sacris valde versatus, qui iii Kal. Junii ejusdem anni 1786 mihi respondit, forsan commentarium S. Brunonis in Isaiam repertum iri Catanæ; cum Arnoldus Wion monachus Duacensis in opere, cui titulus *Lignum vitæ* lib. i. c. 8 adnotet, se habuisse quidem ms. opera S. Brunonis inter quæ prælaudati commentarii meminit, sed codices illos, ait, amicitie ergo dono dedisse D. Constantino monacho Benedictino Catanensi. Catanam missæ fuerunt litteræ, et quesitum, an exstaret adhuc illa Brunonis expositio in Isaiam; sed responsum fuit D. abbati Casinensi Thomæ Capomatio a D. Philippo M. Hernandez monacho Idivus Decembribus an. 1786, mo-

nasterii illius bibliothecam multis refertam mss. A
codicibus in vehementissimo terræmotu ann. 1693
penitus interitis. Tandem vix mihi licuit, ad bibl.
Vatikanam, numero, et raritate codd. mss. omnibus
anteferendam accessi, certa spe ductus, me in ea
scripta Brunonis Signiensis reperturum, qui sua
ætate tam celebris fuerat, et qui præclara Ecclesiæ
Romanæ munera obiverat. Verum et si aliqua, ut
commentarium in Apocalypsim, opusculum *De*
mysteriis, etc., et sex libros sententiarum videre
obtinuerim, de reliquis S. Brunonis opp. nihil aliud
existere dictum est. Inter perditæ ejus scripta simi-
liter referam primam ejus illustrationem in Psalte-
rium, de qua ipse loquitur in præliminari admo-
nitione ante secundam psalmorum interpreta-
tionem; item commentarium super libros Josue, et B
Judith, quem Petrus Diaconus, et alii scriptores ei
asserunt.

CAPUT V.

DE SCRIPTIS DUBIIS S. BRUNONIS.

In codice Vallicellano C. XII, a quo exscripsimus
Expositionem Brunonis super Psalmos, ejus nomine
Insignitum invenimus p. 125 opusculum, cujus titu-
lus est: *Questiones super libros Regum*. Sed cum iisdem
verbis, et titulus, et questiones illæ impressæ fuerint

inter opera Ven. Bedæ edit. Basileæ per Joannem
Herrigium an. 1563, tom. VII, col. 357, earum
Signiensem episcopum auctorem dicere, quamvis
nonnulla ei faveant testimonia, non audeo. Plurimum
apud aliquos valeret auctoritas anonymi scriptoris
Signiensis Vitæ S. Brunonis, qui inter ejus opera
Expositionem quamdam in libros Regum recensuit,
his verbis: *Non solum quinque libros Moysi spiri-*
tualiter exposuit, verum etiam Psalterium, Isaiam
prophetam, Regum libros, Job quoque, etc. Nec levis
momenti haberi poterit suffragium doctissimi cardi-
nalis Sirleti, a quo cum de mandato Gregorii XIII
anno 1584 approbatæ fuerint lectiones propriæ
S. Brunonis recitandæ in secundo nocturno die
festivo ejusdem sancti, et in eis fiat mentio de com-
mentario ejus in libros Regum, non sine maturo
hujusce rei judicio id Sirletum asseruisse nemo
dubitabit. His accedunt suffragia Jacobi le Long,
Augustini Calmeti, et aliorum, qui valde probabilem
hanc sententiam reddunt; sed nisi potiora affulgeant
argumenta, semper licitum erit cuique dubitare,
Brunoni an Bedæ opusculum illud sit ascribendum.
Item dubiæ sunt plures sacræ conciones eidem
S. episcopo attributæ.

PROLEGOMENON SECUNDUM.

CAPUT PRIMUM.

DE TRANSLATIONE SACRARUM SCRIPTURARUM QUÆ USUS
EST S. BRUNO.

Jam diximus lectionem quinque librorum Moysi,
ut habetur in Expositione a Marchesio edita in ali-
quibus vocibus differre a contextu antiquissimi co-
dicis, olim monachorum Cisterciensium montis
Amiatæ, qui est juxta versionem veteris Italæ, ex
interpretatione LXX virorum. Huic versioni confor-
mantur reliqui sacrarum Scripturarum libri a Bru-
none interpretati. Sed aliter res se habet circa
Psalterium, in cujus duplici translatione commenta-
rios elucubrasse ipse testatur. Cum adhuc adolescen-
tulus essem, ait in præf. ad Psalterium, *exposui*
Psalterium secundum aliam translationem, quæ vide-
licet translatio pluribus in locis tantum differt ab hac
translatione, qua Romana utitur Ecclesia, ut nullo
modo secundum illius expositionem hæc translatio in-
telligi possit. Ex quo autem Petrus Diaconus Casi-
nensis scripsit, primum Brunonis commentarium
instructum fuisse super versionem ab Ecclesia
Gallicana in usu receptam, opinati sunt aliqui
eam esse, quam sub nomine Brunonis Herbipo-
lensis vulgatam habemus, studio Joannis Cochlæi,
quamque Lugdunenses typographi inseruerunt
in tomum XVIII, pag. 65, bibl. Patrum. Hu-
jusce sententiæ patroni permoti videntur: pri-
mum, quia translatio, quæ a Brunone Herbipo-
lensi fertur illustrata, vere est secundum Galli-
cane Ecclesiæ lectionem, quam Valafridus Strabo
De rebus ecclesiasticis cap. 25, asserit (refra-
gante tamen Joanne Mabillone, qui de re liturgica

probat id serius contigisse) S. Gregorium Turonen-
sem in Galliarum ecclesias intulisse. Secundo, eos
movet ætas utriusque Brunonis, nempe circa finem
XI et initium XII sæculi; quamvis Bruno Herbipo-
lensis aliquot annis ante Brunonem Signiensem ex
hac vita migraverit. Tertio, multo magis illos per-
suadet ortus, et educatio Brunonis Herbipolensis, qui
princeps natus, et educatus (patruelis enim fuit
Conradi II imperatoris), vix credibilis est in eo talis,
tantaque divinarum librorum scientia, ut eos inter-
pretari valuerit. Dissentit tamen ab eis Joannes
Trithemius, qui Brunonem Herbipolensem plurimum
commendans, ait: *Ex antiquorum Patrum scriptis*
pulchram expositionem totum in Psalterium egisse.
Hujusmodi testimonium a validissima ratione com-
probatur; siquidem, quamvis commentarius ille
brevis sit, et compendio similis, nihilominus sueco
plene, solidaque SS. Patrum doctrina interpreta-
tiones illæ videntur, ut non speciem studiosi ado-
lescentis, sed diuturni laboris, consummatæque
sapientiæ fructum præ se ferant. Firmior etiam red-
ditur sententia hæc ex Joanne Cochlæo, qui in præf.
ad idem Psalterium refert in bibliotheca ecclesiæ
Herbipolensis asservari adhuc librum hujusce com-
mentarii tempore ejusdem auctoris, insigni scriptura
sumptuose descriptum, et S. Hiliana Herbipolensis
Ecclesiæ præcipuo patrono dicatum. Editus autem
fuit sancti Brunonis Herbipolensis episcopi commen-
tarius in psalmos Norimbergæ, an. D. 1480, valdeque
rara est hujusmodi editio. Cum autem tam gravia,
tamque perspicua sint hæc rationum momenta,
neminem hunc commentarium Brunoni Signiensi,

sed Herbipolensi adjudicaturum arbitramur. His exploratis de prima Brunonis nostri expositione in Psalmis, quam nondum e latebris erutam fatemur, in aliam, a Marchesio editam animadversiones nostras convertemus. Et quidem primo agendum erit de translatione; cum ab eodem Brunone habeamus commentarium illum elaborasse secundum translationem, qua Ecclesia Romana utebatur.

Dicimus ergo Psalterium Romanum, quod nunc etiam canitur in basilica S. Petri partem esse vetustissimæ versionis Biblicæ Latinis traditæ ex versione ab Hebraico contextu in Græcam linguam a septuaginta Interpretibus; quæ versio vetus Italæ, et communis, ac etiam vulgata appellabatur (1). Verum cum multa librariorum menda in illam translationem irrepserint, S. Damasus Romanus pontifex S. Hieronymo illam corrigendam dedit; quod eruditi homines contigisse putant anno 382; de quo ipse loquitur in præf. ad Psalterium. *Psalterium, inquit, Romæ dudum positus emendaram, et juxta LXX Interpretes, licet cursim, magna tamen ex parte correxeram.* Reversus autem Bethlehem Hieronymus, instantibus apud ipsum Paula, et Eustochio matronis Romanis, alteram edidit Psalterii emendationem; quod præcedens, ut idem ait, *rursum scriptorum vitio depravata legebatur; et plus antiquus error, quam nova emendatio valebat.* Hoc Hieronymi opus ad annum 390 referunt. Adhuc tertio de psalmorum correctione benemeruit Hieronymus; tunc quando comparatis cum Græco contextu Hebraicis voluminibus, consultisque gentis illius doctioribus, perfectiorem Psalterii, aliorumque divinorum librorum lectionem reddidit. Hæc ut certa, firmataque Hieronymi auctoritate habenda sunt. At non æque exploratum est, utrum Psalterium Romanum, de quo agimus, desumptum fuerit ex prima emendatione facta sub Damaso, an ex secunda in secessu Bethlehemitico diligentius peracta. Ex duobus tamen momentis conjici posse videtur Romanam Ecclesiam psalmos secundum priorem correctionem retinuisse. Primum, quia illud auctores omnes partem vetustissimæ Italæ fatentur. Alterum, quod Bruno noster ait, pluribus in locis translationem hanc differre ab altera translatione, quam juvenis adhuc illustravit; *ut nullo modo secundum illius expositionem hæc translatio intelligi possit.* Hæc differentia profecto constat, si Petri Diaconi, quam supra indicavimus, sententia admittatur, scribentis primam Brunonis expositionem psalmorum esse secundum lectionem Ecclesiæ Gallicanæ. Quæ autem sit hujusmodi lectio ex Psalterio discimus a Brunone Herbipolensi illustrato; ubi asteriscis, et obelis variantes lectiones ex contextu Hebraico, et ex Theodotionis versione adnotatæ sunt, quod actum fuerat a S. Hieronymo. His accedit Ven. Bedæ auctoritas, qui in præf. ad comment. in psalmos asserit, translationem in Galliis usitatam ex con-

(1) Vid. dissert. Antonii Martinetti De Psalt. Romano Romæ editam an. 1745, nec non opus eruditiss-

A textu Hebraico præcipue desumptam. Itali vero psalmos secundum LXX. Interpretes in Latium red-ditos, et juxta secundam Hieronymianam emendationem recitabant; præter quam Ecclesia Romana, et Mediolanensis, quæ antiquum Psalterium retinuerunt. Ex illa autem accuratiori emendatione prodire psalmi, qui in Vulgata Biblia leguntur; quique multis in vocibus, nominibus, et interpunctione cum psalmis antiquioris translationis non concordant. Et quamvis S. Pius V universis Ecclesiis præcepisset, ut psalmos juxta emendatorem lectionem recitarent, attamen Romane basilicæ Sancti Petri, atque Ecclesiæ Mediolanensi indulsit, ut antiquo Psalterio uterentur. Nec quidquam etiam immutatum est a pontificibus Sixto V. et Clemente B VIII, ex quorum curis summopere commendandis post alteram divinorum librorum expletam emendationem, prodit Biblia, ita in fronte inscripta: *Biblia sacra Vulgatæ editionis; Sixti V. P. M., jussu recognita, et Clementis VIII auctoritate edita.* Cum igitur Brunoni nostro, ut ipse testatur, incompertum esset, an aliquis alius expositio psalmorum tantæ antiquitatis studuerit; e contra multos esse, qui de posteriori lectione meruerint, selectis aliarum divinarum litterarum auctoritatibus eam adornavit. Optime enim noverat commentarios Hilarii, Ambrosii, Augustini, Cassiodorii in psalmos, eorumque eruditionem plurimi facere ostendit; nihilominus dixit, sperare eos, qui utramque expositionem comparaverint, non superfluum hanc alteram judicatu-
C *ros. Rogatus igitur, ait in memorata præfat., ab amicis meis, et præcipue a Peregrino venerabili abbate, dedi operam, ut hæc quoque sicut illa propriam haberet expositionem. Quam qui totam ex ordine diligenter legerit; scio, non judicatii esse superfluum, facileque intelligere poterit, quanta distantia sit inter primam, et secundam hanc interpretationem.*

CAPUT II.

DE PSALMORUM INTERPRETATIONE.

Explorata huc usque Psalterii lectione, quam Bruno suis commentariis illustravit, de ratione suæ interpretationis modo agendum est. Versatissimus, ut erat sanctus episcopus in sanctarum Scripturarum scientia, non ignorabat quæ secundum litteram, et quæ secundum spiritum in figuris intelligenda erant. Plura enim Israelitico populo præcepit Deus, quæ aliter intelligi nequeunt, id est omnino secundum litteram; plura etiam et gesta, et scripta sunt, quæ, ut inquit sanctus Augustinus, serm. 101 De temp., *typus et imago erant futurorum.* Quare dixit Bruno in expositione cap. xxii in Job, pag. 262, col. 1, non esse querendam allegoriam in his, quæ sensum ipsis verbis perspicue proferunt; et e contra vitium esse, velle literaliter accipere, quæ in metaphoris, et allegoriis contexta exhibentur: *Non enim minus, inquit, vitium est, in his, quæ ad litteram intelligenda sunt, allegoriam querere, quam* simi præsulis, nunc S. R. E. cardinalis Stephani Borgiæ de Cruce Vaticana, cap. 7, pag. 69.

ea, quæ allegorice intelligenda sunt, ad litteram tantum *valde interpretari*. Luculentius mentem suam S. Antistes aperit, quibusque regulis se conformare velit, declarat in comment. ad cap. vii lib. Numeri, pag. 177, col. 2. Ibi, ait, *allegoriam necessario esse querendam, ubi littera jubet, vel quod inutile sit, vel quod omnino caret ratione*. Quoties ergo sacra Scripturæ aliqua jubent, quæ ex littera nihil utilitatis indicant, aut non patet ratio, cur hujusmodi mandata tradantur; ne verbum divinum frustra scriptum, aut otiosum habeatur pro metaphoris, et allegoriis accipienda sunt, sub quibus mysteria, et veritates aliquæ continentur. Plura enim ex. gr. in Levitico, et in Numeris a Deo præcipiuntur, quæ si quis ad litteræ sensum usurparet, nihil ad spirituales profectum tradi censeret; neque subest ratio, cur ita ordinata sint. Quid enim confert ad divinum cultum, quod aliquæ animalium species in sacrificiis Deo offerendis immolari jubeantur; aliorum vero immolatio interdicitur? Nisi quia non res, sed earum significationes voluit Deus, ut intelligerentur; et Judæi, quibus tantquam signa, et symbola data fuerant, ex propositis similitudinibus spirituales cognitiones eruerent. Quid vestimentorum summi sacerdotis tam accurata descriptio? Quid tam diversa, tamque pretiosa tabernaculi ornamenta? Quid tot ritus, et cæremoniæ in agni Paschalis sacrificio, in libaminibus, in oblationibus? Nulla alia ratio profecto reddi potest, quam quod illa omnia figuras, et similitudines exhiberent earum rerum, quæ novo in fœdere revelanda erant; tum divinus cultus, et vera religio, umbratili sublatæ, illuxisset. Illa igitur, ut cum Augustino loc. cit. loquar, in Judæis figurata, in nobis, gratia Dei donante, completa sunt. Unum instar omnium proferam Brunonis commentarium super illa verba cap. ii Levitici, p. 123. c. 2. : *Anima cum obtulerit oblationem sacrificii Domino, simila erit hujus oblatio: fundetque super eam oleum, etc.* Hæc autem, inquit, simila de illo frumento facta est, de quo Salvator noster ait Joan. xii, 24 : *Nisi frumentum cadens in terram mortuum fuerit, ipsum solum manet*; quod quidem Judæorum molis contritum (de quibus dicitur, *molæ leonum confringet Dominus*) congrue Christi significat passionem. Hanc autem anima offert, id est aliquis homo bonus, et spiritualis, et qui magis animæ, quam corporis sequitur voluntates; quoniam corde contrito, et spiritu contribulato Christi passionis recordatur. Fundit autem oleum de super, Christi pietatem, et misericordiam admirans; qui dum a Judæis crucifigeretur, oleum tamen pietatis, et misericordiæ effundens a misericordia non cessabat. Ex his patet ratio vel methodus, qua suas interpretationes prosecutus est Bruno, nobisque viam aperit, ut censuras præcipue contra commentarium in psalmos illatas diluamus.

CAPUT III.

DE CENSURIS ADVERBUS PSALMORUM INTERPRETATIONEM
S. BRUNONIS.

Hic statim præ oculis habere optamus, lectores,

A quæ S. Hilarius Pictaviensis sapientissime scripsit initio expositionis in ps. cxiv : *Nisi essent, inquit, in psalmis quedam tales prophetiæ, ut in res, aliquæ in homines eorum temporum non convenirent, profecto auderent multi in psalmis nihil spiritualiter dictum existimare, putarentque nos commentitias, et ementitias interpretationes inquirere, quibus videremur altius nescio quid, ac profundius intellexisse; perinde quasi nos sensui nostro, ea quæ scripta sunt, sensum diligentis, et sollicitæ intelligentiæ consequamur*. Dixerat ante idem S. doctor in psal. cxli. *Nihil in psalmis nisi propheticum agnoscimus*. Docet ergo S. Hilarius psalmos non ad litteram accipiendos, sed quæ in eis prophetice, et figurate dicta sunt altiora comprehendere, ac significare, si sublato verborum velamine mysteria abscondita proferantur. Stabilita ergo ex Hilario allegoricarum interpretationum convenientia, et utilitate; occurrere debemus his, qui Brunonis interpretationes singulares, et violentas dicunt. Allegoria, quam rhetores continuatam metaphoram vocant, quædam est similitudo, et comparatio unius rei ad alteram propter quædam relationem ad ipsam. Dum autem res aliqua alteri comparatur, plerumque non comparatur quoad omnes ejus proprietates, sed quoad aliquas, vel quoad unam tantummodo. In metaphoricis locutionibus, inquit S. Thomas, *non oportet attendi similitudinem quantum ad omnia, sic enim non esset similitudo, sed rei veritas*, 3, p. 1, q. 8, art. 1 ad 4. Satis profecto est ad similitudinis rectitudinem, si ea in re, quæ sumitur tanquam unus ex terminis comparationis, adsit ea proprietas quam in altero termino conspiciamus, ad quam similitudinem, et allegoriam deferimus. Jam vero illa una proprietas, quæ in comparatione duorum terminorum sumitur, quamvis per se ipsa clara non sit, et omnibus evidens; attamen si illa existat, recte ad alium comparationis terminum transferri poterit. Hinc ergo nascitur judicium de allegoriis, quæ existimantur propriæ, vel improprie deductæ; si nimirum legentium menti, aut facile, aut nimis difficile, aut nullo modo appareat terminorum relatio, ex qua deducitur allegoria. At si has propter rationes eliminandæ essent allegoriæ sacrorum interpretum; jam quis non videat, improbandas quoque esse ipsius Christi doctoris nostri interpretationes? Spinas enim divitiis interpretatus est in ea parabola, in qua pro divitiis indicandis spinas posuit. Divitiæ porro delectant, spinæ pungunt. doloremque excitant. Quid magis importunum, quin imo et contradictorium videtur; si in his tantum spinarum, divitiarumque proprietatibus, quæ in omnium oculis primo aspectu incurrunt, relationem similitudinis consistere velimus? Nihilominus Christus spinas appellavit divitiis, ob altam secretiorem rationem, quam S. Gregorius M. hom. 15 in Evang. Lucæ cap. vi, quæ legitur in Sexagesima, adducit, inquit : *Quia divitiæ cogitationum suarum punctionibus mentem lacerant; et cum usque ad peccatum pertrahant, quasi inflicto vulnere cruciantur*. Si ergo Christus Dominus

usus est his metaphoris, quas difficiliores appellavero, ob secretiorem rationem inter figuram, et figuratum, consequens est, ut a SS. Scripturarum indole hoc metaphorarum genus non abhorreat; ac proinde nec a recta Scripturas interpretandi ratione alienas esse illas interpretationes, quæ parum obviæ, atque in aliqua obscuritate involutæ videntur. Præterea ex quo idem S. Gregorius docet, ipsum Christum Dominum nostrum exponere dignatum esse, quod in parabolis docebat; nec tamen per se ipsum omnia explanare voluisse; id egisse ait, ut nos quoque h' figurarum interpretationibus studeamus, et ostendamus sacras litteras sub metaphoris, et allegoriis æternæ vitæ documenta complecti.

Quæ hæcenus diximus de universis Scripturis interpretandis, et ad allegoriæ regulas conformandis, peculiarem locum habent in psalmis, ex quibus nonnulla ex. gr. subjiciemus. Imprimis secundum litteram nullo modo intelligi potest illud ps. vi. *Sana me, Domine, quoniam conturbata sunt ossa mea*. Non enim proprium est ossium, ut conturbentur, cum sensu omni careant, sed per allegoriam, ossa, juxta Brunonis interpretationem, pag. 309, c. 1. præcipuas virtutes, fidem nempe, spem, et charitatem significant; quibus anima Christiana regitur, ac sustentatur. Similiter in psalmo vii, legitur de Deo: *Arum suum tetendit, et paravit illum, et in eo paravit vasa mortis*. In his etiam verbis allegoricis sensus spiritualis est requirendus; quoniam Deus neque arcum, neque sagittas exeret; ideoque utrumque Testamentum interpres noster designari putat, p. 312, c. 2, quoniam illa vitam bonis, malis autem mortem promittunt. Item in ps. ix ubi Propheta dicit: *Qui exaltas me de portis mortis*; docet Bruno pag. 315, c. 2, hæreticos et peccatores portas mortis representare, a quibus iusti misericorditer a Deo liberantur. Neque dissonans videri poterit illa expositio in ps. xvii præ fulgore in conspectu ejus nubes transierunt. In his significari apostolos ait idem commentator, quorum documenta pura, et sancta per universum mundum propagata sunt. Dixerat etiam super illa verba Job cap. xxxvii: *Et nubes spargunt lumen suum*, pro lumine nubium doctrinam in Scripturis sanctis reconditam esse intelligendam pag. 285, c. 1. Sexcenta alia afferri possent ex psalmis apposite, et non violenter interpretata; sed prosequi in his modum faciam, ut aliqua etiam de nimia allegoricarum interpretationum frequentia dicam, quod est alterum accusationis caput in nostrum commentatorem.

Næ gratis id asserere censores isti viderentur, oporteret, ut ostenderent Brunonem canonem illum excessisse, quod dixit: « Non minus vitium est, in his, quæ ad litteram intelligenda sunt, allegoriam quærere, quam quæ allegorice intelligenda sunt, ad litteram velle interpretari. » Quomodo ad litteram exponant hæc ps. lxxi. *Suscipiant montes pacem populo, et colles justitiam*? Nisi ut explicat S. Bruno var. 450, c. 1, nempe in montibus, et collibus

A apostolos, et doctores intelligi, qui ceteris omnibus eminent, et pacem, id est Filium Dei pacis auctoritatem, ejusque justitiam accipere digniores sunt. Similiter in eodem psalmo vi, 16. *Et erit firmamentum in terra*: quomodo firmamentum, id est, eolum, quod est super terram, in terra esse poterit? Inquit S. episcopus p. 452, c. 1, « Firmamentum vocatur Dominus, quia in ipso est sol, et luna, et stellarum omnium pulchritudo. Et quidem ipse est firmamentum in terra, quia in ipsa firmata, et fundata est Ecclesia. » Quædam etiam secundum litteram, et secundum allegoriam explanavit idem S. doctor, ex quibus ex. gr. afferam illud ps. lxxv. *Ibi confregit cornu, arcum, scutum, gladium, et bellum*. Litteraliter dicit, intelligendum esse excidium Assyriorum exercitus ab angelo Domini una nocte interfecti; apiritualiter vero designari omnia diaboli arma, ejusque artes omnes contra Ecclesiam a Christo confractas, atque deletas pag. 461, c. 1. Ex his alia colligi poterunt, quæ supervacaneum est recensere; cum eadem perspicuitate, et utilitate conditi sint reliqui ejus commentarii, in quibus, dissoluto figurarum velamine, divinitatis arcana, sanctorumque documenta tradidit S. episcopus, et reservavit.

Cui enim non subvenit monitum a Christo datum apostolis, quibus dixit Luc. cap. viii: *Vobis datum est, nosse mysterium regni Dei, ceteris autem in parabolis, ut videntes non videant, et audientes non intelligant*. Hinc docet A. N. admirandam esse divinam sapientiam, quæ paganis, et Judæis in crudelis mysteriorum divinarum cognitionem denegavit, et non nisi in parabolis, figuris, et enigmatibus locutus est eis; quatenus populus erat duræ cervicis, et traditionibus Abraham, quas jactabat, maxime addictus. Apostolis ergo, eorumque successoribus episcopis, et doctoribus datum est nosse mysteria regni Dei, ideoque ab his suscipiendæ sunt interpretationum doctrinæ, non a sapientibus sæculi, de quibus Propheta ait ps. lxxix. *Peccatori autem dixit Deus: Quare tu enarras justitias meas, et assumis testamentum meum per os tuum*? Ab illis, inquam, quos, ut ait apostolus I Cor. xii. Deus posuit in Ecclesia doctores, et ut alios docerent, dedit eia scientiam, et intellectum ad penetranda arcana celestia, et ad omnia vitæ æternæ mysteria aperienda. Illi autem tanto majorem sibi viderant existimationem, quorum missio in Ecclesiam, et vitæ sanctitatis maxima in commendatione fuit, et in signis multis illuxit. An vero Bruno unus ex his reputari debeat, prodigiis confirmata ejus electio ad episcopatum, et plura dum viveret, et post obitum, ab eo patrata miracula dubitare non sinunt.

Opponunt etiam, Brunonem Hebraicarum vocum sensum non satis proprie interpretatum. Sed id facile diluitur, ex consensu interpretationum Brunonis cum Augustino, Cassiodorio, et Bedæ, quos omnes errasse, stultum esset affirmare. His enim Hieronymum, qui de his vocibus interpretandis peculiarem tractatum scripsit, consuluisse creoen-

dum est; quare, si eorum vestigia secutus est A. N., a recta interpretatione longe non abuit. Quibus vero parum utilis visa est Brunonis expositio in Psalmos, sufficit responsum ab Augustino datum de Trinit. lib. 1, c. 3, eisdem ei detrahenti, quod in pulicem ferret, quæ ab aliis jam tractata, et exhausta fuerant. Dixit enim non fibres omnes in omnium manus pervenire, et quamvis per totum mundum dispersi forent, tanto majorem splendorem, firmitatemque accedere veritati, quanto a pluribus scriptoribus, præsertim doctis, et sanctis sacerdotibus. Sed inutilis haberi nequit multiplex divinarum Scripturarum interpretatio, quod pluribus resurgentibus radiis super ipsas, mysticis, rebusque sublimibus planas, eorum intelligentiam facilius æquatur. Unum superest, scilicet, ut respondeamus illi, qui ab ætate in qua vixit sanctus Bruno, eum pauci habendum

A rationem petunt. Miror equidem veri in detrimentum honoris tanti viri, quod ad singularem ejus gloriam celebrandum est. Quid enim laudabilius, quam probari eam sui temporis infelicitatem, hoc est, optimarum disciplinarum, bonarumque artium omnem pene jacuram proprio ingenio, studioque superasse, et ita se exersisse, ut de sacris Scripturis, deque theologicis doctrinis præclari scriptores optime meruisse fateantur? Non ne cævi, aut paulo superiores Brunoni nostro fuere Petrus Damiani, Anselmus Cantuariensis, Ivo Carnotensis, Bruno Carthusianus? Si ergo eorum opera in pretio habentur, et Ecclesia traditionem sacerdotum dogmatum, ab eis continuatam accepit, cur in eorum numero collocandus non erit Bruno Signiensis, qui sacras litteras tanta cognitionum copia, selectaque eruditione illustravit?

PROLEGOMENON TERTIUM.

CAPUT PRIMUM.

DEI GENERALIS EXPOSITIONIS IN TENTATECHEN, IN JOB, IN PSALMOS, ET IN CANTICA CANTICORUM.

Noverat S. Bruno tam ad Judæos revincendos, quam ad Christianos obfirmandos opus esse eis ostendere, unam eandemque fuisse ab origine mundi religionem, cultum scilicet veri Dei, cæli, terræque conditoris, nec aliud legem veterem hominibus præstittisse, quam supremi dominatoris cognitionem; ut deinde adventiente per Jesum Christum reparatorem plenitudine gratiæ, altioribus auditis veritatibus, assensum præberent, sanctioneque præcepta adimplerent. Ut ergo id perficeret, in Genesi primum dicit exhiberi Deum omnium rerum uno verbo ex nihilo artificem, primique hominis Adæ ex limo creatorem, a quo omne genus hominum promanavit. Deinde cum a Moyse lapsus Adæ, innocentia, et integritate nature præditi in culpam, et damnationem describatur, miseriam sui, suorumque posterorum conditionem evasisse A. N. adserit, eumque salutis suæ reparandæ impotentem factum, repræsentat. Quia vero divini officis benignitas hominem, invidia a diabolo proditum, in perditione non erat relictura, necessarium erat, ut quidam ejus miseretur, et ab interitu vindicaret, cujus promissio Adæ facta, omnibus fidem habentibus salutem attulisset. Hinc nostræ reparationis mysterium instaurari capit, et a patribus in filios tradi ejus cognitio, ut Abel, Henos, Henoch, et Noe, primi fideles, et justi a sacris litteris celebrentur. Cum autem multa malitia hominum esset in terra, et cogitatio cordis intenta esset ad malum omni tempore (Gen. vi, 5) Deumque fecisse hominem poenituerit, arcam Noe ex præcepto Domini fabricavit, et posita in ea ejus familia, singulisque animalium speciebus, omnes viventes in aquarum diluvio extincti sunt. Arca autem illa, ut Bruno animadvertit, futuram Ecclesiam significabat, in quam ingressi salvi sunt, et qui extra ipsam sunt, salutem nullo modo consequuntur. Restaurato

deinde habitatoribus mundo, ex his Deus sibi elegit Abraham justum, ut scilicet ab eo exurgeret populus, qui segregatus ab aliis prævaricatoribus, et idololatriæ gentibus sibi obtemperaret, sanctumque cultum ipsi soli præstaret. Hic autem populus alterius populi acquisitionem significabat, cujus dux, et princeps in Jacobi vaticinio prænuntiatus, ad spem cælestis acquisitionis per Christum comparanda excitabat. Post Genesim sequitur expositio. Exodi, qui historiam continet Israelitici populi a Moyse de Ægyptoeducti; quando scilicet, quibusque portentis a jugo servitutis Pharaonis liberatus fuit; quæ liberatio redemptionis hominum a diabolica tyrannide quam Christus operaturus erat, imaginem exhibebat. Nihil ex his commentator noster omittit; sed sibi ipsi semper coherens populum illum adumbrare Ecclesiam docet, quæ multo majoribus beneficiis, atque virtutibus cumulata, a Christo constituenda erat. Et quia lex cordibus indita homines a malo non continebat, ut Israelitas obsequentes, et fideles sibi servaret Deus, Moysi legem lapideis tabulis inscriptam dedit, quam semper monentem haberent, et qua intelligerent, quid Deo, et quid proximo suo ipsis præstandum foret. Eadem sunt autem novæ legis Christianæ præcepta; nempe charitatis in Deum, et proximum; et sicut omnia Veteris Testamenti mandata ad hæc duo referuntur; ita novo in fœdere omnis perfectio, legisque plenitudo per horum præceptorum obedientiam adimpletur. Verum divino legislatori satis non fuit internæ populi sui justitiæ consulere; sed ad opera etiam externæ religionis dirigere voluit; ut sui cultorem faceret, eumque supremum Dominum agnosceret. Tabernaculum itaque erigi Moysi mandavit, atque in arca collocari, symbolum divinæ presentiæ, ac majestatis, sibi quæ sacrificia fieri præcepit, in quibus humanæ reparationis mysterium in veri Agni immolatione significaretur. Quare S. Bruno in expositione cap. viii Exodi pag. 58. col. 1, dixit: «Christi passio

In Veteri Testamento per figuras et enigmata significata tandem in Novo est adimpleta. Ibi Christus monstratur, hic immolatur. Ibi significatur, hic adimpletur. Ibi denique agni immolatio narratur, hic vera Christi passio prædicatur. Atque ut magis magisque religiosus cultus animis Hebræorum insideret, ac digne celebraretur, non omnes sacrorum ministros esse permisit, sed ex omnibus solum tribum Levi elegit, cujus viri sacerdotio fungerantur, et sacrificia juxta caeremonias, et ritus a Deo ipso constitutos peragerent. Hæc altera legislatio, quæ ad externam religionem spectat, in libro Levitici continetur; ubi diversa ministrantium munera, diversæque res Deo offerendæ stabiluntur, ut sanctitas in omnibus eniteat, et supremo Domino maximum obsequium exhibeatur. In hoc ministrorum ordine, in hac muneratione, et rituum sanctione, cum forma ecclesiasticæ hierarchiæ designata videatur, S. Bruno episcopos vitæ sanctioris exemplar se reddere admonet; clericis vero morum candorem, studiumque pietatis inculcat, et ad perfectam Dei servitatem incendit. Levitico succedit liber Numeri, ita dictus, quod Israelitici populi dinumerationem refert, quam Deus Moysi præcepit, ut viri ad arma apti describerentur, et ad prælia Domini gerenda procederent. Cum enim Israelitis regio bonis omnibus redundans promissa fuisset, illa nonnisi pluribus devictis hostibus obtinenda erat; atque ut diuturni laboris, et virtutis præmium possidenda. Non pro terreno, sed pro cælesti regno, Brunone sic adhortante, nobis pugnandum est contra visibiles, et invisibiles inimicos, et acies virtutum instruenda, quarum robore, ac firmitate mundus, caro, diabolus superentur, et concalcantur. Corona non nisi victoribus datur, et in cælestem hæreditatem hi soli ingressum habebunt, qui contemptis terrenis bonis toti se Deo mancaverint. Quæ Hebræo populo carnali, et dura cervicis de temporali felicitate promissa sunt, nobis permansuræ in cælo beatitatis figuram prætendunt, et ad fideliter obeundam hanc spirituales militiam animam nostram accendunt. Tandem Deuteronomium quintum librum a Moysæ scriptum S. episcopus Signiensis interpretatus est, quem secundam legem complecti ait: quatenus præcepta, quæ in superioribus libris promulgata sunt, in hoc innovantur, et confirmantur; ut tanto magis supremi legislatoris voluntas innotescat, atque integra, et perfecta hominum obedientia respondeat. Hic breviter adnotabo, quod sicut sacer scriptor divinitus inspiratus argui de multis repetitionibus nequit, non solum hoc in extremo libro: sed etiam in præcedentibus; ita nec S. Bruno insimulandus erit, si iisdem, vel non dissimilibus utatur interpretationibus, quoties eadem loca occurrant.

Pentateuchum hac in collectione excipit commentarius in librum Job, qui ut liber divinus tota ab antiquitate receptus est in Ecclesia; ac proinde protocanonicus appellatus. Singularis fulget hac in expositione perspicuitas, et brevitatis: figuræ, et va-

licinia de Christo eximie explanantur, atque moralia documenta, quæ passim producuntur, scriptorem divinitus inspiratum ostendunt.

Accedit ad librum Job Psalterium, de cujus expositione plura diximus supra; quam ob rem hic pauca adnotasse sufficit. Imprimis animadvertendum est Psalmistam aliqua apertis verbis eum laudare de Christo, alia in figuris, et allegoriis adumbrare, quod commentator noster præ oculis habens, quæ jam adimpleta sunt, ea clare, et perspicue ostendit; quæ vero adimplenda remanent, certis argumentis probavit credenda. Præterea in psalmis ordo constituitur nequit; prophetæ enim non sua, sed quæ a Spiritu sancto eis inspirata sunt, scripto tradiderunt; et cum ille ubi, et quomodo vult aspires, cælestis veritatis magister, ut se revelat, audiendus est. Inde patet neminem ad hæc referenda mysteria accedere debere, nisi prius superna lumina implonaverit, sciens Christum Dominum Deo Patri gratias egisse, quod, quæ sapientibus sæculi abscondere voluerat, ea parvulis, id est discipulis suis manifestavit. Hanc divinam sapientiam, non tam assidue precibus apud Deum, quam diuturna lectione, et meditatione SS. Patrum Bruno sibi comparare studuit; ideoque mirum non est, si ejus in commentario nunc Ambrosium, modo Augustinum, Cassiodorum, vel Bedam interpretantes audiamus. Dixit enim Salomon Eccl. c. xxxix. *Sapientiam sanctorum exquirat sapiens, et in prophetis vacabit*; siquidem nemo privato spiritui se fidere debet; sed doctos, ac sanctos viros consulere, quorum doctrinam, et auctoritatem probari ab Ecclesia comperit est.

Quædam etiam præmonenda sunt de Cantico canticorum, quem librum Brunonem similiter exposuisse jam diximus. Et quidem primo in dubium revocari nequit juxta communem SS. Patrum sententiam, regem Salomonem a Deo inspiratum libri hujus auctorem extitisse, frustra nonnullis modernis heterodoxis repugnantibus, eumque ab Ecclesia inter divinos libros, et canonicos semper admissum. Secundo meminisse oportet, quid liber iste complectatur: est enim sacrum epithalamium, id est *carmen nuptiale*, non ad terrenas nuptias exornandas; verum ad sublevandos humanæ mentis sensus, ut digne de amore Dei cogitet anima fidelis, ad eum aspires, ejusque suavissimis deliciis, tanquam inter sponsum, et sponsam perfruat. Hæc eadem complexus est S. Bernardus serm. 1 in Cant. cantic. *Salomon*, inquit, *divinitus inspiratus, Christi et Ecclesiæ laudes, et sacri amoris gratiam, et æterni connubii cecinit sacramenta, simulque expressit sanctæ desiderium animæ, et epithalamii carmen exultans in spiritu, jucundo composuit eloquio, figurato tamen, etc.* Tertio adnotandum, quod cum colloquium spiritum inter et spiritum, dum viatores sumus, nonnisi per res, et ideas corporeas exprimi possit; ideo voces illæ allegoricæ, quibus utitur Salomon, non ut sonant, accipiendæ sunt, sed intelligendæ secundum earum significationem. Nihil ergo minus castum, et sanctum toto

in Cantico intelligatur; sanctus enim est sponsus, sancta et sponsa, addeque quicquid profanum, et terrenum est procul abest. Quarto dicam ab hac sponsa, ad Dei amorem possidendum assumpta, representari Ecclesiam, quam Christus Dominus proprio sanguine sibi acquisivit, atque in eam thesaurus veluti omnes suae dilectionis effudit. Sed nullo sublimius veritatem significationis attingimus, si Dei Filium hoc in sponso agnoscamus, qui humanam, post Adae peccatum, commiseratus conditionem, carnem nostram (cujus sacrificium salutis nostrae pretium futurum erat) tanquam sponsam sibi docuavit, illudque spirituale connubium indissolubile celebravit, quod protoparenti Adae praenuntiatum, expectatio fuit omnium saeculorum. Et quia is, qui ab aeterno Filius Dei erat, in tempore filius hominis generari debebat, non secundum communem generationem, sed quae coelestis omnipotentiae opus esset, virginem sibi matrem in terris elegit, cujus puritatis ac sanctitatis plenitudine ita delectatus est, ut nulla alia creatura ei charior fuerit, nullamque dilioribus muneribus cumulaverit. In hoc igitur sacro epithalamio, vel Deum ejuscunque animae fidelis amatorem inspicimus, vel pro sponsa Ecclesiam intelligamus, aut Filii Dei in suscipienda carne nostra charitatem agnoscere velimus, vel tandem ad Despatram mysticos sensus referamus: haec omnia in Cantico canticorum contineri, ac representari catholici omnes interpretes consentiunt. Hujusmodi mysteria in figuris, et tropicis vocibus a sacro scriptore usurpatis perfecte intelligens S. Bruno, modo Deum cum anima, quandoque Ecclesiam cum Christo, nunc sponsi amicos, alias sponsae amicas, veluti personarum colloquentes inducit, et proprietates, seu characteres cujusque personae a principio usque ad finem mirifice servat, atque describit. At quod mirabilius est, quamvis ille suo in commentario studuerit brevitali, nihil tamen omissum, sed singula ad propriam significationem perducta complentur. Fateri non verebor in multis Brunonem cum interpretatione olim Cassiodorio attributa consentire, quod aperte ea usum fuisse demonstrat, non omissis tamen aliis SS. Patribus, qui Canticum canticorum illustrarunt, ut nos opportunè adnotabimus. Huc commentario praemittitur ejusdem auctoris illustratio in parabolam Salomonis *De muliere forte*, in qua describenda lectores veluti preparat ad mysterium majoris elevationis quod in Cantico canticorum explanare sibi proposuerat.

CAPUT II.

DE THEOLOGICIS DOCTRINIS.

§ 1. De divinis attributis.

Expositis ordine, et fine, ad quos S. Bruno suas

(2) « Infinitus Deus concipi debet, quia nec principium suae existentiae habuit, nec finem est habiturus; qui causa efficiens est omnium creaturarum tam visibilium, quam invisibilium; qui ubique est per essentiam suam, praesentiam, et potentiam, qui omnia regit, et gubernat, suamque voluntatem in omnibus adimplet. » Vid. D. Thom. 1. p., q. 7, art.

A deduxit interpretationes in divinos libros, amplissimus mihi aperitur campus disserendi de theologicis doctrinis, in quibus quam profunde versatus fuerit, ex his, quae allaturus sum, constabit. Et sane quamvis inenarrabilia sint Dei attributa, cum Deus inaccessible lucem inhabitet, et immensa, incomprehensibilisque sit ejus natura; attamen tales de ejus essentia, omnipotentia, aeternitate, immutabilitate, ac bonitate notiones praebet, ut nulli alteri, quam supremo enti, primae causae, Deo scilicet convenire posse, fateamur. Ab illis itaque verbis Exodi cap. III. *Qui est, misit me ad vos*, essentiam Dei designatam intelligens, ait: pag. 49, col. 2. « Dicit ergo, qui semper est, qui ideam semper est, qui nunquam cepit esse, qui nunquam desinit esse, qui a nullo suscipit esse, qui omnibus dat esse, qui de proprio non mutatur inesse, vel non esse. Ille, qui sic vocatur, misit me ad vos: hoc enim nomen nulli alii convenit, hoc nomen solius Delest. » Eadem de Deo habet S. Bruno in comment. ad cap. XIV in Job, p. 248, c. 1. « Quia enim Deus semper est, idem est, immutabilis est, et cunctis rebus, et temporibus semper praesens est. Ideo ipse solus est, quia nulla alia res ita est. » Hujusmodi naturae divinae imago, adeo proprie Deum representat, ut illi soli conveniat. Quis enim suum esse ita sibi proprium asserere potest, ut semper a se fuerit, a nullo acceperit esse, sed omnibus rebus, quando ei placuit, dederit esse, quem nulla alia causa processit, qui infinitus est, omnes scilicet excellentias, et virtutum proprietates in se continet, nec ullis finibus est circumscribendus? (3) Qui infinitus est, omnipotens esse debet, adeoque omnipotentia est Dei attributum, de qua a Brunone super cap. 1. Genesis, p. 1, c. 12, haec habemus. « In principio creaturarum omnium creavit Deus coelum, et terram, et ea scilicet, quae continentur in eo, id est angelos, virtutesque coelestes, et terram jam quasi praequantem, et parturientem, omniumque eorum materiam, et matrem, quae ex ea oriuntur. » Praeterea pag. 3, col. 1, de omnipotentia addit: « Duplex firmamentum a Deo factum dicitur; illud nimirum, quod sine intermissione volvitur, in quo sol, et luna, et stellae apparent. Est autem et aliud coelum super hoc valde dignioris, excellentiorisque naturae, super quod antiquus hostis ascendere cupiens, dicebat, *in caelum ascendam*, » etc. Deus est immutabilis; nam quamvis in tempore mundum condiderit, attamen mutatus dici nequit. « Mutatio in Deo nulla est, » sunt haec Brunonis verba eodem in loco, p. 3, col. 2, « cui nihil novi accidit, cui et praeterita, et futura praesentialiter adsumt, qui priusquam mundum faceret, in sae mentis dispositione jam factum gestabat (3). » 1, 2 et 3.

(3) « In Deo non alteram praecedentem altera subsequens mutavit, aut absoluti voluntatem, sed una eademque sempiterna, et immutabili voluntate, res quas condidit, et ut prius non essent, egit, quando non fuerunt, ut posterius essent, quando coeperunt. » D. Aug. lib. XII De civit. Dei c. 17.

plissal-
logica
fuerit,
sane
Deus
incom-
de
utabi-
alteri,
cilicet
verbis
ntiam
ol. 2.
r est,
esse,
qui
ille,
omem
adem
iv in
est,
s, et
s est,
ivine
i soli
rium
acce-
venit,
qui
utum
s est
ous
ribu-
p. 1,
arum
licet,
aque
par-
rem,
de
Deo
mis-
rent.
oris,
ostis
om,
tem-
dici
hæc
cui
præ-
eret,
(3).
tera
seil
ate,
git,
indo

Neque dum aliquid creat in aliquo moveitur, quia quantum ad se nihil novi agit; sed quia ante tempora disposuit, quomodo, et quo in loco, vel tempore disposuit, quomodo, et quo in loco, vel tempore disposita sunt, fieri jubet. Erat igitur mundus, priusquam fieret, quia in Deo nullum unquam initium habuit. Deus est æternus. Omnia enim, quæ temporaliter sunt, et sequitur S. Bruno pag. 5, c. 1, et in ipso quidem ante tempora vivebant. Unde bene dicitur: *Qui vivit in æternum fecit omnia simul*. Simul enim omnia creavit, quia quando, vel qualiter cuncta fierent, simul disposuit. Cum ergo nullum principium in Deo concipi possit; quin imo sit ipse rerum omnium initium, et causa effectrix cujuscunque creaturæ; cum et ipse permaneat, qualis semper fuit; necessario consequitur, quod tota in æternitate idem sit futurus. (4) Quam notionem præbent S. episcopus de bonitate Dei, his eximie exprimit: «Deus a se ipso, et substantialiter bonus est; cætera vero non a seipsis neque sunt, neque bona sunt, sed a Deo sunt quidquid sunt. Laudemus igitur Dominum, quoniam bonus est, et substantialiter bonus, et qui nunquam potest esse nisi bonus p. 526, col. 2.»

§ II. De Trinitate.

Qui de divinis attributis tam præclare disseruit, non minus luculenter augmentum Trinitatis mysterium intelligendum dedit. Exponens enim illa verba Genes. cap. 1, pag. 6, col. 1, *Faciamus hominem*, hæc habet: «Deus ergo est, qui loquitur. Nunquid ad angelos? Absit. Non enim ab angelis creatus est homo; alioquin non unus, sed multi creatores essent; at solus Deus est omnium creator. Sic enim scriptum est II Machab. 1, 24: *Creator omnium terribilis, et fortis*. Itemque ps. ciii, 24: *Omnia in sapientia fecisti*. Si igitur verum est, quod negari non potest, solus Deus creavit omnia, quos ad hominem creandum invitabat, dicens, *faciamus hominem*? Audiamus igitur quid in capite libri hujus dicitur. *In principio creavit Deus cælum, et terram*. Habes ergo Deum, id est Patrem, habes et principium, id est Filium: sic enim ipse ait Joan. viii, 25: *Ego principium, qui et loquor vobis*. Sed quid sequitur? *Et Spiritus Dei ferebatur super aquas*. (5) Habes igitur et Spiritum sanctum. Quod autem non solus Pater cælum creaverit, sed simul cum eo Filius quoque, et Spiritus sanctus, dicat Psalmista ps. xxxii, 6. *Verbo Domini cæli firmati sunt, et Spiritus oris ejus omnis virtus eorum*. Tota autem Trinitas, id est Deus, et Verbum ejus, et Spiritus ejus, unus

Deus, et iste quidem dicit: *faciamus hominem*, non extra se auxilium petens, sed in se cum Filio suo, et Spiritu sancto cuncta disponens. Neque minus mysterii sanctissimæ Trinitatis veritatem evincit A. N. ex alio ejusdem Genes. testimonio cap. xviii, ubi dicitur: *Abraham tres vidit, et unum adoravit*. Ad hæc S. Bruno sic effatur p. 18, c. 2: «Semper Abraham in fide crepet, semper de Deo majora cognoscere meruit. Ecce enim quod id temporis omnibus incognitum fuit, in Trinitate Deum cernit, et in unitate Deum adorat; non quod Trinitatem ipsam viderit; sed quia per hoc, quod viderat, in Trinitate et unitate Deum cognoscere meruit; unde cum tantum tres viderit, non tamen eis unum adorat, non nisi unum Dominum vocat. Sed omnia reliquia hujusce mysterii testimonii, ex alijs Scripturæ locis depromptis, disertissime agit S. Bruno de Trinitate in 1, 2, et 3 capite, lib. iv Sententiarum, ubi totam theologicam doctrinam perspicue, et apposite instruit, eruditeque tradit. In primo enim capite postquam præmisit illud Deuteronomii cap. vi, 3. *Audi, Israel: Dominus Deus tuus, Deus unus est*; et illud ps. lxxxv, 5. *Israel si me audieris, non erit in te Deus recens, neque adorabis Deum alienum; ego enim cum Dominus Deus tuus*; his sapientissime prosequitur: «Hæc Judæi legentes, et non intelligentes irridunt Christianos, quasi non unum, sed tres Deos colant. Quibus digne apertis Dominus in Evangelio ait: *Matth. xxi, 29. Erratis nescientes Scripturas, neque virtutem Dei*. Nos enim non tres deos, sed Deum unum in tribus personis colimus, et adoramus Patrem, et Filium, et Spiritum sanctum. Deus quidem unus est, et Filius Deus est, et Spiritus sanctus Deus est; non tres tamen Dii, sed unus est Deus. Tres enim istæ personæ una essentia sunt, una deitas, una virtus, una majestas, una sapientia, una fortitudo, una omnipotentia, unum lumen, unum principium, una claritas, et quæcunque alia sunt, præter personalem proprietatem, quæ de una persona dicuntur, de omnibus pariter dicuntur. Et qualiter enim Pater, taliter et Filius, et Spiritus sanctus Deus est, omnipotens, fortis, magnus, et sapiens est, et quæcunque alia simili modo dici possunt. Non tamen tres dii, vel tres omnipotentes, sed unus Deus, unus omnipotens, unus fortis, magnus et sapiens (6). Personalis autem proprietas hæc est, ut Pater genitor, Filius genitus, Spiritus vero sanctus nec genitor, nec genitus, sed ab utroque procedens credatur, et intelligatur. In progressu autem hujusce capituli exponit A. N. symbolum vulgo

Dominus, et Verbum ejus, et Spiritus ejus, nisi Pater, et Filius, et Spiritus sanctus? Unus est Deus, cujus voluntate creati sunt cæli.»

(6) «Quidquid itaque de sempiterna, et immutabili gloria Patris pia possunt corda concipere, hoc simul et de Filio, et de Spiritu sancto, inseparabiliter atque indifferenter intelligant. Ideo enim hanc beatam Trinitatem unum Deum contemplantur, quia in his tribus personis nec substantiæ, nec potentia, nec voluntatis nec operationis est ulla diversitas.» S. Leo M. serm. 75, De Pentec. 1, c. 3.

(4) «Ratio æternitatis consequitur immutabilitatem, sicut ratio temporis consequitur motum, ut ex dictis, etc. Unde cum Deus sit maxime immutabilis, sibi competit esse æternus. Nec solum est æternus; sed est sua æternitas; cum tamen nulla alia sit sua duratio. Deus autem est æternus esse uniforme. Unde sicut est sua essentia; ita est sua æternitas.» D. Thom. 1 p., q. 10, art. 2.

(5) In comment. super hunc Psalmi locum S. Bruno pag. 359, c. 1. «Brevis in hoc versiculo Trinitatis mysterium declaratur. Quid est enim

Athanasius, atque ex eo eruit doctrinas catholicæ dogmata de Trinitate confirmantes; præcipue vero in distinctione personarum probat naturæ identitatem, ut jam fecerat in comment. super ps. lxx, pag. 451, col. 1: *Habitabit in eo usque in finem.* « Habitat, inquit, Pater in Filio, ut idem in eodem. Quamvis enim alius sit Pater, et alius Filius, non tamen aliud Pater, et aliud Filius. Habitabit igitur Pater in Filio usque in finem, et quia neque Pater, neque Filius habebit finem. Semper igitur in Filio Pater, et semper in Patre Filius, et in utroque Spiritus sanctus. » Dixerat etiam in comment. ps. lxx, pag. 450, c. 1, non differre Filium a Patre in iustitia, quia non differt in substantia. In secundo capite disserit primum S. Bruno de indivisibilitate essentiae divinæ, quamvis in tribus distinctis personis reperitur. « Dividitur, inquit, hæc unitas indivisibiliter; quia quamvis personæ tres sint, Deus tamen unus est, qui non per partes divisus, sed totus in singulis est. Quoniam enim una Dei substantia in singulis personis est, divisa quadammodo esse videtur; sed quia tota in singulis est, indivisa esse probatur. Tota enim essentia divinitatis est in Patre, tota in Filio, tota in Spiritu sancto: quoniam et Pater Deus, et Filius Deus, et Spiritus sanctus Deus, et hi tres unus Deus. » Eadem docet A. N. in cap. 5, lib. iv Sentent. De circumcis. Domini, exponens illa Joannis verba I epist., v: *Tres sunt, qui testimonium dant in terra: Pater, Verbum, et Spiritus, et hi tres unum sunt.* Post hæc, assignat differentiam inter substantiam temporalem, mutabilem, et contrarium susceptibilem, et substantiam divinam, eternam, immutabilem, nullisque contrarietatibus obnoxiam, quam semper simplicem, et unam dicit, eandemque numero, semper tamen in pluribus existentem; quibus positis, ad refellendum Arianorum errorem descendit. Utiliter primum eadem essentiam divinam expositione, in comment. super cap. iii Exodi tradita, hisque argumentis suam conclusionem deducit. « Semper enim, ait, totus Deus sapientia est, semper et totus virtus est, veritas est, lumen est, principium est, et similia. Neque aliud est ei esse, et omnipotentem esse, et hæc omnia in ipso sunt unum. (7) Omnia hæc est Pater, omnia Filius, omnia Spiritus sanctus. Quomodo ergo Pater major Filio, vel antiquior esse potest, cum filius æternus sit, et ante æternum nihil sit? Si ante æternum aliquid esse potuit, et antequam Filius esset, Pater esse potuit. Sed ante æternum nihil esse potuit; non est ergo Pater antequam filius, præsertim cum Filius Dei, verbum Dei sit, virtus Dei sit, sapientia Dei sit. Neque enim antequam Verbum, antequam virtus, antequam sapientia, Pater esse potuit. Qualis enim esset, si fortis, et sapiens non esset? Neque enim sine virtute fortis, neque sapiens sine sapientia esse

(7) « Hæc Trinitas unus est, ejusdemque naturæ atque substantiæ non minor in singulis, quam in omnibus, nec major in omnibus, quam in singulis, sed tanta in solo Patre simul, et Filio, et tanta in

A potest. Sapientia enim in Patre, et Filio, et Spiritu sancto una est, et præter ipsam nulla est. Ipsa est de qua dicitur: *Omnia in sapientia facti sunt*, ps. ciii, 24. Et ipsa quidem est Verbum Dei, per quod scriptum est: *Omnia per ipsum facta sunt, et sine ipso factum est nihil* (Joan. 1, 3). Si ergo hæc sola, et non alia sapientia in Deo est, aut sine sapientia (quod nefas est dicere, aut cogitare) Pater aliquando fuit, aut ante hæc sapientiam nunquam fuit; impossibile est igitur ante Filium Patrem esse. » Ario vero obijcienti genitorem naturaliter præcedere genitum; quia qui gignitur, supponit eum a quo generatur; respondet divinam generationem non esse similem creaturarum generationibus, sed singularem, et admirabilem dici in Scripturis. Neque tamen in creatis desunt exempla, quibus patet genitum gignenti posteriorem non esse, ut calor, et splendor, qui non post ignem, sed cum igne statim manifestantur; quare ab Apostolo Dei Filius splendor Patris appellatur (Hebr. 1, 3). Præterea verbum ab intellectione procedit, nec tamen intellectio est prior verbo, quod ostendit S. Bruno, probans intelligentiam, memoriam et usum in nobis unum esse, et sine se esse non posse, neque unum prius aliis, aut posterius existere. In tertio autem capite docet A. N. arcana divinitatis esse imperscrutabilia, nec ulli hominum viatori datum ea comprehendere; nam quamvis Moyses, et Abraham dicantur in Scripturis facie ad faciem cum Deo locuti, et quamvis apostoli cum Christo Domino familiariter conversati sint, et a cælo Patris vocem eum filium dilectum appellentem audiverint, attamen qualis naturæ qualisque essentiae sit Deus cognoscere non sunt consecuti. Quare his concludit Bruno: « Si Moyses, et apostoli, qui Spiritu Dei pleni erant, in quibus et per quos Deus loquebatur, eum sicuti est, videre, et audire, et intelligere non potuerunt, temerarium esse videtur de ejus nos essentia perscrutari; præsertim cum ipse dicat, Exod. cap. xxxiii, 13: *Non videbit me homo, et vivet.* »

Probaverat jam ante S. Bruno in cap. 2, lib. iii Sent. omnimodam Christi, ut Filii Dei, cum Patre æqualitatem, illustrans vers. 6, ps. xciii: *A summo cælo egressus ejus, et occursum ejus usque ad summum ejus.* « Hoc est, inquit, quod ipse ait Joan., xvi, 28. *Exiit a Patre, et veni in mundum, iterum relinquo mundum, et vado ad Patrem.* Denique a summo ad summum est occursum ejus, quia per omnia æqualis est Patri, secundum divinitatem. De quo et Daniel ait cap. vii, 13: *Aspiciebam in visu noctis, et ecce in nubibus cæli filius hominis venit; et datum est ei regnum, et honor, et potestas, et usque ad antiquum dierum pervenit.* Usque ad antiquum namque dierum perveniet Dominus, quando similis Patri, et æqualis per omnia apparebit. Si enim esset aliquid secundum

solo Spiritu sancto, quanta simul in Patre, et Filio, et Spiritu sancto. » D. August., epist. 170; alias 66, num 5.

divinitatem, in quo differret ab ipso, non utique A perveniret ad ipsum. Pervenit igitur usque ad ipsum, quia in nullo distat ab ipso. » Alium luculentiorum locum, ubi S. Bruno asserit aequalitatem cum Patre Christi, ut Filii Dei, praestat commentarius super illa verba ps. cix, p. 538, e. 2 : *Dicit Dominus Domino meo : Sede a dextris meis.* Ubi refert interrogationem factam Judaeis a Christo, Matth. cap. xxii, 45, quid ipsis videretur de Christo, et cum respondissent, credere eum esse filium David, his Christus illos perstrinxit : *Quomodo ergo David in spiritu vocat eum Dominum, dicens : Dicit Dominus Domino meo ; Sede a dextris meis. Quomodo eum Dominum vocat, si filius ejus est ? Et non potuerunt ei respondere verbum.* His praemissis, ita disserit S. episcopus : « Hæc questio apud Judæos indissolubilis manet; neque enim hoc intelligere potest, nisi qui Deum et hominem esse Christum credit. Unde nobis hæc questio facillima est, qui Salvatorem nostrum, et secundum divinitatem Dominum David, et secundum humanitatem filium esse David non dubitamus. Et hoc est, quod ait : *Dicit Dominus Pater Domino meo, Filio suo : Sede a dextris meis.* Sedere autem cum Deo in una sede, et a dextris sedere, aequalitatem significat. Judæi vero, neque Deo æqualem, neque in coelis ascendisse, neque simul in eadem sede a dextris ejus sedere credunt. Et ab hac infidelitate sua non prius recedent, donec ponantur scabellum pedum ejus. Hoc autem erit in judicio, quando in sua majestate eum videntes et Deum, et hominem certissime esse cognoscent. Probat ergo Propheta ab auctoritate ipsiusque Patris, quia Filius æqualis est Patri, et quia sedet, et sedebit ad dexteram Patris, donec inimici ejus fiant scabellum pedum ejus. » Præterea eodem in psalmo explanans illa verba : *Ex utero ante luciferum genui te*, coeternitatem Christi ut Filii Dei luculentissime docet S. Bruno. « Et hoc similiter, ait Propheta, dicit Dominus Domino meo, quia *genui te.* Unde ? *Ex utero.* Quando ? *Ante luciferum.* Nullum tempus ostenditur, quando ante Luciferum dicitur, quia in infinitum ascenditur. Sed quid est *ante luciferum*, nisi antequam dici, vel intelligi, vel cogitari possit?..... Sed quid est quod ait : *Ex utero ?* Deus enim neque cor, neque uterum habet, neque ulla partium divisio in illo est. Quod igitur ait : *Ex utero ante luciferum genui te*, tale est ac si diceret, ex meipso, ante omnem creaturam, et antequam dici, et excogitari valeat, genui te. Hunc usque Pater ad Filium. »

Sed et de Spiritu sancto, ejusque processione a

(8) « Nemo tamen existimet in iis, quæ corporeis visa sunt oculis divinam ejus, id est Spiritus sancti apparuisse substantiam. Natura enim invisibilis, et Patri Filioque communis, qualitatem muneris, atque operis sui qua voluit significatione monstravit. Proprietatem vero essentiae suæ in sua deitate continuit quia sicut nec Patrem, nec Filium, ita nec Spiritum sanctum humanus potest visus attingere. » S. Leo M. serm. 73. De Pentec. 1, c. 3.

A Patre, et Filio doctissime scripsit S. Bruno in tractatu De sacramentis, et mysteriis, ubi agit de confirmatione, et peculiariter super illud Joann. cap. xx, 22. Quod Christus daturus apostolis Spiritum sanctum insufflavit super eos. « Poterat, inquit Salvator noster, sine omni insufflatione dare Spiritum sanctum, quem ideo insufflando dedit, ut ab ipso quoque, sicut a Patre ejus procedere intelligamus. Quamvis enim nesciamus quomodo Spiritus sanctus a Patre Filioque procedat (8) (hoc enim hæc in vita, in qua non videmus nisi per speculum, et in ænigmatibus [1 Cor. xiii, 12], nulli revelatur [9]) certissime tamen scimus et nullatenus dubitamus eum procedere a Patre et Filio, id est de substantia Patris et Filii. Hoc enim ei proprium est, et de nulla alia substantia B procedit, a nullo alio mittitur, et a nullo alio datur Spiritus sanctus. Datur enim officio sacerdotum, sed non a sacerdotibus. Sic enim adest virtus Christi per insufflationem, quæ a sacerdotibus in honorem significationis Spiritus sancti, per verba, quæ dicuntur in nomine suo. » Eandem Spiritus sancti processionem asseruit A. N. in Exod. comment. p. 89, col. 2; ejusque manifestationem apostolis factam in die Pentecostes, de qua inferius a nobis agendum erit.

Ut autem tenuitati nostræ subveniamus, hortatur nos S. episcopus, ut quæ de ineffabili Trinitatis mysterio tradiderunt SS. Patres consulamus. « Fides ego sanctorum, inquit, nobis sufficiat, neque enim meliores sumus, quam Patres nostri, neque ultra quæramus quæ illis divinitus sunt revelata, et qui nos ipsos, et ea, quæ in nobis sunt intelligere non valeamus, ad ea quæ supra nos sunt nos extendere non laboremur. »

§ III. De incarnatione Domini.

Deus altissimo consilio hominem ad similitudinem suam condiderat eumque Spiritu sapientiae et intelligentiæ repleverat, ut ad sui cognitionem, et amorem perduceret; non enim tanta dignitatis, tantique luminis alia ex causa participem fecit, nisi ut ei facultatem, et copiam suæ cognitionis impertiret. Utinam ergo ab illo præstanti felicique statu per culpam non excidisset! Utinam in innocentia et integritate suæ originis perstitisset (10)! Non obscurata fuisset in eo lux illa qua Dei vultum proxime intueri valuisset, neque privilegia suæ originalis conditionis amisisset. « Homo a Deo, inquit S. Bruno serm. 1 De Trinit., quasi mane est conditus, quia retinens Dei similitudinem, vere luci proximus videbatur. Poterat enim de propinquo Deum cernere, scilicet in se et per se, nulla re extrinsecus inter-

(9) « Distinguere inter illam generationem, et hanc processionem nescio, non valeo, non sufficio » D. August. lib. 11, alias 111, contr. Maxim., c. 14, n. 4.

(10) « Talis est homo creatus, ut et peccare, et non peccare posset propria voluntate, ac propterea in eo digne punitus est voluntaria prævaricationis lapsus : quia nulla fuit ad peccandum naturali carnis, aut animæ necessitate compulsus. » S. Fulg., De

veniente. Sed et propinquitatem, et similitudinem amisit, dum se inobedientie malo subiecit: Ab hac extrema calamitate placuit Deo in sua misericordia infinito hominem per Filium suum unigenitum humana carne indutum eripere, et qui angelis pravaricatoribus non pepererat, saluti hominis prospicere dignatus est. (11) Huius magni mysterii, et sacramenti plures in primis patriarchis figurae praecesserunt, ut veritas promissi Reparatoris adventus, tot ante saecula praenuntiata, et praesignata, scdm, et spem redemptionis apud homines obtineret. Primum, Abelem a fratre Caino interemptum dixit Bruno comment. in Genes. p. 14, col. 1, Christum significare a fratribus suis nempe Iudeis crucifixum. Secundo, Jacob Christum representavit. Advenit Jacob, inquit p. 32, col. 2, advenit Christus; sed quomodo? Vis audire quomodo? haedorum pellibus involutus, id est in similitudine carnis peccati. Exinanivit enim se formam servi accipiens, etc. Ille enim fuit primum hominis indumentum, quando primus homo de paradiso expulsus est. Tali igitur veste indutus venit Christus, ferens secum duas haedos optimos: alterum pro peccato, et alterum in holocaustum, carnem videlicet, et sanguinem suum: his etenim peccatum originale, solvitur, et Deus ab indignatione placatur. Tertio, pro symbolo Christi intellexit A. N. lapidem super quem ipse Jacob dormivit. Lapis ille, ait, super quem Jacob dormivit, Christus est, qui pluribus in locis lapis vocatur. Super eius pectus quoque Joannes evangelista recubans, non minora quam Jacob videre meruit, p. 32, col. 1. Et iterum p. 34, col. 1, de de eodem lapide dicit: Ille etenim lapis Christi carnem significabat, in quo omnis plenitudo divinitatis habitabat corporaliter. De quo scriptum est: *Sapientia edificavit tibi domum.* Prov. 1, 9, carnem scilicet, quam assumpsit, quia Verbum caro factum. Quarto, Josephum etiam Christum praemonstrasse asserit p. 39, c. 1. Joseph enim, inquit, qui *accrescens* interpretatur, Christum significat, cujus regnum, et imperium tantum crevit, ut mundum impleat universum. Quinto, duplici in loco Moysen Christi typum gessisse dixit S. Bruno; in comment. enim ad Exod., cap. 11, pag. 48, col. 2, in diebus illis, egressus est Moyses ad fratres suos, videlicet afflictionem coram. Vidit autem et virum Aegyptium percutientem quemdam Hebraeam, quem ipse occidens abscondit sabulo. Similiter et Christus Dominus noster, veniens in hunc mundum, multos Aegyptios, id est malignos spiritus interfecit, virtute privavit, atque de obsessis corporibus ejecit. Ad caput autem xxiv ejusdem Exodi pag. 84, col. 1, haec habet: Moyses enim legislatur, et Dei populi

praedest. et grat., c. 2.

(11) Collapsa in parentibus primis humani generis plenitudine ita misericors Deus creaturam ad imaginem suam factam per Unigenitum suum Jesum Christum voluit subvenire, ut nec extra naturam esset reparatio naturae, et ultra propriae originis dignitatem proficeret secunda conditio. Felix si ab eo

A mediator mediatorem Dei, et hominum Jesum Christum significavit, utriusque Testamenti datorem.

Quaerit A. N. utrum homo, an angelus ad solvendam Deo satisfactionem idonei fuissent, et docet in tract. De incarnatione Domini, neutrum ex his tantum beneficium humano generi promereri valuisse. Nullus hominum, ait, hanc hostiam salutarem, Deoque dignam offerre poterat, quia omnes originali, et actuali peccato obnoxii tenebantur; ac proinde ab hoc sacrificio tanquam invisus et indignus expellebatur. Neque angelus in sua natura id praestitisset; quia cum sit incorporeus, adeoque invisibilis, in sacrificium passionis se praebere non valebat. Forsitan si humanam naturam angelus assumpsisset, et in ea passus fuisset, salutem hominibus universis attulisset? Sed tanta charitas in angelis supponi nequit; quia ex apostolo, ad Rom. cap. v, 7, aliquis justus vis pro justo moritur, ne dum pro injusto damnetur. Accedebat etiam, quod ante Christi adventum homines propter peccatum ab angelis odio habebantur, et anferri debebat occasio, ne forte si idem homo ab angelo esset redemptus, eundem angelum pro Deo veneraretur, qui lapides, ligna, et aramenta jam pro Deo adorabat. His igitur, aliisque plurimis rationibus cum angelica victima excluderetur, solus restabat Creator, qui sua miseratione et solita pietate humano compatiens generi, aspe dictum hominem liberaret, et a diabolica fauce perplexum eriperet, et hoc non in sui natura, ut qui solum hominem redimere venerat, Deus et homo immolaretur. Haec supradicta supponunt S. Augustini doctrinam, aientis lib. xiii De Trinit., c. 10, divinae omnipotentiae alios modos non defuisse, quibus salvaret homines; sed quem eligi, convenientiorem omnibus fuisse. Poterat enim Deus peccatum, vel injuriam peccati gratiose condonare, et acceptare satisfactionem hominis, etsi inaequalem, et imperfectam. Sed in hypothesi, quod Deus hominem liberare, et absolvere voluerit, nisi exigendo satisfactionem talem, quae condigna sit, et aequa; ita ut illa posita, Deus ex justitia teneatur homini culpam condonare, necessarium fuerit hanc satisfactionem exhiberi a Deo incarnato: sic ut a nullo homine puro, quantaecumque gratia exornato, reddi aequalis non potuisset.

Cum vero in divinitate personarum differentiam catholica credat Ecclesia, videlicet Patris, et Filii, et Spiritus sancti, non immerito considerandum est, inquit A. N. eodem in tractatu De Incarn., cui haec assumptio conveniebat (12). Pater autem si intra virgineam uterum assumeret hominem, et ab eodem nasceretur, idem essent, Pater et Filius. Pater secundum divinitatem Filius vero secundum

non decideret, quod Deus fecit! Felicius si in eo remaneret, quod receperit! S. Leo, serm. 70, 2 De resur., c. 2.

(12) Non convenire incarnationem Patri, neque Spiritui sancto egregie solideque demonstrat S. Fulg. tract. De fide ad Petrum, cap. 2.

humanitatem, quod et credere, et etiam dicere nefas est. Aliud quoque majus esset nefarium, quoniam duo filii adessent in divinitate; scilicet Pater filius secundum humanitatem, et Filius Dei filius secundum divinitatem. Tanto ergo errore vitato, prædicta assumptio Patri non conveniebat. Adhuc restat dicere, si Spiritus sanctus competens esset ad immolandum. Si autem idem Spiritus hominem acciperet, et pro eo vellet immolari, supradictus error in divinitatem caderet; revera etenim duo filii et crederentur, et haberentur in ea. Filius Dei secundum divinitatem, quemadmodum diximus; filius et Spiritus sanctus secundum humanitatem. Ergo utrique, Patri et Spiritui sancto prælata assumptio non congruebat, quoniam neuter horum in tali negotio admitti valebat. Ergo solus Filius ad hoc agendum condecens aderat, cui per justitiam inerat hominem per se creatum salvare, et diabolo suam potestatem petenti obviare, eumque ipsum hominem decipientem decipere, et ablato totius orbis imperio, perpetuo in inferno religare (13). » Explanaverat jam ante hoc idem mysterium S. episcopus in Expositione ps. LXXVII, 20, pag. 459, c. 1 : « *Prosperum iter faciet nobis Deus salutaris noster, Deus noster, Deus salvos facienti, et Domini exitus mortis. Prosperum, inquit, iter faciet nobis Deus salutaris noster; per quem specialiter Dei Filium intelligere possumus, qui nos sua morte salvavit. Et ipse est Deus noster; quia, quamvis sit Deus omnium, proprie Christianorum Deus est. Ipse quoque est Deus salvos facienti, quia ad hoc venit ut mundum redimeret et salvaret. Et ipse est Deus Domini exitus mortis. Per quod intelligitur, quod est Deus, etiam sui ipsius; quia enim simul est Deus, et homo, secundum humanitatem quidem servus est, et creatura est, et servus est. Sed iste servus Dominus est. Et ipse quidem est exitus mortis; quia, sicut in Adam omnes mortui sunt, ita et in Christo omnes vivificati sunt (I Cor. xv, 22); ipse est introitus vite, ipse est exitus mortis; quia per ipsum mors recessit, et per ipsum vita accessit. » Dixit etiam in comment. super ps. cxv : « Naturam humanam a primo homine per peccatum vitiatam, et corruptam, eandemque in omnes homines pertransire, non nisi Christi sanguine sanari et liberari potuisse. » Et inferius ad verba ps. cxvi : *Dirupisti, Domine, vincula mea*, etc. « *Ligatus, inquit, eram, dura me catena diaboli strigebat et trahabat; sed tu dirupisti vincula mea, tu solvisti originale peccatum, quod nisi tuo sanguine solvi non poterat. »**

§ IV. De annuntiatione divine maternitatis Mariæ virgini.

Ad hoc tantæ molis, tantæque dignitatis opus missus est Gabriel angelus a Deo ad Mariam virginem desponsatam Joseph, et in civitate Nazareth commorantem. Salutatur Maria ab angelo, plena gratia, et benedictione cœlesti annuntiatur, superveniens in ea Spiritus sanctus, ac virtus Altissimi promitti-

tur, divinæque maternitatis arcanum revelatur. Vaticinatus olim hoc fuerat David, ps. XLIV : *Audi, filia, et vide, et inclina aurem tuam, et obliviscere populum tuum, et domum patris tui, quia concupivit Rex speciem tuam*; quæ a Brunone in Comment. ita explanantur pag. 389, c. 2. « *Audi, inquit, filia mea, de genere meo, de progenie mea, nobilitas, et gloria generis mei, audi quæ angelus loquitur, quæ cœlestis nuntius tibi promittit; esto casta, esto sollicita, diligenter ausculta, quia magna valde sunt, quæ tibi nuntiantur. Vide ergo, et intellige, inclina aurem tuam, et suscipe Verbum in corde et in utero tuo : virgo concipies, et virgo paries. Inclina aurem tuam, quia per aurem ingreditur in te, qui nascetur ex te. Verbum est enim, et via verbi auris est. Non aliter concepit beata Maria, nisi audiendo et credendo; si non audivisset, non credidisset : audivit, et credidit, et credendo concepit. » Præclaram autem integritatis Mariæ figuram in rubo, qui ardens et non combustus Moysi apparuit, his eleganter exornavit Bruno in comment. super cap. III Exod. pag. 49, c. 1. « *Sed quid per rubum, nisi beatam virginem Mariam, quæ sic de Judæorum spinosa, et peccatrice gente exorta est; sicut de rubi asperitate pulchra, et odorosa nascitur rosa? Hæc autem visa est ardens, sed non arsit, quia sine carnis concupiscentia, sive libidinis æstu, sancto Spiritu obumbrata concepit. Hoc est enim, quod angelus ait : Spiritus sanctus superveniet in te, et virtus Altissimi obumbrabit tibi. Erat igitur ignis in rubo, splendor in Virgine, lux in Maria, lux illa, quæ ait : Ego sum lux mundi (Joan. viii, 12), lux vera, quæ illuminat omnem hominem venientem in hunc mundum (Joan. i, 9), » etc. Sed et Mariæ virginitatem apertissimis verbis asseruit illustrans illa Levitici verba cap. XII. *Mulier si suscepto semine pepererit masculum*, etc. « *Quod autem, inquit pag. 145, col. 2, non simpliciter dixerit : Mulier si pepererit masculum; sed satis diligenter addidit, si suscepto semine masculum pepererit, non est dubium, hoc ad distinctionem B. Mariæ virginis dictum esse, quæ sine viri semine peperit Salvatorem. »* Quomodo autem virtus Altissimi obumbraverit Mariam virginem copiosius etiam tradit hom. in Evang. *Missus est*, etc. Luc. II. « Hæc enim virtus, ait, communis est totius Trinitatis. Tota enim Trinitas, unus Deus, et ipse altissimus. Natus est igitur Christus de Spiritu sancto, ex Maria virgine, id est de virtute Spiritus sancti, quæ una communis est Patri, et Filii, et Spiritus sancti. Filius autem solius Patris est Filius, et Pater solius Filii Pater est. Hæc igitur virtus superveniens obumbravit Mariam, et ex duobus naturis Christum Dominum operata est. Sicut enim anima rationalis, et raro unus est homo; ita Deus et homo unus est Christus. Quantum autem ad humanitatem spectat, non solum a Patre, et Spiritu sancto, verum etiam a se ipso et factus et creatus est. Quantum vero ad divinitatem**

(13) Hæc eadem veritas stabilita fuit a D. Thom. p. III, q. 3, art. 8, sed aliis rationibus, quas hic re-
terre non oportet.

nec factus, nec creatus; sed a Patre solummodo A
genitus. »

§ V. De Christi nativitate, circumcisione, et manifestatione.

« eperit itaque beatissima Virgo, prosequitur S. Bruno eodem in comment. super cap. 11 Luc., 7, concipiens virgo, pariens virgo, et in æternum permansura virgo. Clausa ante partum, clausa in partu, et clausa post partum (14). *Peperit, inquit, filium suum primogenitum, et pannis eum involvit, et reclinavit eum in præsepio, quia non erat eis locus in diversorio.* O pietas immensa! O humilitas ineffabilis! O sacramentum inenarrabile! Deus homo fit, æternus temporalis, immensus localis, immortalis passibilis, parvis pannis involvitur qui cœli ambitu præ magnitudine non continetur. »

Pastoribus eadem in regione super gregem suum vigilantibus statim ab angelo Christus natus, in præsepio reclinatus, et pannis involutus, cum Maria matre et Joseph annuntiatur. Hæc visione admoniti pastores, quæ audierant, et viderant, secum conferunt, dicentes: « Mira sunt, » eundem locum Lucæ exponens Bruno, ait, « quæ audivimus, stupenda, quæ vidimus. Cœlis gloria, pax terris promittitur. Salvator hodie natus est nobis, rex novus hodie datus est nobis, qui est Christus in civitate David, eamus, et videamus hoc Verbum, et credamus, quia in principio erat Verbum, et Verbum erat apud Deum, et Deus erat Verbum (Joan. 1, 1). Quod factum est. Quantum ad se, neque factum, neque creatum est. Factum tantummodo est; quia Verbum caro factum est: quod Dominus ostendit nobis. Videamus corporaliter, et quod mente concepimus, et fide tenemus, restat, ut oculis teneamus. Et venerunt festinantes, et invenerunt Mariam, et Joseph, et infantem positum in præsepio (Luc. 11, 6). »

Quia vero Christus Dominus omnem justitiam adimplere venerat, et se verum hominem, non umbratilem, aut phantasticum ostendere, legi circumcisionis secundum tempus præscriptum subjeci voluit. Duplici in loco disserit S. Bruno de circumcisione Christi Domini, quorum primus est in Evangelio Lucæ cap. 11, 15: « Nobis, ait, non sibi circumciditur Dominus. Sicut enim nobis est natus, nobis baptizatus, et passus; ita et nobis est circumcisis, de quo Apostolus inquit Rom. 14, 11: *Quia signum accepit circumcisionem signaculum justitiæ fidei.* » Data est igitur circumcisio, non ut peccata tolleret, sed ut aliquid significaret, et quadam differentia Judæorum populum ab aliis gentibus separaret. Quamvis itaque propter mandati transgressionem quicumque olim non circumcidere-tur, damnabatur; non tamen per circumcisionem justificabatur. Hæc enim circumcisio in Christo completa est, in quo et aliæ leges cæremoniæ consummatæ sunt. Alterum locum præstat sermo De

circumcisis. Domini 5, lib. 14 Sentent. « Quoniam autem, inquit, Salvator noster hanc in carne sua circumcisionem suscepit, hæc valde rationabilis causa fuit, quia non venit legem solvere, sed adimplere. *Finis enim legis, dicit Apostolus Rom. 10, 4. Christus est ad justitiam omni credenti.* In ipso lex completa est, nihil proficiunt, qui post ipsum circumciduntur. Quæ autem sit circumcisionis significatio explicatur a D. Thom. 111 p., q. 57, art. 3, ubi ait: « Quod sicut Filius Dei non propter se ipsum factus est homo, et circumcisis in carne, sed ut nos per gratiam faceret deos, et ut spiritualiter circumcidamur, sic propter nos sinitur Domino, ut discamus Deo præsentare nosmetipsos. »

Cum autem Jesus in Bethlehemitico præsepio moraretur, ducti a stella novo splendore coruscante venerunt Magi ab oriente eum adoraturi, eique parata munera obtulerunt. Plura sunt mysteria, quæ in evangelica lectione contemplatur A. N., eaque exponit in comment. super cap. 11 Matthæi, quorum aliqua tantum, ne longiores simus, proferemus. « Sed quare, inquit, eos antecedit stella, nisi ut viam eis ostendat, et ad puerum ducat? Sequuntur igitur eam, veniunt Bethlehem; stat super domum illam, in qua erat virgo Maria; stat stella super stellam: Maria enim *stella maris* interpretatur. Stella itaque Filius, stella et mater: stella oritur de stella; sed major quæ oritur, quam illa de qua oritur. Unde et merito supra stare videtur. Non dixit supra puerum: Sed quid dixit? *Supra ubi erat puer.* Ubi enim erat puer, nisi in sinu matris? Stabat ergo stella, et clamabat: habet enim linguam suam..... Sed quid significabat? Quid dicebat? Vis audire quid? Hic est puer: hæc est mater pueri: hic eum quærite: hic invenietis: hic in parvo corpusculo latet: hic ubique est, et omnia replet. Hoc est enim, quod dicit: *Videntes autem stellam gavisi sunt gaudio magno valde.* Quid est enim videntes stellam, nisi videntes, et intelligentes quid eis significabatur, et dicebatur per stellam? Non enim magnum gaudium est videre stellas. Nam solem et lunam sæpe videmus, et non multum videndo gaudemus. Gaudebant igitur non propter stellam, sed propter stellæ significatum. Et *invadentes domum invenerunt puerum cum Maria matre ejus, et procidentes adoraverunt eum, et apertis thesauris suis obtulerunt ei munera, aurum, thus, et myrrham.* Quanta exultatio tibi fuerit, o Virgo beatissima, quis cogitare valeat? Quoniam quem nuper genueras, jam quasi Dominum adorari videbas. Sed quare tria munera obtulerunt, nisi ut Trinitatis mysterium revelaret? Primum enim munus offerimus credendo in Patrem, secundum in Filium, tertium in Spiritum sanctum. Quid autem per aurum significari putamus, nisi illam, quæ cæteris major est, et latius fulget, regiam potestatem? Aurum igitur Christo offerimus, qui om-

(14) Consonans est S. Leo M. in serm. 2 de nativitate Domini, c. 2. « Oportuit enim, ait, ut primam Genitricis integritatem nascens incorruptio

custodiret, et complacitum sibi claustrum pudoris, et sanctitatis hospitium divini Spiritus virtus invicta servaret. »

nium regem esse credimus. Offerimus et thus, quia Deum esse constitemur: myrrham quoque ei offerimus, quia sic illum Deum esse credimus, ut hominem, et mortalem esse non dubitemus. » Cum hæc satis superque explanata sint, non indigent ut ulterius similibus dictis in serm. De Epiphania Domini 6, ejusdem lib. Sententiarum confirmantur.

Idem ipse Christus Dominus, ut sui adventus veritatem, juxta prophetarum oracula, comprobaret, in templo præsentari voluit, legalique oblatione ut primogenitus redimi. Non minus copiosus est S. Bruno in edisserendis divinis rebus, quæ hac de Christi præsentatione ab evangelista Luca cap. ii, 28, referuntur, cujus commentarii aliqua tantum adducam de S. Simeone, qui Christum in ulnas suas accepit. « Qualis enim, inquit, et quantus Simeon iste fuerit, breviter ostendit evangelista, dum justum, et timentem Dominum populi consolationem expectare, et desiderare dicit, cui et Spiritus sanctus, qui in eo erat, Filii Dei adventum revelaverat, atque promiserat. » Et hoc est, quod ait: *Et responsum acceperat a Spiritu sancto, non visurum se mortem, nisi prius videret Christum Domini.* Quanto desiderio videndi Dominum senex iste beatissimus astuabat! quem jam ætas de hoc seculo exire cogebat, sed Dei responsio retinebat. Mori enim cupiens, mori non poterat; quia Christum Domini necdum viderat, de quo sibi factum responsum audierat: *Non visurum se mortem, nisi prius videret Christum Domini.* Hoc igitur desiderabat, hoc mente tractabat, hoc semper cogitabat. Manifestavit se ergo Christus Simeoni, adimplevitque Malachiæ prophetiam qui eum venturum in templum prædixerat, cap. iii, 1: *Et statim venit ad templum suum Dominator, quem vos queritis, et angelus testamenti, quem vos vultis.* Fugit autem Jesus in Ægyptum, se ab Herodis persecutione eripiens, eoque e vivis sublato, rediit in Galileam, et cum parentibus habitavit in civitate Nazareth. *Ibant autem ipsi parentes Jesu per omnes annos in Jerusalem in die solemni Paschæ.* Et cum factus esset annorum duodecim, ascendentibus illis Hierosolymam, secundum consuetudinem diei festi, consummatisque diebus, cum redirent, remansit puer Jesus in Jerusalem, et non cognoverunt parentes ejus, Luc. ii, 41. Quid hoc in loco Evangelii sit intelligendum, idem S. commentator exponit: « Religiosi parentes, inquit, per annos singulos ibant in Jerusalem, ut legem audirent, sacrificiis participarent, solemnitatibus interessent, et ejus adhuc umbræ serviebant, cujus jam veritatem tenebant. Tota enim illa solemnitas Christi passionem, resurrectionem, et cætera, quæ de eo scripta sunt, significabat. Erat igitur simul cum cæteris Jesus in solemnitate, qui totius erat causa solemnitatis. Permixtus turbis videbatur ab omnibus, laudabatur ab omnibus, in lege, et prophetis prædicabatur, in sacrificiis significabatur, et a nemine cognoscebatur; quia duplici velamine tegebatur. Inde velamine litteræ, hinc carnis pariete. »

A Tempus demum advenit, quo Christum splendens suæ manifestationis testimonium præbere oportebat, suamque missionem in mundum adimplere; quare, ut habemus ex Mattheo cap. iii, 13: *Tunc venit Jesus a Galilæa in Jordanem ad Joannem, ut baptizaretur ab eo.* Plures hic complectitur doctrinas S. antistes suo in Comment. De institutione, et necessitate baptismatis Christi, de fine circumcisionis, de revelatione SS. Trinitatis, de novæ fidei veritate; eodemque tempore maximam de Christi et Joannis humilitate excitat admirationem. « Quod enim, ait, tunc intelligendum est, quando Joannes talia prædicabat et baptizabat; non autem quando prædicare cœperat: jam enim tricesimum annum uterque intraverat, quando ad baptismum Dominus venerat. Baptizatur autem Jesus non sibi, sed nobis. Lavat aquas, et sanctificat suo tactu, non ipse lavatur ab aquis. Ibi vetus circumcisio perit: ibi novæ fidei innovatio cœpit. Ibi primum Joannes baptizare didicit, ubi totius mysteria Trinitatis cognovit, audivit, et vidit. Territus tunc Joannes, et ad Dominum accedere contremiscens, prohibebat eum, dicens: *Ego a te debeo baptizari, et tu venis ad me?* Respondens autem Jesus, dixit: *Sine modo; sic enim decet nos implere omnem justitiam.* Tu, inquit, major es, tu Dominus es; ego minor, et servus; me oportet minui, te autem crescere. Quid est ergo, quod tu venis ad me? Ego potius debeo ire ad te. Tu mundus es, et omnia mundas; non tu a me, sed ego a te, et mundari et baptizari debeo. At ille: *sine modo*, mysterium est, quid ago: dum ego baptizor, tu quoque in me baptizaris, quia membrum es illius qui baptizatur. Sic enim decet nos implere omnem justitiam, veteribus finem et terminum ponentes, novis autem exemplum et regulam dantes. Baptizatus autem Jesus confestim ascendit de aqua; et ecce aperti sunt cæli, et vidit Spiritum Dei descendentem sicut columbam, et venientem super se: et ecce vox de cælo dicens: *Hic est Filius meus dilectus, in quo mihi complacui.* Quid est enim, interrogat S. Bruno, quod baptizato Domino cæli aperiuntur? Et respondet: Magnum est hoc mysterium, magnamque his, qui baptizantur, lætitiā præfigurat. Clausum erat prius; nemo illum ante baptismum ingrediebatur; nunc autem apertum est. Vidit autem Spiritum Dei descendentem sicut columbam, non quod Spiritus sanctus in columba incarnatus sit; solus enim Filius est incarnatus, sed quod in columba Spiritus Dei se ostendere voluit. Vox autem illa, quæ de cælis audita est, cujus, nisi Patris fuit? Quis enim alius dicere potuit: *Hic est Filius meus dilectus?* Complacet autem sibi Deus Pater in Filio suo dilecto, quod talem ante tempora ineffabiliter, et sine initio Filium genuit. Apertissime hoc in loco Trinitas ostenditur, in quo personaliter tota sentitur; siquidem Filius in homine, Spiritus sanctus in columba, et Pater in suæ vocis testimonio declaratur. »

Huc usque manifestatio Christi facta non fuerat,

nisi aliquibus, qui quasi primitivæ forent ejus acquisitionis, pastoribus scilicet, Magis, Simeoni, Joanni Baptista. Sed, cum tempus suæ missionis adimplendæ advenisset, atque in sui sequelam nonnullos adduxisset, hos etiam aliquibus signis in ejus fide et imitatione confirmare dignatus est. Quare invitatus Jesus ad nuptias in Cana Galilee, ad eas se contulit, nuptiali convivio cum discipulis suis interfuit; ibique primum miraculorum operatus est. Cum autem visus sit Christus matri suæ petenti conversionem aquæ in vinum, quod sponsus defecerat, paulo asperere respondisse, (15) quasi male illa petisset, quod nondum venerat tempus ut faceret quod optabat, Bruno noster mysterium verbis evangelistæ Joannis cap. ii connectum eleganter exponit: *Et deficiente vino, dicit mater Jesu ad eum: Vinum non habent.* « Plena enim, ait, Spiritu sancto virgo Maria, jam tunc illud miraculum prævidebat, quod ejus filius facturus erat. Quod ergo facere Jesus cogitabat; hoc illa ut faceret admonerat. Et dicit ei Jesus: *Quid mihi, et tibi est, mulier?* Quid mihi, et tibi, inquit, commune est, nisi hæc caro mortalis, et humanitas ista, quam fero, quæ famem pati, sitire et mori novit, miracula facere non novit? Quod enim in vinum aqua convertitur, non humanitatis, sed divinitatis est. Nondum venit hora mea. Nondum venit hora passionis meæ, in qua quid mihi et tibi commune sit omnibus innotescat. Tunc enim carnem quam de te suscepti, non virtutes et miracula facere, sed in cruce pendere et mori videbis. Dicit mater ejus ministris: *Quodcumque dixerit vobis, facite.* Inter se loquebantur mater et filius. Ipsi se intelligebant, ipsi sua secreta noverant; ipsi, quid tunc fieri oportebat, et quid futurum erat, sciebant. Cæteri autem quid ipsi dicerent ignorabant. » Conversam aquam in vinum a Christo admirati sunt omnes, eoque portento, Jesus, ut testatur evangelista, *Manifestavit gloriam suam, et crediderunt in eum discipuli ejus.*

Sed quia Christus Dominus non venerat querere gloriam suam, sed gloriam Patris sui, qui ad salvandos homines eum miserat, ductus est a suo spiritu in desertum, ut oratione, et 40 dierum et 40 noctium jejuniis tantum opus exordiretur, suisque asseclis præberet exemplum, quomodo cæleste præsidium sibi promeruerunt. Expleto autem jejuniis, terque victo diabolo qui eum ad tentandum accesserat, elegit duodecim apostolos, inter quos primi fuere Petrus et Andreas ejus frater, deinde Zebedæi filii, Jacobus et Joannes, piscatores omnes, et reliqui a S. Matth., c. 4v, descripti, qui columnæ et fundamenta Ecclesiæ futuri erant. Dixit autem eis: *Venite post me, et faciam vos fieri piscatores hominum* (Marc. 1, 27). « Sed quid est dicere, ait S.

(15) Petav. lib. xiv De incar., c. 1, § 6. Vid. adnotat. in S. Maximum Taurin., p. 68.

(16) « Primus enim homo transmisit in omnes homines peccati sui merita, quorum caro est de peccati lite concepta. Propter hoc in parvulis, cum nullum sit ex propria voluntate peccatum, inest tamen filiis iræ carnaliter genitis macula parentalis,

A Bruno, *venite post me.* Post Christum namque res est ejus vestigia sequi, ejus opera imitari, ejusque patientiam et humilitatem tenere. Neque enim sufficit nobis pedibus tantum ire post Jesum, nisi et mente et dilectione eum sequamur. » His autem primis sectatoribus secum assumptis, cepit Christus prædicationem suam, et ut testatur idem S. Matth., cap. v, 13: *Circuibat Jesus totam Galilæam docens in synagogis eorum, et prædicans Evangelium regni Dei, et sanans omnem languorem et infirmitatem in populo. Et abiit opinio ejus in totam Syriam, et obtulerunt ei omnes male habentes, et vexatos variis languoribus, etc.* Ubi S. Bruno hæc subjicit in comment. ad idem cap. iv, 23: « Ecce quam subito manifestatur Christus; ecce quam subito ejus virtutis fama, et opinio terram replet. Undique autem omnes infirmi, et male se habentes ad eum deferuntur, et ipse ut verus medicus omnes interius et exterius curat infirmitates. » Eadem fusius etiam disserit in comment. super ps. xv, p. 324, c. 1.

§ VI. De peccato originali.

Quid causæ fuerit tantorum malorum quæ mundum inundarunt, humanamque progeniem tantas in calamitates adduxerunt? Non alia profecto, quam Ade protoparentis culpa, cujus posterius ejus omnes participes fuerunt. Omnes in Adam peccasse certum est, adeoque sicut in omnes homines pertransiit peccatum, ita in ipsos mors cum omnibus malis pertransiit (16). Hanc veritatem ex apostolo, Rom. cap. v. 12, habemus: *Propterea sicut per unum hominem peccatum in hunc mundum intravit, et per peccatum mors, et ita in omnes homines mors pertransiit, in quo omnes peccaverunt.* Quale et quantum fuerit peccatum primi hominis Adæ, quod omnem ejus progeniem infecit atque damnavit, intelligi nequit, nisi status perfectionis, excellentiæ et dignitatis in quo creatus fuerat dignoscatur. Hic eximie a Brunone describitur in Comm. c. i Gen., p. 6, c. 2, exponens illa verba: *Faciamus hominem ad imaginem, et similitudinem nostram.* « Quamvis ait, aliud sit imago, et similitudo, hoc tamen in loco idipsum significat et imago et similitudo; sic ad Dei similitudinem factus est homo, sapiens quidem, justus et bonus, immortalis et incorruptibilis factus est. Sed quoniam dicitur (idem S. Bruno), *creavit Deus hominem ad imaginem suam*, deinde subinfertur, *ad imaginem Dei creavit illum*, sic etiam intelligi potest, ut talem corporaliter quoque homini imaginem daret, qualem Filium, qui utique Deus est, quandoque suscepturum ante tempora disposuerat. Sic igitur non solum interior, verum et exterior homo noster quodammodo absimilis esset (17). » Hanc doctrinam ex Tertulliano desumpsit Bruno; ille enim lib. De resurrectione car-

quæ quidem bene dispositum divinæ creationis non perturbat ordinem, sed novo paternæ transgressionis infligit tetram nascentibus fœditatem. » S. Fulg. De præd. et grat. lib. 1, cap. 3.

(17) Quid hac de imagine homini sentiendum sit oportune admonet S. Ang. lib. xv, De Trinit. cap. 26. « Verum, inquit, nec hanc imaginem ab eadem

nis cap. 6; ubi agit de primo homine ex limo formato, sic loquitur: « Recogita totum illi Deum occupatum, ac deditum, manu, sensu, consilio, sapientia, providentia, et ipsa imprimis affectione quæ lineamenta ducebat. Quocunque enim limus exprimebatur, Christus cogitabatur homo futurus, quod et limus et caro; sermo quod et terra tunc. Sic enim præfatio Patris ad Filium: *Faciamus hominem ad imaginem et similitudinem nostram*. Et fecit hominem Deus, id utique quod finxit, *ad imaginem Dei fecit illum*, scilicet Christi. Et sermo enim Deus, qui in effigie Dei constitutus, et non rapinam arbitratus est parari Deo. Ita limus ille jam tunc imaginem inducens Christi futuri in carne, non tantum Dei opus erat, sed et pignus. » Ex quo autem peccavit Adam, transgrediens Dei præceptum, de nou edendo fructu ligni scientiæ boni et mali, dissimilis factus est ab illa Dei imagine in qua Deus eum condiderat; amisit enim iustitiam, sapientiam, immortalitatem et bonitatem, quæ dona Dei erant, non naturæ suæ proprietates; et factus est mortalis, iniustus, servus peccati, concupiscentiæ subjectus, et in intellectu obtenebratus. Quare A. N. loquens de paradiso, dixit p. 9, col. 1. « Posuit et lignum scientiæ boni et mali, de quo postquam primi homines comederunt, quibus bonis caruerint, quibus malis subjacerint, cognoverunt. » Experti etiam sunt corruptionem naturæ, et carnis rebellionem, quæ antea spiritui subjecta ei obtemperabat, quod malum in omnem eorum progeniem propagatum fuit. « Natura humana, inquit idem S. Bruno in ps. cxv, p. 547, col. 1, a primo homine per peccatum vitata, et corrupta in omnibus hominibus reperitur, et non nisi a Christi sanguine sanari, et liberari potest. » De statu autem innocentie in qua creatus est Adam eximio disseruit eadem pag. 9, col. 1, ubi hæc habet: « Quantum autem, inquit, Dominus hominem dilexerit, ex hoc etiam facile intelligi potest, quod talem habitationis locum ei preparaverat, in quo, si non peccasset, et castissimo conjugio sine omni concupiscentia filios procreasset, ex quibus, completo electorum numero, nulla mortis amaritudine degustata, supernam Jerusalem conscendens, nec merito, nec numero ab angelis discrepans, æterna beatudine frueretur. »

Tantæ calamitatis nostrorum protoparentum auctor fuit diabolus, qui cum suis assecris per superbiam a cælo depulsus, et in barathrum ignis præcipitatus, invidens conditioni hominis, a felicitate, qua fruebatur, per mulieris illecebras et suasionem dejicere conatus est (18). Hinc A. N. occasionem nactus est querendi, quomodo perfectis omnibus, sexta die, quæ Deus creare voluerat, dici potuit: *Vidit Deus cuncta, quæ fecerat, et erant valde bona*, si tibi erat malum, vel ipse diabolus princeps mali? et

Trinitate factam, et suo vitio in deterius commutatam, ita eidem comparet Trinitati, ut omni modo existimet similem; sed potius qualicunque similitudine magnam quoque dissimilitudinem cernat; quan-

A respondet, p. 7, c. 2. « An nondum ceciderat, ut dicitur Joan. viii, 44: *In veritate non stetit, et ab initio mendax fuit*; aut fortasse ipsa die, qua factus est homo, ejus gloriæ invidendo, atque ideo mortifera suadendo, simul cum bonitate ipsum quoque principatum amisit. Simul enim et non prius hominis, et dæmonis condemnatio legitur. Nam quia mulier dixit: *Serpens decepit me, et comedi*, statim Dominus serpenti maledicens ait: *Maledictus eris inter omnia animantia, et bestias terræ*. Mulieri quoque dixit: *Multiplicabo arumnas tuas*. Adæ vero: *Maledicta terra in opere tuo*. De his autem in apostolorum et prophetarum libris nihil certum reperi, et doctores Ecclesiæ diversa sensisse cognovi. Dico autem quia, et si prius cecidisset, nihilominus tamen dici potuisset quia *vidit Deus cuncta quæ fecerat, et erant valde bona*, quoniam et in ipso diabolo adhuc bonum est, quod fecerat. » Neque malum ullum excogitari potest in fructu, quem Adam et Eva comederunt, quia, ut docet S. August. eod. lib. De civit. Dei, c. 12, in tantæ felicitatis paradiso nihil erat, quod non esset bonum, sed esca illius fructus mala fuit, quia prohibita. Transgressio autem præcepti magnam culpam involvit, siquidem « obedientiæ virtus, sequitur idem S. doctor, in creatura rationali mater quodammodo est omnium cunctosque virtutum, quandoquidem sic facta est, ut ei subdita sit utile; perniciosum autem suam, non ejus a quo creata est, facere voluntatem. Hoc itaque de uncibi genere non edendo, ubi aliorum tanta copia subiacebat, tam leve præceptum ad observandum, tam breve ad memoriam retinendum, ubi præsertim non voluntati cupiditas resistebat, quod de pœna transgressionis postea subsecutum est, tanto majore injustitia violatum est quanto faciliora posset observantia custodiri. »

Nemo tamen ex hoc cum hereticis sentiat concupiscentiam, sive appetitum ad malum, obortum in homine, qui pœna peccati est, libertatem arbitrii, hoc est potentiam ad bene agendum ei abstulisse. Cupiditas enim illa læsit quidem liberum arbitrium et debilitavit, ut repugnantiam in bono eligendo experiatur homo, sed non exstinxit, ita ut retineat quidem facultatem indifferentiæ activæ, et in quamcunque partem velit se convertere possit. Hujus

D orthodoxæ doctrinæ assertorem Brunonem nostrum proferam, qui in exponendis verbis illis ps. lxi, pag. 446, col. 1, *Deus, in adiutorium meum intende, Domine, ad adjuvandum me festina*, hæc tradit: « Hæc oratio sufficit nobis in omnibus quæ postulamus, præsertim, si ab inimicis et adversariis affligimur: ubique et in omnibus Dei adiutorium querendum est, quia ubique, et in omnibus necessarium est, quoniam sine ejus adiutorio nihil facere possumus. Si bona agere volumus, bene et utiliter oramus, et si, quod non debemus, mala agere volumus, tum esse satis videbatur, admonui. »

(18) Vid. Aug. De civit. Dei, lib. xiv, cap. 2, et Fulg. De fide ad Petrum, cap. 3, n. 53, edit. Rom. 1740.

bene, et utiliter oramus, magnum quidem Dei adiutorium est, si malis desideriis resistat, et fieri non permittat. Qui igitur malum aliquid facere cupit, dicat prius: *Deus, in adiutorium meum intende*, et non poterit facere quod cupit. Festinet igitur Dominus in adiutorium bonis ut faciant quod volunt, festinet et malis in adiutorium ut non faciant quod volunt (19). »

Sed huiusmodi libertas arbitrii vix salvari videtur in induratis, qui scilicet in tanta relictis sunt malitia, ut ea laborantes non respiciant, quemadmodum contigit Pharaoni, de quo Deus dixit Moysi, Exod. iv, 20: *Ego indurabo cor ejus*. Hanc difficultatem sibi proposuit A. N. in comment. super hunc Exodi locum p. 55, c. 1: quam ita solvit, et libertatem arbitrii intactam relinqui affirmat. *Ego indurabo cor ejus*. « Quid est hoc, Domine? Tu indurabis cor ejus? Tu enim, ut Apostolus ait: Cui vis, misereris, et quem vis, induras. Quod si induras, cui nemo resistere valet, quid ad Pharaonem? cur qui populum dimittere non potest, ideo punitur, quia non dimittit? Non potest, quia induratur. A quo? A te. Tu enim dicis: *Ego indurabo cor ejus*. Aliter est intelligendum. Quod ergo dicitur: *Ego indurabo cor ejus*, tale est ac si diceret: Ego cor ejus indurari permittam, nullam vim ei faciam, totam se sibi dimittat, faciat quod velit, ut si bene vel male egerit, totum sibi, et non mihi imputetur. » Ergo sicut obduratio Pharaonis, juxta Brunonem, tota ex ipso fuit, eam enim vicisset, si voluisset: ita etiam peccatores quotquot sunt, propensionem suam ad malum, si velint, superare possunt. Relinqui tamen aliquem in mala voluntate propter diuturnam gratiae resistantiam, ejusdem Brunonis aliorumque SS. Patrum sententia fuit. Ille enim eodem in Comment. Exod. cap. x, p. 57, col. 1, ubi, de tenebris agit, quæ totam Ægyptum occupaverant, hæc habet. « Ecce qui regem sequuntur tenebrarum, qui toties admoniti et flagellati, qui tot signa et miracula videntes, adhuc indurato corde in malitia perseverant, tenebris involuti nihil vident, et quasi lapides immobiles permanent. »

His igitur de peccato originali exploratis, « quod unicuique, ita S. Augustinus lib. vi contra Julianum c. 12, proprium illud est, et voluntarium, voluntarium quidem voluntate originis; proprium vero proprietate naturæ ac personæ, » intelliguntur quæ A. N. de peccati originalis effectibus pluribus in locis dixit. In Genesis enim cap. ii, p. 9, col. 2, super illa verba dicta Adam a Deo: *In quocunque die comederis ex eo, morte morieris*, inquit: « Et Adam quidem mox ut comedit mortuus est, non quod de hæc vita confestim exiret, sed ut quando exiret in

A se suscepit. » Idem confirmavit ad illud Beuter. cap. xxi, pag. 205 col. 1. *Quando peccaverit homo, quod morte pleciendum est, et adjudicatus est morti*. « Ideo fortasse, ait, quia primus homo tunc in ligno pependit, quando pomum vetitum ex arbore rapuit, et humanum genus est morti adjudicatum. In ligno ergo quicumque pendet, et adhuc originali peccato tenetur, maledictus est. » Præterea in cap. xii Exod., pag. 60, c. 2, ubi excidium narratur omnium primogenitorum Ægyptiorum, hæc habet: « Mortua sunt omnia primogenita in terra Ægypti, quoniam originale peccatum per universum mundum in omnibus illis perit qui crediderunt et baptizati sunt, ut peccatum, quod per lignum concupiscentiæ cepit, per lignum crucis destrueretur. Quot sunt enim homines, tot sunt et originalia peccata. Omnis enim horum cum eo nascitur, quod nisi Christi sanguine et aqua baptismatis deleri non potuit. » Tandem, omissis aliis testimoniis, hoc unum addam ex Comment. cap. xxxiv in Exod. p. 125, col. 1: *Qui auferis iniquitatem, et scelera, et peccata, nullusque apud te per se innocens est*. « Nullus, inquit S. Bruno, apud te innocens est, quia nec unius diei infans sine peccato est. Unde Psalmista ps. i: *Quoniam in iniquitatibus conceptus sum, et in delictis peperit me mater mea*. Fit ergo innocens per te, qui non est innocens per se, quoniam tu solus potes facere mundum de immundo semine conceptum (Job xiv, 4). »

§ VII. De gratia Dei Salvatoris.

C Destituit igitur homo originali justitia, et impotens factus ad eam suis viribus recuperandam, cum sensus, et cogitatio cordis ejus, ut inquit Scriptura, Genes. cap. viii, prona facta sint ad malum, consequitur ex eo necessitas divini adiutorii, gratiæ scilicet præbentis homini lapsu vires, quibus bonum ad vitam æternam ordinatum agere valeat; quodque gratia dicitur, quia gratis datur; estque illustratio in intellectu, et pia affectio in voluntate. Hanc igitur gratiam ejusque necessitatem pluribus in locis, post S. Leonem, qui dixit: « Quod cecidit in Adam primo, erigitur in futuro, » docuit S. Bruno, qui supra relatum Geneseos locum exponens p. 19, col. 2. « Natura, ait, humana per se fragilis, et miserabilis, nisi Deo auxilio protegatur, facile labitur in peccatum; unde digna videtur, cui miseretur. » Eodem spiritu loquitur super verba illa ps. cxxxix, 8: *Domine, Domine, virtus salutis meæ*, inquit, « Sine ejus adiutorio, et virtute salvari non possum, » itemque super hæc alia ps. cxliv, 20: *Dominus dirigit justos* « quia, ait, ipsius gratia est, quod a recto itinere non recedunt (20). » Rursum et in ps. lxii, 7: *Sic memor fui super stratum meum, in matutinis me credunt in eum*, cum idipsum datur, ut erendant in eum. Quæ potestas nisi detur a Deo, nulla esse potest ex libero arbitrio, quia nec liberum in bono erit, quod liberator non liberaverit, sed in malo liberum habet arbitrium, cui delectationem malitiæ vel occultus, vel manifestus deceptor inserit, vel sibi ipsi persuasit. »

(20) S. August. contra duas epist. Pelag. lib. i, c. 3, n. 7: Postquam præmisisset neminem credere

(19) Quod hic docet Bruno, bonos implorare a Domino adiutorium, ut faciant bonum quod volunt, et malos eadem deprecatione uti debere, ut avertantur a malo quod cupiunt, innuitur Augustino, qui lib. i, c. 3, contra duas epist. Pelag. hæc habet. A Deo ipso donari homini bene operandi libertatem, juxta illud Joan. viii, 36: *Si vos Filius liberaverit, vere liberi eritis*. Quæ veritate stabilita, hæc subinfert. « Datur ergo potestas, ut filii Dei fiant, qui

ditabor in te, quia fuisti adjutor meus, eadem habet. « Impii homines, inquit, et peccatores in nocte, et in tenebris sunt. Sancti vero in matutinis, utpote qui veritatis lumen vident, et Soli justitiæ appropriant. *Quia factus est adjutor meus.* Merito itaque tui semper memor fui, et memor ero, quia ubique, et in omnibus necessitatibus meis factus es semper adjutor meus. » Insuper ad illa verba ps. lxxxiii, 6, *Beatus vir, cujus est auxilium abs te*, ait: « Beatus ille vir, cui in hac vita sic auxiliarius ut ad illam donum tuo adjutorio conscendere possit. Nemo enim venit, nisi traxeris eum. » Et ad hæc altera: *In Deo faciemus virtutem, et ipse ad nihilum deducet tribulantes nos* (Psal. lxx, 14). « *In Deo*, inquit, *faciemus virtutem, et ipse egredietur in virtutibus nostris*, quia, sicut dixit, sine eo nihil possumus facere. »

Quia vero Semipelagiani admittebant quidem necessitatem gratiæ ad bonum opus perficiendum, non autem ad initium boni operis, eis opposuit dogma catholicum, exponens illud ps. cxviii, 117, *Adjuva me, et salvus ero*: « Deus est, inquit, qui operatur in nobis et velle et posse, et sine ejus adjutorio nihil facere possumus (21). » Cum quæsitus fuisset S. August. cujus sit bona voluntas, Dei, an hominis, lib. ii De peccat. merit. et rem., cap. 18, n. 30, respondet: « Nam, si nobis libera quædam voluntas ex Deo est, quæ adhuc potest esse vel bona, vel mala, bona vero voluntas ex nobis est, melius est id quod a nobis, quam quod ab illo est. Quod si absurdissimum dicitur, oportet fateantur etiam bonam voluntatem nos divinitus addisci. » Si ergo bona voluntas a Deo est, initium etiam boni operis a Deo erit, non autem a nobis, « quoniam, ait idem S. doctor De Grat. et lib. arbitr., c. 17, ipse, ut velimus, operatur incipiens, qui volentibus cooperatur perficiens (22). »

Hanc autem boni agendi potentiam, sive gratiam, quæ sufficiens dicitur, omnibus dari docet A. N.; non ita gratiam efficacem, quæ est voluntatis impulsus, seu cœlestis desiderium ferens hominem ad Dei mandata adimplenda. Quare illustrans verba ejusdem ps. cxviii, 40, *Ecce concupivi mandata tua*, inquit: « Mandata tua non solum feci, sed facere concupivi. Facere enim quilibet potest, sed cum desiderio facere cœlestis gratiæ est. » Luculentius

in Christum, nisi illi fuerit datum, sequitur: « Nemo igitur potest habere voluntatem justam, nisi nullis præcedentibus meritis, acceperit veram, hoc est, gratuitam desuper gratiam. »

(21) Vid. S. Fulg. lib. i, De fide ad Petrum cap. 3, n. 34; et cap. 16. De prædest. et grat. hæc docet: « Sicut ergo bonæ voluntatis initium nemo potest habere nisi fuerit misericordia Dei præveniente illuminatus, quia præparatur voluntas a Domino, Prov. viii, 35, et rursum scriptum est psal. lxxviii, 11: Deus meus, misericordia ejus præveniet me, ita eandem voluntatem bonam nemo usque in finem poterit obtinere, nisi fuerit jugiter eadem misericordia subsequente servatus. »

(22) Dixerat idem S. August. lib. De grat. Christi cap. 14: « Si enim, sicut Veritas loquitur, omnis

A eandem doctrinam tradidit S. Bruno in comment. super illa ps. cii, 2-4, pag. 517, col. 2: *Noli oblivisci omnes retributiones ejus. Qui propitius fiet omnibus iniquitatibus tuis; qui sanat omnes languores tuos; qui redimit de interitu vitam tuam; qui satiat in bonitate desiderium tuum: qui coronat te in miseratione et miserationibus.* « Magnæ sunt, inquit S. episcopus, istæ retributiones, et tam magnæ, ut eas nunquam oblivisci debeamus. Factus est autem Dominus propitius omnibus iniquitatibus nostris, quia non solum originale peccatum, sed simul cum eo omnia alia suo sanguine delevit. Et hoc est quod dicit: *Qui sanat omnes languores nostros; omnes quidem, quia nullum ad sanandum relinquit; animæ loquitur, et de ejus languoribus dicit. Redimit autem de interitu vitam ejus*, quod fieri non posset, nisi prius ejus peccata dimisisset. Satiavit quoque in bonis desiderium ejus, quia firmissimam spem sibi tribuit æternæ felicitatis. Unde Apostolus ait Rom. cap. ix, 24: *Spe enim salvi facti sumus. Coronat autem in miseratione et misericordia, quia ipse, qui dat coronam, idem ipse dedit victoriam; neque vincere potuisset, nisi ejus auxilium adfuisset.* »

Hujusce autem auxilii beneficium nullis præcedentibus meritis dari asserit A. N., sed solum ex bona Dei voluntate proficisci, quippe declarans pag. 353, col. 2, illud ps. xxix, 8, *Domine, in bona voluntate tua præstitisti decori meo virtutem*, « et decorem, ait, addidisti, et super decorem, hanc, quam habeo virtutem, addidisti. Hoc autem nullis præcedentibus meritis, sed ex bona voluntate tua. Illic est enim, quod Apostolus ait Rom. cap. ix, 16: *Non est volentis, neque currentis, sed miserentis est Dei. Quid habes quod non acceperisti? (I Cor. iv, 7.)* Omnis igitur virtus, constantia, et fortitudo sanctorum, non ipsorum, sed Dei est (23). » Illis alterum addam speciosissimum ejusdem S. episcopi locum p. 388, col. 2, super verba illa ps. xlv, 8: *Propterea unxit te Deus, Deus tuus, oleo lætitiæ præ consortibus tuis*; ubi, postquam dixit in Christo omnem divinitatis plenitudinem habitasse, docet, præter apostolos, ejusdem participes fieri quotquot alii, « qui non suis meritis, sed ejus adoptione ad hæreditatem participandam electi sunt. » Gratia autem, qua ad hanc adoptionem elevarunt, lætitiæ oleum appellat, propter jucunditatem, quam

qui didicet, venit: quisquis non venit, profecto nec didicit. Quis autem non videat, ad venire quemquam, et non venire arbitrio voluntatis? Sed hoc arbitrium potest esse solum, si non venit: non autem potest, nisi adjutum esse, si velit; et sic adjutum, ut non solum quid faciendum sit sciat, sed quod scierit etiam faciat. »

(23) Quidquid boni agunt sancti juxta S. August. lib. De grat. et lib. arbitr., cap. 16, a Deo est repetendum. « Ut ergo velimus, inquit, sine nobis operari, cum autem volumus, et sic volumus, ut faciamus, nobiscum cooperatur. » Consonans est auctor de vocat. gent., lib. ii, c. 8. « Datur ergo, ait, gratia sine merito, ut tendat ad meritum, et datur ante ullum laborem, unde quisque mercedem accipiat secundum suum laborem. »

animæ recte operantes sentiunt, donec hujusmodi unctionem non amiserint. Sunt hæc ejus verba: « Bene autem hoc oleum, lætitiæ oleum dicitur, quia omnibus qui unguuntur, si tamen unctionem non amittant, gaudium et lætitiâ præstat. »

Quamvis Christus pro omnibus mortuus sit, et velit, ut ait Apostolus I Tim., c. ii: *Omnes homines salvos fieri, et ad agnitionem veritatis venire*, ad quam omnes vocantur, non tamen omnes electi sunt. Cujus rei mysterium, cum A. N. meditatus fuerit, totum refundit in divinam profundissimam voluntatem, de qua quid senserit, habemus in comment. ad illa verba ps. xci, 6. *Nimis profundæ sunt cogitationes tuæ.* « Cur aliud vas, inquit, in honorem fiat, et aliud in contumeliâ, cur, antequam nascantur, Jacob eligatur, et Esau reprobetur, solvat qui potest. » Similia dixerat ad verba Job. cap. xli, 2, pag. 295, col. 1, *Et quis ante dedit mihi, ut reddam ei?* « Omnia, quæ sub celo sunt, mea sunt. Ac si dicat: Quos defendo, misericordia est; quos non defendo, justitia est. Cum enim omnia mea sint, non mihi quasi mea omnia serviunt; quæ etiam si servirent, non tamen de suo, sed de meo servirent. Nihil mihi quasi ex debito requirere debent, qui nihil mihi ante dederunt. De hac profundissima questione Apostolus ait Rom. cap. xi, 35: *O altitudo divitiarum sapientiæ et scientiæ Dei, quam incomprehensibilia sunt judicia ejus, et investigabiles viæ ejus!* » Cur autem constet Deum libere aliquos eligere, alios hac electione privare, hujusmodi veritatis assertorem proferam Brunonem nostrum in expositione illorum verborum ps. lvm, 6, pag. 417, col. 2: *Et tu, Domine, Deus virtutum, Deus Israel, intende ad visitandas omnes gentes*, ubi ait: « Ille est Deus virtutum, in cujus manu et potestate sunt omnes virtutes, qui eas tribuit cui vult, dispensat quomodo vult, repellit a se quos vult. Non est volentis, neque currentis, sed miserentis est Dei (Rom. ix, 16). » Clarius aliam Justorum electionem ante prævisa merita docet idem auctor in comment. ad Exod. cap. xxxiii, 19, p. 122, col. 1. Postquam retulit orationem Moysi Deum deprecantis pro populo prævaricatore in adoratione vituli aurei, hæc habet: « Quod autem sequitur: *Miserebor cui voluerit et clemens ero in quem placuerit*, tale est, ac si diceret: Tu pro populo tuo rogas, tu pro his, quorum corda et cogitationes non cognoscis, exoras. Ego acio quos elegerim, ego miserebor cui voluerit, qui nolo nisi bonum (24). » Idem præstat illustratio ps. cxxxiii, 4,

A ubi legitur: *Quoniam Jacob elegit sibi Dominus Israel in possessionem sibi.* « Optima ratione probatum est, inquit, quoniam benignus est Dominus, atque suavis; siquidem priusquam boni, vel mali aliquid egisset, nullis præcedentibus meritis, sola benignitate sua eum elegit. Et non solum ipsum, sed totum Israel, id est, totam ejus progeniem, quæ postea ab ipso Israel vocata est, *elegit sibi Dominus in possessionem et hæreditatem.* » Nec minus ad eandem sententiam confirmandam opportuna sunt, quæ S. antistes affert super illa ps. xlv, 8, pag. 388, col. 2, *Propterea unxit te Deus, Deus tuus, oleo lætitiæ præ consortibus tuis.* « Aliis ad mensuram, dicitur datur spiritus, in ipso vero, Christo scilicet, requiescit omnis plenitudo divinitatis corporaliter (Col. ii, 9). Consortes ejus sunt apostoli, omnesque alii, qui non suis meritis ad hæreditatem electi sunt. »

Et quia electio, vel prædestinatio sanctorum juxta S. Augustinum, De prædest. sanctorum, cap. 10, est *præparatio gratiæ, gratia vero jam ipsa donatio*: unde quicumque liberantur, certissime liberantur (25); ejus sectatorem se præbuit A. N. in comment. ps. lxxv, 5, pag. 429, col. 1: *Beatus, quem elegisti, et assumpsisti, inhabitabis in atriis tuis.* « Beatus, ait, ille, quem Dominus sua pietate elegit, et de tanta hominum multitudine sibi assumpsit, iste enim perire non poterit, sed absque ulla dubitatione bona sibi prædestinata percipiet. Et ipse quidem habitabit in tabernaculis ejus, et de quibus ipse Dominus ait: *In domo Patris mei mansiones multe sunt* (Joan. xiv, 2). »

C Hujusmodi doctrina de libera Justorum electione, quam Bruno secutus est, plene consonans divinis oraculis videtur; nam Sap. cap. ix, 17, habetur de Deo: *Sensus autem tuum quis sciet, nisi tu dederis sapientiam, et miseris Spiritum sanctum tuum de altissimis, et sic correctæ sint semitæ eorum, quæ sunt in terris, et quæ tibi placeant, didicerint homines.* Nam per sapientiam sanati sunt quicumque placuerunt tibi, Domine, a principio. His ergo inhærens A. N. in expositione cap. I, Numer., pag. 172, col. 1, dixit: « Novit Dominus et nomina et numerum electorum suorum, et revera beati, qui in Dei exercitu numerati, et quorum nomina scripta sunt in libro vitæ. De eis aliquem perire impossibile est. » Etenim isti, D scilicet iusti, non tantum electione quam operatione salutem consequuntur, sive mane, id est cito, aut vespere, vocentur; dummodo opus, ad quod vocati sunt, faciant. Quam necessitatem bonorum operum præ oculis habens S. Bruno, eam sic docuit in

(24) Tota est ex D. Augustino doctrina exposita: ille enim lib. ii, c. 17, de peccat. merit. eam tradit: « Quare autem illos velit converti, alios pro aversione punire, quanquam et in beneficio tribuendo nemo juste reprehendat misericordem, et in vindicta exercenda juste reprehendat veracem, sicut in illis evangelicis operariis, aliis placitam mercedem reddentem, aliis non placitam arguentem, nullus juste culpaverit, consilium autem occultioris justitiæ apud ipsum est. Nos quantum concessum est sapiamus, et intelligamus, si possumus, Dominum

Deum bonum ideo etiam sanctis suis alicujus boni operis iusti aliquando non tribuere vel certam scientiam, vel victricem delectationem, ut cognoscant non a se ipsis, sed ab illo sibi esse lucem qua illuminantur tenebræ eorum, et suavitatem, qua dei fructum suum terra eorum. »

(25) « Hæc prædestinatio sanctorum nihil aliud est quam præscientia, et præparatio beneficiorum Dei, quibus certissime liberantur quicumque liberantur. » S. Ang. De dono persever., cap. 25.

expos. ps. LXIV, 9, pag. 430, col. 4, ad illa verba *A* *exitus matutini, et vespere delectabis.* « Delectatur, inquit, itaque Dominus exitus illorum, qui exeunt, et fugiunt a coetu malorum. Matutinus est ille exitus, qui cito, vel in primæva ætate fit; vespere autem qui sero, vel ultima ætate fit. Omnes tamen recipit Deus, et primis et novissimis denarium tribuit. Recordare illius Evangelii in quo paterfamilias conducit operarios in vineam suam. » Dixerat S. Augustinus de vocatis a Deo: « Aguntur ut agant, non ut ipsi nihil agant. » Eadem habet idem S. episcopus in expos. ejusdem ps. LXIV, 12, multisque aliis in locis.

Quamvis S. Bruno asseruerit gratuitam prædestinationem, quæ liberam importat justorum electionem, certamque salutem, quam victicis gratiæ dono consequuntur, longissime tamen abfuit ab hæreticis gratiam Christi necessitantem, et cogentem dicentibus. Ille enim efficaciam gratiæ cum libertate arbitrii optime conciliavit, in hoc etiam fideliter Augustini doctrinam secutus (26). Siquidem declarans illa verba ps. LXVII, 10, *pluviam voluntariam segregabis, Deus, hereditati tuæ*, inquit: « Non est hæc pluvia coacta, sed voluntaria, quia voluntarie datur, et voluntarie suscipitur. Hanc autem, quia Judæi suscipere noluerunt, segregavit Deus hereditati suæ. » Sed ne hæc, ut obiter dicta, accipiantur, duplici ex loco confirmari possunt, nempe ex comment. in cap. IV, 20, Exodi, ubi expositis verbis illis Domini, *Ego indurabo cor Pharaonis*, ita concludit: « Hinc ergo colligitur quod quia boni salvantur, Dei gratia est, qui suæ misericordię freno ad se trahens, etiam cum peccare velint, peccare non patitur, hoc autem non vim faciendo, sed cor molliendo, et in melius immutando. » Alterum locum amplissimum præbet Expositio sermonis Christi cum muliere Samaritana, quæ legitur in comment. super cap. IV, 7-11, Joannis. Accedit mulier ad puteum Jacob haurire aquam, ubi requiescentem Dominum invenit, *qui ei dicit, Da mihi bibere*, sed illi hæsitanti, quod talis petitio sibi a viro Judæo fieret, respondit Jesus, *et dixit ei: Si scires donum Dei, et quis est qui dicit tibi: Da mihi*

(26) S. August. primum lib. De Spirit. et lit. cap. 37, scribit: « Cum potestas datur, non imponitur necessitas. » Et cap. 34: « Agit, inquit, Deus ut velimus, et credamus... sed consentire, vel dissentire propriæ voluntatis est. » Secundo lib. De grat. et lib. arbit., cap. 15, demonstrat quomodo sub gratia voluntas humana non sit coacta, sed libera, exponens enim verba illa Ezech. XVIII, 31: *Facite vobis cor novum et spiritum novum*: « Qui dicit: *Dabo vobis cor novum, et spiritum novum dabo in vobis* (Ezech. XXXVI, 26). Quomodo ergo qui dicit, *facite vobis*, hoc dicit, *dabo vobis*? Quare jubet, si ipse daturus est, nisi quia dat quod jubet, cum adjuvat, ut faciat, cui jubet? Semper est autem in nobis voluntas libera, sed non semper est bona; aut enim a iustitia libera est, quando servit peccato: aut a peccato libera est, quando servit iustitiæ, et tunc est bona. Gratia vero Dei semper est bona, et per hanc fit, ut sit homo bonæ voluntatis, qui prius fuerat voluntatis male. Per hanc etiam fit, ut ipsa bona voluntas, quæ jam cepit esse, augeatur, et magna fiat, ut possit adim-

A *bibere, tu forsitan petisses ab eo, et dedisset aquam vivam.* Quæ ita exponit S. Bruno: « Si me cognosceres, et S. Spiritu illuminata esses (donum namque Dei est Spiritus sanctus), tu forsitan petisses a me, sicut ego modo peto a te, et dedissem aquam vivam indeficientem, aquam in vitam æternam sufficientem. » His aliisque mulieri dictis, in ea Christus perfectioris aquæ desiderium accendit, mentem ejus elevat ad veritatem, quam sub metaphora aquæ salientis in vitam æternam proponit credendam. « Paulatim, inquit A. N., separat eam Dominus a suo intellectu, ut ad meliorem intelligentiam eam trahat. Separata jam aliquantulum mulier a priori intelligentia, non illius putei aquam intelligit; aliam aquam petit, quæ semper abundans, amplius eam illuc venire non sit necesse. » Mulier igitur Samaritana non coacte, sed dulciter, suaviterque trahitur ad Christum, omnem ei fidem præstat, eundemque apud civis suos promissum Salvatorem adiuvant (27). Admirabilem hujusmodi vocantis Dei homines ad bonum agendum suavitatem, et ad se trahendi delectabilem impulsu prosequitur Bruno in expositione ejusdem Joannis cap. IV, 44, *Nemo potest venire ad me, nisi Pater, qui misit me, traxerit eum*: « Trahit, inquit, non violentia, sed amore. Secundum quam significationem dicitur: *Trahit sua quemque voluptas* (Vinc. Ecl. II, 63). Deus autem neminem trahit, nisi volentem, et salvari cupientem. »

Hæc autem voluntas excitatur in nobis lumine veritatis, quo illustramur, charitatis igne, quo accendimur, spe cœlestis beatitudinis, qua recreamur. Ad hanc spem nostræ salutis, quamvis peccatores fuerimus, ipse Bruno nos confortat, qui, relatis verbis illis ps. CXLIV, 8, 9, *Misericors; et miserator Dominus patiens, et multum misericors suavis Dominus universis, et miserationes ejus super omnia opera ejus*, ita divinam exaltat misericordiam. « Nullus, ait, locus relinquitur desperationi, post tantam misericordię repetitionem. Ille solus desperare potest, qui ista non credit, et qui, his auditis, adhuc in sua malitia perseverat. De quibus Apostolus ait ad Roman. VII, 32. *Secundum duritiam autem tuam, et cor im-*

plere divina mandata quæ voluerit, cum valde perfecteque voluerit. »

D (27) Eadem interna suavique miseratione, et illustratione, ut docet S. August. De grat. Christi cap. 45. Christus subvenit Petro, qui ter eum negaverat. « Quod Luc. XXII, 61, scriptum est: *Respectu eum Dominus*, intus actum est, in mente actum est, in voluntate actum est. Misericordia Dominus latenter subvenit, cor tetigit, memoriam revocavit, interiore gratia sua visitavit Petrum, interioris hominis usque ad exteriores lacrymas movit, et produxit affectum. » Et S. Prosper S. August. interpres lib. III contra Collatorem ait: « Ex invito volentem facit Dominus, ex quibuslibet modis infidelitatem resistentis inclinatur: ut cor audientis, obediendi in se delectatione generata, ibi surgat, ubi premebatur; ibi discat, ubi ignorabat; inde fidat, unde diffidebat, inde velit, unde nolebat. Etenim ps. LXXXIV, 2: *Dominus dabit benignitatem, et terra nostra dabit fructum suum.* »

penitens thesaurizas tibi iram in die iræ, et revelationis iusti iudicii Dei, qui reddet unicuique secundum opera ejus. Sunt igitur miserationes ejus super omnia opera ejus, quia nihil est in operibus ejus, quod misericordiæ comparari possit. Misericordia ad terram eum traxit, et crucis mortem subire coegit: misericordia cælum implevit, et angelorum ruinam restauravit. »

Tandem, ut qui misericordia Dei adjutus bene operatur, nihil sibi tribuat, sed quidquid secundum justitiam agit, in Dei adjutorium refundat, ad illud quod narratur in cap. ix Numer. de nube qua semper tabernaculum tegebatur, et quæ in nocte quidem illuminabat, et in die a solis calore defendebat, sequentem offert expositionem p. 479, col. 2: « Per hanc nubem, inquit, sancti Spiritus gratiæ significantur, quibus nostræ ignorantiae tenebræ illuminantur, et a vitiorum aestu et a luxuriæ ardoribus defendimur. Nos enim sumus tabernaculum Dei, de quibus Apostolus ait II ad Cor. vi, 17: *Inhabitabo in illis, et ambulabo in eis.* Sed quid est, quod ad hujus nubis imperium, tabernaculum et figitur et movetur? Nisi cum bene agimus, non nostræ potestatis sumus, sed Spiritus qui est in nobis: ipso enim regimur, ipso docemur ipso recto itinere ad patriam dirigimur. » Hæc in sententia constantem Brunonem demonstrant, quæ retulit in comment. super illum Matthei locum cap. xxv: *Domine, duo talenta tradidisti mihi.* « Intellectum, inquit, et operationem mihi dedisti; tu enim das intelligentiam intelligentibus, tu et bonam voluntatem, et bene operandi effectum tribuisti; unde Apostolus ad Rom. ix, 16. *Neque volentis, ait, neque currentis, sed miserentis est Dei,* qui prius bene agendi voluntatem, deinde bene currendi tribuit facultatem (28). »

Ne quis vero putet S. Brunonem, qui tot tantæque de necessitate gratiæ Christi, deque ejus proprietatibus copiose doctèque tradidit, silentio necessitatem bonorum operum ad salutem præterisse; nam, præter multa, quæ brevitatis gratia omitto, hæc habet super illa verba psal. lxxiv, pag. 459, c. 1: *Dum accepero tempus, ego justitiam judicabo.* « Hæc autem, ait, loquitur Salvator noster, et ad superiora respondet. Ego, inquit, cum accepero tempus, justitiam judicabo, et unicuique secundum merita dabo, et eos qui me confitentur, et meum nomen invocant, et mirabilia mea prædicant, dignis muneribus remunerabo. Hoc autem erit in iudicio, quando et boni et mali astabunt ante tribunal Christi, ibique dividuntur, et qui Christum confessi sunt et laudaverunt, et qui eum negaverunt. » Et infra in eodem psalmo super hæc: *Calix in manu Domini vini meri plenus est misto,* etc., ait: « Calix iste in manu Domini mensura est retributionis. Et bene in manu Domini dicitur, quia in manu et potestate il-

lius est reduere unicuique secundum opera ejus, » etc.

§ VIII. De sacramentis.

Diximus supra Christum Dominum inter discipulos duodecim sibi elegisse, quos apostolos nominavit, eosque in Ecclesia constituenda primos operarios et ministros posuisse. Qua benevolentia toto suæ vitæ tempore illos complexus sit Redemptor noster, quæ secreta cælestia eis communicaverit, quibus præceptis institutisque ad illud opus erigendum, stabilendumque informaverit, evangelistæ cæterique scriptores sacri cumulatissime tradiderunt. Et, quia Jesus Christus plenus gratiæ et veritatis venerat, atque de plenitudine ejus quotquot credidissent in eum, accepturi erant, cælestis benedictionis, sive gratiæ suæ fontes aperuit, quorum dispensatores apostolos fecit. Hi autem fontes sunt sacramenta, quibus datur gratia pro gratia, id est ea accipientibus vel primo communicatur, vel augetur.

Plurimis in locis agit S. Bruno de baptismo, qui sacramentorum est janua; et quidem omisiss quæ de eo tradit illustrans cap. xiv Exeod., p. 64, c. 1, primo afferam expositionem in cap. iii Joannis, ubi ejus efficaciam exaltans, ait: « Tanta est virtus hujus sacramenti, ut subito mundet hominem ab omni peccato. » In commentario autem super illa Matth. xxviii, 16: *Data est mihi omnis potestas in cælo, et in terra.* Euntes ergo docere omnes gentes, baptizantes eos in nomine Patris, et Filii, et Spiritus sancti. A Christi divinitate, atque omnimoda potestate tantum baptismatis virtutem promanare docet. « Qui enim, ait, secundum divinitatem semper simul cum Patre, et Spiritu sancto omnium rerum potestatem accepit, ut homo ille, qui nuper passus est, et cæli, et terræ dominatur, neque jam solummodo Judæorum, verum etiam omnium gentium et Deus et Dominus esse credatur. Jam, inquit, nulla est distinctio: Qui crediderit, et baptizatus fuerit, salvus erit. Omnes docete, omnes baptizate: sive lucæi fuerint, sive gentiles. » Præterea tum in expositione cap. ix Levitici, tum cap. vii Numerorum memorat A. N. promissa, quæ qui baptizantur facere debent, abrenuntiandi diabolo, et omnibus pompis, et operibus ejus. Qui in cap. vii Deuteronomii dixit quod qui adhuc originali peccato tenetur, ideoque est maledictus, in maledictione non remaneat; sed eadem die, ut suæ mortis peccatum intellexit, in aqua baptismatis sepeliatur; idem de baptismo et de confirmatione appositè disseruit, illum Numer. cap. xix, p. 186, c. 2, locum explanans; ubi legitur: *Qui tetigerit cadaver hominis, et propter hoc septem diebus fuerit immundus, aspergetur ex hac aqua die tertio et septimo, et sic mundabitur, si die tertio aspersus non fuerit, septimo non poterit emundari.* Ad hæc ita loquitur S. Bruno: « Quicumque ex Adam nascitur, cadaver hominis tetigit, quia, priusquam cadaver, et mortis huiusmodi subditus es-

(28) Hæc omnia de gratuito gratiæ munere dixit S. Bruno, duce S. Aug., qui lib. De prædest. sanctor., c. 15, habet: *Humana hic merita conticescant,*

quæ perierunt in Adam; et regnet, quæ regnat. Dei gratia per Jesum Christum unicum Filium Dei, Dominum nostrum.

set, neminem generasse legitur. Propter hoc igitur, quantum ad se, septem diebus est immundus, quia nisi aqua baptismatis regeneretur, nunquam est mundus. Unde hic dicitur, ut hujusmodi homo aspergatur hac aqua die tertio, quatenus sub trina immersione baptizatus illuminari a Domino mereatur. Aspergatur autem et die septimo, ut per manus impositionem septem gratis Spiritus sancti confirmetur. Quare autem die septimo emundari non potest, qui in die tertio hac aqua aspersus non fuerit; nisi quia nemo ab episcopo confirmatur, qui prius in Trinitate non sit baptizatus? Ex his colligitur Brunonis diebus sub trina immersione, et SS. Trinitatis invocatione adhuc administrari baptismum, eumque præcedere debere confirmationem ab episcopo impertiendam. Sed de confirmatione, deque ejus effectu ex professo et erudite satis agit S. Bruno in tractatu *de sacramentis et mysteriis*, ubi, postquam de baptismo disseruisset, hæc habet: « Nunc autem sola confirmatio restat, quæ ab episcopis fieri jubetur, in qua totius Christianorum religionis mysterii plenitudo completur. In baptismo namque per Spiritum sanctum, datur remissio peccatorum. Illic autem ipse Spiritus invitatur ut veniat, et domum ipsam quam sanctificavit defendere et habitare dignetur. Nam et ipsi apostoli post baptismum acceperunt Spiritum sanctum, quem utique in ipso baptismo jam acceperant in remissionem peccatorum. Tunc per insufflationem acceperunt potestatem ligandi, atque absolvendi a peccatis, eundemque Spiritum sanctum iterum receperunt in die Pentecostes, ad totius virtutis et scientiæ perfectionem. » Et in hoc proprie docet significari sacramentum confirmationis, quod, ait, iterari non potest, quia plenum et perfectum habet suum effectum.

Sacramentum autem baptismatis, sive regenerationis per aquam, et Spiritum sanctum, quo sanguis Christi applicatur, adeo necessarium tenet Bruno, ut omnes, ideoque etiam infantes perire asserat, qui sine eo decederent. Ejus doctrina ita se habet, exponens illa verba psal. cxviii, p. 561, c. 2: *Prævaricantes reputari omnes peccatores terræ.* « Omnes homines, inquit, in Adam prævaricatores facti sunt, qui legem sibi impositam transgrediens, ad arborem sibi interdictam accessit. In illa utique prævaricatione pereunt quicumque sanguine Christi non sunt redempti. Qui vero redempti sunt, nisi legem sibi datam custodiant, prævaricatores fiunt. »

Si quæ de his duobus sacramentis, baptismate scilicet et confirmatione, tradidit S. episcopus Sigoniensis, cum catholico dogmate perfecte concordant, et traditionem Ecclesiæ in eorum usu perfecte confirmant; præstantiora atque illustriora sunt, quæ variis in locis suorum operum de sanctissimo Eucharistiæ sacramento scripsit et ante in concilio Ro-

A mano contra Berengarium profluxit. Præstat ante omnia splendidissimam referre expositionem in caput xvi Levitici, pag. 157, c. 1, ubi Deus promittit Moysi quod apparuisset in nube super tabernaculum. « (29) In nube, inquit, Dominus, et in caligine prius apparebat, quia postea carnis velamine tectus apparere debebat: nubes enim illa Christi carnem significabat. Apparet autem et nunc in nube super oraculum, quoniam in sacramento, sub aliena specie cernitur super altare. Ad hoc autem oraculum, ad hoc altare et sacramentum accedere neque semper, neque omnibus licet; prius enim necesse est offerre vitulum pro peccato, et arietem in holocaustum, id est credere necesse est Christum Dominum pro peccatis nostris immolatum, et totum in ara crucis corporaliter passum. » Qui symbolum SS. Eucharistiæ, ejusque significationem nuper descripsit, nunc apertius de ea loquitur, et quomodo conficiatur, edocet in Comment. ad illa verba psal. xciii: *Memor sit Dominus omnis sacrificii, et holocaustum pingue fiat.* « Ipse Christus est enim sacerdos magnus secundum ordinem Melchisedech, qui admirabili potentia panem et vinum in sui corporis et sanguinis substantiam veritit, deditque discipulis suis, dicens: *Accipite, et comedite, hoc est corpus meum: et hic est calix Novi Testamenti in meo sanguine.* Altera autem die postquam hoc fecit, se ipsum in ara crucis pro nobis immolavit. » Sed major accedit catholicæ fidei confirmatio ex irrefragabili auctoritate, quam supplet commentarius in cap. viii Levitici, p. 141, c. 1, ubi etiam fit mentio de expansione manuum sacerdotis celebrantis super hostiam, et calicem consecrandum. « (30) Ex si pontifices, inquit, et sacerdotes super Christi corpus et sanguinem manus expansas et elevatas habeant, unus tamen est pontifex Jesus, qui sanctificat et benedicit, ejus virtute ineffabili in sui corporis sanguinisque substantiam panis et vinum convertitur. *Fudit autem sanguinem ejus per altaris circuitum;* quoniam Christus suum sanguinem nobis obtulit ad bibendum. Altare enim Ecclesia est, quæ Christi sanguine tota aspergitur et inebriatur. » Si ex figuris symbolis Veteris Testamenti tam perspicua, tamque significantia eruit S. Bruno testimonia ad asserendam in sacramento altaris corporis et sanguinis Christi Domini transsubstantiationem, quid luculentius audire non speramus in ejus Commentariis super Evangelia, qui realem ipsius Christi præsentiam, facta panis et calicis consecratione, tam valide propugnavit? Ecce quomodo edisserit tam ineffabile mysterium, exponens quæ de eo in Matth. cap. xxvi habentur: *Canentibus autem eis, accepit Jesus panem, et benedixit, deditque discipulis suis dicens: Accipite, et comedite: hoc est corpus meum.* Declarat, inquam, Bruno hoc in loco quid Christus significarat, cum alibi, Joannis scilicet cap. vi, 54, nem corporis et sanguinis Christi Domini.

(29) Vid. totum comment. in cap. xxxi Exodi, ubi agitur de sacrificio vituli et duorum arietum, quorum immolatio ad significandam traducitur oblatio-

(30) Vide etiam quæ profert in Comment. super cap. i ejusdem Levitici, p. 126, c. 2.

diceret : *Nisi manducaveritis carnem Filii hominis, et biberitis ejus sanguinem, non habebitis vitam in vobis.* « Ecce Sacerdos, ait, in æternum secundum ordinem Melchisedech, panem et vinum virtute ineffabili in sui corporis et sanguinis substantiam convertit. Sicut enim tunc et vivebat, et loquebatur, et tamen a discipulis comedebatur et bibebatur; ita et modo integer, et incorruptibilis manet, et a fidelibus suis in panis et vini sacramento quotidie bibitur et manducatur. Nisi enim panis et vinum in ejus carnem et sanguinem verterentur, nunquam ipse corporaliter manducaretur, vel biberetur. Mutantur ista in illa; comeduntur et bibuntur illa in istis, quod qualiter fiat ipse solus novit, qui omnia potest et omnia novit. Dixit enim per se, dicit et modo per suos ministros : *Hoc est corpus meum*; et tanta est ejus verbi virtus et efficacia, ut statim fiat quod dicitur. Similiter autem dum dicit : *Hic est sanguis meus*; mox in ejus sanguinem vinum convertitur. Et accipiens calicem gratias egit, et dedit illis, dicens : *Bibite ex hoc omnes : hic est enim sanguis meus Novi Testamenti, qui pro multis effundetur in remissionem peccatorum.* Illic, inquit, est sanguis meus, qui fundendus est, et non alius iste, et alius ille, sed unus idemque iste et ille. Cras igitur fundetur ex hoc meo latere, quem vos modo bibitis et videtis in calice. » Eadem doctrina catholica refulget in eorum super Joannis cap. vi, 51 : *Ego sum panis vivus, qui de caelo descendi, etc.* Si quis manducaverit ex hoc pane, vivet in æternum, et panis quem ego dabo caro mea est pro mundi vita. « Jam nunc, ait, ipso Domino exponente, intelligimus quid sit iste panis. Iste enim panis caro Christi est, quæ pro mundi vita in ara crucis immolata est. Hanc autem manducat Ecclesia; ideoque non moritur, sed vivit in æternum. Panis enim et vinum, quæ in altari ponuntur, ad sacerdotis vocem cœlesti benedictione sanctificantur, et in Christi carnem et sanguinem essentialiter commutantur; ut una eademque essentia sit et ejus carnis, quæ de Virgine nata est, et ejus, quæ de pane facta est. Hoc autem tam magnum et admirabile sacramentum eo tempore cepit quo Salvator noster panem et vinum benedicens, discipulis ait : *Accipite, et comedite : hoc est corpus meum. Et hic est calix Novi Testamenti in meo sanguine.* » Quoniam vero in missa non solum sit sacramentum, sed etiam sacrificium, A. N. his in doctrinis versatissimus, quotidie fieri et renovari a sacerdotibus affirmat in comment. cap. 1, in Job, p. 222, c. 2, ubi legitur sanctum virum holocausta pro singulis filiis cunctis diebus offerre consuescere. « Offerre autem Job, ait, holocausta per singulos; quia Salvator noster et pro omnibus, et pro singulis quibuscunque fidelibus se ipsum obtulit, et quotidie per suos ministros offerre non cessat. » Dixerat etiam paulo ante de oblatione arietis in holocaustum, etc. « Hoc autem est illud holocaustum quod quotidie in S. Ecclesia fit. Offerri enim Moyses, id est Christus, arietem in holocau-

stum, quoniam et si sacerdotum ministerio fiat, ipse tamen carnem et sanguinem suum immolat et sacrificat. Non enim sacerdotis, sed ipsius vox est, quæ dicit : *Hoc est corpus meum*, et : *Hic est calix Novi Testamenti in meo sanguine, qui pro vobis et pro multis effundetur, in remissionem peccatorum,* » pag. 141, c. 1. Hæc de SS. Eucharistia cum pluribus SS. Patribus Brunonem dixisse, nemo erit qui non fateatur; at peculiaris ejus doctrina de Viatico, hoc est de corpore Christi in extremo vitæ discrimine accipiendo, quo ostenditur ex vetustissimo tempore Ecclesiam ad fideles periculose decumbentes illud deferre consuevisse. Exponens enim caput xv Deuteronomii, p. 198, c. 1, ubi dicitur non esse absque viatico dimittendum servum, hæc habet : « Vide quam bonus Dominus, qui nec etiam ipsos malos servos, et ingratos vacuos abire permittit, sed dat eis viaticum de gregibus, et de area, et de torculari. Intelligit enim hoc sacramentum, intelligit et hoc nomen, nec ignorat quid hoc viaticum significet. Unde et ultima hora pœnitentibus hoc viaticum recipere persuadet, qui per totam vitam usque ad sedem Judicis securi perferantur. »

Dum autem S. Bruno dignitatem et virtutem eucharistici sacramenti merito efferret, Christianos admonere non omisit, ut qui ad sacram mensam accedunt, a peccatis prius mundari curent, ne indigne corpori et sanguini Domini communicent. Quare in Levit. cap. v, asserens illud Pauli II Cor. vi, 1 : *Hortamur vos, ne in vacuum gratiam Dei recipiatis*; hæc habet p. 135, c. 2 : « Hinc illa anima, in iis quæ sunt Domino consecrata, peccare videtur, per quam fides integra sacramentis non adhibetur; dum enim secundum quod potest gratiam non acquirit ab illis, maximum certe sacrilegium committit. » Sacerdotibus vero multo magis hanc munditiam inculcat, eis dicens : « Non accedant ad altare nisi loti : prope est aqua, prope sunt lacrymæ et pœnitentia. » Ita in cap. xxx Exod., p. 116, c. 1.

Non mirum ergo videatur, quod S. episcopus tam frequenter pœnitentiam commendat, ac doceat quod passio Christi virtutem ei conferat remittendi peccata. Vid. p. 132. Sed, ne quis putet Brunonem de pœnitentia cordis solum loqui, eamque ad emundationem conscientie satis esse, de confessione sacramentali peculiariter agit in comment. ad cap. vii Levitici, p. 142, c. 1. « Vult enim Dominus, ait, ut peccata nostra sacerdotibus demus atque aperiamus; quatenus eorum consiliis et doctrina repleamur. Demus eis adipem nostrum, confiteamur eis peccata nostra, dicamus eis quid male pinguis lascivendo fecerit caro nostra. Ipsorum est adolere, ipsorum est incendere, et delere peccata. » Item declarans illa ps. lxi. *Effundite coram illo corda vestra*, quibus facienda sit confessio manifestat. « Quidquid, ait, in corde habetis, illi revelate et manifestate; et sic ut scriptum est Jacob. v, 16 : *Confitemini alterutrum peccata vestra, et orate pro invicem, ut salvemini.*

Deo enim confiteris quod ejus vicaris, in est episcopis et sacerdotibus confiteris. Celat autem peccatum suum ille, qui nullum poenitentiae signum ostendit. Ut quis autem a peccatis mundetur non sufficit ut peccata sua sacerdoti confiteatur, sed absolutionem obtineat oportet. » Quare S. Bruno explanans cap. xiii Levitici, pag. 152, col. 1, talem confirmat veritatem. « Ut quid, ait, peracta poenitentia absolvitur homo, et reconciliatur, nisi quia sacerdotis absolutione lavatur atque mundatur? Hoc audiat poenitentes, in quibus peccata non delentur, quia in peccatis perseverantes, semper peccata peccatis adjungunt. » Neque supervacaneum erit recensere quae de necessitate sacramentalis absolutionis in fine ejusdem capitis addit super praeceptum lavandi vestimenta etiam munda. « Quare, ait, secundo lavantur quae pura sunt? nisi quia, quamvis poenitentia sit homo mundus, attamen nisi a sacerdote sit reconciliatus et absolutus, adhuc a sacramentis abstinet, ut immundus: quamvis enim mundus sit, mundus tamen non videtur, nisi cum cæteris fidelibus ecclesiasticis communicet sacramentis. Primo ergo lavatur poenitentia, secundo reconciliatione et absolutione. » Nemo non videt delirasse haereticos, qui sacramentalem confessionem e medio tollere conati sunt, eam modernum inventum dicentes, et poenitentiam cordis sufficere praedicant. Et quamvis A. N. de sacramentali confessione, hoc est de secreta peccatorum accusatione tam praeclarum testimonium non solum in locis supra relatis, sed etiam in expos. ps. xxxi, p. 357, c. 1, praebuerit, non est oblitus poenitentiae publicae, quam peccatores ob graviora publica delicta obire debebant, ut reconciliationem ab Ecclesia juxta praescriptam disciplinam adhuc Brunonis diebus vigentem obtinerent (31). A reconciliatione leprosi, ut habetur in cap. xiv Levitici, pag. 153, col. 1, speciem desumens hæc habet: « Egreditur sacerdos e castris ad leprosum reconciliandum; quoniam usque hodie episcopos nostros ad peccatores reconciliandos Ecclesiae januas egredi videmus. Non recipitur autem leprosus, nec mundatur; quia nec peccator reconciliari debet, qui poenitentiam non egerit pro peccato, est enim poenitentia commissi fieri, flenda non committere. »

De extrema unctione nullus mihi occurrit locus, ubi de ea egerit S. Bruno, et de matrimonio perpaucam habet in comment. ii capitis in Genesim, et in cap. iv Joannis, quæ prætereo, cum plurima mihi dicenda sint de ordine, de quo tam copiose et eruditè scripsit, ut vix summa capita complecti valeam. Cum vero per hoc sacramentum, ejus auctor, sicut aliorum fuit Christus Dominus, constituitur in Ecclesia hierarchia, quæ est assumptio et destinatio aliquorum fidelium ad sacrorum ministerium, et ad propagandam legis ejus veritatem, prius

A de Ecclesia, demum de diversis ordinum gradibus agam.

§ IX. De Ecclesia.

Ecclesiam intelligimus, et profitemur esse fidelium societatem suis peculiaribus pastoribus, seu episcopis in spiritualibus subjectam, præcipue vero Romano pontifici, tanquam capiti visibili, in universa Ecclesia constituto. Olim primi Dei cultores, et ab Abraham primo credentium parente descendentes Ecclesiam repræsentabant; modo Ecclesia, ejus nos membra sumus, Christo auctore gaudet, atque in ejus constituta stabilitate, ipso regente sustentatur. « Sicut enim, inquit S. Bruno in exposit. cap. ii in Genesim pag. 10, col. 2, dormiente Adam, una costa subtracta, facta est Eva; ita Christo mortis somno in cruce dormiente, de latere ejus sanguis exivit, qui redemit et fabricavit Ecclesiam. Redemit autem, qui totum humanum genus a damnatione suo sanguine liberavit: fabricavit autem Ecclesiam, suam gratiam, suumque Spiritem largiens fidelibus, constituens præcepta, et præmittens obtemperantibus æternum premium. » In principio nacentis Ecclesiae, ait A. N. in exposit. ad cap. xxxiv Exod., pag. 123, col. 1, soli apostoli a Domino vocati fidem susceperunt. Illos autem doctrina, exemplis et portentis ad tantum opus firmavit, eorumque ministerio, sive apostolatu, ex omnibus mundi partibus, eodem S. Brunone docente in Genes. pag. 18, col. 2, tanquam diversas gentes in unam Ecclesiam congregavit. Neque plures Ecclesiae factae sunt, et si plures in diversis mundi partibus fundatae fuerint, quod A. N. in Comment. super Cantic. canticor. opportune adnotavit. Nam, cum ante sacer scriptor vineas appellasset, sub quarum nomine Ecclesiae intelliguntur, postea in numero singulari vineam dicat, significat, quotquot sunt vineae, hæc est Ecclesiae, vineam unam constituere. « Multae autem vineae multae sunt Ecclesiae. Una vero Synagoga est. Hanc autem reliquerunt apostoli, sicut scriptum est Act. cap. xiii, 46: *Vobis oportuerat primum quidem loqui verbum Dei, sed quia repulisti illud, et indignos vos fecistis æternæ vitæ, ecce convertimur ad gentes.* Potest et sub interrogatione legi: *Vineam meam non custodivi? Custodivi utique.* Quod autem prius pluraliter, dein vero singulariter vineam posuit, unitatem Ecclesiae significavit, quæ, quamvis secundum locorum qualitatem dividatur, in fide tamen et dilectione una est. » Duobus aliis in locis asserit S. Bruno Ecclesiae unitatem; nam primo loquens de diversis mansiunculis in arca a Noe constitutis, ait per eas significari multiplices Ecclesias per totum orbem fundatas, quæ veluti quaedam cameræ intra eandem domum continentur. « Caret, inquit in Genes. cap. viii, pag. 17, col. 2, Ecclesia macula et ruga. Per mansiunculas autem, singulas designat Ecclesias, quæ per provincias, et episco-

(31) Hoc autem in loco S. Bruno mentionem facit publicæ poenitentiae ob publica delicta, quæ expianda

erant et poena, et exemplo, antequam poenitens absolveretur.

patus divisæ infra universalem Ecclesiam, quasi A quædam cameræ intra domum continentur. » Alius locus habetur, a comment. cap. II in Exod., pag. 49, col. 1. « Et si ob diversitatem locorum, ait, multæ in hoc mundo sint Ecclesiæ; in fidei tamen unitate, non nisi una catholica et universalis Ecclesia esse creditur. »

Ejusdem etiam Ecclesiæ sanctitas et excellentia asseritur ab A. N. in comment. ad cap. XLII Job, pag. 298, col. 2. « Neque, ait, Synagoga, neque idololatria, neque alia quælibet secta pulchritudini Ecclesiæ comparari potest. Ipsa enim est, quæ non habet maculam, neque rugam. Et ipsa quidem inter fratres suos, id est inter angelorum choros, qui ejusdem, cujus et ipsa (filii sunt) hæreditatem suscipit. »

Ecclesiam pariter apostolicam confitemur ab apostolis fundatam et propagatam, qui, ut inquit S. Maximus Taurinensis, quamvis parem gratiam, id Dominum sanctitatis obtinuerint, unus tamen ab eo princeps omnium electus est, et præcipuum constitutus fundamentum, super quod suam ædificavit Ecclesiam. Quam præclare hanc asseruerit veritatem S. Bruno ex duplici loco constat, quorum primus exhibet comment. super caput XXXIII Exodi, pag. 122, col. 2, ubi relata celebri confessione Petri de Christi divinitate, ejus fidem, quam ei Pater cælestis revelaverat, petram seu fundamentum super quod ædificaturus erat Ecclesiam, nuncupavit. « Vocatur autem, inquit, fides Petri petra, Unde cum Domino Petrus diceret Matth. cap. XVI : *Tu es Christus Filius Dei vivi*; mox ejusdem fidem confirmans ait : *Ego dico tibi, quia tu es Petrus*. Id est super hanc fidem tuam, qua me dicis Filium Dei vivi, ædificabo Ecclesiam meam. » Consonat alter locus in comment. ad præcit. Matthæi caput. « Videamus, inquit, quid sit : *Et super hanc petram ædificabo Ecclesiam meam*. Super hanc petram, quam tu modo in fidei fundamentum posuisti, super hanc fidem, quam tu modo docuisti, dicens : *Tu es Christus Filius Dei vivi*; super hanc petram, et super hanc fidem ædificabo Ecclesiam meam. » Ex quo autem S. Bruno asserit fidem Petri esse petram, supra quam Christus Dominus promisit ædificare Ecclesiam suam, ipsam Petri personam exprimere voluit, a quo præclarum illud divinitatis suæ testimonium prodierat, et peculiariter designare ejus electionem, ut præ reliquis apostolis præcipuum foret Ecclesiæ fundamentum. Neque enim in primis dixit Jesus super fidem in genere se Ecclesiam ædificaturum, sed super fidem Petri, quam ipse confessus fuerat, eique Pater æternus mysterium hæcenus

A hominibus absconditum revelaverat. Quod autem hoc ad Petri personam omnino referri debeat, ut affirmantem Christi divinitatem, ex antea dictis consequens est, et evidentius colligitur, si Christi verba in suo vero sensu accipiantur. Non enim intelligendum est Christum voluisse super materialem Petri personam, id est, super corpoream et spirituales ejus naturam, Ecclesiam suam construere, cum ex se iners sit, nihilque agat, sed super fidem Petri. Sicut enim Ecclesia ex fide consistit, ita dicitur fundata super personam Petri habentis fidem, quæ in sustinenda Ecclesiæ fabrica stabile firmumque sit fundamentum. Hanc autem fuisse Brunonis mentem clarius patet ex his, quæ immediate subjungit. « Hæc enim sententiæ Apostolus concordans I Cor.

B XXXII ait : *Fundamentum aliud nemo potest ponere, præter id quod positum est, quod est Christus Jesus*. Ac si dicat : Non est aliud fundamentum, nisi illa petra, quam Petrus in fundamentum posuit, cum diceret. *Tu es Christus Filius Dei vivi*. » Et revera quod in fortitudine et stabilitate hujus petre, scilicet Petri, ejusque successorum in eadem apostolatus præminetia, et dignitate fundata Ecclesia conservetur; ex illo etiam Christi oraculo evincitur; cum dixit Petro : *Ego rogo pro te, Petre, ut non deficiat fides tua*. Nam firmitas illa et inerrantia a fide Ecclesiæ a Christo in Petro fundatæ characterem veritatis, ac proprietatem singularem ipsi inherenter, et perpetuo duraturam ei constituerat. Ne autem interpretatio hæc divinorum verborum in alium sensum traducatur, præ oculis habeantur quæ idem S. Bruno perspicue adducit in comment. super cap. XXI Joannis, ubi supremam Petri, ejusque successorum auctoritatem ac potestatem in Ecclesia universa clarissime affirmat, a Christo ei traditam, neque ceteris apostolis communicatam. Cum enim Christus ter dilectionem Petri explorasset, eumque semper in illa constantem audivisset, non solum agnos, sed et oves suas ei pascendas tradidit, dicens ei : *Pasce agnos meos, pasce oves meas*. Super quæ S. Bruno hæc commentatur : « Prius agnos, deinde oves ei commisit; quia non solum pastorem, sed pastorem pastorem eum constituit. Pascit igitur Petrus agnos, pascit et oves : pascit filios, pascit et matres, quia præter agnos et oves in Ecclesia nihil est. Oves ergo prælati sunt et episcopi, successores apostolorum divinitus constituti; qui sub supremo capite, nempe Romano pontifice gregem suum pascere et gubernare debent. » (52) Tandem, in comment. super psalmum LXXIX, S. Petrum maximum apostolorum appellat S. Bruno, eique a Christo Domino commissam con-

(52) Hæc excerpta videntur ab auctore sermonis in natali apostolorum Petri et Pauli, a melioribus criticis S. Eucherio Lugdunensi attributi, quamvis sub nomine Eusebii Emisani editi. Prius agnos, inquit, deinde oves commisit ei, id est Petro; quia non solum pastorem, sed pastorem pastorem eum constituit. Pascit igitur Petrus agnos et oves : pascit filios,

pascit et matres : regit et subditos, et prælatos. Omnium igitur pastor est, quia præter agnos et oves in Ecclesia nihil est. Hæc auctoritate usus est clarissimus Bossuetus episcopus Meldensis in celebri oratione habita ad clerum Gallicanum congregatum an. 1682, ut Rom. pontificis universi Christiani gregis gubernandi potestatem comprobaret.

firmandum fratrum curam iterum asserit, atque confirmat principatum, plenamque ejus in universa Ecclesia auctoritatem.

Quomodo autem Petrus Romanam Ecclesiam fundaverit, suamque sedem in ea stabiliverit, docet Bruno in comment. super illa verba cap. xxii Exod., pag. 80, col. 1: *Si seduxerit quis virginem nondum desponsatam*, etc. « Bonus, inquit, seductor beatus Petrus exstitit, qui ad fidei justitiæque amorem Romanorum multitudinem convertit. Invenit enim hanc quasi virginem vacantem, nec dum desponsatam, neque viro traditam, dormivitque cum ea, et multos ex ea filios genuit. Cum ea namque dormiebat, quando prædicationi instabat, et verbi semine filios generabat; postea vero dotavit eam fide, scientia, et virtutibus, et S. Spiritus gratia eam roborando, quia gener, et dotes patri virginis placuerunt. » Petrus ergo ex Brunone Ecclesiam Romanam in sponsam sibi electam ab impio idolorum cultu ereptam, coelestibusque veritatis radiis illustratam, eam in vera supremi dominatoris Dei religione, Christique reparatoris cognitione stabilivit, omnibusque scientiæ et virtutum dotibus exornavit. Ut autem hujusmodi hæreditas, quam constituerat, perpetuo successoribus suis in apostolica sede remaneret, gloriosissimo crucis martyrio, Christum magistrum suum imitatus, Romæ obire voluit, proprioque sanguine, veluti firmatum chirographum suæ voluntatis, ei reliquit.

Cum autem Bruno noster sanctissimus episcopus fuerit; et ut omnimodæ episcopalis perfectionis exemplar se gesserit, mirum non est, si tam copiose de electione, muneribus, virtutibusque episcoporum exponens Exodum et Leviticum tractaverit. Ne limites vero hujusce prolationis transgrediar, aliqua tantum ex multis locis referam, quæ præsertim in Comment. super Exodum continentur. Et quidem primo audienda sunt quæ tradit, explanans verba illa cap. xxix Exod., pag. 112, col. 2. *Vestem autem sanctam, quæ utitur Aaron, habebunt filii ejus post eum, ut ungantur in ea, et consecrentur manus eorum.* « Vos enim, ait, episcopi et sacerdotes, filii

A estis Aaron, si tamen imitamini, et Moysi fratres estis, illius utique Moysi, qui ait psal. xxi, 23: *Narrabo nomen meum fratribus meis.* Vos ergo habetis vestem Aaron, vos gloria, et honore, omniumque virtutum ornamento induti estis. Vos rationale, et superhumerales habetis, vos sancti Spiritus gratia innuncti estis: vestræ quoque manus ad Christi corpus et sanguinem conficiendum sunt consecratæ. Vos enim septem diebus hac veste utimini, et nunquam ea expoliimini. Non enim sunt dies nisi septem. Quod autem septem diebus sit, omni tempore sit. »

Mihi etiam liceat recensere quomodo idem S. Bruno episcoporum electionem et ministerium describat, exponens illud Exod. cap. xxvii, pag. 101, col. 2. *Ut ardeat lucerna semper in tabernaculo testimonii extra velum.* « Hanc autem lucernam, inquit, collocat Aaron, et filii ejus; hanc illi ordinant, consecrant et constituunt, qui et primi sacerdotis ejusque successorum vices gerunt (33). A populo quidem lucerna eligitur, et pontificibus offertur; ab episcopis autem consecratur, et ordinatur, et in sede collocatur. Lucerna autem usque mane coram Deo, et donec de hac misera et tenebrosa vita exeat, Dei populum prædicare et illuminare non cesset; ut, hac nocte finita, oriatur ei Sol justitiæ, et ingrediatur illum diem de quo Psalmista psal. lxxxiii, 10, ait: *Quia melior est dies una in atris tuis super millia.* » Hic notandus est non tam usus electionis episcoporum, qui Brunonis ævo in Ecclesia adhuc vigeat, eorumque consecrationis, quam quod episcopi consecratores summi pontificis vices gerebant, neque eis licitum erat ad hujusmodi consecrationem procedere, nisi ejusdem summi pontificis mandatum, hoc est apostolicas litteras haberent, vi quarum vices ejus adimplerent. Sed et illud peculiare in consecratione episcoporum a Brunone memoratum silentio non præteribo; scilicet, quod episcopi antequam consecrentur, respondere teneantur de fide, et jurare se ab illa, et a regulis Ecclesiæ nunquam excessuros. Exponens enim illa Levitici verba cap. viii, pag. 141, col. 2: *Obtulit, inquit, et arietem secundum in consecratione sa-*

(33) Conformis est hujusmodi regula sanctioni, seu canonis in concilio Romano sub Siricio papa promulgato. *Ut extra conscientiam sedis apostolicæ, nemo audeat ordinare.* Vid. observ. super Histor. eccl. Fleurii tom. I, p. 299. Hujusmodi regula adeo firma fuit apud Romanos pontifices, ut S. Leo Magnus in epistola ad episcopos provincie Viennensis de Hilario Arelatensi episcopo conquestus sit, quod in ea se non continuerit. *Hilarius, ait, Ecclesiarum statum, et concordiam sacerdotum novis præsumptionibus turbaturus excessit; ita suæ vos cupiens subdere potestati, ut se beato apostolo Petro non patiaris esse subjectum, ordinationes sibi omnium per Gallias Ecclesiarum sibi vindicans, et debitam metropolitani sacerdotibus in suam transferens dignitatem: ipsius quoque beatissimi Petri reverentiam verbis arrogantibus minuendo: cui cum præ cæteris solvendi, et ligandi tradita sit potestas, pascendarum tamen ovium cura specialius tradita est. Cui quisquis principatum æstimat denegandum, illius quidem nullo modo potest minuire dignitatem; sed inflatus spiritu superbiæ suæ,*

semetipsum in inferna demergit. Tanta insonante auctoritate, quid validum adferre possunt, qui supremam Romanorum pontificum in ordinatione episcoporum potestatem impugnare contendunt? Si apostolos in ius et exemplum proferant, qui passim, ubi opus erat, episcopos ordinabant; respondent auctores omnes, eos extraordinaria missione et potestate, extraordinariis etiam privilegiis, ac portentorum operationibus a Domino munitos fuisse: ac proinde mirum non est, si in Ecclesiæ exordio ordinationem episcoporum egerint. Sed verius ex consensu S. Petri eorum capitis illam egisse fieri potuit, antequam ab eo ad Evangelium in omnem terram evulgandum se dividerent. Constituto enim Christi auctoritate capite Ecclesiæ Petro ipso, Ecclesia ut corpus regi debebat (atque ut corpus describitur in Evangelio) ita ut membra cum capite ipso convenire omnino deberent. Num vero in aliquo regno constituuntur civitatum moderatores sine aliqua supremi principis auctoritate? Idem affirmari libet de primis illorum successoribus.

cerdotum : posuerunt super caput illius Aaron et filii ejus manus suas, etc. « Moyses enim hoc in loco, qui sacerdotes consecrat, aliquem pontificem significare potest, cujus ministerio episcopi et sacerdotes consecrantur. Hic autem in principio consecrationis offert arietem, si eos qui consecrandi sunt de fide plenissime instruat. Unde et iidem ipsi super caput arietis manus ponunt, quia omnia de quibus interrogantur se credere quodammodo jurant, et consentiunt. »

Neque recensere omittit S. Bruno quæ sint episcoporum munera, quæque Levitarum officia; cum in cap. vi Levitici, pag. 174, col. 1, inquit: « Ad episcopos majora Ecclesiæ sacramenta tractare et agere pertinet; quæ sunt confirmare et conferre ordines. Levitæ vero cæterique minores ordines in exterioribus officiis fideliter laborare, et desudare debent; ut nemo inutilis, nemo otiosus inveniat; sed majorum jussionem et dispositionem confestim minorum obedientia consequatur. »

In tanta autem dignitate, munerumque excellentia constituti episcopi, quomodo vita sit eis componenda, ut tanquam luminaria in Ecclesia refulgeant, ex pluribus locis in quibus S. Bruno de illa disserit, illum præferam, ubi, quam conversationem tenere debeant, describit, explanans illa verba, cap. xxviii Exod., p. 105, c. 1. *Facies et tunicam superhumeralis hyacinthinam, etc.* « Quia enim, ait, superhumerales super hanc tunicam ponebatur, ideo superhumeralis tunica vocatur. Hæc autem totus pontifex tegebatur, et ideo collum capitulum habebat, quo caput etiam tegeretur. Per hanc, sanctam et mundam episcopi conversationem intelligimus; ut sic sancta vita, et optima conversatione totus operatur, quatenus nihil nudum, vel indecens, vel non ornatum in eo appareat; unde et tota tunica hyacinthina fuisse dicitur, qua videlicet pontifex indutus non terra, sed cælum, non homo, sed Deus esse putaretur. Hyacinthus enim, ut jam sæpe diximus, quoniam aerei coloris est, cælum significat. »

Cum vero episcopis verbi Dei prædicatione maxime sit obeunda, S. antistes Signiensis eam illis eodem in loco commendat; quippe, relatis his: *Et vestietur ea Aaron in officio ministerii, ut audiat sonitus, quando ingreditur et egreditur sanctuarium in conspectu Domini, ait:* « Necesse est pontifices sine intermissione clamare, necesse est semper prædicare, et vocis tintinnabula sonare, et ad fidem, et ad baptismum, et ad poenitentiam populum vocare. Sive enim ingreditur sanctuarium, sive egreditur de sanctuario, hoc agere debet; quia quandiu in ecclesia est, quando circa se populum cernit (populus enim sanctuarium est) semper ædificationis verba eorum auribus insonare, instillare convenit. Hoc enim, cum ubique agere bonum sit; ibi tamen precipue fieri debet, ubi ad sacramenta sumenda populus venire consuevit. Quod quidem si episcopus fecerit, non morietur; si vero non fecerit, morie-

tur. Quid est morietur? Non enim hoc de communi morte dici videtur; omnes enim moriemur. De alia igitur morte est intelligendum, aqua omnipotens Deus nos eripere, et liberare dignetur. » His addenda sunt, quæ A. N. docet in comment. super illud Math. cap. v. *Neque accendunt lucernam, et ponunt eam sub modio, etc.* « Ad hoc, inquit, lucerna accenditur, ut luceat: ad hoc episcopus ordinatur, ut cæteros illuminet. Lucerna enim episcopus est, lumen gratia Spiritus sancti, sive evangelica prædicatione. Qui ergo supra Ecclesiæ candelabrum positus est, videat ne gratiam Spiritus sancti, qua illuminatus est, sub modio ponat; videat ne talentum sibi traditum terræ suffodiat. » Oportet autem ut sana et orthodoxa sit doctrina episcopi; nam et si aliquibus ornatur virtutibus, et bona aliqua exerceat, male autem doceat; quidquid bene agit, officium suum prodit, et reus sit ante Dominum. Explicans enim illud præceptum, quod pontifex super humerale rationali conjunctum ferat, hæc eruit documenta. « Sicut enim, inquit, pag. 104, col. 2, per rationale, et prædicatione, ita per superhumeralis onus, et operatio designatur. Si enim episcopus bene docet, et male operatur; aut si e contra bene operatur, et male docet, ejus superhumerales et rationale non junguntur. Hæreticorum quoniam plurimos fuisse legimus, qui bene quidem operabantur; sed male docebant. Jejunare namque, vigilare, elemosynas dare, et similia, bonum opus est. Hæc autem Manichæorum, Arianorum, et Donatistarum episcopos fecisse audivimus; sed, quoniam male docebant, quamvis hæc et similia agendo superhumerales facere viderentur, rationale penitus non habebant: si enim habuissent, irrationabilia, id est falsa et erronea non prædicassent. »

Et cum S. Bruno perfectam episcopatus ideam tradere sibi proposuisset, etiam a lamina aurea, in qua scriptum erat *sanctum Domino*, et pontifex in fronte gestabat, de episcopi sapientia differendi opportunitatem accepit. « Erat autem, sic ait ad cap. xxvi Exod., pag. 106, col. 1, hæc lamina super thiarum, quoniam omnibus ornamentis sapientia in pontifice superior est, et clarius lucet. Et quamvis cætera ornamenta habeat, si tamen sapientiam non habet, non est in eo, ubi scribatur *sanctum Domino*, hoc est enim nomen pontificis, quo, qui non titulatur, pontifex non est. Imminet autem hæc stella fronti pontificis, ut nunquam abscondatur, ut ab omnibus videatur, ut omnes illuminet, et luceat omnibus qui in domo sunt. » Nec doctrina solum et sapientia clarescere episcopos oportet, sed quodammodo se onerare debent peccatis populi, et pro eo Deum continuo deprecari. Hæc enim docet S. Bruno in Expositione loci ejusdem, cap. xxviii Exod., pag. 106, col. 1. *Portabitque Aaron iniquitates eorum quæ obtulerint et sacrificaverint filii Israel.* « Cum populus, inquit, ad delenda peccata sacerdotibus munera offerat, quid aliud sacerdotes, nisi peccata populi in muneribus portant? In muneribus ergo

peccatorum onera populus deponit : sacerdotes vero A e contra peccatoribus onerantur. Hoc autem onus officii sacerdotibus sit, ut pro peccatoribus exorantes, et suum officium digne adimplentes, Dei indignationem et iram semper placare studeant. »

Super omnia autem episcopus integerrimis moribus emineat; si enim alios sanctificare debet, ad suam oportet totus incumbat sanctitatem. Quid autem illi agendum sit, opportune insinuat A. N. in Comment. ad illud cap. xxix. Exod., p. 111, c. 2. *Poneque omnia super manus Aaron, et filiorum ejus, et sanctificabis eos, elevans coram Domino.* « Tunc enim, ait S. Bruno., sanctificatur, quando sacra legem, et divina volumina ad meditandum et docendum suscipit, et se non labiis tantum, sed toto corde B servare promittit. Elevat autem ea coram Domino, quoniam et in vita et in doctrina talem se exhibet, cujus obsequia sursum fieri, et a Deo videri, et recipi mereantur. Ille enim sursum non elevat se, nec munera sua, qui vitiorum contagio deturpat, et deprimit vitam, et animam suam. » Eadem habet in comment. ad cap. vi. Levit., pag. 137, col. 2.

Hic mihi apertus videretur aditus magnæ illius questionis discutiendæ de ordinationibus Simoniacis; utrum scilicet invalidæ habendæ sint, an tantum illicitæ. Sed cum de ea clariss. Petrus Lazzari in adnot. ad Comment. Brunonis super cap. x Joannis eruditissime scripserit, pluraque alia a me producentia sint in animadversionibus ad tractatum ejusdem S. Episcopi : *De statu corrupto Ecclesiæ*; paucis modo controversiæ statum exponam. Ecclesiam longe lateque a labe Simoniaci infectam deplo- rabant sancti viri, qui sæculi XI et XII florebant, quique sacri ministerii puritatem [et sanctitatem] tueri conabantur, quorum aliqui, ut Bruno noster, nullas prorsus et irritas Simoniacorum ordinationes propugnant. Auctoritati enim sacrarum litterarum innixi aiebant, Christum Dominum apostolis dixisse Math. cap. x. *Gratis accepistis, gratis date*; et D. Petrum in Simonem magum, qui pro accipiendo Spiritu sancto, et gratia miraculorum, pecuniam obtulerat, divinam pronuntiasse maledictionem, Act. cap. viii, 20. *Pecunia tua tibi sit in perditionem. Quia donum Dei existimasti pecunia possideri.* Secundo memorabant plura concilia Simoniam dam- nasse, et Simoniacos ut hæreticos habuisse. Tertio asserebant illam S. Leonis Magni sententiam a Gratiano relatum 2 part. Can. 1, q. 1, c. 1: *Gratia si non gratis datur, vel accipitur, gratia non est. Simoniaci autem gratis non accipiunt: si autem non accipiunt, nec cuiquam dare possunt.* Ratio etiam eis suffragari videbatur; nam cum Ecclesiæ ministerium sanctum sit, et ad sacra peragenda destinatum, ad ea admittendi non sunt, nisi qui probentur a Deo vocati, quæ vocatio in Simoniacis præsumi non potest. Nihilominus, ut dicturi sumus, Ecclesia Simoniacis ordinationes, ut illicitas damnat, et po- nens canonicis Simoniacis subjicit: verumtamen ordi-

nes Simoniacæ collatas pro validis tenet, ac reite- randos negat.

Neque fugit Brunonem de sacerdotum ordinatione agere, quamasserit ab episcopis fieri, non tam consecratione, hoc est chris-matis unctione, sed tactu etiam libri divinarum Scripturarum, quo, juxta disciplinam sæculi XI, verbi Dei exponendi et prædicandi acciperent potestatem. Ita S. episcopus in comment. ad cap. viii Levitici, p. 142, c. 1: « Quod autem, ait, hæc omnia simul composita sacerdotibus tradidit, hoc significat, quia postquam sacerdo- tes consecrati sunt, de manu pontificis librum acci- pere debent, ut verbi Dei exponendi et prædicandi habeant potestatem. » Eodem etiam in loco admonet nos sacerdotes, quod quandiu in hac vita sumus, B semper consecrari et sanctificari et in melius pro- ficere debemus. « Maneamus ergo, inquit, die ac nocte, id est omni tempore in tabernaculo; obser- vemus, custodiamus, quod ipse præcepit, ne moria- mur. »

Levitas quoque sive diaconos admonet S. Bruno, quomodo cum episcopis et sacerdotibus se gerere, et quam servitutum præstare in Ecclesia debeant. Allato enim contextu cap. iii. Numer., *Locutusque Dominus ad Moysen dicens: Applica tribum Levi, et fac stare in conspectu Aaron sacerdotis, ut ministret ei*, etc., his Levitas alloquitur p. 173, c. 1: « Intelli- gite hæc, Levitæ, aperite oculos, videte: non vos superbia inflat; scitote quia ministri estis episco- porum et sacerdotum, et non solum ministri, sed C dono dati ad serviendum, et obediendum, eorumque monitis et jussionibus obsequendum. Si vos aliter feceritis, moriemini. »

Ex quo autem Deus elegit tribum Levi ad sacra peragenda ministeria, inquit A. N. in comment. super cap. i. Numer., p. 172, c. 2, magnam esse differentiam inter clericorum ordinem, qui per tri- bum Levi significatur, et reliquum populum. « Ipse enim, ait, constitutus est super tabernaculum testi- monii, ipse super totam Ecclesiam obtinet principa- tum, ipse ejus vasa, et caeremonias, ipsum quoque tabernaculum, et cuncta ejus utensilia portat, quo- niam totam Ecclesiam ejusque sacramenta regit, ordinat et disponit. » Quare cum Deus quosdam D homines sibi specialiter consecratos, et dicatos esse voluerit, eisque res sacras tradiderit administrandas, « nemo præter illos, sequitur S. Bruno, ad taberna- culum deponendum, vel erigendum, vel aliquo modo disponendum accedere audebit, quoniam quicumque exterorum accesserat occidebatur. » Sæcularibus ergo, et laicis vetitum est sacris se immiscere, offi- ciaque ecclesiastica sibi usurpare. Constat ergo Ec- clesia viris sanctuario addictis, et universa creden- tium multitudine, qui in baptismo Christo nomen dedere, qui eandem fidem eademque sacramenta retinent, iisque in pietate restaurari profitentur. Credunt itaque Jesum Christum verum Deum, ve- rumque hominem, pro nobis passum, mortuum resurrexisse, ad inferos ad liberandas justorum ani-

nas descendisse, gloriosum tandem cum illis ad A
caelos remeasse. Huiusmodi fidei nostrae fundamenta,
quoties se opportunitas obtulit, curae fuit Brunoni,
ex sacris Scripturis eruere, et quae credenda sunt
perspicue docere.

§ X. De Jesu Christo redemptore.

Actum est supra S. Brunonis doctrinis inhærendo,
de veritate adventus Christi, sive de incarnatione
Verbi divini ad formam hominis facti, ut humanum
genus ab interitu vindicaret, et ad filiationem, et
haereditatem suam erigeret, et possidendam ei daret.
Nunc autem eundem doctorem sequentes, quæ pro-
prietates in Christo sint agnoscende, quæque præ-
cipua fuerint ejusdem gesta, persequi curabimus. Et
quidem Christi divinitatem Bruno apertissime fate-
tur, cum explanans verba illa Exod. cap. xxiii,
pag. 83, col. 1, *Et est nomen meum in illo*, subjun-
git: « Patris enim nomen in Filio est, quoniam et
Filius, sicut et Pater, Deus est. » Speciosior etiam
est locus in cap. xxxiii ejusdem libri, pag. 121,
col. 1, ubi referens Deum ex nube cum Moyse lo-
quentem, ait: « Sed quid columna nubis, nisi
Verbum incarnatum? ut enim Dominus in nube, sic
Deus in homine loquebatur, et cernebatur: vide-
bant enim nubem, videbant humanitatem; audiebant
vocem, nec tamen agnoscebant Deum; si enim co-
gnovissent, nunquam Dominum gloriæ crucifixis-
sent. »

De vera autem Christi humanitate plurimis in locis
disertissime egit A. N., quorum aliqua tantum affe-
remus. Et quidem in cap. xxii Genes., pag. 28,
col. 2, explicat quomodo Isaac sacrificandus a patre
Abraham Christi figuram gesserit. « Allegorice, in-
quit, Abraham, qui pater multarum gentium inter-
pretatur, vel pater excelsus, Deum Patrem significat,
de quo scriptum est ps. cxii. *Excelsus super omnes
gentes Dominus*; Isaac vero filium ejus Jesum Chri-
stum, qui et ipse factus est obediens Patri usque ad
mortem. Ara vero crucem designat, in qua ipse est
immolatus. Aries autem, qui immolatur pro Isaac,
caro Christi est. Est enim Christus Deus et homo;
secundum divinitatem quidem immortalis et impas-
sibilis; secundum humanitatem vero passibilis atque
mortalis. Christo igitur in carne posito, solus aries
immolatur, solus agnus occiditur, sola caro crucifi-
gitur; non enim secundum divinitatem passus est
Christus. » Eandem Bruno veritatem confirmat in
declarandis illis verbis ps. lxxii. *Memor esto hujus
creaturæ tuæ*, aïens pag. 458, col. 1. « Divinitati
loqui videtur, ut eam, quam assumpsit, humanita-
tem ei commendet, quam ideo creaturam vocat, ut
verus Deus, et verus homo Salvator noster esse cre-
datur. Et valde conveniens erat ut qui tanta de
potentia divinitatis ejus usque nunc locutus fuerat,
de humanitate quoque aliquid diceret, atque illis
hæreticis occasionem tolleret, qui eum non homi-

(34) Manichæi Verbum Dei dicunt esse hominem,
non quidem verum, sed similitudinarium, in quantum

nem, sed Deum esse credebant. Huiusmodi doctri-
nam, jam ante tradiderat in comment. ps. ii. Quem
Judei, inquit pag. 301, col. 2, Christum, nos regem
vocamus, Christus Dominus noster et Deus est, et
homo, qui secundum humanitatem quidem non
solum a Patre, verum etiam a se ipso, et Spiritu
sancto rex, et dominus constitutus est. Ipse enim
secundum divinitatem neque factus, neque creatus
est; secundum humanitatem seipsum creavit, et
fecit. » Consonans est expositio illorum verborum
ps. xvii: *Invenere me gemitus mortis*. « In eo vero,
ait, pag. 328, col. 1. Quod gemitus mortis, et hu-
manæ passionis affectus sibi accessisse dicit, verum
se esse hominem ostendit, et non phantasticum, ut
quidam hæretici prædicaverunt (34); sed in veritate
idem ipse et captus, et ligatus, et crucifixus, et mor-
tuis est. » Eandem doctrinam de veritate humani-
tatis Christi tradidit S. Bruno in Expositione verbo-
rum illorum ps. cviii, pag. 537, col. 2, *Et cor meum
turbatum est in me*. « Et hoc quidem, ait, ad huma-
nitatem Christi spectat. Quis enim nisi homo, sicut
scriptum est Marc. xiv, 33, *Cæpit tædere, et mæsus
esse*? Fecit humanitas quod suum est, et divinitas
quod suum; quia, nisi hoc faceret, quis eum homi-
nem esse crederet? Si enim solius divinitatis natu-
ram et potentiam ostendisset, nemo eum hominem
esse credidisset. Valde ergo necessarium fuit ut has
affectiones in se esse Salvator noster ostenderet. »
Affirmavit pariter S. Bruno pag. 302, col. 1, Jesum
Christum secundum divinitatem non adoptivæ, sed
substantialiter Dei filium esse, hoc enim, ait, ipse
Pater testatus est dicens Luc. cap. iii, v. 23: *Tu es
Filius meus dilectus; in te mihi complacui*.

Et quia magis magisque probari potest in Christo
utraq; natura divina et humana, ex duplici ejus
voluntate, quam olim negarunt monothelitæ; id cu-
mulatissime perficit A. N., exponens ps. lxxviii. *Sal-
vum me fac, Deus*, etc. « Cum orans, inquit, pag. 443,
col. 1, ante passionem Patri dixisset: *Pater, si pos-
sibile est, transeat a me calix iste*, illico subjunxit:
verumtamen non mea, sed tua, voluntas fiat. Volebat
enim, procul dubio, quod petebat; sed sic volebat,
si Pater id ipsum voluisset. Si igitur aliquid petat,
et quod petit, non accipiat, nemo propter hoc ejus
voluntatem non esse exploratam dicere audeat. Ne-
que est inconveniens, si natura mutabilis mutabilem
habeat voluntatem. Omnia enim quæ nostra sunt,
præter peccatum, eum suscepisse dubitare non de-
bemus. Quod autem ait: *Salvum me fac, Deus*,
quoniam introverunt aquæ usque ad animam meam;
et multa alia, quæ sequuntur, non ore, sed cordis
intentione locutus est Dominus. » Habebat autem
Christus voluntatem humanam, quæ naturaliter pati
et mori fugiebat; sed ita subordinata erat volun-
tati divinæ, ut plene ei passionem obire consen-
tiebat. Cum autem in Christo A. N. voluntatem
divinam etiam agnosceret, ideo quidquid ipse vellet,
dicunt Filium Dei corpus phantasticum assumpsisse.
D. Thom. 3, p. q. 16, art. 1.

in ejus potestate omnino esse fassus est. Explanans A enim primum versiculum ps. LXIII. *Exaudi, Deus, orationem meam*, etc., hæc habet pag. 426, col. 1. « Sæpe jam diximus, quod quando Salvator noster aliquid orat, aliquid petit, et aliqua re indigere videtur, totum ad humanitatem referendum esse. Ipsa quoque humanitas non pro se orat, sed pro nobis; quia quidquid est in ejus voluntate, hoc est in ejus potestate; ipsum igitur orasse, voluisse fuit. » Et infra: « Non habebat necesse diu orare, cujus voluntas tam subito exaudiebatur. Similiter enim in ipso erant et voluntas, et voluntatis effectus; neque prius velle aliquid poterat, quam habere quod vellet. Hanc autem plenissimam suæ voluntatis potestatem Christus habebat, quia Deus erat et homo. » Dixerat S. Bruno in *Comment. super cap. XII Exodi*, pag. 58, col. 1, Christi passionem in Veteri Testamento per figuras, et ænigmata significatam haberi; quin tamen clara excludat, quæ in Veteri Testamento Christi passionem, et mortem, testimonia prænuuntiabant. Cum igitur plura in figuris et mysticis significationibus sacramenta, seu mysteria complectantur, ea ingeniose proferre et illustrare nisus est. Primum subijciunt commentationem in cap. XXIV Exod., pag. 84, col. 2, super eo quod Moyses altare erexit, et duodecim vitulos in eo sacrificari præceperit. « Mane ergo, ait, consurgens Moyses ædificavit altare ad radices montis; quoniam et Judæi, qui per Moysen sacrificantur, primo mane super Calvariam mortem, ad radices Jerusalem, et montis Sion Christo Domino crucem præpararunt: altare enim crucem significat. In hoc enim altari Christus immolatus est. Sed quia nulla duodecim tribuum de Christi morte excusare se valet, ideo duodecim vituli per duodecim tribus immolantur. Et quamvis unus fuerit vitulus, quoniam unus immolatus est Christus; tamen quia unaquæque tribus, imo unusquisque homo tenetur in integrum, ideo duodecim vitulos Moyses immolari præcepit. Et quidem unus Christus crucifixus est, immolatus est; unusquisque tamen, qui ejus morti consensit, interfecit; totius Christi homicida est; et quamvis non omnes manus in Christum injecerint, omnes tamen Judæi per consensum occiderunt. » Nullibi vero tanta cum amplitudine egit A. N. de Christi passione, quam in *Exposit. cap. XIX ejusdem Exodi*, pag. 107, ubi præscribitur ritus arietis sacrificandi. Totam hic afferre possem ejus interpretationem; sed satis est ad rem nostram pars illa, in qua summa Christi vitæ colligitur, et dolorosissima ejus mors prædicatur. De intestinis enim, pedibusque arietis in frusta concisis ita loquitur: « Hæc autem, id est intestina, et pedes arietis ponimus super percussas carnes, et super caput illius; quoniam postquam Christum Deum de Virgine natum, inter homines conversatum, cæcos illuminasse, leprosos mundasse, mortuos suscitasse, et cætera, quæ fecit, singulariter ostendimus; tunc tandem ex his omnibus illud quoque super ponere, et reddere debemus, quia pro nobis passus est, et propter peccata nostra

mortem turpissimam, et crucis ignominiam sustinuit, etc. Quod autem addit: *Et offeres totum arietem super altare*, tale est, ac si diceret: non solum Christi divinitatem, et humanitatem, verum etiam passionem, resurrectionem, et ascensionem, et quæcunque de eo scripta sunt, semper in memoria, in corde, et in mente habebis. Diximus enim, quia hoc altare mens et cor hominis intelligitur. Mortuus est autem Christus juxta Brunonis sententiam pag. 148, c. 1, anno ætatis suæ trigesimo tertio, in quam plures illustres scriptores et chronologi conveniunt.

De passione et morte Christi satis huc usque dictum est; nunc de ejus resurrectione dicendum; de qua plura sacræ litteræ splendidissima testimonia complectuntur. Et quidem in *Job*, cap. XIX, legitur: *Scio quod Redemptor meus vivit, et in novissimo die de terra surrecturus sum*. Super quæ ait S. Bruno in commentario. « O quanta spes resurrectionis! Sola hæc verba sufficiunt contra omnes qui resurrectionem negant: *quem visurus sum*, inquit, *ego ipse*. Quid est ego ipse? Id est in hac carne, in hac essentia, in hac persona. Et non alius, carnis mutatione, sed unus idemque ipsius receptione. » Præterea explanans Psalustæ vaticinium ps. XI: *Ego dormivi, et somnum cepi, et resurrexi*; hæc habet pag. 380, col. 2. « Mors Christi dormitio fuit, dormivit quantum voluit, surrexit quando voluit, quia si nolasset, nunquam obdormisset. » Et quia eodem in psalmo dicitur Christus Patrem deprecatus, ut eum resuscitaret: *Tu autem miserere mei, et resuscita me, et retribuam illis*; quomodo intelligendus sit Propheta, idem S. Bruno docet pag. 381, col. 1: « Hæc, inquit, oratio Christi humanitatis intus fuit, in corde fuit, in sola voluntate fuit; cui ad precandum verba necessaria non erant, qui secundum voluntatem suam omnia habebat. Propter nos igitur hæc scripta sunt, quia si scripta non essent, ad nostram notitiam non pervenissent. »

Antequam tamen Christus a mortuis resurgeret, et eo triduo, quo corpus ejus quievit in sepulcro, ipse cum anima et divinitate descendit ad inferos, ut justorum animas ab illo carcere et tenebrarum loco liberaret. Hanc catholicam veritatem prænuuntiam agnovit S. Bruno illis in verbis *Job*, cap. XIV. *Quis mihi tribuat ut in inferno protegas me?* Quæ ita declarat pag. 248, col. 2: « Scio, inquit, quia in infernum descendam; sed quis ibi, nisi tu, a tormentorum pœnis me proteget, et liberabit? Tempus ejus ad misericordiam constitutum Christi passio fuit; quia tunc ad inferos descendens, justorum animas eripuit, et liberavit, secundum illud *Osee* cap. XIII, 14: *O mors, ero mors tua; morsus tuus eris, inferne*. » Idem confirmatum invenies in *Exposit. ps. XV, 10*. *Quoniam non derelinques animam meam in inferno, nec dabis sanctum tuum videre corruptionem*. « Divinitas enim, ait pag. 325, col. 2, simul cum anima in inferno descendit, nec tamen corpus in sepulcro dereliquit. Anima enim a corpore separari potuit

divinitas non potuit: quia Deus ubique est, et omnia continet. Indignum valde esse ut illa caro sanctissima corruptionem aliquam videret, quæ sine omni corruptione de Virgine nata, sine omni peccato in hoc mundo esset conversata. » Item ad illud ps. LIII: *Desiderium animæ ejus tribuisti ei. Et Dominus susceptor est animæ meæ.* « Quis enim alius, ait, pag. 407, col. 2, eam suscipere debuit, nisi divinitas ipsa, quæ ei ineffabiliter conjuncta erat. Statim enim ut Salvator noster spiritum emisit, simul cum divinitate illa sanctissima anima inferni claustra penetravit, et, inferno exspoliato, sanctorum animas, quæ ibi captivæ tenebantur, secum eduxit. » Eadem habet S. Bruno in comment. ad ps. LXVIII, super illa verba, v. 16. *Neque absorbeat me profundum, neque urgeat super me puteus os suum.* « Hic autem, inquit, pag. 444, col. 2, manifeste ostenditur, quia hæc oratio non ad corpus, sed ad animam pertinet: sola enim Salvatoris nostri anima in infernum descendit, qui per hunc puteum profundum significatur. Et quidem ibi teneri non potuit, sed ligato diabolo, et inferno exspoliato, cum magna victoria inde ascendit. » Similia habet in Job. cap. XLII (35).

Querit deinde idem auctor quomodo intelligenda sit prædictio illa Christi apud Matthæum cap. XII, 40: *Sicut fuit Jonas in ventra ceti tribus diebus, et tribus noctibus; ita erit Filius hominis in corde terræ tribus diebus et tribus noctibus.* Si enim corpus Christi depositum fuit in sepulcro, nisi vespere diei parascæves, hoc est ante sabbatum Paschalis solemnitatis, et ipse altero die, qui Dominicus dicitur, valde mane surrexit; quomodo verificari potest eum tribus diebus, et tribus noctibus in monumento jacuisse? Respondet ergo S. Bruno serm. 2 de resurrectione Domini: « Fuit igitur Filius hominis in corde terræ tribus diebus et tribus noctibus. Nocte enim illa, qua a Judæis insanientibus, et super eum irruentibus captus est, ex quo ipse ait: *Si me queritis, sinite hos abire*, in potestate illorum fuit Salvator noster. Similiter autem et illis duabus aliis noctibus quæ post illam sequuntur, in quibus usque in diem Dominicam, ne resurgeret, custoditur ejus corpus, quod dumtaxat in eorum potestate fuit. Tres quoque dies ita computantur, et sexta feria, et sabbatum, et diei tertii initium, in quo mundi Creator, et Dominus valde mane a mortuis resurrexit. Usitatissimum omnium scripturarum est, totum pro parte, et partem pro toto aliquando ponere. »

(35) O tempora, o mores! Quis credit? Hisce diebus, quibus tot profligata extinctaque sunt ab Ecclesia veritatis magistra hæreticorum deliramenta, non desunt subversores orthodoxæ doctrinæ, qui ea e cineribus revocare laudent. Ex his quidam nuper controversiam movit de descensu Christi ad inferos. Haec ergo primum opponimus Symbolum Apostolorum, ubi hujuscæ descensus confessio continetur: *Descendit ad inferos.* Secundo audiat S. Augustinum, quomodo hac de veritate sese exprimit ep. 164, al. 99, c. 5, n. 14: *Teneamus, inquit, firmissime quod fides habet, fundatissima auctoritate firmata, quia Christus..... apud inferos fuit.* Idem autem S.

A Non statim ac Christus resurrexit, in cælos ascendit; sed ut testatur Lucas Act. cap. 1, per dies quadraginta cum apostolis suis conversatus est, loquens eis de regno Dei, hoc est de Ecclesia, quam ipsis stabilendam, et propagandam relinquebat. Et quidem eos primum in fide suæ resurrectionis confirmavit; quidquid postea de mysteriis, atque de sacramentis revelandum erat, illos docuit, novos legis suæ magistros instituit, in universum mundum ad eam propagandam misit, ac tandem, tradita eis Spiritus sancti virtute, plenam absolvendi a peccatis, atque ligandi potestatem impertitus est. Hujusmodi apostolatus institutionem figuratam invenit Bruno in cap. XXVI. Numer. ubi legitur, Deum Moysi præcepisse ut manus suas super caput Josue imponeret coram Eleazaro, et multitudine Israelis, eique daret partem gloriæ suæ; quæ ita illustravit pag. 192, c. 2. « Hoc enim, ait, et Christus fecisse legitur, qui priusquam cælos ascenderet, vicarios sibi, totiusque Ecclesiæ duces, apostolos constituit, quibus et partem gloriæ suæ tribuens, signa et virtutes in suo nomine facere præcepit.

Præclare etiam disserit A. N. super illa verba Genes. cap. XXIV, pag. 85, c. 1, *Ascenderunt Moyses, et Aaron, Nadab, et Abiu, et septuaginta seniores Israel, et viderunt Deum Israel;* atque in eo facto significatam Domini ascensionem affirmavit. « Quod Moyses, inquit, confirmato testamento, simul cum senioribus Israel ad videndum Deum ascendit, significatio erat quod, immolato agno, et Christi sanguine fuso, novoque testamento confirmato, cæli porta aperitur, et Jesus sacerdos magnus Sancta sanctorum ingreditur, et in cælesti palatio ab hominibus Deus videtur. » Cum autem, ut sæpe dictum est, omnia Christi gesta in psalmis prænuntiata reperiuntur, ejus ascensionem ad cælos prædictam accepimus ps. LXVII, v. 19: *Ascendens in altum captivam duxit captivitatem, dedit dona hominibus.* Ad quæ A. N. p. 439, c. 1: « Hic, inquit, Deus et Dominus noster ascendens in altum, prius quidem in crucem, deinde in cælum, captivam duxit captivitatem, sicut scriptum est Joan. cap. XII, v. 32: *Cum exaltatus fuero a terris, omnia traham ad me ipsum.* Captivi diaboli erant omnes, sed captivi Christi facti sunt plures, non omnes; multi adhuc in captivitate detinentur; qui si voluissent, in captivitate non essent. Dedit autem dona hominibus, et maxima dona, quando Spiritum sanctum

Doctor contrariam opinionem inter hæreses refert lib. de Hæres. hæres. 79. Tertio plura habentur sacr. litterarum testimonia, quæ haud aliter exponi, et intelligi possunt, quemadmodum explanat S. Bruno, aliique SS. Patres, nisi dogma illud catholicum admittatur. Deest profecto in Symbolo Nicæno, quia non omnia fidei capita in eo comprehendere Patres voluerunt. Vid. D. Thom. 2, 2, q. 1, art. 9, ad 4, et Card. Gotti theol. tom. XVI d. 1, § 5, atque Exposit. Symboli Nicolii; præterea eruditissimum Joan. Vincentium Patavium O. P. qui articulum Symboli apostolici *Descendit ad inferos* peculiari opere contra quosdam heterodoxos scriptores propugnavit.

apostolis misit, et tantam gratiam illis dedit, ut A linguis omnium loquerentur, et infirmitates sanarent. » Descripserat pridem S. Bruno, exponens illa verba ps. xlii, *Ascendit in jubilatione, et Dominus in voce tubæ*, maximam angelorum lætitiā, et exultationem, cum Christum Dominum ascendentem in cœlum viderent, eique triumphatori plaudentes, et benedicentes occurrerint. Præstat commentationem ejus referre, p. 395 : « In jubilatione ascendit Dominus, id est in magno gaudio et lætitia apostolorum, qui eum in tanta gloria, tantaque virtute ascendere videbant. Sive enim in jubilatione angelorum, quos omnes summa cum exultatione obviam ei venisse dubitare non debemus; quorum voces et laudes, quæ excellentissimæ erant, quævis nesciamus quales erant, per vocem tubæ intelligere possumus. Et quis unquam dicere et cogitare valeat quanta tunc lætitia in cœlis fuerit, quando Christus Dominus in cœlos ascendit? Videor videre omnes angelos et archangelos illam gloriosissimam Salvatoris nostri humanitatem humiliter adorantes, et pro tanta, talique victoria de hoste superbissimo sic superato gratias agentes. Et hoc totum in his verbis significatum esse puto, quod hic dicitur : *In jubilatione et in voce tubæ*. Suscepit ergo Pater Filium, dixerat S. Bruno in Comment. ps. iii, pag. 303, c. 2, ad se incarnatum, et hominem factum revertentem glorificavit, et in suæ majestatis sedem exaltavit. Ubi enim eum suscepit? in illo altissimo, et clarissimo secretario gloriæ suæ. Cum enim Deus ubique sit, est tamen aliquis locus ubi gloriam suam clarior et manifestius revelavit. »

§ XI. De adventu Spiritus sancti.

Pollicitus fuerat Christus apostolis, cum ad Patrem suum remeasset, se nissurum ad illos sanctum Paraclitum, qui eos omni veritate, virtute, omnique gratiarum genere cumulasset. Portentose hujusce divinx apparitionis, ut a. notat A. N., figura præcesserat, quando Deus apparuit Moysi in monte Sina, eique dedit, populo Israelitico audiente, inter tonitrua, fulgura, et coruscationes, præcepta sua, ut in testimonium essent supernæ ejus potestatis et majestatis. Eximia est comparatio, et ad proban lum utriusque Testamenti consensum valde opportuna. Commentatio Brunonis in cap. xix Exod., p. 70, c. 1, ita se habet : « Jam advenerat tertia dies, mane incluserat, et ecce cœperunt audiri tonitrua, et micare fulgura, et nubes densissima operire montem, clangorque buccinæ vehementer obstrepbat. Vide, inquit S. episcopus, quam bene utrumque testamentum sibi respondeat, et quam convenienter in utroque celebretur. In Actibus apostolorum, cap. i, 12, scriptum est : Tunc reversi sunt Jerosolimam a monte qui vocatur Oliveti; et cum introissent in cœnaculum, ascenderunt, ubi manebant Petrus, et Joannes, Jacobus, et Andreas, Philippus, et Thomas, Bartholomæus, et Matthæus, Jacobus Alphæi, et Simon Zelotes, et Judas Jacobi. Hi omnes erant perseverantes unanimiter in oratione cum mulieri-

bus, et Maria matre Jesu, et fratribus ejus. Hæc tam sancta coadunatio vocatur Ecclesia, hæc dicitur mons Sion. In hunc montem descendit Dominus, servata quodammodo similitudine, et tempore, quo ascendit in montem Sinai. Jam enim, inquit Moyses, advenerat dies tertius, et mane incluserat, et cœperunt audiri tonitrua, et micare fulgura, etc. Dicamus ergo et nos : Jam advenerat tertius mensis, et Pentecostes, id est quinquagesimus dies incluserat, et, sicut beatus Lucas evangelista scribit Act. cap. ii, « Factus est repente de cœlo sonus, tanquam adveniens spiritus vehementis, et replevit totam domum, ubi erant sedentes. Et apparuerunt illis dispersitæ linguæ, tanquam ignis, sedique super singulos eorum, et repleti sunt omnes Spiritu sancto, et cœperunt loqui variis linguis, prout Spiritus sanctus dabat eloqui illis. » Ecce enim in utroque et sonus auditur, et ignis videtur. Sed in illo nubes caliginosa, in hoc autem clarissimi luminis splendor apparet; quoniam illa umbra erat, atque figura : hoc autem veritas. Quod enim ibi tonitrua, hic apostolorum voces intelliguntur : quod ibi micantia fulgura, hic miracula ubique fulgentia : nubes vero densissima, quæ montem operiebat, apostoli sunt salutaribus pluvii Ecclesiam irrigantes. Clangor vero buccinæ perstrepsens vehementer, doctorum omnium prædicationem longe lateque intonantem significat. » Reddit deinde A. N. rationem cur Spiritus sanctus sub specie ignis apparuerit, et dispersitæ linguæ incumbere super singulos apostolos visæ fuerint : « Nunc autem (ita in serm. ii, de Spiritu sancto) quid ille ignis, et quid illæ linguæ significant, videamus, quæ super apostolos apparuerunt : cum omnes, ut Evangelista dicit, in uno essent loco congregati, Heb. xii, 29 : Deus enim noster ignis consumens est. Merito itaque Spiritus sanctus in igne apparuit, ut peccata consumeret, mentis oculos illuminaret, et totum hominem in Dei amorem inflammaret. Hic ille baptismus, quem Joannes Baptista promittebat, cum diceret : Ego vos baptizo in aqua, sed alius venit post me, qui vos baptizabit in Spiritu sancto, et igni Luc. cap. iii, 17. In linguis quoque debuit apparere Spiritus sanctus : siquidem ipse est qui in apostolis loquitur; quis enim loquitur nisi lingua? Hoc officium non est alterius membri. Qui hac lingua loquuntur, non habent necesse cogitare quomodo aut quid loquantur. Hæc igitur lingua suscepta loquebantur apostoli magna Dei. »

§ XII. De Charitate.

Cum vero ignis ille, quem Deus misit in terram, non aliam ob causam descendit, nisi ut eo humana corda incenderentur, S. Bruno, qui toto vitæ suæ tempore illo exarsit, oblata opportunitate interpretandi cap. vi Levit., ubi præcipitur quod ignis in altari semper ardeat, curæque sit sacerdoti ligna subjicere, ne exstinguatur, hæc elegantem completitur p. 136, c. 2 : « Ignis vero iste, ait, qui nunquam deficit in altari, sed perpetuo ardere convenit, intermisce dilectionis in corde fidelium ardorem

imponit: si enim hic ignis ab intellectu abfuerit, A omne prorsus sacerdotis officium inutile erit. In hoc ergo sacerdos diligenter studeat, ut amoris ignem continuo nutriat, et per singulos dies ligna subiciat: recordetur scilicet misericordiae Dei; recordetur quid fecerit, et quid diligentibus se praebere promiserit. His enim, et similibus lignis, de sanctorum Scripturarum silva collectis, ignis iste succinditur, et in Dei dilectione inflammatur. Super hunc igitur ignem, o sacerdos, pone holocaustum, ut immoles Deo sacrificium laudis; hic est enim adeps pacificorum, cuius pinguedine Deum demulces. Iste est ignis perpetuus qui nunquam deficiet in altare. Aquae multae non poterunt extinguere charitatem, Cant. viii, 7. Felices ergo illae animae, quae caelesti igne incensae, eo semper usque ad vitae exitum ardebunt, et ad aeternam felicitatem transeuntes, ubi reliqua dona cessabunt, charitas nunquam excidet, sed prior, vehementiorque tota in aeternitate fiet.

Docet tamen S. Bruno in cap. xxv Exodi, p. 87, col. 2, sanctos, qui Dei visione fruuntur, perfectam omni ex parte beatitudinem non habituros, donec animabus corporibusque conjunctis, tota simul sanctorum multitudo super caelos eleveetur. Sed non statim post obitum, iusti qui in charitate decedunt, ingressum in caelum obtinebunt, si aliquid culpa eis expiandum remanserit.

§ XIII. De purgatorio, de cultu et invocatione sanctorum.

Satis superque notum est unum ex erroribus Graecorum schismaticorum fuisse negare purgatorii C existentiam, hoc est loci in inferis destinati pro animabus iustorum, quibus adhuc vel leve culpa, vel reatus remissorum peccatorum restant expiandi. Contra illos ergo concilium oecumenicum Florentinum definivit, purgatorium, tanquam dogma catholicum, esse admittendum. Ut igitur Florentinorum Patrum definitio confirmetur, et quam jure meritoque etiam hoc ex capite videantur proscripti recentiores haeretici Lutherus, Calvinus, Zuinglius, etc., quid de hac catholica doctrina senserit S. Bruno, in medium proferam. Ille ergo exponens caput xxi Levitici, p. 126, c. 2: «Justi, ait, post hanc vitam Deo offeruntur, et in societatem sanctorum statim recipiuntur, vel deinceps, si forte purgatorio indigebunt. Non enim omnes, qui salvantur, mox ut obierint, in beatitudinem recipiuntur.» Idem repetit A. N. declarans verba illa ps. xxxi: *Beatus ille, cui non imputavit Dominus peccatum.* «Gaudet, inquit, itaque poenitentes, quia peccata dimissa sunt eis; timeant tamen, quia nesciunt an adhuc poenae poenae dimissa sit eis. Quaecumque enim die conversi fuerint, si tamen digne conversi fuerint salvi erunt: sed ignis manet; peccatum dimissum est, sed non poena peccati. Legimus quosdam post mortem miraculis claruisse, et tamen purgatorio deputatos fuisse. De quibus dubitari non potest, et peccata eis dimissa fuisse, et poenam peccati dimissam non fuisse. De talibus dictum est, I Cor. iii, 15:

A Si cuius opus exarserit, detrimentum patietur; ipse vero salvus erit quasi per ignem. »

Cum autem ex sacris Scripturis, ex traditione, et ex Ecclesiae oraculo nobis constet iustos aliquos inter sanctos, id est caeli habitatores esse habendos, eorum invocatio pia, et utilis erit; quod idem S. Bruno docet in Comment. super, cap. xi Job, pag. 244, c. 1. «Sancti tunc oriuntur, quando carnem deponentes moriuntur; quia tunc primum immortalē vitam suscipiunt. Sed quomodo oriuntur? Ut lucifer, id est clari, et immortales. Tunc habent fiduciam, proposita spe, quia indubitanter ea, quae speraverant, consequuntur. Plurimi autem eorum faciem deprecabuntur; quod tales fieri desiderant; sicut de Ecclesia dicitur: *Vultum tuum deprecabuntur omnes divites plebis;* sive illuc venire concupiscunt, ubi eos videant, et eis associantur.»

Quod vero pictae eorum imagines, et praecipue B. M. V. cultu quodam, et obsequio prosequendae sint, idem S. Bruno insinuat in Comment. super eundem ps. XLIV. «Non solum, inquit, filium suum adorabunt filiae Tyri, sed et te quoque deprecabuntur, tibi quoque vota persolvent. Nam si ejus vultum, et imaginem intelligamus, non erit inconveniens; cum sic ubicunque depingitur eam omnes venerari debemus.»

§ XIV. De aeternitate poenarum infernalium.

Alterum catholicum dogma assertum a S. Bruno reperimus; miserrimam nempe iniquorum sortem, qui in peccato gravi decedentes, aeternis inferni poenis damnantur. Huiusmodi veritatem contra Origenistas, aeternitatem ignis et poenarum in inferno negantes, stabilivit S. episcopus, declarans illa Job, pag. 259, c. 2: *Devorabit eum ignis, qui non succendetur, affligetur relictus in tabernaculo suae.* «Ignis enim ille, inquit, inextinguibilis est, et semel succensus non indiget, ut ulterius succendatur. Relictus autem in tabernaculo carnis suae semper affligitur; quia caro, et anima in aeternum cruciabitur.» In commentario etiam super ps. ii, pag. 352, col. 2, ait: «Impii, et peccatores in judicio damnati misericordiam ulterius non invenient.» Plura alia ad doctrinam theologicam spectantia tradit S. Bruno, non tam in commentariis super utrumque Testamentum, quam in reliquis scriptis, quae singula si producere vellem, nimis hanc prolationem protraherem. Aliqua tamen majoris momenti annotabo.

§ XV. De divinarum Scripturarum et traditionis auctoritate.

Quanto in pretio habendae sint divinae litterae, hoc est utriusque Testamenti libri, docet A. N. in cap. xxxiv, Exod. pag. 419, ubi relatis verbis Apostoli Rom. cap. vii, 8: *Concupiscentiam nesciebam, nisi lex diceret, Non concupisces rem proximi tui.* «Credamus ergo, inquit S. episcopus, testimonio legis, quae quia semper verum dicit, et nunquam mentitur, non immerito testimonium appellatur: huic enim testimonio nemo contradicere audeat; ultima probatio legis est auctoritas. Haec autem scripta est manu

Dei, opera Dei, Scriptura Dei; nihil humanum est in ea, tota divina est, tota Deo dicante et scribente composita est; unde veritate et auctoritate plena est. »

Traditionis etiam auctoritatem cum in rebus fidei, tum in ritibus ab Ecclesia pro sacramentorum administratione constitutis, duplici in loco statuit S. Bruno. Et quidem quod attinet ad mysteriorum intelligentiam, ait, in Comment. ad Exod., pag. 89, c. 2, nos non debere aliter credere quam SS. Patres docuerunt, et crediderunt; eorum enim dogmata tanquam divinitus revelata retinenda sunt; nec quemquam licet plus velle sapere quam ipsi credendum pronuntiarunt. « Fides ergo sanctorum, inquit, nobis sufficiat; neque ultra queramus quæ illis divinitus sunt revelata. Et qui nos ipsos, et ea quæ in nobis sunt, intelligere non valemus, ad ea quæ super nos sunt, nos extendere non laboremus. » Ex eodem fonte, ex traditione scilicet, idem S. Antistes sacrorum rituum observantiam esse repetendam docuit, in tractatu de Sacramentis, et Mysteriis, ubi agens de baptismo, dicit, pro validitate sacramenti, id est pro obtinenda ejus virtute et gratia, aquam, et Spiritum, hoc est invocationem sanctissimæ Trinitatis, quæ materiam, et formam constituunt, esse necessarias. « Sed cum alia posterius addita fuerint, ea omitti nequeunt. Hæc ergo sola, ait, sufficere poterunt ad baptismi sacramentum, sed SS. Patres nostri, qui ista Spiritu Dei constituerunt, voluerunt nobis satisfacere, non solum in his quæ pertinent ad virtutem sacramenti, verum etiam in illis quæ pertinent ad significationem. Sufficit enim aqua, et Spiritus ad baptismi perfectionem; cætera vero, quæ adduntur, ad significationem pertinent. Non enim oleum, et chrisma habuit Philippus apostolus, quando eunuchum baptizavit. Hæc tamen prætermittenda non sunt, quæ ad significandum aliquod sanctorum diligentem dispositione addita sunt. » Ritus igitur, et sacrorum administratio, quam per traditionem accepit Ecclesia, originem quamdam divinam habuere, quatenus a Deo inspirati SS. Patres eos constituerunt, eorumque custodem Ecclesiam ipsam reliquerunt. Quare nemini privato fas est illos omittere, vel immutare; cum traditionis auctoritati ex consensu Ecclesiæ majus pondus accedat.

§ XVI. De auctoritate Ecclesiæ in doctrina fidei.

Semper in Ecclesia maximi ductus est consensus ejus in doctrinis dogmata fidei continentibus; quo magna illa constituitur differentia mundum inter et ipsam Ecclesiam; ille enim a continua mobilitate, et varietate in scientiis, in legibus, in regiminis principiis agitur; hæc autem firmitate ac stabilitate sua gaudet. Quamvis enim nonnunquam insurgant hæretici, qui tanquam procellosi venti eam commovere, ac scindere nitantur, non prævalent tamen, neque firmitatem, stabilitatemque ejus subvertere queunt; cum doctrinæ orthodoxæ concordia, ac depositi fidei servandi sanctorum episcoporum, et sacerdo-

tum conspiratio semper eis resistat, inanesque eorum conatus reddat. Hæc copiose tradit S. Bruno in Comm. ad ps. lxxv, p. 432, exponens illa verba: *Qui constituit mare in aridam, et flumina pede pertransibunt; ibi lætabor in idipsum.* « Per mare, inquit, mundum, per aridam vero Ecclesiam intelligamus. Illud procellis et tempestatibus erigitur; hæc semper firma et stabilis manet. Convertitur autem mare in aridam, quando gentiles, et idololatras ad Ecclesiam transeunt, et Christianorum fidem suscipiunt. Per flumina vero, quia aquæ multæ populi multi, diversæ hujus mundi gentes et nationes significantur. Quæ autem flumina transire possumus, ea ingredi non timemus. Quando igitur sancti prædicatores, episcopi, et sacerdotes secure, et sine timore in populis prædicant, tunc dicere possumus quia per flumina pede transeunt. Ubi prius erat timor, ibi lætitia nuntiatur. Ibi ergo, id est in populis, qui per flumina significatur, lætantur modo sancti in idipsum, id est simul, et communiter omnes. Omnium communis lætitia est, quia fides omnium est, nullus nulli contradicit, sed omnes pariter Christum laudant, et benedicunt. » Omnem autem vim confringentem hæreticorum errores a conciliis adhiberi fatetur idem S. episcopus, p. 370, c. 1, ubi explanans verba illa psalmi xxxvii, *Arcus eorum contritus est*, ait: « Arcus hæreticorum contritus est, quia omnis eorum hæresis, et deceptio in multis conciliis damnata est. » De concilio quidem Nicæno I, jam dixerat cap. xiv in Genesim, pag. 24, col. 1, ab eo hæresim Arianam damnatam fuisse, fidemque catholicam confirmatam. Sive igitur Ecclesia in conciliis generalibus congregata sit, sive dispersa, quoties aliquid docet, vel tanquam credendi regulam definit, audienda est, eique credendum quod, ut habemus ex Apostolo I, Timot. cap. iii, 15, *Columna, etc., fundamentum veritatis sit a Deo constituta*. Quanta vero polleat Ecclesia potestate, quibusque divinis muneribus fulgeat exornata, repræsentat S. Bruno in nube quæ supra montem Sinai descendit, atque in eo cap. xxiv. Exod. gloriam Domini apparuisse legitur: « Nubes, ait, pag. 83, c. 2, quæ montem Sinai operuit, est omnis scientiæ, et sapientiæ plenitudo, quæ super Ecclesiam descendit, et in eo gloriam Domini apparere demonstravit; quoniam virtus miraculorum, et gratia Spiritus sancti usque ad sæculi consummationem Ecclesiam non relinquit; secundum illud, quod Dominus ait: *Ego vobiscum sum omnibus diebus usque ad consummationem sæculi.* » His igitur privilegiis, et prærogativis munita Ecclesia, divinique auctoris sui presidio semper adjuta, plenam super filios suos exercet potestatem, ut eos instruat, in veritate contineat, et perfectos mandatorum observatores reddat. Ut autem apostolis prædicantibus fides haberetur, per os eorum se loqui dixit, adeoque audientes illos fassus est, se docentem audire, Luc. cap. x, 16: *Qui vos audit, me audit, et despicientes, ipsum Redemptorem despiciere: Qui vos spernit, me*

*spernit. Prosequitur autem A. N. in comment. ad hunc locum Lucæ, factis comprobans promissiones quas eis Dominus fecisse dixerat. Apostolos enim, ut superius dictum est, miserat Dominus binos ante faciem suam, in omnem civitatem, et locum, quo erat ipse venturus. » Nunc autem, inquit S. Bruno, reversi, Domino omnia scienti cum gaudio referebant ea, quæ non ipsi, sed ipse in illis fuerat operatur. Gaudebant enim de nomine Christi, ejus et virtutem experti erant. Gaudebant et de gratia immensa sibi a Domino attributa; quoniam non solum infirmitates curabant, verum etiam dæmonibus imperabant, et sibi subjectos esse videbant. » Præter evangelicam prædicationem, et signorum ostensionem, quibus eorum missio comprobatur, non tam suasionem, quam auctoritatem ipsis proprie attributa, eam apostoli exercuerunt, suisque successoribus exercendam reliquerunt, ut malos a bonis separarent, eosque suo iudicio subicerent. Hanc legem in Leviticæ cap. xiii, adumbratam ostendit A. N. p. 149, c. 1, disserens de cognitione lepræ sacerdotibus reservata. Sicut enim leprosus, ita cognitus, ex Dei præcepto a reliquo cœtu separabatur; eodem modo qui spirituali lepra infectus dignoscitur, a consorcio fidelium est separandus. Sed hæc cognitio, et separationis sententia ad Ecclesiam spectat, nec cuiquam licitum est, eam sibi usurpare. Audiat Bruno, qui eodem in loco diversa excommunicationis genera exponit. » Solis episcopis, inquit, et sacerdotibus secundum animam condemnandi, et absolvendi potestas a Domino data est. Peccat autem, qui leprosum aliquem, et peccatorem a communione sua separandum putat, priusquam ab episcopis et sacerdotibus iudicetur. Ducatur ergo leprosus ad sacerdotem. Sic enim Dominus ait : *Ostendite vos sacerdotibus*, Luc. cap. xvii, 14. Consideret sacerdos, diligenter perquirat, si lepra est. Habet enim lepra sua signa neque celari potest, facileque cognoscitur. Quis enim adulterum, homicidam, perjurum, sacrilegum, furem, et raptorem dubitet esse leprosum? Talem ergo cum sacerdos invenerit, nec timore, nec amore mutet iudicium : dicat enim esse leprosum, et secundum ejus arbitrium separetur : secundum ejus quidem, non secundum alterius : ipsius enim est eum iudicare; ipsius est separare.*

« Quomodo separare? Multis enim modis fit ista separatio : alii enim a corpore et sanguine Christi, alii ab Ecclesiæ introitu, alii a communione fidelium separantur. Separantur etiam a quibusdam cibis, et potibus, aliisque carnis voluptatibus, ut jam nunc licite non intantur his rebus, quibus prius licite utebantur. »

Sed quid de hæreticis iudicare debeat Ecclesia, declarat S. Bruno in Comment. ad cap. xv. Numer. p. 183, c. 2, ubi postquam de diverso sacrificii genere, pro expianda diversorum reatum qualitate egerit, ad peccatum superbiæ veniens, ait : « *Anima vero, quæ per superbiam aliquid commiserit, sive civis ille sit, sive peregrinus, quoniam adversus Domi-*

num rebellis fuit, peribit de populo Dei. Hoc autem perspicue de hæretico intelligimus, unde et merito rebellis vocatur. Magna enim superbia fuit, ut tota Ecclesia reclamante, et fidei dogmata ostendente, aliquis contra rebellare, suamque sententiam contentiose defendere velit. Talis ergo peribit, ejuscunque generis sit, ejuscunque ordinis, ejuscunque conditionis et religionis. » Perire autem de populo Dei, idem est ac ab excommunicationis sententia a cœtu fidelium separatam esse, et ab Ecclesiæ communione depulsum. Id perspicue patet ex sequenti Brunonis interpretatione de homine, quem Israelitæ extra castra ducentes, quoniam in Sabbato ligna collegerat, lapidibus obruerunt. » Per hoc autem, inquit, pag. 183, c. 2, datur intelligi, quod illi, qui pactum Dei violant, et Ecclesiæ Dei instituta eam cæteris fidelibus custodire et observare recusant, ab Ecclesiæ pelli, et ab omnibus damnari, et excommunicari debeant; tot enim lapidibus obruitur, quot assentientibus excommunicatio obfirmatur. »

Si hæc de iudicio, deque potestate episcoporum, et sacerdotum jure meritoque assenserunt, multo magis de summo sacerdote, et episcopo episcoporum sunt affirmanda, cui cum graviorum causarum reservata sit cognitio in Ecclesia, potestate clavium a Christo Domino ei tradita uti poterit, quoties expedire iudicabit. Quamvis autem a nobis, cum de S. Petro apostolorum principe ageremus, plura allata sint gravissima Brunonis testimonia de suprema Romani pontificis in Ecclesiam universam auctoritate, ut ea tanto magis confirmetur, maxime opportuna erunt, quæ idem episcopus Signiensis in tractatu *De Sacrificio azymo* habet. Obiciebant enim Græci consecrantes in pane fermentato Latinis, nos cum Hebræis Judaico more azymum comedere, qui sacrificium in pane azymo conficimus. Respondet autem S. Bruno : « Absit hoc a catholica, atque apostolica, et Romana Ecclesia, quæ caput, et fundamentum, ac speculum dicitur, et probatur esse omnium Ecclesiarum, quam Deus, et Dominus noster Jesus Christus per semetipsum edificare dignatus est, ac promittens specialiter suo dilecto discipulo Petro apostolo, dicens Matth. xvi : *Tu es Petrus, et super hanc petram edificabo Ecclesiam meam : et portæ inferi non prævalebunt adversus eam ; et tibi dabo claves regni cælorum.* Atque iterum, Luc. cap. xxii, *Ego rogaui pro te, Petre, ut non deficiat fides tua, et tu aliquando conversus confirma fratres tuos.* » Cum autem S. episcopus hunc scripsisset tractatum rogatus a monachis Benedictinis Constantinopoli monasterium habentibus, his lucubrationem suam absolvit. » Quapropter, amantissimi fratres, state viriliter in sodalitate ac firmamento orthodoxæ columnæ, et nemo cum susoribus verbis a sanctæ fidei catholicæ, atque apostolicæ præfatæ sedis, matris Ecclesiæ Romanæ consuetudine vos separet, quia teste Augustino luculentissimo doctore, et Africano episcopo, non est alia sedes in cælo, aut in terra dignior, sive prior, nisi illa, quam Romana

meam : et portæ inferi non prævalebunt adversus eam ; et tibi dabo claves regni cælorum. Atque iterum, Luc. cap. xxii, *Ego rogaui pro te, Petre, ut non deficiat fides tua, et tu aliquando conversus confirma fratres tuos.* » Cum autem S. episcopus hunc scripsisset tractatum rogatus a monachis Benedictinis Constantinopoli monasterium habentibus, his lucubrationem suam absolvit. » Quapropter, amantissimi fratres, state viriliter in sodalitate ac firmamento orthodoxæ columnæ, et nemo cum susoribus verbis a sanctæ fidei catholicæ, atque apostolicæ præfatæ sedis, matris Ecclesiæ Romanæ consuetudine vos separet, quia teste Augustino luculentissimo doctore, et Africano episcopo, non est alia sedes in cælo, aut in terra dignior, sive prior, nisi illa, quam Romana

tenet Ecclesia. Hanc tenete, hanc puro corde diligite, et ab ejus unitate non recedite; cum scriptum sit, Prov. cap. xii, v. 28 : *Terminum, quem antiqui posuerunt Patres, ne transgrediatis.* Et Eccl. x, v. 8 : *Qui dissipat sepem, mordebit eum coluber; serpens s' h'cet ille, qui eiecit Adam de paradiso, ex cujus pestifero ore Dominus vos semper eruat.* Cum hæc de apostolica sede non ambiguis verbis, sed apertis, certisque significationibus dicta sint; in dubium

A revocari nequit hanc esse constantem, firmatamque in omni ævo SS. Patrum sententiam, hujus supremæ sedis doctrinam pro regula fidei esse tenendam, ac proinde nemini licere ab ea recedere, eique non obtemperare. Commiserandi profecto sunt, qui tanto in lumine cæcitare volunt, et qui malo spiritu acti ab ulnis amantissimæ matris aufugiunt, et se, quosque seducunt, ad æternam pertrahunt ruinam.

VITA S. BRUNI SEU BRUNONIS ASTENSIS

SIGNIENSII EPISCOPI ET ABBATIS MONTIS CASINI.

Edita lib. iv, c. 33, Chronici Casinensis a Petro Diacono, prout eam disposuerat Leo episcopus, et cardinalis Ostiensis; sed morte præventus explere non potuerat, ut testatur idem Petrus epistola nuncupatoria ad Reinaldum abbatem et cardinalem

Beatissimus Brunus, sen Bruno, abbas hujus monasterii quadragessimus, sedit annis tribus, mensibus decem. Hic Liguria provincia ortus ex illustri Astensium prosapia; sed illustriores ab infantia possidens mores, liberalibusque studiis a pueritia sufficienter instructus, Astensis episcopi canonicus exstitit, qui desiderio regni celestis patriam parentesque relinquens, huc properans, ut Deo liberius sub monachali habitu deservire valeret, Romanam primum accessit ad urbem. His porro diebus Urbanus II universalis præsidebat Ecclesiæ. Factum est autem, ut eo tempore, quo idem vir ad hunc locum tendebat, Signiensis episcopus ex hac vita discederet. Idem vero Romanus pontifex hunc spiritu fervere conspiciens, dixit ad eum : « Sicut tranquillitas maris multoties confert periculum nautis, ita et monachis a sæculi turbine remotis, quies et securitas ipsa perniciosissimum solet inferre naufragium. Unde nostris monitis te obedire convenit, et Signiensis Ecclesiæ curam, quæ tibi a nobis injungitur, tanto religiosius, ac diligentius, quantum scientia, et sapientia polles, regere stude. » Quibus cum ille sermonibus minime præberet assensum, præcepit ei ut ad civitatem prædictam pergeret; ibique vice Romani pontificis episcopum ordinans, iret quo vellet. Tunc supradictus vir illic adveniens, cum sibi injuncta implere satageret, idem papa clam Signiensibus apices destinans, admonuit, ut eum episcopum ordinarent. Talia dum ad ejus notitiam pervenissent, intempestæ noctis silentio, B. Mariæ Ecclesiam egrediens fugam arripuit. Itaque dum meditata implere satageret, in quodam trivio virgo, quæ imperiali trabea adornata, cujus facies resplendebat ut sol, illi cominus astitit. Quam ille qualis, quæve esset, et quo tenderet, cum requisivisset, illa respondit : Sponsam, quam non bene fugis, me

B noveris esse. Quapropter ut ad Ecclesiam redeas ex Dei omnipotentis parte præcipio. Et cave ne Dei ulterius velis resistere voluntati. Et his dictis disparuit. Percussus ad hæc Bruno sanctæ virginis semina, Deique in sua ordinatione voluntatem advertens, succubuit, ac pontificalem cathedram lætantibus cunctis scandit. Ordinatus autem in ea qua fuerat mentis intentione permansit; unde adinventæ opportunitate, sub supradicto abbate Oderisio, ad hunc locum perveniens, flentibus qui cum eo venerant, et nihil tale de ipso suspicantibus, monachus factus est. Signienses autem graviter illius ferentes absentiam Pascalem papam II adeunt, flentesque rogant, ut illum potius episcopatus sui curam gerere cogeret, quam sibi tantum consulentem in Casinensi C cœnobio quietum, et remotum a sæculi turbine habitare permittat. Pontifex autem ad illorum verba permotus strenuus a suo latere destinat viros, per quos eidem Brunoni ex parte sedis apostolicæ mandat, ut curæ ovium suarum studeat, et Romano pontifici in causis ecclesiasticis semper adhæreat; arguens insuper illum, et increpans cur absque apostolicæ sedis licentia, ausus fuisset monasterium petere, quo illum omnino non permetteret esse. Ad hæc præfatus Bruno, per episcopos et cardinales D amicos hæc rescripsit : « Cuncti, procul dubio, qui in Romana sunt Ecclesia, noscunt, quia nisi contra Ecclesiam schismaticorum sæviret insania, hoc quod nunc egi, a multis jam annis opere implevissem. Nunc vero quia in Romana Ecclesia, Petro clavum regente, tota per orbem Christi Dei nostri gratulatur Ecclesia, ventorum jam turbines silent, maria pacata quiescunt, idcirco, quod Deo semel devoveram, reddere cogor. Melius est enim non vovere, quam vovere, et non reddere. Quod si quis fortasse mihi objiciat, quod semel acceptum episcopatum relin-

quere non debebam, licenter respondebo : quod multi sunt, qui pontificatus sui iura non deseruerunt, et de sinistris sunt, dicente Domino, Osee c. 11 : *Principes fuere, et non cognovi : iudices exstiterunt, et non per Spiritum meum.* Porro qui recta intentione episcopatum dimiserunt, certum est eos de æterna felicitate perenniter in Christo gaudere. Mihi porro exempla sanctorum non desunt, quorum vestigia secutus sum : qui relicto tumultu sæculi, quietam vitam adepti sunt. Unde per vos summum pontificem obnixè deprecor, ut de reliquo amplius mihi molestus non sit; et quietum portum, in quem Christo gubernante perveni, ne me relinquere cogat, suppliciter posco. Cumque nulla ratione eundem apostolicum, nec Signinum populum flectere valeret, supradictus abbas Oderisius rogavit pontificem, ut præfatum virum sub monachali habitu in hoc monasterio Deo militare permitteret; ejus precibus idem papa aurem accommo- lans quievit.

Post hæc autem ab eo pontifice una cum Boccardo in Gallia directus, vice Romani pontificis in iisdem partibus synodum secundum traditionem ecclesiasticam tenuit. Inde quoque Romam reversus, quadragesimo quarto die ab Othonis abbatis depositione exstante ab hoc monasterio rediit; atque a fratribus est in hujus cenobii regimine ac cura prælatus. Idem vero apostolicus ad hunc locum postea veniens, non solum dignum illum esse abbatem illo in conventu peroratus est, verum etiam in apostolicam sedem dignum sibi successorem fore testificatus est. Non autem idem vir otiose hic vixisse credendum est, qui tales, ac tantos nobis Scripturarum exposuerit libros; de quibus summam illorum scilicet, qui in nostris manibus venere, pandere curamus. Super Genesim, super Exodum, super Leviticum, super Numeros, super Deuteronomium, super Psalterium, super Isaiam, super Cantica canticorum, super Judicum, super Apocalypsim. De totius anni festivitatis, atque diebus Dominicis composuit sermones sexaginta novem, homilias centum quadraginta quinque.

Hoc præterea tempore Adenulfus, Lando, et Atenulfus Aquinenses comites diabolica inebriati vesania castrum Terame rusticorum proditione ingredientes, et ejusdem castri habitatores in suam fidelitatem jurare facientes, oppida monasterio pertinentia prædare cœperunt. Hoc ubi prædicto abbati nuntiatum est, ad eosdem comites dirigens, ut castrum monasterio redderent, et a tantis iniquitatibus et direptionibus cessarent, monere studuit. Illi ne audire quidem admonentem passi, deteriora in dies se facturos minabantur. Tunc abbas, habito cum fratribus consilio, eosdem sacrilegos a liminibus Ecclesiæ separavit; ac e vestigio Robertum principem evocans ad eundem castrum recuperandum invitavit; qui copioso valde congregato exercitu, super idem castrum adveniens, illud oppugnare modis omnibus cepit. Cumque hostiliter ibi per

A dies quindecim resedisset, iidem comites miserunt ad eundem abbatem, quod si illos cum armis suis inde exire permitteret, ipsum castrum absque omni controversia redderent. Quod cum idem abbas annuisset, supradictum castrum in monasterii hujus potestate rediit, die Iduum Augustarum anno Domini 1108. Pro quo videlicet castro abbas Capuano principi libras 200 contradidit. Mense autem Octobrio advenit huc idem apostolicus, adjunctoque abbate nostro, Beneventum synodi celebrandæ causa perrexit; in qua prædecessorum vestigia secutus constituit, ut si quis ecclesiastica beneficia de manu laicorum acceperit, et dans, et accipiens communi- one privetur. Vestimenta vero sæcularia, et pretiosa reprehendit, et clericis talia uti interdixit. Cum autem Capuam devenisset, rogatus ab eodem abbate Ecclesiam Sancti Benedicti, quam Desiderius abbas intra eandem civitatem renovaverat, solemniter dedicavit; in qua etiam de vestimentis sanctissimi Patris Benedicti recondidit; sicque ad hoc monasterium veniens, Romam reversus est.

His porro diebus Rogerius dux per præceptum B. Benedicti concessit, ut monasterii pecora nullum vectigal darent vel sibi, vel successoribus suis, sicut consueverant, in omnibus finibus Garpani montis; et ut ab Ecclesia, quæ Passari dicitur, usque ad Salpitanum pontem, et usque in mare, licentiam hospitandi ipsas oves haberent, apposta pœna decem librarum auri. Tunc temporis Laydulfus Pandulfi comitis filius de Præsenzano, in præsentia ejusdem abbatis manifestavit, se de universa parte sua de castello Mortulæ, et Casa Fortini, et Cucuruzzo, et Rocca de Bantra, pœna apposta centum librarum, si hoc remove quæsisset. Sed et Joannes Trivertinæ sedis episcopus, una cum Roberto filio Tristani, Limesani Castri domino, obtulit huic loco Ecclesiam S. Illuminatæ intra fines ejusdem Castri, cum omnibus ecclesiis et pertinentiis suis. Anno Dominicæ Incarnationis 1110. Indict. 3, mense Junio sexta ipsius mensis die cometes apparuit. Deinde in Idus Februarii imperator Henricus pervenit ad urbem. Igitur pontifex misit in occursum ejus. Cum vero in superiores gradus ecclesiæ Sancti Petri evasisset, illic dominus papa cum episcopis et cardinalibus interfuit. Post basilicæ ingressum uterque consedit. Pontifex instaurari ecclesiasticum jus petiit. Ille cum episcopis et principibus cessit. Inter- ea pontifex, et qui cum eo erant custodiebantur. Vix tandem ad altare B. Petri pro agendis missarum solemnibus ascendere licuit. Expleta missa, de sede compulsus descendere pontifex, deorsum ante B. Petri confessionem cum fratribus sedit, ibique ad noctem usque custoditus a militibus, ad hospitium tandem extra ecclesiæ atrium ductus est cum fratribus. Capta est cum illo clericorum, laicorumque copiosa multitudo. Pueri item, ac diversæ ætatis homines, qui obviam ei cum floribus, et palmis exierant, alios obtruncari, alios exspoliari, partim cædi, partim vinciri jussit. Joannes interea Tusc-

lanus, et Leo Ostiensis episcopus, ubi papam captum perspexerunt, sub plebeio habitu in Urbem se receperunt.

Romani igitur cum audissent papam esse captivum, tantus eorum animos tumultus, et dolor, indignatioque pervasit, ut protinus Alemanni omnes, qui vel orationis causa, vel alterius cujuscunque negotii urbem ingressi fuerant, necarent. Postera die egressi urbe, conserta pugna, plurimos de imperatoris exercitu obtruncant, et eorum captis spoliis, adversus Teutones acriorem ineunt pugnam; adeo ut eos porticu pene propellerent, ipsumque imperatorem equo dejicerent, et in faciem vulnerarent. Alemanni cum se premi a Romanis cernerent, sese in castra receperunt. Romani vehementer animati, omnes adversus imperatorem se sacramento constrinxerunt. Haec ubi imperatori nuntiata sunt, eadem nocte, eundem apostolicum secum abducent, tanto metu cum omni exercitu profugit ex porticu, ut non modo sarcinas, verum et socios plurimos in hospitio relinquerent. Post duos dies pontificem sacris vestibus exui jussit; quod cum factum esset, viactum eum pertraxere, Soractem usque pergentes. Pontifex autem cum duobus episcopis, Sabinense, et Portuense, et cardinalibus quatuor, apud castrum Trebicum, ceteri vero cardinales apud Corcodisum in custodia tenebantur.

Itaque cum et Romanorum agros imperator popularetur in dies, ipsorum animos pecunia, dolisque tentaret, tantam Deus populo constantiam tribuit, ut nihil cum eis pacisci, nec papae quidem, cardinaliumque promissa liberatione potuerit. Cernens itaque sibi secus quam putaverat contigisse, cepit jurejurando firmare, nisi pontifex illi morem gereret, et ipsum, et omnes, quos habebat in vinculis partim occisurum, partim amputatis membris quibusque debilitaturum. Sed cum ad id constantiam pontificis flectere nequiret in hoc tandem plena deliberatione convenit, ut omnes quos ceperat liberos faceret; dum tamen sibi in posterum apud pontificem prospicere posset. Ceterum pontifex vitam ponere, quam jura Ecclesiae violare malebat, quamvis ille non Ecclesiae jura, non officia quolibet, sed regalia sola se dare assereret. Proponebatur schismatis grave periculum, quod omni pene Latinorum imminerebat Ecclesiae. Victus tamen lacrymis, suspirisque filiorum, totus in lacrymas solvit. Et cogor, inquit, pro Ecclesiae pace, et liberatione id perpeti, quod ne paterer, vitam quoque cum sanguine perfundere paratus eram. Igitur ex verbo pontificis juratum est hoc videlicet modo. Quod ulterius non inquietaret imperatorem, ejusque imperium de praesumpto, de temerato Ecclesiae jure, eidemque imperatori privilegium sub anathemate confirmaret, ut episcopos, et abbates libere electos absque Simoniam idem imperator annulo, et virga investiat; episcopusque sic investitus libere consecrationem ab archiepiscopo, ad quem pertinuerit, sumat. Si quis vero a populo, et clero eligatur, et non ab impera-

to investiat, a nemine consecratur. Et cum hæc sacramento firmasset, imperator demum quod eundem pontificem cum episcopis, et cardinalibus, et omnes, qui cum eo, vel pro eo capti essent, obsidesque securos perduceret intra portas transyberinæ civitatis, nec ulterius aut caperet, aut capi permetteret, juravit. Die igitur altera coronatus est imperator. Post coronationem, finitis missarum solemnibus, imperator in castra regreditur; pontifex autem Urbem regressus est. Hinc jam in Romana Ecclesia scandala dissensionum et schismatum oriri cœperunt.

His quoque diebus dum abbas noster Bruno Ecclesiam S. Thomæ apostoli extra castrum Vallis Frigidæ solemniter dedicaret, mulier quaedam a spiritu immundo vexata, ad eum deducta est; cujus calamitati compatiens, oratione præmissa, aquam unde manus lavaverat, patienti femine in potum dedit; moxque ab ea malignum spiritum excussit.

Præfatus autem abbas adjunctis sibi Guala Regino episcopo, et Roberto Pasiensi, aliisque cardinalibus, memorato pontifici omnino imminerebat, ut privilegium, quod imperatori fecerat, rumpere, eumque anathematis vinculo innodaret. Hi autem, qui cum illo in vinculis fuerant, dicebant: quod ante diximus, dicimus; quod prædicavimus, consona voce prædicamus, damnamusque quod ante damnavimus. Alii autem non modo non damnabant quæ contra Ecclesiam catholicam fuerant gesta, verum impudenter satis tueri nitebantur. Igitur dum ejusmodi dissentionibus apostolica quateretur Ecclesia, relatum est pontifici memoratum virum illius dissidii, et scandali ducem signiferum fuisse. Quod ubi abbas audivit, temporis opportunitate captata, dixit ei: « Inimici mei dicunt tibi, quia non te diligo, et mala de te obloquor; sed mentiuntur. Ego enim sic te diligo, ut patrem, et dominum meum; neminemque alium, te vivente, volo habere pontificem; sicut cum multis aliis tibi promisi. Audio tamen Salvatorem meum dicentem mihi: *Qui amat patrem, aut matrem plusquam me, non est me dignus* (Matth. x); unde et Apostolus: *Si quis, inquit, non diligit Dominum Jesum Christum, anathema sit* (I Cor. xvi). Debeo igitur diligere te, sed plus debeo illum diligere, qui te fecit, et me. Huic autem tanto amori nihil

unquam præferendum est. Fœdus autem illud adeo fœdum, tam violentum, tam eum proditione factum, tam omni pietati, religionique contrarium, ego non laudo. Quis enim illud laudet, quo violatur fides, ecclesiae libertas amittitur, sacerdotium tollitur, unicum et singulare ostium Ecclesie clauditur, multa ostia aperiuntur, per quæ qui intrat fur est, et latro? Habemus canones, habemus SS. Patrum constitutiones ab apostolorum temporibus ad te usque perductas. Via regia incedendum est, neque ab ea in aliquam partem declinandum. Apostoli illos omnes damnant, et a fidelium communione sejungunt, qui per secularem potestatem Ecclesiam obtinerent. Laici enim quantumlibet religiosi sint, nullam tamen disponentem Ecclesiae facultatem sunt

consecuti. Hæc enim apostolorum constitutio sancta est; cui qui contradicit, catholicus non est. Omnis autem qui hæresim tuetur, hæreticus est. Nemo hanc non esse hæresim dicere potest, quam sancta, et apostolica Ecclesia in multis conciliis hæresim nominat, et cum suis auctoribus damnat. »

Talis allocutio inter pontificem et abbatem invidiæ et odii fomitem ministravit. Inter cætera vero, quæ tunc pontifex in abbatem locutus est, ait : Nisi illum a monasterii administratione removero, ipse suis argumentis Ecclesiæ mihi regimen tollet. Quapropter eidem abbati direxit epistolam, qua vetuit ne ultra episcopus esset, atque abbas. Neque enim ultra ferre apostolicam sedem episcopum aliquem monasterio præesse tam celebri. Fratribus etiam per Leonem Ostiensem episcopum, et hujus cœnobii monachum litteras misit, mandans, ne ipsi viro ulterius obedirent, sed secundum Deum regulariter sibi abbatem eligerent; sin autem secus agerent, in omnibus monasterii cellis abbates ipse statueret. Hoc ubi abbas audivit, convocatis fratribus ostendere cepit quamnam inter ipsum et summum pontificem pro causis ecclesiasticis esset orta dissensio; simulque admonuit, ut si abbatem, quem ipse eligeret, vellent, et illos et hunc locum pro viribus protegeret atque defenderet. Erat tunc in monasterio frater Peregrinus nomine, natione Ligur, sæculari astutia callidus, cui regiminis onus imponere decernebat. Quod cum fratres didicissent, dixerunt abbati, quandiu ipse vellet ei abbatis jure præesse, omnes illi ut domino, ac Patri obedirent; sin autem

ea cura desisteret, electionem quæ illis ex regulæ præcepto debebatur, nulli omnino permetterent, sed ipsi antiquo more abbatem sibi constituerent. Hoc Peregrinus ille audiens, et id violenter implere posse se putans, armatos milites ad custodiendum monasterium in suum auxilium evocat. Postera vero die, fratribus Ecclesiam ad missam celebrandam cum pace introeuntibus, subito armata telis occurrit multitudo furentium, et qui essent, qui voluntatem abbatis nollent implere, quærentium. Fratres autem hæc nimis ægre, et indigne ferentes, unanimiter in illos ruunt, monasterioque deturbant. Quod ubi abbati nuntiatum est, ad monasterium continuo ascendit, vocatisque ad se fratribus : Nolo, inquit, ut propter me inter vos, et Romanum pontificem scandalum oriatur, virgamque pastorem super altare ponens : Accipite, inquit, quam mihi tradistis; absolutioneque fratribus facta, ad episcopatum suum rediit. Ubi in sancta conversatione usque ad Oderisii secundi abbatis tempora vivens feliciter migravit ad Dominum pridie Kalend. Septembris. Sepultus est in civitate Signina, in Ecclesia S. Dei Genitricis et V. Mariæ. Ad ejus memoriam etiam hodie Dominus miracula patrare dignatur ipsius intercedentibus meritis.

Girardus abbas XLII istius monasterii, nobilissima Marsosum stirpe progenitus, post Othonis transitum, Bruno quo supra retulimus ordine abbas effectus fuisset, ac Rom. pontificis jussu monasterii relicta cura, ad episcopatum suum remeasset, a fratribus uno consensu abbas eligitur.

IN COMMENTARIUM VITÆ

S. BRUNONIS ASTENSIS SIGNIENSII EPISCOPI PROCEMIUM.

Infaustæ virorum conditioni plerumque ascribitur, si illis temporibus ortum habuerint, vitamque duxerint, quæ obscura, inculta, infimique ævi appellatur. Fateor equidem prærogativam quamdam excellentiæ, et honoris ætati illi accedere, in qua humaniores litteræ, et facultates maxime claruerunt, præstantioraque scripta doctorum hominum prodierunt; quare felices, beatique censentur, qui fortunatis illis diebus floruerunt. Ab hoc eminenti subsellio hi deici solent, qui ex temporum vicissitudine, scientiis ad occasum vergentibus, nati sunt; quique, neglectis pene bonis studiis, præciara exemplaria ante oculos sibi proponere non habuere. Vrum quia virtus et sapientia tanto gloriosior exurgit, quanto difficilior est progressus ad ipsam; cum majori conatu, proprioque ingenio acqui-

ratur, iis equidem consentire nequeo, qui de meritis hominum a nota ætatis rationem desumere præsumunt. Hoc præjudicium, seu indignam de S. Brunone Astensi Signiensium episcopo a nonnullis usurpatam opinionem propulsare aggredior, eumque inter illustriores episcopos, celebriores inter doctores, interque optime meritos de Ecclesia catholica Patres collocandum esse contendo. Et quidem quod ad sapientiam spectat, non illam solum commendari velim, quæ humana est, et qua philosophi plures ethnici excelluerunt, sed illam quæ desursum est, descendens a Patre luminum (Jac. II, 17), quamque, ut monet sapientissimus Salomon, *Ecclesi. I, 11: Effundit Deus in homines, secundum datum suum, et præbet illam diligentibus se*. Revera si S. Brunonis in divinos libros commentationes

qua mente perpendantur, si theologi tractatus A ad examen revocentur, si mysteriorum, sacrorumque rituum expositio, si homiliarum sermonumque seges copiosa suscipiatur, S. episcopus Signiensis clarioribus divinæ doctrinæ magistris accensendus erit. Quid mirum ergo, si hæc lucerna tam lucens, non sub modio latuerit, sed super candelabrum posita in domum Dei universam splendorem suum effuderit (*Matth. v. 15*), si hæreticos, hæresesque confutarit, si præcipuis ecclesiæ dignitatibus atque muneribus perfunctus fuerit, si exterarum nationum amorem et existimationem ubique sibi conciliaverit, si celebriores scriptores de sanctitate et doctrina ejus præclara testimonia reliquerint, si summi pontifices plurimi eum fecerint? Cum hos supremos Ecclesiæ pastores memorem, velim præsentibus habeantur S. Gregorius VII, Victor III, Urbanus II, Paschalis II, doctrina, prudentia, magnanimitate celeberrimi, qui Petri navem, magnis agitatam fluctibus, salvam, incolumemque servarunt. Is ille fuit, qui saluti Ecclesiæ Simoniaca peste laboranti occurrit, qui humanas potestates in transversum abeuntes non formidavit, qui pro sacris juribus invictus decertavit, qui tanquam validissimus murus pro sanctuarii incolumitate sese objecit. Hæc, quæ breviter complexi sumus, et quæ in ejus Vita fusius pertractabimus, si quis animo reputabit, S. Brunonem non mediocri nomine dignum, sed summis sanctoribusque viris coequandum judicabit. Plurimum etiam decoris ei præstat ipsa episcopalis sedes in Signina civitate, cui tot annis C præfuit; siquidem insigne fuit Romanæ reipublicæ municipium, populosum, validissimeque munitum,

ut C. Marius ad hibernandum cum suo exercitu Syllam oppugnaturus delegerit, ejusque castra in eo tutissimo loco collocarit. Sed inter primas Campaniæ urbes Signia recensetur, quæ, abdicatis falsis numinibus, Christianæ religioni nomen dedit, et episcopali dignitate decorata fuit. Profecto temporibus S. Symmachi, qui plura concilia Romæ celebravit, Signini episcopi Sanctulus, et Justus synodalibus decretis subscripti reperiuntur, illamque sedem plures antistites sanctitate et doctrina conspici illustrarunt. Signiensis civitatis celebritatem auget S. Vitalianus Rom. pontifex, cui ipsa natale dedit, quique Romanam Ecclesiam ab 415 ad 449 sanctissime gubernavit, atque Anglorum coepiscopus nuncupatur, quod eam in insulam, missis ministris evangelicis, primum catholicæ fidei lumen invexerit. Hæc sub ejus marmoreo simulacro in majori templo Signiæ ad perpetuum tanti pontificis suique civis memoriam inscripta S. P. Q. S. collocavit. Alter commendandæ Signiæ civitatis titulus desumi potest ex eo quod persæpe Romani pontifices, ab Urbe discedere coacti, rebellatis, aut parum tutis aliis suæ ditionis civitatibus, illam sibi domicilium elegerint, et non tam a loci opportunitate, cum in culmine excelsi montis sedeat civitas, sed ab incolarum fidelitate se satis defensos putarint. Tandem ad majus gloriæ Signiensium incrementum accedit, quod Alexander III S. Thomæ archiepiscopi Cantuariensis, et Lucius III S. Brunonis apotheosim, accitis ex tota Campania episcopis, atque præsentibus pluribus S. R. E. cardinalibus, in majori templo ejusdem urbis solemniter celebrarunt.

DE VITA S. BRUNONIS COMMENTARIUS.

CAPUT PRIMUM.

De patria et natali S. Brunonis.

Qui veterum temporum historias accuratiori ordine et veritatis investigatione producere cupiunt, dubii statim hærent in limine operis, si primos earum scriptores inter se discrepantes inveniant. Id sane mihi contingit acta S. Brunonis episcopi Signiensis scribenti, cum Petrus Diaconus monachus, Chronici Casinensis a Leone Ostiensi cœpti continuator, plurimum dissentiat ab auctore anonymo, ut ferunt, Signiæ canonico, non tam in designanda patria et parentibus Brunonis, quam in multis quæ gesta ejus complectuntur. Chronologus enim Casinensis scripsit Brunonem in Liguriæ provincia ortum ex illustri Astensium civium prosapia. Anonymus vero Brunoni Solerium agri Alexandrini oppidum natalem dedisse tradidit, parentesque ejus Andream et Willam nullo nobilitatis genere excelluisse. Sed scriptoris Casinensis partes multis propugnat rationum momentis Phi-

lipus Malabayles abbas Cisterciensis sua in disquisitione de Vita S. Brunonis, quam Maurus, Marchesius monachus cum præfatis scriptoribus edidit. Is igitur Brunonem Astæ natum, et ex gente, cognomento Astensi, sanguine, et dominatu Castri Solerii maxime illustri progenitum contendit. In eandem venisse sententiam videntur Ferdinandus Ughellius, Arnoldus Wion, Mathæus Lauretus, Mabilionius, Ferrarius, Luceus, pluresque alii, qui Brunonis gesta exornarunt. Parum tamen ad ejus nominis gloriam refert, si Astenses aut Solerenses civem illum sibi vindicent, cum non patria, nec generis clara propago, sed virtutes et facta eximia atque illustra virum commendabilem reddant. Silentio tamen præterire non arbitror Solerensem gentem, apud Allobrogos clarissimam, S. Brunonem suum facere, ejusque nomen, tanquam in familia hæreditarium, jam longa per tempora assumere consuevisse (36). Quo vero anno in lucem prodierit Bruno, quamvis apud biographos nulla fiat affirmatur; qui sunt, Ecclesia in catalogo scriptor. Pedemont. p. 42, Ughellius Ital. Sac. colum. 1236,

(36) Brunonem origine Astensem, et ex gente Solari aut Soleria ortum a pluribus scriptoribus

mentio, conjicitur tamen ex eo quo episcopus Signiensis ordinatus est. Id contigit post concilium Romanum, ut infra docebimus. Hæc autem synodus coacta fuit a S. Gregorio VII, anno 1079, nemine discrepante, cumque in ea Bruno Berengarium hæreticum confutaverit aliaque doctrinæ singularis prudentiæ ac sanctimonix testimonia præbuerit, tunc septimum circiter lustrum cum agere argui potest, eaque florere ætate qua episcopali munere optime fungeretur. His itaque positis, perspicuum erit anno 44 post millesimum natalem Brunonis consignandum esse (37).

CAPUT II.

De institutione Brunonis, ejusque studiis.

Mos jam ab ipso S. Benedicti ævo invaluerat, apud nobiles viros, quemadmodum SS. Placidus et Maurus fidem faciunt, quod liberos suos sub ejus disciplina collocarent, ut sanctiora pietatis Christianæ rudimenta perciperent bonisque litteris imbuerentur. Cum ergo S. patriarchæ alumni in monasterio S. Perpetui prope Astam tunc temporis maxime florenter, Andreas et Willa Brunonis parentes eum infantem adhuc, in quo eximia optimæ indolis primordia inspexerant, eximiis illis religiosi viri instituendum tradiderunt. Nescio utrum plus ingenii ad scientiarum facultates comparandas, an majus acquirendæ sapientiæ coelestis studium in adolescentulo Brunone ejus educationi præpositi admirarentur, siquidem quidquid mentem et animum perficere atque exornare poterat, avidissime consecrabatur. Absoluto apud Benedictinos humaniorum litterarum curriculo, Bruno a parentibus magna de eo sperantibus ad Bononiense Lyceum tota in Italia celeberrimum mittitur, altiores scientias comparaturus. Supervacaneum hic meminisse reor admirabilem candorem quo suos inter æquales Bruno statim enituit, ejusdemque in frequentandis præceptoribus suis diligentiam et sedulitatem. Hanc enim summam animi contentionem cum singulari ingenii felicitate conjunxisse Brunonem ostendunt, non tam honores omnes et gradus, quos Lyœi præsidēs ei contulerunt, quam præclara studiorum suorum specimina, quæ in lucem protulit quæque nos iterum colligere ac edere aggressi sumus. In his profundam divinarum Scripturarum intelligentiam, Hebraicæ et Græcæ linguæ cognitionem plurimam universæque eruditionis

tom. I, Rosoti syllab. scriptor. Pedemont. pag. 127, Leisernus in Hist. poetic. et poem. medii ævi, et alii. Ex opposito alii tradidere S. Brunonem ex familia Astensi Solerii natalem habuisse, quos, ut superiores recenset claris. comes Joan. M. Mazzuchellus Brixien. tom. II, part. IV, p. 2227. Sunt autem Possevinus tom. I, Append. fac., Einsingerius, Gabriel Busselin. in Hist. univers., Porta in Alexandria illustrata, p. 220, Sopranus autem, et Oldoinus Brunonem inter scriptores Ligures numerant. Utraque opinio suos habet propugnatores. Astensem Brunonem dixere scriptores, vel ex Asta natalis ejus loco, vel quia Solerium ubi plures eum natum volunt eo tempore in diocesi Astensi reperiebatur.

(37) Corradus Corradus O. P. qui an. 1094 brev

A thesaurum sibi comparatum esse, omnes qui de ejus scriptis egerunt amplissime probaverunt. Postquam Brunonem parentes Astam revocarunt, ipse auctor fuit brevis commentarii in psalmos, ut Ingoni episcopo suo morem gereret, quemadmodum idem ipse in præfatione ad Apocalypsim testimonium præbet. Quamvis de Brunonis scriptis in prolegomenis actum sit, hæc commemorare licuit, ut certo constet, expletis Bononiæ studiis suis, illustrioribus exculum facultatibus in patriam revertisse. Hoc de reddito scriptores aliqui dubitarunt, ut Corradus, eumque Bononia Romam continuo processisse docuerunt, sed eorum opinio prorsus est rejicienda.

CAPUT III.

De primis dignitatibus Brunonis.

B Altera inter biographos non levis discrepantia occurrit, cum aliqui canonicum Astensem asserant, alii Senensem, alii etiam in utraq. urbe illam dignitatem sustinuisse velint. Qui pro canonicatu Astensi contendunt, Petri diaconi auctoritatem afferunt, et vetustissimam Brunonis iconem apud canonicos cathedralis illius asservatam dicunt, quæ eum juvenem canonici vestimentis indutum representat: itemque memorant similem statuem in sacello ipsi dicato, super omnium memoriam erectam. Alii etiam Bruni vel Brunonis nomen in aliquibus per vetustis tabulis descriptum haberi, quæ in canonicorum archivo asservantur. Addunt præterea ab ratione minime alienum esse Ingonem, episcopum sanctitate et doctrina præclarum (38), inter canonicos Ecclesiæ suæ Brunonem cooptatum voluisse, ut tantam sidus in ea coruscaret, eximiazque sapientiæ lumina suum in populum effunderet. Jam, ut dictum est supra, primam psalmodiam egerat interpretationem, qua quantum in sacris studiis versatus esset, eidem antistiti suo probaverat. Alii autem Brunonem canonicum Senis fuisse propugnant (39), cum ipse eadem in præfatione ad Apocalypsim de se dicat: « Senensibus canonicis, cum quibus et ipse qualiscunque canonicus victitabam, Cantica canticorum, pro ut potui, exposui. » Non ignorant hujusce opinionis assertores, locum hunc aliquos interpretatos, pro victu, quem Brunoni, dum Senis versaretur, canonici illi suppeditarint, non quod revera canonicatum inter ipsos obtinuerit. At hujusmodi interpretationem, ut indecoram nimis tanto viro, rejiciunt plures, nec gestorum S. Brunonis compendium Italice scriptum in 8 edidit, orum ejus collocat anno post millesimum 48. A nostra tamen sententia non recedimus; quod conformior sit calculo annorum vite Brunonis.

(38) Hic ab anno 1072 ad annum 1079, Astensem gubernavit Ecclesiam.

(39) « Marcus Antonius Scipio in abbatum Casinensium eligis rotunde pronuntiat (ut ait Malabailles) Brunonem emenso studiorum curriculo, jam natu grandiorē in Etruriam descendente. Senis in templo maximo, magna sodalium approbatione, Canonicum aliquandiu egisse. » Corrigendus est Crillerius, qui Brunonem nostrum Signiensem, non Senensem canonicum dicit.

aliud sensum verba illa referre volunt, quam ibi Brunonem ad canonicatum assumptum, conversationem suam canonicis illis omnino conformem reddidisse. Astæ enim ut Vercellis, canonici tunc velut monachi intra claustra regulariter vivebant Ecclesiæque majori plene addicti inserviebant. Senis autem aliis institutis canonici regi poterant, ac proinde verisimile est non diversam ab eis vitæ rationem Brunonem suscepisse (40). De Astensi canonicatu Brunoni tradito chronologus Casinensis luculentum testimonium præbet, quod sequitur Ughellius; e contra vero Bollandiani, pro singularibus virtutis et doctrinæ meritis, canonicos Senenses Brunonem collegam suum fecisse judicant. Ultramque sententiam ita conciliant alii, scilicet quod Bruno reversus in patriam, aliquot annis ibi canonicus fuerit; postea vero fieri potuit ut desiderio vel voto petendi Casinum, Astam relinqueret atque Romam versus proficisceretur. Verum cum Senas venisset, non ut incognitus ultra ei progredi libuit, siquidem Rodolphus Coloniensis illius urbis episcopus, sanctitate, et doctrina commendatissimus et canonicus, ex quibus aliqui sodalem forsân et amicum Bononiæ habuerant, vel a fama jam celebratum noscere, collato illi canonicatu, apud se retinere conati sunt; quorum deinde rogatu Bruno Cantica canticorum explanavit. Rem aliter refert Corradius. Inquit enim Brunonem, celebritate insignis pietatis et sapientiæ episcopi Senarum commotum eum adisse. Cum autem ab eo de nonnullis theologicis quæstionibus interrogaretur coram aliquibus ex præcipuis ecclesiasticis viris, non tam elegantiam et doctrinæ copiam quam singularem ipsius modestiam et comitatem, admirati, eum licet reluctantem qui aliud perfectionis vitæ genus sibi proposuerat, inter majoris Ecclesiæ canonicos cooptare voluerunt. Addit etiam ab episcopo Senensi Brunonem sacerdotem ordinatum fuisse, et sex annis canonici dignitatem Senis sustinuisse atque insignia pietatis ac integritatis vitæ specimina dedisse. Neque repugnat ætati, qua asseritur Romam se contulisse Brunonem, si aliquos annos in canonicatu Astensi, alios in Senensi transexisse statuamus, cum major tunc triginta annis, ab episcopali ordinatione, ut superius dictum est, probetur. Opponunt aliqui nullum Senis Brunonem ibi canonicum fuisse exstare documentum, sed nemo ignorat quæ quantaque ubique vetustas temporum ac bellorum vicissitudines rapuerint atque destruxerint; cumque adsit ipsius Brunonis testimonium, satis est pro omnibus ejusdem auctoritas. Neque omittenda mihi est canonicorum Senensium erga S. Brunonem a majoribus suis in eos derivata

A pietas, anniversariaque apud ipsos ejus diei festi, juxta ecclesiasticum ritum, celebritas, quam non nisi ex probatis actis, S. Brunonem in metropolitana ecclesia canonicum fuisse, Romanos pontifices indulgisse supponi potest. Illis addo spectatissimum atque doctissimum D. Tiberium Burghesium archiepiscopum Senensem, quem diu sospitem Deus illa in sede conservet, nonnullosque etiam ejus Ecclesiæ canonicos S. Brunoni devotos hanc celebrationem operum ejus editionem, vix eis innotuit. sibi comparare voluisse.

CAPUT IV.

De itinere Brunonis ad urbem.

Qui patriam et parentes, quos maxime diligimus, reliquerat, ut Casinum peteret, ibique totus spirituali vitæ vacaret, a Senensibus retineri non potuit, quin in proposito abdicationis sæculi maneret. Valledixit itaque Bruno episcopo Senensi et canonicis collegis suis ægre ejus discessum ferentibus, et Romam venit SS. apostolorum limina et celebriorum martyrum monumenta pie ac obsequenter salutaturus (41). At neque hic celari potuit Bruno; sed innotuit S. Petro Igneo episcopo Albanensi, et cardinali (42), qui eum apud se hospitari voluit, eique officia omnia præstare non desistit, spectabilis viri præsentia et colloquio devictus. Cum autem Petrus familiariter ageret cum Brunone, et sapientiæ amplitudinem moresque sanctissimos in eo magis magisque admiraretur, Gregorio VII, summo pontifici illum commendans, valde utilem Ecclesiæ illis præsertim diebus prædicavit, quibus magni sane fluctus Ecclesiam conflictabant.

Desiderio ingensus pontifex visendi Brunonem, ad se accersivit, pluraque collocutus cum eo de statu Ecclesiæ ac præcipue de hæresi Berengarii, qui jamdiu catholicum dogma de sacramento altaris penitus evertibat, adeo sapienter et apposite ad refutandum errorem coram pontifice disseruit ut ejus expectationem singularem longe superaret. Paucis hic recolamus existimationem quam Bruno apud Petrum Igneum, et Gregorium papam tanta doctrina et sanctitate spectabiles sibi conciliavit (43), ut quamvis Romæ centum quinquaginta episcopi ad concilium convocati adessent, ipse electus fuit, Hist. eccl., l. LXXIX, an. 1079, ut eadem in synodo cum Berengario disceptaret. A Fleurio docemur Albericum monachum Casinensem Brunoni adjunctum fuisse; at nec Binus, nec Ughellius, neque Spondanus de eo mentionem habent.

CAPUT V.

De disputatione cum Berengario in concilio Romano.
Mense Februario anni 1079, Gregorius VII Romæ

ex nobilissima Aldobrandescorum gente Florentiæ natus, S. Joan. Gualberti ab infantia discipulus, ejusque congregationis insigne ornamentum, quod per incensum rogi bis illeus transierit ad ostendendam Simoniacorum nequitiam.

(43) Ex Vita S. Leonis papæ IX a Brunone scripta constat quanta fuerit familiaritas ejus, et consuetudo cum Gregorio VII pontifice.

(40) Canonici Astenses regulam S. Benedicti profitebantur contra Pennoti opinionem, qui eos secundum S. Augustini institutum regi scripsit. Ita Gatula p. 1, p. 372, Histor. Casin.

(41) Refert Corradius Brunonem ab episcopo Senensi ad gravia quedam pertractanda negotia Romam missum.

(42) Celeberrimus est in Ecclesiæ fastis S. Petrus

concilium habuit in ecclesia S. Salvatoris, cui 150 A
episcopi interfuerunt, ex quibus clariores, Henricus
patriarcha Aquileiensis, Petrus Igneus Albanensis,
Anselmus Lucensis, Landolphus Pisanus, Raynerius
Florentinus. Hujus conventus causa præcipua fuit
relapsus Berengarii in eandem hæresim (44), negan-
tis realem Christi præsentiam in Eucharistiæ sacra-
mento, propter quam tribus in conciliis jam damna-
tus fuerat, et modo novis sophismatibus et
argumentationibus tueri nitebatur. Berengarium
Turonensem Ecclesiæ Andegavensis archidiaconum
acuminis ingenii insignem et in Peripateticorum
schola exercitissimum scriptores illius ævi fateri-
tur. Hoc cum adversario viri cæteroquin docti, et in
divinis litteris ac in theologicis disciplinis versati
congregi renuebant, quia in disputationibus non
exercitati, dolis et sophismatibus cavillosi hominis,
se exponere nolebant (45). Tanti certaminis difficul-
tas Brunonem non expavit, alacriter in arenam
descendit, astantibus, non tam pontifice et episcopis,
quam clero Romano universo. Longa fuit Brunonem
inter et Berengarium concertatio, in qua, cum quid-
quid subtilius et argutius excogitaverat hæresiarcha
refutasset, et feliciter contrivisset, victas ei manus
dedit, publice in concilio hæresim suam damnavit,
et orthodoxam fidem de sanctissima eucharistia
proferri pollicitus est. Hujusmodi victoria magnam
Brunoni peperit gloriam nominisque celebritatem;
atque ei pontifex et Patres festis acclamationibus
gratulati sunt, quas facilius esse mente concipere
quam referre. At Gregorius quanti Brunonem face-
ret, non solum verbis significavit, sed eo ex tempore
sibi proposuit ad episcopatus dignitatem promo-
vere (46).

CAPUT VI.

De Brunonis electione in episcopum Signiensem.

Ecclesia Signiensis in Campania, vita functo
Erasmo pastore suo vacabat. Huic Gregorius ponti-
ficatus sui A. V. statuit Brunonem successorem
dare, remque cum Petro Igneo cardinali et episcopo
Albanensi contulit, ut quem maxime alienum ab
honoribus, et Casinensis recessus vehementer cupi-
dum perspexerat, ad onus subeundum adhortaretur.
Vix Petrus Igneus Gregorii mentem Brunoni notam
fecit, se tanto honore indignum professus est, pre-
cibusque et lacrymis eum exoravit, ut pontificem a

sententia amoveret, sibi que fas esset religiosæ vitæ
quam voverat sub disciplina S. Benedicti se conse-
crare. Aiebat enim in mundanis curis et sollicitudi-
nibus difficile admodum esse Deo servire, non autem
segregatus a sæculo et in solitudine, ubi omnia ad
Deum allicunt plurimaque sunt ad pietatem incita-
menta. Quæ a viris sanctis aguntur, non nisi
sancte probeque fieri censendum est. Jam pontifex
Brunonem episcopum designaverat, sed illum quem
valde diligebat præcepto compellere renuebat; quare
convenit cum episcopo Albanensi, ut secum suum
candidatum duceret, et pontificis mandatum ei si-
gnificaret, quo jusserat ut electioni Signiensis epi-
scopi præset. Roma Petrus Igneus et Bruno pro-
ficiscuntur, Signiamque sub nocte perveniunt.

B Secretò episcopo Albanensis advocat canonicos et
majores civitatis, eisque sermonem habet de eorum
pastore eligendo, multis commendans virum quem
mane concionantem audirent, et desiderium pontificis
eis manifestavit. Vix dies illuxit, frequentissimus po-
pulus ad majus templum B. M. V., totusque clerus ad-
venit. Præmissis igitur consuetis precibus, Bruno sug-
gestum ascendit, tantaque gratia et orationis copia de
concordia et pace electionis egit, ut omnes in sui ad-
mirationem et gaudium arripuerit. Altera autem die
fiunt comitia, in quibus Bruno unanimi consensu,
et suffragio episcopus eligitur; sed hæc inopinata
sui electio adeo animum ejus tristitia affecit ut nocte
Signia fugere deliberaverit. Verum quia non homi-
num sed Dei voluntas erat ut Bruno Ecclesiæ illam
regendam susceperet, repugnantia ejus portentosis
signis victa tandem fuit. De his chronologus Casi-
nensis, et anonymus testimonium præbent. « Talia
(ita Leo Ostiensis) dum ad ejus notitiam pervenis-
sent, intempestæ noctis silentio, B. Mariæ ecclesiæ
egrediens, fugam arripit. Itaque dum meditata
implere satageret, in quodam trivio virgo quædam
imperiali trabea adornata, cujus facies splendebat
sicut sol, illi eiminus astitit, quam unde, qualis,
quæve esset, et quo tenderet, requisivisset, illa re-
spondit. Sponsam, quam non bene fugis, me noveris
esse. Quapropter, ut ad ecclesiam redeas, ex Dei
omnipotentis parte tibi præcipio, et cave ne Dei
ulterius velis resistere voluntati: et his dictis dispa-
ruit. Percussus ad hæc Bruno, tanto virginis flamine,
Deique in sua ordinatione voluntatem advertens,

(44) Ejuraverat enim errorem suum in concilio
Vercellensi anno 1053, præsentē S. Leone IX, de-
nuo in synodo Turonensi an. 1054; iterumque in
concilio Lateran. sub Nicolao II, an. 1059.

(45) « Eodem tempore B. Gregorio VII, in Late-
ranensi palatio residente de sacramento corporis, et
sanguinis D. N. J. C. a quodam magistro Berengario,
qui de eodem sacramento minus fideliter sentiebat,
gravis admodum agitabatur questio, nec invenieba-
tur aliquis, qui cum eodem magistro de tanti myste-
rii sacramento disputare præsumeret, quia magister
ille in questionum conflictu nimis erat exercita-
tus, etc. Anonymus. » Severinus Binius in notis ad
hoc concilium, hæc habet: « In hoc concilio S. Bru-
nonem, qui paulo post Signiæ episcopus creatus est,

adversus Berengarium disputasse, acta vitæ illius
testantur. » Tom. X, col. 380, edit. Paris, 1671.
Idem asserit Pagius ad an. 1079, n. 3, eumque lau-
dat quod Berengarium confutaverit.

(46) In hoc concilio adversus Berengarium dispu-
tasse S. Brunum, sive Brunonem, doctrina et san-
ctitate hoc sæculo clarum, qui paulo post creatus
est invitus, sed cogentibus eum divinitus ostensis
visionibus, Signiæ episcopus; ejus Vitæ acta testan-
tur. » Spondanus ad an. 1079. Gregorii VII, an. 7.
Theophilus etiam Raynaudus *De bonis et malis libris*,
p. i. Erot. 10, § 2, pag. 277, S. Brunonem Signien-
sem magnum appellat concertatorem in Berenga-
rium sub Gregorio VII.

succubuit, et pontificiam cathedram letantibus omnibus ascendit. » Anonymus vero addit Brunonem post electionem suam, una cum S. cardinali Albano, et legatis Signiensibus Romam venisse, quos ut Gregorius coram se habuit, valde letatus est atque mandatum dedit, ut electus de more sacram ordinationem suscipere. Nova refert idem auctor portenta novasque visiones successivis noctibus Brunoni apparuisse, hanc esse Dei voluntatem confirmantes, ut Ecclesiam Signiensem sibi in sponsam conjungeret; quibus humillime paruit, et episcopus tandem ab ipso pontifice ordinatus est. Ita anonymus scriptor, quem sequitur Corradus. Illic duo sunt adnotanda; primum chronologum Casinensem nihil de Brunonis disputatione cum Berengario, quamvis ab omnibus scriptoribus celebrata, meminisse; alterum errasse in assignanda Urbano II, ejusdem Brunonis assumptione ad episcopatum, non S. Gregorio VII, ut certiora documenta testantur. Illic, aliaque plura, quæ chronologus Casinensis omisit, anonymus autem alique scriptores tradiderunt, satis ostendunt, illum non accuratam historiam de S. Brunone scripsisse.

CAPUT VII.

De Gestis Brunonis in episcopatu.


Ocius quam potuit, Bruno Roma discessit, et Signiam se contulit. Omitto lætitiæ significationes omnes, quibus ab universis civibus exceptus est, ut statim virtutum suarum imaginem gestorūque præstantiam oculis subijciam. Jam a prima ætate monasticæ disciplinæ se penitus conformaverat eamque semper studiose retinuerat, hac ipsa ergo eximie sanctitatis exemplar videri poterat. Verum proprias etiam episcopi virtutes Bruno exhibere contendit, de quibus anonymus præclarum testimonium reddit. « Primum, inquit, juxta mandatum apostolicum (I Tim. III, 2), irreprehensibilem se in omnibus exhibere cœpit, sobrium, castum, humilem, mansuetum, atque benignum. In incessu quoque, in statura, habitu, et in omnibus motibus suis, nullius unquam offendeat aspectum, sed omnes actus, sermonesque suos modesta semper gravitate moderabatur. Erat enim in sermone verax, in judicio justus, in consilio providus, in jubendo discretus, in universa morum honestate præclarus. » Nocte ac die plurimum temporis orationi vacare in deliciis habuit, quotidie sanctum sacrificium piissime obtulit, SS. Patrum lectionibus mentem excolere, et nihil omittere solitus fuit, quod ad majus gratiæ cœlestis, et sapientiæ incrementum sibi conferret. Cum autem propriæ justitiæ studio nificam adimplendi pastoralis muneris sollicitudinem copularet, clericos in primis suos ad optimos mores informabat, populum a vitis advocare, et ad Christianas virtutes quotidianis concionibus incendere satagebat, et si quid jurgii, aut dissidii oriretur in urbe humanissime componebat. Si vero ad opera charitatis descendam, eum patrem pauperum amantissimum se gessisse dicam, quidquid enim

A habebat, eis liberaliter suppeditabat, vix necessaria sibi reservans. Illic copiose, ab eodem anonymo scriptore traduntur, ex quibus pauca referam. « Circa vero opera, ait, charitatis atque eleemosynarum, ita erat attentus, ut nihil aliud cogitare videretur. Vestiebat nudos, esurientes alebat, peregrinos hospitio recipiebat, et omnibus pariter indigentibus subvenire curabat. » Pupilli enim, et viduæ, patrociniū, mœrentes, infirmi, derelicti, orphani, calamitatibus oppressi apud Brunonem solatium et levamen inveniebant. Omnia omnibus factus erat qui omnes Christo, ut ait Apostolus, lucrari cupiebat (I Cor. IX, 22). Verum quia in agro Domini semper spinæ, et cardui sunt, qui penitus evelli nequeunt, etiam Ecclesia Signiensis his nocentibus herbis infestabatur, nec omnes optimi cultoris labores ad meliorem frugem revocandas proficiebant. Hos inter flagitiosos homines de grege Brunonis quidam erat Adulphus, Viculi, ut aiunt, comes. Jam sæpe peramanter, patris instar, eum episcopus commonefecerat, ut mores suos pessimos corrigeret, ac omnipotentis Dei justitiam formidaret. Sed cum ex his esset, quibus cum bene feceris, peiores fiunt, paternam odio habens admonitionem; eum de medio tollere scelestæ deliberavit. Accidit autem quod die quadam Bruno aliquibus eum clericis comitantibus Roma Signiam rediret, et Viculum pertransiens, Adulphus obviam ei se fecit, fictisque blandimentis invitavit, ut suis in ædibus pernoctaret. Gratiæ egit episcopus, neque a proposito suo removeri potuit, quare scelestus comes videns se illum, satellitibus suis imperat ut Brunonem et clericos victos retineant et in carcerem trudent. Ad majorem angustiam et vexationem positi secum fuere custodes, homines læquam, qui, ut ipse narrat in Exposit. psalmi LIV, pag. 410, livore et rabie contra eum incensi erant, et oculis eorum semper expositus, nihil sine ipsis agere ei licebat. « Cum aliquando, inquit, captus fuisset, mihi quidam ad custodiam dati sunt, qui præ cæteris me odio habebant, et ipsi quidem semper erant mecum, juxta me sedebant, sine quibus nihil agere poteram. » Cum in squalore, omniumque rerum indigentia plures transeisset dies S. præsul, demum sitis ardore vehementer excruciat, calicem aquæ sibi afferri petiit. Fertur aqua a Brunone benedicta, cumque eam gustare vellet, vinum reperit; quod portentum his, ac tertio renovatum, ubique prædicari cœpit; et ipse Adulphus stupore et timore correptus non solum episcopum suum et clericos in libertatem restituit, sed veniam humillime petiit, quam confestim impetravit. Antequam tamen discederet, comitem admonuit, ut de crimine suo poenitentiam ageret, scelestamque vitam in Christianam commutaret. Hæc omnia summopere commendanda de Brunone chronologus Casinensis prætermisit, sed memoriæ tradidit historiographus Signiensis. Redux Bruno Signiam ad consueti sui pastoralis officii munera

per quam diligenter incumberebat, Deoque gratias agebat, quod in clero pietatem, et in populo bonos mores florere conspiceret. At semper versabat animo dilectam Casini solitudinem, et cœnobitis illis inuidebat, qui omnibus terrenis curis soluti, toto animo, ad Deum aspirare poterant, ejus deliciis perfrui, et in cœlestium rerum contemplatione recreari. Sed antequam huic capiti finem imponamus, nonnulla adnotanda supersunt; primum quidem in propria Signiensi Ecclesia altare B. M. V. dicatum consecravimus, repositis in eo multis sanctorum reliquiis. Item aliam consecrationem Capuæ habuit sacre ædis sancti Angeli in Formis, ab Othone abbate Casinensi rogatus, qui in honorem S. Nicolai eam crexerat. Fatentur Bollandiani, ante-

quam Bruno ordinem S. Benedicti ingrederetur, viginti tribus annis Ecclesiam Signiensem administralle. Idem S. episcopus cum inter prælatos suos domesticos secum haberet Urbanus II, anno D. I. 1089, VIII Id. Julii, ind. XII subscripsit constitutioni ejusdem pontificis, qua clero et populo Velitrensi omnes usus et privilegia confirmavit (47). Hujus pontificii diplomata apographum exstat in archivo Ecclesie Velitrensis, cujus mihi copiam fecit clarissimus præsul Stephanus Borgia S. congreg. de Propaganda fide a Secretis, modo S. R. E. cardinalis meritissimus. Speciosa est S. Brunonis subscriptio, quæ ita se habet; ejusdemque characteris forma exhibetur.

✠ Ego Bruno Signiensis episcopus assensum p. h. y. c.
 x. ang. l. y. p. l. y. a



Post triennium pridie Non. Septemb. S. Bruno adfuit assistens episcopus eidem Urbano II, in sacramento ecclesie Cavensis monasterii S. Benedicti, et ex mandato pontificis sacrum fecit sacellum privatum abbatis, ut habetur ex Muratorio, tom. VI, Italico. scriptor. p. 238, et pag. 240.

CAPUT VIII.

De transitu Brunonis ad monachos Casinenses.

Valedixit Bruno Ecclesie suæ, et institutum S. Benedicti in Casinensi monasterio amplexus est. Sed quomodo, et quando, vitæ ejus scriptores non conveniunt. Petrus enim Diaconus, qui gesta S. antistitis in episcopatu prorsus omisit (48), verbo vix facto de ejus ordinatione, statim eum Signia profectum dicit cum paucis civilibus, sui episcopi voluntatem omnino ignorantibus, et Casinum se contulisse. Quo anno ad monachos Casinenses Bruno transierit chronologus Casinensis non adnotavit, sed tantum memorie tradidit Brunonem vehementer flagitantem ab abbate Oderisio inter monachos cooptatum fuisse, apostolica sede penitus inconsulta. Item aliter describit anonymus, et sub pontifice Paschali II id contigisse affirmat. Ait enim quod, cum Bruno graviter decumberet in Apulia, quo Paschalis secum duxerat, suum ei desiderium apernit se instituto S. Benedicti devotendi in Casinensi solitudine, nec aliud sibi gratius futurum quam quod hujusmodi sibi daretur facultas, si convalesceret. Pascha-

lis ergo pontifex, ne ex tristitia Brunonis infirmitas augetur, votis ejus annuit, dummodo tamen proximis ei semper foret, et in omnibus negotiis, si oporteret, ei præsto esset. Paschalis Romanus pontifex creatus fuit anno 1099. Post sexennium scilicet an. 1105, mense Januario Bruno episcopus Signiensis subscriptus apparet in documento membranaceo, quod exstat in archivo Casinensi, ediditque Erasmus Gattola in Access. ad Histor. Casin. part. I, p. 222, in quo legitur quod Robertus Calatianorum comes per manus D. Brunonis episcopi Signiensis concessit Oderisio abbati Casinensi, partim dono et partim numerata pecunia, urbem Pontis Corvi, qui etiam præsens fuit pretii solutioni. Sub fine ergo anni 1105, vel initio sequentis anni 1106, assumptio monastice professionis Brunonis collocari debet; nam eodem anno in Gallias cum Boamundo Antiôchiæ principe a Paschali missus fuit, ut infra dicemus. Cum autem opus divina, valetudinem Bruno recuperasset, et beneplacitum apostolicum obtinisset, Casinum se contulit, atque, ut refert anonymus, tam ab abbate Oderisio, qui tunc monasterio eidem præerat, quam ab universis ejusdem Ecclesie fratribus honorifice valde susceptus est; ibique secundum S. Benedicti Regulam facta professione, habitum religionis accepit. Petro autem Diacono narranti querelas Signiensium, apud Paschalem pontificem, quod sine pastore relictis fuissent, quodque ille strenuus a suo

(47) Hujusmodi Urbani II constitutio edita reperitur in lib. III, pag. 204 et seq. Hist. urbis et eccl. Velitrensis a cl. Alexandro Borgia Firmiano archiep., plurimum aliorum operum auctore perillustri, et suprad. card. patruo.

(48) De Petro Diacono hæc habet Fleurius Hist. eccl. lib. LXVI, sub an. 1111. « Leo Marsicanus monachus Casinensis, postea Leo Ostinensis car-

dinalis, tribus libris Chronicon monasterii Casinensis complexus est. His quartum addidit Petrus Diaconus ejusdem cœnobii bibliothecarius, cœpitque ab anno 1087, sub abbate Oderisio, usque ad annum 1136. Hic autem liber non eadem fide, et diligentia, ut præcedentes scriptus fuit. Idem cum clariss. Muratorio plures alii senserunt scriptores.

latere misisset viros, qui apostolicæ sedis nomine Brunoni præciperent ut suam ad Ecclesiam reliret, eumque redarguerent quod absque pontificio assensu episcopatus administrationem deseruisset, consentire nequimus. Quomodo enim supponi potest quod Bruno, sacris in sanctionibus versatissimus, qui non minore cum doctrina sanctitatem copulabat, inconsulto Romano pontifice Ecclesiam sponsam suam relinqueret, quod profecto ei vetitum erat, et gregem sibi commissum nulli custodiendum committeret? Cum igitur doctrinæ magis et sanctitatis Brunonis anonymi auctoritas hoc in facto consentanea videatur, eum potius, quam Petrum Diaconum sequendum ducimus (49). Interim monachorum omnium oculi in Brunonem conversi eximiam ejus admirabantur charitatem, assiduam orationis studium, profundam cum sapientia humilitatem, totaque domus odore sanctitatis Brunonis perfundebatur.

« Exacto quinquennio (verbis utar Erasmi Gattulae) ut simplex monachus, defuncto Othone, qui Oderisio in prælatione successerat, S. Bruno de communi fratrum consilio eligitur in abbatem. » Vix hujusmodi electio Romæ innotuit, Paschalis Casinum adivit, atque in conventu fratrum, non solum celeberrimi illius cœnobii regimen Brunoni merito delatum dixit; sed eum etiam dignum habere, ut sibi in apostolicam sedem succederet; uti Petrus Diaconus testatus est. Quis hæc crederet, si Bruno, inscio pontifice, Signiensem Ecclesiam reliquisset? Magna ergo pontifex in Brunonem ferebatur existimatio; quare frequenter ad se accersebat, ut vel graviora Ecclesiæ universæ negotia secum consuleret, vel aliquid ei agendum mandaret. Hæc commemoranda erant, ut, si dissensiones aliquæ posteriori tempore inter utrumque ortæ recenseantur, quemadmodum olim fuisse inter Stephanum papam, et Cyprianum, omnibus constat eas non ex mala animi affectione, sed ex adversis circumstantiis originem habuisse dicamus. Dei causam uterque agere contendebat, sed non eodem modo pro ea certabat. Paschalis enim pastor Christiani gregis universi pacem et unitatem, ne schisma aliud fieret, præ oculis habebat; Ecclesiæ autem Romanæ jura, et episcopatus immunitatem a laica potestate Bruno asserere atque tueri satagebat.

Dum igitur S. Bruno præsul monasterium Casinense gubernaret, præter regularem observantiam, cujus semper verbo et exemplo exactor vigilantissimus fuit, ditiones bonæque illius nonnulla, ut tradit

(49) Cum his huc usque relatis partim convenit clariss. Joannes Mabillonius, partim dissonat; collocat enim anno 1104 dimissionem Brunonis episcopatus Signiensis, quam saltem anno posteriorem demonstramus. Admittit tamen contra assertum Petri Diaconi eum infirmatum in Apulia, quo cum Paschali II pontifice se contulerat, facultatem obtinuisse, si salus ei a Deo daretur, Casini solitudinem petendi, ibique religiosam vitam profitendi. Sequitur tamen chronologum Casinensem in hoc, quod narrat a Paschali, enixe Signiensibus suum pastorem petentibus, missos fuisse nuntios, qui sedis apostolicæ

A Petrus Diaconus, a quibusdam comitibus Aquinatis usurpata, armis Roberti principis Capuani vindicavit, aliaque ex largitione episcopi Trivertini acquisita monasterio adjunxit, nec quidquam reliqui fecit, quin ad majus sanctitatis studium vimque redditum conducere. Hoc docent monumenta, quæ per annorum seriem commemorabo. Anno enim 1108, Otho, Walterii filius jurat clientelam, vulgo homagium, et ligiam servitutem Brunoni, ut Casinensi præsuli, et monachis pro castro Pescii Constantii, cujus possessio ei tributa fuit. Eodem anno Landolphus Pandulphi Teani comitis filius, Brunone Casinum moderante, Castella, et possessiones monasterio donavit, quorum largitiones in membranis descriptas archivum Casinense possidet, ac inter edita documenta a prælaudato Erasmo Gattula reperiuntur. His addam acquisitionem alteram a monachis Casinensibus factam sub eodem Brunone abbate mense Januario an. 1109 cum Robertus Castri Limosiani dominus Ecclesiam S. Illuminatis Pescii majoris jure hæreditario possideret, eam cum omnibus ejus juribus eidem monasterio cessit. Eo etiam tempore cum Triverni episcopus Joannes Celsus super eadem Ecclesia jura aliqua haberet, canonicis suis annuentibus, libere eis renuntiavit « ob fraternum amorem venerabilis pontificis et abbatis Brunii. » Hoc ehirographum item publicavit Gattula in *Histor. Casin.* p. 421, fuitque munitum duobus sigillis, episcopi scilicet et comitis, ut modo etiam inspicitur. Tandem adeo increbuerat opinio sanctitatis Brunonis, et monachorum Casinensium, ut idem Rogerius dux Apuliæ parentis sui pietatem erga S. Benedictum ejusque alumnos imitatus, Brunoni præsuli et monachis possessionem mentis Casini confirmavit, renuntiavitque proprietati, « quam habere solebamus, ita diploma, de peculibus S. Benedicti, sicut de camera abbatis, et de cellario, et de infirmario fratrum, quæ scilicet proprietas nobis pertinebat in honore montis Gargani. » Item Rogerius dux eodem in diplomate, quod D. Joan. Bapt. Federicius archivi Casinensis præses, autographum non sine maximo labore plurimas inter membranas reperit, asseruit facultatem alias concessam « sospitandi, et pascendi greges omnes monasterii, ab ecclesia, quæ dicitur Passari, usque ad Salpitanum pentem.... Et iterum usque ad mare. Dat. Capuæ A. D. J. 1110. Ducat. Dog. 24 mense Nov. Indict. iv. » Hujusmodi diploma, quod nos vidimus, et sigillo plumbeo munitum est, Gattula diligentiam

auctoritate Brunoni præciperent, ut confestim suam ad Ecclesiam remearet; quod præceptum causa fuit epistolæ, quam Bruno Paschali scripsit, rogans ut a proposito suo non removeret. Addit etiam non tam Brunonis quam Oderisii abbatis preces tandem Paschalem fluxisse, ut ad tempus ei permitteret Casini in habitu monastico remanere: sed paulo post cum Boamundo Antiochiæ principe eum in Gallias misit, eique alias legationes obundas dedit; de quibus postea sermo erit. Vide tom. V *Annal. Benedict.*, lib. LXX, p. 471.

effugit. Ex his igitur patet quod et si S. Bruno non A
nisi tribus annis, et decem mensibus Casinense
monasterium rexit, attamen valde redditus ejus
dominationemque amplifecit, ut de eo maximo
meritum S. Brunonem ipsimet monachi fateantur.
Eo tempore, quo Bruno Casinum incolebat, cum
legationes aliquas obierit, in sequenti capite de his
agendum erit.

CAPUT IX.

De Brunonis legationibus.

Qui S. Gregorio VII, acceptissimus fuerat, nec
minorem gratiam sibi comparaverat apud Urbanum II, Victoris III successorem, in Paschalis
etiam II benevolentia et consuetudine totum fuisse
videbimus. Primum de itinere Brunonis in Gallias
verba faciam, deinde de legationibus, quas Pascha- B
lis nomine perfunctus est. Postquam Urbanus res
ecclesiasticas, extincto Guiberti schismate, in Italia composuerat, in Gallias se conferre deliberavit
anno 1095, ubi plurima ejus presentiam et auctori-
tatem requirebant. Ex Italia episcopis Daimbertum
Pisanum, et Brunonem Signiensem secum assump-
sit, eisque omnibus in negotiis usus est, et sine
ipsis nihil agere consuevit; tanti enim eorum fidem
et prudentiam faciebat. Claramontii Urbanus con-
cilium indixerat, cui ipse praefuit, atque in eo san-
citis triginta duobus canonibus pro restauranda
ecclesiastica disciplina, actum est de bello contra
Saracenos, sanctam urbem Jerusalem occupantes,
et in Christi fideles omni crudelitate saevientes, cru-
cis signum dabatur his, qui parati in Orientem pro-
ficisci, Christianae militiae ascriberentur, ut loca
sancta ex barbarorum manibus eriperent, religionem,
cultumque restaurarent, et a servitute infinitum
animarum numerum liberarent. Hoc initium fuit ce-
leberrimarum expeditionum Christianorum princi-
pum contra Turcas, quorum primi Ugo magnus
Philippi Francorum regis frater, Gottefridus Bul-
lionius, Boamundus Northmannus, Raymundus Tolo-
sanus comes, qui plures alios principes ad idem fa-
cinus perficiendum excitavit. Cum Claramontii
multum Urbanus profecisset, Turonem divertit, ibi-
que pariter, eadem pro causa, concilium habuit,
quo absoluto, insignem monasterii illius ecclesiam

A consecravit, Lugdunensi, Pisano, et Signiensi episco-
pis assistentibus, similique sacramento templum
Cluniacensis coenobii decoravit; ubi adhuc, teste
clariss. Jacobo Sirmundo, exstat monumentum refe-
rens internum infirmorum sacellum a Brunone
Signiensi episcopo consecratum. His aliisque in
Gallia peractis, Urbanus Romanum iter aggressus
Brunonis rogatu, Asiam divertit, ibique majus urbis
Illius templum solemniter ritu dedicavit, anno, ut fe-
runt, 1096. Sacrae hujus caeremoniae memoria legi-
tur in martyro super majorem ecclesiae januam
posito.

A. M. D. G.

DEIPARE IN COELUM ASSUMPTAE

URBANUS II. PONT. MAX.

S. BRUNONE SIGNIENSI EPISCOPO

PEREGRINATIONIS COMITE

ET IN HAC OLIM CATHEDRALI CANONICO INTERCEDENTE

BASILICAM ISTAM NOVA STRUCTURA

IN VETEMI LOCO AEDIFICATAM

DEDICAVIT.

Veniam modo ad legationes, quas Bruno Pascha-
lis II, nomine obivit; et prima quidem fuit in Gallias
Boamundum Antiochiae principem sociatus (50). Is
a Saracenis captus voverat, si a vinculis evasisset, se
ad S. Leonardi sepulcrum, quod Nobiliaci in Lemo-
vicibus erat, religionis causa profecturum. Voti com-
positus factus Boamundus Romam venit, rogavitque
pontificem, ut virum aliquem dignitate et prudentia
praestantem secum in Gallias mitteret. Ad hoc opus C
Casino accersitur Bruno, cui etiam a pontifice in-
jungitur, ut apud Pictavos concilium advocet, eique
apostolicae sedis legatus praesit. Roma Bruno et
Boamundus discedunt, et primum Nobiliacum pe-
tunt; ubi Antiochiae princeps S. Leonardo liberatori
suo gratias egit, et argentea vineula, quibus con-
strictus fuerat, ad ejus aram appendit (51). Profi-
ciscuntur deinde Pictavium ubi vii Kal. Jul. anno
1106, celebratur concilium Pictaviense II, praesente
Boamundo, quod a Sugerio, qui adfuit, plenum et
celebre appellatur (52). Publicatis aliquibus san-
ctionibus, tanta eloquentia de subsidiis in terram
sanctam deferendis locutus est Bruno pontificis
legatus, ut Gallorum plurimi armis instructi in Orien-

(50) « Anno 1106 vii Kalend. Junii Pictavis con-
cilium fuit, in quo interfuit Boamundus dux, quem
Bruno legatus S. R. E. adduxit, et tenuit concilium,
et viam S. Sepulcri confirmavit. » Ex Chronico S.
Maxentii, vulgo Maleacensi, Philip. Labbeus p. 217,
tom. II Novae bibl. mss. Jacobus Sirmundus pariter
de legatione S. Brunonis in Gallias agit in notis ad
14 epist., lib. XI, Gottefridi abbatis Vindocinensis
S. Prisce cardinalis. « Incidit, ait, Brunonis Signiae
in Campania episcopi legatio in annum Christi 1106.
Hoc siquidem anno in Gallias venisse Boamundum
ducem notat Chronicon S. Albini. Boamundum
autem Paschalis jussu comitatus est Bruno legatus.
Auctores sunt Petrus Diaconus, et Sugerius abbas,
qui et synodi ab eodem apud Pictavos celebratae
meminerunt. » Perfecte etiam consensit S. Ivo Car-
notensis, qui Epist. 164 ad Gottefridum Blesensem
eum redarguit, quod contra Brunonis S. R. E. Le-
gati consilium, nullo eo cogente, imo ipso legato

D dissuadente abbatiam dimisisset, et in electione Mau-
ritii primam vocem dedisset. Hisce luculentissimis
testimoniis innixus Gattula ait Baronium et Mabil-
lonium hallucinatos fuisse, cum Brunonis legationem
in Gallias anno 1104 collocarunt. Spondanus etiam
de legatione hac S. Brunonis mentionem habet his
verbis: « Sed et cum illo Boamundo S. Brunonem
episcopum Signiensem (quamvis dimisso jam episco-
patus onere monasticum habitum apud coenobium
Casinense suscepisset) a Paschale missum fuisse in
Gallias, ac synodum celebrasse, testatur Petrus Dia-
conus in Chronico Casinate, estque ejusdem lega-
tionis frequens mentio apud Ivo nem Carnotensem. »
Sed neque ille verum hujusce legationis tempus atti-
git; cum eam sub anno 1105 collocavit.

(51) Tom. X. Concil. pag. 728, edit. Paris, 1671.

(52) Vid. Pagium tom. II, pag. 554, edit. An-
tuerp. 1717.

tem migrarint; alii magnam vim auri suppedita- A
runt. His absolutis, magnoque sibi in Galliis nomine
comparato, in Italiam redux Bruno, probataque a
pontifice ejus legatione, ægre facultatem obtinuit ad
pristinam Casini solitudinem remeandi. At perbre-
vi tempore ea frui licuit; quod Paschalis iturus Bene-
ventum ad concilium celebrandum, cum Casinum
advenisset, Brunonem secum habere voluit. Hac in
synodo plura optime constituta sunt, inter quæ illud
præcipuum, quod vetitum fuit ecclesiasticis viris
pretiosas et sæculares vestes deferre, atque ana-
thema dictum contra Simoniacos, eosque quia laico-
rum manibus investituras sacerdotiorum acciperent.
Cum tantis in negotiis Paschalis pontifex Brunonis
dexteritatem, summamque prudentiam expertus es-
set, legationem alteram in Siciliam ei obeundam B
dedit. Rogerius Siculorum princeps erat, qui Sara-
cenos ab ea insula maxima virtute depulerat, Eccle-
sias ubique, cultumque Christianæ religionis resti-
tuerat. Ille ergo, sive legatum S. R. E. postulasset,
sive Paschalis plura illis in Ecclesiis corrigenda et
restauranda nosceret, rem tanti momenti optime
versuram censuit, si Brunoni operam committeret.
Neque cum fesset opinio, cum Bruno provinciam
omnem perlustrans, malas herbas concidit, vitia sci-
licet, pravasque consuetudines extirpavit, sanctio-
nes canonicas clericis, et presbyteris observandas
indixit, templorum sanctitati, sacrorumque nitori
prospexit, omnia tandem feliciter exploravit, qui-
busque Dei cultus, sacerdotum exemplaris vir-
tus, populorumque religio magis magisque flore- C
ret ac coruscaret. Sed non ad hæc solum restau-
randa Bruno legatus missus fuerat, verum etiam
ut Siculos ad sacrum bellum contra Machumetas
excitaret, ampla subsidia ab his obtineret, et Ro-
gerium ipsum ad iter Hierosolymitanum, pro Chri-
stiani nominis gloria suscipiendum incenderet. Ab
hac legatione expeditus Bruno Romam revertitur,
deinde Casinum, ubi a monachis suis, quibus præ-
erat, maxima cum lætitia exceptus fuit. Quia vero
alia S. abbati, et episcopo parabantur, de quibus
diversa futura erat hominum opinio, mirabili cælum
portento sanctitatem ejus comprobavit. Solemni ritu
in pago vallis frigidæ agebat Bruno consecrationem
Ecclesiæ Deo, et in honorem D. Thomæ apostoli dic-
tæ; cum mulier a maligno spiritu miris modis D
vexata ei exhibetur, et enixis precibus eum circum-
stantes deprecantur, ut misericordia motus illam
liberaret. Paululum oravit S. episcopus, dein præ-
cepit ut obsessa aquam biberet, qua manus suas in
ritus actione abluerat: quod mox ut actum est, mu-
lier coram omnibus a dæmone liberatur. Actæ sunt
Deo publicæ grates, et nemo fuit qui Brunonis pa-
trocinium sibi non imploraret, cum supernis orna-
tum muneribus inspiceret. Hoc insigne portentum
ad perpetuam ejus memoriam in sacello majoris Ec-
clesiæ Signiensis S. Brunoni episcopo dicato depi-
ctum conspicitur.

CAPUT X.

De investitura.

Quibus ignoti minime sunt cardinalis Baronius,
Spondanus, Petrus de Marca, Natalis Alexander,
cardinalis Norisius, de ecclesiastica historia optime
meriti, necessarium non videbitur, ut cum nihil
agendum sit de investituris ob discrepantiam ortam
inter Paschalem II pontificem, et Brunonem Signi-
num episcopum, quæstionem ab initio exordiar. Sa-
tis erit commemorare privilegium a Paschali II,
Henrico V imperatori non sponte, sed ex vi et metu
gravissimo datum, quo ei indulsit s'gna aliqua pos-
sessionis bonorum temporalium tradere iis qui ad
sacra Ecclesiæ ministeria assumpti forent. Cum ec-
clesiastica disciplina, a veteribus conciliis constituta
et a recentioribus sanctionibus confirmata, Paschalis
concessionem adversaretur, diversa prodijt de eadem
opinio. Aliqui servandas canonicas leges dixerunt;
aliis placuit in casu Paschalis privilegium defendere.
Primos inter delatus fuit Bruno tunc monasterii Ca-
sinensis abbas, et Signinus episcopus, cujus sanctitas,
summaque in agendo prudentia non leviter obum-
brata remaneret, nisi rerum veritas a suppositis
factis eruta in lucem proferatur. Non enim imitabor
Matthæum Lauretum, Malabaillem, Ughellium, Fer-
rarium, Corradium, aliosque, qui Brunonis gesta
scribentes, hanc controversiam penitus omiserunt.
Optimo Brunonis nomini est consulendum, diluen-
dæque ac propulsandæ criminationes contra eum il-
latæ. Ne prolixior tamen opportunitate causæ flam-
C ad tria capita eam revocabo. Primam vellicandi
Brunonis rationem desumunt criminatores ex Petro
diacono Casinensi, quod ille lib. IV Chronic. Casi-
nen., cap. 33, scripsit Brunonem querelam apud
Paschalem movisse de privilegio Henrico concesso,
utque rescinderet acerbis verbis cum pontifice usum
fuisse. Secundo S. episcopum aggrediuntur, quod
illud privilegium hæresim continere dixit. Tertio
incusant, quod per eum adeo hujusmodi exarsit
disputatio, ut Paschalis a pontificia sede dejici me-
tuerit.

Non vereor statim asserere primam accusationem
floci faciendam; cum Petrus Diaconus supponit
quidem Brunonem ante concilium a Paschali cele-
bratum Casini Romam venisse; sed oppositum evin-
D citur ex epistolis quas scripsit Petro episcopo Por-
tuensi, S. R. E. cardinalibus, et ipsi Paschali pon-
tifici, jam a Baronio et ab aliis editis, quas et nos
in secundo volumine edituri sumus. Si enim Bruno
vel ante, vel post Paschalis reditum in urbem Romæ
fuisset, quid opus erat, ut quæ de investituris Hen-
rico concessis sentiebat, litteris traderet, cum ipse
coram persequi rem potuisset? Revera colloquium
illud a Petro Diacono relatum iisdem verbis in epi-
stola Brunonis ad Paschalem exprimitur. Primo sane
loco suorum refutat inimicorum calumniam, quod
pontificem non diligeret, quodque de eo male lo-
queretur: deinde rationem reddit, cur læsam Ecce-
siam ex indulti concessione censeret, et illud omnino

revocandum et eliminandum diceret. Huiusmodi testimonium penitus evertit eminentissimus Baronius, qui tom. XII, edit. Rom., an. 1607, sub anno 1111, pag. 85, hæc habet. « At ista, quæ de mutua allocutione Bruni, sive Brunonis cum Paschale affirmat Petrus Diaconus Casinensis esse transacta potius litteris quam eo præsentè tractata fuere. Nam ipsæ S. Bruni totidem verbis ad Paschalem datæ, eademque prolixiores exstant litteræ, una cum aliis ipsius litteris eodem argumento tunc datis ad episcopum Portuensem, quas ambas ex Casinensi bibliotheca deprempas, hic totidem verbis reddere, et dicta repetere non pigebit. » Mirabitur non nemo quod Natalis Alexander, quamvis accuratus scriptor, non Annalium ecclesiasticorum parentem; sed Petrum Diaconum hac in narratione secutus sit, et epistolam ad Paschalem scriptam pro sermone cum eo habito produxerit (53). Cardinali tamen Baronio plene consensit clarissimus D. Remigius Ceillierius in *Histor. generali auctorum sac. volum. XXI*, pag. 401, edit. Paris., cujus verba sunt ista, « Il était encore à Mont-Casin (Brunon) en 1111, lorsque l'empereur Henri contraignit le pape Pascal II de lui accorder le droit d'investiture. Tous les cardinaux qui avaient été faits prisonniers avec le pape désapprouvèrent sa conduite. Brunon en témoigna lui-même son mécontentement. On le fit passer auprès du pape pour le principal moteur du trouble excité dans Rome à cette occasion, Brunon en écrivit au pape et à Pierre, évêque de Porto, qui avait souscrit la concession faite à l'empereur; mais ses lettres n'apaisèrent point Pascal, » etc. Concordia igitur Ceillieri cum Baronio pluris habenda est, quam Petri Diaconi narratiuncula, quæ de suppositione evincitur, et inferius etiam magis magisque apparebit. Aliud sane est superiorem aliquo de lapsu

(53) Eadem S. Brunonis epistolæ retulit præclarus historiographus Casinensis D. abbas Erasmus Gattula pag. 371 et seqq. et illam præcipue, quam ad Paschalem pontificem S. episcopus dedit, veneratione et zelo plenissimam vocat. Præterea adnotat Brunonem reverentiam singularem erga S. sedem ostendisse, cum Paschalis ejusdem constitutionem investituræ damnantem de apostolico fonte manasse dixerit. Deinde subiicit litteras S. Ivonis Carnotensis ad Henricum abbatem Angeriensem quæ o. t. 253, et Gottefridi ad eundem Paschalem pontificem, lib. I, VII, ex quibus constat clarissimos illos viros de investiturarum privilegio cum Brunone perfecte consensisse. De hac Gottefridi ab Vendocinensis epistola in notis hæc habet Jacobus Sirmundus. Cum initio meminisset pacti, aut privilegii in illis Aprilis, a. 1111, ab Henrico per vim et metum extorti, ait: « Quod factum Paschalis, et si excusare videbatur necessitas, quod aliqui, ut ipse in epistola ad Guidonem Viennensem causatur, servitus Ecclesiæ, captivis interioris, excidium urbi, et Italiæ imminere videretur. Usque adeo tamen omnibus locis improbatum est, ut apertum schisma tantum non excitavit. Itaque prudentes, et cordati viri, qui violata Ecclesiæ jura male habebant, in quibus Gottefridus hic noster, et alii, quorum exstant epistolæ, Paschalem hortari, atque urgere non desisterunt, ut pactum, quod invitus fecerat, et ipse ultro damnabat, publico decreto rescinderet, quod quidem præ-

concomnere, aliud coram provocare, ejusque digni latè injuriarum facere. Primum licet, si modeste et temperanter fiat; alterum omnino est improbandum. Ex quo igitur superiores pontifices, et concilia investituræ, prævumque earum usum damnaverant, qui se his noviter concessis, idem periculum agnoscentes, opponerant, Ecclesiæ jura, et pontificias sanctiones tuebantur; adeoque criminandos non est Bruno, si de his fuerit, cum causam bonam, et sanctam, illisque temporibus necessariam egerit (54). Nescio tamen cur aliquibus præcipuus damnandi privilegii auctor Bruno visus fuerit; nisi fortasse, quod cæteris contradicentibus sanctitate et doctrina præfulgeret (55); ideoque maximi haberetur sententia ejus. Celebres etiam hac in controversia fuerunt Joannes Tusulanus, Joannes Verceilensis, Robertus Parisiensis, et Gaula Reginus episcopi, qui palam investiturarum concessionem reprobarunt. Cæterum « via pontifex urbem regressus est, statim (eodem Petro diacono narrante), in Romana Ecclesia scandala discessionum, et schismatum oriri cœperunt (56); » quorum motor, aut incensor Bruno absens, et Casini commorans dici nequit; sed diversum partium studium, et diversa de privilegio opinio excitavit.

Alterum accusationis caput contra S. Brunonem, scilicet quod privilegium illud Paschalis hæresim dixerit, non minus facile quam superius a me refellitur. Inspiciamus litteras quas scripsit, volvamus acta conciliaria, ex his quid senserit, quid egerit, constabit (57). In epistola ad Paschalem, primum ejus constitutionem memorat, qua damnat, et a fidelium communione separat omnes illos clericos, quicunque de manu laici investituræ suscipiunt, et quicunque eis manu imponunt. Deinde his prosequitur. « Hæc namque constitutio apostolorum (58), et tua sancta est, catholica est, cui quicunque con-

stituit, cum sequenti in synodo Lateranensi, in qua investituræ Henrico iterum abrogavit. »

(54) Odericus Vitalis lib. I, pag. 762, ait Robertum Parisiensem pluresque alios episcopos, et cardinales idem sentire ac S. Bruno de privilegio investiturarum a Paschali II. Henrico regi concessio, eumque tanquam nullum habendum esse. Idem confirmat auctor, *Hist. eccl. Parisiis editæ an. 1740*, pag. 40.

(55) Vid. Pagium tom. II, pag. 555.

(56) Eadem Pagium loc. cit. confirmat. « Paschalis in urbem reversus, cardinales, et universum clerum Romanum a se aversos invenit, et valde improbatum lædus illud, quod cum imperatore Henrico pepigerat contra prædecessorum suorum decreta, paucorum duntaxat cardinalium concilio adhibito. » Quare « hoc eodem anno 1111, ita scripsit Baronius, Paschalis II, regressus in urbem ad universum catholicum orbem litteras dedit de his, quæ gesta erant cum Henrico, quibus se excusavit, quod ad evitanda imminenta mala, et ad redimendam pacem Ecclesiæ ita cessisset ad tempus. »

(57) Vid. Acta concil. Labei tom. XII, p. 767.

(58) S. Bruno sanctiones apostolorum et conciliorum perfecte noverat. Sunt autem quæ sequuntur. In can. 31 apostolorum ita statutum habetur: « Si quis secularibus potestatibus usus, Ecclesiam per ipsas obtineat, deponatur, et abjiciatur, omnesque qui illi communicant. » Item ex Antiocheno concilio: « Si quis per seculari dignitatem Ecclesiam Dei ab-

tradit, catholicis non est. Illi enim solum catholici, qui catholice fidei et doctrinae non contradicunt. Sicut e contra sunt haeretici, qui catholice fidei et doctrinae obstinato animo contradicunt. » Nonne haec omnium est orthodoxorum doctrina, errorem in fide, et contumaciam in voluntate, haeresim constituisse? Quid aliud, nisi hoc docuit S. Bruno? Sed ut probe haec intelligantur, calamitosa illa tempora memoriae sunt revocanda. Non unum erat Guiberti schisma, quod vastaret Ecclesiam, sed clericorum incontinentia, Simonia, honorum ecclesiasticorum usurpatio et potentum tyrannica dominatio, omnia penitus subvertebant. Hisce malis, quibus Ecclesia laborabat, addebatur quod nonnulli, ut ipse Bruno ait in epistola ad Petrum episcopum Portnensem, imprudenter defendere investituras conabantur, quamvis eas anathemate percussas non ignorarent. Cum ergo investiturae Simoniacis, incontinentibus, usurpatoribus, nefandisque clericis ostium ad omne scelus aperirent, concessionem illam, seu privilegium Bruno hoc in sensu haeresim appellavit. Non inficiamur proprie haeresim vocari non posse, nisi dissensum ab aliquo dogmate fidei, cum pertinacia in eodem dissenso, sed improprie, et quasi per similitudinem sit reus haeresis, qui Ecclesiam lacerat aut lacerare permittit. Audiatur cardinalis Baronijs ad an. 1112, quid in casu Paschalis II, scripsit. « Non est haeresis, inquit, ipsas investituras concedere, quod unum Paschalis II fecit. Sed haeresis il est, cum id sit falsum dogma, bonis moribus, et sacris Patrum testimoniis repugnans, in Ecclesiam introducere. » Praeviderat hac in sententia Joannes Lugdunensis archiepiscopus in epistola ad Daimbertum Senonensem archiepiscopum, quae est Ep. 233 ad Henricum abbatem Angeriacensem. Haec Joannes: « Et licet exteriores investituras per laicos factas non satis proprie haeresis nomine censearis; sentire, et fieri debere, indubitata haeresis est. » Ivonis vero consensus ex his constat: « De investituris Ecclesiarum, inquit, quas laici faciunt, sententiam praecedentium Gregorii, et Urbani, quantum in me est, laudo et confirmo. Quocumque autem nomine talis pervasio, proprie vocetur, eorum sententiam, qui investituras laicorum defendere volunt

A schismaticam dico. Nec ista contra dominum papam dico, quia quibusdam litteris mihi scripsit se coactum fecisse, quod fecit, et adhuc prohibere quod prohibuit. » In his certe sensibus memoratum privilegium haeresim appellavit Bruno, cui bene comperta erat vis Paschali pontifici illata, ut indultum illud relaxaret; nec voluntate, nec mala doctrina peccavit Paschalis, sed concidit animo, ubi tot tantasque calamitates sibi suisque imminere videbat.

Deceptos vero illos historiographos puto, qui cum non omnes, aut saltem praecipuos hujus auctores exploraverint, alicui minus tuto credentes, tradiderunt Brunonem in concilio Romano, atque in eo, ipso Paschale praeside, dum coetus Patrum universus exultabat quod pontifex privilegium resciderat, et damnationis sententiam in illud pronuntiaverat, continere se non potuisse, quin iterum elata voce privilegium haeresim diceret; hoc purum putumque commentum ostendo. Duo concilia pro investiturarum damnatione Romae Paschalis celebravit. Primum fuit anno 1112, alterum anno 1116. In primo equidem factum illud profecto non contigit, quippe Wilhelmus Malnesburiensis refert Joannem episcopum Tusculanum, et Brunonem Signiensem, quamvis Romae essent, illa die, qua facta est privilegii damnatio, absentes a concilio fuisse, sed altera, in qua lecta fuit proscriptionis sententia, cui consenserunt omnes, quamque laudavit (59). Ita ad hoc concilium Severinus Binius adnotavit (60). Idem confirmatur ex codice Andegavensi, cujus verba Stephanus Baluzius in addit. ad Petrum de Marca lib. vii, cap. 20, et cardinalis Norisius in Hist. Investit. col. 448, retulerunt. Haec sunt: « Bruno Signinus, et Joannes Tusculanus episcopi cum essent illa die Romae, concilio non interfuerunt; qui postea lecta damnatione privilegii, consenserunt et laudaverunt. » In secunda ergo synodo an. 1116 Paschalis iterum de male facto suo confessionem habuit, et privilegii proscriptionem hac allocutione confirmavit: « Postquam Dominus de servo suo fecit, quod voluit, et me, populumque Romanum tradidit in manus regis, videbam quotidie fieri rapinas, et incendia, caedes, et adulteria. Haec, et hujusmodi mala cupiebam avertere ab Ecclesia, et populo Dei; et quod

tinuerit, abjiciatur et ipse, et ordinati ejus, et modis omnibus a communione separentur, et sint sub anathemate, sicut Simon Magus a Petro. » Similiter a synodo Romana in qua 240 interfuerunt Patres sub Nicolao I pontifice superiora decreta confirmata sunt. « Quisquis saecularium principum ac potentum, aut alterius laice dignitatis adversus communem, et consonantem, atque canonicam electionem ecclesiastici ordinis agere tentaverit, anathema sit, donec obediatur, atque consentiat, quod Ecclesia de electione, et ordinatione proprii pastoris se velle monstravit. »

(59) Edictum hac in synodo publicatum ita se habet: « Privilegium illud, quod non est privilegium (neque enim debet dici privilegium, sed pravilegium) pro liberatione captivorum, et Ecclesiae a domino papa Paschali per violentiam Henrici regis extortum, nos omnes in hoc S. concilio cum eodem do-

D mino papa congregati, canonica censura, et ecclesiastica auctoritate, judicio Spiritus sancti damnamus, atque omnino cassamus, et ne quid auctoritatis aut efficacitatis habeat, penitus excommunicamus. Quod ideo damnatum est, quod in eo privilegio continebatur, quod electus canonice a clero, et populo a nemine consecraretur, nisi prius a rege investiretur, quod est contra Spiritum sanctum, et canonicam institutionem. Perfecta autem hac charta conclusum est ab universo concilio. Amen. Amen. Fiat. Fiat. »

(60) Id etiam narratur a Fleurio anno 1112 sub num. 12. « Bruno Signiensis, ait, sicut duo cardinales Petrus S. Sixti, et Albericus S. Sabinae, cum Romae moram agerent eo die, quo damnatum fuit privilegium, concilio abfuerunt, actum tamen condemnationis approbaverunt. »

fecit, pro liberatione populi Dei fecit. Fecit autem ut homo, qui pulvis sum et cinis. Fateor me male egisse; sed rogo vos omnes, rogate pro me apud Deum, ut indulgeat mihi. Illud autem malum scriptum, quod in tentoriis factum est, quod pro pravitate sui privilegium dicitur, condemnatio sub perpetuo anathemate ut nullus unquam sit bonae memoriae, et rogo vos, ut idem faciatis. Tunc ab omnibus conelamatum est: Fiat, fiat. » Post hæc pontificis dicta, narrat abbas Uspergensis, Brunonem elata voce dixisse: « Gratias agamus omnipotenti Deo, quod dominum papam Paschalem, qui praesenti concilio praesidet, audivimus proprio ore damnantem privilegium illud quod haeresim continebat. » Verum quis æquus iudex rem tanti momenti unius Uspergensis testimonio satis tutam censebit, cum altum silentium de ea sit apud Sugerium abbatem, qui concilio interfuit, atque de eo integram lucubravimus historiam? Quid si ipse cardinalis Baronius de illo Brunonis sermone nihil prorsus memorat? Recens et quidem relatum Paschalis retractationem, sive palinodiam, sed postea subiicit. « In alio Codice Vaticano, cum quo supradicta concordant, additur. Tunc surgentibus ex consensu Patribus, gratiae Deo et pontifici rectae sunt, quia patefacta liquidius veritate, de medio sublata est scandali, et dissensionis occasio. Et consenserunt duodecim archiepiscopi, centum et quatuordecim episcopi, et quindecim presbyteri cardinales, et octo diaconi cardinales, qui omnes in damnatione ejusdem privilegii consenserunt, cum abbatibus, et innumerabili multitudine nunc clericorum, cum laicorum. » Vid. tom. VII, edit. Vatic., an. 1607, pag. 93. Ratio etiam persuadet, non nisi commentum narrationem Uspergensis habendam esse; nam si aliquid adversi in Paschalem Bruno fovisset, opportunitas ipsi venerat alloquendi quæ libuis: et in prima synodo; cui, ut diximus, consulto cum Joanne episcopo Tusculano interesse noluit, ne Paschali, quemadmodum censet cardinalis Norisius, ejus praesentia molesta foret, neve potentibus privilegii abrogationem animos addere videretur. Omitto narrationis reliquam partem, quod ea nullo satis firmo fundamento innitatur, et eximiae Brunonis virtuti, et obsequio in Paschalem pontificem omnino repugnet. Non laet Uspergensis a pluribus scriptorem dubiae fidei haberi. Consulê Natalem Alexandrum in cit. art. 11. Cum ergo nihil solidum, nihil probatae auctoritatis ab adversariis afferatur, corrui omnino secunda accusatio; idemque de tertia, ad quam diluendam accedimus, conficere speramus.

Quæstio est utrum Bruno suis sermonibus, aut litteris adeo Paschalem de dato privilegio redargueret, ac instaret pro ejus abrogatione, ut timore percussus dixerit pontifex, referente Petro Diacono: « Si non acceleravero ei tollere abbatiam, futurum est, ut ipse suis argumentationibus Romanum mihi tollat pontificatum. » Facti hujus historiam astruit

idem chronologus, docens Paschalem misisse Leonem cardinalem Ostiensem cum epistola ad monachos Casinenses, quibus præcipiebat, ut alium sibi in abbatem eligerent, et ut Bruno illo solutus regimine ad gubernandam Signinam Ecclesiam rediret. Multo aliter de retinendo, aut renuntiando a Paschale pontificatu memoriae prodiderunt duo coevi scriptores Galli, quos cardinalis Norisius loc. cit., p. 443, celebres vocat, nempe Hildebertus episcopus Cenomanensis, et Sugerius abbas. Ab urbe Terracina, ubi ad fugiendos Romanos tumultus Paschalis morabatur, sub die 5 Julii an. 1111, ad Joannem Tusulanum, et Joannem Vercellensem scripserat: « Pro salute animæ nostræ cogitamus, et commissum, quod pro fratribus, et filiis, pro excidio Urbis, et universæ Ecclesie fecimus, emendare curabimus; ut quod terreni in me est quoque correxisse ostendatur Ecclesie. » Tradit itaque Sugerius in Vita Ludovici Grossi Paschalem facti sui penitentem revera pontificatum dimisisse, et compositis pridem, ut potuit, Romæ rebus, in eremum se recepisse. « Cui certum factu, ita Sugerius, dedit papa experimentum, quod cum fratres, Ecclesie columnas ad tuitionem, et Ecclesie reparationem quomodocumque solvi fecisset, pacemque Ecclesie qualemennque reformasset, ad eremum solitudinis confugit, moramque ibi perpetuam fecisset, si universalis Ecclesie, et Romanorum violentia coactum non reduxisset (61). » Hildebertus autem adnotat solitudinis recessum, quem sibi elegit; « renuntians, inquit, domo, patriæ, rebus, officio, mortificandus in carne Pontianam insulam commigravit. » Addit præterea idem auctor, quod Paschalis jugibus precibus, et lacrymis cardinalium, universique populi Romani victus, apostolicæ sedis gubernacula iterum assumpsit, et concilium proximo anno Romæ habendum indixit. Fuit equidem illud, ut supra dixi, an. 1112 celebratum. In hoc tanto scriptorum consensu cui major fides præstanda sit, ad examen revocabimus. Et quidem primo Petrum Diaconum persæpe in omissionem, et suppositionem multarum rerum incidisse, jam adnotavimus. Secundo quæ narrat de timore Paschalis amittendi pontificatum, quod Bruno montis Casini abbas ei adversaretur, suisque argumentationibus animos a se alienare niteretur, nimis absorta sunt, et Paschali ipsi, et Brunoni injuriosa. Primo enim constat nihil ineptius objici posse. Quid? si Paschalis timebat Brunonem abbatem Casinensem suis argumentationibus sibi pontificatum abrepturum; num eandem spernere potuisset, ipso ad Ecclesiam Signiensem episcopo reverso? Num mutatio loci Brunonis argumenta immutabat? Paschalem etiam offendunt, quasi de amore et obedientia universalis Ecclesie, quæ cum verum pontificem agnoscebat, dubitaret, et alias privilegium, dissensionis causam, revocare non posset. Brunoni etiam spectabilis sanctitatis, et meriti viro, præclarisque muneribus functo valde detraxunt; quod a

(61) Spicil. tom. IV, pag. 249. Hildebert. opera p. 111. lib. II, epist. 22.

inde Paschali data, sicut ei scripserat : « Nullum alium, te vivente, pontificem habere volo, » eum defecturum ostendant. Econtra vero Sugerii, et Hildeberti scripta, ut sincera communiter admittuntur, et quæ de Paschali hoc indiscrimine referunt, nihil continent, quod summæ virtuti ejus non conveniat; quinimo majorem ei venerationem conciliat ejus voluntaria dimissio (62). Nam cum dicant, quod Paschalis ob pacem et concordiam fideliū, ob merorem traditæ Henrico concessionis, facti sui pœnitens de renuntiando pontificatu cogitaverit, et re etiam perfecit, de insigni quodam, et perraro magnanimitatis experimento testimonium præbent, totaque in posteritate eum commendabilem reddunt. Hildeberti et Sugerii relatio de dimissione Paschalis Romani pontificatus a Gotefrido Viterbiensi Chron. p. xvii, his carminibus confirmatur, apud card. Norisium pag. 446, editis; idemque ait in concilio Romano an. 1112, Paschalem eam reitersse.

Papa dolens amentia movet, totumque per orbem Ecclesiam sua charta vocat propter an Urbem.

Hæc ubi concessit Casaris acta dedit.

Tunc ait : o Patres, a Casare scripto notate Et quodcumque placet, super his decreta parate :

Me quoque pontificem non fore jussa date.

Peccatis mala vestra meis venisse notavi;

Officiis me destitui dignum reputari,

Me quoque deponi nō perentis ait.

Hæc ait, et mitram rejecit, mantumque relinquit.

Ordinet Ecclesia sine me quidquid placet, inquit,

Moreque pontificis judicet ipse sibi.

Horum scriptorum consensus de voluntaria Paschalis dimissione Romani pontificatus ita prævalere debet uni Petri Diaconi testimonio, quem persæpe a nobis de erratis, et omisissis redargui posse, ostensum est. Sed aiunt vere Bruno cœnobii Casinensis regimen dimisit, et Signiam ad suam administrandam Ecclesiam reversus est; non potest ergo in dubium revocari, quod Paschalis pontifex ei dimissionem abbatæ Casinensis per Leonem Ostiensem, et per epistolas ipsi Brunoni, et monachis scriptas præceperit; quemadmodum idem Petrus Diaconus adnotavit. Hæc historię pars reliqua materiem sequentis capitis præstat, in quo examen reservamus.

(62) Hisce scriptoribus plusquam cæteris adhesit Mabillonius, cujus testimonium gravissimum hic referam. « Ubi Paschalis, ait, in Urbem ingressus est, reliqui cardinales pactum illud magnopere improbarunt. At pontifex, necessitatis articulum in facti excusationem obtinens, cum eos non facile placari posse intelligeret, dedit locum iræ, et in Campaniam secessit. Interim prædicti cardinales, Romæ comitis habitis, simul cum Joanne Tusculano factum rescindunt, utpote superiorum pontificum decretis omnino contrarium. Quod ubi rescivit pontifex, qui tunc Terracinae versabatur, scriptis ad eos litteris, zelum quidem laudavit; sed id non canonice, non ex charitate, sed ex æmulatione factum videri dixit : « Quocumque tandem modo, inquit, factum sit, nos tamen confisi de misericordia divina,

CAPUT XI.

De dimissione abbatæ Casinensis.

Ut aliquid certi hoc in celebri factio habeatur, dno arbitror præmittenda. Primum, Paschalem pontificem nunquam Brunoni induluisse, ut episcopatus insignia deponeret (63), ex quo constat eum velle aliquando suæ Ecclesiæ restituere; alterum, Signienses semper apud pontificem de pastoris sui absentia questos fuisse, suasque preces frequenter interposuisse, ut episcopum ad suum munus obrevum redire cogeret. Orta interim controversia de privilegio, a Paschali imperatori Henrico concessa, de quo in præcedenti capite egimus; cum Bruno unus ex præcipuis indulti illius oppugnantibus ei delatus fuisset, ratus pontifex, quod ex celebri potentisque Casinensis cœnobii regimine majus accederet Brunoni nomen et auctoritas, illum Signiam revertere jussit. Rem ita profecto tradidit Petrus Diaconus. « Itaque, ait, eidem abbati Brunoni direxit epistolam Paschalis pontifex, qua vetuit, ne ultra episcopus esset et abbas. Neque ultra ferre apostolicam sedem episcopum aliquem monasterio præesse tam celebri. Fratribus etiam per episcopum Ostiensem, et hujus cœnobii monachum litteras misit, mandans, ne ipsi viro ulterius obedi-
rent. » Chronologum Casinensem hæc in narratione secutus est Mabillonius in Annalibus Benedictinis, tom. V, p. 559, non vero Ferrarius, neque Ughellius. Prior enim in catalogo sanctorum Italicæ, quem plurimi faciunt Bollandiani, petitionibus precibusque Signiensis populi Brunonis ad suam Ecclesiam reditum tribuit; ait enim : « Ad Ecclesiam suam instante populo redire cogitur. » Ughellius autem supponit ortam controversiam Paschalem inter et Brunonem, utrum præstaret magis episcopali munere fungi, an monachorum cœtui præesse; cumque primum assereret pontifex, ille rationibus ejus, et reverentia victus abbatæ regimen, exactis in ea tribus annis, et decem mensibus, dimisit, et ad pristinam sedem, pro qua ordinatus fuerat, reversus est. Dissidium autem illud tumultu et acerbitate plenum, quod discessio Brunonis a monte Casino excitavit, silentio cum pluribus scriptoribus præterirem, nisi quæ de eo vulgata sunt, eximiam S. episcopi probitatem, et monachorum famam illustrem offenderent. Petrum Diaconum iterum audiamus; narrat enim monachos

pro salute animæ nostræ cogitamus, et commissum, quod pro fratribus, atque illis, pro excidio Urbis, et universæ provinciæ egimus, emendare curabimus. » Memorat deinde delationem apud pontificem factam de Brunone Signiensi episcopo, et abbate Casinensi, ut qui illo in dissidio tanquam dux, et signifer se gesserit, quam ille datis ad Paschalem, et ad Petrum Portuensem litteris diluere studuit. Vid. Mabillon. Annal. Benedictin. lib. v, an. 1111, pag. 550, et Pagium loc. cit.

(63) Brunon était toujours évêque de Segni, et quelque instance qu'il eût faite pour être déchargé de cette Eglise, le pape ne voulut jamais admettre sa renonciation. Fleury, tom. XIV, liv. LXV, an. 1111.

Casinenses, audito Brunone eis proponente in abbatem quemdam monachum, ratione Ligurem, Peregrinum nomine, graviter commotos fuisse, ac unanimiter dixisse, si vellet ipse regimen retinere, libenter ei, ut antea, paruisset; si vero illud dimittere paratus esset, eos liberos sineret, ut juxta constitutum a S. Benedicto, ipsi suum abbatem eligerent, quem voluissent. Præterea addit monachorum commotionem, ne Peregrinus ille vir ambitiosus ac valde callidus prævaleret, adeo exarsisse ut Bruno timore percussus in inferius monasterium descenderit. Interim cum Peregrinus armatos milites in cœnobii septa invexisset, ut vi obtineret quod sponte assequi non poterat; monachi pariter omnes insurrexere, tantoque impetu insolentem turbam adorti sunt ut ab ædibus illis omnino depulerint. Tandem Petrus Diaconus historiam ita concludit: « Quod cum abbat nuntiatus esset, ad hoc monasterium ascendit, et ad se fratres advocans, nolo, inquit, ut propter me, inter vos, et Romanam Ecclesiam scandalum oriatur, ideoque virgam pastorem, quam mihi tradidistis accipite, et mox super altare ponens, fratribus absolutionem faciens, ad episcopatum suum reversus est. » Hac de concertatione ne verbum quidem apud Mabillonem reperies; meminit quidem epistola a Paschali ad Leonem Ostiensem episcopum missæ, qua Brunonem monebat ut se ab abbacia dimitteret, et monachi alium abbatem eligerent. His porro verbis totum factum perscringit: « Fecit, ait, quod in se erat, Bruno, ut alius pro se eligeretur; at fratribus constanter renitentibus, refert ea allocutum S. episcopum, quæ supra ex Petro Diacono tradita sunt: Nolo, ut propter me, &c. Idem Mabillonius post hæc Petrum Diaconum redarguit de pluribus sua in Historia omissis, deque aliis falso relatis tom. V, lib. LXV, p. 139. (64) Anonymo vero Signiensi hoc in negotio nullam fidem præstare possumus, qui discessum Brunonis a regimine Casinensi ex conjuratione monachorum contra præsulum suum repetit, eosque, quod illum violenter et contumeliose ejecerint, criminatur. Ut signum ejus narrationem judicamus: primum ex eo, quod cum ipse anonymus septuaginta, et ultra annis Brunone posterior fuerit, neque ea, quæ hoc de facto scripsit, alicujus cœvi auctoris testimonio confirmet, aut ex vulgi opinione, qua nihil incertius, accepit, aut Signiensibus nimis indulsit, qui male affectum animam erga religiosissimos illos viros habuere, quod p. storem suum, ipsis invitis, tandiu apud se retineat. Secundo, quis credet scriptori seipsum contrahenti? Hoc de lapsu, qui juxta critices canones est gravissimus, evincitur anonymus; si quidem cum paulo, ante monachos commendasset, dicens, « plerumque ex eis spiritu Dei agi, super Pa-

tris injuria commotos, libentique animo fuisse revocatos, nisi timuissent mandatis apostolicis obviare; postea eosdem cœnobitis diabolicis suggestionibus instigatos contra S. abbatem conspirationem fecisse, ait, eumque non solum contumeliis, verum etiam verberibus animo infrunito et irriverenti a monasterio expulisse. » Tertio nemo nescit hujusmodi narrationem, jam extrinsece confutatam a D. Philippo Malabaille, et ab Erasmo Gattula, de quibus supra mentionem fecimus, eamque ut calumniam penitus despexisse quotquot scriptores Chronicon Casinense post Petrum Diaconum illustrarunt. Cum Bollandianis tandem dicimus omnem hujusce facinoris suspicionem esse abjiciendam, utpote Brunonis sanetitati, optimoque monachorum Casinensium nomini indignam, et injuriosam.

CAPUT XL.

De reditu Brunonis ad Signiensem Ecclesiam.

Qua lætitia, quoque plausu Bruno a Signia populis exceptus fuerit, cum illum sibi restitutum viderint, ex tristitia et mœrore argui potest, cum pluribus, annis eum absentem, aliisque votis illigatum doluerint. Reditus ejus mense Octobri 1111 a Petro Diacono collocatur. Et ita fieri debuit; nam sequenti anno accessit ad concilium Lateranense II, a Paschali II celebratum, ut ex sua subscriptione constat. Quamvis Signia non ita distet Casina, et cives haud raro S. episcopum suum videre atque consulere possent, omnique anno, ut ait anonymus, quandiu permansit in monasterio, de manu ejus chrisma, et sanctum oleum susceperunt, quia charissimum venerabantur affectu; attamen ejus præsentiam vehementer exoptarunt, ex amore, quo eum prosequerantur, flagitantes, ut præsens universæ diœcesi spirituali consuleret saluti. Pristinam vitæ formam statim assumpsit S. Bruno, et singulis pastoralis officii numeribus cumulatissime satisfaciens novus virtutum splendor, novusque rerum ordo in Ecclesia Signiensi exurgere ac reflorescere visus est. Adeo vero percrebuerat Brunonis celebritas non in Italia solum, sed in Galliis etiam, ubi suis in legationibus maxima negotia feliciter egerat; ut sæpe sapius episcopi controversiarum suarum judicem eligerent, atque in ejus sententia conquiescerent. Ipse enim narrat grave dissidium ortum inter Sipontinum episcopum et Beneventanum, cum ad eum causa delata fuisset, quamvis archidiaconus Ecclesiæ Beneventanæ episcopi sui partes callide nimis ac violenter prosequeretur; attamen, quia rationum momenta Sipontino favebant, ei causam adjudicavit (65). Alterius causæ relatores et judicem extitisse Brunonem constat ex bulla Paschalis II, quæ est in tomo II collectionis Maynardii. Hac in constitutione pontifex monachis Casinensi-

(64) Eruditissimus etiam Tiraboschius Petrum Diaconum in manifestum errorem facti, et anachronismum lapsum demonstrat in Append. I, pag. 451, tom. I Histor. abbat. Nonantulanæ. edit. Mutinæ

an. 1784. Et ante ipsam cardinalis Norisius Histor. De investituris p. 438, eundem chronologum de similibus erratis reprehendit.

(65) Comment. ad cap. xxv Deuteronom., p. 211.

bus confirmavit contra abbatissam S. Mariæ urbis Capuz cellam Cingensem, ubi hæc de Brunone habentur: « Regresso Brunone episcopo Signino proloquente, dixerunt rationabile ac justum sibi domini papæ iudicium videri, ratumque id habendum tanquam canonico ordine pertractatum. » Eadem sententia jam prolata fuerat ab Urbano II, a qua prædicta abbatissa appellaverat. Constitutio hæc data reperitur Kalendis Aprilis A. D. 1102, Paschalis pontificis II. Plura fortasse alia hujus generis iudicia a Brunone acta probabile est, quæ, ut illa, de quibus mentionem fecimus, vitæ ejus scriptores omiserunt. Iterum Bruno Romam se contulit, ut diximus in capite præcedenti, et interfuit concilio in Lateran., quod Paschalis pont. an. 1116 celebravit ad componenda dissidia, quæ adhuc Ecclesiam propter investituras divexabant, atque in eorum illud ipsum privilegium damnavit, et anathemate percussit. Paschalis biennio elapso e vivis excessit, scilicet die 16 Januarii an. 1118, eique post duodecim dies successor datus Joannes S. R. E. cancellarius, opera præsertim Petri cardinalis episcopi Portuensis, cui Gelasii II nomen impositum fuit. Quam luctuosa Gelasio sui pontificatus initia fuerint, ut vix coronatus, Roma fugiens apud Gallos præsidium quæsierit, a scriptoribus ecclesiasticis fuere descripta traduntur; qui etiam referunt illum nondum expleto primo pontificatus sui anno in celebri Cluniacensi monasterio pleuritide et podagra correptum piissime obisse. Cum autem ad idem monasterium officii causa erga Gelasium Ugo archiepiscopus Viennensis se contulisset, cumque paucos ante dies vita perfunctum reperisset, cardinales, et episcopi ipsum Ugonem plenius suffragiis in summum pontificem elegerunt, atque Callixtus II appellatus est. Hæc commemorare duxi, ut simul dicerem singulare gaudium, quo affectus fuit Bruno, audita Ugonis electione in Romanum pontificem, quem in Galliis nobilitate generis, pietate ac doctrina ornatissimum agnoverat, atque cum eo familiariter egeat. Aliam lætitiæ causam sancto antistiti Signiensi attulit reconciliatio Henrici V, Imperatoris cum Ecclesia catholica, quippe renuntiavit tandem investituris, easque remisit Calixto pontifici, a quo abactus fuit a censuris, et in communionem sedis humanæ receptus, id testantibus Goffrido Vitebergensi Chronic. p. 17, et Othone Frisingensi chron. lib. vii, cap. 16. Anno Calixti pontificatus V humanæ conditionis debitum solvit Bruno, et terrenam habitationem cum cœlesti commutavit, ut probatiora documenta testantur.

CAPUT XIII.

De obitu S. Brunonis.

De anno migrationis ex hac vita S. Brunonis

(66) Diem emortualem S. Brunonis vere fuisse xv Kal. Aug. confirmatur ex cod. Casinensi nuper recognito a claris. præside illius archivi D. Joan. Bap. Federicio; cum enim in eo descriptum sit martyrologium Usnardi, ejusque scriptio circa annum 1050, tempore celebris abbatis Desiderii ex characterum

non una est scriptorum opinio. Matthæus Lauretus in notis ad supracit. Chronicon Casinense, ab ipso editum Neapoli an 1616 putat, juxta suam computationem, obitum Brunonis an 1125 consignandum, quod Angelus Rocca lib. De canonizatione sanctorum testatur, Romæ in biblioth. PP. Congreg. Oratorii asservari bullam canonizationis S. Brunonis factæ a Lucio III, anno D. 1183, et cum hic sollemnis actus referatur ad annum 58, a transitu adsuperos ejusdem S. episcopi, sequitur eum functum vita fuisse an. 1125. Sed hujusmodi bullæ apographum in illa bibliotheca non exstat; ut ego ipse quæsi, et nemo se vidisse testatur. Verius anonymus annuum beatæ dormitionis Brunonis descripsit: « Migravit, inquit, ad Dominum xv Kal. Aug., an. v Calixti II, sui vero episcopatus xlv. » Notant hi characteres non annum 1125, sed an. 1123; correbat enim annus v ab assumptione Calixti II ad cathedram S. Petri, quando S. Bruno die 18 Julii, an. 1123, extremam diem clausit, nec ea ulterius differri potest. Accedit unanimis scriptorum accuratiorum consensus, qui episcopatum inisse affirmant sub S. Gregorio VII, an. 1079, ut primo capite diximus; eo scilicet anno, quo cum Berengario in concilio Romano de SS. Eucharistiæ sacramento victor decertaverat. Additis igitur hujus inaugurationis initio annis 44 in episcopatu transactis, aperte evincitur, non ultra an. 1123 mortalem ejus vitam esse extendendam (66). Demum cum in confesso sit ex altera actorum appendice Honorium III, S. Brunoni aram erexisse, propriisque manibus consecrasse; is vero diserte fuisse dicatur annus ab obitu Brunonis centesimus; consequens iterum est eum ad immortalitatem transisse an. 1123. Idque etiam ex eo confirmatur quod, ut eadem appendix asserit, annus ille 1223 fuerit Honorii septimus, utpote qui in pontificem electus est an. 1216, quod cum epocha illius consecrationis consonat. Jam prope octogenarius erat Bruno, atque vitæ austeritate, et labore viribus etiam valde debilitatus, cum placuit Deo ei revelare, ut testatur anonymus, non longe futurum ab hac vita transitum suum. Hac prævisione admonitus tanto magis cœlestis exarsit amore, cupiens dissolvere et esse cum Christo; quare assiduus vacabat precibus, populumque suum frequenti verbi Dei pabulo reficiebat. Gravi ergo febri correptus decubuit, cumque invalescente infirmitate majori languore afficeretur, clero ac populo ad se convocato, postrema eis reliquit Christianæ vitæ documenta. Et quia languens exurgere non valebat, e lectulo ad fenestram deferri voluit, ubi extremos colligans spiritus, tanta vi tantoque dilectionis impetu concionavit ut omnes in lacrymas erumperent, imminenti interitus ejus dolore percussi. Ut autem Signienses consolaretur,

forma acta videatur, die 23 Julii addita fuit commemoratio S. Brunonis, hisce verbis. « Eodem die depositio S. Bruni episcopi, et confessoris. » Hujusmodi additionem factam fuisse credendum est, postquam Lucius III, P. M. sollemnem ejus celebravit apothecosim.

duo S. episcopus eis pollicitus est: unum, patrocini-
um suum apud Deum semper ipsis adfuturum;
alterum, in tyrannicam nunquam amplius casuros
dominationem, quæ vaticinia vera fuisse eventus
comprobarunt. Tandem morbo excidium minitante,
Bruno extrema sacramenta sibi administrari voluit,
ac ferventissimos eliciens actus amoris Dei, purissi-
mam animam suo reddidit creatori anno ætatis
sux 76. Hæc ab anonymo accepimus; cæteri autem
scriptores satis dixisse visi sunt eum sanctissime
obitisse (67). Dum funus S. episcopi in templo B. M. V.,
ubi corpus ejus tumulatum fuit, ageretur, Deus
pluribus miraculis sanctitatem ejus comprobavit,
quæ anonymus, Chronicon Casinense, nec non Fer-
rarius, ex vetustissimo quodam breviario memoriam
prodiderunt. In his describendis non immoror, cum
ejusdem mirabilibus signis Angelus Toti canonicus
Signiensis Vitam S. Brunonis typis Romanis 1783,
ab ipso editam exornaverit.

CAPUT XIV.

De virtutibus S. Brunonis.

Maximis Brunonem claruisse virtutibus oportet,
cum tantorum virorum summorumque pontificum
gratiam et amorem sibi comparaverit. Jam supra
diximus qua benevolentia eum complexi sint SS.
Gregorius VII, et Petrus Igneus quamque splen-
dida suæ dilectionis argumenta ei præbuerint.
Plurimi etiam faciendum est S. Leonis IX testi-
monium, qui cum Joanni Tusculano episcopo
apparuisse, ei præcepit ut Brunonem Signien-
sem ad ejus gesta scribenda excitaret. Nota etiam
omnibus fuit maxima ejus cum Petro Anagninæ
insigni episcopo necessitudo, cui morem gerens,
Pentateuchum suis commentariis illustravit, ejus-
que vitæ sanctissime actæ compendium posteri-
tati mandavit. Migravit autem ex hac vita S. Petrus
anno 1105, cumque inter sanctos Paschalis II col-
locavit, Brunonis præcipue testimonio permotus.
Qui primam adolescentiam in schola altioris per-
fectionis exegerat, quique desiderio ejus incensus
terrena omnia deserere, et Deo soli vacare sibi pro-
posuerat, jam firmissima omnium virtutum jecisse
fundamenta dicendus est. Quis mundi fugam, hono-
rum, ac divitiarum contemptum, perpetuam sui abne-
gationem ei inspiravit, nisi gratia celestis, quæ suis
illum benedictionibus diluculo prævenit, ut eximia
sanctitatis exemplar in Ecclesia emerit? Cumque
hæc ab humilitate germen accipiat, quantum Bruno
hanc virtutem in deliciis habuerit, perpetuum ejus
studium manifestavit. Neque mihi opus est remi-
nisci dignitatem canonicatus Astæ et Senis ab eo
dimissam, omnemque despectum nomen, quod apud
cives illos sibi meruerat; cum non sint hæc nisi
prima demissi animi ejus specimina, et longe majora

(67) Cardinalis Baronius post mentionem demis-
sionis Brunonis abbatiæ Casinensis, ejusque reditus
ad Signiensem Ecclesiam hæc addit. « Ubi in sancta
« conversatione usque ad Olerii secundi abbatis
« tempora vivens, feliciter migravit ad Dominum
« pridie Kal. Septembris. Sepultus est in civit. Si-

A nos in admirationem abripiant. Romæ Bruno igno-
tus advenerat, Casinum petiturus, a S. Petro Igneo
cardinali, Deo affante, queritur, in ædibus ejus
hospes recipitur, plurimumque S. Gregorio VII
commendatur. Unus præ omnibus electus ad de-
certandum in concilio Romano de catholica fide
contra Berengarium hæreticum, tanta eloquentiæ vi
et doctrina eum confutat ut patefacta veritate, at-
que omni errore sublato, palinodiam canere, veni-
amque petere coegerit. Quo difficilius certamen,
eo gloriosior cum fuerit Brunonis victoria, Patrum
omnium laudibus exornatus, paratam sibi viam ad
sublimiores Ecclesiæ gradus videbat. Revera a Gre-
gorio episcopo Signiensis designatur, firmiterque
hujusmodi dignitatem renuentem, solum iterata
B portentia ad eam subeundam flectunt. Multo majore
sux demissioni conflictum fieri sentiebat Bruno
a legationibus, præclarisque muneribus, quæ tum
Urbanus II tum Paschalis II ei persepe tradebant;
quare ut sui nominis famam ubique resonantem
effugeret, in Casini solitudine se abscondit. Verum
neque ibi privatus cœnobita diu esse potuit; quo
enim se occultabat, eo magis honores eum perse-
quebantur; unde omnium monachorum suffragiis in
Archimandritam Casinensem assumptus, celeber-
rimo illi cœnobio præesse coactus fuit. Scripsere
aliqui, ex quibus Bellarminus, Oldoinum, Teisse-
rium, Marteneum et Mabillonium proferam, Bruno-
nem inter S. R. E. cardinales cooptatum, sed cum
hac de dignitate, illi collata, desint certiora docu-
C menta, saltem conijcere licet eam sibi oblatam
humiliter recusasse. Ab hac singulari virtute quam
Bruno impense dilexerat profluxisse credenda est
summa a mollioribus vitæ commodis abstinentia,
qua semper modico ac frugali victu, detrita veste,
et vix necessaria suppellectili contentus vixit. Hinc
plurimum apud Gallos scriptores commendatum
Brunonem accepimus, quod dum alii suæ legatio-
nis tempore magnam auri vim habebant, et finita
legatione, in via a prædonibus exspoliabantur; eam-
dem prædam sperantes, reverentem de Gallia Bruno-
nem adorti sunt, sed cum nihil apud ipsum, nisi
modicum viaticum invenissent, sua spe frustrati
abierunt (68). Memor autem Bruno Gregorii Magni
D sententiæ, qua docuit, ad omnimodam perfectionem
non sufficere omnia reliquisse, sed Christi Domini
sequelam addendam; huic se conformari omnino
contendit. Cum enim Servator noster dilectionis
inimicorum præceptorem et exemplar se fecerit,
quippe a ligno pendens Patrem rogavit ut cruci-
fixoribus suis ignoscere; hujusce dilectionis et
beneficentiæ Signiensis episcopus perfectum imita-
torem se præbuit. Parum ei fuerat Adulpho viculi
comiti injuriam et ærumnas carceris illi dimisisse,

« gna in eccl. S. Dei genitricis et virginis Mariæ,
« ad cujus memoriam hodie quoque Dominus mira-
« cula patrare dignatur, ipsius intercedentibus me-
« ritis. »

(68) Vid. Petrum de Marca De concord. sacerdot.
et Imper., lib. v, cap. 50, n. 8.

sed cum magna ex potentia et divitiarum copia in extremam indigentiam et calamitatem cecidisset, Bruno illi nunquam defuit, omnibusque in egestatibus abunde subvenit. Difficile est vitæ nostræ hostibus beneficia rependere, sed multo difficilius temperare animum, et cum his liberaliter agere, qui bono nomini et integritatis opinioni insidiantur. Ab his conflictatus Bruno constat ex ejus epistolis, tam ad Paschalem pontificem quam ad S. R. E. cardinales, in quibus depellit quidem calumnias ipsi affixas, quod Paschalem e throno submovere cogitaret, adversarios ejus foveret, totamque turbaret Ecclesiam; sed eos, quos noverat sibi infensos, ut fratres semper coluit, nec verbo, nec scripto aliquid protulit, quod minorem charitatem et benevolentiam ostenderet. Qui ergo inimicos diligit, qui se persequentibus benefacit, cum ex Christi doctrina filius charissimus sit Patris, qui in cælis est, hujus filiationis amplissimas gratias sibi Brunonem promeruisse nemo dubitabit. Jam vero quod spectat ad zelum puritatis Christianæ fidei, ad morum sanctimoniam, ad cultum Dei et sanctorum, Brunonem ea viribus omnibus promovisse, concilia quibus præfuit, munera quæ gessit, scripta quæ edidit, æterno illi erunt testimonio. Hæc, et superiora animo reputans a singulari quadam planeque generosa Brunonis fortitudine abripior, is enim nullis pepercit laboribus, apud plures nationes magnosque principes ardua quæque negotia aggressus feliciter confecit, ille etiam injuriis, obrektionibus minisque infensorum hominum invictum animum objecit. Cum sibi conscius esset Bruno, nihil aliud quam Dei gloriam velle, eam in veritate justitiæ tendenda, in malis ad bonam frugem revocandis, in opportunis consiliis suppeditandis impavide prosequeretur. Hinc quid mirum, si ab invidia, ut perturbator Ecclesiæ, ut partium studiosus, ut suæ opinionis nimium tenax, insinulatus fuerit? ea est enim nobiliorum vicissitudo virtutum, ut qui eas oderint maledictis aspergant et ad opposita vitia traducant. Verum quemadmodum sol nebulas dissipat, easque non patitur sibi lucem eripere, ita virtus, suo splendore longe lateque coruscante, omnia sibi adversantia repellit. Alia plura addenda essent de fide, spe et charitate, quæ præcipuè ac summè in viro sancto requiruntur; cum autem tota Brunonis vita, cujus gesta huc usque complexi sumus, his maxime eluceat, et confirmet præclara documenta in 1, 2 et 3 cap. lib. II Sententiarum tradita uberius, non indigere probatione arbitramur.

CAPUT XV.

De S. Brunonis sapientia.

Cum plane intelligeret S. Bruno sacram Scripturam præter divinorum mysteriorum revelationem, atque legislationem, humanarum etiam cognitionum thesauros continere, nihil reliqui fecit, ut illis se exornaret facultatibus quæ mentem excolunt animumque perficiunt. Hinc est, quod dialecticam, ethicam, historiam, chronologiam, artem oratoriam

A et poesim insuper cum prosecutum fuisse, ejus scripta abunde testantur. Hujusmodi autem facultates ancillas vocat S. episcopus supremæ dominæ, nempe scientiæ Dei, cujus arcana earum opo felicius investigantur aliisque percipienda traduntur. Pluribus quidem in locis sophismata et cavillosas argumentationes redarguit, quibus utuntur hæretici, ut incautos decipiant, et ratiocinatione, velut Lydio lapide, nos uti debere docet, non ad obviandum errorem, sed ad manifestandam probandamque veritatem. Præcepta vero moralia frequentissimo tradit, quæ non solum mandatis evangelicis omnino sunt consentanea, sed ex probatoribus ethicis de prompta, Platone scilicet, Aristotele, Seneca, quos in deliciis habuisse videtur. Ad historiam pariter B sacram incubuit, eamque primum in divinis libris, deinde ex lectione Philonis, et Josephi, aliorumque scriptorum Hebræorum sibi comparare studuit; eique profanam adjunxit, cum ritus, fabulas et sententias gentilium auctorum usurpare consueverit, si quid utilitatis ad rem suam ab ipsis conferri dignosceret. Cum scripta ejus colligeremus S. episcopum historiæ item naturalis, minime nescium fuisse cognovimus, siquidem cum de plantis, de arboribus, de lapidibus, de animalibus agit, apposite eorum proprietates, virtutes, indolemque describit, ut ex Theophrasti, Plinii, Dioscoridis, aliorumque similium promptuariis eas desumpsisse conspiciatur. Rectum insuper Chronologum Brunonem dicam; cum in annorum computatione, in qua tot tantique C scriptores errare, ipsum cum tutioribus chronologis consentire demonstrabimus. Neque in scribendo, ubi opus fuit, lepores, venustatesque poetarum neglexit; præcipue in Expositione super Canticum canticorum, ut sacri scriptoris imaginibus, dictisque allegoricis se conformaret. Fateor equidem nonnullas vulgares opiniones, et commenta quorundam Brunonem adoptasse; sed danda est venia ætatis illius scriptoribus, cum critices leges nondum in scribendo lucem et normam præstarent. Carminibus utique Brunonem nostrum delectatum fuisse auctores aliqui affirmant, et specimina esse possunt versus illi, qui in Expositione Psalmi cxi. leguntur, quamadmodum hi diversi metri, quibus S. commentator speciosiora Cantici canticorum complexus est. An vero fuerit disertus orator S. Bruno orationes ejus, homiliæ scilicet, et sermones luculentum demonstrabunt. Verum hæc studia, quæ mentem illuminant, animumque oblectant, ab excolendis gravioribus disciplinis eum non avocarunt; cum in jure canonico et civili plurimum valuisse compertum sit. Re quidem vera cur summi pontifices hoc legationes ei demandarunt, nisi quia ipsis constabat, quantum in scientia canonum Bruno excelleret; quantaque prudentia, et doctrina in difficilioribus negotiis judicium ferret? Quædam ex multis hic tantum referam. Cum in Galliis pontificiæ legationis officio fungeretur, eique delata esset causa dissolutionis matrimonii, quam petebat Machildes Gallerano Pri-

lippi Grassi a cubiculo nupta, et utraque persona absens esset, episcopo Parisiensi injunxit Bruno, ut utramque partem die competenti ad causam vocaret, apud quem, cum vis et metus gravis probatus fuisset, iudicata est causa in favorem Machildis. Hæc habentur ex epist. 461 S. Ivonis Carnotensis ad Humbaldum episcopum Antissiodorensis. In concilio autem Pictaviensi, cui Bruno S. R. E. legatus præerat Bertrandum archiepiscopum de Simonia convictum deposuit, atque in ejus sede Riccardum cardinalem abbatem S. Victoris collocavit. Tandem etiam jurisprudentiam Brunonem sibi sociam adscripsisse dicemus, quod constat ex codice ms. archivi Casinensis, in quo compendioso quadam legum civilium collectio continetur. His ergo præsidis episcopale munus maxima cum gloria, populi-que sui utilitate perfectus est Bruno, ecclesiamque, doctissimis scriptis suis illustravit. Hæc inter, plures scriptores deperditum ejus in Isaiam commentarium valde deplorant; cum enim nemini ex prophetis altius et copiosius divini Reparatoris mysteria et sacramenta revelata fuerint, eorum interpretatio ut expositio tentari nequit, nisi ab eo qui amplissima pollet divinarum rerum cognitione, et qui vetustiores interpretes plurimi habitos consulisset. Fertur ex his Brunonem præcipuo S. Ambrosium sibi ducem proposuisse, sed cum hoc usque utriusque S. Patris illustrationibus careamus, eorum sapientia et labore frui non possumus, deprecamur tamen quæ maxime bibliothecis præsent, ut ad hæc comparanda sacre doctrine monumenta omnem curam impendant.

CAPUT XVI.

De dilectione S. Brunonis erga ordinem S. Benedicti.

Nemo hactenus gestorum S. Brunonis illustrator de amore atque existimatione ejus erga sanctissimum Benedicti institutum tractavit. Cum autem singularis et eximia fuerit toto vitæ suæ tempore in illum monachorum cœtum ejus dilectio, peculiari hac dissertatione eam prosequi jure meritoque deliberavimus. Et quidem quod Bruno nobili genere natus, non puer a parentibus oblatus, sed liber, et adultus, non angusto exstimulatus patrimonio, nec obscurus in sæculo, nec spe dignitatum illectus, sed jam duplici canonicatu insignitus, et episcopus conspiciæ sedis ordinatus, a summis pontificibus ob præclaram sapientiam magis habitus monasticam professionem summo cum desiderio amplexus sit, atque illud vitæ genus cæteris præterit; hoc certe non nisi spectatissimis S. Benedicti devictis virtutibus, quarum filios ejus imitatores conspiciebat, est ascribendum. Ille etiam spectabilem virum permovere potuit, quod temperata legum Benedicti observantia ei arriserit, cum unusquisque cœnobita ad spiritum suum profectum incumbere valeat, et non deficientibus commodis, ipsi liceat graviora studia excolere, suasque lucubrationes ad posteritatem traducere. Factis hoc ostendit S. Bruno, cum dimissa episcopatus Signiensis administratione, et monachus in Casinensi solitudine receptus, majorem scripto-

rum suorum partem exaravit, quibus, quantum de Ecclesia meruerit, eam doctis in sacram Scripturam commentariis locupletando, jam diximus; et hic rursus prædicare supervacaneum judicamus. Sed et hoc maxime in ejus admirationem nos abripit quod tam cito prodigium veluti sanctitatis fieret adeo ut, post paucos regularis professionis annos, consentientes monachi omnes supremum cœnobii regimen illi detulerint. Tanti sane in conspectu Romanæ Ecclesiæ, qui hujusmodi dignitate exornati essent, habebantur, ut non solum cardinales, et episcopi fierent, sed ad summum etiam pontificatum assumerentur. Et ne vetustiora memorem exempla, illis eisdem temporibus fuisse celebris abbas Desiderius, pontifex postea Victor III appellatus, et Gelasius II, Leo Ostiensis, et Reinaldus abbas cardinales, pluresque alii, qui non minus cœnobium Casinense, quam ordinem Benedictinum universum illustrarunt. Cum igitur Bruno sapientia et sanctitate maxime enteret, quibus amorem et venerationem magnorum principum sibi conciliavit, haud difficile illi fuit largitiones plurimas ab eisdem impetrare, non ut suis commodis consulere, sed ut Casini redditus et facultates amplificaret. Quam sæpe etiam ab ejus ore S. Benedicti laudes resonabant, ut modo Spiritum sanctum per eum locutum fuisse diceret, maximè habendas ejus sententias; ita serm. IV, lib. II Sententiarum; aliquando humilitatem ejus exaltabat, quod laneis, vilibusque gloriaretur indumentis, et paupere suppellectili uteretur, idque in serm. 10 ejusdem libri, cui titulus *De abstinentia*. Alias parentem suum, quo Benedictum nomine non raro vocat, inter præcipuas S. Ecclesiæ columnas, apostolos scilicet Petrum, Jacobum, et Joannem, ac primos inter martyres, Stephanum, et Laurentium collocare non dubitavit lib. I Sentent. cap. 4, quem etiam cum austeritatis et abstinentiæ portentis, Anthonio, Paulo, et Hilarione comparavit lib. II Sentent. c. 9. Præterea ipsum S. Benedictum serm. 2 De confessoribus lib. VI Sentent. Salomone sapientiore appellavit, et non de sapientia hujus mundi, quæ stultitia est apud Deum, ad quam iste nunquam accedere voluit; sed de illa sapientia, quæ vera est, et quæ ducit hominem ad vitam æternam. In eodem autem sermone tam præcipuis vivisque coloribus totam S. Patris sui institutionem describit, ut cum ea Brunonis diebus integra et inviolabilis servaretur, hoc uno testimonio refutatur quidquid contra monachos Benedictinos ab iniquis scriptoribus commentatum est. Ille enim sibi proposita imagine reginæ Sabeæ, quæ domum Salomonis regis ingressa obstupuit, cum tantum rebus omnibus ordinem, splendorem et decus conspiceret, hæc luculentissime tradidit: « O si regina ista Saba venisset ad S. Benedictum, et audivisset sapientiam ex ore ejus, famulos, ministros ejus, filios, et fratres ejus, mensas, et cibos ejus, qualiter omnia sunt ordinata, quam bene disposita, quomodo omnibus est

cor unum, et anima una, et nemo dicit aliquid esse suum, sed sunt illis omnia communia, quomodo se diligunt omnes, quomodo sibi invicem obediunt omnes, quantus amor, quanta charitas est inter omnes, quanta dilectio. Si, inquam, illa regina Saba, tam prudens, tam sapiens, tam religiosa, tam Deo devota, hæc omnia videre potuisset, vere totum spiritum amisisset, quia S. Spiritus gratiam accipere meruisset. Hinc arbitror ortam in Brunone magnam illam habitationem, tunc cum actum fuit de ejus reditu ad Signiensem Ecclesiam; retinebat enim eum S. Benedicto additum ejus filiorum sancta conversatio, legum optimarum perfecta observantia, precum studiorumque æqua distributio, summaque Deo vacantis animi tranquillitas quare opus fuit, pontificia auctoritate, sui que populi nunquam intermissis precibus, ut cœnobium Casinense relinqueret, et ad episcopale munus rursus obeundum rediret.

CAPUT XVII.

De canonizatione S. Brunonis.

Vix Bruno e terrena ad cœlestem patriam migraverat, cum crebris miraculis sepulcrum ejus gloriosum ac celebre redderetur id plane testantibus chronista Casinensi et anonymo, ut sanctus colli cepit, et haberi non modo in Ecclesia Signiensi, sed a monachis etiam Casinensibus. At Deus, qui servum suum supernis honoribus exornari volebat, cum insignioribus portentis fama ejus, et celebritas, nec non populorum concursus ad illius patrocinium implorandum in dies augeretur, Lucium III pontificem permovit, ut juxta sanctiones ecclesiasticas, probatis Brunonis virtutibus et prodigiis, solemniter ac celebritate sanctorum nomine cultuque decoraret. Hujusmodi religionis actus, quem Romæ pontifex adimplere poterat, ut solemnius fieret, ipse cum tredecim cardinalibus, quorum nomina sub bulla canonizationis adnotata sunt, Signiam se contulit, et in cathedrali ecclesia, in qua Brunonis reliquie asservabantur, sanctorum fastis apostolica auctoritate eum ascripsit. In eodem templo exstat marmoreum hujusce canonizationis monumentum, quod ita se habet:

MEMORIE ÆTERNE BEATI BRUNONIS

QUEM LUCIUS III, P. M. CARDINALIUM ET EPISCOPORUM

CONVENTU SIGNIE IN ECCLESIA B. MARIE

UBI DEFUNCTUM CORPUS QUIESCEBAT

INTER SANCTOS JUSSIT ASCRIBI

ANNO AB EJUS ABSCESU LVIII.

S. P. Q. S.

Quo ad annum hujusce celebritatis errasse demonstrant Bollandiani auctorem appendicis ad Chronicon Casinense, qui a Lucio III factam asserit anno 40, post Brunonis obitum, et tempore Bartholomæi Signiensis episcopi. Utrumque falsitate laborat; primum quidem, quia Lucii papæ III electio contigit die 29 Augusti an. 1181, ac proinde cum annis 58, distet a transitu Brunonis ad cœlos, fieri nequit ejus apothecosis anno ab ejusdem obitu 40, sed 58 Lucii III, pontificatus anno primo. Alterum vero non mi-

nus falsum apparet, quod Bartholomæus Lucio III conjungitur, et episcopus Signiensis dicitur, cum ille pontifice annis fere 70 posterior fuerit, ut ex Ughelli Catalogo constat. Fuit tamen Petrus ab Alexandro III creatus Signie antistes, quartus a Brunone. Nec omittenda videtur præclara alia honoris, specialisque cultus significatio; Honorius enim III Signiam ad hoc advenit, tribus eum cardinalibus comitantibus, Petro scilicet episcopo Prænestino, Nicolao episcopo Tusculano, et Andrea episcopo Portuensi, ut aram S. Brunoni dicatam suis ipse manibus sacram faceret, pluresque reliquias SS. apostolorum, martyrum et virginum in ea collocavit. Hæc summis pontificibus de S. Brunone optime meritis accensam Gregorium XIII, qui diocesi Signiensi an. 1584 indulgit, ut psalmodia et missa sub ritu duplici cum octava in die festo S. Brunonis celebraretur. Ita constat ex litteris cardinalis Sireti die 11 Junii 1584, Gregorii papæ an. xiii. Postquam ergo tot Romani pontifices S. episcopum Signiensem in vita, et post obitum præclarissimis dignitatibus et honoribus exornarunt, flocci faciendi sunt scriptores illi qui non laudes ejus, sed detractationes ad posteritatem transmiserunt.

CAPUT XVIII.

De cultu sancti Brunonis.

Priusquam Bruno solemniter inter sanctos relatus fuisset, ut diximus in superiori capite, Signiensis Ecclesia et cœnobium Casinenses eum peculiari cultu et honore prosequebantur. Sed sacra ejus apothecosis a Lucio III peracta, et frequenter ad illius sepulcrum portentis coruscantibus, adeo Signiensis amore et fiducia in S. Episcopum exarserunt ut illum in præcipuum patronum et protectorem sibi elegerint. Inde certatim non tam cives quam finitimi populi magnam vim auri contulerunt, ut majus templum, ubi sacri ejus cineres colebantur, decentius restauraretur, et pretiosa suppellectili ornaretur. Accidit autem quod, cum Campana universa anno 1537, sedente Paulo IV in Romana cathedra, ab hostilibus copiis, sub Albensi supremo duce invasa et depopulata fuisset, eandem calamitatem, suarumque rerum direptionem et combustionem Signie civitas passa est. Cum igitur nihil ab incendio, rapinis et vastationibus militaris licentia intactum reliquisset, etiam capsula argentea, in qua S. Brunonis reliquie asservabantur, et bustum pariter argentum sacrum caput ejus continens, eundem furorem subierunt, sed caput a theca extractum, ac lino involutum in quoddam sepulcrum projectum fuit. Quæ arte humana reparare poterant, quam oculus licuit, Signiensis restaurare curarunt. At maxima in tristitia versabantur; quod pretiosiore beneficentissimi Patris sui monumento carerent, nec ubi requirerent indicium ullum haberent. Longa post tempora a Signiensi depopulatione die 10 mensis Julii an. 1626, cum eodem in templo quoddam sepulcrum reseratum fuisset, ecce in tenebris lux magna refulsit, mirabiliter irradians circa li-

neum velamen, quo S. episcopi caput tegebatur. A hoc insigne portentum cum statim episcopo innotuisset, eo iubente, clero ac populo letitia gestientibus, elevatum est sacrum caput atque honorifico loco depositum. Ut autem per publicas tabulas portentosa capitis S. Brunonis inventio constaret, implorata a Romana sacr. lituum congreg. facultate, vocati ad examen idonei testes, portentum, quod viderant, sacramento confirmarunt. Omnibus itaque persolutis riteque probatis, ut publicus cultus venerando capiti restitueretur, nihil amplius supererat quam Signiensis episcopus decretum scripto traderet. Cum diutius, quam par erat Petrus Corbellius antistes illud protraheret, novo coruscante prodigio, rem perficere compulsus est. Super mensam proprii cubiculi idem Petrus sacrum caput retinebat, at quodam vespere supervenientibus noctis tenebris, in eo quod decretum illud exararet, iterum idem sacrum caput fulgentibus radiis circumdatum, totumque cubiculum splendore implentibus ei apparuit. Nescio utrum plus timoris an admirationis Petro episcopo accederet, cum adeo in decernendis publicis honoribus S. Brunonis capiti tardus fuisset, quos tandem in Id. Nov. an. 1705, maxima celebritate, civibusque universis exsultantibus restituit. Illic omnia docet marmoreum monumentum in majori templo erectum.

SEDENTE SS. CLEMENTE XI PONT. MAX.

VEN. CAPUT S. BRUNONIS HUIUS ECCLESIE EPISCOPI ARGENTEIS THECIS, GEMMISQUE AD IMPIIS MILITIBUS IN EXCIDIO HUIUS URBIS ANNO 1557 DENUDATUM ET IN SEPULCHRO DEJECTUM ET AN. 1636

MIRABILITER REPERTUM DIVINA LUCE CIRCUMFUSUM

TANDEN DIVINO AFFLANTE SPIRITU

AD HUIUS CLERI, URBIS, ET DIOECESIS ENIAS PRECES ILLUSTRISSIMUS, AC REVERENDISSIMUS DOMINUS

PETRUS COMES DE CORBELLIS FANENSIS

UTRIUSQUE SIGN. REFEREND., AC EPISCOPUS SIGNINUS

PONDERATO PROCESSU, PROBATIONIBUS, PRODIGIIS

EMINENTISSIMORUM S. R. E. CARDINALIUM

ET THEOLOGORUM VOTIS

MACNA URBIS SIGNIE LETITIA

AD PRISTINUM CULTUM SOLEMNI RITU REDONAVIT

SAL. AN. MDCCIII TERTIO IDUS NOVEMBRIS.

Cum ergo tot, tantisque mirabilibus signis sibi datum e caelo patronum Signienses noverint, quidquid ad ejus honorem et gloriam conferre potest, liberalissime huc usque largiti sunt, eademque pietas, et liberalitas a patribus in filios propagatur. Quibus vero beneficiis hujusmodi cultus a S. episcopo rependatur, ipsi Signienses experiuntur, qui toties praesens habent ejus patrocinium, quoties pro caeli serenitate, vel pro opportunis pluvii, aut pro repellendis tempestatibus, supplicibus votis implorant. Quanto autem apparatu, populorum concursu, omnique genere solemnitatis dies festus S. Brunonis xv Kal. Aug. celebretur, praecedentibus Novembrialibus, quibus cives tantam celebritatem praeveniunt, et sanctionem reddunt, cum paucis referre

nequeam, praeteribo. Sed Astenses etiam, et Solerenses, qui certatim S. Brunonem, ut diximus, civem suum sibi vindicant, suis in templis, erectis aris in ejus honorem, omni ecclesiastico cultu, ac festiva pompa die anniversaria transitus ejus ad caelum cum prosequuntur. Senis etiam in cujus Ecclesia cathedrali, ut diximus, Bruno canonicus fuit die 18 Julii cum officio et missa sub ritu duplici ejus memoria celebratur, et peculiari in veneratione habetur.

Decretum cardinalis SIRLETI concessionis officii S. BRUNONIS episcopi Signiensis De communi confessorum pontificum Signiae civitati, et Dioecesi datum, cum lectionibus propriis ab eodem doctissimo cardinali approbatis.

Nos Guillelmus Sirletus presbyter cardinalis Tit.

S. Laurentii in Pancerna, fidei facimus et attestamus S. D. N. D. Gregorium papam XIII, vivae vocis oraculo nobis facto concessisse, et licentiam dedisse episcopo, et clero Signino in ipsa civitate, et dioecesi Signina publice et privatim recitandi officium in choro et extra infra scriptum S. Brunonis episcopi et confessoris sub ritu duplici cum octava.

Dat. in palat. apost., in loco nostrae residentiae, die 11 Junii 1584, pontificatus S. D. N. Gregorii papae an. XIII.

LECTIO I. Bruno Soleriae in Insubria non procul ab Asta civitate, Andrea, et Seylla parentibus honestis et religiosis natus, admodum puer religiosus viris monasterii S. Perpetui Astensis dioecesis in disciplinam traditus, in omni ecclesiastica doctrina mirabiliter profecit. Inde Bononiam studiorum causa missus, tum saecularibus, tum divinis litteris egregiam operam cum navasset, doctoris nomen assecutus est. Cum autem in Etruriam, episcopi civilis Senarum, ejus per id tempus nomen erat celebrissimum, visendi studio se contulisset, et ab eo est benigne acceptus, et in canonicorum majoris ecclesiae collegium publico omnium gaudio allectus. Inde necessariis de rebus ab episcopo Romam missus quo tempore Gregorius VII regebat Ecclesiam, ac de eucharistiae sacramento cum Berengario prava omnia sentienti, gravis orta esset controversia, Brunonis fama commotus pontifex ab eo petiit, ut cum Berengario (frustra expertis aliis) ipse unus congregaretur, et argumentis, atque ipsa veritate convictum ab errore demum revocaret. Quod ille Dei fretus opibus, magnoque animo aggressus, feliciter perfecit.

LECTIO II. Pontifex spectata Brunnis constantia, et ejus adductus virtutibus, Petro Alhanensi episcopo cardinali, a quo cum benigne hospitio fuisset acceptus, hominem hunc, inquit, majorem in modum tibi commendo, quippe qui Ecclesiae magno est usui futurus. Ergo Romae sacris initiatus, et ab ipso summo pontifice consecratus (quamvis invitus) Ecclesiae Signinae creatur episcopus. A qua sane Ecclesia incredibili omnium gaudio susceptus est, atque publice Deo grates, qui talem pastorem sibi delis-

set. Ille vero suarum morbos ovium statim curare aggressus, Adulphi præsertim Signini quondam comitis, ab eodem capitur, atque in vincula conjicitur. Custodiæ locus fuit castrum Viculum, a quo non longe abest Lepinus mons, ubi ipsa condita est Signia. Ibi vero gravia et atrocia multa perpassus, cum vehementissima siti laboraret, aquam sibi e proximo haustam puteo afferri jubet, quam cum libasset, melioris notæ vinum esse deprehendit. Eum qui attulisset verbis castigat, quod pro aqua vinum porrexisset. Ille vero jurejurando culpam deprecatus, cum itidem etiam frigidam jussus attulisset, ad episcopi benedictionem toties in vinum conversa est aqua. Eo miraculo percussus comes Adulphus, sui que facinoris conscius, ne peccando identidem culpam cumulare, ac honorum odium magno cum suo dedecore susciperet, episcopum custodia liberatum dimisit.

LECTIO III. — Fuit autem S. Bruno in sacrarum litterarum lectione et meditatione valde frequens; quod ejus declarant egregie lucubrationes. Scripsit enim in quinque libros Moysi, in Judicum librum, in libros Regum, in psalmos David, in Cantica canticorum, in Isaiam prophetam, in Job, in Apocalypsim. Edidit quoque 155 quas ad populum habuit homilias, et sermones 69, in quibus et eruditio, et pietas ejus elucet. Cujus sanctitatem et sapientiam tanti fecit Paschalis II illi ut legationes in Gallias et Siciliam mandavit, ubi et Ecclesias ordinavit, et morum disciplinam restituit. Magnæ synodo Lateranensi habite laudabiliter interfuit, in qua legibus abrogatis iis, quas pontifex Romanus, cogente Henrico V imperatore, tulisset, invictus vehementissime studuit. Et cum sedisset in episcopatu annis 34, excessit e vita Signiæ xv Kal. Augusti an. 1125, notus annos 73, editis multis miraculis. Quem postea Lucius III P. M. Signiæ anno Natalis Domini 1183,

A quinquagesimo octavo post beati Brunonis excessum in sanctorum numerum retulit. In ejusdem postea honorem Honorius III an. Sal. 1223, pontificatus vero sui vii, Petro Prænestinensi, Nicolao Tusculano, et Andrea episcopis cardinalibus administris aram suis ipse manibus solemniter more dedicavit.

Opportunum ducimus hic referre decretum synodi Alexandrinæ die 12 Novemb. an. 1618 de mandato D. Erasmi Pallavicini ejusdem urbis episcopi, et apud Ferdinandum II Austriacum imperatorem apostolicæ sedis nuntii, quod ita se habet. Consuluit antiquitas, nec hisce temporibus aboleret consuetudo, ut illustrium virorum gesta publicæ commendarentur historiæ, quo perpetuo, quantum fieri potest, in sæculo vivant, quem nos morem probatum B prosequentes, memoria ac simul venerationi non modo vestræ, sed et cujusque posteritatis commendare contendimus virum, non solum ex gestis sæcularibus, aut virtutibus, humanisve scientiis illustrem; sed divinis etiam imbutum disciplinis, gloria æterna fruementem, ut merito in hominum memoria versetur, et digna veneratione colatur, qui ad gaudia transit angelorum. Cum itaque beatus Bruno Signiæ civitatis episcopus ex oppido Solerii hujus diocesis, ex cujus etiam symbolo hanc ipsam civitatem constructam fuisse non ignoramus, gloriosam originem duxerit, congruum nobis visum est, ut tanti sancti in tota Alexandrina Ecclesia pietatis argumento officium recitari debeat. Quo circa præsentis decreto ordinamus, ut in festo ipsius sancti, qui ex martyrologio Romano celebrari consuevit die 18 Julii, fiat officium de ipso sancto Brunone episcopo et confessore duplex cum octava. Hujusmodi autem officium omnino fiat tam in ecclesiis quam extra, ac etiam tam publice quam private, ac propterea sancimus ut quotannis in Kalendario referatur.

TESTIMONIA SCRIPTORUM ECCLESIASTICORUM

DE SANCTO BRUNONE.

1.

Petrus diaconus monachus Casinensis, *De viris illustribus Casinensibus*, cap. 34.

Bruno Signiensis episcopus et Cassinensis abbas, insignissimus et splendidissimus Ecclesiæ defensor, et doctor, inter multa et præclara ingenii sui monumenta scripsit (69) rogatu Signiensium canonicorum Expositionem super Psalterium, super Genesim,

(69) S. Bruno in præfatione ad commentarium super Psalmos aliter monet de iis, qui eum ad psalmorum expositionem impulerunt. Facto enim verbo de prima expositione, alterius sic meminit: « Rogatus igitur ab amicis, et præcipue a Peregrino venerabili abbate dedi operam, ut hæc quoque sicut illa propriam haberet interpretationem. » Hic est commentarius in psalmos, quem hoc in volumine complexi sumus. Erravit ergo Petrus Diaconus di-

D super Exodum, super Leviticum, super Numerum, super Deuteronomium, super Cantica canticorum, super Judicum (70). Fecit et sermones hos: De laudibus Ecclesiæ in dedicatione Templi, De paradiso, De arca Noe, De tabernaculo fœderis, De templo Salomonis, et De muliere, per quam Ecclesia significatur; De civitate S. Jerusalem, De basilicis quæ ab episcopis dedicantur. Item De Evangelis; de ornamentis Ecclesiæ, De fide, De spe, De charitate,

cens precibus canonicorum Signiensium elaboratam fuisse illorum expositionem.

(70) In cap. 2 Prolegom. 1, ubi dictum fuit Petrum Diaconum inter adnotata S. Brunonis opera, mentionem non habuisse de ejus comment. in prophetam Isaiam, addi debebat hoc in catalogo, in quo proprius hujusmodi mentionis erat locus. Cæterum in Vita ejusdem sancti Petrum Diaconum Isaiæ expositorem dixisse fatemur.

De quatuor virtutibus; De humilitate, De misericordia, De pace, De patientia, De castitate, De obedientia, De abstinence. Ubi Ecclesia ornatur, De novo mundo, De coelis novis, De mari, et De piscatoribus novis, De arboribus novis, De animalibus novis. De festivitatibus festivitatum, id est de S. Trinitate sermones tres; De Nativitate Domini, De Circumcisione, De Epiphania, De octava Epiphaniae, De Palmis, De cena Domini, De Pascha, De Ascensione Domini, De Pentecoste, De natiuitate S. Mariae, De Annuntiatione, De Purificatione, De Assumptione ejus. De virginibus sermones tres, De martyribus sermones tres, De martiribus sermones septem; homilias in festivitibus confessorum, aliam in festiuitate S. Benedicti, cum sermonibus duobus de pontificibus; quatuor De S. angelo; De apostolis homilias quinque; De pluribus martyribus homilias tres, De uno martyre homilias tres; De dedicatione Ecclesiae, in Adventu Domini, Dominica II De Adventu, Dominica III De Annuntiatione B. M. Virginis duas; De Dominica IV Adventus. In vigilia Nativitatis D.; in die Nativ. D. homilias tres, in S. Stephani, in S. Joan. evangeliste, in festiuitate Innocentium. In Dominica I post Natalem Domini, in octava Natalis Domini, in Epiphania; Dominica I post epiphaniam, Dominica III, IV et V. In Purificatione S. Mariae, in Septuagesima, in Sexagesima, in Quinquagesima, in Cinere, et cilicio. Feria VI, et Sabbato in capite quadragesimae, usque in cenam Domini hom. XL. In Cena Domini, Sabbato sancto, in festiuitate Paschali, in feria secunda, tertia, quarta, quinta, et sexta, et Sabbato in octavis Paschalibus, in Dominicis I, II, III et IV post octavas Paschae, in processione majori, in festiuitate apostolorum Philippi et Jacobi, in Inventione S. Crucis, in S. Angelo, in Ascensione Domini, in Dominicam I post Ascensionem Domini, in Pentecoste. Dom. I post oct. Pent. Dom. II, III et IV. In S. Joan. Baptista, in vigilia apostolorum Petri et Pauli, et in die eorum. In Dominica I post Natalem apostolorum homiliae XLIV. In S. Laurentio, in Assumptione S. Mariae, S. Matthaei, Vig. S. Andreae, et in die ejusdem. Fecit et sermonem de S. Scholastica, sermonem De translatione S. Stephani a civitate Constantinopolitana ad Arcem Romanam: versus in laudem S. Mariae: homiliam in decollatione S. Joannis Baptistae, in Nativitate S. Mariae. Fuit autem temporibus Henrici IV et V imperatorum. Sepulchrum est in episcopatu suo apud civitatem Signinam.

II.

Sixtus Senensis. Actuar. in Bibl. Sanct. p. 513, cum additis P. Pii Milante O. P. edit. Neapoli. an. 1742.

Sanctus Bruno, seu Brunus, Italus Ligur, ex illustri Astensium sanguine, episcopus primum Signinus, seu Signiensis, deinde abdicato episcopatu monachum Casinensem, et postea omnium fratrum concordia voluntate abbas electus praefuit annis tribus et decem mensibus; sed a Paschali II R. P. coactus ad suum rediit episcopatum. Scripsit commentaria in Pentateuchum, in Job, in Psalterium, in Canticum Zachariae, homilias seu serm. CLXIV, et quamplura alia theologica opera, quae omnia studio et cura Mauri Marchesii, ut Cavius scribit in unum collecta, et auctori suo vindicata duobus tomis in-fol. fuerunt Venetiis impressa an. 1651. Obdormiuit in Domino an. 1125, orid. Kal. Septemb.

III.

Robertus cardinalis Bellarminus, cum Supplementis Philippi Labbei, edit. Venet. an. 1721, p. 351.

Librum De laudibus Ecclesiae, ac proxime sequentes omnes, quos patriarchae suo sanctissimo vindicant Carthusiani, non ad eum, sed ad Brunonem Signinensem episcopum, S. R. E. cardinalem pertinere conatur evincere multis argumentis D. Maurus

A Marchesius, Panormitanus, congreg. Casinensis, monachus in dissert. historica, quam operibus editis praemisit.

Inter Brunonis scripta memoratur Vita S. Leonis papae IX amplius ea quam scripsit Wibertus archidiaconus, a Sirmundo edita an. 1615, cum Vita Caroli Boni Flandriae comitis.

Brunonis meminerunt praeter ceteris Petrus Diaconus in Casinensi Chronico, cardinalis Baronius tom. XII Annalium, Marcus Anton. Scipio in elogiis abbatum Casinensium, Ferdinandus Ughellius tom. I Ital. Sac., in Signinis episcopis, et Philippus Malabaila in disquisitione de ortu, canonatu, et recessu a Cassinatibus S. Brunonis, quem docent obiisse die 18 Julii anno circiter 1125 et a Lucio III in sanctorum numerum relatum. D. Lucas Dacherius edidit tom. XII, p. 79, Spicilegium, opus S. Brunonis De consecratione Ecclesiae perfectius editione Veneta facta a Marchesio.

IV.

Jacobus Le Long in Biblioth. Exegetica, p. 651.

Bruno Ligur civitatis Astae, ex familia Soleria, Benedictinus, abbas Casinensis, deinde episcopus Signiensis, obiit an. 1125. Ejus opera sunt:

1. Commentarium in Pentateuchum.
 2. In Job.
 3. In Psalterium juxta vulgatam versionem.
 4. In Cantica canticorum.
 5. In Apocalypsim; quae opera publicata fuere in duobus voluminibus comprehensa Venetiis an. 1651, et in Bibliot. PP. Lugdunensi.
 6. In Lib. Judicum.
 7. In Judith.
 8. In Isaiam.
 9. In quatuor Evang. Parisiis Bibl. S. Victoris Cod. 815, et Taurini in Bibl. Ducis Sabaudiae.
- Commentaria autem in librum Judicum, et in Isaiam exstant in Bibl. Carthusianorum monasterii S. Barthol. ad Anagninam.

C Aliud opus, scilicet commentarium, scripsit in psalmos, ut ipse testatur in ejus praefat: « Cum essem adolescentulus exposui Psalterium secundum aliam translationem; » quod quidem explicatur ab auctore anonymo ipsius Vitae, operibus excusis praefixae: « Rogatus, inquit, a quibusdam Ultramontanis Psalterium secundum Gallicanam translationem compendiosa expositione percurrit. »

S. Bruno Germanus Coloniensis Carthusianorum institutor obiit an. 1101; ejus opera sunt: 1. Expositio in psalmos David. 2. Commentaria in omnes Epistolas Pauli edit. in-fol. Paris. 1509, iterum Paris. 1624, in-fol., Colon. 1611, 1640. Non desunt qui haec opera Brunoni nostro adjudicant, et Astensi ascribenda esse contendunt.

S. Brunonis homiliae seu sermones 144, Emserio Emiseno, aut Eucherio Lugdunensi, aut aliis nominibus perperam ascripti sunt:

1. Tractatus in Canticum Zachariae.
2. Tractatus De incarnatione Domini.
3. Argumentum De sacrificio azyymi.
4. De sacramentis, Eccl. mysteriis, atque eccl. ritibus opusculum.

Vita S. Petri Anagnini.

Vita S. Leonis papae IX, cui additur responsio ad questionem: *Cur corrupti Ecclesiae status.*

Sententiarum libri sex.

Opusculum De consecratione eccle. edidit Lucas Dacherius, Spicil. tom. XII, pag. 79.

V.

Ferdinandus Ughellius abbas Cisterciensis in Italia Sacra, de episcopis Signinis tom. I, pag. 1236.

Sanctus Bruno Astae natus ex familia Soleria nobilissima, Castellii Solerii domina Andream Scyllamque habuit parentes. In monasterio S. Perpetui ordinis Benedictini primis disciplinis excultus

deinde Bononiæ aliores facultates prosecutus est, nempe canonicam et jurisprudentiam. Astensis canonicus electus Romanus sub pontificatu Gregorii VII, profectus in publico Romano concilio Berengarium, impie de sacramento altaris sententiam disputando repressit prodigavitque, ita ut a summo pontifice honoris ac celebris victoriæ ergo Signinus crearetur episcopus. Quam quidem Ecclesiam ad annos multos sapientissime gubernavit, donec tranquillioris vitæque contemplatricis desiderio tactus, abdicato onere, monachum Casinensem professus est an. 1104, in quo a Paschali II pontifice missus in Gallias est, ubi celebrem synodum celebrasse narratur a Petro Diacono lib. iv, cap. 53, cujus legationis frequenter meminit Ivo Carnotensis. Reversus inde ad claustrum an. 1107, ex decessu Othonis abbatis, Casinensis abbas omnium monachorum consensu electus est Idib. Nov. Præfuit ad annos 3, et menses 10, quibus exactis, cum inter ipsum et Paschalem pontificem controverteretur, an præstaret magis præesse cœnobio, an episcopali munere fungi, pontificis reverentia victus, abbatiale munus renuntiavit, atque ad Signinam Ecclesiam rediit, quam summa pietatis laude, deinde, ut prius fecerat, rexit. Scribebat autem Bruno in otio sapientiam; siquidem hæc ejus monumenta in monte Casino adhuc visuntur.

In Genesis lib. 1, in Exod. lib. 1, in Judic. lib. 1, in Psalmos lib. 1, in Apocalypsim lib. 1, Sententiarum libri sex. Sermones Dominicales, ac de sanctis. Homiliæ diversæ. In Psalmos aliam edidit expositionem, ut ipse fatetur. Extat hujusmodi expositionis codex ms. apud abbatem Hilarionem Raneatum. Hanc vitam cum celesti commutavit sub Calixto II an. 1125, xv. Kal. Aug.; a Lucio III inter sanctos relatus est ab ejus decessu anno 58. Baronius in Martyrolog. Romano, die 18 Julii memoriam habet. Plura autem de eo Leo Ostiensis in Chron. Casin. lib. iv, cap. 31, et in litteris Paschalis anno vero 1226. Honorius III pontifex suis manibus S. Brunonis in eadem cathedrali dedicavit altare. At ipse Bruno in eadem cathedrali altare B. Marie V. consecravat, ut antiqua fert inscriptio.

VI.

Franciscus Combesius. Volum. I Bibl. concion., p. 8., edit. Paris. 1662.

Sanctus Bruno patria Astensis, Signiensis episcopus, ac abbas Montis-Casini, illarum auctor homiliarum, quæ Eusebii Emisani nomine pridem vulgate sunt, ac Aleuini Homiliario postremæ editionis Coloniensis insertæ. Evincit rem Maurus Marchesius Panormitanus congreg. Casinensis, dissertatione de Brunone, et libris ab eo conscriptis, quæ præfixa est editioni operum ejus Venet. 1601. Quod vero attinet ad Sententiarum libros sex, quorum primus est de laudibus Ecclesiæ, qui ipsi sanctissimo Carthusianorum patriarchæ in aliquibus codicibus majoris Carthusiæ inscripti inveniuntur, ex quibus etiam sex sumptæ sunt lectiones ad officium ejusdem S. patriarchæ, ægre adducor ut assentiar Marchesio. Pugnāt codicibus codices: asserenti Petro Diacono in opere de viris illustribus monasterii Casinensis lib. iv, cap. 31, ubi accurate percensens Brunonis Astensis libros, hujus tanti operis, ac velut palmarii nullam mentionem facit (71), sed postremum illud homiliasticum, ac sermonum opus pseudoeusebianum adducit. Styli affinitas, in qua Marchesius sibi præsidium putat, magis forte ipsi ollicit. Potuit sanctissimus patriarcha tanti S. Benedicti meminisse titulis, quem vite

(71) Hic Combesius aut memoria lapsus, aut Petri Diaconi testimonium de operibus S. Brunonis non legisse quod primo collocavimus, manifeste evincitur. Libros quidem Sententiarum non nuncu-

A monasticæ singularem patronum, ac exemplar, ducemque novus ipse novæ militiæ initiator, pleraque mutatus a Benedicto habere. Hæc si levia videantur, malitque stare ab altero Brunone, qui domestica exempla, ac documenta apud suos urget, exque temporis et auditorum ratione stylum componeret non contendo, per me licet. Vixit in episcopatu Bruno supra annos 40, ex quibus aliquot egit monachus, aliquot abbas in Monte-Casino. Obiit anno 1101.

VII.

Natalis Alexander. Hist. eccl. sæc. XII.

Bruno Astæ, apud Insulres ex familia Soteria nobilissima natus, sanctitate et doctrina clarissimus, Berengarium hæresiarcham in synodo Romano anno 1079 confutavit. Deinde a Gregorio VII, qui huic synodo præerat, Signinus episcopus creatus, cum annos aliquot pastoralis munus summa cum laude exercuisset, desiderio contemplationis illectus, Casinum migravit, ac religiosam vitam professus est. et Casinensis abbas electus; sed instante populo ad Ecclesiam suam apostolica auctoritate redire jussus, anno circiter 1125 ad vitam migravit immortalē. A Lucio III pontifice maximo sanctorum numero ascriptus est. Inter multa et præclara ingenii sui monumenta scripsit rogatu Signiensium canonicorum Expositionem in fibris Judicum, in Psalterium, et Canticum canticorum. Item sermones plurimos, quos inter Petrus Diaconus lib. De viris illustribus cxxxiv eos enumerat, quos Theodorus Petrans Carthusiæ Coloniensis alumnus sub nomine S. Brunonis Carthusianorum patriarchæ edidit tom. III operum ejus. Quos sane ipsius non esse cum Petri Diaconi auctoritas, tum alia monumenta evincunt. S. Bruno Signinus episcopus, et Casinensis abbas, «splendidissimus Ecclesiæ defensor, et doctor» a Petro Diacono prædicatur. Brunonis Signini episcopi expositiones De consecratione Ecclesiæ ad Gotofredum Magalonensem episcopum: item De consecratione Chrismatibus; De significatione vestimentorum sacerdotalium edidit D. Lucas Dacherius tom. XII Spicilegii.

VIII.

Arnoldus Wion Belgæ, monachus S. Benedicti de Mantua in libro cui titulus: Lignum vite, p. 1, pag. 19, edit. Venet. anno 1595.

Sanctus Bruno, sive Brunus, ex illustri Astensium sanguine, episcopus primum Signiensis, deinde abdicato episcopatu monachus Casinensis, postmodum ab Othonis 44 abbatis obitu, omnium fratrum concordia voluntate abbas 45 an. 1107, Id. Novembribus electus, præfuit annis 3, mensibus decem, quibus elapsis, a Paschali II coactus, ann. 1111, Idibus Septembris abbatiam deponens ad episcopatum suum reversus est, ubi in sancta conversatione ad finem usque perseverans migravit ad Dominum pridie Kal. Septembris.

Cum non minus doctrina quam sanctitate florere scriptis plura opera, videlicet:

In Genesis, in Exodum, in Leviticum, in Numeros, in Deuteronomium, in Cantica canticorum, in Judicum, in Psalmos, in Isaiam, in Apocalypsim.

Sententiarum libri sex, qui sunt in bibl. Casinensi in membranarum sermones 69, De Dominicis et præcipuis anni festivitibus lib. 4, quorum primus de laudibus Ecclesiæ, habetque sermones 9; secundus de ornamentis Eccl. continet sermones 12, tertius de novo mundo serm. 10, quartus de præcipuis festivitibus anni complectitur sermones 36.

pavit; verum titulos singulos capitum, seu sermonum descripsit. In quantis hic erraverit Combesius; quæ a nobis producta sunt in Prolegomenis, et in Vita satis manifestant.

Illi erant apud me in membranis; sed eos amicitiae ergo dono dedi D. Constantino Syracusano monacho Catanensi.

Homilias de diversis 153, quae eadem sunt a Possevino descriptae.

IX.

Antonius Possevinus *soc. Jesu. In Apparatu sac., pag. 243, edit. Colon. Agripp., a. 1608.*

Bruno, sive Brunus, Ligur ex illustri Astensium sanguine, et vir sanctus, episcopus primo Signinus; deinde abdicato episcopatu, monachus Casinensis, postea ab Othonis 44 abbatibus obitu, omnium fratrum concordii voluntate abbas 45, an. 1107, electus, praefuit annis tribus, et mensibus decem, quibus elapsa a Paschali II, coactus an. quarto idibus Septemb. abbatia relicta ad episcopatum suum reversus est, quem sancte administrans migravit ad Dominum pridie Kal. Sep., an. 1125, scripsit:

- In Genesim lib. 1.
- In Leviticum lib. 1.
- In Numeros lib. 1.
- (Et hi tres sunt in biblioth. Casin. mss.)
- In Deuteronomium lib. 1.
- In Cantic. canticorum lib. 1.
- In Exodum lib. 1.
- In Iudicum lib. 1.
- In Psalmos lib. 1.
- In Isaiam lib. 1.
- In Apocalypsim lib. 1.

Libri sex Sententiarum, qui exstant in bibl. Casinensi in membranis, serm. LXIX De Dominicis et praecipuis anni festivitibus lib. iv. Quorum primus est De laudibus Ecclesiae; ac continet sermones IX. Secundus De ornamentis Ecclesiae, sermones XII. Tertius De novo mundo, serm. X. Quartus De praecipuis festivitibus anni serm. XXXVI. Constantinus autem Syracusanus ordinis S. Benedicti monachus Catanensis hosce omnes dono accepit ab Arnaldo Wion. Homilias porro scripsit de diversis, quarum apud Arnoldum exstant sequentes mss.

In Dominica I Adventus incipit: *Duos discipulos.*

In Dominica II Adventus incipit: *Quibus interrogantibus.*

In Dominica III Adventus incipit: *Jouannes Baptista.*

In Dominica IV Adventus incipit: *Omnes enim existimabant.*

In feria vi Quatuor Temporum incipit: *Virgo Deo plena.*

In pervigilio Nativitatis Domini: *Primum autem querendum est.*

X.

Guillelmus Cave. *In Historia literaria scriptorum ecclesiasticorum aec. Hildebrandini, pag. 559, edit. Coloniae Allobrog., anno 1720.*

Bruno patria Langobardus in Villa Soleria apud Insubres ex illustri Astensium prosapia natus, Andree, et Willae filius, pietatis et studiorum tirocinia posuit; inde in Etruriam transiens inter canonicos Senenses cooptatus est. Hinc Romam venit, et coram Gregorio VII, adversus Berengarium in synodo Romana anno 1079 disputavit; episcopus Signiensis mox designatus. Cumque vehementer pontifici ea in re reniteretur, pia quadam fraude a Gregorio circumdatus onus impositum suscipere coactus est. Claruit praecipue circa annum 1087. Anno 1096, concilio Turonensi interfuit. Post plures in episcopatu transactos annos, solitudinis desiderio victus, anno 1104 Casinum aufugit. Euxis precibus Paschali pontifici oblati episcopatum suum repetunt Signenses. Ille pontificis auctoritate compulsus ad suam sedem rediit. Eodem anno a pontifice missus est

A primo ad Rogerium Apuliae comitem, deinde cum Boemundo Antiochia princepe in Gallias, ubi concilium Pictaviense celebravit. Anno 1107 Casinum reversus ejusdem comitii abbas eligitur, Paschale papa electionem comprobante, atque illud ei elogium reddente, dignissimum esse, cui se vita functo Christianae reipublicae gubernacula traderentur. Anno 1108, Paschalem ad synodum Beneventanam comitatus est. Anno 1111, pontificis jussu sese abbatis munere abdicavit, et ad Signenses reversus an. o demum 1125, prid. Kal. Sept. in Domino obdormivit, episcopatus anno 44.

OPERA.

- Commentaria in Pentateuchum.
- Commentarius in Job.
- Commentarius in Psalterium.
- Commentarius in Cantica canticorum.
- Commentarius in Apocalypsim.

B Homiliae seu Sermones CXLIV Eusebio Emiseno, aut Eucherio Lugdunensi perperam ascripti. Tractatus in Canticum Zachariae. Tractatus De incarnatione Domini. Argumentum De sacrificio azymi. De sacramentis, Ecclesiae mysteriis, atque ecclesiasticis ritibus opusculum. Vita S. Leonis IX papae. Responsio ad questionem, *Cur corruptus Ecclesiae status?*

Vita S. Petri episcopi Anagnini.

Sententiarum libri sex. De laudibus Ecclesiae. De ornamentis Ecclesiae. De novo mundo. De festivitibus festivitatum. De laudibus B. Virginis. De martyribus, confessoribus, etc.

Opuscula ista inter Brunonis etiam Carthusiani opera habentur.

Prodierrunt Brunonis opera a Mauro Marchesio monacho Casinensi in unum collecta auctori suo vindicata, et notis illustrata. Venet. an. 1651, duobus tomis in-fol., et exinde in bibl. PP. tom. XX, pag. 294.

Opusculum Brunonis De consecratione Ecclesiae integrum edidit Lucas Dacherius Spicil. tom. XII, pag. 79.

XI.

Ludovicus Ellies Dupinius, *Bibl. script. etc., edit. Paris., tom. X, p. 159.*

Bruno Astensis ejusdem urbis ecclesiae cathedralis canonicus, et postea etiam canonicus Senensis, Romam venit Gregorio VII pontifice, eoque praesente contra Berengarium disceptavit; propterea Signiensi episcopatu remuneratus est. In montem Casinum se recepit, Paschale II Ecclesiam gubernante, qui ejus recessum aegre tulit; a quo revocavit, ut in Galliam, et in Siciliam apostolicae sedis legatum mitteret. Aliquot annis archimandritam Montis Casini egit; sed ad suum tandem episcopatum remeavit, ubi functus est vita anno 1125.

Hujus auctoris opera a Mauro Marchesio monacho Casinensi Venetiis edita fuere an. 1651. in duo volumina distributa. Primum continet commentaria super v libros Moysi, super librum Job, super Psalmos, super Canticum canticorum, et super Apocalypsim, in quibus commentariis moralium sensum potius quam alium prosecutus est. Secundum volumen complectitur CXLIV sermones; quorum pars maxima sub nomine Eusebii Emiseni, aut Eucherii Lugdunensis publicata fuerat. Continet etiam tractatum super Canticum Zachariae, tractatum De incarnatione, et De sepultura Christi Domini. Agitur de tempore, quo idem Dominus in sepulcro remansit; tractatum De usu Azymorum contra Graecos. Expositionem insuper aliorum ecclesiasticorum rituum. Item Vitam Leonis papae IX, tractatum ei annexum De statu corrupto Ecclesiae, ubi disserit de ordinationibus ab episcopis

hereticis, vel schismaticis factis; Vitam pariter S. Petri Anagninensis episcopi; binas litteras, jnam Petro episcopo Portuensi, alteram Paschali II. Sententiarum libros vi, vel sermones varios morales, qui Brunoni Carthusianorum institutori ascripti fuerunt; sed a Marchesio Brunoni Signiensi vindicati; non tam ex testimonio Petri Diaconi, quam ex styli conformitate ex frequentibus commendationibus institutionis S. Benedicti, quam proflebat, et quod se commentatorem dicat libri Apocalypsis, a Brunone Carthusiano non illustrati. Additum est commentarium super Psalmos Othonis monachi Casinensis, S. episcopo dicatum. Tractatus autem De sacramentis, seu De Ecclesie ritibus a Brunone pariter exaratus excusis fuit a Luca Dacherio tanquam novum inventum, quamvis in editione Veneta impressus haberetur.

XII.

Augustinus Calmet in Bibliotheca Sacra.

Bruno e Solerio in Astensi diocesi oriundus, unde Ipsi Astensis nomen, undecimo vivebat saeculo, et decessit an. 1120; sive 1125. Bruno Signiensis etiam appellatur, quod ad episcopalem Signiensis Ecclesie cathedram in agro Romano evectus fuerit. Dein ad montem Casinum se recepit, ubi ejus cenobii abbas inauguratus est. Commentaria in Pentateuchum, in Job, in Psalmos, Isaiam, Cantica canticorum, Apocalypsim excusa in Bibl. PP., ex eo scriptore supersunt. Creditur auctor commentarii in epistolas S. Pauli, et quorundam aliorum operum, quae sub nomine S. Brunonis Carthusiae institutoris prodire. Ejus opera studio Mauri Marchesii decani Montis Casini in unum corpus prodire anno 1651; morali, et allegorico sensu praecipue inhæret.

XIII.

Joannes Albertus Fabricius in Bibl. Latina medice et infimæ ætatis, cum additionibus Joan. Dominici Mansi, edit. Patav. an. 1754, pag. 287. S. Brunonis Astensis opera omnia a Marchesio publicata describuntur.

Sententiarum libri sex, qui non differunt ab his quos Carthusienses S. Brunoni institutori suo tom. III opp. ejus tribuerunt. S. Bruno Signiensis agnoscendus est auctor, ut anonymus Mellicensis agnovit, cap. 83.

Præter hæc in collectione operum ejus obvia, traditur Bruno hic scripsisse commentaria adhuc inedita in lib. Judicum, in Judith, et in Isaiam, ut Jacob le Long in ejus Bibl. Etiam versus ejus in laudem B. M. V. a Petro Diacono memorantur. Addit autem eruditissimus Mansius. In Bibliot. Riccardiana exstat ms. sæc. XII, opusculum ineditum S. Brunonis Astensis De muliere forti. Reperitur etiam in eo expositio in Cantica canticorum multum discrepans ab ea quae prodit in Bibl. PP., cujus operis fragmentum exhibet claris. Lani in catalogo ejusdem Bibl., qui et addit geminas epistolas ejusdem adhuc ineditas.

XIV.

Remigius Ceilleries. Hist. scriptorum sacrorum t. XXI, p. 101.

Bruno rogatus a S. Petro Damiani Isaiam et Apocalypsim commentariis suis illustrat, sed lucubratio illa in Isaiam adhuc in tenebris jacet. Commentariorum autem in Apocalypsim in septem libros secundum numerum Ecclesiarum, vel episcoporum divisum est.

De Brunone Astensi mentionem habet P. le Long in bibl. Historic. Gallorum p. 654, ubi loquitur de duobus commentariis ejusdem S. Brunonis ineditis super libros Judicum, et Judith. Petrus Diaconus monachus Casinensis non memorat nisi commentarium super lib. Judicum. Scripsit pariter S. Bruno Vitam S. Petri Anagninensis episcopi. Vid. Bolland. d. e.

A 13 Augusti. Item tractatum edidit de statu Ecclesie saeculo XI, qui cum aliis ejus operibus in tom. XX Bibl. Patrum edit. Lugdun. apud Annissonios reperitur. Ejus opera propter styli nitorem vel concinnitatem, itemque propter eruditionem, solidamque pietatem, quibus universim redundant, valde sunt commendanda.

XV.

Joan. Baptistæ Mari Romani S. Angeli in foro piscium canonici. Annotatio in Petrum Diaconum.

Sanctus Bruno Astæ natus est ex familia Soleria nobilissima, a Gregorio VII episcopo Signinus creatur in virtutum ac doctrinae præmium, quod Berengarium impie De sacramento altaris sententiam in publico Romano concilio disputando profli-gasset, deinde desiderio vitæ contemplaticis tactus, abdicated onere episcopali, monachum Casinensem professus est anno 1104, ubi postea omnium monachorum suffragio abbas Casinas electus anno 1107, Idibus Novembris, ibique præfuit annis tribus, et mensibus decem; quibus exactis, ad Ecclesiam Signinam, quam perinvitus acceperat, rediit, pontificis reverentia victus. Nos vero na tanti doctoris laudes culpa deteramus ingenii, calamique parum felicitis, illum aliis multum laudandum. Opuscula Brunonis duobus distincta tonis in lucem prodierunt anno 1651 Venetiis, studio et opera D. Mauri Marchesii Casinensis decani, scholisque etiam illustrata, et licet non omnes lucubrationes, quæ in nostri Petri Elencho descriptæ sunt, inibi legantur, multæ tamen, quas Petrus præterit, ibi habentur: nonnullæ vero mss. exstant Taurini in nobilissima, ac celeberrima bibliotheca serenissimi Sabaudie ducis, præsertim vero commentarius in cuncta quatuor Evangelia, nti etiam aliqua in bibl. illustrissimi D. Caroli de Montchal archiep. Tolosani, scribit Philip. Labbeus in nova bibliotheca mss. librorum p. 195. Forsan tempus, quod publica abscondit, et occulta manifestat, Dei miseratione orbem tanti ditabit continuo thesauris. Consule Actuarium de script eccles. Auberti Miræi in Brunone, ac virum clariss. Theophilum Raynaudum Soc. Jesu, De malis ac bonis libris, part. I, crot. 10, in Eusebio Emiseno, et in Brunone Carthus. fol. 151 et 158. E valle miseriarum in montes æternitatis ascendit Bruno anno 1125, xv Kal. Aug., cum multis tam in vita quam in morte clarissis miraculis, relatus postea inter sanctos a Lucio III, ut videre est in inscriptione marmorea, quæ in Signina cathedrali spectatur. Vide etiam Apparatum ad præfata edita opuscula S. Brunonis. Opera autem omnia S. Brunonis Astensis recusa reperiuntur in bibl. PP. edit. Lugd. tom. XX, p. 1294.

XVI.

Joannes Maria comes Mazzuchellius, tom. II, part. IV, pag. 2227.

Bruno Astensis et ex gente Solari, aut Soleria ortus a pluribus scriptoribus affirmatur; qui sunt Ecclesia in catalogo script. Pedemont. pag. 42, Ughe-lius Ital. Sac. tom. I, col. 1236, Bosotti Syllab. scrip. Pedemont. p. 127, Lefrierus in histor. poetic. et poem. medii ævi, et alii. Ex opposito alii scriptores eundem Brunonem ex familia Astensi progenitum dixere, ut Possevinus, tom. I Appar. sac. pag. 253 et pag. 383; Ciaconius in Bibl. col. 458, Cave. Histor. eccl. p. 539; Milantes tom. I Bibl. Sixti Senen. pag. 513. Actuar. in Bibl. Sanct., Einsing-rius, etc. Gabriel autem Busselin in Histor. universali, Porta in Alexandria illustrata p. 220, et Quadrius, vol. 2, Brunonem Solerii oppido natum, Sopranus, et Oldoinius inter scriptores Ligures numerant. Oldoinius, et Teisseirius S. Brunonem cardinalem dixere, eumque tribus annis, et decem mensibus Casinense monasterium rexisse.

Auctores, qui de S. Brunone Astensi scriperunt,

sunt Baronius *Hist. ecc.* xii, et in notis ad Martyrolog., Leo Ostiensis *Chron. Casin.* lib. iv, cap. 31, ejusque continuator Petrus Diaconus, anonymus Mellicensis *De script. eccl.* cap. 83; Bolland. *Act. SS. mensis Julii*, Philippus Malabaila, *disquisitio de ortu, canonicatu et recessu Casinen. S. Brunonis*, le Long, *bibl. Sac.*, tom. II, pag. 654; Legipontius, tom. II, *Hist. Lec. ord. S. Benedicti* p. 210, et

A tom. III, p. 129. Opera S. Brunonis collecta, et illustrata ab abbate D. Constantino Cajetano Romae existente, edita deinde fuere a Marchesio. Vid. Armellini part. II. *Bibliot. Benedict. Casinen.* p. 105. Expositio S. Brunonis in *Evang.* reperitur inter latinos codices mss. bibl. Regiae Parisiensis cod. 2510, ejusdemque opuscula exstant in cod. 2314, ejusd. bibl.

S. BRUNONIS ASTENSIS

SIGNIENSII EPISCOPI

EXPOSITIO IN PENTATEUCHUM.

I Rogasti me, dulcissime Pater et coepiscope Petro, ejus dilectionis effectus tantum erga me semper exuberat ut merito non rogare, sed jubere debuisses, quatenus librum Geneseos tibi exponerem. Sed quia multis, ut tu ipse optime nosti, et quae evitare non decebat, impeditus fui, ideo usque ad praesens tuam petitionem adimplere nequivi, magisque tibi, quem ad ignoscendum facilem esse sciebam, ad tempus inobediens existere volui quam ea non agere; quae si non egissem, tibi quoque reprehensibilis apparerem. Tandem igitur, et si tarde, feci tamen quod rogando jussisti. A principio autem libri usque post arcae Noe fabricationem, quoniam difficiliora esse videbantur, perneecessarium visum fuit, continue cuncta exposita sunt. Inde vero usque ad eum locum, in quo Jacob benedictionibus propriis filios benedicit, per singula quaeque capitula, quaecumque expositione indigere videbantur, breviter historiis praenotatis satis compendiose allegorias subposuimus. Benedictiones quoque Jacob, quoniam et ipsae difficultatis aliquid habere videbantur, continua expositione digestas invenies. Suscipe ergo quod rogasti, sitque tibi pignus amoris, nostrique te memorem semper tuis in orationibus facias.

INCIPIT

EXPOSITIO IN GENESIM.

CAPUT PRIMUM.

« In principio creavit Deus caelum et terram. » (71)
In principio, inquit, et ante omnem creaturam creavit Deus caelum et terram. Hoc enim et Psalmista testatur, dicens: « Et tu in principio Deus terram fundasti, et opera manuum tuarum sunt caeli (Psal. ci, 26). » Non igitur prius caelum, quam terram, sed simul et caelum Deus creavit et terram. Unde et Istud: « Qui vivit in aeternum creavit omnia simul (Ecclesi. xviii, 1). » Nam et si sex diebus omnia Deus hoc (72) eodem in libro fecisse narratur, simul tamen ex nihilo cuncta creasse dubitari non debet. Ipsam omnium rerum materiam simul creavit, ex qua discretis temporibus caetera, prout voluit, fieri praecipit. Dicatur ergo: In principio creaturarum omnium creavit Deus caelum, et ea scilicet quae continentur in eo, id est angelos, virtutesque coelestes, et terram jam quasi praegnantem et parturientem, omniumque eorum materiam et matrem quae ex ea oriuntur. Manifestum est ergo quoniam nec eorum, quae modo fieri videntur, et si tempore

B prima sint, natura tamen prior terra non existit.

« Terra autem erat inanis, et vacua, et tenebrae erant super faciem abyssi, et Spiritus Dei ferebatur super aquas. » Inanis enim erat terra, quia sicut informis materia nondum eas quas nunc videmus in se formas impressas habebat. Erat autem et vacua, nullo eam habitante. Sed quare similiter de caelo non dicitur quod inane fuisset et vacuum, nisi quia, ut arbitror, statim in ipsa sui creatione angelos habuit habitatores? Terra ergo, et si naturaliter cuncta quae ex ea sunt in se haberet, tamen quia nihil adhuc ex ea temporaliter factum fuerat, non immerito inanis vocatur et vacua. « Erant autem tenebrae super faciem abyssi, » quia nondum lux facta fuerat, quae novam illam creaturam illuminaret. Abyssus vero, alta caeli, terraeque profunditas intelligitur, quae quidem tota tenebris replebatur Dei. vero Spiritus ferebatur super aquas, quia ut bonus artifex, hanc, quam videmus, tam multiplicem creaturarum varietatem, jam tunc facere disponebat (73). Sic enim et nos, exempli gratia,

(71) Cod. S. Crucis min. in Bibl. Laur.

(72) Idem Cod. S. Crucis min.

(73) S. Bruno D. Ambrosii sententiam secutus est, qui lib. i Hexameron, cap. 18. ubi omnis alij.

domum composituri, lignorum materiam oculis A menteque contemplantes, alia trabibus, alia vero columnis, atque alia aliis officiis destinamus. Quod autem de aquæ creatione nihil superius dixerat, et tamen quasi jam creatas eas loquendo introduxit, illud profecto demonstrat, quod nomine terræ omnia intelligi debeant, quæ in terra continentur ut ignis, et aqua; et nomine cæli, quicquid continet cælum, ut est aer, cuius creatio singulariter non describitur.

• Et dixit Deus : Fiat lux, et facta est lux, et vidit Deus lucem, quod esset bona; divisitque lucem a tenebris, vocavitque lucem diem, et tenebras noctem. • Apparet autem quod inter dicere et facere Dei nulla distantia est. Dixit itaque: « Fiat lux, et facta est lux. » Ipsum quoque dicere Dei quid aliud est quam velle (74). Non enim clamando, vel labia movendo, imo volendo perfecit omnia. Sed quæ est ista lux, quæ prior sole, luna, et stellis esse perhibetur? Audi quod sequitur: « Vocavit lucem diem, et tenebras noctem. » Lux igitur pro die ponitur. Bona ergo lux, quæ a tenebris divisa rerum formas, coloresque illuminat. Nos autem vix hanc lucem denotare valemus, quoniam majore, solis videlicet luce, perfundimur. Sequitur:

« Factumque est vespere, et mane dies unus. » Vespere et mane noctem et diem quidam intelligunt. Nam quoniam noctibus prætermisiss, omnes per ordinem dies enumerat, uno diei nomine, et diem, et noctem intelligere volunt. Sed mirabilis ordo locutionis, in quo ante mane ponitur vespere, quasi non mane, sed a vespere operari cœpisset. Si enim dixisset, Factum est mane et vespere dies unus, nulla fortasse quæstio esset, sed quia inter duo mane vespere posuit, ad quid illorum referatur dubitari potest. Si enim ad præcedens mane vespere refertur, nox procul dubio tota relinquitur; quod si ad subsequens, die quidem tota prætermisiss, soli noctis termini ponuntur. Unde convenientius factum est vespere et mane dies unus, sed nox una dici potuit. Sed quia divina providentia non ad laborem, sed ad quietem noctem creavit, nullum est inconveniens, si in Dei operatione, quæ utique non in nocte, sed in die fiebat, solius diei termini ponantur. Si enim hoc in loco totum, ut volunt, diei noctisque spatium, unum diem intelligimus, frustra Deus utraque a se divisit, divisisque diversa nomina dedit; vocavit enim lucem diem, ac tenebras noctem (75). Nulla igitur dies ex nocte constat ac die. Quia igitur non somnia, quæ in nocte videntur; sed opera, quæ in eo fiunt, hic describuntur, dies utique non noctes enumerare necessarium fuit (76). Fecit ergo Deus in principio cælum; et terram et lucem; quibus patratis, factum

est vespere, atque hoc præcedente mane continuato, factus est dies unus, et tunc quidem a tenebris lucem divisit, quo finito die, factum est vespere. Neque enim in die noctem fecit, sed suo ordine post diem fieri præcepit. [Quod autem dictum est, factus est dies unus, et non dicitur, factus est dies primus, ad hoc valet quod primus et secundus relativa sunt, neque sine altero alter esse potest. Cum igitur non hunc esset secundus, erat utique dies unus, ipse tamen unus primus dici non poterat. His autem ad litteram dispositis, quid etiam allegorice significant, videamus.]

« In principio creavit Deus cælum et terram (77). » In quo principio? In eo utique qui ait: « Ego principium qui et loquor vobis (Joan. viii, 26). — Omnia enim per ipsum facta sunt, et sine ipso factum est nihil (Joan. i, 3). » In hoc igitur principio omnem mundi fabricam, ipsosque angelorum ordines ab exordio creavit Deus. In hoc, in fine sæculorum, carne suscepta, cælum et terram, apostolos et Ecclesiam, justos et peccatores, Judæos et gentiles verbo prædicationis, et aqua baptismatis et S. Spiritus illustratione genuit, creavit et in novam pristinamque naturam restauravit. Adhuc tamen inanis et vacua erat terra, adhuc infecunda, et absque liberis erat Ecclesia, quam etiam propheta de sterilitate consolans, fecunditatemque promittens, dicebat: « Lætare, sterilis, quæ non paris; erumpe, et clama, quæ non parturis, quia multi filii desertæ magis, quam ejus quæ habet virum (Isa. liv, 1; Gal. iv, 27). » Sed quare inanis et vacua? Quia adhuc tenebræ erant super faciem abyssi. Nemo enim Scripturas intelligebat, utpote profundas et ignorantie tenebris obvolutas, quæ quidem ut intelligi valeant, « abyssus abyssum invocat (Psal. xli, 8). » Has autem tenebras Christus amovit, quando apostolis sensum aperuit, ut Scripturas intelligerent. Si enim Judæi has intel- C ligerent, 3 ad Ecclesiam confugerent; sed quia, ut Apostolus ait: « Usque hodie dum legitur Moyses, velamen positum est super corda eorum (II Cor. iii, 15), » eas quidem intelligere non valent. Cum autem plenitudo gentium introierit, tunc amoto velamine Israel salvus fiet (Rom. xi, 25). Neque enim ulterius inanis, et vacua terra nostra D vocabitur, tantorum filiorum plenitudine inhabitata. Hoc autem quomodo fiat sequentia docent.

« Et Spiritus Domini ferebatur super aquas. » Quod enim per abyssum, hoc per aquas intelligimus. Hæ sunt enim aquæ salientes in vitam æternam, quas qui biberit, non sitiet unquam (Joan. iv, 14). De quibus dicitur: « Sitientes, venite ad aquas (Isa. lv, 1). » (78) Super has ergo Spiritus sanctus se

opinionibus, « Nos, inquit, cum sanctorum et fidelium sententia congruentes, Spiritum sanctum accipimus, ut in constitutione mundi operatio Trinitatis eluceat. »

(74) Cod. Casinen. *Quam facere.*

(75) Idem S. Cruc. min.

(76) Idem cod. S. Crucis.

(77) Vid. August. De civit. Dei, lib. xi, cap. 32 quid sentiat de principio, in quo dicitur Deus cælum et terram fecisse.

(78) Cod. Casin. *Hæc autem quomodo fiunt. U Trinitatis commemoratio complectitur, Et Spiritus, inquit, ferebatur super aquas. Eadem docet S. Aug. lib. et loco cit. De civit. Dei.*

rebatur, qui splendore suæ illustrationis, fugatis tenebris eas illuminavit, atque potabiles, et intelligibiles reddidit. Unde bene subditur:

« Et dixit Deus: Fiat lux, et facta est lux. » Ae si dicat: Fugatae sunt tenebrae, illuminata est terra, fiat ergo lux; pereat ignorantia. « Surge, illuminare, Jerusalem, quia venit lumen tuum (Isa. lx, 1). » Hæc autem lux, hæc Spiritus sancti fidelibus inspirata conscientia, quia supernæ majestatis oculis perplacuit, e tenebris eam divisit. Unde Apostolus: « Quæ enim participatio lucis ad tenebras? quæ pars fidei cum infidei? quæ conventio Christi ad Belial? » (II Cor. vi, 15.) Et alibi: « Hæreticum hominem post secundam correctionem devota (Tit. iii, 10). » Hanc enim separationem Deus significabat, quando lucem a tenebris dividebat.

« Dixit quoque Deus: Fiat firmamentum in medio aquarum, et dividat aquas ab aquis. Et fecit Deus firmamentum, divisitque aquas, quæ erant sub firmamento, ab his quæ erant super firmamentum; et factum est ita. Vocavitque Deus firmamentum cælum; et factum est vespere et mane dies secundus. » Si enim, quod verum est, in medio aquarum factum est firmamentum, et aquas quidem ubique fuisse dubitari non potest. Quod si ubique erant, quæso, ubi redactæ sunt, tanto cæli terræque spatii vacuo relicto? Non hujus igitur, cuius nunc sunt, fuisse spissitudinis, sed veluti nebula et nubes cuncta replesse manifestum est. Firmamentum autem, quod in medio aquarum perhibetur, non illud intelligitur, quod in principio Deus creasse dicitur, alioquin bis cælum creatum fuisset, sed illud nimirum, quod sine intermissione volvitur, in quo sol, et luna et stellæ apparent. Est autem et illud cælum super hoc, valde dignioris, excellentiorisque naturæ, super quod antiquus hostis ascendere cupiens, dicebat: In cælum ascendam (Isa. xiv, 13). In cælum namque erat, cum ista diceret, sed alius ascendere cupiens talia loquebatur. Utrum autem etiam superiores aquæ, firmamento interposito, naturam mutaverint, non facile dixerim. His autem ita peractis, factum est vespere, quo mane coherente fit dies secundus. Sed hæc ad litteram. Quid autem spiritualiter significant, audiamus.

« Fiat, inquit, firmamentum in medio aquarum, et dividat aquas ab aquis. » Quid enim firmamentum, nisi apostoli? Unde Psalmista ait: « Cæli enarrant gloriam Dei et opera manuum ejus annuntiat firmamentum (Psalm. cxviii, 1). » Hoc enim firmamentum nos munit et firmat, hoc salutis pluvias lumenque ministrat, hoc inferiores aquas a superioribus dividit. Aquæ enim, quæ sub firmamento sunt, Novum est Testamentum: quæ vero super firmamentum, Vetus Testamentum intelligitur. Sed quomodo has aquas apostoli dividunt? Vis audire quomodo? Præcipit enim lex ut unusquisque circumcidat carnem præputii sui. Econtra Apostolus: « Ego, (79) id. coll. S. Cruc. in Laurenti.

A inquit Paulus, dico vobis quoniam si circumcidamini, Christus vobis nihil proderit (Gal. v, 2). » Vides ergo quanta divisio, quantumque interpositum firmamentum aquis aquas jungi prohibeat. Illud quoque quod hic dicitur: « Vocavitque Deus firmamentum cælum, » apostolis convenire videtur; celant enim, et servant secreta cælestia. Unde Apostolus inquit: « Audiavi arcana verba, quæ non licet homini loqui (II Cor. xii, 4). »

« Dixit vero Deus: Congregentur aquæ, quæ sub cælo sunt in locum unum, et appareat arida. Et factum est ita. Et vocavit Deus aridam terram, congregationesque aquarum appellavit Maria. » Iste autem locus in quem aquæ congregantur, mare, lacus et flumina intelliguntur, ipsaque abyssus de qua quasdam secretas terræ venas, fontes aquarum, manare videmus. Sic igitur divina providentia in unum locum congregatæ sunt aquæ, ut neque terræ superficiem, ut prius cooperiant, et tamen terræ ariditatem suo humore ubique secudent (79). Ipsa quoque nomina satis rebus convenientia Deus imposuit, dum et aridam Terram vocavit, et aquarum congregationes Maria appellavit. Terra a terendo dicitur, quam et colendo, et calcando homines, et cuncta animalia assidue terunt; mare vero ab amaritudine, quod et salsum et amarum esse probavimus. Sed hæc ad litteram; nunc autem significationem videamus:

« Congregentur, inquam, aquæ, quæ sub cælo sunt, in locum unum, et appareat arida. » Hunc enim locum, in quem aquæ congregatæ sunt, maria, lacus, et flumina, superius interpretati sumus, per quæ vel duo Novi Veterisque Testamenti volumina, vel apostolos, Ecclesiæque doctores intelligimus. In his enim omnis sapientiæ et scientiæ plenitudo continetur, quæ nimirum aquarum nomine significantur. Quod autem ait, « et appareat arida, » magis ad historiam quam ad allegoriam pertinere videtur. Sed quare mutato nomine aridam Deus vocavit terram, nisi quia jam tunc S. Ecclesiam flagellandam, conterendam, calcandam, & multisque modis affligendam significabat? Aquarum vero congregationes, maria dixit, quoniam et si scire et intelligere sacras Scripturas dulce sit et suave, facere tamen quæ jubet amarum et asperum est. Mare enim ab amaritudine nomen accepit. Jejunare namque, vigilare, omniaque mundi hujus oblectamenta relinquere, cui non videtur esse amarum? Hoc enim sacre Scriptura præcipiunt; merito igitur tali nomine significantur.

« Et vidit Deus quod esset bonum, et ait: Germinet terra herbam virentem et facientem semen, lignumque pomiferum faciens fructum juxta genus suum, cujus semen in semetipso sit super terram, et factum est ita. Et protulit terra herbam virentem et afferentem semen juxta genus suum, lignumque faciens fructum, et habens unumquod-

« que sementem secundum speciem suam. Et vidit
 « Deus quod esset bonum; factumque est vespere et
 « mane dies tertius. » Hæc quoque, quæ ad litteram
 satis aperta, si spiritualiter intelligantur, in sancto-
 rum Ecclesia fieri videmus. Quid enim per terram,
 nisi Ecclesiam? Quid per herbam virentem, li-
 gnumque faciens fructum; nisi apostolorum, et
 prophetarum exempla, et doctrinam intelligimus?
 hæc enim semper virent, et vivunt, semper fructi-
 ficant, et iuxta genus, et species suas diversos fru-
 ctus, et semina ferunt, habent enim in semetipsis
 naturaliter inditum semen, quod quidem semper
 spargitur, et nunquam deficit, semper pullulat,
 semperque crescit. Vide namque ex quanto tempore
 liber iste editus est. Vide quanta volumina ex se
 fructificavit. Considera ejus fructus et semina, do-
 ctrinam scilicet atque præcepta, quam viventia,
 quam valentia sint. Et alios quidem in Veteri, alios
 in Novo fructus reperies Testamento. Quot docto-
 res, tot semina, fructuumque varietates.

Quod autem dicitur: « Et vidit Deus quod esset
 « bonum; » tale est, ac si diceret: Nos videre et in-
 telligere fecit, quia nihil nisi bonum ipse creavit.
 Et factum est vespere, nocteque transacta, factum
 est mane; atque simul cum nocte sua dies tertius
 completus est. Sic enim hunc locum quidam intelli-
 gunt. Quod si allegorice intelligatur, hoc modo dici
 potest: Quia finito hujus præsentis, laboriosæque
 vitæ termino, vespere fiet et mane. Vespere quidem
 his qui de luce et felicitate in tenebras et miseras
 præcipitabuntur; mane vero his qui de hac infelici
 et ærumnosa vita in lucem perpetuam et gaudia
 æterna transcurrunt. Sequitur:

« Dixit autem Deus: Fiant luminaria in firma-
 « mento cœli, et dividant diem ac noctem, et sint
 « in signa et tempora, et dies et annos, ut luceant
 « in firmamento cœli et illuminent terram. Et fa-
 « ctum est ita. Fecit quoque Deus duo luminaria
 « magna, luminare majus, ut præesset diei, et lumi-
 « nare minus, ut præesset nocti; et stellas, et po-
 « suit eas in firmamento cœli, ut lucerent super
 « terram, et præessent diei ac nocti, et dividerent
 « lucem ac tenebras. Et vidit Deus quod esset bo-
 « num; et factum est mane et vespere dies quar-
 « tus. » Duo namque luminaria, sol, et luna intel-
 liguntur, quæ in firmamento cœli posita, diem ac
 noctem dividunt, quæ etiam in signum nobis sunt,
 et sereni, et pluvie, et in quacunque mundi parte
 fuerimus, mundi climata nobis designant. Quæ
 quidem signa, quam necessaria sint, nautæ intelli-
 gunt, qui subito in profundum a ventis rapti, nisi
 per signa cœli, quo tendant, ignorant. Dant autem
 et alia signa, de quibus in Evangelio dicitur:
 « Erunt signa in sole, et luna, stellis (Luc. xxii,
 25). » Hæc autem et tempora, et dies, et annos
 determinant, quod qualiter fiat, quia facile patet ad
 alia transeamus. Et majus quidem luminare Solem

A dicit, qui in die quidem obtinet principatum; minus
 vero Lunam, quam noctis tenebris præesse videmus.
 Stellæ quoque, et splendore et magnitudine diversæ
 in cœlo positiæ, et lumen nobis et signa præstant.
 Sed hæc ad litteram. Spiritualiter autem, duo magna
 luminaria, sol videlicet et luna, Novum et Vetus
 Testamentum designant, et majus quidem Novum,
 minus vero Vetus Testamentum intelligitur. « Lex
 enim, ut Apostolus ait, per angelos ordinata est in
 manu Mediatoris (Gal. iii, 19). » De Novo vero Te-
 stamento loquitur dicens: « Novissimis diebus istis
 locutus est nobis in Filio (Hebr. i, 2). » Itemque:
 « Quod si ministratio mortis, litteris deformata fuit
 in gloria, quomodo non magis ministratio spiritus
 erit in gloria? (II Cor. iii, 7). » Et paulo post:

B « Nam nec clarificatum est, quod claruit in parte
 propter excellentem gloriam (ib., 10). » Ex his vero,
 et similibus aperte colligitur Novum quidem Testa-
 mentum majus esse quam Vetus. Hæc autem in cœli
 firmamento posita, id est apostolorum et doctorum
 pectori firmiter in hærentia, diem et noctem divi-
 dunt, diei noctique præsent. Dies enim et nox, Ec-
 clesia et Synagoga, gentium et Judæorum populus
 intelligitur. Novum ergo Testamentum diei præest,
 quia S. Ecclesiam sui fulgoris radiis illuminat,
 eamque recti itineris viam designando a noctis, et
 tenebrarum errorisque caligine separat. Luna vero
 obscura et pallida præest nocti et tenebris, quia
 Vetus Testamentum Judæorum populo tenebroso
 semper, et cæco obscurum et tenebrosum lumen de-
 monstrat; cæcitas enim ex parte in Israel contigit.
 Unde Moyses quando legem accepit, totum Sinai
 montem nubes, et caligo operuit (80). Hæc ergo et
 diem, et noctem dividunt, utramque tamen ter-
 ram illuminant, utramque Ecclesiam regunt,
 utraque in cœlo, id est in apostolorum cordibus,
 fixa relucent. Dant autem nobis 5 et signa, qui-
 bus hostium incursus, insidiasque evitare possi-
 mus; ipsa dies et annos (81) determinant, dum ea,
 quæ videntur, fugitiva, et transitoria, ea, quæ
 non videntur, æterna esse dicunt, ideoque ista despiciere,
 illa vere nos appetere admonent. Unde Psalmista:
 « Melior est dies una in atris tuis super millia
 (Psal. lxxxiii, 11). » Itemque: « Tu autem idem
 ipse es, et anni tui non deficient (Psal. ci, 28). »
 Sic igitur hæc clarissima cœli lumina in signum
 nobis sunt, et in tempora, et dies et annos. Stellas
 quoque fecit Deus, quas et ipsas in firmamento po-
 suit, ut lucerent super terram, et diei ac nocti præ-
 essent, et a tenebris lumen dividerent, per quas
 quidem singulos prophetarum et apostolorum libros
 intelligere possumus, quibus doctores Ecclesiæ, qui
 cœli nomine significantur, illustrati, terram nostram
 et sanctam Ecclesiam illuminant. Cum ergo hoc fir-
 mamentum, sole, luna et stellis, omnique venustate
 tam eleganter decoratum videamus, quid de illo su-
 periori cœlo putabimus, in quo cœlestium spirituum

(80) Id. cod. sanctæ Crucis in Laurent.

(81) Il. cod. tempora.

ordines ipsum solem justitiæ admirantes contem-
platur? Sequitur :

« Et factum est vespere, et mane dies quartus.
« Dixit etiam Deus : Producant aquæ reptile animæ
« viventis, et volatile super terram sub firmamento
« cæli. Creavitque Deus cete grandia, et omnem
« animam viventem, atque motabilem, quam pro-
« duxerant aquæ in species suas, et omne volatile
« secundum genus suum. Et vidit Deus quod esset
« bonum, benedixitque illis, dicens : Crescite, et
« multiplicamini, et replete aquas maris, avesque
« multiplicentur super terram. Et factum est vespere
« et mane dies quintus. » Duplex animalium ex aquis
oritur genus : unum scilicet, quod supra aquas inha-
bitat, et extra eas non vivit : alterum vero, quod
volando superiora petit, terræque vescitur alimentis.
Et mirabilis ordo divinx dispositionis : priusquam
animalia creasset, herbas et ligna pomifera fecit, ut
statim orta, unde viverent, invenirent. Novissime
autem creatus est homo, cui hæc omnia ad utendum
a Deo donata sunt. Cete vero tam grandia in ul-
teriori maris parte esse referuntur, ut montium ma-
gnitudinem excedant. Cæterorum vero piscium et
volucrum quam diversæ multiplicesque species sint
et genera, dici non potest ; quæ omnia Deus bene-
dicens, aquas, et terras multiplicando replere præ-
cepit, quæ quidem benedictio tantum prævaluit ut
et quotidie crescant, et nihil eorum ex toto perire
valeat. Quid autem metaphorice per aquas nisi
baptismum intelligimus? Quid vero per pisces et vo-
lucres, qui ex eis oriuntur, nisi fidelium populus
qui aquis baptismatis regenerantur? Quorum qui-
dem alii sapientiæ, et scientiæ, atque cæterarum
virtutum alis sumptis, usque ad cælestia volare ni-
tuntur. Ex quibus hæretici et philosophi importu-
narum volucrum specimen tenent, quoniam et al-
tius quam necesse sit sæpius volant, et in rapinis
exultantes, animarum sanguinem avidissime fun-
dunt. Ceteros vero qui ab aquis non separantur,
simplices quosque intelligimus, qui quamvis per sa-
pientiam et inanem philosophiam volare non no-
runt, tamen taliter vivunt, ut ab Ecclesiæ pesca-
toribus in Christi convivium præsentari mereantur.
Cete vero grandia, et principes designant; sed
pisces quoque, sicut et volucres quidam sunt, qui
prædonum more de rapina vivunt, qui eos quidem
significant, qui quamvis Christi fidem, et nomen in
baptismo susceperint, tyrannorum tamen, et ini-
quorum vitam agentes (82), inter immunda animalia
computantur. Merito autem his Deus benedixit,
quoniam nulli nisi baptizati Christi benedictionem
promerentur. Sequitur :

« Dixit quoque Deus : Producat terra animam
« viventem in genere suo, jumenta et reptilia, et
« bestias terræ secundum species suas, et jumenta,
« et omne reptile terræ in genere suo. » Illic autem
oritur questio. Cum universa propter hominem

(82) Idem cod. Laurent. Qui quamvis fidem in
baptismo susceperint, et nomen Christianorum; tamen

A Deus creavit, quare tam multa venenosa, et morti-
fera, et homini inimica facta sunt? Ad quod dicen-
dum : Quia nisi homo peccasset, cuncta ejus impe-
rio obedirent, nihil magis anguis quam anguilla no-
ceret; sicut ovīs, ita et lupus ei obsequeretur. Sed
postquam suo Conditori superbiendo inobediens ex-
stitit, ab ipsis quoque animalibus contemptui haberi
cœpit, neque ei obedire voluerunt, quem illi inobe-
dientem viderunt, a quo illius ditioni subjecta fue-
rant, et quæ prius in obsequium creata erant. po-
testa in vindictam conversa sunt. Illud quoque quæ-
ritur : Quare et ante per tam immensa, et infinita
temporis spatia mundum Deus non creaverit? Unde
tam subita mentis permutatio ei acciderit, qui mu-
tari non potest? Hæc autem questio ideo inutilis
esse videtur, quoniam si antea, vel postea id facere
Deo placuisset, nihilominus tamen quæri potest
quare tunc, et non alio tempore egerit. Mutatio
autem in Deo nulla est, cui nihil novi accidit, cui et
præterita et futura præsentialiter adsunt, qui prius-
quam mundum faceret, in suæ mentis dispositione
jam factum gestabat. Neque dum aliquid creat in
aliquo movetur, quia nihil, quantum ad se, novi
agit, sed quia ante tempora disposuit, quomodo, et
quo in loco, vel tempore disposita sunt, fieri jubet :
Erat igitur mundus, priusquam fieret, qui in Dei
dispositione nullum unquam initium habuit. Nun-
quam enim Deus non habuit quod habet, alioquin
accidentibus subjaceret, si modo aliquid agere
disposuisset, quod antea non 6 disposuerat. Ideo
enim Joannes Apostolus ait : « Quod factum est, in
ipso vita erat (Joan. 1, 4). » Omnia enim, quæ tem-
poraliter sunt, in ipso quidem ante tempora vive-
bant, et vigeant. Unde bene dicitur : « Qui vivit in
æternum creavit omnia simul (Eccli. xviii, 1). » Si-
mul enim cuncta creavit, quia quando, vel qualiter
cuncta fierent, simul disposuit. Cum ergo disposito
tempore cælum fieret et terra, nihil novi Deo ac-
cidit, quia quod tunc temporaliter fiebat, apud
Deum, ut tunc fieret, multo tempore dispositum
erat. Sed quia de his disputare periculosum, et
difficile est, tanta dixisse nos sufficiat. Spiritualiter
autem terram sanctam Ecclesiam intelligimus (83).
Per animam vero viventem omnium fidelium multi-
tudinem, quæ ideo quidem vivit, quoniam in ba-
ptismo cum Christo surrexit. Jumenta autem illos
significant, qui aliorum opera misericorditer por-
tant, de quibus Apostolus ait : « Alter alterius onera
portate, et sic adimplebitis legem Christi (Gal. vi,
2). » Reptilia vero sunt qui magis terrena quam
cælestia liliunt; ideoque toto corporis nisu his
adhærentes, vix aliquando oculos mentis ad cæ-
lestia dirigunt. Terræ vero bestię illos significant,
qui majora non cogitant, questionibus sese non
implicant, sed aliorum ducatu et regimine semper
indigent. Hæc autem omnia, quia terra nostra, id
est sancta Ecclesia, ea produxit, et baptismatis aquis
iniquorum, etc.

(83) Ex cod. Casin.

regeneravit, bona vocatur. Hoc est enim, quod dicitur. « Et vidit Deus quod esset bonum. »

Et ait : Faciamus hominem ad imaginem, et similitudinem nostram, et præsit piscibus maris, et volatilibus cæli, et bestiis, universæque creaturæ terræ, omnique reptili quod movetur in terra. Et creavit Deus hominem ad imaginem suam, ad imaginem Dei creavit illum, masculum, et feminam creavit eos. Vidit, inquit, Deus, quod esset bonum, et ait : « Faciamus hominem. » Deus ergo est qui loquitur. Nunquid ad angelos? Absit! Non enim ab angelis creatus est homo; alioquin non unus, sed multi creatores essent, ut solus Deus est omnium Creator. Sic enim scriptum est : « Creator omnium terribilis, et fortis (II Machab. 1, 24). » Itemque : « Omnia in sapientia fecisti (Psalm. ciii, 24). » Si igitur verum est, quod negari non potest, solus Deus creavit omnia; quos ad hominem creandum invitabat, dicens : « Faciamus hominem. » Audiamus igitur quid in capite libri hujus dicatur : « In principio creavit Deus cælum et terram. » Habes ergo Deum, id est Patrem; habes et principium, id est Filium; sic enim ipse ait : « Ego principium qui et loquor vobis (Joan. viii, 25). » Sed quid sequitur? « Et Spiritus Dei ferebatur super aquas. » Habes igitur et Spiritum sanctum. Quod autem non solus Pater cælum creaverit, sed simul cum eo Filius quoque, et Spiritus sanctus, dicat Psalmista : « Verbo, inquit, Domini cæli firmati sunt, et Spiritu oris ejus omnis virtus eorum (Psalm. xxxiii, 6). » Tota autem Trinitas, id est Deus, et Verbum ejus, et Spiritus ejus, unus Deus, et iste quidem dicit : « Faciamus hominem; » non extra se auxilium petens, sed in se cum Filio suo, et Spiritu sancto cuncta disponens (84). Semel enim locutus est Deus, quia simul cuncta disposuit, neque ulterius disponere aliquid necesse habet. Veniente ergo tempore, hora, vel momento, in quo, ut aliquid fiat, ante tempora dispositum est, Deo quidem in sua immobilitate permanente; ipsa ejus dispositio ineffabili voce proclamat : Tempus venit, hora est; modo fiat, factumque appareat, quod ut nunc fiet, ante tempora dispositum est. Aut igitur Trinitatem Judæi credant, aut alios præter Deum hominis creatores inveniant. Sed quia ut diximus, qui dixerit, et cui dixerit : « Faciamus hominem (85); » videamus etiam ad cujus similitudinem factus sit homo. « Ad imaginem, inquit, et similitudinem nostram. » Quamvis enim aliud sit imago, aliud similitudo,

(84) Ex hoc loco probari trinitatem personarum, multorum est sanctorum Patrum sententia; ita sanctus Basilius homil. 9 in Genesim; Joan. Chrysost. hom. 8 in Genes.; Augustinus De civit. Dei, lib. xvi, c. 6; Cyrillus Hierosol. adversus Jul. lib. 1, quorum auctoritates referuntur a Petavio. De Trinit. lib. II, cap. 7; qui consonat Calmetus in hunc locum; ubi ait his verbis : « Faciamus hominem ad imaginem, et similitudinem nostram, » plurimum exprimi inter se consultationem et deliberationem.

(85) Id. cod. Casin.

(86) Fecit ergo Deus hominem, inquit Augustinus, ad imaginem, et similitudinem suam. Talem quippe

hoc tamen in loco idipsum significat et imago, et similitudo, sic ad Dei similitudinem factus est homo; sapiens quidem, justus et bonus, immortalis et incorruptibilis factus est; siquidem Deus talis est (86). Sed immortalitatem quidem tunc homo amisit, quando peccavit, atque in hoc Deo dissimilis factus est, quamvis nihil Deo per omnia simile sit. Quoties ergo peccavimus, Dei similitudinem amisimus. Soli ergo illi Dei similitudinem habent, qui sapientiam, justitiam, bonitatem, cæteraque his similia rationabiliter custodiunt. Magnus est honor homini virtutibus adherere, secundum quas Deo similis esse videtur. Sed quoniam dicitur : « Creavit Deus hominem ad imaginem suam; » deinde subiungitur, « ad imaginem Dei creavit illum, » sic etiam intelligi potest ut talem corporaliter quoque homini imaginem daret qualem Filium, qui utique Deus est, quandoque suscepturum ante tempora disposuerat. Sic igitur non solum interior, verum et exterior homo noster Deo quodammodo assimilis esset. Neque hoc Deo sufficiens fuit, quod ad similitudinem suam fecit hominem; sed insuper omni creaturæ, quæ sub cælo est, eum præposuit. His autem ita dispositis, significationem videamus. Quis enim, inquam, iste homo, qui Dei similitudinem habet, cui pisces maris, et volucres cæli, et bestię, universæque creaturæ terræ, et omnia reptilia sunt subjecta? Quamvis enim Christum hunc esse quidam non immerito intelligent quæ tamen apostolorum, et doctorum ordinem, cæterorumque qui in Ecclesia Dei obtinent principatum, hunc esse puto : hinc enim prælati vocantur, quia alii eis subjecti sunt; nam quia Dei similitudinem habent, ideo quasi superiores omnes eos venerantur. Dei namque similitudinem Apostolus habebat, qui dicebat : « Imitatores mei estote, sicut et ego Christi (Philip. iii, 17). » His autem pisces maris, id est baptismatis aquis regenerati; his volucres cæli, id est philosophi et sapientes; his bestię, id est idiotæ et indiscipulati; his universæ creaturæ terræ, id est cujusunque sexus, vel generis, vel naturæ, vel conditionis, his omnia reptilia sunt subjecta. Cum enim sæculi amatores et terrenis voluptatibus inhaerentes eis serviunt, tunc eos procul dubio etiam reptilia venerantur. Sed quia inter Ecclesiæ doctores alii virilem fortitudinem, alii muliebrem molliem habent; merito dicitur quia masculum et feminam creavit eos. Sequitur :

« Benedixitque illis Deus, et ait : Crescite, et

illi animam creavit, qua per rationem atque intelligentiam omnibus præstantior esset animalibus terrestribus, et natatilibus, et volatilibus, quæ mentes hujusmodi non haberent. Et cum virum terreno formasset ex pulvere, eique animam, qualem dixi sive quam jam fecerat, insufflando indidisset : sive potius sufflando fecisset eumque flatum quem sufflando fecit; nam quid est aliud sufflare, quam flatum facere, animam hominis esse voluisset, etiam conjugem illi in adiutorium generandi ex ejus latere osse detracto, fecit, ut Deus? » De civit. Dei, lib. xii, cap. 23.

« multiplicamini, et replete terram, et subijcite A
« eam, et dominamini piscibus maris, et volatilibus
« cœli, et universis animantibus quæ moventur super
« terram. » Hæc autem superius exposita sunt : Le-
« nedixit, inquit, Deus, et subinferens ipsam bene-
« dictionem, ait : « Crescite, et multiplicamini, » in
« sapientia videlicet, virtutibus et sanctorum filiorum
« progenie.

« Dixit quoque Deus : Ecce, dedi vobis omnem
« herbam asserentem semen super terram, et uni-
« versa ligna quæ habent in semetipsis semen
« generis sui, ut sint vobis in escam, et cunctis
« animantibus terræ, omnique volucri cœli, et uni-
« versis quæ moventur in terra, et in quibus est
« anima vivens, ut habeant ad vescendum. » Hæc
« quoque eo loco exposita sunt, ubi dicitur : « Germinet
« terra herbam virentem, et lignum faciens fructum. »
« Hæc autem, sicut juxta litteram, cunctis terræ ani-
« mantibus ad vescendum data sunt, ita et secundum
« spiritualem intelligentiam, non solum sapientibus
« atque doctoribus, verum etiam cunctis eis uti vo-
« lentibus hæc delitiæ præparantur. Unde Apostolus :
« Indæis, inquit, et Græcis, et barbaris, sapientibus,
« et insipientibus debitor sum (Rom. i, 14). » Et Do-
« minus in Evangelio ait : « Ite in universum mundum;
« prædicate Evangelium omni creaturæ (Marc. xvi,
« 16). — Quæcunque enim scripta sunt, ad nostram
« doctrinam scripta sunt (Rom. xv, 4). Quis igitur
« fame pereat, tot tantisque divitiis antepositis? Se-
« quitur :

« Et factum est ita : viditque Deus cuncta, quæ
« fecerat, et erant valde bona, et factum est vespere,
« et mane dies sextus. » Cum igitur Deus cuncta
« fecerat, et sexta die, qua omnia patrata sunt, ea
« inspiciens, bona cuncta conspexit; ubi malum, ubi
« ipse diabolus princeps mali? An nondum ceciderat,
« qui, ut dicitur : « In veritate non stetit, et ab initio
« mendax fuit? (Joan. viii, 44). » Aut fortasse ipsa
« die qua factus est homo, ejus gloriæ invidendo,
« atque ideo mortifera suadendo, simul cum bonitate
« ipsum quoque principatum amisit? Simul enim, et
« non prius hominis et diaboli condemnatio legitur.
« Nam quia mulier dixit : « Serpens decepit me, et
« comedi » statim Domino serpenti maledicens ait :
« Maledictus eris inter omnia animantia et bestias
« terræ : » Mulieri quoque dixit : « Multiplicabo
« ærumnas tuas. » Adæ vero : « Maledicta terra in opere
« tuo. (Gen. iii, 13, 17). » De his autem, quæ sunt in
« apostolorum, et prophetarum libri, nihil certum
« reperi, et doctores Ecclesiæ diversa sensisse cognovi,
« et si prius cecidisset, nihilominus dici posset, quia
« vidit Deus cuncta quæ fecerat, et erant valde bona. »
« Valde, inquam, bona erant cuncta quæ fecerat,
« quoniam et in ipso diabolo adhuc bonum est quod
« Deus fecerat.

CAPUT II.

« Igitur perfecti sunt cœli, et terræ, et omnis
« ornatus eorum, complevitque Deus die septimo
« opus suum, quod fecerat, et requievit die septimo
« ab universo opere, quod patrarat. Et benedixit
« diei septimo et sanctificavit illum, quia in ipso
« cessavit ab universo opere suo, quod creavit Deus,
« ut faceret. » Quod autem dicitur, « complevitque
« Deus die septimo opus suum, quod fecerat, » non sic
« est intelligendum quasi in die septimo aliquid
« fecerit, sed quod ipso inchoante omnia sint completa,
« atque ipse terminus fuerit, post quem ad complendum
« nihil defuerit. Sed quid allegorice sex dies, nisi sex
« mundi ætates significavit? Prima quidem ætas, ab Adam
« usque ad Noe; secunda, a Noe usque ad Abraham;
« tertia, ab Abraham usque ad David; quarta, a David
« usque ad transmigrationem Babylonis; quinta a
« transmigratione Babylonis usque ad Christum; sexta
« ab adventu Domini usque ad finem sæculi. In his operari
« Deus non cessat, sicut in Evangelio ipsa Veritas ait :
« Pater, meus usque modo operatur, et ego operor
« (Joan. v, 17). » Quis enim, nisi ipse ea fecit quæ
« assidue fieri videmus; nam et si sex diebus omnium
« seminaria fecit, nihil tamen, nisi ipso jubente et
« volente, ipsa seminaria per se facere possunt (87).
« Namque, ut Apostolus ait, neque qui plantat
« est aliquid, neque qui rigat, sed qui incrementum
« dat Deus (I Cor. iii, 7). » Prius ergo disposuit,
« deinde creavit; postmodum vero ex ipsis creatis,
« omnia quæ sunt oriri fecit. Hæc autem tertia operatio
« Dei non cessabit, nisi prius hæc sexta dies, id est
« ultima ætas, finem faciat; qua finita, nova fient
« omnia, neque ulterius novi aliquid fiet. Sed cum
« cœlum tunc novum fiat et terra nova, fiatque claritas
« lunæ ut claritas solis, et claritas solis septemplex,
« qualem tunc terra putamus, speciem habebit (88)?
« Neque enim post illam generalem exustionem etiam
« herbas, et ligna fructifera, sicut prius, producere
« necesse erit, cum nemo sit qui eis utatur. An forsitan
« ea solummodo erunt quæ oriendo et moriendo nulla
« ulterius renovatione indigebunt? Sed quia hoc
« fortasse querere superfluum est, ad alia transeamus.

« Et requievit die septimo ab omni opere, quod pa-
« trarat. » De hoc enim die scriptum est. « Quia melior
« est dies una in atriis tuis super millia (Psalm. lxxxiii). »
« Hæc dies finem non habebit, huic nox ulla
« succedet; neque enim sicut in cæteris, ita et in ista
« dicitur : « Et factum est vespere et mane dies
« septimus. » Quare hoc? Quia et si mane habeat, ad
« vesperam tamen non declinabit. Huic Deus bene-
« dixit. Quid est benedixit, nisi quia omnem jucundi-
« tatem, omnem letitiam, et omnem benedictionem ei
« tribuit? Sic enim benedixit Deus et sanctificavit
« illum. O admirabilis sanctificatio, post quam peccare
« nemo poterit! Sequitur. Quia in ipso cessaverat ab
« universo opere suo, quod creavit Deus, ut faceret.
« Creavit enim in sex diebus, ut faceret in sex æta-

(87) Idem cod. Laur., et Casinen.

(88) Id cod.

libus, quod qualiter disposuerit, nemo novit (89).

« Istæ generationes cœli et terræ quando creatæ sunt in die quo fecit Dominus cœlum et terram, et omne virgultum agri antequam oriretur in terra omnemque herbam regionis priusquam germinaret. — Ipsæ, inquit, generationes cœli, et terræ quando creatæ sunt. » Vis audire quando? In die quo fecit Dominus cœlum et terram. » Quid igitur? Nunquid uno, et non sex diebus creavit omnia? Et uno quidem die creavit, quia simul omnium materiam fecit, et sex diebus creavit, quia ex ipsa materia in diversas species cuncta formavit; et quotidie tamen creat, dum alia ex ipsis generando multiplicat. De his autem superius sufficienter diximus. Sequitur :

« Non enim pluerat Dominus Deus super terram, et homo non erat qui operaretur eam, sed fons ascendebat de terra, irrigans universam superficiem terræ. Formavit igitur Dominus Deus hominem de limo terræ, et inspiravit in faciem ejus spiraculum vitæ, et factus est homo in animam viventem. » Si enim antequam homo fieret intelligatur quod non pluerit Dominus super terram, et quod fons eam irrigaverit, non valde ad rem pertinere videtur, cum neque pluvii, neque fontium irrigatione illis tam paucissimis diebus terra non multum indiguisset videatur. Potest igitur intelligi quod in tota prima ætate usque ad diluvium Deus non pluerit, sed fons de terra ascendens competenti tempore eam irrigaverit, quod quidem Nilus per Ægyptum usque hodie facere perhibetur. Quod autem interpositum est : « Et homo non erat, qui operaretur eam, » recapitulatio est. Nam quia de hominis creatione, qui sexta die factus est, parum quid dixerit, nunc ad eandem diem revertitur, ut de eodem homine plenius loquatur. « Formavit, inquit, Dominus Deus hominem de limo terræ; » ecce carnis materia. « Et inspiravit in faciem ejus spiraculum vitæ, » ecce anima. « Et factus est homo in animam viventem. » Totus enim homo ex anima constat et corpore, sed corporis quidem materiam posuit, animæ non posuit. Pene enim ubique invisibilibus prætermisiss, de solis Moyses visibilibus loquitur. Unde non de his, quæ super cœlo, sed de his quæ sub cœlo sunt (90), rationem fecit. Expectabat enim eum, qui dixit : « Qui de terra est, de terra loquitur, qui de cœlo venit, super omnes est (Joan. III, 32). » Et plura quidem sunt, ejus materiam ignoramus; plura quoque, quæ non de aliquo, sed ex nihilo creavit Deus. De qua enim materia facti sunt cœli De qua terra? Unde aquæ, unde angeli? Cum igitur animæ creationem ignoremus, illud profecto sciamus, quia quamvis a Deo inspirata sit, ejus tamen, ut hæretici fingunt, pars non est, neque enim partem

A sui posset dampnare suppliciiis. Utrum autem omnes simul creaverit Deus an sicut ex carne caro, ita ex anima animæ oriantur, an certe in matris utero formato jam corpori eas inspiret (91), non parva questio est. De primo tamen homine dicitur, quod eum de limo terræ Deus creaverit, deinde subinfertur quod in faciem ejus spiraculum vitæ inspiraverit, ad ejus similitudinem, si cæteri quoque animas habeant, non est inconveniens (92).

« Plantaverat autem Dominus Deus paradisum voluptatis, ut operaretur a principio, in quo posuit hominem, quem formaverat. Produxitque Dominus Deus de humo omne lignum pulchrum visu, et ad vescendum suave, lignum etiam vitæ posuit in medio paradisi, lignumque scientiæ boni et mali, et fluvius egrediebatur de loco voluptatis ad irrigandum paradisum, qui inde dividitur in quatuor capita. Nomen uni Phison : ipse est, qui circuit omnem terram Hevialath, ubi nascitur, et aurum terræ illius optimum est, ibique invenitur odellium, et lapis onychinus. Et nomen fluvii secundi Gehon; ipse est, qui circumcivit omnem terram Æthiopæ (93). Nomen vero fluminis tertii, Tigris; ipse vadit contra Assyrios. Fluvius autem quartus est Euphrates. » Quantum autem Dominus hominem dilexerit, ex hoc quoque facile intelligi potest quod talem habitationis locum ei præparaverat, in quo, si non peccasset, et castissimo conjugio sine omni concupiscentia filios procreasset, ex quibus, completo electorum numero, nulla mortis amaritudine degustata, supernam Jerusalem conscendens, nec merito, nec numero ab angelis discrepans æterna beatitudine frueretur. Inter cætera quoque ligna paradisi (quorum odorem, saporem, pulchritudinem et virtutem enarrare nemo potest,) etiam lignum Vitæ Dominus posuit, cui hanc naturam dederat ut si quis de eo gustasset, mori non posset. Posuit et lignum scientiæ boni et mali, de quo postquam primi homines comederunt, quibus bonis caruerunt, quibus malis subjacerunt confestim intellexerunt. Omne enim contrarium per suum contrarium melius cognoscitur. Unde fit ut magnis laudibus sanitatem agri extollant, de qua quidem, dum sani essent, raro loquebantur. Sic igitur et isti postquam peccaverunt, videntes quantum discriminis, quantumque periculi eis immineret, bonum ipsum, quod prius quidem ignorabant, multo magis quam prius admirari cœperunt (94). Vocatur igitur lignum scientiæ boni et mali, quia in primis prævaricatoribus nos docuit quam bonum sit Dei præcepta servare, et quam malum et periculosum sit ejus præceptis non obedire. Sed ejus saporis et jucunditatis fluvium illum esse putamus, qui de loco voluptatis egreditur? Cum enim in Orientis partibus,

(89) Id. cod.

(90) Id. cod. Laurent. *sub cœlo sunt.*

(91) Id. cod.

(92) D. Th., I. p., q. 90, art. 3 et 4, probat animam hominis a Deo immediate creari, et corpori

præformato uniri, quia naturalis perfectio humanæ naturæ requirit, ut illi tanquam forma copuletur.

(93) Phison fluvius est Gauges, Gehon vero Nilus.

(94) Id. cod.

ut philosophi tradunt, flumina sint, quæ omni potione ad bibendum sint jucundiora, qualem fluvium illum esse dicemus, qui de paradiso procedit? Sed hæc ad litteram; nunc autem significationem videamus: Paradisus namque voluptatis, quem a principio Deus plantaverat, sanctam Ecclesiam designat. Et bene a principio eam plantasse dicitur, quia ante mundi constitutionem eam elegit. Interpretatur enim paradisus *hortus deliciarum*. Sed quis delicias enumerare valeat? Solus enim panis vivus, qui in ea comeditur, omnes delicias superexcellit. Quod autem lignum Vitæ, nisi Christus? Ipse enim ait: « Qui manducat carnem meam, et bibit sanguinem meum, vivet in æternum (Joan. vi, 5, 3). » Itemque: « Si in viridi ligno hæc faciunt, in arido quid fiet? (Luc. xiii, 1.) » Et Psalmista: « Et erit tanquam lignum quod plantatum est secus decursus aquarum (Psal. i, 3). » Et Salomon de Sapientia, quæ Christus est, loquens ait: « Lignum vitæ est his; qui apprehenderit, et tenuerit eam beatus (Prov. iii, 18). » Lignum vero scientiæ boni et mali transgressio est mandatorum Dei. Cum enim dicit: « Non occides, non mœchaberis, non furtum facies, non loqueris contra proximum tuum falsum testimonium, non concupisces rem proximi tui (Luc. xviii, 25); » tunc quidem ne ad hoc lignum accedat, homini interdicitur. Si vero cuncta hæc fecerit homo, moriendo quidem sentiet quid boni sit hæc observare, et quid mali sit transgredi. Fluvius vero, qui de paradiso egreditur, doctrina evangelica intelligitur, cuius quidem saporem ille gustaverat, qui dicebat: « Quam dulcia faucibus meis eloquia tua, super mel et favum ori meo (Psal. cxviii, 103). » Hæc autem in quatuor capita dividitur, quia quatuor Evangeliorum libri ex ea conscripti totum aquis divini eloquii irrigant mundum. Vide quantum ipsa quoque fluviorum nomina quatuor Evangelii convenient. Phison namque oris invocatio interpretatur. Evangelium vero omnium gentium ora mutavit, ut non jam plures deos laudent, sed unum Deum in veritate colant et venerentur (95). Gehon vero pectus dicitur; quoniam evangelica prædicatio fidelium pectora et sapientia replevit, et contra hostes robustiora fecit. Tygris autem a velocitate nomen accepit, quia Evangelium quidem veloci cursu totum subito mundum replevit. At vero Ephrates fertilitas dicitur, quoniam Evangelii doctrina cunctis bonis S. Ecclesiam ferilem reddit, et abundare facit.

« Tulit ergo Dominus hominem, et posuit eum in paradiso voluptatis, ut operaretur, et custodiret

(95) Idem cod. Casin., unum Deum in Trinitate colant.

(96) Adam peccando morte multatus est; cui non subiecisset, si insons stetisset. « Constat, inquit, Aug. lib. xiii, De civit. Dei, etiam ipsam nobis corporis mortem non lege naturæ, sed merito inflictam esse peccati. »

(97) Id. cod. Casin. Quocunque ergo die contra hæc facimus; illam sententiam mortis incurrimus, qua dicitur: « In quacunque die comederis ex eo, morte

illum, præcepitque ei dicens: Ex omni ligno paradisi radisi comede, de ligno autem scientiæ boni et mali ne comedas; in quocunque enim die comederis ex eo, morte morieris (96). » Extra paradisum factus in paradiso ponitur homo. Et quia otiositas inimica est animæ, ne otiose vivat, operari jubetur. Audiant hæc, qui sacra, et religiosa loca inhabitant, et quantum diaboli insidias eos cavere oporteat, intelligant; dum non extra paradisum, sed in paradiso hominem tentatum et victum cognoscunt. Omnia paradisi ligna ad vescendum homini dantur, solum vero lignum scientiæ boni et mali ei interdicitur; ut nos intelligamus, eis solis nos uti debere, quæ Dominus fieri præcepit, ab iis vero abstinere, quæ ne fiant, interdicit. « Diliges, inquit, Dominum Deum tuum; et proximum tuum sicut te ipsum; honora patrem et matrem (Matth. xxii, 27). » Hæc sunt poma, hi sunt fructus quos nos comedere præcepit. « Non occides, non mœchaberis, » etc. Hi sunt, a quibus abstinere jubet. Quocunque ergo die comederis ex eo, morte morieris (97). Et Adam quidem 10 mox ut comedit, mortuus est; non quod de hac vita confestim exiret; sed ut quandoque exiret, in se suscepit, qui si non peccasset, nullatenus unquam mori potuisset. Nos quoque talia agentes morimur, quia a vita, quæ Christus est, peccando separamur. Est autem mors vitæ amissio.

Dixitque Deus: Non est bonum hominem esse solum, sed faciamus ei adiutorium simile sibi (98). Formatis ergo Dominus Deus de humo cunctis animalibus terræ, et universis volatilibus cœli, adduxit ea ad Adam, ut videret quid vocaret ea. Omne enim quod vocavit Adam animæ viventis, ipsum est nomen ejus: appellavitque Adam nominibus suis cuncta animalia terræ, et universa volatilia cœli et omnes bestias terræ. Dic, Adam, quibus in scholis ista didiceris? Quis te docuit, ut tam competentia nomina rebus imponeres? Non enim, ut quidam delirant, cæcus et insipiens factus es, neque tibi peccatum oculos aperuit; sed perfectus homo sapiensque creatus (99), tuæ nostræque perfectioni multa superbiendo derogasti. Et bene quidem ab eo nomina suscipiunt, cui obedire et servire debebant.

Adæ vero non inveniebatur adiutorium simile sibi (100). Immisit ergo Dominus Deus soporem in Adam, cumque obdormisset, tulit unam de costis suis, et replevit carnem pro ea: (101) et ædificavit costam quam tulerat de Adam in mulierem, et adduxit eam ad Adam. Dixitque Adam: Hoc nunc morieris. »

(98) Idem cod. Casin. Simile sui. Cod. bibl. Mont. Amiat. adiutorium simile sui.

(99) Ita habetur in Eccles. cap. xvii, ubi facta mentione mulieris ex primo homine Adam formata, ait: Creavit illis scientiam spiritus; sensu implevit cor illorum, bona et mala ostendit illis, etc.

(100) Id. cod. Adjutor similis ejus.

(101) Id. cod. M. Amiat. Ei applicavit Dominus Deus costam, quoniam tulerat Adam, etc.

« os de ossibus meis, et caro de carne mea : hæc A
 « vocabitur virago, (102) quia de viro assumpta est.
 « Quam ob rem relinquet homo patrem et matrem,
 « et adheret uxori suæ, et erunt duo in carne
 « una (103). Erant autem uterque nudi, Adam scilicet
 « et uxor ejus, et non erubescabant » Adam enim
 ad Dei similitudinem, et imaginem factus nihil in
 creaturis simile habebat. Facta est ergo mulier,
 quæ et in filiorum propagatione, et in aliis necessi-
 tatibus eum adjuvaret. Sed, ut major inter eos di-
 lectio foret, non aliunde, (104) sed de viri costa facta
 est mulier; unde fit, ut naturali quodam amore, viri
 insectantes costam suam, mulieri adherere cupiant,
 quasi carni suæ, cujus amoris appetitum, qui divi-
 nitus adjuti in se vivere possunt, quasi qui prop-
 riam naturam dimicando vicerint, merito cæteris
 hominibus præferuntur. Subtracta quoque costa,
 locus ejus non osse, sed carne repletur, ut ex eo
 etiam nos infirmiores, et molliores esse sciamus.
 Sed quis neget, Adam non tantum sapientiæ, sed et
 prophetiæ spiritu repletum fuisse; cum statim, visa
 muliere, dixit : « Hoc nunc os ex ossibus meis, et
 « caro de carne mea? » Quamvis enim, eo dormiente,
 facta sit mulier; tamen non somniantem, sed Deo re-
 velante, et eo suum, et carnem in ea recognovit;
 unde et subditur : « Hæc vocabitur virago, quia de
 « viro assumpta est. » Secundum hoc enim, quod de
 viri costa facta est mulier, non magis cum uxore
 quam cum omni muliere una (105) caro est omnis
 homo. Sunt autem duo in carne una, quadam natu-
 rali delectationis commistione, unitatisque amore.
 Hunc autem locum, in epistolis suis Apostolus expo-
 nens, ait : « Sacramentum hoc magnum est : ego au-
 tem in Christo, et in Ecclesia hoc intelligo (Ephes. v.
 12). » Quodam namque modo Patrem Christus reli-
 quit, dum semetipsum exinavit, formam servi
 accipiens. Unde ipse ait : « Exivi a Patre, et veni in
 mundum (Joan. xvi, 28). » Reliquit autem et ma-
 trem, Synagoga videlicet, quæ secundum huma-
 nitatem, sicut aliorum Judæorum, ejus mater exstitit.
 Adhæsit vero uxori suæ, quia, ut Apostolus ait :
 « Gloriosam sibi Ecclesiam desponsavit, non haben-
 tem maculam neque rugam (Ephes. v, 27). » Sunt
 autem duo in carne una, quia caput Ecclesiæ Chris-
 tus est. Sequamur igitur et nos Apostolum, et ea
 quæ diximus allegorice exponamus. « Immisit, inquit,
 « soporem in Adam; » Adam namque Christum signi-
 ficat. Unde Apostolus : « Primus homo de terra ter-
 renus, secundus homo de cælo cælestis; sicut portavi-

mus imaginem terreni, portemus et imaginem cælestis
 (I Cor. xv, 47). » Dormitio Adæ mortem Christi præ-
 tendebat. Sicut enim, dormiente Adam, una costa
 subtracta, facta est Ecclesia; ita Christo mortis somno
 in cruce dormiente, de latere ejus sanguis exivit, qui
 et redemit et fabricavit Ecclesiam (106). Sequitur :
 « Erant autem nudi, et non erubescabant. » Ut quid
 erubescerent qui nihil verocundie in se cognove-
 runt, in quibus nulla titillatio carnis erat, in quibus
 nullum membrum contra eorum voluntatem se mo-
 vebat? Non magis in ipsis verendis, quam in oculis,
 vel manibus contemplando movebantur (107). Se-
 quitur :

II CAPUT III.

« Sed et serpens erat callidior cunctis animanti-
 B bus terræ, quæ fecerat Dominus Deus; qui dixit
 « ad mulierem : Cur præcepit vobis Deus, ut non
 « comederetis de omni ligno paradisi? Cui dixit
 « mulier : De fructu lignorum, quæ sunt in para-
 « diso, vescimur : de fructu vero ligni, quod est in
 « medio paradisi, præcepit nobis Deus, ne comede-
 « remus, et ne tangeremus illud, ne forte moria-
 « mur. » Potest autem intelligi, quod serpens non
 solum diabolica inspiratione, qui in eo habitabat,
 verum etiam in propria natura, Deo largiente, hoc
 habuerit, ut præ cunctis animantibus callidior esset.
 Malignus autem Spiritus, quia invisibilis est, nisi
 per aliquam formam, mulieri se ostendere non po-
 tuit. Si enim, ut ait Apostolus, « transfiguratur se ipse
 C Satan in angelum lucis (II Cor. xli, 13), » facile
 ei fuit ut in serpentem se transformaret (108). Et
 quidem poterat ibi mulier fraudem esse cognoscere;
 cum contra naturam serpentem loqui audiebat, nisi
 quia et Dei creaturas bonas omnes esse sciebat, et
 nihil mali usquam in aliquo suspicabat; neque
 enim audierat ab aliquo aliquem fuisse deceptum.
 Quid igitur mali suspicari potuit; præsertim cum
 non serpens, qui videbatur, sed ipse diabolus ei in
 serpente tam callide loqueretur? Quasi enim nescius
 eam interrogat, et cur de omni ligno paradisi Deus
 præceperit, ut non comederent, sciscitatur. Volebat
 enim scire, an Dei præcepti memores essent, ut dum
 scientes, volentesque peccarent, majorem Dei indi-
 gnationem incurrerent. Sed quid ei mulier respondit?
 D « De fructu, inquit, lignorum paradisi vescimur :
 « de fructu vero ligni, quod est in medio paradisi, non
 « comedimus, ne moriamur. » Bene, inquam, dicis,
 mulier : in hoc permane, fidem tene, scis quale est
 lignum, scis tibi interdictum, et scis peccatum, et

Aug. tract. 9 in Joan. n. 40.

(107) « Adam, custodiens honestatis angelicæ di-
 gnitatem, erat quidem nudus mundanis vestibus,
 sed immortalitatis erat splendore vestitus. Nihil
 prævum respiciebant ejus oculi : non cor ejus turpe
 aliquid cogitabat, erat apud honestas mentes nudi-
 tas ipsa vestita. » Max. Taurinen. hom. 85, in edit.
 Rom. p. 286.

(108) Veri serpentis organo usum in tentatione
 mulieris diabolus SS. Patres communiter docent;
 et Natalis Alex. contra Cajetanum probat dis. 3,
 a. 3, Hist. Vet. Test.

(102) Id. cod. Casin. quoniam. Cod. M. A. de viro
 assumpta est. Id. cod. relinquet homo patrem suum.

(103) Id. cod. Erat autem uterque nudus.

(104) Uterque codex Laurent. et Casin. corrigunt
 editionem in qua habetur creatio.

(105) Mysterium, magnaque significari in crea-
 tione Evæ ex Adami costa putant SS. Patres; ut
 exponit Natalis Alex. dis. 3, art. 2, Vet. Test.

(106) « Dormit Adam, ut fiat Eva : moritur Chris-
 tus, ut fiat Ecclesia. Dormienti Adæ fit Eva de
 latere : mortuo Christo lancea percussus latus, ut
 profluant sacramenta, quibus formetur Ecclesia. »

penam peccati; nulla, si tetigeris, excusatio esse poterit, si qua autem erit, inutilis erit. Sequitur:

« Dixit autem serpens ad mulierem. Nequaquam « morte moriemini, scit enim Deus, quod in quo-
« cumque die comederitis ex eo, aperientur oculi
« vestri: et eritis sicut dii (109), scientes bonum
« et malum. Vidit ergo mulier, quod bonum esset
« lignum ad vescendum, et pulchrum oculis, aspe-
« ctuque delectabile, et tulit de fructu ejus, et co-
« medit, deditque viro suo, qui comedit, et aperti
« sunt oculi amborum (110). » Non moriemini, in-
quit serpens, si comederitis, sed mentis oculis
apertis, ipsa quoque invisibilia videbitis, et eritis
« sicut dii; » sicut angeli in cœlo, quia non videtis,
quanto vobis præstantiores sint, ignoratis. « Eritis, »
« inquit, sicut dii; » sed in quo? « scientes bonum, et
« malum. » Scire enim, non ad corporis, sed a mentis
oculos pertinet; neque enim cum oculos aperimus,
sapientiores sumus; alioquin stolidi, et mente capiti
cæci essent. Sed nunquid angeli sciebant bonum, et
malum, et primi homines adhuc ignorabant, quid
esset bonum, et quid malum? Si enim hoc ignora-
bant, stulti erant: quod si tales erant, ad imaginem,
et similitudinem Dei facti non erant: in hoc enim
præcipue Dei similitudinem habere dicuntur, quia
rationabiles sunt: est enim rationalitas boni mali-
que discretio; qui ergo rationabiles erant, bonum et
malum sciebant; in hoc ergo ab angelis non differe-
bant. Et quidem in hoc quoque loco callida diaboli
persuasio manifestatur; nam quia arbor illa, quæ
scientia boni, et mali vocata, ipsoque nomine, ne
forte ad se accedere præsumerent, eos terrere po-
terat, male ipsum nomen interpretatus est: « Eritis,
« inquit, sicut dii, scientes bonum et malum. » Quod
tale est, ac si diceret: Scientes omnia; quidquid
utile vel inutile, quidquid prosperum, vel adversum,
quidquid prodesse, vel nocere vobis possit, omnia
scietis (111). Mentitur autem diabolus, quia non ideo
arbor illa scientiæ boni, et mali vocata est, quod
omnia hæc præstare debuisset, sed bonum et malum
pro justo ponitur et injusto. Sed quid tu, o infelix
mulier, facies? cui credes, Deo an diabolo? Dicit
enim Deus: « In quocunque die comederitis ex eo,
« morte moriemini. » Dicit diabolus: « nequaquam
« moriemini. » Sed ille quidem verax; hic autem a
principio mendax. Huic tamen, malo quidem tuo, et
nostro credidisti. Vidisti arborem atque ex ea et
gustu, et visu delectata comediti, dedisti viro tuo,
decepta es, et decepisti; comedit et ipse, et sunt
aperti oculi amborum. Nunquid ergo et tui oculi,
o Adam, aperti non erant? Quomodo ergo videns
mulierem dixisti: « Hæc nunc os ex ossibus meis, et

A « caro de carne mea? » Quæ es ergo oculi vobis aperti
sunt? Utique oculi mentis? Tunc enim primum in-
tellexistis, quantum bonum amiseratis, et quantum
malum incurrebatis.

« Cumque cognovissent se esse nudos, consuerunt
« folia ficus, et fecerunt sibi peripzomata. Et cum
« audissent vocem Domini Dei (112) deambulantis
« in paradiso ad auram post meridiem, abscondit se
« Adam, et uxor ejus a facie Domini Dei in medio
« paradisi. » Prius 12 namque nudi erant, et non eru-
bescebant; postquam autem peccaverunt, quemdam
concupiscentiæ motum in membris suis cognoverunt,
quem in alterutrum videre erubuerunt. Et prius
quidem etsi nudi essent, nuditatem tamen in se non
cognoscebant, quoniam ipsa eorum nitidissima caro
B ante peccatum quidem, omni veste ad intuentum
delectabilior erat. Sed quare ficus folia consue-
tius succinctiorum sibi fecerunt? An fortasse, quia prima
occurrerant; sive etiam quia cæteris quæ tunc ad-
erant, ampliora erant. Feruntur enim ficus folia in
Orientis partibus esse, quæ clipei latitudinem exced-
dant. Habent autem in se ficus folia quamdam aspe-
ritatem naturalis pruritui; unde ipsas corporis par-
tes, quæ eis operiebantur, quodam fervore concu-
piscentiæ semper vexari, et inquietari significant.
Sequitur:

« Et cum audissent vocem Domini Dei deambu-
« lantis in paradiso, abscondit se Adam, et uxor
« ejus. » Quam vocem Domini? Fortasse minantis,
et quia peccaverunt, errorem significantis; sive
C etiam quia nudi erant, ei apparere erubescabant.
Sed quare ad auram deambulasse dicitur? Qui enim
auram querit, æstuationis calorem se passum esse
demonstrat. Unde datur intelligi, quia primi homi-
nis peccatum in fervorem, et iram Dominum com-
moverat; non quod istæ passionem in Deo sint, sed
quia ejus voluntas nisi humanis affectionibus signi-
ficari non potest. Quod autem hora erat post meri-
diem, eorum mortem, et occasum significabat; præ-
cipue quoniam enim mortui, quia de lætitia ad merorem
properabant. Hoc autem quasi hæreditarium nobis
reliquerunt, ut peccantes nos abscondamus, et im-
pia quadam excusatione nostra facinora occultare
semper nitamur. Sequitur:

« Vocavitque Dominus Deus Adam, et dixit ei:
D « Adam, ubi es? » O piissimum Dominum, qui non
vult mortem peccatoris, sed vitam: semper enim ad
pœnitentiam vocat errantes. Quid enim ait? « Adam,
« ubi es? » non ignorando locum, sed ejus compatiendo
ruinæ loquitur, ac si dicat: « Adam, ubi es? » in
quanta miseria es, de quanta gloria in quantum
barathrum demersus es? Qui ait: « Vocem tuam
audivi in paradiso, et timui, eo quod nudus essem,

(109) Id. cod. M. Amiatæ et eritis ut dii.

(110) Id. cod. M. A. oculi eorum.

(111) Tripliciter a diabolo aggressum primum hominem docet S. Thom. iii, p., q. 41, art. 4. « Nam primo, inquit, sollicitavit mentem primi hominis de digni vetiti esu, dicens: Cur præcepit vobis Deus. ut

non comederetis de omni ligno paradisi? Secundo de inani gloria, cum dixit: Aperientur oculi vestri. Tertio perduxit tentationem ad extremam superbiam, cum dixit: Eritis sicut dii, scientes bonum et malum. »

(112) In cod. M. A. in medio ligni paradisi.

et abscondi me (112'). » Audivi, inquit, vocem tuam, A sensi iram, et indignationem tuam, et timui. Quare hoc? Eo quod nudus essem, quod ad flagella paratus essem, quia illam iustitiæ vestem amiseram, qua cum indutus essem, neque timebam, neque erubesceram. Ideoque abscondi me. Sed quo fugiam a facie tua? « Si enim ascendero in cælum, tu illic es, si descendero in infernum, ades (Ps. cxxxviii, 8). » Cui dixit :

« Quis enim indicavit tibi quod nudus esses, nisi quod ex ligno, de quo tibi præceperam ne comederes, comedisti? » Ac si ille dicat : Si lignum vetitum non comedisses, nunquam in membris tuis verecundiæ nuditatem cognovisses; sed quia comedisti, jam nunc vides aliam legem in membris tuis repugnantem legi mentis tuæ (Rom. vii, 23); ideo te abscondisti, ideo erubuiisti. Dixitque Adam :

« Mulier quam dedisti mihi sociam, dedit mihi de ligno, et comedi; » ac si patenter dicat : Verum est, Domine, negare non possum : sed quod ego comedi, hoc mulier fecit. Sed quæ mulier? quam tu in sociam dedisti. O infelix homo in tanta sapientia creatus, quomodo tam cito sensum amisisti? Peccatum tuum non tibi, sed Deo imputas, ut quia tibi mulierem sociam dederat, ipse tui lapsus principalis causa exstiterit? « Dixitque deinde ad mulierem : Quare hoc fecisti? Quæ ait : Serpens decepit me, et comedi. » Uterque comedit, neuter indulgentiam petit, sed excusant peccatum, ideoque non veniam, sed maledictionis pœnam incurrunt. Hoc enim ille timebat, qui dicebat : « Non declines cor meum in verbum malum ad excusandas excusationes in peccatis (Psal. cxi, 4). »

« Et ait Dominus ad serpentem : Quia hoc fecisti, (113) maledictus eris inter omnia animantia et bestias terræ : super pectus tuum gradieris, et terram comedes cunctis diebus vitæ tuæ. Inimicitias ponam inter te, et mulierem, et semen tuum, et semen illius, ipsa conteret caput tuum, et tu insidiaberis calcaneo ejus. » Non solum enim malignus spiritus, qui per serpentem significatur, verum etiam ipse serpens præ cunctis terræ animantibus ab omnibus maledicatur, et odio habetur. Graditur autem super pectus suum hostis antiquus, qui omne suum consilium, et sapientiam, quæ utique in peccatore continetur, conculcat, et dissipat, eosque, quorum pectora possidet, non derelinquit; sed in eis superbe regnat, graditur, et dominatur. Terram vero comedit cunctis diebus, quia peccatores, quos decipit, æternis suppliciis insatiabiliter cruciat. Sunt autem inimicitiae inter diabolum et Ecclesiam (114), quæ quidem per mulierem significatur, et inter semen et filios utriusque, quia diversa sentientes,

(112') « Latenti et celanti se a Divinitate Adæ dicitur : « Adam, ubi es? » Non quod Adam conspectum Domini latere potuerat : sed quod peccatrici conscientiae nullus locus tutus, vel certus sit, dum metu deprehendi. » S. Max. hom. 53, p. 166.

(113) Id. cod. M. A. maledictus es.

(114) De hac inimicitia Christus Petrum admonuit, dicens : « Simon, Simon, ecce Satanas expetivit vos

et diversa cupientes, diversa sectantes, nunquam pacem et concordiam inter se habere possunt. Conterit autem Ecclesia ipsius caput, quoniam ejus callide machinationis principium præcavens, stat in ipso exordio ejus consilium, ingenium, verastitiam dissipat. Ipse vero insidiatur calcaneo ejus, quia nisi recte incedat, et in boni operis itinere firmiter gradiatur, mox eam invadit, et quasi 13 titubantem supplantare et dejicere nititur.

« Mulieri quoque dixit : Multiplicabo ærumnas tuas, et conceptus tuos, in dolore paries filios, et sub viri potestate eris, et ipse dominabitur tui. » Hæc autem juxta litteram intellecta, expositione non indigent. Ecclesie vero ærumnas multiplicatas fuisse cognosces, si sanctorum carceres, vincula, et flagella, aliosque diversos cruciatus recorderis. Quod vero conceptus ejus sint multiplicati, propheta testatur, dicens : « Lætare, sterilis; erumpet et clama, quæ non parturis, quia multi filii desertiæ, magis quam ejus quæ habet virum (Gal. iv, 27). » Parit autem in dolore, sicut ipse Dominus ait : « Mulier cum parit tristitiam habet. (Joan. xvi, 21) » Est autem sub viri potestate, quia nemo nisi Christus ei dominatur.

(115) « Adæ vero dixit : Quia audisti vocem uxoris tuæ plus quam meam, et de ligno (116), de quo præceperam tibi ne comederes, comedisti, maledicta erit terra in opere tuo. In laboribus comedes ex ea cunctis diebus vitæ tuæ; spinas et tribulos germinabit tibi, et comedes herbas terræ. In sudore vultus tui vesceris pane tuo; donec revertaris in terram de qua assumptus es, quia pulvis es, et in pulverem reverteris. » Nulla, inquit, tibi proderit excusatio; sed quia præcepta mea contemnendo, mulieri obedisti, maledicta erit terra in opere tuo, sed non in meo (117). Cum enim male agis, opus tuum est; cum vero bene, non tuum, sed meum : ergo non in meo, sed in tuo maledicatur terra, id est caro tua; de ligno vetito comedisti, opus tuum est. In hoc autem opere, quid benedictionis terra amiserit, quis ignorat? Cum manifestum sit quod ea sua sponte omnibus omnia necessaria subministraret, si hoc opus primi homines non egissent. Unde et subditur : « In laboribus comedes ex ea cunctis diebus vitæ tuæ. » Si enim non peccasses, omnibus bonis sine labore abundasses; sed quia peccasti, ipsis quoque laboris debitum non dabit, sed « spinas et tribulos germinabit tibi, et comedes herbas terræ, » quoniam paradisi deliciis male usus es. « In sudore vultus tui vesceris pane tuo; » quoniam superbiendo quietem despexisti, « donec revertaris in terram, de qua sumptus es, » quia non, ut putabas, deus eris, sed « pulvis es, et in pulverem reverteris. »

ut cribraret sicut criticum : ego autem rogavi pro te, ut non deficiat fides tua. » (Luc. xxi, 31).

(115) Id. cod. M. A. : Ad Adam vero dixit.

(116) Id. cod. ex quo præceperam tibi, ut non comederes.

(117) « Si bonum quis agat, ex Deo est; si malum, ex ipso homine : quia Deus auctor mali non est. » Fulgent. ad Monim., cap. 19.

« Et vocavit Adam nomen uxoris suæ Evam, eo quod mater esset multorum viventium. » Non enim cunctorum viventium, sed solummodo mater hominum est Eva: sed quia solæ animæ hominum mori non possunt, merito inter cætera terræ animantia, soli homines viventes dicuntur.

« Fecit quoque Deus Adæ et uxori suæ tunicas pelliceas, et induit eos. » In hoc enim eos mortales esse monstrabat, quia mortuorum pellibus eos vestiebat. Ergo quasi damnatici in ipso suo indumento, cui maledictioni subjacerunt, ostendebant, dum suæ damnationis signa quasi pro vituperio ferebant. Unde et subditur:

« Ecce Adam quasi unus ex nobis factus est, sciens bonum et malum. » Hoc autem ironice intelligitur, et tale est, ac si diceret: Ecce quoque sua dignitate imminutus est homo, dum superbiendo plus voluit esse quam homo.

« Videte ergo, ne forte mittat manum suam, et sumat etiam de ligno vitæ, et vivat in æternum. » Sicut enim de ligno scientiæ boni et mali gustando mortis se legibus subdidit; ita etiam de ligno vitæ sumere potuisset, recuperata, quam nuper amiserat, immortalitate, viveret in æternum (118). Ideoque factum est quod subditur:

« Et emisit eum Dominus de paradiso voluptatis, ut operaretur terram, de qua sumptus est. Ejecitque Adam, et collocavit ante paradisum volutatis Cherubim, et flammeum gladium atque versatilem ad custodiendam viam ligni vitæ. » Cherubim namque scientiæ plenitudo interpretatur. Significat autem apostolos, Ecclesiæque doctores, in quibus sapientiæ et scientiæ thesauri reconditi sunt. Cum autem propter peccatum suum aliquis de paradiso, id est de S. Ecclesia, ejicitur, ne ad lignum vitæ, id est ad Christi carnem participandam, accedere præsumat, ab iis interdictur. Est autem iste gladius lucens, et flammeus, splendidus, et sine rubigine, quo quis percussus fuerit, aut illuminatur, aut exurit. Unde Apostolus, « Aliis, inquit, sumus odor vitæ ad vitam, aliis odor mortis ad mortem (11 Cor. II, 16). » Est autem et versatilis, facilisque, et velox ad feriendum, undique circa se delinquentes percussit, pauperes pariter condemnat et divites.

CAPUT IV.

« Adam vero cognovit Evam uxorem suam, et concepit, et peperit Cain, dicens: Possedi hominem per Deum. » Ego, inquit Eva, propter transgressionem sub viri potestate constituta sum, jam nunc per filiorum generationem hominem habeo in possessionem. Unde datur intelligi, quia utrique parenti pari modo subjeci et obedire debemus.

« Rursusque peperit fratrem ejus Abel. Fuit Abel pastor ovium, et Cain agricola. » Cain, qui possessio interpretatur, ad 1. colendum, et possiden-

(118) Aliter hunc locum exponit D. Thomas, 2-2, q. 161, art. 2: « Dicendum quod si homo post peccatum de ligno vitæ comedisset, non propter hoc immortalitatem recuperasset, sed beneficio illius cibi

dum terram suscepit. Abel vero, qui dicitur *luctus*, oves pascebat, Christum significans, cujus oves nos sumus, quem Judæi secundum carnem fratres ejus, impia semperque lugenda morte occiderunt.

« Factum est autem post multos dies ut Cain offerret de fructibus terræ munera Domino: Abel quoque obtulit de primogenitis gregis sui, et de adipibus eorum, et respexit Dominus ad Abel, et ad munera ejus: ad Cain vero, et ad munera ejus non respexit. » Dominus enim non tantum ad munera, quæ ei offeruntur, quantum ad offerentium desiderium mentemque respicit. Unde hic quoque ad offerentes prius, quo videlicet animo offerrent, quam ad eorum munera respexisse dicitur.

Sed unde Cain, quod ad ejus munera Deus non respexit, cognoscere potuit, nisi quia fratris sacrificium ab igne cœlitus veniente consumptum vidit, suum autem non vidit? Id ipsum autem de Abraham, Manue, et Eliæ sacrificio legitur. In hoc enim viri sancti sui sacrificia Deo placuisse putabant, quando igne cœlitus misso ea consumi videbant.

« Iratus est Cain vehementer, et concidit vultus ejus. » Irascitur enim Cain non tantum quod sua munera spernuntur, quantum quod fratris dona recipiuntur. Quod quidem invidia zelo contigisse non dubium est. Magnum igitur malum invidia, quæ primi homicidii causa exstiterit.

« Dixitque Dominus ad eum: Quare iratus es, et cur concidit facies tua? nonne si bene egeris, recipies? sin autem male, statim in foribus peccatum aderit: sed sub te erit appetitus ejus, et tu dominaberis illius. » Ac si dicat: Noli irasci, vel contristari, noli invidiæ facibus succendi, nihil adversum te Abel commisit; tu quoque bene age, ut bona recipias. Si enim male egeris, vel si leviter male agere cogitaveris, præsto est diabolus, ante januam stat princeps peccati, qui tui cordis domicilium ingressus, tuam malam voluntatem ad effectum usque perducatur. Sub te tamen erit appetitus ejus, te assentiente veniet, te resistente recedet. Si ergo resistas, omni ejus appetitus, et desiderium frustra fiet. Quod si consenseris, non tu illius, sed ipse dominabitur tui. « Qui enim facit peccatum, servus est peccati (1 Joan. III, 41). »

D « Dixitque Cain ad fratrem suum: Egrediamur foras. Cumque essent in agro, consurrexit Cain adversus Abel fratrem suum, et interfecit eum. » Cain namque Judæorum populum; Abel vero Christum significat, qui tunc nimirum foras egrediebatur, quando Judæi ad crucifigendum extra civitatem Christum trahebant.

« Et ait Dominus ad Cain: Ubi est frater tuus? Qui respondit: Nescio, nunquid custos fratris mei ego sum? Dixitque ad eum: Quid fecisti? Vox sanguinis fratris tui clamat ad me de terra. Nunc

potuisset vitam magis prolongare. Unde quod dicitur: « vat in æternum, » sumitur pro diuturno Hoc non expediebat homini, ut in miseria hujus vitæ diutius permaneret. »

« ergo maledictus eris super terram, quæ aperuit os suum, et suscepit sanguinem fratris tui de manu tua. Cum operatus fueris eam, non dabit tibi fructus suos, sed spinas, et tribulos germinabit tibi: vagus, et profugus eris super terram. » Interrogatus Cain de Abel ubi sit, se nescire respondit; quoniam et Judæi interrogati de Christo, quis sit, et ubi sit, sive timore, sive ignorantia, se nescire dicunt. Unde et in Evangelio Interrogantes dicebant: « Si tu es Christus, dic nobis palam (Joan. x, 24). » Et alibi: « Hunc autem quis sit, nescimus (Joan. ix, 29). » Quibus ipse: « Et me scitis, et unde sim scitis (Joan. vii, 28). » Sed quid tunc sanguinem Abel clamasse putamus? Nisi quod sanctorum animæ clamare dicuntur, videlicet: « Vindica sanguinem nostrum, Deus noster (Apoc. vi, 10). » At vero Christus Dominus noster compatiens ait: « Pater, ignosce illis, quia nesciunt quid faciunt (Luc. xxiii, 34). » Unde sanguinem Christi melius clamare, quam sanguinem Abel, Apostolus testatur (Hebr. xii, 24). Clamat autem etiam nunc sanguis Christi de terra, quia ejus passionis digna memoria fit quotidie in Ecclesia. Hæc est enim illa terra, quæ os suum aperiens Christi sanguinem quotidie sitibunda bibit, quem (119) impius Judæorum populus fundere non timuit; ideoque in omni terra maledicitur, et apud omnes opprobrio et derisioni habetur. Vagus et profugus est super terram, quia ubique dispersus, nunquam suæ dominationis possidet locum.

« Dixit Cain ad Dominum: Major est iniquitas mea, quam ut veniam merear. Ecce me ejicis hodie a facie terræ, et a facie tua abscondar, et ero vagus, et profugus in terra; omnis, qui invenerit me, occidet me. » Hæc verba desperatione plena sunt. Major est iniquitas mea, quam satisfacere, vel pœnitere valeam, ut a te indulgentiam et veniam merear, A terra viventium ejiciar, a facie tua abscondar, te ulterius videre non merebor. Insuper et in hac terra peregrinationis vagus ubique et profugus ero, et non solum cœlestia, verum etiam nec terrena sine timore et tristitia potero possidere. Hæc quoque Judæis conveniunt, qui ab hæreditate expulsi, ubique vagi et profugi, quia se divina facie illustrari non sentiunt, ab omnibus occidi pertimescunt. Quod jam forte eis accidisset, nisi is, quem occiderunt, Christus Dominus noster pro eis oraret, dicens: « Ne occidas eos, nequando obliviscantur populi mei (Psalm. lvi, 12). »

« Dixitque ei Dominus: Nequaquam ita fiet; sed omnis qui occiderit Cain septuplum punietur. » Alia translatio habet: Septem vindictas persolvat,

(119) Id. cod. Casin. ipsorum Judæorum.

(120) Cod. Lauret. de plena et integra angustia, et tribulatione.

(121) Ejusdem opinionis fuisse S. Joan. Chrysost. in hunc locum; August. in Faustam lib. ii, c. 12; Hieronym. epist. ad Damasum; Theodoretus q. 43, in Genes.: LXX Interpretes secuti, qui pro illis verbis, vagus et profugus eris super terram, verterunt, gemens

A quod quidem planius intelligitur. Hoc autem tale est, ac si diceret: Nequaquam ita fiet, ut tu vis: 15 non morieris modo, neque omnis, qui te invenerit, occidet te, in longum servaberis, ad septimam generationem pervenies; qui te occiderit, septem in te vindictas persolvat, id est (120) de plena et integra tribulatione te liberabit. Septenarius namque numerus perfectionem designat. Hoc ergo septenario dum longe Cain pro fratricidio pœnitentiam ageret, tandem, ut fertur, septima generatione a Lamech interemptus est. Sic ergo septem vindictas Lamech in eo persolvit, dum, morte intercedente, ab omnibus angustis eum liberavit, quas usque ad id tempus per septem jam generationes passus fuerat. Si vero dicatur, « septuplum punietur, » quod quidem nostra translatio habet, intelligendum est quod plus Lamech quam Cain peccaverit, ideoque majori pœna dignus habeatur; sciebat enim Lamech jam Cain propter homicidium fuisse damnatum; Cain vero nullum ante se pro tali causa damnatum audierat; hunc ergo vel pœna Cain corrigere potuit, Cain vero nullum, quo instrueretur, exemplum præcessit; et sicut in Evangelio dicitur: « Servus sciens voluntatem domini sui, et non faciens digna, plagis vapulabit multis; nesciens vero, et non faciens, vapulabit paucis (Luc. xii, 47). » Nihil autem aliud est septuplum punietur, nisi omnino abundanter, et valde punietur.

« Posuitque Dominus signum in Cain, ut non eum interficeret omnis qui invenisset eum. » Hoc autem signum membrorum tremor fuisse dicitur, quia quasi insanienti, et melancholico similis, ad miseriam sui homines provocabat (121). Quis enim occidere vellet, qui ipsa morte deteriora pati videbatur. Judæis quoque circumcisionis signum a Domino datum est, quo a cunctis gentibus discernuntur, et qui cunctis gentibus subditi sunt, semperque timori et respectui dediti, nemo est qui occidere eos velit.

« Egressusque Cain a facie Domini habitavit in terra profugus ad orientalem plagam Edem. » A facie namque Domini egreditur, qui ejus misericordie respectum non meretur (122). Quod bene Judæis quidem convenit, qui Christum Dominum fugientes, vagi et profugi mundum inhabitant, et quia voluptati dediti, non occasus, sed ortus, id est non mortis perpetuæ, sed vitæ præsentis memores sunt; merito ad orientalem plagam Edem habitare dicuntur. Edem namque voluptas, sive delicia interpretatur. Ea vero in quibus vel historia sola narratur, vel non multum ad rem pertinere videntur, ut allegorice exponamus, huic operi non miscere (123) disposuimus,

eris et tremens, etc., unde omnium artuum illius tremorem, faciei abominationem, squaloremque prævæ conscientie morsus ostendentes, signum dixere positum a Deo in Cain, ut a cæteris hominibus distingueretur, ne nullus eum occideret.

(122) Uterque codex editionem corrigi; ubi legitur, metuitur.

(123) Id cod. Lauret. non inserere.

quatenus et volumen brevis fiat, et in magis necessariis diutius immoremur.

« Audite vocem meam, uxores Lamech, auscultate (124) sermones meos, quoniam occidi virum in vulnus meum, et adolescentulum in livorem meum, (125) septies ultio dabitur de Cain, de Lamech vero septuagies septies. » Lamech primus bigamus duas habuit uxores, quibus quantum scelus (125) fecerat manifestat. Narrant Hebræi quod cum aliquando Cain suo more solivagus inter fruteta per silvam incederet, Lamech sagittandi peritum ad sonitum sagittam direxisse; qui cum se feram aliquam occidisse putaret, invenit Cain suo vulnere interfectum, quo dolore commotus etiam adolescentulum quemdam, qui secum erat, interemit, sive ut causa occultaretur; sive etiam, quia ejus hortatu res acta fuerat; et hoc esse quod dicitur, « quia occidi virum in vulnus meum, » id est Cain, « et adolescentulum in livore, » id est in ira et indignatione mea. Sed sive hoc, sive alio modo interfecerit, manifestum quidem est quod Cain Lamech interfecerit. Quod vero sequitur: « septies ultio dabitur de Cain, de Lamech vero septuagies septies, » prophetae judicantis sententia est. Et fortasse id ipsum est septuplum, quod est septuagies, quoniam uterque numerus perfectionem significat. Si vero majorem penam de Lamech, quam de Cain sumptam, vel sumendam esse intelligamus, ideo fieri arbitramur, quia saltem exemplo damnationis Cain Lamech deterreri debuit, ne homicidium perpetraret. Audierat enim jam Cain propter fratricidium Dei indignationem et iram incurrisse; audierat fortasse et eum divinitus fuisse signatum, ne quilibet contra Dei præceptum eum occidere præsumeret. Multum ergo peccavit, quem nec signum impositum, nec exemplum damnationis, nec vox Dei minantis et contradicentis ab homicidio compescere potuit.

CAPUT V.

« Hic est liber generationis Adam in die: quia creavit Deus hominem, ad similitudinem fecit illum: masculum et feminam creavit eos, et benedixit illis, vocavitque nomen eorum Adam in die qua creati sunt. » Hic, inquit, est liber generationis Adam, in quo 16 qualiter sit generatus et creatus plenissime continetur. Et ne senior Adam fortasse quam Eva esse putetur, una die creatos esse dicit; siquidem in uno creati sunt ambo, atque uno nomine vocati, scilicet Adam. Simul enim cum Adam facta est Eva, non persona, sed materia; personæ nempe duæ sunt, materia vero una. Denique prima costa, de qua mulier facta est simul cum Adam, et in Adam creata est, et quia illa costa pars erat

(121) Id. cod. M. A. sermonem meum.

(125) Id. cod. M. A. Septuplum ultio dabitur de Cain, de Lamech vero, etc.

(125*) Id. cod. Laurent. quantum scelus egerit.

(126) Codex Samaritanus 240 annis Mathusalem vitam breviorum facit quam Hebræorum textus, et 70 Interpretes, qui ad annos 969 protrahunt. Vid. Natal. Alex. Diss. viii de annis patriarchar.

(126*) Eadem est Joan. Chrysost., Theodoret, Au-

Adam, totus autem homo ille vocatus est Adam, merito et illa costa, imo mulier in costa vocata est Adam. Hoc est enim quod ait: « vocavitque nomen eorum Adam. » Quod autem dicitur, quia Enoch cepit invocare nomen Domini, est intelligendum quod post mortem Abel iste dignius Deum invocaverit, eique servierit. De Mathusalem vero libri scriptorum vitio corrupti tantum errorem genuerunt, ut multi eum post diluvium vixisse contenderint, cum manifestum sit solummodo quinque annos in arca fuisse salvatus. Illius igitur difficillimæ questionis hæc facillime erit solutio, ut in ejus annorum numero libros dicamus esse corruptos (126).

CAPUT VI.

« Noe vero, cum quingentorum esset annorum, genuit Sem, Cham et Japhet. Cumque cœpissent homines multiplicari super terram, et filios procreassent, videntes filii Dei filias hominum, quod essent pulchræ, elegerunt sibi uxores ex omnibus, quas elegerant. » Hoc autem in loco periculose quidam errantes, vel angelos, vel dæmones filios Dei putaverunt, qui mulierum specie delectati ad terram descenderent, et quod dictu quoque nefas est, cum eis concumberent, unde et quoddam dæmoniorum genus incubos vocari dicunt. Nos autem filios Dei, filios Seth intelligimus, quorum primus est Enoch, de quo scriptum est, quia cœpit invocare nomen Domini (126*). Sunt filii Dei, qui Dei faciunt voluntatem; hominum vero filiae illæ intelliguntur, quæ de Cain stirpe ortæ sunt. Ecce iterum mulieres sunt viris causa ruinæ: Qui enim Deo debuerant gignere filios, mulierum pulchritudine illecti, gigantes generant mundo. Talem igitur tantamque superbam generant prolem, quotiescunque filiabus hominum, id est hæreticæ et philosophicæ pravitati, conjunguntur filii Dei.

« Dixitque Deus: Non permanebit spiritus meus in homine in æternum, quia caro est, eruntque dies ejus (127) centum viginti anni. » Si enim hoc loco spiritus ille intelligatur, de quo scriptum est, quia « inspiravit in faciem ejus spiraculum vite (Gen. ii, 8); » divina est utique comminatio, ut homo, qui animæ vivificanti, et nunquam morienti obtemperare noluisset, carne caduca, et transitoria moriatur, quæ semper adversus spiritum concupiscit. Sunt autem qui hoc ita intelligunt, ac si diceret: Non permanebit spiritus iræ, et indignationis meæ in homine in æternum, id est, modo de homine ulciscar, et non ulciscar in æternum. Quare hoc? quia caro est, quia mutabilis est, quia fragilis materiæ est; miserebor ergo illius, sicut dignum est, eruntque dies

gustini aliorumque SS. PP. sententia, quod hic Scripturæ locus ita sit intelligendus; nempe quod non de angelis sac. textus loquatur, qui nullibi filii Dei appellati inveniuntur, sed de filiis Seth veri Dei cultoribus, qui amore carnali cum filiabus Cain se conjunxerant. Vid. Natal. Alex. Diss. vii, p. 4, Veter. Test.

(127) Id. cod. M. A. centum viginti annorum.

ejus centum viginti anni. Non quod postea plus non vixerit homo, sed quia usque ad diluvium tot dies ad poenitentiam concessit homini, in quibus si digne poenitisset, diluvium factum non esset. Quoniam autem in sua malitia homines persisterunt, viginti annis de numero detruncatis, centum vero peractis, factum est diluvium. Sciebat enim Deus (quem nihil unquam latere potest) quoniam illi, qui per centum annos inconvertibiles exstiterant; etiam si reliquis viginti annis vixissent, nihilominus tamen in sua malitia permansissent. Merito igitur non veniunt ad numerum, qui nihil perficiunt in numero. « Gigantes autem erant super terram illis diebus. Postquam enim ingressi sunt filii Dei ad filias hominum, illaque genuerunt; » subauditur, hoc genus hominum natum est. Omne enim animal rationale et morale utriusque sexus, cujuscunque naturæ, sive membrorum numero, sive corporis quantitate aut crescit, aut minuitur: homo enim non ex alia quam ex Adam stirpe descendens; et isti » quidem « sunt potentes a sæculo viri famosi (127). »

« Videns autem Deus quod multa malitia hominum esset in terra, et cuncta cogitatio cordis intenta esset ad malum omni tempore, et præcavens in futurum, poenituit eum quod hominem fecisset in terra, et tactus dolore cordis intrinsecus: Delebo, inquit, hominem, quem creavi, a facie terræ; ab homine usque ad animantia, reptili usque ad volucres cæli: poenitet enim me fecisse eos. » Videns, inquit, Deus hominem, quem ad suam imaginem et similitudinem fecerat, et pro quo cætera mundi animantia, et quæque huic vitæ necessaria creaverat, totum ad malum esse conversum, sese de hominis creatione (et si poenitere nequeat) poenitere dicit. Deus enim non poenitere, nec dolere, nec irasci potest; tamen cum poenitentis, et dolentis, et irascentis opus agit, et poenitere, et dolere, et irasci dicitur; quamvis ipse in se nullam commutationem recipiat, cujus utique natura incommutabilis est. Cum enim dicit: « Poenitet me fecisse hominem, » tale est, ac si diceret: Quia mea præcepta transgressus est homo, talem me erga eum exhibebo, ac si me poenitisset fecisse hominem. Quod enim fecisse poenitet, hoc delere placet. Ergo quoties de Deo loquimur, et eum loquentem introducimus, quia aliter de eo loqui non possumus, humanis nimirum verbis, humanisque affectionibus (128). Sequitur: « Noe vero justus atque perfectus fuit in generationibus suis, cum Deo ambulavit, et genuit tres filios, Sem, Cham et Japhet. Corrupta est autem terra coram Domino, et repleta est iniquitate. Cumque vidisset Deus terram esse corruptam (omnis quippe

A « caro corruerat viam suam super terram) dixit ad Noe: finis universæ carnis venit coram me, repleta est terra iniquitate eorum, et ego disperdam eos cum terra. » Fuit, inquit, Noe vir justus atque perfectus: non quantum ad justitiam, et perfectionem consummatam, sed in generationibus suis; in illa hominum generatione nemo tunc temporis tam perfectus fuit. Sed quid aliud est, ambulare cum Deo, nisi Deum sequi, et ejus custodire præcepta? Quod autem dicitur terra esse corrupta, solius hominis corruptione et peccato corrupta est; non quod vel ipsa terra, vel terræ animantia aliquid peccaverint, unde ipsa terra merito dicitur esse corrupta. Omnis quippe caro in hoc loco nihil aliud intelligitur, nisi omnis homo (128). Merito tamen omnia perduntur cum homine, quæcunque facta sunt propter hominem; hoc enim est, quod ait, « finis universæ carnis venit coram me; » id est, sic mihi placet, sic a me dispositum est, ut omnis caro finiatur, et simul cum terra disperdantur homines, et ea quæ facta sunt propter hominem. In hoc enim ipsam terram disperdidit Deus; quia multo plus ante diluvium quam post diluvium fecundior fuit. Unde et post diluvium carnes ad edendum homini concessæ dicuntur.

« Fac tibi arcam de lignis levigatis, mansiunculas in arca facies, et bitumine linies intrinsecus, et extrinsecus; et sic facies eam. Trecentorum cubitorum erit longitudo arcæ; quinquaginta cubitorum latitudo, et triginta cubitorum altitudo illius. » Hanc vero arcam, sanctam Ecclesiam intelligimus, extra quam qui inventus fuerit peribit. De lignis vero levigatis construitur arca, quia et S. Ecclesia de illis ædificatur, qui et gladio spiritus bene dolati et quadrati, et moribus et virtute ornat, omnique pulchritudine decorati, et nihil tortuosum, nihil vitiosum habere noscuntur; caret Ecclesia macula et ruga. Per mansiunculas autem, singulas designat ecclesias, quæ per provincias, et episcopatus divisæ infra universalem Ecclesiam, quasi quædam cameræ intra domum continentur. Omnia autem ligna, totaque arca bitumine liniri præcipitur, ut tota Ecclesia charitatis vinculo ligata, nulla hæresi vel discordia valeat separari. Bitumen enim charitatem significat, sine qua Ecclesia nec stare nec durare potest. Bituminis enim fertur esse natura, ut et diversa ligna inseparabiliter jungat, et perpetuo incorrupta conservet. Bene autem intrinsecus et extrinsecus liniri jubetur, quia vera dilectio, et intus per cordis affectionem tenetur, et extrinsecus per misericordiæ operationem exhibetur. Trecentorum vero cubitorum est longitudo arcæ, quia a principio primæ ætatis usque ad ultimæ ætatis finem Ecclesiæ

(127) Hujusmodi assertio communis est quoad SS. Patres contra illos qui perperam opinati sunt gigantes ex concubitu dæmonum cum mulieribus procreatos. Vid. Aug. de civit. Dei lib. xv, c. 9; Cyrillum Alex.; Theodor., etc. citatos a Natal. Alex.

(128) Cum Deus natura sit incommutabilis, quo-

modo poenitere dicitur se fecisse hominem? Metaphorice intelligendum est, inquit D. Th., 1. p., q. 19, art. 7, secundum similitudinem nostram.

(128) « Carnem hic ponit pro homine terreno, in quo carnis illecebra viam ejus corruerit. » Ambros. De Noe et Arca c. 5, n. 12.

extenditur longitudo. Trecenti namque cubiti sex quinquagenas faciunt, per quas sex ætates intelligimus; quarum prima est ab Adam usque ad Noe; secunda a Noe usque ad Abraham; tertia ab Abraham usque ad Moysen; quarta a Moysen usque ad David; quinta a David usque ad Christum; sexta a Christo usque ad finem sæculi. Has autem ille sex hydræ significabant, quarum aquas Christus convertit in vinum. Tanta est igitur Ecclesiæ longitudo, quanta est hujus vitæ dimensio. Merito autem latitudo quinquaginta cubitorum esse perhibetur, ut unicuique ætati æqualis inveniatur. Tanta enim est Ecclesiæ latitudo, quantum est et spatium mundi. Unde et Dominus apostolis præcepit, dicens: « Ite in universum mundum, prædicate Evangelium omni creaturæ (Marc. xvi, 20). » Et quia quinquagesimo numero et lex datur, et Spiritus sanctus mittitur, et per jubileum annum propriis dominis hæreditas restituitur, insuper et David quinquagesimo psalmo poenitentiam agens misericordiam est consecutus, non immerito per hunc numerum hæc arca dividitur. Hæ sunt enim maxime et principales causæ, quibus Ecclesiæ longitudo, et latitudo crescit et dilatatur. Est autem et altitudo Ecclesiæ triginta cubitorum, quoniam ad hanc plenitudinis suæ ætatem Christus perveniens baptizatus est, suæque prædicationis sumpsit exordium. De hac autem ætate Apostolus **18** dicit quia « occurremus obviam Domino in virum perfectum in mensuram ætatis plenitudinis Christi (Ephes. iv, 13). » Ad hanc igitur altitudinem sese Ecclesia pervenire gloriatur, in qua perfecti hominis Salvator noster monstravit indicium.

« Fenestram in arca facies, et in cubito con- summabis summamatem ejus. Ostium autem arce ponet ex latere deorsum, cænacula, et tristegia facies in ea. » Quid enim per fenestram, nisi doctores et apostolos intelligimus, qui sanctam Ecclesiam illuminantes, a Domino audire meruerunt: « Vos estis lux mundi (Matth. v, 14). » Omnis enim domus nisi fenestras habuerit, obscura est, et sine lumine. Merito ergo apostoli fenestræ dicuntur, per quos cælestis sapientiæ, et doctrinæ claritatis nobis lumen illuxit. In cubito vero consummatur Ecclesia, quia omnis ejus perfectio in unitate consistit, cui nimirum est cor unum, et anima una: « Unus Dominus, una fides, unum baptisma, unus Deus, et pater omnium (Ephes. iv, 5, 6); » qui utique ad unam gloriam, et unam beatitudinem, et requiem tendens, unius ejusdemque denarii mercedem consequitur. Ostium autem, quod ponitur ex latere deorsum, ille est, qui ait: « Ego sum ostium, per me qui introierit salvabitur (Joan. x, 9). » Per hoc enim ostium qui non intrat, fur est et latro. Ponitur autem ex latere deorsum, quia per

A humanitatem carnis deorsum assumptæ, sponsæ suæ lateri adhærens, omnibus ingrediendi præbuit iter. Cænacula autem, et tristegia, sive etiam, ut alia translatio habet (129), bicamerata, et tricamerata, quamvis et alia multa per hæc intelligi valeant. Cætera autem quæ sequuntur, non necessarium est cuncta exponere. Summatim igitur breviterque exponentes, ibi tantum, ubi necesse fuerit, allegorias ponamus. Sequitur autem quod Dominus adducet aquas diluvii super terram, et interficiet omnem carnem, ponetque fœdus cum Noe, cui et præcipit, ut ingrediens arcam, de cunctis animalibus bina et bina secum tollat, simulque et escas, unde vivere valeant. Hoc autem si allegorice intelligatur, illud significat, quod S. Ecclesia adversitatum procellis, et aquis perturbationum assidue concutitur et turbatur, et æterna damnatione pereuntibus peccatoribus, hoc fœdus sancti cum Domino pepigerunt, ut eos non timeant, qui occidunt corpus, quia ipse eos non deseret, neque derelinquet, sed usque ad sæculi consummationem cum eis erit. Quod autem dicitur de cunctis animalibus, quæ Noe secum in arcam tulit, omnium gentium diversitatem in Ecclesiam convenire significat. Omnis autem esca, quæ mandī potest, omnis est doctrina tam Novi quam Veteris Testamenti.

CAPUT VII.

« Fecit ergo Noe omnia quæ præcepit Deus. » Quia cum filiis, uxore, et mulieribus arcam ingressus, quæcumque Deus illi præceperat, secum invenit: de mundis videlicet animalibus septena, et septena, de immundis autem bina, et bina. Septena autem, et septena sic accipiuntur, quasi si de singulis generibus septem, et non amplius introducere jussisset; et de immundis bina imponuntur tantummodo, ut semen servetur. De mundis vero septena introducuntur, ut et semen similiter servetur; et Noe de arca egredienti supersit aliquid, quod Domino imoletur. Ergo in articulo diei, primo diluculo, die jam elucescente, ingressus est in arcam, et filii ejus, et uxor illius, et uxores filiorum ejus cum eo. Nec debet movere aliquem, quomodo Noe tot animalia in unam arcam, et per unum ostium coadunare potuerit, quoniam qui sine labore, et ex nihilo omnia fecit, facile et sine labore in unam cuncta collegit: majus est enim creare, quam adunare. Mihi autem hoc non mirabilius esse videtur, quam quod ex omnibus mundi partibus tot gentes, tam feras, tamque divisas Christus Dominus noster per paucos apostolos in unam Ecclesiam congregaverit. Quod autem ait: « Rupti sunt omnes fontes abyssi magnæ, et cæ- » taractæ cæli apertæ sunt: » hoc significari videtur, quod non solum per occultos terræ meatus aqua sursum ebulliens mundum repleverit, verum etiam ea, quæ super firmamentum est, per quas-

(129) S. Max. Taurin. eadem versione utitur, cum serm. 6 de Quadrag. p. 450 habeat: « Triplex enim arca est Ecclesia; quia Trinitatis continet

sacramentum. Nam cum dicit Scriptura, bicamerata et tricamerata eam fuisse, utique demonstrat triplici Divinitatis illam gratia esse distinctam. »

dam cœli fenestras irrumpens terram inundaverit. Quamvis et hoc rectius intelligi valeat, quod totus aer iste, qui frequenter cœlum vocatur, in aquas more insolito ruentes solutus fuerit (129). Quadringenta autem diebus, et quadringenta noctibus factum est diluvium, quoniam hic numerus, et ad peccata delenda, et ad pœnitentiam insinuandam, videtur esse sufficiens, quod etiam Novi et Veteris Testamenti in se continet plenitudinem, quoniam ex quatuor et decem conficitur, quatuor enim decem, vel decies quater quadringenta faciunt.

CAPUT VIII.

« Recordatus est autem Dominus Noe, et cunctorum animantium, et omnium jumentorum, quæ cum eo erant in arca, adduxit spiritum super terram, et imminutæ sunt aquæ. » Deus enim, qui nunquam obliviscitur, tunc recordari dicitur, quando peccatoribus miseretur. Adduxit **19** autem spiritum, id est ventum serenitatis super terram, quem nos aquilonem fortasse intelligere possumus (130). Si quis autem mirabitur, ubi tanta aquarum inundatio redierit, cogitet prius, unde exierit; quod quidem utrumque cognoscere difficile est. Scriptum tamen est, quod « Dominus super maria fundavit terram, et super flumina præparavit eam (Psal. xxi. 6). » Itemque: « Fiat firmamentum in medio aquarum, et dividat aquas ab aquis (Gen. 1, 6). » Multæ igitur sunt aquæ, siquidem in eis et cœlum continetur et terra.

« Cumque transissent quadringenta dies, aperiens Noe fenestram arcæ, quam fecerat, dimisit corvum: » qui egrediebatur, et non revertebatur, donec sicceretur aquæ super terram. » Quid enim corvus iste, nisi peccatores designat? Qui si aliquando perschisma, vel hæresim, aut cætera peccata ab Ecclesia separantur, in sua malitia perseverantes, et mundi gloriam, et amplitudinem diligentes, pœnitentiam agere negligunt, ut matri Ecclesie reconciliantur: sicut enim ille colore, sic et isti mente immutabiles sunt.

« Misit quoque columbam post eum, ut videret si jam cessassent aquæ: quæ cum non invenisset ubi requiesceret pes ejus, reversa est ad eum in arcam; aquæ enim erant super universam terram, extenditque manum, et apprehensam intulit in arcam. » Columba autem illi sunt, de quibus Dominus ait: « Super quem requiescet spiritus meus, nisi super humilem, et quietum, et tementem verba mea? » (Isa. lxvi, 2.) Tales enim, si qualibet occasione quandoque ab Ecclesia recedunt, ad eam redire quantocius festinant, neque sibi ullam requiem fore putant, qui talem matrem reliquerunt; sponte redeunt, pacem, et olivam ore ferunt. Quid enim

(129) Ex quibus fontibus tanta aquarum copia eruperit in diluvio Noetico designatur a Natal. Alex. De universalitate diluvii Noetici art. 4, p. unica, tom. 1.

(130) Contra sensit Ambrosius. « Non puto, inquit, hoc ita dictum, ut Spiritus nomine ventum accipiamus, neque enim ventus poterat siccare diluvium. » Concludit vero his verbis: « Spiritus igitur divini virtute invisibili diluvium illud repressum esse non dubium est, cœlesti operatione, non flatu. At nemo

Aliud est olivam ore ferre, nisi pacem ostendere verbis? Et bene virentibus foliis hæc oliva fuisse dicitur, ut viva, et vera, et non ficta talis pax esse credatur. Hoc non agit corvus, hoc dedignatur facere hæreticus, hoc superbi ab Ecclesia excommunicati facere contemnunt. Sed quid est, quod post tertiam missionem jam ad arcam columba non rediit; nisi quia carne soluta, aquis cessantibus, cunctisque adversis deficientibus majorem sibi requiem reperit? Ergo tertia emissio, carnis hujus mortalis est dissolutio. Ergo illos suos filios Rachel miserat, de quibus dicitur: « Rachel plorans filios suos, et noluit consolari, quia non sunt (Jer. xxxi, 15). » Quid est dicere, quia non sunt? (131) nisi quia in hac vita non sunt, quia superna bona relinquere non possunt, ut iterum ad hæc caduca et transitoria redeant.

« Et aperiens Noe tectum arcæ, aspexit, viditque quia exsiccatæ esset superficies terræ. » Dum enim hoc per fenestram satis cognoscere posset, ad hoc tamen intueundum super tectum ascendere maluit, quia quanto virtutum gradibus altius quilibet ascenderit, tanto magis mundi hujus (132) aquas, adversitatesque despiciens, spem sibi prosperitatis in futurum promittit.

« Egredere de arca tu, et uxor tua, filii tui, et uxores filiorum tuorum tecum. » Ecce viri cum mulieribus egrediuntur de arca, qui seorsum a mulieribus ingressi sunt arcam. Quia viri ecclesiastici (133) alio tempore vacant orationibus, alio, secundum quod Apostolus ait (1 Cor. vii), revertuntur in idipsum, ut vir uxori, et uxor viro debitum reddat, ne propter eorum incontinentiam tentet eos Satan.

« Edificavit autem Noe altare Domino, et tollens de cunctis pecoribus et volucribus mundis, obtulit holocausta super altare, odoratusque est Dominus odorem suavitatis, et ait ad eum: Nequaquam ultra maledicam terræ propter homines: sensus enim et cogitatio humani cordis in malum prona sunt ab adolescentia sua; non igitur (134) percutiam omnem animam, sicut feci cunctis animalibus terræ. » Quia enim omnis caro corruperat viam suam, totusque mundus aquis diluvii purificatus fuerat, ideo de omnibus mundis animalibus Deo offerri holocaustum necesse erat, quatenus quicunctis offensus fuerat, cunctorum sacrificio placaretur. Solus autem homo hoc sacrificio non est immolatus, quia restabat, ut Christus suo tempore immolaretur verus Agnus, qui tollit peccata mundi. Tamen, quia justus erat Noe, ejus devotione et pia voluntate, magis quam illo animalium fumo delecta-

negabit Deum vento virtutem illam dare potuisse. »

(131) Id. cod. Laurent. Nisi quia jam in hac vita non sunt, quia cum Deo, quia superna bona, etc.

(132) Id. cod. aquarum adversitatem despiciens.

(133) Hic ecclesiasticus idem valet ac religiosus, et timens Deum, ut oportet esse eos qui sunt in Ecclesia Dei.

(134) Id. cod. M. A., percutiam omnem animantem, sicut feci.

tus est Deus; unde et dicitur: « Odoratusque est Dominus odorem suavitatis. » Nullum animal immundum immolatur Deo, quia soli sancti, et a peccatis mundati Deo placent. Quod autem dicitur, se non maledicere terræ propter homines, subsequenter exponit, dicens: « Non ergo percutiam omnem animantem, sicut feci. » Quid igitur hoc in loco est maledicere? Hoc est percutere, vel disperdere. Hoc autem cur fiat, adnectitur. « Sensus enim et cogitatio hominis prona sunt ad malum; » ipsaque humana natura per se fragilis, et miserabilis, nisi Dei auxilio protegatur, facile labitur in peccatum, unde digna esse videtur, cui misericordia præstetur. Sed quare ait, « ab adolescentia sua? » nisi quia qui in infantia et pueritia peccat, magis hoc ignorantia facit, quam sensu et cogitatione.

20 « Cunctis diebus terræ, sementis et messis, » frigus et æstus, æstas et hyems, nox et dies, non requiescent. » Quam breviter et pulchre omnem temporum varietatem posuit, ut nobis et spem daret quietæ vitæ, et timorem diluvii auferret.

CAPUT IX.

« Benedixitque Deus Noe, et filiis ejus, et dixit ad eos: Crescite, et multiplicamini, et replete terram; » et terror vester, et tremor sit super cuncta animalia terræ, et super omnes volucres cæli, cum universis quæ moventur in terra. Omnes pisces maris manui vestræ traditi sunt, et omne quod movetur, et vivit, erit vobis in cibum: quasi olera virentia tradidi vobis omnia, excepto, quod carnem cum sanguine non comedetis. » Sicut enim superius maledictio perditionem, ita et hic benedictio multiplicationem significat; quæ benedictio tantum valuit, ut usque hodie ubique efficaciter operetur. Sed quid est, quod hominem non timeat, cui vultus hominis terribilis non appareat? Quid tam ferox, tamque indomitum, quod humano ingenio aut non vincatur aut non dometur? Quod si allegorice intelligatur, crescunt quotidie sancti, et non solum hominibus, verum etiam ipsis dæmonibus sunt terrori. Et quia omne quod movetur, et vivit, datur nobis in cibum et quasi olera virentia nobis traduntur, erubescant qui nobis carnes comedere interdiciunt, et ipsi, quia infirmi sunt, olera manducant. « Omnia enim, secundum Apostolum, sunt munda mundis; coinquatis autem et infidelibus nihil est mundum (Rom. xiv, 20). » Sicut enim omnes gentes fidei gratiam suscipere (secundum quod beato Petro apostolo ostensum est (Act. x, 11), ita et omnem cibum comedere, non est peccatum. Quædam tamen quia sunt nociva, quædam vero, quæ scandalum generant; quædam quia sunt fastidiosa, vel insuavia, in cibum ab ipsis catholicis non recipiuntur. Usus quoque multa respuit, quæ si sumerentur, non esset peccatum. Beatus enim Joannes locustas comedit, quæ nec ipsis gentibus sunt in usu. Quod autem ait: « Excepto, quod carnem cum sanguine non come-

detis, » magis ad figuram, quam ad litteram attinet. Nullum peccatum est sanguinem manducare; neque enim ob aliud in Actibus apostolorum ab ipsis apostolis interdicitur, nisi ne Judæis ad fidem venientibus scandalum fieret (Act. xv, 29). Unde et Apostolus ait se magis nolle manducare carnem, et bibere vinum, quam ut fratrem scandalizet (I Cor. x, 28). Allegorice autem carnem cum sanguine comedere est hæreticis, et criminosis viris, in suis iniquitatibus perseverantibus communicare. Non ergo prius hi tales in communionem ecclesiasticam recipi debent, quam sanguine dividantur. Hoc enim sanguine propheta minui cupiebat, cum diceret: « Libera me de sanguinibus, Deus Deus meus (Psal. L, 16). »

B « Sanguinem enim animarum vestrarum requiram » de manu cunctarum bestiarum: et de manu hominis, de manu viri, et fratris ejus requiram (133) « animam ejus. Quicumque (136) effuderit humanum sanguinem, fundetur sanguis ejus: ad imaginem » quippe Dei factus est homo. » Hæc sunt fortasse illæ bestię, de quibus Psalmista ait: « Ne tradas bestiis animas confitentes tibi (Psal. LXXIII, 49); » ut non solum ab hominibus, verum etiam ab ipsis dæmonibus mors, et sanguis hominis requiratur. Possimus autem et per bestias hæreticos, et tyrannos intelligere, qui et astutia et crudelitate Dei populum perdere non cessant. Requiritur autem sanguis isto de manu hominis, ut de manu Cain requiratur sanguis Abel. Unde et Dominus in Evangelio ait: « Requiritur a generatione illa omnis sanguis justus, qui effusus est super terram, a sanguine Abel justus, usque ad sanguinem Zachariæ filii Barachiz (Matth. xxiii, 36). » Sequitur: « De manu viri requiram animam viri, et de manu fratris ejus requiram animam ejus. » Omnes enim fratres sumus: Domini sententia est. Nemo autem impune proximum et fratrem suum interficiet. Unde et subditur: « Quicumque effuderit humanum sanguinem, fundetur sanguis illius. » Non quod omnis homicida temporaliter occidatur, sed quia, nisi resipuerit et penitentiam egerit, pro morte quam fecit, mortem suscipiet æternam. Et hoc quidem merito; ad imaginem enim Dei factus est homo. Quicumque igitur hominis

C

D non timet effundere sanguinem, saltem venerari debet in illo imaginem Dei.

« Hæc quoque dixit Deus ad Noe, et ad filios ejus: » Ecce ego statuam pactum meum vobiscum, et cum semine vestro post vos. » Hoc enim pactum posuit Deus cum Noe, cunctisque animantibus, ut ulterius non inducat aquas diluvii super terram. Quod ut firmum credatur, et nullatenus dubitetur, posuit insuper et signum quod inter Deum et hominem omni tempore maneat in testimonium, arcum videlicet, quem et Deus intuens sui fœderis reconditur, et homo cum viderit, cognoscens Deum non immemorem sui, omni expulso timore, tanti testimonii illu-

(133) Id. cod. M. A. animam hominis.

(136) Item fundetur sanguis illius.

stratione consoletur (137); Et quia prius per aquam A
judicatus 21 est mundus, iterum autem per ignem
est judicandus; ideo duo principales colores in arcu
apparent, viridis scilicet, et rubeus; et viridis qui-
dem aquam, rubeus vero ignem præstendit.

« Erant igitur filii Noe, qui egressi sunt de arca,
« Sem, Cham et Japhet, ex quibus disseminatum
« est (138) omne humanum genus. » Deinde sequi-
tur quod Noe plantavit vineam, et bibens inebria-
tus est, et nudatus jacuit in tabernaculo suo; quem
Cham vidit, et irrisit, fratribusque nuntiavit, qui,
accepto pallio, patrem operuerunt, et verenda pa-
tris non viderunt; unde et a patre isti benedicuntur,
ille vero maledictioni subicitur et servituti. Sed
quid per Noe, nisi Christum; quid per ejus vineam,
nisi Judaicum populum intelligamus? « Vineam enim
Domini Sabaoth, domus Israel est (Isa. v, 7); » ejus
vinum ipse bibit, calicem videlicet mortis, de quo
et beato Petro dicebat: « Calicem, quem dedit mihi
Pater, non vis ut bibam illum? » (Joan. xviii, 11.)
Tali ergo calice tunc inebriatus obdormivit, quando
inclinato capite emisit spiritum. Sed quid nuditatis,
quid verendum, quid irridendum filius ejus Cham,
Judaicus scilicet populus, in eo vidit? Quid unde do-
lerent, et verecundarentur, et operire cuperent?
Illud scilicet, quod usque hodie nobis Judæi improp-
erant. Obijciunt enim nobis mortem Salvatoris no-
stri, et crucis ignominiam; se Deum viventem, nos
hominem mortuum adorare, hominem nimirum cap-
tum, ligatum, flagellatum, consputum, spinis coro-
natum, aceto potatum, et demum crucifixum. Hæc
sunt ejus verenda, hæc sunt quæ videre erubesci-
mus; hæc sunt, quæ pallio rationum et prophetarum
testimonio operire nitimur. Unde Apostolus ait:
« Christus pro peccatis nostris mortuus est semel
(1 Petr. iii, 18). » — « Quod autem vivit, vivit Deo
(Rom. vi, 10). » Ipse quoque suam operiens nudita-
tem dicebat: « O stulti et tardi corde ad creden-
dum in omnibus quæ locuti sunt prophætæ; nonne
sic oportuit pati Christum, et resurgere a mortuis,
et ita intrare in gloriam suam? » (Luc. xxiv, 25.)
Talis igitur nuditas tali indiget operimento. Isti duo
fratres gentiles sunt; isti sunt Græcus et Latinus;
his enim duabus linguis Dei gloria prædicatur, et
Judæorum protervitas expugnatur

CAPUT X.

« Evigilans autem Noe ex vino, cum didicisset quæ
« fecerat ei filius suus minor, ait: Maledictus Cha-
« naan, servus servorum erit fratribus suis. » Cha-
naan filius fuit Cham, de quo Chanaanæ, et Ethei,
et Jebusæi, et Evæi, et Amorrhæi nati sunt, et cæ-
teri, qui terram promissionis inhabitantes Dei po-

(137) Putat Ambrosius arcum illum, ex refra-
ctione radiorum solarium in nube roscida efforma-
tum, non accipiendum esse pro signo a Deo Noe
promisso; sed significari « virtutem invisibilis Dei,
quæ et specie istius arcus extendendi et remittendi
moderatur, pro divina voluntate, misericordia, po-
testate, quæ neque omnia confundi nimia solutione,
neque d'rumpi nimia irruptione patiatur. » Loc. cit.,

pulo restiterunt; quorum Israelitæ alios peremerunt,
alios servituti subjecerunt, ut compleretur illud,
quod dictum fuerat, « Servus servorum erit fratribus
« suis. » Unde non Cham, sed Chanaan maledicitur,
a quo hæc gentes originem ducunt. Interpretatur au-
tem Chanaan *negotiator*, per quem Judæos intelli-
gimus, qui quoniam Dominum suum triginta argen-
teis negotiati sunt, nulla gens est cui servitute non
serviant, et non solum servi, sed servorum servi
merito dicantur. Sequitur: « Dixitque: Benedictus
« Dominus Deus Sem, sit Chanaan servus ejus; dila-
« tet Deus Japhet, et habitet in tabernaculis Sem,
« sitque Chanaan servus ejus. » De Sem quoque
qui merito *nominatus* interpretatur, natus est Abra-
ham, omnisque Hebræorum populus, unde patriar-
chæ et prophætæ orti sunt. Ipse quoque secundum
carnem Salvator noster, omnesque apostoli originem
habent, quibus non solum Chananæos, verum etiam
omnes gentes servire non dubium est. Ideoque in
suis benedictionibus dicit, ut Japhet habitet in ta-
bernaculis Sem, id est, sive in Ecclesiis ab apostolis
fundatis, sive in illis mansionibus, de quibus Domi-
nus ait: « In domo Patris mei mansiones multæ sunt
(Joan. xiv, 2). » De Japhet namque, qui *latitudo* in-
terpretatur, gentilis populus natus est, qui non so-
lum Chananæis, sed cunctis gentibus imperavit.

CAPUT XI.

De eo agitur, quod filii Noe venerunt in campum
Sennaar, et ut celebre nomen sibi facerent, turrim
ibi ædificare cœperunt, cujus cacumen cælum tan-
geret. Sed Dominus descendens eorum linguam con-
fundit, ut se ad invicem non intelligerent: unde et
Babel ille locus vocatur, qui *confusio* interpretatur.
Sicque ubique terrarum (139) diffusi sunt. Una enim
et simili lingua loquebantur omnes, quam utique
Hebræam fuisse credimus (140). Hanc autem super-
bia, et vana gloria confudit, et cum omnes mundi
nationes se vicissim intelligere possent, jam in parvo
terrarum spatio quasi irrationales sese intelligere
nequeunt. Semper enim Deus superbiam odit, ideo-
que superbos humiliat, et exaltat humiles. Sic enim
et diabolum, cum super cælorum altitudinem sedem
suam exaltare veller, dejectus est. (141) Descendit
igitur Dominus in montem, imo non descendit, qui
D ubique est; qui enim descendit, ubi descendit, ibi
non est. Descendit ergo non per se, sed per angelos
sibi subjectos. Ideo, et vocans eos, ait: « Venite.
« descendamus, et confundamus ibi linguam 22
« eorum; » id est, descendite, me vobiscum ferte,
meam in vobis virtutem et potestatem habete;
quidquid utile et necessarium fuerit, meo nomine
agite. Sic igitur descendit Dominus.

cap. 27, n. 104.

(138) Idem cod. M. A. *hominum genus*.

(139) Id. cod. *divisi sunt*.

(140) Hanc esse communiorum SS. Patrum senten-
tiam demonstrat Natalis Alex. Hist. Vet. Test. prop.
iv, eamque linguam mundo ipsi cœvam fuisse docet.

(141) Id. cod. Laurent. corrigat hic editionem
valde corruptam.

« Hæ sunt generationes Thare. Thare genuit Abraham, et Nachor, et Aran. Porro Aran genuit Lot. Mortuusque est Aran ante Thare patrem suum in terra nativitatis suæ in Ur Chaldeorum. » Tradunt Hebræi Aran, quod idolis sacrificare noluerit, ante patrem suum, id est in conspectu patris sui, igni traditum a Chaldeis interisse. Ur enim ignis dicitur. Abraham quoque ob eandem causam in igne præcipitatus, et Dei auxilio liberatus, cum patre, uxore, et Loth nepote suo fugit, ut iret in terram Chanaan, veneruntque usque Aram, et habitaverunt ibi (142).

CAPUT XII.

« Dixit autem Dominus Abraham : Egredere de terra tua, et de cognatione tua, et de domo patris tui, et veni in terram, quam monstravero tibi, et faciamque te in gentem magnam, et benedicam tibi. » Rem valde difficilem in principio suæ locutionis præcipit Dominus Abraham, in quo ejus fides maxime commendatur, qui statim relicta domo, jubentis obediit præcepto. Non permittitur Abraham diutius habitare in uno loco, sed semper de loco transfertur ad alium locum, ut facile intelligamus quia peregrini sumus in hoc mundo, neque habemus hic manentem civitatem, sed futuram inquirimus (*Hebr. xiii, 14*). Quod autem ait : « Atque in te benedicuntur omnes cognationes terre, » id est in semine quod oriatur ex te, in Christo videlicet, a quo, et in quo, et per quem omnes benedicuntur, et sine quo nemo benedicitur.

« Egressi sunt de Aram, ut irent in terram Chanaan, » in quam prius venire disposuerunt. « Apparuitque Dominus Abraham, et dixit ei : Semini tuo dabo terram hanc. Qui ædificavit ibi altare Domino, qui apparuerat ei, et invocavit nomen ejus. » Cum enim ipse Dominus dicat : « Non me videbit homo, et vivet (*Joan. i, 18*) ; » et apostolus : « Deum nemo vidit unquam (*I Joan. iv, 19*) ; » quid est, quod Dominus Abraham apparuisse dicitur? Non enim Dominus in se, id est in propria substantia, quæ utique ineffabilis et invisibilis est, sed per angelum apparuit Abraham (143). Audita vero tanta promissione Abraham, quamvis pauper et advena, tamen non incredulus, vel ingratus, mox altare ædificavit, et Deo de promisso gratias egit, magnum videlicet posteris relinquens exemplum.

« Facta est autem fames in terra : descendit Abraham in Ægyptum, rogavitque uxorem suam, ut ejus sororem se esse diceret, ne ejus pulchritudinis causa occideretur. » Sublata est ergo mulier in domum Pharaonis, quam ob causam maximis plagis

A eum Dominus flagellavit. Bis Sarapropter pulchritudinem rapta est, sed, Domino protegente, non est violata. Sic enim in libro Esther legitur (*Esth. ii*). Sex mensibus myrrhino ungebantur, sex autem quibusdam aliis odoris, priusquam ad reges tales mulieres introducerentur. Hoc ergo temporis spatium, sicut scriptum est, corripuit pro eis Dominus reges, semperque intacta et incorrupta viro suo reddita est mulier. Sunt autem qui putant maximis plagis et Pharaonem et Abimelech in verendis corporis partibus fuisse flagellatos, ut quanto tempore Saram secum habuerunt, usum cum mulieribus habere nequiverint : inde est etiam quod, cognita causa, non resistunt, sed libentissime viro reddunt.

CAPUT XIII.

B Nemo autem Abraham reprehendat, quasi uxorem mentiri coegisset ; ut cum esset uxor, mentiretur suam esse sororem. Re enim vera, sicut Abraham ipse fatetur, soror ejus erat Sara, de patre tamen non de matre ; unum enim patrem, non eandem matrem ambo habuerunt. Si quis autem ex hoc falsum esse contendat, quoniam superius scriptum est : « tulit autem Thare Abraham filium suum, et Saram nurum suam (*Gen. xi, 31*) ; » quod non dixit filiam suam ; defendit se Abraham illa sententia, qua dicitur : « Omnes vos fratres estis ; unus est enim Pater vester qui in cælis est (*Math. xxiii, 9*) ; » Dominus est qui loquitur. Secundum hoc igitur et Abraham et Sara, et si non unam matrem, unum tamen patrem habere probantur.

CAPUT XIV.

C Hinc autem sequitur quomodo Lot captus fuerit ; et Abraham, numeratis trecentis decem et octo vernaculis suis, eum liberavit. Insuper et Melchisedech rex Salem sacerdos Dei altissimi quomodo, proferens panem et vinum, ei benedixerit, decimasque suscepit. Abraham namque, qui *pater excelsus* interpretatur, S. Ecclesiam designat. Quid vero Melchisedech nisi Christum, de quo in Epistola ad Hebræos plenissime Apostolus loquitur? Tulit ergo Abraham, id est **23** Deus omnipotens, trecentos decem et octo vernaculos suos, id est trecentos decem et octo sacerdotes, quos in Nicænum concilium congregavit, atque per eos Lot, id est S. Ecclesiam, jam in hæresim declinantem liberavit, (144) et, cæsis principibus, hæretica pravitate damnata, fidem catholicam confirmavit. De qua victoria Melchisedech, id est Christus Dominus noster, rex pacis, et justitiæ gratulabundus, qui prius seipsum Deo Patri in sacrificium obtulit, jam ex eo tempore victis inimicis ejus, sacerdotio confirmato, quotidie per servos suos pa-

(142) Hanc narrationem ut fabulam rejiciunt critici omnes, quamvis aliquam fidem habuerit apud Hieronymum, cujus vestigia Bruno secutus est. Vid. Ludov. Vives in adnotat. ad cap. 15 lib. xvi De civit. Dei.

(143) Eadem est D. Augustini sententia, qui lib. xvi, cap. 29, De civit. Dei, « Esse quidem, ait, divinæ potestatis, et invisibilis, incorporalis, incommutabilisque nature, sine ulla sui mutatione etiam

mortalibus aspectibus apparere : non per id quod est, sed per aliquid quod sibi subditum est. Quid autem illi subditum non est? »

(144) Non quod tota Ecclesia a fide catholica defecere posset, contra Christi promissionem Petro factam. « Ego rogavi pro te, Petre, ut non deficiat fides tua (*Luc. xxii, 32*) ; » quod Ariana hæresis invalescere cœperat.

nem et vinum, carnem videlicet et sanguinem suum, Deo Patri offerre non cessat. Decimas autem a Patre suscipit Christus, quia et propter decimam drachmam carnem suscepit, et propter centesimam ovem (quæ et ipsa decima est) in hunc mundum venit. Sciendum est autem, quoniam aliquando allegoria sequitur historiam, aliquando nominum interpretationem. Unde Abraham, qui *pater excelsus* interpretatur, secundum nominis interpretationem major est quam Melchisedech, minor vero secundum historiam; ideoque Apostolus de his loquens (*Hebr. vii*): Sine controversia qui minor est a majore benedicitur; minorem Abraham significans, cui Melchisedech benedixit. Nam et Christus, qui Patri æqualis est secundum divinitatem, minor est Patre in hoc quod factus est sacerdos in æternum secundum ordinem Melchisedech.

CAPUT XV.

Iterum factus est sermo Domini ad Abraham, promittens ei hæredem, et semen ad stellarum comparationem. « Credidit Abraham Deo, et reputatum est illi ad justitiam (*Rom. iv, 3*). » Jam enim Abraham simul cum uxore senectuti appropinquabat, cum ei Dominus sæpe filium promitteret, non tamen daret. Sciebat enim Abraham Deum mentiri non posse; ideo contra spem in seipsum credebatur, fides naturam superabat, nihilque Deo impossibile credens, ipso jubente, in qualibet ætate se filium habiturum non desperabat. Quia vero ita credidit, quia hanc fidem habuit, reputatum est ei ad justitiam. Ergo fides justitiam operatur (*Rom. iv, 3*): non circumcisio, sed fides justum hominem facit, nondum enim Abraham circumciscus erat.

« Dixitque Dominus ad eum: Ego Dominus, qui eduxi te de Ur Chaldehym, ut darem tibi terram istam, ut possideres eam. At ille ait: Domine Deus, unde scire possum quod possessurus sim eam? Et respondens Dominus: Sume, inquit, mihi vaccam triennem et capram triennem, et arietem annorum trium, turturem quoque et columbam.» Per hæc enim animalia, tota Judæorum progenies, et quicunque Abraham stirpe descenderunt, designantur. Siquidem per vaccam partem plebis, quæ Domino serviens legis jugum humiliter serebat: per capram autem partem aliam prævaricatricem, et peccatricem, et idolis servientem; per arietem autem duces populi, id est iudices, et reges, et principes: at vero per turturem et columbam, prophetas, et sacerdotes designat, quæ bene trium annorum esse referuntur, quoniam Hebræorum regnum, virtus et potestas, in tribus ætatibus, quasi in tribus annis perseveravit, viguit et floruit. Prima siquidem ætas ab Abraham, cui hæc ostenduntur, usque ad David: secunda a David usque ad transmigrationem Babylonis: tertia a transmigratione Babylonis usque ad Christum. Habet autem unaquæque istarum ætatum generationes quatuordecim. In hoc igitur sacrificio ostendit Deus Abraham quantum populus, et qualis de ejus stirpe esset futurus, quan-

Atumque regnaturus; quanta etiam adversa passurus.

« Qui tollens universa hæc, divisit per medium, et utrasque partes contra se alitrinseus posuit; aves autem non divisit. Descenderuntque volucres super cadavera, et abigebat eas Abraham. » Merito autem cæteris divisus, aves non dividuntur, quoniam in solis spiritualibus et catholicis viris, qui per aves intelliguntur, unitas, et concordia regnat. Volucres autem, quæ super cadavera descendunt, vitia sunt, et maligni spiritus, qui semper insatiabili voracitate populum Dei diripere et laniare conantur. Sed Abraham abigit eas: per quem sanctos et apostolicos viros intelligimus, qui semper sanctam Ecclesiam ab eorum insidiis protegent et defendunt.

« Cumque sol occumberet, sopor irruit super Abraham, et horror magnus et tenebrosus invasit eum: dictumque est ad eum: Scito prænosces, quia peregrinum futurum sit semen tuum in terra non sua, et subjicient eos servituti, et affligent quadringentis annis; verumtamen gentem cui servituri sunt, ego judicabo, et post hæc egredientur cum magna substantia. Tu autem ibis ad patres tuos in pace, sepultus in senectute bona. Generatione autem quarta revertentur huc, nec dum enim completæ sunt iniquitates Amorrhæorum usque ad præsens tempus. — Cum, inquit, soleccumberet, et jam nox appropinquaret, sopor irruit super Abraham, in quo, quia, ut sæpe fit, mira et horrenda videbat, horror magnus et tenebrosus invasit eum. » Neque enim non terri poterat, cui, quamvis in somno, divina tamen revelatione talia monstrabantur. « Dictum est ergo ad eum: Scito » (inquit angelus, qui loquebatur ei) et multo antequam **24** fiat, prænoscas quia peregrinum futurum sit semen tuum in terra non sua, id est in terra Egypti, et subjicient Egyptii eos servituti et affligent quadraginta annis. » Hoc autem in Exodo plenius narratur. « Verumtamen gentem, cui servient, ego judicabo; quia decem plagis totum Egyptum potenter afflixit: Hebræi autem exspoliata Egypto egressi sunt cum magna substantia. Tu autem ibis ad patres tuos in pace, id est pacifice et quiete, sepultus in senectute bona; ipsi vero quarta generatione revertentur huc. » Hoc autem verum est, si non secundum Judæ, sed secundum Levi generationem computetur. « Nec dum enim completæ sunt iniquitates Amorrhæorum; — Peccatum enim, cum consummatum fuerit, generat mortem (*Jac. i, 15*). » Sordidus igitur sordescat adhuc, ne forte convertatur et sanetur. Iniquus enim est, qui penitentiam agere renuit, qui quanto plus a Domino expectatur, tanto majori pena dignus nullam habebit excusationem.

« Cum ergo occubisset sol, facta est caligo tenebrosa, et apparuit clipeus fumans, et lampas ignis transiens inter divisiones illas. » Solis occasus, qui finis est diei, hujus sæculi finem designat (145). Caligo vero tenebrosa est de qua dicitur: Quia sol obscurabitur, et luna non dabit lumen suum (*Matth.*

(145) Ita etiam Augustinus De civit. Dei, lib. xvi, c. 5.

xxiv, 29). » Sunt etiam tenebræ, quas in inferno A patientur iniqui. Clibanus fumans, et lampas ignis, hujus sæculi conflagratio est, qua ultimo judicio totus mundus terribiliter succendetur. Bene autem ignis inter divisiones illas transisse, non tamen cadavera consumpsisse dicitur; quia, jam peracto judicio, ennetisque immortalibus factis, transire per eos ignis poterit, penitus tamen incendere et consumere non poterit. Si vero per solis occasum mors Christi intelligatur, per caliginem vero tenebræ, quæ in ejus passione factæ sunt, quid erit clibanus, et lampas ignis, nisi Spiritus sanctus, qui die quinquagesima descendens super apostolos venit, atque per eos transivit? Sequitur :

« In die illa pepigit fœdus cum Abraham, dicens: « Semini tuo dabo terram hanc. » Deinde vero describit terminos terræ quam ei daturus erat. Tantis enim revelatis secretis, cum jam nihil esset in quo Abraham dubitare posset, merito et fœdus cum eo ponitur, et hæreditas futura describitur.

CAPUT XVI.

Hinc autem narratur quod Abraham, rogatu uxoris, cum Agar ejus ancilla dormiens, Ismaelem genuerit; sed cum Sara domina ejus eam affligeret, ipsaque a facie ejus fugeret, ab angelo admonita ad dominam suam reversa est. Quid autem per has duas mulieres intelligi debeat, Apostolus exponens ait : « Hæc sunt duo Testamenta (Galat. iv, 24) : » per Saram siquidem Ecclesiam, per Agar vero Synagogam intelligere volens. Unde Isaac filius Ecclesiæ, Ismael vero Synagoge filios designat. Et prius quidem quam Sara, peperit Agar, quia prius Synagoga quam Ecclesia peperit. Quomodo autem Synagogam Ecclesia affixit, nisi fortasse fidem Christi prædicando, quam ipsa audire non vult, scire non possum. Tamen et ab Ecclesiæ filiis multis in locis temporaliter affligitur Synagoga, tributa solvendo, aliaque obsequia servitutis exhibendo. Angelus autem, qui Agar ad dominam suam redire admonet, Ecclesiæ doctores sunt, qui Judæis, ut ad fidem Christi, et ad Ecclesiam convertantur, sæpissime persuadent. Revertetur igitur, et si non modo, aliquando tamen Agar ad dominam suam, quia, « cum plenitudo gentium introierit, tunc omnis Israel salvus fiet (Rom. xi, 25). » Quod autem sequitur de Ismaele, quia fuerit « ferus homo, et manus ejus contra omnes, et manus omnium contra eum, » quantum ad historiam non procedit. Sed quia, ut dictum est, Ismael Synagoge filios significat, nulli genti eum convenire et concordare manifestum est. Dum enim legem, et circumcisionem defendere nititur, non solum a Christianis, verum etiam a cæteris gentibus impugnatur; dumque præter suam, omnis religio ei displiceat, garrula disputatione cum omnibus contendit. Omnes igitur ejus tabernacula odio habent, omnes Judæorum Synagogas abominantur, qui contendere quidem volunt, veritati autem et

rationi acquiescere nolunt. Dixitque Agar : « Profecto hic vidi posteriora videntis me. (146) » Agar fugiens monetur ab angelo ut redeat ad dominam suam, quod utile sibi forte cognoscens, ait : « Tu es Deus, qui audisti me, tanquam salubre consilium mihi dedisti; » et adjecit : « profecto hic vidi posteriora videntis me. » Dictum est etiam quod Agar Synagogam, angelus autem Ecclesiæ doctores significat. Dicat igitur Agar, dicat Synagoga : Vera sunt, o doctores, quæ dicitis, utilia mihi nuntiatis; revertar igitur ad Ecclesiam, revertar ad dominam meam; video enim quod videbam, video Christum Dominum meum, video ejus posteriora, cujus despexi anteriora, præsens mihi locus est, et non cognovi, transivit, et jam cognosco, quem utique non cognovissem nisi ad puteum venissem. Sic enim mulier Samaritana ad puteum eum cognoscere meruit. Puteus iste Novum Testamentum est. Lege Evangelium, si vis cognoscere Christum. Vocatur autem puteus iste *putens 25 viventis, et videntis me*; viventis quidem, quia mortuum eum Synagoga esse putabat : videntis autem, quia, quamvis eum multum offendisset, misericorditer tamen semper eam respexit.

CAPUT XVII.

Longa autem dehinc describitur historia, quo I Deus apparuit Abrahæ, et posuit sempiternum fœdus cum eo, et adjecta una littera vocavit eum Abraham, omnemque terram Chanaam promisit ei possessionem æternam. Sarai quoque, mutato nomine, appellavit Saram. Præcepit insuper ut Abraham circumcidat carnem præputii sui. « Masculus enim, qui circumcisis non fuerit, peribit anima ejus de populo suo. » Merito enim Abraham tunc crevit nomine, quando filius ei promissus est, in quo hereditare debebat omnes gentes. Unde et dicitur : « Nomen tuum non vocabitur ultra Abram, sed Abraham erit nomen tuum, quia patrem multarum gentium posui te. » Sarai vero, quæ vocatur *princeps nostra*, e contra nomine diminuta est, ut jam non princeps nostra, sed princeps absolute dicatur; sic enim interpretatur Sara. Significat enim, ut diximus, Ecclesiam, quæ non unius populi, sed omnium gentium princeps est. De circumcissione autem Abrahæ dicit Apostolus in Epistola ad Romanos, quia « signum accepit circumcisionis, signaculum justitiæ fidei (Rom. iv, 11). » Est igitur circumcisio signum, est autem et signaculum justitiæ fidei. Signum quidem, ut populus, qui ubique gentium dispersendus erat, ab omnibus agnosceretur. Justitiæ vero signaculum, ut per illius superfluitatis diminutionem Ecclesiæ filii intelligerent, se aliter fideles, et justos esse non posse, nisi membris omnibus circumcisis, superflua omnia et nociva a se repellant; et Judæi quidem uno, nos autem membris omnibus circumcidamur. Pes enim circumcisis non currit ad malum. Manus circumcisa non percutit

(146) Id. cod. Laur. : *Profecto hic vidi posteriora videntis me; propterea appellavit puteum illum, viventis, et videntis me.*

innocentem. Lingua circumcisa non loquitur mendacium. Auris circumcisa non vult audire detractorem. Audi denique quod scriptum est : « Circumcidite corda vestra, et corpora vestra (Joel. ii, 13). » Et beatus Stephanus loquens Judeis ait : « Dura cervice, et incircumcisis cordibus, et auribus, vos semper Spiritui sancto resistitis (Act. vii, 51). » Sola enim ista sufficiunt contra eos, qui omnia ad litteram intelligere volunt : aut si non sufficiunt, absceidant aures, et secant corda, quod a nemine usque hodie factum audivimus. Aut hoc igitur non intelligunt, aut si intelligunt, facere negligunt.

CAPUT XVIII.

De eo quod tres viri apparuerunt Abraham (147), quibus occurrens adoravit, et dixit : « Domine, si « inveni gratiam in oculis tuis, ne transeat servum « tuum : sed afferam pauculum aquæ, et laventur « pedes vestri. » Quibus acquiescentibus, tulit Abraham butyrum et lac, et vitulum, quem coxerat, et posuit coram eis. Postquam autem comederunt, dicunt quod, emenso anno, eodem tempore habebit Sara filium. Deinde surgunt, et vadunt contra Sodomam; Abraham autem deducebat eos. Cui Dominus : « Clamor, inquit, Sodomorum et Gomorrhæ « multiplicatus est; et peccatum eorum aggravatum « est nimis; descendam igitur illuc. » Iverunt ergo Sodomam duo angeli. Abraham vero stans loquebatur cum Domino. Semper enim Abraham in fide crescit, semperque de Deo majora cognoscere mereatur (148). Ecce enim, quod ante id temporis omnibus incognitum fuerat, in Trinitate Deum cernit, et in unitate adorat; non quod Trinitatem ipsam viderit; sed quia per hoc, quod viderat, in Trinitate, et unitate Deum cognoscere meruit; unde cum tres viderit, attamen nonnisi unum adorat, nonnisi unum Dominum vocat. De hoc enim Dominus in Evangelio ait : « Abraham pater vester exsultavit, ut videret diem meum, vidit, et gavisus est (Joan. viii, 56). » Angeli enim, quando volunt, ex aere corpus assumunt, quod et videri, et tangi, et loqui, et manducare, et bibere possunt. Sicut enim corpus est aer, ita et corpora, quæ sumuntur ex aere. His enim ad tempus induuntur, quibus cum se expoliaverunt, rursus in eundem aerem resolvuntur. Angelus enim Raphael ad Tobiam loquens ait : « Pax vobis, nolite timere : etenim cum essem vobiscum per voluntatem Dei, videbar quidem vobiscum et manducare et bibere, sed ego cibo invisibili, et potu, qui ab hominibus videri non potest, utor (Tob. xii, 17). » Secundum igitur hanc sententiam, et cæteros angelos manducare et bibere intelligant, quibuscunque im-

A possibile videtur esse, ut angeli manducent, et bibant. Moyses tamen eos comedisse testatur, dicens : « Cumque comedissent, dixerunt ad eum : Ubi est « Sara uxor tua? Ille respondit : Ecce in tabernaculo est. Cui dixit : Revertens veniam ad te tempore isto, et habebit filium Sara uxor tua : quod « audito, risit Sara. » Desierant enim jam fieri muliebria, tempus menstrui ab ea cessaverat, post quod secundum legem nature mulierem parere impossibile est. Unde et a Domino Sara de risu reprehenditur. Abraham quamvis et ipse superius 26 risisse dicatur, non tamen reprehenditur, quoniam non dubitando, sed admirando risit; sciebat enim Deo nihil impossibile esse. Sequitur autem de peccato Sodomorum, et Gomorrhæorum, quod pro sui magnitudine clamor appellatur. Sic enim et de peccato Cain dicitur : « Ecce sanguis fratris tui clamat ad me de terra (Genes. iii, 10). » Clamant igitur peccata, neque secundum hominum voluntates celari possunt, semperque aures Dei sollicitant, et inquietant. Sed mira Conditoris patientia, qui non statim punit, neque temere credens accusanti clamori, quamvis omnia sciat, descendit tamen, et videt utrum vera sint, quæ sic de peccatoribus nuntiantur : magnum videlicet homini exemplum tribuens, ut nemo in iudicando sententiam temere depromat. Et hoc est, quod dicitur : « Descendam, et videbo utrum clamorem, qui venit ad me, opere compleverint, an non est ita ut sciam. » Converterunt igitur sese duo angeli inde, et abiierunt Sodomam. Abraham vero stans loquebatur cum Domino, suisque orationibus hæc ab eo impetravit, ut si saltem decem justi ibi inventi fuissent, illæ civitates non essent delendæ. Infelix ergo illa civitas, et perditioni jam proxima, quæ solis peccatoribus abundans, sanctos et justos viros habere non meruit!

CAPUT XIX.

¶ Venerunt ergo duo angeli Sodomam, quos Lot invitat, imo in hospitium coegit. Viri autem civitatis, ut eis impie abuterentur, domum violentius circumdant, quibus ne hoc fiat, duas filias suas exponit. Sed cum adhuc importune instarent, a minimo usque ad maximum, percussi sunt cæcitate. Lot vero cum uxore et filiabus egressus secutus est angelos. Uxor autem ejus post se respiciens versa est in statuam salis. Magna est virtus hospitalitatis, per quam ipsi quoque patriarchæ Domino placuisse probantur. Magna iniquitas Sodomorum, qui tam impudenter viros etiam ignotos polluere non erubescunt. Sed quid dicam de Lot, qui, ut hospites tueretur, propriis filiabus non pepercit (149)? Allegorice au-

(147) Apparuerunt tres viri, etc. S. Ambrosius lib. i de Abraham : « Credidit tres hos viros, de quibus licet sermo, sanctissimas Trinitatis personas representasse. » Alii Patres, ut Irenæus lib. iii, cap. 6, et lib. iv, c. 23.; Tertull. lib. ii. contra Marcion., cap. 27; Justinus in Dialogo cum Triphone; Hilarius lib. iv De Trinit., arbitrari sunt duos fuisse angelos, et tertium fuisse Filium Dei, secundam Trinitatis personam. Ecclesia in officio suo sententiam hanc

amplexa videtur, ubi ea repetit verna, quæ in Scriptura non exstant, sed in SS. Patribus, velut apud August. lib. ii. contra Maximinum cap. 6, art. 3, Tres vidit, et unum adoravit.

(148) Emendatur editio valde errata a Codice Laurentiano.

(149) Excusatur ab Ambrosio hujusmodi filiarum oblatio, ne scelestius in angelos ageretur. « Nam etsi, inquit, illa quoque flagitiosa impuritas erat;

tem duo angeli, duo sunt Testamenta: his enim nuntiantibus, Accepimus quidquid sapientiae, et scientiae habemus: horum sententia damnantur mali; horum consilio liberantur boni. Sodomitae autem, haeretici intelliguntur, qui semper verbum Dei adulterare conantur, qui utroque Testamento abutentes, prave intelligendo et exponendo, illud impie violare contendunt. Lot vero, qui *declinans* interpretatur, S. Ecclesiam designat, cui semper est cordi declinare a malo, et facere bonum. Per duas autem filias ipsius, carnem nostram, et substantiam, quam possidemus, significari puto. Has autem filias sancti Dei despiciunt; has, inquam, furori obijciunt, magisque his privari volunt, quam peccare in legem Dei, et Testamentorum non defendere puritatem. Sed quid per uxorem Lot? nisi fatuam illam Christianorum plebem intelligimus, quae in bono perseverare negligens, facile ad pristina peccata delabitur? Talibus autem Dominus ait: « Nemo mittens manum ad aratrum, et respiciens retro, aptus est regno Dei (Luc. ix, 62). » Merito quidem in salis statum conversam est mulier, ut de se, ne talia patiantur, ceteris sapientiae praeberet exemplum. Bene autem et duos generos suos secum Lot educere voluit; quoniam etiam eos, quos carnaliter diligimus, a morte, si possumus, liberare debemus. At illi egredi Sodoma noluerunt; perierunt ergo cum civitate universa. Quid autem est, quod dicitur: « Sol egressus est super terram, et Lot ingressus est Segor? » nisi quod Sole iustitiae Domino Jesu Christo ad iudicium veniente, et sanctis viris in Segor, id est in celesti patria, receptis, mox ignis super Sodomam descendet, ille nimirum qui habet incendere totum mundum. Segor enim interpretatur *parva*: « Multi enim sunt vocati, pauci vero electi (Matth. xx, 16). » Parva igitur Segor, quia pauci electi. (150) Nemo autem dubitet ante ignem iudicium fieri.

Ascenditque Lot de Segor, et mansit in monte. Duæ quoque filiae ejus, cum neminem virorum remansisse super terram putarent, inito consilio, patrem inebriantes cum eo dormierunt, et ex eo concipientes genuerunt Moab et Ammon. Hic autem solum historia narratur, quæ ideo quibusdam impossibilis esse videtur, quia non credunt, quod aliquis læsciens cum aliqua concumbere possit. Scimus autem quod in somnis aliquando nescientibus semen effunditur, quod si genitali alvo susciperetur, generare posse non dubitamus, et non minus Lot, qui inebriari potuit, peccasse putamus, quam eas, quæ non luxuriæ stimulis, agitate, sed filiorum amore, ne hominum genus periret penitus, provocatæ fuerunt (151).

27 CAPUT XX.

Sequitur autem quod Abraham profectus inde

tamen minus erat secundum naturam coire, quam contra naturam delinquere. » De Abraham lib. i, c. 6, n. 52.

(150) Idem tradit aliis in locis, ut homil. in Septuag. homil. in Dominic. ii post Pentecosten, et lib. i Scutep. cap. 2, de Arca Noe. Ita censent et plu-

A venit in terram australem. Ibi quoque, sicut et superius diximus, Alexit Saram suam esse sororem. Tullit igitur eam Abimelech; propter quod ipse et uxor et ancillæ ejus flagellati sunt a Domino. Hoc autem superius expositum est, ubi Sara propter eandem causam a Pharaone rapta fuisse narratur. Quod autem dicitur: quia, « orante Abraham, sanavit Deus Abimelech, et uxorem, et ancillas ejus, » et peperit, hoc est quod superius diximus, ne inter se commisceri possent, eos in genitalibus ægrotasse. Unde et subditur: « Concluserat enim Deus omnem vulvam domus Abimelech propter Saram uxorem Abraham. » Tandiu nec sua uti potuit, quandiu aliena desideravit abuti uxore.

CAPUT XXI.

B Visitavit autem Dominus Saram, et peperit filium eo tempore quo prædixerat ei Deus, vocavitque Abraham nomen ejus Isaac, quod *risus*, sive *gaudium* interpretatur. Unde et ait: « Risum fecit mihi Deus; quicumque audierit, conridebit mihi. Rursumque ait: Quis auditorum crederet Abraham, quod Sara lactaret filium suum, quem peperit ei jam seni? Crevit igitur puer, et ablactatus est, fecitque Abraham grande convivium in die ablationis ejus. » Merito enim in die ablactionis fit grande convivium, ut a lacte separatus magnas inveniat delicias, quibus utatur. Unde Apostolus ait: « Lac vobis potum dedi, non escam (I Cor. xii, 2). » Quare hoc? « Nondum enim poteratis (ibid.). » De ablactatis vero quid dicitur? « Sapientiam loquimur inter perfectos (I Cor. ii, 6). » Hoc est enim grande convivium; hoc Abraham, hoc Apostoli præparant filiis suis, utique jam ablactatis, jam ab uberibus avulsis.

C Cumque vidisset Sara filium Agar Ægyptiæ ludentem cum Isaac, dixit ad Abraham: Ejice ancillam, et filium ejus, non enim erit hæres ancillæ cum filio meo Isaac. Mane igitur surgens Abraham, tollensque panem, et utrem aquæ, imposuit scapulæ Agar, tradiditque ei puerum, et dimisit eam. Quæ cum abisset, et errasset in solitudine Bersabee, et jam aqua consumpta esset, abiecit puerum subter unam arborum, quæ ibi erant. Misertus autem Dominus exaudivit puerum, ostenditque ei puteum aquæ. Puto autem quod ad turpem et inhonestum ludum puerum Isaac Ismael provocaverat, de quo Sara tam impatienter est indignata. Nam quia primogenita ei subripere desiderabat, ideo eum ad flagitia incitabat. Diximus enim superius quod Sara Ecclesiam, et Agar Synagogam significet: hoc enim et Apostolus ipse testatur (Galat. iv, 25). Tunc autem quantum ad litteram, Synagogam cum filio rejectam esse credo, quando capta Jerusalem, ubique gentium dispersi sunt Judei. Spiritualiter autem tunc ejecta est, quando Judæis verbum Dei

rimi alii Patres, quorum testimonia collegit Petrus Franciscus Fogginius in libro inscripto: *Patrum Ecclesiæ de paucitate adultorum fidelium salvandorum*, etc.

(151) Hæc eadem habet Ambrosius lib. de Abraham, c. 6, n. 56.

audire nolentibus, ad gentes apostoli sunt conversi. Unde Apostolus ait: « Vobis primum oportuit prædicare verbum Dei, sed quia repulistis illud, et indignos vos fecistis æternæ vitæ, ecce convertimur, ad gentes (Act. xiii, 47). » Ejecta est igitur Synagoga, portavit panem et utrum aquæ, legem videlicet et prophetas, quibus suos adulterinos reficeret. Hæc enim Judæi secum ubique et portant et legunt, sed non intelligunt. Sequitur:

« Quæ cum abiisset, et errasset in solitudine Bersabee, » etc. (152). Errat igitur Synagoga, errat utique: sed ubi errat? in solitudine. In qua solitudine? in solitudine Bersabee, id est juxta puteum satietatis; sic enim interpretatur Bersabee. Puteum enim satietatis Ecclesiam, circa quam pluribus in locis Hebræi morantur, vel ipsam legem, quam portant, intelligere possumus; circa quam ideo errant, quia prave eam intelligunt. Quod quidem ex eo facile probatur, quia quoties nobiscum disputant, cito deficient, cito quid proferant non habent, cito eis aqua siccatur in utre; nobis autem non siccatur aqua, quia Spiritus est qui loquitur, cui nemo resistere valet. Sequitur:

« Cumque aqua consumpta esset in utre, abjecit puerum subter unam arborum, » etc. Quando enim Judæi in disputatione deficient, quando ex lege et prophetis competentia testimonia, quæ contra fidem Christianam proferant, non inveniunt; tunc eis aqua siccatur in utre. Quod quidem tunc eis prodest, quando compuncti convertuntur ad Christum (153). Unde et sequitur: quia « exaudivit Dominus vocem pueri, et ostendit ei puteum aquæ, » implevit utrem et bibit. » Hunc autem puteum S. Ecclesiam, Novum Testamentum, et Evangelia putamus. Huc igitur, Judæi, venite, huc fluentes et pœnitentes accedite, de hac aqua bibite, de hac utrem legis implete, et aridæ literæ spirituales intelligantiam adhibete. Hoc enim etsi non modo, aliquando tamen facturi estis, ut Apostolus ait: « Cum enim plenitudo gentium introierit, tunc omnis Israel salvus fiet (Rom. xi, 25); » tunc Agar, id est Synagoga, implebit utrem, et sitientem morientemque Ismaelem, id est populum Judaicum, viva et nova aqua potabit, quam quidem de plenis semperque abundantibus Ecclesia fontibus hauriet.

De eo quod Abraham et Abimelech percusserunt fœdus inter se, ne nocerent **28** sibi alterutrum, et de redditione putei, quem vi abstulerant servi Abimelech, deditque Abraham Abimelech oves, et boves, et septem agnos: Abraham enim *pater multarum gentium*; Abimelech vero *pater meus rex* interpretatur: quid igitur per hos duos patres, nisi animam et carnem intelligimus? Quæ si inter se convenerint, nihil molle et femineum habentes, sed totum virile et masculinum possidentes, merito non matres, sed patres appellantur. Unde ipsa

Veritas ait: « Si duo ex vobis consenserint, de omni re, quam petierint, fiet eis (Matth. xviii, 19). » Sed quoniam anima possidet intellectum, consilium et rationem, quod caro non habet, aliter vicissim convenire non poterunt, nisi animam caro sequatur. Abraham igitur vir sanctus et spiritualis significat animam: Abimelech vero carnalis homo et sæcularis carnem designat. Servi autem Abimelech, id est carnis ingluvies, ebrietas, luxuria, et his similia intelliguntur, quæ utique soli carni serviunt. Per puteum autem, quem isti servi iniquissimi abstulerant Abraham, id est animæ, sapientiæ fontem intelligimus, quæ simul cum eis esse non potest. Unde scriptum est: « In malevolam animam non introibit sapientia, nec habitabit in corpore subdito peccatis (Sap. i, 4). » Reddito igitur animæ sapientiæ puteo, et carne jam domita, spiritui conscientie dat Abraham, id est anima donat Abimelech, id est carni, oves scilicet, ut simpliciter vivat; boves autem, ut jam non vitis serviat, sed jugum Christi, quod suave est, ferens, in ejus agro laborare incipiat. Dat ei præterea septem agnas, id est septem gratias Spiritus sancti, quæ semper sunt (154) ei testimonium fœderis, ne contra se bellum ulterius servos suos movere permittat. Bene autem interveniente Fichol militiæ principe facta est hæc conventio; quia Fichol, qui *os omnium* interpretatur, sapientiam designat, quæ et linguas infantium facit disertas, et sine qua vera pax, et concordia esse non potest.

CAPUT XXII.

« Quæ postquam gesta sunt, tentavit Deus Abraham, et dixit ad eum: Tolle filium tuum unigenitum, quem diligis, Isaac, et vade in terram visionis, atque ibi offers eum in holocaustum super unum montium, quem monstravero tibi. » Præcipit Abraham ut eo in monte immolet filium, in quo Christus Dominus est crucifixus. Mons enim visionis est Sion, qui et ipse *visio* vel *speculatio* interpretatur. Quamvis igitur non eodem loco, tamen eodem monte utrumque actum est, ut aptissime Deus monstraret quid per hoc sacrificium monstrare vellet. Ducitur ergo Isaac ad victimam, et cum resistere posset, sponte tamen se ligari, et super aram poni permittit. Sic enim Josephus ait: Jam illius erat ætatis, ut patrem, si vellet, facile superare posset; sed postquam hoc Deum præcepisse cognoverat, sponte se ad immolandum dedit, ne Dei resisteret voluntati. Quis igitur in hoc, Abraham an Isaac, laudabilior sit, non facile apparet. Abraham tamen resurgere mox filium, si occideretur, sperabat, quoniam Deum non posse mentiri sciebat. Quomodo enim gens illa cœli stellis comparata de Isaac nasceretur, si mortuus non resurgeret? Interdicitur ergo Abraham, ne puerum occidat. Puerum autem usitato locutionis more eum appellat, quo-

(152) Sensus, in editione mutilus, suppletur ab eod. cod. Laurent.

(153) Id. cod. Laurent., cum quo concordat Casin.

(154) Ab eod. cod. Laurent. textus emendatur.

molio majores quoque natu pueros dici consueverat. « Respiens ergo Abraham (155) vidit arietem inter « vepres hærentem cornibus, quem assumens obtulit holocaustum pro filio. » Laudatur Abraham de facto, benedicitur a Domino, promittitur ei semen insuperabile, et in quo omnes gentes benedicantur; pro quo Christus intelligitur, in quo qui non benedicitur, non est benedictus. Allegorice autem Abraham, qui *pater multarum gentium*, vel *pater excelsus* interpretatur, Deum Patrem significat, de quo scriptum est: « Excelsus super omnes gentes Dominus (Psalm. cxii, 4). » Isaac vero filium ejus Jesum Christum, qui et ipse factus est obediens Patri usque ad mortem. Ara vero crucem designat, in qua ipse est immolatus. Aries autem qui immolatur pro Isaac, caro Christi est; est enim Christus Deus et homo, secundum divinitatem quidem immortalis et impassibilis; secundum humanitatem vero passibilis atque mortalis. Christo igitur in cruce posito, solus aries immolatur, solus agnus occiditur, sola caro crucifigitur: non enim secundum divinitatem passus est Christus. Hoc igitur causæ existit, quare pro Isaac aries est immolatus. Quod autem circa cornua, et in capite arietis vepres hærebant, nonne tibi spinea corona esse videtur in capite Salvatoris? Quid est autem, quod Dominus Abraham loquitur dicens: « Nunc cognovi « quod timeas Deum? » Nunquid prius non cognoscebat? Tale est igitur, ac si diceret: Nunc te tentando, te probando cognovi, id est, cunctis gentibus notum feci quod timeas Dominum: nisi enim Abraham tentaretur, ejus obedientia non cognosceretur.

CAPUT XXIII.

Vixit autem Sara centum viginti septem annis, et mortua est; quam, empto agro, Abraham sepelivit in spelunca duplici, in qua Adam et Eva, Abraham et Sara, Isaac et Rebecca sepulti **29** esse referuntur, in quam et Jacob de Ægypto delatus est. Quid enim per speluncam duplicem, in qua patriarcharum corpora requiescunt, nisi cœlestem patriam intelligimus? quæ ideo duplex dicitur, quia bona duplicia sanctis præstat. Unde scriptum est: « Duplicia in terra sua possidebunt (Isa. lxi, 7). » Ibi enim usque ad judicium solæ animæ; post judicium autem animæ et corpora æterna beatitudine perfruentur. Merito igitur non in sepulcris Chananæorum, sed in hac tam nobili spelunca vir sanctus et Spiritu Dei plenus uxorem suam sepelire voluit.

CAPUT XXIV.

Post hæc narratur quomodo Abraham præcepit servo suo ut poneret manum subter femur suum, et juraret quod non acciperet uxorem Isaac filio suo nisi de cognatione sua. Fecit igitur servus quod ei præceptum fuerat, tulitque decem camelos de grege domini sui, oneravitque eos ex omnibus bonis ejus, et pergens in Mesopotamiam invenit Rebeccam filiam Bathuelis filii Nachor fratris Abraham domini

A sui, quæ venerat ad puteum, ad hauriendam aquam, cui inaures, et armillas, vasa aurea et argentea dedit, et vestes pro munere, eamque domino suo accepit uxorem. Dicamus ergo quid femur Abraham, quid Isaac, quid servus, quid Rebecca, quid puteus, quid ornamenta sibi data, quid ejus propinqui significent. Quid enim per femur Abraham (de quo, sicut Matthæus evangelista describit (cap. i), Christus secundum carnem originem ducit,) nisi humanitatem intelligimus? Magnum est igitur hoc juramentum, quod super carnem fit mundi Conditoris. Quod autem Isaac Christum significet, Apostolus testatur, dicens: « Non dicit: In seminibus, quasi in multis; sed quasi in uno: Et semini tuo, quod est Christus (Galat. iii, 16). » Decem vero cameli prophetarum est multitudo, qui ideo decem fuisse dicuntur, quoniam decenarius numerus omnes in se numeros continet: hoc est decem, quod omnes. Multum ergo conveniens fuit ut ad Rebeccam deferendam omnes prophete ducerentur. Onerati pergunt cameli, quia magnæ sunt divitiæ prophetarum. Sed quis est iste servus, qui eos ducit? Quis, inquam, nisi apostolorum chorus, et præcipue Paulus, servus Jesu Christi? Isti ergo inveniunt Rebeccam, isti inveniunt S. Ecclesiam, isti inveniunt patientiam. Sic enim interpretatur Rebecca. Ipsa est enim, cui Dominus ait: « In patientia vestra possidebitis animas vestras (Luc. xxi, 19). » Sed qualis erat Rebecca, dicat Moyses. « Puella de « cora nimis, virgoque pulcherrima, et incognita « viro. » Talis est igitur Ecclesia, non habens maculam neque rugam. Hæc autem venerat ad puteum, hæc venerat ad hauriendam aquam. Sed quid invenit? Servus Abraham, servus Christi, eos invenit, qui vivam et indeficientem ferebant aquam. Sic enim et mulier Samaritana, dum venit ad puteum haurire aquam, et Christum ibi reperit promittentem aquam vivam. Sed multo melior Rebecca, quam mulier Samaritana: ab illa enim vix aqua extorquetur, hæc autem sua sponte promittit. Illa denique dicit: « Quomodo tu, cum Judæus sis, a me bibere petis, quæ sum mulier Samaritana? » (Joan. iv, 9.) Hæc autem ait: « Bibe, Domine mi; nam et camelis tuis « potum tribuam. » Sed quid est quod isti aquam ab eis petunt, quibus aquam dare venerant, nisi ut in re vilissima, et quæ plurimum abundat, eos probent, quam circa proximos habeant misericordiam et charitatem, quibus Christi sacramenta committere debent? Ideo enim dicitur, quia non perdet mercedem suam, qui vel calicem aquæ frigidæ proximo dederit (Matth. x, 42). Postquam autem obediens, patiens et misericors Rebecca esse probatur, dantur ei inaures, quibus ornata, fiat apta et docilis audire verbum Dei. Tales enim, et sic ornatas aures quærebat Christus, cum diceret: « Qui habet aures audiendi, audiat (Luc. vii, 8). » Merito autem prius aures Ecclesiæ ornantur, et sic per eas venit ad reliqua membra, quia ipsæ sunt, quæ

prius occurrerunt venienti Verbo Dei. Ideo Psalmista A
ab auribus incipiens ait : « Audi, filia, et inclina au-
rem tuam. (Psal. xlv, 12). » Quibus ornatis, venit
ad manus, per quas opera intelligimus; quia non
sufficit audisse, nisi et ea quæ audiuntur opere
compleantur. Unde et ipse Dominus ait : « Beati
qui audiunt verbum Dei, et custodiunt illud (Luc.
xi, 28). » Et Apostolus : « Non auditores, inquit, le-
gis justi sunt apud Deum, sed factores (Rom. ii, 13). »
Illi autem ita gestis, interrogatur cujus sit, quæ
ait : « Filia sum Bathuelis, filii Nachor, et Melchæ. »
Bathuel enim interpretatur *virgo Dei*; Nachor *requies*
luminis; Melchæ *regina ejus*. Quæ est ergo virgo
Dei, cujus filiam se esse Rebecca gloriatur, nisi illa
de qua Apostolus ait : « Illa autem Jerusalem, quæ
sursum est, libera est, quæ est mater nostra (Galat.
iv, 26). » De qua et Joannes ait : « Vidi civitatem
sanctam, Jerusalem novam descendentem de cælo a
Deo, paratam sicut sponsam ornata viro suo (Apoc.
xxi, 2). » Hujus ergo virginis filia est Rebecca, hujus
filia est Ecclesia, quæ in hac vita moratur, et degit.
Sed quid Nachor, id est requies luminis, nisi Deus
pater intelligitur, in quo ille requiescit, qui dicitur
lumen de lumine? Quid vero Melchæ, id est regina
ejus, nisi Christus, Dei virtus, et Dei sapientia? Tali-
bus igitur parentibus, talique progenie exorta, ma-
gnis ditata muneribus, prophetarum vehiculo, Chri-
sto Domino desponsata, Rebecca deducitur. Est enim
superedificata super fundamentum apostolorum et
prophetarum. Quid autem vasa aurea et argentea, et
vestes quæ dantur Rebecce, significant, **30** nisi C
doctrinam, exempla, mores, vitam, conversationem,
et institutionem apostolorum et prophetarum, qui-
bus instructa et ornata S. Ecclesia Domino placet?

Eo autem tempore egressus fuerat Isaac ad medi-
tandum in agro, quem Rebecca cum vidisset, de-
scendit de camelo, et cooperuit se pallio. Qui intro-
duxit eam in tabernaculum Saræ matris suæ, et
accepit uxorem, et in tantum dilexit eam, ut dolo-
rem, qui ex morte matris acciderat, temperaret.
Eo, inquam, tempore, quo apostoli prædicare cœ-
perunt, quo ad Christum Dominum suum Ecclesia
duxerunt, Christus Dominus egressus fuerat a Patre,
et venerat in mundum : de quo scriptum est : « Post
hæc in terris visus est, et cum hominibus con-
versatus est (Baruch. iii, 38). » Sed quare venerat? Ad
meditandum : de eo namque dictum fuerat : « Sed in
lege Domini fuit voluntas ejus, et in lege ejus
meditabitur die ac nocte (Ps. i, 2). » Inde etiam
animalia, quæ non ruminant, immunda vocantur.
Venerat ergo ad meditandum; id est, ad hoc vene-
rat, ut nos meditari, et scripturas ruminare, et spi-
ritualiter intelligere doceret. Ideoque hinc dicitur :
quia ambulat per viam, quæ ducit ad puteum, cujus
nomen est viventis et videntis. Puteus iste Spiritus
sanctus est, qui nos spiritualiter Scripturas intelli-
gere facit. Ambulabat ergo per viam, non per illam

(156) Hi sunt gentiles, qui, ob aliquas morales virtutes, bonis temporalibus, scientia et gloria multa
ditati sunt.

quæ ducit ad litteram, quæ Judæi gradiuntur, sed
per illam, quæ ducit ad Spiritum, quæ Ecclesia inee-
dit : quia « littera occidit, spiritus autem vivificat
(II Cor. iii, 6). » Puteus viventis ideo dicitur, quia
mentis oculos illuminat, et quia videre facit, videntis
appellatur. Hæc igitur aqua, hoc spiritu repletus Chri-
stus dicebat : « Spiritus Domini super me, eo quod unxo-
rit me, evangelizare pauperibus misit me (Luc. iv,
18). » Quod autem Rebecca eum videns, de camelo
descenderit, timoris, et humilitatis est indicium. Quod
vero pallio se operuit, aut erubuit, aut decentior
apparere voluit. Quanto igitur sancti viri Deo fami-
liarius appropinquant, tanto magis se humiliare, ut ei
placeant, et decentius adornare se debent. Introduxit
autem eam in tabernaculum matris suæ, et accepit
uxorem; quia eo amore Ecclesiam diligere cœpit,
quo prius dilexit Synagogam : illa namque cadente,
ista surrexit. Unde et subditur : « et in tantum di-
lexit eam, ut dolorem, qui ei ex morte matris ac-
ciderat, temperaret. » Plus enim hic optimus fi-
lius de morte matris quam de sua dolebat, eum in
cruce pendens diceret : « Pater, ignosce illis, quia
nesciunt quid faciunt (Luc. xxiii, 34). » Mater enim
illius, secundum carnem, Synagoga fuit, quia de
Judæorum stirpe natus est Christus.

CAPUT XXV.

Sequitur autem quod Abraham duxit aliam ux-
orem nomine Cethuram, de qua plures filios habuit,
deditque cuncta, quæ possederat, Isaac; filiis autem
concupinarum largitus est munera, et separavit eos
ab Isaac. Non est autem putandum quod vir sanctus
et Deo charus libidinis causa alias duxerit uxores :
sed quia nomine pater erat, re etiam multorum al-
lorum pater esse volebat. Significabat præterea
Deum unam sanctam uxorem habere, quæ sibi legi-
timos, et hæreditate dignos filios pareret, et multos
haberet concubinas, quæ spurios et ab hæreditate
pellendos filios generaret, quales sunt Judæi, pagani,
et hæretici. Unde bene subditur : « Quia dedit filio
« suo Isaac cuncta quæ possidebat; filiis autem
« concupinarum largitus est munera. » Ipse enim
Christus ait : « Omnia, quæ habet Pater, mea sunt
(Joan. xvi, 15). » Si enim sua, ergo nostra. « Su-
mus enim, ut Apostolus ait, hæredes Dei, et cohæ-
redes Christi (Rom. viii, 17). » Filiis autem concu-
binarum largitus est munera (156), bona scilicet
temporalia, mundi substantiam, intellectum et ratio-
nem, multarum artium peritiam, et multa alia bona
præcipua, quibus illi male utuntur, et separavit eos
ab Isaac. « Quæ enim societas luci ad tenebras? aut
quæ pars fidei cum infidei? quæ conventio Christi
ad Belial? » (II Cor. vi, 15.) Apostolus est, qui lo-
quitur. Notandum vero est quod easdem et uxores,
et concubinas vocat.

Vixit autem Abraham centum septuaginta quin-
que annis, et deficiens mortuus est in senectute
bona, utpote in cujus vita nihil reprehensibile in-

venitur. Et sepelierunt eum Isaac, et Ismael in sepulcro dupliei. Et post obitum illius benedixit Deus Isaac filio ejus, qui habitabat juxta puteum nomine viventis et videntis omnia; quoniam sapientie, et justitie intentus, in lege Dei meditabatur die ac nocte. Supervixit autem Abraham, postquam Isaac duxit uxorem, triginta quinque annis.

Quadraginta autem annorum erat Isaac quando duxit uxorem, pro qua, quia sterilis erat, rogavit Dominum, et concepit. Sed collidebantur in utero ejus parvuli. Ivit igitur, ut consulere Dominum, qui respondens ait: Dux gentes in utero tuo, et duo populi ex ventre tuo dividuntur, populusque populum superabit, et major serviet minori. Nati sunt igitur; sed prior Esau egressus rufus erat et in morem pellicis totus hispidus; alter egrediens plantam fratris manu tenebat, ideoque vocatus est Jacob. In Evangelio enim Dominus ait: Petite, et accipietis, querite, et invenietis, pulsate, et aperietur (Luc. xi, 9). Apparet **31** ergo quia vult rogari Deus, et quod facturus est, precibus accelerat. Steriliserat Rebecca, paritura tamen; quæ non peperisset, nisi pro ea Isaac Dominum rogasset. Pugna vero eorum parvulorum in utero, discordiam, quam ipsi et filii eorum habiuri erant, significabat. Sed quo ivit Rebecca, ut consulere Dominum, nisi quia more solito sacrificavit, et responsum petiit? Accepit autem responsum, quod major minori serviret, et populus populum superaret. Non quod Esau servierit Jacob, sed quia filii Jacob usque ad Christi nativitatem, non solum filios Esau, sed cunctas gentes in circuitu affligerint, et superaverint. Lege veteres historias, et invenies. Post Christi nativitatem, jam non Judæi, sed Christiani dicuntur semen Jacob, ejusque filii, quibus etiam secundum litteram et secundum spiritum, non solum filii Esau, verum etiam ipsi Judæi et eunctorum nationes serviunt. Quod autem post Christi nativitatem non Judæi, sed Christiani dicantur semen Jacob, dicat Apostolus: Non utique omnes qui sunt ex Israel; hi sunt Israelitæ: neque qui semen sunt Abraham, omnes filii, sed in Isaac vocabitur tibi semen (Rom. ix, 6); id est non qui filii carnis, hi sunt filii, sed qui filii sunt promissionis, æstimanter in semine. Et in Evangelio dicitur: Potens est Deus de lapidibus istis suscitare filios Abraham (Luc. iii, 8). Et Dominus ad Judæos: Si filii, inquit, Abraham fuissetis, opera Abraham faceretis (Joan. viii, 39). Ex his ergo manifestum est quia jam non Judæi, sed Christiani semen Jacob appellantur. Qui etiam nunc Esau per plantam tenent, quoniam eos nequaquam Judæi eorumque servitia effugere possunt. Per primogenita vero, quæ Esau vendidit, sacerdotalis dignitas intelligitur, quæ quidem bene Jacob emisse dicitur, quia S. Ecclesia, quæ per Jacob figuratur, modo possidet hanc dignitatem, Judæis sine lege, sine rege, sine sacerdotio permanentibus. Pro panis namque et lentis edulio, pro commodo terrene substantiæ, ne forte locum amitterent, clamaverunt Judæi: Non habemus regem,

nisi Cæsarem (Joan. xix, 15); hac enim voce negaverunt Christum, et hac sacerdotem, et sacerdotium amiserunt, et qui timebant, nisi Christum occiderent, et locum et gentem perderent, eo occiso, omnia perdiderunt. At vero Jacob et filii Ecclesiæ esuriunt et sitiunt, et non solum panem et lentis edulium, verum etiam omnia, quæ possident, vendentes, hanc dignitatem et gratiam emunt. Miseri Judæi, qui tantam dignitatem perdiderunt, et qui omnium primogeniti fuerant, alios supra se in sacerdotii dignitate stare conspiciunt. Quanto melius eis fuisset esurisse, et jejunasse, quam ut eis male saturatis diceretur: Incrassatus est dilectus, et recalcitravit, incrassatus, impinguatus, dilatatus dereliquit Deum factorem suum, et recessit a Deo salutari suo (Deut. B xxxii, 15).

CAPUT XXVI.

Sequitur autem quod, orta fame super terram, Isaac abiit ad Abimelech regem Palestinorum, dixitque de Rebecca, quod soror sua esset; sed cognita causa, præcepit Abimelech ne quis eam tangere auderet. Sevit autem in terra illa, et invenit in ipso anno centuplum. Benedixitque ei Deus, et locupletatus est valde. Ob hoc invidentes ei Palestini, omnes puteos quos foderant servi patris sui Abraham, obstruxerunt, implentes humo, in tantum, ut ipse Abimelech diceret: Recede a nobis, quia nobis potentior factus es valde. Recessit igitur, sed jurgium pro puteis non quievit, donec Abimelech veniens posuit fœdus cum eo. Sciebat enim Isaac patrem suum sapientem virum fuisse, et exempla sequens, ubi habetur consilium evadendi periculum, stultum esse putat casui se committere et fortunæ. Si enim dixisset Rebeccam suam esse uxorem, fieri poterat ut occideretur; maluit igitur dicere suam esse sororem, ne suspensus staret inter utrumque: sic enim et Abraham fecisse cognoverat. Sic et nos in rebus dubiis facere debemus. Noluit autem Moyses silentio præterire rem tam memorabilem, et quæ raro accidere solet, videlicet, quod Isaac de uno modio sementis centum colligere meruit. Hoc enim in Evangelio ait Dominus: Semen cecidit in terram bonam, et protulit fructum, aliud trigesimum, aliud sexagesimum, aliud centesimum (Matth. xiii, 8). In hoc igitur eum justum perfectumque virum fuisse demonstrat, qui centesimum fructum colligere meruit. Sed qui sunt servi Abraham, qui puteos fodiant et tam laboriose omnibus in locis aquam querunt? Qui sunt etiam Palestini, qui eos obstruunt et humo replent? Servi enim Abraham, majoris videlicet Abraham, propheta sunt, apostoli et doctores. Isti puteos fodiunt; isti Scripturas perscrutantur; isti libros sacros spiritualiter exponunt; isti, abjecto velamine litteræ, vivam aquam nobis propinant. Palestini, qui cadentes poculo interpretantur, hæretici sunt, Judæi et philosophi. Hi enim falsa et hæretica doctrina inebriati, et quasi frenetici, et ebrii propter insaniam et falsitatis poculum cadentes, non solum alios puteos, verum etiam ipsa

quatuor Evangeliorum doctrinæ fluentia claudere, et A obstruere conantur. Sed quoniam in quibusdam nobiscum sentiunt, ideo etiam pro quibusdam puteis non contendisse dicuntur. De fœdere autem Abimelech cum Isaac, id ipsum intelligamus, quod superius exposuimus de fœdere ejusdem cum Abraham. (157) Ut modo Isaac significat animam; **32** ut superius significavit, ita et Abimelech significat carnem. Veniat igitur Abimelech ad Isaac, veniat caro ad animam, audiat quod scriptum est : (158) *Redite, peccatores, ad cor*: faciant fœdus, conveniant pariter, et jam non carnalem, sed et spiritualementem sequantur : bibant aquam de fontibus Israel. Quod si fecerint, jam ulterius puteos Abraham obstruere non optabunt; servi quoque ejus puteos effodere non cessabunt. Quot enim puteos Hieronymus, quot Augustinus, quot Ambrosius fodit, ut merito locus ille, in quo isti habitant (Ecclesia videlicet), Bersabee, id est puteus (159) satietatis, appellatur.

CAPUT XXVII.

« Senuit autem Isaac, et caligaverunt oculi ejus, et videre non poterat, vocavitque filium suum, ut ei benediceret. » Sed consilio Rebecca intervenit Jacob, hædorum pellibus involutus, ne cognoscereetur, ferens pulmentum et patrem ad vescendum invitans : quem postquam Isaac tetigit, et osculatus est, ejusque vestimentorum fragrantiam sensit, benedicens ait : « Ecce odor filii mei, sicut odor agri pleni cui benedixit Deus : det tibi Deus, de rore cœli et de pinguedine terræ, abundantiam frumenti, et vini, et olei, et serviant tibi populi et adorent te tribus. Esto dominus fratrum tuorum et incurventur ante te filii matris tuæ : qui male dixerit tibi, maledictus erit, et qui benedixerit tibi, benedictionibus repletur. » Quid enim per Isaac, nisi Judaicus populus, qui alio nomine Synagoga vocatur? Quid vero per Esau, nisi Judæi carnaliter viventes? Quid autem per Jacob, nisi Christum, et Ecclesiam intelligere debemus, cujus ipse caput est? Senuit autem Isaac, quando, succedente baptismo, circumcisio cessare cœpit; qui enim veterascit et senescit, prope interitum est. Caligaverunt oculi ejus, et videre non poterat, quia spiritualementem intelligentiam sub velamine litteræ non cognoscebat. Denique et cum Christo loquens cœcipientibus oculis, quis esset, nesciebat. Vocavit igitur Esau, vocavit carnales filios, præcepitque ut, more solito, de venatione sua sibi afferret. Nunquam hostiis et holocaustis, nunquam animalium sanguine et sacrificiis satiatur Synagoga. Præsens erat Christus, cujus eloquia super mel et favum sunt dulciora, immolabatur agnus, qui tollit peccata mundi : adhuc tamen Synagoga carnes quærebat; adhuc hircos immolabat, et comedeat, et hoc quidem esuriens

Isaac significabat. Clamat Dominus : « Non accipiam de domo tua vitulos, neque de gregibus tuis hircos (Psalm. XLIX, 9). » Itemque : « Quo mihi multitudinem victimarum vestrarum, dicit Dominus? plenus sum; holocausta arietum, et adipem pinguium, et sanguinem vitulorum, et agnorum, et hircorum nolui (Isa. I, 11). » Et tamen Isaac dicit, insatiabilis Synagoga postulat : « Affer mihi de venatione tua. » Cum autem quotidie Synagoga his sacrificiis inhiaret, advenit Jacob, advenit Christus, sed quomodo venit? Vis audire quomodo? hædorum pellibus involutus, id est in similitudine carnis peccati. « Exinanivit enim se, formam servi accipiens, in similitudinem hominum factus, et habitu inventus ut homo (Philip. II, 7). » Hoc enim fuit primum hominis indumentum, quando primus homo de paradiso expulsus est. Tali igitur veste indutus venit Christus, ferens secum duos hædos optimos; alterum pro peccato, et alterum in holocausto, carnem videlicet et sanguinem suum : his etenim peccatum originale solvitur, et Deus ab indignatione placatur. Hos autem hædos coxit Rebecca, quæ interpretatur patientia multa. Multa igitur patientia hoc fecit, quod pro nobis Christus se coqui et occidi permisit; nisi enim patientiam multam habuisset; se a Judæis crucifigi passus non fuisset. Ipse enim, ut Apostolus ait, dilexit nos, et tradidit semetipsum pro nobis (Ephes. V, 2). Oblatus est igitur, quia ipse voluit, et passus est patientia sua. De hoc enim hædo dictum fuerat : « Ne coquas hædum in lacte matris suæ (Exod. XXIII, 19). » Coquitur ergo hædus, sed non in lacte matris, quando occiditur Christus, sed jam ablactatus. Quid est autem, quod Isaac osculatur, et tangit Jacob, et in ejus vestimentorum fragrantia delectatur, nisi quia præsentia carnis cum Judæis Christus et locutus, et conversatus est, et odore notitiæ suæ et miraculorum, quæ faciebat, ad tempus sunt delectati? Scriptum est enim (Matth. XIV, 36), quoniam et ejus vestimenta infirmos sanarint; quotquot autem tangebant eum salvi fiebant a quacunque detinebantur infirmitate. Benedixit autem Isaac Jacob et non cognoscit : quoniam usque hodie Judæi Christum benediciunt; cui tamen benedicant, non intelligunt : omnes enim Scripturæ benedictionibus plenæ sunt, nam et patriarchæ et prophete Christi benedictiones scripserunt, quas quidem Judæi legentes, Christum etiam nolentes benediciunt (160). Putant enim se benedicere quemdam alium Christum, qui non est alius, nisi Antichristus. Sicut enim Jacob Christum et Ecclesiam significat, cujus caput iste est, ita Esau Antichristum et Judæos carnaliter viventes designat, qui ipsius membra sunt. **33** Hic autem cum venerit, cum de venatione redierit, omnes legis cæremonias et sacrificia restaurabit. Sed priusquam hic veniat, audiamus qualiter Judæorum, quamvis errantium, sed tamen legem prophetasque cantantium, benedicitur; id est veraciter dicitur, et alius benedici putatur, qui ab eis errantibus expectatur. » Aug. De Civit. Dei lib. XVI, c. 38.

(157) Item cod. Laur. et Casinen.

(158) Is. XLVI, 8. Vulgata habet : *Redite, pravariatores, ad cor.*

(159) Uterque codex editionem emendat.

(160) « Christus Dominus noster etiam ex ore

Isaac benedicit Jacob. « Ecce, inquit, odor filii mei, » sicut odor agri pleni, cui benedixit Dominus. » Hoc autem, et ipse Dominus ait: « Ego flos campi, et liliū convallium (*Cant. ii, 1*). » Talis est igitur odor Christi, qualis odor campi, liliū, et rosarum, et aliorum odoramentorum repleti. Per quæ virtutes intelligimus, et sancti Spiritus gratias, quibus ipse unctus est pro participibus suis. Unde et subditur: « Det tibi Deus de rore cæli. » Quid est enim ros cæli, nisi spiritus sapientiæ et intellectus, spiritus consilii et fortitudinis spiritus scientiæ et pietatis, et spiritus timoris Domini? (*Isa. xi, 2*). Tali enim rore abundat Christus (160*). Terræ vero pinguedine, quæque meliora, quæ terra, id est Ecclesia, possidet, intelliguntur. Unde consequenter adiungitur: « Frumenti et vini et olei abundantiam. » Per hæc enim, quibus homines nutriuntur et vivunt, fidelem, spem et charitatem, sive apostolos et doctores, qui nos spiritualibus nutriunt alimentis, intelligimus. De fide enim dicitur quod: « Impossibile est sine fide placere Deo (*Hebr. xi, 6*). » De charitate autem: « Deus charitas est (*I I Ioan. iv, 16*), qua Christus dilexit nos, et lavit a peccatis nostris in sanguine suo (*Apoc. i, 5*). » De spe vero: « Quia spe salvi facti sumus (*Rom. ix, 34*). » Quod autem populi ei serviant, et tribus eum adorent, et quod ipse sit dominus fratrum suorum, et filii matris ejus, id est Ecclesiæ vel Synagogæ ante eum incurventur, tam manifestum est, ut expositione non indigeat. Ipse enim ait: « Vivo ego, dicit Dominus, quia mihi curvabitur omne genu, et constabitur omnis lingua (*Is. xlv, 23*). » Et Apostolus: « Propter quod et Deus exaltavit illum, et donavit illi nomen quod est super omne nomen, ut in nomine Domini omne genu flectatur cælestium, terrestrium et infernorum (*Philip. ii, 10*). » Hæc autem dum agerentur, venit Esau. Venturus est enim in fine sæculi cum magna multitudine Judeorum. Non enim venit, quia nondum Synagoga a Christi benedictione cessavit; benedictio enim ei et manifeste per bonos, benedicit et in Scripturis sanctis per non bonos. Veniet igitur cibos afferens, sacrificia immolans. Hæc autem sacrificia non recipiet Isaac: isti cibi non placebunt patriarchis et prophetis. Jam enim suscepit Isaac cibos Jacob, jam sanctorum Synagoga saturata est de sacrificiis Christi. Sed quia scriptum est: « In diebus illis servabitur Juda, et Israel habitabit confiderenter (*Jer. xxxiii, 16*). » Et, « cum plenitudo gentium venerit, tunc Israel salvus fiet (*Rom. xi, 25*); » et: « Si fuerit numerus filiorum Israel, sicut arena maris, reliquæ convertentur ad Dominum (*Rom. ix, 27*). » Quia, inquam, hoc scriptum est, necessario credere debemus quia non ex toto privabitur Esau, id est populus Judaicus, benedictione patris; sed quicumque convertentur ad Dominum, suscipient bene-

A dictionem Synagoga, id est patriarcharum et prophetarum. A Christi e go nativitate usque ad id tempus, Esau errans in venatione, maximoque labore cibum querens, tunc convertetur, tunc gemens, plorans et pœnitens audire merebitur: « In pinguedine terræ et in rore cæli desuper erit benedictio tua. » Hoc autem superius expositum est. Et quia pœnituit, eandem eum fratre benedictionem suscipiet. Quod autem sequitur: « Vives gladio, » secundum litteram, ad Esau pertinet, quia venator exstitit. « Et fratri tuo servies. » Quoniam in circulo Israeliticus populus dominatus est. « Tempusque veniet, cum excuties et solves jugum ejus de cervicibus tuis (161). » Hoc totum juxta litteram completum est, multumque Judæis nocuit, quod jugum fratris excusserint de cervicibus suis. Jugum enim ejus suave est, et onus ejus leve (*Matth. xi, 36*). Hoc autem sciendum est quod non omnia quæ historia narrat allegorice exponenda sunt; alioquin historia non esset.

CAPUT XXVIII.

« Oderat ergo Esau Jacob, et cogitabat occidere eum. Nuntiata sunt autem hæc Rebecæ. » Sed a quo nuntiata sunt, nisi ab eo, qui solus novit cogitationes hominum, et nunquam deserit sperantes in se? Ex præcepto igitur patris et matris profectus est Jacob in Mesopotamiam ad Laban avunculum suum. « Cumque venisset in quemdam locum, et vellet ibi requiescere, tulit unum lapidem, et supponens capiti suo, dormivit in eodem loco. Vidit quæ in somnis scalam, stantem super terram, cuius cacumen cælos tangebatur, et angelos ascendentes, et descendentes per eam, et Dominum innixum scalæ, dicentem sibi: Ego sum Dominus Deus Abraham patris tui, et Deus Isaac; terram, in qua dormis, tibi dabo, et semini tuo etc. Cumque evigilasset Jacob de somno, ait: Vere Dominus est in loco isto. Quam terribilis, inquit, est locus iste! non est hic aliud, nisi domus Dei, et porta cæli. Surgens ergo mane, tulit lapidem, quem supposuerat capiti suo, et erexit in titulum, fundens oleum desuper; » vovens se decimas ex omnibus esse daturum, si Dominus eum custodiret, et vitæ necessaria ei tribueret. Dicamus ergo quid lapis, quid scala, et quid angeli significant. Lapis ille, super quem Jacob dormivit, Christus 34 est, qui pluribus in locis lapis vocatur. Super ejus pectus quoque Jo. Evangelista recumbens, non minora, quam Jacob, videre meruit. Super hoc igitur lapide dormiant (« beati » enim, qui in Domino moriuntur *Joan. xiv, 13*), quicumque cælestia videre desiderant. Scala vero, quæ cælum tangebatur, virtutum et bonorum operum concatenatio intelligitur. (162) Sicut enim per scalam quibusdam gradibus ad altiora ascenditur, ita de virtute in vir-

(160*) Emendatur editio hoc in loco depravata.

(161) Idem eod. Laurent. corrigit, et supplet omissionem. Cod. vero Casinensis ita habet. Tempusque veniet, cum excuties, et solves jugum de cervicibus

tuis. Hoc totum juxta litteram completum est, multumque Judæis nocet, quod jugum fratris excusserint de cervicibus suis.

(162) Vid. Aug. De civit. Dei, lib. xvi, c. 38.

tutem proflescentibus, « videbitur Deus decorum in Sion (Psal. LXXXIII, 8). » Angeli vero, qui per hanc scalam ascendebant et descendebant, sanctos viros significabant, qui virtutum gradibus et bonis operibus ad cœlestia regna conscendunt; sic enim iur ad astra. Quid est autem quod angeli non solum ascendere, sed descendere quoque videntur, nisi quia sancti viri in hac vita sine peccato esse non possunt? « Si enim dixerimus quia peccatum non habemus, ipsi nos seducimus, et veritas in nobis non est (1 Joan. 1, 8). » Quoties igitur sancti peccant, per hanc scalam descendunt. Bene autem huic scale innixus, sive obfirmatus Dominus stare videtur, ut nos quoque doceat quod semper virtutum baculo inniti debeamus. Hic enim non est baculus arundineus, et qui facile frangatur; qui innixus fuerit, secure stare poterit. Evigilans autem a somno Jacob ait: « Vere Dominus est in loco isto, » in quo eum et loquentem audiui, et super dormiens quievi, et ego nesciebam; ideoque, si quid peccavi, non exhibens huic lapidi dignam reverentiam, ignoranter feci. « Quam terribilis est locus iste, » in quo Deus habitare dignatur; « non est hic aliud, nisi domus Dei, et porta cœli: » in quo et angeli habitant, et sanctorum scala conspicitur. « Erexit igitur lapidem in titulum, » venerans illum in lapide, qui per illum lapidem significabatur, quem quia Deus oleo lætitiæ unxerat præ participibus suis, ipse quoque super eum oleum fudit. Deinde ait: « Et lapis iste, quem erexi in titulum, vocabitur domus Dei. » Ille etenim lapis Christi carnem significabat, in quo omnis plenitudo divinitatis habitabat corporaliter, de qua scriptum est: « Sapientia ædificavit sibi domum (163) (Prov. ix, 4). » Sapientia Verbi ædificavit sibi domum, carnem videlicet, quam assumpsit; quia « Verbum caro factum est, et habitavit in nobis (Joan. i, 14). » Et « excidit columnas septem; » id est septem Spiritus sancti gratias, quæ semper hanc domum sustinerent. Nondum autem de decimis lex scripta erat, et jam se Jacob decimas daturum esse promittit. Hoc enim et Abraham fecisse legitur. Mirum enim per hoc significare volebat, ut quia decimus est homo (novem enim sunt ordines angelorum), illuc quasi pro pignore sui decimas mitterent, ubi se quasi decimas venturos esse sperarent.

CAPUT XXIX.

Profectus inde Jacob venit ad quemdam puteum, iuxta quem tres greges ovium accubant. Ibi, quia cognoverat Rachel cum grege esse venturam, eam præstolatus est, et adæquato grege, osculatus est eam. Deinde venit ad Laban, servivitque ei pro Rachel septem annis, septemque aliis pro Lia. Dicendum est ergo, quid Jacob, quid Laban, et filiarum significent. Jacob autem multis de causis Christum significat, præsertim hoc in loco, quia pastor

A exstitit. Laban vero, qui *candidus* interpretatur, mundum designat, quorum nomina satis sibi convenire videntur. Quis enim mundi hujus randorem et pulchritudinem non miretur? Lia vero, quia lippis erat oculis, et *laboriosa* interpretatur, Synagagam, sive activam vitam demonstrat. At vero Rachel, quæ decoram faciem habebat et interpretatur *ovis*, Ecclesiam, sive contemplativam vitam ostendit. Sequamur igitur ordinem. Venit Jacob ad puteum. Potens iste Novi Veterisque Testamenti scientia mihi esse videtur. Tres vero greges ovium, Judæi sunt, Samaritani et hæretici: hi enim tres de hoc puteo bibunt. Bene autem puteus iste magno lapido clauditur; illo scilicet, de quo scriptum est: « Qui claudit, et nemo aperit, qui aperit, et nemo claudit

B (Apoc. iii, 7). — « Ipse est leo de tribu Juda, qui aperuit librum, et solvit septem signacula ejus (Apoc. v, 5). » Stabat igitur Jacob iuxta puteum, et stabant greges ovium; sed quia nondum venerat Rachel, adhuc puteus clausus erat. Tandiu enim clausus est, putens, quandiu Christus loqui non incipit. Venit Rachel, aperitur puteus, adaquantur oves, baptizantur fideles, loquitur, et prædicat Christus. Hoc est enim, quod ait: « Et osculatus est eam. » De hoc enim osculo dicitur: « Osculetur me osculo oris sui (Cantic. i, 1). » Quod autem Rachel nuntiavit Laban patri suo de adventu Jacob, hoc datur intelligere, quod S. Ecclesia Christi adventum huic mundo prædicavit. Qua annuntiante, occurrit Laban; quia prædicante Ecclesia totus mundus ad Christum convertitur. Septem autem annis servivit Jacob pro Lia, septemque pro Rachel, quia per se, sive per servos suos tota hac ultima ætate, quæ in septem diebus volvitur, pro conjungendis sibi animabus fidelium Christus Dominus noster huic mundo servit; « Non enim venit ministrari, sed ministrare (Matth. xx, 28). » Quid est autem quod pro Rachel subintroitur Lia, nisi quia prior est activa vita, quam contemplativa? Prædicare namque, baptizare, eleemosynas dare ad activam vitam pertinent, quæ nisi præcedant, nemo erit, qui in Dei contemplatione delectetur. Quis enim contemplabitur, quod nescit? Sequitur:

35 « Videns autem Dominus quod Jacob desperet Liam, aperuit vulvam ejus, sorore sterile » permanente. » Sterilis namque a principio erat Ecclesia, cum jam Synagoga innumerales filios peperisset. Activa semper Deo filios parit; contemplativa vero sibi soli proficit. Et illa quidem lippis est oculis; hæc vero decora facie, sed sterilis. Hæc, omnibus prætermis, solum Deum videre desiderat; illa sic ad Deum caligantes mentis oculos dirigit, ut hujus vitæ necessaria non amittat.

CAPUT XXX.

Sed quid est, quod hæ sanctæ mulieres, nimio desidi filiorum non solum per se, verum etiam

(163) Id. cod. Laurent.

per ancillas filios pariunt, (164) nisi quod S. Ecclesia, non solum per justos et catholicos, verum etiam per peccatores et hæreticos, et baptizat, et filios generat? Non tamen hi ancillarum filii dicuntur; quoniam quicumque baptizet, sola tamen mater Ecclesia est. Sequitur autem, quod Ruben egressus in agrum invenit mandragoras, quas dedit Lia matri suæ; pro quibus Rachel concessit sorori, ut ea nocte Jacob dormiret cum ea. Dicuntur autem mandragoræ hanc habere naturam, ut somnum provocent, et hominis imitentur imaginem, et sterili præstent fecunditatem. Per quod datur intelligi quod sancti viri, et solius Dei amplexibus inhaerentes, aliquando quasi gravi somno gravati, eos, quibus Deum contemplabantur, oculos claudunt, et cæterorum hominum imitantes imaginem, nolentes huic vitæ penitus inutiles esse et infecundi, terrenarum rerum distractionem et procuracionem in se suscipiunt. Hoc autem et Apostolus faciebat, qui, quasi Rachel, raptus ad tertium cælum, mox quasi Lia ad maritales descendens concubitus, ait: « Vir uxori debitum reddat, similiter et uxor viro. Vir non habet potestatem sui corporis, sed mulier; et mulier non habet potestatem sui corporis, sed vir (1 Cor. vii, 3). » Et quoniam exemplo activæ vitæ agit hoc contemplativa, non immerito dicitur, quod Rachel has mandragoras emerit a sorore. Quia vero non nisi una nocte ei maritum concessit, non diutius ab ejus contemplatione se extraneam fore significavit. Aliiter autem cum Lia, aliter vero cum Rachel habitat Jacob; cum illa carnaliter, cum hac spiritualiter. Ex qua filios generat, huic se visibilem præbet. Suscipiens igitur mandragoras Rachel, id est terrenarum rerum ad tempus curam gerens, concepit, et peperit filium. « Lætare igitur, sterilis, quæ non paris; erumpe, et clama, quæ non parturis: quia multi filii desertæ, magis quam ejus quæ habet virum (Galat. iv, 27). »

Sequitur autem de eo quod Jacob postulavit a Laban, ut quicquid in ovibus, et capris rufum fuerit et maculosum et varium, sibi pro mercede daretur. Hoc autem cum Laban concessisset, vidissetque in somnis Jacob omnes mares varios et maculosos super feminas ascendisse, tulit virgas populeas, et amygdalinas, et ex platanis, quas ex parte decorticavit, et ex parte cum corticibus reliquit, posuitque eas in canalibus, ubi effundebatur aqua, ut, dum venissent greges ad bibendum, in earum conspectu conciperent. Dicunt enim philosophi quod in conceptu exteriorem visum natura sequatur, et quod visus contemplatur exterius, hoc

A natura operatur interius. (165) Unde in conceptu equarum sive canum, quidam eis ante oculos mares optimi generis ponere solent. Narrant enim quamdam mulierem Æthyopem peperisse, quoniam eo tempore quo concipiebat, ejus figuram in parieti depictam conspexerit; quod quidem ex his, quæ jam modo narrantur, satis verisimile esse videtur. Sed quid per canales, quibus aqua effundebatur, nisi Ecclesiam doctores intelliguntur, ex quorum ore, quasi ex quibusdam canalibus, sapientiæ et scientiæ fluentia decurrunt? Quid vero per virgas, nisi sermones proluxi, longæque sententiæ Scripturarum, quæ quidem ex ea parte decorticatæ sunt, secundum quam spiritualiter intelliguntur? Ex ea parte vero quæ cum corticibus relinquuntur, illæ Scripturæ sunt quæ juxta litteram et solam superficiem exponuntur; quia quæ semper crescunt et nunquam deficiunt, merito virides fuisse perhibentur: quarum aliæ quidem his, qui vitiorum aestu ardent, refrigerii et suavitatis umbram præbent, secundum populi platanique naturam: aliæ vero dulcedinem et delectabilem saporem præstant ad amygdalæ similitudinem. In istorum igitur conspectu et intelligentia, oves S. Ecclesiæ, quas pastor bonus nutrit, verbi Dei semen concipientes, multarum varietatum filios pariunt. De quibus scriptum est: « Omnis gloria ejus filiz regis ab intus, in fimbriis aureis circumamicta varietatibus (Psal. xlii, 14). » Non enim unus coloris Ecclesiæ filii sunt, sed pro diversitate virtutum, quasi quedam gemmæ diversi coloris in eis refulgent. Hoc autem Jacob ex eo tempore prævidebat, quando mares in somnis super feminas, non nisi varios ascendisse videbat. Hanc autem varietatem, non solum doctores Ecclesiæque magistri, verum etiam ipsæ plebes habere probantur.

CAPUT XXXI.

Dehinc autem narratur quod Jacob fugiens Laban, cum uxoribus et liberis omnique substantia quam possederat, reverteretur in terram nativitatis suæ; quem Laban septem diebus persecutus, comprehendit in monte Galaad. Admonitus autem a Domipo, ne contra Jacob quidquam asperum loqueretur, facto fœdere cum eo, reversus est in locum suum. Jacob vero abiit itinere quo cœperat. Diximus enim, quod Laban hunc mundum significet. Merito igitur Jacob cum uxoribus et filiis omnique substantia fugiens Laban, revertitur in terram patrum suorum, quatenus nobis daret exemplum, ut non diligamus mundum, neque ea quæ in mundo sunt. Fugiamus ergo mundi servitutem cum omnibus

(164) Notandum cum August. quod, « ex eo tempore quoniam multiplicandæ posteritatis causa, plures uxores lex nulla prohibebat, accepit Jacob etiam illam, cui uni futuri conjugii fidem fecerat. » De civit. Dei lib. xvi, c. 38.

(165) Philosophi ex recentioribus plures existimant commotam matrum phantasiam esse non posse causam cur maculæ, aut alia signa fetibus appareant; id vero censent potissimum post Blondellum

philosophum Anglum, qui hac de re metaphysicam physicamque dissertationem conscripsit. Rationibus quidem anatomicis uti videtur Blondellus ad rem probandum validissimis; sed quam multa latent adhuc incomperita quoad ipsas physicas hominum actiones hominumque affectus! Scriptura sacra hoc in loco aperte omnino non tribuit effectum illum commotæ genitorum phantasiz, sed naturalis loquendi ratio videtur illud suadere.

amicis, et propinquis, quos vel exemplo, vel admonitione salvere valeamus. Revertamur in terram patrum nostrorum, in terram lacte, et melle manantem, in terram, quam habitat Abraham, Isaac, et Jacob, nostramque substantiam bene disponentes nobiscum feramus, ut Deo serviat, et non mundo. Non timeamus Laban, id est non timeamus hunc mundum, qui septem diebus, id est omni tempore, nos persequitur, ut suæ nos subiciat servituti. Deus enim non patietur nos tentari supra id quod possumus (I Cor. x, 13); ponamus fœdus cum Laban, ponamus fœdus cum mundi deliciis et voluptatibus, ut neque ipsæ ad nos, neque nos ad ipsas revertamur. Huius autem fœderis testis sit Galaad. Interpretatur autem Galaad *aceruus testimonii*, per quem Scripturas sacras intelligimus, in quibus sanctorum testimonia sunt coæservata. Hæc autem separant nos a mundo; hæc sunt, quæ separant nos ab huius sæculi vanitatibus. Beatus igitur ille, qui stat juxta Galaad, qui sanctorum credit testimoniis, et in lege Domini meditatatur die ac nocte.

CAPUT XXXII.

Itit igitur Jacob linere quo cœperat; fueruntque obviam angeli Dei, quos cum vidisset, ait: «Castra Dei sunt hæc:» misitque nuntios ad Esau, ut inveniret gratiam apud eum. Insuper et munera ei obtulit, ut, si non precibus, saltem muneribus placaretur. Cumque omnibus ante missis, solus in castris remaneret: «Ecce vir luctabatur cum eo:» usque mane, qui cum eo superare non posset, tetigit nervum femoris ejus, et statim emarcuit. Dixitque ad eum: Dimitte me, aurora est. Respondit: Non dimittam, nisi benedixeris mihi. Ait ergo: Quod nomen est tibi? Respondit: Jacob. At ille: Nequaquam Jacob appellabitur nomen tuum, sed Israel: quoniam si contra Deum fortis fuisti, quanto magis contra homines prævalebis? Interrogavit eum Jacob: Dic mihi, quo appellaris, nomine. Respondit: Cur quæris nomen meum? (166) Et benedixit eum in eodem loco. Vocavitque Jacob nomen loci illius Phanuel, dicens: Vidi Dominum facie ad faciem, et salva facta est anima mea: ortusque est ei statim sol, postquam transgressus est Phanuel. Ipse vero claudicabat pede. Quam ob causam non comedunt filii Israel nervum, qui emarcuit in femore Jacob. Merito autem Jacob, postquam separatus est a Laban, obviam angelos habuit: quoniam qui mundum relinquunt, mox in Dei militia computantur, et qui castra fugiunt sæculi, videre et habitare merentur castra Dei. Nemo autem a mundi principibus virisque secularibus pacem querere dedignetur; cum Jacob vir sanctus, et cui se auxilium præstaturum Deus promiserat, tam suppliciter et precibus et præmiis Esau placare contendat. «Superbis enim Deus resistit; humilibus autem dat gratiam» (Jacob. iv, 6). Quid autem hoc in loco significat Jacob nisi Judæorum populum, qui ab eo originem ducit? Quid vero

angelus nisi Christum designat? De quo scriptum est: «Et statim veniet ad templum sanctum suum dominator Dominus, quem vos quæritis, et angelus testamenti, quem vos vultis» (Malach. iii, 1). Si enim luctamen angeli cum Jacob tantum ad litteram intelligere velimus, nonne ridiculum esse videtur? Quid enim utilitatis fuit cum Jacob angelum pugnasse? præsertim cum dicatur quod eum superare non posset. Quis hoc credat? Quid est denique quod claudicare eum, facit et benedicit? Angelus igitur iste Christus est; ideoque modo vir, modo angelus appellatur. Qui carnem suscipiens, et in mundum veniens usque mane cum Jacob luctatus est; quoniam usque ad horam resurrectionis, quæ primo mane facta est, eum Judei persequi non cessarunt.

Luctabatur autem Christus cum Judeis, quoniam admonendo, agendo, increpando, eos sæpissime ad iracundiam provocabat. Luctabantur Judei cum Christo, insidiando, accusando, irridendo, multisque modis persequendo. Qui cum eos superare non posset (non potuit quidem, quia noluit, et oblati est enim, quia ipse voluit [Isa. lxxvii, 7]; noluit autem per carnem vincere, quia carnem redimere venerat) tetigit nervum femoris ejus, et statim emarcuit. Sic igitur Christus et ex parte benedixit Jacob, et ex parte non benedixit. **37** Benedixit pedem rectum, non benedixit pedem claudum. Benedixit Apostolos, cæterosque credentes, non benedixit crucifigentes et persequentes. Secundum igitur hanc partem benedicuntur Judei, secundum autem illam claudicant. Unde et dicitur: «Filii alieni mentiti sunt mihi, filii alieni inveterati sunt et claudicaverunt a semitis suis» (Psalm. xlvii, 46). Usque hodie namque uno pede claudicant Judei, Veteris et non Novum Testamentum suscipientes (167). Ergo quia in duo dividitur Jacob, id est credentes et non credentes, altera ejus pars luctatur cum Christo, illa videlicet quæ claudicat; altera ejus benedictionem petit a Christo. Et illa quidem pars, quæ superbe luctabatur, emarcuit; hæc autem, quia pie eum detinere nitebatur, benedicitur. Non enim vi, sed amore detinetur Christus. Cur enim non totus, sed ex parte percussit Jacob, nisi quia non totus Judaicus populus, sed ex parte ei contrarius fuit? Unde Apostolus: «Cæcitas ex parte contigit in Israel» (Rom. xi, 15). Quare autem dicit: «Dimitte me, aurora est?» et bonis utique dicit, qui post auroram, post resurrectionem per dies quadraginta eum tenere in hoc mundo meruerunt. Unde ipse quasi teneretur, dicebat: «Expedi vobis, ut ego vadam: nisi ego abiero, Paraclitus non veniet ad vos» (Joan. xvi, 7). Neque enim prius eum dimittunt, nisi benedicat. Sic enim evangelista ait: «Et elevatis manibus benedixit eis. Et factum est, dum benediceret illis, recessit ab eis, et ferebatur in cælum» (Luc. xxiv, 50). Sola ergo pars honorum eum tenuit; sola benedicitur, sola, mutato nomine, vocatur Israel. Interpretatur enim Israel *vir videns*.

(166) Cod. Casin. addit, *quod est admirabile?*

(167) Eandem interpretationem, sed compendiosius affert August. lib. cit. De civit. Dei, cap. 39.

Deum. Soli igitur huic parti dicitur: « Quoniam si contra Deum fortis fuisti, quanto magis contra homines praevaleris? » In hoc enim contra Deum fortis fuit, qui tandiu eum tenuit, donec ei benediceret. Sic et Moyses eum tenebat, cum Dominus ait: « Dimitte me, ut destruiam populum hunc, et faciam te in gentem magnam. » Nisi enim teneretur, non dixisset, dimitte me. Prævaluerunt autem sancti contra hostes, quoniam sancti per fidem vicerunt regna (*Heb. 11, 33*). Dixitque Jacob: « Vidi Dominum facie ad faciem, et salva facta est anima mea. » Vidit enim Jacob Dominum, non in propria substantia sua, qui quidem invisibilis est, sed per angelum, qui ei loquebatur. Viderant et apostoli Christum, prius quidem secundum humanitatem; postea vero contemplatione spiritalis intelligentia.

CAPUT XXXIII.

Audiens autem Jacob quod Esau veniret ei obviam, divisit pueros suos et uxores, dicens: Si percusserit Esau unam turmam, salvabitur altera. Gregibus premissis, posuit ancillas et liberos earum. In principio, Liam vero cum suis secundo loco; Rachel autem et Joseph novissimos. Hoc autem facto Ecclesiae persecutiones et martyrum pugnas significabat Jacob. Prius enim substantia et possessionibus privabantur sancti, ut et Apostolus quosdam laudans, ait: « nam et rapinam bonorum vestrorum cum gaudio suscepistis (*Hebr. x, 34*). » Cumque sic tyranni superare non possent, domos ejus et familias auferabant, sed cum neque sic sancti vincerentur, tormenta eorum corporibus, quæ per Liam intelliguntur, adhibebant; sic enim ad Rachel, id est animam se pertingere posse sperabant. Sed quia Dominus dixerat: « Nolite timere eos qui occidunt corpus, quoniam animam non possunt occidere (*Matth. x, 18*), » ceteris omnibus relictis, solam animam defendere nitebantur. Id ipsum et Job significavit, qui prius omnem substantiam, deinde filios et filias perdidit, postmodum vero toto corpore gravissime flagellatus, solam animam custodire studuit, de qua Dominus dixerat ad Satan: « Verumtamen animam illius serva (*Job 11*). » Hinc enim per Psalmistam dicitur: « Dominus custodiat te ab omni malo; » et statim determinans, ait: « Custodiat animam tuam Dominus (*Ps. cxx, 10*). » Negligitur ergo Lia propter Rachel; negliguntur ancillæ et filiae earum propter Liam, negliguntur greges, cunctaque substantia propter ancillas; quoniam et caro negligenda est propter animam, totaque familia negligenda est propter carnem, omnique possessioni privata familia præponi debet.

CAPUT XXXIV.

Postquam autem Esau, viso Jacob, reversus est in Seyr, et Jacob veniens habitavit juxta urbem Saleni, egressa est Dina filia Lia, ut videret mulieres regionis illius. Quam Sichem filius Emor princeps illius terræ rapuit, et dormivit cum ea. Unde Si-

A meon et Levi, fratres Dinæ, vehementer indignati, opportuno tempore considerato, ingressi sunt urbem, cunctisque interemptis, sororem suam eripuerunt. Quid enim per Dinam, nisi simplices quosque et carnales intelligimus, qui ad matris similitudinem lipplitudinem in oculis habentes facillime decipi possunt? Quid vero per Sichem, qui interpretatur humerus, nisi hæretici intelliguntur, qui quasi viri fortes, quoscumque decipere possunt, in suum gregem ferre conantur? Bene autem Sichem filius Emor esse dicitur; Emor enim asinus interpretatur: hic igitur humerus et hic asinus multos ferunt in perditionem eternam. Hæretici igitur, quia asini filii sunt, sanum et rationabilem intellectum habere non possunt. Egreditur autem Dina ad videndas mulieres regionis illius, quoniam simplices viri ab Ecclesia separantur, quos hæreticorum et philosophorum dogmata audire **38** delectat. Mox igitur capiuntur et decipiuntur, et in hæreticorum gregem transferuntur; unde fit ut anima Deo desponsata scortum diaboli esse incipiat. Sed mira hæreticorum astutia! non sufficit eis unam animam rapuisse; quinimo in totam Ecclesiam animum intendunt: circumciduntur igitur, et sanctorum religionem se habere velle simulant, ut, inter sanctos conversantes, facile eos decipere valeant: hoc est enim quod dicit Sichem et Emor. Si circumcidamus masculos nostros, ritum gentis imitantes, et substantia eorum, et pecora, et cuncta quæ habent nostra erunt. Non ergo religionis causa circumciduntur, sed ut domum et universa quæ possident sibi subjiciant. Sed quid faciunt Simeon et Levi? Quid faciunt sacerdotes et levitæ? Quid faciunt episcopi Ecclesiaeque doctores? Accipiunt gladium spiritus, quod est verbum Dei, conveniunt in unum, invadunt conventicula hæreticorum, deleguntur hæreses, patefunt simulationes, a maximo usque ad minimum aut rapiunt, aut occidunt: occidunt autem, quoniam, eos anathemate percutientes, æterna morte condemnant; eos vero rapiunt, quos ab hæretica pravitate ad fidem Christi convertere valent. Sic igitur eripiunt Dinam et simplices animas Ecclesiae conciliant. Hæc autem vindicta ex hoc Deo placuisse probatur, quia terror Domini omnes per circuitum civitates invasit, neque sunt ausi persequi recedentes. Quod autem Jacob displicuisse dicitur, ad historiam magis pertinere videtur.

CAPUT XXXV.

Post hæc autem præcepit Dominus Jacob ut ascenderet Bethel et habitaret ibi. Jacob vero jussit domui suæ ut abjicerent deos alienos, et mundarentur, et vestimenta mutarent. Dederunt ergo ei deos quos habebant, et inausa quæ erant in auribus eorum. At ille infodit ea subter terebinthum, quæ est post urbem Bethel. Bethel enim interpretatur domus Dei. Merito ergo illic ascendunt qui hæretici interea erant, priusquam ascenderant; deos alienos abjiciunt, quia nemo habitat in domo Domini; qui diis serviat alienis. Mundantur præterea, et vesti-

menta mutant, ut, anima et corpore baptizati, Christum induere mereantur. Jacob autem et deos, et in aures terræ infodit, ut velut mortui intelligantur et ad homines decipiendos ulterius non appareant. Sed quare in aures cum eis infodiuntur, nisi ut nemo ulterius in eorum memoria aures hominum sollicitare præsumat? Sunt enim in aures aurium ornamenta, pro quibus auditus intelligitur. Aures enim, quæ non audiunt, ornatae non sunt. Sic igitur Jacob domesticorum suorum aures circumcidens, ad deorum laudes audiendas, auditos, et sine auditu esse volebat. Unde scriptum est: « Perit memoria eorum cum sonitu (*Psal. ix, 8*). » Si enim non sit qui audiat, et sonitus, et prædicatio, et memoria perit. Venit ergo in Bethel, et ædificato ibi altare, vocavit non in loci illius domus Dei. « Eodem tempore mortua est Debora nutrix Rebecæ, et sepulta est ad radices Bethel subter quercum, vocatumque est nomen loci illius, Quercus fletus. » Eodem, inquit, tempore, quo Jacob ascendit de Bethel, mortua est Debora nutrix Rebecæ, quoniam eo tempore mortua est Synagoga, quo Christus domum Domini, id est Ecclesiam ædificare et inhabitare cepit. Debora enim interpretatur *apis*. De hac enim Dominus, ait: « Circumdederunt me sicut apes (*Psal. cxvii, 12*). » Fuit vero Debora nutrix Rebecæ, quoniam Ecclesiam parvulam et lactantem Synagoga nutrit. Ipsa enim et legem et prophetas nos docuit, et quidquid habemus Veteris Testamenti, ab ipsa suscepimus. Locus autem in quo Debora, id est Synagoga, sepulta est, vocatur Quercus fletus, quia in tenebris exterioribus posita Synagoga, umbra ejus, et refrigerium, fletus est et stridor dentium. Cum enim a calore nimio mali transeant ad aquas nivium, melius erat eis semper sub sole esse, quam sub illius quercus umbram succedere, quæ eos nimio frigore et flere et stridere cogere.

« Egressus autem inde Jacob venit in terram quæ ducit Ephratam, in qua cum pariturus Rachel, periclitari cepit ob partus difficultatem. Vocavit igitur nomen filii sui Belom, id est filius doloris mei: « pater vero vocavit eum Benjamin, id est filius dexteræ. » Pulchre autem eo in loco peperit Rachel, in quo S. Ecclesia sumpsit initium, de qua scriptum est: « Audivimus eam in Ephrata (*Psal. cxxxix, 6*). » Ephrata enim est ipsa Bethlehem, in qua Christus dominus noster secundum carnem natus est. Pariens autem filium moritur Rachel, quoniam S. Ecclesia moriendo parit. Pariendo namque decollatus est Paulus: pariendo crucifixus est Petrus. Quomodo enim moriendo non pariebat, qui in cruce positus prædicando filios generabat? Nullo enim tempore sancti martyres plures filios genuerunt Domino, quam eo tempore, quo patiebantur. Inde in Evangelio Dominus, ait: « Mulier cum parit, tristitiam habet (*Joan. xvi, 21*). » Vocat autem filium suum Belom, id est filius doloris mei, quia in dolore, id est morte, et in angustiis eum peperit. Pater vero vocavit eum Benjamin, id est filius dexteræ. Si enim Christus

A dextera vocatur, Jacob autem significat Christum, ergo filii Christi, filii sunt dexteræ. Inde autem et de Benjamin dicitur, quia utebatur utraque manu pro dextera. In morte autem Rachel non fuit fletus, quoniam S. Ecclesia non ad morerem, sed ad gaudium moriendo tendit. Fletur autem, 39 et flet Debora anus decrepita et despicienda, de qua per Jeremiam dicitur: « Plorans ploravit in nocte, et lacrymæ ejus in maxillis ejus, non est qui consoletur eam ex omnibus charis suis (*Thren. i, 2*). »

CAPUT XXXVII.

Hinc autem sequitur: quia completis centum octoginta annis, mortuus est Isaac, quem filii ejus Esau, et Jacob sepelierunt in spelunca duplici. Inde B narratur filii Esau, et duces eorum; similiter filii Seyr et duces eorum. Quod autem dicitur: iste est Onan, qui invenit aquas calidas in solitudine, cum pasceret asinos Sebeon patris sui, sic accipiendum est ac si diceret: iste Onan sua arte suoque ingenio reperit, ut ex asino simul et equa mulus nasceretur; sive etiam ad litteram: invenit aquas, quæ difficile in solitudine reperiuntur.

CAPUT XXXVIII.

« Joseph cum sedecim esset annorum, pascabat greges cum fratribus suis adhuc puer: accusavitque fratres suos apud patrem crimine pessimo. « Israel autem diligebat Joseph, fecitque ei tunicam polymitam bene ornatam. » Vidit autem in somnis se ligare manipulos cum fratribus in agro; surgens autem, et stans manipulus ejus, a fratrum manipulis adorabatur. Quod cum fratribus retulisset, responderunt ei: « Nunquid rex noster eris et subjiciemur ditioni tuæ? » Aliud quoque vidit somnium, quod narrans fratribus, ait: « Vidi per somnium quasi solem, et lunam, et stellas undecim adorare me. » Quod pater audiens, et intelligens, ait: « Nunquid ego, et mater tua, et fratres tui adorabimus te super terram? » Invidebant ergo ei fratres ejus. Joseph enim, qui accrescens interpretatur, Christum significat, ejus regnum, ex imperio tantum crevit, ut mundum impleat universum, de quo Joannes ait: « Me oportet minui, illum autem crescere (*Joan. iii, 30*). » Hic autem cum adhuc puer esset, sedens in medio seniorum audiebat, illos et interrogabat, omnesque in ejus responsis et doctrina mirabantur (*Luc. ii, 46*). Sic igitur et noster Joseph adhuc puer, et gregem pascibat. Quod autem dicitur quia Joseph accusavit fratres suos apud patrem crimine pessimo, plurale pro singulari posuit; non enim omnes fratres, sed solum Ruben accusaverat, qui cum Bala concubina patris sui concubuerat. Sed nunquid Christus aliquando accusatus est? Apostolus enim dicit: « Quis accusabit adversus electos Dei? Christus, qui justificat. Quis est qui condemnet? Christus Jesus, qui mortuus est, imo qui et resurrexit, qui etiam interpellat pro nobis (*Rom. viii, 34*). » Si ergo constat Christum apud Patrem interpellare pro nobis, non dubium est

etiam ipsum accusare et damnare malos. Fecit autem pater huic filio suo dilecto tunicam polymitam, per quam, carnem, qua divinitas induta est, intelligimus. Ejus autem manipulum optimo grano plenum, et quo totus mundus nutriendus erat, fratrum manipuli adorant, quia in nomine Jesu omne genus flectitur celestium, terrestrium, et infernorum (Philip. II, 10). » Ipsum præterea sol, et luna, et stellæ (168) undecim adoraverunt; quoniam reges, et principes, totaque Ecclesia, omnesque ejus discipuli eum adorant, et venerantur. Quomodo ergo, juxta litteram, luna Joseph adorare potuit, siquidem per lunam Rachel intelligitur, quæ jam defuncta erat? (169.) Invidabant igitur ei fratres, et jam eum occidere Judei cogitabant, quoniam ejus somnia, ejus monita atque doctrina eis videbatur esse contraria, et talem tanquam justum regem sibi præesse mettebant; unde et dicebant: « Venite, occidamus eum, quoniam inutilis est nobis, et contrarius est operibus nostris, et promittit se scientiam Dei habere, Filium Dei se nominat (Sep. II, 13). » Post hæc autem, jubente Jacob, ivit Joseph visitare fratres suos, qui pascebant greges. Cum eum a longe vidissent, cogitaverunt illum occidere, et mutuo loquebantur: ecce somniator venit, venite occidamus eum, et mittamus in cisternam veterem. » Constatum ut pervenit ad fratres, nudaverunt eum tunica talari et polymita; postea vero consilio Judei venderunt Ismaelitis. Postquam enim Judei viderunt signa et miracula quæ Christus faciebat, et quod omnis populus eum venerabatur et sequebatur, zelo et invidia commoti pontifices et Pharisei collegere concilium, quomodo Jesum dolo tenerent et occiderent (Joan. XI, 47). » Deinde cum diabolus misisset in cor, ut traderet eum Judas Simonis iscariotæ (Joan. XIII, 2), » ivit igitur ad pontifices, et dederunt ei triginta argenteos. Fuerunt igitur et facto similes, qui nomine non differabant; ut alter Judas Joseph, alter vero venderet Christum.

« Dixit enim Judas fratribus suis; ecce Ismaelitæ transeunt, venite, vendetur. » Acquieverunt ergo fratres, et venderunt eum viginti argenteis. Recte autem Joseph quia minoris erat meriti, minori etiam venditur pretio. Per Ruben, qui Joseph liberare nitabatur, eam populi partem intelligimus quæ in morte Salvatoris non fuit consentiens. Per hædum, quem occiderunt, Christi mortem, per tunicam vero, quam in ejus sanguine tinxerunt, carnem Christi sanguine proprio cruentatam designamus. Liberatur igitur a morte Joseph, si ejus tunica cruentatur, quoniam 40 et Christus secundum carnem passus est, qui secundum divinitatem mori non potest.

CAPUT XXXVIII.

Quod vero sequitur de filiis Judeæ, qui fuerunt nequam in conspectu Domini, et ab eo occisi sunt, et de ipso Juda, qui concubuit cum nuru sua, aliis

ad exponendum relinquimus, non magnopere ducentes hominum flagitia spiritualibus inserere sacramentis. Verumtamen quoniam omnia quæ scripta sunt, ad nostram doctrinam scripta sunt, nos talia facere timeamus, ne hæc agentes similia patiamur. Et quidem nisi quia primogenitus Judeæ nequam fuit; secundus ejus filius Judeos et hæreticos significare poterat, qui primogenito fratri, id est Christo invidentes, (170) illud verbi semen in aures audientium infundere nolunt, per quod veritas, quæ Christus est, in eorum cordibus oriatur; effundunt igitur illud in terram, ubi sciunt nullum ex eo posse fieri fructum. Hoc autem sit, ne in fratris nomine filius oriatur. Secundum legem namque, si quis conjugem fratris uxorem duceret, non sibi, sed fratri suo filios generabat.

CAPUT XXXIX.

Igitur Joseph ductus est in Ægyptum, emitque eum Puiphar eunuchus Pharaonis princeps exercitus, qui præposuit eum omnibus quæ possidebat. Ille vero nihil aliud noverat, nisi panem quo vescabatur; sed quia noluit dormire cum domina sua, ut putabatur, ab ea accusatus in carcerem missus est. Deinde vero, jubente Pharaone, de carcere eductus, atque ab eo præpositus ordinatus, totum Ægyptum a fame liberavit; unde et salvatorem mundi lingua Ægyptiaca eum vocaverunt. Cujus abstinentiæ Joseph fuerit, ex eo facile dignoscitur, quia cum multis divitiis præesset, necessariis tantum contentus, solo pane vescabatur; unde et vitiorum strenuus dominator, maximeque libidinis exstiliit, quæ ex nulla re magis vincitur quam carnis maceratione. Sic et Daniel cum tribus illis nobilissimis pueris, pane et leguminibus contentus fuit. Quomvis panis nomine cibus omnis intelligi possit; unde in Evangelio dicitur: « Cum introisset Jesus in domum cujusdam principis Phariseorum sabbato manducare panem (Luc. XIV, 1). » Quod ergo dicitur nihil noverat nisi panem quo vescabatur, id est nulla gloria vel honore, nullisque divitiis delectatus, solius corporis necessariis utebatur. Sed quia Joseph significat Christum, Christus autem non nisi semel venditus est, quid secunda venditio Joseph in Christo significavit? Semel enim in se, multisque autem in fidelibus suis Christus Dominus noster venditus est. Unde ipse discipulis ait: « Qui vos audit, me audit; et qui vos spernit, me spernit (Luc. XVI). » Et Saulo persequenti: « Saule, Saule, quid me persequeris? » (Act. IX, 4.) Itemque: « Quod uni ex minimis meis fecistis, mihi fecistis (Matth. XXV, 40). » Sic igitur Christus in servis suis et flagellatur, et tenetur, et venditur, et occiditur. Hæc enim lex a tyrannis quodam tempore data fuerat, ut quicumque proderet Christianum, ejus facultates haberet; qua cupiditate ducti ubique (171) mali, Christianos studiosè querebant. Sic igitur flebat, ut suis metiosis

gitor.

(171) Id. cod. mendosæ editioni occurrit.

(168) Cod. Casin. omittit undecim.

(169) Aliquid deest amanensium incertum.

(170) Ab eod. cod. Laurent. errata editio corri-

facultatibus christiani venderentur. Sed cui vendebant, nisi Putiphar, nisi principi Pharaonis, per quem diabolus intelligitur? Putiphar enim *os inclinans ad discendum* interpretatur. Cum enim sancti martyres ante iudices ducerentur statim qui et unde, servi an ingenui, et cujus essent religionis examinabantur. Hoc igitur modo Putiphar, os ad discendum inclinans, subtili examinatione de eis omnibus interrogabat; qui, cum se esse Christianos dicerent, mox eos omnibus facultatibus suis, quantum in ipso erat, praeponerat, divitias, honores, et dignitates eis promittens, si suae voluntati consensissent. (172) Dicitur autem Putiphar iste ad nefarios usus emisisse Joseph, quia pulcher erat et decora facie; propter quod, exsiccatis testiculis, divino iudicio sic emundatus; deinde vero sacerdos Heliopoleos constitutus, cujus filiam Joseph postea duxit uxorem. Et hoc quidem tyrannis satis convenire videtur, qui sanctorum fidem polluere et corrumpere cupientes, multis modis a Domino percussus fuisse leguntur, et illi praesertim qui sacras virgines violare tentarunt. Sed quid per uxorem Putiphar, nisi idololatriam intelligimus? Cui, quia Joseph et SS. martyres consentire noluerunt, quasi sacrilegi et adulteri, et carceri, et morti, et exilio damnati sunt. Cum hac enim meretrice Israel fornicatus est, de quo dicitur: «Fornicatus est Israel post deos gentium (Judic. viii, 27).» Positi igitur sancti in carcere, ibi quoque Deum adiutorem invenerunt, qui nunquam deserit sperantes in se. Quamvis enim Joseph, qui venditus, accusatus missusque in carcerem, omnes martyres significare possit, eos tamen principaliter significat, qui temporibus Diocletiani et Maximiani exsisterunt. Isti enim adeo idololatriam persecuti sunt ut quicumque sacrificare noluisset, mox carceri vel exilio traderetur, aut diversis suppliciis puniretur. Post hos autem secutus est Constantinus Maximus imperator, cui Deus per visionem piscinam pietatis revelare dignatus est, **41** in qua et ipse, et totus mundus a vitiorum lepra mundatus est. Queritur igitur Joseph, queritur Silvester, qui regis somnia interpretetur. Trahitur igitur Joseph de carcere, ducitur Silvester de latibulis in quibus jam ex multo tempore latitaverat; interpretatur somnia, exponit mysteria, fit amicus imperatoris, magis quam ille Pharaonis. Joseph enim a Pharaone secundus in regno declaratur et annulum, et stolam, et torquem auream circa collum suscepit: Silvester vero a Constantino primus omnia Romani imperii insignia suscipere meruit, quibus usque hodie Romani pontifices in magnis festivitibus utuntur: inde est, quod pontifices clamyde, quodque purpura vestien-

tur (173). Si ergo Joseph salvator mundi, quia solum Aegyptum a fame liberavit, cur et Silvester salvator mundi non dicatur, qui pane verbi Dei, et spiritualibus alimoniis totum mundum refecit? Illi filia Putipharis: huic sancta et universalis Ecclesia traditur; multoque plura Silvester quam Joseph fecisse narratur. Ille horrea, iste Ecclesias aperuisse legitur. Ille Aegyptiis servitutem; iste christianis tribuit libertatem. Quod autem Jacob cum filiis et nepotibus, totaque domo ac familia sua lectus ad Joseph super plaustra ducitur in Aegyptum, nonne tibi significasse videtur quod ex voluntate Silvestri, jubente Constantino, ex carcere et exilio, ubi detinebantur, cum gloria et honore omnes sancti ad propria remeant? Si enim, quod verum est, ubicunque sunt duo vel tres in Christi nomine congregati, ibi et ipse est in medio eorum, quis negare audeat quod noster quoque Joseph simul cum sanctis suis de carcere et exilio non duceretur? Longum autem est singula singulis comparare. Illud tantum nos dixisse sufficiat, quia non magis tunc Pharaon, amore Joseph, profuit Israelitis, quam postea Constantinus, Silvestri gratia, profuit Christianis.

Prætermittens S. Bruno expositionem in sequentia septem capita, devenit ad caput XLVII, quod cum reliquis illustrat, præsertim extremum, ubi singulae prædicationes a Jacob moriente filiis suis factae elegantur, copioseque explicantur.

CAPUT XLVII.

Venit igitur Israel in Aegyptum, benedixitque Pharaoni, et habitavit in terra Gessen, auctusque est, et multiplicatus nimis, factique sunt omnes dies vitae illius centum quadraginta et septem annorum. Cumque appropinquare cerneret mortis diem, vocavit filium suum Joseph, et dixit ad eum: Si inveni gratiam in conspectu tuo, pone manum tuam sub femore meo, et jura mihi, quod de hac terra auferas me, et sepelias in sepulcro patrum meorum. Juravit igitur Joseph; quo jurante, adoravit Israel Deum, conversus ad lectuli caput. Venit, inquit, Israel in Aegyptum, quia et Dominus noster Jesus Christus in hunc mundum veniens benedixit Pharaoni, cunctisque mundi hujus principibus, qui sanctorum meritis obedire non renuunt; tantumque in eo auctus est, ut a solis ortu et occasu, ab aquilone et mari ejus imperium dilatetur.

CAPUT XLVIII.

Quid autem significet quod Joseph sub patris femore juravit, jam superius expositum est, ubi sub femore quoque Abraham servus ejus jurasse narratur. Quod autem dicitur: et adoravit Israel Dominum, conversus ad lectuli caput, versus orientem caput le-

(172) Ex Hebraeorum fabulis hoc commentum fortasse desumpsit auctor.

(173) Vigeat adhuc Brunonis ævo hujusmodi opinio ex canone 14, distinct. 96, posteriori tempore inter apocryphos relato; quem asserti clar. Sebast. Berardi tom. I, diss. 1, § de archiep. insignibus, eumque valde antiquum ait. Nihil tamen hoc

officit supremæ Rom. pontificis dignitati in Ecclesia; cum jam antea, ut inquit Spondanus ad an. 324, n. 28, pontifices corona, vel lamina aurea, aliisque summi sacerdotii sui insignibus uterentur. Vid. Anast. Bibl. in Vita S. Silvestri, edit. Rom. 1731, tom. I, p. 27.

culi fuisse significat, in qua parte Deum adorare solitus erat, cum jam ex eo tempore solem justitiæ Christum Dominum ipse veneraretur. De hoc autem Apostolus, aliam sequens translationem, sic ait: « Fide Jacob benedixit duobus filiis Joseph, et adoravit fastigium virgæ ejus (Hebr. xi, 21); » ut sit sensus quod Jacob senio confectus, fastigio virgæ ejus innixus Deum adoravit, non quod ipsam virgam, vel sceptrum Joseph filii sui Jacob adorasse intelligatur (174).

CAPUT XLIX.

His ita peractis, nuntiatum est Joseph, quod ægrotaret pater ejus, qui, assumptis duobus filiis suis Manasse et Ephraim, ivit ad eum, quos Jacob sibi hæredes esse constituit, ut pariter cum filiis suis dividerent possessionem. Cumque eos Joseph applicasset ad patrem, commutatis manibus, benedixit eis, posuitque manum dexteram super caput Ephraim, qui ei sinister erat: sinistram vero super caput Manasse, qui erat ei a dextris. Hoc autem Joseph graviter ferens, nitebatur patris dexteram super caput Manasse transferre, qui major natu erat. Ille vero renuens ait: « Scio, fili mi, scio; et iste quidem erit in populos, et multiplicabitur; sed frater ejus junior major illo erit, et semen ejus crescat in gentes. » 42 Benedixitque eis in ipso tempore, dicens: In te benedictur Israel, atque dicetur: Faciat tibi Deus sicut Ephraim, et sicut Manasse; constituitque Ephraim ante Manassen. » Joseph enim filios suos sic ad patrem applicuerat, ut Manasses, qui major erat, esset a dextris, Ephraim vero a sinistris. Vir ergo sanctus, et Spiritu Dei plenus, manibus commutatis, et quodammodo ipsis suis brachiis crucis signum super eos faciens, eis benedixit, deprecans Deum patrum suorum, et angelum qui eruit eum de cunctis malis, in quo et Patrem, et Filium intelligebat, ut eis benediceret, ut nomen suum, et nomen patrum suorum Abraham et Isaac super eos invocari faceret, ut videlicet tales existerent, qui talium patrum filii digne vocarentur. Ille autem duæ tribus valde multiplicatæ sunt; si quidem Ephraim decem tribubus imperavit, quia proverbium erat in Israel, ut cuicunque bona quis optaret, ei in prædicando diceret: « Faciat tibi Deus sicut Ephraim, et sicut Manasse. » Quod autem dicitur: « Quia constituit Ephraim ante Manassen, » tale est ac si diceret: Constituit, firmavit, et præcepit ut ex inde Ephraim major esset quam Manasses. Sic enim et Joannes Baptista in Evangelio dicit: « Qui post me veniet, ante me factus est (Joan. i, 27). » Dixitque Jacob Joseph filio suo: « En ego morior, eritque Deus vobiscum, reducetque vos in terram patrum vestrorum; do tibi partem et unam extra fratres tuos, quam tuli de manu Amor-
rheï in gladio, et arcu meo. » Quod enim Jacob Amorrhæis violenter terram abstulerit, nusquam superius legitur; sed quia hic dicitur, factum quo-

(174) Vide Cornel. a Lap. Comment. in cap. xi. Ep. ad Heb.

A que fuisse intelligi potest: aut si ita non intelligitur, prophetia est de futuro, ut se jam fecisse dicat, qui filios Joseph facturos esse cognoscit. Fortasse autem hoc est illud prædium, de quo in Evangelio dicitur: « Venit Jesus in civitatem Samariæ, quæ dicitur Sichar, juxta prædium quod dedit Jacob Joseph filio suo (Joan. iv, 5). »

CAPUT L.

« Vocavit autem Jacob filios suos, et ait eis: « Congregamini (175) et audite, filii Jacob, audite Israel patrem vestrum; congregamini, ut annuntiem vobis quæ ventura sunt novissimis diebus. « Ruben primogenitus meus, tu fortitudo mea, et principium doloris mei, prior in donis, major in imperio: effusus es sicut aqua, non cresces, quia ascendisti cubile patris tui, et maculasti stratum ejus. » Ruben namque filius Liæ primogenitus fuit; ipse autem, et Gad, et dimidia tribus Manasse possedit omnem terram quam ceperunt filii Israel, priusquam transirent Jordanem. Relictis igitur uxoribus, liberis, et gregibus, cunctaque suppellectile expediti, et armati incedebant ante fratres suos. Ideoque modo Jacob dicit Ruben: « Tu fortitudo mea, » quo præcedente et præliante vincam: « et principium doloris mei, » quia concubuit cum Bala concubina patris sui. Unde in sequentibus dicit: « Quia ascendisti cubile patris tui, et maculasti stratum ejus. » Principium igitur doloris sic est, ac si diceret, maximus dolor. « Prior in donis, » vel quia prior benedicitur, sive quia prius hereditatem suscepit. « Major in imperio; » major quippe in imperio fuisset, nisi propter peccatum supradictum primogenita perdidisset. « Effusus es sicut aqua, » non considerans ubi te præcipitares, libidinis furore devictus, ideoque non cresces; si enim non cresceret, quomodo in imperio major erit? Major enim esse debuerat, sed quia inconsiderate ruit, suæque effusionis impetum non retinuit, neque crearet, neque major erit. Unde et Moyses ei benedicens ait: « Vivat Ruben, et non moriatur, et sit parvus in numero. » Potest autem et sic intelligi, non cresces in peccatis, videlicet ut peccatis peccata adjicias; sed peccasti: quiesce. Quoniam autem superius dicitur: « Congregamini, filii Israel, ut annuntiem quæ ventura sunt vobis diebus novissimis; » juxta litteram quidem ad Ruben, allegorice vero ad totum populum Judaicum pertinere videtur, ut sit vox loquentis Domini: « Ruben primogenitus meus. » Sic enim scriptum est: « Filius meus primogenitus Israel. » Hunc enim populum quasi filium primogenitum præ cunctis gentibus quodam tempore Deus dilexit; principium doloris mei, id est, tu mihi principalis es, maximusque dolor, tum propter alia, tum quia filium meum charissimum occidisti. « Prior in donis, » quia tibi legem, tibi manna, tibi spiritualia dona mandavi. « Major in imperio, » quia quandiu fidelis fuisti, nulla gens te

(175) Vulgata ita habet: *Ut annuntiem quæ ventura sunt vobis in diebus novissimis. Congregamini, etc.*

superare, imo tibi resistere potuit. « Effusus es sicut aqua, » cunctos submergens, et destruens inimicos, sive etiam supra numerum multiplicatus. Non cresces, sed sicut timebas, venient Romani, qui tibi locum tollant, et gentem. Quare hoc? « Quia ascendisti cubile patris tui, et maculasti stratum ejus, » multorum videlicet animas Domino desponsatas doctrina, et exemplis, et violentia maculasti et corrupisti. Et quoniam Pater est in Filio, et Filius in Patre, quasi alter alterius cubile dicitur.

« Simeon et Levi fratres, vasa iniquitatis bellantia, in consilio eorum ne veniat anima mea, et in cœtu eorum non sit gloria mea; quia in furore suo occiderunt virum, et in voluntate sua suffoderunt murum, maledictus furor eorum, quia peritinxit, et indignatio eorum, quia dura: » **43** dividam eos in Jacob, et disperdam eos in Israel. » Nam quia superius legimus, Simeon et Levi fratres, propter Dinam sororem suam, Sichem et Emor dolo interfecerunt, ideo vasa iniquitatis bellantia appellantur, quorum conventus atque consilia, furore, ira, et indignatione plena, nec ab ipsis satisfaciendis et indulgentiam querentibus placari potuerunt; ideoque precatur Jacob ne in eorum consilium, et potestatem ejus vita et gloria aliquando veniat; sive etiam, ut eorum nunquam credat consilia, qui dolo, et simulatione tantum facinus perpetrare potuerunt; de quo et subditur: « Quia in furore suo occiderunt virum, » Sichem videlicet et Emor. « Et in voluntate sua suffoderunt murum, » et totam civitatem illorum destruentes, vel aditum sibi ad intrandum preparantes. « Maledictus furor eorum, quia pertinax, » id est implacabilis, « et indignatio eorum, quia dura, » quæ mitigari non potest. Notandum autem, quia non ipsis, sed eorum furori et indignationi maledicit, ut videlicet post maledictionem jam hæc in eis ulterius esse non valeant. « Dividam eos in Jacob, et disperdam in Israel. » Simeon namque infra sortem Judæ suscepit hereditatem, habitavitque in medio filiorum Judæ. Levi autem de cunctis tribubus datæ sunt civitates ad inhabitandum. Spiritualiter vero per Simeon et Levi, Judæos omnes, maximeque sacerdotes et levitas intelligimus, qui vasa iniquitatis bellantia, tota die constituebant praelia, qui pravo consilio inito, in furore suo occiderunt virum, Christum scilicet: « et in voluntate sua suffoderunt murum, » ipsum eundem, qui muniebat, et defendebat Jerusalem. Ideoque divisi sunt in Jacob, et dispersi sunt in Israel: id est ubique terrarum, ut per Jacob Ecclesiam intelligamus, quæ per totum mundum diffusa est.

« Juda, te laudabunt fratres tui. Manus tua in cervicibus inimicorum tuorum, et adorabunt te filii patris tui. Catulus leonis Juda, ad prædam, filii mi, ascendisti, requiescens accubisti ut leo, et quasi leæna, quis suscitabit eum? Non aufertur sceptrum de Juda, et dux de femore ejus, do-

nec veniat qui mittendus est, et ipso erit expectatio gentium. Ligans ad vineam pullum suum, et ad vitem, o fili mi, asinam suam. Lavabit in vino stolam suam, et in sanguine uvæ pallium suum. Pulchriores sunt oculi ejus vino, et dentes ejus lacte candidiores. » Tribus namque Juda, quia templum habebat, et legem, et prophetas, a cæteris semper laudari meruit. Qualiter autem super cervices inimicorum manus tenuerit, libri Regum testantur. Quomodo vero et David, et alios reges ab eo, totus populus adoraverit, et veneratus fuerit, ibi quoque reperiunt. Dicitur est autem catulus leonis Juda propter fortitudinem, quam ille populus habuit. Ascendit autem ad prædam, omnes in circuitu civitates devastans. Requievit ut leo, et quasi leæna, quia quandin legem sibi datam custodivit, omnes ejus quietem et pacem perturbare, sibi que bellum movere timebant. Unde et subditur: « Quis suscitabit eum? » ad bellum scilicet provocando. « Non auferetur sceptrum de Juda, et dux de femoribus ejus (176), donec veniat, qui mittendus est, et ipse erit expectatio gentium; » manifesta est de Christo prophetia. Ipse est enim, quem omnes gentes expectabant, et a quo de morte perpetua sunt liberate. Ex quo autem tribus Juda regnare cepit, id est a temporibus David, de nulla alia, nisi de propria tribu regem habuit. Quod autem dicitur: « Non auferetur sceptrum de Juda, » sic est accipiendum, non quod omnino non auferetur (ducta enim in captivitatem non semper regem habuit) sed quia hæc dignitas ab hac tribu non auferetur, nisi detur alteri tribui, quæ huic imperare debebat. Namque unoquoque rege moriente, sceptrum quidem auferebatur; dignitas tamen, et honor regius, quasi quiddam naturale et hereditarium in hac tribu permanebat. Unde et post regis cujuslibet obitum, et post reditum de captivitate, sine ulla contentione de hac tribu Juda rex eligebatur. Hoc autem sicut Jacob prædixerat, usque ad Christi adventum perseveravit; tunc enim Herodes, quamvis fraudulenter in Judæa regnabat, qui tamen uxorem de tribu Juda habebat, eum qua et regnum, et sceptrum possidebat quod autem sequitur: « Quia ligabit pullum et asinam ad vitem, et quia lavabit stolam, et pallium in vino, » quantum ad litteram, pacem, et quietem habiturum esse significare videtur, ut secure dormiat sub vite sua, tantamque vini abundantiam habere, ut in eo, si necesse fuerit, etiam pannos lavare sufficiat. Spiritualiter autem per Judam Christum intelligimus, quem non solum fratres, verum etiam omnis creatura laudat, et benedicit, cujus quidem manus in cervicibus est inimicorum suorum, quoniam nemo est qui ei resistere valeat. Hunc autem et filii patris sui adorant, angeli videlicet atque homines. Ipse autem est et catulus leonis, qui omnium fortissimus bestiarum, ad nullius timebit occursum. Dicitur autem quod catulus leonis quando nascitur, usque ad tertium diem, quasi mortuus

(176) Vulgata legit. Et dux de femore ejus.

dormiens, non movetur; die vero tertia rugitu quodam, et voce parentis a somno excitatur. Christus autem de ad loquens ait: « Ego dormivi, et somnum cepi, et resurrexi, quoniam Dominus suscepit me (Psalm. lxxvi, 6). » Dormivi in sepulchro, die tertia resurrexi, **44** scilicet voce Patris a somno excitatus. Unde et subditur: « Requiescens accubuisti ut leo, et quasi leona, quis suscitabit eum? » pater ulique, qui non derelinquet animam ejus in inferno, sive ipse seipsum, quoniam potestatem habet ponendi animam suam, et iterum sumendi eam. Quod autem ait: « Ad prædam, filii mi, ascendisti; » hoc est, quod alibi dicitur: « Ascendens Christus in altum captivam duxit captivitatem (Ephes. iv, 8): » ascendens enim crucem, prædam de manu diaboli rapuit, id est totum mundum. Sed quid est, quod ait: « Ligans ad vineam pullum suum? » Quid per vineam, quid per pullum? Vineam enim Domini Sabaoth, domus Israel est (Isa. v, 7); pullus autem, populus gentilis lascivius et indomitus. Ligavit igitur pullum ad vineam, Judæos et gentiles in unam fidem conjungens, ut fiat unum ovile et unus pastor. « Et ad vitem, filii mi, asinam suam. » Ego, inquit Dominus, sum vitis vera, et vos palmites (Joan. xv, 5). Asina autem est Synagoga, quam secundum eam quidem partem, quæ creditur, insolubili vinculo sibi Dominus conjunxit, atque ligavit. Unde Paulus hujus asinæ filios, huic viti indissolubiliter ligatos dicebat: « Quis nos separabit a charitate Christi? tribulatio, an angustia? Certus sum enim, quia neque mors, neque vita separabit nos a charitate Dei, quæ est in Christo Jesu (Rom. viii, 35). » Si ergo pullus ligatur ad vineam, id est ad Synagogam, asina autem, id est Synagoga, ligatur ad vitem, ergo et pullus ligatur ad vitem. « Lavabit in vino stolam suam, et sanguine vitæ pallium suum. » Stola et pallium Christi caro est, quæ militis lancea perforavit, et continuo exivit sanguis, et aqua. Unde et dicitur: « Quis est iste, qui venit de Edom tinctis vestibus de Bosra? iste formosus in stola sua (Isa. lxiii, 1). » Notandum vero, quod vinum sanguis vocetur, quia in sanguinem vinum convertitur. Pulchriores sunt oculi ejus vino, et dentes ejus lacte candidiores: oculi Christi prophete intelligantur, qui superspicaci mentis aciemine, usque ad sæculi consummationem Ecclesiæ sacramenta videre meruerunt. Hi autem sunt pulchriores vino, quia Spiritu ferrentes omnia superflua et nociva a se mundantes expulerunt; sic enim et vinum fervendo et bulliendo purgatur. Dentes autem apostoli sunt, qui nobis Scripturarum difficilia, et duriora ruminando et exponendo, quasi infantes nos nutrierunt. Et isti quidem sunt lacte candidiores, quia super nivem dealbati, nulla in eis apparet macula peccati.

« Zabulon in littore maris habitabit, et in statione navium pertingens usque ad Sidonem. » Hæc autem magis sortis hereditatisque descriptio quam benedictio esse videtur, quamvis et ipsa sors ei pro benedictione data sit, de qua scriptum est: « Primo

A tempore alleviata est terra Zabulon et terra Nephtali (Is. ix, 1). » Istæ namque duæ tribus juxta mare Galilææ habitaverunt. Unde et Matthæus ait: « Cum autem audisset Jesus, quod Joannes traditus esset, recessit in Galilæam; et, relicta civitate Nazareth, venit et habitavit in Capharnaum maritima, in finibus Zabulon et Nephtalim (Matth. iv, 13). » Multum enim Christus in Galilæa conversatus est, quæ sanctorum apostolorum Petri, et Andreæ, et Jacobi, et Joannis habitatio quondam fuit, pro quibus videlicet Nephtalim merito dicatur cervus emissus, et dans eloquia pulchritudinis. Cervi namque sunt apostoli, quibus cum a Domino mitterentur, dictum est: « Ite in universum mundum, predicato Evangelium omni creature (Marc. xvi, 15). » Cujus autem pulchritudinis eloquia isti dederint, lege et vide. Magna est igitur benedictio Zabulon et Nephtali, quia tantos, talesque viros habere meruerunt.

« Issachar, asinus fortis, habitans in terminis; » vidit requiem, quod esset bona, et terram, quod optima, et suppositis humerum suum ad portandum, factusque est tribus serviens. » Habitat autem Issachar in terminis, quia sicut in libro Josue scribitur, ab Austro est Ephraim, ab Aquilone Manasse, et conjunguntur ab Oriente in tribu Issachar, ita ut Issachar sit terminus utriusque. Hic autem, quia parum quid secundum litteram dicere valemus, ad allegoriam nos transferamus. Issachar enim asinus fortis, Ecclesiæ doctores sunt, quia totius Ecclesiæ pondus ferunt. Hi autem habitant in terminis: inter activam vitam videlicet, et contemplativam, nunc orationibus vacant, nunc fidelibus necessaria subministrant. Isti vero, quia cognoscunt requiem cœlestis beatitudinis, quod bona sit, quia sciunt etiam hanc terram, id est sanctam Ecclesiam optimam esse, supponunt humeros ad portandum, totisque viribus elaborant, ut hanc terram ad hanc requiem transferre valeant, unde et facti sunt tribus servientes. Quoniam, sicut Apostolus ait, omnibus omnia facti sunt, ut omnes lucrificent, et quasi omnium tributarii omnibusque debitores, admonendo, increpando, arguendo omnibus serviunt. Cum enim Apostolus dicat: « Græcis ac barbaris, sapientibus et insipientibus debitor sum (Rom. i, 14), » nonne tibi omnibus tributa solvere videtur? Sequitur:

« Dan judicabit populum suum, sicut alia tribus Israel. Fiat Dan coluber in via, cerastes in semita, et mordens ungulas equi, et cadat assessor ejus retro. Salutare tuum expectabo, Domine. » De tribu namque Dan fuit Samson, qui viriliter satis, et strenue populum judicavit, et Philistæos afflixit. De hac quoque tribu, ut fertur, Antichristus est nasciturus, de quo cætera, quæ sequuntur, intelligi debent. « Fiat, inquit, Dan, » id est Antichristus, « coluber in via, » quatenus, ad antiqui serpentis similitudinem, **45** populum in viam mandatorum Dei gradientem, suæ fallaciæ veneno perdat et decipiat.

Sed qualis serpens? « Cerastes in semita. » Cerastes enim *cornutus* interpretatur. Lege Daniele, et invenies quomodo Antichristus per cornua significetur. Namet in Apocalypsi cornua duo, agni similia habere describitur; per quæ ejus hypocrisis et falsa humilitas intelligitur. Erit autem serpens iste cornutus, quoniam regiam præferet dignitatem, pluresque cornibus, et violenta fortitudine quam opere, vel sermone ad se convertet. « Sedit enim in insidiis cum divitibus in oculis, ut interficiat innocentem (Ps. 7, 8). — « Moriens ungulas equi (177). » Quid vero per ejus ungulas, nisi mundi finem significat? Est enim in ungulas ultima pars corporis; mordet igitur serpens iste ungulam equi, quia in mundi fine Antichristus apparens mundi amatores mordendo devorabit. « Ut cadat ascensor ejus retro. » Quia hujus equi ascensores, reges, et principes, cunctique mundi hujus potentes intelligi possunt, quibus mundus iste subicitur, et quasi a quibusdam equitantibus regitur, et gubernatur. Hi autem retro cadent; qui autem retro cadit, non videt quo cadit: merito igitur retro cadere isti dicuntur, quia non intelligunt quæ tormenta post casum mortis expectant. Quoniam autem non diu post hæc finis sequetur, et Dominus in majestate sua ad judicandum veniet; ideo subdit dicens: « Salutare tuum expectabo Domine, nequaquam ad Antichristum respiciens, qui et ipse enim cæteris retrorsum cadet.

« Gad accinctus præliabitur ante eum. » Ante quem eum? Utique ante Israel. Tribus namque Gad trans Jordanem, accepta possessione, omnibus expeditus, armatus præcedebat fratres suos. Hoc enim Moyses præceperat. Sequitur: « Et ipse accingetur retrorsum; » id est ipse quoque Israel accinctus, et a bella paratus, sequetur post eum. Si autem spiritualiter intelligatur, Gad accinctus præliabitur Christum significat; de quo modo dixerat: « Salutare tuum expectabo, Domine. » Et per Gad apostolos intelligamus, qui nihil timentes et ad bella parati, etiam inter ipsos adversarios Christi nomen prædicabant. Ipse vero quasi bonus imperator sequebatur post eos, signis et miraculis eis auxiliando. Unde scriptum est: « Illi autem profecti prædicaverunt ubique, Domino cooperante et sermonem confirmante sequentibus signis (Mare. xvi, 20). » Ipse quoque Salvator, ait: « Sine me nihil potestis facere (Joan. xv, 5). » Hoc est ergo, quod dicitur: « Et ipse accingetur retrorsum. »

« Aser, pinguis panis ejus, et præbebit deliciis regibus, » Hoc autem ad litteram non procedit, nisi forte terræ fecunditatem significet. Spiritualiter autem Aser, qui *beatus* interpretatur, Ecclesiam significat. Panis vero ipsius Christus est, qui ait: « Ego sum panis vivus, qui de cælo descendi (Joan. vi, 42). » De quo pane scriptum est: « Memor sit Dominus omnis sacrificii tui, et holocaustum tuum pingue fiat (Ps. xix, 4). » Hoc enim pane non corpora,

sed mentes saginantur. Præbebit autem deliciis regibus, id est episcopis et sacerdotibus, qui celesti benedictione super mensa altaris hunc panem conficiunt. His autem panis iste præbet delicias, qui ipsi ejus sapore gustant, et intelligunt. « Gustate, inquit, et videte, quoniam suavis est Dominus (Paul. xxxiii, 9). »

« Nephthalim, cervus emissus, et dans eloquia pulchritudinis. » Hoc autem ibi expositum est, ubi Zabulon benedicitur. Hæ enim duæ tribus juxta mare Galilææ habitabant, ubi apostoli nostri piscari consueverant. Omnis igitur benedictio ad illos referatur.

« Filius accrescens Joseph, filius accrescens, et decorus aspectu. Merito enim Joseph accrescens filius dicitur, qui in tantum crevit, ut mundi Salvator, et dominus Ægypti, et pater Pharaonis vocaretur. Filius quoque ejus Ephraim decem tribus imperavit, sola Juda et Benjamin sequentibus domum David. Fuit autem et decorus aspectu, in ejus pulchritudinem et Putiphar, et uxor ejus vehementer exarsit. Unde et Ægyptiæ mulieres, filiaque nobilium, si quando transibant ad eum intuentum, super murum ascendebant. Hoc est enim quod ait: « Filia discurrebant super murum, » ut ejus pulchritudinem mirarentur, et jurgati sunt, invideruntque illi habentes jacula. » Quid autem per habentes jacula, nisi milites, cæterosque potentes Ægypti intelligamus? Illi autem cum hominem externum, et captivum super se cernerent exaltatum, inter se (ut moris est) quod talia paterentur, et fortasse contra ipsum regem, propter invidiam jurgati sunt. Hoc autem eos fecisse parum profuit, quoniam vigilantibus fortique consilio, et dispositione, Joseph cuncta agebat. Unde et subditur: « Sedet in forti arcus ejus. » Fortis erat manu, fortis erat et arcu, ideoque insurgentes adversarios non metuebat. Sequitur: « Et soluta vincula brachiorum et manuum ejus, per manus potentis Jacob: » — « Humiliaverunt enim dicit Psalmista, in compedibus pedes ejus; postea vero misit rex, et solvit eum princeps populorum, et dimisit eum (Psalm. civ, 18). » Hoc autem solius Dei voluntate, suisque intercedentibus meritis factum esse manifestat, cum dicit: « per manus potentis Jacob; » id est ut Joseph solveretur, utriusque Jacob meritum, vel potentia fecit. Inde pastor egressus est Israel lapis, inde, inquam, id est ex Jacob pastor egressus est, pastor utique bonus. Sic enim ipse ait: « Ego sum pastor bonus (Joan. xi, 14); » hic enim, secundum carnem, de semine Jacob natus est. Dicitur ergo: inde pastor egressus est. Quis pastor? **46** Israel. Quis Israel? Lapis. Ergo non primus Israel egressus est de Jacob (alioquin de Jacob egressus esset Jacob), sed ille Israel egressus est de Jacob, qui vocatur lapis, per quem Christum intelligimus, de quo scriptum est: « Lapis quem reproba-verunt ædificantes, hic factus est in caput anguli (I Petr. iii, 7). » Hinc autem ad Joseph loquitur di-

(177) Cod. Casin.: Quid enim per equum, nisi mundum? Quid per ejus ungulas, etc.

ens : « Deus patris tui erit adiutor tuus, et omnipotens benedicet tibi. » Hoc autem nullo pacto de Christo intelligi potest; nullum enim dominum pater ejus habet, imo ipse est ei Deus deorum, et Dominus dominantium. Hoc igitur, et cætera quæ sequuntur, super Joseph intelligantur. Sequitur : « Benedictionibus cæli desuper, et benedictionibus abyssi jacentis deorsum, Omnipotens, » inquit, « benedicat tibi; » sed quibus benedictionibus? « Benedictionibus cæli, » inquit, « desuper. » Similiter enim et Isaac eum benedixerat, dicens : « Det tibi Deus de rore cæli, et benedictionibus abyssi jacentis deorsum, » id est de pinguedine terræ abundantiam. Terra enim cælo comparata, abyssus vocatur. Possumus autem per benedictiones cæli, Dei, et Angelorum benedictiones intelligere; at vero per benedictiones abyssi, prophetarum et patriarcharum. Abyssus enim dicuntur prophete, propter spiritualis intelligentiæ profunditatem. Unde scriptum est : « Abyssus abyssum invocet (*Psal. xli, 8*), » id est apostoli prophetas in testimonium vocant. « Benedictionibus uberum, et vulvæ, » subauditur, benedicat tibi Omnipotens. Hæc autem benedictiones, si ad litteram intelligantur, et dicere, et audire satis absurdum, et turpe esse videtur. Secundum litteram tamen et filiorum multitudinem, et victus abundantiam, ei sic benedicendo, optasse intelligi potest. Sed quid per ubera, nisi duo Testamenta intelliguntur? Unde per Salomonem Ecclesiæ dicitur : « Duo ubera tua sicut duo hinnuli capræ gemellæ (*Cant. iv, 5*). » Hæc autem ubera cunctis fidelibus sufficienter lac subministrant : iis uberibus Ecclesiæ filii nutriuntur : in iis benedictionibus illæ continentur, quibus omnes populi benedicuntur. Quid vero per vulvam, nisi baptismum intelligamus? Omnes enim Ecclesiæ hac vulva regenerantur et nascuntur, neque inter ejus filios computantur qui per hanc vulvam non regenerantur. « Nisi enim quis renatus fuerit ex aqua et Spiritu sancto, non potest intrare in regnum Dei (*Joan. iii, 5*). » Hic autem illæ benedictiones recipiuntur, quibus et anima et corpus mundantur a peccatis. Et nusquam majores benedictiones, quam in hac vulva, suscipit homo. Magnæ igitur sunt uberum et vulvæ benedictiones, quibus et nascimur et alimur. Sed quare non prius vulvæ, et deinde ubera? Nisi quia uberibus concipimur, vulva vero nascimur? Præcedit enim conceptio nativitatem, præcedit prædicatio baptismum : mirabilis generatio, in qua homo prius lactatur quam nascatur. Quis enim in primitiva Ecclesia prius ad baptismum venit, quam fidei sacramentis instrueretur? Sequitur : « Benedictiones patris tui confortatæ sunt, » id est fortes, et efficaces factæ sunt. Hæc autem, benedictionibus patrum ejus adjunctæ, in vanum cadere non possunt, donec veniat desiderium collium æternorum; ac si dicat : Hæc benedictiones, filii mi, ad præsens tibi sufficiant; his interim contentus vivas,

A donec veniat desideratus cunctis gentibus, cuius benedictionibus nullæ unquam benedictiones comparari poterunt. Ipse est enim semen, in quo benedicentur omnes gentes; ipse est desiderium collium æternorum; id est patriarcharum et prophetarum, de quibus dicitur : « Montes exsultaverunt ut arietes (*Psal. cxiii, 4*); » itemque : « Montes et colles cantabunt coram Domino laudes. » Et iterum : « Fundamenta ejus in montibus sanctis (*Psal. lxxxvi, 1*); ipse est enim, in quem desiderant angeli prospicere. » Hæc autem benedictiones fiant in capite Joseph, et eorum qui imitantur Joseph; et in vertice Nazareti inter fratres suos. Nazareus erat Joseph, utpote qui primogenitus fuit Rachel, et Deo ab infantia consecratus. « Omne enim masculinum, adaperiens vulvam, sanctum Domino vocabitur (*Luc. ii, 23*). »

B « Benjamin lupus rapax, mane comedit prædā, et vespere dividet spolia. » Jerusalem namque in tribu Benjamin sita est; ibi et templum et altare constructum. Dicitur ego Benjamin lupus rapax, propter altare, super quod quotidie sine intermissione immolabatur, et tamen quasi rapax lupus cunctis sacrificiis saturari non poterat. Tanta enim erat sacerdotum et levitarum multitudo, ut vix in sumptu quotidiano multa animalia eis sufficerent. Unde et tale sacrificium præda vocatur. Hanc autem prædā mane post immolationem comedeant; vespere autem spolia, id est animalium pelles sacerdotes et levitæ inter se dividebant. Allegorice autem Benjamin Paulum apostolum significat, qui de ea tritu originem duxit; Unde ipse ait : « Nam et ego Israelita sum, et ex tribu Benjamin (*Rom. xi, 1*). » Hic autem quasi lupus rapax, magno furore sanctam Ecclesiam persequendo, tantam stragem ubique faciebat, ut ab ipsis quoque apostolis ejus sævitia timeretur. Ideoque et ipse dicit : « Ego enim sum minimus apostolorum, qui non sum dignus vocari apostolus, quia persecutus sum Ecclesiam Dei (*I Cor. xv, 9*). » Mane autem et vespere, tale est ac si diceret : Primum, et postea. Primum enim comedeat prædā, persequendo, vastando et dilaniando Ecclesiam; sic enim dicitur : « Qui comederunt Jacob. » Postea vero dividebat spolia Christi, prædicando, sacros ordines distribuendo, per episcopatus et Ecclesias episcopos et presbyteros ordinando (178-9).

D 47 « Hæc autem locutus est Jacob, benedixitque filios suos benedictionibus propriis; finitisque mandatis quibus filios instruebat, collegit pedes suos super lectulum, et obiit. » O quam pretiosa est in conspectu Domini mors sanctorum ejus! Ecce enim Jacob vir sanctus et Deo charus, quandiu voluit locutus est, et quasi mors et vita in illius esset potestate, quando voluit, obiit. Vixit autem centum quadraginta septem annis, et conditum aromatibus sepelierunt eum, sicut ipse jusserat filio suo, in spelunca

duplici. Ibi autem Abraham et Sara, Isaac et Re-

A conditi sunt; ibi etiam ossa Joseph a filiis Israel (119) delata ex Ægypto, locata sunt.

Explicit expositio Venerabilis Brunonis episcopi in Genesim; ita Codex Laurentianus.

INCIPIT

EXPOSITIO IN EXODUM.

Librum Exodi (180) expositurus omnipotentem Deum adiutorem invoco, cujus digito non solum duas tabulas, quæ in hoc volumine continentur, verum etiam totum librum scriptum, et editum credo.

CAPUT PRIMUM.

« Hæc sunt, inquit, nomina filiorum Israel, qui ingressi sunt in Ægyptum cum Jacob; singuli cum domibus suis introierunt. Ruben, Simeon, Levi, Issachar, Zabulon et Benjamin, Dan et Nephthaim, Gad et Asser. Erant igitur omnes animæ eorum, qui egressi sunt de femore Jacob septuaginta quinque (181). Joseph autem erat in Ægypto; quo mortuo, et universis fratribus ejus, (182) omni que cognatione sua, filii Israel creverunt, et quasi herba germinantes multiplicati sunt, ac roborati nimis impleverunt terram. » Hæc autem ideo præmissa sunt, ut intelligatur ex quorum paucis quasi seminibus tanta hominum creverit multitudo. Soli enim illi, qui ad bella procedere poterant a vicesimo anno, et supra numerati fuerunt sexcenta tria millia virorum, et quingenti sexaginta sex; cæteros vero, qui numerati non sunt, multo plures fuisse non dubitamus. Semper enim bonorum numerus crescit et multiplicatur. Quod autem ait: « Quia erant omnes animæ, quæ egressæ sunt de femore Jacob, septuaginta quinque, » per eas filios et nepotes in utroque sexu significat, nisi et eos, qui jam defuncti fuerunt, et eos qui nondum nati erant intelligamus, stare non potest. Nam in Genesi dicitur, quod omnes animæ domus Jacob, quæ ingressæ sunt in Ægyptum, fuere septuaginta, quod utique verum non est, nisi duo filii Judæ, qui jam mortui fuerant, Her videlicet et Onan, et duo filii Joseph, qui in Ægypto nati sunt, cum cæteris annumerentur. Hinc autem quidam hæreticorum suum confirmare errorem videntur, qui ex traduce animas descendere opinantur, quoniam de femore Jacob exisse dicuntur; ponitur autem pars pro toto, et a privilegio majoris partis totus homo anima vocatur; et tale est ac si diceret: Omnes homines qui egressi sunt de femore Jacob, fuere septuaginta animæ.

« Surrexit interea rex novus super Ægyptum, qui ignorabat Joseph, et ait ad populum suum: Ecce

(180) Exodus vox Græca, voce ἔξοδος, quæ valet idem ac Latina exitus: ut in psal. cxiii: *In exitu Israel de Ægypto*. Hic igitur liber continet narrationem egressus Israelitarum de Ægypto, duce Moyse.

(181) Vulgata habet septuaginta; unde videtur

« populus filiorum Israel multus, et fortior nobis est, venite, sapienter opprimamus eum. » Rex enim iste diabolus est, rex utique tenebrarum, quoniam Ægyptus *tenebræ* interpretatur; et iste quidem ignorat, id est non diligit Joseph. Hæc enim significatæ dicitur: « Amen dico vobis, nescio vos (Matth. xxv, 12). » Joseph autem Christus est, qui vere mundi Salvator, non solum Ægyptum, verum etiam totum mundum a fame liberavit. Unde et ipse dicebat: « Venite ad me, omnes qui laboratis et onerati estis, et ego reficiam vos (Matth. xi, 28). » Hujus autem populi rex niger, et tenebrarum ideo persequitur, et opprimere nititur, quia multus et fortis esse videtur: « Venite, inquit, et sapienter opprimamus eum. » Quid est sapienter, nisi astute et callide? Hoc autem cur facere debeant, subjungit: « Ne forte multiplicetur, et si ingruerit contra nos bellum, addatur inimicis nostris; » per quos Deum ipsum et angelos intelligimus. Sequitur: « Expugnatisque nobis, egrediatur de terra. » Tunc enim revera diabolus se expugnatum et victum esse intelligit, quando viri sancti egrediuntur de terra, quando Ægyptum fugiunt, 48 quando terrena spernentes, coelestia appetunt, quando de terrenis ad coelestia transeunt. « Præposuit itaque magistros operum, ut affligeret eos oneribus. » Qualis rex, tales et præpositi. Talibus namque oneribus Propheta afflictus dicebat: « Quoniam iniquitates meæ supergressæ sunt caput meum, et sicut onus grave gravatæ sunt super me (Psal. xxxvii, 5). » — « Edificaveruntque urbes tabernaculorum Pharaoni, Phitom et Ramesses. » Phitom namque *os abyssi*, Ramesses vero *tinea* interpretatur. Quid enim os abyssi, nisi porta inferni? Quid vero tinea, nisi vermis ille, qui non moritur, intelligitur? Qui igitur diabolo serviunt, tales et sibi, et diabolo urbes ædificant: lacum aperiunt, et cadunt in eum, quorum vermis non morietur, et ignis non exstinguetur.

« Præcepit autem rex Ægypti obstetricibus Hebræorum, quarum una vocabatur Sephora, altera Phua, ut masculos occiderent, et feminas reservarent. Timuerunt autem obstetrices Deum, et non fecerunt juxta præceptum regis Ægypti, sed con-

S. Bruno usus alia versione, cui suam aptavit interpretationem.

(182) Cod. Bibl. M. A. *Omni que cognatione ista, filii Israel creverunt, et quasi germinantes multiplicati sunt*

servabant mares, et quia timerunt obstetrices Deum, ædificavit eis domos. Præcepit igitur Pharaon, ut in flumine masculos projicerent, et feminas reservarent. Semper enim rex iste iniquos eos, qui fortes sunt, et ejus iniquitati resistere possunt, perdere querit: diligit autem feminas, quas quidem facile decipere potest, per quas sibi a principio mundum subiecit et quia primum hominem per feminam perdidit, idcirco, et modo per obstetrices, quæ Deum timent, masculos occidere nititur. Sed quid per obstetrices, quæ Deum timent, et Pharaoni non obediunt, nisi Ecclesiæ ministros intelligimus? Hi enim statim in Christo renatos suscipiunt, alunt et conservant, et ad vitam introducunt. Ideoque ædificatur eis domus ab illo, qui ait: « In domo Patris mei mansiones multe sunt (*Joan. xiv, 2*). » Unde et Apostolus: « Scimus, inquit, si terrestres domus nostræ hujus habitationis dissolvatur, quod domum habemus non manufactam in cælo (*II Cor. v, 1*). » Neque enim juxta litteram intelligi potest, quod Deus obstetricibus domos ædificaverit: nisi fortasse per hoc intelligatur, quod earum familias Deus amplificaverit. Ecce autem novo iterum invento consilio, masculos omnes in flumen projicere jubet; hoc est flumen utique, quod in sanguinem versum est, in quo nec ipsi pisces vivere potuerunt. Per quod nimirum philosophorum et hæreticorum falsam doctrinam intelligimus, in quam qui ceciderit, iniquitatis et deceptionis sanguine suffocabitur.

CAPUT II.

Eo tempore natus est Moyses, quem cum pater ejus diutius celare non posset, posuit eum in fascellam scirpeam, et misit in flumen; cujus miserta filia Pharaonis suscepit eum, et adoptavit eum in filium. Narrat autem Josephus de Moysæ, eum adhuc puer esset, et filia Pharaonis lætabunda eum ad patrem detulisset, sacerdotem quemdam idolorum exclamasse: hic est qui destruet Ægyptum, et insurgens volebat occidere eum; sed mox puella accipiens puerum, aufugit. Qui tantæ pulchritudinis fuisse dicitur, ut si quando per civitatem egredere-tur, certatim viri cum mulieribus, relictis necessariis, ad eum speculandum occurrerent. Crevit igitur Moyses, cuniquè omnes sapientia et fortitudine præiret, magister militum factus est. Inde prospere cuncta gerens, omnes circumquaque inimicos superavit. Cumque dominus Ægypti, si vellet, esse potuisset, maleit tamen cum fratribus suis humiliter vivere. Unde Apostolus: « Fide Moyses grandis factus, negavit se esse filium filiz Pharaonis (*Hebr. xi, 24*). » Quid autem Moyses, nisi Christum significat? De quo ipse ait: « Prophetam vobis suscitabit Dominus de fratribus vestris, tanquam me ipsum audietis (*Deut. xviii, 15*); » quia et ipse propter Herodis timorem in Ægyptum a parentibus delatus est, ibique terra Ægypti (quam filiam Pharaonis intelligimus) aliquanto tempore eum cum parentibus suis quasi proprium defendit, et aluit. Inde vero

A postea reversus est in terram Juda, completa prophetia quæ ait: « Ex Ægypto vocavi filium meum (*Osee x, 2; Matth. ii, 15*). »

In diebus illis egressus est Moyses ad fratres suos, viditque afflictionem eorum. Vidit autem et virum Ægyptium percutientem quemdam Hebræum, quem ipse occidens, abscondit sabulo. Similiter et Christus Dominus noster veniens in hunc mundum visitare fratres suos, totum videlicet genus humanum, multos Ægyptios, id est malignos spiritus interfecit, virtute privavit, atque de obsessis corporibus eiecit. Qui merito sabulo absconduntur, ut per hoc detur intelligi, quod maligni spiritus in terra arenosa, sterili et infructuosa nec latere, nec habitare queunt. Egressus autem altera die, cum duos Hebræos rixantes vidisset, et eum, qui injuriam faciebat, redarguisset, indignatus ille respondit: « Quis te constituit principem et judicem super nos? Num occidere metu vis sicut occidisti heri Ægyptium? » Hic sermo nuntiatus est Pharaoni, et querebat occidere eum. Fugiens ergo Moyses venit in terram Madian. Sic autem Christus cum frequenter pro suis iniquitatibus Judæos redarguisset, et ad salutis viam provocasset, illi e contra insidiabantur, observabant, et accusabant, et occidere cogitabant. Unde et ipse dicebat: « Qui ex Deo est, verba Dei audit, propterea vos non auditis, quia ex Deo non estis (*Joan. viii, 47*). » Reliquit propterea Judæos, secundum quod ipse ait: « Ecce relinquetur vobis domus vestra deserta (*Luc. xiii, 35*). » Et venit in terram Madian, id est ad gentes. Erant autem sacerdoti Madian septem filiz, per quas omnes mundi hujus Ecclesias intelligimus. Hic autem numerus in divina pagina frequenter universitatem 49 significat. Hæ autem venerant ad puteum adquare greges; sed pastores supervenientes ejecerunt eas. Surrexit igitur Moyses, surrexit et Christus, et de manu pastorum, id est de violentia philosophorum et hæreticorum Ecclesias liberavit. Insuper et greges adquaret, dicens discipulis suis: « Ite, docete omnes gentes, baptizantes eos in nomine Patris, et Filii, et Spiritus sancti (*Matth. xxviii, 19*). » Quoniam autem, et si ob diversitatem locorum, multe in hoc mundo sint Ecclesiæ, in fidei tamen veritate, non nisi una catholica, et universalis Ecclesia esse creditur, de qua dicitur: « Una est columba mea, perfecta mea, immaculata mea (*Cant. vi, 8*). » Ideo Moyses non omnes has puellas, sed unam tantum accepit uxorem, quæ bene Sephora nuncupatur, quoniam Sephora pulchritudo interpretatur. Ipsa est enim, de qua Apostolus ait: « Ut exhiberet sibi gloriosam Ecclesiam non habentem maculam, neque rugam (*Ephes. v, 17*). » Ipsa est cui dicitur: « Si ignoras te, o pulcherrima inter mulieres, abi, etc. (*Cant. i, 8*). » Post mortuum vero temporis mortuus est rex Ægypti, ille videlicet, qui querebat occidere Moysen. Quo mortuo, clamaverunt filii Israel ad Dominum, et exaudivit eos.

C

CAPUT III.

« Moyses enim pascebat oves Jethro cognati sui
 « sacerdotis Madian. Cumque minasset gregem ad
 « interiora deserti, venit ad montem Dei Oreb;
 « apparuitque ei Dominus in flamma ignis de medio
 « rubi, et videbat quod rubus arderet, et non com-
 « bureretur. » Jam incipiunt mysteria, jam reve-
 lantur sacramenta. Hæc est autem prima visio Moysi,
 hic primum cum Deo loqui incipit. Sed quid per
 rubum, nisi beatam Virginem Mariam, quæ sic de
 Judeorum spinosa et peccatrice gente exorta est,
 sicut de rubi asperitate pulchra et odorifera nascitur
 rosa? Hæc autem visa est ardens, sed non arsit, quia
 sine carnis concupiscentia, sine libidinis æstu, sancto
 Spiritu obumbrata concepit. Hoc est enim, quod
 Angelus ait: « Spiritus sanctus superveniet in te,
 et virtus Altissimi obumbrabit tibi (Luc. 1, 35). »
 Erat igitur ignis in rubo, splendor in virgine, lux in
 Maria, lux illa, quæ ait: « Ego sum lux mundi (Joan.
 viii, 12), lux vera quæ illuminat omnem hominem
 venientem in hunc mundum (Joan. 1, 9). » Volebat
 enim propius accedere Moyses, ut videret quare
 rubus non combureretur, sed quia nondum aptus
 erat tanta cognoscere sacramenta, dictum est ei:
 « Ne appropies huc; » id est non quæras ea quæ
 supra te sunt; noli Virginis castitatem, noli Christi
 incarnationem investigare: « solve calceamenta de
 « pedibus tuis. » Quare hoc? Locus enim in quo stas,
 terra sancta est; in terra sancta non licet habere
 calceamenta, non licet indui pellibus mortuorum;
 ideo enim Adam in paradiso nudus exiens zona
 pellicea indutus est. Et ait Dominus: « Ego sum
 « Deus patris tui Deus Abraham, et Deus Jacob:
 « vidi afflictionem populi mei in Ægypto, et clamo-
 « rem ejus audivi, et descendi liberare eum. Veni
 « igitur, et mittam te ad Pharaonem; ne timeas,
 « ego ero tecum, et hoc habebis signum quod mise-
 « rim te. » Id est, in hoc te a Deo missum esse
 cognosce, quia Deus semper tecum erit, et signa, et
 miracula quæcunque facere volueris, per te, et in
 te semper operabitur. Cumque eduxeris populum
 meum de Ægypto, immolabis Domino super montem
 istum, id est super montem Dei Oreb, qui *corvus*
 interpretatur, per quem populum gentium intelli-
 gimus, a quo, et in quo magnum et singulare sacri-
 ficiū quotidie Domino immolatur. Huic enim corvo
 Apostolus ait: « Fuiſtis aliquando tenebræ, nunc
 autem lux in Domino (Ephes. v, 10). »

« Dixitque Moyses: Ego vadam ad filios Israel, et
 « dicam eis: Deus patrum nostrorum misit me ad
 « vos, si dixerint mihi: Quod est nomen ejus, quid
 « dicam eis? Dixitque Dominus ad Moysen: Ego sum
 « qui sum. Sic dices, filiis Israel: Qui est, misit me
 « ad vos. » Mirabile nomen! Nunquid enim cælum
 non est? Nunquid terra, mare, angeli, et homines
 non sunt? An quia scriptum est: « Omnes gentes
 quasi non sunt, sic sunt coram eo? » Quid est quod
 dicitur: « qui est, misit me ad vos? » Bicat ergo,
 qui semper est, qui idem semper est, qui nunquam

A cœpit esse, qui nunquam desinit esse, qui omnibus
 dat esse, qui de proprio esse non mutatur in esse,
 vel non esse. Ille qui sic vocatur, misit me ad vos:
 hoc enim nomen nulli alii convenit, hoc nomen
 solius Dei est.

« Dixitque Dominus ad Moysen: Hæc dices filiis
 « Israel: Dominus Deus patrum nostrorum, Deus
 « Abraham, Deus Isaac, et Deus Jacob, misit me
 « ad vos; hoc nomen mihi in æternum, et hoc me-
 « moriale meum in generationem et generationem. »
 Ecce jam familiarius nomen, et quod ipsum non
 intelligant Hebræi, dicere non possunt. Hoc nomen
 et vetus et nova generatio cognoscit, hoc Synagoga,
 hoc Ecclesia intelligit. « Vade igitur, et dic filiis
 « Israel, quia ego vidi afflictionem illorum, et edu-
 « cam eos de terra Ægypti, ingredierisque tu, et
 « seniores Israel ad regem Ægypti, et dices ad eum:
 « Dominus Deus Hebræorum vocavit nos: ibimus
 « viam trium dierum per solitudinem, ut immolemus
 « Domino Deo nostro. » Quid est enim viam trium
 dierum? Quid est solitudo? « Ecce, inquit David,
 elongavi fugiens, et mansi in solitudine (Psalm. lxxviii, 8). »
 Est ergo solitudo gentium Ecclesia; hic immolatur,
 hic sacrificatur; extra hanc non est locus veri sacri-
 ficii. Via vero trium dierum Trinitatis fidem demon-
 strat; uno siquidem die venit ad Patrem, secundo
 ad Filium, tertio ad Spiritum sanctum. Sufficit hæc
 venientibus **50** ad immolandum, nec infra stare,
 nec ultra procedere libet; qui enim aliter egerit,
 ejus sacrificium non suscipiatur. Veniunt Judæi
 usque ad Patrem; fuerunt hæretici, qui crediderunt
 in Patrem, et in Filium, et non suscipiebant Spiritum
 sanctum; fuerunt autem qui multos crederent
 deos, sicut gentiles, qui idola colebant. Nulli ergo
 horum ad præfixum fidei terminum veniebant; abomi-
 nabile igitur est eorum sacrificium. Sequitur:

« Sed ego scio, quod non dimittet vos rex
 « Ægypti, ut eatis, nisi per manum validam; ex-
 « tendam enim manum meam, et percutiam Ægy-
 « ptum in cunctis mirabilibus meis, quæ facturus
 « sum in medio eorum. » Vere judicia Dei abyssus
 multa. Scit quia non dimittet, mandat tamen, ut
 dimittat, in quo Dei justitia, et Pharaonis iniquitas
 manifestatur. Non vult violenter auferre, quod ab
 alio, quamvis injuste, possideatur: exercet suum
 jus, ne forte injuste fecisse dicatur quæ contra
 Ægyptios facturus est. Denique et suos cautiore
 reddit, dum ea, quæ ventura sunt, eis manifestat.
 « Post hæc, inquit, exhibitis, daboque gratiam
 « populo huic coram Ægyptiis: postulabit mulier
 « a vicina sua vasa argentea, et aurea, ac vestes,
 « et spoliabit Ægyptum. » Hoc autem alicui injus-
 tum videtur, ut populus Dei fraudulenter rapiat;
 sed quia hoc fieri Deus ipse præcepit, non potest
 injustum esse, quod justitia fieri jubet; nondum enim
 dictum fuerat: « Diligite inimicos vestros (Matth.
 v, 44), » imo lex erat, quæ postea promulgata est:
 « Diliges proximum tuum, et odio habebis inimicum
 tuum (Ibid., 43). » Si igitur inimici erant, qui eos

affligebant, qui gravi iugo servitutis eos opprimebant, qui non solum sua, sed seipsos injuste detinebant, cur injustum esse dicatur, quod juste fieri videatur? Justitia enim est, quæ jus suum unicuique tribuit. Ubi enim neque iudex est, neque justitia, ibi vindicta est necessaria. Hæc tamen specialiter intellecta magnum videtur habere sacramentum. Quamvis enim Ægyptum, id est mundum istum violentum et tenebrosam fugiamus, si quæ tamen bona, si quæ utilia et honesta in eo esse judicemus, amplectenda, rapienda, et tenenda sunt. Habent enim multoties et sæculi amatores scientiam litterarum, mores honestos, multarum artium peritiam. Multa enim a poetis et philosophis accepimus, quæ valde amplectenda, et diligenda sunt: hæc rapere, hæc possidere, et habere, his Ægyptum expoliare non est peccatum.

CAPUT IV.

« Dixit autem Moyses: Non credent mihi, neque audient vocem meam; sed dicent: Non apparuit tibi Dominus. » Incredulitas Moysi ad totum populum refertur. In se enim ipse ostendit quam durus et semper incredulus ille populus fuerit. Non crederet sine signis, quoniam Judæi signa petunt, et Græci sapientiam quærunt. « Generatio enim prava et perversa signum quærit (Matth. xvi, 4). » Unde et subditur:

« Dixit ergo Dominus ad Moysen: Quid est hoc quod tenes in manu tua? Respondit: Virga; dixitque Dominus: Projice illam in terram; projecit, et versa est in colubrum, ita ut fugeret Moyses. » Interrogatur enim Moyses, non propter aliud, nisi ut de suæ responsionis vinculo teneatur. Ipse enim confessus est se tenere virgam, quam mox in serpentem conversam expavit. Signum est hoc, et mirabile signum. Credat ergo signo, qui non vult credere verbis. Sed quid per virgam, nisi Dei correctio signatur? Unde scriptum est: « Virga tua, et baculus tuus, ipsa me consolata sunt (Psal. xlii, 4). » Itemque: « Virga directionis, virga regni tui (Psal. xlii, 7). » Et Salomon: « Qui parcat baculo, odit filium (Prov. xiii, 24). » Et Apostolus: « Quid vultis? in virga veniam ad vos, an in misericordia, et mansuetudine? (I Cor. iv, 21). » Hæc autem virga illis vertitur in draconem, qui sæpius correcti se emendare nolunt, quia incorrigibiles existunt, tandem divinæ ultionis iram et indignationem super se sævientem sentiunt. Unde et Psalmista: « Reges eos in virga ferrea, et tanquam vas figuli confringens eos (Psal. ii, 9). » Sic igitur divina correctio, aliis est virga, aliis est draco: alios misericorditer castigat, alios insanabiliter percutit. Hujus autem caudam Moyses tenet, et in virgam serpens convertitur; quoniam aliquis vir justus est, qui vindictam peccatoribus imminentem suis orationibus avertit. Cum enim Deus ultionis ira placatur, tunc draco sæviens in virgam vertitur. Hujus serpentis caudam David tenebat quando videns angelum percutientem, cla-

ma habat: « Ego sum, Domine, qui peccavi, ego inique egi, isti, qui oves sunt, quid fecerunt? (183) Avertatur, obsecro, furor tuus a populo tuo (II Reg. xiv, 17). » Similiter et Phinees, de quo scriptum est: « Stetit Phinees, et cessavit quassatio (Psal. cv, 30). » Sic et Moyses iste, cui a Domino dicitur: « Dimitte me, ut deleam populum istum. »

« Dixitque Dominus rursus: Mitte manum tuam in sinum tuum, quam cum misisset in sinum suum, protulit leprosam tanquam nivis. Retrahe, ait, manum in sinum tuum; retraxit, et protulit iterum, et erat similis carni reliquæ. Si non crediderint tibi, nec audierint sermonem signi prioris, credent verbo signi sequentis. » Manus namque Moysi Hebræorum populus intelligitur. Sinus ejus terra promissionis. « Mitte, inquit, manum tuam in sinum tuum, » id est, duc populum in terram promissionis. Traxit autem Moyses manum de sinu, **51** significans populum propter peccata sua ducendum esse in captivitatem; unde et manus leprosa apparuit, quia, nisi leprosa fuisset, de sinu non traheeretur; nisi populus peccasset in captivitatem non duceretur. Sed quid ait Psalmista: « Ut quid, Domine, avertis manum tuam, et dexteram tuam de medio sinu tuo in finem? (Psal. lxxiii, 41). » Hoc est enim quod sequitur, Retrahe, ait, manum in sinum tuum, id est, reduc populum de captivitate iterum in terram suam. Ductus namque in captivitatem, quoties se peccasse confitebatur, et poenitentiam agens Dei misericordiam implorabat, mox a misericordiosissimo Domino exaudiebatur, et qui leprosus de patria ejectus fuerat, mundus per poenitentiam redibat. Unde et subditur: « Retrahit, et protulit iterum, et erat similis carni reliquæ. » Sic igitur qui neque per virgam, neque per serpentem, neque per duram correctionem corripiebantur, saltem de patria expulsi ad poenitentiam redire cogebantur. Quod si neque sic convertiebantur, sed adhuc in sua malitia persistebant, ejectionis quoque divinæ ultionis gladius persequatur, quos semper cadentes in proprio sanguine volutabantur. Et hoc est, quod dicitur: « Si non crediderint tibi, neque audierint sermonem signi prioris, credent verbo signi sequentis. »

« Quod si nec duobus quidem signis crediderint, neque audierint vocem tuam, sume aquam fluminis, et funde eam super aridam, et quidquid hauseris de fluvio, vertetur in sanguinem. » Quod enim dicitur: Si non audierint sermonem signi prioris, hoc est, quod in Evangelio Dominus ait: « Si verbis non vultis credere, operibus credite (Joan. x, 38). » Nam et signa suo modo loquuntur, et non minus signis, quam verbis creditur. Sed quid per aquam fluminis, quid per aridam intelligitur? « Aquæ enim multæ populi multi (Apoc. xvii). » Aqua sumitur de flumine, quando de toto pars aliqua separatur. Funditur autem super terram, quando a suæ habitationis loco, ad alias ducitur nationes. Quæ quidem in sanguinem vertitur, si inimicorum

(185) Virgata habet: Vertatur, obsecro, manus tua contra me, et contra domum patris mei.

gladiis percussa cadat. Hoc est enim, quod Ezechiel dicitur (*cap. v. 1*), ut caput et barbam radat, et accepta statera, in tres partes pilos dividat; unam partem igni comburat in medio civitatis: alteram gladio concidat: tertiam in ventum dispergat, postquam se Dominus gladium missurum esse dicit. Barba namque prophetæ populus est Judæorum, cujus una pars in medio Jerusalem igne et fame periit; altera in eodem loco gladiis est trucidata; tertia vero super terram effusa, et ubique gentium dispersa, divinæ ultionis nusquam gladium effugere potuit. Dixitque Moyses: Obsecro, Domine, non sum eloquens ab heri, et nudius tertius; et ex quo locutus es ad servum tuum, impeditioris et tardioris linguæ sum (184). Non sum eloquens ab heri, et nudius tertius, per quod totum tempus intelligitur præteritum. Deficit enim omnis sapientia, et eloquentia, summæ illi et incomparabili sapientie, et eloquentiæ comparata. Nam et in hominibus hoc sæpe contingit, ut aliquis, qui se sapientem esse putabat, cum aliquo sapientiore rationem habens, mox quid minus habeat, et quam multis ad discendum indigeat, colloquendo intelligat. Dixitque Dominus ad eum: Quis fecit os hominis? aut quis fabricatus est mutum et surdum, videntem et cæcum? nonne ego? Ego, inquit, omnes feci, ego propria dona unicuique largitus sum, ego eloquentem et mutum, sapientem et insipientem creavi: non amisi potestatem, facio quod volo; perge igitur; et ego ero in ore tuo, et cui nec sapientia, nec eloquentia deerit, doceboque te quid loquaris. At ille: Obsecro, inquit, Domine, mitte quem misurus es, tantumque negotium alii agendum committe.

Iratus Dominus in Moysen ait: Aaron frater tuus levites, scio quod sapiens et eloquens sit (levites autem erat, quia primogenitus); loquere, inquit, ad eum omnia verba mea, et ego ero in ore tuo, et in ore illius, ipse loquetur pro te ad populum, et quia eloquens est, adimplebit officium oris tui. Sacerdotum est ergo loqui ad populum. Tu autem eris in his, quæ ad Deum pertinent, sicut internuncius et mediator. Abiit autem Moyses ad Jethro cognatum suum, dixitque ei: Vadam in Ægyptum videre fratres meos. Dixitque Jethro: Vade in pace.

Dixit ergo Dominus ad Moysen: Revertere in Ægyptum: mortui enim sunt, qui quærebant animam tuam. Manifestum est igitur, quia non solum Pharaos quærebat occidere Moysen. Omnes autem reges Ægypti Pharaones dicebantur. Alius igitur

(184) Hic locus valde corruptus in editione a Cod. Laurent. emendatur.

(185) Cod. Bibl. Mont. Amiatæ: Vide ut omnia offensa, quæ posui in manu tua facias coram Pharaone: Ego indurabo cor ejus, et non dimittet populum.

(186) Libertas arbitrii stabilitur. Deus auctor mali esse non potest; deficientem hominem a bono, hoc est a justitia, si placet, in prava ejus voluntate relinquit, et a pravitate, et justitia non retrahit.

A Pharaos Ægyptiis modo præerat, qui illi quidem successerat, quem fugerat Moyses. Tulit ergo Moyses uxorem et filios, et imposuit eos super asinum, reversusque est in Ægyptum. Dixitque ei Dominus: (185) Vide ut cuncta signa facias coram Pharaone, quæ tibi facere præcepi, ego indurabo cor ejus, et non dimittet populum. Quid est hoc, Domine? Tu indurabis cor ejus? Tu enim, ut Apostolus ait, cui vis miseria, et quem vis induratus (*Rom. ix. 18*). Quod si induratus, cui nemo resistere valet, quid ad Pharaonem? Cur qui populum dimittere non potest, ideo punitur, quia non dimittit? Non potest quidem, quia induratur: a quo? a te. Tu enim dicis: Ego 52 indurabo cor ejus. Aliter ergo est intelligendum (186). Quod ergo dicitur: Ego indurabo cor ejus; tale est ac si diceret: Ego cor ejus indurari permittam, nullam vim ei faciam, totum se sibi dimittat, faciat quod velit, ut sive bene, sive male egerit, totum sibi, et non mihi imputetur. Miser ille, qui sic suæ voluntati relinquitur. Hinc ergo colligitur, quia (187) quod boni salvantur, Dei gratia est, qui eos suæ misericordie freno ad se trahens, etiam cum peccare velint, peccare eos non patitur; hoc autem non vim faciendo, sed cor molliendo, et in melius immutando. Quod vero mali pereunt, justitia est; quæ enim seminaverit homo, hæc et metet (*Galat. vi. 2*). Nunquam enim humana natura ad malum proclivis est, ut nisi coacta bene agere queat (188). Ex hoc igitur apparet, quam iniquus Pharaos iste fuerit, qui toties flagellatus, qui tot miraculorum signis, nullo in signo, et naturali bono ad misericordiam flectebatur. Noluit ergo eum Dominus emollire, ne fortasse bonus putaretur, qui sua sponte tam malus et iniquus erat.

Vade, dic Pharaoni: Filius meus primogenitus est Israel; dixi tibi: Dimitte filium meum, et nolui: ecce ego interficiam filium tuum primogenitum. Primogenitus est namque Dei filius Israel, non natura, sed gratia. Hæc enim gens, prima omnium a Deo electa, præ cunctis dilecta fuit. Quando autem omnia primogenita Ægypti interfecta sunt, tunc et primogenitum Pharaonis interfecit Dominus; non enim est personarum acceptor Deus. Cumque esset Moyses in itinere in diversorio, occurrit ei Dominus, et volebat occidere eum. Tulit illico Socophora acutissimam petram, et circumcidit carnem præputii filii sui, tetigitque pedes ejus et ait: Sponsus sanguinem tu mihi es. Ex hoc datur intelligi, quia Moyses de filio circumcidendo jam admonitus fuerat, sed quia mater ejus alia lege vivebat, ea fortasse resistente, aut non potuit, aut ne-

(187) Doctrina gratiæ efficacis non cogentis, sed admirabiliter allicientis traditur; homines enim, quos peccare non sinit, misericordia sua excipit; anfert eis cor lapideum, et dat cor carneum, hoc est flexibile ad bonum.

(188) Natura humana etsi per peccatum originale vulnerata, ejus tamen bonitas assumpta non est, ut nisi coacta bene agere valeat. Bone enim operationis potentiam habet. Vide Natal. Alexand. Dissert. 26, sect. 3, adversus Manichæos.

glexit. Non igitur jam mater ejus, quæ alia lege vivebat, hinc admonetur, sed quodammodo cogitur, ut eum circumcidat. Si enim ad fratres suos, qui omnes circumcisi erant, filium suum incircumcismum detulisset, quasi Dei pacti prævaricator, scandalum eis movere poterat. Tulit ergo Sephora acutissimam petram (petra autem erat Christus) et circumcidit præputium filii sui. Hac enim petra et Judæi circumcidentur, et baptizantur. « Quicumque, inquit Apostolus, baptizati estis in Christo, Christum finidistis (Galat. iii, 27). » De circumcisione autem, in libro Geneseos plenissime exposuimus. Sequitur :

« Tetigitque pedes ejus, et ait : Sponsus sanguinum tu mihi es. » Cur enim pedes ejus petra tetigit, nisi quia circumcisio, et baptismus inutilis est, si post baptismum, vel circumcisionem pedes supra petram non stabiliantur? Unde Psalmista : « Eduxit me de lacu miserix, et de luto fecis, et statuit super petram pedes meos (Psal. xxxix, 3). » Quæ cum ait : « Sponsus sanguinum tu mihi es, » feminea pietate videtur loqui, ac si dicat : Hoc ex tua conjunctione beneficium capio, ut filiorum meorum sanguinem fundam. Quod si hoc ad Dominum Sephora dixisse intelligatur, sic exponetur, ac si diceret : Novum genus conjugii, in quo ex sanguine filii generantur; mirabilis sponsus, cui vel ex aqua, vel ex sanguine filii generantur. « Et dimisit eum, postquam dixit : « Sponsus sanguinum tu mihi es, » non quia hoc dixit, sed « ob circumcisionem. » Ad hoc enim venerat, ut non mulieris verba attenderet, sed ut puer circumcideretur.

CAPUT V.

Venit ergo Moyses, et narravit fratri suo quæcunque audierat. Veneratque simul ad seniores Israel, locutusque est Aaron, quæ Dominus jusserat, et fecit signa, et credidit populus, omnesque gavisi sunt, et proni adoraverunt. Ad majora tendimus, ideo in exponendis historiis laborare nolumus, ne forte, sicut quorundam moris est, quæ per se plana sunt, difficilia reddamus. Inde autem venerunt ad Pharaonem, dixeruntque ei ut dimitteret populum; quod audire noluit, sed vehementius quam prius eos affixit. Hoc autem Dei providentia fiebat, quo et Pharaonis malitia, et Dei potentia innotesceret.

CAPUT VI.

« Locutusque est Dominus ad Moysen, dicens : « Ego Dominus, qui apparui Abraham, Isaac, et Jacob, in Deo omnipotente, et nomen meum Adonai non indicavi eis. » Quid est hoc, quod dicitur : apparuit Dominus patriarchis, seque et Deum omnipotentem illis esse ostendit, et tamen nomen suum, quod est Adonai, non indicavit eis? Per hos enim tres patriarchas, ex quibus omnes Judæi originem ducunt, omnem Judæorum populum intelligere debemus. Dei vero nomen Jesus 53 Christus est (189). Ipse enim et Verbum vocatur. « Ecce, inquit propheta, nomen Domini venit de longinquo (Isai. xxx, 27). » Hunc autem non cognoverunt Judæi, « quia

A si cognovissent, nunquam Dominum gloriæ crucifixissent (I Cor. ii, 8). » Excæcavit enim eos malitia eorum, secundum illud : « Excæca cor populi hujus, ut videntes non videant, et audientes non intelligant (Isai. vi, 10). » Interpretatur autem Adonai Dominus Deus. Salvator autem discipulis suis loquitur dicens : « Vos vocatis me Magister, et Domine, et bene dicitis; sum etenim (Joan. xiii, 13). » Itemque : « Si quis vobis aliquid dixerit, dicite quia Dominus his opus habet (Matth. xxi, 3). » Ignorantia igitur ista patriarcharum, non est patriarcharum, sed seminis patriarcharum. Indicavit eis Dominus nomen suum, et non indicavit. Indicavit secundum se, non indicavit secundum membra. Indicavit primis, non indicavit novissimis. Sic enim terram promissionis illis promittit, et illis non datur. « Tibi, inquit Dominus, minus, dabo terram hanc, » tibi, et non tibi. Tibi in semine, tibi non personaliter. Potest autem et sic intelligi : nomen meum Adonai non indicavi eis, quia non quasi Dominum, sed quasi Patrem me eis exhibui. Nunc autem vos liberando, et Ægyptios affligendo, qualiter et rex et Dominus esse noverim, cunctis gentibus innotescet. Unde et frequenter dicitur : « Ego Dominus Deus vester. » Itemque : « Et scietis, quia ego Dominus. »

CAPUT VII.

« Et locutus est Dominus ad Moysen, dicens : Ego Dominus. » Hoc est, quod modo superius dixit, Adonai. Hoc est illud nomen, quod patriarchis non indicavit, id est filiis patriarcharum. Sequitur : C « Loquere ad Pharaonem quæ ego loquar tibi. Et ait Moyses : En incircumcisis labiis ego sum, quomodo audiet me Pharaos? » Incircumcisis enim labiis est, qui superflus, vana et inutilia loquitur : circumcisis vero, qui et interrogare, et respondere rationabiliter novit. Quod hic Judæi dicant, cum labiorum inusitatum circumcisionem audiant; et ut ego quoque incircumcisis labiis eloquar; utinam et nares sibi circumcidant, ut jam nunc ab inutili circumcissione quiescant.

D « Dixitque Dominus ad Moysen : Ecce constitui te Deum Pharaonis; » eam videlicet potestatem tibi tradendo, ut juxta voluntatem tuam eum affligas, et in signis, et miraculis, quæ feceris, obstupescat, tibi que in nullo nocere valeat. Et Aaron frater tuus erit propheta tuus, ut quia facundus, et eloquens est ipse, pro te loquatur ad Pharaonem. « Sed ego indurabo cor ejus. » Hoc autem superius expositum est. Huic autem simile est, quod dicitur. « Et ne nos inducas in tentationem (Matth. vi, 13). » Similiter et Pharaos dicere poterat : Ne indures cor meum, Domine. Deus enim neque indurat, neque in tentationem aliquem inducit : sed quia in ejus est potestate et induratum mollire, et in tentationem euntem retinere, ideo et indurare, et in tentationem ducere dicitur.

« Fecit itaque Moyses, et Aaron, sicut præceperat Dominus; tulitque Aaron virgam coram Pharaone,

(189) Id. cod. Laurent. Ipse enim et nomen, et sermo, et Verbum vocatur.

« et servis suis, quæ versa, est in colubrum. » De virga quidem ejusque commutatione satis superius dictum est. Bene autem principium signorum virga fuit, quoniam correctionem Dei significare diximus. Venit igitur Moyses ad Pharaonem, non cum gladio, sed cum virga : unde si pœnitere voluisset, facilem ad ignoscendum Dominum, per hoc cognoscere poterat. Sed quia pœnitere noluit, in colubrum virga convertitur, ut majoribus dignus suppliciis, majoris correctionis tormenta se expectare intelligat. Et ideo qui virga non corrigitur, draconi, id est diabolo puniendus traditur. « Vocavit autem Pharaon sapientes, et maleficos, et fecerunt ipsi per incantationes Ægyptiacas, et arcana quedam similiter, projeceruntque singuli virgas suas, quæ versæ sunt in dracones, sed devoravit virga Aaron virgas eorum. » Infelix Pharaon, cum humiliare se debuisset, ad suæ deceptionis figmenta confugit, ut per falsa, quæ ipse operatur, probet non esse verum, quod Dominus ait. Hoc enim tyranni sæpe fecisse leguntur, qui videntes signa et miracula, quæ per martyres suos Deus faciebat, maleficos eos et incantatores esse putabant. Ipsi quoque Salvatori nostro Judæos dixisse legimus : « In Beelzebub principe dæmoniorum ejecit dæmonia (Luc. xi, 15). » Nec mirum si suis incantationibus et arte diabolica hoc malefici facere potuerunt; cum ipse Satan, ut Apostolus ait, transfiguret se in Angelum lucis (II Cor. xi, 14). Quod autem virga Aaron virgas eorum devoravit, nihil divinæ ultioni resistere posse significat.

« Dixit autem Dominus ad Moysen : Ingratum est cor Pharaonis, non vult dimittere populum. » Vade ad eum mane, ecce egredietur ad aquas, et dic ei ut dimittat populum. Quod si audire contempserit, tolle virgam, et extolle super aquas Ægypti, et super rivos, et paludes, et lacus, ut vertantur in sanguinem, et pisces moriantur. » Hæc est enim prima plaga, qua Ægyptus a Domino percutitur. Decem enim plagis flagellavit Dominus Ægyptum, quibus significavit quibus modis, et propter quam causam mundum affligat universum. Quoniam autem denarius numerus omnes in se numeros continet, ideo frequenter decem pro omnibus accipiuntur. Unde in Apocalypsi de sanctis dicitur : « Quia habebunt tribulationem diebus decem (Apoc. ii, 10), » id est cunctis diebus. Decem namque et centum, et mille, nisi per se, et in se resolvantur, nihil habent ulterius ubi crescant; unde cum sint finiti, sæpe pro infinitis accipiuntur. Decem ergo plagæ omnes plagas significant, quibus ob duritiam cordis nostri in hoc mundo a Domino flagellamur. Omnis enim homo Pharaon dici potest, qui Dei præcepta per Ecclesiæ doctores audiens parvipendit, eisque indurato corde et animo resistit. Detinet autem Dei populum in servitute, quando homo quinque corporis sensus, animæque virtutes Deo servire non permittit. Hic est enim populus Dei, qui gravi corporis servitute

(190) Omnes plagas a Deo Pharaoni, et Ægyptiis inflictas. S. August. perstringit lib. xvi De civit. Dei, cap. 43.

A deprimitur. Hic dum in populosa Ægypto habitat, vitiorum et malignorum spirituum multitudo valatus Deo sacrificare non potest. Vult igitur ire in desertum, querere locum secretum, iniquorum evadere conversationem, hoc autem non corpore, sed mente. Qui enim a vitiis et malis spiritibus separatur, ubicunque sit, in deserto est, quoniam desertus est, derelictus est, et a malo populo mente et spiritu sequestratus, jam solitarius cum Deo est. Cætera videamus.

« Vade, inquit Dominus Moysi, ad Pharaonem. » ecce egredietur ad aquas. » Quid enim hoc in loco per aquas, nisi stultam hujus mundi et philosophorum et poetarum sapientiam designat? Quæ quoniam voluptatem summum bonum predicat, quoniam mundi gloriam, et honores, et delicias laudat, quoniam vitia, carnisque concupiscentias non reprehendit, ideo Pharaon omnesque mundi amatores ad eam currunt, eam sitiunt, eam bibere cupiunt. Ideoque Moyses correctionis virgam ferens, fortemque manum potenter extendens, eam in sanguinem convertit. In sanguinem quidem eam convertit, quia quam sit venenosa, quam periculosa, quam fetida, quam peccatorum sordibus plena, Christus Dominus noster, ejusque discipuli vera ratione probaverunt. Qui ergo non vult mori, qui timet perire, fugiat has aquas, neque suscipiat hanc doctrinam: moriuntur enim, qui eam bibunt, quod quidem illi pisces significabant, qui in Ægypti flumine mortui sunt. Malefici autem, qui sicut Moyses signa faciunt, hypocritis intelliguntur, quoniam et ipsi, sicut Ecclesiæ doctores, philosophorum et poetarum scientiam damnant; de quibus Dominus ait : « Super cathedram Moysi sederunt Scribæ et Pharisei (Matth. xxiii, 2). » Hi autem omnia opera sua faciunt, non ad laudem Dei, sed turpis lucri gratia, et ut videantur ab hominibus. Foderunt autem aquam Ægypti per circuitum fluminis, quoniam cognita veritate, hanc ulterius bibere noluerunt. Aquam quippe fodere, est pure et sincere sapientiæ fontem investigare. Quæ bene quidem circa flumen foditur, quoniam non nisi in divinis Scripturis invenitur. Fuit autem sanguis iste per septem dies, quoniam prædicta philosophorum scientia in sanguinem et peccatum conversa, amplius in æternum a viris catholicis non suscipietur; non enim sunt dies nisi septem. Hoc est ergo diebus septem, quod est diebus omnibus. Noluit autem Pharaon dimittere populum.

CAPUT VIII.

« Dixitque Dominus ad Moysen : Dic ad Aaron : » Extende manum tuam super fluvios, et super rivos, et paludes, et educ ranas super terram Ægypti. » Extendit Aaron manus super aquas Ægypti, et ascenderunt ranæ, operueruntque terram Ægypti (190). » In prima namque plaga philosophi, et poetæ perierunt, omnisque eorum scientia, et paganorum ritus destructus est. Ecce autem in hac se-

cunda ranae ebulliant: hæretici insurgunt, qui et a loquacitate omnes inquietant, et sua immunditia cuncta commaculant; non aliunde veniunt, sed de aquis ascendunt, quoniam male Scripturas intelligendo, perverseque exponendo, ibi errores concipiunt, et ibi hæretici fiunt. Prius enim philosophi et poëtae, deinde vero hæretici erronea sapientia mundum deceperunt. Eo ergo ordine ponuntur, quod et temporaliter sese sequuntur. Merito autem hæreticos ranae significant, quoniam non in ratione, sed in loquacitate hæretici confidunt. Fecerunt autem et malefici per incantationes similiter, jam tunc significantes, quoniam et hypoëritæ sanctorum exempla (191) quadam similitudine imitaturi erant. « Dixit Pharaon: Orate Dominum, ut auferat ranas a me, et a populo meo, et dimittam populum, ut sacrificet Domino. Oravitque Moyses, et mortuæ sunt ranæ. » Hoc enim usque hodie peccatores agunt, et in arcto positi Dominum orant, cuius mox liberalitatis obliviscuntur. Mors vero ranarum hæreticorum monstrat interitum. « Videns autem Pharaon, quod data esset requies, induravit cor suum, et non dimisit eos, sicut præceperat Dominus. Dixitque Dominus ad Moysen: Loquere ad Aaron: Extende manum tuam, et percutite pulverem terræ, et sint sciniphes in universa terra Ægypti. Feceruntque ita, et facti sunt sciniphes in hominibus, et in jumentis, omnisque pulvis terræ versus est in sciniphes. » Sciniphes autem culices, alii muscas minutissimas vocant, ad quarum differentiam musca canina dicitur. Sed quid per sciniphes, qui et homines, et jumenta nimis angustius inquietabant, nisi cura, et sollicitudo rerum temporalium intelligitur? Cum enim aliquem pro hac substantia transitoria et fugitiva tam anxio animo laborare, discurrere, sudare, et festinare videas, nonne sciniphes eum stimulent, et sequantur, tibi videtur? Qui merito de terræ pulvere oriuntur, quoniam hæc talis cura, et sollicitudo ad terrena et fugitiva bona homines invitat. Et isti quidem in hominibus sunt, et in jumentis, quoniam et sapientes, et insipientes fatigant. Ipsa quoque juxta litteram, jumenta non fatigarentur, nisi hæc talis sollicitudo fuisset. Hæc enim et boves arare, et equos in bella ruere, cæteraque jumenta oneribus deprimi cogit. Ab hac autem sollicitudine liberare nos volens Dominus, dicebat: « Nolite solliciti esse dicentes: Quid manducabimus, aut quid bibemus, aut quo operiemur? » (Matth. vi, 31). Hæc autem tertia plaga, qua mundus percutitur, nulla magis quam ista eum vexat. Voluerunt autem et malefici sciniphes facere, et non potuerunt, non quod difficilius sit facere ranas, vel colubros; sed quia ibi tantum possunt, ubi eos Deus posse permittit. Unde ipsi quoque dicunt: « Dignus Dei est hic; » intelligentes Dei manus hanc esse potentiam, quæ a solita operatione tam subito eos coercere valeat.

« Dixitque Dominus ad Moysen: Dic Pharaoni: Dimitte populum, alioquin immittam in te, et in (191) Cod. S. Cr. in Laurent., quadam simulatione.

« servos tuos et populum tuum, et in domum tuam omne genus muscarum. Factumque est ita. Venieruntque muscæ gravissimæ in domum Pharaonis, et in omnem terram Ægypti, corruptaque est terra ab hujusmodi muscis. » Quid enim per muscas, nisi spiritum fornicationis, ipsamque omnium vitiorum turpissimam libidinem intelligimus? De qua Apostolus: « Omne, inquit, peccatum, quod fecerit homo, extra corpus est; qui autem fornicatur, in corpus suum peccat (1 Cor. vi, 18). » Unde et hic dicitur, quod ab hujusmodi muscis terra corrupta fuerit. Quid est enim, quod libidinis æstus terram, id est carnem nostram corrumpit? Hujus autem multæ sunt species; idcirco et muscæ diversorum generum fuisse referuntur; quas quia gravissimas dicit, quantum hoc vitium in hominibus grassetur, innuit. His etenim muscis adulter, his fornicator, his sodomita, his cujuscunque libidinis operator stimulatur, vexatur, incenditur, persequitur, corrumpitur. Hæc tamen muscæ non erant in terra Gessen, ubi filii Israel habitabant, quoniam sancti viri jejuniis, vigiliis, orationibus, carnisque maceratione omnem libidinis impetum a se repellunt. « Vocavitque Pharaon Moysen, et Aaron, et ait illis: Ite, sacrificate Deo vestro in terra hac. Et ait Moyses: Non potest ita fieri; abominationes enim Ægyptiorum immolabimus Domino Deo nostro? quod si mactaverimus ea, quæ colunt Ægyptii coram eis, nos lapidibus obruent. » Abominationes Ægyptiorum dicit. Et est mirabilis viri prudentia, qui coram ipso rege suos deos abominationes appellat; Ægyptii enim non solum hircos, et oves, et vaccas, sed alia multa portenta adorabant. « Viam trium dierum pergemus in solitudine, et sacrificabimus Deo nostro, sicut præcepit nobis. » Quid vero via trium dierum significet, supra exposuimus. « Dixitque Pharaon: Ego dimittam vos; verumtamen ne longe abeat, orate pro me. » Considera, Pharaon, quid possit virtus, et potentia tua: rogas Prophetam, ut ipse pro te Dominum roget, quatenus a te, et a populo tuo muscas repellat: adhuc te virga percutit, et ferre non potes: quid si ignem de celo pluatur? Noli ulterius indurare cor tuum, noli amplius fallere servos Dei, ne si forte pro te orare desierint, pereas et tu, et populus tuus. Egressusque Moyses a Pharaone oravit Dominum, et perierunt muscæ. Ingratum est autem cor Pharaonis, et noluit dimittere populum. Qui autem Pharaon sapius induratur, ideo sapius flagellatur. Sequitur:

CAPUT IX.

« Dixit autem Dominus ad Moysen: Vade dic Pharaoni: Hæc dicit Dominus: Dimitte populum meum, alioquin ecce manus mea erit super agros tuos, et super equos, et asinos, et camelos, et boves, et oves, pestis valde gravis. Fecit ergo Dominus verbum altera die, mortuæque sunt omnia animalia Ægyptiorum; de animalibus vero filiorum Israel nihil omnia periit. » Quid autem

per hæc, quæ modo numerata sunt, nisi exteriorem substantiam intelligimus, quam cum Dominus repente peccatoribus aufert, aut probatio est, aut vindicta. Sic enim et beato Job fecisse legitur, qui patiens, tamen patienter gratias agens dicebat : « Dominus dedit, Dominus abstulit (*Job* 1, 21). » Vir etenim sanctus in hoc quoque Dei misericordiam agnoscebat, quod non se, sed sua feriebat. Cum ergo in exterioribus homo flagellatur, gratias agat, convertatur et pœniteat. Denique misericordiam recognoscat, qui eum tam misericorditer ad pœnitentiam vocat. Corripit enim Dominus omnem filium, quem recipit (*Hebr.* xii, 7). Et beatus homo, qui corripitur a Domino. Non induretur ut Phara, sed confessus se peccasse, veniam postulet, ne forte usque ad animam vindicta deseriat. Unde scriptum est : « Dominus custodiat te ab omni malo, custodiat animam tuam Dominus (*Psal.* cxx, 7). » Hæc autem quinta plaga est per quam in his quæ possidet, et non in se homo percutitur. « Et induratum est cor Pharaonis, et non dimisit populum : et dixit Dominus ad Moysen, et Aaron : Tollite plenas manus cineris de camino. spargat illum Moyses in cælum coram Pharaone, sitque pulvis super universam terram Ægypti. Erunt enim in hominibus, et in jumentis vulnera, et vesicæ turgentes in universa terra Ægypti. Factumque est ita. Nec poterant malefici stare coram Moysse propter vulnera, quæ in illis erant. » Ecce non animantia tantum, sed ipsi homines percutiuntur, ut qui virgam non sentiunt, saltem tormentis corrigantur. Quid enim per caminum nisi afflictionem? Quid vero per cinerem, nisi populum diuturno jam afflictionis igne crematum? Cinis ergo de camino tollitur, et in cælum spargitur, quoniam afflicti populi preces in cælo exaudiuntur. Et bene quidem per manus Moysi cinis in cælum spargitur, quia Christi, et sanctorum manibus omnis populus Domino præsentatur. Vulnera vero, et vesicæ turgentes, quas et videre horribile, et pati intolerabile est, futura illa tormenta significantur, quibus nulla tormenta comparari possunt. Hæc autem tormenta illos expectant, qui obstinato corde usque ad finem in sua malitia perseverant. Fit autem hæc plaga et in hominibus et in jumentis, quia et sapientes et insipientes, nobiles et ignobiles, divites et pauperes æqualiter divina ultione affliguntur. Hoc enim sunt stulti ad sapientes, quod jumenta ad homines. Malefici vero propter vulnera coram Moysse stare non poterant, quia sicut leprosi, et Christi visione indigni, extra castra expulsi, in sanctorum civitate non habitabunt. « Induravitque Dominus cor Pharaonis, et non dimisit eos. »

Sequitur autem sexta plaga, in qua sicut et in cæteris monetur Phara,o dimittere populum; quod si facere contempserit, minatur Dominus se immittere omnes plagas super eum, et super populum ejus, et pluer grandinem multam nimis, qualis non fuit in Ægypto a die, qua fundata est, usque in præsens. Unde præcipit Moyses, ut ho nices, et ea, quæ

A foris sunt, intus congregentur, ne moriantur. Quid est autem, quod Moyses prius admonet Pharaonem dimittere populum, deinde omnem plagam, priusquam fiat, ei denuntiat? Nisi quia et Christus, qui per Moysen intelligitur, ejusque discipuli, quos Aaron significabat, prius populum ad pœnitentiam vocabant, deinde mala futuri sæculi, et infernos cruciatus eis denuntiabant? Quasi enim grandinem super eos pluebant, quando tormenta diabolo, et angelis ejus in inferno præparata exponebant. Fulgura autem discurrentia tunc mittebant, quando quasi ignitis jaculis, sententiis Scripturarum vitia, et malignos spiritus in humanis pectoribus interficiebant. Cum quibus et ignis mistus ferebatur, quia signorum et miraculorum fulgor eorum prædicationem sequebatur, ut qui verbis credere volebant, saltem miraculorum igne et splendore illuminati, territi, et corde compuncti ad Dominum converterentur. Pereunt autem omnia, quæ foris sunt, quia quicumque a sanctorum fide, et consortio separati, extra Ecclesiam inventi fuerint, judicio peribunt. Unde et Moyses congregari omnia præcipit, ne forte doctorum incuria et negligentia foris manentia pereant. Quod autem ait : « Idcirco posui te, ut ostendam in te fortitudinem meam, et narretur nomen meum in omni terra; » sic est accipiendum, ac si diceret : Idcirco tuam derisionem patior, ideo toties tibi parco, ut per te mea fortitudo monstretur, et quoties volo, te supero, et superatum vires iterum sumere permitto, ut narretur nomen meum in omni terra, cui obediens est omnis creatura, cujus miraculorum non est numerus, cui nemo impune resistere valet, qui per ranas et muscæ non minus quam per fulgura, qui ad reges et principes superandos non armatos milites, sed locustas et culices mando. « Misitque Phara, et vocavit Moysen et Aaron, et dixit eis : Peccavi etiam nunc; Dominus justus, reddens mihi secundum opera, et juxta peccata puniens; ego et populus meus impii, quibus toties Dominus miseretur, et non cognoscimus : orate Dominum, ut desinant tonitrua, et grando, et dimittam vos, et nequaquam ultra hic maneatis. » Felix esses Phara, si hanc sententiam terminasses, si sicut dicis ita fecisses, si cor ulterius non indurasses. Oravitque Moyses Dominum, et cessavit grando.

« Induratum est ergo cor Pharaonis, et servorum ejus, et non dimisit populum. » Quod autem serotina non sint læsa, posterioris et christiani populi salutem significare potest.

CAPUT X.

Post hæc autem, cum Phara, admonitus, sicut prius, noluisse dimittere populum; cum Moyses locustas denuntiasset esse venturas, et ille contempnisset, extendit Moyses virgam super terram Ægypti, et Dominus induxit ventum urentem tota illa die, et nocte, et mane factus ventus urens levavit locustas, quæ ascenderunt super universam terram Ægypti, operueruntque cam, vastantes

« omnia. Devorata est igitur herba terræ, et quid? « quid pomorum grando reliquerat. » Quid enim per locustas, quæ quasi imperatorum agmina, facto exercitu, cuncta vastantes incidunt, nisi viduorum et malignorum spirituum multitudinem intelligamus? Has autem ventus urens elevat, et portat, quoniam violento et impetuoso spiritu superbiæ vitia quæque et maligni spiritus deferunt. Initium enim omnis peccati superbia: hæc vitia portat, hæc demones elevat, hæc peccatores exultat. Hac enim superbus ille inflatione, hoc superbiæ vento **57** inflatus dicebat (192): « Super cælum ascendam, et super sidera cæli exaltabo solium meum, sedebam in monte testamenti, in lateribus aquilonis et ero similis Altissimo. » Sic ergo locustæ volant, sic vitia, et maligni spiritus feruntur. Omnis enim inobedientia superbia est. Quicumque autem peccat, inobediens est. Sic ergo vento superbiæ universa peccata feruntur. Hæc sunt illæ locustæ, quæ omnia devorant, corrodunt, cuncta dissipant, nihil pulchrum, nihil viride in arboribus relinquunt, ideo steriles et infructuosæ sunt, ad nihil aliud utiles, nisi ut excidantur et in ignem mittantur. Hoc autem fit tantum in terra Ægypti, in regno Pharaonis, in terra tenebrosa, quæ solis iustitiæ radiis non illustratur. Sequitur:

« Quam ob rem Pharaon festinus vocavit Moysen et Aaron, et dixit eis: Peccavi in Dominum Deum vestrum, et in vos; sed nunc dimittite peccatum et etiam hac vice, et rogate Dominum Deum vestrum, ut auferat a me mortem istam. » Sic igitur es tu homo quicumque es, si senseris locustarum exercitum devorare terram tuam: si senseris luxuriam, avaritiam, discordiam, concupiscentiam, fornicationem, ingluviem, ebrietatem, vanam gloriam, iram, et cætera his similia, quæ per locustas intelliguntur, vastare, et disperdere carnem tuam; curre festinus, curre ad Moysen, deprecare Christum, ut tibi parcat, ut tibi peccatum dimittat. Sed noli cor tuum postea indurare cum Pharaone, ne et tu pereas ad similitudinem Pharaonis. Audi Prophetam dicentem: « Hodie, si vocem ejus audieritis, nolite obdurare corda vestra (Psal. xciv, 8). » Quod autem, orante Moysen, omnes locustæ a vento elevatæ, et in mare Rubrum projectæ perierunt, hoc est intelligendum, quod vitia, et maligni spiritus, qui populum jam poenitentem, et se peccasse confitentem prius persequerantur, Christo iubente, in baptismo omnino delentur. « Et induravit Dominus cor Pharaonis, nec dimisit filios Israel. »

« Dixit autem Dominus ad Moysen: Extende manum tuam in cælum, et sint tenebræ super terram Ægypti, tam densæ, ut palpari queant. Extendit Moyses manum in cælum, et factæ sunt tenebræ horribiles in universa terra Ægypti tribus

diebus. Nemo vidit fratrem suum, et movit se de loco in quo erat. Ubicumque autem habitabant filii Israel, lux erat. » Ecce qui regem sequuntur tenebrarum, qui toties admoniti et flagellati, qui tot signa et miracula videntes, adhuc indurato corde in malitia perseverant, tenebris involuti, nihil vident, et quasi lapides immobiles permanent, ut saltem per tenebras exteriores cordis sui cæcitatem intelligant (193). De his enim tenebris Apostolus ait: « Fuistis aliquando tenebræ, nunc autem lux in Domino (Ephes., v, 10); » et Joannes: « Omnis, qui odit fratrem suum, homicida est, et in tenebris manet (1 Joan. iii, 15). » Qui igitur non vult manere in tenebris, vitiis expulsis, sequatur lucem, lucem videlicet, quæ ait: « Ego sum lux mundi (Joan. viii, 12). » Sed quia Moyses significat Christum, manus ejus, quam in cælum extendit, Christi manus in cælo extensas significare potest, nam et in Christi passione tribus horis tenebræ factæ sunt, ut merito in his tribus diebus tres illas horas significatas fuisse intelligamus. Has autem tenebras non patitur populus Dei, illum sequens, qui ait: « Qui sequitur me, non ambulat in tenebris (ibid.). » Vocavit autem Pharaon Moysen et Aaron, dixitque eis, ut cætera relinquentes cum filiis irent sacrificare Domino, noluitque Moyses sine gregibus ire, ne quid sibi forte in sacrificio deesset. « Dixitque Pharaon: Recede a me, et cave ne ultra faciem meam videas: quocumque die apparueris mihi, morieris. » At ille ait: Ita fiet, ut locutus es: non video ultra faciem tuam. » Quid est hoc, quod dicit Moyses: Non videbo ultra faciem tuam? postea eum vidit, et locutus est cum eo. Sed quia frequenter in sacro eloquio videre, misereri significat, sic accipi potest, ac si diceret: Non ultra videbo faciem tuam, non ultra miserebor tui, non te ulterius populum dimittere admonebo, neque amplius pro te Deum rogabo.

CAPUT XI.

« Et dixit Dominus ad Moysen: Adhuc una plaga tangam Pharaonem et Ægyptum, et post hæc dimittet vos, et exire compellet. Dices ergo omni populo, ut postulet vir ab amico suo, et mulier a vicina sua vasa argentea et aurea; dabit autem Dominus gratiam populo suo coram Ægyptiis. » Hoc autem quid significet superius expositum est; facilius est autem illuc reverti, quam iterum eadem replicare. Fuitque Moyses vir magnus valde in terra Ægypti coram Pharaone et omni populo. Magnus quidem fuit in verbis, magnus in miraculis, magnus in constantia, et ideo magnus, quia Christi figuram gerebat. Et ait ad Pharaonem: « Media nocte ingrediar in Ægyptum, et morietur omne primogenitum, a primogenito Pharaonis, qui sedet in solio ejus usque ad primogenitum ancillæ, quæ est ad

(192) Vulgata habet: *In cælum ascendam, super astra Dei exaltabo solium meum, sedebam in monte testamenti in lateribus aquilonis; ascendam super altitudinem nubium, similis ero Altissimo. (Isai. xiv, 13.)*

(193) Videtur Bruno illis Patribus adhærere, qui induratos peccatores in penam suæ obstinationis omni prorsus gratiæ lumine, et auxilio privatos asserant.

« molam, et omnia primogenita jumentorum.... A tur; hoc autem in regno Dei, quod est Ecclesijs. Christum autem et agnus est propter innocentiam, et hædus dicitur propter similitudinem carnis peccati. De hoc enim dicitur: « Ecce agnus Dei, ecce qui tollit peccatum mundi (Joan. 1, 29). » Et de hoc similiter dicitur: « Ne coquas hædum in lacte matris suæ (Exod. xxiii, 19). » Ad hunc autem vescendum propinquos et vicinos invitare debemus, ut qua charitate omnium salutem desideramus, innotescat. Vicinus enim noster omnis Christianus est, et quicunque ab Ecclesia longe non est. Est autem agnus iste absque macula; quoniam sic scriptum est: « Qui peccatum non fecit, nec dolus inventus est in ore ejus (I Petr. ii, 22). » Est autem et masculus, anniculus, quia nihil habet molle, nihil femineum, nihil corruptioni obnoxium, nihil carnalis sentiens titillationis. Et agnus quidem per domos comeditur, hædus vero ab omni multitudine immolatur, per quod apertissime designatur, et hoc sacrificium, quod modo in Ecclesia assidue sumitur, et illud, quod a Judæis insanientibus in ara crucis est oblitum. Quamvis enim et hoc et illud unum idemque sit; tamen aliter et aliter sit; unde illi hædum occidunt, inter iniquos et peccatores mundi Salvatorem deputantes, sicut scriptum est: « Et inter iniquos deputatus est (Luc. xxii, 37). » Itemque: « Nisi hic esset malefactor, non tibi tradidissemus eum (Joan. xviii, 30). » Nos autem, quia innocentem, sanctum et justum, et sine ulla contagione peccati Dei Filium esse credimus, agnum absque macula, et immolamus, et sumimus (194). Ideoque quamvis agnus et hædus immolatur, solus tamen agnus a populo manducatur; illud enim sacrificium in isto sumitur, quia hoc in illud verissime convertitur. Nunquam enim illud comederetur; nisi hoc in illud converteretur. Est enim hæc mutatio dexteræ Excelsi. Omnis autem multitudo filiorum Israel hædum immolavit, sed quando? Ad vesperam, quoniam proditor Judas circa hanc cum Judæis loquitur, Christum vendidit, nummos accepit, atque altera die circa horam vespertinam, id est post nonam Salvator noster spiritum emisit. Unde Psalmista ait: « Elevatio manuum mearum sacrificium vespertinum (Psal. cxi, 2). » Sed quia Dominus noster viii

CAPUT XII.

« Dixitque Dominus ad Moysen et Aaron in terra « Egypti: Mensis iste vobis principium mensium, « primus erit in mensibus anni. » Mensis, inquit, iste aliorum mensium principium est, qui apud nos Martius vocatur. Hic autem sit vobis primus, id est maximus et principalis in mensibus anni, quoniam majora in hoc mense, quam in cæteris, sunt sacramenta. « Loquimini ad universum cœtum filiorum « Israel, et dicite eis: Decima die mensis hujus, « tollat unusquisque agnum per familias et domos « suas. Sin autem minor est numerus, ut sufficere « possit ad vescendum agnum assumet vicinum « suum, qui junctus est domui ejus, juxta numerum « animarum, quæ sufficere possunt ad esum agni. « Erit autem agnus absque macula, masculus, anni- « culus; juxta quem ritum tolletis et hædum, et ser- « vabitis eum usque ad quartamdecimam mensis « hujus, immolabitque eum universa multitudo « filiorum Israel ad vesperam. » Decima namque die tolluntur agnus et hædus, et servantur usque ad diem quartamdecimam ejusdem mensis, et tunc immolantur. Nam quia tabulæ Testamenti decem verba, id est decem præcepta principalia scripta habuerunt, in quibus tota lex quodammodo continebatur, ideo frequenter per decem totum Vetus Testamentum intelligitur. Quia vero quatuor sunt Evangelia, in quibus Novum Testamentum clauditur, ideo per quatuor Novum Testamentum designatur. Decima igitur dies Vetus Testamentum, quarta vero post decimam Novum designat. Decima autem die tollitur agnus, sed usque ad quartamdecimam immolandus servatur; quoniam Christi passio in Veteri Testamento per figuras et ænigmata significata, tandem in Novo veraciter est adimpleta. Ibi Christus monstratur; hic immolatur. Ibi significatur; hic sacrificatur. Ibi denique agni immolatio narratur; hic vero Christi passio prædicatur. Vetus enim Testamentum eo tempore finem fecit, quo Christus Dominus noster suis discipulis ait: « Amen dico vobis, non bibam amodo de hoc genimine vitis, usque in diem illum, cum illud bibam vobiscum novum in regno meo (Matth. xxvi, 29). » Vetus igitur vinum spernitur, novum promittitur, non quod lex vetus omnino destruat, sed quod novo et spirituali sensu intelliga-

(194) Quia Christus sanctus et innocens pro nobis victima in cruce fieri voluit, in agno sine macula sacrificandus et edendus representatur; quia idem Dominus tanquam impius a Judæis morti tradendus erat; ideo hædi figuram sumpsit in eadem

B
C
D
Kalendas Aprilis est crucifixus, et pridie quam crucigeretur, hæc agni immolatio facta fuerat, quomodo verum est quod quarta decima die prædicti mensis agnus dicitur immolatus? Judæi namque non sicut nos menses computant, sed secundum lunæ innovationem, mensium quoque principia sumunt (195). Sequitur:

59 « Et sument de sanguine agni, et ponent super « utrumque postem, et in superliminaribus domo- « rum, in quibus comedent illum. » Super utrum- « que enim postem agni sanguinem ponunt, qui ore Paschatis solemnitate immolandus; sed diversimode ob diversam representationem.

(195) Judæi a lunæ innovatione menses computant, nos autem a cursu solis.

et corde illum suscipiunt. Qui vero vel indigne illum suscipiunt, vel suscipientes, Christi sanguinem esse non credunt, isti in unum tantummodo postem sanguinem ponunt, de quibus Apostolus ait: « Qui enim manducat, et bibit indigne, iudicium sibi manducat, et bibit (I Cor. xi, 29). » Nos igitur et ore sumentes, et corde Christi sanguinem esse credentes, in utrumque postem eum ponamus, et corpore, et mente eum suscipiamus. Cum autem crucis signum in nostris frontibus facimus, tunc in superliminariis domorum Christi sanguinem ponimus. Sequitur:

« Et edent carnes nocte assas igni, et azymos panes cum lactucis agrestibus. » Idem enim hoc in loco, et per carnes, et per panes azymos intelligimus, et bene utrumque posuit, quoniam de panibus hæ carnes fiunt. Hæ autem cum lactucis agrestibus comedunt, qui corde compuncto et humiliato eas suscipiunt, et crucis amaritudinem compatiuntur, in cordis palato quodammodo sentiunt. « Non comedetis ex eo crudum quid, nec coctum aqua, sed assum tantum igni. » Agni enim carnes, si vel crudæ, vel aqua coctæ edantur, facile stomachum pervertere solent, si vero assæ fuerint, et confortant, et avidius sumuntur. Qui ergo eas a cæteris carnibus non discernit, et omni cibo suavioris esse non intelligit, et quasi fastidiens, digne eas sumentibus salutem et vitam præstare non credit, ille vel crudas, vel aqua coctas hæ carnes comedit. Ille vero assas igni eas manducat, qui vitam in eis credens, avidissime suscipit, et suscipiendo Christi passioni communicat (196). Ipse enim Dominus dicit: « Qui manducat meam carnem, et bibit meum sanguinem, habet vitam æternam (Joan. vi, 55). » Non sunt præterea hæ carnes crudæ, quia passus est Christus, neque in aqua coctæ, quia non occulte, sed palam, et cunctis videntibus, est crucifixus. Redolet caro, cum assatur, redolet et passio Christi.

« Caput cum pedibus ejus, et intestinis vorabit, nec remanebit ex eo quidquam usque mane. » Caput enim Christi, sicut ait Apostolus, Deus est; pedes vero, qui terram tangunt, ejus carnem significant, quæ de terra sumpta est. Quid vero ejus intestina, nisi occulta omnia, et profunda mysteria designant? Caput ergo illius cum pedibus et intestina vorant, qui et Deum et hominem esse credunt, et quæcumque de eo scripta sunt digne fideliterque suscipiunt. Non enim sufficit, si et Deum et hominem esse credamus, nisi intestina quoque suscipientes, et de virgine natum, et circumcisum, et veraciter passum, et die tertia resurrexisse, et cætera, quæ de eo scripta sunt, indubitanter crediderimus. Unde et subditur: « Nec remanebit ex eo quidquam usque mane; » omnia sumantur, omnia credantur, nihil de

A hoc agno remaneat, quod in fidei pectore non claudatur. Mane autem vitæ hujus finis intelligitur, quoniam Christus sol justitiæ apparebit, et fugatis tenebris, nox ulterius non erit; tunc autem non erit tempus convertendi, nec agni carnes comedendi, quia qui tunc credere incipient, cum fatnis virginibus audient: « Amen dico vobis: Nescio vos (Matth. xxv, 12). » — « Si quod residuum fuerit, igne comburentis. » Residua sunt, quæ comedi nequeunt, ut est pellis et ossa. Pellis etenim agni caro Christi est, quæ quidem qualiter Deo unita, qualiter Verbum caro factum est, neque dici neque intelligi potest. Sed quis illa ossa comedere, vel, ut ita dixerim, corrodere valeat, ut qualiter ante omnia tempora sit a Patre genitus, diutissime, si licuerit, semperque investigando intelligat? Sunt autem et alia multa, quæ quoniam comedi et intelligi non possunt, charitatem fideique ardore comburantur (197). Sufficit enim credere, si non datur intelligere. Plures enim credendo quam intelligendo hæ carnes comedunt. Comedunt ergo qui possunt; qui vero non possunt, credant, et charitatis igne comburantur. Sequitur:

« Sic autem comedetis illum. Renes vestros accingetis, et calceamenta habebitis in pedibus, tenentes baculos in manibus, et comedetis festinanter. Est enim phase, id est transitus Domini. » Renes quidem accingere est castitatis et continentie cingulo luxuriam refrenare. Unde ipse Dominus ait: « Sint lumbi vestri præcincti (Luc. xii, 35). » Calceamenta vero in pedibus habent, qui quasi alio pergere parati, peregrinos in hoc mundo se esso cognoscunt: et isti quidem viam mandatorum Dei currentes, secure, et sine timore, utpote bene calceati, super serpentes et scorpiones incedunt. Baculos autem in manibus teneant, ut se ab incurrentibus adversariis defendere valeant. Habes humilitatem, baculus est tibi, hoc enim superbiam vincis. Habes castitatem, et hic baculus est quo luxuria superatur. Sed quid multa? Quot virtutes, tot et baculos habes. Sic igitur præparetur, sic muniatur, sic armetur qui hæ carnes comedere venit. Cito autem et festinanter comedetis ea, ut cum Dominus venerit, jam plani et saturi sitis, ne tunc credere incipiat, quando per fidem liberari debetis. In fide namque suscipienda, nulla mora debet esse: « Vigilate itaque, quia nescitis diem, neque horam (Matth. xxv, 12). »

« Et pertransibo per terram Ægypti nocte illa, percutiamque omne primogenitum in terra Ægypti, ab homine usque ad pecus, et in cunctis diis Ægypti faciam judicia, ego Dominus. » Agno etenim immolato, Christo Domino crucifixo, postquam Jesus, inclinato capite, tradidit spiritum, mortua sunt omnia primogenita in terra Ægypti, quoniam

(196) Sumentes eucharistiæ sacramentum passioni Christi communicamus.

(197) Hic adnotandum quanta de ritu edendi agni paschalis præscripsit Moyses, quæ omnia signifi-

cativa erant spiritualis puritatis, et dispositionis, quibus novæ legis fideles ad edendas carnes veri Agni cujus sacrificium quotidie mystice in Ecclesia innovatur, accedere debent.

originale peccatum, per universum mundum in omnibus illis perit, qui crediderunt, et baptizati sunt, ut peccatum, quod per lignum concupiscentiæ cepit, per lignum crucis destrueretur. Quot enim sunt homines, tot sunt et originalia peccata; omnis enim horum cum eo nascitur, quod, nisi Christi sanguine, et aqua baptismatis deleri non potuit. Merito autem ab homine usque ad pecus omnia primogenita feriuntur, quoniam sine personarum acceptione, in omni gente, et in omni sexu, et in omni ætate omnia peccata originalia destruuntur. « Omnis enim quicumque invocaverit nomen Domini, salvus erit (Rom. x, 13). » Fecit autem Dominus judicia sua in cunctis diis Ægypti, quoniam ejus morte interveniente, infernus expoliatur, templarum, et ubique gentium deorum cultura et religio abominatur.

« Erit autem vobis sanguis in signum in ædibus in quibus eritis, et videbo sanguinem, et transibo vos, nec erit in vobis plaga disperdens, quando percussero terram Ægypti. » De hoc enim signo Joannes apostolus ait: « Vidi supra Sion Agnum stantem, et cum eo centum quadraginta quatuor millia, habentes nomen ejus, et nomen Patris ejus scriptum in frontibus suis (Apoc. xiv, 1). » Vidit etiam duodecim millia signatos ex omni tribu filiorum Israel. In his autem non est quod percutiatur, quoniam in utroque poste Agni sanguinem suscipientes, et ore et corde ipsius carnes comedentes, totos se intus et foris se Domino dedicaverunt. Sequitur:

« Habebitis autem hanc diem in monumentum, et celebrabitis eam solemnem Domino in generationibus vestris cultu sempiterno. » Sic enim Dominus ipse præcepit, dicens suis: « Hoc facite in meam commemorationem (I Cor. xi, 24), » cum de hoc sacrificio loqueretur. Unde et Apostolus ait: « Quotiescunque enim manducabitis panem hunc, et calicem bibetis, mortem Domini annuntiabitis donec veniat (ibid., 26). »

« Septem diebus azyma comedetis (198); in die primo non erit fermentum in domibus vestris: quicumque comederit fermentum, peribit anima illius de Israel, a primo die usque ad septimum. » Ille est enim quod Apostolus dicit: « Modicum fermentum totam massam corrumpit. Expurgate vetus fermentum, ut sitis nova conspersio, sicut estis azymi; etenim pascha nostrum immolatus est Christus. Itaque epulemur, non in fermento veteri, neque in fermento malitiæ et nequitiae, sed in azymis sinceritatis et veritatis (I Cor. v, 7). » Et Dominus in Evangelio: « Cavete, inquit, a fermento

A Phariseorum, quoniam est hypocrisis (Luc. xii, 1). » Non solum enim vetus et prava intelligentia legis, verum etiam omnis corruptela, omnisque depravatio mentis fermentum dici potest (199). Azyma autem e contra sinceritatem et veritatem appellat. Jube-mur ergo septem diebus azyma comedere, quatenus omni tempore, quo vivimus, et in hoc mundo sumus sinceritatis et veritatis alimentis nutriamur, ut non regnet peccatum in nostro mortali corpore, neque carnis concupiscentiis serviamus. Nam quia septem diebus factus est mundus, et septem voluitur, atque consistit, ideo frequenter omne tempus in septem diebus intelligitur. In die, inquit, prima non erit fermentum (200) in domibus vestris. Prima namque hujus solemnitatis dies est, quoties ad participandam (201) Christi carnem, et sanguinem accedimus. Cum ergo omni tempore in sinceritate et veritate vivere debeamus, eo maxime die omne fermentum malitiæ et nequitiae in domibus nostris esse non debet, quo Christi carnem et sanguinem sumimus. Mundemur ergo hac die ab omni peccato, ne indigne Christi carnem suscipiamus. « Qui enim manducat et bibit indigne, judicium sibi manducat et bibit (I Cor. xi, 29). » Hoc est enim quod ait: « Quicumque comederit fermentatum, peribit anima illa de Israel, a primo die usque ad diem septimum, » id est toto tempore solemnitatis istius.

« Dies prima erit sancta atque solemnis, et dies septima eadem festivitate venerabilis; nihil operis facietis in eis, exceptis iis quæ ad vescendum pertinent, et observabitis azyma. » Quæ sit autem prima dies, dictum est. Septimam vero illam esse putamus, de qua Apostolus ait: « Relinquitur ergo sabbatismus populo Dei (Hebr. iv, 9). » Hæc autem quam sit venerabilis, illi sciunt, qui in cælesti Jerusalem sine omni cura et sollicitudine cum Domino gloriantur. In utraque autem solemnitate nihil operis fieri debet, exceptis iis, quæ ad vescendum pertinent (202), de quibus ipse Salvator ait: « Meus cibus est ut faciam voluntatem Patris mei, qui in cælis est (Joan. iv, 34). » Hoc autem in nulla festivitate fieri prohibetur: **61** facere eleemosynam, voluntas Dei est; vestire nudos, voluntas Dei est, et quidquid ad misericordiam et pietatem respicit semper operari, voluntas Dei, et cibus animæ est. Si ergo his et similibus nutritur et vescitur anima, et sola ea quibus anima vescitur in festivis diebus operari licet, ergo in festivis diebus bene facere non prohibemur. Sic igitur in his solemnitatibus nihil operis agere debemus, exceptis quæ ad vescendum pertinent, ut nullo scilicet die suo cibo anima careat. Quod autem ait: « Et observabitis

(198) Animadvertit eruditissimus Mazochius Spicil. in cap. xii Exod. divinum præceptum Hebræis traditum de abstinencia a pane fermentato septem diebus Paschatis, tale esse, ut non illo solum tempore, vel illa præcipue celebritate vim haberit, sed ut in perpetuum, hoc est quotis annis eodem ritu Pascha celebrarent.

(199) Cod. S. Crucis. in Laur. Christus enim hy-

poerisim, Apostolus vero malitiam et nequitiam fermentum vocat.

(200) Id. cod. Non erit fermentatum.

(201) Id. cod. Ad percipiendum.

(202) Ab Hebræis ritum habendorum dierum festorum gentiles accepisse docet idem Mazochius Spicil. in Exod., p. 37, et cessationem ab operibus famulis præcipue observatam.

« azyma; » quam sincere et caste nos vivere velit, A ventus fuerit, simul cum Ægyptiis, Domino iubente patenter insinuat. peribit.

« In eadem ipsa die educam exercitum vestrum
« de terra Ægypti, et custodietis diem istum in
« generationes vestras ritu perpetuo. » Ipsa enim
eademque die qua Agnus noster est immolatus,
infernus exspoliatus est, et universus mundus de
diaboli servitute liberatus. Quo circa omni tempore,
ritu perpetuo hunc diem solemnem habet Ecclesia.
« Primo mense quartadecima die mensis ad vespe-
« ram comedetis azyma usque ad diem vigesimam
« primam ejusdem mensis ad vesperam. » Hæc autem
computatio, nisi secundum Hebræos accipiat, stare non potest. Sæpe enim hæc solemnitas sic
totum primum mensem transit ut penitus infra
mensem Aprilis contineatur, cum tamen secundum
Hebræos, nunquam nisi quartadecima die mensis
primi celebretur; post quam celebrationem, mox
proximo Dominico nostra quoque celebratio est.
Sequitur: « Septem diebus fermentatum non inve-
« niatur in domibus vestris. » Confirmatio est eorum,
quæ dicta sunt. Quæ quidem idcirco repetit, ut fir-
missime memorie commendetur.

« Vocavit autem Moyses omnes seniores filiorum
« Israel, et dixit ad eos: Hic tollentes animal per
« familias vestras, et immolate Phase: fasciculumque
« hyssopi tingite in sanguine, qui est in limine,
« et aspergite ex eo superliminare, et utrumque
« postem. Nullus vestrum egrediatur ostium domus
« suæ usque mane. » De hoc animali quando tolla-
tur, superius dictum est. Restat igitur ut de hyssopo
dicamus. Dicit enim Psalmista: « Asperges me hyssopo,
et mundabor (Psal. L, 9). » Hyssopus enim natu-
raliter in petris nascitur; « Petra autem, dicit
Apostolus, erat Christus (I Cor. x, 4). » Nascitur igitur
hyssopus in Christo, bona herba hyssopus, quæ
in Christo nascitur, et merito, quia nulla herba tangit
sanguinem Christi, nisi ea quæ nascitur in Christo;
sola enim Ecclesia in Christo nascitur, et renascitur,
sola Ecclesia in Christo fundatur. Hæc est ergo hyssopus,
quæ tangit et spargit sanguinem Christi, unde non
immerito fasciculus dicitur, quoniam multos in se et ligat,
et colligit. Hic ergo fasciculus Christi sanguine tingitur,
Christi sanguine inebriatur, Christi sanguine superliminare,
et utrumque postem aspergit, quoniam sancta Ecclesia
interius et exterius hoc sanguine munitur. Est enim
in limine, id est in introitu domus, in ore videlicet,
unde super utrumque postem aspersus et animam et corpus
sanctificat. Quod autem præcipit, ut nullus usque
mane ostium domus egrediatur, ut fideliter usque
in finem in sancta Ecclesia habitemus, significare videtur,
extra quam qui in-

« Factum est autem in noctis medio, percussit
« Dominus omne primogenitum in terra Ægypti a
« primogenito Pharaonis, qui sedebat in solio ejus,
« usque ad primogenitum captivæ, quæ erat in
« carcere, et omne primogenitum jumentorum.
« Unde clamor magnus ortus est in Ægypto, voca-
« vitque Pharaon Moysen, et Aaron nocte, et ait: Hic,
« sacrificate Domino, sicut scitis, et euntes bene-
« dicite mihi (205). » Quid enim per primogenitum
Pharaonis, nisi illud primum, et maximum peccatum;
quo in paradiso primus homo deceptus est, intelligamus?
Quod quia maximam stragem dedit mundo, ideo magno suscepto triumpho, quasi rex
in solio Pharaonis, sedere describitur. Captivam
vero, quæ in carne erat, multitudinem animarum,
quæ in inferno propter originale peccatum tenebantur,
intelligere debemus. At vero per ancillam, quæ
est ad molam (204), omnem hominum multitudinem
huic laboriosæ vitæ servientem, et quasi molam
dierum, mensium et annorum rotam volventem
intelligere voluit. Horum autem primogenita
Christus interemit, quia non solum viventium,
verum et mortuorum, et nondum natorum originalia
peccata suo sanguine interficiens, omnia Deo Patri
reconciliavit. Ideoque maximus clamor fit in Ægypto,
diabolo cum omni malitia sua lugente, atque de tanta
sibi erepta præda dolente, jamque in sanctorum
animabus nullam spem habente. Quod autem Pharaon ait:
« Euntes benedicite mihi, » hoc est intelligendum,
euntes, ab hoc periculo me liberate. « Urgebant Ægyptii
populum Israel de terra Ægypti exire velociter,
dicentes: Omnes moriemur. »

« Tulit ergo populus conspersam farinam antequam
fermentaretur, et ligans in palliis posuit super
humeros suos, et petierunt ab Ægyptiis vasa
argentea, et aurea, et vestem plurimam. Dedit
autem Dominus illis gratiam coram Ægyptiis,
ut commodarent eis, et spoliaverunt Ægyptum
(205). » Populus enim egrediens ex Ægypto
farinam incorruptam, et sine fermento portat,
quoniam Pascha celebraturi novis sincerisque
cibis uti debemus. Nam quia in hac festivitate
de Veteri Testamento in Novum transferimur,
omnia nobis sincera, nova et incorrupta esse debent,
ut aqua baptismatis, et nova lege immutati,
exspollemus nos veterem hominem, cum actibus suis,
et induamus novum, qui secundum Deum in justitia,
et sanctitate veritatis creatus est (Col. ix, 3).
Quid autem exspoliatio Ægypti significet, jam superius
dictum est.

(205) Aliter habet Vulgata: Surrexitque Pharaon nocte,
et omnes servi ejus, cunctaque Ægyptus, et ortus est
clamor magnus in Ægypto; neque non erat domus,
in qua non jaceret mortuus. Vocatisque Pharaon Moysen,
et Aaron nocte ait: Surgite, et egredimini a populo
meo vos, et filii Israel; hic, immolate Domino, sicut

scitis. Ovæ vestras, et armenta assumite, ut petieratis,
et abeuntes benedicite mihi.

(201) Errata editio a cod. s. Cr. in Laurent. emendatur.

(205) Id. cod. M. A. Ægyptios: ita et Vulgata.

« Profectique sunt filii Israel de Ramesse in So-
 « chot. » Ramesse namque interpretatur *tinea*, vel
 intonuit *letus*. Populus igitur egrediens de Ra-
 messe, id est de diaboli servitute, ubi omnium cor-
 ruptionum tinea vastabatur, letus intonuit, utpote
 qui in Socho veniebat, quod *tabernacula* interpre-
 tatur, dicens cum Psalmista : « Quam dilecta ta-
 bernacula tua, Domine virtutum ! Concupiscit, et
 deficit anima mea in atria Domini (Psal. lxxxiii,
 1). » Statim enim, ut de Ægypto, id est, de hujus
 mundi conversatione homo exit, in Socho, id est in
 Ecclesie tabernacula letus venit. Hic autem sibi
 panes azymos facit, hic nova pulmenta sibi præpa-
 rat, ut relicto fermento malitiæ et nequitiae, vivat
 in azymis sinceritatis et veritatis. « Habitatio autem
 « filiorum Israel, qui manserant in Ægypto, fuit
 « quadringentorum triginta annorum. Quibus ex-
 « pletis, eadem die egressus est omnis exercitus
 « de terra Ægypti. Nox ista est observabilis, hanc
 « observare debent filii Israel in generationibus
 « suis. » Hæc namque nox est observabilis quam
 tam læta dies subsequitur, in qua Christus de se-
 pulcro procedens sua resurrectione mundum illu-
 stravit.

« Dixit Dominus ad Moysen, et Aaron : Hæc est
 « religio Phase : omnis alienigena non comedet ex eo. »
 Phase enim hoc in loco agnum qui immolabatur signi-
 ficat. De hoc autem nulli alienigenæ comedere licet ;
 non hæretico, non gentili, non falso Christiano ; solis
 enim Ecclesie filiis comedendus traditur ; cæteri
 sunt alienigenæ. « Omnis autem servus emptiti-
 « circuncidetur, et sic comedet. » Quis est iste
 servus emptiti ? dicat Apostolus : « Empti enim
 estis pretio magno, glorificate, et portate Deum
 in corpore vestro (I Cor. vi, 20). » Nos ergo su-
 mus servi emptitii, quoniam nobis ista dicuntur.
 Nobis igitur hunc Agnum comedere licet, sic tamen,
 si prius circuncidamur : nostra autem circuncisio
 non in solo præputio, sed in cunctis membris exigitur ;
 nam et Moyses incircumcisum labiis se esse,
 superius conquestus est. Qualiter autem omnia
 membra circuncidantur, in Genesi exposuimus,
 cum de Abraham circuncisione tractaremus.

« Advena, et mercenarius non comedent ex eo. »
 Advena enim est omnis homo, quem Ecclesia non
 genuit ; mercenarius autem, qui non sincero affectu,
 neque pro salute animæ, sed pro mercede, et lucro
 Domino servit, de quibus Dominus ait : « Mercena-
 rius autem fugit, quia mercenarius est (Joan. x,
 15). » Si ergo mali pastores mercenarii sunt, mer-
 cenario autem de hoc Agno edere non licet, quo-
 modo malis pastoribus edere licebit, quod edere
 non licet ? In una domo comedetis, nec deferetis
 de carnibus ejus foras ; nec os illius confringetis.
 Si enim per domos, et familias, ut superius dixit,
 tollitur Agnus, quomodo in una domo comeditur ?
 Una enim domus Ecclesia est, extra quam non est
 veri sacrificii locus. Et quoniam scriptum est :
 « Nolite dare sanctum canibus (Matth. vii, 6) ; » ideo

hic dicitur : « Non deferetis de carnibus ejus foras. »
 Quod autem sequitur : « Nec os illius confringetis, »
 beatus Joannes evangelista exposuit, dicens : « Et
 primi quidem frangerunt crura, et alterius, qui cum
 eo crucifixus est. Ad Jesum autem cum venissent,
 ut viderunt eum jam mortuum, non frangerunt ejus
 crura, ut Scriptura impleatur : Os non comminuetis
 ex eo (Joan. xix, 32 et 33). »

« Omnis cætes filiorum Israel faciet istud. Quod
 « si quis peregrinorum in vestram voluerit transire
 « coloniam, et facere Phase Domini, circuncidetur
 « prius omne masculinum ejus, et tunc rite cele-
 « brabit, eritque sicut indigena terræ. Si quis
 « autem circumcisis non fuerit, non vescetur ex eo.
 « Eadem lex erit indigenæ, et colono qui peregrini
 « natur apud vos. » Constat ergo, quia non digni-
 tate gentis, sed merito sanctitatis homo vel abji-
 citur, vel eligitur ; non enim Judæorum Deus tantum,
 sed et gentium. Quicumque ergo in sanctorum colo-
 niam et societatem transire, et nova circuncisione
 circumcidi, et baptizari volunt, accedant ad carnes
 agni, et comedant. Notandum est autem quia ipsa
 die, qua agnus comeditur, exit populus de Ægypto,
 quoniam nulla est participatio luci ad tenebras,
 neque Christo ad Belial (II Cor. vi, 15).

CAPUT XIII.

« Locutus est Dominus ad Moysen, dicens : San-
 « ctifica mihi omne primogenitum, quod aperit
 « vulvam in filiis Israel tam de hominibus quam
 « de jumentis ; mea sunt enim omnia. » Nam quia
 noviter omnia primogenita Ægyptiorum Dominus
 occiderat, idcirco omnia primogenita filiorum Israel
 sibi dedicavit, ut nunquam de eorum memoria la-
 beretur, primogenita Ægypti fuisse deleta. Et ait
 Moyses ad populum : « Hodie egredimini mense
 « novarum frugum ; » quoniam primum terra gelu
 soluta novam herbam incipit producere. « Venietis
 « in terram fluentem lacte et melle ; » quæ propter
 hoc quod terram viventium 63 significat, omni
 terra fertilior est. « Ibi celebrabitis hunc morem
 « sacrorum mense isto ; septem diebus comedetis
 « azyma, nec erit aliquid fermentatum in domibus
 « vestris. » Hoc autem quid significet, sufficienter
 dictum est. Sequitur :

« Et narrabit hæc filio suo in die illa, dicens :
 « Hoc est, quod fecit mihi Dominus, cum egressus
 « sum de Ægypto, et erit quasi signum in manu tua,
 « et quasi monumentum appensum ante oculos
 « tuos. » Quod enim manu tenemus, et ante oculos
 habemus, non facile obliviscimur. « Cumque intro-
 « duxerit te Dominus in terram, de qua juravit
 « tibi, separabis omne primogenitum Domino,
 « quidquid fuerit sexus masculini. Primogenitum
 « agni mutabis ove ; quod si non redemeris, inter-
 « ficietur. » Primogenitum namque agni ove muta-
 mus, quando stultum aliquem, et indisciplinatum
 arguendo, increpando, observando, et admonendo
 ad ovinam simplicitatem convertimus. Hic vero si
 non redimitur, interficietur, qui si poenitentiam non

egerit, et Ecclesie doctoribus non crediderit, morte morietur. « Omne autem primogenitum hominis de filiis tuis pretio redimes. » Hominis enim primogenitum fides est, sine qua impossibile est placere Deo. Hæc autem omnium virtutum prima in mentibus fidelium nascitur: hæc prima a sacerdotibus in Christianorum cordibus gignitur; sed quia fides sine operibus mortua est, ut pretio redimatur, necesse est. Baptizatus es? fidem habes: cessas a bono opere? moritur fides tua. Si ergo in iis, qui a bonis operibus cessant, fides otiosa et mortua est, quanto magis in homicidis, adulteris, sacrilegis et in ipsis perjuris fides mortua credenda est? Apostolus enim dicit: « Qui enim suorum, et maxime domesticorum curam non habet, fidem negavit, et est infideli deterior (1 Tim. v, 8). » Non ergo semel, sed multoties fides redimenda est, quæ nisi redimeretur, cum toties mori videamus, perpauci essent, quibus eam semel emisse sufficeret. Inde autem maximas gratias Deo agere debemus, qui nobis hanc legem de redimendo charissimo primogenito nostro instituit. quem si non habeamus, ei placere non possumus. Redimat ergo; sed quando? Post unum mensem; post unum namque mensem offerebantur primogeniti Domino; post unum ergo mensem redimi debent. Quæ enim redimimus, nostra fuisse monstramus. Postquam ergo offerimus fidem nostram, si propter peccata a nobis alienata fuerit, tunc redimenda est. Sed quanto pretio? Quinque utique siclis argenti. Ego quinque siclos argenti, quinque corporis sensus intelligo, qui tunc quidem argentei sunt, quando pro sua pietate digni sunt ut in Dei thesauros reponantur. Quinque igitur siclis fides redimitur, quia et si peccator fuerit homo, postquam tamen omnibus viribus mentis et corporis, postquam interioribus et exterioribus sensibus Deo servire coeperit, jam non infidelis vocabitur. Vivant ergo Deo, et nunquam moriantur primogenita nostra ei, qui primogenita Ægyptiorum propter nos interfecit.

Noluit autem Dominus ducere populum per terram Philistinorum, quæ vicina est, ne forte si bellum insurgeret contra eum, cito reverterentur in Ægyptum, sed circumduxit eos per desertum longo itinere. Per hoc enim significare voluit, quia non brevis, neque facilis via est, quæ ad patriam ducit, sed per multas tribulationes oportet nos intrare in regna cælorum. Denique quanto plus in Dei servitio excitati longius ab hoc mundo recedimus, tanto minus vitiorum insurgentium bella timeamus. Si vero in terram Philistinorum venientes, quæ Ægyptiis vicina est, ebrietati et voluptati operam damus (Philistinorum namque *cadentes poculo* interpretantur), facile quidem in prælio victi revertimur in Ægyptum. Quod autem filii Israel armati ascenderunt de Ægypto, significatio est, quia ex quo mundum relinquimus, semper contra vitia et malignos spiritus a dextris et a sinistris armati pugnare debemus. Sequitur:

« Nunquam defuit columna nubes per diem, neque columna ignis coram populo per noctem. » Altera

enim eos a solis ardore, altera vero a tenebris defendebat. Hæc autem columna sancti Spiritus gratia est, quæ nos et a vitiorum æstu defendit, et ne errorum tenebris involvamus, illuminat. De hac enim columna dicitur ad beatam Mariam: « Spiritus sanctus superveniet in te, et virtus Altissimi obumbrabit tibi (Luc. 1, 35). » Profectique de Sochoth, castrametati sunt in Ethan in extremis finibus solitudinis. Ethan namque *insipiens navigationem* interpretatur. Merito igitur de Sochoth, id est de tabernaculis venit in Ethan, quia postquam ad Ecclesiam homo veniens baptizatus est, non otiosus sedere, sed per hujus maris pericula cum apostolis navigare debet; positusque adhuc in extremis finibus solitudinis, quoniam ad deserti loca periculosa nondum pervenit, preparare incipiat animam suam ad tentationem

CAPUT XIV.

Profectique filii Israel venerant e regione Atharoth, quæ est inter Magdalum et mare, contra Beelsephon. Atharoth interpretatur *corona*, Magdalus *turris*, Beelsephon *habens speculam*. Venit igitur populus de Ethan in Atharoth, quia jam cæpta navigatione, quibusdam virtutum gradibus proficiens, venit ad coronam, sperans, si necesse fuerit, mori posse pro nomine Christi. Est autem hæc corona inter Magdalum et mare, id est **64** inter fidem et baptismum, quoniam per fidei fortitudinem et per baptismi gratiam pervenitur in coronam. Respicit contra Beelsephon, quia Dei populus speculatorum Ecclesie recordatus, nunquam sanctæ prædicationis obliviscitur, ideoque non timet eos, qui occidunt corpus, quia animam non possunt occidere.

Nuntiatum est autem Pharaoni quod fugisset populus Israel, immutatique est cor ejus; persecutusque est Israel cum omni exercitu Ægyptiorum. Quos cum vidissent Hebræi, timuerunt valde. Dixitque Dominus ad Moysen: Quid clamas ad me? Eleva virgam, et extende manum tuam super mare, et divide illud. Quod cum fecisset Moyses, divisum atque siccatum est mare, et ingressi sunt filii Israel per medium maris sicci. Erat autem aqua quasi murus a dextris et a sinistris. Persequentesque Ægyptii ingressi sunt post eos. Angelus autem Domini, qui præcedebat castra filiorum Israel, posuit se medium simul cum nube inter Ægyptios et Hebræos, ita ut ad se invicem toto noctis tempore accedere non valerent. Jamque advenerat vigilia matutina, et jubente Domino, Moyses supra mare manum extendit, reversæque sunt aquæ ad priorem locum, omnesque Ægyptii mortui sunt. Quid enim Pharaon cum omni exercitu Ægyptiorum; nisi diabolus cum omni militia dæmoniorum? Quid autem Hebræi, nisi Christianorum populus? Quid vero mare Rubrum nisi baptismatis aqua intelligitur? Persequuntur ergo Ægyptii Hebræos, ibique moriuntur, quoniam vitia, et maligni spiritus usque ad baptismum Christianos persequentes, viribus amissis, pereunt et deficiunt.

Tunc cecinit Moyses, et filii Israel carmen hoc Domino, et dixerunt.

CAPUT XV.

« Cantemus Domino, gloriose enim magnificatus est (206), » tam potenter destruens inimicos. « Equum et ascensorem projecit in mare. » Equus superbia est, ascensor diabolus; hoc enim equo elevatus, furibundus in bellum ruit, omnisque ejus exercitus hoc equo in omnia facinora præcipitur. « Fortitudo mea, et laus mea Dominus, » per quem fortis et laudabilis sum. « Et factus est mihi in salutem, » suo sanguine me salvans et liberans. « Iste Deus meus, et glorificabo (207). Dominus quasi vir pugnator. » Ubique pro nobiscertat (208) et vincit. Omnipotens nomen ejus, cui nihil impossibile est. « Currus Pharaonis, » de quo modo diximus, « et exercitum ejus, » omnium vitiorum scilicet multitudinem, « projecit in mare, » id est perdidit in baptismo. Quot enim sunt vitia, tot sunt et currus, quibus diabolus fertur. « Electi principes ejus submersi sunt in mari Rubro, » quoniam originale peccatum, et idololatria in baptismo perierunt. « Abyssus operuerunt eos, descendunt in profundum quasi lapis, » ut ultra non appareant. Cætera vero transcurramus, quia expositione non indigent. « Ascenderunt populi, et irati sunt. » Prophetia est de futuro: ascenderunt enim populi, de quibus in sequentibus dicitur, contra eos ad pugnandum. « Et irati sunt: » quia, quamvis fortiori exercitu et majori apparatu, eis tamen resistere non valebant. « Dolores obtinuerunt habitatores Philisthiim; » videntes gentem insuperabilem insurgentem adversum se. « Tunc conturbati sunt principes Edom, » hujus populi fortitudinem audientes: « robustos Moab obtinuit tremor; » prope jam de salute desperantes. « Obrigerunt omnes habitatores Chanaan, » plusquam febrium terrore percussi. Unde Moyses lætabundus et jubilans ait: « Sic, Domine, sic fiat semper; Irruat super eos formido, et pavor in magnitudine brachii tui. Fiant immobiles quasi lapis, donec pertranseat populus tuus, Domine, donec pertranseat populus tuus iste, quem possedisti. Introduces eos, et plantabis in monte hereditatis tuæ, » de qua jurasti patribus nostris. « Firmissimo habitaculo tuo, quod operatus es, Domine. » Hoc autem magis ad supernam Jerusalem, quam ad hanc pertinere videtur, in quam Dei populus est introducendus. De qua adhuc subditur: « Sanctuarium tuum, Domine, quod firmaverunt manus tuæ, » per quod cælum intelligitur, ubi sunt Sancta sanctorum. « Dominus regnabit in æternum et ultra; » hoc quomodo vel dici vel cogitari possit? « Dominus regnabit in æternum, et ultra: » quid dicam? In æternum dixi, quid ultra dicere non habeo: si quid ultra æternum scissem, ultra æternum aliquid dixissem. Dixi ergo: « Dominus regnabit in æternum. » Quid

est in æternum? semper, et sine fine. « Ingressus est enim eques Pharaonis cum curribus, et equitibus ejus in mare; » insultatque est, et rediit super eos Dominus aquas maris. Filii autem Israel ambulaverunt per siccum in medio ejus. » Sumpsit ergo Maria prophetissa soror Aaron tympanum in manu, egressæque omnes mulieres post eum cum tympanis et choris, quibus pertinebat, dicens: « Cantemus Domino, gloriose enim magnificatus est; equum et ascensorem projecit in mare. » Quid enim Maria nisi S. Ecclesia intelligitur? Hæc autem in tympano cantat, quia in carnis maceratione Deum laudat. Nam quia ex mortuorum animalium pelibus tympana sunt, ideo pro carnis mortificatione sæpe ponuntur. Hanc autem ceteræ mulieres cum tympanis et choris sequuntur, quoniam et ipsæ carnem domant, pulchroque 65 et regulari ordine viæ Domino servant; in choro enim et ordinate statur, et consonanter canitur. De his autem mulieribus Psalmista dicit: « Adducentur regi virgines post eam (Psalm. xiv, 15); » id est post Mariam; ab hac namque nostræ virginis nomen deductum est; quæ, quoniam post filium suum, totius Ecclesiæ caput est, non immerito ceteræ tympanistæ eam tympanizantem sequuntur.

« Tulit autem Moyses et Aaron Israel de medio mari Rubro, et ingressi sunt in desertum Sur. » Quid est autem, quod Israel mox ut de mari exivit, in desertum venit, nisi quia Christianorum populus statim ut baptizatus est, arctam et periculosam viam ingreditur, et ad sui Salvatoris similitudinem a diabolo tentatur? Sic enim et Christus de baptismo ducitur in desertum, ut a diabolo tentaretur. Quod autem mare Rubrum baptismum significet, Apostolus manifestat, dicens: « Et omnes baptizati sunt in nube, et in mari (I Cor. x, 1). » Quid est in nube et in mari, nisi in aqua et spiritu? « Nisi enim quis renatus fuerit ex aqua et Spiritu sancto, non intrabit in regnum cælorum (Joan. iii, 5). »

« Ambulaveruntque tribus diebus per solitudinem, » et non invenerunt aquam, et venerunt in Marath, « nec poterant bibere aquas de Marath, eo quod essent amaræ, et ostendit Dominus Moysi lignum, » quod cum misisset in aquas, in dulcedinem veræ sunt. » Tres namque ætates ab Abraham usque ad Christum, quas per hos tres dies intelligimus, in quibus populus per solitudinem, per terram inviam et inaquosam gradiens, aquas invenire non potuit. Nondum enim venerat ille, qui ait: « Si quis sitit, veniat, et bibat, et de ventre ejus fluent aquæ vivæ (Joan. vii, 37). » Habebant enim Hebræi aquas, sed non inveniabant; quia tenentes legem non intelligebant. Tandem ergo tertia die transacta, id est tertia ætate venerunt in Marath, venerunt ad montem Myrrhæ, et ad collem Thuris, venerunt ad locum, et ad tempus amaritudinis, quando Dominus est cru-

Deus patriæ mei, et exaltabo eum.

(208) Cod. Casin. pro nobis certat, et pugnat vincens.

(206) Cod. Mont. Amiat. gloriose enim honorificatus est.

(207) Cod. S. Gr. Laurent. Et glorificabo eum.

cifus: ibi invenerunt aquas; quia « de latere ejus A
exiit sanguis, et aqua (Joan. xviii, 34). » Tunc
velum templi scissum est, et Scripturæ apertæ sunt.
Et istæ quidem sunt aquæ, quæ quoniam prius
amaræ erant, ideo populus bibere non poterat. Misit
ergo Moyses lignum in eas, et in dulcedinem versæ
sunt. Lignum hoc, lignum crucis est, hoc enim
omnis aqua (209), omnis Scripturarum amaritudo
in dulcedinem vertitur. Cum enim Scriptura dicat:
« Diligite inimicos vestros, benefacite his, qui ode-
runt vos (Luc. vi, 27); » cui hæc aqua non videtur
esse amara? quis eam potare et suscipere velit?
Memores tamen crucis Christi, memores Christi
passionis, qui pro impiis mortuus est, et pro iniquis
et peccatoribus exoravit, magistri exemplum sequi-
mur, dulcescunt aquæ, inimicos diligimus, et pro
persecutoribus oramus. Ideo enim semper crucem
portare præcipimur ut ipsius semper memores, nihil
amarum et impossibile divinæ Scripturæ nobis præ-
cipere videantur; nihil enim nobis præcipiunt quod
sit amarum cruce Christi; legis enim amaritudo vin-
catur amaritudine crucis, et Christi tormenta consi-
derantes, tormenta hæc transitoria non sentiamus.
Sic igitur omnes aquæ dulcescunt, quæ cum ligno
potatæ fuerint. Merito autem, transfretato mari,
populus venit in Marath, quia statim baptizatus
Christi compungitur passione, et quæ prius amara
videbantur, desiderio bibendi, dulcia reputat. Ibi
constituit ei præcepta atque judicia, et ibi tentavit
eum. Ubi? In Marath, id est in aquis amaris, quæ
ligno crucis dulces factæ sunt. Ubi enim, nisi in
sacris voluminibus constituuntur præcepta atque ju-
dicia? Ibi enim et instruimur et judicamur, ibique a
Deo tentamur, inde tentationis præcepta ferimus, qui-
bus obediētes coronamur, inobediētes damnamur.

« Venerunt autem in Elim, ubi erant duodecim
« fontes aquarum, et septuaginta palmæ, et castra-
« metati sunt juxta aquas. » De Marath namque ve-
niant in Elim, quod interpretatur *aries*, quia post
Christi passionem, apostolos Ecclesia suscepit
doctores. Duodecim autem fontes aquarum et
septuaginta palmæ, duodecim apostoli et septua-
ginta Christi discipuli intelliguntur; de his enim
fontibus aqua manavit, quibus totus mundus refici-
tur, et irrigatur (210). Quoniam autem palmæ victo-
riam significant, merito palmæ illi vocantur, qui per
fidem vicerunt regna. Christi autem discipuli
duodecim, et septuaginta duo fuerunt; quatenus
duodenarius numerus septies completeretur, ut ipso
quoque numero, omni gratia Spiritus sancti eos re-
pletos fuisse intelligamus.

(209) Apud S. August., q. 56, in Exod., aqua illa
vocatur *Merra*, eo quod amara, et inquit ex injecto
in eam ligno, dulcis facta, quod lignum gloriam, et
gratiam crucis Christi præfigurabat. Eandem inter-
pretationem habet S. Maximus homil. 3. De Qua-
drag., pag. 116, de qua hæc pauca sermō: *Austeri-
tatem, quam noxia unda gestabat, ligni abstulit
sacramentum.*

CAPUT XVI.

« Profectique sunt de Eli, et venit omnis multi-
« tudo filiorum Israel in desertum Sin, quod est
« inter Elim et Sinai. » Sin etenim *amphora* inter-
pretatur, per quam mensura intelligitur. Merito
igitur de Eli venit populus in desertum Sin, quoniam
postquam ad apostolos Ecclesia venit, qua mensura
viveret, 66 invenit; audivit enim Evangelium, ubi di-
citur: « Qua mensura mensi fueritis, remetietur
vobis (Matth. vii, 2). »

Sequitur autem de eo, quod populus murmuravit,
dicens: « Utinam mortui essemus per manum Do-
« mini in terra Ægypti, quando sedebamus super
« ollas carniū, et comedebamus panem in satura-
« tate. Et dixit Dominus ad Moysen: Ecce ego
« pluam panes de cœlo; colligat ex eo unusquisque
« quantum sufficiat ad vescendum gomor per sin-
« gula capita: die autem sexto colligant duplum,
« quam colligere solebant per singulos dies. » Mur-
muravit populus exasperans et incredulus, et
quamvis multa armenta bovum et greges ovium
habeat, tamen sibi propter carnes mortem exoptat,
desiderabat enim avium carnes, quibus in Ægypto
uti solebat. Aves enim in Ægypto, et circa Nilum
multum abundant. Unde lautiores cibos (211) appe-
tere, nemo dubitet esse peccatum. Datur autem
unum gomor per singula capita, ut et natura se
pares intelligant, et his tantum, quæ sibi sufficiant,
contenti vivant, neque de crastino cogitantes plus
colligant; quia neque qui plus collegerat habebat
amplius, neque qui minus, habuit minus. Et melius
quidem est minus colligere, et abundare, quam
plus, et inutiliter fatigari. Die enim sexta duplum
colligitur, quia die septima non invenitur. Nam et
nos modo parare debemus, unde post hanc vitam
in sabbatismo vivere valeamus (212).

« Dixitque Dominus ad Moysen Loquere filiis
« Israel: Vespere comedetis carnes, et mane satu-
« rabimini panibus, scietisque quod sim Dominus
« Deus vester. Factum est ergo vespere, et ascendens
« coturnix operuit castra: mane quoque ros jacuit
« per circuitum castrorum, cumque operuisset su-
« perficiem terræ, apparuit in solitudine minutum,
« et quasi pilo tusum in similitudinem pruinæ super
« terram. Quod cum vidissent filii Israel, dixerunt
« ad invicem: Manhu? quod significat, quid est
« hoc? ignorabant enim quid esset. » Carnes enim
hoc in loco, et panes idem significant. Divina nam-
que Scriptura, et caro, et panis est; caro quidem
quantum ad litteram; panis vero secundum spiri-
tualem intelligentiam. Unde et Elias vespere carnes,

(210) Consonat Bruno S. Maximo Taurin. qui,
hom. 5 De Quadrag., hunc eundem locum eloquen-
tissime illustrat et exponit.

(211) Cod. S. crucis in Laurent. *lautiores
escas.*

(212) Item codex addit. *Quæ enim seminaverit
homo, hæc et metet.* Galat. vi, 7.

mane vero panes suscepit, quia prius juxta litteram, postea vero secundum spiritum Scripturæ intelliguntur. Nam et panis de celo descendit; aves vero de terra ascenderunt: et quia non est difficilis, atque scientiæ juxta litteram Scripturas intelligere, inde prope terram aves volasse referuntur. Illud quoque attendendum, quod usque hodie dum Scripturas legimus, *manhu* dicere non cessamus: nam per unamquamque sententiam interrogantes, dicimus: Quid est hoc? Quid hoc significat? Quid hoc vel illud interpretatur? Fertur autem et hic panis pro utentium voluntate omnis saporis fuisse, per quod dabatur intelligi, quia divina Scriptura multis diversisque modis intelligenda esset. Nam et ipsi quoque hæretici ad suum sensum eam convertunt. Principalis tamen ejus gustus quasi similis cum melle erat. Quid enim melle dulcius? Quid tritico pane robustius? Sanus ergo intellectus Scripturarum, et dulcis ad gustandum, et fortis ad alendum et roborandum esse debet: infirmus enim cibus, infirmos nutrit humores. Quod vero ad mensuram gomor manna colligebatur, hoc est quod Apostolus ait: « Non plus sapere, quam oportet sapere, sed sapere ad sobrietatem (Rom. xii, 3). » Sanus namque sensus mensuram non excedit, hæreticus autem in mensura non continetur. Semper enim alta hæretici dicunt, et fidei mensuram excedentes, terminos a patribus constitutos transgrediuntur. Tantum enim unicuique de hoc pane colligere licet, quantum ei in cibo quotidiano sufficere possit. Hoc enim et nos Dominus orare jussit: « Panem nostrum quotidianum da nobis hodie (Matth. vi, 11), » quod quidem nihil aliud significat, nisi ut fides nostra catholica, sola veritate contenta, cuncta superflua a se repellat. Verbum enim abbreviatum posuit Deus super terram. Quod vero superfluum erat, id est quod in diem alteram servabatur, scatebat vermibus et putrescebat, et sole incalescente liquefiebat; quoniam omnis hæreticorum superflua scientia, veritatis lumine illustrata evanescit et deficit. Præcipitur ergo ut nihil ex eo relinquat usque mane, quia quod relinquitur superfluum est. Et melius quidem est ut in campis liquefiat, quam ut collectum putrescat; quoniam melius est divinam Scripturam in saceris voluminibus otiosam manere, quam in hæreticorum cordibus collectam prava intelligentia sordere. Quid est autem quod in sexta die colligitur, unde in septimana vivitur, nisi quia hac in vita præparare debemus, unde in futura vivamus? Præcipitur autem Moysi, ut ex eo impleat gomor, et reponat coram Domino, servetque illud in memoriam in omnes generationes, per quod nimirum intelligere possumus, quia sana et spiritualis intelligentia Scripturarum nulla unquam generatione sit evacuanda. « Cælum et terra transibunt, Dei autem verba non præteribunt (Matth. xxiv, 35). »

Filii autem Israel comederunt manna quadraginta annis, donec venirent in terram habitabilem.

²¹³ Ex cod. Casin. corrigitur editio.

A Quid enim per quadraginta annos, nisi utriusque testamenti opera intelligimus? Illic enim numerus ex decem et quatuor constat; de eam namque quatuor, vel quatuor decem quadraginta sunt; **67** per decem omne illud tempus intelligitur, in quo Vetus Testamentum ad litteram observabatur; per quatuor vero hoc, in quo quatuor Evangeliorum fides tenetur. Comederunt ergo filii Israel manna quadraginta annis, quia sancti et spirituales viri, spiritualiter et in Novo et in Veteri Testamento Scripturas intellexerunt. Hic autem cibus non deficiet, donec in terram habitabilem et in terram viventium veniamus, quia postquam illic venerimus, jam nobis Scripturæ amplius non erunt necessariae. Erit enim Deus omnia in omnibus. Unde Apostolus: « Sive lingue cessabunt, sive scientia destruetur. (I Cor. xiii, 8). »

CAPUT XVII.

« Igitur profecta omnis multitudo filiorum Israel de deserto Sin per mansiones suas, juxta sermonem Domini castrametata est in Raphidim, ubi non erat aqua ad bibendum populo, qui jurgatus contra Moysen petivit aquam. » Raphidim namque interpretatur *sanitas judicii*. Sanum autem judicium est: « Diliges Dominum Deum tuum ex toto corde tuo, et proximum tuum, sicut te ipsum (Matth. xxii, 37). » — « Et quod tibi non vis, alteri ne feceris (Tob. iv, 16), » et similia. De deserto ergo Sin venit populus in Raphidim, quia postquam ab apostolis vivendi mensuram accepit, et eadem mensura, qua mensus fuerit, sibi quoque remetiendum esse cognovit, mox ad sanum judicium conversus, Deum et proximum diligere nullique hominum nocere disposuit (213). Cibi autem potusque penuria, quam tunc corporaliter populus patiebatur, eam quam nunc spiritualiter homines patiuntur significabat, de qua Dominus quibusdam comminatur, dicens: « Immittam vobis famem et sitim, non famem panis, neque sitim aquæ, sed audiendi verbum Domini (Amos viii, 11). » Unde in Ezechiele dicitur: « Linguam tuam adhærere faciam palato tuo, nec poteris loqui, quia domus exasperans est (Ezech. ii, 6). » Propter peccata namque populi sæpe silet lingua doctorum. De plebe quoque Judaica sub vineæ specie a Domino dicitur: « Mandabo nubibus meis, ne pluant super eam imbrem (Isai. v, 6). »

« Et ait Dominus ad Moysen: Antecede populum, et sume virgam in manu tua, et vade; en ego stabo coram te ibi supra petram Oreb, percutesque petram, et exibit ex ea aqua, ut bibat populus. Fecitque Moyses ita coram senioribus Israel. » Quod autem et hæc, et ea, quæ superius dicta sunt, spiritualiter intelligi debeant, Apostolus manifestat, dicens: « Quoniam patres nostri omnes sub nube fuerunt, et omnes mare transierunt, et omnes in Moyse baptizati sunt in nube, et in mari, et omnes eandem escam spiritalem manducaverunt, et omnes eundem potum spiritalem biberunt; bibebant au-

tem de spiritali consequente eos petra; petra autem erat Christus (I Cor. x, 4). Quis autem igitur ad litteram ea intelligit, quæ Apostolus spiritualia esse dicit? Venit ergo Moyses cum omni multitudine filiorum Israel ad petram, quoniam principes sacerdotum cum tota populi multitudine tenuerunt Christum. Stabat autem Dominus ibi coram populo super petram, nec videbatur, quoniam Deus manens in homine non cognoscebatur. Sed quid per virgam, quæ petra his percutitur, nisi arundinem et lanceam intelligimus? Semel autem petra nostra arundine percussa non dedit aquas; iterum autem lancea percussa est, et exivit sanguis et aqua. Sunt autem, qui per duplicem virgæ hujus percussione duos crucis ligna intelligere velint. Et vocavit nomen loci illius tentatio, propter jurgium filiorum Israel, et quia tentaverunt Dominum dicentes: « Estne Deus in nobis, an non? » sic et Judæi tentantes Christum dicebant: « Si tu es Christus, dic nobis palam (Joan. x, 25). » Item: « Si Filius Dei est, descendat nunc de cruce, et credimus ei (Matth. xxvii, 43). » Et rursum: « Si tu es rex Judeorum, salvum te fac (Luc. xxiii, 37). » His enim verbis quid aliud significabant, nisi: « Est Deus in nobis, an non? » Vere non est Deus in vobis, quia Deum repellitis a vobis. Et sicut ipse ait: « Relinquitur vobis domus vestra deserta (Matth. xxiii, 38). » Erat tamen Deus in vobis, quia Deus erat, qui inter vos manens loquebatur vobis.

« Venit autem Amalec, et pugnabat contra Israel in Raphidim. Dixitque ad Josue: Elige viros, et egressus pugna contra Amalec. Moyses autem, et Aaron, et Hur ascenderunt super verticem collis, cumque levaret Moyses manus, vincebat Israel, si autem paululum remisisset, superabat Amalec. » Quid nisi Amalec, qui *populus brutus* interpretatur, nisi vitiorum multitudinem significat? Contra hæc autem Josue minister Moysi cum viris electis pugnat, quia sancti et catholici viri semper contra vitia bellum gerunt. Stat autem Moyses in vertice collis, virgam Dei in manu tenens, quia episcopi, populi que rectores in altioribus Ecclesiæ solis constituti, virgam correctionis et directionis manibus ferunt. Levat autem Moyses manus, et vincit Israel; levant sacerdotes et episcopi puras manus cum precibus ad Deum, et victoria datur fidelibus; remittit Moyses manus, et superat Amalec; cessant ab orationibus sancti; et regnant in populo vitia et peccata (214). His autem facile intelligitur quam necessarium sit, Ecclesiæ rectores semper pro populo Dominum exorare. Unde Apostolus ait: « Obedite præpositis vestris, et subiacete eis; ipsi enim pervigilant, quasi rationem 68 pro animabus vestris reddituri (Heb. xiii, 17). » Manus autem Moysi erant graves. « Sumentes ergo lapidem posuerunt subter eum, quo sedit. Aaron autem et Hur sustentabant manus ejus ex utraque parte, et factum est ut manus illius non lassarentur usque ad occasum solis. »

(214) S. Maximus Taurinen. hom. 2 De cruce, eundem Scripturæ locum similiter interpretatur.

Manus, inquit, Moysi erant graves, quoniam et sacerdotum manus peccatorum pondere sæpe gravantur. Multum enim maligni spiritus in hoc laborant, ut sanctorum orationes et manus impellant. Hoc autem Aaron et Hur sentientes lapidem posuerunt subter eum, quo sedit Moyses, quatenus supra firmam petram firmatus, stabilis et inconcussus permaneat. Sed quid per Aaron, qui *mons fortis* interpretatur, nisi illum intelligimus, de quo dicitur: « Dominus fortis et potens, Dominus potens in prælio? » (Psal. xliii, 8.) Quid vero per Hur, qui *ignis* dicitur, nisi Spiritus sanctus, qui in igne discipulis apparuit? Merito igitur Aaron, et Hur Moysi manus sustentant, ne lassentur, quoniam quod sanctorum manus, virtutes et opera stant, neque riant, hoc Christus, Dominus noster, et sancti Spiritus gratia operatur. Factum est igitur ut manus Moysi non lassarentur usque ad occasum solis, quoniam quem Christus, et Spiritus sancti gratia sustentat, sine omni lassitudine usque ad mortem in bonis operibus perseverat. Per solis occasum diei et vitæ terminum intelligimus. Beatus ille, cujus manus talibus adiutoribus sustentantur. Fugavitque Josue Amalec, et populum ejus in ore gladii. Quod tamen Josue vincit, quod vitia, et maligni spiritus superantur, non Josue, sed Moysi, non populo, sed sanctorum orationibus ascribendum est. Unde et subditur: « Scribe hoc ad monumentum in libro, et trade in auribus Josue; delebo enim memoriam Amalec sub cælo. » Ideo enim hoc in libro scribi, et memoriæ commendari, et in auribus Josue tradi præcipitur, ut quicumque ad similitudinem Josue spiritualis vincat inimicos, non sibi, sed sanctorum meritis et orationibus, et Deo miseranti et adjuvanti victoriam imputet; ipse enim pugnat, et vincit; ipse memoriam Amalec sub cælo delet; ipse vitiorum multitudinem destruit. « Edificavitque Moyses altare, et vocavit nomen ejus Dominus exaudito mea, dicens: Quia manus solii Domini, et bellum Dei erit contra Amalec a generatione in generationem. » Merito enim Moyses post victoriam Domino altare constituit, ut ei gratias agat, qui eum exaudiens victoriæ tribuit facultatem; inde autem et altari nomen imposuit: « Dominus exaudito mea, » id est Dominus exaudivit me; atque addit protinus: « Quia manus solii Domini, » id est virtus, et fortitudo sanctorum, in quibus, quasi in propria sede Dominus sedet, et habitat: « et bellum Dei erit contra Amalec, » id est contra vitia et malignos spiritus a generatione in generationem, quia pacem et concordiam nunquam inter se habebunt.

CAPUT XVIII.

« Cumque audisset Jethro sacerdos Madian cognatus Moysi omnia, quæ fecerat Dominus Moysi, et Israel populo suo, tulit Sephoram uxorem Moysi, quam remiserat, et duos filios ejus, et duxit eos ad Moysen, qui mutuo se salutantes lætati sunt. »

Obtulit autem Jethro holocausta, et hostias Domino, deditque consilium Moysi, ut constitueret tribunos, et centuriones, et quinquagenarios, et decanos, qui iudicaret populum, tales videlicet, qui potentes essent et timerent Dominum, in quibus esset veritas, et pdisent avaritiam; ipse vero maioribus negotiis operam daret. Fecitque Moyses, ut ille suggesserat. Quod enim Moyses, qui assidue cum Domino loquebatur, utile consilium Jethro cognati, quamvis gentilis, non respnerit, viris ecclesiasticis, et in sublimitate constitutis exemplum praeiuit, ut minoribus, quamvis peccatoribus, bona et utilia suadentibus credere non delignantur. Unde et Apostolus ait: « Non alta sapientes, sed humilibus consentientes (Rom. xii, 16). » Quales autem iudices esse debeant, satis compendioso sermone comprehendit, dum eos potentes, dominumque timentes, veraces et sine avaritia eligi admonet. Impeditur enim multumque turbatur rectum iudicium, ubi ex his unum aliquid defuerit. Quod vero Christiani non passim, nec temere omnibus communicare debeant, ex hoc facile intelligitur, quia non prius Jethro cum senioribus filiorum Israel cibum sumpsit quam holocausta et hostias Domino obtulerit. Unde et beatus Joannes ait: « Si quis venit ad vos, et hanc doctrinam non avertit, nolite recipere eum in domum, nec ave ei dixeritis; qui enim dicit illi Ave, communicat operibus illius malignis (II Joan. 1, 10-12). »

CAPUT XIX.

« Mense tertio egressionis Israel de Aegypto (215) in die hac venerunt in solitudinem Sinai. Nam profecti de Raphidim, et pervenientes usque in desertum Sinai, castrametati sunt in eodem loco. Ibiqne Israel fixit tentoria e regione montis. » Eadem, inquit, die qua Jethro recessit ab eis, filii Israel profecti de Raphidim, castrametati sunt in deserto Sinai. Raphidim namque, ut diximus, sanitas iudicii interpretatur. Venit ergo populus de Raphidim in desertum Sinai, quia, postquam viri ecclesiastici, sanum iudicium suscipientes, Dei mandata custodire promittunt, ad maiora deducuntur, ut et Deum loquentem audiant, et Spiritus sancti gratias plenius suscipiant. In Sinai enim filii Israel legem susceperunt, et Deum in nube et caligine loquentem audierunt. « Moyses autem ascendit ad montem. Vocavitque eum Dominus de monte, et ait: Haec dices filiis Israel: Vos ipsi vidistis quae fecerim Aegyptiis, quomodo portaverim vos super alas aquilarum, et assumpserim mihi. » Quod enim super alas aquilarum filios Israel Deus portaverit, verum non est, nisi fortasse metaphorice intelligatur. Nam quoniam aquilae praeter ceteris avibus altius volant, inde super alas aquilarum elevati fuisse dicuntur, quod eos terrena pericula laedere non potuerunt. « Si ergo audieritis vocem meam, et custodieritis pactum meum,

A « eritis mihi in peculium de cunctis populis; mea est enim omnis terra, » quoniam quasi proprios, et peculiares praeter ceteris gentibus vos magis diligam. Et quamvis mea sit omnis terra, attamen vos soli eritis mihi in regnum sacerdotale, et gens sancta, quia non diabolus, non vitia, neque tyranni, sed Spiritus sanctus, sacerdotes, et virtutes super vos, et in vobis regnabunt.

« Venit Moyses, et convocatis maioribus natu populi, exposuit eis omnes sermones, quos mandaverat Dominus. Responditque universus populus simul: Cuncta, quae locutus est Dominus, faciemus. » Omnia enim, quae illi populo dicebantur, nobis dicta esse intelligere debemus (216). Nos enim, si volumus ipso adjuvante gens sancta sumus et regnum sacerdotale, diabolo et operibus eius abrenuntiantes, Deo fideliter servire promissimus. Teneamus ergo fidem, servemus promissa, quia propitium et veracem Dominum habemus, cui nos servisse non poenitebit. « Cumque retulisset Moyses verba populi ad Dominum, ait ei, dicens: Jam nunc veniam ad te in caligine nubis ut audiat me populus loquentem ad te, et credat tibi in perpetuum. » Quod enim in caligine nubis cum Moyses Dominus loquebatur, jam tunc suae incarnationis mysterium significabat. Sicut enim tunc Moysi loquebatur, sed nubis caligine tectus non videbatur, ita et postea cum Iudeis loquens carnis velamine tectus videri non potuit. De hac enim nube scriptum est: « Ecce Dominus ascendet super nubem levem, et ingreditur Aegyptum (Isai. xix, 1). »

« Et dixit Dominus ad Moysen: Vade ad populum, et sanctifica illos hodie, et cras, laventque vestimenta sua. Et sint parati ad diem tertium, die autem tertia descendet Dominus coram omni plebe super montem Sinai. Constituesque terminos per circuitum, et dices ad eos: Cavete ne ascendatis in montem, nec tangatis fines illius. » Quid enim per hodie et cras, nisi praesens et tempus futurum intelligimus? Qui igitur hodie et cras sanctificatur, omni tempore sanctificatur. Vestimenta vero lavare, est a peccatorum sordibus carnem mundare. Nam quia carne anima vestitur, ideo vestimenta carnem significant. De his enim vestimentis dicitur: « Omni tempore sint vestimenta tua candida (Eccl. ix, 8). » Tertius vero dies, tertius post agni immolationem mensis intelligitur, quo et tunc Dominus super montem Sinai, et postea Spiritus sanctus super Christi discipulos descendens, omnis scientiae plenitudine fecit eos esse perfectos. Constituuntur autem termini supra montem Sinai, quoniam et mons Sion suos terminos habet, ultra quos eos qui vocati sunt accedere non licet. Quod enim Sinai hoc in loco Sion significet, audi Apostolum dicentem: « Non enim accessistis ad tractabilem montem et accessibilem ignem, et turbinem, ac caliginem; sed accessistis

(215) Vulgata habet de terra Aegypti.

(216) Haec ad dicta Apostoli, Rom. xv, referuntur. Quaecunque scripta sunt, ad nostram doctrinam

scripta sunt. Multo enim maioribus, donis quam Hebraei Deo cumulatam omnem fidem et obedientiam ei prestare studeamus.

ad Sion montem, et civitatem Dei viventis (217) *(Hab. xii, 18)*. » Qui enim non vocatus ad gradus et honores ecclesiasticos ascendere nititur, ille procul dubio ad interdictos terminos montis accedit, morte morietur. Unde et subditur : « Omnis enim qui » tetigerit montem, morte morietur. Manus non » tanget eum, sed lapidibus opprimetur, aut con- » fodietur jaculis, sive jumentum fuerit, sive homo, » non vivet. Cum cœperit clangere buccina, tunc » ascendant in montem. » Quæ enim prope sunt, manu tanguntur; quæ vero longe, aut lapidibus, aut jaculis feriuntur; per quod non in præsentii, sed in futuro contra hos tales judicandum esse significat, quasi enim de longinquo super eos lapides, et jacula venient, quoniam non modo feriuntur, sed post hanc vitam æternis suppliciis damnabuntur. Sive jumentum fuerit, sive homo, non vivet, quoniam sive stultus, sive sapiens hæc talia præsumperit, mortis periculo subiacet. Multos enim et fatuos, et sæculi sapientia præditos, quamvis non vocentur, montis tamen hujus excelsa audacter conscendere videmus; expectent igitur, donec vocentur: expectent, donec buccina clangat. Hoc est enim, quod dicitur : « Cum cœperit buccina clangere, tunc ascendant in montem, » tunc ascendant, quando eis invitatis dicetur : « Amice, ascende superius *(Luc. xiv, 10)*. »

« Descenditque Moyses de monte ad populum, et » sanctificavit eum. Cumque lavissent vestimenta » sua, ait ad eos : Estote parati in diem tertium, et » ne appropinquetis uxoribus vestris. » O quantum ab illicitis abstinere debent, quibus ipsa quoque Mita interdiciunt. De his enim Apostolus ait : « Qui habent uxores, tanquam non habentes sint *(1 Cor. vii, 29)*. » Jam advenerat tertia dies, mane » inclaruerat, et ecce cœperunt audiri 70 tonitrua, » ac micare fulgura, et nubes densissima operire » montem, clangorque buccinæ vehementer obstre- » pebat. » Vide quam bene utrumque testamentum sibi respondeat, et quam convenienter Pentecostes in utroque celebretur. In Actibus apostolorum scriptum est : « Tunc reversi sunt Jerolimam a monte, qui vocatur Oliveti, et cum introfissent in cœnaculum, ascenderunt ubi manebant Petrus, et Joannes, et Andreas, et Thomas, Bartholomæus, et Matthæus, Philippus, Jacobus Alphæi, et Simon Zelotes, et Judas Jacobi. Hi omnes erant perseverantes unanimiter in oratione cum mulieribus, et Maria matre Jesu, et fratribus ejus *(Act. i, 12)*. » Hæc tam sancta coadunatio vocatur Ecclesia; hæc dicitur mons Sion. In hunc montem descendit Dominus, servata quodammodo similitudine, et tempore quo descendit in montem Sinai. Jam enim, inquit Moyses, advenerat dies tertius, et mane inclaruerat, et cœperunt audiri tonitrua, ac micare fulgura, etc. Dicamus ergo et nos : Jam advenerat tertius mensis, et Pentecostes, id est quinquagesimus dies inclaruerat, et

A sicut beatus Lucas evangelista scribit : « Factus est repente de cœlo sonus tanquam advenientis spiritus vehementis, et replevit totam domum, ubi erant sedentes. Et apparuerunt illis dispersitæ linguæ tanquam ignis, seditque super singulos eorum, et repleti sunt omnes Spiritu sancto, et cœperunt loqui variis linguis, prout Spiritus sanctus dabat eloqui illis *(Act. ii, 2)*. » Ecce enim in utroque et sonus auditur, et ignis videtur. Sed in illo nubes caliginosa, in hoc autem clarissimi luminis splendor apparet, quoniam illa umbra erat, atque figura, hoc autem veritas; quod enim ibi tonitrua, hic apostolorum voces intelliguntur, quod ibi micantia fulgura, hic miracula ubique fulgentia; nubes vero densissima, quæ montem operiebat, apostoli sunt, salutaribus pluvii Ecclesiam irrigantes. Clangor vero buccinæ perstrepens vehementer, doctorum omnium prædicationem longe lateque intonantem significabat.

« Timuit populus, qui erat in castris. Cumque » eduxisset eos Moyses in occursum Dei de loco » castrorum, steterunt ad radicem montis; totus » autem mons fumabat, eo quod descendisset Do- » minus super eum in igne, et ascendit fumus ex » eo, quasi de fornace. » Hic autem timor admirationis et reverentiæ erat. Quod autem dicitur quia » venerunt de loco castrorum in occursum Dei ad ra- » dices montis Sion, » id est quod in Actibus apostolorum dicitur : « Facta autem hac voce convenit multitudo, et mente confusa est *(ibid. ii, 6)*; » convenit populus de tota Jerusalem ad radices montis Sion, id est ad eum locum, ubi Sion, id est S. Ecclesia, jactis quodammodo fundamentis ædificabatur. Ibi enim erant apostoli, ibi erat mater Jesu, ibi in semine, atque principis erat totus mons Sion, et mente confusa est, præ timore videlicet, et admiratione. Unde et hic dicitur quia « timuit omnis populus, qui erat in castris; » hic enim timor illum timorem significabat. Totus autem mons fumabat, eo quod descendisset Dominus super eum in igne, et ascendit fumus ex eo, quasi de fornace. Hoc enim prædixerat Joel propheta, dicens : « In diebus illis effundam Spiritum meum super omnem carnem, et prophetabunt filii vestri, et filię vestræ, etc., et dabo prodigia in cœlo sursum, et signa in terra deorsum, sanguinem, et ignem, et vaporem fumi *(Joel ii, 28)*. » Non enim poterant non ardere, et non fumare, quos tantus ignis Spiritus sancti succenderat. Sicut enim per fumum ignis adesce monstratur, ita per verborum constantiam, per linguarum diversitatem, Spiritus sanctus in apostolorum cordibus ardere monstrabatur, Beata illa corda, quæ hoc igne replentur! beati illi, qui sic ardere merentur! Stupebant autem omnes, et mirabantur dicentes : « Nonne isti, qui loquuntur, Galilæi sunt? Et quomodo nos audivimus unusquisque linguam no-

(217) Id. cod. S. Cr. Laurent. : *Non enim accessis ad tractabilem, et accessibilem ignem et turbam, et colligam et procellam, et tubæ sonum, etc.*

sed e contra accessistis ad Sion montem, etc. Consonat cod. Casinensis.

stram illos loquentes? » (Act. 11, 8.) Hic ergo A
sumus monstrabat exterius, quantus qualisque ignis
arderet interius. Sequitur : « Eratque mons om-
nis terribilis, et sonus buccinæ paulatim cresce-
bat in majus, et prolixius tendebatur. Moyses
loquebatur, et Dominus respondebat ei. » Cui
enim mons iste, id est cæstus apostolicus non vide-
batur esse terribilis, qui homines prius inscios, et
vix unius linguæ peritos, nunc omnibus linguis
loqui audiebat? Crescebat autem paulatim sonitus
buccinæ, et prolixius tendebatur, quoniam aposto-
lorum vox, et prædicatio paulatim proficiens cresce-
bat, et longius audiebatur donec « in omnem terram
exivit sonus eorum, et in fines orbis terræ verba
eorum (Psal. xviii, 5). » Hæc est enim illa buccina,
cui dicitur : « Clama, ne cesses, quasi tuba exalta
vocem tuam (Isai. lviii). » — Moyses autem loque-
batur, et Dominus respondebat ei; » quoniam,
prædicantibus apostolis, eorum corda Dominus res-
pondendo docebat. Siquidem non ipsi, sed Dominus
loquebatur in eis.

« Descenditque Dominus super montem Sinai,
« in ipso montis vertice, et vocavit Moysen in cacu-
men ejus. » Stat autem Dominus super verticem
montis Sinai, per quem Sion intelligitur de quo
ait : « Ego autem constitutus sum rex ab eo super
Sion montem sanctum ejus (Psal. 11, 6); » ibique
in ipsum ejus cacumen Moysen vocat, per quem
apostoli intelliguntur, qui super universam Eccle-
siam principes constituti, altiores præ cæteris pos-
sident sedes. « Dixitque ad eum : Descende, et con-
testare populum, ne forte velit transcendere terminos
ad videndum Dominum, et pereat ex eis plurima mul-
tudo. » Terminos namque transcendere est eccle-
siasticas dignitates contra Dei voluntatem usurpare.
Stet igitur unusquisque in suo ordine, neque prius-
quam vocetur, interdictum sibi terminum transcen-
dere velit. 71 Sacerdotes quoque et populi, qui ac-
cedunt ad Dominum, sanctificentur ne percutiat eos.
Hoc est enim, quod Apostolus ait : « Ideo inter vos
multi infirmi, et imbecilles, et dormiunt multi. Si
enim nosmetipsos judicaremus, non utique judica-
remur (11 Cor. xi, 30). » Timeat ergo ne percutiatur,
qui non sanctificatus ad Dominum accedere præsu-
mit. Accessit enim rex Ozias, et lepra percussus
est; accesserunt filii Aaron, et mortui ceciderunt;
accessit Dathan et Abiron, et devoravit eos terra;
accessit Oza ad arcam, et percussus a Domino in-
terit. Sequitur :

« Vade et descende, ascendesque tu, et Aaron
tecum : sacerdotes autem et populus, ne trans-
eant terminos, nec ascendant ad Dominum, ne
forte interficiat illos. » Hoc audiant sacerdotes, et
suis terminis contenti illuc ascendere non præsu-
mant, quo soli Moyses et Aaron jubentur ascen-
dere;

(218) Castus Innocens Ansaldus O. P. in libro
inscripto : *De sacro et publico apud ethnicos pictarum
tabularum cultu, adversus Græcos schismaticos*, eru-
ditissime demonstrat, locum illum Exodi ita intelli-

altius enim episcopis quam sacerdotibus ascendere
conceditur, et quædam Dei secretorum agunt
episcopi, quæ cæteris sacerdotibus agere non licet.
Descenditque Moyses ad populum, et omnia narra-
vit eis. Sic enim et apostoli, quæcunque audierunt a
Domino narraverunt nobis.

CAPUT XX.

« Locutusque est Dominus cunctos sermones hos :
« Ego sum Dominus Deus tuus, qui eduxi te de terra
« Egypti, et de domo servitutis. » Hos autem ser-
mones cum Dominus loqueretur, cunctis populus
audiebat. Hæc sunt decem verba legis, in quibus
tota lex continetur, quæ quidem, cunctis audienti-
bus, prius in monte locutus est; postea vero bis in
tabulis lapideis scripsit, quoniam primas tabulas
B Moyses iratus confraxerat. In principio autem locu-
tionis docet eos, quis sit, dicens : « Ego sum Domi-
nus Deus tuus, » cui non immerito obtemperare, et
credere debes; quoniam ego « eduxi te de terra
Egypti, et de domo servitutis. »

« Non habebis deos alienos coram me. » Hoc est
mandatum, quo omnes dii abijciuntur, et unus æ-
verus Deus adorari præcipitur, qui ubique est, in
cujus conspectu stat omnis creatura. Et ideo dicit,
coram me, quia qui coram eo non sit, nusquam sit.
Pro hoc autem mandato et SS. apostoli et cæteri
martyres sunt interfecti. Merito igitur ponitur pri-
mum, quod prius defendere necesse erat. Secundum
autem mandatum est : « Non facies tibi sculptile, »
C in quo idolorum et simulacrorum omnium religio
evacuatur (218). Neque omnem similitudinem, quæ
est in cælo desuper, ut solis, lunæ et stellarum, et
quæ in terra deorsum, ut Saturni, Jovis et Mercurii,
nec eorum quæ sunt in aquis, ut Neptuni, et Nym-
pharum, et quæ sub terra, ut Plutonis, Charontis,
Cerberi et similibus. Hæc enim omnia gentilitas
decepta colebat, et quia eos videre non poterat,
eorum simulacra adorabat. « Ego enim sum Dominus
« Deus tuus, fortis, et zelotes; » et quia fortis sum,
vindicare me possum; quia vero zelotes, utrobique
merita reddam. Zelotes enim, qui diligit, et qui
odit, intelligi potest. « Visitans iniquitatem patrum
« in filiis in tertiam et quartam generationem
« eorum, qui oderunt me, et faciens misericordiam
D « in millia his, qui diligunt me, et custodiunt præ-
cepta mea. » Filius enim, si bonus fuerit, non
portabit iniquitatem patris; si vero malus fuerit, et
suam, et patris iniquitatem luendo sustinebit. Quod
si et pater bonus fuerit, et a patris bonitate filius
non recesserit, multo majoribus bonis pro patris
bonitate ditabitur. Inde enim est, quod semen
Abrahæ a Domino diligebatur; inde et de tribu Juda
propter David, regnum penitus non auferitur. « Non
« assumes nomen Dei tui in vanum; nec enim habe-
bit insontem Dominus eum, qui assumpserit nomen

gendum, ut non velentur modo alta sculptilia, sed
nec etiam picturæ et levia sculptilia, quæ anagy-
phica dicuntur.

« Deisui frustra. » Hic enim et omne mendacium tollitur, et gratia Dei, ne in vanum recipiatur, indicitur. Nam uterque reus est, et ille, qui in Christi nomine jurat, et non custodit, et ille qui in Christi nomine vocatur Christianus, et fidem Christi non observat. Et quidem nomen Domini in vanum assumit, et quasi parvipendens pro nihilo reputat, quicunque ea, quæ vel affirmat vel negat, non custodit. Cum vero quasi pignus nomen Domini tibi creditur, recordare pignoris, et noli abjurare promissum. « Memento ut diem Sabbati sanctifices. » Sic enim dicitur : « Sanctificate jejunium. » Sabbatum sanctificare est, a bonis operibus non cessare. Cum enim Sabbatum per se sanctum sit, bene operando fit sanctus. « Sex diebus operaberis, et facies omnia opera tua; » id est opera tuæ utilitatis. Cum enim male agis, non tua, sed diaboli opera facis. « Septimo autem die Sabbatum Domini Dei tui est : non facies in eo omne opus. » Reprehenditur Christus quasi male agens, quoniam multa in Sabbatis operabatur. Sabbato enim homini, quem sanaverat, præcepit, dicens : « Tolle grabatum tuum, et ambula (Joan. v, 8). » Aliter ergo Christus, aliter Judæi de Sabbato intelligebant. Nam quia dicitur : « Nihil operis facietis in eo, » etiam bonum opus si in eo fieret, putabant esse peccatum. Quorum stultitiam Dei sapientia irridens, dicebat : « Si licet Sabbato curare? » (Luc. xiv, 3.) Et nullo quidem die tot homines, quot in Sabbato Salvator noster sanasse legitur; unde datur intelligi, **72** quia ille melius Sabbatum colit, qui plus bonitatis, misericordiae et pietatis in eo operatur. Sed nunquid uno tantum die in hebdomada, bona agere, et sabbatizare debemus? Omni namque die Sabbatum est illis, qui omni die declinant a malo, et faciunt bona. Quiescere enim ab operibus, quid nisi a peccatis debere quiescere significabat? Dicatur ergo : « Sabbatum est, non facies in eo omne opus tu, et filius tuus, et filia tua, et servus tuus, et ancilla tua, et jumentum tuum, et advena, qui est intra portas tuas; » hæc enim omnia nocere possunt, atque in his omnibus peccamus. Non enim solum si filius, et servus meus, et advena, qui in mea custodia est, per meam negligentiam furantur et occidunt, et aliis modis delinquant, peccatum mihi est; verum etiam si jumentum meum aliis damnum inferat, mihi imputari debet. Sex enim diebus fecit Deus cælum et terram, mare et omnia quæ in eis sunt, et requievit in die septimo; ideoque benedixit Dominus die septimo, sive Sabbato, et sanctificavit eum. Requiescamus igitur et nos omni die, nihilque mali operemur, quatenus, et dies nostri omnes benedicantur. « Dies enim illi, ut Apostolus ait, mali sunt, in quibus mala opera fiunt (Ephra. v, 16). » Omnes igitur dies nostri vertuntur in Sabbatum, si in omnibus quiescamus et cessamus a malo. Nec hoc

A dico, quod in festivis diebus, etiam a licitis vacare non debeamus, quoniam quidquid contra sanctorum constitutiones fit, peccatum est (219).

« Honora patrem tuum, et matrem tuam, ut sis longævus super terram, quam Dominus Deus tuus dabit tibi. » Magnum est hoc mandatum, quod qui observaverit, et terra habitationis, et longa vita eis promittitur. Quamvis enim juxta litteram intellectum mentem ædificet, plenumque sit pietatis; majus tamen aliquid significare videtur. Pater enim noster ille est, cui quotidie dicimus : « Pater noster qui es in cælis (Math. vi, 10) : » mater vero nostra, sancta Ecclesia, quæ nos ex aqua et Spiritu sancto Domino genuit. Hos autem si honoramus, omnia legis mandata adimplemus. Qui enim peccat, Dominum inhonorat, qui peccare omnibus interdicit : qui vero proximum in aliquo lædit, contra Ecclesiam facit, cujus membrum et filius ipse est. Id ipsum igitur est : honora patrem tuum, et matrem, quod est : « Diliges Dominum Deum tuum ex toto corde tuo, et proximum tuum, sicut teipsum (Math. xxii, 37). »

« Non occides, non mœchaberis, non furtum facies, non loqueris contra proximum tuum falsum testimonium : non concupisces domum proximi tui : non desiderabis uxorem ejus, non servum, non ancillam, non ovem, non bovem, non asinum, nec omnia quæ illius sunt. » Hæc enim quinque mandata ad proximum, quinque vero superiora ad Deum spectant. Et quamvis hæc in illis contineantur, satique in illis intelligi possent, voluit tamen Deus nominatim et speciatim ponere, quoniam in his homines frequentius peccant. Cum enim præ cæteris hæc interdici audiunt, curiosius hæc evitare et fugere debent. De concupiscentia vero dicit Apostolus : « Concupiscentiam nesciebam esse peccatum, nisi lex diceret : Non concupisces (Rom. vii, 8). » Quomodo enim non potest esse peccatum, quod pene in omnibus est causa peccati? Fornicatores enim, adulteros, fures et raptores concupiscentia facit, et alia quidem multa ex hac radice oriuntur, quæ si succisa fuerint, pariter cum ea cessabunt.

« Cunctus autem populus audiebat voces, et lapides, et sonitum buccinæ (220), montemque fumantem, et perterriti, ac pavore concussi steterunt procul, dicentes : Loquere tu nobis, et audiemus, non loquatur nobis Dominus, ne forte moriamur. » Mons enim iste apostolos designat, per quem igne Spiritus sancti interior ardent; ideo exterior fumare videntur. De his enim dicitur : « Tange montes, et fumigabunt (Psalm. cxliii, 5) : » non enim fumarent, nisi arderent; fumus igitur pro incendio ponitur. Per voces autem et sonitum buccinæ, qui in monte audiuntur, verbum prædicationis intelligitur, per apostolorum ora ubique resonans. « Non enim, ut ipsa Veritas ait, ipsi loquebantur, sed Spiritus san-

sun!

(220) Ita Vulgata, et cod. bibl. M. A.

(219) Alludit S. Bruno ad SS. canones quibusdam temporibus et festivis diebus vetantes solemnitatem nuptiarum, choræ et venationes, quæ alias licite

etus in eis (*Act. vi, 10*). » Lampades autem splendor sunt miraculorum. Perterriti autem, et povere concussi Judæi fuerunt, quoniam ad apostolos venientes dixerunt : « Quid faciemus viri fratres? » Quod beatus Petrus ait : « Pœnitentiam agite, et baptizetur unusquisque vestrum (*Act. ii, 38*). » Quid enim aliud dicere erat : « Quid faciemus, viri fratres? » nisi quod populus dicebat Moysi : « Loquere tu nobis, et audiemus? » Utrumque enim ex timore procedit. Quid faciemus, inquit, loquimini, date consilium : « non loquatur nobis Dominus, ne forte moriamur. » Qui enim apostolis loquentibus credere noluerunt, quandoque ipsum Dominum loquentem, et mortis sententiam inferentem, audituri sunt. Hoc igitur timentes dicunt : « Loquere tu nobis, quid faciemus? » Date consilium, monstrate viam, non loquatur nobis Dominus, non irascatur nobis, peccavimus, veniam petimus. « Et ait Moyses ad populum : Nolite timere; ut enim probaret vos, venit Deus, et terror illius esset in vobis, et non peccaretis. » Hoc enim et Petrus dicebat : « Pœnitentiam agite, et baptizetur unusquisque vestrum. » Nolite timere : non ad perdendum, sed ad servandum vos, venit Deus. Si enim non venisset, et locutus fuisset, peccatum non haberetis. **73** amodo excusationem non habebitis de peccatis vestris : probati enim estis, vocati estis, signa et miracula vidistis; nolite ergo peccare, convertimini, et timete Dominum. Sequitur :

« Stetitque populus de longe : Moyses autem accessit ad caliginem, in qua erat Dominus. » Quid enim per caliginem, nisi Scripturarum obscuram, et profundam scientiam intelligimus? secundum illud : « Tenebrosa aqua in nubibus aeris (*Psal. xvii, 12*). » Ab hac autem populus longe stat, solus Moyses eam ingreditur, quoniam soli sancti, et spirituales viri secreta Scripturarum sacramenta intelligunt, ibique Deum inveniunt. Neque enim credendum est totum illum populum hæc intellexisse, quæ tunc in illa caligine Moysi revelata fuerunt.

« Dixitque præterea Dominus ad Moysen : Hæc dices filiis Israel : vos vidistis, quod de cælo locutus sum vobis. » Non enim de cælo, sed de monte Dominus loquebatur. Nisi forte per cælum, aerem intelligamus, qui frequenter pro cælo accipitur. Unde est illud : « Volucres cæli (*Psal. viii, 8*), » cum utique volucres in cælum non ascendant. « Non facietis deos argenteos, nec deos aureos » facietis vobis. » Hoc audiant avari, qui aurum et argentum quasi deos colunt et venerantur. Unde avaritia idolorum servitus dicitur (*Gal. v, 20*). « Altare de terra facietis mihi; » altare namque de terra homo est, quia de terra factus est homo. In hoc enim altari Christi carnem et sanguinem suscipit; in hoc altari fit illud sacrificium, de quo Psalmista loquitur, dicens : « Sacrificium Deo spiritus contribulatus (*Psal. l, 19*). » Unde et subditur : « Et offeretis super eum holocausta, et pacifica vestra. » In hoc altari, Deum quidem nobis

A placabilem et propitium facimus, oves videlicet et boves offerendo. Oves enim offerimus, cum patientiam et simplicitatem Deo vovemus. Boves autem, quando nos sub iugo Christi humiliamus. Hoc autem non in sola Jerusalem, sed in omni loco fieri jubet, in quo fuerit memoria nominis ejus; quoniam et altare ubique habemus; siquidem nos ipsi altaria sumus, et hostiæ, quas offerimus, quia non aliunde eas accipimus, sed in nobis eas portamus. « Quod si altare lapideum feceris mihi, non ædificabis illud de sectis lapidibus. » Fit enim altare de lapidibus, quando ex infructuosis et peccatoribus hominibus Ecclesia ædificatur. Unde scriptum est : « Potens est Deus de lapidibus suscitare filios Abraham (*Matth. ix, 9*). » Non autem de sectis lapidibus hoc altare ædificatur, quia non est personarum acceptator Deus, sed in omni gente, qui timet Deum et operatur justitiam, acceptus est illi. Unde et Apostolus ait : « Videte, fratres, quia non multi nobiles secundum carnem, non multi potentes, vel sapientes sunt inter vos. Sed quæ stulta sunt, elegit Deus, ut perdat sapientiam, et infirma elegit Deus, ut confundat fortia (*I Cor. i, 26*). » Si ergo solos sapientes, divites, nobiles et potentes admonuissent apostoli et prædicassent, tunc de sectis lapidibus altare construere conarentur; sed quia hi tales magis terrena, quam cælestia appetebant, apostolorum prædicationem et Christi passionem stultitiam reputabant. Unde Apostolus ait : « Nos prædicamus Christum crucifixum, Judæis quidem scandalum, gentibus autem stultitiam (*ibid., 23*). » Ideo autem subditur : « Si enim levaveris cultrum tuum super eo, polluetur. » Quid enim per cultrum, nisi gladium spiritus, quod est verbum Dei, intelligamus? Hic autem culter ad mactandam hostiam super altare levatur, quando in populo Christi passionem, et qualiter agnus in cruce immolatus fuerit, doctores prædicant. Polluitur autem culter, id est sanctorum prædicatione super tali altari elevata, quando contemptui et derisioni ab eis habetur. Unde ipse Dominus ait : « Nolite dare sanctum canibus, neque mittere margaritas ante porcos (*Matth. vii, 6*). » Sequitur : « Non ascendes per gradus ad altare meum, ne reveleetur turpitudinis tua. » Ecce jam aliud altare, cæterisque excellentius, ad quod per gradus tamen ascendere interdicitur. Hoc enim altare fides est Trinitatis, ad quam ille per gradus ascendit, qui majus et minus in Trinitate credit, et intelligit. Plane igitur, et non per gradus ad hoc altare ascendamus, et Patrem, et Filium, et Spiritum sanctum æquales esse credamus. Per gradus enim Arius ad altare ascendit; ideoque ejus turpitudine, ejus stulta et nefanda hæresis cunctis gentibus est revelata : ascendens enim cecidit, fuscisque visceribus turpiter, et inaudita morte interiiit.

CAPUT XXI.

« Hæc sunt judicia, quæ propones filiis Israel. » Si emeris servum Hebræum, sex annis serviet tibi, in septimo egredietur liber gratis. Cum quæ-

« veste intraverat, cum tali exeat; si habens uxo-
 « rem, et uxor egrediatur simul. » Quid enim per
 Hebraum, qui *transiens* interpretatur, nisi eos, qui
 ad Ecclesiam et ad fidem catholicam transeunt,
 intelligamus? Hos autem Christus Dominus noster
 (qui per Moysen, cui ista dicuntur, significatur)
 suo pretioso sanguine emit. Sed quia sex diebus
 factus est mundus, et sex ætatibus consistit, fre-
 quenter per sex annos, vel dies omne vitæ hujus
 tempus intelligitur. Sex ergo annis servit, qui omni
 vitæ suæ tempore servit. Sunt autem qui fideliter
 serviunt, et a Domini sui servitio, et servitute nun-
 quam recedere volunt. Sunt autem alii, qui, quam-
 vis servire videantur, et in domo Domini sui, quæ
 est Eccles'ia, omni vitæ suæ tempore consentur,
 graviter tamen serunt **74** servitutem. De talibus
 igitur dicitur: « In septimo anno egrediatur liber
 gratis. » Bonus et clemens Dominus qui, quamvis
 servum suum infidelem et nequam esse sciat, de
 domo tamen eum non expellit; exspectat septimum
 annum, exspectat fidem hebdomadæ, et terminum
 vitæ; si vel tunc conversus poenituerit, et nocivam
 libertatem non dilexerit, adhuc cum Domino suo
 poterit habitare; alioquin egrediatur liber, sed
 mala libertate. Soli enim illi Liberi sunt, qui Domino
 serviunt. Et gratis quidem liber egreditur, quia
 nihil apud Dominum de ejus pecunia, vel substantia
 retinetur. Unde et subditur: « Cum quali veste intra-
 « verit, cum tali exeat: » male quidem indutus ve-
 nit, et male indutus recedit; quoniam illam vestem
 candidam perdidit, quam in baptismo suscepit. In-
 duitur autem prima veste, priusque conversationis
 indumento. De hac enim veste Ecclesia dicit: « Exspo-
 liavi me tunica mea, quomodo induar illa? » (*Cant.*
v. 5). Qui enim sic loquitur, non vult a Dei rece-
 dere servitute. « Si habet uxorem, et uxor egredia-
 « tur simul; » malum maritum mala uxor sequatur:
 hæc enim vana religio est, et stulta mundi hujus sa-
 pientia intelligitur; hæc uxor malos, et vitiorum
 filios gignit et nutrit: de hac enim avari, superbi et
 raptores oriuntur. Hæc ergo tam impia pellatur de
 Ecclesiæ penetralibus.

« Sin autem dominus suus dederit illi uxorem, et
 « peperit filios, et filias, mulier, et liberi ejus erunt
 « domini tui, ipse vero exibat cum vestitu suo. »
 Nulli servorum fit violentia, nullus retinetur invitus,
 vult recedere, relinquit domesticas vestes, recipiat
 proprias, eas videlicet, de quibus modo superius
 diximus. Huic enim servo dominus suus dedit uxo-
 rem, sanam scientiam et ecclesiasticam religionem,
 quæ peperit et filios et filias, per quos mores hone-
 stos et virtutes intelligimus; tales enim filios et filias
 generat Christiana religio. Hæc igitur mulier cum
 liberis suis ingratus et fugitivum servum non
 sequitur, sed, ea recedente, cum eo remanet, a quo,
 servo tunc fidem promittenti tradita fuerat. « Quod
 « si dixerit servus: Diligo dominum meum, et uxo-
 « rem, et liberos, non egrediar liber: offerat eum

(221) Cod. Casin. non habebit potestatem.

« dominus diis, et applicabitur ad ostium et postes,
 « perforabitque aurem ejus subula, et erit servus in
 « perpetuum. » Bonus servus, qui dominam diligit,
 tamque religiosam uxorem, et tam præclaros filios
 et filias, magisque vult cum his servus manere,
 quam, his relictis, egredi cum libertate. Non enim
 omnes servi mali. Bonus enim servus ille est, cui di-
 citur: « Euge, serve bone et fidelis, intra in gau-
 dium Domini tui (*Matth. xxv. 21*). » Hunc ergo
 servum offert dominus diis: ille utique dominus, qui
 super jumentum suum hominem a latronibus vul-
 neratam imponens, duxit in stabulum, et curam ejus
 egit. Sed quibus diis, nisi episcopia et Ecclesiæ recto-
 ribus? Si enim regum filii reges dicuntur, cur Dei
 filii dii non dicantur? Dicit enim Psalmista: « Ego
 dixi: Dii esitis et filii Excelsi omnes (*Psal. lxxxi.*
6). » Isti autem dii, et ostium dicuntur et postes;
 quoniam in introitu ecclesiæ stantes, omnes venien-
 tes in ecclesiam introducunt. Merito ergo bonus ser-
 vus diis offerri, atque ad ostium et postes appli-
 cari dicitur, quoniam omnis qui Christum et Chri-
 stianam religionem diligit, his semper adherere de-
 siderat, et verba vitæ ab eis defluentia, vigilantem sem-
 perque aperta aure cordis incessanter suscipit;
 « qui enim ex Deo est, verba Dei audit (*Joan. viii.*
47). » Unde et subditur: « Et perforabit aurem ejus
 « subula, et erit servus in perpetuum. » Illæ enim
 aures sunt apertæ et perforatæ, quæ semper ver-
 bum Dei audire cupiunt; sic e contrario illæ sunt
 clausæ, de quibus dicitur: « Sicut aspidis surdæ,
 et obturantis aures suas, quæ non exaudiet vocem
 incantantium (*Psal. xvii. 6*). » Stemus igitur et
 nos ad ostium, et postes, et aures perforatas et
 apertas altius erigentes, Dominum dicentem audia-
 mus: « Qui habet aures audiendi, audiat (*Marc.*
iv. 23); » et beatum Joannem: « Qui habet aures,
 audiat, quid Spiritus dicat ecclesiis (*Apoc. ii. 29*). »
 Subula autem, qua aures perforantur, Spiritus san-
 cti afflatio intelligitur.

« Si quis vendiderit filiam suam in famulam, non
 « egrediatur; sicut ancille exire consueverunt. »
 Quæ enim superius exstitit uxor, nunc filia vocatur.
 Christiana namque religio et uxor est, cum filios
 generat; et filia est, cum ipsa ab aliis generatur.
 Generator enim a prædicatoribus in cordibus audiu-
 rum. Unde hic dicitur: « Si quis vendiderit filiam; »
 vendit enim prædicator filiam suam, id est Christia-
 nam religionem, quando pretio fidei quodammodo
 generat. Bene autem famula vocatur, quoniam nulli
 sine fidei pretio datur: nemo enim baptizatur, nisi
 prius fidem promittat. Hæc autem non egreditur,
 sicut ancille exire consueverunt, sed caste traditur,
 honeste ducitur, et religiose suscipitur: bene in-
 duta, bene composita, et bene ornata, ut merito pla-
 ceat emptori. Si displicuerit oculis domini sui, cui
 tradita fuerit, dimittat eam; populo autem alieno
 vendendi non habeat potestatem (221), si spreverit
 eam. Multi enim baptizati sunt, et Christianam re-

figionem cum amore susceperunt, qui male vivendo, et per flagitia ruendo, quantum eis ea displiceat, patienter ostendunt. Irascuntur enim et fugiunt, si bene agere admoneantur: hi autem dimitunt eam, quia nolunt vivere et habitare cum ea. Populo autem alieno vendendi non habent potestatem, quoniam **75** qui eam spernit, aliis eam tradere, et prædicare non licet; secundum illud: «Peccatori autem dixit Deus: Quare tu enarras iustitiam meam, et assumis testamentum meum per os tuum?» (*Psalm.* XLVIII, 16.) Unde et Apostolus: «Qui prædicas non furandum, furaris; qui dicis non mœchandum, mœcharis; qui abominaris idola, sacrificium facis (*Rom.* II, 22).» Soli igitur illi filii Christi aliis vendant, et tradant, qui eam diligunt, et ab ea recedere nolunt.

«Sin autem filio suo desponderit eam, juxta morem filiorum faciet illi. Iste enim filius animus est, qui de cordis utero procedit et gignitur. Si ergo desponderit eam filio suo, et eam diligens, casto et sincero amore colligaverit animo suo, juxta morem filiorum faciet illi, bene dotando, bene ornando, bene tractando matrem familias, et dominam totius domus constituendo. «Quod si alteram ei acceperit, providebit puellæ nuptias, et vestimenta, et pretium pudicitie non negabit; si tria ista non fecerit, egredietur gratis absque pecunia.» His etenim verbis illi apertissime denotantur, qui a sincera et vera religione in hypocrisim et amore sæculi postea delabuntur. Isti enim prioris amoris obliti, et a prioris uxoris complexibus longius distracti, aliam uxorem filio suo, id est animo, et desiderio suo accipiunt, atque conjungunt; sequuntur avaritiam, congregant divitias, et sæculi voluptatibus traditi, caduca, et transitoria diligunt et quoniam prioris uxoris religione multa conquirunt, eam se adhuc habere et tenere simulantes, illam laudant, illam extollunt, illam prædicant, illam verborum compositione ornant et vestiunt. Hoc est enim et nuptias puellæ providere, et vestimenta, et pretium pudicitie non negare. Nuptias quidem ei provident, dum eam laudantes, dignam esse dicunt, quæ ab hominibus suscipiatur, dum neque legitimos filios ex alia nasci, neque legitimum matrimonium cum alia fieri posse testantur. Dant autem ei et vestimenta, dum verborum compositione eam exornant. Dant et pretium pudicitie, dum ejus castitatem, verecundiam, et mores laudant, et hæc agentes non hypocritis et simulatores, sed veri et religiosi

A Christiani esse creduntur. Si vero tria ista non fecerit, et ea, quæ modo diximus, simulare nescierit, illa egredietur gratis, et absque pecunia, quia et ille religionem perdet, et pecuniam non acquirat. Et multos quidem tales videmus, qui a prima suæ conversationis religione separati nescientes decipere, quales sunt interius, tales exterius apparent.

«Qui percusserit hominem, volens occidere, morte moriatur.» Omnia enim, quæ vel in Veteri, vel in Novo Testamento scripta sunt, si juxta litteram intelligi non possunt, spiritualiter intelligere necesse est. Homicidæ autem alii corporis, alii animæ. Hæretici enim, et adulatores animas occidunt, quod quia sponte faciunt, nisi poenitentiam egerint, morte æterna moriuntur. Ad quorum similitudinem de corporis quoque homicidis intelligendum est.

«Qui autem non est insidiatus, sed Deus tradidit illum in manus ejus, constituam tibi locum, quo fugere debeat.» Hoc autem de illis dicitur qui non sponte, sed casu hominem occidunt. His enim ad civitates fugitivorum fugere conceditur, in quibus manere debent, donec maximus pontifex moriatur. Sex enim civitates æquali spatio inter se divisæ fuerant, in quibus hi tales homicidæ salvi erant. Sed quid per sex civitates, nisi sex dies, in quibus operari licet? Quid vero per maximum pontificem, nisi Christum intelligimus? Fugiebant ergo homicidæ ad has civitates, ut quandiu in hac vita consistent, non otiose in his civitatibus, id est in his sex diebus vitam ducerent, sed dura poenitentia carnem domantes, mortis periculum evadere desudarent. Unde etiam extra eas inventi impune occidebantur; quoniam et peccatores sine poenitentia reperti damnabantur. Manebat autem in civitate, donec summus pontifex moreretur; quoniam ante Christi passionem, etiam peracta poenitentia, nulli in cœlestem patriam redire concedebatur (222).

«Si quis de industria occiderit proximum suum et per insidias, ab altari meo avellat eum, ut moriatur.» Ubique autem subaudiendum est, nisi satisfecerit et dignam poenitentiam egerit. Mors quoque, sicut supra, dupliciter intelligi debet.

«Qui percusserit patrem suum, aut matrem suam, moriatur.» Quamvis enim patrem et matrem percutere magnum sit peccatum, ego tamen majus aliquid hic intelligo. Patrem enim et matrem, Deum et Ecclesiam dici puto. Illis autem qui derogaverit, vel lingue jaculo eos blasphemando percusserit, mortis sententiæ subiacebit. Id ipsum autem ei con-

(222) A Christo Domino mortis, ac diaboli triumphatore ad paternam sedem reneante, apertas fuisse paradisi portas; divinis adhærentes oraculis omnes fassi sunt a primis usque sæculis Ecclesie Patres, nec ante hujusmodi divini Servatoris triumphum, et ingressum in cælum, ulli justorum datum in supernam illam mansionem introire, sed detenti sunt cuncti iusti in sine Abraham, donec veniret Christus eos ab illo carcere liberare, et secum ad cœlestem beatitudinem adducere. Unum pro omnibus afferam S. Maximum Taurin. qui serm. 44,

primo De Ascens. Domini pag. 514, edit. Rom. 1784. hæc habet: «Lætetur itaque, fratres, et exultemus in Domino, quia hodie cœli alta transcendens ad paternæ sedis incogitabilem majestatem Christus ascendit, et hominem quem invidia malignantis inimici prima illa paradisi habitatione depulsum, projectumque, angelica in patria collocavit, et paradisi exulem, civem cœlestium fecit.» SS. ergo Patribus hanc catholicam veritatem asserentibus accensendus est S. Bruno, qui idem aliis in locis confir-

tingit, qui patri, vel matri maledixerit; quod nisi a de Deo et Ecclesia **76** intelligatur, valde severa sententia esse videtur. Maledicere autem Ecclesiae, male loqui intelligi potest.

« Qui furatus fuerit hominem, et vendiderit eum, convictus noxae, morte moriatur. » Hoc enim et Romanis legibus cavetur, et hi tales plagiantur. Hominem enim furari et vendere, est Christianum aliquem diabólica versutia a Christi fide, et religione separare, et diaboli subicere servituti.

« Si rixati fuerint viri, et percusserit alter proximum suum lapide, vel pugno, et ille mortuus non fuerit, sed jacuerit in lecto; si surrexerit, et ambulaverit foras super baculum suum, innocens erit, qui percusserit; ita tamen, ut opera ejus, et impensas in medicos restituant. » Quod enim ait, innocens erit, qui percusserit, tale est ac si diceret: Non moriatur; quamvis enim peccaverit, non tamen usque ad mortem. Possunt per eos, qui rixantur inter se, illi qui de lege divina arroganter disputant, intelligi; quorum si alter alterum superaverit, et sophistica in errorem duxerit, si tamen de fide non agatur, et tale quid non fuerit, ubi anima non periclitetur, innocens erit; id est, non morietur qui percusserit, ille videlicet qui sic proximum suum errare fecerit; debet enim eum tamen et verbis placare, et vel per se, vel per aliquem sapientem ad veritatis scientiam revocare.

« Qui percusserit servum suum, vel ancillam viri, et mortui fuerint in manibus suis, criminis reus erit. » Hoc autem de Ecclesiae doctoribus dici videtur. Fit enim multoties, ut pastor Ecclesiae peccantem servum, vel ancillam, id est masculum, vel feminam sibi subjectos, eorum facinora exagerrando, et futura tormenta minando, duramque canonum poenitentiam nuntiando, nimis aspere virga correctionis percutiat. Quod si in ejus manibus mortui fuerint, si eos propter immanitatem sceleris et importabile onus poenitentiae, veniam desperare senserit, eosque verbis mitioribus, et antidoto pietatis non confortaverit, quasi qui male medendo argum occiderit, reus erit. « Sin autem uno die supervixerit, vel duobus, non subiacebit poenae, qui a pecunia illius est. » Si, inquam, uno die, vel duobus supervixerit, id est si in ejus praesentia nulla impossibilitatis, vel desperationis signa monstraverit, et correctionis, et poenitentiae flagella scepserit, postea vero ita discedens, eodem vel secundo die poenitentiam agere veniamque se posse consequi diffiderit, non subiacebit poenae. Quare hoc? Quia pecunia illius est, quia subjectus est, quia ad eum illum arguere, admonere, increpare opportune et importune pertinebat. Ille enim in sua iniquitate morietur, qui uno vel duobus diebus superveniens, eum poenitentiam ferre non posset, ad eum non rediit, et misericordiam non petiit.

« Si rixati fuerint viri, et percusserit quis mulierem praegnantem, et abortivum quidem fecerit, sed ipsa vixerit, subiacebit damno quantum mari-

tus mulieris expetierit, et arbitri judicaverint. » Viri enim rixantes, legis periti intelliguntur, de Scriptura divina inter se disputantes. Praegrans vero mulier, anima est, quae jam verbi, et praedicationis semen in cordis utero suscepit, sed nondum perfecte intelligendo formavit, neque memoria commendavit. Dum ergo viri rixantur, et inter se de legibus disputant, praegrans mulier percutitur, et abortivum facit, quia in earum disceptatione, dum cui credere debeat anima ignorat, verbum Dei, quod conceperat, imperfectum informatumque amittit. Percussor igitur, secundum mariti et arbitrarium existimationem subjacet damno, quoniam, secundum Dei, qui animae maritus est, et apostolorum sententia, hic talis judicabitur. Ait enim Dominus: « Vae illi, per quem scandalum venit (Matth. xviii, 7). » Ait et Apostolus: « Utinam abscedantur qui vos conturbant (Gal. v, 12). » Sin autem mors ejus fuerit subsequuta, ut videlicet amisso semine, in errore anima moriatur, reddet animam pro anima, ut, qui animam occidit, in anima moriatur. Hic autem aperte demonstrat quod de anima in mulieris figura loqueretur. « Oculum pro oculo, dentem pro dente, manum pro manu, pedem pro pede, adustionem pro adustione, vulnus pro vulnere, livorem pro livore. » Hoc autem breviter Dominus exponens, ait: « Eadem quippe mensura, qua mensi fueritis, remetietur vobis (Matth. vii, 2); » non quod ibi oculum perdat, qui hic oculum excaveverit, sed quia

pro hoc, et similibus digna poena ei recompensabitur.

« Si percusserit quispiam oculum servi sui, aut ancillae, et luscus eos fecerit, dimittet liberos pro oculo, quem eruit. » Oculum enim servi, vel ancillae Dominus percutit, quando praetulus aliquis errorem docendo subjectum aliquem suorum in animae oculo ferit, quem quidem luscum facit, si sua prava doctrina a veritatis lumine deviendo separavit. Huic autem servus nullam debet subjectionem, sed liber egreditur, ne diutius morando penitus caecus fiat. Dentem quoque si excusserit servo, vel ancillae suae, similiter eos dimittet liberos. Idem enim et per dentem, et per oculum intelligitur. Dentem namque extruere, est sanum intellectum, quo panis divini eloquii ruminatur, et violenter et fraudulentamente ore cordis evellere.

« Si bos percusserit virum, et mulierem, et mortui fuerint, lapidibus obruetur, et non comedentur carnes ejus, dominusque bovis innocens erit. » Boves enim sacerdotes intelliguntur, qui Christi jugum ferunt, et ejus agrum colunt, et sanctam Ecclesiam arando, et praedicando fertilem reddunt, de quibus dicitur: « Non alligabis os bovi trituranti (I Cor. ix, 9). » Quot ergo **77** sacerdotes, tot boves habet episcopus, et quidem ipse quoque bos est. Bos igitur virum aut mulierem cornu percutit, quando sacerdos aliquis maledicendo, superbiae cornu et haeretica doctrina interiorum hominum, loquendo, imo vulnerando et feriendo, occidit. Hic autem lapidibus obruitur, quando multorum sanctorum concilio congregato, plurimorum

sententiis, quasi multis lapidibus percutitur atque damnatur. Quot enim linguis damnatur, tot lapidibus obruitur. Ejus vero carnes non comeduntur, quia ejus carnalis et hæretica sententia non suscipitur. Talis hos fuit Arius, Montanus, Manichæus, Novatus, Jovinianus, qui superbis cornibus multos interemerunt. Dominus autem bovis tandiu innocens est quandiu bovis malitiam non cognoscit. Si vero sciens consenserit, ipse quoque occidetur; quia non solum qui faciunt, sed qui consentiunt facientibus, digni sunt morte. Hoc est enim, quod ait: « Quod si bos » cornupeta fuerit ab heri, et nudius tertius, et » contestati sunt dominum ejus (potest enim fieri, » ut domino, nesciente bos cornupeta sit) nec re- » cluserit eum, occideritque virum aut mulierem, » et bos lapidibus obruetur, et dominus illius occi- » detur. » Hic enim per prophetam dicitur: « Si non » annuntiaveris ei (id est impio) neque locutus fueris, » ut avertatur a via sua impia, et vivat, ipse impius in iniquitate sua morietur, sanguinem autem ejus de manu tua requiram (*Ezech. iii, 18*). » Multum autem ab episcopis est providendum, ne suis in ecclesiis hæresis aliqua prædicetur.

« Quod si pretium ei fuerit impositum, dabit pro » anima sua quidquid fuerat postulatus. » Pretium enim episcopo imponitur, quando ei de negligentia, quam in subjectis habet, poenitentia injungitur. Unde et quidquid postulatus fuerit, pro anima sua dare jubetur, quia non aliter valet poenitentia, nisi poenitens se totum illius arbitrio, qui sibi dat poenitentiam, tradat. « Filium quoque aut filiam si cornu » percusserit, simili sententiæ subiacebit. » Unde manifestum est quia, quantum ad tutelam fidei, eandem curam de omnibus sibi subjectis, quam de propriis filiis prælatum habere oportet. « Si servum, » ancillamque invaserit, triginta siclos argenti dabit » Domino. » Servum enim hoc in loco gentiles, et cæteros alterius religionis homines intelligimus, qui quamvis inter Dei servos, non tamen inter Dei filios computantur; soli enim filii Dei sunt, de quibus dicitur: « Quotquot autem receperunt eum, dedit eis » potestatem filios Dei fieri (*Joan. i, 12*). » Per triginta vero siclos Decalogi scientiam triplicatam accipimus. Dat igitur Dominus bovis triginta siclos argenti, pro servi, vel ancillæ redemptione, quoniam episcopus totam legis plenitudinem ad Trinitatis fidem convertit, et eos, quos prius bos vulneraverat, ipse rationabili medicina jungendo sanat. «

« Si quis aperuerit cisternam et foderit, et non » operuerit eam, cecideritque bos vel asinus in eam, » dominus cisternæ reddet pretium jumentorum; » quod autem mortuum est, ipsius erit. » Quis enim per hunc alius significari videtur, nisi ille, qui inveterato odio fratri suo insidiatur, et in odio perseverans tandiu insidiarum foveam apertam tenet, donec proximum suum in ea capiat et occidat, qui quoniam pravam voluntatem ad effectum usque perduxit, jumentorum pretium reddit, quoniam vel dura

(225) Hic locus ex cod. S. Crucis in Laur. suppletur.

A poenitentia peccatum solvit, vel ipse pro eo occidetur. Unde et subditur: « Quod autem mortuum est, » ipsius erit, » quia quasi ad collum ejus pendens, ut dici solet, mors illius sibi, et non alii imputabitur. Ille quoque cisternam fodit, et aperit, qui de profundis fidei questionibus coram simplicibus disputat. Qui enim cisternam aperuit, videlicet, vel a tali disputatione subito cessando, vel in tantum auditoribus satisfaciens, ut omnia plana, et nihil ibi profundum esse videatur, quidquid illic errans perierit, domino cisternæ persolvat.

« Si bos alienus bovem alterius vulneraverit, et » ille mortuus fuerit, vendent bovem vivum, et di- » vident pretium; cadaver autem mortui inter se » disperient. »

B « Si, inquit, bos meus bovem tuum vulneraverit; id est si aliquis de populo meo hæreticæ pravitatis veneno infectus vulneraverit, et seducendo occiderit aliquem de populo tuo, vendamus bovem vivum, et dividamus pretium, id est conveniamus, et tradentes hæreticum hominem Satanæ, æternæ morti eum damnemus; pretium autem ejus damnationis, et retributionem a Domino suscipientes pariter dividamus, ut qui pares fuimus in ejus damnatione, pares simus in ea, quam pro ipso suscipiemus, retributione (225). » Cadaver vero mortuum inter nos dividamus; quia ambo peccavimus, ambo negligentes fuimus, ambo de bovis cadavere, et peccato partem habemus. Nam et ego meum, et tu tuum diligentius custodire debuisti. « Si autem sciebat quod bos » cornupeta esset ab heri et nudius tertius, et non » custodivit eum dominus suus, reddat bovem pro » bove, et cadaver integrum accipiat. » Quoniam si episcopus illum hominem de plebe sua hæretica dogmata prædicare prius cognoverat, eumque non redarguit, neque ab ea perversitate compescuit, reddet bovem pro bove, quia pro anima illius, qui seductus, et deceptus fuerat, erit anima ejus. Unde et subditur: « Et cadaver integrum accipiet, » quia totum peccatum mortis illius in episcopum redundabit.

78 CAPUT XXII.

« Si quis furatus fuerit ovem, aut bovem, et oc- » ciderit, vel vendiderit, quinque boves pro uno » bove restituet, et quatuor oves pro una ove. » Nam quia boves majorem præstant utilitatem quam oves, merito quantum ad litteram majori pœna digni sunt, quamvis alii converso modo hoc capitulum legere velint; sicut enim per boves sacerdotes, ita per oves cæteram hominum multitudinem intelligimus. Nam et secundum canones, majori pœnæ subicitur qui sacerdotem occidit, vel ei injuriam facit, quam ille qui cæteris hominibus vel injuriam, vel mortem infert. Ovem enim, et bovem furari, occidere, et vendere est, qualicumque occasione Christianum hominem a Christi fide, et a Deo separare. Sed quid per quinque boves, nisi quinque corporis sensus? Quid vero per quatuor oves, nisi quatuor corporis elementa intelligendum? Idem igitur et per boves, et

per oves intelligitur, quoniam in utrisque solum corpus hominis figuratur. Qui ergo corde compunctus pro anima quam occidit, et a Deo separavit, quinque sui corporis sensus Christi iugo subiciens, totum se lamentis, et pœnitentie tradit, ille procul dubio quinque boves pro uno bove restituit. Qui vero quatuor sui corporis elementa in omnem simplicitatem convertens, pro reatu, quem patravit, soli Deo servire compellit, ille nimirum pro una ove, quatuor oves Domino reddit.

« Si effringens fur domum, aut suffodiens inventus fuerit, et accepto vulnere mortuus fuerit, percussor non erit reus sanguinis; quod si, orto sole, hoc fecerit, homicidium perpetravit, et ipse morietur. » Inter manifestum namque, et non manifestum furum et furem differentiam facere videtur. Est autem manifestus fur, qui die, non manifestus autem, qui nocte furatur, et secundum humanas quidem leges major pœna est furi manifesti; hic autem econtra, qui furem in die occidit, reus est; qui autem in nocte, innocens est. Et ego quidem hunc furem, qui nocte domum confringit et fodit, diabolum intelligo, qui semper occulte per insidias domum corporis nostri, quod et templum Dei vocatur, corrumpere et dissipare nititur, quatenus virtutum et bonorum operum thesaurum nobis furetur et rapiat. Hunc autem si quis invenerit, et domum suam depopulari senserit, occideritque, non solum innocens, sed insuper munere dignus erit; facile autem ab his invenitur, qui ejus insidias cognoscunt. Homo autem, quia visibilis est creatura, orto sole, id est in die, et in manifesto furari dicitur; quem si quis pro vindicta suarum rerum occiderit, et non magis carnem suam, et proximum suum, quam pecuniam suam dilexerit, ipse quoque in anima morietur. Hac autem lege iudices non tenentur, qui totum quod agunt, amore justitiæ faciunt. Unde et Apostolus ait: « Non enim sine causa gladium portat; vindex enim Dei est (Rom. xiv. 4). » Sequitur: « Si non habuerit, quod pro furto reddat, ipse venundabitur. » Ille enim non habet, quod pro furto reddat, qui tam nequam et impius est ut pœnitere nesciat; pœnitentia namque et furtum, et cœtera peccata redimuntur, et sine pœnitentia nullum peccatum redimi potest. Hic igitur venditur, diabolo traditur, in carcerem mittitur; inde non exiet, donec solvat universum debitum. Si inventum fuerit apud eum, quod furatus est, vivens, sive bos, sive asinus, sive ovis, duplum restituet. Duplum quidem restituit quia et quæ furatus est reddidit, et super hoc si conversus fuerit, duram pœnitentiam pro peccato agit; vel si inconvertibilis fuerit, duplici contritione conteretur.

« Si læserit quispiam agrum, vel vineam, et dimiserit jumentum suum, ut depascatur aliena, quidquid optimum habuerit in agro suo, vel vinea, pro damni æstimatione restituet. » Hoc autem de hæreticis intelligi potest, qui superbum, indomitum, luxuriosum, et insatiabile jumentum, id est animum

A suum in Dei agrum, et vineam, quod est Ecclesia dimittunt, ut eam vastet et depascatur. « Sepulcrum enim patens est guttur eorum (Psalm. xlii. 3). » Hi autem pro damni æstimatione quidquid melius habent in agro suo restituant, quia ipsam animam, quæ cunctis quæ possidet melior est, pro hoc facinore amittunt. Quod autem ipse homo ager vocetur, audi Apostolum dicentem: « Dei enim agricultura estis (I Cor. iii. 9). » Homo enim et ager, et vinea vocatur, quoniam et frumentum boni operis, et vinum sacri eloqui generat.

« Si egressus ignis invenerit spicas, et comprehenderit acervos frugum, sive stantes segetes in agris, reddet damnum, qui ignem succenderit. » Dominus in Evangelio loquitur, dicens: « Ager enim est mundus (Matth. xiii. 38). » Si ergo mundus ager est, quid spicæ, et acervi frugum, et stantes segetes, nisi homines intelliguntur? Ignis igitur egrediens, spicas, et acervos frugum, et stantes segetes in agris comprehendit, quando furor indignationis, et odii totum populum conturbat, et amore præliandi æstiuare, et ardere compellit. Hujus autem incendii damnum ille restituet, qui primus ignem succendens principalis dissidii causa exstitit.

« Si quis commendaverit amico pecuniam, aut vas in custodiam, et ab eo qui suscepit, furto ablata fuerit, si invenitur fur, duplum reddet. » Per hunc enim, qui pecuniam amico commodat, nemo melius quam Christus intelligi potest, qui ait: « Vos amici mei estis, si feceritis quæ ego præcipio vobis (Joan. xv. 14). » Pecunia autem fides, et vera scientia intelligitur; vasa vero, homines sunt, in quibus Dei thesauri reconduntur. Unde et vas electionis Apostolus dicitur. Amicus vero, cui pecunia commodatur, prælatos ecclesiæ, doctoresque significat, quoniam pecuniam suam, fidem et doctrinam, et populum suum istis ad custodiendum Deus tradidit. Et bene prius pecuniam, deinde vasa commendat, quia sine fide et doctrina nemo animarum custos esse debet. Hæc autem furto a custodibus auferuntur, quoniam hæreticorum, vel malignorum spirituum erroribus, insidiisque decepti a Christi fide homines separantur. Quoniam vero furum alii inveniantur, alii vero omnino latent, subditur: « Si invenitur fur, duplum reddet; » hæretici enim inveniri possunt; maligni vero spiritus, quia natura invisibiles sunt, inveniri, et ad rationem cogi omnino non possunt. Duplum autem hæretici reddunt, quoniam ad fidem conversi, eos quoque quos deceperant, converti faciunt; insuper et pro commissis pœnitentiam agunt. Si vero in malitia perseverant, duplum tamen nihilominus reddunt, quoniam duplici contritione conteret eos Dominus. Sequitur:

« Si latet fur, dominus domus applicabitur ad deos, et jurabit quod non extenderit manum ad rem proximi sui, ad perpetrandam fraudem tam in bove, quam in asino, et ove, ac vestimento et quidquid damni inferri potest, ad eos utriusque causa perveniet, et si illi judicaverint, duplum

« restituet proximo suo. » Uque hodie namque videmus, si aliquis de populo male, et in gravi facinore moriatur, totum crimen in episcopum converti, illum homicidam esse illius culpa, et negligentia; illam animam periisse, et Deo furatam clamant. Tunc episcopus currat ad deos, festinet ad cunctos, audiat ibi apostolos doctores, et sanctos Patres loquentes et iudicia ponentes, ipsorumque iudicio si se defendere nequiverit, damnum persolvat. Sed quomodo se defendet, nisi iuramento? Juramentum autem propria conscientia est. Unusquisque enim sua conscientia, quasi iuramento defenditur. Unde Apostolus ait: « Mihi autem pro minimo est, ut a vobis iudicer; nihil mihi conscius sum, sed non in hoc justificatus sum (I Cor. iv. 5). » Si ergo tua conscientia tibi dixerit, si hoc iuraverit (iurat enim, si non mentitur) quod hominem illum sæpe admonueris, sæpe rogaveris, sæpe docueris, ut a malo declinaret, et ille tibi credere noluerit, conscientia tua quidem defenderis, quod in re proximi fraudem non commiseris; sed nunquid idcirco liberatus es? Apostolus enim dicit: « Sed non in hoc justificatus sum (ibid., 4). » Potest autem fieri ut per negligentiam peccaverit, qui fraudem non commisit. Expecta igitur iudicium, et quamvis conscientia te defendat; tamen, si iudices iudicaverint, duplum restituere est, et de peccato poenitentiam agere, et in futuro, ne quid tale contingat, magnam vigilantiam et curam habere. In bove autem et asino, et ove, ac vestimento, potest aliquid proprie et differenter intelligi, ut per bovem, sacerdotes; per asinum, stultos; per oves, simplices; per vestimentum, fidei ornamenta intelligamus.

« Si quis commendaverit proximo suo asinum, bovem, ovem, et omne jumentum ad custodiam, et mortuum fuerit, aut debilitatum, vel captum et ab hostibus, nullusque hoc viderit, iusjurandum erit in medio, quod non extenderit manum ad rem proximi sui. » Facile hoc capitulum intelligit, qui in superiori non dormivit. Hoc tantum notandum, quia in his, qui per se moriuntur, aut debilitantur, aut violenti ab hostibus auferuntur, non tenentur custodes, quoniam neque illi ab episcopis requiruntur, qui sine eorum culpa et negligentia perirent. Exigitur tamen iusjurandum, si nullus hoc viderit, qua conditione spirituales custodes solvi videntur. Quis enim audeat dicere, quod nullus hoc viderit; cum ipse Deus et Dominus, qui eis res suas ad custodiendum tradidit, quod factum est, viderit? Ipsa enim veritas illis testis est, quia illi in hoc damno peccaverunt, et quoniam conscientia defenduntur, conscientia illorum testimonium suscipitur, et illi reddere non coguntur. Hoc est enim, quod ait: « Suscipietque Dominus iuramentum, et ille reddere non cogatur. » Quod si furto ablatum fuerit, restituet damnum domino. Furto enim ablatum ideo restituitur, quia negligentiam ibi fuisse aperte digno-

scitur; non enim furantur quæ diligenter custodiuntur. Si comestum a bestia perferat ad eum, quod occisum est, et non restituet; et hoc quod non negligentia, sed violentia perit: inimicus enim noster diabolus tanquam leo rugiens circuit quaerens quem devoret. Occisum autem ideo ad dominum perferitur, ut videns cadaver, credat animal a bestia comestum. Hoc autem si spiritualiter intelligatur, sola episcopi conscientia probatur, et soli conscientia creditur.

« Quod si a proximo suo quidquam horum mutuum postulaverit, et debilitatum, aut mortuum fuerit, domino suo non praesente, reddere compelletur. Quod si inpraesentiarum fuerit domum, non restituet, maxime si conductum fuerit pro mercede operis sui. » Ideo enim, non praesente domino, animal debilitatum aut mortuum a suscipiente restituitur, quia sine ejus culpa debilitatum aut mortuum esse non creditur; si vero dominus praesens est, animal non redditur, quia ipse cognovit quod sine culpa susipientis debilitatum aut mortuum fuerit; quod quidem ex eo probari potest, quoniam si ille qui animal mutuum accepit, praesente domino, illud occidisset, nihilominus quidem reddere compelleretur quasi, absente Domino, hoc fecisset. Unde manifestum est quod animalis restitutio pro sola culpa et mala custodia jubetur: ubi ergo non est culpa, ibi nec restitutio. Haec autem ideo dixi, quia hic Dominus noster, a quo haec animalia, quæ custodimus, mutua et conducta accepimus, quamvis semper inpraesentiarum sit, tamen sine nostra culpa, si aliqua ex eis debilitata aut mortua fuerint, nos tamen reddere non compellet. « Si seduxerit quis virginem nondum desponsatam, dormieritque cum ea, dotabit eam, et habebit eam uxorem. Si pater virginis dare noluerit, reddet pecuniam juxta modum dotis, quam virgines accipere consueverunt. » Sunt seductores boni, et seductores mali. De bonis enim seductoribus Apostolus ait: « Ut seductores et veraces (II Cor. vi. 8). » Talis seductor Christus fuit, de quo Judæi dicebant: « Scimus quia seductor ille dixit adhuc vivens (Matth. xxvii. 63). » Et: « Alii quidem dicebant, quia bonus est; alii vero non, sed seducit turbas (Joan. vii. 12). » De malis vero quid attinet dicere? Manifesti enim sunt. Bonus ergo seductor beatus Petrus exstitit, qui ad fidei iustitiaeque amorem Romanorum multitudinem convertit (224). Invenit enim hanc quasi virginem vacantem, necdum desponsatam, neque viro traditam, dormivitque cum ea, et multos ex ea filios genuit. Cum ea namque tunc dormiebat, quando praedicationi instabat, et verbi semine filios generabat; postea vero dotavit eam fide, scientia, virtutibus et sancti Spiritus gratia eam roborando; et habuit eam uxorem, quia et gener, et doles patri virginis placuerunt. Sequitur: « Si pater virginis dare noluerit, reddet pecuniam juxta modum, quem virgines accipere consueverunt. » Si, inquam, talis seductor fuerit, qui Dei praedicatione, et Spiritus sancti gratia plurimos fidei filios generavit.

(224) S. Petrus Romam veniens eam quasi virginem vacantem sibi in uxorem duxit, et ex ea verbi

patri virginis non placeat, quamvis eam seduxerit, A pignoris dare coguntur. Quam qui accipiunt, nisi corruerit, et dotaverit; uxorem tamen eam habere non poterit. Simon Magus namque Romanam plebem seduxit, violavit, corripuit, multisque magicis illusionibus, quasi quibusdam magnis dotibus suo amori copulavit; attamen quia non solum patri huius virginis, sed et cunctorum omnipotenti Deo displicuit, eam utique uxorem habere non potuit. Pro dotibus tamen illicite maleque compositis, pecuniam et pretium integrum reddidit, quia pro iniqua sua presumptione æternis incendiis traditus est.

Maleficos non patieris vivere. Qui coierit cum jumento, morte moriatur. Qui immolat diis, occidatur, præter Domino soli. Quibus enim lex mortem corporis irrogat, eos, nisi pœniteat, morte perpetua, damnatos esse significat. Coire vero cum jumento, hæreticis, et immundis commisceri potest intelligi. Advenam non contristabis, neque affliges eum; advenæ enim, et ipsi fuistis in terra Ægypti. Hoc est enim, quod dicitur: Quod tibi non vis fieri, alii ne feceris. Advenæ enim illi sunt, qui aliam patriam se habere intelligunt; sicut Psalmista ait: Quoniam advena ego sum apud te in terra, et peregrinus, sicut omnes patres mei (Psalm. lxxxviii, 13). Tales qui affligit, damnationem sibi acquirit. Viduæ, et pupillo non nocebis; si læseris eos, vociferabuntur ad me, et ego audiam clamorem eorum, et indignabitur furor meus, percutiamque vos gladio, et erunt uxores vestræ viduæ, et filii vestri pupilli. Quamvis enim super omnibus viduis, et pupillis valde pium sit hoc intelligere, ego tamen hanc viduam, Ecclesiam esse puto, de qua scriptum est: Viduam ejus benedicens, benedicam (Psalm. cxxxi, 13). Pupilli autem sunt, quibus diabolus pater antiquus mortuus est, aqua et Spiritu sancto regenerati, facti sunt filii Dei; hos autem qui lædit, Deum vindicantem expectet (225).

Si pecuniam mutuam dederis populo meo pauperi, qui habitat tecum, non urgeas eum quasi exactor, nec usuris opprimes. Hoc autem avari feneratorum intelligant, quia hoc propter eos scriptum est: Si pignus a proximo tuo acceperis vestimentum, ante solis occasum redde ei: ipsum est enim solum, a quo operietur indumentum carnis ejus, nec habebit aliud, in quo dormiat. Si clamaverit ad me, exaudiam eum, quia misericors sum. Illis ergo præcipitur vestimentum reddi, qui tam pauperes sunt, ut aliud, quo operiantur, non habeant. Et in vestimento quidem cætera quoque intelligere possumus, quibus miseri homines vitam sustentant, quæ si eis auferantur, magnum est peccatum. Penuria namque constricti, non solum vestimentum, sed seipsos tradunt servituti; et quod adhuc durius est, ipsam quoque candidissimam fidei vestem, quam in baptismo susceperunt, et qua sola anima induitur, et sine qua unde nuditate et turpitudinem tegant, non habent, necessitate compulsi, loco

ante solis occasum, id est antequam ad diei vitæque finem miser homo perveniat, ei reddant, et a tali obligatione eum absolvant, fraternam charitatem non habere probantur. Cum enim ille reddere pretium nequeat, et tu propter avaritiam dimittere nolis, subito ille de hac vita subtrahitur, et tu pro illo exactori traderis. Hoc illi audiant, qui eos, quæ injuste in carcerem clausurant, tandem ad pecuniam deferendam in fide susceptos abire permittunt; cumque illi pecuniam habere non possint, et iterum ad carcerem reverti timeant, utique æternæ damnationis periculum **81** incurrunt. Diis non detrahes, et pricipi non maledices. Dii apostoli, Ecclesiæque doctores sunt, quibus illi quidem detrahunt, qui de eis male loquuntur, sicut Judæi et hæretici. Princeps autem populi nostri Christus est, cui qui maledixerit, maledictus erit.

Decimas tuas, et primitias non tardabis offerre. Decimas enim dare jubemur, quoniam ipsi decimæ sumus. Nos enim sumus drachma decima, pro qua inventa mulier gratulatur; his enim decimis electorum numerus adimplebitur. Primitias vero damus, quoniam primogenita Ægypti, et peccata originalia Dominus percussit. Primogenitum filiorum tuorum dabis mihi. Primogenitus enim iste Christus est, de quo dicitur: Qui est primogenitus mortuorum, et princeps regum terræ (Apoc. i, 5). Hunc autem Israel dono dedit, quoniam eum B. Maria, de ipsius stirpe nata, in templo Domino obtulit. De bobus quoque et ovibus similiter facies. Si enim per boves prælatos, per oves vero subjectos intelligimus, manifestum est quia tota Ecclesia in bobus et ovibus consistit; horum autem primogenita soli illi intelliguntur qui sanctorum fidem et exemplar sequuntur, quoniam inter omnes fratres soli primogeniti obtinent principatum. Septem diebus sit cum matre sua, die octava reddes illum mihi. Per septem namque, ut sæpe jam diximus, omnis hæc præsens vita intelligitur; dies vero octavus, quo Christus resurrexit, dies iudicii est, in quo et nos omnes resurgemus. Unde et pro octavo quidam psalmi titulatur. Septem ergo diebus est primogenitus cum matre sua, quia sancti viri, quoadusque vivunt, ab Ecclesiæ uberibus non recedunt. Octavo vero die redduntur Domino, quia, hac vita finita, statim post carnis resurrectionem Domino præsentantur. Viri sancti eritis mihi, carnem, quæ a bestiis fuerit prægustata non comedetis, sed projicietis canibus. Quid enim per bestias, nisi hæreticos? Quid vero per carnem a bestiis prægustatam, nisi vel Scripturas ab eis depravatas, vel peccatores ab eis corruptos intelligimus? Talem igitur carnem comedere non debemus, quia neque eorum dogmata recipere, neque his qui ab eis violati sunt communicare, sed canibus et latronibus, quales ipsi sunt, projicere debemus.

CAPUT XXIII.

« Non suscipies vocem mendacii, non junges manum tuam ut pro impio dicas falsum testimonium. » Prope enim simili modo peccat, et qui mentitur, et qui mentientes libenter audiens, non redarguit. Manum autem jungit impio, qui eum sequitur, et falsum testimonium pro eo dicat. Quantum autem peccatum sit falsum testimonium dicere, ex eo apparet quod inter decem mandata hoc in tabulis lapideis a Domino scribatur.

« Non sequeris turbam ad faciendum malum. » Sed quia multi sunt, et eos retinere non vales, saltem eorum iniquitatibus auxilium et consensum præbere noli. « Nec in iudicio pessimorum acquiesces sententia, ut a vero devies. » Non enim quia a multis falsitatis sententia datur, ideo non peccat, qui ei acquiescens, a veritate deviat. « Pauperis quoque misereberis in negotio. » In omni enim negotio illis maxime misericordia facienda est, qui plurimum misericordia indigere videntur.

« Si occurreris bovi inimici tui, aut asino erranti, reduce ad eum. » Inimicus enim noster est sermo divinus, qui semper nobis, id est carni nostræ, contraria præcipit; et quamvis hic bonus noster inimicus carnem nostram semper affligat et persequatur, attamen si ejus bovem, aut asinum, id est doctum, vel indoctum aliquem errare viderimus, ad eum reducere debemus, quatenus ejus salutifera mandata suscipiat, et ab illius plenis præceptis non recedat. Carnem quoque nostram, quæ prius ejus iugo subdita fuerat, aut quasi ejus asinus onus subinde portaverat, si jam fatigatam fugere et errare senserimus, ad eum reducere debemus, et quicquid nobis præceperit, sive jejunare, sive vigilare, sive aliud aliquid agere jusserit, adimplere.

« Si videris asinum odientis te jacere sub onere, non pertransibis, sed sublevaris cum eo. » Hoc est enim quod Apostolus ait: « Alter alterius onera portate (Gal. vi, 2). » Asinus sub onere jacet, quando peccator pondere peccatorum premitur. Unde Psalmista ait: « Quoniam iniquitates meæ supergressæ sunt caput meum, et sicut onus grave gravatæ sunt super me (Psal. xxxvii, 5). » Est ergo asinus corpus humanum: quare si tibi odientes et inimici fuerint, si sub tali onere jacere videris, noli pertransire, sublevaris eum et adjuva; da ei consilium et auxilium quo tantum onus deponere valeat. Recordare illius Samaritani, qui hominem a latronibus vulneratum suo jumento superposuit. Et quidem in salvatione animarum, nemo inimicitias et odium attendere debet. « Non declinabis in iudicium pauperis, sed semper sine personarum acceptione judicabis. » Mendacium fugies, insonitem et justum non occides, quia adversus impium Deus est (226).

« Ne accipias munera, quæ excæcant etiam prudentes, et subvertunt verba justorum. » Deus est qui loquitur, et qui mentiri non potest. Quicumque

A igitur excæcari, et subverti non vult, libenter munera non accipiat.

82 « Peregrino molestus non eris; scitis enim advenarum animas, quia et ipsi peregrini fuistis » in terra Ægypti. Hoc autem superius dictum est, sed ideo hic repelit, ut firmius teneatur.

« Sex annis seminabis terram tuam, et congregabis fruges ejus; anno autem septimo dimittes eam, et requiescere facies, ut comedant pauperes populi tui; et quicquid reliquum fuerit, comedent bestię agri. Ita facies in vinea et in oliveto tuo. Sex diebus operaberis, septima die cessabis, ut requiescat bos, et asinus tuus, et refrigeretur filius ancillæ tuæ, et advena. » Sæpe namque jam diximus quod sex anni, et sex dies, et sex ætates nostræ operationis tempus significant, quoniam sex diebus totum suum opus Deus peregit, et quia septimo requievit; ideo septimus annus, et septimus dies pro requie ponitur, in quo et bos, et asinus, et servus, et ancilla, et advena in cœlesti Jerusalem requiem habebunt; non quod hi, sed quod horum significata ibi habitabunt. Quod autem ista significant, prudens lector intelligit. Tunc enim adimplebitur quod scriptum est: « Eantes ibant, et flebant mittentes semina tua; venientes autem venient cum exultatione, portantes manipulos suos (Psal. cxxv, 6). » Quod autem hic dicitur « ut comedant pauperes populi tui, et quicquid reliquum fuerit comedant bestię agri, » ad litteram tantum intelligendum est. Sex ergo annis terra nostra, vinea et olivetum exercetur, quoniam in hac præsentia vita carnem nostram exercere debemus; quatenus et frumentum boni operis, et vinum, quod lætificat cor hominis, et oleum misericordiæ et pietatis Deo fructificemus. Septimo autem anno requiescit, quia post hanc vitam beatitudo et requies sequitur. « Omnia quæ dixi vobis custodite, et per nomen exterorum deorum non jurabitis, neque audietur ex ore vestro; homines enim per ea jurare solent. Ut ergo tales deos nec colant, nec venerentur, per eorum nomen jurare prohibetur.

« Tribus vicibus per singulos annos mihi festa celebrabitis. » Tribus enim vicibus in uno anno festa celebrat, qui in unitate et trinitate Deum adorat. Hoc autem Judæus non intelligit, quia, quamvis ter in anno festa celebret, tamen Trinitatis mysterium non agnoscit. « Solemnitatem azymorum custodies, septem diebus comedes azyma, sicut præcepi tibi tempore mensis novorum, quando egressus es de Ægypto. » Hæc est autem prima festivitas, quæ quando, vel qualiter celebrari debeat, satis diligenter superius exposuimus.

« Non apparebit in conspectu meo vacuus. » Illi enim ter in anno cum muneribus Domino præsentabantur; nos autem ante conspectum et in præsentia Dei sumus. Nunquam vacuum et sine muneribus es oportet. Unde Apostolus ait: « Sine intermissione

(226) Hæc addit cod. S. Crucis in Laurent.

orate, in omnibus gratias agite (*I Thessal. v, 17*). » Qui enim sic agit, neque vacuus est, neque sine munere. » Et solemnitatem primitiarum operis tui, » quæcunque severis in agro. » Hæc autem secunda solemnitas tunc agebatur, quando primum metere incipientes, primitias Domino offerebant.

« Solemnitatem quoque in exitu anni, quando » congregaveris omnes fruges tuas de agro. » Et hæc quidem tercia solemnitas, prima die mensis Septembris fiebat, de qua scriptum est : « Canite initio mensis tuba, in insigni die solemnitatis vestræ (*Psal. lxxx, 4*). » Hic autem mensis ideo in exitu anni esse videtur, quoniam, totius anni tunc fructibus collectis, iterum a principio homines seminare, et annum quodammodo renovare incipiunt. De his autem solemnitatibus, vita comite, in Levitico plura dicere speramus. » Ter in anno apparebit omne masculinum » tuum coram Domino Deo tuo. » Soli masculi Deo præsentari jubentur, quoniam nihil femineum, nihil molle, nihil voluptati et luxuriæ deditum recipit vel intuetur Omnipotens.

« Non immolabis super fermento sanguinem victimæ tuæ. » Fermentum enim corruptionem, et peccatum ac malitiam, Apostolo teste, significat. Sanguinem vero victimæ, Christi sanguinem intelligimus. Præcepit ergo sanguinem victimæ super fermento non immolari, id est Christi sanguinem ab iniquis non recipi, nec sacrificari. Super fermento namque victimæ sanguis immolatur, quoniam Christi sanguis vel ab iniquis sacerdotibus conficitur, vel iniquis ad bibendum traditur. » Non remanebit adeps » solemnitatis meæ usque mane. » Omnis enim adeps Domini erat, semperque in odore suavitatis super altare incendebatur. De hoc enim adipe dicit psalmus : « Sicut adipe, et pinguedine repleatur anima mea (*Psal. lxxii, 6*). » Itemque : « Memor sit Dominus omnis sacrificii tui, et holocaustum tuum pingue fiat (*Psal. xix, 4*). » Ut autem holocaustum pingue fiat, ut et gustu et odore Deum delectet, nunquam sine adipe victima offeratur, nunquam ille qui immolat adipis obliviscatur. Noli eum servare in alteram diem, quia ignoras si veneris ad alterum diem; hodie illum incende, hodie odorem suavitatis Domino redde; non sit macra solemnitas, non sit sine adipe victima; hoc est enim victima sine adipe, quod servitium sine fide. Apostolus enim dicit : « Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum (*Rom. xii, 1*). » Quando ergo sic immolas, quando carnem maceras, non obliviscaris adipis, pinguescat et redolet sacrificium tuum. » Frange esurienti panem tuum, et egenos, vagosque induc in domum tuam; cum videris nudum, operi eum, et carnem tuam ne despexeris (*Ioa. lviij, 7*). » Hic est enim adeps, hæc est pinguedo tuæ solemnitatis; sic pinguescat sacrificium, et sic igne charitatis accendatur in odore suavitatis.

83 » Primitias frugum terræ tuæ deferens in do-

» mum Domini Dei tui. » Terra namque homo est, quia de terra factus est, cuius primitiæ, fides, spes, charitas dici possunt, quoniam de baptismo natus, has ante omnia fructificavit; sine his autem in domo Domini offerre non potest. Si autem per terram Ecclesiam intelligamus, primitiæ quidem apostoli erunt, quos Christus in domum Patris deferens ait : « Pater, volo ut ubi ego sum, et ipsi sint mecum (*Joan. xvii, 24*). »

« Non coques hædum in lacte matris suæ. » Salvator enim noster, per similitudinem carnis peccati, hædus erat. Hunc autem, cum adhuc ad Virginis Matris ubera penderet, Herodes iniquus occidere voluit; cui nunc dicitur : « Non coques hædum in lacte matris suæ, » id est, non occides Christum, cum adhuc lactens et parvulus est; cessa a stultitia tua, quia sic a Domino præfinitum est.

« Ecce ego mittam angelum meum, qui præcedat te, et custodiat in via, et introducat ad locum quem paravi; observa eum, et audi vocem ejus, nec contemnendum putes : quia non dimittet, cum peccaveris, et est nomen meum in illo. » Ipsum enim, quem modo hædum dixerat, nunc angelum appellat, de quo alibi scriptum est : « Et statim veniet ad templum sanctum suum Dominator quem vos queritis, et Angelus testamenti quem vos vultis (*Malac. iii, 1*). » Ideoque ait : « et est nomen meum in illo. » Patris enim nomen in Filio est, quoniam et Filius, sicut et Pater Deus est. Hic ergo Angelus a Patre missus, nos præcedit, et custodit, et in æterna tabernacula introducit. De nobis enim ista dicuntur, ut Apostolus ait : « Omnia hæc in figura contingebant illis (*I Cor. x, 11*). » Hunc observare, hunc audire, huic obedire debemus, quia non dimittet ei qui peccaverit, id est qui in peccato obduraverit.

« Quod si audieris vocem ejus, et feceris omnia quæ loquor, inimicus ero inimicis tuis, et affligam affligentes te, præcedetque te angelus meus, et introducam te ad Amorrhæum, et Hæthæum, et Pherezæum, Chananzæumque, Hevæum, et Jebuzæum quos ego conteram. » Per has enim gentes, vitia et maligni spiritus intelliguntur, quos Dominus contrivit, et de terra lacte et melle manante ejecit, et de Ecclesia spiritualium gratiarum dulcedine abundante expulit.

« Non adorabis deos eorum, nec coles; non facies opera eorum, sed destrues, et confringes statuas eorum. » Si quis sanctorum martyrum passiones legerit, hoc eos fecisse inveniet; quapropter et diversis tormentis ab impiis interfecti sunt. » Servietisque Domino Deo vestro, ut benedicam panibus tuis et aquis, et auferam infirmitatem de medio tui. » Ideo enim de medio nostri, ideo de anima, et corde nostro, peccata et iniquitates auferuntur, quia panes verbi Dei quos edimus, et aquæ baptismatis quibus abluihur, efficaci benedictione a Domino benedicuntur.

« Non erit infecunda nec sterilis terra tua. » Primo namque homini dictum est : « Cum operatus fueris

terram, non dabit fructum suum, sed spinas et tribulos germinabit tibi (*Genes. III, 18*). » Nunc autem contra terræ nostræ fecunditas promittitur, quatenus et nos, qui terra sumus, spiritualibus donis semper abundantes, et de spiritu metamus vitam æternam. Illa enim terra non est sterilis, in qua virtutum segetes oriuntur et crescunt. « Numerum « dierum tuorum implebo. » Scriptum est enim quia : « Viri sanguinum, et dolosi non dimidiabunt dies suos (*Psal. LIV, 24*), » quoniam neque hic tantum vivunt quantum se vivere sperant, et ad æternæ beatitudinis dies non perveniunt. Sanctorum vero dies implebuntur, quoniam per prædestinationem qua ante sæcula prædestinati sunt vivent in æternum (227).

« Terrorem meum mittam in præcursum tuum, et occidam omnem populum ad quem ingredieris. » Populi enim illi, quos illi vincebant, vitia et peccata, quæ et nos vincimus significabant. Et quidem tanto hæc pugna fortior est, quanto et inimici sunt fortiores, fortiores quidem quia invisibiles. « Sanctorum « que inimicorum tuorum coram te terga vertam, « emittens crabrones prius, qui fugabant Hevæum, « Chanæum, et Hethæum, antequam introcas. » Quamvis enim per crabrones et vespas aliqua pars illius terræ a suis habitatoribus derelicta fuisse intelligi possit, tamen major pars magnis et duris præliis superata est.

« Non ejiciam eos a facie tua anno uno, ne terra « in solitudinem redigatur, et crescant contra te « bestiæ; paulatim expellam eos de conspectu tuo, « donec augearis et possideas terram. » Hec autem « nos juxta litteram intelligimus; quæ si otiosus aliquis allegorice exposuerit, non contradicimus.

« Ponam terminos tuos a mari Rubro, usque ad « mare Palestinarum, et a deserto usque ad fluvium: « tradam in manibus vestris habitatores terræ, et « ejiciam eos de conspectu vestro. » Per hos enim quatuor terminos, quatuor mundi partes intelligi possunt, ex quibus, gentium diis et malignis spiritibus expulsis, S. Ecclesia jam nunc ad eas in pace sub Christo duce tenet ac possidet. Unde scriptum est : « Et dominabitur a mari usque ad mare, et a flumine usque ad terminos orbis terræ (*Psal. LXXI, 8*). » — « Non inibis cum eis fœdus, nec cum diis eorum. » Hoc autem Judæi non audierunt. Nos autem nec gentium ritus, nec gentium deos colentes unum Deum colimus et adoramus, qui ait : « Dominum Deum tuum adorabis, et illi soli serves (*Matth. IV, 10*). » — « Non « habitent in terra tua, ne forte « peccare te faciant in me, si servieritis diis eorum « qui certe tibi erant in scandalum. » Propter hoc enim Judæi, sæpe in captivitatem ducti, quantum scandali sustinuerint, ipsi noverint. Nos quoque, quia has gentes, vitia intelligimus, quorum utique dii sunt maligni spiritus, non permittamus ea habi-

tare in terra nostra; ejiciamus ea de carne nostra, ne et nos diis suis servire compellant, et in magnæ tentationis scandalum inducam. Donec enim in terra nostra vitia inhabitant, eorum insidias evitare non possumus, ideoque Apostolus ait : « Non igitur regnet peccatum in vestro mortali corpore (*Rom. VI, 12*). »

CAPUT XXIV.

« Moysi quoque dixit : Ascende ad Dominum, tu « et Aaron, Nadab et Abiu, et septuaginta senes ex « Israel, et adorabitis procul; solumque Moyses « ascendet ad Dominum, et illi non appropinquant, « nec populus ascendet cum eo. » Moyses enim legislator, et Dei populi mediator, mediatorem Dei et hominum Jesum Christum significat, utriusque Testamenti datorem. Aaron vero, qui *mons fortis* interpretatur, apostoli sunt, de quibus dicitur : « Fundamenta ejus in montibus sanctis (*Psal. LXXVI, 1*). » Nadab vero interpretatur *spontaneus*, per quem martyres figurantur, qui sua sponte morti se pro Christo tradiderunt. At vero Abiu, qui interpretatur *pater meus est*, significat episcopos et sacerdotes, qui, quasi patres, ceteros in baptismo generant. Unde Apostolus Corinthiis ait : « In Christo enim Jesu per Evangelium ego vos genui (*I Cor. IV, 16*). » Septuaginta vero senes, septuaginta Christo discipuli accipiuntur. Omnes enim isti ad Dominum ascendere, et procul adorare jubentur. Solus tamen Moyses ad Dominum ascendens ei appropinquat, quoniam « nemo ascendit in cælum, nisi qui de cælo descendit Filius hominis, qui est in cælo (*Joan. VI, 15*). » Solus enim Filius appropinquat Patri, solus sedet ad dexteram Patris. « Nemo enim novit Patrem nisi Filius, et cui Filius voluerit revelare (*Luc. X, 22*). » Ascendit ergo unus, ascendunt et omnes; solus tamen ascendit, quia nemo cum eo vel ad illius similitudinem, unquam ascendit. « Venit ergo Moyses, » postquam cum Domino locutus est, et narravit plebi « omnia verba Domini, atque judicia. Responditque « cunctus populus una voce : Omnia verba Domini « quæ locutus est, faciemus. » Nunquam enim Dominus qualis fuit, vel erit, sed qualis est, hominem judicat. Videbat enim hos quales futuri erant; recipiebat tamen eos, quales tunc erant apud Deum,

non quales postea futuri (228).

« Scripsit autem Moyses universos sermones Domini, et mane consurgens edificavit altare ad radices montis, et duodecim titulos per duodecim « tribus Israel. Misitque juvenes de filiis Israel, et « obtulerunt holocausta, immolaveruntque victimas « pacificas Domino, vitulos duodecim. » Ideo enim Moyses sermones Domini scripsit, ut temporis longitudine oblivioni non traderentur. Et quoniam in morte testatoris testamentum confirmatur, hic autem testator mori non poterat, aliquid fieri necesse erat, quo testamentum illud confirmaretur. Confir-

(227) Ita emendatur Cod. S. Cr. in Laurentiana.

(228) Alia lectio in cod. S. Cr. in Laurent. : *Sciabat enim quia postmodum vitulum aureum erant ado-*

raturi; non tamen tales tunc erant apud Deum, quales postea erant futuri.

matum est ergo sanguine vitulorum, donec veniret
 He, qui per vitulos significabatur. Unde Apostolus
 ait: « Ubi testamentum est, mors necesse est inter-
 cedat testatoris; testamentum enim in mortuis con-
 firmatum est, alioquin nondum valet, dum vivit,
 qui testatus est. Unde nec primum quidem sine san-
 guinis effusione dedicatum est (*Heb. ix, 16*). » Mane
 ergo consurgens Moyses edificavit altare ad radices
 montis, quoniam et Judæi, qui per Moysen signifi-
 cantur, primo mane super montem Calvariam ad ra-
 dices Jerusalem, et montis Sion Christo Domino
 crucem prepararunt; altare enim crucem significat.
 In hoc enim altari Christus Dominus immolatus est.
 Sed quia nulla duodecim tribuum de Christi morte
 se excusare valet, ideo duodecim vituli per duode-
 cim tribus immolantur. Et quamvis unus fuerit vi-
 tulus, quoniam unus immolatus est Christus, tamen
 quia unaquæque tribus, imo unusquisque homo
 tenetur in integrum, ideo duodecim vitulos Moyses
 immolari præcepit. Et quidem unus Christus cru-
 cifixus est, immolatus est; unusquisque tamen, qui
 ejus morti consentiens, interfecit, totius Christi
 homicida est, et quamvis non omnes manus in Chri-
 stem injecerint, omnes tamen Judæi per consensum
 occiderunt. Possumus etiam et per duodecim vitulos,
 duodecim apostolos intelligere, qui in Christi pas-
 sione contristati, et scandalizati et quodammodo
 immolati sunt. Unde Apostolus ait: « Si Christus
 pro omnibus mortuus est, et omnes mortui sunt.
 Sed pro omnibus mortuus est Christus, ut qui vi-
 vunt, non sibi vivant, sed ei qui pro ipsis mortuus
 est et resurrexit (*II Cor. v, 15*). » Et unus ergo vi-
 tulus fuit, quantum ad immolatum, et duodecim
 fuerunt, imo multo plures quam duodecim, quantum
 ad compatiētes et occidentes. Missi sunt autem
 « juvenes de filiis Israel, » per quos omnes Judæos
 intelligimus, Christi morti consentientes. « Et obtu-
 lerunt holocausta, immolaveruntque victimas pa-
 cificas Domino; » quibus et Deus mundo, et inter
 se totus pacatus est mundus. Sed quas victimas?
 vitulos duodecim; unusquisque enim unum vitulum
 immolavit, quia quicumque **35** Christi morti auxi-
 lium præbuit, Christi mortis in integrum reus ha-
 betur.

« Tulit itaque Moyses dimidiam partem sanguinis,
 « et misit in craterem; partem autem residuam fu-
 « dit super altare. » Hunc enim sanguinem Ecclesia
 bibit, hic ad totius populi emundationem ubique
 gentium effusus est. Partem vero, quam super altare
 fudit, illam sanguinis Christi partem intelligimus,
 quæ de ipsius manibus et pedibus manans crucis
 lignum cruentavit. « Assumensque volumen fœderis,
 « legit audiente populo. Qui dixerunt: Omnia quæ
 « locutus est Dominus faciemus, et erimus obedien-
 « tes. Ille vero sumptum sanguinem respersit in
 « populum, et ait: Hic est sanguis fœderis quod
 « pepigit Dominus vobiscum super cunctis sermo-
 « nibus his. » Postquam enim populus legem sibi
 datam audivit, et fœdus quod cum eo pepigerat in-

A tellexit promisitque se legem tenere et fœdus ser-
 vare, confestim Moyses, assumens sanguinem et
 spargens in populum, confirmavit testamentum, di-
 cens: « Hic est sanguis fœderis, quod pepigit Do-
 minus vobiscum super cunctis sermonibus suis. »
 Hoc enim et Christus fecit, qui Novum Testamentum
 confirmans, calicem accipiens, ait: « Hic est calix
 Novi Testamenti in meo sanguine, qui pro vobis, et
 pro multis effundetur in remissionem peccatorum
 (*Luc. xxii, 21*). » Totum enim quod Moyses aiebat
 hoc quod Christus postea peregit significabat.

« Ascenderunt Moyses, et Aaron, Nadab et Abin,
 « et septuaginta de senioribus Israel, et viderunt
 « Deum Israel, et sub pedibus ejus quasi opus lapi-
 « dis sapphirini, et quasi cælum, cum serenum est. »
 B Quod enim Moyses, confirmato testamento, simul
 cum senioribus Israel ad videndum Deum ascendit,
 significatio erat quod immolato agno, et Christi
 sanguine fuso Novoque Testamento confirmato, cœli
 porta aperitur, et Jesus Sacerdos magnus, Sancta
 sanctorum ingreditur, et in cœlesti palatio ab homi-
 nibus Deus videtur. « Ubi enim fuerit corpus, illic
 congregabuntur et aquilæ (*Luc. xvii, 37*). » Erat au-
 tem « sub pedibus ejus quasi opus lapidis sapphirini »
 Sapphirinus enim cœli sereni habet colorem; unde
 et subditur: « Et quasi cælum, cum serenum est. »
 Qui igitur ad Deum accedere, Deum videre, Dei pe-
 dibus propinquare desiderat, fugiat tenebras, pellat
 nubes, ejiciat animi perturbationes, totus tranqui-
 lus, totus serenus, cœlo similis, terræ dissimilis,
 C quatenus totus clarus et purus angelorum consortia
 mereatur. Sequitur: « Nec super eos, qui procul re-
 « cesserant, misit manum suam. — Longe enim a
 peccatoribus salus (*Psal. cxviii, 135*), » et qui Deum
 fugiunt et finibus peccatorum distracti procul ab eo
 recedunt, ejus protectione indigni sunt. « Viderunt
 « que Deum, et comederunt ac biberunt. » Deus enim,
 qui natura invisibilis est, se quodammodo videri
 permittit, dum qualicumque similitudine potentiam
 suam demonstrat. Unde superius in rubo ardente se
 Moyses eum vidisse testatur. Quod autem isti com-
 ederint ac biberint, nisi de supradicto sacrificio in-
 telligatur, scire non possum. Sanctorum vero et
 Deum videntium cibi et potus, summi boni contem-
 platio est.

D Dixit autem Dominus ad Moysen: Ascende ad me
 « in montem, et esto ibi, daboque tibi duas tabulas
 « lapideas, et legem, ac mandata, quæ scripsi, ut
 « doceas filios Israel. » Quicumque Dominum videre,
 alloqui et audire desiderat, ascendat in montem,
 propinquet cœlo, et totus a terrenis voluptatibus
 elevetur. Hoc enim Moyses toties in montem ascen-
 dens significabat. Quod vero filii Israel legem et
 mandata in lapidibus scripta suscipiunt, eorum du-
 ritiā et incredulitatem demonstrat; lapides enim
 erant, ideo dura mandata in lapidibus efformata
 suscipere meruerunt.

« Surrexeruntque Moyses et Josue, minister ejus,
 « ascendensque montem, senioribus ait: Expectate

« hic, donec revertamur ad vos. Habetis Aaron, et A
 « Hur vobiscum. Si quid natum fuerit questionis,
 « referetis ad eos. » Ascendens enim Moyses in
 montem, reliquit pro se vicarios, qui lites, quæstio-
 nes et discordias vice sua in populo definirent.

« Cumque ascendisset Moyses, operuit nubes
 « montem, et habitavit gloria Domini super Sinai,
 « tegens illum sex diebus. Septimo autem die vo-
 « cavit eum de medio caliginis. » Moyses enim hoc
 in loco, apostolos et doctores; mons vero Sinai, mon-
 tem Sion, id est sanctam Ecclesiam, significat. Ut
 enim Moyses in monte Sinai, ita apostoli et docto-
 res in monte Sion legem susceperunt. Nubes vero,
 quæ montem operuit, est omnis scientiæ et sapien-
 tiæ plenitudo, quæ super Ecclesiam descendit et plu-
 vit. « Habitavit autem gloria Domini super Sinai,
 tegens illum nube sex diebus; » quoniam virtus mi-
 raculorum et gratia Spiritus sancti usque ad sæculi
 consummationem Ecclesiam non relinquit, secun-
 dum illud quod Dominus ait: « Ecce ego vobiscum
 sum omnibus diebus usque ad consummationem sæ-
 culi (Matth. xxviii, 20). » Sex enim dies, ut jam
 sæpe diximus, totam hanc laboriosam vitam signifi-
 cant. « Septimo autem die vocavit Dominus Moysen
 de medio caliginis; » quia, finitis hujus vite labo-
 ribus, et diebus, de hoc mundo, tenebris et caligine
 pleno, fideles suos ad se Dominus vocabit.

« Erat autem species gloriæ Domini quasi ignis
 « ardens super verticem montis in conspectu filio-
 « rum Israel. » Illud enim est gloria Domini: in quo-
 cunque glorificatur Dominus. Si enim videns ignem,
 glorifices Dominum, gloria Domini est ignis. Simi-
 liter autem sol, luna, et stellæ gloria Domini sunt,
 quoniam in eis glorificatur **86** Dominus, et ad hunc
 modum, cætera. « Ingressusque Moyses medium
 « nebulae, ascendit in montem, et fuit ibi quadra-
 « ginta diebus et quadraginta noctibus. » Non im-
 merito quidem Vetus Testamentum obscurum et
 profundum est, siquidem in nebula et caligine da-
 tum est; illa enim nebula prætendebat hanc obscu-
 ritate quam nos modo sentimus. Et quia nos quo-
 quomodo nebulam et profundiorum hujus libri
 caliginem intrare incipimus, omnipotentem Dominum
 deprecemur, qui lucem habitat inaccessibilem, ut
 ea quæ Moysi in caligine dedit, nobis in luce reve-
 lare dignetur. Illud quoque non vacat a mysterio
 quod in quadraginta diebus lex data est; quadragen-
 rius enim numerus ex quatuor et decem constat;
 quatuor enim decem, et decies quater quadraginta
 sunt. In decem ergo Vetus, in quatuor vero Novum
 Testamentum accipias, quoniam illud in decem
 mandatis, hoc in quatuor Evangelis continetur; dies
 ergo quadraginta significant, quoniam ambo Testa-
 menta unum sunt, et alterum in altero datum, et
 sine altero alterum esse non potest, sicut in quadra-
 ginta, quatuor et decem sine se esse non possunt:
 utrumque enim Testamentum novum sit, si spiritua-
 liter intelligamus.

CAPUT XXV.

« Locutusque est Dominus ad Moysen, dicens:
 « Loquere filiis Israel, ut tollant mihi primitias ab
 « omni homine qui offeret ultroque, accipietis eas.
 « Hæc sunt autem quæ accipere debetis: aurum,
 « et argentum, et æs, hyacinthum, et purpuram,
 « coccumque bis tinctum, et byssum, pilos caprarum,
 « et pelles arietum rubricatas, pelles hyacinthinæ,
 « et ligna Setim, et oleum ad luminaria: concinnan-
 « da, aromata in unguentum, et thymiamata: boni
 « odoris, lapides onychinos, et gemmas ad ornan-
 « dum ephod et rationale. » Præcipit enim Dominus
 Moysi, ut eorum primitias et oblationes, ad taber-
 naculi usum, suscipiat qui eas sponte et voluntarie
 Domino offerant. Nullam enim oblationem diligit
 Deus, nisi eam, quæ cum affectu animi, et desiderio
 offertur. Hæc sunt autem prima munera, quæ filii
 Israel Domino obtulerunt, unde et primitiæ non
 immerito vocantur. « Hæc sunt, inquit, quæ accipere
 « debetis: aurum, et argentum, et æs. » Aurum pro
 sapientia ponitur, unde scriptum est: « Desiderabilis
 thesaurus requiescit in ore sapientis (Prov. xiv,
 33). » Et Apostolus: « Habetis, inquit, thesaurum
 istum in vasis fictilibus (II Cor. iv, 7). » Argentum
 autem eloqui puritatem designat; unde Psalmista
 ait: « Eloquia Dei, eloquia casta, argentum igne
 examinatum (Psalm. xi, 7). » Æs vero quia præ cæte-
 ris metallis clarius sonat, facundiam et eloquentiam
 significat. Unde Apostolus: « Si lingua, ait, homi-
 num loquar, et angelorum, charitatem autem non
 habeam, factus sum velut æs sonans, aut cymbalum
 tinniens (I Cor. xiii, 1). » Aurum igitur, argentum
 et æs simul ad tabernaculi ædificium deferuntur,
 quoniam sapientia sine veritate, et eloquentia, mala
 et inutilis est; ideoque de sapientibus sine veritate
 scriptum est: « Sapientes sunt, ut faciant mala;
 bene autem facere nesciunt (Jer. iv, 21). » De mul-
 tis quoque et infacundis sapientibus dicitur: « Canes
 multi, non valentes latrare (Isa. lvi, 10). » Et il-
 lud: « Qui abscondit frumentum, maledicetur in
 populis (Prov. xi, 26). » Itemque: « Sapientia oc-
 culta, et thesaurus absconditus, quæ utilitas in
 utrisque? (Eccli. xx, 32). » Habet igitur Dei taberna-
 culum aurum, id est sapientiam; habet et argentum,
 id est eloqui puritatem; habet et æs, id est eloquen-
 tiæ fecunditatem. Tale ego ædificium, talem decet
 habere materiam. Sequitur: « Hyacinthum, et pur-
 puram, coccumque bis tinctum, et byssum. » Hæc
 autem et Josephus exponens, quatuor elementa si-
 gnificare dixit, volens per hyacinthum, qui aerei
 coloris est, aerem significari; per purpuram vero,
 aquam, quia ex piscium sanguine tingitur, qui de
 aqua oriuntur et in aqua versantur. Coccum vero,
 quoniam penitus ardens, et sanguinei coloris est,
 ignem significare voluit. Byssum vero terram, quo-
 niam de terra oritur. Per hoc nimirum significare
 volens, quoniam Dei tabernaculi homines ipsi ma-
 teria sunt, et sicut ex his quatuor elementis con-
 stituitur homo, ita ex hominibus Dei tabernaculum

constituit. Aliter autem per has quatuor res nobilissimas, quatuor virtutes principales intelliguntur, in quibus ceteræ omnes virtutes continentur, et sine quibus vanæ et inutiles esse probantur: sunt autem hæc, prudentia, iustitia, fortitudo, temperantia. Hyacinthus igitur, qui coelestem, et divinum colorem habet, prudentiam significat, quæ de coelestibus a Deo descendit, secundum illud: « Omnis sapientia a Domino Deo est (Eccli. 1, 1). » Purpura vero, qua reges et principes induuntur, iustitiam designat. Unde et his qui purpura induti sunt dicitur: « Diligite iustitiam, qui iudicatis terram (Sap. 1, 1). » Per coccum vero, qui sanguinei coloris est, fortitudo signatur, qua SS. martyres, usque ad sanguinem pugnantes, in Christi fide fortissimi exsisterunt. At vero per hyssum, qui de terra oritur, temperantia intelligitur, quoniam sicut terra omnium elementorum media est, et in se omnia recipit elementa, ita et temperantia inter omnes virtutes media discurrit, omnesque conciliat, atque coniungit. Hæc autem in Dei edificio posita sese respiciunt, et sibi vicissim decorem et pulchritudinem subministrant; aurum ad argentum inspicit, et sapiens sine puritate eloqui non loquitur; argentum respiciat aurum; et sine sapientia ipsum quoque, quod purum et verum est, non dicitur.

¶ Non enim quod verum est, dicere idoneum, et utile est, et non magis mentiri, quam verum dicere, aliquando nocet. Aurum quoque, et argentum res intueatur, ut nec sapientia, nec veritas sit otiosa. Otiosa quidem est, si non dicitur, si non proferatur, si æris, vocisque sono non audiat. Æs quoque aurum et argentum attendat, et qui facundus et eloquens est, sine sapientia, et veritate, silentium habeat. Similiter autem prudentia, iustitia, fortitudo, temperantia, quæ per hyacinthum, purpuram, coccum, et hyssum intelliguntur, sic consentiant æque vicissim sequantur, quoniam unaquælibet earum sine cæteris inutilis est. Sapiens enim erat Salomon, sed quia fortitudine carebat, a mulieribus victus est. Omnis rex justus, quia temperantiam non habuit, ab hostibus interfectus est. Fortissimus inter omnes fuit Samson, sed sapientiæ pauper, oculos amisit. Sed quid de temperantia dicam? quæ nisi altiarum auxilio virtutum muniatur, facile Deum et veritatem negare compellit; ipsa tamen ceterarum est condimentum, atque sine ea omnes alie vanæ et stulte esse videntur. Cetera videamus.

¶ Pelles caprarum, et pelles arietum rubricatas, pelles hyacinthinas et lignum Setim. Hæc quoque ad tabernaculi constructionem offerri iubentur. Offerunt ergo pilos caprarum, ut peccatoribus ad poenitentiam venientibus non desint cilicia quibus induantur. Offerunt autem et pelles arietum rubricatas, ut et martyres inveniant indumentum; offerunt et pelles hyacinthinas, quibus prelati quique induti sola coelestia contemplantur. Sed quid per ligna Setim, quæ fortia et imputribilia esse perhibentur, nisi viros

A sanctos intelligimus, qui quoniam per fidem vice-runt regna, æternas adepti sunt repromissiones? Bene autem Setim *spinas* interpretatur; siquidem viri sancti per multas tribulationes intrant in regna coelorum. Setim autem locus est, de quo in libro Numeri dicitur: « Morabatur autem eo tempore Israel in Setim (Num. xiv, 1). » Cetera autem, quæ sequuntur, suo loco exponenda relinquimus. Nunc autem quod instat, dicamus.

¶ Facientque mihi sanctuarium, et habitabo in medio eorum. Juxta omnem similitudinem tabernaculi, quod ostendam tibi, et ornatum vasorum in cultum ejus; sicque facietis illud. Sanctuarium, totum tabernaculum dicit, quod ad eam similitudinem fieri jubet, quæ Moysi in monte monstratur.

B Non solum enim verbis narrata, sed spiritali quadam visione hæc Moysi a Domino fuisse revelata, non incongrue dici potest. Totum autem tabernaculum in duo dividitur, in Sancta videlicet, et Sancta sanctorum. Unde Apostolus: « Tabernaculum, inquit, factum est primum, in quo erat candelabrum, et mensa et propositio panum, quod dicitur Sancta (Hebr. ix, 12). » Post velamentum autem, secundum tabernaculum, quod dicitur Sancta sanctorum, aureum habens thuribulum, et arcam testamenti, circumtectam ex omni parte auro, in qua urna aurea, habens manna, et virgam Aaron quæ fronduerat, et tabulas testamenti. Hæc autem ideo præmissi, ut de arca loeaturi facilius quid significant intelligamus.

C « Arcam de lignis Setim compingite, cujus longitudo habeat duos et semis cubitos; latitudo cubitum et dimidium; altitudo similiter cubitum, et semissem, et deaurabis eam auro purissimo intus et foris. » Quid enim per hanc arcam, nisi Ecclesiam catholicam intelligamus? Non autem hanc, quæ in hoc mundo adhuc degens, multas injurias patitur; inquit illam, quæ cœli velamentum transgressa jam habitat et moratur in Sancta sanctorum. De qua Apostolus ait: « Illa autem Jerusalem, quæ sursum est, libera est, quæ est mater nostra (Gal. iv, 16). » De hac autem arca et Joannes apostolus ait: « Et apertum est templum Domini in cœlo, et visa est arca testamenti ejus in templo ejus (Apoc. xi, 19). » Hæc autem arca compingitur atque construitur de lignis

D Setim, id est de lignis fortibus, et imputribilibus, de lignis spinarum, de quibus Christus coronatur. Christi namque corona, sancti sunt, quoniam pro ipsis et certavit, et vicit, et coronatus est. Omnis autem hujus arce dimensio aliquid imperfectionis habere videtur, quoniam et in longitudine et in latitudine dimidium posuit; in altitudine vero semissem. Hoc autem ideo fit, quia illa nobilis et coelestis arca nondum perfecta est, neque ad sæculi consummationem perficitur; quotidie enim aliqui ædificantur in ea; quotidie, deferentibus angelis, lapides, id est sanctorum animæ, illuc ascendant, ex quibus ejus muri ædificantur (229). Unde Psalmista ait: « Benigne fac, Domine, in bona voluntate

(229) Cod. S. Cr. in Laurent. aliquid ædificantur in ea.

tua Sion, ut edificentur muri Jerusalem (*Psalm. l. 20*). » Unde et sanctorum animabus a Domino dicitur: « Adhuc sustinete modicum tempus, donec impleatur numerus fratrum vestrorum (*Apoc. vi, 11*). » Non enim perfectam beatitudinem habebunt sancti, donec animabus, corporibus conjunctis, tota simul sanctorum multitudo super cœlos elevetur. Et tunc quidem, omnibus perfectis, nihil erit in quo hæc arca crescat, nihil erit in quo minui timeat; nihil tunc habebit dimidium, quia « cum venerit quod perfectum est, evacuabitur quod ex parte est (*I Cor. xiii, 10*). » Deauratur autem auro purissimo intus et foris, quia sapientiæ nitorem, quem interior habet, foris quoque prædicando monstrabit. Qui enim sibi datam sapientiam celant, illi intus, et non foris sunt deaurati. Cum enim Apostolus dicit: « Sapientiam **88** loquitur inter perfectos (*I Cor. ii, 6*), » tunc intus et foris se deauratos esse significat.

« Faciesque super coronam auream per circuitum. » Quid est enim quod hæc arca per circuitum coronatur, nisi quia sanctorum multitudo, quæ per hanc arcam significatur, jam bello peracto et superatis inimicis, pro victoria et triumpho a Deo est coronata? Nemo enim, ait Apostolus, coronabitur, nisi qui legitime certaverit (*II Tim. ii, 5*). Itemque: « Bonum certamen certavi, cursum consummavi, fidem servavi; de reliquo reposita est mihi corona justitiæ (*II Tim. iv, 7*). » Coronatur ergo tota arca, coronatur et unusquisque, qui est in arca, quoniam et singuli proprias, et omnes simul unam habent coronam. « Facies et quatuor circulos aureos, quos pones per quatuor angulos arcæ: duo circuli sint in latere uno, et duo in altero. » Quatuor enim circuli, quatuor sunt virtutes principales, sine quibus hæc arca nec moveri, nec portari potest. Ponuntur autem per quatuor arcæ angulos, ut hinc habeat prudentiam, inde justitiam, hinc fortitudinem, inde temperantiam. Quatuor quoque Evangelia, per quatuor circulos intelliguntur, quæ quoniam sapientiæ fulgore rutilant, non immerito auro comparantur; horum autem prædicatione hæc arca construitur, levatur et portatur. « Facies quoque vectes de lignis Setim, et operies eos auro, inducesque per circulos, qui sint in arcæ lateribus, ut portentur in eis. Qui semper erunt in circulis, nec unquam extrahentur ab eis. » Quid enim per vectes, nisi doctores? Illi autem sunt de lignis Setim, utpote fortes, æterni, indeficientes. Qui ideo auro operi dicuntur, quoniam sapientiæ luce præfulgent. Inducuntur autem per circulos aureos, ut arca portetur in eis, quoniam Evangeliorum sententiis involti ad arcam sublevandam debent esse parati. Unde et in circulis semper esse, et nunquam ab eis extrahi recte jubentur, ut quoties arcam elevare necesse fuerit, nulla in eis mora inveniatur. Arcam enim elevare, est sanctorum virtutes, triumphos, gloriam, et honorem, et beatitudinem verbis extollere, et prædicare. Arcam enim Apostolus levabat, cum diceret: « Quæ

(230) Errata editio corrigitur a col. S. Cr. in

A oculus non vidit, nec auris audivit, nec in cor hominis ascendit, quæ præparavit Deus diligentibus se (*I Cor. ii, 9*). » Christus quoque non solum eam levabat, sed etiam super cœlos exaltabat, quando dicebat: « Beati pauperes spiritu, quoniam ipsorum est regnum cœlorum. Beati mites, quoniam ipsi possidebunt terram (*Matth. v, 3*), » etc. Non ergo separentur vectes a circulis, non recedant doctores ab Evangeliiis, semper præsto sint, semper ad arcam ferendam, et Evangelium prædicandam sint parati, ut valeant reddere rationem de quibuscunque fuerint interrogati; ne forte tunc circulos quærant, et non invenient, quando eis respondere, et arcam elevare necesse fuerit.

B « Ponesque in arcam testificationem, quam ego dabo tibi. » Hanc autem testificationem legem intellige, quam in duabus tabulis lapideis Dominus scripsit. Hæc autem in arca posita est, quoniam sanctorum cordibus tradita est. Et bene lex in arca clauditur; Evangelium autem circa eam per quatuor angulos ponitur, quoniam legis ritus, et cæremoniæ abscondæ jacent; Evangeliorum vero præcepta per quatuor mundi partes diffunduntur et prædicantur. Erat autem in hac arca, ut Apostolus ait, « urna aurea habens manna (*Hebr. ix, 4*), » per quod Christum intelligimus, omnis sapientiæ et scientiæ dulcedine plenum. Erat ibi et virga Aaron, quæ fronderat, id est Virgo Maria, quæ arida et sine semine peperit filium.

C « Facies et propitiatorium de auro mundissimo: duos cubitos et dimidium habebit altitudo ejus, semissem et cubitum latitudo. » Propitiatorium, oraculum vocat, quo arca tegebatur (230). Merita autem arca Dei sanctarum animarum et beatorum spirituum collectio est, et propitiatorium appellatur; quoniam Dei clementiam, et propitiationem super se semper intuentes, non solum quæ petunt et orant, verum et quæcunque desiderant, adipiscuntur: nihil enim aliud velle possunt, nisi quod Dominum velle cognoscunt. Et si igitur aliqui desiderant, sic illud desiderant ut a Dei voluntate non recedant. Est et propitiatorium de auro mundissimo, quoniam tam sapienter propitiatur Deus, ut sua propitiatione nunquam fallatur, quoniam nisi poenitenti nulli unquam propitiatur. At vero homines illis multoties propitii sunt, quibus propitii esse non deberent. Et quoniam nec semper, nec omnibus propitiatur Deus, ideo in propitiatorii quoque dimensione imperfectum aliquid, semissem videlicet et dimidium posuit.

D « Duos quoque cherubim aureos et productiles facies ex utraque parte oraculi, et cherubim unus sit in latere uno oraculi, et alter in altero, utrumque latus propitiatorii tegant, expandentes alas, et operientes oraculum. » Quid enim per duos cherubim nisi duo Testamenta intelligere debemus? Interpretatur enim cherubim scientiæ plenitudo; at vero scientiæ plenitudo in his duobus continetur. Qui bene aurei et productiles esse dicuntur, quo-

Laurent.

niam et sapientia fulgent, et non sine magno labore in cordis incude formari possunt. Est autem cherubim unus in latere una oraculi, et alter in altero, quoniam nisi per eos, nemo ad oraculum venire potest. Nemo enim Deum propitium inveniet, nisi prius ab his fidei documenta suscipiat; hæc enim, prius etiam quam scriberentur, Abraham et cæteri patriarchæ docuerunt; omnis enim divina sapientia hinc manavit. Tegunt autem utrumque latus propitiarii, quatenus ipsum propitiatorium, et quæcunque sub eo sunt, id est arca et vectes, Ecclesia et doctores, sapientia et scientia repleantur; et videntes eorum alas, volare discant, quoniam in pennis eorum salutis est, omnesque eorum sententiæ homines ad cælestia ferunt: his enim alis volant, his ad corda hominum dilabuntur.

« Respiciantque se mutuo versis vultibus in propitiatorium, quo operienda est arca; in qua ponetur testimonium, quod dabo tibi. Inde præcipiam, et loquar ad te supra propitiatorium, ac de medio duorum cherubim, qui erunt super arcam testimonium, cuncta quæ mandabo per te filiis Israel. » Quod cherubim se mutuo respiciant, amborum testamentorum amicitiam et concordiam significat; idem enim ambo testantur et dicunt. Habent autem vultus versos in propitiatorium, quo tegitur arca, quatenus ab omnibus videantur et cognoscantur, nullusque in arca et sanctorum congregatione sit, qui eorum faciem extraneam et incognitam habeat. Hoc autem illi audiant, qui sacras Scripturas meditari negligunt. In hac autem arca, ut superius dixerat, testimonium ponere iubetur, per quod tabulæ testamenti intelliguntur; quatenus S. Ecclesia nunquam legis sibi datæ obliviscatur; et quoniam duo sunt Testamenta, Vetus videlicet et Novum; ideo his in arca Testamentum ponere iussit. Sequitur: « Inde præcipiam, et loquar ad te; » id est, si quando tibi loquar, si qua filiis Israel per te mandavero, ibi me quæras, ibi me invenies, inde tibi loquar; unde? super propitiatorium et de medio duorum cherubim. Qui ergo vult loqui cum Deo, veniat ad cherubim. currat ad Scripturarum testimonia, ibique Dominum et loquentem, et propitiantem inveniet. Vis enim in cherubim Dominum loquentem audire? « Ego, inquit, sum Dominus Deus tuus, qui eduxi te de terra Ægypti: non habebis Deos alienos absque me (Levit. xi, 45). » Et in Novo: « Ego sum ostium; per me si quis introierit, salvabitur (Joan. x, 9). » Sic igitur loquitur Deus de medio cherubim.

« Facies et mensam de lignis Setim, habentem duos cubitos longitudinis, et in latitudine cubitum, et in altitudine cubitum ac semissem, et inaurabis eam auro mundissimo. » Post arcæ fabricationem, mensam Moyses facere iubetur, quæ quidem filipsum significat, quod modo cherubim significare diximus. Mensa enim hoc in loco divina sapientia intelligitur, de qua mensa scriptum est: « Parasti in conspectu meo mensam (Psal. xlii, 5). » Itemque:

A « Fiat mensa eorum coram ipsis in laqueum (Psal. lxxviii, 22). » Divina namque Scriptura et cherubim dicitur, quoniam omnis scientiæ est plenitudo, et quibusdam velocibus alis subito volans omnia replet; et mensa vocatur, quia multis diversisque deliciis animam pascit. Fit autem hæc mensa de lignis Setim, quæ fortia quidem et imputribilia sunt, per quod divinam Scripturam æternam et indeficientem demonstrat. Est autem mensa ista et in longitudine, et in latitudine perfecta, et sine diminutione, quoniam neque in longitudine, neque in latitudine semissem habet; in altitudine vero semissem habet, unde et imperfecta in altitudine esse videtur; ad semissem namque ut cubitus perficiatur, semper addere aliquid necesse est; cubitus autem nihil indiget. Et bene quidem in longitudine et altitudine diminutionis nihil habet hæc mensa; quoniam usque ad sæculi consummationem, quæ est ejus longitudo, cunctis ad eam venientibus, spirituales cibum sufficienter ministrabit. In latitudine quoque, qua per universos mundi terminos dilatatur, nihil habens diminutionis, abundanter reficit omnes; at vero cum in altum se extendit, ut de superioribus loquatur, quoniam de Deo, et de unitate, et Trinitate, qualiter etiam Spiritus sanctus a Patre et Filio procedat, nos ad plenum instruere et satiare non valet, magnam in altitudine diminutionem hæc mensa habere videtur. Beatus enim Paulus in altitudinem captus, quædam se audisse dicit, quæ super hanc mensam ponere non audeat. « Audiui, inquit, enim arcana verba, quæ non licet homini loqui (II Cor. xii, 4). » Quæ enim loqui non licet, nec scribere licet; quæ vero scribere non licet, super hanc mensam non ponuntur. Est enim hæc mensa divina Scriptura. Patet igitur, quantum diminutionis hæc mensa in altitudine habet; est autem auro mundissimo inaurata, quoniam sincerissimo sapientiæ et scientiæ nitore tota refulget. Sequitur:

« Faciesque illi labium aureum per circuitum, et ipsi labio coronam introrsilem, altam quatuor digitis, et super illam alteram coronam auream. » Quid est enim, quod huic mensæ labium fieri iubetur? nunquid ipsa locutura est, et dictura: « Domine, labia mea aperies, et os meum annuntiabit laudem tuam? » (Psal. l, 17.) Ipsa certe hoc dicit, quoniam quicumque hoc dicit, per eam dicit; imo ipsa non per se, sed per alios hoc dicit: illi ergo sunt hujus labia, per quos hæc dicit. Vos quidem, vos, apostoli, hujus mensæ labia estis; vos labia aurea in circuitu ejus omnes ejus delicias devoratis. Tu labium aureum, beate Paulus, quid dicis? Vis audire quid? « Sapientiam loquimur inter perfectos (I Cor. ii, 6). » Vere utique hoc labium aureum est. Et illud quidem labium aureum est, a quo dicitur: « In principio erat Verbum (Joan. i, 1). » Quid est hoc, quod dicere volui? Omnes enim apostoli labia aurea sunt. Indulge mihi, Deus, indulge, qui pollutis labiis, de labiis aureis loqui præsumo. Et ipsi quoque labio fecit coronam introrsilem,

altam **90** quatuor digitis. Non ergo mensa, sed labium coronatur. Quis enim regum, sicut apostoli, dignus unquam fuit corona? Quis tot hostes vicit? Quis tot regna superavit? Quis toties de suis adversariis triumphavit? De hac enim corona certus Apostolus dicebat: « De reliquo reposita est mihi corona justitiæ (*II Tim. iv. 8*). » Habet igitur labium coronam interrasilem, sculptam et variatam, multoque artificio compositam, quoniam per multos labores victoriæ palmas et coronas apostoli susceperunt. Hæc autem corona quatuor digitis alta esse dicitur, quia quatuor mundi partibus superatis, hanc sui sanguinis pretio apostoli mercati sunt. Ergo juxta regnorum mensuram crevit et quantitas coronæ. Nam et mundi principes quot regna vincebant, tot sibi diademata antiquitus imponere solebant. Fecit autem et alteram coronam aureolam super illam. Primam ergo coronam habent, quia mundum vicerunt; secundam vero, quia vitia superaverunt. Sic ergo apostoli Ecclesiæque doctores duas merentur habere coronas; unum pro eis, quos ad fidem convertunt, de qua Apostolus ait: « Itaque, fratres mei charissimi et desideratissimi, gaudium meum et corona mea, sic state in Domino, charissimi. (*Phil. iv. 4*). » Alteram vero pro vitis et malignis spiritibus superatis, qua quidem Christi confessores coronantur.

« Quatuor quoque circulos aureos præparabis, et pones eos in quatuor angulis ejusdem mensæ per singulos pedes. Subter corona erunt circuli aurei, ut mittantur vectes per eos, et possit mensa portari. » Quid vero quatuor circuli aurei, et quid vectes significant in arce constructione, superius dictum est. Quatuor enim circuli, quatuor sunt virtutes principales; vectes vero, episcopi et doctores. Sunt autem isti circuli in quatuor angulis, ut omnibus ad mensam venientibus primi occurrant. Hujus etenim mensæ cibus ille indignus est, qui per hos circulos intrare non vult. Hæc est enim illa angusta porta, de qua dicitur: « Intrate per angustam portam, quæ ducit ad vitam (*Luc. xiii. 24*). » Qui ergo his circulis non tenetur; scilicet qui prudentiam, justitiam, fortitudinem et temperantiam non custodit, hujus se mensæ facit indignum. Per hos ergo circulos transcant vectes, his virtutibus catenati et connexi teneantur episcopi et doctores; nunquam ab eis recedant, nunquam prudentie, nunquam fortitudinis, nunquam temperantiæ obli-
viscantur. His enim vectibus portatur mensa, quoniam ab episcopis spiritualis alimonie cibaria deferentibus nutritur populus. Quod autem circuli subter coronam ponantur, hoc est intelligere, quod omnes quicumque circulis adhærent, digni sunt, qui coronari debeant. Sequitur: « Ipsos quoque vectes facies de lignis setim, et circumdabis auro, ad subvehendam mensam. » Beati episcopi si hoc intelligant, si se ligna setim, ligna fortia et impu-
trabilia, esse cognoscant, si auro circumdati, et

A virtutum nitore, et sapientiæ, et scientiæ luce præfulgeant.

« Parabis et acetabula, ac phialas, thuribula, et cyathos, in quibus offerenda sunt libamina, ex auro purissimo. » Quid nos peccatores faciemus ad libamina offerenda vocati, cum de auro purissimo Deus omnia hæc fieri præcipiat? Per hoc enim minores gradus Ecclesiæ intelligimus. Omnia enim hæc vasa ministerii sunt, in quibus sacrificium offerebatur. Vult igitur Deus noster, qui ait: « Sancti estote, quoniam ego sanctus sum (*Levit. xi. 44*), » ut non solum episcopi, verum et diacones, et subdiacones, et cæteri Ecclesiæ et altaris ministri, et doctrina et vita resurgant.

« Et pones super mensam panes propositionis, in conspectu meo semper. » Ego panes istos puto omnia sanctarum Scripturarum volumina. Quinque enim panes Moyses in hac mensa posuit, et quidem ineffabilis saporis et pulchritudinis. Christus autem quamvis omnes posuerit, ipse est panis vivus, qui de cælo descendit (*Joan. vi. 59*), tamen quatuor principales obtulit, quibus nullæ deliciæ comparari possunt. Posuit autem et Isaias, et Jeremias, omnesque prophete. Posuit et beatus Paulus panes suos, quos quales sint non est necesse laudare. Sed quis omnes enumerare valeat, qui ad hanc mensam panes detulerunt? Et adhuc quidem super hanc mensam panes ponuntur. Idem enim ait: « Et pones super mensam panes propositionis in conspectu meo semper. » Non enim sine causa additum est, « semper »; quod enim semper sit, omni tempore sit. Ego autem quia super hanc mensam panes ponere dignus non sum, precor te, Domine Jesu, ut saltem de his, qui positi sunt, ventrem mihi adimplere concedas. Hæc autem de mensa dicta sufficiant; nunc de candelabro videamus.

« Facies et candelabrum ductile de auro mundissimo, hastile ejus, et calamos, scyphos, et sphaerulas, ac lilia ex ipso procedentia. Sex calami egredientur de lateribus, tres ex uno latere, et tres ex altero. Tres scyphi quasi in modum nucis per calamos singulos, sphaerulaeque similiter et lilium, et tres similiter scyphi instar nucis in calamo altero, sphaerulaeque et lilium. Hoc erit opus sex calamorum, qui producendi sunt de hastili. In ipso autem candelabro erunt quatuor scyphi in nucis modum, sphaerulaeque per singulos, et lilia. Sphaerulae sub duobus calamis per tria loca, qui simul sex fiunt, procedentes de hastili uno. Et sphaerulae igitur, et calami ex ipso erunt, universa ductilia de auro purissimo. Facies et lucernas septem, et pones eas super candelabrum, ut luceant ex adverso. » Totum candelabrum posuimus, ut prius ad litteram ejus forma dignoscatur, et qualiter factum fuerit intelligatur.

91 Hastile enim ejus usque ad summum continuum erat, in quo per quatuor loca, quatuor scyphi in modum nucis erant, quos fortasse nos modo dicere

possumus. Super quos sphaerulae, id est rotulae quaedam erant, atque super ipsas rotulas erant lilia per quatuor loca. Erantque tres calami ex uno latere hastilis et tres ex altero, qui simul sex sunt. Sub calamis autem erant sphaerulae, per tria loca tres scyphos in modum nucis habebant, et super scyphos sphaerulas, et super sphaerulas lilia. Septem autem lucernae desuper erant, una in hastili, et sex in calamis. Non enim putandum est, quod ad inanem usum pascendum, sed ad magnum sacramentum insinuandum tam artificiosus, et mirabile candelabrum Dominus per Moysen fieri iussit. Hoc enim candelabrum Christus est, qui ait: « Nemo accendit lucernam, et ponit eam sub modio, sed super candelabrum, ut luceat omnibus, qui in domo sunt (Luc. xi, 33). » Quod quidem merito fit de auro purissimo, quia Christus Dominus noster, Dei virtus et Dei sapientia, totus mundus, et purus sine ulla vitiorum contagione, peccatum non fecit, nec dolus inventus est in ore ejus. Hastile autem hujus candelabri, corpus Dominicum intelligimus; calami vero de hoc hastili procedentes, et septem lucernae super eos ardentes, septem sunt gratiae Spiritus sancti, quibus Salvator noster repletus est. Unde per prophetiam dicitur: « Egre dietur virga de radice Jesse, et flos de radice ejus ascendet, et requiescet super eum Spiritus Domini, spiritus sapientiae, et intellectus, spiritus consilii, et fortitudinis, spiritus scientiae, et pietatis, et replebit eum spiritus timoris Domini (Isa. xi, 1). » Haec sunt ergo septem lucernae, quae super candelabrum positae lucent; ex adverso quidem, quia sicut in sequentibus dicitur, contra mensam ex alia parte candelabrum positum erat; tota enim mensa his lucernis illuminatur, omnique locus tenebrosus est, quem istae lucernae non illustant. Quatuor vero scyphi erant in hastili, per quos quatuor Evangelia intelligimus, quorum tota integra et perfecta scientia continetur in pectore Salvatoris; siquidem et inde emanaverunt. Bene autem Evangelia scyphis comparantur, quoniam ipsis propinquantibus et fidei vinum ubique fundentibus, totus mundus ex eis repletus et inebriatus est. Posuit autem et quatuor sphaerulas super scyphos, quoniam unumquodque Evangelium, totum portat et sustinet mundum: sphaerulae enim totius mundi rotunditatem et ambitum significant. Et quamvis unus tantummodo sit mundus; tamen, quia quatuor sunt Evangelia, quibus tenetur et regitur, unicuique Evangelio totus in integrum mundus ascribitur. Et quidem non immerito, quia unumquodque Evangelium per se universo mundo sufficeret ad fidem, doctrinam, et salutem. Quamvis per quatuor sphaerulas, quatuor mundi partes, Oriens videlicet et Occidens, Septentrio et Meridies non incongrue intelligi possint, ut unicuique Evangelio una pars mundi ascribatur; et ita fiet ut singuli scyphi suas proprias sphaeras habeant. Restat autem ut de liliis dicamus: sicut enim singuli scyphi singulas sphaeras, ita et singulae sphaerae singula lilia super se ha-

bent. Sed quid per lilia nisi virtutum flores, et bonorum operum odores, et candidatum sanctorum exercitum intelligimus? Haec autem lilia tunc primum super sphaeras apparuerunt, quando scyphi Evangelicae praedicationis mundum irrorare et infundere coeperunt. Et ego quidem superiorem sphaeram episcoporum chorum esse puto, quae sphaera, quoniam lucernis propior erat, majoribus sacramentis episcopos illustrari, et plus luminis et intelligentiae eos suscipere significabat. Secunda vero sphaera, chorus sacerdotum et aliorum graduum intelligatur, qui quidem et sub episcopis est, et non tantum ad luminis claritatem accedit. Tertia vero laicorum omnium, qui non solum episcopis, verum etiam cunctis ordinibus ecclesiasticis superpositis adhærebant, omnes Ecclesiae ordines aliquid gratiarum sancti Spiritus participare demonstrat.

Descriptis ergo omnibus, quae ad candelabri hastile pertinebant, nunc de ejus calamis videamus. Habebat enim unusquisque calamus tres scyphos, totidemque sphaerulas et lilia. Tres enim scyphi tres species sapientiae sunt: physica, id est naturalis, ethica, id est moralis, logica, id est rationalis. Ex his enim tribus sapientiae partibus, quasi ex tribus scyphis, imo quasi ex tribus fluminibus omnis sapientia decurrit; his totus mundus potatur et inebriatur. Hos ergo tres scyphos unusquisque calamus, id est unaquaeque gratia Spiritus sancti habet, quoniam quaecumque Spiritus sancti gratia tetigerit, omnis scientiae plenitudine replere valet; portat enim hos scyphos, quibus omnes satiat sitientes. Unde ipsa Veritas ait: « Qui credit in me, sicut dicit Scriptura, flumina de ventre ejus fluent aquae vitae (Joan. vii, 38). » Quod evangelista continuo exponens ait: « Hoc autem dixit de Spiritu, quem accepturi erant credentes in eum (ibid., 39). » Tres ergo scyphi calamis adhærent, quoniam sapientia a Domino Deo est, et sine gratia Spiritus sancti haberi non potest. Ipse etiam iniquis dat sapientiam, qui « solem suum oriri facit super bonos, et malos (Matth. v, 45). » De sphaerulis autem et liliis id ipsum, quod supra, intelligatur. Ut ergo breviter intelligatur, candelabrum est corpus Christi, quatuor scyphi quatuor Evangelia. Sphaerula vero vel mundus, vel ejus potestas, quae circumvenit totum mundum; liliium autem ejus divinitas, vel virtutum odores. Septem vero lucernae, septem gratiae Spiritus sancti. Sequitur:

« Emunctoria quoque, et ubi quae emuncta sunt exstinguantur, fiant de auro mundissimo. » Nisi enim istae lucernae in quibusdam pigre **92** et tarde arderent, emunctoriis utique non indigerent. Ad hoc enim emunctoria lucernis adhibentur ut melius luceant. Est enim aliquis in Ecclesia, cui spiritus sapientiae datus est, qui si forte in praedicatione et doctrina piger est, ejus lucerna emunctorio indiget ut clarius luceat. Emunctorium autem charitas est: qui enim hanc habent, otiosi esse non possunt, secundum illud: « Charitas Dei urget nos (II Cor.

v. 14). » Hæc autem emundat et emungit lucernas pigre et tarde ardentes, et ipsa pigritiam et tarditatem, quam ab eis tollit, in vasis ad hoc præparatis exstinguit et interimit, quatenus vel sic omnis lucernæ obscuritas penitus diluatur. Ego quidem hæc vasa (si tamen vasa dici debent; non enim eis nomen impositum est,) curam et sollicitudinem esse puto, quam qui habet, pigritiam et tarditatem in se penitus exstinxit, qui quoniam semper sollicitus est, nunquam ejus lucerna obscuratur. Talis enim erat Apostolus, qui ait: « Præter ea, quæ extrinsecus sunt, instantia mea quotidiana, sollicitudo omnium Ecclesiarum (II Cor. xi, 28). » Iste enim sic clare ardebat, ut emunctorio non indigeret.

« Omne pondus candelabri, cum universis vasis suis, habebit talentum auri mundissimi. » Septies autem decem vel decies septem, septuaginta sunt. Septem autem gratias Spiritus sancti non solum in lucernis, verum etiam in ipso pondere possidet hoc candelabrum. Unde et corpus Domini quod, operante Spiritu sancto, credimus fabricatum, ipsumque Salvatorem nostrum et Spiritum sanctum ejusdem confitemur esse ponderis et æqualitatis. Sequitur: « Suscipe, et fac secundum exemplar, quod tibi in monte monstratum est: » attentum cum reddit, et ut diligenter inspiciat, admonet, quoniam magna sunt quæ hic apparent, multo majora quæ latent. His autem ita compositis, ad tabernaculum fabricandum cum ferramentis Spiritus sancti accedamus.

CAPUT XXVI.

« Tabernaculum vero ita fiet: Decem cortinas de bysso retortas, et hyacintho, et purpura, coccoque his tincto variatas opere plumario facies. » Quid ista significant jam superius diximus. Per hæc enim quatuor elementa, et quatuor virtutes principales significantur. Byssus enim, quia de terra oritur, terram designat; hyacinthus vero, quia coloris aerei est, pro aere ponitur; purpura autem, quia piscium sanguine tingitur, aquam demonstrat, quoniam et pisces de aqua nascuntur. Cocculus vero, quia igniti et rubei coloris est, pro igne accipitur. Quoniam igitur ex his quatuor elementis homines constant, tota harum cortinarum materies homines sunt. Si enim Ecclesiæ parietes ex hominibus constituuntur, quare et cortinæ tabernaculi ex hominibus non texuntur? Idem enim est Ecclesia et tabernaculum. Sint ergo illa in cortinis, quæ in Ecclesiæ parietibus lapides vocantur. Tot autem sunt hæc cortinæ, ex quibus hoc tabernaculum, id est sancta Ecclesia, construitur, quot sunt gentium nationes: quæ quidem ideo decem esse dicuntur, quoniam denarius numerus omnes in se continet numeros; idem ergo est decem, quod omnes. Has autem cortinas apostoli texerunt. Unde doctor gentium beatus Paulus de arte scenofactoria vivebat. Tot enim cortinas texerunt apostoli, quot gentes vel civitates ad Dominum convertuntur. Ponebant igitur apostoli byssum retortam in cortinis,

A quando terram, id est terrenos et peccatores, a mundi voluptatibus ad Christi amorem et fidem retorquebant. Ponebant et hyacinthum, quando sola cœlestia contemplari et diligere hominibus suadebant. Ponebant et purpuram, quando ad baptismi gratiam eos vocabant. Ponebant ad coccum, quando ut igne spiritus flagrant, et Deum et proximum diligenter, eos admonebant. Ideo enim coccus bis tingitur, quia charitas et ignis amoris et ad Deum et ad proximum accensus extenditur. Si enim solum Deum diligas, semel tinctus es; si solum proximum, semel tinctus es; si vero Deum et proximum diligas, et coccus es, et bis tinctus es; coccus quidem, quia igne amoris ardes; bis tinctus vero, quia duplici amore rubescis. Fiunt autem hæc cortinæ opere plumario, quatenus et ipsæ volare valeant, et omnes eas influentes volare doceant. Hic enim hæc cortinæ sunt, sed hic diutius manere non debent. Sument enim pennas, ut aquilæ, volabunt et non deficient.

« Longitudo unius cortinæ habebit viginti octo cubitos; latitudo quatuor cubitorum erit. Unius mensuræ sient universa tentoria. » Cur enim viginti octo cubitorum est cortinarum longitudo, nisi quia in viginti octo utrumque testamentum duplicatur? Bis namque decem, et bis quatuor, viginti octo sunt. Duplicatur autem utrumque testamentum, quando prius secundum litteram, deinde vero spiritualiter intelligitur. Merito igitur cortinarum longitudo est viginti et octo cubitorum, quatenus unaquæque pars Ecclesiæ tantum extendatur, donec et secundum litteram, et spiritualiter utrumque testamentum intelligere valeat. Qui utrumque testamentum non suscipit, cortina esse non potest; omnes enim cortinæ unius mensuræ sunt. Omnis igitur gens, omnis secta, omnis anima, quæ utrumque testamentum non recipit, ad utrumque amplectendum se non extendit, et utrumque dupliciter intelligendum esse non credit, in Ecclesiæ cortinia nequaquam **93** intextetur. Latitudo autem cortinarum est quatuor cubitorum, quoniam et lex et propheta in quatuor Evangeliiis coarctantur. Verbum enim abbreviatum fecit Deus super terram. Quia igitur omnia intelligere non valet, saltem quatuor cubitis se extendant, et Evangelii breviter intelligat.

« Quinque cortinæ sibi jungentur mutuo, et alia quinque simili nexu cohærebunt. » Quod in duas partes cortinæ dividuntur, duos Ecclesiæ parietes significat; unum ex circumcisione, alterum ex præputio venientem. Unde et lapis angularis Christus vocatur, duos in se conjungens parietes, Judæos scilicet et gentiles. Conjunguntur autem cortinæ ad invicem, per quod sanctorum pacem, concordiam et charitatem intelligimus.

« Ansalus quoque hyacinthinæ in lateribus a summitatibus facies cortinarum, ut possint invicem complicari. Quinquagenas ansulas cortina habebit in utraque parte ita insertas, ut ansa

« contra ansam veniat, et altera alteri possit aptari. » Dixit enim, ut quinque cortinæ sibi mutuo jungerentur, quomodo autem jungi debeant, insinuat. Habebat enim unaquæque cortina per longum quinquaginta ansulas ex utraque parte, quibus alteri cortinæ juxta positæ conjungeretur. Erant autem hæc ansulæ hyacinthinæ, id est cælestis et aeri coloris, per quas, virtutes intelligimus, quæ utique non terrenam, sed cælestem habent originem; nullam enim virtutem, nisi inde venientem habemus. His ansulis junguntur cortinæ, his sibi invicem copulantur. Si ergo, o homo, quicumque es, cortina esse cupis, suscipe has ansulas ut alteri cortinæ tibi simili copuleris. Si quis hujus tabernaculi non desideret esse cortina, aut si cortina esse non valet, sit saltem unaquælibet ejus particula. Quidquid autem est, quia in cortina est, ansultam habeat, et si non omnes, vel unam, vel duas. Optima ansula fides est, sine qua nullæ cortinæ junguntur. Hanc enim, quia Judæus non habet, mihi non conjungitur; non est enim Judæo ansula, cui mea ansula copuletur. Similiter autem et hæreticus, quia hac ansula caret, Christiano non jungitur. « Quæ enim, ut Apostolus ait, pars fidei cum infideli, quæ societas luci ad tenebras, quæ conventio Christi ad Belial? » (II Cor. vi, 15.) Nam et charitas ansula est, et talis ansula, ut ex eâ cortinæ copulatæ ex integro separari nequeant. Sunt autem et aliæ multæ ansulæ, et justitia, prudentia, fortitudo, temperantia, pax, patientia, humilitas, benignitas, mansuetudo, largitas, continentia, castitas, concordia. Sed quis eas omnes enumerare valeat? Hæc autem ansulæ contra se veniunt, se osculantur, se complexantur, se tenent, quando justus justum, prudens prudentem, fortis fortem, modestus modestum, patiens patientem, misericors misericordem diligit, et charitatis ulnis amplectitur. Has enim ansulas si mundi amatores habuissent, se utique non odissent, non persequerentur, non occiderent, non flagellarent; neque tantis injuriis alter alterum provocaret; unde eos, aut in Ecclesiæ cortinis non esse, aut sine ansulis esse manifestum est. Cum enim in una sanctorum congregatione plures homines ita sibi consentientes, et charitatis vinculo colligatos videas, ut non plures, sed unus homo esse putetur, nonne consideras quomodo hæc ansulæ sibi occurrant, seque vicissim teneant? Inde in Actibus apostolorum dicitur: Quia « multitudinis credentium erat cor unum, et anima una (Act. ii, 32). »

« Facies et quinquaginta circulos aureos, quibus « cortinarum vela jungenda sunt, ut unum tabernaculum fiat. » Quomodo enim quinque cortinæ in una parte, et quinque aliæ in altera jungerentur dictum est. Restat ergo dicere quomodo hæc duæ partes sibi invicem junganter ut unum ex eis tabernaculum fiat, sitque unum ovile et unus pastor. Itaque, inquit, « circulos aureos facies, quibus cortinarum vela, » id est ambæ partes, mutuo conjungantur. Superius enim ansas hyacinthinæ, hic autem

A circulos aureos fieri præcipit, quoniam et Judæi vicissim inter se, et Christiani vicissim inter se virtutum vinculis teneri possunt. Circuli enim aurei utriusque Testamenti libri intelliguntur, qui quare aurei dicuntur, sæpe dictum est; his autem Judæi et Christiani junguntur, quoniam unam fidem prædicant, unum Deum constituentur, et ab uno dati sunt omnes: non enim crederem Judæis, nisi Evangelii lex conveniret; non nobis crederent Judæi, nisi legi Evangelia concordarent. Quia ergo et Novi et Veteris Testamenti omnes inter se libri concordant, ideo hæc duo vela, id est circumcisio et præputium, sibi junguntur. Dum enim libri utriusque Testamenti, quasi quidam circuli concordia quadam et convenientia sibi occurrunt, Judæos et Christianos in una fide ligant et sociant: nam ipse quoque numerus circulorum, numero convenit librorum. Sunt enim quadraginta duo libri Veteris Testamenti, Novi vero sex, quibus si Epistolæ Pauli et Epistolæ canonicæ, quæ in duobus voluminibus continentur, jungantur, omnes libri quinquaginta fient. Liber enim Ruth, sicut Hieronymus dicit, in libro Judicum computatur; et Esdras et Nehemias in uno volumine coarctantur. Merito igitur quinquaginta sunt circuli, siquidem et libri sunt quinquaginta. Et hæc quidem de cortinis dicta sufficiant. Nunc de sagis videamus.

« Facies et saga cilicina undecim ad operiendum « tectum tabernaculi. Longitudo sagi unius habebit « triginta cubitos, latitudo quatuor. Equa erit « mensura sagorum omnium. » Sicut enim per cortinas viros doctos et religiosos, ita per saga cilicina 94 sæculares et peccatores intelligimus; in illis enim hyacinthus, purpura, coccus et byssus resurgunt: in his autem asperi, hirsuti et pungentes pili caprarum horrent, quoniam illi virtutibus decorantur, isti vero vitiiis et peccatis deturpantur. Et plura quidem sunt saga quam cortinæ, insuper etiam et longiora, quoniam peccatores et plures sunt, quam justi, et magis divitiis, et honoribus sublimati. Unde ipsa Veritas ait: Quoniam « multi sunt vocati, pauci vero electi (Matth. xxii, 14). » Hæc autem tectum operiunt, hæc a grandinis et pluviarum injuriis tabernaculum defendunt, quoniam si monachi et sacerdotes omnes essemus, facile a Saracenis et latronibus Ecclesia conculcaretur. Unde pro regibus et cæteris qui in sublimitate positi sunt, orare Apostolus jubet, et membra contemplabilia magis necessaria esse dicit. Quod vero cortinæ et saga in latitudine æqualia sunt, id est quatuor cubitorum, omnes justos et injustos eandem Evangeliorum fidem tenere demonstrat. Sequitur:

« E quibus quinque junges seorsum, et sex sibi « mutuo copulabis; ita ut sextum sagum in fronte « tecti duplices. Facies et quinquaginta ansas in « ora sagi alterius, ut cum altero copuletur. » Sicut enim cortinæ, ita et saga copulantur: earum igitur expositio hic quoque sufficit. Sextum autem sagum, quod cortinis superabundat, medium duplicatur in

fronte tecti, et medium operit posteriora tabernaculi, non quod unum sagum ita dividatur, alioquin totum tabernaculum uno sago tegetetur; sed quia unum sagum ideo additum est, ut cortinae omnes sagis operiantur. Anse autem et in sagis, et in cortinis idem significant. Duæ vero sagorum partes, duo Ecclesiae parietes sunt, de quibus jam diximus. Coniunguntur autem hæc duæ partes quinquaginta fibulis æneis, sicut et duæ partes cortinarum quinquaginta circulis aureis; idem enim sunt circuli aurei, quod fibulae æneae: significat enim, ut diximus, quinquaginta libros utriusque Testamenti. Sed in cortinis coniungendis aurei sunt, quia doctores ibi et religiosos viros coniungunt; hic autem ænei, quia indoctos et peccatores uniunt, qui non tantum ad aurum et sapientiam, quæ in eis fulget, quantum ad æs, et sonantem litteram, et simplicem historiam attendunt; de quibus subditur: « Quinquaginta fibulae æneae facies, quibus iungantur anse, ut unum ex omnibus operimentum fiat; » sitque in his unum ovile, et unus pastor.

« Quod autem superfuert in sagis, quæ parantur tecto, id est unum sagum, quod amplius est, ex medietate ejus operies posteriora tabernaculi; et cubitus ex una parte pendebit, et alter ex altera, qui plus est in sagorum longitudine utrumque latus tabernaculi protegens. » Quod saga et in fronte tabernaculi, et in posterioribus, et in utraque parte a cortinis sic abundant, significatio est, quod et in principio Ecclesiae, et in ejus ultima consummatione, et modo quandiu in hoc mundo versantur, semper mali plures sunt quam boni; tamen quia sagum in fronte tabernaculi duplicatur, posteriora tegit, majori in principio, et fine sanctam Ecclesiam protectione indigere significat, quoniam et in principio majorem tribulationem passa est, et majorem in fine passura est. De prima namque ejus persecutione Dominus ait: « Venit hora, ut omnis, qui interficit vos, arbitretur se obsequium præstare Deo (Joan. xvi, 2). » De ultima autem sic: « Erit tunc tribulatio talis, qualis non fuit ab initio sæculi usque nunc, neque fiet (Math. xxiii, 21). » Hæc autem de sagis dicta sint.

« Facies et operimentum aliud tecto de pellibus arietum rubricatis, et super hoc aliud operimentum de hyacinthinis pellibus. » Tria enim operimenta habuit tabernaculum, id est sancta Ecclesia: primum cilicium, secundum pelles rubras, tertium pelles hyacinthinæ. Quoniam enim peccatoribus ad poenitentiam conversis cilicium convenit, ideo cilicium poenitentes significat. Quia vero proprio sanguine martyres rubricantur, ideo pelles rubricatæ martyres indicant. At vero hyacinthinæ, quia aereum colorem habet, ideo quidem pro cælo ponitur. Quoniam igitur peccatoribus ad fidem conversis statim in ipso fidei initio poenitentia injungebatur, non immerito primum eorum operimentum cilicium erat; sed cum quidam eorum statim suscepta poenitentia, prius etiam quam baptizari potuissent, ad

A supplicium tracti decollantur, quid aliud isti quam pelles rubricatas post cilicium induebant? At vero quia mox in rubricatis pellibus corpus involutum relinquens, cæli secreta anima penetrabat, tertium quidem operimentum pelles hyacinthinæ suscipiebat. Sit igitur primum indumentum poenitentia et cilicium, secundum martyrium, tertium cælum. His autem breviter expositis, de tabulis videamus.

« Facies et tabulas stantes ante tabernaculum de lignis Setim, quæ singulae denos cubitos in longitudine habeant, et in latitudine singulos ac semissem. » Per tabulas, sicut in sequentibus aper-

B tot sunt et libri. Stant autem ante tabernaculum, ut semper ab his, qui in tabernaculo sunt, videantur; quoniam sacrae legis volumina semper ante oculos habere debemus. Fiunt autem hæc tabulae de lignis Setim, quod *spina* interpretatur, quoniam sanctorum librorum sententiæ semper pungunt et redarguunt peccatores. Habent autem denos cubitos in longitudine; quia decem præcepta legis nos docent et observare admonent. Neque enim plus longitudinis habere potuerunt, quoniam in illius decem præceptis totius legis plenitudo continetur; quæ qui observaverint ⁹⁵ nihil eis deerit ad perfectionem. Habent autem cubitum et dimidium in latitudine, quoniam unusquisque liber imperfectus est, quantum ad se, et ut ejus dimidius cubitus compleri valeat, alterius indiget supplemento; unde et se vicissim in testimonium vocant. Nam ipsa quoque Evangelia multis in locis lege et prophetis confirmantur. O quoties beatus Paulus in hujus tabulae, quam nunc deoramus, expositione necessarius est! Tabulis ergo tabulae iungantur, omnesque medii et imperfecti cubiti aliorum conjunctione compleantur; unde et subditur: « In lateribus tabulae, duæ incastraturæ siant, quibus tabula alteri tabulae connectetur. » Quasi enim per incastraturam inter se tabulae connectuntur, quoniam sacra volumina tam concorditer quibusdam in locis sibi conveniunt, ut idem penitus dicere videantur.

C « Quarum viginti erunt in latere meridiano, qui vergit ad austrum, quibus quadraginta bases argenteas fundes, ut binæ bases singulis tabulis per duos angulos subjiciantur. » Quadraginta namque et duo sunt omnes libri Veteris Testamenti; siquidem Ruth in Judicum, et Nehemias in Esdræ libris computantur. Novi vero Testamenti sunt libri sex: quatuor videlicet Evangelia, Actus apostolorum et Apocalypsis; cæteri vero non libri, sed Epistolae vocantur. Omnes ergo libri utriusque Testamenti sunt quadraginta et octo; totidem autem sunt et tabulae, quibus clauditur tabernaculum. Vide igitur quam convenienter libri per tabulas intelliguntur. Viginti ergo tabulae ponuntur in latere meridiano; quatenus denario numero duplicato, totam legem dupliciter intelligendam esse sciamus, ut prius se-

condum litteram, deinde vero spiritualiter totam legem exponamus. Si enim hoc solum Judæi intellexissent, hodie non Judæi, sed Christiani essent. Nos ergo et secundum litteram, et spiritualiter et legem et prophetas intelligamus, et has duas bases unicuique tabulæ subijciamus, quibus teneatur et sustineatur. Hoc est enim, quod ait, ut binæ bases singulis tabulis per duos angulos subijciantur; duæ enim bases, duæ intelligentiæ sunt, littera videlicet et spiritus; hæc autem singulas tabulas tenent et sustinent, quoniam sine his duabus intelligentiis sacræ legis libros nec tenere, nec portare valeamus. Hæ autem bases argenteæ sunt, quoniam et mundæ; et veræ sunt. Quod enim argenti eloqui puritatem et veritatem significet, audi Psalmistam: « Eloquia Domini casta, argentum igne examinatum (Psalm. xi, 7). » Ideo enim in angulis hæc bases positæ sunt, ut unaqualibet sublata, tabula stare non valeat; cadit igitur tabula, nisi utraque teneatur. Hoc autem illi audiant, qui vel tantum ad litteram, vel tantum spiritualiter Scripturas intelligere volunt, et dum tantum in unam basem tabulam ponunt, caveant ne et ipsi cum tabula cadant.

« In latere quoque secundo tabernaculi quod vergit ad aquilonem, viginti tabulæ erunt, quadrangulæ habentes bases argenteas: binæ bases singulis tabulis supponentur. » Hoc autem qui non intelligit, supradictam expositionem iterum legat.

« Ad occidentalem vero plagam tabernaculi facies sex tabulas. » Hæ tabulæ sex libri sunt Novi Testamenti. Qui bene quidem ad occidentalem plagam ponuntur, quoniam, jam sole vergente ad occasum, post omnes alios et in ultima ætate edui sunt. « Nos enim sumus, ait Apostolus, in quos fines sæculorum devenerunt (I Cor. x, 11). » Beati illi oculi, qui has tabulas videre, et eorum artificiosam compositionem cognoscere merentur.

« Et rursum alias duas facies, quæ in angulis erigantur post tergum tabernaculi. » Si enim hæ duæ post tergum tabernaculi eriguntur, illas utique sex in fronte tabernaculi esse oportet. Unde manifestum est quod sex tabulæ Novi Testamenti in ipso introitu tabernaculi stabant. Et merito quidem, quia nisi per has, nemo tabernaculum nisi fur et latro ingreditur. In his enim tabulis Salvator noster depictus clamat: « Qui non intrat per me in ovile ovium, sed ascendit aliunde, ille fur est et latro (Joan. x, 1). » Itemque: « Ego sum ostium: per me si quis introierit, salvabitur (Ibid., 9). » Duas vero tabulas, quæ post tergum tabernaculi eriguntur, duos libros Machabæorum esse puto: ipsi enim in toto Veteri Testamento ultimum locum tenent. Qui merito post tergum tabernaculi ponuntur, quoniam illis temporibus lex conculcata et abscondita latuit, nullique fas erat tabulas inspicere, et lectioni operam dare, omnesque Judæi, legibus propriis relictis, ad gentium ritus converti cogebantur.

« Eruntque conjunctæ a deorsum usque sursum, et una omnes compago retinebit. Duabus quoque

tabulis, quæ in angulis ponendæ sunt, similis junctura servabitur, et erunt simul tabulæ octo: bases earum sedecim argenteæ, duabus basibus per unam tabulam supputatis. » Quid earum junctura, et compago significet, jam dictum est: significat enim concordiam et virtutem, quam omnia divina divinæ legis volumina inter se habent: omnia enim unum dicunt, omnia unam fidem prædicant, omnia unum Deum et laudant et magnificant. Et hæc quidem est eorum compago, omnia a deorsum usque sursum, ab ultimo usque ad primum. Ab Apocalypsi usque ad Genesim unam fidem et unum Deum prædicando concordant. Quod autem ait, ut duabus quoque tabulis similis junctura serveatur, duobus Machabæorum libris auctoritatem tribuit, et simul cum cæteris in canonem ponit. Et quidem juste satis; siquidem in eis magis Dei virtus et potentia narratur.

« 96 Facies et vectes de lignis Setim quinque ad continendas tabulas in uno latere tabernaculi, et quinque alios in altero, et ejusdem numeri ad occidentalem plagam, qui mittentur per medias tabulas a summo usque ad summum, ipsasque tabulas deaurabis, et fundes in eis annulos aureos, per quos vectes contineant, quos operient laminis aureis. » Quid enim per quinque vectes nisi quinque corporis sensus intelligimus? Qui tunc quidem de lignis Setim sunt, et laminis aureis operiuntur, quando non carnalis, sed spiritualia sentire incipiunt; hoc enim modo et imputribiles efficiuntur, et tanquam aurum, imo plus auro refulgent. Sunt enim quinque corporis sensus, visus, auditus, gustus, odoratus et tactus, sine quibus tabulæ tabernaculi, id est divinæ legis volumina, stare non possunt. Jam enim omnia cecidissent et defecissent, nisi mentis et corporis oculis viderentur, nisi cordis et capitis auribus audirentur, nisi interiori et exteriori palato et gustu dulcia sentirentur, nisi eorum intelligentiæ odor delectaret; nisi eorum tactus corda feriendo pulsarent, et ad superni luminis amorem inflammarent. Hi ergo sunt quinque vectes, qui per annulos aureos inseruntur, quando prædicti sensus sacrorum librorum præclaris sententiis involuti divinam legem neque cadere, neque oblivioni tradi permittunt. Quot enim sunt sententiæ, tot sunt et aurei circuli, tantisque circulis vectes inseruntur, quantis sententiis intellectus involvitur, qui a summo usque ad summum per omnes tabulas inseruntur. Quod autem omnes tabulæ sunt deauratæ, omnes libros divinos sapientiæ et scientiæ luce præfulgere significat. Hæc autem de tabulis dicta sint.

« Et eriges tabernaculum juxta exemplum, quod tibi in monte monstratum est. » Vidit enim Moyses exemplum erigendi tabernaculum; qualiter tamen erigatur, non dicitur. Tunc enim tabernaculum erigetur, quando, perfectis omnibus, S. Ecclesia super cælos exaltabitur. Dicamus tamen, qualiter secundum litteram, hoc tabernaculum erectum fuisse

putamus. Erant enim quadraginta octo tabulae, quibus tabernaculum claudebatur, super quos erant cortinae habentes longitudine viginti octo cubitos. Tanta erat latitudo tabernaculi, quanta longitudo cortinarum. Omnes autem cortinae decem erant. Habebat autem unaquaeque in latitudine quatuor cubitos, quae simul junctae faciunt cubitos quadraginta; quatuor enim decem quadraginta faciunt. Aut igitur quadraginta cubitorum erat longitudo tabernaculi, aut decem cortinarum cubitis in posteriora pendebantibus ad triginta cubitos ejus longitudo contraheretur. Ideo enim decem cubitos cortinarum post tergum tabernaculi pependisse puto, quoniam decem cubitorum erat longitudo tabularum, super quas cortinae tendebantur. Super cortinas autem et saga posita erant, quorum unus cubitus pendeat ex uno latere tabernaculi, et alter ex altero. Quod ideo quidem fiebat, quia saga duobus quidem cubitis longiora erant, quam cortinae. Praeterea, si tabernaculi longitudo plus triginta cubitis erat, tabulis utique claudi non poterat: erant enim tabulae viginti ex uno latere tabernaculi, et viginti ex altero, quae singulae habebant in latitudine cubitum, et dimidium, qui simul juncti non faciunt nisi cubitos triginta.

« Facies et velum de hyacintho et purpura, coque bis tincto, et bysso retorta opere plumario, et pulchra varietate contextum, quod appendens ante quatuor columnas de lignis Setim, quae ipsae quidem deauratae erunt, et habebunt capita aurea, et bases argenteas. Insetur autem velum per circulos, inter quos pones arcam testimonii, ex quo sanctuarium, et sanctuarii sanctuarium dividetur. » Hoc velum, quod positum erat inter Sancta sanctorum, testante Apostolo, caelum significat. Ait enim ipse: « Christus assistens pontifex futurorum bonorum per amplius, et perfectius tabernaculum, non manu factum, id est non hujus creationis, neque per sanguinem hircorum, aut vitulorum, sed per proprium sanguinem introivit semel in Sancta, aeterna redemptione inventa (Hebr. ix, 11). » Quod adhuc manifestus declarans, ait: « Non enim in manufacta Sancta Jesus introivit, exemplaria verorum: sed in ipsum caelum, ut appareat nunc vultui Dei pro nobis (Ibid., 24). » De hyacintho. Hyacinthus est herba seu flos, hyacinthus est et lapis; flos autem et lapis est caerulei coloris, quem colorem in nubibus sole irradiatis saepe videmus. Et hyacinthum quidem in caelo conspiciamus, quoniam hyacinthinum colorem caelum ostendit. Purpuram etiam et coccum in stellarum fulgore quodammodo monstrare intuemur; byssi quoque candor aliquando in luna apparet. Quam pulchra varietate caelum sit contextum, ipsi nobis oculi manifestant. Ipsum autem velum, quod tabernaculum dividebat, non sine magno sacramento tanta varietate contextum fuerat.

A Hyacinthus enim velo intextus mundana despiceret, caelestia amare, et si non voce, colore tamen praeedicabat; purpuram vero qui videbant (si tamen quod videbant, intelligebant) per eam ad amorem justitiae accendebantur; purpura enim justitiam designat, quam solis regibus induere licebat. Unde et illis per Sapientiam dicitur: « Diligite justitiam, qui iudicatis terram (Sap. i, 1); » propter quam causam et Romani pontifices ea utuntur. His ergo datur purpura, quibus est jus in populo facere justitiam. Coccus vero totus sanguineus, et charitatis flammee colore bis tinctus ad martyrium homines provocabat, tantaque fortitudine roborabat, ut **97** non solum pro Deo et fide tuenda, verum etiam alter pro altero mori non dubitaret. Bysso vero retorta, carnem affligere, et corporis candorem et castitatem diligere admonerat. Erat ergo hoc velum opere plumario factum, quatenus terrena relinquere, et ad caelestia animas volare, doceret. Hoc ergo velum, quod sic praedicat, sic admonet, sic docet, sic suadet, Evangelii praedicatio est. Unde et ante, quatuor columnas pendere dicitur, per quas quatuor evangelistas intelligimus; Matthaeum videlicet, Marcum, Lucam et Joannem. Ante hos autem hoc velum pendet, quoniam ab ipsis pingitur, ab ipsis variatur, ab ipsis praedicatur, ab ipsis sustinetur et portatur. Isti sunt autem columnae Ecclesiae, non de alio nisi de ligno Setim, et de ligno forti et imputribili, quoniam isti sunt, de quibus dicitur: « Justi autem in perpetuum vivent (Sap. v, 16). » Sunt autem haec columnae deauratae, quoniam evangelistarum praedicationi nulla sapientia vel scientia comparari potest. Habent autem capita aurea, in quibus desiderabilis thesaurus requiescit. Et revera capita aurea sunt, de quibus tam aurea, tam fulgida, tam clara et pretiosa verba manarunt. Unde per Psalmistam dicitur: « Praeceptum Domini lucidum, illuminans oculos (Psalm. xlviii, 9); » itemque: « Lucerna pedibus meis verbum tuum, et lumen semitis meis (Psalm. cxviii, 105). Et quoniam argentum veritatem sermonis, et eloquii puritatem significat, secundum illud: « Eloquia Domini eloquia casta, argentum igne examinatum (Psalm. xi, 7); » ideo super bases argenteas haec columnae stare dicuntur. Nunquam enim evangelistae a veritate deviant, nunquam falsa loquuntur; quaecunque dicunt, vera sunt, justa sunt, sancta sunt, munda et nimis credibilia sunt. Infelices Judaei, qui his columnis contradicunt, qui bases argenteas, super quas posita sunt, non attendunt. Insetur ergo velum per circulos, quoniam evangelica praedicatio Christi sententiis illigata tenetur. Hoc autem velum dividit tabernaculum, et Novum, et Vetus separat Testamentum: hoc autem quid caelum a terra, quid justi a peccatoribus differant (231), ostendit. Sequitur:

« Pones et propitiatorium super arcam testimonii in Sancta sanctorum, mensamque extra velum,

(231) Cod. Cassin.: Hoc autem quod caelum a terra, quod justi a peccatoribus differant.

« et contra mensam candelabrum in latere tabernaculi meridiano. » Mensa enim stabat in parte aquilonis. De his enim omnibus superius expositum est. Propitiatorium enim ponitur super arcam, quando respectus divinæ miserationis subveniendo respicit Ecclesiam. Mensa autem ponitur extra velum, quia scientia sacri eloquii nulli invidiose absconditur, sed cunctos satiat, qui ad eam cum gratiarum actione accedere desiderant. Ponitur autem contra mensam candelabrum, ut fercula imposita videantur; quoniam, nisi Christo illustrante, divina Scriptura intelligi non valet; ipse enim est « lux vera quæ illuminat omnem hominem venientem in hunc mundum (Joan. 1, 9). » Et quia Deus ab austro venit, ideo in latere meridiano candelabrum ponitur. Quia vero ab aquilone pendunt mala super omnem terram; ideo in parte aquilonis ponitur mensa. Illum enim locum maxime munire debemus, per quem hostes in nos irrumpere timemus.

« Facies et tentorium in introitu tabernaculi de hyacintho, et purpura, coccoque bis tincto, et bysso retorta opere plumario. Et quinque columnas deaurabis lignorum Setim, ante quas ducetur tentorium, quarum erunt capita aurea, et bases æneæ. » Hoc enim tentorium, quod fit in introitu tabernaculi, gloriosum apostolorum chorum intelligimus, quibus cæli et Ecclesiæ claves, quibus et solvendi potestas, quibus paradisi januas aperire et claudere concessum est. Fit ergo hoc tabernaculum de hyacintho, quoniam, ut jam sæpe dictum est, hyacinthus pro cælo ponitur; apostoli vero cæli sunt, de quibus dicitur: « Cæli enarrant gloriam Dei (Psalm. xvm, 1). » Sunt autem et purpura, quoniam purpura reges designat. Reges apostoli sunt ipsi duodecim tribus Israel, inducti purpura judicabunt. De ipsis enim dicitur: « Principes populorum congregati sunt cum Deo Abraham (Psalm. xlv, 10). » Sunt autem et coccus bis tinctus, quoniam Deum confitendo, et proximum docendo, proprii sanguinis effusione cruentari meruerunt. Coccus enim tingitur, quando pro Deo, et proximo martyrium sumit (232). Sunt vero et byssus retorta, utpote virtutibus candidati, et super nivem dealbati, magna que, in præliis fortitudine roborati: byssus enim ad hoc retorquetur, ut fortior fiat. Apostolorum autem fortitudo, et virtus, quo magis a tyrannis torquebantur, tanto major esse manifestabatur. Et isti quidem, sunt illi cherubim oculati et plumati, qui totam Ecclesiam ferunt. Quinque vero columnæ, quas deaurari præcepit, quinque libri Moysi intelliguntur (233), qui tunc quidem deaurantur, quando spiritualiter intelliguntur. Per hos enim quinque libros, omnia utriusque Testamenti mandata intelligimus. Si enim per decem verba tota lex significatur; cur per quinque libros, in quibus ipsa eadem verba continentur, tota lex significari non debet? Ante has autem quinque columnas ducebatur, et tendebatur tentorium,

(232) God. Cassin.: Coccus enim bis tinctus est, quando quis pro Deo et proximo martyrium sumit.

A quoniam sancti apostoli ubicunque erant, legem et prophetas ante se semper et in mente habebant. Ante columnas quidem tentorium tendebatur, 98 quia semper ad columnas intuebatur. Sunt autem columnarum capita aurea, quia eorum vox, et prædicatio sapientiæ et scientiæ splendore refulget. Bases autem æneæ sunt, quia clarum et bene sonantem tintum reboant; æs enim præ cunctis metallis clarius sonat. Sicut igitur per aurum sapientia, ita per æs vocis sonus intelligitur. Merito igitur columnæ aurea capita, et bases argenteas habent, quoniam evangelica prædicatio, et divinæ legis volumina et sapientia quidem fulgent, et fama atque sonitu ubique resonant.

CAPUT XXVII.

B « Facies et altare de lignis Setim, quod habebit quinque cubitos in longitudine, et totidem in latitudine, id est quadrum, et tres cubitos in altitudine. Cornua autem per quatuor angulos ex ipso erunt, et operies illud ære. » Finito enim tabernaculo, de altari loqui incipit, et pone idipsum per altare significat, quod per tabernaculum significavit. Mos enim est prophetarum unam eandemque rem diversis modis significare. Quod quidem in libro Apocalypsis aperte dignoscitur, ubi una eademque visio septies diversis figuris replicatur. Altare enim hoc in loco Ecclesiam designat: quod quare dicatur fieri de lignis Setim, qui superiora legit, non ignorat. Hoc autem altare quadrum est, quoniam in quatuor mundi partes sancta Ecclesia extenditur et dilatur.

C Quas quidem Psalmista breviter enumerans, ait: « A solis ortu, et occasu, ab aquilone, et mari (Psalm. cxi, 3). » Habet autem quinque cubitos per unamquamque partem; unicuique Ecclesiæ parti horum quinque librorum fides et mandata sufficiunt. Si enim spiritualiter intelliguntur, totum et Vetus, et Novum Testamentum in eis continetur; quos quidem ideo Moyses præ omnibus aliis voluminibus ponit; quoniam et omnes alios in se complectuntur, et quasi primogeniti inter omnes habentur. Merito igitur inter alios obtinent principatum, qui priores sunt ipsa civitate. Non tamen illos Evangelii præfero, quoniam ab uno eodemque fonte fluxerunt; atque ipso quoque numero utraque volumina convenirent, sed Deuteronomium replicatur, quia secunda lex interpretatur. Et secunda quidem lex est Novum Testamentum; siquidem prima lex Vetus Testamentum dicitur; non enim sunt Testamenta nisi duo. Hic ergo liber, qui dicitur Deuteronomii, medius est inter utrumque, siquidem illa replicat, et ista significat. Si autem ista significat, ubicunque hic liber est, qui secunda lex dicitur, ibi et Evangelia sunt. Aut igitur libri Moysi non sunt quatuor, aut eorum quintus secunda lex, id est Evangelium intellegitur. Habet autem hoc altare et tres cubitos in altitudine, quia quando Ecclesia sursum erigitur, tres ei cubitos sufficit mensurare, id est Patrem, et Filium, et

(233) Editio hoc in loco corrupta ex cod. Laurentiano emendatur.

Spiritum sanetum credere et adorare. Noli plus mensurare, quia ulterius egredi non licet; si enim ulterius progrediaris, vel si tantum non progrediaris, jam de hoc altari non eris. Sequitur: «Cornua autem per quatuor angulos, ex ipso erunt.» Quatuor enim cornua, quatuor mundi partes intelliguntur; Oriens videlicet, Occidens, Septentrio et Meridies: hæc autem quatuor cornua ex ipso sunt, quia quatuor mundi partes, non aliunde, sed de ipsa Ecclesia sunt. Operitur autem totum altare ære, quia tota Ecclesia voce clara et consona in Dei laudibus cantare et jubilare non cessat. Ipsa est enim, cui dicitur: «Clama, ne cesses, quasi tuba exalta vocem tuam (Isa. lvm, 1).» Sepe enim jam diximus, quod æs præ cæteris metallis clarius et altius resonat; unde et pro sono vocis sanctaque prædicatione æs frequenter accipitur.

«Faciesque in usus ejus lebetes ad suscipiendos cineres, et forcipes, atque fuscinulas, et ignium receptacula.» Malus lebes ille, de quo dicitur: «Moab lebes spei meæ (Psal. cvii, 10).» Hi autem lebetes boni sunt, qui altari deserviunt, qui altare mundant, qui altaris cineres suscipiunt: per hos sacerdotes intelliguntur, qui Dei altare, quod est Ecclesia, ab omni sordiditate tergentes, aliorum cineres, et peccata in se suscipiunt, et suscipiendo longe ab Ecclesia projiciunt; suscipiunt enim, ut deleant, non ut teneant, de quibus dicitur: «Peccata populi mei comedent (Ose. iv, 8).» Hi autem et forcipes tenent, quibus carbonēs de igne trahunt. Carbonēs enim de igne trahere, est eos, qui tribulationis et angustiarum igne exuruntur, fraterna charitate adjuvare et consolari. Consolatio namque et auxilium forcipes sunt, quibus afflicti, de igne et angustii liberantur. Unde Apostolus ait: «Quoniam sicut abundant passionēs Christi in nobis, ita et per Christum abundat consolatio nostra (II Cor. i, 5).» Et Psalmista: «Secundum multitudinem dolorum meorum in corde meo, consolationes tuæ lætificaverunt animam meam (Psal. xciii, 19).» Id ipsum autem per fuscinulas, et per forcipes intelligimus; idem enim est cum fuscinula carnes ferventes de olla trahere, quod carbonēs ardentes de igne eripere. Carnes enim in olla, et carbonēs in igne, fideles quique intelliguntur tribulationibus constricti. Vis esse fuscinula? bonum quidem est in hac fuscinula esse; consolare merentes, succurre miseris, auxiliare egenis, aperi carceres, libera captivos. Hæc sunt enim carnes, quas nostra fuscinula trahit. Sed quid per ignium receptacula? nisi eos qui charitate ferventes hospitalitatem sequuntur, et omnes quos pro Christi nomine affligi, vel ejus amore flagrare cognoscunt, omnemque eis humanitatem exhibentes libenter recipiunt. Si enim carbonēs Christi, 99 fideles afflicti et charitate fervidi intelliguntur, quicumque eos recipit, ignium receptaculum est.

«Omnia vasa ex ære fabricabis, craticulamque in modum retis æneam, per cujus quatuor angu-

los erunt quatuor annuli ænei, quos pones super arulam altaris, eritque craticula usque ad altaris medium.» Omnia enim vasa altaris ex ære sunt, quatenus omnes Ecclesiæ filii, qui per vasa intelliguntur, clara et consona voce Deum laudent, et prædicent, et benedicent. Nisi enim vasa sanctos significarent, vas electionis Apostolus non diceretur. Quid vero craticula ænea, nisi evangelicam prædicationem designat? Cur autem ænea dicatur, sæpe jam diximus; hujus enim campanæ clarissimus sonus universum mundum replevit (234). Quæ bene in modum crucis fieri jubetur, quoniam a piscatoribus trahitur. De hac enim Dominus apostolis ait: «Mittite in dexteram navigii rete, et invenietis: miserunt ergo, et concluderunt piscium multitudinem copiosam (Joan. xxi, 6).» Quia enim evangelica prædicatione omnia genera hominum, quasi quodam rete capit, et tenet, ideo in Evangelio dicitur: «Simile est regnum celorum sagenæ missæ in mari, et ex omni genere piscium congreganti (Matth. xiii, 47).» Quatuor autem annulos æneos, qui per quatuor angulos craticulæ positi erant, vel quatuor evangelistas, vel quatuor virtutes principales intelligimus; his enim craticula, id est evangelica prædicatione, non omnes qui in Ecclesia sunt, in se colligere et retinere valet; eam enim Ecclesiæ partem craticula tenet, quæ evangelicæ prædicationi obedire non renuit. Medium autem altaris sola pars honorum intelligitur.

«Facies, et vectes altaris de lignis setim duos, quos operies laminis æneis, et induces per circuitum.» eruntque ex utroque latere altaris ad portandum. Hoc autem quid significet, satis superius expositum est. Dictum est enim quid vectes, quid ligna setim, quid laminæ æneæ, et quid circuli designent, atque idem sæpius dicere supervacaneum esse putamus. Sequitur: «Non solidum, sed inane et vacuum intrinsecus facies illud, sicut tibi in monte monstratum est.» Quantum enim ad litteram, ideo non solidum, sed inane et vacuum hoc altare factum est, ut facilius portari potuisset. Quantum autem ad significationem, ideo vacuum et concavum, ut Dei thesauros in se recipere et continere valeat. Quid autem est quod totum tabernaculum cum tabulis et columnis de argento sit, altare autem, quod dignius et excellentius esse videtur, ex ære construitur? nisi quia divina Scriptura non secundum materiam (235), sed secundum Dei significationem charum vel vile unumquodque dijudicat. Unde et æs secundum se quidem auro vilis est, secundum vero significationem charius Sapientia enim, si in corde occulta teneatur, aurum quidem est; si vero ad audientium aures de corde proferatur, æs est. Quanto igitur sancta prædicatione est melior occulta sapientia, tanto secundum significationem æs auro melius. Unde est illud: «Sapientia abscondita, et thesaurus occultus, quæ utilitas in utrisque?» (Eccli. xx, 32.) Merito igitur ex ære

(234) Ex utroque codice Laurentiano et Casinensi erratis editio expurgatur.

(235) Ex cod. Laurent. textus editionis hic emendatur et perfectior redditur.

fit hoc altare. quoniam solis altaris ministris principaliter convenit predicare; et aurum quidem, et sapientiam habere omnibus licet, altare vero tangere et in Ecclesia predicare non omnibus licet. Hæc autem de altari dicta sufficiant: nunc ad atrium tabernaculi veniamus.

« Facies et atrium tabernaculi, in cujus plaga a australi contra meridiem erant tentoria de bysso retorta: centum cubitos unum latus tenebit in longitudine, et columnæ viginti cum basibus totidem, æneæ, quæ capita cum cælaturis suis habebunt argenteæ. » Mukum enim distat inter atrium et tabernaculum: tabernaculum enim ex hyacintho, et purpura, coccoque his tincto, et bysso contextum est. Atrii vero tentoria ex sola bysso retorta composita sunt. Præterea in tabernaculo et columnæ, et tabulæ, et cætera ex auro et argento fuerunt; in altero vero pene omnia ex ære facta sunt. Quid ergo per atrium intelligimus? Aliud enim quodammodo tabernaculum, et aliud atrium significat: tabernaculum enim, ut puto, primitivam Ecclesiam principaliter designat, quæ a Christi passione usque ad tempora Constantini imperatoris, maxima ex parte de sanctis martyribus constructa est; inde vero usque ad tempora Antichristi tota Ecclesia hujus tabernaculi atrium vocatur. Unde insolito modo multo majus est atrium tabernaculi, quam ipsum tabernaculum. Est igitur atrium tabernaculi Ecclesia confessorum, quæ a tempore præfati principis, ubique gentium dilatata est. Hujus autem tentoria sunt de bysso retorta, quoniam sufficit nobis carnem torquere et macerare, mentisque et corporis eandem et munditiam conservare. Nemo enim cocco vestitur, nemo modo sanguine cruentatur. Sufficit igitur baptismo lavari, bysso vestiri, et candidis uti vestimentis, secundum illud: « Omni tempore vestimenta tua sint candida (Eccl. 1x, 8). » Erant autem a parte australi tentoria, centum cubitorum in longitudine; similiter autem, et ab aquilone erant tentoria totidem cubitorum; tanta enim erat tota atrii longitudo. Sed quare centum cubitorum fuisse dicitur? Decem namque, et centum et mille perfecti numeri sunt, qui replicari quidem possunt, crescere 100 vero non possunt; si enim usque ad decem numeraveris, nisi a capite rursus incipias, quid dicas, non habes; similiter et centum, et mille similiter. Idem igitur est dicere, centum cubitorum, quod multorum cubitorum, et est finitum pro infinito. Centum enim cubitis in longitudine tenditur atrium, quoniam tanta erit ejus longitudo, quanta erit hujus vite dimensio; unum enim terminum et atrium, et mundus habebit. Sunt autem viginti columnæ ex una parte atrii, et viginti ex altera, quatenus et hic et inde omnes, qui in atrio sunt, videant, et legant, et intelligant legem veterem duplicatam. Duplicatur enim lex, quando et ad litteram, et spiritualiter intelligitur. Nam quia decem sunt verba legis, sæpissime tota lex per decem significatur. Ergo quia decem, et decem viginti fa-

A ciunt, legem duplicatam in viginti invenimus. Legant ergo Judæi his decem, ut semel totum decalogum intelligant, alioquin quid viginti columnæ significent, ignorabunt. Quod autem significant viginti columnæ ex una parte, hoc significant viginti ex altera parte. Credat ergo auro qui non vult credere aquiloni; imo credat utrique, quia idem dicit uterque, ut in medio duorum, vel trium testium sit omne verbum. Erant autem columnæ cum basibus æneæ, quod quid significat, sæpius jam dictum est. Habebant autem capita cum cælaturis suis argentea, quia non solum loquebantur, sed vera et pura loquebantur; non tantum ad sonum litteræ, quantum ad spirituales intelligentiam et eloquii puritatem attendebant. In ære namque sonus, in argento vero eloquii puritas intelligitur. Nemo miretur si columnæ loquuntur, diximus enim per columnas legem significari, quæ qualiter loquitur, incipe legere, et cognosces.

« In latitudine vero atrii, quod respicit ad occidentem erant tentoria per quinquaginta cubitos, et columnæ decem, basesque totidem. » Metiamur usque ad quinquaginta, neque ultra progrediamur, ibi stemus, ibi moremur, si et libertatem habere, et perditam hæreditatem recuperare volumus. Quinquagesimus namque annus jubileus vocatur, in quo et servus libertas, et amissa hæreditas ex legis imperio propriis dominis restituebatur; totusque ille annus in lætitia, et in júbilo festivus ab omnibus agebatur. Merito ergo S. Ecclesia ad hunc numerum se dilatando pervenit, ibique dilatata moratur. et de libertate gaudens, et de hæreditate exultans, et ab omni servili et malo opere vacans, enim solemnem constituit in condensis usque ad cornu altaris. Decem vero columnæ cum basibus suis decem verba legis intelliguntur. Habet ergo atrium ex omni parte legem atque mandata, ut sapientiam discat, et peccare timeat, et quid credere debeat cognoscat. Totum enim atrium, quasi quibusdam columnis, his decem legis mandatis sustinetur, quæ mandata in eo quidem, quod aliquando columnæ duplicantur, se dupliciter intelligi debere significant, nihilque aliud significant decem quam viginti, nisi quia viginti quodammodo decem exponunt; quoties enim Decalogum duplicamus, toties duplicem intellectum significamus.

D « In ea quoque latitudine atrii, quæ respicit ad Orientem, quinquaginta cubiti erant; in quibus quindecim cubitorum tentoria lateri uno deputabuntur, columnæque tres, et bases totidem. » Dicitur enim, quid significant cubiti quinquaginta. Restat ergo ut dicamus quid duo tentoria ista significant, quæ ex utroque latere ponuntur in introitu tabernaculi. Hæc enim duo tentoria duo populi sunt, Judæorum scilicet et gentium; ex his enim duobus impletur atrium tabernaculi. Isti sunt duo parietes, quos unus lapis angularis in Ecclesiæ edificio conjungit. Unde Apostolus ait: « Ipse enim est pax nostra, qui fecit utraque unum (Ephes. 11, 14). » Est autem unumquodque tentorium quindecim cubitorum; tot enim sunt psalmi graduum; hic enim nu-

merus ex pari et impari constat, cujus partes sunt septem et octo; unde scriptum est: Da partem septem, nec non et octo. Septem enim hanc vitam, quæ in septem diebus volvitur, designat: octo vero, illam aliam vitam beatam et immortalem, quæ die octava cunctis resurgentibus incipiet. Ea enim die fiet omnium resurrectio, quo Christus Dominus surrexit. Das ergo partem septem, quando hujus vitæ debita solvis; das partem et octo, quando alteri quoque vitæ propria debita largiris. Dum enim manducas et bibis, das partem septem; si vero jejunas et vigilas, das partem octo. Si laboras unde vivas, das partem septem; si vero de propriis justisque laboribus eleemosynas facis, das partem octavam. Merito igitur quindecim cubitorum ante atrium tabernaculi sunt tentoria, quatenus omnes illic venientes, et septem, et octo intuentes, in ipso cubitorum numero, et in ipsa tentiorum quantitate intelligant, qualiter in hac vita conversari debeant. Dent partem septem, dent partem et octo, et sic per bona temporalia transeant, ut æterna non amittant. Tres autem columnæ, quæ ponuntur hinc et inde, id est sex columnæ, quæ in utroque tentorio erant, id ipsum significant, quod sex tabulas in introitu tabernaculi, cum de eo loqueremur, significare diximus; significant enim sex litros Novi Testamenti. Et merito quidem et in tabernaculo, et in atrio tabernaculi Novum Testamentum in fronte ponitur, quoniam per ipsum in Ecclesia intratur. Sicut enim omnes columnæ supradictæ Vetus Testamentum significant, ita omnes quæ hic ponuntur, sive in lateribus atrii, sive in ipso introitu, Novum Testamentum designant, de quibus adhuc subditur.

101 « In introitu vero atrii fiet tentorium cubitorum viginii, ex hyacintho, et purpura, coccoque bis tineto, et bysso retorta opere plumario. Columnas habebit quatuor cum basibus totidem. » Ipsa materia indicat quid per hoc tentorium intelligere debeamus; nusquam enim alibi in toto atrio ponitur hyacinthus, vel purpura, vel coccus. Hoc igitur tentorium, quod in introitu atrii ponitur, et illud quod positum est in introitu tabernaculi, idem significant; illius igitur expositio huic sufficere potest. Significatur enim apostolorum chorus, qui Ecclesiæ portas custodiunt, claves tenent, aperiunt et claudunt, ligant et solvunt, et prius ad fidem, deinde vero in regna cælorum fidelium animas inducunt. Habet autem tentorium quatuor columnas, et bases totidem, per quas quatuor Evangelia cum suis scriptoribus intelliguntur. Quid enim aliud apostoli, nisi quatuor Evangelia? (Magistri sui videlicet doctrinam prædicabant.) Nam et ipsæ eorum bases, id est ipsi Evangeliorum scriptores cum ipsis, et ex ipsis erant, et intra ipsos conversabantur. Quod autem viginti cubitorum hoc tentorium fuisse dicitur, hoc est intelligere, quod sancti apostoli totum Vetus Testamentum dupliciter, id est ad litteram, et spiritualiter exponentes quatuor Evangelii convenire et concordare faciebant. Non enim aliter hoc tentorium

A quatuor Evangeliorum columnæ sustinent, nisi utrorumque Testamentorum significatio conveniret. Omnes columnæ atrii per circuitum vestitæ erant laminis, capitibus argenteis et basibus æneis. In laminis enim et basibus æneis, prædicationis vox et sonitus; in capitibus vero argenteis eloquii puritas et sermonis veritas ostenditur. Quod quidem in superioribus sufficienter expositum est. Per bases tamen columnarum, sanctos prædicatores intelligere possumus, qui utriusque Testamenti libros, et præcepta quasi quasdam columnas ferentes, claro prædicationis sono et eloquio mundum impleverunt. Sequitur: « In longitudine occupabit atrium cubitos centum, in latitudine quinquaginta, altitudo quinque cubitorum erit. » Et hoc quidem expositum est. Quod enim toties bases ex ære fieri præcepit; campanas Ecclesiæ fabricare videtur, campanas utique non tinnientes, sed rationabiliter loquentes, et ad Christi fidem populos invitantes. Erat autem hujus atrii altitudo quinque cubitorum, per quos quinque libri Moysis significari possunt, qui si bene intelligantur totam Ecclesiam sursum, et ad cælestia elevant.

« Cuncta vasa tabernaculi in omnes usus et ceremonias, tam clavos ejus quam atrii ex ære faciēs. » Omnia ex ære sunt, quatenus omnes simul alta et consona voce Deum laudent, prædicent et benedicant. Sequitur:

« Præcipe filiis Israel, ut afferant tibi oleum de arboribus olivarum purissimum, piloque contusum, ut ardeat lucerna semper in tabernaculo testimonii extra velum, quod appensum est testimonio. Et collocabunt eam Aaron, et filii ejus, et usque mane luceat coram Domino: perpetuus erit cultus per successiones eorum a filiis Israel. » Oleum enim a filiis Israel affertur, quando aliquis vir gratia Spiritus sancti, et pietate, et misericordia plenus a toto populo eligitur. Suscipitur autem de arboribus olivarum, id est de doctrina et congregatione sanctorum, quatenus et pacem diligat, et SS. Patrum dulcedinem et saporem imitetur. Sit autem et vita et moribus purus, imo purissimus et, sicut ait Apostolus, irreprehensibilis. Sit quoque pilo contusus, non delicatus, non otiosus, sed in tribulationibus et injuriis per patientiam probatus. Et iste, quidem ad hoc eligitur, ut ardeat lucerna semper in tabernaculo testimonii, ut nunquam tabernaculum sit sine lucerna, ut nunquam sit sine lumine, ut nunquam populus sit sine episcopo et doctore; ipse enim est lucerna, ipse sit et oleo plenus, ipse sit misericordia et pietate repletus. Debet autem ardere hæc lucerna extra velum, ut ab hominibus videatur, ut omnes illuminet et, secundum Evangelium, luceat omnibus qui in domo sunt. Sed extra quod velum? Extra illud velum, quod appensum est testimonio, quod claudit testimonium, quod celat rebus et abscondit divina mysteria. Hoc autem velo illi clauduntur, qui lucere, velamine obumbrati, non possunt. Hanc autem lucernam collocant Aaron et filii ejus; hanc illi ordinant, consecrant et constituunt, qui et primi

sacerdotis, ejusque successorum vicem gerunt. A populo quidem lucerna eligitur, et pontificibus offertur; ab episcopis autem consecratur, et ordinatur, et in sede collocatur. Luceat autem usque mane coram Domino, et donec de hac misera et tenebrosa vita exeat, Dei populum prædicare et illuminare non cesset, ut hac nocte finita, oriatur ei sol justitiæ, et ingrediatur illum diem, de quo Psalmista ait: « Quia melior est dies una in atriis tuis super millia (Psal. LXXXIII, 10). » Hic autem cultus per omnes successiones perpetuus erit a filiis Israel, semperque hæc regula in lucerna tabernaculi, et in episcopo eligendo conservetur.

CAPUT XXVIII.

« Applica quoque ad te Aaron fratrem tuum cum filiis suis de medio filiorum Israel, ut sacerdotio fungantur mihi Aaron, Nadab et Abiu, Eleazar et Ithamar. Faciesque vestes sanctas Aaron fratri tuo in gloriam et decorem. Et loqueris cunctis sapientibus corde, quos replevi spiritu prudentiæ, ut faciant vestes 102 Aaron, in quibus sanctificatus ministret mihi. » Facies, inquit, vestem sanctam virtutibus et sanctitate contextam, sapientia et sanctitate fabricatam in gloriam et decorem. Qui enim hac veste induitur, gloria et decore vestitur. Unde de Salvatore dicitur: « Dominus regnavit, decorem induit, induit Dominus fortitudinem, et præcinxit se virtute (Psal. XCII, 1). » Hanc enim vestem illi viri cordati, et sapientes faciunt, quibus ipse Dominus ait: « Ego dabo vobis os et sapientiam, cui non poterunt resistere et contradicere omnes adversarii vestri (Luc. XXI, 15). » Hanc enim vestem sancti apostoli fecerunt, qui nos suis sermonibus docuerunt, qualiter vestiri et ornari debeamus (236), ut Deo ministrare digni apparere valeamus. Hos autem non humana sapientia, sed sanctus Spiritus, qui eos repleverat, docuit. In his autem Aaron sanctificatus ministret Domino, et nisi his indutus, et nisi prius sanctificatus, non ministret Domino. Vobis, o pontifices, vobis, o Ecclesie ministri, ista dicuntur: vos estis Aaron, vos estis sanctificati, vobis has vestes induere, et in Sancta sanctorum ingredi licet.

« Hæc autem erunt vestimenta, quæ faciunt: « Rationale, et superhumerali, et lineam strictam et cidarium et baltheum. Facientque vestimenta sancta Aaron fratri tuo et filiis ejus, ut sacerdotio fungantur mihi. » Hæc autem singulariter in sequentibus exponemus. Notandum autem quod non solum Aaron, sed et filii ejus sancta Dominus vestimenta facere jubet. Non enim solum pontifices, verum etiam eorum filii, minoris videlicet ordinis sacerdotes sanctis vestibus indui debent. Ministrant enim Domino et ipsi, et ad altare accedunt, sacramenta tangunt, et sacerdotio funguntur.

« Accipientque aurum, et hyacinthum, et purpuram, coccumque bis tinctum, et byssum. » Hæc

A autem vel quatuor elementa secundum Josephum, id est terram, aquam, ignem et aerem, vel quatuor principales virtutes, prudentiam scilicet, justitiam, fortitudinem et temperantiam superius significare diximus. De auro vero sæpe dictum est quod pro sapientia ponatur. Quare autem ista significant per unumquodque reddidimus rationem. Aurum namque in vestibus gestare debet episcopus, quatenus sapientia et scientia totus resurgat. Ferat et hyacinthum, et semper cælestia meditetur et contempletur; ferat et purpuram, ut justitiæ observator; ferat et coccum, ut nunquam charitatis obliviscatur; ferat et byssum, ut castitate sit candidus, et in omnibus temperamentum habeat et discretionem. Portat enim et aliter episcopus hyacinthum, pro aeris cœlique temperie Deum rogans; portat et purpuram pro aquarum inundatione supplicans; portat et coccum pro nimia siccitate, solisque ardoribus exorans; portat et byssum, quando terræ sterilitatem suis orationibus ad fecunditatem convertit. Sequitur:

« Facient autem et superhumerali de auro, et hyacintho ac purpura, coccumque bis tincto, et bysso retorta opere polymito. » De hoc superhumerali discipulis suis Salvator ait: « Tollite jugum meum super vos, et discite a me, quia mitis sum et humilis corde. Jugum enim meum suave est, et onus meum leve (Matth. XI, 30). » Ubi enim, nisi super humeros, jugum et onus portatur? Superhumerali ergo nobis imponamus, quo ad onera deferenda fortes humeros habeamus. Ille enim episcopus non habet superhumerali, qui suscepta onera libenter non portat, e contra vero ille habet superhumerali, de quo dicitur: « Sicut pastor gregem suum pascet, et in brachio suo congregabit agnos, et in sinu suo levabit, et fetas ipse portabit (Isa. XL, 11). » Habeat ergo episcopus superhumerali, et nunquam suscepti oneris obliviscatur; languidas oves, et fatigatas levet, super humeros imponat, et ad pascua reducat, ut confidenter dicere possit: « Ut jumentum factus sum apud te, et ego semper tecum (Psal. LXXI, 23). » Fit autem hoc superhumerali de auro, hyacintho, purpura, coccumque bis tincto et bysso retorta, quia nisi per sapientiam, quæ in auro, nisi per cælestem contemplationem, quæ in hyacintho, nisi per regalem et regiam potestatem, quæ in purpura, nisi per fortitem Dei et proximi dilectionem, quæ in cocco bis tincto figuratur, nisi per mentis et corporis candorem et castitatem, quæ in bysso significatur, onus officii sibi impositi episcopus ferre non valet. Si autem his coloribus atque virtutibus episcopus clarescit, cum Dei adjutorio onus portare valebit; tanto enim majus onus portat episcopus, quanto plures sunt illi, de quibus redditurus est rationem. Unde Apostolus: « Obedite, inquit, præpositis vestris, et subjacete eis; ipsi enim pro vobis vigilant, quasi pro animabus vestris rationem reddituri (Hebr. XII, 17). » Respice ergo, episcope, ad onus quod portas;

respice ad superhumeralē, vides ibi aurum, da operam et studium sapientiæ; vides ibi hyacinthum, intueri cælum, et contemplare cælum; vides ibi purpuram, serva iustitiam: vides ibi coccum bis tinctum, pingat te, si necesse fuerit, sanguis martyrii pro Dei et proximi dilectione; vides ibi byssum retortam, carnem doma, macera et afflige, ut et spiritui serviat, semperque candidior et mundior fiat. Fit autem superhumeralē opere polymito, multisque coloribus variato, quatenus in pulchritudine exteriori, qualis interior esse debeat, facilius episcopus intelligere valeat; omnis enim gloria ejus ab intus.

103 « Duas oras junctas habebit in utroque latere summitatum, ut in unum redeant. » Erat enim superhumeralē tam longum, ut super utrumque pontificis humerum extenderetur; latitudinem vero brevem et modicam habebat, et superior quidem et inferior ora ita sibi in utroque latere summitatum jungebantur, ut una ora secundum sui continuationem ex duabus conficeretur. Dum enim uterque limbus in utroque latere summitatum sibi occurrerent, tam artificiose sibi jungebantur, ut unus ex duobus fieri videretur. In qua re quid aliud significari putamus? nisi ut tota vita nostra sic in bonis operibus continuetur, ut et principio finis concordet, et bonum, quod cepimus, usque in finem non relinquamus: dux namque oræ in unum redeunt, dum prima et ultima vita nostra in boni perseverantia conveniunt. Sequitur:

« Ipsa quoque textura, et cuncta operis varietas erit ex auro, et hyacintho, et purpura, coccoque bis tincto, et bysso retorta. » Exterior enim habitus interiorē gloriam demonstrat, ipsumque superhumeralē ostendit, quales sint humeri, quos premit. In auro namque sapientiam, in hyacintho celestem et angelicam vitam, in purpura regiam potestatem, in cocco bis tincto Dei et proximi dilectionem in bysso vero retorta corporis castitatem et macerationem significat. Hæc ergo ferat episcopus, bis ornatur, his clarescat, sine horum varietate ad altare Dei non accedat.

« Sumesque duos lapides onychinos, et sculpes in eis nomina filiorum Israel, sex nomina in lapide uno, et sex reliqua in altero, juxta ordinem navitatis eorum opere sculptoris, et cælatura gemmarum sculpes eos nominibus filiorum Israel inclusos auro, atque circumdatos, et pones in utroque latere superhumeralis memorialē filiorum Israel. » Portabitque Aaron nomen eorum coram Domino super utrumque humerum propter recordationem. » Sume, inquit, duos lapides onychinos, qui et aspectu pulchri, et ad scripturam retinendam satis fortes sint, quorumque magnitudinis alii non inveniuntur, et sculpes in eis nomina filiorum Israel. Ad hoc enim nomina scribuntur, ne oblivioni tradantur, ut et legentes instruantur. Semper ergo antiquorum Patrum sit memor antistes, semper qualiter vixerint et Deo servierint, recordetur: imitetur

A eorum vitam, sequatur doctrinam, teneat operationem. Duodecim namque filii Israel duodecim sunt filii Christi, quorum mores, doctrinam et vitam imitari, quorum nomina, et memoriam semper debent episcopi mente tenere; ideoque hic dicitur, ut Aaron portet ea ob recordationem. Quomodo portabit ea coram Domino? At quid? Ut vel eorum intercessionem ad misericordiam flectatur Dominus: non sine his vadat episcopus, hos secum deferat, hos intercessores habeat, et dicat: miserere Deus, miserere populo tuo, ut qui in suis meritis non confidit, apostolorum tuorum intercessionibus liberetur. Et hi quidem lapides, in quibus sanctorum nomina continentur, auro sunt circumdati et inclusi, quoniam sancti Dei omnis sapientiæ et scientiæ luce clarescunt.

B « Rationale quoque iudicii facies opere polymito, juxta texturam superhumeralis ex auro, hyacintho, et purpura, coccoque bis tincto, et bysso retorta. Quadrangulum erit et duplex, mensuram palmi habebit, tam in longitudine quam in latitudine. » Quid rationale significet ex nomine ipso et loco, super quem ponitur, intelligi potest. Ponitur enim super pectus pontificis ad cordis thesaurum et sapientiæ secretarium custodiendum. Nisi enim hoc rationale super pectus Psalmista haberet, nequaquam diceret: « In corde meo abscondi eloquia tua, ut non peccem tibi (Psalm. cxviii, 11). » Ubi est rationale, ibi est et ratio, et sapientia, et scientia; hoc enim rationale significat; in quo igitur pectore et corde ista non fuerint, ibi rationale poni non debet; si enim ponatur, inutile est, et quasi sigillum nihil custodiens est. Dicitur autem rationale iudicii, ut qui eo utitur rationabiliter iudicet nihil temere, vel incaute, nihil inordinate iudicet. Fit autem hoc rationale opere polymito, pulchraque varietate distincto, ut multis virtutibus pectus ornatur, omnesque uno temperamento et concordia regantur. Eadem autem textura est in rationali, quam supra diximus esse in superhumerali. Fit igitur et rationale ex auro, hyacintho, purpura, coccoque bis tincto, et bysso retorta, quatenus et in corde per scientiam, et in humeris per operationem, unus atque idem virtutum splendor refulgeat. Debet enim episcopus et operari quod intelligit, et intelligere quod operatur; unde sicut in sequentibus declarabitur, rationale et superhumeralē sibi junguntur. Tunc enim una eademque textura fit utrumque, quando doctrina, et operatio concordant. Est autem rationale quadrangulum, quoniam quatuor virtutibus, quasi quatuor angulis perficitur: hinc enim prudentia, inde iustitia, hinc fortitudo, inde temperantia et rationale, et pontificis pectus exornant. Has enim quatuor virtutes hyacinthus et purpura, coccus et byssus significant. Est autem et duplex propter activam vitam et contemplativam, sive propter duplicem sanctarum Scripturarum intelligentiam. Qui enim episcopus hanc dupliciter non habet, populum sibi commissum, sicut oportet, regere non valet. Habet autem et mensuram palmi tam in longitudine quam in latitu-

line, ut et pectoris contineat quantitatem, et in Dei palma et manu claudatur, secundum illud: « Cor regis in manu Dei (Prov. xxi, 1). » Et psalmus: « In manus tuas commendo spiritum meum (Psal. xxx, 6). »

104 Ponesque in eo quatuor ordines lapidum. « In primo versa erit lapis sardius, et topazius, et smaragdus; in secundo carbunculus, sapphirus, et jaspis; in tertio ligurius, achates, et amethystes; in quarto chrysolithus, onychinus, et berillus: inclusi auro erunt per ordines suos, habebuntque nomina filiorum Israel. Duodecim nominibus calebuntur singuli lapides nominibus singulorum per duodecim tribus. » Duodecim enim sunt lapides, quoniam duodecim sunt patriarche, totidemque apostoli, ex quibus cetera multitudo fidei et religionis originem ducunt. Qui merito quidem lapides pretiosos dicuntur, quoniam in Ecclesie aedificiis et sapientia et sanctitate præ omnibus rutilant. Hi autem lapides ponuntur in rationali pontificis, ut patriarcharum et apostolorum doctrina, fide, moribus, virtutibus et exemplis, semper ejus cor et pectus illuminetur, semperque eorum nomina pontifex cernens et legens, ipsorum conversationem appetat, vitam teneat, et fidem sequatur. Ponuntur autem terni lapides per quatuor ordines, quoniam Trinitatis fides in quatuor Evangelii apostolorum officio divulgata est. Et quamvis singula nomina singulis lapidibus imprimentur, unusquisque tamen non singulis, sed omnibus lapidibus decoratur; unusquisque enim omnium colorem, omnium splendorem et pulchritudinem imitatur; omnes enim et martyrio rubei, et fide virides, et charitate igniti, et celesti contemplatione elari, et pudicitia candidi, et penitentia nigri esse videntur. Nihil denique est in coloribus, nihil in moribus, nihil in splendoribus, nihil in virtute, nihil in sapientia vel in decore, quod in sanctis apostolis non inveniatur.

« Facies in rationali catenas sibi invicem coherentes ex auro purissimo, et duos annulos aureos, quos pones in utraque rationalis summitate, catenasque aureas junges annulis, qui sunt in marginibus ejus, et ipsarum catenarum extrema duobus copulabis uncinis in utroque latere superhumeralis, quod rationale respicit. Facies, et duos annulos aureos, quos pones in summitatibus rationalis, et in oris, quæ e regione sunt superhumeralis, et posteriora ejus aspiciunt, nec non et alios duos annulos aureos, qui ponendi sunt in utroque latere superhumeralis deorsum, quod respicit contra faciem juncturæ inferioris, ut aptari possit cum rationali, et stringatur rationale annulis suis cum annulis superhumeralis vitta hyacinthina, ut maneat junctura fabrefacta, ut a se invicem rationale et superhumernale nequeant separari. » Hoc totum qualiter ad litteram intelligi debeat, sic collige. Rationale duos annulos in duabus extremitatibus superius habebat, quibus duo annuli superhumeralis appositi erant: duobus autem annulis rationalis duæ catenulae junctæ erant. Erant præterea duo

A alii annuli deorsum in utroque latere superhumeralis, per quos vitta hyacinthina trahebatur, quæ duos quoque rationalis annulos continens, sic rationalis et superhumernale vicissim ad se constringebant ut a se separari non possent. Quid autem rationale et superhumernale significet dictum est. Dicamus quid significet, quod sic alterutrum conjunguntur, ut a se separari non valeant. Tunc enim rationale et superhumernale sibi junguntur, quando pontificis prædicatio et operatio bene simul conveniunt. Sicut enim per rationale doctrina et prædicatio, ita per superhumernale onus et operatio designatur. Si enim episcopus bene docet, et male operatur; aut si contra bene operatur, et male docet, ejus superhumernale et rationale non junguntur. De his enim, qui bene docent, et male agunt, ipsa per se Veritas ait: « Super cathedram Moysi sederunt Scribæ et Pharisei, quæcunque dixerint vobis, servate, et facite; secundum opera eorum nolite facere; dicunt enim, et non faciunt, alligant enim onera gravia, et importabilia, et imponunt in humeros hominum, digito autem suo nolunt ea movere (Matth. xxiii, 2). » Isti autem rationale habebant, sed superhumernale non habebant; si enim superhumernale habuissent, non solum digito aliena opera tangerent, verum etiam super humeros ea portarent. Hæreticorum quamplurimos fuisse legimus, qui bene quidem operabantur, sed male docebant. Jejunare namque, vigilare, eleemosynas dare, et similia, bonum opus est. Hæc autem Manichæorum, Arianorum et Donatistarum episcopos fecisse audivimus; sed quoniam male docebant, et errorem prædicabant, quamvis hæc et similia agendo superhumernale facere viderentur, rationale tamen penitus non habebant; si enim rationale habuissent, irrationabilia, id est falsa et erronea non prædicassent. Ille igitur et superhumernale et rationale sibi mutuo conjuncta et ligata portat, qui et bene agit, et bene docet. Sed qui per annulos, et catenulas, vittamque hyacinthinam, quibus rationale sibi jungunt, nisi spem et charitatem, sapientiam et alias virtutes intelligamus? Qui enim has habent, a veritatis doctrina et operatione cessare non possunt: his enim quasi quibusdam retinaculis prædicatio, et operatio sibi junguntur, seque sequuntur, et concorditer sibi mutuo obsequuntur. Sequitur:

« Portabitque Aaron nomina filiorum Israel in rationali iudicii super pectus suum, quando ingreditur sanctuarium, memoriale coram Domino in æternum. » In pectore enim et corde pontificis sanctorum nomina, conversatio, vita et memoria semper esse debet, ut eorum iudicio, et doctrina, et exemplo omnia doceat et operetur. Hæbeat etiam totius populi nomina in corde scripta, ut omnium memor semper pro omnibus ad Deum intercedat.

105 Pones autem in rationali iudicii doctrinam, et veritatem, quæ erat in pectore Aaron, quando ingreditur coram Domino, et gestabit iudicium filiorum Israel in pectore suo in conspectu Domini semper. Hoc autem episcopi audiant, hoc dili-

gentissime attendant; considerent quid significet A quod supra pectus Aaron doctrina et veritas ponitur. Ille enim episcopus rationale in pectore non habet, imo neque cor neque pectus habet, in cuius corde non est doctrina et veritas. Quid enim sine doctrina docebit? Quid sine veritate iudicabit? Ideo enim rationale iudicii dicitur, ut in rationali sit doctrina, in iudicio sit veritas. Semper igitur rationale, semper pectus suum intueatur episcopus; sufficit ibi liber iste, tota lex utriusque Testamenti; scientiam in pectore habet, si tamen intelligit quod in pectore habet. Sed quomodo non intelligat pectus quod in pectore est? Quomodo cor illud non videat cuius pondere premitur? Ideo enim tam prope et super ipsum cor rationale ponitur, ut quid velit et quid significet facile intelligat. Stat rationale super cor, quasi magister super discipulum; clamat voce admirabili, si tamen sit qui audiat; admonet cordis oculos, rogat ut ad se dirigantur, inspiciant et legant, legant et intelligant quid aurum, hyacinthus, purpura, coccus et byssus, quid duodecim lapides, quid nomina in eis relata, quid doctrina et veritas significet. Hoc enim si episcopus intelligit, nihil est sui officii, quod non intelligat, quod quidem Sapiens ille significaverat, qui ait: « In veste enim poteris, quam habebat, totus erat orbis terrarum; et parentum magnalia in quatuor ordinibus lapidum erant sculpta (Sap. xviii, 24). » Sequitur:

« Facies et tunicam superhumeralis totam hyacinthinam, in cuius medio supra erit capitium, et ora per gyrum ejus textilis, sicut fieri solet in extremis vestium partibus, ne facile rumpatur. » Quia enim superhumeralis super hanc tunicam ponebatur, ideo superhumeralis tunica vocatur. Hac autem totus pontifex tegebatur, et ideo juxta collum capitium habebat, quo caput etiam tegeretur. Per hanc autem, sanctam et mundam episcopi conversationem intelligimus, ut sic sancta vita et optima conversatione totus operiatur, quatenus nihil nudum, vel indecens, vel non ornatum in eo appareat, unde et tota tunica hyacinthina foisse dicitur, qua videlicet pontifex indutus non terra, sed cœlum; non homo, sed Deus esse putaretur. Hyacinthus enim, ut jam sæpe diximus, quoniam aerei coloris est, cœlum significat. Hac autem veste indutus erat Apostolus, qui dicebat: « Nostra conversatio in cœlis est (Philip. iii, 20). » In terra adhuc degens ista dicebat; sed quia cœlicam et angelicam vitam agebat, quia hyacinthinis vestibus indutus jam se in cœlo esse gaudebat; inde enim et cœli apostoli dicuntur, quoniam talibus vestibus induuntur. Habet autem hæc tunica capitium, quo totum caput operiens, visum et auditum, gustum et odoratum, quæ in eo sunt, per illicita et nociva vagari non patiantur. Habet autem et oram, et textilem per gyrum in circuitu, sicut in extremis vestium partibus fieri solet, ut non facile rumpatur; per quam perseverantia in bonis intelligitur; de qua scriptum est:

Qui perseveraverit usque in finem, hic salvus

erit (Matth. x, 22). » Tunc enim tunica, id est sancta conversatio interruptitur, quando ab incepto opere qualibet occasione separatur.

« Deorsum vero ad pedes ejusdem tunice per circuitum quasi mala punice facies ex hyacintho, et purpura, coccoque bis tincto, et bysso retorta, mistis in medio tintinnabulis, ita ut tintinnabulum sit aureum, et malum punicum, rursumque tintinnabulum aliud sit aureum, et malum punicum. » Mala namque punice clarissimis et dulcibus granis regulariter ordinata plena sunt, per quæ sanctorum Ecclesia, et congregationes ubique per totum mundum positas, intelligere possumus, in quibus Christifideles concordia, pace et dilectione conjuncti continentur. At vero per tintinnabulum evangelica prædicatio intelligitur; unde et aurea dicuntur. Evangelica prædicatio sapientiæ luce præfulget. Mala vero punice ex hyacintho, purpura, coccoque bis tincto, et bysso retorta fiunt; quoniam sanctorum cœtus ex solis hominibus et virtutibus ædificantur. Sæpe enim jam diximus, quia per hos quatuor colores, quatuor elementa, ex quibus homo constat, vel quatuor virtutes principales intelliguntur. Sunt autem inter mala punice, juxta tintinnabula, ut nulli Ecclesie, vel prædicatori, vel prædicatio desit: tunc enim inter mala granata tintinnabula sonant, quando in conventu fidelium, et in medio ecclesiarum, prædicatorum et doctorum voces audiuntur. Sequitur:

« Et vestiatur ea Aaron in officio ministerii, ut audiat sonitus, quando ingreditur et egreditur sanctuarium in conspectu Domini. » Necesse est ergo pontifices sine intermissione clamare; necesse est semper prædicare; et vocis tintinnabula sonare, et ad fidem, et ad baptismum, et ad penitentiam populum vocare. Sive enim ingreditur sanctuarium, sive egreditur de sanctuario, hoc agere debet, quia quandiu in ecclesia est, quandiu circa se populum cernit (populus enim sanctuarium est) semper edificationis verba eorum auribus insonare et instillare convenit. Hoc enim cum ubique agere bonum sit, ibi tamen præcipue fieri debet, ubi ad sacramenta sumenda Dei populus venire consuevit. Quod quidem si episcopus fecerit, non morietur, si vero non fecerit, morietur. Quid est morietur? Non enim hoc de communi morte dici videtur; **106** omnes enim moriemur: de alia igitur morte hoc est intelligendum, a quo omnipotens Deus nos eripere et liberare dignetur. Sequitur:

« Facies et laminam de auro purissimo, in qua sculpes opere cælatoris, Sanctum Domino. Ligabisque eam vitta hyacinthina, et erit super thiaram imminens fronti pontificis. » Vis cognoscere pontificem? inspicie in fronte, et lege titulum, lege Sanctum Domino. Sic enim titulator frons pontificis. Magna quidem reverentia digna est domus illa, quæ sic titulatur. Hic autem titulus non scribitur, nisi in auro, et in auro purissimo. Quid est aurum? Sapientia: hoc enim jam supra dictum est.

Sed quia non omnis sapientia munda est; siquidem sapientia mundi stultitia est apud Deum, ideo in auro purissimo scribitur, « Sanctum Domino. » Luceat ergo sapientia in fronte pontificis, illa sapientia, quam discipulis suis ille, qui est vera sapientia, promittit, dicens: « Ego dabo vobis os, et sapientiam, cui non poterit resistere, et contradicere omnes adversarii vestri (Luc. xxi, 15). » Qui enim hanc laminam auream non habent, magno quidem ornameto carent. Ligatur autem hæc lamina vitta hyacinthina, per quam sanctam et cœlicam vitam, et Dei contemplationem intelligimus. Divina namque sapientia sine hac vitta hyacinthina teneri non potest, quoniam sic scriptum est: « In malevolam animam non intrabit sapientia (Sap. i, 18). » Erat autem hæc lamina super thiarā, quoniam omnibus ornamentis sapientia in pontifice superior est, et clarius lucet: hæc prima querenda est, hæc inspicienda. Et quamvis cœtera ornamenta habeat, si tamen sapientiam non habet, non est in eo ubi scribatur « Sanctum Domino; » hoc est enim nomen pontificis, quo qui non titulatur, pontifex non est. Imminet autem hæc stella fronti pontificis, ut nunquam abscondatur, ut ab omnibus videatur, ut omnes illuminet, et luceat omnibus qui in domo sunt.

« Portabitque Aaron iniquitates eorum, quæ ob-
tulerint, et sacrificaverint filii Israel in cunctis
muneribus, et donariis suis. » Si enim de Salva-
tore nostro scriptum est: « Vere peccata nostra
ipse tulit, et iniquitates nostras ipse portavit (237). »
Cum populus ad delenda peccata sacerdotibus mu-
nera offerat, quid aliud sacerdotes, nisi peccata po-
puli in muneribus portant? In muneribus ergo pec-
catorum onera populus deponit; sacerdotes vero
econtra peccatis onerantur. Hoc autem onus officii
sacerdotibus sit, ut pro peccatoribus exorantes, et
suum officium digne adimplentes Dei indignationem,
et iram semper placare studeant.

« Erit semper lamina in fronte ejus: ut placatus
sit eis Dominus. » Semper laminam auream pon-
tiffex gestare debet, ut ejus aspectu, et præsentia
populus illuminetur; portet laminam in fronte, por-
tet lucernam in vultu, portet semper sapientiam in
manifesto. deceat et prædicet, instet semper op-
portune et importune, ut ei placatus sit Deus.

« Stringesque tunicam bysso, et thiarā byssi-
nam facies. » Bysso namque tunica, et thiara
stringitur, quia carnis munditie et maceratione,
sanctæ vitæ conversatio, et gloria et corona capitis
retinetur. Quamvis enim tunica bonæ conversatio-
nis episcopus sit indutus, quamvis vitis superatis,
thiara byssina sit coronatus, attamen nisi carnem
domando et castitate utrumque constrinxerit, fa-
cile et thiarā et tunicam perdere poterit. Unde et
de se Apostolus ait: « Sic pugno, non quasi aerem

verberans, sed castigo corpus meum, et in servitu-
tem redigo, ne forte cum aliis prædicaverim, ipse
reprobus efficiar (I Cor. ix, 26). » Sequitur:

« Facies et balteum opere plumario. » Dominus
enim in Evangelio dicit: « Sint lumbi vestri præ-
cincti (Luc. xii, 35). » Qui enim præcingitur, bal-
teo præcingitur. Balteus autem castitas est. Bal-
teo præcingitur, qui castitatis cingulo carnem
stringit, ne luxuriando per illicita fluxa vegetetur. Fit
autem balteus opere plumario, quoniam castitas et
levem hominem reddit, et ad volandum agilem
facit.

« Porro et filiis Aaron tunicas inneas parabis, et
balteos, ac tias in gloriam et honorem, ve-
stiesque his omnibus Aaron fratrem tuum, et filios
ejus cum eo, et cunctorum consecrabis manus,
sanctificabisque eos, ut sacerdotio fungantur
mihi. » Tunicæ namque lineæ, quæ multo labore,
multaque et frequenti aquarum ablutione ad candoris
nitorem perducuntur, carnis macerationem, ut jam
supra diximus, et castitatis munditiam designant.
Igitur et per tunicas, et per balteos, et per tias,
quæ et ipsæ byssinæ erant, pene idem significare
videtur; in quo apertissime intelligi potest, quan-
tum castitas et continentia carnis Domino placeat;
hæc est enim gloria et decor pontificis; his Ecclesiæ
ministri et indui, et decorari, et gloriari debent.
Manus autem eorum consecrantur, ut bono operi
insistant, ut malum et immundum neque tangant,
neque agant.

« Facies et feminalia linea, ut operiant carnem
turpitudinis suæ a renibus usque ad feminalia, et
utentur eis Aaron, et filii ejus, quando ingredien-
tur tabernaculum testimonii, vel quando appro-
pinquant ad altare, ut ministrent in sanctuario,
ne iniquitatis rei moriantur. Legitimum semper
erit Aaron, et semini ejus post eum. Sed et
hoc facies, ut mihi in sacerdotio consecrentur. »
Ecce iterum in feminalibus virtus castitatis commen-
datur, unde et linea fieri jubentur, quoniam per
linum **107** castitas designatur. Illi enim sacerdotes
non habent feminalia, qui carnem turpitudinis suæ
non operiunt, qui carnis pudenda non restringunt,
nec refrenant, ne feminea membra aliquatenus sen-
tiant. Ideoque et renes, et totum femur feminalia
operiunt, quia major ibi carnis titillatio sentitur:
etenim si illa pars corporis diligenter custodiatur,
non est unde carnis pudicitia corrumpatur. Semper
igitur Ecclesiæ ministri habeant feminalia, quoniam
non per intervalla tabernaculum ingrediuntur, sed
semper in templo Dei sunt: siquidem, et ipsi tem-
plum Dei sunt, nunquam se carnis voluptati subji-
ciant, semper lumbos præcinctos habeant, ne mo-
riantur; hoc autem sit eis legitimum non temporale,
sed semperiternum; hanc legem custodiant, nunquam
feminalium et pudicitiae obliviscantur.

(237) Isa. lxxxiii, 4. Vulgata habet: Vere languores nostros ipse tulit, et dolores nostros ipse portavit.

CAPUT XXIX.

« Tolle vitulum de armento (238), et arietes duos
 « immaculatos, panesque azymos, et crustulam
 « absque fermento, quæ conspersa sint oleo : lagna
 « quoque azyma, quæ sint oleo lita, de simila triti-
 « cea cuncta facies, et posita in canistro offeres :
 « vitulum autem, et duos arietes. » Hic autem vitu-
 lus Christus Dominus noster intelligitur, quia de
 armento sanctorum patriarcharum et prophetarum
 secundum carnem originem duces, pro peccatis
 nostris immolatus est. Hic est enim ille vitulus sagi-
 natus, quem pro lætitia redeuntis filii benignissimus
 ille pater occidere jussit. Notum valde est quod
 dicimus. De hoc autem vitulo, et de duobus arietibus
 plenissime in sequentibus tractabitur. Per panes
 autem azymos, et crustulam absque fermento, et
 laganam azymam, incorruptam vitam et sanctam
 conversationem, et utriusque hominis integritatem
 intelligimus. Ideo enim et omnia azyma intelliguntur,
 ut non sint in fermento malitiæ, sed in azymis sin-
 ceritatis et veritatis. Sunt autem et oleo lita, gratia
 videlicet sancti Spiritus, cujus unctione omnia bona
 crescunt et perficiuntur. Sed quia de his omnibus
 plenius postmodum locuturi sumus, interim de eis
 taceamus.

« Et Aaron, et filios ejus applicabis ad ostium
 « tabernaculi testimonii. Cumque laveris patrem
 « cum filiis aqua, et baptizati mudentur ab om-
 « nibus delictis (239), indues Aaron vestimentis
 « suis, » ut exutus « veterem hominem cum acti-
 « bus suis, novum induat, qui secundum Deum creatus
 est in justitia, et sanctitate veritatis (Ephes. iv,
 22). » Quæ sint autem vestimenta, quibus indui de-
 beat, subsequitur enumerans, et ait : « Id est linea,
 « et tunica, et superhumerali et rationali, quod con-
 « stringes balteo, et pones tiaram in capite ejus, et
 « laminam sanctam super tiaram, et oleum unctionis
 « fundes super caput ejus, atque hoc ritu consecrabi-
 « tur. » Vesties, inquit, eum linea castitatis, et tunica
 sanctæ conversationis, et superhumerali bonæ ope-
 rationis : cui rationale quoque doctrinæ et veritatis,
 omnisque sapientiæ indissolubiliter conjungatur.
 Unde et balteo utrumque stringi jubetur. « Et pones
 tiaram, » id est coronam victoriæ in capite ejus,
 per quam cujus sit fortitudinis dignoscatur. « Et lami-
 nam sanctam super tiaram, » ut in ejus fronte lu-
 ceat fulgur sapientiæ. « Et oleum unctionis fundes
 super caput ejus, » ut gratia sancti Spiritus totus
 delibutus, et mente, et corpore sanctificatus, dignus
 ante Deum apparere valeat. Hæc autem, quia jam
 superius exposita sunt, sub brevitate transcurri-
 mus.

Filios quoque illius applicabis, et indues tunicis
 « lineis, cingesque balteo, Aaron scilicet, et libe-
 « ros ejus, et impones eis mitras, eruntque sacerdo-
 « tes mei religione perpetua. » Sæpe jam diximus,

(238) Ex cod. cod. Laurent. corrigitur editio,
 quæ incipit hoc caput verbis, quæ finis sunt præce-
 dentis capituli

A quia per linum pudicitia et carnis munditia designa-
 tur, quia nihil est in vestimentis, quod toties lavetur,
 toties in aquam mergatur et ad candorem siquæ
 munditiam deducatur. Unde non solum Aaron, ve-
 rum etiam filii ejus lineis tunicis indui jubentur,
 quoniam quicumque Deo ministrant, et virtute de-
 bent esse ornati, et balteo castitatis constricti.
 Idcirco in Evangelio Dominus ait : « Sint lumbi ve-
 stri præcincti (Luc. xii, 35). » Ad cujus quoque
 significationis sacramentum etiam mitras eis impo-
 nere jubet, quoniam et mitræ de lino sunt ; idem
 igitur per tunicas lineas, et per balteos, et per
 mitras significatur. Qui enim castitatis veste indui-
 tur, merito quidem vir præcingitur, et ut victor
 coronatur. Isti igitur sunt sacerdotes Dei, perpetua
 religione conservata.

« Postquam initiaveris manus eorum, applicabis
 « et vitulum coram tabernaculo testimonii. » Ta-
 bernaculo enim facto, altari ædificato, vestimentis
 sacerdotalibus compositis, indutis sacerdotibus, hoc
 nunc ex ordine restat, ut de sacrificio loquamur.
 Dicatur ergo : Postquam initiaveris, et consecra-
 veris manus eorum, ut munde dignæque fiant Dei
 tangere sacrificium, applicabis et vitulum coram ta-
 bernaculo testimonii. Vitulus enim iste, ut superius
 diximus, Christus est : Moyses autem aliquando
 Christum significat ; aliquando vero pro omnium
 Judæorum populo ponitur, quoniam omnium dux,
 et princeps, omnium in se consilia gerebat. Appli-
 cavit **108** ergo Moyses, id est populus Judæorum
 vitulum coram tabernaculo testimonii, quando, data
 triginta argenteis, Christum Judei tenuerunt, et ad
 pontifices deduxerunt quorum judicio, quia judica-
 tus et damnatus est, ideo subditur :

« Imponentque Aaron, et filii ejus manus super
 « caput illius, et mactabis eum in conspectu Domini
 « juxta ostium tabernaculi testimonii. » Quid enim
 per Aaron et filios ejus, nisi Anna et Caiphas, et
 sacerdotes, et levitæ, et Scribæ, et Pharisei intelli-
 guntur ? Ii autem imposuerunt manus super caput
 vituli, quia in Christum Dominum manum mittere
 non timuerunt, clamantes et dicentes : « Secundum
 legem debet mori, quia Filium Dei se fecit (Joan.
 xix, 7). » Unde etiam Apostolus ait : « Christi ca-
 put Deus est (I Cor. xi, 4). » Illi ergo imponunt ma-
 nus super caput Christi, qui et Deum illum esse
 negant, et divinitatem in illo opprimere conantur.
 Mactaverunt autem eum in conspectu Domini, quo-
 niam ejus morti semper præsentialiter Dominus ad-
 fuit. Et hoc quidem juxta ostium tabernaculi testi-
 monii, quoniam et si extra portam passus est civitatis,
 in civitate tamen, et juxta templum judicatus et
 damnatus est.

« Sumptumque de sanguine vituli pones super
 « cornu altaris digito tuo. » Quid enim per altare,
 nisi crucem ? Quid vero per cornua altaris, nisi

(239) In cod. Btbl. Montis Amiatae et in Vulgata
 desunt illa verba : *Et baptizati mudentur ab omni-
 bus delictis.*

crucis cornua intelligimus? Sanguis igitur vituli super altaris cornua positus est, quia Christi sanguis de ejus digitis manibusque profluens, crucis cornua cruentavit. Reliquum autem sanguinem fundes juxta basim ejus; basis autem hujus altaris illa crucis pars intelligitur, quæ terræ affixa erat. Funditur igitur sanguis reliquus ad basim altaris, quoniam totus ille Christi sanguis, qui de ipsius pedibus distillavit, et de ejus latere manavit, ad crucis basim fluendo pervenit. Sequitur :

« Sumes et adipem totum, qui operit intestina, et reticulum jecoris, ac duos renes, et adipem, qui est super eos, et offerres incensum super altare. » Quid enim per intestina, et adipem, et ea quæ cordi adhaerent, quæ quidem quasi invisibilia in occulto latent, nisi Christi dilectionem, quam erga nos habuit, et ejus misericordiam et pietatem intelligere debemus? Hæc enim super crucis altare Christus Dominus noster in odorem suavitatis incendens offerebat, quando pro suis persecutoribus orans dicebat : « Pater, ignosce illis, quia nesciunt quid faciunt (Luc. xxiii, 34). » De hoc etiam Psalmista loquitur, dicens : « Sicut adipe, et pinguedine repleatur anima mea (Psal. lxxii, 6). » Itemque : « Memor sit Dominus sacrificii tui, et holocaustum tuum pingue fiat (Psal. xix, 4). » Itemque tres pueri in Daniele : « Sicut in holocausto arietum, et taurorum, et sicut in millibus agnorum pinguum, sic fiat sacrificium nostrum (Dan. iii, 40). » Quid est enim quod omnis adeps offerri jubetur, et holocaustum pingue laudatur? Caro enim mæra et sine pinguedine, neque quando assatur, reddit odorem, neque quando comeditur præstat saporem. Hæc autem pinguedo non corporis sed spiritus, non carnis sed mentis intelligi debet. Animæ namque pinguedo fides est, spes et charitas, et omnium collectio virtutum. Hæc suave redolent, hæc in omni sacrificio Domino placent, et sine his nullum sacrificium est acceptabile. Hoc enim adipe pingues erant illi, de quibus dicitur : « Manducaverunt omnes pingues terræ (Psal. xxi, 30). » Offert ergo Christus adipem suum, offert et holocaustum lætum et pingue, offert et odorem et saporem suavitatis. Ipse enim est mons Dei, mons coagulatus et pinguis. Hujus enim adipis odore, et cœlum repletur, et terra. Sequitur :

« Carnes vero vituli, et corium ejus, et simum » combures foris extra castra, eo quod pro peccato sit. » Hoc enim Apostolus exponens, quod totum hoc de Christo intelligi debeat, manifestat, dicens : « Quorum enim animalium inferitur sanguinis in Sancta pro peccato, horum corpora cremantur extra castra; ita et Jesus ut sanctificaret per suum sanguinem populum, extra portam passus est (Hebr. xiii, 11). » Tunc enim extra castra vituli carnes, corium et simus comburebantur, quando extra portam in

A cruce pendens, pro peccatis nostris Christus Dominus noster duram mortem patiebatur. Nemo autem cum vituli simum legerit, simum quoque Christum significare abhorreat; hoc enim simo pinguescit terra nostra; hoc simo fertilis fit et caro, et anima nostra. Id ipsum enim per simum vituli, et per Noe patriarchæ discooperita verenda significari arbitror. Fimms ergo vituli crucis ignominiam significat. In hoc enim Apostolus gloriatur, dicens : « Mihi autem absit gloriari, nisi in cruce Domini nostri Jesu Christi (Galat. vi, 14). » Vitulus igitur noster, id est Verbum Dei, habet carnes, quibus reficimur. Unde ipse ait : « Qui manducat meam carnem, et bibit meum sanguinem, habet vitam æternam (Joan. vi, 55). » Habet et corium, quod nisi de litteræ superficie detractum fuerit, ad carnes et ad spiritualem intelligentiam accedere non valemus. Nos enim ipsi quando ista dicimus, vitulum, id est Verbum Dei, quodammodo decoriamus; quod enim corium super carnes (240), hoc ignorantia super litteram. Et hæc de vitulo dicta sufficiant.

« Unum quoque arietem sumes, super cujus caput » ponet Aaron, et filii ejus manus, quem cum mactaveris, tolles de sanguine ejus, et fundes circa altare : » ipsum autem arietem secabis in frusta, lotaque intestina ejus, ac pedes pones super concisas carnes, » et super caput illius, et offerres totum 109 arietem » in incensum super altare. » Quamvis enim unum, idemque et per vitulum, et per arietem intelligatur, siquidem utrumque Christi passionem significat, differt tamen; quoniam vitulus illam ejus mortem designat, de qua Apostolus ait : « Christus semel pro peccatis nostris mortuus est, jam non moritur, mors illi ultra non dominabitur (241) (Rom. vi, 9). » Aries autem hanc illius hostiam demonstrat, quæ nunc quotidie in ejus memoriam in sancta Ecclesia pie a sacerdotibus immolatur. Unde et ibi super altaris cornu sanguis ponitur : hic autem solummodo circa altare funditur. Ait ergo : « Unum quoque arietem sumes, super cujus caput ponent Aaron, et filii ejus manus. » Hoc autem in loco Aaron et filii ejus, sanctæ Ecclesiæ episcopos et sacerdotes designant : Superius enim Synagoga significaverunt ministros. Ponunt igitur Aaron et filii ejus manus

D super caput arietis, quando pontifices et sacerdotes puras manus elevant ad Christi corpus conficiendum. Pro toto quidem corpore caput posuit, quoniam caput principalior pars corporis est. Quem cum mactaveris, inquit, tolles de sanguine ejus, et fundes circa altare, quatenus et ore, et corde a fidelibus suscipiatur. Hoc enim altare non convenientius, quam hominis mens, et cor intelligi potest. Funditur igitur sanguis circa altare, quoniam mentes et corda semper tangens, nunquam Christi sanguis et passio a fidelium memoria delebitur. Semper enim in ejus

(240) Bene corrigit eod. Casin. editionem, ubi pro ignorantia legitur ignominia.

(241) Vulgata habet : Si autem mortui sumus cum Christo, credimus quia simul etiam vivemus cum

Christo : scientes quod Christus resurgens ex mortuis, jam non moritur, mors illi ultra non dominabitur. Quod enim mortuus est peccato, mortuus est semel : quod autem vivit, vivit Deo.

sanguine natant corda nostra, semperque ejus sanguis et passio versatur circa mentem nostram. Unde et ipse Dominus ait : « Hoc facite in meam commemorationem (Luc. xxi, 19). » Sequitur :

« Ipsum autem arietem secabis in frusta. » Arietem enim in frusta secamus, quando omnia, quæ de Salvatore scripta sunt, particulariter et per sententias dividentes exponimus, nunc de ejus ineffabili nativitate, nunc de ejus prædicatione, nunc de miraculis, quæ solo verbo operabatur, nunc de passione, nunc de resurrectione, nunc de ejus ascensione verbum facientes.

« Lotaque intestina, ac pedes pones super concissas carnes, et super caput illius, et offeres totum arietem super altare. » Quid enim per ejus pedes et intestina, nisi ejus finem et passionem intelligimus? Finis enim corporis pedes sunt; intestina vero videre, horribile est. Quod ergo significatur per finem vituli, hoc significatur per intestina et pedes arietis. Pedes ergo arietis et intestina lavamus, quando Christum Dominum non imbecillitate, sed voluntate passum esse probamus; quando sputa, flagella, spineam coronam et totam crucis ignominiam (hæc sunt enim ejus intestina) propria voluntate eum sustinuisse, ex ipsius testimonio ostendimus : « Jolatus est enim, quia ipse voluit (Isai. lii, 7). » potestatem enim habuit ponendi animam suam, et iterum sumendi eam. Unde et dicebat : « Nisi granum frumenti cadens in terram mortuum fuerit, ipsum solum manet; si autem mortuum fuerit, multum fructum affert (Joan. xii, 24). » Hoc enim cum dicimus, ejus pedes et intestina lavamus, et ea, quæ in eo infirma, imbecillia et despicienda apparebant, nobilia, fortia et admiranda esse monstramus. Hæc autem, id est, intestina et pedes arietis ponimus super concisas carnes et super caput illius, quoniam postquam Christum Deum esse de virgine natum, inter homines conversatum, cæcos illuminasse, leprosos mundasse, mortuos suscitasse, et cætera quæ fecit, singulariter ostendimus; tunc tandem, et his omnibus illud quoque superponere et reddere debemus, quia pro nobis passus est et propter peccata nostra mortem turpissimam et crucis ignominiam sustinuit. Hic est enim rectus ordo prædicationis, si arietem nostrum, id est Verbum Dei concidentes in frusta secantes, a capite incipientes, ipsumque caput prius ponentes dicamus : « In principio erat Verbum, et Verbum erat apud Deum, et Deus erat Verbum (Joan. i, 1). » Hoc est enim caput arietis. Deinde autem cætera quoque membra per ordinem exponentes, postquam eum hominem factum, de virgine natum, cum hominibus conversatum, et similia, quæ de eo scripta sunt, exposuerimus, tandem ad ejus passionem veniamus, et crucis ignominiam post omnia et super omnia addamus; et hoc quidem est pedes arietis et intestina super concisas carnes et super caput ponere. Quod postquam Joannes evangelista fecisse dignoscitur. Postquam enim dixerat : « In principio erat

A Verbum, et Verbum erat apud Deum, et Deus erat Verbum; » consequitur, et particulatim Christi doctrina, et miraculis positis, tandem ejus passionem et crucis ignominiam per omnia superaddidit. Quod autem addit : « Et offeres totum arietem super altare : » tale est, ac si diceret : Non solum Christi divinitatem et humanitatem, verum etiam passionem, resurrectionem et ascensionem, et quæcunque de eo scripta sunt, semper in memoria, in corde et in mente habebis. Diximus enim, quia hoc altare mens et cor hominis intelligatur. Quoties ergo spiritui contribulato, corde contrito et humiliato Salvatoris nostri benigne memores sumus, eumque aliis prædicamus, toties super cordis altare totum arietem immolamus : oblatio enim Domini est odor suavitatis; nulla enim nostra oblatio est Deo suavior quam amor, pietas, et dilectio, quæ **110** circa ejus memoriam afficimur, et in ejus dulcedine suspiramus. Hæc enim dulcedine Psalmista plenus dicebat : « Sitivit anima mea ad Deum vivum : quando veniam, et apparebo ante faciem Dei? fuerunt mihi lacrymæ meæ panes die ac nocte (Psalm. xli, 3). »

« Tolles et arietem alterum, super cuius caput Aaron, et filii ejus ponent manus. Quem cum immoleris, sumes de sanguine ejus, et pones super extremum dextræ auriculæ Aaron et filiorum ejus, et super pollices manus eorum, et pedis dextri. Fundesque sanguinem super altare per circum. » Hæc autem tertia oblatio illa est, de qua Psalmista loquitur dicens : « Pretiosa in conspectu Domini mors sanctorum ejus (Psalm. cxv, 15). » Vitulus igitur, ut diximus, Christi passionem; primus autem aries ipsius corporis et sanguinis sacramentum, quod quotidie ubique in Ecclesia immolatur; hic autem secundus aries apostolorum et martyrum passiones et tormenta significat. De hoc enim ariete scriptum est : « Afferte Domino, filii Dei, afferte Domino filios arietum (Psalm. xxviii, 1). » Itemque : « Montes exsultaverunt ut arietes (Psalm. cxliii, 4). » De hac quoque oblatione et Apostolus dicit : « Ego enim jam delibor, et tempus resolutionis meæ instat (I Tim. iv, 6). » Itemque : « Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum (Rom. xii, 1). » Ipse quoque Dominus filiis Zebedæi : « Potestis, inquit, bibere calicem, quem ego hibiturus sum? » (Matth. xx, 22.) Qui cum se posse responderent, ait : « Calicem quidem menu bibetis (ibid.); » id est vos quoque pro me patientes, Dei holocaustum et oblatio eritis. Super caput ergo hujus arietis Aaron et filii ejus manus posuerunt, quoniam incitamento pontificum et sacerdotum (qui per Aaron et filios ejus intelliguntur) statim post Christi passionem in apostolos manum iniecerunt. Primum enim Stephanum et Jacobum interfecerunt, demum vero nimis crudeliter ubique Ecclesias persecuti sunt. Et isti quidem super caput arietis ma-

mus posuerunt, quando primitivam Ecclesiam diversis multisque tormentis affligerunt. Diximus enim superius, quod Aaron et filii ejus, aliquando Judaeorum pontifices et sacerdotes, aliquando episcopos et sacerdotes nostros significet: illos enim significant, cum male agunt; hos autem significant, cum bonum aliquid operantur. Illos cum sanctos persequuntur; istos cum a Domino consecrantur. Unde et subditur: « Quem cum immolaveris, sumes de sanguine ejus, et pones super extremum dextræ auriculæ Aaron, et filiorum ejus. » Ecce enim Aaron et filii ejus, qui modo Judaeorum pontifices et sacerdotes significabant, nunc nostros episcopos et sacerdotes significant. Qui quoniam nil sinistrum habent, ideo super eorum dextram aurem, et manum, et pedem, sanguis arietis poni jubetur. Judæi vero dextram aurem non habent, quam servo Malcho beatus Petrus abscidit. Nihil enim sinistrum habent sancti; et ideo in Evangelio Dominus ait: « Nesciat sinistra tua, quid faciat dextera tua (Matth. vi, 23). » Sanguis enim arietis nobis aures tangit, quando martyrum passiones nos audire delectat. Sed quia perparum audire prodest, nisi et eorum actus imitemur, ideo etiam manus sanguine tinguntur, quatenus eos et in operatione, et si necesse fuerit, in passione sequamur. Tangit autem et pedes, ut bonum exemplum, quod ex eis capimus, aliis etiam nos prædicare non pigeat secundum illud Apostoli: « Quam speciosi pedes evangelizantium pacem, evangelizantium bona! » (Rom. x, 15.) Quod autem extremum a iuriculæ sanguis tangit, hoc est intelligere, quod aures sanctorum usque ad extremam sæculi consummationem verbo Dei nunquam clauduntur. Et quoniam Judaeorum quoque populus circa mundi finem ad Dei verbum audiendum aures aperiet, non immerito extremum auriculæ Aaron tetigisse dicitur: extremum enim auriculæ tangere, est ultimos et extremos ad penitentiam vocare. Funditur autem sanguis arietis super altare per circuitum, quoniam omnium mentes et corda in sanctorum martyrum passionibus, constantia et sanguine delectantur. Sive enim totam Ecclesiam, sive uniuscujusque mentem intelligamus; sanguis tamen martyrum super altare funditur, quoniam fidelium mentibus martyrum passiones narrantur. Sequitur:

« Cumque tuleris de sanguine, qui est super altare, et de oleo unctionis, asperges Aaron, et vestes ejus, filios, et vestimenta eorum. » Sanguis enim de altari, et oleum unctionis super Aaron, et vestes ejus aspergitur, quoniam SS. martyrum passiones et gratia Spiritus sancti, qua peruncti erant, omnibus episcopis et sacerdotibus ad prædicandum et imitandum traduntur. Imitari autem ad Aaron, prædicare autem ad vestes ejus pertinet. Dum enim martyrum sanguis in vestibus videtur, ipsæ etiam vestes quodammodo prædicant martyrum passiones. Dum vero Aaron et sanguine tingitur, et oleo ungitur, tunc quidem sacerdos et martyrium imitatur, et gratia roboratur. Ille enim sacerdos martyrum

A sanguine non tingitur, qui martyrum spernit imitari passiones; si vero eorum martyria etiam prædicare negligit, procul dubio nec in vestes eorum sanguinem suscepit. Vestis enim nostra caro est; hac enim veste induitur anima; cum ergo lingua carnis, martyria martyrum prædicamus, eorum sanguinem in vestimento quodammodo ferimus. Hic autem sanguis tollitur de altari cordis nostri, quia quod in corde habemus, hoc agimus, et docemus,

« Consecratisque et ipsis, et vestibus eorum, tolles adipem de ariete, et caudam, et arvinam, **III** quæ operit vitalia, ac reticulum jecoris, et duos renes, atque adipem, qui super eos est, armumque dextrum, eo quod sit aries consecrationis, tortam panis unius, crustulam conspersam oleo, laganum de canistro azymorum, quod positum est in conspectu Domini. » Consecratis, inquit, et ipsis, et vestibus eorum, quatenus eorum vitam imitemur, quorum et ipsi et eorum vestimenta sanguine asperguntur, tolles adipem de ariete, et cætera quæ sequuntur. Non enim sufficit, nos solo arietis sanguine aspergi, nisi ejus adipem, et caudam, et arvinam, et cætera quæ hic posita sunt, de ariete suscipiamus, quoniam non solum martyrum passiones, verum et eorum vitam, mores et sapientiam amplecti et imitari debemus. Tolle igitur adipem, dico non carnis, sed mentis; mentis enim adeps justitia est, prudentia, temperantia et fortitudo: hoc enim adipe incrassatur anima. Tolle et caudam, ut sunt illi, de quibus loquitur; ita ut usque in finem in bono opere perseveres. « Qui enim perseveraverit usque in finem, hic salvus erit (Matth. xxiv, 13); » cauda enim pro fine ponitur, quoniam finis corporis cauda est. Tolle et arvinam, quæ operit vitalia: vitalia enim corda sunt, quoniam ibi est vita. Arvina igitur cordis sapientia et scientia intelliguntur. Macrum est illud cor, quod hac arvina non impinguatur. Tolle et reticulum jecoris, ut nihil de pinguedine relinquant. Omnis enim arietis hujus pinguedo bona est, ad jecur enim, secundum physicos, digestio pertinet, unde et patremfamilias illud vocant, quoniam ejus officio cætera nutriuntur. Macrum autem, infirmum et debile jecur digerere cibos non valet. Reticulum igitur jecoris quid erit?

D nisi illa intelligentia, qua sanctorum Scripturarum intelligentias ruminando digerimus. Cibus enim, qui non digeritur inutilis est. Scriptura enim, quæ non intelligitur, infructuosa est. Ut ergo nostrum jecur pinguescat, tollamus hujus reticulum jecoris: tolle similiter et duos renes, et adipem, qui super eos est, ut tales sint renes tui, quales et sanctorum renes fuerunt. « Sint lumbi tui præcincti (Luc. xii, 35); » ubi dominatur libido, dic Domino cum Psalmista: « Proba, me Deus, et tenta me, ure renes meos, et cor meum (Ps. xxv, 2). Sed quia castitas carnis inutilis est, nisi et castitas mentis habeatur, adipem quoque, qui super renes est, tollere jubetur. Tunc enim castitas pinguis est, quando neque caro a fornicatione, neque anima ab hæretica pravitate, vel

vitiū amorē corrumpitur. Tolle et armum dextrum. Audi Apostolum dicentem : « Alter alterius onera portate, et sic adimplebitis legem Christi (Galat. vi, 2); » ut quomodo Christum te, ita te proximum ferre non pigeat. Ille enim episcopus non habet armos, qui aliorum onera portare non vult. Est autem hic aries consecrationis, quoniam hoc ariete, et Aaron, et filii ejus consecrantur. Tolles et tortam panis unius, et crustulam conspersam oleo, et laganum de canistro azymorum, quod positum est in conspectu Domini. Per tortam enim panis unius, et crustulam, et laganum, fidem, spem et charitatem intelligimus. Sicut enim panis inter omnes cibos, ita fides omnium virtutum prima et maxima est : « Sine fide, impossibile est placere Deo (Hebr. 1, 6); » hæc prima datur, hæc in baptismo suscipitur, quam qui non habet, nihil habet. Est autem torta panis unius, quoniam et fides una est. Sic enim Apostolus ait : « Unus Dominus, una fides, unum baptisma (Ephes. iv, 5). » Sed quare torta? Torta enim similitudinem coronæ exprimit; per fidem autem venit ad coronam, unde cum Apostolus dixisset : « Bonum certamen certavi, cursum consummavi, fidem servavi (II Tim. iv, 7), » mox addidit, dicens : « De reliquo mihi reposita est corona justitiæ (ibid.). » Crustula vero spem significat : quod enim in sartagine frigemur, quod in craticula assumur, quod in diversis tribulationibus affigimur, hoc totum spes futuræ beatitudinis operatur. Unde et Apostolus ait : « Si enim quod non videmus, speramus, per patientiam exspectamus (Rom. viii, 25). » Quid vero laganæ latitudo, nisi charitatem designat, de qua scriptum est : « Latum mandatum tuum nimis (Psalm. cxvi, 96); » in hoc enim mandato « universa lex pendet et propheta (Matth. xxiv, 40). » Hæc enim omnia et azyma sunt, et oleo lita, quoniam sincera et incorrupta sunt, et Spiritus sancti gratia perfusa. Fides enim, quæ catholica non est, et quæ sine operibus mortua est, illa quidem neque azyma est, neque oleo lita. Sunt autem omnia hæc in canistro azymorum posita et collecta, per quod librum istum, librum, inquam, Exodi intelligimus. In hoc enim libro cuncta Dominus Moysi et colligere, et scribere jussit, et ita Aaron et filii ejus tradere præcepit. Quia ergo Aaron, et filii ejus episcopos et sacerdotes designant, cui hoc canistrum, id est liber iste, nisi episcopis et sacerdotibus traditus intelligitur? Nobis enim ad legendum, ad meditandum, ad docendum et observandum, omnia ista tradita sunt. Unde et subditur :

« Ponesque omnia super manus Aaron, et filiorum ejus, et sanctificabis eos, elevans coram Domino. » Tunc enim episcopus sanctificatur, quando sacram legem, et divina volumina ad meditandum, et docendum suscipit, et se non labiis tantum, sed toto corde servare promittit. Elevat autem ea coram Domino, quoniam et in vita ei, et in doctrina talem se exhibet, cujus obsequia sursum ferri, et a Deo videri, et recipi mereantur. Ille enim sursum non elevat neque

A se, neque munera sua, qui vitiū contagio deturpat, et deprimit vitam, et animam suam. Sequitur :

« Suscipiesque munera de manibus eorum, et infundes super altare in holocaustum odorem » suavissimum in conspectu Domini, 112 quia « oblatio ejus est. » Nisi enim Domino ista placuissent, nequaquam Moysi, suo mediatori, et quodammodo vicario ea Dominus suscipere præcepisset : quod enim Moyses suscipit, hoc et a Deo suscipitur. Incenduntur autem super altare, ut suavem reddant odorem, et Domino placeant. Ait enim Apostolus : « Christi bonus odor sumus Deo : aliis sumus odor vitæ ad vitam, aliis odor mortis ad mortem (II Cor. ii, 15). » Cum enim ea, quæ superius dicta sunt, fidelium mentibus prædicando infundimus, tunc super cordis altare canistrum evacuamus, et ea, quæ in eo reposita fuerant, in odorem suavitatis incendimus. Hoc enim odore et Deus placatur, et ad quoscunque odor iste pervenerit, in eo delectatur. Hæc enim oblatio Domino est. Unde Psalmista : « Immola Deo sacrificium laudis (Psalm. xlix, 14). » Cum enim prædictum canistrum super altare, id est super fidelium mentes effunditur, cum liber exponitur, cum sacra Scriptura prædicatur, tunc sacrificium laudis Deo immolatur. Cum ergo sacerdotes Dei tale sacrificium offerunt, cum populo prædicant, cum fidelium mentes accendunt et incendunt; tunc cum oblationibus suis sit Domino suavissimus odor. Sequitur :

« Sumes quoque pectusculum de ariete, quo initatus est Aaron, et sanctificabis illud elevatum coram Domino, et cedit in partem suam. Sanctificabis et pectusculum consecratum, et armum; quem de ariete separasti, quo initatus est Aaron, et filii ejus, cedentque in partem Aaron, et filiorum ejus jure perpetuo a filiis Israel, quia primitiva sunt et initia de victimis eorum pacificis, quæ offerunt Domino. » Aries enim, quo initatus est consecratus est Aaron, hic est de quo usque modo locuti sumus, cujus pectusculum et armum Aaron suscipit; quoniam episcopi et sacerdotes omnium consilia in pectore, et omnium pondera super humeros ferre debent. Qui enim tot animalium pectora, armosque comedunt, eos, et sapientes, et fortes, et ut ita dixerim, pectorosos et armosos esse oportet. Ideo enim vobis, episcopi et sacerdotes, pectora dantur, ne locus vobis desit, in quem Dei thesaurum reponatis. Habebis autem et armos, ut totius Ecclesiæ pondera potenter ferre valeatis. Sed videant sacerdotes, qui et armos, et pectora sanctificata comedunt, ut et armos, et pectora sancta, et jus a habeant. Sanctum enim pectus sancta eructat, et super sanctos humeros non ascendit iniquitas. Hæc autem et inter primitias computantur, et ideo sacerdotum sunt, quia omnes primitiæ sacerdotibus a populo dantur.

« Vestem autem sanctam, qua utitur Aaron, habebunt filii ejus post eum, ut ungantur in ea, et

« consecrentur manus eorum. Septem diebus utitur
« ea, qui pontifex pro eo fuerit constitutus de filiis
« suis, et qui ingredietur tabernaculum testimonii,
« ut ministret Domino in Sanctuario. » Vos enim,
episcopi et sacerdotes, filii estis Aaron; si tamen
Aaron imitami, et Moysi fratres estis: illius utique
Moysi, qui ait: « Narrabo nomen tuum fratribus
meis (Psal. xvi, 23). » Vos ergo habetis vestem
Aaron, vos gloria et decore, omniumque virtutum
ornamento induti estis. Vos rationale et superhume-
rale habetis, vos sancti Spiritus gratia inuncti estis;
vestra quoque manus ad Christi corpus, et sangui-
nem conficiendum, omneque bonum et honestum
agendum sunt consecratae: vos enim septem diebus
hac veste utimini, quoniam omnibus diebus ea uti-
mini, et nunquam ea expoliari. Non enim sunt
dies, nisi septem; quod autem septem diebus sit,
omni tempore fit.

« Arietem autem consecrationis tolles, et coques
« carnes ejus in loco sancto, quibus vescetur Aaron,
« et filii ejus. » Diximus enim per hunc arietem,
apostolorum omniumque martyrum multitudinem
intelligi. Horum autem carnes comedunt episcopi et
sacerdotes, eorumque filii, non sicut illi, de quibus
dicitur: « Quia comederunt Jacob (Psal. lxxviii,
7). » Apostolorum enim et martyrum nos carnes
comedimus, quoniam ipsi sunt panis noster, ipsi
sunt cibus noster, ipsi sunt refectio nostra; eorum
exemplis vivimus, eorum doctrina nutrimur, eorum
sermonibus et operationibus saturamur. Horum
autem carnes coquimus in loco sancto, quia eorum
scripta, doctrinam, et exempla in corde fidei me-
ditamur, et sana intelligentia ruminamus. At vero
haeretici non coquunt has carnes in loco sancto,
quoniam in sterquilinio haeretici cordis cuncta male
intelligendo depravant. Eorum igitur exempla se-
quamur, quorum pane saturamur.

« Panes quoque qui sunt in canistro, in vestibulo
« tabernaculi testimonii comedent, ut sit placabile
« sacrificium, et sanctificent offerentium manus. »
Comedimus jam carnes arietis, comedamus et panes,
qui sunt in canistro: uterque enim cibus bonus est,
et ad comedendum suavis: audivimus enim aposto-
lorum et martyrum vitam et doctrinam; audiamus
et ea, quae in hoc canistro, id est in hoc libro con-
tinentur: audivimus nova, audiamus et vetera. Bo-
nus enim ille est, qui profert de thesauro suo nova
et vetera. Hos autem panes in vestibulo tabernaculi
et in loco sancto comedere debemus, quatenus non
demus sanctum canibus, nec spargamus margaritas
ante porcos. In loco sancto non edamus illos, in con-
ventu fidelium eos expendamus, comedamus et expo-
namus. Quare hoc? ut sit placabile sacrificium, ut
nomen Domini non blasphemetur, utrumque mi-
nisterium non vituperetur, et sanctificentur offeren-
tium manus. Si enim recte offeras, non recte divides,

113 peccasti (242) (Gen. iv, 7): sicut enim viden-

(242) Vulgata sic habet: *Nonne si bene egeris*
aderit?

A dum est, quid offeras, et cui offeras, ita et viden-
dum est, ubi offeras. Unde et subditur: « Alienigena
« non vescetur ex eis, quia sanctificata sunt. »
Majora enim Scripturarum sacramenta solis fidelibus
tradenda sunt: quae enim conventio fidelis cum
infideli? Infidelibus ergo fides praedicetur; quod si
quis convertiatur, accedat, et edat: « Alienigena
« enim non vescetur ex eis. Quod si remanserit de
« carnibus consecratis, sive de panibus usque mane,
« combures reliquias igni: non comedentur, quia
« sanctificata sunt. » Hoc enim puto esse illud, quod
superius de agno phase dictum est: « Si quid resi-
duum fuerit, igne comburetur (Exod. xii, 10). »
Non enim omnia comedi possunt, quoniam non
omnia intelligi possibile est, multa relinquuntur
usque mane, et prius haec nox, haec vita tenebris et
ignorantia plena finietur; prius sol iustitiae oriatur,
quam omnia sanctarum Scripturarum sacramenta
intelligantur. Quae ergo intelligi non possunt, igne
fidei comburantur, sanctoque spiritui committantur,
et firmo charitatis amore credantur. Non enim pro-
pter aliud reliquias comedere interdictum fuerat,
nisi ut ea, quae intellectui non patent, quae Dei sa-
pientia occulta esse voluit, nos perscrutari et inve-
stigare omitteremus. Qualiter enim Verbum caro
factum est, qualiter vel a Patre, vel a matre Dei
Filius genitus est; qualiter Spiritus sanctus a Patre
procedat et Filio, multaque alia his similia, nulli
unquam hominum in hac vita revelata sunt.

C « Omnia, quae praecepi tibi, facies super Aaron,
« et filios ejus. Septem diebus consecrabis manus
« eorum, et vitulum pro peccato offeres per singulos
« dies ad expiandum. » Quid est enim: septem
diebus consecrabis manus eorum? Audite, episcopi,
audite, sacerdotes: nullus dies praetermittatur,
omni die consecrari debent manus vestrae, non
enim sunt dies nisi septem; qui ergo septem
diebus consecratur, omnibus diebus consecratur.
Omnibus autem diebus illius manus consecrantur,
qui semper manus et opera sua custodit, ut munda
sint, ut nihil mali operentur, et ut cunctis
bonis operationibus insistant. Offert autem et vitu-
lum ad expiandum per singulos dies, qui nunquam
unigeniti Filii Dei obliviscitur passionis. Vitulus
enim iste Christus est, cujus dum nativitatem,
doctrinam, operationem, miracula, crucem, flagella,
passionem, spineam coronam et cetera, quae pro
nobis sustinuit, in mente habemus, magnum ad
peccata expianda sacrificium Deo offerimus. Offeritur
etiam et vitulus iste ad expiandum per singulos
dies, quoniam usque ad saeculi consumptionem
Christi corporis et sanguinis sacramentum sancta
Ecclesia quotidie offerre non cessabit.

D « Mundabisque altare, cum immolaveris expiatio-
« nis hostiam et unges illud in sanctificationem. »
Quod enim hoc altare Ecclesiam significet, superius,
cum de eo loquebamur, ostendimus. Cum enim

recites: *sin autem male, statim in foribus peccatum*

uniuscuiusque filium mens altare vocetur, insulto magis altare, tota Ecclesia et intelligi, et dici debet. Hoc autem altare toties mundari oportet, quoties expiationis hostia immolatur in eo. « Qui enim » hanc hostiam « indigne manducat et bibit, iudicium sibi manducat et bibit (I Cor. xi, 29). » Apostoli enim verba sunt hæc. Mundatur enim altare istud poenitentia, lacrymis, elemosynis, et misericordiae operationibus. Ungitur autem in sanctificationem oleo pietatis, et gratia Spiritus sancti; hoc enim oleo sanctificatur Ecclesia. Sequitur.

« Septem diebus expiabis altare, et sanctificabis, et erit Sanctum sanctorum; omnis qui tetigerit illud, sanctificabitur. » Quod enim septem dies omne tempus significant, sæpe jam dictum est. Quod vero omni tempore sanctificatur et in melius proficit, sanctum est; imo Sanctum sanctorum. Sanctificatur autem omnis qui hoc altare tangit, quoniam quicumque ecclesiasticam religionem suscipit, et sanctorum exemplis corde tangitur et compingitur, ille procul dubio sanctus efficitur.

« Hoc est, quod facies in altari: Agnos anniculos et duos per singulos dies jugiter, unum agnum mane, et alterum vespere: decimam similæ consperse oleo contuso, mensuram quartam partem lin, et vinum ad libandum ejusdem mensuræ in agno uno. » Quamvis enim duo agni unum idemque significant (siquidem illum agnum significant, qui tollit peccata mundi), aliter tamen quotidie in Ecclesia, aliter in cruce immolatus est Christus. Hic enim a fidelibus cum pietate, ibi vero a Judæis cum crudelitate immolatus est. Et quidem mane et vespere noster quoque agnus immolatus est; quoniam Christus Dominus noster mane a Judæis judicatus, damnatus, flagellatus et consputus, ligatus, alapis cæsus, multisque injuriis affectus est; vespere autem in cruce pendens spiritum emisit. Unde Psalmista inquit: « Dirigatur oratio mea sicut incensum in conspectu tuo, elevatio manuum mearum, sacrificium vespertinum (Psal. cxi, 2). » Nos quoque duos agnos immolemus, et mane, et vespere crucis Christi et passionis memores simus; ut per memorie compunctionisque sacrificium, quod mane immolamus, ab omnibus adversis per totum diem securi esse possimus. Illud vero, quod vespere agimus ab omni vitiorum infestatione per totam noctem reddat esse securos. Hoc est enim mane et vespere, quod die ac nocte, quod omni tempore. Offeramus autem et decimam partem similæ; offeramus et vinum ejusdem mensuræ. O admirabile sacramentum! hoc est enim sacrificium Melchisedech, hoc est sacrificium pontificis nostri; pontificis quidem, cui dictum est: **114** « Tu es sacerdos in æternum secundum ordinem Melchisedech (Psal. cix, 5). » Similam enim et vinum obtulit Christus; similam et vinum et nos quotidie immolamus: panis enim cor roborat, et vinum lætificat cor hominis. Conspargitur autem hæc simila, hæc medulla frumenti, hic panis vivus, qui de cælo descendit, oleo contuso, quoniam ejusdem Spiritus

A sancti operatione panis iste mutatur in Christi carnem, cujus obumbratione et inspiratione de virgine natus est Christus. Quia vero decimam, et quartam offerri jubet, illud apertissime significare videtur, quod nullius a Deo suscipiatur oblatio, qui Novum et Vetus non recipit Testamentum. Igitur fide utriusque Testamenti, et oleo Spiritus sancti panem, et vinum offeramus; quibus et agnus quidem ideo adhibetur, quoniam in agni carnem et sanguinem ista mutantur.

« Alterum vero agnum offeres ad vespem, juxta ritum matutinæ oblationis, et juxta ea, quæ diximus in odorem suavitatis, sacrificium est Domino oblatione perpetua in generationes vestras. » Quia enim unum, idemque uterque agnus significat, ideo uno eodemque ritu et vespere offertur, et mane. Fit autem hoc sacrificium oblatione perpetua, quoniam usque ad sæculi consummationem in sancta Ecclesia hæc oblatio non finietur. Sed ubi sit, sequitur:

« Ad ostium tabernaculi testimonii coram Domino, ubi constituam, ut loquar ad te, ibique præcipiam filiis Israel, et sanctificabitur altare in gloria mea. Sanctificabitur et tabernaculum testimonii cum altari, et Aaron cum filiis ejus, ut sacerdotio fungantur mihi, et habitabo in medio filiorum Israel, eroque eis Deus, ut sciant quia ego Dominus Deus eorum, qui eduxi eos de terra Egypti, ut manerem inter illos ego Dominus Deus eorum. » Ad ostium namque tabernaculi sit sacrificium, quia ibi sunt sacerdotes, imo ipsi sunt ostium, cæteraque fidelium multitudo per eos ingreditur tabernaculum. Ad ostium quippe sit sacrificium, ut statim in ipsa fidei introitu, et baptismo suscepto, Christi corporis et sanguinis in Christo regenerati participes fiant. Unde et juxta altare labium ponitur, in quo lavantur sacerdotes. De hoc enim in sequentibus dicitur.

CAPUT XXX.

« Facies quoque altare ad adolendum thymiamam de lignis setim, habens cubitum longitudinis. id est quadrangulum, et duos cubitos in altitudine, et cornua ex ipso procedent vestiesque illud auro purissimo, tam craticulam ejus, quam parietes per circuitum, et cornua. » Superius enim altare totam Ecclesiam, hoc autem Christi humanitatem significat, unde propter suavitatis odorem, qui super eo offerebatur, altare thymiamatis appellatur. Ad hoc autem soli pontifici ad immolandum accedere licebat, quoniam unus summique pontificis humanitatem significabat. Hujus enim altaris fragrantiam senserat Ecclesia, cum dicebat: « Trahe me post te, curremus in odorem unguentorum tuorum (Cant. i, 4). » Hujus odorem et Isaac sentiens, ait: « Ecce odor filii mei, sicut odor agri pleni, cui benedixit Deus (Gen. xxvii, 27). Hic est ille flos campi et lilium convallium, in quo septem Spiritus sancti gratiæ requiescunt. Est autem hoc altare de lignis setim, de lignis fortibus et imputribilibus. Unde et Psalmista de eo loquens, ait: « Nec dabis sanctum tuum videre corruptionem (Psal. xv, 10). » Setim namque spina interpretatur; spinis autem hoc altare coro-

natum legimus. Est autem quadrangulum, utpote firmum, stabile et immobile. Hæc est autem illa firma petra, super quam fundatur Ecclesia. Elevatur autem duobus cubitis in altitudine, quia quasi duobus cubitis, Deo et homine conficitur. Habet autem unum cubitum in latitudine, quia Deus et homo unus est Christus. Denique quia Filius in Patre, et Pater in Filio, et Spiritus sanctus ab utroque procedit, non immerito tribus cubitis hoc altare metitur. Cornua vero ex Christo procedunt, quoniam omnis ejus virtus, et fortitudo, non per accidens, non aliunde venit, sed semper naturaliter et substantialiter eam in se habet, possidet Salvator noster. Vestitur autem auro purissimo, quia non solum sapientiæ et scientiæ luce refulget; verum et ipse est, a quo est omnis sapientia, et cum quo fuit semper, et est ante ævum. Hæc est enim illa domus, quam sapientia ædificasse dicitur: « Sapientia ædificavit sibi domum, excidit columnas septem (*Prov. ix, 1*). » Quia ergo tota hæc domus a sapientia ædificatur, merito totum altare auro purissimo vestitur. Quoniam autem per craticulam, quæ in modum retis facta fuerat, ejus prædicatione intelligitur, quis digne dicere valeat, quanta sapientiæ et scientiæ luce hæc craticula refulgeat? Hoc enim est illud rete, quod Dominus in dextram navigii apostolis mittere jubet. Sequitur:

« Faciesque ei coronam aureolam per gyrum, annulos aureos sub corona per singula latera, ut militantur in eos vectes, et altare portetur. Ipsos quoque vectes facies de lignis setim, et inaurabis eos. » Coronatur enim hoc altare, sicut Psalmista de homine Deo testatur, dicens: « Minuisti eum paulo minus ab angelis, gloria, et honore coronasti eum (*Psal. vi, 8*). » Itemque: « Posuisti in capite ejus coronam de lapide pretioso (*Psal. xx, 4*). Hæc autem corona, aureola est, quoniam sapienter acquisita est. Quid autem per quatuor annulos aureos (tot enim sunt annuli, quot et altaris anguli) nisi quatuor Evangelia intelliguntur? His enim altare et levatur, et portatur, quoniam evangelica prædicatione Christi nomen, et gloria ubique **115** terrarum delata est. Sed a quibus? a sanctis utique apostolis et evangelistis, episcopis Ecclesiæque doctoribus. Isti enim sunt illi vectes, quibus altare portatur; isti circulos aureos, id est Evangelia penetrant, eorumque sententiis involuti ab eis non separantur. De his enim scriptum est: « Qui ascendis super equos tuos, et quadrigæ tuæ salvatio (*Habac. iii, 8*). » Isti enim et vectes dicuntur, et equi; qui bene dicuntur esse de lignis setim, utpote fortes, incorruptibiles et æterni. Sunt autem deaurati, quia multa sapientiæ luce refulgent.

« Ponesque altare contra velum, quod ante arcam pendet testimonii coram propitiatorio, quo tegitur testimonium, ubi loquar tibi. » Contra velum namque ponitur altare, et non inter velum, quatenus et ab omnibus videatur, et thymiamatis odore, quod in eo adoletur, omnes perfundat et repleat. Hoc est enim quod Dominus ait: « Ego palam locutus sum

A mundo semperque docui in synagoga, ubi omnes Judæi conveniunt (*Joan. xviii, 20*). » Stat autem altare coram propitiatorio, quoniam Christus Dominus noster propitiatoris et misericordiæ nunquam obliviscitur, semperque ad propitiatorium respicit, semperque ad se venientibus miseretur. Ibi autem loquitur Dominus, in eo loquitur Dominus, quia ipse est Deus et Dominus. Sequitur:

« Et adolebit incensum super eo Aaron, suave fragrans mane, quando componet lucernas, incendet illud, et quando collocabit eas ad vespertum, uret thymiamata sempiternum coram Domino in generationes vestras. » Aaron namque ipse est Jesus pontifex et sacerdos noster, qui super altare carnis assumptæ omnium thymiamatum fragrans odore, cunctos per circuitum suæ famæ notitia delectabat: hoc faciebat mane et vespere. Quid est mane, et vespere? omni tempore: mane enim diei, vespere autem noctis est initium: mane autem pro die, vespere autem pro nocte ponitur; dies vero et nox omne tempus significant. Mane ergo, et vespere lucernas Aaron componebat et collocabat, quoniam Christus Dominus noster, verbi doctrina, virtutum admiratione, gratiarum diversitate fideles suos omni tempore illuminabat. talibus enim lucernis illuminantur fidelium corda.

« Non offeretis super eo thymiamata compositionis alterius, nec oblationem, nec victimam, nec libamitis libamina. » Nihil enim extraneum, vel corruptum, vel vitiatum, nihil deterius dogmatis offerretur in hoc altari; quoniam Christus Dominus noster « peccatum non fecit, nec dolus inventus est in ore ejus (*I Petr. ii, 22*): nihil nisi justitiam, pietatem, mansuetudinem, charitatem, sapientiam, concordiam, pacem, et similia hoc altare redolet; talis hinc odor funditur, talia thymiamata fragrant. Cum enim Apostolus dicat: « Christi bonus odor sumus Deo in omni loco (*II Cor. ii, 15*); » qualem ipsum Christum odorem esse putamus?

« Et deprecabitur Aaron super cornua ejus semel per annum in sanguine, quod oblatum est pro peccato, et placabitur super eo in generationibus vestris, Sanctum sanctorum erit Domino. » Semel enim pontifex noster Jesus Christus super hujus altaris cornua, id est in humanitate, quam de virgine matre suscepit, pro peccatis Judæorum deprecatur eis Patrem, quando dixit: « Pater, ignosce illis, quia nesciunt quid faciunt (*Luc. xxiii, 34*). » Ipse enim sacerdos, ipse hostia, ipse altare in proprio sanguine introivit semel in sancta, æternæ redemptione inventa (*Hebr. ix, 12*): hoc enim sacrificio, hujus pontificis precibus, cunctis generationibus placatus est Dominus. Quod autem sequitur: « Sanctum sanctorum erit Domino, » de altari intelligi debet: corpus enim Christi Sanctum sanctorum est, quoniam ab eo cætera sanctificantur. Hucusque de altari.

« Locutusque est Dominus ad Moysen, dicens: « Quando tuleris summam filiorum Israel, juxta numerum, dabunt singuli pretium pro animabus

« mirabiliter de populo suo. » Caro, inquit, hominis non ungetur ex eo; non enim carnis est hoc unguentum, sed mentis: Sed quid est hominis? Aaron, et filii ejus homines non erant? Homines enim in divina Scriptura pro iniquis et peccatoribus saepe accipiuntur, secundum illud: « Vos autem sicut homines moriemini (*Psal. lxxxi, 7*). » Et Apostolus: Cum enim, inquit, alius dicat: Ego sum Pauli, ego Apollo, ego Cepha, nonne homines estis? (*I Cor. i, 12*). Hoc ergo unguentum non peccatorum, sed sanctorum; non carnalium, sed spiritualium est: hoc solis sacerdotibus, solis sanctis et spiritualibus viris attribuitur. Unde et subditur: « Et juxta compositionem ejus non facietis aliud. » Hæretici enim, et maxime Simoniaci juxta compositionem ejus aliquid facere nituntur, quoniam ex eisdem speciebus, eisdem sacramentorum verbis, suos episcopos et sacerdotes ordinant, sacros ordines tribuunt, et cætera sacramenta Ecclesie pretio vendunt, hoc autem alienis, sicut et ipsi sunt, et a fide catholica extraneis. Ideoque exterminantur de populo Dei, et a sanctorum consortio separantur. Illi enim sunt, quos Salvator noster de templo ejecit. Haecenus de unguento.

« Dixitque Dominus ad Moysen: Sume tibi aromata, stacten, et onycham, galbanum boni odoris, et thus lucidissimum; æqualis ponderis erunt omnia: faciesque thymiana compositum opere unguentarii, mistum diligenter, et purum, sanctificatione dignissimum. » Quid enim per has quatuor species odoriferas, quarum naturali virtute vulnera curantur, et sanantur, nisi quatuor Evangelia intelligimus? Omnia autem æqualis ponderis sunt, quoniam unius ejusdemque sunt veritatis et auctoritatis. Miscentur autem omnia simul, ut quod in uno Evangelio non habetur, in alio reperitur; atque, dum in quibusdam inter se vicissim concordant, in nullo autem discordant, suaviorem satis reddunt odorem. Onycha autem, quæ *angula* interpretatur, non bene a nostris cognoscitur. Hæc autem quanto ordine, ratione, et secundum eam veritatem, quæ scripta sunt, populis exponuntur; tunc nimirum fit ex eis thymiana compositum opere unguentarii, mistum diligenter, et purum, et sanctificatione dignissimum. Hujus autem compositionis peritissimus unguentarius Apostolus fuit, qui sicut sapiens architectus fundamentum posuit, et inter perfectos sapientiam loquens, omnibus omnia factus est, ut omnes lucrificaret. Hoc enim thymiamate rodolens, dicebat: « Gratias autem Deo, qui dedit pignus in cordibus nostris (*I Cor. v, 5*), » et odorem notitiæ suæ manifestat per nos in omni loco, in his, qui salvi sunt, et in his, qui pereunt: aliis enim sumus odor vitæ in vitam: aliis odor mortis in mortem (*I Cor. ii, 14*). »

(244) Quod hic dicit commentator de Evangeliorum auctoritate comparative ad Cantica canticorum, non est intelligendum de fundamento fidei, quod æquale est in omnibus sacris libris; sed quoad res, de quibus agitur in Evangeliiis; quæ cum perspicue sint, generatim loquendo, morumque regulas sæpissime

« Cumque in tenuissimum pulverem cuncta contuderis, pones ex eo coram testimonio tabernaculi, in quo apparebo tibi; sanctum sanctorum erit vobis thymiana. » Tunc enim in tenuissimum pulverem universa contundimus, quando Evangeliorum sententias subtiliter indagantes, et frequenter ruminatioe frangentes, ad spirituales intelligentiam redigimus. Sicut enim aromata, quando teruntur, suavius redolent, ita et sancta Scriptura quanto plus ruminatur et frangitur, tanto suaviorem præstat odorem. Ponimus autem ex hoc thymiamate coram testimonio tabernaculi, quando Novum Testamentum Veteris Testamenti testimonio comprobamus. Stat autem Novum Testamentum quodammodo coram Vetere, dum ad se defendendum ejus testimonium expectat: sicut enim Evangelium testimonium est Ecclesie, ita et lex testimonium est tabernaculi et ibi quidem, id est in testimonio, in sacris voluminibus apparet Dominus Moysi, quia sanctorum Scripturarum documentis Deum cognoscimus. Vis videre Deum, vis eum cognoscere, vis audire loquentem? Lege Evangelia, lege Exodum, lege libros Moysi, lege apostolos et prophetas: hic enim apparebit tibi Dominus, hic ejus potentiam et virtutem cognosces. Unde Psalmista: « Querite Dominum, et confirmamini, querite faciem ejus semper (*Psal. civ, 4*). » Est autem hoc thymiana sanctum sanctorum, quia multo magis sunt auctoritatis Evangelia, quam Cantica canticorum (244).

« Talem compositionem non facietis in usus vestros, quia sanctum est Domino. Homo quicumque fecerit simile, ut odore illius perfruat, peribit de populis suis. » Audite hoc, hypocritæ, audite hoc avari, quia non ad laudem Dei, non ad animarum edificationem, sed ad usus mortiferos, ut divitiis abundetis, ut marsupia impleatis, Scripturas exponitis, Evangelia prædicatis, et sanctam non sancte compositionem in proprio facitis. Vobis enim per Psalmistam a Domino dicitur: « Peccatori autem dixit Deus: Quare tu enarras justitiam meam, et assumis testamentum meum per os tuum? » (*Psal. lxxix, 16*). Vos ergo peribitis, vos de populo Dei ejiciemini, qui odore sanctæ compositionis illicite perfruinini, vobis enim talem compositionem facere, hunc odorem aspergere, hoc thymiana componere interdictum est. Et hæc de thymiamate sufficit.

CAPUT XXXI.

« Locutusque est Dominus ad Moysen, dicens: « Ecce vocavi ex nomine Beseleel filiorum Hur, filii Hur, de tribu Juda, et implevi eum Spiritu Dei, sapientia, et intelligentia, et scientia in omni opere ad excogitandum quicquid fieri potest in auro, et argento, et ære, marmore, et gemmis, et diversitate lignorum, dedique ei socium Ooliab filium præbeant; quæ vero in Canticis canticorum habentur, mysterio sint admodum plena; proinde quoad praxim, ut ita dicamus, multo utilius, et communius est id, quod suppediunt Evangelia, quam quæ in Canticis continentur.

habentur, mysterio sint admodum plena; proinde quoad praxim, ut ita dicamus, multo utilius, et communius est id, quod suppediunt Evangelia, quam quæ in Canticis continentur.

« Achisamech de tribu Dan, et in corde omnis eruditus posui sapientiam, ut faciant cuncta, quæ præcepi tibi, tabernaculum fœderis, et arcam testamenti, et quæ superius dicta sunt. » Beseleel interpretatur *umbra Dei*, per quam apostolos intelligimus, qui sub umbra et protectione omnipotentis Dei omnem spem habentes, nullum tribulationum et adversitatum æstum timuerunt. Hos autem ex nomine vocavit Dominus, quoniam ex millibus eos paucissimos elegit, sicut ipse ait : « Non vos me elegistis; sed ego elegi vos (Joan. xv, 16). » Quod enim nomine vocatur, non casu, sed providentia eligitur. Hi autem filii Huri, filii Hur. Hur enim, et Huri *ignis*, vel *lumen* interpretatur. Sunt ergo apostoli filii Christi, Christus autem Filius Dei, quoniam ignis de igne, lumen de lumine Christus est. Qui bene de tribu Juda esse dicuntur, quoniam de eis scriptum est : « Principes Juda doctores eorum (Psalm. Lxvii, 28). » Judas enim confessio **118** interpretatur. In Christi autem, et pro Christi confessione apostoli mortui sunt. Huic ergo, id est Beseleel datur socius Ooliab, qui interpretatur *protectio mea*. Pater autem significat episcopos et doctores, quorum protectio Deus est omnium pater atque Creator. Est autem Ooliab filius Achisamech, qui *fratrem suum roborans* interpretari dicitur. Ille vero, qui fratrem suum roborat, Christus est, qui fratri suo proprio, videlicet Christiano, robur, virtutem et constantiam semper ubique tribuit. Unde et discipulis suis ait : « Non vos deseram, neque derelinquam (Joan. xiv, 18). » Itemque : « Ecce ego vobiscum sum omnibus diebus usque ad consummationem sæculi (Matth. xxviii, 20). » Et alibi : « Estote ergo prudentes sicut serpentes, et simplices sicut columbæ (Matth. x, 15). » Hæc enim, et similia Dominus dicens, fratres suos roborat. Est ergo Ooliab filius Achisamech, id est filius Christi, qui, sicut diximus, fratres suos roborat. Qui merito de tribu Dan esse perhibetur, siquidem Dan *judicans* interpretatur; istis autem ad judicandum universum mundum Dominus tribuit. Vos ergo episcopi, doctores, vos filii illius, qui fratres suos roborat, vos filii Achisamech, considerate, qui socii estis Beseleel, quem Dominus vocavit ex nomine, socii estis apostolorum, quos Christus ad fidem prius vocavit, quibus nomina imposuit, quos omnium principes elegit ex omnibus. Illos enim Spiritus Dei, Spiritus sapientiæ et intellectus, omnisque scientiæ replevit, ut tabernaculum Dei, quod est Ecclesia, admirabili artificio, et ineffabili magisterio componeret. Quibus vos episcopi, et doctores, omnesque viri eruditi, socii, adiutores, et cooperatores dati estis; ædificate ergo domum Dei, instate, laborate, orate, et dicite : « Benigne fac Deus in bona voluntate tua Sion, ut ædificentur muri Jerusalem (Psalm. L, 19). » Quoniam autem de tabernaculo, et arca, et mensa, et candelabro, et de omnibus, quæ hic enumerantur, sufficienter superius exposuimus, ista nos prælibasse sufficiat.

« Locutusque est Dominus ad Moysen, dicens :

A « Loquere filiis Israel, et dices ad eos : Videte, ut Sabbatum meum custodiatis. » Satis enim Moyses jam superius de Sabbato locutus est, satisque nos de Sabbato exposuimus. Non enim sine causa Sabbati observantia toties replicatur, non sine causa Dominus dicit : « Videte, ut Sabbatum meum custodiatis. » Custodite, inquit, Sabbatum meum; custodite requiem meam; sic requiescite, ut ego; requiescite, inquam, a malo, cessate ab iniquitate : hoc enim significat requies Sabbati; male enim celebrat Sabbatum, qui a bonis operibus vacat. Nam et Christus in Sabbato operabatur, scilicet ea quæ in Sabbato operari licebat, quod quidem male Judæi intelligentes, dicebant : « Ille homo non est a Deo, qui Sabbatum non custodit (Joan. ix, 16). » B Bonum ergo in Sabbato facere licet. Quoties ergo peccamus, Sabbatum violamus, quandiu vero bonum agentes a malo cessamus, Sabbatum custodimus, cum Deo quiescimus, et festivum diem legitime celebramus. Non igitur uno die cum Judæo, sed omni tempore sabbatizandum Deo.

« Deditque Dominus Moysi, completis hujusmodi sermonibus in monte Sinai, duas tabulas testimonii lapideas scriptas digito Dei. » Quia enim duri, lapidei et increduli semper Judæi fuerunt, ideo legem in lapidibus scriptam suscipere merverunt, ut saltem per duritiam lapidum, cordis sui duritiam intelligerent.

CAPUT XXXII.

« Videns autem populus, quod moram faceret descendendi de monte Moyses, congregatus adversus Aaron ait : Surge, fac nobis deos, qui nos præcedant : Moysi enim huic viro, qui nos eduxit de terra Ægypti, ignoramus quid acciderit. » Dicens, popule stulte et insipiens ad Aaron : Fac nobis deos. Numquid Aaron scit facere deos? Cur potius non dicis Aaron : Sis nobis deus? Si enim Aaron creat deos, diis melior est Aaron. Expectato paulisper donec veniat Moyses, et ipse te edoceat quid sit Deus. Venit enim Moyses, descendit Christus, et docuit quid sit Deus; nesciebat enim adhuc quid esset Deus.

D « Dixitque ad eos Aaron : Tollite inaures aureas de uxorum, filiorumque, et filiarum vestrarum auribus, et afferte ad me. Fecitque populus quæ jusserat, deferens inaures ad Aaron; quas cum ille accepisset, formavit ex opere fusorio, et fecit ex eis vitulum conflatilem. Dixitque : Hi sunt dii tui, Israel, qui te eduxerunt de terra Ægypti. » Quid autem sunt inaures, nisi aurium ornamenta? Quid vero aurium ornamenta, nisi auditus? Aureas enim, quæ non audiunt; nequaquam ornate sunt. Fabricantes ergo vitulum perdunt Hebræi auditum, quoniam, si bene audirent, vitulum non prædicarent. Unde ipse Dominus ait : « Israel si me audieris, non erit in te deus recens, neque adorabis deum alienum (Psalm. Lxxx, 10). » Hoc enim Jacob significavit, qui ad radicem Sichem prope Terebinthum inaures utiliorum simul cum idolis terræ suffodit. Sed quid dicis Israel? Isti sunt dii tui, qui te eduxerunt de

terra *Ægypti*? Boves tibi mare rubrum aperuerunt? Aut tui (*Rom. vii, 8*), lex igitur dat testimonium, conboves tibi manna dederunt? Mutasti enim gloriam in similitudinem vituli comedentis fenum. Quid est fenum? dicit propheta: « Vere fenum est populus (*Isai. xl, 8*). » Populum ergo comedit vitulus iste. Fuge ergo vitulum, ne devoret te.

« Quod cum vidisset Aaron, edificavit altare coram Domino, et præconis voce clamavit, dicens: Cras solemnitas Dei est. Super gentesque mane obtulerunt holocausta, et 119 hostias pacificas. Et sedit populus manducare et bibere, et surrexerunt ludere. » Edificavit enim Aaron altare coram Domino, sed non Domino. Cuncta enim respicit Dominus. Exaggeratio mali est. Unde Psalmista: « Tibi soli peccavi, et malum coram te feci (*Psal. l, 4*). » Te præsentem, teque videntem, malum facere non timui, nec erubui. Multum ergo peccavit Aaron, qui in tanto facinore consensum præbuit. Multum peccant et illi episcopi, et sacerdotes (qui tunc quidem per Aaron significabantur) si delinquenti populo favent, et eorum stultitiam non redarguunt.

« Locutus est autem Dominus ad Moysen: Vade, descende: peccavit populus tuus, quem eduxisti de terra *Ægypti*. Recesserunt cito de via quam ostendisti eis. » Peccavit, inquit, populus jam non meus, quoniam alium deum sibi elegit: peccavit, inquit, populus tuus, quem diligis, pro quo semper intercedis; imo nec meus, nec tuus, quoniam me sprevit, et te. Ironice igitur accipitur « populus tuus. »

« Rursumque ait Dominus ad Moysen: Cerno quod populus iste duræ cervicis sit, dimitte me, et ut irascatur furor meus contra eos, et deleam eos, faciamque te in gentem magnam. » Duræ, inquit, superbiæ et indomabilis cervicis est populus iste, neque legis et justitiæ frenis coerceri et retineri valet: dimitte ergo me, noli pro eo intercedere, cesset jam nunc deprecatio tua; ipsa enim me tenet, ipsa indignationem meam avertit, ipsa interposita me illos flagellare et delere non permittit. Notandum ergo quantum sanctorum valeant preces, quæ solæ Deum retinent, ejusque indignationem, et iram placant. Moyses autem non suam gloriam querens, sed pro populo sollicitus deprecabatur Dominum dicens: « Cur, Domine, irascitur furor tuus contra populum tuum? quiescat ira tua, recordare Abraham, Isaac, et Jacob, ex quibus isti originem ducunt. Placatusque est Dominus, et non delevit populum suum. »

« Et reversus est Moyses de monte, portans duas tabulas testimonii manu Dei scriptas ex utraque parte, et factas opere Dei. » Scriptura quoque Dei erat sculpta in tabulis; inde enim dicuntur tabulæ testimonii, quia quid Deus velit, quidque nolit, testantur ejusque voluntatis dant nobis testimonium. Dicit enim Apostolus: « Concupiscentiam nesciebam, » subauditur, esse peccatum (245), « nisi lex diceret, non concupisces rem proximi

(245) Mutulus hic editionis locus ex codice Laurentiano suppletur.

cupiscentiam esse peccatum. Credamus ergo testimonio legis, quæ, quia semper verum dicit et nunquam mentitur, non immerito testimonium appellatur: huic enim testimonio nemo contradicere audet; ultima probatio est legis auctoritas. Hæc autem scripta est manu Dei, opera Dei, et scriptura Dei; nihil humanum est in ea, tota divina est, tota, Deo dictante et scribente, composita est; unde veritate et auctoritate plena est. Cur autem ex utraque parte tabulæ scribuntur, nisi, ut legis testimonia dupliciter legantur et intelligantur? Duplex enim est intelligentia legis. Sequitur:

« Cum appropinquasset ad castra, vidit et vitulum, et choros. » Iratusque projecit de manu tabulas, et confregit eas ad radicem montis. Irascitur Moyses, et frangit tabulas; populus peccat, et tabulæ franguntur; populus peccat, et lex destruitur. Ut quid hoc? Si enim Moyses tabulas non fregisset, populo non pepercisset. Et quid proderat, quod orando Deum placaverat, si ipse eos ex legis imperio non occidisset? lex enim dicit: « Qui immolat diis, occidetur, præterquam Domino soli (*Exod. xxii, 20*). » Noluit ergo cum tabulis, noluit cum legis rigore ad populum delinquentem venire, sed tabulas fregit, legem evacuavit, et populo delinquenti pepercit. Quoties enim respectu pietatis episcopus peccatori alicui miseretur, et timet, ne in pejus ruat, tunc tabulas quodammodo frangit, et legis austeritatem relinquit. Et quidem sic tabulas frangere, legisque rigorem aliquando pro pietate descerere, non magnum puto esse peccatum. Unde et Moyses pro fractis tabulis nusquam a Domino reprehenditur. Sed audi quod sequitur: « Arripiensque vitulum, quem fecerant, combussit, et contrivit usque ad pulverem, quem sparsit in aqua, et dedit ex eo potum filiis Israel. » Hinc enim cui Moyses irascebatur, ostenditur: vitulo enim irascebatur, et peccatum destruere conabatur. Contrivit ergo vitulum usque ad pulverem, misitque in aquam, potum dedit filiis Israel. Sed quare misit in aquam, quare ex eo potum dedit filiis Israel? Fortasse ut fenum biberent vitulum, quia vitulus comedit fenum. Bibunt autem Judæi, quia cupidi sunt, et avari: bibunt aurum idoli, quia idololatæ et sacri-legi. Sic enim hæc mortifera potio, hæc doctrina idololatriæ eorum viscera penetravit, ut vix aliquando ab idolorum cultura avelli et separari potuerint. Hic enim vitulus, et hic potus vituli, vitulos Samariæ, et decem tribuum idololatriam significabant. Decem enim tribus pulvere vituli, id est idololatriæ doctrina Jeroboam in Samaria inebriabat, quando vix duæ tribus in Judæa legi attenderent et prophetis.

« Videns autem Moyses, quod populus esset nudatus (spoliaverat enim eum Aaron propter ignominiam sordis, et inter hostes nudum constituerat) et stans in porta castrorum ait: Si quis est Domini, jungatur mihi. » Postquam enim Moyses,

sicut oportuit, redarguit Aaron de peccato suo, nolens tantum scelus penitus inultum esse, **120** præsertim, quia, sicut Apostolus ait : « Hæc omnia in figura continebant illis; scripta sunt autem ad correctionem nostram (I Cor. x, 11), » præcepit ut unusquisque fratrem, et amicum, et proximum suum interficeret. Cecideruntque in die illo viginti et tria millia hominum. Erat enim populus Dei protectione, armisque nudatus, et propter ignominiam sordis, vituli videlicet, quem adoraverat, inter hostes nudus constitutus. Undique enim per circuitum hostes habitabant, qui si scirent populum illum sic peccasse, sic Dominum offendisse, sic sine viribus esse, sic Dei armis, omnique auxilio caruisse, facile omnes perdere potuissent. Et Aaron quidem Dei protectione, armisque eum nudaverat, quia in idolo fabricando ei consenserat. Præcipit ergo Moyses his, qui Domini erant, qui idolum non adoraverant, qui arma non perdiderant, ut gladiis accincti, fratres et proximos interficerent. Quibus mox iussa complentibus ait Moyses : « Consecrastis manus vestras hodie Domino, unusquisque in filio, et fratre suo, ut detur vobis benedictio. » Merito enim eis benedictio datur, eorumque manus, et opera Domino, et a Domino consecrantur, quia et Moysi obediunt, et Dei injurias vindicant, et in perimendis idololatris, zelo Dei ducti, nec filiis, nec fratribus parcunt. Hoc enim fecerunt filii Levi, qui sororis Dine stuprum in Genesi vindicasse leguntur. Reversusque Moyses ad Dominum ait : « Obsecro, Domine, peccavit populus iste peccatum magnum, feceruntque sibi deos aureos; aut dimitte eis hanc noxam, aut, si non feceris, dele me de libro quem scripsisti. Cui respondit Dominus : Qui peccaverit mihi, delebo eum de libro meo. » Sic enim loquitur Moyses, quasi homo, ex nimia dilectionis affectione hoc dicit: aut, inquit, parce eis, aut me simul perde cum illis. Tale quidem et Apostolus ait : « Optabam et ego anathema esse a Christo pro fratribus meis (Rom. ix, 3), » Unde et usque hodie Ezechias rex a Judæis redarguitur, quod pro se tantum, et pro omni populo oravit, dicens : « Bonus sermo Domini, fiat pax et veritas in diebus meis (IV Reg. xx, 19). » Quod autem ait : « Dele me de libro quem scripsisti, » hoc est intelligere de memoria tua. Sic enim in mente Dei, quasi in libro, sanctorum omnium nomina scripta sunt; de quo quidem, nisi ad mortem peccaverint, deleri non possunt. Hic est enim liber vite, in quo qui scribitur, in æternum et sine fine vivit. Unde et Dominus ait : « Qui peccaverit mihi, delebo eum de libro meo (Exod. xxxii, 33). » Confidenter ergo dicebat Moyses : « Dele me de libro tuo, » quia se nihil peccasse sciebat, et Deum injuste nihil facere posse non ignorabat. Sequitur :

« Tu autem vade, et duc populum istum quo locutus sum tibi, angelus meus præcedet te; ego autem in die ultionis visitabo et hoc peccatum eorum. Percussit ergo Dominus populum pro reatu vituli, quem fecit Aaron. » Quando enim pro

reatu vituli populum Dominus percussit (nisi forte illud intelligatur, quod superius legitur, viginti tria millia uno die cecidisse) nusquam hic dicitur. Dies autem ultionis aut in hac vita, aut in alia intelligi potest.

CAPUT XXXIII.

« Locutusque est Dominus ad Moysen : Vade, ascende de loco isto tu et populus tuus, quem eduxisti de terra Ægypti, in terram quam juravi Abraham, Isaac et Jacob, dicens : Semini tuo dabo eam, et mittam præcursorem tui angelum meum. Non enim ascendam tecum, quia populus duræ cervicis est, ne forte disperdam te in via. » Angelum, inquit, meum mittam ante te : mei autem præsentiam tantum, ut hactenus, ulterius non habebis. Corruptus es enim, me negando, et vitulum adorando : peccasti enim peccatum maximum. Hoc autem in persona totius populi dicitur Moysi. Quare autem eos præcedere nolit, reddit causam : « Quia populus, inquit, duræ cervicis est, » ego autem cervicatos et superbos ferre non possum : unde facile accidere potest, ut si tibi præsens fuero, disperdam te in via. Quid est autem, quod sic Veritas loquitur? quid est, quod modo non se facturum esse promittit? Conditionalia enim sunt verba Dei; dum sanctorum precibus aliquando flectitur, contra hoc quod dixerat, facere videtur. Unde quamvis modo populo, dicat : non ascendam tecum; postea tamen ascendit secum. Ascendit ergo secum, et non ascendit secum : secum quidem, quia substantia non mutatur; non secum autem, quia per poenitentiam aliter efficitur. Unde et subditur : « Audiens populus sermonem hunc pessimum, luxit, et nullus ex more indutus est cultu suo. » Alter enim erat quodammodo populus iste, qui poenitens lugebat : alter ille, qui vitulum adorabat : cum hoc igitur, et non cum illo ascendit Dominus. Verum igitur est, quod cum eo et ascendit, et non ascendit.

« Dixitque Dominus ad Moysen : Loquere filiis Israel : Populus duræ cervicis es, semel ascendam in medio tui, et delebo te; jam nunc depone ornatum tuum, ut sciam quid faciam tibi. Deposuerunt ergo filii Israel ornatum suum ad montem Oreb. » Sæpe enim Dominus vindictam sumpsit de populo illo, sæpe illum multis tribulationibus afflixit: nunc Philistæis, nunc Assyriis, nunc Chaldæis, nunc aliis nationibus eos tradens; cito tamen eorum misertus, non eos debebat, sed in patriam reducebat. Quod ergo hic dicitur : « Semel ascendam in medio tui, et delebo te, » de utroque Salvatoris nostri adventu intelligi potest. In primo namque adventu suo eos delevit, quia virtute, regno, sacerdotio et prophetarum oraculo eos privavit; insuper et **121** Romano exercitui tradens, cunctis gentibus subjugavit. At vero in secundo, qualiter eos delect expositione non indiget. Deposuerunt autem filii Israël ornatum suum, et poenitentiae induti sunt indumentis, quatenus Dei indignationem mitigarent. Hoc autem fecerunt ad montem Dei Oreb. Oreb corvus interpretatur, cujus color satis est poenitentibus familiaris. Quod autem ait : « Ut sciam, quid

faciam tibi, tale est, ac si diceret: Ut scire te faciam voluntatem meam, et quid tibi penitenti facturus sum.

« Moyses quoque tollens tabernaculum, tetendit extra castra procul, vocavitque nomen ejus, tabernaculum foederis. » Si enim hoc de illo tabernaculo intelligitur, quod Beseleel, et Ooliab fecerunt, anticipatio est, alioquin prius Moyses tetendit tabernaculum, quam tabernaculum factum fuisset; quod fieri nequit. Tetendit autem extra castra, quia longe a peccatoribus salus. Vocatur autem tabernaculum foederis, quia ibi Deus cum populo posuit foedus: ibi et lex posita est in qua totum foedus continebatur; ibi judicia dantur, ibi quaestiones solvuntur, ibi cum Moysse Dominus loquitur, ibi columna nubis ab omnibus cernitur. Sed quid columna nubis, nisi Verbum incarnatum? Ut enim Dominus in nube, sic Deus in homine loquebatur et cernebatur: videbant enim nubem, videbant humanitatem, audiebant vocem, nec tamen agnoscebant Deum; si enim agnovissent, nunquam Dominum gloriae crucifixissent. De hac enim nube per prophetam dicitur: « Ecce ascendet super nubem levem, et ingredietur Aegyptum (Isai. xix, 4); » per quam carnem illam intelligimus, quam de virgine Maria Christus suscepit.

« Loquebatur autem Dominus ad Moysen facie ad faciem, sicut loqui solet homo ad amicum suum. » Facie namque ad faciem, et praesens praesenti loquebatur: interrogabatur et respondebat, seque vicissim audiebant et intelligebant; sic enim loquitur homo ad amicum suum. Non enim Moyses aliter videbat faciem Dei, qui utique invisibilis est, et qui carnis oculis videri non potest. Cum ille reverteretur in castra, minister ejus Josue: filius Nun, puer, non decedebat de tabernaculo. Nec Josue de tabernaculo, nec Jesus de Ecclesia recedit: « Ecce ego, inquit, vobiscum sum omnibus diebus usque ad consummationem saeculi (Matth. xxviii, 20). » Hic est puer, hic est filius unius anni; hic est ille parvulus, qui major est in regno coelorum, hic est minister Moysi, hic est qui venit ministrare, non ministrari, et ponere animam suam redemptionem pro multis. Unde ipse Moysi, id est suis discipulis, qui nunc per Moysen significantur, ait: « Ego autem in medio vestrum sum, sicut qui ministrat (Luc. xxii, 27). »

« Dixit autem Moyses ad Dominum: Praecipis, ut educam populum istum, et non indicas mihi quem missurus es mecum, praesertim cum dixisti: Novi te ex nomine, et invenisti gratiam coram me. » Quia enim superius dixerat: « angelus meus praecedet te, » ipsum sibi angelum nominatim, et expressius indicari postulat. Est enim unicuique genti unus angelus a Deo praepositus. Unde et Michael archangelus proprie gentis Judaeorum esse perhibetur, sicut in Daniele scriptum est: « Et nemo est adjutor meus in omnibus his, nisi Michael archangelus princeps vester (Dan. x, 21). » Judeis

A enim loquitur; sed quid est quod ait: « Praesertim cum dixeris, novi te ex nomine. » Non enim magnum est, aliquem cognoscere ex nomine: quis enim est, quem Deus non cognoscat ex nomine? Si ergo omnes cognoscit ex nomine, quare dixit Moysi: « Novi te ex nomine. » Quid est novi te? Quid est ex nomine? Novi enim te, aliquando significat, diligo te. Unde et quibusdam in judicio dicturus est Dominus: « Amen dico vobis, nescio vos (Matth. xxv, 12), » id est, non vos diligo. Sic igitur in hoc loco, novi te, id est diligo te. Unde hoc probari potest? ex nomine. Considera nomen tuum, quare enim diceris Moyses? utique, quia de aqua assumptus es (246). Sed quare, cunctis Hebraeorum infantibus in Aegypti aquis pereuntibus, tu solus ne perires assumptus es? Quis hoc fecit, nonne ego? Interpretare ergo nomen tuum, et ex ipso nomine intelliges, quia novi te, quia dilexi te, quia a principio invenisti gratiam coram me.

« Si ergo invenisti gratiam in conspectu tuo, ostende mihi faciem tuam, ut sciam te et inveniam gratiam ante oculos tuos. Respice populum tuum, gentem hanc. » Ostende, inquit, mihi faciem tuam, ut per hoc me intelligam invenisse gratiam ante oculos tuos: ostende, ut sciam te, ut videam, et intelligam te. Quid est hoc? Si enim Dominus loquebatur cum Moysse facie ad faciem, cur Dei faciem sibi Moyses ostendi desiderat? Aliud est enim loqui facie ad faciem, aliud videre faciem. Potest enim fieri, ut facie ad faciem cum aliquo loquaris, et eum nec videas, nec videaris, quod quidem in nocte saepe contingit. Facie ergo ad faciem, et praesentialiter Moyses cum Domino loquebatur; tamen erat aliquid, et quidem multum aliquid, quod de Deo cognoscere et videre desiderabat; ejus enim proprium esse, nec videri in hac vita, nec intelligi potest. « Dixitque Dominus: Praecedet te facies mea, et requiem dabo tibi. » Illum enim praecedit facies Domini, quem facies Domini sequitur: « Querite, inquit Psalmista, faciem ejus semper (Psalm. cii, 4). » Si ergo semper sequitur, si semper praecedit, nunquam invenitur, nunquam ad plenum videtur. Et ait Moyses: « Si non tu ipse praecedas, non educas nos de loco isto. In quo enim scire poterimus ego, et populus tuus, invenisse nos gratiam in conspectu tuo, nisi ambulaveris nobiscum, ut glorificemur ab omnibus populis, qui habitant super terram? » Ac si dicat: Non per angelum, non per ministrum, non per internum, sed per te ipsum nos praecede, nobiscum auxiliare. Mirum valde quod loquitur Moyses, ac si ubique si praesentialiter Deus non sit, Dei praesentiam exorat. Quamvis enim praesentialiter Deus ubique sit, eis tamen praesens esse non videtur, quos orantes et clamantes non exaudit. Rogat ergo Moyses, ut sic populum praecedat, sic semper praesentialiter adsit, ut semper in omnibus suis necessitatibus eis subveniat.

« Dixit autem Dominus ad Moysen: Et verbum

(246) Ex cod. Laurent. haec quae adduntur desumpta sunt, eademque praestat codex Casiner.

« istud, quod locutus es, faciam. Invenisti enim gratiam coram me, et teipsum novi ex nomine. » Hoc autem superius exposuimus, et quomodo per se et præcedat eos, et non præcedat, ostendimus. « Et ait: Ostende mihi gloriam tuam. Respondit: « Ego ostendam omne bonum tibi, et in nomine Domini vocabor coram te, et miserebor cui voluero, et clemens ero in quem mihi placuerit. » Rursum ait: Non poteris videre faciem meam; non enim videbit me homo, et vivet. » Palam igitur est quid quæreretur; quod si impetrasset, vivere non posset. Melius igitur Dominus Moysi, quam Moyses sibi ipsi consulebat: « Ego inquit, Dominus ostendam tibi omne bonum. » Ego tibi, et si non modo, aliquando tamen meipsum ostendam. Scriptum est enim in Evangelio, quia quando Dominus in monte transfiguratus est, Moyses et Elias cum eo loquentes apparuerunt, et tunc quidem omne bonum Moysi Dominus ostendit: tunc et in nomine Domini vocatus est coram eo. Hoc autem habemus a principe apostolorum beato Petro: ait enim: « Domine, bonum est nos hic esse (Matth. xvii, 4). » Hic, inquit, est esse bonum, ubi ostendisti Moysi teipsum, qui es omne bonum. Quod autem sequitur: « Miserebor cui voluero, et clemens ero in quem mihi placuerit (Exod. xxxiii, 19), » tale est, ac si diceret: Tu pro populo tuo rogas, tu pro his, quorum corda et cogitationes non cognoscis, exoras; « Ego scio quos elegerim: ego miserebor cui voluero (Joan. xiii, 18), » qui nihil volo, nisi bonum.

« Et iterum: Ecce, inquit, est locus apud me, stabis supra petram. Cumque transibit gloria mea, ponam te in foramine petrae, et protegam a dextera mea, donec transeam: tollamque manum meam, et videbis posteriora mea, faciem autem meam videre non poteris. » Potest enim hoc fortasse ad litteram intelligi, ut Moyses alicubi positus de Domini maiestate aliquid subtilius cognoverit. Et quia ait: « Videbis posteriora mea, » incarnationis mysterium fortasse ei ostendit. Vidit autem Moyses et tunc posteriora Dei, quando Domino in monte transfigurato, Verbum videre meruit incarnatum. Quod quidem ejus posteriora dicitur, quia in posteriori tempore, et in ultima ætate actum est. Allegorice autem per Moysen apostolos intelligimus, qui et cum Domino loquebantur, et amici Dei ab ipso Domino appellati sunt. Stat autem Moyses super petram: petra autem erat Christus; quoniam in fide Christi SS. apostoli et stabiliti, et fundati sunt. Sunt autem positi non solum supra petram, verum etiam in foramine petrae, quoniam in ingressu fidei, et in introitu Ecclesie stantes, ceteros in Ecclesiam et in Christi fidem introducebant. Vocatur enim fides petra. Unde cum Domino Petrus diceret: « Tu es Christus, Filius Dei vivi (Matth. xvi, 16), » mox ejus filium Dominus confirmans ait: « Et ego dico tibi, quia tu es Petrus (Ibid., 18), » id est super hanc fidem tuam, qua me dicis Filium Dei vivi,

A « ædificabo Ecclesiam meam (Ibid.). » Erat igitur Petrus, et simul ceteri apostoli cum Petro in foramine petrae, id est in porta et in ingressu fidei; si quidem fidei sententia ab eis promulgata est, super quam tota Ecclesia fundata est. Hos autem protexit Dominus dextera sua, hos munivit virtute et potentia sua, quia, sicut ipse ait, non perdidit ex eis quemquam (Joan. xvii, 12). Cumque Dominus pertransiret, et desuper montem Olivæ colos ascenderet, extollens manus suas (sic enim in Evangelio scriptum est) quia elevatis manibus ferebatur in celum (Luc. xxiv, 50), ostendit posteriora sua: ostendit eis glorificatam humanitatem et carnem suam; hæc enim fuerunt ejus posteriora, qui postea non est cum eis corporaliter conversatus. Ipsi ejus posteriora viderunt, quia quando videri potuit, illum euntem visu secuti sunt. Unde et ab angelis eis dicitur: « Viri Galilæi, quid statis aspicientes in celum! Hic Jesus, qui a vobis assumptus est in celum, sic veniet, quemadmodum vidistis eum euntem in celum (Act. i, 11). » Faciem autem ejus non viderunt, quia qualiter: « In principio erat Verbum, et Verbum erat apud Deum, et Deus erat Verbum (Joan. i, 2), » non est eis revelatum. Hæc est enim facies Dei.

CAPUT XXXIV.

« Ac deinceps: Præcide, ait, tibi duas tabulas lapideas instar priorum, et scribe super eas verba quæ habuerunt tabulae quas fregisti. » Quod enim tabulae franguntur, legis secundum litteram evacuatio fuit: quod vero iterum scribuntur, Novi Testamenti significatio est. Si enim spiritualiter intelligatur, sancte scribitur in utroque Testamento. « Esto paratus mane, ut ascendas statim supra montem Sinai, stabisque mecum, super verticem montis. Nullus ascendat tecum, videatur quisque per totum montem. Boves quoque et oves pascantur e contra. Excidit ergo duas tabulas lapideas, quales ante fuerant, et de nocte consurgens ascendit montem Sinai, sicut præceperat Dominus, portans secum 123 duas tabulas. » Quod enim Moyses apostolos significet manifestum est. Solus igitur Moyses legem accepturus, montem ascendit, nullusque per totum montem videtur, quia a principio nascentis Ecclesie, soli apostoli a Domino vocati, cum nemo adhuc ejus fidem suscepisset, super montem Sion, super montem fidei ascenderunt, et non in tabulis lapideis, sed in fidei pectore Christi fidem susceperunt. Tamen, et hoc quod solus in monte erat Moyses, quod nemo per totum montem videbatur, quod nec boves, nec oves e contra pascebantur, significatio erat, quod lex, quæ tibi dabatur, litteræ ad tempus velamine tecta. aut a nullis, aut a paucis intelligeretur.

« Cumque descendisset Dominus per nubem, stetit Moyses cum eo, invocans nomen Domini. Quo transeunte coram eo, ait: Dominator Domine Deus, misericors et clemens, patiens et multæ miserationis, ac verax, qui custodis misericordiam

« in millia : qui auferat iniquitatem, et scelera atque
 « peccata, nullusque apud te per se innocens est.
 « Qui reddis iniquitatem patrum filiis ac nepotibus
 « in tertiam, et quartam progeniem. Festinusque
 « Moyses curvatus est pronus in terram, et adorans
 « ait : Si inveni gratiam in conspectu tuo, Domine,
 « obsecro ut gradiaris nobiscum (populus enim duræ
 « cervicis est) et auferas iniquitates nostras atque
 « peccata, nosque possideas. » Nullus, inquit, apud
 te per se innocens est; quia nec unius diei infans
 sine peccato est : Unde Psalmista : « Quoniam in
 iniquitatibus conceptus sum, et in delictis peperit
 me mater mea (Psalm. 1, 6). » Fit ergo innocens per
 te, qui non est innocens per se, quoniam tu solus
 potes facere mundum de immundo semine conce-
 ptum. Reddit autem Dominus iniquitatem patrum
 filiis, si ab iniquitate patrum filii non recedunt.
 Alioquin : « Filius non portabit iniquitatem patris
 (Ezech. xviii, 20). » Rogat autem Dominum Moyses,
 ut cum populo gradiatur, eumque possideat, qui
 quoniam duræ cervicis est, indiget possessore, et
 dominatore.

« Respondit Dominus : Ego inibo pactum, et vi-
 dentibus cunctis signa faciam, quæ nunquam visa
 « sunt super terram, nec in ullis gentibus, ut cernat
 « populus, in cujus es medio, opus terribile quod
 « facturus sum. Observa cuncta quæ hodie mando
 « tibi. » Per pactum enim, quod se inire promittit,
 hæc mandata, sive præcepta intelligere debemus,
 quæ in sequentibus posita sunt. Legat autem alios
 libros Moysi, qui vult cognoscere signa, et opera
 Domini terribilia.

« Ego ejiciam ante faciem tuam Amorrhæum, et
 « Chananzæum, et Hethæum, Pherezæum quoque et
 « Hevæum, et Jebusæum. Cave ne unquam eum
 « habitatoribus terræ illius jungas amicitias, quæ
 « tibi sunt in ruinam, sed aras eorum destrue, con-
 « fringe statuas, lucosque succide. Nolite adorare
 « deum alienum. Dominus zelotes nomen ejus, Deus
 « est æmulator. » Dominus enim zelotes, et æmula-
 tor vocatur diabolus, qui et invidus est, et Dei po-
 pulum persequi non cessat; diligit enim, ut perdat;
 æmulatur, ut occidat. Unde et quibusdam Apostolus
 ait : « Æmulantur vos non bene, sed decipere vos
 volunt, ut glorientur in carne vestra (Galat. iv, 17). »
 Hæc autem quæ sequuntur, quia superius exposita
 sunt, expositione non indigent.

« Cumque descenderet Moyses de monte Sinai te-
 nebat duas tabulas lapideas testimonii, et ignora-
 « bat quod cornuta esset facies sua ex consortio
 « sermonis Domini. Videntes autem Aaron, et filii
 « Israel cornutam Moysi faciem, timuerunt prope
 « accedere. Vocatique ab eo, reversi sunt tam
 « Aaron quam principes Synagogæ, et postquam
 « locutus est, venerunt ad eum etiam omnes filii
 « Israel, quibus præceptum cuncta, quæ audierat a
 « Domino in monte Sinai. » Erat, inquit, Moyses
 cornutus, et ignorabat; fulgebat ejus facies, et ne-

(247) Vulgata habet; velamen positum est super cor eorum.

A sciebat. Unde tibi hæc cornua, Moyses? Unde hic
 tantus splendor, quem populus ferre non valet, nisi
 ex consortio sermonis Dei? Splendor enim iste lit-
 teræ est, sola litteræ intelligentia fulget adhuc in
 facie tua. Si ergo litteræ intelligentia tantum rutilat,
 quid faciet intelligentia spiritus? Hoc est enim, quod
 Apostolus ait : « Quod si ministratio mortis litteris
 deformata in lapidibus fuit in gloria, ita ut filii Israel
 non possent intendere in faciem Moysi, propter glo-
 riam vultus, quæ evacuatur; quomodo non magis
 ministratio spiritus erit in gloria? (II Cor. iii, 7). »
 Nam nec clarificatum est, quod claruit in hac parte
 propter excellentem gloriam : tanta est enim gloria
 Novi Testamenti! tantus est illorum splendor, qui
 Scripturas spiritaliter intelligunt (qui enim docti
 fuerint, fulgebunt sicut splendor firmamenti) ut quod
 in Veteri Testamento est clarificatum, penitus non
 clarificatum appareat! Quid est enim, quod Judæi
 clare intelligunt? « Cæcitas enim ex parte contigit
 in Israel (Rom. xi, 15). » Vocat enim Moyses popu-
 lum, et ad se accedere timentes cognoscunt vocem,
 quoniam sola littera sonat in voce; faciem timent,
 quia ubi sunt oculi, ibi est splendor, ibi est spiritua-
 lis intellectus, ad instar solis radiis rutilans. Rever-
 tuntur ergo ad Moysen; revertuntur ad litteram
 quæ occidit; revertuntur ad sonum vocis, quia ru-
 tilantem faciem et spiritualem intelligentiam timen-
 tes, prius accedere volebant. Unde et subditur :

« Impletisque sermonibus, posuit velamen super
 « faciem suam. » Ideo enim super faciem velamen
 ponebat, quia ejus faciem videre timebant. Hoc est
 enim, quod Apostolus ait : « Usque hodie enim dum
 legitur 124 Moyses, positum est velamen ante
 oculos Judæorum (247) (II Cor. iii, 15). » Dum enim
 Moyses, id est lex Moysi legitur ante Judæorum
 oculos litteræ velamen positum est, solumque vela-
 men intuentes, et solam litteram attendentes, illud,
 quod sub velamine est, videre non possunt : infirmos
 enim oculos habent, et splendorem videre metuntur.
 Nos autem revelata facie gloriam Domini contem-
 plantes, non tantum velamen, quantum illud, quod
 sub velamine est, semper inspicere desideramus.

CAPUT XXXV.

« Igitur, congregata omni turba filiorum Israel,
 « dixit ad eos : Hæc sunt quæ jussit fieri Dominus :
 « sex diebus facietis opus, septimus dies erit vobis
 « sanctus. Sabbatum est requies Domini; qui fecerit
 « in eo opus, occidetur; non succendetis ignem in
 « omnibus habitationibus vestris per diem Sabbati. »
 Multa enim jam superius de Sabbato diximus, sem-
 perque inde dicere superfluum est; novam vero in
 eodem semper querere expositionem, supersticiosum
 esse videtur. Nemo autem in Sabbato ignem succen-
 dat, nemo lites et discordias seminet, unde in iram
 et furorem populus fidelis accendatur. Ego autem
 omnipotenti Deo gratias ago, qui me per hanc sil-
 vam obscuram satis et densam, recto, ut opinor,
 itinere, hucusque perluxit : quæ enim sequuntur

usque ad finem libri, superius omnia et narrata, et gloria, virtus et imperium, et nunc et semper, et in
exposita sunt. Deo autem omnipotenti sit honor et omnia secula seculorum. Amen.

Hic claudii sanctus Bruno Commentarium suum in Exodum, et omittit quinque reliqua capita.

INCIPIT

EXPOSITIO IN LEVITICUM.

ADMONITIO.

Cum expositio in sequentem librum Levitici, quam edidit D. Maurus Narchesius pluribus in locis valde mendosa sit, multoque inferior latinitate, et doctrina commentario, quem ex cod. Casinensi optimæ notæ nobis communicavit reverendissimus D. Thomas Capomatus, modernus abbas Montis Casini, eo collectionem nostram adornare duximus; quare ex integro sex priora capita ab illo desumpsimus, ac reliqua partim supplēvimus, partim emendavimus.

PRÆFATIO

125 Post Geneseos et Exodi expositionem, secundum ordinem quo scripti sunt, duce Jesu, ad Leviticum transeamus. Ad cuius operis explanationem Deum Patrem omnipotentem, et Filium ejus Jesum Christum, una cum Spiritu sancto invoco, suppliciterque deosco ut eodem Spiritu, quo Moysi mentem ad scribendum replevit, meam quoque ad hunc librum exponendum replere dignetur. Hoc autem volumine Moyses, imo Spiritus sanctus per Moysen de sacrificiis plenissime disputat, quibus nique, si spiritualiter intelligantur, procul dubio et peccata tolluntur, et Deus placatur, et peccatoribus venia datur. Quamvis enim omnia Judæorum sacrificia Christi quodammodo passionem et mortem denuntient, quædam tamen illud maximum et singulare sacrificium, quod in ara crucis Jesus ipse, hostia et sacerdos, Deo Patri obtulit, proprie spiritualiterque significant; quædam vero hoc, quod in ejus memoriam quotidie in Ecclesia fit a sacerdotibus; quædam vero SS. martyrum passiones, alia vero ipsam carnis nostræ macerationem, alia nihilominus cordis et spiritus contritionem designant. Eorum enim animalium holocausta, quorum sanguis infertur in Sancta per pontificem, quorum carnes non comeduntur, sed cremantur extra castra, proprie Christi passionem, testante Apostolo, denuntiant. Ait enim: « Quorum enim animalium infertur sanguis in Sancta per pontificem, horum corpora cremantur extra castra (*Hebr. xiii, 11*). » Hoc autem exponens mox subdidit, dicens: « Ita et Jesus ut sanctificaret populum, extra portam passus est (*ibid., 12*). » De his autem, quoniam Deo propitio, multa in sequentibus dicturi sumus, plura ad præsens dicere, non videtur esse necesse. Nunc ergo ad ipsius libri verba veniamus.

CAPUT PRIMUM.

« Vocavit autem Moysen, et locutus est ei Dominus de tabernaculo testimonii, dicens: Loquere

B « filiis Israel, et dices ad eos: homo quicunque ob-
« tulerit ex vobis hostiam Domino de pecoribus, id
« est de bobus et ovibus offerens victimas, si holo-
« caustum fuerit ejus oblatio, ac de armento, ma-
« sculum immaculatum offeret ad ostium tabernaculi
« testimonii ad placandum sibi Dominum. » Homo
iste, qui ad placandum sibi Dominum victimas offert,
Christianorum populus mihi videtur, qui non solum
super (248) altare visibile, verum etiam in mentis
altari invisibili, vitulum de armento patriarcharum,
in Christi commemorationem, quotidie immolare
non cessat. Vitulum ergo masculum et immacula-
tum sumptum de armento Moysi offerri præcipitur,
quia Judæorum populus Christum Dominum no-
strum, « qui peccatum non fecit, nec dolus inventus
C est in ore ejus (*I Petr. ii, 22*), » de patriarcharum
et prophetarum grege, scilicet carne venientem, pro
totius mundi delictis Domino immolavit. Unum ergo
eundemque vitulum, et Moyses, et Judæorum po-
pulus, et Ecclesia immolat: Moyses quidem signi-
ficando, Judæi peccando, Ecclesia commemorando.
Sed, quia non omnis oblatio est holocaustum, ideo
ait: « Si holocaustum fuerit ejus oblatio. » Quando
enim oblatio tota incendebatur, holocaustum dice-
batur. Ducitur autem vitulus ad ostium tabernaculi
testimonii, quoniam et Christus Dominus noster a
Judæis **126** captus, deinde ad pontificem ductus
est, qui ante ostium, et in ipsius templi atrii habi-
tabat. Sed, quoniam nos quoque hunc vitulum im-
molamus, quomodo etiam a nobis ad ostium taber-
naculi testimonii ducatur, dicendum esse videtur.
Nos enim Dei tabernaculum esse Apostolus signi-
ficans, ait: « Templum enim Dei sanctum est, quod
estis vos (*I Cor. iii, 17*). » Si ergo templum et ta-
bernaculum Dei sumus, quod erit ostium hujus ta-
bernaculi? Ego quidem ostium hujus tabernaculi
fidem intelligo, per quam velut per ostium, nostri
pectoris tabernaculum Christus ingreditur. Unde
ipse Dominus ait: « Ego sto ad ostium et pulso, si

(248) Alter cod. Casin. *Ecclesie*.

quis aperuerit mihi ianuam, intrabo ad illum, et a cenabo cum ipso, et ipse mecum (*Apoec. iii, 20*). » Offerimus ergo vitulum ad ostium tabernaculi, quando Christi passionem mente legimus, et fide credimus. Sic enim ipse Dominus ait : « Hoc facite in meam commemorationem (*I Cor. xi, 24*). » Unde adhuc subditur :

Ponete manus super caput hostiæ, et accepta-
« bilis erit, atque in expiationem ejus proficiens. »
Hoc autem de Judæis intelligere difficile est, quibus mors Christi non proficiens, sed efficiens fuit. Nos autem (249) ducamus vitulum nostrum ad ostium tabernaculi, imo credendo, manducando atque bibendo introducamus eum in ipsum pectoris nostri tabernaculum. Ponamus manus super caput ejus, tangamus eum manibus fidei, tangendo credamus, credendo dicamus : « Dominus meus, et Deus meus (*Joan. xi, 28*). » Sic enim fides tangit; sic et Apostolus Thomas tetigisse legitur. Tangere enim credere est. Ejus namque caput beatus Joannes tangens dicebat : « In principio erat Verbum, et Verbum erat apud Deum, et Deus erat Verbum (*Joan. i, 1*). » Crede Christum Deum esse, et tangis caput ejus : « Christi enim caput, ait Apostolus, Deus est (*I Cor. xi, 4*). » Credis hominem esse, et tangis pedes ejus. Si ergo sic tetigeris, si omnium creaturarum caput atque principium Christum esse credideris, acceptabilis erit hostia tua, in expiationem tibi proficiet et oblatio tua. Prius itaque tange caput vituli; deinde immola, ne dum quasi vitulum Christum immolaris, eum Deum et hominem esse obliviscaris. Vides puerum Jesum, vides vitulum unius anni, noli respicere ætatem, noli dicere cum Judæo : Quadraginta annos nondum habes. Tange caput vituli, crede Divinitatem. Dic cum evangelista : « In principio erat Verbum. » Divinitas enim ipsius vituli caput est Christi. Quia ergo quid sit tabernaculum, quid ostium tabernaculi, quid vitulus, quid sit etiam manus ponere super caput vituli, dictum est; restat nunc ut veniant sacerdotes et fundant sanguinem ejus, ipsumque excorient, membra concidant, in altari componant, ignem supponant, et totum perficiant holocaustum in commodum, et utilitatem offerentium. Hæc omnia ad solum sacerdotem pertinebant. Hoc est enim, quod ait : « Et offerent filii Aaron sacerdotes « sanguinem ejus, fundentque per altaris circuitum, « quod est ante ostium tabernaculi, detractaque « pelle hostiæ, artus in frusta concident, et subji-
« cient in altari ignem, strue lignorum ante compo-
« sita, et membra, quæ cæsa sunt desuper ordina-
« tes, caput videlicet, et cuncta quæ adhærent je-
« cori, intestinis, et pedibus lotis aqua; adolebit ea « sacerdos super altare in holocaustum et suavem « odorem. »

Qui sunt enim isti filii Aaron, quibus hæc specialia munera deputantur? Credere namque, vitulum tan-
gere, ad tabernaculi hostiam ducere; super utrum-

que postem de ejus sanguine ponere, Christi carnem comedere, ejus sanguinem bibere, cunctis fidelibus datum est. At vero pellem hostiæ detrahare, artus in frusta concidere, et cætera quæ sequuntur episcopis et sacerdotibus specialiter concessum est. Sunt ergo episcopi et sacerdotes, filii Aaron, illius videlicet Aaron, qui rectissime *mons fortis* interpretatur. « Mons coagulatus, mons pinguis, mons, in quo beneplacitum est Deo inhabitare (*Psal. lxxvii, 16*). » Hujus autem Aaron, vos, o episcopi et sacerdotes, filii estis : accedite ergo, et immolate; effundite sanguinem vituli per circuitum altaris. Quid aliud namque facitis, quotiescunque sanguinem vestro ministerio confectum nobis ad bibendum tribuitis? nisi ad instar filiorum Aaron circa altare cordis nostri sanguinem funditis. Pellem vero hostiæ detrahitis, quando, litteræ velamine semoto, ea, quæ in oculo manebant, spiritualiter exponitis. Artus autem in frusta conciditis, quando totius hostiæ sacramenta particulatim, et per sententias explicatis. Ignem vero in altari subjecitis, quia hæc omnia exponendo, ad amorem Dei corda nostra succenditis. Tali enim igne illorum corda succensa erant, qui ipsum Dominum per se exponentem audientes dixerunt : « Nonne cor nostrum ardens erat in nobis, dum loqueretur nobis in via, et aperiret Scripturas? » (*Luc. xxiv, 32*.) Ut autem hic ignis ardeat, prius struem lignorum super altare componere necesse est; hæc autem ligna, fidem, spem, patientiam, humilitatem, cæteramque virtutum congeriem intelligimus : nisi hæc ligna prius in cordis altari composita fuerint, ignis charitatis, et amor Dei ardere non potest (250). Postquam autem igne charitatis altare, id est audientium corda incaluerint, tunc sacerdotes membra, quæ cæsa sunt, desuper ordinent, caput videlicet, et cuncta, quæ adhærent jecori. Illis enim divina sacramenta revelanda sunt, 127 quorum corda audiendi, et agendi desiderio jam videntur accensa. Prius enim vituli caput super altare ordinare debent episcopi, quia suis in sermonibus Christum hominem, et Deum, caput omnium creaturarum et principium esse, ante omnia auditores edoceant. Quin etiam ejus passionem, resurrectionem et ascensionem per ordinem narrantes, in Christianorum mentibus, tanquam in altari componant. Hunc prædicandi ordinem beatus Joannes secutus, a capite incipiens, de divinitate prius egit. « In principio, inquit, erat Verbum, et Verbum erat apud Deum (*Joan. i, 1*). » Postea ad humanitatem, ejusque opera, tanquam ad pedes devenit. Hæc sunt autem membra vituli, sic concidantur, sic ordinentur, sic exponantur, sic super cordis et mentis altare ponantur. Sed quid pro his, quæ jecori adhærent, adipe videlicet et pinguedine, nisi illam nimiam misericordiam et pietatem Salvatoris nostri intelligamus, qua pro suis etiam inimicis orans, dicebat : « Pater, ignosce illis, quia nesciunt quid faciunt? » (*Luc.*

(249) Alter cod. Casin. : *ducamus et offeramus*.

(250) Item cod. Casin. habet *Et : Dei amor ibi ardere non potest*.

xxiii, 34.) » Hic enim adeps, hæc pinguedo vulnera nostra curavit, et sanavit, de qua Psalmista : « Memor sit Dominus omnis sacrificii tui, et holocaustum tuum pingue fiat (*Psalm. xix, 4*). » Hæc autem nobis annuntiantur quatenus ad amorem Dei magis accendamus, et ad Christi pietatem, et misericordiam implorandam amplius incitemur. Quid autem est id, quod sequitur in contextu : pedibus et intestinis lotis aqua ? Nunquid nos pedes Christi, et ejus intestina lavare debemus, qui jam nunc in celo est ? Cui nihil unquam sordidum, nihil immundum adhæsit, qui peccatum non fecit, nec inventus est dolus in ore ejus ; et qui omnis munditiæ auctor et consummator extitit. Vera certe, et infallibilia sunt hæc omnia. Judei tamen hæc non credunt, sed quasi peccatorem, quasi blasphemum eum judicarunt et judicant. Unde nobis oportet eum lavare, et quodammodo mundare ; id est sanctum, innocentem et justum prædicare. Sed quomodo hæc omnia recte comprobare poterimus, Judæisque veritatem istam persuadere valebimus ? Ipse nos docet : « Quis ex vobis, inquit, arguet me de peccato ? Venit enim princeps mundi hujus, et in me non habet quidquam (*Joan. viii, 46*). » Hæc autem et similia dum sic ordinant et componunt sancti prædicatores, dum intelligunt et credunt boni auditores, sit Deo holocaustum in odorem, et suavitatem. Sequitur :

« Quod si de peccatoribus oblatio est, de ovibus, sive de capris holocaustum, anniculus, et absque macula offerent, immolabitque ad latus altaris, quod respicit ad aquilonem coram Domino ; sanguinem vero illius fundent super altare filii Aaron per circuitum, » et cætera, ut superius. Id ipsum enim per vitulum, et per agnum, et per hædum intelligimus. Christus enim et vitulus est, quia major hostia, et agnus, quia mitis, et innocens, et mansuetus ; et hædus propter similitudinem carnis peccati. Est autem anniculus et absque macula, castus, pudicus et sine peccato. Quod autem altare contra aquilonem respicit, corda nostra contra diaboli insidias semper attenta debere esse significat. « Ab aquilone enim pendentur mala super omnes habitatores terræ (*Jerem. i, 14*). » Deus autem ab austro venit, diabolus autem ad aquilonem sedem suam posuit (251). Cætera vero, quæ sequuntur, ideo non exposuimus, quoniam modo superius in vituli holocausto exposita sunt.

« Sin autem de avibus holocausti oblatio fuerit Domino de turturibus, et pullis columbæ, offeret ea sacerdos ad altare, et retorto ad collum capite, et rupto vulneris loco decurrere faciat sanguinem super crepidinem altaris. » Merito enim post Christi sacramenta, qualiter etiam nos ipsos immolare et offerre Domino debeamus, ostendit hic locus. Per turturem enim et columbam, animæ et carnis castitatem, et patientiam intelligimus. Turtur enim castissimum animal est, et vivo, et mortuo socio indissolubilem fidem servans ; columba vero

A felle et amaritudine caret. Unde non immerito turtur castitatem, columba vero patientiam significat. Offerit igitur sacerdos ad altare cordia nostri turturem, et columbam ; quando castitatem, et patientiam nos et habere, et observare admonet. Turturem enim sacerdos magnus Jesus offerebat, cum diceret : « Sint lumbi vestri præcincti (*Luc. xii, 35*) ; » columbam autem cum de patientia loqueretur, dicens : « In patientia vestra possidebitis animas vestras (*Luc. xxi, 19*). » Habemus ergo turturem, habemus columbam, imo nos ipsi jam turtures et columbæ facti sumus, sic tamen si et castitatem, et patientiam teneamus. Quod autem ad collum caput retorquetur, cum, qui castus et piens factus est, verecundum etiam et humilem debere esse significat ; talium non est erecta cervix, sed capite humiliter inclinato incedere. Deinde autem rupto vulneris loco decurrere facit sanguinem super crepidinem altaris, quia sanctus homo, et Deo devotus, non celat peccatum suum, sed foras mittit, et tunc circa altare sanguinem decurrere facit, quando peccatorum suorum memoriam a proprio corde non separat ; sed quasi turtur, et columba pro ipsis peccatis gemere, et flere non cessat. Sic enim Psalmista circa sui cordis altare decurrere sanguinem faciebat, cum diceret : « Quoniam iniquitatem meam ego cognosco, et delictum meum contra me est semper (*Psalm. l, 4*). » Quod autem sanguis peccatum significet, tam usitatum est, ut exemplis non indigeat. Sequitur :

C « 128 Vesciculam vero gutturis, et plumas » projiciet prope altare ad orientalem plagam in loco, in quo cineres effundi solent. » Quid enim per vesciculam gutturis, nisi ventris ingluviæ significatur ? Quid per plumas, nisi morum levitas innuitur, elatio et mentis instabilitas ? Hæc autem homini projicere, et a se repellere bonum est. Sed ubi projicere ? Prope altare : altare enim cor est, sicut jam sæpe dictum est ; quod autem a corde separatur, oblivioni quidem datur. Merito igitur non in altari, sed prope altare ista projiciuntur, ut eorum homo immemor ad ea ulterius non revertatur. Unde etiam ad orientalem plagam projici jubentur, ut præteritorum cum Apostolo obliviscentes, ad ea, quæ ante sunt, nos extendamus. Semper enim ab ortu ad occasum tendimus. Quæcunque igitur ad occasum nobiscum non ducimus, ea ad orientalem projicientes plagam, post dorsum relinquimus. Occasus autem finis est vitæ. Effundantur hæc in loco, in quo cineres effundi solent, id est ubi superflua projiciuntur, quia superflua et inutilia sunt.

D « Confringetque ascellas ejus, et non secabit, neque ferro dividet eas. » Ascellas enim turturis, et columbæ confringere jubet, ne castitas et patientia a nobis avolando separari queat. Attende diligenter quod dicitur. Turtur et columba factus es, noli volare, noli vagus et instabilis esse, frange

(251) Sequentia habentur in alio cod. Casin.

ascellas, quia nocivæ sunt, sed noli secare, quia naturales sunt. Quamvis enim non volas, volandi tamen naturam non amittis; quamvis non peccas, peccandi tamen potentiam habes. Sed propter Deum volare, id est peccare desistis juxta illud Ecclesiastici: « Qui potuit transgredi, et non est transgressus, facere malum, et non fecit (*Ecc. xxxi, 40*). » Sequitur:

« Et adolebit super altare lignis, igne supposito: « holocaustum est, et oblatio suavissimi odoris Domino. » Ignis enim iste quo omnia cremanda sunt, fervor charitatis est. Illic est ille ignis, de quo Dominus ait: « Ignem veni mittere in terram (*Luc. xii, 49*). » At vero bonus animus, sincerus affectus, sanus intellectus, spiritus contribulatus, ligna sunt, quæ hoc igne succenduntur. Sed ubi? Super cordis utique altare. Illud enim cor, in quo hæc ligna composita fuerint, et hoc igne succensum exarsit, holocaustum est, et oblatio suavissimi odoris Domino. Et maxime quidem, si sacerdos turturem, et columbam, et cætera, quæ superius dicta sunt, castitatem et patientiam, docendo, prædicando et admonendo desuper ordinaverit. Tale enim altare semper ardet, sed tunc præcipue cum sacerdotis voce et spiritu inflammatur. Unde per prophetam Dominus dicit: « Ego, inquit, creavi fabrum, et sufflantem in igne prunas (*Isai. liv, 16*). » Sequitur iterum de eo sacrificio, quod in memoriam Christi passionis sancta Ecclesia ubique sacrificat, ideoque et de similia sit, et memoriale appellatur.

CAPUT II.

« Anima, cum obtulerit oblationem sacrificii Domino, et similia ejus erit oblatio, fundetque super eam oleum, et ponet thus, et deferet ad filios Aaron sacerdotis, quorum unus tollet pugillum plenum similæ et olei, ac totum thus, et ponet memoriale super altare in odorem suavisimum Domino. »

In hoc capite de eo sacrificio figurative agitur, quod in memoriam Christi passionis sancta Ecclesia ubique sanctificat; ideoque de similia sit oblatio præsens. Hæc autem similia de illo frumento facta est, de quo Salvator ait: « Nisi granum frumenti cadens in terram mortuum fuerit, ipsum solum manet (*Joan. xii, 24*). » Fuit autem similia hæc Judæorum nobis contrita, de quibus ait Psalmista: « Molas leonum confringet Dominus (*Psal. lvi, 7*). » Hanc autem anima offert, id est aliquis homo bonus et spiritualis, et qui magis animæ quam corporis sequitur voluntates, quoniam corde contrito, et spiritu contribulato Christi passionis recordatur. Fundit autem oleum desuper, Christi pietatem, et misericordiam admirans, qui, dum quasi frumentum ab impiis moleretur, dum a Judæis crucifigeretur, oleum tamen pietatis et mansuetudinis effundens a misericordia non cessabat. Cum enim servi Malchi aurem sanabat, cum Patrem, ut Judæis ignosceret, orabat, nonne tunc misericordiae olco Christus

abundabat? Jungit autem ad similia thus, dum secum recogitat, quare de Filii sui passione Pater tantum fuerit delectatus. De quo thure Psalmista ait: « Dirigatur oratio mea, sicut incensum in conspectu tuo (*Psal. cxl, 2*). » Hæc autem dum anima supradicta secum considerat, et per se rationem invenire non valet, deferit simul omnia, similia scilicet, oleum, et thus ad filios Aaron sacerdotis; unde et subditur: « Quorum unus tollet pugillum plenum similæ, et oleum, ac totum thus; » id est ad prælatos, ad episcopos suos, et ad Ecclesie doctores, ut ab illis de eorum intelligentia instruantur; unde subditur in contextu: « Quorum unus tollet pugillum plenum similæ, et ponet memoriale super altare in odorem suavisimum Domino. » Audite hoc, o episcopi, et videte quod nulla hic episcoporum exceptio fiat. Venit aliquis cum oblatione sua, interrogare vult episcopum de dubitatione sua: ille igitur episcopus, qui ejus interrogationi satisfacere nequiverit, et qui ejus oblationem ad immolandum, id est ad exponendum non suscepit, ille, inquam, non erit ille unus, de quibus hic dicitur: « Quorum unus est. » Quod autem non totam similia, sed pugillum plenum similæ accipit: hoc datur intelligi, 129 quia non omnia, sed ea tantum episcopus exponere debet, quæ ad animarum salutem pertinent, et quæ auditores intelligere et capere possunt. Hæc igitur omnia pontifex accipiens, ponit memoriale, id est ad memorandum et intelligendum, super cor illius. Nam, si hæc omnia, quæ ad animarum salutem pertinent, super cordis altare non apponuntur, et memoriale, non erit hujusmodi holocaustum. Nisi enim super cordis altare hoc sacrificium poneretur, oblivioni tradi posset, et memoriale non esset. Fit autem talis oblatio in odorem suavisimum Domino. Sequitur:

« Quod autem reliquum fuerit de sacrificio, erit Aaron, et filiorum ejus, Sanctum sanctorum de oblationibus Domini. » Quod autem horum quidquid superest, in sacerdotis partem relinqui præcipitur, clare ostendit, quod mysteria illa, quæ auditoribus capere, et intelligere non valent, in sacerdotum pectore atque sacrario reponi, et celari debent, secundum illud: « In corde meo abscondi eloquia tua, ut non peccem tibi (*Psal. xviii, 14*). » Sanctissimæ enim sunt istæ reliquæ de oblationibus Domini. Quæ autem de similia dicta sunt, de panibus quoque, et laganis, et crustula intelligantur; si quidem ista et de frumento, et de similia sunt. Quorum ergo est una materia, una sit et significatio: significant enim carnes agni, illius utique agni, qui tollit peccata mundi. Sive enim in elibano coquantur, sive in sartagine frignantur, sive etiam in craticula assentur, semper tamen Christi significant passionem: crux enim Christi, et elibanus, et sartago, et craticula sunt. Omnes igitur sustinent passionem, qui crucis patiuntur afflictionem, quod ipse Dominus significans ait: « Qui vult venire post me, abneget semetipsum, et tollat crucem suam, et sequatur me »

(*Matth. v. 15*) ; omnes passiones in sola cruce intelligens. Quod autem omnibus additur oleum, nec in ipsa sua passione Christum a misericordia cessasse significat. Semper Christus oleum fundit, quo et miseretur, et sanat. Manibus autem sacerdotum ista traduntur, quæ ab eis exponenda exiguntur. Minutatim vero crustula dividitur, quando diligenter, et per sententias particulatim totum Christi sacramentum exponitur. Ponitur autem memoriale super altare, quando in audientium corda idem mysterium immittitur. Omnia autem hæc azyma, et sine fermento sunt, quia Agnus noster immaculatus, innocens et sine peccato est; et quia nihil corruptum, aut maculatum Dominus suscipit. Sequitur:

« Omnis oblatio, quæ offertur Domino, absque fermento fiet, nec quidquam fermenti, ac mellis adolebitur in sacrificio Domini. » Fermentum a sacrificio removetur, quia corruptum est, et totam massam corrumpit, ut ait Apostolus. Mel vero, quia dulce est; non enim cum dulcedine mellis, sed cum amaritudine lactucarum agrestium agni carnes comedi jubentur.

« Quidquid obtuleris sacrificii sale condies, nec auferes sal fœderis Dei tui de sacrificio tuo. In omni oblatione tua offeres sal. » Sal pro sapientia ponitur. Unde et Dominus discipulis ait: « Vos estis sal terræ (*Matth. v. 13*). » Ut enim sale cibus, ita sapientia sacrificium conditur. Qui enim Domino sacrificat, et quod agit, non intelligit, quasi sine sale sacrificium facit. Interior autem sacerdos, intellectus, est, qui in altari cordis sacrificando Dominum placat. Hic autem sal, qui in sacrificio adhibendus est, ideo sal fœderis dicitur, quoniam et Deus hoc fieri jussit, et id populus sæpius se observaturum promisit. Hæc de sacrificio similæ dixisse sufficiat; nunc autem ad primitiarum oblationem mystice explicandam transeamus.

« Si autem obtuleris munus primarum frugum tuarum Domino de speciebus adhuc virentibus, torrefrabis igni, et confringes in morem farris, et sic offeres primitias tuas Domino, fundens supra oleum, et thus imponens, quia oblatio Domini est, de qua adolebit sacerdos in memoriam muneris, et partem farris fracti, et olei, ac totum thus. » Locus iste de catechumenis videtur intelligendus, quos ad Ecclesias venientes interrogare oportet de proposito, constantia et fide. Sic enim ait Propheta: « Nisi credideritis, non permanebitis (*Isai. vii. 9*). » Et isti quidem primitias frugum suarum, id est prima fidei rudimenta, non quidem de frumento et solido cibo, sed de speciebus adhuc virentibus Domino offerunt, quando ea, quæ a sacerdotibus illis dicuntur, etsi non intelligant, credere tamen se promittunt. Quid autem sit spicas igne torrere, novasque fruges in morem farris frangere, attendamus; nihil enim aliud significare existimo, nisi quod isti jam charitatis ardore fidei sacramenta credunt, et nondum penitus discutunt; qui enim ea diligenter discutit, non in morem utique farris, sed in similæ

tenuitatem conterit. Fundunt autem oleum desuper simul cum fide, misericordiam et benignitatem spondentes. Thus autem imponunt, quando diabolo abrenuntiantes, virtutibus et bonis operibus adhaerere promittunt. Hæc enim, quia Domino redolent, thuris similitudinem habent. Postquam autem hæc suæ fidei oblationem Domino catechumeni obtulerint, restat ut sacerdos eos doceat, et majora intelligere faciat. Accipiat ergo partem farris fracti, et olei, ac totum thus, et sacrificare incipiat; id est, in eorum instructione incipiat laborare. Ubi advertendum est, quod tantum partem farris fracti sacerdotem accipere jubet lex, ut non omnes partes simul clare demonstret. Quod si sacerdos non omnia Christianæ fidei sacramenta eos edocere valeat, sufficit quod aliquam eorum partem exponat; omnia enim nostræ fidei arcana explicare aut impossibile est, aut certe difficile esse videtur. Ideo autem olei, et thuris nihil minui jubet lex, quia in misericordiæ exercitio, et ad dandum bonum exemplum totaliter instrui possunt. Quod autem catechumenos instruere, et illis sacra dogmata explicare, notitiamque Scripturarum tradere, hic sacrificare nominetur, mirum non est, cum hoc agere, Deus tanquam sacrificium sibi charum accipiat; unde per Psalmistam ait: « Sacrificium laudis honorificabit me (*Psal. xlix. 25*). » Et Apostolus: « Per ipsum offeramus hostiam laudis semper Deo, id est vitulos labiorum consentium nomini ejus. (*Hebr. xiii. 15*). »

CAPUT III.

« Quod si hostia pacificorum fuerit ejus oblatio, et de bobus voluerit offerre, marem, sive feminam immaculatam offeret coram Domino, ponetque manus super caput victimæ suæ, quæ immolabitur in introitu tabernaculi. » Hic obiter notandum est, quod in primo sacrificio sub specie vituli, et agni fuit Christus immaculatus; deinde vero in turture et columba fuimus nos ipsi in sacrificium oblatis; postea vero in simila et panibus figurative immolatus est Christus; modo denique nos ipsi immolari jubemur, ut scilicet intelligamus, necessarium esse multoties pati pro Christo, qui pro nobis multoties passus est. Bene autem præsens hæc hostia pacificorum dicitur, quia illa mediante cum Deo purificamur, iterumque conjungimus. Si quis ergo de bobus pacificorum hostiam offerre voluerit in ordine sacerdotali, vel regulari, sive masculus, sive femina sit, se ab omni vitio immaculatum custodiat, ut digne offeratur. Quid enim per bovem nisi sacerdotalis, vel regularis ordo intelligitur, secundum illud Apostoli: « Non alligabis os bovi trituranti? » (*1 Cor. ix. 7*). In quo certe ordine tam sancti viri quam etiam devotæ virgines intelligitur. Ipsæ enim Deo dicatæ in ejus agro utique laborant. Audite ergo hoc, qui ad sacros ordines acceditis. Audite qui vos ipsos ad serviendum Deo offertis. Si enim immaculati estis, secure accedite; sin autem, accedere non præsumatis. Ponite manus

super caput victimæ vestræ, id est reprimite superbiam carnis vestræ. Videte Apostolum manum super hostiam suam apponentem; dicit enim: « Castigo corpus meum, et in servitutem redigo (I Cor. ix, 27). » Immolat eam in introitu tabernaculi, ut scilicet videant vos, qui in tabernaculo sunt, et videntes opera vestra bona, glorificent Patrem vestrum, qui in cœlis est (Matth. v, 16). » Videant ceteri jejunia vestra; videant quomodo immolando maceratis et affligitis carnem vestram, quatenus exemplum accipiant de sancta conversatione vestra. Accedite, juvenes devoti, accedite, virgines castæ, ad sanctum Dei tabernaculum; ibi enim vos expectant filii Aaron, ibi vos expectant prælati et sacerdotes in suum collegium vos recipere cupientes, vos purificare, vos consecrare, vos offerre volentes.

« Fundentque filii Aaron sacerdotis sanguinem super altare per circuitum, et offerent de hostia pacificorum in oblationem Domini, » etc. Sanguinem peccata significare manifestum est, secundum illud Ezechielis: « Si non annuntiaveris ei iniquitatem suam, sanguinem ejus de manu tua requiram (Ezech. iii, 18). » Altare vero mens, et cor designat. Fundunt igitur sacerdotes sanguinem ejus, qui ad sacerdotaletm, vel regularem ordinem accedere, et inter boves computari exoptant, per circuitum altaris, quando eos admonent ut peccatorum suorum memores sint, et habeant ea in circuitu cordis sui, ut possint dicere semper: « Peccatum meum contra me est semper (Psal. L, 5). » Deinde hostiæ adipem, omnemque pinguedinem jubet Dominus offerre et adolere; quia scilicet pinguedine caro superbit, et in luxuriam, et omnem turpitudinem ruit; unde alibi dicitur: « Pinguis factus est dilectus, et recalcitravit (Deut. xxi, 45); » ideoque Apostolus in commensationibus, et ebrietatibus nos prohibet inveniri. Idemque alibi ait: « Carnis curam ne feceritis in desideriis. Et nolite inebriari vino, in quo est luxuria (Ephes. v, 18). » Hæc igitur est causa, cur maxime necessarium est, ut corporis nostri pinguedo minuat, incendatur et destruat. Dum enim jejuniis caro atteritur, pinguescit anima, sedes ejus conspiciat, sitque sacrificium Deo acceptabile. Accendatur ergo spiritus, ut et caro vitiorum ignibus frigescat. Ad oblationem autem istam accendendam ligna colligamus; id est exempla justorum sectemur; perpendendo qualiter vixerint, qualiter jejuniis et vigiliis omnem corporis pinguedinem attenuaverint. Hæc autem ligna, si in cordis nostri altari accensa fuerint, omnem nocivam pinguedinem adolere facient. Sequitur:

« Si agnum obtulerint coram Domino, ponent manum super caput victimæ suæ, quæ immolabitur in vestibulo tabernaculi testimonii. Fundentque filii Aaron sanguinem ejus per altaris circuitum, et offerent adipem, et caudam totam cum renibus, et cætera, ut supra. » Ritus autem in immolatione agni idem significat, quod superius annotavimus, et solum in hostiæ differentia aliquo

A discrimen reperitur; nam per bovem, doctorem et sacerdotem; per agnum, hominem mansuetum et simplicem; per capram vero peccatorem intelligimus. Sive igitur bovem, sive agnum, sive capram aliquis offerat, ponat manum suam super caput victimæ suæ, coercerat superbiam suam, eam castiget et immolet. Hoc autem juxta tabernaculum tantum, id est juxta Ecclesiæ statuta et leges. Qui enim ab Ecclesia discedet, nullum ei sacrificium, **131** nulla abstinencia, nulla carnis maceratio prodest: ideoque, omnis hostia ab tabernaculum duci jubetur. Ergo filii Aaron nos occidunt, nostrum sanguinem fundunt; namque solum sacerdotes Ecclesiæ a peccatis nos abluunt, et pro nobis hostias offerunt. Filii enim Aaron, et sacerdotes Ecclesiæ ille fuit, qui ait: « Mortificate membra vestra, quæ sunt super terram (Coloss. iii, 5); » itemque: « Mortui estis, et vita vestra abscondita est cum Christo in Deo (ibid.). » Sed quare peccata nostra super altare fundunt, nisi ut igne consumantur, semperque in memoriâ habeantur? quomodo autem adipem, renes omnemque pinguedinem sacerdotes offerant, superius dictum est. Cur denique caudam Dominus jubet offerri, idem ipse in Evangelio docet, dicens: « Qui perseveravit usque in finem, hic salvus erit (Matth. xxiv, 13). »

« Omnis adeps Domini erit jure perpetuo, et in generationibus, et cunctis habitaculis vestris. Nec adipem, nec sanguinem omnino comedetis. » Cum enim sit adeps bonus, et adeps malus, quomodo omnis adeps Domini erit? Bonus enim adeps quo anima pinguescit, et vires suscipit, de quo Psalmista: « Sicut adipe et pinguedine repleatur anima mea (Psal. lxxii, 6); » malus adeps quo anima incrassata superbit, de quo idem Psalmista: « Prodit ex adipe iniquitas eorum (Psal. lxxiii, 2). » Omnis igitur adeps est Domino offerendus; bonus animæ adeps, ut sancto desiderio inflammetur; corporis vero malus, ut poenitentia destruat; sieque tunc in cordis sartagine adeps animæ Deo offeratur, cum peccatorum conscientia superna dilectione incendatur. Tunc vero adeps corporis Deo mactatur, cum caro poenitentiae rigore deprimitur, atque ita sit ut omnis adeps Domini sit. Adeps deinde cremari, et sanguis effundi jubetur, ne uterque comedatur. Ad rationem tamen advertite. Non comedatur sanguis, quia in ipso peccati causa intelligitur. Super altare autem offeratur adeps, id est omnis nociva pinguedo in corde contrito concremetur, et destruat. Hoc est enim, quod ait: Adipes, quibus pectus advolvitur, et pinnule jecoris offerentur super altare. Sed quare pinnule jecoris? Jecoris namque, id est hepatis pinnule sanguinis coagulati, et mortui similitudinem habere videntur. Sanguis igitur et forma sanguinis super altare ponantur, ut non solum peccatum, sed peccati species omnino destruat.

CAPUT IV.

« Locutus est Dominus ad Moysen dicens: Loquere filiis Israel. Anima quæ peccaverit per ignorantiam

« de hostia, et de universis mandatis Domini, quæ præcepit, ut non fierent, quidpiam fecerit : si sacerdos, qui est unctus, peccaverit, delinquere faciens populum, offeret pro peccato suo vitulum immaculatum Domino, et adducet illum ad ostium tabernaculi testimonii coram Domino, ponetque manum super caput ejus, et immolabit eum Domino. Huriet quoque de sanguine vituli, inferens illum in tabernaculum testimonii (252). » Sicut cum distinctione loquitur lex, sic et nos cum distinctione loqui debemus; ita ut prius de sacerdote per ignorantiam peccante, et de ejus expiatione agamus, et postea de populo, quem sacerdotis ignorantia in errorem induxit, sermocinemur. Anima igitur ista, sive sacerdos, qui per ignorantiam peccavit, populum in errorem inducens, Caiphæ vel quempiam aliorum Judæorum sacerdotum significat: nam contextus verba Caiphæ maxime adaptantur. Non solum enim iste peccavit, sed peccare fecit, et populum in seditionem illum et in Christi interfectionem inducens, et dicens : « Expedit vobis, ut unus moriatur homo pro populo, ne tota gens pereat (Joan. xi, 50). » Unde Joannes mox addit : « Ab illo ergo die cogitaverunt interficere eum (ibid.); » sicque apparet, quod iste sit sacerdos, qui et peccavit, et populum delinquere fecit. In eo autem, quod evangelista subdit : « Hoc autem a semetipso non dixit (ibid.); » clare datur intelligi quod per ignorantiam peccavit. Pro peccato autem sacerdotis, per ignorantiam delinquentis offertur vitulus, cujus sanguis per pontificem inferitur in tabernaculum, de quo ait Apostolus : « Quorum enim animalium inferitur sanguis pro peccato in sancta per pontificem, horum corpora cremantur extra castra; propter quod et Jesus, ut sanctificaret per suum sanguinem populum, extra portam passus est (Hebr. xiii, 11). » Juxta hanc igitur Apostoli interpretationem, totam hujus oblationis seriem de Christo in ara crucis immolando intelligere debemus, et ipsius apostoli verbis materiam suscipientes; quod ipse reliquit, vel breviter dixit, latius exponamus.

Anima ista, quæ per ignorantiam peccavit, Caiphæ intelligitur. Primo igitur inquirendum est quomodo Caiphæ intelligatur, ubi dicitur, quod offerat pro peccato suo vitulum immaculatum Domino. Hæc enim verba videntur illi aptari non posse : non enim pro peccato suo, sed ad peccatum suum, ipsius persuasione Christus occisus est; neque Caiphæ tunc immaculatum vitulum, sed hominem dignum morte putabat occidi. Sed, cum Christus Dominus pro Adæ peccato solvendo mortuus sit, adæquate peccatum ad Caiphæ, et ad omnes homines pertinet. Constat quod pro peccato Caiphæ immolatus sit Christus, sique Christi mortem Caiphæ peccatum abstulit, et Caiphæ peccatum intulit (253); abstulit originale, intulit **132** actuale. Immolat ergo Christum Caiphæ

A pro peccato suo originali; sed impie hoc agens, incurrit in actuale. Adducit autem illum ad ostium tabernaculi testimonii; quia, secundum ejus consilium, ad judicium mortis adductus est Christus. Ponit manum super caput ejus dum divinitatem Christi, in quo Deus caput est, impignare, et celare contendit. Ille utique eum immolat, affligens cruci, dum persuasionem et consilio eum occidendum tradit. Per hoc autem, quod sanguis ad tabernaculum inferitur, arbitror intelligi quod, mortuo Christo, ejus sanguis effusus ipsum etiam cælum penetravit, ibique vului Dei Patris pro nobis asiterit, secundum quod Paulus ait : « Non enim in manu facta sancta Jesus introivit exemplaria verorum, sed in ipsum cælum, ut appareat nunc vului Dei pro nobis (Hebr. ix, 12). » Introivit ergo, non ut vitulorum, aut hircorum sanguinem spargat, sed ut per proprium sanguinem veniam nobis de peccatis obtineat.

« Cumque intinxerit digitum in sanguine, asperget eum septies coram Domino contra faciem sanctuarii. » Quod autem sacerdos, intincto sanguine digito, septies sanguinem contra sanctuarium fundat, illud proprie docet, quod usque ad finem mundi in peccatorum ablutione Christi sanguis spargatur : quod enim septies sit, omni omnino tempore sit, cum septem tantum diebus totus temporis decursus terminetur; convenienter ergo septies Christi sanguis spargitur, quia usque ad sæculi consummationem a sacerdotibus immolatur. Hoc autem contra velum sanctuarii, id est coram æterni Patris præsentia et majestate.

« Ponetque de eodem sanguine super cornua altaris thymiamatis gratissimi Domino, quod est in tabernaculo testimonii, omnem autem reliquum sanguinem fundet in basim altaris holocausti in introitu tabernaculi. » Duo hæc certe altaria duos populos representant; non enim solum populus gentiles, qui tunc credere incipiebat, Christi sanguine redemptus est, sed priorem etiam populum, id est Judaicum, ab hostili servitute liberavit, ut utriusque populi animæ redemptæ testificarentur, cum sic gratias solvendo decantant : « Redemisti nos Deus in sanguine tuo ex omni tribu, populo et natione (Apor. v, 9). » Duo igitur altaria sanguis hostiæ tangit, quia duos populos sanguis Christi redemit.

D « Adipem jecoris cum renunculis, sicut auferitur de vitulo hostiæ pacificorum, adolebit super altare holocausti, etc. » Quid hac vituli pinguedine, nisi Christi misericordia innuitur? Quid altari holocausti, nisi cor hominis adumbratur? Tunc igitur vituli adeps super altare ponitur, quando cor hominis Dei misericordia et pietate imbuitur, et ad ipsius Christi exemplum, in proximos efficitur misericors, secundum quod Petrus ait : « Christus passus est pro nobis, vobis reliquens exemplum, ut sequamini

etiam pro peccato Caiphæ immolatus est Christus. Offert igitur Caiphæ Christum pro peccato suo, sed quia impie hoc egit, etc.

(252) Alia lectio habet : in tabernaculum sanctuarii.

(253) Alius cod. Casinen. habet. Constat, quia

vestigia ejus (*II Petr. II, 21*) ; unde, sicut in illius viscibus pietas, et misericordia in homines abundavit, ita corda nostra isto adipe misericordiae delibata in proximos necesse est abundare.

« Pellem vero, et omnes carnes cum capite, et pedibus, et intestinis, et fimo, et reliquo corpore effret extra castra, incendetque super lignorum struem, etc., quæ in loco effusorum cinerum cremantur. » Sola hic certe Apostoli verba pro explicatione sufficiant, cum de animalibus agit, quæ extra castra cremantur; et « Jesus, inquit, ut sanctificaret per suum sanguinem populum, extra portam passus est. Exeamus igitur ad eum extra castra improprium ejus portantes (*Hebr. XIII, 12*). » Apposite Paulus hic loquitur: strues enim lignorum, et Christi improprium crux fuit, in qua corpus ejus crematum fuit. Totus igitur vitulus extra castra crematur, quia totum Christi corpus extra portam patitur. Hucusque de sacerdote per ignorantiam peccante dixisse sufficiat. Ad populum autem ignorantia seductum, et ad ejus expiationis modum transeamus.

« Quod si omnis turba Israel ignoraverit, et impenitentiam fecerit quod contra Domini mandatum est, et postea intellexerit peccatum suum, offeret vitulum pro peccato, adducetque eum ad ostium tabernaculi testimonii. Et ponent seniores populi manum super caput ejus coram Domino. » In quo populus, et turba peccaverit, superius dictum est: nam eundem vitulum, eadem intentione, atque sacerdos mactavit, unde quidquid illic de sacerdotis victima dicitur, hic de populi victima intelligitur. Quod autem populus, sicut sacerdos, per ignorantiam peccaverit, Petrus testatur, dicens: « Et nunc scio, fratres, quod per ignorantiam fecistis, sicut et patres vestri (*Act. III, 17*). » Item Paulus ait: « Si enim cognovissent, nunquam Dominum gloriæ crucifixissent (*I Cor. II, 8*). » Quod item Christi testimonio probari potest, qui pro eis Patrem orando, ait: « Pater, ignosce illis, non enim sciunt quid faciunt (*Luc. XXIII, 34*). » (254) In eo autem quod seniores populi super caput vituli manum quoque imponunt, clare monstratur, quod ipsi simul cum sacerdotibus Christi divinitatem voluerunt abscondere; unde in ejus occisione una cum sacerdotibus numerantur, Scriptura dicente: « Principes sacerdotum, et seniores populi consilium fecerunt, ut Jesum dolo tenerent, et occiderent (*Matth. XXVI, 4*). » Circa vero in quod **133** dicitur, quod orante sacerdote pro eis, et aspergente vituli sanguinem contra velum templi coram Domino, eorum delictum mundetur; advertendum est non de illo sacerdote esse intelligendum, de quo supra dictum est, qui per ignorantiam peccaverit, sed de illo, de quo Psalmista ait: « Propterea unxit te Deus tuus oleo lati-

tie præ consortibus tuis (*Psal. XLIV, 8*). » Hic enim inflexo digito cum sanguine proprio intulit illum in ipsius cæli tabernaculum, quia ut Apostolus ait: « Per proprium sanguinem introivit semel in sancta, æterna redemptione inventa (*Hebr. IX, 12*). »

« Si autem peccaverit princeps, et fecerit unum e pluribus per ignorantiam, quod Domini lege prohibetur, et postea intellexerit peccatum suum, offeret hostiam Domino, hircum de capris immaculatum. » Postquam de Judæorum pontifice, et de eorum populo egimus, de Ecclesiæ principibus, id est episcopis, et de eorum subditis exponemus aliqua. Quod enim isti etiam ex ignorantia aliquando delinquant, in semetipso Paulus testificatur, dum se prius blasphemum dixit. Sed, quia per ignorantiam fecit, se misericordiam consecutum ostendit. Quia et de Petro Ecclesiæ principe per ignorantiam peccasse, non incongrue affirmatur; nescire enim is dicitur, qui rem, quam facere debet, totaliter obliviscitur. Atqui si Petrus verbi magistri sui, cum negavit, non esset oblitus, frustra scriptum esset quod postea recordatus est; ait enim evangelista: « Et recordatus est Petrus verbi Jesu quod dixerat (*Luc. XXII, 61*), etc. Quot insuper Ecclesiæ principes, qui non solum ignorantes, sed etiam scienter delinquant? Hi autem, si se peccasse intelligunt, hostiam Domino offerre tenentur. Tunc autem id intelligere dicuntur, quando a peccatis, quæ ante commiserant, per penitentiam refrenantur. Offerunt autem hi hostiam Domino, id est hostiam, sive hircum pro peccato immaculatum hoc est unusquisque seipsum jam emendatum offerat Domino. De capris quidem, quia de stirpe Adam, de stirpe peccatrice, de stirpe, quæ in omni sobole sua dicit: « In iniquitatibus conceptus sum, et in peccatis concepit me mater mea (*Psal. I, 6*). » Offert ergo se unusquisque hircum Domino, dum peccare desinit, et digne incipit penitere (255). Qui igitur hircus propter peccatum nominatur, ipse jam per penitentiam immaculatus exhibetur.

« Poneque manum suam super caput ejus. Cumque mactaverit eum in loco, ubi mactari solet holocaustum coram Domino, quia pro peccato est, tinget sacerdos digitum in sanguine hostiæ pro peccato, tangens cornua altaris holocausti, et reliquum fundens ad basim ejus. » Manus autem impositio, et sanguinis linitio super cornua altaris quid demonstrent, jam superius dictum est. Pulcraque, quod offerre hircum mactando, idem significet, ac seipsum affligere penitendo: qui enim in corde affligitur, bene se coram Deo mactare dicitur; « homo » si quidem, ut ait Scriptura, « videt in facie, Deus autem intuetur cor (*I Reg. XVI, 7*). » Vocat hic Dominus sacerdotem, quem superius principem dixerat, ut de quo principe loquatur, osten-

(254) « Etiam in ipso infideli populo et sunt, et fuerunt multi, pro quibus, ut a suo errore convertantur et salventur, Dominus misericorditer oravit, et quod oravit, efficaciter obtinuit, et perfecit. » S.

Remig. Lugdun. de tribus epist. lib. XIX.

(255) Lectio alterius cod. Casinen. *Offert vero se ipsum Domino, qui peccare desinit, et digne incipit penitere.*

dat (256). Quod autem sanguinem fundit, et cum sanguine altare intingit, illud datur intelligi, quod et peccatum expellit et peccati memoriam in corde reponit, secundum id quod legimus: « Et peccatum meum contra me est semper (Psal. L, 3). » De pinguedinis autem crematione jam superius explicavimus.

« Rogabitque pro eo sacerdos, et dimittetur ei. » Rogat sacerdos pro principe, rogat sacerdos pro se ipso. Contrarium certe videtur, quod idem sit sacerdos et princeps, cum princeps regimen faciat cum rigore, sacerdos vero cum clementia exerceat misericordiam. Unde unus quodammodo violenter præest, alius vero misericorditer interpellat; et tamen in uno principe, eodemque sacerdote recte conveniunt, quandoquidem de eo, in quo foris per rigorem excessit, intus per dolorem ingemiscit. Tunc pro principe orat sacerdos; cum pro his, in quibus foris præcipiendo deliquit, intus sacrificando ingemiscit.

« Quod si peccaverit anima per ignorantiam de populo terræ, ut faciat quidquam ex iis, quæ lege Domini prohibentur, atque delinquat, et ignoraverit peccatum suum, offerat capram immaculatam, ponatque manum super caput hostiæ, » etc. Hæc anima de populo terræ, quæ per ignorantiam peccat, unumquemque subditorum repræsentat, unde jam clare ostenditur quam rectus ordo in mandatis tradendis observetur. Nam cum de veteri Ecclesia, id est de Judæorum populo egit, prius de pontifice, et postea de populo tractavit; quando vero de novæ Ecclesiæ ministris agitur, idem rectus ordo dicendi observatur. Postquam enim de principe, seu episcopo sanctificando agitur, ad subditorum expiationem convenienter transitur. Hæc igitur anima de populo terræ, sive subditus quisque frequenter per ignorantiam peccat; quia facile bonum ab homine despicitur, et pro bono malum eligitur. Capram vero iste pro peccato suo offerre jubetur, quod tunc fit, quando propriam carnem per rigidam poenitentiam macerat, cui ideo fortassis poenitendi modus clare ostenditur; determinatum autem ejus tempus non indicatur, ut tandiu poenitere intelligat, quandiu sanguinem a corde **134** non separat. Qui autem, quam grave sit per ignorantiam delinquere, scire desiderat, canones supra positos attente consideret, et ex pœna, quam sibi in illis inflictam invenerit, culpæ gravitatem statim percipiet. Cui enim manus super hostiam tenere, id est carnis superbiam poenitentia reprimere, et circa cordis altare sanguinem fundere, id est cor suum continua peccatorum memoria informare, omnemque pinguedinem cremare præcipitur, non mediocris quidem poenitentia injungitur.

CAPUT V.

« Si peccaverit anima, et audierit vocem jurantis,

(256) Idem cod. Casin. supracit. Quem enim superius principem dixerat, nunc sacerdotem appellat, ut de quo principe loquatur, apertius intelligatur.

A « testisque fuerit, quod aut ipse vidit, aut conscius est: nisi indicaverit, portabit iniquitatem suam. » Contra hoc legis mandatum Judæos peccasse, notum est, qui jurantis vocem toties audiendo occultarunt. Quam enim hic jurantis vocem intelligimus? nisi illam, quam ipsi et nos de Christo Domino sæpius audivimus: « Juravit Dominus, et non poenitebit eum: tu es sacerdos in æternum secundum ordinem Melchisedech (Psal. cix, 5). » Hanc vocem sæpius auditam ab eis, non solum non propalarunt, sed occultare curaverunt. Quia ergo Christi regnum et sacerdotium non prædicarunt, ipsi iniquitatem portabant. Nec autem solum hoc in Judæos putemus dictum, sed et dixisse de omnibus verbis Domini, hoc præceptum necesse est, intelligatur. Nam omne quod ipse dixit juramentum esse conspicitur; aliquid firmum semper et stabile reperitur, secundum quod ipse dixit: « Cælum et terra transibunt, verba autem mea non transibunt (Matth. xxiv, 35). » Quicunque igitur Dei voluntatem scit vel audit, et non facit, vapulabit multis. Nemo enim melius judicat et prædicat quod scit aut audit, quam qui illud exercet quod Dominus affirmando mandavit. Melius enim aliquid agendo audetur, quam prædicando judicatur. « Si non dimiseritis, dicit Dominus, peccata hominibus adversum vos, nec Pater vester cœlestis dimittet vobis peccata vestra (Matth. vi, 15). » Hoc certe juramentum est quod illi soli bene intelligere prædicant, qui in se peccantibus peccata condonant.

C « Anima, quæ tetigerit aliquid immundum, sive quod occisum a bestia est, aut per se mortuum, » vel quodlibet aliud reptile, et oblitæ fuerit immunditiæ suæ, rea est, et deliquit. » A tribus immunditiæ provenire docet hic locus; a bestia scilicet occisi, aut per se mortui, et a reptilium contactu. Ex quo certe exemplo animæ nostræ munditiæ necesse est ut sumamus documentum. Per illum igitur, qui a bestiis occiditur, quisquis ab hæreticis deceptus est, jure optimo intelligitur. Unde fideles ab hæreticis liberari Psalmista exposcit, cum ait: « Ne tradas bestiis animas confitentes tibi (Psal. lxxix, 19). » Ille vero per seipsum necatur, qui in aliquam hæresim vel grande peccatum propria voluntate præcipitur. Per reptile vero, quod toto pectore terra prosternitur, et ad superna nunquam erigitur, ille procul dubio significatur, qui toto animi conatu terrena desiderat, neque cœlestia aliquando considerat. Toties igitur anima in mortis periculum injicitur, quoties hæreticorum consortio copulatur; toties in immunditiam incurrit, quoties se cum istis peccatoribus conjungit; nam qui tangit picem inquinabitur ab illa. Hic tales homines tangere, nihil aliud innuit, quam ut eis credere, cum eis communicare eorumque facta imitari significet.

« Et si tetigerit quidpiam de immunditia hominis,

« juxta omnem impuritatem qua pollui solet, obli-
taque cognoverit postea, subjacebit delicto. » Post-
quam de hæreticorum consortio actum est, de eorum
dogmatibus sermo inseritur. Homo enim per im-
munditiam pollutus illum certe significat qui jam
est hæreticus constitutus. Hujus igitur doctrina
immunditia est et pollutio, quæ tunc quasi semen
male infunditur, quando ex ejus communicatione
alius hæreticus constituitur.

« Anima, quæ juraverit et protulerit labiis suis,
« ut vel male quid faceret vel bene, et idipsum
« juramento et sermone firmaverit, obliataque intel-
« lexerit delictum suum, agat poenitentiam pro pecca-
« to suo, et offerat de gregibus agnam sive capram,
« orabitque pro ea sacerdos et pro peccato ejus. »
Quid hoc loco significat jurare, quod male faciet,
nisi quod quis carnem suam poenitentia affligere et
jejunii macerare Deo promittat? Quis autem bene
facere jurat, nisi qui Dei mandata observare se
obligat, juxta illud Psalmistæ: « Juravi et statui
custodire judicia justitiæ tuæ (Psal. cxviii, 106). »
Unde ille juramenti quod fecit oblivisci dicitur, qui
id quod Deo promisit non operatur. Iste igitur, qui
non exercendo quod vovit, se ostendit oblitum,
agendo poenitentiam se præbeat recordatum. Quam
autem poenitentiam faciet, littera textus insinuat,
cum ait: « Offerat agnam, » etc. Nam agnam imma-
culatam Domino offert, qui se ab omni peccatorum
malitia illæsum custodit. Ut igitur anima se agnam
simplicem reddat, ab omni peccaminosa occasione
prorsus se absterneat, non modicam faciet poeniten-
tiam.

« Sin autem non potuerit offerre pecus, offerat
« duas turtures, vel duos pullos columbarum. Do-
« mino, unum pro peccato, et alterum in holo-
« caustum, dabitque eas sacerdoti, qui primum
« offerens pro peccato retorquet caput ejus,
« etc. » Ecce ex legis tenore pauperibus pro-
videtur, et spiritualis intelligentia non mu-
tatur. 135 Ideo enim secundum litteram, pro
agna, vel capra, turtur, et columba apponitur, ut in
pauperibus immolationis decretum omnimode ob-
servetur. Ita tamen secundum spiritualem intelli-
gentiam eadem commutatio agitur, ut idem per
turturem et columbam, atque per agnam et capram
intelligatur. Quid enim per turturem continuo ge-
mentem, nisi caro afflicta intelligatur? Quid enim
per simplicem columbam, nisi agnæ innocentia
designatur? Pro capra igitur turturem, et pro agna
columbam offert, qui poenitentia carnem affligit,
et spiritum ab omni dolo immaculatum custodit.
Unde jam patet quod in hac commutatione paupè-
rum inopie subvenitur, et ritus sacrificii non muta-
tur. Ideo autem hæ aves, per quas caro et spiritus
designantur, sacerdoti tradi jubentur, ut inde poeni-
tens addiscat, quod se totum arbitrio sacerdotis
committat. Tunc autem sacerdos turturem pro pec-
cato offert, quando carnis afflictionem ante Dei con-
spectum orando proponit.

A « Retorquet caput ejus ad pennulas; ita ut collo
« hæreat, et non penitus abruptur. Et asperget
« de sanguine ejus parietem altaris. » Tunc sacer-
dos caput avis ad pennulas retorquet, quando poe-
nitentem demisso capite incidere, de peccatis eru-
bescere, et nequaquam superbire suadet. In eo
vero, quod caput vi a collo non abstrahi, sed ibi
inhærere præcipitur; illud, ut puto, significatur
quod animi scilicet submissio, quam unusquisque
deinceps habere debet, potius voluntaria quam
violenta videatur. Hujus denique primæ avis san-
guine tunc altare imbuitur, cum poenitentis cor
peccatorum memoria tribulatur. « Alteram vero
« adolebit in holocaustum. » Tunc alteram avem sa-
cerdos in holocaustum adolet, cum suis verbis et
monitis poenitentis animum in Dei amorem totum
incendit.

B « Quod si non quiverit manus ejus duos offerre
« turtures, aut duos pullos columbarum, offeret
« pro peccato suo similæ partem ephi decimam,
« nec mittet in eam oleum, nec thuris aliquid im-
« ponet, quia pro peccato est, tradetque eam sacer-
« doti, qui plenum ex ea pugillum hauriens, cre-
« mabit super altare in monumentum ejus, qui ob-
« tulerit, rogans pro illo, et expians; reliquam vero
« partem ipse habebit in munere. » Ecce iterum
pauperum inopie impensius intenditur, et ritus sa-
crificii non mutatur. Idem enim per similam, quod
per capram et turturem significatur. Illud autem,
quod similæ ephi pars decima offerri præcipitur ad
locum Evangelii spectare videtur, in quo unius ex
decem drachmis deperditæ inventionem mulier illa
lætatur, per quam mater Ecclesia intelligitur. Tunc
enim unam ex decem drachmis Ecclesia perdit,
quando aliquis ex fidelibus peccatum committit,
tunc autem se invenisse lætatur, quando qui pecca-
vit coram sacerdote contrito corde præsentatur.
Qui igitur per peccatum vas perditum, secundum
Psalmistam, ex drachma efficitur, in drachmam in-
ventam per cordis contritionem ex vase deperdito
instauratur. « Non mittet in eam oleum, neque
« thuris aliquid imponet, quia pro peccato est, » etc.
Ille sine oleo similam pro peccato offert, qui carnem
suam, quam poenitentia macerat, ab omni prorsus
oblectamento alienat. Thus item non imponit, qui
eam ab omni suavitate sejungit; ita potius videatur
ex verberibus putrida, quam unguentis optimis deli-
bata; sine oleo namque, sine thure similam pro
peccato obtulit, qui de propria poenitentia dixit:
« Putruerunt et corruptæ sunt cicatrices meæ a
facie insipientiæ meæ (Psal. xxxvii, 6). » — « Tradat-
que eam sacerdoti, » etc. Tunc poenitens sacerdoti
similam tradit, cum se totum ejus ditioni committit,
cujus similæ partem tunc super altare sacerdos in-
cendit, quando poenitentis afflictionem Deo suis
precibus offert. Tunc autem sibi partem reservat,
quando pro eo maceratur et affligitur jejunii. Bene
autem sacerdos pro munere maximo habere debet,
quod propria poenitentia peccatorem sublevet, ne

tanquam Phariseus illud de se audiat, quod onera A
gravia aliis super humeros imponat; ipse vero illa
digito non moveat; cum enim peccata populi comede-
re dicitur, ad illorum solutionis partem saltem
constringitur.

« Anima, si prævaricans caeremonias per errorem,
in his, quæ sunt Domino sanctificata, peccaverit,
offerat pro delicto suo arietem immaculatum de
gregibus, qui emi potest duobus siclis, juxta
pondus sanctuarii: ipsumque quod intulit damni,
restituatur, et quintam partem ponet supra, tra-
dens sacerdoti, qui rogabit pro eo, offerens arie-
tem, et dimittetur ei. » De sacrilegis hominibus
locus iste agere videtur, cujus crimen pro capitali
ab omnibus reputatur; quibus si restitutio pro pœna
imponitur, et pars quinta insuper persolvi jubetur,
non tamen ut decet, puniri videntur. Inter sacrilegos
autem ille gravior peccat, qui divina mysteria irre-
verenter evacuat; unde capitale hoc crimen fugere
Apostolus admonet, cum sic nos exhortando persua-
det: « Hortamur vos, ne in vacuum gratiam Dei reci-
piatis (II Cor. vi, 1). » Hinc illa anima, in iis, quæ
Domino sunt consecrata, peccare videtur, per quam
fides integra sacramentis non adhibetur; dum enim,
secundum quod potest, gratiam non acquirit ab illis,
maximum certe sacrilegium committit. Hic autem
arietem immaculatum offerre præcipitur, ut non
qualemcumque, sed qui duobus siclis comparetur.
Per arietem sane intelligitur ille ipse, qui ante sa-
crilegus dicitur, qui, ubi primum per penitentiam
ab errore recedit, immaculati arietis personam sta-
tim assumit. Emitur autem siclis duobus; dum duo-
rum testamentorum præceptis informatus **136** effi-
citur. Si enim adhuc utrique Testamento, et eorum
verbis plenam fidem non adhibet, immaculati arietis
formam non accipit. Ille quidem duobus tantum
siclis sanctuarii ponderisemitur, qui a duorum Tes-
tamentorum verbis instruitur, et ab errore suo
penitus vindicatur. Tunc autem quod intulit damni
bene persolvit, cum pro commissis peccatis pœni-
tentiam subit. Quintam denique partem insuper ad-
dit, cum nullo ex quinque sensibus peccat.

CAPUT VI.

« Locutusque est Dominus ad Moysen, dicens:
Præcipe Aaron, et filiis ejus. Hæc est lex holocau-
sti: cremabitur in altari tota nocte usque mane;
ignis ex eodem altari erit. Vestietur tunica sa-
cerdos et feminalibus lineis: tolletque cineres,
quos vorax ignis excussit, et ponens juxta altare,
spoliabitur prioribus vestimentis, indutusque aliis
efferet eos extra castra, et in loco mundissimo
usque ad favillam consumi faciet. Ignis autem in
altari semper ardebit, quem nutriet sacerdos,
subjiciens ligna mane per singulos dies, et im-
posito holocausto desuper adolebit adipem pacificor-
um. » Ut quæ de holocausti ritu hic proponun-
tur, ab unoquoque nostrum spiritualiter intelligan-
tur, illud Apostoli necesse est recordemur, dicentis:

« Templum Dei sanctum est, quod estis vos (I Cor.
iii, 17). » Si igitur nos ipsi templum Dei sumus,
intra nosmetipsos ad holocaustum inflammandum
idoneum altare et sacerdotem queramus. Altare
ergo cor humanum esse, et intellectum sacerdotem
non incongrue intelligimus; unde ille intellectus
tanquam sacerdos tunica hyacinthina induitur, qui
totum quod intelligit, desursum accepisse fatetur,
secundum illud: « Omnis sapientia a Deo est (Eccli.
1, 1). » Qui si sincerus et castus reperitur, tunc fe-
minalibus lineis indui perhibetur, in quibus castita-
tis observantia innuitur et legis custodia designatur.
Altare continuo existit, amoris et charitatis ignem
in eo semper accendit, quo igne divinas Scripturas
investigando et in illis divina mandata cognoscendo,
B gratiarum et confessionis gratissimum illi holocau-
stum inflamat, per quod illum valde mitigat et
delectatur. Hoc autem holocaustum ideo tota nocte
inflammarî præcipitur, ut per totum vitæ tempus id
faciendum esse intelligatur. Ignis autem iste ex
eodem altari esse ideo dicitur, ut amor iste, quo
cor nostrum incenditur, in corde generari et ab eo
procedere intelligatur.

« Tolletque sacerdos cineres, quos vorax ignis
excussit, et ponet juxta altare, » etc. Audis quod
vorax ignis holocaustum incendit et in cineres to-
tum convertit. Amor discendi Dei mirabilia et veri-
tatem investigandi, profunda Scripturarum mysteria
quodammodo vincit et ad intelligentiæ facilitatem
perducit. Hoc est enim holocaustum incendere,
C quod sanctarum Scripturarum mysteria penetrare.
Hoc igitur cineres tollit sacerdos et juxta altare
ponit, quando quidquid intellectus investigando
discernere et intelligere valet, hoc totum cordi et
memoriæ tradit. Postea vero spoliatus prioribus
vestimentis, aliisque indutus, efferet cineres extra
castra et in loco mundissimo usque ad favillam
consumi facit. Diligenter attende quod dicitur:
Vult sacerdotem egredi extra castra; vult cineres
holocausti foras efferri: sed ad quid, nisi ut eos
iterum possit incendere? Aliis igitur vestimentis
induitur, cum ad hoc agendum præparatur. Sed quæ
sunt hæc vestimenta, sine quibus intellectualis sa-
cerdos cineres foras non potest ferre? Ego quidem
has vestes litteras, sermones et voces esse puto,
quibus nisi induatur, nec foras egredi, nec quid-
quam intelligere posse videtur. Quis enim unquam
intelligeret, quid intellectus intus ageret, nisi ipse
voce indutus, extra per linguam et colloquutionem se
duceret? Sic ergo sacerdos indutus fert cineres
extra castra, cineres, inquam, quia si adhuc intac-
tam et nondum meditatam Scripturam foras effer-
ret, fortassis quid diceret non haberet. Iterum
autem delatos cineres foras incendit, dum mysteria
Dei, quæ intus penetravit, verbis exponit, hoc au-
tem in loco mundissimo, id est in iustorum homi-
num congregatione. Scriptum est enim: « Nolite
sanctum dare canibus, neque spargere margaritas
ante porcos (Matth. vii, 6). » Usque ad favillam

autem sacerdos iste holocausti cineres consumit, A quando usque ad plenam intelligentiam sanctarum Scripturarum difficultates explanat. Ignis vero iste, qui nunquam deficit in altari, sed perpetuo ardere convenit, intermissæ dilectionis in corde fidelium ardorem imponit: si enim hic ignis ab intellectu abfuerit, omne prorsus sacerdotis officium inutile erit. In hoc ergo sacerdos diligenter studeat ut amoris ignem continuo nutriat, et per singulos dies ligna subiciat; recordetur scilicet Dei misericordiæ, recordetur quid fecerit et quid diligentibus se præbere promiserit. His enim et similibus lignis de sanctarum Scripturarum silva collectis ignis iste succenditur, et in Dei dilectionem maxime inflammatur. Super hunc igitur ignem, o sacerdos, pone holocaustum, ut immoles Deo sacrificium laudis; B hic est enim adeps pacificorum, cujus pinguedine Deum demulces. Iste est ignis perpetuus, qui nunquam deficit in altare, quia æquæ multæ non possunt extinguere charitatem (*Cant. viii, 7*). »

« Hæc est lex sacrificii, et libamentorum, quæ offerent filii Aaron coram Domino, et coram altari. Tolle sacerdos pugillum similæ, 137 quæ conspersa est oleo, et totum thus, quod super similam positum est, adolebit illud in altari, in monumentum odoris suavissimi Domino. Reliquam partem similæ comedet Aaron cum filiis suis, absque fermento, et comedet eam in loco sanctotabernaculi. » Inter sacrificium et libamen nulla querenda est distinctio, cum una nrique eademque sit significatio. Nam, cum antiquitus sacrificia fierent ex simila, statim libamina erant Deo gratissima. Per filios autem Aaron, quibus hæc de libaminibus injunguntur, bene Ecclesiæ episcopi et sacerdotes designantur, qui ideo coram Domino libamina hæc offerre dicuntur, quia in Dei præsentia semper existunt, et interna ejus illustratione illuminantur. Quid autem sit per similam, per thus et per oleum significatum, jam capite superiore manet expositum. Ideo autem non totam similam, sed plenum pugillum sacerdos immolare jubetur, ut divinorum secretorum eam tantummodo populo prædicando revelet, quæ ejus intelligentiæ sufficere posse cognoscet; reliquam vero Aaron, et filii ejus comedere præcipiuntur; id est illi soli, qui in sacris voluminibus semper studendo exercitantur. Absque fermento autem illam comedere, quid aliud est, nisi mysteria hæc sine pravitate errore et percipere et docere. Hoc autem non ubicunque, sed in loco sanctuarii tabernaculi comedere jubentur, id est in loco secreto, ubi ab incapacibus non audiantur; quod quidem tunc sacerdotes faciunt, quando inter se solos de legis doctrina et præceptis disputant. Ipsi enim sunt sanctuaria et Dei tabernacula, in quibus hæc omnia bene manent occulta; et quia etiam pars hujus similitudinis ad fidei sacramentum pertinere videtur, ideo tota sine fermento et corruptione comedi præcipitur, ne forte cum quis incaute comedit, in locum aliquem incidat, quem si anima prave intelligat, erroris periculo se

exponat; unde bene subditur in contextu: « Mares tantum stirpis Aaron comedent illud: » nam mares hic sapientiores et fortiores intelliguntur, a quibus Dei mandata melius percipiuntur, et religiosius observantur, istis enim tantum discutere et scire licet, quæ reliquis audire non permittitur. Deinde sequitur: « Omnis qui tetigerit illa, sanctificabitur. » Firmiter namque tangit, qui quæ fideliter credit, opere exercet; credere enim tantum videre est; agere vero quod creditur, tangere est. Sequitur:

« Locutus est Dominus ad Moysen, dicens: Hæc est oblatio Aaron et filiorum ejus, quam offerre debent Domino in die unctionis suæ. Decimam partem ephi offerent similæ in sacrificio sempiterno, medium ejus mane, et medium vespere, quæ in sartagine oleo conspersa frigitur. » Si enim per Aaron et filios ejus, episcopos et sacerdotes intelligimus, utique ad episcopos et sacerdotes hæc oblatio pertinere videtur. Hanc autem offerre debent in die unctionis suæ, id est omni tempore vitæ suæ; unde et in sacrificio sempiterno offerri præcipitur. Non enim in sempiternum offertur, quod uno tantum die offertur, nisi ipse unus dies sempiternus intelligatur. Non igitur uno, sed omni die episcopus et sacerdos inungi et sanctificari, et seipso melior fieri debet. Offerunt similæ decimam partem ephi. Quid enim per similam, nisi sacerdotis carnem intelligimus? Quæ dum compunctionis mola teritur, et affligitur, suo bono exemplo, quasi quodam cibo cæteros nutrit. Qui autem partem decimam offert, seipsum penitus offert, quia omnis homo decima est. Unde et drachma decima in Evangelio appellatur. De Levi quoque Apostolus ait: « Qui decimas accipit, decimatus est (*Hebr. vii, 9*). » Merito igitur filii Aaron decimæ vocantur. Sed quia mane et vespere diem et noctem significant, medium suæ oblationis mane et medium vespere sacerdos offerre debet; ut die ac nocte et omni tempore ab hac immolatione non desistat. De qua adhuc subditur: « Quæ in sartagine oleo conspersa frigitur. » Qualiter autem in cordis sartagine hæc oblatio supernæ unctionis oleo conspersa frigitur, illi soli intelligunt, qui eam offerre consueverunt. Postquam autem hæc fritura igne spiritus ferventius incalescere incipit, jam quasi extra se, et quodam modo altius homo elevatus, suæ ditionis non esse videtur. Offert autem eam calidam in odorem suavissimum Domino sacerdos, qui patri jure successerit. Et tota oblatio cremabitur in altari; omne enim sacrificium sacerdotum igne consumatur, nec quisquam comedet ex eo, et hoc quidem melius sentiendo, quam exponendo intelligimus. Non enim potest calida non esse, quæ igne spiritus undique circumdata, tota crematur, tota frigitur et tota oleo peruncta igne consumitur. Quod autem ait: « Nec quisquam comedet ex eo, » ad hoc valere puto, ut non ob sui ostentationem, quod hypocritæ faciunt, sed in secreto et in cordis secretario tam sanctam oblationem sacerdos Domino

offerat. hanc ergo offerre debet, cum et tempore et loco mens ejus supernæ vacat contemplationi. Sequitur:

« Ista est lex hostiæ pro peccato. In loco ubi offertur holocaustum immolabitur coram Domino.

« Sanctum sanctorum est. Sacerdos qui offert, comedet eum in loco sancto, in atrio tabernaculi.

« Quidquid tetigerit carnes ejus, sanctificabitur. Si de sanguine illius vestis fuerit aspersa, lavabitur

« in loco sancto: vas autem fictile in quo cocta est, confringetur: quod si æneum fuerit, de-

« fricabitur et lavabitur aqua. Omnis enim masculus de genere sacerdotali vescetur carnibus

« ejus, quia Sanctum sanctorum est. » **138** Hanc enim hostiam, qua peccata solvuntur, quam soli sacerdoti et masculis de genere ejus comedere licet, illum esse intelligo, quæ quotidie in sancta Ecclesia a sacerdotibus immolatur. Masculus enim iste non sexu, sed fide, sapientia, fortitudine et constantia indicatur, qui non serpenti facile credat, ut hæreticis succumbat. « Qui tetigerit carnes ejus sanctificabitur; » hoc est enim, ut ipse Dominus ait: « Qui manducat meam carnem, et bibit meum sanguinem, habet vitam æternam (Joan. vi, 35). » — « Si de sanguine illius fuerit conspersa, lavabitur aqua. » Ut quid enim vestis aqua lavatur, quæ tactu sanguinis sanctificata est? nisi quia sola Christi sanguinis aspersione mundantur qui in S. Ecclesia aqua baptismatis regenerantur. Ideoque de Salvatoris nostri latere sanguis simul cum aqua manavit. Vas autem fictile, in quo cocta est frangitur: æneum autem fricatur et lavatur aqua: nos enim vasa sumus, in quibus Christi caro coquitur, si tamen ipsius passionis memores sumus. Unde ipse ait: « Hoc facite in meam commemorationem (I Cor. xi, 24). » Quod Apostolus exposuit, dicens: « Quotiescunque enim manducabitis panem hunc, et calicem bibetis, mortem Domini annuntiabitis, donec veniat (ibid., 26). » Nos ergo frangi, nos fricari, nos lavari debemus: unum enim idemque hæc tria significant. Qui enim penitentia et compunctione affligitur et maceratur, ille utique et frangitur, et fricatur, et lavatur. Idem autem ipsi secundum aliud et aliud, et fictilia vasa sumus et ænea; fictilia quidem, quia de terra; unde Apostolus: « Habemus thesaurum istum in vasis fictilibus (II Cor. iv, 7); » ænea vero, quia in Dei laudibus clare personamus; nihil enim ære clarior sonat. Et de hac quidem hostia, quæ in Christi commemorationem mirabiliter fit, comedere licet; de illa vero quam ipse Jesus in ara crucis obtulit, nulli secundum se comedere licet. Quod septuaginta discipuli male intelligentes cum Christus carnem suam eis offerret ad manducandum scandalizati abiire retrorsum; corporaliter enim carnem Christi, quam videbant, non in sacramento, sed in frusta concisam se comedere debere arbitrabantur; de qua et subditur: « Hostia enim quæ cæditur pro peccato, cujus sanguis infertur in tabernaculum testimonii ad expiandum, in san-

« ctuario non comedetur, sed comburetur igni: igni utique passionis. Hoc autem Apostoli testimonio sufficienter superius expositum est. Sequitur:

CAPUT VII.

« Hæc quoque est lex hostiæ pro delicto, Sancta sanctorum est: idcirco ubi mactabitur holocaustum, mactabitur et victima pro delicto: sanguis ejus per gyrum altaris fundetur. Offerent ex ea caudam et adipem, qui operit vitalia, duos renunculos et pinguedinem, quæ juxta illa est, reticulumque jecoris cum renunculis, et adolebit ea sacerdos super altare: incensum est Domino pro delicto. Omnis masculus de sacerdoti tali genere in loco sancto vescetur his carnibus,

« quia Sanctum sanctorum est. Sicut pro peccato offertur hostia, ita et pro delicto, utriusque hostiæ lex una erit. » Quamvis enim peccatum atque delictum sæpe indifferenter pro eodem ponantur, differt tamen peccatum a delicto. Facere enim contra mandatum peccatum est; non facere vero quod mandatum præcepit, delictum. Qui enim occidit, contra mandatum facit, quo dicitur: « Non occides (Exod. xx, 13). » Qui vero patrem, et matrem non honorat, mandatum negligit, et derelinquit, quo jubetur: « Honora patrem et matrem (ibid., 12). » Unde delictum quasi derelictum dici videtur, ab eo quod mandatum derelinquantur. Et quia utriusque hostiæ est lex una, utriusque hostiæ sit expositio una. Cujus videlicet hostiæ sanguis funditur per gyrum altaris, ut semper corda nostra in Christi sanguine natent et nunquam passionis ejus obliviscamur. Unde etiam et crudam ejus offerre jubemur; ultima enim corporis pars cauda est, quam ipse quoque Salvator offerens, ait: « Consummatum est: » et statim, inquit evangelista, « inclinato capite emisit spiritum (Joan. xix, 30). » Hujus ergo finis, hujus extremitatis, hujus caudæ semper memores simus, in qua Christus pro nobis spiritum emisit: offeramus adipem, pinguedinem et renes ejus; dicamus, prædicemus et laudemus pietatem, misericordiam, castitatem et continentiam ejus. Hoc est enim sacrificium laudis. « Et sacrificium laudis, inquit, honorificabit me (Psalm. cxlix, 23). » Breviter ista transcurramus, quoniam facile per supradicta intelligi possunt. Sequitur:

« Sacerdos, qui offert victimam holocausti, habebit pellem ejus, et omne sacrificium simile;

« quod coquitur in clibano, et quidquid in craticula, vel insartagine præparatur, ejus erit sacerdotis a quo offertur, sive oleo conspersa sit, sive arida fuerit, cunctis filiis Aaron æqua mensura per singulos dividetur. » Hoc audiant importuni et insatiabiles sacerdotes, qui expensas ecclesiasticas cum cæteris partiri refugunt. Sed quia per victimam Christi Dei verbum et Dei sapientiam intelligimus, quid per pellem, nisi litteram, qua spiritualis intelligentia tegitur, significamus? Sicut enim quondam verbum et sapientia Dei latebat in carne, sic et modo nisi subtracta pelle, et litteræ velamine, non

apparet. Sacerdos ergo, qui offert victimam, habebit pellem ejus. Quod si de Caipha, qui Christum morti tradidit, intelligatur, perspicuum est; nam et ipse sicut et ceteri Judæi, nihil nisi pellem et litteram in divina Scriptura considerabat. Nobis quoque pellis ista valde necessaria est, **139** quoniam nisi pelle cognita, carnes difficiliter comeduntur. In promptu ergo et in potestate pellem, litteram et historiam semper habemus. Sequitur:

« Hæc est lex hostiæ pacificorum, quæ offertur Domino; si pro gratiarum actione fuerit oblatio, offerent panes absque fermento conspersos oleo, et lagana azyma uncta oleo, coctamque similam, et collyridas olei admistione conspersas. » Quia enim omnibus hostiis pacificatur Deus, pene omnes hostiæ pacificorum dici possunt. Si autem pro gratiarum actione sunt oblationes (257), ut pro tantis ab eo susceptis beneficiis Domino gratias agere velimus, offeramus panes et lagana similisque coctam atque collyridas; omnia autem azyma et sine fermento, omnia insuper oleo peruncta. Nos enim ipsi hæc omnia sumus. De nobis enim Apostolus dicit: « Expurgate vetus fermentum, ut sitis nova conspersio, sicut estis azymi (I Cor. v, 7). » Si ergo azymi sumus, si incorrupti et sinceri sumus, offeramus Deo nos ipsos, ut Dei imago reddatur Deo; tali enim cibo delectatur Deus, sicut esca diaboli sunt peccatores, ita et sancti sunt cibus Dei, omnes oleo peruncti, omnes Spiritus sancti gratia delibuti, omnes Dei misericordia perfusi. Sequitur:

« Panes quoque fermentatos, cum hostia gratiarum, quæ immolatur pro pacificis, ex quibus unus pro primitiis offeretur Domino, et erit sacerdotis, qui fundet hostiæ sanguinem: cujus carnes eadem comedentur die, nec remanebit ex eis quidquam usque mane. » Qui sunt isti panes fermentati, qui cum hostia gratiarum offeruntur? mirum si non sunt duo illi latrones, qui simul cum Domino sunt crucifixi: « Ex quibus unus pro primitiis offeretur Domino: » pro primitiis quidem, quia in Christi passione ipse prius credidit; unde et a Domino audire meruit: « Hodie mecum eris in paradiso (Luc. xxiii, 43). » Hoc est enim quod ait: « Et erit sacerdotis, qui fundet hostiæ sanguinem. » Illius enim sacerdotis est iste panis, qui non alium, nisi proprium pro nobis sanguinem fudit, cujus carnes comedentur eadem die. Qua die? Ea utique qua hostia offerretur. Omni ergo die comedentur, siquidem omni die hostia offertur. Quid est ergo quod sequitur: « Nec remanebit ex eis quidquam usque mane? » Quid est hoc mane? hujus utique noctis, hujus vitæ finis, et illius diei initium quo sol justitiæ oriatur: tunc non erit tempus has carnes comedendi; tunc non erit tempus ad fidem convertendi. Credere enim comedere est. Vis has carnes comedere? crede et manducasti. Sequitur.

(257) Cod. Casin. fuerit oblatio.

(258) Cod. bibl. Mont. Amiat. peribit de populo ejus, ita et infra.

« Si voto vel sponte quisquam obtulerit hostiam, eadem similiter edetur die. Sed et si quid in crastinum remanserit, vesci licitum est: quidquid autem tertius invenerit dies, ignis absumet. Si quis de carnibus victimæ pacificorum die tertia comederit, irrita fiet oblatio, nec proderit offerenti; quin potius quæcunque anima tali se edulio contaminaverit, prævaricationis rea erit. » Hæc etenim hostia, sicut et superior Christum significat: Christus enim et voto, et sponte seipsum obtulit: voto quidem, quia sic disposuerat, sic ordinaverat, sic ipse de se ante tempora prædestinaverat; sponte vero, quia omnipotens est. Sed qui sunt hi duo dies, in quibus has carnes edere licet? Et qui est dies tertius in quo comedere non licet? Ego quidem duos dies, duo Testamenta intelligo, in quibus nimirum hæc carnes comeduntur, quia eorum revelatione, illuminatione atque doctrina creduntur et intelliguntur. Primus enim dies liber iste est, qui nos modo ista docet, quo docente Moyses et Aaron, et multi alii Christi carnem comederunt. Secundus vero dies Evangelium est, in quo multo manifestius Christus immolatur et creditur, manducatur et bibit. Veniamus nunc ad tertium diem; sed non comedamus in eo, ut non credamus ei, quia tenebrosus est; sine sole et lumine est, cæcus totus et erroneus est. Per hunc enim pravam hæreticorum doctrinam intelligimus, in qua multæ de Christo sonant blasphemie. Si quis ergo secundum hanc doctrinam Christum immolaverit, crediderit et comederit, nihil ei proderit: quin potius quæcunque anima tali se edulio contaminaverit; et his credendo, erraverit, prævaricationis rea erit. Talis enim dies Berengarius quidem exstitit, qui de corpore et sanguine Christi philosophare disputando ad impossibilia nos ducebat. Nos tamen, quod ratione non comprehendimus, igne spiritus et charitatis absumimus, et non tantum argumentis, quam sanctorum fidei et auctoritatis credimus. Unde et hic dicitur: « Quidquid autem tertius invenerit dies, ignis absumet. » In quibus enim hæreticis ratione et argumentis resistere non possumus, fide, et auctoritate, et charitatis igne resistimus. Sequitur:

« Caro, quæ aliquid tetigerit immundum non comeditur, sed comburetur igni: qui fuerit mundus vescetur ex ea. » Qui enim hæreticis crediderit, non in Ecclesie corpus trahitur; sed igni æterno comburetur. Quid enim sit immundum tangere, jam superius expositum est:

« Anima polluta, quæ ederit de carnibus hostiæ pacificorum, quæ oblata est Domino, peribit de populo suis (258). Et quæ tetigerit immunditiam hominis, vel jumenti, sive omnis rei, quæ pollueri potest, et comederit de hujusmodi carnibus interibit de **140** populo suis. » Hoc enim breviter Apostolus exposuit, dicens: « Qui enim manducat, et bibit indigne, judicium sibi manducat et bibit,

« non dijudicans corpus Domini (1 Cor. xi, 29). » A
Breviter exposuimus, quia vigilantibus loquimur, et
solis masculis de genere Aaron tradere disposui-
mus.

« Locutusque est Dominus ad Moysen, dicens :

« Loquere filiis Israel : Adipem bovis, et ovis, et ca-
præ non comedetis. Adipem cadaveris morticini,
et ejus animalis quod a bestia captum est, habe-
bitis in usus varios. Si quis adipem, qui offerri
debet in incensum Domini, comederit, peribit de
populo suo. Sanguinem quoque omnis animalis
non sumetis (259) in cibum, tam de avibus, quam
de pecoribus. Omnis enim anima, quæ ederit
sanguinem, peribit de populis suis. » Hæc autem
quamvis superius sufficienter exposita sint, pauca
tamen de his dicamus. Hic enim non de adipe carnis,
sed de adipe animæ dicere videtur. Animæ autem
adepts atque pinguedo, sapientia, fides, charitas,
cæteræque virtutes sunt; pinguis enim est illa ani-
ma, quæ his abundat, sicut econtrario macra est,
quæ ista non habet. Sanguis enim pro anima ponitur,
quoniam sedes animæ sanguis est. Unde in hoc
eodem libro in sequentibus dicitur : Anima omnis
carnis in sanguine (260) est. Interdicit igitur Domi-
nus adipem, et sanguinem comedere, secundum
illam significationem, qua dicitur : « Quia comederunt Jacob (Psal. lxxviii, 7). » Sic enim
comedere, quid aliud est, nisi persequi, perdere et
occidere? Magnum ergo peccatum est adipem et
sanguinem comedere. Adipem autem morticini, et a
bestia capti animalis in varios usus habere licet;
quia hæreticorum et philosophorum scientia sæpe
nobis in multis utilis est. Sæpe enim nobis Aristote-
lis, Priscianis et Origenis scientia necessaria est.
Sequitur :

« Qui offert victimam pacificorum Domino, offerat
et simul et sacrificium, id est libamenta ejus. Tenebit
et manibus adipem hostiæ et pectusculum. Cumque
ambo oblata Domino consecraverit, tradat sacer-
doti qui adolebit adipem super altare. Pectuscu-
lum autem erit Aaron et filiorum ejus. » Pacifi-
corum enim omnis victima, quia Deum nobis paci-
ficamus; libamenta vero omne azymum intelligimus.
Non ergo sine libamentis pacificorum victima offe-
ratur, quia non proderit hostia, quæ oblata non fue-
rit in azymis sinceritatis et veritatis. Sed quid est
quod adipem atque pectusculum, quod homo Deo
consecravit et devovit, sacerdoti Dominus tradere
jubet? Vult enim Dominus ut pectora nostra sacer-
dotibus demus atque aperiamus, quatenus eorum
consiliis, et doctrina repleantur. Demus eis adipem
nostrum, confiteamur eis peccata nostra; dicamus
eis quid male pinguis lascivendo fecerit caro nostra.
Ipsorum est adolere adipem, ipsorum est incendere
et delere peccata.

« Armus quoque dexter de pacificorum hostiis
cedet in primitias sacerdoti. Qui obtulerit adipem,

(259) Idem cod. M. A. non sumatis.

(260) Juxta veterem opinionem sanguis sedes

et sanguinem filiorum Aaron, ipse habebit et
armum dextrum in portione sua. Pectusculum
enim elationis et armum separationis tulit a filiis
Israel de hostiis eorum pacificis, et dedit Aaron
ac filiis ejus lege perpetua ab omni populo Is-
rael. Ideo enim armus dexter sacerdotibus
datur, quoniam fortes esse debent ad aliorum
ferenda peccata. Datur eis et pectusculum, quo-
niam qui aliorum pectora replent, sine pectore
esse non debent. Quasi igitur ad pectus suum, quasi
ad sapientiæ secretarium, totus ad eos populus cur-
rat, et inde sitiens bibat. Hoc enim rationale, quo-
que et superhumale significant. Pectusculum enim
elationis et armum separationis sic dicit, quasi pe-
ctusculum elatum, et armum separatum. Quod au-
tem sequitur : « Hæc est unctio Aaron et filiorum
ejus in caeremoniis Domini die, qua obtulit eos
Moyses, » etc. Titulus est eorum, quæ sequun-
tur.

CAPUT VIII.

« Locutusque est Dominus ad Moysen, dicens :
« Tolle Aaron cum filiis suis, vestes eorum, et un-
ctionis oleum, vitulum pro peccato, duos arietes,
canistrum cum azymis, et congregabis omnem
cætum ad ostium tabernaculi. Fecit Moyses, ut
Dominus imperavit. Congregataque omni turba
ante fores, ait : Iste est sermo, quem jussit Do-
minus fieri. Statimque obtulit Aaron et duos filios
ejus. Cumque lavisset eos, vestivit pontificem su-
bucula linea, accingens eum balteo, et induens
tunica hyacinthina, et desuper humerale imposuit,
quod astringens cingulo aptavit rationali, in quo
erat doctrina et veritas : cidari quoque textit ca-
put, et super eam contra frontem posuit laminam
auream consecratam in sanctificationem, sicut
præceperat ei Dominus. Tulit et unctionis oleum
quo linivit tabernaculum cum omni suppellectili
sua. » Quid enim Aaron cum filiis, quid vitu-
lus, et duo arietes, quid unctionis oleum, et ves-
tes, et cætera, quæ hic enumerantur, significet,
diligenter satis, et ample in Exodo exposuimus. De
vitulo, et duobus arietibus breviter hic aliquid dica-
mus. « Obtulit, inquit, vitulum pro peccato; cumque
posuissent Aaron, et filii ejus manus suas, immo-
lavit eum hauriens sanguinem, et tincto digito te-
dixit cornua altaris per gyrum. Quo expiato, 141
et sanctificato, fudit reliquum sanguinem ad fun-
damenta ejus. Adipem autem, qui erat super vita-
lia, et reticulum jecoris, duosque renunculos cum
arvinulis suis, adolebit super altare, vitulum cum
pelle, carnibus, et fimo cremans extra castra,
sicut præceperat Dominus. » Vitulus enim iste,
qui pro peccato offertur, Christus Dominus noster
est, pro nostris iniquitatibus immolatus, super caput
ejus Aaron et filii ejus manus posuerunt, quia ponti-
fices et sacerdotes scribæ et Pharisei in eum manus
mittere, et Deum negare non timuerunt. Cujus san-
timæ dicebatur : modo de sede animæ varie dispu-
tatur. Plures conveniunt, quod sit in cerebro.

guinis pars altaris cornua tangit, pars ad fundamentum ejus funditur, quoniam et Christi sanguinis pars crucis cornua cruentavit, pars ad ima decurrendo defluxit. Adeps vero omnisque ejus pinguedo adoleatur super altare, quatenus illud propheticum adimpleatur: « Memor sit Dominus omnis sacrificii, et holocaustum suum pingue fiat (*Psal. xiv, 4*). » O pingue sacrificium, cujus odore mundus repletur, et omnis ægrotudo sanatur! Vitulus autem cum pelle, et carnibus et fimo crematur extra castra, quia Jesus, ut Apostolus ait: « Ut sanctificaret per suum sanguinem populum extra castra passus est (*Hebr. xiii, 12*). » Hæc de vitulo. Nunc de arietem videamus:

« Obtulit et arietem in holocaustum, super cujus caput cum imposuissent Aaron et filii ejus manus, immolavit eum, et fudit sanguinem ejus super altaris circuitum, ipsumque arietem in frusta concidens, caput ejus et artus, et adipem adolevit igni, lotis prius intestinis, et pedibus, totumque simul arietem incendit super altare, eo quod esset holocaustum suavissimi odoris Domino, sicut præceperat ei. » Hoc autem est illud holocaustum, quod quotidie in sancta Ecclesia fit. Offert enim Moyses, id est Christus, arietem in holocaustum, quoniam et si sacerdotum ministerio fiat, ipse tamen carnem et sanguinem suum immolat et sacrificat. Non enim sacerdotis, sed ipsius vox est, quæ dicit: « Hoc est corpus meum, et: Hic est calix Novi Testamenti in meo sanguine, qui pro vobis et pro multis effundetur in remissionem peccatorum (*Luc. xxii, 19, 20*). » Hæc enim voce totum sacrificium immolatur, et sanctificatur. Unde et subditur: « Super caput ejus cum imposuissent Aaron et filii ejus manus, immolavit eum. » Aaron et filii ejus manus imponunt, et Moyses immolat, quoniam et si pontifices, et sacerdotes super Christi corpus et sanguinem manus expansas et elevatas habeant, unus tamen est pontifex Jesus, qui sanctificat et benedicit, cujus virtute ineffabili in sui corporis sanguinisque substantiam, panis et vinum convertitur. Fudit autem sanguinem ejus per altaris circuitum, quoniam et Christus suum sanguinem nobis obtulit ad bibendum: altare enim Ecclesia est, quæ Christi sanguine tota aspergitur et inebriatur. Arietem autem ipsum in frusta concidens, artus ejus, adipem et pedes, lotis prius intestinis, Christus Dominus adolebat, et super altare incendebat, quando incipiens a Moyse et cæteris prophetis interpretabatur duobus discipulis suis Scripturas, quæ de ipso erant, unde ipsi quoque sui cordis altare, holocausto supraposito, ardere sentientes, dicebant: « Nonne cor nostrum ardens erat in nobis, dum loqueretur in via, et aperiret nobis Scripturas? » (*Luc. xxiv, 32*.) Incipiens enim a Moyse, fortasse hæc eadem sacrificia eis exponebat, in quibus mors et passio ejus tam manifeste significabantur. Intestina vero lavare, est ea quæ turpia et inhonesta putabantur, datis rationibus, necessaria et honesta ostendere. Quod ipse

A quidem faciebat, cum diceret: « O stulti et tardi corde ad credendum in omnibus, quæ locuti sunt prophetae: nonne sic oportuit Christum pati? » (*Luc. xxiv, 25*.) Turpe enim, et inhonestum, et valde horribile videbatur eis, Dei Filium pati et mori potuisse. Sequitur autem tertium sacrificium, in quo instrumur, qualiter episcopi et sacerdotes consecrari debeant.

« Obtulit, inquit, et arietem secundum in consecratione sacerdotum; posuerunt super caput illius Aaron et filii ejus manus suas. Quem cum immolasset Moyses, sumens de sanguine tetigit extremum auriculæ dexteræ Aaron, et pollicem manus ejus similiter et pedis, obtulit et filios Aaron. Cumque de sanguine arietis immolati tetigisset extremum auriculæ singulorum dexteræ, et pollicem, manus, et pedis dexteri reliquum super altare per circuitum fudit. » Moyses enim hoc in loco, qui sacerdotes consecrat, aliquem pontificem significare potest, cujus ministerio episcopi et sacerdotes consecrantur. Hic autem in principio consecrationis offert arietem, si eos qui consecrandi sunt, de fide Christi plenissime instruat. Unde et iidem ipsi super caput arietis manus ponunt, quia omnia, de quibus interrogantur, se credere quodammodo jurant et confitentur. Tangit autem pontifex de arietis sanguine aures, manus et pedes dexteris singulorum, ut Christi sanguine eorum auditus operatio et prædicatio mundetur et sanctificetur, ut habeant aures audiendi, et sanctificatas ad bene agendum et Christi corpus concipiendum, ut sint eorum pedes speciosi ad evangelizandum pacem, et ad evangelizandum bona. Tanguntur autem in extremitatibus, quoniam non qui cæpit, sed qui perseveraverit usque in finem, hic salvus erit (*Matth. x, 22*). » Reliquum autem sanguinem fundit super altare cordis eorum per circuitum, ut semper Christi passionis memores tollant crucem suam, et sequantur eum. Sequitur:

« Adipem vero, et caudam omnemque pinguedinem, quæ operit intestina, reticulumque jecoris, et duos renes cum adipibus suis, et armum dextro separavit. Tollens autem de canistro azymorum, quod erat coram Domino, panes absque fermento, et collyridam conspersam oleo, lagana quoque posuit super adipem, et armum dexterum, tradens simul omnia Aaron et filiis ejus. » Quid enim per canistrum, in quo sunt panes azymi, nisi hunc librum, et cætera sacrarum Scripturarum volumina intelligimus? in quibus utique singulæ sententiæ, et panes, et collyridæ de lagana sunt, quibus nutriuntur; quæ quoniam misericordiam prædicant, et nihil erroris in se habent, merito et oleo conspersæ, et azymæ esse dicuntur. Hæc autem super adipem et armum dextrum ponuntur, quoniam quid adipem et armum dexter significant sanctarum Scripturarum sententiis exponitur et intelligitur. Quod autem hæc omnia simul composita Moyses sacerdotibus tradidit, hoc significat; quia

postquam sacerdotes consecrati sunt, de manu pontificis librum accipere debent, ut verbi Dei exponendi, et prædicandi habeant potestatem (261).

« Qui postquam levaverunt ea coram Domino, rursum suscepta de manibus eorum, adolevit super altare holocausti, eo quod consecrationis esset oblatio in odorem suavitatis sacrificii Domino (262). Tunc illi qui consecrantur, elevant jam dicta coram Domino, quando et ore, et corde custodire promittunt. Inde vero Moyses Domini vicarius de eorum manibus iterum omnia suscipit, et in odorem suavitatis super altare incendit, significans hoc totum, quod factum est, Domino placere, et ipsi suaviter redolere. Sequitur:

« Tulit et pectusculum, elevans illud coram Domino de ariete consecrationis in partem suam, sicut præceperat ei Dominus; assumensque unguentum, et sanguinem, qui erat super altare, aspersit super Aaron et vestimenta ejus; et super filios illius, et vestes eorum. » Ideo enim Moyses sibi pectusculum vindicat, quoniam valentes animo, et sapientes pontifices esse debent. Magnum enim pectus eum habere oportet, qui hæc tanta servare debet et reponere sacramenta. Sed quare Moyses coram Domino pectusculum elevat; nisi ut corda et pectora nostra semper sint elevata ad celestia contemplanda? Aspergitur unguentum, et sanguis super sacerdotes et vestes eorum, ut interius et exterius mudentur et sanctificentur; ut quales sunt interius, exterius appareant, ut provideant bona non tantum coram Deo, sed etiam coram omnibus hominibus, unguentum enim est gratia Spiritus sancti. De sanguine vero Joannes Apostolus ait: « Qui dilexit nos, et lavit nos a peccatis nostris in sanguine suo (Apoc. 1, 5). » Sequitur:

« Cumque sanctificasset eos in vestitu suo præcepit eis, dicens: Coquite carnes ante fores tabernaculi, et ibi comedite eas: panes quoque consecrationis edite, qui positi sunt in canistro, sicut præcepit mihi Dominus, dicens: Aaron et filii ejus comedent eos; quidquid autem reliquum fuerit de carne et panibus ignis absumet. » Ante fores enim tabernaculi carnes sacerdotes coquunt et comedunt, quia in conventu, in penitentia et in auditu fidelium divinas Scripturas legentes et exponentes, cæteros eas coquere et comedere, et intelligere docent. Id ipsum autem et de panibus intelligitur, de quibus modo superius diximus. Quod autem

A reliquum est, ignis assumit, ignis utique Spiritus sancti, ignis fidei et charitatis, qui nos hoc sæpe credere facit, quod intelligere non valeamus.

« De ostio quoque tabernaculi non exibitis septem diebus, usque ad diem, quo complebitur tempus consecrationis vestrae. Septem enim diebus finitur consecratio, sicut et impræsentiarum factum est, ut ritus sacrificii completeretur. Die ac nocte manebitis in tabernaculo, observantes custodias Domini, ne moriamini. » Quibus enim per septem dies jubetur non exire de tabernaculo (siquidem non sunt dies, nisi septem) nunquam de tabernaculo exire debent. Hoc enim tabernaculum Ecclesia est, de qua, nisi peccando, nunquam exeunt sacerdotes; de hac autem omnes hæretici peccando, et superbiendo exierunt (263). Septem autem diebus finitur consecratio, quia, quandiu in hac vita sumus, semper consecrari, et sanctificari, et in melius proficere debemus. Maneamus ergo die ac nocte, id est omni tempore in tabernaculo, observemus, custodiamus quod ipse præcepit, ne moriamur. Non enim moriuntur, sed potius de morte ad vitam transeunt, quicumque hoc tabernaculum bene custodiunt.

143 CAPUT IX.

« Dixit Dominus ad Aaron: Accede ad altare, et immola pro peccato tuo, offer holocaustum, et deprecare pro te, et pro populo. Cumque mactaveris hostiam populi, ora pro eo, sicut præcepit Dominus. Statimque Aaron accedens ad altare C immolavit vitulum pro peccato suo: cuius sanguinem obtulerunt ei filii sui, in quo tingens digitum tetigit cornua altaris, et fudit residuum ad basim ejus. » Hæc enim omnia superius dicta et exposita sunt. Voluit tamen Moyses post sacerdotum consecrationem de eis dicere. Aaron autem hoc in loco Judæorum pontifices significare videtur, qui pro peccato suo, suo quidem, quia originali, Christum Dominum nostrum crucifixerunt. Sed ne populus quoque eis subjectus de Christi morte innocens putaretur, ideo subdidit: « Cujus sanguinem obtulerunt ei filii sui: » Christi quoque sanguinem pontificibus populus offerebat, quando eum accusabat, et reum mortis esse dicebat, et crucifige, crucifige, clamabat. Quoniam autem sacerdotum natione Christi sanguis fusus est, ideo digitum in sanguine sacerdos tinxisse narratur. Quid autem cornua altaris et basis ejus, quid adeps omnisque

(261) Quondam per solam manus impositionem fiebat sacerdotum ordinatio; posteriori tempore addita fuit unctio chrismatis, et serius tactus libri Evangeliorum; quem Eugenius IV statuit in decreto pro Armenis.

(262) Ex cod. Casin. suppletur editio.

(263) Hic locus, ubi S. Bruno ait: « Sacerdotes exire de Ecclesia dum peccant, non eodem modo intelligendus est, ac cum de hæreticis postea loquitur; neque ignotum esse Brunoni poterat, peccatores etiam esse membra Ecclesiae, cum sæpe in superioribus dixerit Christianos peccatores mundandos a sacerdotibus, et penitentiam ab iis sumendam

de peccatis. Ergo dum ait sacerdotes peccando exire de Ecclesia, intelligit tantummodo eosdem exire de tabernaculo, ut eodem in loco dicit; nimirum eos amittere eam sanctitatem, quæ sacerdoti in tabernaculo operanti necessaria est. » Hæc satis abunde confirmantur ex his quæ in seq. 13 cap. docet idem commentator de triplici peccatorum separatione; et in cap. 18 comment. in Numer., et tandem in exposit. v. 29 psal. xvii. « In corpore, inquit, ecclesiastico et boni et mali, et justi et peccatores, et perfecti et imperfecti, et sapientes et insipientes continentur. »

pinguedo, quid pellis et carnes, quæ cremantur extra A castra, significant, satis superius expositum est. Sequitur:

« Immolavit, et holocausti victimam, obtulerunt- que ei filii sui sanguinem ejus, quem fudit per altaris circuitum. Ipsam enim hostiam in frusta concisam cum capite, et membris singulis obtulerunt, quæ omnia super altare cremavit igni, lotis prius aqua intestinis et pedibus. » Hæc autem victima holocausti eadem est, quæ superior; sacerdos tamen non idem et hanc, et illam offerre videtur; ille enim cum crudelitate; hic vero cum pietate immolat. Differt enim Aaron a seipso; aliquando enim Judæorum pontifices, aliquando vero quilibet et Ecclesiæ ministrum significat. Significat autem ipsum quoque Jesum, sacerdotum omnium maximum. Volo B autem, exempli gratia, hanc holocausti victimam ego immolare: offerant ergo mihi filii mei hujus victimæ sanguinem; offerant etiam ipsam hostiam in frusta concisam, simul cum capite, et singulis membris. Sed quomodo offerent? Vis audire quomodo? Veniant ad me, interrogent quid sanguis iste significet: hoc est enim sanguinem offerre. Interrogent etiam quid significet hostia, quid frusta, quid caput et cætera membra? Quæ omnia si ego singulariter eis exposuero, tunc super eorum cordis altare hostiam immolo, atque in amorem Christi, fide et dilectione eos accendo. Hæc quoque jam superius exposita sunt. Sequitur:

« Et pro peccato populi offerens mactavit hircum, C expiatoque altari fecit holocaustum, addens in sacrificio libamenta, quæ pariter offeruntur, et adolens ea super altare absque cæremoniis matutini holocausti. » Hircum enim pro peccato populi offerre, est ipsum populum docere et admonere ut carnem luxuriantem et peccatricem pœnitentia coerceat et affligat, neque per illicita vagari permittat; altare vero expiatur, si a pravis cogitationibus cor mundetur, quod quidem nisi mundatum fuerit, holocaustum in eo acceptabile fieri non potest. Unde Psalmista ait: « Cor mundum crea in me, Deus (Psal. 1, 12). » Libamenta vero, quæ pariter offeruntur, panes et cætera azyma intelliguntur. Quibus ergo pœnitentiæ medicamentum damus, ut vivant in asymis sinceritatis et veritatis admonere debemus. Hæc autem omnia custodire jubemur, præter cæremonias matutini holocausti, quæ per se quidem inviolabiliter conservari debent; matutini autem holocausti cæremonias dicimus eas, quas in principio fidei nostræ Domino promissimus; quando dianolo, et omnibus pompis, et operibus ejus abbreviavimus. Vera ergo pœnitentia est cum has matutini holocausti cæremonias observamus, et pro præteritis peccatis carnem affligimus, et maceramus, si tamen postea in azymis sinceritatis et veritatis vivamus. Sequitur:

« Immolavit et bovem atque arietem, hostias pacificas populi. Obtuleruntque ei filii sui sanguinem, quem fudit super altare in circuitum. Adi-

pem autem bovis, et arietis, caudam, renunculosque cum adipibus suis, et reticulum jecoris posuerunt supra pectora eorum. » Per bovem enim et arietem, vel Christum Dominum nostrum, vel sanctos apostolos intelligere possumus; hos autem immolamus, quando eorum tormenta et passionem prædicamus: horum autem sanguinem offerunt nobis filii nostri, quando de eorum passionibus nos interrogant; quem nos quidem super altare cordis eorum fundimus in circuitum, omnia eis exponentes, et ut pro Christo, secundum eorum exempla, mortem non timeant, incitantes. Et quia doctorum pectora quanto magis questionibus premuntur, tanto plerumque divina mysteria pandunt, ideo super pectora bovis et arietis, adipem, caudam, renunculos omnemque pinguedinem posuerunt. Quodam enim modo mihi super pectus bovis caudam, et adipem ponit ille, qui me de cauda bovis et adipe interrogat; donec enim ei satisfaciam, pectus et cor meum non parvo pondere premitur et fatigatur. Quid autem ista significant, jam superius dictum est. Sequitur:

« Et armos dexteris separavit Aaron, elevans coram Domino, sicut præceperat Moyses. » 144 Separat quidem, quia sui sunt. Illi enim armus est necessarius, qui totum pondus et totius populi peccata ferre debet. Elevat autem coram Domino, ut non sua querat, sed quæ Jesu Christi, ut cum Apostolo dicat: « Vivo ego, jam non ego, vivit vero in me Christus (Galat. 2, 20). » Quod enim sic ait, membra sua jam non sua sunt, sed ejus, cui serviunt. Sequitur autem: « Quod, completis holocaustis, Moyses et Aaron benedixerunt populo, apparuitque gloria Domini omni multitudini; et ecce ignis egressus est a Domino, devoravit holocaustum et adipem, qui erant super altare; quod cum vidissent turbæ, laudaverunt Dominum, ruentes in facies suas. » Hunc autem ignem fortasse gloriam Domini appellat.

CAPUT X.

« Arreptisque Nadab et Abiu filii Aaron thuribus posuerunt ignem, et incensum desuper, offerentes coram Domino ignem alienum, quod eis præceplum non erat. Egressusque ignis a Domino devoravit eos, et mortui sunt coram Domino. » Hoc est enim, quod Apostolus ait: « Si quis aliter evangelizaverit vobis, præter quod audistis et accepistis, anathema sit (Galat. 1, 9). » Ignem enim et incensum alienum coram Domino offerunt, qui ea, quæ contra fidem sunt, et in Dei lege non continentur Ecclesiæ prædicant. Talem enim ignem talemque incensum Arius obtulit, ideoque mortuus est et æternis incendiis damnatus.

« Locutus est autem Moyses ad Aaron, et Eleazarum, et Ithamar filios ejus; capita vestra nolite nudare, et vestimenta vestra nolite scindere, ne forte moriamini. » Hoc autem signum doloris est atque tristitiæ. De iniquorum vero damnatione lætandum potius est quam dolendum. Unde scriptum

est : « Laetabitur justus, cum viderit vindictam impiorum (Psal. LVII, 11). »

« Dixit quoque Dominus ad Aaron, vinum, et omne quod inebriare poterit, non bibetis tu, et filii tui, quando intrabitis in tabernaculum testimonii, ne moriamini, quia praeceptum est sempiternum in generationibus vestras. Et ut habeatis scientiam discernendi inter sanctum et profanum, inter pollutum et mundum, doceatisque filios Israel omnia legitima mea, quae locutus est Dominus ad eos per manum Moysi. » Hæc etiam ad litteram intellecta mentem ædificant. Magnum enim peccatum est ebrietas; præter hoc enim quod sensum evertit, etiam luxuriam provocat. Unde Apostolus : « Nolite inebriari vino, in quo est luxuria (Hebr. v, 18). » Hæc autem ebrietas corporis est; sed multo peior est ebrietas mentis. Mens enim nostra ira, indignatione, odio, superbia, impletur et inebriatur, quibus utique inebriata facile decipitur, et inter sanctum et profanum, inter pollutum et mundum discernere nequit. Nos ergo, quia semper in Dei tabernaculo sumus, omnem ebrietatem fugere oportet, ne moriamur.

« Locutusque est Moyses ad Aaron, et filios ejus, qui residui erant. Tollite sacrificium, quod remansit de oblatione Domini, et comedite illud absque fermento juxta altare, quia Sanctum sanctorum est. Comeditis autem in loco sancto : quod datum est tibi, et filiis tuis de oblationibus Domini, sicut praeceptum est mihi. Pectusculum quoque, quod oblatum est, et armum, qui separatus est, edetis in loco mundissimo tu, et filii tui, et filiae tuæ tecum. Tibi enim, et liberis tuis reposita sunt de hostiis salutaribus filiorum Israel. » Sacrificium, quod remansit de oblatione Domini, omnis sanctorum Scripturarum series intelligitur. Et hoc quidem sacrificium laudis evocatur. Remansit autem nobis hoc sacrificium de oblatione Domini, quoniam, etsi Christum ejusque discipulos iniqui interfecerint, eorum tamen memoriam, et tanta in eorum laudibus scripta volumina delere non potuerunt (264). Hoc autem sacrificium comedunt sacerdotes absque fermento, id est absque ulla hæretica pravitate, omnique corruptione juxta altare, id est in S. Ecclesia, in conventu fidelium, in concilio justorum et congregatione. Ibi enim secreta Dei revelantur; ibi Novi et Veteris Testamenti mysteria exponuntur. Quoniam scriptum est : « Nolite sanctum dare canibus, neque mittere margaritas ante porcos (Matth. VII, 6). » Comedunt et pectusculum, et armum, quantum sapientes flant, et alterius onera portant. In pectore enim est cor, mens et sapientia; super armos autem onera portamus. De hoc autem sacrificio Aaron, et filii ejus, et filii ejus comedere licet, quoniam Deum laudare, sapientiae operam dare et aliorum onera portare nullus fidelium prohibetur. Hinc autem sequitur, quod Moyses cum quaereret

(264) Julianus Apostata hoc inter alia egit contra Christianam religionem, ut omnia divinarum Scri-

pturarum mysteria perquirere, et inde irascitur contra sacerdotes, quia cum non comedebant; per hoc enim nescio quid aliud significare voluerit, nisi quia poenitentes pro suis peccatis se diutius affligentes, non despectui et negligentiae habere, sed humiliter et cum lætitia recipere et Ecclesiae corpori reconciliare debemus. Quid est enim hircum comedere, nisi peccatores Ecclesiae reconciliare? Sic enim Petrus Apostolus eos comedebat, cui dicitur : « Macta, et manduca (Act. x, 13). » Hircus autem exurit, si medicina modum excedat, et peccatorem desperare faciat. Non ergo exuratur, sed temperate hircus iste coquatur. Huc usque de sacrificiis.

CAPUT XI.

« Locutusque est Dominus ad Moysen, et Aaron, dicens : Dicitis filiis Israel : Hæc sunt animalia, quae comedere debetis de cunctis animalibus terræ. Omne, quod habet divisam ungulam, et ruminat quidem, et habet ungulam, sed non dividit eam, sicut camelus et cætera, non comedetis illud, et inter immunda reputabitur : similiter cæterogrillus et lepus immundus est, quoniam, etsi ruminet, ungulam tamen non dividit. Sic et sus, qui ungulam dividit et ruminat. » Dicendum ergo nobis est quid sit ungulam dividere, quid ruminare, quid comedere. Ungula enim est divina Scriptura, qua pedes animæ muniuntur ad ambulandum : hæc autem ungula in litteram et spiritum, sive etiam in Novum et Vetus Testamentum dividitur. Ruminare quid est, nisi sanctam Scripturam diligenter investigare et cordis sensu minutissime frangere, et ad spiritualem intelligentiam diutissimevolvendo perducere? Judæi ergo neque ungulam dividunt, neque ruminant, quoniam neque utrumque Testamentum recipiunt, neque quod suscipiunt ruminando spiritualiter intelligunt; litteram enim solam et integram deglutientes, nihil aliud quam litteram sapiunt. Manichæi autem, etsi ruminando quedam spiritualiter intelligant, ungulam tamen non dividunt, quia Vetus Testamentum non suscipiunt. Ebionitæ vero econtra utrumque suscipiunt; sed simul cum baptismo circumcisionem, omnesque legis caeremonias observare volentes, ruminare aut nolunt, aut nesciunt. Omnes ergo isti immundi sunt, ideoque eos comedere, et ecclesiastico corpori eos infundere, et promiscere prohibemur. Et quamvis beato Petro dictum sit : « Macta, et manduca (Act. xi, 7), » hos tamen manducare non debet; qui enim sanctificari cupit, ab immunditia qualibet animæ præcavere debet. Sic enim ibi scriptum est : « Quod Deus sanctificavit, tu ne commune dixeris (Act. x, 15). »

« Hæc sunt, quæ gignuntur in aquis, et vesci licitum est. Omne quod habet pennulas et squamas, tam in mari quam in fluminibus et stagnis, comedetis; cætera vero vobis polluta erunt. » Soli enim illi pisces super aquam saltus dare perhibentur, quia morientia perquireret, flammisque dannaret.

tur, qui pennulas et squamas habent, per quos illos intelligimus; qui semper superiora appetunt, et celestia desiderant (265), et quamvis multis adversitatum procellis feriantur, cum Apostolo tamen dicunt: « Nostra conversatio in coelis est (*Philip. III, 20*). » Ceteri vero, qui sub undis latent, semperque inferiora et profunda petunt, nullisque desiderii in superna, et celestia eriguntur, non immerito immundi dicuntur, et ab Ecclesie corpore separantur. « Nulla pars est fidei cum infidei, nulla societas luci ad tenebras (*II Cor. VI, 15*). »

« Hæc sunt quæ de avibus comedere non debetis, et vitanda sunt vobis; aquilam, et gryphem, et haliaetum, et milvum, ac vulturem juxta genus suum, et omne corvini generis in similitudinem suam, struthionem, et noctuam, et larum, et accipitrem juxta genus suum: bubonem, et mergulum, et ibidem, et cycnum, et onocrotalum, et porphyryonem, herodionem, et charadionem juxta genus suum, upupam quoque, et vesperilionem. » Hæc enim pene omnia de præda et rapina vivunt, aliisque animalibus importune insidiantur, in quibus fures, latrones, sacrilegi omnesque raptores ab Ecclesie corpore repelluntur. Corvinum autem genus ideo abjicitur, quia ab insita et naturali nigredine nunquam lavatur; significat autem peccatores in malitia perseverantes, et poenitere nescientes. Sed quid per struthionem, qui alas quidem habet, volare tamen non potest, nisi hypocritas intelligimus? Qui quamvis boni similitudinem ferant, bonum tamen facere recusant. Quid vero per noctuam, quæ lucem fugit, noctem diligit, nisi eos qui regem tenebrarum sequuntur, et Christum solem justitiæ fugiunt? « Omnis enim qui male agit odit lucem (*Joan. III, 10*); hæc tamen, sicut bubo, de præda et rapina vivit. Upupa vero turpissimum animal in stercore nidificat, per quam meretrices et adulteros intelligimus. Quæ autem de noctua dicta sunt, de vesperitione quoque intelligantur.

« Omne de volucris, quod graditur super quatuor pedes, abominabile erit vobis: quidquid autem ambulat quidem super quatuor pedes, et habet longiora retro crura super quæ salit super terram comedere debetis, ut est bruchus in genere suo, et attacus, atque ophiomachus, ac locusta, singula juxta genus suum. Quidquid autem ex volucris quatuor tantum habet pedes, execrabile erit vobis. » Quid enim per volucres nisi sapientes? Quid vero per quatuor pedes, nisi quatuor elementa, ex quibus secundum corpus homo conficitur, et sine quibus moveri non potest? Illi ergo quatuor pedibus gradiuntur, qui soli corpori obediunt, quod ex quatuor, ut diximus, constat elementis. Tales enim Epicurei fuerunt, imo et sunt qui corporis voluptatem summum bonum prædicant. His autem si duo crura retro longiora addantur,

quibus super terram saliant, et ab inferioribus ad superiora se erigant et exalant, jam non ulterius inter immunda animalia computabuntur. **146** Duo enim crura, duo sunt Testamenta, cunctis utique cruribus longiora; siquidem eorum fide atque doctrina super ipsos coelos et usque ad thronum Dei spiritus hominis elevatur. Quidquid ergo ex volucris quatuor pedes habet, et corporali necessitate ad terram descendens super eos graditur, si iterum his cruribus saliens, et se ad superiora elevans volare cœperit, non erit abominabile atque immundum. Quoties enim corpori servimus, toties super terram quatuor pedibus imus. Quatuor enim nos ferunt elementa, quibus non ad voluptatem, sed ad necessitatem obedire debemus. Semper igitur salientes, semperque fugientes, nec in uno loco moremur, nec cibo transitorio occupemur. Hoc enim et locustæ faciunt: hoc et admonet Apostolus, dicens: « Et carnis curam ne feceritis in desiderii (*Rom. XIII, 14*). » Sequitur:

« Et quicumque morticina eorum tetigerit, polluetur, et erit immundus usque ad vesperam. Et si necesse fuerit, ut portet quispiam horum mortuum, lavabit vestimenta sua, et immundus erit usque ad solis occasum. » Quid enim horum morticina, nisi eorum mortua opera, mortaliaque peccata significant? De quibus Apostolus: « Non iterum, inquit, faciamus fundamentum poenitentiae ab operibus mortuis (*Hebr. VI, 1*). » Eorum ergo morticina tangit quicumque eorum opera mortua imitatur et agit; polluitur et erit immundus usque ad vesperam. Quid est enim usque ad vesperam? Vesperam enim hoc loco magis peccati, quam diei finem significare videtur. Habet enim peccatum ortum suum atque occasum, habet peccatum mane et vesperam. Beatus ille, cujus peccatum jam pervenit usque ad vesperum; beatus ille, cujus peccatum pervenit ad finem et ad occasum; hic enim, quia peccare cessat, quia totum peccatum in eo periit, et occidit, jam mundus est. Per hos autem, qui immundorum animalium morticina ferebant, illos significari puto, qui quamvis ad poenitentiam accedentes, se de præteritis peccatis vehementer accusent, eorum tamen onera, etiam inviti ferunt (266), quoniam pravam consuetudinem, et ipsius peccati titillationem nondum penitus abjicere et exstirpare possunt. Hos autem oportet lavare vestimenta sua, quoniam jejuniis et vigiliis, elemosynis, lacrymis et orationibus convenit mundare carnem et opera sua. Sic tamen immundi erunt usque ad solis occasum, id est donec tota illa titillatio, omnisque fervor prave concupiscentiæ, et totum peccandi desiderium in eis occidat et moriatur. Idem autem per solis occasum et vesperum significatur. Sequitur:

« Quod autem ambulat super manus, ex cunctis animalibus, quæ incedunt quadrupedia, immundus de peccatis suis poenitent, eorum tamen pondus adhuc portant, dum prave consuetudinis titillationes non abjectas inviti coguntur sustinere.

(265) Alter cod. Casin. celestiaque intuentur.

(266) Ex cod. Casin. Per eos autem, qui ferebant animalium cadavera, illos puto significari, qui, quam-

« dum erit. Qui tetigerit morticina eorum, polluetur
 « usque ad vesperum. » De urso enim hæc, et simia,
 et similibus, quantum ad litteram dicere videtur;
 hæc enim et quadrupedia sunt, et super manus
 ambulant. Moyses autem de quadrupedibus loquitur.
 Quæ enim animalia super manus ambulant, manus
 et oculos, et totam faciem ad terram depriment.
 Significant autem illos homines, qui bona superna
 atque æterna despicientes omni studio et operatione,
 omni mentis intuitu et tota cordis intentione sola
 terrena et transitoria diligunt. Quibus Apostolus
 loquitur, dicens: « Si consurrexistis cum Christo,
 quæ sursum sunt querite, non quæ super terram.
 (Coloss. iii, 1). » Quos et immundos esse signifi-
 cans, ait: « Si quis frater nominatur, et est forni-
 cator, aut avarus, aut idolis serviens, aut mæle-
 dicus, aut ebriosus, cum ejusmodi nec cibum sumere.
 (I Cor. v, 1). » Quid sit autem eorum morticina tan-
 gere, et cadavera portare, modo superius diximus.
 Sequitur:

« Et super quod ceciderit quidquam de morticinis
 « eorum, polluetur, tam vas ligneum et vestimen-
 « tum, quam pelles et cilicia, et in quocunque sit
 « opus, tingentur aqua, et polluta erunt usque ad
 « vesperum; et sic postea mundabuntur. Vas autem
 « fictile, et in quo horum quidquam intro ceciderit,
 « polluetur, et ideo frangendum est. » Non solum
 enim homines, qui immundorum animalium morti-
 cina tangunt, verum etiam vasa, vestimenta et
 similia super quæ illa cadunt, polluantur, quoniam
 non solum sponte, sed et ignoranter peccamus. Quid
 est enim morticinum manu tangere, nisi scienter et
 sponte peccare? Quid est vero super aliquod morti-
 cinum cadere, nisi vel nescienter, vel non sponte
 peccare? Et homines ut rationales morticina tan-
 gunt; super vasa vero et vestimenta, quasi super
 irrationabilia cadunt. Per illos igitur, doctores et
 sapientes, per hæc autem indoctos et insipientes
 intelligere possumus. Ut enim homo a vestimento,
 ita sapiens distat ab insipiente. Sed quia stultitia et
 ignorantia neminem excusat, isti quoque lavent
 vestimenta sua, et polluti erunt usque ad vesperum.
 Quid est usque ad vesperum? id est usque ad finem
 et consummationem peccati. Vas autem fictile, vel
 poenitentia frangitur et salvatur, vel virga ferrea
 frangitur et damnatur. Sequitur:

« Omnis cibus, quem comedetis, si fusa fuerit
 « super eum aqua, immundus erit, et quidquid de
 « morticinis istiusmodi ceciderit super illud, immun-
 « dum erit, sive clibani, 147 sive chyropedes
 « destruantur, et immundi erunt. Fontes vero, et
 « cisternæ, et omnis aquarum congregatio munda
 « erit. Qui morticinum eorum tetigerit, polluetur. »
 Per cibum enim, et omne liquens, fontes, cisternas
 et aquarum congregationes, nihil melius quam san-
 ctarum Scripturarum volumina intelligimus. Hæc
 enim et cibus et potus nobis sunt. Super hæc au-
 tem, si pollutorum vasorum aqua ceciderit, et im-
 mundorum hominum depravatione hæc corrupta

A fuerint, qui non tantum homines, quantum equi et
 muli, in quibus non est intellectus, dici debent,
 polluentur, et immunda erunt. Quid enim per hæc
 vasa, quorum aqua nostris cibis et potibus super-
 fusa eos corrumpit et polluit, nisi hæreticos, Judæos
 et paganos intelligimus? quorum nefanda supersti-
 tio si fidei nostræ et doctrinæ evangelicæ admisceat-
 ur, immundam et pollutam facit. Hoc est enim
 quod dicit: « Omnis cibus, quem comedetis, et
 « omne liquens, quod bibitur, si fusa fuerit super
 « eum aqua de universo vase immundo, immundum
 « erit. » Per clibanos vero et chyropedes, in quibus
 et super quos panis et alii cibi coquantur, Ecclesiæ
 doctores intelligi possunt, in quorum pectore cibi
 spirituales decocti, intelligibiles et comestibiles
 B sunt. Et hi quidem merito destruantur, et a suis
 dignitatibus abiciuntur, si in se immundum aliquid
 et pollutum cadere permiserint. Sequitur:

« Si ceciderit super sementem, non polluet eam.
 « Sin autem quispiam sementem aqua perfuderit,
 « et postea morticinis tacta fuerit, illico polluetur.
 Illos enim hoc in loco sementem dicere videtur, qui,
 quamvis ad fidem vocati, nondum tamen baptizati,
 neque in Ecclesiæ agro seminati sunt. Super quos si
 pollutum ceciderit non polluetur, nisi quod mundum
 erat; non enim stercore stercore polluitur. Sin autem
 quispiam sementem aqua perfuderit, per immundum
 illico polluetur; quoniam postquam homo baptizatus
 est (siquidem ab omni pollutione mundatus est) si
 immundum tetigerit, pollui potest.

C « Si mortuum fuerit animal, quod licet vobis come-
 « dere, qui cadaver ejus tetigerit, immundus erit
 « usque ad vesperam, et qui comederit ex eo quid-
 « piam, sive portaverit, lavabit vestimenta sua, et
 « immundus erit usque ad vesperam. » Moritur au-
 tem animal mundum, quando Christianus aliquis pro
 suis facinoribus excommunicatur, vel propter hæro-
 sim ab Ecclesia separatur. Qui ergo cum eo partici-
 paverit, vel ejus mortalem, sive mortuam doctrinam
 susceperit, tandiu immundus erit, donec suscepta
 poenitentia satisfecerit. Hoc est enim usque ad ve-
 sperum. Vesper enim finis est peccati.

D « Omne quod reptat super terram, abominabile
 « erit vobis, nec assumetur in cibum. Quidquid su-
 « per pectus quadrupes graditur, et multos habet
 « pedes, sive super humum trahitur, non comedetis,
 « quia abominabile est. » Quid enim reptilia signi-
 ficient, jam superius dictum est. Reptilia enim plus
 cæteris animantibus toto corpore terræ adherent,
 per quæ cupidos et avaros, omnibusque luxurie et
 carnis voluptatibus deditos non incongrue intelli-
 gimus. Hi autem tantis pedibus gradiuntur, quantis
 vitiis super terram trahuntur. Et quoniam omnia
 sua consilia dissipant, et nihil nisi transitoria et ter-
 rena cogitant, super pectus gradientes, terram corde
 et pectore premunt. Præcipit autem Apostolus, cum
 ejusmodi nec cibum sumere. Unde eos immundos
 esse nemo dubitare debet. Hæc autem de mundis et
 immundis animalibus dicta sufficiant.

CAPUT XII.

« Locutusque est Dominus ad Moysen, dicens : « Loquere filiis Israel, et dices ad eos : Mulier, si « suscepto semine, peperit masculum, immunda « erit septem diebus juxta dies separationis men- « struæ, et die octava circumcidetur infantulus : « ipsa vero triginta tribus diebus manebit in san- « guine purificationis suæ, omne sanctum non tan- « get, nec ingreditur sanctuarium, donec implean- « tur dies purgationis ejus. » Hæc juxta litteram Judæi observabant; quid tamen littera significet non intelligunt. Quid enim mulier pariens peccat, ut immunda dici debeat? Ut enim quidam Ecclesie doctores scripserunt, si statim mulier post partum ad agendum Deo gratias Ecclesiam ingrederetur, non peccaret. Quod autem non simpliciter dixerit : Mulier si peperit masculum, sed satis vigilanter addidit, si suscepto semine, masculum pepererit, non est dubium, hoc ad distinctionem B. Mariæ virginis dictum esse, quæ sine viri semine peperit Salvatorem (267). Spiritualiter autem mulier ista Synagoga esse videtur, quæ divinæ legis semine suscepto, toties masculum pariebat, quoties bonum aliquid agebat : masculus enim filius bonum opus est. Et quamvis masculum peperisset, et boni operis filios multos genuisset, tamen ad similitudinem menstruatæ mulieris, septem diebus immunda erat. Septem enim isti dies omne illud temporis spatium significant, quod fuit a Moysæ usque ad Christi incarnationem; illa enim hebdomada finita, natus est agnus, qui tollit peccata mundi, de quo scriptum est : « Qui dilexit nos, et lavit nos a peccatis nostris in sanguine suo (Apoc. 1, 5). » Verumtamen quamvis septimana finita sit, 148 et quamvis Christus sit natus, nondum tamen Synagoga penitus munda est, quia Christi sanguis nondum fusus est. Maneat ergo adhuc 33 diebus in sanguine purificationis suæ; expectet diem, imo annum tricesimum tertium : ipso enim anno immolatus est Christus, sine cujus sanguine mundus mundari et lavari non potuit (268). Quod autem dies pro anno ponatur, in Ezechiele invenies, ubi dicitur diem pro anno, « diem, inquam, pro anno, filii hominis, dedi tibi (Ezech. iv, 6). » Septem autem dies et omne tempus significant, et partem aliquam temporis definitam. Cur autem omne tempus significant, sæpe jam diximus. Quia vero et menses, et anni partes sunt, pro aliqua temporis parte sæpe ponuntur. Quare autem infantulus circumcidatur valde notum est. Sed quare octavo die dicendum est. Octava enim dies ipsa est, quæ et prima. In hac enim mundus cœpit, Christus resurrexit; in hac et universalis

A resurrectio fiet, tunc autem non solum circumcisi, sed omnibus peccatis abstersi, mundi et immaculati, æternum nomen sancti suscipient et hæreditatem.

« Sin autem feminam pepererit, immunda erit duabus hebdomadibus, juxta ritum fluxus menstrui, et sexaginta et sex diebus manebit in sanguine purificationis suæ. » Toties enim Synagoga feminam parit, quoties iniquitatem operatur. Pro hac autem filia duabus hebdomadibus est immunda Synagoga : una videlicet ante Christi incarnationem, altera vero post ejus prædicationem, mortem et resurrectionem, donec in sua permanserit incredulitate. Per has enim duas hebdomadas totum et hoc et illud tempus significatur. Nisi ergo immundam (269) filiam parere desistat, et ad Christi fidem se totam convertat, non minus immunda reputabitur, quam si mulier esset menstruata. De menstrua vero in sequentibus locuturi sumus. Dantur autem eis 66 dies ad purificationem, per quos omnes dies usque ad sæculi consummationem intelligere possumus : hic enim numerus ex senariis constat; senarius autem numerus boni operis perfectionem in sacro eloquio sæpe designat, quoniam sex diebus Dominus opus suum operatur : « Vidit cuncta, quæ fecerat, et erant valde bona (Gen. 1, 31). » Omnibus ergo his diebus Synagoga purificari potest; quoniam in his omnibus bonum opus facere licet. Et ne forte dicat : Non licet Sabbato curare, nullum in his diebus Sabbatum ponitur, non enim in sex diebus Sabbatum continetur. Hic autem totus numerus ex senariis solis conficitur.

« Cumque expleti fuerint dies purgationis ejus, pro filio et filia deferat agnum anniculum in holocaustum, et pullum columbæ, sive turtorem pro peccato ad ostium tabernaculi testimonii, et tradat sacerdoti, qui offeret illa coram Domino, et rogabit pro ea, et sic mundabitur a profluvio sanguinis sui. » Defert enim Synagoga, vel aliquis filius Synagoge agnum anniculum in holocaustum, si intelligens se peccasse, Christi passionem prædicat, vel veneratur non jam agnum occidendo, sed comedendo; non damnando, sed adorando; non persequendo, sed credendo. Defert autem et pullum columbæ, sive turtorem pro peccato. Ubi? ad ostium tabernaculi. Ad quid? Ut tradat sacerdoti. Quare hoc? Qui offeret illa coram Domino, et rogabit pro ea, et sic mundabitur a profluvio sanguinis sui. Quid enim per pullum columbæ, nisi animæ et corporis patientiam et innocentiam? Quid vero per turtorem, nisi utriusque hominis castitatem? Hæc autem ille pro peccato offert, qui de peccatis penitentiam

(267) Non sine maxima significatione et prophetice hac in lege de mulieribus post partus suos purificandis dictum est; si ex suscepto viri semine peperissent; quod sine eo sola B. Maria virgo Christum Salvatorem paritura erat.

(268) Sententia Brunonis de anno æternali Christi Domini, scilicet quod anno 33 ætatis suæ mortem cruci affixam subierit a doctissimo Jo.

Laurent. Berti tom. I Hist. eccl., Breviar., cap. 43, p. 67 vocatur antiquior, communior et verior; cui conformantur etiam August. Calmet, Muratorius, Gordonus et alii. Passus est enim Christus æt. Vulg. 29, Olympiadis 202 an. 4, correct. Jul. Cesar. 74, P. J. 47 42, cons. Rubellio Geminio et C. Fusio Geminio.

(269) Cod. Casin., iniquam.

agens, innocenter et caste se vivere promittit : hoc autem fiat per consilium sacerdotum (270), qui semper ad ostium tabernaculi stantes, pietatis et fidei janua cæteris aperiunt, suisque orationibus sancta vota et bona desideria Deo præsentant. Quod autem ait : « Et sic mundabitur a profluvio sanguinis sui, » non quia peperit, sed quia peccavit, mundatione mulierem indigere significat (271).

« Quod si non poterit offerre agnum, offerat duos turtures, vel duos pullos columbæ, alterum in holocaustum, et alterum pro peccato. » In hoc autem et pauperibus cavetur, et significatio non mutatur. Christus enim et turtur est, imo turturis, id est Ecclesiæ caput, et pullus columbæ, quia Ecclesiæ filius : Ecclesiæ namque filia virgo Maria est, cujus ipse Christus est filius. Offert ergo homo duos turtures, vel duos pullos columbæ, Christum scilicet et seipsum : Christum in holocaustum, et seipsum pro peccato : illius passionem meditando, et seipsum macerando, et affligendo. Si quis autem et in agno, et in avibus solum hominem intelligere velit, manifesta et non laboriosa est allegoria.

CAPUT XIII.

« Locutus est Dominus ad Moysen, et Aaron, dicens : Homo in cujus cute et carne ortus fuerit diversus color, sive pustula, aut quasi lucens quidpiam, id est plaga lepræ, adducetur ad Aaron sacerdotem, vel ad unum quemlibet filiorum 149 ejus, qui viderit lepram in cute, et pilos in album mutatos colorem, ipsamque speciem lepræ humiliorem cute et carne reliqua, plaga lepræ est, et ad arbitrium ejus separabitur. » Sicut lepræ corporalis quedam habentur signa, ita et lepræ spiritualis manifesta sunt indicia. Moyses autem per lepram corporis nobis lepram animæ invisibilem ostendere voluit, utriusque lepræ manifesta ponens argumenta. Homo igitur, qui in anima sua plagam lepræ esse cognoverit, ducat eam ad Aaron et ad filios ejus; ducat eam ad episcopos et sacerdotes : melius enim est ut ipse se ducat, quam ut ab aliis ducatur; melius est ut ipse se accuset, quam ut ab aliis accusetur. Sed sive a se, sive ab alio prius ad sacerdotem anima ducatur, prius ab eo judicetur quam aliorum judicio condemnatur. Solis enim episcopis et sacerdotibus secundum animam condemnandi atque solvendi potestas a Domino data est. Peccat ergo, qui leprosum aliquem et peccatorem a communione sua separandum putat, priusquam ab episcopis et sacerdotibus judicetur. Ducatur ergo leprosus ad sacerdotem. Sic enim Dominus ait : « Ostendite vos sacerdotibus (Luc. xvii, 14). » Consideret enim sacerdos, diligenter perquirat si lepra est. Habet enim lepra sua signa, neque celari potest, facileque cognoscitur. Quis enim adulterum, homicidam, perjurum, sacrilegum, furem et raptorem dubitet esse leprosum? Talem ergo cum sacerdos invenit, nec timore, nec amore metui judicium; dicat

A eum esse leprosum, et secundum ejus arbitrium separetur; secundum ejus quidem, non secundum alterius : ipsius est eum judicare, ipsius est separare, Quomodo separare? Multis enim modis fit ista separatio : alii enim a corpore et sanguine Christi; alii ab Ecclesiæ introitu; alii a communione fidelium separantur. Separantur etiam a quibusdam cibis et potibus, aliisque carnis voluptatibus, ut jam nunc licite non utantur his rebus, quibus prius licite utebantur. Sequitur :

« Sin autem lucens candor fuerit in cute, nec humilior carne reliqua, et pili coloris pristini; recludat eum sacerdos septem diebus, et considerabit die septimo, et si quidem lepra non creverit, nec transierit in cute priores terminos, rursus includet eum septem diebus aliis : et die septimo contemplabitur. Si obscurior fuerit lepra, et non creverit in cute, mundabit eum; quia scabies est, lavabitque homo vestimenta sua; et mundus erit. » Hæc enim de illo intelligi debent, de quo mala fama qualibet occasione divulgatur. Quasi enim lucens candor in cute apparet, cum ad alienius ruborem et verecundiam turpis ejus fama ab aliis declaratur. Quod si verum non est, et probari non potest, macula, quæ putatur, non est humilior carne, quoniam nihilominus sanus est homo in his, quibus accusatur. Si enim humilior macula esset, et quasi fossam quamdam in carne fecisset, manifestum lepræ signum et indubitabile dedisset. Pili quoque coloris pristini sunt; quia quantum ad se, suæ pulchritudinis speciem anima non amisit, quamvis aliorum detractationibus decoloretur. Hunc ergo recludat sacerdos septem diebus, et consideret die septimo. Per septem enim dies quodlibet temporis spatium intelligitur, in quo ei qui accusatur, ad se purificandum induciæ dantur, cujus causa, quia adhuc pendet et nondum definita est, quasi reclusus et non penitus suæ libertatis esse videtur. Septimus autem dies ille intelligitur, in quo, finitis induciis, tota causa debet terminari et innocens declarari qui accusatus est, si nullus tunc appareat accusator, et manifestis aliquibus indiciis accusatio probari non poterit. Hoc est enim, quod dicit : « Siquidem lepra ultra non creverit, nec transierit priores terminos : » crescere enim lepra, et priores terminos transire appareret, si id, quod prius dicebatur, verum fuisse postea probaretur. Si, inquam, ita fuerit, rursus includet eum alii septem diebus, datis videlicet induciis, sicut et prius. Hoc autem ideo fieri puto, ne vel causa indiscussa remaneat; vel accusatores ad terminum prefinitum occurrere non potuissent se fiant. Si vero neque accusatores adfuerint, et contemplante sacerdote obscurior lepra videbitur, et in cute non creverit, id est si fama, quæ prius clare divulgabatur, accusatoribus et iudicibus deficientibus, conquieverit, mundabit eum, quia scabies est. Quid est, mundabit eum, nisi mundum esse judicabit eum? Non

(270) Cod. Casin., consilio sacerdotum.

(271) Idem cod. Non quia peperit mulier, sed quia peccavit, emundari sic debere indicat.

enim lepra, sed scabies, non crimen sed criminis A similitudo fuit. Lavet autem homo vestimenta sua, vel juramento vel alio modo se mundificet, ut qualis est, talis etiam esse credatur. Hoc autem Dei sacerdotibus saepe contingere videmus. Unde non immerito sancti Patres sacerdotum accusationes difficiles esse voluerunt. Sequitur: Quod si postquam a sacerdote visus est, et redditus est munditiæ, iterum lepra creverit, adducetur ad eum et immunditiæ condemnabitur. Quod quidem tale est ac si diceret: Si post iudicium sacerdotis se non custodierit, certisque indicibus perpetrati criminis lepra apparuerit, iterum ad sacerdotem adducetur, et tunc immunditiæ condemnatus, ipsum quoque nomen, quod prius mundus esse videbatur, amittat.

Plaga lepræ si fuerit in homine, adducetur ad sacerdotem, et videbit eum. Cumque color albus in cute fuerit, et capillorum mutaverit aspectum, ipsa quoque caro viva in tumore apparuerit, lepra vetustissima iudicabitur, atque inolita cuti; con- taminabit itaque eum sacerdos, et non recludet, quia perspicua immunditiæ est. Hoc autem de illius criminis lepra intelligitur, 150 quæ usu et consuetudine mala, tam manifesta est ut celari nullo latenus possit. Hic autem accensetur, et adducatur ad sacerdotem. Accusatione enim adducitur; unde accusatores, quasi qui alios adducant et ferant, delatores appellantur. Et videbit, et considerabit eum sacerdos, cumque in colore, in capillis et in ipsa carne viva certissima signa conspexerit, non recludet eum, nec ullas ei inducias dabit; sed contaminabit eum, id est contaminatum iudicabit, quia perspicua immunditia est, nec eget ulla probatione: viva enim caro in leproso indicat, quia scienter et sponte peccavit. Coloris vero et capillorum immutatio vetustissimam lepram ostendit. Sin autem effluerit discurrens lepra in cute, et operuerit omnem carnem a capite usque ad pedes quidquid sub aspectu oculorum cadit, considerabit eum sacerdos, et teneri lepra mundissima iudicabit, eo quod omnis in candorem versa sit, et ideo homo mundus erit. Ecce iterum alia species lepræ, per quam insaniam et phrenesim intelligimus. Sæpe enim et insanos, et phreneticos in scelera ruere videmus, et dum se aliquid boni, perdita ratione, facere arbitrantur, homicidia quoque et multa alia committunt. Hæc ergo ægritudinis lepra, cum totum hominem in integrum sacerdos teneri viderit, nihilque scientiæ et rationis in eo conspexerit, mundissima lepra eum teneri iudicabit, et ideo homo mundus erit. Quomodo enim a peccato mundus non erit, qui quod facit non intelligit? Non enim talibus de peccatis suis, imo non suis, pœnitentia datur, quia ubi non est voluntas peccandi, non debet esse pœna peccati. Ideoque quamvis Iudei rationem et intellectum non amiserint, tamen quasi de insanis et phreneticis Dominus de eis loquitur, dicens: Pater, ignosce illis, non enim sciunt quid faciunt (Luc. xxiii, 34). Et illi quidem nesciebant, quia nescire volebant; his au-

tem non voluntas, sed ægritudo scientiam abstulit. Unde et subditur: Quando vero caro vivens in eo apparuerit, tunc sacerdotis iudicio polluetur, et inter immundos reputabitur. Caro enim viva si lepra respersa fuerit, immunda est. Non enim vivens, sed mortuus reputari debet, qui viventis hominis ratione et scientia caret, cui si viva caro, et sensus irrationabilis redditus fuerit, et postea in aliquod crimen inciderit, iudicio sacerdotis, ut pollutus et immundus condemnatur. Caro enim viva, id est homo sui sensus et rationis expers, si malum aliquod commisit, ei imputari non debet; non enim voluntarie agit, neque consentiens peccato iudicandus est.

Quod si rursus versa fuerit in alborem, et totum hominem operuerit, considerabit eum sacerdos, et mundum esse decernet. Si enim pristina ægritudine, et solita insaniam homo iterum occupetur, leprosus quidem est; sed quia non discernit, etsi peccet, mundus tamen et sine peccato est.

Caro, et cutis in qua ulcus natum est, et sanatum, et in loco ulceris cicatrix apparuerit alba, sive rufa, adducetur homo ad sacerdotem, qui cum viderit locum lepræ humiliorem carne reliqua, et pilos versos in candorem contaminabit eum, plaga enim lepræ orta est in ulcere. Hoc autem de illis peccatoribus intelligitur, qui, peracta pœnitentia, et peccati vulnere sanato, iterum ad peccatum, quasi canis ad vomitum relabuntur. Quid enim ulcus sanatum, nisi peccatum pœnitentia deletum: in cutis cicatrice tunc signa lepræ manifesta apparent, quando ipsa sanctificatio reversione peccati aboletur. Hic ergo homo ad sacerdotem adductus, quoniam et lepra manifesta est, et ipse nullo modo se defendere valet, nihil aliud restat, nisi ut damnetur, quia reus est. Non autem est necesse singulariter ubique cuncta exponere, quoniam per ea, quæ superius dicta sunt, facile intelligi possunt. Sequitur: Quod si pilus coloris est pristini, et cicatrix subobscura, et vicina caro non est humilior, recludet eum septem diebus, et si quidem creverit, adjudicabit eum lepræ; sin autem steterit in loco suo, ulceris est cicatrix, et homo mundus erit. Per hæc autem intelligimus, quod si contra accusatum hominem nulla adhuc certa et manifesta peccati signa apparent, et post datas inducias, accusatoribus non apparentibus, mala fama obscurior sit, et quodammodo conquiescens, non jam sicut prius clare resonat, neque crescit, homo mundus et innocens iudicetur.

Caro et cutis, quam ignis exusserit, et sanata albam sive rufam habuerit cicatricem, considerabit eam sacerdos, et ecce versa est in alborem, et locus ejus reliqua cute est humilior, contaminabit eum, quia plaga lepræ in cicatrice orta est. Hæc quoque sicut et superiora de illo intelliguntur, qui peracta pœnitentia revertitur ad peccata; quamvis enim omnia peccata quodam concupiscentiæ igne hominem incendiant, proprium tamen libidinis es-

urere per concupiscentiam. Si ergo libidinis ignis carnem et cutem exusserit, id est corpus et animam sibi consentientem vulneraverit, et postea per penitentiam homine sanato, iterum homo ad peccatum rediens eadem perpetraverit, considerabit eum sacerdos, in quo si lepræ certissima signa conspexerit, id est si caro in alborem versa sit, et locus lepræ reliqua carne humilior (hæc enim signa certissima sunt), condemnabit eum, quia iterum post penitentiam lepra secuta est.

« Quod si pilorum color non fuerit mutatus, nec humilior plaga carne reliqua, et ipsa species lepræ fuerit subobscura, recludet eum septem diebus, et die septimo contemplabitur : si creverit in cute lepra, contaminabit **151** eum ; si autem in loco suo candor steterit non satis clarus, plaga combustionis est, et ideo mundabitur, quia citatrix est combusturæ. » Qui enim superiora diligenter audivit, hæc quoque facile intelligere potest : nam et hic, sicut et ibi, plene eadem septem dierum induciæ dantur. Septenarius numerus nihil diminutionis habet. Septem igitur dierum induciæ, plenas et integras inducias accusatis dari debere significant, post quas si species lepræ in loco suo steterit, et induciis deficientibus, mala turpisque fama conquieverit, mundus et innocens homo iudicetur ; quoniam non lepra, sed species lepræ ; non combustio, sed combustionis similitudo et plaga fuit. Quantum enim inter esse et dicere, tantum inter lepram et speciem lepræ, et combustionem et plagam combustionis interesse videtur.

« Vir, sive mulier, in cuius capite, vel barba germinaverit lepra, videbit eos sacerdos, et siquidem humilior fuerit locus carne reliqua, et capillus flavus, solitoque subtilior, contaminabit eos, quia lepra capitis et barbæ est. » Videtur autem hæc species ad fidem pertinere. Quid enim per caput, nisi mentem ? Quid vero per barbam, nisi faciem ? Locus enim barbæ facies est. Nisi enim barba pro facie accipiatur, stare non potest : siquidem mulieres barbam non habent. Lepra igitur in capite, error est in mente ; lepra vero in facie peccatum est in manifesto, non enim absconditur quod in facie est. Quicumque ergo de ipso Deo, et de fide Christiana male credit et intelligit, lepram in mente et in capite habet ; qui vero id aliis manifestat, quod ipse male credit, ille in capite habens lepram, in facie etiam portat. Hos autem cum sacerdos viderit, et signa lepræ in eis certa et manifesta intellexerit, condemnabit eos, quia rei sunt. Si vero manifesta signa non apparuerint, recludet eum, ut superius. Deinde si post inducias concessas nihil certi intellexerit, radetur homo, et iterum includetur. Raditur enim, et mundatur homo absque loco maculæ, cum in cæteris absolutus, in eo solummodo, de quo accusatus fuerat, tenetur. Sin autem post secundas inducias, et fama conquieverit, et probatores non adfuerint, et nulla indicia apparuerint, mundabit eum sacerdos, id est mundum esse

A iudicabit, lotisque vestibus, mundus erit, vel juramento vel alio quolibet modo se purificando. Sin autem post emendationem, hæresim suam homo aperte prædicare et defendere cœperit, nulla ulterius signa querenda sunt, quia reus et immundus habeatur.

« Vir, sive mulier, in cuius cute candor apparuerit, intuebitur eos sacerdos : si deprehenderit subobscurum alborem lucere in cute, sciat non esse lepram, sed maculam candidi coloris, et hoc minem mundum. » Unum tantummodo signum posuit, quod non solum in leprosis, verum etiam in sanis reperitur, per quod turpem famam intelligimus, quæ si sola obscura fuerit, ei temere credi non debet : siquidem et viros justos, et innocentes sæpius injuste infamatos audivimus.

B « Vir, de cuius capite capilli fluunt, et calvus ac mundus erit, et si a fronte ceciderint pili, recalvaster et mundus est. » Hic quoque sicut et superius mundus iudicatur, quoniam uno solo signo, et ipso ambiguo, nemo damnatur. Capithorum enim fluxus, non tantum leprosis, sed et sanis sæpe contingit.

« Sin autem in calvitio, vel in recalvatione albus vel rubus color fuerit exortus, et hoc sacerdos viderit, condemnabit eum hand dubia lepræ, quæ orta est in calvitio. » Duo enim signa hic ponuntur, quorum alterum est ambiguum, id est calvitium ; alterum manifestum, id est color in calvitio. Merito igitur iste damnatur, utpote qui manifesto iudicio condemnatur. Hæc autem et aliter exponi possunt, ad præsens tamen ista sufficiunt. Sequitur :

C « Quicumque ergo maculatus fuerit lepra, et separatus ad arbitrium sacerdotis, habebit vestimenta dissuta, et caput nudum, os veste contactum, contaminatum, et sordidum se clamabit omni tempore, quia leprosus est, et immundus, solus habitabit extra castra. » Hæc enim leprosis penitentia datur, ut postquam ad sacerdotis arbitrium separati fuerint (aliter enim non separantur) habeant vestimenta dissuta, quod quidem doloris et tristitiæ indicium est. Unde et Jacob, et multos alios vestimenta scidisse legimus. Habeant etiam et caput nudum, quatenus sui cordis secreta manifestent. Caput enim pro mente et corde sæpe accipitur. Unde Psalmista : « Sperate in eo, omnis congregatio populi, et effundite coram illo corda vestra (Psal. lxi, 9). » Itemque : « Dixi : Confitebor adversum me injustitias meas Domino (Psal. xxxi, 5). » Hæc enim verba nudi capitis sunt. Habeant autem et os contactum veste : « Non est speciosa laus in ore peccatoris (Eccli. xiii, 9). » Sileant igitur, neque prædicent, quia « peccatori dixit Deus : Quare tu enarras iustitias meas ? » (Psal. lxx, 16). Cui enim hoc dicitur, ut contegat, jubetur. Clament autem se contaminatos, et sordidos omni tempore ; quanto magis enim se peccator accusat, et sua crimina Domino confitetur, tanto citius a misericordiosissimo Domino veniam meretur. « Si enim, ut Apostolus ait, nosmetipsos iudicarem, non utique iudicaremur (I Cor. vi, 31). » Habitent autem extra castra, duram et

agrestem vitam ducant, jocum et lætitiā fugiant, solitariam et inusitatam conversationem suscipiant. Sequitur:

« Vestis lanea, sive linea, quæ lepram habuerit
« in stamine, atque sub tegmine, aut certe pellis,
« vel quidquid ex pelle confectum est, si alba, aut
« rufa macula fuerit infecta, lepra reputabitur,
« ostendeturque **152** sacerdoti, qui consideratum
« recludet septem diebus, et die septimo rursum
« aspiciens, si crevisse deprehenderit, lepra perse-
« verans est, pollutum judicabit vestimentum, et
« omne in quo fuerit inventum, et idecirco combu-
« retur flammis. » Vestem (272) hanc recte dicimus
esse carnem, qua omnis anima induitur. De hac
enim veste Apostolus ait: « Exuite veterem homi-
nem (Eph. iv, 24). » Et Ecclesia in Canticis canti-
corum: « Exspoliavi me tunica mea, quomodo induar
illa? » (Cant. v, 5.) Et propheta: « Vestimentum,
inquit, mistum sanguine erit in combustionem, et
cibus ignis (Isa. lv, 5). » Est autem in conjugatis
lanea, in virginibus autem et continentibus linea, in
cæteris omnibus pellicea est. Lana enim de carne
oritur, et carni adhæret; linum vero extra carnem,
et a carne alienum est; pellis autem caro mortua
est. Et quidem de conjugato dicitur: quia « adhære-
bit uxori suæ, et erunt duo in carne una (Ephes. v,
31); » virgines vero quasi longe a carne, carnis non
sequuntur voluptates. Cæteri vero quasi mortua caro,
ipsam suam corruptionem sentiunt, nec intelligunt.
Hujus autem vestimenti lepra, quamvis multiplex
sit, maxima et principalis fornicatio intelligitur, de
qua Apostolus: « Omne, inquit, peccatum quodcum-
que fecerit homo, extra corpus est, qui autem forni-
catur, in corpus suum peccat (I Cor. vi, 18). »
Tantum enim omnibus corporeis vitiis hoc vitium
majus est, ut ei cætera comparata quasi non esse
videantur. Hæc ergo lepra, quia non solum fornicato-
res et adulteros, sed virgines, et continentes, et
conjugatos sæpe corrumpit, in lanea, et linea, et
pellicea veste invenitur. Hujus autem signa sunt,
macula alba, vel rufa; sæpe enim fornicatores pal-
lore et rubore deprehenduntur, quoniam et timore et
amoris igne inficiuntur. Talem ergo vestem, et sic
pollutam cum sacerdos viderit, recludet eum septem
diebus, septem videlicet annis ei in pœnitentiæ
emundatione supputatis. Non enim sine causa
SS. Patres hunc annorum numerum pœnitentibus
constituerunt. Nam et de Cain ipse Dominus ait:
« Omnis, qui occiderit Cain, septuplum punietur
(Gen. iv, 15). » His autem peractis, si dignus fue-
rit, absolvatur homo, lavetur et reconcilietur. Ut
quid enim peracta pœnitentia absolvitur homo, et
reconciliatur, nisi quia sacerdotis absolutione lava-
tur atque mundatur. Si vero post septem dies, de
quibus et nunc superius locuti sumus, lepram sacer-
dos crevisse deprehenderit, pollutum judicabit vesti-
mentum, quia lepra perseverans est, et ideo flammis
comburetur. Hoc audiant pœnitescentes, in quibus
(272) Ita ex alio cod. Casin.

A peccata non delentur, si quotidie crescant, quia in
peccatis perseverantes, semper peccata peccatis
adjiungunt; audiunt quod dicitur, et ideo vestimentum
comburetur flammis, et reeordentur illud Evangelii:
« Ite, maledicti, in ignem æternum (Matth. xxv, 41), »
et illud prophetæ: « Vermis eorum non morietur,
et ignis eorum non comburetur (Isa. lxvi, 24). »

« Quod si eam viderit non crevisse, præcipiat, et
« lavabunt id in quo lepra est, recludetque illud
« septem diebus aliis. Et cum viderit faciem quidem
« pristinam non reversam, nec tamen crevisse
« lepram, immundum judicabit, et igne comburet,
« eo quod infusa sit in superficie vestimenti, vel per
« totum lepra. » Si, inquit, post acceptam pœniten-
tiam, peccatum, quod deleri debuerat, crevit, nihil
aliud nisi condemnatio restat. Si vero non crevit
quidem, nec tamen deletum est (quoniam, etsi a
peccato cessavit, non tamen pœnitentiam egit), la-
vetur lepra, iungatur iterum eadem pœnitentia,
recludatur aliis septem diebus, ut quod in primis
septem deliquit, saltem in his septem diebus se-
quentibus emendet. Si vero etiam post hos septem
dies sacerdos viderit faciem pristinam quidem non
reversam, nec tamen crevisse lepram, immundum
judicabit, utpote canonum contemptorem, qui, quam-
vis a peccato cessaverit, digne tamen pœnitentia
satisfacere vel neglexit, vel non curavit. Qui enim
peccatum delere contemnit, aut peccatorem se esse
non intelligit, aut nullam pro peccato pœnam se
timere ostendit. Non enim sufficit homini abstinere
a malo, nisi et bonum operetur. Unde scriptum est:
« Declina a malo, et fac bonum (Psal. xxxvi, 27). »
Qui ergo cessat a peccato, agat et pœnitentiam pro
peccato: aliter enim, etsi macula non crescat, prima
tamen species vestimento non revertitur. Talem
autem vestem sacerdos igne comburit, quia pecca-
torem pœnitentiam agere nolentem æterno igne
dignum esse decernit. Sed quid est quod ait quod
infusa sit in superficie vestimenti, vel per totum
lepra, cum superius dixerit, lepram non crevisse?
Non crevit quidem, quia ad peccatum homo non
redit; tamen per totam vestimenti superficiem
infusa est, quia in eo quod non est deletum, totum
adhuc operit vestimentum.

D « Sin' autem obscurior fuerit locus lepræ, post-
quam vestis est lota, abrumpet eum, et a solido
« dividet. Quod si ultra apparuerit in his locis, quæ
« prius maculata erant, lepra volatilis est vaga,
« debet igne comburi; si cessaverit, lavabit ea,
« quæ pura sunt, secundo, et munda erunt. » Locus
enim lepræ obscurior est; postquam vestis est lota,
si post acceptam pœnitentiam, quid egerit, et qua-
liter vixerit, peccator confiteri dissimulat. Abrum-
patur igitur locus, et a solido dividatur, manifeste
apparet, si quid est quod interius latet: rumpatur
ergo, si constitetur. Quod si ultra in his locis lepra
apparuerit, et homo inconvertibilis, nec a pec-
cato cessaverit, neque pœnitentiam egerit, debet

153 redargui et damnari, debet ut igne et supplicio dignus iudicari. Si vero cessaverit, lavabit ea quæ pura sunt secundo, et munda erunt. Quare enim secundo lavantur quæ pura sunt, nisi quia, quamvis pœnitentia sit homo mundus, attamen nisi a sacerdote sit reconciliatus et absolutus, adhuc a sacramentis abstinere ut immundus: quamvis enim mundus sit, mundus tamen non videtur, nisi cum cæteris fidelibus ecclesiasticis communicet sacramentis. Primo ergo lavatur pœnitentia; secundo vero reconciliatione et absolutione. Huc usque de lepra; nunc de ejusdem emundatione videamus.

CAPUT XIV.

« Locutusque est Dominus ad Moysen, dicens: « Hic est ritus leprosi, quando mundandus est. Adducetur ad sacerdotem: qui egressus e castris cum invenerit lepram esse mundatam, præcipiet ei, qui purificatur, ut offerat pro se duos passerem vivos, quibus vesci licitum est, et lignum cedrinum, vermiculumque, et hyssopum; et unum de passeribus immolari jubebit in vase fictili super aquas viventes: alium autem vivum cum ligno cedrino, et cocco, et hyssopo tinget in sanguine passeris immolati, quo asperget illum, qui mundandus est septies, ut jure purgetur, et dimittet passerem vivum, ut in agrum avolet. » Egredditur enim sacerdos e castris ad leprosum reconciliandum, quoniam usque hodie episcopos nostros ad peccatores reconciliandos ecclesiæ januas egredi videmus. Nunc recipitur autem leprosus, nec mundatur, quia nec peccator reconciliari debet, qui pœnitentiam non egerit pro peccato; est enim pœnitentia commissæ flere, flenda non committere. Flevit enim Petrus, et mundatus est, flevit et David, et mundatus est. Luget Paulus Corinthios, qui peccaverunt, et non egerunt pœnitentiam. Sic et pro Saul luget Samuel. Brevis est et facilis ista satisfactio. « Declina a malo, et fac bonum (Psal. xxxvi, 27). » Incipe flere, sed ex corde; dic flendo: « Pater, peccavi in cælum, et coram te; jam non sum dignus vocari filius tuus. fac me sicut unum de mercenariis tuis (Luc. xv, 8). » Hæc est vera reconciliatio; sic mundatur leprosus, sic peccator veniam meretur. Audiat quid Dominus dicat: « Cito proferte stolam primam, et induite illum (ibid.); » cito, inquit, nulla sit mora: « Peccator enim quacunque hora conversus fuerit et ingemuerit, vita vivet, et non morietur (Ezech. xxxiii, 11). » Offert autem pro se ille qui purificatur duos passerem, non qualescunque, sed vivos, et quibus vesci licitum est. Quid enim duos passerem, nisi corpus et animam? de quibus Propheta: « Anima nostra sicut passer erepta est de laqueo venantium (Psal. cxiii, 7). » Merito ergo duos passerem offert, ut non ex parte, sed totum se ipsum Domino reddat, non jam mortuum, non peccatis obnoxium, et quia prius immundus erat, ejus passeribus vesci non licebat, nunc vero quia mundus est, tales passerem offert, quibus vesci et Ecclesiæ corpori induci licitum est. Sed quare li-

gnum cedrinum, vermiculumque et hyssopum cum passeribus offert? Lignum enim cedrinum impubilis et odoriferæ naturæ est: vermiculus autem igneus et rubens est: hyssopus autem naturaliter in petra nascitur. Offerat ergo lignum cedrinum, qui reconciliatur, ut incorruptam amodo vitam et odoriferam agat: offerat et vermiculum, ut sancti Spiritus et charitatis igne succendatur: offerat et hyssopum, ut firmis radicibus illi petræ inhaereat, de qua Apostolus dicit: « Petra autem erat Christus (I Cor. x, 4). » Immolatur autem unus de passeribus in vase fictili, per quem corpus intelligimus, quod quia de terra factum est, non immerito in vase fictili immolari jubetur. Vas enim terreum, et fictile posuit, ut manifeste intelligamus, quia in hoc passere corpus significatur. Hoc autem super aquas viventes dicitur, littera enim occidit; spiritus autem vivificat. Ita et nos corpus nostrum affligere debemus, ut efficiamur carne mortificati, sed spiritu vivificati. Alium autem vivum cum ligno cedrino, et cocco, et hyssopo tinget in sanguine passeris immolati: vivus enim passer anima est, quæ sicut immortalis mori non potest. Hæc autem tingitur in sanguine passeris immolati, ut eorum peccatorum, quæ corpus commisit, nunquam anima obliviscatur; sanguis enim pro peccato ponitur. Sed quia peccatorum commemoratio aliquando prodest, aliquando nocet (prodest siquidem si ad hoc fiat, ut peccata deleantur: nocet vero, si in eis animus delectatus iterum ad ea redire desideret), ideo sine ligno cedrino, et cocco, et hyssopo anima in sanguine non tingitur, unde, dum intingitur, incorrupta maneat, in amore ardeat, et petræ inhaereat. Quo sanguine ille qui mundatus est septies aspergitur, quod enim septies sit, semper sit; septies ergo suo sanguine homo aspergitur, ut suorum peccatorum semper sit memor. Quod autem ait: « Et dimittet passerem vivum, ut in agrum avolet: » hoc est intelligere, ut nunquam anima ulterius in carcere claudatur, nec a carne vincatur, nec a sola voluntate cohibeatur: ipsa sit domina, ipsa sit libera, avolet in agrum, scrutetur Scripturas; ibi enim sunt flores, ibi sunt odores, dicat cum Isaac: « Ecce odor filii mei, sicut odor agri pleni, cui benedixit Dominus (Gen. xxvii, 27). » Sequitur:

« Cumque laverit homo vestimenta sua, radet omnes pilos corporis, et lavabitur aqua, purificatusque ingreditur castra; ita dumtaxat, ut maneat extra tabernaculum **154** septem diebus, et die septimo radat omnes capillos capitis, barbamque et supercilia, ac totius corporis pilos. » Ecce enim homo qui reconciliatur vestimenta lavat, ut nemo cum ulterius abhorreat, et cunctis se cernentibus non jam leprosus, sed mundus appareat. Radit et omnes corporis sui pilos, ut non jam in eo superfluum et inutile inveniat. Lavatur autem et aqua confessionis boni voti, et sacerdotalis benedictionis, totusque purificatus ingreditur castra, reconciliatur Ecclesiæ, ut gaudium et exultatio, convocet sancta mater nostra amicas et vicinas, dicens: « Congra-

lamine mihi, quia inveni drachmam, quam perdidisti (Luc. xv, 9). » Ecce in castra ingressus est; manet tamen extra tabernaculum suum septem diebus, ut vivat scilicet extra omne desiderium hujus seculi, usque ad vite sue finem, donec in septima die, quæ ultima est, raso iterum capite, et pilis omnibus corporis sui, totus purificatus inveniat.

« Et lotis rursus vestibus, et corpore, die octavo assumet duos agnos immaculatos, et ovem anniculam, absque macula, et tres decimas similæ in sacrificium, quæ conspersa sit oleo, et seorsum olei sextarium. » Prima enim finita, secunda iterum hebdomada incipit, siquidem octava dies alterius septimanæ principium est. In hac igitur, sicut et in prima, homo lavatur aliudque offert hic sacrificium, quo purificatur. In hoc autem sacrificio, jam non passeret, sed agnus immolatur, qui tollit peccata mundi. Primus enim agnus Christus est, secundus apostolorum chorus, uterque utique immolatus. Ovis vero annicula, et immaculata Ecclesia est, non habens maculam, neque rugam, quæ quoniam in tribus partibus tota consistit, in Asia videlicet, Africa et Europa, tres similæ decimæ ei junguntur. De his enim in Evangelio dicitur: « Simile est regnum cælorum fermento, quod abscondit mulier in farinæ satis tribus (Luc. xiii, 21). » Hæc autem simila oleo conspergitur, quia S. Spiritus gratia Ecclesia inangitur. Olei vero sextarius, qui superadditur cum primo agno in sequentibus offerri jubetur. Tres autem, quantum ad litteram decimæ sunt, si de triginta sextariis tres sextarios tollas. Sequitur:

« Cumque sacerdos purificans hominem statuerit eum, et hæc omnia coram Domino in ostio tabernaculi testimonii, tollit agnum et offeret eum pro delicto oleique sextarium, et oblati ante Dominum omnibus, immolabit agnum, ubi immolari solet hostia pro peccato et holocaustum in loco sancto. » Notandum autem quia superius sacrificium non solum sacerdos, verum etiam homo qui mundandus est, offert. Hic autem non homo qui mundandus est, sed solus sacerdos offert sacrificium. Neque enim conveniens erat ut hoc sacrificium homo qui mundabatur offerret. Statuit autem sacerdos hominem qui purificatur ante ostium tabernaculi, quatenus et audire et videre facile possit ea quæ in tabernaculo sunt. Deinde vero offert agnum oleique sextarium, laudans, prædicans, commemorans et exponens Christi passionem: qualiter justus pro impiis, dominus pro servis, ne morentur illi, mortuus est ille; quanto oleo affluebat, quanta pietate et misericordia inundabat, cum pro suis etiam crucifixoribus orabat, dicens: « Pater, ignosce illis, non enim sciunt quid faciunt (Luc. xxiii, 34). » Hoc est enim sacrificium laudis, quo peccata delentur, quo ille qui mundatur ad amorem Dei accenditur, et ad pietatem et misericordiam provocatur.

(275) Ex cod. Casin. editio emendatur. Sed neque de ipsis criminibus, quamlibet magnis remittendis in sancta Ecclesia, Dei misericordia desperanda est, agentibus penitentiam secundum modum cuiusque peccati. (Aug. Enchirid. cap. 23).

« Assumensque sacerdos de sanguine hostiæ, quæ immolata est pro delicto, ponet super extremum auriculæ dextræ illius qui mundatur, et super pollices manus dextræ et pedis. » In aure enim auditus, in manu et pede operatio intelligitur. Tangit ergo aurem sanguis Christi, ut munda sit, semperque aperta ad audiendum verbum Dei, secundum illud: « Qui habet aures audiendi, audiat (Luc. viii, 8). » Et quia sicut Apostolus ait: « Non auditores legis justificati sunt apud Deum, sed factores legis justificabuntur (Rom. ii, 13). » Tangit quoque manum et pedem, ut et bene operetur, et currat in via mandatorum Dei. Quoniam autem sinistra et adversa pars nescire debet quid faciat dextera, in sola dextera parte tangitur, quasi qui sinistram non habeat. Tangitur autem in extremitatibus, ut usque in finem perseveret.

« Et de olei sextario mittet in manum suam sinistram, tingetque digitum dextrum in eo, et asperget septies contra Dominum. Quod autem reliquum est olei, in lava manu fundet super extremum dextræ auriculæ ejus, qui mundatur, et super pollices manus, et pedis dextri, et super sanguinem, qui fusus est pro delicto, et super caput ejus, rogabitque pro eo coram Domino. » Sacerdos enim utraque manu operatur, quia per arma justitiæ a dextris et a sinistris, nec adversis frangitur, nec prosperis elevatur. Portat oleum in sinistra, spargit cum dextera: hoc autem septies, et contra Dominum. Septies enim sacerdos contra Dominum oleum spargit, quia semper et omni tempore pro peccatoribus interpellat. Quid enim oleum, nisi sanctorum sunt orationes? Hoc enim oleo superni iudicis indignatio mollitur, et mitigatur. Et in sinistra quidem oleum portat, qui, quandiu in hac vita est, nunquam a misericordia cessat. Qui bene contra Dominum manu dextera spargit, quia quasi potenti et valida manu omnem suam operationem ad Deum dirigit. Reliquum autem super aurem dexteram, et manum et pedem ejus qui mundatur, effundit, ut audiat et intelligat quid significet: « Misericordiam volo, et non

155 sacrificium (Osée vi, 7). » Et illud: « Estote misericordes, sicut et Pater vester misericors est (Luc. vi, 36). » Hoc auris audiat, in hoc et manus et pes delectetur, ut pietatem et misericordiam operetur. In his autem duobus membris pene omnis operatio nostra consistit. Fundit autem sacerdos oleum et super sanguinem hostiæ, et super caput illius qui mundatur: super sanguinem quidem, quoniam totus ille sanguis pietate et misericordia pinguis, pro sola pietate et misericordia fusus est: super caput vero, ut mens hominis hoc unguento pinguescat, secundum illud: « Tu vero cum jejunas, unge caput tuum (Matth. vi, 17). » Cui contrarium est: « Oleum autem peccatoris non impinguet caput meum (Psal. cxi, 5). » (275) Sic igitur homo innectus sciat

et intelligat quia misericordiae oleo est salvatus, misericordia liberatus, misericordia reconciliatus; ideoque dicat: « Misericordias Domini in æternum cantabo. (Psal. lxxxviii, 2). » Dicamus et nos: « Quis sapiens, et custodiet hæc, et intelliget misericordias homini? » (Psal. cvi, 45).

« Et faciet sacrificium pro peccato. Tunc immolabit holocaustum, et ponet illud in altari cum libamenti suis, et homo rite mundabitur. » In hoc enim holocausto agnus, et ovis, et tres decimæ similæ immolantur, quoniam SS. apostolorum, et totius Ecclesiae fides, spes, charitas et misericordia, patientia et humilitas, pietas, sapientia et sancta conversatio laudatur, prædicatur, et narratur, et in laudis et jubilationis sacrificio immolatur: his enim homo imbuatur et docetur, ut sciat quid agat, quid credat, quid sequatur, quid fugiat et quomodo ulterius in conventu fidelium conversari debeat. Qui si bene intellexerit, et fideliter egerit, mundus erit.

« Quod si pauper est, et non potest manus ejus invenire quæ dicta sunt, sumet agnum pro delicto ad oblationem, et roget pro eo sacerdos, decimamque similæ conspersæ oleo in sacrificium, et olei sextarium, duosque turtures, sive duos pullos columbæ, quorum sit unus pro peccato, et alter in holocaustum, offeretque ea die octavo purificationis suæ sacerdoti. » Quantum autem ad significationem, non minus pauper, quam dives offerre videntur: offert quidem, non etiam immolat, immolare sacerdotis est. Hic autem est ille agnus, de quo superius diximus, qui tollit peccata mundi. Hæc decima pars similæ in tres decimas supra dividitur: hic olei sextarius qui, cum agno immolatur, Dei misericordia est: dux vero turtures, vel duo pulli columbæ, duo passeressunt, de quibus superius diximus. Quia enim hæc et cætera, quæ de hoc sacrificio sequuntur, modo supra exposuimus, breviter hæc dixisse sufficit.

Sequitur autem de domo leprosa, de qua ille, cujus est, nuntiat sacerdoti quod quasi plaga lepræ videatur in domo sua; at ille præcipiat ut omnia foras efferantur, et claudatur domus septem diebus; si vero die septimo lepram crevisse viderit, tunc lapides, in quibus lepra est, eruat, aliosque pro eis ponat; domum autem intrinsecus radat, et extra urbem in locum immundum pulverem projiciat. Quod si etiam post hæc, sacerdos ingressus reversam lepram esse cognoverit, lepra perseverans est, et domus immunda, quam statim destruent, et lapides, et ligna et pulverem universum projicient extra castra in locum immundum. Hæc autem breviter exponamus, quoniam per ea quæ dicta sunt facile intelligi possunt. Si igitur, o homo, quicumque es, videris quasi plagam lepræ in domo tua, si cognoveris doctrinam hæreticæ pravitatis in potestate, et in familia, et in grege tuo, nuntia hoc sacerdoti, nuntia hoc sanctorum cœtui et congregationi; nihil enim tenere judicandum est; omnia

ratione et ordine fiant. Præcipit ergo sacerdos, et ordo sanctorum, ut omnia efferantur foras, totusque populus se ab eis separet, quorum scientia, et doctrina videtur esse leprosa: claudatur domus septem diebus, oppilentur eorum ora qui male loqui videntur, interdicatur eis ne hanc doctrinam in populo seminent, donec diligentissime discussa, utrum sana, an leprosa sit, a sacerdotibus judicetur. Quod si forte die septimo, die ad hoc negotium definitum constituto, lepram et hæresim crevisse viderint, crescit enim, quando apertissime manifestatur, eruant lapides, in quibus lepra est, damnent sententias, in quibus hæresis est, ponant alios lapides pro eis, id est catholice fidei doctrinam, et sententias eos doceant, omni hæretica pravitare evacuata; radant domum intrinsecus, omnemque errorem ab eorum cordibus et mentibus evellant, totum pulverem, totamque illius lepræ caliginem et immunditiam extra urbem, et extra Ecclesiae terminos projiciant. Si vero post hæc omnia, quod absit! lepra revertatur, et eos qui modo mundati fuerant iterum hæretica pravitare sacerdos viderit esse contaminatos, lepra perseverans est, et domus immunda. Unde Apostolus ait: « Hæreticum hominem post secundam correctionem devitis, sciens quia subversus est hujusmodi (Tit. iii, 10). » Destruatur igitur talis domus, et lapides, et ligna, et pulvis universus extra oppidum projiciatur; damnentur, excommunicentur, anathematizentur hæretici, et cum doctrina et hæresibus suis extra catholicam Ecclesiam expellantur. Hoc autem in locum immundum fiat; omnis

156 enim locus immundus est, qui extra Ecclesiam est.

« Qui intraverit domum, quando clausa est, immundus erit usque ad vesperum; et qui dormierit in ea, et comederit quidpiam, lavabit vestimenta sua. » Tanto enim tempore domus clausa est, quanto hæreticus ab Ecclesia separatus, et excommunicatus est. Intrare autem in eam, quid est, nisi participare et communicare illi? Hoc autem qui fecerit, immundus erit usque ad vesperum, vesperum autem non diei, sed peccati, cum enim per poenitentiam finitur, tunc ad vesperum peccatum, et ad finem pervenit. Sed quid est dormire in ea, nisi in ejus doctrina quodammodo quiescere et delectari? Nam et ille in ea dormit, qui in ea decipitur, et sensum amittit. Unde non immerito tales insensati dicuntur, quibus Apostolus ait: « Surge, qui dormis, et exsurge a mortuis, et illuminabit te Christus (Eph. v, 14). » In ea vero comedit quicumque ejus insania repletur et saturatur. Lavet ergo vestimenta sua, agat poenitentiam, audiat quod scriptum est: « Omni tempore sint vestimenta tua candida (Eccl. ix, 8). »

« Quod si introiens sacerdos viderit lepram non crevisse in domo, postquam demolita est, purificabit eam, reddita sanitate, et purificatione ejus, sumet duos passeress, lignumque cedrinum, et vermiculum, atque hyssopum, et immolato uno

« passere in vase fictili super aquas viventes, » etc. A
hoc autem totum in prima leprosi mundatione et
scriptum et expositum est.

CAPUT XV.

« Locutus est Dominus ad Moysen et Aaron,
« dicens : Loquimini filiis Israel, et dicite eis : Vir
« qui patitur fluxum seminis, immundus erit, et
« tunc iudicabitur huic vitio subiacere, cum per
« momenta singula adhæserit carni ejus, atque
« creverit sœdus humor. Omne stratum, in quo dor-
« mierit, immundum erit, et ubicunque sederit, »
Hoc quoque sub eadem intelligentia, quæ habetur
de domo leprosa. Nam vir iste hæreticus est, cujus
turpis doctrina, per eum in multorum auribus
seminata, quasi immundum semen, tendit ad gene-
randum plurimos in eadem hæresi. Cum ergo semen
illud iniquæ prædicationis per singula momenta
carni ejus, ori ejus adhæserit; dum non cessat hære-
tici doctrinam suam divulgare, iudicabitur huic
vitio subiacere. Tunc quicquid tetigerit, immundum
erit; quisquis enim fuerit ab eo seductus, immundus
erit. Quicunque igitur ei crediderit, eumque fuerit
imitatus, lavet vestimenta sua; poenitentiam agat;
sicque per confessionem et poenitentiam solus im-
mundus erit usque ad vesperum; quia non post
tempus longum, sed breve post spatium, tanquam
unius diei, de mane scilicet usque ad vesperum,
remittetur ei peccatum hujusmodi a populo. Sedere
autem super lectum, stratum, et sagma ejus, est
hæresim ipsam acceptare, laudare et servare.

« Si autem sanatus fuerit qui hujusmodi sustinet
« passionem, numerabit septem dies post emunda-
« tionem sui, et lotis vestibus, et toto corpore in
« aquis viventibus, erit mundus. Die autem octavo
« sumet duos turtures, aut duos pullos columbæ et
« veniet in conspectum Domini ad ostium taberna-
« culi testimonii, dabitque eos sacerdoti qui faciet
« unum pro peccato, et alterum in holocaustum. »
Si sanatus fuerit qui hujusmodi sustinet passionem,
numerabit septem dies post emundationem. Septem
dies ponuntur pro toto poenitentiae tempore, in quo
debet poenitens peccata sua lavare in aquis viventibus;
in operibus scilicet spiritualibus, elemosynis,
jejuniis, orationibus, lacrymis, quæ viva opera
vitam obtinere valeat, et salutem. Die vero octava,
id est post expletam poenitentiam dierum septem,
sumet duos turtures, vel duos pullos columbæ; roga-
bitque pro eo sacerdos, et mundabitur. Duobus enim
modis mundatus prius, scilicet poenitentia contritionis,
et satisfactionis, quasi pullis duobus oblatis,
postmodum absolvitur. Debet autem duos illos tur-
tures, vel pullos columbæ manibus tenere, ad offe-
rendum Domino postquam Deo reconciliatus est et
mundatus, debet ei perpetuo adhærere, et in bene
vivendo perseverare, prout jam dictum est supra.

« Mulier quæ, redeunte mense, patitur fluxum
« sanguinis, septem diebus separabitur. Omnis qui
« tetigerit eam immundus erit usque ad vesperum,
« et in quo dormierit, vel sederit diebus separationis

« suæ, polluetur. » Hoc enim de una anima, et de
tota Ecclesia malignantium intelligi potest. Fluxum
namque sanguinis patitur qui in peccatis perseve-
rat. Quæ enim antea redeunte mense hoc patitur
(siquidem menses semper redeunt), peccatum reite-
rare non timet. Semper ergo sanguinem fluit, qui
semper peccatum operatur. Sanguinem enim pec-
catum significare manifestum est. Septem autem
diebus separatur, quia nisi poeniteat, et peccare
desistat, Ecclesiæ nunquam reconciliari debet. Hanc
autem qui tetigerit (tangere autem imitari est) im-
mundus erit. Sufficit autem una expositio et in viro
qui patitur fluxum seminis, et in muliere quæ pati-
tur fluxum sanguinis; utrumque enim pene idem
significat, atque de eodem intelligi potest, unde una
oblatio et purificatio est utriusque.

157 CAPUT XVI.

« Locutus est Dominus ad Moysen : Loquere ad
« Aaron fratrem tuum; ne omni tempore ingrediatur
« sanctuarium, quod est intra velum coram propi-
« tiatorio, quo legitur arca, ut non moriatur : quia
« in nube apparebo super oraculum. Nisi hoc ante
« fecerit, vitulum offeret pro peccato, et arietem in
« holocaustum. Tunica linea vestiatur, feminalibus
« lineis verenda celabit. Accingetur zona linea, ci-
« darim lineam imponet capiti. Hæc vestimenta sunt
« sancta, quibus cunctis, cum lotus fuerit, induetur. »
In nube enim Dominus et caligine prius apparebat,
quia postea carnis velamine tectus apparere debe-
bat : nubes enim illa Christi carnem significabat.
Apparet autem et nunc Dominus in nube super ora-
culum, quoniam in sacramento sub aliena specie
cernitur super altare. Ad hoc autem oraculum, ad
hoc altare, et sacramentum accedere, neque semper,
neque omnibus licet; prius enim offerre necesse est
vitulum pro peccato, et arietem in holocaustum, id
est prius credere necesse est Christum Dominum
pro peccatis nostris immolatum, et totum in ara
crucis corporaliter passum. Hoc enim quia Judæi,
et infideles non credunt, ad hoc propitiatorium non
accedunt : credunt enim passum, sed non pro pec-
cato in holocaustum. Nos autem, quamvis ista cre-
damus, non tamen adhuc sufficit, nisi et sequentia
superaddamus. Vestiamur ergo lineis vestimentis,
ut toti candidi, et super nivem dealbati, interioris et
exterioris hominis munditiam, et castitatem, per
omnia custodiamus. Hæc enim vestimenta sancta
sunt, ideoque omnia de lino fiunt, de quibus in
Exodo sufficienter diximus. Cidarim autem lineam
imponit capiti, qui avertit oculos suos ne videant
vanitatem; quique enim corporis sensus in capite
viget, qui si hanc cidarim super se habuerint, casti
et immaculati erunt. His ergo vestibus non solum
sacerdos, verum etiam totus populus vestiatur, si
ad Christi corporis et sanguinis sacramentum acce-
dere velit. Castitatem non solum virgines, sed conti-
nentes quoque, et conjugati habere possunt. Sequi-
tur :

« Suscipietque ab universa multitudine filiorum

« Israel duos hircos pro peccato, et unum arietem
« in holocaustum. Cumque obtulerit vitulum, et
« oraverit pro se et pro domo sua, duos hircos stare
« faciet coram Domino in ostio tabernaculi testimo-
« nii, mittensque super utrumque sortem, unam
« Domino, et alteram capro emissario; cuius sors
« exierit Domino, offeret illum pro peccato; cuius
« autem in caprum emissarium, statuet eum vivum
« coram Domino, ut fundat preces pro eo, et emittat
« illum in solitudinem. » De Christo tam hircus,
quam aries est significatio. Hircus enim ponitur de
similitudine carnis peccati; aries autem, qui ovium
est genus, dicitur de eo, qui tanquam ovis ad
victimam ductus est. Primus ergo hircus de Christo
est mysterium; alter autem est Antichristus; ille
enim sorte exiit in holocaustum Domino pro peccato:
secundus hircus post multas preces, imo maledic-
tiones, mittitur in solitudinem. Judei enim per orbem
dispersi, videntur hunc hircum secum deferre, quia
ipse, secundum eos, est Messias, quem expecta-
bant; et adhuc expectantes eum, per diversas
regiones, in quibus divisi sunt, secum trahunt hir-
cum illum.

« His rite celebratis, offeret vitulum, et rogans
« pro se et pro domo sua, immolabit illum, assum-
« ptoque thuribulo quod de prunis altaris impleverit,
« et hauriens manu compositum thymiam in in-
« censum, ultra velum intrabit in sancta: ut, positus
« super ignem aromatibus, nebula eorum, et vapor
« operiat oraculum, quod est super testimonium, et
« non moriatur. Tollens quoque de sanguine vituli,
« et asperget digito septies coram Domino
« propitiatorium ad orientem. » Postquam, inquit,
sacerdos prædictis vestibus indutus fuerit; post-
quam duos hircos sorte dividerit (sic enim se habet
ordo) offerat vitulum, et rogans pro se, quia et pec-
cator ipse est, et pro domo sua, id est pro populo
sibi subiecto, immolabit eum. Superius enim offer-
tur, id est ad tabernaculum ducitur: hic autem non
tantum offertur, sed et immolatur; hoc autem non
sine thymiamate, et bono odore; qui enim Christi
conficit sacramentum, qui ad ejus carnem, et san-
guinem sumendum accedit, morum honestate, et
virtutum suavitate redolere debet. Sacerdos ergo,
assumpto thuribulo, thuribulum enim pectus est,
impleat illud de prunis altaris, ut sancti Spiritus et
charitatis igne succendatur; deinde vero aromati-
bus super ignem positus, transeat velum, ingrediatur
sancta, totusque super ipsum cælum mente, et
spiritu elevatus, virtutum vapore, et sanctorum
precum odore et sibi, et populo Deum repropitiatur.
Unde et subditur: « Tollensque de sanguine vituli,
et asperget septies coram Domino propitiatorium
ad orientem. » Septies enim vituli sanguis contra
propitiatorium spargitur, quia usque ad sæculi
consummationem cunctis diebus Christi sanguis pro
nobis ad Patrem interpellat. Sequitur:

« Cuique mactaverit hircum pro peccato populi,
« inferet sanguinem intra velum; sicut præceptum

A « est de sanguine vituli. » Quia enim et hircus, et
vitulus idem significant, idcirco uno, eodemque ritu
immolantur. Sequitur:

« Nullus hominum sit in tabernaculo, quando
« pontifex ingreditur sanctuarium, ut roget pro se,
« et pro domo sua, et universo 158 cœli Israel, do-
« nec egrediatur. » Hoc autem ideo jubere videtur, ut in
illa sancta contemplatione silentium ab omnibus fiat,
ac si solus pontifex adesset; quatenus sine strepitu,
et tumultu omnique inquietudine, mundas preces ad
Deum fundere valeat.

« Cum autem exierit ad altare, quod coram Do-
« mino est, oret pro se, et pro domo sua, et sum-
« ptum sanguinem vituli, atque hirci fundat super
« cornua ejus per girum, aspergensque digito
B « septies, expiet illud, et sanctificet ab immunditiis
« filiorum Israel. » Hoc enim altare Ecclesia est per
cujus quatuor cornua quatuor mundi partes intelli-
guntur. Hoc autem altare septies sanguine spargi-
tur, quia usque ad sæculi consummationem tota
Ecclesia Christi sanguine expiatur, et sanctificatur.
Sive ergo intus, sive extra pontifex fuerit, sive ac-
tivam, et contemplativam vitam agat, semper et pro
se, et pro populo orare debet.

« Postquam emundaverit sanctuarium, et taber-
« naculum, et altare, tunc offerat hircum viventem,
« et posita utraque manu super caput ejus, confitea-
« tur omnes iniquitates filiorum Israel, et universa
« delicta, et peccata eorum; quæ imprecans capiti
« ejus, emittet illum per hominem paratum in deser-
C « tum. » Mundatis enim omnibus, et expleto sacri-
ficio, utramque manum super caput viventis hirci
pontifex ponit, ut omnium iniquitatum reum simul
cum capiti suo diabolo, quibuscunque viribus potest,
eum damnat, et maledicit. Non solum enim nostri,
verum etiam et Judæorum pontifices in sacris volu-
minibus, quamvis non intelligentes, Antichristum
quotidie damnant: de ipso enim in psalmis legentes, sed
non intelligentes assidue dicunt (*Psal. ix et seqq.*):
« Cujus os maledictione plenum est, et amaritudine,
et dolo, sub lingua ejus labor, et dolor; sedet in in-
sidiis cum divitibus in occultis, ut interficiat inno-
centem. » Et paulo post: « Contere brachium peccato-
ris, et maligni; de quo et Apostolus ait: « Quia
nisi venerit discessio primus, et revelatus fuerit
D « homo peccati filius perditionis, qui adversatur, et
extollitur super omne quod dicitur Deus, aut
colitur; ita ut in templo Dei sedeat, ostendens se
tanquam sit Deus (*II Thess. ii, 3*). » Homo ad hoc ser-
vitium paratus, per quem Antichristus in desertum
mittitur, Judæorum populus est, qui pro suis iniqui-
tatibus ubique gentium dispersus, eum colit, et præ-
dicat, sequitur et veneratur.

« Cumque portaverit omnes iniquitates eorum in
« terram solitariam, et dimissus fuerit in deserto,
« revertetur Aaron in tabernaculum testimonii, e
« depositis vestibus quibus prius indutus erat, cum
« intraret sanctuarium, relictisque ibi, lavabit car-
« neni suam in loco sancto, indueturque vestimenta

« suis. » Portat enim Antichristus omnes iniquitates filiorum Israel in infernum, in desertum, in terram solitariam, quia propter eos, quos decepit, æternis incendiis mancipabitur, dignam iniquitatis suæ poenam sustinebit; ibi dimittetur et deseretur, cruciabitur et flagellabitur. Deinde Aaron revertetur in tabernaculum testimonii, quia cognita veritate Judæorum pontifices ad fidem et Ecclesiam convertentur; ibique depositis atque relictis primis vestibus et significativis, lavabunt carnem suam aqua baptismatis, et induentur suis vestimentis, ut litteræ velamine exspoliati et veritate, quæ Christus est, adornati, non in vetustate litteræ, sed in novitate spiritus in sancta Ecclesia conversentur. Similiter autem de illo, « qui dimiserit caprum emissarium, » « lavabit vestimenta sua et corpus aqua, et sic egredietur in castra. » Diximus enim superius quod homo ille Judæorum populus est: unde manifestum est quia non solum pontifices et legisperiti, verum etiam totus Judæus populus juxta mundi hujus consummationem Antichristum relinquet, et ad fidem conversus aqua baptismatis regeneratus Ecclesiæ castris sociabitur. Unde Apostolus ait: « Cum plenitudo gentium introierit, tunc Israel salvus fiet (Rom. xi, 25). »

« Vitulum autem et hircum, qui pro peccato fuerant immolati, et quorum sanguis illatus est in sanctuarium, ut expiatio compleretur, asportabunt foras extra castra, et comburent igni tam pelles quam carnes eorum et finem (274). » Semper enim ubicunque hæc fuerint, sola expositio Apostoli sufficere debet, qui ait: « Quorum enim animalium inferitur sanguis in sancta per pontificem, horum corpora cremantur extra castra: ita et Jesus, ut sanctificaret per suum sanguinem populum, extra portam passus est (Hebr. xiii, 14). » Quibus Apostoli verbis apertissime demonstratur, quoniam per vitulum, et hircum Christi passionem intelligere debemus. Et quicumque combusserit ea, lavabit vestimenta sua, et carnem aqua, et sic ingreditur in castra. Magna enim Dei misericordia in hac sententia prædicatur, quia ipsis quoque, qui eum occiderunt, si ex aqua, et Spiritu sancto regenerati fuerint, venia et indulgentia Ecclesiæque introitus repro-mittitur.

« Mense septimo, decima die mensis, affligetis animas vestras, nullumque facietis opus, sive indigena, sive advena, qui peregrinatur inter vos. In hac die expiatio erit vestri atque mundatio: ab omnibus iniquitatibus vestris coram Domino mundamini. Sabbatum enim requietionis est, et affligetis animas vestras religione perpetua. » Quid est enim septimo mense, et decima die mensis, nisi ultima die omnium mensium? Septimus enim in diebus, et decimus in numero ultimus est. Sicut enim omnes dies in septem, ita omnes numeri in decem continentur. Quod igitur Judæi in

A 159 in hac die se affligebant, nullumque opus faciebant, et quod se expiantes ab omnibus suis iniquitatibus mundabantur, illius ultimi diei significatio erat, in quo qui modo se affligit, non affligetur, in quo omnis mundana operatio cessabit, in quo ab omni corruptione et iniquitatibus sanati, expiati, et innovati æternam suscipient beatitudinem. Sabbatum enim requietionis erit, de quo Apostolus ait: « Relinquitur sabbatismus populo Dei (Hebr. iv, 9). » Non enim hoc juxta litteram fieri potest, ut decima dies septimi mensis in Sabbato semper occurrat.

« Expiabit autem sacerdos, qui unctus fuerit, et cujus initiata est manus, et sacerdotio fungatur pro patre suo, indueturque stola linea et vestibus sanctis, et explabit sanctuarium Testamenti atque altare; sacerdotes quoque et universum populum: eritque vobis hoc legitimum sempiternum, ut orietis pro filiis Israel, et pro cunctis peccatis eorum semel in anno. » Semel enim hoc in anno in figura fiebat, quia semel in veritate fieri debebat. Semel enim Sacerdos magnus Jesus (qui unctus est oleo lætitiæ præ participibus suis, qui patri suo Melchisedech in sacerdotio successit, sicut scriptum est: « Tu es sacerdos in æternum secundum ordinem Melchisedech [Psal. cix, 5] »), omnia expiabit et sanctificabit; tunc videlicet, quando faciet cælum novum et terram novam; quando illa creatura, quæ vanitati subjecta est non volens, liberabitur a servitute corruptionis in libertatem gloriæ filiorum Dei (Rom. vii, 21). » Tunc induetur stola linea et vestibus sanctis, quia apparebit in gloria et majestate (875). Talibus enim vestibus in monte transfiguratus tribus discipulis quondam apparuit.

CAPUT XVII.

Hinc autem præcipit Dominus ut nullum sacrificium offeratur, nisi ad ostium tabernaculi testimonii: volens omnem occasionem populo auferre ne idolis immolaret. Hoc est enim quod ait: « Et nequaquam ultra immolabunt hostias suas dæmonibus, cum quibus fornicati sunt. » Quamvis et per hoc significari possit quod nusquam veri sacrificii locus sit extra Ecclesiam. Sanguinem quoque omnium animalium comedere interdicat, eo quod anima in sanguine sit, ad cujus piaculum super altare sanguis offerri debet. Quod autem ait: « Anima carnis in sanguine est; » tale est ac si diceret: Vita carnis in sanguine est, ut anima pro vita intelligatur: non enim caro sine sanguine vivere potest. Quid est igitur sanguinem comedere, nisi carni vitam auferre? Hoc homicidæ audiant, et sanguinem comedere et bibere timeant, quoniam « virum sanguinem et dolosum abominabitur Dominus (Psal. v, 7). » Sequitur:

« Homo quicumque de filiis Israel et de advenis qui peregrinantur apud vos, si venatione atque aucupio feram, vel avem capiunt, quibus vesci licitum est, fundat sanguinem ejus, et operiat illum terra. » Qui enim intelligit quid sint duo

(274) Id. Cod. Casin. Ubicumque hæc nominantur, sola Apostoli expositione declarantur, qui ait.

(275) Cod. Casin. et majestate Patris.

greges ovium, et quid sit unum ovile, et unus pastor, intelligit et qui sint filii Israel, et qui sint advenæ, qui peregrinantur apud eos. Hi autem venatione, vel aucupio feram, vel avem capiunt, quando hæreticos, vel philosophos evangelica prædicatione ad fidem convertunt. Quoniam quidem sanguinem fundunt, et terram operiunt, quoniam eorum peccata aqua baptismatis ablent, ut quasi mortua, et sepulta ulterius non appareant. Unde Psalmista ait: « Beati quorum remissæ sunt iniquitates, et quorum tecta sunt peccata (Psal. xxxi). »

« Anima, quæ comederit morticinum, vel captum a bestia, lavabit vestes suas, et semetipsum aqua, et contaminatus erit usque ad vesperum; quod si non laverit, portabit iniquitatem suam. » Morticinum enim est, quicumque eam vitam non habet, quæ in Evangelio loquitur, dicens: « Ego sum via, veritas, et vita (Joan. xiv, 6). » Captum vero a bestia est, qui ab hæreticis seductus est. Hos autem comedere, est eos suscipere, eis communicare, et eos imitari; quod qui fecerit, lavet se interius, et exterius aqua, agat poenitentiam, et immundus erit usque ad vesperum. Quid sit autem usque ad vesperum, sæpe jam diximus.

CAPUT XVIII.

Sequitur autem de turpitudine et incestu. Quæ quoniam tota Ecclesia secundum litteram intelligit et observat, aliam in eis querere expositionem, aut inutile, aut superfluum esse videtur. De quibus quidem reddere rationem valde difficile est, nisi fortasse tales conjunctiones ideo Deus fieri interdixit, ut dilectionis vinculum etiam in extraneos extenderetur. Non enim necesse habet aliquis propinquis suis alio vinculo, ut plus eos diligat, colligari, quam mater ex sola sanguinis propinquitate multum eos diligere debet. Conjugatur igitur aliis, quos nondum diligit, ut quadam affinitate eos diligere, et amare incipiat (276). Sive ergo propter hoc, sive propter aliud, si tales Deus 160 conjunctiones fieri prohibuit, timendæ valde et fugiendæ sunt, quia ipse prohibuit. Unde et hic dicit: « Custodite leges atque judicia, quæ faciens homo, vivet in eis: Ego Dominus. » Quod tale est ac si diceret: Homo, qui ea non fecerit, morietur. Quæcunque præterimus, ideo præterimus, quia aut superius exposita, aut intellectu facilia sunt, sicut modo hic de hostia pacificorum, de qua in superioribus satis dictum est. Sequitur:

CAPUT XIX.

« Cum messeris segetes terræ tuæ, non tondebis usque ad solum superficiem terræ, nec remanentes spicas colliges, neque in via tua racemos et grana decidentia congregabis, sed pauperibus et peregrinis decarpenda dimittes. » Hæc autem

A verba, quamvis ad litteram intellecta, pietatis et misericordiæ plena sint, aliud tamen significare possunt. Ubi enim peregrini et pauperes non sunt, diligentissime messes colligere, et usque ad solum tondere, nullum videtur esse peccatum; pauperes enim istos, non substantia pauperes, sed scientia esse putamus. Peregrinos vero, qui noviter ad fidem conversi sunt. Terra autem est Ecclesia, cujus quidem segetes sunt sanctorum volumina Scripturarum. Has autem segetes usque ad solum tondet, qui sacras Scripturas profundissime exponit. Remanentes vero spicas, et grana decidentia colligit, qui iterum atque iterum reiterando ea, quæ minus caute præterisse videbatur, diligentius perscrutatur, et investigat: hoc autem inter sapientes et intelligentia divites fieri debet. Inter pauperes vero et indoctos, solum litteram et superficiem metere et exponere sufficit, quos quidem non messe et solito cibo onerare debemus, sed ad fidei instructionem pauca verba, quasi paucas spicas debemus relinquere; de quibus Apostolus: « Lac, inquit, vobis potum dedi, non escam (I Cor. iii, 2). » De sapientibus vero sic ait: « Sapientiam loquimur inter perfectos (I Cor. ii, 6). » Alibi ergo usque ad solum, alibi vero in sola superficie messes istæ tondendæ sunt.

« Non maledices surdo, nec coram cæco pones offendiculum. » Surdi enim et cæci non solum Judæi et gentiles, sed quicumque veritatem audire et intelligere nolunt; hos autem non maledicere, sed humiliter admonendo ad fidem vocare debemus. Coram quibus offendiculum ponere, est aliquid in eorum præsentia agere, unde rationabiliter scandalizari possunt. Hoc autem qui non intelligit, legat Epistolam Apostoli ad Romanos, ubi ait: « Non ergo amplius invicem judicemus; sed hoc judicate magis, ne ponatis offendiculum fratribus (Rom. xiv, 15). »

« Jumenta tua non facies coire cum alterius generis animantibus. Agrum non seres diverso semine. » Vestis, quæ ex duobus texta est, non indueris. » Hæc enim pene idem significare videntur. Jumenta enim sua cum alterius generis animantibus coire facit, qui stultos quosque et imperitos, quos regere debet, ab hæreticis corrumpi qualibet occasione permittit. Dei vero agrum diverso semine serit, qui in Ecclesia prædicando catholicæ fidei errorem admiscet. Vestis autem ex duobus texta induitur, qui ex parte catholica et ex parte hæretica fide vestitur. Quod enim Apostolus ait: « Induite vos Dominum Jesum Christum (Galat. iii, 27); » quid est, nisi induite fidem Domini nostri Jesu Christi? Vestis ergo fides est.

« Homo si dormierit cum muliere coitu seminis, quæ sit ancilla etiam nubilis, et tamen pretio non

(276) Aliæ rationes hujus divinæ legis vetantis matrimonia inter conjunctos sanguine et affines afferri possunt, quarum potissima eruitur ex ipsis mandati verbis sæpe repetentis non revelandam turpitudinem fratris, patris sui, sororis, matris, patrui, etc., quibus præcipitur servandus debitus honor erga parentes, et

proxime ab illis descendentes, ut qui sunt in tertio, et quarto gradu consanguinitatis; altera ratio reddi poterit: ne scilicet, si propinquorum, qui eadem sæpe in domo vivunt, simul concedatur conjugii permissio, detur ante initum matrimonium non casti amoris occasio.

« redempta, nec libertate donata, vapulabunt ambo, A et non morientur, quia non fuit libera. » Quia enim, sicut scriptum est : « Omnis qui facit peccatum servus est peccati (Joan. viii, 34); » quæcunque anima in crimine est, ancilla est : etsi etiam nubilus, et Ecclesie filia, et aqua baptismatis sit regenerata. Nisi ergo poenitentiae pretio redimatur, et a peccato liberetur, ut jam non sit ancilla, sed libera, cum ea dormiendum non est; quia talis conjunctio illicita est. « Quæ enim societas luci ad tenebras, quæ participatio Christi ad Belial? (I Cor. vi, 15.) » Sæpe tamen contingit talis conjunctio; nam et viri religiosi sceleratis hominibus communicant, dum videntur eis adherere et blandiri. Sed quid « vapulabunt ambo, et non morientur? » Vapulent igitur poenitentia voluntaria, ut non moriantur; nisi enim sic vapulaverint, morientur. Non solum enim qui peccat vapulare debet; sed is quoque qui princeps sit peccati ejus per communicationem cum eodem quemadmodum contingit per participationem quæ habetur cum excommunicatis. Hoc autem audiant illi, qui excommunicatis communicant. « Pro delicto autem suo offeret Domino ad ostium tabernaculi testimonii arietem, orabitque pro eo sacerdos, et dimittetur ei peccatum. » Arietem enim offert, qui stultam simplicitatem maculat et immolat; nisi enim stultus fuisset, nequaquam cum anima cubasset, quam sciebat ancillam esse iniquitatis. Sequitur :

« Quando ingressi fueritis terram, et plantaveritis in ea ligna pomifera, et auferetis præputia eorum: « poma quæ germinant immunda erunt vobis, nec edetis ex eis usque quarto anno : omnis fructus eorum sanctificabitur laudabiliter Domino : quinto autem anno comedetis fructus, congregantes « poma 161 quæ proferunt. » Talia enim ligna Apostolus plantaverat, qui ait : « Ego plantavi, Apollo rigavit, Deus autem incrementum dedit (I Cor. iii, 6). » Quorum quidem præputia auferbat, cum diceret : « Nemini quidquam debeatis, nisi ut invicem diligatis : qui enim diligit proximum, legem implevit. Non adulterabis, non occides, non mœchaberis, non falsum testimonium dices, non concupisces rem proximi tui (Rom. xiii, 8), » et similia : hæc enim præputia tollenda sunt. Quæ enim prius sublata fuerint omnia poma quæ germinaverint, immunda erunt; ideoque non comedentur usque in quartum annum. Quatuor enim anni, quatuor Evangelia sunt, quorum aqua, atque doctrina quæcunque ligna irrorata non fuerint, immunda erunt, neque eorum poma comedi, neque eorum fides et verba suscipi debent. Quarto autem anno transacto, id est quatuor Evangeliorum doctrina plenissime suscepta, omnis predictarum arborum fructus sanctificabitur laudabiliter Domino; et ideo quinto anno fructus comedere, et poma colligere licet; quia quatuor annis expletis, et ligna et poma sanctificata sunt.

« Non comedetis carnem cum sanguine. » Carnem enim comedere cum sanguine est sine poenitentia

et sanctificatione peccatorem Ecclesie reconciliare. « Non augurabimini, nec observabitis somnia. » Non enim auguriis et divinationibus, sed divine legis præceptis, et prophetarum, et apostolorum verbis credere fidelium Ecclesia debet. Somnia autem multos errare fecerunt, ideoque somniores et falsa fingentes non facile audiendi sunt. « Neque in rotundum tondebitis comam, nec radetis barbam. » Si enim, ut sæpe diximus, mens caput est animæ, quæ erunt hujus capitis comæ, nisi cogitationes? harum autem aliæ bonæ, aliæ malæ. Non igitur in rotundam comam tondeamus, ne forte simul cum malis bonas quoque cogitationes succedamus; sed solis malis radicitus succisis, bonæ extendantur, et crescant. De malis enim cogitationibus, ut succedamus, Psalmista loquitur, dicens : « Beatus qui tenebit et allidet parvulos suos ad petram (Psalm. cxxvi, 9); » de bonis vero, ut crescere permittantur, sic ait : « Quoniam cogitatio hominis constabit tibi, et reliquæ cogitationum diem festum agent tibi (Psalm. lxxv, 11). » Barbam vero radere non debemus, ut viri potius quam femine videamur, magisque virorum fortitudinem, quam mulierum molliem imitemur. Unde et sanctas mulieres, quæ plerumque animi fortitudine viros superant, rectissime barbas dicere solemus. Quod enim nostri ordinis homines barbas radunt, alia significatio est : qui et hæc et similia magis spiritualiter, quam ad litteram intelligere, magisque viri fortes esse, quam videri volunt. Crescat ergo nobis barba interior, radatur exterius; illa enim sine impedimento crescit : hæc autem, nisi radatur, multa generat incommoda, et nonnisi a valde otiosis, et vanis hominibus cum pulchritudine nutritur. Multa prætermittimus quæ facilia esse videntur.

CAPUT XX.

Hinc autem præcipit ut occidatur quicunque de semine suo dederit idolo Moloch. Moloch enim rex noster interpretatur, in quo omnia idolorum portenta significari possunt, quorum regimine infelices homines se tutos esse arbitrabantur. Unum autem idolum posuit, ut quod in uno præcipitur, in omnibus observetur. Quod quidem si non fecisset, nequaquam Psalmista dixisset : « Et immolaverunt filios suos, et filias dæmonii (Psalm. cv, 37). »

« Anima, quæ declinaverit ad magos et harios; et fornicata fuerit cum eis, ponam faciem meam contra eam, et interficiam illam de medio populi sui. » Fornicator enim anima quæ Deo per fidem conjuncta est, si, ad dæmoniorum ministros se convertens, vanis eorum credat superstitionibus. Quomodo enim non fornicatur, cujus fides tota corrumpitur? His autem et cæteris peccatis, pro quibus homo occidi jubetur, nisi digna poenitentia deleta fuerint, secundum majorem intelligentiam animi perimitur. Unde quicunque ex his aliquid commiserit, eum ad sacros ordines accedere canones interdiciunt.

CAPUT XXI.

« Dixitque Dominus ad Moysen : Loquere ad sacerdotes filios Aaron, et dices ad eos : Ne contaminetur sacerdos in moribus civium suorum, nisi tantum in consanguineis et propinquis, id est super patre, et filio, fratre quoque, et sorore virgine, quæ non est nupta, sed nec in principe populi sui contaminabitur. » Non est enim omnium civium una mors, sed multæ sunt mortes, in quibus sacerdos se contaminare non debet. Alium enim avaritia occidit; alium superbia necat; alium luxuria perimit; atque alium discordia interficit. Tales ergo mortes sacerdos fugiat. Est etiam alia mors, quam sacerdos utique Judæorum evitare non poterat; illa videlicet qua pater ejus et mater, filius et filia, totaque cognatio moritur. Hoc est enim originale peccatum, quo ante Christi incarnationem nemo unquam mundari potuit. Præter hanc solam mortem, qua necessario contaminantur omnes, in nulla alia morte, et majori peccato Dei sacerdos contaminatur. Quamvis enim sine crimine, non tamen sine peccato homo vivere potest. Quia vero soror quæ viro nupta est, præter peccatum originale, aliud quoque per carnis voluptatem contraxisse

162 videtur, hac quoque morte et peccato sacerdotem contaminari vetat, et hoc est quod dicit : « fratre quoque et sorore virgine. » Accedit ergo sacerdos ad propinquorum mortem, quia sub eadem morte et ipse est. Quod autem ait : « Sed nec in principe populi sui contaminabitur; » ego de illo principe hoc intelligo, de quo ipse Dominus ait : Venit enim princeps hujus mundi, et in me non habet quidquam (*Joan. xiv, 31*); ejus quidem mors superbia est, desperatio et mala voluntas. Sequitur :

« Nec radent caput, nec barbam, neque in carnis suis facient incisuras; sancti erunt Deo suo, et non polluent nomen ejus : incensum enim Domini, et panes Dei offerunt, et ideo sancti erunt. Scortum, et vile postribulum non ducet uxorem, nec eam quæ repudiata est a marito, quia consecratur Deo suo, et panes propositionis offeri; sit ergo sanctus, quia et ego sanctus sum, qui sanctifico vos. » Caput enim et barbam radere, et in carnis incisuram facere, doloris et tristitiæ indicium erat. Sed et idolorum sacerdotes hoc ritu diis suis olim immolare solebant. Unde Jeremias : « Sacerdotes eorum sedent, habentes tunicas scissas, et capita, et barbas rasas, quorum capita nudata sunt (*Baruch. vi, 30*). » De carnis vero incisione in libris Regum invenies. Quid autem per scortum, et vile postribulum, et eam quæ repudiata est a marito, nisi eam animam intelligimus, quæ ab hæreticis corrupta, et dæmonibus vitata, et a Deo repudiata est? Huic autem sacerdos se jungere non debet, quia filii; qui ex ea generantur, non legitimi, sed spurii sunt. Unde ipse Dominus ait : « A fructibus eorum

(276*) Ex cod. Cod. editio emendatur.

(277) Ex cod. Cod. expurgatur erratis editio.

A cognoscetis eos (*Matth. vii, 16*). » Talium igitur consortia fugiant sacerdotes, qui consecrati sunt, et pollui non debent. Panes quoque propositionis offerunt, quos canibus dare ipse Dominus prohibet.

« Sacerdotis filia, si deprehensa fuerit in stupro, et violaverit nomen patris sui, flammis exuretur (276*). » Omnis anima vere est filia sacerdotis, cujus sacerdotium manet in æternum, secundum ordinem Melchisedech, in cujus nomine et regenerati, et baptizati sumus. Hæc ergo filia in stupro, seu in fidei violatione, deprehensa, est anima ab hæreticis seducta, quæ Christi fidem patris sui negavit, sicut nomen ejus violavit, de quo scriptum est : « Non accipies nomen Dei tui in vanum (*Exod. xx, 7*), » ideoque flammis exuretur, flammis utique æterni

B ignis.

« Pontifex, id est sacerdos maximus inter fratres suos, super cujus caput fustum est unctionis oleum, et cujus manus in sacerdotium consecratæ sunt, vestitusque est sanctis vestibus, caput suum non discooperiet, vestimenta non scindet, et ad omnem mortuum non ingreditur omnino; super patre et matre non contaminabitur. Nec egredietur de sanctis, ne polluat sanctuarium Domini : quia oleum sanctæ unctionis Dei sui super eum est; Ego Dominus. » Cæteri enim sacerdotes a propinquorum suorum morte non prohibebantur : summo vero pontifici ad nullum omnino mortuum accedere licebat. Quare hoc? Quia Jesus sacerdotum omnium maximus (277), solus sine peccato natus, solus impeccabilis in mundo conversatus est : ipse enim patris, et matris mortem per se non sensit, patris videlicet David, cujus sæpissime filius appellatur; matris vero Synagogæ, de qua secundum carnem natus est. Horum, inquam, mortem, et peccatum ipse non sensit. Et ipse quidem maximus est inter fratres suos, de quibus ipse ait : « Nuntiabo nomen tuum fratribus meis (*Psal. xxi, 23*). » Ipse quoque se oleo lætitiæ unctum significat, dicens : « Spiritus Domini super me, propter quod unxit me, evangelizare pauperibus misit me (*Luc. iv, 18*). » Est autem indutus sanctis vestibus, decore videlicet et fortitudine; unde Psalmista ait : « Dominus regnavit, decorem induit, induit Dominus fortitudinem, et præcinxit se (*Psal. xcii, 1*). » Cujus quidem caput discooperitum non est, quia ejus divinitas ab hominibus visa non est; ut enim ait Apostolus : « Christi caput Deus (*I Cor. xi, 3*), » vestimenta quoque ejus non sunt scissa, quia ejus fides non est divisa. Nani et secundum litteram de ejus veste milites dixisse leguntur : « Non scindas illam (278), sed sortiamur de illa, cujus sit. » Infelix Caiphas, qui vestimenta sua scidit (*Matth. xxvi*); hujus præcepti immemor erat. Sequitur :

« Virginem ducet uxorem; viduam, et repudiatam, et sordidam, et meretricem non accipiet, sed puellam de populo suo, ne commisceat stirpem

(278) Cod. Casin. : Sed mittamus sortem cujus sit.

« generis sui, vulgo gentis suæ; quia ego Dominus
« qui sanctifico eum. » Hæc est enim illa virgo, de
qua Apostolus ait: « Despondi enim vos uni viro,
virginem castam exhibere Christo (II Cor. xi, 2). »
Itemque: « Ut exhiberet sibi gloriosam Ecclesiam,
non habentem maculam, neque rugam, vel aliquid
hujusmodi (Ephes. v, 27). » Vidua vero repudiata,
sordida, et meretrix Synagoga est, quæ tanto, tali-
que sponso derelicto, toties post deos gentium for-
nicata est. Ducit igitur puellam de populo suo, de
populo sibi obediente (omnis enim populus ejus est),
non forte commisceat stirpem, et genus suum mere-
triciis, hoc est infidelibus.

« Locutusque est Dominus ad Moysen dicens: Lo-
« quere ad Aaron. Homo per familias de semine suo,
« qui habuerit maculam, non offeret panes Deo suo, nec
« accedet ad misericordiam ejus. » Docet nos Dominus
quales ad altaris ministerium sacerdotes eligi debeant:
sint, inquit, sine macula: nisi enim per maculam cri-
men intelligamus, impossibile quodammodo jubere
videtur, **163** siquidem nemo est sine peccato. « Si cæ-
« cus fuerit, si claudus, si parvo, vel grandi, vel torto
« naso, si fracto pede, sive manu, si gibbus, si lip-
« pus, si albuginem habens in oculo, si jugem sca-
« biem, si impetiginem in corpore, si herniosus. »
Cæcus enim est, qui (279) sacras Scripturas prave
intelligit, quales sunt Judæi et hæretici. Claudus
vero, qui in via mandatorum Dei non recto gradu
Incedit, de quibus dicitur: « Et claudicaverunt a se-
mitis tuis (Psalm. xvi, 46). » Ideoque Apostolus ait:
« Sicut in die honeste ambulemus (Rom. xiii, 13). »
Nasus quidem odores discernit; quod si parvus
fuerit, non sentit ad plenum, si vero grandis modum
excedit. Parvum enim nasum habebant, quibus
Apostolus ait: « Nolite pueri effici sensibus, sed
malitia parvuli estote (I Cor. xiv, 20); » grandem
vero quibus ait: « Non plus sapere quam oportet
sapere, sed sapere ad sobrietatem (Rom. xii, 3). »
Tortus vero nasus et bonum malum, et malum bo-
num diducit odorem esse: tortus autem turpior,
et peior est. Pedem vero et manum fractam habet,
qui sola inertia languens bonum aliquid neque dicit,
neque agit; jacet ergo et corpori serviens, nihil nisi
otium et delicias diligit; jure a sacerdotio remove-
tur. Gibbus vero, cæli nescius, terram solam in-
tuetur, per quem possumus avarum et cupidum
intelligere, cujus omnis spes et desiderium circa
terrena et transitoria versatur. Oculum autem lippus,
et si videat, deformis tamen exterius est; et vere-
cundiam habet de seipso, quales videmus in Ecclesia,
qui ingenii quidem acumen habent, sed turpis vitæ
ægritudine tabescunt. Econtra vero oculus, qui al-
buginem habet, ipse se nihil videre, certo judicio
manifestat, per quem illi intelliguntur, qui peccare
non erubescunt, quorum opéra quicumque videt,
ecce eos esse non dubitat. Qui autem jugem habet
scabiem, semper inquietus est; laborat et fatigatur,
erescit scabies et non sanatur. Tales autem sunt

(279) Id. cod. Casin.: Qui pravas interpretationes applicat sanctis Scripturis

A sæcularium dignitatum amatores, qui quanto plus
huic vitio insistant, tanto amplius inardescunt, la-
borant, festinant, fatigantur; nihil eis satis est,
quod propter jugem habentes scabiem hac nunquam
sanantur. Unde ipse Dominus ait: « Quam difficile
est divitem intrare in regna cælorum (Math. xix,
24). » Sed quid per impetiginem, quæ latenter, et
quasi insensibiliter crescens, subito circumstantia
loca invadit et occupat, unde etiam et nomen acce-
pit, nisi luxuriam intelligimus, quæ, si saltem per
cogitationem corde insederit, semper crescens totum
hominem corrumpit. Quid vero per herniosos, nisi
hypocritas et inanis gloriæ amatores, qui steriles
sunt in filiorum procreatione. Hi enim opera sua
faciunt, ut videantur ab hominibus, æstimari cu-
piunt boni, nec volunt esse tales; sed seipsos fecun-
dissimos jactant. Quid autem sequitur: « Vescetur
« tamen panibus, qui offeruntur in sanctuario, » sic
est intelligendum, ut quamvis ille qui maculas habet,
episcopus esse non possit, de panibus tamen, et cibis
spiritualibus ei comedere permittitur. Multi Christi
carnem et sanguinem accipiunt, qui sacerdotes fieri
non possunt. Nemo enim qui maculam habuit, id est
qui crimen commisit, etiam post peractam pœniten-
tiam sacerdos fieri debet, quanquam post pœniten-
tiam sacramentis Ecclesiæ licite vescatur. Unde et
subditur:

CAPUT XXII.

« Omnis homo qui accesserit de stirpe vestra ad
« ea quæ consecrata sunt, et quæ obtulerunt filii
C « Israel Domino, in quo est immunditia, peribit co-
« ram Domino. » In quo est immunditia, dixit, non
in quo fuit. Si enim pœnitentia mundatus est, con-
ficere quidem sacramenta ei non licet, ad sacramenta
tamen accedere licet. Hoc autem adhuc manifestius
exponit, dicens: « Homo de semine Aaron, qui
« fuerit leprosus, aut patiens fluxum sanguinis, non
« vescetur de his quæ sanctificata sunt mihi, donec
« sanetur. » Nota quod dicitur: « Donec sanetur. »
Hoc autem dicit non de qualibet immunditia, sed de
crimine, jam commisso, a quo sanetur per pœniten-
tiam. « Omnis alienigena non comedet de sancti-
« ficatis, inquilinus sacerdotis et mercenarius non
« vescetur ex eis. Quem autem sacerdos emerit, et
D « qui vernaculus domus ejus fuerit, hi comedent ex
« eis. » Quia alienigena Ecclesiæ filius non est:
inquilinus vero ac mercenarius non amore, sed pro
luero temporali Domino serviunt, merito a sancti-
ficatis repelluntur. « Qui enim indigne manducat et
bibit, judicium sibi manducat et bibit (I Cor. xi,
29). » Illi autem, quos sacerdos emit, de quibus
Apostolus ait: « Empti estis pretio magno (I Cor. vi,
20), » et qui ejus domum fideliter custodiant, acce-
dant et comedant.

« Si filia sacerdotis cuilibet de populo nupta fue-
« rit, de his quæ sanctificata sunt, et de primitiis
« non vescetur. Sive autem vidua, vel repudiata, et
« absque liberis, reversa fuerit ad domum patris

« sui, sicut puella consueverat, aletur cibus patris A
 « sui. » Quis autem sit iste sacerdos, manifestum
 est; cuius utique filia est omnis anima, aqua bapti-
 smatis regenerata, quæ si alicui de populo nupserit,
 id est si heretico et infideli se conjunxerit, statim a
 spiritualibus cibis, et a Christi sacramentis aliena
 sit. Sin autem hæreticorum spreverit contubernia,
 et relicto errore ad Ecclesiam redierit, omnesque
 hæreticæ pravitatis filios, et opera reliquerit, iterum
 cœlestis patris sui, qui nullum ad se venientem
 164 eiecit foras, cibus aletur. Magna hic Dei mise-
 ricordia prædicatur, nulli desperandi occasio datur.
 « Peccator quæcunque hora conversus fuerit, vita
 vivet; et non morietur (*Ezech. xxxiii, 11*). »

« Qui comederit de sanctificatis per ignorantiam,
 « addet quintam partem cum eo quod comedit, et B
 « dabit sacerdoti in sanctuario. » Hoc idem est cum
 superiori. Si prævaricans cæremonias per errorem
 in his quæ Domino sunt sanctificata, peccaverit,
 ipsum quod intulerit damnum restituat, et quintam
 partem ponet supra tradens sacerdoti. Quod hic au-
 tem dicit per ignorantiam, ibi dicitur per errorem.
 Comedere autem hoc loco, disperdere et dissipare
 significat, secundum illud: « Quia comederunt Ja-
 coh, et locum ejus desolaverunt (*Psal. lxxviii, 7*). »
 Ipse etiam Apostolus: « Si vos mordetis, et comede-
 tis, videte ne ad invicem consumamini (*Galat. v, 15*). »
 Per ignorantiam sive per errorem sanctificata come-
 dit, quicunque divinæ legis oblitus sacrilegium facit,
 et bona Ecclesiæ dispergit et dissipat; hoc autem C
 qui fecerit, damnum restituat, et quintam partem
 superaddat. Quid est quintam partem superaddere,
 nisi seipsum sacerdotis iudicio et Ecclesiæ satisfac-
 iendo humiliare? Quinta enim pars vocatur homo,
 quia quinque sunt corporis sensus, sine quibus nec
 peccare nec pœnitere potest. Sive etiam quia in
 quatuor partes bona Ecclesiæ dividuntur; quicunque
 in decimis, et primitiis, aliisque Domino sanctifica-
 tis peccaverit, in integrum restituat (cujus, ut dixi-
 mus, quatuor partes sunt) et quintam superaddat, id
 est seipsum sacerdoti tradat, cujus iudicio per om-
 nia sit obedire paratus: nihil enim majus se ipso
 habet, quod pro damni restitutione sacerdoti tradere
 possit, siquæ sit ut quinque partes reddat, qui in
 quatuor peccavit.

Sequitur autem de eo, ut quicunque holocaustum,
 vel pacificorum victimam Domino offert, sive sponte,
 sive pro voto offerat, masculum offerat, et immacu-
 latum, omnisque macula non sit in eo. Si cæcum
 fuerit, si fractum, si cicatricem habens, si papulas,
 aut scabiem, aut impetiginem, non offerat Domino.
 Docet enim nos Dominus in Evangelio quæ ei of-
 ferre debeamus, ubi de tributis loquens, visa Cæsari-
 s imagine, ait: « Reddite ergo quæ sunt Cæsaris
 Cæsari, et quæ sunt Dei Deo (*Luc. xx, 25*). » Si ergo
 Dei imago sumus: si nos ipsos Deo offerre debemus,
 lavemus maculas peccatorum, quia immundum et
 maculatum Deus non recipit. « Beati ergo immacu-
 lati in via, qui ambulant in lege Domini (*Psal. cxviii,*

1). » Non enim cæcum offerunt, qui mentis oculos
 volunt habere lumine fidei illuminatos; nec fractum
 offerunt, qui volunt interioris hominis ossa firma et
 solida esse, ne in via Dei currentes deficiant. Ossa
 enim animæ virtutes sunt. At vero neque ea offe-
 ramus, quæ vel cicatricem, vel papulas, vel scabiem,
 aut impetiginem habent. Sed offeramus nos mundos
 et sinceros absque ulla peccati macula, quemadmo-
 dum supra jubetur. Nihil fermentatum offerri Do-
 mino; per quod omnis animæ morumque corruptio
 prohibetur. Cicatricem vero pro vulnere posuit, se-
 cundum illud: « Putruerunt et corruptæ sunt cica-
 trices meæ (*Psal. xxxvii, 6*). » Alioquin si vulnere
 jam sanato, cicatricem habent, non placet Do-
 mino; est pœnitentia, nondum perfecta. Sequi-
 tur:

« Bovem et ovem, aure et cauda amputatis, vo-
 « luntarie offerre potes, votum autem ex his solvi
 « non potest. » Non enim quasi ex debito exigitur,
 quod voluntarie datur. Unde Apostolus: « Unus-
 quisque prout destinavit in corde suo, non quasi ex
 tristitia aut ex necessitate (*II Cor. viii, 7*). » Vota
 autem etiam nolentes, solvere debemus: « Vovete et
 reddite Domino Deo vestro (*Psal. lxxv, 12*). » Ani-
 malia ergo, quæ diminuta sunt, voluntarie offerri
 possunt, quoniam ea quæ voluntarie facimus, quam-
 vis perfecte ac plene non faciamus, a Deo tamen
 suscipiuntur. Votum autem ex eis solvi non potest,
 quia quæcunque vovemus, in integrum et sine ulla
 diminutione solvere debemus. Melius est ergo non
 vovere quam de voto aliquid auferre, et quasi ali-
 quid amputare.

« De manu alienigenæ non offeretis panem Deo
 « vestro, et quidquid aliud dare voluerit; quia
 « corrupta et maculata sunt omnia, non suscipietis
 « ea. » Est autem alienigena, qui de Ecclesia non
 est, et quorum munera impiorum odit Deus, talium
 oblationes non sunt recipiendæ.

« Bos, ovis et capra cum genitæ fuerint, septem
 « diebus erunt sub ubere matris, die autem octavo,
 « et deinceps offerri poterunt Domino. » Cujuscun-
 que enim conditionis homo sit, si septem diebus sub
 ubere matris Ecclesiæ fuerit, et ab ejus fide et do-
 ctrina non recesserit, octavo die et deinceps Domino
 offerri poterit, non enim sunt dies nisi septem. Qui
 ergo septem diebus sub ubere est, quandiu vivit, ab
 ubere non recedit. Talis ergo vel octavo die, id est
 statim post hanc vitam, Domino offerri, et in sancto-
 rum concilium recipi potest, vel deinceps si forte
 purgatorio indigerit. Non enim omnes qui salvantur,
 mox ut obierint, in beatitudinem recipiuntur. Qued
 autem ait: « Non immolabuntur una die matres cum
 « feilibus suis; » tale est ac si diceret: Quamvis
 Ecclesiæ filii quotidie immolentur et transeant,
 mater tamen vivit et durat, et filios parere non ces-
 sat. Sequitur:

« Si immolaveritis hostiam pro gratiarum actione
 « Domino, ut possit esse placabilis, eodem die come-
 « detis eam; non remanebit quidquam in mane

« alterius diei. » Quamvis Apostolus dicat : « Gratias ago Deo semper pro vobis (*Philip. 1, 3*); » hostia tamen pro gratiarum actione immolatur, tota una die comeditur, quod una dies totum hoc spatium temporis **165** intelligitur. In hac ergo die gratias agere, Deo servire, nos ipsos immolare, calicem salutaris accipere debemus, quia post hanc vitam non est penitentiae locus. Ille enim pro gratiarum actione hostiam immolat, qui Dei beneficiorum memor cum Psalmista dicit : « Quid retribuam Domino pro omnibus quæ retribuit mihi? Calicem salutaris accipiam, et nomen Domini invocabo (*Psal. cxv, 3*). » Sequitur :

CAPUT XXIII.

« Hæ sunt feriæ Domini, quas vocabitis sanctas. « Sex diebus facietis opus : dies septimus, quia Sabbati requies est, vocabitur sanctus, omne opus « non facietis in eo. Sabbatum Domini est in cunctis « habitationibus vestris. » De Sabbato in Exodo sufficienter diximus, quod quidem tunc bene celebramus, quando a malo declinamus et in bono perseveramus. Sunt autem et aliæ festivitates quas Judæi habebant celeberrimas, quæ, quamvis non semper in Sabbato fierent, Sabbatum tamen vocabantur. Unde in Evangelio dicitur : « Factum est in Sabbato secundo, primo (*Luc. vi, 1*), » id est in secundo principali Sabbato. Primum enim principale Sabbatum in Martio erat, secundum vero quando spicarum manipulos offerebant; tertium autem in mense septimo colebatur. Erant autem tria prima, id est principalia, Sabbata, in quibus omne masculinum apparebat coram Domino. Et de primo quidem, in quo pascha celebratur, et in azymis agnus comeditur, satis in Exodo dictum est. Dicamus ergo nunc de Sabbato nostro primo, id est de secunda principali festivitate.

« Cum ingressi, inquit, fueritis terram, quam ego « dabo vobis, et messueritis segetem, feretis manipulos spicarum primitias messis vestræ ad sacerdotem, qui elevabit fasciculum coram Domino, ut « acceptabilis sit pro vobis altero die Sabbati, et « sanctificabit illum. Atque eodem die, quo manipulus consecratur, cædetur agnus immaculatus « anniculus in holocaustum Domino; et libamenta « offerentur cum eo : duæ decimæ similæ conspersæ oleo in incensum Domini odoremque suum « vissimum, libatio quoque vini quarta pars hin. » Dominus enim in Evangelio loquitur, dicens : « Messis quidem multa, operarii autem pauci, rogate ergo dominum messis, ut mittat operarios in messem suam (*Matth. ix, 37*). » Messes ergo, populi; operarii vero, apostoli intelliguntur. Hos autem misit Dominus metere ubi ipsi non seminarunt. Dicatur ergo : Cum messueritis segetem, et in Dei arca, quæ est Ecclesia, fidelium manipulos congregaveritis, feretis primitias messis vestræ ad sacerdotem. Primitiæ enim illi fuerunt, qui in primitiva Ecclesia crediderunt : hos autem ipsi apostoli per se sacerdoti obtulerant, id est Domino reddiderant qui elegerat

A fasciculum coram Domino; sic enim ipse ait : « Cum exaltatus fuero a terra, omnia traham ad me ipsum (*Joan. xii, 32*). » Nemo enim elevatur, nisi ab ipso et per ipsum. Bene autem fasciculum posuit, quia « Multi sunt vocati, pauci vero electi (*Matth. xxii, 14*). » Hoc autem fiebat altero die Sabbati, qui tunc ab ipso Domino dies Dominicus appellatur; ut jam tunc ipsi Sabbato quodammodo dies ista videretur auferre principatum. Atque ipso eodem die cædebatur agnus in holocaustum, quoniam uno eodemque tempore et populus salvatur, et Christus immolatur. Unde et adhuc subditur : « Et libamenta offerentur cum eo, duæ scilicet decimæ similæ conspersæ oleo; » per quas duos populos intelligimus, Judæos et gentiles, qui nimirum oleo conspersi sunt, quoniam Dei misericordiam, et Spiritus sancti gratias suscipere meruerunt. Et ne tantum sacrificium uno die finiretur, liba quoque et vinum quotidie offerebantur, quæ significabant panem et vinum, quæ quotidie sacerdotis ministerio in Christi carnem et sanguinem commutantur.

« Panem, et potentem, et pultes non comedetis ex « segete, usque ad diem qua offeretis ex eo Deo « vestro. » Nisi enim infidelis prius convertatur, ut Domino offeratur, neminem in Ecclesiæ corpus trahere possumus. Hoc enim significat comedere in hoc loco, quod beato Petro dictum est : « Occide et manduca (*Act. x, 11*). » Sunt ergo etiam segetes immundæ, neque comedi debent, nisi prius Domino offerantur et baptisate laventur.

C « Numerabitis ergo ab altero die Sabbati, in quo « obtulistis manipulos, septem hebdomadas plenas, « usque ad alteram diem expletionis hebdomadæ « septimæ, id est quinquaginta dies, et sic offeretis « sacrificium novum Domino ex omnibus habitaculis vestris, panes primitiarum duos de duabus « decimis similæ fermentatæ, quos coquetis in primitias Domini, offeretisque cum panibus septem « agnos immaculatos anniculos, et vitulum de armento unum, et arietes duos, et erunt holocaustum cum libamentis suis in odorem suavissimum « Domino. » Omnes enim istæ festivitates pene idem significare videntur. Unde quamvis non uno modo dicatur, unum tamen sacrificium omnibus offertur : sive agnus, sive vitulus, sive hircus pro peccato immoletur, Christi tamen passionem significat. Similiter autem et segetes, et panes primitiarum, et duo arietes, homines sunt qui Deo offeruntur. Mos enim est prophetarum sæpius non eisdem verbis idem repetere : omnes enim Judæorum festivitates hanc nostram solemnitatem significabant, de qua dicitur : « Constituite diem solemnem in condensis usque ad cornu altaris (*Psal. cxxvii, 7*). » Nos enim non ter in anno, sed toto anno festivitatem agimus, si a servili et iniquo opere cessamus, et in bono opere perseveramus. Septem autem **166** hebdomadæ hanc nostram festivitatem præcedunt, quia « nos sumus, in quos fines sæculorum devenerunt (*I Cor. x, 11*). » A Christi namque passione quin-

quagesimus dies, et annus Jubilæus in Ecclesia agitur, siquidem et a servitute liberati sumus, et cælestis patriæ hæreditas restituta est. In hac ergo tanta solemnitate offeramus sacrificium novum Domino ex omnibus habitaculis nostris, vetera enim transierunt. Sed quid offeremus? Panes primitiarum duos; in his enim duobus panibus Ecclesia tota consistit. Duo enim panes duo populi sunt, Judæorum scilicet et gentium. Hos autem ex omnibus, quos creaverat, in primitiis et decimas sibi Dominus elegit. Qui bene de similia fermentata esse dicuntur, quia sicut mali, ita et boni de massa peccati originem ducunt. Offeruntur autem cum his panibus septem agni immaculati, per quos nihil melius quam septem gratias sancti Spiritus intelligere possumus, sine quibus Deo nemo offertur. Quæ merito agni et immaculati dicuntur, quoniam innocentes et immaculatos homines faciunt. Offeramus autem et vitulum, ut Christi passionis semper memores simus. Offeramus et duos arietes, et ad honorem Dei, et totius Ecclesiæ edificationem laudemus duos apostolorum principes; delectatur enim Dominus tali sacrificio, et suas, suorumque laudes et triumphum cum audire delectat. Sequitur:

« Facietis et agnum et hircum pro peccato, duosque agnos anniculos hostiam pacificorum, cumque elevaverit ea sacerdos cum panibus primitiarum coram Domino, cedent in usus ejus. » Hic sacrificium quidem duplicatur; sed significatio non mutatur: quod enim per vitulum, hoc etiam per agnum et hircum intelligitur, et quod per duos arietes, hoc per duos agnos significatur.

« Mense septimo, prima die mensis erit vobis Sabbatum memoriale clangentibus tubis, et vocabitur sanctum. Omne opus servile non facietis in eo, et offeretis in eo holocaustum Domino. » Primam enim hujus mensis diem, Sabbatum dicit, non quod semper Sabbatum esset, sed quia ut Sabbatum eam observabant, in qua et tubis clangebant, et holocaustum offerebant, nullumque opus servile in ea faciebant, quoniam hanc nostram festivitatem significabant, in qua a malo cessamus, et voce, et corde Deum laudamus, semperque laudis et jubilationis offerimus holocaustum.

« Locutusque est Dominus ad Moysen dicens: Decimo die mensis hujus septimi, dies expiationum erit celeberrimus, et vocabitur sanctus, affligetisque animas vestras in eo, et offeretis holocaustum Domino. Omnis anima, quæ afflicta non fuerit die hac, peribit de populo suo; et quæ operis quidpiam fecerit, delebo eam de populo suo, Sabbatum enim requietionis est, et affligetis animas vestras die nono mensis, etc. Similiter autem a quintodecimo die mensis hujus septimi erunt feriæ tabernaculorum septem diebus Domino. » Diximus enim per hunc mensem hanc ultimam ætatem significari, quæ sic est ultima in ætatibus, sicut dies septimus ultimus in hebdomada. Merito ergo mense iste totus festus agitur, in quo festum Ecclesiæ tempus

A significatur. Totus quidem, quia in principio lætus, in medio et in fine; decimus namque pro fine ponitur, quoniam decimus in omni numero finis et terminus est, dies vero decimus quintus in mensis medio est. Quia ergo prima et decima, et quinta decima hujus mensis celebris est, a privilegio majorum partium totum mensem festum esse demonstrat. Non solum enim diem septimum, verum ut septimum mensem, et septimum annum Sabbatum vocat, quoniam in his omnibus requies et solemnitas agebatur. Hæc est autem illa solemnitas, in qua semel in anno pontifex ingrediebatur in Sancta sanctorum, quæ quoniam hoc tempus acceptabile, et hos dies salutis significabat, nunc expiare, nunc animas affligere, nunc holocaustum immolare debemus: peribit enim qui modo non affligitur, peribit qui modo poenitentia non expiatur, et qui laudis sacrificia non immolat. Nunc enim est Sabbatum requietionis, in quo ab omni iniquitate requiescere et cessare debemus. Hoc igitur Sabbatum a vespere usque ad vespere celebramus, et usque in finem, usque in ultimum diem ab omni malo in quiete perseveremus. A vespere usque ad vespere intelligendum est a primo Christi adventu usque ad secundum Christi adventum. Christi namque nativitas sextæ ætatis finis et vespere, et septimæ mane, et principium fuit. Hæc autem ætas simul cum hoc mundo vespere et finem habebit. Hucusque de die decimo, nunc de quintodecimo videamus:

C « A quintodecimo die mensis hujus septimi erunt feriæ tabernaculorum septem diebus Domino. Dies primus vocabitur celeberrimus atque sanctissimus; omne opus servile non facietis in eo, et septem diebus offeretis holocausta Domino. Dies quoque octavus erit celeberrimus atque sanctissimus, et offeretis holocaustum Domino; est enim cætus atque collectæ, omne opus servile non facietis in eo. » Quæ dicta sunt, et hæc eadem verba ad idem pertinent. Prima namque die mensis hujus tubis clangebant, quia in principio hujus ætatis major vox prædicatorum ubique terrarum insonuit. De hac enim die scriptum est: « Canite in initio mensis tuba in insigni die solemnitatis vestræ (Psalm. x, 4). » Decima vero die, illa magna festivitas agebatur, in qua solus pontifex non sine sanguine ad expiandum populum ingrediebatur Sancta sanctorum: at vero quintodecima die ejusdem mensis 167 erat festivitas tabernaculorum, in qua filii Israel habitabant in tabernaculis septem diebus. Hæc autem omnia quid aliud significabant, nisi quia nos in hoc septimo mense, in hac ultima ætate, oris et cordis tuba Deum laudare, corpus et animam a peccatis omnibus expiare, et in Ecclesiæ tabernaculis septem diebus, id est quanto tempore vivimus, quiete habitare, et Deo servire debeamus? Hæc sunt illa tabernacula, de quibus Psalmista dicit: « Quam dilecta tabernacula tua, Domine virtutum; concupiscit et deficit anima mea in atria Do-

mini (*Psal. LXXXIII, 2*). » Hujus autem solemnitatis primus dies, et octavus celeberrimi sunt, in quibus ut in aliis ab opere servili cessare debemus, et sacrificium laudis, vitulos laborum offerre Deo. Unde Apostolus ait : « Per ipsum ergo offeramus hostiam laudis semper Deo, id est vitulos laborum confitentium nomini ejus (*Hebr. XIII, 15*). » Sunt autem celeberrimi dies, quia in principio fidei apostoli et martyres claruerunt, et in ultimis diebus Judæi pariter et gentiles, cognita veritate, ad fidem convertuntur. Unde octavus dies, cætus, et collectionis dies vocatur, quoniam maximus cætus sanctorum tunc in Ecclesiam colligitur. Sequitur :

« Sumetisque vobis die primo fructus arboris pulcherrimæ, spatulasque palmarum, et ramos ligni densarum frondium, et salices de torrente, et lætæ bimini coram Domino Deo vestro, et celebrabitis solemnitatem septem diebus per annum. » Arbor pulcherrima est illa, de qua scriptum est : « Et erit tanquam liguum, quod plantatum est secus decursus aquarum, quod fructum suum dabit in tempore suo (*Psal. 1, 3*). » Et revera pulcherrima arbor Christus Dominus noster, cujus fructus dulcissimos, et suavissimos primo die, et statim in ipso nascentis Ecclesiæ principio sancti apostoli collegerunt. De quibus Psalmista : « Quam dulcia faucibus meis eloquia tua, super mel, et favum ori meo (*Psal. CXVIII, 103*). » Per spatulas autem palmarum, et ramos ligni densarum frondium, et salices de torrente, ex quibus fiebant umbracula adversus solis ardores, recte intelligimus sanctorum exempla atque adhortationes, et consolatoria verba. Unde ait Apostolus : « Quæcunque scripta sunt, ad nostram doctrinam scripta sunt, ut per patientiam, et consolationem scripturarum spem habeamus (*Rom. XV, 4*). » Hæc autem de festivitatis breviter dicta sunt.

CAPUT XXIV.

Sequitur autem de oleo purissimo, quod in lucernis super candelabrum Aaron ponebat a vespere usque ad mane coram Domino. De hoc enim satis in Exodo diximus. Candelabrum enim Christus est, cujus lucernæ cum oleo, septem gratiæ Spiritus sancti intelliguntur, quibus totius Ecclesiæ tabernaculum illuminatur. Sequitur :

« Accipies quoque similam, et coques ex ea duodecim panes, qui singuli habebunt duas decimas, et quorum senos alitrinsecus super mensam purissimam statues coram Domino, et pones super eos thus lucidissimum, ut sit panis in monumentum oblationis Domini. Per singula sabbata mutabuntur coram Domino suscepti a filiis Israel fœdere sempiterno, erunt Aaron, et filiorum ejus, ut comedant eos in loco sancto. » Hæc enim similia sacre legis scriptura et scientia est, de qua duodecim panes, id est duodecim apostolorum prædicationes, et sermones cœcti, et compositi sunt. Quos illi duodecim cophini bene significant, qui de quinque panum fragmentis in Evangelio implentur. Habent enim

(280) Ex eod. cod. Casin. emendatur, et suppletur editio.

A singuli duas decimas, quæ totum legis decalogum dupliciter, id est secundum litteram et secundum scientiam spirituales, exponunt. Si enim ad litteram tantum decem verba legis intelligerentur, ex una decima panes suos apostoli composuissent. Sunt autem hi panes positi super mensam purissimam, quia super utriusque Testamenti doctrinam, quæ per mensam significatur, quasi quædam expositiones, superadditi sunt, super quos et thus lucidissimum non immerito ponitur, quia doctrina apostolica, et gustu suavis, et odore delectabilis est. Unde Apostolus : « Christi bonus odor sumus Deo in omni loco, in his qui salvi sunt, et in his qui pereunt ; aliis enim sumus odor vite ad vitam, aliis odor mortis ad mortem (*II Cor. II, 15*). » Mutantur autem per singula sabbata, quoniam omni festivitate, et quotiescunque populus convenit in unum, semper apostolorum doctrina exponi et recitari et quodammodo innovari debet. Hos autem comedit Aaron, et filii ejus in loco sancto, quia episcopi et sacerdotes hoc semper meditari, et in conventu fidelium exponere debent. Sequitur :

« Ecce autem filius mulieris Israelitidis, quem pepererat de viro Ægyptio inter filios Israel, jurgatus est in castris cum viro Israelita. Cumque blasphemasset nomen Domini, et maledixisset ei, adductus est ad Moysen, miseruntque eum in carcerem, donec nossent quid juberet Dominus. Deinde vero jubente Domino, omnes qui audierunt posuerunt manus super caput ejus, et lapidavit eum omnis populus. » Ego hunc virum, qui de fideli matre et infideli patre natus, contra Israelitam et catholicum jurgatur, hæreticorum aliquem intelligo, cujus mater Ecclesia, cujus pater diabolus est ; in Ecclesia enim natus, a diabolo seductus, ejus filius factus est, cujus opera operatur. Sic enim ipse Dominus ait : « Vos ex patre diabolo estis (*Joan. VIII, 44*). » Illic autem jurgatur in castris contra Israelitam, quoniam hæreticus contra catholicum disputans in Ecclesia Deum blasphemare, et maledicere non timet. Ideoque mittitur in carcerem, 168 separatur a communione fidelium, conveniunt episcopi, fit concilium, adsunt accusatores, ponunt manus super caput ejus, convincunt eum, lapidatur ab omni populo, maledicunt, et damnatur, et a toto concilio dignus morte judicatur, omnes in eum lapides projiciunt, quicunque damnationis sententiam super eum confirmant.

CAPUT XXV.

(280) Sequitur autem de septimo anno, qui similiter ut septimus dies, et septimus mensis totus celeberrimus habebatur, agrum non serebant, vineam non putabant, sed omnia quæ sua sponte terra ferebat communia erant. Non quasi propria colligebantur a quoquam, sed quasi communis benedictio in cibum solummodo suscipiebant ab omnibus. Id ipsum autem per septimum annum intelligimus, quod per septimum diem et septimum mensem significari

diximus. Significat autem septimus annus hanc septimam ætatem atque ultimam in qua Ecclesia in Dei laudibus sabbatizat, in qua a servili et iniquo opere quiescens, mundana et transitoria despiciens, de crastino non cogitans, uno et communi utitur cibo sine labore preparato. Hoc autem etiam de futura vita intelligitur, pro cuius quiete promissa nobis in hac laboriosa vita, quasi in sex annis fatigamur. « Quæ enim seminaverit homo, ut Apostolus ait, hæc et metet (*Galat. vi, 7*). » Sequitur :

« Numerabis quoque tibi septem hebdomadas annorum, id est septem septies, quæ simul faciunt annos quadraginta novem. Et clanges buccina mense septimo, die decima mensis, propitiationis tempore in universa terra vestra. » Quæ autem de septimo anno, et septimo mense, et septimo die dicta sunt, de anno qui quagesimo intelligenda sunt. Clangebant autem buccina in septimo mense decima die mensis, quo videlicet exiit annus quadragesimus novus finiebatur, et collectis omnibus terræ fructibus, annus quinquagesimus, qui et jubileus, incipiebat. Buccinæ vero sonus jubilei denuntiatio erat. Hoc autem anno terra quiescebat, festum et lætitia ab omnibus agebatur, servitus solvebatur, libertas dabatur, omnisque homo ad pristinam suam possessionem revertebatur. Ille autem annus tunc spiritus sancti corpi, quando Christus Dominus noster de diaboli servitute, suo sanguine mundum redemit, et primam nobis possessionem restituit, paradisi januas fidelibus suis aperuit, cuius beatitudo post septimam annorum hebdomadam expectatur, quando scilicet annus jubilei et laudis, annus quietis et beatitudinis incipiet sanctis.

« Si attenuatus frater tuus vendiderit tibi possessionem suam, et voluerit propinquus ejus, potest redimere quod ille vendiderat. Sin autem non haberit proximum, et ipse pretium ad redimendum potuerit invenire, computabuntur fructus ex eo tempore, quo vendidit, et quod reliquum est, reddet emptori, sicque recipiet possessionem suam. Quod si non invenerit manus ejus, ut reddat pretium, habebit emptor quod emerat usque ad annum jubileum; in ipso enim omnis venditio redibit ad Dominum, et possessorem pristinum. » Quanta ratione et honestate, quanta misericordia et pietate hæc verba plena sunt. Non enim possessio, sed tempus frugum, non terra, sed fructus terræ venditur. Sic enim neque emptor pretium, neque venditor amittit possessionem, utrique cavetur; hujus abundantia illius inopiam supplet, et e contra illius inopia hujus abundantiam abundare amplius facit: nemo in tali venditione decipitur, in qua et terminus est, et conditio. Jubileus enim terminus est, conditio vero, quia etiam ipse ususfructus omni tempore redimi potest. Ille ergo neque usura crescit, neque avarus generat aliena diripit, quoniam et tempus computatur et fructus. In his autem, in quibus misericor-

dia et pietas Dei manifeste commendatur, allegoriam aliam querere superfluum est.

« Qui vendiderit domum intra urbis muros, habebit licentiam redimendi, donec unus impleatur annus. Si non redemerit, et anni circulus fuerit evolutus, emptor possidebit eam, et posterius ejus in perpetuum, et redimi non poterit, etiam in jubileo. Sin autem in villa fuerit, domus quæ muros non habet, agrorum jure vendetur. Si autem redempta non fuerit, in jubileo restituetur ad Dominum. » Civitatem muratam, possumus intelligere Ecclesiam, villam autem quæ muros non habet, eam dicimus esse quæ extra Ecclesiam est. De Ecclesiæ namque muro scriptum est: « Urbs fortitudinis nostræ Sion Salvator, ponetur in ea murus et antemurale (*Isa. xxvi, 1*). » In hac autem civitate domum suam vendit, quicumque in Ecclesia positus crimen committit. Unde in persona quorundam Apostolus ait: « Lex enim spiritualis est, ego autem carnalis sum venundatus sub peccato (*Rom. vii, 14*). » Unus autem annus tota hæc præsens vita intelligitur. Qui ergo domum suam, carnem suam, et seipsum diabolo peccando vendidit, nisi priusquam hujus vite annus ei terminetur, eam poenitentia redimat, nec in ipso quidem jubileo eam redimere poterit. Jubileum autem hoc loco ultimum diem vocat, quando sancti liberati a servitute corruptionis in primam possessionem, et in gloriam filiorum Dei transferentur. **169** At vero qui in villa, et extra ecclesiam

peccant, quoniam Dei protectionis muro non defenduntur, et si prius domum, et carnem suam quæ diabolo multis modis vendita est, redimere non possunt, in jubileo tamen eam recipiunt. Jubileum autem infideles non habent. Quocumque autem die de servitute aliquis liberatur, jubileus est illi. Habet ergo homo jubileum quocumque die baptizatur. Hoc ergo jubileo domus illa, quæ in villa et extra ecclesiam vendita est, ad dominum suum revertitur, quia tunc homo de diaboli servitute liberatur. Sed iste quidem jubileus, nisi semel haberi non potest: alii vero jubilei toties habentur, quoties per poenitentiam, reddita libertate, peccata solvuntur. Quod autem ait: « Quia ædes Levitarum, quæ in urbibus sunt, semper possunt redimi, suburbana vero eorum nunquam debeant vendi, » ad litteram tantum intelligere sufficit; ædificia enim ecclesiastica pro ipsius Ecclesiæ utilitate, ad pensionem quidem locari possunt, penitus autem alienari non possunt. Et hoc quidem, quia in urbibus sunt, et non facile celantur, vel oblivioni traduntur; suburbana vero, quia ab hominum conspectu longe sunt, ad tempus etiam, et conditionaliter sine periculo vendi non possunt. Habent ergo sempiternam possessionem, et nullatenus alienari debent.

Illi vero, qui seipsum alicui vendiderunt, per seipsum, vel ab aliis redimi possunt (281). Non enim ut servi, sed quasi coloni habentur, aut mercenarii,

(281) Idem cod. Casin. corrigit edit.

In quo satis misericorditer provisum est a Deo, dum qui venditus fuit, ad pretii tantum restitutionem tenetur, et qui emerat, accepto pretio, in nullo damnificatur. Utinam hæc a Christianis observarentur, dum pauperibus divites subvenirent absque fenore importuno, et pauperes divitibus servitia præstarent absque rerum suarum jactura! Sæpe enim vidimus parva pecunia mutata totam subito pauperum substantiam devorari.

CAPUT XXVI.

Hinc autem sequitur sermo valde prolixus, in quo multa beneficia pollicetur Dominus filiis Israel, si ei obediennes fuerint et ejus mandata custodierint. Contra vero, si inobediennes fuerint, comminator eis multa mala. Hæc autem omnia juxta litteram eis accidisse intelligere poterit quicumque eorum historias diligenter legerit: « Scripta sunt autem, ut Apostolus ait, ad correctionem nostram, in quos fines sæculorum devenerunt » (1 Cor. x, 11). In his autem, quia satis per se facilia sunt, diutius immorari non est necesse. De his qui semetipsos voverunt Deo, ut in sequenti capite.

CAPUT XXVII.

« Homo qui votum fecerit et sponderit Deo animam suam sub æstimatione dabit pretium. Si masculus fuerit, a vigesimo anno usque ad sexagesimum annum, dabit quinquaginta siclos argenti, ad mensuram sanctuarii: si mulier triginta. A quinto autem anno usque ad vigesimum, masculus dabit viginti siclos, femina decem, etc. Dicit quidem Dominus: « Vovete, et reddite Deo vestro (Psalm. lxxv, 12), » attamen hie vota reddendi permittit. Ego quidem non de omni voto hoc intelligo, præsertim cum dicatur de anima ipsa. Qui ergo peccat in voto, redimat votum, et det pretium sub æstimatione. Sub æstimatione quidem, quia et sexus, et ætas, et facultas in solvendo pretio considerari debet; aliter enim viri, aliter femine, aliter infantes et pueri, aliter adolescentes et juvenes, et aliter senes et pauperes, aliter divites et sapientes, et aliter insipientes judicandi sunt. Et quamvis in pretio sit majus et minus, attamen in satisfactione æqualitas est. Non enim minus satisfacit qui quinque siclos solvit quam ille qui solvit quinquaginta. Inde etiam mulierem, quæ duo minuta in gazophylacium posuit, plus omnibus possuisse Dominus ipse testatur (Luc. xxi, 4), non enim habuit amplius quid poneret. Sic ergo in dandis poenitentiis ætas, fortitudo, scientia, facultas, conditio, voluntas, et similia considerata sunt. Multi enim sunt qui neque vinum bibunt, neque carnes edunt, qui non tantum satisfaciunt quantum illi qui his in sobrietate pro corporis qualitate et necessitate utuntur. Sic enim Apostolus eos laudat qui comedunt omnia, sicut et illos qui comedunt olera, et sicut illos qui judicant omnem diem, et illos qui judicant diem ante diem (Rom. xiv, 21). Ille ergo qui masculus est, et fortis a vigesimo anno usque ad sexagesimum (in his enim viget ætas) dabit quinquaginta siclos, id est majori

A et perfectiori poenitentia satisfaciat. Hoc autem ad mensuram sanctuarii, id est secundum judicium sacerdotum. Mulier autem, quæ mollior est, et cui de virili fortitudine, et scientia aliquid deest, dabit triginta. Qui numerus quamvis in quantitate differat a superiori, in redemptione tamen animæ inferior non est. Sic enim triginta siclis redimitur anima, sicut et quinquaginta. Trigesimo namque anno aquas sanctificans baptizatus est Christus; die vero quinquagesimo in Spiritu sancto, et igne apostoli baptizantur. Unde ipse Dominus ait: « Vos autem baptizabimini in Spiritu sancto, non post multos hos dies (Act. 1, 5). » Tantis ergo siclis redimitur anima, quæ ita vel ita mundata solvitur a peccatis. Sufficit enim animæ, 170 si tanto pretio redimatur, quanto ipse

B Salvator venditus est. Similiter autem et viginti siclis perfectissime redimitur et votum et anima, quoniam qui legis Decalogum intelligentia et observantia duplicat, nihil est quod ultra satisfacere valeat. Quindecim quoque siclorum redemptionem Salomon perfectam esse significans, ait: « Da partem septem, nec non et octo (Eccle. xi, 2), » his enim partibus constat iste numerus, per quas præsens vita et futura significantur. Utrique autem vitæ dat partem, qui sic per istam transit ut alteram non amittat. Cur autem utramque vitam unum significet, notissimum est. Veniamus nunc per ordinem ad decem siclos, per quos, quia decem verba legis intelliguntur, nullo alio pretio melius quam hoc anima redimitur. Perfecte etiam ille animam suam redimit qui pro ejus redemptione quinque siclos persolvit, id est qui quinque sui corporis sensus ad serviendum Domino tradit. Restat nunc ut de tribus siclis dicamus, et perfectam in eis quoque redemptionem esse ostendamus. Duo enim sicli anima et corpus, tertius autem omnis nostra possessio intelligitur. Qui enim seipsum et omnia Domino reddit, perfecte satisfacit, de quo Dominus ait: « Si vis perfectus esse, vende omnia quæ habes, et da pauperibus (Matth. xix, 12). » Constat ergo, quoniam animæ redemptio, quamvis in quantitate differat, in solutionis tamen perfectione non differt.

C « Si pauper fuerit, et æstimationem reddere non valebit, stabit coram sacerdote, et quantum ille æstimaverit, et viderit eum posse reddere, tantum D « dabit. » Hæc enim paupertas non temporalium divitiarum, sed scientiæ et virtutum esse videtur, quæ secundum providi sacerdotis arbitrium judicari debet. Hoc est enim quod Dominus ait: « Quia servus nesciens voluntatem domini sui, et non faciens digna, plagis vapulabit paucis (Luc. xii, 48). » Inde phreneticis et insanis peccata quæ committunt non imputantur.

« Animal autem quod immolari potest Deo, si quis voverit, sanctum erit, et mutari non poterit (id est nec melius malo, nec pejus bono). Quod si mutaverit et ipsum quod mutatum est, et illud pro quo mutatum est, consecratum est Domino. » Nullum enim animal nisi mundum immolatur Do-

mino (282). Sed quid est animal mundum, nisi opus bonum omnique malitia mundum? Hoc autem qui voverit, reddere oportebit, et mutare non poterit. Vovere enim, et jurare proxima sibi, et valde similia sunt. Si quis autem pro voto aliquid aliud reddiderit, pro quo a voto se solvi arbitretur, errat; sed illud quod pro voti redemptione sit, Domini est, id est a Domino recipietur, et ipsum insuper votum compleri oportebit. Sancta ergo vota reddenda, iniqua vero redimenda sunt. Unde et subditur:

« Animal immundum, quod immolari Domino non potest, si quis voverit, adducetur ante sacerdotem, qui iudicans utrum bonum, vel malum sit, statuet pretium, quod si dare valuerit, addet præter æstimationem quintam partem. » Quid enim animal immundum, nisi opus malum? quod quia Dominus non recipit, ei immolari nequit. Hoc autem sicut vovere, ita et facere malum est. Verumtamen si quis tale aliquid voverit, veniat ad sacerdotem, eique votum suum manifestet, qui si cognoverit malum esse, statuet pretium, quo redimatur; melius est enim ut redimatur quam ut agatur. Hoc autem pretium poenitentiae satisfactio est; quod pretium si dare voluerit ille qui offert, addet super æstimationem quintam partem, agens poenitentiam, quæ in quinque corporis sensibus consistit. Tale enim votum illi fecerunt qui se non prius manducare et bibere voverunt quam Apostolum interficerent.

« Homo si voverit domum suam, et sanctificaverit Domino, considerabit eam sacerdos, utrum bona, an mala sit, et juxta pretium quod ab eo fuerit constitutum, venundabitur; sin autem ille qui voverat voluerit redimere illam, dabit quintam partem æstimationis supra, et habebit domum. » Hoc enim quamvis ad litteram sit dictum, spiritum tamen aliquid significare potest. Sæpe enim in divino eloquio et domus, et templum, et tabernaculum vocatur. Unde manifestum est quia nemo fidelium est, qui domum suam Deo non voverit et sanctificaverit, siquidem seipsum per fidem et baptismum Domino tradidit. Considerat autem sacerdos hanc domum, utrum bona, an mala sit, constituitque pretium quo venundatur (283); quia aliter bona, et aliter venditur mala. Bona enim domus virtutum pretio venditur Deo. De mala vero dicitur id quod Apostolus ait: « Ego, inquit, carnalis sum, venundatus sub peccato (Rom. vii, 14). » Altera ergo mundatur, ut splendeat, altera vero vastatur, ut ruat, quam si ille, qui voverat redimere voluerit, dabit quintam partem æstimationis supra, et habebit domum. Qui igitur peccando perdidit domum, non nisi poenitendo et satisfaciendo, eam iterum habere potest; talis enim domus peccando perditur; qui enim bene vovet, id reddit quod vovit. Non enim indiget hoc votum redemptione; indigeret autem,

(283) Ex cod. Casin. suppletur editio.

A si redditum non esset, vel si redditum violatum esset.

« Quod si agrum possessionis suæ voverit, et consecraverit Domino juxta mensuram sementis, æstimabitur pretium. Si triginta modis hordei seritur terra, quinquaginta siclis vendetur argenti. Si statim ab anno incipientis jubilæi voverit agrum, quantum valere potest, tantum æstimabitur. Sin autem post aliquantum temporis supputabitur 171 sacerdos pecuniam, juxta annorum, qui reliqui sunt, numerum, usque ad jubileum, et detrahent ex pretio. Quod si voluerit agrum ille qui voverit, addet quintam partem æstimate pecunie, et possidebit eum. » Hæc autem, et cætera, quæ subsequuntur de agrorum possessione, ad lit-

B teram intelligantur, quæ quidem ut scriberentur, multis de causis necessarium fuit. In eo enim quod pretium, error, fraus, lites et preces tolluntur, sacerdotum avaritia refrenatur. Hæc enim omnia inter ementes et vendentes accidere solent; quæ quidem ideo hic esse non possunt, quia pretium, et tempus, et venditionis modus determinatur; ita ut neque charius emi possit, neque vilius vendi. Denique quintam partem super æstimationem addere præcipit, quatenus ille, qui possessionem suam Domino vovit, non magnum desiderium redimendi habeat, dum sibi ad redimendum chariorem esse cognoscit. Poterat enigm homo a principio, et priusquam Domino consecraretur, eam quam voverat possessionem redimere, quæ ideo ei charius quam aliis vendebatur, quoniam alii non possessionem ipsam, sed usum fructus solummodo emebant; ipse vero ipsam possessionem jure hereditario redimebat. Semel enim Domino aliquid consecratum, nec vendi, nec redimi, ulterius poterat: aliæ possessiones in jubilæo ad proprios dominos revertebantur. Poterat ergo quilibet suam possessionem Domino dare, aliis vero vendere, et penitus alienare non poterat. Valde ergo hæc scribere necessarium fuit ut cum de aliis possessionibus supra dixerat, de domini quoque possessionibus non taceret, ne forte inter has et illas nullam putaret esse distantiam. Sequitur:

« Sin autem voluerit redimere, sed alteri cuilibet fuerit venundatus, ultra eum qui voverat, redimere non poterit, qui cum quoque jubilæi venerit dies, sanctificatus erit Domino, et possessio consecrata ad jus pertinebit sacerdotum. » Hoc est enim quod modo diximus, quia ille qui vendiderat statim a principio agrum suum redimere posset. Si vero alteri cuilibet prius venderetur (vendebatur autem non possessione, sed usu) jam alter ille, qui voverat, eum redimere non poterat; sed veniente jubilæo, quasi Deo consecratus ad jus sacerdotum pertinebat.

« Si ager emptus est, et non de possessione majorum sanctificatus fuerit Domino; supputabit sacerdos juxta annorum numerum, usque ad jubileum.

(283) Id. cod. Casin. supplet et corrigit editionem.

« laeum, pretium, et dabit ille qui voverat eum Domino. In jubileo autem revertetur ad dominum qui vendiderat eum, et habuerat in sortem possessionis suae. » Quia enim jure hereditario alterius agrum nemo emere poterat, si quis agrum, cujus usum exuerat, et quem de possessione antiquorum parentum suorum non possidebat, Domino vovisset, non ideo quidem Domino erat, sed veniente jubileo ad priorem dominum qui eum vendiderat, et cujus hereditas fuerat, revertebatur; ille vero,

A qui eum emerat, et Domino voverat, ad jubileum scilicet eum redimendi licentiam habebat. Expositis autem omnibus quae in hoc profundissimo volumine expositione indigere videbantur, Domino nostro Jesu Christo gratias agamus, quem quicumque sequitur non ambulat in tenebris, sed veri luminis splendore illustratur; cui cum Patre coaeterno, et Spiritu sancto est honor et gloria, regnum et imperium, virtus et potestas, et nunc, et semper, et per infinita saecula saeculorum. Amen.

Explicit liber Levitici.

INCIPIT EXPOSITIO IN NUMEROS.

172 CAPUT PRIMUM.

« Locutus est Dominus ad Moysen in deserto Sinai, in tabernaculo foederis, primo die mensis secundi, anno altero egressionis eorum ex Aegypto, » dicens: Tollite summam universae congregationis filiorum Israel per cognationes et domos suas, et nomina singulorum qui sexus est masculini, a vigesimo anno et supra, omnium virorum fortium ex Israel, et numerabitis eos per turmas suas, tu et Aaron. Eruntque vobis principes tribuum ac domorum in cognationibus suis illi quorum nomina haec sunt. » Quicumque enim in Evangelio Dominum nostrum Jesum Christum dicentem audivit: « Vestri autem capilli capitis omnes numerati sunt (Matth. x, 30), » intelligere debet quid significet quod Dei populus numeratur. Novit enim Dominus et nomina et numerum electorum suorum, et revera beati, qui in Dei exercitu numerati, et quorum nomina scripta sunt in libro vitae. De his enim perire aliquem impossibile est, ideoque soli masculi et viri fortes a vigesimo anno et supra non immerito hoc in loco numerantur; tales enim pugnare, et in hostem cedere decet, quos et sexus, et aetas, et fortitudo commendat. Sed quare a vigesimo anno et supra, nisi quia bis decem viginti sunt? decem enim sunt verba legis, in quibus omnis scientiae plenitudo continetur, quae quicumque duplicaverit, et secundum litteram et spiritualiter ea intelligat, secure contra Judaeos et haereticos et disputare et pugnare valebit. Qui vero hoc numero aliquid minus habent, in tali certamine facile superantur. Viginti quoque annos habere, est divinae legis scientiam dupliciter intelligere: qui vero ea quae intelligit operatur, etiam supra viginti aliquid habere videtur. Sed quid per Moysen et Aaron, qui et pugnatore numerant, et duodecim super eos principes eligunt, nisi Christus Dominus noster significatur? Ipse enim et legislator est sicut Moyses, et sacerdos sicut Aaron. Ipse quoque duodecim suae militiae prin-

B cipes elegit quos et apostolos nominavit, quibuscum in Evangelio loquitur dicens: « Non vos me elegistis, sed ego elegi vos (Joan. xv, 16). » De hoc autem capitulo ista sufficiant.

« Locutusque est Dominus ad Moysen, dicens: « Tribum Levi noli numerare, neque pones summam eorum cum filiis Israel; sed constituo eos super tabernaculum testimonii, et cuncta vasa ejus, et quidquid ad caeremonias pertinet, ipsi portabunt et tabernaculum et omnia utensilia ejus, et erunt in ministerio, et per gyrum tabernaculi mutabuntur. » Numeratur quidem tribus Levi, sicut postea declarabitur; ejus tamen numeri summa cum ceteris non ponitur, majoribus enim haec tribus vacat mysteriis. Multam enim differentiam habet a reliquo populo clericorum ordo, qui per hanc tribum significatur. Ipse enim constitutus est super tabernaculum testimonii, ipse super totam Ecclesiam obtinet principatum, ipse ejus vasa et caeremonias, ipsum quoque tabernaculum, et cuncta ejus utensilia portat, quoniam totam Ecclesiam, ejusque sacramenta regit, ordinat et disponit. Unde non immerito, quoniam isti totius tabernaculi sunt ministri et custodes, circa ipsum tabernaculum proxima sua tentoria figunt. Post eos autem caetera multitudo, unusquisque secundum ordinem sibi dispositum castrametatur. Nemo vero praeter illos ad tabernaculum deponendum, vel erigendum, aut aliquo modo disponendum, accedere audebat, quoniam quicumque externorum accesserat, occidebatur. Hoc autem si nostri reges et principes intelligerent, ecclesiastica sibi officia non usurparent.

CAPUT II.

Ipse quoque castrorum ordo, tam bene dispositus, magnum aliquid significare videtur. In medio enim tabernaculum figebatur, cui proximi per gyrum Levitae castrametabantur, deinde vero ad orientalem plagam Judas figebat tentoria, in cujus exercitu Issachar et Zabulon adnumerati, per turmas suas

semper primi egrediebantur; ad meridiem autem A ponebant castra filii Ruben, in quibus Simeon et Gad connumerati sunt; ad occidentalem vero plagam erant castra filiorum Ephraim, et simul cum eis Manasses et Benjamin. At vero ad aquilonem castrametati sunt Dan, atque juxta Aser et Nephtholim, et isti quidem semper novissimi proficiscebantur. Merito igitur de Ecclesia dicitur: « Pulchra ut luna, electa ut sol, terribilis ut castrorum acies ordinata (Cant. vi, 9). » Nihil in ea inordinate, indecenter, temere, et incomposite fieri debet, unusquisque in suo ordine maneat, priori inferior non se praeferat.

173 CAPUT III.

« Locutusque est Dominus ad Moysen, dicens :
« Applica tribum Levi, et fac stare in conspectu B
« Aaron sacerdotis, ut ministrent ei, et exubent;
« et observent quidquid ad cultum pertinet multitudinis coram tabernaculo testimonii, et custodiant
« vasa tabernaculi, servientes in ministerio ejus.
« Dabisque dono Levitas Aaron et filiis ejus, quibus traditi sunt a filiis Israel : Aaron autem et filios
« ejus constitues super cultum sacerdotii. Externus
« qui ad ministrandum accesserit morietur. » Intel-
ligite hæc, Levitæ, aperite oculos, videte, non vos
superbia inflet, scitote quia ministri estis episcoporum et sacerdotum, et non solum ministri, sed dono
dati ad serviendum, ab obediendum, eorumque monitis et jussionibus obsequendum. Si enim vos aliter feceritis, moriemini, sicut et externus, qui ad ministrandum accesserit, morietur.

« Locutusque est Dominus ad Moysen, dicens :
« Ego tuli Levitas a filiis Israel pro omni primogenito, qui aperit vulvam in Israel, erantque Levitæ mei. Meum est enim omne primogenitum,
« ex quo percussi primogenitos in terra Ægypti,
« sanctificavi mihi quidquid primum nascitur in
« Israel; ab homine usque ad pecus mei sunt : ego
« Dominus. » In primogenitis enim Ægyptiorum, quos Dominus percussit, primum et originale peccatum in cunctis fidelibus se suo sanguine, et aqua baptismatis delere significavit. Pro his autem omnia primogenita filiorum Israel sibi vindicavit, quia, destructo originali peccato, fidem (quæ Christianæ religionis prima et maxima est, et ex qua anima quæ mortua erat vivificatur) se diligere, sibi que placere ostendit : sicut enim illo peccato moriuntur omnes, ita hac virtute vivificantur omnes, secundum illud : « Justus ex fide vivit (Gal. iii, 41). » Sed quia non omnes, qui fidem habent, Ecclesie sacramentis digni, et idonei sunt, ideo sola Levitica tribus ad serviendum in tabernaculo pro primogenitis a Deo eligitur, ut sicut hæc tribus una erat in genere, ita omnis clericorum ordo, unus idemque sit in religione. Hoc enim Apostolus significans, episcopos, et presbyteros et diaconos sine crimine esse jubet.

Hinc autem præcipit Dominus Moysi ut numeret omnes masculos de tribu Levi, ab uno mense et su-

pra, numeret et omnes primogenitos masculini generis similiter ab uno mense et supra de cæteris tribubus filiorum Israel. Sed quia plures fuerunt primogeniti totius Israel, quam soli masculi tribus Levi, omnes eos qui superfuerunt ex tunc et postea pretio quinque siclorum post unum mensem redimi præcepit. Siclus viginti obolos habet. Quid est autem, quod soli masculi numerantur, nisi quia illi in Dei militia computantur, qui neque femineæ sint fragilitatis, neque, sicut Eva, facile decipiuntur? Numerantur ab uno mense et supra, quia in re totam hanc militiam ex solis fidelibus constare significatur. Post unum etenim mensem omnes primogeniti ad templum ferebantur, et Domino a parentibus offerebantur; quia ergo ante unum mensem Deo non dantur, merito ante unum mensem in Dei exercitu non computantur. Numerantur ergo per unum mensem, id est postquam Ecclesie conjuncti et Deo redditi sunt, et jam per fidem ei adherent. Unde etiam post unum mensem redimuntur, quia ante unum mensem nullius pretii sunt, si quidem neque ad templum allati, nec in templo Deo oblati, nec Ecclesie sociati sunt. Redimuntur autem primogeniti quinque siclis argenti, per quos isti quinque libri Moysi significantur. Qui bene argentei esse dicuntur, quoniam puri sunt et veraces, nullaque falsitate corrupti, secundum illud : « Eloquia Domini, eloquia casta, argentum igne examinatum (Psalm. xi, 7). » Hi autem sicli ad mensuram sanctuarii a sacerdotibus suscipiuntur, si dupliciter, id est ad litteram et spiritualiter, intelligantur. Inde enim et viginti obolos habere dicuntur, quoniam in hoc numero legis verba duplicantur; decem enim sunt quæ, si dupliciter intelligantur, omnem divinæ legis in se continent plenitudinem; si vero duplicata non fuerint, tales sicli non erunt ad mensuram sanctuarii. Qui autem redimuntur, non se continuo a servitio tabernaculi liberos esse putent, liberi quidem ab altaris officio, non tamen liberi sunt a servitio; in eo enim quod quinque siclos dederunt, horum quinque librorum fidem, scientiam et doctrinam se recipere, tenere et observare promiserunt. Redimamus ergo primogenita nostra, redimamus fidem nostram, indiget enim redemptione, quia sine operibus mortua est; demus pro ea quinque siclos, reddamus Domino hos quinque libros; reddamus, inquam, non solum legendo, verum etiam et credendo et agendo, quoque doctrinam et fidem tenendo.

CAPUT IV.

Sequitur autem de eo quod præceperat Dominus Moysi, ut numeraret filios Levi, eos scilicet qui erant a triginta annis et supra, usque ad annum quinquagesimum, et constitueret unicuique ejus servitii in templo esse deberet. Præcepit ergo ut filii Caath portarent arcam testimonii, et mensam propositionis in qua semper panes erant, et simul cum ea thuribula, mortariola, cyathos, et crateres ferrent et candelabrum cum lucernis, forcipibus, emunctoriis, et cunctis vasis olei, quæ ad concia-

nandas **174** lucernas necessaria sunt, similiter autem et altare aureum, nec non et aliud altare cum omnibus vasis suis; et ista quidem sunt onera filiorum Caath. Filii vero Gerson portabant omnes cortinas tabernaculi et atrii tabernaculi, et tectum, et tentorium et funiculos. At vero filii Merari tabulas, et vices, et columnas et bases ferebant. Hæc autem omnia fiebant juxta præceptum, et dispositionem Aaron et filiorum ejus; ipsi enim tabernaculum erigebant, ipsi, quando castra movenda erant, tabernaculum et sancta sanctorum ingredientibus, ipsumque tabernaculum deponentes, arcam, et mensam, et candelabrum, cæteraque onera filiorum Caath pallio hyacinthino involventes, eos sic involuta portare jubebant. Quia in re manifestum est quoniam ad episcopos contemplationi vacare, et majora Ecclesiæ sacramenta tractare et agere pertinet; ita Levitæ cæterique ordines minores in exterioribus officiis fideliter laborare, desudare debent, ut nemo inutilis, nemo otiosus inveniat, sed majorum jussionem, et dispositionem confestim minorum obedientia consequatur. Quid autem arca Testamenti, quid mensa et candelabrum, quid cortinæ et tabulæ, quid columnæ cæteraque significant, diligentissime in Exodo exposuimus. Quod autem hæc omnia pallio hyacinthino exterius involuta feruntur, hoc significare puto quod omnis fidelis anima, sive in prosperis, sive in adversis, sanctam, cælicam et angelicam vitam et agere et ostendere debeat. Tali enim pallio involutus erat ille qui, in terris adhuc positus, dicebat: « Nostra autem conversatio in caelis est (Philip. iii, 20); » hyacinthus enim cæli colorem imitatur. Sed quare isti a trigesimo usque ad quinquagesimum annum numerantur, nisi quia Ecclesiæ ministros ætate et sapientia fortes et prudentes esse oportet? Maxime enim hisce annis viget ætas, utpote juvenus, quæ aliarum ætatum præcipua est; viginti enim anni sunt a trigesimo ad quinquagesimum, quo numero quid significetur, satis jam diximus. Et trigesimo quidem anno Salvator noster baptizatus est, doctrina et opere suæ maternæ potentiam ostendere cepit.

CAPUT V.

« Locutusque est Dominus ad Moysen, dicens: « Præcipe filiis Israel, ut ejiciant de castris omnem leprosum, et qui semine fluit, pollutusque est super mortuo, tam masculos quam feminas ejicite de castris, ne contaminent ea, cum habitaverint vobiscum. » Leprosa est enim omnis anima infidelis, et criminosa, præcipue autem Simoniaca et hæretica pravitate infecta. Semine autem fluere, est errorem in populo seminare. Pollutus vero super mortuo dicitur qui mortui hominis cadaver tetigit, per quem nemo melius quam corporis et animæ homicida intelligi potest. Tales enim de Ecclesia ejiciantur, ne sua cohabitatione eam polluant: « Qui tetigerit picem, inquinabitur ab ea (Eccli. xiii, 1); » et: « Corrupti bonos mores colloquia prava (I Cor. xv, 33). »

« Vir, sive mulier, cum transgressi fuerint mandatum Domini, atque deliquerint, confitebuntur peccatum suum, et reddent ipsum caput, quintamque partem desuper ei in quem peccaverint. Sin autem non fuerit qui recipiat, dabitur Domino, et erit sacerdotis, excepto ariete qui offertur pro expiatione, ut sit placabilis hostia. » Hoc autem capitulo manifeste ostenditur, quoniam illi qui aliena rapiunt, nisi ea in integrum restituant, et de injuria satisfaciunt, quod eorum confessio sit inutilis et poenitentia infructuosa. Quintus enim in sensibus tactus est, per quem furta et rapinæ fiunt. Hanc ergo quintam partem raptores reddunt, quando se non ulterius fraudulenter aliena tangere promittunt. Bene autem, si non fuerit qui recipiat hæc, Domino dantur, quoniam ipsius sunt omnia, et ei cuncta jure debentur; ipse enim poenitentis affectum recipit, ipse nulli poenitenti, et satisfacere volenti indulgentiæ januam claudit. Sunt autem hæc sacerdotis, quia ad ipsum pertinet, et poenitentes suscipere et suis intercessionibus peccata delere. Quid per arietem qui offertur pro expiatione, significatur, nisi quia omnis qui sic peccat, post satisfactionem innocenter vivere debet, ut jam non lupus sit rapiens, sed aries, nulli nocendo? aliter nec hostia placabilis, nec poenitentia erit fructuosa.

« Si spiritus zelotypiæ concitaverit virum contra uxorem suam, quæ polluta est, vel falsa suspicionem appetitur, adducet eam ad sacerdotem et offeret oblationem pro illa, decimam partem sati farinæ hordeaceæ. Non fun det super eam oleum, nec imponet thus, quia sacrificium zelotypiæ est, et oblatio investigans adulterium. » Vir enim iste zelotypus Christus Jesus intelligi potest, ejus uxor non solum Ecclesia, verum etiam unaquæque anima intelligitur. Dicitur enim zelotypus, id est suspiciosus, non secundum se, qui omnia novit, sed secundum nos qui ejus membra sumus; taliter enim se esurire, et sitire, et nudum, et infirmum esse dicit, non utique, quod ejus omnipotens natura horum aliquid patiat. Sic ergo in nobis zelotypus est, sicut esuriens, et sitiens, nudus, et infirmus. Spiritu ergo zelotypiæ ipse Jesus incitatur in nobis, quando nos pro ejus amore contra aliquem incitamus, quem in fide catholica suspiciosum habemus. Talem enim ducere debemus ad sacerdotem, id est ad concilium episcoporum et sacerdotum, et offerre oblationem pro illo; quam oblationem? decimam partem sati farinæ hordeaceæ. Decem enim sunt verba legis, quorum quidem decimam partem, hanc farinam **175** esse puto; satum ergo farinæ, totum librum legis, unumquodque vero mandatorum, decimam partem sati intelligimus. Ut, v. g., « non moechaberis (Exod. xx, 14); » hoc ergo mandatum hic offertur, hoc in concilio recitatur, hoc adversum mulierem adducitur, quæ de adulterio accusatur. Unde et bene talis farina hordeacea dicitur, quia mestis faucibus cordis ab utraque parte suscipitur. Quis est enim qui de hæresibus libenter vel tractet,

vel tractare audiat? Super hanc autem farinam neque oleum funditur, neque thus imponitur, quoniam tali accusationi nemo misericordiam, nemo suavitatis assensum præbere debet; debet autem omnibus horribilis et fetida apparere. Hoc autem audiant illi qui adulando hæreticos unguunt, et qui eorum verbis quasi suavi aliquo odore delectantur.

« Deferet ergo eam sacerdos, et statuet coram Domino, assumetque aquam sanctam in vase fictili, et pauxillum terræ de pavimento tabernaculi mittet in eam (284). » Quid enim per aquam sanctam, nisi sanctarum Scripturarum exempla? Quid vero per vas fictile, nisi humanum corpus intelligimus? Unde Apostolus tali aqua plenus dicebat: « Habemus thesaurum istum in vasis fictilibus (II Cor. iv, 7). » Pauxillum vero terræ, corpus Christi est, qui de pavimento tabernaculi, id est de carne virginis suscipitur, in qua quasi in tabernaculo ad tempus habitavit. Offert ergo sacerdos, id est aliquis religiosus et sapiens, et statuit coram Domino supradictam farinam, id est zelotypiæ oblationem, sive accusationem, quoniam omnia de quibus mulier accusatur in consilio manifestat. Deinde vero assumit aquam sanctam in vase fictili, quoniam omnia fidei catholiciæ documenta colligit in sacrario pectoris sui. Quibus pauxillum terræ de pavimento tabernaculi admiscet, per quam de Virgine Christi Incarnationem intelligimus. His autem ita compositis, recitat sacerdos et mulieris accusationem, et post hoc symbolum catholiciæ fidei; et hoc est quod ait:

« Cumque steterit mulier coram Domino, discooperiat sacerdos caput ejus, et ponat super manus illius sacrificium recordationis et oblationem zelotypiæ. » Stat enim mulier coram Domino, quoniam ille qui accusatur consistit in præsentia sacerdotum. Caput vero illi discooperitur, quando quid in mente habeat, et quam fidem teneat sacerdotis interrogationibus manifestatur. Tunc vero sacrificium recordationis, id est fides catholica et oblatio zelotypiæ, id est accusatio criminis ponuntur super manus ejus, id est palam et manifeste ei recitantur; deinde vero sequitur excommunicatio, ut si aliter credit, vel pro aliis alia fingit, eis quæ sequuntur maledictionibus subiciatur. Et hoc est quod sequitur:

« Ipse autem tenebit aquas amarissimas, in quibus cum execratione maledicta congesti, adjurabitque eam, et dicet quæ sequuntur. » Ipse, inquit, id est sacerdos (qui et mulieris accusationem, et fidei symbolum in concilio recitavit), tenebit aquas amarissimas, per quas libellum examinationis intelligimus, qui totus maledictionibus, et anathemate exaratus est. Dabitque has aquas bibere mulieri, quoniam totam hanc maledictionem, ea audiente et intelligente, leget; qua recitata, respondebit mulier,

A id est anima, quæ se fide accusatur: Amen, amen, id est fiat quod dicitis, si ego aliam quam vos tenetis fidem teneo. Prius tamen sacerdos tollet pugillum de eo quod offertur, et incendet super altare. Quod enim hoc sacrificium fidei symbolum significet, jam superius diximus. De quo quidem pugillo tollimus, quando partem aliquam, et illam præcipue de qua anima accusabatur, a toto separamus. Hanc autem super cordis accusati hominis altare incendimus, postquam hanc fidei partem ei et tenere, et credere, et diligere rationibus suademus. Deinde vero tollat sacerdos de manu ejus sacrificium zelotypiæ, et elevabit illud coram Domino, imponetque super altare. Sacrificium enim zelotypiæ, decimam partem sati farine diximus superius, quando decimum quidem legis mandatum exposuimus, illud scilicet quod dicitur: « Non mœchaberis (Exod. xx, 14). » Decimum autem, non secundum ordinem, sed secundum numerum dicimus. Hoc autem tollit sacerdos de manu ejus, quando eam non mœchatam fuisse ostendit. Elevat autem coram Domino, et ponit super altare, et hoc omnes qui præsto sunt auribus audire, et corde intelligere et credere facit. Quod autem post aquarum bibitionem, mulieris venter, si rea fuerit, tumescit, semurque putrescit, hoc significare puto, quod postquam hæreticus excommunicatus et damnatus est, omnis ejus doctrina, et prædicatio gignendi et parienti vires amittit, omnibusque inutilis, ventosa et fetida esse videtur. Sicut enim ventre et femore mulieres, ita doctrina et prædicatione adulterinos suos hæretici gignunt et pariunt.

CAPUT VI.

« Locutusque est Dominus ad Moysen, dicens; Loquere ad filios Israel, et dicas ad eos: Vir sive mulier cum fecerint votum, ut sanctificentur, et se voluerint Domino consecrare, a vino et ab omni quod inebriare potest, abstinerebunt; acetum ex vino, et ex qualibet alia potione, et quidquid de uva exprimitur, non bibent, uvas recentes, et siccas non comedent cunctis diebus, quibus ex voto Domino 176 consecrantur, quidquid ex vinea esse potest, ab uva passa usque ad acimum non comedent. » Hoc enim votum, priusquam sanctificentur et baptizentur, omnes Christiani faciunt, quoniam ad fidem venientes, diabolo et omnibus operibus ejus omnibusque pompis ejus abrenuntiant. Quid est enim aliud vinum, et omne quod inebriare potest, non bibere, nisi a vitis et peccatis abstinere, quibus anima inebriata sensum et rationem, omnemque virtutem et fortitudinem amittit? Unde bene non solum vinum, verum etiam et uvas, quidquid ex vinea, usque ad acimum esse potest, abicere præcepit, ut non solum agendo, verum etiam neque cogitando peccemus.

« Omni tempore consecrationis suæ novacula non transibit super caput ejus, usque ad completum.

«alem quo Domino consecratur. Sanctus erit cre-
«scite cesarie capitis ejus. » Caput etenim animæ
mentem dicimus, ejus quidem capilli sanctæ cogi-
tationes intelliguntur. Hic autem Nazareus semper
ornatus, et nunquam privatus esse debet. Qui enim
semper bene cogitat, non facile peccat; male enim
cogitationes sunt causa peccandi, secundum illud:
«Ex corde enim exeunt cogitationes male, adulte-
ria, furta, homicidia (Matth. xiii, 19). » Crescant
ergo mentis capilli, crescant bonæ cogitationes,
quibus Nazareus semper ornatur et tucatur. Se-
quitur:

«Omni tempore consecrationis suæ super mor-
«tuum non ingreditur, nec super patris quidem, et
«matris, sororisque funere contaminabitur. » Su-
per mortuum enim ingredi, est mortale et criminale
peccatum committere. Patris autem et matris, fra-
tris et sororis funere contaminatur quicumque mala
parentum exempla imitatur. Hac autem figura, om-
nia membra, quæ nos scandalizant, a corpore nostro
separare jubemur. Hinc autem et Dominus patris
funere cuiusdam se contaminare volenti ait: «Dimitte
mortuos sepelire mortuos suos, tu autem vade, et
prædica regnum Dei (Matth. viii, 22). » Mortem
ergo fugiamus, et vitam sequamur: «Ego, inquit
Dominus, sum via, veritas, et vita (Joan. xiv, 6). »
Sequitur:

«Sin autem mortuus fuerit subito quispiam co-
«ram eo, polluetur caput consecrationis ejus, ra-
«detque caput suum in die purgationis suæ; in die
«septimo radet illud. » Tunc enim subito quispiam
moriatur coram eo, quando suggerente diabolo pec-
catum aliquod agit, quo anima moriatur, quæ coram
eo et in eo est. Et tunc quidem caput consecrationis
ejus polluitur, quando ejus mens, ejusque sancta
conversatio abominabilis et sordida efficitur. Quod
radet illico, ut in ipsa capillorum tonsione insinuet,
quo dolore et qua poenitentia interius constringatur.
Neque enim decet ut exteriori capillatione pulcher
appareat, qui mentem interius peccando decalvavit;
neque erubescat poenitere, qui non erubuit peccare.
In hoc enim, qui caput radit, crimen se egisse
ostendit, quoniam aliter Nazareo caput radere non
licebat. Quid ergo aliud est caput radere quam per
poenitentiam peccatum ostendere? Ille autem raditur
illico, et in eadem die, qui statim poenitentia ductus
non tardat converti ad Dominum, neque differt de
die in diem. Raditur autem rursus et die septima,
ut quemadmodum cepit, sic usque in finem in poe-
nitentia perseveret. «Qui enim perseveraverit usque
in finem, hic salvus erit (Matth. xxiv, 13). » Unde
et David: «Et peccatum meum contra me est sem-
per (Psalm. l, 4). » Septima enim dies ultima est.
Prima ergo die, et septima raditur qui, ex quo pec-
cat, poenitere non cessat. Semper ergo rasus, sem-
per poenitens et dolens appareat, qui crimen com-
mittit, neque se Nazareum et justum fingat qui pec-
cando justitiam amisit.

«In octavo autem die offeret duos turtures et

«duos pullos columbæ sacerdoti in introitu taber-
«naculi testimonii; facietque sacerdos unum pro
«peccato et alterum in holocaustum, et deprecabi-
«bitur pro eo, quia peccavit super mortuo; sancti-
«ficabitque caput ejus in die illo, et consecrabit Do-
«mino dies separationis illius, offerens agnum an-
«niculum pro peccato; ita tamen, ut dies priores
«irriti fiant, quoniam polluta est sanctificatio
«ejus. » Quamvis enim dies iudicii octava dica-
tur (unde et quidem psalmi pro octava intitulatur)
tamen omnis dies octava esse potest, quia hujus
vitæ hebdomada finita, anima a corpore separatur.
Hac autem die ille Nazareus (qui, quamvis peccave-
rit, digna tamen poenitentia peccata sua delevit)

«offerit Jesu sacerdoti magno duos turtures, vel duos
«pullos columbæ, id est corporis et animæ castitatem
et innocentiam. Hoc autem in introitu tabernaculi
testimonii, id est in ingressu regni cœlestis. Faciet
quoque sacerdos alterum pro peccato, et alterum in
holocaustum, quoniam per hæc et peccata ei dimit-
tet, et Deo Patri reconciliabit, et deprecabitur pro
eo. Semper enim, ut Apostolus ait, pro nobis apud
Patrem interpellat (Rom. viii, 34). Et tunc quidem
reconciliabit eum, et sanctificabit et consecrabit
Domino, offerens agnum anniculum, quia enim post
peccatum humiliter poenitens, quasi agnus innocen-
ter vixit, agni innocentia a peccato solvi promeruit,
vivat ergo ut agnus, vivat ut humilis, et innocens,
qui suam poenitentiam vult sibi esse fructuosam.
Quod autem ait: «Ita tamen dies priores irriti
fiant, » illud esse videtur, quod per Ezechielem
Dominus ait: «Si autem averterit se justus a ju-
stitiis suis, et fecerit iniquitatem, omnes justitiæ
ejus quas fecerat, non recordabuntur (Ezech. xviii,
24). » Si ergo peccaverit justus et poenitentiam
egerit, salvabitur quidem, non quia justus fuit,
sed quia poenitentiam egit, unde et priores justitiæ
dies non immerito periisse videntur. Ea vero quæ
177 sequuntur de illo Nazareo intelligantur, qui
omni tempore vitæ suæ sine crimine vixit, et usque
in finem in bonis operibus perseveravit. Talis enim
Apostolus existit, qui ait: «Nihil mihi conscius
sum (I Cor. iv, 4). » Tales et episcopos, et sacer-
dotes eligi præcipit. Sequitur:

«Ista est lex consecrationis, cum dies quos ex
«voto decreverat complebuntur, adducit eum ad
«ostium tabernaculi fœderis, et offert oblationem
«ejus Domino, agnum anniculum immaculatum in
«holocaustum et ovem anniculum immaculatum
«pro peccato, et arietem immaculatum, hostiam
«pacificam. » Nostorum autem Nazareorum vota
non ad tempus sunt, sed simul cum vita complen-
tur. Cum enim sancti ex hac vita transeunt, tunc et
cœlestis palatii januas ingrediuntur, tunc sacerdos
magnus Jesus Christus offert oblationes eorum Do-
mino, quoniam sanctam vitam et bonam illorum
conversationem commendat, eos Patri reconciliat.
Per agnum autem, et ovem, et arietem, in quibus
totum genus ovium continetur, perfectam innocentiam

tiam, humilitatem et simplicitatem intelligimus. Merito igitur cum his offertur qui in his vixit, et ab his virtutibus non recessit. Quoniam autem tali sacrificio delectatur et pacificatur Deus, et peccata dimittit, ideo recte holocaustum, et pro peccato, et hostia pacifica dicitur. Canistrum ergo panum azymorum, qui conspersi sunt oleo, et lagana absque fermento, uncta oleo, ac libamina singulorum offert sacerdos coram Domino, et faciet tam pro peccato, quam in holocaustum. Arietem vero immolabit hostiam pacificam, offerens simul canistrum azymorum, ac libamina, quæ ex more debentur. In his enim omnibus quæ azyma sunt et sine fermento, sancta, et sincera et incorrupta vita Nazaræi designatur, qui vixit non in fermento malitiæ et nequitie (I Cor. v, 8), sed in azymis sinceritatis et veritatis, cujus omnia opera, quia nunquam misericordia et pietate caruerunt, merito hæc non solum azyma, sed et oleo uncta referuntur. Hæc ergo offert Christus sacerdos magnus pro Nazaræo, quia in talibus illum commendans, Dominum ei per omnia placabilem reddit. Ipse enim dixit: « Qui me confessus fuerit coram hominibus, confitebor et ego eum coram Patre meo (Math. x, 32). » Sive ergo arietem, sive azymum aliquis pro nobis offerat, innocentis et sincere vitæ nostræ commendatio intelligatur. Sequitur:

« Tunc radetur Nazaræus ante ostium tabernaculi « fœderis cæsarie consecrationis suæ, tolletque capillos ejus sacerdos, et ponet super ignem, qui est C « suppositus sacrificio pacificorum, et azymum coctum arietis, tortamque absque fermento, uvam « de canistro, et laganum azymorum unum, et tradet in manibus Nazaræi, priusquam rasum fuerit « caput ejus, susceptaque rursus ab eo, elevabit « coram Domino, et sacrificata sacerdoti erunt, sicut « et pectusculum, quod separari jussum est. » Quomodo voto completo Nazaræus raditur, non doloris vel penitentiae, ut supra, indicium et ostentatio est, sed ut ejus capilli in pacificorum sacrificio ponantur, quatenus non solum operibus, verum et cogitationibus Deum placeat. Diximus enim per capillos bonas cogitationes significari, quæ nimirum totius sacrificii sunt condimentum, quoniam ad cor respicit Deus. Quod vero sacerdos tollit armum arietis, et tortam et laganum, et tradit in manibus Nazaræi; susceptaque rursus ab eo elevat coram Domino, hoc significare videtur quia quidquid boni habemus, a Christo accepimus, per quem et nos ipsos, et bona nostra Deo tandem reddituri sumus. Unde Apostolus ait: « Quid enim habes, quod non accepisti? Quod si accepisti, quid gloriaris, quasi non accepieris? » (I Cor. iv, 7.) Armum habes, quo aliena opera feras, tortam azymam et laganum habes, fidem videlicet et scientiam incorruptam, quæ te pascunt et nutriunt. Noli quasi de tuo gloriaris, quoniam aliunde ea suscepisti, ideoque quasi non tua, ea sacerdoti te reddere oportet, cujus et sunt, sicut et pectusculum, quod separari jussum est. De Christi namque

A pectore evangelica prædicatione, fides nostra omnisque nostra bona operatio procedit. Omnia ergo illius sunt. Et quanquam omnibus bene agere licet, evangelizare tamen non omnibus licet, ideo de pectusculo dicitur, quod separari jussum est. Quid est autem quod sequitur: Post hæc Nazaræus potest bibere vinum? Si quidem per vinum vitia et peccata superius significavimus; aliud ergo est hoc vinum, illud videlicet quo anima inebriata omnium ærumnarum omniumque quas hic passa est tribulationum obliviscitur. De quo Psalmista: « Inebriabuntur ab ubertate domus tuæ, et torrente voluptatis tuæ potabis eos (Psalm. xxxv, 9). » Hæc autem de Nazaræo dicta sint.

CAPUT VII.

B Sequitur autem de duodecim principibus qui sex plaustra et duodecim boves Domino obtulerunt, quibus tabernaculum et cuncta ejus onera portarentur. Quæ quidem valde necessaria erant, et Levitæ ejus tabernaculi onera cunctamque suppellectilem difficile ferre poterant. In his allegoriam querere non videtur necessarium. Ibi allegoria necessario querenda est, ubi littera aliquid jubet, vel quod inutile sit, vel quod omnino careat ratione.

« Dixitque Dominus ad Moysen: Singuli duces « per singulos dies offerant munera in dedicatio- « nem altaris. Primo die obtulit oblationem suam « Nahason filius Aminadab de tribu Juda, fecerunt- « que in ea acetabulum 178 argenteum pondo « centum viginti siclorum; phiala argentea habens « septuaginta siclos, juxta pondus sanctuarii, utrum- « que plenum similia conspersa oleo in sacrificium; « mortariolum ex decem siclis aureis, plenum incenso: bovem de armento, et arietem in holocaustum, hircumque pro peccato, et in sacrificium « pacificorum boves duos, arietes quinque, hircos « quinque, agnos amiculos quinque. Hæc est oblatio Nahason filii Aminadab. » Unusquisque fidelis tabernaculum dici potest, secundum quod Apostolus ait: « Templum enim Dei sanctum est, quod estis vos (I Cor. iii, 17), » et altare, quod in eo fit sacrificium Deo acceptabile. Hoc autem altare tunc dedicatur, quando homo ad fidem convertitur, et per baptismum Domino consecratur. Ad cujus dedicationem Ecclesiæ duces, episcopi videlicet et sacerdotes, munera offerunt, quoniam legis præcepta, fidei documenta, sanctorum exempla, et vivendi regulam eum instruunt qui noviter conversus in Christi militia incipit. Quid enim per acetabulum, et mortariolum, quæ ex solis denis numeris conflantur, nisi hunc librum legis intelligimus, qui ex decem præceptis constituitur? Computa singulorum numerum, et denarium numerum ubique invenies. Quæ quidem bene similia oleo conspersa et incensa esse dicuntur, quoniam liber iste, et ea doctrina quæ oleo sancti Spiritus, et misericordiæ et pietatis unctione abundat, et odore suavissimæ intelligentiæ plenus est. Et quoniam totus sapientiæ et scientiæ luce præfulget, non immerito aurea et argentea

prædicta vasa esse dicuntur. Sicli vero ad mensuram sanctuarii computantur, quoniam omnia legis præcepta veritatis iustitiæque libra sunt ponderata. Offerunt præterea prædicti duces in hujus altaris dedicationem bovem de armento, et arietem, et agnum anniculum in holocaustum, quoniam Christi passionem, labores et innocentiam Domini noviter converso annuntiant. Hic enim bos de armento patriarcharum et prophetarum assumptus agrum Ecclesiæ coluit, et verbi semine seminavit. Hic aries ad victimam ductus non aperuit os suum. Hic est agnus, qui tollit peccata mundi. Hujus ergo exempla laborando, patiendo, et innocenter vivendo sequimur. Nulli autem absurdum videatur, quod etiam hircus dicitur pro peccato, quia propter peccata nostra inter iniquos deputatus est. Obtulerunt autem, et boves duos in sacrificio pacificorum, arietes quinque, hircos quinque, quinque agnos anniculos, quatenus novus miles in his et laborare, et sui corporis sensus regere discat: duos enim boves habemus, animam scilicet et corpus, quibus et jugum Christi, quod suave est, ferimus, et in agro ejus desudamus; quæ duo si in nobis consenserint, quidquid petierimus, ut ait evangelista, impetrabimus. Habemus autem et quinque sensus, per quos Deum nobis pacificamus; si tamen innocentes, et mundi fuerint. Omnia enim animalia munda sunt. Hircos tamen immolare, est carnis maceratione libidinosum sensum occidere et superare. Similia autem dona, et sacrificia ceteri quoque duces obtulerunt. Omnibus ergo hæc una expositio sufficiat.

CAPUT VIII.

Sequitur autem de candelabro, quod ab australi parte poni præcipitur, ut luceat super mensam, quæ ab aquilone posita erat. Hoc enim candelabrum Christus est, de quo in Exodo sufficienter diximus. Quod bene austro ponitur, quoniam « Deus de austro venit, et sanctus de monte Pharan (*Habac. iii, 3*). » De mensa quoque in eodem libro tractavimus, per quam utriusque Testamenti doctrina significatur; quæ quidem, nisi hujus candelabri lumine, nec intelligitur, nec illuminatur. Est autem posita ab aquilone, ubi septem diaboli esse Scriptura commemorat. Prius ergo ad hanc mensam accedat, ejusque dapibus reficiatur, quicumque diabolo pugnaturus occurrat.

Hinc autem præcepit Dominus Moysi, ut tollat levitas de medio filiorum Israel, et purificet eos, atque aspergat aqua lustrationis, radantque omnes pilos corporis sui, deinde tollant duos boves, et congregata omni multitudine filiorum Israel, ponent filii Israel manus suas super levitas, et offeret eos Aaron coram Domino, ut servant in ministerio ejus. Levitæ quoque ponent manus super capita boum, ex quibus Moyses unum offert pro peccato, et alterum in holocaustum, et orat pro eis; sicque purificati levitæ postea tabernaculum ingrediuntur. Quod autem tunc levitæ purificabantur, et aqua sanctificata aspergebantur, et totius carnis pilos radebant, hoc

A significabat quod nostri quoque levitæ, omnisque clericorum ordo ab omni vitiorum sorde purificari, ab omni crimine lavari, et ab omni superfluo, et prava cogitatione mundari debent. Ponunt quoque filii Israel manus suas super eos, ut levitæ intelligant quanto oneri quantoque labori subjiciantur: pro omnibus enim eos laborare oportet qui manus omnium ferunt, et quod omnium manus in tabernaculo agere debuerant, hoc illi soli faciant qui omnium manus in se susceperunt. Et Aaron quidem offert eos Deo, quoniam episcoporum est reliquos ordines et consecrare et Deo offerre. Sed quid per duos boves, super quos levitæ manus suas ponunt, nisi corpus, et animam intelligimus? qui enim corpus et animam suam sapienter domant, et ab omni prava concupiscentia **179** compescunt, illi nimirum his boves super capita manus suas tenent. Horum enim sapiens domitor Apostolus erat, qui ait: « Castigo corpus meum, et in servitutem redigo (*I Cor. ix, 27*). » Si autem sic domiti fuerint, tunc Moyses, id est Salvator noster alterum offert pro peccato, et alterum in holocaustum, quatenus eorum sacrificio et peccata solvantur, et Dei gratia suscipiatur. Breviter autem in hoc libro de sacrificiis dicere disposuimus, quoniam in Levitico plenissime disputavimus. Neque difficilia hæc illis fore putamus, qui per illum librum transeunt ad istum perveniunt. Ingrediuntur autem levitæ, post hanc purificationem in tabernaculum, quoniam qui sic purificantur, et Ecclesiæ, et cœli tabernaculo digni sunt. Tandem in fine hujus capituli præcepit Dominus, ut levitæ a vigesimo anno usque ad quinquagesimum in tabernaculo servant; deinde vero custodes vasorum fiant. Quinquagesimo enim anno, id est jubileo, omnis servus redditur libertati, in qua et levitæ incipiunt quiescere a labore: necesse enim fuit ut juventute laborarent, et carnem domarent, quatenus carnis voluptates facilius superarent. Hæc autem ætate, quoniam jam et vires deficiunt, et calor minuitur, quiescere jubentur: custodiunt tamen tabernaculum, et ea quæ in illo sunt; quia sæpe contingit, ut virtutes, quæ per laborem acquiruntur, per otium perdantur. Nostri corporis tabernaculum, et si quæ virtutes in eo sunt, nos custodire oportet, quoniam in qualibet ætate peccare possumus, nobisque diabolus, callidus latro, semper insidiatur.

CAPUT IX.

Præcepit autem Dominus filiis Israel ut faciant Phase in tempore suo, id est quarta decima die mensis primi. Qui autem immundi sunt super anima hominis, aut in via procul, quoniam suo tempore hoc agere nequeunt, faciant illud quarta decima die secundi mensis ad vesperam cum azymis, et lactucis agrestibus. Quid est enim, quod Phase, id est agni immolatio, non fit nisi quarta decima die? Nisi quia ad Christi carnem, et sanguinem nemo accedere debet, qui lumine decem dierum Veteris Testamenti, et quatuor Novi nondum est illustratus. Decem enim sunt verba legis: Evangelia vero quatuor, quorum

lumine quorumque fide mundus illuminatur. Ad Phase ergo faciendum dignus non est qui hoc lumine et his diebus illuminatus non est. Id ipsum autem est pollui super anima hominis, quod est pollui super mortuo, quod quidem superius jam dictum et expositum est. Procul autem in via sunt, qui propter peccata, in quibus perseverant, longe ab Ecclesie religione et a Deo facti sunt, de quibus Psalmista ait: « Longe a peccatoribus salus (Psalm. cxviii, 133). » Hi autem Phase cum cæteris facere non possunt, quoniam « qui hoc indigne manducat et bibit, iudicium sibi manducat et bibit, non dijudicans corpus Domini (I Cor. xi, 29). » Munden- tur ergo prius, et ad Deum, et ad Ecclesiam rever- tantur, et sic comedant. Et hæc quidem transeuri- mus, quoniam in Exodo plenissime dicta sunt (284*). De hoc autem sacrificio peregrino et advenæ comede- re licet, per quos gentiles ad fidem conversos in- telligimus. Sequitur autem de nube qua semper tabernaculum tegebatur. Quæ et in nocte quidem illuminabat, et in die a solis calore defendebat. Per hanc autem sancti Spiritus gratiæ figurantur, qui- bus nostræ ignorantie tenebræ illuminantur, et a vitiorum æstu, et a luxuriæ ardore defendimur. Nos enim sumus tabernaculum Dei, de quibus ipse ait: « Inhabitabo in illis, et ambulabo in eis (II Cor. vi, 17). » Sed quid est quod ad hujus nubis impo- rium, tabernaculum et figitur et movetur? nisi quia cum bene agimus, non nostræ potestatis sumus, sed Spiritus, qui in nobis est: ipso enim regimur, ipso docemur, ipso recto itinere ad patriam diri- gimur.

CAPUT X.

« Locutus est Dominus ad Moysen, dicens: Fac tibi duas tubas argenteas ductiles, ad quarum vo- cem castra moveantur, populus congregetur, exer- citus ad prælium præparetur, et in Kalendis et aliisque festivitatis, super holocaustis cum eis decantetur. » Per duas tubas, duo Testamenta in- telligere possumus, quæ quare argenteæ dicantur manifestum est: argentum enim eloquii puritatem designat. Sunt autem et ductiles, quia super incude cordis nostri sancti Spiritus malleo quotidie fabri- cantur; ductile enim sine malleo et incude fieri non potest. Cum enim Testamentorum præcepta disci- mus, doctorum linguas, quasi malleum corda nostra ferientes, sentimus. His autem tubis apostoli et doctores de cunctis mundi partibus populos ad Ec- clesiam convocaverunt; his nos ad bella parare; his contra hostes dimicare; his nos, et vitia, et ma- lignos spiritus superare docent. Harum quoque so- nitu discimus qualiter vivamus, qualiter in via

A mandatorum Dei curramus, qualiter quoque Deo laudis et jubilationi hostias immolare debeamus: sic enim eorum sonus secundum audientium capa- citatem distinguitur, ut unusquisque quid agere de- beat facile in eis cognoscere valeat. 180 Hic au- tem Moyses hortatur Obab filium Raguelis cognatum suum, ut secum proficiscatur, cui ille ait: « Non vadam, sed revertar ad terram, in qua natus sum. » Et ille: « Noli, inquit, nos relinquere: tu enim nosti in quibus locis per desertum castra ponere de- beamus, et eris ductor noster. » Quid est enim, quod Moyses gentilem hominem ductorem exercitus ponere vult, cujus ipse Dominus ductor erat? Scie- bat, quod homo vanus et superbus, nisi quibusdam laudibus et blanditiis, suæ salutis consiliis non acqiesceret. Unde et nobis regula datur, potentes homines et superbos, etiam adulationibus, ad justitiam et veritatem convertere, non esse pecca- tum (285).

« Profectique sunt de monte Domini viam trium dierum, arcaeque fœderis Domini præcedebat eos, per tres dies providens castrorum locum. Nubes quoque super eos erat, dum incederent. » Quid enim trium dierum via, nisi fides Trinitatis? Primo siquidem die venit ad Patrem, secundo ad Filium, tertio ad Spiritum sanctum: tanta est via, nec infra stare, nec ultra præcedere licet; alioquin præce- dens arca relinquitur, et fides Ecclesie non tenetur. Qui vero sic ambulant semper nube, et gratia Spi- ritus sancti obumbrantur.

CAPUT XI.

« Interea ortum est murmur populi, quasi dolen- tium, pro labore, contra Dominum. Quod cum audiret, iratus est, et accensus ignis Domini in eos devoravit extremam castrorum partem. Cum- que clamasset populus ad Moysen, oravit Moyses ad Dominum, et absorptus est ignis. » De hoc enim Apostolus ait: « Neque murmuraveritis, sicut quidam illorum murmuraverunt, et perierunt ab exterminatore (I Cor. x, 10). » Hæc autem omnia in figura contingebant illis, scripta sunt autem ad nostram correctionem. Corrigamur ergo ne et nos similiter pereamus. Ignis enim iste ignem æternum significat, qui imple murmurantes et Deo detra- hentes exuret, præter eos duntaxat qui pœnitentia ducti ad Christum, qui per Moysen significatur, con- fugientes, ejus auxilio tueri merebuntur.

Sequitur autem de eo quod populus carniæ de- siderio flevit, cupiens esse in Ægypto, quoniam iu- mentem ei venerunt cucumeres, porrique, cæpe et allia. Unde et Dominus iratus est valde, sed et Moysi res intoleranda visa est. Dedit ergo eis Do-

(284*) Nihil corruptius hoc editionis loco, quam codicis Laurentiani lumine supplemus, et emenda- mus; cui codex Casinensis concordat.

(285) Cum paulo supra S. Bruno dixerit, Moysen cum Obab homine vano, et superbo laudibus, et blanditiis usum fuisse, ut ad indulgendum sibi fle- teret; hic ubi ait potentes homines et superbos

adulationibus ad justitiam convertere, non esse peccatum; intelligendus est pro blandimentis, adu- lationes usurpasse. Differunt enim hujusmodi vo- cabula inter se. Adulatio solet juxta veteres scri- ptiores sermonem blandientem cum mendacio con- junctum significare: blandimentum econtra sine veritatis præjudicio fieri potest.

minus carnes, mandans illis multitudinem coturnicum in mensam, qui volabant in circuitu castrorum, altitudine duorum cubitorum super terram. Quid est hoc, popule stulte et insapiens, pane cœlesti abundas, et cæpas et allia concupiscis? Manna respuit, et carnes affectas? Manifesta est igitur hæc allegoria. Usque hodie namque Judæorum populus litteram sequitur quæ occidit, non spiritum qui vivificat, carnalem in lege, non spiritualem intelligentiam querit. Venit Christus, venit panis vivus, qui de cœlo descendit; dedit manna, dedit cibum, qui non perit, sed qui permanet in æternum, habentem omne delectamentum et omnem sorem suavitatis. Dedit evangelicam prædicationem; aperuit sensum discipulis suis ut Scripturas intelligerent. Ille est igitur manna, quo interior homo noster et reficitur, et pinguescit. Qui legis præcepta non nisi ad litteram intelligi volunt, quid aliud, quam cucumeres, et pepones, porrosque, et cæpas, et allia comedunt? In his autem etiam hæreticorum, philosophorum, et poetarum scripturæ significantur. Unde non solum Judæos, sed promiscuum quoque vulgus, qui cum eis de Ægypto ascenderat, eodem desiderio, hæc historia flevisse commemorat. Nos ergo non coturnices juxta terram volantes queramus, neque carnalem sequamur intellectum, qui altius a terra rō separatur; sed post illam aquilam volare discamus, quæ ait: « In principio erat Verbum, et Verbum erat apud Deum, et Deus erat Verbum (Joan. 1, 1). » Et merito quidem tunc Dominus iratus est valde; merito quoque Moysi res intoleranda visa est. Quis enim tolerare potest, quod manna respuit, et cæpe, et allia eligunt? Quis facile ferat, quod populus tanto labore de tam dura servitute ereptus, pro comedendis allis in Ægyptum redire desiderat? Sed videamus quid sequitur: « Adhuc carnes, inquit, erant in dentibus eorum, nec defecerat hujuscemodi cibus: et ecce furor Domini concitatur in populum, percussitque eum plaga magna nimis. » Apparet ergo eos per omnia esse infelices, quorum prava desideria Deus exaudivit: fortasse hos non occidisset nisi ejus carnes male quesitas dedisset. Rogemus ergo Dominum, ne nos exaudiat, cum male aliquid postulamus. « Hæc enim omnia, ait Apostolus, in figura contingebant illis (I Cor. x, 11). »

Nunc autem præcipit Dominus Moysi, tantis malis increduli populi affecto ut eligat septuaginta duos viros de senioribus Israel, qui simul cum eo unus populi ferant, et non ipse solus graveatur. Quod cum factura esset, descendit Dominus per nubem, et auferens de spiritu, qui erat in 181 Moysse, dedit illis. Cumque requievisset in eis spiritus, prophetaverunt, nec ultra cessaverunt. Manifestissime namque isti septuaginta duo viri septuaginta

(286) Pluribus rationibus probat S. Thom. hominem, dum vivit, naturali intellectus lumine Dei essentiam videre non posse. Prima, quia aliqua similitudo ex parte intuitionis potentie esse debet,

et duos Christi discipulos designant, quos non, de alio, sed de illo Spiritu, qui in Christo erat (quem tunc Moyses significabat) Deus implevit, quo repleti Christi magnalia prædicaverunt, nec ulterius a prædicatione cessarunt.

CAPUT XII.

Locutaque est Maria et Aaron contra Moysen propter uxorem ejus Æthiopissam, dicentes: Dominum non solum Moysi, sed sibi quoque esse locutum. Unde et Dominus iratus est valde, erat enim Moyses vir mitissimus super omnes homines. Dixitque Dominus ad Aaron et Mariam: « Quare non timuistis detrudere servo meo Moysi, qui in omni domo mea fidelissimus est? cui ego ore ad os loquor, et palam, et non per ænigmata, et figuras Deum videt; cæteris autem prophetis per somnium et visionem apparebo. Iratusque contra eos abiit; nubes quoque recessit, quæ erat super tabernaculum. » Et ecce in Maria apparuit candens lepra, quasi nix. Oravitque pro ea Moyses, dicens: Domine Deus, obsecro, sana eam. Cui Dominus: Si pater ejus exspuisset in faciem illius, nonne debuerat saltem septem dierum rubore suffundi? Separetur septem diebus extra castra, et postea revertatur. » Significationem videamus: Moyses enim Christum, uxor ejus Æthiopissa Ecclesiam de peccatoribus collectam, Maria plebem Judaicam, Aaron vero Judæorum pontifices et sacerdotes designat. Serpe enim Judæorum plebs atque pontifices contra Christum locuti sunt, dicentes, sibi quoque in scripturis prophetarum Deum esse locutum, quibus magis credendum esset quam Christo: qui quasi uxorem Æthiopissam diligens et complectens, cum publicanis et peccatoribus manducabat. Unde et eis Dominus, quasi Moysi credentibus, in Moysse credere fingentibus dicebat: « Si crederetis Moysi, crederetis utique et mihi; de me enim ipse scripsit (Joan. v, 46). » Quod autem super omnes homines Christus mitissimus fuit, ex eo intelligi potest, quia sicut agnus ad victimam ductus non aperuit os suum, et pro suis quoque crucifixoribus oravit. Et fidelissimus quidem in domo Dei, quæ est Ecclesia, extitit, quia se pro ea morti tradere non dubitavit. In hoc autem quod dicit, quia palam et non per ænigmata; et figuras Deum videt, manifestissime docet quod non de Moysse, sed de Christo in figura Moysi loquebatur. Moysi enim Dominum videre cupienti, Dominus ipse in Exodo loquitur, dicens: « Non videbit me homo, et vivet (Exod. xxxiii, 20). » Et Joannes apostolus: « Deum nemo vidit unquam (Joan. i, 18). » Noster quoque Moyses sic ait: « Nemo vidit Patrem, nisi Filius, et cui voluerit Filius revelare (Matth. xi, 27). » Constat ergo primum Moysen, non nisi per ænigmata, et figuras Deum vidisse (286). Quod autem sequitur: quod qua scilicet intellectus sit efficax ad videndum Deum; caret autem hæc homo viator. Secunda, quia cum homo, in statu de quo loquimur, non intelligat, aut aliquid percipiat nisi per species et imagines crea-

Dominus contra eos iratus abiit et nubes recessit a tabernaculo, quid aliud significare putamus, nisi quia Judæos Salvatori nostro detrahentes, eique credere nolentes, simul cum ipso Pater, et Spiritus sanctus dereliquit? Et tunc quidem in Maria apparuit candens lepra quasi nix, quia impia Judæorum plebs, ex tunc suæ infelicitatis maculis est polluta, pro qua, sicut pro Maria Moyses Christus oravit, dicens: «Pater, ignosce illis; non enim sciunt quid faciunt (Luc. xxiii, 34).» Manet tamen adhuc Synagoga extra castra, quoniam nondum septem dies completi sunt, ut redeat ad Ecclesiam: «Cum enim plenitudo gentium introierit tunc Israel salvus fiet (Rom. xi, 25).» Tunc ergo septem dies isti complentur, quoniam non sunt dies nisi septem. Patrem autem in faciem spueri, est aliquem Ecclesie praelatum contemnere, qui aliquem subjectorum suorum pro suis facinoribus palam, et manifeste redarguit, et excommunicavit. Qui quidem septem dierum rubore perfunditur, si usque ad perfectam penitentiam, vel etiam quandiu vivit, pro suis peccatis erubescit.

CAPUT XIII.

Hinc autem narratur quod Moyses ex præcepto Domini miserit duodecim viros ex principibus Israel de deserto Pharan, ubi tunc populus morabatur, ad considerandam terram promissionis; erat autem tempus, quando præcoque uvæ vesci possunt. Pergentes igitur exploraverunt terram, abscideruntque palmitem cum uva sua, quem portaverunt in vete duo viri, reversique sunt post quadraginta dies, portantes quoque de malis 192 granatis et de fideis. Ostendentes autem fructus terræ dixerunt filiis Israel: «Venimus ad terram, quæ revera fuit lacte et melle, ut ex his fructibus cognosci potest. Sed cultores fortissimos habet, et urbes grandes et muratas, unde nequaquam ad hunc populum valeamus ascendere, quia fortior nobis est. Caleph vero et Josue dicebant: Ascendamus, et possideamus terram. Flevit ergo turba tota illa nocte, volens sibi ducem constituere et reverti in Ægyptum.»

CAPUT XIV.

Cumque Caleph et Josue, scissis vestibus præ dolore, eos confortarent, ipsique eos jam lapidibus obruere vellent, apparuit gloria Domini super tectum fœderis, cunctis videntibus. Ego quidem hos duodecim principes, duodecim apostolos intelligerem, nisi quia timuerant, et ad terram promissionis populum ascendere dissuaserunt, eisque ruinæ mortisque causa fuerunt. Alia ergo interpre-

tas; hoc est quæ naturam immaterialem, et simplex esse, quod est Deus, repræsentare nequeunt et ad ejus substantiæ visionem minime conducunt. Tertia, quia divina essentia cum sit aliquid incircumscriptum in se continens supereminenter quicquid potest significari aut intelligi ab intellectu creato, caret hic medio proportionato Dei videndi. Aliter tamen res erit hominis beatitudine cœlesti frucentis, ubi a lu-

minatio querenda est. Sed intelligamus modo per istos omnes Ecclesie principes, id est episcopos, ut per Caleph et Josue, solos bonos; per cæteros autem, omnes alios significemus. Denarius enim numerus, quoniam omnes in se numeros continet, aliquando plures, aliquando omnes significat. Et hic quidem decem remanent, duobus tantum de duodecim subtractis. Per hos ergo decem malos principes, omnes malos Ecclesie principes intelligamus: omnes enim boni et mali terram viventium laudant, omnes ejus gloriam et benedictionem extollunt, ejusque felicitatis fructus ante audientium aures et oculos prædicando ponunt; sed quoniam male vivunt, et male de se exemplo præ actionis ab ea repellunt. De his enim Dominus ait: «Quoniam habentes clavem scientiæ, ipsi intrare nolunt, et eos qui volunt intrare, non permittunt (Luc. xi, 52).» Malis ergo pereuntibus, soli boni principes terram viventium ingrediantur.

Et dixit Dominus ad Moysen: Usquequo detrahet mihi populus iste? Quousque non credet mihi? Voluitque eos interficere; sed oravit pro eis Moyses, dicens: Deus patiens, et multæ misericordie, auferens iniquitatem, et scelera, nullumque innoxium derelinquens, qui visitas peccata patrum in filiis, in tertiam et quartam generationem; dimitte, obsecro, peccatum populi hujus. Dixitque Dominus: Dimisit juxta verbum tuum. Vivo ego, et implebitur gloria Domini universa terra. Attamen omnes qui viderunt majestatem meam, et signa quæ feci, et tentaverunt me jam per decem vices, nec obdierunt voci meæ, non intrabunt terram promissionis. Quia enim patiens est Dominus, diu peccatores expectans, non statim punit; quia misericors est, eorum iniquitates et scelera aufert, qui per penitentiam convertuntur. Nullum tamen innoxium derelinquit, quia non justificabitur in conspectu ejus omnis homo. Visitat autem peccata patrum in filiis in tertiam et quartam generationem, in illis, dumtaxat qui patres suos iniquitate et scelera imitantur; alioquin filius non portabit iniquitatem patris. Dimisit autem Dominus propter Moysen servum suum populi peccatum, sed non dimisit poenam peccati: omnes enim propter peccatum hoc per annos quadraginta in deserto mortui sunt, quicumque a viginti annis, et supra numerati fuerant. Et in hoc quidem verum esse probatur quod dicitur: «Quia non vindicat Dominus his in idipsum.» Quod autem ait, «qui tentaverunt me jam per decem vices,» finitum pro infinito posuit, idemque est per decem vices quod est per multas vices, quoniam hic numerus omnes in se numeros continet.

mine divinæ gloriæ confortatus intellectus Deum videbit, sicuti est, secundum illud Psal. xxxv: *In lumine tuo videbimus lumen.* Ita S. doctor p. 1, q. 12, art. 2 et seq. Quod spectat ad Moysen, de quo S. Bruno, dici poterit, quod secundum providentiam ordinariam Dei essentiam non viderit, non autem per extraordinariam divini luminis munus, quod Deus et impertiri potuit.

CAPUT XV.

« Locutusque est Dominus ad Moysen, dicens :
 « Loquere ad filios Israel, et dices ad eos : Cum
 ingressi fueritis in terram habitationis vestrae,
 quam ego dabo vobis, et feceritis oblationem Do-
 mino in holocaustum, aut victimam pacificam (287),
 vota solventes, vel sponte offerentes munera, aut
 in solemnitatibus vestris adolentes odorem su-
 avitatis Domino, de bobus sive de ovibus : offeret,
 quicumque immolaverit victimam, sacrificium si-
 mile, decimam partem ephi, consperse oleo,
 quod mensuram habebit quartam partem hin, et
 vinum ad liba fundenda ejusdem mensuræ dabit
 in holocaustum, sive in victimam per singulos
 agnos, et per arietes erit sacrificium simile dua-
 rum decimarum, quæ conspersa sit oleo tertiæ
 partis hin : et vinum ad libamentum tertiæ partis
 ejusdem mensuræ offeret in odorem suavitatis
 Domino. Quando vero de bobus feceris holocau-
 stum, aut hostiam, impleas votum, vel pacificas
 hostias Domino dabis per singulos boves, similæ
 tres decimas consperse oleo, quod habet modium
 mensuræ hin et vinum ad liba fundenda ejusdem
 mensuræ, in oblationem suavissimi odoris Do-
 mino. Sic facies per singulos boves, et arietes, et
 agnos, et hædos. Tam indigenæ quam pere-
 grini eodem ritu offerent sacrificia : unum præ-
 ceptum, atque iudicium erit tam vobis quam
 adventis terræ. » Significationem videamus. Quare
 enim filiis Israel modo dicitur, ut priusquam ad
 terram promissionis venerint, in omni holocausto
 similam, et oleum, et vinum offerant, nisi
 183 quia in deserto hæc non habebant? præcipitur
 ergo eis ut priusquam his abundaverint, quicumque
 immolaverit agnum, offerat et sacrificium simile
 decimam partem ephi, et olei et vini quartam par-
 tem hin. Qui vero immolaverit arietem, offerat cum eo
 duas decimas similæ, decimam partem hin. At vero
 qui bovem Domino obtulerit, offeret simul cum eo
 duas decimas similæ, et vini et olei totum hin. Hoc
 autem holocaustum, et hæc sacrificia non quaeramus
 extra nos. Omnia hæc si volumus, in nobis invenire
 possumus. Nos sumus agni, et arietes et boves, nos
 et similia et decimæ sumus, nos et oleo et vino
 sumus perfusi. Omnia ergo hæc offerimus, si tantum
 nos ipsos Domino offeramus. Si vis esse aries et
 agnus, sis innocens, patiens et mansuetus; si vis
 esse bos, subicere et humiliare sub iugo Christi, et
 labora firmiter et confidenter in agro Ecclesiæ; si
 vis esse similia, sis totus candidus et sine fermento,
 et quanto plus contereris, et affigeris, tanto candi-
 dior et pulcher fies. Decima vero dicitur homo, quia

A Ipse est drachma decima, ipse est et ovis centesima.
 Hæc autem decima similæ, id est homo, azyms
 sincerus, et incorruptus oleo Spiritus sancti, et vino
 evangelicæ prædicationis, totus et intus et extra per-
 fusus est. Hoc enim oleo sanati, et hoc vino inebriati
 sumus. Quamvis autem plures decimæ hic
 enumerentur, omnes tamen idem significant. Nihil
 enim plus duæ decimæ hic significant quam una,
 nihil plus tres quam duæ; una enim totam fideliū
 multitudinem designat; duæ vero Judæorum popu-
 lum, et gentiliū : tres vero totidem mundi partes,
 Asiam videlicet, Africam et Europam (288).

Hic autem præcipit Dominus filiis Israel ut sicut
 de areis, ita etiam de cibis et pulmentis Domino
 primitias offerant, per quod misericordiam in pau-
 peres, et elemosynarum largitatem facile intellexi-
 rim. Sequitur autem ut, si per ignorantiam omnis
 multitudo peccaverit, offerat vitulum de armento,
 holocaustum in odorem suavissimum Domino, et sa-
 crificium ejus æ libamina, ut cæremoniæ postulant,
 hircumque pro peccato, rogabitque pro eis sacerdos,
 et dimittetur eis. Hoc autem peccatum illud esse
 puto, quo filii Israel Christum occiderunt, quod
 quidem per ignorantiam factum esse, ipse quoque
 ostendit, dicens : « Non enim sciunt quid faciant
 (Luc. xxiii, 34). » Et Petrus apostolus : « Et nunc,
 fratres, scimus, quia per ignorantiam fecistis, sicut
 et principes vestri (Act. iii, 17). » Agant ergo
 poenitentiam, et offerant vitulum, eundem ipsum,
 quem occiderunt, lavando, et prædicando, credendo,
 bibendo et manducando : ut tali sacrificio delectatus
 Dominus dicat : « Sacrificium laudis honorificabit
 me (Psalm. cxlix, 25). » Quid vero per sacrificium, et
 liba, et cæremonias intelligi debeat, modo superius
 diximus, cum de similia, et oleo, et vino loquere-
 mur.

Hircum autem pro peccato offerre, est carnem
 peccatricem poenitentiae igne comburere, ut a pec-
 cato solvatur. Sacerdos autem animus est qui, in
 ara cordis geminatus et compunctionis hostiam
 offerens, et pro se, et pro aliis exaudiri meretur;
 animi enim præcipue culpa sit, quod per ignorantiam
 peccamus; ejusdem ergo interventu fiat ut exaudia-
 mur. Quod si anima una nesciens peccavit, offeret
 capram anniculam pro peccato suo, et deprecabitur
 pro ea sacerdos (289), ut supra. Hoc autem ad
 unumquemlibet pertinet, qui nescienter errat, et
 aliter quam se veritas habeat intelligit et credit.
 Hic ergo, cognito peccato suo, offerat capram quæ,
 quoniam ejusdem generis est, id ipsum significat
 quod modo diximus hircum significare. Anima vero,
 quæ per superbiam aliquid commiserit, sive civis

(287) In Vulgata deest *pacificam*.

(288) Jam supra in exposit. cap. xiv Levit. vidimus
 eandem mundi partitionem factam a S. Brunone,
 quia America quarta pars orbis terrarum non de-
 detecta fuit nisi sub finem sæculi xv, et dominio regum
 Hispaniarum adjecta. Hujusmodi autem principes
 maxime catholici per viros apostolicos, populos illos

adhuc barbaros, et idololatrias ad fidem Christianam
 conversos S. Romanæ Ecclesiæ addixerunt. Quare
 modo dicitur mundus dividi in Asiam, Africam, Eu-
 ropam et Americam.

(289) Ex cod. Laurentiano errata editionis corri-
 guntur.

Hic sit, sive peregrinus, quoniam adversus Dominum rebellis fuit, peribit de populo suo. Hoc autem perspicue de hæretico intelligitur, unde et merito rebellis vocatur. Magna enim superbia est, ut tota Ecclesia reclamante et fidei catholicæ dogmata ostendente, aliquis contra rebellare, suamque sententiam contentiose defendere velit. Talis ergo peribit, cuiuscunque gentis sit, cuiuscunque ordinis, cuiuscunque conditionis et religionis.

Sequitur autem de homine, quem filii Israel extra castra ducentes (quoniam in Sabbato ligna collegat) lapidibus obruerunt. Per hoc autem datur intelligi quod illi qui pactum Dei violant et Ecclesiæ Dei instituta cum cæteris fidelibus custodire et observare recusant, ab Ecclesia pelli, et ab omnibus damnari et excommunicari debeant: tot enim lapidibus obruitur, quot assentientibus excommunicatio confirmatur.

« Dixit quoque Dominus ad Moysen: Loquere filiis Israel, et dices ad eos, ut faciant sibi simbrias per angulos palliorum, ponentes in eis vittas hyacinthinas, quas cum viderint, recordabuntur omnium mandatorum Domini, nec sequantur cogitationes suas, et oculos per res varias fornicantes, sed magis memores præceptorum Domini faciant ea. » Hoc autem capitulum non multa expositione indiget; si quidem ipse qui scripsit, exposuit. Ad hoc autem 184 vittas hyacinthinas in simbris ponere iussit, ut signum quoddam eis esset quo cælestium mandatorum memores, vana et inutilia non cogitarent, hyacinthus enim cæli colorem habet. Sint ergo vittæ hyacinthinae, sanctæ, celibesque cogitationes, quæ simbris, id est sentiis mandatorum Dei innexæ, ab omni fornicatione oculos nostros tæquantur. De fornicatione oculorum Dominus ait: « Qui viderit mulierem ad concupiscendum eam, jam mœchatus est in corde suo (Matth. v. 28). »

CAPUT XVI.

Sequitur autem de seditione, quam Core, Dathan et Abiron fecerunt contra Moysen et Aaron, volentes sibi sacerdotium vindicare, consentientibus eis ducentis quinquaginta viris de majoribus Synagoga, et hos quidem se terra aperiens deglutivit, cæteros autem thuribula tenentes, et incensum offerentes ignis consumpsit. Deinde præcepit Dominus ut Eleazar, filius Aaron, tolleret thuribula quæ in igne jacebant, eaque in laminas produceret, et altari eas affigeret, ut videntes eas filii Israel, semper hujus facti memores essent et ad sacerdotium solis filiis Aaron constitutum, accedere non præsumerent. Quoties enim Dominum filios Israel pro suis iniquitatibus puniisse legimus, semper illud Apostoli meminisse debemus: « Hæc omnia in figura contingebant illis; scripta sunt autem ad correctionem nostram (I Cor. x. 11). » Timeat ergo omnis homo contra episcopos, Ecclesiæque principes seditionem facere, et ea, quæ ad se non pertinent, injuste sibi timeat vindicare: qui enim hoc agit, Deo blasphemat.

Unde hic dicitur: « Si descenderint in infernum vi-
« ventes, scietis quia blasphemaverunt Domino. » Quare autem thuribula in laminas producta altari affligantur, ipse qui scripsit, exposuit: « Quod enim sunt litteræ legentibus, hoc sunt hæc laminæ legem nescientibus. » Has ergo circa cordis altari affixas habet, qui earum non obliviscitur. Utinam nostri reges et principes, utinam Simoniaci, Ecclesiæque invasores has in cordis altari affixas habuissent, et mortis Chore, Dathan et Abiron non obliviscerentur! Qui vero hæc thuribula in mortibus persecutorum sanctificata esse dicit, sanctam Ecclesiam ex cohabitatione Simoniacorum, et invasorum, pollui, eorumque separatione significari significat.

CAPUT XVII.

Hic autem præcepit Dominus Moysi ut tollat singulas virgas per singulas tribus, et unusquisque superscribat nomen. Aaron autem scribat nomen suum in virga Levi, ponatque eas in tabernaculum fœderis. Cujus autem virga germinaverit, ipsius sit sacerdotium. Rogemus et nos Dominum nostrum Jesum Christum ut virgas et regimen nostrum germinare faciat, ne sicci et sine fructu in domo ejus inveniamur. Non est enim pontifex, cujus virga non germinat. Hoc autem miraculum contra eos objici potest, qui virginem parere potuisse negant: non enim mirabilius est virginem parere, quam virgam alcrum ab una nocte flores, et fructus germinare.

CAPUT XVIII.

Dixitque Dominus ad Aaron: Tu et filii tui, et domus patris tui tecum portabitis iniquitatem sanctuarii, et tu, et filii tui simul sustinebitis peccata sacerdotii vestri. Sed et fratres tuos de tribu Levi, et sceptrum patris tui sume tecum, præstoque sint, et ministrent tibi; ad vasa tamen sanctuarii, et ad altare non accedant. Hæc ad sacerdotes pertinent, et quæcunque intra velum sunt. Non enim episcopi et sacerdotes, verum etiam cæteri ordinis clericorum iniquitatem sanctuarii totiusque Ecclesiæ peccata sustinent et portant. Magnum utique onus et grave ad ferendum; multumque necessarium esset ut propriis iniquitatibus carerent, qui aliorum portant iniquitates, cæterosque a peccatorum pondere sublevare præcipiuntur. Valde enim nos semper sollicitos esse oportet, qui et proprias et aliorum iniquitates flere jubemur. Interdicitur autem levitis ad vasa sanctuarii, et ad altare accedere, ne forte ea, quæ episcoporum sunt, temere usurpare præsumant.

Locutusque est Dominus ad Aaron: Omnis oblatio, et sacrificium, et quicquid pro peccato atque delicto redditur mihi, et sedit in Sancta sanctorum tuum erit, et filiorum tuorum, in sanctuario comedes illud. Mares tantum comedent ex eo, quia consecratum est tibi. Sicut enim omnes decimæ levitarum erant, ita omnes primitiæ, omnesque oblationes, et omnia sacrificia erant sacerdotum: in quo sicut et in cæteris omnia majora sacramenta ad ipsos pertinere significatur. Comede-

bant autem illud in sanctuario, quia occultiora divina mysteria in conventu fidelium exponere debemus, in quo non sint nisi mares, qui et fide, et intellectu sint fortiores. Hoc enim soli ordini sacerdotali consecratum et dedicatum est. « Primitias autem, quas vo-
 « verint, et obtulerint filii Israel, tibi dedi, et filiis, et
 « filiabus tuis iure perpetuo; qui mundus est in domo
 « tua vescetur ex eis. » Primitiæ namque, non tantum prima, sed et meliora quoque intelligi possunt. Unde in Exodo auri, et argenti, et gemmarum primitiæ leguntur. Omnes ergo primitiæ sacerdotum sunt, **185** eorumque filiorum et filiarum, quoniam quæcunque fidelia sunt, quæcunque sancta, quæcunque religiosa, quæcunque in virtutibus moribusque præcipua, sacerdotum sunt, et illorum qui ab eis per aquam baptismatis generantur et regenerantur. Sive masculi sint, sive femine, id est sive perfecti, sive minus perfecti, omnes unam fidem unamque doctrinam participant. Ab hac autem participatione soli hæretici separantur, quia immundi sunt, quamvis et ipsi sacerdotum filii sint. Præcipit autem Dominus ut omnia primogenita, et omne animal (290) immundum redimatur, munda vero non redimantur. Quorum sanguinem fundet sacerdos super altare, et adipem adolebit, carnes vero illius erunt, sicut pectusculum consecratum et armus. Quid enim per primogenita nisi fidem et animam intelligimus, quæ nimirum prima, præcipua, et chariora sunt? Ille autem sacerdotum esse dicuntur quoniam eorum ministerio et fides et animæ Deo offeruntur. Aliter enim nemo baptizatur, nisi prius fidem et animam suam sacerdotibus offerat. Animal autem immundum redimitur, quia fides et anima violata penitentis pretio restauratur (291). Munda vero non redimuntur, sed offeruntur, quia non indiget redemptione quod liberum est, nullique obnoxium servituti. Sanguis autem illorum super altare funditur, quoniam illorum vita et anima Deo redditur. Delectatur autem Deus in illorum adipe, per quem animæ virtus et fortitudo significatur. Carnes vero eorum sunt sacerdotum, sicut et pectusculum consecratum et armus, quia sic pertinent ad sacerdotes sanctorum vitas prædicare, sicut et consilia dare, et onera portare. De hominis autem primogenitis jam superius diximus, quæ quidem post unum mensem, quinque diebus redimuntur; quatenus postquam baptizantur, et Deo offeruntur, quinque sui corporis sensus sic sacerdotibus tradant, ut jam non voluptatibus, sed Deo serviant. Præcipitur autem levitis ut ipsi quoque primitias offerant, decimam videlicet partem decimarum, quæ eis a populo offerbantur. Unde manifestum est non semper primum aliquid primitias significare. Decimas autem ideo damus, quoniam ipsi decimæ sumus: nos enim sumus drachma decima, nos sumus et ovis centesima; quod enim centesimum est, decimum est: nos sumus et decimus ordo, quoniam

(290) Cod. Casin: « Ut omnia primogenita sint sacerdotum; hominis vero primogenita, et omne ani-

mal novem sunt ordines angelorum. Quoniam igitur decimas damus, nosmetipsos quasi decimas in decimis Domini commendamus. Hæc autem breviter transcurramus, quoniam de his superius locuti sumus.

CAPUT XIX.

« Locutusque est Dominus ad Moysen et Aaron, dicens: Ista est religio victimæ quam constituit Dominus: præcipe filiis Israel ut adducant ad te vaccam rufam ætatis integræ, in qua non sit macula, nec portaverit jugum, tradetisque eam Eleazaro sacerdoti, qui eductam extra castra, immaculabit in conspectu omnium; et tingens digitum in sanguine ejus asperget contra fores tabernaculi septem vicibus, comburetque eam cunctis videntibus; tam pelle et carnibus ejus, quam sanguine, et fimo flammæ traditis. » Quid enim per hanc vaccam, nisi Christi carnem intelligimus? Quæ bene quidem rufa dicitur, utpote proprio sanguine cruentata. Est autem et ætatis integræ, quia in juventute passus est Dominus. Nulla autem macula in ea est; quia sicut de Salvatore nostro scriptum est: « Peccatum non fecit, nec dolus inventus est in ore ejus. (1 Petr. 11, 22). » Unde et hæc jugum non portasse dicitur, in quo vitiorum servitus designatur. Et quoniam Dominus noster sacerdotibus, eorumque principibus a populo traditus est; ideo et hæc Eleazaro tradi jubetur. Quod extra castra ducitur, et in conspectu omnium immolatur, totaque simul cum pelle, carnibus, et sanguine, et fimo flammis traditur, Apostolus exposuit, dicens: « Quorum enim animalium inferitur, sanguis in sancta per pontificem, horum corpora cremantur extra castra: ita et Jesus, ut sanctificaret per suum sanguinem populum, extra portam passus est (Hebr. xiii, 11). » Sed quid illud significasse putabimus, quod sacerdos tingens digitum in sanguine ejus contra fores tabernaculi septies aspergebat? nisi forte hoc, quod Judei clamantes dixerunt: « Sanguis ejus super nos, et super filios nostros (Matth. xxv, 27). » Bene autem septies fiebat, quia parentes et filii, et nepotes, et quicumque ex eis fuerint, usque ad sæculi consummationem, hac maledictione tenentur obnoxii. Quia enim non sunt dies, nisi septem, quod septies sit, cunctis diebus fieri intelligitur. Lignum quoque cedrinum, et hyssopum, coccum bis tinctum sacerdos mittit in flammam, quæ vaccam vorat, et tunc lotis vestibus, et corpore suo ingreditur in castra, commaculatusque erit usque ad vesperam. Lignum autem cedrinum, quod imputribile est, redolentisque naturæ, sanctos significat: hyssopus quoque, qui in petra naturaliter nascitur, eos designat, quorum Christus est fundamentum. Similiter autem et coccus bis tinctus eos demonstrat, qui Dei et proximi dilectione inflammantur. Merito ergo hæc simul cum vacca in flamma **186** ponuntur, eamque legendo, et memal, » etc.

(291) Ex cod. Laurent. editio hic emendatur.

morando, magno igne interius succenduntur. Toties enim lignum cedrinum, et hyssopus, et coccus cum vacca exurit, quoties illi, qui per hæc significantur, Christi passionis memores, doloris, tristitiæque igne torquentur. Hoc autem de apostolis, cæterisque satis convenienter intelligi potest, qui ejus passioni interfuerunt. Per sacerdotem autem, qui vaccam immolat, et per hominem, qui eam comburit, non solum Caiphas, et ille impius populus, qui tunc temporis erat, verum et totus populus Judæorum omnesque eorum sacerdotes, qui eis et in genere, et in malitia succederent, rectissime significantur. Et isti quidem immundi erunt usque ad vesperam, per quam hujus mundi finem intelligimus; tunc enim lavabunt vestimenta sua, tunc aqua baptismatis interius et exterius purificabunt faciem suam; tunc castra ingredientur, et per fidem ad Ecclesiam convertentur, secundum illud: « Convertentur ad vesperam (Psalm. lvm, 15); » — « In diebus illis salvabitur Juda (Jerem. xxiii, 16); » — « Cum plenitudo gentium introierit, tunc Israel salvus fiet (Rom. xi, 25). »

« Colliget autem vir mundus cineres vaccæ, et effundet eos extra castra in loco purissimo, ut sint multitudini filiorum Israel in custodiam, et in aquam aspersionis, quia pro peccato vacca combusta est. Cumque laverit, qui vaccæ portaverit cineres, vestimenta sua, immundus erit usque ad vesperam. » Quid enim per cineres vaccæ, nisi Christi reliquiæ designantur? Quæ sint autem ejus reliquiæ, dicit evangelista: « Postquam, inquit, manducavi, sumens reliquias, dedit eis, et dixit: Hæc sunt verba, quæ locutus sum apud vos manens (292) (Luc. xxiv, 45). » Has ergo reliquias, id est verba Christi, et prædicationem evangelicam, quæ ipse cæcos ascendens discipulis dereliquit, collegit vir mundus, cætos videlicet apostolicus. Notandum autem, quia neque sacerdos, neque ille, qui vaccam comburit, sed solus ille, qui cineres colligit vir mundus dicitur. Ducunt ergo apostoli cineres vaccæ, id est apostolicam prædicationem extra castra Judæorum, et effundunt eos in loco purissimo, id est in Ecclesia gentium, nolentes jam dare sanctum canibus, et mittere margaritas ante porcos. Et magis quidem Christi verba sunt nobis in custodiam, et in aquam aspersionis, et emundationis, quam illi cineres essent filiis Israel. Sed quare vir iste, qui mundus eligitur, postquam cineres, qui et ipsi mundi sunt, portat, et aqua abluitur, immundus dicitur? Nisi fortasse, quia quantum ad aliorum comparisonem mundus est; quantum autem ad perfectionem, quandiu vivit, mundus non est? Quis enim gloriabitur mundum se habere cor? Astra enim non sunt munda in conspectu Dei. Qui enim mundus est, adhuc indiget, ut pedes lavet (Joan. xiii, 10). Hoc enim Dominus dicit.

« Qui tetigerit cadaver hominis, et propter hoc septem diebus fuerit immundus, aspergetur ex (292) Vulgata habet: Et cum manducasset coram eis, sumens reliquias dedit eis. Et dixit ad eos: Hæc

« hac aqua die tertio, et septimo, et sic mundabitur; si die tertio aspersus non fuerit, septimo non poterit emundari. » Quicumque ex Adam nascitur, cadaver hominis tetigit, quia priusquam cadaver, et mortis legibus subditus esset, neminem generasse legitur. Propter hoc igitur, quantum ad se, omnis homo septem diebus est immundus, quia nisi aqua baptismatis regeneretur, nunquam est mundus. Unde hic dicitur, ut hujusmodi homo aspergatur hac aqua die tertio, quatenus sub trina immersione baptizatus illuminari a Domino mereatur. Aspergatur autem et septimo die, ut per manuum impositionem septem gratis Spiritus sancti confirmetur. Quare autem die septimo emundari non potest, qui in die tertio hac aqua aspersus non fuerit, nisi quia nemo ab episcopo confirmatur qui prius in Trinitate non sit baptizatus?

« Omnis, qui tetigerit humanæ animæ morticinum, et aspersus hac commistione non fuerit, polluet tabernaculum Domini, et peribit ex Israel, quia aqua expiationis non est aspersus, immundus erit, et manebit spurcitia ejus super eum. » Quid enim per animæ morticinum, nisi hæreticos intelligimus? qui non secundum corpus, sed secundum animam mortui sunt. Horum autem morticinum tangere, est eorum impietatibus acquiescere. Qui autem hoc egerit, nisi prædicta aqua, id est evangelica doctrina aspersus et mundatus fuerit, polluet tabernaculum Domini, cæteros videlicet in errorem inducens, et ipse peribit, et immundus erit, et spurcitia ejus manebit super eum, sicut ipsa Veritas ait; « Qui crediderit, et baptizatus fuerit, salvus erit; qui vero non crediderit, condemnabitur (Marc. xvi, 16). » Sequitur:

« Ista est lex hominis qui moritur in tabernaculo. Omnes, qui ingrediuntur tentorium illius, et universa vasa, quæ ibi sunt, polluta erunt septem diebus. Vas, quod non contigerit operculum, et ligaturam desuper, immundum erit. » Tabernaculum enim Ecclesia est, in qua nemo moritur, nisi Christianus; moritur autem, si a fide catholica separetur. In hujus autem tentorio quicumque fuerint, ejusque fidei, et collegio se sociaverint, immundi erunt. Unde et merito illa vasa hoc in loco immunda esse dicuntur, quia non operculum habent, nec ligaturam; quoniam illi omnes immundi sunt, cujus aures ad hujus mortui fidem et doctrinam clausæ non sint. Quid autem per septem dies significetur, sæpe jam diximus.

187 « Si quis in agro tetigerit cadaver occisi hominis, aut per se mortui, sive os illius, vel sepulcrum, immundus erit septem diebus. » Sicut enim per tabernaculum Ecclesia, ita et per agrum ea quæ extra Ecclesiam sunt significantur. Septem ergo, id est omnibus diebus sunt immundi, qui extra Ecclesiam sunt, sive quia cadaver primi hominis, quem diabolus occidit, nascendo tetigerunt, sunt verba, quæ locutus sum ad vos, cum adhuc essem vobiscum.

sive quia ipsi in multis peccatoribus adherendo, A se ipsos peremerant. Os autem mortui tangere, est de doctrina heretici hominis unamquamlibet partem suscipere. Sepulcrum vero mortui tangit, qui totum ejus librum fetore et putredine plenum veneratur et suscipit. Qualiter autem et isti mundari debeant, audiamus.

« Tollent de cineribus combustionis, atque peccati, et mittent aquas vivas super eos in vas, in quibus cum homo mundus tinxerit hyssopum, asperget ex eo omne tentorium, et cunctam suppellectilem, et homines hujuscemodi contagione pollutos, atque hoc modo mundus lustrabit immundum tertio, et septimo die : expiatusque die septimo lavabit et se, et vestimenta, et immundus erit usque ad vesperum. » Hoc enim, quod Apostolus ait : « Qui non noverat peccatum, pro nobis peccatum fecit (II Cor. v, 21), » eum ex hoc loco sumpsisse arbitramur. Sicut enim hic cineres peccati intelliguntur cineres vaccae combustae pro peccato : ita et ibi peccatum intelligitur hostia pro peccato. Et in eo quidem vivas aquas super cineres ponebant, hanc doctrinam vivificatricem per illos cineres quodammodo innuebant. Haec autem aqua ab homine mundo cum hyssopo spargitur, quoniam quicumque hanc doctrinam praedicant, et mundus esse debet, et super illam petram radicans, et fundatus, de qua dicitur : « Petra autem erat Christus (I Cor. x, 4). » In petra naturaliter nascitur hyssopus. Sic ergo homo mundus purifitseat hominem immundum, et quaecumque illius sunt, fidem videlicet, intellectum, scientiam, et doctrinam, ejusque animae tentorium, id est corpus. Quid autem per diem tertium et septimum intelligendum sit, jam superius diximus. Quare etiam qui sic expiatus iterum lavetur, et sit immundus usque ad vesperam, jam dictum est : eadem autem saepe repetere non est opus.

CAPUT XX.

Sequitur autem de eo quod populus veniens in desertum Sin, deficiente aqua, versus est in seditionem contra Moysen et Aaron. Qui, ex praeepto Domini, congregata omni multitudine ante petram, dixerunt : « Num de petra hac vobis aquam poterimus ejicere ? Percussitque virga bis silicem, et egressae sunt aquae largissimae. Dixitque Dominus ad Moysen et Aaron : quia non credidistis mihi, et ut sanctificaretis me coram filiis Israel, non introducetis hos populos in terram quam dedi eis. » Quantum enim fides possit, quantumque incredulitas noceat, hoc in loco apertissime monstratur. Hoc autem in Exodo exposuimus. Quamvis enim hoc et illud miraculum non idem sit, utriusque tamen expositio eadem est : magisque ad hunc locum illa expositio, quam ad illum pertinere videtur. Valde autem nobis timendum est, ne et nos increduli simus ; dum hos tantos viros propter unius rei incredulitatem in tantum discrimen venisse videmus. Hoc tamen et illis ad utilitatem, et nobis accidit ad

exemplum. Utilis est enim illa mors, quae hominem a labore solvit, et in gaudium, et in quietem inducit. Ascendit igitur Aaron supra montem Hor, ibique, jubente Domino, mortuus est. Hor enim lumen interpretatur ; merito ergo in monte luminis moritur, qui tenebras fugiens ad gloriae claritatem festinat.

CAPUT XXI.

Audivit autem Chanaanæus venisse Israel, pugnavitque contra eum, et vicit, duxitque praedam ex eo. At Israel voto se Domino obligans, ait : si dederis populum istum in manu mea, delebo urbes ejus. Tradidit ei Dominus Chanaanæum, quem ille interfecit, subversis urbibus ejus. Chanaanæus iste diabolus est, qui contra nos in primo homine pugnavit, et vicit, et non parvam a nobis praedam tulit, dum ipsa nos immortalitate privavit. Contra hunc autem voto obligati sumus, quicumque ad fidem venientes, eique abrenuntiantes, adversus eum arma suscepimus. Toties ergo eum interficimus, ejusque urbes subvertimus, quoties ad fidem incredulos, et ad pernitentiam peccatores convertimus.

Hinc autem narratur quod populus jam itinere et labore fatigatus murmuravit contra Moysen. Unde et Dominus misit in eos ignitos serpentes, qui eos occidebant. Oravitque Moyses pro eis. Cui praeeptum Dominus ut serpentem æneum faceret, quem percussus aspicientes sanarentur. De hoc enim serpente Dominus ait : « Sicut Moyses exaltavit serpentem in deserto, ita exaltari oportet Filium hominis, ut omnis qui credit in eum non pereat, sed habeat vitam æternam (Joan. iii, 14). » Aspicite ergo serpentem, id est crede in Christum. Igniti autem serpentes maligni spiritus intelliguntur, qui cunctis viventibus nequiores, igne et furore credulitatis omnia superant, et isti quidem eorum animas perdunt, et contra eos maxime possunt, qui contra Christum murmurare eique male vivendo detrachere non cessant. Qui ergo ab his serpentibus percussi fuerint, currant non ad serpentem, sed ad similitudinem serpentis, currant ad eum, qui iniquitatem non fecit, et tamen inter iniquos deputatus est : « Qui in similitudinem cornu peccati apparuit, ut de peccato damnet peccatum in carne (Rom. viii, 3) : » qui nunc exaltatus est in lignum salutis, ut illum deiceret qui prius in lignum concupiscentiae ascenderat.

Venit deinde populus contra Arnon, in fines Amorrhæi ; siquidem Arnon terminus est dividens Moabitae et Amorrhæos. Unde dicitur in libro beliorum Domini. Sicut fecit in mari Rubro, sic faciet in torrentibus Arnon. Scopuli torrentium inclinati sunt, ut requiescerent in Ar et recumberent in finibus Moabitarum. Hoc, inquit, scriptum erat in libro bellorum Domini, quem nos quidem non habemus, quoniam filii Israel, sicut in mari Rubro, Domino pro eis dimicante, victores exsisterunt, sic et vincerent in torrentibus Arnon. Amorrhæos autem, quia duri erant et fortes, metaphorice scopulos vocat. Illis tamen victis et humiliatis, in eorum finibus

requeverunt filii Israel, id est infra ipsos fines Amorrhæorum et Moabitarum. Præceperat enim Dominus filiis Israel, ne tangerent filios Moab et Amor, qui fuerant filii Loth. Similiter autem nec filios Esaan, qui habitabant in Seir et Edom.

Ex eo autem loco apparuit puteus, super quo locutus est Dominus ad Moysen: Congrega populum, et dabo ei aquam. Tunc cecinit Israel carmen istud: Ascendat puteus; canite ei. Puteus quem foderunt principes, et paraverunt duces multitudinis in datore legis, et in baculis suis. Iste puteus Novum Testamentum est, quem Ecclesie principes, apostoli videlicet et doctores in datione legis paraverunt (293), foderunt et exposuerunt. Quod autem ait, in bacillis suis; hoc audiant, qui baculos habent, et vel baculos abjiciant, vel puteos fodiant. In eo enim, quod isti principes cum baculis suis puteum fodiebant, eos, qui baculos habent, id est Ecclesie regimina, sanctarum Scripturarum profunda scrutari, et cunctis sitientibus vivam aquam propinare jubebant. Quod autem superius significari diximus per Chananeos, quos delevit Israel, idipsum significatur per Sehon regem Amorrhæorum, et Og regem Basan. Illa ergo expositio hic quoque sufficit.

CAPUT XXII.

Sequitur autem de Balaam, qui cupiditate ductus ivit ad Balac filium Sefhor, ut malediceret filiis Israel. Cum enim Dominus et prius ne illuc iret, interdiceret, cernens eum nimirum eundi cupidum, postea abire permisit, tamen ne populo malediceret, interdixit. Infelices ergo, qui in malis desideriis a Domino exaudiuntur; et quoniam avari facile cupiditate decipiuntur, et miraculo asine loquentis, et angeli voce, idipsum quod prius jubentis admonetur. Ivit ergo Balaam, et quia maledicere ausus non fuit, aliam viam invenit, ne promissa pecunia privaretur. Hoc autem diximus, ut quantum sit avaritiæ malum, intelligatur. Verba autem Balac, et sacrificia Balaam alius exponat; ego enim in eis laborare non curo. Sola ergo exponamus, quæ prophetiæ spiritu Balaam dixisse videtur.

CAPUT XXIII.

De summis silicibus video eum, de collibus considerabo illum. Populus solus habitabit, et inter gentes non reputabitur. Quis dinumerare possit pulverem Jacob, et nosse numerum stirpis Israel? Moriatur anima mea morte justorum, et sicut novissima mea horum similia. In illo enim populo Balaam non suo, sed spiritu Dei, jam totam Ecclesiam videbat; unde et se justis morte mori, et ei similis fieri optabat: Beati enim mor-

(293) Cod. Casin. In doctore legis, id est, sicut Christus eos docuit, qui doctor est legis. Paraverunt, etc.

(294) Assumere parabolam, est spiritu exstimulante sententias fundere. Et quidem vox Hebraica *Mashal* valebat maxime in genere sententioso. Balaamum hunc Spiritu superiore actum, protulisse suas benedictiones, aut maledicta, vel ex eo intelli-

tui, qui in Domino moriuntur (Apoc. xiv, 13). Quid autem per summos silices et colles, nisi utriusque testamenti altos, difficiles et figuratos sermones intelligamus? Ad hos ergo accedat, hos videat et legat, quicumque Dei populi vitam, conversationem, gloriam, felicitatem, cæteraque videre et considerare desiderat. In hoc enim speculo Ecclesie pulchritudo videtur. Et iste quidem populus solus habitabit. Ubi? Utique in terra viventium. Non reputabitur inter gentes, sine baptismo morientes; qui quoniam innumerabilis est, pulvis vocatur.

Iterum Balaam assumpta parabola (294) ait: Sta, Balac, et ausculta; audi, fili Sefhor. Non est Deus quasi homo, ut mentiatur, nec ut Filius hominis, ut mutetur. Dixit ergo, et non faciet? Locutus est, et non implebit? Ad benedicendum adductus sum, benedictionem prohibere non valeo. Non est idolum in Jacob, nec videtur simulacrum in Israel. Dominus Deus ejus cum eo est, et clangor victoriæ regis in illo. Deus eduxit eum de Ægypto; cujus fortitudo similis est rhinocerotis. Non est augurium in Jacob, nec divinatio in Israel. Temporibus suis dicitur, Jacob, et Israeli quid operatus sit Deus. Ecce populus, ut læna consurget, et quasi leo erigetur. Non accubabit donec devoret prædam, et occisorum sanguinem bibat. Quare, o insipiens Balaam, toties Deum tentas, quem tu ipse nec mentiri, nec mutari, ut Deum posse, testaris? Sufficere tibi debuerat, quod semel dixit, cuius voluntas nec sacrificiis, nec locorum mutatione mutatur; unde manifestum est, quia non sponte Dei populo benedici, sed quia benedictionem prohibere non vales. Doles, quia non est idolum in Jacob; ideoque nefando tuo consilio factum est ut postea sacrificarent Beelphegor. Dominus adduxit eum de Ægypto, cujus fortitudo similis est rhinocerotis, quoniam singulari omnipotentia omnia superat, sicut et hoc animal uno cornu quidquid invadit, prosternit. Et quamvis modo non sit idolum in Jacob, suo tamen tempore dicitur de illo, quod aureos, argenteos, ligneosque deos operatus sit. Lege prophetas, et hoc de Israel dixisse invenies. Leoni autem hic populus comparatur, et prædam devorasse, sanguinemque bibisse refertur, quod qui non intelligit, et hos, et regum, et Machabeorum libros legat, in quibus quam multum sanguinis fuderit, inveniet.

CAPUT XXIV.

Iterum autem Balaam assumpta parabola ait: Dixit Balaam filius Beor: Dixit homo, cujus obturatus est oculus (295); dixit auditor sermonum Dei, qui visionem Omnipotentis intuitus est, qui

gitur, quod ad maledicendum Israelitis missus, iis benedicebat; neque enim nisi quo Spiritus urgeret, conari poterat. Mazoc. in Spicil. ad num., c. 23.

(295) In Vulgata legitur obturatus est oculus, sicut in editione S. Brunonis; sed in Biblia Venet. edita 1542, ab Isidoro Clario habetur hic, et infra apertus est oculus.

« cadit, et sic aperientur oculi ejus : quam pulchra
 « tabernacula tua Jacob, et tentoria tua Israel, sicut
 « valles nemorosa, ut horti juxta fluvios irrigui,
 « ut tabernacula, quae fixit Dominus, quasi cedri
 « prope aquas. Fluet aqua de situla ejus, et semen
 « illius erit in aquas multas. Tolleitur propter Agag
 « rex ejus, et auferetur regnum illius. Deus eluxit
 « illum de *Aegypto*, cujus fortitudo similis est rhi-
 « nocerotis. Devorabunt gentes hostes illius, ossaque
 « eorum confringent, et perforabunt sagittis. Ac-
 « cubans dormivit ut leo, et quasi leona, quam su-
 « scitare nullus audebit. Qui benedixerit tibi, erit
 « ipse benedictus; qui maledixerit tibi, in maledi-
 « ctione reputabitur. » Ecce enim Balaam se ipsum
 obturatum, et execratum dicit, cujus oculi non
 aperiantur, nec in ejus ruina et damnatione. Nemo
 enim est, cujus oculi ad veritatem cognoscendam
 vel post mortem non aperiantur. Tabernacula autem,
 hominum collectiones, singulares Ecclesias di-
 cit, quae quoniam virtutibus, et sapientia, et sancti-
 tate abundant, valli umbrosae, et horti irrigui, et
 cedris comparatur. De situla autem illius fluit aqua,
 de cujus pectore semper manat indeficiens sapientia.
 Semen autem illius erit in aquas multas, per quas
 ex illo populo in multas gentes fieri designat; extol-
 letur propter Agag rex ejus. Primus enim hujus po-
 puli rex fuit Saul qui, sicut legitur in libris Regum,
 pugnavit contra Agag regem Amalec, pro quo in
 superbia elatus, quasi ad gloriam sui triumphi eum
 reservavit, et Deo inobediens fuit, qui ab homine
 usque ad pecus totum Amalec delere praecipit, unde
 et regnum amisit, ut de ejus stirpe rex ulterius
 non nasceretur. Longa est historia, quam, qui le-
 gerit, clarius haec intelliget.

« Sumpta iterum parabola ait : Dixit Balaam filius
 « Beor : Dixit homo, cujus obturatus est oculus,
 « qui cadens apertus habet oculos : videbo eum,
 « sed non modo, intuebor illum, sed non prope.
 « Orietur stella ex Jacob, et consurget virga de
 « Israel, et percutiet duces Moab, vastabitque
 « omnes filios Seth, et erit Idumaea possessio ejus,
 « haereditas Seir cedet inimicis suis : Israel vero
 « fortiter aget. De Jacob erit, qui dominetur, et
 « perdat reliquias civitatis. » Balaam enim, quia
 scilicet peccat, ideo de se rectissime dicit : Quod
 cadens apertus oculos habet, sicut econtra ille
 clausis oculis cadit, qui nesciens et ignoranter pec-
 cat. Quod autem ait : « Videbo eum sed non modo,
 « intuebor illum, sed non prope, » de ultimo judicio
 intelligi potest, quando et boni, et mali omnes asta-
 bimus ante tribunal Christi, de quo statim subinfe-
 rens ait : « Orietur stella ex Jacob, » quia totus mun-
 dus illuminabitur; « et consurget virga de Israel, »
 quia stultorum imperitia corrigetur. Hoc autem
 de Christo totum intelligatur, qui de Israel secun-
 dum carnem originem dicens, cunctis mundi natio-
 nibus dominatur. Et ipse quidem perdet reliquias

A civitatis, nempe Jerusalem, cujus reliquiae sunt
 omnes iniqui, solis bonis in ejus aedificia introdu-
 ctis. Potest autem et juxta litteram intelligi de Da-
 vid hoc, quod dicitur : « Orietur stella ex Jacob, et
 « consurget virga de Israel, » etc. Ipse enim in illo
 populo cunctis regibus, et fortitudine, et sanctitate
 clarior fuit. Ipse percussit Moab, et mensus est cum
 funiculo, coequans terrae. Quare hoc in libris Re-
 gum. « Ipse quoque vastavit filios Heth, » per quos
 Chanaanæos, et cæteros, qui prius in terra promissionis
 habitaverant, intelligere debemus. De quo
 et Rebecca in Genesi loquitur, dicens : « Tædet me
 vita propter filios Heth, et si acceperit Jacob uxorem
 de stirpe hujus terræ, nolo vivere (*Gen. xxvii*,
 46). » — « Facta est autem Idumaea possessio ejus, »
 sicut scriptum est : « Et posuit in Idumaea custo-
 des, statuitque praesidium, et facta est universa
 Idumaea David serviens (*II Reg. viii*, 44). » Est au-
 tem et Seir in Idumaea.

« Cumque vidisset Amelec, assumpta parabola,
 « ait : Principium gentium Amelec, cujus extrema
 « perdentur. » Et hos enim, sicut et illos superavit
 David. « Vidit quoque 190 Cinzeum, assumpta pa-
 « rabola, ait : Robustum quidem est habitaculum
 « tuum, sedet si in petra posueris nidum tuum,
 « et fueris electus de stirpe Cin, quando poteris
 « permanere? Assur enim capiet te. » Quid enim
 hic aliud quaeramus, cum hos ab Assyriis captos
 esse sciamus? « Assumpta parabola iterum locutus
 « est. Heu quis victurus est, quando ista faciet
 « Deus? Venient in trirēibus de Italia, superabunt
 « Assyrios, vastabuntque Hebraeos, et ad extremum
 « etiam ipsi peribunt. » Et hoc quidem completum
 esse videmus. Scimus enim Romanos trans mare
 navibus advectos, et has, et multas alias gentes
 suo imperio subjugasse, quos quidem jam periisse
 dicerem, si non adhuc deterius perituros esse pu-
 tare.

CAPUT XXV.

« Morabatur autem eo tempore Israel in Se-
 « tim (296). Et fornicatus est populus cum filiabus
 « Moab, quæ vocaverunt eos ad sacrificia sua. At
 « illi comederunt, et adoraverunt deos earum. Ini-
 « tiatusque est Beelphegor et iratus Dominus ait
 « ad Moysen : Tolle cunctos principes populi, et
 « suspende eos contra solem in patibulis, ut a-
 « vertatur furor meus ab Israel. Dixitque Moyses
 « ad iudices Israel : Occidat unusquisque proximos
 « suos, qui initiati sunt Beelphegor. » Aliud enim
 Dominus jubet, aliudque Moyses facere videtur.
 Praecepit enim Dominus Moysi, ut cunctos populi
 principes contra solem suspendat in patibulis. Et
 fortasse id ipsum significat, et quod Dominus jubet,
 et quod Moyses agit. Magnum enim patibulum, et
 poenam prope intolerabilem mihi ille sustinere vi-
 detur, qui fratrem et filium palam scienterque in-
 terfecit. Quid enim est aliud contra solem, nisi

(296) Mazochius habet *Cettim* eod. loc. cit., ubi docet quia in regione fuerint populi isti Cettæ, qui in Italiam commigrarunt ante Moisaica tempora, etc.

palam et manifeste? Non enim tanto dolor afficerentur, si hoc in nocte, vel nescienter agerent. Si quis autem hoc aliter intelligat, non contendo. Occisa est autem ibi hominum multitudo, viginti tria millia. Et tunc quidem « stetit Phinees, et placavit, et cessavit quassatio (*Psal. cv, 50*), » interficiens fornicatores, scilicet Zarin filium Salu, et Corbi filiam Sur. Interficiamus et nos fornicationis spiritum, et in nobis caste vivendo, et in aliis bene monendo, quatenus iram Dei placare valeamus. Hoc enim, si sacerdotes egerint, reputabitur eis ad iustitiam usque in sempiternum.

CAPUT XXVI.

Post hæc autem Moyses, iubente Domino, posuit manus super caput Josue coram Eleazaro sacerdote et omni multitudine. Et replicans omnia, quæ mandaverat Dominus, dedit ei partem gloriæ suæ, constituit eum pro se ducem populi. Hoc enim et Christus Dominus fecisse legitur, qui priusquam cælos ascenderet, vicarios sibi, totiusque Ecclesiæ duces apostolos constituit. Quibus et partem gloriæ suæ tribuens, signa et virtutes in suo nomine facere præcepit (*Marc. xvi, 17*); qui quasi manus Christi super capita habentes, ab omni potestatis incursu, omnisque adversitatis impetu securi exstiterunt.

CAPUT XXVII.

Expositio hujus capitis in quo Josue assumitur, et caput populi constituitur, deest in editione, nec in codicibus mss. reperitur.

CAPUT XXVIII.

« Dixitque Dominus ad Moysen : Hæc sunt sacrificia, quæ offerre debetis; agnos anniculos immaculatos duos quotidie in holocaustum sempiternum; unum offeretis mane, et alterum ad vespæram : decimam partem ephi similæ, quæ conspersa sit oleo purissimo, et habeat quartam partem hin, et libabitis quartam partem vini per singulos agnos in sanctuario, alterumque agnum similiter offeretis ad vespæram. » Quid enim per duos agnos, nisi duo testamenta intelligimus? in quibus omne sacrificium laudis, et jubilationis plenissime continetur. Hos autem mane et vespere, imo septies in die offert Ecclesia, secundum illud : « Septies in die laudem dixi tibi (*Psal. cxviii, 164*). » Quamvis per mane et vespæram, quæ sunt dici extremitates, totus dies rectissime intelligi possit. His autem duobus agnis additur decima similæ, et vini, et olei, quarta quoniam illud decem verbis, hoc autem quatuor Evangelii continetur. Idem ergo per agnos significatur, quod per decimam, et per quartam intelligitur : hæc enim testamenta, et agni sunt, quia nulli nocent, omnesque innocentes vivere docent; et similia qua anima nutritur, et oleum quo sanatur, et vinum quo inebriatur. Merito ergo tale sacrificium, mane et vespere, id est tota die fieri jubetur, quatenus sine intermissione Deus laudetur, populus ad agni innocentiam provocetur, anima cælesti pane **191** satiatur, mens oleo Spiritu sancti inuncta sanatur, et calice Evangelii potata inebrietur. Et quo-

niam non est pretiosa laus in ore peccatoris, tale sacrificium in sanctuario, id est in conventu fidelium fieri præcipitur. Sequitur :

« Die autem Sabbati offeretis duos agnos anniculos, immaculatos, et duas decimas similæ oleo conspersæ in sacrificio, » et cætera, ut supra. Et hoc sacrificium idem est, quod superius. Duas decimas offerre, est legem intelligere. Quæ oleo quidem aspergitur, si misericordia temperetur; temperatur autem, si spiritualiter intelligatur : littera enim occidit.

« In Kalendis autem, id est in mensium exordiis, » offeretis holocaustum Domino : vitulos de armento duos, arietem unum, agnos anniculos septem immaculatos, et tres decimas similæ, oleo conspersæ, per singulos vitulos, et duas decimas similæ oleo conspersæ per singulos arietes; et decimam decimæ similæ, etc.... Hircus quoque offeretur Domino pro peccato in holocaustum sempiternum cum libamentis suis. » De hoc enim sacrificio, et de his vitulis Apostolus ait : « Per ipsum ergo offeramus hostiam laudis semper Deo, id est vitulos laborum contentium nomini ejus (*Hebr. xv, 15*). » Hæc igitur hostia laudis, et duo vituli laborum, duo testamenta intelligantur, sine quibus ad laudem proferendam labia movere nescimus. Offeramus autem et arietem unum, prædicemus Christi passionem, qui sicut ovis ad victimam ductus non aperuit os suum.

Hic autem arieti jungamus septem agnos, id est septem S. Spiritus gratias; in eo esse, semperque manere debemus. Sæpe autem jam diximus quid per decimam intelligatur; siquidem ipse est drachma decima, ipse est ovis centesima, unde etiam non solum decima, sed et decima decimæ dici potest : si enim centum ovibus decimam dare volueris, decem dabis : decies enim decem centum fiunt; hujus autem decimæ ovis centesima decima est : est ergo homo decima decimæ. Quod autem similia dicatur homo, audi Apostolum : « Expurgate vetus fermentum, ut sitis nova conspersio, sicut estis azymi (*I Cor. v, 7*). » Conspersio enim pro farina ponitur. Denique cui nisi farinæ additur fermentum? Quid nisi panis dicitur azymus? Sed unde panis, nonne de similia? Similia ergo homo. Hæc autem similia oleo spargitur, quia Dei misericordia, et S. Spiritus gratia homo perunctus et sanatur, et renovatur. De hac ergo similia, id est de hominibus demus tres decimas per singulos vitulos; duas per arietem, et decimam decimæ per unumquemque agnum. Unum ergo idemque significant omnes. Hoc est enim omnis homo, quod duo populi, quod tres mundi partes. Quia ergo per duo testamenta convertuntur omnes, et per Christi passionem redimuntur omnes, merito tres decimæ sequuntur vitulum, duæ arietem, et decima decimæ agnum. Sed quare hæc omnia vino perfunduntur, nisi ut spiritualis intelligentiæ sapore dulcescant, insipida enim, et irrationalia hæc esse videntur - ut ergo saporem

habeant, hoc spiritualis expositionis odore perfundantur. Sed quoniam ipsa quoque expositio secundum mensuram fieri debet, plus vini ponitur in vitulis, plus in arietibus, quam in singulis agnis. Cur autem in hircio Christus imoletur, hæc est maxima et principalis causa, quia ut impius damnatus est, et quasi sceleratus cum latronibus crucifixus est. Quem nos ergo veneramus in agno, hunc Judæi abominantur in hircio. Similiter autem et in Pascha, et in Pentecoste, et prima, et decima die mensis septimi sacrificare jubet. Hæc igitur una sit omnium expositio.

CAPUT XXIX.

« Quintadecima vero die mensis septimi, quæ vobis erit sancta atque venerabilis, omne opus servile non facietis in ea, sed celebrabitis sollemnitate Domini septem diebus, offeretisque holocaustum in odorem suavissimum Domino: vitulos de armento tredecim, arietes duos, agnos anniculos quatuordecim immaculatos, et in libamentis eorum similis oleo consperse; tres decimas per vitulos singulos, qui sunt simul vituli tredecim, et duas decimas arietibus uno, id est, simul arietibus duobus, et decimam decimæ agnis singulis, qui sunt simul agni quatuordecim, et hircum pro peccato. » Qui per septimum mensem, ejusque primam, et decimam, et quintam diem significet, et quare opus servile in eo non fiat, cur etiam septem diebus hæc sollemnitas celebretur in Levitico exposuimus. Nunc ergo de sacrificiis videamus, quæ in hac sollemnitate sine differentia, uno eodemque modo, per septem dies fiebat; præter hoc tantum, quod de vitulis per singulos dies unus minuebatur. Prima enim die offerebantur tredecim, secunda duodecim, tertia undecim, et sic de reliquis, usque ad septimam, in qua non nisi septem offerebantur. Sed quid per vitulos, nisi apostolos? Qui nisi tredecim essent, aut Paulus, aut Matthias inter eos locum non haberet. His autem vitulis tota Ecclesia et arata, et seminata est. Duo vero arietes, et agni quatuordecim id ipsum significant. Significant enim duo Testamenta, quæ in quatuor Evangelis, et in decem verbis continentur. Sunt ergo et duo, et quatuordecim, quoniam ex quatuor et decem sunt. Similiter autem et tres decimæ, et duæ decimæ, et decima decimæ id ipsum significant. In his enim omnis homo significatur; de quo duæ quidem, et tres decimæ sunt, quoniam in duos populos, et in tres mundi partes homo dividitur. Merito ergo hæc decimæ vitulis, **192** et arietibus, et agnis junguntur, quatenus omnis homo cujuscunque gentis sit, et in quacunque mundi parte habitet, sanctorum apostolorum, duorumque Testamentorum fidem et doctrinam sequatur et teneat. Offerebant itaque pontifices apostolos in vitulis, testamenta in arietibus, et agnis, totamque Ecclesiam, ubique diffusam

A in decimis offerebant. Et de his quidem modo superius diximus. Quod autem unus vitulus de numero per singulos dies subtrahatur, fortasse apostolorum obitum designat; quorum numerus, dum alter post alterum de hoc mundo exiret, quotidie quodammodo minuebantur. Arietes autem, et agni, et decimæ neque crescunt, neque minuantur, quoniam semper et Testamenta duo sunt, et Evangelia quatuor, et verba legis decem, et Ecclesia una, ex Asia, Africa et Europa, ex Judæis et gentibus constituta.

« Die octavo, qui est celeberrimus, omne opus servile non facietis in eo, offeretis holocaustum in eo in odorem suavissimum Domino: vitulum unum, et arietem unum, et agnos anniculos immaculatos septem, sacrificiaque ejus, et libamina singulorum per vitulum, et arietem, et agnos rite celebrabitis, et hircum pro peccato. » Dies enim octavus idem est, ac primus, etiam Dominicus appellatur, et ab omni Christiano celeberrime colitur et veneratur. Hæc die mundus cœpit; hæc die Christus a mortuis resurrexit, hæc etiam die ultima resurrectionis fiet. Unde et quidam psalmi pro octava titulantiur. Hæc ergo die omnis Ecclesia, instantius quam in cæteris, offert Domino holocaustum et hostiam laudis; Christum videlicet laudando et prædicando; hoc enim per vitulum, et arietem, et septem agnos significatur. Quæ sequuntur, cum per sæpe recitata sint, prætermittimus.

CAPUT XXX.

C « Narravit Moyses filiis Israel omnia, quæ ei Dominus Imperaverat. Et locutus est ad principes tribuum filiorum Israel. Iste est sermo, quem præcepit Dominus: Si quis vestrum votum Dominonaverit, aut se constrinxerit juramento, non faciet irritum verbum suum, sed omne, quod promisit, adimplebit. » Omnia enim vota juramento, quæ bona sunt, et contra justitiam non sunt, reddi debent. Ideoque Ecclesiæ principes, quibus ista dicuntur, quidquid voverint aut juraverint, reddere oportet, quoniam tam cauti debent esse et in vovendo, et in jurando, ut nihil contra justitiam jurent vel voveant. Unde et subditur: Quod puella, quæ est in domo patris, vel uxor alicujus, si aliquid voverit aut juraverit, et hoc pater vel maritus audiens non contradixerit, hæc erit, et quidquid promiserit eam reddere oportebit; si vero audiens contradixerit, non tenebitur juramento. Isti enim patres et mariti, Ecclesiæ principes esse videntur, quorum singulæ et uxores, et filię sunt. Uxores quidem, quia de eorum semine pariunt; filię vero, quia eorum ministerio regenerantur. Horum ergo est vota discernere, et juramenta judicare. Nemo ergo agere præsumat, quæcunque Ecclesiæ doctores interdiciunt, etiam si ea noverit aliquis (297). Injusta enim vota irrita esse debent.

(297) Cum adeo perspicuum sit divinum præceptum de obligatione voti Deo facti, detestanda est quorundam adulantium scriptorum impudentia, qui

hiscæ nostris diebus docere non sunt veriti, sæculares principes vota etiam sollemnia religionis solvere posse; ac proinde, dictu horrendum, sacris virgi-

Quæ autem vota, vel juramenta isti vel consensu approbant, vel dictis confirmant, ea reddere necessarium est. Quare hoc? Quia quidquid dicunt, iustum est. Sic ergo sit ut iusta vota, et sancta promissa omnis homo persolvere debeat; quia nemo est qui ea persolvere et reddere interdicat; injusta vero omnia irrita fiant. Verumtamen qui scienter contra iustitiam jurat, quamvis hoc eo juramento quod a sanctis interdicatur, non teneatur, non tamen putare debet se confestim liberum esse a peccato: non jurare debuerat, quod peccatum esse sciebat. Pœniteat ergo, non quia juramentum non agit, sed quia scienter contra iustitiam iuravit. « Vidua et repudiata quidquid voverint, reddent. » Quid enim si male voverint? mala enim vota reddi non debent; dicatur ergo, quidquid bene voverint. Quia enim suæ libertatis sunt, et nullius potestate preminuntur, libere possunt vovere, quod volunt. Per has tamen eas animas intelligere possumus, quæ a mundi huius complexibus et voluptatibus separatæ a stultis hominibus repudiuntur, et despectui habentur. Tales autem, quia sapientes sunt, et bona tantum agere desiderant, quidquid vovere voluerint, earum iudicio relinquatur. Si vero uxor vel voto vel juramento se obligaverit, ut jejuniis vel abstinentia alia affligat animam suam, nisi maritus hoc audiens confestim interdixerit, reddere oportebit. Hoc autem nihil significare videtur, nisi quia præpositorum iudicio subjectorum vita temperari debeant: quibus si bonum aliquid voverint assensum præbuerint, eos jam ulterius sine periculo revocare non possunt.

CAPUT XXXI.

Sequitur autem de Madianitis, contra quos filii Israel ex præcepto Domini pugnantes, eos vicerunt, omnesque interfecerunt, inter quos et Balaam et quinque principes illorum occisi sunt, **193** nullusque ex eis remansit, præter virgines tantum, quas filii Israel reservantes, manserunt cum eis extra castra septem diebus, secundum hoc, quod eis iusserat Moyses. Per has enim, sicut et per alias gentes, Dei populo adversantes, demonum exercitum, et vitiorum multitudinem intelligere debemus. Sed quid per quinque principes, nisi quinque nostri corporis sensus intelligamus? Cum his enim prædicti hostes contra nos veniunt: cum his nobis bella civilia movent, nostrisque armis nos impugnant, et nos contra nos pugnare compellunt. Si ergo hos primum vicerimus, et secundum priorem statum interfecerimus, subito in nobis omnium vitiorum corrumpitur multitudo. Per virgines autem, quas filii Israel sibi reservant, eas animas intelligimus, quæ diaboli corruptionem fugientes ad Christi fidem, et Ecclesiæ societatem se transferunt, et pro sua pulchritudine Dei populo placeant. Cum quibus nimirum manent septem diebus extra castra, quia et illi, qui a gentilitate ad Deum convertuntur, et illi per quos convertuntur, nibus ad incestuosas et sacrilegas nuptias ianvam aperuisse.

A omni tempore manent extra Synagogam; unde neque hic dicitur, quod ut prius, post septem dies ad castra revertantur: septem enim dies omne tempus significant.

« Qui occiderit hominem, vel occisum tetigerit, lustrabitur die tertio, et septimo. Et de omni præda, sive vestimentum fuerit, sive vas, et aliquid in utensilia præparatum de caprarum pellibus, et pilis, et ligno, expiabitur. » Judæi enim hominidesunt. Etiam tetigit occisum quicumque de Adam natus est, cui dictum fuerat: Quocumque die de hoc ligno comederis, morte morieris. Isti ergo, ut salvari possint, tertio, et septimo die expediuntur, sicut et cætera quæ de omni præda venerunt, et diabolo rapta sunt; sive vas fuerit, sive vestimentum, sive quilibet aliud de caprarum pellibus, vel pilis, vel ligno, in aliqua utensilia præparatum, per quod non solum homines, verum etiam eorum fidem, scientiam, vitam, mores, omnemque conversationem, et cunctam interioris hominis suppellectilem intelligere possumus. Omnia enim cum ipso homine purificantur.

« Aurum, et argentum, et æs, et ferrum, et stannum, et plumbum, et omne quod potest transire per flammam, igne purgabitur. Quidquid autem ignem non potest sustinere, aqua expiationis sanctificabitur, et lavabis vestimenta vestra die septimo, et purificati postea castra intrabitis. » Per aurum enim, et argentum, et cætera, quæ ignem sustinere possunt, eos intelligimus, quibus Deus fortitudinem tribuit, ut igne passionis, et martyrii expientur, quamvis aqua baptismatis sanctificati non sint. Et isti quidem die septimo, id est in hac ultima ætate, lavantes in sacro fonte vestimenta, carnem suam, non solum Ecclesiæ, verum etiam et cæli castra purificati ingrediuntur.

CAPUT XXXII.

Omittitur in quo, juxta Vulgatam, filii Israel ad pugnam apti promittunt Moysi, relictis mulieribus, parvulis, et armentis, contra hostes ad terram promissionis obtinendam proficisci.

CAPUT XXXIII.

Illic autem Moyses describit quadraginta mansiones, quas populus fecit donec veniret ad terram promissionis. De quibus, si secundum hominum interpretationem, et secundum res in eis gestas, si quis tractare vellet, in longum sermonem eas extendere posset (298). Nos autem de numero pauca dicamus. Quadragenarius enim numerus ex quatuor constat, et decem (quater enim decem, vel decies quatuor quadraginta faciunt) decem autem et quatuor, ut jam sæpe diximus, Vetus et Novum Testamentum designant, quoniam illud in decem verbis, et hoc in quatuor concluditur Evangeliiis. Sicut ergo illi per quadraginta mansiones ad terram promissionis transierunt, ita et nos per decem legis mandata, et quatuor Evangelia transeuntes, duce Jesu, in ter-

(298) S. Maximus Taurin. de his agit hom. 41 De Quadrag. V, p. 122. edit. Rom. 1784.

ram viventium intraturi sumus. Beati autem illi qui in his mansionibus morantur et habitant. Beati qui in sacris voluminibus utriusque Testamenti delectantur; semper manna abundant, nunquam pane cœlesti carent; nunquam eis deficit panis vivus qui de cœlo descendit. Illi cibo spirituali nutriuntur, illi aqua de petra reficiuntur; illos sancti Spiritus gratiæ in die obumbrant, in nocte illuminant; illi revera dicere possunt: « Dominus regit me, et nihil mihi deerit, in loco pascuæ ibi me collocavit (*Psalm. xlii, 1*). » Beati ergo sunt, si non murmuraverint, si Deum non tentaverint, si in fide non hæsitaverint, si carnes non quæsierint, id est si legem carnaliter non intellexerint, et carpas, et alia non concupierint. Verumtamen quia *Rameses* interpretatur *tinea*, quotiescunque penitentia, vel alio quolibet modo vitiorum tineas a nobis excutimus, de *Ramesse* nos exire intelligamus, et tunc quidem vitii superatis, diisque *Ægyptiorum* contritis, *Phase* confidenter facere possumus. Quoniam autem *Sochet* *tabernacula* interpretatur, quando in concilio iustorum et congregatione religiose vivimus, in *Sochet* nos esse sciamus. Quia vero *Ethan* dicitur *consummatus*; quando aliquod bonum perficimus, in *Ethan* nos esse gaudeamus. At vero quia *Athairot* interpretatur *corona*, quoties de aliquo vitio triumphamus, toties in *Athairot* castrametamur. Ante *Magdalum* tentoria figimus, quando *turres* et *munitiones diaboli* expugnamus, sic enim interpretatur *Magdalum*. Sumus autem in *Mara*, si peccatorum recordatione, vel sæculi adversitatibus amaricamur, quoniam *Mara* *amarum* interpretatur. Quia vero *Elim* dicitur *aries*, tunc in *Elim* habitamus quando apostolorum innocentiam et simplicitatem imitamur. Unde et merito in *Elim* duodecim fontes et septuaginta palmæ esse dicuntur, per quæ duodecim apostoli, et septuaginta duo Christi discipuli figurantur. Quando vero populum ad baptismum et ad fidem invitamus, super mare Rubrum tentoria figimus; siquidem et illi et in nube, et in mari sunt baptizati. Sed veniamus in desertum *Sin*, accedamus ad servitutem Dei, et præparemus animas nostras ad tentationem. *Sin* enim *tentatio* interpretatur. Per hoc enim postea transire poterimus in *Detheca*, quod interpretatur *remissio*: illis enim remittuntur peccata, qui diabolicas superant tentationes. Quoties aliquid fermentamus, et manus, et opera ad corruptionem laxamus, toties in *Alis*, et in *Raphidim* nos esse doleamus. *Alis* enim *fermentare*, *Raphidim* vero *manus laxare* dicitur. Unde et merito ibi aqua populo defuisse legitur: facile enim populus corrumpitur, et peccat, si ei evangelicæ doctrinæ aqua defuerit. Et tunc quidem quodammodo in *Sinai* legem recipimus, quando nos in sacris voluminibus exercemus. Quando vero illicita concupiscimus, tunc ad *Aseroth*, *angustiarum domum* festinamus, sic interpretatur. Hoc ergo modo cognita historia, et nomen interpretatione, facile singulorum significationes prudens lector inveniet. Quæ nos quidem per

A singula diceremus, nisi quia facilia sunt, et brevitati operam damus.

CAPUT XXXIV

In quo termini, et dimensiones terræ promissionis describuntur, omittitur.

CAPUT XXXV.

« Dixitque Dominus ad Moysen: Præcipe filiis Israel, ut dent levitis de possessionibus suis, urbes ad habitandum, et suburbana earum per circuitum, ut ipsi in oppidis maneant; et suburbana sint pecoribus, et jumentis, quæ a muris civitatum forinsecus per circuitum mille passuum tenduntur contra Orientem, et contra Meridiem similiter erunt duo. » Per hoc enim apertissime datur intelligi, quod clericorum ordo sublimiorem locum in Ecclesia tenere debeat, aliisque omnibus quasi propriis jumentis et pecoribus imperitare; unde et pastores non immerito vocantur. Quod vero suburbana mille passuum spatio tenduntur, omnem mundi ambitum eorum regimini, et ditioni subditum esse ostendit; idem enim significat mille, quod omnes, quoniam hic numerus perfectus est, omnesque in se numeros continet, qui in se quidem replicari possunt, crescere vero non possunt. Notandum autem, quod duo millia cubiti in mille passibus concluduntur; unde et constat, quod duo cubiti unum passum faciunt.

« Dixitque Dominus ad Moysen: Quando transieritis Jordanem, intrantes terram Chanaan, disperdite cunctos habitatores illius, et eorum simulacra confringite, mundantes terram. » Qui ergo per baptismum ad Ecclesiam venimus, terram, id est carnem nostram ab omni vitiorum sorde munde-
mus, unumque et verum Deum colamus, et adoremus.

« Ait autem Dominus ad Moysen: Loquere filiis Israel, et dices ad eos: Quando transgressi fueritis Jordanem in terra Chanaan, decernite quæ urbes esse debeant in præsidia fugitivorum, qui nolentes sanguinem fuderint: in quibus cum profugus fuerit, cognatus occisi eum non poterit interficere, donec stet in conspectu multitudinis, et causa illius judicetur. De ipsis autem urbibus, quæ ad fugitivorum subsidia separantur, tres erunt trans Jordanem, et tres in terra Chanaan, tam filiis Israel quam advenis atque peregrinis, ut confugiat ad eas, qui nolens sanguinem fuderit. Si quis autem vel ferro, vel lapide, vel ligno, vel manu per odium, aut insidias hominem occiderit, cognatus occisi, statim, ut invenerit, jugulabit. Si vero fortuito, et absque odio, et inimicitias hoc egerit, priusquam sic esse probatum fuerit, innocens liberabitur, et non occidetur, sed ad civitatem, ad quam confugerat, reducetur, manebitque ibi, donec sacerdos magnus, qui oleo sancto unctus est, moriatur. » Tres enim civitates trans Jordanem, et tres in terra Chanaan, idem significant: per quas, fides, spes, charitas intelligi possunt: nunquam enim poterit esse securus, qui domum suam in his civitatibus non fundaverit. Ad

has autem quicumque fugerit, non occidetur. Si enim secundum litteram absolute intelligamus, ut illi qui sponte, sive quod majus est per odium, vel per insidias hominem occidunt, in his civitatibus fugiendi subsidium non habeant (quod nefas est dicere) poenitentiae januas claudimus. Aliiter ergo intelligendum est. Plerumque enim per homicidas corporis, animarum homicidas intelligimus. Animarum vero homicidae, maxime Judaei et haeretici intelliguntur, qui falsa persuasione animas a Christi fide separantes, interficiunt. Horum autem illos volentes et per odium, et per insidias peccare intelligamus, qui sic peccant, ut nunquam **195** se peccasse poeniteat, et malum, quod velle coeperunt, nunquam voluisse desistant. Nemo enim sic est volens, sicut ille, cujus voluntas non mutatur. Alios autem, et si peccaverunt volentes; attamen quia jam sunt nolentes et poenitentes, dicamus eos sanguinem fudisse nolentes. Ille ergo fudit sanguinem volens, qui voluntate in fundendo sanguine est perseverans. Si quis ergo fuderit sanguinem volens, id est qui a voluntate fundendi sanguinem non recesserit, moriatur. Qui vero fuderit sanguinem nolens, id est jam poenitens, et non fudisse volens, fiat ad has civitates, et salvabitur. Si enim fidem Ecclesiae receperit, si spem Ecclesiae habuerit, si charitatem Ecclesiae tenuerit, non mo-

rietur. Quod si extra has civitates eum invenerit propinquus occisi, confestim eum jugulabit. Quis sit iste propinquus, lege in Evangelio de Samaritano, et invenies Christum esse, qui eos quidem, quos extra has civitates invenerit, occidet, et aeternae morti damnabit. Quod autem iste homicida non revertitur ad propria, donec sacerdos magnus moriatur, hoc Moyses significasse videtur, quia ante Christi passionem nemo post peractam poenitentiam ad coelestem patriam revertebatur. Judaei quoque et haeretici quicumque Jesum sacerdotem magnum nondum venisse, vel mortuum esse, vel resurrexisse credunt, in patriam reverti non possunt, sic enim nondum istis Christus mortuus est; sicut Mariae nondum ad Patrem ascenderat, cum ait: « Noli me tangere: **B** nondum enim ascendi ad Patrem meum (Joan. xx, 17). » Nobis autem Christus jam mortuus est: nos jam ejus morte et sanguine redempti sumus. Nobis ergo ad propria redire, et de hujus mundi exilio in civitatem sanctam Jerusalem ipse nos introire concedat, cui cum Patre, et Spiritu sancto gloria, et honor in saecula saeculorum. Amen.

CAPUT XXXVI.

Hoc postremum libri Numerorum caput, in quo filiis Israel praecipitur, ut quilibet de tribu sua sibi sumat uxorem, et ad aliam non transeat, ne confundantur tribus, omittitur a sancto Brunone.

Explicit liber Numerorum.

INCIPIT

EXPOSITIO IN DEUTERONOMIUM.

PRAEFATIO.

196 Quia in aliis libris Moysi, quod Dominus dedit, locuti sumus; restat nunc quoque in hoc ultimo libro, quod ipse donaverit, dicamus. Dicitur autem liber iste, Deuteronomium, quod *secunda lex* interpretatur; quoniam et Novum significat Testamentum, et ea, quae in aliis dicta sunt, in isto quodammodo innovantur et replicantur. Nos autem, quae in superioribus libris exposita sunt, praetermittentes, caetera, non omnia tamen, sed difficiliora quaeque cum Dei adjutorio exponere aggrediamur. Ab hoc capitulo loquendi exordium sumamus.

CAPUT XIII.

« Si audieris in una urbium tuarum, quas Dominus Deus tuus dabit tibi ad habitandum, dicentes aliquos: Egressi sunt filii Bellal de medio tui, et averterint habitatores urbis terrae tuae, atque dixerint: Eamus, et serviamus diis alienis; quaere sollicite, et diligenter rei veritate perspecta; si inveneris, certum esse, quod dicitur, et abominabilem hanc opere perpetrata, statim percuties habitatores urbis illius in ore gladii, et delebis

C « eam. Omnia quoque, quae in illa sunt, congregabis in medio platearum ejus, et cum ipsa civitate succendes, ita ut universa consumas Domino Deo tuo, ut sit tumulus sempiternus; non aedificabitur amplius, et non adhærebit de illo anathemate quidem quam in manu tua. » Si audieris, inquit, ubicunque fueris, ab aliquo nuntiante tibi filios Bellal, id est haereticos, qui iugo fidei non tenentur (Bellal enim *absque iugo* interpretatur), si, inquit, audieris eos de medio tui exiisse, fidemque Ecclesiae reliquisse, aliosque secum a justitia avertisse, et deos alienos, id est malignos spiritus securos esse, quaere rem diligenter, quam cum veram esse cognoveris, gladio spiritus, quod est verbum Dei, omnem nefandam illam congregationem percuties et delebis. **B** insuper et omnia, quae illius sunt, simul cum ipsa in medio ejus succendes, id est aeternis suppliciis condemnabis. Simul enim cum haereticis, omnis eorum perversa scientia et doctrina (quae per eorum scientiam intelligitur) abominari et damnari debet, quatenus sic destruat ut ulterius in memoria non habeatur. Hoc est enim, quod ait: « Non aedificabitur

« amplius, et non adhereret de illo anathemate in manu tua, » per quod intelligere debes, ut nihil de illa heresi adhereret menti et fidei tuæ. Sequitur :

CAPUT XIV.

« Filii estote Domini Dei vestri. Non vos incidetis, nec facietis calvitium super mortuo, quoniam populus sanctus est Domino Deo tuo, et te elegit, ut sis ei in populum peculiarem de cunctis gentibus, quæ sunt super terram. » Imitetur Deum, qui ejus esse vult. Decet enim ut parentum imaginem in se filii representent. Se autem incidere, et calvitium super mortuo facere magni doloris indicium est. De mortuo vero non dolere, sed gaudere debet Christianus. Qui enim bene moritur, ad Deum tendit. Doles ergo, o mulier, quod vir tuus ad Deum tendit : doles, o homo, quod frater, vel filius tuus ad Deum vadit, non bene doles. Videamus etiam quid Apostolus dicat : « Mortui estis, et vita vestra abscondita est cum Christo in Deo (Coloss. iii, 3). » Isti enim adhuc viventes huic mundo mortui erant. Et sæpe quidem videmus super his, qui mortui sunt, vel etiam qui sic mori desiderant, fratres, et propinquos dolere, et isti ergo non bene super mortuo dolent. Ille quoque non bene dolet, qui super iniquo mortuo dolet; de mali namque perditione non dolendum, sed gaudendum est : dolendum potius erat de vita ipsius, quæ justitiæ et bonitati contraria erat. De talibus tamen quandiu vivunt et dolere, et flere debent sancti, si forte eorum orationibus convertantur. Sic enim et Samuel flebat Saulem. Post mortem vero pro eis flere infructuosum est. Denique cum Dominus dicat : « Ego quoque in interitu vestro ridebo (Prov. i, 26), » quis de illo dolere audeat, de quo Dominus ridet et gaudet? De nullo igitur mortuo dolendum est, nisi de illo, qui fidei moritur, et a Deo separatur. Sequitur autem de animalibus mundis et immundis, de quibus in Levitico sufficiens diximus.

197 « Omne quod mundum est, comedite, quid quid autem morticinum est, ne vescamini ex eo. » Peregrino, qui inter portas tuas est, da, ut comedat, aut vende ei, quia tu populus sanctus Domini Dei tui es. » Hoc autem juxta litteram illi observantes salvabuntur, et sic per illam umbram Dei populus erant, sicut et nos modo per veritatem. Nos enim secundum apostolicam doctrinam, nihil immundum et commune judicamus (I Cor. x, 15). Quidquid in macello venit, comedimus, interrogantes propter conscientiam. Scientes etiam, quia non est personarum acceptator Deus (Act. x, 34). Neminem ad fidem venientem ab Ecclesiæ corpore separamus. Omnem cibum Ecclesia suscipit, id est omnem hominem suo corpori inducit. Nos ergo sumus peregrini, nos immunda a Judeis emimus, et comedimus. Judei enim fuerunt apostoli, qui nos ista docuerunt, ut nihil commune, et immundum esse credamus; modo fidem ipsi nobis vendiderunt, hanc animæ pretio emimus, pro hac Christi servi facti sumus. Et quidem sicut nos modo nisi omnia come-

damus, perimus; sic et illi tunc si comedissent, perissent. Omnia enim comedit, qui omnia comedenda fatetur.

« Non coques hædum in lacte matris suæ. » Illis hoc dicitur, qui Christum adhuc lactantem, et puerum occidere voluerunt. Et hoc quidem in Exodo exposuimus.

« Anno tertio separabis aliam decimam ex omnibus, quæ nascuntur tibi eo tempore, et repones inter januas tuas, venietque levites, qui aliam non habet partem nec possessionem tecum, et peregrinus, et pupillus, et vidua, quia intra tuas portas sunt, et comedent, et saturabuntur, ut bene dicat tibi Dominus Deus tuus in cunctis operibus manuum tuarum quæ feceris. » Multa enim Moyses in superioribus libris de decimis locutus est; nunc autem aliam decimam introducit, quæ valde dignior ceteris esse videtur. Per hanc enim spirituales legis intelligentiam significari puto; decem enim sunt verba legis, quæ prius quidem Judæi ad litteram intelligentes, observantes, unam decimam dabant. Veniente autem tertio anno, id est tertio sæculorum tempore, jam alia decima datur, quo eadem decem verba spiritualiter intelliguntur. Tria enim sunt tempora : Primum ante legem; secundum sub lege, tertium sub gratia. Hoc autem tertium, quod nunc agitur a Christi nativitate cepit. Hoc ergo tertio anno, sive tertio tempore, Ecclesiæ doctores cordis sui cellario condiderunt. Bene autem dicitur ex omnibus, quæ nascuntur eo tempore, quia et si prius littera nata fuisset, litteræ tamen intelligentia spiritualis hoc tempore nata est. De hac autem decima vivunt levitæ, de hac decima vivit clericorum ordo, de hac comedunt et saturantur quicumque cibis spiritualibus delectantur. Hanc peregrini, id est gentiles ad fidem venientes; hanc pupilli et viduæ, nequissimum patrem et maritum diabolum deserentes, suscipiunt. Sint ergo duæ decimæ, duæ mandatorum intelligentiæ.

CAPUT XV.

« Septimo anno facies remissionem, quæ hoc ordine celebrabitur. Cui debetur aliquid ab amico, vel proximo, aut fratre suo, repetere non poterit; quia annus remissionis est Domini. A peregrino, et advena exiges : civem, et propinquum repetendi non habes potestatem, et omnino indigens, et mendicus non erit inter vos. » Septimus enim dies, et septimus annus, sicut jam in aliis libris exposuimus, hæc ultima ætas intelligitur, de qua Apostolus ait : « Nos sumus, in quos fines sæculorum venerunt (I Cor. x, 11). » In hac ultima autem ætate remissionem facere debemus, sicut Dominus ait : « Dimittite, et dimittetur vobis (Luc. vi, 37). » Itemque : « Nisi remiseritis hominibus peccata eorum, nec Pater vester cælestis dimittet vobis peccata vestra (Matth. xviii, 35). » Hæc sunt ergo debita, quæ a proximo, vel ab Ecclesiæ civibus non repetere, sed dimittere debemus. Quod autem ab advena, et peregrino hæc repetere concedit, dam-

natis, et infidelibus hanc remissionem non valere significat, sive etiam dimittas, sive non dimittas, ille tamen nihilominus periturus est. Quid enim Judæis in infidelitate persistentibus profuit, quod Dominus ait : « Pater, ignosce illis, non enim sciunt, quid faciunt (Luc. xxiii, 34). » Debitum ergo ab his exigitur, siquidem non dimittitur. In eo vero, quod ait : « Et omnino indigens, et mendicus non erit inter vos, » ad eleemosynarum largitatem nos provocare videtur. Sequitur :

« Fenerabis gentibus multis, et ipse a nullo accipies mutuum : dominaberis nationibus plurimis, et tui nemo dominabitur. » De divitiis spiritualibus Ecclesia non feneravit : nulla enim gens est, cui ipsa fidem suam non prædicaverit, et cum omnes gentes fidem ejus suscepissent, ipsa nullius gentis fidem suscepit, et ipsa quidem tandem dominabitur omnibus, cui præter Deum nemo dominabitur.

« Cum tibi venditus fuerit frater tuus Hebræus, aut Hebræa, et sex annis servierit tibi, in septimo anno dimittes eum liberum ; et quem libertate donaveris, nequaquam vacuum abire patieris, sed dabis viaticum de gregibus, et de area, et de torculari, quibus Dominus Deus benedixerit tibi. Sin autem dixerit : Nolo egredi, eo quod diligit te, et domum tuam, et bene sibi apud te sentiat esse, assumes sibiulam, et perforabis aurem ejus in janua domus tuæ, et serviat tibi usque in æternum. Ancillæ quoque similiter facies. Non avertas ab eis oculos tuos, quando dimiserit eos liberos, » **196** quoniam juxta mercedem mercenarii per sex annos servivit tibi. » Quoniam enim Hebræus *transiens* interpretatur, omnis homo Hebræus intelligi potest, qui ab infidelitate ad Ecclesiam transit. Hos autem doctores Ecclesiæ pretio Domino emunt. Idem vero per sex annos, quod per sex dies significatur ; non enim sunt dies nisi sex, in quibus servile opus fieri liceat. Qui igitur sex annis servit, a servitute non recedit. Sed sciendum est, quia servorum Dei alii sponte servant, et gratam habent servituti, alii vero non sponte, et onerosam servant servitutem. Et multos quidem tales in Ecclesia videmus, qui nihil boni servitii sua sponte faciunt ; servant tamen aut verecundia, aut timore. Hos autem in septimo anno, id est vitæ termino completo, liberos abire Ecclesia permittit, qui nulla ulterius servitute servant, sed melius eis fuerat adhuc servisse, quam tali libertate liberos abisse. Et vide quam bonus Dominus, qui nec etiam ipsos malos servos et ingratos vacuos abire permittit, sed dat eis viaticum de gregibus, et de area, et torculari. Intelligit enim hoc sacramentum, intelligit et hoc nomen, nec ignorat quid viaticum significet. Unde et ultima hora poenitentibus hoc viaticum recipere persuadet, qui per totam vitam usque ad sedem judicis securi perferantur. Hoc enim viaticum Christi corpus et sanguis est, quod prius quidem de gregibus accipiebatur, nunc autem de area et de torculari suscipitur. Quis enim hoc non intel-

ligat, quis nesciat, quid agnus significet, qui in Pascha immolabatur : « etenim Pascha nostrum immolatus est Christus (1 Cor. v, 7). » De aræ namque suscipitur panis, et vinum de torculari, quæ ineffabiliter in Christi carnem et sanguinem convertuntur. Sequitur autem de bono servo, qui libentissime serviens, nunquam a Domini sui vult recedere servitute. Quare hoc ? Quia eum diligit, et domum ejus, quæ est Ecclesia, semperque sibi apud eum bene esse sentit. Hunc ergo ducit Dominus ad januam domus suæ, et perforat aurem ejus ut ei serviat in perpetuum. Qui enim ad januam ducitur, ab omnibus, qui in domo sunt, videtur ; merito ergo bonus servus ducitur ad januam, ut quam fidelis et obediens sit omnibus innotescat, cæterique bonum exemplum de eo capiant, et qui nondum aures perforatas habent, sibi ad ejus exemplum perforari faciant. Tales enim aures Domino querebat, cum diceret : « Qui habet aures audiendi, audiat (Marc. iv, 23). » Iste ergo, quia per sex annos, id est toto tempore vitæ suæ, quasi mercenarius serviens, sui laboris mercedem semper expectavit, bene remuneratus ad supernæ patriæ rediit libertatem : servivit ergo, non ut servus, sed ut mercenarius ; quoniam servo pro labore non dantur mercedes. Sequitur autem de primogenitis, quæ si masculini generis et sine macula fuerint, cuncta Deo sacrificare jubentur. Et de his quidem in superioribus libris satis locuti sumus. Quod autem hic dicitur, ut primogenita, quæ maculam habent, non immolentur Domino, sed comedantur ab his qui mundi sunt, et ab his qui mundi non sunt, hoc significat quod criminosi ad ordinem quidem sacerdotalem subveli non possunt, ab Ecclesiæ tamen corpore et communione separari non debent. Sed hoc solum in eis observandum est ut Judæorum sanguis non comedatur, sed quasi aqua super terram fundatur. Qua in re manifeste ostenditur, quoniam et si iniquis communicamus, iniquorum tamen peccatis non acquiescere, sed ea vehementer abjicere et abominari debemus.

CAPUT XVI.

Quod autem sequitur de tribus festivitatis, quas Judæi celeberrimas habebant, ideo hic non exponimus, quia in aliis libris, et maxime in Levitico sufficienter exposuimus.

« Non plantabis lucum, et omnem arborem juxta altare Domini Dei, nec facies tibi, atque constituas statuam, quæ odit Dominus Deus tuus. » His enim verbis omnis idolorum cultura, omnisque infidelium superstitio interdicatur.

CAPUT XVII.

Hoc autem capitulo præcipit ut omne ambiguum, omnesque majores causæ sacerdotum judicio finiatur : cujus sententiæ quicumque superbiens obedire noluerit, moriatur. Qua in re sacerdotum scientia et justitia, populi que erga eos obedientia, qualis et quanta esse debeat breviter insinuat.

« Cum ingressus fueris terram, quam Dominus

Deus tuus dabit tibi, voverisque tibi regem constituere; de gente tua, et de fratribus tuis eum constitues: qui cum fuerit constitutus, non multiplicet sibi equos, nec reducat populum in Egyptum; praesertim cum Dominus vobis praeceperit, ut per eandem viam non revertamini; nec habeat uxores plurimas, quae ejus animum alliciant: neque habeat in mensa pondera auri, et argenti. Postquam sederit in solio regis, scribat sibi Deuteronomium legis hujus, accipiens exemplar a sacerdotibus, et legat illud cunctis diebus, faciens ea, quae in eo scripta sunt; neque declinet ad dexteram, vel ad sinistram, ut longo tempore regnet ipse, et filii ejus (299). Utinam hoc capitulum reges nostri intelligant, intellectumque custodiant, neque tantis malis Ecclesiam Dei afficiant. Hoc autem non solum de secularibus, verum etiam de spiritualibus Ecclesiae regibus intelligi potest. Verum eum de gente nostra, de gente utique Christiana et religiosa, et de nostris fratribus, id est de melioribus Ecclesiae filiis eligere, et constituere debemus. Qui ergo rex constitutus fuerit, non multiplicet sibi equos, quorum superbo apparatu in bellum ruat, humilemque populum prosternat. Per hoc enim intelligere possumus, ut superborum famulatu atque consiliis non elevetur. Hoc autem rex David intelligens, ait: « Hi in curribus, et in equis, nos autem in nomine Dei nostri magnificabimur (Psalm. xix, 8). » Nec reducat populum in Egyptum, sermone videlicet et exemplo eum ad peccata convertens. Per eandem autem viam revertitur, qui ad peccatum, quod poenitendo reliquerat, iterum redit. Nec habeat uxores plurimas, quae ejus animum illiciant. Hoc autem Salomon surda aure praeteriens, non solum plurimas, sed alienigenas duxit uxores, a quibus miserabiliter illectus, idola adorasse legitur. Spiritualiter autem multae uxores multae religionum sectae intelligi possunt. In mensa vero pondera auri et argenti prohibentur, quoniam his facillime in contemptum Dei, et in superbiam elevatur. Hunc autem librum, qui inter nova et vetera medius discurrit, scribere sibi, et observare praecipitur, ut secundum Evangelium de thesauro suo nova, et vetera proferre possit. Cujus fidei exemplar a sacerdotibus suscipitur, si secundum eorum doctrinam custoditur. Ille vero nec ad dexteram, nec ad sinistram declinat, qui a veritate, et a recto itinere non recedit.

CAPUT XVIII.

« Non habebunt sacerdotes et levites, et omnes, qui de eadem tribu sunt, partem et hereditatem cum reliquo Israel, quia sacrificia Domini, et oblationes ejus comedant, et nihil aliud accipient de possessione fratrum suorum; Dominus enim ipse est hereditas eorum, sicut locutus est illi. » Hac sententia mundum relinquere, et soli Deo adherere jubemur, et qui Deum in partem suscepimus, nul-

lam aliam partem queramus, ne forte dum aliam partem querimus, hanc, quae omnino melior est, amittamus. Magna enim est hereditas, si illum hereditamus, qui omnia possidet. Hoc autem illi custodiunt, qui solis necessariis contenti, omnia communia habent. Sequitur:

« Hoc erit iudicium sacerdotum a populo, et ab his, qui offerunt victimas, sive bovem, sive ovem immolaverint, dabunt sacerdoti armum ac ventriculum, primitias frumenti, vini, et olei, et lanarum partem ex ovium tonsione. Ipsum enim elegit Dominus Deus tuus de cunctis fratribus tuis, ut stet et ministret nomini Domini, ipse et filius ejus in sempiternum. » Armum enim omnium victimarum sacerdotes suscipiunt, ut per hoc omnium onera se portare intelligant, secundum quod ad Aaron Dominus ait: « Tu, et filii tui, et domus patris tui portabitis iniquitatem sanctuarii. » Eum ergo, qui multis oneribus premitur, multos armos habere oportet. Sed quare ventriculum sacerdotes suscipiunt, nisi ut sanctarum Scripturarum cibum coquant et digerant, atque ex eo cuncta ecclesiastici corporis membra pascant et nutrant? In ventriculo enim, id est stomacho omnis cibus digeritur, quo omnia corporis membra nutriuntur. Suscipiunt praeterea sacerdotes vini, et olei, et lanarum primitias, ut habentes victum et amictum, his contenti sint. Sed quales eos esse putamus, quibus omnes primitiae dantur? Sed quare dantur? Vis audire quare? Quia primi sunt, quia majores sunt; quia in omnibus obtingunt principatum, et omnia eis debent esse subiecta. Isti ergo primi sedeant, primi ambulent, istos reliqua turba sequatur. Qui enim eos sequitur, non ambulat in tenebris, sed habebit lumen vitae.

Dixitque Dominus ad Moysen: Prophetam suscito eis de medio fratrum tuorum similem tui, et ponam verba mea in ore ejus, loqueturque ad eos omnia, quae praecepero illi. Qui autem verba ejus, quae in nomine meo loquetur, audire noluerit, ego ultor existam. Multos enim prophetas huic populo Deus dedit, qui quamvis Dei mandata, et viam vitae eis nuntiarent, et Moysi in sermone et miraculis similes essent; non solum eis non crediderunt; verum etiam sicut Dominus ait, alios lapidaverunt, alios occiderunt, alios contumeliis affecerunt. Potest autem hoc specialiter de illo propheta intelligi, qui de se ipso loquitur, dicens: « Non est propheta sine honore, nisi in patria sua, et in domo sua (Marc. vi, 8), » etc., quem Deus Pater non solum suscitavit, sed a mortuis resuscitavit. Hic autem et similis est Moysi, qui propheta, et major tamen, et Dominus Moysi, qui et Patris sui verba loqui significans, aiebat: « Mea doctrina non est mea, sed ejus qui misit me, Patris (Joan. vii, 16). »

CAPUT XIX.

Sequitur autem de tribus civitatibus fugitivorum, quas inter se aequali spatio dividi praecipit, ut ha-

(299) Partim sensu, partim verbis ex Vulgata hic locus concinnatus est.

beat e vicino, qui propter homicidium fugerit, quo A
evadere possit.

« Hæc erit lex homicidæ fugientis, cujus vita
« servanda est. Qui percusserit proximum suum
« nesciens, et qui heri et nudus **200** tertius nul-
« lum contra eum habuisse odium comprobatur;
« sed abiisse eum eo simpliciter in silvam ad ligna
« cædenda, et incisione lignorum securis fugerit de
« manu, ferrumque lapsus de manubrio amicum ejus
« percusserit, et occiderit, hic ad unam supradicta-
« rum urbium confugiet, et vivet, ne forsitan proxi-
« mus ejus, cujus effusus est sanguis, dolore stimulatus
« persequatur, et apprehendat eum, si longior fuerit
« via, et percutiat animam ejus, qui non est reus mor-
« tis: Quia nullum contra eum odium prius habuisse
« monstratur (299'). » Tres enim istæ civitates, ut
in libro Numeri exposuimus, fides, spes, charitas in-
telliguntur; quæ quidem æquali spatio inter se divi-
duntur, quia his, qui salvandi sunt, æqualiter, simul-
que occurrunt. Per silvam autem, in qua ligna cædun-
tur, hæc, et alia Scripturæ divinæ legis intelligi possunt.
In hac autem silva simpliciter ligna cædimus, quan-
do fidei intentione singulas sententias disposuimus.

Fit autem aliquando, ut dum de his loquimur,
aliquid minus idoneum ad intelligendum, ferro de
manubrio delapso, percutiamus et occidamus. Tunc
enim securis manum fugit, et ferrum de manubrio
labitur, quando gladius spiritus, quod est verbum
Dei, incaute profertur. Tales ergo in hac silva fra-
tribus circumstantibus ligna incidere debent, qui et
cædendi periti sint, et ferrum verbum Dei retinere C
valeant, ne fortasse aliquid contra fidem proferant,
vel quod pro sui obscuritate scandalum faciat. Ipsi
quoque, qui hæc ligna cædendi peritiam habent, non
omnia coram omnibus cedere debent; quædam enim
sunt, quæ nonnisi in conventu sapientum exponi
debent. Qui ergo hoc modo fratrem percussit, si in
aliqua prædictarum civitatum refugium habuerit,
non occiditur; refugium enim habet in civitate fidei,
si propria conscientia defendatur, se contra fidem
nescienter esse locutum, et quod dixit, non ideo
dixerit, ut aliquem pro odio a fide catholica aver-
tisset (hoc enim Judæi et hæretici faciunt) ideoque
quanto tempore in hoc odio permanent ad has ci-
vitates nullum refugium habent. Similiter autem
de spe, et charitate intelligatur. Proximus autem D
hominis occisi Christus est, qui per Samaritanum in
Evangelio significatur. Et ipse quidem eos homicidas
interfici, quos longe a prædictis civitatibus reperit.
De hoc capitulo locuti sumus in fine libri superioris.

« Non assumes, et transferes terminos proximi
« tui, quos fixerunt priores in possessione sua. »
Nescio quam possessionem melius hic queamus in-
telligere, quam fidem nostram et doctrinam evan-
gelicam. Hujus autem terminos qui transferre cona-
tur, et aliter quam a sanctis Patribus constituti sunt,
movere nititur, æternæ damnationis reus efficitur.

(299') Cod. bibl. Montis Amiata: Quia nullum habuisse odium contra eum comprobatur, et in succi-
sione lignorum.

CAPUT XX.

Hinc autem Moyses hortatur populum, ut si
quando contra adversarios suos ad bellum exierint,
et eorum exercitum majorem viderint, non timeat,
quia Deus secum est: et jam prælio appropinquante
sacerdotes populum commoveant et confortent;
duces quoque per singulas turmas, exercitu audiente
proclament: « Quis est homo, qui ædificavit domum
« novam, et non dedicavit eam, vadat, et revertatur
« in domum suam, ne forte moriatur in bello, et alius
« homo ejus fungatur officio. Quis est homo, qui de-
« sponsavit uxorem, et non accepit eam, vadat, et
« revertatur in domum suam, ne forte moriatur in
« bello, et alius homo accipiat eam. His dictis,
« addent reliqua, et loquentur ad populum: Quis
B « est homo formidolosus, et corde pavido? rever-
« tatur in domum suam, ne pavere faciat corda
« fratrum suorum; sicut ipse timore perterritus est.
« Cumque siluerint duces exercitus, et finem lo-
« quendi fecerint, unusquisque suos cunctos ad bel-
« landum præparabit. » Hæc enim Ecclesiæ princi-
pio et fini conveniunt; hæc ad tyrannorum tem-
pora rectissime referuntur, in quibus exiguus Chri-
stianorum populus contra innumerum persequen-
tium exercitum dimicabat et dimicabit. Docet ergo
Moyses, qualiter Ecclesiæ duces milites suos eo tem-
pore instruere debeant. Fortes quoque hortatur ne
timeant et, ut confidenter in hostem ruant, non in
suis sed in Dei virtute confidant, qui in eis rema-
nent, pugnat et vincit. Ipse enim non solum viros,
sed virgines et mulieres tanta fortitudine corroboravit,
ut impios imperatores vincerent, et Romano-
rum inexpugnabilem exercitum superarent. Sed
quid per hominem, qui et novam domum ædificavit;
et nondum eam dedicavit, nisi Christianum aliquem
intelligimus, qui quamvis in baptismo veterem ho-
minem exuerit, et jam in novum factus, Deum in
domo sua, id est in seipso, qui templum Dei ab Apo-
tolo vocatur, habitatorem suscepit, nondum tamen
ad illam perfectionem pervenit, ut sicut se, alium
diligat, et mundum penitus contemnat? Qui enim
ad hoc pervenit, totum se ab integro Domino dedi-
cavit. Qui vero hoc non habet, nondum idoneus
est, ut tyrannorum gladios contra se provocans,
ad martyrium tendat. Revertatur ergo in domum
suam, maneat in se, teneat fidem in occulto, et
sit vel bonus confessor, qui martyr esse non me-
ruit; melius est enim ei, ut sic maneat, quam
in bello moriatur; moriatur, inquam, non corpo-
re, **201** sed anima; si enim corpore moreretur,
martyr esset. Qui ergo præ timore Deum negat,
ille secundum animam in bello moritur. Idipsum
autem et de illo intelligatur, qui uxorem desponsa-
vit, et nondum eam accepit. Uxorem quidem des-
ponsavit qui fide Christianam religionem promisit,
cum hac enim uxore proles bonorum operum gene-
ratur. Hanc autem et si desponsaverit, nondum

tamen accepit, quia ad fidei et religionis perfectionem nondum pervenit. Hujus autem perfectionis est mundum contemnere, et Deum et proximum toto corde diligere. Revertatur ergo in domum suam et hic et ille ne forte in bello moriatur, et alius homo, et illius domum, et hujus uxorem accipiat, id est tollat. Hæc enim significatione Apostolus ait: « Sustinetis enim, si quis vos in servitutum redigit, et si quis accipit (11 Cor. xi, 20); » id est si quis vobis vestra bona tollit. Hominem autem ipsum diabolum vocari, ipse nos Dominus docuit dicens: « Inimicus homo hoc fecit (Nath. xiii, 28). » Hic igitur homo Deum negantibus et domum, et uxorem tollit.

« Si quando accesseris ad expugnandum civitatem, offeras ei primum pacem. Si acceperit, et aperuerit tibi portas, cunctus populus, qui in ea est, salvabitur, et serviet tibi sub tributo. Sin autem fœdus inire noluerit, et cœperint contra te bellum, oppugnabis eam. Cumque tradiderit Dominus Deus tuus illam in manu tua, percuties omne, quod in ea masculini generis est, in ore gladii, absque mulieribus, et infantibus, juvenis, et cæteris, quæ in ea civitate sunt. Omnem prædam exercitui divides, et comedes de spoliis hostium tuorum, quæ Dominus Deus tuus dederit tibi. » Hoc autem non solum de una civitate, vel tota gente, sed de uno quolibet intelligi potest. Civitas enim omnis homo est, habitatque in ea non parva civium multitudo, virtutum quidem, si bonus est, vitiorum vero, si malus. Ad hanc autem expugnandam accedimus, quando primi infidelem hominem ad Christi fidem convertere tentamus. Et primum quidem ei offerimus pacem, Christum videlicet Dei filium prædicantes. « Ipse enim est pax nostra, qui fecit utraque unum (Ephes. ii, 14). » Quam si acceperit, et portas ad audiendum et credendum aperuit, cunctus populus, qui in ea est, salvabitur. Bonus enim est populus ille, qui Evangelio portas aperit, et Christum ad se venientem suscipit. Unde benedicitur, « ut cunctus populus salvetur, » non qui in ea fuerat, sed qui in ea est. Audito enim verbo fidei, statim omnis erronea multitudo recedit, et sola tibi cum populo suo fides remansit. Hæc autem civitas servit Ecclesiæ sub tributo, quia fidelis homo semper tributa honorum operum persolvit. Utinam et nos secundum hunc modum omni tempore tributarii simus. Per eos autem, qui fœdus accipere nolunt, et contra prædicatores pugnare incipiunt, illos intelligimus, qui non facile convertuntur, sed vana philosophia, et dialecticis syllogismis contra fidem, et Evangelium disputant. A talibus tamen sancti prædicatores non statim recedant; sed quasi inimicissimam civitatem, eos oppugnant, nunc Scripturarum exemplis, nunc miraculorum signis, nunc aliis rationibus eos aggrediuntur, donec victi succumbant, et ab infidelitate ad fidem convertantur qui cum veritati acquievere rint, confestim Christi bellatores, omnes eorum masculos, omnes eorum syllogismos, omnia eorum argumenta, omnia fa-

Asarum Scripturarum exempla, quibus prius se defendebant, et in quibus confidebant, in eis perimerent, et destruerent, ut quidam eorum etiam suos codices exurerent, et se errasse confiterentur. Feminas autem, et pueros, et jumenta reservabant, id est eas sententias, et rationes, quæ, aut sicut feminæ bonum aliquid parerent, aut sicut pueri nihil nocerent, aut sicut jumenta aliquid prodessent. Multas enim scientias habent gentiles, quas nemo prohibet habere Christianos. Prædam autem exercitus distribuere, et hostium spolia dividere, quid aliud est, nisi eos, qui noviter diabolo erepti sunt viris catholicis tradere, qui eos plenissime Christianam doceant religionem, et corpori ecclesiastico per omnia introducant? Sequitur: « Sic facies cunctis civitatibus, quæ a te procul valde sunt; » et non sunt de his urbibus, quas in possessione accepturus es. De his autem civibus, qui abantur tibi, nullum omnino permittas vivere. Per hos enim, quos filii Israel vivere non permittunt, vitiorum exercitum, et Judæorum, et hæreticorum, et omnium in infidelitate permanentium intelligimus. Hæc enim omnia æternæ morti destinata sunt.

« Quando obsederis civitatem multo tempore, et munitionibus circumdederis, ut expugnes eam, non succides arbores de quibus vesci potest, nec securibus per circuitum debes vastare regionem, quoniam lignum est, et non homo, nec potest bellantium contra te augere numerum. Si quæ autem ligna non sunt pomifera, sed agrestia, et in cæteris apta usus, succide, et exstrue machinam, donec capias civitatem, quæ contra te dimicat. » Id ipsum per hanc civitatem et per illam, de qua modo superius diximus, intelligi potest. Quod enim in illa cives boni, hoc est in ista arbores fructifera; et quod in illa cives mali, hoc est in ista ligna agrestia, ex quibus machinas fieri præcipit; hoc datur intelligi, quia pagani et hæretici plerumque a nobis suis scriptis superantur.

202 CAPUT XXI.

« Quando inventum fuerit in terra, quam Dominus Deus tuus daturus est tibi, hominis cadaver occisi, et ignoratur cædis reus, egredientur majores natu, et judices tui, et metientur loco cadaveris singularum per circuitum spatia civitatum, et quam viciniorem cæteris esse perspexerint, seniores civitatis ejus tollent vitulam de armento, quæ non traxit jugum, nec terram scidit vomere, et ducent eam ad vallem asperam, atque saxosam, quæ nunquam arata est, nec sementem recepit; et cædent in ea cervices vitulæ; accedentque sacerdotes filii Levi, quos elegit Dominus Deus tuus, ut ministrarent ei: et venientes majores natu civitatis illius ad interfectum, lavabuntque manus super vitulam, quæ in valle percussa est, et dicent: « Manus nostræ non effuderunt hunc sanguinem, nec oculi viderunt; propitius esto populo tuo Israel, quem redemisti, Domine, et non reputes sanguinem innocentem in medio populi tui Israel.

« Et auferetur ab eis reatus sanguinis; tu autem alienus eris ab innocentis cruore, qui fusus est, cum feceris, quod præcepit Dominus. » Valde hic locus difficilis est ad exponendum. Incipiamus tamen, et sequamur eum, qui ait: « Aperi os tuum, et ego adimplebo illud (*Psalm.* lxxx, 11). » Per cadaver ergo hominis occisi, Christi corpus intelligamus, cujus utique cædis reus, secundum quemdam modum ignoratur: quod enim eum Judæi occiderint, non ignoratur; causa tamen, qua eum occiderint, ighoratur. Hoc enim Pilatus ipse testatur, dicens: « Nullam causam invenio in homine isto (*Joan.* xviii, 38). » Et Petrus apostolus: « Nullam, inquit, causam mortis invenientes in eo, petierunt a Pilato ut interficerent eum (*Act.* xiii, 28). » Usitata enim locutio est, ut cum de aliquo, qui pro suo reatu occisus est, interrogamus qui eum occiderit? respondeamus peccatum suum. Hoc ergo modo ignoratur, quis Christum occiderit, quoniam nullum peccatum in eo fuit, pro quo occidi debuisset. Quid ergo super hoc fieri debet? « Egre-diantur, » inquit, majores natu, et judices populi, et mentantur a loco cadaveris singularum per circuitum spatia civitatum, et quam viciniorem esse perspexerint, inde seniores civitatis illius egredientes faciant, quod sequitur. » Per majores enim natu et judices populi, apostoli intelliguntur: ipsi enim in Ecclesia primi fuerunt, ipsi a Deo judices constituti, duodecim tribus Israel judicabunt. Civitas vero proxima cadaveri est Jerusalem, cujus seniores quidem sunt patriarchæ et prophetæ, mortem hominis innocentis cunctis gentibus nuntiare jubentur. Et apostoli quidem plano facillique sermone Christi mortem annuntiant. Prophetæ vero suo more per ænigmata et figuras. Hoc autem sequentia manifestabunt. Mensi sunt enim apostoli a loco cadaveris, id est a civitate Jerusalem omnes hujus mundi civitates, quia in omnem terram exivit sonus eorum, ubique Christi mortem prædicantes, ubique eum sine causa crucifixum esse dicentes. Hoc autem, ut firmitus crederetur, non fuit sufficiens solos apostolos hoc dixisse, sed ejusdem civitatis seniores ad ipsum testificandum egrediuntur: et isti quidem mentiri non possunt, quia seniores sunt, tum quia ibi proximi fuerunt. Nulla enim nunc pars mundi est, in qua prophetarum libri non inveniantur; nusquam invenitur locus, in quo Christi passionem prophetæ in scripturis suis non prædicaverunt. Prædicant autem per allegorias, quemadmodum hic in figura vitulæ obscure satis de Christo loquuntur. Etenim non tantum loquuntur verbis, sed etiam factis; tollunt siquidem vitulam de armento, id est Christum Dominum nostrum de grege patriarcharum, quæ non traxit jugum, nec terram scidit vomere, quia Salvator noster omni libertate præditus, nulli vitiorum fuit obnoxius servituti, magisque nos de cælestibus, quam de terra cibum querere docuit. Ait enim: « Operamini cibum, non qui perit, sed qui permanet in æternum (*Joan.* vi, 27). » Et ducunt illam ad

A vallem asperam, atque saxosam id est ad gentilem populum, qui vitiorum asperitate, et incredulitatis duritia horruerat: quæ vallis nunquam arata est, nec sementem recipit, quæ ante id temporis, neque Ecclesiæ cultores, neque verbi Dei semen gentilitas cognoverat. « Et cædent in ea cervices vitulæ. » Quid est hoc? In Judæa occisus est Christus, et in gentibus vitula jugulatur. Quid est ergo, quod Apostolus ait: « Christus semel mortuus est (*1 Petr.* iii, 18). » Semel enim mortuus est, et jam non moritur; toties tamen mori dicitur, quoties ejus mors in Ecclesia nuntiatur et memoratur. Sic enim dicere solemus: Cras erit Nativitas Domini, cras erit Pascha, cras erit Ascensio Domini; cum cras tamen nisi sola commemoratione non fiant. Sic igitur et prophetæ toties B vitulam inter nos occidunt, quoties per eorum scripta Christi passionis memores sumus. Adducunt etiam ad hujus vitulæ occisionem sacerdotes filios Levi, ut per hoc manifeste intelligamus, sacerdotum hoc factum fuisse consilio, ut Christus crucifigeretur. Sed ne aliquis dicat: Vos seniores, vos prophetæ, vos Christum occidistis, quia, sicut hic dicitur, vos vitulam jugulastis, et vestra prophetia exstitit causa, ut Christus occideretur. Propter hoc ergo veniunt majores natu ad interfectum, levantque manus per vitulam, et dicunt: « Manus nostræ non effunderunt hunc sanguinem, nec oculi viderunt. » Quid enim non viderunt? peccatum utique vel causam pro qua occideretur (quod enim non est, videri C 203 non potest). Ignoratur ergo cælis reus, siquidem ab ipsis prophetis non cognoscitur. « Et veniunt, inquit, ad interfectum; » cum enim de Christi passione prophetæ loquantur, tunc ad interfectum veniunt; cum vero de nativitate ad natum, cum de resurrectione ad resurgentem, et sic de aliis. Sed quid est quod ad interfectum venientes super vitulam manus imponunt, nisi quia idem sunt, et vitula et interfectus? Manus autem opera significant, quoniam manibus opera fiunt, et est causa pro effectu. Manus ergo supra vitulam ponunt qui omnia sua opera omnemque scripturam manuum suarum Christo Domino convenire demonstrant. Tunc deinde orant pro populo, sed pro omni populo: orant enim D prophetas, et hoc eos pluribus in locis orare invenies. Quos enim redemit Christus, nisi eos, qui per fidem ad ejus gratiam revertuntur? Quod autem sequitur: « Tu autem alienus eris ab innocentis cruore, qui fusus est, cum feceris quod præcepit Dominus, » Judæis quidem specialiter dicitur. Unde post Christi passionem quidam pœnitentia ducti ad apostolos venientes dixerunt: « Quid faciemus, viri fratres; » quibus beatus Petrus ait: « pœnitentiam agite, et baptizetur unusquisque vestrum (*Act.* ii, 38). » Hoc est ergo quod Dominus præcipit, quod qui fecerit, innocens erit a sanguine Christi. « Si egressus fueris ad pugnam contra inimicos tuos, et tradiderit eos Dominus Deus tuus in manu tua, captivosque duxeris, et videris in numero

« captivorum mulierem pulchram, et adamaveris eam, voluerisque habere uxorem; introduces in domum tuam, quæ radei cesariem, et circumcidet ungues, et deponet vestem, in qua capta est, sedensque in domo tua, flebit patrem et matrem suam uno mense, et postea intrabis ad eam, dormiesque cum illa, et erit uxor tua. » Hoc autem ad litteram non est intelligendum. Per hanc enim mulierem quidam expositores philosophorum doctrinam intellexerunt; ego vero animum hominis esse puto, qui secundum suam naturam cunctis mulieribus pulchrior est. Qui autem contra inimicos ad pugnam exeunt, doctores Ecclesiæ sunt; hostes vero, quicumque nostræ religionis non sunt. Contra hos autem pugnare, est eorum eis errorem ostendere, et ad Christi fidem eos invitare. Et revera quidem se Apostolus Ephesi ad bestias pugnasse dicit. Vincuntur autem isti, et captivi ducuntur, quando derelicto errore ad fidem convertuntur. Tunc ergo Christi milites quicumque ibi animam pulchram conspiciunt, eam amant, et uxorem ducere concupiscunt (pulchra enim est omnis anima, quæ Christi fidem pollicetur). Hanc autem ducunt in domum suam, id est in Ecclesiam sibi commissam, quæ cesariem quidem radei, et ungues circumcidit, quia quod inutile, et superfluum habet, spernit, et abjicit. Quid enim tam superfluum est homini, ut vitia et peccata? Quibus nisi caruerit, salvari non poterit. Deponit insuper vestem, in qua capta est, veterem scilicet hominem exuens cum acibus suis. Quod autem ait: « Sedensque in domo sua flebit patrem, et matrem suam uno mense; » hoc est intelligere, quia priusquam ad Ecclesiam venerit, priusquam baptismi sacramenta suscipiat, flebit, et poenitentiam aget, eo quod parentum suorum sit malitiam imitata. Pater enim ejus diabolus fuit, secundum quod quibusdam Dominus ait: « Vos ex patre diabolo estis (Joan. viii, 44); » mater vero ejus gentilitas. Uno vero mense flere, est secundum tempus ab episcopo dispositum poenitentiam agere; quia mensis mensura dierumque numerus dicitur. Idem quoque est flere uno mense, quod est una dierum mensura et dispositione. Postea vero ingreditur ad eam, jam baptizata, et dormit cum illa, et fit uxor ejus, quia jam familiarius ei adhæret, Ecclesiæque sacramenta pandit, et verbi Dei semine imprægnans, bona opera, quasi filios, parere facit. Sequitur:

« Si habuerit homo uxores duas, unam dilectam, et alteram odiosam, generitque ex eis liberos, et facit filius odiosæ primogenitus, volueritque substantiam inter filios suos dividere, non poterit filium dilectæ facere primogenitum, et præferre filio odiosæ, sed filium odiosæ agnoscat primogenitum, dabitque ei de his, quæ habuerit cuncta duplicia; iste est enim principium liberorum ejus, et huic debentur primogenita. » Per hunc hominem episcoporum aliquem intelligere possumus, qui quamvis Ecclesiam regat, tamen quia in duas partes Ecclesia dividitur, in bonos scilicet et malos, duas

uxores habere videtur. Ambæ istæ uxores de episcopopo generant, quia utriusque filios ipse per baptismatis aquam regeneravit. Quasi enim de episcopo generare, est secundum ejus doctrinam filium baptizare. Sed quis episcoporum eam uxorem, id est eam partem suæ plebis non diligat, quæ Deo fideliter servit, et a christiana religione non recedit? Quis vero eam odiosam non habeat, quæ luxuriæ et voluptatibus, perjuriis et homicidiis, furtis et adulteriis, aliisque iniquitatibus dedita est? Verumtamen, sicut scriptum est, « Filius non portabit iniquitatem patris (Ezech. xvi, 20); » si bonus filius ex matre tamen scelerata nascatur, non propter hoc perdet primogenita sua: similiter autem econtra, si ex optima matre filius iniquus oriatur, non ideo primogenitus erit. Solus ergo ille primogenitus, et sacerdotalis dignitatis dignus judicatur, qui bonus est, cujusunque sit filius, sive homicidæ, sive adulteri, sive pro alio crimine infamis. Dictum est enim: « Quia filius non portabit iniquitatem patris. » Quod autem servorum filii ad sacros ordines non admittuntur, ideo fit, quia non est Ecclesiæ Dei, aliena violenter rapere: si enim eorum Domini concesserint, nemo eos propter servitutem a sacris ordinibus repellit. Servitus enim non est peccatum; ipsi quoque mox ut ordiantur liberi fiunt. Quod enim Ecclesiæ est, in nullius bonis est. Suscipiunt autem duplicia; quia secundum Apostolum, « duplici honore presbyteri digni habentur (1 Tim. v, 17). »

« Si genuerit homo filium contumacem, et perversum, qui non audiat patris, aut matris imperium, et coercitus obedire contempserit, apprehendent eum, et ducent ad seniores civitatis, et ad portas judicii, dicentque ad eos: Filius noster iste protervus, et contumax est, monita nostra audire contemnit, commensationibus vacat, et luxuriæ atque conviviis, lapidibus eum obruet populus civitatis, et morietur, et auferetis malum de medio vestri, universus Israel audiens pertremescat. » In hoc capitulo nihil significari puto, nisi quia sacerdotes, et episcopi, qui omnium aliorum spirituales patres et matres sunt, eos filios, qui eorum monitis et evangelicis institutis non obediunt, sed potius errores sequentes, omni luxuriæ, omnique iniquitati se subjiciunt, excommunicare et æternæ mortis damnare debeant. Ille excommunicatur, qui a toto populo, ut jam sæpe diximus, lapidibus obruitur. Hoc autem non sine ordine fiat: ducatur prius ad seniores, et ad portas judicii, inducatur ad concilium, et quid sanctorum Patrum decreta de eo jubeant audiantur.

« Quando peccaverit homo, quod morte plectendum est, et adjudicatus morti appensus fuerit in patibulo, non permanebit cadaver ejus in ligno, et nequaquam contaminabis terram tuam, quam Dominus Deus tuus dederit tibi in possessionem. » Constat ergo secundum hæc verba, quia non omnis homo maledictus est, qui pendet ip ligno, sed ille

solus, qui peccatis suis iuste iudicatus, et damnatus, et suspensus est; hic maledictus erat, etiamsi in ligno non suspenderetur. Cur ergo et ceteri pro suis iniquitatibus iuste damnati, quacunq[ue] poena interficiantur, non similiter a Deo maledicti dicuntur? Ideo fortasse, quia primus homo tunc in ligno pependit, quando pomum vetitum ex arbore rapuit, pro quo ipse, et humanum genus morti est adjudicatum. In hoc ergo ligno quicumq[ue] pendet et adhuc originali peccato tenetur, maledictus est. Ideoque praecepit ut hujus maledicti cadaver in ligno non permaneat, sed eadem die, qua suae mortis peccatum intellexerunt, in aqua baptismatis sepeliatur. Sed quarrendum nobis est quare Apostolus hanc sententiam ad Christum referens, ait: « Christus nos redemit de maledicto legis; factus pro nobis maledictum, quia scriptum est: Maledictus omnis, qui pendet in ligno (Galat. 3, 13); » sed maledictus a Deo est, qui pendet in ligno, praemisso tamen, si peccaverit, quod morte plectendum est. Christus autem nihil peccavit, nihil ergo hoc ad eum. Sed quare, o beata Paule, dixisti: « Maledictus omnis, qui pendet in ligno (ibid.), » et non dixisti maledictus a Deo est omnis, qui pendet in ligno; cur non addidisti a Deo? imo, cur subripuisti, quod in lege sciebas? Ideo utique, quia a maledicto populo maledictus est Christus: a Deo tamen non maledictus, sed super omnia benedictus est. Unde et Psalmista in ejus persona dicit: « Maledicent illi, et tu benedices (Psal. cxviii, 18). »

CAPUT XXII.

« Non videbis bovem fratris tui, aut ovem errantem, et praeteribis, sed reduces fratri tuo, etiam si non est propinquus tuus, nec nosti eum; ducas in domum tuam, et erunt apud te, quandiu quaerat ea frater tuus, et recipiat. Similiter autem de asino, et de vestimento, et de omni re fratris tui, quae perierat, si inveneris ea, non negligas quasi aliena. » Hoc autem specialiter episcopis et presbyteris dicere videtur; ut non solum ovium suarum, verum etiam et aliorum, si eas errare conspexerint, curam habeant. Saepe enim videmus sub specie peregrinationis non tantum laicos, sed monachos et presbyteros vagabundos errare, quorum episcopos, alios cognoscimus, et alios ignoramus. Hos autem, si possumus, predicatione et admonitione ad fratres nostros reducere debemus; aut si non possumus, quandiu apud nos sunt, quasi nostrorum debemus curam agere, ne nostra negligentia pereant.

« Si videris asinum fratris tui, aut bovem cecidisse in via, non despicias, sed sublevabis eum co. » Sumus enim in via mandatorum Dei, in qua Psalmista nequaquam fatigatus dicebat: « Viam mandatorum tuorum cucurri (Psal. cxviii, 32). » Frater noster Christus est, qui nos secum dicere praecepit: « Pater noster, qui es in caelis (Matth. vi, 8). » Fratres enim sunt, qui unius patris filii sunt. Hujus asinus est stultus aliquis, piger, luxuriosus; hujus bos est, quicumq[ue] in ejus agro laborare

A consuevit. Tales ergo, si in hac via cecidisse videmus (multis enim modis cadunt peccatores), secundum quod possumus eos sublevare debemus: bonum enim habemus adiutorem qui etiam sine nobis asinum suum et bovem sublevare non est invalidus; adjuvemus ergo, ut nos adjuvemur.

« Non induetur veste mulier virili, nec vir utetur veste feminea; abominabilis enim apud Deum est qui facit haec. » Non ut haec littera sonare videtur, vestis mutatio, sed virtutis aemulatio abominabilem facit. Hypocrita enim se fingens, cum sit viribus, et voluptatibus femina, veste induitur virili; 205 similiter autem et vir sanctus, si eam molitiam, quae interius non est, exterius ostendit, femineo utitur vestimento. His autem Apostolus consentiens ait: « Providemus bona, id est tantum coram Deo, sed etiam coram omnibus hominibus (II Cor. viii, 31). »

« Si ambulans per viam in arbore, vel in terra nidum avis inveneris, et matrem pulli vel ovis desuper incubantem, non tenebis eam cum filiis suis, sed abire patieris, captos tenens filios, ut bene sit tibi, et longo vivas tempore. » Si enim propter hoc bene mihi esse, et longo tempore vivere scirem, nidos avium qualicumq[ue] labore per vias investigarem. Sed errant Judaei, si per misericordiam, quam habent in avibus, sibi bene esse et longo tempore vivere sperant. Sit ergo haec avis apostolus Paulus. Nam et ipse Dominus, se avem esso significans ad Jerusalem loquitur, dicens: « Quoties volui congregare filios tuos, sicut gallina congregat pullos suos, et noluisti (Matth. xxiii, 37). » Haec autem avis et in arbore, et in terra aedificavit, quia in altis civitatibus, et in locis humilibus populum ad fidem collegit. Haec et avis, et pullis desuper incubat, charitate, fide et praedicatione baptizatos et non baptizatos fovens et nutriendos (adhuc enim quasi ova sunt, qui nondum baptizati sunt). Quicumq[ue] ergo per viam ambulans, ad patriam et ad Deum tendis, tene pullos hujus avis, discas ab eis quod ipsi a te didicerunt. Non teneas ipsam avem, permitte eam volare ut aliis in locis nidificet, et aliis civitatibus praedicet. Hoc enim apostoli faciebant, et in civitatibus, quae fidem susceperant, episcopis ordinatis, D mox ad alias convolabant.

« Cum aedificaveris domum novam, facies murum tecti per circuitum, ne effundatur sanguis in domo tua, et sis reus, labente aliquo et in praecipio ruente. » Novam enim domum aedificat, qui veterem hominem exuere, novum imitari, et in novitate vitae ambulare, Ecclesiam sibi commissam admonet et docet. Ille murum per circuitum facit, quando fidem, spem et charitatem, patientiam et humilitatem totis viribus tenere et custodire suadet. Nisi enim hoc fecerit, et hoc in muro fabricando studiosus fuerit, ipse sanguinis effusi reus erit, alio in praecipio ruente et Dei Ecclesiam suo sanguine maculante. Hoc est enim, quod per Ezechielem Dominus ait: « Nisi annuntiaveris iniquitatem suam, ipse quidem morietur,

sanguinem autem ejus de manu tua requiram (*Ezech. iii, 18*). » De tecto quidem cadere, est de fidei sublimitate et animi puritate in criminalia quædam peccata corrumpere. Semper ergo episcopos verbo Dei insistere et murum sanctæ prædicationis opponere jam cadentibus, et peccato appropinquantibus oportet.

« Ne seres vineam tuam altero semine, ne et sementis, quam sevisi, et quæ nascuntur ex vinea, pariter sanctificentur. » — « Vineam enim Dei Sabaoth, ait propheta, domus Israel est (*Isai. v, 7*), » ejus semen est evangelica prædicationis; non ergo seminetur altero semine. Quod enim alterum est, bonum non est. Quomodo ergo simul cum his, quæ ex vinea nascuntur, sanctificari potest? Hæresis enim catholica doctrinæ fraudulenter interposita, quomodo pariter sanctificatur, et non sanctificatur: eis enim, qui eam non intelligunt, non sanctificatur; eis vero, qui eam intelligunt, sanctificatur, quoniam quasi sancta ab eis recipitur. Unde valde sanctis prædicatoribus cavendum est, qualiter hæreticorum et philosophorum exempla suis sermonibus interponant.

« Non arabis in bove simul, et asino. » In bove enim simul et in asino arare, est mundum et immundum, sapientem et stultum, justum et peccatorem in prædicatione pares facere, et simul mittere ad evangelizandum: non enim minus destruit alter, quam alter ædificet.

« Non indueris vestimento, quod est lana linoque contextum est. » Animæ namque vestimentum caro est, quæ si casta fuerit lino textitur, lana vero, si luxuriosa. Linum enim propter candorem et castitatem, lana vero, quia de carne oritur luxuriam significat, quæ de carnis petulantia nascitur. Qui ergo lino vestiri non potest, lana induatur, id est, qui non potest se continere, cui vult, nubat, tantum in Domino (*I Cor. 7, 9*): hoc enim Apostolus ait. Nemo autem lana simul induatur, et lino, ne vel fornicator castitatem simulet, vel castitatem simulans, fornicetur.

« Funiculos in simbris facies per quatuor angulos pallii tui, quo operieris. » Hoc in libro Numeri exposuimus.

Sequitur autem de viro, qui diffamat uxorem suam. Dicit se non invenisse eam virginem: unde eam dimittere volens, a parentibus puella ducitur ad seniores urbis, et ad portam judicii, ibique eum accusant, quod filiam suam dimittere velit, simulque signa virginis illius ostendentes, coram senioribus vestimentum expandunt, quod apprehendentes, verberant eum, insuper et centum siclis argenti eum condemnant, quos ille dat patri puellæ, quia diffamavit virginem Israel, neque eam ulterius dimittere poterit. Quod si verum est, quod ei objecit, ejiciatur puella extra domum, et lapidibus obruatur. Hæc puella religio Christiana mihi esse videtur. Hanc autem uxorem ducit, quicumque casto ei amore jungitur. Cujus pater episcopus, ejus mater Ecclesia

est. Hæc autem jam a pluribus diffamata est, qui primum ejus castitatem cognoscentes, vehementissime eam dilexerunt. Hoc autem fit, quando aliquis in fide dubitans, contra veritatem et religionem, quam susceperat, loquitur. Talis ergo a parentibus puellæ ad seniores urbis et ad concilium universale ducatur, ubi non unus, sed plures seniores et episcopi inveniantur, ibique condemnatur, qui fidem in qua baptizatus est, et quam ab initio suscepit, injuste diffamavit, et dixerit esse violatam. Simulque parentes puellæ, id est illi, qui eam fidem et religionem ipsum docuerant, signa virginis et incorruptionis ostendentes, vestimentum expandant, et librum aperiant, in quo manifesta documenta Christianæ fidei continentur. Quæ postquam Ecclesiæ seniores cognoverint, nihilque in puella ejusque parentibus reprehensibile invenerint, verberent illum, diris linguæ verberibus eum redarguentes. Insuper et centum siclis argenti eum condemnent, per quos omnia utriusque Testamenti mandata intelligimus; centenarius autem numerus perfectus est, ideoque omnia significat, quia omnes in se numeros continet. Argentei autem isti sicli dicuntur, propter eloqui puritatem; quos bene patri puellæ homo iste dare præcipitur, quatenus eum, vel juramento, vel quolibet alio modo certissimum faciat, se deinde fideliter tenere et credere quæcunque utriusque Testamenti mandata præcipiunt. Quod postquam fecerit, jam ulterius uxorem suam dimittere non poterit. Quod si verum est, quod ei objecit, ejiciatur puella extra domum patris, et lapidibus obruatur; hoc est autem ac si diceret: Si illa fides, atque religio corrupta et violata inventa fuerit, ejiciatur de pectore episcopi, qui eam genuit et ab omnibus lapidibus obruta excommunicata intreat.

« Si dormierit vir cum uxore alterius, uterque morietur, id est adulter, et adultera, et auferes malum de medio Israel. » Mors autem carnis, animæ mortem significat, quam illi quidem patiuntur, qui tale nefas committunt.

« Si puellam virginem desponsaverit vir, et invenerit eam aliquis in civitate, et concubuerit cum illa, educuntur uterque ad portam civitatis illius, et lapidibus obruentur; puella, quia non clamavit, cum esset in civitate; vir, quia humiliavit uxorem proximi sui; et auferes malum de medio tui. » Quid enim per puellam virginem, nisi in fide catholica baptizatam? Quid vero per virum, qui eam desponsavit, nisi Christum intelligimus; unde et Apostolus ait: « Despondi enim vos uni viro, virginem castam exhibere Christo (*I Cor. xi, 2*). » Hæc autem puella in civitate corrumpitur, quando ab aliquo in Ecclesia hæretica pravitate seducitur. Uterque ducitur ad portam civitatis, id est ante præsentiam episcoporum, per quos quasi per portam cetera multitudo ingreditur, ibique lapidibus obruuntur, id est damnantur, et excommunicantur. Saepe enim jam diximus, quid lapides isti significant. Et puella quidem merito excommunicatur, quia eam

esset in civitate, clamare debuit, et ea, quæ sibi ab hæretico dicebantur, viris catholicis debuit propagare: hæreticus vero, quia humiliavit et violavit uxorem proximi sui, doctrinam nempe catholicam, quam ipse integram profiteri debuerat, et ipse quidem proximus Christi dicitur, quia et si malus, Ecclesiæ tamen filius est.

« Si autem in agro reperit vir puellam quæ desponsata est, et apprehendens concubuerit cum illa, ipse morietur solus, puella nihil patietur, nec est rea mortis; quoniam sicut latro consurgit contra fratrem suum, et occidit animam ejus, ita et puella perperessa est; sola erat in agro, clamavit, et nullus adfuit qui liberaret eam. » Si enim per civitatem Ecclesiæ intelligitur, quicumque in Ecclesia non est, in agro est. Puella ergo desponsata, et per fidem Deo conjuncta, si forte ignoranter ad hæreticorum turbam venerit, ibique de fide aliquem male disputantem audierit, et id ipsum interrogans, et utrum catholicum et verum sit intelligere volens, cum nemo ibi nisi hæreticus sit, quamvis multum clamet, nullus tamen adest qui ei veritatem respondeat. Hoc igitur cum ad episcoporum judicium venerit, talis anima, innocens judicabitur, quæ non sua sponte, sed nescienter, furtim et per latrocinium violata est: hæreticus autem contumax moriatur, id est æterna morte condemnatur.

« Si invenerit vir puellam virginem quæ non habet sponsum, et apprehendens concubuerit cum ea, et res ad judicium venerit, dabit, qui dormivit cum ea patri puellæ centum siclos argenti, et habebit eam uxorem; quia humiliavit illam, non poterit dimittere eam cunctis diebus vitæ suæ. » Videtur enim mihi, quod per hanc puellam, grammatica, dialectica, rhetorica, et cæteræ artes liberales significentur, quæ quidem, quantum ad se, virgines sunt incorruptæ. Dicitur autem hæc puella non habere sponsum, quia quamvis pluribus conjuncta sit, tamen sic unuscujusque propria sit, ut quæ in uno est, in altero esse non possit. Unde dicitur grammatica Aristarchi, eo quod illius propria fuerit. Sic ergo et tu cum aliquam artem discere incipis, quamvis de altera generetur, eam tamen, quæ animo tuo conjungitur tua est, et alterius non est. Hoc autem facile intelligunt, qui dialecticam sponsam sibi suscipere meruerunt. Hæ enim puellæ Augustino, Hieronymo, Ambrosio, Cypriano, cæterisque doctoribus conjunctæ multis eis filiis, multa scilicet librorum volumina pepererunt. Verumtamen illi, qui eis conjunguntur, patri illarum centum siclos argenti dare jubentur. Quis est enim pater illarum, nisi ille, de quo dicitur: « Omnis sapientia a Domino Deo est, et **207** cum eo fuit semper, et ante ævum (Ecl. 1, 1). » Huic autem centum siclos dare, est omnia, quæ in his, et in aliis Scripturis istarum magisterio, compositis continentur, fideliter, et sine errore exponere et intelligere: aliter enim sicli non erunt argentei, nisi ab omni corruptione fuerint alieni. Qualiter autem centum omnia significent, modo su-

perius diximus. Si ergo hæc res ad judicium venerit, hoc est ad episcopos, qui ut sapientes, et bene periti Ecclesiæ filii, semper sapientiæ et lectioni operam dantes, cuncta fideliter intelligant et exponant, tamque nobilium puellarum conjugia non abjiciant.

« Non accipiet homo uxorem patris sui, nec revelabit operimentum ejus. » De hoc enim Apostolus Corinthios redarguens, ait: « Audiat inter vos talis fornicatio, qualis nec inter gentes; ita ut uxorem patris sui quis habeat (I Cor. v, 1). » Præterea quia unaquæque fidelis anima uxor est Dei, qui omnium pater est, qui aliquam animam in peccatum et errorem inducit patris uxorem corrumpere intelligi potest.

CAPUT XXIII.

« Non intrabit eunuchus attritis, vel amputatis testiculis, et abscisso veretro Ecclesiam Dei. » Per hoc enim significatur, quod in cœlestem patriam nullos intrabit, qui bonorum operum steriles, spiritualis generationis et secunditatis instrumenta non habuit.

« Non ingreditur manser, hoc est de scorto natus in Ecclesiam Domini, usque in decimam generationem. » Quid est enim usque ad decimam generationem, nisi ad ultimam generationem? Decima enim generatio ultima est, quia et decimus numerus ultimus est. Qui ergo de scorto, id est de hæreticorum adulterio natus est, nunquam sanctorum Ecclesiæ sociabitur. « Ammonites, et Moabites etiam post decimam generationem non intrabunt in Ecclesiam Domini in æternum, quia noluerunt vobis occurrere cum pane, et aqua in via, quando egressi estis de Ægypto. » Quid per hos intelligere debemus, nisi vitia et malignos spiritus, qui nos fame et siti spiritualis cibi et potus necare cupientes, quibuscunque modis possunt, adversum nos bella concitant, omnique calliditate et fraudulentia nos decipere conantur? Cum his ergo nunquam pacem habeamus, nunquam eis bona queramus, sed semper eos delere, et a nobis repellere satagamus. « Non abominaberis Idumæum, quia frater est, nec Ægyptium, quia advena fuisti in terra ejus. Qui nati fuerint ex ejus tertia generatione intrabunt in Ecclesiam Domini. » Idumæi de genere Essau sunt, et terreni interpretantur. At vero Ægyptii tenebræ dicuntur, per quos gentilis populus significatur; primum quidem terrenus et peccator, totisque niger et tenebrosus. Ex his autem, qui tertia et generatione nascuntur, id est tertia mersione in baptismo regenerati intrant in Ecclesiam Dei. Potest autem per tertiam generationem hoc ultimum tempus intelligi; siquidem in tria tempora hæc sæcula dividantur; id est ante legem sub lege, et sub gratia. Hac igitur ultima ætate, quæ tertia est, nulli Ecclesiæ clauditur; Idumæis et Ægyptiis, terrenis et peccatoribus, eunctisque gentibus aperitur. « Quando egressus fueris adversus hostes tuos in pugnam, custodies te ab omni re mala. » Hostes nostri

maligni spiritus sunt, a quibus facile superamur, A nisi nos a vitis custodiamur.

« Si fuerit inter vos homo, qui nocturno pollutus sit somnio, egrediatur extra castra, et non revertetur, priusquam ad vesperam lavetur aqua; et post solis occasum regrediatur in castra. » Judæi nocturno somnio polluantur, quia in tenebris legis præcepta somniantes, et quasi per somnium exponentes, semper sordidiores fiunt, ideoque extra castra egressi et a Deo separati, non prius ad Ecclesiæ castra revertentur, quam ad vesperam et solis occasum, id est ad sæculi consummationem venientes aqua baptismatis laventur et mundeantur. « Convertentur ad vesperam (Psal. LVIII, 15), » ut ait Psal-
mista.

« Habebis locum extra castra, ad quem egrediaris ad requisita naturæ, gerens paxillum in balteo. Cumque sederis, fodies per circuitum, et egesta humo operies, quo relevatus es (Dominus enim Deus tuus ambulat in medio castrorum, ut eruat te, et tradat tibi inimicos tuos); et sint castra tua sancta. » Stercora et egestionem vitia sunt, et peccata. Ille autem in castris fidelium fieri non licet. Quidquid igitur sordidum, quidquid fetidum, quidquid nefarium et vitiosum est a fidelium domibus et a sanctorum castris procul pellatur. Dominus enim ambulans, et habitans talium fetorem abhorrens commorari illic designabitur. Cætera vero, quæ hic dicuntur, magis ad narrationem, quam ad significationem pertinere videntur.

« Non trades servum domino suo, qui ad te con- fugerit, habitabitque tecum in loco, qui ei placue- rit, et in una urbium tuarum requiescet, ne con- tristes eum. » — « Omnis qui facit peccatum, servus est peccati (Joan. VIII, 34). » Ilujus autem Dominus diabolus est. Si igitur talis servus pœnitentia ductus ad nos confugerit, non abiciamus eum, neque a nostra communione repellamus; sed habet nobiscum, et in sanctorum cœtu conversetur; nemo eum contristet, nemo eum de peccatis turpiter deprehendat. Hoc enim agere quid aliud est, nisi eum iterum diabolo tradere, et in desperationem adducere?

« Non erit meretrix de filiabus Israel, neque scortator de filiis Israel. » Hoc juxta 208 litte-
ram in corpore, et secundum spirituales intelligentiam in anima, omnes Christiani diligentissime observare debent. De animæ namque fornicatione adversum Israel dicitur: fornicatus est Israel per deos gentium. « Non offeres mercedem postribuli, nec pretium canis in domum Domini Dei tui; quidquid illud est, quod voverint, quia abominatio est utrumque apud Dominum Deum tuum. » Illis verbis sacerdotes Dei ea munera suscipere interdiciuntur, quæ injuste, et cum peccato acqui-

tuntur; unde scriptum est: « Victimæ impiorum abominabiles Deo (Prov. XXI, 27); » itemque: « Qui offert sacrificium de rapina, quasi qui immolat filium in conspectu patris (Eccli. XXXIV, 24). »

« Non feneraberis fratri tuo ad usuram pecuniam, nec fruges, nec quamlibet aliam rem, sed alieno. Fratri autem tuo absque usura id, quod indiget, commodabis, ut benedicat tibi Dominus Deus tuus. » Hæc verba pietate et dilectione plena sunt, quibus admonemur, ut sine usura iis subveniamus, quos ut idem genus nostrum, et ejusdem religionis diligere debemus. Unde non minus in Novo, quam in Veteri Testamento feneratorum damnantur. Non vacat tamen a mysterio, quod alieno populo, Judæis fenerare ad usuram licet. Nos enim ad usuram et legem, et prophetas ab eis accepimus: in usura enim non solum id quod datur, sed etiam id quod non datum est, per se litur (300). Unde manifestum est, nos ad usuram legem et prophetas suscepisse, qui in eorum solutione præter litteram, spirituales quoque intelligentiam solvimus. Sacra enim Scriptura et pecunia nobis est, et aurum, et argentum, et cibus, et potus, et frumentum, et vinum, et oleum, et similia.

« Ingressus vineam proximi tui, comede uvas, quantum tibi placuerit, foras autem ne efferas tecum. » Mirum, nisi per hoc intelligere volueris, quod in Evangelio Dominus ait: « Nolite sanctum dare canibus, neque mittatis margaritas ante porcos (Matth. VII, 6); » ut quæ hic dicuntur uvæ, ibi vocentur margaritæ. Vineam igitur proximi nostri, vineam Christi Domini nostri, hæc est quam modo vindemiamus, cujusque uvas exponendo comedimus. Manifestum ergo est, majora sacramenta foras offerenda, et omnibus exponenda non esse. « Si intraveris in segetem amici tui, franges spicas, et manu tua conteres, falce autem non metes id ipsum. » Per segetem, et per vineam sacra Scriptura significatur. Ingressus igitur in hanc segetem amici mei, ingressus in hunc librum Domini mei, spicas frango, et cum labore sententias evello, quas manu animæ, hoc est intelligentia conterens, granum ab aristis, et spiritum a littera secerno; falce autem non meto, quia nec facile, nec cito multa exponendo transcurro. Judæi enim falce metunt, qui totum subito librum legentem, et colligentes, nihil intelligunt. Utinam et ipsi pauca legentes intelligere curarent

CAPUT XXIV.

« Si acceperit homo uxorem, et habuerit eam, et non invenerit gratiam ante oculos ejus propter aliquam fœditatem, scribet libellum repudii, et dabit in manu illius, et dimittet eam de domo sua (301). Cumque egressa alterum maritum duxerit, et ille quoque oderit, et dederit libellum

(300) Quidquid supra solutam auri quantitatem exigitur, nec ex soluto debitum extinguitur, usura est. Idem habet S. Max. hom. 105, p. 549.

(301) Non enim ad dimissionem (quæ tolerabatur,

et non præcipiebatur) sed ad libellum vis legis ferebatur. Id Pharisei non animadvertentes mandata sibi repudia somniarunt. Vid. Matth., c. XIX, et Mazoc. Spicil. in Deuter. cap. XXIV.

repudiū, et dimiserit eam de domo sua, vel certe mortuus fuerit, non poterit prior maritus recipere eam, quia polluta est, et abominabilis facta est, eam Dominio. » Quid per hanc mulierem, quæ propter suam fœditatem a viro suo dimittitur, nisi aliquam hæreticorum sectam intelligamus? Cui si aliquis homo male conjunctus ejus fœditatem et errorem divina inspiratione intellexerit, dimittet eam de domo sua, id est de secreto pectoris sui, et scribet libellum repudiū, et dabit in manu ejus, quia non sufficit solis et simplicibus verbis, verum etiam scripto et juramento, tam nefando conjugio separari. Hoc enim ordine tale divortium in Ecclesia fieri videmus. Hæc autem si alterum maritum duxerit (multos enim maritos habet unaquæque hæresis), et ille similiter propter eandem rem oderit, et dimiserit eam, vel certe mortuus fuerit, prior maritus eam recipere non poterit, tum quia polluta est, et abominabilis est, tum quia firmissima libelli separatione ab ea divisus est. Hæc nobis ad significationem, Judæis vero ad cordis duritiam dicta sunt: sic enim in Evangelio Dominus ait: « Propter duritiam cordis illorum permisit eis dare libellum repudiū, et dimittere uxores suas; ab initio non fuit sic (Matth. xix, 8). » Non quod bonum, quantum ad litteram hoc esset, sed quia dura corda aliter moliri non poterant. Unde et alibi dicitur: « Quia dedit illis præcepta non bona (Ezech. xi, 25). »

« Cum acceperit homo nuper uxorem, non procedet ad bellum, nec ei quidquam necessitatis injungetur publicæ. » Hoc de illis intelligimus, qui noviter ad fidem venientes, Christianæ religioni junguntur, ut bonorum operum filios ex ea, et cum ea generant, et ipsi quidem tandem vacare, et ab ecclesiasticis dispositionibus alieni esse debent, donec in hac religione perfecti, et domum suam bene disposuisse inveniantur; postea vero ad bellum procedere et contra hæreticos, et tyrannos poterunt. « Non accipies loco pignoris inferiorem, et superiorem molam, quia animam suam apposuit tibi. » Has duas molas, Novum et Vetus Testamentum significare puto, et inferior quidem Vetus, superior vero Novum designat (302). Ipsa enim Scriptura volvitur; ipsa exponitur, ipsa in farinam cuncta convertit, ipsa nos pascit, ipsa nobis præparat unde vivamus. Nos igitur loco pignoris hanc, vel illam ab Ecclesia non suscipiamus. Fidem dedimus, nihil carius habuimus; non itaque pignus, sed proprium sit, quidquid ab ea acceperimus. Quod enim pro pignore datur, hoc nequit semper haberi neque, ut volumus, uti possumus. Non ergo loco pignoris, sed quasi proprias has molas suscipiamus. Neque enim sine eis vivere valemus. Quid enim nobis proprium erit, si vita ipsa pignus fuerit? Unde et merito hic dicitur: « Quia animam suam apposuit tibi; » quod tale est ac si diceret: Nihil tibi melius, nihil pretiosius dare potuit; in his ejus vita, ejus doctrina, ejus fides, ejus-

(302) Ita etiam S. Maximus hom. I de Adventu Domini.

que anima consistit. Tene ergo quod habes, proprium tibi sit quod accepisti, quia nihil tibi melius in hac vita dari potuit. « Si deprehensus fuerit homo sollicitans fratrem suum de filiis Israel, et vendito eo, accipiet pretium, interficietur, et auferes malum de medio tui. » Hoc et si ad litteram de plagiariis intelligatur, de malis etiam iudicibus intelligi potest, qui avaritia obæcati, pretio justitiam pervertunt, et innocentes homines damnant, et vendunt. In morte vero corporis pœna animæ significatur.

« Observa diligenter, ne incurras in plagam lepræ; sed facies quæcunque docuerint te sacerdotem Levitici generis juxta id quod præcepi eis, et imple sollicitie. Memento, quæso, quæ fecerit Dominus Deus vester Mariæ in via, cum egredere remini de Ægypto. » Non de corporis, sed animæ lepra ista dicuntur. Animæ namque lepra peccatum est; illa anima leprosa, quæ peccati maculis est vulnerata. Hanc lepram incurrun, qui Dei sacerdotibus credere nolunt. Hæc et Maria percussa est, quia contra Moysem locuta est. Hæc et Judæi percutiuntur, quoniam de Christo male loquuntur.

Cætera vero, quæ hic sequuntur, quoniam honestate, misericordia et pietate plena sunt, ad litteram sufficit intelligere, neque aliam significationem videntur exquirere. « Memento quod et tu servieris in Ægypto, et eruerit te Dominus Deus tuus. Memento præcipio tibi, ut facias hanc rem. Quando messueris segetem in agro tuo, et oblitus manipulum reliqueris, ne revertaris, ut tollas eum; sed advenam, et pupillum, et viduam auferre patieris, ut benedicat tibi Dominus Deus tuus in omni opere manuum tuarum. » Ac si dicat: Ne despicias advenas et peregrinos, quia et tu advena fuisti in terra Ægypti. Sufficiebat autem Judæis omnia hæc ad litteram observasse, quamvis essent alterius rei significativa. Hæc enim quoniam hic narrantur, quamvis tunc temporis eis ad justitiam contingebant, modo tamen eis mortem ministrant. Unde Apostolus ait: « Littera occidit, spiritus autem vivificat (II Cor. iii, 6). » Quid enim per hunc agrum, quem Judæi metunt, in quo et obliviosi manipulos relinquunt, nisi hunc librum legis intelligimus? Hunc quotidie metunt, et colligunt, multoque plura post se per oblivionem relinquunt, quam apertis oculis ante se congregant, atque intelligentiam spiritualem advenis, pupillis et viduis relinquunt. Si enim consideremus quanta in paucis verbis sint sacramenta, valde obliviosos, stultos et metendi nescios hos messores invenerimus, qui quæque meliora relinquentes, paleis se onerant, et vacuis aristis. Quantum autem ad spiritualem intelligentiam, non precipiendo eis dicitur ad tollendos manipulos non revertantur, sed prophetizando, quia sic futurum esse sciebat. Sic enim dicitur: « Excæca cor populi huius, et aures ejus aggrava (Isa. vi, 10). » Illi enim ad tollendos manipulos revertuntur, qui sacras Scri-

pturas legentes, iterum, atque iterum eadem repetunt, quia, ut quidam ait: Verba decies repetita placebunt. Unde etiam animalia, quæ non ruminant, immunda esse dicuntur. Quid est enim ruminare, nisi eundem cibum sæpius volvere? Advena autem, pupillus, et vidua Ecclesia gentium est, quæ de longe et ex omnibus mundi partibus ad Christum et ad fidem venit. Hæc est enim regina Austri, quæ venit a finibus terræ audire sapientiam Salomonis (Luc. xi, 31). De qua vidua et Psalmista loquitur: Viduam ejus benedicens benedicam, pauperes ejus saturabo panibus (Psal. cxxxi, 15).

Si fruges collegeris olivarum, quidquid remansit in arboribus, non reverteris ut colligas: sed relinques advenæ, pupillo ac viduæ. Si vindemia veris vineam tuam, non colliges remanentes racemos, sed cedent in usus advenæ pupilli et viduæ. Idipsum per olivam, et vineam intelligitur, quod modo per agrum significari diximus. Divina enim Scriptura et frumentum nobis, et oleum ministrat et vinum. In quibusdam enim locis quasi panis difficile editur: in quibusdam, ut vinum facile sorbetur; ubique autem quasi medicamentum et oleum animæ medetur.

210 CAPUT XXV.

Si fuerit causa inter aliquos, et interpellaverint iudices, quem justum esse perspexerint, illi justitiæ palmam dabunt: quem impium, condemnabunt impietatis. Si autem eum, qui peccaverit, dignum viderint plagis, prosternent, et coram se facient verberari. Pro mensura peccati erit et plagarum modus (303). In hoc iudicio justitiæ comprobatur, si illis, qui justitiā habent, justitiæ palmam tribuant, injustos autem dissimili retributione afficiant. Merito autem in quadragenario plagarum numero correctionis modus constituitur, quoniam illa disciplina perfecta et integra est, quæ utriusque Testamenti auctoritate munitur. Quia enim quadragenarius numerus ex quater decies constat, utrumque significat Testamentum: quatuor enim decem, vel decies quatuor, quadraginta sunt. Cur autem in decem Vetus, et in quatuor Novum Testamentum significetur, manifestum est. Hanc autem disciplinam se Apostolus sustinuisse significat, dicens: A Judæis quinquies quadragenas una minus accepi (II Cor. xi, 24). Una ei adimebatur, ne fese laceratus abiret. Et rectius eis videbatur, ut unam subtraherent, ne numerum a lege constitutum excederent. Non ligabis os bovi trituranti in area fruges tuas (304). De hoc Apostolus dicit: Nunquid de bobus cura est Deo? (I Cor. ix, 9). Significans hoc ad litteram non debere intelligi. Isti enim boves apostoli sunt, et doctores, qui in area Ecclesiæ sanctarum Scripturarum frumenta terentes, triticum a paleis, et spiritualem intelligentiam

A separant a litteris. His autem os ligari non debet, quia dignus est operarius mercede sua. Unde idem Apostolus ait: Si nos vobis spiritualia seminavimus, non magnum est, si carnalia vestra metamus (II Cor. ix, 11). Decet enim ut carnali cibo eum reficias, qui te spiritualibus deliciis pavit.

Quando habitaverint fratres simul, et unus ex eis mortuus fuerit absque liberis, uxor defuncti non nubet alteri, sed accipiet eam frater ejus, et suscitabit semen fratris sui, et primogenitum ex ea filium nomine illius appellabit, ut non deleatur nomen ejus ex Israel. Isti sunt illi fratres, de quibus dicitur: Ecce quam bonum, et quam jucundum habitare fratres in unum (Psal. cxxxii, 1). Isti enim, et si non corpore, mente tamen et spiritu, omnes simul habitant. Ex his autem unusquisque libet absque liberis moritur, quando aliquis episcopus ex hac vita transiens, nullum ex suis subjectis in Ecclesia sua talem relinquit, qui ejus cathedra dignus habeatur. Quæritur ergo ex alla ecclesia, cui uxor defuncti conjungatur. Et ipse quidem defuncti frater erit, non natura, sed officio. Et ut ejusdem bonitatis sit, et humanitatis, ejusdem fidei, et charitatis, et quasi frater fratri consimilis. Iste autem suscitabit semen fratris sui, ut quos in peccatis mortuos, vel malo somno gravatos invenerit, ad bonum opus evigilare faciat; et primogenitum nomine illius appellabit. Primogenitum quidem, non quod primus genitus sit, sed qui merito sanctificationis inter omnes ejus genitos primus, et maximus habeatur. Et iste quidem vocabitur episcopus; hoc est enim nomen defuncti, ut non deleatur nomen ejus ex Israel, ut nunquam Ecclesia episcopo careat, et nunquam hoc nomen in ea deficiat. Si autem noluerit accipere uxorem fratris sui, quæ ei lege debetur, perget mulier ad portam civitatis, et interpellabit majores natu, dicente: Non vult frater viri mei suscitare semen fratris sui in Israel, nec me in conjugem accipere, statimque accersiri eum facient, et interrogabunt. Si responderit: Nolo eam uxorem accipere, accedet ad eum coram senibus, et tollet calceamentum de pede ejus, spuetque in faciem illius, et dicit: Sic fiet homini, qui non ædificat domum fratris sui. Et vocabitur nomen illius in Israel domus discalceati. Quare ante portam civitatis iudicium quæritur, nisi quia ibi iudices sedent? Dominus de se ipso loquitur, dicens: Ego sum ostium. Per me si quis introierit, salvabitur (Joan. x, 9). Et ante hanc portam sedent episcopi, ut ejus lumine illustrati, nusquam deviant a veritate recedentes. Ad hos omnes causas deferri, eorumque iudicio definiri opus est. His ergo præsentibus accedit ad fratrem viri sui, et quia eam in conjugium accipere noluit, tollet calceamentum de pede ejus. Quid est calceamentum de pede tollere,

(303) Cod. S. Crucis Minor. in Laurent. addit: Ita tamen ut quadragenarius numerus non excedat, ne fese laceratus ante oculos tuos abeat frater tuus.

(304) Mazochius ex Æliano lib. xiv var. Hist.

refert antiquos consuevisse bovino stercore bolus ora inungere, ne quid ex frugibus delibarent. Spicil. ad cap. xxv Deuter.

nisi evangelizandi licentiam auferre? Unde ait Apostolus: « Calceati pedes in preparatione Evangelii pacis (Ephes. vi, 18). » Sinit insuper in faciem ejus, quia palam et manifeste eum contempnibilem, et tanti honoris indignum esse ostendit. Hoc autem de illis rectissime intelligi potest, qui majores ambientes, minoribus Ecclesiis præfici contemnunt; quos non animarum salutem, sed honoris gloriam querere non est dubium. Justum autem esset, ut semper excalceati, et expulsi potius, quam talis conjugii digni judicarentur. Hoc est enim, quod ait: « Et vocabitur nomen ejus in Israel domus discalceati. » Quis enim calceare cum audeat, quis calceati officium illi tribuat, qui ipsa nominis appellatione se excalceatum esse demonstrat?

« Si habuerint inter se jurgium duo viri, et unus contra alterum rixari ceperit, volensque **211** uxor alterius eruiere virum suum de manu fortioris, miseritque manum, et apprehenderit verenda ejus, abscindens manum illius, nec flecteris super eam ulla misericordia. » Viri isti, qui inter se rixantur, episcopi sunt, qui pro rebus ecclesiasticis sæpiissime inter se contendunt. Horum autem ille fortior est, cujus causa pro sua justitia majores vires habere videtur. Uxor vero alterius non solum tota ejus Ecclesia, verum etiam aliquis de plebe illius intelligi potest. Ille autem volens eruiere episcopum suum de manu fortioris, mittit manum, et apprehendit verenda ejus, si illum, cui rationibus resistere non valet, conviciis lacessit, et aliquid ei, unde erubescere debeat, in faciem apponit. Super hoc autem nulla misericordia habenda est, sed manus illa proacissima statim est abscindenda, et lingua illa in frenis fortiter colibenda. Quod autem et lingua manum habeat, Scriptura testatur: « Mors, et vita in manu lingue (Prov. xix, 21). » (305) Hæc autem mihi nuper accidisse memini; qui dum pro Ecclesia Sipontina cum Beneventano episcopo litigarem, mox archidiaconus ejus per verenda me arripere conatus, injuste me diffamare cepit; sed ejus lingue superba manus confestim abscissa est; et concilio reprehensus veniam satisfaciens petiit, et impetravi.

« Non habebis in sacculo diversa pondera, majus, et minus, nec erit in domo tua modius major, et minor. Pondus habebis justum et verum, et modius æqualis, et verus erit tibi, ut multo tempore vivas super terram, quam Dominus Deus tuus dedit tibi. Abominabitur enim Dominus eum, qui facit hæc, et adversatur omnem injustitiam. » Si hujus sæculi negotiatores hæc secundum litteram intelligerent et custodirent, non tantum lucrarentur in eis decipiendo, quantum lucrarentur custodiendo. Nos autem non habeamus diversa pondera in sacculo pectoris nostri, sed sint æqua omnia et justa. Nihil sine ordine, nihil sine libra et vera mensura faciamus. Et quia: « Non est personarum acceptio

apud Deum (Rom. ii, 11), » nos quoque in iudicio personam non accipiamus.

Sequitur autem de eo quod Moyses præcepit filiis Israel, ut postquam in terra promissionis quiete habitarent, deleterent totum Amalec de sub caelo, quoniam occurrit eis in via, et extremos agminis ejus interfecit, quando exercitus erat fame et labore confectus. Quid enim per Amalec, qui *populus brutus*, sive *populus lingens* interpretatur, nisi hæreticos intelligimus? Qui et quasi bruta animalia Deum non timent et eos, quos possunt, lingendo et adulando decipiunt. Et isti quidem populo Dei ad supernam patriam festinanti in via occurrunt: isti ejus iter impedire nituntur: isti, quia primos et fortiores non valent, extremos quoque et imperfectiores decipiunt et occidunt. Sed notandum nobis est, quod tunc maxime hæreticorum persuasio vires habet, quando populus fame et labore consumitur. Fame utique audiendi verbi Dei: qui enim hoc cito sunt refecti, hæreticorum non timent insidias. Illi quoque facile ab eis vincuntur, quos in via mandatorum Dei jam labore fatigatos currere tædet. Hunc ergo populum delevit Ecclesia, et post tyrannorum bella, cum jam videretur esse quæta, superavit.

CAPUT XXVII.

Præcepit autem Moyses, ut postquam populus transierit Jordanem, erigat ingentes lapides, quos postquam calce levigaverint, scribant in eis lucide et aperte omnia verba legis hujus, ut possit intrare terram lacte et melle manantem. Faciat quoque altare super montem Nabal de lapidibus, quos ferrum non tetigit, et de saxis informibus et in politis, et offerat super eo holocaustum Domino Deo suo. De his lapidibus scriptum est: « Lapidēs sancti elevaruntur super terram (Zach. ix, 16). » Hos ergo lapides illi erigunt, qui jam per Jordanem transierunt. Jordanem enim Josue, Jordanem aperuit Jesus. Ipse nos docuit, quid Jordanis aqua significet, quoniam ibi baptizatus discipulis suis præcepit, dicens: « Ite, docete omnes gentes, baptizantes eos in nomine Patris, et Filii, et Spiritus sancti (Matth. xxviii, 19). » Illi ergo sunt, qui erigunt ingentes lapides: isti sunt, qui ubique terrarum ædificant Ecclesias: isti totius mundi reges, et principes ad fidem convertunt. Isti quidem hos lapides levigantes; isti eos et charitatis glutino solidantes, scribunt in eis dilucide et aperte, non autem in nube et caligine, omnia verba quæ in hoc libro novæ legis continentur. Hæc enim, ut Apostolus ait, « non atramento, sed spiritu Dei in cordibus nostris scripta sunt (II Cor. iii, 5). » Scripta sunt quoque verba in corde Judæorum, sed neque lucide, neque aperte, ideoque de eis dicitur: « Cæcitas ex parte contigit in Israel (Rom. xi, 13). » Quod autem ait, « ut possit intrare in terram lacte et melle manantem, » ex hoc significare videtur, quod nemo terram viventium intrabit, qui prius per baptismum non transierit, et novæ legis fidem

(305) Memorat S. Bruno litem quam pro tuenda Sipontina Ecclesia movit contra episcopum Beneventanum, ut dictum est in ejus Vita.

Sipontina Ecclesia movit contra episcopum Beneventanum

atque doctrinam non suscepit. Sed quid per altare significatur, quod de lapidibus impolitus et saxis informibus supra montem Nahal construitur? Ecclesia utique, in qua omnia sacrificia Christianæ religionis quotidie fiunt. **212** Fit autem hoc altare super montem Nabal, quoniam sancta Ecclesia in gentili populo maxima ex parte constituta est. Nabal enim *vetus vorago* interpretatur. Vetus autem vorago in hoc populo erat, quoniam ibi, ab antiquis temporibus, major inferni perditionisque porta patebat. Constituitur autem hoc altare ex lapidibus et saxis informibus, quæ ferrum non tetigit, quoniam et sancta Ecclesia præter justos ex impis etiam, et peccatoribus, et insensatis, constituta est. Qui autem lapides colebant, et duri, increduli, infructuosique Dei formam, et pulchritudinem, ad cuius imaginem facti fuerant, non habebant, non immerito ideo lapides vocantur. Hos autem ferrum non tetigit, quoniam nondum sanctæ prædicationis ferramentis dolati, et formati erant. Nondum enim ad eos dolandos venerat ille, qui ait: « Ut sapiens architectus fundamentum posui (I Cor. iii, 10). » Super hoc autem altare holocaustum Domino offertur, et victima pacifica immolatur, quia multis modis ei in sancta Ecclesia sacrificatur. Non est autem necessarium nos hic aliud de sacrificiis dicere, de quibus in superioribus libris multa locuti sumus. Quod autem ait: « Come- » desque ibi, et epulaberis coram Domino Deo tuo, » non de carnali, sed de spiritali cibo intelligi debet. Hic enim cibus in Ecclesia sumitur, hic cibus coram Deo comeditur: « Non enim in solo pane vivit homo, sed de omni verbo, quod procedit de ore Dei (Matth. iv, 4). » Verbum ergo Dei cibus, hoc autem cibo nutritur, et pinguescit anima. Quæ vero sequuntur, ideo non exponimus, quia facilia sunt, et maxima ex parte secundum litteram intelliguntur. Illis igitur prætermisiss ad canticum accedamus.

CAPUT XXXII.

« Audite, cœli, quæ loquor, audiat terra verba » oris mei. » Quantum ad litteram, cœli et terra audire non possunt, quia insensibiles sunt, et aures, quæ audiant, non habent. Allegorice autem per cœlos iusti, per terram peccatores designantur. Magna ergo diciturus est, qui bonos et malos, et angelos atque homines, justos et peccatores ad audiendum invitat. Et merito quidem cœli dicuntur, quorum conversatio in cœlis est (Philipp. iii, 20). Merito etiam terra vocantur, quia de terra facti, sola terrena et transitoria diligunt. (306) « Concresecat pluviæ instar » doctrina mea: fluat ut ros eloquium meum. » Pluvia enim et rore fecundatur terra, quibus parturiens germinat, et germinans conservatur. Talem igitur doctrinam suam fieri optat, qua campus animæ mædæfactus in bonorum operum fructus prorumpat. « Quasi imber super terram, et quasi stillæ super » gramina, quia nomen Domini invocabo. » Talis, inquit, sit doctrina mea, et sic mentes, quas irrigat, vivificet, nutriat et fecundet, sicut imber, et plu-

(306) Cod. S. Cruc. in Laurent. *Concresecat ut pluvia doctrina mea*, etc.

A viarum stillæ super herbam, et gramina, crescere ea faciat. Hoc autem ideo, « quia nomen Domini invo- » calo; » cuius invocatione sanctificantur et gubernantur omnia. « Date magnificentiam Deo nostro, » Dei perfecta sunt opera, et omnes viæ ejus jud- » cia. » Date, inquit, o cœli et terra, magnificentiam Deo nostro, id est, magnificate. Dominum enim magnificare, est Dei magnificentiam prædicare. Neque aliter magnificatur, qui neque crescere, neque minui potest. « Dei perfecta sunt opera. » Nihil imperfectum fecit Deus; multa tamen imperfecta videmus, quæ Dei opera esse non dubitamus. De prima igitur creatione hoc intelligatur, in qua nihil fuit diminutum: nihil aliqua parte vitiatum. Magnificemus ergo illum, qui omnium primordia perfecta creavit. B « Et omnes viæ ejus judicia. » Via ejus est fides. Hæc enim venit ad eum, sed hæc judicat infidelem. Hæc ergo judicium est. Similiter autem et patientia judicantur impatientes, justitia injusti, et impietate impii, sic et in aliis. Omnes ergo viæ ejus judicia. « Deus » fidelis, et absque ulla iniquitate, justus et rectus. » Unde manifestum est, quia viæ ejus non solum judicia sunt, verum etiam justa judicia. Latentur ergo boni, timeant et mali. Sed quæ timeant? Quia « pec- » caverunt ei. » Boni vero latentur, quia « filii ejus » sunt, « et in sordibus non » sunt. Si enim adhuc in sordibus essent, ejus filii non essent. Nunc autem ad posteriora mentem dirigens, et Judæos idola colentes, et contra Christum insurgentes, in spiritu contemplatus, exclamat, dicens: « Generatio prava, » atque perversa, hæcne reddit Domino, popule » stulte, et insipiens? » Hoc, inquit, de te ipso promeruit, quia hæcapta bona, quæ insequentibus enumerantur, tibi largitus est? « Nunquid non ipse, » est pater tuus, qui possedit te, et fecit, et creavit » te? » Ipse, inquit, quem tu derelinquis, quem in diis alienis provocas, et ad iracundiam concitas, ipse, non alius, est pater tuus, qui te ab initio possedit, et fecit, et creavit. Hoc autem nescis, fac quod sequitur, et verum hoc esse probabis. « Memento dierum » antiquorum, cogita generationes singulas: inter- » roga patrem tuum, et annuntiabit tibi majores » tuos, et dicent tibi. » Quid dicent tibi? Hoc videlicet: Iste, quem tu insipiens relinquis et despicias, D pater tuus est, et possessor, et creator. Hoc enim majores tui testantur. Hoc Isaias, Jeremias, et ceteri prophætæ confitentur. Et ipse quidem, cum omnium Dominus esset, cum omnes gentes in potestate habuisset, te solum tamen in partem elegit; **213** te solum suæ hereditatis funiculum esse voluit. Hoc est enim quod dicit: « Quando dividebat Altissimus » gentes, quando separabat filios Adam, constituit » numerum populorum juxta numerum filiorum » Israel. Pars autem Domini populus ejus; Jacob » funiculus hereditatis ejus. » Vide igitur, quantum eum diligere, et quam fidelis esse debeas, qui ex omnibus mundi nationibus te solum in hereditatem suscepit. Hæc autem divisio gentium, et hæc sepa-

ratio filiorum Adam, illa esse videtur, quæ in turris ædificatione facta est, sive potius, quæ in ejus dispositione erat antæcæula. Tunc enim constituit Dominus terminos populorum, juxta numerum filiorum Israel. Quoniam tot mundi partes fore constituit, quot et filios Israel præcivit. Duodecim enim sunt mundi partes, totidem venti inde spirantes. Cum enim quatuor sint venti principales, unusquisque autem duos collimitaneos habeat, unum videlicet a dextris, et alterum a sinistris, duodecim esse non dubium est. Si autem per filios Israel apostolos significemus, hoc sic erit intelligendum, quia quod ipsi in prædicatione mundum in duodecim partes dividerunt, sic esse futurum prius a Domino constitutum fuerat. Alia vero translatio sic habet: « Constituit terminos gentium, secundum numerum angelorum Dei; » ut tot ex electis cælos ascendere intelligamus, quot malis in ruentibus ibi remanserunt. « Invenit eum in terra deserta, in loco horro-
 « ris, et vastæ solitudinis. » Quid est enim « inve-
 « nit eum, » nisi cognovit, atque probavit? Tunc aliquem ex toto invenimus, quando eum, qualis sit, manifeste cognoscimus. Et quia in adversis homo cognoscitur, merito cum in deserto invenisse Dominus dicitur. Quamvis enim Dominus huic populo plurima bona præstiterit, multoties tamen, sicut superius legitur, eum tentavit, et ad iracundiam provocavit. Ipse autem contra semper ei miserebatur. Unde subditur: « Circumduxit eum, et docuit, et
 « custodivit quasi pupillam oculi sui. » Hoc est, quod superius dicitur. Sufficit vobis circumire montem istum. « Et circumimus, » inquit Moyses, « montem Seir longo tempore. » Per quadraginta namque annos circumduxit eos Dominus per desertum, donec illi omnes introirent, qui prius a viginti annis, et supra numerati fuerunt. Semper autem docuit, qualiter se habere debuissent, et quasi pupillam oculi eos custodivit. Qua in re, maxima perfectaue custodia significatur. Usitata namque locutio est, ut eos, quos multum diligimus, quasi oculos nostros diligere dicamus. « Sicut aquila provocans ad volan-
 « dum pullos suos, et super eos volitans, expandit
 « alas suas, et assumpsit eum, et portavit in hume-
 « ris suis. » Sic, inquit, Dominus semper filios Israel custodivit, et docuit ad justitiam, et ad bonum opus provocavit, ac super eos in columna nubis et ignis volitavit, sicut aquila super pullos suos facere consuevit. Metaphorice loquitur, ut per hoc ei attentissima cura in illum populum fuisse demonstretur. « Dominus solus dux ejus fuit, et non erat cum eo
 « d. us alienus. » Stulte igitur loquebantur filii Israel, quando vitulum aureum adorantes dicebant: Isti sunt dii tui, Israel, qui eduxerunt te de terra Ægypti. « Constituit eum super excelsam terram, ut
 « comederet fructus agrorum. » Jam nunc de futu-
 ris, quasi de præteritis loquitur. Vocat autem terram promissionis terram excelsam, sive quia montuosa est: sive quia aliis terris fecunditate excellentior et nobilior est; sive etiam quia terram viventium si-

A gnificat. Ibi autem potius comedebat fructus agro-
 rum; quibus fructibus et corpus et anima replebatur. Agri enim sunt isti libri, quorum fructum nunc expo-
 nendo comedimus. Hunc autem qui bene comedit
 super excelsam terram constitutus est. « Ut sugeret
 « mel de petra, oleumque de saxo durissimo. » Hoc
 videtur exponere Psalmista, ubi ait: « Dedit eis re-
 giones gentium, et labores populorum possederunt.
 Ut custodiant justificationes ejus, et legem ejus
 exquirant (Psal. civ, 44, 45). » Hoc est enim: « Con-
 « stituit eum super excelsam terram; » quod est,
 « dedit eis regiones gentium. » Et hoc est: « comede-
 re fructus agrorum, » et « sugere mel de petra,
 oleumque de saxo durissimo, » quod est, « custo-
 dire justificationes ejus, et legem ejus exquirere. »
 B Qui enim sacras Scripturas bene vult meditari, ab
 omni perturbatione oportet eum esse quietum. Ideoque filii Israel super excelsam terram consti-
 tuti, ut, neminem timentes, quiete viverent et popu-
 lorum labores possiderent, quatenus, omni cura se-
 mota, Dei justificationes et legem ejus exquirant. Quid enim aliud per petram, et saxum durissimum,
 nisi hanc legem intelligamus, quæ in tabulis lapi-
 deis scripta fuerit? De hac tamen petra, et de hoc
 saxo durissimo exsugimus, cujus dulcedine anima
 satiatur. Divina namque Scriptura et cibus nobis
 est, et medicamentum. « Butyrum de armento, et
 « lac de ovibus, cum adipe agrorum, et arietum
 « filiorum Basan. Et hircos cum melodia tritici, et
 « sanguinem uvæ biberent meracissimum. » Hæc
 C secundum litteram vera sunt. Percusserunt filii
 Israel Og regem Basan, et non solum armenta ejus,
 oves, et agnos, et arietes, verum etiam omnem ter-
 ram ejus possederunt. Possemus autem spiritualiter
 per armenta, et oves, et agnos, et arietes omnem
 patriarcharum et prophetarum multitudinem intel-
 ligere; qui, quoniam de spiritualibus parentibus
 nati sunt, non immerito filii Basan dicuntur. Basan
 enim *pinguedo* interpretatur. Dicuntur autem ar-
 menta propter 214 multitudinem, oves propter
 simplicitatem, propter innocentiam agni et propter
 ducatum arietes. De his autem et butyrum, et lac, et
 adipem sumimus, quoniam eorum verbis et exemplis
 reficimur. Talis enim cibus dulcis est, et suavis. Sed
 D quid per hircos, qui in omni sacrificio pro peccatis
 immolantur, nisi Christus intelligitur, pro peccatis
 nostris immolatus, sicut Apostolus ait: « De peccato
 damnavit peccatum in carne (Rom. viii, 3). » Judei
 ergo immolando, quodammodo Christum manduca-
 bant in hircis, quem nos modo comedimus in me-
 dulla tritici. Bene igitur utrumque posuit, ut et
 nostrum, et illorum sacrificium demonstraret. Quod
 vero per sanguinem uvæ meracissimum, Christi
 sanguis significetur, ex eo maxime intelligi potest,
 quod cum non vinum, sed sanguinem vocat. Jam
 tunc ergo ille populus Christi carnem, et sanguinem
 in figura comedebant; quem nos modo in veritate
 comedimus. Ita unde ille populus circa se tantam
 Dei largitatem, et benignitatem sentiens, melior, et

Deo fidelior suo esse debuerat, inde in superbiam elatus, iniquior factus est; unde et subditur. « In-
crassatus est dilectus, et recalcitravit, incrassa-
tus, impinguatus, dilatatus. » O mala pinguedo,
quæ contra Deum recalcitare facit. « Prodiit quasi
ex adipe iniquitas eorum (Psal. LXXI, 7). » Ipsa enim
verborum inculcatio nimiam illorum, et superabun-
dantem iniquitatem ostendit. « Dereliquit Deum
factorem suum, et recessit a Deo salutari suo.
« Provocaverunt eum in diis alienis, et in abomina-
tionibus ad iracundiam concitaverunt. » Hoc autem
exponit. « Immolaverunt demoniis, et non Deo; diis
quos ignorabant. Novi recentesque venerunt, quos
non coluerunt patres eorum. » Plana sunt hæc,
quæ quidem illum populum idololatriæ deditum
fuisse significant, qui et unum Deum factorem suum
dereliquit, et novos deos coluit, quos ejus parentes
non coluerunt. « Deum, qui te genuit, dereliquisti,
et oblitus es Domini creatoris tui (Isa. LI, 13). » Hoc
vidit Dominus, et ad iracundiam provocatus, conci-
tatus est, quia provocaverunt eum filii sui et filiæ.
Huic autem simile in psalmis dicitur: « Si inimicus
meus maledixisset mihi, sustinuissem utique
(Psal. XIV, 13). » Quanto enim nobis aliquis fami-
liarior est, tanto magis si in aliquo offendat, dole-
mus. Et ait: « Abscondam faciem meam ab eis, et
considerabo novissima eorum. » Quod servis suis
Dominus faciem suam abscondit atque ab eis videri
non patitur, iræ et indignationis indicium est.
Ideoque David Dominum rogat, dicens: « Ostende
nostram faciem tuam, et salvi erimus (Psal. LXXIX, 4). »
Considerat autem novissima eorum, quia quanto
tempore in malis persistunt, et quando ad bonum
convertuntur, quæ pœna eos in futurum expectet,
intelligit.

« Generatio enim perversa est, et infideles filii.
« Ipsi me provocaverunt in eo, qui non erat Deus,
« et irritaverunt in vanitatibus suis. Et ego provo-
« cabo eos, in eo qui non est populus, et in gente
« stulta irritabo eos. » Hoc autem tale est ac si
diceret: Ipsi me provocaverunt, irritaverunt, et
spreverunt. Et ego illos provocabo, et irritabo, et
spernam. Ipsi adoraverunt pro Deo illum, qui non
est Deus, et provocabo eos, recipiamque pro ipsis
eum, qui non est populus, ut vel sic dolore tabescat,
dum locum suum alios tenere, et bona sua alios pos-
sidere conspexerint. Sed quomodo populus gentium
non est populus? Quare autem si non est populus, a
prophetis populus dicitur? Apostolus dicit: « Quæ
stulta sunt mundi elegit Deus, ut perdat sapientes, et
infirma elegit Deus, ut confundat fortia, et ea quæ
non sunt, ut ea quæ sunt, destrueret (I Cor. I, 27). »
Sicut enim ea intelligimus, quæ non sunt, ita eum
intelligamus, qui non erat populus. Ea enim apud
homines quasi non esse dicuntur, quæ tam parva,
et humilia sunt, ut quodammodo non esse videantur.
Unde etiam usitata locutione illud, quod parvi pen-
dimus, nihil esse dicere solemus. « Ignis succensus

(307) Cod. S. Crucis Minor. in Laurent. *Deditus esse.*

« est in furore meo, et ardebit usque ad inferni
« novissima. Devorabitque terram cum germine suo,
« et montium fundamenta comburet. » In hoc igne
omnia pœnarum genera significari possunt, quibus,
vel in hoc sæculo, vel in futuro peccatores crucian-
tur; quoniam illis iratus est Dominus. Ardet autem
hic ignis usque ad inferni novissima, quoniam, ut
Scriptura testatur, inextinguibilis est. Devorat au-
tem terram cum germine suo; sive hic juxta litem
ram, civitates et homines, sive etiam in inferno
peccatores eorumque filios et sequaces. Montium
autem fundamenta divitiæ sunt, et honores, in qui-
bus potentes hujus sæculi confidunt, quibusque ele-
vati superbiunt, et has quidem ultimus ignis, simul
cum suis possessoribus comburet. « Congregabo su-
per eos mala, et sagittas meas complebo in eis. »
Nam et in hac vita super Judæos multa mala, mul-
tasque tribulationes congregavit Dominus: et in
futuro quanta super omnes iniquos congregaturus
rit, quid attinet dicere? Sagittæ autem complentur
in eis, quia nulla restat omnium sagittarum, nulla
restat omnium pœnarum, quæ non sæviant super
eos. « Consumuntur fame. » Sive hic ab hostibus
obsessi, sive etiam ut dives ille, qui guttam aquæ a
Lazaro petebat. « Et devorabunt eos aves morsu
amarissimo (Luc. XVI, 23). » Hoc secundum litteram
completam est; quoniam multoties eorum morticina,
et aves, et bestię, et serpentes devoraverunt; secun-
dum illud: « Posuerunt morticina servorum tuorum
escas volatilibus cœli, et carnes sanctorum tuorum
bestiis terræ (Psal. LXXXVIII, 2). » Allegoricæ autem aves,
serpentes, bestię, maligni spiritus intelliguntur, qui
præ nimia immanitate iniquorum pœnis saturari
non possunt. « Dentes bestiarum immitam in eos,
« cum furore trahentium super terram, atque ser-
« pentium. Foris vastabit eos gladius, et intus pa-
« vor, juvenem simul, ac virginem, lactantem cum
« homine sene. » Qui hoc non intelligit, legat Re-
gum, Josue, et Machabæorum libros. Si quis autem
de Judæis, qui modo sunt, intelligere velit, sciat
omnes a majori, usque ad minorem morti et per-
ditioni designatos esse (307). « Et dixi: Ubinam
« sunt? cessare faciam ex hominibus memoriam
« eorum. » Ac si dicat: Qui modo læti, et exul-
tantes omnes Judææ civitates repleverant, ubi nunc
sunt, utique in captivitate, et ubique terrarum di-
spersi. Hoc modo superius dixerat: « Et considerabo
« novissima eorum. » Dicendo, « ubinam sunt »:
eorum memoriam considerat. Cessavit autem ex
hominibus memoria eorum; quoniam qui prius
inter homines nominatissimi fuerant, jam nunc
nulla memoria, et nulla bona fama digni habentur.

« Sed propter iram inimicorum distuli, ne forte
« superbirent hostes eorum. Et dicerent: manus
« nostra excelsa, et non Dominus fecit hæc omnia. »
Prius hoc illis accidisset; sed distulit Deus, ut
eorum inimici intelligerent, quod insuperabiles

essent, si a Deo non recessissent: at per hoc, quando eorum inimici eos superarent, non in sua fortitudine hoc fieri intelligerent; sed Dei indignatione, qui ab eis iratus recesserat. Hucusque Dominus: nunc autem loquitur Moyses. « Gens absque consilio est, et sine prudentia. Utinam saperent, et intelligerent, et novissima providerent. » Non enim perissent, si in legis, et prophetarum consilium sapienter credidissent. Denique si novissima providissent, et quæ et quanta pro suis iniquitatibus passuri erant præcivissent et intellexissent, ea forsitan non egissent. « Quomodo persequeretur unus mille, et duo fugarent decem millia? Nonne ideo, quia Deus suos vendidit eos, et Dominus conclusit illos? » Cognosce, inquit, popule stulte, et insipiens, quia non tua, sed Dei fortitudine, quanto tempore in eo fuisti, infinitam hominum multitudinem cum paucis superasti. Hoc autem ideo fiebat, quia Judæorum Deus omnes eorum inimicos in servos eis vendebat. Qui enim Deo fideliter serviunt, quodammodo ejus beneficia sub servitio emunt. Si autem Deus suus, Deus gentium dicatur, hoc erit intelligendum, quod maligni spiritus snos fideles decipiant, et vendant, in magnum sibi pretium computantes, si eos in æternum cruciandi potestatem a Deo suscipiant. « Non enim est Deus noster, et ut dii eorum, et inimici nostri sunt iudices. » Hoc, inquit, inimici nostri testantur, quia Deus noster major omnibus est. Hucusque Moyses: nunc autem Dominus, quod cepit exsequitur. « De vinea Sodomorum vinea eorum, et de suburbanis Gomorrhæ. Uva eorum uva fellis, et botri amarissimi. Fel draconum vinum eorum, et venenum aspidum insanabile. » Merito, inquit, cessare faciam ex hominibus memoriam eorum, sicut cessavit memoria Sodomorum, ex quibus isti iniqua imitatione originem ducunt. Vineam enim, id est Judæorum gens et propago, Sodomorum et Gomorrhæorum vineam, et gentem malis moribus et iniqua conversatione incitabatur, quasi alterius vineæ naturam vinea sequitur, et ab ea pastinata. Hujus autem uvæ et botri fellei et amarissimi sunt: hujus vinum fel draconum et venenum aspidum est; quoniam omnis Judæorum doctrina amara, mortifera, et insanabilis est. Nonne hæc condita sunt apud te, et signata in thesauris meis? Non sum, inquit, oblitus, firmiter in thesauris memoriæ teneo ea quæ gens ista contra me semper operata est. « Mea est ultio. Et ego retribuam eis in tempore, » huic ultioni prædestinato, « ut labatur pes eorum, » ne vel stare, vel fugere, vel resistere valeant. Hoc autem cito; « juxta est dies perditionis, et adesce festinant tempora. » Iterum autem Moyses loquitur: « Judicabit Dominus populum suum, et in servis suis miserebitur. » Ac si dicat: Vere prope est dies perditionis, sed non timeant boni, quia Dominus justus iudex judicabit populum suum, et judicando miserabitur servorum suorum. Quid est ju-

A dicabit, nisi a malis separabit? Hac enim significatione, dicitur: « Judica me, Deus, et discerne causam meam. » — « Videbit, quod infirmata sit manus. » Quid est videbit? Nunquid et modo non videt? Videbit igitur, id est videri faciet, quod manus, et virtus illorum infirmata sit, qui prius alios potenter affligebant; et sicut duo ex illis ante fugabant decem millia, ita modo decem millia fugabuntur a duobus. « Et clausi quoque defecerunt, residuique consumpti sunt. » Quia capta civitate, aut trucidati, aut venditi sunt. Et tunc tandem se peccasse, et frustra deos coluisse, et dæmonia adorasse, et de eorum victimis in vanum se comedisse dicent: « Hæc est enim, quod ait: « Ubi sunt dii eorum in quibus fiduciam habebant? De quorum victimis comedeant adipem, et bibeant vinum libaminum. » Hoc autem illi dixerunt; illos autem Dominus irridens, ait: « Surgant modo, si possunt, dii vestri, et opitulentur vobis, et in hac tanta necessitate vos protegant: » qui quia non possunt, videte, cognoscite, et nunc tandem intelligite, « quod solus ego sum Deus, et non est alius Deus præter me. Ego occidam, et ego vivere faciam. » Ipso enim vivente, non moriuntur omnes, ipso vocante resurgunt omnes. « Percutiam et ego sanabo. » Responsio est: **216** « et non est qui de manu mea possit eruere. Levabo ad cælum manum meam, et dicam: Vivo ego in æternum. » Quando Sa'vator noster elevatis manibus sublatum est in cælum, ostendit se vivere in æternum. Nemo enim ibi moritur, quo ipse vivens ascendit. « Si acvero ut fulgur gladium meum, » per quem æternam damnationem intelligimus, « et arripuerint judicium manus meæ, » faciam quod sequitur: « reddam ultionem hostibus meis, et his qui oderunt me, retribuam. » Hoc autem erit in iudicio, quando reddet unicuique secundum opera sua. « Inebriabo sagittas meas sanguine, et gladius meus devorabit carnes. » In hoc omnium tormentorum genere non solum venire, sed etiam semper manere super iniquos designat. « De cruore occisorum inebriabitur, » subauditur gladius meus. Inebriabitur quoque « de captivitate nudati inimicorum capitis. » Omnium iniquorum caput diabolus est; qui tunc nudus erit, quoniam omnis ejus fraus, et iniquitas omnibus revelabitur. Hujus autem captivitatis illi sunt, quicunque ab eo capti et decepti sunt. De his ergo inebriabitur gladius Dei. « Laudate, gentes, » populum ejus. » Sed dicit aliquis: Quomodo tu illum populum laudare præcipis, quem Dominus despectui habens, occidi permisit? Ad quod ipse: « Quia sanguinem, » inquit, « servorum suorum ulciscetur, et vindictam retribuet in hostes eorum, » et propitius erit terræ populi sui. » Quod quidem non saceret, si eos despectui habuisset. Terram autem carnem dicit, quæ post resurrectionem glorificata, (308) eternæ beatitudini sociabitur.

CAPUT XXXIII.

« Hæc est benedictio, qua benedixit Moyses homo
 « Dei filiis Israel ante mortem suam. Et ait : Domi-
 « nus de Sina venit, et de Seir ortus est nobis,
 « apparuit de monte Pharan, et cum eo sanctorum
 « millia. In dextera ejus ignea lex. » Hæc ad litteram
 non procedant. Recordemur ergo illius capituli, ubi
 dicitur : « Si ambulans per viam, nidum in arbore,
 vel in terra inveneris, et avem pullis vel ovis desu-
 per incumbentem, dimitte avem, captos tenens
 filios, ut bonum sit tibi, et longo vivas tempore
 (Deut. 22, 6). » Et nos ergo dimittamus avem
 istam, et filios teneamus. Hæc avis littera est, quæ
 sub alarum velamine pullos et ova, id est spiri-
 tualem sensum claudit; quæ quidem per loca diffi-
 cilia in arbore, per planiora vero in terra nidificat.
 Per hujus igitur voluminis viam ambulantes, hujus
 avis nidum in arbore, id est in loco difficili, et alto
 invenimus. Dimittamus ergo avem, imo hinc eam
 evolare cogamus, ut pullos ejus, id est spirituales
 intelligentiam teneamus. Quod si fecerimus, bene
 nobis erit, et longo viveamus tempore. Times mori?
 dimitte litteram, quæ occidit. Vis vivere? tene lit-
 teræ filios, id est spirituales intellectum. Spiritus
 enim vivificat. Expulsa igitur littera, videamus quid
 per istos tres montes, id est Sina, Seir, et Pharan
 significetur. Ego enim per hos, legem, et prophetas,
 et Evangelia significari puto, ut per Sina, ubi lex
 data est, significetur hi quinque libri Moysis; per
 Seir vero, qui *hispidus* interpretatur, intelliguntur
 prophetæ, ad exponendum difficiles, Evangelia au-
 tem significantur per Pharan, qui *fragifer* dicitur,
 quoniam nullum semen, sicut semen Evangelii fru-
 ctificavit. Venit ergo Dominus de Sina, quia ejus
 adventus primum in lege invenitur. Oritur in Seir,
 quia ejus nativitas a prophetis manifestatur. Appa-
 ret in monte Pharan, quia in Evangelii auditur, et
 per miracula manifestatur. Venit ergo non solus,
 sed cum eo sanctorum millia. In dextera ejus
 « ignea lex, » qua et peccata uruntur, et mentes
 illuminantur. « Dilexit populos, » secundum illud :
 « Qui dilexit, et lavit nos a peccatis nostris in san-
 guine suo. Omnes sancti in manu illius sunt (Apoc.
 1, 5). » Quare in manu? Quia ipse eos regit, ipse
 eos tenet, et vagari non permittit. « Et qui appro-
 « pinqunt pedibus ejus, accipient de doctrina il-
 « lius. » Hoc bene Maria soror Lazari intellexit. Et
 etiam per pedes ejus apostoli intelliguntur, qui ejus
 doctrinam ubique seminaverunt. « Legem præcepit
 « nobis Moyses; » non utique : Iam, nisi eam, quam
 accepit de doctrina ejus, quoniam et ipse appropin-
 quavit. Sic autem de se, quasi de alio loquitur :
 « Hereditatem multitudinis Jacob. » Hæc enim
 omni hereditate melior eis fuerat, si tamen eam
 intellexissent, quam nulli hostes ejus extorquere
 potuerunt. « Erit apud rectissimum rex, congrega-
 « tis principibus populi cum tribubus Israel. » Ac si
 dicat : Hic Dominus, et rex veniens de Sina, in
 terris quidem cum hominibus conversabitur, sed a

A Patre non separabitur. Erit semper rectissimus
 apud rectissimum, de quo alibi dicitur : « Et Ver-
 bum erat apud Deum (Joan. 1). » Principes autem
 populi cum tribubus Israel congregati erant, quan-
 do simul cum discipulis suis in Judæa prædicabat.

« Vivat Ruben, et non moriatur, et sit parvus in
 « numero. » Quid per Ruben, qui primogenitus
 fuerat, nisi eos intelligimus, qui primi in illo populo
 vitam sæculi, Christo crediderunt? Isti vivent in æter-
 num, et non sicut cæteri morientur. Sed parvi sunt
 numero, quamvis magni sint virtutibus, et sanctitate,
 semper enim : « Multi sunt vocati, pauci vero electi
 (Matth. 22, 14). » — « Hæc est Judæ benedictio. Audi,
 « Domine, vocem Judæ, et ad populum suum in-
 « troduc 217 eum. Manus ejus pugnabunt pro eo,

B et auditor illius contra adversarios ejus erit. » Per
 Judam Christum intelligimus, qui secundum carnem
 de stirpe illius natus est. Cujus vocem semper Do-
 minus exaudit, secundum quod ipse ait : « Ego autem
 sciebam quod semper me audis (Joan. 11, 42). »
 Introduxit autem eum Dominus ad populum suum,
 quia prius in hunc mundum, ut nos vocaret, deinde
 in infernum, ut nos liberaret, postea vero in cœ-
 lum, ut exaltaret nos, introivit. Pugnabit autem
 Dominus pro eo, cujus manibus et fortitudini nemo
 resistere valet. Et ipse auditor illius fuit contra
 adversarios ejus, per quos et Judæi, et maligni spi-
 ritus intelliguntur.

« Levi quoque ait : Perfectio tua, et doctrina tua
 « a viro sancto tuo, quem probasti in tentationem,
 « et judicasti ad aquas contradictionis. » Perfectio
 tua, inquit, o Deus, et doctrina tua detur, et con-
 firmetur vero sancto tuo, id est huic ordini sacerdo-
 tali, ne forte iterum tentatus succumbat, sed per-
 fectus et sapiens in omnibus perseveret. Hoc autem
 dicit propter se et Aaron, qui minus perfecti ad
 aquas contradictionis inventi sunt, quando filii
 Israel murmurantes tentaverunt Deum. Nota, quod
 in principio locutionis se ipsum accusat. « Sapiens
 enim in principio accusator est sui (Prov. xviii 17). »
 « Qui dixit patri suo, et matri suæ, nescio vos, et
 « fratribus suis, ignoro illos, et nescierunt filios
 « suos. Illi custodierunt eloquium tuum, et pactum
 « tuum servaverunt. Judicia tua, o Jacob, et legem

D tuam, o Israel, ponent thymiana in furore tuo, et
 « holocaustum super altare tuum. » Hoc est, quod
 in Exodo legitur : quia præcepit Moyses filiis, et
 transeuntes nemini pepercuerunt. Horum igitur exem-
 plo, Domini sacerdotes gladium spiritus, quod est
 verbum Dei, evaginantes, nulli delinquenti parcere
 discant, Dei amorem omni amoris anteposant. Et
 isti quidem eloquium et pactum Dei, et judicia et
 legem Israel custodierunt, eos occidentes, qui vitu-
 lum aureum adoraverunt. Sic enim in hac lege Dei
 et nostra judicatum est, ut quicunque alium Deum
 adoraverit, vel ei immolaverit, moriatur. Ponunt
 autem thymiana in furore Dei, quia suis orationibus
 iram Dei placant, tanquam suavissimo thymiana-
 tum odore. Hoc et Aaron fecisse legitur, qui arripit

thuribulo, flammæ se opposuit, quæ jam extrema A
castrorum devoraverat. Ponunt quoque holocaustum
super altare, sacrificium laudis et oblationis in
Ecclesia prædicantes. « Benedic fortitudini ejus (309)
et opera manuum illius suscipe. Percute dorsa
inimicorum ejus, et qui oderunt eum, non consur-
gant. » O si hæc intelligerent illi, qui Dei sacer-
dotibus tantum adversantur! Quia quantum sacer-
dotes benedicuntur, tantum eorum inimici maledi-
cuntur.

« Et Benjamin ait : Amantissimus Domini habi-
tabit confidenter in eo, quasi in thalamo tota die
morabitur, et inter humeros illius requiescet. »
Quis est iste amantissimus Domini? Beatus utique
Paulus de tribu Benjamin originem ducens. Sed qua-
rem hunc esse putemus, qui amantissimus Domini
vocatur? Videamus modo qualiter Deum amat, cujus
licitur amantissimus. Ipse dicit : « Si quis non amat
Dominum Jesum Christum, anathema sit (I Cor.
xvi, 22). » Vis etiam videre quam confidenter in hoc
idem habitet? « Certus sum, inquit, quia neque
mors, neque vita, neque principatus, neque pote-
states, neque aliqua creatura poterit nos separare
a charitate Dei, quæ est in Christo Jesu (Rom. viii,
38). » Et in eo quidem quasi in suavissimo thalamo
requiescit Christus, de quo ipse ait : « An experi-
mentum ejus quaeritis, qui in me loquitur Christus
(I Cor. xiii, 5). » — « Et inter humeros ejus requie-
scit. » Talem equum, talem sessorem.

« Joseph quoque ait. De benedictione Domini
terra ejus, de pomis cæli, et rore, atque ahyso
subjacente. De pomis fructuum solis ac lunæ, de
vertice antiquorum montium, de pomis collium
æternorum, et de frugibus terræ, et plenitudine
ejus benedictio illius. Qui apparuit in rubo veniat
super caput Joseph, et super verticem Naza-
ræi (310). » Quid per Joseph, qui *accrescens* in-
terpretatur, nisi populum Christianum intelligimus
qui parvo tempore crescens, et multiplicans, mun-
dum replevit? Hujus autem terra benedictione Do-
mini perfunditur, quia statim a principio, ejus caro,
quæ de terra sumpta, primi hominis maledictione
tenebatur, in baptismo benedicatur, et sanctificatur.
Deinde vero populus iste secundatur, et satiatur de
pomis cæli et rore, id est apostolorum verbis et
doctrina, atque de abyso subjacente, id est de alta
et profunda sanctarum Scripturarum intelligentia,
et de pomis fructuum solis et lunæ, per quos dulce-
simos Christi et Ecclesiæ sermones intelligimus,
quibus interior homo noster reficitur. Et « de ver-
tice antiquorum montium, » id est de sublimi et
spirituali intelligentia prophetarum. Et « de pomis
collium æternorum, » per quæ significantur dulcissima
verba apostolorum. « Et de frugibus terræ, et de
plenitudine ejus. » Quæ si de terra viventium intel-
ligantur, magnæ et immensæ divitiæ ei promittuntur.
« Omne enim datum optimum, et omne donum per-

fectum desursum est (Jac. i, 17). » Sed quis est
ille, qui in rubo apparuit? cujus benedictio super
caput, et verticem hujus venire imprecatur. Si enim
rubus ille virginem Mariam significabit, profecto
Christus est, qui in rubo apparuit. Bene autem popu-
lus iste Nazareus dicitur, utpote Domino 218 ab
infantia consecratus inter fratres suos. « Quasi pri-
mogeniti tauri pulchritudo ejus, cornua rhinoc-
erotis cornua illius. In ipsis ventilabit gentes usque
ad terminos terræ. Hæc sunt multitudines Ephraim,
et hæc millia Manasse. » Omnes enim secundum
creationem fratres sumus, quoniam ex eisdem paren-
tibus nati sumus. Christianus tamen populus inter
omnes fratres suos pulcherrimus est, quia ipse solus
aqua baptismatis regeneratus, et super nivem deai-
batus est. Qui bene tauro primogenito comparatur
utpote major et fortior, cæterisque omnibus ad labo-
randum aptior. Sunt enim cornua illius insuperabi-
lia, quasi cornua rhinocerotis, quoniam nihil eis
resistere potest. Non autem sine causa pluraliter
cornua posuit, cum nonnisi unum cornu habeat
rhinoceros, unde et Latine unicornis dicitur. Duo
namque cornua duo sunt Testamenta, quæ populus
iste dupliciter intelligens, omnium gentium errores
superat et vanitates. In ipsis enim ventilat gentes,
in ipsis concludit philosophos, in ipsis vincit Ju-
dæos, in ipsis prædicat, et convertit omnes mundi
terminos. Dividitur autem populus iste in Ephraim
et Manasse, per quos et Judæos, et gentiles signifi-
care possumus, quorum alter *fructificans*; alter
oblivio interpretatur. Quæ utraque satis convenienter
conveniunt sanctis, qui et boni fructificant, et inju-
riarum suarum omnium obliviscuntur.

« Et Zabulon ait : Lætare Zabulon in exitu tuo,
et Issachar in tabernaculis tuis. Populos ad mon-
tem vocabunt. Ibi immolabunt victimas justitiæ.
« Qui inundationem maris, quasi lac sugent, et
thesauros absconditos arenarum. » Quid per Zabu-
lon, qui *habitaculum* interpretatur fortitudinis, et
per Issachar, qui *asinus fortis* alibi vocatur, nisi
sancti Ecclesiæ doctores significantur? Isti enim,
quasi turres, inexpugnabile sunt habitaculum. Isti,
quasi fortes asini, aliorum onera ferunt. Lætatur
igitur Zabulon in exitu suo, quia sentiens se Dei
fortitudine munitum, securus ad pugnam exit contra
hostes, ex quibus magnis spoliis onustus redit. Læ-
tatur et Issachar in tabernaculis suis, nullo præ
lætiæ pondere gravatus, cum tot quotidie animas
offerat Deo. Vocant autem populum ad montem,
dicentes cum propheta : « Venite, ascendamus ad
montem Domini, et ad domum Dei Jacob (Isai. ii, 3). »
Hoc enim faciunt, quando ad fidem, et ad Ecclesiam
gentes invitant. Et ibi quidem immolant victimas
justitiæ, id est sacrificium laudis et oblationis. Su-
gunt autem inundationes maris, quasi lac, sive quia
mundi injurias et adversitates pro Deo libenter
ferunt, sive quia legis hujus doctrinam, quæ aliis

(309) Alia lectio habet : *Benedic primitiis ejus.*

(310) Cod. Bibl. Cist. olim Montis Amiat. addit. *super verticem Nazareni inter fratres suos.*

amara et impotabilis esse videtur, spirituali intelligentia, quasi lac bibere gaudent. De qua subditur: « Et thesauros absconditos arenarum. » Sicut aurum in arena, ita et spiritualis intelligentia in littera invenitur.

« Et ad Gad ait: Benedicens in latitudine Gad. » Quasi leo requievit, cepitque brachium, et verticem. Et vidit principatum tuum, quod in parte sua doctor est, et repositus, qui fuit cum principibus populi, et fecit iustitias Domini, iudicium suum cum Israel. » Hunc et Jacob benedicens ait: « Gad accinctus praeliabitur ante eum. » Quid per Gad nisi apostolos intelligimus? Qui gladio accincti spiritus, prima acie bella gesserunt. Isti autem in latitudine benedicuntur, sive quia in mundi latitudinem prædicare mittuntur. « In omnem terram exivit sonus eorum (Psalm. xviii, 5). » Et isti quidem quamvis a pluribus inimicis undique invadantur, securi tamen ut leo requiescant, de quo scriptum est: « Leo fortissimus bestiarum ad nullius pavebit occursum (Prov. xxx, 30). » Ceperunt autem brachium et verticem, omnem videlicet mundi fortitudinem et sublimitatem sibi subjugantes. Ipsi enim Romam, quæ mundi caput est, superaverunt, ipsi ejus brachia, id est imperatores et principes ad fidem converterunt. In istorum autem parte et principatu doctor est repositus, quia in eorum cordibus lex, et Christus, id est legis et Evangeliorum reposita est doctrina. Doctorem igitur habent in corde, sicut Dominus ait: « Non enim vos estis qui loquimini, sed Spiritus sanctus, qui loquitur in vobis. » Et iste quidem doctor cum principibus populi fuit, quia ipsa quoque præsentia corporis ad tempus cum apostolis conversatus est, et iustitiam ac iudicia in Iudæa operatus est.

« Dan quoque ait: Dan catulus Leonis fuit largiter de Basan. » De hujus namque stirpe fuit Samson; de hac erit et Antichristus. Uterque catulus leonis, quia uterque fortis, alter debellando malos, alter persequendo bonos. Unde et largiter fluere dicuntur, quia cum magna fortitudine in bella ruunt. Basan autem, qui pinguedo interpretatur, terram Juda significat, quæ omni terra pinguior et fertiliior esse perhibetur. Ex hac autem uterque eorum procedit.

« Et Nephtali dixit. Nephtali abundantia perfruetur, et plenus erit benedictionibus Domini mane, et meridiem possidebit. » Interpretatur Nephtali latitudo, per quem eos intelligimus, qui charitatis amore dilatati, nemini manus claudunt, sed in faciendis elemosynis semper eas apertas habent. Merito igitur abundantia perfruuntur, quia bona sua aliis libenter largiuntur. Talibus autem in iudicio dicturus est Dominus: « Venite, benedicti Patris mei; quia esurivi, et dedistis mihi manducare, sitivi, et dedistis mihi bibere, etc. (Matth. xxv, 35). » Isti autem mane, et meridiem possidebunt, quia nunquam ad occasum mortis declinabunt. Mane, et meridiem possidere est lucem æternam hæreditare.

« Aser quoque ait: Benedictus in filiis Aser. » Sit placens fratribus suis, et tingit in oleo pedem suum. Ferrum, et æs calceamentum ejus. Sicut dies juventutis tuæ, ita et senectus tua. Non est Deus alius, ut Deus rectissimi, ascensor cæli, auxiliator tuus. » Quid per Aser, qui beatus interpretatur, nisi Christianorum populus figuratur, qui solus æterna beatitudine perfruetur? Hic autem in filiis benedicitur, quoniam infideles, et si filii sint, quia boni a Deo calceati sunt, benedictione tamen paterna digni non sunt. Placet autem fratribus suis, per quos angelos intelligimus. Tingit in oleo pedem suum, quia per viam graditur misericordiz. Et ferro, et ære calceatur, quia potestatem a Deo accipit calcandi super serpentes, et scorpiones. Talis potestas calceamentum ferreum et æneum est. Quod autem ejus juvenus et senectus similis dicitur, ejus gloria et beatitudo immutabilis demonstratur. « Non est Deus alius, ut Deus rectissimi. » Admiratio est in laudem Creatoris, qui ex tam iniquis parentibus, et ex adeo fragili materia, ad tantam rectitudinem populum istum, secundum suam voluntatem convertit. Hujus auxiliator ascensor cæli est, Christus videlicet Dominus noster, qui ascendit super omnes cælos. Ipse enim ait: « Non vos deseram, neque derelinquam (Joan. xiv, 18). » Itemque: « Ecce ego vobiscum sum usque ad consummationem sæculi (Matth. xxviii, 20). » — « Magnificencia ejus discurrunt nubes, habitaculum ejus sursum, et subter brachia sempiterna. » Ejiciet a facie tua inimicum, et dicit: Conterere. » Hoc secundum litteram mirabile est quod nubes pluvii oneratas discurrere, aquas ferre, easque ordinate nunc effundere, et nunc tenere videmus. Nostræ quoque nubes, apostoli videlicet et doctores, aquis spiritualibus et doctrina Evangelii pleni, ejus virtute et magnitudine discurrunt, et nostræ mentis agrum inebriant, variisque virtutum fructibus fertilem faciunt. Est autem ejus habitaculum sursum, quoniam in cælo sedes ejus. Subter autem sunt et brachia sempiterna; quoniam ejus virtus et fortitudo suos fideles hic defendere et tenere nos constat. Ideoque ejicit a facie nostra inimicum, diabolum videlicet, de quo dicitur: « Inimicus vester diabolus tanquam leo rugiens circumit querens quem devoret (Petr. ii, 8). » — « Cui dicit: Conterere. » Dicere autem Dei, facere est. Ipse enim dixit, et facta sunt (Psalm. cxiv, 5). » Hoc est, quod Apostolus ait: « Dominus conterat Satanam sub pedibus vestris velociter (Rom. xvi, 20). » « Habitat Israel confidenter et solus. Oculis Jacob in terra frumenti, et vini, cælique caligabunt rore. » Hoc et propheta dicit: « Salvabitur Juda, et Israel habitabit confidenter (Jer. xxxiii, 16). » Interpretatur enim Israel vir videns Dominum. Hic autem est populus fidelis, qui et nunc mentis intuitu eum videt, et postea facie ad faciem videbit. Sed quomodo confidenter habitat Israel cum Domino? satis ex hoc patet, quia semper in Dei protectione confidit; ideoque ait: « Dominus mihi adju-

« or, non timebo quid faciat mihi homo (*Psal. cxvii, A*
 8). » Erit solus oculus Jacob in terra frumenti, et
 vini. Idem est Jacob qui Israel: dictum est alibi
 quid Israel significet. Jacob hoc in loco carnalem
 populum Judæorum designat. Docet ergo Moyses,
 quod alios populos cælum, et spiritualia intueri vi-
 det; Judæos autem sola transitoria appetere cernit,
 nihilque aliud desiderare nisi frumentum et vinum,
 in quibus omnia carnalia et corpus foventia intelli-
 guntur. Hoc autem vitium, quamvis in multis aliis
 invenitur, solis tamen Judæis tribuitur, quoniam
 plus cæteris dominatur in eis. « Cælique caliga-
 bunt rore. » Et hoc ipsum ad eorum iniquitatis et
 avaritiæ cumulum dici videtur, qui quamvis cælum
 rore caligare videant, sola tamen terrena aspi-
 ciunt. Ipse Dominus ait: « Nisi ego venissem, et locutus
 eis fuisset, peccatum non haberent. Nunc autem
 excusationem non habent de peccatis suis (*Joan. xv, 22*). » Cælos rore caligare, et nubibus operiri vi-
 derunt, cum apostolos prædicare, et spiritualis do-
 ctrinæ pluvias effundere senserunt. Verumtamen ad
 terram oculos deprimentes, sursum eos erigere non
 curarunt. Nulla ergo eis excusatio restat.

« Beatus es tu Israel, quis similis tui, popule, qui
 « salvaris in Domino? Scutum auxilii tui, et gla-
 « dius gloriæ tuæ. Negabunt te inimici tui, et tu
 « eorum colla calcabis. » Miser, inquit, Jacob, ejus
 oculus solam terram respicit. Tu vero Israel beatus,
 qui secundum tui nominis interpretationem oculos
 erigens Deum contemplaris. Quis similis tui, o po-
 pule Christianorum, quem Israel significat, qui sal-
 varis in Domino? in eo utique, qui ait: « Vos voca-
 tis me magister, et Domine. Et bene dicitis; sum
 etenim (*Joan. xiii, 13*). » Sicut autem hujus populi
 similem dominus non habet, ita et populus ipse
 similem dominum non habebit. « Scutum auxilii tui,
 « et gladius gloriæ tuæ Christus est. » Ipse, inquit, te
 protegit; ipse te defendit; ipse pro te pugnat; ipse
 tuos prosternit inimicos; ipse et scutum tibi, et
 gladius est, cujus fortitudine gloriaris, omnes supe-
 rans inimicos. Nunc autem ad ipsum convertitur,
 eique sic loquitur, dicens: « Negabunt te, o Christe,
 « inimici tui, et tu eorum colla calcabis. » Quam-
 vis enim sis fortis et potens, quamvis sis Dominus
 virtutum et rex gloriæ, te tamen Judæi negare non
 timebunt dicentes: « Nolumus hunc regnare super
 nos (*Luc. xix, 14*). » Et: « Non habemus regem,
 nisi Cæsarem. » Et: « Non hunc, sed Barabbam
 (*Joan. xix, 15*). » Sed tu, o Christe, eorum colla
 calcabis, et eorum superbiam humiliabis.

220 CAPUT XXXIV.

« Ascendit ergo Moyses de campestribus Moab
 « super montem Nebo in verticem Phasga, contra
 « Jericho, et ostendit ei omnem terram promissio-
 « nis, dicens: Hæc est terra, pro qua juraui Abra-

« ham, Isaac et Jacob, dicens: Semini tuo dabo
 « eam. Vidisti eam oculis tuis, et non transibis ad
 « illam, Meritiusque est ibi Moyses servus Dei in
 « terra Moab, jubente Domino, et sepelivit eum Do-
 « minus in valle terræ Moab contra Phogor. Et non
 « cognovit homo sepulcrum ejus usque in præsen-
 « tem diem. » Quid est quod Moyses servus Dei,
 qui in omni domo sua fidelissimus fuit, qui facie
 ad faciem cum Deo loquebatur, et quem Dominus
 noverat ex nomine, propter unum peccatum, ter-
 ram promissionis intrare non permittitur? Moyses
 legislator, cui in nebula et caligine lex data est, hoc
 in loco eos significat, qui tantum secundum litem
 legem intelligunt. Caligine enim obvoluti id ip-
 sum, quod legunt, videre non possunt. « Usque ho-
 die namque, dicit Apostolus, dum legitur Moyses, ve-
 lamen positum est ante faciem illorum (*311*) (*II Cor.*
iii, 15). » Unde et merito ibi Moyses tantummodo
 incredulus invenitur, ubi incredulum populum signifi-
 cavit. Venit enim ad petram, et dubitavit, quoniam
 ipse non ibi erat, sed populus incredulus, qui tunc
 in eo significabatur. Hæc autem significatio fuit causa
 ut dubitaret. Quid hæc petra, nisi legem signifi-
 cat, in petro scriptam, in lapidibus datam, duro et
 incredulo populo attributam? Venit et tunc Moyses
 ad petram: venit usque hodie incredulus populus ad
 legem. Putat esse siccam, putat esse sine aqua,
 quia non videt ibi intelligentiam spiritualem. Per-
 cutit eam semel, non egreditur aqua. Semel percu-
 tit, quia solam litteram pronuntiat et intelligit. Per-
 cute iterum, o Judæe, et habebis aquam. Intellige
 spiritualiter, ne siti moriaris; nam et Moyses in
 prima percussione nihil habuit. Quare hoc? Quia
 adhuc incredulus erat, et hanc unam increduli po-
 puli percussione significabat. Redit fides. Percutit
 iterum et egrediuntur aquæ largissimæ. Crede et tu,
 et habebis aquas. Et non tantum hoc, sed quod me-
 lius est, non terram promissionis, quæ toties capti-
 vatur, verum terram viventium intrabis, quæ in
 omni securitate lætatur. Hoc enim accidit Moysi,
 qui illius terræ habitationem pro nihilo ducens, ad
 gloriam melioris terræ translatus est. Monitio ergo
 est non indignatio, quod ei a Domino dicitur: « Vi-
 « disti eam oculis tuis, et non transibis ad illam, D
 quia ad meliorem transurus es. Per hoc autem
 significabitur, quod quicumque ad litteram hanc le-
 gem intelligunt, vident quidem ibi cælestis patriæ
 delicias, et gloriam, et jucunditatem, ad eam tamen
 transire non poterunt. Vult autem Dominus se-
 pulcrum Moysi esse occultum, ne ad litteræ vetusta-
 tem, revertamur, quæ per Moysen significatur: sed
 spiritum vivificantem sequamur, ut in æternum vi-
 vamus. Quod nobis præstare dignetur ipse, qui cum
 Patre, et Spiritu sancto vivit et regnat Deus per
 omnia sæcula sæculorum. Amen.

(311) Vulgata habet. Usque in hodiernum diem; cum legitur Moyses, velamen positum est super cor eorum.

ADMONITIO IN EXPOSITIONEM SUPER LIBRUM JOB.

221 Polemicis relinquimus disceptationes ac etate, patria, et scriptore libri Job. Sufficit nobis post ea, quae in praefatione generali monuimus, cum S. Gregorio M. (312) statuere, et fideliter credere huiusce libri auctorem fuisse Spiritum sanctum; vel cum S. Augustino dicere (313) S. Job gestasse personam magnam prophetiae. Ut autem S. Brunonis mentem in eo interpretando assequamur, animadvertere oportet, duo eum sibi proposuisse; unum, quo depromit, atque explanat prophetice dicta de Christo, et de Ecclesia, ac perfecte adimpleta ostendit; in altero praecepta moralia caelestis sapientia referta tradit, quibus lectores ad spem futurae retributionis mirifice incendit. In his prosequendis veteres Jobi expositores commentator noster consuluisse dignoscitur, Origenem nempe, S. Hieronymum, et S. Gregorium M., pluraque ex iis suam in expositionem introduxisse. Nos multis in locis mentem S. doctoris Angelici exposuimus, qui et ipse librum Job commentatus est, ut de recta interpretatione in eorum concordia argumentum habeatur. Nihil in hunc librum, ut in reliquos praefatur S. episcopus; sed e vestigio expositionem ejus aggreditur. Perfekte cum Vulgato concordat textus, quo usus est S. Bruno, cujus versio, paucis exceptis, ab Hebraica lectione, ut interpretes omnes biblici fatentur, non discrepat. Qui codices mas., quique auctores hoc de episcopi Signiensis commentario testimonium praebant, jam satis dictum est; quare ab his repeliendis abstinemus. Unum annotandum remanet; nempe cum serias annotationes anno 1785. Florentiae ageremus, diligenter comparavimus marchesianam Jobi editionem cum codice publico monasterii Cisterciensis Mont. Amiatae in praef. praedicta commendato, atque nonnullas variantes lectiones excepimus, quas suis locis apponimus.

(312) Lib. 1, cap. 1, in lib. Job.

(313) Enarrat. in psal. civ, serm. 4.

INCIPIT EXPOSITIO IN JOB.

CAPUT PRIMUM.

« Vir erat in terra Hus (314), nomine Job. Et erat vir ille simplex, et rectus, et timens Dominum, recedens a malo. »

Qualis beatus Job fuerit, paucis verbis ostenditur. Simplex enim erat, secundum illud: « Estote simplices sicut columbae (Matth. x, 10). » Erat autem et rectus, utpote qui via regia incedens, neque ad dextram, neque ad sinistram declinabat. Hoc autem ideo, quia timens Dominum: scriptum est enim: « Qui Dominum timet, nihil negligit (Eccle. vii, 19), » unde et subditur: « Et recedens a malo. » Non enim timet Dominum, qui a malo non recedit. Hoc autem ad ejus laudum cumulum additur, quia in terra Hus, id est inter impios et peccatores habitasse dicitur. Unde in sequentibus ipse quoque ait: « Frater fui draconum, et socius struthionum (Job i, 29). » Valde enim laudabile est inter malos innocentem vivere. Allegorice autem per Job, quamvis omnium perfectorum Ecclesia intelligi possit, hoc tamen in loco Christus Dominus specialiter figuratur, qui pro nobis dolens crucem subire, et mori non dubitavit. Job enim *dolens* interpretatur. Quam simplex autem Christus fuerit, ex eo ostenditur, quia « sicut ovis ad victimam ductus est, et non aperuit os suum (Isai. lxi, 7). » Cujus rectitudinem ipsi quoque ejus inimici commendantes dicebant: « Magister scimus quia verax es, et viam Dei in

A veritate doces, et non est tibi cura de aliquo (Matth. xxii, 16). » Ipse denique timens Dominum; in eo enim requievit spiritus timoris Domini, factus est obediens Patri usque ad mortem. Ipse quoque recedens a malo, peccatum non fecit, nec dolus inventus est in ore ejus; de quo et dicitur: Non « habitabit juxta te malignus (Psal. v, 6). » Habitavit autem in terra Hus, id est in Judaea. Hus enim *consiliarius* interpretatur. De Judaeis autem scriptum est. « Principes sacerdotum concilium fecerunt, ut Jesum dolo tenerent, et occiderent (Joan. xi, 47). » Sequitur:

« Natique sunt ei septem filii, et tres filiae. Et fuit possessio ejus tria millia ovium, et tria milia camelorum, quinquaginta quoque juga boum, et quingentae asinae, ac **222** familia multa nimis. Eratque vir ille magnus inter omnes orientales. » Beatus etenim Job non solum justitia et sanctitate, verum etiam prolis fecunditate, et omnium divitiarum plenitudine felix exstitit; siquidem inter omnes orientales maximus erat. Qua in re satis convenienter Christum significat. Cujus septem filii, non solum apostoli septiformi Spiritus sancti gratia pleni, sed etiam omnium perfectorum multitudo intelligi potest. Unde et beatus Joannes, quasi septem filiis, septem tantum Ecclesiis scribit, per quas omnes alias significavit. Similiter autem in hoc loco hoc est septem, quod multi. Sed quid tres filiae, nisi

(314) Admonet cardinalis Cajetanus in comment. super Job, proprie scribendum esse *Huz* non *Hus*,

quia nomen regni est *Huz* Jerem. xxv, et terra *Huz* sita dicitur in Arabia Petraea in confinio Idumaeae.

tres mundi partes intelliguntur, in quibus Ecclesia A
tota consistit, Asia videlicet, Africa et Europa (315)?
Hoc autem inter filios, et filias distat, quod illi per-
fectiores, istæ vero minus perfectos quoscunque
significant. Quamvis, autem per ejus possessionem
id ipsum, quod per filios, et filias significari possit,
non incongrue tamen per oves, simplices; per came-
los autem majores homines et potentes; per boves
vero, Ecclesiæ doctores; per asinos autem, eos qui
aliena onera libenter ferunt. At vero per multam
familiam, omnium fidelium multitudinem intelli-
gimus. De ovibus enim scriptum est: « Nos autem
populus ejus, et oves pascuæ ejus (*Psal.* xciv, 7). »
De camelis autem: « Inundatio camelorum operiet
te (*Isai.* lx, 3). » De bobus vero: « Non alligabis
os bovi trituranti (*I Cor.* ix, 9). » At vero asinus
non parum honoratur, cum super eum ipse quoque
Salvator noster sedere non dedignatur. Asinos etiam
nos fieri optabat, cum diceret: « Alter alterius onera
portate, et sic adimplebitis legem Christi (*Galat.* vi,
2). » Numerus quoque ipse ovium, camelorum,
bovum et asinarum non vacat a mysterio. Septem
enim, et tria, id ipsum hic significare possunt, quod
in filiis et filiabus significarunt. Quingenta vero,
quoniam numerus iste ex quinque, et centum con-
sistit, et in scientia, et in opere perfectionem de-
monstrant. Quingue enim sunt libri Moysi, in qui-
bus integra perfectaue scientia continetur. Cente-
narius vero numerus in se quidem replicari potest,
crescere autem non potest, unde et perfectus esse
non dubitatur. Merito igitur per boves, et asinos
perfectiores in Ecclesia figurantur.

« Erat autem vir ille magnus inter omnes orien-
« tales, » quoniam et de Christo scriptum est:
« Non est similis tui in diis, Domine (*Psal.* lxxxv,
8). » Itemque: « Quis enim in nubibus æquabitur
Domino? Aut quis similis erit Deo inter filios Dei?
(*Psal.* lxxxviii, 7). » Sequitur:

« Et ibant filii ejus, et faciebant convivium per
« domos, unusquisque in die suo. Et mittentes voca-
« bant tres sorores suas ut comederent et biberent
« cum eis. » Ibant enim apostoli et doctores, et facie-
bant convivium per domos, quia in omnibus mundi
partibus divisi, evangelica prædicatione, et se, et
alios satiabant. Hoc autem unusquisque in die suo,
quia non omnes uno tempore prædicaverunt. Adhuc
enim aliis recedentibus alii succedunt, qui esurien-
tibus convivia præparant. Mitterebant autem vocare
tres sorores suas ut comederent et biberent cum eis,
quoniam et Ecclesiæ doctores suavi persuasionem ad
Christi convivium, atque ad audiendum verbum Dei,
omnes mundi partes invitant. Comeditur autem
evangelica prædicatio, quando pro sui difficultate

vix ab auditoribus intelligitur. Bibitur autem in
locis planioribus, et quasi aqua facile glutitur.

« Cumque in orbem transissent dies convivii, mit-
« tebat ad eos Job, et sanctificabat illos, consur-
« gensque diluculo, offerebat holocausta per singu-
« los. Dicebat enim: Ne forte peccaverint filii mei,
« et benedixerint Deo in cordibus suis. Sic facie-
« bat Job cunctis diebus. » O sanctissimum patrem,
qui sic filios instruxerat, ut hoc solum de eis time-
ret, ne forte cogitatione peccarent. Sed hoc quoque
in Christo videamus. Semper convivii nostri dies
transeunt, semperque sibi vicissim succedunt. Unde
etiam quotidie dicimus: « Panem nostrum quotidia-
num da nobis hodie (*Matth.* vi, 11). » Semper igitur
sanctissimus Job, id est Christus Dominus nos-
ter ad nos mittit; sed quid mittit? Ubique gratiam
suam, Spiritum sanctificationis, qui nos sanctificet,
et liberet a peccatis. Offerebat autem Job holocau-
sta per singulos; quia et Salvator noster et pro om-
nibus, et pro singulis quibusque fidelibus se ipsum
obtulit, et quotidie per suos ministros ad salutem
nostram offerre non cessat. Quod autem ait: « Con-
surgensque diluculo, » quanta sollicitudine hoc
fiat demonstrat; unde scriptum est: « Quoniam ipsi
est cura de vobis (*I Petr.* v, 7); » ideoque subdi-
tur: « Dicebat enim: Ne forte peccaverint filii
mei. » Hoc enim et Christus dicit; quia, ut ait Apo-
stolus: « Vultui Dei apparens pro nobis quotidie in-
terpellat (*Hebr.* ix, 24; *Rom.* viii, 34). » In cordibus
autem Deo benedicere, est nihil pravum de Deo co-
gitare (316). « Sic autem faciebat Job cunctis die-
« bus. » Quia et de Deo Salvatore nostro dicitur:
« Tu es sacerdos in æternum (*Psal.* cix, 5). » Offert
igitur et Christus holocaustum cunctis diebus; si-
quidem in æternum.

« Quadam autem die, cum venissent filii Dei, ut as-
« sisterent coram Domino, adfuit inter eos etiam Sa-
« tan, cui dixit Dominus: Unde venis? qui respondens
« ait: Circuivi totam terram, et perambulavi eam. »

223 Quomodo veniunt filii Dei, ut assistant co-
ram Domino, qui ab ejus aspectu nunquam rece-
dunt (317)? Si enim Dominus ait quia: « Angeli
eorum semper vident faciem Patris mei, qui in
cælis est (*Matth.* xviii, 10). » Sed quia cum semper
videre desiderant, quamvis coram eo semper assis-
tant, venire tamen ut absentes coram eo dicuntur.
Similiter et Satan (318), quamvis de superioribus
præcipitatus Dei gloriam videre non possit, attamen
quia inter angelos bonos adesse optabat, inter eos
adfuisse narratur. Sic autem et Apostolus ait:
« Nostra conversatio in cælis est (*Philip.* iii, 20): »
cum utique nisi affectu quodam et desiderio adhuc
in cælis non esset. Loquitur autem Deus ad Satan,

cere est pravum aliud ac eo cogitare.

(317) Dicuntur angeli filii Dei, in quantum Deo
per participationem gloriæ simulantur. D. Thom. in
lect. 11, comment. in Job.

(318) Nomen autem Satan Hebraicum est, Latine
adversarius. Dicitur etiam diabolus quasi deorsum
cadens. Card. CAJET.

(315) Alibi auctor mundum in quatuor partes juxta
quatuor cardinales ventos divisum asserit. Hic ut
textui interpretationem accommodet, tres tantum di-
cit; quia America quarta pars terrestris orbis non-
dum detecta erat. Jam id in cap. xv Numer., pag.
183, adnotavimus.

(316) Cod. Ghs. : In cordibus autem Deo maledi-

quando suam voluntatem intelligere facit: loquitur vero et Satan ad Dominum (319), quoniam ejus iniqua desideria Dominum latere non possunt: nihil enim Deo minus corda, quam linguae loquuntur. Unde et Moyses ait: « Quid clamas ad me? » (Exod. xiv, 14) cum utique non lingua Moyses, sed corde loqueretur. Sed quid respondit Satan? « Circuivi terram, inquit, et perambulavi eam. » Inimicus enim noster « diabolus, tanquam leo rugiens circumit, quaerens quem devoret (I Petr. v, 9). » Quanta autem sollicitudine semper fraudi, et deceptioni insistat, in eo cognoscitur, quod terram perambulasse narratur.

« Nunquid considerasti servum meum Job, quoniam non sicuti similes in terra, homo simplex, et rectus, et timens Dominum, ac recedens a malo? » Hæc superius exposita sunt. Christus vero pro parte carnis servus vocatur.

« Cui respondens Satan, ait: nunquid frustra timet Job Deum? nonne tu vallasti eum, ac domum ejus, universamque substantiam ejus per circuitum, operibusque manuum ejus benedixisti, et possessio ejus crevit in terra? Sed extende paululum manum tuam, et tange cuncta quæ possidet, nisi in faciem benedixerit tibi. » Ecce quomodo Satan adest inter filios Dei, ecce quomodo coram Domino esse desiderat, ad hoc videlicet, ut sanctos accuset, ad hoc ut super eos potestatem accipiat, quoniam nisi Dei jussione et permissione nihil potest. Cum enim iniquam ejus voluntatem Deus intuetur, eique occulta sua inspiratione aliquid agere, vel non agere præcipit, tunc quasi serviens ad obediendum paratus, coram Deo, et inter filios Dei Satan assistit. Quantum enim ad Deum, semper Satan assistit coram Deo, quoniam ejus iniqua voluntas nunquam Deo occultari potest (320). Quantum vero ad Satan, tunc tantum est coram Deo, quando Dei voluntatem Dei nutu cognoscere potest. Sed quid dicit Satan? Nunquid frustra timet Job Dominum, quem tu sic munis, sic defendis, sic exaltas, sic benedixisti, sicque omnibus bonis multiplicare facis? Ac si dicat: Non enim ex amore te timet, sed ne hæc omnia amittat, si te timere desistat; unde et subinferens ait: « Sed extende paululum manum tuam, et tange cuncta quæ possidet, et tunc videbis, quod non in corde, sed in faciem benedixerit tibi; » id est non amore, sed favore, non vere, sed simulate, non ut te diligeret, sed ut te diligere videretur. Extende igitur manum tuam, incipe flagellare, et qualis sit, flagella probabunt. Quia enim hæc talia diabolus de Job sentiebat, cujus utique cogitatio Dei auribus insinabat, ideo de eo talia respondisse judicatur.

« Dixit ergo Dominus ad Satan: Ecce universa,

(319) Docet idem card. Cajet. Deum locutum esse Satan per species in intellectum ejus immissas, quibus voluntatem suam manifestavit.

(320) Considerandum est etiam, quod ad Dei judicium aliter referuntur ea, quæ per bonos angelos aguntur, aliter ea, quæ per malos; nam boni angeli hoc intendunt, ut ea quæ agunt, referant in Deum;

« quæ nabet, in manu tua sunt, tantum in eum non extendas manum tuam. Egressusque est Satan a facie Domini. » Omnia, inquit Dominus, in manu et potestate tua sunt, quæcunque ad Job pertinere noscuntur, ipsum tamen tangere noli. Accepta igitur potestate egressus Satan a facie Domini, non quod semper a Deo non videatur, sed quia jam non ad accusandum, imo vero ad persequendum tota ejus intentio inhiabat. Hæc autem si ad Christum referantur, intelligendum erit, quod aliquando Dei Filium aliquando purum hominem Satan esse crediderit. Unde in Evangelio: « Scimus, inquit, quia tu es Christus (Joan. iii, 2). » Itemque: « Quid nobis et tibi, fili Dei? Venisti ante tempus torquere nos (Matth. viii, 29). » Cum autem esurientem, sitientem et fatigatum eum esse conspiceret, quamvis magnum et admirabilem, nihil tamen nisi hominem eum esse putabat. Unde si ei ad tentandum a Domino toleraretur, secum ad peccandum commovere posse existimabat. Sequitur:

« Cum autem quadam die filii et filiae ejus comederent et biberent vinum in domo fratris sui primogeniti, nuntius venit ad Job, qui diceret: « Boves arabant, et asinae pascebantur juxta eos, et irruerunt Sabæi, tuleruntque omnia, et evasi ego solus, ut nuntiarem tibi. » Eo enim tempore, quo Christus Dominus noster secundum carnem in Judæa conversabatur, filii et filiae ejus, apostoli videlicet, cæterique qui ei familiarius in illo populo adhaerebant, cibum et potum divinae legis in domo fratris sui primogeniti comedeant et bibeant. Domus enim primogeniti fratris, Judæa est, quoniam primogenitus frater Israel est, de quo Dominus ait: « Filius meus primogenitus Israel (Exod. iv, 22). » Cum autem hoc fieret, et Salvator noster cum discipulis suis quietus adhuc in Judæa moraretur, repente diabolus, accepta potestate, adversus eum arma commovit, ejusque substantia adeo vastate cepit, ut edictum divulgaretur, ut si quis eum confiteretur Christum, extra Synagoga fieret. Et tunc quidem primum irruerunt Sabæi, qui boves et asinas Christi abstulerunt. Sabæi namque captivantes interpretantur, per quos malignos spiritus intelligimus, qui ubique miseros homines a regno Dei captivant. Boves autem et asinae, sacerdotes sunt et levitæ. Illi enim agrum colunt, isti vero onera ferunt. Levitas enim Moyses, quasi asinos esse jussit, quando tabernaculum, et quæcunque in eo erant solos portare præcepit. Unde non immerito juxta boves asinae pascebantur, quoniam simul cum sacerdotibus de decimis, et sacrificiis levitæ vivebant. Hos autem diabolus primum abstulit, quia cæteros per istos se facile vincere sciebat. Pueros autem, qui gladio

et ideo dicitur, quod filii Dei venerunt, ut assisterent coram Domino, quasi primo motu, et intentione omnia divino judicio subdentes. Mali vero angeli non intendunt ea quæ agunt referre in Deum: sed eis nolentibus hoc accidit, ut quicquid agunt subdati divino judicio, vel divinae providentiæ. » D. Th. in Job c. i, lect. 2.

percutiuntur, angelos eis in custodia datos a Domino A
 esse puto, qui, quoniam eos prævaricatores Christo
 insidiari videbant, doloris gladio percussi, illos
 reliquerunt. De hoc enim gladio scriptum est.
 « Ferrum pertransiit animam ejus (*Psal. civ, 18*). »
 Itemque ad Virginem : « Et tuam ipsius animam
 pertransibit gladius (*Luc. ii, 35*). » Per nuntium,
 qui solus semper evadit et nuntiat, quid melius
 quam Spiritum sanctum intelligere possumus? Quo
 Salvator noster repletus, non solum inimicorum suo-
 rum facta, verum etiam cogitationes non ignorabat.
 Unde et ipse frequenter ait : « Ut quid cogitatis
 mala in cordibus vestris? (*Matth. ix, 4*). »

« Cumque adhuc ille loqueretur, venit alter, et
 « dixit : Ignis de cælo descendit, et tactas oves,
 « puerosque consumpsit. Et effugi ego solus, ut
 « nuntiarem tibi. » Utenim Satan beatum Job ad
 impatientiam facilius commoveret, crebris enim et
 sine intermissione ictibus flagellabat. Ignis vero de
 cælo descendisse dicitur, quatenus Dei permissione
 hoc fieri non dubitatur (321). Allegorice autem
 ignis de cælo descendit, et tactas oves puerosque
 consumpsit, quoniam indignationis, et odii flamma
 a prædictis sacerdotibus et levitis in populum sim-
 plicem et indisciplinatum cecidit, quæ flamma eos
 consumpsit, quoniam a justitia et æquitate sepa-
 ravit et contra Deum et Dominum suum eos irri-
 tavit. Pueros quoque hæc flamma consumpsit, non
 ut non essent, sed ut in eis, et cum eis ulterius non
 essent. Unde et in templo, ut Josephus refert, ange-
 lorum voces auditæ sunt dicentium (322) : « Relin-
 quamus has sedes. » Neminem enim moveat, quod
 hic de nuntio dicitur : « Venit alter, » quoniam
 Spiritus sanctus et unus est, et alter : unus quidem
 secundum se, alter vero secundum gratias et ope-
 rationes. Hoc enim et Apostolus ait : « Divisiones
 gratiarum sunt, idem vero Spiritus (*I Cor. xii, 4*). »
 Unde, cum unus idemque sit, septiformis tamen
 vocatur, et Spiritus sapientiæ, et Spiritus intellectus,
 et Spiritus consilii et fortitudinis dicitur. Sequitur :

« Sed adhuc illo loquente, venit alius, et dixit :
 « Chaldaei fecerunt tres turmas, et invaserunt came-
 « los, et tulerunt eos, nec non et pueros percusse-
 « runt gladio, et fugi ego solus, ut nuntiarem tibi. »
 Quid enim per Chaldaeos, qui quasi *dæmones*, vel
feroces interpretantur, nisi malignos spiritus, aut
 prædictos sacerdotes et levitas intelligamus, quibus
 ferocitate et crudelitate vix aliquod comparari po-
 test? Illi autem fecerunt tres turmas, populum vide-
 licet, et Pilatum, et Judam contra Christum concitan-
 tes. Invaserunt autem camelos, quia illos solos
 decipere poterunt, quibus impossibile erat intrare
 in regnum cælorum : Solus autem semper nuntius
 fugit, quia, sicut scriptum est : « Spiritus sanctus
 effugiet fictum, nec habitabit in corpore subdito
 peccatis (*Sap. i, 4*). » Sequitur :

(321) « Deo permittente, *dæmones* possunt turba-
 tionem aeris inducere, ventos concitare, et facere,
 ut ignis de cælo cadat. » D. THOM. in cod. loc. cit.

« Adhuc loquebatur ille, ecce alius intravit, et
 « dixit : Filiis tuis, et filiabus vescentibus et biben-
 « tibus in domo fratris tui primogeniti, repente ven-
 « tus vehemens irruit a regione deserti, et con-
 « cussit quatuor angulos domus, quæ corruens
 « oppressit liberos tuos, et mortui sunt, et effugi
 « ego solus, ut nuntiarem tibi. » Quid enim filii et
 filiae, et quid frater primogenitus significet, jam
 superius dictum est. Ventus autem vehemens, gravis
 et intolerabilis tentatio Satanæ intelligitur, quæ in
 Christi passione facta fuit. Ideoque a regione deserti,
 id est ex corde diaboli omni bonitate et justitia
 destituito venisse dicitur. Domus autem Synagoga
 est; cujus quatuor anguli sacerdotes sunt et levitæ,
 principes et populus, quos per boves et asinas, oves
 et camelos superius significavit. Hos autem quatuor
 angulos ventus concussit, et domus corruit; quia
 cum isti supradictæ tentationi resistere non pos-
 sent, tota cecidit Synagoga, cujus ruina non so-
 lum Judæos, verum etiam ipsos filios Christi
 id est apostolos oppressit, quia ipsi quoque
 225 graviter tentati in passione Domini dubi-
 taverunt; unde etiam quidam eorum dicebant : « Nos
 autem sperabamus, quod ipse esset redempturus
 Israel (*Luc. xxiv, 21*). » Et Thomas : « Nisi videro,
 inquit, in manibus fixuram clavorum, et mittam
 manum meam in latus ejus, non credam (*Joan. xx,
 25*). » Hanc etiam tentationem ipse Dominus eis
 prænuntians, ait : « Ecce Satanæ expetivit vos, ut
 cribraret sicut triticum (*Luc. xxii, 31*). » Sic igitur
 ad horam et oppressi, et mortui sunt, quia quolibet
 modo a Deo separati recesserunt, quia major mors
 esse non potest.

« Tunc surrexit Job, et scidit tunicam suam, et
 « tonso capite corruens in terram, adoravit, et di-
 « xit : Nudus egressus sum de utero matris meæ, et
 « nudus revertar illuc. » Quo enim dolore beatus
 Job stringeretur interius, ea quæ ipse exterius agit,
 manifestant. Nisi enim hoc fecisset, vel non curasse
 putaretur. Scidit igitur tunicam suam, et caput to-
 nondit, quod quidem magni doloris indicium erat.
 Dolo-
 re tamen superatus non est, ut contra Deum ali-
 quid loqueretur, in quo, quam perfectus fuerit ap-
 p-
 te monstratur. Sed quid fecit? Corruens in terram,
 adoravit, qua in re diabolus superatus est, dixitque :
 « Nudus egressus sum de utero matris meæ nudus
 revertar illuc. » Id est nihil in hunc mundum attuli,
 nihil de his quæ hujus mundi sunt, mecum moriens
 feram; Domini erat, ipse quando voluit, dedit,
 quando voluit, abstulit, nihil ad me. « Sit nomen
 « Domini benedictum. »

« In omnibus his non peccavit Job labiis suis, ne-
 « que stultum quid contra Deum locutus est. » Sed
 quia Job significat Christum, quando hæc quoque
 convenient Christo videamus. « Tunc, inquit, sur-
 rexit Job. » Quando? Vis audire quando? quando

(322) Ex Josepho refert auctor auditas in templo
 angelorum voces conclamantes proximam ab illis
 ædibus eorum discessionem.

domus corruit, quando Synagoga cecidit. Tunc enim revera Christus surrexit; tunc ejus regnum et imperium crevit, quia relictis Judæis, totum mundum in hæreditatem suscepit, secundum illud: « Postula a me, et dabo tibi gentes hæreditatem tuam (Psalm. 118, 8). » Scidit autem tunicam suam, ut gentilis populus, ad quem veniebat, nudum cum palam et in manifesto videret. Hæc autem tunica divina Scriptura est, hæc nondum Judæis scissa est, ideoque sub velamine litterarum Christum latentem videre non possunt. Totondit autem caput suum, cum infideles et impios Judæos, qui quasi capilli rasi semper et instabiles existerunt, a se et a corpore suo, quod est Ecclesia, abrasit et separavit. Cornuens autem in terram adoravit, quasi ex improvviso ad gentiles veniens, qui terra et peccatores erant, eos jam non idola, sed unum et verum Deum adorare docuit. Sic enim de Spiritu sancto Apostolus ait: « Qui orat pro nobis gemitibus inenarrabilibus (Rom. 8, 26): » erat, inquit, id est orare nos docet. Et dixit: « Nudus exivi de utero matris mee; » id est Synagoga relinquens latebram, palam et manifestus gentilibus apparui. « Et nudus revertar illuc, » quia juxta mundi finem, jam non in caligine, sed in manifesto Judæorum populo me manifestabo. « Cum enim plenitudo gentium introierit, tunc omnis Israel salvus fiet (Rom. 11, 25). » Sequitur:

CAPUT II.

« Factum est autem cum quadam die venissent filii Dei, et starent coram Domino, venisset quoque Satan inter eos et staret in conspectu ejus, ut diceret Dominus ad Satan: Unde venis? Qui respondens ait: Circuivi terram, perambulavi eam. Et dixit Dominus ad Satan. Nunquid considerasti servum meum Job, quod non sit ei similis in terra? Vir simplex, et rectus, et timens Deum, et recedens a malo, et adhuc retinens innocentiam. Tu vero commovisti me adversus eum, ut affligerem eum frustra. » Hæc superius exposita sunt. Frustra autem percussit Dominus Job, quantum ad diabolum accusatorem, quia neque innocentiam amisit, neque peccatum fecerat, pro quo talia pati debuisset. Non frustra autem, quantum ad Deum, quoniam ex hoc ejus meritum et corona crevit, multisque suæ patientiæ exemplum reliquit. Christus quoque frustra et non frustra occisus est; frustra quidem his, qui eum non resurgere putabant; non frustra autem nobis, qui ejus sanguine redempti sumus. Quando autem primum hominem diabolus decepit, pro quo peccato Christus passus est, tunc quidem adversus Christum Deum commovit: tunc enim Pater filio quodammodo dixit: Tu quidem pro hoc peccato morieris. Sequitur:

« Cui respondens Satan ait: Pellem pro pelle, et cuncta quæ habet homo dabit pro anima sua. Alloquin mitte manum tuam, et tange os ejus, et

« carnem, et tunc videbis, quod in facie benedixerit tibi. » Ac si dicat: Usitatissimum est et rationale, ut pro his quæ chariora sunt, minus chara et vilia negligantur; unde fit ut homo pellem pro pelle opponat, et dum oculum percuti timet, brachium objiciat. Dat quoque cætera pro vita et anima sua, quia ne occidatur omnem suam substantiam perdere parvipendit. Sic igitur et Job, quia sanus et incolumis est, quidquid ei accidat pro nihilo ducit. Tange igitur eum in se, et carnem, quæ plus dolet, affligere incipe. Hæc autem et de Job et de Christo diabolus dixit, quia de utroque talia cogitavit.

« Dixit ergo Dominus ad Satan: ecce in manu tua est, verumtamen animam illius serva. » 226 Quid est animam illius serva, nisi animam illius tentare non potes (323)?

« Egressus igitur Satan a facie Domini percussit Job ulcere pessimo, a planta pedis usque ad verticem ejus. Qui testa saniem radebat, sedens in sterquilinio. » Percussus enim Job ulcere non tantum malo, sed et pessimo, neque in una corporis parte; verum a planta pedis usque ad verticem, quantum carnem suam vilipenderet ostendit, dum et testa saniem radit et in sterquilinio sedet. Durus enim lectus, duraque lomentatio est ista, etiam illis, qui nihil patiuntur. Erubescat igitur Satan, qui ait: « Tange os ejus, et carnem, et tunc videbis, quod in facie benedixerit tibi. » Christus quoque vulnera pessimo percussus, id est morte turpissima condemnatus; a planta pedis usque ad verticem, cum pendens in cruce toto corpore pateretur, testa saniem radebat; id est, carne sua prius de terra assumpta, nunc autem in cruce passionis igne decocta nostrorum peccatorum putredinem delebat. Sedebat autem in sterquilinio, quia adhuc in Judea erat, quam quidem non immerito sterquilinum vocat. Huc usque de capite: cætera quæ sequuntur, ad membra referenda sunt.

« Dixit autem illi uxor sua: Adhuc tu permanes in simplicitate tua? Benedic Deo et morere. » Ac si dicat: Quid valet, inquit, tibi simplicitas tua? Satiatus est ut benedicas Domino et moriaris. Dic aliquid in Deum, unde offendatur et te iratus de hac vita tollat, in qua ipsa morte multo pateris deteriora.

« Qui ait ad illam: Quasi una de stultis mulieribus locuta es; si bona suscepimus de manu Domini, mala autem quare non sustineamus? In omnibus his non peccavit Job labiis suis. » Job enim aliquando Christum, aliquando aliquem perfectorum, aliquando vero totam Ecclesiam significat. Hoc autem in loco perfectum aliquem significare potest, qui cum magna in persecutione fuisset, uxor sua, id est caro, quæ uxor est spiritus sui, mortis timore superata, Christum negare ei persuasit, eique dixit: « Benedic Deo et morere. » Morere, inquit, in æternum, ne modo moriaris. Quam ille quasi stultam mulierem redar-

(323) Id est, vitam ne ei auferas. Non enim totaliter Deus servos suos voluntati Satan exponit, sed secundum mensuram convenientem, secundum illud

Apost. 1 Cor. x: *Fidelis Deus, qui non patitur vos tentari supra id quod potestis.* D. Thom. in eod. loc.

guit, ejusque consiliis acquiescere noluit. Sequitur : A
 « Igitur audientes tres amici Job omne malum,
 « quod accidisset ei, venerunt singuli de loco suo,
 « Eliphaz Themanites, Baldath Subites, et Sophar
 « Naamathithes. Condixerant enim, ut pariter ve-
 « nientes visitarent eum, et consolarentur. » Tres
 amici Job hæreticorum speciem tenent, qui facta
 conspiratione inter se, dum aliter Ecclesiam decipere
 nequeunt, visitare eam et consolari, et de ejus mi-
 seriis condoleri fingunt. Veniunt igitur singuli de
 loco suo, quasi quendam sagittæ electæ et venenose
 de pharetra diaboli, quod in ipsis nominibus decla-
 ratur; si quidem Eliphaz interpretatur *Dei contemptus*.
 Sed unde venit iste superbus, qui Deum contemnit?
 Utiq; de Theman, qui *auster* interpretatur: auster
 enim ventus pluvialis est. Eliphaz igitur pluviarum
 inundatione ad Ecclesiam plenus venit, quibus ea
 non satietur, sed submergatur. Interpretatur autem
 et Baldath *vetustas sola*. Sed unde venit iste Baldath,
 qui solam litteræ sequitur vetustatem, nisi de Sin?
 Sin autem interpretatur *loquens*: venit igitur iste de
 Sin, quoniam non in veritate, sed in loquacitate
 confidit. At vero Sophar, *speculæ dissipatio* dicitur;
 iste autem, qui speculam, id est Sion, et S. Eccle-
 siam dissipare nititur, de Naama venire perhibetur.
 Naama enim *decor* interpretatur: venit igitur iste
 de Naama, cum nequaquam tribulationes vult susti-
 nere cum sanctis, sed mundi gloriam et decorem
 cum sæculi amatoribus habere desiderat.

« Cumque elevassent procul oculos suos non co-
 « gnoverunt eum, et exclamantes ploraverunt, scis-
 « sisque vestibus, sparserunt pulverem super caput
 « suum in cælo, et sederunt cum eo in terra septem
 « diebus, et septem noctibus, et nemo loquebatur
 « ei verbum, videbant enim dolorem esse vehemen-
 « tem. » Hæretici enim Ecclesiam intuentes, eam
 non cognoscunt, quia neque diligunt eam, neque ejus
 opera imitari volunt. Exclamant autem, et plorant
 super ea, quia ei se condoleri simulant. Ideoque et
 vestes scindunt, et super capita pulverem spargunt,
 quod quidem doloris indicium est. Fingunt enim
 multoties hæretici se Ecclesiæ compati ejusque mi-
 sereri, quasi in fide ægrotantis, et a veritate devian-
 tis. Unde, quasi sanare eam volentes, sui erroris ei
 prædicant deceptiones. Septem autem dies et septem
 noctes, in quibus amici Job cum eo sedentes non
 sunt locuti, omne illud tempus esse puto, quod fuit
 a Christi passione usque ad tempora Constantini
 imperatoris. In hoc enim tempore in maxima per-
 secutione Ecclesia fuit. Unde hic recte dicitur: « Vi-
 debant enim dolorem esse vehementem. » Hoc enim
 tempore hæretici tacerunt. Et quamvis cum Ec-

clesia sederent, loqui tamen non audebant: erant
 enim et ipsi Christiani, et timebant ne forte cogniti
 interficerentur. Postquam autem data pæce confi-
 dens Ecclesia loqui cepit, tunc hæretici insurrexo-
 runt; tunc ubique gentium contra eos concilia cele-
 brata sunt. Unde et sequitur:

327 CAPUT III.

« Post hæc aperuit Job os suum, et maledixit diei
 « suo, et locutus est: Pereat dies, in qua natus
 « sum et nox, in qua dictum est: Conceptus est
 « homo. » Dies et nox hoc in loco diabolus signi-
 ficat. Dies enim est quando, ut Apostolus ait, trans-
 figurat se in angelum lucis (II Cor. ii, 14); nox
 autem, quia princeps est tenebrarum, et quia mentis
 oculos eorum, qui eum sequuntur excæcat et cali-
 gare facit. Et prius quidem secundum naturam dies
 existit, qui inter omnes angelos clarus et splendi-
 dissimus est creatus. In hoc autem die, id est in origi-
 nali peccato, quod hujus diei suggestionem et machi-
 namento factum est, omnes homines nascuntur.
 Unde et David: « Quoniam in iniquitatibus concep-
 tus sum, et in peccatis concepti me mater mea
 (Psal. i, 6). » Pereat igitur dies iste, id est hujus
 diei peccatum (324). Et est causa pro effectu. Stul-
 tissimum enim est hoc ad litteram intelligere; cum
 neque dies aliquid peccaverit, neque quod jam non
 est, aliquo modo perire valeat (325). Pereat igitur
 dies, imo jam non dies, sed nox; amisit enim clari-
 tatem. Unde et sequitur:

« Dies ille vertatur in tenebras. » Ut jam non
 dies, sed nox vocetur. « Non requirat eam Deus de-
 « super, » ut ejus aliquando misereatur: « et non sit in
 « recordatione, » nisi flagelletur et æternis ignibus
 crucietur. Et non illustretur lumine suæ videlicet
 claritatis; sed semper se illi iratum ostendat. De
 hoc enim lumine dicitur: « Deus misereatur nostri,
 et benedicat nobis, illuminet vultum suum super
 nos (Psal. lxxvi, 1). » Obscurent eum tenebræ et
 umbræ mortis, ne amissam gloriam recordando in-
 tueatur, ut penitentiam agens salvari vel vivificari
 mereatur. Unde adhuc subditur: « Occupet eum
 « caligo, » æternæ videlicet oblivionis et obstinationis.
 « et involvatur amaritudine, » tormentorum omnium
 et angustiarum. Unde et peccatoribus Dominus ait:
 « Ite, maledicti, in ignem æternum, qui paratus est
 « diabolo, et angelis ejus (Math. xxv, 41). » Sequitur:
 « Noctem illam tenebrosam turbo possideat. » Merito
 enim jam non diem, sed noctem appellat, quem
 tantis tenebris tantaque caligine involutum videt.
 Quod enim ipse imprecando dicit, affirmative sic
 esse intelligi debet. Tenebrosam autem turbo, qui
 hanc noctem possidet, ille est, de quo Psalmista

(324) « Generationis suæ carnalis diem perire de-
 siderat, ut dies ejus in regeneratione numeretur;
 pereat inquit dies secularis, ut dies spiritualis oria-
 tur. » S. Ambros., lib. De bono mortis, cap. 2.

(325) In sensu fortasse ejusdem S. Ambrosii hæc
 commentatus est Bruno: ille enim in Evang. Luca: iv:
 « In tentatione, ait, sanctus Job mysteria loquitur; »
 et lib. ii De interpretatione Job, cap. 2, ait: « In

stercore sedens, in tantis vibicibus, et ævi doloris
 vulneribus totum corpus diris perfusus ulceribus
 mysteria loquebatur, nec acquirendi propriæ reme-
 dium ægritudinis, sed sacris vacabat sermonibus.
 Fortiores itaque sermones ægri hominis, quam illo-
 rum, qui non ægrotabant; ideo ergo non carnis ge-
 nitus, et corporis infirmitas, sed voces spiritus
 loquebatur quibus urgeret, non quibus cederet. »

dicit : « Pluet super eos laqueos; ignis, sulphur, et spiritus procellarum pars calicis eorum (Psal. x, 9). »

« Non computetur in diebus anni, nec numeretur in mensibus. » Hic autem annus eternitatis est, cuius dies, menses et horæ, soli sancti sunt cuius sol et luna, omnisque splendor et illuminatio Christus est. De hoc enim Psalmista dicit : « Et in libro tuo omnes scribentur, dies formabuntur, et nemo in eis (Psal. xiii, 16). » Nemo quidem computabitur, vel annuntiabitur in eis, quia diabolica caligine sit involutus. « Fulgebunt enim sancti sicut sol in regno Dei (Matth. xiii, 43). »

« Sit nox illa solitaria, nec laude digna. » Solitaria quidem erit, quia nox alia nulla erit. Annus enim predictus, non noctes, sed solos dies habebit, quoniam nullus ibi æterna luce carebit.

« Maledicant ei, qui maledicunt diei, qui parati sunt suscitare Leviathan. » Illi, inquit, nunc ei tenebroso, et caligine involuto maledicant, qui ei a principio, cum adhuc dies et clarus esset, maledixerunt, quoniam superbiendo super omnes cœlos ascendere voluit. Sed illi, qui sunt, nisi angeli Dei, qui eum tunc temporis ligatum tenebant, quoniam omnem suam nequitiam eum adimplere non permittebant? Erant tamen parati suo tempore eum suscitare (326), quod am quidem impletum esse putamus; sic enim scriptum est : « Quia post mille annos solvetur Satanas (Apoc. xx, 7). » Leviathan autem additamentum eorum interpretatur; sed quorum eorum? Utique primorum parentum nostrorum, quibus dum diei ipsius honorem, et dignitatem addere promisit, beatitudinem et immortalitatem eis ademitt. Sequitur :

« Obscurentur stellæ caligine ejus. » De his stellis Judas apostolus ait : « Væ illis, qui in viam Cain abierunt, et exempla Balaam secuti sunt (Jud. 11). » Et paulo post : « Hi sunt sidera errantia, quibus tenebrarum procellæ in æternum conservatæ sunt (Ibid., 13). » Iniqui enim homines, qui fortitudine, et sapientia clarescere foris videntur, diaboli caligine intus obscurantur.

« Exspectet lucem, et non videat, nec ortum surgentis auroræ. » Quamvis enim invitatus, ipse quoque malignus spiritus iudicii diem exspectat, quando in propria claritate ad iudicandum Dominus veniet. Et quoniam tunc dicetur : « Tollatur impius, ne videat gloriam Dei (Isai. xxvi, 10); » lucem diu expectatam non videbit. Aurora vero Ecclesia 226 est, de qua Salomon ait : « Quæ est ista quæ progreditur, quasi aurora consurgens? (Cant. vi, 9). » Hæc autem in iudicio surget, imo resurget. Sed sicut nec gloriam Dei, ita nec ortum surgentis Ecclesiæ diabolus videre merebitur. Quare hoc? « Quia non concessit ostia ventris, qui portavit me. » Venter iste paradisi est, in quo, et non in alio ventre prius homo natus est. Hunc autem diabolus, quia aperuit, non oculosisse narratur : « Nec abstulit mala ab

A oculis meis. » Quia offerens mihi in primo homine concupiscentiæ lignum, dum mihi oculos aperire promittit, excecavit. Sequitur :

« Quare non in vulva mortuus sum? » Reatus enim Job primi hominis in se personam suscipiens, totius humani generis calamitatem deplorat. Vulva enim, per quam Adam de paradiso exivit, ipsa prima diaboli suggestio fuit, quam si non recepisset, de paradiso ejectus non fuisset. Atque ergo : « Quare non in vulva mortuus sum? » id est, quare in ipsa suggestione, mortem mihi, si assentirem, immittere non intellexi? In vulva enim mortuus fuisset, si mox ut audivit, ab ipsa suggestione se separasset. Quid est enim mors, nisi separatio? Moritur enim homo, cum anima separatur a corpore; moritur

B etiam Deo, qui ab eo separatur. Similiter autem mundo moritur et peccato, qui a mundo separatur et a peccato. Inde Apostolus ait : « Mortuus sum mundo (Rom. vii, 10). » De hac autem morte hic dicitur : « Quare non in vulva mortuus sum; » id est quare statim audita suggestione non refugii? Omnis enim homo illi rei moritur quodammodo, a qua separatur. Hoc, inquit, ego non feci; sed, quod multo deterius est, per suggestionem audiendo transiens, ad delectationem usque perveni, et cum vel hic predicta morte mori debuissim, non tamen hoc mihi sufficiens fuit; sed genibus exceptus et uberibus appropinquans, lac mortis degustavi et pomum interdictum comedi; hoc enim est quod dicitur.

C « Egressus ex utero non statim perii? Quare ex cepis genibus? Cur lactatus uberibus? » Quasi enim super genus peccatorem diabolus tenet, quando miser homo jam nefando operi proximus assistit. Sequitur :

« Nunc enim dormiens silerem, et somno meo requiescerem. » Si, inquit, diabolus suggerentem non audissem, et si audiens in ejus suggestionem delectatus non fuissim, et si delectatus in tactum interdictæ arboris non appropinquassem, et si appropinquans saltem de pomo concupiscentiæ non comedissem, nunc dormiens silerem, et somno meo requiescerem, id est cœlestem beatitudinem et quietem possiderem. Cum quibus? « Cum regibus, et consue libus terræ, qui ædificant sibi solitudines. » Illis

D verbis beatus Job dicere videtur. Quod si primus homo non peccasset, jam in suo tempore electorum numero completo, simul cum omnibus, qui ad æternam vitam prædestinati fuerant, summa beatitudine frueretur. Nisi forte tempus pro tempore, aut ipse pro aliis accipitur : nunc enim præsens tempus significat. Si enim primus homo non peccasset, nemo unquam, nisi æternæ beatitudini prædestinatus nasceretur. Reges autem et consules, vel angeli, vel Ecclesiæ doctores intelliguntur, qui se et alios bene regunt, et omnibus hominibus optime consulunt. Hi autem ædificant sibi solitudines, quia vitam solitariam, et quæ multum a cæterorum hominum

(326) Hæc interpretatio est secundum Septuaginta, qui verbum *suscitare* in verbum *subjugare* verterunt. Ita Pineda in hunc locum.

vita differt, in hoc sæculo vivunt. « Aut cum principibus, qui possident aurum, et replent domos suas argento; » per quos ipsos eosdem Ecclesie doctores intelligimus, qui et sapientie thesaurum possident, et domos sui pectoris eloquentie argento repleverunt. Aurum enim sapientiam, argentum vero, eloqui puritatem in divina pagina frequenter significat. Sequitur:

« Aut sicut abortivum absconditum non subsistem, vel qui concepti non viderunt lucem. » Hæc autem in persona primi hominis dicuntur, qui simul in se, et justos continet, et peccatores. Dicitur ergo: Si primus homo non peccasset, aut quidem omnes homines, jam nunc simul cum Domino essent; aut qui ibi non essent, neque subsisterent, neque essent ad comparationem videlicet abortivi: qui, quia suo tempore non nascitur, statim ut nascitur, absconditur, et quasi nunquam fuerit, in memoria hominum nullatenus subsistit (327). Id ipsum autem significat et qui concepti non viderunt lucem: nam et ipsi abortivi sunt. Sequitur:

« Ibi impii cessaverunt a tumultu. » Ubi? Ibi utique, ubi nunc dormiens silerem, et somno meo requiescerem. Inde enim impii, id est, maligni spiritus præcipitanti, a tumultu et discordia, quam ibi facere conabantur, cessaverunt. « Et ibi requiescunt fessi robore. » Ibi enim nunc sanctorum animæ requiescunt, qui multum se virtute et robore fidei in hoc sæculo contra impios fatigarunt. « Et quoniam vineti pariter sine molestia; » subauditur, ibi requiescunt. Ibi enim modo sine molestia requiescunt **229** illi, qui in hac vita fide et dilectione conjuncti, quoniam a fide et dilectione dividi non poterant, multas molestias perulerunt, de quibus adhuc subditur: « Non audierunt vocem exactoris. » Quamvis enim multas molestias sustinuisent, exactoris voci tamen non assenserunt. Hic enim exactor, vel tyrannus aliquis, vel diabolus intelligi potest. Pecunia enim diaboli vitia sunt, quam qui recipit, seipsum subicit servituti. « Parvus et magnus ibi sunt, et servus liber a domino suo. » Ibi enim et prælati, et subditi, et servi, et domini sine differentia sunt, quoniam omnes uni regi et uni Domino subijciuntur. Sequitur:

« Quare data est misero lux, et vita his, qui in amaritudine animæ sunt? » Considerata enim superna beatitudine, considerata et hujus mundi miseria, hanc vitam beatus Job tædio habens, pro se suisque similibus loquitur, dicens: « Quare data est misero lux? » Lucem enim pro hac vita posuit: Quare, inquit, tantum hic vivunt, qui se hic miseros esse cognoscunt? Qui, etsi eis mundus ardeat, et

A his divitiis fugitivis sint locupletes, sola tamen ecclesia contemplantes, semper hic in tristitia et amaritudine animæ sunt; quia semper hinc transire, et mori concupiscunt. Unde et subditur: « Qui expectant mortem, et non venit. » Sed quo desiderio? Vis audire quo? « Quasi effodientes thesaurum. » Tunc enim revera thesaurum, et æternam felicitatem inveniunt sancti, quando mortificato corpore de hac vita transeunt. Unde Apostolus: « Cupio dissolvere et esse cum Christo (Philip. 1, 23). » « Gaudetque vehementer cum invenerint sepulcrum; » id est, cum ejus prædestinatum tempus advenit, quo et caro in sepulcrum, et anima in cælum suscipiatur. Nam et secundum litteram, thesaurum effodientes, quando sepulcrum inveniunt, gaudent, quoniam sæpe ibi thesaurum inveniunt. Sequitur:

« Viro cujus abscondita est via, et circumdedit eum Deus tenebris. » Dixi, inquit, « Quare data est misero lux? » Sed cui misero? utique viro, cui abscondita est via. Via enim nostra abscondita est, et in tantis ignorantie tenebris involuti sumus, ut quid nobis futurum sit, penitus ignoremus. Quem igitur conscientia defendit, multum ut hinc transeat concupiscere debet, ne forte aliqua occasione in pejus ruat. Hoc autem beatus Job desiderans ait.

« Antequam comedam, suspiro, et quasi inundantis aquæ, sic rugitus meus, quia timor, quem timebam, evenit mihi, et quod verebar, accidit. » Nonne dissimulavi? nonne silui? nonne quievi, et venit super me indignatio? Ante, inquit, quam comedam, antequam illius, de qua nunc loquor, jucunditatis dulcedinem degustem, antequam summi boni suavitate reficiar, quid hic aliud ago, nisi quia suspiro, et illius magni convivii desiderio affligor? « Et quasi inundantis aquæ sic rugitus meus, » quia non sine multarum lacrymarum inundatione sit gemitus cordis mei; quare hoc? « Quia timor, quem timebam, evenit mihi. » Quia enim vir sanctus tantis flagellis affligebatur, se Deum in aliquo offendisse putabat, quamvis in quo offendisset, ignorabat unde insequentibus ait: « Peccavi, quid faciam tibi? » Verumtamen, vitam suam considerans, et quid mali fecisset, ut sic affligi debuisset, ignorans, D subjungit: « Nonne dissimulavi? » id est, cum mundus mihi arderet, et omnia possiderem, sic me habui, sic in eis omnibus delectatus sum, ac si nihil haberem. Unde et subditur: « Nonne silui? nonne quievi? » Ac si dicat: Si enim in talibus divitiis delectarer, neque silerem, neque quiescerem; quoniam neque in silentio, neque in quiete; imo multis litigiis et fatigationibus tales divitiæ conquiruntur.

Ita sensit etiam D. Thom.: « Ab hujusmodi enim, ait abortivis fetibus nihil perpetuum remanet; aliqui vero moriuntur, post infusionem animæ rationalis; qui quidem post mortem subsistunt secundum animam, sed lucem hujusmodi non vident. » D. Thom. eod. in loco.

(327) De abortivis fetibus ob nimiam immaturitatem nondum anima præditis intelligendus est hic loqui S. Bruno: quoniam abortivi animati per animam subsistunt, et cum generatione culpam originalem contraxerint, in æterna sunt damnatione. Ita vertit claris. Hiacyntus Ceruti:

*Or non redrei qual nascoso aborto
O qual feto immaturo, etc.*

« Venit tamen super me indignatio; » quam quare A
venerit incertum habeo. Deum enim sibi indigna-
tum credebat, ejus in se flagella sentiebat.

CAPUT IV.

« Respondens autem Eliphaz Themanites, dixit :
« Si cœperimus loqui tibi, fortitan moleste accipies,
« sed conceptum sermonem tenere quis post? » Ecce
enim Eliphaz, qui *Dei contemptus* interpretatur, qui
etiam hæreticorum speciem tenens ab austro venit,
sic enim interpretatur Theman, tantarum eloquentiæ
pluviarum inflatus est, ut conceptum sermonem,
quin foras erumpat, retinere non possit. Loquitur
autem hæreticorum more, qui cum humiliter loqui
incipiant, ad injurias usque prorumpunt. Sed quid
dicit? « Ecce docuisti multos et manus lassas ro-
« borasti. » Hoc enim verum est : « Vacillantes con-
« firmaverunt sermones tui, et genua tremencia
« confortasti. » Et hoc item verum est : « Nunc au-
« tem venit super te plaga; » et hoc quidem negari
non potest. « Et defecisti. » Hoc autem falsum est;
tu enim defecit, sed viriliter pugnavit, et vicit.
« Tetigit te, et conturbatus es. » Si enim turbatus
esset, nequaquam tam quiete dixisset : « Si bona
« suscepimus de manu Domini, mala autem quare
« non sustineamus? » Sequitur :

« Ubi est timor tuus, fortitudo tua et perfectio
« viarum tuarum? » Omnia enim hæc eum amisisse
putabat, quia sic humiliatum eum videbat. « Recor-
« dare, quæso te, quis unquam innocens perii, aut
« quando recti deleti sunt? » Hæreticorum est, ve-
ria sæpe falsa admiscere : sæpe enim in hac vita
innocentes pereunt et recti. « Quin potius vidi eos,
« qui operantur iniquitatem, et seminant dolores, et
« metunt eos, flante Deo, periisse et 230 spiritu
« iræ ejus esse consumptos. » Et hoc quidem sæpe,
sed non semper contingit. Dolores autem seminant,
et metunt, qui male agunt, et mala recipiunt; Deum
autem flare est se in vindicta peccatoribus iratum
ostendere. Homo enim quando irascitur majorem ex
se flatum emittit, unde et pro ira flatus accipitur.

« Rugitus leonis, et vox leænæ, et dentes catulo-
« rum leonum contriti sunt. » Per leonem namque bea-
tum Job, per leonem vero, uxorem ejus; per catu-
los autem leonum filios ejus metaphorice designat.
In rugitu vero crudelitatem, in voce loquacitatem, in
dentibus edacitatem redarguit; edacitatem quidem,
quoniam edentes et bibentes oppressi sunt.

« Tigris perii, eo quod non haberet prædam. »
Ecce item tigridem Job appellat. Tigris enim sæ-
vissimum animal est. Dicit igitur beatum Job pe-
riisse, quoniam, viribus amissis, jam predandi non
habet facultatem. Sequitur :

« Porro ad me dictum est verbum absconditum,
« et quasi furtive suscepit auris mea venam susurri
« ejus. » Hæretici enim semper magna promittunt
et, ut majoris sit auctoritatis, suam scientiam ex-
tollunt, quod iste modo facere videtur. Dicit enim,
verbum absconditum et secretum aliisque homini-

bus incognitum, sibi esse revelatum, ejus verbi
venam, id est principium et perfectionem, quasi
furtive, latenter et ingeniose ipse suscepit. Et, ut
suum ingenium magis commendent, non aperte,
sed quasi susurrando se audivisse fatetur. Quid au-
tem sit hoc verbum audiamus.

« In horrore visionis nocturnæ, quando solet sopor
« occupare homines, pavor tenuit me et omnia
« ossa mea perterrita sunt. Et cum spiritus, me
« præsentem, transiret, inhorruerunt pili carnis meæ.
« Stetit quidam, ejus non agnoscebam vultum,
« imago coram oculis meis, et vocem quasi auræ le-
« nis audivi. » Hæc autem Eliphaz ideo dixisse
videtur, ut ea, quæ dicturus erat, majorem
auctoritatem haberent; siquidem non ipsum ea
excogitasse, sed divina revelatione didicisse crede-
retur : multa enim in somnis per visionem homini-
bus revelantur. Quod autem ait : « Cum spiritus,
me præsentem, transiret; » tale est ac si diceret :
Cum illa visio spiritali, me præsepte et attentissime
considerante, transiret; quia enim non tota simul
videbatur, quodammodo transibat, quoniam trans-
eundo fiebat. Quis autem fuerit iste quidam, ejus
vultum non agnoscebat, consequenter exponit, dum
dicit : « Imago coram oculis meis, » Non enim rei
veritatem, sed rei imaginem vidit. Sic enim amico-
rum nostrorum, quamvis longe positorum imagines
in somnis sæpe videmus. Audivit autem vocem,
quasi lenis auræ, quia quæ in somnis apparent, tam
leniter mentis acumine audiuntur, ut nisi subito a
vigilante pertractata fuerint, facillime a memoria
dilabuntur. Quid autem pavor et tremor? Quid ossa
perterrita, et pili inhorrentes significent, alii perscu-
tentur, nobis autem ista sufficiant, et talia in somnis
sæpe contingere non dubitamus. Nunc autem quid
Eliphaz in illa levis auræ voce audierit, videamus.
Sequitur :

« Nunquid homo Dei comparatione justificabi-
« tur, aut factori suo purior erit vir? » Hæc
autem ita esse, non solum somniantes, sed et
cogitantes intelligunt. Nemo enim Deo justior,
aut purior est. Sed hæreticorum est, ea etiam, quæ
facillima sunt ad difficultatem perducere, cum ipsi
soli, aut pene soli nihil intelligant, nullos nisi se
intelligere putant. Unde et Eliphaz verbum abscon-
ditum dicit, quod pene omnibus est manifestum. In
his enim verbis se beatum Job vincere putat : si
enim Job injuste affligitur, justior et purior Deo
affligente, esse videtur; sed quia hoc fieri nequit, ut
juste Job affligatur necessario concluditur. Hæc au-
tem cavillatio ibi solvitur, ubi superius Dominus ait :
« Tu autem commovisti me adversus eum, ut affli-
gerem eum frustra. » Quod enim est frustra, et
non frustra, hoc est juste, et non injuste : injuste
enim quantum ad se affligitur Job, quia peccatum
non fecit, ut sic affligi debuisset; juste autem, quan-
tum ad Deum, qui ideo eum affligit, ut illum clario-
rem, sanctiorem et ditiorem faciat. Sequitur :

« Ecce qui serviunt ei, non sunt stabiles, et in

« angelis suis reperit pravitatem (328); quanto magis hi qui habitant domos luteas, qui terrenum habent fundamentum. » Hoc quoque adversum Job dicitur. Et impossibile probat non peccare, cum ipsos quoque angelos peccasse manifestum sit. Sed hoc de malignis spiritibus intelligitur. Domos autem luteas habitant homines et terrenum fundamentum habent, quoniam de luto et de terra plasmati sunt, de quibus adhuc subditur :

« Consumuntur velut a tineæ, de mane usque ad vesperam succidentur, et quia nullus intelligit, in æternum peribunt. » Ex carne enim hominis nascuntur vermes, qui ipsam consumunt; sicut et tineæ ex veste oritur ipsamque de qua oritur vestem consumit. Consumuntur quoque peccatores velut a tineæ; quia ut propheta ait : « Vermes eorum non morietur (*Isai. lxxvi, 24*). » **231** Succiduntur autem de mane usque ad vesperam, id est a principio suæ nativitatis usque ad finem vitæ, quia, quandiu in hac vita sunt, semper male agendo, se ipsos occidunt : quoties enim peccant, toties se feriendo succidunt. Et quia nullus eorum, neque mala quæ ait, neque penitentia medellam intelligit; ideo non immerito in æternum peribunt. Unde et subditur : « Morientur et non in sapientia. » Sic enim se habet ordo : morientur, et non in sapientia. Non enim in sapientia moriuntur, qui in peccatis et stultitia vitam finiunt. « Qui autem reliqui fuerint, auferentur ex eis. » Malorum namque reliquæ, boni sunt, qui ideo a diaboli dentibus relinquuntur, quoniam eos diabolus superare non potest. Unde etiam solæ reliquæ ex Israel salvari dicuntur. Hi autem auferentur ex eis quando dicitur : « Venite, benedicti Patris mei, percipite regnum (*Matth. xxv, 34*). » Sequitur :

CAPUT V.

« Voca ergo, si est qui tibi respondeat, et ad aliquem sanctorum convertere. » Quam malam enim opinionem de beato Job Eliphaz habuerit, satis apparet, contra quem omnia hæc proverbia jaculantur. Quia enim sic afflictum eum esse videbat, penitus a Domino abjectum esse putabat; ideoque, quamvis multum ad Deum clamaret, attamen non exaudiri arbitrabatur. Et hoc est, quod dicitur : « Voca ergo, si est qui tibi respondeat. » Quod autem sequitur : « Et ad aliquem sanctorum convertere; » tale est ac si diceret : Quoniam tuis peccatis exigentibus te Deus non audit, saltem aliquem sanctorum deprecare, ut pro te ad Deum intercedat. Sequitur :

« Virum stultum interfecit iracundia, et parvulum occidit invidia. » Stultus et parvulus idem significant, quoniam omnis stultus sensu et moderatione parvulus et inscius est. Hunc autem iracundia et

A invidia occidit; quia, dum invidendo aliena cum furrore appetit, in diaboli laqueum cadit. Sed hoc quidem de beato Job dici non debuit. Sequitur :

« Ego vidi stultum firma radice, et maledixi pulchritudini ejus statim. » Cum enim in mundi divitiis et dignitatibus stultus prosperatur, firma radice stare videtur, sed sapiens aliquis hujus pulchritudini maledicit, dum, eni maledictioni sit obnoxius, et quam cito hanc gloriam amissurus, secum dijudicat. Unde et Apostolus. « Animalis homo non percipit ea, quæ Dei sunt, spiritualis autem omnia dijudicat (*I Cor. ii, 14*). »

B « Longe fient filii ejus a salute, et conterentur in porta, et non erit qui eruat. » Filii enim hujus stulti sunt, quicunque ejus stultitiam imitantur. Hi autem longe fient a salute, quia longe est a peccatoribus salus (*Psal. cxviii, 153*). » Conterentur autem in porta quoniam in ipso regni introitu, quando paradisi portæ aperientur, dicetur eis : « Ite, maledicti, in ignem æternum (*Matth. xxv, 41*). » « Et non erit qui eruat, » nullo pro eis intercedente.

C « Cujus messem famelici comedent, et ipsum rapiet armatus et bibent sitientes divitias ejus. » Hujus, inquit, stulti messem, et laborem famelici comedent : per quos malignos intelligimus, quorum cibus iniquitas et mala operatio; hoc enim delectantur et reficiuntur. Ipsum autem rapiet armatus; ille videlicet, de quo in Evangelio Dominus ait : « Cum fortis armatus custodit atrium suum, in pace sunt ea, quæ possidet (*Luc. xi, 21*). » — « Et bibent sitientes divitias ejus; » hoc est, quod modo dicit : « Cujus messem famelici comedent. » Sequitur :

« Nihil in terra fit sine causa, et de humo non orietur dolor. » Ac si dicat : Tu tibi, et non alius hanc afflictionem peperisti. Justus enim est Deus, et nihil sine causa et ratione facit. Non enim humus et terra, sed quia, inquit, peccatores sumus, ideo affligimur.

D « Homo ad laborem nascitur, et avis ad volatum (329); » ac si dicat : Hoc saltem te peccasse cognoscas, quod voluptati solummodo, et deliciis deditus, ipsos filios tuos commensationibus et ebrietati operam dantes non redarguisti. Non enim ad quietem et voluptatem, sed ad laborem nascitur homo; unde et primo homini dictum est : « In sudore vultus tui vesceris pane tuo (*Gen. iii, 19*). » Similiter et avia nascitur ad volatum, ideoque ei alæ datæ sunt, sicut et homini manus. Sed, quia homo utrumque est, et homo videlicet et avis; altera enim pars gravis et de terra est, altera vero cœlestis et agilis; secundum hanc partem, animam dico, natus est ad volatum. Non ergo in imis jaceat, sed volando cœlestia contempletur. Unde et subditur : « Quamobrem ego deprecabor Dominum, et ad Deum ponam elo-

(328) « Ecco qui serviunt ei non sunt stabiles, et in angelis suis reperit pravitatem. » Quæ quidem sententia secundum doctrinam catholicæ fidei plana est. Tenet enim fides catholica, omnes angelos bonos fuisse creatos : quorum quidam per propriam culpam

cecidere statu rectitudinis, quidam vero ad majorem gloriam pervenerunt. D. Th. in eodem comment. c. 4.

(329) Cod. bibl. Montis Amiatæ : ad volandum.

« quum meum; » id est volabo, et mente et spiritu A
super cœlos exaltabor; ibi deprecabor Dominum,
ibique cum eo loquar. Sancti enim, quando in ora-
tionibus suis Deum exorant, quamvis corpore in
terra sint, spiritu tamen ipsum cœlum volando tran-
scendunt.

« Qui facit magna, et inscrutabilia, et mirabilia
« absque numero. » Nemo enim mirabilia Dei per-
scrutari, vel dinumerare potest.

« Qui dat pluviam super faciem terræ, et irrigat
« aquis universa. » Hoc enim tam mirabile est, ut a
nullo perscrutari valeat. Quis 232 enim intelligat,
quid sint nubes, quando aquam ferant, quando nunc
teneant, et nunc tam mirabiliter guttatim spargant?
Si autem allegorice intelligantur, dat etiam Domi-
nus pluviam, id est evangelicam predicationem super
faciem terræ, et spiritualibus aquis irrigat uni-
versa.

« Qui ponit humiles in sublimi, et moerentes eri-
« git sospitate. » Ipse enim humiliat superbos, et
exaltat humiles.

« Qui dissipat cogitationes malignorum, ne possint
« implere manus eorum, quod ceperant. Qui ap-
« prehendit sapientes in astutia eorum. » Stultam
enim, ut Apostolus ait, fecit Deus sapientiam hujus
mundi (1 Cor. 1, 20). Dum enim rationem sapientes
querunt, Dei mirabilia non credunt; ideo nec Deum
carnem assumpsisse, nec virginem peperisse, nec
mortuum resurrexisse contendunt. « Et concilium
« pravorum dissipat; » id est Iudeorum et tyranno-
rum, qui multis consiliis et machinationibus Christi
nomen et Ecclesiam delere conati sunt.

« Per diem incurrent tenebras, et quasi in nocte
« sic palpabunt in meridie. » In Christi namque pas-
sione, etiam juxta litteram tenebræ factæ sunt. De-
nique per diem tenebras incurrebant, dum Christum
aperitissime se signis et miraculis manifestantem
non agnoscebant. Et cum omnia nuda et aperta es-
sent, quasi cæci in nocte palpantes nihil videbant.
In meridie autem tunc quasi in nocte palpabant,
quando signa et miracula videntes, an Christus es-
set eum interrogabant, quibus ipse dicebat: « Si
mihi non creditis, operibus credite (Joan. 1, 38). »
« Porro salvum faciet egenum a gladio oris eorum,
« et de manu violenti pauperem. » Hic est ille ege-
nus et pauper, de quo Apostolus: « Tanquam nihil
habentes et omnia possidentes (11 Cor. vi, 10). »
Hi autem nec ferri, nec criâ gladio vinci potuerunt,
quia neque blanditiis, vel minis, neque tormentis sunt
superati. Quare hoc? Sequitur:

« Et erit egeno spes. » — « Spe enim, ait Aposto-
lus, salvi facti sumus (Rom. 11, 28). » Propter spem
si quidem æternorum bonorum superari non pote-
rant. « Iniquitas autem contrahet os suum, » videns
eos insuperabiles esse. « Beatus homo qui corripit
« tur a Deo (330); » quoniam vel sic ab iniquitate,

quam agit, separatur: qui enim non corripitur, so-
cius peccat. « Increpationem ergo Domini ne re-
« probes; » quia ipse vulnerat, et medetur; percutiet,
et manus ejus sanabunt. Dei enim increpationem
reprobare, est contra ejus flagella murmurare.

« In sex tribulationibus liberabit te, et in septima
« non tanget te malum. » Septem enim sunt tribu-
lationes, quia septem dies sunt in quibus tribula-
mur. Sed ideo septimam separatim posuit, quia
major erit et finem habebit. Quæ sint autem hæ
tribulationes, subinsere ait:

« In fame eruet te de morte, et in bello de manu
« gladii, a flagello lingue absconderis, et non timebis.
« calamitatem, cum venerit; in vastitate et fame
« ridebis, et bestiam terræ non formidabis. » Da
hæc enim fame per prophetam dicitur. « Inmittam in
vobis non famem panis, neque sitim aquæ, sed fa-
mem audiendi verbum Dei (Ezech. v, 17). » Hæc
autem fame non moriuntur sancti. Liberantur autem
et in bello de manu gladii, quando contra vitia di-
micantes, diaboli tentationes superare valent. Abs-
conduntur vero et a flagello lingue, quia nec aliis
dehant, nec sibi detrahentibus respondent. Neque
vero timeant calamitatem cum venit, quia sciunt,
per multas tribulationes intraturos esse in regna cœ-
lorum. Ridebunt autem in vastitate et fame, quia
tunc jubilando gaudebunt, quando peccatores in
suppliciis vastabuntur et fame perpetua cruciaban-
tur. Bestiam vero terræ, id est diabolum, qui terre-
nos et peccatores depascit et dissipat, non formida-
bunt; quia eis de hoc mundo exeuntibus nocere non
poterit. Sequitur:

« Sed cum lapidibus regionum pactum suum, et
« bestię terræ pacificę erunt tibi. » Hi enim sunt
lapides, de quibus dicitur: « Lapidēs vivi voluntur
super terram (Zach. ix, 16); » per quos sanctos in-
telligimus, de quibus muri cœlestis Jerusalem ædifi-
cabantur. Cum his autem non solum Job, verum
etiam quilibet sanctorum pactum fecit, quia chari-
tatis vinculo eis adhesit: bestię vero, impii homines
et crudeles intelliguntur, qui, dum sanctorum patien-
tiam et humilitatem considerant, pacifici eis fiunt,
quia divino nutu perterriti eos offendere pertime-
scunt, unde et subditur:

« Et scies quod pacem habeat tabernaculum, et
« visitans speciem tuam non peccabis. » Pacem enim
habet ejus tabernaculum, cum ab ipsis quoque ini-
micis veneratur. Species autem hominis Deus est, et
homo. Quoniam ad imaginem Dei, et hominis factus
est homo. Speciem igitur suam ille homo visitat,
qui charitate non ficta Deum, et hominem diligit.
Hic autem non peccat, quia in hoc solo tota lex
adimpletur. Et scies quoque quoniam multiplex erit
semen tuum, et progenies tua quasi herba terræ.
Semen enim, et progenies ejus, omnes illi sunt, qui
ejus vitam et mores imitantur. Multos igitur filios

(330) Salomon etiam ait: Quem diligit Dominus corripit, et quasi pater in illo complacet sibi (Prov. 13, 10).

relinquit, qui bene vivendi exempla docet. Unde et **A** subditur :

« Ingrederis in abundantia sepulcrum, sicut infer-
tur aervus in tempore suo. » Sepulcrum enim, in
quo post mortem sancti requiescunt, coelestis patria
intelligitur : quam iste quadam in abundantia ingre-
ditur, quia tot secum ducit, quot ejus verbis et
exemplo salvantur. Unde bene acervo comparatur,
qui multorum granorum collectione conficitur.

« Ecce hoc, ut investigavimus, ita est, **233** quod
« auditum mente pertracta. » Elationis, et jactantiae
verba sunt haec, quae, quasi ille non intellexit,
mente eum pertractare admonet. Deinceps vero
quid ei sanctus responderit, audiamus.

CAPUT VI.

« Respondens autem Job dixit : Utinam appen- **B**
derentur peccata mea, quibus iram merui, et
« calamitas, quam patior, in statera : quasi arena
« maris haec gravior appareret. » Utinam, inquit,
sicut calamitatem quam patior, videtis, ita etiam
peccata, pro quibus affligor, vobis divinitus reve-
lata aequa lance pensare possetis : jam utique co-
gnosceretis quanto calamitas haec major sit, et
quasi arena maris gravis ; stateram suo pondere
inclinare vobis appareret. Amici enim Job multum
eum peccasse putabant, quem tam subito contritum
et sic flagellatum videbant. Unde et maxime dole-
bat, quia ipsa quoque bonis suis eorum aestima-
tione nudatus erat. Et hoc est quod ait : « Unde
« et verba mea dolore sunt plena ; » ac si dicat :
Inde mihi dolor maximus crescit, quia cum nihil
peccaverim, ut haec pati debuissim, propter peccata
tamen me hoc ferre arbitramini. Sequitur :

« Quia sagittae Domini in me sunt, quarum indi-
« gnatio eibit spiritum meum, et terrores Domini
« militant contra me. » Magna, inquit, calamitas
est quam patior, quia sagittae et flagella Domini
in me sunt, quibus secundum carnem affligor. Et
terrores ejus militant contra me, quibus anima
conturbatur. Multo enim animae plus quam corporis
tormenta graviora sunt : magis illa, quam ista pati
pertimesco. Spiritum autem ejus sagittarum indi-
gnatio bibit, quia quanto magis caro affligitur,
tanto magis naturalis spiritus deficit et minoratur.
Sive etiam, spiritum ejus sagittarum indignatio
bibebat, quia si quid elationis et superbiae spiritus
in eo erat, his quasi correctionis flagellis consume-
batur. Sequitur :

« Numquid rugiet onager cum habuerit herbam ?
« aut mugiet bos cum ante praesepe plenum stete-
rit ? » Ac si dicat : Miramini quod me sic afflictum
dolore videtis, et non consideratis quibus bonis
sim exspoliatus, quibus malis circumdatus, et ex
quanta copia, quanta inopia circumventus ? Quae
« enim prius tangere volebat anima mea, nunc prae
« angustia cibi mei sunt. » Vel ipsa vos bruta ani-
malia doceant, quae quando necessariis abundant,
neque rugiunt, neque mugiunt. Sed haec ad litteram.
Spiritualiter autem onager, id est asinus silvester

qui non solum indomitus, sed etiam secundum legem
immundus est, gentilis populus intelligitur. Per
bovem autem Judaeorum populus figuratur, qui
solus, et mundus, et legis jugo domitus erat. Sed
neuter istorum vel rugire jam nunc, vel mugire
debet, quoniam uterque ad fidem conversus ; et
novis Evangeliorum herbis abundat, et ante praesepe
plenum astans, utriusque Testamenti deliciis satia-
tur. Hoc autem praesepe divina Scriptura est, quod
tunc quidem vacuum erat, quando ad litteram so-
lummole intelligebatur. Non igitur B. Job isti
praeferebantur ; quoniam hoc quod nihil conquere-
tur, plenum praesepe, et sanctorum Scripturarum
consolatio facit. Unde Apostolus : « Quaecunque
scripta sunt, ad nostram doctrinam scripta sunt, ut
per patientiam et consolationem Scripturarum spem
habeamus (Rom. xv, 4). » Hanc autem consolatio-
nem beatus Job habebat, quia nondum sanctorum
Scripturarum volumina edita erant. Sequitur :

« An poterit comedi insulsum, quod non est sale
« conditum ? aut potest aliquis gustare, quod gra-
« tum affert mortem ? » Prius, inquit, quam
praesepe plenum esset, id est, spiritualiter sacra
Scriptura intelligeretur ; omnia insulsa erant, ni-
hilque spiritualis sapientiae sale conditum, ideoque
non vitam, sed mortem comedentibus offerebant.
Unde Apostolus : « Littera occidit, spiritus autem
vivificat (II Cor. iii, 6). » Nunc ergo neque onager
rugiatur, neque bos mugiat, quoniam et praesepe ple-
num est, nihilque insulsum vel mortiferum est. **C**
Sed dicet aliquis : Si ergo insulsa erant, quomodo
tunc ab illo populo suscipiebantur ? Ad quod ipse :
« Animae enim esurienti etiam amara dulcia esse
« videntur ; » ideoque ille populus, quia rei verita-
tem assequi non poterat, ipsius veritatis umbram
et figuram avidè suscipiebat. Unde idem populus lo-
quitur dicens :

« Quae prius tangere volebat anima mea, nunc
« prae angustia cibi mei sunt. » In principio namque
nascentis Ecclesiae, cum circumcisionem et legis
ceremonias Judaei apostoli spiritualiter exposui-
sent, magis scandalizabantur, et ea recipere vole-
bant. Unde et Apostolus quamvis dixisset : « Si
circumcidamini, Christus vobis nihil proderit (Galat.
v, 2) ; » ipse tamen discipulum suum circumcidere
coactus est. Hanc igitur doctrinam, quam cibum
vocat, etsi prius populus ille recipere et tangere
noluisset ; postea tamen, quando eam recepit, ejus
cibus fuit ; recepit quidem, sed prae angustia, quo-
niam nisi angustiatius, et constrictus, et rationibus
convictus, eam recipere noluit. Sequitur :

« Quis det ut veniat petitio mea, et quod exspe-
« cto tribuat mihi Deus ? » Quae sit autem ista
petitio subinferens ait : « Et qui coepit, ipse me
« conterat, solvat manum suam, et succidat me,
« et haec mihi sit consolatio, ut affligens me dolore
« non parcat, ne contradicam sermonibus sancti. »
Ac si dicat : Sagittae enim Domini in me **234** sunt,
et terrores ejus militant contra me ; hoc ergo unum

est, quod vehementer opto, ut me conterat, et cito augeat, et doloribus me affligens non parcat, et hæc mihi sit consolatio. Consolatio quidem, quia tali modo et peccata dimittuntur, et de vitæ hujus miseris citius exitur. Hoc autem ne forte sub indignatione dixisse putaretur, illico subjunxit: « Ne contradicam sermonibus sancti. » Sancti enim sermonibus contradicit, qui contra flagella murmurat, quæ divinæ voluntatis jussione fiunt. Sequitur:

« Quæ est enim fortitudo mea, ut sustineam, aut quis finis meus, ut patienter agam? Nec fortitudo lapidum fortitudo mea, nec caro mea aenea est. Ecce non est auxilium mihi in me, et necessarii quoque mei recesserunt a me. » Quantum ad litteram, hoc dicere videtur. Tantis undique angustis et incommoditatibus angor, ut non immerito cito succidi, et hinc transire desiderem, ne forte doloribus superabundantibus, aliquo modo ad impatientiam commotus, vel cogitatione Deum offendam; homo enim carneus sum, nec æris, nec lapidis naturam gerens; tu tamen, o Deus, me contundere et flagellare non cessas. Aut igitur, sicut opto, cito me hinc ad illam beatitudinem transfer, vel da mihi auxilium, ut patienter agam. « Non est enim auxilium mihi in me: » Sit igitur mihi auxilium in te, quoniam non in viribus meis, sed in tua virtute confido. Insuper « et necessarii mei recesserunt a me. » Quid igitur faciet, qui et amissis viribus per se nihil potest, et alium a quo in rebus necessariis sustentetur, non habet? Sequitur:

« Qui tollit ab amico suo, misericordiam, timorem Domini derelinquit. » Si igitur Deum timuissent, necessarii et amici a me non recessissent. Nondum scriptum erat: « Diliges amicum tuum (Levit. x, 18). » Quod tamen in chartis scriptum non erat, in Dei utique voluntate beatus Job jam scriptum esse sciebat. Quanta autem agilitate necessarii ejus ab eo recesserunt, adnectit.

« Fratres mei præterierunt me, sicut torrens qui raptim transit in convallibus. » Torrens enim pluvialis aqua est, quæ ex montibus collecta cito defluens non apparet. Cor autem hoc fecerint, subjungit:

« Qui timent pruinam, veniet super eos nix. » Ac si dicat: Viderunt enim plagam meam, et timore perterriti ne ipsi quoque mecum affligerentur, quasi ad tutiora se conferentes, recesserunt. Sed quid eis profuit? « Qui enim timent pruinam, veniet super eos nix. » Id est, qui hic timent tribulari cum sanctis, in inferno tribulationem patientur cum impiis. Quantum enim distat inter nivem et pruinam, tantum inter hæc et illa tormenta; de quibus adhuc subditur:

« Tempore, quo fuerint dissipati, peribunt, et ut incaluerint, solventur de loco suo. » In judicio enim viri iniqui dissipati peribunt, et internis incendiis calefacti solventur de loco suo, secundum

illud: « Transivi, et ecce non erat, quæsi cum, et non est inventus locus ejus (Psalm. xxxvi, 36). » Nullum enim in hoc mundo habitationis locum habebunt, quibus ipsa tormentorum loca incerta erunt. Si quidem ad calorem nimium transibunt ab aqua nivium. Hoc autem merito; quia nunquam recta et uniformi via incedunt. Et hoc est, quod dicit: « Involute sunt semitæ gressuum eorum; » involute quidem, quia tortuosæ; unde et subditur: « Ambulant in vacuum, et peribunt. » In vacuum enim ambulant, quia ex hujus itineris fatigatione nihil sibi nisi laborem et mortem acquirunt; ideoque ait: « Et peribunt. » Hujus autem rei hoc sit vobis exemplum.

« Considerate semitas Theman, itinera Saba, et expectate paulisper. Confusi sunt, quia speravi. » Theman, auster, Saba, rete vel *captivitas* interpretatur. Per hos autem hæreticos intelligimus, qui eloquentiæ pluvii, et syllogismorum rotibus fideles quosque decipere et irretire conantur. Talis autem erat iste Eliphaz Themanites et duo socii ejus. Dicatur ergo: Considerate hæreticorum semitas, quæ semper erroneæ sunt et tortuosæ. Et expectate paulisper: omnis enim hæc vita brevis est, et cito finietur.

« Confusi sunt, quia speravi. » Spes enim sanctorum, iniquorum confusio est. Sancti enim non solum beatitudinem verum etiam et vindictam se de inimicis suscipere sperant; et quia eorum spes frustra esse non potest, ut mali confundantur, necesse est. Insuper etiam, quia beatus Job speravit, et a tribus viris eloquentissimis a suæ spei firmitate moveri non potuit, confusi sunt, et nimia verecundia perturbati. Unde et subditur:

« Venerunt quoque usque ad me, et pudore cooperiti sunt. » Veniunt enim hæretici ad Ecclesiam, et vincuntur victique pudore operiuntur. Venerunt autem et amici Job usque ad eum; quia usque ad ejus cordis intima disputando persecuti sunt eum. Et pudore cooperiti sunt, quia unus a pluribus, et ipse æger a sanis vinci non potuit. Sequitur:

« Nunc venistis, et modo videntes plagam meam timetis. » Quid timebant, aut quid ibi timidum videbant? Videbant enim hominem valde flagellatum; timebant ergo fortasse ne et sibi idipsum contingeret, aut quia dives et potens fuerat; nunc autem nimia inopia oppressus erat; ideo isti forsitan timebant, ne vir sanctus eos rogaret, ut illi de suis facultatibus sibi subvenirent. Hoc enim sequentia sonare videntur, quibus ait:

235 « Nunquid dixi: Afferte mihi, aut de substantia vestra donate mihi; vel liberate me de manu hostis, et de manu robustorum eruite me? » In talibus enim angustiis et necessitatibus invicem sibi boni amici subvenire solent; avari autem quascunque possunt excusationes obijciunt, et cum indigentem amicum consolari debeant, potius ei sua culpa talia accidisse redarguunt. Quod quidem isti facere videntur. Hunc autem timorem beatus Job pruden-

ter ab eis removit, atque eorum stultitiam conso-
quenter irridens, ait :

« Docete me, et ego tacebo; et si quid forte igno-
ravi, instruite me. » Valde enim irridendus est,
qui et sapientiores se docere vult, et sanctiorem se
corrige conatur. Quod autem isti neque docere,
neque corrigere debeant, adjungit :

« Quare detraxistis sermonibus veritatis; cum ex
vobis nullus sit, qui possit arguere me ad incre-
pandum, tantum eloquia concinnatis, et in ventum
verba profertis. » Quia enim omnium horum vo-
luntas, et sententia una erat, quamvis solus Eliphaz
superius sit locutus, omnes tamen sermonibus veri-
tatis detraxisse et verba ad increpandum concin-
nasse commemorat. In ventum autem verba profe-
runt, qui non ad utilitatem, sed se jactando loquun-
tur, quorum verba, quia otiosa sunt, non memoria
hominum retinet, sed ventus tollit. Sequitur :

« Super pusillum irrultis, et subvertere nitimini
amicum vestrum. » Quod se pusillum vocat, suam
innocentiam, humilitatemque insinuat. Quod vero se
amicum dicit, jam quasi Evangelii observator, inimi-
cos etiam et persecutores se amare demonstrat. Sed,
quia eorum versutias et subversiones non timet,
subinfernans ait : « Verumtamen quod compistis, præ-
tere aures, et videte an mentiar : respondete,
obsecro, absque contentione, et loquentes id quod
justum est, judicate et non invenietis in lingua
mea iniquitatem, nec in faucibus meis stultitia per-
sonabit. » Absque contentione respondere, est,
audita veritate, statim acquiescere. Sequitur :

CAPUT VII.

« Militia est vita hominis super terram, et sicut
dies mercenarii dies ejus. » Hinc beatus Job qua-
liter hac in vita militare debeamus, insinuat; qua
in re se ipsum qualiter militaverit exemplum ponit.
« Militia enim est vita hominis super terram; » quia
quanto tempore in hac vita sumus, per arma justitiæ
a dextris et a sinistris semper contra vitia et mali-
gnos spiritus pugnare debemus; quatenus, finita mi-
litiæ, pro victoria coronemur. Sunt autem dies ho-
minis quasi dies mercenarii; quia si bene in Dei
vineam laboraverit, hac die, id est hac vita finita, vi-
tam æternam pro denario et mercede suscipiet; unde
et subditur :

« Sicut servus desiderat umbram, et sicut mer-
cenarius præstolatur finem operis sui; sic et ego
habui menses vacuos, et noctes laboriosas enu-
meravi mihi. » Cervus enim ut æstum repellat,
umbram desiderat; mercenarius autem finem operis
sui præstolatur, quia ante operis finem, mercedem
non suscipit. Sic igitur et vir sanctus menses vacuos
habuit, vacuos a mercede, vacuos et a quiete; quia
enim eam, quam nondum susceperat mercedem ex-
spectabat; ideo mundi divitias pro nihilo ducens, se
laborando fatigabat. Hoc autem tanto desiderio age-
bat, ut si quando quiesceret, et aliqua occupatione
ab hoc opere cessaret, hoc non quietem, sed labo-
rem computabat. Et hoc est quod ait : « Et noctem

laboriosam enumeravi mihi. » Noctem enim pro
quiete posuit. Unde et subditur :

« Si dormiero, dico, quando consurgam; et rur-
sus expectabo vesperam, et replebor doloribus
usque ad tenebras. » Quia, inquit, non quietem,
sed laborem desidero, ideo si quando dormio, et a
Dei servitio cesso (dormit enim, qui Deo non servit)
statim ad me reversus dico in corde meo, quando
consurgam? Consurgere enim, est ad opus et con-
templationem assuetam reverti. Sed quamvis hoc
faciam, quamvis consurgam, quamvis bono operi in-
sistam, tamen usque ad vesperam, usque ad tene-
bras, usque ad hujus diei, et vitæ terminum, dolo-
ribus replebor; partim quia cœlestia concupisco,
partim quia inter impios habitans, semper deterior
fieri peritimesco. Et hoc est quod ait :

« Induta est caro mea putredine, et sordibus pul-
veris. » Nemo enim terram inhabitans se defen-
dere potest, ut terræ pulvere non tangatur. Beatus
igitur Job in se Ecclesiam totam significans, dicat :
Induta est caro mea putredine vitiorum et sordibus
pulveris; quia et si peccare nolum, aliena tamen me
peccata coinquinant; unde et Psalmista ait : « Ab
occultis meis munda me, Domine, et ab alienis parce
servo tuo (Psalm. xviii, 13). » Nostris enim pecca-
tis putrescimus, alienis autem quasi pulvere aspergi-
mur. Sed nota, quia non de spiritu, sed de carne di-
cit, ut non spirituales, sed carnales Ecclesie filios
intelligamus, de quibus adhuc subditur :

« Cutis mea aruit, et contracta est. » Cutis enim,
quæ in toto corpore exterior est, sæpiusque scæda-
tur, eos significat, qui a cordis contemplatione, et
ab Ecclesie secretis consiliis male vivendo longius
sunt. Et isti quidem aruerunt, quia sancti Spiritus
gratia non unguuntur. Et 236 contracti sunt, quia
amisso humore se ad bene agendum extendere ne-
queunt. Manus enim contracta se ad pauperem non
extendit. Sequitur :

« Dies mei velociter transierunt, quam a textente
tela succiditur, et consumpti sunt absque ulla spe. »
Pigro enim operario nullus dies velociter transit;
hic autem, quia plus laborasse volebat, nimis velo-
citer dies suos transisse conqueritur. Tela autem a
textente succiditur, quando uniuscujusque vita fini-
tur. Quasi enim quibusdam filiis, ita horis, diebus
et mensibus vitæ nostræ tela contextitur. Dolet igitur
beatus Job, quod quando potuit, plus non labo-
ravit; si tamen plus laborasse potuit; quoniam non-
dum ejus tela successa est, et jam sicut prius laborare
non potest. Dies autem præteriti absque ulla spe
consumpti sunt, quia nihil ulterius in eis fieri possi-
bile est. Ut ergo dies nostros non perdamus, dum
presentes sunt, dum tempus est, operemur bonum
ad omnes.

« Memento, quia ventus est vita mea, et non re-
vertetur oculus meus, ut videat bona, nec aspiciet
me visus hominis. » Dies, inquit, præteriti absque
ulla spe consumpti sunt : quid autem in futurum ha-
biturus sim, nescio. Memento igitur, Domine, quia

ventus est vita mea, quoniam ad ejus similitudinem A cito transit et deficit. Nunc igitur afflige, nunc peccata dimitte; quia postquam hinc transiero, non revertar huc, ut bona videam, id est ut iterum bona agam. Ille enim videt bona, qui oculos a malis avergens, bonum agere non obliviscitur. « Nec aspiciet me visus hominis; » illius videlicet hominis, qui est Deus et homo. Aspicere autem Dei, misereri est. Cujus igitur hic peccata Deus non dimittit, eum in inferno non aspicit; « quia in inferno nulla est redemptionis. »

« Oculi tui in me (331), et non subsistam. » Dixit enim modo: « Nec aspiciet me visus hominis; » nunc autem dicit: « Oculi tui in me, et non subsistam: » quod utique contrarium esset, nisi duobus modis Deus super peccatores respiceret. Respicit etiam ad miserendum, secundum illud: « Respexit Deus Petrum (Luc. xii. 61). » Respicit etiam ad puniendum, ut hoc in loco; ideoque hic dicitur: « Et non subsistam. » Non enim in judicio peccatores subsistere poterunt, quia audita damnationis sententia, statim ad tormenta rapiuntur; unde et subditur:

« Sicut consumitur nubes, et pertransit, sic qui descenderit ad inferos, non ascendet, nec revertetur ultra in domum suam, neque cognosceat eum amplius locus ejus (332). » Sicut enim nubes ventis impulsus consumitur et transit, ita peccatores demonum impulsu in tormenta precipitati, ulterius in domum suam, id est in hunc mundum, in quo semper habitare optabant, non revertentur. Quod autem sequitur: « Neque cognosceat eum amplius locus ejus; » quantum ad litteram repetitio est. Sequitur:

« Quapropter non parcam ori meo, loquar in tribulatione spiritus mei; confabulabor cum amaritudine anime mee. » Quia, inquit, in infernum descendere timeo, quandiu in hac vita sum, non parcam ori meo. Illenamquesuo ori parcat, qui neque peccata sua consistetur, neque pro eis Deum exorat. Loquitur autem vir sanctus in tribulatione spiritus, et amaritudine anime, quia « cor contritum et spiritum humiliatum Deus non spernit (Psalm. l. 17): » sive etiam, quia sic flagellatus. Deum laudare, et exorare non desistit. Sequitur:

« Nunquid mare sum ego, aut cetus, quia circumdediti me carcere? » Quia enim ad Deum venire desiderat, ideo se carcere inclusum dolet; et tale est ac si diceret: Illi carcere inclusi debuissent, qui et amaritudine pleni sunt, et quasi cetus alios devorant et glutiant; quos quidem nisi tuar poten-

tiae carcere conclusisses, magnam ubique sanctorum stragem fecissent. At ego cur carcere claudor, cur carne retineor, qui nihil aliud, nisi ad te venire desidero (333). Sequitur:

« Si dixerio: Consolabitur me lectulus meus, et levabor loquens mecum in stratu meo; terrebis me per somnia, et per visiones horrore concuties. » Ideo, inquit, ad te venire desidero, quia nullam hic invenio consolationem; si quidem neque ipsa mea mens me consolari valet; lectus enim, et stratus mentem significat, quoniam tota vis anime in ea requiescit. Sed neque ibi beatus Job consolari valet; quoniam in extasi, et mentis excessu positus, dum et bonorum premia, et malorum tormenta considerat, quasi per somnia et visiones terretur, et horrore concutitur; dum tam dura, tamque horrenda malorum tormenta contemplatur; ideoque ibi esse desiderat, ubi sine aliqua commotione beatitudine perfruat. Unde et subditur:

« Quamobrem elegit suspensum anima mea, et mortem ossa mea. » Ut et anima scilicet feratur in celum, et caro et ossa in terra requiescant; hoc autem exponit, 237 dicens: « Desperavi, nequaquam jam ultra vivam. » Alia enim bonorum, alia malorum est desperatio: malorum desperatio est, eternae beatitudinis nullam habere spem; bonorum vero, hanc vitam presentem penitus abjicere. Desperavit igitur beatus Job, quia hunc mundum despexit, cum omnibus concupiscentiis ejus; qui ideo jam non vivit, quoniam carnem suam affligendo quotidie occidit.

« Parce mihi, Domine, nihil enim sunt dies mei. » Quia, inquit, hujus vite dies pro nihilo duco, et mori cupiens spem mundi nullam habeo; jam nunc parce mihi. Quid est autem, quod supra dixit: « Ut me affligens dolore non parcas: » nunc autem dicit: « Parce mihi: » nisi etsi non parcis flagellando, parce mihi, vel post flagella peccata solvendo? Considerans autem quid homo, et quam fragilis sit, considerans etiam, quanta ei gloria, et beatitudo preparata sit, subjungens, ait: « Quid est homo, quia magnificas eum? » Quod enim homo magnificatur, non ejus meritum, sed gratia Dei est (334).

« Aut quid apponis erga eum cor tuum? » Quoniam nunquam ejus oblivisceris; longe enim est a corde, quod traditur oblivioni. « Visitas eum diluculo. » Diluculo quidem, quia statim dum oritur, statim ut de ventris tenebris, et nocte in hujus diei lucem cadit, in eum visitas, tu nutris, tu custodis, tu cuncta sibi necessaria subministras. « Et subito probas illum. » Nisi enim probaretur, cujus esset patientiae, nesciretur. Toties enim homo probatur, quoties tan-

(333) Ita D. Paulus suspirans aiebat: *Cupio dissolvi, et esse cum Christo (Philip. i. 3)*. Hoc est iustorum desiderium.

(334) « Si non esset alia vita hominis, nisi quae est super terram, non videretur condignus homo tanta Dei sollicitudine erga ipsum. Ipsa ergo sollicitudo, quam Deus specialiter habet de homine, demonstrat esse vitam hominis post corporis mortem. » D. Th. in Job.

(331) « Oculi tui in me, scilicet erunt. Deo enim mortui conspicui sunt, qui spiritualia intuetur, quia mortui secundum spiritum vivunt, non secundum carnem, quoniam visus hominis aspicere non potest. » D. Th. in hunc locum Job.

(332) Cod. bibl. Mont. Amiatz: « Sicut consumitur nubes, et pertransit, sic qui descenderit in infernum, non ascendet, nec revertetur ultra, nec cognosceat eum locus ejus. »

gitur adversitate. « Usquequo non parcis mihi? » A Probasti enim me, notificasti patientiam meam. Jam nunc « Dimitte me ut glutiam salivam meam. » Fit enim multoties, ut in magna ægritudine, desiccato guttore, arcescente lingua, ardente palato, æger salivam glutire non possit. Tale est igitur, ac si dicat: Quid est Deus, quod agis? Nec peccata dimittis, nec a flagellis cessas. Scio enim, quia peccavi sed non ita, ut sic affligi debuissem. Quia vero flagellare non cessas, id ipsum quod peccavi, nondum esse dimissum pertimesco. Dimitte igitur ut glutiam salivam meam, quatenus vel sic intelligam, dimissa esse peccata mea. « Quid faciâ tibi, o custos hominum? » Quam satisfactionem me facere præcipis, qui me semper custodiens, in quibus peccaverim non ignoras? « Quare posuisti me contrarium tibi: » ac si dicat: Indica mihi, Domine, quid commiserim pro quo me tibi contrarium et inimicum dijudicas, cujus rei timore perterritus, « factus sum mihi melius ipsi » gravis. « Quia enim displiceo tibi, gravis mihi factus sum, quoniam ipse quoque displiceo mihi. Nescio enim, quid peccassem; sed, nisi peccassem, tibi non displicuissem; quia igitur ignoranter feci, « cur » non tollis peccatum meum, et quare non auferis « iniquitatem meam. » Hoc enim et Apostolus ait: « Ego enim sum minimus apostolorum, qui non sum dignus vocari apostolus, quia persecutus sum Ecclesiam Dei (1 Cor. xv, 9); » sed ideo misericordiam consecutus sum, quia ignoranter feci. « Ecce nunc » in pulvere dormio. » In pulvere quidem dormit, qui a bono opere in hoc corpore torpescit. Omnis enim homo pulvis est, secundum illud: Quia « pulvis es, et in pulverem reverteris (Genes. iii, 19). » « Et si » mane me quaesieris non subsistam. » Mane enim tunc erit, quando hac nocte finita, ad iudicandum Dominus veniet; tunc autem quem ipse quaesierit, quem de suis actibus interrogaverit, non subsistet; quoniam in illo districto iudicio nemo se defendere poterit. Unde Psalmista ait: « Non intres in iudicium cum servo tuo Deus, quia non justificabitur in conspectu tuo omnis vivens (Psal. cxlii, 2). »

CAPUT VIII.

« Respondens autem Baldad Suites dixit: Usquequo loqueris talia, et spiritus multiplex sermo oris tui? » Usquequo dicit, quia jam eum audire tadebat. Et quia ejus verba non plene intellexit, multiplicitur dicit eum esse locutum. « Nunquid Deus » supplantat iudicium, aut omnipotens subvertit « quod justum est? » Redarguit eum dixisse calamitatem suam non æquam suis esse peccatis; insuper et Dei justitiam commendans adjecit: « Etiam si filii tui peccaverunt ei, et dimisit eos in manu iniquitatis tuæ; » tamen si diluculo consurrexeris « ad Deum, et omnipotentem fueris deprecatus, » mundus et rectus incesseris, statim evigilabit ad te, « et pacatum reddet habitaculum justitiæ tuæ, in tantum ut priora tua fuerint parva, et novissima tua multiplicentur nimis. » Vera quidem dicit,

verumtamen contra beatum Job, et filios ejus dixisse talia non debuit: non enim propter peccata quæ fecerint, vel illi oppressi, vel iste flagellatus est. Diluculo autem consurgere, est a vitiorum tenebris cito ad justitiæ lucem transire. Sequitur:

« Interroga enim generationem pristinam, et diligenter investiga patrum memoriam; » Ac si dicat: si præsentia non credis, reduc vel præterita ad memoriam, et cum hæc antiquis patribus contigisse cognoveris, tunc me intelligas non esse mentium. « Hesterni quippe sumus; et ignoramus, quoniam » sicut umbra dies nostri sunt super terram. » Interroga tu, inquit, priores nostros, quoniam et nos interrogabimur **238** a posterioribus nostris. Hesterni enim sumus, et jam pene vitam finivimus, et ignoramus, quoniam sicut umbra, quæ cito transit, dies nostri sunt super terram, si qui cito transeunt, et pereundo finiunt. Huc usque interpositio. Nunc autem ad patres revertitur dicens: « Et ipsi doceant te, loquantur tibi, et de corde suo proferent eloquia. » Quasi enim ipsi loquuntur nobis, dum quid egerint, quomodo vixerint, quid eis acciderit, nobiscum cogitando tractamus. Sequitur

« Nunquid virescere potest scirpus absque humore, aut crescit carectum sine aqua? Cum adhuc » sit in flore, ne carpatur manu, ante omnes herbas arescit: sic viæ omnium, qui obliviscuntur Deum, » et spes hypocritæ peribit. » Illis verbis de quibus loquatur apertissime demonstrat: sicut enim scirpus nec sine humore virescit, nec sine aqua crescit; ita hypocritæ, neque sanctitate virides, neque religione magni crederentur, nisi quia in aquis ecclesiasticis stare videntur: nam et recte prædicant, et eleemosynas faciunt, et orationibus et jejuniis insistant. Hæc enim sunt illæ aquæ, sine quibus anima neque virescit, neque crescit. Cognoscitur autem hypocrita, quia, cum adhuc sit in flore, et pro pulchritudine, et religione, quamvis ficta, in honore a multis habeatur (hoc est enim in flore esse) ante omnes herbas arescit, etiamsi manu non carpatur, id est citissime a bono opere cessat, etiam si nulla adversitate feriat. Quia enim ad ostentationem omnia facit, ut videatur, et laudetur, et honoretur, illico arescit. « Omnia enim, dicit Dominus, opera sua faciunt, ut videantur ab hominibus (Matth. xxiii, 5). » — « Non placebit vecordia sua, et sicut » tela araneorum fiducia ejus. » Nam quia receperunt mercedem suam, cum ad iudicium venerint, sibi quoque stulte laborasse displicebit, omnisque fiducia, quam habere videbantur, vana et inutilis erit; de quibus adhuc subditur:

« Innitetur super domum suam, et non stabit, » fulciet eam, et non consurgit. » Multis enim argumentis domum suam, id est corpus et animam suam hypocritæ tunc defendere et fulcire nitentur; sed quia Deum nihil latet, non stabit. Non stabit quidem, quia in tenebras præcipitata ruet. « Et » non consurgit, » quia sursum inter sanctos non elevabitur. Fulciet autem, quando dicent: « Domine,

nonne in nomine tuo prophetavimus? (*Math. vii, 22.*) Et similia, Sequitur :

« Humectus videtur, antequam veniat sol, et in ortu suo germen ejus egreditur. Multi enim suam hypocrisim in tantum occultant, ut semper humecti et Spiritus sancti gratia perfusi credantur, quos tamen siccus fuisse, sol justitiæ revelabit. Egredietur autem germen ejus in ortu suo, quia sui laboris fructum recipere incipit, ab initio simulationis suæ, nullam enim aliam mercedem recipiet. Super acervum petrarum radices ejus densabuntur, et infer lapides commorabitur. » Per petras et lapides, sanctos intelligimus, de quibus celestis Jerusalem muri edificantur. Inter hos commorantur hypocritæ et radices densant, quoniam cunctis viribus his adherere conantur; quatenus sanctorum societate laudabiliores appareant; si enim se ab eis dividerent, mox eorum hypocrisis manifesta fieret. Sequitur :

« Si absorberit eum de loco suo, negabit eum, et dicit: Non novi te. » Hoc enim in judicio fiet, quando de loco suo, id est de hoc mundo hypocrisis absorptus et sublatus negabit Dominus, dicens: « Ite, operarii iniquitatis: amen dico vobis, nescio vos (*Luc. xiii, 27.*) » Quare hoc? Sequitur: « Hæc enim est lætitia viæ ejus, ut rursum de terra alii germineantur. » Mali enim semper desiderant, ut eorum numerus crescat. Merito igitur damnantur, qui aliorum damnationem concupiscunt. Hæc de hypocrita, qui per juncum figuratur; nunc vero ad simplicem convertitur, dicens :

« Deus non projiciet simplicem, nec porriget manum malignis, donec impleatur risu os tuum, et labia tua júbilo. » Sicut enim omnis hypocrita simulator, ita omnis simplex sine simulatione. Hunc autem Deus suscipit; illi autem nunquam misericordiae manum porrigit. Risus autem et júbilo, gaudium designant: his ergo sanctorum os et labia implebuntur, quoniam æterna lætitia et gaudio perfuerunt. « Qui oderunt te, induentur confusione, et tabernaculum impiorum non subsistet. » Quoniam hæc, in qua nunc habitant, carne, iterum induti, nunquam confusione, angustiis et tribulatione carebunt.

CAPUT IX.

« Et respondens Job, ait: Vere scio quod ita sit, et non justificetur homo comparatus Deo. » Vere, inquit, narras, et Deo comparari nemo potest; qui ut dixisti, neque judicium supplantat, neque subvertit, quod justum est. « Si voluerit contendere cum eo, non poterit respondere unum pro mille. » Cum Deo namque contendit, qui ejus judicia reprehendit. Sed non potest respondere unum pro mille, quia in ipso suæ locutionis principio, divinæ sapientiæ perfectione convincitur. « Magnus enim est Dominus, et magna virtus ejus, et sapientiæ ejus non est numerus (*Psal. cxlvi, 5.*) » unde et subditur: « Sapiens corde

est, et fortis robore (*335.*) » Vincit igitur ut sapiens, pugnat ut fortis; ideoque subditur: « Quis restitit ei, et pacem habuit? » De illa autem pace, loquitur, quæ exsuperat omnem sensum, quam qui non habet, revera punitur; siquidem a diabolo possidetur; unde et subditur: « Qui transtulit montes, et nescierunt hi, quos subvertit in furore suo. » Montes apostoli sunt, hos autem Dominus a Judæis ad gentes transtulit, quoniam Judæi Domino restiterunt. Subvertit eos in furore suo, et nescierunt, quoniam occulto Dei judicio ipsam suam damnationem et Dei super se indignationem non intelligunt; si enim intellexissent, jam olim ad Ecclesiam confugissent. Sequitur :

« Qui commovet terram de loco suo, et columnæ ejus concutuntur. » Commovit enim Dominus terram de loco suo, quia Judæorum populum ab hæreditate separavit: ejus columnæ concussæ sunt, quia Scribæ, Pharisei et cæteri majores, qui quasi columnæ inter eos erant, simul cum aliis ducti sunt in captivitatem. « Qui præcipit soli, et non oritur, et et stellas claudit, quasi sub signaculo. » Sol in hoc loco Evangelium significat, ejus illustratione totus mundus illuminatur. Stellæ autem doctores sunt, de quibus scriptum est :

« Et qui ad justitiam erudiant multos, quasi stellæ erunt in perpetuas æternitates (*Dan. xii, 3.*) » Hic autem sol, jubente Deo, modo non oritur. Quia neque Judæis, neque paganis Evangelium modo nuntiatur. Stellæ quoque quasi sub signaculo clausæ sunt, quia sancti prædicatores nunc inter infideles non apparent, inter quos tamen juxta sæculi finem clarissime lucebunt. « Qui extendit cœlos suos, et graditur super undas maris. » Cœlos enim Deus extendit, quando suis discipulis ait: « Ite in universum mundum, prædicate Evangelium omni creaturæ. » Graditur autem super fluctus maris, quia mundi hujus procellas, quando vult, conquiescere facit.

« Qui facit Arcturum, et Oriona, et Hyadas, interiora Austri. » Singulis singula opposuit, id est contra Arcturum, Oriona, et Hyadas, et interiora Austri. Per Arcturum, qui in cœli sublimitate consistit, apostolos qui utique in Ecclesia sublimiores sunt; per Orionem vero, qui gladio accinctus apparet, tyrannos intelligimus: at vero per Hyadas, quæ suo ortu pluvias concitant, cæteros Ecclesiæ doctores, qui verbi Dei pluvias spargunt et arenâ corda infundunt. Per Austri vero interiora, hæreticos designamus; inde Eliphaz Themanites dicitur; inde superius legitur: « Considerate semitas Theman. » Theman enim Auster interpretatur. Idem igitur, qui fecit Arcturum, fecit Oriona, quia qui fecit apostolos, fecit et tyrannos; et qui fecit doctores, fecit hæreticos. Unus est enim Creator omnium, « qui magna fecit, et incomprehensibilia, et mirabilia quorum non est numerus. » Quia cuncta nume-

(335) Hæc omnia paucis complexus est D. Petrus dicens: *Humiliamini sub potenti manu Dei (1 Epist. iii, 6).*

rare non potuit, incomprehensibilia et innumerabilia esse dixit. Sequitur :

« Si venerit ad me, non videbo, si abierit non intelligam eum. » Deus enim secundum humanam opinionem, quando nobis prospera tribuit, ad nos venire, quando vero adversa, a nobis abire videtur (336). Sed ideo neque venientem, neque abeuntem videmus, quia quare prospera, et quare adversa tribuat, non intelligimus; quoniam et bonis, et malis hæc utraq; in hac vita largitur. Quis enim intelligat, quare affligantur boni, et prosperentur mali? Sequitur :

« Si repente interroget, quis respondebit ei? Vel quis dicere potest, cur ita facis? » Cum enim Deus repente flagellare hominem incipit, tunc eum quodammodo interrogat; quia quare flagelletur, eum cogitare compellit (337). Homo tamen Deo non respondet, quia cur hoc fiat, rationem reddere nescit. Dei namque flagella aliquando puniunt, aliquando corrigunt, aliquando merita augent, aliquando peccata solvunt, aliquando bonis exempla patientiæ tribuunt, aliquando malis terrorem incutunt. Sed quis potest Deo dicere, cur ita facis, cum nihil unquam sine ratione et iustitia faciat? « Deus » cuius iræ nemo resistere potest. » Dei iræ poenitendo, indulgentiam et misericordiam querendo resistere homo potest, superbiendo non potest; ideoque angeli in cælis, et sancti ei subijciuntur in terris; unde et subditur : « Sub quo curvantur, qui portant orbem. » Illi enim orbem portare dicuntur, qui mundum regendo et consulendo sustinent, sive carnaliter hoc sive spiritualiter agant. Et isti quidem sub eo curvantur, quoniam sponte et non sponte sub eo humiliantur. « Quantus ergo sum ego, qui respondeam ei, et loquar verbis meis cum eo? » ac si dicat : Quomodo ego contra eum superbiens, vel cogitatione murmurabo, cui se et ecclesia et terrestria humiliant et inclinant? « Qui etiam si habuero quidpiam justum, non respondebo, sed meum iudicem deprecabor. » Deprecandus enim solummodo est, qui neque viribus, neque ratione vinci potest. « Ut cum invocantem exaudierit me, non credo, quod audierit vocem meam. » Deus enim, per bonitatem suam, solem oriri facit super bonos et malos, et pluit super justos et injustos, non tamen eum invocantes exaudiendo, sed secundum dispositionem suam mundum regendo (338). Quamvis igitur aliquando **240** fiat, quod oramus, non tamen id semper orationibus impetramus, quoniam et si oratio non præcederet, id tamen nihilo-

minus fieret. Dabitur ergo potest, cum exaudimur, an orationem nostram Deus audierit : « In turbine enim conteret me, et multiplicabit vulnera mea, et etiam sine causa. » Quia enim quare conteratur, ignorat, ideo in turbine et caligine se flagellari dicit. Quod autem ejus vulnera sine causa multiplicentur, ipse Dominus ostendit, dicens :

« Tu autem commovisti me adversus eum, ut affigerem eum frustra. Non concedet requiescere spiritum, et implebit me amaritudinibus. » Hæc omnia, quamvis cur fiant non intelligam, non tamen resisto, non reprehendo, non me defendo, neque contradico. Quare hoc? vis audire quare? « Si fortitudo queritur robustissimus est, si æquitas iudicii, nemo audeat pro me testimonium dicere, si iustificare me voluero, os meum condemnabit me, si innocentem ostendero, pravum comprobabit. » Qui ergo nihil habet, quo causam suam defendere possit, non commoneat iudicem, sed deprecetur. Sed quomodo se Job defendere possit, ad cuius condemnationem solum peccatum originale sufficiebat? Sequitur :

« Etiam si simplex fuero, hoc ipsum ignorabit anima mea, et tædebit me vitæ meæ. » Quem enim vitæ suæ non tædet, cum homo tanta ignorantia sit involutus, ut seipsum etiam non cognoscat? Denique qua temeritate ante iudicem cuncta scientem ad se defendendum ire præsumat qui de seipso, qualis sit non intelligit? Quis enim defendat, quod nescit? Nemo enim tam simplex est, ut vel ignoranter aliquando contra veritatem non agat. Sequitur :

« Unum est, quod locutus sum; et innocentem, et impium ipse consumit. » Hoc non loquendo, sed cogitando locutus est. Deus autem utrumque, sed non uno modo consumit. Alterum enim consumit, ut melior fiat; alterum vero, ut semper consumatur, et in pœnis sit.

« Si flagellat, occidat semel, et non de pœnis innocentium rideat. » Quia, inquit, etiam innocentem ipse consumit, et flagellat, nunc innocentes flagellare desistat, et unum innocentem, qui non moritur nisi semel, semel occidat. Hoc enim dicebat, quia nisi Christi passione mundum a tormentis liberari non posse sciebat. Quasi vero de pœnis innocentium Deus ridebat, quando in tormentis relinquens eos eripere non curabat. Quia vero de Christi passione loqui cœperat, subinferens, ait.

« Terra data est in manu impii, vultum iudicum ejus operuit. » Terra enim in manu impii data est, quia Christi caro Judeis in potestate tradita

(336) « In Scripturis Deus venire ad hominem dicitur, quando ei sua beneficia largitur, sive intellectum ejus illuminando, sive affectum inflammando, sive qualitercumque ei beneficiando. » D. Thom. in hunc locum.

(337) « Interrogat autem Deus hominem, quando eum ad considerandum suam conscientiam reducit, vel interius inspirando, vel exterius provocando beneficiis, aut flagellis; secundum illud » Psal. x.

Dominus interrogat justum, et impium, etc. Idem D. Thom.

(338) Docet S. Thomas in hunc locum, Deum aliquando hominem exaudire non ad votum, sed ad profectum; quippe eo in tribulationibus constituto, tribulationes non subtrahit, quamvis deprecanti, quia scit eas expedire ad finalem ejus salutem.

est. Vultum autem iudicum ejus impietas et malitia operuit; quia sicut scriptum est: « Excecavit eos malitia eorum (Sap. 11, 21). » Iudices autem, Scribæ et Pharisei, et ipsi principes sacerdotum fuerunt. « Quod si non ille est, quis ergo est? » Si, inquit, ille populus, qui Dominum suum interfecit, impius non est, quis alius impius est?

« Dies mei velociores fuerunt cursore, fugerunt, non viderunt bonum. » Hoc est quod in Evangelio Dominus ait: « Multi prophetae et reges voluerunt videre, quæ vos videtis, et non viderunt (Luc. x, 24). » Conqueritur enim B. Job quod dies ejus tam cito transierunt, et Christum in carne videre non meruit; ideoque subdidit: « Fugerunt, et non viderunt bonum. » Vere utique bonum, et sine quo nihil est bonum. Beati igitur apostoli qui eum viderunt, cujus desiderio iste videre optabat, qui in tormentis positus, hoc excepto, solam mortem desiderabat.

« Pertransierunt quasi naves poma portantes, et sicut aquila volans ad escam. » Pertransierunt, inquit, dies mei, sed non otiose et non inutiliter; imo quasi naves poma portantes, bonum utique odorem reddentes, multosque suavi et delectabili cibo reficientes. Non solum enim illi qui tunc erant, verum etiam nos ejus pomis, ejusque sententiarum dulcedine reficimur. Aquila autem, quamvis naturaliter agilis sit, escæ tamen cupiditate velocius volat, in quo dies suos quam celeriter transisse insinuat; quamvis per hoc eum non in vacuum volasse (siquidem post volatum, beatitudinis escam invenit) intelligere possumus. Sequitur:

« Cum dixerò: Nequaquam ita loquar: commuto faciem meam, et dolore torqueor. » Si, inquit, ut modo feci, præteritam vitam meam aliquando commendo, statim ad me reversus, in corde meo dico. Non ita loquar. Cum autem hoc dixerò, illico commuto faciem meam, et mutando dolore torqueor, quoniam sicut hilaris esse videbar, in præteritorum meorum actuum commemoratione; ita mutato vultu dolore torqueor, in futurorum tormentorum recordatione. Melius enim est futura, quam præterita in mente habere, nisi forte peccatorum suorum homo recordetur; bonorum enim actuum recordatio, quid aliud est quam mentis elatio? Hanc autem elationem comprimens, ait:

« Verebar omnia opera mea, sciens quod non parceres delinquenti. » Ac si dicat: Cur mens mea de præteritis bene actis se extollat, cum ego a peccatis cessaverim, quia magistri, qui delinquenti non parciunt, flagella metuebam (339)? Hoc autem non **241** tantum in sua, quantum in aliorum persona dicit, qui sæpe in suis actionibus gloriantur. Et quasi ad hæc amici ejus responderent, dicentes: Si ergo

A Deus non parciat delinquenti, cum et tibi modo non parcat, te deliquisse non dubium est; ad quod ipse:

« Si autem et sic impius sum (ut isti, subauditur, me esse arbitrantur) quare frustra laboravi? » Frustra enim laborasse, si talis esset, qualem isti eum esse dicebant. Quod autem ait: sciens, « quod non parceres delinquenti », de eo intelligatur qui in peccatis perseverat, quoniam delinquens, præsens tempus significat.

« Si lotus fuero quasi aquis nivis, et fulserint velut mundissimæ manus meæ, tamen sordibus intinges me, et abominabuntur me vestimenta mea. » Ac si dicat: Neque impius quidem sum, neque me non peccasse defendo; quoniam nemo tam lotus et mundus est, in quo Dei majestatis oculi maculam non inveniunt. Niveis enim aquis lavari, est, ad nivis similitudinem candidum esse. Manus vero opera designant, quoniam manibus opera fiunt. Sordibus autem Deus hominem quodammodo intingit, dum sordibus intinctum esse ostendit. Quid vero vestimenta, nisi corpus quo anima vestitur, significant? Hoc autem vestimentum, quia facile corrumpitur, hominem abominatur, id est abominabilem hominem facit.

« Neque enim viro, qui similis est mei, respondebo: nec qui mecum in iudicio ex æquo possit audiri. » Quantumlibet, inquit, lotus fuero, me tamen ante iudicem non defendam, quia neque mei similis est, ut aliquid ignoret, et melius quam ego me ipse cognoscit. Hoc est enim quod superius ait: C « Etiam si simplex fuero, hoc ipsum ignorabit anima mea. » Denique, et si cum illo, quod absit! contendere voluero, non erit qui me et illum ex æquo audire valeat; ego enim multos, ipse vero nullum habet æqualem, vel superiorem; unde et subditur:

« Non est qui utrumque valent arguere, et ponere manum suam in ambobus. » Omnis enim iudex talis esse debet, qui utrumque litigantem, ubi opportunum fuerit, arguere possit, et in ambobus manum ponens, rationabiliter eos et interrogare, et respondere compellat. Sequitur:

« Auferat a me virgam suam, et pavor ejus non me terreat. » Ideo, inquit, ei non respondeo, quia ipsius virgam correctionis, et nunc in carne sentio, et postmodum deteriora minantem considero. Interim eam igitur auferat, et pavor ejus non me terreat. Sæpe enim sensus timore minuitur, quod quidem in pueris fieri videmus, qui cum sibi imminentem virgam aspiciant, ipsum quoque quod sciebant, timore amittunt; unde subditur:

« Loquar, et non timebo eum, neque enim metuens possum respondere. » Hæc enim beatus Job dicit, quia pura conscientia defensus, nihil sibi conscius erat. Sed iterum se non sine causa flagel-

(339) A peccatis multiplicandis abstinere peccatores, et de præteritis penitentiam agerent, si hæc recogitarent, quibus consons sunt quæ habentur Eccli. cap. v, 6. Et ne dicas; Miseratio Domini

magna est, multitudinis peccatorum meorum miserebitur. Misericordia enim, et ira ab illo cito proximant, et in peccatores respicit ira illius.

lari intelligens, quamvis in quo peccasset, ignoraret. A
se tamen peccasse metuebat; et hanc quidem igno-
rantiam deplorat, dicens :

CAPUT X.

« Tædet animam meam vitæ meæ. » Hoc autem
superius exposuimus, cum diceret : « Etiam si sim-
plex fuero, hoc ipsum ignorabit anima mea, et
« ideo tædebit me vitæ meæ. » Quia igitur me-
ipsum non cognosco, non ulterius dicam : Loquar, et
non timebo, neque contra meum iudicem loquar,
sed e contra : « Dimittam adversum me eloquium
« meum. » Ille enim contra se suum eloquium di-
mittit, qui seipsum redarguere incipit, secundum il-
lud : « Justus in principio est accusator sui (*Prov.*
xvii, 17). » — « Loquar in amaritudine animæ meæ. »
In amaritudine animæ loquitur, qui peccata sua cum
dolore et fletu et vera poenitudine constituitur. « Di-
« cam Deo noli me condemnare. » Hoc enim om-
nis homo debet orare, dicens Deo : « Noli me con-
« demnare. Indica mihi cur me ita iudices? » Cur
enim beatus Job quare affligeretur tantopere scire
optabat, nisi ut cognita culpa, si qua tamen esset, et
magis affligi concupisceret, et majori se poenitentiae
subjiceret? « Nunquid bonum tibi videtur, si calum-
« nias me, et opprimas me, opus manuum tuarum,
« et consilium impiorum adjuves? » Placet, inquit,
tibi, ut me opprimas, et per calumniam affligas?
Hoc enim impii volunt, hoc maligni spiritus deside-
rant, hoc est illorum consilium, qui homo pereat, et
opus manuum tuarum vanum et inutile appareat. C
« Nunquid oculi carnei tibi sunt, aut sicut videt
« homo, et tu videbis? » Tu, inquit, simul præsen-
tia, futura et præterita vides, tu qualis sim, qualis
fuerim, et qualis futurus sim, non ignoras; quoniam
neque carnei oculi tibi sunt, qui vix ante se posita
conspiciunt; neque sicut videt homo, ita et tu vide-
bis; homo enim videt in facie, tu autem corda con-
sideras; unde adhuc subditur :

« Nunquid sicut dies hominis dies tui, et anni tui,
« sicut humana sunt tempora? » Te enim nihil la-
tere potest, quoniam semper fuisti, et es, et eris, et
anni tui nunquam deficient. Cur ergo peccata mea
examinando scruteris, quæ, si quæ sunt, tu optime
nosti? Et hoc est quod dicit : « Ut quæras iniqui-
« tatem meam, et peccatum meum scruteris, et
« scias quia nihil impium fecerim; eum sit nemo,
« qui de manu tua possit eruere. » Quia, inquit, im-
pium nihil feci, tu me misericorditer dimitte, quo-
niam aliter de manu tua liberari, et erui non pos-
sum.

« Manus tuæ fecerunt me, et plasmaverunt me
« totum in circuitu, et sic repente **242** præcipitas
« me? » Ac si dicat : Quare tam vilem et despectibilem
deputas, quem in tanta dignitate tuis manibus con-
didisti? Memento, quæso, quod sicut lutum feceris
« me, et in pulverem reduces me. » De terra, in-

(340) S. David etiam hæc considerans, ait : *Mi-
serius est Dominus timentibus se: quoniam ipse*

A quit, factus, in terram subito rediturus, fragilis
de fragili materia factus, si peccavi, indulgentiam
consequi debeo (340). Et ita quidem in primo ho-
mine creati sumus, quomodo autem quotidie ab ipso
cæteri oriantur, audiamus. Sequitur :

« Nonne sicut lac mulsisti me, et sicut caseum
« me coagulasti? Pelle et carnibus vestisti me, os-
« sibus et nervis compegisti me, vitam et misericor-
« diam tribuisti mihi, et visitatio tua custodivit spi-
« ritum meum. » Vide ergo quam ordinata humanæ
creationis descriptio. Considera etiam a quanta mi-
seria homo inceperit, et cognosce fragilitatem tuam,
et noli superbire pulvis et cinis. Qui vero vitam et
misericordiam homini tribuit, ipse ejus spiritum
visitat et custodit. « Nisi enim Dominus custodierit
B civitatem; in vanum vigilant, qui custodiunt eam
(*Psal. cxxvi, 2*). »

« Licet hæc celes in corde tuo, tamen scio quia
« universorum memineris. » Licet, inquit, me hæc
celes, et tuam voluntatem plene non intelligam,
scio tamen quia universorum memineris, et quia
« visitatio tua custodivit spiritum meum; » quem
nisi tu quoque custodisses, huic tantæ tentationi
resistere non potuisset.

« Si peccavi, et ad horam pepercisti mihi, cur
« ab iniquitate mea mundum me esse non pa-
« teris? »

Valde enim beatus Job de peccato suo sollicitus
erat, ideoque toties illud commemorat : si, inquit,
peccavi, quin peccavi; tunc me punire debuisses;
sed quia hoc non fecisti, et ad horam mihi peper-
cisti, utrum peccaverim et quid peccaverim incertus
sum. Cur ergo ab iniquitate mea mundum me esse
non pateris? Si enim scieret peccassem et poeni-
tentiam non egissem, merito immundus et iniquus
reputarer; nunc autem si peccavi, et, te parcente,
non intellexi cur me iniquum esse dijudicas? Uti-
nam non pepercisset, ut statim ipsa correptione
peccatum meum intellexissem. Quid ergo fa-
ciam?

« Si impius fuero, vix mihi, et si justus, non
« levabo caput, saturatus afflictione et miseria. » Vir
enim sanctus in flagellis positus, quia se peccasse
metuebat, tantam in mente sua afflictionem et mi-
seriam patiebatur, ut caput elevare timeret. Quid
est enim elevatio capitis, nisi exhilaratio mentis? D

« Et propter superbiam quasi læenam capies me,
« reversusque mirabiliter me crucias. » Si, inquit,
impius fuero, quod absit! vix mihi est, et si superbus
propter superbiam, quasi læenam capies me. Læena
enim cadens in foveam capitur; impius autem et
superbus in foveam cadet; capietur igitur quasi
læena : de hac enim fovea scriptum est : « Lacum
aperuit, et effodit eum, et incidit in foveam quam
fecit (*Psal. vii, 16*). » Revertetur autem Domi-
nus, quia qui prius iudicandus venerat, secundo
iudicaturus adveniet, et tunc quidem mirabiliter im-
cognovit figmentum nostrum. Recordatus est quoniam
pulvis sumus (*Psal. cii, 14*). »

plos et superbos cruciabit; tunc enim fiet, quod A
sequitur:

« Instauras testes tuos contra me, et multiplicas
« iram tuam adversum me, et pœnæ militant in
« me. » Si impius (subauditur) et superbus fuero,
Dei namque testes, angeli et apostoli sunt, quorum
testimonio damnabuntur iniqui. Et tunc quidem ira
Dei multiplicabitur, et pœnæ contra impios milita-
bunt, dicente Domino: « Ite, maledicti, in ignem æ-
ternum, qui paratus est diabolo, et angelis ejus
(*Math. xxv, 41*). » Hæc autem vir sanctus conside-
rans, sciens omne hoc malum propter peccatum
primi hominis accidisse, illius transgressionem de-
plorans, ait:

« Quare de vulva eduxisti me? Qui utinam con-
« sumptus essem, ne oculus me videret, fuisset
« quasi non essem, de utero translatus ad tumu-
« lum. » Quoniam latius hæc superius exposita sunt,
nunc iterum sub brevitate dicamus. Diximus enim:
Per vulvam, diaboli suggestionem primam, per
consumptionem vero et mortem separationem a pec-
cato significari. Dicatur ergo: « Quare de vulva
« eduxisti me? » Id est, quare me diabolicæ sugge-
stioni assensum præbere permisisti? « Qui utinam
« consumptus essem; » id est, statim, ut audivi, ab ea
« recessissem ne oculus me videret, » id est, ne me
nudum esse cognoscerem. Prius enim quam peccasset,
quasi a nemine videretur, suam auditatem homo non
erubescere; tunc igitur eum prius oculus vidit, quan-
do se videri erubuit. « Fuissem quasi non essem; »
id est, si per suggestionis vulvam audiendo transiens
non consensissem, fuisset, ac si tentatus non essem,
quoniam talis tentatio pro nihilo duceretur. De utero
vero transfertur ad tumulum, qui statim de tenta-
tionis utero prodians, quasi jam sepultus, et tumula-
tis ejus ulterius non recordatur. Sicut econtra ille
in peccato vivit, qui a peccato non recedit. Cui au-
tem hæc videntur obscura, recurat ad superiora.
Sequitur:

« Nunquid non paucitas dierum meorum finietur
« brevi? Dimitte ergo me, ut plangam paululum
« dolorem meum. » Cum enim beatus Job se toto
corpore contritum et flagellatum videret; cum-
que naturalem spiritum penitus in se diminu-
tum esse sentiret, quæ utique mortis signa sunt, D
quid aliud nisi mortem expectare poterat? Ideo-
que 243 dicit: « Dimitte. » Non est autem con-
trarium, quod aliquando Deum rogat, ut eum affli-
gens dolore non parcat, aliquando vero, ut ei parcat.
Vult etiam, ut sibi parcat, quatenus remotis flagellis,
et culpis dimissis, nihil in se remansisse intelligat,
quod puniatur. Qui enim flagellis non eget, cur fla-
gellari desiderat? Sed quia hic ait, « ut plangam
« paululum dolorem meum, » cur se dimitti exoret
satis manifestat. Neque enim potest mens orationi
et contemplationi vacare, quando corpus immensis
doloribus fatigatur. Sequitur:

« Antequam vadam, et non revertar, ad terram
« tenebrosam, et opertam mortis caligine, terram

« miseriam et tenebrarum, ubi umbra mortis, et
« nullus ordo, sed sempiternus horror inhabitat. »
Postquam enim homo in infernum descendit, jam
peccata sua flere non valet. Neque vero huc reverti
licet, ut iterum poenitentiam agat. Ibi autem non
est nisi tenebræ et caligo, nisi miseria et umbra
mortis, nisi horror et timor sempiternus. Quod au-
tem nullum ordinem ibi esse dicit, tale est, ac si
diceret: Nihil ibi est quod vel visu, vel auditu sit
delectabile; siquidem ea magis delectant, quæ ra-
tione et ordine sunt.

CAPUT XI

« Respondens autem Sophar Naamathites, dixit:
« Nunquid qui multa loquitur, nonne et audiet?
« Aut vir verbosus justificabitur? » Ab increpatione
B incipit; et quasi qui non ratione, sed verbositate
se defenderet, virum sanctum in principio suæ lo-
cutionis redarguit; unde adhuc dicit: « Tibi soli
« tacebunt homines, et cum cæteros irriseris, a
« nullo confutaberis? » Stulti enim videri se putant
quando resistere sapientibus nesciunt, et quod ra-
tionis non possunt, vel injuriis vel mendacio facere
conantur; unde et subditur: « Dixisti enim: purus
« est sermo meus, et mundus sum in conspectu
« tuo. » Hoc Job non dixit, quamvis si dixisset, ve-
rum quidem dixisset. Sequitur:

« Atque utinam Deus loqueretur tecum, et ape-
« rirer labia sua tibi; ut ostenderet tibi secreta
« sapientiæ, et quod multiplex esset lex ejus, et
« intelligeres quod multo majora exigaris ab eo
« quam meretur iniquitas tua. » Ac si dicat: Quia
nobis credere non vis, utinam ipse Deus per se tibi
loqueretur, et sapientiam suam, quæ tibi occulta est,
tibi ostenderet, et vel sic a stultitia tua cessares.
Legem autem Dei multiplicem dicit, ut eam ad in-
telligendum difficilem esse demonstret. Et tale est
ac si diceret: Tu quia legem pro sua difficultate
non intelligis, magna te tormenta sustinere arbitra-
ris, cum multa majora sustinere debuisses. Ei enim,
qui legem non intelligit, quælibet res injusta esse
videtur.

« Forsitan vestigia Dei comprehendes, et usque
« ad perfectum omnipotentem reperies? » Hæc ir-
ridendo dicit. Vestigia namque Dei comprehendere,
D est ipsius voluntatis viam plenissime scire. Hoc est
enim quod exponens ait: « Et usque ad perfectum
« omnipotentem reperies. » Quis enim Dei voluntates
et consilia ad perfectum et plenissime sciat, cum
vicissim inter nos nostras voluntates non agnoscu-
mus?

« Excelsior cælo est, et quid facies? profundior
« inferno, et unde cognosces? Longior terra mensura
« ejus, et latior mari. » Hæc est igitur causa cur
Deus ad perfectum comprehendere nequeat. Immensus
enim est, et cum ubique sit, et diffusus per omnia,
ipse tamen in se omnia continet. Est autem excel-
sior cælo, quia cunctis angelis major, profundior
inferno, quia quos de cælis, ut excelsior eiecit, nus-
quam se ab ejus oculis abscondere queunt.

« Si subverterit omnia, vel in unum coarctave-
rit, quis contradicet ei? » Sicut, inquit, quando
omnia fecit nullum habuit adjutorem, ita si ei cun-
cta delere placuerit, nullum habebit contradicentem.
Hoc autem propter Job dicit, qui suam defensio-
nem limitatem, Deo contradicere videbatur. « Ipse novit
hominum vanitatem, et videns iniquitatem, nonne
considerat? » Ac si dicat: Cum ipse omnis, in
quibus erramus, cognoscat et sciat, nunquid iniqui-
tatem non considerabit, aut impunitam abire per-
mittet? Quis enim hoc, nisi vanus et stultus credit?
Et hoc est, quod ait: « Vir vanus in superbiam
erigitur, et tanquam pullum onagri se liberum
natum putat. » Hoc verum est, quando in vani-
tate homo persistit, superbiere non cessat, et quasi
animal indomitum nullo freno retinetur, quin omnia
faciat, quæcunque sibi voluntas suggerit, sed quare
hoc dicat, sequentia manifestant.

« Tu autem confirmasti cor tuum, et expandisti
manus tuas. » Cor autem confirmare, est in eo-
dem proposito permanere. Et hoc ideo dicere vi-
detur, quia eorum verbis mutari non poterat. Quod
autem ait: « Et expandisti ad Deum manus tuas; »
hoc est intelligere, nisi cor humiliaveris, frustra ad
Deum in oratione manus expandis. Hinc autem quasi
ejus insipientiæ compatiens, Dei gratiæ recuperandæ
consilium subinfernans, ait: « Si iniquitatem, quæ
est in manu tua abstuleris a te, et non manserit
in tabernaculo tuo injustitia, tunc levare poteris
faciem tuam absque macula, et eris stabilis, et
non timebis. » Bonum est hoc consilium, sed Job,
ut sibi daretur, non indigebat. Non enim, ut Sophar
mentitur, iniquitas erat in manibus, id est in ope-
ribus ejus, neque injustitia manebat in ipsius cor-
poris tabernaculo. Facies autem levatur absque
macula, **245** cum nihil est in conscientia, unde
homo erubescat. Stabilis vero est, et non timet,
cujus mens in dilectione solidatur. Sequitur:

« Miseriæ quoque oblivisceris, et quasi aquarum,
quæ præterierunt, recordaberis, et quasi meri-
dianus fulgor consurgit tibi ad vespem. » Mise-
riæ namque obliviscuntur sancti, dum considerant,
quanta eis beatitudo post has miseras sit præparata,
et si quando earum recordantur, quoniam jam non
miserias, sed solam beatitudinem expectant. Ful-
gor autem meridianus eis ad vespem consurgit,
quia hujus vitæ die finito, dum sancti ad vespem
et mortem venire putantur, tunc oritur eis sol justi-
tiæ, et tunc fulgent sicut sol in regno Dei; unde et
subditur: « Et cum te consumptum putaveris orie-
ris ut lucifer, et habebis fiduciam, proposita tibi
spe, et defossus securus dormies. Requiesces, et
non erit qui te exterreat, et deprecabuntur faciem
tuam plurimi. » Sancti enim tunc oriuntur, quando
carnem deponentes moriuntur, quia tunc primum
immortalem vitam suscipiunt. Sed quomodo oriun-
tur? Ut lucifer, id est clari et immortales. Tunc

A habent fiduciam, proposita spe, quia indubitanter
ea quæ speraverant consequuntur. Et usque ad
illud tempus defessi et mundi laboribus fatigati
jam inde securi dormiunt, et in æterna pace quie-
scunt. Plurimi autem eorum faciem deprecabuntur,
quia tales fieri desiderant, sicut de Ecclesia dicitur:
« Vultum tuum deprecabuntur omnes divites plebis
(Psalm. xlv, 13); » sive quia illuc venire concu-
piscunt, ubi eos videant, et eis associantur. Se-
quitur: « Oculi autem impiorum deficient, et ef-
fugium peribit ab eis, et spes eorum abominatio
animæ. » Tunc enim impiorum oculi deficient,
quia dicitur eis: Tollantur impii, ne videant glori-
am Dei; sive etiam, quia misericordiam, quam
expectabant, non inveniunt; unde et subditur. « Ef-
fugium peribit ab eis, et spes eorum abominatio
animæ, id est abominatio vitæ. Vellent enim
impii mori, sed non poterunt (341).

CAPUT XII.

« Respondens autem Job dixit: Ergo vos estis
soli homines, et vobiscum morietur sapientia?
Et mihi est cor, sicut et vobis, nec inferior vestri
sum. Quis enim hæc quæ nostis, ignorat? » Hoc
est enim quod Salomon ait: « Responde stulto
juxta stultitiam suam, ne sibi sapiens esse videatur
(Prov. xxvi, 5). » Ergo vos, inquit, estis soli homi-
nes et rationales; nos autem bruta animalia sumus,
et vobiscum morietur sapientia? Si enim in vobis
solummodo est, vobis morientibus, jam non erit;
sed non est ita. Et mihi est cor et sapientia, sicut
et vobis, nec inferior vestri sum. Nota quod non
superiorem, sed æqualem se esse dicit, quamvis eos
omni virtute superaret. « Quis enim hæc, quæ no-
stis, ignorat? » Vos, inquit, ea extollitis, vobisque
solis revelata esse fingitis, quæ omnibus manifesta
sunt. Hoc enim stultorum est, ut quod sciunt, nul-
lum aliud scire arbitrentur. Sequitur:

« Qui deridetur ab amico suo, sicut ego, invocabit
Dominum, et exaudiet eum. Deridetur enim justus
simplicitas, lampas contempta apud cogitationes
divitum, parata ad tempus statutum. » De hoc
enim in libro Sapientiæ dicitur: « Hi sunt, quos
habuimus aliquando in derisum, et in similitudinem
improperii (Sap. v, 3). » Deridetur enim justus sim-
plicitas, quoniam neque mentiri, neque simulare,
neque decipere novit. Quæ tamen simplicitas lampas
est, lumen est, et fidelium lux est et exemplum.
Modo quidem contempta apud divitum cogitationes,
quæ sola avaritia, deceptione et simulatione plenæ
sunt. Sed parata ad tempus statutum, per quod ju-
dicii diem intelligimus; tunc enim hæc lampas ful-
gebit, tunc ejus gloria apparebit. Sequitur:

« Abundant tabernacula prædonum, et audacter
provocant Deum; cum ipse dederit omnia in ma-
nibus eorum. » Ac si dicat: Si ergo, ut putatis
quia affligor, et mundi divitiis sum expoliatus, ini-
quus et impius sum restat ut prædones et tyranni, qui

his divitibus abundant, justi et sancti sint : abundant enim mundana felicitate tabernacula prædonum, et audacter ad indignationem, et iram provocant Deum; in rapinis videlicet, in furtis, in homicidiis, in perjuriis, aliisque iniquitatibus quas faciunt; hoc enim faciunt contra Deum, quamvis nihil habeant nisi a Deo. Hoc autem si non intelligitur, ipsa vos in mente docebunt; et hoc est, quod ait :

« Nimirum interroga jumenta, et docebunt te, et volatilia cœli, et indicabunt tibi : loquere terræ, et respondebit tibi, et narrabunt pisces maris. » Quis ignorat quod omnia hæc manus Domini fecerit? In cuius manu anima omnis viventis, et spiritus universæ carnis hominis. Si, inquit, nescitis, quia abundant tabernacula prædonum, jumenta, id est homines stulti, solisque voluptatibus dediti, et volatilia cœli, id est sapientes, qui alijs virtutum altius volant; et ipsa terra, id est mundi amatores; et pisces maris, id est curiosi, vagi et instabiles vos docebunt. Et hic quidem omnibus fides est adhibenda, bona enim sunt. Unde hoc? Quia a Deo creata sunt. Et hoc est quod ait : « Quis ignorat, quod omnia hæc manus Domini fecerit? » Est autem anima omnis viventis in manu Domini; quia omni creature, et vivendi, et moriendi **245** terminum posuit. Unde Dominus in Evangelio ait : « Nonne duo passeret assere veneunt, et unus ex illis non cecidit super terram sine Patre vestro? » (Matth. x, 29.) Et non solum aliorum viventium, sed ipse quoque spiritus, qui est in carne hominis, in manu Dei est; quoniam neque spiritum intelligentiæ, vel aliarum gratiarum, sine Dei voluntate vel habere vel retinere potest.

« Nonne auris verba dijudicat, et fauces comedit deus saporem? » Ac si dicat : Quia nec aures audiendi, nec fauces comedendi habetis, ideo verba mea non dijudicantes, cuius saporis et dulcedinis sint, non intelligitis; nec mirum. Non enim antiquam, sed novam sapientiam diligitis; hoc est enim quod ait :

« In antiquis est sapientia, et in multo tempore prudentia. » Per hos enim Deum ipsum et angelos ejus intelligere possumus. Omnis enim sapientia a Domino Deo est (Eccli. i, 1). Hæreticorum autem sapientia, quia de hoc fonte non fluit, stultitia est. Quod autem de Deo hoc intelligi debeat, sequentia manifestant, « Apud ipsum est fortitudo, et sapientia, ipse habet consilium et intelligentiam. » Cum enim septem sint gratiæ Spiritus sancti, quatuor tantum hic enumeravit, quoniam qui has habet, cæteris carere non potest. Qui enim fortis et patiens est, et consilio et intelligentia plenus, ille procul dubio sine pietate et scientia et Dei timore esse non potest. Sequitur :

« Si destruxerit, nemo est qui ædificet, si incluserit hominem, nullus est qui aperiat. Si contulerit aquas, omnia siccabuntur, et si emisit eas, subvertent terram. » Quare hoc? « Quia apud ipsum est fortitudo et sapientia. » Solus enim

A Deus destruit et ædificat, quia in pectore fidelium eradicando vitia, virtutum semina plantat. Et ipse quidem homines includit et aperit, quia quos prius in inferno clauserat, eosdem liberos abire permisit. Sive etiam, quia iniquos et tyrannos aliquando frenat, aliquando contra sanctos sævire permittit. Qui si divini eloquii aquas continuerit, ne ubique fluant, omnia siccabuntur. Ideo enim et Judæi, et pagani siccii sunt, quoniam his aquis non irrigantur. Et hæc quidem quando emittuntur, terram solvunt, quia terrenos et peccatores separant ab iniquitate. Talis enim subversio utilis est. De hac enim Apostolus ait : « Ut seductores, et veraces (II Cor. vi, 8); » scilicet nimirum, aliosque apostolos, seductores vocans; unde et subditur :

B « Ipse enim novit decipientem, et eum, qui decipitur. » Quoniam ille bene decipit, et iste bene decipitur. Bona enim deceptio est, quæ ab errore revocat hominem ad viam veritatis. Cognoscere autem Dei, diligere est. Hinc autem de Judæis loquitur :

« Adducit consiliarios in stultum finem et iudices in stuporem. » Consiliarii enim isti et iudices Judæi sunt, qui Christi mortem consulentes eum judicare non timerunt, dicentes : « Secundum legem debet mori, quia Filium Dei se fecit (Joan. xix, 7). » Hos autem in stultum finem Deus adduxit, quia et locum et gentem ex eo perdidit, unde se tenere putabant, qui etiam signa et miracula Christi videntes, in stuporem versi dicebant : « Nihil proficimus, jam totus mundus post eum vadit. Si dimittimus eum sic, venient Romani, et tollent nobis locum et gentem. » (Joan. xi, 48). »

« Balteum regum dissolvit, et præcingit fune renes eorum. » Hoc enim ad litteram serpe contingit; ipse enim deponit potentes de sede, et exaltat humiles. Quod quidem de Judæis, qui et divites erant, et de semine regio originem ducebant convenienter intelligi potest.

« Ducit sacerdotes inglorios, et optimates supplantat : commutans labium veracium, et doctrinam senum auferens. » Deus enim Judæorum sacerdotes gloria et honore privavit, et eorum optimates supplantari et superari permisit. Et veracium, id est prophetarum labium ejus commutavit. Et doctrinam senum, eorumdem videlicet prophetarum eis abstulit, quoniam neque in veritate sermonis, neque in doctrina eos imitantur. De quibus adhuc subditur :

D « Effudit despectionem super principes, eos qui oppressi sunt relevans. » Effudit enim Dominus opprobrium et despectionem super Scribas, et Phariseos et principes sacerdotum; apostolos autem, qui multis tribulationibus oppressi fuerant, relevavit, exaltavit et magnificavit.

« Qui revelat profunda de tenebris, et producit in lucem umbram mortis. » Umbra mortis, lex erat, quia ad litteram intellecta, non refrigerium sed mortem dabat. Hanc autem in lucem produxit, ejus-

que profunditatem de ignorantia tenebris revelavit, A quando eam spiritualiter intelligere fecit.

« Qui multiplicat gentes, et perdit eas, et subver-
sas in integrum restituit. » Ipse enim generis pro-
pagatione gentes multiplicavit, dicens : « Crescite
et multiplicamini (Gen. 1, 22). » Et perdidit eas,
quia ad tempus errare permisit, et subversas in in-
tegrum restituit, qui postea ad fidem et justitiam,
revocavit.

« Qui immutat cor principum populi terrae et de-
cipit eos, ut frustra incedant per invium. » Tale
cor et de Pharaone Dominus ait : « Ego indurabo
cor ejus (Exod. 14, 21). » Immutat enim Dominus
principum corda, et quodammodo decipit, quando a
falsitate immutari et decipi permittit. Qui frustra
quidem incedunt per invium, quia ex errore suo
nihil nisi poenam et mortem acquirunt. Hoc autem
non solum de Judæis, sed etiam de hæreticis intel-
ligi potest.

« Palpabant quasi in tenebris, et non in luce, et
errare eos faciet, quasi ebrios. » Qui enim mani-
festæ veritati non credit 246 quasi cæcus in tene-
bris palpans, ad lucem, quæ Christus est, nunquam
venit. Hoc enim Judæi faciebant, qui, signa et mi-
racula cernentes, dicebant : « Si tu es Christus, dic
nobis palam (Joan. 8, 24). » Errabant autem quasi
ebrii, quia nunc eum laudabant, nunc eum iterum
vituperabant.

CAPUT XIII.

« Ecce omnia hæc vidit oculus meus, et audivit
auris mea, et intellexi singula. » In hoc, quod se
futura vidisse, audisse et intellexisse dicit, prophæ-
tiae spiritum se habuisse ostendit. Non enim videre
et audire sufficit, nisi etiam intelligere detur. Ta-
ceant igitur, qui suas visiones non intellexisse la-
trant.

« Secundum scientiam vestram et ego novi, nec
inferior vestri sum. » His verbis ejus simul hu-
militas et scientia commendatur. Humilitas quidem,
quia cum major esset, se tamen illis non prætulit.
Scientia vero, quia nec ipse carnalis intellectus eum
latebat.

« Sed tamen ad omnipotentem loquar, et dispu-
tare cum eo cupio (342), prius vos ostendens fa-
bricatores mendacii et cultores perversorum do-
gmatum. » Ad Omnipotentem loquitur, qui ejus
misericordiam deprecatur. Cum Deo vero disputare
est ejus judicia subtiliter indagare. Merito autem
hæreticos isti designant, qui fabricatores mendacii
et cultores perversorum dogmatum dicuntur. Et
mendacium quidem fabricari dicitur, quia sine labore
et loquacitatis confusione conficitur.

« Atque utinam taceretis, ut putaremini esse sa-

(342) Non inopportuna erit S. Thomæ loci hujus
elucidatio : *Disputare cum Deo cupio*; « Non quidem
ut ejus judicia improbare velim; sed ut errores ve-
stros destruar. Quibus suppositis sequeretur, quod
essem injustus apud Deum; unde subdit : prius
vos offendens fabricatores mendacii, qui hoc men-

pientes. » Stultus enim si taceret, sapiens esse
reputabitur. Hæretici quidem si tacerent, minus qui-
dem nocerent.

« Audite ergo correctiones meas, et judicium la-
biorum meorum attendite. » Quia vestrae, inquit,
correctiones erroneæ sunt, vos correctiones meas au-
dite, quæ a veritate non recedunt, ut vel correctum
judicium suscipiatis. « Nunquid Deus indiget vestro
mendacio, ut pro illo loquamini dolos? » Hoc au-
tem ideo dicit, quia quasi Dei justitiam defendentes
eum superius redarguebant. « Nunquid faciem ejus
accipitis ut pro Deo judicare nitimini? » Dei enim
faciem, id est Dei visum et cognitionem se habere
simulant, qui aliorum occulta judicare præsumunt.
Hoc enim solius Dei est. « Aut placebit ei, quem ce-
lare nemo potest? aut decipietur, ut homo, ve-
stris fraudulentis? Ipse vos arguet, quoniam in
abscondito faciem ejus accipitis. » Ac si dicat :
Cum Deus omnia noverit, cui fraus nunquam placet,
ipse vos arguet. Quare? quoniam in abscondito fa-
ciem ejus accipitis. In abscondito quidem, quoniam
aliter in corde sentitis, aliter voce profertis. Inquan-
tum enim Dei voluntatem homo intelligit, intantum
ejus faciem accipit. Merito igitur redarguuntur, qui
ea etiam quæ bene intelligunt male loquuntur.

« Statim ut se commoverit, turbabit vos, et ter-
ror ejus irruet super vos. » Quamvis enim Deus
immutabilis sit, commoveri tamen et irasci dicitur,
quando in peccatores dignam ultionem exercet. Hoc
autem erit in judicio, quando dignam pro suis factis
sententiam audient. « Memoria vestra comparabitur
cineri, et redigentur in lutum cervices vestrae. »
Quia enim caro hominis pulvis et cinis est, recte
iniquorum memoria cineri comparatur, siquidem
cum carne simul perit et deficit. Non enim scribun-
tur in libro vitæ. In lutum autem eorum cervices re-
diguntur, quia quomocunque superbiant, terra
tamen sunt, et in terram revertuntur. « Taceat pau-
lisper, ut loquar quodcumque mihi mens sugges-
serit. » Ac si dicat : Nolite carnaliter impedire
quæ spiritualiter profero, vos enim lingua, ego
mente loquor. « Quare lacerò carnes meas dentibus
meis, et animam meam porto in manibus meis? »
Carnes enim suas dentibus suis lacerat, qui ea, quæ
carnaliter egit, suis verbis aperte redarguit. Animam
vero suam in manibus portat, qui vitam suam osten-
dere et manifestare non erubescit. Hoc autem viri
sancti aliquando faciunt, ut cæteris bene vivendi,
et sua peccata confitendi exemplum tribuant.

« Etiam si occiderit me in ipso sperabo. » Valde,
inquit, me flagellavit, sed si forte super flagella
mortem quoque addere voluerit, ergo tamen nihilo-
minus in ipso sperabo. Desperavi enim de mundo,

dacium adinvenerant, quod Job iniquam vitam du-
xisset. In hoc autem mendacium devenerant, pro-
pter hoc, quod circa fidem, qua Deus colitur, erra-
bant, credentes, quod in hac vitam tantum fieret
meritorium, et poenarum retributio. »

Nullam spem habeo nisi in Deo; nemo mihi mea flagella impropere obijciat, quia neque mors, neque vita, neque tribulatio aliqua poterit me separare a charitate Dei.

Verumtamen vias meas in conspectu ejus arguam, et ipse erit Salyator meus. Faciat, inquit, quod vult flagellet, quantum vult; verumtamen vias meas arguam, opera mea reprehendam, non me timore excusabo: ipse enim videt omnia, in conspectu ejus sunt omnia, et ipse erit Salyator meus.

Non enim veniet in conspectu ejus omnis hypocrita. Unde manifestum est me hypocritam non esse. Venient enim aliquando, sed modo venire non vult, quia peccata sua confiteri erubescunt. Sive etiam non venient in conspectu ejus, quia illis iratus Dominus oculos suos avertit ab eis. Audite sermonem

247 meum, et ænigmata percipite auribus vestris. In eo quod ænigmata dicit, se figuraliter loqui insinuat, non tamen quod figuraliter omnia accipi debeant. Si fuero judicatus, scio quod justus invenior. Quis est, qui judicat me, veniat, quare tacens consumor? Nihil enim, ut Apostolus ait, sibi conscius erat; unde in sequentibus ait:

In omni vita mea non reprehendit me cor meum. Per quod datur intelligi quia quamvis sine peccato non esset (siquidem ipse aliquando peccatorem se vocat) peccatum tamen non fecit, per quod injustus debeat judicari, ideoque libere judicem querit, et ut veniat, rogat, et quia non venit, tacens, et exspectans, et judicium audire desiderans, dolore consumitur. Hoc autem ideo quia, si judicaretur, peccatum illud, pro quo flagellabatur, ei manifestari necesse est. Nihil enim aliud erat, pro quo judicium timuisset. Unde et sequitur:

Quo tantum ne facias mihi, et tunc a facie tua non abscondar. Manum tuam longe fac a me, et formido tua non me terreat. Hoc autem tale est ac si diceret: Cessent flagella, cesset et formido. Quia enim flagellor, quamvis quid peccaverim ignorem, me tamen multum deliquisse timen, cum te neminem injuste flagellare posse considero. Insuper etiam, quia nondum flagellare cessas, nondum peccatum hoc esse solutum vehementer formido. Si igitur his duobus solutus fuero, tunc a facie tua non abscondar, sed ultro me ante faciem tuam ad judicium presentabor. Vocā me, et ego respondebo tibi, testimonium videlicet reddente mihi conscientia mea. Aut certe ego loquar. Et omnem vitam, et conscientiam meam tibi confitebor. Et tu responde mihi; id est si aliquid confiteri omiserō, vel si quid in me dignum pœna et flagellis inveneris, ostende mihi. Et hoc est, quod ait: Quantas habeo iniquitates et peccata, scelera mea et delicta ostende mihi. Felix conscientia, quæ tam securo judicari postulat; ipsa enim peccati inculcatione, quæ dicit puniendum iniquitate, peccata, scelera et delicta, nihil se puniendum peccasse ostendit, quamvis aliqua differentia in his esse possit. Cur faciem tuam abscondis, et arbitraris me ini-

micum tuum? Contra folium, quod vento rapitur, ostendis potentiam tuam, et stipulam siccam persequeris. Faciem suam illi Deus abscondere dicitur, cui se iratum esse ostendit. Non autem inimicum suum beatus Job Deum arbitrabatur, sed quia eum affligebat, inimicus ejus cum hominibus putabatur. Constat igitur, quia secundum opinionem hominum loquitur. Folio, et stipulæ vir sanctus se comparat, dicens, se Dei indignationi et iræ nullatenus resistere posse. Cui enim Deus irascitur, facile quidem demonum impetu in infernum rapitur, et quasi sicca stipula ibidem comburitur. Scribia enim contra me amaritudines, et consumere me vis peccata adolescentiæ meæ. Quia enim quod scribitur permanet, sua flagella scripta esse dicit, quoniam a se nullo modo recedere sentit. Quia veru, in quibus peccaverit, ignorabat, adolescentiæ peccata posuit quorum usquequaque securus non erat; siquidem illa ætas infirma et inscila facile peccat, in illis tamen peccatis consumi non debet, qui majori succedente ætate, quod ignoranter fecit, scienter emendat. Posuisti in nervo pedem meum, et obscurasti omnes semitas meas, et vestigia pedum meorum considerasti. In via enim sumus, et quanto tempore vivimus quasi solutis pedibus ad vitæ hujus terminum currimus, ad quem postquam venimus, quia ulterius currere non possumus, in nervo quodammodo pedem tenemus. Beatus igitur Job, dum pedem se in nervo tenere asserit, cursum suum jam ad finem venisse arbitratur. Semitas autem nostras et vestigia pedum nostrorum Deus considerat, quia quid agamus, vel quæ exempla cæteris relinquamus, intuetur. Quid enim sunt vestigia pedum, nisi exempla operum? Qui quasi putredo consumendus sum, et quasi vestimentum, quod comeditur a linea. Caro enim hominis in putredinem resoluta, vermes ex se general, a quibus consumitur, sicut ex vestimento linca oritur a qua vestimentum ipsum consumitur.

CAPUT XIV.

Homo natus de muliere, brevi vivens tempore, repletur multis miseriis. Homo enim mollis et fragilis est, quia de muliere natus est. Qui et brevi tempore vivit, et multis miseriis repletur: miser igitur homo. Qui quasi flos egreditur, et conteritur, et fugit velut umbra, et nunquam in eodem statu permanet. In primæva namque ætate, tener, floridus et pulcher apparet; dein vero accessu temporis, jam ægritudine, multisque necessitatibus conteritur. Et fugit velut umbra, quia crescendo et senescendo deficit. Et nunquam in eodem statu permanet; quia nunc infans, nunc puer, nunc adolescens, nunc juvenis, nunc senex, nunc sanus, nunc æger, nunc lætus, nunc tristis, aliisque multis modis mutabilis, nunquam in eodem statu permanet. Et dignum ducis super hujuscemodi aperire oculos tuos, et adducere eum tecum in judicium. Deus super hominem oculos aperit, quia ejus facta et cogitationes subtiliter investigat. Quis potest fa-

« cere mundum de immundo conceptum semine? » A gis justum, ita et per nomen intellige peccatorem. De talibus enim dicitur: « Vos autem sicut homines moriemini (Psal. LXXXI, 7). » Hic ergo homo, postquam moritur, et carne nudatur, et vermibus consumitur, non resurget, neque evigilabit, neque de mortis somno conserget, donec cœlum alteratur, ut fiat cœlum novum et terra nova. Mari autem et fluvii comparatur homo, quia sicut recedentibus aquis, locus maris et fluviorum vacuus remanet, ita anima recedente, siccum et vacuum remanet corpus.

« Quis mihi tribuat, ut in inferno protegas me, et abscondas me, donec pertranseat furor tuus; » id est, donec Christi morte intercedente ira tua mitigetur; et constituas mihi tempus, in quo recorderis mei? » Scio, inquit, quia in infernum descendam; sed quis ibi, nisi tu, a tormentorum pœnis me proteget et liberabit? Tempus autem eis ad misericordiam constitutum, Christi passio fuit, quoniam tunc ad inferos descendens iustorum animas eripuit et liberavit, secundum illud: « O mors ero mors tua; morsus tuus ero, inferno (Os. XIII, 14). » — « Putas ne mortuus homo rursus vivet? » Hæc in persona infidelium dicit, sicut sequentia manifestant: « Cunctis diebus, quibus nunc milito, expecto donec veniat immutatio mea. » Nisi enim resurrectionem crederet, frustra quidem militaret, et carnis huius immutationem expectaret. « Omnes enim, ut ait Apostolus, resurgemus, sed non omnes immutabimur (I Cor. XV, 51). » — « Vo-

« Lignum habet spem, si præcisum fuerit, rursum virescit; si senuerit in terra radix ejus, et in pulvere emortuus fuerit truncus ejus, ad odorem aquæ germinabit, et faciet comam, quasi eam primum plantatum est. » Hoc autem de illo ligno intelligi debet, quod plantatum est secus decursus aquarum, fructum boni operis ferre non cessat. Præciditur autem hoc lignum, quando homo moritur. Senescit autem radix ejus in terra, et truncus in pulvere moritur, quando corpus hominis pro temporis longitudine solvitur, et in pulverem redigitur; sed sicut sperat iterum virescit, et ad odorem aquæ germinabit, quia fatione sancti Spiritus quandoque resurget. De hac enim aqua Dominus ait: « Qui credit in me, flumina de ventre ejus fluent aquæ vivæ (Joan. VII, 38). » Quod mox evangelista exponit, dicens: « Hoc autem dicebat de Spiritu sancto, quem accepturi erant credentes in eum (ibid., 39). » Faciet autem comam quasi a principio, quia ad eam pulchritudinem rediget, in qua ab initio creatus est.

« Homo vero cum mortuus fuerit, et nudatus, atque consumptus, ubi quæso est? Quomodo si recedant aquæ de mari, et fluvius vacuifactus crescat: sic homo cum dormierit, non resurget, donec alteratur cœlum, non evigilabit, nec conserget de somno suo. » Sicut per lignum intelli-

(345) « Sicut sol est causa diei, ita Deus est auctor vitæ; recedente autem sole, dies finitur et nox venit: per recessum ergo Dei intelligit terminationem

« De talibus enim dicitur: « Vos autem sicut homines moriemini (Psal. LXXXI, 7). » Hic ergo homo, postquam moritur, et carne nudatur, et vermibus consumitur, non resurget, neque evigilabit, neque de mortis somno conserget, donec cœlum alteratur, ut fiat cœlum novum et terra nova. Mari autem et fluvii comparatur homo, quia sicut recedentibus aquis, locus maris et fluviorum vacuus remanet, ita anima recedente, siccum et vacuum remanet corpus.

« Quis mihi tribuat, ut in inferno protegas me, et abscondas me, donec pertranseat furor tuus; » id est, donec Christi morte intercedente ira tua mitigetur; et constituas mihi tempus, in quo recorderis mei? » Scio, inquit, quia in infernum descendam; sed quis ibi, nisi tu, a tormentorum pœnis me proteget et liberabit? Tempus autem eis ad misericordiam constitutum, Christi passio fuit, quoniam tunc ad inferos descendens iustorum animas eripuit et liberavit, secundum illud: « O mors ero mors tua; morsus tuus ero, inferno (Os. XIII, 14). » — « Putas ne mortuus homo rursus vivet? » Hæc in persona infidelium dicit, sicut sequentia manifestant: « Cunctis diebus, quibus nunc milito, expecto donec veniat immutatio mea. » Nisi enim resurrectionem crederet, frustra quidem militaret, et carnis huius immutationem expectaret. « Omnes enim, ut ait Apostolus, resurgemus, sed non omnes immutabimur (I Cor. XV, 51). » — « Vo-

« cabis me, et ego respondebo tibi, operi manuum tuarum porriges dexteram. » Vocabis, inquit, me, quia de terræ pulvere me surgere præcipies. Et ego respondebo tibi, quia illico resurgam. Eis autem Dominus dexteram porriget, quos ad se miserando trahere dignabitur. « Tu quidem gressus meos dinumerasti; » quia quid egerim, et qualiter vixerim, non ignoras. « Sed parce peccatis meis; » quia nisi in tua misericordia nemo salvabitur.

« Signasti quasi in sacculo delicta mea, sed curasti iniquitatem meam. » Ea delicta in sacculo sunt, quæ intus occultata foris non apparent; signata autem sunt, quia divinis oculis notata suo tempore manifestabuntur. Quod autem sit: « Sed curasti iniquitatem meam, » propter flagella dicere videtur. Sequitur:

« Mons cadens defluit; et saxum transfertur de loco suo, lapides excavant aquæ, et alluvione paulatim terra consumitur, et hominem ergo similiter perdes. » Ut enim quidam ait: Nemo repente fit turpissimus, sed paulatim sordibus sordescit, et crescente tentatione semper seipso turpior fit, et ita paulatim per momenta cadit, donec ultimi casus sententiam suscipiat. Sicut et mons paulatim cadens, defluit et minuitur, et saxum paulatim movetur de loco suo, et aqua paulatim cavat lapides, et terra paulatim alluvione consumitur. Felix, qui hæc sem-

vitæ præsentis, quæ est homini a Deo. » D. Thom. in cod. loco.

per in mente habet et tentationem latenter subintrantem a se repellit.

249 « Roborasti eum paululum, ut in perpetuum transiret. » Roboravit enim Deus hominem, ut in perpetuum transiret, quia ad suam similitudinem fecit eum, ut viveret in aeternum. Sed hoc paululum, quia cito eum vinci, et peccare permisit, unde et subditur :

« Immutabis faciem ejus, et emittes eum. » Quoniam similitudine Dei amissa mortuus est, et quotidie quidem immutatur et emittitur, quia paulatim hominis pulchritudine deficiente tandem pulvis in pulverem revertitur. Sequitur :

« Sive nobiles fuerint filii ejus, sive ignobiles, non intelliget. Attamen caro ejus, dum vivet, dolebit, et animus illius super semetipso lugebit. » Quamvis enim peccator, quando vivit, pro filiis suis, quos dilare vult, etiam peccando, laborare non cessat, tamen postquam moritur, quales sint, et quomodo se habeant, non intelligit. Dolet enim caro ejus dum vivit, quia, ut modo diximus, se fatigando in hac vita non quiescit. Et anima illius super seipso lugebit, quoniam hinc transiens, quamvis infructuose peccata sua tamen poenitendo deplorat.

CAPUT XV.

« Respondens autem Eliphaz Themanites, dixit : « Nunquid sapiens respondebit, quasi in ventum loquens, et implebit ardore stomachum suum ? » Ac si dicat : In hoc enim insipiens comprobaris, quia verba inutilia, et vento et inflatione plena profers, et quasi stomachatus, cum ardore, et ira et indignatione respondes, vocans nos mendaces, dolosos et fraudulentos. Sed quid mirum, cum Deum ipsum arguere non timeas ? Et hoc est, quod ait : « Arguis verbis eum qui non est aequalis tui, et loqueris quod tibi non expedit. » Hoc autem fortasse ideo dicit, quia vir sanctus supra dixerat : « Si judicatus fuero, scio quod justus inveniar. » Impossibile enim esse putat ut uterque justus sit, et qui flagellat, et qui flagellatur. « Quantum in te est evacuasti timorem, et tulisti preces coram Domino. » Quantum, inquit, in te est, quantum in tuis verbis, si bene considerata fuerint, apparet, tu nequaquam Deum times, cum judicas ; quis est qui judicet me ? et similia, et tamen preces coram Domino fundis, ac si bene promeruisse, dicens : « Sed parce peccatis meis, et alia multa. » Docuit enim iniquitas tua os tuum, et imitatis linguam blasphemantium. » Taliter, inquit, loqui non ab alio, quam ab iniquitate tua didicisti. Tunc enim iniquitas os docet, cum malum quod mente concipitur ore profertur. Linguam autem blasphemantium imitantur, qui contra Deum loqui presumunt. « Condemnabit te os tuum, et non ego, labia tua respondebunt. » Hoc autem tale est ac si diceret : Si te ipsum bene consideras, nullum nisi te injustitiae tuae probatorem quares. Considera enim quid haec tua flagella significant. « Nunquid tu pri-

(344) « Sapientibus enim solis terra data esse dicitur, quia honorum terrenorum ipsi sunt Domini,

mus homo natus es, et ante colles formatus es ? Nunquid consilium Dei audisti, et inferior te erit ejus sapientia ? » Tu, inquit, quasi dicat, disputare cum Deo cupis, ac si ei coaeternus esses, et ejus consilium et sapientiam cognovisses ; sed qua temeritate adversus Deum contendere audes, qui nos quoque sapientia et intelligentia non excellis ? Hoc est enim quod ait : « Quid nosti quod ignoremus ? Quid intelligis quod nesciamus ? Et senes et antiqui sunt in nobis, multo vetustiores quam patres tui. » Haec verba ibi respondere videntur, ubi Job superius dixit : « In antiquis est sapientia, et in multo tempore prudentia. » Unde manifestum est Eliphaz non bene ejus verba intellexisse. Merito ergo aenigmata vocantur, quae ab ipsis quoque, quibus Job loquebatur, non intelligebantur. Sequitur :

« Nunquid parum est, ut consoletur te Deus, sed verba tua prava hoc prohibent. » Ac si dicat : Jam tibi Deus pepercisset, si humiliatus ejus misericordias quaesivisses ; sed quia superbus es et justum te existimans corde elevaris, et quia contra Deum superbiter spiritu intumescis, et hujusmodi sermone loqueris, ideo ejus misericordiam invenire non potes ; et hoc est quod dicit : « Quid te elevat cor tuum et quasi magna cogitans attonitos habes oculos ? Quid timeas contra Deum spiritus tuus, ut proferas de ore tuo hujusmodi sermones ? Quid est homo, ut immaculatus sit, et ut justus appareat natus de muliere ? » Hic apertissime ejus verba redarguit. « Ecce inter sanctos ejus nemo immutabilis est, et caeli non sunt mundi in conspectu ejus, quanto magis abominabilis et inutilis homo, qui bibit quasi aquam iniquitatem ? » Quidquid enim Deus non est, quomodo libet mutabilis est. Possumus autem per sanctos et per caelos eos intelligere qui adhuc in terris positi coelicam et angelicam vitam ducunt. Unde et Apostolus taliter in mundo vivens dicebat « Nostra autem conversatio in caelis est (Philip. iii, 20). » Et isti quidem in conspectu ejus, quem nihil latet, mundi non sunt, quia quando hic vivunt, penitus sine peccato esse non possunt. Quid igitur faciet homo, quid faciet peccator, et abominabilis et inutilis, qui bibit quasi aquas iniquitatem, cui peccare nullus labor esse videtur, qui tandiu peccat, donec iniquitate sit ebrius, et quasi aquis totus repletus ? Sequitur :

« Ostendam tibi, audi me : quod vidi, narrabo tibi. Sapientes constituentur, et non abscondunt patres suos, quibus solis data est terra, et non transibit alienus per eos. » Ne forte me, inquit, mentiri arbitreris, **250** non quae audivi ; sed quae vidi narrabo tibi. Quamvis sapientes libenter constituentur, et non abscondunt patres suos, id est dicta patrum suorum, ea in veneratione habent, et in auctoritate suscipiunt. Quibus solis videlicet sapientibus data est terra (344). Et non transibit alienus per eos, sicut per te modo transisse, teque vastasse dubium utentes eis ad suum bonum ; insipientes autem utuntur eis ad suum damnum. » D. Foin. in hunc locum.

non est. Hoc enim si ad litteram intelligatur, falsum est; neque enim soli sapientes terram possident, et ea ipsa, quam possident, sæpe eis violenter auferuntur. Si autem per terram carnem intelligamus, verum est, quia ipsi soli carnem suam bene regunt, et possident, et alienos, vitæ scilicet et malignos spiritus ab ea procul repellunt:

« Cunctis diebus suis impius superbit, et numerus annorum incertus est tyrannidis ejus. Sonitus terro-
 « roris semper in auribus illius, et cum pax sit, semper insidias suspicatur; non credit, quod reverti possit de tenebris ad lucem, circumspectans undique gladium. » Ac si dicat: Hæc sunt, quæ ego vidi et quæ vera esse cognosco. Impius nunquam a superbia cessat, quamvis incertus sit, quando tempore vivat, et suam iniquitatem exerceat, et quia prava conscientia semper eum sollicitat, omni sonitu movetur, omnique rumore terretur; et ideo quamvis sit pax, ipse tamen insidias timens, semper credit hostes adesse. Unde fit ut quasi desperatus, nunquam ad lucem et ad pacem se posse redire confidat; mortem, et gladium undique exspectans, omnes enim timet, quoniam omnes offendit; et dum secundum se alios metitur, nullum sibi parcere credit; siquidem nec ipse alicui pepercit.

Cum se movet ad querendum panem, novit, quod paratus sit in manu ejus tenebrarum dies. Terrebit eum tribulatio, et angustia vallabit eum, sicut regem, qui præparatur ad prælium. Per panem omne stipendium, quo vivimus et sustentamus, intelligimus. Impius ergo, quia de sola iniquitate et rapina vivit, quando se movet ad querendum panem, id est vitæ hujus quælibet necessaria, bene intelligit, quod paratus sit in manu ejus tenebrarum dies, quia non dubitat, dum taliter agit, mortem sibi, et tenebras, et æternam damnationem esse paratam. Ideoque terret eum tribulatio et angustia, quia non solum præsentia, sed etiam æterna supplicia pertimescit. Rex autem, qui ad bella paratur, non solum hostes timet, verum etiam suos, ne forte tradatur. Sic et iniquus, qui cunctis est odiosus, non solum quos offendit, timet, sed etiam quos non offendit. Tetendit enim adversus Deum manum suam, et contra Omnipotentem roboratus est; cucurrit adversus eum erecto collo, et pingui cer-
 « vice armatus est. » Ille enim adversus Deum manum suam tendit, et contra Omnipotentem roboratur, et adversus eum erecto collo, et pingui superbaque cervice currit, et armatur, qui, de ejus misericordia desperans, cunctis criminibus et facinoribus eum contra se provocare non timet. Qui enim ab iniquitate non cessat, quodammodo semper cum Deo præliatur. Operuit faciem ejus crassitudo, et de lateribus ejus a ruina dependet. Quid per faciem et latera iniqui, nisi ejus propinquos et familiares intelligimus, qui et coram eo semper assistunt, et ab ejus latere non recedunt? Hi autem a ruina et crassitudine operati sunt, quoniam omni iniquitate superabundant. Unde Psalmista ait: « Prodiit quasi ex

A adipe iniquitas eorum, et transierunt in dispositionem cordis (Psalm. LXXII, 7). » Qualis enim paterfamilias, tales et domestici ejus. « Habitabit in civitatibus desolatis et in domibus desertis, quæ in tumulos sunt reductæ. » Civitates desolatæ et domus desertæ peccatorum hominum conventicula sunt, quæ omni bonitate, justitia et sanctitate sunt destituta, in quibus etiam vitis dominantibus totum divini operis ædificium destructum est, id est, in tumulos reductum. In talibus igitur civitatibus habitat impius, quoniam omne animal sibi similia diligit. « Non dubitatur, nec perseverabit substantia ejus, nec mittet in terram radicem suam. » Non enim ditari potest, qui æternorum bonorum nihil habet. Valde enim dives ille pauper factus erat, qui gustum aquæ
 B a Lazaro petebat. Substantia vero ejus non perseverabit; quia cum interierit, non sumet omnia, neque descendet cum eo gloria domus ejus (Paul. XLVIII, 18). — Nec mittet in terram radicem suam, quoniam evellet eum Dominus de tabernaculo suo, et radicem ejus de terra viventium. Non recedet de tenebris, ramos ejus arefaciet flamma, et auferetur spiritu oris ejus. Semper mali in inferno et in tenebris erunt. Quorum ramos flamma arefaciet, quia eorum propinquos et familiares ignis æternus et inextinguibilis cruciabit. Et auferetur spiritu oris sui, quoniam propter superbiam suam damnabitur, et propter blasphemiam, quam locutus est. « Non credet frustra errore deceptus, quod aliquo pretio redimendus sit. » Iniquus enim errore deceptus desperavit, neque credit, quod aliquo pretio redimi possit. Sed non frustra, quoniam secundum fidem suam eveniet ei: nunquam enim redimetur; nunquam redimi potest, qui desperat de redemptione. « Antequam dies ejus impleantur, peribit et manus ejus arescent. » Cum ante diem dispositum homo non moriatur, quid est quod hic dicitur: antequam dies ejus impleantur, peribit
 C 251, nisi quod dies ejus, non dies a Deo dispositos intelligere debemus, sed quos ipse impius sibi disposuit, dum stulte se tanto tempore vivere speravit? Quia igitur non tantum vivit, quantum speravit, ante perit impius quam dies ejus impleantur. Manus autem ejus arescent, quia qui modo non laborant postea laborare non poterunt. Lædetur quasi vinea
 D « in primo flore botrus ejus, et quasi oliva præiciens florem suum. » Cum enim in judicio sancti resurgent, et primum suæ pulchritudinis florem et decorem recipient; tunc iniqui, audita sententia, lædentur, quoniam eundem immortalitatis et vitæ florem, quem suscepisse videbantur, amittent; siquidem in morte semper erunt. « Congregatio enim hypocritarum sterilis, et ignis devorabit tabernacula eorum, qui munera libenter accipiunt. » Ideo enim talis congregatio, quasi vinea in primo flore lædetur, quoniam sterilis, et sine fructu boni operis apparebit. Ignis vero devorabit tabernacula eorum qui munera libenter accipiunt, quoniam eorum corpora æternis tradentur incendiis qui vel justitiam ven-

dunt, vel pro munere laudis faciunt, de quibus Dominus ait: « Amen dico vobis, receperunt mercedem suam (Matth. v, 16). » Concepit dolorem, et peperit iniquitatem, et uterus ejus parat dolos. » Hypocrita enim dolorem mente concepit, iniquitatem opere parit, quoniam ejus pectoris uterus dolos semper et insidias aliis præparat.

CAPUT XVI.

« Respondens autem Job dixit: audiui frequenter talia, consolatores onerosi omnes vos estis. Nunquid habebunt finem verba ventosa? Aut aliquid tibi molestum est, si loquaris? poteram et ego similia vestri loqui. » Non est, inquit, mihi novum quod dicitis, et qua intentione dicatis non ignoro, qui sub specie consolationis, ipsa consolatione me privare nitimini (345). Sed nunquid habebunt finem hæc verba quæ superbiæ vento plena sunt, et si a veritate aliquando non devient? Sed ideo fortasse loqueris, quia nihil molestum est tibi loquenti, quoniam ego omnia patienter audio. Poteram et ego similiter loqui, si verba ventosa et otiosa peccato carerent. Atque utinam esset anima vestra pro anima mea! Ut in vobis cognoscere possitis qualiter afflictis compati debeatis. » Consolaretur et ego vos sermonibus, et moverem caput meum super vos, roborarem vos ore meo, et moverem labia mea, quasi parcens vobis. » Si vos, inquit, in hac afflictione essetis, ego vos aliter sermonibus consolaretur, et moverem caput meum super vos, quia mentem meam inclinarem et flecterem ad misericordiam. Roborarem vos ore meo, quoniam non simulate, sed veræ consolationis vos verbis armarem. Et moverem labia, non quasi increpans et subvertere volens, sed quasi parcens vobis. Sic enim debemus consolari afflictos. Sequitur:

« Sed quid agam? Si locutus fuero non quiescet dolor meus, et si tacuero, non recedet a me. Nunc autem oppressit me dolor meus, et in nihilum redacti sunt omnes artus mei. » Hæc autem etiam si ad litteram de Job fortasse intelligi possint, allegorice tamen de Ecclesia intelliguntur. Dicat igitur Ecclesia: Si locuta fuero non quiescet dolor meus. Dolet enim Ecclesia, sive loquatur, sive taceat, quia et quando loquitur non corriguntur mali, et ejus silentio aliquando deteriores fiunt. Et si igitur doleat, quia mali non corriguntur, loqui tamen debet, ut et boni meliores fiant, et mali excusationem non habeant. « Nunc autem oppressit me dolor meus. » Nunc, inquam, quando adversum me loquitur Eliphaz, id est quando hæretici me impugnant; et in nihilum redacti sunt omnes artus mei, quoniam omnia membra Ecclesie eorum blasphemis scandalizantur. Aliquando enim in tantum hæreticorum crevit multitudo, ut Ecclesia catholica ad nihilum redacta et

A penitus putaretur esse destructa. Hoc enim sciunt qui Ariminense concilium noverunt.

« Rugæ meæ testimonium dicunt adversum me, et suscitatur falsiloquus adversus faciem meam, et contradicens mihi. » Ecclesia enim, quantum ad bonos, neque maculam habet, neque rugam. Sed quia hæretici et cæteri iniqui filii Ecclesie sunt, qui et in locutione sunt duplices, et mala vetustate senescentes, rugosa facie matris pulchritudinem amiserunt. Ideo sancta Ecclesia rugas habere perhibetur. Et hæc quidem rugæ adversum eam testimonium dicunt, quia duplicitate sermonis, et syllogismorum sophismatibus semper hæretici Ecclesiam contradicunt. Hi autem sunt falsiloqui et mendaces, qui ut veritati resistent, a diabolo suscitantur; unde Bædæ subditur:

« Collegit furem suum in me, et comminans mihi infremuit contra me dentibus suis. » Collebant enim hæretici furem suum contra Ecclesiam, quando undique congregati, ut insani et furibundi adversum eam concilium faciebant. Comminebantur autem ei, et dentibus in eam fremebant, quia per principes, quos subverterant, exsilia, mortem, et carcerem sanctis inferebant. Lege historias, ita invenies.

« Hostis meus terribilibus oculis me intulit 252 est. » Per motum exteriorem, mentis affectionem designat. « Aperuerunt super me ora sua exprobrantes, percusserunt maxillam meam, saturati sunt pœnis meis. » Aperuerunt, inquit, ora sua super me, non solum contradicentes, verum etiam opprobria et convicia ingerentes. Percusserunt autem maxillam meam, palam, et in manifesto mihi insultantes. Sic enim Apostolus ait: « Sustinetis enim, si quis in faciem vos cædit (II Cor. xi, 20). » Saturati autem sunt pœnis meis, quia mea afflictio eorum refectio est.

« Conclussit me Deus apud iniquum, et manibus impiorum me tradidit. » Temporaliter enim sanctos suos Deus affligi, et occidi permisit, ut et iniquorum pœna, et sanctorum gloria inde major cresceret. « Ego ille quondam opulentus repente contritus sum. » Hoc ideo dicit, quoniam et tyrannorum persecutione et hæreticorum deceptione, multos Ecclesia amisit, quibus recedentibus, cum prius plena videretur, postea vacua apparuit. « Tenuit cervicem meam, et confregit me, et posuit me sibi quasi signum. » Cervicem enim Ecclesie iniquorum multitudo aliquando tenuit, quia loquendi libertatem quibusdam ademittit. Apostoli autem cervicem tenere non potuit, unde ipse quoque victus in Domino dicit: « Sed verbum Dei non est alligatum (II Tim. 29). » Signum autem ad hoc ponitur, ut sagittarum ictibus veritatis. In signum igitur sancti positi erant, quia undique persecutionem telis tundeantur. « Circumdedit me lanceis suis, convul-

(345) « Consolatoris officium est ea dicere quibus dolor mitigetur, onerosus ergo consolator est, qui ea loquitur quæ magis animum exasperant. » D. Thom.

« neravit lumbos meos. » Hoc et ad litteram verum est ; quamvis per lanceas vitia intelligere possumus, quibus Christifideles vulnerantur, dum quorundam mentes ad luxuriam inclinant. Sed quia non paucos in lumbis ferit, ideo non vulneravit, sed convulnervavit, dixit; unde et subditur. « Non pepercit, et effudit in terra viscera mea. » Non pepercit quidem, quia exterius affligendo, et interius mala suggerendo persecutus est eam. Viscera autem ejus in terram effudit, quia etiam de sapientioribus aliquando ad terrena et secularia deflexit. Tales enim viscera dicuntur, quia menti ei cordi sunt propinquiore. « Concidit me vulnere super vulnus, irruit in me quasi gigas. » Vulnere enim super vulnus eam concidit, quia et interius et exterius multa telorum varietate eam percussit. Bene autem malignus spiritus propter sævitiam et fortitudinem giganti comparatur.

« Saccum consuit super pellem meam, et operuit cinere carnem meam. » Hoc Ecclesia secundum eos dicit; qui post peccata ad penitentiam sunt conversi. Sed quia diaboli suggestionem peccaverunt, ipse et sacco et cinere eos operuit; siquidem ipse causa fuit ut isti ita poenitere debuissent. « Facies mea intumuit a fletu, et palpebræ meæ caligaverunt. » Hoc juxta litteram ad eosdem penitentes sua peccata deflentes referri potest. Allegorice autem facies, et palpebræ Ecclesiæ doctores intelliguntur, in quibus et major pulchritudo apparet, et eam vigilantes custodiunt. Illi autem aliorum peccata plangunt, et plangendo caligant, quia dum eos incorrigibiles cernunt, quasi jam fatigati a vigiliis tepe-scunt. Sequitur :

« Hæc passus sum absque iniquitate manus meæ, cum haberem mundas ad Deum preces. » Huc usque Ecclesia. Nunc autem loquitur Christus, ac si dicat: Quid mirum, o Ecclesia, si te inimicus afflixit, quæ utique sine peccato non es, cum et me, qui peccatum non feci, sit crudelissime persecutus? « Terra ne operias sanguinem meum, neque inveniat locum in te latendi clamor meus. » Ecclesia enim, pro firmitate et stabilitate sua, terra vocatur. Hæc autem non operuit sanguinem Christi, quia jam ubique gentium ejus passionem, et mortem prædicavit, et ejus sanguinem melius clamantem, ut ait Apostolus (Hebr. xii, 24), quam sanguis Abel, cunctis gentibus revelabit. Hic autem clamor latendi locum in Ecclesia invenisset, si Christi mortem Ecclesia celasset. « Ecce enim in cælo testis meus, et conscius meus in excelsis. » De hoc et in Evangelio ait: « Ego testimonium perhibeo de meipso, et testimonium perhibet de me, qui misit me Pater (Joan. viii, 18). » Ipse igitur mihi testis est, ipse mihi conscius est, quod absque iniquitate manus meæ passus sum. « Verbosi amici mei, ad Deum stillat

« oculus meus. » Huc usque Christus. Hinc autem Ecclesia suæ locutionis ordinem tenet. Verbosi, inquit, amici mei, id est hæretici, qui me diligere debuerant, verborum suorum affluentia mihi detrahere non cessant; ideoque stillat oculus meus, non solum meas deflens calamitates, sed etiam illorum errores. « Atque utinam sic judicetur vir cum Deo, quomodo judicatur filius hominis cum collega suo. » In hominum namque judicio causa ventilatur, donec veritas innotescat. Tale igitur judicium optat, quatenus certissime intelligat, quare Deus hæreticorum insaniam patiatur, et quare sanctorum innocentiam non liberet. Quantum enim ad humanum judicium spectat, valde justius esse videtur ut mali affligantur quam boni. Hujus autem tantæ miseriæ hanc solam suscipit consolationem, quod hæc vita præsens brevis est, et omnis hæc tribulatio cito cum vita finitur. Et hoc est quod dicit: « Ecce enim breves anni trans-eunt, et semitam perquam non revertar ambulo. » Hæc autem semita mors est, per quam non revertitur, qui nisi semel non moritur (346). Sive etiam ambulat Ecclesia per semitam, per quam non revertetur, quia post hanc vitam, nullum laborem, vel angustias patietur.

CAPUT XVII.

« Spiritus meus attenuabitur, dies mei breviantur, et solum mihi super est sepulcrum. » Ac si dicat: Quia hinc transire desidero, vitam finire, dies breviare, et solum sepulcrum et mortem exopto. Potest autem et de superbæ spiritu hoc intelligi, qui semper in sanctis attenuatur, quoniam humilitatis spiritus in eis assidue crescit. Qui quoniam huic mundo jam mortui sunt, dies suos breviant, et solum sibi sepulcrum superesse dicunt. « Non peccavi, et in amaritudinis moratur oculus meus. » Non peccavi, inquit, ut sic affligi debuissem. Non enim propter peccata sua, sed quia Christum constabant SS. Martyres affligebantur. Sive etiam, hoc secundum perfectiores dicit, qui non sua, sed aliorum fiebant peccata. Qua in re, quanto charitatis igne serverent apertissime declaratur:

« Libera me, et pone me juxta te, et cujusvis manus pugnet contra me. » Libera me, inquit, de inimicorum insidiis, et pone me juxta te, et sicut promisisti, non me deseras, neque derelinquas, et quicumque velit pugnet contra me, quia te auxiliante neminem timeo. « Cor eorum longe fecisti a disciplina, propterea non exaltabuntur. » Cor, inquit, eorum, subauditur, inimicorum et hæreticorum, longe fecisti, id est longe fieri permisisti a disciplina veritatis. Ideoque non exaltabuntur, sed usque ad inferiora humiliabuntur. Sequitur:

« Prædam pollicetur sociis, et oculi filiorum ejus deficient. Posuit me quasi in proverbium vulgi,

(346) « Fuerunt autem aliqui, qui credebant hominem post mortem iterato ad præsentis vitæ cursum redire: et sic videri posset, quod in spe terrenæ prosperitatis recuperandæ, saltem in illa futura vita

posset Job consolationem habere; ideo ad hoc excludendum subdit: *Et semitam, per quam non revertar, ambulo.* » D. Th.

« et exemplum sum coram eis. » Quis est iste qui prædā sociis pollicetur, qui et sic absolute hic ponitur, nisi malignus spiritus, qui tam iniquus est, ut in malis actis etiam sine nomine cognoscatur? Hic autem pollicetur sociis prædā, quia iniquorum mentes ad prædā et rapinas incitat et accendit. Qui utique et ejus socii sunt, quia simul cum eo mala operantur, et ejus filii, quia eum imitantur. Horum autem oculi deficient, quoniam eorum desiderium, et expectatio nequaquam adimplebitur. Et quidem non sine Dei permissione Ecclesiam in proverbium vulgi, et in exemplum coram eis, id est coram sociis suis posuit, quia tanta calamitate sanctos oppressit, ut in proverbium et in exemplum calamitatis traherentur ab his qui aliis malum aliquod irrogabant. Unde in Psalmis dicitur: « Posuisti nos in similitudinem gentibus (Psal. xliii, 15). » Non enim pejus inimico suo quilibet se dicere posse putabat, quam ut talem te videam, quales sunt Christiani:

« Nunc autem derident me juniores temporum, quorum non dignabor patres ponere cum canibus gregis mei. » Cum enim hæretici Ecclesiæ filii sint, non dubium est ea tempore esse juniores (347). Et horum quidem patres, hæresiarchæ intelliguntur, ut Simon magus, Arrius, Sabellius, et Jovinianus. Hos autem Ecclesia cum canibus gregis sui ponere nolebat, quia sanctis prædicatoribus nunquam eos conjungere voluit. Tales enim canes oves Dei custodiunt, de quibus dicitur: « Lingua canum tuorum ex inimicis ab ipso (Psal. lxxvii, 24). »

« Caligavit ad indignationem oculus meus, et membra mea quasi in nihilum redacta sunt. » Quia, inquit, isti me irrident, et tu quasi non curans me, non ulcisceris; ideo indignatus oculus meus caligavit. Oculi enim Ecclesiæ episcopi sunt, qui dum iniquos exaltari, et se deprimi et humiliari considerant, indignatione et stuporis admiratione aliquando caligant, quoniam gregem sibi commissum non tam diligenter custodiunt. Unde fit ut membra quasi in nihilum redigantur, quoniam, deficiente custodia subditorum, greges vitiorum morsibus laniantur.

« Stupebunt justī super hoc, et justus contra hypocritam suscitabitur, et tenebit justus viam suam, et mundis manibus addet fortitudinem. » Hoc est quod modo dixerat, quia mali exaltantur et boni humiliantur. Super hoc stupebunt justī, cur hoc fiat nescientes. Sed tamen, ne membra penitus redigantur in nihilum, et innocens quidem contra hypocritam suscitabitur. Et justus tenebit viam suam,

(347) Tertullianus, cap. 32 Præscript., probat hæreticos Ecclesia catholica multo posteriores esse, quod ab apostolis desciverunt, et aliam doctrinam prædicaverunt. Novitas ergo doctrinæ posterioris originis argumentum est.

(348) « Et tenebit justus viam suam, quia scilicet non deseret eam propter iram zeli. Talis enim ira non præcedit rationem, sed sequitur, et ideo non potest hominem a justitia separare. Utilis tamen est ira per zelum, quia facit hominem cum majore

quam pro indignatione ad horam reliquisse videbatur; (348) viam enim suam justus tenet, quando assueti justitiæ operi constanter insistit. Et mundis manibus addet fortitudinem, quia in sanctis operationibus fortius laborabit. Et dicit:

« Igitur vos omnes convertimini, et venite, et non inveniam in vobis ullam sapientem. » Quia, inquit, detersa oculorum caligine contra hypocritam insurgens viam meam teneo, ideo et vos Ecclesiæ membra, quæ jam pene ad nihilum redacta eratis, convertimini ad Dominum, et venite post me, id est imitatores mei estote, sicut et ego Christi. « Et non inveniam 254 in vobis ullum sapientem; quoniam sapientia hujus mundi stultitia est apud Deum. » Unde et Apostolus: « Si quis, inquit, videtur sapiens inter vos, stultus fiat, ut sit sapiens (I Cor. iii, 18). » Et alibi: « Non multi sapientes, fratres, et non multi nobiles inter vos, sed quæ stulta sunt mundi, elegit Deus, ut confundat sapientes (I Cor. i, 26). » Ille usque Ecclesia. Nunc autem Job, cujus verba hæc sunt, sicut hujus sermonis principium de se specialiter dixit; ita et finem, ut de se spiritualiter intelligamus, insinuat.

« Dies mei transierunt, cogitationes meæ dissipatæ sunt, torquentes cor meum. Noctem verterunt in diem, et rursum post tenebras spero lucem. » Dies, inquit, mei, quos ideo meos dico, quia non mihi in eis, sed Domino vixi, et quos in Dei contemplatione et servitio transegi, jam transierunt. Cogitationes meæ, quibus non secularia, sed æterna cogitabam, quæ et compunctione, et lacrymis cor meum torquebant; siquidem cor contritum, et humiliatum Deus non spernit (Psal. l, 19), et quæ noctem mihi in diem sæpiissime verterant, quia non minus in nocte, quam in die me vigilare cogebant. Illæ, inquam, tales meæ cogitationes dissipatæ sunt. Tantis enim angustiis premor, ut nihil me aliud cogitare delectet. Dolet igitur vir sanctus, quia pro carnis doloribus tanta contemplatione privatur. Sed ecce rursum post tenebras spero lucem, quia post hujus afflictionis fatigationem, lucem et quietem expectabo. Sed quid mihi prodest? Sequitur:

« Si sustinero infernus domus mea est, et in tenebris stravi lectulum meum. » Ego, inquit, lucem expecto, et sustineo; sed tenebræ mihi sunt præparate. Scio enim quis in infernum descendam (349), qui utique locus est tenebrarum. « In tenebris stravi lectulum meum. » Stravit enim non in se, sed in primo homine, quia ipse materialiter in eo erat, quando Adam Dei mandatum transgre-

animi fortitudine insurgere contra mala, et hoc est quod subdit: et mundis manibus addet fortitudinem; scilicet per zelum, unde et dicitur 3 Ethic. Quod ira fortitudinem juvat. » D. Thom.

(349) « Vocat autem infernum sepulcrum, secundum opinionem eorum, contra quos disputabat, qui non credebant animam hominis remanere post mortem, sed solum corpus in sepulcro, quod vocabant infernum, quia intra terram situatur. » D. Thom.

diens, et sibi et humano generi in tenebris et in A
 inferno lectum sternebat. « Putredini dixi pater
 « meus es, mater mea et soror mea, vermibus. »
 Omnes enim nostri parentes, qui jam præcesserunt,
 quid aliud sunt quam vermes et putredo; ex putre-
 dine igitur nati, in putredinem redituri sumus.
 « Ubi est ergo nunc præstolatio mea, et patientiam
 « meam quis considerat? » Si, inquit, anima in in-
 fernum, caro vero in putredinem, et vermes ire
 compellitur, ubi est ergo præstolatio mea? Quid ex-
 spectavi? Quid invenio? Quid ex hac tanta patientia
 mea consequor? Quis meam patientiam considerat?
 Ille utique de quo scriptum est: « Quoniam tu labo-
 rem, et dolorem consideras. » — « In profundissi-
 « mum infernum descendent omnia mea: putas ne
 « saltem ibi erit requies mihi? » Quidquid enim
 inferius est, suis superioribus comparatum, infernus
 dici potest. Quia igitur locus ille pœnalis, et cœlo, et
 aere et terra inferior est, merito profundissimum
 infernum eum appellat. Ibi autem omnia sua descen-
 dere dicit, cum solam animam ibi descendisse ma-
 nifestum sit, quoniam nihil aliud suum computabat,
 nisi illud quod secum ferebat. Quod autem ait:
 « Putasne saltem ibi erit requies mihi? » non de-
 sperando dicit; sed quia talis requies, non requies,
 sed pœna putatur.

CAPUT XVIII.

« Respondens autem Baldad Suhites, dixit: Usque
 « ad quem finem verba jactabis? Intellige prius, et
 « sic loquamur. » Quod cum verba jactasse dicit, C
 eum de superbia et jactantia reprehendit. Quia vero
 intelligere admonet, quasi non intellexisset, cum
 deridet. « Quare putati sumus ut jumenta? Et sor-
 « duimus coram te, qui perdis animam tuam in
 « furore tuo? » Hæc ideo fortasse dicit, quia Job
 superius dixerat. « Interroga jumenta, et docebunt
 « te. » Itemque: « Utinam taceretis, ut pateremini
 « esse sapientes. » Quia vero illorum sententiam
 non sequebatur, contra animam suam eum agere co-
 gitabant; ideoque hic dicitur: « Qui perdis animam
 « tuam in furore tuo. » Omnis enim ista contentio
 ex eo maxime fiebat, quia beatus Job et juste et
 propter peccata sua se affligi non constebatur. « Nun-
 « quid propter te derelinquitur terra, et transferen-
 « tur rupes de loco suo. » Ac si dicat: Si tu solus D
 bene intelligis, totus mundus errat. Quod si ita est,
 necesse est ut et terra relinquantur, et mundus pereat.
 Rupes autem se et alios sapientes dicit, qui altitu-
 dine ingenii superexcellant. Hoc autem non poterit
 Job transferre de loco suo, quia suæ intelligentiæ
 stabilitate, quamvis mala sit, eos non poterit sepa-
 rare.

« Nonne lux impii exstinguetur? Nec splende-
 « bit flamma ignis ejus? » Quamvis, inquit, prava in-
 telligentia impii aliquando luceat, et vera esse puta-
 tur, exstinguetur tamen et dissipabitur. Neque enim
 semper splendeat flamma ignis, id est ingenii ejus.
 Ignis enim et splendor mentis ingenium est.

« Lux obtenebrescet in tabernaculo illius, et lucer-

na, quæ super eum est, exstinguetur. » Impii taberna-
 culum caro est. In hoc autem lux tenebrescet; quando
 omnis ejus intelligentia falsa fuisse probabitur. Insuper
 et lucerna, quæ super eum est, exstinguetur, quia non
 solum hoc quod mente concepit, verum etiam id quod
 ab 255 antiquis et suis superioribus didicit destrue-
 tur. Omnis enim erronea scientia evacuabitur. Ver-
 rum quidem dicit Baldad; sed hoc tamen contra Job
 dicere non debuerat. Sequitur: « Arciabuntur gres-
 « sus virtutis ejus, et præcipitabit eum consilium
 « suum. » Quandiu enim impius vivit, per latam et
 spatiosam mortis viam incedens, et in sua virtute
 confidens, quidquid ejus voluntas fert operatur. Sed
 tunc quidem gressus ejus arcigebuntur, quando liga-
 tis manibus, et pedibus in tenebras projicietur;
 unde et subditur: « Et præcipitabit eum consilium
 « suum. » Non enim præcipitaretur, si non suo, sed
 sanctorum consilio credidisset. Immisit enim in
 « rete pedes suos, et in maculis ejus ambulat. » Po-
 des enim suos in rete misit iniquus, quia diaboli
 laqueis et deceptionibus tenetur, ne recto itinere
 incedere valeat. Et in maculis ejus ambulat, quia de
 vitis in vitia transit; nunc adulterium, nunc perju-
 rium, nunc homicidium exerceans. Quot enim sunt
 vitia, tot sunt et macule hujus retis. « Tenebitur
 « planta ejus laqueo, et exardescet contra eum sitis. »
 Quanto enim desiderio peccet iniquus, ex hoc appa-
 ret, quia cum adhuc uno vitio teneatur, aliud jam
 facere ardescit; quasi pede ligatus a luxuria tene-
 tur, et aliena rapere concupiscit. « Abscondita est in
 « terra pedica ejus, et decipula illius super semitam. »
 Ibi enim diabolus pedicam et decipulam ponit, unde
 peccatorem frequentius transitum habere cognoscit.
 In quo enim vitio unusquisque persistit, illud et via
 est per quam currit ad perditionem. Scit igitur dia-
 bolus vias, scit deceptiones quibus unusquisque ca-
 piatur; aliud enim luxuriosis, aliud avaris, aliudque
 superbis opponit. « Undique terrebunt eum formidi-
 « nes, et involvent pedes ejus. » Qui enim male agit,
 nunquam potest esse securus, quia non solum Deum
 timet, sed et homines quos offendit, nusquam sine
 formidine vadit, ubicunque est timore contentitur.
 « Attenuetur fame robor ejus, et inedia invadat
 « costas illius. » Si enim fame attenuatur aliquis,
 inedia confestim in costis apparet. Robor igitur, et
 costæ iniqua fame et inedia attenuabuntur, et inva-
 dentur, quia in pœnis positus et fortitudinem amit-
 tet, et quam penuriam patiatur celare non potest.
 Sicut nec ille, qui dicebat: « Pater Abraham, mise-
 rere mei et mitte Lazarum, ut intingat extremum
 digiti sui in aqua et refrigeret linguam meam, quia
 crucior in hac flamma (Luc. xvi, 24). »

« Devoret pulchritudinem cutis ejus, consumat
 « brachia illius primogenita mors. » In cute exterior
 pulchritudo, in brachiis autem fortitudo continetur.
 Mors vero diabolus est, quia per eum facta est. De-
 voret igitur mors, id est diabolus, non solum pulchri-
 tudinem ejus cutis, id est carnem, sed etiam brachia
 illius consumat, id est animam, in qua tota virtus

hominis et fortitudo consistit. « Avellatur de tabernaculo suo fiducia ejus, et calcet super eum quasi rex interitus. » Iniqui enim fiducia, hæc vita est, quia in nulla re tantum quantum in hac vita confidit. Illic autem avellitur de tabernaculo corporis sui, quia quando se multum vivere sperat, repente ejus vita succiditur. Et tunc interitus, quasi rex calcet super eum, quia diabolo penitus traditur in potestatem; qui quoniam princeps mortis est, non immerito interitus vocatur. « Habitent in tabernaculo illius socii ejus qui non est, aspergatur in tabernaculo ejus sulphur. » Postquam enim de hac vita impius subtrahitur, nullum nisi infernum tabernaculum, sive habitaculum habet. Per illum autem qui non est, diabolus intelligitur, qui ideo non esse dicitur, quia bene desinit esse, et quia de Deo dicitur, qui est, merito de diabolo dicatur, qui non est. Sic enim Moyses ait: « Qui est, misit me ad vos (Exod. iii, 14). » In tabernaculo igitur iniqui habitant socii ejus, qui non est, per quos omnium demonum multitudo figuratur, quibus iste sociatus, nunquam ulterius tribulatione carebit. Sulphur autem in ejus tabernaculo spargitur, quia semper in fetore versatur.

« Deorsum radices ejus siccantur, sursum autem atteratur messis ejus. » Quid per deorsum et sursum, nisi præsens vita et æterna beatitudo signatur? Deorsum igitur impii radices siccantur, quia in hac vita bona opera in eo moriuntur, sine quibus, quasi sine radicibus vivere non datur. Sursum autem ejus messis atteritur, quia in alia vita unde vivat, non habebit. « Memoria illius pereat de terra, et non celebretur nomen ejus in plateis. » Pereat, inquit, memoria ejus, nec audiat in plateis cælestis Jerusalem. « Expellet eum de luce in tenebras, et de orbe transferet eum. » De luce quidem in tenebras expellet eum Dominus, et de orbe transferet eum, quia de hac vita et de hoc mundo in tenebras et æterna supplicia eum impellet. « Non erit semen ejus, neque progenies in populo suo, nec ullæ reliquæ in regionibus ejus. » Semen, et progenies, et reliquæ istius, vel ejus imitatores, vel ejus opera intelligi possunt. Hæc autem post hanc vitam nec in populo Dei erunt, nec in regionibus ejus, id est in patria cælesti.

« In die ejus stupebant novissimi, et primos invadent horror. » Quæ est dies ejus, nisi dies iudicii, in qua iniquus damnabitur, et peribit? Novissimi nos sumus, de quibus Joannes ait: « Filii novissima hora est (I Joan. ii, 18). » Et Apostolus: « Nos sumus, in quos fines sæculorum deveniunt (I Cor. x, 11). » Primi autem sunt patriarchæ, et prophete et cæteri qui ab Adam usque ad Christum fuerunt. Omnes autem isti stupebunt et horrore invadentur, quando iniquorum multitudinem judicari conspicient. Quomodo **256** enim non stupebunt, qui tantum exercitum, et maxime hujus sæculi potentum, tam violenter ad mortem et ad tormenta trahi videbunt? Hæc sunt ergo tabernacula iniqui, et iste

A « locus ejus, qui ignorat Deum. » Quæ? videlicet, ut transferatur de luce ad tenebras. Miser ille per omnia, cui talia tabernacula sunt præparata.

CAPUT XIX.

« Respondens autem Job, dixit: usquequo affligitis animam meam et atteritis me sermonibus? Et decies confunditis me, et non erubescitis opprimere mentes me. » Qui enim ad consolandum venerant, eum potius affligebant, et injuste redarguendo sermonibus atterebant. Quia vero quinquies illi locuti fuerant, et quinquies ipse responderat, decies se confusum dicit, quia non magis de illorum locutionibus dolebat, quam de suis, quos illi nec recipere, nec credere volebant. Et quod adhuc majus est, erubescerebat ille qui opprimebatur, et non erubescerebat illi qui eum injuste opprimebant. Sequitur:

B « Nempe et si ignoravi, mecum erit ignorantia mea. At vos contra me erigimini, et arguitis me opprobriis meis. » Et si ignoravi, inquit, id est ignoranter peccavi, mecum erit ignorantia mea, quoniam usque nunc intelligere non possum quid peccaverim, ut sic affligi debuissim. At vos contra me erigimini, ac si illa mea occulta sciretis, quæ ego ipse scire non possum. « Et arguitis me opprobriis meis; » id est, mea opprobria et flagella mihi obijcitis, et quia flagellor, inde me iniquum probare nitimini.

C « Saltem nunc intelligite quia Deus non æquo judicio afflixerit me, et flagellis suis me cinxerit. » Ecce clamabo vim patiens, et nemo exaudiet, vociferabor, et non est qui judicet. » Ipse enim Dominus ostendit quod non æquo judicio eum afflixerit, dum dicit: « Tu autem commovisti me adversus eum, ut affligerem eum frustra. » Hoc autem quomodo intelligi debeat, jam superius dictum est. Flagellis autem cin gere, est graviter undique affligere. Et ex hoc, inquit, intelligite me non æquo judicio affligi, quia clamabo et vociferabor, et nemo erit qui audiat, vel qui judicet. Si enim juste me affligit, cur a iudicium non venit? Veniret enim si culpam suam eum intelligere faceret; quod quia non faciebat, nullam eam esse docebat. Sequitur:

D « Semitam meam circumsepsit, et transire non possum; et in calle meo tenebras posuit. » Quo beatus Job ire volebat, quia dicit semitam suam circumseptam et tenebris involutam, ut transire non possit, nisi quia tota mente et intentione ad hoc tendebat, ut illam culpam intelligere potuisset, pro qua affligebatur? Erant igitur ignorantie tenebræ: i oppositæ, quæ mentem ejus, ne hujus rei veritatem discerneret, impediabant.

« Spoliavit me gloria mea, et abstulit coronam de capite meo, destruxit me undique, et pereci, et quasi evulsæ arbori abstulit spem meam. Iratus est contra furor ejus, et sic me habuit quasi hostem suum. » Valde enim gloriosus fuerat, quoniam iustus et perfectus ab omnibus habebatur. Hæc autem gloria spoliatus erat, quia propter flagella quæ patiebatur, inter iniquos jam ab eis computabatur, in-

super coronam, quam vitis superatis pro victoria susceperat, se amisisse conqueritur; quoniam jam non victor, sed victus potius videretur. Hoc autem non in rei veritate, sed secundum hominum opinionem. Destructus autem undique erat, quoniam oves, et boves, et asinos, et camelos, omnemque substantiam amiserat, et quasi truncus arboris, ramis omnibus evulsis, omnem futuræ posteritatis spem amiserat, quia filiis et filiabus orbatus erat. Unde Deum sibi iratum, et quasi hostis se haberi loco ab illo conqueritur; non quod ita esset, sed quia ita videbatur esse.

« Simul venerunt latrones ejus, et fecerunt sibi « viam per me, et obsederunt in gyro tabernaculum « meum. » Simul, inquit, subito et cum furore venerunt latrones ejus, id est maligni spiritus. Et transierunt per me vastantes et dissipantes omnia. Et obsederunt in gyro tabernaculum meum; quia omnibus perditis, et filiis et filiabus oppressis, me quoque a planta pedis usque ad verticem vulnere pessimo percusserunt, ut per tabernaculum corpus ejus intelligamus. Huc usque Job; cætera vero loquitur Christus.

« Fratres meus longe fecit a me, et noti mei, « quasi alieni, recesserunt a me. » Judæi enim Christi fratres secundum carnem, quia ex semine Abraham, et noli, per conversationem et legis notitiam, ab eo per infidelitatem longe facti sunt, et cum negantes ab eo recesserunt; unde et subditur: « Dereliquerunt me propinqui mei, et qui me noverunt « obliti sunt mei. Inquilini domus mee et ancillæ « mee sicut alienum habuerunt me, et quasi peregrinus fui in oculis eorum. » Inquilini enim et ancillæ domus ejus, id est Synagoge sacerdotes et levitæ intelliguntur, qui templi secreta colebant, et familiarius custodiebant. Hi autem quasi alienum et peregrinum habuerunt eum, dicentes: « Hunc unde sit, nescimus (Joan. ix, 29). »

« Servum meum vocavi, et non respondit, ore proprio deprecabar illum. » Servum suum Judæorum populum dicit, de quo Isaias: « Quis cæcus nisi servus meus? » (Isa. xlviii, 42). Hunc autem non solum verbis, sed et miraculis ad fidem vocavit, secundum illud: « Si mihi non creditis, operibus credite (Joan. x, 38). »

257 Et jam non per prophetas, ut prius, sed ore proprio deprecabar eum, cum diceret: « Venite ad me omnes, qui laboratis et onerati estis, et ego reficiam vos (Matth. xi, 28). » — « Et non respondit ei, id est non obediunt. » Halitum meum exhorruit « uxor mea; et orabam filios utri mei. » Uxor ejus quondam Synagoga fuit. Hæc autem ejus halitum, id est ejus verba exhorruit. Cum enim diceret: « Antequam Abraham fieret ego sum (Joan. viii, 58); » et: « Ego sum lux mundi (ibid., 42); » et: « Ego principium sum, qui et loquor vobis (ibid., 26); » et: « Ego sum Christus (Matth. xxiv, 5); » tunc ejus halitum horrebat Synagoga; unde et dicebat: « Secundum legem debet mori, quia Filium Dei se fecit (Joan. xix, 8). » Orabat autem filios utri sui, scilicet Judæos,

PATROL. CLXIV.

A quos ut filios diligebat. « Stulti quoque despiciebant « me, et cum ab eis recessissem, detrahebant mihi. » Stulti enim Scribæ et Pha-isei in verbis cum aliquando despiciebant, signa tamen videntes mirabantur. Et cum ab eis paululum recessisset, et a miraculis cessasset, detrahebant ei dicentes: « Nonne hic est filius fabri? » (Matth. xiii, 55.) « Abominati sunt me « quondam consiliarii mei, et quem maxime diligebam. » Ejus namque consiliarii legis peritui intelliguntur, qui cum se in sacris voluminibus exercerent, cum Deo quodammodo consiliabantur. Et hi quidem prius Christi adventum prædicabant, quem in carne videntes non receperunt. Prius igitur eos maxime diligebat; tunc videlicet, quando veritatem prædicabant. Potest autem et per eum quem ipse maxime diligebat Judas intelligi, qui eum postea tradidit.

« Pelli mea, consumptis carnibus, adhesit os « meum, et derelicta sunt tantummodo labia circa « dentes meos. » Pellis enim sanctæ mulieres, carnes apostoli, os vero Christus intelligitur. Carnibus igitur consumptis, id est apostolis fugientibus, os tantummodo pelli adhesit, quia sanctæ mulieres nec in ipsa passione Christum reliquerunt, quibus ipse dicebat: « Filie Jerusalem, nolite flere super me. (Luc. xxiii, 28). » Ipsæ quoque labia dici possunt, quoniam primæ locutæ sunt, Christi resurrectionem annuntiantes. Labia igitur circa dentes relicta sunt, quia, Christo visibiliter eis sublato, mulieres apostolis adhererunt. Dentes enim apostoli sunt, a quibus totus Ecclesiæ cibis molitur. Huc usque Christus. Hinc autem Job sæpe locutionis ordinem sequitur:

« Misere mini mei, misere mini mei, saltem vos, « amici mei, quia manus Domini tetigit me. Quare « persequimini me sicut Deus, et carnibus meis saturamini? » Quia, inquit, manus Domini me flagellat, cujus fortitudinem vix ferre valeo; saltem vos, amici mei, parcite jam hunc et misere mini mei. Et quare persequimini me sicut Deus? Nunquid sine peccato estis? Solus enim Deus sine peccato. Quia ergo sine peccato non estis, cur mea peccata redarguitis? Redarguite vestra. Aliorum vero carnibus saturatur, qui in aliorum afflictionibus et detractio-

D nibus delectatur.

« Quis mihi tribuat ut scribantur sermones mei? « Quis mihi det ut exarentur in libro stylo ferreo, « et plumbi lamina, vel celte sculpantur in silice? » Optat enim vir sanctus, ut sermones ejus scribantur, quatenus illi qui post eum venturi erant, patientiæ exemplum ex eis caperent. Vult autem ut scribantur stylo ferreo, id est stabili firmaque sententia, ne deleri de hominum memoria valeant. Sed ubi? In plumbi lamina, vel celte in silice, id est in Judæorum et gentilium pectore. Plumbum enim omni metallo vilius est: Judæi autem cunctis gentibus subditi sunt; gentiles vero, quia idola et lapides adorabant, merito per silices significantur. Sed quasi aliquis dicat: Quid tibi prodest, si sermones

ui scribantur, cum tu ipse quoque morte penitus finiaris? Ad quod ipse: « Scio enim quod Redemptor meus vivit » (350) (quem Judæi se occidisse putabant) « et in novissimo die de terra surrecturus sum, et rursum circumdabor pelle mea, et in carne mea videbo Deum, quem visurus sum ego ipse, et oculi mei conspecturi sunt. » O quanta spes resurrectionis! Sola enim hæc verba sufficiunt contra omnes qui resurrectionem negant. « Quem visurus sum, inquit, ego ipse. » Quid est ego ipse? Id est in hac carne, in hac essentia, in hac persona. Et non alius, carnis mutatione, sed unus idemque, ejusdem ipsius receptione. « Reposita est hæc spes mea in sinu meo. » Sic, inquit, credo, sic spero, sic rei certus sum, ut illius rei, quam in sinu et pectore habeo.

« Quare ergo dicitis: Persequamur eum, et radicem verbi inveniamus contra eum? » Radicem verbi inveniunt, quando in ejus verbis aliquid notant, unde contra eum loquendi materiam sumant. Sed hoc frustra faciunt, quia ejus fides et spes moveri non potest. Insuper dum eum impugnant, se ipsos occidunt, unde et subditur: « Fugite ergo a facie gladii, quoniam ultor iniquitatum gladius est, et scitote esse judicium. » Ac si dicat: Dum contra me injuste contenditis, gladium divinæ ultionis vestris cervicibus imminet non consideratis. Cessate igitur ab iniquitate, et fugite ultionis gladium, quoniam ultor iniquitatum gladius est: et scitote esse judicium, in quo Deus omnia occulta manifestabit. « Nolite igitur ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium: et tunc laus erit unicuique a Deo (1 Cor. iv, 5). »

CAPUT XX.

« Respondens autem Sophar Naamathites, dixit: « Idecirco cogitationes meæ variæ succedunt sibi, et mens in diversa rapitur. » Idecirco, inquit, quia tu quoque de futuro judicio non dubitas, et tamen quasi in tua justitia confidens, a superbæ sermone non cessas; inde, inquam, cogitationes meæ variantur. Saltem enim illius judicii timor te ab hac tanta jactantia debuit cohibere. « Doctrinam, qua me arguis, audiam, et spiritus intelligentiæ meæ respondet mihi. » Tu, inquit, loquere quodvis, argue me quantum vis, quia ego doctrinam tuam audire quidem possum; sed spiritus intelligentiæ meæ intus mihi respondens, tuæ doctrinæ non me patitur assentire. « Hoc scio a principio, in quo potius est homo super terram, quod laus impiorum brevis est, et gaudium hypocritæ adinstar puncti. » His verbis beatum Job et impium et hypocritam in-

A juste reprehendit. Quæ tamen verba de impio, et hypocrita competenter intellecta, vera esse possunt. Brevis est enim laus hypocritæ, quia et cognita cito perit, et penitus in hac vita finitur. Est autem gaudium ejus adinstar puncti, qui tam brevis est, ut vix fuisse videatur. « Si ascenderit usque ad cælum superbia ejus, et caput ejus nubes tetigerit, quasi sterquilinum in fine perdetur. » Per cælum et nubes Ecclesiæ doctores intelligimus. Usque ad hos ascendit hypocrita, eosque tangit, dum per bene vivendi simulationem parem se eis esse ostendit; perdetur tamen in fine velut sterquilinum, quoniam etsi exterior sit dealbatus, tamen vitiorum stercore sordescit.

« Et qui eum viderant, dicent: Ubi est? Velut B somnium avolans non inveniatur, transiet sicut visio nocturna; oculus qui eum viderat, non videt, neque ultra intuebitur eum locus ejus. » Bene autem hypocrita somnio et nocturnæ visioni comparatur; quoniam quicquid egit, phantasma et deceptio fuit. Ideo non cum sanctis erit, ubi esse putabatur, sed cum iniquis in tenebris præcipitabitur. Unde et hi qui eum viderant et cognoverant, præ nimia admiratione dicent: Ubi est? Ibi videlicet est, ubique neque locus et habitatio ejus eum intuetur et admiratur, neque talis oculus eum videt, qui ejus deceptionibus falli possit. « Filii ejus atterentur egestate, et manus ejus reddent ei dolorem suum. » Filii, inquit, ejus, id est imitatores ejus, atterentur egestate et omnium bonorum penuria. Et manus ejus, id est opera quæ operatus est, reddent ei dolorem suum, quoniam eadem mensura qua mens fuerit remetietur ei. Et hoc merito. Quandiu enim vixit, a malo nunquam quievit. Et hoc est quod ait: « Ossa ejus implebuntur vitiis adolescentiæ; ejus, et cum eo in pulvere dormient. » Quid enim per ossa, nisi robustiorem ætatem intelligimus? Ossa igitur ejus implentur vitiis adolescentiæ, quia neque in senectute ab illis vitiis cessabit, quæ in adolescentia facere consueverat (351). Et cum eo in pulvere dormient, quoniam in nulla ætate a se vitiorum pulverem excutiet, ut vel sero ad opus bonum evigilet. Semper enim dormiunt mali; unde et Apostolus ait: « Surge, qui dormis, surge a mortuis, et illuminabit te Christus (Ephes. v, 14). »

« Cum enim dulce fuerit malum in ore ejus, abscondet illud in lingua sua, pareet illi, et non derelinquet illud, et celabit in gutture suo. » Cum enim malum, et iniquitas in ore cordis illius dulce et suave fuisset, non manifestavit, neque poenitentiam egit, sed abscondit illud sub lingua sua. Et percipit illi, quia noluit confitendo delere. Et non derelinquit illud, ut per linguæ confessionem exiret;

(350) Redemit autem nos Christus de peccato per mortem pro nobis moriendo; non autem sic mortuus est, quod eum mors absorberet: qui et si mortuus secundum humanitatem, mori tamen non potuit secundum divinitatem. Ex vita autem divinitatis etiam humanitas est reparata ad vitam resurgendo, secundum

dum illud ad Cor. ultim.: Nam et si crucifixus est ex infirmitate nostra, sed vivit ex virtute Dei. » D. Tn.

(351) Idem habetur in Prov. xxii, 6: Adolescens juxta viam suam, etiam cum sennerit, non recedet ab ea.

sed celavit in gutture suo, id est in secreto cordis sui. « Panis ejus in utero illius vertetur in fel aspidum interius. » Panis ejus in venenum, et in fel aspidum interius vertitur (352), quando ipso cibo, quo debuit vivificari anima, occiditur. Hoc autem illis contingit, qui bene intelligunt et male agunt. Unde et Apostolus : « Aliis, inquit, sumus odor vite in vitam, aliis odor mortis in mortem (II Cor. II, 16). » — « Divitias, quas devoravit, emovet, et de ventre illius extrahet Deus. » Divitias enim sanctarum Scripturarum, quibus hypocritæ frequenter abundant, eo tempore penitus amittunt. Quo e contra boni quicquid minus habent, perfecte suscipiunt. Sicut enim scientia bonis, sic ignorantia crescit malis. Caput aspidum surget, occidet eum lingua viperæ. Diabolus enim et aspis et vipera vocatur : aspis quidem, propter veneni sævitiā, vipera vero, quia pariens rumpitur. Tunc enim diabolus rumpitur dolore, quando ex ejus ventre illi, quos devoraverat, peccatores foras erumpunt, et ad penitentiam redeunt. Qui enim caput aspidum non fugit, et malignorum spirituum venenum insanabile bibit, eum nimirum lingua viperæ occidit, et quia diaboli persuasionem superatus, et devoratus, ex ejus ventre vix unquam exire, et evadere 259 poterit? « Non videat rivulos fluminis, torrentes mellis et butyri. » Non videat, inquit, et non intelligat rivulos fluminis, id est sententias Novi Testamenti, quæ et melle et butyro abundant, et fluunt, quoniam Deum et hominem apertissime Christum esse ostendunt. Mel enim, quia ex aere colligitur, divinitatem, butyrum vero, quod ex carne est, humanitatem designat. Sive etiam, quia dulcis et facilis est, mel et butyrum doctrina evangelica dici potest. « Luet, quæ fecit omnia, nec tamen consumetur. » Quia pro unoquoque peccato quod fecit punietur; sed quia immortalis erit, penitus consumi non poterit. Hoc autem exponit.

« Juxta multitudinem adinventionum suarum, sic et sustinebit. Quoniam confringens nudavit pauperis domum, rapuit, et non ædificavit eam, non est satiat venter ejus. » Pauperis enim domum, quam iniquus per superbiam violenter confregit, per avaritiam nudavit et expoliavit. Nec tamen venter ejus satiat, quia ejus cupiditatis desiderium satiari non potest. « Et cum habuerit quæ cupierat, possidere non poterit. » Ut ille in Evangelio cui cum haberet multa bona, dictum est ei : « O stulte, hac nocte anima tua rapietur a te, quæ autem parasti, ejus erunt? » (Luc. XII, 40.)

« Non remansit de cibo ejus, et propter ea nihil permanebit de bonis ejus. » Hoc autem sic ad lit-

teram intelligi potest, ut quia neque de ciborum suorum reliquiis elemosynam fecit, ideo de bonis suis nihil ei remansit. « Cum satiat fuerit, arctabitur, æstuabit, et omnis dolor irruet in eum. » Cum, inquit, satiat et plenus fuerit, tunc multis curis et sollicitudinibus arctatur; tunc fures et prædatores timet, dormire non audet, omnia formidat, ne et ipse capiat, trepidat. Sic igitur omnis dolor irruit in eum, cui melius fuerat divitem non esse, quam propter divitias in timore et angustia semper esse. Et quoniam iniqui tunc miseriæ et perditioni propinquiore sunt, quando magis divitiis abundant, ideo subdidit : « Utinam impleatur venter ejus, ut emittat in eum iram furoris sui, et pluat super illum bellum suum. » Utinam, inquit, impleri desiderium compleatur, ut ejus nequitia consummata, ad tormenta citius rapiatur, et vel ibi sentiat iram et bellum furoris Dei, quod quasi pluvia super iniquos abundanter descendit. « Fugiet arma ferrea, et irruet in arcum æreum, eductus, et egrediens de vagina sua, et fulgurans in amaritudine sua. »

Ut enim modo supra dixi, quandiu in hac vita impius est, sine timore, et dolore, et tristitia, et sollicitudine non est. Et hæc quidem sunt arma ferrea, quæ ipse de sæculo transiens fugit; sed quod pejus illi est, irruit in arcum æreum, id est tormenta impia, et dura (353). Quia enim illa tormenta occulta sunt, arcus vocantur : quia vero dura, ærea vocantur. Sed quando hoc illis continget? tunc utique quando educetur et egrediatur de vagina sua; id est quando ejus anima de carnis tabernaculo extrahetur. Sed quomodo ibi, nisi fulgurans, id est ardens et candens in amaritudine et angustia sua? Unde autem sit hæc amaritudo, audi quod sequitur : « Vadent et venient super eum horribiles. » Hi autem horribiles maligni spiritus sunt, qui super eum vadunt et veniunt; quoniam sine intermissione eum conculcantes, quietem illum habere non patiuntur. « Omnes tenebræ absconditæ sunt in oculis ejus. » Quoniam ibi absconditus est, ubi umbra mortis, et tenebræ sunt, et caligo. « Devorabit eum ignis, qui non succendetur, affligetur relictus in tabernaculo suo. » Ignis enim ille inextinguibilis est, et semel succensus non indiget, ut ulterius succendatur. Relictus autem in tabernaculo carnis suæ semper affligetur; quia et caro, et anima in æternum cruciabitur. « Revelabunt cœli iniquitatem ejus, et terra consurget adversum eum (354). » Cœli et terra apostoli sunt et Ecclesia. Horum autem judicio, quia mali damnabuntur, contra eos insurgere, et eorum iniquitates revelare dicuntur. « Apertum erit germen domus illius; detrahetur in die furo-

rum æreum, id est in penas futuræ vitæ, quæ quasi feriunt a remotis ad modum arcus ærei, qui est infrangibilis, ut futurarum poenarum infrangibilitas designetur. » D. THOM.

(354) « Id est cœlesti virtute fiet, quod iniquitas ejus reveletur post mortem, quæ latebat in vita. » D. THOM.

(352) Quasi dicat, sicut quandoque cibus emetna convertitur in humores venenosos, ita et bona, quæ (peccator) habuit usque ad mortem, convertuntur in amaritudinem mortis. D. THOM.

(353) « Fugiet arma ferrea, id est penas præsentis vitæ, impatienter eas sustinendo, quæ ad modum gladii ferrei feriunt de propinquo : et irruet in ar-

eam æreum, id est in penas futuræ vitæ, quæ quasi feriunt a remotis ad modum arcus ærei, qui est infrangibilis, ut futurarum poenarum infrangibilitas designetur. » D. THOM.

(354) « Id est cœlesti virtute fiet, quod iniquitas ejus reveletur post mortem, quæ latebat in vita. » D. THOM.

« ris Domini. » Quidquid enim nunc latet, tunc A apertum erit, et manifestum (355). Et tunc omnia foras trahentur, quia omnibus aperientur. « Hæc est pars impij a Deo, et hæreditas verborum ejus a Domino. » Id est hanc partem et hanc hæreditatem recipiet impius a Deo non solum pro his quæ inique gessit, verum etiam pro his quæ stulte et indiscipline locutus est.

CAPUT XXI.

« Respondens autem Job dixit : Audite, quæso, sermones meos, et agite pœnitentiam, sustinete me, et ego loquar, et post mea, si videbitur, verba, ridete. » Quia enim contra veritatem locuti fuerant, et compatiens, ad pœnitentiam eos invitat. Quod vero non tantum verbis, sed etiam risu cum affligerint, manifestatur, cum dicit : « Et post mea, si videbitur, verba, ridete. » Stulti enim, cum aliter non possunt, ne victi videantur, risu se defendunt. « Nunquid contra hominem disputatio mea, ut merito non debeam contristari? » Contra illum disputate, qui 280 justissimus est, et qui injusta nihil facere potest. Cum igitur et illius justitiam, et mea facta, et hæc flagella considero, quomodo contristari non debeam? Cur enim affligar ignoro, tamen non sine causa me affligi non ignoro. « At tendite me, et obtupescite, et superponite digitum ori vestro. » Attendite, inquit, et considerate verba mea, et admirantes obtupescite de his quæ modo dixi, id est, quia et Deus justus est, et ego innocens, et tamen flagella non cessant. Quod autem sequitur : « et superponite digitum ori vestro : » eos his verbis ad indignationem commotos fuisse, et respondere noluisse insinuat. « Et ego quando recordatus fuero, pertimesco, et concutit carnem meam tremor. » Non solum vos, inquit, sed ego quoque dum hæc recordor, et mente pertracto, illico pertimesco et timore concutior. Sed illud magis mirandum est, quod vos, quia me affligi videtis, impium me esse putatis, ac si nemo nisi impius affligeretur, et nemo nisi justus gaudio, et lætitia frueretur. « Quare ergo impij vivunt, sublevati sunt et confortati divitiis. » Si, inquit, ut dicitis, solos Deus impios persequitur, et affligit, quare ergo vivunt? Quare divitiis sublevantur et confortantur? Et hoc probat. « Semen eorum permanet coram eis, propinquorum turba, et nepotum in conspectu eorum; domus eorum securæ sunt et pacatæ, et non est virga Dei super illos. Bos eorum concepit, et non abortivit, vacca peperit, et non est privata fetu suo, egrediuntur quasi greges parvuli eorum, et infantes eorum exsultant lusuibus, tenent tympanum, et citaram, et gaudent ad sonitum

« organi. » Quis igitur dicere audeat istos non esse sublevatos, et divitiis confortatos? Hæc autem ad litteram intelliguntur, et tam plana sunt, ut expositione non egeant. Sequitur : « Ducunt in bonis dies suos, et in puncto ad inferna descendunt (356). » Ac si dicat : Quamvis in tanta felicitate hanc vitam agant, in puncto tamen cuncta amittunt, et rapiuntur ad tormenta; quoniam inter mortem et pœnam nulla mora est. « Qui dixerunt Deo : Recede a nobis, et scientiam viarum tuarum nolumus. » In hoc autem manifestatur, et quod merito ad inferna descenderint. Illi enim non tantum voce, quam actionibus Deo dicunt : « Recede a nobis, qui male vivendo, omnem justitiam et æquitatem a se repellunt. Et isti quidem vias ejus scire nolunt, quoniam non per virtutum semitam, quæ arcta est, sed per amplas vitiorum vias ad mortem tendunt.

« Quid est Omnipotens, ut serviamus ei? et quid prodest, si adoraverimus illum? » Hoc et Pharaeo dicebat : Nescio Dominum, et Israel non dimittam (Exod. v, 2). « Unde et David : Dixit insipiens in corde suo : Non est Deus (Psal. xiii, 1). » Et quid prodest, inquit, nobis, si adoraverimus illum? Cum eos qui illum adorant miseros, et qui illum non adorant felices esse videamus? Hoc enim illi dicunt, qui non futura, sed præsentia contemplantur. « Verumtamen quia non sunt in manu eorum bona sua, consilium impiorum longe sit a me. » Omnia enim in manu et potestate Dei sunt, quod jubente nihil impiis remanebit. Sive etiam bona sua non sunt in manu eorum, quia proprie æterna bona non intelligunt. « Quoties lucerna impiorum exstinguetur, et superveniet eis inundatio, et dolores dividet furoris sui. » Quamvis, inquit, aliquando, non semper tamen impii prosperantur; nam et lucerna eorum sæpe exstinguitur, et ea quæ quasi oculorum lumen amabant amittunt. Hoc enim unicuique lucerna est, quod multum diligit, sive filii sunt, sive divitiæ, sive honores; inundatio autem supervenit eis, quando repentina Dei indignatio eos vehementer affligit. Dividit autem eis dolores Dominus furoris sui, quia alios eis in hac vita tribuit, alios in futura reservat. Quid autem eis fiat, cum ad illos dolores venerint, audiamus. « Erunt sicut paleæ ante faciem venti, et sicut favilla quam turbo dispergit. » Prius enim quam succendantur, paleæ sunt, successi vero, favillæ. Ventus autem et turbo qui eos dispergit, malignorum spirituum impetus intelligitur. « Deus servabit filius illius dolorem patris, et cum reddiderit, tunc sciet. » Non solum etiam per alios iniquos, verum etiam per illum, qui omnium iniquissimus erit, sermones suos

(355) Hanc etiam veritatem docuit Dominus, cum dixit : « Nihil est opertum quod non revelabitur, et occultum quod non sciatur. » Luc. x, 26.

(356) Infernus accipitur etiam pro morte, sicut cum multis Patribus hic docet S. Thomas : Et in puncto ad infernum descendunt, id est in mortem. Omnes enim antiqui ante Redemptoris adventum, ad

inferna descendebant : sed quidam adversitatibus pressi in via non subito, sed per multas amaritudines ad inferna descendebant; sicut Jacob dixit Genes. xxxvii : Descendam ad filium meum, iugens in infernum, sed illi qui prosperitate vigent usque ad mortem, quasi in puncto ad inferna descendunt. »

vir sanctus confirmat, id est per Antichristum. Huius autem filii sunt, quicunque eius opera faciunt. His autem servat Deus dolorem patris quia simul cum eo damnati eadem patientur tormenta. Et cum Deus ad iudicium redierit, qui modo injuste iudicatus celos ascendit; tunc sciet iste iniquus, quantus dolor et sibi et filiis suis sit reservatus. « Videbunt oculi eius interfectionem suam, et de furore Omnipotentis bibet. » Hoc est enim quod Apostolus ait: « Quem Dominus Jesus interficiet spiritu oris sui, et destruet illustratione adventus sui (II Thess. II, 8); » quod quia palam fiet, hoc eius oculos visuros dicit. « Quid enim ad eum pertinet de domo sua post se, et si numerus mensium eius dimidiatur? » Eius enim domus illi sunt quos deceperat. Hi autem post mortem suam ad eum non pertinebunt; quia veritate cognita ad fidem convertentur, secundum illud: « Si **261** fuerit numerus filiorum Israel, sicut arena maris, reliquæ salvæ fient (Rom. ix, 27). » Dimidiabitur autem numerus mensium ejus, quoniam non tantum vivet, quantum se vivere sperabit. Unde ipsa Veritas ait: « Nisi breviami fuissent dies illi, non fuisset salva omnis caro; sed propter electos breviantur dies illi (Matth. xxiv, 22). »

« Nunquid Deum quispiam docebit scientiam, qui excelsos iudicat? » Ac si dicat: Cum ergo manifestum sit quia et boni et mali in hac vita indifferenter aliquando affliguntur, aliquando vero non, quis docebit Deum scientiam, ut dicat non esse justum ut boni affligantur, neque esse justum ut mali ducant in bonis dies suos? Qui enim excelsos iudicat, ab infimis nec doceri nec iudicari debet. Sed hoc quoque sequitur, volo, ut respondeatis.

« Iste moritur robustus, et sanus, dives et felix; viscera ejus plena sunt adipe, et medullis ossa illius irrigantur: alius vero moritur in amaritudine animæ, absque ullis opibus, et tamen simul in pulvere dormient, et vermes operient eos. » Hoc de solis impiis se dixisse demonstrat. Non enim simul dormient boni et mali. In his igitur verbis aperte demonstratur, quod neque ille damnatur, quia dives est, neque iste justificatur, quia pauper est; sed uterque ideo damnatur, quia impius est. Non igitur divitiæ vel paupertas, sanitas vel ægrotudo, prosperitas vel adversitas, sed sola impietas hominem damnat. Hoc autem quare dixerit, adiungit: « Certe novi cogitationes vestras et sententias contra me iniquas. Dicitis enim: Ubi est domus principis, et ubi tabernacula impiorum? » Quia enim omnia ejus bona dissipata, et ipsum tam graviter afflictum cernebant, impium et iniquum eum iudicabant, ac si nemo impius esset, qui in hac vita affligeretur. Nunc autem ad Antichristum, de quo supra loqui coeperat, verba convertit, qui quamvis omnium iniquissimus sit, in tantum tamen ad tempus prosperabitur, ut in templo Dei sedeat, ostendens se

A tanquam sit Deus. Et hic quidem ex hoc impius fuisse probatur, quoniam etsi regnum, et mundi gloriam ante mortem non amittat, post mortem tamen ad tormenta mirabiliter trahitur, et hoc est quod dicit:

« Interrogate quemlibet de viatoribus, et hæc eadem illum intelligere cognoscetis. Quia in diem perditionis servabitur malus, et ad diem furoris ducetur. » Servabitur enim ad tempus, et non affligetur, ut postea majori pœna condemnnetur. Si igitur Job, quia affligitur, iniquus iudicatur, consequitur ut Antichristus qui prosperabitur justus iudicetur. Viatores autem eos dicit qui, in hoc mundo peregrinantes, ad supernam patriam pergunt. Talis enim viator erat ille qui dicebat: « Incola ego sum in terra, et peregrinus, sicut omnes patres mei. Et

B viam mandatorum tuorum cucurri (Psalm. cxviii, 19). » Hic autem eadem quæ et Job de Antichristi interitu intellexit. Ait enim: « Inclinet se et cadet, cum dominatus fuerit pauperum (Psalm. ix, 10). » Itemque: « Conteres brachium peccatoris et maligni (ibid., 15). » Sequitur: « Quis arguet coram eo viam ejus, et quæ fecit, quis reddet? » Nisi Christus? subauditur; qui eum interficiet spiritu oris sui. Tantæ enim potentia, ut humana virtus ei resistere non possit. Ipse ad sepulcra ducetur, et in congerie mortuorum vigilabit. De his sepulcris in Evangelio Dominus dicit: « Mortuus est autem dives, et sepultus est in inferno (Luc. xvi, 22). » Hi autem iste iniquus in congerie mortuorum, id est in illa tanta multitudine damnatorum vigilabit; quoniam nunquam amplius quietem habebit, et hoc merito: « Dulcis fuit glareis Cocytii (357), et post se omnem hominem trahet, et ante se innumerabiles. » Cocytus, ut poetæ fingunt, fluvius inferni est, qui *luctus* interpretatur, per quem ipsius inferni graviore pœnas intelligere possumus. Huius autem fluvii glareæ sunt omnes, qui in eo submersi, luctum, et miseriam, et cætera inferni tormenta patiuntur. Talibus autem dulcis fuit Antichristus, quoniam ejus opera, et doctrina omnibus iniquis placuerunt. Trahet autem post se omnem hominem, quoniam quicumque ei crediderit, simul cum eo ad inferna ducetur. Nemo enim hoc in loco peccatores significat, secundum illud: « Vos autem sicut homines moriemini (Psalm. lxxxi, 7). » Et ante se trahet innumerabiles, non solum enim illos, quos ipse hic inveniet, decipiet, sed etiam eos qui nunc ejus adventum expectant, secum trahet ad tormenta. « Quare ergo consolamini me frustra, cum responsio vestra repugnare ostensa sit veritati? » Consolamini enim deridendo dicit. Responsio illorum repugnare veritati ostensa est, quoniam nec solos impios hoc in sæculo flagellari, nec solos justos prosperari probatum est.

CAPUT XXII.

« Respondens autem Eliphaz Themanites dixit:

(357) « Quia enim testimonium viatorum invocavit, veritatem de pœnis malorum post mortem proponit sub fabula quæ vulgari serbatur, quia sci-

licet in inferno inter alios esset quidam fluvius nomine Cocytus, qui interpretatur *luctus*, quo animos malorum perducunt. » D. Thom.

« Nunquid Deo comparari potest homo, etiam cum perfectæ fuerit scientiæ? Quid prodest Deo si iustus fueris? aut quid ei confers, si immaculata fuerit via tua? Nunquid timens arguet te, et veniet tecum in iudicium? Et non propter malitiam tuam plurimam, et infinitas iniquitates tuas? » Constat enim victum **262** esse Eliphaz, nec jam habere quid respondeat; quoniam et ea replicat quæ dicta sunt, et omnibus nota, quasi novum aliquid dicere erubescit; insuper et valde iratus ad injurias et contumeliosa verba prorumpit. Quis enim hoc ignorat, quod nemo Deo comparari possit, et quod in nulla re augeri vel minui valeat, et quod non pro timore aliquid agat? Quod enim Job se manifestate a Deo argui et iudicari postulavit, non minis provocando, sed deprecando et operando dixit. Sed audiamus, quid Eliphaz iratus contra virum sanctum mentiendo dicat: « Abstulisti enim pignus fratrum tuorum sine causa, et nudes spoliasti vestibus. » Aquam lasso non dedisti, et esurienti subtraxisti panem. In fortitudine brachii tui possidebas terram, et potentissimus obtinebas eam; viduas dimisiisti vacuas, et lacertos pupillorum comminui. Propterea circumdatus es laqueis, et conturbat te fortitudo subita: Et putabas te tenere bras non visurum, et impetu aquarum inundantium non oppressum iri? » Per tenebras, et aquas inundantes, omnes ejus afflictiones, quæ repente et violenter super eum irruerunt, significat. In his autem allegoriam querere superfluum est, quoniam ad litteram intelligi debent. Non enim minus vitium est, in his quæ ad litteram intelligenda sunt, allegoriam querere, quam ea quæ allegorice intelligenda sunt, ad litteram tantum velle interpretari. Unde cum in Evangelio Dominus dixisset: « Non lotis manibus manducare, non coinquinat hominem (Matth. xv, 11), » et apostoli parabolice dictum putantes, dicerent: « Edissere nobis parabolam istam (ibid., 15); » illico eos Dominus redarguit, dicens: « Adhuc et vos sine intellectu estis? » (ibid., 16.)

« An non cogitas quod Deus excelsior cælo sit, et super stellarum vertices sublimetur? Et dicis: » Quid enim novit Deus? Et quasi per caliginem judicat. Nubes latibulum ejus, nec nostra considerat, et circa cardines cæli perambulat. » Quamvis enim Deus cælo excelsior sit, mundi tamen gubernacula non relinquit. Nec longe quidem est, quia ubique est. Omnia novit, quia omnia fecit, cujus oculis nec nubes nec caligines obstant. Cuncta considerat, et quamvis immobilis manens, cuncta perambulat. « Nunquid semitam sæculorum custodire cupis, quam calcaverunt viri iniqui, qui sublati sunt ante tempus suum, et fluvius subvertit fundamentum eorum? » Semita enim sæculorum illa est, per quam non spirituales, sed sæculares homines gradiuntur, quæ, quia longa et ampla est, sæculorum dicitur. Hanc autem semitam calcant, et custodiunt viri iniqui, quoniam sola præsentia et

A sæcularia diligunt. Hanc autem et Job custodire cuperet, si, ut ipse putabat, propter bona fugitiva doloisset. Sunt vero sublati viri iniqui ante tempus suum, quia non tantum vivunt, quantum se vivere sperabant. Fluvius enim, et impetus mortis subvertit fundamenta eorum, id est eorum vitæ stabilitatem. Fluvius enim mors dicitur, quia ex quo cæpit fluere, non destitit: de hoc enim fluvio bibunt, quicumque in hunc mundum veniunt: « Qui dicebant Deo: Recede a nobis, et quasi nihil possit facere Omnipotens, existimabant eum, cum ipse impleset domos eorum bonis. » Deus enim iniquorum domos bonis implet, quia divitiis sæcularibus, quæ utique quantum ad se bonæ sunt, eos multiplicari facit. « Quorum sententia longe sit a me. » Hæc autem verba Eliphaz removet a se, quia propter se beatum Job ea superius dixisse putavit.

« Videbunt justi, et lætabuntur, et innocens subannabit eos. » Hoc est enim quod Psalmista ait: « Lætabitur justus, cum viderit vindictam (Psalm. lxxvii, 11). » Innocens autem, id est Christus, subannabit eos, secundum illud: « Qui habitat in cælis irridebit eos, et Dominus subannabit eos (Psalm. ii, 4), » et insultando dicit: « Nonne succisa est erectio eorum? » Quia se elevando superbiebant. « Et reliquias eorum devorabit ignis. » Ignis utique gehennæ, reliquias autem, carnem et animam vocat, quoniam ex omnibus quæ possidebant, nihil aliud eis relinquetur. « Acquiesce igitur ei, et habeto pacem, et per hoc habebis fructus optimos. » Acquiesce, inquit, ei, et noli superbire; et habeto nunc jam quietem et pacem; et per hoc habebis optimos fructus et magnam remunerationem. « Suscipe ex ore illius legem, et pone sermones illius in corde tuo. » Suscipe, inquit, hæc verba, suscipe hanc legem, non de ore meo, sed de ore illius; hæc enim verba et hi sermones illius sunt. Pone igitur eos in corde tuo, et noli eorum oblivisci. Vera quidem dicit Eliphaz, sed arroganter loquitur: « Si reversus fueris ad Omnipotentem, » edificaberis, et longe facies iniquitatem a tabernaculo tuo. » Destructus, inquit, es propter superbiam et iniquitatem tuam; sed si penitentiam agas et ad Deum revertaris, iterum edificaberis, et omnis iniquitas fugiet a te. » Dabit pro terra silicem, et pro silice torrentes aureos. » Si, inquit, ad Omnipotentem reversus fueris, pro terræ mollietate et infirmitate quam habuisti, dabit tibi silicis robur et fortitudinem. Quam fortitudinem si bene tenueris, dabit tibi pro ea torrentes aureos, id est magnam sapientiæ et scientiæ plenitudinem. « Eritque Omnipotens contra hostes tuos, et argentum coaccervabitur tibi. » Illi enim coaccervatur argentum, qui et sapientiam in corde, et veritatem tenet in locutione. Sapientia enim sine veritate inutilis est. « Tunc super Omnipotentem deliciis affluas, et levabis ad Deum faciem tuam. » Deliciis enim super Omnipotentem affluit, qui in ejus contemplatione de-

lectatur; ideoque subditur: « Et levabis ad Deum faciem tuam, » quia jam non ima, non terrena, sed caelestia **263** intueri delectaberis. « Rogabis eum, et exaudiet te, et vota tua reddes. » Qui enim post exauditionem vota reddit, se ut exaudiretur, aliquid vovisse ostendit. Quod quidem et nautis, et aliis, qui in periculo sunt, sæpe contingit. « Decernes rem, et veniet tibi, et in viis tuis splendet lumen: » id est, quod desiderabis consequeris, et in tuis operationibus non errabis. « Qui enim humiliatus fuerit, erit in gloria, et qui inclinaverit oculos, ipse salvabitur. » Secundum illud: « Omnis qui se humiliat, exaltabitur. (Luc. iii, 5). » Facile enim in oculis superbia deprehenditur. « Salvabitur innocens, salvabitur autem in munditia manuum suarum. » Et humilis quidem, et innocens salvabitur, non tantum quia humilis et innocens est, quantum quod in omni suo opere mundus est.

CAPUT XXIII.

« Respondens autem Job, ait: Nunc quoque in amaritudine est sermo meus, et manus plagæ meæ aggravata est super gemitum meum. » Quia, inquit, et vos sub specie consolationis injustis increpationibus me fatigatis, et manus Domini me flagellare non cessat, sermo meus in amaritudine est, et gemitus meus amplius crescit.

« Quis mihi tribuat, ut cognoscam et inveniam illum, et veniam usque ad solium ejus? Ponam coram eo judicium meum, et os meum implebo increpationibus: ut sciam verba quæ mihi respondeat, et intelligam quid loquatur mihi. » Deum enim cognoscere, et invenire, et usque ad solium ejus pervenire, est ejus voluntatem, ejusque occulta judicia plenissime intelligere. Hoc autem B. Job desiderabat, quia cur affligeretur scire cupiebat. Vult quoque coram eo judicium ponere, et os suum increpationibus implere, quia omnem vitam suam ei confiteri, et in quibuscunque deliquit, se ipsum judicare, damnare et increpare paratus est. Sed hoc quare? Ut sciat quid illi Dominus respondeat, et quid loquatur. Tunc enim Dominus illi responderet et loqueretur, si et suam voluntatem et illud quod scire cupiebat ei revelaret.

« Nolo multa fortitudine contendat mecum, nec magnitudinis suæ mole me premat. Æquitatem proponat contra me, et perveniat ad victoriam, judicium meum. » Nemo enim tam justus est, qui se defendere valeat, si districto judicio a Domino judicetur. Unde Psalmista ait: « Non intres in iudicium cum servo tuo, quia non justificabitur in conspectu tuo omnis vivens (Psalm. cxli, 2). » Quis enim, non dicam de originali, sed de his quæ cogitatione vel ignorantia peccat, se posset defendere, si districto jure a Domino judicaretur. Vult igitur judicari æquitate et misericordia, quod quidem secundum sæculi leges dicitur, ex bono et æquo. Æquum est enim ut humilibus et humo animo servientibus, etsi ignoranter, et in his, sine quibus hæc vita vix ducitur, peccatis aliquomodo labenti-

bus, et confestim ad poenitentiam confugientibus, æquum, inquam, est ut illis Dominus parcat. Hanc autem æquitatem si Dominus proposuerit adversum Job, nihil timet quin ejus judicium ad victoriam perveniat. Sed quare beato Job hæc æquitas denegatur, quæ nulli unquam peccatori denegatur?

« Si ad orientem iero, non apparet; et si ad occidentem, non intelligam eum; si ad sinistram, quid agam? Non apprehendam eum. Si me vertam ad dexteram, non videbo illum. Ipse vero scit viam meam, et probabit me quasi aurum, quod per ignem transit. » Ergo, inquit, et meipsum, et viam meam penitus agnoscit. Quæro enim, et diligenter mecum pertracto, si in oriente, id est in prima ætate aliquid egi, ut sic affligi debuisssem, et non intelligo, neque peccatum, neque ibi iudicem pro peccato judicantem. Item venio ad occidentem, id est ad hanc ultimam meam ætatem, et neque ibi video meum iudicem me judicantem. Et non tantum in æquitatibus, verum etiam in dextra et sinistra, id est in prosperitatibus et adversitatibus meis, id ipsam quæro, et non invenio. Sic igitur ignorantia tenebris involutus, non cognosco meipsum. Ipse vero scit omnem viam meam, et ideo probabit me, quasi aurum quod per ignem transit, id est neque exure, neque affligere me cessabit, donec omnium victiorum rubigine decocta, nihil vitiosum, et immundum in me maneat.

« Vestigia ejus secutus est pes meus; viam ejus custodivi, et non declinavi ex ea; a mandatis labiorum ejus non recessi, et in sinu meo abscondi verba oris ejus. » Ideo, inquit, quid reprehendam, vel in quo damnari debeam non invenio, quoniam in quantum potui legem Dei custodivi. Vestigia ejus secutus est pes meus, quoniam recte incedens, virtutum gradibus eum imitatus sum. Verba autem in sinu cordis abscondi, qui ea firmissime memoriam mandat. « Ipse enim solus est, et nemo avertere potest cogitationem ejus, et anima ejus, quodcumque voluerit, hoc fecit. » Bene ille solus esse dicitur, qui semper est, et nunquam mutatur. Nemo autem ejus cogitationem avertere potest, quia quod semel disposuit, firmum et stabile est. En anima ejus, id est virtus, et potentia ejus, quæcumque voluit fecit. Quia igitur talis est, merito eum secutus sum, quoniam talis non est alius quem sequi debuisssem. « Cumque expleverit in me voluntatem suam, et alia similia multa præsto sunt ei. » Id est, postquam me nescio pro qua culpa, secundum **264** voluntatem suam afflixerit, alia quoque si voluerit in me reperiet, pro quibus iterum affligar. « Et idcirco a facie ejus turbatus sum, et considerans cum timore sollicitor. » Quia nihil, inquit, eum latere potest, districtum ejus judicium timeo, dum ipsius faciem et cognitionem considero. « Deus mollivit cor meum, et Omnipotens conturbavit me. » Ipse, inquit, bene cognoscit, eique in nullo me abscondere possum. Qui non solum me fecit, sed et cor meum mollivit, et quidquid boni

me egisse putabam, non ego egi, sed ipse: « Quoniam neque volentis, neque currentis, sed miserantis est Dei (Rom. ix, 16). » Et Omnipotens conturbavit me, qui quare conturbaverit, et si ego nesciam, ipse tamen non ignorat. « Non enim perii propter imminentes tenebras, nec faciem meam operuit caligo. » Patior, inquit, ignorantie tenebras, sed non erroris. Erroris enim tenebras qui patiuntur, ut Judæi, pagani et hæretici, in ipsis et propter ipsas pereunt. Ego autem propter tales tenebras non perii, nec affligor; neque cordis mei oculus operuit caligo erroris.

CAPUT XXIV.

« Ab Omnipotente non sunt abscondita tempora, qui autem noverunt eum, ignorant dies illius (358). » Nos, inquit, sine aliqua ignorantia non sumus. Solus enim Deus omnia novit, qui præsentia simul, et præterita et futura videt. Qui autem noverunt eum, sive angeli, sive sancti, et si per fidem eum noverunt; ejus tamen dies ignorant, qui eorum ab æterno non recordantur. Quæ enim scientia infinitum comprehendere valeat? Hinc autem narrare incipit iniquorum vitam et operationem.

« Alii terminos transtulerunt, diripuerunt greges, et paverunt eos. Asinum pupillorum abegerunt, et abstulerunt pro pignore bovem viduæ. Subvertunt pauperum viam, et opprimerunt pariter mansuetos terræ. » Hæc autem quoniam ad litteram plana sunt, quid allegorice significant, videamus. Fidei namque terminos et Judæi, et hæretici transtulerunt, quando vel plus, vel minus, quam Ecclesia catholica habet, credere persuadent. Greges autem diripiunt et pascunt, quia quoscunque fideles Deo subripere et decipere possunt, sui erroris doctrina pascunt et nutriunt. Sed quid per asinum et bovem, nisi episcopos et sacerdotes, qui et Dei agrum colunt, et aliorum onera ferunt? Quid vero per viduam et pupillos, nisi Ecclesiam et ejus filios? Horum autem bovem et asinum hæretici furantur et tollunt, quando de sacerdotali ordine aliquem subvertunt. Bovem autem pro pignore tollunt, quia prælato aliquo decepto, sic de subditis securi sunt, quasi de quibus jam pignus tenent, unde et subditur, quia « subverterunt pauperum viam, et pariter opprimerunt mansuetos terræ. » Deceptis etenim illis, qui et fide et scientia divites videbantur, facile simplices et indocti subvertantur et opprimuntur. Sequitur:

« Alii quasi onagri in deserto egrediuntur ad opus suum, vigilantesque ad prædam præparant panem liberis, agrum non suum demetunt, et vineam ejus, quem vi opprimerunt, vindemiant. » Alii, inquit, quasi onagri, voluptati et luxurie dediti, per ejus mundi desertum, non Dei, sed suum opus faciunt. Vigilant ad prædam, dant operam deceptioni, præparant panem, id est fallaciam doctrinam liberis

(358) « Id est comprehendere non valent modum æternitatis ejus; et quia dixerat (Joh) temporalium cursum Deo ignotum non esse, consequenter ostendit,

quod suis, illis videlicet qui eos imitantur. Agrum non suum demetunt, quia Dei Ecclesiam vastant. Et vineam ejus, quem vi opprimerunt, vindemiant. « Vineam enim Dei Sabaoth domus Israel est, in qua quot fideles hæretici decipiunt, tot quasi botros in ea vindemiant (Isa. v, 7). » Sed quia Christus veritas est, quicumque veritati resistunt, Christum violentè opprimunt.

« Nudos dimittunt homines, indumenta tollentes, quibus non est operimentum in frigore, quos imbres montium rigant, et non habentes velamen amplexantur lapides. » Hæretici enim fidei indumenta tollentes, eos quos decipiunt nudos dimittunt, illos videlicet quibus non est operimentum in frigore, in eo utique frigore, de quo dicitur: « Quia abundavit iniquitas, refrigescet charitas multorum (Math. xxiv, 12). » Facile enim illis fidei indumenta tolluntur, qui charitatis operimentum non habent, si quando iniquitatis frigus contra ignem charitatis ingruerit. Sed quia dixit, « dimittunt, » de illis intelligere debemus quos hæretici subvertentes retinere non valent, quoniam errore cognito ad Ecclesiam convertuntur; unde et subditur: « Quos imbres montium rigant; » id est, quos sanctorum doctrina ab omni hæresi lavat et purgat. Hi autem qui nudi erant, et velamen non habebant (hæretici enim eos exspoliaverant) amplexantur lapides, dicentes montibus: « Cadite super nos; et collibus: Operite nos (Luc. xxiii, 30). » Rogant enim sanctos, deprecantur lapides vivos, ut eorum contegant nuditatem, et fidei indumentis eos iterum induant. « Vim fecerunt, depredantes pupillos, et vulgum pauperem spoliaverunt. » Quia enim fortiores, et thesauris sapientiæ divites, neque depredari, neque aliqua via per eos transire possunt, ad pupillos et vulgum pauperem et 265 indoctum se convertunt. « Nudis et incedentibus absque vestimento, et esurientibus tulerunt spicas. » Nudi et esurientes illi sunt quos plene fidei doctrina nec induit nec satiavit. Unde non granum, sed spicas perdunt, quia fidem quam gerunt nondum vident, neque cujus sit saporis intelligunt. « Inter acervos eorum meridiati sunt, qui calcatis torcularibus sitiunt. » Per eos qui calcatis torcularibus sitiunt, eos intelligere possumus, qui sacros libros quotidie legunt et non intelligunt; quot enim libri, tot torcularia. Inter istorum enim acervos multi sunt, et meridianiur hæretici, quoniam a doctoribus fatigati, inter tales delectantur et quiescunt, suæque prævæ expositionis mustum propinant. « De civitatibus fecerunt viros gemere, et anima vulneratorum clamavit, et Deum innotum abire non patitur. » Civitates istæ singula Ecclesie sunt. Viri autem, qui in eis gemunt, episcopi sunt et sacerdotes, quorum animæ doloris vulnere pro hæreticorum crudelitate ad Deum

dit, qualiter temporalia judicat, permittens diversas hominum culpas, quorum quidam fraudulentè aliis inferunt nocumenta. » D. THOM.

clamant. Quos quidem absque dābō Deus vindicabit. « Ipsi fuerunt rebelles lumini, nescierunt vias ejus, nec reversi sunt per semitas illius. » Lumini, id est Christo, qui est lux vera, et lumen de lumina, semper hæretici rebelles fuerunt. Et nescierunt vias ejus, quia « universæ viæ Domini misericordia et veritas (Psal. xxiv, 11); » ipsi vero impii et mendaces. Nec sunt reversi per semitas illius, ut de suis iniquitatibus pœnitentiam agerent. Pœnitentia enim non via, sed semita est.

« Mane primo consurgit homicida, interficit egonum et pauperem, per noctem vero erit quasi fur. » Iniqui enim quod in die non possunt, in nocte agunt, quibus nullum tempus vacat ab iniquitate. « Oculi adulteri observat caliginem, dicens: « Non me videbit oculus, et operiet vultum suum. » Omnis enim, sicut scriptum est, qui male agit, edit lucem (Joan. iii, 30). » Hoc autem et de hæretico intelligi potest, quoniam ipse ex Ecclesia adulter est, semperque caliginem observat, quia dubie et obscure loquens, deprehendi pertimescit. Et hoc est quod dicit: quia operuit vultum suum; non enim vult cognosci, qui vultum operit. « Perfodit in tenebris domos, sicut in die condixerant sibi, et ignoraverunt lucem. » Hoc beatus Job specialiter de amicis suis dicere videtur, de quibus superius ait.

Condixerant enim inter se, ut simul venientes visitarent eum. Hi enim cum in die et in prosperis essent, inter se condixerant, ut ad Job in tenebris et in adversitatibus positum venirent, ejusque omnes conscientie domos, et receptacula suis increpationibus diligentissime perfoderent et aperirent. Et ignoraverunt lucem, quia ignorantie tenebris involuti veritatis lucem in verbis beati Job non agnoscebant. « Si subito apparuerit aurora, arbitrantur umbram mortis: et sic in tenebris, quasi in luce ambulant. » Tunc aurora hæreticis apparet, quando vel rationibus, vel sanctorum exemplis convicti, in suis erroribus veritatem agnoscunt. Hoc autem ipsi arbitrantur umbram mortis, quia unde lætari debuerant, inde usque ad mortem contristantur; et sic in tenebris, quasi in luce ambulant, quoniam non minus in tenebris erroris delectantur, quam sancti et catholici viri in luce veritatis. « Levis est super faciem aquæ. » Facies enim aquæ: quolibet vento perflata movetur, sic et iniquus omni vento doctrine circumferitur. « Maledicta pars ejus sit in terra, nec ambulet per viam vinearum. » Quotidie enim hæreticos Ecclesia damnat et maledicit. Vinæ autem Ecclesiæ sunt, quarum via fides est. Per hanc autem viam hæretici non ambulant; si enim per hanc ambulassent, hæretici non essent. « Ad nimium calorem transeat ab aquis nivium, et usque ad inferos peccatum illius. » Hoc enim impii in inferno habebunt, quia de tormentis ad tormenta translati, nunc frigore, nunc æstu cruciabuntur. Et usque ad infe-

(359) Dedit ei Deus locum pœnitentiæ, scilicet differens pœnam, et hæc est ratio quare permissus est aliquis diu in prosperitate vivere, sed hoc quod Deus,

A ros peccatum illius; quoniam in peccato mortuus, et damnatus inferni tormenta patietur. « Obliviscatur ejus misericordia. » Ut nunquam misericordiam inveniat. « Dulcedo illius vernens, » id est quidquid in eo dulce fuerit a vernibus consumatur. Sive dulcedo illius, id est caro, quam sola dilexit, convertatur in vernens. « Non sit in recordatione. » Hoc est enim quod modo dixit: « Obliviscatur ejus misericordia. » Sol conteratur quasi lignum infructuosum. Secundum illud: « Omnis arbor quæ non facit fructum bonum, excidetur et in ignem mittetur (Matth. iii, 10). » — « Pavit enim sterilem, quæ non parit, et viduæ bene non fecit. » Carnem enim suam, quæ omni bono opere sterilis et infecunda fuerat, deliciose nimium pavit, animæ vero suæ viduatæ, et a Deo separatæ bene non fecit.

B « Detraxit fortes in fortitudine sua: et cum steterit, non credet vitæ suæ. » Detraxit, inquit, fortes, id est decepit hujus sæculi potentes in suæ pravitatis fortitudine; et interius excæcatus, quandiu in hoc mundo steterit, non credet vitæ suæ, id est Christo, qui ait: « Ego sum via, veritas et vita (Joan. xiv, 6). »

C (359) Dedit ei Deus locum pœnitentiæ, et ille abutitur eo in superbiā. « Quia cum se pœnitentiæ humiliare debuisset, ipse contra superbiere non cessat. » Oculi autem ejus sunt in vitiis illius, elevati sunt ad modicum et non subsistent. « Non enim in viis Dei, sed in viis suis oculi ejus, » quoniam assuetæ iniquitatis vias semper, et opera intuens, nunquam eorum obliviscetur. « Elevati sunt ad modicum » in superbia. « Et non subsistent; » quia cito peribunt et deficient. « Et humiliantur sicut omnia, » terrena scilicet et transitoria. « Et auferentur » de vitæ hujus illecebris. « Et sicut summitates spicarum » (minutim subauditur, et facillime) contemrentur. Quod si non est ita, quis me potest arguere esse mentitum, et ponere ante Deum verba mea? Sic, inquit, est, ut dixi: verumtamen si ita non esset, vos de mendacio arguere non possetis, neque ante Deum ponere verba mea, quoniam et mendaces probati estis, et quibus jam credatur, digni non estis.

CAPUT XXV.

D « Respondens autem Baldad Subites, dixit: Potestas et terror apud eum, qui facit concordiam in sublimibus suis. » Si, inquit, alicujus rei timor est, ille solus timendus est qui suo terrore et potestate malignorum spirituum fugato exercitu, in sublimibus suis concordiam fecit, quoniam inter cæteros angelos pacem et concordiam confirmavit; qui non solum concordēs et fortes, verum etiam innumerabiles sunt, ut nihil eis resistere possit; unde et subditur: « Nunquid est numerus militum ejus? Et super quem non refulget lumen illius? » Ac si dicat: Stultitia quidem est cum eo contendere

exhibuit ei in bonum, ipse vertit ad malum, etc.
D. THOMAS

velle, qui et sua, et suorum militum numero et fortitudine omnia superat; cujus oculorum lumen ubique refulget, cui non solum actiones, sed etiam cogitationes se abscondere nequeunt. » Nunquid iustificari potest homo, comparatus Deo? Aut apparere mundus, natus de muliere? » Sic, inquit, ut ceteri homines es, nec te de muliere natum esse negare debes, quæ unde fragilis est; et porta peccati (360). Non igitur mundus es, nec Deo comparatus iustificari potes, quia dixisti: « Æquitatem proponat contra me, et perveniat ad victoriam iudicium meum. Ecce enim luna non splendet, et stelle non sunt mundæ in conspectu ejus; quanto magis putredo, et filius hominis, vermis. » (361) Quid enim per lunam, nisi Ecclesiam; quid vero per stellas, nisi sanctos? Ecce, inquit, Ecclesiæ et stellæ Novi Testamenti, id est sancti baptismatis unda renovati, et originali peccato soluti, ante Dei oculos omnino mundi non sunt; quanto magis homo putredo, et filius hominis, vermis, qui nondum in aliquo innovatus primi nominis maledictione tenetur; cui dictum est: « Maledicta terra in opere tuo (Gen. iii, 17); » et paulo post: « Quia pulvis es, et in pulverem reverteris (ibid., 19). »

CAPUT XXVI.

« Respondens autem Job, dixit: Cujus adjutor es? Numquid imbecillis? et sustentas brachium ejus qui non est fortis? Cui dedisti consilium? Forsitan illi qui non habet sapientiam, et prudentiam tuam ostendisti plurimam? Aut quem docere voluisti? Nonne cum qui fecit spiramentum? Isti enim quasi Dei adjutores pro Deo loquentes, ejusque iustitiam defendentes, et Deum justum, et Job injustum probare conabantur, ac si Deus, ut imbecillis, imprudens et inscius causam suam defendere non posset, vel vir sanctus eum injustum probare voluisset. Hinc autem Dei fortitudinem, prudentiam et sapientiam describit, dicens:

« Ecce gigantes gemunt sub aquis (362), et qui habitant cum eis. Nudus est infernus coram illo, et nullum est operimentum perditioni. » Ecce, inquit, gigantes, id est reges et principes, cæterique potentes, et qui cum eis habitant, eorum scilicet consilarii et familiares, gemunt sub aquis, id est in regimine populorum. « Aquæ enim multæ, populi multi (Apoc. xvii, 27). » Non enim sine magno labore et sollicitudine eos quos regunt, vel habere, vel tenere possunt. Gemunt igitur sub eis, quia quasi graviter onerati, vix eos ferre et regere possunt. Deus autem solo nutu cuncta disponit et ordinat. Infernus autem et perditio, diabolus intelligitur, qui

A ipsis quoque quos perdidit, in pœnis inferior est. Hic autem, quia suam iniquitatem et malitiam Deo abscondere non potest, nudus et sine operimento coram eo esse perhibetur. « Qui extendit aquilonem super vacuum, et appendit terram super nihilum. » Hoc cum ad litteram verum sit, magis mirari quam intelligere possumus. Per aquilonem ille significatur, qui ait: « Sedebo in monte testamenti in lateribus aquilonis, et ero similis Altissimo (Isa. xiv, 13). » Illic autem extendit Deus super vacuum, qui illis dominari permittit, qui fide, religione et bona operatione vacui sunt. Terram autem super nihilum appendit, quia sanctam Ecclesiam super gentes firmavit et stabilivit, quas prius pro nihilo computabat, secundum illud: « Omnes gentes quasi non sint, sic sunt coram eo, et quasi nihilum, et inane reputatæ sunt ei (ibid., 40). » — « 367 Qui ligat aquas in nubibus, ut non erumpant pariter deorsum. » Nubes doctores sunt, in quibus Deus suæ doctrinæ aquam ligavit, et clausit, ne simul tota erumperet, potius auditorum vitam, quam situm exstingueret. Ideoque Apostolus aliis lac potum dedit, non escam (I Cor. iii, 2), qui tamen sapientiam loquitur inter perfectos. « Qui tenet vultum solis sui, et expandit super illud nebulam suam. » Solium enim, sedes judiciaria intelligitur. Faciem igitur sui solii Deus adhuc abscondit, et tenet, quia ejus occulta judicia, donec in hoc mundo sumus, scire non possumus. Unde non immerito obscuritatis nebulam super illud expansam esse dicit. « Terminum circumdedit aquis, donec finiantur lux et tenebræ. » Per aquas, sanctarum Scripturarum scientiam significavit. Cui scientiæ Deus terminum posuit, ut non plene intelligatur, donec finiantur lux et tenebræ, id est dies et nox. Scriptum est enim: « quia vocavit Deus lucem diem, et tenebras noctem (Gen. i, 5). » Nemo igitur integram, perfectamque scientiam habebit, nisi prius hic mundus finiat. « Columnæ cœli tremiscunt et pavent ad nutum ejus. » Cœli namque columnæ, apostoli sunt Ecclesiæque doctores, qui nisi Deum timuerint, tanta pro eo non palerentur. « In fortitudine illius repente maria congregata sunt, et prudentia ejus percussit superbum. » Dei namque virtus et sapientia, Dei fortitudo et prudentia Christus est. Hic autem incarnatus diabolus percussit, et de regno, quod jamdiu possederat, ejecit. Et ita cuncta maria, id est omnes mundi hujus nationes, repente in unam fidem, et unam Ecclesiam congregavit. « Spiritus ejus ornavit cœlos, et obstetricante manu eductus est coluber tortuosus (363). » Nondum enim

(360) Quod signanter dicit, quia ex hoc ipso quod homo de muliere per carnis concupiscentiam nascitur, maculam contrahit. D. THOM.

(361) Scilicet non potest reputari resplendens splendore justitiæ, si divinæ justitiæ comparetur; neque mundus per innocentiam, si comparetur puritati divinæ. D. THOM.

(362) Ecce gigantes. Scilicet antiqui: gemunt scilicet in pœnis inferni: sub aquis, id est qui fuerunt

submersi aquis diluvii, et quia non solum ipsi perierunt, sed multi alii cum eis, scilicet similiter gemunt; scilicet a virtute potestatis ipsius. D. THOM.

(363) Coluber tortuosus, id est diabolus, qui colubro comparatur, propter malignitatis venenum, et tortuosus dicitur propter calliditatem. Signanter autem dicit eum eductum, obstetricante manu Dei. Sicut enim obstetrix sic educit infantem, quandoque mortuum, ut mater non ledatur; ita Deus sic educit

cœli, id est sancti apostoli, ornati erant; sed Spiritu A sancto adveniente, statim et scientia, et diversitate linguarum, et virtutum efficacia ornati sunt. Et coluber ille tortuosus, qui primum hominem decepit, et nunquam recta via incedit, de fidelium mentibus eductus, et ejectus est, manu et virtute Dei in anima, et in corpore fideles suos circumcidente.

« Ecce hæc ex parte dicta sunt viarum ejus, et cum vix parvam stillam sermonis ejus audierimus, quis poterit tonitruum magnitudinis illius in- tueri? » Hanc, inquit, particulam, et quasi stillam de illa tanta plenitudine virtutum ejus avidimus, et nuntiavimus. Sed cum in infirmitate assumptæ carnis, ut modo diximus, tanta pergit, quis cum in majestate sua venientem, et damnationis sententiam super iniquos tonantem intueri poterit?

CAPUT XXVII.

« Addidit quoque Job assumens parabolam suam, et dixit. » In eo quod parabolam dicit, aliud præter litteram querendum insinuat. « Vivit Deus, qui abstulit judicium meum, et omnipotens qui ad amaritudinem adduxit animam meam. Quis donec superest halitus in me, et Spiritus Domini in naribus meis, non loquentur labia iniquitatem, nec lingua mea meditabitur mendacium. » Ejus enim, judicium Deus abstulit, quia aliter se judicandum putavit. Loqui autem, oris est; meditari vero cordis. Nec igitur lingua oris mendacium, nec lingua cordis loquetur iniquitatem. Cur autem dixerit hoc, manifestat: « Absit a me, ut justos vos esse judicem: donec deficiam, non recedam ab innocentia mea. » Mentiretur enim, si eos, qui justi non erant, justos judicaret: si vero mentiretur, innocens non esset. Unde adhuc subditur: « Justificationem, quam cepti tenere, non deseram. Nec enim reprehendit me cor meum in omni vita mea. » Desereret enim justificationem, si a veritate cessaret: veritas enim eum justificabat. Quod vero cor ejus in omni vita sua non reprehendit, illum nisi ignoranter non peccasse ostendit. Quis enim reprehendat, quod ignorat? Quia vero illicitis cogitationibus viriliter resistit, et si aliquando illicita cogitaverit, cor tamen ejus ex hoc eum non reprehendit. « Sic agit, ut impius inimicus meus, et adversarius meus, quasi iniquus. » Sic igitur agit inimicus meus, id est Satan, ut impius, quia quantumcunque potest, omni pietate remota me affligit. Et adversarius meus, quasi iniquus, quoniam æquitatis mensuram me flagellando multum excedit. Hoc ille agit. Insuper et vos me simulatorem, et hypocritam esse putatis. Unde et subditur: « Quæ enim est spes hypocritæ, si avare rapiat, et non liberet Deus animam ejus? Nunquid clamorem ejus audiet Deus, cum venerit super illum angustia? » Cum enim hypocrita se justum simulat, justitiæ laudem, quæ solis justis debetur, avare rapit. Hoc autem facit, quia æternæ retributionis spem non habet. Unde stultissimus

TU M.

comprobat, qui se Deo servire simulat, et ejus animam Deus non liberat. Hujus autem clamorem post hanc vitam Deus non audiet, quamvis multum clamet: « Domine, Domine, aperi nobis (Math. xxv, 11). » Sequitur: « Aut poterit in Omnipotente, delectari? Aut invocare Deum in omni tempore? Non enim delectantur in Domino, qui solam mundi laudem et gloriam querunt. Hi tamen non semper, sed 268 quando aliqua adversitate tanguntur, tunc Deum invocant. » Docebo vos per manum Dei, quæ Omnipotens habet, nec abscondam: ecce vos omnes nostis, et quid sine causa vana loquimini? » Docebo, inquit, vos, nec abscondam ea, quæ Omnipotens habet, id est veritatem; hæc enim semper est doctrina Omnipotentis. Sed quomodo docebo? Non utique per me, sed per manum Dei, quæ tam fortis est, ut etiam lapidea corda mollire possit. Sed dicite mihi: Quid sine causa contra me vana loquimini, cum ipsi sciatis vera esse quæ dico: « Hæc est pars impii apud Deum, et hæreditas violentorum, quam ab Omnipotente suscipient. Si multiplicati fuerint filii ejus, in gladio erunt, et nepotes ejus non saturabuntur pane. » Impii enim, et violenti hæretici sunt, quia et crudeliter animas perdunt, et violenta interpretatione Scripturas exponunt. Hi autem quam partem et hæreditatem a Deo suscipiant, audiamus. Si multiplicati fuerint, inquit, filii ejus, id est imitatores ejus, et qui de ejus doctrina generantur, divinx ultionis gladio ferientur. Et nepotes ejus, illi scilicet, qui de his malis filiis nascuntur, non saturabuntur pane, pane utique vivo qui de cœlo descendit. Quoniam autem hæreticorum alii ad Ecclesiam convertuntur, alii vero in suis erroribus relinquuntur; ideo subditur: « Qui reliqui fuerint ex eo, sepeliuntur in interitu, et viduæ illius non plorabunt. » Qui, inquit, ad veritatem non redierint, et in sua malitia perstiterint, in interitu æternæ damnationis sepeliuntur. « Et viduæ, illius non plorabunt. » Cujus illius? Illius, cujus filii in gladio erant. Sed quæ sunt ejus viduæ, nisi animæ, quæ cognita veritate ab eo sunt separatæ? Et istæ quidem viduæ non plorabunt, imo gaudebunt, quoniam cum sanctis in gaudio erunt. « Si comportaverit quasi terram argentum, et sicut lutum præparavit vestimenta, præparabit quidem, sed justus vestietur illis, et argentum innocens dividet. » Quid enim per argentum et vestimenta, nisi sanctarum Scripturarum testimonia intelligimus? Qui enim, his non abundat, pauper et nudus est; pauper quidem in ratiocinando, nudus vero in se contendo et defendendo. Fit enim multoties, ut hæretici libros componant, et in sua defensione sanctarum Scripturarum testimonia colligant, quæ se ad defendendum cum ad concilia comportaverint, eisdem ipsis, quasi suis gladiis superantur. Et ita quidem fit, ut justus eorum vestibus armetur et induatur,

diabolum de medio angelorum, ut bonorum angelorum societas in nullo detrimentum sit passa. » D.

et eorum eloquiorum divitias, quæ per argentum A figurantur, vir innocens rationabiliter exponat et dividat. « Edificavit sicut tinea domum suam, et sicut custos fecit umbraculum. » Domum suam sicut tinea hæreticus ædificat, quia Ecclesia, quam regit, corrumendo et dissipando construit. « Facit autem sicut custos umbraculum, » quoniam ejus ædificium non habet fundamentum positum. Non enim ædificat super fundamentum apostolorum et prophetarum.

« Dives cum dormierit, nihil secum auferet, apocriet oculos, et nihil inveniet. » Dives enim qui non in Deo, sed in hujus mundi divitiis spem habet, postquam dormierit, et mortis somno oculos clauscrit, nihil secum auferet. Aperiet oculos in resurrectione, et nihil inveniet, quoniam tanta inopia opprimetur, ut guttam aquæ mendicare cogatur; unde et sequitur: « Apprehendet eum, quasi aqua, inopia, et nocio opprimet eum tempestas. » In nocte enim, et in tenebris positus, omnium tribulationum impetu et tempestate opprimetur, et quasi abundantia et repentina aqua, ita inopia apprehendetur. « Tolle eum ventus urens, et auferet, et velut turbo rapiet eum de loco suo. » Tolle eum, inquit, de hac vita ventus urens, id est malignus spiritus, et qui violenter animas tollit, et quas tollit æternis tormentis exurit. Et velut turbo, et impetus tempestatum rapiet eum de loco suo, id est de hoc mundo, in quo ad tempus habitavit. Et hoc merito. « Emittit super eum, et non parit, de manu ejus fugiens, fugiet. » Emittit, inquit, Dominus super eum, et extendit virgam correctionis suæ, et non parit ad tempus, ut in æternum pareat: corripit enim omnem filium, quem recipit (*Prov. iii, 13*). Ille vero eum se emendare, et de Dei correctione gaudere debuisset, quasi malus discipulus, non recipiens disciplinam de manu ejus fugiens fugit. In hoc enim fugit, quod disciplinam non recipit. Sed quid Dominus ad hæc? Subditur: « Stringet super eum manus suas, et sibilabit super illum, intuens locum ejus. » Ille est enim, quod peccanti populo per prophetam Dominus dicit: « Jam non irascear tibi amplius (*Ezech. xvi, 43*); » id est, age quod vis, quia ego te ulterius non corrigam. Manum enim stringere est a flagellis et alapis cessare. Intuens autem locum ejus super eum sibilat, quia considerans ad quam poenam et mortem tendat, quasi admirando eum irridet.

CAPUT XXVIII.

« Habet argentum venarum suarum principia, et auro locus est, in quo conflatur. » Quamvis, inquit, hæretici, de quibus supra multa locuti sumus, argentum habeant, ejus tamen venas et principium non habent. Vena enim et principium argenti, id est sanctorum eloquiorum, veritas est. Omnis enim divina Scriptura hoc ex fonte manat. De hoc autem fonte illi non bibunt, quoniam prave Scripturas interpretantur. Locus autem, in quo conflatur aurum, Ecclesia est, quoniam extra eam,

neque sapientiæ thesaurus bene exponitur. neque vasa digna **269** honore fabricantur. Hic enim vas electionis beatus Paulus fabricatus est. Illic igne martyrii et tribulationis omnes martyres conflati sunt. « Ferrum de terra tollitur, et lapis solutus calore in æs convertitur. » Terra enim in ferrum, et lapis in æs, sancti Spiritus igne decocti, convertuntur, quoniam terreni et peccatores, duri et increduli, ferri fortitudinem et æris sonum suscipiunt, ut et fortes sint in opere, et clari in prædicatione. « Tempus posuit tenebris, et universorum finem ipse considerat. » Tempus enim posuit tenebris, quia suæ incarnationis tempore Salvator noster Scripturas aperuit, et ignorantie tenebras ab eis removet. Sive etiam: tenebris, id est peccatoribus, terminum posuit, quo et peccare desistant et poenitentiam agant. Ipse etiam universorum finem considerat, quia ad quem finem omnia tendunt, non ignorat. Cum enim et Judas inter apostolos, et Paulus inter persecutores essent, utriusque finem ipse videbat.

« Lapidem quoque caliginis, et umbram mortis dividit torrens a populo peregrinante. » Lapis enim caliginis, et umbra mortis Judæorum populus est. Lapis quidem, quia credulitate durus, caliginis autem, quia infidelitate cæcus. Sub quo, qui se humiliaverit, sic ejus umbra, quasi morte exstinguitur. Omnis enim, ad cujus doctrinam prosternimus, umbra nobis est. Sed qui torrens, nisi fluvius, et prædicationis novi testamenti? Quid vero populus peregrinus, nisi Ecclesia, quia in hoc mundo peregrinans, dicit: « Non enim habemus hic manentem civitatem, sed futuram inquirimus (*Heb. xiii, 14*). » Torrens igitur, lapidem caliginis, et umbram mortis a peregrinante populo dividit, quia Novum Testamentum Judæos ab Ecclesia separat. In hoc enim a nobis differunt, quod Novum Testamentum non suscipiunt.

« Terra de qua oriebatur panis in loco suo igne subversa est. » Cum enim totus mundus divini eloqui famem pateretur, tunc Judæa terra verbi Dei pane abundabat. Hæc autem in loco suo igne subversa est, quia zelo et igne invidiæ contra Christum exarsit. « Locus saphiri lapides ejus, et glebæ illius aurum. » Hujus, inquit, terræ lapides pleni fuerunt saphiris, quia sancti, qui prius in ea habitaverunt, cœli faciem et angelorum pulchritudinem imitati sunt. Et glebæ illius aurum, quia sancti prophete, et per sapientiam aurum, et per fructum boni operis glebæ fuerunt. « Semitam ignoravit avis, nec intuitus est eam oculus vulturis. » Avis enim Christus est, quia volando cœlos ascendit. Est autem et vultur, quoniam ad suscipiendum nostræ carnis morticinum descendit. Hujus autem avis semitam terra illa prædicta ignoravit, quia Judæorum populus, neque quod de cœlo Christus descenderet, neque quod in cœlos ascenderet, credere voluit. Hoc autem ideo, quia non est intuitus oculus vulturis, id est, quia non satis diligenter prophetarum verba

consideravit. Christi enim oculi prophetae fuerunt, A quoniam prius per eos, postea per seipsum, sedentes in tenebris illuminavit.

« Non calcaverunt eam filii justorum, nec pertransivit per eam leæna. » Institores enim apostoli sunt, qui fidei pretio Evangelii doctrinam ubique vendentes instabant, quorum quidem filii fuerunt episcopi et doctores. Quamvis enim apostoli Judæam terram parvo tempore calcassent, eorum tamen filii eam non calcaverunt, quia, relictis Judæis, omnes se ad gentes contulerunt. Leæna autem Ecclesia est, quæ et vitia et malignos spiritus ubique vincit et devorat. Hæc autem transivit quidem, sed non pertransivit per eam; expectat enim donec plenitudo gentium irretet, et sic omnis Israel salvus fiat. « Ad silicem extendit manum suam, subvertit a radice silicem montes. » Terram, inquit, leæna reliquit, et ad silicem manum extendit, quia, relictis Judæis, ad duritiam gentium auxilii sui manum porrexit. Et subvertit a radicibus montes, quia hujus sæculi potentes a daemonum cultura funditus eradicavit.

« In petris rivos excidit, et omne pretiosum vidit oculus ejus. » In petris, inquit, id est in duris et lapideis cordibus, rivos scientiæ vel lacrymarum excidit, et abundare fecit. Et omne pretiosum vidit oculus ejus, quia sacramenta omnibus sæculis abscondita ei revelata sunt. Unde et subditur :

« Profunda quoque fluviorum scrutatus est, et abscondita produxit in lucem. » Sanctus enim prædicator fluviorum profunda scrutatus est, et abscondita in lucem produxit, quia utriusque Testamenti mysteria, diu abscondita, exponendo revelavit. « Sapientia vero ubi invenitur? Et quis est locus intelligentiæ? » Hæc autem sapientia Christus est, qui Dei virtus et Dei sapientia dicitur. « Nescit homo pretium ejus, nec invenitur in terra suaviter viventium. » Miser Judas, miseri et Judæi, a quibus tam vili pretio emptus et venditus est, cujus pretium sciri non potest. Si enim pretium ejus homo ille iniquus scivisset, eum tali pretio non vendidisset. Non invenitur autem sapientia in terra suaviter viventium, quia non in eis habitat Christus, qui carnis illecebris et voluptatibus traditi sunt. « Abyssus dicit : Non est in me; et mare loquitur : Non est mecum. » Abyssus enim illi sunt qui erroris et ignorantiae tenebris sunt involuti; in talibus autem non habitat Christus. Mare autem illos significat qui felle et amaritudine pleni, et superbiæ spiritu commoti, nunquam possunt esse quieti. « Non dabitur aurum obryzum pro ea, nec appendetur argentum in commutatione ejus. » Aurum obryzum, quod optimum est, sanctos apostolos designat; argentum vero, propter 270 eloquii puritatem, prophetas significat. Sed tamen nullus horum Christo comparari potest. Unde Psalmista ait : « Ut quid suspicamini montes coagulatos; mons, in quo beneplacitum est Deo habitare (Psal. LXXVII, 17). » — « Non conferetur Indiæ tinctis coloribus, nec lapidi sardonico pretiosissimo, vel saphiro. » Quid enim tincti

colores Indiæ, nisi philosophi hujus mundi? Illi enim quidquid pulchritudinis habent, exterius et in pelle ostendunt. At vero de Ecclesia dicitur : « Omnis gloria ejus filiae regis ab intus » (Ibid. XLIV, 14). » Lapis autem sardonicus coloris sanguinei, martyres ostendit. Saphirus vero sanctos prædicatores, qui altius volant et cælestia contemplantur. « Non adæquabitur ei aurum, vel vitrum, nec mutabuntur pro ea vasa auri excelsa et eminentia, nec commorabuntur comparatione ejus. » Sancti enim et aurum sunt propter sapientiam, et vitrum propter vitæ puritatem; quales enim exterius, tales et interiorius sunt, nihil obscurum, nihil tenebrosum in eis est. Vasa autem excelsa et eminentia illa erant, de quibus cum Dominus diceret : « Quem dicunt homines esse Filium hominis? (Matth. XVI, 14). » Apostoli respondentes dixerunt : « Alii Eliam, alii Jeremiam, alii Joannem Baptistam, aut unum ex prophetis. » Satis enim magni erant, qui Christum esse putabantur, et tamen nihil horum Christo comparatur. « Trahitur enim sapientia de oculis. Non adæquabitur ei topazion de Æthiopia, nec tinctura mundissimæ componentur. » De oculis enim, id est de corde, Patris trahitur hæc sapientia. Sed quis eam trahit nisi pietas et misericordia? His enim trahentibus ad terram Christus descendit. Huic autem topazion non adæquatur, quamvis omnium colorum diversitate varietur. Similiter autem neque tinctura mundissimæ; per hæc enim eos intelligimus, qui et sapientia, et scientia, et omnium virtutum varietate sunt adornati; quot enim virtutes, tot colores. Et hæc quidem tinctura tunc mundissimæ sunt, quando nulla hypocrisis inficiuntur. Nihil autem horum æquabitur Christo. « Quis enim in nobis æquabitur Domino? Aut quis similis erit Domino inter filios Dei? » (Psal. LXXXVIII, 7). « Unde ergo sapientia veniet? Et quis est locus intelligentiæ? » Abscondita est ab oculis omnium viventium. « Unde, inquit, veniet Sapientia, quis nobis eam revelabit? » Generationem ejus quæ enarrabit? (Isa. LIII, 8). « Quis est locus ejus? Ubi habitat? Ipsa dicat : « Ego sum, inquit, in Patre, et Pater in me est (Joan. X, 38). » Abscondita igitur est ab oculis omnium viventium, quoniam nemo eam novit, sicut est. « Volucres cæli quoque latet. Perditio et mors dixerunt : Audivimus auribus nostris famam ejus. » Volucres namque cæli, apostolos, et doctores, qui et altius volant, et subtilius cælestia contemplantur, significare possunt. Et his quidem quandiu in mundo fuerunt, non plene hæc sapientia revelata est. Perditio vero et mors diabolus est qui peccatores occidit, et perdit. Iste autem famam ejus audivit, quia Christi gloriam et virtutem, vel sapientiam intellexit.

« Deus intelligit viam ejus, et ipse novit locum ejus. Ipse enim fines mundi intuetur, et omnia, quæ sub cælo sunt respicit. » — « Nemo enim novit Filium, nisi Pater (Matth. XI, 27). » Ipse enim ejus humanitatis et incarnationis viam ante tempora

cum eo simul disposuit. Et ipse quoniam non loca-
 lia, est locus ejus. Unde et ipse ait : « Ego sum in
 Patre, et Pater in me est (*Joan. x, 38*). » Et quo-
 niam Deum nihil latet, hæc sapientia mundi fines,
 et quæcunque sub celo sunt, qualiter se humilient,
 intuetur. « Qui fecit ventis pondus, et aquas appen-
 dit in mensura. » Venti hoc in loco vel animas,
 vel leves et vagos homines significant. His autem
 fecit Deus pondus, quia religionis maturitatem, et
 gravitatem eis dedit. Unde et illud : « In populo
 gravi laudabo te (*Psal. xxxiv, 18*). » Aquas autem
 in mensura appendit, quia, ut Apostolus ait, sancti
 Spiritus gratias secundum mensuram fidei, unicui-
 que tribuit (*Rom. xii, 7*). « Quando ponebat pluvius
 et legem, et viam procellis sonantibus; tunc vidit
 illam, et enarravit, et investigavit, et dixit homini :
 « Ecce timor Domini, ipsa est sapientia, et recedere
 a malo, intelligentia. » Pluvius enim legem po-
 suit, quando prædicandi ordinem docuit. Ordo au-
 tem hic est; ut doctor, quod prædicat, agat. Sed
 audiamus ipsam legem : « Sic luceat, inquit Domi-
 nus, lux vestra coram hominibus, ut videntes opera
 vestra bona, glorificent Patrem vestrum, qui in
 celis est (*Matth. v, 16*). » Quod autem per pluviam,
 hoc per procellas, et quod per legem, hoc per viam
 significavit. Per procellas tamen ea doctrina intelli-
 gitur, quæ de futuro iudicio, et de æterna pena,
 terrorem peccatoribus incutit. Quod vero ait :
 « Tunc vidit illam, et enarravit, et præparavit, et
 investigavit; hoc est intelligere, tunc eam videri,
 et enarrari, præparari, et investigari permisit. Tunc
 enim Christus cognitus est, quando prædicatores
 pluere cœperunt. Et tunc dixit homini : « Ecce ti-
 mor Domini, ipsa est sapientia, et recedere a
 malo, intelligentia (364). » Vere hæc est sapientia
 et intelligentia, quæ et sola sufficit, et sine qua
 Christus Dei virtus, et sapientia nec cognosci, nec
 haberi potest : qui enim Deum timet, nihil ne-
 gligit, et qui a malo recedit nunquam peccat.

271 CAPUT XXIX.

« Addidit quoque Job assumens parabolam suam,
 et dixit : Quis mihi tribuat ut sim juxta menses
 pristinos, secundum dies quibus Deus custodiebat
 me? » Hæc beatus Job de se et de Ecclesia dicit,
 ideoque parabolam vocat. Loquatur igitur Ecclesia,
 non illa prima et nobilis, sed ea quæ nunc est, et
 quæ usque ad sæculi consummationem futura est.
 Quis, inquit, mihi tribuat, ut talis nunc sim, qualis
 in principio fui? Quando Deus me custodiebat,
 quando neque ab ipsis tyrannis, neque a vitiis, neque
 a malignis spiritibus me superari permittibat. Hoc
 autem Ecclesia secundum meliores dicit, qui Chri-
 stianam religionem multum diminutam consideran-
 tes, deplorant. « Quando splendebat lucerna ejus
 super caput meum, et ad lumen ejus ambulabam
 in tenebris. » De hac enim lucerna et de hoc lu-

(364) « Quia intelligentia præcipue ad hoc homini
 est necessaria, ut per intelligentiam discernat mala
 a bonis, quibus evitatis, per executionem bonorum

A mine scriptum est : « Lucerna pedibus meis verbu-
 tum, et lumen semitis meis (*Psal. cxviii, 115*). »
 Verbum enim caput, id est mentem illuminat, ut
 bene intelligat, et pedes, id est opera, ut sine offen-
 sione fiant. Hoc igitur lumine in tenebris, id est
 inter impios, et peccatores secunda Ecclesia ambula-
 bat, quoniam et sermonum et virtutum luce fulgebat.
 Sequitur :

« Sicut fui in diebus adolescentiæ meæ, quando
 secreto Deus erat in tabernaculo meo, quando erat
 Omnipotens mecum, et in circuitu meo pueri mei.
 « Quando lavabam pedes meos butyro, et petra fun-
 debat mihi rivos olei; quando procedebam ad por-
 tam civitatis, et in platea parabant mihi cathe-
 dram. » Jam enim magna ex parte Ecclesia senuit,
 neque eam speciem et pulchritudinem, nisi in pau-
 cissimis tenet, quam in diebus adolescentiæ, id est
 tempore apostolorum et martyrum habuit. Tunc
 enim Deus secreto erat in ejus pectoris tabernaculo,
 quia potius intus bene agendo, quam foris se osten-
 tando Deo placere conabatur. Et tunc erat Omnipot-
 ens eum, quod in miraculis declaratur, qui semper
 eum tam præsto exaudiebat. Tunc quoque pueri ejus
 erant in circuitu ejus, de quibus Apostolus ait :
 « Nolite pueri effici sensibus, sed malitia parvuli
 estote (*I Cor. xiv, 20*). » Pueri enim a puritate di-
 centur. Tunc autem pedes suos, id est doctores qui
 eam ubique ferunt, butyro lavabat, quia majori et
 perfectiori scientia eos infundebat. Butyrum, lactis
 pinguedo est. Sicut igitur lac mediocre scientiam,
 ita perfectam butyrum significat. Petra autem rivos
 olei ei fundebat, quia qui prius infideles, duri et
 lapidei erant, postea Spiritu sancto inuncti, pietatis
 et misericordiæ oleum fundebant. Ad portam vero
 civitatis procedebant, quia civitatem sanctam Jeru-
 salem intrare volentibus fidei portas aperiebat. Po-
 nebant autem ei cathedram in plateis, ut jam non in
 occulto, sed palam et manifeste cunctis gentibus
 prædicaret. Qui enim veritatem palam docet, in pla-
 tea super cathedram sedet. Sequitur :

« Videbant me juvenes, et abscondebantur, et se-
 nes assurgentes stabant. » Juvenes hoc loco intelli-
 guntur, qui diu in peccatis perseverando creverunt.
 Senes vero, qui morum gravitate et religione
 suam vitam commendaverunt. Isti igitur adstant ut
 religiosi; illi se abscondunt ut timidi. Adhuc vide-
 mus adulteros, et fornicatores et cæteros sceleratos
 ab episcoporum facie declinare. « Principes cessa-
 bant loqui, et supponebant digitum ori suo. Vo-
 cem suam cohibebant duces, et lingua eorum gut-
 turi suo adhærebant. » Hi principes et duces
 hæresiarchæ sunt, qui sanctarum Scripturarum
 auctoritate et veris rationibus convicti, contra Ec-
 clesiam loqui cessabant. Qui autem hoc non intel-
 ligit, legat tot concilia, in quibus hæreticorum ora
 sunt opilata. « Audiens auris beatificabat me, et
 operum ad sapientiæ divinæ participationem per-
 veniat. » D. THOM.

« oculus videns testimonium reddebat mihi quod
 « liberassem pauperem vociferantem et pupillum,
 « cuius non esset adjutor. » Quid per pauperem vo-
 ciferantem, nisi peccatorem misericordiam implo-
 rantem? Quid vero per pupillum, cui non erat
 adjutor, nisi infidelem aliquem, ad fidem venientem,
 in quo jam diabolus pater iniquus mortuus erat?
 Hos autem Ecclesia liberavit, testantibus eis qui
 viderunt et audierunt. Spernit enim Ecclesia surdi et
 cæci testimonium.

« Benedictio perituri super me veniebat, et cor
 « viduæ consolatus sum. » Peccator enim qui peri-
 turus erat, cum benedicit per quem ad poenitentiam
 convertitur. Cor autem viduæ consolatur, qui animæ
 poenitenti, et post multa peccata diaboli connubium
 fugienti, veniam et indulgentiam pollicetur. « Justitia
 « indutus sum, et vestivit me, sicut vestimento et
 « diademate judicio meo. » Sic, inquit, justitia et
 æquitatis judicio indutus sum, quomodo pulchris
 vestibus et diademate alii induuntur, quoniam non
 minus in istis, quam illi gloriantur in illis. « Oculus
 « fui cæco, et pes claud; » quoniam sive interius,
 sive exterius debilitati, non minorem a me quam a
 propriis membris consolationem habuerunt.

« Pater eram pauperum, et causam quam nescie-
 « bam, diligentissime investigabam. » Pauperes enim
 Ecclesia quasi proprios filios nutrit. Quia vero nihil
 temere, nihil perperam, nihil injuste facere vult,
 causam quam nescit, diligentissime investigat. « Con-
 « terebam molas iniqui, et de dentibus illius aufe-
 « rebam prædam, dicebamque in nidulo meo: Moriar,
 « et sicut palma multiplicabo dies. » Iniquorum mo-
 las conterere, est maligni spiritus, vel hæreticorum
 machinamenta destruere: de dentibus 272 vero
 illorum præda auferitur, cum aliquis ab eis jam pene
 seductus ad veritatis viam revocatur. In nidulo au-
 tem suo moritur, qui in ea fide et religione, in qua
 delectatur et quiescit, usque ad mortem perseverat.
 Multiplicat autem dies, ut palma quæ et si difficile
 crescat, multum tamen vivit et viriditatem non amit-
 tit. Sic et Ecclesia ex difficili parvoque principio
 multum quidem crevit, et in æternum vivit, suæque
 pulchritudinis viriditatem non amittit.

« Radix mea aperta est secus aquas, et ros mora-
 « bitur in messione mea. » Sanctorum enim radices
 virtutes sunt, sine quibus anima non vivit. Hæ autem
 radices ideo in sanctis non moriuntur, quia ad aquas
 se extendunt, et sancti Spiritus gratia, et Scriptura-
 rum fluentis semper irrigantur. Ros vero in sancto-
 rum messione moratur, quia quando eorum animæ
 divinæ jussionis falce a corporibus separantur, non
 æstum, sed refrigerium sentiunt. « Gloria mea sem-
 « per innovabitur, et arcus meus in manu mea in-
 « staurabitur. » Quod enim innovatur, vetustum est.
 Dolet igitur Ecclesia, quod gloria sua in quibusdam
 deficit et veterascit; sed consolatur, quoniam in aliis

A proficit et innovatur. Similiter autem et arcus ejus in
 manu illius instaurari non diceretur, nisi vires quo-
 dammodo perdidisse videretur. Arcus etenim ejus
 divina Scriptura est; sagittæ vero singulæ sententiæ
 sunt. Hic igitur arcus tunc instauratur, quando Dei
 verbum instanter prædicatur, et sanctorum auctori-
 tate impius aliquis convincitur et damnatur. « Qui
 « me audiebant et expectabant sententiam meam,
 « et intenti tacebant ad consilium meum. » Quis
 enim Ecclesiæ sententiæ et consilium libenter non
 suscipiat, nisi ille qui aures audiendi non habet?
 « Verbis meis nihil addere audebant, et super illos
 « stillabat eloquium meum. » Qui enim in ejus do-
 ctrina stillicidio delectantur, ejus verbis nihil addere
 præsumunt. Hæretici autem ejus verbis aliquid ad-
 dunt, et addendo veritatem corrumpunt. « Expecta-
 « bant me sicut pluviam, et os suum aperiebant,
 « quasi ad imbrem serotinum. » Sicut enim terra
 sitiens pluviam expectat, ita fideles animæ Ecclesiæ
 doctrinam audire desiderant, ad quam velut ad im-
 brem serotinum os cordis aperiunt, mentis aridita-
 tem tali potu exstinguere cupientes.

« Si quando ridebam ad eos, non credebant, et
 « lux vultus mei non cadebat in terram. » Diximus
 enim, quoniam secundum perfectiores Ecclesiæque
 doctores ista dicantur, qui ejus severitatis et gra-
 vitatis esse debeant, ex eo ostenditur, quod tam-
 raro et ridere, et lætitiā in se ostendere debent;
 ut si aliquando hoc faciant, vix credatur eis, quod
 pro gaudio temporali hoc agant. Lux enim vultus
 eorum in terram cadit, quando lætam faciem peccatoribus
 ostendunt. Unde scriptum est: « Filie
 tibi sunt, ne ostendas lætam faciem tuam ad eas
 (Eccli. vii, 26). » Peccatores enim non ut rideant,
 sed ut fiant instruendi sunt. « Si voluissem ire ad
 « eos, sedebam primus. Cumque sederem, quasi rex,
 « circumstante exercitu, eram tamen mœrentium
 « consolator. » Si enim reges et principes hoc in-
 telligerent, Ecclesiæ prælatos sibi subditi debere non
 putarent. In quanta autem reverentia aliquando
 episcopi fuerint, his verbis ostenditur. Sedent tamen
 adhuc boni episcopi, quasi reges, fidelium exercitu
 circumstante, et eorum doctrinam audiente. Qui
 potius suaviter consolantur mœrentes, quam superbe
 terreant delinquentes.

CAPUT XXX.

« Nunc autem derident me juniores tempore quo-
 « rum non dignabar patres ponere cum canibus gre-
 « gis mei. » Sic, inquit, ut dixi, olim mihi fuit,
 nunc autem juniores tempore, majores superbia,
 qui in me nati, ex me exierunt, hæretici scilicet,
 mea verba derident. Quorum patres cum canibus
 gregis mei ponere non dignabar, id est his qui gre-
 ges meos custodiunt, eos sociare contempsit. Inlo
 enim plures hæreticorum de Ecclesia exierunt, quod
 majores dignitates in ea habere non potuerunt (365).

(365) Qui ecclesiasticam historiam callent, hoc non ignorant; nec oportet ut Simonem Magum, No-
 vatianum aut Tertullianum, etc., nominemus.

illis enim canibus sociatur, qui episcopus ordinatur. **A** terra viventium non apparebunt. « Nunc in eorum « Quorum virtus manuum erat mihi pro nihilo, et « vita ipsa putabantur indigni. » Habent enim hæretici virtutem manuum, quia plerumque bona operantur; sed hoc Ecclesia pro nihilo habet, quia fidem non habent sine qua impossibile est placere Deo.

« Egestate et fame steriles qui rodebant in solitudine, squalentes calamitate et miseria, et mandebant herbas et arborum cortices, et radix juniperorum erat cibus eorum. » Hæretici enim bono opere steriles sunt, quoniam veræ doctrinæ egestatem et famem patiuntur. Rodunt autem in solitudine, quoniam in densa sylva sanctarum Scripturarum ea quæ intelligere non possunt, violenter rodunt et lacerant. Secundum anteriorem quoque hominem calamitate et miseria squalidi sunt, quoniam et fide sunt vacui, et vitiorum contagione fœdati. Herbas autem et arborum cortices mandunt, quoniam et novitate delectantur, et omnia spirituali intelligentia, pene omnia ad litteram exponunt. Verbi namque Dei corium et cortex littera est. Sed quid per juniperum, **273** quæ tota spinis repleta est, nisi vitiorum multitudinem intelligimus. Horum autem radix superbia est, et avaritia, quoniam ex his cætera vitia originem ducunt. Hac igitur radice hæretici incrassati Ecclesiæ humilitatem despiciunt. « Qui de convallibus ista rapientes, cum singula reperissent, ad ea cum clamore currebant. » Divinam enim Scripturam, quam modo solitudinem dixit, nunc convallem appellat, quia non rhetorum sublimitates, sed plani sermonis humilitatem imitatur. In hac autem hæretici se exercentes, dum aliquid novi, et quod eorum erroribus convenire videatur, inveniunt, mox undique cum clamore et lætitia ruunt, et suis libris et disputationibus illud inserunt (366). « In desertis habitabant torrentium, et cavernis terræ, vel super glaream. » Hæretici enim inter eos, et cum eis habitant, qui a Deo deserti et derelicti sunt. Et isti quidem quoniam viva aqua et indeficienti doctrina non abundant, torrentes dicuntur. Appellantur autem et cavernæ terræ, quia in eis serpentes et maligni spiritus habitant. Glaream quoque nominantur, quoniam et iniquitate graves sunt, et omnium voluptatum flumine trahuntur. « Qui inter huiusmodi lætabantur, et esse sub sentibus delicias computabant. Filii stultorum, et ignobilium, et in terra penitus non parentes. » Lactantur autem hæretici inter huiusmodi, quoniam et tales facile ab eis decipiuntur. Computant vero delicias sub sentibus esse, quia in peccatorum aculeis delectantur. Et hi quidem sunt filii stultorum et ignobilium, quia eorum magistri, nisi stulti essent, et a matris suæ nobilitate degenerarent, ad hanc tantam insaniam non pervenissent. Pro qua et modo Ecclesiam fugiunt, et penitus in

terra viventium non apparebunt. « Nunc in eorum « canticum versus sum, et factus sum eis proverbium. » Hoc autem ideo dicit, quoniam stulta, vana et joculari irrisione Ecclesiæ adversantur.

« Abominantur me, et longe fugerunt a me, et faciem meam conspuere non verentur. » Longe enim ab Ecclesia fugiunt, quia sanam doctrinam recipere nolunt. Faciem quoque ejus conspuere non verentur, quoniam verba turpia et inhonesta palam contra eam et in faciem dicunt (367). Hoc autem non sine Dei permissione fieri manifestatur, cum dicitur: « Pharetram enim suam aperuit, et afflixit me, et frenum posuit in os meum. » Dei namque permissio pharetra est, ex qua velut sagittæ hæretici et tyranni prorumpentes, contra Ecclesiam insurgunt. Frenum autem illius illi sunt, qui ejus doctrinæ et verbis contradicunt. « Ad dexteram « Orientis calamitates meæ illico surrexerunt. » Hoc autem sic ad litteram dicere videtur, quod ex illa mundi parte prius contra eam hæretici venerint. Possunt vero per Orientem, Patrem; per dextram, Filium intelligere, secundum illud: « Psallite Domino, qui ascendit super cælos cælorum ad Orientem (Psalm. lxxvii, 35). » Surrexerunt igitur calamitates Ecclesiæ illico contra dexteram Orientis, quia statim a principio heretici Christo Dei Filio derogare cœperunt.

« Pedes meos subverterunt, et oppresserunt, quasi fluctibus semitis meis. » — « Qui enim lotus est, non indiget, nisi ut pedes lavet (Joan. xiii, 10). » Pedes igitur hæretici sunt, qui terræ propius adherentes, sola terrena et transitoria diligunt. Tales autem pedes hæretici subverterunt, et supplantaverunt, et suæ doctrinæ semitis quasi maris fluctibus oppresserunt. « Dissipaverunt itinera mea, insidiati sunt mihi, et prævaluerunt, et non fuit qui ferret auxilium. » Hoc enim et Dominus ait: « Qui non est mecum contra me est, et qui non colligit mecum, dispergit (Luc. xi, 23). » Ecclesiæ namque itinera hæretici dissipabant, quia aliam fidem, per quam ad supernam patriam tenderetur, prædicabant. Prævalebant etiam aliquando, et non erat qui ferret auxilium; quod quidem occulto Dei judicio fiebat; qui ait: « Necesse est enim ut veniant scandala (Matth. xviii, 7); » et Apostolus: « Oportet hæreses esse, ut qui probati sunt, manifesti fiant (I Cor. xi, 19). » — « Quasi rupto muro, et aperta janua irrue- runt super me, et ad meas miseras devoluti sunt, redactus sum in nihilum. » Ecclesiæ namque murus, et defensio Christus est, et fides, et scientia Scripturarum. Ille autem murus, quia rumpi non potest, frustra contra Ecclesiam hæretici pugnant. Quod autem ait: Redactus sum in nihilum, secundum eorum opinionem loquitur.

« Abstulisti quasi ventus desiderium meum, et rani, etc.

(367) Hoc olim fecere Lutherani contra Ecclesiam Romanam; et hoc idem agunt quidam moderni scriptores, qui cum conviciis insectantur.

(366) Quanti facienda sit divinorum librorum auctoritas, ex hoc etiam erui potest, quod ipsi hæretici tutius suos errores tegi non putent quam a sacris Scripturis perperam ab ipsis intellectis. Ita Luthe-

« quasi nubes pertransiit salus mea. » Abstulisti, A inquit, id est auferri permisisti desiderium meum, quod de omnium hominum salute habeo, et salus mea, quam ubique medicando operabar, cessavit, et transiit. Sed quomodo? Quasi ventus auferit nubes. Bene enim hæretici vento, et Ecclesia nubibus comparantur, quoniam illi cum furore et impetu sæviunt, hæc autem misericordiæ doctrinam abundanter pluit. « Nunc autem in memetipso marcescit anima mea, et possident me dies afflictionis. » Omnia enim hæc ad illa tempora referri debent, in quibus hæretici, et maxime Ariani sanctam Ecclesiam vehementissime perturbabant (368). Tunc enim erant 274 dies afflictionis, et Ecclesiæ vita in semetipsa marcescebat, quoniam jam eam vivere tædebat. Sic enim et Apostolus ait: « Quoniam supra modum gravati sumus; ita ut tæderet nos etiam vivere (II Cor. I, 8). »

« Nocte os meum perforatur doloribus, et qui me comedunt, non dormiunt: in multitudine eorum consumitur vestimentum meum, et quasi capitio tunicæ succinxerunt me. » Hæc autem de Job ad litteram intelliguntur, quamvis de Ecclesia spiritaliter interpretemur. In hac nocte, inquit, in hac tantarum tribulationum perturbatione, os meum, fortiora membra doloribus perforantur, quoniam tantæ vastitatis dolores sanctorum corda penetrabant. Et qui me comedunt, non dormiunt, quoniam hæretici et maligni spiritus, me persequendo, non quiescunt. Hæc etiam significatione dicitur: « Quia comederunt Jacob (Psal. LXXVIII, 7). » Et quia multi sunt, in multitudine eorum consumitur vestimentum meum, id est, imperfectiores exteriores decipiuntur. Tales enim Ecclesiæ vestimenta sunt: quoniam et exterius eam exornant, et facile eis exspoliatur. Succinxerunt autem eam, quasi capitio tunicæ, quatenus eam penitus suffocarent, ne veritatem loqui potuisset. Tunicæ namque capitium, si fortiter constringatur, vocem penitus intercludit.

« Comparatus sum luto, et assimilatus sum fascibus villæ et cineri. » Intantum, inquit, conculcata et afflictia sum, ut me tam vilem et despectabilem quasi lutum et cinerem habeant. Sed quid mirum? « Clamabo ad te, et non exaudies me; sto, et non respicis me. » Ideo, inquit, isti superbiunt, quia me ad te clamantem non exaudis, et in fide perseverantem non respicis. Se quoque meliorem partem habere arbitrantur, dum pene in omnibus se vident esse superiores.

« Mutatus es mihi in crudelem, et in duriitatem manus tuæ adversaris mihi. » Quia enim graviter affligere ad crudelem pertinet; quamvis Deus crudelis non sit; tamen quia crudelium opus egit, crudelis vocatur. Manus enim dura est, quæ fortiter affligit. « Elevasti me, et quasi super ventum ponens elisisti me valide. » Multum, inquit, me elevasti, magno honore et gloria me sublimasti. Jam non in

terra ambulare; sed super ventum et in aere ambulare videbar; quoniam qualis eram, talem me homines esse credebant. Nunc autem, quoniam sic elisa, sic afflictia, sic deleta sum, ipsi quoque familiares mihi credere pertimescunt. Et hoc quidem non ideo dico, quod temporaliter mori timeam, de hoc enim certa sum. Unde et sequitur:

« Scio, quia morti trades me, ubi constituta est domus viventium; verumtamen non ad consumptionem eorum emittes manum tuam, et si corruerint, ipse salvabis. » Scio, inquit, quia illam mortem evadere non possum, in qua posita, et constituta est domus, id est caro omnis viventis. Hæc enim morte sola caro, et non anima moritur. Verumtamen non ad consumptionem eorum emittes manum tuam: quorum? nisi eorum qui affliguntur. Ex quibus nonnulli aliquando timore succumbunt et cadunt. Hoc autem non usque ad consumptionem et perditionem Deus affligi permittit; quoniam alios fortitudine firmat, ne cadant, et eos qui cadunt compungit, ut per poenitentiam redeuntes salvi fiant. Et hoc est quod dicit: « Si corruerint, ipse salvabis. »

« Flebam quondam super eo, qui afflictus erat, et compatiebatur anima mea pauperi. » Novit enim et Ecclesia flere cum flentibus, ac misereri pauperibus. « Exspectabam bona, et venerunt mihi mala; præstolabar lucem, et eruperunt tenebræ. » Hoc enim in sanctis plerumque contingit, ut priusquam ad illa bona, quæ toto mentis desiderio expectant, pervenire valeant, mala præsentis vitæ superveniant, quæ eos vehementissime affligant, et dum de die in diem mori cupientes, æternæ beatitudinis lucem præstolantur, subito in hujus mundi procellas, et adversitatum tenebras cadunt.

« Interiora mea effruebant abaque illa requie, prævenerunt me dies afflictionis. » Tunc enim Ecclesiæ interiora effruebant, quando hæretici, qui in ea latentes erant, suam indignationem et odium propalantes adversus eam loquentes exarserunt. Et tunc quidem prævenerunt eam dies afflictionis, quoniam illa mala, quæ in Scripturis pronuntiata adhuc post multa tempora futura putabat, suo tempore cognovit esse completa. « Moriens incedebam, sine furore consurgens in turba clavi. » Moriens incedit, qui et sua et aliorum peccata plorat. Sine furore consurgens in turba clamat, qui non suas ulcisci injurias, sed pacem et concordiam componere conatur. « Frater fui draconum, et socius struthionum. » Per dracones, tyrannos et superbos; per struthiones vero hypocritas intelligimus. Sicut enim alæ struthionum, ita hypocritarum opera inutilia sunt; cum neque illi alis, neque isti operibus ad cælestia elevantur. Inter tales autem et Job, et Ecclesia habitans, suæ tamen innocentie puritatem non amisit. « Cutis mea denigrata est super me, et ossa mea aruerunt præ-

(368) Quid Athanasius, quid Eusebius Vercellensis, quid Hilarius pro tuenda eo tempore Ecclesiæ fide pertulerint, meminisse sufficiet.

« caumate. » In cute exterior pulchritudo, in ossibus vero interior fortitudo signatur. Hæc autem in persecutionis æstu et caumate, et si Ecclesia non amittat, amittere tamen videtur. Intelliguntur igitur, et hæc secundum hominum opinionem. « Versa est in luctum cithara mea, et organum meum in vocem flentium. » Quoniam jam non jubilare et psallere mihi vacat, sed pro angustiis et tribulationibus meis me flere oportet. Cætera vero quæ sequuntur, non ad Ecclesiam, sed ad Job tantum referenda sunt.

275 CAPUT XXXI.

« Pepigi fœdus cum oculis meis, ne cogitarem de virgine (369). » A castitate namque incipiens, quam perfectus fuerit ostendit. Quia vero cogitare mentis est, de interioribus oculis hoc debet intelligi. Non enim peccat videndo exterius, qui non movetur cogitando interius. « Quam partem haberet Deus in me desuper, et hæreditatem Omnipotens de ex celsis. » Si, inquit, luxuriæ, et voluptati deditus essem, in Dei sorte et hæreditate connumerari non possem. « Nunquid non perditio est iniquo, et alienatio operantibus iniquitatem? » Ideo, inquit, talia non egi, quoniam hæc agentes perendos esse, et a Deo separandos non dubitabam. « Nonne et ipse considerat vias meas, et cunctos gressus meos dinumerat? » Deo, inquit, mentiri non possum, cui omnia opera mea sunt manifesta.

« Si ambulavero in vanitate, et festinavi in dolore pes meus, et appendat me in statera justa, et sciet Deus simplicitatem meam. » Si, inquit, ambulavi, sicut me ambulasse putatis, in vanitate, et secundum opinionem vestram festinavi in dolo pes meus, appendat me Deus in statera justa, id est, justitiam meam vos intelligere faciat, et tunc scietis simplicitatem meam; sic enim resolvitur: « Et sciet Deus simplicitatem meam. » Non enim secundum se statera indiget Deus ad sciendum aliquid. « Si declinavi gressus meus de via, et si secutus est oculus meus cor meum, et in manibus meis adhæsit macula, seram, et alius comedet, et progenies mea eradicetur. » Gressus de via declinare, est boni operis rectitudinem non tenere. Oculus autem sequitur cor, quando operatio sequitur cogitationem. Macula vero in manibus peccatum est in operibus. Quid est autem, « seram, et alius comedet, nisi nullum de laboribus meis fructum suscipiam? » Quæ enim seminaverit homo, hæc et metet (Galat. vi, 8). « Progenies vero eradicatur, quando virtutes et boni mores a diabolo evelluntur. Sequitur:

« Si deceptum est cor meum super mulierem, et si ad osium inimici mei insidiatus sum, eorum aut alterius uxor mea, et super eam incurventur

A « alii. » His etenim verbis a fornicationis et adulterii reatu se defendit. « Hoc enim nefas est, et iniquitas maxima; ignis est usque ad perditionem devorans, et omnia eradicans genimina. » Maximum enim peccatum est fornicatio et adulterium, unde et ignis usque ad perditionem devorans non immerito desinitur; ideoque Apostolus: « Omne, inquit, peccatum, quodcumque fecerit homo, extra corpus est, qui autem fornicatur, in corpus suum peccat (I Cor. vi, 18). » Itemque: « Fornicatores et adulteros judicabit Deus (Hebr. xiii, 4). » Hoc enim vitium omnium virtutum genimina dissipat, eradicat et perdit. Hinc autem, quia de ejus castitate audivimus, de humilitate quoque audiamus.

B « Si contempsit subire judicium cum servo meo, et ancilla mea, cum disceptarent adversum me, quid enim faciam, cum surrexerit ad judicandum Deus, et cum quaesierit, quid respondebo illi? » Nunquid non in utero fecit me, qui et illum operatus est, et formavit in vulva unus? » Ac si dicat: Omnes unum Dominum habemus; omnes unius Domini servi sumus; ipse omnia fecit, ipse unicuique reddet secundum opera sua (Matth. xvi, 27); et: « Eadem mensura, qua mensi fueritis, remetietur vobis (Matth. vii, 2). » Et hæc quidem de humilitate. Nunc autem de ejus pietate et misericordia videamus.

C « Si negavi, quod volebant, pauperibus, et oculis viduæ expectare feci. » Per hoc non solum largitatem, sed et benevolentie celeritatem ostendit. « Si comedi buccellam meam solus, et non comedit pupillus ex ea, quia ab infantia crevit mecum miseratio, et de utero matris meæ egressa est mecum. » In hoc enim non sibi largitori, sed Deo totam suam imputat bonitatem. Hoc enim et illis dicere potuit, de quo scriptum est: « Priusquam te formarem in utero novi te, et antequam exires de vulva sanctificavi te (Jerem. 1, 5). » — « Si despexi prætereuntem, eo quod non habuit indumentum, et absque operimento pauperem. » Non enim propter hominis nuditatem, naturæ despiciebat dignitatem. « Si non benedixerunt mihi latera ejus, et de velleribus ovium mearum calefactus est. » Lingua enim omnium membrorum est instrumentum, per quod suis benefactoribus benedicunt. « Si levavi super pupillum manum meam, etiam cum viderem in porta me superiorem; » id est in judicio; portam enim pro judicio posuit, quoniam ante portas judicia faciebant. Si, inquit, hoc, vel illud feci. « Humerus meus a junctura sua cadat, et brachium cum ossibus suis confringatur. » Ut non solum corporis, sed etiam animæ fortitudinem amittens, cunctis in operibus, quibus salvari debueram, inutilis flam. « Semper enim quasi tumentes super me fluctus timui

(369) « Incipit autem innocentiam suam ostendere per immunitatem a peccato luxuriæ, quod plures involvit, quod quidem peccatum in lubrico positum est, et nisi aliquis principia viet, vix a posterioribus possit pedem retrahere. Primum autem in hoc pec-

cato est aspectus oculorum, quod mulier pulchra aspicitur, et præcipue virgo; secundum autem est cogitatio; tertium, delectatio; quartum, consensus; quintum, opus. » D. « bonum.

« Deum, et pondus ejus ferre non potui. » Hoc enim, A
quid aliud est, nisi quod plus omnibus tormentis,
plus etiam quam ipsam mortem semper Deum ti-
muit. « Fortis enim, ait Salomon, ut mors dilectio
(Cant. viii, 6). » Nihil nautæ magis timent, quam
maris fluctus super se intumescentes. Pondus au-
tem Dei **276** leviter ferunt, qui illius magnitudinis
iram et furorem parvipendunt. « Si putavi aurum
« robur meum, et obryzo dixi, fiducia mea. Si læ-
« tatus sum super multas divitias meas, et quia
« plurima reperit manus mea. » His enim paucis
verbis, ab omni suspitione avaritiæ apertissime de-
fenditur, quoniam neque dilexit, neque spem suam
in divitiis posuit. « Si vidi solem cum fulgeret, et
« lunam incedentem clare, et letatum est in abs-
« condito cor meum, et osculatus sum manum
« meam ore meo; quod est iniquitas maxima, et
« negatio contra Deum altissimum. » Et hæc quidem
verba ab omni idololatria eum defendunt. Puto enim
infideles hanc antiquitus consuetudinem habuisse,
quoniam solem et lunam deos esse credebant, eorum
fulgorem et pulchritudinem admirantes, quasi pro
eorum veneratione manus sibi oscularentur, quæ
tantis diis sacrificium obtulissent. Lætabantur etiam
in abscondito mentis, et corde gaudebant, in tanta
talique deorum suorum claritate. Hoc autem ma-
xima iniquitas est, et negatio contra Deum altissi-
mum, quia non creaturæ sed Creatori serviendum
est : in ipsum credere, ipsum colere et adorare de-
bemus. « Si gavisus sum ad ruinam ejus, qui me
« oderat, et exsultavi, quod invenisset eum malum;
« non enim dedi ad peccandum guttur meum, ut
« expeterem maledicens animam ejus. » (Et in his
nullum odium contra aliquem habuisse probatur).
« Si non dixerunt viri tabernaculi mei, quis det de
« carnibus ejus, ut saturemur? » Hoc enim ideo
dicebant, quoniam sub distincta disciplina ab omni
iniquitate eos coercerat. « Foris non remansit pe-
« regrinus, ostium mentis viatori patuit. » Hoc au-
tem ad misericordiam spectat. « Si abscondi quasi
« peccatum meum, et celavi in sinu meo iniquita-
« tem meam. » Ille enim peccatum suum abscondit
et celat, qui nullam pro eo agit satisfactionem. Et
quoniam primus homo peccatum suum abscondit,
quasi hæreditarium in ceteros descendit, ut peccata D
sua confiteri nolint. « Si expavi ad multitudinem
« nimiam, et despectio propinquorum terruit me,
« et non magis tacui, neque egressus sum ostium. »
Ac si dicat : Si aliquando propinqui et vicini mei
insurrexerunt contra me, ne forte responsionibus
lites et scandala concitarem, potius tacui, neque
ostium egressus sum; non quod eorum quamvis
nimiam multitudinem timuissem, neque eorum de-
spectio, qua, quia plures erant, me despiciebant,
terrui me. « Quis mihi tribuat adiutorem, ut desi-
« derium meum Omnipotens audiat, et librum scri-
« bat ipse, qui judicat, ut in humero meo portem
« illum, et circumdum illum, quasi coronam mihi? »
Jucum enim alium adiutorem beatus Job, nisi Chri-

stus quærit, quem ipse quantum cumque potest in
omnibus imitatur? In Christo enim patriarcharum
et prophetarum omnium desiderium completum est,
quoniam omnes eum expectabant; unde ipse ait :
« Multi prophete et reges voluerunt videre quæ
vos videtis, et non viderunt (Matth. xiii, 17). »
Et ipse librum quidem scripsit, librum utique Novi
Testamenti, librum legis. Quem ipse judicat, qui et
judex est et legislator. « Pater non judicat quem-
quam, sed omne judicium dedit Filio (Joan. v, 22). »
Illius igitur adventum Job expectabat, hujus li-
brum scribi desiderabat, quem priusquam scriberetur,
perfectissime observabat; unde et in humero
suo se portare dicit. Evangelium namque in humero
portat, qui ea quæ præcipit non æstimans onerosa,
fideliter credit et operatur. Ille autem liber corona
vocatur, quoniam sine ejus fide nemo coronatur.

« Per singulos gradus meos pronuntiabo illum, et
« quasi principi offerebam eum. » Quasi enim per
singulos gradus suos Evangelium legit ille, qui et
facta sua, et Evangeliorum verba diligenter consi-
derans, timens aliquid se egisse, quod ibi repre-
hendatur. Offert autem quasi principi, quoniam ejus
secreta non quibuscunque, sed Ecclesiæ principibus
annuntiat, ne forte det sanctum canibus et mittat
margaritas ante porcos. « Si adversum me terra mea
« clamat, et cum ipsa sulci ejus descent, si fructus
« ejus comedi absque pecunia et animam agricola-
« rum ejus affluxi, pro frumento oriatur mihi tribu-
« lus et pro hordeo spina. » Quid per terram et
sulcos, nisi terræ habitatores et cultores intelligi-
mus? Hi enim adversus eum clamassent, si se ab eo
injuste gravari et affligi sensissent. Ille autem abs-
que pecunia fructus ejus comedit, qui cum nihil
aut parum regiminis et consolationis suis subditis
faciat, eorum tamen redditus et servitium non mi-
nuit. Pro frumento vero et hordeo tribulus et spina
oritur, quando illi, qui gaudium et lætitiæ expec-
tiant, mœrorem et tristitiam omnemque tribulatio-
nem incurrunt. Finita sunt verba Job.

CAPUT XXXII.

« Omiserunt tres viri isti respondere Job, eo quod
« justus sibi videretur. Et iratus indignatusque est
« Eliu filius Barachel Buzites de cognatione Ram. »
Iratus est autem adversus Job, eo quod justum se
esse diceret coram Deo. Eliu enim *Deus meus* in-
terpretatur, per quem arrogantes intelligimus, qui
quamvis cum arrogantia prædicent, a fidei tamen
veritate non recedunt. Est autem Eliu filius Bara-
chel, quia omnes qui recte credunt, Ecclesiæ bene-
dictionem suscipiunt. Barachel enim *benedictio* in-
terpretatur. Sed quamvis recte credat et benedi-
ctionem in Ecclesiæ sacramentis susceperit, tamen
quia arroganter prædicat, Buzites, et contemptibilis
277 est. Buzites enim *contemptibilis* dicitur. Quis
enim arrogantium verba non contemnat? Et iste so-
tasse arrogans non esset, si de cognatione Ram
non fuisset. Ram enim interpretatur *excelsus*, quia
igitur excelsus est, humiliter loqui nescit.

« Porro adversus amicos suos indignatus est, eo quod non invenissent responsum rationabilem; sed tantummodo condemnasset Job. Igitur Eli expectavit Job loquentem; eo quod seniores essent, qui loquebantur. Cum autem vidisset, quod tres respondere non potuissent, iratus est vehementer. » Aliquando enim arrogantes, quamvis contra Ecclesiam non sint; attamen contra eam loquuntur, quoniam in sapientia confidentes, sanctorum, qui præsunt, simplicitatem, quasi fatuitatem redarguunt; sæpe enim contra episcopos, scholasticos arrogantem loqui videmus. » Respondensque Eli filius Barachel Buzites, dixit: Junior sum tempore, vos autem antiquiores: ideoque, demisso capite veritus sum indicare vobis meam sententiam. » Prius enim hereticos quam arrogantes Ecclesia sustinere debuit, quia propter hereticos in plurimis arrogantia crevit. Cum enim heretici Ecclesiam impugnarent, et viri bene litterati et ingenio ferventes, qui in ea erant, suis argumentationibus eos superassent; cumque se de scientia et ingenio ab omnibus laudare sensissent, repente in arrogantiam ceciderunt; unde non tantum pro defensione veritatis, quanto pro suæ sapientiæ ostentatione aliquando loquebantur. » Speram enim, quod ætas prolixior loqueretur, et annorum multitudo doceret sapientiam; sed, ut video, spiritus est in hominibus, et inspiratio Omnipotentis dat intelligentiam; id est cujusunque ætatis homines sint: » Spiritus tamen ubi vult spirat (Joan. III, 8). » — Non sunt longævi sapientes, nec senes intelligunt judicium; ideo dicam: Audite me, ostendam vobis etiam ego sententiam meam. Expectavi enim sermones vestros, audiavi prudentiam vestram, donec discepta remini sermonibus et donec putabam vos aliquid dicere, considerabam; sed ut video, non est, qui arguere possit Job, et respondere ex vobis sermonibus ejus. » In hoc enim, quod ait, ex vobis, suam sententiam extollit, quasi qui eum redarguere, eique respondere possit, cui illi respondere nequiverunt. Sequitur: » Ne forte dicatis, invenimus sapientiam: Deus projecit eum, et non homo. » Vos, inquit, cur affligatur nescitis, quoniam non ab homine sed a Deo flagellatur, cujus consilium impetrabile est. Hæc autem transcurramus, quoniam asperitatem in plano querere nolumus, et vanam arrogantium verbositatem subtiliter indagare non curamus. » Nihil locutus est mihi, et ego non secundum vestros sermones respondebo illi. » Arrogantes enim, ne doceri videantur, Ecclesie magistros sibi negant esse locutos; quasi qui eorum doctrina nihil egeant; non autem ut heretici, arrogantes Ecclesie respondent; quoniam et si humiliter non loquantur, attamen contra fidem non disputant. » Extimuerunt, et non responderunt ultra, absolveruntque a se eloquia. » Hoc non Eli, sed ille qui hæc scribit, dicere videtur. Sæpe enim heretici magis arrogantium syllogismos quam sanctorum eloquia timent. » Quoniam igitur expectavi,

et non sunt locuti: steterunt, et non responderunt ultra; respondebo et ego partem meam, et ostendam scientiam meam. » Quia, inquit Eli, isti contra Job ulterius non loquuntur, respondebo nunc ego, et quæ sit mea sententia manifestabo. » Plenus sum sermonibus, et coarctat me spiritus ulteri mei. » Arrogantes enim quandoque arrogantie spiritu concitati, etiamsi velint, tacere non possunt. » Et venter meus quasi mustum absque spiraculo, quod lagunculas novas dirumpit. » Ac si apertius diceret: Non minus ego arrogantie impetu extendor, quam apostoli vel prophete Spiritu sancto tendebantur. Tali enim musto apostoli pleni erant, quando eis novis linguis loquentibus, Judæi dicebant: » Illi musto pleni sunt (Act. II, 13). » Novas autem lagunculas Spiritus sanctus dirumpit, quoniam in delicioso et fragili pectore, et nondum aquis fidei inebriato vix continetur. » Loquar, et respirabo paululum, et aperiam labia mea, et respondebo. » Et in his quidem arrogantia sonat. In eo enim quod dicit, respondebo, et multa se dicturum, et sapientia se abundare, insinuat. » Non accipiam personam viri, et Deum homini non æquabo. » Quare hoc? » Nescio enim quandiu subsistam, et si post modicum tollat me factor meus. » Vita, inquit, hæc brevis est, quantum hic vivam nescio, ideoque dum hic fuero, sine personarum acceptione veritati obediam.

CAPUT XXXIII.

« Audi igitur, Job, eloquia mea, et omnes sermones meos ausculta. » Semper enim longis procemiis utuntur arrogantes ut magis attentos faciant auditores. » Ecce aperui os meum, loquatur lingua mea in faucibus meis. » Ecce, inquit, loquar, nec te diutius morabor, lingua mea loquatur tibi, non clamose, sed in faucibus; tu tantum attente et diligenter suscipe verba mea. » Simplici corde sermones mei, et sententiam puram labia mea loquantur. » Veri enim sermones ex simplici corde procedunt, unde et mentientes duplici corde loqui dicuntur:

« Spiritus Dei fecit me, et spiraculum Omnipotentis vivificavit me. » Sic enim de primo homine dicitur: » Inspiravit Deus in faciem ejus spiraculum vite (Gen. II, 7). » Præmiit igitur fidem suam; ne quasi extraneus ab Ecclesia audiat. » Si potes, responde mihi, et adversum faciem meam consiste. » Quanta arrogantia hæc clausula abundat. » Ecce et me, sicut et te fecit Deus, et de eodem luto ego quoque formatus sum, verumtamen miraculum meum non te terreat, et eloquentia mea non sit tibi gravis. » Ambo, inquit, ab uno creati, et de eadem materia formati sumus, non tamen similis sapientia et eloquentia est utrisque. Hoc enim miraculum est, quod de eodem luto vasa tam dissimilia creavit Deus. Verumtamen hoc tibi grave et invidiosum non sit, neque admiratione terrearis.

« Dixisti ergo in auribus meis, et vocem verborum

« tuorum audiui : Mundus sum ego, et absque delicto, immaculatus, et non est iniquitas in me. Quia querelas in me reperit, ideo arbitratus est me inimicum sibi. Posuit in nervo pedes meos, custodivit omnes semitas meas. Hoc est ergo, in quo non es justificatus. » Horum quædam dixit Job, quædam non dixit nec eadem ipsa secundum hujus intelligentiam dixit. Non enim absolute dixit, se et mundum esse, et sine delicto, et immaculatum, et sine iniquitate; sed dixit non peccasse, sic ut affligi debuisset. « Respondebo tibi, quia major sit Deus homine, adversum eum contendis, quod non omnia verba responderit tibi. » Tu, inquit, cum Deo non contenderes, si hoc solum considerasses, quia Deus major est homine, major utique sapientia, et potentia, et justitia, et æquitate, et cæteris omnibus. Crede igitur justum esse, quod agit, quamvis, quia minor es, nequeas intelligere; et noli ulterius contra eum contendere, quod non omnia verba responderit tibi; id est, quod te omnia intelligere non permisit. Neque enim datur homini in hac vita omnium rerum perfecta cognitio, hoc enim nobis post hanc vitam servatur; et hoc est, quod ait : « Semel loquitur Deus, et secundo idipsum non repetit. » Ac si dicat : Exspecta paululum, futurum est, ut Deus adhuc semel firmiterque loquatur, quia una locutione tam perfecte omnes suos fideles instruet, ut secundo magisterio non egeant. Hoc autem quomodo fiat exponit. « Per somnium in visione nocturna, quando irruit sopor super homines, et dormiunt in lectulo (id est in requie a Deo illis præparata), tunc aperiet aures virorum, et erudiens eos, instruet disciplina. » Hoc est enim, quod Apostolus ait : « Cum autem venerit, quod perfectum est, evacuabitur, quod ex parte est : videmus nunc per speculum in ænigmate; tunc autem facie ad faciem (II Cor. xiii, 10). » Sed quomodo eos instruet disciplina? Vis audire quomodo? Quasi per somnium in visione nocturna. Facile enim, et cito discimus, quæ nobis per somnia revelantur. Unde manifestum est quod in illa disciplina, quamvis perfecta sit, non multum laborabimus. « Ut avertat hominem ab his, quæ fecit, et liberet eum de superbia, eruens animam ejus a corruptione, et vitam illius, ut non transeat in gladium. » Ideo, inquit, sopor et somnus mortis repente cum non speratur multoties irruit super homines, ne forte, quod sæpe contingit, deteriores fiant, si in hac vita diutius permanerent. Unde in libro Sapientie de viro justo dicitur : « Translatus est, ne malitia mutaret cor ejus (Sap. iv, 11). » Sic igitur et hic, ut avertat, inquit, hominem ab his quæ fecit, ne ea ulterius faciat, et animam ejus de superbia et corruptione penitus eripiat. Hoc autem ideo fit, ne transeat in gladium æternæ ultionis. Sequitur : « Increpat quoque per dolorem in lectulo, et omnia ossa ejus marcescere facit. » Non solum, inquit, ibi, sed hic quoque Deus hominem increpans instruit disciplina. Increpat enim per dolorem tempo-

ralis afflictionis in lectulo corporis hujus, quoniam quid sit utile unicuique ipse cognoscit. Et omnia ossa ejus marcescere facit, quia omnem ejus nocivam fortitudinem debilitat, et ad defectionem perducit; unde et subdit : « Abominabilis ei fit in vita sua panis, et animæ illius cibus ante desiderabilis. » Ad hoc enim carnis correctio et afflictio proficit, quoniam ab omnibus carnis desideriis et voluptatibus hominem separat, ut per panem et cibum ante desiderabilem, omnia carnis oblectamenta intelligamus. « Tabescet caro ejus, et ossa, quæ tecta fuerant, nudabuntur; appropinquavit corruptioni anima ejus, et vita illius mortiferis. » Ad hoc quoque proficit homini disciplinæ correctio, quod caro ejus, id est carnalis affectus, et concupiscentia ex ea tabescit, et deficit, et ossa, quæ carnis affectionibus tecta fuerant, nudantur; quoniam virtutes animæ, quæ corporeis motibus superate latebant, robur et fortitudinem suscipiunt. Carnis enim defectio, animæ fortitudo est. Et hoc quidem superba carnis pinguedo et abundantia facit, quod anima ejus corruptioni et mortiferis appropinquavit. Vitia enim, quia mortis damnationem ferunt, mortifera dicuntur. « Si fuerit pro eo angelus loquens unus de millibus, ut annuntiet homini æquitatem miseretur ejus, et dicet : Libera eum, ut non descendat in corruptionem; inveni, in quo ei propitius. » Difficile, inquit, modo veniam consequitur homo, donec veniat angelus ille magni consilii, qui pro eo loquens eum liberabit. Angelus enim iste Christus est, de quo dicitur : « Et statim veniet ad templum sanctum suum dominator, quem vos queritis, et angelus testamenti, quem vos vultis (Malac. iii, 1). » Ipse autem pro nobis ad Patrem intercedens unum de similibus loquitur, quia corpus suum, quod unum quidem est de similibus corporibus nostris, ei ostendit. Quid est enim loquens, nisi ostendens? Sic enim Filius loquitur Patri. Ipsa enim carnis presentatio, in eo quod videtur, ad Deum loquitur et interpellat. Iste igitur nuntiat hominis æquitatem, quia æquum non est, ut pereat homo, pro quo Dei Filius factus est homo. Iste ejus miseretur, et miserando dicit : « Libera eum, ut non descendat in corruptionem. » Id est, nunc eum libera a peccatis, ut postea eum liberes a tormentis. « Inveni, in quo ei propitius; inveni, inquit, mortem, reperi crucem, suscepi tormenta; hæc est hominis propitiatio. Sic enim sine verbo loquitur Verbum, et sine voce clamat, et ineffabiliter interpellat. Sequitur : « Consumpta est caro supplicis, revertatur ad dies adolescentiæ suæ; id est ad eam dignitatem, in qua creatus est; quia propter hoc caro supplicis consumpta est, supplicis quidem, non corruptione. Hoc autem et de carne nostra intelligi potest. « Deprecabitur Deum, et placabilia ei erit, et videbit faciem ejus in jubilo, et reddet homini justitiam suam. » Postquam, inquit, ille angelus magni consilii venerit, jam confidenter homo deprecabitur Deum, et Deus illius intercessione ho-

mini placabilis erit. Et videbit faciem ejus in jubilo, quia de hac vita transiens, mox ante Dei faciem in gaudio et letitia presentabitur. Et reddet homini justitiam suam, non quod sua sit, sed quia sua esset, si non peccasset. « Respiciet homo, et dicet: « Peccavi, et verè deliqui, et ut eram dignus, non « recepi. » Tunc, inquit, prius homo respiciet, tunc prius videre incipiet, et mentis oculos tunc prius aperiet, et tunc quidem non superbe defendet, sed humiliter sua peccata confitebitur. Et hoc agens fiet ei, quod sequitur. « Liberabit animam suam ne « pergeret in interitum, sed vivens lucem videret. » Tali enim confessione liberatus a morte, ad vitam transfertur, ut lux perpetua luceat ei. « Ecce hæc « omnia operatur Deus tribus vicibus per singulos, « ut revocet animas eorum a corruptione, et illu- « minet in luce viventium. » Tribus enim vicibus liberat Deus hominem, et separat a peccatis, suæque gratiæ reconciliat; semel per baptismum; secundo per poenitentiam; tertio per mortem. Sequitur: « Attende, Job, et audi me, et tace, dum ego loquor, « si autem habes quod loquaris, responde mihi, « loquere: volo enim te apparere justum; quod si « non habes, audi me, tace, et docebo te sapien- « tiam. » Mirum valde est quod per hominem tam arrogantem tam profunda mysteria Spiritus sanctus revelare dignetur.

CAPUT XXXIV.

« Propuntians itaque Eliu etiam hæc locutus est: « Audite, sapientes, verba mea, et eruditi, auscultate « me. Auris enim verba probat, et guttur escas gn- « stu judicat. » Vos, inquit, qui sapientes estis; benevolos enim eos reddit, ut ejus sermonibus fa- veant. Attendite et considerate verba mea. Ut enim sola auris audit et guttur per gustum escæ saporem sentit, ita soli sapientes, quæ sapienter dicuntur, diligentius et melius intelligunt. « Judicium eliga- « mus nobis, et inter nos videamus quid sit me- « lius. » Nota, quod prius sapientes eos vocat, de- inde ad discernendum judicium eos invitat. « Quia « dixit Job. Justus sum, et Deus subvertit judicium « meum. In judicando enim me, mendacium est, « et violenta sagitta mea est, absque ullo peccato. » Hoc Job non dixisse, quicumque superiora diligenter legit, intelligit. « Quis est vir, ut est Job, qui bibit « subannationem quasi aquam: » Deus de beato Job eum laudando; Eliu vero vituperando dicit, « quod non sit similis ei in terra. » Subannationem autem quasi aquam bibit, non sine aliquo pietatis obstaculo; Deum irridet et reprehendit. « Qui gra- « ditur cum operantibus iniquitatem, et ambulat « cum viris impiis? » Cum talibus enim graditur, qui similia operatur. Unde Psalmista: « Si videbas furem currebas cum eo (Psalm. xlii, 18). » — « Dixit « enim: Non placebit vir Deo etiamsi cucurrerit « cum eo. » Et hoc quidem in verbis Job nusquam invenitur; unde non solum arroganter, sed men- tiendo multa Eliu dicere probatur. « Ideo, viri « cordati, audite me: » Vos, inquit, qui cor habet

« tis, qui veritatem intelligitis, audite me. Absit a Deo impietas, et ab Omnipotente iniquitas. Opus enim hominis reddet ei, et iuxta vias singulorum restituet eis. Hoc est enim, quod Psalmista ait: Quia « Deus est justus iudex (Psalm. vii, 12), reddens unicuique secundum opera sua (Matth. xvi, 22). » — « Vere enim Deus non condemnabit frustra, nec « Omnipotens subvertet judicium. Quem constituit « alium super terram? aut quem posuit super or- « bem, quem fabricatus est? » Ipse, inquit, mun- dum fecit, ipse et non alius eum regit et judicat, nullo in fabricando, nullo in regendo socio, vel ad- jutore indiget, quia tam justus in omnibus est ut nihil injuste facere possit. « Si direxerit ad eum cor « suum, spiritum illius, et statum ad se trahet. » B Si, inquit, cor suum ad Deum homo direxerit, et mundo, et recto corde servire cœperit, confestim spiritum et statum illius ad se trahet, quoniam sanc- ti Spiritus gratia replebitur. Spiritus autem et sta- tus idem significat, quamvis per statum vita intelligi possit. In hoc autem magna Dei benevolentia com- mendatur, quod tam cito ad misericordiam flecitur. « Delicet omnis caro simul, et homo in cinerem « revertetur. » Ac si dicat: Illi, qui cor suum ad Dominum dirigunt, spiritu et vita illius vivificati, mori non possunt; cæteri vero omnes peribunt; quia pulvis sunt, et in pulverem revertentur: « Si ergo « habes intellectum, audi quod dicitur, et ausculta « vocem eloquii mei. » Semper 280 Eliu in arro- gantiam crescit, unde virum justum et sapientissi- mum, an habeat intellectum sciscitatur; in quo, sicut in cæteris omnibus magna beati viri patientia demonstratur. « Nunquid qui non amat judicium « sanari potest? Et quomodo tu eum, qui justus « est, intactum condemnas? Qui dicit regi, apostata, « qui vocat duces impios. » Hoc enim contra Job dici non debuit, qui toties superius se judicari postulavit. Amat judicium, qui justam causam se ha- bere sentit; quoniam ibi defenditur et sanatur, et ab injuria liberatur. Deum autem, qui justus est, intactum condemnat, qui priusquam intelligat, ejus judicium reprehendit. Tunc enim Deus tangitur, quando ad interrogata respondet. Et ipse quidem tam justus est ut nec regibus, nec ducibus blan- diatur; sed secundum eorum meritum illos et apo- statas, et impios vocat. Vocare autem quid est, nisi ostendere et damnare? Dum enim eos damnat, quales fuerit, ostendit. « Qui non accepit personas « principum, nec cognovit tyrannum, cum disce- « paret contra pauperem: opus enim manuum « ejus sunt universi. » Non est personarum acce- ptor Deus, sed in omni gente, qui timet eum et operatur justitiam acceptus est illi. Omnes enim æqualiter judicat, qui omnes creavit. Et audiens afflictorum gemitus, affligentes perdit et damnat; unde et subditur:

« Subito morientur, et in media nocte turba- « buntur populi, et pertransibunt, et auferent vio- « lentum absque manu. » Subito enim morientur,

quia una sententia damnationis peribunt. Hoc autem in media nocte, quia dies Domini, sicut fur in nocte, ita venit; in nocte quidem, quando veniet, obscurum est et ab omnibus ignoratur. Et pertransibunt, jam non amplius redituri. Et tunc quidem Dei iussiones atque judicia auferent populum impium et violentum absque manu; non enim alicuius manus auxilio Dei indigent iussiones. « Oculi enim ejus super vias hominum, et omnes gressus eorum considerat. Non sunt tenebrae, et non est umbra mortis, ut abscondantur ibi, qui operantur iniquitatem; neque enim ultra in hominis est potestate, ut veniat ad Deum in iudicium. » Auferuntur, inquit, impii, quoniam quales fuerint, Dei oculos non latet; ipse enim omnium vias et opera considerans, reddet unicuique secundum opera sua. Non enim sunt ante Dei oculos tenebrae ignorantiae, neque umbra mortis, id est caligo oblivionis, in quibus abscondantur qui operantur iniquitatem. Prius igitur quam auferantur, poenitentiam agant et convertantur, quia postquam hinc sublati fuerint, jam non est in eorum potestate, ut iterum veniant ad iudicium; semel enim iudicat Deus, ejus iudicium non retractatur (370). « Conteret multos innumerabiles, et stare faciet alios pro eis. Novit enim opera eorum, et idcirco inducet noctem, et conterentur. » Multos enim, imo innumerabiles quotidie Dominus occidit et conterit, et iniqua eorum opera considerans aeternae damnationis noctem inducet super eos. Tamen, quia electorum numerus nondum completus est, stare facit alios pro eis. « Quasi impios percussit eos in loco violentum, qui quasi de industria recesserunt ab eo, et omnes vias ejus intelligere noluerunt, ut pervenire facerent ad eum clamorem egeni, et audiret vocem pauperum. » Locus violentum Ecclesia est; quoniam non caeci, sed videntes et intelligentes in ea habitant, et hi quidem, quoniam per viam incedere debeant, vident; non ex ignorantia, sed sponte et de industria peccant. Quod enim non intelligunt, non impotentia facit, sed voluntas; intelligerent enim si vellent. Isti autem contra Dei praeceptum egenum et pauperem affligentes, eorum clamorem ad Deum venire faciunt. Quia igitur sine pietate alios affligunt, non immerito quasi impii percutionatur. Sequitur: « Ipso enim concedente pacem, quis est qui condemnet? Ex quo absconderit vultum suum, quis est qui contempletur eum et super gentem et super omnes homines? Qui regnare hypocritam facit propter peccata populi. » Ipse, inquit, percussit impios, ipse dat pacem afflictis, et non qualemcumque, sed perpetuam pacem, quam qui recipit, nullius iudicium vel condemnationem timet. Sed quibus aliis vultum suum Deus abscondit, nisi illis, quibus irascitur? Quibus postquam dicitur: « Tollantur impii ne videant gloriam Dei (Isa. xxvi, 16). » Et in infernum praecipites deiciuntur;

(370) Recordendus est etiam Ecclesiastes, qui cap. 12 multis adhortatur hominem, ut sibi consulat

A impossibile erit ut eum ulterius videant. Hoc autem facit Deus et super omnes gentes, et super omnes homines, videlicet et justos liberat et impios damnat. Facit autem regnare hominem hypocritam, propter peccata populi, quod quidem de Antichristo specialiter et de cæteris generaliter intelligi potest. Plerumque enim propter populi peccata malis subditis mali praepositi praeficiuntur. « Quia ergo locutus sum ad Deum, te quoque non prohibebo. Si erravi, tu doce me; si iniquitatem locutus sum, ultra non addam. Nunquid a te Deus expetit eam, quia displicuit tibi. » Haec autem et arroganter, et irridendo dicit, et ibi se reprehendi postulat, ubi certissime scit se reprehendi non posse. In his enim quae modo dixit, neque erravit, neque iniquitatem locutus est, quam etiam si locutus fuisset, asserit, quod a se non ab alio requireretur, et ipse pro ea redditurus esset rationem. « Unusquisque enim, ait Apostolus, pro se rationem reddit (Rom. xiv, 12). » Hoc autem est, quod ait: « Nunquid a te Deus expectet eam, quia displicuit tibi? » Subauditur disputatio mea, quasi tu pro ea sis rationem redditurus. Arrogantes enim, cum verba sua laudari non audiunt, displicuisse putant. « Tu enim cepisti loqui, et non ego; quod si melius nosti, loquere. Viri intelligentes loquantur mihi, et vir sapiens audiat me. » Job autem stultus locutus est, et verba illius non sonant disciplinam. » Ac si dicat: Quod te reprehendi, tibi et non mihi imputare debes; tu enim cepisti loqui, et non ego; quod ego reprehendi, a te audi, non ego fluxi. Verumtamen si quid nostri melius, vel his quae ego dixi, vel his quae tu prius dixisti loquere. Loquere quidem dicit, nec tamen ut loquatur expectat. Et quasi intelligentiam Job non haberet, a suo colloquio eum removet, dicens: Viri intelligentes loquantur mihi, et sapiens audiat me, non autem iste qui sapientia et intelligentia caret. Stultus autem beatus Job, et sine disciplina locutus dicit, quia iustitiam suam eum defendere audivit. Unde et ad Deum conversus ait: « Pater mi, probetur Job usque in finem: ne desinas ab homine iniquitatis, quia addit super peccata sua blasphemiam. » Qualis, inquit, ante flagella fuerit, ostenditur, qui propter peccata sua flagellatus, inter ipsa flagella peccare non cessat. Probetur igitur usque in finem, ut vel sic aliquando resipiscat. « Inter nos interim constringatur, et tunc ad iudicium provocet sermonibus suis Deum. » Prius, inquit modo constringatur et vincatur rationibus nostris, ut in his intelligat se Dei rationibus nullo modo resistere posse.

CAPUT XXXV.

« Igitur Eliu hoc rursum locutus est. Nunquid aequa tibi videtur haec tua cogitatio, ut diceres: « Justior Deo sum? Dixisti enim: Non tibi placet quod justum est, vel qui tibi proderit, si ego peccavero? » Hoc enim Job non dixit, neque quod Deo antequam tenebrescat sol, et tenebrae mortis super veniant.

justior esset, neque quod Deo rectum non placeat; A sed quid dixit? «Æquitatem proponat contra me, et perveniat ad victoriam iudicium meum.» Itemque: «Scio, si iudicatus fuero, quod justus inveniar.» Hæc igitur Eliu non bene intellexisse manifestum est. Nam et si Job justus probaretur, inde tamen Deus injustus non esset; non enim propter illius peccata ipsum affligebat; sed quia inde eum majorem, et clariorem, et meritis excellentiorem facere volebat. Uterque igitur justus est, et qui affligit, et qui affligitur. Itaque respondebo ego sermonibus tuis, et amicis tuis tecum. Non enim tibi soli respondere vult, quia se intelligentibus et sapientibus locuturum dixerat: «Suscipe cælum, et intueri; et contemplant æthera, quod altior te sit. Si peccaveris, quid ei nocebis: et si multiplicata fuerint iniquitates tue, quid facies contra eum? Porro si justus egeris, quid donabis ei? Aut quid de manu tua accipiet?» Non sicut promiserat, ejus sermonibus respondet; quia in sermonibus beati Job non invenitur: «Quid tibi proderit, si ego peccavero;» hinc enim argumentatio hæc trahitur. Hæc autem non contra Job, sed contra aliquem desperatum, et ad peccandum promptissimum eloqui debuerat. Suspice, inquit, cælum et æthera, vides quod altior te sit, nullis viribus illuc attingere potes, tibi quidem Deus est. Sive igitur peccaveris, sive bene egeris, securus est Deus, neque donis, neque minis movetur. «Hominini, qui similis tui est, nocebit impietas tua: et Filius hominis adjuvabit iustitia tua.» Deo, inquit, in nullo neque prodesse, neque obesse vales; homini autem, si impius, vel justus fueris, multis modis obesse vel prodesse poteris. «Propter multitudinem calumniatorum clamabunt, et ejulabunt propter vim brachii tyrannorum.» Homini, inquit, impietas, hominibus nocere potest, illi tamen qui affliguntur clamant et ejulant ad Dominum, ut eos de calumniatorum et tyrannorum violentia ulciscatur; non semper tamen clamantes exaudiuntur, quia non fideliter, sed dubitando clamant. Unde et subditur: «Et non dixit: Ubi est Deus qui fecit me, qui dedit carmina in nocte? Qui docet nos super jumenta terræ, et super volucres cæli exaudivit nos. Ibi clamabunt, et non exaudiet propter superbiam malorum.» Singulare pro plurali posuit, et in uno ostendit quantum omnibus dubitatio noceat. Ille, inquit, qui affligitur, fideliter dicat: Ubi est Deus, qui fecit me? Et non tantum ore, sed et corde clamet, firmiterque credat quoniam non derelinquet hominem, qui eum fecit. Qui dedit carmina in nocte, id est, qui gaudium, et lætitiā in magnis tribulationibus fidelibus suis sæpissime largitus est. Hic enim fortasse antiqui patres in orationibus suis Dei magnalia narrare didicerunt. Docet autem nos Dominus super jumenta terræ, et super volucres cæli, quoniam qui Dei sapientiam habent, omnibus mundi amatoribus, cunctisque philosophis sapientiores sunt. Ibi clamabunt, ubi? In tribulationibus, quas ab impiis patiuntur. Quare? Propter su-

perbiam malorum, qui eos affligunt. Et non exaudiet. Quod Deus non exaudit, aut ideo sit, quia non bene petitur, aut quia melius, non exaudiendo, quam exaudiendo fidelibus suis facere disposuit. Unde et Apostolo orantī dicitur: «Sufficit tibi gratia mea; nam virtus in infirmitate perficitur (II Cor. xii, 9).» Non igitur exauditur, ut ejus virtus perficiatur. Non ergo frustra audiet Deus, et Omnipotens singulorum causas intuebitur. Etiam cum dixeris, non considerat, judicare coram eo, et exspecta eum, 282 nunc enim non inferi furorem suum, et absque scientia verba multiplicat. Frustra enim audiret Deus, si stultus, et iniquus, et sanas petitiones exaudiret; sed quia singulorum causas intuetur, ea tantum audit, quæ audienda sunt; scit enim quid unicuique causæ conveniat. Etiam cum dixeris, non considerat Deus afflictiones meas, jam tunc judicaris coram eo, et te liberare, tuumque adversarium jam damnare disponit; ideoque exspecta eum, donec ad iudicium veniat. Nunc enim non inferi furorem suum, nec ulciscitur scelus valde. Quicunque ergo perfecte vindicari desiderat, futurum iudicium exspectet. Unde constat quoniam Job frustra spernit os suum, quoniam quæcumque dixit, vana et inutilia sunt. Aut enim futurum exspectare debuit iudicium, aut sic orare ut exaudiri mereretur.

CAPUT XXXVI.

«Addens quoque Eliu, hæc locutus est: Sustine paululum, et indicabo tibi; adhuc enim habeo, quod pro Deo loquar.» Multa enim Eliu jam locutus fuerat; sed superbia spiritu tumidus, loquendo satiari non potest; neque vero superari timet, quia Dei partem defendit; unde et subditur: «Repetam scientiam meam a principio, et operatorem meum probabo justum. Vere enim absque mendacio sermones mei, et perfecta scientia probabitur tibi.» Ac si dicat: Ne forte me putes esse mentitum, scientiam meam repetam a principio; tu vero, si quid habes, responde, quia ego operatorem meum probabo justum, et sicut a principio dixi, simplices et sine mendacio sunt sermones mei, et scientia mea probabitur tibi esse perfecta. Non solum enim arroganter loquitur; verum etiam quæ ei obijci poterant, anticipando removet, neque enim se de mendacio defendere posset. «Deus potentes non abijcit, cum et ipse sit potens, sed non salvat impios, et iudicium pauperibus tribuit.» Cum, inquit, Deus potens sit, non propter potentiam, sed propter impietatem potentes, abijcit; salvat enim potentes, sed non salvat impios. Et iudicium pauperibus tribuit, ut illi juste eos damnent, a quibus injuste iudicati sunt. «Non auferet a justo oculos ejus, et reges in solio collocat in perpetuum, et illi eriguntur. Et si fuerint in catenis, et vinciantur funibus paupertatis. Judicabit eis opera eorum, et scelera eorum, quia violenti fuerint.» Impios, inquis, non salvabit Deus; econtra a justo

non auferet oculos misericordiae suae, nunquam ejus obliviscitur, quem semper respicit. Reges autem in solio collocat in perpetuum, quia Ecclesiae principibus, episcopis videlicet et sacerdotibus aeternas sedes preparavit. Et illic eriguntur; qui enim hic humiliantur, ibi eriguntur et exaltantur. Et his quidem regibus, quando carcere, et paupertate, aliisque miseriis in hoc saeculo affligantur, occulta inspiratione Deus indicat; et ad memoriam reducit opera et scelera, quae aliquando fecerunt, ut dum eorum recordantur, patientius tormenta sustineant, quibus sua peccata solvi non dubitant. Hoc est enim, quod superius dixerat: « Respiciet homo, et dicet: Peccavi, et vere deliqui, et ut eram dignus, non recepi.

« Revelabit quoque aures eorum, ut corripiat, et loquatur, ut convertantur ab iniquitate; si audierint, et observaverint, complebunt dies suos in bono, et annos suos in gloria; si autem non audierint transibunt per gladium, et consumentur in stultitia. » Deus, inquit, occulta inspiratione fidelibus suis peccata eorum indicat, et ad memoriam reducit. Aures quoque mentis eorum revelat et aperit. Quare hoc? « Ut eos corripiat; » eisque intus, et invisibiliter loquitur, admonens eos ut ab iniquitate convertantur. Quod si fecerint, complebunt dies suos in bono, id est hanc praesentem vitam in sancta conversatione. Et annos suos in gloria; » quoniam post haec in aeterna gloria cum Domino erunt. « Si autem non audierint, transibunt per gladium » aeternae ultionis. Et consumentur in stultitia; quia de stultitia sua nihil, nisi mortem et consumptionem invenient.

« Simulatores, et callidi provocant iram Dei, neque clamabunt, cum vincti fuerint. Morietur in tempestate anima eorum, et vita eorum inter effeminatos. » Merito enim in se iram Dei provocant, qui simulatione et caliditate omnia faciunt; sive ut alios decipiant, sive ut honorem et vanam gloriam sibi acquirant. Et hi quidem non clamabunt, cum vincti fuerint, cum nec in ipsa morte poenitentiam agent. Vinctus enim est, qui in sua potestate non est. Ideoque anima eorum morietur in tempestate, id est in tribulatione et angustia, omnium tormentorum grandine super se irruente. Et vita eorum inter effeminatos erit, id est inter otiosos, et molles, et luxuriae et voluptatibus deditos.

« Eripiet pauperem de angustia sua, et revelabit in tribulatione aures ejus. » Pauper enim est, qui in hujusmodi divitiis spem non habet. Unde David cum dives esset, egenum tamen et pauperem se vocat. Hujus autem aures in tribulatione Dominus revelat et aperit, quoniam tribulationis bonum eum intelligere facit; ut jam non doleat de tribulatione, qui per multas tribulationes scit se intrare in regna coelorum.

« Igitur salvabit te de ore angusto latissime, et non habente fundamentum subter se: requies autem mensae tuae erit plena pinguedine. Causa tua, quasi

A « Impii judicata est, causam judiciumque recipies. »

263 De hoc enim Psalmista dicit: « Non me demergat tempestas aquarum, neque absorbeat me profundum, neque urgeat super me potens os suum (Psalm. LVIII, 16). » Est igitur haec inferni descriptio, cujus os et angustum, et latissimum est: angustum quidem, quia quos recipit strictissime tenet, neque inde exire permittit: latissimum autem, quia multos, et cum magna frequentia glutit. Infernus autem non habet fundamentum, quia ejus vorago vastissima impleri non potest. Requies autem mensae tuae impletur pinguedine, quando post hujus vitae labores, et requies, et mensa, et aterni cibi refectio sanctis a Domino preparatur. Unde in Evangelio dicitur: « Quia praecinet se, et faciet illos discumbere, et

B transiens ministrabit illis (Luc. XVIII, 38). » Quod autem ait: « Causa tua quasi impii judicata est; » ideo dicit, quia quasi impius severissime affligebatur. Sed causam, judiciumque suscipiet, quoniam pro tali causa, atque iudicio, ipse quoque causidicus, et iudex constituetur, sive quia magnis honoribus et muneribus pro hoc remunerabitur. « Non te ergo superet ira, ut aliquem opprimas, nec multitudo locorum inclinet te. » Non ira superatus aliquando beatus Job aliquem oppressit; quamvis rectitudine disciplinae suos subiectos castigaverit; unde superius ait: « Si non dixerunt viri tabernaculi, quis dei de carnibus ejus, ut saturemur? » Nec multitudo locorum inclinet te ad iniquitatem.

C Saepe enim divites et potentes, quia multa loca possident, a justitiae sublimitate oculos avertunt, et iniquiores fiunt. « Depone magnitudinem tuam absque tribulatione, et omnes robustos fortitudine, ne protrahas noctem, ut ascendant populi pro eis. » Suam enim magnitudinem deponunt, quicumque se ex toto corde Deo humiliant, neque in suae justitiae magnitudine confidunt. Hoc autem alii sponte, et absque tribulatione faciunt, alii vero nisi multis tribulationibus afflicti facere nolunt. Depone etiam robustos fortitudine, id est cunctis impis et superbis, qui tecum conversantur, male agendi licentiam et fortitudinem adime. « Ne protrahas noctem. » Noctem protrahere, est exaltare iniquos, et vitiorum tenebris obvolutos; tales enim non protrahendi, sed retrahendi sunt. Quare? Ut ascendant populi pro eis. Tunc enim bonorum populi, et multitudes crescunt, quando iniqui et superbi vires amittunt. Sequitur:

« Cave ne declines ad iniquitatem: hanc enim coepisti sequi, post miseriam. » Iniquitatem enim Eliu esse putabat, quod beatus Job plus quam meruisset, se affligi dicebat. Haec autem verba quanta arrogantia plena sint, quis non videt? « Ecce Deus excelsus in fortitudine sua, et nullus est similis in legislatoribus. Quis poterit scrutari vias ejus? Aut quis poterit ei dicere, operatus es iniquitatem. » Memento, quod ignoras opus ejus, de quo cecinerunt viri. » Haec manifesta de Christo prophetia est. Quod autem Eliu prophetiae spiritu loquatur,

mirum valde est. « Spiritus tamen ubi vult, spirat » (Joan. iii, 8). « Calphas quoque prophetavit. Insurger et anima locuta est. Denique et Sibylla (371) Dei ratem se esse dixit : « Ecce, inquit, venit Deus excelsus in fortitudine divinitatis suae ; qui humilis valde apparebit in infirmitate humanitatis suae. Et nullus ei similis in legislatoribus. Quis enim « similis Deo inter filios Dei ? » Legis namque lattores, non solum Moyses, sed et ceteri prophetae fuerunt. Sed et quis dicere poterit, operatus es iniquitatem ? Cujus operationes, et vias nemo scrutari potest. Hoc enim et ipse dicebat : « Quis ex vobis arguet me de peccato ? » (Joan. iii, 46.) De hoc autem cecinerunt viri, quia SS. prophetae ejus adventum et incarnationem, ejus mortem et resurrectionem, et cetera omnia de eo prädixerunt. Hujus autem opus ignorare, est a justitia et aequitate recedere. « Omnes homines vident eum, et unusquisque procul intuetur eum. Omnes enim homines vident eum, secundum quod scriptum est : « Videbit omnis caro salutem Dei (Isa. lii, 10). » Et unusquisque procul intuetur eum, quoniam et si hominem videant, Deum tamen non videre, sed quodammodo quasi de longe intelligere possunt. « Ecce Deus magnus vincens scientiam nostram, numerus annorum ejus inestimabilis. Vincit enim Deus scientiam nostram, quia, sicut est, scire non possumus ; sive quia ejus scientiae nulla scientia comparatur. Et quamvis inter homines juvenis appareat, numerus tamen annorum ejus est inestimabilis. Unus ipse quoque ait : « Amen dico vobis, antequam Abraham fieret, ego sum (Joan. viii, 58). »

« Qui aufert stillas pluviae, et effudit imbres adinstar gurgitum, qui de nubibus pluunt, quae praetextant cuncta desuper. » Quid enim per stillas pluviae, nisi predatores Veteris Testamenti, qui Ecclesiae doctoribus comparati, quaedam pluviae guttae esse videntur ? Hos autem Christus suo adventu abstulit et cessare fecit, et per se suosque discipulos adinstar gurgitum, qui de nubibus pluunt, sacri eloquii fluentia effudit. Hae vero nubes cuncta desuper praetextant, quia sanctarum Scripturarum volumina, ex quibus haec pluviae manant, fidelium corda irrigant et obumbrant. « Si volueris extendere nubes, quasi tentorium suum : et fulgurare lumine suo desuper, cardines quoque maris operiet. » Si, inquit, nubes, id est evangelicam doctrinam, vel sanctos apostolos extendere voluerit, dicens : « Ite in universum mundum, praedicate Evangelium omni creaturae (Marc. xvi, 15). » Sicut enim in principio tentorium suum, id est caelum extendit, et si desuper lumine suo, id est miraculorum illustratione fulgurare voluerit, cardines quoque maris operiet : id est, omnes mundi terminos ad fidem convertet. Sicut enim caeli tentorium, ita et apostolorum doctrina, omnes mundi terminos in se continet et concludit. « Per haec enim judicat populos, et

« dat escas multis mortalibus. » Quid est per haec ? Id est per apostolos et doctrinam evangelicam ; per haec enim, quasi per legem et iudices, judicantur omnes populi ; per haec etiam, quasi per cibum ubique mysterium, nutrit Deus multos mortales. « Immanibus abscondit locum, et praecipit ei, ut iterum veniat. » Hoc est, quod alibi dicitur : « Deus superbis resistit, humilibus autem dat gratiam (Jac. iv, 6). » Quod enim nunc immanes, et superbi locum, et veritatem non vident, si se humiliaverint, protinus ad eos lux mundi Deus, et veritas revertetur. « Annuntiat de ea amico suo quod possessio ejus sit, et ad eam possit ascendere. » — « Vos amici mei estis, dicit Dominus, si feceritis quae ego praecipio vobis (Joan. xv, 14). » His autem annuntiavit Christus, id est, intelligere fecit quod haec lux eorum possessio sit, secundum illud : « Dominus pars hereditatis meae (Psalm. xv, 5). » Si enim sanctorum hereditas Christus est, ergo et possessio. Sed quis unquam ad hanc possessionem se ascendere posse speraret, nisi diceretur. « Et ad eam possit ascendere. » Hanc enim spem ipse Deus confirmans, ait : « Pater, volo ut ubi ego sum, et ipsi sint mecum (Joan. xvii, 24). »

CAPUT XXXVII

« Super hoc expavit cor meum, et evolutum est de loco suo. » Super hoc, inquit, quod Deus excelsus in fortitudine sua carnem sumere, et non tantum homo, sed hominum possessio dignatus est fieri, expavit cor meum, et praenimia admiratione evolutum est de loco suo. Cor enim de loco suo quodammodo movetur, quando in mentis excessu homo elevatur. Inde Habacuc propheta : « Domine, inquit, audi vi auditum tuum, et timui, consideravi opera tua, et expavi (Habac. iii, 2). » Sequitur : « Audiet auditionem in terrore, vocis ejus, et sonum de ore illius procedentem. » Audiet, inquit, homo auditionem vocis ejus, et sonum procedentem de ore illius. Sed quomodo audiet ? In terrore. Haec igitur vox, quae in terrore audietur, illa est qua Dominus peccatoribus dicit : « Ite, maledicti, in ignem aeternum (Matth. xxv, 41). »

« Subter omnes caelos ipse considerat, et lumen illius super terminos terrae. » — « In altis enim habitat, dicit Psalmista, et humilia respicit in caelo et in terra (Psalm. cxlii, 6). » Quia igitur ubique est, et omnia videt, nemo se ab ejus judicio abscondere poterit. « Post eum rugiet sonitus, tonabit voce fortitudinis suae, et non investigabitur, cum audita fuerit vox ejus. » Postquam, inquit, damnationis sententiam Dominus dederit, et fortitudinis voce intonnerit, sonitus eorum, qui post eum erunt, id est damnatorum omnium, quos in poenis relinquet, praedolore et tristitia rugiet. Dei tamen sententiam nemini tunc investigare licebit, quia non respondendi locus erit ; sed mox audita sententia trahentur ad tormenta. « Tonabit Deus in voce sua mirabiliter,

« qui facit magna et inscrutabilia. » Quomodo enim non mirabiliter et terribiliter tunc voce sua, quasi iratus tonabit super impios, qui olim benevolus et paeatus terruit pios? Scriptum est enim, dissiisse filios Israel: « Non loquatur nobis Dominus, ne forte moriamur (Exod. xx, 19). » Magna autem et inscrutabilia sunt judicia Dei, secundum quod Apostolus ait: « O altitudo divitiarum sapientiae, et scientiae Dei, quam incomprehensibilia sunt judicia ejus, et investigabiles viæ ejus! » (Rom. xi, 35.)

« Qui præcipit nivi, ut descendat super terram, et hiemis pluviis, et imbri fortitudinis suæ. » Prius, inquit, quam judicare Dominus veniat, super omnem terram prædicatores mittet; per nivem enim sanctos prædicatores intelligimus, vitæ, et moribus, et sancta conversatione candidatos. Talem nivem fieri optabat, qui dicebat: « Lavabis me, et super nivem dealbabor (Psal. l, 9). » Per hiemis autem pluviæ et imbres fortitudinis, doctrina evangelica figuratur. Hæc enim hiemis pluvia fit, quando libidinis æstus, et fororis, et odii ignem exstinguit, quoniam hiemales pluviæ frigidiores sunt. Fit autem doctrina evangelica imber quoque fortitudinis, quando peccatoribus futuri iudicii tormenta minatur. « Qui in manu hominum signat, ut noverint singuli opera sua. » Quinque enim sunt corporis sensus, quibus bona et mala operamur, qui etiam in quinque talentis in Evangelio figurantur. Totidem autem, et sunt digiti manus, quos cum videmus, sensuum nostrarum recordari debemus; ut vel sic quid egerimus intelligamus, et si quid in aliquo deliquimus, poenitentiam agamus. « Ingrederetur bestia latibulum suum, et inantro suo morabitur. » Hæc bestia diabolus est, cujus antrum et latibulum sunt omnes iniqui, quoniam in eis latet, et inhabitat. « Ab interioribus egreditur tempestas, et ab Arcturo frigus. » Sicut enim per Arcturum, aquilonem, ita per interiora austrum intelligimus. Unde et supra dicitur: « Qui facit Arcturum, et Oriona, et Hyades, et interiora austri. » Quia igitur Judei austro, Romani autem aquiloni propinquiore sunt, per illos quidem auster, per istos vero aquilo ponitur. Ab austro ergo tempestas egreditur, quia prima persecutio contra Ecclesiam in Judea surrexit. Ab aquilone vero egreditur frigus, quia Romanorum vel gladiis, vel fussionibus SS. martyres ubique interfecti sunt. Et vide quam eleganter mortem per frigus significavit. Hoc autem sine voluntate Dei fieri ex eo ostenditur, quod subditur: « Flante Deo concrevit gelu, et rursum latissime funduntur aquæ. » Gelu enim tunc crescebat, quando sanctis martyribus ubique morientibus, mors in Ecclesia temporaliter regnabat. Unde Apostolus ait: « Ergo mors in nobis operatur, vita autem in vobis (II Cor. iv, 12). » Rursum autem latissime fundebantur aquæ, quoniam pace cœlitus data, sancti prædicatores multiplicati, et confortati doctrinæ pluviam ubique gentium fundere cœperunt.

« Frumentum desiderat nubes, et nubes spargunt lumen suum, quæ lustrant per circuitum, quocun-

que voluntas gubernantis deduxerit, ad omne quod præceperit illis super faciem omnis terræ, sive in una tribu, sive in terra sua, sive in quocunque loco misericordiae suæ eas jussit inveniri. » Hoc est enim, quod discipulis suis Dominus ait: « Levate capita vestra, et videte regiones, quæ albæ sunt jam ad messem (Joan. iv, 35). » Jam Christi frumentum, jam messem Dei, nubes Evangelii, Ecclesieque doctores et videre et audire desiderat. Et nubes spargunt lumen suum, quia non solum doctrina, sed et miraculis refulgent. Quæ lustrant per circuitum, quia in omnem terram exivit sonus eorum. Verumtamen non alibi vadunt, nisi quo sui gubernatoris voluntas eas duxerit, neque aliud agunt, nisi quod illis præceperit. Sive in una tribu filiorum Israel eos esse voluerit; sive ut prius aliquanto tempore morati sunt in Jerusalem, et in tribu Juda; sive in terra sua, id est in tota terra Judæorum; sive in quocunque loco cui misereri voluerit, eas jussit inveniri, id est ubique terrarum. « Ansecula hæc igitur Job, sta, et considera miracula Dei. » Quare stare præcipit qui nusquam ire poterat, nisi quia ad sui comparationem, quasi in imis jacere considerabat? Unde et subditur: « Nunquid scis, quando præceperit Deus pluviis, ut ostenderent lucem nubium ejus? » Ac si dicat: Nunquid tibi, sicut mihi revelatum est, quando secundum Dei præceptum, et dispositionem prophetarum lux, atque virtus eorum in verbis, et doctrina manifestabitur? Tunc enim lucem nubium, id est prophetarum claritatem eorum pluviæ, id est eorum prophetiæ, et libri ostendere cœperunt, quando spiritualiter intelligi poterunt. Quotidie enim Judæi Isaie pluviæ bibunt, nec tamen in eis intelligunt, quantam claritatem, videndo futura in mentis oculis Isaia habuerit. Nobis autem prophetarum pluviæ eorum lucem et scientiam ostendunt, quia dum eas bibimus, quid viderint, intelligimus. « Nunquid nosti semitas nubium magnas, et perfectas scientias? » Has prophetarum magnas semitas, et perfectas scientias illas puto, quibus usque ad Christi incarnationem, passionem, resurrectionem, et ascensionem prophetando venerunt. Hoc autem de apostolis apertissime intelligi potest.

« Nonne vestimenta tua calida sunt, cum perfusa fuerit terra austro? » Uniuscujusque vestimentum ejus caro est, auster vero ventus calidus est. Hoc in loco Spiritum sanctum significat, qui apostolis in igne apparuit. Calescunt igitur vestimenta, cum terra austro perficitur; quia quando homo sancti Spiritus afflatione tangitur, ipse ejus caro compunctionis et amoris ignem in se quoddammodo sentit; et tale est, ac si diceret: Si te sancti Spiritus ignis, et afflatio tetigisset, nequaquam contra Deum te tua superbia erexisset. « Tu forsitan cum eo fabricatus es cœlos, qui solidissimi quasi ære sunt? » Ostende nobis, quid dicamus illi: nos quippe involvimur tenebris. » Hoc autem irridendo dicit, ac si dicat: Tu qui cum Deo contendis, fortasse hmi-

lis ejus es, et eum eo fabricatus es coelos; doce. Igitur nos, quid illi dicamus, et quomodo ei respondeamus. Tu enim solus sapiens es; nos quippe involvitur tenebris et ignorantia. Possumus autem per coelos, angelos et sanctos intelligere, qui quoniam in Dei amore, et in fide fortes sunt, aerei, solidique dicuntur. « Quia narrabit ei quæ loquor? » Etiam si locutus fuerit homo, devorabitur. » Quis, inquit, narrabit ei, quæ loquor, ut hac saltem mea locutione se defendat, qui quamvis ad majorum comparationem loqui nesciam, tibi tamen me respondere posse non diffido? Sed quid de me, vel de te dico? Etiam si locutus fuerit homo, ejus scientia devorabitur, et quasi jam sepultus, quid ei respondeat, non habebit. Quid est enim homo? Nunquid et isti homines noverant? Homo enim hic pro sapientia ponitur. Hoc enim inter sapientes et cæteros homines, quod ipse hominem et cætera animalia. Tales autem homines non in Veteri, sed in Novo Testamento abundant. Unde et subditur: « At nunc non vident lucem: subito aer coegetur nubes, et ventus transiens fugabit eas. » Nunc, inquit, homines ignorantie tenebris involuti, lucem et veritatem discernere non possunt. Nunc, inquam, aliter enim postea fiet. Sicut enim aer subito cogitur in nubes, quibus caligine et obscuritate cuncta obumbrantur; sed mox vento transeunte, nubibusque fugatis ad pristinam claritatem omnia redeunt; ita illi, qui post nos futuri sunt de ignorantie tenebris liberati, clare et manifeste veritatem conspicient. « Ab aquis longe aurum venit, et ad Deum formidolosa laus datio. » Per aquilonem eqs intelligimus, in quibus diabolus sedebat et habitabat; sicut ipse ait: « Sedabo in monte 286 Testamenti, in lateribus aquilonis, et ero similis altissimo (Isa. xiv. 13). » Aurum autem justorum animæ sunt, baptismo penitentiae, et martyrii igne purgatæ. Venit autem ad Deum et formidolosa laudatio, quoniam isti de quibus nunc diximus, considerantes peccata sua, considerantes etiam quod scriptum est: « Quia non est (372) pretiosa laus in ore peccatoris (Eccli. xv, 9), » non sine timore et formidine Deum laudant. Sequitur:

« Digne eum invenire non possumus, magnus fortitudo, et judicio, et justitia, et enarrari non potest. » In his, inquit, quæ fecit, Dei magnitudinem cognoscere secundum aliquid possumus (373). Nam neque ejus fortitudinis magnitudo, neque ejus judicium, neque ejus justitia enarrari possibile est. Quis enim intelligat quæ fortitudine cælum et terram fecerit? Quis ejus judicia narrabit? de quibus Psalmista ait: « Judicia tua abyssus multa (Psalm. xxiv, 7). » Quis hanc justitiam investigabit, cur Jacob dilexerit, Esau autem odio habuerit? Sufficiat igitur nobis credere et timere quod intelligere non datur.

(372) Vulgata legit *speciosa*.

(373) Idem ab Apostolo docemur: *Invisibilia Dei per ea, quæ facta sunt intellecta conspiciuntur: semper una quoque ejus virtus, et divinitas*. Rom. i, 20

(374) « Quod quidem potest ad litteram intelligi, ut

A Unde et subjicitur: « Ideo timebunt eum viri, et non audebunt eum contemplari omnes, qui sibi videntur esse sapientes. » Viri enim, et sapientes eum timeant; quia « initium sapientie timor Domini (Eccli. i, 26). » Qui vero non sunt sapientes, et se sapientes esse putant, ut arrogantes Judæi, philosophi, et hæretici, eum contemplari non audebunt; quando dicetur eis: « Tollantur implii, ne videant gloriam Dei (Isa. xxvi, 10). » Miseri igitur sapientes, quia ipsam sapientiam intueri non audebunt.

CAPUT XXXVIII.

« Respondens autem Dominus Job de turbine dixit (374). » Quia enim flagellis turbatus Job affligebatur, de turbine ei Dominus respondisse narratur: « Quis est iste involvens sententias sermonibus imperitis? Accinge sicut vir lumbos tuos, et interroga te, et responde mihi. » Quamvis enim bene sententias dixerit, imperitis tamen sermonibus eas involvit, quoniam arroganter locutus fuit. Quoniam autem neapire Dei, reprobare est, illum se profecto reprobare ostendit, de quo ipse, quia omnia novit, interrogat quis sit, Accinge, inquit, sicut vir lumbos tuos, accinge tibi gladium spiritus, quod est, verbum Dei, præpara te ad respondendum, major tibi pugna paratur; ego te interrogabo, jam non homini, sed Deo es responsurus.

« Ubi eras quando ponebam fundamenta terre? » Indica mihi, si habes intelligentiam Quis posuit mensuras ejus, si nosti? Vel quis tetendit super eam lineam? Super quo bases ejus soliditate sunt? « Aut quis dimisit lapidem angularem ejus? » Hæc enim et ad litteram mira et stupenda sunt. Spiritualiter autem de Ecclesia intelligenda sunt; Ecclesie namque fundamenta, prophete et apostoli sunt; unde et Apostolus: « Superadificati super fundamentum apostolorum et prophetarum (Ephes. ii, 20). » Hæc autem fundamenta Deus ante tempora posuit; quia quando, vel quomodo ponenda erant, tempora disposuit. Ecclesie vero mensuras tunc posuit Christus, quando præcepit discipulis suis, dicens: « Ite in universum mundum, prædicate Evangelium omni creature (Marc. xvi, 19). » Eandem igitur mensuram habet Ecclesia, quam habet mundus. Lineam vero super eam tetendit; sive quis per episcopatus eam divisit, sive quia ad rectitudinis formam, eam correxit. Ubi enim linea ponitur, tortitudo seclare non potest. Bases autem illius, quas modo fundamentum vocavit, super quo, nisi super Christo solidatæ sunt? Ipse enim non solum fundamentum, sed fundamentorum fundamentum est, secundum illud Apostoli: « Fundamentum enim aliud nemo potest ponere, nisi id, quod positum est; id est Christus Jesus (I Cor. iii, 11). » Et ipse quidem est lapis an-

dicatur formatam esse vocem Dei miraculose in aere eum quadam aeris turbatione, sicut in monte Sinai factum legitur. Exod. xx, vel sicut ad Christum vox facta est, quando quidam dixerunt, tonitruum factum esse, ut legitur, Joan. xx, D. Thom.

gularis, conjungens in unam fidem duos parietes; A enim per diluculum, et auroram intelligitur. Tenuit alterum ex circumcissione, alterum ex præputio. De quo Psalmista: « Lapidem, quem repronaverunt ædificantes, hic factus est in caput anguli (Psal. cxvii, 21). »

« Cum me laudarent simul astra matutina, et jubilarent omnes filii Dei. » Astra enim matutina, vel angeli, qui in ipso mundi principio creati sunt, vel apostoli, qui in exordio nascentis Ecclesiæ primi claruerunt intelligi possunt. Omnes autem filii Dei, omnis angelorum fidelium multitudo significari potest. Isti autem omnes Deum laudant et ineffabiliter jubitant; nam priusquam fierent, in ipsa Dei dispositione, jam Deum laudabant, eique jubabant. Ut enim de nobis sumamus exemplum, quando bonum aliquod facere disponimus, ipsa dispositio nostra nos nobis commendat. Quid igitur Job de sua iustitia dicat, enim multos pares habet, et antequam fieret, ut talis esset, non a se, sed a Deo dispositus est? « Quis conclusit ostiis mare, quando erumpere bat quasi de vulva procedens? Cum ponerem nubem vestimentum ejus, et caligine illud quasi pannis infantie obvolverem? » Quid enim per mare, nisi mundi hujus tyrannos et potentes? Illos non muro, sed ostiis sæpe Deus concludit, **287** quia contra sanctos sævire non possunt, nisi sæviendi portas ei Deus aperiat, et affligendi bonos licentiam tribuat. Unde et Dominus discipulis ait: « Ecce Satanas expetivit vos, ut eribraret sicut triticum (Luc. xii, 34). » Hi autem quasi de vulva procedentes erumpunt, quando accepta potestate totis viribus contra sanctos insaniunt. Impetu enim, et non ratione de vulva exitur. Et hi quidem sic nube et caligine quasi pannis infantie sunt involuti, quia errore et ignorantia excæcati, nihil nisi vana, inepta, et puerilia sapiunt; ideoque quasi infantie pannis his stricti, nec ipsa sua membra in potestate habent. Hoc autem se Deus facere dicit, quoniam fieri permittit; sic enim de Pharaone ait: « Ego indurabo cor ejus (Exod. vii, 3). »

« Circumdedi illud terminis meis, et posui vectem, et ostia, et dixi: Huc usque venies, et non procedes amplius, et hic confringes tumentes fluctus tuos. » Suis enim terminis supradictum mare, id est tyrannos Deus circumdedit, quia et sæviendi et vivendi eis terminum posuit, ad quem D terminum postquam veniunt, quasi vecte opposito et ostiis clausis, jam ulterius progredi nequeunt. Ibi igitur tumentes fluctus suos confringunt; quoniam vel morte, vel conversione, vel potestatis amissione, vel alia qualibet occasione ab insania et iniquitate quiescunt.

« Nunquid post ortum tuum præcepisti diluculo, et ostendisti auroræ locum suum? Et tenuisti concutiens extrema terræ, et excussisti impios ex ea? » Subauditur, ut ego. Christus enim post ortum suum diluculo præcepit, et locum suum auroræ ostendit; quia postquam temporaliter de virgine natus est, Ecclesiam docuit, et ad quem locum venire, et in æternum debeat manere ostendit. Idem

etiam extrema terræ, quia infirma mundi elegit Deus, concutiens vitiatorum tinea ex ea, et non tantum hoc, sed etiam impios Judæos et hæreticos separans, et excutens ab ea; de quibus subditur: « Restituetur ut lutum signaculum, et stabit sicut vestimentum. » De hoc signaculo Apostolus dicit: « Et signum accepit circumcissionem, signaculum justitiæ fidei (Rom. iv, 11). » Per signaculum igitur eos qui signati sunt intelligamus. Hi autem restituantur, ut lutum, quia jam non cælo, sed terræ similati, et ut lutum platearum deleti, a cunctis gentibus concredantur. Stant autem quasi vestimentum, quia prava intelligentia tumescentes Christi carni, et humanitati non appropinquant; appropinquarent enim si crederent. Illa enim vestimenta, quæ rigida stant, grossiora sunt, et quasi fugientia corpori aptari non possunt.

« Auferetur ab impiis lux sua, et brachium excelsum confringetur. » Quia, inquit, Judæi quasi vestimentum rigidi et superbi Christo se conjungere nolunt, lux sua, lux mundi Deus, lux eis specialiter missa, auferetur ab eis. Et brachium excelsum confringetur; quia sicut prius unus persequabatur mille, et duo fugabant decem millia. « Nunquid ingressus es profunda maris, et in novissimis abyssis deambulasti? Nunquid apertæ tibi sunt portæ mortis, et ostia tenebrosa vidisti? Nunquid considerasti latitudinem terræ? » Subauditur, ut ego. Mare hoc in loco et abyssum, infernum vocat, quia et profundissimum et obscurus est. In hunc autem Christus descendit, quando eum expoliavit. Et quoniam, sicut scriptum est: « Factus sum sicut homo sine adjutorio inter mortuos liber (Psal. lxxxvii, 5), » in eo deambulasse se dicit. Et ibi quidem sunt portæ mortis, ibi sunt ostia tenebrosa, per quæ vel inferni pœnas, vel malignos spiritus intelligere possumus. Hæ autem portæ illi sunt apertæ, qui per eas securus et intrat et exit. Sed quia inde Salvator noster rediens, mundi principe devicto, discipulos suos in omnes terras prædicare misit, ideo subditur: « Nunquid considerasti latitudinem terræ? » Ipsum enim considerasse, convertere fuit. « Indica mihi, si nosti omnia, in qua via habitat lux, et tenebrarum quis sit locus: ut ducas unumquemque ad terminos suos, et intelligas semitas domus ejus. » Sciebas tunc, quod nasciturus esses, aut numerum dierum tuorum noveras? » Nisi enim sequeretur, ut ducas unumquemque ad terminos suos; fortasse lucis et tenebrarum locus sciri posset. Via enim lucis iustitia est, et quæcumque nos ducunt ad Deum, et ad lucem. Locus autem tenebrarum non solum infernus, verum etiam omnium iniquorum animus intelligi potest. Sed quoniam et Judas periit, et Paulus salvatus est, lucis nemo et tenebrarum terminum perfecte novit, nisi ille solus qui omnia novit. Quis enim Judam inter apostolos miracula facientem vidit, et non eum ad lucem venturum esse credidit? Quis Paulum sævientem, et sanctos occidentem co-

gnovit, et non ei tenebras, et infernum destinavit? Manifestum est igitur, quod nemo unumquemque ad terminum suum ducat, et ejus domus semitas nemo intelligat; si enim semitas sciret, domum non ignoraret: domus autem aut infernus est, aut paradysus. Sed quomodo terminum sciat, qui principium ignorat? In Dei namque dispositione uniuscujusque natiuitas, dies, et anni, tota vita, et vite terminus disposita sunt. Quando autem ista disponebantur (si tamen quando vel dici, vel intelligi possit) nemo erat, neque natiuitatem, neque dierum suorum numerum terminumque sciebat. Et hoc est, quod ait: « Sciebas tunc quod nasciturus esses? Et numerum dierum tuorum noveras? Nunquid ingressus es thesauros nivis, aut thesauros grandinis aspexisti, quæ præparavi in tempore hostis, in die pugne et belli? » Quia thesauros dicit, bonas nives, grandinesque significat. Quid enim per nives et grandines, nisi Ecclesiæ doctores? Qui quoniam mundi et candidi sunt, nix vocantur: quoniam vero in virtute et potentia prædicantes, et futuri iudicii tormenta minantes, peccatores terrent, non immerito grande dicuntur. Hos autem præparavit Dominus in tempore hostis, et in die pugne et belli; quoniam isti a Judæis, tyrannis, et hæreticis, et a malignis spiritibus semper Ecclesiam defendunt. Per quam viam spargitur lux, dividitur æstus super terram? Ipse respondeat: « Ego, inquit, sum via, veritas, et vita (Joan. xiv, 6). » Per hanc autem spargitur lux, ut ipse ait: « Ego sum lux mundi, qui sequitur me, non ambulat in tenebris, sed habebit lumen vite (Joan. viii, 12). » Hæc igitur via lumen spargit, quia simul lux est et vita. Ab eo autem et æstus dividitur super terram, quoniam Salvator noster suæ fidei mensuram, et Spiritus sancti gratiam unicuique tribuit. Ipse enim ait: « Nisi ego abiero, Paracletus non venit ad vos; cum assumptus fuero, mittam eum ad vos (Joan. xvi, 7). »

« Qui dedit vehementissimo imbrī cursum, et viam sonantis tonitruī; ut plueret super terram, et abaque homine in deserto, ubi nullus mortalium commoratur. Ut impleret inviam et desolatam, et produceret herbas virentes. » Doctrinam enim evangelicam, vehementissimum imbrem et tonitruum dicit; quoniam subito et abundanter totum mundum irrigavit, et multorum vocem tonitruum insonuit. Huius autem doctrinæ cursum, et viam, et tantam efficaciam ipse Dominus dedit, ut super terram et in deserto plueret, ubi non homines qui ratione userentur, sed bestie et bruta animalia habitabant, quæ et ligna et lapides adorabant. Unde Apostolus ait quod ad bestias pugnaverit Ephesi. Ex his tamen bestiis, jam ad fidem conversis, invia et desolata, id est sancta Ecclesia, et peccatoribus collecta, plena est. Et in hac quidem Dominus quotidie producit, et abundare facit herbas virentes, id est doctrinam Novi Testamenti, quæ et nova est, semperque vivens et virens; de qua et subditur. « Quis est

A « pluvie pater, vel quis genuit stillas roris? » Quis enim aliis est pluvie pater, nisi ille de quo dicitur: « Omnis sapientia a Domino Deo est, et cum illo fuit semper, et est ante ævum (Ezech. i, 1). » Ipse autem genuit, et stillas roris, id est mitem humilemque doctrinam, de qua Apostolus ait: « Lac vobis potum dedi, non escam (I Cor. iii, 2). » Doctrina enim evangelica, diversa respectu, grandis, tempestas; vehementissimus imber, sonitus tonitruī, pluvia, stilla, gutta, et ros vocatur; vocatur etiam glacies et gelu. Unde et subditur: « De cujus utero egressa est glacies, et gelu de cælo quis genuit? » Ipse enim qui genuit pluviam, genuit et gelu glaciem, quia ipse, qui dedit Novum, dedit et Vetus Testamentum. Vetus enim Testamentum, quia frigidum est (frigidum quidem, quia occidit) glacies et gelu vocatur; inde enim et mors frigida dicitur; sed audi Apostolum: « Littera occidit (II Cor. iii, 6); » itemque: « Quod si ministratio mortis litteris deformata in lapidibus fuit in gloria, quomodo non magis ministratio spiritus erit in gloria? » (Ibid., 7.) Quod vero ait: « Et gelu de cælo quis genuit? » Hoc est quod alibi dicitur: « Vos vidistis, quod de cælo locutus sim vobis (Exod. xx, 22). » — « In similitudinem lapidis aquæ durantur, et superficies abyssī constringitur. » Aquæ enim sanctorum Scripturarum (quæ spiritualiter intellectæ facile sorbentur) Judæis non solum in glacies, sed etiam in lapides induratae, nec radi, nec mundari possunt. Illis autem constringitur abyssi superficies, quibus ipsius Testamenti littera non aperitur. De hac enim abyssus dicitur: « Abyssus abyssum invocavit (Psalm. xli, 8). » Huius autem superficies littera est.

« Nunquid conjungere valebis micantes stellas, Pleiades, aut gyrum Arcturi poteris dissipare? » Septem enim stellæ sunt, quæ Pleiades vocantur, valde sibi vicinæ, sed non penitus conjunctæ, per quas omnes mundi Ecclesias intelligimus. Hæc enim et fide conjunctæ et loco divisæ sunt; sed tunc plenus conjunguntur, quando intra muros celestis Jerusalem simul a Deo colliguntur. Per Arcturum autem qui in ipsa cæli firmitate consistit, Ecclesiæ doctores, qui cæteris præsent, figurantur; hi enim prædicando mundum circumdant, et gyant. Horum autem gyrum tunc Dominus dissipabit, quando eos ab hoc tanto labore quiescere faciet. « Nunquid produces luciferum in tempore suo, et vesperum super filios terræ consurgere facis? » Subauditur, ut ego. Ut enim per luciferum, Christum, ita per vesperum significat Antichristum, quoniam ille diem, et claritatem, iste vero tenebras, et noctem affert. Produxit igitur luciferum in tempore suo, quia: « Quando venit plenitudo temporis, misit Deus Filium suum (Gal. iv, 4). » Faciet autem consurgere vesperum super filios terræ, quia terrenis, et peccatoribus Antichristum dominari permittet. « Nunquid nosti ordinem cæli, et pones rationem ejus in terra? » Hoc est enim, quod semper oramus: « Fiat voluntas tua sicut in cælo, et in terra (Mat. h.

vi, 10). » Christus enim cœli ordinem, rationem, A et concordiam in terra posuit, quia ipse est pax nostra, qui fecit utraque unum, ad illius enim ordinis exemplar regitur Ecclesia. « Nunquid elevabis in nebula vocem tuam, impetus aquarum operiet te? » Christus enim vocem suam in nebula levabat, quia plerumque obscure, et in parabolis loquebatur. Impetus autem aquarum eum operiebat, quoniam affluentia Spiritus sancti, et omnis scientiæ plenitudo in ejus locutione abundabat: secundum illud: « Diffusa 269 est gratia in labiis tuis. Nunquid mittes fulgura, et ibunt, et revertentia dicent tibi: « Adsumus? » Quid enim per fulgura, nisi apostolos miraculis coruscantes, et sententiarum ictibus, et fulgure vitæ, et malignos spiritus ubique fugantes? Hos autem ad prædicandum Dominus misit. Qui semper ad eum revertebantur, quoniam in ejus nomine cuncta operabantur, et quia semper ad obediendum parati erant, semper ei, adsumus, responderunt. Qui enim obedire non vult, quamvis sæpe vocatus, vix aliquando respondet.

« Quis posuit in visceribus hominis sapientiam? » Vel quis dedit gallo intelligentiam? Quis enarrabit cœlorum rationem, et concentum cœli quis dormire faciet? Quando fundebatur pulvis in terram, et glebæ compingebantur. » Solus enim Deus et homini sapientiam, et gallo intelligentiam dedit; de hoc enim gallo scriptum est: « Gallus succinctus renibus, non est rex qui resistat ei (Prov. xxx, 32). » Per hunc doctores intelligimus, quorum voce cæteri exultant. Quantus gallus ille erat, qui dicebat: « Vigilate, justi, et nolite peccare (I Cor. xv, 34). » Narravit quoque Dominus cœlorum rationem, quia ad sanctorum exemplum cæteros informavit. Quoties enim in Evangelio invenitur: simile est regnum cœlorum illi, et illi. Ipse autem concentum cœli quandoque dormire facit, quia sanctorum prædicationem aliquando cessare et quiescere jubebit. Sed quando fiet hoc? Vis audire quando? Quando fundebatur pulvis super terram. Quid est enim, quod hic de futuro interrogatur et de præterito respondetur, nisi quia Deo et præterita et futura præsentia sunt? In sæculi namque consummatione pulvis in terram fundetur, quoniam corpora in pulverem redacta, quasi a principio, solidabuntur. Et tunc glebæ compingentur, quia cœnosa illa terra simul collecta, et adunata resurget.

« Nunquid capies leonæ prædam, aut animam catulorum ejus implebis, quando cubant in antris, et in specubus insidiantur? » Leonæ propter fortitudinem Ecclesia dicitur; scriptum est enim: « Quia justus ut leo confidit (Prov. xxviii, 1). » Hujus maritus est leo ille magnus de tribu Juda, qui suæ quidem leonæ prædam capit, quoniam et si prædicatores verbi Dei retia tendant, ipse tamen interius cōrda convertit. Unde ipse ait: « Sine me nihil potestis facere (Joan. xv, 6). » Et Apostolus: « Neque qui plantat est aliquid, neque qui rigat, sed qui incrementum dat Deus (I Cor. iii, 7). »

Ipse quoque ejus catulorum animam implet, quia episcoporum et sacerdotum desideria complet, dum Ecclesiam suam multiplicat et exultat. Et isti quidem cubant in antris, et in specubus insidiantur; quoniam ut seductores et veraces multis modis ad fidem infideles trahere conantur. Quid enim eorum blandimenta et persuasio, nisi specus et antra quædam sunt? « Quis præparat corvo escam suam, quando pulli ejus ad Deum clamant vagantes, eo quod non habeant cibos? » Quam modo leonæ dixit, nunc corvum appellat. Hæc enim in Canticis canticorum corvum se intelligens, ait: « Nigra sum, sed formosa (Cant. i, 5). » Unde Apostolus: « Fuistis aliquando tenebræ, nunc autem lux in Domino (Ephes. v, 10). » Huic autem et spiritualem, et corporalem escam Dominus præparat, quando pulli ejus clamantes dicunt: « Panem nostrum quotidianum da nobis hodie (Matth. vi, 11). » Vagantur autem isti pulli propter cibum, quoniam ut spiritualibus deliciis animam satient, et Novi et Veteris Testamenti, et apostolorum et prophetarum mensas laboriose scrutantur.

CAPUT XXXIX.

« Nunquid nosti tempus partus ibicum in petris, vel parturientes cervas observasti? Dinumerasti menses conceptus earum, et scisti tempus partus earum? Incurvantur ad se, et pariunt, et rugitus emittunt. » Hoc est quod in Evangelio Dominus ait: « Mulier cum parit, irrisum habet, quia venit hora ejus; cum autem pepererit puerum, jam non meminit pressuræ propter gaudium (Joan. xvi, 21). » Ibices enim, parva quædam animalia sunt quæ in petris pariunt, quæ etiam de excelsis rupibus cadentes, se in suis cornibus sine læsione suscipiunt. Per has autem apostolos intelligimus, qui per aquam et spiritum in petris, id est in Ecclesiis generantes filios, et in fide cornibus, et fortitudine se suscipientes, nullius adversitatis causam timebant. « Sancti enim per fidem, ait Apostolus, vice-runt regna (Hebr. xi, 33). » Et Psalmista: « Exaltabuntur, inquit, cornua justi (Psalm. lxxiv, 11). » Cervæ autem parturientes, omnes mundi hujus Ecclesiæ sunt. In multis enim cervarum naturam imitatur Ecclesia. Nam et agilis est, et serpentes necat, et incurvata parit, et pariens rugitus emittit. Incurvatus enim Apostolus pariebat, cum diceret: « Omnibus omnia factus sum, ut omnes lucrificarem (I Cor. ix, 16); » multum enim in partu se curvaverat, qui ut omnes Deo pareretur, omnibus se et per omnia humiliare at. Non autem sine rugitu Ecclesia parit; quia sine prædicationis et orationis voce filios non generat. Quæ quidem, quoniam et quotidie parit, et usque ad sæculi consummationem parere non cessabit, illius conceptionis et parturitionis menses nemo valet dinumerare.

« Quis dimisit onagram liberum, et vincula ejus qui solvit? Cui dedi in solitudine domum, et tabernacula ejus in terra salsuginis, contemnit multitudinem civitatis, clamorem exactoris non audit,

« circumspicit montes pascuæ suæ, et virentia quæ perquirat. » Hoc de perfectioribus intelligitur; **290** qui ut liberior, et familiarior Deo serviant, omnem mundi gloriam contemnentes, hominum conversationem fugiunt, et ad remotiora et solitaria loca se conferunt. Paulus, et Antonius, et Hilario sint in exemplum. Isti enim, ut onagri, omni mundana servitute liberi, et cunctarum sollicitudinum vinculis absoluti, domos sibi et tabernacula in solitudine et in terra salsuginis elegerunt, qui quoniam de solitudine non recedebant, non immerito onagri dicuntur. Contemnebant enim multitudinem civitatis, quia nec honores, nec dignitates appetebant. Noster autem quotidianus exactor venter est, cui lege naturæ quotidie cibi potusque debitum solvere oportet. Circumspiciebant autem montes pascuæ suæ, magisque in spiritualibus cibis, quam in carnalibus delectabantur, quos de sacris voluminibus et apostolorum, et prophetarum exemplis suscipiebant. Et virentia quæque perquirebant, quia non cibum, qui perit, sed qui permanet, appetebant.

« Nunquid volet rhinoceros servire tibi, et morabitur ad præsepè tuum? » Rhinoceros enim, qui et unicornis dicitur, ferocissimum animal est, per quem hujus sæculi potentes intelligimus. Dicatur ergo. Nunquid hujus sæculi potentes, reges, imperatores et principes, qui mihi servant, servient tibi? Et morabuntur ad præsepè tuum, sicut morantur ad meum; quos nunc fidei doctrinam, et evangelicam prædicationem audire delectat? Humiliare igitur mihi, qui tam potentes homines mihi se humiliare cognoscis. « Nunquid alligabis rhinocerotem ad arandum loro tuo? » Sicut ego? Ligavit enim Deus potentes ad arandum, quoniam et ipsi peccare metuentes in Dei agro desudant, et laborant. Huic enim aratro ligatus non est, qui neque bonum agit, neque peccare timet. Sic enim Constantinus Imperator et Justinianus arabant, quando in Ecclesiæ defensionem leges constituiebant. « Aut confringet glebas vallium post te? » Sicut confringit post me. « Glebæ enim vallium, quæ semen in planum cadere et crescere prohibent, iniqui homines sunt, quæ evangelicæ prædicationi contradicunt. Hos autem imperatores et principes frangebant, quia isti eorum terrore verbi semen impedire metuebant. « Nunquid fiduciam habes in magna fortitudine ejus, et derelinques ei labores tuos? » Dei namque labor Ecclesia est, quam ipse non solum prædicando, sed moriendo acquisivit. Hanc autem hujus sæculi potentibus Dominus fiducialiter dereliquit, quoniam eorum terrore, nec aliam fidem in ea alii prædicare audent, nec ipsa etiam prædicaretur, palam suscipere auderet. « Nunquid credes ei, quoniam reddat sementem tibi, et arcam tuam congreget? » Sementem enim potentes reddunt ei; postquam verbi semen audiunt et intelligunt, justitiæ, pietatis et misericordiæ opera faciunt, alioquin semen in eis perit. Arcam autem, id est Ecclesiam congregant, quando suis edictis eam protegent

atque defendunt. Hæc nunc de beato apostolo Paulo interpretemur, de quo et specialiter dicta esse videntur. Ipse enim, ut fortissimus unicornis, Ecclesiam persequens, ab omnibus timebatur; sed mox conversus, et Christi servus, et in Evangelii præsepio commoratus, et pastus, et fidei catena ligatus in agro Dei arare et triturare cepit. Unde ipse ait: « Non alligabis os bovi trituranti (1 Cor. ix, 9). » Mox igitur glebas vallium fregit, quia Scribas et Phariseos ad fidem convertit. In cujus magna fortitudine Deus fiduciam habens, sanctam Ecclesiam ei commisit et commendavit. Ipse vero et sementem multiplicatam reddidit, et Dei arcam fidelissime congregavit.

« Penna struthionum similis est pennis herodii et accipitris, quæ dereliquit in terra ova sua; tu forsitan in pulvere calefacies ea. » Sicut enim per rhinocerotem viros catholicos et sanctos, ita per struthionem hypocritam designat, qui quamvis in pennarum specie herodii et accipitri similis sit, differt tamen, quoniam volare et alis suis se ad superos levare non potest. Sic igitur et hypocrita, simulatione quidem sanctus et justus apparebit, virtutum tamen alis ad cælestia non levatur. Dereliquit struthio in terra ova sua, quoniam hypocrita eos, quos Domino genuit, a terrena et carnali conversatione liberare non curat: vult enim non esse, et apparere bonus. Hos autem in pulvere Deus calefaciens, paulatim ad sui amorem convertit. Cum enim aliquis adhuc in fide infirmus, inter peccatores, cum quibus, quasi in pulvere conversatur, sancti Spiritus igne calefactus, totum se subito ad Deum convertit, tunc quidem struthionis ova in pulvere calefunt. « Obliviscetur, quod pes conculcet ea, aut bestię agri conterant. » Pes enim ova conculcat et bestia conterit, quia hypocritarum proles dum in pulvere jacet, et soli corpori servit, a diabolo conculcatur. Hoc autem, quia hypocrita parvipendit, oblitus esse dicitur. « Duratur ad filios suos, quasi non sint sui; frustra laboravit, nullo timore cogente. » Durus enim ille est filius suis, qui de illorum salute non curat. Frustra vero laborat, qui pro lucro temporali et pro vana gloria sanctitatem et justitiam simulat.

Hoc autem agit hypocrita, nullo timore cogente, quia hoc non ageret, si Deum et judicium timuisset. Sed non mirum. « Privavit autem eum Deus sapientia, nec dedit illi intelligentiam. » Hæc est igitur causa, quod struthio, id est hypocrita frustra, et inutiliter laborat. « Cum tempus fuerit, alas in altum erigit, deridet equum, et ascendet sorem ejus. » Alas enim tunc hypocrita erigit **291** in altum, quando suæ simulationis virtutes ostendat. Hoc autem facit, cum tempus fuerit, id est cum a multis se videri et laudari senserit: « Omnia enim opera sua faciunt, ut videantur ab hominibus (Matth. xxiii, 5). » Sed quid per equum et ascensorem ejus, nisi virum justum, et ipsam qua regitur justitiam intelligamus? Hos autem hypocrita

deridet. quia gloriam et honorem, qui justo et iustitiæ debetur, ipse sibi arrogat, suæque simulationi, et non tantum ille pro vera, quantum iste pro ficta virtute laudatur. « Nunquid prælebis equo fortitudinem? aut circumdabis collo ejus hinnitum? nunquid suscitabis eum quasi locustas? gloria narium ejus terror. » Equus enim iste Ecclesiæ doctores significat, quibus et fortitudinem Dominus dedit, et aequitatis freno gubernat et regit. Quibus etiam circa collum hinnitum posuit, quoniam non solum hinni-
re, et Deum laudare eis sufficit, verum etiam laudando et prædicando circumquaque audiri delectat. Ili autem suscitantur quasi locustæ, quia in majori æstu persecutionis fortius moventur et volant. Locustæ enim mane pigræ, meridie concitæ moventur et volant. Sed quid est quod ait: « Gloria narium ejus terror? » Equus enim hinnitu narium suarum gloriam ostendit, quoniam majori impetu flatum emittit. Sic igitur Ecclesiæ doctores, quando spiritu intus ferveant, ostendunt quando minis et terroribus quatuntur.

« Terram ungula fodit, exultat audacter. » Quid enim per terram nisi peccatores? Quid per ungulam, nisi fortitudo figuratur? Terram igitur equus fodit ungula, quoniam sancti prædicatores tyrannorum corda forti responsione fodiunt et penetrant, ideoque subditur: « Et exultat audacter. » Audacter enim exultant sancti, quia non timeant eos qui occidunt corpus, quibus Dominus ait: « Ego dabo vobis os et sapientiam, quibus non possunt resistere et contradicere omnes adversarii vestri (Luc. xxi, 25). »

« In occursum pergit armatis, contemnit pavorem, nec cedit gladio. » Qui non intelligit, sanctorum passiones legat, et cognoscat eos pro defendenda iustitia cunctis se opposuisse periculis. « Super ipsum sonabit pharetra, vibrabit hasta et clypeus. » Ipsa enim sanctorum prædicatio, pharetra eis, et hasta, et clypeus est; ex ea enim, quasi sagittæ, sententiæ prodeunt, cum ipse, velut cum forti hasta adversarios feriunt, et veluti clypeo se cum illa contra Judæos, et hæreticos, et philosophos protegent et defendunt. « Fervens et fremens sorbet terram, nec reputat tubæ sonare clangorem. » Sancti enim prædicatores, ut ait Apostolus, spiritu ferventes et excelsa prædicationis voce frementes, terram, id est peccatores, sorbent, quoniam ad fidem eos vocantes Ecclesiæ corpori eos introducunt. Nec reputant tubæ sonare clangorem, quia propter iniquorum minas super se, et contra se intonantes et frementes a prædicatione non cessant. « Ubi audivit buccinam, dicit, vah! procul odoratur bellum, exhortationem ducum et ululatum exercitus. » Sancti enim prædicatores audita buccina dicunt, vah! quia quando persecutorum tumultum et insaniam jam sibi appropinquare sentiunt, confisi de victoria exultant. Vah enim exultationis vox est. Procul autem odorantur bellum, quia semper mori parati, desiderio illud expectant. Quoniam autem non solum a tyrannis, sed etiam ab hæreti-

A cis hoc bellum inferitur; ideo subdidit, dicens: « Exhortationem ducum et ululatum exercitus. » Duces enim, hæresiarchæ intelliguntur, quorum exercitus est omnis hæreticorum multitudo. Unde et duces quasi rationabiles se exhortantur; cæteri vero quasi irrationabiles sola feritate ululant et sine consideratione clamant.

« Nunquid per sapientiam tuam plumescit accipiter, et expandit alas suas ad austrum? » Accipiter enim, qui per singulos annos, austrinis flatibus, veteribus plumis exutus novis induitur, sanctos significat, qui afflatione sancti Spiritus quotidie innovantur, et veterem hominem cum actibus suis exuentes novum induunt. « Hoc autem non tua, sed mea sapientia fit. Aut ad præceptum tuum eleva-

B bitur aquila, et in arduis ponet nidum suum? In petris manet, et in præruptis silicibus commoratur, atque inaccessis rupibus, inde contemplatur escam, et de longe oculi ejus prospiciunt, pulli ejus lambent sanguinem, et ubicunque cadaver fuerit, statim adest. » Aquila enim illi intelliguntur, qui et altius volant, et subtilius celestia contemplantur. Talis aquila erat beatus Joannes, qui cælo appropinquans ait: « In principio erat Verbum, et Verbum erat apud Deum, et Deus erat Verbum (Joan. i, 1). » Ille autem in arduis ponet nidum suum; quoniam in celestibus regnis sanctorum habitatio est. Ibi igitur elevabitur aquila ad præceptum Dei. Interim autem in petris manet, id est in sanctorum dictis et exemplis quiescit.

C Singuli enim prophetarum libri, petrae quæ lam sunt, qui et prærupti silices et rupes inaccessæ vocantur. Hoc autem ideo, quia difficilis via per eos fit, et cum magno labore intelliguntur. Non enim omnibus per hanc viam transire datur. In his igitur rupibus aquila manens contemplatur escam, quoniam hinc nisi illum panem vivum, qui de cælo descendit, neque videt, neque intelligit. « Et de longe quidem oculi ejus conspiciunt, quia nondum facie ad faciem, sed per speculum et in ænigmate vident. Fortasse autem ideo prophetarum libri, petrae, silices et rupes vocantur, quia primum lex in lapideis tabulis scripta fuit. Hujus vero aquilæ pulli sanguinem lambunt, 292 quoniam apostolorum et doctorum filii in Christi passione delectantur. Adest autem hæc aquila

D ubicunque fuerit cadaver; quia sicut in Evangelio dicitur: « Ubicunque fuerit corpus, illuc congregabuntur et aquilæ (Matth. xxiv, 28). » Brevia quidem sunt hæc, sed his quibus scribimus brevia non sunt.

« Et adiecit Dominus, et locus est de Job. » Nunquid qui contendit cum Deo tam facile con-
quiescit? Ubique qui arguit Deum, debet respondere? Dixisti, inquit, superius, disputare cum Deo cupio; ecce Deus loquitur tibi, quare non respondes? Quia enim beatus Job, audita ratione, conquievit, hæc ei a Domino ex magna dilectionis affectione dicuntur. Non enim Job ex illis erat qui veritatem defendere nolunt. Quod enim superius contendit, non malitia, sed ignorantia fecit. « Re-

« spondens autem Job Domino, dixit : « Quia leviter locutus sum, respondere quid possum? manum meam ponam super os meum. Unum locutus sum, quod utinam non dixissem, et alterum, quibus ultra non addam. » Ideo, inquit, tibi non respondeo, quia ex tui sermonis gravitate leviter me locutum esse cognosco, magisque de levitate mea silendo penitere, quam eam defendere volo. Manum meam ponam super os meum, ut hoc opere restitutam, quod ore deliqui. Unum et alterum locutus sum, quod utinam non dixissem; scio enim quia ulterius ea non dicam, unum enim et alterum dixit, quia cogitatione et locutione deliquit; quoniam et corde et ore de flagello murmuravit.

CAPUT XL.

« Respondens autem Dominus Job de turbine, dixit : Accinge sicut vir lumbos tuos, interroga te, et indica mihi. » Hæc autem superius exposita sunt. « Nunquid irritum facies iudicium meum, et condemnabis me, ut iustificeris? » Qui enim de flagellis murmurat, flagellantem condemnat, et qui inter flagella se justum dicit, flagellantis iudicium irritum facit. Nisi forte (ut in hoc loco) alia causa sit in flagellante, quam qui flagellatur, intelligit : nesciebat enim Job quare causa flagellaretur. « Si habes brachium, sicut ut Deus, et si voce simili tonas? Circumda tibi decorem, et in sublime erigere, et esto gloriosus, et speciosis induere vestibus. » Dei enim brachium Christus est, per quem omnia fecit, et cuius fortitudine diabolus superavit. Tale enim brachium nullus habet. Sed quis voce simili tonat, qui dicendo omnia facit? « Fiat, inquit, lux, et facta est lux. Ipse enim dixit, et facta sunt (Gen. 1, 3); » nullus igitur vox talis. Dicatur ergo : Si voce et fortitudine Deo similis es, circumda tibi decorem immortalitatis, et in sublime erigere, id est, super omnes cælos ascende, et esto gloriosus sicut ille in sanctis suis. Et speciosis induere vestibus, ut ille, qui amictus lumine sicut vestimento lucem habitat inaccessibilem. Hoc autem dicens, eum ad impossibile ducit; unde adhuc subditur : « Disperge superbos in furore suo (375), et respiciens omnem arrogantem humilia; » sicut ego, « qui depono potentes de sede et exalto humiles. » Hoc autem fiet in iudicio, quando illustratione adventus sui superbos et arrogantes humiliabit; de quibus subinfertur : « Respice cunctos superbos, et confunde eos, et contere impios in loco suo. » Locus impiorum est locus impiis preparatus, quis alius est, nisi locus tormentorum? Unde et subditur : « Absconde eos in pulvere, et facies eorum demerge in foveam. » Simul enim et uniformiter in pulvere absconduntur, qui vita privati et carne resoluti in pulverem revertuntur.

(375) Per furorem Dei intelligitur gravis vindicta. D. Thom.

(376) « Potest dupliciter hoc verbum intelligi : uno modo, ut sit sensus : *Quem feci tecum*, id est quem feci sicut te; et hoc dicit ad excludendum errorem illorum qui, considerantes malitiam dia-

tuntur. Facies autem eorum in foveam mergitur, quoniam in infernum præcipitantur, in quo sine fine conteruntur et affliguntur. Et ego confitebor quod salvare te possit dextera tua; » si hæc, subauditur, quæ dicta sunt facere possis. Ille solus sua dextera et fortitudine salvare, quos voluerit, potest, qui hæc omnia facere potest. « Ecce bechemoth, quem feci tecum, senum quasi bos comedet. » Valde, inquit, fortior et gloriosior te fuit bechemoth; ipse tamen confidens propter superbiam perivit. Qui quamvis magnam adhuc habeat fortitudinem, tamen contra dexteram et brachium meum nihil potest. Bechemoth namque, qui *bellua* interpretatur, diabolus significat, qui simplicitatem angelicam deserens, in belluinam feritatem declinavit. « Ecce, inquit, bechemoth, quem feci tecum (376); » tecum quidem, quia te et illum feci. « Fenum quasi bos comedet, » quoniam illos devorabit, qui in feni ariditatem conversi, fidei viriditatem et florem virtutum amiserunt. De hoc enim feno per prophetam dicitur. « Vere fenum est populus, exsiccatum est fenum et cecidit flos (Isa. xl, 8). »

« Fortitudo ejus in lumbis ejus, et virtus illius in umbilico ejus. » Viri enim luxuria in lumbis, feminae vero in umbilico esse dicitur. Habet igitur diabolus vires et fortitudinem in lumbis et in umbilico, quoniam multos utriusque sexus per luxuriam vincit. Bene ejus dicit, quia illius sunt illa membra quibus dominatur. « Constringet caudam suam quasi cedrum, nervi testiculorum ejus perplexi sunt. »

Canda enim diabolus Antichristus erit, quoniam ultimus, et post omnes veniet : qui bene cedro comparatur, quia multum elevatus in magna fortitudine apparebit. Hunc autem diabolus constringet et amplexabitur, quia ex toto eum possidebit; unde et filius perditionis recte vocatur. Hujus autem testiculi illi sunt, per quos sibi filios generat, et suæ pravitatis et deceptionis semen effundit. Ossa enim diaboli, sapientiores et fortiores ejus ministri intelliguntur. Isti autem sunt velut fistulae aeris, qui sua modulatione et dulci locutione homines decipiunt. Aeris namque fistulae dulcem sonum reddunt. Sed quid de ossibus dicam, cum ipsa ejus carillago, quæ utique ossibus satis mollior est, sit quasi laminae ferreae? Per quod et illos in diaboli corpore fortissimos esse significat qui vires et fortitudinem non habere putantur. Hæc autem ad Antichristi tempora rectissime referuntur, quia maxime tunc talia ossa, talemque cartilaginem diabolus habebit. « Ipse principium est viarum Dei, qui fecit eum, applicavit gladium ejus. » Dei namque viarum, id est operationum diabolus principium est, quoniam inter omnes creaturas primus factus est. Applicavit autem Dominus gladium ejus, quia nisi plicatus esset, ne recta cuspidem ferret, perpauci

bolii, estimaverunt eum non esse Dei boni creaturam : alio modo, ut sit sensus : *Quem feci tecum*, id est similitudinem tecum habentem, quantum ad naturam intellectualem, quæ est in homine. » D. Thom.

ejus deceptionis gladium effugere possent. Quasi igitur plicato gladio ferit, quia minus, quam desiderat, percussit. « Huic montes herbas ferunt, omnes bestię agri ludunt ei. » Montes enim, divites et potentes accipiuntur, qui difficulter intrant in regna cœlorum. Isti autem diabolo herbas ferunt, quia de suis iniquis operationibus eum reficiunt. Cibi enim diaboli iniqua opera sunt. Omnes vero bestię agri ludunt ei, quia quicunque stulte, voluptuose et bestialiter vivunt, ejus ludus et delectatio sunt. Ager enim, ut in Evangelio dicitur, est mundus. « Sub umbra dormit in secreto calami, et in locis humentibus (377). » Per hæc genitalia loca significat. Sed cur ego exponere erubescam quod ipse Dominus dicere non erubuit? Umbra enim illa loca dicuntur, quæ ab omnibus occultantur et operiuntur; unde etiam verenda vocantur. In his igitur diabolus dormit, in his delectatur et quiescit. Sive etiam dormit sub umbra, id est in illis habitat, qui otiosam et voluptuosam vitam ducunt. Et in secreto calami, id est eorum cordibus, qui non solidi, sed ad similitudinem calami, fide, omnique bonitate vacui sunt. Et in locis humentibus, id est in ebriosis, qui semper vino inundant. Unde Apostolus: « Nolite inebriari vino, in quo est luxuria (Ephes. v, 18). » Protegunt enim umbram ejus, circumdabant eum salices torrentis. Eius enim umbræ sunt quicunque ejus imaginem et similitudinem imitantur. In umbra enim quodammodo regis imago exprimitur. Umbræ igitur ejus protegunt umbram ejus, quando multi iniqui unum iniquum protegunt et defendunt. Sæpe enim videmus ad unius alicujus iniqui defensionem magnam iniquorum multitudinem convenire. Salices autem torrentis eum circumdant, quoniam ei semper illi assistant et serviunt, qui et instructi sunt, et in aquis tumultuosis rapidisque morantur; id est cum populis seditiosis et impiis habitare delectantur. « Aquæ multæ populi multi (Apoc. xvii, 15); » de quibus aquis adhuc subditur: « Ecce absorbebit fluvium, et non mirabitur, qui et instructi sunt, et in aquis tumultuosis rapidisque morantur; id est cum populis seditiosis et impiis habitare delectantur. » « Influxat Jordanis in os ejus (378). » Fluvium peccatorum, et maxime gentilium et Judæorum multitudinem vocat. Hos autem absorbet bechemoth, et non mirabitur, quia non pro magno ducit ut tales decipiat. Habet enim fiduciam quod Jordanis, id est Christianorum et baptizatorum populus, influxat in os ejus. Jordanis enim baptizatus significat, quoniam ibi cœpit baptismus. « In oculis ejus quasi homo capiet eum, in sudibus perforabit nares ejus. » Usque modo narravit fortitudinem bechemoth, nunc autem qualiter capiatur insinuat. Quando enim Christi divinitas carnem induit, tunc

(377) « Cum in bechemot magnam bestiam intelligat, id est elephantem in quo figuram diaboli ponit, ideo proprietates ejus enumerans ait: Sub umbra dormit in secreto calami in locis humentibus; et quia hoc animal non qualemcumque habitat umbram, sed condensam, subdit: Protegunt umbram ejus, ut scilicet inferior umbra per superiorem umbram contra æstum defendatur. » D. Th.

A Christum se ipsum quasi hamum fecit, ut per ferum divinitatem, per escam vero, carnem ejus intelligamus. Hunc autem hamum bechemoth videns concupivit, accessit et tentavit, et dum putat capere, eaptum est. Hoc autem in oculis suis, quia quem jam in miraculis cognoverat, et Dei Filium confessus fuerat, importuna voracitate invadere præsumpsit. « Et in sudibus perforabit nares ejus. » Quid enim per sudus, nisi Dei virtutem et potentiam intelligimus? His enim diaboli nares perforatæ, quamvis sagacissimi ingenii sit, nostri tamen secreta cordis, nisi per motus exteriores, ad plenum cognoscere et perscrutari non valet. Hoc autem a canibus trahitur, qui odore narium animalium vestigia sentiunt. Nam et diabolus canis est, secundum illud: « Erue a framea, Deus, animam meam, et de manu canis unicam meam (Psalm. xxi, 21). » — « An extrahere poteris leviathan hamo, et fune ligabis linguam ejus? » Ecce jam alio nomine vocatur diabolus. Leviathan enim, qui Latine draco dicitur, additamentum **294** eorum interpretatur. Hoc autem per contrarium, quia dum oculorum lumen se primis parentibus addeere promisit, immortalitatem ademit. Hunc autem supradicto hamo, id est, per Verbum carnem factum, de suorum fidelium mentibus Dominus abstraxit. Cujus quidem lingua fune ligato, quoniam Trinitatis fide, quæ triplex funiculus vocatur, ejus deceptionis persuasio et locutio valde refrenata est. Hoc igitur fune lingua ejus ligatur, quia non auditur, etiamsi loquatur. « Nunquid pones circulum in naribus ejus, et armilla perforabis maxillam ejus? » Hoc enim loco circulus et armilla pene idem significant, quoniam et armilla circulus est. Nares autem et maxillæ quæ circulo constringuntur sui officii potentiam viresque amittunt. Merito igitur in naribus et in maxilla leviathan ligatus perhibetur, quoniam nec sagacitate decipere, nec maxillarum fortitudine confringere sanctos Dei valet, secundum sui desiderii aviditatem. Nunquid multiplicabit ad te preces aut loquetur tibi mollia? Quantum enim ad litteram preces leviathan Domino multiplicabat, quando maligni spiritus territi dicebant. « Quid nobis, et tibi, Fili Dei? Venisti ante tempus torquere nos, et si ejicis nos hinc, mitte nos in porcos (Matth. viii, 29). » Quantum vero ad membra sua, et preces in judicio multiplicabit, et mollia ei loquetur, quia iniqui, qui ejus corpus, et membra sunt, veniam et misericordiam deprecabuntur. « Nunquid feriet te cum pactum, et accipies eum servum sempiternum? » Subauditur, ut ego. Hoc enim pactum cum Domino diabolus facit, ut sine ejus permissione neminem tentet, neminem affligat, atque in ipsa

(378) « Hæc referuntur ad diabolum, in cujus signa dicuntur, significatur ejus præsumptio, quia se confidit de facili sibi incorporare per consensum omnes homines instabiles, etiamsi habeant aliquam Dei cognitionem: ad quod significandum inducitur specialiter de Jordane, qui est fluvius in terra, in qua vera Dei cognitio habebatur, » etc. D. Th.

tentatione vel afflictione modum a Deo positum custodiat. Et secundum hoc pactum non solum servus, verum etiam sempiternus servus dicitur, quia non solum nunc, sed etiam post hanc vitam sub hac ei conditione serviet. « Nunquid illudes ei quasi avi, aut ligabis eum ancillis tuis? » Diabolus enim, et hechemoth, id est bellua dicitur propter feritatem, et leviathan, id est draco propter fortitudinem, et avis propter superbiam, quia super omnes cœlos volare voluit. Huic autem illius Dominus quasi avi, quia Christi humanitatem, quasi escam ei opposuit, per quam eum cepit, ligavit et tenuit. Ligavit autem ancillis suis, de quibus Apostolus ait: « Videte vocationem vestram, fratres, quia non multi nobiles, non multi sapientes, non multi potentes sunt inter vos; sed quæ stulta sunt mundi elegit Deus, ut confundat sapientiam; et ignobilia, ut confundat fortia; et ea, quæ non sunt, ut ea quæ sunt destrueret (1 Cor. 1, 26). » Hæ sunt igitur ancillæ quibus ligatus est diabolus, ut vires et fortitudinem contra eas habere non possit, secundum illud: « Dominus conteret Satanam sub pedibus vestris velociter. Concedent enim amici, dividunt illum negotiatores. » Hoc autem de toto ejus corpore intelligi debet, id est de tota iniquorum multitudine. Isti enim amici et negotiatores, doctores Ecclesiæ sunt. Negotiatores quidem, quia Evangelii merces pretio fidei commutant. Illi autem diaboli corpus concidunt et dividunt, quia quotidie inde aliquos separant et per fidem Ecclesiæ reconciliant. « Nunquid implebis sagenas pelle ejus, et gurgustium piscium capite illius. » Quid enim per sagenas, pisciumque gurgustium, nisi S. Ecclesiam intelligimus? In hanc enim pisces capiuntur et habitant; qui in aquis baptismatis regenerantur et natant. Pellis autem prædicti corporis leviathan, illi sunt, qui quasi sine veneno exterius positi, facilius convertuntur. At vero per caput, principales, fortiores et majores figurantur. Hujus autem corporis caput beatus Paulus aliquando fuit, ex quo maxima ex parte Ecclesia impleta. Sic igitur Dominus ex pelle et capite leviathan sagenas, et gurgustium piscium implet, quando ex illa iniqua multitudine, et minores et majores in Ecclesiam introducit. « Pones super eum manum tuam? » Subauditur, sicut ego meam. Ego, inquit, sic eum mea manu et potestate comprimo, ut absque mea jussione vel permissione nihil facere audeat. Hoc autem se non posse ex eo apparet quod tam violenter ab eo flagellaris; et hoc est quod ait: « Memento belli, nec ultra addas loqui. » Id est considera in quo prælio tu es, et age pœnitentiam de his quæ inconsiderate et minus caute locutus es, et cogita quid respondeas Domino, qui sic flagellaris a servo. « Ecce spes ejus frustrabitur eum, et videntibus eunectis præcipitabitur. » Sepe enim spe sua diabolus præcipitabitur, quoniam multos ex his subito amittit, quos secum ad tormenta trahere sperabat. Quod quidem in beato Job ei contigisse probatur. Cunctis autem videntibus præcipitabitur. quoniam

A ejus damnationis sententiam et boni et mali audient, quando dicitur: « Ite, maledicti, in ignem æternum, qui paratus est diabolo et angelis ejus (Matth. xlv, 42). »

CAPUT XII.

Non quasi crudelis suscitabo eum: quis enim resistere potest vultui meo? Ac si ad superiora Job responderet, dicens: Cum tam fortis tanque iniquus sit iste leviathan, cur, Domine, contra fideles tuos sic eum suscitās? cur adversus eos sic eum sævire permittis? Ad quod ipse non quasi crudelis, inquit, suscitabo eum, id est, neque illorum obliviscar, neque hunc super illorum vires sævire permittam, neque patiar super illi quod possunt; sed robur et fortitudinem illis dabo, quibus contra istius malitiam **295** resistere valeant. Quis enim vultui meo resistere valeat? Cur igitur timeat, quem ego defendo? Ego in eis sum, ego in eis pugno, ego sum qui civitatem custodio. Et ille: Si tu, inquit, Domine, eos custodis, quid est quod hujus deceptione tot homines puniri videntur? Et Dominus ad eum: « Et quis ante dedit mihi, ut reddam ei? » Omnia quæ sub cœlo sunt, mea sunt. Ac si dicat: Quos defendo, misericordia est; quos non defendo, justitia est. Cum enim omnia mea sint, non mihi quasi mea omnia servant, quæ etiam si servirent, non tamen de suo, sed de meo mihi servirent. Nihil igitur mihi quasi ex debito requirere debent, qui nihil mihi ante dederunt. De hac profundissima quæstione Apostolus ait: « O altitudo divitiarum sapientiæ et scientiæ Dei, quam incomprehensibilia sunt judicia ejus, et investigabiles viæ ejus! Quis enim cognovit sensum Domini? Aut quis consiliarius ejus fuit? Aut quis prior dedit illi, et retribuetur ei? » (Rom. xi, 33.) — « Non parcam ei, et verbis potentibus ad deprecandum compositis. » Hoc autem de toto corpore leviathan intelligitur, id est de tota iniquorum multitudine, quamvis potentibus verbis et ad deprecandum compositis Deum exorent, non tamen parcat eis. Non enim verborum compositionem, sed cordis compunctionem, respicit Deus. Multa enim membra diaboli intra Ecclesiam sunt, quæ satis attente, constanter et compositè Deum orare videntur. Deus tamen non verbis sed opera, non preces sed corda intuetur. Unde et subditur: « Quis revelabit faciem indumenti ejus, et in medium oris ejus quis intrabit? » Subaudi: nisi ego. Nostri enim oculi, quia infirmi sunt, non ea quæ interius latent, sed solum indumenti faciem vident; Deus autem indumenti faciem penetrans, ipsius cordis cogitationes considerat, secundum illud: « Homo videt in facie, Deus autem in corde. » Intrat autem Dominus et in medio oris ejus, quia quidquid homo dicat, quidquid cogitet, Deus et in ore et in corde est, quia omnia perscrutatur. Non valet igitur homini composita deprecatio, quia « Spiritus sanctus disciplinæ effugit fictum (Sap. 1, 5). » — « Portas vultus ejus quis aperiet? » Quando enim inferni portas Christus confregit, et

iude sanctorum animas secum tulit, tunc quidem portas aperuit quibus leviathan vultum suum, ne videretur, absconderat. Portæ quoque vultus ejus, hæretici dici possunt, quoniam per eos quasi portas intratur ante faciem et præsentiam ejus. Has autem portas Christus aperit, quando eorum hæreses manifestat. « Per gyrum dentium ejus formido. » Non solum enim portæ, sed et dentes diaboli dicuntur hæretici, quia quos capiendo devorant, diabolo repræsentant. Isti autem dentes per gyrum formidinem habent, quoniam qui ab eis capiuntur, a diabolo devorantur. Possumus autem et per formidinem, tyrannorum gladios intelligere, quibus hæretici sæpissime muniuntur. Quod quidem si ad Antichristi tempora referatur, perspicuum est; tunc enim verbis et gladiis hæretici pugnabunt. « Corpus illius quasi scuta fusilia, et compactum squamis se prementibus. » Membra namque diaboli quasi scuta fusilia sunt, quoniam dura valde et malitia obstinata, verbi Dei jacula a se repellunt. Coniunguntur autem quasi squamis se prementibus, quoniam iniquitate sibi concordi sese vicissim ad malitiam impellunt et premunt. Sæpe enim videmus iniquos homines sic se ad facinus invitantes, ut alter alterum trahat, et ire nolentem violentem impellat. « Una uni coniungitur, nec spiraculum quidem incedit per eas, una alteri adhærebit, et tenentes se nequaquam separabuntur. » Squamæ, inquit, leviathan, idem homines impij, ex quibus diaboli corpus conficitur, intantum sibi conjuncti sunt, et in nequitia concordēs, ut ad invicem separari nequeant, et sanctæ prædicationis spiraculum per eos transire non valeat; invident enim alterutrum, et in luxuria, furto, rapina, homicidiis et his similibus alter altero non vult inferior case. « Sternutatio ejus, splendor ignis, et oculi ejus ut palpebræ diluculi. » In sternutatione namque tanto impetu moventur spiritus, ut et si velit homo, eum retinere non possit. Sternutatio igitur diaboli Antichristus erit, quem tanto inflationis et superbiæ impetu contra Ecclesiam concitabit, quanto nemo unquam in hunc mundum venit. Hunc autem sequitur splendor ignis, id est ira, et indignatio, et fulgor miraculorum: dabit enim signa et prodigia multa. Oculi vero ejus illi erunt, per quos tunc suæ iniquitatis vias peccatoribus revelabit. Qui quoniam sapientia, et miraculis fulgebunt, palpebræ diluculi dicuntur. Quid est enim palpebra diluculi, nisi manifestatio lucis et dei? At vero miraculorum operatio quedam dici et lucis manifestatio est. « De ore ejus lampades procedunt, sicut tædæ igni succensæ. » De ore namque diaboli procedunt lampades, quoniam ejus deceptionis verba ad vitiorum delectationem homines succendunt. Quæ verba,

quoniam suaviter peccatoribus redolent, easque delectant, tædæ dicuntur. Sed quoniam prava concupiscentia eos inflammant, igne dicuntur esse succensæ. « De naribus ejus procedit fumus, sicut ollæ succensæ atque ferventes. » Quia enim per nares spiritus emittitur, per nares spiritus significatur. Procedit igitur fumus de naribus ejus, quoniam qui ejus iniquitatis spiritum suspiciunt, tenebrarum et caliginis fumo adumbrati veritatem reddere non possunt. Bene autem ollæ succensæ atque ferventi diaboli similatur, quoniam invidia, atque odio, et **296** mala voluntate semper ardet. « Halius ejus prunas ardere facit, et flamma de ore ejus egreditur. » Quid enim per pronas, nisi homines odio et ira succensos intelligamus? Illos enim diabolus ardere facit, quoniam sufflando sæpe ex minimis rebus magnas lites concitat. Sic igitur et flamma ex ejus ore egreditur, quia magna discordia ex ejus verbis generatur. « In collo ejus morabitur fortitudo, et faciem ejus præcedet egestas. » Fortitudo enim in ejus collo moratur, quoniam ex quo superbiæ cepit, nunquam se postea ad poenitentiam humiliavit. Faciem autem ejus præcedet egestas quia, priusquam Antichristus huic mundo appareat, magna divini eloquii egestas fiet; ut et per prophetam dicitur: « Ecce ego immittam in vos non famem panis, neque sitim aquæ, sed audiendi verbum Dei. Membra carniū ejus coherentia sibi. (Ezech. v, 17) » Hoc in ejus squamis supra exposuimus; membra namque carniū ejus, omnium iniquorum multitudo est. Hæc autem membra sibi coherent, quia perfidia et iniquitate junguntur. « Mittet contra eum fulmina et ad locum alium non ferentur. » Omnium tormentorum impetus, et fulmina contra eum et membra ejus Dominus mittet; neque ad locum alium ferentur, quoniam isti soli, et non alii, affligentur. « Cor ejus indurabitur quasi lapis, et stringetur quasi malleatoris incus. » Semper enim diabolus induratur et nunquam ad poenitentiam humiliatur. Ideoque constrictus et ligatus quasi malleatoris incus, æternis tormentorum ictibus contundetur. « Cum sublatus fuerit timebunt angeli, et territi purgabuntur (379). » Angeli Ecclesiæ, doctores intelliguntur, qui pluribus in locis angeli vocantur. Lege Apocalypsim, et invenies. Isti autem quando leviathan damnatum et ad præcipitandum sublatum viderint timebunt, ipsoque timore purgabuntur, si quid præteritæ corruptionis in eis fuerit (380). « Cum apprehenderit eum gladius subsistere non poterit, neque hasta, neque thorax. » Ac si dicat: Quamvis semper superbus, impius et crudelis diabolus fuerit; tamen sævissimus erit, quando gladius eum apprehenderit. Gladius iste

(379) Cum sublatus fuerit virtute divina de loco suo, timebunt angeli admirando divinam virtutem, in qua admiratione multi effectus divinæ virtutis eis innotescunt, et ideo subdit: et territi purgabuntur: Ut enim Dionysius dicit, cap. 5. De

divinis nominibus. Angeli purgari dicuntur non ab immunditia, sed a nescientia, et c. D. Thom. (380) Si enim Deus, ut ait S. Petrus, II, n. 4, angelis peccantibus non pepercit, neque hominibus non poenitentibus parcat.

Antichristus erit, qui multa millia hominum interficiet et a Deo separabit. Ille autem postquam diabolus apprehenderit, et in sui pectoris habitaculo plenissime suscepit, jam non poterit subistere, neque hasta, neque thorax, quoniam nemo erit qui vel contra eum pugnare, vel se regendo defendere possit. Scripturarum namque scientia, et hasta nobis est, cum alios impugnamus, et thorax cum ab aliis impugnatur. « Reputabit enim quasi paleas, ferrum, et quasi lignum putridum, aes. » Et ferrum, inquit, id est gladium spiritus, quod est verbum Dei. Et aes, id est clarissimum sonum sanctæ prædicationis, quasi paleas, et lignum putridum reputabit; quoniam nulla ei sapientia et eloquentia resistere valebit. Possunt autem per ferrum et aes Enoch et Elias significari. « Non fugabit eum vir sagittarius, in stipulam ei versi sunt lapides sandæ. » Omnis enim Evangelii prædicator, vir sagittarius et fundibularius est. Ipsa vero prædicationis et areus et funda est: inde enim quasi sagittæ et lapides sententiæ prodeunt ad feriendos inimicos. Sed his non fugabitur leviathan, quoniam per illum hominem invasum, perditionisque filium, cunctos sibi adversantes despiciet, et pro nihilo ducet. « Quasi stipulam æstimabit malleum, et deridebit vibrantem hastam. » Quasi stipulam, inquit, æstimabit malleum, quia pœnam futuri iudicii parvipendet, cuius gravi pondere in æternum contundetur. Insuper et ipsum Deum deridebit, quem jam hastam vibrantem et pœnam præparantem intuetur; desperavit enim, et misericordiam querere dedignatur; cuncta potius tormenta ferre paratus. « Sub ipso erunt radii solis, sternet sibi aurum quasi lutum. » Solis namque radii quibus mundus illuminatur, sapientes significant, ex quibus multi, vel minis, vel blanditiis, vel promissionibus ab Antichristo subversi, diaboli se iugo subijciunt. Hoc autem exponit, dicens: « sternit sibi aurum quasi lutum; » id est eos, qui sapientia et virtutibus fulgere videbantur, non minus sibi subijciunt et prosternunt, quam luteos terrenos et peccatores.

« Fervescere faciet, quasi ollam, profundum mare, et ponet quasi cum unguenta bulliunt. » Quid enim profundum mare, nisi hujus sæculi majores et potentiores? Hos autem diabolus quasi ollam fervescere faciet, quia eos ad tantam insaniam concitabit, ut quicumque sanctorum diabolo parere et imaginem bestię, ut alibi legitur, adorare noluerit, confestim ab eis gladio feriat. Et ponet hoc, quasi cum unguenta bulliunt, quia horum insaniam in Dei zelum et fervorem convertet, et in sanguine, quem fundebunt, quasi in suavissimo odore ungenti Deum delectari docebit. « Post eum lucebit semita, æstimabit abyssum, quasi senescentem. » Semita namque lucebit post eum, quia miraculorum fulgor et fama eum sequetur. Sive quia post mortem filii ejus, id est Antichristi, omnis error et caligo auferetur. Æstimat autem abyssum quasi

A senescentem, quoniam infernum ejusque pœnas 297 quasi jam finitas et innocuas, et sine viribus reputat; quod enim veterascit et senescit, prope interitum est. Nescit enim superbus iste timere, unde et subditur: « Non est super terram potestas, quæ comparatur ei, qui factus est ut nullum timeret. » Non enim angelicę naturę aliquis homo comparari potest. Quamvis secundum ejus opinionem hoc intelligi valeat. Qui enim Deo similis esse voluit, cuilibet creaturę par esse dedignatur. Factus est autem ut neminem timeret, non a Deo, sed a se; talem namque eum superbia fecit, ut nihil sit quod timere dignetur; cunctis enim se præferi, et in superbia elevatus, sub se quasi inferiora omnia conspiciat. Unde nec ipsi suo Creatori ut se adoraret dicere timuit; et hoc est quod ait: « Omne sublime videt, ipse est rex super omnes filios superbię. » Omne enim sublime videt qui nihil in se humile sentit; ideoque ipse est rex, qui omnes superbię filios regit. Merito autem in radice et in fine suę locutionis superbiām posuit, quia ipsa radix est omnium malorum.

CAPUT XLII.

« Respondens autem Job Domino dixit: Scio: quia omnia potes, et nulla te latet cogitatio. » Scio, inquit, quia omnia potes, et, sicut dixisti, non est qui possit resistere vultui tuo. Et nulla te latet cogitatio, qui ipsius leviathan occultas calliditates tam diligenter exposuisti. « Sed quis est iste, qui celat consilium absque scientia? » Quis, inquit, est iste, qui tam stultus est ut calliditates suas scienti omnia celare conetur? « ideo insipienter locutus sum, et quæ ultra modum excederent scientiam meam. » In hoc etiam insipienter locutus sum quod in iudicio tecum contendere volui. Si enim, quod verum est, nemo tibi resistere valet, frustra superius dixi, et et perveniat ad victoriam iudicium meum. « In hoc etiam insipienter locutus sum, quia contra eam sapientiam sum locutus, quæ ultra modum excedit scientiam meam. Insipiens enim est qui eum eo contendit a quo et potentia et sapientia superatur. » Audi, et ego loquar, interrogo, et responde mihi. « Quid est enim: et audi, et ego loquar, nisi exaudi orationem et locutionem meam? Quid vero est: interrogo, et responde mihi: nisi fac me intelligere desiderium meum, et ea quæ multum scire desidero manifesta. Sicut enim nos optando et deprecando Deum interrogamus, ita ipse nos exaudiendo et donando respondet. Unde etiam quasi jam exauditus beatus Job subinferens ait: « Auditum auris audivi te, nunc autem oculus meus videt te, idcirco ipse me reprehendo, et ago penitentiam in favilla et cinere. » Prius, inquit, et audivi, nunc autem video, quia tantum interest inter eam, quam prius habui, et eam, quam nunc de te habeo, cognitionem, quantum interest inter auditum et visum. Idcirco ipse me reprehendo, qui contra flagella tua vel cogitare, vel murmurare præsumpsi. « Et ego penitentiam in favilla et cinere. » Quid est in favilla et

cinerem poenitentiam agere, nisi favillam et cinerem A
se esse cognoscere? Qui enim hoc agit, in sua iustitia non confidit.

Postquam autem locutus est Dominus verba
hæc ad Job, dixit ad Eliphaz Themaniten: Iratus
est furor meus in te, et in duos amicos tuos;
quoniam non estis locuti coram me rectum sicut
servus meus Job. In eo quod dicit coram me,
non eodem animo, quo Job loquebatur, eos locutos
fuisse, ostendit. Non enim quid dicatur considerat
Deus. Unde et Job superius contra eos queritur,
dicens: Ad increpandum tantum eloquia concin-
natis, et in ventum verba profertis, super pupillum
irruitis, et subvertere nitimini amicam vestrum.
Sumite igitur vobis septem tauros et septem arie-
tes, et ite ad servum meum Job, et offeret holo-
caustum pro vobis. Bona ira Dei, qua remedii
consilia dantur, quibus et peccata solvantur, et pec-
catores convertantur. Beatus enim Job, ut supra
diximus, Ecclesiam significat; amici vero illius
hæreticorum speciem tenent. Orat igitur Job pro
amicis suis, et offert holocausta pro eis; quoniam
hæretici, nisi ad Ecclesiam redierent, eique recon-
ciliati fuerint, et nisi ipsa pro eis preces et sacrifi-
cium obtulerit, Dei indignationis furorem evadere
non poterunt. Offerunt autem hæretici tauros et
arietes, quando superbiam et ignorantiam in se
mortificant. Taurus enim superbiat, aries autem
ignorantiam et ducatum pravæ intelligentiæ desi-
gnant. Sed quoniam septenarius numerus perfectus
est, ut perfecte in se hæc vitia destruant, septem
tauros, totidemque arietes offerre præcepit. Sequi-
tur: Job autem servus meus orabit pro vobis;
faciem ejus suscipiam, ut non vobis imputetur
stultitia; neque enim locuti estis ad me recta;
sicut servus meus Job. Repetitio est eorum
quæ dicta sunt, quæ, quotiescunque sit, sermonis
firmitatem stabilitatemque ostendit.

Abierunt ergo Eliphaz Themanites, et Baldad
Suhites et Sophar Naamahites, et fecerunt sicut
locutus eis fuerat Dominus, et suscepit Dominus
faciem Job. Dominus quoque conversus est ad
poenitentiam Job, cum ille oraret pro amicis suis.
Multum igitur profecit Job, qui pro amicis suis
orando, non solum illis, sed sibi quoque veniam
promeruit in quo magnum aliquid esse ostenditur,
orare pro aliis. Et addidit Dominus quæcunque
fuerant Job 298 duplicia. Hoc et propheta dicit:
duplicia in terra sua possidebunt (Isai. lxi, 7).
Finitis tamen his tantis miseriis, juxta sæculi finem,
omnia quæcunque habuit, vel habere debuit Eccle-
sia, duplicabuntur, quoniam utrumque populum et
Judæorum et gentium in se tunc plenissime colliget;
secundum illud: Cum multitudo gentium introierit,
tunc omnis Israel salvus fiet (Rom. xi, 25).

Venerunt autem ad eum omnes fratres sui, et
universæ sorores suæ, et cuncti qui noverant
eum prius, et comederunt cum eo panem in domo
ejus, et moverunt super eum caput, et consolati

sunt eum super omni malo quod intulerat Domi-
nus super eum. Venient enim ad Ecclesiam
omnes qui, vel merito fidei fratres, vel carnis fra-
gilitate sorores dicuntur; insuper et omnes qui
eam noverunt ejusque famam audierant. Et come-
dent cum ea panem, panem utique vivum, qui de
cælo descendit, sive etiam scientiam sanctarum
Scripturarum. Movebunt autem et caput super eam,
ei congaudentes, ejusque constantiam, fidem et
patientiam admirantes. Hoc enim loco capitis com-
motio mentis est exhilaratio. Et consolabuntur eam
super omni malo quo Dominus eam affligi permisit;
quoniam tunc perfecte Ecclesia consolabitur, om-
niumque suarum afflictionum obliviscetur quando
tantam omnium gentium ad se utique confluentium
viderit conversionem. Et dederunt ei unusquis-
que ovem unam, et inauram auream unam. Quid
enim per ovem, nisi innocentiam? Quid vero per
inauram, nisi utriusque auditus obedientiam? Unde
etiam, et inauris aurea dicitur, ut auditus castus
sit et purus. Sine his igitur nemo ad Ecclesiam
veniat, qui vult eam consolari, hæc munera ferat.
Offerat ovem ut sit innocens, offerat inauram ut
sit obediens, et quia aurea est, sapienter intelligat.

Dominus autem benedixit novissimis Job, magis
quam principio ejus. Benedicere hoc in loco,
multiplicare significat. In fine enim Ecclesia multi-
plicabitur, quoniam omnium gentium plenitudine
implebitur. Unde et subditur:

Et facta sunt ei quatuordecim millia ovium, sex
millia camelorum, et mille juga boum et mille
asinæ, et fuerunt ei septem filii et tres filiæ.
Quid per oves et camelos, boves et asinas, filios et
filias significetur, in libri hujus principio dictum
est. Quid vero numerus duplicatus significet, modo
exposuimus. Filiorum autem et filiarum numerus
non est duplicatus, quoniam quantumlibet cresceret,
nihil tamen amplius significaret. Septem enim filii,
septem Ecclesiæ sunt, tres vero filiæ, tres mundi
partes, in his autem tota fidelium multitudo continetur.
Ea hoc quidem in principio expositum est.

Et vocavit nomen unius Diem, et nomen secundæ
Cassiam, et nomen tertiæ Cornustibii. Sancta
enim Ecclesia, quæ tota ex his tribus mulieribus
constat. Etenim dies est, quoniam soli justitiæ
sublita est; secundum illud: Et fecit Deus lumi-
nare majus, ut præset diei (Gen. i, 16). Et Cassia
est, quoniam bonum circumquaque spargit odorem;
unde Apostolus: Christi bonus odor sumus Deo in
omni loco (II Cor. ii, 15). Et Cornustibii est, quia
clara, et sublimi voce prædicationis ubique resonat,
secundum illud: Buccinate in Neomenia tuba
(Psal. lxxx, 4). Et: Laudate eum in sono tubæ
(Ibid.) Componitur autem Cornustibii ex cornu, et
tibia, quod utrumque prædicatorum voces designat.

Non sunt autem inventæ mulieres speciosæ, sicut
filie Job in universa terra; deditque eis hæredi-
tatem pater suus inter fratres earum. Nam neque
Synagoga, neque idololatria, neque alia ovalibet

secta pulchritudini Ecclesie comparari potest. Ipsa enim est quæ non habet maculam, neque rugam. Et ipsa quidem inter fratres suos, id est inter angelorum choros, (qui ejusdem ejus et ipsa filii sunt) hereditatem suscipit. Sive etiam cum fratribus sorores ad hereditatem admittuntur, quoniam per-

Afectis minus perfecti in beatitudine sociantur. « Vixit autem post hæc Job centum quadraginta annis, et vidit filios suos et filios filiorum suorum, usque ad quartam generationem, et mortuus est senex et plenus dierum. » Finis.

INCIPIT 299

EXPOSITIO IN PSALMOS.

Nunc bene et sapienter indicare potest qui prius diligenter causam examinat. Unde et Propheta iste nobilissimus cum dixisset : « Judica me, Deus, » confestim subdidit, dicens, « et discerne causam meam (Psalm. xlii, 1). » Hoc autem tale est ac si diceret : Non fugio iudicium, si prius causa mea diligenter examinata fuerit. Qui vero aliter hoc agere præsumit, multoties ea laudat quæ jure laudanda non sunt, et ea reprehendit quæ jure reprehendenda non sunt. Hoc autem peccatum quam magnum sit, propheta ostendit, ubi ait : « Vae, qui dicunt bonum malum, et malum bonum, ponentes lucem tenebras, et tenebras lucem, qui dicunt dulce amarum, et amarum dulce (Isai. v, 20). » Cum adhuc adolescentulus essem, exposui Psalterium secundum aliam translationem, quæ videlicet translatio pluribus in locis tantum differt ab hac translatione, qua Romana Ecclesia utitur, ut nullo modo secundum illius expositionem hæc translatio intelligi possit (381). Et illa quidem multos habet expositores : hanc autem, si aliquis exposuerit, nescio. Rogatus igitur ab amicis meis, et præcipue a Peregrino venerabili abbate, dedi operam ut hæc quoque, sicut et illa, propriam haberet expositionem. Quam qui totam ex ordine diligenter legerit, scio quia non judicabit esse superfluum, facileque intelligere poterit quanta distantia sit inter primam et hanc secundam expositionem. Non enim dicere erubescio quod B. Paulus apostolus et magister gentium dicere non erubuit : « Cum essem parvulus loquebar ut parvulus, sapiebam ut parvulus, cogitabam ut parvulus; quando autem factus sum vir, evacuavi quæ erant parvuli (I Cor. xiii, 1). » Nulli injuriam facit, qui sibi ipsi se ipsum præfert. Et illa quidem expositio valde compendiosa est : sed hæc melior mihi

esse videtur. Non curavi unius rei multas ponere sententias; sed illa mihi sufficere visa est, quæ superioribus et inferioribus convenienter continuari possit. Habent enim hoc prophetarum dicta, ut multis modis separatim intelligi possint. Unde multa exempla dare potuissem, si hoc necessarium esse cognoscerem. Nullum titulum derelinqui, omnes posui et exposui, qui quidem ad psalmos intelligendos valde mihi necessarii esse videntur. Illud super omnia memorie commendandum esse confirmo, quoties nobis Propheta dicit, et quasi obliuiscis et non obediens, toties præcipit canticum novum semper cantare, semper psallere, firmiterque sperare. Canticum vero novum cantare, est legis et prophetarum verba non secundum litteræ vetustatem annuntiare, sed secundum spiritualem intelligentiam exponere et prædicare. Unde Apostolus ait : « Littera occidit, spiritus autem vivificat (II Cor. iii, 6). » Hinc quoque in Apocalypsi Joannis dicitur : « Ecce nova facio omnia (Apoc. xxi, 5); » quoniam spiritualiter intellecta nova sunt omnia.

PSALMUS PRIMUS.

« Beatus vir qui non abiit in consilio impiorum. » Psalmus iste non habet titulum, sed ipse non solum psalmorum, sed omnium sanctarum Scripturarum titulus quodammodo esse videtur. Titulus enim ad hoc ponitur, ut breviter nobis insinuet quid in sequenti Scriptura querere et intelligere debeamus (382). Et hoc quidem agit iste psalmus, qui statim in ipso suo principio docet nos beatitudinem querere, ac per hoc declinare a malo et facere bonum. Ille est enim ad quod tendit omnis homo, et ad quod pervenire desiderat, neque est aliquis qui beatus esse non cupiat. Perversi tamen homines dum in hac vita beatitudinem querunt, neque in hac neque

(381) Idem ait in expositione psal. xcix.

(382) De titulis sive inscriptionibus singulis psalmis appositis egregie disseruit S. Hilarius. « Mihi quidem, inquit, temeritas videtur invertere inscriptiones quæ a prima origine usque ad Ptolemæi tempora delatæ sunt, qui post Alexandrum in Ægypto regnavit : quas inscriptiones LXX interpretes omnes seniores in Græcam linguam transulere, sicut omnes alias sacras Scripturas. Supra 150 annos ante interpretationem Ptolemaicam, mirabilis ille Esdras

edidit in lucem libros cælestis gratiæ plenos, qui quidem propter Judæorum incuriam, tunc vero propter impietatem Babyloniorum diutius depravati permansere. Si igitur Esdras divino numine affatus horum voluminum memoriam illis hominibus renovavit, etiam hi septuaginta viri non sine Spiritu sancto hæc opera in Græcum sermonem converterunt. Inter cætera vero sacra volumina etiam inscriptiones interpretati sunt. »

in alia eam habebunt. Quam utique habuissent, si A
hujus psalmi consilio credidissent, et declinare a
malo et bona facere voluissent. Qui igitur beatus
esse desiderat, non abeat in consilio impiorum, non
stet in via peccatorum, neque in cathedra pestilen-
tiæ sedeat. Si consilium impiorum audisti, fuge illud,
et noli ire in eo. Quid est enim ire in eo, nisi illud
facere, et manere in eo? Si viam peccatorum jurasti,
noli ibi stare, sed recede ab ea. Si cathedram pesti-
lentiæ ascendisti, descende cito, et nihil ibi iudices,
300 nihil doceas in ea. Non peccare enim in-
possibile est; in peccato vero perseverare (383)
iniquissimum est. Si enim dixerimus quia pecca-
tum non habemus, ipsi nos seducimus, et veritas in
nobis non est (1 Joan. 1, 8). Peccatores igitur
sunt qui in hoc psalmo ad beatitudinem invitantur.
Ad quam illi soli poterunt pervenire qui, quamvis
peccabunt, in peccatis tamen non perseverabunt. Et
hoc quidem significat non ire, non stare et non
sedere. Sola igitur perseverantia in malo facit impe-
dimentum ad beatitudinem, et hoc solum peccatum
est quod non dimittitur hominibus, neque in hoc
saeculo, neque in futuro. Ecce docuit nos Propheta
quod vir justus et ad beatitudinem festinans fugere
debeat. Nunc autem audiamus quid cum agere
oporteat; non enim sufficit nobis declinare a malo,
nisi et bona faciamus. Sed prius mala pellenda sunt,
quia terra prius purganda est, quam plantanda vel
seminanda.

« Sed in lege Domini voluntas ejus. » Quidquid
utrumque testamentum facere, vel non facere jubet,
lex Domini est. Non potest itaque vir justus manere
in consilio impiorum, neque stare in via peccato-
rum, neque in cathedra pestilentiae sedere, cujus
voluntas et desiderium est legem Domini adimplere.
Quod autem ait : fuit, non sic accipias, quasi jam
cessaverit : audi quod sequitur :

« Et in lege ejus meditabitur die ac nocte. » Quid
est die ac nocte? Omni tempore in prosperis et ad-
versis; et prospera enim, et adversa a lege Domini
et a custodia mandatorum ejus maxime miseros
homines separare solent. Venit quidam adolescens
ad Dominum, qui in prosperis erat multasque pecu-
nias possidebat. Qui cum eum interrogaret quomodo
ad vitam æternam pervenire posset : cumque ei
Dominus diceret ut omnia venderet et pauperibus
erogaret, sicut scriptum est : « Tristis abiit, quia
multas habebat possessiones (Matth. xix, 22). » Sic
igitur prospera separant homines a Deo et a lege
Dei. De adversis autem facile intelligitur, cum Do-
minus dicat, etiam electos in errorem inducendos
esse propter multas tribulationes, si fieri possit
(Matth. xxiv, 24). Magna igitur laus justi est in lege
Domini meditari die ac nocte. Unde magna retri-
butio in sequenti versiculo ei promittitur.

Et erit tanquam lignum quod plantatum est

(383) Cod. Vallicellanus, nequissimum est.

(384) Aquæ populi interpretantur in Apocalypsi
cap. xvii, 15, ita etiam Augustinus enar. in psalmum

« secus decursus aquarum. » Quid est majus quam
Christo Domino comparari? « Scimus, inquit Joannes
apostolus et evangelista, quoniam similes ei erimus,
quoniam videbimus eum sicuti est (1 Joan. iii, 2). »
« Fulgebunt enim sancti sicut sol in regno Dei
(Matth. xiii, 43). » Hoc enim lignum seipsum esse
ipse Dominus ostendit, dicens : « Si in viridi ligno
hoc faciunt, in arido quid fiet? (Luc. xxiii, 31) » Et
Salomon de sapientia, quæ Christus est, loquens,
sic ait : « Lignum vitæ est his qui apprehenderint
eam, et qui tenuerit eam beatus (Prov. iii, 18). » Et
illud in Apocalypsi : « Vincenti, inquit, dabo edere
de ligno vitæ, quod est in paradiso Dei mei (Apoc.
ii, 7). » Hoc igitur lignum plantatum est secus
decursus aquarum. Quatuor sunt lumina paradisi,
B quatuor sunt Evangeliorum volumina, quæ illis
fluminibus significantur. Vis videre lignum vitæ?
Secus decursus aquarum invenies. Sic autem et
Christum in quatuor Evangeliorum fluminibus repe-
ries, ibi enim et quis, et qualis, et quantus sit,
facile dignoscitur. Ad hoc præterea lignum fit secus
decursus aquarum, quia « ad ipsum, ut scriptum
est, fluent omnes gentes (Isa. ii, 2). » — « Aquæ
enim multa, dicit Scriptura, populi multi (384). »

« Quod fructum suum dabit in tempore suo. » Ex
quo mundus iste factus est, fructum suum lignum
hoc dare non destitit : « Omnia enim per ipsum
facta sunt, et sine ipso factum est nihil (Joan. i, 3). »
Dedit tamen maxime et abundantius fructum suum
in tempore suo, in tempore incarnationis et adventus
C sui. Quis autem eos fructus, ea dona, illas divitias
et delicias enumerare valeat, quas ex tunc fidelibus
suis Dominus tribuit? Unde et dicitur : « Ascendit
in altum, captivam duxit captivitatem, dedit dona
hominibus (Psalm. lxxvii, 19). »

« Et folium ejus non decidet. » Hæc folia verba
sunt; verba autem Christi non cadent. Sic enim ipse
ait : « Cælum et terra transibunt, verba autem
mea non præteribunt (Luc. xxi, 33). »

« Et omnia quæcunque faciet prosperabuntur. »
Prosperantur autem omnia quæcunque Christus
facit, sed non omnibus prosperantur. Unde et Apo-
stolus ait : « Scimus, quoniam diligentibus Deum
omnia cooperantur in bonum (Rom. viii). »

D « Non sic impii, non sic. » Non erunt, inquit,
impii beati : non enim meditabuntur in lege Domini
die ac nocte, et non erunt tanquam lignum quod
plantatum est secus decursus aquarum : quid igitur
erunt? Audi quod sequitur :

« Tanquam pulvis, quem projicis (385) a facio
« terræ. » Beati ligno vitæ assimilantur; impii vero
pulveri comparantur, præsertim illi pulveri qui
vemo superbiæ circumfertur, et a terræ, id est san-
ctæ Ecclesiæ, stabilitate elevatus nusquam comparet.
Et ideo quia tales sunt.

« Non resurgent impii in iudicio. » Quid est igitur
primum.

(385) Vulgata legit, quem projicit ventus

quod Apostolus ait: **301** « Omnes quidem resurgemus, sed non omnes immutabimur (1 Cor. xv, 51). » Qui sunt enim illi qui resurgent et non immutabuntur, nisi impii et peccatores? Resurgent igitur impii et peccatores, sed non in iudicio, jam enim iudicati sunt. Resurgent ergo, non ut iterum iudicentur, sed tantum ut dampnentur. Damnabuntur autem non solum impii, verum etiam peccatores in peccatis perseverantes. Et tunc « iter impiorum peribit, » hoc est, in itinere et opere suo impii peribunt, via vero justorum laudabilis apparebit.

« Quoniam novit Dominus viam justorum. » Quæ eos perducit ad regna celorum.

PSALMUS II.

PSALMUS DAVID.

Hic psalmo, qui secundus est, primus titulus imponitur, quem ideo suum esse dicit; ut major ei auctoritas et fides adhibeatur. Quis enim ea non credat quæ tanti regis et Prophetæ auctoritate roborantur? Si autem ad illum David respiciamus, qui in isto loquitur, et de quo iste alibi ait: « Audiam quid loquatur in me Dominus Deus (Psal. lxxxiv, 8), » jam nullus erit qui in aliquo contradicere audeat. Hæc autem brevis expositio nobis sufficiat in omnibus psalmis qui hoc titulo prænotantur; egregie autem ab ipsa passione Christi incipit, quam semper in memoria habere debemus, per quam liberati, et salvati sumus. Et merito quidem contra eos cum quadam indignatione loquitur, qui in Christum Dominum manus mittere non timerunt.

« Quare irremuerunt gentes, et populi meditati sunt inania? » Audivimus modo superius de Christo, quod ipse sit lignum vitæ, cujus folia non cadunt, cujus verba non præteribunt, cujus omnia opera, et quæcunque faciet, prosperabuntur. Quare ergo fremuerunt gentes, et populi meditati sunt inania? Quare « astiterunt reges terræ, » Herodes videlicet, et Pilatus et principes sacerdotum « convenerunt in unum adversus Dominum » Patrem, « et adversus Christum » Filium « ejus? » Quare vel hoc non attendebant quod tantum talemque fructum hæc arbor nobilissima tunc temporis dabat: mortuos suscitando, cæcos illuminando, leprosos mandando, omnes languores omnesque infirmitates sanando? Gentes et populi hoc in loco idem significant, quamvis per gentes Romanos, et populos Judæos intelligere possumus, qui adversus Christum Dominum pariter in unum convenerunt. Fremere autem non est hominum, sed ferarum, ut eorum sævitiam et crudelitatem in hoc verbo intelligamus. Convenerunt igitur omnes isti iniquitatis filii, atque dixerunt:

« Dirumpamus vincula eorum, et projiciamus a nobis jugum ipsorum. » Ligatos se esse et sub jugo esse conqueruntur, quoniam assueta peccata a

(386) Cod. Ghisianus, *eumæm ipsum*.

(387) Ira Dei quomodo sit intelligenda. « Iram, et furorẽm Domini Dei. non perturbationem mentis

A Christo Domino et a discipulis ejus acere prohibentur. Redarguebat enim eos Dominus non solum de his quæ male agebant, verum etiam de iniquis cogitationibus, sicut in Evangelio invenimus. Quale est illud: « Ut quid cogitatis mala in cordibus vestris? (Matth. ix, 4) » Miseri qui eundem (388) non violentier trahentem, sed clementer ad se vocantem non audiebant, quando eis paterna pietate dicebat: « Venite ad me, omnes qui laboratis, et onerati estis, et ego reficiam vos: jugum enim meum suave est, et onus meum leve (Matth. xi, 28). » Merito fiet eis quod sequitur.

« Qui habitat in cælis iridebit eos, et Dominus subsannabit eos. » Quia hoc, inquit, et illa fecerunt, et Christo Domino credere noluerunt, stultos et fatuos subsannatione, et irrisione dignos eos Dominus ostendet. Tales enim affectiones in eo non sunt, sed ejus voluntatem et operationem aliter nisi assuetis nostris locutionibus ostendere non possumus. Cum enim ea facit quæ irati et furentes homines facere solent, quamvis iratus non sit, in ira tamen et furore ea facere narratur (387), unde et subditur

« Tunc loquetur ad eos in ira sua, et in furore suo conturbabit eos. » Hoc autem erit in iudicio, quando impiis et peccatoribus dicit: « Ite, maledicti, in ignem æternum, qui paratus est diabolo et angelis ejus (Matth. xxv, 41). » Quia enim hoc dicendo irati et sævientis consuetudinem imitabitur, ideo in ira et furore hæc dicturus, et facturus esse narratur.

« Ego autem constitutus sum rex ab eo super Sion montem sanctum ejus. » Iste versus ibi continetur, ubi dicitur: « Quia convenerunt in unum adversus Dominum, et adversus Christum ejus, » subauditur, dicentem: « Ego autem constitutus sum rex ab eo. » Quem Judæi Christum, nos regem vocamus. Christus Dominus noster et Deus est, et homo, qui secundum humanitatem quidem non solum a **302** Patre, verum etiam a se ipso, et a Spiritu sancto et rex et Dominus constitutus est. Ipse enim qui secundum divinitatem neque factus, neque creatus est, secundum humanitatem seipsum creavit, et fecit. Hanc igitur distinctionem in memoria habeamus, quæ pene in omnibus psalmis nobis necessaria erit. Omnia enim ad humanitatem referenda sunt, si quando contristatur, si quando aliquid patitur, si quando aliquid postulat, et similia. « Ego autem, inquit constitutus sum rex ab eo, » ubi? « super montem sanctum ejus. » Ad quid? « prædicans præceptum Domini. » Sion *specula* interpretatur; a qua videlicet specula omnes episcopi superintendentes et speculatores vocantur. Unde et Ezechiel dicitur: « Fili hominis, speculatorem posui te domus Israel (Ezech. iii, 17). » Quamvis Rex regum, et Dominus dominantium sit Salvator noster, ipse tamen solius

oportet intelligi, sed vim quæ justissime vindicatur. » August., enar. in psal. i.

montis Sion regem se dicere dignatur. Sed audiant A
episcopi quare ordinati sunt, quare et a quo super
Sion constituti sunt. Non utique ad tyrannicam et
sæcularem potestatem exercendam, sed ad speculan-
dum et prædicandum, et contra hæreticos et mali-
gnos spiritus pugnandum.

Dominus dixit ad me: Filius meus es tu. » Hoc
autem ad divinitatem spectat. Ego, inquit, qui
secundum humanitatem rex a Deo constitutus sum,
secundum divinitatem non adoptive, sed substantia-
liter ejus filius sum; hoc enim ipse Pater testatus
est, dicens: « Tu es Filius meus dilectus, in te mihi
complacui. Ego hodie genui te (*Luc. iii, 23*). » Non
habet Deus nisi hodie, cum nihil præteritum, nihil
futurum, sed omnia sibi præsentia sint. Quid igitur
aliud dicere potuit, nisi hodie? Nihil enim aliud est;
« ego hodie genui te: » tale est ac si simpliciter
dixisset, ante tempora et sine initio genui te (388).
Æternus est enim Pater, æternus est et Filius. Sed
ante æternum nihil est. Hodie igitur æternitas est.
Quod itaque ait: « Ego hodie genui te, » tale est
ac si dixisset: Ante tempora, et sine initio genui te.
Potest autem et secundum humanitatem sic intelligi,
ut a Patre ei dicatur: Ego qui ante tempora genui
te, hodie, id est temporaliter ex Virgine genui te.
Ipse enim Pater omnium, ipse non solum huma-
nitatem Filii sui, verum etiam nos omnes et genuit
et creavit (389).

« Postula a me, et debō tibi gentes hereditatem
tuam, et possessionem tuam terminos terræ. »
Diximus superius quia si Filius aliquid postulat, non
secundum divinitatem, sed secundum humanitatem
postulat. Postulat ergo non solum a Patre, sed a
seipso, et a divinitate quæ in ipso est. « Et dabo tibi
gentes hereditatem tuam. » Judæi, inquit, spreve-
runt te, dicentes: « Non habemus regem nisi Casa-
rem, et nolumus hunc regere (390) super nos (*Joan.*
xix, 12): » suscipe igitur omnes gentes in hæredita-
tem. Inde est enim quod alibi dicitur: « Omnes
gentes servient ei; et quia dominabitur a mari usque
ad mare, et a flumine usque ad terminos orbis terræ
(*Psal. lxxi, 8*). » Hoc est enim usque ad terminos
orbis terræ quod et possessionem tuam terminos
terræ.

« Reges erit in virga ferrea. » Quid est in virga
ferrea? Imperio forti et insuperabili, et cui nemo
resistere poterit. Omnia metalla ferro domantur;
omnia regna mundi Christi imperio subjungantur.

« Et tanquam vas figuli confringet eos. » Vasa
figuli semel fracta redintegrari non possunt. Impii
et peccatores semel in judicio damnati misericor-
diam ulterius non inveniunt.

(388) Idem brevius dixerat S. Maximus Taurin.,
serm. 36 de Paschat., edit. Rom. 1784, pag. 491.
« Una plane dies est Christus, quia in eo una est
divinitatis æternitas. Hodie autem vocatur, quod
eum nec vetusta antiquitate subterfugiant, nec futura
ignoratio prætereunt. »

(389) « Quanquam etiam possit ille dies in præ-
phetia dictus videri, quo Jesus Christus secundum
hominem natus est, tamen hodie qui præsentiam

« Et nunc, reges, intelligite. » Ecce rex magnus
justus et potens Deus constitutus est, cui et nos, et
omnes gentes obedire oportet. Intelligite ergo, et
regnandi doctrinam et disciplinam ab eo suscipite.
Et hoc est quod ait:

« Erudimini qui judicatis terram: servite Domino
« in timore. » In timore servire, et servitium dili-
genter agere et in Dei servitio negligentiam non
habere. Reges igitur, qui ad populum juste regen-
dum et ad justitiam exercendam constituti sunt, s'c
justitiam exerceant, ut misericordiæ non obliviscan-
tur, non autem cordis impetu, sed divinæ legis
moderamina sequantur.

« Et exsultate ei cum tremore. » Non vobis, in-
quit, sed Deo exsultate, non in honoribus et divitiis,
sed in Domino gaudete. Hinc est enim quod Apo-
stolus ait: « Gaudete in Domino semper, iterum
dico gaudete (*Philip. iv, 4*). » Bene additur, cum
tremore, ne timor Domini et æternæ felicitatis desi-
derium mundi hujus lætitia et prosperitate pellatur.
Per reges non solum reges gentium, verum etiam
episcopi omnesque Ecclesiæ prælati intelligi debent.
Denique omnis homo rex dici potest, qui se ipsum
bene regit, et domum suam bene disponit.

« Apprehendite disciplinam, nequando irascatur
« Dominus, et pereatis de via justa. » Omnis doctri-
na et institutio religionis disciplina dici potest. Hanc
autem qui non recipit, et tenet, non immerito Dei
303 iram et indignationem incurrit. Tales autem
pereunt de via justa, quia in viam peccatorum de-
clinantes per justorum viam ad beatitudinem non
pervenient. Hæc autem disciplina cum omnibus
hominibus necessaria sit, illis tamen maxime neces-
saria est, qui alios regere, et docere debent. Beati
illi, qui hanc disciplinam suscipiunt, et qui non in
vanitatibus mundi, sed in Domino confidunt.

« Quoniam cum exarserit in brevi ira ejus, beati
« omnes et soli qui confidunt in eo. » In brevi autem
dixit, quia cito et post modicum ad judicium Do-
minus veniet. Unde et Joannes apostolus ait: « Fi-
lioli, novissima hora est (*Joan. ii, 18*). » Et Aposto-
lus: « Nos sumus in quos fines sæculorum devene-
runt (*I Cor. x, 11*). » Jam superius diximus quo-
modo Dei iram intelligere debeamus.

PSALMUS III

PSALMUS DAVID CUM FUGERET A FACIE FILII SUI
ABSAŁON

Quid significet psalmus David superius dictum est.
Et David quidem fugam legimus, Christi autem
fugam non legimus, quia contra de se ipso alibi
significat, atque in æternitate nec præteritum quib-
quam est, quasi esse desierit, nec futurum, quasi
nondum sit, sed præsens tantum, quia quidquid
æternum est, semper est: divinitus accipitur secun-
dum id dictum, *ego hodie genui te*, quo sempiternam
generationem virtutis, et sapientiæ Dei, qui est Uni-
genitus Filius, fides sincerissima et catholica præ-
dicat. » August. loc. cit.

(390) Cod. Ghis. hunc regem regnare.

dicit: « Periit fuga a me (391) (*Psal.* cxli, 6). » Quem cum Judæi simul cum Juda traditore capere venissent, non fugit, sed obviam ivit. Et ut suæ divinitatis potentiam ostenderet, uno verbo prostravit. Ipse tamen est, in cujus Canticis canticorum Ecclesia dicit: « Fuge, dilecte mi (*Cant.* viii, 14). » Et de discipulis quidem *Matth.* dicitur, quia « relicto eo omnes fugerunt (*Matth.* xxiii, 36). » Non igitur in se ipso, sed tamen in discipulis suis fugit Jesus: sic autem dicitur (392) quia non ipse baptizabat, sed discipuli ejus. Uterque autem et Judas, et Absalon simili morte, id est suspendio (393) interierunt. Interpretatur autem David *manu fortis* (394), Absalon vero, *patris pax* interpretatur. Et videtur per contrarium esse dictum, sicut et Judæ a Domino dicitur: « Amice, ad quid venisti? » (*Matth.* xxvi, 50) cum amicus utique non esset.

« Domine, quid multiplicati sunt qui tribulant me? » Secundum humanitatem Dominus loquitur, et conqueritur Patri de Judæorum conjuratione contra se facta quæ, non solum ex Romanis qui ibi erant, verum etiam ex numero discipulorum multiplicata erat. Unde et dicit quia « Multi insurgunt adversum eum, et multi dicunt animæ ejus: quia non est salus illi in Deo ejus. » (395) Videbat enim jam tunc non solum Judæos, verum etiam per totum mundum reges et principes, omnesque homines iniquos, totumque malignantium spirituum exercitum contra fideles suos, contra membra sua, contra corpus suum, quod est Ecclesia, crudeliter insurgere. Quia, ut dicitur, in unoquoque suorum ipse affligitur, tribulatur, et persecutionem patitur, non immerito quod illis accidit sibi imputat, et illorum pœnas quasi proprias conqueritur.

« Tu autem, Domine, susceptor meus es, gloria mea, et exaltans caput meum. » Mentuntur, inquit, qui dicunt, « Non est salus illi in Deo ejus; » quia ad salutem pertinent ea quæ hic enumerantur. Suscepit enim Pater Filium ad se, incarnatum et hominem factum revertentem (396) glorificavit, et in suæ majestatis sedem exaltavit. Secundum illud: « Dixit Dominus Domino meo, Sede a dextris meis (*Psal.* cix, 1). » Videtur autem mihi quod, si Ecclesia in hoc psalmo loquatur, convenientius accipi possit. Dicit igitur Ecclesia, dicat populus Christianus,

(391) Non legitur Christus fugisse enim ab Judæis ad necem, quemadmodum David a Saulo, quæretur. Fugit tamen in montem, ut habetur Joan. vi, 15, cum vellent turbæ eum regem facere. Non dissonat ergo prophetia Evangelio habita diversa ratione fugæ Christi.

(392) Cod. Gnis. quia baptizabat Jesus, et statim dicitur.

(393) Idem cod. perierunt

(394) Hanc interpretationem sumpsisse videtur S. Bruno ex Ven. Bedæ, qui in expositione tituli secundi psalmi hæc habet: « David interpretatur manu fortis, sive desiderabilis, quod nihil aptius convenire potest quam omnipotenti Christo, qui est veraciter fortissimus, et summo desiderio requirendus, de cujus passione loquitur Propheta, et ipse

A quem prius soli Judæi, postea vero totus mundus gravissimis pœnis affligere et perdere cepit. « Domine, quid multiplicati sunt, qui tribulant me? Multi insurgunt adversus me. » Multi ex omnibus mundi hujus nationibus « dicunt animæ meæ, Non est salus illi in Deo ejus. » Hoc est quod infideles contra sanctos dicere solebant, quod Deus illorum eos liberare non posset. « Tu autem, Domine, susceptor meus et gloria mea, et exaltans caput meum. » Hæc est sanctorum non modica consolatio; quia statim post martyrium coronabuntur, glorificabuntur et in æternam beatitudinem a Deo suscipiuntur. Hoc enim Salvator noster illis promiserat, ut, ubi ipse esset, ibi esset **304** et minister ejus (*Joan.* xii, 26). Et ubi esset corpus, illi congregarentur et aquilæ (*Matth.* xxvi, 28), et cum exaltatus esset, omnia traheret ad se ipsum. Unde et modo Ecclesia dicit: « Et exaltans caput meum. » Caput nostrum Christus est, qui post resurrectionem suam, die quadagesimo cœlos ascendit.

« Voce mea ad Dominum clamavi, et exaudivit me de monte sancto suo. » Cum, inquit, tribularet, et pœnis gravissimis ab impiis et infidelibus cruciaret, tunc ego voce mea, voce cordis mei, illa voce, quæ in silentio clamat, et cœli secreta penetrat, clamavi ad Dominum, et ipse exaudivit me de monte sancto suo, id est de illo altissimo et clarissimo secretario gloriæ suæ. Cum enim Deus ubique sit, est tamen aliquis locus, ubi gloriam suam clarius, et manifestius revelare dignatur. Possumus autem per hunc montem Christum Dominum intelligere, de quo et a quo sanctorum voces exaudiuntur. Et quid mirum si illos exaudit, pro quibus etiam mortuus est: unde et Apostolus dicit: « Qui tradidit semetipsum pro nobis oblationem et hostiam Deo in odorem suavitatis (*Ephes.* v, 2). » Cujus vox loquentis congrue satis modo introducit.

« Ego dormivi, et somnum cepi, et resurrexi, quoniam Dominus suscepit me. » Brevissime satis in his verbis passionem suam, resurrectionem et ascensionem ostendit. Quomodo, inquit, eorum voces ad me clamantes non exaudirem, pro quibus mori quoque non dubitavi? Hoc est enim, quod ait: « ego dormivi. » Mors Christi dormitio fuit: unde et bene subdidit: « Et somnum cepi. » Cepit quidem; sed non diu dormivit. Et ideo subdidit,

Dominus sua verba dicturus est. « Hæc prænotavimus, quia in progressu psalmorum auctor noster persepe in persona Davidis Christi fortitudinem commendat. Eandem interpretationem habet Cassiodorus in expositione secundi Psalmi.

(395) Differt hæc lectio a Vulgata, quæ in prima parte eadem est in Augustino; scilicet: *Multi insurgunt adversum me*: non in secunda: *Multi dicunt animæ meæ, Non est salus ipsi in Deo ejus*; ita vulgata. Augustinus autem quemadmodum Bruno: *Non est salus illi in Deo ejus*. Ita etiam legit. Cassiodorus.

(396) Susceptor secundum formam dicitur servi: hominis enim susceptio est Verbum caro factum. CAS JODERTS.

dicens: « Et resurrexi. » In eo vero quod addidit: **A** « Quoniam Dominus suscepit me, » post dies non multos, cœlos se ascendisse ostendit. Nunc autem Ecclesiam, quæ loqui cœperat, audiamus.

« Non timebo, inquit, millia populi circumdantis me. » Multi quidem insurgunt adversum me, et valde multiplicati sunt inimici mei, sed ego jam ulterius non timebo, etiam si multa millia post istos me circumdantes insurgant adversum me. Sed dicam, sicut semper in omnibus tribulationibus meis dicere soleo (397).

« Exsurge, Domine, salvum me fac, Deus meus. » Talibus armis viri sancti et religiosi se defendunt, non gladiis, sed orationibus pugnant.

« Quoniam tu percussisti omnes adversantes (398), mihi sine causa. » Non timebo, inquit, quia non est conveniens ut timere debeam. Unde hoc? Quoniam tu percussisti, et quotidie percutis, et tandem in iudicio virga ferrea percuties omnes adversantes mihi. Et hoc merito, quia sine causa mihi adversantur.

« Dentes peccatorum contrivisti. » Dentes peccatorum intelligimus eorum potentiam, eorum scientiam, eorum fortitudinem, eorum argumentationes, et omnia alia quibus se defendere vel alios impugare possunt. Hæc autem contrivit Dominus, quia delitit fidelibus suis os et sapientiam, cui omnes adversarii sui non resistere potuerunt.

« Domini est salus, et super populum tuum benedictio tua. » Insultatio est. Erubescant, inquit, inimici tui, qui mihi quondam dicere solebant: « Non est salus illi in Deo ejus; » sicut modo videre et cognoscere certissime possunt. « Domini est salus. » Hinc vero Ecclesia de inimicorum contritione et sua salute letabunda ad Dominum convertitur, dicens: « Sit salus super populum tuum, » o Domine, quem sic honorasti, cui hæc salutem et victoriam dedisti. « Et benedictio tua » et nunc, et semper per infinita sæcula seculorum. Amen.

305 PSALMUS IV.

PSALMUS DAVID IN FINEM IN CARMINIBUS.

Quid significet psalmus David, in secundo psalmo dictum est. Poterat aliquis intelligere hunc psalmum ad tempora David, et ad Synagagam pertinere, nisi Apostolus dixisset: « Finis enim legis Christus est (Rom. x, 4). » Qui de se ipso loquitur, dicens: « Ego sum alpha, et omega, primus et novissimus, initium, et finis (Apoc. i, 8). » In finem igitur, id est ad tempora Salvatoris nostri ista referantur, et in carmini-

bis et laudibus Ecclesiæ cantentur, ad quam proprie et specialiter pertinere videntur (399)

« Cum invocarem te, exaudisti me, Deus (400) » justitiæ meæ. » Psalmus iste valde disjunctus est et multa indiget continuatione. Ecclesia est quæ loquitur, quæ inde Deo gratias agit, quia in magnis suis tribulationibus eam exaudivit. Magnas autem tribulationes in tempore apostolorum et martyrum sustinuit, et in sæculi consummatione passura est. « Erit enim tunc tribulatio talis, qualis non fuit, neque fiet (Matth. xxiv, 21). » Exaudisti, inquit, me modo, non meis meritis, neque mea justitia, quia si qua justitia est in me, non mea, sed tua est. Tu autem es Deus, et Dominus, creator et dator justitiæ meæ.

« In tribulatione dilatasti me. » Plus enim in tribulationibus et adversitatibus quam in prosperitatibus sancta Ecclesia dilatata est (401). Cujus quidem termini sunt a solis ortu et occasu, ab aquilone et mari. Modo tamen et in Africa, et in multis alijs mundi partibus defecisse videtur, in quibus quondam satis gloriosa erat.

« Miserere mihi, Domine, et exaudi orationem meam. » Ecce docet nos mater nostra sancta Ecclesia, quomodo ipsa Deum invocavit, et quomodo nos invocare debeamus. Sufficit nobis ista oratio in omnibus petitionibus nostris. Si infirmitas, si terræ sterilitas, si sæviens adversarius, si persecutio aliena supervenerit, dicamus: « Miserere mihi, Domine, et exaudi orationem meam, » et sufficit nobis, cui etiam Dominus miseretur, et qui in suis petitionibus a Domino exauditur, quid amplius querit

« Filii hominum, usquequo gravi corde? » Non suam solummodo, sed aliorum quoque salutem querit Ecclesia. Ecce enim in suis tribulationibus exaudita ad ipsos suos convertitur inimicos, ad fidem, et ad beatitudinem eos invitans. Filii hominum illi sunt, qui unam solummodo generationem habent, et qui nondum ex aqua et Spiritu sancto regenerati Deum Patrem habere meruerunt. Tales autem sunt graves corde, dura et lapidea corda habentes, in quibus veræ fidei et cœlestis disciplinæ scribi et contineri verba non possunt. Sicut autem levia sursum, ita et gravia deorsum trahunt. Timeant ergo graves corde, ne sua duriitia et gravitate ad inferna trahantur.

« Ut quid diligitis vanitatem, (402) qui queritis mendacium? » Illi enim vanitatem diligunt et

(397) Etiam S. Aug. postquam Prophetam hoc in psalmo de Christo locutum fuisse exposuerit, de ecclesiæ simul, ejus Christus caput est, hostibus, et futuris persecutoribus vaticinium protulisse asserit, a quibus liberanda et salvanda erat.

(398) Adversantes autem, non solum ad mortem pertinet, sed etiam ad hæreticas questiones, qui sine veritatis studio catholicas regulas pravis dogmatibus insequuntur. Et merito tales cæcitate mentis percutiuntur, qui se perversis desideriis miscuerunt. Cassiodorus.

(399) Hujusce tituli interpretatio ex Ven. Beda est, sicuti psalmi expositio, in quo alloquens Deo Ecclesia inducitur. Idem sensit Cassiodorus, tam in expositione tituli quam psalmi.

(400) Eadem lectio est apud Cassiodorum.

(401) « Tribulatio est enim, quæ dilatat semper Ecclesiam, quando eodem tempore confessores fiunt, martyres coronantur, totaque turba justorum, contritionibus semper augetur. » Cassiod.

(402) Cod. Ghis. et queritis.

mendacium querunt, qui vel falsos deos adorant, vel in mundi hujus divitiis spem suam ponunt. Unde et Apostolus divites admonet (*1 Tim. vi, 17*), non superbe sapere, nec sperare in incerto divitiarum.

« Scitote quoniam magnificavit Dominus Sanctum suum. » Hoc autem tale est ac si diceret : Filii hominum, relinquit deos falsos, relinquit idola et vanitates, credite in Christum Filium Dei, et salvi eritis. Et hoc scitote, et nullatenus dubitetis quia magnificavit Dominus sanctum suum, Christum videlicet, Filium suum, qui ideo quidem sua sponte mortuus est, ut a morte perpetua nos liberaret. Quomodo autem secundum humanitatem Christum Dominus magnificatus sit, ipsemet ostendit, cum dicit : « Data est mihi omnis potestas in cœlo et in terra (*Matth. xxviii, 18*). » Et quasi illi jam creduli dicerent : Peccatores sumus, idola coluimus, sanctorum sanguinem fudimus, et multa millia peccata commisimus, non suscipiet nos; confortat eos piissima mater nostra sancta Ecclesia. Nolite, inquit, timere, ego clamabo, et orabo pro vobis.

« Et Dominus exaudiet me cum clamavero ad eum, Irascimini ergo, et nolite peccare (403). » Hoc autem non diceretur nisi irasci aliquando bonum esset. Si enim odium aliquando bonum est, quare et ira aliquando bona non sit? Audi ergo quod Dominus ait : « Qui non odit patrem et matrem, et uxorem, et filios, adhuc autem et animam suam, non potest meus esse discipulus (*Matth. xiv, 26*). » Et certe omnia hæc, quæ utique amanda sunt, si ad peccata nos trahere et a Deo separare voluerint, odienda sunt. Talibus igitur et taliter irasci non est peccatum, ideoque 306 subdit : « Et nolite peccare. » Irascimini, inquit, præteritæ vestræ conversationi, irascimini vitis et peccatis. Taliter illi irati erant, quibus Apostolus dicebat : « Quem ergo fructum habuistis tunc in illis in quibus nunc erubescitis (*Rom. vi, 21*). » Et nolite amplius peccare, sicut prius peccare soliti fuistis. (404) Sed sunt quædam peccata, et ipsa quidem maxima, a quibus facile abstinere possumus. Quare est illud de quo Dominus ait : « Israel, si me audieris, non erit in te dens recens, neque adorabis deum alienum (*Psal. lxxxv, 10*). »

« Quæ dicitis in cordibus vestris, et in cubilibus vestris compungimini. » Cubilia cogitationum corda nostra sunt, ibi oriuntur, ibi quiescunt, ibi fructificant fructum, si bonæ sunt, et malum si malæ sunt. Hinc est enim quod Dominus ait : « Ex corde exeunt cogitationes malæ, furta, homicidia, perjury et falsa testimonia, et similia, quæ coinquinant hominem (*Matth. xv, 18*). » De his compungimini, de his poenitentiam agant, has in ipso initio succidite, et eas ad effectum perducere nolite. Postea vero facite quod sequitur :

« Sacrificate sacrificium justitiæ. » Quod si feceri-

tis confidenter. « Sperate in Domino. » Quid? ea bona suscipere, quæ nec oculus vidit, nec auris audivit, nec in cor hominis ascendit, quæ præparavit Deus et vobis, et omnibus diligentibus se (*1 Cor. ii, 9*; *Isa. lxxiv, 4*). » Sacrificium justitiæ facit, qui seipsum pro peccatis suis judicat et affligit. Hinc est enim quod Apostolus ait : « Si nos ipsos judicaremus, non utique judicaremur (*1 Cor. xi, 21*). » Quod autem carnis afflictio sacrificium sit, audi eundem Apostolum dicentem : « Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum (*Rom. xii, 1*). »

« Multi dicunt : Quis ostendit nobis bona? » Ego, inquit, dixi vobis, sperate in Domino, et quid sperare debeatis ostendi; sed sunt multi qui spem non habent, et in suis cogitationibus dicunt, Quis ostendit nobis illa bona? Quis inde certus nuntius venit? (405) Quomodo sperare, vel credere possumus? Miseri, qui ista dicunt; quoniam hæc verba desperatione plena sunt. Sed tamen qui sunt isti, qui tam impie loquuntur? nisi illi, qui « a fructu frumenti, et vini et olei sui multiplicati sunt. » Per hanc autem tria, quibus humana necessitas maxime sustentatur, omnia bona hujus mundi caducæ et transitoria significantur. Qui vero in talibus spem suam posuerunt, æterna bona sperare non possunt. Talis erat ille de quo in Evangelio dicitur, qui cellaria sua destruere et majora construere cogitabat, qui lætambundus animæ suæ dicebat : « Habes multa bona tibi præparata in annos multos, gaude igitur et epulare (*Luc. xii, 19*); » cui a Domino responsum est. « Stulte, hac nocte anima tua rapietur a te; quæ autem parasti, cujus erunt? » (*Ibid., 20*). Et unde est, quod Apostolus præcipit non sperare in incerto divitiarum (*1 Tim. vi, 17*). Inde est etiam quod dicit divites non posse intrare in regnum Dei. Nunc audiamus quid boni quoque dicant et sentiant.

« Signatum est, inquit, super nos lumen vultus tui, Domine. » Hoc autem tale est ac si diceret : Signo Christi signati sumus, in ejus militia connumerati, ejus doctrina illuminati, in ipso speramus, et quæcunque nobis promisit firmissime expectamus. Hoc signo legimus in Apocalypsi (c. vii) de omni turba filiorum Israel duodecim millia esse signatos, per quos videlicet tota Ecclesia omnisque fidelium multitudo significatur : est illud signum, quod Propheta vocavit *thau* (*Ezech. ix, 4*), quo quicumque signatus non fuerit in judicio peribit. Bene autem hoc signum lumen vocatur, quoniam qui hoc signum non habet, cæcus est, et in tenebris ambulat : voluntas autem in vultu cognoscitur, unde et a vultu voluntas dicitur. Quid est igitur lumen vultus tui, nisi lumen voluntatis tuæ? Ille enim lumen et hoc signum secundum voluntatem tuam, et tibi factum

(403) Mazochius in Spicil. Bibl. I, n. p. 177, censet locum posse ita interpungi. « Irascimini? at nolite peccare. Si quando vos iratos senseritis, non ad injuriam sive re, sive verbis prorumpatis. »

(404) Cod. Chisianus : Non peccare enim impossibile est; sed.

(405) Cod. Chis. : Quomodo hæc sperare.

est patibulum mortis et nobis factum est causa salutis; sequitur :

« Deditisti lætitiā in corde meo. » Vox Ecclesiæ est quæ de hac sanctorum responsione lætitiā se habere significat.

« In pace in idipsum dormiam, et requiescam, quoniam tu, Domine, singulariter in spe constituisti me. » Illi, inquit, qui desperantes dicunt : « Quis ostendit nobis bona ? » neque pacem, neque quietem habebunt : ego vero in idipsum, id est pariter, et simul cum omnibus filiis meis dormiam, et requiescam in æterna pace (406). Et hoc dico, quia tu, Domine, singulariter in spe constituisti me, id est me solum, et singularem hanc tam immensam tuæ beatitudinis spem habere donasti.

PSALMUS V.

307 IN FINEM PRO EA QUÆ HÆREDITATEM CONSEQUITUR PSALMUS DAVID.

Quid significet in finem, modo superius diximus : similiter autem quomodo intelligatur psalmus David, in secundo psalmo exposuimus. Ea vero, quæ hæreditatem consequitur sancta Ecclesia est; unde Apostolus : Hæredes quidem Dei, cohæredes autem Christi (Rom. xvi, 17) nos esse dicit. Hanc hæreditatem perdidit Synagoga, quæ de Salvatore nostro ad se veniente, ait : « Hic est hæres, venite, occidamus eum, et nostra erit hæreditas (Marc. xii, 7). » Hujus autem hæreditatis testamentum in illo psalmo ei datum est, in quo dicitur : « Disposui testamentum electis meis (407). »

« Verba mea auribus percipe, Domine; intellige clamorem meum. Intende voci orationis meæ, rex meus et Deus meus. » Ecclesia loquitur, quæ pro Synagoga in hæreditatem successit. Docet autem nos, quam instantèr, perseveranter, quam violentèr orare debeamus, in eo quod ipsum toties repetit. Unde in Evangelio dicitur, quia « Regnum cælorum vim patitur, et violenti diripiunt illud (Matth. xi, 12). » Hanc autem violentiam ipse Dominus nos facere jubet, dum ait : « Petite, et accipietis, quærite, et invenietis, pulsate, et aperietur vobis (Matth. vii, 6). » Dicit autem et similitudinem de illo, qui petebat ab amico suo tres panes, cum ille dare noluisset, et ipse per totam noctem petitionibus instaret, propter violentiam tandem illius et importunitatem surrexit, et dedit illi quotquot habebat necessarios. Bonæ autem petitiones, non tantum voce quantum affectu, et desiderio fiunt; secundum illud : « Desiderium pauperum exaudiet Dominus (Psalm. x, 16). »

« Quoniam ad te orabo, Domine, mane exaudies vocem meam. » Mane igitur oret qui exaudiri desiderat. Quid est igitur quod hic idem propheta alibi

(406) *Dormiam*, « finem vitæ vult intelligi *Requiescam*, futuram beatitudinem indicare monstratur, quando jam requies dabitur sanctis et gloriosa pausat. » Cassiod.

(407) Eandem interpretationem habet D. Augusti-

ait : « Media nocte surgebam ad confitendum tibi (Psalm. cxviii, 62); » et illud : « In noctibus extollite manus vestras in sancta (Psalm. cxxxiii, 3).. » E certe nullo tempore attentius et quietius, quam in nocte viri religiosi orare possunt. Mane igitur orare tale est ac si diceret : Si vis a Domino exaudiri, mane ora, fuge noctem, fuge opera tenebrarum, pelle vitia et peccata. Audi Apostolum dicentem : « Filii lucis et diei sumus, non noctis et tenebrarum (Thess. v, 5). » Et alibi : « Fuistis aliquando tenebræ, nunc autem lux in Domino (Ephes. v, 10). » Talis igitur nox, talesque tenebræ prius relinquendæ sunt, et tunc orandum. De his autem tenebris exit homo, et ad mane venit, statim ut pœnitentiam agere incipit. Sicut enim mane finis est noctis, et initium diei; ita et pœnitentia finis est peccati, et initium sanctitatis et religionis.

« Mane astabo tibi. » Quia, inquit, nos exaudire non vis, nisi mane, quam citius potero noctis tenebras relinquam, et ad mane festinabo. Et tunc astabo tibi, quasi famulus ad serviendum paratus. « Et videbo, quoniam non volens Deus iniquitatem tu es. » Hæc igitur erat causa quare in nocte non exaudiebas, quoniam qui in nocte sunt, in iniquitate sunt.

« Non habitavit iuxta te malignus, neque permanent ibi iniusti ante oculos tuos. » Tales enim in iudicio audituri sunt; tollantur impii, ne videant gloriam Dei (Isa. xxvi, 10). Quotiescunque ista dicimus, de illis solummodo peccatoribus intelligimus qui in peccatis perseverantes ad pœnitentiam redire nolunt. De quibus et Apostolus ait : « Secundum duritiam tuam et cor impœnitens thesaurizas tibi iram in die iræ et revelationis iusti iudicii Dei, qui reddet unicuique secundum opera sua (Rom. ii, 5). » Unde et subditur :

« Olisti, Domine, omnes qui operantur iniquitatem, perdes omnes qui loquuntur mendacium. » Non dixit, qui operati sunt, vel qui locuti sunt, sed præsens tempus posuit, ut perseverantiam significaret : Qui enim in talibus perseverant, odio digni sunt et perditione. Et quamvis omne mendacium peccatum sit, de hæreticis tamen hoc maxime intelligere debemus, et de omnibus aliis qui, causa decipiendi alios, mentiuntur (408). Hoc etiam et sequentia significare videntur.

« Virum sanguinum et dolosum abominabitur Dominus. » Vir sanguinarius omnis homicida dici potest. Sed quia subdidit, et dolosum, de hæreticis hoc intelligendum est, qui per dolos et deceptionem animas hominum interficiunt. Et certe multo periculosior est mors animæ quam hæretici interficiunt, quam sit mors corporis, quam cæteris homicidiæ faciunt, quoniam illa æterna est, hæc autem temporalis; illa separat animam a Deo, ista solummodo a

nus, qui Ecclesiæ promissam Dei hæreditatem probat. Eandem etiam Cassiod.

(408) Hanc, et sequentem interpretationem agit Cassiodorus; qui gravius ait peccare hæreticos alios fallentes, quam a mandatis solummodo deficientes.

corpore dividit. Merito igitur talis homo abominatur a Deo, qui omni fera crudelior est.

« Ego autem in multitudine misericordie tue in-
« troibo, Domine, in domum tuam. » Ecce modo con-
sequitur Ecclesia hereditatem, sicut in titulo hujus
psalmi de ea scriptum **308** est. Domum namque
Dei, quam se introire confidit, celestem patriam,
et terram viventium intelligimus; in quam videlicet
domini non ex suis meritis, sed in multa Dei mise-
ricordia se introire dicit: « Qui proprio Filio non
pepercit, sed pro nobis omnibus tradidit illum (Rom.
viii, 32). »

« Adorabo ad templum sanctum tuum in timore
« tuo. » Templum Dei Christi humanitas est, in qua
habitat omnis plenitudo divinitatis corporaliter
(Col. ii, 9). Hanc autem adorare debemus, sicut in
alio psalmo nobis precipitur: « Exaltate Dominum
Deum nostrum, et adorare scabellum (409) pedum
ejus, quoniam sanctum est (Psalm. xciii, 5). » — « Cœ-
lum mihi sedes est, dicit Dominus, terra autem
scabellum pedum meorum (Isa. lxxvi, 1). » Si enim
terra scabellum Dei est, et scabellum Dei adorare
debemus, ergo et terram adorare debemus. Nulla
autem alia terra est, quæ adoranda sit, nisi hæc
sola, quam Verbum Dei sibi conjunxit, id est Christi
humanitas, quæ hoc in loco templum Dei vocatur.
Hanc adorant sancti quanto tempore in hac vita
sunt, et hanc adorant, quando ibi sunt. Et quidem
in timore Dei, quia sic eam timent, et adorant, sicut
ipsum Patrem et Deum.

« Dedec me, Domine, in tua justitia. » Ego, inquit
Ecclesia, ad suscipiendam hereditatem festino, sed
dum in hac vita sum, tua maxime protectione indigeo.
Unde multum te rogo ut in tua justitia me dede-
cas, et ab ea justitia me declinare non permittas.
Ecce enim inimici mei maligni spiritus, Judæi, hæ-
retici, et tyranni omnibus modis iter meum impedire
nituntur. « Tu vero propter inimicos meos, » ne a
recto itinere me separare valeant, « dirige in con-
spectu tuo viam meam. »

« Quoniam non est in ore eorum veritas, cor eo-
rum vanum est. » Ideo, inquit, timendi sunt, quia
cum mendacio et deceptione omnia faciunt, utpote
in quibus veritas non est, et quorum cor omni bo-
nitate vacuum est.

« Sepulcrum patens est guttur eorum. » Sepul-
crum quando clausum est non fetet, apertum vero
sui fetoris plenitudinem manifestat. Tales enim sunt
hæretici, qui utinam semper tacuissent, et nunquam
fectoribus suæ hæresis alios violassent. Sed sicut se-
quitur semper « linguis suis dolose agunt, » et sim-
plicium animas occidunt, et glutinunt. « Judica illos,
« Deus. » Jam quasi sionachata loquitur, et quia eos
sustinere non valet, judicium, et damnationem eis
imprecatur.

« Decidant a cogitationibus suis. » Ecce iterum
compatiendo loquitur, et magis illorum vitam quam
mortem affectat. « Judica, » inquit, « illos Deus, » nisi
(409) Cod. Ghisian. pedum meorum.

« decidant a cogitationibus suis, » quibus fideles tuos
se subvertere posse confidunt. « Et secundum mul-
« titudinem impietatum eorum expelle eos. » Unde,
et quo? Ab Ecclesia tua in ignem æternum: hoc
enim sequitur post judicium. Et hoc merito, « quo-
« niam exacerbaverunt te, Domine. » Noli enim ita
Dominum exacerbant, et ad iracundiam provocant,
sicut hæretici, quia nulli tantum Ecclesie nocent.
Tyranni enim in corpora, hæretici vero in animas
sæviunt.

« Et lætentur omnes qui sperant in te. » Læti læti-
tia spirituali, et æterna; et hoc est illud quod se-
quitur. « In æternum exsultabunt, et habitabis in
« eis. » Quæ enim lætitia tam magna quam deside-
rium, et amorem suum ante oculos semper habere?

« Et gloriabuntur in te omnes qui diligunt nomen
« tuum. » — « Qui gloriatur, » inquit Apostolus, « in
Domino gloriatur (II Cor. x, 17). » Aliam gloriam
nesciunt sancti, quia nihil se, nisi a Deo habere sciunt,
in quo debeant gloriari. Unde et alibi dicunt: « In
Domino faciemus virtutem (Psalm. lxxix, 14). » Nam et
ipse Dominus de se ipso ait: « Si ego glorifico me
ipsum, gloria mea nihil est (Joan. viii, 54). » Hoc
videlicet significans, quia ipsa suæ humanitatis gloria
ad divinitatem referenda erat.

« Quoniam tu, Domine, benedices justo, et scito
« bonæ voluntatis coronasti nos. » Merito, inquit, Do-
mine, sancti tui in te lætantur, qui tantam a te retri-
butionem expectant. Sciunt enim, quoniam benedi-
ces eos illa desiderabili et diu expectata benedi-
ctione, qua eos benedicturus es in judicio, dicens:
« Venite, benedicti Patris mei, percipite regnum
quod vobis paratum est ab origine mundi (Matth. xxv,
34). » — « Domine, ut scito bonæ voluntatis tuæ coro-
« nasti nos. » In te, inquit sancti, totaque Eccle-
sia lætari, Domine, et gloriari debemus, quoniam
ecce sumus quod sumus, in te inimicos superamus,
et a te modo coronati sumus. Tuæ bonæ voluntatis
protectione, et defensione, quasi scuto forti, et insur-
perabili muniti semper, atque defensi.

309 PSALMUS VI.

IN FINEM IN CARMINIBUS PRO OCTAVA, PSALMUS DAVID.

Quid significet « in finem, » et « in carminibus, » et
« Psalmus David, » jam superius exposuimus. Quia igitur
in multis psalmis hic unus titulus est, una nobis
expositio sufficiat. Quod autem ait « pro octava »
ad diem ultimæ resurrectionis refertur. Illa enim
dies, quæ prima est, ipsa est et octava, quæ dies
Dominicus vocatur, in qua Christus Dominus a mor-
tuis resurrexit. De qua die alibi dicitur: « Hæc est
dies, quam fecit Dominus; exsultemus et lætemur
in ea (Psalm. cxviii, 14). » Hæc enim die creavit Deus
cælum, et terram, et lucem a tenebris separavit;
hæc die, ut modo diximus, resurrexit; hæc die Spiritum
sanctum discipulis dedit; hæc die mundum in
justitia et æquitate judicans, unicuique dabit secundum
opera sua.

« Domine, ne in ira tua corripias me, neque in

« furore tuo corripas me. » Istæ affectiones in Deo A non sunt, in eo tamen esse videntur, quando ea facit, quæ illi facere solent, in quibus sunt. Semper autem sancta Ecclesia memor est illius octavæ, semperque hunc psalmum cantat in memoriam illius dei. Rogat igitur Dominum, ut paternâ pietate, et misericordia eam corripiat, et non ira, et furore, sicut illos, quos in illa die octava tam dura, terribilique sententia judicaturus, et damnaturus est (410).

« Miserere mihi Domine quoniam infirmus sum. » De animæ infirmitate loquitur, quæ major est, quam infirmitas corporis. Hoc enim sequentia manifestant, dum dicit : « Et anima mea turbata est valde. » Quoties enim homo peccat, toties anima infirmatur. Et quoties ad penitentiam redit, toties ab infirmitate convalescit. « Sana me Domine, quoniam conturbata sunt omnia ossa mea. » Suis ossibus sustentatur corpus, quæ si defecerint, stare non potest. Similiter autem et anima suis ossibus sustentatur, et portatur, quæ si conturbata fuerint, miserabiliter ruit. Sed quæ sunt ossa animæ? Primum quidem fides, spes, et charitas, deinde ratio, sapientia, memoria, et intellectus, postea vero cæteræ virtutes. Hæ vero infirmantur in anima, quando aliquod magnum peccatum homo committit. Pro his enim, qui majora peccata commiserunt, modo quidem sancta Ecclesia orare videtur, dum non unum, vel duo, sed omnia ossa, et totam animam valde conturbatam esse dicit. Quamvis enim pro omnibus orandum sit, pro his tamen maxime hoc faciendum est, qui majori detinentur infirmitate.

« Et tu Domine usquequo? » Usquequo, inquit, o Domine, differs medicinam, et non subvenis animæ, tanta, et tam gravi infirmitate laboranti? « Convertere, et eripe animam meam. » Quandiu in peccatis homo perseverat, iratus et adversus est ei Deus. Si autem ad penitentiam convertiatur, statim placeatur, et penitentiam respicere dignatur. « Salva me fac, » non meis meritis, quia merita nulla sunt, sed « propter misericordiam tuam. » Salva me, inquit, et sana animam meam, ne infirmitas ista me ad mortem, et ad inferos trahat, et mergat. Hoc enim illis contingit, qui usque ad mortem in peccatis perseverant, et penitentiam recipere negligunt. Tales enim nulla venia digni sunt, et nihil est, quod eis ulterius subvenire possit. Unde et subditur :

« Quoniam non est in morte qui memor sit tui; « in inferno autem quis confitebitur tibi? » Apparet igitur eos per omnia esse damnatos, qui neque Dei memoriam habent, neque suorum peccatorum veniam querunt; et ne mihi quoque dicit Ecclesia, similia contingerent, feci quod sequitur :

« Laboravi in gemitu meo, lavabo per singulas « noctes lectum meum, lacrymis meis stratum meum

« rigabo. » Illis autem verbis aperissime docet, quid illis agendum sit, qui magna peccata commiserunt. Laboravi, inquit, et in omnibus modis operam dedi, ut ea quæ commiseram peccata delerentur; neque vero adhuc cessabo; sed per singulas noctes lectum meum lavabo, et lacrymis stratum meum rigabo. Per lectum, et stratum corda nostra intelligere debemus, in quibus peccata et oriuntur, et continentur. Unde et Dominus in Evangelio ait : « Ex corde exeunt cogitationes malæ, furia, homicidia, perjuria, falsa testimonia, et similia, quæ co- inquinant hominem (Matth. xv, 19). » (411) Lavandus est igitur ille lectus, qui his sordibus coquinatur. Quod nimirum faciebat ille, qui dicebat : « Cor mundum crea in me, Deus (Psalm. L, 41). » Unde et Salomon ait : « Omni custodia serva cor tuum (Prov. iv, 23). » Hoc autem et publicanus ille intelligens pectus suum percutiebat, quoniam in illo lecto sui pectoris peccata, quæ commiserat, esse sciebat. Sed quid est per singulas noctes lectum suum lavare, 310 nisi pro unoquoque peccato jejuniis, et orationibus, præcipueque lacrymarum inundatione satisfactioni, et penitentiae operam dare? Noctes autem dicuntur peccata, quæ et in tenebris sunt, et ad tenebras omnia trahunt. Unde et Dominus ait : « Omnis qui male agit, lucem fugit (Joan. iii, 9). » Et Joannes apostolus : « Qui odit fratrem suum in tenebris manet, et nescit quo vadat, quia tenebræ excecaverunt oculos ejus (I Joan. ii, 11). » Per tenebras videlicet peccata significans.

C « Turbatus est præ ira oculus meus. » Iste est ille oculus, de quo in Evangelio Dominus ait : « Si oculus tuus fuerit simplex, totum corpus tuum lucidum erit; quod si nequam fuerit, etiam corpus tuum tenebrosum erit (Luc. xi, 34). » Quid est igitur iste oculus, nisi catholicus intellectus? Hunc igitur oculum sancta mater Ecclesia sibi propter iram turbatum esse dicit. Bona ira, qua talis oculus conturbatur, bona conturbatio, de qua sancta Ecclesia gloriatur. De hac ira in alio psalmo dicitur : « Irascimini et nolite peccare (Psalm. iv, 5). » Irascitur igitur, et turbatur Ecclesiæ oculus, id est catholicus intellectus contra inimicos suos, per quos Judæos, hæreticos, tyrannos, et malignos spiritus intelligimus, qui eam a veritate separare, et ad suæ pravitatis errorem trahere conantur. Et non mirum si irascantur; quoniam non paucis diebus, sed longo jam tempore scandalum deceptionis, et hanc malæ persuasionis persecutionem ab eis passa est. Unde et subditur : « Inveteravi inter omnes inimicos meos. » Jam quasi dicat, eos me audire tædet, et eorum errores audire fastidio. Unde et valde convenienter subdidit, dicens :

« Discedite a me omnes, qui operamini iniquita-

(410) « Petit ergo, ut ante iudicium, non in iudicio corripatur; quia qui ibi arguitur, sine dubitatione damnatur. Et mente condendum est, quod dies iudicii timore magnitudinis suæ ira, et furor vocatur. » CASSIOD.

(411) « Lectus est hoc loco appellatus ubi requiescit animus zeger, et infirmus, id est in voluptate corporis, et in omni delectatione sæculari; quam delectationem lacrymis lavat, qui sese ab illa conatur extrahere. » AUGUST. Enar. in Ps.

« tem. » Quoniam nihil jam vobiscum habeo. « Nulla conventio Christi ad Belial, nulla pars fidei, » dicit Apostolus, « cum infideli (II Cor. vi, 15). » « Quo-
niam exaudivit Dominus vocem fletus mei. » Hoc est enim quod superius ait : « Lacrymis meis stratum meum rigabo. » Sed nondum quod ait : « vocem fletus mei. » Altius enim sonat, et clarius a Domino auditur vox lacrymarum, quam linguae et oris. Et inde est quod alibi dicitur. « Non taceat pupula oculi tui (Thren. ii, 18). »

« Exaudivit Dominus deprecationem meam, Domine minus orationem meam suscepit. » Quando unum idem toties repetitur, ideo fit ut constantius, firmitusque credatur.

« Erubescant, et conturbentur omnes inimici mei, » avertantur retrorsum, et erubescant valde velociter. « Hæc verba et in bonam, et in malam partem accipi possunt. Et sicut in superiori, ita et in hoc versu idem sæpius repetitur. Videtur mihi tamen quod sancta Ecclesia magis conversionem inimicorum, quam eorum mortem desideret. Potest igitur ad bonam partem sic intelligi : « Erubescant, » quia contra veritatem pugnaverunt ; « et conturbentur, » contra seipsos, erroresque suos. « Avertantur retrorsum » a falsitate quam sequuntur, et ad veritatem redeant quam destruere nituntur. « Et erubescant valde velociter. » Tempus enim breve est, iudicium instat ; qui dedit hodiernam diem, non promisit dubium cras, « novissima hora est (I Joan. ii, 18). » « Nos sumus in quos fines sæculorum devenerunt (I Cor. x, 11). » — « Vigilate itaque, quia nescitis diem neque horam (Matth. iv, 42). »

PSALMUS VII.

PSALMUS DAVID QUEN CANTAVIT DOMINO PRO VERBIS CHUSI FILII JEMINI.

Semei, filius Jera, David regi maledixisse legitur (II Reg. xvi, 6), cum fugeret a facie filii sui Absalon, pro cuius verbis iste psalmus factus esse putatur. Mutato itaque nomine vocatur Chusi, ideo fortasse quia Semei bonam, Chusi vero malam habet interpretationem. Interpretatur autem Chusi *Æthiops* : Semei autem *audiens Dominum* ; Jemini autem *dextera* interpretatur. Et merito quidem Chusi vocatur, ut mente et corpore fedus fuisse credatur, qui tanto regi, et prophetæ maledicere non dubitavit. Dicitur autem fuisse filius Jemini, ut hoc ei oppositum fiat, quod tam nequam de bono patre genitus sit (412).

« Domine Deus meus in te speravi, libera me ab omnibus persequentibus me, et libera me. » Hæc vox ipsius Prophetæ est, et aliorum omnium, qui

(412) Aliter interpretatur hunc titulum ; Isid. clarior.

(413) Supponit S. Bruno satis notam historiam Semei filii Gera de cognatione domus Saul, qui partes Absalonis secutus, rebellis et hostis factus est David. Hic autem improperavit ipsi regi David, quod Absalonis sanguinem effuderit, regnumque, eo interfecto, invaserit. Falsum hoc ait commentator noster ex eadem sacra Scriptura II. Reg. xvi, ex qua

A ejusdem perfectionis sunt. Isti autem in solo Deo spem habentes omnes suos persecutores et inimicos vicerunt, et contempserunt. Quamvis enim aliquando occiderunt, victores tamen erant, quoniam a sua fidei stabilitate nullo tormentorum genere divelli poterant. Et hanc quidem fortitudinem non suis viribus imputabant, sed soli Deo, qui nunquam deserit sperantes in se.

« Nequando rapiat ut leo animam meam, dum non est qui redimat, neque qui salvum faciat. » Inimicus noster diabolus, sicut scriptum est, « tanquam leo rugiens, circuit querens quem devoret (I Petr. iii, 8) ; » cujus dentes, et insidias illi soli effugere poterunt, qui in Domino sperantes, ab ipso et liberati, et salvati sunt. Unde iste prius dixit : « Domine Deus meus, in te speravi. » Deinde vero suæ spei retributionem querens subdidit, dicens : « Libera me, et eripe me, » 311 « Domine Deus meus, si feci istud ? » Quod iste Chusi niger, et *Æthiops*, et veritatis inimicus mihi improperat, hoc est. « Si est hæc iniquitas in manibus meis, » quam ipse dicit, et « si ego reddidi retribuentibus mihi mala, » sicut ipse mentitur, « decidam merito, » id est sicut dignum et justum est, « ab inimicis meis inanis. » Hæc autem sunt verba Semei, quem ipse David mutato nomine non immerito vocat Chusi. « Egrederere, egredere, vir sanguinum, et vir Belial ; reddidit tibi Dominus universum sanguinem domus Saul, quoniam invasisti regnum pro eo (II Reg. xvi, 7). » (413) Hoc autem falsum esse omnes cognoscunt quicumque Regum historias legunt, et intelligunt. *Inanis* autem intelligi potest, qui virtute et fortitudine, omnique virtute vacuus est. Unde hæc talis imprecatio dura valde esse videtur, quam utique David non fecisset, nisi veritatem dicere certissime sciret : sequitur adhuc de ipsa eadem imprecatione :

« Persequatur inimicus animam meam, et comprehendat eam, et conculcet in terram vitam meam, et gloriam meam in pulverem deducat. » In illum videlicet pulverem, de quo in Psalmo dicit : « Quem projecit ventus a facie terræ (Psalm. i, 4). » Per quem impii, et peccatores intelliguntur, quibus quicumque associatus fuerit, nullam omnino gloriam habebit. Vita vero illius in terra a diabolo conculcatur, qui, ejus iniquis persuasionibus superatus, sola terrena et transitoria querit. Sequitur :

« Exsurge, Domine, in ira tua, et exaltare in finibus inimicorum tuorum. » Ostende, inquit, iram, et indignationem tuam, ostende patientiam, et fortitudinem tuam in terra inimicorum tuorum. Jam tunc videbat propheta, et per Spiritum sanctum in-

hujusmodi Semei, vel Chusi improperium, aut execratio habetur. Cum autem propheta Deum deprecans in sui adiutorium, de se loquatur, ait inimicis sibi infestis, et ad mortem persequentibus mala non retribuisset ; ac proinde sperabat nunquam sibi defuturum divinum auxilium. S. Augustinus hoc in loco docet, hæc a quacunque anima perfecta, quæ suis inimicis beneficiat, usurpari posse.

telligebat, quando ista scribebat, quid illa maledictio significabat, quam contra ipsum Chusi faciebat. Hæc est enim illa maledictio, de qua ipse Dominus ait : « Maledicent illi, et tu benedices (Psalm. cvm, 48). » Ergo Semei maledicendo David Judæorum populum significabat, qui hanc maledictionem contra Dominum, et Salvatorem nostrum facturus erat, quasi qui regnum Patris invasisset, et se falso Dei Filium esse dixisset, contra quos Apostolus loquitur, dicens : « Non rapinam arbitratus est esse se æqualem Deo (Phil. ii, 6). » Isti sunt igitur illi inimici, de quibus modo Propheta ait : « Exsurge, Domine, in ira tua, et exaltare in finibus inimicorum tuorum. »

« Exsurge, Domine Deus, in præcepto quod mandasti. » Præcepit Dominus filiis Israel, ut inimicos suos interficerent, et usque ad interfectionem omnes delerent. Rogat igitur, secundum hoc præceptum, ipso quoque inimicis suis faciat, et populum illum ingratum, impium, et proditorem occidat, et disperdat, et gentium populum qui melior est in hereditatem sibi associet. Hoc est enim quod sequitur : « Et synagoga populorum circumdabit te. » Synagoga populorum gentium populus est, qui prius quidem in tenebris sedebat : nunc vero Christi lumine illustrata eum sicut regem et Dominum circumdat, colit, et veneratur.

« Et propter hoc in altum regredere. » Propter hanc enim Dominus, et Salvator noster et passus est, resurrexit, et coelos ascendit : quia nihil horum fecisset, nisi Ecclesiam dilexisset. Ascendit igitur, ut eam traheret ad seipsum, sicut ipse alibi ait : « Cum exaltatus fuero a terra, omnia traham ad me ipsum (Joan. xii, 32). » — « Domine judica populos. » Non ulterius habeant, inquit, illum judicem, et regem, quem habere solebant ; sed tu prorsus judica, qui es justus iudex, qui omnia judicas in æquitate. « Judeica me Domine. » Tu, inquit, me judica, qui mei cordis secreta cognoscis, et fac alios intelligere, quia non sum talis, qualem Chusi me esse dicebat. Hoc autem fiet in iudicio, quando hujus viri beatissimi puritas, et innocentia, et ipsi Sauli, et cunctis aliis revelabitur. Judica igitur, sed quomodo ?

« Secundum justitiam meam et secundum innocentiam manuum mearum super me. » Felix conscientia, quæ tale tibi de seipso testimonium reddit. Sed quare dixit : « super me. » Si enim manus nostræ, per quas videlicet ossa manuumstrarum nostrarum intelligimus innocentes sunt, super nos utique sunt. Major est igitur innocentia nostra, quam nos ipsi, quia sine innocentia miseri sumus ; felices vero, si eam habeamus.

« Consumetur nequitia peccatorum, et dirige justum, scrutans corda et renes Deus. » Hoc autem sic potest intelligi, ut ipse David specialiter de se ipso loquatur, ut nequitia peccatorum, qui simul cum filio suo Absalon eum tunc temporis persequabantur, consumetur, et cito finiatur. Et ipse qui ju- (414) Eadem lectio apud Cassiodorum.

stus est, et innocens est, ad regni sui gubernacula dirigatur. Quod autem ait : « scrutans corda, et renes Deus. » Tale est ac si diceret : tu omnia vides, te nihil latet, te ea quæ dico vera esse cognoscis ; et renes, et corda scrutatur Deus, quia quid in corde habeamus, et quid in renibus, ubi luxuria dominatur, ipse intelligit.

« Justum adjutorium a Domino, qui salvos facit rectos corde. » Hæc autem dicit 312 gratias agendo, quasi jam exauditus, et in regnum a Domino restitutus. Recti corde illi sunt, qui neque ad dexteram, neque ad sinistram declinantes, firmi stabilesque in veritate persistent : quibus illi contrarii esse videntur, de quibus dicitur : « In corde, et corde locuti sunt mala. »

« Deus justus fortis, et longanimis, numquid irascitur per singulos dies ? Nisi convertamini, (414) arcum suum vibrabit. » In se ipso probavit hoc propheta, quia Deus est justus iudex, et ideo dixit : « Justum adjutorium meum a Domino. » Unde et alibi ait : quia « reddit unicuique secundum opera sua (Psalm. lxi, 13). » Quod utique non fecisset, si justus iudex non fuisset. Bene autem subditur, « et fortis, » ut data sententia, volentes nolentesque id quod judicatum est, teneant, et custodiant. Sed ne districtus nimium, et severus putaretur, addidit, « et longanimis ; » non enim statim punit, sed in multa patientia peccatores exspectat quia « non vult mortem peccatoris ; » sicut Propheta ait, « sed magis ut convertatur et vivat (Ezech. xxxiii, 11). » Unde et sequitur : « Nunquid irascitur per singulos dies ? » Si enim longanimis, et patiens non fuisset per singulos dies, imo per singulas horas atque momenta irasceretur, dum tanta in nobis est frequentia peccandi. Verumtamen quamvis tam benignus et patiens sit, nisi convertamini, nulla (subauditur) ulterius excusatio erit. Quoniam sicut ipse ait : « Nisi venissem, et locutus eis fuissem, peccatum non haberent ; nunc autem excusationem non habent de peccatis suis (Joan. xv, 22). » Unde et subditur :

« Gladium suum vibrabit. » Iste gladius sermo divinus, et Evangelica prædicatio intelligitur, de quo videlicet ait : « Vivus est enim Dei sermo, et penetrabilior omni gladio accipiti (Hebr. iv, 12) ; » de quo et alibi dicit : « Et gladium spiritus, quod est verbum Dei (Eph. vi, 17). » Tali autem gladio sancti prædicatores armati sunt, de quibus dicitur : « Et gladii accipient in manibus eorum (Psalm. cxlix, 6). » Hunc igitur gladium vibrabit Dominus, quando suis discipulis ait : « Ite, docete omnes gentes, baptizantes eos in nomine Patris, et Filii, et Spiritus sancti (Matth. xxviii 19). » Quæ igitur excusatio esse potest ? « In omnem terram exivit sonus eorum, et in finem orbis terræ verba eorum (Psalm. xlviii, 5). »

« Arcum suum tetendit, et paravit illum, et in ipso paravit vasa mortis, sagittas suas ardentes effecit. » Idem autem et per gladium, et per ar-

cum significatur. Nunc autem arcum, id est utriusque Testamenti doctrinam, tunc temporis Salvator noster tetendit, et paravit, quando librum septem sigillis signatum aperuit, et suis discipulis sensum dedit, ut Scripturas intelligerent (415). Vasa vero mortis, quæ hunc arcum ferunt, apostoli, et doctores sunt, de quibus ipse vas electionis beatus Paulus apostolus ait : « Aliis sumus odor vitæ ad vitam, aliis odor mortis ad mortem (II Cor. II, 16). » Isti autem sagittarii vitia, et malignos spiritus interficiebant, et de his habitaculis igne sancti Spiritus sagittis inflammati pellebant. Et hoc est quod ait : « sagittas suas ardentibus effecit. » Istæ sagittæ, illæ sententiæ sunt, quas sancti apostoli, et doctores in suis sermonibus proferebant. Bene autem his, qui ardentes sunt has sagittas Dominus et fecit, et dedit, ut tali igne succensi alios inflammarent, et quoscunque tangenter, ad Dei amorem succenderent. Sequitur :

« Ecce parvulus iniquitiam, concepit dolorem, et peperit iniquitatem. » Illic autem versus ibi continuatur, ubi dicitur : « Ne quando rapiat ut leo animam meam. » Quem enim alium fructum diabolus concipere, vel parere potuit, nisi iniquitiam, dolorem, et iniquitatem? Ipse enim hoc in hominibus operatur, ut iniusti, et iniqui sint, ac per hoc ad dolorem, et omnium penarum miseras simul secum eos perducit. Talis enim est operatio illius, talis doctrina, talis et fructus doctrinæ. Unde et subditur :

« Iacum operuit, et effodit eum, et incidit in C
« foveam quam fecit. » Lacus iste infernus est, quem ipse diabolus et fecit, et aperuit. Talis est enim oratio illius, malus artifex, qui in solis tormentis, et tormentorum locis construendis delectatur. Nec cessat quotidie effodere aliis maiorem, aliis minorem, pro ut digni sunt, foveam parat. Sed ipse quoque cadet in foveam, quam fecit : quia ignis æternus et sibi paratus est, et angelis ejus. Et tunc fiet ei quod sequitur :

« Convertetur dolor ejus in caput ejus, et in vitem ejus iniquitas ejus descendet. » Quanto enim omni creatura iniquior est, tanto ei major pœna parata est. « Ego vero, » inquit Propheta, « constiter bor Domino, et laudabo Dominum secundum justitiam ejus; » quia tam justus est, ut nunquam a justitia separetur. « Et psallam nomini Domini altissimi. »

313 PSALMUS VIII.

IN FINEM PRO TORCULARIBUS PSALMUS DAVID

Quid significet in finem, et quod Psalmus David dictum est. Torcularia vero tot sunt, quot sunt Ecclesiæ, ubicunque sunt. In his torcularibus illud vinum conficitur, et propinatur, quo sancti omnes

(415) Tota est ex Augustino hujusmodi interpretatio. Ait enim : « Arcum ergo illum, Scripturas sanctas libenter acceperim, ubi fortitudine Novi Testamenti, quasi nervo quodam, duritia Veteris flexa et edomita est. Hinc tanquam sagittæ emittuntur

A inebriati, terrenorum omnium obliviscuntur. Unde in alio psalmo dicitur : « Inebriabuntur ab ubertate domus tuæ, et torrente voluptatis tuæ potabis eos (Psalm. xxxv, 9). » Hoc vino ebrii erant illi, qui cum linguis omnium loquerentur, insani esse putabantur (416).

« Domine Dominus noster, quam admirabile est nomen tuum in universa terra. » Sic loquuntur ebrii, sic loquuntur illi, qui sanguinem Christi bibere meruerunt. Lætantur quod nomen summi et æterni Dei jam non solum in Judea, ut quondam, sed ubique gentium laudatur et prædicatur ; et qui prius multa nomina falsorum deorum venerabantur, nunc unius solius, et veri Dei nomen laudant et prædicant.

« Quoniam elevata est magnificentia tua super cœlos : ex ore infantium, et lactentium perfectisti laudem. » Ex eo namque tempore cepit hoc nomen admirabile esse in universa terra, ex quo magnificentia Dei super cœlos elevata est. Magnificentia Dei Christus est, vel quia Pater per Filium magnificatus est, vel quia ipse Filius tam magnus a Patre factus est, ut omnis creatura, et quæ in cœlis, et quæ in terra est, ei subiciatur : unde et in sequentibus dicitur :

« Omnia subiecisti sub pedibus ejus. » Hæc autem ad humanitatem subijcienda sunt, et quod super cœlos elevatus, et quod magnus dicitur esse factus. Divinitas enim quæ ubique est, quomodo vel ascendere, vel descendere potest? Infantes autem et lactentes illi sunt, de quibus beatus Petrus Apostolus ait : « Quasi modo geniti infantes sine dolo, rationabiles, lac concipiscite, ut in eo crescatis in salutem (I Petr. II, 2). » Per quos videlicet omnis Christiana multitudo intelligi debet. De talibus enim Dominus ait : « Nisi conversi fueritis, et efficiamini sicut parvuli, non intrabitis in regnum cœlorum (Matth. xviii, 3). » Et Apostolus : « Nolite pueri effici sensibus, sed malitia parvuli estote (I Cor. xiv, 20). »

« Propter inimicos tuos, ut destruas inimicum et defensorem. » A talibus, inquit, tam puris, tam innocentibus et religiosis laudes tuas prædicare voluisti, ut qui olim per vilissima animalia Pharaonem superasti, nunc per simplices et infantes omnes tuos inimicos superares. Inimici autem et defensores illi sunt, qui errorem et falsitatem quibuscunque argumentationibus defendunt. Quod quidem, quamvis et aliis conveniat, de hæreticis tamen specialiter intelligi debet.

« Quoniam videbo cœlos tuos opera digitorum tuorum, lunam, et stellas, quæ tu fundasti. Quia elevata est, » inquit, « magnificentia tua super cœ-

apostoli, vel divina præconia jaculantur. » Ita enim commentatus est Cassiodorus.

(416) Idem sentit D. August. de tituli hujus significatione.

« los. » Restat nunc ut et nos illuc ascendamus, et videamus opera digitorum tuorum, lunam et stellas, quæ tu fundasti. Hoc enim ipse quoque Dominus dixerat : « Pater volo, ut ubi ego sum, et ipsi sint mecum (Joan. xvii, 24). » Per lunam autem et stellas, totam universaliter Ecclesiam, et unumquemque fidelium singulariter intelligimus. Hæ sunt illæ stellæ, de quibus Apostolus ait : « Stella enim differt a stella in claritate; sic erit et resurrectio mortuorum, quia alia erit claritas lunæ, et alia claritas stellarum (I Cor. xv, 42). » Opera autem digitorum Dei sancti dicuntur, qui Spiritus sancti gratia in hac tanta plenitudine formati sunt, ut sicut sol fulgeant in regno Dei. Quod autem per digitum Dei Spiritus sanctus intelligi debeat, ipse Dominus ostendit, dicens : « Si ego in digito Dei ejicio dæmonia; filii vestri in quo ejicient? (Luc. xi, 20) » De quo digito magos quoque in Ægypto dixisse legimus. « Digitus Dei est hic. » Hos autem fundavit Dominus, et sic fundavit et in fide sua, et in Ecclesia sua, ut inde nullo modo divelli possint.

« Quid est homo, quia memor es ejus, aut filius hominis (417), quoniam visitas eum? Minuisti eum paulo minus ab angelis, gloria et honore coronasti eum, et constituisti eum super opera manuum tuarum. » De quo autem homine hic intelligere debeamus, docet nos in epistola ad Hebræos Apostolus, ubi ait : « Eum qui paulo minus ab angelis minoratus est, videmus Jesum propter tolerantiam passionis (Hebr. ii, 9). » Admirando igitur dicit, « quid est homo, aut filius hominis? » qui (418) talis tantusque est, ut humana lingua explicari non possit. Coronatum autem eum esse ostendit, quia dimicavit, et legitime certavit. « Et constituisti eum super opera manuum tuarum; » hoc autem exponit, dum dicit :

314 « Omnia subiecisti sub pedibus ejus, oves, et boves universas, insuper et pecora campi. Voles lucres cœli, et pisces maris, qui perambulant semitas maris. » Et de ovibus quidem in Evangelio Dominus ait : « Oves meæ vocem meam audiunt (419) (Joan. x, 27). » Bovæ autem episcopi sunt et doctores, a quibus ager Dei, qui est Ecclesia, colitur et aratur. Pecora autem campi omnes illi, qui extra Ecclesiam sunt, intelligi possunt, de quibus historiographus ait : « Qui sunt veluti pecora, quos prona finxit (420), et obedientia ventri? » Unde et egregie dixit : « Insuper et pecora campi. » Quia non solum fideles, verum etiam infideles, quamvis nolentes, Christo Domino subjecti sunt. Sed quid per vo-

(417) Non idem exprimi illis verbis : *homo, aut filius hominis* docet Augustinus; sed in primo hominem veterem et terrenum; in secundo hominem novum et cœlestem designari. De hoc secundo tantum loquitur commentator noster, supponeus alterum intelligi.

(418) Id. cod. Ghisianus quia.

(419) Id. cod. Ghis. « Per quos videlicet tota fidelium multitudo intelligitur. »

(420) Id. cod. Ghis. Quos natura prona finxit.

lucres cœli, nisi omnes angelos et bonos et malos intelligamus. Pisces vero maris potentiores hujus sæculi mihi esse videntur, qui ad prædā semper parati hoc mare magnum et spatiosum perambulant, circumdant, affligunt et possident. Omnia in his paucis verbis enumerata sunt, quæ memoriæ digna fuerunt. Constat igitur sibi omnia esse subjecta (421). Iste psalmus non finitur, quia tunc incipit, cum finiri videtur; et ideo fortasse, quia laudes Dei semper cantari, et nunquam finiri debent (422).

PSALMUS IX.

IN FINEM PRO OCCULTIS FILII : PSALMUS DAVID.

Occulta Filii Dei illa sunt, quæ nec ipsis suis discipulis in hac vita manifestare voluit. Cum enim apostoli eum quondam interrogarent, et dicerent : « Domine, si in tempore hoc restitues regnum Israel (Act. i, 6); » respondit eis : « Non est vestrum nosse tempora, vel momenta, quæ Pater posuit in sua potestate (ibid.). » Unde et alibi ait : « De die autem illa, et hora nemo scit, nisi Pater solus (Matth. xxiv, 36). » Bene autem in finem hic psalmus titulatur, quoniam ad sæculi consummationem, et ad tempora Antichristi ea quæ hic dicuntur, referenda sunt.

« Confitebor tibi, Domine, in toto corde meo, » narrabo omnia mirabilia tua. » Ecclesia loquitur, et non labiis tantum, sed toto corde, totaque mentis affectione Deum se laudare, et omnia mirabilia narrare promittit, ut et nos discamus qualiter Deum laudare debeamus. Quod autem ait : « Narrabo omnia mirabilia tua. » sic est determinandum, quæcunque ad meam notitiam pervenire poterunt.

« Lætabor, et exultabo in te, et psallam nomini tuo, Altissime. » Alii, inquit, in sæculi honoribus et dignitatibus lætentur et exsultent; mihi vero sufficit ut tibi soli placere, quem et tuum nomen laudare, et prædicare valeam.

« In convertendo inimicum meum retrorsum. » Quod enim ait, « in convertendo, » tale est ac si diceret : Dum convertam inimicum meum retrorsum, in te lætabor et exultabo. Neque enim humana virtute retrorsum converti, vel fugari diabolus potuisset, nisi divinum auxilium præsentialiter adesset. Unde et subditur : « Infirmabuntur, et pereant a facie tua (423). » Non enim humana fortitudo, sed facies Dei, quam sustinere non potest, eum terret, ut retrorsum convertatur. Prius singulariter inimicum dixit; sed ut multa millia in ejus exercitu esse

(421) Perfecte consonat interpretatio Brunonis cum August.

(422) In Psalterio tamen Basilicæ Vaticanæ repetitur primus versus : *Domine Dominus noster, quam admirabile est nomen tuum in universa terra!*

(423) Tam vulgata, quam textus apud S. August. habent : *Infirmabuntur, et peribunt a facie tua.* Eodem modo legitur apud Cassiodorum, ut in Brunone.

ostenderet, pluralem numerum subdidit, dicens : A

« Infirmabuntur, et pereant. »

« Quoniam fecisti iudicium meum, et causam meam, sedes super thronum qui iudicas æquitatem. » Ideo, inquit, inimicus meus vincitur; ideo fugatur, infirmatur et perit, quia justam causam habeo, et justum iudicium mihi iudicasti. Hoc est enim, quod dicit : « Iudicium meum, et causam meam justam fecisti; » id est, justam esse iudicasti. In his verbis manifeste ostenditur, quia Dominus noster justus iudex est, qui non personam sed causam attendit, qui nec ipsum diabolum a sua actione, vel accusatione, nisi iusto iudicio repellit; et hoc est, quod sequitur : « Sedes super thronum, qui iudicas æquitatem. » Indignum ergo est, ut in sede iudicaria sedeat, qui æquitatem neque iudicat, neque intelligit.

« Increpasti gentes, et peristi impius. » Sic enim in Evangelio Dominus ait : Quia veniens Spiritus sanctus, arguet mundum de peccato (Joan. xvi, 8). Increpasti igitur Dominus gentes apostolica prædicatione, in qua non ipsi, sed Spiritus sanctus loquebatur, sicut dixerat ipse Dominus : « Non enim vos estis, qui loquimini, sed Spiritus sanctus, qui loquitur in vobis (Matth. x, 20). » — « Et peristi impius; » quia tunc prius et regnum et potestatem diabolus amisit, qui usque ad id temporis omnes gentes in sua potestate tenebat et possidebat. « Nomen eorum delesti in æternum, et in sæculum sæculi. » Omnia **315** nomina falsorum deorum, quæ in hoc uno nomine continentur; siquidem omnes dii gentium ærmonia, jam delecti sunt, quia nulla gens est, quæ modo eos veneretur, et colat.

« Inimici defecerunt fræmæ in finem. » In finem, inquit, et ex toto defecerunt fræmæ hujus nostri sæculi, per quas tyrannos et hæreticos intelligere possumus. Et ideo quidem jam defecisse dicit, quia sine dubio eos defecturos esse cognoscit. Usitata locutio est, ut quod certissime futurum esse speramus, jam factum esse dicamus.

« Et civitates eorum destruxisti. » Fuit aliquando ipsa Roma, quæ aliarum civitatum caput est, civitas deorum; sed illa quidem, quæ illorum erat, jam destructa est; jam simul cum illis in tormentis est. Hæc vero, quæ nunc est, non illorum; sed sanctorum apostolorum, et ipsius Dei civitas est.

« Peristi memoria eorum cum sonitu. » Sic enim peristi Jericho, quorum muros non machinis, non arietibus, nec aliquo impetu, sed solo tubarum clangore cecidisse legimus. Cum sonitu igitur falsorum deorum memoria peristi, quia prædicantibus apostolis idola confracta et templa destructa sunt. « Et Dominus in æternum permanet, cujus regni non erit finis. »

(424) Memoratus est autem, « nemo ita positum putet, quasi oblitio cadat in Deum; sed quia post longum tempus futurum est iudicium. » S. Aug. enarr. in psal. ix.

(425) Eandem lectionem secutus est Cassiodo-

« Paravit in iudicio sedem suam. » Sedes Dei apostoli sunt, sedes Dei episcopi sunt et sacerdotes, in quibus Deus sedet et iudicat; non enim ipsorum est iudicium, sed Dei, quia non illorum est lex, qua iudicant, sed Dei. « Et ipse iudicabit orbem terræ in æquitate. Et modo quidem per istos, postea vero in illo iudicio universali, et per seipsum, et per istos. « Iudicabit populos cum iustitia. »

« Et factus est Dominus refugium pauperum. » Illorum videlicet pauperum, de quibus Apostolus ait : « Tanquam nihil habentes, et omnia possidentes (1^a Cor. vi, 10). »

« Adjutor in opportunitatibus, in tribulatione. » Quod enim dixit in opportunitatibus, hoc subd^o, exposuit in tribulatione; quia tunc maxime Dei B adjutor indigemus, quando in aliqua tribulatione sumus.

« Et sperent in te omnes, qui noverunt nomen tuum, » quia, inquit, adjutor es, et in tribulationibus sanctos tuos non deseris; « Sperent in te omnes, qui querunt nomen tuum; » — « quoniam non derelinquis querentes te, Domine. »

« Psallite Domino, qui habitat in Sion. » Sion specula interpretatur, per quam Ecclesia intelligitur, cujus speculatores sunt episcopi et doctores. Unde et Ezechiel dicitur : « Fili hominis, speculatorem posui te domus Israel (Ezech. iii, 13). »

« Annuntiate inter gentes mirabilia ejus. » Hoc quidem jam dictum est, « quia in omnem terram exivit sonus » apostolorum, et in fines orbis terræ verba eorum (Psal. xviii, 5). C

« Quoniam requirens sanguinem eorum memoratus est, et non est oblitus (424) orationem pauperum (425). » Annuntiate, inquit, et nolite timere; quia corpus quidem occidere possunt, animam autem occidere non possunt. Neque illorum obliviscitur Dominus, qui pro ejus nomine moriuntur, quoniam illorum sanguinem requirens, ipsorum quidem adversarios punit, eos vero in æternam beatitudinem inducit.

« Miserere mihi, Domine, et vide humilitatem meam de inimicis meis. » Non est, inquit, Dominus oblitus orationes pauperum; clamantium subauditur, atque dicentium : « Miserere mihi, Domine, et vide humilitatem meam de inimicis meis; » a quibus, te jubente, tot et tanta sustineo

« Qui exaltas me de portis mortis, ut annuntiem laudes tuas in portis filie Sion. » Portæ mortis hæretici sunt, et quicunque ad mortem et perditionem animas hominum trahunt (426). Talis porta fuit Simon Magnus, talis Arius et Sabellius, tales et multi alii, quorum doctrina et persuasione multæ animæ perierunt. Tyranni quoque portæ mortis fuerunt, qui terrore tormentorum multos negare fecerunt.

rius.

(426) « Porta mortis est diabolus, vel omnis illibera secularis; quoniam per hæc ad æternum exitum infelicititer introitur. » Cassiod.

De his autem portis sancti liberati et exaltati laudes Dei annuntiare non cessant in portis filie Sion, id est in auditu et auribus animarum fidelium. Nam et aures portarum sunt, per quas sanctarum predicationis verba ad corda fidelium (427) ingrediuntur.

« Et exultabo in salutari tuo. » Exultabo, inquit, tantum de salute mea, quæ temporalis est, quantum de salute tua, quæ æterna est. Hoc autem dicit de salute animæ, quæ (428) de portis martiris liberata, jam secunda est, et ulterius mori non timet.

« Inflixæ sunt gentes in interitum, quem fecerunt. » In laqueo isto, quem occultaverunt mihi, comprehensus est pes eorum. » Hoc est enim, quod alibi dicitur : « Qui fratri suo soveam parat, ipse prius cadet in eam (Eccle. x, 8). » Qui (429) alios decipere nituntur, ipsi absque dubio decipiuntur.

« Cognoscetur Dominus iudicia faciens; in operibus manuum suarum comprehensus est peccator. » Modo, inquit, ab impiis et peccatoribus non cognoscitur Dominus, neque adhuc suæ fortitudinis potentiam, et severitatem eis ostendit; sed potius super 316 eos solem suum oriri facit, et in multa patientia eos expectat. Cognoscetur tamen, cum ad iudicium venerit, et suæ majestatis gloriam ostenderit. Et tunc quidem lætabitur justus, cum viderit vindictam, quia in operibus manuum suarum comprehensus est peccator. » Tunc quoque super eos hæc sententia dabitur, quæ in sequenti versiculo declaratur :

« Convertantur peccatores in infernum, omnes gentes, quæ obliviscuntur Dominum. » Si peccatores in inferno modo non essent, utique diceretur « convertantur peccatores in infernum. » Sed modo quidem ibi sunt, ubi, audita sententia, simul cum corporibus præcipitabuntur.

« Quoniam non in finem oblivio erit pauperum, patientia pauperum non peribit in finem. » Nunquam enim sit, quod usque in finem non sit. Nunquam igitur patientia iusti peribit, siquidem usque in finem non peribit. Unde manifestum est, ideo peccatores præcipue esse damnatos, quia pauperes Christi afflixerunt (430), quorum oblivio nunquam erit. Cum autem hæc Propheta diceret, et martyrum afflictiones, et tyrannorum atque hæreticorum persecutiones describeret, datum sibi divinitus est, ut majora conspiceret, et ipsum Antichristum, perditionis filium, videret, de quo scriptum est : « Quia extollet se, et elevabitur super omne quod dicitur Deus, aut quod colitur (Thess. ii, 4). Erit autem tunc tribulatio talis, qualis, sicut ipse Dominus ait, « nunquam fuit, neque erit (Math. xxiv, 20). » Hoc igitur in spiritu Propheta conspiciens de tanta sanctorum qui tunc temporis erunt afflictione perterritus, exclamat, dicens :

(427) Id. cod. *audientium.*

(428) Id. cod. *quia.*

(429) Id. cod. *qui enim.*

(430) Ex eod. cod. *Ghisiano.*

(431) Id. cod. *tantusque eum iniquorum omnium*

A « Exsurge, Domine, non prævaleat homo, iudeen-
tur gentes in conspectu tuo. » Exsurge, inquit, Domine, sanctis tuis in adiutorium, quia tam iniquus est homo iste (431), ut nemo ei resistere possit (432). De hoc enim perditionis filio scriptum est, quia post se multos homines trahet, et ante se innumerabiles. Quod igitur ait, « iudicentur gentes in conspectu tuo; » tale est ac si diceret : Veni cito ad iudicium et breventur dies ejus, quoniam si iste iniquus diu regnaverit, omnes sancti tui peribunt. Hoc est enim, quod Dominus ait : « Nisi abbreviati fuissent dies illi, non esset salva omnis caro (Math. xxiv, 22). » Regnabit enim, sicut scriptum est, « per tempus, et tempora, et dimidium temporis (Dan. vii, 26); » id est non amplius quam tribus annis cum dimidio.

B « Constitue Domine legislatorem super eos ut
« sciant gentes, quoniam homines sunt. » Exsurge, inquit, quasi dicat, in adiutorium fidelibus tuis, ne forte eis prævalere valeat. Super gentes autem, quæ eum sequuntur, et eum colunt, et adorant, legislatorem illum constitue, ut tandem sciant et intelligant, quoniam homines sunt, qui te relinquentes, hoc monstrum venerantur. Erit enim et ipse legislator, quia sicut fecit Moyses et Salvator noster, ipse quoque suam legem dabit. Quod autem ait, « quia homines sunt. » Tale fuit ac si dixisset, quia stulti et fatui sunt. Secundum quam significationem et Apostolus ait : « Cum alius dicat : ego sum Pauli, ego Apollo, ego Cephæ, nonne homines estis ? (I Cor. i, 12.) »

C « Ut quia, Domine, recessisti longe, despicias in
« opportunitatibus, in tribulatione ? » Exsurge, ait, quid moraris ? Cur a servis tuis longe recessisti ? Quare in opportunitatibus, hoc est in tantis tribulationibus eis non subvenis ? Neque enim (433) opportunius erit illis adiutorium tuum, quam modo, cum tanti hostis persecutionem patiuntur.

« Dum superbit impius, incenditur pauper. » Ille, inquit, superbit et sævit ; pauper vero, id est S. Ecclesia, omni humano auxilio destituta, incenditur et cruciatur. Potest autem et sic intelligi, quia quanto amplius ille superbit et sævit, tanto amplius et illa in Dei amore succenditur et inflammatur.

D « Comprehenduntur in cogitationibus suis, quas
« cogitant. » Non diu, inquit, celabitur, non diu cordis illius malitia occultabitur ; sed cito et ipse, omnesque discipuli ejus, qui cum eo sunt, ejusdem iniquitatis et malitiæ conscii comprehenduntur et confundentur ; de quibus in Evangelio Dominus ait : « Quia surgent multi pseudochristi et pseudoprophetæ, et dabunt signa et prodigia multa ; ita ut in errorem judicantur, si fieri possit, etiam electi (Math. xxiv, 24). » Hinc autem usque in finem psalmi ipsius Antichristi vitam et historiam scribit.

exercitus sequitur, ut.

(432) Vaticinium de adventu Antichristi, et de magna, quam inferet in Ecclesiam vastatione. Idem sensit Augustinus, et cum eo Cassiodorus.

(433) Id. cod. *Ghis. aliquando.*

« Quoniam laudatur peccator in desiderijs animæ suæ, et qui iniqua gerit, benedicitur. » Nihil est, quod homines impios et iniquos magis ad iniquitatem exercendam moveat et incitet, quam adulatores, qui eorum opera (434) laudant et extollunt (435). Et inde fit ut nunquam ad poenitentiam redeant, et a sua pravitate quiescant.

« Irritavit Dominum peccator. » Quid est enim irritavit, nisi qui ad immensam iram et indignationem contra se eum commovit et incitavit? ut ipsum dura morte perleret, et sanctorum sanguinem, quem crudeliter effuderat, requireret et vindicaret. Unde subditur: « Secundum multitudinem iræ suæ non inquireret? » Hoc autem **317** cub interrogatione legendum est, et tale ac si diceret: Ergo ne Dominus sic irritatus, et ad tantam iracundiam provocatus secundum multitudinem iræ suæ non inquireret? Illius videlicet, ut modo diximus, perditionem et pauperum suorum ultionem. Unde et in sequentibus dicit: « Propter quod irritavit impius Deum? Dixit enim in corde suo, non est Deus. »

« Non est Deus in conspectu ejus, polluuntur viæ ejus in omni tempore. Auferuntur judicia tua a facie ejus. » Omnia judicia Dei vera et justa sunt; quæ ideo a facie ejus auferri dicuntur, quia neque juste judicabit, neque ejus justa judicia timebit. Si enim timuisset, in hanc tantam crudelitatem et superbiam non se elevarisset.

« Omnium inimicorum suorum dominabitur. » Quos enim alios inimicos ejus nisi sanctos intelligere debemus? Horum autem secundum quemdam modum dominabitur Antichristus, et secundum quemdam modum non dominabitur. Dominabitur quidem, quia sic in sua potestate eos habebit, ut secundum voluntatem suam eos cruciet et affligat. Non dominabitur autem, quia ad consensum suæ prave voluntatis eos trahere non valebit.

« Dixit enim in corde suo: non movebor de generatione in generationem sine malo. » Quam iniquus et impius sit in eo facile quis cognoscere potest, quod tanto desiderio semper in malo delectatur. Qui de generatione in generationem, de loco ad locum sine malo et sine animarum perditione se non transire minatur.

Cujus os maledictione, et amaritudine plenum est, et dolo. Merito Antichristus iste vocatur, qui Christo per omnia contrarius est. De Christo enim hic ipse Propheta alibi ait: « Quam dulcia faucibus meis eloquia tua Domine super mel et favum (Psalm. cxviii, 103). » De hoc vero e contrario dicit: Quia ejus fetidum os maledictione et blasphemis, amaritudine et dolo plenum est.

« Sub lingua ejus labor et dolor: sedet in insidijs cum divitiis in oculis, ut interficiat innocentem. » Verba, inquit, quæ sub ejus lingua sunt, ad

(434) Id. cod. iniqua.

(435) Malus dum prædicatur, extollitur, nec de correctione cogitat, cui laudator blandiens invenitur. Cassiodorius.

laborem, et dolorem, et ad summam infelicitatem ejus auditorum animas perducet. Sedere autem cum dicit in insidijs simul cum divitiis hujus sæculi, qui sola terrena et transitoria diligunt, quos suis muneribus decepit, et ditavit, « ut interficiat innocentem, » id est animam religiosam et sanctam suis iniquis persuasionibus supplantet et perdat (436). Bene autem addit in oculis, quia super omnes homines dolosus et callidus erit.

« Oculi ejus in pauperem respiciunt, » non utique ad miserandum, sed ad perdendum, et decipiendum. Unde et subditur: « Insidiatur in oculo, sicut leo in cubili suo. » Sed quid insidiatur? « Insidiatur, inquit, « ut rapiat pauperem. » Et rapere pauperem quid est? Rapere pauperem est, dum attrahit eum, dum suæ pravitatis errori eum associat. Hoc autem postquam faciet, « in laqueo suo humiliabit eum; » quia sic captum et subjugatum quasi proprium servum eum habebit. Miser, et per omnia infelix, qui ea mala non videt, quæ post modicum super eum ventura sunt, de quibus modo subditur: « Inclinabit se, et cadet, cum dominabitur pauperis. » Ipse enim, quem sicut Apostolus ait: « Dominus Jesus interficiet spiritui oris sui, et auferet illustratione adventus sui (II Thess. ii, 8). » Et quia supra modum exaltavit, inferius cæteris humiliabitur, et in pœnas præcipitabitur. « Omnis enim qui se exaltat, dicit Dominus, humiliabitur, et qui se humiliat exaltabitur (Luc. xiv, 11). »

« Dixit enim in corde suo, oblitus est Deus, aver- » tit faciem suam, ne videat usque in finem. » Cum, inquit, homo iste iniquus, et perditionis filius crudelissimus, et exquisitis tormentis sanctos Dei interficeret, hoc in corde suo stultissime cogitabat, quod ex toto, et usque in finem eorum Dominus oblitus fuisset; quoniam non statim eos vindicabat.

« Exsurge, Domine Deus meus, et exaltetur manus tua, ne obliviscaris pauperem in finem. » Exsurge, inquit, sanctis tuis ad adiutorium, et exaltetur manus tua, exaltetur virtus et potentia tua super eos, et ne obliviscaris pauperem, sicut ipsi malitiose arbitrantur, usque in finem. Nunquam enim fit, quod usque in finem non fit; siquidem sanctorum finis nunquam erit.

« Propter quod irritavit impius Deum. » Insultatio est adversus eum, quem jam per Spiritum sanctum in illam altissimam tormentorum foveam tam miserabiliter corruisse Propheta intuetur. Et quare hoc sibi contigerit, subdidit dicens: « Dixit enim in corde suo non requirit Deus. » Magnum igitur peccatum est, de justitia Dei perversum aliquid non solum dicere, verum etiam cogitare.

« Vides quoniam tu laborem, et dolorem consideras, ut tradas eos in manibus tuis. » Non obvisceris, inquit, aliquando, sed semper vides, et

(436) Interficere innocentem, est de religioso sacrilegum facere, ejusque animam perpetua morte damnare. Cassiodor., cujus interpretationi Bruno plerumque se conformavit.

paterna pietate consideras laborem et dolorem, quem A pro tuo nomine sancti tui patiuntur, ut ipsis tuis manibus Patri eos tradas, et repræsentes. De hac enim traditione Apostolus ait, quia tunc ei omnia subjecta erunt, cum tradiderit regnum Deo et Patri (I Cor. xv, 24).

« Tibi derelictus est pauper, pupillo tu eris adiutor. » Ex quo, inquit, pauper antiquum patrem diabolum dereliquit, et per aquam et Spiritum sanctum regeneratus **318**, filius tuus factus est, tibi soli semper adhaesit, tibi soli derelictus, nullum alium tutorem et defensorem habuit. Quod autem diabolus pater sit iniquorum omnium, et nondum baptizatorum, ipse Dominus ostendit, ubi ait : « Vos ex patre diabolo estis, et opera patris vestri facitis (Joan. viii, 44). » Talibus igitur Apostolus ait : B « Fuisitis aliquando tenebrae, nunc autem lux in Domino, ut filii lucis ambulate (Ephes. v, 10). » Et Joannes Apostolus : « Quotquot autem receperunt eum, dedit eis potestatem filios Dei fieri, his qui credunt in nomine ejus (Joan. i, 12). » Sunt ergo modo filii Dei, qui prius erant filii diaboli. Pupilli autem, id est orphani (sicut alia translatio habet) ideo dicuntur, vel quia primus eorum pater eis mortuus est, vel quia adhuc in hac vita peregrinantes, nondum in illa beatitudine Deo Patri conjuncti sunt. Unde et suis discipulis Dominus dicebat : « Non vos relinquam orphanos, veniam ad vos (Joan. xiv, 18). » Qui utique ex sola ipsius absentia orphani essent, si ad eos Dominus non venisset.

« Conteres brachium peccatoris, et maligni. » Sicut C brachium Patris Filium vocatur, de quo per prophetam dicitur : « Et brachium Domini cui revelatum est (Isa. liii, 1); » ita et brachium diaboli Antichristus dicitur, quia in eo, et per eum operatur, et præliatur; de cuius contritione et perditione satis jam superius dictum est :

« Requiritur delictum ejus, et non invenietur. » Delictum diaboli superbia est, qui in corde suo dixisse legitur : Super cælum ascendam, et ero similis altissimo (Isa. xiv, 13). » Quia videlicet superbia Antichristus quoque supra omne quod dicitur Deus, aut quod colitur, elevatur et exaltatur. Hoc autem si post mortem Antichristi, in regno Christi, quod est Ecclesia, requiratur, inveniri non poterit. Per quod datur intelligi, quia illi qui tunc temporis erunt, in timore et tremore, et maxime qui in humilitate Domino servient. Unde etiam scriptum est, quia « in diebus illius salvabitur Juda (Jer. xxxiii, 16); » et « cum plenitudo gentium introierit, tunc Israel salvus fiet (Rom. xi, 25). » Quis enim tunc superbire audeat, cum et Antichristum pro sua superbia damnatum, et iudicii diem instare cognoscat?

« Regnavit Dominus in æternum, et in sæculum

(437) « Finis semper ad Christum tendit: sed modo passionem illius, modo resurrectionem designat. Nunc autem sanctam fidem declarat, in qua hæretici digladiantur contra fidelissimos Christianos. Sciendum igitur hunc psalmum ad destruendos hæreticos esse prolatum. » Beda.

sæculi; cuius regni, sicut scriptum est, non erit finis (Luc. i, 31). » Vos autem gentes, quæ simul cum Antichristo damnatæ estis, peribitis de terra ejus; id est de terra viventium, quia in eam non intrabitis. « Desiderium pauperum exaudivit Dominus, desideria cordis eorum exaudivit auris tua. » Prophetarum est pro futuris præterita ponere, quoniam ea, quæ futura sunt, jam quasi præterita conspiciunt. Desiderium autem pauperum, id est sanctorum, qui tempore Antichristi futuri sunt, hoc erit, ut ipse sicut dignus est damnetur et judicetur, et sancti Dei, de ejus insidiis liberati, in æternam beatitudinem introducantur. Sciendum autem quod desiderium non in ore, sed in corde est. Ad cor igitur respicit Deus, et magis cordis desideria, quam oris orationes exaudivit. Quando autem hoc sanctorum desiderium exaudivit, sequentia manifestant :

« Judicare pupillo, et humili. » Cum venerit, inquit, judicare pupillo et humili, tunc secundum sua desideria sancti suscipient. Pupillo autem judicare, est pupilli causam justam ostendere et prædicare. Hæc autem, quæ de Antichristi justissima damnatione et perditione dicta sunt, ideo et dicta et scripta sunt, « ut non apponat ultra magnificare se homo super terram; » ne sibi quoque similia contingant, quæ illi, quem imitari non timuit contigisse audivit.

PSALMUS X.

IN FINEM PSALMUS DAVID (437).

Iste titulus jam satis supra expositus est, qui ideo toties ponitur, ut omnes psalmi ejusdem auctoris esse credantur.

« In Domino confido, quomodo dicitis animæ meæ transmigra in montem sicut passer (438)? » Contra hæreticos Ecclesia loquitur, jam illorum persuasionibus et argumentationibus fatigata: in Domino, inquit, confido, et ideo vestra consilia parvipendo, quæ utique illi soli recipiunt, qui in Domino non confidunt. « Quomodo ergo dicitis animæ meæ, transmigra in montem sicut passer? » Neque vos montes, neque nos secundum vestram intelligentiam passerem sumus: qui exaltando vos, montes; nos humiliando, passerem vocatis. Estis tamen et vos montes inflatione superbiæ inflati (439), montes videlicet Gelboe, quibus quondam maledixit David. Nos quoque passerem sumus, de laqueo venantium liberati, per quem videlicet **319** laqueum, vestras insidiæ significantur. Unde et alibi dicitur: « Passer invenit sibi domum (Psalm. xiii, 4). » Hæretici igitur ad sui comparisonem viros catholicos passerem deputant: quos ipse quoque Salvator noster exigui pretii esse ostendit, dum dicit: « Nonne duo passerem asse veneunt? (Matth. x, 29) »

(438) « Ad persuasores quippe hæreticos hic sermo dirigitur, qui volunt loqui quod impium est, ut contentione pravis seducant animas innocentes. » Cassiodorus

(439) Id. cod. tumidi.

« Quoniam ecce peccatores tetenderunt arcum, A
« paraverunt sagittas suas in pharetra: ut sagi-
« tent in obscuro rectos corde. » Ad ipsum Dominum
S. Ecclesia suæ locutionis verba convertit, et de hæ-
reticorum non modica persecutione conqueritur, di-
cens: Vides, Domine, et cognoscis quoniam isti,
contra quos loquimur, hæretici et peccatores teten-
derunt arcum. Omnis hæreticorum falsa et hæretica
compositio, sive in scripto, sive sine scripto sit,
arcus eis est, quo, sanctorum animas interficiant.
Pharetram vero ipsorum corda intelligimus, in qui-
bus suæ deceptionis sententias, veluti sagittas col-
lectas et paratas habent, quibus, cum opportunum
fuerit, rectos corde subdole, et in obscuro sagittent
et vulnerent

« Quoniam quem perfecisti, destruxerunt. » Et
hoc, inquit, te non latet; sed satis tibi manifestum
est, quoniam sanctus et catholicus intellectus, quem
tu nos docuisti, et in nobis perfecisti, jam pene
destructus est. Unde et multos valde eorum prava
doctrina significat esse deceptos (440). Quod quidem
tempore Arii factum esse cognovimus, qui totum
fere mundum subvertit, et in suum errorem trans-
ire coegit. « Justus autem quid fecit? » Sequi-
tur:

« Pluit super peccatores laqueos. » Sic enim se
habet ordo. Sed prius ea, quæ interposita sunt expo-
namus; postea vero et hæc, et cætera quæ sequun-
tur, videamus:

« Dominus in templo sancto suo, Dominus in cælo
« sedes ejus. » Quando, inquit, sancti ista dice-
bant: « Dominus in templo sancto suo, » per quod
videlicet eosdem ipsos intelligimus: « Dominus in
cælo, ubi est sedes ejus. » Quod quidem hoc ipsum
significat, hæc eadem in cordibus illorum tractabat
et considerabat. Unde Apostolus ait: « Nos enim
quid oremus, nescimus; sed Spiritus sanctus orat
pro nobis gemitibus inenarrabilibus (Rom. viii, 26). »
Quod autem et templum Dei, et sedes Dei sancti
dicantur, certissimum est.

« Oculi ejus in pauperem respiciunt. » Non enim
respiceret, si non diligeret. Sic enim scriptum est:
« Quia respexit Dominus Petrum (Luc. xii, 61). »
« Oculi igitur ejus in pauperem respiciunt, ut ejus
semper misereatur, semper eum custodiat, ejusque
omnes cogitationes et actus dirigat et dispo-
nat.

« Palpebræ ejus interrogant filios hominum. »
Solo igitur intuitu cuncta cognoscit, et aperiens ocu-
los omnia videt, et nihil est, quod ejus interroga-
tioni, id est perspicaci inquisitioni occultari valeat.

« Dominus interrogat justum, et impium. » Et
justum, inquit, et impium interrogat Dominus, et
cognoscitur, quia utriusque conscientia sibi respon-
det, et quacunque intus latent ei interroganti et
perscrutanti se manifestant.

« Qui autem diligit iniquitatem, odit animam
(440) Hæc hyperbolicè dicta sunt ad significandam

« suam. » Hæc est definitio impij. Ille, quasi dicat,
impus est qui diligit iniquitatem, et odit animam
suam. Utrumque enim valde impium esse videtur, et
iniquitatem diligere, et odio habere animam suam.
Et pejus quidem est iniquitatem diligere, quam ini-
quitatem agere; sicut minus malum est aliquando
peccare, quam in peccato perseverare.

« Pluit super peccatores laqueos. » Hic versus
sicut superius diximus, ibi continuatur, ubi di-
citur:

« Justus autem quid fecit? » In eo enim, quod
pulchre dicit, magnam laqueorum superabundan-
tiam ostendit. Quot sunt peccata, tot sunt et laquei,
quibus peccatores capiuntur et illaqueantur. Funibus
enim peccatorum suorum tenebitur impius. Pluribus
igitur tenebitur et ligabitur laqueis qui plura et ma-
jora peccata commiserit. « Ignis, sulphur, et spiri-
tus procellarum pars calicis eorum (Psal. x, 6). »
Ille est calix iræ et furoris Dei, quo peccatores inebriantur, et per quem ipsa mors et poenarum om-
nium tormenta significantur. Sed si ea, quæ hic
enumerantur non totus calix, sed pars calicis erit,
multa alia, et fortasse graviora adhuc eos tormenta
expectant. De igne autem in Evangelio scriptum
est, qui etiam æternus et inextinguibilis vocatur.
Eos vero in sulphure puniendos intelligere possumus,
qui in luxuriis et carnis voluptatibus defecerunt.
In spiritu vero procellarum illi peribunt, qui
sanctam Ecclesiam perturbantes, nunquam quiesce-
re, et pacem habere voluerunt. Et quia ipsi in hæc
vita quasi procellæ tempestatis fuerunt, dignum est
ut ipsi quoque spiritu procellarum semper cogantur
et submergantur.

« Quoniam justus Dominus justitiam dilexit, æqui-
« tatem vidit vultus ejus. » Et justum, et impium
interrogavit Dominus, et quia justus est, et justitiam
diligit, secundum hoc, quod æquitas postulat, juxta
opera sua unicuique tribuit.

320 PSALMUS XI.

IN FINEM PRO OCTAVA PSALMUS DAVID

Totus hic titulus jam superius expositus est, neque
ut iterum exponatur necesse est.

« Salvum me fac, Domine, quoniam defecit
« sanctus; quoniam diminutæ sunt veritates a filiis
« hominum. » Vox justorum et ante Christi incar-
nationem ipsius adventum desiderantium. Fuit ali-
quando, ut non solum gentiles, verum etiam Judæi,
qui populus Dei vocabantur, idola colerent, demonia
adorarent, vanitatem quærerent, simulque om-
nes a veritate recederent. Sic igitur sanctitate, et
veritate ubique deficiente, cum nusquam sit, unde
auxilium a Deo sperare possit, vir justus non im-
merito exclamat, dicens: « Salvum me fac, Domine,
quoniam defecit sanctus. »

« Vana locuti sunt unusquisque ad proximum
« suum. » Vana, inquit, locuti sunt unusquisque,
sive Judæus, sive gentilis ad proximum suum.
Proximum autem non tantum consanguinitate,
multorum subversionem.

quantum malitia intelligere debemus. Qui enim hoc modo proximi sunt, se semper ad vanitatem et stultitiam vicissim hortantur, habentes « labia dolosa in corde, et corde locuti sunt mala. » Et de sanctis quid dicitur? « In omnibus erat cor unum, et anima una (Act. iv. 32). » Isti vero non unum, sed duplicia corda omnes habere dicuntur. Duplicia quidem, quia mutabilia, et nulla veritatis constantia stabilita.

« Disperdet Dominus universa labia dolosa, et linguam magniloquam; » eorum videlicet qui dixerunt: « Linguam nostram magnificabimus, labia nostra a nobis sunt, quis noster est Dominus? » Tales omni tempore fuerunt, qui linguam et scientiam suam magnificantes, errores seminare non timuerunt. Hoc enim fecerunt gentiles philosophi, qui sapientiores in populo habebantur, qui quoniam in omnibus ad cultum Dei pertinentibus errabant, non omnes unum idemque, sed singulas atque diversas sui erroris sententias dabant. Isti igitur dicere poterant: « Linguam et scientiam nostram magnificabimus; » sententiæ nostræ a nobis sunt, et non aliunde eas suscepimus. Quis enim noster magister est et dominus, cui ea quæ loquimur et scimus ascribere debeamus? Merito igitur Apostolus ait: quia « stultam fecit Dominus sapientiam hujus mundi (I Cor. i. 20). » Nam et inter Judæos hæreticos multos fuisse legimus, sicut Saduceos, qui negabant resurrectionem, quorum impiam hæresim ipse Salvator noster certissimis rationibus destruere dignatus est. Quam videlicet hæresim a philosophis descendisse non dubium est.

« Propter miseriam inopum, et gemitum pauperum, nunc exsurgam, dicit Dominus. » Responsio Domini est ad illos, qui in hujus psalmi initio dicunt: « Salvum me fac Domine. » Nunc, inquit, in adjutorium exsurgam, et inopes, et pauperes de potestate diaboli, et a tantis erroribus liberabo. Quomodo, et per quem hoc suæ benignitatis adjutorium faciat, subdendo manifestat:

« Ponam super salutare meum, fiducialiter agam in eo (441). » Salutare Dei Christus est, per quem hanc tantam salutem Dominus operatus est. De quo nimirum salutare in alio psalmo dicitur: « Notum fecit Dominus salutare suum (Psal. xcvi. 2). » De quo et patriarcha Jacob sic ait: « Salutare tuum, expectabo, Domine (Gen. xlix. 18). » Bene autem ait: « Fiducialiter agam in eo, » quia tanto talique duce præliante, nihil periculi est, cum de ipso scriptum sit: « Dominus fortis et potens, Dominus potens in prælio (Psal. xxiii. 8). »

« Eloquia Domini, eloquia casta. » Ecce audistis eloquia, et promissionem Dei, dicit Propheta: firmissime itaque credite, et nullatenus dubitetis, quia

(441) « Salutare suum dicit Pater Verbum suum; quod est caro factum, per quod vita mortalibus venit, dum omnis credens copiosa largitate consequitur. » CASSIOD.

A quod promisit, sine dubio adimplebit. Unde hoc? Quia eloquia ejus casta, et vera sunt, et ipse nullo modo mentiri potest.

« Argentum igne examinatum, terræ purgatum septuplum. » Talia, inquit, sunt eloquia Domini, tam pura, tam casta, tam vera, et nulla falsitate corrupta quasi argentum igne examinatum: terræ purgatum septuplum intelligitur, quod tantum excoquitur, donec omni terrena corruptione purgetur. Unde et numerus ponitur perfectionis, in quo omnes numeri continentur. Quod igitur septies purgatur, nulla indiget purgatione.

« Tu, Domine, servabis nos, et custodies nos a generatione hac in æternum. » Vox illorum est, qui Christum in carne videre meruerunt. Et tale est, ac si diceret: Ecce venisti, completa est promissio Patris, et sermones prophetarum; jam nihil timeamus, quia tu servabis et custodies nos ab hoc præsentis tempore usque in æternum. Impiis autem quid fiet? Sequitur:

« In circuitu impij ambulant. » Non recto, inquit, itinere incedunt, sed in circuitu oberrantes, veritatis finem et terminum invenire non possunt.

« Secundum altitudinem tuam multiplicasti filios hominum. » Ac si dicat: Si isti in circuitu semper ambulant, et veritatis viam ignorant, quare sic multiplicati sunt? quare omnibus bonis vitæ hujus abundant? Ad quod ipse: altum est, inquit, hoc secretum, et investigabile, et majoris inquisitionis. Hæc autem quæstio de bonorum infortunio, et de iniquorum prosperitate multis in locis sanctarum Scripturarum invenitur (442). Potest autem et sic intelligi, ut sanctorum numerus multiplicandus sit, secundum numerum illorum qui cœli altitudinem inhabitant. Unde scriptum est, quia « Statuit terminos gentium secundum numerum Angelorum (Deut. xxxii. 6) (443). »

PSALMUS XII.

IN FINEN PSALMUS DAVID.

Iste titulus jam superius expositus est.

« Usquequo, Domine, oblivisceris me in finem? » Usquequo avertis faciem tuam a me? Vox Prophetæ est, et aliorum Christi nativitatem suæque redemptionis diem cum magno desiderio expectantium. De quibus ipse Dominus ait: « Multi reges et prophetæ voluerunt videre quæ vos videtis, et non viderunt, et audire quæ vos auditis, et non audierunt (Luc. x. 24). » Isti igitur conqueruntur, quod tanto tempore eorum Dominus oblitus, easque iratus fuerit, et faciem suam ab eis averterit, et per Filii sui incarnationem eos jam tandem non visiterit.

« Quandiu ponam consilia in anima mea, dolorem in corde meo per diem? » Non sollicit mihi, inquit, consilium meum, non sufficit mihi consilium

(442) De hoc agit D. Aug., de civit. Dei lib. v, c. 15 et 16.

(443) Vulgata ait: « Cor lorum, juxta numerum filiorum »

animæ meæ. Veniat jam nunc ille angelus magni consilii, veniat, quæso ille admirabilis consiliarius, pater futuri sæculi, princeps pacis (Isa. ix, 7), et auferat hunc dolorem de corde meo, quem habeo per diem, id est per singulos dies, sive potius illius diei, lucisque desiderio, cujus adventus illustratione me illuminari confido.

« Usquequo exaltabitur inimicus meus super me? respice et exaudi me, Domine Deus meus. » Ne avertas, inquit, ulterius faciem tuam a me; sed jam nunc respice et exaudi me ut amplius non exaltetur inimicus meus super me.

« Illumina oculos meos ne unquam obdormiam in morte. » Illumina, inquit, oculos meos, illumina oculos mentis meæ: mitte nobis illam tuam clarissimam lucem, quæ illuminat omnem hominem venientem in hunc mundum; mitte nobis Filium tuum, cujus sanguine mors ipsa moriatur, et peccatum originale deleatur. Hoc est enim quod sancti maxime timebant, ne illius peccati morte deficerent.

« Ne quando dicat inimicus meus, prævalui adversus eum. » Illi sunt, quibus prævalet inimicus, et de quorum interitu gloriatur, qui vel a peccato originali nondum liberati sunt, vel qui in gravioribus peccatis sine penitentia moriuntur.

« Qui tribulant me exsultabunt, si motus fuero. » Hoc est enim gaudium et exultatio malignorum spirituum, ut viri justi moveantur; ut a Deo, a fide, a veritate, a justitia et ab omni bonitate separentur.

« Ego autem in tua misericordia sperabo. » Nihil enim aliud est, nisi sola Dei misericordia, quæ ab eorum insidiis nos liberare valeat.

« Exsultabit cor meum in salutari tuo. » Ecce, inquit, habeo quod desideravi, quod quæsi et tanto tempore expectavi; videlicet salutarem tuum, Jesum Christum Filium tuum. Amodo igitur gaudebit, exsultabit et lætabitur cor meum in salutari tuo.

« Cantabo Domino, qui bona tribuit mihi, et psallam nomini Domini altissimi. » Quem per altissimum, nisi Deum Patrem intelligamus? cui non immerito cantare et psallere iste promittit; quoniam in adventu Filii sui omnia bona quæ desiderari vel sperari possunt, largitus est.

PSALMUS XIII.

IN FINEM PSALMUS DAVID.

Sæpe jam diximus quid significet in finem, et quid significet Psalmus David (441).

« Dixit insipiens in corde suo, non est Deus, corrupti sunt et abominabiles facti sunt in voluntatibus suis. » Ecclesia loquitur, et Judæorum populum increpat, qui de Domino et Salvatore nostro, quoniam humilis et in forma Dei apparuit, sicut stultus,

(444) Ecclesia Christi vesaniam condemnat Judæorum; facies illa Domini, quæ in vii Psalmo quærebatur, hic jam advenisse narratur. Et ideo primo modo increpat Ecclesia Judæos, qui viso Christo minime crediderunt. « Dixit insipiens. » Secundo modo dicit inani eos trepitatione confundi, qui fructuosum timorem Domini cognoscere noluerunt:

et insipiens, et divinas Scripturas non intelligens, « dixit: Non 322 est Deus. » Unde et corrupti sunt patriarcharum et prophetarum fidem et veritatem non tenentes; et abominabiles facti sunt Deo, et hominibus in pravis suis voluntatibus.

« Non est qui faciat bonum, non est usque ad unum. » Non est, inquit, in illo populo; at verum in alio populo, nec in omnibus aliis qui faciat bonum. Quia enim fidem non habent, nullum eorum opus in bonum illis imputatur (445), quoniam « sine fide impossibile est placere Deo (Hebr. xi, 6). » Quod autem ait, usque ad unum, de illis intelligitur, quibus est unus Deus, una fides, unum baptisma, et sicut Apostolus ait, cor unum et anima una.

« Dominus de cælo prospexit super filios hominum, ut videat si est intelligens aut requirens Deum. » Et quales eos invenit? Sequitur: « Omnes declinaverunt, simul inutiles facti sunt. » Probatum est igitur a divina auctoritate, quia non est qui faciat bonum, non est usque ad unum. Simul autem declinaverunt, quia a veritate recedentes, omnes pariter ad errorem transierunt. Inutiles igitur facti sunt, quoniam neque Deo neque sibi ipsis utilia agunt.

« Sepulcrum patens est guttur eorum, linguis suis dolose agebant, venenum aspidum sub labiis eorum. » Non sufficit, inquit, illis quod bona non faciunt, sed ad suæ damnationis cumulam quibuscumque modis possunt mala operantur. Est autem os eorum sepulcrum patens; quia sic sunt istis suis auditoribus fetor mortis ad mortem, sicut Apostoli odor vitæ ad vitam. Unde et bene subditur: « Linguis suis dolose agebant, venenum aspidum sub labiis eorum. » Venenum aspidum insanabile est. Qui igitur eorum doctrinam credunt et tenent, sic vulnerantur ut sanari non possint.

« Quorum os maledictione et amaritudine plenum est, veloces pedes eorum ad effundendum sanguinem. Contritio et infelicitas in viis eorum, et viam pacis non cognoverunt. » In eo quod ait: « et viam pacis non cognoverunt, » non de solis Judæis, sed de omnibus qui extra Ecclesiam sunt eisdem Christi non habent, omnia hæc intelligenda esse demonstrat. Quæ enim est via pacis, nisi Salvator noster, qui et pax et via vocatur? Ipse enim pax nostra, qui fecit utraque unum (Eph. ii, 14); ipse est: « et via, et veritas, et vita (Joan. xiv, 6). »

« Non est timor Domini ante oculos eorum. » Quia, inquit, omnes isti, de quibus modo superius locutus sumus, viam pacis non cognoverunt, ideo non est timor Dei ante oculos eorum, ac per hoc mala facere non erubescunt, et bona facere non curant. Sequitur: « Nonne cognoscent omnes qui

« Non cognoscent omnes qui operantur iniquitatem. » Ad postremum eorum in fine prædicitur evenire conversio: « cum averterit Dominus. » BEATA.

(445) Observandum S. Brunonem non docere, nihil boni fieri ab infidelibus, sed nihil eis imputari ad meritum, cum fide careant, quæ est principium meriti.

« operantur iniquitatem et qui devorant plebem A
« mean. » sicut escam panis : » et illi qui « Deum
« non invocaverunt, illic trepidaverunt timore, ubi
« non erat timor. »

« Quoniam Deus in generatione justa est ; » quam
tantopere affligere et perdere conatur. Per eos qui
operantur iniquitatem, omnes iniquos homines in-
telligere possumus, sive Judeos, sive gentiles. Per
eos vero qui devorant plebem Dei, sicut escam panis,
tyranni et hæretici specialiter significantur. De qua-
libus scriptum est : « Quia comederunt Jacob, et locum
ejus desolaverunt (Pa. LXXVIII, 7). » Quanta autem avi-
ditate sanctos Dei et anima, et corpore perdant, in eo
manifeste ostendit, quod quasi escam panis plebem
Dei eos devorare dicit. At vero per illos qui « illic
« trepidaverunt timore, ubi non erat timor ; » Ju-
deos proprie intelligimus, qui contra Salvatorem
nostrum conspirantes dicebant : « Si dimittimus eum
sic, venient Romani, et tollent nobis locum et gen-
tem (Joan. XI, 48). » De quibus bene subditur :
« Consilium inopis confudistis ; quoniam Deus spes
« ejus est. » Illic autem est ille inops, de quo dicit
Apostolus : « Qui cum omnium dives esset, pro nobis
pauper factus est (II Cor. VIII, 9). » Hujus autem con-
siliium miseri Judæi spreverunt, damnaverunt, et reci-
pere noluerunt ; sed potius insultando dicebant : « Con-
fidit in Deo, liberet nunc eum si vult (Matth. XXVII,
43). » Et hoc est quod dicitur : « Quoniam Dominus spes
ejus est. »

« Quis dabit ex Sion salutare Israel, dum avertet C
« Dominus captivitatem plebis suæ. » Quis, inquit,
infelices Judæi, cujus vester adjutor et defensor ve-
niens ex Sion, dabit salutem Israel, sicut vestri
prophætæ testantur ? Sic enim in prophetarum libris
scriptum est, quis, « Ex Sion veniet qui auferet
captivitatem Jacob (Rom. XI, 26), » per quem nullum
aliud nisi Christum intelligimus. Decepti sunt igitur
Judæi Antichristum expectantes, quem ipsi Messiam
appellant.

« Lætetur Jacob, et exsulet Israel. » Ille autem
si ad litteram intelligatur, ironice dictum esse vide-
tur, quoniam non lætitia et exultatio, sed magna
calamitas et tristitia eos expectat. Si autem illa
pars populi, quæ in Christum credidit, vel si Jacob
et Israel specialiter accipiat, manifesta intelligentia
est (446).

PSALMUS XIV

323 PSALMUS DAVID.

Quia in hoc titulo non ponitur, in finem, ad ipsum
David, qui hæc scribit, hæc verba referuntur. Et

(446) « Lætabitur Jacob, qui non separatim acce-
pit medicinam. Exsultabit Israel, id est inenarrabili
gaudio consolabitur, quando viderit re quod arden-
tissime desiderabat in spe. » Cassiod.

(447) Cassiodorus tabernaculi etymologiam do-
cens, ait, veteres domos pauperum tabernas appel-
lasse, quod trabibus tantum, non tegulis tegebantur.
ideoque tabernas dici. Et quia ibi habitabant, et cœ-

ipse in hoc psalmo Deum interrogat, atque ipsius re-
sponsionem accipere meretur.

« Domine quis habitabit in tabernaculo tuo ? (447)
« aut quis requiescet in monte sancto tuo ? » Pro-
pheta est qui loquitur, imo ipse Dominus loquitur in
Propheta, sicut ipse alibi dicit : « Audiam quid lo-
quatur in me Dominus Deus (Psal. LXXXIV, 9). »
Hæc autem loquitur ad instructionem nostram, ut
Domino respondente, intelligamus quid agere et te-
nere, et quid fugere et respicere debeamus.

« Qui ingreditur sine macula, et operator justi-
« tiam. » Quis enim sine macula, nisi ille solus
« Qui peccatum non fecit, nec dolus inventus est
in ore ejus (I Petr. II, 22). » Quomodo autem et
illud intelligemus, quia « Peccator quacunq[ue] hora
conversus fuerit, omnium iniquitatum ejus non re-
cordabor (Ezech. XXXIII, 16). » Tales igitur sine
macula ingredi, intelligere debemus, quoniam qua-
lescunq[ue] fuerint, tamen ad poenitentiam conversi
nequaquam in peccatis perseverant. Bene autem
subditur : « Et operator justitiam ; » quia non suffi-
cit abstinere a malo, nisi bona faciamus. Unde est
illud : « Declina a malo, et fac bonum (Psal. XXXVI,
27). »

« Qui loquitur veritatem in corde suo, et non
« egit dolum in lingua sua. » Quod est intelligere,
ut non aliud in corde, et aliud lingua loquamur,
sed quod lingua sonat in corde habeamus.

« Non fecit proximo suo malum. » Hoc est enim
quod in Evangelio Dominus ait : « Quod tibi non vis,
alteri ne feceris (Matth. VII, 12). » Quid si fecit,
et postea satisfecit, et poenitentiam egit ? Semper autem
illud Apostoli in mente habeamus, quod in malo
perseverantibus ait : « Secundum duritiam tuam, et
cor impo[n]ens thesaurizans tibi iram in die revela-
tionis justii judicii Dei (Rom. II, 5). » Hac enim sen-
tentia multa determinari possunt, quæ valde diffi-
cilia esse videntur.

« Et opprobrium non accepit adversus proximum
« suum. » Quid est non accepit ? Non sibi placuit,
non gratum, non acceptabile habuit ; sed si fecit
fecisse poenituit. Sunt enim quidam, sicut scriptum
est, « qui lætantur cum male fecerint, et exsultant
in rebus pessimis (Prov. II, 14). »

D « Ad nihilum deductus est in conspectu ejus mali-
« gnus. » Præteritum secundum consuetudinem pro
futuro posuit. Ad nihilum, inquit, ad mortem, et per-
ditionem, Deo jubente, et contemplante, in die judi-
cii ducetur iniquus, diabolus videlicet, iniquorum
omnium caput, cum omni exercitu suo. Et tunc fiet,
quod sequitur : « Timentes autem Dominus magni-

nabant, sicut antiquis mos erat cibum semel su-
mere, ex duobus nominibus unum traditur factum
esse vocabulum. Hinc jam tabernacula consonanter
dicta sentimus expeditionales, et subitas habitatio-
nes. Sibi ergo Dominus fieri jussit tabernaculum,
quasi domus divina, quæ esset in castris Hebræo-
rum, et cum ipsis moveretur.

« fiat. » Tunc enim Dominus sanctos suos magnificabit, et glorificabit, et super cœlos exaltabit. Hoc versiculo interposito, ad illud redit, de quo loqui coeperat.

« Qui jurat proximo suo, et non decipit eum. » Omnis sanctorum promissio, si bona est, quasi iuramentum firma et stabilis esse debet; et cum omne iudicium malum sit, illud tamen pessimum est, quod decipiendi causa sit.

« Qui pecuniam suam non dedit ad usuram. » Hoc enim et juxta litteram magnum peccatum est, quia in tali facto charitas perit, et pauperes suis facultatibus exspoliantur. Potest tamen, et de illis hoc intelligi, qui gratis non tribuunt, quod gratis acceperunt, et qui omnia opera sua faciunt, ut ab hominibus videantur. « Et munera super innocentem non accepit. » Hoc audiant iudices, hoc audiant sæculi potentes, qui multoties, susceptis muneribus, innocentes affligunt.

« Qui facit hæc, non commovebitur in æternum. » Qui, inquit, facit hæc, quæ modo superius enumerata sunt, iste in tabernaculo Dei habitabit, et in monte sancto ejus requiescens in æternum non commovebitur.

PSALMUS XV.

TITULI INSCRIPTIO IPSI DAVID.

De illa tituli inscriptione loquitur, quæ Hebraicis, græcis, et latinis litteris facta est, et super caput Salvatoris nostri, in cruce pendens posita est. In qua videliret inscriptione continebatur: « Jesus Nazareus Rex Judæorum. » Quod autem ait, ipsi David, ad ipsam Christum Dominum, revera manu fortem, hæc omnia, quæ in hoc psalmo dicuntur referenda esse ostendit.

« 324 Conserva me Domine, quoniam in te speravi. » — « Sicut anima rationalis, et caro unus est homo, ita Deus et homo unus est Christus (Symb. Athan.). » Quoties igitur Salvator noster aliquid petit, quoties se conservari, se adjuvari, et liberari postulat, quoties se in Deo sperare, vel confidere, vel aliquid tale dicit, nihil ad divinitatem, sed omnia ad humanitatem referenda sunt. Divinitas enim Christi, qua Patri per omnia æqualis et similis est, nihilo indiget. Dicit igitur Christus Dominus, non secundum divinitatem, sed secundum humanitatem: « Conserva me, Domine, quoniam in te speravi. » Prope habebat, cui loquebatur, ibi erat, in quem sperabat, humanitas divinitatem rogat, non timore perterrita, quæ tanto adiutorio fulciebatur, sed ut verum hominem se ipsum ostenderet, talia loquebatur: « Dixi Dominus meus es tu. » Unde hoc probas? « Quoniam bonorum meorum non iudiges. » Quæ sunt igitur bona tua? « Omnia quæ habet Pater mea sunt (Joan. xv, 16). » Et Pater, quid habet? Omnia quæcunque sunt sibi bona, sunt et illius et mea sunt.

(448) Notant Maurini in aliquibus editis psalteriis haberi *mirificavi*, sed ipsi lectionem Augustini sequuntur, quam etiam nonnulli codices ms. præferunt. Vulgata legit *mirificavit*; quam lectionem sequitur Cassiod.

A Nihilo indiget Pater, nihilo indiget Filius, et Spiritus sanctus Deus est, et unus Deus, quia ipse solus est, qui suis bonis contentus est, et de alienis bonis nihil habet.

« Sanctis, qui in terra sunt ejus. mirificavi (448) voluntates meas inter illos. » Mirificavit enim Dominus, multumque mirabiles fecit voluntates suas in omnibus sanctis, qui in terra ejus sunt. Quidquid enim in hoc mundo est, in terra illius est, qui cum omnium dives esset, egenus et pauper fieri, et tot et tanta pro nobis sustinere voluit. Cæteri vero præter sanctos, et eos, qui inter illos sunt, de his Salvatoris nostri voluntatibus non admirantur, quia nihil horum verum esse credunt.

B « Multiplicatæ sunt infirmitates eorum, postea acceleraverunt. » Istæ autem infirmitates, quas sancti, et cæteri, qui inter illos erant, qui eorum doctrina, et prædicatione ad fidem Christi conversi sunt, prius quidem multiplicatæ erant; sed postea cum Christus Dominus prædicaret, et ad fidem eos vocaret, acceleraverunt, eurrerunt, crediderunt, et sanati sunt. Et multos quidem secundum carnem, plures vero secundum animam sanavit. Unde et has infirmitates, quas multiplicatas fuisse dicit, non corporum, sed animarum intelligere debemus.

C « Non congregabo conventicula eorum de sanguinibus (449) » Hoc in loco in bona significatione conventicula accipiuntur. Hæc sunt illa conventicula, de quibus Dominus ait: « In domo Patris mei mansiones multæ sunt (Joan. xiv, 2). » In hæc igitur conventicula, et in has domos congregabuntur sancti, qui quamvis infirmi, et peccatores prius fuissent (quod in sanguinibus significatur) omnes tamen, qui in illud convenient, puri et sancti ab omni vitiis sordibus mundati erunt. « Nec memor ero nominum illorum per labia mea. » Quales ipsi erant, talia prius nomina habebant. Vocabantur enim fornicatores, adulteri, homicidæ, sacrilegi, et aliis nominibus, quibus mali homines vocari solent. Nunc autem et dii et filii Dei nominantur. « Ego, inquit, dixi: dii estis, et filii Excelsi omnes (Psal. lxxxi, 6). »

D « Dominus pars hæreditatis meæ, et calicis mei. » Isti, inquit, sunt hæreditas mea, quam videlicet hæreditatem calicem passionis bibendo acquisivi. De quibus Apostolus ait: « Empti enim estis pretio magno, glorificate, et portate Deum in corde vestro (1 Cor. vi, 20). » Fuit autem Dominus pars calicis Christi, quia ejus passioni compassus est. Ostensum est igitur quæ sit hæreditas Christi, et quæ sit hæreditas sanctorum. Solum enim Dominus hæreditas sanctorum est; quia, spreis omnibus quæ in mundo sunt, solum Dominum in partem sibi elegerunt. Bona commutatio, ut et ipsi sint hæreditas Domini, et in hæreditatem habeant Dominum.

(449) Hoc autem nomen *de sanguinibus*, contra artem positum constat esse grammaticam, apud quam pluralis hujus verbi numerus non habetur: et ideo inter idiomata, id est propria Scripturæ divinæ numerandum est. Cassiod.

« Tu es, qui restituiti hereditatem meam mihi. » A Humanitas loquitur, et divinitati gratias agit, cum fortitudinem diaboli vicit, cuius munere hereditatem suscepit.

« Funes ceciderunt mihi in præclaris. » Funiculus, et perticis hereditates suas homines dividunt, quos videlicet funes aliquando in bonam terram, aliquando in sterilem et lapidosam, aliquando etiam in vepres, et spinas cadere necesse est. Sed Dominus commendans hereditatem suam, totam præclaram, et fecundam esse ostendit, dum sibi funes in præclaris cecidisse dicit (450). Et si fortasse, quod sæpe contingit, aliis præclara esse videatur, sibi tamen per omnia præclara esse videtur. Unde et subditur : « Etenim hereditas mea præclara est mihi. »

« Benedicam Dominum, qui tribuit mihi intellectum. Insuper est hoc quoque : benedicam Dominum, quod usque ad noctem increpaverunt me renes mei. » Lætus Dominus 325 et Salvator noster de tam præclara hereditate suo labore conquisita, de omnibus quæ fecit, et quæ a Judæis passus est, Deo Patri benedicit, et gratias agit. Bonus intellectus, bona doctrina, et prædicatio Christi, per quam diabolus victus est, et mundus a morte liberatus. Hic est ille intellectus, et illa doctrina, de qua ipse alibi ait : « Mea doctrina non est mea (Joan. vii, 16). » Erat enim sua secundum divinitatem, sed non erat sua secundum humanitatem, Unde intellectum suum non suum esse, sed sibi a Deo tributum esse dicit. Renes autem ejus Judæi sunt, de quibus secundum carnem originem duxit. Isti autem eum increpare, blasphemare, maledicere, et crudeliter persequi usque ad mortem, quam per noctem intelligimus, non destiterunt. Ipse tamen eorum persecutiones non curabat, tanto talique ipsius divinitatis, quæ in ipso erat, munitus presidio, et hoc est, quod dicit.

« Providebam Domino in conspectu meo semper; quoniam a dextris est mihi ne commovear. » Non est commotus, id est iratus, ut in aliis fieri solet, Salvator noster in illa sua tam dura passione; sed e contrario pietate et misericordia fessus, pro ipsis suis crucifixoribus orabat, dicens : « Pater, ignosce illis, quia nesciunt quid faciunt (Luc. xxiii, 34). » Sic igitur divinitas a dextris ejus erat, quæ non ad iram, et vindictam, sed ad pietatem et misericordiam eum provocabat.

« Propter hoc delectatum est cor meum. » Propter hoc, inquit, delectatum est cor meum, quia divinitas semper mihi a dextris est, quæ me in omnibus dirigit, et custodit. « Et exsultavit lingua mea. » Lingua, videlicet interioris hominis, per quam intellectus, de quo modo diximus, significatur. « In-

super et caro mea requiescet in spe. » In spe utique velocis et cito occurrentis; unde et subditur :

« Quoniam non derelinques animam meam in inferno, nec dabis sanctum tuum videre corruptionem (451). » Divinitas enim simul cum anima in inferno descendit, nec tamen corpus in sepulcro dereliquit. Anima a corpore separari potuit, divinitas autem non potuit, quia Deus ubique est, et omnia continet, Indignum valde esse, ut illa caro sanctissima corruptionem aliquam videret, quæ sine omni corruptione de Virgine nata, sine omni peccato in hoc mundo est conversata.

« Notas mihi fecisti vias vitæ. » — « Exivi, inquit, a Patre, et veni in mundum; iterum relinquo mundum, et vado ad Patrem (Joan. xvi, 28). » Omnes viæ mihi notæ sunt, et eundi, et redeundi itinera cognovi.

« Adimplebis me lætitia cum vultu tuo. » Deum semper videre, et cum illo semper esse summa lætitia est. « Delectationes, » gaudium et exultatione erunt mihi sedenti « in dextera tua usque in finem. »

PSALMUS XVI

ORATIO DAVID.

Ipsius David, qui eam dictavit, hanc orationem esse intelligamus : qui si Salvatoris nostri eam esse voluisset, sicut solitus est, in finem addidisset.

« Exaudi, Domine, justitiam meam. » Vox prophetæ est et totius Ecclesiæ, omniumque fidelium utriusque Testamenti. « Exaudi, inquit, Domine, orationem meam. » Qui se justitiam habere cognoscit, confidenter Deum orare potest. « Intende deprecationi meæ. » Ejusdem deprecationis repetitio est, sicut et id, quod sequenti scribitur versu :

« Auribus percipe orationem meam, non in labiis dolosis. » Non habent sancti labia dolosa, et ideo mundas, et puras faciunt orationes.

« De vultu tuo iudicium meum prodeat, oculi tui videant æquitatem. » Facile in vultu, et in oculis voluntas deprehenditur. Unde et multoties antequam sententia contra reos a iudice proferatur, in facie, et oculis ipsius cognoscitur. Tale est igitur ac si diceret : ostende te iratum, averte faciem tuam ab inimicis meis, et in facie tua cognoscant justum esse iudicium tuum, et causam meam.

« Probasti cor meum, et visitasti nocte, igne me examinasti, et non est inventa in me iniquitas. » Probavit Deus Abraham, probavit Job et Tobiam, probavit et multos alios, et visitavit in nocte angustiarum et tribulationis. Unde et subditur : « Igne me examinasti, et non est inventa in me iniquitas. » Et certe quam multi probantur adhuc, qui tamen, utrum probentur, ignorant, et mala quæ patiuntur non ad

(450) « Hereditas autem Christi est prædestinata multitudo sanctorum. Ubi ideo additum est mihi, quia non in se secundum humanitatem, sed in Patre gloriatur. » Cassiod.

(451) Opportune hic monet Cassiodorus. « Ubi sunt Apollinaristæ fallaciter opinantes, qui dicunt

Dominum Christum animam rationalem non habuisse? » Ecce ipse clamat, ipse Patri gratias agit : quia ejus anima non sit more communi in inferno derelicta; sed celeri resurrectione clarificata, ad cælorum regna pervenerit. »

probationem sibi esse intelligunt. Recordentur igitur istorum sanctorum, et in ipsis suis tribulationibus gratias agant, ut in ipsis quoque iniquitas non inveniat.

« Ut non loquatur os meum opera hominum : propter verba laborum tuorum ego custodivi vias duras. » Que, inquit, dico, non ad inanem laudem et commendationem **326** dico; quia si hoc facerem, tunc loqueretur os meum opera hominum. Verba laborum Dei utriusque Testamenti præcepta intelligimus. Quæ quicunque tenere, et observare desiderant, duras, et asperas vias eos incedere, et custodire necesse est.

« Perfice gressus meos in semitis tuis; ut non moveantur vestigia mea. » Nemo suis viribus, sine Dei adjutorio ad perfectionem pervenire potest. Unde semper Dei misericordia querenda est, qui in via mandatorum suorum pedes nostros confirmet, ut ab his, quæ sibi placita sunt, nulla diabolica persuasionem moveantur vestigia nostra.

« Ego clamavi, quoniam exaudisti me Deus, inclina aurem tuam mihi, et exaudi verba mea. » Multoties, inquit, clamavi, et adhuc clamo, et tu multoties me exaudisti, et adhuc exaudis. Tu enim, quasi dicat, me semper exaudiendo hanc clamandi fiduciam mihi dedisti, ut ad te clamare et orare nunquam desistam.

« Mirifica misericordias tuas, qui salvos facis sperantes in te. » Quotidie misericordias suas mirificat Deus, quia et peccatores ad se convertit, et in te sperantes salvos faciens ab iniquorum hominum et insidiis spirituum malignorum liberat. Isti enim sunt, qui resistunt dexterae Dei; isti sunt, qui pugnare non cessant contra Ecclesiam D. i.

« A resistentibus dextera tua custodi me, Domine, ut pupillam oculi, sub umbra alarum tuarum protege me a facie impiorum, qui me afflixerunt. » Nihil est, quod majori custodia indigeat, quam pupilla oculi, quæ si violata fuerit, lumen amittitur. Illic igitur vir justus se ipsum comparat, ut sine Dei custodia fragilem se, et facile periturum se esse ostendat. Per alas vero Dei quid aliud, quam virtutes intelligamus, sine quibus ad celestia volare non possumus? Quas si habuerimus, impiorum impetus, et insidias non timebimus; cum de fide Apostolus dicat: « Sancti per fidem vicerunt regna, operati sunt justitiam, adepti sunt repromissiones, obtulerunt ora leonum, exstinxerunt impetum ignis, effugerunt aciem gladii, convalescerunt de infirmitate, fortes facti sunt in bello, etc. (Hebr. xi, 33.). » Fides igitur, et aliæ virtutes nos protegant, et defendunt, sine quarum munitione inimicorum insidias evadere non valeamus.

« Inimici mei animam meam circumdederunt. » Ad quid? Ut eam caperent, et deciperent, et suis erroribus implicarent. Sed sicut alibi dicitur: « Anima nostra sicut passer erepta est de laqueo venantium (Psal. cxiii, 7.). »

« Adipem suum concluderunt. » Quid per adipem?

A nisi omnium iniquitatum et deceptionum crassitudinem, et superabundantiam intelligamus? De hoc quoque adipem alibi dicitur: « Prodiit quasi ex adipem iniquitas eorum (Psal. lxxii, 7.). » Unde et tauri pingues vocantur, qui tali adipem impinguati sunt. Nunc autem adipem impii et peccatores, tyranni videlicet, Judæi, et hæretici mente conceperunt, in corde concluderunt, memoriæ commendaverunt, ut suo tempore contra sanctos Dei dolose, et violenter effunderent. Unde et subditur: « Os eorum locutum est superbiā. » Hoc autem faciebant, quando Christum blasphemabant, et sanctos deridebant, eisque imprecando, dicebant, quod hominem mortuum adorarent; qui de manibus illorum liberare non posset, sicut neque se ipsum de manibus Judæorum liberare potuit.

« Projicientes me nunc circumdederunt me. » Unde projicientes? vis audire? de domibus nostris, de honoribus nostris, de possessionibus nostris, de habitationibus nostris, de dignitatibus nostris. Sed quare circumdederunt? Ut eos caperent, tenerent, ligarent, flagellarent, et post multos cruciatus morti condemnarent. Hoc autem faciebant, quia Deum nesciebant, neque post hanc vitam aliam esse credebant. Unde et subditur: « Oculos suos statuerunt declinare in terram. » Quia enim aliam vitam ignorabant, sola terrena, et transitoria cogitabant.

« Susceperunt me sicut leo paratus ad prædam, et sicut catulus leonis habitans in abditis. » Quanta crudelitate sanctos Dei interficerent, his paucis verbis demonstratur.

« Exsurge, Domine, præveni eos. » Exsurge, inquit, Domine, sanctis tuis in adjutorium, præveni eos, qui illos prævenire et decipere conantur, ut cito pereant et eas quas diligunt divitias amittant. Hoc autem contra Judæos specialiter dicere videtur, qui primam persecutionem contra Ecclesiam moverunt, et in Jesum Christum Dominum nostrum impias manus mittere non timerunt. Qui cum sanctos apostolos interficere, et Christi nomen et memoriam penitus de terra auferre conarentur a Romanis præventi, capti, subversi, et in servitutem deducti sunt.

« Eripe animam meam ab impio. » Eripe, inquit, animam meam ab illo impio Judæorum populo, qui legem et prophetas male interpretando, multos decipit, et in errorem cadere fecit. « Frameam inimicorum de manu tua. » Frameam inimicorum intelligere debemus omnia instrumenta, et materialia, et spiritualia, quibus et se defendere, et Christianos impugnare possunt. Plures enim suis rationibus, suis syllogismis et argumentationibus, quam materialibus armis Judæi, et hæretici de Christianis interfecerunt. Rogant igitur Dominum sancti, quatenus hanc frameam eis auferat, ne simplicem populum in ea interficere, et decipere valeat. Quod autem ait: « de manu tua, » tale est ac si diceret, virtute, et fortitudine tua. Neque **327** enim tantum ad verba quantum ad loquentis voluntatem attendere debemus.

« Domine, a paucis de terra disperdire eos. » Per A paucos enim illos intelligimus, de quibus in Evangelio Dominus ait : « Multi enim sunt vocati, pauci vero electi (Matth. xxi, 14). » Ab his autem in iudicio separabuntur mali, quando agni ponentur a dextris, hædi autem a sinistris. « Et supplantat eos in vita ipsorum. » Prius enim quam de hac vita Judæi transeant, se supplantatos fuisse intelligent. Hoc autem erit post mortem Antichristi, quando cognita veritate, illi qui tunc erunt, ad fidem convertentur, de quibus etiam scriptum est : « Convertentur ad vesperam (Psal. lviij, 7); » et alibi : « In diebus salvabitur Juda (Jer. xxxiii, 16). » Potest et sic intelligi quod ait : « Et supplantat eos, » ac si dixisset : Supplantari eos permittit quod non tantum imprecando, quantum prophetando dixit; quoniam sic futurum esse prævidit.

« De absconditis tuis adimpletus est venter eorum. » Venter, inquit, illorum, id est paucorum, a quibus isti separati sunt. De absconditis tuis, id est secretis tuis adimpletus est. Per quem sapientia et scientia thesauros intelligimus, quos nulli alii habent, nisi illi qui Christi fidem et evangelicæ prædicationis doctrinam suscipere meruerunt. « Isti vero e contra (453) saturati sunt porcina. » Quæcumque in lege, et prophetis, et Evangeliorum libris a Domino prohibita sunt, per carnem porcina signifiantur. Quod igitur ait : « Saturati sunt porcina, » tale est, ac si diceret : Vitii omnibus et peccatis pleni sunt. Et quæcumque in Scripturis sanctis Dominus facere interdixit, ista facere non timerunt. « Et reliquerunt quæ superfluerunt parvulis suis. » Eandem enim doctrinam atque errorem, quem post Christi passionem Judæi qui tunc erant, docuerunt et tenuerunt, tenent isti qui modo sunt : tenebant et illi qui post eos futuri sunt, usque ad eos qui in fine sæculi salvandi sunt.

« Ego autem cum iustitia apparebo in conspectu tuo, satior, dum manifestabitur gloria tua. » Ego, inquit, propheta, et Ecclesia, et sanctorum omnium multitudo cum iustitia, quam te iubente custodivi et tenui, apparebo in conspectu tuo, et satior non porcina, ut isti, sed illis tuis deliciis ineffabilibus, quibus angeli utuntur et reficiuntur, dum manifestabitur gloria tua.

PSALMUS XVII.

IN FINEM PUERO DOMINO DAVID. QUI LOCUTUS EST AD DOMINUM VERBA CANTICI HUIUS, IN DIE QUÆ ERIPUIT EUM DE MANU OMNIUM INIMICORUM EJUS, ET DE MANU SAUL; ET DIXIT :

« In finem, » inquit, hæc referenda sunt ad illum videlicet finem, de quo Apostolus ait : « Finis legis Christus est (Rom. x, 4), » qui etiam de se ipso loquitur, dicens : « Ego sum Alpha et Omega, primus et novissimus, initium et finis (Apoc. i, 17). » In

(452) Ibi notant Maurini in quibusdam codicibus esse *viā*, latine *filiis*, in aliis *viā*, *porcis*, aut *viā* *porcinis*, sive *porcina*; quæ dictiones inter se affines causam præbuerunt, cur in Vulgata translatus fuerit : « Saturati sunt filii, » et in vetustissima itala

finem igitur hæc transferantur, et puero Domino David, id est Salvatore nostro adscribantur. David enim manu fortis interpretatur. Sed quis tam fortis ut ille de quo dicitur : « Dominus fortis et potens, Dominus fortis in prælio (Psal. xxiij, 8). » Hæc igitur Filius locutus est ad Patrem in die passionis suæ, quando ab omnibus inimicorum suorum insidiis liberatus est, et diabolus superatus, qui per Saul significatur, eum jam ulterius persequi cessavit.

« Diligam te Domine, virtus mea, Domine armamentum meum, et refugium meum. » Loquitur Filius ad Patrem, loquitur humanitas ad divinitatem, suæque dilectionis, et affectum simul, et causam ostendit : dum suam virtutem, suum armamentum, suum refugium, suum liberatorem, suum adiutorem et protectorem suum esse dicit. Hæc autem cum dixisse puto, cum ad crucem duceretur, in qua se inimicos omnes superare, et de ipso humani generis hoste triumphare non dubitabat. Merito, inquit, diligo te, semperque diligam, quod quidem ipso tantæ obedientiæ experimento facile probari potest. « Domine virtus mea, Domine armamentum meum, et refugium meum, et liberator meus, Deus meus, adiutor meus, sperabo in eum. » Prophetarum est subito mutare personas.

« Protector meus, et cornu salutis meæ. » Cornu in divina pagina pro fortitudine ponitur, sicut in hoc loco, ubi dicitur : « Vineæ facta est dilecto in cornu (453) olei (Isa. vi, 1). » Sequitur :

« Adjutor meus, laudans invocabo Dominum, et ab inimicis meis salvus ero. » Hoc autem fecit in illa hora qua dixit : « Pater, in manus tuas commendo spiritum meum (Luc. xxi, 46). » 328 Nunc autem ipsam suæ passionis breviter historiam narrat.

« Circumdederunt me gemitus mortis. » Hoc autem factum est, quando turba (ut in Evangelio legitur) et qui vocabatur Judas, venit cum gladiis et fustibus comprehendere eum; quando iniecerunt manus in Jesum, et tenuerunt eum, et vincium duxerunt ad principes sacerdotum. In eo vero quod gemitus mortis, et humanæ passionis affectus sibi accessisse dicit, verum se hominem esse ostendit, et non phantasticum, ut quidam hæretici prædicaverunt, sed in veritate idem ipse et captus, et ligatus, et crucifixus, et mortuus est. « Et torrentes iniquitatis conturbaverunt me. » Torrentes iniquitatis Judæos vocat, quia quasi torrens inundans eum, magno impetu et furore super eum in illa nocte venerunt, unde et discipuli perterriti, eo relicto, fugerunt.

« Dolores inferni circumdederunt me. » Per quod datur intelligi magnos et intolerabiles dolores eum in illa nocte et in illo die sustinuisse. Quamvis enim in potestate illius erat, secundum voluntatem suam

ut legitur in Psalterio Eccl. Vaticanæ : « Saturati sunt porcina; » quam translationem secutus est S. Bruno, eandemque habent interpretationem, et lectionem S. Augustinus et Cassiodorus.
(453) Cod. Ghs. *filiis* : ita et in Vulgata

illos dolores sustinere et mitigare, dignum tamen est quod eos tales fuisse dicit, quales cæteri homines sustinere solent. Quare fideles ejus cognoscant et intelligant, quantum nos dilexerit, qui talia tantaque pro nobis sua sponte sustinere voluit.

« Prævenierunt me laquei mortis. » Laquei mortis illi sunt, qui ea quæ capiunt et tenent, et ad mortem trahunt. Tales laquei fuerunt Judæi, qui eum prævenientes, et simul cum Juda proditore super eum irruentes, usque ad mortem eum non dimiserunt.

« Et in tribulatione mea invocavi Dominum, et ad Deum meum clamavi. » Et ipse quid fecit? Sequitur: « Et exaudivit de templo sancto suo vocem meam, et clamor meus in conspectu ejus, et introivit in aures ejus. » Audivimus in Evangelio quid clamaverit et quomodo Deum invocaverit. Audivimus, et nunc ipso dicente, quod exauditus fuerit, quod quidem firmissime credimus, et nullatenus dubitamus. Quod autem ait: « De templo sancto suo. » Quid convenientius quam de se ipso intelligi potest? Templum namque Dei ipse est, in quo, sicut Apostolus ait, inhabitat omnis plenitudo divinitatis corporaliter (*Coloss. ii, 9*). Unde et ipse dicebat: « Solvite templum hoc, et ego in triduo resuscitabo illud (*Joan. ii, 19*). » Quod statim exponens Evangelista, ait, hoc autem dicebat de templo corporis sui. In se ipso igitur erat, et ille qui orabat, et ille qui exaudivat, neque indigebant colloctione, quorum una voluntas et conscientia erat. Unde et dicit: « Et clamor meus in conspectu ejus; » quia neque divinitas ab humanitate, neque humanitas a divinitate aliquando separatur. Huc usque Dominus suæ passionis historiam texit, cætera quæ sequuntur Ecclesia loquitur de his quæ post Christi passionem in ea facta sunt.

« Et commota est, et contremuit terra. » Postquam, inquit, Dominus celos ascendit, et ubique gentium ad prædicandum discipulos misit, tota terra commota est, aliis defendentibus, aliis impugnantibus veritatem, et tunc quidem completum est, quod Dominus ait: « Nolite putare quia veni mittere pacem in terram; non veni mittere pacem, sed gladium. Ex hoc, inquit, erunt quinque in domo una, et duo in tres, et tres dividuntur in duos. Filius pugnabit contra patrem, et filia contra matrem, et nurus contra socrum suam (*Matth. x, 34*). » Sic igitur terra commota est, et sic contremuit. Timebat enim unusquisque suæ parti, ne in tanto confictu vince-
retur.

« Et fundamenta montium conturbata sunt, et commota sunt, quoniam iratus est eis Deus. » Non solum, inquit, terra commota est, verum etiam ipsi montes, et ipsorum montium fundamenta conturbata et commota sunt. Quid enim per montes, nisi potentiores hujus mundi, prudentiores et sapientiores intelligimus? Hoc enim sunt illi ad homines inferiores, quod montes sunt ad loca planiora.

(454) Id. co. J. Chis.: « Nunc Cherubim vocat, et eos quos montes vocaverat nunc ventos, » etc.

A Fundamenta vero montium Romani principes mihi esse videntur, qui tunc temporis totum mundum portabant, regébant et sustinebant. Omnes autem isti contra sanctos Dei, et fidem Christianam commoti et conturbati sunt. Quare? « Quia iratus est eis Deus. » Nisi enim eis iratus fuisset, sicut alios ad se trahebat, ita quoque istos ad se traxisset. « Nemo enim venit ad me, » dicit Dominus, « nisi Pater, qui misit me, traxerit eum (*Joan. vi, 44*). » Unde ipse ait: « Ego scio quos elegerim (*Joan. xiii, 18*). » Et Apostolus: « Videte vocationem vestram, fratres, quia non multi nobiles inter vos, non multi potentes, sed ignobilia mundi elegit Deus (*I Cor. i, 26*). » Sciant igitur omnes homines iniqui, et qui veritatem impugnare et Ecclesiam affligere non cessant, quoniam iratus est eis Deus.

« Ascendit fumus in ira ejus, et ignis a facie ejus exardescit. » Hoc est enim quod alibi dicit: « Dominus in ira sua conturbavit eos, et devorabit eos ignis (*Psal. xx, 10*). » Et illud: « Ignis succensus est in furore meo, et ardebit usque ad inferni novissimam (*Deut. xxxii, 22*). » Hic igitur ille ignis, de quo Dominus in iudicio dicturus est: « Ite, maledicti, in ignem æternum, qui paratus est diabolo et angelis ejus (*Matth. xxv, 41*). » Si igitur ignis æternus est, utique et fumus æternus est. Uterque autem et ignis et fumus magnum tormentum est.

« Carbones succensi sunt ab eo. » Et qui sunt isti carbones, nisi homines iniqui, quales sunt illi quos modo montes et montium fundamenta vocavit? Isti autem semel succensi nunquam amplius exstinguuntur, sed semper et sine fine ardebunt.

329 « Et inclinavit celos, et descendit, et caligo sub pedibus ejus. » Isti sunt illi celī, de quibus dicitur: « Celi enarrant gloriam Dei (*Psal. xviii, 1*). » per quos apostolos intelligimus, quos tunc Dominus inclinavit, quando eos in mundum universum ad prædicandum mittens, ait: « Ite, docete omnes gentes, baptizantes eos in nomine Patris, et Filii, et Spiritus sancti (*Matth. xxviii, 19*). » Et magna quidem inclinatio est, quando celī ad terram, justī ad peccatores, filii Dei ad idololatrias et dæmoniorum servos mittuntur. Tales erant illi, ad quos vocandos, sanandos, lavandos, illuminandos et resuscitandos apostoli missi sunt. Et non solum eos inclinavit, et misit, verum etiam eum illis abiit et descendit. Sic enim eis promiserat, dicens: « Ecce ego vobiscum sum omnibus diebus usque ad consummationem sæculi (*Matth. xxviii, 20*). » Sed quid est, quod ait: « Et caligo sub pedibus ejus? » De peccatoribus namque Apostolus ait: « Fuistis enim aliquando tenebræ, nunc autem lux in Domino (*Ephes. v, 10*). » Si tenebræ, et caligo. Talis igitur caligo, talesque tenebræ doctrina apostolorum illuminatæ sub Christi pedibus se humiliare et jacere gaudent.

« Et ascendit super Cherubim, et volavit super pennas ventorum. » Quos modo superius celos dixerat, nunc ventos appellat (454). Interpretatur

enim *Cherubim scientiæ plenitudo*. Et ubi tanta scientiæ plenitudo, quanta in sanctis apostolis; quos prius Dei Filius, deinde Spiritus sanctus instruxit et docuit? Et vide elegantiam locutionis in cælis descendere, in Cherubim ascendere dicitur. Neque enim aliter cæli terræ jungi possunt, nisi se inclinent et descenderent. Super Cherubim vero ascendit ut, eis volantibus; pennas ventorum supergrediatur. Diverse quidem sunt rationes, ut sancti apostoli nunc cæli, nunc Cherubim, nunc nubes, nunc boves, nunc equi vocentur, et aliis nominibus, diversis ex causis illis convenientibus. Ascendit igitur super Cherubim, id est super apostolos suos, quibus, sicut ipse ait, dederat os et sapientiam, cui non possent resistere omnes ejus adversarii. « Ascendit, » inquit, « et volavit. » Ubi? « Supra pennas ventorum. » Bene autem Apostolos volasse dixit, ut eorum celebritatem ostenderet, qui brevissimo tempore totum mundum sua prædicatione repleverunt. Sicut enim alibi dicitur: « In omnem terram exivit sonus eorum, et in fines orbis terræ verba eorum (Psal. xviii, 4) (455). Per ventos enim, sicut diximus, reges et principes, cæterique hujus sæculi potentes significantur, qui hoc mare magnum et spatiosum, id est mundum istum ventilant et perturbant; et vix aliquando quiescere sinunt. Soli enim venti mari dominantur, itrique maxime suam potestatem ostendunt. Super tales igitur Dominus volasse dicitur, quia ejus virtus atque potestas omnes mundi hujus potestates supergreditur, et nihil est quod ejus imperio non subjiciatur. Sive etiam super eos volavit, quia habitationis locum in eis non accepit, sed desuper volans ad alios festinavit.

« Et posuit tenebras latibulum suum (456). » Quasi aliquis diceret: Sic ita volavit, et super pennas ventorum volavit, ubi eum quaeremus? Ubi reperiemus? Cui respondetur, « et posuit tenebras latibulum suum. » Dico ergo: « Si Deus lux est; et tenebræ in eo non sunt ullæ (Joan. 1, 5), » quomodo in tenebris lucet? An fortasse; quia sicut scriptum est, « Deum nemo vidit unquam? (Ibid., 18.) Satis in tenebris est id, quod videri non potest. Aliter tamen in tenebris latet Dominus, ubi ab his, qui pio desiderio eum quaerunt, facile reperitur. Tenebræ enim dicuntur utriusque Testamenti scripturæ, quia obscuræ sunt, et non ab aliis quam a fidelibus penetrari possunt. Qui igitur Deum quaerit, et eum cognoscere et videre desiderat, has tenebras ingreditur, et ibi inveniet illam lucem quæ illuminat omnem hominem venientem in hunc mundum. Hoc enim significavit Moyses, qui in monte Sinai, ut cum Domino loqueretur, nebulam et caliginem intrasse dicitur. Sequitur:

« In circuitu ejus tabernaculum ejus, tenebrosa aqua in nubibus aeris. » In circuitu, inquit,

(455) Id. cod.: « Sed quid est quod ait, *super pennas ventorum*? »

(456) Brevior Augustinus: « Et posuit obscuritatem sacramentorum et occultam spem in corde cre-

A hujus latibuli, tabernaculum Dei, id est viri religiosi, majorisque scientiæ quotidie morantur, ubi suum ingenium exercent, ibi Dei voluntatem et notitiam quaerunt, et quaerendo inveniunt. Cum enim Evangelium, vel alia qualibet divina Scriptura in Ecclesia legitur, et totus populus, qui Dei tabernaculum vocatur, intentis auribus circum assistit, tunc quidem in circuitu prædicti latibuli tabernaculum Dei stare videmus. De quo latibulo adhuc subditur:

« Tenebrosa aqua in nubibus aeris. » Tenebrosus enim et tenebrosa a tenebris denominantur. Quia igitur latibulum in tenebris est, aqua quoque quæ in latibulo est, non immerito tenebrosa vocatur (457). De quibus videlicet nubibus, quod in sequentibus dicitur, audiamus:

B « Præ fulgore in conspectu ejus nubes transierunt. » Præ fulgore hoc in loco una pars est; tale est, ac si diceret: Præ fulgore, id est præclaræ et splendide 330 nubes, per quas apostolos significari diximus, transierunt. In quorum transitu grando, et carbones ignis facti sunt; undecunque transierunt. In eo vero, quod eos transisse dicit, quantam in prædicatione sollicitudinem habuerint, apertissime manifestat. Non diutius morabantur in uno loco, sed semper de loco transibant ad alium locum. Quid vero per grandinem et carbones ignis, nisi eorum verba et sermones intelligimus, quibus peccatoribus, nisi converterentur et poenitentiam agerent, omnium tormentorum grandinem, æterni ignis flammam et incendium minabantur? Hanc enim grandinem et hos carbones ignis beatus Joannes Baptista spargebat, cum diceret: « Poenitentiam agite: appropinquavit enim regnum cælorum. Jam securis ad radicem arboris posita est. Omnis arbor, quæ non facit fructum bonum, excidetur, et in ignem mittetur (Luc. 3, 9). » Bene autem dixit « in conspectu ejus, » quia semper eos respicit Deus, et nunquam eorum obliviscitur.

C « Et intonuit de cælo Dominus, et Altissimus dedit vocem suam. » Illic versus superioris versus expositio esse videtur. Sive enim cæli, sive nubes, sive Cherubim apostoli dicantur, eadem significatio est. « Intonuit igitur de cælo Dominus, et Altissimus dedit vocem suam, » quando per ora apostolorum, quos modo superius nubes vocavit, quis ignis, quæ grando, qualis cruciatus et quanta tormenta peccatores expectant, manifestavit. Unde adhuc subditur:

D « Misit sagittas suas, et dissipavit eos, fulgura multiplicavit, et conturbavit eos. » Ecce iterum, quæ grandinem et carbones ignis dixerat, modo sagittas et fulgura vocat. Tales sagittas et talia fulgura illi duo fratres mittere et jaculari solebant, qui Boanerges, id est filii tonitruum in Evangelio vocan-

dentium, ubi lateret ipse, non eos deservens.

(457) Id. cod.: « Istæ nubes, apostoli et prophetae, eorum Scripturæ intelliguntur, quæ cum obscuræ sint, tenebræ esse dicuntur. »

tur, Jacobus (458) et Joannes. « Dissipavit autem eos, et conturbavit, » contra quos has sagittas et fulgura mittebat, non secundum substantiam, sed secundum malitiam. Sic enim dissipare et conturbare eos Dominus volebat, quibus dicebat: « Qui vult venire post me, abneget semetipsum (Luc. ix, 13). » Sic Apostolus se ipsum dissipatum et conturbatum esse ostendit, ubi ait: « Vivo ego, jam non ego, vivit vero in me Christus (Galat. ii, 20). » O utinam et nos ita dissipari et conturbari mereamur! Et prius quidem pauci sagittarii et fulguratores fuerunt, sed boni; postea vero crescente numero electorum multiplicati sunt super numerum. Et tunc quidem factum est quod sequitur:

« Et apparuerunt fontes aquarum, et revelata sunt fundamenta (459) terræ. Ab increpatione tua, Domine, ab inspiratione spiritus iræ tuæ. » Tot sunt fontes aquarum, quot sunt prophetae et apostoli, omnesque sancti prædicatores, eorumque librorum volumina. Illi quoque digne satis fundamenta orbis terræ dicuntur, quia super eos tota Ecclesia fundata est. Unde Apostolus ait: « Superædificati super fundamentum apostolorum et prophetarum (Ephes. ii, 20). » Isti autem fontes, ut hæc fundamenta tunc apparuerunt et revelata sunt, quando Ecclesie doctores jam super multiplicati, ubique gentium prædicare, peccatores increpare, Scripturas exponere, et in ipsis Scripturis ostendere iram Dei, et indignationem, et tormentorum omnium inundationem, eos exspectare, qui in peccatis suis perseverant, et penitentiam agere recusant. Huc usque S. Ecclesia de apostolorum prædicatione et gentium conversione locuta est. Hinc vero tyrannorum persecutiones quas passa est, et magnas Dei misericordias, quas in ipsis persecutionibus et inter ipsa tormenta experta est, narrare incipit.

« Misit de summo, et accepit me et assumpsit me de multitudine aquarum: eripuit me de inimicis meis fortissimis, et ab his, qui oderunt me, » quoniam confortati sunt super me. » Dicit quia de summo ad se liberandam: sed quid miserit, hic quidem non dicit; alibi vero dicit, ubi ait: « Misit Deus misericordiam suam et veritatem suam, animam meam eripuit de medio catulorum leonum (Psal. lvi, 5). » Quos igitur ibi catulos leonum dicit, hoc in loco aquas multas, et fortissimos inimicos vocat. De talibus autem sancta Ecclesia sæpe liberata est, sola Dei misericordia et veritate quam prædicabat optulante. Misit autem de summo, de re ipso, quem summum bonum de suæ divinitatis altissimo secreto; unde veniunt omnia bona, sicut scriptum est: « Omne datum optimum, et omne donum perfectum desursum est, descendens a Patre suminum (Jacob. i, 17). » Sic legitur de talibus; a Deo liberata est, ac si de aquarum multa profunditate vel de leonum faucibus attraheretur.

(458) II. cod., videlicet.

(459) Id. cod., orbis.

« Prævenierunt me in die afflictionis meæ. » Prævenierunt me, inquit, et quasi incaute præoccupaverunt cum magna ira, et furore super me irruentes, ad reges et præsides attrahentes, flagellantes, multisque modis insultantes. Sed quid fecit Dominus? « Et factus est, » inquit, Dominus protector meus, et eduxit me in latitudinem, salvum me fecit quoniam voluit. » Quia, inquit, me dilexit, et voluit, et amittere noluit, de magnis tribulationibus, et angustiis me traxit, et in latitudinem adduxit. Per latitudinem autem, gradium, et exultationem, et securitatem significat.

« Et retribuet mihi Dominus secundum justitiam meam, et secundum innocentiam manuum mearum » retribuet 331 mihi. » Et de tribulationibus, inquit, me liberavit, et adhuc de servitio retributionem et mercedem exspecto: quia justus est, et reddet unicuique secundum opera sua. Unde et subditur: « Quia custodivi vias Domini, nec impie gessi a Deo meo. » Hoc est itaque, unde adhuc retributionem exspectat. Quid est autem vias Domini custodire, nisi ejus mandata observare? Inipie autem a Deo agit, qui aliquo casu ab eo separatur.

« Quoniam omnia judicia ejus in conspectu meo sunt semper, et justitiam ejus non repuli a me. » Magnæ namque (460) causæ sunt istæ exspectanda: retributionis. Qui enim vias Domini custodit, et nullo casu ab eo recedit, judicia ejus observat, et tenet, et nunquam justitiam ejus a se repellit, quid amplius facere potest? Et quasi aliquis diceret: Ecce bene hodie (461) hæc omnia fecisti; sed te facturum esse nondum promisti. Ad quod ipsa.

« Et ero immaculatus coram eo, et observabo me ab iniquitate mea. » Et fecit, inquit, et faciam, et ad antiquæ conversationis pravitatem et iniquitatem nunquam revertar. Unde certa sum (dicit Ecclesia, vel quæcunque fidelis anima) « quia retribuet mihi Dominus secundum justitiam meam, et secundum innocentiam manuum mearum in conspectu oculorum ejus. » Quia manus opera sunt, omnia opera quocunque modo sunt per manus significari possunt, et est causa pro effectu. Quod autem dicit: « in conspectu oculorum ejus; talia sua opera ostendit, quæ Deo placeant, et ejus visionem mereantur. Nunc autem mutat personam, et ad ipsum Dominum suæ locutionis sermonem dirigit.

« Cum sancto sanctus eris, et cum viro innocente innocens eris, et cum electo electus eris, et cum perverso subverteris. » Hoc autem his verbis dicitur videtur; quia Dominus sanctus est, sanctos non deseret, et quia innocens est, innocens non nocebit, et quia populo suo electus est, et electum suum non derelinquet. Quod autem sequitur: « Et cum perverso subverteris, » sic est accipiendum, sicut et multa alia, quæ quamvis ipse non faciat, facere tamen dicitur, quia facientes quodammodo imitari videtur. Cum

(460) Id. cod., et dignæ.

(461) Id. cod., usque hodie.

enim nunquam poeniteat vel irascatur, et poenitere tamen et irasci dicitur, cum poenitentis et irascentis affectum ostendit. Sic igitur cum idem semper, et immutabilis sit, subverti tamen, et a propria voluntate mutari videtur, cum eum quem prius dilexerat, postea propter suam perversitatem a se repellit. Unde et sequitur :

« Quoniam tu populum humilem salvum facies, et oculos superbiorum humiliabis. » In populo namque humili, quem Dominus salvum faciet, omnes quos modo superius dixit, et sancti, et innocentes, et eiectionis continentur. Per superbos vero, qui humiliandi sunt, soli perversi significantur.

« Quoniam tu illuminas lucernam meam Domine Deus, illumina tenebras meas. » Lucerna Ecclesiae episcopi sunt, et sacerdotes, omnesque alii quorum verbis et exemplis caetera multitudo illuminatur. De tenebris autem Apostolus dicit : « Fuistis aliquando tenebrae, nunc autem lux in Domino (Ephes. v, 10). » In corpore autem ecclesiastico, et boni, et mali, etusti, et peccatores, et perfecti, et imperfecti, et sapientes, et insipientes continentur. Inter hos autem multi sunt, qui tenebrae vocantur. Si enim boni ideo lucerna dicuntur, quia alios illuminant; quare et mali tenebrae non dicantur, qui verbis et exemplis alios excaveant? Pro talibus igitur orat Ecclesia, ut illuminentur, ne tenebrarum principem sequentes in majores tenebras demergantur. Nam et ipse inde tenebrarum princeps dicitur, qui iniquorum hominum princeps est, qui tenebrae dicuntur.

« Quoniam a te eripiar a tentatione, et in Deo meo transgrediar murum. » Ideo, inquit, rogavi te, ut illumines tenebras meas, qui magnam in illis patior tentationem, a qua videlicet, nisi a te et per te liberari non possum. Tu igitur et meis precibus, et tua benignitate eos illuminabis, et a suis tentationibus liberabis; et ego in te Deo meo et protectore meo transgrediar murum. Magnus inter nos, et Deum murus positus est, quem nisi divino adiutorio transire non possumus. Per hunc autem murum malignorum spirituum incitamenta, et vitiorum omnium impedimenta intelligimus. Nunc iterum mutat personam, et laudes Domini, cui loquebatur, quasi exaudita praedicat et extollit.

« Deus meus, impolluta via ejus. » Qualis, inquit, est hic Deus meus, quam clemens, quam benignus, quam verax; qui nulli mentitur, et nunquam deserit sperantes in se. « Impolluta via ejus. » Omnia opera ejus pura et sancta, et omnes viæ ejus misericordiae et veritatis : « Eloquia Domini igne examinata protector est omnium sperantium in se (Psalm. xvii, 31). » Eloquia, inquit, Domini igne sunt examinata, et in tribulationibus, et angustiis, omnium tormentorum incendiis a fidelibus probata, quia quaecunque illis promissit, fideliter adimplevit. Et hoc est, quod dicit : « Protector est omnium sperantium in se. »

« Quoniam quis Deus præter Dominum? aut quis

A « Deus præter Deum nostrum? » Unde 332 et alibi dicitur : « Omnes dii gentium daemonia, Dominus autem cælos fecit (Psalm. xcvi, 3). »

« Deus qui præcinxit me virtute, et posuit immaculatam viam meam. » Tanta virtute præcincta est Ecclesia, ut tunc quoque vincat, quando vincita esse putatur. Nulla sibi major victoria est, nullus triumphus major, quam tormentis non succumbere, et (462) patiendo patientiam non amittere. Unde et viam suam immaculatam esse dicit, quia inter ipsa tormenta fidem custodivit, et recto et inviolato itinere ad Deum ivit.

« Qui perfecit pedes meos tanquam cervi, et super excelsa statuit me. » Pedes animæ bona opera sunt, virtutes et mores honesti, quibus in via mandatorum currit, quibus sustinetur atque portatur, et super excelsa cælorum statuitur et exaltatur. Ipsi autem pedes cervorum pedibus comparantur, quia cito facilique cursu ad statutum locum iam perducunt.

« Qui docet manus meas ad prælium, et posuit ut arcum æreum brachia mea. » Per manus et brachia bonus intellectus et bona intentio significantur, qui sapienter a Domino edocti contra omnia iniquorum insidias viriliter præliantur.

« Et dedisti (463) protectionem salutis tuæ, et dextera tua suscepit me, et disciplina tua ipse me docebit. » Securus ad prælium vadit, qui tali protectione salvatur, tali dextera suscipitur, et tali disciplina docetur.

C « Dilatasti gressus meos subter me, et non sunt infirmata vestigia mea. » Sive, inquit, fugere, sive hostes persequi volui, validos et veloces gressus, et vestigia habui. Utrumque enim utile est et fugere et pugnare, ubi necesse est. Fugunt illi, qui peccandi timore ubicunque se abscondunt, vel qui peccandi instrumenta a se repellunt. Illi vero persequuntur, qui dura poenitentia vitia superant, et qui orationibus et jejuniis ipsos malignos spiritus a se repellunt. Sed qui hoc non intelligit, martyrum agones et beatorum Benedicti, Antonii et Hilarionis historias legat.

« Persequar inimicos meos, et comprehendam illos, et non convertar, donec deficiant. Affligam illos, et nec poterunt stare. » Qui sic loquitur non timet inimicos, nec fugere, sed pugnare desiderat. Beati illi, qui sic pugnant, qui omnia vitia, omnesque voluptates, carnisque concupiscentias in se interficiunt. Hoc enim significavit Dominus per Moysen, ubi omnes gentes, quæ terram promissionis possidebant, usque ad internecionem interficere jussit.

« Cadent subter pedes meos. » Quod per pedes virtutes et bona opera significantur, modo superius diximus, quibus videlicet omnis vitiorum exercitus vincitur et concutitur. Ecce iterum Ecclesia mutat personam, et ad ipsum Dominum suæ locutionis verba convertit.

« Et præcinxisti me virtute ad bellum (464). » In hoc prælio, de quo Ecclesia modo loqui incipit, non solum contra vitia et malignos spiritus, verum etiam contra tyrannos, Judæos et hæreticos se pugnasse ostendit. « Et præcinxisti me virtute ad bellum. » Tanta enim virtute præcinxit Dominus sanctos suos atque munivit, ut nullo tormentorum genere, nulla philosophorum disputatione vinci potuissent.

« Supplantasti omnes insurgentes in me subitus me. » Quid est supplantasti, nisi cadere fecisti? Unde et modo dixit: « Cadent subitus pedes meos. » Hoc autem de Judæis specialiter dicere videtur, qui ubique Christianis subjecti sunt, et neque armis, neque rationibus eis resistere possunt. Unde et subditur. « Et inimicorum meorum dedisti mihi dorsum (465). » Nam et ubique gentium dispersi et perditii sunt (466), et non faciem ad resistendum habent, sed et solum dorsum ad flagella paratum. De quibus adhuc subditur.

« Clamaverunt, nec erat qui salvos faceret, ad Dominum, nec exaudivit eos. » Magnum argumentum est, eos a Deo reprobatos esse, quia tempore suæ obsidionis, quando a Romanis capti sunt, jam per mille annos (467), et amplius ad Dominum clamare non cessant, nec tamen exauditi sunt, cum prius quidem in omnibus suis afflictionibus parvo tempore castigati semper a Deo exauditi et liberati fuerint.

« Et comminuum illos, ut pulverem ante faciem venti, ut lutum platearum delebo eos. » Hoc autem loco digne satis Domini persona introducit ad verba Ecclesiæ respondentis. Dixerat enim modo Ecclesia, quia clamaverunt Judæi ad Dominum, nec exaudivit eos. Cui ipse, nec exaudivi, inquit, nec exaudiam, sed « comminuum illos ut pulverem ante faciem venti, et ut lutum platearum delebo eos. » Et hoc quidem ex maxima parte jam factum est, et adhuc in judicio futurum est. Sed, quia de Judæis loqui cœperat, ad Patrem consensus de illorum conqueritur infidelitate. Et hoc est, quod dicit:

« Eripies me de contradictionibus populi, constitues me in caput gentium. Populus, quem non cognovi, servivit mihi, ab auditu auris obedivit mihi. Filii alieni mentiti sunt mihi, filii alieni inveteraverunt, et claudicaverunt a semitis tuis. » Eripies me, inquit, o Pater, de contradictionibus hujus populi, qui semper mihi et contradixit et contradicit, et meam doctrinam suscipere noluist. « Et constitues me in caput gentium, » quas ego pro Judæis in hereditatem suscepi. Quia quasi dicat: populus gentium, quem ego prius non cognovi, et meæ gratiæ, et benevolentia alienum, et extraneum feci, auditu meo nomine, protinus mihi et ser-

vit, et obedivit. Econtra vero (468) « filii alieni mentiti sunt mihi, » quos ego semper usque ad meæ passionis tempora, ut proprios et charissimos filios custodivi. « Filii alieni inveterati sunt » in peccato inobedientia suæ, sive etiam quia solius litteræ vestustatem sequentes novam doctrinam suscipere noluerunt. Quod autem ait: « Et claudicaverunt a semitis tuis, » ab intelligentia legis et prophetarum, per quam incedere debebant, eos declinasse et aberrasse significat. Iluc usque Dominus. Hinc vero Ecclesia, sicut cœperat, suam continuat orationem.

« Vivit Dominus, et benedictus Deus meus, et exaltetur Deus salutis meæ. » Vivit, inquit, Dominus ejus resurrectioni Judæi contradicunt, et ipse sit per omnia benedictus, ipse exaltetur super omnes inimicos suos, qui sua morte me salvavit, et de cunctis periculis liberavit. Sequitur:

« Deus, qui das vindictam mihi, et subdidisti populos sub me. Liberator meus, Domine, de gentibus iracundis, et ab insurgentibus in me exaltabis me; a viro iniquo eripies me. » Deus, inquit, qui das vindictam mihi, et in hoc sæculo ex parte, et ex futuro ex toto, et subdidisti populos sub me, quosdam videlicet sua sponte ad obediendum, cæteros vero resistere non valentes; tu, inquam, qui liberator es meus de gentibus iracundis, per quas Judæos, hæreticos, et tyrannos intelligimus, spero, et confido, dicit Ecclesia, et certa sum, quia sicut semper fecisti, sic semper mihi facies? Quid?

« Et ab insurgentibus in me exaltabis me, et a viro iniquo eripies me. » Vir istique iniquus, et isti insurgentes, Antichristus cum omni suo exercitu convenienter intelligi potest. Dicit igitur, quia sicut a primis suis persecutoribus liberata est, ita et ab ultimis cum Dei adjutorio liberabitur.

« Propterea confitebor tibi in populis, Domine, et et nomini tuo psalmum dicam. » Promittit se omni tempore in populis, qui ubique gentium dispersi sunt, Deum laudare, ejusque nomini jubilaré, qui sic semper et ubique ad eam exaudiendam, et liberandam præsto est.

« Magnificans salutare regis ipsius, et faciens misericordiam Christo suo David, et semini ejus usque in sæculum. » Tibi, inquit, confitebor, qui magnificans magnificasti salutare regis ipsius, Cur ipsius? Ipsius videlicet populi, de quo modo Dominus superius ait: « Populus, quem non cognovi, servivit mihi. » Hujus enim regis salutem ita magnificavit Deus, ut non solum ipsum, verum etiam omnes illos salvaret, qui credunt in ipso. Unde et subditur: « Et faciens fecisti misericordiam Christo suo David, et semini ejus usque in sæculum. » Hic

mentaria scripsit.

(468) « Israelitæ, seu filii exteri, et spurii, mentiti sunt mihi, promissam fidem mihi negantes: qui filii exteri, et spurii inveterati remanserunt in veteri statu legis antiquæ, et claudicantes deviarunt a semitis sibi præscriptis a lege et prophetis, per quas veniendum erat ad me. » Card. Thom.

(464) Ex cod. Vallicellano, quo suppletur editio.
(465) Id cod., et odientes me disperdidisti. Alio modo interpretatur Augustinus: « Et inimicos meos convertisti, et dorsum mihi eos esse fecisti, id est ut sequerentur me. »

(466) Ejusdem codicis Vallicell. supplementum.

(467) Designatur ætas S. Brunonis, qua hæc com-

autem modus locutionis in divina pagina sæpe reperitur : ut *exspectans expectavi* : et *euntes ibant* ; et *venientes venient*, et *gaudens gaudebo*, et *faciens facies*, et similia.

PSALMUS XVIII.

IN FINEM PSALMUS DAVID.

Iste psalmus David ad finem, ad Christum, ad Ecclesiam, et ad illos referatur, qui dicunt : « Nos omnes ad quos fines deveniunt (*I Cor. x, 11*). »

« Cœli enarrant gloriam Dei, et opera manuum ejus annuntiant firmamentum. » Multis ex causis SS. apostoli cœli dici possunt, sive quia in tota Ecclesia excellentiores et majores sunt, sive quia in ambitu sui principatus universa concludunt ; sive quia divina secreta celant et continent ; sive quia templum Dei sunt, et Spiritus Dei visibiliter eis datus plenissime habitat in ipsis ; sive quia ad cœli similitudinem cunctis virtutibus, quasi quibusdam clarissimis stellis cœlati et variati sunt. Isti enarrant gloriam Dei, isti annuntiant opera manuum ejus. Qui non immerito firmamentum vocantur, quoniam in illorum fidem tota Ecclesia et firmata, et fundata est. Unde et Apostolus dicit : « Superædificati super fundamentum apostolorum et prophetarum (*Ephes. 1, 20*). » Tales igitur digni fuerunt, qui ad gloriam Dei prædicandam in totum mundum mitterentur. Neque digniori nomine, propheta, qui in hoc psalmo loquitur, eos vocare potuit, quam cœlum et firmamentum.

Dies diei eructat verbum, et nox nocti indicat scientiam. » Hoc ipsum significat dies diei eructat verbum, quod significat : « Cœli enarrant gloriam Dei. » Quos enim modo cœlos dixerat nunc dies vocat, quos ipse Filius Dei in Evangelio lucem nominat, dicens : « Vos estis lux mundi (*Matth. v, 14*). » Nam et hoc nomen honoris est, et dignitatis **334**. Eructat igitur dies verbum dei, quando sancti apostoli populo Christiano, qui et ipse dies est, vero lumine illuminatis evangelicæ prædicationis verbum annuntiant. Sed o scelus, et malum intolerabile ! quia sicut eructat dies verbum Dei, ita et nox nocti scientiam indicat. Si enim apostoli et omnes fideles dies vocantur : quare hæretici omnesque infideles nox non dicantur ? Quando igitur isti suum errorem, suamque cæcitatem suis auditoribus prædicant, tum procul dubio et nox nocti suam scientiam indicat.

« Non sunt loquelæ, neque sermones, quorum non audiantur voces eorum. » Hoc est enim, quod alibi dicitur : « Loquebantur variis linguis apostoli magnalia Dei (*Act. 14, 11*). » Omnibus linguis loquebantur, et pleni Spiritu sancto totius sapientiæ et scientiæ sermones resonare faciebant. Uli ?

« In omnem terram exiit sonus eorum, et in

(469) In præterito usurpavit S. Bruno illa verba : in via bibit, propterea exaltavit caput, quæ in futuro enuntiantur in Vulgata : *bibet, exaltabit* ; ex lectione antiquissimorum codicum, ubi i, pro e, et e, pro b. scriptum est. Sed fortasse ita intellexit, quia plerumque propheta præterito verbo, pro futuro

« fines orbis terræ verba eorum. » Et quid dicebant ? Sequitur :

« In sole posuit tabernaculum suum, et ipse antiquam sponsus procedens de thalamo suo. Exsultavit ut gigas ad currendam viam : a summo cœlo egressio ejus. Et occursum ejus usque ad summum ejus, nec est qui se abscondat a calore ejus. » Hæc est prima prædicatio apostolorum, in qua Christi nativitas, ascensio, et ultimum Judicium brevissime continentur. Tabernaculum Christi ipsa ejus humanitas est, in qua, ut Apostolus ait, inhabitat omnis plenitudo divinitatis corporaliter (*Col. 11, 9*). Hoc autem posuit Dominus in sole, quia cunctis gentibus revelavit. Quod enim in sole non est, in tenebris est et videri non potest. Sola igitur illa in sole sunt, quæ videri possunt, et in tenebris non sunt. Unde et alibi dicit : « Notum fecit Dominus salutare suum, ante conspectum gentium revelavit justitiam suam (*Psal. xvi, 2*). » Secundum humanitatem igitur Salvator noster in sole est, secundum divinitatem super solem ; quia secundum humanitatem videri potuit, secundum divinitatem videri non potuit. Procedens autem tanquam sponsus de thalamo suo, id est de utero virginali, ubi illud conjugium ineffabile factum est, ubi divinitas humanitati ineffabiliter conjuncta est. « Exsultavit ut gigas ad currendam viam. » Hoc est autem illa via de qua alibi dicit : « De torrente in via bibit, propterea exaltavit caput (*469*) (*Psal. cix, 8*). » In quo manifeste ostenditur, quia omnes, quæ de eo scribuntur, sua sponte sustinuit passiones. Via igitur illius fuit de virgine nasci, miracula facere, mori, resurgere et tandem post omnia cœlos ascendere. Sed quare dicitur, « ut gigas ? » Ut gigas enim factus est Dominus, quia fortis et insuperabilis. Insuper autem et gigantes geminæ naturæ esse putabantur. Sic enim in Genesi scriptum est, quia « videntes filii Dei filias hominum, quod essent pulcherræ, acceperunt sibi uxores, ex omnibus quas elegerant (*Gen. vi, 2*) ; de quibus postea gigantes nati esse narrantur. Et hoc dictum sit secundum opinionem hominum (*470*). Fuit autem « a summo cœlo egressio ejus, et occursum ejus usque ad summum ejus, » quia sicut ipse ait : « Exivi a Patre, et veni in mundum, iterum relinquo mundum, et vado ad Patrem (*Joan. xvi, 28*). » Per summum itaque cœlum Deum Patrem intelligamus, qui super omnia est, et supra quem nihil est. A summo ergo usque ad summum dicere nihil aliud est, quam dicere, per omnia Patri æqualis est. Quod autem dicit : « Non est qui se abscondat a calore ejus, » dupliciter intelligi potest, ut vel de calore Spiritus sancti, vel de calore æterni incendii intelligatur. Neque enim fieri potest, ut unum istorum utantur.

(470) Fuit illa nonnullorum auctorum opinio ab usque remotiori antiquitate, eruta ex libro Henoch apocrypho, existimantium perperam : sane, angelos prævaricatores conjugium cum filiabus hominum, iniisse, et gigantes hinc genitos. *Gen. c. vi.*

homo non sentiat. Qui igitur in hac vita Spiritus A sancti calore inflammatur illius caloris incendium non sustinebit. Finita autem hac prima apostolorum prædicatione, secundam videamus, in qua de lege Domini et iustitia, de timore et de iudiciis ejus plenissime disputat.

« Lex Domini irreprehensibilis, convertens animas, testimonium Domine fidele, sapientiam præstans parvulis. » Audite, inquiunt apostoli, intelligite, percipite legem Domini quia lex Domini sancta et irreprehensibilis est, non subvertens, non decipiens, neque interficiens animas, sed potius convertens, et salvans, et ad beatitudinem perducens. Unde subditur : « testimonium Domini fidele. » Fidele quidem, quia neminem decipit, nulli mentitur, sed omnibus veritatem dicit, et ipsis parvulis sapientiam præstat. » Per legem autem, et per testimonium unum atque idem significatur. Possumus autem per parvulos illos intelligere, de quibus Dominus ait : « Nisi conversi fueritis, et efficiamini sicut parvuli, non intrabitis in regnum celorum (Matth. xviii. 3). » Sed qualiter parvuli esse debeamus, Apostolus docet : « Nolite, inquit, parvuli effici sensibus, sed malitia parvuli estote (1 Cor. xiv. 20). »

« Iustitie Domini recte, lætificantes corda; præceptum Domini lucidum, illuminans oculos. » Ecce iterum aliis nominibus eandem legem Domini vocat. Omnis enim scriptura quæ malum interdicit, et bonum 335 agere præcipit, lex Domini est. Cui videlicet legi quicumque obedit, et credit, secundum interiorem hominem, et lætificatur, et hilaratur. Sicut e contra qui aliter agit, cæcus est, et in tenebris ambulat, et magnus mœror, et tristitia eum expectat.

« Timor Domini sanctus permanens in sæculum sæculi. » De hoc timore alibi dicitur : « Initium sapientie timor Domini (Ecclesi. i. 16). » Nemo igitur ad hujus legis notitiam pervenire, et eam, quæ in ipsa continetur, sapientiam habere potest, nisi prius in Deum credat, ipsum timeat et adoret. Est autem timor Domini sanctus et æternus, quia eos, in quibus est, sanctos et æternos facit. « Judicia Dei vera iustificata in semetipsa; » sive legem, sive præceptum, sive testimonium, sive iustitias, sive judicia dicas, nulla differentia est. Sunt autem judicia Dei vera et naturaliter vera, non aliunde, nisi in semetipsa justificata, neque indigent probatione, quia naturali veritate muniuntur.

« Desiderabilia super aurum, et lapidem pretiosum multum, et dulciora super mel et favum. » Quid enim tam desiderabile, ut sapientia, ut iustitia, ut veritas, ut ipsa qui Creatoris agnitio. Omnia enim hæc, et quæcumque alia viri iusti et timentis Deum desiderare possunt quæ in lege Domini continentur. Unde et primo psalmo de viro iusto dicitur : quia « meditabitur in lege Domini die ac nocte. » Et inde apparet quia dulcior sibi est super mel et favum, qui ejus captus amore nullo tempore ab ea separatur.

(471) « Istum psalmum Propheta in persona Ecclesie canit de Christo. » S. HIERON.

« Nam et servus tuus custodit ea, in custodiendo illa retributio multa. » Ideo, inquit, servus tuus legem tuam et judicia tua diligit et custodit, ideo super omnia quæcumque sunt, dulciora et desiderabiliora habet, quia in custodiendo illa multam se retributionem habere non dubitat.

« Delicta quis intelligit? Ab oculis meis munda me, Domine, et ab alienis paree servo tuo. » Quicumque, inquit, intelligit delicta sua, quicumque cognoscit peccata sua, dicat mecum : « Ab oculis meis munda me, Domine. » Hoc enim ipse fecit, quando cum Berabea peccavit, et Uriam interfecit. Multum enim valet, sicut scriptum est, deprecatio iusti assidua. De alienis autem peccatis Apostolus ait : « Nemini cetero manum imposueris, neque communices peccatis alienis (1 Tim. v. 22); » et stultum est aliena fovere peccata, cui non sufficit plangere sua.

« Si mei non fuerint dominati, tunc immaculatus ero, et emundabor a delicto maximo. » Hoc est autem quod Apostolus dicit : « Non regnet peccatum in vestro mortali corpore (Rom. vi. 12). » In illis enim regnat peccatum et dominatur, qui non solum cogitant et faciunt; verum etiam in ipso perseverant. Qui si convertantur et ad penitentiam redeant, tunc immaculati erunt, sicut scriptum est : « Quæcumque hora peccator conversus fuerit, et ingemuerit, vita vivet, et non morietur (Ezech. xxxiii. 11). » Et tunc quidem emundabitur a delicto maximo, per quod nullum aliud convenientius intelligitur, quam perseverantia in peccato. Hoc est enim illud peccatum quod

C non dimittetur hominibus neque in hoc sæculo, neque in futuro; de quo et Apostolus ait : « Secundum duritiam tuam, et cor imponentes thesaurizas tibi iram in die iræ, et revelationis iusti iudicii Dei (Rom. ii. 5). » Merito igitur hoc peccatum maximum dicitur, si quidem nunquam a Domino dimittitur. Si autem legatur (ut quidam codices habent) si mei non fuerint dominati, de malignis spiritibus intelligitur, qui tanto tempore hominibus dominantur, et non amplius, quanto tempore in peccato perseverant. Sequitur :

« Et erunt, ut complacent eloquia oris mei, et meditatio cordis mei in conspectu tuo semper. » Si autem ab hoc maximo peccato mundatus fuero, tunc et verba mea et cogitationes meæ tibi placebunt, et tua visione digna in conspectu tuo semper erunt. Tanta est misericordia Creatoris nostri, ut una eademque hora fiat et penitentia, et remissio.

« Domine adjutor meus, et redemptor meus. » Ipse qui redemit, ipse adjuvat, ne in servitute iterum redeamus. Quod nisi fecisset, illa tanti pretii redemptionis nihil profuisset.

PSALMUS XIX.

IN FINEM PSALMUS DAVID.

In finem quidem hæc referuntur, id est ad Christum, et ad tempora Christi. Ipsius tamen Prophetæ vox est, qui ista scripsit. Unde et bene dicitur psalmus David (471).

« Exaudiat te Dominus in die tribulationis, protegat te nomen Dei Jacob. » Christo Domino nostro Propheta loquitur, et ipsam illius divinitatem pro ejusdem ipsius humanitate interpellat. Exaudiat, inquit, Dominus, qui in te est, qui secundum humanitatem tuam tibi Dominus est. Quando? « In die tribulationis, hoc est in tempore passionis » protegat te nomen Dei Jacob. » Qui modo indigne satis tantam persecutionem pateris a filiis Jacob. Non cognoscunt nomen tuum, **336** non credunt te illum esse, qui quondam Moysi interroganti, quod tibi nomen esset, respondit: « Ego sum Deus Abraham, Deus Isaac, et Deus Jacob, hoc est nomen meum (Exod. iii, 6). » Ille igitur te protegat, ejus nomen hoc est. Quod nihil aliud est dicere, nisi tu ipse proteges te ipsum, quoniam tu ipse, qui secundum divinitatem es Deus B Jacob, modo secundum humanitatem interficeris a filiis Jacob.

« Mittat tibi auxilium de sancto. » De quo sancto? De te ipso; tu enim es Sanctus sanctorum, in cujus adventu cessavit unctio. Unde non aliunde quaeras auxilium, quia in te est, qui et tibi, et omnibus nobis auxilium praestat.

« Et de Sion tueatur te. » Potest autem per Sion ipse Salvator noster intelligi. Nam et 'pse mons est, et non qualiscunque, sed omnibus aliis sublimior: « Mons Dei mons coagulatus, mons pinguis, in quo beneplacitum est Deo habitare (Psal. lxxvii, 16). » Item significat: « de Sion tueatur te, » quod significat: « mittat tibi auxilium de sancto. » Si autem et sic dicatur: « de Sion tueatur te, » id est ab his qui habitant in hac destruenda Sion, te protegat et defendat; non erit inconveniens, quia ipsi sunt qui eum occiderunt.

« Memor sit Dominus omnis sacrificii tui, et holocaustum tuum pingue fiat. » Ipse est enim sacerdos magnus secundum ordinem Melchisedech, qui admirabili potentia panem et vinum in sui corporis et sanguinis substantiam vertit, suisque discipulis dedit, dicens eis: « Accipite, et comedite: hoc est corpus meum: et hic est calix novi testamenti in meo sanguine (Matth. xxvi, 26). » Aliter vero die postquam hoc fecit, se ipsum in ara crucis pro nobis immolavit; et tunc quidem fecit illud pingue et suave, et Deo acceptabile holocaustum, quo prius, et originale peccatum deletum est, et humanum genus gratiae Dei reconciliatum est. Hujus autem holocausti odore suavissimo et coelum, et terra repleta est, ut merito de ipso dicatur: « Odoratus est Dominus odorem suavitatis (Gen. viii, 21). » Et hoc quidem holocaustum omnia illa holocausta significabant, quae a patriarchis et prophetis ab ipso mundi initio immolata sunt.

« Tribuat tibi Dominus secundum cor tuum, et omne consilium tuum confirmet. » Desiderium namque cordis ejus, et consilium hoc fuit, ut pro salute nostra moreretur, et resurgeret, caelos ascenderet, et Spiritum Paracletum suis discipulis mitteret, quo mundum illuminaret, et ad se converteret. Hoc autem

A consilium et desiderium, sicut ante multum tempus Propheta oraverat, ipso Domino volente et disponente jam completum est.

« Laetabimur in salutaris tuo, et in nomine Dei nostri » magnificabitur. » Ideo, inquit, haec oramus et precamur, quia de salute tua laetabimur, sive tibi a Domino data, sive nobis a te concessa. Et in nomine Domini Dei nostri, id est in nomine sancto tuo, quo Christiani vocabimur, erit magnificatio, exaltatio, et gloriatio nostra. Unde adhuc id ipsum orantes, et deprecantes universaliter dicimus.

« Impleat Dominus omnes petitiones tuas. » Hoc autem cum Propheta dixisset, suasque orationes per Spiritum sanctum exauditas esse cognosceret, cogitabundus ait: « Nunc cognovi quoniam saluum faciet B Dominus Christum suum. » Quid apertius? Quid manifestius? Miseri Judei vel nunc cognoscite de Christo haec pronuntiata fuisse, « Et exaudiet illum » de caelo sancto suo. » Quod sicut superius exposuimus, de se ipso intelligamus: « In potentatibus salus dexteræ ejus; » vere in potentatibus, quia nullus alius unquam cum tanta gloria, tanto honore, talique triumpho inimicos superavit.

« Hi in curribus et hi in equis, nos autem in nomine Domini Dei nostri magnificabimur. » Caeteri, inquit, in curribus et equis gloriantur, praeliuntur et magnificentur, nobis autem hoc solum sufficit, ut in nostris necessitatibus nomen Domini invocemus; quoniam C « omnis qui invocaverit nomen Domini salvus erit (II Tim. ii, 19). »

« Ipsi obligati sunt et ceciderunt, nos vero sursum » reximus et erecti sumus. » Docet nos Propheta, quia illi, qui derelicto divino adiutorio, in secularibus adiutoriiis spem suam ponunt, inde obligati et impediti citius cadunt, unde victoriam expectant. Sancti vero in Deo solo spem habentes, nunquam ejus auxilio et consolatione destituntur.

« Domine, saluum fac regem, et exaudi nos in die » qua invocaverimus te. » Quantum rex et propheta David hunc nepotem, seu potius filium suum (sic in pluribus locis vocatur Dominus) semper dilexit, in eo manifestissime ostendit, quod pro eo etiam exauditus orare non cessat. « Et exaudi nos, inquit, in die qua invocaverimus te » in nomine ipsius, D quatenus adimpleatur id quod suis discipulis promisit, dicens: « Si quid petieritis Patrem in nomine meo, dabit vobis (Joan. xvi, 25). »

337 PSALMUS XX.

IN FINEM PSALMUS DAVID.

Illic titulus, et superior eandem habent expositionem, et sicut in illo, ita et in isto Propheta loquitur de Christo.

« Domine, in virtute tua laetabitur rex, et super salutare tuum exultabit vehementer. » Ecce iterum amorem suum et sollicitudinem Propheta ostendit, quam de Salvatoris nostri humanitate corde gestabat. Atque a fine superioris psalmi incipere videtur. Dixerat enim: « Domine saluum fac regem; » nunc autem de eodem rege dicit: « Domine, in virtute tua

« lætabitur rex, et de salute tua exultabit vehementer. » In quibus verbis et suam orationem exauditam esse, et Christi salvationem, et victoriam aperitissime ostendit. Neque enim aliter lætari et exaltari potuisset, nisi ejus voluntas et desiderium adimpletum fuisset. Unde et subditur :

« Desiderium animæ ejus tribuisti ei, et voluntate laborum ejus non fraudasti eum. » Quamvis enim voluntas non in labiis, sed in corde sit, laborum tamen voluntas esse dicitur, quia quæ voluntas in corde sit, in labiis ostenditur.

« Quoniam prævenisti eum in benedictione dulcedinis. » Prius enim quam Salvator noster de virgine nasceretur, omnes patriarchæ et prophætæ eum benedictione dulcedinis benedixerunt.

« Posuisti in capite ejus coronam de lapide pretioso. » — « Nemo coronabitur (dicit Apostolus) nisi qui legitime certaverit (1^a Tim. II, 5). » Dignum ergo fuit, ut Salvator noster coronaretur, cujus prælium et victoria tam famosissima narratur. Corona Christi Ecclesia est, quæ tota de lapidibus pretiosis constructa et fabricata est. Sic enim et Apostolus illis, quos ad fidem converterat, ait : « Fratres mei, gaudium meum et coronæ mea, sic stete in Domino charissimi (Phil. IV, 1). » Hoc igitur modo locutionis illi, qui sunt causa coronæ, accipiuntur pro ipsa coronâ. Possumus autem per coronam ipsam victoriam intelligere, quæ videlicet ipsius coronæ causa est, quæ, si iusta et rationalis fuerit, tunc de lapide pretioso facta est. Unde e contrario dicitur : « Væ coronæ superbæ ebriis Ephraim (Isa. XXVIII, 1). »

« Vitam petiit a te. » Petiit quidem, quando dixit : « Pater, si possibile est, transeat a me calix iste (Matth. XXVI, 39). » Et tu quid fecisti ? « Et tribuisti ei longitudinem dierum in sæculum sæculi. » Plus, inquit, fecisti, quam ipse rogabat, quoniam ipse paucorum dierum vitam postulabat; tu vero tribuisti ei longitudinem dierum in sæculo sæculi. »

« Magna est gloria ejus in salutari tuo, gloriam et magnum decorem impones super eum. » Quomodo ?

« Quoniam dabis eum in benedictionem in sæculo sæculi. » Et super hæc omnia, « lætificabis eum in gaudio cum vultu tuo. » Hæc omnia valde potiora sunt, quam hæc vita præsens; quoniam hæc omnia æterna sunt; præsens vero vita cum omnibus bonis suis caduca est et cito transiens.

« Quoniam rex speravit in Domino, et in misericordia Altissimi non commovebitur. » Merito, inquit, Domine, omnia hæc tibi fecisti, et si necesse fuerit majora facies; quoniam in te semper speravit et non in se, sed in tua misericordia confidit. Unde et multum tibi sit commendatus, quia nihil est, vel erit, quod eum a te commovere et separare valeat in æternum. Sæpe jam diximus, quia quoties de Christo talia scribuntur, omnia ad humanitatem referenda sunt, quam modo tam diligenter et curiose

(479) l. d. cod., coronatus calos,

A ipsi divinitati Propheta commendat. Huc usque de Christi humanitatis commendatione; nunc autem contra illos invehitur, qui Salvatorem nostrum usque ad mortem persecuti sunt.

« Inveniat manus tua omnibus inimicis tuis. » Hoc autem exponit : « Et dextera tua inveniat omnes qui te oderunt. » Sive enim inveniant, sive inveniantur, væ illis erit, quia hæc tantæ fortitudinis dexteram nec effugere nec sustinere valebunt, quia semel contracti, velut vasa figuli, jam ulterius reintegrari non poterant.

« Pone eos ut clibanum ignis. » Quando ? « In tempore vultus tui. » Et Dominus quid faciet ? « Dominus in ira sua conturbabit eos. » Et ignis quid ? « Et devorabit eos ignis. » O dura comparatio ! si clibanus erunt, interius succensi in se ipsis semper ardebunt, et exstingui non poterunt. Ex hæc quidem tanta mala tunc temporis super eos venient, quando ante conspectum Domini sui venientes bona sperare debuerant.

« Fructum eorum de terra perdes et solum eorum a filiis hominum. » In hoc enim, et ipsos, et bona ipsorum, et opera, et filios eorum, per quos eorum imitatores intelligimus, simul omnia perire significat. Et hoc merito.

« Quoniam declinaverunt in te mala, cogitaverunt consilium, quod non potuerunt stabilire. » Constructum est consilium Judæorum, quo Christi nomen omnino delere conati sunt.

« Quoniam pones eos dorsum. » Hoc in divina pagina multoties Dominus facere dicitur, quod prohibere potest et fieri permittit; sicut illud : « Quia induravit Dominus cor Pharaonis (Exod. IX, 11). » Similiter autem et hic : « Quoniam pones eos dorsum. » Dorsum 336 et non faciem Judæi ostendunt, quia usque hodie semper Christum fugiant, et ejus misericordiam non requirunt. Et quoniam tales sunt, non isti, sed illi salvandi sunt, qui in fine sæculi futuri sunt, quos digne satis reliquias Domini vocat. De quibus scriptum est : « Si fuerit numerus filiorum Israel sicut arena maris, reliquiae convertentur (Rom. IX, 27). » Illi igitur sunt, quorum vultum Deus præparavit, quorum faciem illustravit et ad se videndum illuminavit.

D « Exaltare, Domine, in virtute tua, cantabimus, et psallemus virtutes tuas. » Exaltare, inquit, Domine; satis inter impios conversatus es, victi sunt inimici, coronatus es corona de lapide pretioso, exaltare igitur, et sic (472) caelos ascende. Nos autem cantabimus, et ubique gentium prædicabimus virtutes tuas. Hinc est enim, quod in Canticis canticorum dicitur : « Fuge, dilecte mi, assimilare capræ, hinnuloque cervorum super montes aromaticum (Cant. VIII, 14). »

PSALMUS XXI.

IN FINEM PRO SUSCEPTIONE MATUTINA PSALMUS IPSI DAVID.

Quid significet in finem, satis dictum est. Susce-

ptio matutina Christi resurrectio est, qui die tertia primo mane a mortalitate ad æternam immortalitatem susceptus est. Bene autem in hoc psalmo resurrectionem præmisit, qui de sola passione locuturus erat, ut illi, qui per totum psalmum de Christi passione contristantur, ipsa tituli inscriptione consolentur, neque dubitent resurrecturum, cum mortuum esse cognoverint.

« Deus Deus meus, respice in me, quare me dereliquisti longe a salute mea? » Sæpe jam diximus quia Saluator noster Deus et homo est, et altera pars in eo clamat, altera vero clamantem exaudit. Humanitas quoque quando clamat non tantum pro se, quantum pro nobis clamat, quia divinitati ineffabiliter conjuncta, nihil est quod pro se timere debeat (473). Sic autem et lingua loquitur pro omnibus membris, et cum in se nihil patitur, in unoquoque tamen membro se pati ostendit. Percutitur oculus, manus, vel pes, et dicit lingua, cur me percussit? non pro se, videlicet, sed pro aliis loquens, et aliorum passionem suas esse ostendens. Hoc igitur modo locutionis Saluator noster secundum humanitatem sic loquitur, dicens: « Deus Deus meus, respice in me, quare me dereliquisti? » Et quasi ipsa divinitas causam clamoris quæreretur, qua præsentem, neque clamare neque timere debuisset, subdidit, dicens: « Longe a salute mea. » Non, inquit, pro me clamo, caput sum, lingua sum, pro membris meis clamo, quæ jam per totum mundum pro meo nomine tam dura tormenta pati conspicio; Mea namque passio causa illis erit, ut illa omnia patiantur. Insuper autem, et pro illis clamo, qui tanto mei sanguinis pretio redempti peccare non cessant, et in suis iniquitatibus perseverant, pro quibus nimirum et nunc, et semper me ad te clamare necesse erit. Et hoc est, quod ait:

« Verba delictorum meorum. » Hæc verba non sunt mea, non ad me pertinent, verba sunt delictorum, infirmitatum et passionum fidelium meorum. « Deus meus, clamabo per diem, nec exandies, et nocte, et non ad insipientiam mihi. » Per diem, et noctem omne tempus intelligamus, quia sicut Apostolus ait: « Quotidie interpellat pro nobis (Rom. viii, 34). » Possumus tamen per diem, et noctem, et prospera, et adversa intelligere. Dicit igitur Saluator noster, dicat humanitas divinitati, omni tempore clamabo, nunquam te orare desistam, et non mihi imputetur ad insipientiam, quia etsi mihi clamor iste necessarius non est, illis tamen, pro quibus clamo, semper necessarius est.

« Tu autem in sancto habitas, laus in Israel. » Pro me, inquit, clamare ideo necesse non habeo, quia tu in me habitas et mecum es, sine clamore

A me exaudis, quem laudat et prædicat Israel. Clamat tamen Dominus aliquando etiam pro se, non ut ei clamare necessarium sit, sed ut nos ipsius consilium et voluntatem in ejus clamore cognoscamus. Hoc autem sequentia manifestabunt.

« In te speraverunt patres nostri, speraverunt, et liberasti eos. Ad te clamaverunt, et salvi facti sunt, in te speraverunt, et non sunt confusi. » Semper, inquit, clamandum est et nunquam a clamore cessandum est, et si non illico exaudiamur, a clamore tamen cessare non debemus. Clamor iste non oris, sed cordis est, quamvis et oris clamor valde utilis est, si et corda, et ora simul conveniant. Hoc autem fecerunt patres nostri, hoc patriarchæ et prophetæ fecerunt. Hoc fecit et iste, qui hunc psalmum scribit. Et quia firmiter crediderunt, 339 et speraverunt, ideo exauditi sunt, et non sunt confusi. Hinc autem totam suam passionem ex ordine narrat, et ea quæ post tantum temporis futura erant, quasi jam facta fuissent cunctis gentibus manifestat, ut qui apostolis credere nolunt, vel hunc psalmum legentes, et audientes credant, et vera esse cognoscant. « Ego autem sum vermis, et non homo, opprobrium hominum, et abjectio plebis (474). Omnes, qui videbant me, aspernantur me, locuti sunt labiis, et moverunt caput. » Speravit in Domino, eripiat eum, salvum faciat eum, quoniam vult eum. Patres, inquit, nostri speraverunt in te, et liberati sunt. Speraverunt, et non sunt confusi. » Mihi autem hoc ipsum impropertur, quod in te spero, et quasi spes mea vana sit, et nihil mihi profutura sit. Sic enim et hic, et in Evangelio scriptum habemus, et quidem dicitur: « Speravit in Domino, eripiat eum, salvum faciat eum, quoniam vult eum. » Ibi vero: « Filius Dei est, descendat nunc de cruce, et credimus ei, confidit in Domino, liberet eum, si vult (Math. xxvii, 42). » Quod hic dicitur: « Speravit in Domino; » ibi: « confidit in Deo. » Et quod hic dicitur: « Salvum faciat eum, quoniam vult eum; » ibi dicitur: « liberet eum si vult. » Vide igitur quam bene sibi conveniant verba Prophetæ et verba Evangelii. Nunc autem significationem videamus. « Ego, inquit, sum vermis, et non homo; » ac si dicat: Sicut inter animalia vermis vilissimus est, sic me inter homines abjectum et peccatorem deputant. Unde et propheta in persona illorum loquitur, dicens: « Nos autem reputavimus eum quasi leprosum, et abjectum a Deo, et humiliatum (Isa. li, 1). » Est autem Saluator noster aliquo modo vermis, quia de sola virgine sine aliqua virili commistione natus est. Sic enim nascuntur vermes, aut de solo ligno, aut de sola terra, nulla diversorum sexuum commistione (475).

(473) S. Maximum Taurin. hæc in expositione acutus videtur S. Bruno; ille enim homin. 45, edit. Rom. 1784, p. 138, ait: « Hæc autem dicit, ut manifestaret propter nos esse derelictum, quorum peccata portabat, ac videntes disceremus et nos pro ipso sancto, et justo mori, cum pro peccatoribus et ille moreretur. »

(474) « Ego autem jam non ex persona Adam loquens, sed ego proprie Jesus Christus, sine semine in carne natus sum, ut essem in homine ultra homines; ut vel sic dignaretur imitari humana superbia humilitatem meam. » S. Acc. in hunc locum enarr.

(475) Hæc dicta sunt juxta obsoletam Peripateticorum opinionem, admittentium generationem ex putri.

Ego, inquit, quem ipsi inter impios et peccatores deputant, non sum genitus, neque natus ut ceteri homines qui in iniquitatibus concepti et in peccatis nati sunt. Factus sum tamen opprobrium, et abjectio plebis, qui me spernentes, latronem elegerunt, dicentes: « Nolumus hunc, sed Barabham (*Joan.* ix, 40). »

« Quoniam tu es, qui abstraxisti me de ventre, » spes mea ab uberibus matris mee, in te factatus sum ex utero, de ventre matris mee, Deus meus es tu. » Quod enim ait: « Abstraxisti me de ventre, » ad id respondere videtur, quod modo dixerat: « Ego sum vermis, et non homo; » ut per hoc contra legem naturæ (476), et non sicut alios homines eum natum esse intelligamus. Quod vero sequitur: « Spes mea ab uberibus matris mee, in te factatus sum ex utero, et de ventre matris mee Deus meus es tu; » sic est intelligendum, ut antequam carnem susciperet, et de Virgine nasceretur, quoniam Patri per omnia æqualis erat, nec eum in aliquem sperasse, nec Deum, vel Dominum, vel majorem habuisse firmissime credamus. Omnia igitur hæc, ut jam sæpe diximus, et cætera quæ sequuntur, ad humanitatem referenda sunt.

« Ne discesseris a me, quoniam tribulatio proxima est, et non est, qui adjuvet. » Sic enim Christi divinitas humanitati conjuncta est ut nunquam ab ea discedere possit, et sic eam in omnibus adjuvare valeat ut nullius alterius adiutorio egeat; sed propter nos talia loquitur, ut nostram naturam in Christo esse sciamus, et verum hominem esse credamus, et qualiter omnia facta fuerint, cognoscamus.

« Circumdederunt me vituli multi: tauri pingues obsederunt me. » Tauri pingues, principes sacerdotum, Scribæ et Pharisei omni malitia et nequitia incrassati et pleni intelliguntur. Vituli vero reliqua populi multitudo, quæ quasi ductores, et magistros eos sequebatur.

« Aperuerunt super me os suum, sicut leo rapiens et rugiens. » Aperuerunt, inquit, super me os suum, simul omnes una voce clamantes: « Crucifige et, Secundum legem debet mori, quia Filium Dei se fecit (*Joan.* xix, 7). » Quorum voces propter nimiam crudelitatem leoni rugienti comparantur.

« Sicut aqua effusus sum, et dispersa sunt omnia ossa mea. » Sicut aqua effusus est Dominus, aliis quidem ad salutem, et emundationem, aliis vero ad ruinam, et perditionem. Sic enim de se ipso scriptum est: « Ecce positus est hic in ruinam, et in resurrectionem multorum in Israel (*Luc.* ii, 34). » Ubi enim funditur aqua, facile homines ruere solent. Quod autem ait: « Et dispersa sunt omnia ossa mea, » discipulorum fugam significare videtur. Qui non immerito ossa vocantur, quoniam inter omnia mem-

bra ecclesiastici corporis firmiores et fortiores fuerunt. De quibus adhuc subditur:

« Et factum est cor meum tanquam cera liquescens, in medio ventris mei. » Cor Christi, apostoli sunt, in quibus voluntas, 340 consilia et majora secreta Domini continentur. Per ventrem vero illos intelligere possumus, qui molliores et imperfectiores in Ecclesia sunt, quales illi erant, qui tunc temporis nondum perfecte credebant. Erat enim turba multa, quæ convenerat ad diem festum, credula quidem, sed non perfecte. Cujus etiam timore principes sacerdotum dicebant: « Non in die festo, ne forte tumultus fieret in populo (*Matth.* xxvi, 3). » In medio igitur talium sancti apostoli facti sunt, tanquam cera liquescens, quia nimio terrore perterriti, neque sibi ipsis, neque illis aliquam consolationem dederunt.

« Exaruit velut testa virtus mea. » Scimus quia testa fragilis est, et exigua firmitatis. Huic igitur virtutem suam Salvator noster comparat, quia tempore passionis suæ fragilem se et sine fortitudine ostendere voluit. Unde et Petro pugnare volenti, sic ait: « An putas, quia non possum rogare Patrem meum, et exhibebit mihi modo plusquam duodecim legiones angelorum? Quomodo implebuntur Scripturæ, quia sic oportet fieri (*Matth.* xxvi, 53)? » Hæc est itaque causa, quare sicut testa virtus ejus exaruit. « Et lingua mea adhæsit faucibus meis. » Hoc est autem quod propheta ait: « Sicut agnus ad victimam ductus est, et non aperuit os suum (*Isa.* liii, 7). » Et in pulverem mortis deduxerunt me. » Affectu videlicet, et desiderio suo, non quod caro ejus, ut in alio psalmo dicitur, videret corruptionem.

« Quoniam circumdederunt me canes multi, concilium malignantium obsedit me. » Canes et concilium malignantium Judæos vocat, contra eum sine causa et ratione latrantes.

« Foderunt manus meas, et pedes meos. » Hoc autem tam planum est ut expositione non egeat. Quod quidem exemplum ad Judæos refellendos validissimum est, quia de nullo alio, nisi de Christo hoc intelligere possunt, cujus manus, et pedes crudelissimis clavis confixerunt.

« Dinumeraverunt omnia ossa mea. » Nullus est, cujus ossa sic numerari et separatim videri valeant, sicut illius, qui in cruce extenditur. Quod igitur ait, « dinumeraverunt, » tale est ac si dixisset: dinumerabilia fecerunt. Possumus autem per ossa, sicut jam supra diximus, ipsos apostolos intelligere; qui ideo fortasse numerati sunt, ne aliquis eorum evadere potuisset.

« Ipsi vero consideraverunt, et conspexerunt me; dividerunt sibi vestimenta mea, et super vestem meam miserunt sortem. » Hoc autem propheta in

(476) Sumit S. Bruno contra pro præter. Quid enim est præter naturam, id nobis videtur esse contra ipsius leges; eum Deus recte loquendo nihil agat, nec agere contra naturæ leges possit, sibi con-

tradiceret; quicquid enim ipse agit, debet esse naturæ consentaneum, ne auctori supremo repugnet; licet utpote extraordinarium nobis videatur naturæ legibus contrarium.

spiritu et evangelistæ suis oculis insipientes, uno A similique modo dixerunt. Credat igitur prophetis qui non vult credere evangelistis. Una autem illa vestis, que divisa non est, illa est, de qua milites dixerunt: « Non scindamus eam, sed mittamus sortem ejus sit (Joan. xix, 24), » ut hæc Scriptura adimpleretur, sicut Joannes apostolus ait.

« Tu autem, Domine, ne longe facias auxilium
« tuum a me, ad defensionem meam aspice. Erue a
« framea animam meam, de manu canis uniceam
« meam. » Quid enim per frameam, nisi diabolicam
deceptionem intelligimus, qua omnes pereuntium et
damnatorum animæ decollantur? Canis autem idem
ipse diabolus est, qui cum omni exercitu suo contra
sanctos latrare, et irrationabiliter loqui non cessat.
De quo subditur:

« Libera me de ore leonis, et a cornibus unicor-
« nium humilitatem meam. » Leo iste diabolus est,
de quo alibi dicitur: « Quia inimicus noster diabolus,
tanquam leo rugiens, circuit quærens quem devoret
(I Petr. v, 8). » At vero per unicornes Judæos
significat, qui soli inter omnes gentiles uno cornu
manebantur, per quod videlicet cornu legem intelli-
gimus per Moysen divinitus sibi datam, in qua sin-
gulariter gloriabantur. Finita historia sue passionis,
nunc de Ecclesia incipit loqui.

« Narrabo nomen tuum fratribus meis, in medio
« Ecclesiæ laudabo te. » Fratres suos apostolos dicit,
quibus et per se ipsum post passionem suam, et Spi-
ritum sanctum, quem eis misit, nomen et gloriam
paternæ majestatis ostendit, quorum officio Eccle-
siam regeret, et doceret, et ubique gentium Dei ma-
gnalia prædicaret. « Qui timetis Dominum laudate
« eum, universum semen Jacob magnificate eum.
« Timeat eum omne semen Israel, quoniam non spre-
« vit, neque desperavit preces pauperum, neque aver-
« tit faciem suam a me, et dum clamarem ad eum
« exaudivit me. » Quotidie in Ecclesia Dominus præ-
dicat, quia ejus verba quotidie in Ecclesia præ-
dicantur; ipsius enim verba sunt quæcumque in
utroque Testamento scripta sunt. Ipse est igitur qui
docet, ipse est qui prædicat. Unde et discipulis ait:
« Non enim vos estis, qui loquimini, sed Spiritus
Patris vestri, qui loquitur in vobis (Matth. x. 20). »
Semen vero Jacob et Israel nos sumus, qui Domi-
num et Salvatorem nostrum Patrem habemus, qui
per Jacob et Israel significatur. Et ipse quidem est
Jacob, quia diabolus vicit et supplantavit. Ipse est
Israel, cui tota paternæ majestatis gloria revelatur;
unde et scriptum est: « Deum nemo vidit unquam;
unigenitus Filius, qui est in sinu Patris ipse narra-
vit (Joan. i, 18). »

« Apud te est laus mihi in Ecclesia magna. » Quod
autem ait, « apud te; » tale est ac si diceret de se,
quia omnis laus Filii ad Patrem refertur. Ecclesia
vero magna, Ecclesia catholica, et universalis est,
non in una mundi parte, sed in toto mundo diffusa.
« Vota mea Domino reddam coram timentibus eum. »

Vota sua, sui corporis et sanguinis sacramenta dicere
videtur, propter id, quod sequitur:

« Edent pauperes, et saturabuntur. » Et hæc
quidem vota jure dicuntur, quia ante sæcula pro
salute nostra Deo Patri offerre 341 disposuit.
Ipsam namque disponere, vovere fuit. Hæc autem
vota quotidie redduntur, et offeruntur coram fide-
libus suis, et timentibus eum. « Edent pauperes, et
« saturabuntur, laudabunt Dominum qui requirunt
« eum. » Illi, inquit, pauperes, qui non mundi ho-
nores, divitias et dignitates, sed Dominum requi-
runt, quibus ipsa paupertas pro Domino placet,
edent cibum illum ineffabilem, et saturabuntur se-
cundum interiorum hominem, et laudabunt Domi-
num de tanto beneficio sibi attributo. « Qui enim
manducat hunc panem, dicit Dominus, vivet in
æternum (Joan. vi, 59). » Unde et subditur:

« Vivet cor eorum in sæculum sæculi, remiscen-
« tur, et convertentur ad Dominum universi fines
« terræ. » In eo enim, quod dicit, « remiscuntur, »
oblitos eos fuisse ostendit. Et revera antequam apo-
stoli prædicarent, in tantam et Dei, et sui oblivio-
nem venerant homines, ut per pauci invenirentur,
qui veritatem cognoscerent. Prædicantibus igitur
apostolis, recordati sunt illius beatitudinis, quam
in primo homine amiserunt, et conversi sunt ad Do-
minum universi fines terræ. Et hoc est, quod sub-
ditur:

« Et adorabunt in conspectu ejus omnes patriæ
« gentium. » Et hoc merito; « quoniam Domini est
« regnum, et ipse dominabitur gentium. » Prius dia-
bolus regnabat, et ubique gentium dominabatur;
sed in Christi passione et regnum, et potestatem
amisit.

« Manducaverunt, et adoraverunt omnes divites
« terræ. » Egregie modo divites dicit, quos paulo
ante pauperes vocaverat; quoniam et si caducis, et
transitoriis divitiis pauperes sint, æternis tamen et
spiritualibus bonis divites sunt. « In conspectu ejus
« procident universi, qui descendunt in terram. »
Sic videtur mihi esse dictum, « qui descendunt in
terram, » sicut illud in Evangelio: « Qui illuminat
omnem hominem venientem in hunc mundum (Joan.
i, 8), » ut in terram descendere, et in mundum ve-
nire idem significet. Omnes igitur, qui in mundum
veniunt, omnes, qui in terram descendunt, procident
ante Deum, sicut scriptum est: « Vivo ego, dicit
Dominus, quia mihi curvabitur omne genu, et confu-
tebitur omnis lingua (Isa. xliii, 25). »

« Et anima mea ipsi vivet, et semen meum ser-
« viet illi. » Non est itaque Christi illa anima, quæ
Deo non vivit, neque illud semen, quod Deo non
servit.

« Annuntiabitur Deo generatio ventura, et annun-
« tiabitur cæli justitiam ejus populo, qui nascetur,
« quem fecit Dominus. » Generatio ventura, et popu-
lus qui nascetur, unum mihi significare videntur.
Hæc autem generatio populus gentium est, qui, re-
pulsæ Synagoga, illis diebus prædicandus et vocan-

dus erat. Unde et Apostolus Judæis verbum Dei audire nolentibus ait : « Vobis primum oportuit prædicari verbum Dei, sed quia repulistis illud, et indignos vos fecistis æternæ vitæ, ecce convertimur ad gentes *Act. XIII, 46*. » Bene igitur hic dicitur : « Populus qui nascetur, quem fecit Dominus, » quoniam ille populus tunc a Domino factus est, quando per aquam baptismatis regeneratus est.

PSALMUS XXII.

PSALMUS DAVID.

Quære superius.

« Dominus regit me, et nihil mihi deerit, in loco pascuæ ibi me collocavit. » Populus gentium noviter regeneratus, et ad fidem vocatus loquitur in hoc psalmo. Hic est ille populus, de quo modo in fine superioris psalmi dicitur : « Populus qui nascetur, quem fecit Dominus. » Qui ideo a Domino factus esse perhibetur, quoniam ab antiqua vetustate in novam creaturam per aquam baptismatis reformatus est. Dicat igitur populus iste : Dominus regit me, jam nihil timeo, bonum rectorem et pastorem habeo, qui me in loco pascuæ collocavit, et sanctorum suorum Ecclesiæ associavit. Ubique sunt Novi et Veteris Testamenti volumina, ibi est et pascuæ locus, ibi sunt illi cibi, quibus anima reficitur et sanatur. De quibus subditur :

« Super aquam refectionis educavit me, animam meam convertit. » Omnis divina Scriptura, et evangelica prædicatio aqua refectionis est. Hæc est illa aqua, de qua dicitur : « Sitientes, venite ad aquas *(Isa. LV, 1)*. » Dicitur autem aqua refectionis, quoniam qui ex ea saturatus fuerit, sicut dicit Dominus : « Non sitiet ultra *(Joan. VI, 45)*. » Hæc est aqua totius sapientiæ, quæ fidelium animæ educantur, lavantur et sanantur.

« Deduxit me super semitam justitiæ propter non suum. » Quam pulcher ordo locutionis ! primum ad pascuæ locum, deinde ad aquas refectionis, demum ad semitam justitiæ narrat se esse deductum. Per semitam justitiæ incedit, qui ad errorem non declinat, et a veritate non recedit. Hanc semitam nesciunt Judæi, hæretici et pagani. Hæc solummodo Christianorum est ; quia ipsi soli veritatem sequuntur et tenent, ipsi soli nomen Domini suscipere meruerunt, et tanto patronymico digni a Christo Christiani vocantur.

« Nam, si ambulavero in medio umbræ mortis, non timebo mala, quoniam tu mecum es. » Cur enim timeat, quem Dominus deducit, et per talem semitam incedit ? Umbra mortis hæretici sunt, omnesque alii seductores. In umbra enim illius figura **342** et similitudo naturaliter exprimitur, cujus est ipsa umbra. Sunt igitur isti tales umbra mortis ; quia, sicut mors occidit corpora, ita et isti animas interficiunt. Per medium autem istorum viri sancti ambulare non timeant, quoniam ipsum Deum protectorem habent, qui eos superari et decipi non permittit.

« Virga tua, et baculus tuus ipsa me consolata sunt. » Scio, inquit, te virgam habere et baculum.

A Et contra eos quidem, qui minus delinquant, baculum portas. Sive etiam, quia in hac vita virga percutis, in futura vero non virga, sed baculo. Hæc est igitur consolatio mea, quia te ultorem esse cognosco, qui inimicos meos sine pœna transire non patieris.

« Parasti in conspectu meo mensam adversus eos, qui tribulant me. » Ecce iterum alia consolatio, ut tuos inimicos timere non debeas. Mensam ante se paratam esse dicit, cujus cibi et potus immortales faciunt, et ab omni hæretica pravitate se ea utentes defendunt. Hæc mensa divina Scriptura, et utriusque Testamenti scientia intelligitur, quia viri ecclesiastici refecti hæreticorum non timent versutias.

B « Impinguasti in oleo caput meum. » Quasi ei aliquis diceret : Quid tibi hæc mensa faciet, si intelligentiam deis ? Ad quod ipse et mensam, et intelligentiam se habere ostendit, dum caput suum in oleo impinguatum esse dicit. Quid enim per caput nisi mentem ? Quid per oleum nisi sancti Spiritus gratias intelligimus ? Tali oleo Salvator noster inunctus dicebat : « Spiritus Domini super me, propter quod unxit me *(Isa. LXI, 1)*. » Unde et alibi dicitur : « Unxit te Deus tuus oleo lætitiæ pro partibus tuis *(Psalm. XLIV, 8)*. »

C « Et poculum tuum inebrians quam præclarum est ! » Hoc poculum de hac mensa suscipitur, quo sancti inebriati terrenorum obliviscuntur, et ipsas suas injurias non cognoscunt. Præclarum est autem hoc poculum, quia nihil in se continet nebulosum, nihil nisi dulce, et suave, et veritatis fulgore illuminatum.

« Et misericordia tua subsequetur me omnibus diebus vitæ meæ. » Hoc autem tale est ac si diceret : Ecce multa bona mihi fecisti ; in loco pascuæ me collocasti ; super aqua refectionis me educasti ; in semitam justitiæ me deduxisti, in conspectu meo mensam posuisti ; poculo tuo me inebriasti : unum solum mihi restat, quod si habuero sufficit mihi, si non habuero, nihil sum. Hoc est igitur, quod peto, ut misericordia tua quasi pedagogus et magister subsequatur me, quæ a recto itinere me deviare non patiarur omnibus diebus vitæ meæ, ut hac vita finita habitem in domo Domini, in illa videlicet cœlesti Jerusalem in longitudinem dierum. Nemo igitur ex operibus suis sine Dei misericordia salvari posse confidat.

PSALMUS XXIII.

PSALMUS DAVID PRIMA SABBATI.

Prima Sabbati dies Dominicus intelligitur. In ipso die fecit Deus cælum et terram ; in ipso die a mortuis resurrexit ; in ipso die Spiritum sanctum apostolis dedit ; et in ipso die ultima resurrectio fiet, quando ad judicandum viros et mortuos Dominus veniet.

« Domini est terra, et plenitudo ejus, orbis terrarum, et universi, qui habitant in eo. » Videns Propheta per Spiritum sanctum in illa ultima, et prima die, una enim est prima, et ultima. Omnes et bonos et malos, quicumque fuerunt, et sunt, et

erunt pariter astare ante tribunal Christi, nullo jam litigante, nullo jam sibi aliquid vindicante, sed unoquoque iudicium expectante dicit : « Domini est terra et plenitudo ejus. » Ubi tunc reges? Ubi principes? Ubi sæculi potentes? Ubi illi, qui nunc terram fraudulentè dividunt, et ipsis suis fratribus partes suas auferunt? Unusquisque se abscondet, nemo tamen se abscondere poterit : « Tunc dicent montibus : Cadite super nos; et collibus : Abscondite nos (Luc. xxiii, 30). » Et tunc quidem manifestum erit, quia Domini, et solius Domini est terra, et plenitudo ejus, orbis terrarum et universi qui habitant in ea. Cujus enim esse debet, nisi illius, qui eam fecit? Et quando eam fecit? prima Sabbati. Et quando eam recuperabit? prima Sabbati.

« Ipse super maria fundavit eam, et super flumina præparavit illam. » Disputent philosophi, et quærant inter se quomodo super liquidum elementum terra stare possit. Mihi tamen non videtur mirabilius ab aquis, quam ab aere sustineri; si tamen vel ab aquis, vel ab aere sustineatur. Ego autem ad faciliorem me transfero intelligentiam, quia super, pro juxta, frequenter dicere solemus. Veluti cum dicimus illa talis civitas super mare, vel super Tiberim sita est : quod utique non supra aquam, sed juxta intelligimus. Sic igitur omnis terra, vel supra maria vel super flumina posita est, ut ejus termini nusquam alibi, nisi super maria vel super flumina esse possint.

« Quis ascendet in montem Domini, aut quis stabit in loco sancto ejus? » Video, inquit, ante Judicem astare omnes; video ibi divites et pauperes. Quis horum vocabitur? Quis horum ascendet in montem Domini? Nunquid soli divites? Nunquid soli potentes? Isti enim sunt qui vocari, **343** et honorari soliti erant. Per montem Domini, et per locum sanctum ejus, hoc in loco terra viventium significatur. Vis audire quis ascendet, et quis ibi stabit?

« Innocens manibus, et mundo corde, qui non accepit in vano animam suam, nec juravit in dolo proximo suo. » His paucis verbis docet Propheta, quis ibi ascendet, et quis ibi stabit. Perfectus mihi esse videtur, qui et manibus et mundo corde innocens est. Per quem videlicet illi significantur, qui neque facto, neque consilio aliis nocent, et tales quidem raro inveniuntur. Ego semper in his angustiis et difficultatibus ad illa verba Prophetæ recurro, quibus ipse dicit : « Peccator, quacunque hora conversus fuerit, et ingemuerit, vita vivet, et non morietur (Ezech. xxxiii, 41). » Et post hanc talem conversionem inter innocentes peccatorem, jam non esse peccatorem confido. « Qui non accepit in vano animam suam. » Ille enim animam suam ab aquis baptismi purificatam et renovatam in vano accipit, qui postea peccare non timens, et in peccatis perse-

verans, ad eandem, quam prius habuerat, deformitatem redire compellit. « Nec juravit in dolo proximo suo. » Non prohibet Propheta jurare, sed in dolo jurare prohibet. In dolo igitur jurat, qui id, quod jurat sua sponte, non observat. Sequitur :

« Ille accipiet benedictionem a Domino, et misericordiam a Deo salutari suo. » Ille inquit, qui talis est, hic vocabitur, hic ascendet, hic modo benedictionem suscipiet; illam utique benedictionem, quam suis fidelibus se daturum Dominus esse promittit : « Venite, inquit, benedicti Patris mei, percipite regnum, quod vobis paratum est ab origine mundi (Matth. xv, 34). » Et hoc quidem habebunt sancti non ex suis meritis, sed misericordia Salvatoris sui.

« Hæc generatio quærentium Dominum, quærentium faciem Dei Jacob. » Omnes, inquit, isti, qui caelos ascendunt, qui benedicuntur et salvantur, collecti sunt de illa universorum hominum generatione, quæ Deum quærit, et ejus faciem videre desiderat.

« Tollite portas, principes vestras; et elevamini, portæ æternales, et introibit rex gloriæ. » Habent maligni spiritus suas portas, per quas Judæos, hæreticos et tyrannos, omnesque seductores, insuper vitia et peccata, omnemque illorum doctrinam et seductionem intelligere possumus. Præcipit igitur Propheta malignis spiritibus, quos principes vocat, has suas portas tollere, et ipsis suis tormentis secum habere. Hoc est enim, quod in judicio dicturus est Dominus : « Ite, maledicti, in ignem æternum, qui paratus est diabolo, et angelis ejus. (Matth. xxv, 41). » Portæ vero æternales apostoli sunt et doctores, per quos, quasi per quasdam portas intrabitur in cælestem Jerusalem. Dicit ergo Propheta, ut factò judicio eleventur, et aperiantur, et per eos omnes fideles in patriam introducantur. Quod autem ait : « Et introibit rex gloriæ. » Salvatoris nostri humanitatem ad judicium venisse ostendit. Ipse enim judicabit, quia « Pater non judicat quemquam, sed omne judicium dedit Filio (Joan. v, 22). » Dignum enim est, ut ille judicet, qui judicatus est. Unde in alio psalmo dicitur : « Deus, judicium tuum regida (Psal. lxxi, 4). » Quia igitur humanitas Salvatoris localis est, peracto judicio illuc revertetur, ubi nunc est, ideo modo dicitur : « Et introibit rex gloriæ. »

« Quis est iste rex gloriæ? » Tu ipse dic, de cujus progenie natus est, et tu qui melius eum cognoscis. « Dominus fortis, et potens, Dominus potens in prælio (477). » De hoc prælio ipse Dominus ait : « Cum fortis armatus custodit atrium suum, in pace sunt omnia, quæ possidet. Si autem fortior eo supervenerit, universa arma ejus auferet, in quibus confidebat, et spolia ejus distribuet (Luc. xi, 21). »

« Tollite portas, principes vestras, et elevamini, portæ æternales, et introibit rex gloriæ. Quis est stit. » S. MAXIM. TAURIN., serm. 46, ed. Rom. 1724, p. 518.

(477) Ideo ergo potens, quia fortis. Et ita revera est prædicanda potentia, quæ non alienis fulta virtutibus : sed sua sibi per omnia potestate subsi-

iste rex gloriæ? Dominus virtutum ipse est rex gloriæ. Non fuit ei sufficiens, semel dicere, ad quod multum videre desiderabat, et in quo plurimum delectabatur. Videbat enim jam tunc sanctorum omnium gloriam, inter quos se ipsum quoque stare videbat. Videbat et iniquorum omnium damnationem et perditionem. Videbat portas æternales apertas et elevatas et ad suscipiendum tantam fidelium multitudinem præparatas. Videbat et portas infernales clausas, et æternis incendiis destinatas. Et bonas quidem portas hortatur, ut sursum ad cælestia ascendant; malis autem principibus dicit, ut suas portas tollant, et claudant, et in infernum descendant, et tunc quidem clausæ erunt portæ mortis, quia nemo per illas transit ad mortem.

344 PSALMUS XXIV.

IN FINEN PSALMUS DAVID.

In hoc psalmo loquitur Ecclesia, et ideo in finem titulatur; quoniam ipsa est, sicut ait Apostolus, in quam fines sæculorum deveniunt (I Cor. x, 11).

Ad te, Domine, levavi animam meam: Deus meus in te confido, non erubescam. Ad te, inquit, Domine, levavi animam meam, quæ sub magno vitiorum pondere prius oppressa iacebat. De hoc autem pondere alibi dicitur: Quoniam iniquitates meæ superposuerunt caput meum, et sicut onus grave gravatæ sunt super me (Psalm. xxxvii, 5). Tali pondere oneratis Dominus ait: Venite ad me omnes qui laboratis, et onerati estis, et ego reficiam vos (Matth. xi, 28). Deus meus in te confido, non erubescam. Quod tale est ac si diceret. Quia in te confido, non sit vana et inutilis fiducia mea: non prævaleant inimici mei, et nequando dicat inimicus meus: Prævalui adversus eum. Et hoc est, quod ait:

Neque irrideant me inimici mei: per quos hæreticos, et tyrannos, et ipsos malignos spiritus intelligimus.

Etenim universi, qui te expectant, non confundentur. Divinum utique, et non humanum auxilium in magnis nostris necessitatibus sperare et expectare debemus. Et si fortasse non, sicut volumus, tam cito veniat, expectandum est, et nullatenus desperandum.

Confundantur iniqui facientes (178) mala. Illi, inquit, qui te expectant non sunt digni confusione, sed potius iniqui confundantur, qui vana faciunt et operantur. Quamvis enim nomine vanitatis omne malum, omnisque stultitia intelligi possit; illi tamen tali nomine vocari videntur, qui idola faciebant et colebant.

Vias tuas, Domine, notas fac mihi, et semitas tuas edoce me. Hoc interest inter vias et semitas, quod interest inter amplas et angustas vias; et angusta quidem via ducit ad vitam, ampla vero ad

A perditionem. Rogat itaque Ecclesia Dominum ut suas vias et semitas eam edoceat, ne forte in illam amplam viam declinet, quæ inde ampla dicitur, quia maxima et infinita multitudo per eam ingreditur. Unde et subditur:

Dirige me in veritate tua, et doce me, quia tu es Deus salutaris meus, et te sustinui tota die. Ego, inquit Dominus, sum via, veritas, et vita (Joan. xiv, 6); — Nemo venit ad Patrem nisi per me (Ibid.). Hæc est igitur illa via ad quam orat ut dirigatur, quia per nullam aliam ad beatitudinem, quo festinat, pervenire potest. Errat itaque, et pravo itinere ad mortem tendit quicumque per viam veritatis non incedit.

Reminiscere miserationum tuarum, Domine; et misericordias tuas, quæ a sæculo sunt. Non est, inquit, novum tibi, et inusitatum misericordias facere; et fideles tuos exaudire. Hoc enim jam ab illo sæculo facere cepisti, quando illam maximam et ineffabilem misericordiam facere voluisti. Nam et si prius multas misericordias Dominus fecerit; tamen a tempore suæ passionis, nostræque redemptionis majorem suæ misericordias copiam ostendit: quia non unum populum, sed omnes gentes suo sanguine redemit. Unde est illud: Laudate Dominum; omnes gentes, laudate eum, omnes populi. Quare? Quoniam confirmata est super nos misericordia ejus (Psalm. cxvi, 1). De qua videlicet misericordia sequitur:

Delicta juventutis meæ, et ignorantia meæ (179); ne memineris, secundum magnam misericordiam tuam memor esto mei, Deus. Rogat igitur Ecclesia Dominum, ut tam magnæ misericordias suæ memor sit, quæ tam valido argumento super nos confirmata est. Delicta vero juventutis et ignorantia illa intelligere possumus, quæ ante conversionem fecerat, cum adhuc ignorantia tenebris teneretur.

Propter bonitatem tuam, Domine. Hoc inquit, quod postulo, ideo postulo, quod tanto tuo beneficio digna sim; sed propter bonitatem tuam, Domine, quam facere solitus es sperantibus in te. Duleis, et rectus Dominus, propter hoc legem statuit delinquentibus in via. Hæc est via mandatorum Dei, de qua dicitur: Beati immaculati in via qui ambulant in lege Domini (Psalm. cxviii, 1). Et illud: Viam mandatorum tuorum cucurri (Ibid. xviii). In hac autem via multi delinquant, et non ea puritate et diligentia, qua debent, per eam incedunt. Sed quia duleis est Dominus, et facilis ad miserendum, qui non vult mortem peccatoris, sed potius ut convertatur, et vivat (Ezech. xxxiii, 11); propter hoc legem statuit delinquentibus in via. Et quam legem? Et quia legitur: Peccasti, quiesce, declina a malo, et fac bonum (Isa. i, 16): quæcumque hora conversus fueris, omnium iniquitatum tua-

(178) Cod. Gis., Vana: ita etiam apud August. enarr. in hunc Psalmum xxiv. Lectio autem basilicæ Vatic. est: Confundantur iniqui facientes vane. Apud Cassiodorum legitur: Confundantur iniqui facientes

vana. In Vulgata autem, confundantur omnes iniqui agentes usquequaque.

(179) Eadem lectio est apud Augustinum et apud Cassiodorum.

rum non recordabor. Nusquam locus est desperationi, quia dulcissimus Dominus dulcissimam nobis statuit legem. Et certe pauci vel nulli salvari potuissent, nisi **345** hanc dulcissimam legem Dominus statuisset. Bene autem subditur : « Et rectus ; » quia quamvis dulcis sit, nunquam tamen a rectitudine recedit. De quo scriptum est : quia « reddet unicuique secundum opera sua (Math. xvi, 27). » Dulcis igitur est, sed poenitentibus ; rectus vero in malitia perseverantibus.

« Dirigit mites in iudicio, docebit mansuetos vias suas. » Mites et mansueti idem significant. Graves enim et maturi homines mites vocantur. De quibus dicitur : « In populo gravi lapidabo te (Psalm. xxxiv, 18). » Mansueti vero quasi manu assueti dicuntur. Unde et contrario illa animalia prava vocamus, quæ manns refugiunt, et tangi non patiuntur. Dirigit igitur Deus in iudicio, et docet mansuetos vias suas, quia hos tales homines a via iustitiæ, et æquitatis errare non permittit. Soli enim illi boni iudices sunt et bene iudicant, qui mala repellunt et bona eligunt. Sed quæ sunt viæ Domini ? « Universæ viæ Domini misericordia, et veritas. » Et quibus hæ viæ præparatæ sunt ? « Requirentibus testamentum ejus, et testimonia ejus. » Per has ipse incedit, per has et nos incedamus, ut et ipse ad nos, et nos ad ipsum pervenire valeamus. Per has autem illi incedunt, qui utriusque Testamenti testimonia diligunt, requirunt et custodiunt.

« Propter nomen tuum, Domine, propitiaberis peccato meo, copiosum est enim. » Sed quod est nomen Domini ? Nomen Domini est Jesus. Jesus autem **C** *Salvator* interpretatur. Sic enim ad B. Mariam angelus ait : « Ecce concipies, et paries filium, et vocabis nomen ejus Jesum (Luc. i, 31). » Quare ? Quia « ipse salvum faciet populum suum a peccatis eorum (Math. i, 21). » Salvat igitur Dominus, propitiatur et miseretur fidelibus suis propter nomen suum, id est secundum significationem nominis sui, quoniam ideo *Salvator* vocatus est, ut salvaret, et se invocantibus misericordiam præstaret. Copiosum autem peccatum suum esse improprie dixit, ut valde magnum esse ostenderet.

« Quis est homo, qui timet Dominum ? Legem statuit ei in via, quam elegit. » Quis est, inquit, **D** homo, qui timeat Dominum ? Nihil timeat, si peccavit ; poeniteat, lætetur et gaudeat, quia legem sibi statuit Dominus in via, quam elegit. Per viam, inquit, veritatis incedere elegit ; si fortasse ab ea declinavit, recordetur quia lex sibi posita est, agat tantummodo poenitentiam, et dimittetur sibi.

« Anima ejus in bonis demorabitur ; et semen ejus possidebit terram. » Tantum potest lex, quæ a Domino peccatoribus constituta est, ut quicunque eam custodierint et de peccatis suis poenitentiam egerint, bonis æternis non priventur, sed ipsi, et semen eorum, per quod eorum imitatores intelligimus, terram viventium in hæreditatem possidebunt.

(480) Id. cod. Ghs. cordis mei.

PATROL. CLXIV.

A Magna omnipotentis Dei misericordia in hoc versiculo prædicatur, et magna spes poenitentibus datur.

« Firmamentum est Dominus timentibus eum, et testamentum ipsius, ut manifestetur illis. » Et Dominus, inquit, et testamentum Domini firmamentum est omnibus timentibus eum. Hoc autem testamentum ad hoc nobis datum est, ut per ipsum, et in ipso ille nobis manifestetur, qui ipsius testamenti auctor est. Magnum habemus firmamentum et consolationem, ut spes nostra firma sit, cum Dei notitiam habeamus. Firma enim et stabilis est illa domus, quæ super talem petram fundata est.

« Oculi mei semper ad Dominum. » Et quasi aliquis diceret : Dum semper oculis ad eum intendis, cavendum tibi est, ne quasi incaute in laqueum pedem mittas ; ad quod ipse : « Quoniam ipse evellet de laqueo pedes meos. » Hoc autem sanctis martyribus multoties accidisse legimus, qui dum solum Deum quærerent, et videre et habere desiderarent, in ipsis suis verbis et actionibus cogniti, quod Christiani essent, mox capti, ligati et illaqueati ad supplicia traherentur. Sed Dominus, qui nunquam deserit sperantes in se, tantam illis constantiam dabat, ut moriendo ipsos suos vincerent inimicos et nullis tormentis vinci potuissent.

« Respice in me, et miserere mei, quia unicus et pauper sum ego. » Unicam et pauperem Ecclesia se esse dicit, quia ipsa sola est ex omnibus mundi hujus nationibus, quæ unum et verum Deum veneratur et colit. Est autem et pauper, illis videlicet divitiis quibus alii homines divites sunt. Quando **C** S. Ecclesia loquitur, aliquando perfectorum, aliquando vero imperfectorum personam in loquendo suscipit, sicut in hoc loco, ubi ejus verba solis perfectioribus convenire videntur.

« Tribulationes (480) meæ dilatæ sunt ; de necessitatibus meis eripe me. » Tempora quoque distinguenda sunt, quia non omnia, quæ dicit, omnibus temporibus aptari possunt, quoniam aliter loquitur in prosperis, et aliter in adversis. Ecce enim modo tribulationes cordis sui dilatatas esse dicit, cum a tyrannis et hæreticis persecutionem patiatur. Unde et subditur :

« Vide humilitatem meam et laborem meum, et dimitte omnia peccata mea. Respice inimicos meos, quoniam multiplicati sunt, et odio iniquo **D** oderunt me. » Multum se ab inimicis humiliatam et laboribus fatigatam esse ostendit, suosque inimicos multiplicatos et iniquo odio successos esse conqueritur. Unde jam non præsentem vitam, sed solam suorum peccatorum remissionem et veniam postulat. Sic enim et Apostolus ait : « Nolo vos ignorare, **346** fratres, de tribulatione nostra, quæ facta est nobis in Asia, quoniam supra modum gravati sumus supra virtutem, ita ut læderet nos etiam vivere (I Cor. i, 8). »

« Custodi animam meam, et eripe me, Domine, non confundar, quoniam invocavi te. » Hoc autem

tale est ac si diceret: Non pro corpore rogo, neque hanc vitam, quæ non est mihi nisi labori, (481) longam habere desidero; animam solam custodi et eripe; et sufficit mihi. « Domine, non confundar, quoniam invocavi te. » Sed intelligant isti tandem aliquando, quia te invocare non est confusio. Sic enim scriptum est, quia « Stabant iusti in magna constantia adversus eos qui se angustiaverunt (Sap. v. 1). » Et tunc quidem sanctos Dei sapientes esse cognoscent, quos stultos et fatuos esse putabant.

« Innocentes, et recti adhæserunt mihi, quoniam sustinui te, Domine. » Ecce quales sunt pro quibus nunc rogo, innocentes sunt, recti sunt, tales sunt, qui tua gratia et misericordia digni sunt. Qui mihi adhæserunt, non carnali amore neque carnali affectione; non adhæserunt mihi propter me, sed quoniam sustinui te.

« Redime, Deus Israel, ex omnibus angustis meis. » Tunc enim S. Ecclesia ex omnibus angustis suis redimetur et liberabitur, quando tota plena et integra cum omnibus suis membris super cælos exaltabitur.

PSALMUS XXV.

PSALMUS DAVID.

In hoc psalmo loquitur ipse David, et simul cum eo omnes alii, qui ejusdem perfectionis sunt.

« Judica me, Domine, quoniam ego in innocentia mea ingressus sum, et in Domino sperans non infirmabor. » Judicari se rogat propheta, quoniam justam causam se habere cognoscit, quod utique non fecisset, si injustam causam se habere cognovisset. Innocentem autem se dicit esse ingressum, quoniam et si peccavit, non tamen in malitia perseveravit. Scimus enim, quia neque innocenter ad Bersabeam ingressus est, neque innocenter Uriam interfecit. Sed quoniam digne pœnituit, et per prophetam a Domino audire meruit: « Dimissum est tibi peccatum tuum (II Reg. xii, 14), » ac si non peccasset, innocentem et justum se esse ostendit. Quia in re magna peccatoribus consolatio datur, ut post pœnitentiam ita se intelligant a peccatis esse salvatos, ac si ea nunquam commisissent. Et mihi videtur ideo prophetam ista dixisse et scripsisse, ut exemplo sui ad hanc tantam spem cæteros provocaret.

« Et in Domino sperans non infirmabor. » Quid est non infirmabor, nisi hanc, quam nunc habeo innocentiam, et animæ sanitatem non amitam? Hoc tamen non suis viribus, sed sola Dei misericordia se complere posse confidit. Dat autem etiam in hoc dicto cæteris exemplum, ut post pœnitentiam ad peccata non revertantur.

« Proba me, Domine, et tenta me, ure renes meos, et cor meum. » Nam et si Propheta hoc non dixisset, Dei tamen est, et ad ipsum solum pertinet scrutari renes et corda. Unde non tantum rogando, quantum annuntiando hæc dixisse videtur. Ipse (481) Id. cod. et dolori.

A enim est, qui solo intuitu probat et tentat, interrogat et cognoscit quid in renibus et quid in corde habeamus, et intentionem nostram bonam esse videt et pœnitentiam fructuosam; si vero quid rubiginis, et reliquiarum adhuc ibi est, urit et sanat. Unde ipse ait: « Si oculus tuus fuerit simplex, totum corpus tuum lucidum erit (Luc. xi, 36). »

« Quoniam misericordia tua ante oculos meos est et complacui in veritate tua. » Hoc autem tale est ac si diceret: Si misericordiam tuam ante oculos non habuissem et me pœnitentem per tuam misericordiam a peccatis absolutum esse non cognovissem, nunquam ut me judicares et probares, te rogassem. Bene autem ait: « Et complacui in veritate tua, » quia in hac quoque vita magnificatur, quia pœnitentibus misericordiam facit, sicut se facturum esse promiserat.

« Non sedi in consilio vanitatis, et cum iniqua gerentibus non introibo. Odivi congregationes malignorum, et cum impiis non sedabo. » Isti duo versus unum atque idem dicere videntur. Perfecti autem sunt quicunque sive ante pœnitentiam sive post pœnitentiam hæc veraciter dicere possunt. Quid enim perfectius quam vanitati non acquiescere et hoc ipsum in posterum se facturum esse promittere? De talibus enim Apostolus ait quia « ubi abundavit delictum, superabundavit et gratia (Rom. v, 20). » Unde et in alio psalmo dicitur: « Beatorum remissæ sunt iniquitates, et quorum tecta sunt peccata. Beatus vir, cui non imputavit Dominus peccatum (Psal. xxxi, 1, 2). »

C « Lavabo inter innocentes manus meas, et circumdabo altare tuum, Domine. » Non possumus hoc ad litteram intelligere, ut rex et propheta David cum solis iustis et innocentibus conversari potuisset; nisi forte sic intelligamus, quia mente et voluntate cum talibus conversabatur, cum 347 cæteris autem solo corpore habitabat. Sic enim et absentes et præsentem simul esse possumus. Absentes videlicet ab his cum quibus sumus, et præsentem cum his cum quibus non sumus. Si enim non placet mihi consilium illius, qui mecum est, absens ab eo sum; si vero placet consilium illius, qui mecum non est, ubicunque est, præseus illi sum. Sic enim et Apostolus: « Nostra conversatio in cælis est (Philip. iii, 20). » Sic et Corinthiis, et absentem, et præsentem se esse dicebat. Lavat igitur manus suas inter innocentes, quia ad similitudinem illorum, cum quibus et inter quos mente et animo conversatur, omnia opera sua, quæ per manus significantur, purificat et sanctificat. « Et circumdabo altare tuum, Domine. » Quare?

D « Ut audiam vocem laudis tuæ, et enarrem universa mirabilia tua. » Nundum templum fabricatum erat, sed tabernaculum, quod fecerat Moyses, et arca testamenti, et altare aureum ibi erat. Hoc igitur altare se circumire, et ea quæ legabantur, se audire promittit. Solum enim Heptati-

cum (482) tunc ibi legebatur, quoniam prophetarum libri nondum compositi erant. Audiebat itaque ibi laudes Domini, et omnia mirabilia ejus, quæ in illis libris plenissime continentur; quæ sicut modo se facere promittit, postea in omnibus istis psalmis enarravit et prædicavit.¹

« Domine, dilexi decorem domus tuæ. » Hoc autem exponit: « Et locum tabernaculi gloriæ tuæ. » His autem verbis domum illam, et locum illum multum se frequentasse ostendit, in quo supradictum tabernaculum, et ea quæ in ipso erant, continebantur. Et hoc quidem faciebat, sicut modo dixit, ut audiret vocem laudis Domini et enarraret universa mirabilia ejus. Quantum autem decorem domus Domini, et locum tabernaculi ejus dilexerit, ex eo satis intelligere possumus quia templum ejus magno desiderio facere voluit; omnesque expensas ibi necessarias præparavit quibus postea Salomon filius ejus, vice illius templum Domini construxit.

« Ne perdas cum impiis animam meam, et cum viris sanguinum vitam meam, in quorum manibus iniquitates sunt. » Ne perdas, inquit, cum impiis animam meam, neque me in pœnis illis associes, quorum concilia et congregationes iniquas ego semper odio habui, sed potius pone me cum innocentibus, inter quos mente et animo conversatus sum.

« Dexteræ eorum repleta est muneribus. » Hoc est enim, quod modo dixit: « In quorum manibus iniquitates sunt. » Illorum namque manus muneribus, et iniquitatibus plenas esse dicit, quia ad hoc munera dant, vel suscipiunt, ut innocentes et simplices homines perdant et affligant.

« Ego autem in innocentia mea ingressus sum; redime me, et miserere mei. » Ego, inquit, in innocentia mea ingressus sum, et idcirco in illa tua beatitudine simul cum innocentibus me esse confido. Quante puritatis et perfectionis vir iste fuerit, ipsa ejus verba apertissime manifestant. Nam et ipse Dominus hoc ipsum ostendit, qui pluribus in locis valde eum commendat.

« Pes enim meus stetit in via recta, in ecclesiis benedicam Dominum. » Hoc autem videtur esse expositio eorum, quæ modo dixit: « Ego autem in innocentia mea ingressus sum. » Neque enim dubitandum est, eorum pedes stare in via recta, qui innocentem ingrediuntur. Quod autem ait: « in ecclesiis benedicam Dominum; » istorum omnium psalmorum commendatio est, in quibus per omnes Ecclesias ubique diffusas quotidie Deus laudatur et benedicatur.

PSALMUS XXVI.

PSALMUS DAVID PRIUSQUAM LINIRETUR.

De illa unctione dicit, quæ facta est sibi in Hebron post mortem Saul, quando rex constitutus est. Unde apparet illis diebus hunc psalmum factum fuisse, quibus Saul interfectus est, qui eum iniquo odio persequabatur.

(482) Volumen scilicet primos septem Veteris Testamenti libros complectens.

« Dominus illuminatio mea, et salus mea. Quæ timebo? » Videtur mihi quando Propheta hæc scribebat, quia et Saulis mortem, et se in proximo regem constituendum per Spiritum sanctum prævidebat. Unde et bene in titulo dicitur: « Psalmus David, priusquam liniretur. » Dominus, inquit, illuminatio mea est, qui sic me illuminare, et sua secreta, et futura mysteria revelare dignatur, qui mihi per Spiritum suum in me loquentem, et salutem et defensionem se daturum esse promittit; et ego « quem timebo? » Neminem, quasi dicat, timebo, tanto adjutore et defensore protectus; unde et subditur:

« Dominus defensor vitæ meæ: a quo trepidabo. » Dum appropriant super me nocentes, ut edant carnes meas? » A quo, inquit, trepidabo, dum appropriant nocentes, et super me irruere meditantur, ut edant carnes meas? In hoc enim, quod dicit: « ut edant carnes meas, » quanto odio eum persequerentur, manifeste ostendit.

« Qui tribulant me inimici mei, ipsi infirmati sunt et ceciderunt. » His verbis Saulis mortem, et aliorum, qui in prælio ceciderant, significasse videtur.

« Si consistant adversum me castra, non timebit cor meum, si insurgat in me prælium, in hoc ego sperabo. » Talem, inquit, adjutorem et defensorem habeo ut nulla adversantium castra, nullos inimicorum exercitus, et nulla insurgentium prælia timeam.

« Unam petii a Domino, hanc requiram. » Unam, inquit, rem petii a Domino, hanc semper requiram, hanc omnibus aliis præferam, quam si mihi dederit, dives sum; si vero non dederit, omnia alia pro nihilo duco. Et quæ est illa? « Ut inhabitem in domo Domini omnibus diebus vitæ meæ. » Hoc non dicunt hujus sæculi potentes, qui si honores, dignitates et divitias habeant, et eorum inimici eis resistere non valeant (totum enim hoc habebat David), hanc talem petitionem facere non curant, quia non æterna, sed transitoria diligunt. Domum Domini coelestem dicit Jerusalem, ejus habitationem omnibus divitiis præferebat. Et quasi aliquis diceret: Quare in illa domo tantopere habitare desideras? Ait:

« Ut videam voluntatem Domini, et protegar a templo sancto ejus. » Nemo in hac vita Dei voluntates et consilia plene cognoscere valet; unde et multoties nobis displicet, cum iniquis prospera, et bonis adversa contingere videmus. Desiderat itaque Propheta ibi esse, ubi omnem veritatem cognoscat et nullas inimicorum insidias timeat.

« Quoniam abscondit me in tabernaculo suo, in die malorum protexit me in abscondito tabernaculi sui, in petra exaltavit me. Nunc autem exaltavit caput meum super inimicos meos, circuibo, et immolabo in tabernaculo ejus hostiam jubilationis, cantabo, et psalmum dicam Domino. »

Ideo, inquit, circuib, et immolabo, et psalmum dicam Domino, quoniam abscondit me in tabernaculo suo, et cetera quae sequuntur. Nunc significationem videamus. Potuerunt, quasi dicat Saul et omnes alii inimici mei, eicere me, et meos de domo mea et de tabernaculo meo; sed de amplissimo tabernaculo Dei me fugare et eicere non potuerunt. Tabernaculum Dei mundum istum intelligit, qui ad tabernaculi similitudinem caeli velamine tectus est. In hoc autem tabernaculo ita Dominus eum abscondit et custodivit, ut omnes ejus inimici neque capere, neque invenire eum potuissent. Dies autem malorum illi sunt, in quibus mali dominantur et suas faciunt voluntates. Quod autem ait: « Nunc autem exaltavi caput meum super inimicos meos; » tale fuit, ac si dixisset: Nunc autem quando Saul et ceteri inimici mortui sunt, et super populum suum regem me Dominus constituere voluit; nunc, inquam, exaltavi Dominus caput meum, id est virtutem et fortitudinem meam super omnes inimicos meos. Sicut enim in libris Regum legitur, nulli tunc temporis in illis partibus fuerunt, qui ejus virtuti et fortitudini resistere potuissent. Et pro tanto a Deo sibi collato beneficio nunc quidem non immerito dicit: « Circuib, et immolabo in tabernaculo ejus hostiam jubilationis. » De hoc autem tabernaculo in superiori psalmo satis locutus est. Hoc est enim illud tabernaculum, quod fecerat Moyses, de quo et Apostolus dicit: « Tabernaculum factum est primum, in quo erat candelabrum, et arca testamenti, et mensa propositionis, quod dicitur sancta (Hebr. ix, 2). » Et hoc quidem illis diebus in illa terra erat, ad quod videlicet David toto tempore auge persecutionis accedere non potuit. Nunc autem, pace sibi concessa, se illuc ire promittit, vota sua reddere, et laudis et jubilationis hostias immolare et in psalmis Deo cantare. Sequitur:

« Exaudi, Domine, vocem meam, qua clamavi ad te; miserere mei et exaudi me.

« Tibi dixit cor meum: Quaesivi vultum tuum, vultum tuum, Domine, requiram.

« Ne avertas faciem tuam a me, et ne declines in ira a servo tuo. »

Sic loquitur Propheta, ac si jam ad tabernaculum Domini venisset, ubi se cantare et jubilationis hostias immolare promiserat. Et tale est ac si diceret: Ecce, Domine, quod semper desideravi, ad tabernaculum tuum veni et ante conspectum tuum assisto. Nunc igitur exaudi orationem meam, qua clamavi ad te; nunc miserere mei et exaudi me? Unde? De hoc videlicet, quod superius dixit: « Unam petii a Domino, hanc requiram, ut inhabitem in domo Domini omnibus diebus vitae meae (Psal. xxii, 6). » Hoc est enim, quod ait: « Tibi dixit cor meum: Quaesivi

vultum tuum, vultum tuum, Domine, requiram. » Quid est enim vultum tuum, Domine, requiram, nisi unam petii a Domino, hanc requiram? Et quis potest videre vultum Domini, nisi ille qui habitat in domo Domini? (485) O rex sapientissimus et aliorum omnium religiosissimus, qui regnum, quod illis diebus acceperat, relinquere, et caelestia gaudia toto corde desiderabas? « Ne avertas faciem tuam a me, ne declines in ira a servo tuo. Adjutor meus esto, ne derelinquas me, neque despicias me, Deus salutaris meus. » Sic loquitur Propheta, ac si faciem suam ab eo Dominus avertisset, eique se iratum ostendisset, atque dixisset: Impossibile petis; et quae postulas, modo impetrare non potes: dabuntur tibi in tempore suo, et noli timere quia te non deseram 349, neque derelinquam. Hoc autem sequentia significare videntur.

« Quoniam pater meus, et mater mea dereliquerunt me, Dominus autem assumpsit me. » Quis est iste pater, nisi mundus de quo Dominus ait: « Filii hujus mundi prudentiores filiis lucis sunt in generatione sua (Luc. xvi, 8): » de qua et Jeremias: « Maledictus vir, inquit, qui nuntiavit patri meo, dicens: Natus est tibi filius masculus (Jer. xx, 15); » mater vero iniquitas est, sicut idem Propheta testatur, ubi ait: « Quoniam in iniquitatibus conceptus sum (Psal. l, 7). » Dicitur autem et de diabolo, quia omne sublime videt, et quia ipse est rex super omnes filios superbiae. Qua in re omnium iniquorum superbia mater esse ostenditur. Illi igitur soli a Domino suscipiuntur, quos iste pater, et haec mater derelinquit.

« Legem mihi constitue, Domine, in via tua, et dirige me in semitam rectam (484) propter inimicos meos. » Quia, inquit, petitio mea modo exaudiri non potest, et me adhuc in hoc mundo inter inimicorum meorum insidias habitare jubes, eandem mihi legem constitue in via tua, quam et aliis constituisti. De hac autem lege in alio psalmo dicitur: « Quis est homo, qui timet Dominum (485)? legem tavit ei in via quam elegit (Psal. xxiv, 12). » Et quare illam legem sibi constitui dicit, quam omnibus hominibus constitutam esse cognoscit, nisi quia plus ceteris se peccare timet, si forte a via justitiae aliqua occasione declinaverit? Unde et Dominus ait: « Servus sciens voluntatem Domini sui, et non faciens, digna vapulabit multis; qui vero nescit, et non fecit, vapulabit paucis (Luc. xii, 47). »

« Ne tradideris me in animas persequentium me. » (486) Per hos autem malignos spiritus intelligimus, quorum desiderium est maxime, ut viros justos a recto itinere declinare et in peccata ruere faciant. Sunt enim, sicut scriptum est, exae ejus electae, de quibus subditur: « Quoniam insurrex-

p. 520.

(484) Cod. Vallicel. propter nomen tuum. Cod. Ghs. propter inimicos meos.

(485) Id. Cod. Vallicel. timens Dominum. Cod. Ghs. timet Deum.

(486) Secundum historiam potest intelligi de

(485) Addatur ex S. Maximo Taurin. Neque enim tota humanitatis Christi sanctissima dispensatio aliud intendit, aliud exigit, nisi ad superna nos dirigat, quatenus expleto mortalitatis nostrae tempore ad sui manifestam perducat visionem, atque aeterna cultus sui gloria nos satiet. Sermon. 48, edit. Rom.

« runt in me testes iniqui, et mentita est iniquitas »
 « sibi. » Isti enim sunt, qui beatum Job accusaverunt,
 et falsum testimonium contra eum reddiderunt, et
 ante conspectum Dei sanctos ejus accusare non ces-
 sant die ac nocte. Sed mentita est iniquitas sibi.
 Unde et in alio psalmo legitur : « Convertetur dolor
 ejus in caput ejus, et iniquitas ejus in verticem ejus
 descendet (Psal. vii, 17). »

« Credo videre bona Domini in terra viventium. »
 Quamvis, inquit, falsi testes insurgant contra me;
 ego tamen credo et nullatenus dubito, quia petitio
 mea exaudita est et video bona Domini in terra
 viventium. Audio enim ipsum Dominum in me lo-
 quentem; audio Spiritum sanctum me consolantem,
 et dicentem : « Expecta Dominum, et viriliter age,
 et confortetur cor tuum, et sustine Dominum. »
 Hinc est enim, quod alibi ait : « Audiam quid in me
 loquatur Dominus Deus (Psal. lxxxiv, 9). »

PSALMUS XXVII.

PSALMUS IPSI DAVID.

Iste titulus hoc dicere videtur, quod ipse David
 loquatur ea, quæ in hoc psalmo continentur. Ipsi
 David, id est Christo Domino Salvatori nostro.

« Ad te, Domine, clamavi; Deus meus, ne sileas
 « a me, et ero similis descendentibus in lacum. »
 Hæc vox non est solummodo David, sed omnium
 aliorum, qui eandem fidem habent, quam habet Da-
 vid. « Ad te, inquit, Domine, clamavi; ne sileas a me. »
 Quid est « ne sileas a me, » nisi responde mihi?
 Et quid est responde mihi, nisi exaudi orationem
 meam? Si enim hoc non feceris, « ero similis des-
 cendentibus in lacum. » De quo alibi dicit : « La-
 cum aperuit, et effodit eum, incidit in foveam quam
 fecit (Psal. vii, 6). »

« Exaudi vocem deprecationis meæ, dum oro ad
 « te, et dum extollo manus meas ad templum san-
 « ctum tuum. » Hinc est, quod alibi ait : « In nocti-
 bus extollite manus vestras in sancta (Psal. cxxxiii,
 4). » Idem enim significat « in sancta, » quod ad
 templum sanctum tuum. Quotiescunque igitur in
 orationibus nostris manus extollimus, quoniam etsi idem
 templum non videamus, cordis tamen intentione
 diriguntur.

« Ne simul trahas me cum peccatoribus, et cum
 « operantibus iniquitatem ne perdas me. » Pura
 oratio est, nec indiget expositione, quoniam facilis
 est ad intelligendum.

« Cum his, qui loquuntur pacem cum proximo
 « suo; mala autem sunt in cordibus eorum. » Hoc
 fecit Judas proditor, qui Salvatorem nostrum ver-
 bis pacificis, et dolo (487) tradidit; cum quo se par-
 tem habere non dubitent, quicumque eum in tali facto
 imitati fuerint. Hoc est enim quod eis Propheta in
 sequentibus imprecatur.

Saule, qui eum acerrimo odio persequabatur. Sed
 quoniam rex erat, nec solus poterat agere quod ju-

« Da illis, Domine, secundum opera eorum, et
 « secundum nequitiam studiorum ipsorum retribuere
 « illis. Redde retributionem eorum 350 ipsis. »
 Illam videlicet retributionem, qua digni sunt.

« Quoniam non intellexerunt opera Domini, et
 « in opera manuum ejus non consideraverunt. »
 Omnia opera Domini bona; quia « vidit Deus cuncta,
 quæ fecerat, et erat valde bona (Gen. i, 31). »
 Ad tanti igitur operatoris exemplum, omnia opera
 nostra dirigere debemus, ut in nostris quoque ope-
 ribus non nisi bonum inveniat. Isti autem econtra
 fecerunt, et nil nisi malum in suis operibus esse
 voluerunt. Et ideo fiat illis quod sequitur :

« Destruere illos, nec ædificabis eos. » Utilis de-
 structio est, quam bona ædificatio sequitur. Tali-
 ter Apostolus destructus et reedificatus dicebat :
 « Vivo ego, jam non ego, vivit vero in me Christus
 (Gal. ii, 20). » Isti autem sic destruentur, sicut illi,
 de quibus dicitur : « Et tanquam vas figuli confrin-
 ges eos. Benedictus Dominus, quoniam exaudivit
 vocem deprecationis meæ (Psal. ii, 9). » Grati-
 as agit Deo, quia videt completum totum id, quod su-
 per iniquos et proditores imprecatus fuerat. Spiritus
 enim, qui in eo loquebatur subito, et in momento
 quod futurum erat, quasi jam factum esset, sibi
 ostendebat.

« Dominus adjutor meus, et protector meus, et in
 « ipso speravit cor meum, et adjutus sum. » Despi-
 cit jam contra eos amplius loqui, quos tam mise-
 rabili-ter destructos videt, atque damnatos. Sed læ-
 tatur, et sicut cœperat in agendo gratias perseve-
 rat, de adjutorio et protectione sibi divinitus con-
 cessa.

« Et restituit caro mea, et ex voluntate mea con-
 « stitbor illi. » Hoc autem et de poenitentia, et de
 baptismo intelligi potest, quibus totus homo juve-
 nescit et renovatur. Quod autem ait : « Et ex vo-
 luntate mea constitebor illi; » illam confessionem
 laudabilem esse ostendit, quæ non coacta, sed spon-
 tanea est, quam charitas, et amor, et dilectio facit.

« Dominus fortitudo plebis suæ. » Hoc est enim,
 quod alibi ait : « Hi in curribus, et hi in equis, nos
 autem in nomine Domini Dei nostri magnificabimur
 (Psal. xix, 8). » Ipse est fortitudo nostra, qui suis
 discipulis ait : « Sine me nihil potestis facere (Joan.
 xv, 5). Et : « Protector salvationum Christi sui est. »
 Hoc autem tale est ac si diceret : Quos Filius
 salvavit et suo sanguine redemit, eos Pater prote-
 git et defendit, ut per salutaria eos, qui salvati
 sunt, intelligamus. Nunc Propheta ad Deum con-
 vertitur, ut populum et hæreditatem suam sal-
 vet, benedicat, regat et extollat, et orat, dicens :
 « Salvum fac populum tuum, Domine, et benedic
 « hæreditatem tuam, et extolle illos usque in sæ-
 « culum. »

bebat, apte numerus pluralis hic positus est.
 (487) Cod. Ghis. et osculo.

PSALMUS XXVIII.

PSALMUS DAVID IN CONSUMMATIONE TABERNACULI.

Hoc tabernaculum sancta Ecclesia est. Quod quidem tunc et perfectum, et consummatum est, quando Salvator noster in cruce positus spiritum emisit. Cum autem dedissent ei acetum cum felle mistum, et ille gustasset, et bibere noluisset, ait: « Consummatum est, et inclinato capite tradidit spiritum (Joan. xix, 30). » Consummatum, inquit, et perfectum est tabernaculum, in quo tempore meæ incarnationis usque ad hanc horam laborare non destitit.

« Afferte Domino, filii Dei, afferte Domino filios arietum. » Filii Dei illi sunt, de quibus Evangelista ait: « Quotquot autem receperunt eum, dedit eis potestatem filios Dei fieri, his qui credunt in nomine ejus (Joan. 1, 12). » Et in alio loco: « Charissimi filii Dei sumus, et nondum apparuit quod erimus (1 Joan. iii, 2). » Arietes vero apostoli, et doctores, qui in toto grege ecclesiastico majores sunt, et principatum tenent, et aqua et Spiritu sancto non hædos, sed agnos Domino generant. Dicat igitur Propheta, et simul cum eo quilibet fidelis: Ecce tabernaculum consummatum est, et valde dignum, ut in ejus consummatione Deo nostro munera offeramus. Sed quæ munera? « Filios arietum. » Quid vero per filios arietum, nisi agnos, id est innocentes, simplices et mansuetos intelligamus? Talia igitur munera filii Dei, id est episcopi et sacerdotes quotidie offerunt Deo. Hinc est enim, quod Dominus ait: « Reddite quæ sunt Cæsaris Cæsari, et quæ sunt Dei Deo (Luc. xx, 25). »

« Afferte Domino gloriam, et honorem: afferte Domino gloriam nomini ejus. » Gloriam et honorem illi offerunt, qui verbis et operatione illum prædicant et laudant. Offerunt autem et illi gloriam nominis ejus, qui de salute, quam in nobis operatus est ei gratias agunt, eum magnificant et benedicunt: Nomen namque illius est Jesus, quod Salvator interpretatur.

« Adorate Dominum in aula sancta ejus. » Ecce, inquit, tabernaculum constructum est, et aula Dei, per quam Ecclesia intelligitur, consummata est; ibi eum adorate, ibi eum prædicat et magnificate. Cum autem hæc diceret Propheta, vidit in spiritu apostolos et prædicatores ubique gentium Deum laudare et prædicare, et infinitam multitudinem ad fidem Christi et ad Ecclesiam festinare. Unde nimia lætitia commotus ait: « Vox Domini super aquas, Deus « majestatis » (subauditur intonuit) « super aquas, et « Dominus intonuit super aquas multas. » Aquæ multæ sicut scriptum est, populi multi. (488) Super aquas igitur vox Domini sonat et intonat, quando sancti prædicatores verbum Dei in Ecclesia prædicant. Et quia non ipsi sunt, qui loquuntur, sed Spiritus sanctus loquitur in eis, bene hic dicitur, quia « Deus majestatis intonuit super aquas multas. » Possumus autem per aquas multas baptismatis quo-

(488) Cod. Ghs. Super has igitur aquas.

A que aquas intelligere, super quas vox Dei benedicens per ora sacerdotum quotidie auditur. Et quasi aliquis diceret: Unde hoc probas, quod hæc vox Domini sit, quæ intonuit super aquas multas? subdidit, dicens:

« Vox Domini in virtute: vox Domini in magnificentia. » Nisi, inquit, vox Domini esset, hæc tantam virtutem et efficaciam non haberet. Quid enim mirabilis, quid gloriosius, quam cæcos illuminare, leprosos mundare, mortuos suscitare, et impios et peccatores tam subito aquis baptismatis sanctificare? Hæc vox destruxit templa deorum, confregit idola, fugavit dæmones, et majores hujus mundi potestates ab altitudine suæ superbiz humiliavit, et ad Christi fidem convertit. Unde et in sequentibus dicitur: quia confregit cedros, flammam divisit, solitudines concussit, cervos præparavit et condensa revelavit. Probatum est igitur, quia hæc vox Domini est, quæ tanta virtute, tantaque magnificentia declarat. Sed cujus Domini?

« Vox Domini confringentis cedros, et confringet Dominus cedros Libani, et comminet eas tanquam vitulum Libani, et dilectus sicut filius unicornium. » Per cedros autem divites et potentes hujus sæculi intelligere debemus, quarum quidem aliæ sua sponte confringuntur et sub Christi jugum humiliantur, sed talis confractio bona est; aliæ vero in nimiam altitudinem superbiz elevatæ excidentur, confringuntur et in ignem mittuntur; sicut scriptum est: « Omnis arbor, quæ non facit fructum bonum, excidetur, et in ignem mittetur. Et confringet Dominus cedros Libani (Matth. iii, 10). » Per Libanum et cedros Libani Hierusalem et habitatores ejus significantur, quoniam illa civitas inter alias civitates aliquando nobilissima fuit, ejusque habitatores, et divites, et potentes, et sapientes fuerunt. Hos autem jam ex maxima parte confractos, et comminutos esse videmus, quos tamen adhuc majorem in judicio poenam habituros esse putamus; unde et in Zacharia propheta loquitur: « Aperi, Libane, portas tuas, et devoret ignis cedros tuas (Zach. xi, 1). » Et hoc quidem tempore Titi et Vespasiani completum est, quando capta urbe, et simul cum illo templo nobilissimo tota succensa, ejus habitatores igne et fame, et aliis poenis miserabiliter perierunt, præter illos, qui in captivitate et in servitute ab hostibus ducti fuerunt. De quibus adhuc subditur:

« Et comminet eos tanquam vitulum Libani. » De illo vitulo dicit, de quo in Exodus et in Levitico scriptum est; qui immolandum prius totus in frusta concidebatur et super struem lignorum componebatur. Et tunc demum, igne supposito, totus concidebatur. Ad cujus videlicet similitudinem has cedros superbissimas comminuendas esse minatur.

« Et dilectus sicut filius unicornium. » De hoc dilecto Dominus ait: « Hic est Filius meus dilectus, in quo mihi bene complacui (Matth. xxi 18). » De

quo in Canticis canticorum Ecclesia dicit : « Dilectus meus candidus et rubicundus, et electus ex millibus (*Cant. v, 10*). » Itemque : « Fuge, dilecte mi, assimilare capreae, hinnuloque cervorum super montes aromatum (*ibid., viii, 14*). » Hic igitur dilectus comminuet, confringat et dissipabit illum populum impium et ingratum, sicut filius unicornium, qui omnia sibi irato occurrentia prosternit atque comminuit. Hoc autem animal rhinoceros graece vocatur, cui super nasum unum solummodo cornu est tantae valetudinis, ut nullum sibi animal resistere possit. Egregie igitur rhinoceroti Salvator noster comparatur, de quo scriptum est : « Dominus iudicabit fines terrarum, et dabit imperium regi suo, et sublimabit cornu Christi sui (*I Reg. ii, 10*). »

« Vox Domini intercidentis flammam ignis : vox Domini concutientis solitudinem, et commovebit desertum Cades. » Magna flamma erat inter Iudaeos et gentiles, quia uterque populus suae legis et religionis igne succensus, nullam ad invicem communionem habere volebant. Unde et beatus Petrus a Iudaeis redarguitur, quod ad hominem praepitum habentem intraverit. Qui nimirum reddita ratione omnem illam flammam, et indignationem, quae in illorum cordibus versabatur, extinxit. In quo videlicet exemplo manifeste apparet, quomodo vox Domini flammam ignis intercidit. Unde et subditur : quia « vox Domini concussit solitudinem » (id est gentiles), « et commovebit desertum Cades », id est Iudaeos. Nam isti et illi, audito verbo praedicationis, timore futuri iudicii concussi et commoti ad fidem Christi conversi sunt et poenitentiam agere coeperunt. Quibus interrogantibus beatus Joannes praecursor Domini respondisse legitur : « Ego sum vox clamantis in deserto, parate viam Domino (*Luc. iii, 4*). » Itemque : « Poenitentiam agite, appropinquavit enim regnum coelorum (*ibid.*). » Et Iudaeis quidem dicebat : « Qui habet duas tunicas, det non habenti (*ibid., 11*), » militibus vero, qui ex gentibus erant : « Neminem concutiat, nemini calumniam faciat. Estote contenti stipendiis vestris (*ibid., 14*). » Sic itaque vox Domini et solitudinem concutiebat et desertum commovebat. Sed quod desertum? Desertum Cades. 352 Cades enim interpretatur *sancta*, per quod satis convenienter ille populus figuratur, qui ex cunctis gentibus a Deo electus et sanctificatus fuerat.

« Vox Domini praeparantis cervos, et revelabit condensam, et in templo ejus omnes dicent gloriam. » Quid per cervos nisi apostolos intelligamus, ad currendum agiles, ad praedicandum veloces, serpentes interficientes, venenum non timentes et ad fontes aquarum desiderantes? Hos autem praeparavit Dominus ad Evangelium praedicandum, et ad Scripturas revelandas et exponendas. Unde et subditur.

(489) Vulgata legit : *Dominus diluvium inhabitare facit*. Quod egregie a S. Maximo Taurin. exponitur : *Consideremus totum orbem, respiciamus barbaras nationes, Romanum quoque lustremus imperium,*

A « Et revelavit condensam. » Per hos enim Dominus revelabit condensam, multumque obscura utriusque Testamenti sacramenta. Unde et Joannes apostolus cum haec condensam videret, et librum septem sigillis signatum conspiceret; multumque fletet, quod nullus ad librum aperiendum idoneus inveniretur, dictum sibi est, ut non fletet, quia « vicit leo de tribu Juda, radix David, aperire librum, et solvere septem signacula ejus (*Apoc. v, 5*). » Sic igitur Dominus prius apostolis, et per apostolos nobis haec condensam revelare dignatus est, « Et in templo ejus omnes dicent gloriam; » quod utique non fecissent, nisi liber apertus, et condensam revelata fuissent.

(489) « Dominus diluvium inhabitabit, et sedebit B « Dominus rex in aeternum. » Et superius quidem aquas multas posuit, nunc autem non multas aquas, sed ipsum diluvium ponit, in quo nulla defuit aqua; ut per hoc intelligamus universum mundum ante saeculi consummationem ad fidem Christi convertendum esse; unde et subditur : quia « sedebit Dominus rex in aeternum. » Cum enim omnia ei subiecta fuerint, omnesque mundi hujus nationes ejus fidem susceperint, tunc omnibus manifestum erit, quia solus rex, et Dominus regnat in aeternum.

« Dominus virtutem populo suo dabit. » Dedit enim jam, sed majorem adhuc datorus est, quia totus mundus per ipsum, et ab ipso iudicabitur. Unde et Apostolus dicit : « An nescitis quia mundum iudicabitis? Si ergo per vos mundus iudicabitur, indigni estis, qui de minimis iudicetis (*I Cor. vi, 1*). » Et tunc quidem « benedicet populo suo in pace. » Quid est in pace? In seipso. « Ipse enim est pax vestra, qui fecit utraque unum (*Ephes. ii, 14*). » Qui igitur illam benedictionem suscipiant, simul cum eo suscipiant vitam aeternam.

PSALMUS XXIX.

PSALMUS CANTICI IN DEDICATIONE DOMUS DAVID.

Domus David Ecclesia est, quae quotidie edificatur et sanctificatur. Quotidie igitur iste psalmus cantandus est; si quidem in dedicatione domus David cantari iubetur. Et consummatio quidem brevi tempore fuit; dedicatio vero longo tempore perseverat : quoniam et si brevi tempore baptizatur homo, et Christianus efficitur, quanto tamen tempore vivit dedicandus, (490) purificandus et sanctificandus est. Unde et de sacerdotibus per Moysen a Deo praecipitur, ut post consecrationem suam adhuc septem diebus manus ejus ungantur. Omni namque tempore fit, quod septem diebus fit, quia non sunt dies nisi septem.

« Exaltabo te, Domine, quoniam suscepisti me, » nec delectasti inimicos meos super me. » Ipsa Ecclesia loquitur haec verba in dedicatione sua et in dedicatione filiorum suorum. Exaltabo te, inquit,

ubique in nostrum Dominum baptizantur, et ita fit ut non una aqua, sed quodammodo fit diluvium baptismi. Serm. 10. edit. Rom. p. 403.

(490) Id. Cod. Ghis. *lavandus*.

Domine, laudabo, et magnificabo nomen tuum. Et certe Deus exaltari non potest, quia super omnia excelsus est. « et magnitudinis ejus non est finis (Psal. cxliv, 5). » Exaltari tamen dicitur a nobis, quando ejus magnitudinem, potentiam et gloriam prædicamus, et his, qui eum ignorant, annuntiamus. Quod autem ait : « Quoniam suscepisti me ; » tale est ac si diceret : Multum te offendi, longe a te recessi : « longe » est enim « a peccatoribus salus (Psal. cxviii, 155). » Abii, quod non debui, in regionem longinquam, porcos pavi, egere coepi, et in me tandem reversa, tuæ dulcedinis recordata, ad te per penitentiam redii. Tu vero quid fecisti ? Suscepisti me, ornasti, decorasti, ad convivium tuum me vocasti, et tui corporis, et sanguinis deliciis satiasti, et ideo tantis tuis beneficiis memor exaltabo te. « Nec delectasti inimicos meos super me. » Laetantur inimici nostri maligni spiritus, quando peccamus, delectantur vero et jucundantur, quando in peccatis perseveramus. Hoc igitur dicere et cantare potest illa anima, quam cito pœnitet et non diu in peccato perseverat. Unde et subditur :

Domine Deus meus, clamavi ad te, et sanasti me ; Domine, abstraxisti ab inferis animam meam, sanasti me a descendentibus in lacum. » Multum, inquit, anima mea **353** jam infirmabatur, et jam inter mortuos computabatur, et cum descendentibus in lacum a malignis spiritibus ad inferos traheretur ; quando ego et mei, et tui recordata clamavi ad te, et quod ego digna non eram, exaudisti me, sanasti, et ab inferis abstraxisti, et a descendentibus in lacum me tua sola pietate et misericordia salvasti. Nonne vides quam bene omnia hæc Ecclesie dedicationi conveniant ?

Psallite Domino, sancti ejus, et confitemini memorie sanctitatis ejus. » Psallite, inquit Ecclesia, Domino, omnes sancti ejus, laudate, prædicate et magnificate eum in hac mea et vestra dedicatione, qui sic nos diligit, sic nos mundat, sic sanat, sic lavat, sic ab omni peccatorum nostrorum sorde purificat et sanctificat ; « Et confitemini memorie sanctitatis ejus ; » sicut et ipse nostri semper memoriam habet, et fidelium suorum nunquam obliviscitur. Et super hæc omnia ita facere valde necesse est. Unde hoc ?

Quoniam ira in indignatione ejus, et vita in voluntate ipsius. » Contendite, inquit, ut eum placare, et ejus bonam voluntatem habere valeatis, et nolite eum ad indignationem et iracundiam provocare, quoniam ira intolerabilis est in indignatione ejus, et vita æterna est in illius bona voluntate. Et quasi aliquis diceret : Tu nos psallere et prædicare jubes, et inimicorum insidias non consideras, qui ad rapiendum, et tenendum, et interficiendum parati sunt. Ad quod ipsa :

Ad vesperum demorabitur fletus, et ad matutinum lætitia. » Hæc, inquit, persecutio cito transiet, cito hæc tristitia vertetur in gaudium ; qui usque ad vesperum habebit tristitiam, in matutino

A habebit lætitiā. « Nolite itaque timere eos, qui occidunt corpus, quoniam animam non possunt occidere (Matth. x, 8). » Per vesperum ergo, quod dici finis est, mortem hanc temporalem intelligamus, quæ et ipsa vitæ nostræ terminus est, quo videlicet termino omnis fletus sanctorum, et tristitia cessat, et confestim ad matutinum, id est ad illius diei initium veniunt, de quo scriptum est : « Quia melior est dies una in atris tuis super millia (Psal. lxxxiii, 11). » Possumus autem per vesperum hujus mundi finem, per matutinum vero alterius vitæ initium intelligere, quando sancti de hujus vitæ tenebris exeuntes in æternæ lucis beatitudinem intrabunt. Quam egregie sancta mater Ecclesia membra sua, et filios suos consolatur in tempore dedicationis suæ !

B Ego autem dixi in mea abundantia, non movebor in æternum. » Dives, inquit, sum, omnibus bonis abundo : « Dominus regit me, et nihil mihi deest (Psal. xxii, 1). » In hac autem mea abundantia et dixi, et dico, non movebor in æternum : « Neque mors, neque vita, neque sublimitas, neque profundum, neque presentia, neque futura, neque aliqua creatura poterit me separare a charitate Dei, quæ est in Christo Jesu (Rom. viii, 39). » Sæviant inimici quantum velint, minentur flammæ, et cruces, et omnia tormentorum genera, supra firmam petram firmata sum, non movebor in æternum.

C Domine, in bona voluntate præstitisti decori meo virtutem. » Et deorem, inquit, mihi dedisti, et super decorem, hanc quam habeo virtutem addidisti. Hoc autem nullis præcedentibus meritis, sed ex bona voluntate tua. Hinc est enim, quod Apostolus ait : « Non est volentis, neque currentis, sed miserentis est Dei. Quid enim habes, quod non accepisti ? » (Rom. ix, 16.) Omnis igitur virtus, constantia et fortitudo sanctorum non ipsorum, sed Dei est. Unde et subditur :

Avertisti faciem tuam a me, et factus sum conturbatus. » Et Dominus quidem a sanctis suis faciem suam non avertit, sed ut probentur et manifesti fiant, eos aliquando affligi permittit, et tunc quidem faciem suam avertisse videtur. Sed si conturbantur, et ipsa tormenta sustinere non valent, subito

D ad protegendum et consolandum præsto est, ut facile intelligant se suis viribus pugnare non posse ; unde et alibi dicunt : « In Deo faciemus virtutem, et ipse ad nihilum deducet inimicos nostros (Psal. lxx, 14). » Sed quid debent facere sancti, quando se inter ipsa tormenta conturbatos esse cognoscunt ? Sequitur :

Ad te, Domine, clamabo, et ad Deum meum deprecabor. » Ecce quomodo, et quibus armis pia mater ad pugnandum instruit filios suos. Nam et Salvatorem nostrum discipulos suos tempore passionis suæ admonuisse legimus : « Orate, inquit, ne intretis in tentationem : spiritus enim promptus est, caro autem infirma (Matth. xxvi, 59). » Orant igitur sancti ut non mortem evadant, sed ne in tor-

mentis contra Deum aliquid agant. Unde et subditur : « Quæ utilitas in sanguine meo, dum descendo in corruptionem? » Hoc autem tale est ac si diceret : Quid prodest mihi sanguinem fudisse, et tot et tanta tormenta sustinuisse, si modo me inimici mei me corrumpere et decipere poterunt? Possumus autem et de Christi sanguine hoc intelligere, quem ideo Ecclesia suum esse dicit, quoniam pro ipsa solummodo effusus est.

« Nunquid confitebitur tibi pulvis, aut annuntiabit veritatem tuam? » Hic est ille pulvis, de quo alibi dicitur : « Quem projicit ventus a facie terre (Psal. 1, 4). » Si igitur sancti peribunt, et tormentorum timore, et suæ fidei sinceritate corrupti fuerint, quis confitebitur Domino? Quis veritatem ejus amplius prædicabit et annuntiabit? Sequitur :

« Audivit Dominus, et misertus est mihi : Dominus factus est mihi adiutor. » Hæc autem verba, quæ Ecclesia, vel SS. martyres tempore suæ afflictionis dicebant, sive potius mente tractabant, audit Dominus **354** afflictorum omnium consolator, et dignam eis, atque necessariam tribuit consolationem. Unde et subditur :

« Convertisti plancium meum in gaudium mihi. » Hoc autem faciebat Dominus, quando vel a tormentis liberabat sanctos suos, vel tolerandi fortitudinem et constantiam dabat.

« Conscidisti saccum meum, et præcinxisti me lætitia. » Quid per saccum, nisi corpus mortale et corruptibile, in quo quasi in vilissimo sacco anima clauditur et continetur, intelligamus? Hoc autem nisi consciatum fuerit, et anima libera inde evolaverit, plenam lætitiā sancti Dei habere non possunt. « Ut cantet tibi gloria mea, et non compungar. » Hæc, inquit, Domine, qui gloria mea es, mihi præstitisti, plancium meum in gaudium convertisti, saccum meum conscidisti, lætitia me præcinxisti, ut amodo secunda et sine omni sollicitudine tibi cantem canticum lætitiæ et exultationis, et non compungar. Ibi compunctio nulla est, ubi neque peccatum, neque peccati timor ullus est. « Domine Dens, confitebor tibi. » Confessio ista, sicut pluribus in locis pro laude ponitur, qua simul cum angelis in cœlesti Jerusalem sancti omnes ineffabili gaudio et lætitia Domino jubulant.

PSALMUS XXX.

IN FINEM PSALMUS DAVID.

Sæpe jam diximus quid significet in finem, et quid significet psalmus David. « Nos enim sumus, dicit Apostolus, in quos fines sæculorum deveniunt (I Cor. x, 11). » Ecclesia itaque loquitur in hoc psalmo, in qua quia omnes continentur, omnium suscipit personas. Nunc pro ipsis apostolis, cæterisque Ecclesiæ doctoribus, nunc pro martyribus, nunc pro confessoribus, nunc pro perfectis, nunc pro imperfectis, nunc pro quibusdam, nunc pro omnibus; quæ si etiam pro ipso capite aliquando

A loquatur, non erit inconveniens, quia et caput pars corporis est, et ipsa maxima et principalis. Unde et in superiori psalmo dicit : « Quæ utilitas in sanguine meo? » id est in sanguine, quem pro me fudisti.

« In te Domine, speravi, non confundar in æternum, in tua justitia libera me, et eripe me. Inclina ad me aurem tuam, accelera, ut eripias me. « Esto mihi in Deum protectorem, et in locum refugii, ut salvum me facias. » Docet nos mater nostra S. Ecclesia, quanta instantia orationi incumbere et insistere debeamus, ex eo quod id ipsum tam sæpe repetit. Nam et Apostolus hoc dicit : « Sine intermissione orate (I Thess. v, 17). » Et Dominus in Evangelio : « Petite, inquit, et accipietis, quærite, et invenietis, pulsate, et aperietur (Matth. vii, 7). » Dat etiam similitudinem de illo, qui ab amico suo tres panes petebat (Luc. xi, 5); cumque ille per totam noctem surgere noluisse, et ipse e contra tota nocte petitioni instaret; tandem illius improbitate fatigatus, surrexit, et dedit illi quotquot habebat necesarios. « In te, inquit, Domine, speravi, » etc., quia in te speravi, non confundar in æternum. Unde et Apostolus : « Spes, inquit, non confundit (Rom. v, 5). » Confunderet enim si semper speraret, et sperata nunquam reciperet. Sicut desperatione nihil est deterius, ita firma spe nihil est melius. Quod autem ait : « in tua justitia libera me, et eripe me; » tale est ac si diceret : (491) Ita fac, ut justitia tua dictat. Cætera verba quæ sequuntur, idem significant.

« Quoniam firmamentum meum, et refugium, meum es tu. » Ideo, inquit, dixi : « Esto mihi in Deum protectorem, et in locum refugii, » quoniam alium protectorem, aliud firmamentum et aliud refugium præter te ego non habeo. Scio enim, quia maledictus est omnis, qui sperat in homine, et ponit apem suam in brachium suum, et a Deo recedit cor ejus. « Et propter nomen tuum dux mihi eris, et enutries me. » Nomen Domini est Jesus : Jesus autem *Salvator* interpretatur. Magna igitur ratio est, ut propter nomen suum salvet, protegat, ducat et nutriat fideles suos, qui ideo sic vocatus est ut ista faceret, et nisi hæc facturus esset, sic vocatus non fuisset.

D « Et educes me de laqueo isto, quem occultaverunt (492) mihi; quoniam tu es protector meus, Domine. » Quis enumerare valeat omnes laqueos, quos tyranni, hæretici et maligni spiritus occultaverunt sanctis et fidelibus Christi? Quid est igitur quod singulariter hic dicitur, de laqueo isto, nisi quia, cum deceptio in genere una sit, multæ tamen sunt species deceptionis? Unde et alibi dicitur : « Anima mea sicut passer erepta est de laqueo venantium (Psal. cxiii, 7). » Et illud : « Quoniam ipse liberavit me de laqueo venantium, et a verbo aspero (Psal. xc, 3). » — « Quoniam tu es protector conderunt, etc. Cod. Ghis. Educes me de laqueo isto, quem occultaverunt mihi.

(491) Id. cod. Ghis., quia justus es.

(492) Cod. Vallie. Educes me de laqueo, quem abs-

« meus, Domine, in manus tuas commendo spiritum meum. » Timeo, inquit, inimicorum laqueum, timeo eorum occultas et callidas deceptiones; faciant de corpore meo quidquid velint, spiritum vero tibi commendo. Hoc enim et de beato Job **355** legitur, quia Dominus cum dedisset potestatem Satan super eum, animam autem conservare præcepit (*Job* 11, 6). Nam et ipse Salvator noster in cruce positus spiritum suum Domino commendavit (493); quatenus nos doceret, quid in tali eventu facere debeamus.

« Redemisti me, Domine Deus veritatis. » Tibi, inquit, spiritum meum commendo, qui supra modum me direxisti, dum tui sanguinis pretio me redemisti; et hoc quidem ne spiritus meus periret, fecisti. In eo vero quod Deum veritatis eum vocat, majorem se securitatem inde habere ostendit, quia non potest non facere, quod promisit. Dixerat enim: « Non vos deseram, neque derelinquam (*Joan.* xiv, 18). » Et: « Ecce ego vobiscum sum omnibus diebus usque ad consummationem sæculi (*Matth.* xxviii, 20). » Itemque: « Nolite timere eos qui occidunt corpus, animam autem non possunt occidere (*Matth.* x, 8). » — « Odisti observantes vanitatem supervacue. » De vanitate dicit Salomon: « Vanitas vanitatum, et omnia vanitas (*Eccle.* 1, 1). » Et Apostolus: « Vanitati enim creatura subjecta est non volens (*Rom.* viii, 20). » Et hic idem Propheta: « Verumtamen universa vanitas omnis homo vivens (*Psal.* xxxviii, 6). » Cum igitur nemo sit sine vanitate, bene hic additum est, « supervacue, » ut illos solos odio habere intelligamus, qui supervacue vanitatem faciunt, et observant, non autem eos, qui etiam nolentes, ut Apostolus docet, vanitati subjecti sunt (*Rom.* viii, 20). Illi itaque supervacue subjecti sunt vanitati, quibus ipsa vanitas ita placet, ut nunquam cessent a vanitate. Per quos videlicet illos intelligimus, qui usque in finem in sua malitia perseverant.

« Ego autem in Domino sperabo, et exultabo, et lætabor in tua misericordia. » Qui ita loquitur aperte ostendit, se non esse de illis, qui supervacue vanitatem observant.

« Quia respexisti humilitatem meam, salvam fecisti de necessitatibus animam meam nec conclusisti me in manus inimici. Statuisti in loco spatioso pedes meos. » Ideo, inquit, exultabo et lætabor in tua misericordia, quia maximam et inestimabilem misericordiam tuam super me esse cognosco. De hoc videlicet, quod in tempore persecutionis respexisti humilitatem meam, et salvam fecisti de multis necessitatibus animam meam, et cum inimicus meus captam, et deceptam, et penitus superatam esse putaret, liberasti me et non conclusisti in manus inimici, sed statuisti in loco spatioso pedes meos, quia

(493) « Consideremus cur hic sermones ipsi sint positi, quos Evangelii textus eloquitur? Nam et ibi sic ait: *In manus tuas commendo spiritum meum: et inclinato capite, reddidit spiritum;* scilicet ut et

A inde amplius dilatata sum, unde me angustatam, et ad nihilum redactam esse credebant. Nullo namque tempore tantum crevit Ecclesia, tantumque dilatata est, quantum tempore persecutionis. Occidebatur unus, et ejus fide et constantia multi alii ad fidem convertebantur.

« Miserere mihi, Domine, quoniam tribulor. » Unde? « Conturbatus est in ira oculus meus, anima mea, et venter meus. » Quod Ecclesia modo se lætam et exauditam, et de omnibus suis angustis, et necessitatibus liberatam esse dicit, modo vero conturbatam, afflictam, contristatam et multis injuriis circumventam, conqueritur; ad diversa tempora referendum est. Quoniam (494) de pace sibi divinitus concessa gaudebant sancti, aliquando vero tantis angustis afficiebantur ut læderet eos etiam vivere (*II Cor.* 1, 8), sicut Apostolus ait. Unde et modo dicit: « Miserere mihi, Domine, quoniam tribulor. » Et mox ipsius tribulationis causam ostendens, subiungit, dicens: « Conturbatus est in ira oculus meus, anima mea, et venter meus. » Sed quid per oculum Ecclesie, nisi apostolos et doctores intelligamus? Isti sunt enim, qui cæteros illuminant, et viam veritatis ostendunt, et in viam mandatorum Dei dirigunt, et errare non permittunt. Per animam autem iidem ipsi significantur, qui et aliis vitam præstant. Et sic sunt in Ecclesia, ut anima in corpore. Venter autem illi sunt, qui omnibus aliis molliores et imperfectiores sunt. In his autem tota Ecclesia consistit. In ira autem et furore iniquorum hominum totam se Ecclesia conturbatam esse ostendit, dum et oculum, et animam, et ventrem conturbatum sibi esse dicit.

« Quoniam defecit in dolore vita mea, et anni mei in gemitibus. » Hæc est igitur causa quare sic Ecclesia conturbata est, quoniam omnes dies vite illius in dolore, et gemitibus sunt, et finiunt. « Infirmitas mata est in paupertate virtus mea, et ossa mea conturbata sunt. » Major est paupertas hominum quam divitiarum. Unde et pauperem se Ecclesia dicit, quando aliqua occasione filios amittit. Tali igitur paupertate infirmatur, quia is deficientibus, non est, qui veritatem defendere valeat. Unde ipsa quoque ossa sua conturbata esse dicit, per quæ foriores quosque intelligimus, qui cætera membra portare et sustinere solebant.

« Super omnes inimicos meos factus sum opprobrium vicinis meis nimium, et timor notis meis. » Fuit enim aliquando ut ipsi vicini, et propinqui plus sanctos affligerent et irriderent, quam cæteri eorum inimici. Quod quidem et beato Job amicos olim fecisse cognovimus. Erant autem et timor notis suis, illis videlicet, qui ejusdem erant religionis, sed non ejusdem **356** perfectionis, quia ad ipsos multoties accedere timebant, ne forte cum illis caperentur et

hic cognosceres fuisse locutum, qui post tot sæcna eadem erat in cruce positus verba dicturus. Cassiod.

(494) Id. Cod. aliquando.

tenerentur. Hoc enim faciebat et Nicodemus, qui non in die, sed in nocte veniebat ad Jesum (*Joan.* iii, 4). Unde et sequitur :

« Qui videbant me foras fugiebant a me, excidi »
« tanquam mortuus a corde (495). » Qui, inquit, videbant me, id est qui me videre desiderabant, illico ut me videbant, propter causam meam, modo superius dictam, fugiebant. Unde factum est ut mei penitus obliviscerentur. Et hoc est, quod dicit : « Excidi tanquam mortuus a corde, et a memoria eorum. Et factus sum sicut vas perditum; » quoniam sic me habuerunt quasi impium, et perditioni obnoxium. Unde in Evangelio Dominus ait : « Veniet hora, ut omnis, qui interficiet vos, arbitretur obsequium se præstare Deo (*Joan.* xvi, 2). » Usitatissimum est in divino eloquio per vasa hominem significari; unde et vas electionis Paulus apostolus vocatur. Hoc autem et in persona Salvatoris nostri mater Ecclesia dicere potest, qui sicut vas perditum factus est; quoniam « inter iniquos deputatus est (*Luc.* xxii, 37). » Qui et ipse audivit vituperationem multorum eorum habitantium, quando genuflexo illudebant ei, dicentes : « Vah ! qui destruis templum Dei, et in triduo reedificas illud (*Matth.* xxvii, 40), et multa alia.

« In eo dum congregarentur omnes simul adversum me, ut acciperent animam meam consiliati sunt. » Hoc enim erat iniquorum consilium, et hac de causa congregabantur, ut mala morte sanctos perderent, et occiderent, et duris tormentis eorum animas extorquerent. Illi autem quid faciebant? Dicit Ecclesia :

« Ego vero, inquit, in te speravi, Domine, dixi, tu es Deus meus in manibus tuis tempora mea. Libera me, et eripe me de manibus inimicorum meorum, et a persequentibus me. Illumina faciem tuam super servum tuum, et salvum me fac in tua misericordia. Domine, non confundar, quoniam invocavi. » Hæc sunt arma sanctorum, sic se defendant, non gladiis, sed orationibus pugnent. Sunt autem in manibus Dei tempora nostra, quia secundum ejus arbitrium et vivere, et mori necesse habemus. Illuminat vero faciem suam super nos, quando se nobis placabilem ostendit, nostrasque orationes exaudit.

« Erubescant impii, et deducantur in infernum, dum efficiantur labia dolosa, quæ loquuntur adversus justum iniquitatem in superbia, et contemptu. » Hoc autem erit in judicio, quando impii et peccatores se errasse cognoscent, et cognoscendo erubescant, et ita confusi in infernum demergentur. Et tunc demum muta efficiantur labia dolosa, quæ modo loquuntur adversus justum et catholicum virum in superbia et contemptu.

« Quam magna multitudo dulcedinis tuæ, Domine,

A « quam abscondisti illementibus te, et perfecisti eam sperantibus in te in conspectu filiorum hominum. » Eodem, inquit, tempore, quo impii erubescant, et in infernum deducantur, cognoscent sancti, et ipso experimento intelligent quanta sit multitudo dulcedinis Dei, quæ adhuc eis abscondita est. Quod autem ait : « Et perfecisti eam sperantibus in te in conspectu filiorum hominum; » hoc est, quod in Evangelio Dominus ait : « Qui me confessus fuerit coram hominibus, conftetur et ego eum coram Patre meo, qui in cælis est (*Matth.* x, 32). » Postquam autem hanc suæ dulcedinis multitudinem sanctis suis Dominus revelaverit, quid deinde illis faciat, audiamus.

« Abscondes eos, inquit, in abdito vultus tui a conturbatione hominum; proteges eos in tabernaculo tuo a contradictione linguarum. » Tabernaculum Dei, et illud abditum, in quo videri potest vultus et facies Dei, idem significat. Per quod videlicet, quid aliud quam cælestis regni palatium intelligamus? Ibi autem sancti Dei, qui sic in hoc sæculo conturbantur et fatigantur, sine aliqua conturbatione et contradictione simul cum Deo creatore suo sine fine gaudebunt. Unde et Ecclesia Dominum benedicit, qui in illa civitate montissima misericordiam suam sanctis suis tam magnifice mirificavit. Et hoc est, quod dicit :

« Benedictus Dominus, qui mirificavit misericordiam suam in civitate circumstantiæ. » Quod autem hic dicitur in civitate circumstantiæ, in alia translatione dicitur in civitate munita. Et bene quidem civitas circumstantiæ dicitur, quæ tantis satellitibus et defensoribus munitur.

« Ego autem dixi in pavore meo (496). Projectus sum a vultu oculorum tuorum. » Ego, inquit Ecclesia, in pavore meo, in tempore doloris et intolerabilis afflictionis meæ dixi, quod dicere debui. Quid? « Projectus sum a vultu oculorum tuorum. »

« Ideo exaudisti vocem deprecationis meæ, dum clamarem ad te. » Ideo, inquit, ut ostenderes, et me certissime intelligere faceres, quia non erant projecta a vultu oculorum tuorum, illico dum clamarem ad te, exaudisti vocem deprecationis meæ. Hinc autem Ecclesia hortatur suos, ut Deum diligant, viriliter agant, et in Domino confortentur. Hoc est enim quod ait :

« Diligite Dominum, omnes sancti ejus, quoniam veritatem requirit Dominus, et **357** retribuet his, qui abundanter faciunt superbiam. Viriliter agite, et confortetur cor vestrum omnes, qui speratis in Domino. »

PSALMUS XXXI.

IN HOC DAVID INTELLECTUS.

De seipso loquitur Propheta, et intellectum istius psalmi divinitus sibi datum esse dicit. Est enim de

percussus, in pavore, ac stupore magno essem, et pene jam excessissem ex mente, dixi ita : Plane de favente oculorum tuorum conspectu projectus sum, o Domine. »

(495) Vulgata habet *oblivioni datus sum, tanquam mortuus a corde.*

(496) Vulgata lectio est : *Ego autem dixi in excessu mentis meæ, etc.*, quam ita exponit card. Thomasius. « Cæterum, cum olim ego maximis malis

laude pœnitentiæ et confessionis peccatorum. Pœnitentia igitur, et confessione Deo se reconciliatum intelligit, qui peccato in Uriam, et Bersabee a Deo recessit.

« Beati quorum remissæ sunt iniquitates, et quorum tecta sunt peccata. » Vox Prophetæ est et aliorum, qui se peccasse intelligunt, et per confessionem et pœnitentiam peccatorum veniam se habere confidunt et gaudent. Quid enim prodest pœnitentiam agere, nisi post pœnitentiam peccatum sibi dimissum esse confidat? Quis non credat vel prophetæ dicenti : « Peccator quacunq[ue] hora conversus fuerit, et ingemuerit, vita vivet, et non morietur? » (*Ezech. xxxiii, 11.*) Illos igitur Prophetæ beatos esse dicit, quorum iniquitates et peccata per confessionem et pœnitentiam dimissa et tecta sunt. « Charitas enim, sicut scriptum est, operit multitudinem peccatorum » (*I Petr. iv, 8.*)

« Beatus vir, cui non imputavit Dominus peccatum, nec est in spiritu ejus dolus. » Hoc est enim quod per prophetam Dominus ait : « Quacunq[ue] hora peccator pœnitentiam egerit, omnium iniquitatum ejus non recordabor » (*Ezech. xviii, 22.*) « Constat enim, quia non imputabit, si non recordabitur. Quod autem ait : « Non est in ore ejus dolus, » ad puram pœnitentiam et nudam confessionem spectare videtur; unde et alibi dicitur : « Effundite coram illo corda vestra » (*Psalm. lxi, 9.*) ; et illud : « Convertimini ad me in toto corde vestro » (*Joel ii, 12.*) ; itemque : « Scindite corda vestra, et non vestimenta vestra » (*ibid.*)

« Quoniam tacui inveteraverunt omnia ossa mea dum clamarem tota die. » Hoc silentium magis in corde quam in ore est; nam si cor taceat et os loquatur, nihil prodest. Non ad os, sed ad cor respicit Deus. In corde igitur est pœnitentia, in corde est vera confessio, secundum illud : « Cor contritum, et humilatum Deus non spernit » (*Psalm. li, 19.*) « Corde igitur clamat, qui de peccati perpe- tratione intus affligitur, et ex toto corde peccatum, in quo prius delectabatur, a se repellit. « Quoniam, inquit, tacui inveteraverunt omnia ossa mea. » Quod autem inveterascit et senescit, dicit Apostolus, prope interitum est. Omnis igitur virtus, omnisque animæ vigor et fortitudo, quæ per ossa significantur, deficiunt et pereunt, quando homo in peccatis delectatur, et cor silentium tenet, neque clamat, neque pœnitet, neque se peccasse confitetur. Sed quid est, quod ait : « Dum clamarem tota die? » Si enim tacebat, quomodo clamabat? Hoc est igitur, quod modo diximus, quia si cor taceat, clamor oris nihil valet. Clamet ore, elamet corde, et plus corde quam ore qui exaudiri desiderat.

« Quoniam die ac nocte gravata est super me manus tua, conversus sum in ærumna mea, dum confititur spina. » Beatus ille, super quem manus

A Domini gravatur, et quem Dominus pro peccatis suis affligere, et visitare dignatur (497). « Flagellat enim, sicut scriptum est, omnem filium quem recipit » (*Hebr. xii, 6.*) « Econtra vero peccanti populo dicit : « Non irascar tibi amplius. Conversus sum in ærumna mea dum configitur spina » (*Isa. lrv, 9.*) « Ecce quantum sibi profuit quod super eum manus Domini gravata est, et quod spina correctionis compunctus, et vulneratus est, quia in hac ærumna, et afflictione ad pœnitentiam conversus est. Unde et subditur :

« Delictum meum cognatum tibi feci, et injustitias meas non operui. » Nihil absconditur Deo, omnia videt, ipse est, qui scrutatur renes et corda. Ipsi tamen tunc delicta et injustitias nostras manifestamus, quando dura pœnitentia, lacrymis et cordis contritione peccasse ostendimus.

B « Dixi pronuntiabo adversum me omnes injustitias meas Domino, et tu remisisti impietatem cordis mei. » Hoc omnis homo debet dicere et statuere in corde suo quod peccata sua non abscondat, neque foveat; sed contra seipsum pronuntiet et manifestet; et hoc Domino (498). « Et tu remisisti impietatem cordis mei. » Hoc est enim quod alibi dicitur : « Dic tu prius peccata tua, ut iustificeris. » Et : « Justus in principio accusator est sui » (*Prov. xviii, 17.*) « Et Apostolus : « Si, inquit, nosmetipsos judicaremus, non utique judicaremur » (*I Cor. xi, 31.*) « Qui enim seipsum judicat, ille injustitias suas adversus seipsum pronuntiat.

C « Pro hac orabit ad te omnis sanctus in tempore opportuno. » Pro hac causa videlicet, ut remittat ei impietatem cordis sui, orabit ad te omnis sanctus. Nemo enim sanctorum est, qui quotidie Domino non dicat : « Dimitte nobis debita nostra, sicut et nos dimittimus debitoribus nostris » (*Matth. vi, 12.*) « Quod autem ait, « in tempore opportuno, » hanc præsentem vitam significat, quæ quidem 358 pœnitentiæ, et orationi, et satisfactioni opportuna est, sicut Apostolus ait : « Ecce nunc tempus acceptabile, ecce nunc dies salutis » (*II Cor. vi, 2.*) « Hæc autem post hanc vitam locum non habebunt.

D « Verumtamen in diluvio aquarum multarum ad eum non approximabunt. » Orat quotidie vir sanctus pro peccatis suis, quamvis ad eum peccata appropinquare non valeant, utpote in diluvio aquarum multarum positum et constitutum. Unde enim quasi dicat, peccatorum sordes transire (499) valeant, qui tantarum aquarum diluvio undique muniuntur? Hinc Novum, hinc Vetus Testamentum, hinc prophetarum libri, hinc apostolorum omniumque doctorum scripturæ, hinc lacrymarum affluentia, hinc confessio et pœnitentia. Denique quidquid est, quo peccata abluantur et extergantur inter aquas computari potest.

« Tu es mihi refugium a pressura, quæ circum-

(498) Id. cod., *ipse autem quid faciet?* sequitur.

(499) Id. cod. *transire.*

(497) « Divinitas non manibus aliquid agit, sed voluntatis suæ virtute omnia disponit et perficit. » Cassiod.

« dedit me, exultatio mea, redime me a circumdantibus me. » Orat, inquit, sanctus, ut superius dictum est. Sed quid orat? Hoc, quod modo diximus: Tu es mihi refugium, tu es mihi exultatio, tu redime me a circumdantibus me. Quam egregie dictum est, « a circumdantibus me. » Stat vir sanctus in medio aquarum supradictarum, videt vitia et peccata, omnesque inimicos circumstantes, et ad eum (500) venire desiderantes, et orat, atque orando a se repellit. Si ergo vir sanctus orat, ne invadatur et capiat, quanto magis ille qui jam captivus detinetur, orare debet ut liberetur?

« Intellectum tibi dabo, et instrua te in via hac, qua ingredieris, firmabo super te oculos meos. » Ille est ille intellectus, qui, sicut in titulo dicitur, datus est David. Et hic quidem modo promittitur viro sancto, solummodo praevidet et custodiat se, ne datum sibi intellectum amittat, et fiat sicut equus et mulus, in quibus non est intellectus. Quid per equum et mulum, nisi superbos homines, potentes et luxuriosos intelligamus? Illi autem si hunc intellectum, quo hic psalmus titulatur, et poenitentibus datur, habuissent, non se tam facili cursu in tanta flagitia praecipitassent. Quid autem vir sanctus et religiosus contra tales facere debeat, audiamus.

« In camo, inquit, et freno maxillas eorum confringes, qui non approximant ad te. » Si, inquit, isti equi, et muli a te fugerint, et tibi approximare, et ad poenitentiam redire noluerunt, in freno et camo maxillas eorum confringes. Per frenum et camum nihil convenientius intelligere possumus, quam maledictiones, interdictiones et excommunicationes, et quascunque a fidelibus separationes. Haec sunt enim illa retinacula, quibus refrenati, et quamvis nolentes, et recalcitrantes ad intellectum, et poenitentiam tales equi et muli reduci solent.

« Multa flagella peccatorum, sperantes autem in Domino misericordia circumdabit. » Sciant peccatores, dicit Dominus, cujus verba haec sunt, quia nisi resipuerint et poenitentiam egerint, multa flagella, multa tormenta, multi magnique cruciatus eos expectant. Si vero conversi fuerint, et in Dei misericordia speraverint, credant, et nullatenus dubitent, quia sperantes in Domino misericordia circumdabit. Ecce quantum valet poenitentia, et vera confessio peccatorum (501). Nunc autem ad eos convertitur Dominus, qui confessione et poenitentia iustificati sunt, et hortatur eos ut letentur, et exsultent, et glorientur. Hoc autem in Domino, in quo, et per quem omnes suos vicerunt inimicos. Et hoc est, quod dicit: « Gaetamini in Domino, et exsultate, justi, et gloriamini omnes recti corde. »

PSALMUS XXXII.

PSALMUS DAVID.

Haec David, qui hunc psalmum edidit, ipse in eo loquitur, et ejus esse dicitur. Non modicam igitur

(500) Id. cod. Ghis. ad eum.

(501) « O poenitentia, inquit Cassiodorus, inesti-

ma habet auctoritatem qui tanti viri testimonio confirmatur.

« Gaudete justi in Domino, rectos decet collaudatio. » Gaudeant, inquit, alii in mundi hujus honoribus et dignitatibus, in fallacibus divitiis et suavitatibus, quorum quidem gaudium cito finem habebit; vos autem justi gaudete in Domino, quia aeternus est Dominus, et vestrum gaudium aeternum erit. Unde et in Evangelio Dominus discipulis ait: « Licetrum videbo vos, et gaudebit cor vestrum, et gaudium vestrum nemo tollet a vobis (Joan. xvi, 22). » —

« Rectos autem decet collaudatio, quia non est pretiosa laus in ore peccatoris. » Peccatori enim dixit Deus: Quare tu enarras justitias meas? (Psalm. xlix, 16.) Illi igitur laudent, qui eum diligunt, et qui recti sunt, qui sursum cor et oculos habent. Sed quomodo laudabunt? In cithara, inquit, et in psalterio. Et hoc est, quod ait:

« Constitemini Domino in cithara, in psalterio decem cordarum psallite ei. » In cithara cantabat David, et Saulis furorem placabat, 359 et demonium quo vexabatur, ab eo pellebat. Talis citharedus erat Apostolus in cujus verbis ipsi philosophi delectabantur. At vero in psalterio decem cordarum illi cantant, qui decem legis mandata custodiunt. Sed hoc ad Vetus Testamentum pertinet, nunc autem de Novo audiamus.

« Cantate, inquit, et canticum novum, bene psallite ei in jubilatione. » Novum Testamentum non indiget ligneis instrumentis; vocem humanam quaerit, et linguam rationabilem. Novum autem canticum est canticum Christi nativitatis, passionis, resurrectionis, et ascensionis. Illi autem bene psallunt, et in jubilatione psallunt, qui corde et ore Deum laudant, et bona, quae dicunt, opere complent. Unde et subditur:

« Quoniam rectus est sermo Domini, et omnia opera ejus in fide. » Rectus sermo, rectum quaerit praedcatorem, et quia omnia opera ejus fidelia sunt, bene et fideliter nuntiari debent.

« Diligit misericordiam, et judicium; misericordia Domini plena est terra. » Hoc est igitur, quod cantare debemus, hoc omnibus nuntiandum est, et quod Dominus diligit, hoc diligamus, et misericordiam et justitiam faciamus, et praecipue misericordiae intendamus, quia et ipse exaltat misericordiam in judicio; siquidem misericordia Domini plena est terra. Misericordia utique est, et bonis, et malis miseretur Deus. Et quasi diceret: Considera si potes, qualis et quantus est iste Dominus, cujus misericordia plena est terra, subdit, dicens:

« Verbo Domini caeli firmati sunt, et spiritu oris ejus omnis virtus eorum. » Unde, et statim in sequentibus ait:

« Quoniam ipse dixit, et facta sunt, ipse mandavit, et creata sunt. » Si enim dixit, Verbo dixit. Dicere autem, voluisse fuit. Verbum autem Dei, et mabilis medicina, quae non solum a peccatis absolvit, sed etiam sanctorum praemia beata concedit. »

voluntas Dei ipse Filius est. Breviter in hoc versiculo Trinitatis mysterium declaratur. Quid est enim Dominus et Verbum ejus, et Spiritus ejus, nisi Pater, et Filius, et Spiritus sanctus? Unus igitur est Deus, cujus voluntate cœli facti sunt (502). Unde et alibi dicitur: « In voluntate tua universa sunt posita, et non est, qui possit resistere voluntati tue; tu enim fecisti omnia, cœlum, et terram, et et universa, quæ cœli ambitu continentur. » Si autem per cœlos apostolos intelligamus, manifestum est, quia verbo Domini, per quod Salvatorem nostrum intelligimus, et facti, et firmati, et redempti sunt, et Spiritus sancti, secundum ejusdem promissionem, virtutem et fortitudinem susceperunt.

« Congregans sicut in utroque aquas maris, ponens in thesauris abyssos. » De hoc modo locutionis jam in alio psalmo locuti sumus, ubi dicitur: « Magnificans salutem regis ejus (Psalm. xvii, 51). » Sicut enim ibi dicitur: « Magnificans magnificat, » sic in hoc loco: « Congregans congregat, et ponens ponit, inquit, Dominus congregans sicut in utroque aquas maris. » Quid per aquas maris nisi omnes mundi hujus nationes intelligamus? Has autem quasi in utrumque, sic in unam catholicam, et universalem Ecclesiam congregavit Deus. Magnus est hic uter, et multas in se continet aquas. Hunc SS. apostoli impleverunt et in thesauros Dei delati sunt. Unde et subditur: « Ponens in thesauris abyssos. » Id ipsum enim et per mare, et per abyssos significatur. Unde enim nisi de abyso tanta aquarum abundantia funditur? De thesauris autem in Evangelio Dominus ait: « Thesaurizate vobis thesauros in cœlis (Matth. vi, 20). » Et: « Ubi est thesaurus tuus, ibi est et cor tuum (ibid., 21). » Et: « Simile est regnum cœlorum thesauro abscondito in agro (Matth. xiii, 44). » Et: « Vende omnia, quæ habes, et da pauperibus, et habebis thesaurum in cœlo (Matth. xix, 21). » Inter hos igitur thesauros ponit Dominus et abyssos, et aquas maris. De quibus etiam beato Job a Domino dicitur: « Nunquid ingressus es thesauros nivis, aut thesauros grandinis aspexisti? » (Job xxxviii, 24.)

« Timeat Dominum omnis terra; ab ipso autem commoveantur universi, et omnes qui habitant

(502) Id. cod. Chis. « et cujus inspiratione confirmati sunt. » — Eadem expositio est apud Cassiodorum. « Si diligenter perscrutemur, et sanctam hic significat Trinitatem. Dicendo enim Verbo, Filium declarat: adjungendo Domini, Patrem dicit: Spiritu oris ejus, utique et Spiritum sanctum vult intelligi, qui ante tempora de Patre processit. Et ut in tribus personis manifestam intelligeres unitatem, ejus dicitur, non eorum. »

(503) Quod hic S. Bruno dicat, quod Deus cognoscens omnes filios hominum, et alios quidem prædestinavit ad gloriam, alios vero ad supplicium, non est intelligendum nisi de voluntate salvandi merentes, et damnandi immerentes. Cum enim, ut ait Psalmista psalm. cxviii, « justus sit Dominus, et rectum judicium ejus », non decrevit præmium, et gloriam nisi merentibus; quemadmodum non statuit damnationem, et supplicium nisi pro iis, qui suis culpis ejus indignationem sibi provocaverint. Divina ergo

« orbem. » Non est enim, ut ait Apostolus, personarum acceptor Deus (Act. x, 34); sed in omnibus gentibus, qui tenet eum, et operatur justitiam, acceptus est illi, et mare, et abyssos, et gradines, et nives in thesauris suis reponit. Timeat igitur eum omnis terra, nullum alium timeat, quia nullus alius timendus et colendus est: ab ipso commoveantur, et ad ipsum fugiant omnes habitatores terræ, quæ enim timendus est, nisi ille qui omnia fecit? Ille est enim quod ait:

« Quoniam ipse dixit, et facta sunt, ipse mandavit, et creata sunt. Dominus dissipat consilia gentium, reprobat autem cogitationes populorum, et reprobat consilia principum. » Nullum, inquit Propheta, timeatis, quia Dominus vobiscum est, qui omnium consilia et cogitationes contra vos insurgentium reprobat et dissipat. Consilium vero Domini manet in æternum, cogitationes cordis ejus in sæculum sæculi. Sicut ipse disposuit, et ante tempora præfinit, sic et non aliter fieri oportet. Et malorum poena, et vestra gloria sic disposita 360 est, ut omnino immutari non possit. Beati igitur illi, qui in illum credunt, et qui ab ipso præelecti, et prædestinati sunt, quia nullo modo prædestinata sibi beatitudine carebunt. Et hoc est, quod ait:

« Beata gens, cujus est Dominus Deus eorum: » populus, quem elegit Dominus in hereditatem sibi. Hic autem subdit, et ponit ordinem ipsius electionis.

« De cœlo prospexit Dominus, et vidit omnes filios hominum. » De cœlo, inquit, de illo suæ majestatis profundissimo secreto prospexit, et vidit, et cognovit omnes filios hominum, et alios quidem prædestinavit ad gloriam; alios vero ad supplicium. Unde Apostolus ait: « Nunquid non habet potestatem angulus luti, facere aliud vas in honorem, et aliud in contumeliam? » (Rom. ix, 21.) Unde et Dominus in judicio dicturus est bonis quidem, ut suscipiant regnum, quod sibi paratum est ab origine mundi; malis vero, ut eant in ignem æternum, qui paratus est diabolo et angelis ejus. Nota quod ait: Et illis paratum esse regnum, et illis paratum esse supplicium (503). Unde manifestum est, quia nemo ad malum, vel ad peccatum agendum prædestinatur,

providentia sicut ab æterno bonos destinavit hæredes, et consortes facere regni sui; ita ab æterno constituit malos perpetuo inferni igne afficiendos. Eadem est S. Fulgentii doctrina, qui lib. 1. ad Monimum, circa finem, inquit: « Tales ad interitum prædestinavit, quia talibus justæ punitionis supplicium præparavit. Quod utique manifesto Dominus ipse sermone perdocuit, in eo quod a se ostendit paratum non solum regnum, ubi lætentur boni, sed et ignem æternum, ubi crucientur mali. Bonis etenim dicturus est: Venite, benedicti Patris mei, percipite regnum vobis paratum a constitutione mundi. Malis autem dicturus est: Ite, maledicti, in ignem æternum, qui paratus est diabolo, et angelis ejus. Ecce ad quid Dominus iniquos et impios prædestinavit, id est ad supplicium justum, non ad aliquod opus injustum, ad poenam, non ad culpam. » In salvandis igitur relictæ prædestinatio, ut in damnandis appareret reprobatio; sed utraque relative se habet ad me-

sed vel ad gloriam, vel ad supplicium prædestinati sunt omnes. Sequitur:

« De præparato habitaculo suo respexit super omnes qui habitant orbem. » Repetitio videtur eorum, quæ dicta sunt.

« Qui finxit sigillatim corda eorum, qui intelligit in omnia opera eorum. » Sigillatim omnium corda fecit Deus, quia neque omnibus omnem, neque æqualem omnibus sapientiam et intelligentiam dedit. « Qui intelligit in omnia opera eorum, » et quia omnium opera intelligit, unicuique secundum sua merita retribuit. Ab eo loco, ubi dicitur: de cælo prospexit Dominus, usque ad hunc locum tenor sententiæ pendet; et hic tandem subaudiendum est id quod superius diximus.

« Non salvabitur rex per multam virtutem suam, neque gigas salvus erit in multitudine fortitudinis suæ. » Soli, inquit, illi salvabuntur, qui Deum timent, ejusque mandata custodiunt, et ad vitam æternam prædestinati sunt. Cæteri vero non confidunt in multitudine fortitudinis suæ, quia neque rex poterit salvari per virtutem suam, neque gigas per fortitudinem suam.

« Falsus equus ad salutem, in abundantia autem virtutis suæ non erit salvus. » His autem verbis nihil aliud significare videtur, nisi quia sola Dei misericordia est, quæ hominem salvare et poenis eripere potest. Nemo confidat in equi velocitate, quia sæpe mentitur, et subito cadens, neque se ipsum, neque sessorem salvare valet. Quod autem de rege, de gigante et equo dicitur, de omnibus quoque aliis rebus intelligatur.

« Ecce oculi Domini super timentes eum, sperantes autem in misericordia ejus, ut eripiat a morte animas eorum, et alat eos in fame. » Hoc autem tale est ac si diceret: Illi, qui in seipsis, et in sua fortitudine, et virtute confidunt, non salvabuntur; illi vero, qui Deum timent, et in sola ejus misericordia sperant et confidunt, securi

rita et demerita, ut prior scilicet prædestinatio effectivam connectat bonitatem, altera vero, id est reprobatio, supponat opere completam pravitatem. Ita docet S. Th. q. 23. art. 3: « Sicut prædestinatio, aut, est pars providentiæ respectu eorum qui divinitus ordinantur in æternam salutem, ita reprobatio est pars providentiæ respectu illorum qui ab hoc fine decidunt. Unde reprobatio non nominat præscientiam tantum, sed aliquid addit secundum rationem, sicut et providentia, ut supra dictum est. Sicut enim prædestinatio includit voluntatem conferendi gratiam, et gloriam, ita reprobatio includit voluntatem permittendi aliquem cadere in culpam, et inferendi damnationis poenam pro culpa. » Quod hæc fuerit S. Brunonis mens, et non alia, ex sequentibus etiam luculentius patet.

(504) Titulus Psalmo huic a Brunone præfixus idem est apud S. Augustinum. In Vulgata autem dicitur, Davidem vultum immutasse coram Achimelech. Sed in libro 1 Reg., cap. xxi, v. 13 legimus hoc factum esse coram Achis regem Geth et servis ejus. Hanc tantam diversitatem longa dissertatio conciliat S. Augustinus. Sed breviorum Bedæ præferimus, quam etiam affert Card. Thom.: « Cum Saul persequeretur David, tunc fugit ad Achis regem; ubi

sunt, quia semper eos Dominus respicit, et eos errare, et perire non permittit; alit enim eos cibis spiritualibus in fame, quam iniqui homines in hoc sæculo patiuntur; de qua videlicet per prophetam dicitur: « Immittam in eos non famem panis, neque sitim aquæ, sed audiendi verbum Dei (Amos viii, 11). » Potest tamen de illa fame hoc intelligi, quia in inferno mali cruciantur. Unde et dives ille dicebat Abraham: « Pater Abraham, mitte Lazarum, ut intingat extremum digiti tui in aquam, et refrigeret linguam meam, quia erucior in hac flamma (Luc. xvi, 24). »

« Anima autem nostra sustinet Dominum, quia adjutor, et protector noster est. Et in ipso laetabitur cor nostrum, et in nomine sancto ejus speravimus. » Hortatur seipsum et animam suam, et in seipso omnes alios, ut securi sint et patienter expectent, quia et bonum habent præceptorem, et ea, quæ sperant et expectant sine ulla dubitatione suscipient. Et hoc est, quod dicit:

« Fiat, Domine, misericordia tua super nos, sicut speravimus in te. » Magna est virtus spei, quæ per omnes psalmos tantum commendatur. Hanc autem maligni spiritus amiserunt, et somno studio laborant, ut eos quos decipiunt ad desperationem perducant. Hoc est illud peccatum, quod non dimittetur hominibus neque in hoc sæculo, neque in futuro. Bene autem pluraliter posuit, « anima nostra, » quia sicut in Actibus apostolorum legitur: « Omnibus est cor unum, et anima una (Act. iv, 32); » unde, et alibi dicitur: « Anima nostra sicut passer erepta est de laqueo venantium. »

361 PSALMUS XXXIII.

PSALMUS DAVID CUM IMMUTARET CORAM ABIMELECH VULTUM SUUM, ET DIMISIT EUM, ET ABIIT (504).

Non legitur quod David immutasset vultum suum coram Abimelech, sed potius coram Achis rege Geth, quando se furiosum esse simulavit; timens ne ab eo occideretur, de cujus regno multos interfecerat

dum esset invidia faciente suspectus, industrie mutavit vultum suum, ita ut salvis ora compleret; quatenus ænergumenus æstimatus, miseratione faciente dimitteretur illæsus. David ergo Christus est, Achis populus Judeorum: in quo ille incarnatus, sed invidentibus non agnoscendus apparuit; unde et Achis interpretari dicitur, quomodo est? Quod est verbum mirantis, et non agnoscitis: quia Judæi virtutes Christi admirantes, ipsum Deum minime esse agnoverunt. Et bene David vultu mutatus salvas dimisit in barbam; saliva quippe infirmitatem, barba autem virtutem designat; quia Christus, cum in forma Dei esset, seipsum exinanivit, formam servi accipiens (Philipp. ii). Nec in nomine regis error est; cum ex patre rege natus potuerit etiam Abimelech dici, qui interpretatur pater meus rex, sive patris mei regnum; sed et mysteriorum sensus aridet; quia Judæi patrem regem habuerunt, de quibus dicitur: filii autem regni ejicientur in tenebras exteriores. Dimisit autem eum, et abiit: dimisit Judeos, et abiit credendus a gentilibus. Potest et ita dici, quia coram Abimelech sacerdotem mutaverit vultum, quando, ut arma, panesque sibi, et sociis perciperet, a Saule se missum simulavit. » Iisdem pene verbis eadem interpretatio legitur in Cassiodoro.

rat. Vocat igitur Achis Abimelech, quia in salvatione sua qualis fuit Achis, talis fuit et Abimelech, quoniam uterque illasum eum abire permisit. Et sicut Achis, ita et Abimelech vultum, id est animum et voluntatem, David eo tempore non cognovit. Inde enim Abimelech postea cum omnibus suis a Sane interfectus est, quia non tenuit David, et eum abire permisit. Sic igitur verum est, quia David immutavit vultum suum, et coram Achis et coram Abimelech. Et coram Achis quidem, qui se furiosum esse simulavit; coram Abimelech vero, quia cum ab eo interrogaretur cur solus venisset, respondit: Rex præcepit mihi sermonem, et non vult ut aliquis sciat. In qua re manifeste significat se in domo Abimelech securum non fuisse. Unde in hoc psalmo Deum laudat, et benedicit, qui et in domo Abimelech, et in domo Achis eum custodivit.

« Benedicam Dominum in omni tempore, semper laus ejus in ore meo. » Docet nos Propheta qualiter nos Deum benedicere et laudare debeamus; non ad horam, sed omni tempore, et in prosperis, et in adversis.

« In Domino laudabitur anima mea, audiant mansueti, et lætentur. » Ideo, inquit, omni tempore laudabo Dominum, quia quidquid sum ab eo sum, nihil in me laudabile invenitur, quod mecum sit. Ad ipsum igitur referatur virtus, et fortitudo mea, humilitas, sapientia et patientia mea, et quidquid boni inveniri potest in anima mea. Hoc audiant humiles et mansueti, et lætentur mecum, neque pœniteat eos humiles semper fuisse, et mansuetos. Sic et alibi dicit: « Memento, Domine, David, et omnis mansuetudinis ejus (Psal. cxxxi, 1). »

« Magnificate Dominum mecum, et exaltemus nomen ejus in invicem. » Benevolus est Propheta, socios querit, hortatur alios ad laudem Dei, et quicumque secum fuerint in laudibus et in magnificatione, sint quoque participes in remuneratione.

« Inquisivi Dominum, et exaudivit me, et ex omnibus tribulationibus meis eripuit me. » In hoc quoque suæ benevolentiae affectum satis nobis manifeste ostendit, dum ad exemplum sui nos docet, quid in nostris tribulationibus nos agere debeamus; ideo in suis tribulationibus se Dominum inquisivisse et exauditum esse dicit, ut et nos similiter faciamus et similiter exaudiamur. Hoc est enim quod dicit.

« Accedite ad eum, et illuminamini, et vultus vestri non erubescant. » Unde hoc? « Quia iste pauper clamavit, et Dominus exaudivit eum, et ex omnibus tribulationibus liberavit eum. » Sæpe pauperem dicit, quia quamvis dives esset, in divitiis tamen spem non habebat, et mundi hujus divitiis pro nihilo ducebat. « Accedite, » inquit, per pœnitentiam, qui ab eo recessistis per inobedientiam, et illuminamini. **362** Ipse enim « est lux vera, quæ illuminat omnem hominem venientem in hunc mundum (Joan. 1, 9). » De quo et Moyses dicit: « Qui

appropinquant pedibus ejus, accipient de doctrina illius (Deut. xxxiii, 3). » Et certe doctrina illius interioris hominis illustratio est. Qui autem sic illuminati fuerint, in judicio non confundentur; unde et hic dicitur: « Et vultus vestri non erubescant. »

« Immittet angelum Dominus in circuitu timentium eum, et eripiet eos. » Unde et Apostolus ait: quia « Angeli sunt administratores spiritus, in ministerium missi propter eos, qui hæreditatem capiunt salutis (Hebr. 1, 14). »

« Gustate, et videte quoniam suavis est Dominus; beatus vir, qui sperat in eo. » Iste qui hoc dicit, jam ejus degustaverat suavitatem. Et fortasse in eo loco, ubi ait: « Quam dulcia faucibus meis eloquia tua, Domine, super mel et favum ori meo (Psal. cxviii, 105). » Sed quæ sunt illa eloquia, quæ tantam sanctis dulcedinem præstant? Lege in Evangelio, et invenies: « Cum exaltatus fuero a terris, omnia traham ad meipsum (Joan. xii, 32). » — « Qui credit in me habet vitam æternam (ibid. vi, 47). » — « Ubi ego sum, ibi et minister meus erit (ibid. xii, 26). »

« Qui crediderit, et baptizatus fuerit, salvus erit. Qui venit ad me, non ejiciam foras (Marc. xvi, 16). » — « Gaudete, quia nomina vestra scripta sunt in cælis (Matth. v, 13). » Illæ sunt et similia, quæ nos gustare persuadet; quatenus in his videamus, et cognoscamus quam dulcis est Dominus, et quam suavis. « Beatus vir, qui sperat in eo. » Unde et alibi dicit: « Sperate in eo, omnis conventus plebis, et effundite coram illo corda vestra; quia Deus adjutor est in æternum (Psal. lxi, 9). » Beatus enim ille est, cujus Deus in æternum adjutor est.

« Time-te Dominum, omnes sancti ejus, quoniam nihil deest timentibus eum. » Hinc est quod Salomon ait: « Time Deum, et mandata ejus custodi (Eccl. xii, 13). » Propter hoc factus est omnis homo, ut Deum timeat et mandata ejus custodiat. Qui Deum timet, nihil negligit. Hoc est enim quod dicit: « Time-te Dominum, omnes sancti ejus. » Universa legis et prophetarum mandata comprehendit, et nihil fuit quod amplius dicere potuisset. Qui enim ex amore Dei timet, omnia facere desiderat quæ ipsi præcipit, et omnia fugere, quæ interdicat; nihilque illi deest ad perfectionem, qui ad hanc pervenire potuit dilectionem. Unde et subditur: « Quoniam nihil deest timentibus eum. » — « Initium sapientiæ timor Domini (Eccl. i, 16). »

« Divites egerunt, et esurierunt; inquirentes autem Dominum non minuentur omni bono. » Quanta sunt, quibus divites egent, et quam multa unde penuriam patiuntur? Sancti vero omnia habent, quæcumque habere concupiscunt. Nam et si nondum habeant in re, omnia tamen habent in spe. Neque enim beati esse potuissent, si eis aliquid defuisset. Unde et Apostolus dicit: « Tanquam nihil habentes, et omnia possidentes (II Cor. vi, 10). » Quomodo aliquid minus poterunt habere, qui simul in Deo omnia possidebant?

« Venite, filii, audite me, timorem Domini docebo A
« vos. » Dixit superius ut Deum timeant, nunc
autem quomodo timere debeant ostendit. Venite,
inquit, et redite ad me, quia peccando recessistis a
me. Nunc autem collectis et in unum congregatis
ait :

« Quis est homo qui vult vitam, et cupit videre
« dies bonos? » Et quasi aliquis respondeat : Ego;
subdidit dicens : « Cohibe linguam tuam a malo, et
« labia tua ne loquantur dolum. Diverte a malo, et
« fac bonum; inquire pacem, et persequere eam. »
In his paucis verbis plena instructio est timoris Do-
mini, et perfecta doctrina Christianæ religionis (505).
Totum hic dicitur, et quid effugere, et quid agere
debeamus. « Qui » enim « in verbo non offendit, hic
perfectus est vir (Jac. iii, 1); » et : « Qui custodit B
linguam suam, custodit animam suam (Prov. xiii,
3). » Pacem vero querit et sequitur qui omnes di-
ligit, et neminem odit. Unde et Apostolus dicit :
« Si fieri potest, quod ex vobis est, cum omnibus
hominibus pacem habentes (Rom. xii, 18). » Et alibi :
« Cum his qui oderunt pacem eram pacificus; cum
loquebar illis, impugnabant me gratis (Psalm. cxix,
7). »

« Oculi Domini super justos, et aures ejus ad
« preces eorum. Vultus autem Domini super facien-
« tes mala, ut perdat de terrâ memoriam eorum. »
Dixit quid facere, et quid non facere debeamus;
nunc dicit inspectorem Deum desuper esse, qui
uniuscujusque facta considerat; et justos quidem
ad hoc respicit, ut exaudiat; injustos vero, ut de C
terra viventium perdat. Unde et sequitur :

« Clamaverunt justi, et Dominus exaudivit eos, et
« ex omnibus tribulationibus eorum liberavit eos. »
Sed quid mirum, si eos audivit, et de tribulationi-
bus liberavit, qui semper cum illis est, et nunquam
ab eis separatur? Et hoc est quod dixit :

« Juxta est Dominus qui tribulato sunt corde, et hu-
« miles spiritu salvabit. » Cor contritum et humili-
tum Deus non spernit (Psalm. l); humiles autem spiritu
ad distinctionem illorum mihi dicere videtur, qui
corpore humiles sunt, id est, qui humilitatem foris
ostendunt, quam interius non habent. Et tales qui-
dem facit hypocrisis : humiles vero spiritu sola
sancti spiritus gratia facit. Tales autem humiles
salvabit Dominus; de aliis vero dicit : « Longe a D
peccatoribus salus (Psalm. cxviii, 155). »

« Multæ tribulationes iustorum, et de his 363
« omnibus liberavit eos Dominus. » Jam liberatos eos
esse dicit, quos certissime liberandos esse co-
gnoscit.

« Dominus custodit omnia ossa eorum; unum ex
« eis non conteretur. » Ossa sanctorum multoties
confracta fuisse legimus, et non solum confracta, sed
combusta, et in pulverem redacta. Sed sicut alibi

ait (Psalm. cxx, 7) : « Dominus custodit te ab omni
malo; » et statim quomodo intelligi debeat osten-
dit, dicens : « Custodiet animam tuam Dominus, » sic
et in hoc loco non ossa corporis, sed ossa animæ
intelligere debemus. Ossa animæ fides, spes, charitas,
humilitas et misericordia, ceteræque virtutes in-
telliguntur, sine quibus debilis est, et in via manda-
torum Dei currere non potest. Hæc sunt illa ossa,
quæ Dominus custodit, et ex quibus nec unum frangi
permittit : « Qui enim offendit in uno, factus est
omnium reus (Jac. ii, 10). »

« Mors peccatorum pessima, et qui oderunt ju-
« stum delinquent. » Pessima quidem est illa mors,
quæ et corpus et animam perdit. « Et qui oderunt
justum delinquent. » Si in alio non delinquerent
mali, nisi in eo quod justos sine causa odio habent,
sufficeret illis ad perditionem. Possumus autem per
justum Salvatorem nostrum intelligere, qui de se-
ipso, suisque adversariis in Evangelio dicit : « Quia
odio habuerunt me gratis (Joan. xv, 25). » De qui-
bus bene dicitur, quia delinquent, quia usque hodie
contra Christum peccare non cessant, neque cessa-
bunt usque ad consummationem sæculi.

« Redimet Dominus animas servorum suorum, et
« non derelinquet omnes qui sperant in eo. » De
illa redemptione satis convenienter intelligere pos-
sumus, quam sui sanguinis effusione Dominus fecit,
neque credibile est ut eos derelinquat, quos tanto
pretio redemit.

PSALMUS XXXIV.

IPSI DAVID.

Dicit rex et propheta David ut iste psalmus ad-
scribatur ipsi David, id est Salvatori nostro, qui re-
vera manu fortis vocatur. Loquitur autem in hoc
psalmo Salvator noster, sed, sicut sæpe diximus, se-
cundum humanitatem (506).

« Judica, Domine, nocentes me, expugna impu-
« gnantes me. » Judica, inquit, Domine, nocentes
me, et redde illis, sicut digni sunt; et expugna im-
pugnantes me, ut suis non valeant resistere inimicis.
Hoc autem contra illos dictum esse intelligere debe-
mus, qui inconvertibiles fuerint, et usque in finem
in sua malitia perstiterunt. Namque pro aliis in
cruce positus oravit Dominus, et dixit : « Pater, igno-
sce illis, quia nesciunt quid faciunt (Luc. xxiii,
34). » Non est igitur inconveniens si nunc pro eis,
nunc contra eos orare videatur; quia alii sunt pi-
quibus orat, et alii contra quos orat.

« Apprehende arma, et scutum, et exsurge in ad-
« jutorium mihi. » His armaturis non eget Dominus,
qui solo nutu omnes suos potest destruere inimicos.
Rogat tamen ut armis gens illa disperdatur, quo-
niam ita dispositum erat. Et hoc suum adjutorium
esse dicit, quia ad Judæos expugnandos his armis
uti voluit. Unde et subditur :

(505) Vid. S. Maximum Taurin. hom. 106, edit.
rom. p. 351, quanta de custodia linguæ copiose
et eleganter doceat.

(506) Persæpe, ut auctor noster, S. Augustinus

ait: David, scilicet Christus, interpretatur fortis manu,
vel desiderabilis; quod hic explicat : « In hoc enim,
inquit, manu fortis, qui mortem nostram vicit; in
hoc desiderabilis, quod vitam æternam promisit. »

« Effunde frameam, et conculce adversus eos qui me persequuntur; dic animæ meæ: Salus tua ego sum. » Per frameam Titum, et Vespasianum, et Romanum exercitum intelligimus, a quibus Judæorum populus multis modis interemptus et perditus est. « Effunde, inquit, frameam adversus eos qui me persequuntur, et conculce » eos in civitate Jerusalem (507). Sic enim legitur, quod in Paschali festivitate, cum secundum consuetudinem totus populus in unum convenisset, repente exercitus superveniens eos conclusit, ut nullus evadere potuisset; et justo judicio Dei factum est ut illis diebus obsiderentur, in quibus in Christum Dominum nostrum manus mittere non timuerunt. Sed mira Dei potentia, qui per quadraginta duos annos expectaverat, ut eis parceret, si poenitere voluissent (508). Quia vero in sua malitia persisterunt, plurimis fame et siti, gladiis et incendiis interemptis, cæteri in opprobrium et servitutem cunctis gentibus traditi sunt. « Dic animæ meæ: Salus tua ego sum; » de qua ipsi mentientes dicebant: « Non est salus illi in Deo ejus (Psal. iii, 3). »

« Confundantur, et revereantur inimici mei, qui querunt animam meam. Avertantur retrorsum et erubescant, qui cogitant mihi mala. » Hæc si ad litteram intelligantur, plana sunt; tamen ut ad litteram intelligantur ipsa ratio cogit, quoniam secundum litteram completa esse videntur. Si enim in tempore passionis Christi Judæi poenituissent, et de hoc quod facere volebant erubuissent, et ab illa sua prava intentione retro conversi fuissent, et Salvatorem nostrum non crucifixissent, isti duo versus in bonam partem exponi potuissent. Eorum autem, quæ in hoc Psalmo dicuntur, quædam ante passionem, quædam in ipsa passione, quædam vero post passionem dicta esse videntur. Quod quidem nulli inconveniens videri debet; quia ille, qui loquebatur, et ille cui loquebantur, præterita et futura præsentia habet, neque aliter videns ea quæ sunt, quam ea quæ futura sunt.

« Fiant tanquam pulvis ante faciem venti; et angelus Domini affligens eos. » Sicut enim pulvis vento resistere non potest, sed ubique spargitur, raptatur et ventilatur; sic et populus ille inimicorum impetum sustinere non valens, ubique gentium dispersus est. Possumus autem per angelum Domini, qui eos affligit, vel omnes eorum inimicos intelligere, qui in hoc Domino serviunt, vel aliquem angelum ad eorum afflictionem esse constitutum. De talibus

A enim angelis alibi dicitur: « Immisit in eos iram indignationis suæ, indignationem et iram, immisionem per angelos malos (Psal. lxxvii, 49). »

« Fiant viæ eorum tenebræ, et lubricum, et angelus Domini persequens eos. » Tales vias significabat eis Dominus, cum diceret: « Videte ne fuga vestra fiat in hieme, vel Sabbato (Math. xxiv, 10). » Si autem allegorice interrogamus, quid aliud sunt Judæi, nisi pulvis, qui omnium pedibus conculcatur, et quem projicit ventus a facie terræ? Omnes autem illorum viæ tenebræ et lubricæ sunt, qui a sua malitia excecati semper in errore sunt, et ad tenebras et perditionem festinant, semperque cadentes, et in omnibus delinquentes, ad bonum aliquod agendum surgere non valent. Sed quid mirum cum angelus Domini malus eos persequatur, qui nunquam nisi ad malum eos hortatur!

B « Quoniam gratis absconderunt mihi interitum laquei sui, vane exprobraverunt animam meam. » Gratis, inquit, et sine causa absconderunt mihi interitum laquei et deceptionis suæ, per quem videlicet laqueum Judam proditorem intelligere possumus, qui simulatæ pacis osculo eum illaqueavit et tenuit. Vane autem exprobraverunt illam sanctissimam animam (509), inter impios et peccatores eam reputantes; sicut de eo scriptum est: « Inter iniquos deputatus est (Luc. xxii, 37); » unde et ei exprobrando dicebant: « Reus es mortis, et nisi malefactor esset, non tibi tradidissemus eum: et secundum legem debet mori, quia Filium Dei se fecit (Joan. xviii, 30). »

C « Veniat illis laqueus, quem ignorant: et captio, quam occultaverunt, apprehendat eos, et in laqueum suum incidant in idipsum. » Sicut scriptum est: « Qui fratri suo foveam parat, ipse prius cadet in eam (Eccli. xxvii, 29); » et: « Eadem mensura, qua mensi fueritis, remetietur vobis (Math. iv, 24). » Sic enim Judæis factum est, et laqueus, quem ignorabant, venit super eos. Sic enim in Evangelio legitur: « Quia cum appropinquaret Dominus Jerusalem, videns civitatem, flevit super illam, dicens: Quia si cognovisses (subauditur, fieres); nunc autem abscondita sunt ab oculis tuis (Luc. xxi, 4). » Abscondita quidem, quia, sicut hic dicitur: « Laqueus, quem ignorabant, venit super eos, et captio, quam occultaverunt, apprehendit eos. Et in laqueum suum inciderunt in idipsum. » Id est simul, et communiter omnes. His verbis satis manifeste ostenditur

(507) Jerusalem per Titum et Vespasianum funditus eversa, totusque Hebræorum populus ab ensibus Romanis aut cæsus, aut in captivitatem ductus est; quemadmodum etiam enarrat Josephus De bello Judaico l. vi et vii.

(508) Cum constet Jerusalem captam, atque eversam anno vulg. ær. 70, hinc retrocedendo per annos 42, præveniemus ad annum 28, qui ex maxime recepta Chronologorum sententia præcessit annum Christi mortis, quando Dominum hæc pronuntiasset, constituere facile possumus, ut mira sit

auctoris nostri in annorum computatione accuratio. Idem sensit clar. Lazzeri in not. ad Comment. S. Brunonis in Math. pag. 386, et in Comment. in Luc. p. 265. Ejusdem sententiæ fuit sanctus Paulinus Nolanus, ut annotat celebris Muratorius in diss. 21 ad Carmina ejusdem S. Patris, aliique plurimi.

(509) Vane exprobraverunt animam meam. « Significat false accusaverunt, quando Judaicus populus Domino Salvatore dicta veraciter quasi crimen aliquod imputabant. Clamabant enim vesani mendaciter: Hic est qui dicebat: Destruam templum Dei, » etc. Cassiod.

quia sola passio Christi causa fuit ruinæ et perditionis eorum.

« Anima autem mea exsultabit in Domino, et delectabitur super salutare ejus. » Sux resurrectionis lætitiis prænuntiat, quæ statim die tertia facta est; inferno ab ipsa Salvatoris anima exspoliato, et corpore de sepulcro resuscitato.

« Omnia ossa mea dicent : Domine, quis similis tibi? Eripies inopem de manu fortioris ejus, egenum et pauperem a rapientibus eum. » Per ossa Christi apostolos intelligimus, omnesque alios qui in Ecclesia fortiores sunt, et a quibus totum corpus ecclesiasticum portatur et sustinetur. Isti autem omnes laudant et magnificant Deum, qui Salvatorem nostrum cum tanto triumpho de manibus inimicorum ejus liberavit, qui fortiores illo et potentiores esse videbantur. Qui ideo inops, egenus, et pauper dicitur, quia in tempore suæ passionis, quando amici et adjutores magis necessarii videbantur, nemo fuit qui eum adjuvaret.

« Exsurgentes testes iniqui quæ ignorabam interrogabant me, et retribuiebant mala pro bonis, et sterilitatem animæ meæ. » **365** (510) Venerunt enim, sicut in Evangelio legitur, multi falsi testes ante ipsum, quorum testimonia convenientia non erant. Et novissime venerunt quidam, qui interrogantes eum, dicebant : Nonne tu dixisti, quia destrueres hoc templum manufactum, et in tribus diebus illud reedificares? Hoc enim evangelista in tertia persona narrat, quod etiam in tertia et in secunda dictum fuisse dubitare non debemus. Sed quoniam isti mentiebantur, mendacium autem Deus ignorat, bene hoc dicitur : « Quæ ignorabam interrogabant me. » Retribuebant autem illi mala pro bonis; sicut ipse Dominus ait : « Multa bona opera operatus sum vobis, propter quod horum vultis me occidere (Joan. x, 25). » Itemque : « Si male locutus sum, testimonium perhibe de malo; si autem bene, cur me cædis? » (Joan. xviii, 25.) Reddebant autem illi sterilitatem, quia sicut arbores malæ et infructuosæ nullum bonum fructum reddiderunt. Hæc est illa vinea electa, quæ pro vino dedit acetum, et cum debuisset facere uvas, fecit labruscas (Isa. v).

« Ego autem dum mihi molesti essent, induebam me cilicio, et humiliabam in jejuniis animam meam; et oratio mea in sinu meo convertebatur. » De hoc cilicio dicit Apostolus, quia apparuit in similitudine carnis peccati, ut de peccato damnaret peccatum in carne (Rom. viii, 5). « Carnem igitur Christi cilicium intelligamus (511); qua ipse indutus, pec-

ator et cilicio dignus æstimabatur. Solum igitur cilicium in tempore suæ passionis ostendere voluit, quia divinitatis potentiam, quæ sub illo cilicio latebat, non manifestavit. Humiliavit autem in jejuniis animam suam, quia, quamvis pro illis orasset, suoque corpori ingerere voluisset, paucos tamen illis diebus sibi conjunxit et incorporavit (512). Tale autem jejunium patiebatur beatus Petrus, quando ei a Domino dictum est : « Macta, et manduca (Act. x, 18). » Quod enim manducamus, sic in nostram substantiam transfertur, ut unum idemque nobiscum sit. Unde et Dominus ait : « Qui manducat meam carnem, et bibit meum sanguinem, in me manet, et ego in ipso (Joan. vi, 56). » Oremus igitur ut ipse nos comedit, et in sui corporis substantiam convertat, ut nunquam ab eo separari valeamus. Quod autem ait : « Et oratio mea in sinu meo convertebatur, » aperte insinuat, quia pro ipsis suis inimicis, ut non perirent, in corde suo orabat. Et certe hæc oratio omnes illos salvavit, quicunque de illo populo salvati sunt. Ego autem illam orationem, quæ in Christi pectore convertebatur, sic modificatam fuisse puto, ut illis omnibus ejus mors non imputaretur, quicunque ex illo populo converterentur; qui vero in sua malitia perseverarent, et in hac vita, et in alia puniuntur.

« Sicut proximum, et sicut fratrem nostrum ita complacebam, tanquam lugens, et contristatus ita humiliabar. » Sic, inquit, complacebam mihi, et delectabar in illo populo, sicut in proximo, et fratre meo. Ita enim grammaticæ resolvi potest, quæ aliter non procedit. E contra vero « tanquam lugens, et contristatus ab eo humiliabar. » Hoc est enim quod alibi dicitur : « Qui retribuiebant mihi mala pro bonis, detrahebant mihi (Psalm. xxxvii, 21). »

« Adversus me lætati sunt, et convenerunt, contra gregaverunt in me flagella, et ignoraverunt. » Totum hoc ad litteram completum est. Quod autem ait : « et ignoraverunt; » Apostolus exponens ait : « Si enim cognovissent, nunquam Dominum gloriæ crucifixissent (I Cor., ii, 2); » ignoraverunt præterea causam et rationem cur hoc facere debuissent.

« Dissoluti sunt, nec compuncti sunt; tentaverunt me, et deriserunt me, striderunt in me dentibus suis. » Dissoluti, inquit, sunt, nullo legis vinculo tenentur; quod volunt, hoc faciunt, et sui cordis desideria sequuntur; nec compuncti sunt de hoc tanto scelere, quod in mea morte commiserunt, me tentantes, me irridentes, super me dentibus striden-

(510) Vulgata hæc habet : « Quærebant falsum testimonium contra Jesum, ut eum morti traderent; et non invenerunt, cum multi falsi testes accessissent. Novissime autem venerunt illi falsi testes, et dixerunt : Ille dixit : Possum destruere templum Dei, et post triduum reedificare illud. » (Matth. xxvi, 60). Christus Dominus noster profecto dixit apud Joannem cap. ii, v. 19 : « Solvite templum hoc, et in tribus diebus excitabo illud. » Hæc autem Jesus pronuntiavit non de templo materiali

Jerosolymitano, sed de humano corpore suo, ut ipse S. Joannes in eodem secundo capite v. 21 declarat : « Ille autem dicebat de templo corporis sui. »

(511) « Dum Judæi per contumelias et insidias essent molesti, ille divinitatem suam carnis velamine tenebrosis mentibus occultabat, quia non merebantur agnoscere quem tali impietate tractabant. » Cassiod.

(512) « Jejunavit ergo Dominus, quia se ei incredula turba subtraxerat. » Cassiod.

es. Omnia enim hæc, et alia mala Judæos contra Christum fecisse non dubium est.

« Domine, quando respicies? restitues animam meam a malefactoribus eorum, et a leonibus unicam meam? » Domine, inquit, quando respicies? Quando me vindicare venies, quando a malefactoribus eorum restitues animam meam, et ab his leonibus, tam crudeliter sævientibus, unicam meam? Adhuc me, quasi dicat, persequi non cessant; adhuc me blasphemis et injuriis persequuntur; adhuc quantum in ipsis est animam meam interficiunt, quoniam me resurrexissent negant. Nondum enim credunt Judæi Christo Domino nostro animam suam restitutam esse.

« Confitebor tibi, Domine, in Ecclesia magna; in populo gravi laudabo te. » Ecce, inquit, reliqui Synagogam, reliqui Judæorum stultitiam et levitatem; amodò confitebor tibi, et laudabo te per fideles meos in Ecclesia magna, in Ecclesia catholica, et per universum mundum diffusa. Et in populo gravi laudabo te, quem ventus superbiæ et vanitatis non extollit.

« Ut non exsultent in me qui adversantur mihi inique, qui oderunt me gratis, et annuebant oculis. » Quia enim jam totus mundus credit in Christum, ideo Judæi neque possunt, neque audent insultare Christo. Illi autem annuunt oculis, malitiam celant in corde, et in vultu, et in oculis benevolentiam ostendunt. Hoc enim faciebant Judæi, qui Salvatoris nostri doctrinam multoties laudabant, et oculis, et tota facie ejus verbis annuebant, et quomodo in sermonibus ejus caperent, cogitabant. Et subditur:

« Quoniam mihi quidem pacifice loquebantur, et super iram dolose cogitabant. » Iram, quam in corde habebant, sed ostendere timebant. Nec tamen ira sufficiebat eis; sed super iram dolos quoque cogitabant, quibus eum interficerent (513).

« Dilataverunt in me os suum; dixerunt: Euge, euge, viderunt oculi nostri. Vidisti, Domine, ne sileas; Domine, ne discedas a me. » Dilataverunt enim Judæi os suum, nimiumque superbe contra Dominum locuti sunt, postquam eum spiritum emisisse cognoverunt; et ad Pilatum accedentes dixerunt: « Domine, scimus quia seductor ille dixit adhuc vivens: Post tres dies resurgam. Jube ergo custodiri sepulcrum, ne forte veniant discipuli ejus, et furentur eum, et dicant plebi quia surrexit, et erit novissimus error pejor priore (Matth. xxvii, 63). » Sic igitur dilataverunt Judæi os suum, seductorem eum vocantes, et quod nunquam resurgeret prædicantes. Et tunc quidem dixerunt: « Euge, euge, » quod unaquæque gens, secundum suæ linguæ proprietatem, post victoriam dicere solet. Quod autem ait:

(513) « Prædicatur Judæorum nefanda dolositas, quæ non nostris, sed verbis evangelicis indicitur. Pacifici loqui videbantur, quando dicebant: Magister, scimus quia verax es, et viam Dei in veritate doces, licet tributum dare Cæsari, an non? (Matth. xxii, 46). » Cassiodorus.

(514) « Numquid non valuit ad confundendos vivos

« viderunt oculi nostri; » tale fuit ac si diceret: Tandem vidimus, et cognovimus, qualis ille erat, qui suis illusionibus populum suum decipiebat, et Dei Filium se esse dicebat: ecce mortuus est, et se ipsum a morte liberare non potuit (514). Hæc illi dixerunt. Tu vero, Domine, qui hanc illorum superbiam audisti, et vidisti, ne sileas, sed responde stultis secundum stultitiam suam. « Domine, ne discedas a me; » sed esto mihi in adjutorium, et disperse illos in virtute tua, et destrue eos, protector meus Domine.

« Exsurge, Domine, et intende judicium meum, Deus meus, et Dominus meus in causam meam. » Intende, inquit, jam nunc, et intra in judicium meum, et in causam meam, et incipe judicare (515), quam injuste judicatus, et condemnatus sum, et præcipue a populo meo, quem ego tantum dilexi, cui tanta bona præstiti, quem de Ægyptiaca servitute liberavi, cui mare Rubrum aperui, quem per quadraginta annos manna pavi, in terram promissionis introduxi, et tandem pro eis in mundum veni, et carnem assumpsi. Sic enim ipse dixit: « Non sum missus, nisi ad oves quæ perierunt domus Israel (Matth. xv, 24). »

« Judica me secundum magnam misericordiam tuam, Domine Deus meus, ut non insultent in me inimici mei; nec dicant in cordibus suis: Euge, euge, animæ nostræ; nec dicant: Absorbimus eum. » Judica me, inquit, secundum magnam misericordiam tuam, quæ tantum dilatata est, ut mundum universum impleat, nullumque relinqueret misericordia dignum, cui de adversario suo justitiam faceret. Judica me, inquit, retractetur judicium, et in ipsa illorum destructione et perditione cognoscatur eos merito esse damnatos. Non insultent in me, neque dicant, quod dicere soliti sunt: Euge, euge, beatæ animæ nostræ, cum gladiis tuæ ultionis suis cervicibus imminere prospexerint.

« Erubescant, et revereantur simul qui gratulantur malis meis, induantur pudore et reverentia qui maligna loquuntur adversus me. » Et hoc quidem jam totum completum est, totumque in judicio complendum est.

« Exsultent, et lætentur qui volunt justitiam meam, et dicant semper: Magnificetur Dominus, qui volunt pacem servi ejus. » Egregie satis post iniquorum destructionem, et confusionem eos exsultare, et lætari præcipit, quos de sua justitia lætos esse cognoscit. Et illi semper magnificent Dominum, qui Christi pacem habere, et tenere desiderant, quia sine pace impossibile est placere Deo.

« Sed et lingua mea (dicit humanitas Salvatoris nostri) meditabitur justitiam tuam, tota die laudem tuam. » Meditari autem Dei justitiam, et

descendere de crucis patibulo, qui mortuus die tertia resurgere potuit de sepulcro? Sed non conveniebat divinæ virtuti ad verba insultantium commoveri, ut amplius erubescerent, dum omnia prædicta constarent. » Cassiodorus.

(515) Cod. Ghis., et cunctis gentibus revelare.

landem se dicit, quia semper in memoria eas habet, A aliud poterit, nisi Misericordia me adduxit. Bene igitur hic dicitur: « Domine, in cælo misericordia tua. » Sequitur, « et veritas tua usque ad nubes. »

PSALMUS XXXV.

IN FINEM PUERO DOMINI

PSALMUS DAVID (515').

Hic est ille puer, de quo scriptum est: « Puer natus est nobis, et filius datus est nobis » (Isa. ix, 6). Huic igitur puero Domini David dicit in hoc psalmo rex et propheta David: « Homines et jumenta salvabis, Domine. » Quid significet « in finem, » et quid significet « Psalmus David, » sæpe jam diximus.

367 « Dixit injustus, ut delinquat in semetipso: Non est timor Dei ante oculos ejus. » Hoc, inquit, dixit injustus in semetipso, hoc cogitavit in corde suo, hoc disposuit in mente sua, ut delinquat. Quid est « ut delinquat? » Ut furetur, ut occidat, et fornicetur, ut perjurium et perditionem faciat; ut fratrem suum decipiat, et alia opera iniquitatis exercent. Et hoc ideo, quia « non est timor Dei ante oculos ejus. » Si enim Deum timuisset, talia facere non desideraret.

« Quoniam dolose egit in conspectu ejus, ut inveniret iniquitatem suam et odium. » Inde, inquit, cognoscetur, quod non est timor Dei ante oculos ejus, quoniam dolose egit in conspectu ejus, et non solum dixit in corde, verum etiam in opere. Et hoc ideo dignum est ut inveniat iniquitatem suam et odium. Eadem enim mensura, qua mensus est, remetietur tibi.

« Verba oris ejus iniquitas et dolus; noluit intellegere, ut bene ageret. Iniquitatem meditatus est in cubili suo, astitit omni viæ non bonæ, malitiam autem non odit. » Vero nomine injustus vocatur, qui talia operatur. Plana sunt hæc, nec indigent expositione.

« Domine, in cælo misericordia tua, et veritas tua usque ad nubes. » Miratur propheta de tam variis et diversis voluntatibus hominum; cum alii tanto desiderio sequantur vitia; alii vero tanto studio imitentur virtutes; et neminem nisi per superbiam perire; neminem, nisi per misericordiam salvari ostendit. Domine, inquit, non in terra ad plenum, sed in cælo perfecte, et ex toto cognoscitur misericordia tua. Omnes enim, qui ibi sunt, sola misericordia Dei salvati sunt: « Cum enim, » ut Apostolus ait, « omnes peccatores essemus, Christus pro nobis mortuus est (Rom. v, iii). » Et hoc quidem sola misericordia fecit. Unde et bene dicitur: « Suavis Dominus universis, et miserationes ejus super omnia opera ejus (Psalm. cxiv, 9). » Si enim unusquisque sanctorum, quia jam in cælis est, vel post judicium futurus est, singulariter interrogetur, Quomodo huc venisti, vel Quomodo huc intrasti? quid responderet

« Justitia tua sicut montes Dei (516'), et judicia tua abyssus multa. » Si dixisset: Justitia tua sicut montes tui, planius esset. Sed hic modus locationis in divina pagina frequenter invenitur. In aliis vero scripturis aut raro, aut nunquam. Tale autem est et illud: « Deus, judicium tuum regi da, et justitiam tuam filio regis (Psalm. lxxi, 2). » Debuerat enim dixisse: Filio tuo, quia ipse erat ille rex, cui loquebatur. Dixerat superius quia « veritas Dei usque ad nubes, » nunc autem reddit causam quare usque ad nubes, et non amplius venit. Ideo quasi dicat: Veritas Dei ad inferiora non descendit, quia justitia Dei, et judicia Dei, quæ veritate muniuntur, et consistunt, altissima sunt (516'), ad quæ accedere difficile est; et altissima quidem sunt, sicut montes Dei, profundissima vero, ut abyssus multa. Idem autem et per montes Dei, et per abyssum significatur. Isti sunt illi montes, de quibus dicitur: « Levavi oculos meos in montes, unde veniet auxilium mihi (Psalm. cxx, 1). »

« Abyssus abyssum invocavit in voce cataractarum tuarum. » Per montes igitur, et per abyssum utriusque Testamenti volumina intelligimus. Quæ quidem tam alta et profunda sunt, ut ad eorum notitiam valde pauci valeant pervenire. In quibus videlicet voluminibus, quia justitia et judicia Dei continentur, ejusdem altitudinis et profunditatis esse dicuntur. Apparet igitur quia veritas Dei, et justitia, et judicia Dei, et utriusque Testamenti volumina inscrutabilia sunt, et humano ingenio investigari non possunt. Unde Apostolus ait: « O altitudo divitiarum sapientiæ, et scientiæ Dei, quam incomprehensibilia sunt judicia ejus, et investigabiles viæ ejus! » (Rom. i, 33.) Gaudeamus, quod veritas Dei usque ad nubes descendit, quia de his, quæ in nubibus sunt, ad nos quoque aliquid distillabit. Misericordiam Dei a quibus nubes istæ, ne super eos pluant, prohiberi sunt: « Mandabo, inquit Dominus, nubibus meis, ne pluant super eos imbrem (Isa. v, 6). »

« Homines et jumenta salvos facies, Domine, quemadmodum multiplicasti misericordias tuas

tulnm inscripsit.

(516) « Quamvis usus habeat: Justitia tua sicut montes Dei; multo absolutior est Hieronymi fidei translatio, quæ Domini magis quam Dei posuit. » Cassiod.

(516') Id. Cod. Glis., et profundissima.

(515) De hoc titulo nihil habet S. Augustinus. In Vulg. autem est: In finem: Servo Domini, ipsi David. Apud Isidorium Clarum legitur titulus: Vin. eni servo Domini David. Cur puerum pro servo dixit, quod nomen aliquando pro eodem usurpatur, S. Bruno non reddit rationem. Cassiodorus juxta Vulgatam ti-

« Deus. » Quid enim per homines, nisi sapientes; A rationabiles et viros justos intelligamus? Quid vero per jumenta, nisi stultos, fatuos, libidinosos, et carnis voluptatibus deditos? Quantum homines a jumentis, tantum isti inter se differre videntur. Tamen hos et illos salvat Dominus, qui non venit **368** vocare justos, sed peccatores ad penitentiam (*Luc. v, 12*). Multos enim vidimus sanctam et religiosam vitam in monasteriis ducere, qui prius fuerunt sicut equus, et mulus, quibus non est intellectus. De hac autem tanta Dei misericordia propheta admiratur, et dicit: Quemadmodum ad quam mensuram, ad quantam superabundantiam multiplicasti misericordias tuas, Deus?

« Filii autem hominum in protectione alarum
« tuarum sperabunt. » Alæ Dei misericordia et veritas, fides, spes et charitas, cæteræque virtutes, sine quibus neque ipse venit ad nos, neque nos ad ipsum volare possumus. Quis enim eum adduxit ad nos, nisi charitas et misericordia? In istarum igitur protectione sperent Christiani, quibus nihil aliud est, quo se a vitis et malignis spiritibus defendere valeant. Hos autem vocat filios hominum, ad illorum fortasse distinctionem, quos jumenta vocaverat. « Inebriabuntur ab ubertate domus tuæ, et torrente
« voluptatis tuæ potabis eos. » Et hic modo in Ecclesia, et postmodum in illa cælesti Jerusalem inebriabuntur sancti ab ubertate tantarum deliciarum, quæ et hic et ibi abundant. Sic enim sancti apostoli ebrii erant, qui quia linguis omnibus loquebantur, non Spiritu sancto, sed vino potius a Judæis ebrii putabantur.

« Quoniam apud te est fons vitæ, et in lumine tuo
« videbimus lumen. » Non solum, inquit, inebriabuntur, verum etiam illuminabuntur, quia apud te est fons vitæ, et lumen vitæ. Lumen namque vitæ, et fons vitæ Christus est, qui fideles suos illuminat, et reficit. De hoc fonte, qui biberit, non sitiet ultra. Et hoc est illud lumen, quod illuminat omnem hominem venientem in hunc mundum (*Joan. i*). Est autem et Pater lumen, non duo tamen, sed unum lumen. Unde et hic dicitur: « Et in lumine tuo videbimus lumen; » quia nisi per te ad illud lumen venire non possumus. Sic enim ipse Dominus ait: « Ego sum via, veritas, et vita: nemo venit ad Pa- D
trem nisi per me (*Joan. xiv, 6*). »

« Prætede misericordiam tuam scientibus te, et
« justitiam tuam his qui recto sunt corde. » Hoc autem tale est ac si diceret: Ut ad illud lumen venire valeamus, mitte misericordiam tuam scientibus te, quæ nos regat, et ducat, et ad illius luminis claritatem introducat. Mitte etiam justitiam tuam his qui recto sunt corde, quia justum est ut a justitia ducantur, qui justitiæ mandata custodierunt.

« Non veniat mihi pes superbiæ, et manus pecca-

(517) « Totus Psalmus ad mores pertinet corrigendos. Instruct quippe Ecclesia, quæ nunc intro-
ducitur ad loquendum; præceptis salutaribus genus humanum, ne moriferis erroribus misceatur:

« torum non moveat me. » Misericordia, inquit, tua, et justitia tua ipsa me ducat, et pes superbiæ me portet, neque manus peccatorum me trahat. Non superbia sit mihi pes, quia in hoc pede ceciderunt omnes qui operantur iniquitatem. Hoc pede portabatur diabolus, quando dicebat: « In celum ascendam super astra Dei, et ædificabo solium meum, sedebo in monte testamenti, et similis ero Altissimo (*Isa. xiv, 13*). » Merito igitur de illa cælesti beatitudine expulsi sunt, nec potuerunt stare, quia tam iniquas manus habebant, et tali pede portabantur.

PSALMUS XXXVI.

PSALMUS IPSI DAVID.

Ipsi David, qui eum scripsit hic psalmus adscribatur, et ipse in eo loquatur (517).

« Noli æmulari inter malignantes, neque æmulatus fueris facientes iniquitatem. » Non æmularis, inquit, non imiteris, non tibi placeat habitare inter malignantes, neque æmulatus fueris facientes iniquitates, ut similia doceas (517), et similia concupiscas.

« Quoniam tanquam fenum velociter arescent, et
« sicut olera herbarum cito cadent. » Videntur, quasi dicat, isti tales ad tempus florere, et in suis iniquitatibus prosperari. Sed tanquam fenum, quod hodie est, et cras in cilicium mittitur, velociter arescent, et sicut olera, et viriditas herbarum cito cadent, et ita cadent, ut ulterius surgere non valeant; quia non erit eis post hæc penitentiae locus.

« Spera in Deo, et fac bonitatem, et inhabita ter-
« ram, et pascaris in divitiis ejus. » — « Spera, » inquit, « in Domino, » non in viribus tuis, non in incerto divitiarum, et « fac bonitatem, » fac elemosynas, fac misericordiam et pietatem, ut ipse misericordiam invenias, et inhabita terram: « domi-
nare carni tuæ, Ecclesiam Dei non derelinquas; ibi mane, ibi discas, ibi mores tuos institue, ibi totam vitam tuam ad illius exemplum informa. » Et pascaris in divitiis ejus; » per quas utriusque Testamenti legem, sive etiam Christi corpus et sanguinem intelligimus. Et istæ quidem divitiæ omnibus mundi hujus divitiis præferendæ sunt.

« Delectare in Domino, et dabit tibi peti-
« tiones cordis tui. » Non delecteris, inquit, in mundo, neque in vanitatibus et concupiscentiis mundi; **369** quoniam mundus transit et concupiscentia ejus, sed potius delectare in Domino; ipse sit omne bonum tuum, omnisque delectatio tua, et dabit tibi quicquid desiderat anima tua. Qui enim in Domino delectatur, semper cum Domino esse, et habitare desiderat. Hoc autem dabitur sanctis, quia simul cum eo sine fine manebunt.

« Revela Domino viam tuam, et spera in eo, et malos poena deterrens bonis præmia compromittens. » Cassiod.

(517) Cod. Ghs., *similia facias.*

« ipse faciet. » Quomodo revelabo quod ipse scit, A et melius me intelligit? Ipse enim scit cogitationes hominum, et scrutatur renes et corda. Revelamus igitur ei vias nostras, si non abscondimus peccata nostra; et tunc quidem non abscondimus, quando lacrymis et penitentia delemus. Sive etiam « revela Domino viam tuam: » Si est aliquid boni desiderii in corde tuo, noli tardare, et bonum quod desideras agere incipe; spera tantummodo in eo, et ipse faciet (518), ipse ad bonum effectum perducet quod tu incipere times et dubitas.

« Et educet tanquam lumen justitiam tuam, et iudicium tuum sicut meridiem. » Spera, inquit, in eo, sequere eum; ipse diriget viam tuam, et suo clarissimo lumine illuminabit, neque te errare permittet. Et justitiam, quam agere cupis, et iudicium tuum, quo teipsum iudicare disponis, et angelis, et hominibus revelabit, et tanquam lumen, et sicut meridiem splendescere faciet.

« Subditus esto Domino, et obsecra eum. » Hoc scilicet, quasi dicat: Tibi est necessarium ut soli Deo subditus sis, et si quid adversi tibi acciderit, eum orare non obliviscaris. Quam egregie et persuasorie exhortatur nos ad servitium Dei, et melioris vite conversationem. « Ne æmulatus fueris eum qui prosperatur in via sua: » hoc autem exponit « in homine faciente iniquitatem. » Illum, inquit, qui prosperatur in via Dei, qui sedulus est in servitio Dei, non autem illum qui prosperatur in via sua, id est iniquitate sua. Siquidem iniquorum via ipsa iniquitas est. Et certe multos tales videmus qui, male agendo in hac vita, ad tempus multum crescunt, quos perituros esse non dubitamus.

« Desine ab ira, et derelinque furorem, ne æmuleris, ut nequiter facias. » Est autem ira brevis commotio animi, furor vero ira inveterata. Utraque autem fugienda sunt, quid frequenter irasci peccatum est, quia sine scandalo fratrum fieri non potest. De furore vero quid dicam, cum nihil vel parum ab odio differat? « Ne æmuleris, ut nequiter facias. » Æmulare, inquit, alios in bonum, in malum autem neminem æmuleris.

« Quoniam qui nequiter agunt exterminabuntur. » Exterminari autem quid aliud est, quam extra terminos fieri? Qui autem extra terminos erunt, in promissam sanctis hæreditatem non intrabunt. De qua hæreditate subditur:

« Qui vero expectant Dominum, ipsi hæreditate possidebunt terram. » Illam videlicet terram, de qua alibi dicitur: « Credo videre bona Domini in terra viventium (Psalm. xxxvii, 20). » Quomodo autem Dominum expectare debeamus, ipse nos docet: « Vigila'e, inquit, quia nescitis qua hora Dominus vester venturus est (Matth. xxv, 13). » Vigilare igitur eum oportet, qui Dominum expectat; vigilat autem qui in bonis operibus perseverat.

(518) Cum quæ supra exposuit S. Bruno, ampliori modo dixerit Cassiodorus, hæc ab eo addi possunt: « Adjecit, et ipse faciet; ipse, qui omnipotens est,

« Pusillum adhuc, et non erit peccator, et quæres locum ejus, et non invenies. » Brevis est vita hominis, et cito de hac vita transiunt ipsi quoque qui eam diligunt, et transeundo simul cum ea cuncta amittunt. Postea vero si locus eorum quæzatur, quia in hoc sæculo locum habent, inveniri non poterit.

« Mansueti autem possidebunt terram, et delectabuntur in multitudine pacis. » Hoc enim in Evangelio Dominus ait: « Beati mites, quoniam ipsi possidebunt terram (Matth. v, 5). » Et tunc quidem delectabuntur in multitudine pacis, quam quidem in hoc mundo plenam et perfectam vix aliquis habere potest; cum spiritus concupiscat adversus carnem, et caro adversus spiritum (Gal. v).

« Observabit peccator justum, et fremet super eum dentibus suis: Dominus autem irridebit eum, quoniam prospicit quod veniet dies ejus. » Hoc autem de martyribus intelligitur, quos iniqui homines insidiando observabant, et rapientes ad supplicia trahebant, et super eos dentibus frementes, duris et exquisitis tormentis eos interficiebant. Sed Dominus irridebat eos, id est irrisione dignos judicabat; qui tempus, et diem sanctorum, et illorum perditionis prævidebat.

« Gladium evaginaverunt peccatores, tetenderunt arcum suum, ut decipiant inopem, et trucident rectos corde. » Et hæc quidem de tyrannis et martyribus manifestissima prophetia est; quamvis hoc etiam de hæreticis intelligi possit. Nam et illi materialibus armis, et isti suarum deceptionum gladiis multos sanctorum interfecerunt. Possumus autem per gladios manifestam persecutionem, et per arcus occultam deceptionem intelligere. Unde adhuc subditur:

« Gladius eorum intret in cor ipsorum, et arcus eorum confringatur. » Intrant enim gladii tyrannorum in corda eorum, quia ipsi sui gladii, quibus sanctos interfecerunt, sunt eis causa mortis et perditionis. Arcus vero hæreticorum jam 370 contritus est, quia omnis eorum hæresis, et deceptio in multis conciliis damnata est.

« Melius est modicum justo super divitias peccatorum multas. » Hoc autem tale est ac si diceret: Pauperes sunt sancti, et suis divitiis et honoribus pro Christi nomine exspoliati; sed melius modicum, quod habent, super multas divitias, quas possident peccatores. Isti enim parva habent, et sufficit eis. Illi vero multa, et habendi cupiditate, et avaritia torquentur.

« Quoniam brachia peccatorum conterentur; confirmat autem justos Dominus. » Per brachia peccatorum omnium illorum fortitudinem intelligimus, quam quidem in divitiis maxime constare videmus, quas si aliquo casu amiserint, protinus eos omnem fortitudinem simul cum eis amisisse videmus. Confirmat autem justos Dominus, quoniam temporalium

ipse qui manu fortis est: ipse revera cujus jussibus omnia subsecundant. »

rerum amissione ditiores et fortiores fiunt; siquidem A propter hoc centuplum accipiunt, et vitam æternam suscipiunt.

« Novit Dominus vias immaculatum, et hereditas eorum in æternum erit. » Ideo, inquit, confirmat justos Dominus, quoniam ipse novit vias eorum. Ipsi enim sunt, de quibus dicitur: « Beati immaculati in via, qui ambulant in lege Domini (Psalm. cxviii, 1). » Qui enim sic ambulant, digni sunt, quibus Dominus auxiliatur. « Et hereditas eorum in æternum erit. » Hic quasi dicat: Pauperes fuerunt, et suas hereditates pro Christi nomine perdidērunt; sed hereditas eorum et major et melior erit in æternum.

« Non confundentur in tempore malo. » Quid est enim in tempore malo? In tempore malis preparato, id est in die iudicii, quando mali suscipient æterna mala.

« Et in diebus famis saturabuntur. » Et in diebus famis quid est? Id ipsum tempus, de quo modo diximus; quia sancti non esurient, sicut scriptum est, neque sitient ultra (Apoc. vii, 16); mali vero omnem famem, omnemque penuriam patientur. Unde et subditur: « Quoniam peccatores peribunt. » Peribunt quidem non solum famis afflictione, verum etiam omni genere tormentorum. Et hoc probat.

« Inimici autem Domini mox ut honorati et exaltati fuerint, deficientes, ut fumus deficient. » Quod autem dixit, mox, non dixit, ut statim fiat, sed quia cito, et postmodum fiet. Deficient autem ut fumus, quia se in superbiam exaltando, et elevando deficient. Hæc est enim natura fumi, ut se a terris elevando deficiat.

« Mutuatur peccator, et non solvit, justus autem miseretur et commodat. » Et hæc quidem justa causa est, ut pereant mali; quia nolunt solvere quod mutuauerunt. Quid enim habemus, nisi quod mutuo accepimus? Sic et Apostolus dicit: « Quid enim habes, quod non accepisti; quid gloriaris, quasi non acceperis? » (I Cor. iv, 7.) Dicitur autem mutuum quasi meum tuum. Quod enim mutuo datur, non ex toto datur, quia aliquid inde expectatur. Sed quid Dominus expectat a nobis de his, quæ dedit nobis? Audi ipsum dicentem: « Quod uni ex minimis meis fecistis, mihi fecistis (Matth. xxv, 40). » Quod itaque minimis suis damus, sibi damus, imo non damus, sed reddimus. « Justus autem miseretur et commodat. » Peccator, inquit, non vult solvere quæ mutuo accepit; justus econtra et aliena solvit, et propria largitur, et commodat.

« Quoniam benedicentes eum possidebunt terram, maledicentes autem ei disperibunt. » Facile, inquit, aliquis in his omnibus, quæ superius dicta sunt, intelligere poterit, quia benedicentes eum possidebunt terram. Non solum autem homines, verum etiam omnis creatura benedicit Dominum. Nisi enim omnis creatura benediceret Dominum, non dicerent illi tres pueri in camino positi: « Benedicite, omnia opera Domini, Dominum (Dan. iii, 4). » Quod si omnis creatura benedicit Dominum, qui sunt illi, de qui-

bus hic dicitur: « Maledicentes autem ei disperibunt. » Apostolus quibusdam male agentibus dicit: « Vos estis propter quos nomen Dei blasphematur inter gentes (Rom. ii, 24). » Isti igitur sunt, qui Dominum maledicunt. Hoc tamen et de Judæis specialiter intelligi potest, de quibus dicitur: « Maledicent illi, et tu benedices, qui insurgunt in me, confundantur (Psalm. cxviii, 26). »

« A Domino gressus hominis diriguntur, et viam ejus cupit nimis. » Qui a Domino dirigitur, securus incedere potest. A Domino autem illi dirigitur, qui de via mandatorum ejus non recedunt. Hanc autem viam diligit Dominus. Per hanc viam ille se cucurrisse alibi dicit: « Viam mandatorum tuorum cucurri, cum dilatares cor meum (Psalm. cxviii, 33). »

« Cum ceciderit justus non conturbabitur, quia Dominus firmat manum ejus. » Non potest fieri ut homo in longo itinere non offendant, et sine peccato in hac vita nemo vivere potest. Septies namque cadit justus (Prov. xxiv), et resurgit; et ideo « non conturbabitur, quia Dominus firmat manum ejus. » Quid est firmat manum ejus? nisi eadentem sustinet, et iterum ad bonum opus preparat et accingit.

« Junior fui, et senul, et non vidi justum derelictum, nec semen ejus egens pane. » Hoc autem Propheta mihi his verbis dicere videtur: Ab hoc tempore mee juventutis, quo mihi hæc Deus revelare dignatus est, usque ad sæculi consummationem per singula sæcula, Spiritu sancto me docente, cuncta consideravi, et non vidi justum derelictum, nec semen, id est filios et imitatores ejus, fame perire. Illi namque pereunt fame, qui cibis spiritualibus non nutriuntur.

« Tota die miseretur et commodat, et semen ejus in benedictione erit. » Si enim egeret, aliis subvenire non posset. In hoc autem abundare probatur, quod aliis **371** miseretur et commodat, et spiritualia et temporalia quæ habet cum aliis partitur. Et ideo semen ejus in benedictione erit, quia semper crescet, et in melius proficiet.

« Declina a malo, et fac bonum, et inhabita in sæculum sæculi. » Hoc consilium sufficit omnibus ad salutem. Hæc est regula perfectionis, mala fugere, et bona agere, et ab Ecclesiæ et fidelium societate non recedere.

« Quoniam Dominus amat judicium, et non derelinquet sanctos suos; in æternum conservabuntur. » Declina, inquit, a malo, et fac bonum. Quare? Quia Dominus amat judicium, et reddet unicuique secundum opera sua, et non derelinquet eos qui a malo declinant, et bona agunt, sed in æternum eos conservabit. De malis autem quid fiet? Sequitur:

« Injusti autem punientur, et semen impiorum peribit. Justi vero hereditate possidebunt terram, et inhabitabunt in sæculum sæculi super eam. » Hoc autem de præsentī Ecclesiā, et de terra viventium intelligi potest. Sed quia dicit « in sæculum sæculi, »

convenientius de illa terra intelligitur, quæ nullo modo auferri potest, quam et in æternum possidebunt.

« Os justi meditabitur sapientiam et lingua ejus loquetur judicium. » Justum enim est ut æternam possideat hæreditatem, qui in hoc sæculo positus soli sapientiæ operam dedit, et non recessit a veritate. Quid est enim judicium loqui, nisi veritatem dicere et tenere? Unde et subditur:

« Lex Dei ejus in corde ipsius. » Quomodo enim a veritate recedere potest, qui secundum legem Dei judicat, et aliam legem ignorat? « Et ideo non supplantabuntur gressus ejus. » Illi supplantantur, qui ad errorem trahuntur, et a veritate separantur. Hoc autem illi non timent, qui legem Domini in memoria et in corde habent, et in ea assidue meditantur.

« Considerat peccator justum, et querit perdere eum. » Considerat, inquit, observat, et insidiatur ei, et querit quomodo eum perdere et decipere possit. Dominus autem, qui nunquam deserit sperantes in se, non derelinquet eum in manibus suis. Iste peccator diabolus est, peccatorum omnium maximus, qui semper sanctis insidiatur, eosque accusare non cessat. Sequitur: « Nec damnabit eum, cum judicabitur illi. » Non dixit, cum judicabit illum; sed cum judicabitur illi, quoniam illud districtum judicium ad malorum damnationem, et ad bonorum vindictam et gloriam fecit.

« Expecta Dominum, et custodi vias ejus, et exaltabit te, ut inhabites terram. » Expecta, inquit, Dominum, securus esto et nihil timeas, qui non te, sed tibi judicaturus veniet, et custodi vias ejus, de quibus te inimicus trahere, et in vias suas inducere conatur. Et exaltabit te ad illam supernam beatitudinem, ut inhabites illam terram, in qua nec mortem nec inimicorum insidias timeas. « Cum perierint peccatores, videbis. » Magna consolatio est inimicorum pœnas et perditionem videre.

« Vidi impium superexaltatum, et elevatum supra cedros Libani. Transivi, et ecce non erat; quæsi eum, et non est inventus locus ejus. » Libanus, qui *candidatio* interpretatur, sanctam Ecclesiam significat, quæ baptismatis aqua mundata et lavata, et super nivem dealbata est. Per cedros autem illos intelligimus, qui sapientia, sanctitate et virtutibus altiores et fortiores in Ecclesia sunt. Super hos autem exaltatos et elevatos multoties impios videmus, et quasi humilissima fruteta eos consulant et despiciant. Quod autem dicit: « Transivi, et ecce non erat; » tale est acsi diceret: Postquam vidi impium sic exaltatum et elevatum ad ea quæ sibi post modicum tempus futura erant, mente et cogitatione transivi, et ecce non erat; ibi videlicet, ubi prius esse solebat; quæsi eum inter illa suarum domorum superstitiones fastigia, et non est inventus locus

(518*) Quomodo sunt reliquie homini pacifico. « Intendamus quemadmodum hunc sermonem intelligere debeamus; Reliquie homini pacifico, quando spes

A ejus, quoniam alii omnia occupaverunt, qui nullas inde sibi gratias agebunt.

« Custodi veritatem, et vide æquitatem, quoniam sunt reliquie homini pacifico (518*). » Vide locutionis elegantiam, quomodo alternatim justorum præmia, et iniquorum perditionem describit, quatenus hinc auditores provocet ad bonum, inde vero retrahat a malo. Custodi, inquit, veritatem, et vide æquitatem, et noli æmulari inter malignantes; neque imiteris illos, qui sic exaltati et elevati tam cito cadunt et deficiunt, quoniam sunt reliquie homini pacifico. Illi, quasi dicat, et seipsos, et quæcumque habent subito amittunt; sancti vero de hoc sæculo exeuntes ditiores sunt; nihilque fuit, quod in hac vita habuisse visi sunt, ad comparisonem reliquiarum, quæ illis in alia vita reservantur.

B « Injusti autem disperibunt, simul reliquie impiorum peribunt. » Contrariis suo more contraria ponit, quia ea, quæ boni habebunt, mali habere non poterunt.

« Salus autem justorum a Domino est; » quia nihil de suis viribus præsumperunt, et protector eorum est in tempore tribulationis; et ideo ab inimicis superari non potuerunt.

« Et adjuvabit eos Dominus, et liberabit eos, et eripiet eos a peccatoribus, et salvos faciet eos, quoniam speraverunt in eum. » Talis autem ejusdem rei repetitio, et inculcatio firmiorem facere debet promissionem; semperque notandum quanta sit virtus spei, quæ sic ubique commendatur.

PSALMUS XXXVII.

PSALMUS DAVID IN COMMEMORATIONE DE SABBATO.

Sabbatum *requies* interpretatur, per quam videlicet requiem, æternæ beatitudinis quietem intelligimus, unde Apostolus dicit: « Quia relinquit Sabbatum populo Dei (Hebr. iv, 9). » Hujus igitur quietis Ecclesiæ filii memores duram de peccatis suis in hoc psalmo penitentiam agunt.

« Domine, ne in furore tuo arguas me, neque in ira tua corripas me. » Istæ affectiones, sicut jam in alio psalmo diximus, in Deo non sunt. In eo tamen esse videntur, quando ea facit quæ irati homines facere solent. Vox penitentis est, judicium Dei timentis, et misericordiam Dei implorantis. Et tale est ac si dicat: Multum peccavi; et dum judicii diem et tormenta, malis præparata lego et considero, nimio terrore et timore conficior. Sed tu, Domine, in illo tremendi judicii die fac misericordiam cum servo tuo, et ne in furore arguas me, neque in ira corripas me: « Si enim iniquitates observaveris, Domine, quis sustinebit? (Psal. cxxix). » — Non ergo intres in judicium cum servo tuo (Psal. cxlii, 2).

D « Quoniam sagittæ tuæ infixæ sunt mihi, et confrasti super me manum tuam. » Sagittæ Dei illæ sententiæ sunt, quæ in utroque Testamento contra peccatores mittuntur. Tales autem in superiori

ejus Domini remuneratione peragitur. Reliquum est enim ut, post hanc vitam, æternæ beatitudinis præmia consequatur. » Cassiod.

p almo multas modo audivimus, et in Evangelis
cacterisque Scripturis divinis multas reperimus.
Qualis est illa : « Jam securis ad radicem arborum
posita est. Omnis arbor, quæ non facit fructum
bonum, excidetur, et in ignem mittetur (Matth. iii,
10). » Et Apostolus : « Secundum duritiam tuam,
inquit, et impœnitens cor tuum, thesaurizas tibi
iram in die iræ et revelationis justi judicii Dei,
qui reddet unicuique secundum opera sua. (Rom.
ii, 5). » Has autem sagittas sibi infixas esse dicit,
quia his et similibus ejus animus vulneratus umio
terrore concutitur. Hoc est enim quod ait : « Et
« confirmasti super me manum tuam. » Beati illi,
qui hanc manum sentiunt, et his sagittis se vulneratos
esse cognoscunt. Qui enim de peccatis non dolent,
manum Dei super se imminentem, et ad feriendum
preparatam non intelligunt. Unde adhuc subditur :
« Quoniam iniquitates meas posuerunt super caput
« meum, sicut onus grave gravatæ sunt super me. »
Ecce causa totius afflictionis in hoc versu revelatur.
Ideo, inquit, sic infirmatus sum, quoniam iniquitates
meas posuerunt se et quodammodo sedem sibi
fecerunt super caput meum, per quod mentem
intelligimus, quo videlicet capite subjugato, nihil
erit quod eis resistere valeat. « Et sicut onus grave
« gravatæ sunt super me : » et jam ulterius earum
pondus sustinere non valeo. Hoc nulli alii dicere
possunt, nisi illi soli qui dignam poenitentiam agunt,
quoniam ceteris omnibus non gravia, sed valde
levia, et delectabilia sua peccata videntur. Ad hoc
enim Propheta hunc unum poenitentem posuit, ut
in ejus verbis omnes alii discant qualiter poeniten-
tiam agere debeant.

« Computruerunt, et deterioraverunt (519) omnes
« cicatrices meæ a facie insipientiæ meæ. » Ubi-
cunque sunt cicatrices, ibi vulnera, vel ulcera fuisse
non dubium est. Quod igitur sua incuria, et insi-
pientiæ cicatrices suas deteriorasse et computruisse
dicit, se jampridem ab infirmitate sanatum, et iterum
infirmatum se esse ostendit. Hoc autem illis contigit,
qui, peracta poenitentia, ad peccata iterum rodeunt.
Sanantur autem misericordia etiam isti, sed tales
cicatrices difficiliter ad salutem perveniunt (520).

« Miseris afflictus sum usque in finem, tota die
« contristatus ingrediebar. » Pro talibus, inquit,
tantisque delictis usque in finem, id est penitus, et
ex toto afflictus, turbatus et contristatus sum.

« Quoniam anima mea completa est illusionibus,
« et non est sanitas in carne mea. » Multas illu-
siones patitur anima (521), cui peccata dominantur,
quoniam post multas et iniquas cogitationes ad de-
sperationem aliquando perducitur. Quod vero ait :

(519) Est idem ac *deteriores factæ sunt*. Vulgata
legit : *Putruerunt, et corruptæ sunt cicatrices meæ*.
Ex Hebræo Mazochius vertit : *Rubuerunt, et tabue-
runt livores mei*. Spicil. in psal. xxxvii. Eadem lectio
est in Augustino enarr. in hunc psal. xxxvii.

(520) Vide Ambros. enarr. psal. xxxvii, n. 50.

(521) Non sunt omitenda quæ in hunc locum
affert Augustinus : « A facie ipsarum illusionum,

A « Et non est sanitas in carne mea, » vel jejuni-
rum, vel afflictionum causa infirmatam, vel luxuriis,
et voluptatibus, aliisque corruptionibus violatam
esse ostendit.

373 « Incurvatus sum, et humiliatus sum usque-
« quaque. » Multi poenitentes incurvantur et humilian-
tur, sed non usquequaque : quia, etsi duram poeni-
tentiam agant, in aliquibus tamen peccare non
cessant. « Rugiebam a gemitu cordis mei. » Nihil
est poenitenti homini fructuosius, quam hic talis
compunctionis gemitus atque rugitus. Unde et alibi
dicitur : « Cor contritum et humiliatum, Deus, non
despicies (Psal. l, 50). » — « Et ante te est omne desi-
« derium meum, et gemitus meus a te non est
« absconditus. » Quisvisque, quasi dicat, ali-
quando fuerim, et in quibuscunque rebus deside-
rium meum occupatum fuerit, tu tamen vides quale
nunc sit desiderium meum. Et hæc poenitentia mea,
istæ lacrymæ, et hic gemitus meus a te abscondi
non potest.

« Cor meum conturbatum est in me, et deseruit
« me fortitudo mea. » Non potest dubitari valde
interius esse conturbatum, qui tam dura poenitentia
exterius satisfacit. Talis autem conturbatio bona
est, quia tali conturbatione omnes mali humores
rejectionitur, et anima infirma sanatur. « Et deservit
« me virtus mea. » Si autem fortitudo, quæ proprie
et naturaliter hominis est, cum non deseruisset,
nequaquam a vitiis superatus fuisset. Tandem igitur
lacrymis et orationibus insistentem est, donec
amissa fortitudo redeat, et mens a sui fervoris con-
turbatione quiescat. « Et lumen oculorum non est
« mecum. » Lumen oculorum suorum Deum ipsum
esse dicit, quem propter peccata, quæ commiserat,
digne satis a se recessisse conqueritur et dolet. Huc
usque clamorem poenitentis audivimus ; hinc autem
Salvatore nostrum de sua passione loquentem audi-
amus. Et certe Salvator noster pro peccatoribus
passus est, qui ideo hæc in loco passionem suam
narrare videtur, quatenus huic tam digne poenitenti
consolatio detur.

« Amici mei, et proximi mei adversum me appro-
« pinquaverunt, et steterunt. » Nihil est, inquit, o
homo, quod quereris ; nihil est quod de tuis miseriis
lameris ; vide me afflictum, vide me crucifixum,
vide me peccata tua portantem, vide me mundi
miserias ferentem et auferentem. Consolare igitur,
spem habeto, non frangaris adversis. Non tibi notum
est quomodo « Amici mei, » Judei (ironia est) (sic
enim et Judam amicum vocavit : « Amice, ad quid
venisti ? » [Matth. xxvi, 50] cum utique amicus
non esset), et proximi mei (secundum carnem)

aliquando vix orare permittimur. De corporibus
cogitare non novimus nisi imagines, et sæpe irruunt
quas non quarimus, et volumus ex hac in hanc ire,
et ab illa in illam transire, et aliquando vis redire
ad id quod cogitabas, et dimittere unde cogitas, et
aliud ubi occurrat, vis recordari, quod oblitus eras,
et non venit in mentem, et venit potius aliud quod
nolebas. »

adversum me appropinquaverunt, et steterunt. » Non enim appropinquaverunt ut crederent, sed potius ut occiderent. « Et proximi mei a longe steterunt. » Hoc autem de discipulis intelligitur, qui, « eo relicto, » sicut in Evangelio legi tur, « fugerunt omnes (Matth. xxvi, 36). »

« Et vim faciebant, qui querebant animam meam. » Vim quidem faciebant, quia et ipsum violenter post se trahebant, et discipulos, ut modo diximus, fugere coegerunt. « Et qui inquirebant mala mihi, » locuti sunt vanitatem. » Et quid aliud, nisi vanitatem locuti sunt Judæi, contra eum frementes, insanientes, Crucifixe clamantes, falsos testes producentes, et multis opprobriis et blasphemis ei illudentes? « Et dolos tota die meditabantur. » Quia enim, sicut scriptum est, nullam causam mortis inveniebant in eum, ideo tota die dolos meditabantur, quibus eum accensarent et interficerent.

« Ego autem velut surdus non audiebam. » Non audisse sese dicit, quia eorum blasphemis et interrogationibus respondere noluit. Usitata locutio est, ut ea nos non audire dicamus, ad quæ respondere non curamus. Unde et quidam illorum dicebant: « Nonne audis, quanta isti adversus te testificantur? » (Matth. xxvi, 62.) « Et sicut mutus non aperiens os suum. » Ipse est enim de quo scriptum est: « Tanquam ovis ad victimam ductus est, et sicut mutus non aperuit os suum (Isa. LIII, 7), » Unde et subditur:

« Et factus sum ut homo non audiens, et non habens in ore suo increpationes. » Tanta namque patientia eorum verba sustinebat, ac si nihil haberet quod eis responderet, vel unde eos increpare potuisset, qui omnium secreta videbat, et unumquemque de omnibus, quæ male egerat, reprehendere poterat.

« Quoniam in te, Domine, speravi, dixi: Tu exaudies me, Domine Deus meus. » Ideo, inquit, neque illos redarguere, neque me in aliquo defendere volui: quia non in me, sed in Domino speravi, cujus virtutem et potestatem super illos et super omnia esse sciebam, qui me sufficienter defendere poterat. « Dixi: Tu exaudies me, Domine Deus meus. » Et hoc, quasi dicat: Sufficiens mihi erat, qui secundum meam voluntatem exaudiendum me esse sciebam. Cur enim in loquendo, vel respondendo, vel aliquo alio modo se fatigaret, cui sola voluntas et cordis oratio sufficiebat?

« Quia dixi: Ne aliquando insultent in me inimici mei. » Hæc igitur voluntas illius, hæc oratio versabatur in corde ejus, ne inimici ejus insultare potuissent. Quod autem ait, « Ne aliquando, » intelligendum est post passionem et resurrectionem, siquidem illis tribus diebus data est illis potestas facere in eum quod facere voluissent. Unde et ipse dixit: « Hæc est hora vestra, et potestas tenebrarum (Luc. xxii, 33). » Et alibi: « Sicut fuit Jonas in ventre ceti tribus diebus et tribus noctibus, ita erit Filius hominis in corde terræ (Matth. xii, 40). »

(522) Cod. Ghis., et contra legem arguentem.

A Il est in affectu et voluntate Judæorum, ut faciant in eum quod voluerint. Post passionem vero et resurrectionem nequaquam ei Judæi insultare poterunt; cum et ipsi propter hoc peccatum ubique dispersi sunt, et Christi nomen et gloria ubique prædicetur. « Et dum commoverentur pedes mei, in me magna locuti sunt. » Pedes Dei, apostoli sunt, 374 qui ejus Evangelium in omnem terram detulerunt. De quibus dicitur: « Quam pulchri pedes evangelizantium pacem, evangelizantium bona (Rom. x, 15). » Isti autem pedes tunc moti sunt, quando Dominus ait: « Si me queritis, alite hos abire (Joan. xviii, 8). » Deinde vero impii Judæi et magna, et mala, et stulta, et nefanda, sicut in ejus passione legitur, contra Dominum locuti sunt.

B « Quoniam ego ad flagella paratus sum, et dolor meus ante me est semper. » Non me, inquit, præparavi ad resistendum, sed ad flagella suscipiendum. Poterat enim resistere, facileque omnes suos perdere inimicos, si voluisset; sicut beato Petro pugnanti, et gladio eum defendere volenti ait: « Mitte gladium tuum in locum suum. An putas, quia non possum rogare Patrem meum, et exhibebit mihi modo plusquam duodecim legiones angelorum? Quomodo ergo implebuntur Scripturæ, quia sic oportet fieri? » (Matth. xxvi, 52.) Et quasi dicat: Nisi hoc fiat, ego a dolore, quem habeo de diaboli potestate, et humani generis perditione liberari non possum. Et hoc est quod ait: « Et dolor meus ante me est semper. » Semper quidem, donec moriendo vincam, et eos, qui captivi tenentur, eripiam.

C « Quoniam iniquitatem meam ego pronuntiabo, et cogitabo pro peccato meo. » Hoc tale est ac si diceret: Quasi iniquum et peccatorem, et in Deum blasphemantem (522), me damnant et judicant; sed ego ipse pronuntio et notum facio quæ sit iniquitas mea, et quod sit peccatum meum. Volui mundum esse salvum, et genus humanum de diaboli eripere potestate, et hoc est peccatum meum, pro hoc, si necesse fuerit, ego ipse cogitabo.

D « Inimici autem mei vivunt, et confortati sunt super me, et multiplicati sunt qui oderunt me inique. » Hæc autem sub interrogatione, cum quadam indignatione legenda sunt. « Inimici, inquit, mei vivunt? » Non vivant, sed morte morientur, et temporali videlicet et æterna. « Et confortati sunt super me? » Non confortati, sed humiliati et dissipati. « Et multiplicati sunt, qui oderunt me inique? » Non multiplicati, sed, sicut digni sunt, modis omnibus minorati. Et certe, sicut videmus, gens illa modo non crescit; quæ ante Christi passionem quasi herba (523) crescebat et pullulabat.

« Qui retribuiebant mihi mala pro bonis, detrahebant mihi. » Quod enim Judæi mala pro bonis ei retribuere, ipse Dominus ostendit, dicens: « Multa bona opera operatus sum vobis, propter quod horum me vultis occidere? » (Joan. x, 32.) Detractiones vero illorum, quia satis notæ sunt, nobis exponere non

(523) Id. cod., terræ.

est necesse, quoniam subsecuti sunt iustitiam.

« Non derelinquas me, Domine Deus meus, ne discesseris a me, intende in adiutorium meum, » Domine Deus salutis meae. » Docet nos Salvator noster, quod illi qui iustitiam habent, confidenter Dei adiutorium querere possunt, in eo quod se ipsum in exemplum ponit, et quia iustitiam subsecutus est, a Domino non relinquitur.

PSALMUS XXXVIII.

PRO IDITHUM CANTICUM DAVID.

Idithum (524) *transiliens eos* interpretatur. Hunc itaque psalmum cantat David in laudibus illorum qui eos transiliunt, et quasi non audientes praetercunt, qui contra eos vanitates loquuntur, et qualibet fatuitate ad indignationem provocare nituntur. Per hos autem perfectiores quosque intelligere possumus, qui silentium elegerunt, ne vel verbi levitate peccarent. De talibus enim Jeremias ait: « Bonum est homini, cum porta veritatis jugum ab adolescentia sua: sedebit solitarius, et tacebit (*Thren. iii, 27*). »

« Dixi: Custodiam vias meas, ut non delinquam in lingua mea. » Dixi, inquit, mente proposui, et corde stabilivi, firmiterque firmavi in tantum custodire vias meas et opera mea, ut non delinquam in lingua mea. Hoc enim valde difficile est ut lingua homo non peccet. « Qui enim in verbo non offendit, dicit Scriptura, hic perfectus est vir (*Jac. iii, 2*). » Et: « Qui custodit linguam suam, custodit animam (*Prov. xiii, 3*). » Et: « Mors et vita in manus linguae (*Prov. xviii, 21*). » — « Qui enim putat se religiosum esse, non refrenans linguam suam, sed seducens consorium, hujus vana est religio (*Jac. i, 26*). »

« Posui ori meo custodiam, cum consisteret peccator adversum me. » Hoc est enim quod alibi dicitur: « Sepi aures tuas spinis (525), et fac ori tuo ostium et spinas. » Et hoc quidem debent facere viri sancti, quando eorum verba magis generant scandalum quam utilitatem. Unde et Dominus ait: « Nolite sanctum dare canibus, neque spargere margaritas ante porcos (*Matth. vii, 6*). » Fugiamus igitur habere sermonem cum illis, qui verbis nostris non edificantur; sed potius ad blasphemias et opprobria concitantur. Unde et subditur:

« Obmutui, et humiliatus sum, et siliu a bonis, et dolor meus renovatus est. » Quia, inquit, peccator ad resistendum, et veritatem impugnandam stabat contra me, et ego intelligebam neque sibi tunc, neque aliis verba mea proficere posse, obmutui, et sic humiliatus sum, ac si illius insipientiae respondere

(524) Per hujus Hebraici nominis, nempe Idithum, seu Idithum translatione in linguam latinam S. August. psalmum hunc exponens, ita inquit: « Sicut inquirentes reperire potuimus in eis nominibus, quae nobis a studiosis divinarum litterarum ex Hebraeo eloquio in Latinum interpretata sunt, Idithum interpretatur *transiliens eos*. Nunc vero hanc vocem alii aliter, nempe *lex ejus*, aut *laudem domus* interpretantur. » Quod videre licet in versione litterali nominum Hebraicorum, etc., ad calcem dictionarii Biblici a doctissimo Calmeto coninnati. Ceterum audiendus est sanctus Ambrosius in hunc psalmum ita scribens:

A non possem. Et siliu a bonis, quia ipsa verba sancta et catholica inter porcos seminare et spargere cessavi. Hoc enim fecit et Apostolus, cui, cum Judaei acquiescere noluissent, ait: « Vobis primum oportuerat praedicari verbum Dei, sed quia repulistis illud, et indignos vos fecistis aeternae vitae, sanguis vester super caput vestrum, ecce convertimur ad gentes (*Act. xiii, 46*). » — « Et dolor meus renovatus est. » Super illorum videlicet perditione, qui tam obstinati veritati resistebant, et suae salutis medicinam recipere nolebant.

« Concaluit cor meum intra me, et in meditatione mea exardescet ignis. » Concaluit, inquit, cor meum intra me, sancti Spiritus inflammatione, et in ipsa mea meditatione ignis charitatis et amoris ardere cepit, et adhuc pro illis orarem, quatenus eorum corda Deus molliret, et ad sui notitiam et veritatis viam eos revocaret.

« Locutus sum in lingua mea; notum fac mihi, Domine, finem meum, et numerum dierum meorum, quis est, ut sciam quid desit mihi. » Non pro se, sed pro aliis viri sancti et perfecti, qui in hoc psalmo loquuntur, in hac vita esse cupiunt. Unde quia aliis proficere non possunt, pro seipsis orant, ut tandem in illam beatitudinem suscipiantur. « Locutus sum, inquit, in lingua mea: » in lingua interioris hominis te rogavi ut finem meum mihi notum faceres. Quanto tempore in hac vita sumus, ad quem finem perveniamus certi non sumus. Quicunque igitur, ut Apostolus, ait: « Cupio dissolvi, et esse cum Christo (*Philip. i, 23*); » ille procul dubio summum finem videre desiderat. Cupit praeterea videre et numerum dierum suorum, illum videlicet numerum, qui est, et semper est, et finem non habet. Isti enim dies non habent numerum, quia quando unus est, alter jam transit, et alter nondum est. Quando autem non est, quomodo numerari potest? Potest enim dici, quia fuit vel futurum est; sed non potest dici, quoniam est. « Ut sciam quid desit mihi. » Quicunque ad illam beatitudinem pervenerit, pro certo cognoscet quantum in hac vita sibi defuerit. Erit enim Deus omnia in omnibus, et nullus aliquo indigebit.

« Ecce veteres posuisti dies meos, et substantia mea tanquam nihil ante te est. » — « Quod enim inveterascit, dicit Apostolus, et senescit, prope interitum est (*Hebr. viii, 13*). » Unde et dies suos jam ad finem venisse ostendit, dum eos inveteratos esse dicit. Substantia vero ista nostra temporalis,

« Quem psalmum David scripsit, et Idithum viro disciplinis leviticis et sacerdotalibus erudito canendum dedit, qui ante arcam Domini psalmodum seriem pangendi solertissimus praecinebat. Ergo quia non Idithum scripsit hunc psalmum, sed propheta David, et Idithum viro canendi perito psallendum dedit; ideo sic inscriptus est titulus. » Amnos. enarr. in psalm. xxxviii. Vid. Calmet. Dict. v. *Idithum*.

(525) Vulgata, Eccli. cap. xxviii, 28, ita habet: « Sepi aures tuas spinis, linguam nequam noli audire, et ori tuo facito ostia et seras. »

tanquam nihil est ante Deum, quia non solum hoc, verum etiam sicut propheta ait: « Omnes gentes, quasi non sint, sic sunt coram eo (Isa. xl, 17). » Quia enim Deus æternus est, et omnia ante eum æterna sunt, temporalia et transitoria ante eum pro nihilo computantur.

« Verumtamen universa vanitas omnis homo vivens. Quamquam in imagine Dei ambulat homo, tamen vane conturbabitur. » Quamvis, inquit, hæc nostra substantia nihil sit, homo tamen fatuus et vanus in ea laborat et conturbatur. Universa namque vanitas est homo quanto tempore vivit; quia nisi prius mundo, carnisque concupiscentiis moriatur, a vanitatibus non recedit. Bonum est homini sic mori, quoniam qui sic moritur, melius vivit. Et valde quidem inconveniens est, ut homo ad imaginem Dei factus, circa hæc tam vana et inutilia occupetur et conturbetur. Debet (526-27) enim ad illum respicere, ad cuius imaginem factus est; quam quidem imaginem tenere et custodire si potuisset, nihil unquam sibi deesset.

« Thesaurizat, et ignorat, cui congregabit ea. » Laborat, inquit, fatigatur (528), ut has cito secum perituras divitias congregare valeat, et ignorat cui congregat eas, quia quas filiis et nepotibus se relinquere sperat, suis potius adversariis et inimicis derelinquit.

« Et nunc quæ est exspectatio mea? Nonne Dominus? et substantia mea tanquam nihilum ante te est. » Illi, inquit, faciant quod velint; habeant has divitias, quæ sibi placent: mihi vero non placent; quoniam omnis substantia mea, omnes divitiæ et exspectatio mea Dominus est; quem si habuero, satis mihi est, omnemque 376 meam substantiam pro nihilo duco, quoniam substantia mea, ut modo diximus, tanquam nihilum ante te est. Quod autem tanquam nihilum ante te est, ante me quoque tanquam nihil est.

« Ab omnibus iniquitatibus eripe me, opprobrium insipienti dedisti me. » Aliis, inquit, sicut tibi placet, has tales divitias tribue; mihi vero hoc solum præsta ut ab omnibus meis iniquitatibus me eripias, et ad fatuos et insipientes me ulterius non mittas. Et hoc est quod dicit: « Opprobrium insipienti dedisti me. » Unde et ego submutui, et non aperui os meum. Cur enim eis loquerer, qui me audire nolebant, qui te blasphemabant, et me verberabant, mihi illudebant, et te maledicebant.

« Obmutui, et non aperui os meum; quoniam tu fecisti me; amove a me plagas tuas; a fortitudine enim manus tuæ ego defeci in increpationibus. » Pulchre autem dixit: « Quoniam tu fecisti me, » ut hoc facilius in adiutorium moveatur, quod factor et Creator memoratur. Si enim homines et cuncta animalia inde filios suos in tantum diligunt, quia eos genuerunt; quanto magis eum, qui omnia creavit et

A fecit, quod omnem suam diligit creaturam credere debemus? Et si omnem diligit, præcipue illam diligit, quæ cæteris melior esse videtur. « Amove a me, inquit, plagas tuas. » Istæ, quasi dicat, plagæ tuæ sunt; tu mihi eas facis, tu, inquam, qui facis immisiones per angelos malos: qui Job ad flagellum a Satanæ tradidisti, et malignos spiritus in porcos misisti: cui non immerito quotidie dicimus: « Ne nos inducas in tentationem, sed libera nos a malo (Luc. xi, 4). » A fortitudine manus tuæ, quæ me tam graviter affligi permittit, ego defeci in increpationibus et castigationibus tuis. Scio enim quia corrigis et castigas omnem filium quem recipis, et quia sine causa nihil facis. Et hoc est quod dicit:

B « Propter iniquitatem corripisti hominem, et tamen desecere fecisti sicut araneam animam meam. » Sic est humana natura in primo homine violata, ut nullus hominum sit, qui quantum in se est, flagellis dignus non sit. Qui igitur non flagellatur, non est meritis, sed soli Dei misericordie imputare debet. Aranea vero in hoc loco bonam videtur habere significationem. Illa itaque anima sicut aranea tabescit, quæ in instantia operis divinitus sibi injecti se quotidie affligere non cessat. Hoc autem de illis convenienter intelligere possumus, qui vigiliis, jejuniis et orationibus dediti in lege Domini meditantur die ac nocte.

« Verumtamen universa vanitas omnis homo vivens. » Hoc autem in alia translatione non habetur; et tale videtur esse ac si diceret: Quamvis in Dei servitio boni quotidie laborantes seipsos mererent et affligant; mali autem nullum inde bonum exemplum capientes in sua nihilominus vanitate persistunt.

« Exaudi, Deus, orationem meam, et deprecatur eam meam, auribus percipe lacrymas meas, ne sileas a me. » Quatuor orationes in hoc uno verbo continentur, quibus pene unum et idem significatur, in quibus nimirum docemur quanta instantia Deum orare debeamus.

« Quoniam incola ego sum in terra, et peregrinus sicut omnes patres mei. » Dignus est ut exaudiat qui in terra incola est, et mente et spiritu apud Deum est. Incola autem dicitur, qui non propriam, sed alienam terram colit. Tales erant illi, qui dicebant: « Non habemus hic permanentem civitatem, sed futuram inquitimus (Hebr. xiii, 14). » Est autem et peregrinus, quoniam a patria longe est, et ad patriam redire festinat. Hinc autem est quod patriarchæ et prophætæ peregrinos se esse dicebant, quoniam ad hæreditatem sibi promissam properabant, per quam nostram quoque hæreditatem significabant.

« Remitte mihi ut refrigerer priusquam abeam, et amplius non ero (529). » In illam hæc civitatem sive civitatem, sicut scriptum est (Apor. xxi), non intrabit

quod sciebat non esse iis, qui secundum Aaron erant, sacerdotibus attributum; sed Evangelio reseratum. D. AMBROS. in hunc locum.

(526-27) Cod. Glis., *Deberet.*

(528) Id. cod., *et conturbatur.*

(529) Merito ergo David remitti sibi postulat,

aliquis coinquinatus et immundus. Unde priusquam illuc eat, omnia vitia et peccata, quibus anima uritur, sibi a Domino remitti exorat. Illa vero anima refrigerium sentit, quæ se a vitiorum æstu carnisque concupiscentiis liberatam esse cognoscit. Quod autem ait : « Et amplius non ero, » hoc est intelligere : Nisi priusquam eam, id est de corpore exeam, peccata mea mihi remiserit, amplius ibi cum electis tuis esse non potero. In hac igitur vita his qui salvandi sunt omne peccatum remittitur; sed non omnibus remittitur poena peccati.

PSALMUS XXXIX.

IN FINEM PSALMUS DAVID.

Iste titulus superius expositus est.

« Expectans expectavi Dominum, et respexit me, et exaudivit deprecationem meam, et eduxit me de laeu miserie, et de luto facis. » Ecclesia loquitur in hoc Psalmo, cujus membra sunt omnes qui ad vitam prædestinati sunt, a primo homine 377 usque ad finem sæculi. « Expectans, inquit, expectavi Dominum. » Omnes enim patriarchæ et prophetæ, aliique omnes, quos S. Spiritus illuminavit, Christi adventum cum magno desiderio expectabant. Unde et ipse Dominus ait : « Multi prophetæ et reges voluerunt videre quæ vos videtis, et non viderunt, et audire quæ auditis, et non audierunt (Matth. xiii, 17). » Sciebant enim quia, nisi ipse veniret, a peccato primi hominis liberari non poterant. De his erat vir ille justus Simeon, « qui responsum acceperat a Spiritu sancto, non visurum se mortem, nisi videret Christum Domini (Luc. ii, 26). » Hunc autem illi expectabant, et Dominus respexit eos, et exaudivit deprecationem illorum, mittens eis in tempore præfinito, quem tanto tempore expectaverunt. Unde et Apostolus ait : « Cum autem venit plenitudo temporis, misit Deus Filium suum, natum de muliere, factum sub lege, ut eos qui sub lege erant redimeret (Galat. iv, 4). » Et eduxit eos de laeu miserie; per quem infernum intelligimus, in quo omnes sanctorum animæ usque ad id temporis captivæ tenebantur. Et de luto facis; per quod pravam et erroneam Judæorum doctrinam significat. Quid enim est lutum facis, nisi vini purgamentum? Non est igitur vinum hæc doctrina, quam Judæi habent; sed vini potius fæx et purgamentum vini, videlicet legis et prophetarum, quod quidem illi soli bibunt, qui non ad litteram, sed spiritualiter Scripturas intelligunt. De hoc igitur lutoeducti sunt, qui illorum intelligentiam et errorem non sequuntur.

« Et statuit supra petram pedes meos, et direxit gressus meos, et immisit in os meum canticum novum, hymnum Deo nostro. » Ecclesiæ pedes, oculi, manus, et lingua SS. apostoli sunt, eorumque successores. Hos autem statuit Dominus super illam petram, de qua Apostolus ait : « Petra autem erat Christus (I Cor. x, 4). » Unde et alibi dicitur :

(530) « Nomen Domini inter cætera Salvator æternus est : et ille spem suam ponit in ejus nomine,

A « Fundamentum autem aliud nemo potest ponere, præter id quod positum est, quod est Christus Jesus (I Cor. iii, 11). » Ecce super petram pedes tuos posuit, et quid postea fecit? « Et direxit gressus meos; » fecit tibi aliud? « Et immisit in os meum canticum novum. » Ad quid? « Hymnum Deo nostro. » Pulcher ordo locutionis : pedes firmavi, gressus direxit, canticum docuit, et soli Deo cantare præcepit. Canticum novum, canticum prius inauditum, evangelica prædicatio est, in qua Christi nativitas, passio, resurrectio, et ascensio declaratur. De quo et alibi dicitur : « Dominus præcepit cantare canticum novum, » et Judæi infelices nolunt cantare nisi canticum vetus. Canticum vetus cantare est in vetustate litteræ, et non in novitate spiritus ambulare. B Vetus igitur canticum cantant, qui juxta litteram legem intelligunt.

« Videbunt multi, et timebunt, et sperabunt in Domino. » Multi enim cæci erant, et in erroris tenebris sedebant, qui, audita prædicatione, et in nomine Domini baptizati, illuminati sunt. Et Deum timere et in ipso solo spem habere cœperunt, qui prius falsos deos offendere timebant, et in incerto divitiarum spem habebant. De talibus ad Timotheum Apostolus ait : « Præcipe divitibus hujus sæculi, non superbe sapere, nec sperare in incerto divitiarum (I Tim. vi, 17). »

« Beatus vir, cujus est nomen Domini spes ejus, et non respexit in vanitatem et insanias falsas. » C Sit igitur nomen Domini spes nostra, et in cunctis nostris necessitatibus ipsum invocemus (530); quia, sicut Apostolus ait : « Quicumque invocaverit nomen Domini, salvus erit (Act. ii, 21). » Illi autem respiciebant in vanitatem et insanias falsas, qui idola vana, muta et surda colebant, et falsos deos adorabant. Possumus autem per insanias falsas etiam arrepitias intelligere, a quibus miseri homines responsa poscebant. « Multa fecisti tu, Domine Deus meus, mirabilia tua, et cogitationibus tuis non est qui similis sit tibi. » Quis mirabilia Dei enumerare valebit? Nihil fecit Deus quod mirabile non sit. Sed illud mirabilius, quod tantum se humiliavit, quod carnem nostram suscepit, quod miseras nostras sustinere voluit. Sed et illud valde mirabile est, quod taliter et per tales mundum convertit, et ab antiqua sua superstitione separavit. Quis talia unquam cogitare potuit? Quis tantam misericordiam mente concepit? Quis, non dicam pro malis servis, sed pro filiis charissimis, sic se humiliavit? Dicat ergo Ecclesia, dicant apostoli : « Multa fecisti, tu Domine Deus meus, mirabilia tua, » qui nobis ad evangelizandum tantam efficaciam virtutemque dedisti, et tam fragili ministerio tibi omnia subjungasti, et hoc est quod dicit :

« Annuntiavi, et locutus sum, multiplicati sunt super numerum. » Annuntiantibus apostolis et fidem Christi prædicantibus, multiplicati sunt fidei qui se non suis meritis, sed ab eo per ejus gratiam credit esse salvandum. Cassiod.

les, tantaque fuit credendum multitudo ut, sicut stellæ, numerari non possit. Sunt etiam in hoc multiplicati super numerum, quia valde major est numerus baptizatorum, quem sit numerus electorum; unde et Dominus in Evangelio ait: Quia « multi sunt vocati, pauci vero electi (Matth. xx, 16). »

— « Sacrificium et oblationem noluisti, corpus autem perfecisti mihi. » — « Finis autem legis, ut Apostolus ait, Christus est, ad justitiam omni credenti (Rom. x, 4). » In Evangelio quoque dicitur: **378** « Lex et prophetæ usque ad Joannem (Luc. xvi, 16). » Sacrificia itaque et oblationes usque ad Christum suum tempus habuerunt, quia Christi passionem significabant. Deinde vero necessaria non fuerunt, quia debuit cessare umbra, veniente veritate. Bene igitur hic dicitur: « Sacrificium et oblationem noluisti, » quia quod prius in significatione erat, in veritate agere cepit. Et hoc est quod ait: « Corpus autem perfecisti mihi. » Quod tale est ac si diceret: Pro illis omnibus sacrificiis, quæ usque ad id temporis fiebant, corpus tuum et sanguinem tuum mihi dedisti.

« Holocausta etiam pro peccato non postulasti. » Ut quid enim postularet holocausta ulterius pro peccato, qui suo sanguine omnia peccata delet? Dicit autem holocaustum totum incensum, quia hæc talis hostia tota Domino incendebatur. « Tunc dixi: « Ecce venio. » Huc usque Ecclesia locuta est; nunc autem loquitur Salvator noster, et ad primum hujus psalmi versum respondet; et tale est ac si dicat: Tu expectans expectasti me, et meum adventum desiderasti, et ego tunc dixi: Ecce venio, carnem suscipio, et ad te liberandum festino.

« In capite libri scriptum est de me, ut faciam « voluntatem tuam, Deus meus, volui, et legem tuam « in medio cordis mei. » Dixit modo Salvator noster secundum divinitatem: « Ecce venio (531); nunc autem humanitas divinitati conjuncta obsequium sibi, et obedientiam promittit dicens: « In capite libri hujus scriptum est de me, ut faciam voluntatem tuam; ego autem Deus meus, » summo quasi dicat desiderio: « Hoc volui, » et volo, et quod mihi præceperis per omnia et in omnibus facere parata sum. Quod autem in capite hujus libri dicitur: Sed in lege Domini fuit voluntas ejus; hoc est quod hic dicit, « ut faciam voluntatem tuam. » Et hoc quod dicitur: In lege ejus meditabitur die ac nocte; hoc est quod hic dicit: « legem tuam in medio cordis mei. » Et hæc quidem satis convenientia sunt. Hæc pauca verba ad nostram consolationem Salvatoris nostri divinitas et humanitas inter se dixerunt; et illa veniendo quod promiserat implevit; et hæc obediendo, ejus voluntatem faciendo, nos moriendo redemit. Nunc autem ad verba apostolorum redeamus, et quid amodo velint audiremus.

« Bene nuntiavi justitiam tuam in Ecclesia ma-

(531) « Scriptum profecto de Christo est in principio Veteris Testamenti, quod venturus esset, ut

« gna. Ecce labia mea non prohibebo. » Dixerat modo superius Ecclesia sive apostolorum cœtus: « Annuntiavi, et locutus sum, multiplicati sunt super numerum; » nunc autem non solum nuntiasset, sed bene nuntiasset dicit. « Bene, inquit, nuntiavi, » quia quæ verbo dixi, opere complevi: « bene nuntiavi, » quia personam hominis non accepi. Illoc autem in Ecclesia magna, in Ecclesia catholica, et per totum mundum diffusa. « Ecce labia mea non prohibebo. » Ego, quasi dicat, in predicatione nihil habeo, nisi labia sola, cætera tua sunt; tu mihi dixisti: « Aperi os tuum, et ego adimplebo illud (Psalm. lxxx, 41). » Tu mihi præcepisti ut quod dicerem non cogitarem; non enim nos sumus, qui loquimur, sed Spiritus tuus, qui loquitur in nobis (Matth. x, 20), Tu igitur loquere, quia ego ad loquendum labia mea non prohibebo, et quæcumque mihi inspiraveris, dicere non timebo.

« Domine, tu cognovisti; justitiam tuam non abscondi in corde meo: veritatem tuam, et salutare tuum dixi. Non celavi misericordiam tuam, et veritatem tuam a Synagoga multa. » Ecce satis probatum est, quia bene nuntiavit justitiam Dei in Ecclesia magna; et inde Deum testem invocat, quia justitiam non abscondit, veritatis et salutis verba dixit, misericordiam et veritatem non celavit. Qui enim sic annuntiat, bene annuntiat, et melius annuntiare non potest.

« Tu autem, Domine, ne longe facias misericordias tuas a me. » Sed, sicut solitus es, semper in loquendo adjuva me, et ab insurgentibus adversariis protege me. Promiserat enim quod labia ad loquendum non prohiberet, et quia non dubitat post verba, verbera sibi esse parata, rogat ut misericordia præsto sit et non longius recedat. Quod autem ait: « Misericordia tua et veritas tua semper susceperunt me: » inde se hanc loquendi audaciam, sive potius fiduciam habuisse ostendit, quod Dei misericordia et veritas nunquam eum dereliquit. Sic enim ipse Dominus eis promiserat: « Non vos deseram, neque derelinquam (Joan. xiv, 18): » — « Et ecce vobiscum sum usque ad consummationem sæculi (Matth. xviii, 20). » — « Quoniam circumdederunt me mala, quorum non est numerus. » Hoc est enim quod Apostolus ait: « Nolo vos ignorare, fratres, de tribulatione nostra, quæ facta est nobis in Asia. Quoniam supra modum gravati sumus, supra virtutem, ita ut tæderet nos etiam vivere (II Cor. i, 8). »

« Comprenderunt me iniquitates meæ. » Justis in principio accusator est sui. Hoc sanctorum proprium est, ut mala quæ sibi accidunt, sibi, et non aliis imputent, et pro suis peccatis sibi acilisse dicant. « Et non potui, ut viderem. » Non potui, inquit, circumspicere, ut viderem aliquem adesse, nisi hostem et inimicum. Unde adhuc subditur:

« Multiplicati sunt super capillos capitis mei, et in redemptione hominum Dei Patris faceret voluntatem. » D. Ambros. in hunc locum.

« cor meum dereliquit me. » Hic modus locutionis A
a grammaticis hyperbole dicitur, et non solum in
paganorum libris, 379 sed in divina quoque pagina
frequenter invenitur. « Et cor meum dereliquit me. »
Cor nostrum tunc nos dereliquisse dicimus, quando
timoris immensitate extra nos sumus, et soliti vigoris
diminutionem patimur. Possumus tamen per cor
nostrum amicos et propinquos nostros intelligere.
De talibus enim dicitur : Quia « in omnibus erat
cor unum, et anima una (Act. iv, 32). » Quando isti
tales ab invicem separantur, unusquisque dicere
potest : « Cor meum dereliquit me. »

« Complaceat tibi, Domine, ut eripias me : Do-
mine, in auxilium meum respice. » Complaceat, in-
quit, tibi, quia jam et mihi placuit, ut eripias me,
quia sine tuo adjutorio liberari non valeo.

« Confundantur et revereantur inimici mei, qui
« querunt animam meam, ut auferant eam. » Hoc
faciunt maligni spiritus, hoc faciunt hæretici et ty-
ranni, qui magis animam quam corpus occidere et
perimere (532) cupiunt. Potest autem hoc et ad bonam
partem intelligi, ut de peccatis erubescant, et ad
Dominum convertantur. Unde et subditur :

« Avertantur retrorsum, et erubescant, qui cogi-
« tant mihi mala. » Avertantur a prava sua inten-
tione, qua ad malum currere festinant; sicut Aposto-
lus ait : « Quem ergo fructum habuistis in his, in
quibus modo erubescitis? » (Rom. vi, 21). Sic enim
erubescere, laudabile est. « Ferant confestum confu-
« sionem suam, qui dicunt mihi : Euge, euge. » Hæc
vox insultantium est, et de victoria gloriantium. Sed
hoc quoque, sicut et superiora, et ad bonam et ad
malam partem accipi potest.

« Exsultent et lætentur, qui querunt te, Domine,
« et dicant semper : Magnificetur Dominus, qui dili-
« gunt salutare tuum. » Sicut enim mœror et tristi-
tia exspectat malos, ita gaudium et æterna lætitia
exspectat bonos, qui Christum Dominum nostrum
diligunt, et quantum possunt extollunt et magni-
ficant.

« Ego vero egenus, et pauper sum, Dominus cu-
« ram habet mei. » Egeni et pauperes erant sancti,
quia non solum rebus necessariis, sed omni quoque
humano auxilio et fortitudine destituti sunt. Et hoc
quidem propter Christum, quia cum ipse omnium
« dives esset, pro nobis pauper factus est (II Cor. viii,
9). » Sed Dominus eorum curam habet, qui « dives
« est in omnibus, qui invocant eum. »

« Adjutor meus, et liberator meus esto, Domine,
« ne tardaveris. » Orat Dominum, ne tardet venire,
et ne moras faciat, sed cito ad iudicium veniat, et
sanctos suos adjuvet et liberet, ne tantas mundi
hujus calamitates alterius pauciantur.

(532) Cod. Ghis., et perdere.

(533) Totus hic psalmus est vaticinium de passio-
ne Christi, ut relata evangelistarum testimonia osten-
dunt; unde Ambrosius dixit : « Aperi aures tuas,

PSALMUS XL.

IN FINEM PSALMUS DAVID.

In finem psalmus iste referendus est, qui de Chri-
sto loquitur, qui initium et finis est.

« Beatus qui intelligit super egenum, et pauperem. »

Ego, inquit Propheta, psalmos compono, de me ta-
men intelligendi non sunt. Beatus autem ille est, qui
super egenum et pauperem, et psalmos, et alias
Scripturas intelligit. Sic enim ipse Dominus ait :
« Oportet impleri omnia quæcunque scripta sunt in
lege, et prophetis, et psalmis de me (Luc. xxiv, 44). »

Saltem hoc Judei attendere debuissent, quod psal-
mi in finem titulantur (533). Si enim de se Propheta
intelligere voluisset, in finem nequaquam dixisset.
Egenum et pauperem Salvatorem nostrum dicit, qui

B ideo pauper factus est, ut fideles suos divites faceret.
Nam et discipulos suos ad exemplum sui pau-
peres esse voluit, quibus ipse ait : « Qui non reli-
querit omnia quæ possidet, non potest meus esse
discipulus (Luc. xii, 44). » Ideoque « relictis omni-
bus, secuti sunt eum (Matth. iv, 24). » Sequitur :
« In die mala liberabit eum Dominus. » Dies iudicii
dicitur dies malus, quia in ipso puniendi sunt mali.
In illa die illi securi erunt, qui fidem Christi sus-
ceperunt, et prophetis, et apostolis crediderunt, et
de Christo (534) Scripturas sanctas intellexerunt.
De quo et subditur :

« Dominus conservet eum, et vivificet eum, et

« beatum faciat eum, et emundet in terra animam

C « ejus, et non tradat eum in manus inimici ejus. »

Videns Propheta per Spiritum sanctum Salvatorem

nostrum passioni appropinquantem, et Judæos ad-

versus eum undique confluentes, istam, quam nunc

audimus, facit pro eo orationem : « Dominus, »

inquit, « conservet eum » ab omnibus periculis,

atque insidiis inimicorum suorum, « et vivificet

eum » die tertia. Hoc autem non dixisset, nisi eum

prævidisset et morituum, quia nihil vivificatur, nisi

prius moriatur. « Et beatam faciat, » super sedem

suam, ad dexteram suam collocando, sicut Apostolus

ait : « Qui cum sit splendor gloriæ, et figura substan-
tiæ ejus, sedet ad dexteram majestatis in excelso

(Hebr. i, 3). » — « Et emundet in terra animam

ejus. » Hoc in alia translatione non habetur. Sed

D unde emundari potest anima Christi, nisi forte a falsa

suspensione Judæorum qui eum 380 seductorem esse

dicebant? « Et non tradat eum in manus inimici ejus. »

Iste autem inimicus diabolus intelligitur, de quo ipse

Dominus ait : « Venit enim princeps mundi hujus, et

in me non habet quidquam (Matth. xiv, 30). » In

ejus manus si Dominus traditus fuisset, nequa-

quam eum alligare potuisset.

« Dominus opem ferat illi super lectum doloris

« ejus, universum stratum ejus versasti in infirmi-

qui incipis sacramenta Dominicæ cognoscere pas-
sionis. Ideo tibi dicitur : Qui habet aures audiendi,
audiat. »

(534) I. l. coa., super Christum.

« tate ejus. » Iste lectus, et hoc stratum Salvatoris nostri carnem significat, in qua velut in lecto nobilissimo ejus sanctissima anima simul cum divinitate quiescebat. Hanc igitur modo dicit lectum doloris, quia pro nobis doluit, et omnes illas in sola carne sustinuit passiones. Quod autem universum stratum ejus in infirmitate versatum esse dicit, totum corpus ejus a planta pedis usque ad verticem afflictum et conturbatum esse ostendit. Unde et crucis passio inter alias passiones durissima esse monstratur.

« Ego dixi : Domine, miserere mei, sana animam meam, quia peccavi tibi. » Tibi, inquit, sic afflictio, sic mortis turpissima condemnatio, dixi ego, et dico : Domine, miserere mei, sana animam meam, quæ nullo alio medicamine, nisi ista quam nunc pateris passione sanari potuit. Sana, inquam, quia peccavi tibi, hoc est enim quod alibi ait : « Tibi soli peccavi (Psalm. l., 6). » Et hoc fuit illud peccatum quod commisit in Uria et Bersabee, pro quo videlicet scripsit illum psalmum, cujus initium est (535) : « Miserere mei, Deus (ibid., 1), » unde et hic dicit : « Ego dixi : Domine, miserere mei. » Ego, inquit, dixi, et tunc dixi : Domine, miserere mei. Huc usque Propheta, nunc autem loquitur Dominus. « Inimici mei dixerunt mala mihi : Quando morietur et peribit nomen ejus? » Similiter dicitur et in alio psalmo, ubi Salvatoris nostri persona introducit : « Amici mei, et proximi mei adversum me appropinquerunt (Psalm. xxxvii, 12). » Qui hic vero nomine vocantur inimici, ibi dicuntur amici, sed per contrarium : inimici, inquit, mei dixerunt mala mihi inter se tractantes quomodo me occiderent. Sic enim scriptum est : Quia « collegerunt pontifices et Pharisei concilium, quomodo Jesum dolo tenerent et occiderent (Joan. xi, 47). » Unde et unus illorum Caiphas nomine dicebat : « Vos nescitis quidquam, nec cogitatis quia expedit vobis ut unus moriatur homo pro populo, et non tota gens pereat (ibid., 50). » Et hoc est quod hic dicitur : « Quando morietur, et peribit nomen ejus? » — « Ab illa namque die, dicit evangelista, cogitarunt interficere eum (ibid., 53). » Quod enim eum occidere cogitabant, hoc erat dicere : « Quando morietur et peribit nomen ejus. »

« Et ingrediebantur ut viderent; vana locutum est cor eorum, congregaverunt iniquitatem sibi. » Describit Salvator noster qualiter facta fuerit proditio sua. Neque dubitandum est eo ordine factam fuisse, quod hic narratur. Et ingrediebantur, inquit, alii ut viderent quid principes sacerdotum et ceteri majores ordinassent, et constituissent, et qua morte

eum occidere voluissent, et quid invenerunt? Vana locutum est cor eorum; vana quidem, quia et ipsum occidere, et ejus nomen positus delere cogitabant. Unde « congregaverunt iniquitatem sibi, » quia iniquitas illorum in capita eorum conversa est. « Et egrediebantur foras, et loquebantur. » Sic, inquit, instructi, totoque malorum consilio cognito, egrediebantur foras, et ceteri, qui ejusdem proditionis et iniquitatis participes erant, et quæ intus cognoverant loquebantur. Et illi quid faciebant? Simul in unum susurrabant. Satis hic manifeste ostendit, quam concordēs omnes fuerint in nece Salvatoris; unde et subditur : « Omnes inimici mei adversum me cogitabant mala mihi. » Nullus erat qui contradiceret, omnibus placebat, una voluntas erat omnium, ut salus mundi occideretur. Hoc igitur ordine Salvator noster captus, ligatus, flagellatus, judicatus, damnatus, spinis coronatus, ad crucis patibulum ductus est. « Verbum iniquum manderunt adversum me. » Verbum iniquum illud fuit, quo omnes una et consona voce crucifige clamaverunt.

« Sed nunquid qui dormit, non adjiciet, ut resurgat? » Hoc est enim quod alibi ait (536) : « Ego dormivi, et somnum cepi, et resurrexi (Psalm. iii, 6). » Mors Christi dormitio fuit : dormivit quantum voluit, surrexit quando voluit; qui si noluisse, nunquam obdormisset (537). « Etenim homo pacis mere, in quo sperabam, qui edebat panes meos, amplavit adversum me supplantationem. » Væ tibi, Judas, contra quem ista dicuntur, qui Dominum et Magistrum pacis osculo tradidisti, qui de te bonam spem prius habebat, et te sicut alios diligebat, suis panibus et spiritualibus et corporalibus nutrebat, et per te quoque baptizabat et miracula faciebat. Tu miser ampliasti adversum eum supplantationem; tu sponte tua te obtulisti ad traditionem; tu dixisti : « Quid vultis mihi dare, et ego vobis eum tradam (Matth. xxvi, 15)? » cum nemo ad tradendum nisi diabolus, et avaritia tua te sollicitaret.

« Tu autem, Domine, miserere mei, et resuscita me, et retribuam illis. » Hæc oratio Christi humanitatis intus fuit, in corde fuit, in sola voluntate fuit, cui ad precandum verba necessaria non erant, qui secundum voluntatem suam omnia habebat. Propter nos igitur hæc scripta sunt; quæ si scripta non fuissent, ad nostram notitiam non pervenissent. Valde autem necessarium fuit, ut hæc, et alia multa, et his similia a prophetis prædicarentur, ut cum facta et adimpleta essent, facilius crederentur, et Judæi, et hæretici inde vincerentur. Credant Judæi, vel ex hoc Christi resurrectionem,

(535) Cod. Chis., quando illum psalmum edidit, cujus initium est Miserere mei.

(536) « Adjunctionem accepit caro, quasi sumpta de homine, suscepta de Virgine; sed quasi Deus adjunctionem ipsam operatus est; qui virtute propria resurrexit, ut esset suæ resurrectionis operator. » Ambros.

(537) S. August. autem egregie hunc locum interpretatur. PATROL. CLXIV.

lostrat : « Ut, inquit, quid dormivi? Quia Adam forma erat futuri : et Adam dormivit, quando de latere ejus Eva facta est. Adam in figura Christi, Eva in figura Ecclesie; unde est appellata mater vivorum. Quando fabricata est Eva? Dum dormiret Adam. Quando de latere Christi sacramenta Ecclesie proflexerunt? Cum dormiret in cruce. »

quod vident se jam suscepisse suam retributionem.

« In hoc cognovi quoniam voluisti me, quia non gaudebit inimicus meus super me. » Quid est, in hoc cognovi, nisi in hoc eos qui hæc lecturi et audituri sunt, cognoscere feci? Tale est autem et illud quod dicitur Abraham: « Nunc cognovi, quod timeas Deum (Genes. xxii, 12). » Iste autem inimicus, vel diabolus, vel Judæorum populus intelligitur, qui de Christi morte gaudere non potuerunt, quia eam, quam habebant, virtutem et potestatem, ambo amiserunt.

« Propter innocentiam autem meam suscepisti me, et confirmasti me in conspectu tuo in æternum. » Magna est virtus innocentie, quam ipse Dominus tantum commendat, ut ipsam suam humanitatem per innocentiam Deo placuisse ostendat. Talis enim illa humanitas facta est, in qua nullum locum habere potuisset macula peccati. Si enim talis non fuisset, cur præ cæteris Deo placuisset? Illis igitur verbis nos quoque ad innocentiam Dominus provocat, et illis aliis, quibus in Evangelio discipulis ait: « Nisi conversi fueritis, et efficiamini sicut parvuli, non intrabitis in regnum celorum (Matth. xviii, 3). »

« Benedictus Dominus Deus Israel a sæculo, et usque in sæculum: fiat, fiat. » Dignum fuit ut Salvator noster Deus benediceret propter suæ humanitatis resurrectionem, et in cælis susceptionem, et ad Patris dexteram confirmationem. Israel autem, qui *vir videns* interpretatur (538), non Judæos, sed Christianos significat, quoniam illi excæcati, isti vero ad videndum et cognoscendum illuminati sunt. Unde et Dominus ait: « In iudicium ego veni in hunc mundum, ut qui non vident videant, et qui vident cæci fiant (Joan. ix, 39). »

PSALMUS XLI.

IN FINEM INTELLECTUS FILIIS CORE (539).

Core Calvarie interpretatur. In Calvarie autem loco Dominus noster crucifixus est: ibique Ecclesiam sibi genuit et redemit. Hujus igitur psalmi intelligentia filiis Core attribuitur (540); id est populo Christiano, qui in hoc psalmo dicit: « Quoniam ingrediar in locum tabernaculi admirabilis usque ad domum Dei. »

« Sicut cervus desiderat ad fontes aquarum: ita desiderat anima mea ad te, Deus. » Desiderant cervi ad fontes aquarum, sed non semper. Quando enim suo more serpentes devorant, et crassantis in se veneni æstuationem nimiam patiuntur, tunc ad fontes aquarum venire desiderant; ut aquæ refrige-

rio sitim, caloremque extinguant. Venenum autem animæ est omne vitium et peccatum. His autem carere non valemus, nisi ad Deum accedamus, et ad ipsum confugiamus, et ejus aquas bibamus, de quibus Dominus ait: « Qui Liberit ex aqua quam ego dabo ei, non sitiet unquam (Joan. ix, 14). »

« Sitivit anima mea ad Deum vivum. » Hanc sitim patiebatur ille qui dicebat: « Cupio dissolvi, et esse cum Christo (Philip. i, 23). » Similiter autem et Isaias, qui ait: « Utinam disrumpere cælos, et descenderes (Isa. lxiv, 1). » Hanc et multi alii, quibus hæc vita oneri erat, et ad illam totis viribus anhelabant. « Sitivit anima mea ad Deum vivum; » et sitiendo dixit: « Quando veniam, et apparebo ante faciem Dei? » Merito Deus vivens dicitur Dominus, quoniam in ipso est omnis vita, et in ipso vivunt omnia, et sine quo nihil vivere potest.

« Fuerunt mihi lacrymæ meæ panes die ac nocte: dum dicitur mihi quotidie: Ubi est Deus tuus? » Solebant pagani insultando dicere Christianis: Ubi est Deus vester? Exsurgat nunc si potest, et a. Juvet vos; et si Deus est, liberet vos de manibus nostris. Sic et Nabuchodonosor tribus illis pueris dicebat: « Et quis est Deus, qui eripiat vos de manibus meis? » (Dan. iii, 15.) Cui illi sapientissime respondentes dixerunt: « Potens est Deus, si vult, de manibus tuis nos liberare; quod si noluerit, scias (541) quia deos tuos non colimus, et statuam auream quam erexit non adoramus (ibid., 18). » Sed quid faciebant sancti, quando eis talia dicebantur? Flebant et orabant, et ipsis suis lacrymis pascabantur. **382** Non est omnium hujus talis refecionis declaratio; perfectorum est quibus sola Dei contemplatio placet.

« Hæc recordatus sum, et effudi in me animam meam. » Cum mihi, inquit, ab infidelibus talia dicerentur, recordatus sum « quoniam ingrediar in locum tabernaculi admirabilis, et perveniam usque ad domum Dei; » et tunc quidem videbo Deum meum Salvatorem meum, de quo isti mihi modo dicunt: « Ubi est Deus tuus? » Videbunt namque sancti, cum ad illam beatitudinem pervenerint, et corporeis oculis Christi humanitatem, et spiritualibus oculis ejus divinitatem; ut uterque visus utilis sit, et non maneat otiosus. Unde et Joannes apostolus de Domino ait: « Scimus quoniam cum apparerit, similes ei erimus, quia videbimus eum sicuti est (Joan. iii, 2). » Hæc, inquit, recordatus sum, et effudi in me animam meam, et quasi fugientem retinui et ad pristini vigoris fortitudinem revocaui.

tatur.

(539) Præclare disserit S. Aug. de tituli hujus expositione, in quam convenit S. Bruno; at S. doctor multo brevior.

(540) Nimirum levitis cantoribus de progenie Core, de quo in libro I Paralipomenon pluries, et alibi mentio occurrit.

(541) Vulgata legit: notum sit tibi, rex.

(538) *Vir videns* Israel juxta Hebræos, et litterarum fidem, teste S. Hieronymo in cap. xlv Isaiæ, exponitur *rectus Dei*: quam interpretationem ipse S. doctor etiam in cap. ii Malach. præfert ei juxta quam, secundum aliquos *Israel*, idem valet quod *vir videns Deum*. Præterea alii interpretantur *dominans*, vel *prævalens Deo*, id est angelo luctanti cum patriarcha Jacob: atque hæc sententia facile non est rejicienda, cum divinæ Scripturæ, (Gen. xxxi, 28), inui-

« In voce exsultationis et confessionis sonus epulantis. » Ingre-
diar, inquit, in locum tabernaculi a lmi-
rabilibus. Sed quomodo ingrediar? « In voce exsul-
tationis et confessionis. » Docet nos Propheta
cum quanto gaudio et lætitia sanctorum animæ in
illa beatitudine suscipiantur. Unde et subditur:
« sonus epulantis. » Illa, inquit, vox exsultationis
et confessionis sic erit, ut sonus epulantis, nihilo
indigentis, plaudentis, et gaudentis, et deliciis inef-
fabilibus se reficientis. Non potuit invenire aptiorem
similitudinem, qua suæ receptionis dulcedinem et
jocunditatem ostenderet.

« Quare tristis es, anima mea, et quare conturbas
me? Spera in Deo, quoniam confitebor illi. » In
eo quod seipsum hortatur et consolatur, magnum
suis auditoribus præstat exemplum, qualiter se ha-
bere debeant, quando magnis iniquorum opprobriis
et injuriis fatigantur. « Quare tristis es, anima
mea? » Sustine patienter, et non conturberis, quo-
niam hæc omnia cito transibunt; sed potius spera
in Deo, qui nunquam deserit sperantes in se: sæ-
viant adversarii quantum velint, minentur et infe-
rant mortem, et supplicia quæ velint, quoniam ego
confitebor illi et nunquam timore mortis negabo
Deum meum. Dicunt illi: « Ubi est Deus tuus? » Dico
ego quia præsto est, et statim exeuntem animam
meam (542) ad se suscipiet. Nunc autem ad ipsum
Dominum convertitur, sibi que loquitur, et eas, quas
in se ipso fluctuationes patitur, confitetur. O « sa-
lutare vultus mei, et Deus meus, ad me ipsum
« anima mea conturbata est; propterea, » ut eam
consoleris, « memor ero tui, Domine, de terra Jor-
danis et Hermonis a monte modico. » Salvatorem
vultus sui cum esse dicit, quia vultum et imaginem
Dei ad quam facti sumus, nemo est qui retinere va-
leat, nisi ipse eam custodiat et salvet. Unde et
ipsam animam suam, in qua præcipue Dei similitudo
et imago exprimitur, conturbatam et a sua pulchri-
tudine deformatam esse fatetur. Perdit enim homo
vultum et imaginem Dei, quando aliquo peccato
separatur a Deo, atque ejus vultum et imaginem
suscipit, cui se peccando conjungit. Tale est igitur
ac si dicat: Conserva in me, Domine, imaginem
tuam, quam mei tuique inimici auferre conantur.
Quid significat terra Jordanis et Hermonis, ipse ex-
ponit dum dicit: « A monte modico. » Terra enim
Jordanis plana est. Hermon quoque, sicut hic dici-
tur, mons modicus est. Per terram igitur Jordanis et
Hermonis humiles et mansuetos intelligimus. In
tali igitur terra et in tali monte est qui hic loquitur
sedens, et habitans in humilitate et mansuetudine
Deo se servire promittit. Tales enim diligit Deus,
de quo scriptum est: quia deponit potentes de
sede, et exaltat humiles (Luc. 1, 52).

« Abyssus abyssum invocat in voce cataractarum

A « tuarum. Omnia excelsa tua, et fluctus tui super
« me transierunt. » Ecclesia loquitur in persona
martyrum, et tale est ac, si dicat: Omnia excelsa
sapientiæ et scientiæ tuæ super me transierunt,
quoniam abyssus invocat abyssum in voce catarac-
tarum tuarum. Hæc est igitur causa, quod neque
tormentis, neque ipsa morte ab amore Dei separari
potest, quoniam utriusque Testamenti doctrina, quæ
sibi per apostolos nuntiata est, et eam confirmat
atque corroborat; abyssum enim vocat utrumque
Testamentum propter sapientiæ et scientiæ profun-
ditatem. Dei vero cataractæ, sive fenestræ, apostoli
sunt, a quibus tota domus totaque Ecclesia illumi-
natur. In voce itaque cataractarum Dei abyssus in-
vocat abyssum, quia voce et prædicatione apostolo-
rum utrumque sibi respondet et concordat Testa-
mentum.

B « In die mandavit Dominus misericordiam suam,
« et nocte declarabit (543). » Non absconditur quod
in die fit, neque quod in nocte sine lumine declara-
tur. Mandavit igitur Dominus in die misericordiam
suam, quia cunctis gentibus eam revelavit; dum
« proprio filio non pepercit, sed pro nobis omnitus
tradidit illum (Rom. viii, 32). » Declaravit autem et
manifestam fecit eandem suam misericordiam in
nocte, et quotidie declarat et manifestat, dum de
magnis periculis et tribulationibus fideles suos libe-
rat et eripit. Tanti ergo beneficii memor vir sanctus
dicit animæ suæ: « Spera in Deo, quoniam confite-
bor illi. »

C « Apud me oratio (544) vitæ meæ, dicam Deo.
« Susceptor meus es. » Apud me, inquit, et in corde
meo est oratio, quam dicere volo 383 Deo vitæ meæ.
Deus vitæ meæ ille est, qui nobis vitam dedit et
datam custodit, qui inspiravit in faciem primi he-
minis et dedit ei spiraculum vitæ. Sed quæ est illa
oratio? Sequitur: « Dicam Deo: Susceptor meus es,
« quare mei oblitus es, et quare me repulisti, et
« quare tristis incedo, dum affligit me inimicus? Dum
« confringuntur ossa mea, exprobraverunt me qui
« tribulant me, dum dicitur mihi per singulos dies:
« Ubi est Deus tuus? » Huc usque illa oratio exten-
ditur, quam apud se habere, et Deo se dicere pro-
misit. In principio orationis hujus benevolentiam
D captat et susceptorem suum Deum esse dicit. Sus-
ceptor noster non sine causa dicitur Deus, qui nos
suscipit nascentes, suscipit ad Ecclesiam et ad fidem
venientes, suscipit ad se per poenitentiam revertentes,
suscipit de hac vita exeuntes, et tandem in promissam
patriam redeuntes. « Quare mei oblitus es, et quare
me repulisti? » Contraria his quæ modo dicta sunt, di-
cere videtur. Si enim suscepit, quomodo oblitus est,
vel quomodo repulit? Ipsam audiamus. Et « quare, » in-
quit, si me non repulit, tristis incedo, dum affligit me
inimicus? Si me, inquit, non repulisset, in afflictioni-

(542) Cod. Ghis., de corpore.

(543) Ita cod. Vatie. quemadmodum adnotavit
card. Thomassinus, et apud S. August. In Vulgata
habetur: Et nocte canticum ejus.

(544) Id. cod., Deo; ita cum Vulgata versione alii
quoque codices Psalterium juxta Italiam præferun-
tes.

bus meis gavisus fuisset et patienter cuncta sustinuissem. Multos sanctorum legimus, qui inter ipsa sua tormenta gaudebant et majora sibi inferri desiderabant. Dolet igitur mater Ecclesia pro illis, qui ad hanc tantam perfectionem perungere non meruerunt. Sequitur de eadem oratione: « Et quare tristis incedo, dum confringuntur omnia ossa mea? » Non dolet de ossibus, quia confracta sunt, sed hoc potius dolet, quia tristis erat, cum frangerentur. Per hanc igitur ossium confectionem, quæ utique gravissima afflictio est, alias omnes sanctorum passionem intelligamus, quas quamvis sancti cum dolore sustinebant, se tamen pro Christi nomine sustinuisse gaudebant. Sequitur adhuc: « Et quare tristis incedo, quia exprobraverunt me, qui tribulant me, dum ab eis dicitur mihi per singulos dies: Ubi est Deus tuus? » Docet nos ut illatas nobis injurias in corde non habeamus, sed quicquid pro Christi fide sustinuerimus, nos sustinuisse gaudeamus. Unde et subditur:

« Quare tristis es, anima mea, et quare conturbas me? » Cesset, inquit, omnis tristitia: cuncta cum gaudio perferamus, quia: non sunt condignæ passionem hujus vite ad futuram gloriam, quæ revelabitur in nobis (Rom. viii, 18). — « Spera in Deo, quoniam confitebor illi: salutare vultus mei, et Deus meus. » Spera, inquit, in Deo, dicit sibi ipsi et animæ suæ, et quia ea quæ egimus minus perfecte egimus, doleamus; spem tamen bonam in hoc habeamus, quia semper confitebimur illi, et neque mors, neque vita poterit nos separare a charitate Dei, quæ est in Christo Jesu (ibid., 39), qui est Salutare vultus nostri et Deus noster.

PSALMUS XLII.

IN FINEM PSALMUS DAVID.

Quid significet in finem, et psalmus David, sæpe jam diximus.

« Judica me, Deus, et discerne causam meam. » Vox alicujus fidelis est, Dei adiutorium implorantis. « Judica, inquit, me, Deus; » hoc autem exponit, « et discerne causam meam. » Non videtur hic aliud iudicium querere, nisi ut inter se et adversarios suos causa discernatur. Scit enim quia nihil contra eos fecit, ut sic eum affligere debuissent. Unde qui iustitiam se habere confidit, ut causa sua discernatur exorat. Hoc autem etiam nunc multoties fieri videmus, ut ab ipsis qui Christiani esse putantur, viri catholici tantas injurias patiantur, ut contra eos Dei adiutorium implorent, et cum pro eis orare debuissent, adversus eos orare cogantur. Sic enim ipse Dominus ait: « Orate pro persequentibus, et calumniantibus vos (Matth. iii, 44). » Sequitur: « De gente non sancta, ab homine iniquo et doloso eripe me. » Et iste quidem non contra nos, sed pro se tantum orare videtur, sibi hoc solum sufficere ostendit, si ipse solummodo liberetur, etiam si de illis vindicta non capitur. « Quia tu es Deus meus, et fortitudo mea. » Tu, inquit, eripe me, qui solus

es Deus et fortitudo mea, quia alia arma mihi non sunt, et alium adiutorem non habeo, et ideo si me reliqueris, nemo erit qui me subveniat. Sed « quare me repulisti? » Et quasi diceret: Non te repuli, subdidit, dicens: « Quare ergo tristis incedo dum affligit me inimicus? » In hoc enim sancti se esse repulsos et gratiam Dei amisisse timent, quod plenam patientiam in suis injuriis non habuerunt, et contristati se vindicari optaverunt. Unde et subditor:

« Emitte lucem tuam, et veritatem tuam: ipsa me deduxerunt et adduxerunt in montem sanctum tuum et in tabernacula tua. » Ut tale aliquid, quasi dicat, ulterius non contingat, et de inimicis meis me vindicare non cupiam; et pro injuriis mihi illatis contristatus non incedam, emitte mihi lucem tuam (545). Quia enim eam quam debuit patientiam non habuit, et lucem et veritatem se amisisse pertimescit. Sic sibi ad invicem lex et veritas conjunctæ sunt, ut sine se esse non possint. Nam et qui videt, non errat, et qui errat, non videt. « Emitte mihi, inquit, lucem tuam, et veritatem tuam, » et sic meæ mentis oculos illumina et me totum in tua veritate confirma, ut nihil quod tibi displiceat agere valeam. « Ipsa me deduxerunt et adduxerunt in montem sanctum tuum et in tabernacula tua. » Quid per montem sanctum Dei et per tabernacula Dei, nisi Ecclesiam Dei intelligamus, unam videlicet per fidem, multas vero secundum locorum diversitates? In hanc autem, sive in has omnes introducti sumus per lucem et veritatem, et qui nondum in sanctam Ecclesiam intraverunt, adhuc in tenebris, et in errore sunt et nondum ad lucem et veritatem pervenerunt.

« Introibo ad altare Dei, ad Deum qui lætificat juventutem meam. » Hac, inquit, luce et veritate, qua in Ecclesiam introductus sum, eadem ipsa me regente et ducente, introibo ad altare Dei, ad Deum qui lætificat juventutem meam. Hoc altare in cælis est, hoc altare Salvatoris nostri humanitas est. Altare enim ab altitudine dicitur; Christi vero humanitas omni creatura sublimior et altior est. Unde et non immerito altare vocatur. Bene autem dixit: « ad Deum qui lætificat juventutem meam, » quia omnes homines in hac ætate resurgere habent. Unde et Apostolus ait: Quia « omnes occurremus Deo in virum perfectum, in mensuram ætatis plenitudinis Christi (Ephes. iv, 13). » In hac enim ætate Christus Dominus a mortuis resurrexit.

« Confitebor tibi in cithara, Deus, Deus meus. » Interim, inquit, et priusquam ad illud altare perveniam, confitebor tibi et laudabo te in hac Ecclesia tua et in monte sancto tuo. Quomodo? In cithara et in suavi modulatione, in evangelica prædicatione, qua et phrenetici placantur et dæmonia fugantur. Nam citharæ a furiis mentem placarunt Saulis. Hinc autem ad seipsum, et ad aurem suam convertitur, multumque animam suam reprehendit, quod

pro aliqua mundi hujus adversitate se contristavit, et afflixit et conturbavit. Et hoc est quod dicit: « Quare tristis es, anima mea, et quare conturbas me? » Non est unde contristari debeat, qui tanta in cœlestibus bona expectat. « Spera in Deo, quoniam confitebor illi, » qui est salutare vultus mei, et Deus meus. »

PSALMUS XLIII.

IN FINEM FILII CORE AD INTELLECTUM.

Core, ut jam diximus, *Calvaria* interpretatur. Calvaria autem mons parvulus est, extra portus Jerusalem, ubi Judæi crucifixerunt Jesum. Et cæteri quidem Judæi vocantur filii Sion et filii Jerusalem, isti autem Calvarie filii vocari elegerunt, majorisque honoris et dignitatis visus est illis Calvarie monticulus, quam tota altitudo et fortitudo montis Sion et Jerusalem. Bene autem dictum est « ad intellectum, » quia quantum ad usum non magnum est, ut illius montis filius aliquis vocetur.

« Deus, auribus nostris audivimus, et patres nostri annuntiaverunt nobis opus quod operatus es in diebus eorum, et in diebus antiquis. » In hoc psalmo loquuntur filii Core per quos sanctos martyres intelligimus, et non sua nobis narrant, sed ea quæ a patribus suis audierunt, et quæ Dominus operatus est in diebus antiquis (546). Loquitur Moyses in libris suis, quomodo Dominus Pharaonem et Ægyptum flagellavit, quomodo de ejus impia servitute Hebræos liberavit, quomodo mare Rubrum eis aperuit et per medium ejus siccis pedibus eos transire fecit, quomodo eos quadraginta annis in deserto manna pavit, et quomodo eis in monte Sina legem dedit et tabernaculum testimonii fieri præcepit. Deinde autem Josue et cæteri post ipsum mira et stupenda narrant, quæ pro illo populo Dominus operatus est. « Deus, » inquit filii Core, « auribus nostris audivimus; » a quibus « patres nostri annuntiaverunt nobis. » Quid annuntiaverunt nobis? « Opus, quod operatus es in diebus eorum, et in diebus antiquis. » Et quid fuit illud?

« Manus tua gentes disperdidit, et plantasti eos, » afflixisti populos et expulisti eos. » Evæi namque, Jebusæi, Ethæi, Jerezæi, et aliarum gentes, quæ fortissimæ memorantur, illam terram tenebant et possidebant, quando filii Israel ex præcepto Domini eam ingressi sunt. Sed quia manus Domini pugnabat pro istis contra eos, non potuerunt illis resistere, sed dispersi et deleti sunt omnes. Istæ autem gentes vitia sunt et maligni spiritus, quos nostris viribus sine Dei adjutorio superare non possumus. Superare autem necesse est, si terram et carnem nostram quietam habere et tenere volumus. Semper igitur pugnandum est, et nunquam pax cum eis habenda est, donec vincantur et expellantur.

« Non enim in gladio suo possederunt terram, et brachium eorum non salvavit eos. » Manus, inquit,

(546) Cassiodorus etiam totum hunc psalmum ad sanctos martyres, qui gloriosa pro fide Christi sustinuerunt certamina, traducit.

et fortitudo tua gentes disperdidit, et plantasti, et habitare fecisti **385** patres nostros in promissa sibi hæreditate. Afflixisti populos et expulisti eos » qui eam prius possidebant. Tu utique hoc fecisti, quia illi hoc facere non potuissent; non enim in gladio suo possederunt terram, et brachium, et fortitudo illorum non salvavit eos. Quis igitur?

« Sed dextera tua, et brachium tuum, et illuminatio vultus tui, quoniam complacuit tibi in illis. » De hac dextera scriptum est: « Dextera Domini fecit virtutem (Psal. cxvii, 16). » De hoc brachio dicitur: « Et brachium Domini cui revelatum est (Joan. xii, 38). » De hac Patris illuminatione Apostolus dicit: « Qui cum sit splendor gloriæ, et figura substantiæ ejus (Hebr. i, 12). » Christus igitur Dominus noster eos salvavit, et ab hostibus liberavit, quem si adhuc coluissent et in eum credidissent, nec terram nec gentem amississent. Quid est autem quoniam complacuit tibi in illis, nisi quia illi placuerunt tibi?

« Tu es ipse rex meus, et Deus meus, qui mandas salutem Jacob. » Tu, inquit, qui illos salvasti, ab hostibus liberasti et omnes eorum inimicos eis subjugasti: « Tu ipse es rex meus, et Deus meus, qui mandas salutem Jacob; » per quem Christianum populum intelligimus, qui de peccatis suis poenitentiam agendo malignos spiritus quotidie supplantat; Jacob enim supplantator interpretatur.

« In te inimicos nostros ventilabimus cornu (547), » et in nomine tuo spernemus insurgentes in nos. » Quia te, inquit, coadjutorem habemus, cujus fortitudini nemo resistere valet, securi sumus; quia in te et in fortitudine tua ventilabimus, et quasi magno ventorum turbine pellemus et fugabimus inimicos nostros, in nomine tuo quod invocabimus, spernemus omnes insurgentes in nos. « Omnis enim quicumque invocaverit nomen Domini, salvus erit (Act. ii, 21). »

« Non enim in arcu meo sperabo, et gladius meus non salvabit me. » Omnis, inquit, spes mea et omnis fortitudo mea tu es, neque in arcu, neque in gladio confido, quia neque arcus, neque gladius sine tuo adjutorio me salvare potest. Per arcum et gladium omnem humanam fortitudinem et defensionem intelligimus.

« Liberasti enim nos ex affligentibus nos, et eos qui nos oderunt confudisti. » Jam, inquit, experti sumus adjutorium tuum, nihil dubitamus de potentia tua, quia jam sæpe « liberasti nos ex affligentibus nos, et eos qui nos oderunt confudisti, » ut te auxiliante nobis resistere non valerent.

« In Deo laudabimur tota die, et in nomine tuo confitebimur in sæcula. » Laus, inquit, nostra Dei est, non nostra, quia quod vincimus, quod hostes spernamus, Deus hoc facit, qui per nos et in nobis pugnat et vincit, et in nomine tuo quo Christiani

(547) Vocabulum *cornu* legitur quidem in versione Vulgata, sed abest ab Italæ exemplaribus.

vocamur et sumus, confitebimur (548) et laudabimur per omnia secula. Quæ enim tanta laus, tantæ gloria nobis esse potest, quanta ut Christiani vocemur et simus? Huc usque illi filii Ecclesiæ locuti sunt, qui in prosperitate fuerant; unde et Deo gratias egerunt, quia ad similitudinem antiquorum patrum, semper a Deo protecti, nullas inimicorum insidias timuerunt. Nunc autem sancti martyres loquuntur, et illi præcipue qui maiora tormenta, majoresque passionibus sustinuerunt, quales tempore Decii, et Diocletiani, et Maximiani fuisse legimus.

« Nunc autem repulisti et confudisti nos, et non egredieris Deus in virtutibus nostris. » Superioribus respondet, ubi dicitur: « Liberasti enim nos ex afflictionibus nos, et eos qui nos oderunt confudisti. » cunc autem « repulisti et confudisti nos. » Ecclesia una est, quæ pro temporum diversitate nunc loquitur pro illis qui fuerunt in prosperis, et nunc loquitur pro illis qui fuerunt in adversis. « Nunc, » inquit, hoc tempore tantæ persecutionis « repulisti et confudisti nos. » Deus nunquam repellit sanctos suos, et nunquam eos confundit: repellere tantum et confundere videtur, quando eos orantes non exaudivit, et quando in magnis afflictionibus eis non subvenit. Sed ne aliquis ex impotentia hæc contingere arbitretur, legat superiora, et Dei omnipotentiam cognoscere poterit. Et fortasse ideo illa præmissa sunt, ut aliquis hæc audiens non conturbetur. Quod autem ait: « Et non egredieris, Deus, in virtutibus nostris, » non affirmative, sed suspensive legendum est. Egredietur autem Deus in virtutibus sanctorum suorum, quando eos adjuvat et inimicos vincere facit. Vincuntur enim, si eorum voluntatibus etiam moriendo non acquiescunt.

« Avertisti nos retrorsum propter inimicos nostros, et eos qui nos oderunt diripiebant sibi. » Hoc autem in alia translatione ita legitur: « Avertisti nos retrorsum præ inimicis nostris, et qui oderunt nos diripiebant sibi. » Et hoc quidem planum est ad intelligendum; « avertisti, inquit, nos retrorsum præ inimicis nostris; » id est plus quam inimicos nostros, in quo se quidem fugisse, illos vero campum tenuisse ostendit. Illos autem inimicos malignos spiritus intelligamus, propter ea quæ sequuntur: « Et eos qui nos oderunt diripiebant sibi. » Isti autem sunt Judæi, hæretici et pagani. Tale est igitur ac si diceret: Cum inimici nostri maligni spiritus nos tenere, et sibi penitus subjugare non potuissent, eos qui nos oderunt, Judæos videlicet, hæreticos, paganos sibi diripere 386 cæperunt, ut, quia nos habere non poterant, saltem illos non amitterent.

« Dedisti nos tanquam oves escarum, et in gentibus nos perdidisti nos. » Sic enim erant aliquando martyres, ut oves escarum, et soli morti destinati, quia non ad hoc in carcere servabantur ut dimitte-

(548) Cod. Chis. « Passive autem dictum est confitebimur, quod ræro quidem invenitur. »

(549) « Tunc autem quasi sine pretio rendit Deus, quando benignis affligendum tradit populum Chri-

A rentur, sed ut majori et exquisito supplicio punirentur. In gentibus autem dispergebantur, quia longe a patria in exilium mittebantur.

« Vendidisti populum tuum sine pretio, et non fuit multitudo in commutationibus eorum. » Vendidisti, improprie dictum est, quia emptio et venditio sine pretio esse non potest. Idem igitur est, vendidisti, ac si diceret tradidisti. Multoties sancti sine pretio dati sunt, et nulla pretii multitudo fuit in commutationibus eorum (549). Aliquando autem non sine pretio dabantur, quia multi videntes eorum constantiam, et miracula quæ per ipsos fiebant, ad Christi fidem convertebantur.

« Posuisti nos in opprobrium vicinis nostris, in derisum et contemptum his qui in circuitu nostro sunt. » Hoc autem, sicut dicitur, factum fuisse nemo dubitare potest, qui sanctorum passionibus et vitas audivit.

« Posuisti nos in similitudinem gentibus, commotionem capitis in plebibus. » Fuit aliquando, ut qui inimico suo maledicere voluisset, de Christianis similitudinem traheret atque diceret: Utinam talem te videam, qualem illum vel illum Christianum vidi! Erant autem et in commotionem capitis in plebibus, quia quando nudi, catenati, undique verberibus circumventi ad supplicia trahebantur, quicumque eos videbant, capita sua super eos agitant, vanos et fatuos eos esse dicebant. Idipsum autem legimus et de Judæis, quia super Salvatorem nostrum moventes capita sua, illudentes dicebant: « Vah! qui destruis templum Dei (Matth. xxvii, 40). »

« Tota die verecundia mea contra me est, et confusio vultus mei operuit me. » Unde? « A voce exprobrantis et obloquentis, a facie inimici et persequentis. » Hæc plana sunt, ut expositione non egeant, et facile alienam quoque verecundiam unusquisque in seipso perpendere potest.

« Hæc omnia venerunt super nos, nec oblitusumus te, et inique non egimus in Testamento tuo; et non recessit retro cor nostrum. » Hæc talis sermocinatio, non ostentatio est, sed magis gratiarum actio esse videtur. Quamvis, inquit, hæc omnia quæ superius dicta sunt venissent super nos, tamen nos te oblitusumus, et potius nosipsos propter te oblitusumus. « Et inique non egimus in Testamento tuo, » quia omnia præcepta tua fideliter custodivimus. « Et non recessit retro cor nostrum; » sed semper ad ea quæ sunt ante nos extendimus, ad promissum bravium festinantes.

« Et declinasti semitas nostras a via tua. » Hæc autem tale est ac si diceret: Quia semitæ nostræ prius bonæ non erant, a via tua eas separasti et nos per viam tuam solummodo incedere docuisti, et ideo errare non possumus, quia non per semitas nostras, sed per viam tuam ambulavimus et ambulationem. Quod fit frequenter occulto iudicio, aut ad probationis meritum, aut ad correctionis effectum. a Cassiod.

mus. « Quoniam humiliasti nos in loco afflictionis, et operuit nos umbra mortis.

« Si oblii sumus nomen Dei nostri, et si expandimus manus nostras ad deum alienum, nonne Deus requireret ista? » Non sumus, inquit, oblii nomen Dei nostri, neque extendimus manus nostras ad deum alienum, scientes quod Deus ipse requirit, neque nobis aliquid prodesset, quod humiliati fuimus in loco afflictionis, et operuit nos umbra mortis; « Nem » enim mittens manus suas ad aratrum, si respiciat retro, aptus erit regno Dei (*Luc. ix, 62*). » Umbra mortis, et impii homines, et ipsa tormenta intelligi possunt. Sicut enim per umbram corpus adesse cognovimus, ita ubi ista sunt, mortem adesse intelligimus. Sequitur: « Ipse enim novit abscondita cordis. » Ideo, inquit, ista requirit, quia nihil eum latet et omnia videt, quidquid in corde est, quidquid ubicunque est, ejus oculis occultari non potest.

« Quoniam propter te morte afficimur tota die, æstinati sumus sicut oves occisionis (550). » Non-dum mortuus est, qui morte afficitur; mortis affectio, ipsa passio est, et tandiu afficitur homo, quandiu tormentis exagitur. Oves autem occisionis illæ sunt quæ ad nihil aliud, nisi ad mortem reservantur. Similiter autem et sancti longo tempore in carcere tenebantur, non ad remissionem, sed potius ad inter-necionem.

« Exsurge, quare obdormis, Domine? Exsurge, et non repellas in finem. Non enim dormitabit, neque dormiet, qui custodit Israel. » Dormire autem dicitur, quando sanctos suos quasi non sentiens affligi permittit. In finem ille repellitur, qui ex toto a Deo separatur.

« Quare faciem tuam avertis? » Qui faciem avertit, non vult videre illum, a quo faciem avertit. Faciem igitur Dominum avertere, est fideles suos in afflictionibus non videre. Unde subditur: « Oblivisceris inopiam nostram et tribulationem nostram? » Neque dormitio, neque oblitio, neque ira, neque indignatio, neque aliquid tale potest esse in Deo; in eo **387** tamen esse dicuntur; et quare esse dicuntur, sæpe jam diximus.

« Quoniam humiliata est in pulvere anima nostra: adhæsit in terra venter noster. Exsurge, Domine, adjuva nos, et libera nos propter nomen tuum. » Exsurge, inquit, Domine, nobis in adiutorium, et libera nos ab his tantis tribulationibus, propter nomen tuum, quod invocamus et quo Christiani vocamur, quoniam « humiliata est in pulvere anima nostra. » Caro enim quæ corrumpitur aggravat animam, et deprimit terrena habitatio sen-sum multa cogitantem (*Sap. ix, 16*). » Sive etiam in pulvere humiliata est, quia iniquorum hominum conversatione deterior facta est. Iste est ille pulvis,

A quem projicit ventus a facie terræ. Humiliatur quod in pulvere anima, quando venter in orationibus adhæret terræ, et talis humiliatio bona est. Possumus autem per ventrem eos intelligere, qui in Ecclesia molliores et imperfectiores sunt, et qui magis terrenis, quam cælestibus adhærent. Pro talibus autem orandum est, quia persecutionis tempore facile decipiuntur, quia terrena et transitoria amittere timent. « Exsurge igitur, Domine, in auxilium nostrum, quoniam humiliata est in pulvere anima nostra. »

PSALMUS XLIV.

IN FINEM: PRO HIS QUI COMMUTABUNTUR. FILIIS CORE AD INTELLECTUM CANTICUM PRO DILECTO.

B Hic, inquit, psalmus factus est pro filiis Core, non tamen pro omnibus, sed pro his tantum qui commutabuntur ad intellectum. Quia in re manifeste ostendit etiam inter filios Core fuisse aliquos qui ad spirituales intelligentiam mutati sunt: Cantant hoc canticum pro dilecto, pro illo videlicet dilecto, de quo Dominus ait: « Hic est Filius meus dilectus (*Matth. iii, 17*); » cui etiam in hoc psalmo dicitur: « Speciosus forma præ filiis hominum, diffusa est gratia in labiis tuis, propterea benedixit te Deus in æternum. »

« Eructavit cor meum verbum bonum: dico ego opera mea regi. » Dicit Propheta, dicit aliquis filiorum Core: « Eructavit cor meum verbum bonum. » Verbum bonum, hunc per psalmum dicit, quem non ore cantasse, sed de cordis secretario se eructasse fatetur. Ut per hoc intelligamus quam firmum et stabile, et quantæ auctoritatis sit totum hoc quod in hoc psalmo continetur. « Dico ego opera mea regi. » Iste est ille rex qui alibi dicit: « Ego autem constitutus sum rex ab eo (*Psal. ii, 6*). » Huic autem regi dicit Propheta opera sua, quæ modo eructavit de arcano cordis sui.

« Lingua mea calamus scribæ velociter scribentis. » Sic est, inquit, lingua mea, sicut calamus scriptoris, qui velociter scribit; qua in re subito et brevissimo tempore multa se vidisse et prophetaisse ostendit.

« Speciosus forma præ filiis hominum, diffusa est gratia in labiis tuis. » Ecce nunc incipit dicere opera sua regi, quem super omnes filios hominum forma speciosum esse dicit (551). Quis enim ita speciosus, sicut ille, « qui peccatum non fecit, nec dolus inventus est in ore ejus? » (*Petr. ii, 22*). Ipse enim solus sine peccato natus est, et in ipso solo humana natura formam suam et pulchritudinem non amisit. Tanta autem gratia erat in labiis ejus, ut facile et sine ullo impedimento diceret, quæcunque voluisset. Unde in Evangelio dicitur: Quia « mirabantur omnes de his quæ procedebant de ore ejus

(550) Hoc psalmi loco usus est D. Paulus ad Rom. vii, 36, ut exprimeret in quantis tribulationibus propter Christum versaretur.

(551) « Non quia forma ejus decore lactei coloris eluxit, aut flavo crine lampavit, aut insigni statura

præminnit: sed veraciter humano genere pulchrior fuit, quia peccata non habuit. Illud enim recte speciosum dicitur, quod gratia mundissimæ puritatis ornatur: quamvis Pater Augustinus speciem corporis ejus dicat fuisse laudabilem. » Cassiod.

(*Luc. iv, 22*). » Et alibi dicitur : Quia « mirabantur A omnes in doctrina ejus (*Math. xxii, 33*). » Hæc labia loquentia erudierant Moysen, quando se impeditioris et tardioris lingue esse dixerat.

« Propterea benedixit te Deus in æternum. » Propterea, inquit, quia præ cunctis speciosior et eloquentior es, benedixit te Deus in æternum. Omnes homines quando baptizantur benedicuntur : multi tamen postea peccando benedictiones amittunt, quorum quidem benedictio non manet in æternum.

« Accingere gladio tuo super femur tuum, potentissime. » Tu, inquit, potentissime, qui talis es, accingere circa femur gladio tuo et præpara te ad præliandum, quia multa et durissima prælia acturus es, et de diabolo omnique exercitu ejus triumphaturus. Nos quoque gladio castitatis semper circa femur accincti esse debemus, quo et contra hostes pugnare, et carnales motus qui in lumbis et femore dominantur et superare valeamus. Unde et Dominus ait : « Sint lumbi vestri præcincti (*Luc. xii, 35*). » — « Specie tua, et pulchritudine tua intende, et propeere procede, et regna. » Quia, inquit, speciosissimus es, in specie tua et pulchritudine tua intende et ad hoc exemplar fideles tuos et Ecclesiam tuam reforma, ut ipsa quoque speciosa **388** sit, non habens maculam neque rugam, unde et Apostolus ait : « Filioli mei, quos iterum parturio, donec Christus formetur in vobis (*Galat. iv, 19*). » In illis enim formatur Christus, qui ad ejus pulchritudinem reformantur. Prosperere autem procedit Dominus, et ubique regnat, quia sicut de eo alibi dicitur : « Omnia quæcunque faciet prosperabuntur (*Psal. i, 3*) ; » et : « Potestas ejus, potestas æterna, quæ non aufertur, et regnum ejus, quod non corrumpetur (*Dan. vii, 14*). »

« Propter veritatem, et mansuetudinem, et justitiam, et deducet te mirabiliter dextera tua. » Tu, inquit, procedo, et dextera tua, virtus et fortitudo tua, mirabiliter te deducet, quia nullo alieno eges auxilio, cujus fortitudini nemo resistere valet. Bene autem dixit, mirabiliter, quia miraculis mundum convertit, patientia vicit, et per simplices homines, et illiteratos omnem mundanam et philosophicam sapientiam destruxit. Et hoc quidem « propter veritatem, et mansuetudinem et justitiam. » Decet enim multumque convenit regem veracem esse, et mansuetum et justum, et qui hæc non habuerit, non rex, sed tyrannus vocari debet.

(553) In templi Vaticani tabulario exstat clariss. Lucæ Holstenii lucubratio mss. titulo hoc prænotata : *Collationes quædam Psalterii Romani, quæ sacrosancta basilica Vaticana utitur, cum duobus manuscriptis ejusdem basilicæ, et aliis duobus, altero Florentino, et altero Casinensi, uti etiam cum versione Græca LXX editionis Sixtinæ, et Complutensi ; item cum Breviario Ambrosiano, et Cajetano.* In hac lucubratione Holstenius disserens, qui juxta Breviarium Romanum in feriæ officium matutinali recitati debent ad psalm. *xliv, 6*, ita animadvertit. *In corde ms. melior noster (id est Vaticanæ basilicæ), sed Cajetanus in corde, sicut Vulgata, et S. Bruno, At LXX, et xapdia,*

« Sagittæ tuæ acutæ, potentissime, populi sub te cadent in corda inimicorum regis. » Quia enim populus collectivum nomen est, sic potest dici potentissimus populi, sicut potentissimus populorum. Sunt autem sagittæ Domini acutæ, quia sicut Apostolus ait : « Virus est sermo Dei efficax et penetrabilior omni gladio ancipiti (*Hebr. iv, 12*). » Sagittæ igitur Christi omnes illæ sententiæ sunt, quæcunque ad convincendos inimicos de utriusque Testamenti pharetra educuntur. Dicatur ergo : « Sagittæ tuæ acutæ, potentissime, populi sub te cadent ? » Ubi ? « in corde inimicorum regis (552). » Si dixisset in corde inimicorum tuorum, planius esset. Hic autem modus in Veteri Testamento, sicut jam alibi diximus, frequenter invenitur, in aliis autem scripturis, si inveniat, nescio. Egregie autem dixit : « sub te cadent, » quia super eum nihil cadere potest, quia enim omnia sub ipso sunt, neminem nisi sub se ferire potest. Hæ autem sagittæ ubicunque cadant, modo quidem utiliter cadere possunt, quia eorum terrore fugantur inimici, et totus vitiorum exercitus dissipatur. In judicio vero in quoscunque ceciderint, miseri erunt, quia semel vulnerati jam ulterius sanari non poterunt, ex his satis intelligimus quæ erant illæ sagittæ, quæ malos in judicio sagittabant.

« Sedes tua, Deus, in sæculum sæculi, virga recta est, virga regni tui. » Quem in titulo dilectum, et nunc in hoc psalmo regem dixit, modo apertius et manifestius Deum vocat, quatenus Judæi Scripturarum depravatores, neque de Salomone, neque de alio quolibet præter Christum exponere valent. Est autem sedes Christi in sæculum sæculi, quia regni ejus non erit finis. « Virga recta est, virga regni tui (553). » Virga, inquit, et sceptrum regni tui rectum est, et a justitia et æquitate non recedit. Neminem sine causa virga percutis, neminem qui flagellis dignus sit impunitum abire permittis. Unde et subditur :

« Dilixisti justitiam, et odisti iniquitatem. » Inde enim virgæ correctionis illius rectæ esse probantur, quia justitiam diligit, et odit iniquitatem. « Propter ea unxit te Deus, Deus tuus, oleo lætitiæ præ consortibus tuis (554). » Hoc est enim, quod per

D Prophetam ipse Dominus ait : « Spiritus Domini super me, propter quod unxit me, evangelizare pauperibus misit me (*Luc. iv, 18*). » Aliis ad mensuram datur Spiritus (*Ephes. iv*), in ipso vero requiescit omnis

in corde, quod et Faber agnoscit, et Vatic., nempe celeberrimus bibliotheca Vatic. codex Græcam versionem Septuaginta interpretum referens, et anno 1587 Romæ typis vulgatus.

(553) Virga directionis est in Vulgata, et in textu Augustini, super quam lectionem ait : « Directionis virga est, quæ dirigit homines. »

(554) « Unxit me. Videte quod ad Deum loquens dicebat ei : Unxit te Deus, Deus tuus, id est, te Filium unxit Pater tuus illo unguento æternæ lætitiæ, æterni sacramenti, celestis mysterii, » etc. S. MAX. TAURIN. tract. contra Judeos, p. 737.

plenitudo divinitatis corporaliter (*Col. ii*) Consortes ejus apostoli sunt, omnesque alii, qui non suis meritis, sed ejus adoptione ad hæreditatem participandam electi sunt. Bene autem hoc oleum, lætitiæ oleum dicitur, quia omnibus qui unguuntur, si tamen unctionem non amittant, gaudium et lætitiā præstat. De hac unctione scriptum est: « Et unctio ejus docebit vos de omnibus (*I Joan. ii, 27*). »

« Myrrha, et gutta, et casia a vestimentis ejus. » Per has tres species omnes alias intelligimus, et myrrha quidem inter alias amarissima est: casia vero, quæ et fistula dicitur, dulcissima est. At vero gutta, quæ amonacum nominatur, multis et magnis infirmitatibus medetur. Fluebant igitur hæc et alia omnia remedia infirmitatum a vestimentis Christi, quia « quicumque, » sicut in Evangelio legitur, eum tangebant, sani fiebant a quacunque infirmitate detinebantur (*Matth. xiv, 36*). » Vestimentum Christi, ipsa ejus humanitas est; quæ videlicet veste pretiosa divinitas induta ab hominibus videri non poterat. Nam et ipsæ fimbriæ vestimenti ejus multos infirmos **389** sanasse leguntur. Non erat igitur illis necessarium medicamina suscipere, qui ad Christi vestimenta accedere poterant, siquidem non solum species apta sanitati, sed ipsa quoque sanitas ab ejus vestibus defluebat. Sequitur: « A gradibus eburneis. » Similiter, inquit, et a gradibus eburneis, myrrha, et gutta, et casia defluebant, per quos videlicet gradus illos intelligimus, de quibus Dominus dixerat: « Qui credit in me, opera quæ ego facio et ipse faciet, et majora horum faciet; quia ego ad Patrem vado (*Joan. xiv, 2*). » Non solum enim tactu vestium, sed ipsa corporis umbra multos apostoli sanasse leguntur. Unde scriptum est: quia « in plateis ponebantur infirmi, ut, veniente Petro, saltem umbra illius obumbraret quemquam illorum (*Act. v, 15*). » Sed quare eburnei isti dicuntur, nisi quia candidi, fortes et castissimi erant. Ebur namque os elephantis est: elephantis vero castissima animalia sunt, et non coeunt nisi seculi. Merito autem gradus dicuntur apostoli, quia per ipsos ascenditur ad sedem Dei; unde et subditur: « Ex quibus te delectaverunt filiae regum in honore tuo. » Ex quibus, inquit, id est per quos filiae regum ascendentes delectaverunt te, cantantes, subauditur, et psallentes in honore tuo. Filiae regum, singule Ecclesiæ sunt, ubicunque sunt, quas sancti apostoli Domino genuerunt. Isti sunt illi reges de quibus dicitur: « A templo tue in Jerusalem tibi offerent reges munera (*Psal. lxxvii, 30*). »

« Astitit regina a dextris tuis in vestitu deaurato, circumamicta varietate. » Multæ sunt filiae regum, sed regina una est, per quam catholicam Ecclesiam, vel beatam Virginem Mariam intelligimus, quæ ipsius quoque Ecclesiæ et regina et domina est. Hæc autem stetit a dextris Dei, quia ipsa plus quam omne creatum honoratur a Deo (*555*). Sed quomodo stat? « In vestitu deaurato, circumdata varietate. »

(555) Cod. Vallic., « quia ipsa est, quæ plus omni

A Hanc vestem amisit primus homo, quando peccavit, carnis videlicet immortalitatem. Unde se nudum intelligens, ait: « Audi, Domine, vocem tuam, et abscondi me, eo quod nudus essem (*Gen. iii, 10*). » Hæc autem vestis variata dicitur, quia omnibus est intexta virtutibus. Est autem et deaurata, quia sapienter composita est: aurum enim pro sapientia ponitur, quia sic est sapientia inter alias virtutes, sicut est aurum inter alia metalla. Omnis namque virtus fatua est, quæ auro sapientiæ non deauratur. Habent et alii homines virtutes, sed solæ virtutes Christianorum deauratæ sunt. Quid prodest Judæo castitas? quid prodest pagano humilitas? cum et ille pereat cum sua castitate, et iste pereat eum sua humilitate.

B « Audi, filia, et vide, et inclina aurem tuam. » Quamvis hoc de tota catholica et universali Ecclesia convenienter intelligi possit, ego tamen de beata Virgine Maria singulariter exponam, quæ totius Ecclesiæ, sicut jam dixi, domina est. Videns igitur Propheta per Spiritum sanctum Gabriele archangelum cum ea loquentem, et Christi incarnationem sibi annuntiantem, loquitur ei, et dicit: « Audi, filia, et vide: » audi, inquit, filia mea, de genere meo, de progenie mea, nobilitas et gloria generis mei, audi quæ angelus loquitur, quæ celestis nuntius tibi promittit: esto casta, esto sollicita, diligenter ausculta, quia magna valde sunt quæ tibi nuntiantur. Vide ergo et intellige, inclina aurem tuam, et suscipe verbum in corde et in utero tuo: virgo concipies, et virgo paries. Inclina aurem, quia per aurem ingreditur in te qui nascetur ex te. Verbum enim est, et via verbi auris est. Non aliter concepit beata Maria nisi audiendo et credendo, si non audivisset, non credidisset; audivit et credidit, et credendo concepit. « Et obliviscere populum tuum, et domum patris tui. » Necesse habuit Maria illum populum oblivisci, qui filium suum interfecit, et eundem ipsum valde et super omnia odio habet.

« Quoniam concepivit rex speciem tuam. » Valde enim pulchra erat, quæ una et sola ex omnibus mulieribus electa ad amorem sui Dominum ipsum provocare potuit. De qua pulchritudine quid intelligi debeat, jam superius audivimus, et adhuc in sequentibus dicturi sumus. « Quia ipse est Dominus Deus tuus, » quem tibi de te nasciturum esse promittit.

« Et adorabunt eum filiae Tyri in muneribus. » Vide, inquit, quantus erit hic filius tuus, quem filiae Tyri, inter alias mulieres nobilissimæ, cum muneribus adorabunt. Sed quia Tyrus angustia interpretatur, per filias Tyri, eas animas intelligimus quæ se in hoc mundo, in carcere et angustiis esse cognoscunt, et ad cœli amplitudinem totis desideriis transire desiderant. Munera vero, quæ sancti Deo offerunt, virtutes et bona opera intelligimus.

« Vultum tuum deprecabuntur omnes divites plebis. » Non solum, inquit, filium tuum adorabunt filiae Tyri, creatura honoratur a Deo. » Item cod. Chis.

sed te quoque deprecabuntur, tibi quoque vota persolvent, A et si ejus vultum et imaginem intelligamus, non erit inconveniens, cum sit eam ubicunque depingitur, ab omnibus venerari videamus (556). Deprecantur autem et alio modo vultum et pulchritudinem beatæ Virginis Mariæ omnes divites plebis, quia nemo est qui ejus pulchritudinem et sanctitatem habere non **390** desiderat. Divites autem plebis illæ animæ sunt quæ non temporalibus, sed spiritualibus divitiis abundant. « Omnis gloria ejus filia regis ab intus. » Nolite, inquit, ad exteriorum pulchritudinem attendere, illam quæ interiorius est considerate, quia omnis gloria ejus ab intus est. Nam et si virginitas carnis foris luceat, ea tamen quæ intus est simul cum aliis omnibus virtutibus magis commendatur. Sed vis audire ipsam Virginem beatam magis de humilitate, quam de virginitate gloriantem. « Exsultavit, inquit, spiritus meus in Deo salutari meo, quia respexit humilitatem ancillæ suæ (Luc. 1, 48). »

« In fimbriis aureis circumamicta varietate. » Varietas ista non colorum, sed virtutum est, quæ in se omnium virtutum abundantiam habuisse significat. Fimbriæ vero, quæ terram contingunt, ejus in hoc mundo conversationem præclaram, sanctam et sapientiæ plenam ostendant. Unde et merito aureæ dicuntur, quia aurum in divino eloquio sapientiæ designat, secundum illud : « Thesaurus desiderabilis requiescit in ore sapientis (Prov. xxi, 27). »

« Adducentur regi virgines post eam. » Ista, inquit, sicut regina et domina, anteibit et præcedet, aliæ vero omnes eam sequuntur, et post eam regi Christo Domino adducentur. « Proximæ ejus afferent tibi in lætitia et exultatione. » Proximæ autem illæ dicuntur, quæ mente et spiritu eam imitantur, et bene vivendo ei similes sunt. Omnes autem istæ simul cum ea in lætitia et exultatione Domino offeruntur, et in templum regis adducentur.

« Pro patribus tuis nati sunt tibi filii. » Duodecim filios quos patriarchas vocamus habuit Jacob, ex quibus omnis Judæorum multitudo originem duxit, qui ideo Salvatoris nostri patres dicuntur, quia secundum carnem de illorum progenie natus est (557). Similiter et Christus duodecim discipulos habuit, ex quibus omnis ecclesiastica multitudo genita est. Habuit igitur Dominus pro patribus filios quos, secundum numerum prædictorum patrum, filios sibi, id est sanctos apostolos eligere voluit. De quibus subditur : « Constitues eos principes super omnem terram (Psal. xlii, 17). » Isti enim sunt de quibus Dominus ait : « Cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel (Matth. xix, 28). »

« Memores erunt nominis tui, Domine, in omni

(556) Pietæ B. M. Virginis imagines in veneratione habendæ, earumque cultus valde antiquus est in Ecclesia.

(557) Ex Juda Jacobi filio Christus Dominus secundum carnem recta linea progenitus apud Mat-

thæum. cap. i, v. 2, et Lucam cap. iii, v. 33, narratur.

« Progenie et generatione. » Nam et ipsi in suis scripturis memores sunt, et per omnes quicunque illorum doctrina et prædicatione crediderunt, æternam Christi nominis memoriam faciunt. Unde et subditur :

« Propterea populi constabunt tibi in æternum, et in sæculum sæculi. » Hoc igitur fecit apostolica prædicatione, ut omnes populi omni tempore Domino constentur.

PSALMUS XLV.

IN FINEM FILIIS CORE : PRO ARCANIS, PSALMUS.

Psalmus iste, quem cantant filii Core, ideo pro arcanis titulatur, quia Christi incarnatio in eo continetur, quam Judæi credere nolunt; et usque hodie illis arcana et occulta est. De Christi namque incarnatione dicitur hic : « Dominus virtutum nobiscum ; » ipse est enim Emmanuel, qui nobiscum Deus interpretatur.

« Deus noster refugium et virtus, adjutor in tribulationibus, quæ invenerunt nos, nimis. » Vox Prophetæ est, et aliorum ejusdem fidei ante Christi incarnationem. Deus noster, dicunt isti, refugium nostrum est, et virtus et adjutorium in tribulationibus multis, quas passi sumus, et nunquam deseruit nos, quamvis inimici nostri multo plures et fortiores nobis fuissent. Quare igitur timeamus tanti adjutoris munus præsidio? Et hoc est quod dicit :

« Propterea non timebimus, dum turbabitur terra, et transferentur montes in cor maris. » Propterea, inquit, neque nos timebimus, neque illi qui tunc temporis erunt, dum tota terra contra Ecclesiam conturbabitur, et in sanctorum mortem omnes homines iniqui conspirabunt. Sed quid est, quod ait : « et transferentur montes in cor maris? » Montes apostoli sunt et doctores, at vero cor maris Romani principes sunt, et alii hujus sæculi potentiores, quorum consilium et voluntatem omnes alii sequebantur. Tunc igitur montes transferebantur in cor maris, quando apostoli et doctores ante reges et principes ducebantur. Sed quid postea?

« Sonuerunt, et turbatæ sunt aquæ ejus. » Sonuerunt quidem aquæ maris et turbatæ sunt, quia omnes populi et nationes, quæ per aquas significantur, nimia ira commoti, et contra sanctos ut interficerentur clamare cœperunt. Sancti vero quid fecerunt? « Conturbati sunt montes in fortitudine ejus. » Conturbati enim sunt, cum in carcere concluderentur, cum catenis ligati traherentur, cum flagellis et scorpionibus caderentur, cum igne supposito urerentur (558). Sed quis omnia tormentorum **391** genera enumerare potest, quibus sancti Dei ab impiis affligebantur? Hanc enim conturbationem Salvator noster significabat, cum suæ passionis tempore, usque ad mortem se conturbatum

thæum. cap. i, v. 2, et Lucam cap. iii, v. 33, narratur.

(558) Cod. Ghis., « cum unguibus raderentur, cum in catasta exardescerent. »

esse dicebat. Et ille guttæ sanguinis, quæ de toto ejus corpore sudabant, has diversas sanctorum martyrum passiones significabant.

« Fluminis impetus lætificat civitatem Dei. » Extorius, inquit, in corpore, et ad tempus conturbatur Ecclesia de sanctorum afflictione; interius vero consolatur et lætificatur de sancti Spiritus inundatione (559). Sic enim Spiritus sanctus, quasi quoddam magnum flumen, de quo septem gratiæ, quasi septem rivi procedentes totam civitatem Dei, quæ est Ecclesia, irrigant, satiant, lætificant et fecundant. « Sanctificavit tabernaculum suum Altissimus. » Hujus, inquit, fluminis aquis sanctificavit Altissimus, mundavit et purificavit tabernaculum suum, ut, quia ipse sanctus est, sanctum sit et tabernaculum ejus. Sic enim ipse ait : « Sancti estote, quia et ego sanctus sum Dominus Deus vester (Levit. xi, 44). » — « Deus in medio ejus non commovebitur. » Secura est illa domus quæ talem habet habitatorem, qui, quoniam nunquam ab ea commovetur et separatur, ideo nunquam ab inimicis penitus superatur. De ipsa enim dictum est : Quia « portæ inferi non prævalebunt adversus eam (Matth. xvi, 18). » Unde et subditur :

« Adjuvabit eam Deus vultu suo. » Quid est autem, « adjuvabit eam vultu suo, » nisi illustratione et lætitia faciei suæ ? Hinc enim est quod alibi dicitur : « Illuminet Dominus vultum suum super nos, et misereatur nostri (Psal. lxi, 4). » Quando enim Dominus nos adjuvat, lætam faciem, et quando non adjuvat, iratam faciem habere describitur.

« Conturbatæ sunt gentes, et inclinata sunt regna, » dedit vocem suam Altissimus, et mota est terra. » Ista conturbatio bona est ; ecce gentes, quæ superius contra sanctos et contra Ecclesiam conturbatæ erant, modo contra seipsas conturbatæ esse dicuntur. Item incipiunt abominari ea quæ diligebant, et ea diligere quæ odio habebant. « Et inclinata sunt regna. » Quia ipsi quoque imperatores sub jugo Christi se humiliaverunt, et fidem, quam impugnabant, cum gaudio susceperunt. Hoc autem sub tempore Constantini imperatoris convenienter intelligi potest, quando, sanctis omnibus a vinculis absolutis, ecclesiæ apertæ sunt, et nemo fuit qui contra Christianam fidem insurgere auderet. Et nunc quidem omnibus libere prædicantibus, totus mundus pene ad fidem conversus est. Unde et subditur : « Dedit vocem suam Altissimus, et mota est terra. » Dedit enim Altissimus vocem suam per ora episcoporum et doctorum, et mota est terra ab infidelitate ad fidem, a tenebris ad lucem, a diabolo ad Deum. Sed quid dicebat terra in tanta illa sua commotione ? Sequitur :

« Dominus virtutum nobiscum, susceptor noster » Deus Jacob. » Hoc tale est ac si diceret : Victi sunt dii nostri, quia falsi, miseri et sine viribus erant.

(559) « Lætificatur enim civitas Christi, cum in ea doctrinæ evangelicæ cursu populus purificatur, invchitur, et quodam prædicationis impetu repletur.

A Nunc autem « Dominus virtutum nobiscum » est, Dominus fortis et potens, Dominus potens in prælio, cui nulla creatura resistere potest, qui tam subito, tamque mirabiliter totum ad se mundum convertit. « Susceptor noster Deus Jacob. » Quia expulsis Judæis, nos gentiles in hæreditatem suscepit.

« Venite, et videte opera Domini, quæ posuit prodigia super terram, auferens bella usque ad fines terræ. » Lætantur sancti, et admirantur de tanta pace, tam subito sibi divinitus concessa. « Venite, inquit, et videte opera Domini. » Et revera, et specialiter opera Domini, et quæ nullus alius nisi ipse solus facere potuisset, ac per hoc ea quæ modo facta sunt prodigia et magna miracula esse dicantur. Sed quæ sunt illa ? « Auferens bella usque ad fines terræ. » Cum enim paulo ante pacem Ecclesia nusquam habuisset, subito per Dei misericordiam factum est, ut usque ad fines terræ nemo contra eam loqui auderet. De qua videlicet pace adhuc subditur : « Arcum conteret, et confringet arma, et senta comburet igni. » Hoc autem contra Arianos dicere videtur, quorum impia hæresis in Nicæno concilio simul cum principe suo eodem tempore damnata est. Et quavis omnis illorum armatura dissipata sit, adhuc tamen et arma, et bellatores ignis perpetuus expectat.

« Vacate et videte, quoniam ego sum Deus, exaltabor in gentibus, et exaltabor in terra. » Venite, inquit, et videte opera Domini, et agamus ei gratias, qui data pace nos hortatur, dicens : « Vacate, et videte. » Vacate, inquit, lectioni, et orationi et omni spirituali operationi. Et videte, cognoscite et intelligite quoniam ego sum Deus, cujus virtutem et potentiam nunc tanto opere admiramini. Et exaltabor, quasi dicat, in cunctis gentibus et in omni terra, quæ usque ad hæc tempora mihi adversari videbatur.

« Dominus virtutum nobiscum, susceptor noster » Deus Jacob. » Idipsum repetunt quod superius dixerat, et gratulabundi verum per omnia esse confirmant, quia Dominus virtutum nobiscum est, quoniam nisi fortis et potens esset ea quæ superius dicta sunt, nullatenus facere potuisset.

392 PSALMUS XLVI.

IN FINEM, PRO FILIIS CORE. PSALMUS.

Psalmus iste factus est pro filiis Core, id est pro apostolis, qui in sola Christi passionem et cruce gloriantur. Unde Apostolus ait : « Mihi absit gloriari, nisi in cruce Domini nostri Jesu Christi ! » (Galat. vi, 14.) De his autem in hoc psalmo dicitur : « Principes populorum conveniunt cum Deo Abraham, quoniam dii fortes terræ nimium elevati sunt. »

« Omnes gentes, plaudite manibus, jubilate Deo in voce exultationis. » Hanc consuetudinem habuerunt antiqui, ut præ lætitia manibus plauderent. Unde est illud : « Plaudite, Romani, ego Caliopius recensui. »

aula ejus commercio sanctitatis. S. MAX. TAURIN., serm. 14, edit. Rom., p. 451.

hortatur igitur Ecclesia omnes gentes ut ineffabiliter gaudeant et lætentur, quoniam Salvator noster cœlos ascendit: manibus namque plaudere, majorem lætitiā significat, quam verbis explicari valeat. Et illi quidem bene manibus plaudunt, qui eam lætitiā, quam de Domino habent, bene operando ostendunt, siquidem manibus operantur. Jubilatio vero in voce exsultationis ineffabile gaudium est, quod magis in corde quam in ore modulatur.

« Quoniam Deus summus, terribilis, et rex magnus super omnes deos, subiecit populos nobis, et gentes sub pedibus nostris: elegit nos in hereditatem sibi, speciem Jacob, quam dilexit. » Duplicem causam reddit, quare manibus plaudere et jubilarē debemus: alteram quidem nostram, et alteram Salvatoris nostri. Nostram autem, pro tanto beneficio, quia nobis populos subiecit, et nos sibi in hereditatem elegit. Plaudite, inquit. Quare? Quoniam Dominus, qui modo pauper et humilis apparuit, nunc summus et terribilis, et rex magnus super omnes deos esse probatur. Summus quidem, quia omnia ei subiecta sunt, quæcunque in cœlo vel in terra sunt. Terribilis vero, quia reddet unicuique secundum opera sua. Et ipse quidem est rex magnus super omnes deos, « Quoniam omnes dii gentium dæmonia: Dominus autem cœlos fecit (Psal. xciv, 5). » « Subiecit populos nobis, et gentes sub pedibus nostris. » Nulla namque gens, vel populus est, de quibus aliqui sanctorum pedibus se non humiliassent. Quod autem ait: « Elegit nos in hereditatem sibi, » hoc est quod Dominus alibi dicit: « Funes ceciderunt mihi in præclaris, etenim hereditas mea præclara est mihi (Psal. xv, 6). » Vocat autem eandem hereditatem, id est sanctam Ecclesiam, speciem Jacob, quia ipsa est de qua Apostolus ait: « Elegit sibi gloriosam Ecclesiam, non habentem maculam, neque rugam (Ephes. v, 17). » Quod vero sequitur: « quam dilexit; » hoc est quod alibi Dominus ait: « Jacob dilexi, Esau autem odio habui (Rom. ix, 13). »

« Ascendit Deus in jubilatione, et Dominus in voce tubæ. » Iterum, inquit, plaudite, et amplius plaudite, quia « ascendit Deus in jubilatione, et Dominus in voce tubæ. » In jubilatione ascendit Dominus, id est in maximo gaudio et lætitiā apostolorum, qui eum in tanta gloria tantaque virtute ascendere videbant. Sive enim in jubilatione angelorum, quos omnes cum summa exsultatione obviam ei venisse dubitare non debemus, quorum voces et laudes, quæ excellentissimæ erant, quamvis nesciamus quales erant, per vocem tubæ intelligere possumus. Et quis unquam dicere vel cogitare valeat quanta tunc lætitiā in cœlis fuerit, quando Christus Dominus cœlos ascendit? Videor videre omnes angelos et archangelos illam Salvatoris nostri gloriosissimam humanitatem humiliter adorantes, et pro tanta talique victoria de hoste superbissimo sic superato gratias agentes. Et hoc totum in his verbis signifi-

(560) S. Augustinus, et Psalterium quod supra laudavimus, a Josepho Blanchino editum habent

catum esse puto quod hic dicitur: « In jubilatione et in voce tubæ. »

« Psallite Deo nostro, psallite, psallite, regi nostro psallite. » Quanto júbilo cor istius hominis, plenum erat, qui toties et cum tanta frequentatione nos psallere præcipit; videtur mihi his verbis dicere psallite, psallite, et incessanter psallite, ne vos angeli psallendo vincant; sed quod ipsi in cœlis faciunt, et vos in terra faciatis. Et ne fortasse aliquis sic admonitus et exhortatus præ nimia lætitiā, ut quondam ad motus corporis et ad salutationes surgere voluisse putet, subdidit dicens: « Psallite sapienter. » Et hoc quare? « quoniam rex omnis terræ Deus. » Non est iste qualiscunque rex, cui psallitis; magnus et potens est, et omnis terræ rex et dominus est. Et unde hoc probat, vis audire?

« Regnabit Dominus super omnes gentes. » Victi, inquit, sunt inimici, et regnum, et potestatem diaboli amisit, non Judæorum tantum, imo et gentium. Non regnet amplius peccatum in vestro mortali corpore, quia solus Christus rex est et ubique regnat. Et ubi est? « Deus sedet super sedem sanctam suam; » sicut scriptum est: « Dixit Dominus Domino meo: Sede a dextris meis (Psal. cxv, 1). » Et alibi: « Dominus, in cœlo sedes ejus (Psal. x, 4). » Sed ne longe esse videamur, audi Apostolum dicentem: « Nescitis quia templum Dei estis vos, et Spiritus sanctus habitat in vobis (I Cor. iii, 16). » Anima namque justi sedes est sapientiæ, nam super asellum sedere non est Dominus dedignatus.

« Principes populorum convenerunt cum Deo Abraham, quoniam dii fortes terræ nimium elevati sunt. » Interrogavit Moyses Dominum quod esset nomen ejus? cui Dominus respondens ait: « Ego sum Deus Abraham, et Deus Isaac, et Deus Jacob (Exod. iii, 6). » Hic est itaque ille Deus et Dominus, cum quo in die Ascensionis convenerunt principes populi, sancti videlicet apostoli, atque in ipsa die mandatum acceperunt ut irent in universum mundum et prædicarent Evangelium omni creaturæ (Marc. xvi, 16); et tunc quidem tot dii fortes terræ a Domino constituti sunt, sicut et Moyses, cum ad Pharaonem mitteretur, dictum est ei a Domino: « Ecce posui te Deum Pharaonis (Exod. vii, 7). » Fortes autem dii fuerunt isti, et aliis omnibus fortiores, quoniam non solum in terra, sed in cœlo quoque potestatem acceperunt, et claudere et aperire quibuscunque voluerint; unde et beato Petro Dominus ait: « Quodcunque ligaveris super terram, erit ligatum et in cœlis; et quodcunque solveris super terram, erit solutum et in cœlis (Matth. xvi, 19). » Ideoque hic dicitur: « Nimium elevati sunt. » Nimium quidem quantum ad humanam opinionem. In alia autem translatione non dicitur *nimium*, sed *valde* elevati sunt, quod satis convenientius sonare videtur (560).

valde, plura vero Italæ versionis exemplaria legunt *nimium*.

PSALMUS XLVII.

PSALMUS CANTICI : FILIIS CORE. SECUNDA SABBATI.

Filii Core illi sunt qui in Calvarie loco Christum crucifixum, diabolum victum, originale peccatum deletum, et humanum genus Christi sanguine redemptum esse non dubitant. Quod vero ait : Secunda Sabbati, sic est intelligere. Prima namque Sabbati resurrexit Dominus, suisque discipulis se manifestavit. Secunda vero de ejus resurrectione certissimi facti, inter se tractare cœperunt, quod ejus resurrectionem manifestarent, et ejus gloriam prædicarent. At vero apostolorum prædicatio, quid aliud est quam Ecclesie constructio? De Ecclesie autem constructione totus hic psalmus compositus est.

« Magnus Dominus, et laudabilis nimis in civitate Dei nostri in monte sancto ejus. » Magnus quidem, quia omnia continet et ubique est. Est autem et laudabilis nimis, quia quantum laudari debet, laudari non potest. Sed ubi laudabilis est, nisi in civitate sua et monte sancto suo? Civitas ejus et mons sanctus ejus Ecclesia est, quæ per Sion et Jerusalem significatur. Alibi Dominus laudari non dignatur, nisi in civitate sua et in monte sancto suo, id est in monte Sion, de quo sequitur :

« Dilatans exultationes universæ terræ mons Sion, latera aquilonis civitas regis magni (561). » Quoniam ex Judæis et gentilibus facta est Ecclesia, ut per Sion Judæos, per latera vero aquilonis gentiles intelligamus. Hinc est enim quod Dominus dicitur lapis angularis, conjungens duos parietes, unum ex præputio, alterum ex circumcissione. Ex his duobus parietibus Ecclesia tota consistit. Unde et in Evangelio Dominus ait : « Et alias oves habeo quæ non sunt ex hoc ovili, et illas oportet me adducere, et fiet unum ovile et unus pastor (Joan. x, 16). » Latera autem aquilonis, omnes illi intelliguntur quos diabolus perflat et ventiliat; ibi enim fuit sedes ejus, sicut ipse ait : « Ponam sedem meam ad aquilonem, et ero similis Altissimo (Isa. xiv, 14). » Unde et alibi dicitur : « Ab aquilone pandetur malum super omnes qui habitant terram (Jer. i, 14). » De talibus igitur sancta Ecclesia fabricata est, quia non venit Dominus vocare justos, sed peccatores ad poenitentiam (Matth. ix, 13). Quod autem ait, « dilatans exultationes universæ terræ, » tale est ac si diceret : Mons Sion civitas est regis magni dilatans exultationes universæ terræ. « De Sion » enim, sicut scriptum est, « exhibit lex et verbum Domini de Je-

(561) In Vulgata legitur : *Fundatur exultatione universæ terræ mons Sion*, etc. Textus autem Augustini ita se habet : *Dilatans exultationes universæ terræ, montes Sion*, etc. Concordat lectio Brunonis usque ad verba, *universæ terræ*, sed in reliquo est cum Vulgata, *mons Sion, latera aquilonis*, etc. Exponit vero S. Aug. cur montes, et non mons legatur, quam illustrationem omittimus, hic non necessariam; tanto magis, quod in eam convenit commentator noster. Conformatur versio, quia usus est Cassiodorus, textui Brunonis in omnibus.

(562) « Tunc enim Deus dignoscetur, id est potentia ipsius virtusque declarabitur, quando Ecclesia

A rusalem (Isa. ii, 3). » Inde enim venerunt apostoli, inde fides et doctrina Christi, inde isti psalmi; inde omnis letitia et exultatio, quibus Ecclesia gratulatur, et per universum mundum dilatata est.

« Deus in gradibus ejus dignoscetur, dum suscipiet eam. » Venit, inquit, Dominus ad hanc civitatem suam, sed nondum suam, quia nondum suo sanguine redemptam, et neque cognitus, neque susceptus est : « In propria venit, et sui eum non resceperunt (Joan. i, 11). » Sed dum suscipiet eam, in gradibus ejus dignoscetur. Hoc autem erit in judicio, quando et boni et mali astabunt ante tribunal Christi (562). Isti autem sunt illi gradus, de quibus superius 394 dicitur : « a gradibus eburneis. » Gradus Ecclesie apostoli sunt, quia ipsi nos portant et sustinent, et per illos omnes ascendimus. In illis autem cognoscitur Dominus, qui in illis et per ipsos omnia judicabit. Et bene quidem in discipulis cognoscetur magister, quia si ipsi sapientes sunt, jam de magistro non dubitetur.

« Quia ecce reges terræ congregati sunt et convenerunt in unum. » Hoc est autem quod in titulo dicitur : « Secunda Sabbati : » secunda namque Sabbati postquam Dominus a mortuis resurrexit, congregati sunt discipuli et convenerunt in unum, simulque, ut in Evangelio legitur, clausi manebant propter metum Judæorum, inter quos et semel et iterum Christus apparuit, et dixit eis. « Pax vobis : ego sum, nolite timere. Gavisus sunt ergo discipuli, viso Domino (Joan. xx, 21). » Et hoc est quod ait :

« Ipsi videntes tunc admirati sunt. » Bene autem dixit, tunc, quia in ipso principio non mirum, si admirabuntur de tanti miraculi novitate. Non tamen mirari debuerant quod ille a mortuis resurrexit, qui ipsis præsentibus et viventibus alios resuscitavit, et adhuc omnes resuscitare habet (563). Nunc autem Propheta ad ea visum attendit, quæ apostoli passi sunt, postquam ad invicem divisi ubique gentium prædicare cœperunt. Neque enim alia dicere poterat, nisi ea quæ sibi intus ostendebantur. Unde et ipse alibi ait : « Audiam quid loquatur in me Dominus Deus (Psal. lxxxiv, 8). » Et inde fit ut prophetæ materię continuationem et ordinem non teneant, sed modo ad hæc, modo ad illa subito transferantur, et sæpiissime prius ea dicunt, quæ postea facta sunt.

« Conturbati sunt montes, et commoti sunt, tremor

illi beatos viros asserre ipso largiente monstrabitur : dum secundum gradus meritorum sancta plebs ad dexteram collocatur. » Cassiod.

(563) S. Bruno qui omnia Veteris Testamenti facta, figuras et prophetias ad Novi significationem Testamenti traducere conatus est, versus hujus ac superioris verba quæ plane de regibus terræ loquuntur, ad Christi discipulos ab obvio sensu nimis alienos convertit, ut eorum stuporem et admirationem, audita Christi resurrectione, exponeret. Nil id officii Scripturæ veritati, neque a mystica interpretatione absotum habendum est.

« apprehendit eos; ibi dolores, ut parturientis, in spiritu vehementi conteres naves Tharsis. » Postquam, inquit, apostoli predicare cœperunt, et deorum cultum falsum esse certissima ratione ostenderunt, et terrorem futuri iudicii nuntiaverunt, et signis multis atque miraculis suam doctrinam confirmaverunt, conturbati sunt omnes qui eos audiebant, et commoti sunt, tremor apprehendit eos. Conturbati quidem sunt, alii bene, alii non bene. Sed nō modo de his qui bene conturbati et commoti sunt, dicere volumus. Bene autem conturbatur qui contra seipsum, si male vixit, credidit et contra pristinam suam conversationem conturbatur. Commoti sunt autem ab infidelitate ad fidem, a tenebris ad lucem, a falsitate ad veritatem transeuntes. Et hoc ideo, quia tremor futuri iudicii et pœnarum quæ incredulos expectant, apprehendit eos. « Ibi dolores sicut parturientis. » Boni isti dolores sunt, quia cito in gaudium convertuntur; unde et Dominus ait: « Mulier cum parit, tristitiam habet, quia venit hora ejus: cum autem peperit filium, jam non meminit pressuræ, propter gaudium, quia natus est homo in mundo (Joan. xvi, 21). » Tales igitur dolores habebant illi qui ad fidem veniebant, et pro peccatis suis dolebant et flebant.

« In spiritu vehementi conteres naves Tharsis. » Nonne vides quam subito hic mutatur persona? Quære a principio psalmi huc usque, et non invenies prophetam, nisi hic ad secundam loqui personam. Hoc autem ideo dixi, ut non quæramus omnia in prophetis, quæ in aliis Scripturis quærere solemus. « In spiritu, » inquit, « vehementi, » o Domine, conteres naves Tharsis. » Hic est ille spiritus de quo in Actibus apostolorum legitur: « Factus est repente de cœlo sonus tanquam advenientis spiritus vehementis, et replevit totam domum, ubi erant sedentes (Act. ii, 2). » Hic igitur spiritus contrivit naves Tharsis, quia innumerabiles hujus mundi civitates, oppida, castella et villas quæ per naves significantur, secundum priorem statum contrivit, et in melius commutavit. Bene autem Tharsis mundum significat, quæ in mari posita, solis navigiis, negotiationibus et deceptionibus dedita fuit.

« Sicut audivimus, ita et vidimus in civitate Domini virtutum, in civitate Dei nostri; Deus fundavit eam in æternum. » Pōit se Propheta cum omnibus aliis qui admirantur de tam subita omnium gentium conversione. Sicut audivimus, inquit, a patriarchis et prophetis; ita et vidimus in civitate Domini virtutum, per quam Ecclesia significatur. Dominus virtutum dicitur Salvator noster, quia ipse est, qui per se et per suos tantas ubique virtutes operatur. Pulchre autem dixit: « Deus fundavit eam in æternum; » quia fundamentum ejus moveri non potest; unde et Dominus ait: « Et portæ inferi non prævalebunt adversus eam (Matth. xvi, 18). »

(564) « Hoc est Verbum quod caro factum est, et habitavit in nobis. Sicut enim redemptum Christus, ita et misericordia. » S. AMBROS.

« Suscepimus misericordiam tuam in medio templi tui (564). » Quicumque misericordiam invenire et a peccatis liberari desiderat, veniat ad templum Dei, veniat ad Ecclesiam Dei, quia nusquam alibi est remissio peccatorum.

« Secundum nomen tuum, Deus, ita et laus tua in fines terræ. » Sicut, inquit, nomen tuum ubique auditum est, neque est aliqua gens, quæ nomen tuum ignoret; ita fac ut laus quoque tua ubique dilatetur, **395** et extendatur, et nulla gens sit usque ad fines terræ, quæ te non laudet atque magnificet. Et beati illi, qui te laudabunt, miseri vero, qui te non laudabunt. Unde hoc? Quia « justitia plena est dextera tua, » quæ « reddit unicuique secundum opera sua (Matth. xvi, 27). »

« Lætetur igitur mons Sion, » qui te quotidie laudare non cessat, « et exsultent filii Judæ, » id est animæ confessorum, quæ et ipsæ in tuis laudibus perseverant. Judas enim *confessor* interpretatur, seu *laudans Dominum*. « Propter judicia tua, Domine. » Talia enim sunt judicia tua, quæ beatos facient, et lætificabuntur omnes fideles tuos. Nunc autem apostrophem ad ipsos apostolos facit, eosque hortatur ut hujus montis solliciti sint, et omni diligentia eum muniant et custodiant. Et hoc est quod dicit:

« Circumdate Sion, et complectimini eam, et narrate in turribus ejus: ponite corda vestra in virtute ejus, et distribuite gradus ejus, ut enarretis in progenie altera. » Circumdate, inquit, Sion, vos qui custodes et speculatores estis, vestrisque eam undique munite præsiidiis. Et complectimini eam ulnis amoris et charitatis, ne forte ab aliis amatoribus diripiatur. « Narrate, » et prædicate « in turribus ejus, » per quas singulas Ecclesias, non mente, sed locis a se diversis intelligimus. « Ponite corda vestra in virtute ejus; » id est toto corde, totaque intentione intendite in virtute et fortitudine ejus. « Et distribuite gradus ejus: » ordinantes episcopos, presbyteros, aliosque gradus ecclesiasticos per singulas civitates; « ut enarretis in progenie altera. » Hoc est enim quod Apostolus ait: « Plures facti sunt sacerdotes secundum legem (565), eo quod morte prohiberentur permanere (Hebr. vii, 23). » Si enim semper viverent, ipsi soli sufficerent, et alii ordinandi non essent; nunc autem aliis obeuntibus, alios succedere necesse est, per quos doctrina apostolica enarretur in progenie altera. Sed quid narrabitur in progenie altera?

« Quoniam hic est Deus noster in æternum, et in sæculum sæculi, et ipse reget nos in sæcula. » Sufficit igitur nobis hoc in Ecclesia prædicare; quia Christus Deus, et rex noster est in æternum, et quia ipse nos regit et diligit, nunquam de ejus regimine recedamus, neque unquam ad aliam doctrinam transeamus, et quæcunque præcipit humiliter faciamus, et nullum

(565) Verba secundum legem non habet textus Græcus, habebat autem Vulgata Latina antequam recognosceretur.

alium rectorem suscipiamus, et sufficit nobis.

PSALMUS XLVIII.

IN FINEM : FILIIS CORE. PSALMUS.

Iste titulus satis jam expositus est.

« Audite hæc, omnes gentes, auribus percipite, qui habitatis orbem, quique terrigenæ, et filii hominum, simul in unum dives et pauper. » Magna se in hoc psalmo Propheta locuturum esse ostendit, cum tantam omnium gentium faciat vocationem, neminem dimittit, omnes vocat, et divites et pauperes audire jubet.

« Os meum loquetur sapientiam, et meditatio cordis mei prudentiam. » Simul nos et attentos et benevolos facit, dum se sapientiam et prudentiam locuturum esse promittit. Et revera summa sapientia hæc est, ut homo in virtute sua non confidat, neque in divitiis suis gloriatur, ut misericordiam diligat, seipsum cognoscat, et carnem suam luxuriis et voluptatibus non subiciat.

« Inclinabo ad similitudinem aurem meam » In eo quod ad similitudinem aurem suam inclinare se dicit, et per similitudinem se loqui, et non sua, sed aliena se dicere ostendit. Et hoc est quod alibi ait:

« Audiam quid loquatur in me Dominus Deus (Psalm. LXXXIV, 9). » — « Aperiam in psalterio propositionem meam. Psalterium instrumentum est musicæ artis, quod decem chordas, et non amplius habet. Decem autem sunt verba legis, in quibus præcepta omnia continentur. Ille igitur in psalterio cantat, qui legis mandata custodit et operatur.

« Ut quid timebo in die mala ? » Nunc in similitudine loqui incipit, et seipsum aliis in similitudinem ponit, ut quod ipse dicit de se, hoc unusquisque intelligat in se. Dies autem mala, dies iudicii est, quæ ad sola mala suscipienda malis hominibus præparata est. Ut quid timebo, inquit, in die mala ? « Iniquitas calcanei mei circumdabit me. » Iniquus est ille calcaneus, qui firmus non stat, et totum hominem ruere facit. Multos calcaneos habemus et plures intus, quam foris habemus. Omnia opera nostra calcanei nobis sunt; boni quidem calcanei, si bona sunt; mali vero, si mala sunt; in his enim aut cadimus aut stamus. Ille igitur non timebit in die mala, qui bonum, dum vixit, calcaneum habuit:

« Qui confidunt in virtute sua, quique in abundantia divitiarum suarum gloriantur. » Illi, inquit, timeant in die malo, qui confidunt in virtute sua et qui gloriantur in multis divitiis suis. Et ideo timeant, qui calcaneos iniquos habent; tales enim **396** calcanei iniqui sunt, quia cito deficient, et eos

(366) « Per hominem Dominum Jesum intelligamus qui suscepit hominis conditionem, ut in carne sua peccatum omnium crucifigeret, et chirographum universorum suo cruore deleteret. » S. AMBROS.

(367) Tam in Vulgata versione, quam edidit et illustravit Isidorus Psalterio juxta Venet. editionem, anno 1542, quam in Psalterio a Ven. cardin. Thomasio cum notis publicato Romæ an. 1741, legitur: Non dabit Deo placationem suam. » Ubi card.

A quos portant sustinere non poterunt. Et unde hoc probat?

« Frater non redimit, redimet homo. » Quis est iste frater cujus redemptio tam necessaria est (366)? Hic est ille, qui alibi ait: « Narrabo nomen tuum fratribus meis (Psalm. xxi, 23). » Ipse est igitur Salvator noster, qui eos utique non redimit, qui confidunt in virtute sua, et qui gloriantur in divitiis suis. Et si ille eos non redimit, qui et Deus est, et homo nunquid aliquis eos redimet homo? Poteritne sacerdos vel levita sanare quos non sanavit Samaritanus? « Non dabit Deo petitionem suam (367), nec pretium redemptionis animæ suæ. » Ideo, inquit, non redimetur, quia ejus petitiones Deus non audit, et quia pretium redemptionis animæ suæ non reddit. Illorum petitiones et orationes suscipit Deus, qui bonam intentionem habent et mundo corde eum deprecantur. Illi vero redimunt animas suas qui elemosynis et aliis pietatis et misericordiæ operibus peccatis suis satisfaciunt. « Laborabit in æternum, et vivet in finem. » Quia, inquit, mali, tales et tales sunt, ideo in æternum laborabunt, et ad quietem nunquam pervenient. Et vivent usque in finem, sed nunquam pervenient ad finem, vellet enim mori, et ad finem pervenire si possent.

« Quoniam non videbit interitum, cum viderit sapientes morientes. » Ideo, inquit, homines iniqui in tormentis et doloribus vivent usque in finem, quia non intelligunt neque considerant quam justè et quam sanctè sapientes moriuntur: « Pretiosa in conspectu Domini mors sanctorum ejus (Psalm. cxv, 5). » Isti vero cogitant, et in cordibus suis dicunt: una conditio est omnium, et boni et mali, et justi et peccatores, et sapientes et insipientes, et omnes pariter moriuntur et in pulverem resolvuntur, nulla differentia est; gaudeamus in hac vita, quia nescimus quid futurum sit in alia vita. Talis autem cogitatio iniqua est et desperatione plena; quapropter « simul insipiens et stultus peribunt. » Hic est ille insipiens, qui dixit in cordo suo: Non est Deus (Psalm. xlii, 1); per quem infideles homines intelligimus. Stultus vero est, qui sola terrena et transitoria diligit, quæ tam cito et tam facile amittuntur. Uno igitur et simili modo isti peribunt, quia talis fidelis aut parum, aut nihil differt ab infideli. Talis autem stultus erat ille, cui Dominus ait: « Stulte, hac nocte animam tuam repetent a te (368): quæ autem parasti, cujus erunt? » (Luc. xii, 10.) Unde et subditur:

« Et relinquent alienis divitias suas. » Hoc est

Thom. adnotat: « Nec quisquam illorum sive fortiter, sive divitum dabit pro se quidquam, quo Deum sibi ipse placatum reddat. » Similia habet Clarinus: Cassiodorus vero, qui pariter habet, Non dabit Deo placationem suam, ita exponit: Non dabit, negantis est, quia nulla oblatio, nulla placatio potest compensare, quod nos Divinitas est dignata redimere.

(368) Cod. Ghs., anima tua rapietur

quo in alio psalmo dicitur : « Thesaurizant, et ignorant cui congregent ea (Psal. xxxviii, 7). » — « Et sepulcra eorum domus eorum in aeternum. » Postquam in sepulchris habitare coeperunt, nunquam alias domos ulterius habebunt, nam et infernus sepulchrum est, et ipsa eorum corpora sepulcra sunt, fetida quidem et putredine plena.

« Tabernacula eorum in omni generatione, et progenie : invocabunt nomina eorum in terris ipsorum (569). » Sicut enim in caelesti Jerusalem mansiones multae sunt ; ita et in inferno multa tabernacula, et poenarum receptacula sunt. Et sicut ibi alii ab aliis differunt in gloria ; ita et ibi alii ab aliis differunt in tormentis. « Tabernacula igitur eorum, » id est maligni spiritus, qui simul cum eis in ipsis tabernaculis habitabunt, « in omni generatione et progenie, » per quod infinitum tempus designatur. Inter ipsa tormenta quibus eos cruciabunt, nomina eorum turpissima invocabunt, ut hoc ipsum sit eis ad maiorem poenam atque tristitiam, quod talibus nominibus vocabuntur. Intelligendum est itaque quod inter ipsa flagella, adulteros, fornicatores, sacrilegos, fures, latrones, perjurios, homicidas, sodomitas, praedatores, et aliis nominibus, quae ipsi melius in memoria habent maligni spiritus, eos in perpetuum vocabunt. Et ille quidem terrae populus erunt terrae ipsorum, in quibus in aeternum habitabunt.

« Et homo cum in honore esset, non intellexit, comparatus est iumentis insipientibus, et similis factus est illis. » Haec est causa quare homines iniqui quae superius dicta sunt patiantur, quia cum in honore essent et ad Dei imaginem et similitudinem facti essent, non intellexerunt ad cuius imaginem facti erant ; sed potius luxuriose turpiterque viventes, iumentis insipientibus similes esse voluerunt. Bruta igitur facti sunt ; qui si voluissent, dii esse poterant. Sic enim scriptum est : « Ego dixi : Dii estis, et filii Excelsi omnes (Psal. lxxxi, 6). » « Haec via illorum scandalum ipsis. » Quis dicere valeat quanta haec via iniquorum, et in hac vita et in alia scandala illis et pericula pariat ? Haec via facit, ut nunquam pacem habeant, et se vicinissimi interficiant, et ut alter alterum iniquo odio prosequatur. « Et postea in ore suo benedicent. » Potest autem hoc intelligi, ut post scandala et contentiones, isti tales, se invicem, non in corde, sed in ore suo se benedicant ; quod ad fictam pacem pertinere videtur. Si autem post hanc vitam hoc intelligimus, quid erit aliud : postea in ore suo benedicent, nisi postea benedixisse desiderabunt ?

(569) « Quia opera eorum corruptibilia atque terrena, et ideo scribuntur eorum nomina, ubi vivere maluerunt. Quia autem elevaverunt opera sua, iis dicitur : Nolite gaudere, quia demonia vobis subiecta sunt ; sed gaudete, quia nomina vestra scripta sunt in caelo (Luc. x, 20). » S. AMBROS.

(570) Lectio Vulgatae est : « Et dominabuntur eorum iusti in matutino, et auxilium eorum veterascet in inferno a gloria eorum. » Super quae ita S. Ambrosius : « Qui noluerunt, ut pasceret eos Christus, de-

A Et hoc in ore suo, per quod cogitationem convolventius, quam verba intelligere possumus.

« Sicut oves in inferno positi sunt. » Oribus modo assimilantur, non propter aliud, nisi quia nulla ratione se defendent, sed omni virtute et fortitudine privati, quasi vilissima animalia ad mortem trahentur. Et mors quid faciet ? « Et mors depascet eos : non dixit devorabit, sed depascet eos, ut post hoc, mortem ipsam indeficientem semperque redivivam intelligamus.

« Et obtinebunt eos iusti in matutino (570). » Unde obtinebunt eos, quia iusti jacebant, et nihil poterunt contra eos. Hoc autem erit in matutino, quando hac nocte longissima transacta, oriatur iustus sol iustitiae. « Et auxilium eorum veterascet in inferno ; » ubi ipsi erunt, ibi erit auxilium eorum ; per quod videlicet omnes eorum amicos et propinquos, qui eis auxiliari solebant, intelligere debemus. Isti autem veterascant in inferno, quia non modico tempore ibi habitabunt, et a gloria sua expulsi sunt. « Hoc si initio dixisset, convenientius videretur, quia quando mortui sunt, tunc quidem a gloria sua expulsi sunt. Sed haec in prophetis quaerenda non sunt, quia quocumque vadit spiritus, illuc et rotae sequuntur.

« Verumtamen Deus liberabit animam meam de manu inferi, dum acceperit me. » Quasi ei aliquis diceret : Sic loqueris tu de aliis, quasi tu quoque in infernum descendere et ibi habitare non debeas ? C Ad quod ipse : Scio quia descendam, verumtamen Deus liberabit animam meam de manu inferi. Quando ? dum acceperit me. Felix illa dies, et nimum felix, qua Salvator noster illic descendit, et sanctorum animas, quae ibi captivae tenebantur, eripuit. Nunc est quod hic ipse alibi ait : « Auditui meo dabis gaudium et letitiam, et exsultabunt ossa humiliata (Psal. l, 10). »

« Ne timueris, cum dives factus fuerit homo, et multiplicata fuerit gloria domus ejus. » Non timueris, inquit, neque divitem, neque pauperem, quia et divites cito pauperes fiunt, et sanctorum paupertas cito in divitias commutatur. Timent multoties viri religiosi, quando viros impios et superbos, qui eos odio habent in potentia et divitiis crescere vident ; quos modo Propheta consolatur et hortatur ne timeant quoniam hi tales cito deficiunt.

« Quoniam cum morietur, non accipiet omnia, neque simul cum eo descendet gloria domus ejus. » De talibus quidem dolendum est, quia pereunt, sed

pascet eos mors.... Quibus licet in hac vita studium potentiae fuerit, et divitiarum, ut aliis dominarentur ; sed in resurrectione erit servitus, cum iustis matutinus splendor illuxerit : quorum figura est, quod Jacob Dominus praeposuit fratri. Miserabilis itaque servitus, ut eo tempore, quo alii vocantur in gloriam splendoris et luminis ; horum gloria veterascet, et consumatur in tenebris inferorum. » Lectionem Vulgatae hic sequitur etiam Cassiodorus ; cuius interpretatio ioni consentit S. Ambrosius.

gaudendum est, quia suæ iniquitates merita recipiunt.

« Quoniam anima ejus in vita ipsius benedicetur. » In vita sua tantum benedicetur impius, sed ab adulatoribus sibi similibus. Postquam autem mortuus fuerit, æternam expectat maledictionem. « Et confitebitur tibi cum bene feceris ei. » Videmus istos tales, quando eis secundum suam voluntatem prospera accidunt, dum multoties benedicere et laudare, nec tamen ab iniquitate discedunt, sed ipsis suis prosperitatibus deteriores fiunt.

« Et introibit usque in progeniem patrum suorum » (571). « Hoc enim ipsi quasi ludentes dicere solent, quia ibi esse et habitare volunt, ubi sunt parentes eorum. Parentes autem illorum illi sunt, quorum opera imitantur. Cum illis igitur erunt in pœnis, a quibus non differunt in operibus. Unde et subditur: « Et usque in æternum non videbit lumen; » quia de tenebris cæcitatibus et erroris ibunt in tenebras exteriores; ibi erit fletus et stridor dentium.

« Et homo cum in honore esset, non intellexit, comparatus est jumentis insipientibus, et similis factus est illis. » Hoc autem jam superius dixerat, sed in eo, quod iterum repetit, eos in sua malitia perseverasse ostendit.

398 PSALMUS XLIX.

PSALMUS ASAPH (572).

Asaph *Synagoga*, id est congregatio, interpretatur, Ipsa igitur in hoc psalmo et dicit se a Domino hoc mandatum accepisse, ut cesset a sacrificiis quæ offerre consueverat, et offerat Deo sacrificium laudis et jubilationis.

« Deus deorum Dominus locutus est, et vocavit terram, a solis ortu et occasu ex Sion species decoris ejus. » Dicit Evangelista de his, qui Christum receperunt, quia « dedit eis potestatem filios Dei fieri, his qui credunt in nomine ejus » (Joan. 1, 12). « Omnes igitur fideles et filii sunt, et filii Dei, de quibus et Dominus ait: « Ego dixi: Filii estis » (575), et filii Excelsi omnes (Psal. LXXXI, 6). » Deus itaque, qui deorum, id est sanctorum omnium specialiter Dominus est (ipsi enim sunt, qui ei serviunt et obediunt) locutus est, et per se ipsos et per apostolos suos. « Et vocavit terram. » Quam terram? « A solis ortu usque ad occasum; » — « non enim

(571) Ita cod. Ghs. et Vallie. *Introibit in progenies*. Plures sunt codices; qui habent in *progenies*, eademque lectio est in textu quo usi sunt Clarus et Thomassinus supra citati. Sed in *progeniem*, ut tradit S. Bruno, legunt Cassiodorus, codd. Casin. et Flor., quemadmodum notat etiam in hunc locum Lucas Hostenius.

(572) « Asaph fuit filius Baruchæ de familia Gerson filii Levi, qui in lib. I Paralip. c. vi. legitur electus inter quatuor cantorum magistros, ut instrumentis musicis Domino psalmos resonaret, qui non auctor psalmi hujus, sicut de aliis dictum est, sed musicus egregius existens, in hoc tamen titulo meruit ob significationem sui nominis adhiberi; interpretatur enim *Synagoga*. Sed hic illa *Synagoga* fidelis loqui intelligenda est quæ et venturum Christum

A Judæorum Deus tantum, imo et gentium; quoniam unus est Deus, qui justificat circumcisionem ex fide, et præputium per fidem (Rom. III, 29). » Hinc enim quod alibi dicitur: « In omnem terram exivit sonus eorum, et in fines orbis terræ verba eorum » (Psal. XVIII, 4). » — « Ex Sion species decoris ejus. » Omnes, inquit, ab oriente usque in occidentem vocati sunt; Sion vero, et Jerusalem in medio est, secundum illud: « Deus autem rex noster ante sæcula operatus est salutem in medio terræ » (Psal. LXXXIII, 12). » Egrege itaque dictum est quod illa civitas in medio sita est, ex qua omnia in circuitu, fidem et doctrinam, speciem et pulchritudinem suscipere debebant. In Sion namque sanguis ille fusus est, quo totus mundus purificatus antiquam pulchritudinem decoremque recepit. Et hæc quidem de primo Christi adventu dicta sunt: nunc de secundo audiamus.

« Deus manifestus veniet, Deus noster, et non ailebit. » Veniet enim in primo adventu suo occultus, et in forma servi, et ideo cognitus non est. « Si enim, » ut Apostolus ait, « cognovissent, nunquam Dominum gloriæ crucifixissent » (I Cor. II, 8). « Veniet autem manifestus, non judicandus; sed judicaturus. Unde et ipse ait: « Cum venerit Filius hominis in majestate sua tunc congregabuntur ante eum omnes gentes » (Matth. XXV, 32). » Unde hoc dicitur: « Congregate illi sanctos ejus. » Et quidem non silebit, qui prius quidem « tanquam ovis ad occisionem ductus est, et non aperuit os suum » (Isai. LIII, 7). » Tacuit enim, sicut scriptum est, sed non semper tacet; tacere et judicare inconvenientia sunt.

« Ignis in conspectu ejus ardebit, et in circuitu ejus tempestas valida. » Ideo prophetiæ graves sunt, quia pluribus in locis, neque tempus, neque ordinem servant. Iste enim versus postea dicendus esset, quia ea quæ sequuntur prius fiunt quam ea quæ hoc versu narrantur. Prius enim vocabitur et cælum, et terra sursum, et populus a populo discernetur, et omnes sancti ante judicem congregabuntur, et prius cæli sententiam dabunt, et justitiam annuntiabunt; et sic tandem in conspectu ejus ardebit, et in circuitu ejus tempestas valida. « Sic enim se habet ordo, et hoc est quod ait:

D « Advocavit cælum » (574) sursum, ut terram discerneret populum suum. » Prophetarum est pro

credidit, et venientem libentissime suscepit. Sciendum plane, quod hic psalmus utrumque Domini adventum prophetet. » BEDA.

(573) « Filii dicuntur homines qui bonis conversationibus gratiam supernæ majestatis accipiunt; sicut in alio psalmo LXXXI, 6, ait ego dixi, etc. Ita ergo filii dicuntur, sicut et filii: quia utrumque gratia præstat, utique non natura. Deus autem deorum est Dominus Christus; ipse enim cum Patre et Spiritu sancto vere dicitur Deus deorum; quod nomen non omnino divinitatis est proprium; sed humana lingua, sicut jam diximus, summitatem ejus ultra hoc non potest indicare. » CASSIOD.

(574) *Advocavit cælum*. Quod hic ait S. Bruno, prophetas sæpe pro futuris præterita ponere verum quidem est. Sed hujusmodi ratio hic non videtur

futuris præterita ponere, quia sic vident ea quæ futura sunt, ac si jam facta fuissent. Per cælum et terram omnis bonorum et malorum multitudo significatur. Et merito boni cæli vocantur, quia illuc ituri sunt, et quia semper cælestia dilexerunt. Mali vero non immerito terra dicuntur, quia sola terrena et transitoria diligunt, et ad inferiora terræ trahendi sunt. Advocabit igitur Dominus et cælum et terram sursum, quoniam et bonos et malos, ut Apostolus ait: « Omnes astare oportet ante tribunal Christi, ut reddat unusquisque rationem de peccatis suis (II Cor. v, 19). » Quod autem ait sursum aperte ostendit, non in terra, sed sursum in aere iudicium esse futurum. Sed quare advocavit? « Ut discernere vel populum suum. » Sic enim in Evangelio scriptum est, quia « Separabit bonos a malis, sicut pastor separat agnos ab hædis, et statuet agnos quidem a dextris, hædos autem a sinistris (Matth. xxiv, 33). »

399 Satis autem in ipsa sua positione intelligere poterunt, quibus gloria, et quibus poena sit præparata. Congregate illi sanctos ejus, qui ordinaverunt Testamentum ejus super sacrificia. Vos, inquit, angeli, quorum officium est, congregate illi sanctos ejus, per quos episcopos et sacerdotes, omnesque ecclesiastici ordinis. Et digne quidem non simul curant aliis, sed separatim per se isti congregantur. Post hos autem veniunt apostoli, de quibus subditur: « Annuntiabunt cæli iustitiam ejus. » Deinde vero ponitur ipse Dominus et Salvator noster, de quo hic dicitur: « Quoniam Deus iudex est. » Ordinaverunt autem episcopi et sacerdotes Testamentum Dei super sacrificia; quia in ipsis Judæorum sacrificiis exposuerunt et ostenderunt Novum Testamentum significatum esse. Cum enim utrumque Testamentum Dei sit, illud tantummodo ejus esse dicitur, quod spiritualiter intelligitur. Quod enim in utroque Testamento ad litteram intelligitur, Vetus est: et quod spiritualiter intelligitur, Novum est. Inter nos igitur et Judæos sola littera differentiam facit, quam si illi non sequerentur, hodie nobiscum omnes Christiani essent; sed littera occidit, sicut spiritualis intelligentia Ecclesiam vivificat. Novum itaque Testamentum expositio est Veteris Testamenti. Immo lat Judæos agnum, et hædum, et taurum; et ego dico Christum in his esse significatum: hoc quid aliud est, nisi Testamentum super sacrificia ordinare?

« Annuntiaverunt cæli iustitiam ejus, quoniam Deus iudex est. » Annuntiabunt, inquit, non suam iustitiam, sed iudicium Dei, « quoniam Deus iudex est, » cujus iustitiam et iudicium cæteri nuntiabunt. Non enim solummodo apostoli, sed regina quoque Austri, et Ninivite in illo iudicio iudicabunt; sed omnes isti iudicabunt sicut discipuli, Christus autem sicut Dominus et magister. Data enim sententia, et

habere locum, cum versio Vulgata legat *advocabit*, et consonet textui Hebraico, nec non Græco LXX interpretum. S. Gregorius quemadmodum S. Bruno quinquies citat hunc locum, scilicet *advocabit cælum*,

A iudicio hoc ordine completo, tunc sequetur quod superius dixit: « Ignis in conspectu ejus ardebit, et in circuitu ejus tempestas valida. » Hæc autem magis timenda quam exponenda, et magis cum timore cogitanda quam lingua proferenda sunt. Huc usque Asaph (per quem omnes patriarchas et prophetas intelligimus) de utroque Christi adventu locutus est. Nunc autem ad ea quæ locutus est respondere incipit.

« Audi, populus meus, et loquar Israel, et testificabor tibi, quoniam Deus Deus tuus ego sum. » Satis, quasi dicat, locutus es, audi nunc, et ego loquar, et sub testificatione dicam tibi, ut ea quæ dicam firmissime teneas, et nullatenus mutare præsumas: « Quoniam ego sum Deus Deus tuus, » qui te, nisi mihi obediens fueris, impunitum abire non patiar. Quem enim sic audire, et eui sic obedire debemus, sicut Deo nostro et Domino nostro? Longe hoc inferius positum est, quod attentissime audire jubet, et se locuturum esse promittit, ibi videlicet ubi dicitur: « Immola Deo sacrificium laudis, et redde Altissimo vota tua. » Et in fine Psalmi: « Sacrificium laudis honorificabit me, et illic iter est in quo ostendam illi salutare Dei. » Et tale est ac si diceret: Tu ipse superius laudasti, et socios vocasti, qui ordinaverunt Testamentum Dei super sacrificia; vide ergo ut non secundum litteram, sed secundum spirituale sensum Scripturæ intelligas. Quod si feceris, tunc mihi placebunt sacrificia tua, quæ quidem aliter intellecta vanissima sunt. Et hoc est quod dicit:

« Non super sacrificia arguam te, holocausta autem tua in conspectu meo sunt semper. » Non, inquit, super sacrificia tua arguam te, quia sic facta et sic intellecta non redarguenda, sed laudanda sunt. Talia enim holocausta placent Deo, semperque sunt in conspectu ejus. Sic enim legitur de sacrificio Abel: « Quia respexit Dominus ad Abel et ad munera ejus; ad Cain vero, et ad munera ejus non respexit (Gen. iv, 4). » Unde manifestum est quia sancti patriarchæ et prophætæ, et alii omnes in quibus erat Spiritus sanctus, ipsa sacrificia quæ faciebant, spiritualiter intelligebant. Quod in hoc Psalmo manifestissime probatur, in quo David propheta taliter et talia de sacrificiis loquitur:

« Non accipiam de domo tua vitulos, neque de gregibus tuis hircos. » Hæc verba superioribus contraria esse videntur; sed non sunt. Sunt hirci et vituli quos suscipit Dominus, et sunt hirci et vituli quos Dominus non suscipit. Hircus est homo luxuriosus, vitulus vir superbus; qui si ad poenitentiam redeant, et carnem suam immolare et affligere incipiant, talis hircus et talis vitulus suscipiuntur a Domino. Hinc est enim quod Apostolus ait: « Obsecro vos per misericordiam Dei, ut exhibeatis corpora

et Clarinus, qui his verbis notam apponit. « Tam cælestes mentes, quam mortales in hoc sæculo servire fecit ad auferendam Satanae tyrannidem. »

vestra hostiam viventem, sanctam, Deo placentem, A nomini ejus (*Rom. xiii, 15*). Talia sacrificia diu rationabile obsequium vestrum (*Rom. xii, 1*). Alios autem vitulos et hircos Deus non curat. Suscipiebat tamen illos aliquando propter significationem, non propter sui sanguinis effusionem.

« Quoniam mea sunt omnes fœre silvarum, jumenta in montibus, et boves. » Ut quid enim vitulos et hircos repellit, qui boves suscipit et jumenta? Non animalia, sed sacrificia repellit, quia et hæc bona sunt, sicut illa; nam et illa sacrificia pro sua significatione aliquando Domino placuerunt, quæ si modo fierent, pro sacrilegio haberentur. Sed quid per feras silvarum, nisi feroces homines et rapinæ deditos intelligimus? Et isti quidem Domini sunt; quia multoties in melius commutati Domino servant. Jumenta vero, 400 et boves, quia in montibus sunt, bonam significationem habere videntur. Sunt igitur jumenta, sed bona, quia aliena opera ferunt. De quibus Apostolus ait: « Alter alterius onera portate, et sic adimplebitis legem Christi (*Galat. vi, 2*). » Boves vero episcopi sunt et sacerdotes, qui vomere lingue agrum Dei assidue colunt; et isti quidem in montibus sunt, per quos Ecclesias intelligimus.

« Cognovi omnia volatilia cœli, et species agri mecum est. » Per volatilia cœli omnes illos significat, qui sapientiores in Ecclesia sunt et altius volant. Talis fuit beatus Joannes, qui speciem aquilæ habere describitur. Talis et beatus Paulus, qui ad tertium cœlum raptum se esse dicit. Tales sunt et omnes alii, qui in Scripturis intelligendis et exponendis die ac nocte meditantur. Speciem vero agri virginum choros utriusque sexus intelligimus, quos secum se Dominus habere dicit, quia in talibus delectatur; unde et ipse in Canticis canticorum dicit: « Ego flos campi, et lilium convallium (*Cant. ii, 1*). »

« Si esuriero; non dicam tibi. » Hoc autem tale est ac si diceret: Si tale sacrificium ulterius mihi offerre volueris, et me tali cibo delectari arbitratus fueris, nolo te habere coquum, nolo te habere ministrum, nolo te habere meorum ciborum consiliarium et infertorem. Quare hoc? « Meus est enim orbis terræ, et plenitudo ejus. » Sufficiant isti mihi, si me Judæi audire nolunt, et litteram quæ eos occidit tenere volunt.

« Nunquid manducabam carnes taurorum, aut sanguinem hircorum potabo? » Irridendo hæc dicit, et Judæorum sacrificia se per omnia abominari ostendit. In Christi namque passione omnia illa sacrificia completa sunt. Unum sacrificium habemus, et ipsum æternum secundum ordinem Melchisedech. « Finis legis Christus est ad justitiam omni credenti (*Rom. x, 4*). » Habemus autem et alia sacrificia, laudis videlicet et jubilationis; unde et subditur:

« Immola Deo sacrificium laudis, et redde Altissimo vota tua. » Hoc est illud sacrificium de quo dicitur: « Per ipsum ergo offeramus hostiam laudis semper Deo, id est vitulos laborum consensuum

nocturne facit Ecclesia, quæ cantando, et psallendo, et prædicando totum tempus expendit. Debemus ergo Altissimo reddere vota nostra, ut bona desideria, quæ in corde habemus, reddere non differamus.

« Invoca me in die tribulationis, eripiam te, et magnificabis me. » Dixit nobis quid facere debeamus, promittit et remunerationis præmium, si ea faciamus. Sed sicut in faciendo, ita etiam in potendo desides sumus.

« Peccatori autem dixit Deus, quare tu enarras justitias meas? » Non est pretiosa laus in ore peccatoris. Sed quis est sine peccato? « Si enim dixerimus quia peccatum non habemus, ipsi nos seducimus, et veritas in nobis non est (*I Joan. 1, 8*). » De quo ergo peccatore hoc intelligimus, nisi de illo qui in peccato perseverat et ad poenitentiam redire contemnit? Quid enim pertinet ad illum justitias Dei prædicare, qui ipsi justitiæ contrarius est? De talibus enim Apostolus ait: « Qui prædicas non furandum, furaris, qui doces non mœchandam, mœcharis, qui abominaris idola, sacrificium facis (*Rom. 11, 31*). » — « Et assumis Testamentum meum per os tuum. » Repetitio est eorum quæ dicta sunt, quia Testamentum, quod sanctum est tam polluto ore prædicari non debet. Possumus autem et per Testamentum Christi corpus et sanguinem intelligere; unde et Dominus ait: « Hic est calix Novi Testamenti; qui pro vobis et pro multis effundetur in remissionem peccatorum (*Marc. xiv, 24*). »

« Tu vero odisti disciplinam. » Et prædicas illam? « Et projecisti sermones meos post te; » et annuntias illos? Ille projicit sermones Dei post se, qui sua sponte contra eos facit, et ad eos respicere digneatur.

« Si videbas furem, simul currebas cum eo. » Cum fure currit, qui faciendo vel consentiendo talia operatur. « Et cum adulteris portionem tuam ponebas. » Hoc est enim quod Apostolus ait: « Qui adhæret meretrici, unum corpus efficitur (*I Cor. vi, 16*). »

« Os tuum abundavit nequitia, et lingua tua concinnavit dolum. » In hoc versu hæretici, et prædicatores dolosi et fallaces, et omnes deceptores, et adulatores notantur.

« Sedens adversum fratrem tuum detrahebas, et adversum filium matris tuæ ponebas scandalum. » Frater noster et filius matris nostræ omnis Christianus est. Sedere autem perseverare est: de illo loquitur, qui usque in finem in sua malitia perseverat. Tales autem quomodo prædicare non erubescunt? Hinc est quod Moyses hominem leprosum, os semper clausum et coopertum habere præcipit.

« Hæc autem fecisti, et tacui; existimasti inique, quod ero tui similis. » Hæc, inquit, omnia quæ superius dicta sunt fecisti: vidi, cognovi et tacui. Non autem semper tacebo, sed dignis correctionibus tibi respondebo, alioquin tibi similis essem. Parum enim in scelere differunt et facientes et consentien-

tes. Si hoc existimasti, magnam fecisti iniquitatem, A et magnum peccatum prioribus addidisti.

« Arguam te, et statim illa contra faciem tuam. » Non, inquit, tacebo, sed sicut dignus es, arguam te, et omnia illa mala quæ commisisti, et quæ me putas esse oblitum, statim contra faciem tuam, ut de singulis respondeas, et dignam pro unoquoque retributionem suscipias. « Intelligite hæc omnes qui « obliviscimini Dominum, ne quando rapiat et non sit « qui 401 eripiat. » Non unius hominis, sed communis et universalis comminatio est, et quod uni peccatori videtur esse dictum, et omnes, et singuli sibi dictum intelligere debent. Quare? « Ne quando rapiat, » ille videlicet qui rapere solet. « Et non sit qui eripiat. » Quis enim illum eripiat, cui ipse Deus iratus esse cognoscitur?

« Sacrificium laudis honorificabit me. » Hic verus, sicut jam diximus, superioribus continuatur, et ideo ad ista quæ modo dicuntur pertinere non videtur. « Et illic iter est, in quo ostendam illi salutem Dei. » Illic, inquit, hoc est in sacrificio laudis est iter, in quo qui ambulaverit et in eo perseveraverit, ostendam illi salutem Dei. Salutare, sive salus quam Deus dabit, non temporalis, sed æterna erit, quam qui suscepit, neque infirmitatem neque mortem ulterius timebit.

PSALMUS L.

IN FINEM : PSALMUS DAVID, CUM VENIT AD EUM NATHAN PROPHETA QUANDO INTRAVIT AD BERSABEE.

Hunc psalmum scripsit David pro illo peccato quod commisit in Uriam et Bersabee, dans exemplum aliis peccatoribus qualiter poenitere debeant, et ut peccata sua manifestare non erubescant. Satis digna poenitentia fuit, quæ tam cito Dominum ad misericordiam commovit. Scriptum est enim, quia « venit ad eum Nathan propheta, et dixit ei : Dimissum est tibi peccatum tuum (II Reg. xii, 13). » Sed quare dixit, in finem, cum ad ipsum Psalmus iste pertineat, nisi quia Salvatori nostro loquitur, per quem se a peccato liberari sperat?

« Miserere mei, Deus, secundum magnam misericordiam tuam. » Multas misericordias fecit Deus semper, et faciet; sed illa misericordia super omnes alias magna fuit, qua mundum redemit, et proprio sanguine peccatum originale delevit. Hæc est illa misericordia, de qua et alibi dicit : « Quoniam confirmata est super me misericordia ejus (Psalm. cxvi, 2). » Confirmata quidem, quia ibi probatum est quantam misericordiam habuerit. Hanc itaque misericordiam primum sibi fieri postulat, quia illud peccatum super omnia peccata esse cognoverat. Et magnam spem habet, quod minora peccata dimittat, qui tam spontaneus est : et tam magnum solvendum peccatum.

« Et secundum multitudinem miserationum tuarum dele iniquitatem meam. » Quam singulariter magnam misericordiam dixerat, nunc pluraliter miserationum multitudinem dicit, ut per hoc quoque intelligatur illa misericordia non solum magna, sed

immensa et inestimabilis esse. Illud autem peccatum iniquitatem suam esse dicit, quia communis fuit omnium, unde et pariter interfecit et afflixit omnes. Nunc autem de proprio suo peccato loquitur, et super communem omnium remissionem hanc sibi amplius, et specialiter fieri postulat. Et hoc est quod dicit :

« Amplius lava me ab injustitia mea, et a delicto meo munda me. » Multi enim ab originali peccato liberati sunt, quia, nisi amplius laventur, non sufficit eis. Et illud quidem non potuit dimitti, nisi per illam magnam misericordiam, de qua modo diximus, per quam videlicet Christi passionem intelligimus. Cætera vero omnia et antea et postea sine Christi sanguine dimitti non potuerunt. Tale est igitur ac si diceret : Scio et certus sum quia.

« Asperges me hyssopo, et mundabor, lavabis me, et super nivem dealbabor. » Sed et modo « amplius lava me ab hac injustitia mea, et ab hoc delicto munda me. » Et illa quidem ablutio et remissio communis erit omnium, hanc autem amplius super illam mihi ex toto corde poenitenti specialiter tribue. Et hoc est quod ait :

« Quoniam iniquitatem meam ego cognosco, et delictum meum contra me est semper. » Dignam se poenitentiam agere ostendit, dum se iniquitatem suam cognoscere, et delictum suum semper se ante oculos habere dicit. Et taliter quidem poenitentibus multis in locis veniam se Dominus daturum esse promittit. Dat propterea nobis exemplum, qualiter nos quoque poenitere debeamus.

« Tibi soli peccavi, et malum coram te feci. » Rex erat David, et in suo tempore potentissimus, et præter Deum neminem timebat, ideoque dicit : « Tibi soli peccavi ; » tibi soli rationem redditurus, quia nemo alius est qui me de peccato modo reprehendere audeat. Neque me tibi abscondere possum, quia quod feci, coram te feci, qui omnia vides et quem nullum latet secretum. « Ut iustificeris in sermonibus tuis, et vincas, cum judicaris. » Ecce cogitat Dominus dimittere peccatum, si sermones suos justos defendere velit. Sciebat David sermones Domini, utpote ille, sicut ipse dicit, in quo Dominus loquebatur, et tantam in Deo et in sermonibus

Deus constantiam et firmitatem esse cognoverat, ut quod promiserat penitus negare non posset. Dum igitur attenderet, et poenitentiam cordis sui et 402 sermones Domini, quibus digne poenitentibus venia promittitur nulla ratione de misericordia, et venia sibi concedenda dubitare poterat. Judicabat igitur et se ipsum in poenitentia sua, et Deum in sermonibus ejus, et utraque sibi convenire videbat. Dicebat enim in corde suo : Dimitte mihi peccatum meum, « ut iustificeris in sermonibus tuis, » id est, ut justus et sine reprehensione inveniantur sermones tui. « Et vincas cum judicaris. » Si enim sermones Dei veri non essent, non vinceret Deus, sed potius vinceretur. Vincitur enim in iudicio, cujus sermones reprehensibiles inveniantur. Vicit igitur Deus, di-

mittendo peccatum, quia sicut promiserat, ita factum est, et sermones illius veri facti sunt. His verbis instruuntur omnes qui digne poenitentiam agunt, ut nullo modo diffidant de misericordia Dei: quia quod promisit, firmiter et stabile est. Sequitur:

« Ecce enim in iniquitatibus conceptus sum, et in delictis peperit me mater mea. » Reddit aliam causam, quare Dominus ad misericordiam faciendam sibi se inclinare deberet, quoniam in iniquitatibus conceptus et natus sit, et ab ipsa radice hoc habebat, ut carnis voluptatibus subjaceret.

« Ecce enim veritatem dilexisti. » Tu, inquit, veritatem diligis, et ea quæ dico vera esse cognoscis, et ideo confidenter talia loquor, quia me veritatem dicere scio. Unde et subditur:

« Incerta et occulta sapientiæ tuæ manifestasti mihi. » Multa enim per Spiritum sanctum et de presentibus et de futuris Propheta cognoverat, quæ aliis hominibus incerta et occulta erant, et quæ nisi per Spiritum sanctum sciri non poterant. Tale autem et illud quod subinfertur.

« Asperges me hyssopo, et mundabor, lavabis me, et super nivem dealbabor. » Hyssopus modo pro sanguine ponitur, quoniam hyssopo sanguis agni qui immolatus fuerat aspergebatur. Quid est igitur: « Asperges me hyssopo, » nisi asperges me sanguine Filii tui? Cum enim dicat: asperges me, et ponat hyssopum, cum quo aspersio fiat, nec tamen dicat quid sit illud quod aspergatur, quid aliud intelligere possumus, nisi quod cum hyssopo ex præcepto Domini olim aspergebatur? Hoc autem erat sanguis illius agni, qui illum agnum significabat, qui tollit peccata mundi, cujus sanguine aspersi a peccato originali mundati sumus. « Qui dilexit nos, » ut Apostolus ait, « et lavit nos a peccatis nostris in sanguine suo (Apoc. 1, 5). » Nihil nive candidius invenitur, nive tamen candidiorem se futurum esse dicit, per quod videlicet sanctorum clarificationem inestimabilem significat.

« Auditui meo dabis gaudium et lætitiā. » Hoc autem gaudium tunc completum est, quando Salvator noster in infernum descendit, et istum cum omnibus aliis sanctis, de locis illis tenebrosis eripuit. Unde scriptum est: « O mors, ero mors tua, morsus tuus ero, inferne (Ose. xiii, 14). » — « Et exsultabunt ossa humiliata. » Creditur enim quod David unus de illis fuerit qui simul cum Domino surrexerunt; unde et ossa sua non immerito exsultare dicit, quæ tanto tempore in pulvere humiliata fuerunt.

« Averte faciem tuam a peccatis meis, et omnes iniquitates meas dele. » Averte, inquit, jam nunc faciem tuam a peccatis meis, et obliviscere eorum, et ulterius ea non aspicias, et miserere mei, quem in tanta gloria suscepturus, et ante alios vocaturus es. Neque enim decet ut maculatum hic esse permittas, cui tantam in alia vita gloriam paras.

« Cor mundum crea in me, Deus, » et expelle omnia vanitatem, omnem stultitiam, et malam cogitationem de corde meo; ibi est enim fons, et origo

A boni et mali, ibi vitia oriuntur, ibi radices agunt, quæ nisi cito evulsa fuerint, supra modum in immensum crescunt. « Ex corde enim exeunt cogitationes malæ, furta, adulteria, perjuria, homicidia, falsa testimonia, et similia, quæ coinquant hominem (Matth. xv, 19). » Unde scriptum est: « Omni custodia serva cor tuum, quia ex ipso vita procedit (Prov. iv, 23). »

« Et spiritum rectum innova in visceribus meis. » Spiritus sanctus, qui rectus est, et rectos facit, innovari non potest: innovari tamen dicitur, quando domum, quam pro suis offensis reliquerat, noviter iterum habitare incipit.

« Ne proicias me a facie tua, et Spiritum sanctum tuum ne auferas a me. » His enim verbis, antequam poenitentiam egisset, Deum sibi fuisse indignatum, et Spiritum sanctum a se recessisse ostendit. Orat igitur ut Spiritus sanctus sibi reddatur, cujus sicut prius illustratione consolatur.

« Redde mihi lætitiā salutaris tui, et Spiritu principali confirma me. » Spiritus rectus, et Spiritus sanctus, et Spiritus principalis, unus idemque est, et nulla differentia in eo est. Vocatur autem et aliis nominibus Spiritus sanctus secundum differentiationem gratiarum. Quando igitur rectos facit Spiritus rectus, et quando sanctos facit Spiritus sanctus, et quando ad principatum, aut honorem suum aliquem revocat, Spiritus principalis ab hominibus dici potest. Sicut dicitur Spiritus sapientiæ, Spiritus intellectus, Spiritus consilii, et Spiritus fortitudinis. Quod autem dicit:

« Redde mihi lætitiā salutaris tui, » videtur mihi quod illud magnum gaudium, quod de incarnatione Salvatoris nostri habere solebat, tunc amiserat, et sicut prius videre non poterat.

« Docebo iniquos vias tuas, et impii ad te convertentur. » Fac, inquit, quod te facere rogo, ut doceam iniquos vias tuas, 403 ut in eo exemplo instruantur, et per illas vias, per quas me ad te venire, et gratiæ tuæ reconciliatum esse cognoscunt, ipsi quoque per easdem vias veniant ad te, et gratiæ tuæ reconciliantur. Et non solum iniqui, sed impii quoque meo exemplo ad te convertantur.

« Libera me de sanguinibus Deus, Deus salutis meæ, et exsultabit lingua mea iustitiam tuam. » « Caro et sanguis regnum Dei non possidebunt (Matth. xvi, 17). » Quamvis enim in sanguinibus omnia peccata intelligi possunt, de carnis tamen voluptatibus, et ejus concupiscentiis specialiter dicere videtur. De quibus et Apostolus ait: « Non in cubiculis et impudicitis, sed induimini Dominum Jesum Christum (Rom. xiii, 13); » totius videlicet pudicitie amatorem, « et carnis curam ne feceritis in desideriis vestris (ibid., 14). » — « Et exsultabit lingua mea iustitiam tuam. » Lingua interioris hominis, lingua quæ loquitur tibi in corde meo de iustitia tua, quia valde justus es, ut tibi vindices creaturam tuam, et inimicum tuum ei dominari non permittas

« Domine, labia mea aperies, et os meum annuntiabit laudem tuam. » Domine, inquit, labia mea aperies, quæ usque hodie clausa fuerunt, et conscientia peccati in tuis laudibus aperire timui. Sed quia peccatum meum per gratiam et misericordiam tuam mihi dimissum est, amodo non tacebo, sed os meum annuntiabit laudem tuam.

« Quoniam si voluisses sacrificium, dedissem tuique. » Neque erubescerem hircum offerre pro peccato, sicut famulus tuus Moyses, et mihi, et mei similibus offerre præcepit. Utiq; « holocaustis non delectaberis. » Satis, inquit, mihi notum est quia huiusmodi sacrificia tibi non placent, nisi pro sola significatione ea recipias. Et quasi aliquis dicat: Si hoc sacrificium Deus non suscipit, quod aliud sacrificium suscipere habet? Ad quod ipse:

« Sacrificium Deo spiritus contribulatus: cor contritum et humilatum Deus non spernit. » Et hoc quidem sacrificium illorum est, qui de peccatis suis penitentiam agunt. Quod quidem omnibus illis sacrificiis significabatur, quæ Moyses pro peccato offerri præcepit. Valde namque convenientius est, ut homo seipsum immolet, et affligat, et offerat Deo, quam ut vice sua hircum, vel capram, vel animalia interficiat; illa enim interfectio hanc contritionem, afflictionem, et humiliationem significabat.

« Benigne fac, Domine, in bona voluntate tua, Sion, ut ædificentur muri Jerusalem. » Sion *speculatio* interpretatur, cuius fortitudine Jerusalem custodiebatur et defendebatur, per quam nimirum Ecclesiæ custodes et speculatores, id est apostolos, et episcopos, et sacerdotes intelligimus. Propheta itaque qui usque nunc oravit, nunc exauditus, more solito de Ecclesia loqui, et pro ea orare incipit. Orat igitur pro illis qui muros ejus construunt et ædificant, per quos, sicut diximus, episcopi et sacerdotes significantur, sine quibus neque muri ædificari, neque lapides dolari possunt. Quot sunt Christiani, tot sunt lapides hujus civitatis, qui bitumine charitatis conjuncti, firmi et stabiles perseverant.

« Tunc acceptabis sacrificium justitiæ, oblationes et holocausta, tunc imponent super altare tuum vitulos. » Tunc, inquit, quando Jerusalem, id est sancta Ecclesia ædificabitur, et muri ejus construuntur, acceptabis, id est gratum et acceptabile habebis sacrificium justitiæ, non taurorum, aut hircorum, ut quondam; sed oblationes et holocausta, subauditur ejusdem justitiæ. Inde enim

(575) Juxta LXX Interpretes ita hoc nomen usurpatur quibus consonant multa Latina Psalteria, Cassiodorus et editio Romana. Verum textus Hebraicus legit Achimelech, quem sequitur Vulgata tum in hujus psalmi titulo, tum lib. I Reg. cap. xxi et xxii, ubi narratur historia occisionis Abimelech. Idem sacerdos erga Davidem benignus, apud S. Marcum cap. ii, 26, Abiathar appellatur, non Achimelech, seu Abimelech, fortassis quia tum Achimelech pater, quam hujus filius Abiathar erant

A omnes sancti justi dicuntur, quia justitiam faciunt, prædicant et custodiunt. Ideo enim usque hodie persecutiones patiuntur sancti, quia justitiam prædicant et defendunt, quorum videlicet afflictio et persecutio, quid aliud est quam sacrificium gratum Deo et acceptabile? De tali enim sacrificio veraciter dicitur, quia odoratus est Dominus odorem suavitatis (*Genes. viii, 21*). « Tunc imponent super altare tuum vitulos. » Vitulos utique labiorum constitutioni nomini ejus. Sed qui sunt vituli labiorum, nisi sacrificium laudis et jubilationis? Tales vitulos offerunt episcopi et sacerdotes, quando laudes Dei in Ecclesia prædicant, quando utriusque Testamenti sententias exponunt, et super altare cordium nostrorum offerunt et ponunt; nam et corda nostra altaria sunt, in quibus laudis et jubilationis vera quotidie sacrificia fiunt.

PSALMUS LI

404 IN FINEM, INTELLECTUS DAVID, CUM VENIT DOECH IDUMÆUS, ET ANNUNTIAVIT SAULI, ET DIXIT EI: VENIT DAVID IN DOMUM ABIMELECH (575).

In finem, inquit, hujus sæculi psalmus iste referendus est, secundum intellectum David, qui in eo conqueritur de his quæ tunc temporis facta sunt, cum Doech Idumæus venit ad Saul, eique nuntiavit quod David venisset in domum Abimelech. Tunc enim, sicut scriptum est, idem Doech ex præcepto Saulis interfecit Abimelech sacerdotem, omnesque alios sacerdotes de familia ejus. Bene autem Doech Idumæus *motus sanguineus* interpretatur, qui tam facile moveri potuit ad Domini sacerdotes interficiendum, tantumque sanguinem effundendum. Significat autem Antichristum (576), qui et ipse ad sanctorum sanguinem effundendum paratissimus erit. Abimelech autem *patri mei regnum* interpretatur, per quod Ecclesiam intelligimus, quæ gens sancta, et regula sacerdotum vocatur, cujus sacerdotes ideo Antichristus interficiet, quia Christum Dominum nostrum susceperunt.

« Quid gloriaris in malitia, qui potens es in iniquitate? » Tanta erit malitia et potentia Antichristi, quod nisi, ut in Evangelio legitur (*Matth. xxiv, 23*), Dominus abbreviasset dies ejus, non esset salva omnis caro; sed propter electos breviabuntur dies illi. « Regnabit enim, sicut scriptum est, per tempus, et tempora, et dimidium temporis (*Apoc. xii, 13*), » id est per tres annos, et dimidium, et non amplius, in quibus mundum pene totum, et per se et per discipulos suos ad se convertet. Unde scriptum est quia omnes homines ad se trahet, et

binomis, vel quia David profugus ab utroque sanctos panes accepit. Idem titulus in hunc psalmum est apud S. Aug. qui putat propter similitudinem nominis, et unius syllabæ differentiam variatos esse titulos; unde in aliquibus mss. legitur Achimelech, in aliis Abimelech.

(576) Hujusmodi interpretationem prosecutus est cardinalis Thommasius, et ante ipsum Cassiodorius.

ante se innumerabiles. Hic igitur in sola malitia A gloriabitur, qui dixit in corde suo : « Non movebor a generatione in generationem sine malo (Psalm. x, 6), » — « cujus os maledictione et amaritudine plenum est, et dolo (Psalm. xiii, 5). » Cui nunc Propheta non absque indignatione dicit : « Quid gloriaris in malitia ? » Quæ est ista, o omnium hominum turpissime et nequissime, gloria tua ? Quæ est ista potentia tua, quæ nihil aliud nisi malitiam et iniquitatem operatur ? Non sufficit tibi male agere, sed insuper in scelere gloriaris, qui lætaris cum mala feceris, et exsultas in rebus pessimis (Prov. ii, 14).

« Tota die injustitiam cogitavit lingua tua. » Tota, inquit, die, toto tempore vitæ suæ hoc cogitabit et mente tractabit, quomodo injustitiam et iniquitatem operetur, quomodo sanctos interficiat et decipiat, quomodo miseros homines ad se convertat et secum ad perditionem trahat.

« Sicut novacula acuta fecisti dolum. » Sæpe enim novacula acuta, dum pilos radere debet, carnem vulnerat ; sic ille nequissimus, dum se justitiam defendere, et malos homines perdere simulabit, contra sanctos arma convertet, et eos digne satis interficiendos esse prædicabit. « Et tunc quidem erit tribulatio talis, qualis non fuit ab initio sæculi, usque nunc, neque fiet (Matth. xxiv, 21). » Et pauci quidem erunt, qui ejus dolis et deceptionibus non seducentur, cum eum potentissimum, sapientissimum, et miraculis coruscasse viderint.

« Dilexisti malitiam super benignitatem, iniquitatem magis quam loqui æquitatem. » De ejus malitia et iniquitate Apostolus loquitur, dicens : « Quia nisi venerit discessio primum, et revelatus fuerit homo iniquus, filius perditionis, qui elevabitur et extollet se supra omne quod dicitur Deus, aut quod colitur, ita ut in templo Dei sedeat, et ostendat se tanquam sit Deus (II Thes. ii, 3) : » Unde et subditur :

« Dilexisti omnia verba præcipationis in lingua dolosa (577). » Et quis est cui hæc verba quæ modo dicta sunt præcipationis et dolosa non videantur ? Et quis unquam tanta præcipatione tantaque barathri submersione dignus est, quanta ille cujus lingua dolosa tantas blasphemias loqui non pertimescit ? De eo namque dicit Apostolus, quod « Dominus Jesus interficiet eum spiritu oris sui, et auferet illustratione adventus sui (ibid., 8). » Nec tamen dubium est quin major eum adhuc in judicio præcipatio exspectet ; unde subditur :

« Propterea destruet te Deus in finem, evellet te, et emigrabit te de tabernaculo tuo, et radicem tuam de terra viventium. » 405 Propterea, inquit, quia tam nequam es, tam superbus, tam iniquus et dolosus, destruet te Deus in finem. Quid est in finem ? penitus et ex toto, non sic tantum, ut

(577) Apud S. Aug. legitur : « Dilexisti omnia verba submersionis, linguam dolosam. » Super quæ hæc ait. « Quid est lingua dolosa ? Ministra fallaciæ

nō sit, sed ut in honore nullo sit, et in miseriis, et in angustiis omnibus sit. Et evellet te de hujus mundi habitatione, in quo tantam hominum multitudinem decepisti et perdidisti. Et emigrare te faciet de tabernaculo tuo, id est de corpore illo nefandissimo, in quo omnis plenitudo iniquitatis, plusquam in aliquo alio homine habitavit. « Et radicem tuam de terra viventium ; » ut omnis vita tua semper sit in terra morientium, et nunquam in malo deficientium.

« Videbunt justi, et timebunt, et super eum ridebunt, et dicent. » Videbunt, inquit, justi. Sed quid videbunt ? Interitum, et perditionem, et illam terribilem præcipationem hominis hujus nefandissimi. Et quid timebunt ? Dominum et Creatorem suum, cujus omnipotentiam et super hunc in hoc sæculo potentissimum, et super omnes alios esse videbunt. Et super hunc ridebunt. Ridere enim gaudere est, quia risus gaudium est.

« Ecce homo, qui non posuit Deum adiutorem suum, sed speravit in multitudine divitiarum suarum, et prævaluit in vanitate sua. » Apparet quam iniquus erit homo ille, de cujus interitu omnes justi videbunt, et gaudebunt, et contra quem tale testimonium perhibebunt. Ecce, inquit, homo, omnium hominum perditissimus qui Dei adiutorium nunquam quesivit, qui totum se ad serviendum diabolo tradidit, et a sua iniquitate nomen accepit, ut quia Christo Domino per omnia contrarius futurus erat, Antichristus diceretur. « Qui speravit in multitudine divitiarum suarum, » quia cum omnibus mundi hujus divitiis superabundaret, et omnibus, quæ ad lætitiæ et jucunditatem pertinent, affluentissime frueretur, Deum se esse dixit, et sicut Deum se adorari præcepit. « Et prævaluit in vanitate sua. » Quia sicut voluit, ita factum est. Hæc est enim illa bestia, de qua in Apocalypsi legitur : « Quia data est ei potestas in omnem tribum, et populum, et linguam, et gentem, et adoraverunt eam omnes qui habitant terram, quorum nomina non sunt scripta in libro vitæ, et agni (Apoc. xiii, 8). » Sic igitur homo iste prævaluit in vanitate sua, faciens omnia secundum desideria iniqua cordis sui.

« Ego autem sicut oliva fructifera in domo Domini speravi in misericordia Dei mei in æternum, et in sæculum sæculi. » Ille, inquit, de quo usque nunc locuti sumus speravit in multitudine divitiarum suarum ; ego autem speravi in sola misericordia Dei mei, et sperabo in æternum et in sæculum sæculi. Fuit autem David sicut oliva fructifera in domo Domini, quia Spiritus sancti oleo inunctus, et plenus multis aliis illuminavit, et sanavit, et misericordie pinguedine lætificavit. Hæc est illa oliva de radice Jesse, de qua illa virga egressa est, in cujus flore « requiescit Spiritus sapientiæ et intellectus, Spiritus consilii et fortitudinis, Spiritus

est lingua dolosa, aliud in corde gestantium, aliud ore promentium. Sed in his subversio, in his submersio. »

scientie et pietatis, et Spiritus timoris Domini (*Isa. xi, 2*), de quo alibi dicitur: «Unxit te Deus, Deus tuus, oleo lætitiæ præ consortibus tuis (*Psal. xlii, 8*).»

«Confitebor tibi, Domine, in sæcula, quia fecisti.» Dixit quia fecisti, et non dixit quid fecerit, ut per hoc eum omnia fecisse intelligamus. Et quis alius laudandus est, nisi ille qui omnia fecit? Et exspectabo nomen tuum, quoniam bonum est, ante conspectum sanctorum tuorum. Hoc est illud nomen, de quo propheta ait: «Ecce nomen Domini venit de longinquo, ardens furor ejus, et gravis ad portandum (*Isai. xxx, 27*).» Nomen Domini, verbum Domini, sermo Domini, et sapientia Domini Christus est, qui in adventu suo, et jucundus bonis, et iratus malis apparebit. Unde et bene dicitur:

«Ante conspectum sanctorum tuorum.» Bonum, inquit, suave et ad videndum delectabile est nomen tuum. Sed ubi? ante conspectum sanctorum tuorum. Illis quidem quale est, tale apparebit, cæteris vero quale modo superius dictum est, ardens furor ejus, et gravis ad portandum.

PSALMIUS LII.

IN FINEM PRO AMELECH INTELLIGENTIA DAVID (578).

Amelech populus brutus interpretatur, de quo initio hujus psalmi dicitur: «Dixit insipiens in corde suo: Non est Deus.» Et revera stultus, brutus, et insipiens est, qui hoc dicit. Et hæc quidem est intelligentia David, et aliorum omnium qui Deum esse credunt.

«408 Dixit insipiens in corde suo: Non est Deus.» Quamvis generaliter de cunctis gentibus quæ Deum ignorant hoc intelligi possit, specialiter tamen de Judeis intelligitur, qui videntes Salvatorem nostrum humana carne vestitum, hominem tantum, et non Deum esse crediderunt, unde etiam dicebant: «Secundum legem debet mori, quia Filium Dei se fecit (*Joan. xix, 7*).» E contra vero Apostolus: «Non rapinam, inquit, arbitratus est esse se æqualem Deo (*Philip. ii, 6*).» Similiter autem et ipse Dominus: «Si mihi, inquit, non creditis, operibus credite (*Joan. x, 38*).» Et alibi: «Si opera non fecissem in eis quæ nemo alius fecit, peccatum non haberent, nunc autem excusationem non habent de peccato suo (*Joan. xv, 22*).»

«Corrupti sunt, et abominabiles facti sunt in voluntatibus suis.» Corrupti, inquit, sunt a fide patriarcharum et prophetarum, quia quem ipsi Deum esse negant, hunc patriarchæ et prophætæ adoraverunt et coluerunt, et ideo digne satis, et Deo et hominibus abominabiles facti sunt in pravis voluntatibus. «Non est qui faciat bonum, non

est usque ad unum.» Quia, inquit, tales sunt, et a sanctorum Patrum fide recesserunt, non est inter eos aliquis qui faciat bonum, quia quod ex fide non est, malum est. Nam ipse quoque orationes eorum, sicut scriptum est (*Psal. ciii, 7*), sunt eis in peccatum. Non est igitur in eis qui faciat bonum, at vero nec in aliis omnibus usque ad unum. Unus igitur populus, et ipse solus, qui faciat bonum, per quem populus Christianus significatur. Nulla enim alia fides est quæ salvare possit, nisi sola fides Christianorum. Et hoc quidem sequentia manifestant.

«Dominus de cælo prospexit super filios hominum, ut videat si est intelligens, aut requirens Deum.» Ecce quales eos venit. Sequitur:

«Omnes declinaverunt, simul inutiles facti sunt, non est qui faciat bonum, non est usque ad unum.» Probatum est igitur a divina auctoritate quia non est qui faciat bonum, non est usque ad unum. Ad illud videlicet unum, per quem, ut modo diximus, populus Christianus significatur. Ipse enim solus est, qui eam intelligentiam habet, de quo in titulo hujus psalmi dicitur: «Intelligentia David; ipse solus requirit Deum, quia ipse solus habet eam fidem quæ ducit ad Deum. Cæteri vero omnes declinaverunt. Unde, et quo? a veritate ad errorem, a luce ad tenebras, a bono ad malum. Et hoc fecerunt simul et æqualiter omnes, ideoque inutiles et vani facti sunt omnes. Inutiles quidem, quia neque sibi ipsi, neque aliis prodesse possunt.

«Nonne cognoscent omnes, qui operantur iniquitatem, qui devorant plebem meam, sicut escam panis? Deum non invocaverunt, illic trepidaverunt timore, ubi non erat timor. Quoniam Deus dissipat ossa hominum sibi placentium. Confusi sunt, quoniam Deus sprevit eos.» Nonne, inquit, aliquando cognoscent et intelligent omnes qui hæc et illa operantur quoniam Deus dissipat ossa eorum, qui sibi ipsis, et non Deo placere contendunt? Quid enim per ossa, nisi omnem illorum virtutem et fortitudinem intelligamus? Hæc autem maxima ex parte jam dissipata sunt, et tandem omnino dissipabuntur. Per hoc autem non solum Judæos, sed tyrannos quoque et hæreticos intelligere debemus. Omnes enim isti et iniquitatem pariter operantur, et plebem Dei devorant, sicut escam panis. De talibus namque dicitur: «Quia comederunt Jacob, et locum ejus desolaverunt (*Psal. lxxviii, 7*).» Per quod nimirum apertissime significatur, cum quanta aviditate sanctos Dei homines isti flagitiosi interfecerunt. Isti autem sunt, de qui-

jam ambiendo quasi lambere videntur; pro horum ergo conversione vel punitione psalmus iste formatur. Ita Beda: ubi vero pro Amelech habetur *Maelech*, ut in S. Augustino et Vulgata, nomen illud interpretatur *parturiens*, sive *dolens*. Secundum S. Hieronymum hic psalmus vocem continet Prophete, peccatores atque impios increpantis; eumque secutus est S. Bruno in ejus expositione, Judæorum perfidiam depingens.

(578) In editione Psalterii card. Thommasii titulus psalmi hujus ita inscribitur: *In finem, pro Amelech, intelligentia David*. In edit. Rom. *pro Amelech, intellectus David*. Aliter habet editio Isidori, Clarii. Vincentii in *Machalach, intelligentia David*. Historia Amelech refertur I Reg. cap. xxx, de qua scribit Beda in hoc titulo. Varia etiam est nominis Amelech interpretatio. Amelech interpretatur *populus lambens*, quia qui terrena nimium deciderant, ea

bus Apostolus ait : « Quia cum cognovissent Deum, A non sicut Deum adoraverunt, sed evanuerunt in cogitationibus suis : et dicentes se esse sapientes, stulti facti sunt. Et mutaverunt gloriam incorruptibilis Dei in similitudinem corruptibilis hominis, volucrum et serpentium (*Rom. i, 21*). » Unde et subditur : « illic trepidaverunt ubi non erat timor ; neque enim hæc talia timenda erant, quæ ipsi sua malitia excæcati, quasi Deum timebant et venerabantur, qui Christum non interfecissent, nisi et locum, et gentem amittere timuissent ; dicentes : « Si dimittimus eum sic, venient Romani, et tolerant nobis et locum, et gentem. Confusi sunt, quoniam Deus sprevit eos (*Joan. xi, 48*). » Et merito quidem sprevit illos Deus, et in eorum locum gentes elegit, quoniam et ipsi spreverunt Deum, dicentes ; « Non habemus regem, nisi Cæsarem : et nolumus tunc regnare super nos (*Joan. xix, 15*) ; » et Christo Domino latronem prætulērunt.

« Quis dabit ex Sion salutare Israel, dum avertet « Dominus captivitatem plebis suæ ? » Legitur in Prophetarum libris, quia « de Sion veniet, qui auferet, et avertet captivitatem a Jacob (*Sophon. ii, 7*). » Ipse est Salvator noster, qui in medio terræ, id est in civitate Jerusalem salutem operatus, omnes suos fideles de diaboli captivitate liberavit. Frustra igitur Judæi alium expectant, qui eos de captivitate eripiat. « Exsultabit Jacob, et lætabitur « Israel. » In hoc, inquit, et non in alio exsultabit Jacob, ille videlicet qui malignos spiritus et vitia supplantat. Et lætabitur Israel, quando facie ad faciem Deum videbit. Cum enim idem sit Jacob et Israel, secundum aliud tamen dicitur Jacob, et secundum aliud dicitur Israel ; et Jacob 407 quidem dicitur in hac vita, Israel vero in alia vita, quia in hac vita supplantator est, in alia vero Deum videbit, sicut Joannes apostolus ait : « Nunc filii Dei sumus, et nondum apparuit quid erimus ; scimus enim quoniam, cum apparuerit, similes ei erimus, quia videbimus eum sicuti est (*II Joan. iii, 2*). »

PSALMUS LIII.

IN FINEM IN CARMINIBUS INTELLECTUS DAVID, CUM VENISSENT ZIPHÆI, ET DIXISSENT AD SAUL : NONNE DAVID ABSCONDITUS EST APUD NOS (579)?

Ubi cumque David intellectum suum ponit, non ad litteram, sed spiritualiter intelligenda esse ostendit quæ dicit. Quis enim hæc ad litteram intelligere non poterat, quæ in hoc titulo narrantur? Sed aliter ipse, et aliter alii intelligebant. Neque simplex hic narratur historia, quod Ziphæi, qui *germinantes* interpretantur, venisse dicuntur ad Saul, quatenus ei traderent David. Per Ziphæos itaque Judæi intelligantur, qui divitiarum et filiorum germinæ abunda-

(579) Psalmi hujus titulus apud omnes Psalterii expositores eodem modo describitur. Complectitur autem historiam proditiōis Davidis a Ziphæis actæ, ut habetur I Reg. cap. xxvi. Canit ergo per totum psalmum suam Prophetæ liberationem, atque pro ea gratias Deo agit. Apud Bedam Ziphæi interpretantur

bant. Et isti quidem sunt, qui terræ principibus Salvatorem nostrum ad mortem tradiderunt.

« Deus, in nomine tuo saluum me fac, et in virtute tua libera me. » Deus, inquit, in nomine tuo, id est per invocationem nominis tui, saluum me fac. Invocavit enim Filius Patrem ex nomine, quando ait : « Pater, in manus tuas commendo spiritum meum (*Luc. xxiii, 46*). » Hoc enim nomen proprium illius est, qui omnium rerum pater est ; sed Filii quidem naturaliter Pater est ; aliorum vero vel adoptione, vel creatione. Et in virtute tua libera me, quæ tanta est, ut ei nemo (580) resistere possit. Hæc sola virtus retinet malignos spiritus, ut suam ubique voluntatem facere non valeant ; quæ si eis opposita non fuisset, nihil aliud est, quod eis resistere potuisset. Unde et de principe eorum scriptum est : « quia non est potestas super terram (581) quæ ei comparari possit, qui factus est ut neminem timeat. » Verumtamen sic Dei virtute ligantur, ut nec in porcos habeant potestatem.

« Deus, exaudi orationem meam, auribus percipe « verba oris mei. » Non ei orare necessarium erat, cui voluntas sola sufficiebat. Orat igitur, non pro se, sed pro nobis, ut ejus exemplo, et magisterio doceamur, quid in tali eventu agere debeamus.

« Quoniam alieni insurrexerunt in me, et fortes « quæsierunt animam meam, et non proposuerunt « Deum ante conspectum suum. » Ut superius quidem Ziphæi, modo autem alieni dicuntur Judæi, quoniam et si carne propinqui erant, mente tamen et mala voluntate alienos se faciebant, dum tanto odio in eum insurgabant. Isti sunt, de quibus alibi dicitur : « Filii alieni mentiti sunt mihi (*Psal. xvii, 46*). » Fortes autem erant, non viribus, sed iniquitatis et malitiæ superabundantia. Talem fortitudinem illi habent. « Et non proposuerunt Deum ante conspectum suum. » Si enim ante mentis oculos Deum habuissent, tam impie et tam crudeliter agere nequaquam potuissent ; sed excæcavit illos malitia eorum, et quid facerent, non consideraverunt.

« Ecce enim Deus adjuvat me, et Dominus susceptor est animæ meæ. » Tantum adjuvit Pater Filium, quantum ipse Filius voluit, ad hoc enim venerat ut moreretur ; qui si mori nolisset, nullatenus occidi potuisset. Sed quid nasci profuisset, si mortuus non fuisset? In hoc igitur cum Pater adjuvit, in quo omne ejus desiderium adimplevit, mortem destruendo, diabolum vincendo et hominem liberando. Unde et illud dicitur : « Desiderium animæ « ejus tribuisti ei. Et Dominus susceptor est animæ « suæ (582). » Quis enim alius eam suscipere debuit, nisi divinitas ipsa, quæ ei ineffabiliter conjuncta erat? Statim enim ut Salvator noster spiritum emisit, simul cum divinitate illa sanctissima anima inferni

florentes, apud Brunonem nostrum *germinantes*. Ipse autem a sensu literali mysticum sensum eruit et explanat.

(580) Cod. Ghis., *nihil*.

(581) Id. cod. Ghis., *sub cælo*.

(582) Cod. Ghis., *mea*.

claustra penetravit, et inferno exspoliato, sanctorum animas, quæ ibi captivæ tenebantur secum eduxit. Fortior igitur ille fuit, qui suscepit animam Christi, quam illi, qui malitiose quærebant animam Christi. De quibus subditur :

« Averte mala inimicis meis. » Illa, inquit, mala averte inimicis meis, quæ ipsi mihi facere voluerunt. Voluerunt enim si potuissent auferre memoriam ejus de terra, quorum nomina merito deleta sunt de libro vitæ.

« Et in veritate tua disperde illos. » Tale est hoc quod modo dicitur : « in veritate tua disperde illos ; » quale illud, quod alibi ait : « ut justificeris in sermonibus tuis (Psalm. 1, 6). » Multis enim in locis minatur Dominus mortem, et perditionem populo Judeorum, **408** si ab ejus fide et cultura recedat. Necessæ est igitur ut disperdantur et confundantur, quatenus Deus verax sit, et ejus sermones adimplerantur.

« Voluntarie sacrificabo tibi, et confitebor nomini tuo, Domine, quoniam bonum est. » Ipsi, inquit, insurgunt adversum me, et querunt perdere animam meam, et quod ego mea sponte facturus sum, ad hoc quasi invitum me cogere volunt. Ego tamen voluntarie sacrificabo tibi, et meipsum offeram, ut eos qui in me credituri sunt hac mea morte ab æterna morte eripiam. « Et confitebor nomini tuo. » Et per discipulos, fidelesque meos, ubique gentium laudabo nomen tuum. Quoniam hoc bonum est, hoc sanctum et justum est, ut nomen tuum ubique laudetur et prædicetur.

« Quoniam ex omni tribulatione eripuisti me. » In potestate illius erat, et inimicos compescere, et tribulationes mitigare, et qui aliquid erat in voluntate, totum erat et in potestate. Unde et ipse ait : « Potestatem habeo ponendi animam meam, et iterum sumendi eam (Joan. x, 18). » — « Et super inimicos meos respexit oculus tuus. » Respexit utique, vidit, et cognovit, et poenitentes misericorditer suscepit, in malitia vero perseverantes perdidit, et nunquam eorum amplius miserebitur.

PSALMUS LIV.

IN FINEM IN CARMINIBUS INTELLECTUS DAVID.

Ubi intellectus ponitur, littera excluditur, et major intelligentia queritur.

« Exaudi, Deus, orationem meam, et ne despexeris deprecationem meam, intende in me, et exaudi me. » Docet nos Salvator noster quanta instantia orare debeamus, dum unum atque idem toties repetit. Sæpe jam diximus, quia istæ orationes illi necessarie non sunt, in cujus voluntate et potestate universa posita sunt. Sed si Christi humanitas hoc in corde dicebat, præsto erat divinitas quæ exaudiebat.

« Contristatus sum in exercitatione mea, et conturbatus sum a voce inimici, et a tribulatione peccatoris. » Istæ afflictiones omnium hominum communes et naturales sunt, quas nisi Salvator

(583) Cod. Ghis., omnesque suas iniquitates.

(584) Id. cod., pudet.

noster habuisset, verus homo fuisse non crederetur. Necessæ igitur fuit, ut eas se habuisse ostenderet, et hæreticos aliter credentes et prædicantes convinceret. Habuit igitur Dominus has affectiones, sed sicut voluit, ita eas habuit, quantum voluit contristatus est, et quantum voluit conturbatus est. Sic in Evangelio legitur (Joan. xi, 33) : quia morte Lazari infremuit spiritum, et conturbavit seipsum. Sed quid est quod ait ; « in exercitatione mea ? » Quæ est ista exercitatio Christi ? Non erat otiosus Salvator noster ; quotidie prædicationi instabat, et miraculis, et sermonibus suis auditores ad viam veritatis provocabat. Sed in hac sua exercitatione nonnunquam contristatus est, magis quidem de illorum infidelitate, quam de illatis sibi injuriis ab illorum perversitate.

« Quoniam declinaverunt in me iniquitates. » Ideo, inquit, « conturbatus sum a voce inimici, et a tribulatione peccatoris, quoniam declinaverunt in me iniquitates ; » id est quas iniqui et impii in mea passione ostenderunt, easque in me convertentes et declinantes manifestarunt (583). Dicendo autem inimicum et peccatorem, singularem numerum pro plurali posuit, quod quidem et in divinis, et in sæcularibus litteris usitatissimum est. « Et in ira molesti erant mihi. » Valet (584) dicere, quantas molestias homines illi super omnes scelestissimi flagellando, conspuendo, alapis cædendo, et similia faciendo Salvatori nostro intulerunt.

« Cor meum conturbatum est in me, et formido mortis cecidit super me. » Cito transiit illa conturbatio ; et illa formido super eum cadere quidem potuit, manere non potuit. Si enim in illa tanta tempestate aliquo modo non conturbaretur, nostræ naturæ particeps fuisse non putaretur (585). Unde et subditur :

« Timor et tremor venerunt super me, et contexerunt me tenebræ. » Venerunt quidem timor et tremor super eum, sed nihil potuerunt in eum. Cum enim Judæis ad se capiendum venientibus, obviam perrexisset, omnesque uno verbo in terram stravisset, satis manifeste ostendit, et se non timere, et quidquid volebat in potestate habere. Ubi enim tanta potentia est, ibi timor locum habere non potest. Per tenebras autem, quæ eum contexerunt, illam iniquorum sævientium multitudinem intelligimus, de qua Joannes apostolus ait : quia « lux in tenebris lucet, et tenebræ eam non comprehenderunt (Joan. i, 5). » Quod enim peccatores tenebræ dicantur, audi Apostolum dicentem : « Fuistis aliquando tenebræ, nunc autem lux in Domino (Ephes. v, 10). »

« Et dixi : Quis dabit mihi pennas sicut colombarum, et volabo et requiescam ? » Hoc autem tale est ac si diceret : Jam tædet mehorum conversatio, jam tædet mihi **409** hujus loci habitatio, alias transeundum est, et alius populus, qui me obediat, querendus est. Hoc est

(585) Ex cod. Ghis. editio emendatur.

enim quod alibi ait : relinquetur vobis domus vestra deserta (*Matth. xxiii, 38*). » Et angelorum voces, ut Josephus refert, in templo audite sunt. « Relinquamus has aedes. » Assumpsit igitur Dominus pennas, sicut columbæ, et relicta Judæorum terra volavit ad gentes, ibique requievit, qui in Judæa requiem non invenit. Unde ipse ait : « Super quem requiescet Spiritus meus, nisi super humilem, et quietum, et trementem sermones meos? » (*Isa. lxi, 2*.) Bene autem columbæ pennas Dominus assumpsit; illius videlicet columbæ, quæ super eum descendisse legitur, quando vox Patris audita est : « Hic est Filius meus dilectus, in quo mihi bene complacui (*Matth. xvii, 5*). »

« Ecce elongavi fugiens, et mansi in solitudine. » Quæsiuit pennas, et invenit; ipse enim eas habebat, volavit et in solitudine quievit. Solitudo dicitur ubi hominum habitatio non est. Talis autem prius erat populus gentium, quia quasi bruta animalia voluptati deditus erat, et Dei cognitionem non habebat. Et quasi aliquis diceret : Utinam hoc a principio fecisset, neque tanto tempore cum illa gente impia et ingrata permansisset! Ait : « Expectabam eum, qui me salvum faceret a pusillo animo, et tempestate. » Sic, inquit, docebat, ut omnia suo ordine fierent, et ego divinitatis dispositionem expectarem, quæ (586) in omnibus regebat, et a pusillo animo, et tempestate salvum faciebat. Naturaliter Judæos pusillos animo esse facile intelligere poterit, quicunque eorum historias legerit. Unde et rebeles et increduli sæpe dicuntur.

« Præcipita, Domine, et divide linguas eorum, quoniam vidi iniquitatem et contradictionem in civitate die ac nocte. » Præcipitati sunt Judæi, quia ubique gentium violenter tracti et servituti subjugati sunt. Divisæ autem sunt linguæ eorum quia non una lingua loquuntur, ut prius, sed alii Græce, alii Latine, alii vero barbarice loquuntur, secundum provincias, et loca in quibus habitant. Qua in re eos dividendos et in omnes mundi partes dispergendos jam ex tunc significabat. Et merito quidem sic dividuntur et ab invicem separantur, ut vel ipsa paucitate deficient et quiescant, qui die ac nocte ad litigandum et ad contradicendum parati sunt. Usque hodie namque Judæi, ubicunque sunt, contra veritatem loqui et pugnare non cessant. Hanc autem illorum iniquitatem et contradictionem per singulas civitates, et præcipue in civitate Jerusalem se vidisse Dominus hoc in loco testatur, dicens : « Quoniam vidi iniquitatem et contradictionem in civitate die ac nocte. »

« Circumdabit eam super muros ejus iniquitas, et labor in medio ejus, et injustitia. » Iniquitas, inquit, et labor, et injustitia, radicata et fundata in medio ejus, circumdabit eam super muros ejus. Sic enim se habet ordo : misera illa civitas, quæ in circumcui et medio ejus talibus munitur præsidiiis. Quid autem per muros ejus, nisi Scribas et sacerdotes (586) Cod. Ghis., quæ me ubique, etc.

A cæterosque alios qui munimentum populi esse videbantur, intelligere debeamus? Qui quanto sapientiores erant, tanto amplius omni iniquitate et malitia abundabant.

« Et non defecit de plateis ejus usura et dolus. » Si in plateis erat usura et dolus, quid in locis abditis et occultis fuisse putamus? Si palam talia fiebant, multo deteriora in abscondito fieri non dubitamus.

« Quoniam si inimicus meus maledixisset mihi, supportassem utique, et si is qui oderat me super me magna locutus fuisset, abscondissem me utique ab eo : tu vero homo unaninis, dux meus, et notus meus, qui simul mecum dulces capiebas cibos, in domo Domini ambulavimus cum consensu, » illorum subauditur, malis consiliis acquiescens, me ad mortem tradidisti. « Veniat mors super illos, » qui te in hoc facinus induxerunt. Nunc autem significationem videamus. Vulgare est ut inimicus inimicum maledicat et persequatur, et de eo mala loquatur. Sed ut amicus dominum et magistrum aliquis tradat, persequatur et maledicat, omnino absurdum, inconveniens, extraneum et inportabile est. Quis enim a tali homine se abscondere, talisque hominis insidias effugere valeat? Erat autem Judas usque ad id temporis unanims cum Domino, sibi que familiaris, ejusque secretorum et consilii particeps, quem sicut cæteros Dominus diligebat, quamvis talem aliquando futurum esse sciebat. Sola presentia judicat Dominus, nec præterita, nec futura intuetur; qualiscunque fueris, si bonus es, securus esto : « Peccator quacunque hora conversus fuerit, dicit Dominus, omnium iniquitatum ejus non recordabor (*Ezech. xxxiii, 13*); » sed vigilandum est semper, quia nescimus diem, neque horam. « Tu vero, inquit, homo unanims, dux meus, » id est dux et apostolus, sicut cæteri omnium aliorum a me constituti. « Et notus meus, » quem inter primos magisque familiares discipulos habebam.

« Qui simul mecum dulces capiebas cibos, » et spirituales videlicet et corporales, secundum illud : « Qui intingit mecum manum in paropside, hic me tradet (*Matth. xxvi, 23*). » Nam et ipse de illis unus erat, quibus Dominus dixerat : « Vobis datum est nosse mysterium regni Dei, cæteris autem in parabolis (*Marc. iv, 11*). » Et isti quidem erant illi cibi dulcissimi, quos simul cum Domino capiebat; « in domo Domini ambulavimus cum consensu. » Sæpe enim in templum Salomonis 410 cum consensu et reverentia Dominum secutus, se ei coram omni populo et amicum, et discipulum esse ostendit. Unde si Deum non timebat, vel faciem hominum erubescere debuerat.

« Veniet mors super illos. » Super illos qui tui consilii participes fuerunt, qui tibi pecuniam dederunt, et tanti sceleris conscii fuerunt. « Et descendent in infernum viventes. » Ecce isti jam judi-

cati et damnati sunt, et sententia mortis jam veniet A
super eos : nihil aliud restat, nisi ut facta resurre-
ctione, descendant in infernum viventes, qui modo
in anima ibi sunt tormenta patientes.

« Quoniam nequitia in hospitibus eorum, in medio
eorum. » Nisi enim nequitia in cordibus eorum
esset, quæ per hospitia intelligimus, nunquam tan-
tum scelus agere potuissent.

« Ego autem ad Deum clamavi, et Dominus exau-
divit me. » Iste clamor non oris, sed solius vo-
luntatis fuit. Magnus est clamor voluntatis ejus, et
clarissime resonat in auribus divinitatis, et nulla
moræ distantia est inter orationem et exauditionem.
Nam et Moyses longe Christo inferior in corde cla-
mabat, et tamen dictum est a Domino (587) : « Quid
clamas ad me? » (Exod. xiv, 15.)

« Vespere, et mane et meridie narrabo, et annun-
tiabo, et exaudiet vocem meam. » Notandum quia
ordine commutato, prius vespere, deinde mane,
postmodum vero meridie posuit. Promittit igitur
Salvator noster se narrare et annuntiare per disci-
pulos et fideles suos ea quæ vespere, ea quæ mane
et ea quæ meridie sibi facta sunt; quoniam memoria
dignissima sunt, et eo quo ponuntur ordine facta
sunt. Vespere namque in cruce positus spiritum
emisit. Unde est illud : « Elevatio manuum mearum
sacrificium vespertinum (Psal. cxl, 2). » Mane vero
die tertia resurrexit : meridie cælos ascendit. Narrat
igitur Ecclesia ea quæ facta sunt vespere et mane,
et meridie, quia Christi passionem, et resurrectionem,
et ascensionem quotidie cantare et prædicare
non cessat : Et hanc quidem vocem exaudiet Deus,
quia nulla laus et jubilatio est in qua magis de-
lectetur.

« Liberabit in pace animam meam ab his qui
appropiant (588) mihi, quoniam inter multos erant
mecum. » Qui sunt isti qui appropinquant Domino,
et quos inter multos alios secum fuisse dicit, a
quibus, ut tamen pacem habeat animam suam libe-
rari petit? Quomodo enim secum erant, si ab eis
animam suam liberari desiderat? Ego puto aliquos
fuisse, qui ipso tempore passionis ei ad custodiam
dati fuerant, ne effugere potuissent. Unde et alibi di-
cit : « Perii fuga a me, et non est qui requirat ani-
mam meam (Psal. cxli, 6). » Ut enim exemplo
facilius hoc intelligamus, mihi quoque hoc accidisse
scio, qui cum aliquando captus fuisssem, mihi qui-
dam ad custodiam dati sunt, qui præ cæteris me odio
habebant, et ipsi quidem semper erant mecum,
juxta me sedebant, sine quibus nihil agere poteram.
Erant igitur mecum, sed non pro bono, neque meæ
voluntatis mecum erant. Puto quod exemplo facile
intelliguntur, qualiter cum Domino illi fuerint, quos
secum inter multos fuisse dicit. Hucusque Salvator
noster locutus est, cætera quæ sequuntur Propheta
loquitur (589).

(587) Id. cod., et labia non movebat.

(588) In Vulgata legitur appropinquant : ita in
Cassiodoro.

« Exaudiet Deus, et humiliabit eos qui est ante
sæcula et manet in æternum. » Exaudiet, inquit,
Deus, et absque dubio audiet ea quæ Judæi contra
eum male et indecenter loquuntur, et humiliabit
eos, ut, sicut aliquando excelsiores fuerunt cunctis
gentibus, ita e contra pro suis iniquitatibus subji-
ciantur omnibus gentibus.

« Qui est ante sæcula, et manet in æternum. »
Cui illi insultando dicebant (Joan. viii, 57) : « Nunc
cognovimus quia dæmonium habes; quinquaginta
annos nondum habes, et Abraham vidisti? » Quibus
ipse : « Ante, inquit, quam Abraham fieret, ego
sum. »

« Non est illis commutatio, et non timerunt
Deum. » Non est, inquit, illis commutatio, utpote
illis qui Deum non timent, ut a malitia sua per
pœnitentiam commutentur et sanentur. Unde et
per prophetam Dominus ait : « Excæca cor populi
hujus, ne forte convertantur, et sanem eos (Isa. vi,
10). » Et ideo non immerito « extendit Dominus ma-
num suam in retribuendo illis. »

« Contaminaverunt testamentum ejus. » Testa-
mentum Dei Judæi commaculant, quia perverse et
contra fidem illud exponunt, et ea quæ de Christo
dicta sunt, illi de Antichristo dicta esse prædicant.
Quo circa digne satis divisi et dispersi sunt per
universum mundum, « Ab ira vultus ejus. » Egre-
gie autem dixit : « ab ira vultus ejus, » quia ci-
tissime in vultu ira cognoscitur. Et appropriavit
cor ejus. » Longe erat prius a Judæis cor et volun-
tas Dei; quia ejus voluntatem cognoscere non po-
terant, nunc autem de patria ejecti, et tanto tempore
exsiliati cognoscere (590), et Deum sibi iratum esse
intelligere possunt. Appropinquavit autem et aliter
Judæis cor et sapientia Dei, quando inter eos Salva-
tor noster prædicare cœpit.

« Mollierunt sermones suos super oleum, et ipsi
sunt jacula. » Hoc autem faciebant Judæi, cum
dicerent : « Magister, scimus quia verax es, et viam
Dei in veritate doces, et non est tibi cura de
aliquo : non enim respicis personam hominis (Marc.
xii, 14). » Nonne tibi isti sermones satis molles et
dulces esse videntur? Ipsi tamen sunt jacula qui-
bus eum ferire et vulnerare nitebantur. Hoc enim
ideo dicebant, sicut in Evangelio legitur, ut cape-
rent eum in sermonibus. Sed Jesus cognita nequi-
tia eorum ait : « Quid me tentatis, hypocritæ? » (Matth.
xxiv, 18).

« Jacta in Deum cogitatum tuum, et ipse te enu-
triet. » Tu, inquit, vir Christiane et fidelis, fuge
Judeorum consortium, quia sicut Apostolus ait :
« Sermo illorum ut cancer serpentis (II Tim. xi, 17), »
et facile suos decipiant audiores. « Jacta in Domi-
num cogitatum tuum, » et ipse te docebit. Ipse te
enutrit doctrina catholica et spiritali. Hoc est
enim quod Jacobus apostolus ait : « Si quis indige-

(589) Cod. Ghs., suppletur editio.

(590) Cod. Ghs., atque calamitatibus oppressi
facile Dei voluntatem cognoscere.

sapientia, postulet a Deo, qui dat omnibus affluenter et dabitur ei (*Jac. 1, 5*). »

« Non dabit in eternum fluctuationem justo. » Ille dat fluctuationem, quando ponit hominem in his contra tentationem; « Deus autem neminem tentat (*ibid., 12*). » Quando igitur homo tentatur in his quæ contra fidem esse videntur, cito ad se reseat, et hanc talem cogitationem, sive potius tentationem a Deo non esse cognoscat. « Tu vero, Deus, deduces eos in puteum interitus. » Illi, inquit, fideles tuos in puteum erroris præcipitare nituntur, sed quod illis infelicitus erit, in puteum interitus et perditionis eos deducet.

« Viri sanguinum, et dolosi non dimidiabunt dies suos. » Universalis comminatio est contra homicidas, Judæos, hæreticos, omnesque dolosos, et deceptores, et animarum interfectores. Isti autem non dimidiabunt dies suos, quia non tantum vivent quantum se vivere sperant. Unde et bene subditur :

« Ego vero in te sperabo, Domine, » neque mihi longos hujus vitæ dies constituam, sed quacunque hora tibi placuerit, et me vocare volueris, paratus ero. Bene autem dixit dies suos, quia aliter Deus, aliter ipsi dies suos ordinant atque disponunt, neque attendunt quod alibi dicitur : « Constituisti terminos ejus, qui præteriri non poterunt (*Job xiv, 5*). »

PSALMUS LV.

IN FINEM PRO POPULO, QUI A SANCTIS LONGE FACTUS EST, DAVID IN TITULI INSCRIPTIONEM, CUM TENEBUNT EUM ALLOPHYLI IN GETH.

Populus ille, qui a sanctis et fidelibus David longe factus est, Judæi sunt. Sed quando factum est hoc? In tituli inscriptione, quando Christum suum regem esse negaverunt, dicentes Pilato : « Noli scribere regem Judæorum, sed quia ipse dixit : Rex sum Judæorum (*Joan. xix, 21*). » Et tunc quidem tenuerunt eum allophyli in Geth (591). Allophyli sine capite interpretantur; per quos eosdem ipsos Judæos intelligimus, qui decollati sunt, et sine capite, nullum de gente sua regem habentes, nec sacerdotem. Geth vero torcular dicitur. Significat autem civitatem Jerusalem, in qua velut uvæ in torculari, sic totus populus ille compressus, totam terram illam proprio sanguine perfudit, et cruentavit. Sic itaque Jerusalem non solum sanctorum, qui in ea interfecti sunt, sed suæ quoque gentis torcular facta est.

« Miserere mihi, Domine, quoniam conculcavit me homo, tota die bellans contribulavit me. » Ecclesia loquitur contra illos qui a sanctis longe facti sunt. Multis modis mali homines, Judæi videlicet, hæretici et tyranni sanctam Ecclesiam olim conculcaverunt et afflixerunt, et adhuc etiam falsi Christiani eam affligere et conculcare non cessant. Unde et valde convenienter dixit, tota die; quia hæc afflictio et conculcatio non cessabit, nisi cum die.

(591) Allophyli est græca vox ex ἀλλόφυλος quæ significat virum alterius tribus vel generis, vel nationis, quomobrem ex eo nomine extraneos intelli-

« Conculcaverunt me inimici mei tota die. » Non solum, inquit, homo, non solum ille populus, qui cum prope esset, longe a sanctis factus est in tituli inscriptione, verum etiam omnes alii inimici mei conculcaverunt me, et adhuc quidem conculcare non cessant, quia nondum conculcationis finitus est dies. Sed die mihi quando ista tua conculcatio cæpit : « ab altitudine diei. » Dies iste Christus est, qui de se ipso ait : « Ego sum lux mundi, qui sequitur me, non ambulat in tenebris (*Joan. viii, 12*). » Ex quo autem dies iste super cælos exaltatus et elevatus est, ex tunc sancta Ecclesia et affligi et conculcari cæpit. Hoc enim ipse Dominus discipulis suis prædixerat. « Veniet, inquit, hora, ut omnis qui interficit vos arbitretur obsequium se præstare Deo (*Joan. xvi, 2*). »

« Quoniam multi, qui debellant me, timebunt, ego vero in te sperabo, Domine. » Seipsam consolatur Ecclesia, considerans quæ perna sit præparata adversariis suis, et quæ gloria sit præparata pro afflictionibus suis. Illi, inquit, qui me debellant, in judicio timebunt, ego vero, quia in te sperabo, nihil timebo. Mea igitur tristitia vertetur in gaudium; horum vero gaudium in tristitiam convertetur.

« In Deo laudabo sermones meos, tota die in Deo sperabo, non timebo quid faciat mihi homo. » Laudet igitur unusquisque sermones suos, sed non ideo quia sui sunt, sed potius quia de Deo loquuntur, 412 et de Deo sunt. Laudabiles sunt sermones nostri, si a veritate non recedant, si tempori locoque convenient. Tales enim conscientia nostra laudare potest, aliter vero laudare non potest, « Tota die, » omni tempore vitæ meæ; quicquid mihi contingat, sive prospera sint sive adversa, « in Domino sperabo, » et ideo « non timebo quid faciat mihi homo. »

« Tota die verba mea execrabantur adversum me. » Ego, inquit, in Deo laudabo sermones meos, et fideles, et catholicos esse dicebam; illi e contra adversum me disputantes exercebantur, et blasphemabant omnia verba mea, et suis rationibus ea infirmare et destruere conabantur. Unde et subditur : « Omnia consilia eorum in malum. » In malum namque sunt omnia Judæorum et hæreticorum consilia, quæ et animas interficiunt, et simplices quosque a via veritatis deviare faciunt.

« Inhabitabant et abscondenti, ipsi calcaneum meum observabant. » Tales erant illi de quibus in Evangelio dicitur : quia « cum intrasset Jesus in domum ejusdam principis Phariseorum Sabbato manducare panem, et ipsi observabant eum (*Luc. xiv, 1*). » Unde et Apostolus conqueritur de quibusdam falsis fratribus qui subintroierunt, ut explorarent conscientias eorum, de quibus ipse quoque Dominus ait : « Attendite a falsis prophetis, qui veniunt ad vos in vestimentis ovium, intrinsecus au-

gimus; ac propterea sese sustinere poterit interpretatio S. Brunonis, ut paululum attendenti perspicuum fiet.

tem sunt lupi rapaces (*Matth. vii, 15*). » Et isti A quidem inter sanctos dolose habitantes, et cordis malitiam abscondentes Christianos se esse fingebant, et quoscunque poterant vel accusabant, vel decipiebant; observabant autem calcaneos eorum, qui si in aliquo eos offendere, vel cadere, vel contra legem facere cognovissent, hoc memoria commendabant, et opportuno tempore eos accusando objiciebant. Calcaneus enim pro casu ponitur, quia qui cadit, calcaneo cadit. Sequitur :

« Expectavit anima mea, pro nihilo salvos facies eos. » Desiderium sanctorum est, et hoc expectant ut, sicut digni sunt, impii puniantur, nisi ab impietate sua ad Deum convertantur. Quod autem ait : « pro nihilo salvos facies eos, » tale est ac si diceret : Nihil in eis est, pro quo salvari debeant. Unde et subditur : « in ira populos confringes. » Hoc erit in iudicio, quando Deum iratum sibi esse intelligentes in ignem mittentur æternum.

« Deus vitam meam nuntiavi tibi, posui lacrymas meas in conspectu tuo. » Felix illius hominis conscientia qui de vita sua tantum confidit, et lacrymas suas ante Deum ponit. Omnia videt Deus, et ipsa corda nostra illi loquuntur, et quidquid in eis est sibi annuntiant.

« Sicut in reprimissione tua convertentur inimici mei retrorsum, in quacunque die invocavero te. » Sicut, inquit, tu promisisti, in quacunque die te invocavero, convertantur retrorsum, ut mihi resistere non valeant inimici mei. Promissio namque illius hæc est : « Non vos deseram, neque derelinquam (*Jean, xiv, 18*). » Et : « Ecce vobiscum sum omnibus diebus usque ad consummationem sæculi (*Matth. xxiv, 20*). » Itemque : « Ego dabo vobis os et sapientiam, cui non poterunt resistere et contradicere omnes adversarii vestri (*Luc. xxi, 15*). » — « Ecce cognovi quoniam Deus meus es tu. » Ecce, inquit, cognovi quoniam Deus meus es tu, qui nunquam deseris sperantes in te, et ecce quæ mihi futura sunt, mihi tam subito intus revelare dignaris. Subito enim dum loquerentur sancti, plerumque spiritu prophetæ de his quæ illis futura erant instruebantur.

« In Deo laudabo verbum, et in Domino laudabo sermonem, in Deo sperabo, non timebo quid faciat mihi homo (592). » Quoniam, inquit, Deus meus tu es, in te laudabo verbum, et in te laudabo sermonem, et fidem tuam quam prædicavi, et doctrinam tuam quam annuntiavi; nullo modo negabo, sed usque ad mortem confirmabo. Et quoniam in te sperabo, non timebo quid faciat mihi homo. Nihil enim potest humana fortitudo contra Dei potentiam et voluntatem.

« In mesunt, Deus, vota, quæ reddam. laudationes tibi. » Nemo se excusare potest, sive dives sive

(592) Ab Ecclesia orthodoxa hæc dicta intelligit Cassiodorus : « In Patre enim se promittit Filium laudaturam; ut quidquid de illo dicitur, de isto pariter sentiat. Nam cum prædicamus æternum atque omnipotentem Patrem, æternum atque om-

pauper sit, unusquisque in se ipso et in corde suo habet quod Deo vovere et reddere potest. Non habes aurum, non habes argentum, non habes pecuniam quam Deo offeras neque ipse hoc exigit a te : audi ipsum dicentem : « Reddite quæ sunt Cæsaris Cæsari, et quæ sunt Dei Deo (*Matth. xxii, 21*). » Hoc sit semper in voto tuo et in desiderio tuo, ut eum semper laudes et benedicas, et ab omni iniquitate quiescas; et sufficit tibi. Hinc est enim quod toties in his psalmis dicitur : *Laudate Dominum, benedicite Dominum, confitemini Domino, psallite Domino*, etc. Hæc etiam tacendo solvere potes, si cor mundum habeas, et in eo qui te fecit delecteris et gaudeas. Unde et alibi dicitur : « Delectare in Domino, et dabit tibi petitiones cordis tui (*Psal. cxvi, 4*). » Et Apostolus : « Gaudete, inquit, in Domino semper, iterum dico gaudete (*Philip. iv, 4*). » Et hoc quidem est illud sacrificium laudis, quod Deo quotidie immolare debemus.

« Quoniam eripuisti animam meam de morte; non qualicunque pretio, sed proprio sanguine tuo. Unde Apostolus ait : « Empti enim estis pretio magno, glorificate, et portate Deum in corpore vestro (*I Cor. vi, 20*). » — « Oculos meos a lacrymis, quas vel fumus, vel dolo, vel aliqua molestia excutere solet. Qui enim in igne erunt, sine fumo et molestia esse non poterunt. Hanc autem molestiam illi non sentient de quibus dicitur : « Absterget Deus omnem lacrymam ab oculis sanctorum, et mors non erit ultra, neque luctus, neque clamor, sed nec ullus dolor, quia prima abierunt, et facta sunt omnia nova (*Apoc. xxi, 4*). » — « Pedes meos a lapsu. » Quid igitur illis profuit de quibus superius dicitur : « Ipsi calcamentum observabunt (*Psal. lv, 7*). » « Væ soli, quia cum ceciderit, non est qui sublevet eum (*Eccle. iv, 10*). » Sancti vero soli non sunt, quia semper cum Domino sunt, et dicunt : « Tenuisti manum dexteram meam, ut placeam coram Domino in lumine viventium. » Ideo, inquit : « Eripuisti animam meam de morte, oculos meos a lacrymis, pedes meos a lapsu, ut placeam Domino in lumine viventium, » quia aliter ibi neque esse, neque placere Domino potuissem. Et bene quidem dixit « in lumine viventium, » quia illi soli in lumine erunt, illi soli vitam habebunt. Illa enim vita quæ semper in tormentis est potius mors quam vita dicenda est.

PSALMUS LVI.

IN FINEM : NE DISPERDAS DAVID, IN TITULI INSCRIPTIONE, CUM FUGERET A FACIE SAUL IN SPELUNCAM.

Quando dictum est, « ne disperdas? » In tituli inscriptione. Quando fuit illa inscriptio? Cum David fugeret a facie Saul in speluncam. Hoc autem secundum litteram nunquam factum est, et ideo in finem referendum est. In tituli namque inscriptione, de

nipotentem Filium sine dubio confitemur. Unum est in utroque præconium; quoniam una virtus amorum, individua gloria, quando indivisibilis est natura, » etc.

qua jam superius diximus, cum Judæi dixissent Pilato : « Noli scribere regem Judæorum ; » respondit illis : « Quod scripsi scripsi (*Joan. xix, 22*). » Hoc autem tantum valuit quantum si dixisset : ne disperdas. Servata est itaque Scriptura, et, velint nolint Judæi, rex Judæorum est Christus. Et tunc quidem fugit David, id est Salvator noster, in speluncam sepulcri, a facie Saul, per quem Judæorum principes intelligimus. Bene autem dixit, fugit, quia quasi furtive et sub celeritate ejus corpus sepulture traditum est (593).

« Miserere mei, Deus, miserere mei, quoniam in te confidit anima mea. » Considerent hoc Ecclesia dicere potest, quia adhuc mortuus est, ut ejus miseretur. In te, inquit, confidit anima mea, qui tantum me dilexisti, ut animam tuam ponereres pro anima mea. « Majorem enim hac dilectionem nemo habet, quam ut animam suam ponat quis pro amicis suis (*Joan. xv, 13*). »

« Et in umbra alarum tuarum sperabo, donec transeat iniquitas. » Vidi te, inquit, quasi dicat, in cruce modo pendentem, nianus, et brachia, velut alas extendentem; sub umbra istarum alarum protege me, quia ego in umbra alarum tuarum spero. Omnis enim spes Christianorum, crux et passio Domini est. Hanc autem spem habet Ecclesia, donec mundus transeat cum iniquitatibus suis; deinde vero jam spes non erit, susceptis omnibus quæ sperari possunt. Unde Apostolus ait : « Nunc autem manent fides, spes, charitas, major autem horum est charitas (*I Cor xiii, 13*) ; » quia semper erit.

« Clamabo ad Deum altissimum, et ad Dominum qui benefecit mihi. » Clamabo, inquit, donec transeat iniquitas, postea vero clamare necesse non erit. Sed ad quem clamabo? ad Dominum altissimum, et ad summum bonum; ad illum clamabo, a quo bona cuncta procedunt; ad Dominum, qui benefecit mihi. Computa nunc, si vales, quanta bona fecerit tibi Deus. Cum non esses te creavit et fecit, et non solum fecit, sed ad imaginem et similitudinem suam te fecit, vitam et misericordiam tribuit tibi : « Proprio Filio suo non pepercit, sed pro nobis omnibus tradidit illum (*Rom. viii, 32*). » Sed audiamus adhuc quomodo Dominus nobis benefecerit.

« Misit de cælo, et liberavit me, dedit in opprobrium conculcantes me. » Misit, inquit, de cælo, de seipso, de sinu suo, et de corde suo, et liberavit me. « Dedit in opprobrium conculcantes me. » Malignos nempe spiritus, Judæos, hereticos et tyrannos. Omnes isti in opprobrium dati sunt, quia statim de hac vita creant, in tenebras demerguntur. Misit igitur de cælo, sed quid misit?

« Misit Deus misericordiam suam et veritatem suam ; » id est Jesum Christum, Filium suum. Egregie, cum non misericordem neque veracem, sed

(593) Aliter exponit Cassiodorus illa tituli verba : *Cum iugeret a facie Saul in speluncam*. « Actus iste, inquit, et Davidi, et Domino multum videtur esse consimilis. Nam sicut David Saulem fugiens in speluncam se abscondit, ita et Domini Salvatoris deitas

A potius propter excellentiæ magnitudinem, misericordiam et veritatem eum vocavit.

« Animam meam eripuit de medio catulorum leonum, » per quos inimicos homines et malignos spiritus intelligimus : quia jam ad devorandum parati erant; inter quos dormivi longo tempore, sed conturbatus dormivi; non erat ille somnus quietis et pacis, sed conturbationis et oblivionis. Sic phrenetici dormire solent, et qui horribilia in somnis vident. Sæpe enim somnis perterriti et conturbati iterum dormire timent, ne his similia videre contingat.

414 « Filii hominum, dentes eorum arma, et sagittæ, et lingua eorum machæra acuta est. » Non mirum, inquit, si inter tales conturbatus dormivi, meique oblitus pacem inter eos, et quietem habere non potui, quorum dentes arma et sagittæ sunt, quorum linguæ machære acutæ semper ad disputandum, ad litigandum, ad blasphemandum, ad maledicendum, ad decipiendum et contradicendum paratæ sunt.

« Exaltare super cælos Deus, et super omnem terram gloria tua. » Dixit modo superius, misit Deus misericordiam suam, et veritatem suam, id est Salvatorem nostrum, de quo in titulo dicitur quod in spelunca sepulcri latuerit; nunc autem eum rogat ut super cælos ascendat, et cunctis gentibus suam gloriam manifestet. Quo expleto ad narrationem reddit, et ea quæ cepit ex ordine narrat.

« Laqueum paraverunt pedibus meis, et incurva-
C verunt animam meam. » Multi sunt laquei, et multæ sunt deceptiones, quas homines iniqui sanctis opponunt, quibus eos capiunt, et cadere faciunt. Anima autem, quæ erecta stat, cælestia contempletur; quæ vero incurvata est, sola terrena et transitoria intuetur. Qui igitur sola terrena et transitoria quærit, animam suam incurvatam esse dubitare non debet.

« Foderunt ante faciem meam foveam, et ipsi
D inciderunt in eam. » Sic enim alibi scriptum est : « Qui fratri suo foveam parat, ipse prius cadit in eam (*Eccle. x, 8*). » Fovea itaque dolus et deceptio est, quam quicumque facit, sibi ipsi foveam parat, non tantum deceptionis, sed mortis quoque et perditionis. De qua videlicet fovea Dominus ait : « Si cæcus cæcum duxerit, ambo in foveam cadunt (*Matth. xv, 14*). »

« Paratum cor meum, Deus, paratum cor meum; cantabo, et psallam Domino (594). » Faciant illi quidquid velint, dicant quod velint, laudent dogmata sua, vituperent nostra, cor meum tamen semper paratum est ad cantandum, ad jubilandum, ad laudandum et prædicandum verbum vitæ et salutis, cunctis gentibus nuntiandum. Et hoc est quod dicit : « Cantabo, et psalmum dicam Domino. » Sed intra templum corporis sui Judæis perfidis fuisse probatur abscondita. Sic singula, quæ de David et Christo proveniunt facta, illi sunt sub hac allusione communia, etc.

(594) Cod. Glis., et psalmum di-am Domino.

ubi? In psalterio et cithara. Hoc est enim quod se-
quitur :

« Exsurge gloria mea, exsurge psalterium et ci-
thara, exsurgam diluculo. » Quid per psalterium
et citharam, nisi Vetus et Novum Testamentum in-
telligamus? Decem chordas habet psalterium, quia
decem sunt verba legis. In cithara vero tres, vel
quatuor sufficiunt. Et tres quidem mysterium Trini-
tatis, quatuor vero totidem Evangeliorum libros de-
signant. Cantant igitur sancti, vel in psalterio, vel
in cithara, quia alium cantum et citharam non ha-
bent, nisi Vetus et Novum Testamentum. Si igitur
psalterium et cithara ab Ecclesia tollantur, quid di-
cat, quid cantet, et quid prædicet non habebit. Est
igitur omnis gloria ejus in psalterio et cithara, quia
sine cantu, sine doctrina et scientia nullam gloriam
habere potest. Et quamvis omnis modulatio psalte-
rii et citharæ suavis sit et dulcis ad audiendum,
illa tamen dulcissima est, quæ tribus chordis in ci-
thara modulatur. Et talis quidem est ille cantus
quem, sicut Isaias propheta, et Joannes evangelista
dicit : « Seraphim et quatuor animalia cantare non
cessant : Sanctus, sanctus, sanctus Dominus Deus
omnipotens, plena est omnis terra gloria ejus (Apoc.
iv, 8). » Merito igitur dicit Ecclesia : « Exsurge glo-
ria mea, exsurge psalterium et cithara; » et ego
quidem exsurgam diluculo. Tu, inquit, psalterium
et cithara semper esto perfecta (595), ut nullum
mihi impedimentum vel moras facias, quia ego qui-
dem ad cantandum exsurgam valde diluculo. In hoc
autem se per totum diem a mane usque ad vespe-
rum, id est omni tempore vitæ suæ, se cantare et
jubilare promittit, quod se diluculo exsurgere dicit.

« Constitutebitor tibi in populis, Domine, et psalmum
dicam tibi inter gentes. » Paratus, inquit, sum,
psalterium habeo, citharam habeo, et in psalterio
et in cithara constitutebitor tibi, et laudabo te in populis,
Domine, et psalmum dicam tibi inter gentes. Quia
enim Judæi nolunt, psalmos se inter gentes cantare
promittit. Psalmos cantare est verbis et actione legis
mandata adimplere

« Quoniam magnificata est usque ad cælos mise-
ricordia tua, et usque ad nubes veritas tua. » Mi-
sericordia Dei et veritas Dei Salvator noster est,
quia omni misericordia et veritate plenus est, et in
ipso et per ipsum Patris misericordia et veritas
cunctis gentibus revelata est. Hoc, inquit, consti-
tuebitor, hoc prædicabo, hoc in omnibus gentibus nun-
tiabo; quoniam usque ad cælos et usque ad nubes,
imo super omnes cælos et super omnes nubes mi-
sericordia tua et veritas tua magnificata et exaltata
est. Sed ut vera sit hæc prædicatio mea, jam nunc
exi de spelunca, egredere de sepulchro; et exaltare
Deus super cælos et super omnem terram gloria tua
manifestetur. « Exaltare super cælos Deus et super
omnem terram gloria tua. »

(595) Cod. Ghis., parata.

(596) Matth. c. xxvii, v. 37, habet : Hic est Jesus,

PSALMUS LVII.

415 IN FINEM : NE DISPERDAS DAVID : IN TITULI
INSCRIPTIONE.

Hoc præcipit David, ut neque Pilatus, neque
Judæi disperdere audeant, quæ posita sunt in tituli
inscriptione. Erat enim ibi positum Hebraice,
Græce, et Latine : « Hic est Jesus Nazarenus Rex Ju-
dæorum (596). » Ergo et Hebræi, et Græci, et La-
tini testes sunt quod infelices Judæi regem suum
et dominum suum crucifixerunt.

« Si vere utique justitiam loquimini, juste judi-
cate filii hominum. » Ipse Propheta loquitur, et
Judæos redarguit de iniquitate sua. Si vere, inquit,
quod utique facitis, justitiam loquimini, quare non
juste judicatis, nisi quia filii hominum estis? « Est
enim omnis homo mendax, Deus autem verax
(Rom. iii, 4). » Sicut legitur, filii hominum menda-
ces sunt; ita et filii Dei veraces sunt. « Quotquot
autem receperunt eum, dedit eis potestatem filios
Dei fieri, his qui credunt in nomine ejus (Joan. 1,
12). » Soli namque Christiani veraces sunt; siqui-
dem soli (Christiani filii Dei sunt. Vocatis, inquit,
Christum magistrum bonum : dicitis quia viam Dei
in veritate docet : dicitis quia sibi non est cura de
aliquo, et quia non respicit personam hominis; ve-
rum dicitis, justitiam loquimini, quia ita est ut di-
citis. Quare ergo non juste judicatis? Quare eum
morte condemnatis? Quare adversus eum crucifige
clamatis? Et quasi malefactorem accusatis?

« Etenim in corde iniquitates operamini in terra,
iniquitates manus vestræ concinnant. — « Ex corde,
dicit Dominus, exeunt cogitationes malæ, furia,
homicidia, perjuria, falsa testimonia, et similia
(Matth. vii, 21). » Hæc sunt igitur, quæ mali et iniqui
homines operantur in corde suo, id est in terra,
quia tale cor terra est, fatuum est, grave et ad infe-
riora trahens. Illorum autem manus iniquitates con-
cinnant, quorum opera in malitia et iniquitate con-
cordant.

« Alienati sunt peccatores ab utero, erraverunt a
ventre, locuti sunt falsa. » Isti sunt illi peccatores,
de quibus alibi dicitur : « Filii alieni mentiti sunt
mihi (Psalm. xvii, 46). » Itemque : « quoniam alieni
insurrexerunt in me (Psalm. lxxv, 5). » Alieni facti sunt
qui proximi erant, et econtra proximi facti sunt qui
alieni erant. Unde et scriptum est : « Vocabo non
plebem meam, plebem meam, et non misericordiam
consecutam, misericordiam consecutam (Rom.
ix, 25). » Illis autem dicitur : non populus meus
vos. Isti autem erraverunt ab utero, quia ex quo nati
sunt, veritatem recipere noluerunt, et ideo a ventre
locuti sunt falsa. Quid enim ille qui errat, nisi falsi-
tatem dicere potest?

« Ira illis secundum similitudinem serpentis. »
Sed cujus serpentis? « Sicut aspidis surdæ et obta-

rex Judæorum. Joannes autem c. xix, 19 : Erat au-
tem scriptum : Jesus Nazarenus rex Judæorum.

« rantis aures suas, quæ non exaudirent vocem incantantium, et veneficia quæ incantantur a sapiente (597). » Crudelissimum genus serpentis est aspis, de qua scriptum est quia « venenum aspidum insanabile (Deut. xxxii, 33), » contra quam nulla incantatio potest, nisi suas ipsa audiat incantationes; obturat enim aures cauda quando incantatur, et sic omnes incantationes pro nihilo ducit. Tales sunt Judæi, qui indurato corde Christianæ religioni semper adversantur, evangelicam prædicationem neque audire, neque recipere volunt. Incantatores sancti prædicatores sunt, qui, quamvis sapienter eos incantent, ipsi tamen eorum sermones et incantationes audire despiciunt, magisque se præparant ad contradicendum et maledicendum, quam ad audiendum et credendum. Sed eorum disputationes et argumentationes facile vincuntur et dissipantur. Unde et subditur :

« Deus conteret dentes eorum in ore ipsorum, « molas leonum confringet Dominus. » Quid enim per dentes et molas eorum intelligamus, nisi eorum argumenta, syllogismos, et Scripturarum difficultates, quibus nos vulnerare et decipere conantur? Sæpe enim dum loquimur cum illis, ita subito omnes illorum rationes contritas et confractas esse videmus, ut penitus nihil habeant quod respondere valeant. Unde et subditur :

« Ad nihilum devenient, velut aqua decurrens. » Fit enim multoties ut ille qui quasi torrens inundans paulo ante exemplis et rationibus abundare videbatur, mox desiccatus et rationibus destitutus, omnino quid dicat invenire non valeat. Quod qui non intelligit, illam disputationem legat, quam simul cum Judæis beatus Silvester habuisse narratur (598). Et hoc quidem ideo fit, quia Dominus « intendit arcum suum donec infirmetur. » Arcus Dei, apostoli sunt et doctores, per quos sagittas suas et Scripturarum certissimas rationes contra eos Dominus immittit, donec infirmati et victi conquiescant. Hinc est enim quod suis discipulis **416** Dominus ait : « Ego dabo vobis os et sapientiam, cui non poterunt resistere et contradicere omnes adversarii vestri (Luc. xxi, 15). »

« Sicut cera liquefacta auferentur. » Hoc autem erit in iudicio, et post iudicium, quando simul cum principe suo mittentur in ignem. Unde et subditur : « Super eos cecidit ignis, et non viderunt solem. » Præteritum pro futuro suo more posuit. In iudicio, inquit, mox ut illa sententia terribilis data fuerit, quasi cera liquefacta auferentur, quia tantæ violentiæ resistere non valebunt. Et tunc quidem ignis ille quo totus mundus succendetur cadet super illos, atque ita de igne transibit in ignem. « Et non videbunt solem; » quia sicut scriptum est : Tollentur impii, ne videant gloriam Dei (Isa. xxvi, 10). Nam et si ad

(597) Vulgata legit : *et venifici incantantes sapienter.*

(598) Ex actis S. Silvestri, quæ vulgo ferebantur, hæc desumpsit S. Bruno; apocrypha autem demon-

PATR. CLXIV.

A momentum eum videant, propter illud quod scriptum est, quia « videbit eum omnis oculus (Apoc. i) : » subito tamen inde auferentur, et hoc ipsum erit eis ad tormentum, quod cum videre desiderabunt, et videre non poterunt. « Priusquam producat agri « nas vester rhamnus (599), sicut viventes, sic « in ira absorbet eos. » Rhamnus quidem genus spinarum est, quod et florem gratissimum et spinas acutissimas habet. Significat autem Salvatorem nostrum, florem pulcherrimum de radice Jesse, qui de seipso loquitur, dicens : « Ego flos campi, et lilium convallium (Cant. ii, 1). » Hic autem rhamnus modo quidem flores dat, quorum odore et suavitate mentes nostræ reficiuntur et delectantur. Per quos videlicet flores, ejus verba odorifera et suavissima intelligimus. Spinæ autem nondum ostendit, sed cum magna patientia peccatores exspectat : « Non enim vult mortem peccatoris, sed ut convertatur, et vivat (Ezech. xxxiii, 11). » Spinosa et terribilis in iudicio apparebit, sed peccatoribus, qui ejus vulnera et aculeos sustinere non poterunt. Sed priusquam rhamnus iste vester, o sancti et fideles Dei, spinas producat, et suæ severitatis aculeos ostendat, sicut viventes, sic in ira absorbebit eos ignis. Nondum enim ad iudicium Dominus venit, jam tamen omnium iniquorum et damnatorum animæ igne sorbentur et cruciantur. Ante iudicium igitur solæ animæ, post iudicium vero et corpora simul cruciabuntur et animæ. Et tunc quidem « letabitur « justus, cum viderit vindictam impiorum. » Inten-

C rim autem « lavabit manus suas in sanguine peccatorum. » Et peccata quidem sanguinem non habent, sed per sanguinem mortem intelligimus, quia in sanguinis effusione mortem esse cognoscimus. Nunquam melius manus suas et opera sua (quæ per manus significantur) sancti Dei lavare possunt, quam peccata interficiendo, quorum contagione fuerunt maculatæ.

« Et dicet homo : Si utique est fructus justo, uti-

que est Deus judicans eos in terra. » Contraria contrariis conveniunt, et tale est ac si diceret : Dicat, sciat et intelligat omnis homo, quia si boni habebunt fructum et retributionem de bonitate sua : mali quoque sustinebunt iudicium, et pœnam de malitia sua. Sed ubi est Deus? Ubique. Est igitur in terra, videt itaque et judicat omnia quæ sunt in terra.

PSALMUS LVIII.

IN FINEM : NE DISPERDAS, DAVID IN TITULI INSCRIPTIONE, QUANDO MISIT SAUL, ET CUSTODIVIT DOMUM EJUS, UT EUM INTERFICERET.

Nemo disperdere poterit quæ Spiritus sanctus disperdere interdixit. Hoc autem principes sacerdotum, cæterique Judæi, qui per Saul significantur,

strat Natalis Alexander Histor. Eccl. sæc. iv, diss. 23. De baptismo Constantini imperatoris.

(599) Alia lectio Vulgatæ : *Priusquam intelligerent soina vestra rhamnum.*

facere voluerunt; sed quia hoc non potuerant, miserunt custodes ut ejus sepulcrum custodirent et eum interficerent. Sed quomodo eum iterum interficere poterant, qui adhuc in sepulcro mortuus quiescebat? In hoc enim eum interficere volebant, in quo ejus resurrectionem impedire conabantur. Sunt enim usque hodie qui, quantum in eis est, eum interficiunt, dum ejus resurrectioni contradicunt.

« Eripe me de inimicis meis, Deus meus, et ab insurgentibus in me libera me. » Sæpe jam diximus quia, quoties Christus aliquid petit, aliquid orat, et aliqua re se indigere ostendit, quod non ad divinitatem, sed ad solam humanitatem omnia spectant. Ipsa quoque humanitas nec locutione, nec deprecatione indigebat, quæ in sola voluntate omnia habebat et possidebat. Omnia autem completa sunt, quæ in Christi voluntate erant, quæ et Propheta ideo scribit, ut nos quoque ea sciamus quæ quidem, nisi scripta fuissent, ad nostram notitiam non pervenissent. Hoc igitur sola voluntate impetrabat humanitas Christi, quod precibus et orationibus alii homines impetrare solent. Orat autem etiam (600) voce Salvator noster non pro se, sed pro nobis, ut nos orando doceat, instruat et suam voluntatem et nostram utilitatem cognoscere faciat. Quod igitur hic **417** dicitur: Eripe me, et libera me, et salva me; tale est ac si diceret Volo ut eripias me: « de operantibus iniquitatem et de viris sanguinum » salvas me. Sic enim loquitur, et sic orat voluntas Christi, non rogando, sed volendo loquitur. Sic et nos dicere solemus de omnibus rebus quas in nostra voluntate et potestate certissime constare cognoscimus.

« Quia ecce occupaverunt animam meam, irruerunt in me fortes; neque iniquitas mea, neque peccatum meum, Domine. » Salvator noster non habuit necesse ista dicere; sed nos habuimus necesse ista audire; attamen si dixit, intus dixit, et in corde dixit: hoc Propheta, Spiritu sancto eum docente, audivit et scripsit. Occupaverunt autem Judæi animam Christi non tantum in re, sed desiderio et spe. Usitatissimus est iste locutionis modus, ut id nos habere dicamus quod certissime nos habituros esse speramus. « Irruerunt in me fortes. » Fortes enim ideo dicuntur, quia id quod de Christi morte voluerunt ad affectum usque perduxerunt. Unusquisque enim in ea re fortis est, in qua suam intentionem adimplere valet. « Neque iniquitas mea, neque peccatum meum, Domine. »

« Sine iniquitate cucurri, et dirigebar (601). » Et quis ignorat? Quæ est ista excusatio? Quæ est ista defensio? Nunquid hoc divinitas ignorabat? Quæ

(600) Id cod., *aliquando*.

(601) Vulgata habet *direxi*.

(602) Id. cod. Ghis., *dispensat quomodo vult, repellit a se quos vult*. Hæc S. Bruno juxta mentem Apostoli, docentis liberam absolutamque Dei electionem ad gloriam, et qui indurationem in peccato permittit: « Non est volentis, neque currentis, sed miserentis est Dei. Ergo cujus vult miseretur, et

A humanitati ineffabiliter conjuncta, omnino eam mundissimam et irreprehensibilem esse sciebat. Non est tamen inconveniens, si hoc quod dixit de conscientia Christi, ad iniquos homines convincendos scribere voluit propheta Christi. Multa enim intus dicit Deo conscientia nostra quæ foris non loquitur lingua nostra. « Exsurge in occursum mihi, et vide. » Volo, inquit, ut in occursum mihi et in adiutorium venias et istorum voluntatibus resistas, ut contra permissionem meæ voluntatis nullam in me habeant potestatem. Hoc est enim quod Pilato Dominus dixerat: « Non haberes in me potestatem ullam, nisi desuper tibi datum fuisset (Joan. xix, 11). » — Et vide. » Quid? illorum impiam voluntatem et pravam intentionem, quod non solum me interficere volunt (quod et mihi placet et tibi), verum etiam nomen meum et memoriam nominis mei omnino de terra auferre conantur.

« Et tu, Domine Deus virtutum, Deus Israel, intende ad visitandas omnes gentes. » Ille est Deus virtutum, in cujus manu et potestate sunt omnes virtutes, qui eas tribuit cui vult et ad se trahit quoscunque vult (602). Ipse est Deus Israel, per quem eos omnes intelligamus, qui in eum credunt, eum diligunt et cognoscunt. « Tu, inquit, Domine Deus virtutum, Deus Israel, intende ad visitandas omnes gentes, » quia illi ad quos missus sum me recipere noluerunt. Hoc autem jam completum est, quia omnes gentes per discipulos suos Dominus visitavit, et ad fidem vocavit, dicens eis: « Ite in universum mundum, prædicate Evangelium omni creaturæ (Marc. xv, 11). » — « Non miserearis omnibus qui operantur iniquitatem. » Omnes quidem vocati sunt, non omnes autem electi sunt. Qui enim iniquitatem operantur, et indurato corde in malitia usque in finem perseverant, etiam si baptizati sunt et fidem Christi susceperunt, non tamen illorum miserebitur Deus.

« Convertentur ad vesperam, et famem patientur » ut canes, et circuibunt civitatem. » Isti, inquit, Judæi, qui modo sunt, inconvertibiles sunt; illi vero qui futuri sunt, ad tetandem convertentur (603), sicut scriptum est: « In diebus illis salvabitur Juda, et Israel habitabit confidenter (Jerem. xxiii, 6). »

D Et alibi: « Si fuerit numerus filiorum Israel sicut arena maris, convertentur (Isa. x, 21). » — « Et famem patientur ut canes. » Modo, inquit, stomachi, et sui erroris et malitiæ pleni, verbum vitæ credere fastidiunt, sed tunc quidem quasi canes valde famelici, ad cibos ecclesiasticos et spirituales suscipiendos importune se ingerent, et longam famem se sustinuisse ostendent (604). Unde et subditur:

quem vult indurat. » Rom. ix, 15.

(603) Id. cod.: « Sed quando? ad vesperum. Finita hæc vitia erunt. Tunc mundus iste veniet ad vesperum, et nuncquidem Judæi convertentur. »

(604) Eandem loci hujus interpretationem reddit Cassiodorus, qui postquam attulerit centem ad Romanos c. xi, 25: *Nolite fratres, mysterium hoc, ut non sitis*

« Et circumbunt civitatem, » sanctæ videlicet Ecclesiæ, ut ejus cibis spiritualibus alantur, quos prius attingere volebant, et canum sollicitudine fideliter eam custodiunt.

« Ecce ipsi loquuntur in ore suo, et gladius est in labiis eorum. » Ecce, inquit, ipsi Judæi, qui modo sunt et qui fidem recipere nolunt, loquuntur contra apostolos Ecclesiæque doctores. « In ore suo, » in ore perverso, et ad litigandum et contradicendum parato. Hoc est enim quod dicit: « Et gladius in labiis eorum. » Sicut enim gladius spiritus est verbum Dei, ita gladius mortis et perditionis sunt verba Judæorum.

« Quoniam quis audivit? » Hoc dicebant Judæi contra apostolos, et hoc usque hodie dicunt contra Ecclesiæ doctores. **418** « Quoniam quis audivit? » Quis prophetarum hanc novam, quam vos prædicatis, doctrinam annuntiavit? Et hoc quidem dicunt, quia littera eos occidit, et ad spirituales intelligentiam accedere nequeunt; quoniam excæcavit eos malitia eorum. Et non solum ipsi, sed aliæ quoque gentes similia sentiebant. Unde et subditur: « Et tu, Domine, deridebis eos, et Dominus subsannabit eos. » Pro nihilo vero habet Dominus omnes gentes, quia, sicut propheta ait: « Omnes gentes, quasi non sint, sic sunt coram eo, et quasi nihilum et inane reputati sunt ei (Isa. xl, 17). »

« Fortitudinem meam ad te custodiam, quia tu, Deus, susceptor meus es. » Tu, inquit, pro nihilo habes omnes gentes quas et ego similiter haberem, si voluissem; sed fortitudinem meam ostendere nolo, quam videlicet fortitudinem totam ad te referam, et ad te custodiam, et quasi propriis viribus destitutus, a te semper defensionem et auxilium expectabo. « Quia tu, Deus, susceptor meus es, » qui juxta mee voluntatis arbitrium mihi omnia subministras.

« Deus meus, misericordia ejus præveniet me. » Secundum hominem loquitur, et ideo Deum se habere dicit, et misericordiam aliunde expectat, quæ misericordia tam præsto est, ut eum semper præveniat si vocanda est.

« Deus meus, ostende mihi bona inter inimicos meos. » Quæ bona? « Ne occidas eos. » Quare? « Ne quando obliviscantur legis tue. » Hoc enim non de Judæis, sed de Christianis dicit, ne obliviscantur legis suæ. Unde et in alia translatione, non « legis tue, » sed « populi mei » habetur. Hæc igitur misericordia, ideo Judæis facta est, ne penitus occiderentur, ne forte simul cum eis lex quo-

pientes: quia cæcitas ex parte in Israel contigit, donec plenitudo gentium introiret, et sic omnis Israel salvus fieret, etc. « Vides, inquit, et ibi promissum esse, ut, quamvis sera, tamen aliquando salutifera conversione salventur; et ideo ad similitudinem diei, finis mundi vespera competenter edicitur, » etc. Reliqua etiam commentationi ejusdem Cassiodori sunt consentanea.

(605) « Dispersi ergo sunt Judæi, sive ut ad con-

que periret et oblivioni traderetur, cum nemo esset qui eam doceret (605).

« Disperge illos in virtute tua, et destrue eos, propterea tector meus. » Domine, ne, inquit, occidas eos in hac ætissima qua simul clauduntur obsidione; sed disperge illos in omnes gentes, et populos, et nationes in virtute tua, cui nemo resistere valet. Et destrue eos, non ut occidantur, sed potius ut a pristina dignitate, honore et gloria deponantur (606). Ecce dispersi sunt iudices, et nos legem habemus, et ipsi mortui non sunt; sine lege tamen, et sacerdotio, et sine honore sunt ubique.

« Delicia oris eorum sermo labiorum ipsorum, » et comprehendantur in superbia sua. » Delicia, inquit, oris eorum est sermo labiorum ipsorum, quibus nimium superbe contra Deum locuti sunt. Fecerunt illi omnia hæc mala quæ superius enuntiata sunt, et ideo dignum est ut comprehendantur in superbia sua, ut tandem aliquando cognoscant et intelligant stultitiam suam. Hæc autem de illis Judæis intelliguntur qui usque hodie sunt; cætera quæ sequuntur de illis intelliguntur qui in fine sæculi futuri sunt. De quibus nunc subditur: « Et de execratione et mendacio compellantur in ira consummationis, et non erunt. » Illi, inquit, dispersi et destructi sunt, et in superbia sua et phrenesi sunt. Illi vero qui in ira consummationis futuri sunt compellantur et cogantur a sanctis de execratione et mendacio respondere et penitentiam habere. « Et non erunt, » subauditur, in ira consummationis; sed erunt simul cum sanctis in domo cælestis habitationis. Ira consummationis a morte Antichristi incipit, quoniam certissima signa futuri iudicii apparebunt, et Judæi cognita veritate ad Ecclesiam confugientes de blasphemis et de mendaciis penitentiam agent.

« Et scient quia Deus dominabitur Jacob et finium terræ. » Isti, inquit, hoc ignorant, sed illi scient et intelligent; quia ille Deus et Dominus, quem parentes illorum crucifixerunt, dominabitur Jacob, id est populi Judæorum, qui inde originem ducit. « Et finium terræ; » hoc est omnium gentium.

« Convertentur ad vesperam, et famem patientur, » ut canes. » Iste versus jam superius expositus

est. « Ecce ipsi dispergentur ad manducandum, et si non fuerint saturati murmurabunt. » Dispergentur quidem per singulas Ecclesias, et ubicunque Christianæ religionis suscipientem aliquem esse cognoverint, tantus erit amor discendi et divini spiritualisque cibi percipiendi; et si non fuerint sa-

versationis provocarentur studia (sen, sicut quidam volunt), ut inter conteationes hæreticorum ab inimicis suis, veteris legis paratum haberet Ecclesia testimonium, dum illud indubitanter creditur, quod adversario suffragante firmatur. » Cassio.

(606) Sequentia psalmi hujus in editione Marchesii desunt et supplentur ex codice Vallicellano supra adnotato. Etiam in codice Ghisiano eadem desiderantur

turati, murmurabunt. » Proprium est illius gentis murmurare, et vix aliquando sine murmuratione fuit. Murmurabunt itaque, si saturati non fuerint, et si episcopi, et sacerdotes, ceterique Christianæ legis prædicatores, qui tunc temporis erunt, ad omnia unde interrogati sunt eis non satisfecerint. Utinam hæc scripta nostra inveniantur, quatenus velut sic erubescant, et a sua murmuratione quiescant ! Quis enim de omnibus ad plenum sensum valeat reddere quod in sacris voluminibus continetur ?

« Ego autem cantabo virtutem tuam, et exaltabo » mane misericordiam tuam. » Illis igitur interrogantibus, et omnia scire volentibus, et omnibus questionem facientibus, per fideles meos, per episcopos et sacerdotes meos, cantabo et prædicabo **419** virtutem tuam, et exaltabo mane misericordiam tuam. Quando quibus erit vespera, sed ad fidem venientibus erit mane ; quia tunc de nocte esibunt, et aquis baptismatis renovati ad verum lucis et claritatis diem perveniunt ; et tunc tandem Dei virtutem et misericordiam recognoscent.

« Quia factus es susceptor meus et refugium meum » in die tribulationis meæ. Adjutor meus tibi psal-
lam, quia Deus susceptor meus es : Deus meus
« misericordia mea. » Quanto affectu Christi humanitas ejus divinitati se humiliat, eique se psallere et obedire promittit, quia tam præsto illi fuit, omnesque ejus voluntates tam efficaciter adimplevit. Et merito nunc susceptorem suum et semel et iterum refugium suum, et misericordiam suam esse dicit, quoniam simul cum membris suis ab ea suscipitur, et ad æternæ beatitudinis gloriam sublevatur. Tunc igitur complebuntur omnia quæ in hoc psalmo continentur, quando, peracto judicio, Salvator noster simul cum sanctis omnibus cælo ascendet.

PSALMUS LIX.

(607) IN FINEM, PRO HIS QUI IMMUTABUNTUR, IN TITULI INSCRIPTIONE IPSI DAVID IN DOCTRINAM, CUM SUCCE-
DIT MESOPOTAMIAM SYRIÆ, ET SOBAL, ET CONVERTIT
JOAB, ET PERCUSSIT EDMO IN VALLE SALINARUM DUO-
DECIM MILLIA (608).

In finem, inquit, ista referuntur, et secundum literam non intelligantur ; sed potius intelligantur de his qui audita tituli inscriptione in novum hominem immutabuntur, et suum regem, et dominum Christum esse cognoscent. Hanc immutationem fecit David, id est Salvator noster, veniens manu fortis in doctrina sua ; quoniam per milites, seu discipulos suos, omnem elevationem, et sublimitatem, et vanam hujus sæculi vetustatem succendit et destruxit. Sic enim ipse ait : « Ignem veni mittere in terram, et quid volo, nisi ut accendatur ? » (Luc. xii, 49.) Inter-

(607) Deest in Marchesio, et in cod. Ghsiano hic psalmus cum quinque sequentibus, quos ex cod. Vallicel. supplevimus.

(608) Hujusmodi titulus idem est in Romana editione ; in Psalterio a cardinali Thommasio edito differunt aliqua. Inquit enim, « succendit Mesopotamiam Syriæ, et Sobal, et convertit Joab, et percussit Idumæam in valle Salinarum, duodecim millia. »

pretatur enim Mesopotamia *elevatio*, Syria *sublimitas*, Sobal *vana vetustas* ; scilicet convertit se Joab dux, et princeps exercitus David super eos qui sibi adversabantur ; et percussit Edom in valle Salinarum duodecim millia. Joab interpretatur *inimicus*. Ipse est de quo Dominus in Evangelio ait : « Esto consentiens adversario tuo cito, dum es in via cum eo » (Matth. v, 25). » Adversarius noster est sermo divinus, et ipse quidem est maximus princeps, majorque hostium debellator in toto exercitu David, cui quicumque non consenserit peribit. Iste igitur percussit de Edom, qui *strenuus* interpretatur, duodecim millia. Omnes homines terra sunt, quia de terra facti, sed illi soli beati qui gladio Joab interficiuntur. Bonus gladius, et bona mors, quæ interficiendo vivificat. Sed quid per vallem Salinarum, nisi sanctam Ecclesiam intelligimus ? Ibi est ille sal de quo suis discipulis Dominus ait : « Vos estis sal terræ » (Matth. v, 13). » In hac igitur valle gladius Joab principatum tenet ; quia nemo est, qui ei contradicere audeat. Sic itaque in preliis et victoriis David Salvatoris nostri prælia et victoriæ significatæ sunt.

« Deus, repulisti nos, et destruxisti nos, et miser-
tus es nostri. » Repulisti Dominus, et a se separavit omne humanum genus, quando primos parentes nostros de paradiso ejecit. Destruixisti autem, quoniam de tanta gloria, de tanta sublimitate, de tanta fortitudine et incolumitate et de ipsa quæ præditi erant immortalitate mortis legibus subjecit. Iratus nobis est, quando dixit : « Maledicta terra in opere tuo ; cum operatus fueris eam, non dabit fructum suum, sed spinas et tribulos germinabit tibi » (Genes. iii, 17). » Sed misertus est nobis, quia non penitus nos abiecit et interfecit. Sic enim iudices illorum misereri solent, quos, postquam ad mortem damnati sunt, graviter verberantes, vel aliquo membro diminutos vitæ reservant, et abire permittunt.

« Commovisti terram, et conturbasti eam, sana
« contritiones ejus, quia commota est. » Tempus enim stabilitum erat, et conturbari non poterat terra nostra, quia nullas molestias, nullas infirmitates, vel incommoditates timebat, et illam terram habitabat quæ omnibus aliis melior et suavior erat. Nunc autem omnibus modis commota et conturbata, infirmata et dissipata multa indiget consolatione, quia innumerabiles patitur afflictiones. Et hoc est quod ait : « Sana contritiones ejus, quia commota est. »

420 « Ostendisti populo tua dura, potasti nos
« vino compunctionis. » Hic est ille populus de quo alibi dicitur. « Nos autem populus ejus et oves pascuæ ejus » (Psal. xciv, 7). » Quamvis enim omnes populi ipsius sint, ille tamen specialiter proprius ejus

Apud Clarium ita se habet titulus psalmi : « Vincenti pro iis qui immutabuntur insignia David in doctrinam, cum succendit Syriam Mesopotamiæ, et Syriam Sobal, et convertit Joab, et percussit Idumæam in valle Salinarum duodecim millia. » *II Reg. viii et x ; I Paralip. xviii.* Etiam Ven. Beda in persona David Christum hic cognoscendum esse docuit ; totaque psalmum de eo loqui.

dicitur, qui in utroque Testamento in eum credidit, et ejus voluntatem facit et fecit. Et hic est cui Dominus duriora semper ostendit, et gravioribus periculis affligi permittit. Et ideo fortasse ne mundi blanditiis et voluptatibus decipi potuissent, et magis terrena quam coelestia quaerere et diligere, vinum compunctionis, cujuscunque doloris et afflictionis calix et potio intelligi potest. Est autem et alia compunctio bona, qua suis lacrymis reficiuntur sancti, de qua scriptum est: « Fuerunt mihi lacrymæ meæ panes die ac nocte (Psal. xli, 4). » Et alibi: « Cibabis eos pane lacrymarum, et panem dabis nobis lacrymarum in mensura (Psal. lvi, 9). »

« Dediti metuentibus te significationem, ut fugeant a facie arcus et liberentur electi tui. » Hic est ille arcus de quo alibi dicitur: « Quoniam ecce peccatores tetenderunt arcum, paraverunt sagittas suas in pharetra (Psal. cx, 2), » etc. Dedit autem Dominus metuentibus te significationem, quomodo arcum, et hos sagittarios effugere et evitare valeant? Per hos enim sagittarios omnes Ecclesiæ adversarios, et præcipue Judæos et hæreticos intelligere debemus. Habemus autem significationem contra istos, et sanctorum omnium auctoritates. Sed vis audire manifestam significationem? Audi ipsum Dominum dicentem: « Attendite a falsis prophetis, quoniam veniunt ad vos in vestimentis ovium, intrinsecus autem sunt lupi rapaces: a fructibus eorum cognoscetis eos (Matth. vii, 17). »

« Salvum me fac dextera tua, et exaudi me; » dicit Ecclesia, « ut liberentur electi tui. » Salvum me fac dextera et fortitudine tua, et exaudi me. Salus hujus piissimæ matris omnium filiorum liberatio est.

« Deus locutus est in sancto suo, lætabor, et dividam spolia (609), et convallē tabernaculorum metibor. » Propheta loquitur modo, et Ecclesia consolatur, quæ de humani generis calamitatibus ab ipsa origine incipiens lamentabatur, quæ tamen de significatione gaudebat, quod fuggere poterat a facie arcus. « Deus locutus est in sancto suo, » id est in dilecto Filio suo, et ea locutus est quæ lætitiā tibi dabunt et exultationem (610); quoniam usque ad finem terræ te dilatabit, et totam terram, quam dimensus est et per suas partes divisit, tibi dabit. « Lætabor, inquit, et dividam spolia. » Egrege Dominus a lætitiā incipit, quia ejus lætitiā omnibus fidelibus suis gaudium portat. Unde et in ejus nativitate gaudium annuntians pastoribus, angelus ait: « Ecce annuntio vobis gaudium magnum, quod erit omni populo, quia natus est vobis hodie Salvator, qui est Christus Jesus, in Bethlehē civitate David (Luc. ii, 10). » Sichimam humeri interpretatur, et significat super humerale, quod in Exodo pontifex ferre jubetur. Ipsi autem sunt sancti apostoli, episcopi et sacerdotes, qui illo humeros

A suos ornatos habent, ut alios omnes sapienter et fortiter portent. Ipsi enim sunt, quibus Dominus ait: « Tollite jugum meum super vos, et discite a me quia mitis sum et humilis corde (Matth. xi, 29). » Illos igitur dimisit Dominus, et totam vallē tabernaculorum inter eos partitius est. Convallis tabernaculorum totus iste mundus intelligitur, in quo tabernacula Dei posita sunt, per quæ omnes Ecclesiæ significantur, de quibus subditur:

« Meus est Galaad, et meus est Manasses, et Ephraim fortitudo capitis mei. Juda rex meus, Moab olla spei meæ; in Idumæam extendam calceamentum meum: mihi alienigenæ subditi facti sunt. » Ecce omnia sua sunt. Omnia hæc ad Ecclesiā pertinent, et ita sancta mater Ecclesia ubique gentium magnificata et dilatata est. Sed quid per Galaad, quod per acerrum testimonii interpretatur, nisi Ecclesiæ doctores et magistros intelligamus? Ipsi enim sunt, in quibus utriusque Testamenti testimonia concervata sunt, quibus et seipsos, et omnes alios defendere debent. Et merito primi ponuntur, qui inter omnes alios obtinent principatum. Manasses vero interpretatur oblitio, per quam nimirum illi significantur, qui sancti Spiritus calice inebriati terrenorum omnium obliviscuntur, et sola coelestia concupiscunt. Tales erant illi de quibus in Actibus apostolorum dicitur, quia « omnibus erat cor unum, et anima una, et nemo dicebat aliquid esse suum, sed erant illis omnia communia (Act. iv, 32). » Inter hos autem monachi quoque et eremite conveniant.

C At vero per Ephraim, qui frugifer dicitur, omnes illos intelligere debemus, qui boni operis fructum Domino reddunt. In his autem et clerici, et laici, et masculi, et feminae, et divites, et pauperes, et liberi, et servi, et omnes alii, qui otiosi non sunt, sed in vinea Dei fideliter laborant, intelliguntur. Quod autem ait, « fortitudo capitis mei, » tale est ac si diceret fortitudo mea. Ad hanc autem significationem boves nostros et operarios fortitudinem nostram dicere solemus. « Juda rex meus. » Juda confessio interpretatur. Isti autem sunt, qui pro aliis pugnant, et Deum assidue laudant, 421 et benedicunt, inter ipsa tormenta sua Dominum, et Creatorem suum Christum esse confitentur. Et tales quidem digni sunt, ut reges a Domino constentur. « Moab olla spei meæ. » Bene post confessionem ollam posuit, quia sola confessio sanctorum carnibus ollam implebat, et ad ignem et ad alia tormenta ducebat. Per ollam enim hoc in loco tormentorum omnium genera significantur. Interpretatur autem Moab ex patre, per quem illos intelligimus, quibus Dominus in Evangelio ait: « Vos ex patre diabolo estis (Joan. viii, 44). » Demum vero fidelibus suis ollam se Dominus habere sperabat. Sperabat quidem quia libenter et sua sponte sustinuit passionem. « In Idumæam extendam calceamentum meum, » id est calcaneos

mundi Salvator apparuit. Locutus est autem, significat evangelicam veritatem, per quam venit redemptio fidelium et beatitudo sanctorum. » Cassiod.

(609) Lectio Vaticana habet dividam Sichimam.

(610) « Deus Pater locutus est in sancto suo, id est in Christo, quando Verbum caro factum est, et

mos, per quos apostolos significat, qui sicut scriptum est, calcati erant in preparationem Evangelii pacis (Ephes. vi, 18). Hos autem extendit Dominus, et misit in Idumæam, quæ sanguinea interpretatur; quidem significat manifestissimam esse. « Mihi Allophyli subditi sunt. » Per Allophylos, qui sine capite interpretantur, universales omnes infideles, et qui cogitationem non habent, intelligere debemus. Quomodo enim caput habebant, qui caeci et surdi; et aures et oculos non habebant? Si enim oculos habuissent, nequaquam ligna et lapides deos esse dixissent. Isti enim apostolica prædicatione Salvatori nostro subditi sunt, quia de talibus Ecclesiæ muri fabricati sunt. Isti enim sunt illi lapides impoliti et incircumcisi, quos ferrum non tetigit, quia de talibus altare sibi Dominus instituit. Huc usque Dominus locutus est, nunc autem Ecclesia suæ narrationis ordinem servat.

« Quis deducet me in civitatem munitam? quis deducet me usque in Idumæam? » Quis igitur deducet me in civitatem munitam, id est coelestem Jerusalem, ubi neque ollas Moab, de quibus modo locutus est, neque sanctorum sanguine cruentatis Idumæorum gladios timeam? Aut si in Idumæam extendere vis, quis est qui me deducat, et itineris viam ostendat, et euntem et redeuntem custodiat?

« Nonne tu, Deus, qui repulisti nos et destruxisti nos, iratus es et misertus es nobis, et non egredieris, Deus, in virtutibus nostris? » Egredieris utique, quia sic promisisti nobis, et sic te facturum speramus. Hoc est enim quod Dominus in Evangelio ait: « Qui credit in me, opera quæ ego facio et ipse faciet, et majora horum faciet, quia ego ad Patrem vado (Joan. xiv, 12). » Itemque: « Signa autem eos qui crediderint hæc sequentur: In nomine meo dæmonia ejicient, linguis loquentur novis, serpentes tollent, super ægros manus imponent, et bene habebunt (Marc. xvi, 17). » Da nobis auxilium de tribulatione, quia nos aliunde non speramus; et vana est salus hominis; siquidem « universa vanitas est ipse omnis homo (Psal. xxxviii, 6). »

« In Deo faciemus virtutem, et ipse ad nihilum deducet tribulantes nos. » In Deo, inquit, faciemus virtutem, et ipse ingreditur in virtutibus nostris; quia, sicut ipse dixit, nihil sine eo facere possumus. « Et ipse ad nihilum deducet tribulantes nos. » Tale est illud quod alibi dicitur: « Ad nihilum deveniet, sicut aqua decurrens (Psal. lvi, 8). » Ad nihilum deducitur, cujus intentio non adimpletur. Est enim usitatissimus modus iste locutionis, ut nihil eum fecisse dicamus, qui id quod cepit facere non potuit. Sic igitur ad nihilum devenerunt qui voluntates suas ad effectum perducere non potuerunt (611).

(611) Snam expositionem, a qua non longe distat Bruno noster, ita concludit Cassiodorius. « Quid tibi, fidelissime, opus sunt arma, qui habere talia probaris auxilia? Ipse enim pro te pugnabit, cui nullus resistit; ipse insequitur, quem nullus declinat. Ad nihilum quippe perducit inimicos fidelium suorum:

PSALMUS LX.

IN FINEM, IN HYMNIS DAVID.

Præcipit David in hymnis et laudibus hæc cantare, ubi læta et prospera nuntiantur.

« Exaudi, Deus, deprecationem meam, intende orationi meæ. A finibus terræ ad te clamavi. » Catholica et universalis Ecclesiæ vox est, quæ a finibus terræ, id est ex omnibus mundi partibus se clamare dicit. Clamat autem et ille a finibus terræ, qui carnis voluptatibus et concupiscentiis in se finitis et superatis, lætus ad Dominum clamat, et gratias agit.

« Dum anxietur cor meum, in petra exaltasti me. » Cor Ecclesiæ apostoli sunt, episcopi et doctores, quoniam in illis et sapientia, et voluntas, et consilium Ecclesiæ continetur. Quando isti anxiebantur, affligebantur, et duris suppliciis torquebantur et occidebantur, attamen a Christi fide separari non poterant; tunc tota Ecclesia, omnisque fidelium multitudo in petra exaltabatur et altis fidei radicibus firmabatur. « Petra autem, » ut dicit Apostolus, « erat Christus (I Cor. x, 4), » in cujus fide qui firmiter fundati sunt, ventorum impetus vincunt. Et multum quidem S. Ecclesia 422 in Christi fide firmabatur, quoniam suorum prædicatorum tantam constantiam intuebatur.

« Deduxisti me, quia factus es spes mea: turris fortitudinis a facie inimici. » Quotidie Ecclesia deducitur; quotidie enim justi, qui de hac vita exeunt, ad coelestia transferuntur. Sic sunt populi in Ecclesia, quasi in flumine; unde alii præcedunt, alii sequuntur, nullique diutius in ea permanere possunt, et meliorem suæ habitationis locum inveniunt; quoniam Dominus ipse sit fons unde procedunt. Habent ibi turrem munitam et fortem, ad quam nulli hostes accedere possunt (612); unde et subditur:

« Inhabitabo in tabernaculo tuo in sæcula: protegar in velamento alarum tuarum. » Hic quasi dicat: Longo tempore esse non possum; et super hoc, quoniam hic secunda non sum, ibi habitabo per omnia sæcula, et alarum tuarum protectione nihil erit quod me timere oporteat. Deus alas non habet, sed per ejus alas omnis illius protectio metaphorice significatur.

« Quoniam tu, Deus meus, exaudisti orationem meam: dedisti hæreditatem timentibus nomen tuum. » Hoc erat, inquit, quod ego orabar, hoc erat unde exaudiri desiderabam, ut ad illa tabernacula pervenirem, et illam hæreditatem susceperem. Ecce, Deo gratias, exaudita sum, quia dedisti hæreditatem timentibus nomen tuum. Idem igitur et per tabernacula et per hæreditatem significatur.

« Dies super dies regis adjicies: annos ejusque in diem generationis et generationis. » Rex noster Christus est, qui secundum divinitatem æternus quoniam delet eos de libro viventium, ubi scripti videbantur elati. »

(612) « Ipse enim Christus est turris, inquit Augustinus; ipse nobis factus est turris a facie inimici, qui est ex petra, super quam ædificata est Ecclesia. » S. Aug. Enar. in Ps. lx, v. 5.

est; secundum humanitatem vero temporalis, et paucorum annorum. Sed quia humanitas quando suos dies et suos annos habet, dies sibi super dies, et anni super annos additi sunt, id est temporales additi sunt super æternos, ut simul sint temporales et æterni. Sed secundum aliud temporales, et secundum aliud æterni. Æterni quidem neque initium, neque finem habent; temporales vero initium quidem habent, sed non finem. Hæc, ut opinor, ad evincendos hæreticos Propheta dicere voluit, qui Christi divinitatem et humanitatem male distinguere noverunt: quales Nestorius et Eutyches fuisse dicantur. Dies igitur super dies regis, et annos super annos ejus adjicies, usque in diem sæculi, et usque in æterna sæcula.

« Et ipse permanebit in conspectu ejus, et sedebit a dextris ejus. » Non Deus tantum, nec homo tantum, sed simul Deus et homo, et æternus, et temporalis, per omnia sæcula.

« Misericordiam et veritatem quis requirit eorum (613)? » Dixit modo superius quia dedit hæreditatem timentibus nomen suum. Modo ostendit, quia cum hæreditate dedit eis felicitatem. Et hoc est quod dicitur, « misericordiam et veritatem quis requirit eorum? » Nemo est in hac vita qui his duobus non indigeat, et has semper non requirat. Cui enim misericordia necessaria non est, ut quis de omnibus veritatem cognoscere possit? cum Apostolus dicat: « Videmus nunc per speculum in ænigmate; tunc autem facie ad faciem (I Cor. xiii, 12). »

« Sic psallam nomini tuo, ut reddam vota mea de die in diem. » In hymnis titulatur psalmus iste, in hymnis finitur. Sic psallam, inquit, nomini tuo, Deus, omni tempore; sic cantabo, et sic te laudabo, ut per singulos dies reddam vota mea, et quotidie in hymnis, et psalmis et canticis spiritualibus compleam desideria cordis mei.

PSALMUS LXI.

IN FINEM PRO IDITHUM PSALMUS DAVID.

Quid per Idithum, quod *transiliens eos* interpretatur, nisi perfectiores quosque in Ecclesia intelligere debeamus, qui sapientia, constantia, et fortitudine et religione alios transcendunt? Isti sunt, qui se Deo subjectos affirmant, qui non sunt parietes inclinati, sed quasi turris fortissima contra omnes adversitates.

« Nonne Deo subjecta erit anima mea? ab ipso enim salutare meum. » Contra Judæos, hæreticos et tyrannos loquitur Ecclesia in persona perfectorum, qui eam blanditiis et persuasionibus, syllogismis et argumentationibus, minis et terroribus a Deo separare nituntur. Ipsa vero seipsam consolatur, et in secreto cordis loquitur, dicens: « Nonne Deo subjecta erit anima mea? » quia isti malitiosi suis eam erroribus subdere volunt. Ab ipso enim est omnis

(613) Alia lectio est apud Augustinum loc. cit. *Misericordiam, ait, et veritatem ejus, quis requirit ei? ubi hæc habet: « Quid est ei? sufficere quis requirit: quare addidit ei, nisi quia multi querunt*

salus mea, qui me suo sanguine salvavit, et a morte perpetua liberavit. Illi soli me obedire oportet, qui nobis quotidie in Evangelio dicit: « Nolite timere eos qui occidunt corpus, animam autem non possunt occidere; sed potius eum timeate qui potest corpus et animam perdere in gehennam (Matth. x, 28). » Hunc igitur timebo, huic per omnia subdita ero, et amplius ab eo non movebor cui fide et charitatis vinculis inaccessabiliter devinctus sum. Et hoc est quod dicit:

« Etenim ipse est Deus meus, et salutaris meus, adjutor meus, non movebor amplius. » Semel, inquit, mota sum et bene mota, quia de tenebris transivi ad lucem, et de erroribus ad veritatem. Diabolum dereliqui, veni ad Christum: ipse enim est Deus meus, qui suo sanguine me salvavit. « Adjutor meus » in tempore tribulationis, « non movebor amplius. » Cessate igitur, quoniam in vanum laboratis, qui me ab illo divellere et separare putatis.

« Quousque irrutis in homines? » Homines, inquit, sunt in quos irrutis, rationem habent, veritatem agnoscunt. Vos autem cæci estis, qui ligna et lapides pro Deo adoratis. Quousque irrutis in eos « tanquam parieti inclinato et macerie depulsæ? » Non sunt isti quales esse putatis: firmi sunt, stabiles sunt; occidi quidem possunt, sed moveri non possunt, et ideo interficitis universos; quia neminem illorum a Christi fide et dilectione separare valetis. De istis erat ille qui dicebat: « Certus sum autem, quia neque mors, neque vita, neque altitudo, neque profundum, neque creatura aliqua poterit me separare a charitate Dei, quæ est in Christo Jesu (Rom. viii, 39). »

« Verumtamen honorem meum cogitaverunt repellere; cucurri in siti. » Quamvis, inquit, tales essent, illi tamen eos tentare non cessabant, et eos se posse decipere stultissime cogitabant. Honor sanctorum martyrum erat ipsa victoria, quia, si victi fuissent, omnem honorem amisissent. Sed illi tunc tanto desiderio currebant ad mortem, quanto aliquis valde sitiens currit ad aquarum fontem. Et hoc est quod dicitur: « cucurri in siti. » Mori sitiebant, quia se per mortem ad æternam vitam venire sciebant. « Ore suo benedicebant, et corde suo maledicebant. » Adulatorum et deceptorum hominum proprium est aliud in re, et aliud in corde habere. Unde et quidam ait: aliud in corde, aliud in lingua promptum habebant.

« Verumtamen Deo subjecta erit anima mea, quoniam ab ipso patientia mea. » Dicant quidquid velint, cogitent et faciant quod velint; maledicant et benedicant; quia eorum maledictiones et benedictiones pro nihilo duco; quoniam nullo ingenio, nulla calliditate animam meam a Deo separare va-

misericordiam ejus et veritatem discere in libris ejus, et cum didicerint, sibi vivunt, et non illi, sua querunt, et non quæ Jesu Christi. » In Vulgata deest *am ei quam eorum.*

lebunt. Et hoc ideo, quoniam « ab ipso est patientia mea. » Neque enim aliter sancti tot tantaque tormenta pati potuissent, nisi eis tolerandi fortitudinem et patientiam Deus dedisset.

« Etenim ipse est Deus meus, et salutaris meus, « adjutor meus, non emigrabo. » Hoc autem jam superius expositum est, quod ideo quoque repetitur, ut firmissime credatur.

« In Deo salutare meum et gloria mea : Deus auxilii mei, et spes mea in Deo est. » Ideo, inquit, salus mea, quia ipse me liberat, et salvat de omnibus angustiis meis. Unde et alibi ait : « In Deo faciemus virtutem, et ipse ad nihilum deducet inimicos nostros (Psal. lxx, 13). » — « Deus auxilii mei, et spes mea in Deo est. » Ipse, inquit, et Dominus, et auctor est auxilii mei, quia ego aliunde auxilium non exspecto. « Auxilium meum a Domino, qui fecit cælum et terram (Psal. cxx, 2), et omnis spes mea in Deo est. » — « Spes autem non confundit (Rom. v, 5). » — « Beati omnes qui sperant in eo (Psal. xxxiii, 9). » — « Sperate itaque in eo, « omnis conventus plebis ; effundite coram illo « corda vestra : Deus adjutor noster in æternum. » Omnis fidelium multitudo, et quicumque in centro divitiarum spem non habetis, effundite coram illo corda vestra id est quidquid in corde habetis, illi revelate et manifestate. Et sicut scriptum est : « Confitemini alterutrum peccata vestra, et orate pro invicem, ut salvemini (Jac. v, 16). » Deo enim confiteris, quod ejus vicariis, id est episcopis et sacerdotibus, confiteris. Celat autem Deo peccatum suum ille qui nullum poenitentiae signum ostendit. Maximum autem signum poenitentiae dolor et lacrymæ sunt, et cordis compunctio, quia cor contritum et humiliatum Deus non spernit. Effundamus igitur coram eo corda nostra, quia Deus adjutor noster est. Quia jacentes eriguntur; vulnera ligat et sanat, et ovem perditam et inventam super humeros ipse ponit et reducit ad pascua.

« Verumtamen vani filii hominum mendaces filii « hominum in stateris, ut decipiant ipsi de vanitate « sua in idipsum. » Quamvis itaque Deus sua pietate et bonitate omnium in se sperantium adjutor sit; tamen filii hominum hoc non considerant, et de tanti adjutoris misericordia diffidunt; qui nunquam deserit sperantes in se, et in sua vanitate persistunt, mendaciis et deceptionibus furim, et per latrocinia sola terrena et transitoria querunt. Et hoc est quod ait : « Mendaces filii hominum in stateris. » Et mensura, pondus et statera eorum dolosa dicitur a Scriptura. Abominabilis est dolus. Illi quoque in stateris mendaces sunt qui in iste judicantes personam attendunt. Sive etiam in deceptionibus idem sunt, et ipsi qui in deceptionis magisterio non differunt.

Unde et subditur, « de vanitate sua in idipsum. »

« Nolite sperare in iniquitate. Et rapinas nolite « concupiscere. » Hoc autem exponit : « Divitiæ affluant, nolite cor apponere. » Nam et Apostolus hoc dicit : « Præcipe divitibus hujus sæculi non superbe sapere, nec sperare in incerto divitiarum (1 Tim. vi, 17). » Unde et Dominus ait : « Facite vobis amicos de mammona iniquitatis (Luc. xvi, 9); » ostende tales divitias iniquas esse, præsertim si de rapinis **424** et deceptionibus coincidentur.

« Semel locutus est Deus. Duo hæc audiui : quia « potestas Dei est, et tibi, Domine, misericordia, « quia tu reddes unicuique secundum opera sua (614). » Semel locutus est Deus, et secundo id ipsum non repetit. Ille semel loquitur, cujus verbum firmum, stabile et immutabile est. Scilicet contra fallaces homines est qui semper suos variant sermones, ut quod potissimum quis dixerit, non facile interpretari valeat. Semel igitur locutus est Deus, quia sic ut ipse ait : « Cælum et terra transibunt, verba autem mea non transibunt (Luc. xxi, 33). » Illo igitur loquente, dicit Propheta, sive Ecclesia : ego quidem duo hæc audiui quia potestas et misericordia Dei est. Quæ potestas? dicat ipse. « Potestatem, inquit, habeo ponendi animam meam, et iterum sumendi eam (Joan. x, 18). » Hanc potestatem nullus alius habuit, ut poneret animam suam quando vellet, et susciperet quando vellet. De misericordia vero quod attinet dicere? Si nimirum misericordiam non habuisset, pro nobis mortuus non fuisset. Cum enim aliquando dixisset discipulis suis quia oporteret eum tradi et crucifigi; et beatus Petrus responderet : « Absit a te, Domine, non fiet istud! » ut hanc misericordiam se habere ostenderet respondit, dicens : « Vade post me, Satanas, quia non sapis quæ Dei sunt, sed quæ hominis (Matth. xvi, 23). » Hæc sunt illa duo excellentissima quæ, Domino loquente, Propheta se audivisse dicit. Quod autem sequitur, quia tu reddes singulis secundum opera eorum, ad potestatem refertur, ut qui bene tantam misericordiam habuit, potestatem illam quoque habuisse dubitari non possit. Nullus enim alius est qui reddere possit unicuique secundum opera sua, nisi solus Deus Pater, et Filius, et Spiritus sanctus. Habuit igitur potestatem sicut voluit et ponendi et sumendi animam suam, qui habet potestatem reddere singulis secundum opera sua.

PSALMUS LXII.

PSALMUS DAVID, CUM ESSET IN DESERTO IDUMÆÆ (1 Reg. xxi, 23).

Idumæa terrena et sanguinea interpretatur. Significat autem mundum istum, qui maxima ex parte a terrenis et sanguineis habitatur. Ex eo igitur tem-

(614) Lectio Vaticana : « Quia tu reddes singulis secundum opera eorum. » Hunc locum D. Augustinus de generatione Verbi interpretatur. « Et vidit quia semel locutus est Deus, vidit Verbum, per quod

facta sunt omnia, et in quo simul sunt omnia, » etc. Prolixior est Cassiodorus de æterna generatione Verbi hic disserens.

pore psalmus iste cantatur, et clare resonat in Ecclesia, ex quo Salvator noster cepit esse in deserto Idumææ, id est in hoc mundo, vel in Judæa. De hoc deserto dicit Joannes Baptista : « Ego sum vox clamantis in deserto (Joan. 1, 25). »

« Deus, Deus meus, ad te de luce vigilo (615). » « Nox, inquit, præcessit, dies autem appropinquavit (Rom. viii, 12). » — « Venit lux vera, quæ illuminat omnem hominem venientem in hunc mundum (Joan. 1, 8). » — « Surge itaque, illuminare, Jerusalem, quia venit lumen tuum, et gloria Domini super te orta est (Isa. lx, 1). » — « Populus enim, qui sedebat in tenebris vidit lucem magnam (Isa. ix, 2). » A tempore itaque hujus lucis et hujus diei vigilat Ecclesia, secundum hoc quod Apostolus vigilare præcepit. « Vigilate, inquit, et orate, state in fide, viriliter agite, confortamini in Domino; omnia vestra in charitate fiant (I Cor. xvi, 13). » Hic est modus vigiliarum. Sic et Dominus nos vigilare jubet, quia nescimus diem neque horam.

« Sitivit in te anima mea, quam multipliciter tibi caro mea. » — « Beati qui esuriunt et sitiunt iustitiam, quoniam ipsi saturabuntur (Matth. v, 6). » Sitivit in te anima mea, id est amore et desiderio tui, te videre, ad te venire, tecum esse desiderans. Et hanc sitim patitur anima mea, caro vero multo majorem, utpote quæ majoribus angustiis et tribulationibus premitur. Et hoc est quod ait : « Quam multipliciter tibi caro mea. » Hinc est enim quod Apostolus ait : « Vanitatis enim creatura subjecta est non volens, sed propter eum qui subiecit eam in spe; quia ipsa creatura liberabitur a servitute corruptionis in libertatem gloriæ filiorum Dei (Rom. viii, 10). »

« In deserto, et invio, et inaquoso, sic in sancto apparui tibi, ut viderem virtutem tuam et gloriam tuam. » Hæc est igitur causa tantæ sitis tantique desiderii. Quia sicut Apostolus ait : « Cum adhuc peccatores essemus, Christus pro impiis mortuus est (Rom. v, 8). » Si enim pro impiis mortuus est, per eum item iustificati esse putamus. Sic igitur apparui tibi in deserto, et tale me tibi manifestavi inter impios et peccatores, ut virtutem tuam et gloriam tuam videre merear. Hanc virtutem et hanc gloriam soli Christiani adhuc in hoc mundo positi in speculo, id est per speculum et videre et cognoscere possunt. Cæteri vero non possunt. Istum speculum, imo speculum speculorum Salvator noster est, qui tales nos fecit, et sic mentis nostræ oculos illuminavit et purificavit, ut ejus virtutem et gloriam intelligere valeamus. Hanc autem virtutem et gloriam Petrus, Jacobus et Joannes præ cæteris videre meruerant, qui eum in monte transfiguratum viderunt (Matth. xvi). Erat autem mundus

(615) « Bonus somnus corporis, inquit Augustinus, quo reparatur valetudo corporis. Somnus autem animæ est oblivisci Deum suum. Quæcumque anima oblita fuerit Deum suum, dormit, » etc. Enar. in psal. lxxii.

A iste, priusquam Dominus veniret, desertus et adeo derelictus, et sine viâ quæ ad patriam duceret, et sine aqua sapientiæ, quæ nos lavaret et sanaret. Omnia autem hæc, ut non ex suis meritis, sed ex sola Dei misericordia se habuisse ostenderet, subdidit, dicens :

« Quia melior est misericordia tua super vitas, labia mea laudabunt te. » Melior est misericordia Dei quam vita, quia et vitam dat, et multa alia super ipsam vitam, sine quibus misera est omnis humana vita. Unde et merito ab omnibus fidelibus suis laudandus est semper et glorificandus.

« Sic benedicam te in vita mea, et in nomine meo lavabo manus meas; sicut adipe et pinguedine repleatur anima mea. » Bonus adeps et bona pinguedo quibus anima impinguatur, per quæ videlicet fides, spes, et charitas, et cæteræ virtutes significantur, sine quibus omnis anima tenuis et debilis misera est, et a suis adversariis se defendere non potest. Ut igitur tali adipe et tali pinguedine repleatur anima nostra, benedicamus et glorificemus Deum in tota vita nostra, et ad bonum opus faciendum levemus manus nostras, et quidquid facimus, in nomine Domini faciamus. « Et labia exsultationis laudabunt nomen tuum. » Sola labia sanctorum sunt labia exsultationis; quia quidquid dicunt, quidquid cantant et prædicant, et sibi ipsis, et credentibus et obediuntibus gaudium pariunt, et exsultationem. Cætera vero labia non sunt exsultationis, sed potius tristitiæ et mœroris, quæ non docent nisi vanitatem, immunditiam et iniquitatem.

C « Sic memor fui tui super stratum meum, in matutinis meditabor in te. » Sic itaque memor fui tui usque nunc super stratum in matutinis, in omni tempore meditabor in te, ut adipe et pinguedine repleatur anima mea. Impii homines et peccatores in nocte et in tenebris sunt. Sancti vero in matutinis, utpote qui veritatis lumen vident et soli iustitiæ appropinquant. « Quia factus es adjutor meus (615). » Merito itaque tui semper memor fui, et memor ero, quia ubique et in omnibus necessitatibus meis factus es semper adjutor meus.

D « Et in velamento alarum tuarum exsultabo, adhæsit anima mea post te : me suscepit dextera tua. » Quid per alas Dei, nisi perfectiones intelligamus? Tot sunt alæ, quot sunt angeli et virtutes; sacrarum Scripturarum testimonia, quibus fideles suos protegit atque defendit. Inter has autem alas, charitas, pietas et misericordia mihi præcipue esse videntur. « Adhæsit anima mea post te, me suscepit dextera tua. » Non desepisti quid dicat anima mea, quæ per fidem et dilectionem tibi adhærebat, et post te tui amoris desiderio capta currebat; sed extendisti dexteram tuam, et suscepisti me, et de luto profundi extraxisti me.

(615) « Nisi Deus adjuvet bona opera nostra, impleri a nobis non possunt : et digne debemus operari, id est tanquam in luce, quando Christo demonstrante operamur. » Idem Argem. Enar. eadem.

« Ipsi vero in vanum quaesierunt animam meam, A
« introibunt in inferiora terræ, tradentur in manus
« gladii, partes vulpium erunt. » Irrvanum quidem, quia
tu eam dextera tenebas, et defendebas et sub velamento
alarum tuarum protegebas. Ipsi, inquit, quos melius tu
nosti, inimici mei « in vanum quaesierunt animam
meam, introibunt in inferiora terræ: tradentur in
manus gladii, partes vulpium erunt. » Inferiora terræ
loca ponarum sunt, ubi inimici cruciantur. Sed per
manus gladii quid, nisi omnia tormentorum genera
significatur? Vulpes vero maligni spiritus sunt,
fraudentes semper, et deceptores, qui istos quidem
in partes suscipiunt; quoniam agni ab hædis, et iusti
a peccatoribus dividuntur.

« Rex vero lætabitur in Deo, laudabuntur omnes
« qui jurant in eo, quia obstructum est os loquen-
« tium iniqua. » Judicatur est Christus, et damna-
tus, et crucifixus, sed secundum humanitatem. Judi-
cabit igitur Christus, sed secundum humanitatem
judicabit. « Pater enim non iudicat quemquam, sed
omne iudicium dedit Filio (Joan. v, 22). » Ille judi-
cabit, quibus potitur, quia « in nomine Jesu omne
genus flectitur cælestium, terrestrium et infernorum
(Philipp. ii, 10). » Ille iudicabit de quo dicitur:
« Et videbit eum omnis oculus, et qui eum confixe-
runt (Zac. xii, 10; Joan. xix, 37). » Neque enim
divinitatem ipsam impii videre poterunt, qui vix ip-
sam humanitatem super solis radio glorificatam vide-
bunt; quibus et dicitur: « Tollantur impii, ne vi-
deant gloriam Dei (Isa. xxvi, 10). » Sedebit igitur
Christus in iudicio cum senatoribus terræ, et cum
principibus populi sui, et tunc quidem lætabitur in
Domino de tanta gloria divinitatis sibi concessa; quia,
sicut alibi dicitur: « Magna est gloria ejus in sæcu-
lum sæculi, » tecum quoque laudabuntur omnes,
qui jurant in eo. Quomodo laudabuntur? « Esurivi,
inquit Dominus, et dedistis mihi manducare; sitivi,
et dedistis mihi bibere; hospes fui, et collegistis me;
infirmus, et visitastis me (Matth. xxv, 35). » Et is-
tæ quidem sanctorum laudes in Evangelio scriptæ
sunt; sed alias 426 futuras non dubitamus. Omnes
autem Christiani in Domino jurant, et sine juramento
ad fidem nemo suscipitur. Quomodo autem jurant, et
quid jurent, notissimum est, et expositione non eget.
« Quia obstructum est os loquentium iniqua. » Boni,
inquit, laudabuntur a Domino; mali vero a nullo
laudabuntur; quia nemo erit, qui ad laudandum, vel
excusandum vel defendendum os aperire audeat.

PSALMUS LXIII.

IN FINEM, PSALMUS DAVID.

Hic, inquit, psalmus referatur in finem, id est ad
Christum, in quo ipsius passionis mysterium conti-
netur.

« Exaudi, Deus, orationem meam, cum tribulor, a
« timore inimici eripe animam meam. » Sape jam
diximus quia, quando Salvator noster aliquid orat,
aliquid petit et aliqua re indigere videtur, totum ad
humanitatem referendum esse. Ipsa quoque huma-
nitas non pro se orat, sed pro nobis; quia quicquid

est in ejus voluntate, hoc est et in ejus potestate. Ip-
sum igitur orasse, voluisse fuit. Sed nos ejus volun-
tatem scire non possumus, nisi per orationem, quia
neque nostras vicissim cognoscere possumus, nisi
per allocutionem. Necesse itaque habuimus ut ejus
voluntas diceretur nobis, quia aliter eam intelligere
non poteramus. Est igitur Propheta internuntius in-
ter nos et voluntatem Christi, quia quod ibi videt
nobis annuntiat, atque ipsam voluntatem orantem
introducitur. Clamet igitur, et iterum clamet voluntas
Christi, et Propheta nobis annuntiet hoc, quod vidit
et audierit in voluntate Christi. « Exaudi, inquit,
Deus, orationem meam, » et modo exaudi, quia modo
tribulor, et a timore inimici eripe animam meam.
Inimicus iste diabolus, et populus Judaicus intelli-
gitur, qui Christi animam auferre conabatur

« Protexisti me a conventu malignantium, et a
« multitudine operantium iniquitatem. » Non ha-
bebat necesse diu orare, cujus voluntas tam subito
exaudiebatur. Similiter enim in ipso erant et volun-
tas et voluntatis effectus; neque prius velle aliquid
poterat, quam habere quod vellet. Quid enim est in-
ter petitionem et exauditionem, nisi quia utrumque
simul dici non potest? Statim enim, ut dixit, « a ti-
more inimici eripe animam meam; » illico se exau-
ditum esse ostendens, subdidit, dicens: « Protexisti
me a conventu malignantium. » Poterat itaque
Christi voluntas præcedere orationem, sed non præ-
cedere exauditionem. Ille igitur qui antequam pe-
teret exauditus erat, quid ei petere vel orare ne-
cesse erat? « Protexisti me, inquit, a conventu ma-
lignantium, et a multitudine operantium iniquita-
tem; » quia nisi ego voluissem, nullam in me po-
testatem habere potuissem. Et ego quidem nihil
passus sum, nisi quod volebam; quamvis illi multa
fecerunt in me, quæ facere non debuissent. Quæ sint
autem illa, Propheta narrante, audiamus.

« Quia exacerunt ut gladium linguas suas, inten-
« derunt arcum, rem amaram, ut sagittent in oculis
« tis immaculatum. » Propheta loquitur, et Christi
passionem per ordinem narrat. « Exacerunt, in-
quit, Judæi, ut gladium linguas suas, » quoniam
communicato consilio ad Salvatoris nostri accusa-
tionem pariter se preparaverunt. Intenderunt vero
arcum, ut sagittent in oculis immaculatum; quo-
niam inter se constituerunt, ut simul omnes una voce
clamarent. De doloso arcu dolosæ et iniquæ
sagittæ jaculantur. De corde impio et iniquo, impia
et amara sententia procedit. Maledictæ linguæ,
maledictæ manus, maledictæ sagittæ, quæ tantum
scelus facere non timerunt. Quare quidem tentus
est, quia consilium illud iniquum perditionis et de-
pravationis in secreto inventum est. Sagittæ vero in
manifesto missæ sunt, quia palam, et cunctis audien-
tibus et semel et iterum *Crucifige* acclamatum
est. Quot fuerint voces clamantium, tot fuerunt et
sagittarii sagittas illas mortiferas jaculantes. Sed
melius sequentia manifestabunt.

« Subito sagittabunt eum, et non timebunt: fir-

« maverunt sibi sermonem nequam. » Subito sagittabunt eum, et quidem subito. Cum enim Pilatus dixisset, « quem vultis vobis de duobus dimitti, Barabham an Jesum, qui dicitur Christus? » responderunt Judæi dicentes, « Barabham. » Cumque ille dixisset: « Quid igitur faciam de Jesu, qui dicitur Christus? » illi subito sine consilio, sine ratione, sine criminatione, sine iudicio, et legis sententia, et voluntate, quasi phrenetici et insani clamaverunt, dicentes, « Crucifigatur (Matth. xxvii). » Hoc est igitur quod ait, subito sagittabunt eum, quia non solum sagittaverunt; sed sicut modo diximus, subito et ante audientiam sagittaverunt eum. « Et non timebunt. » Miratur Propheta, non tantum quia hoc fecerunt, verum etiam quia facere non timerunt. Et pejus quidem est peccare cum audacia, quam cum timore. Et mirum valde, quod isti non timebant qui talem tantumque hominem morti condemnabant, quem immaculatum, sanctum et iustum non dubitabant. Quem illis ipsis diebus viderant Lazarum jam quatridentium a morte resurrexisse. Qui, ipsis videntibus, cæcos illuminavit, leprosos 427 mundavit, paralyticos curavit, dæmonia fugavit, et alia multa et stupenda inter eos operatus est quæ sicut ipse nemo alius fecit. Quomodo ergo non timerunt; « quia firmaverunt sibi verbum malum. » Multa viderat Propheta de Christi passione, et de Judæorum impia machinatione, quæ ipsi quæque evangelistæ non narrant. Ostendit enim in iis verbis quia Judæi hoc verbum malum inter se firmaverant et iuraverant, quod Dominum et Salvatorem nostrum sine ulla retractatione interfecissent. Et ideo fortasse non timebant, quia si vicissim hoc perficere hortabantur, unde et simul consiliati erant.

« Disputaverunt ut absconderent laqueos: dixerunt: Quis videbit eos? » Disputaverunt, inquit, et inter se diutius tractaverunt quo eum dolo et falsis asertionibus convincere possent. Conjurati omnibus modis prævalere nitebantur contra quem injustam causam se habere sciebant. Quid enim nisi laquei erant omnes illæ deceptiones, quas contra Salvatorem nostrum in abscondito machinabantur? Quas quidem tam sapienter, tam callide et astute facere arbitrabantur, ut nemo præter se cognoscere et intelligere posset. Et hoc est quod sequitur: « Dixerunt: Quis videbit eos? » Ego e contra dico: quis ibi erat tam insipiens qui eos non cognosceret, et non videret quod omnia quæcumque faciebant dolose fraudulenterque agebant?

« Scrutati sunt iniquitatem, et defecerunt scrutantes scrutinio. » Scrutati, inquit, sunt, multumque in hoc laboraverunt, ut aliquam iniquitatem invenire potuissent quæ deceptioni et accusationi apta esse videretur. Et scrutantes defecerunt, quia nihil tale in illo suo scrutinio invenire potuerunt.

(616) Locus ita se habet in Vulgata: « Cuncta tentavi in sapientia. Dixi: Sapienter efficiar, et ipsa longius recessit a me. »

A Sic enim dicit evangelista, quia cum multi falsi testes accessissent adversus eum, novissime venerunt duo falsi testes, dicentes: Hic dixit: Possum destruere hoc templum manufactum, et in triduo excitabo aliud non manufactum (Matth. xxvi, 61). « Et non erat, inquit, conveniens testimonium illorum; » et sic quidem deficiebant omnes scrutantes scrutinio. Prævaluerunt tamen, et fallendo, mentiendo, decipiendo, damnando, Crucifige clamando, tandem ad mortem et ad crucem eum traxerunt. Et hoc est quod dicitur: « Accedet, inquit, homo ad cor altum, et exaltabitur Deus. » Accedit, inquit, homo ad crucem, et optime diximus: accedet homo, quia, cum simul Deus esset et homo, solus tamen homo crucifixus est. Accessit igitur B homo, sed non qualiscunque homo, sed cor altum, sublime et profundum, omnisque sapientiæ et scientiæ plenum, de quo Apostolus ait, quia in ipso requiescit omnis plenitudo divinitatis corporaliter (Coloss. ii, 9). Hic est ille flos de quo Isaias ait; quia « in ipso requiescet spiritus Domini, spiritus sapientiæ et intellectus, spiritus consilii et fortitudinis, spiritus scientiæ et pietatis, et replebit eum spiritus timoris Domini (Isa. xi, 2). » — « Et exaltabitur Deus. » Hoc est enim quod ipse Dominus ait: « Sicut Moyses exaltavit serpentem in deserto; ita exaltari oportet Filium hominis (Joan. iii, 14). » Quod Judæi intelligentes, dixerunt: « Quis est iste Filius hominis? nos audivimus ex lege, quia Christus manet in æternum. Quomodo ergo tu dicis quia oportet exaltari Filium hominis? » (Joan. xii, 34.) C Exaltatus est igitur in cruce Dominus, ut, sicut ipse ait, omnia traheret ad seipsum. Quidam codices habent: « Accessit homo ad cor altum, » per quod intelligimus quia post Christi passionem liber apertus est qui septem sigillis signatus erat (Apoc. v, 3). Accessit homo ad cor altum, id est ad majorem et spiritualem intelligentiam. Et Deus exaltatus est in cordibus illorum, qui ad cor accedere meruerunt. In illorum corde exaltatur Deus qui, ejus altitudinem et magnificentiam bene et catholice intelligentes, eum sicut dignum magnificent et exaltant. Exaltatur autem et aliter Deus, quia tanto sublimius mentis nostræ intuitum fugit, quanto de eo subtilius cogitamus, et interioribus oculis eum videre desideramus. Unde et in Canticis canticorum Ecclesiæ dicitur: « Averte oculos tuos, quia ipsi me avolare facerunt (Cant. vi, 4). » Et Salomon dicit: « Tentavi sapientiam (616), et ipsa longius recedet a me (Eccle. vii, 24). » Moysesque cum Dei faciem et majestatem videre optaret, dictum est: « Non videbit me homo, et vivet (Exod. xxxiii, 20). »

D « Sagittæ parvulorum factæ sunt plagæ eorum, et pro nihilo habuerunt. » Sagittæ parvulorum, quia levi impetu feriunt, aut nullas, aut parvissimas plagas facere possunt (617). Talia autem com-

(617) Cassiodorus, qui per totum hunc psalmum de passione Christi Domini a Propheta prænuntiata disseruit, ut S. Bruno, hæc de inanibus Judæorum

putantur a Domino omnia illa verba et insidiae Judaeorum, quia quantum ipse voluit et ipse permisit, tantum et non amplius adversus eum potuerunt. Pro nihilo igitur inutiliter et sine causa tales sagittas Judaei habuerunt, quibus contra Dei voluntatem nihil facere valuerunt; sed potius semetipsos suis sagittis vulnerarunt. Et hoc est quod ait: « Contra eos » linguae ipsorum. »

« Conturbati sunt omnes, qui videbant eos, et » timuit omnis homo. » Isti sunt de **428** quibus in Evangelio dicitur quia « Omnis turba eorum qui simul aderant ad spectaculum istud, et videbant ea quae fiebant, percutientes pectora sua revertebantur (Luc. xxiii, 48). » Inter quos et centurio glorificabat Deum, dicens: « Vere justus erat homo iste (Ibid., 47). » — « Stabant autem justi et noti ejus a longe, et mulieres quae secutae erant eum a Galilaea haec videntes (ibid., 49). » — « Omnes igitur conturbati sunt, » videntes eos tam crudeliter et impie agere. « Et timuit omnis homo; » et qui non timuit et de tanta crudelitate non doluit, diabolus fuit, et non homo. Et haec quidem de Salvatoris nostri passione dicta sint. Hic autem quid apostoli demum fecerint audiamus.

« Annuntiaverunt opera Dei, et facta ejus intellexerunt. » Hoc est enim quod in Evangelio dicitur: quia « profecti praedicaverunt ubique, Domino cooperante, et sermonem confirmante, sequentibus signis (Marc. xvi, 20). » Ipsi, inquit, annuntiaverunt opera Dei et mirabilia ejus, quae per seipsum et fideles suos operatus est. Et omnes populi, tribus et linguae ea audientes facta ejus intellexerunt, et a sua infidelitate ad fidem conversi in Christum Dominum crediderunt.

« Laetabitur justus in Domino et sperabit in eo, » et gloriabuntur omnes recti corde. » Amodo ergo laetabitur justus in Domino, qui prius in mundi hujus vanitatibus et voluptatibus laetabatur. Et sperabit in eo, qui antea sperabat in incerto divitiarum. « Et laudabuntur omnes recti corde. » Sicut omnes recti corde laudandi sunt; ita subdoli et fallaces reprobandi. Rectum cor ille habet qui a veritate et rectitudine non recedit; sicut e contra

A illi pravam eor habent, qui illum sequuntur, de quo scriptum est: « Quia ab initio mendax fuit, et in veritate non stetit (Joan. viii, 44). »

PSALMUS LXIV.

(618) IN FINEM. PSALMUS DAVID. CANTICUM JEREMIAE ET EZECHIEL DE VERBO PEREGRINATIONIS QUANDO INCIPIEBANT PROFICISCI (IV Reg. xxiv, 14).

Hunc psalmum scripsit David de Babylonis captivitate, et dicit hunc esse canticum Jeremiae et Ezechiel, quoniam et ipsi de eadem captivitate scripserunt, et in ea fuerunt. Quod autem David propheta et scripsit, hoc Jeremias simul cum Ezechiele, sustinuit et vidit. Isti enim duo prophetae simul cum aliis in captivitatem ducti sunt, eosque consolabantur, et aequo animo esse admonebant, et dicebant, post annos septuaginta duos in patriam eos redituros esse, et interim civitatem restaurandam, et templum reaedificandum, et hymnos et psalmos ibi canendos esse praedicabant. Hoc autem faciunt quotide episcopi et sacerdotes in Ecclesia, qui per duos illos prophetas significuntur, et post annos septuaginta, omnes sanctos, qui in hujusmodi captivitate tenentur, ad patriam caelestis Jerusalem redituros esse confirmant. Quid enim per annos septuaginta, nisi totam hanc vitam praesentem intelligamus? Septies namque decem, vel decies septem, septuaginta faciunt. Sed uterque ille numerus universitatem significat; quoniam et in decem omnes numeri, et id septem omnes dies continentur.

« Te decet hymnus, Dens, in Sion, et tibi reddetur » votum in Jerusalem. » Uterque populus loquitur de captivitate liberatus: alter Babyloniorum, alter daemioniorum. Quanto tempore (quasi dicat populus ille) in captivitate fui, non potui te laudare, quia et dura captivitate comprimebar, neque conveniens mihi videbatur ut cantarem canticum Domini in terra aliena. Nunc autem quia liberati sumus, multum decet ut laudes tuas et hymnos tuos cantemus, et clarissime resonemus tibi in Sion, et vota nostra, quae tibi votivimus in captivitate, nunc reversi, reddamus tibi in Jerusalem. Hoc ipsum dicere possunt illi quocumque

conatibus perdendi Christum habet: « Parvulorum sagittae inania tela sunt, qui ludendi studio fragiles cannas in sagittarum consuetudinem jacere consueverunt. Sic Judaeorum vota inefficaci malignitate saevissima non intulerunt flendam mortem, sed potius gloriosissimam passionem, talesque plagas dederunt quibus mors ipsa moreretur, et promissa mundi sospitas velociter implebatur. »

(618) In paucis differt hic titulus, ut legitur in Psalterio a cardinali Thomasio exposito. Ita est: « In finem psalmus David: Canticum Jeremiae et Ezechielis, populo transmigrationis, cum inciperent exire. » Ven. Bedae illustrationem in hunc titulum subjiciam: « Quia principia tituli jam nota sunt, sequentia paucis exponemus verbis. Transmigrato in Chaldaeam populo Israel, prophetae memorati praedixerunt eos post septuaginta annos ad patriam redituros, eversamque ab hostibus Jerusalem meliori statu reparaturos. Non ergo Jeremias et Ezechiel psalmum fecerunt: sed quorum tempore iuxta

historiam congruit, eorum nomine praetitulatur, quod ab Esdra factum plures auctores asseverant; dicentes eum Psalms omnibus titulos indidisse; eosque eatenus incompósitos, et pro auctoritate ac temporis diversitate dispersos, in volumen unum collegisse. Spiritualiter autem populus, qui Babyloniam deserens, post captivitatem, ad Jerusalem festinabat, illos respicit qui post peccata priora mundi hujus confusione damnata, ad Ecclesiam Christi venire contendunt, quibus auctoritate Patrum totus iste psalmus aptandus est. » Aliter pridem concinnavit hunc titulum Cassiodorus animadvertens quod Jeremias et Ezechiel ante reditum Judaeorum in Jerusalem obierant. Eum ergo ita disponit: « In finem, psalmus David, canticum de populo transmigrationis, per prophetiam Jeremiae et Ezechiel, cum inciperent proficisci. » Sic recte intelligitur, ut verba magis ad populum, quam ad Jeremiam et Ezechiel pertinere videantur.

qui per poenitentiam **429** sunt liberati, et sacramentis Ecclesiae reconciliati.

« Exaudi orationem meam, ad te omnis caro veniet. » Exaudi, inquit, orationem meam, ut totus mundus et purificatus veniam ad te, qui ex hoc multis modis me maculatum esse confiteor, et cognosco, quod tanto tempore inter homines iniquos, et inter vitia et peccata conversatus sum. Scio enim et certus sum quia omnis caro ad te veniet. Hoc est enim quod per prophetam Dominus ait : « Vivo ego, dicit Dominus, quia mihi curvabitur omne genu et confitebitur omnis lingua (*Isa. xlv, 23*). » Unde et Apostolus ait : « Omnes enim sive boni, sive mali astabimus ante tribunal Christi (*Rom. xiv, 10*). »

« Verba iniquorum praevaluerunt super nos, et impietatibus nostris tu propitiaberis. » Ideo enim multa indiget purificatione multaque misericordia, quia verba iniquorum praevaluerunt super eum, et maculaverunt eum. Sed bonam spem habe, quia Dominus miserebitur ejus.

« Beatus quem elegisti et assumpsisti (619), inhabitabit in atriis tuis. » — « Multi sunt vocati, pauci vero electi (*Joan. xiv, 2*). » Sed beatus ille, quem Dominus sua pietate elegit, et de tanta hominum multitudine sibi assumpsit : iste enim perire non poterit, sed absque ulla dubitatione bona sibi praedestinata percipiet. Et iste quidem habitabit in tabernaculis ejus, et de quibus ipse Dominus ait : « In domo Patris mei mansiones multae sunt (*Joan. xiv, 2*). »

« Replebimur in bonis domus tuae, sanctum est templum tuum, mirabile in aequitate. » Prius, inquit, quam veniamus ad illa tabernacula tua, ad quae utinam aliquando pervenire valeamus ! replebimur hic in bonis domus tuae, per quam S. Ecclesia significatur. Sed quis enumerare valeat quae et quanta bona sunt in Ecclesia Dei, quibus quotidie fideles satiantur et implentur ? Hic habemus omnes libros utriusque Testamenti : hic habemus, et multos alios, quos SS. Patres ediderunt nobis : hic habemus Christi corporis et sanguinis divitias et delicias inenarrabiles. Haec sunt igitur illa bona de quibus hic dicit : « Replebimur in bonis domus tuae, » de qua videlicet domo subditur : « Sanctum est templum tuum, mirabile in aequitate. » Non solum, inquit, illa superna tabernacula sancta sunt, quibus utique nulla alia tabernacula comparari possunt. Sed etiam hoc templum Dei, quod in terris est sanctum et venerabile est. « Et mirabile in aequitate. » Vides, quia de aequitate laudatur Ecclesia ; sed pauci sunt illi, ad quos laus ista pervenire videtur. Sic enim de ea dicitur, quia « non habet maculam neque rugam (*Ephes. v, 27*), » quod quidem si ad universitatem referatur, stare non potest.

« Exaudi nos, Deus salutaris noster, spes omnium finium terrae, et in mari longe. » Exaudi, inquit, nos,

A Deus salutaris noster, cujus sanguine salvati et redempti sumus, in quo sperant, et per quem se ab omni malo liberari confidunt omnes fines terrae, per quos tota universalis et catholica Ecclesia significatur. Per eos vero, qui sunt in mari longe Scotos et Britannos, et alias maris insulas intelligere possumus.

« Preparans montes in virtute tua, accinctus potentia, qui conturbas fundum maris, sonum autem fluctuum ejus quis sustinebit ? » Tu, inquit, exaudi nos, qui preparas montes in virtute tua, per quos apostolos et doctores intelligimus, qui sapientiae sermone et religione omnibus aliis sublimiores sunt (620). Hos autem preparavit Dominus ad pugnandum et ad praedicandum, ad haereticos convincendum et totum populum gubernandum et regendum. Est autem Dominus accinctus potentia, et tanta talique potentia, ut nemo sibi resistere valeat. Unde et alibi dicitur : « Accingere gladio tuo super femur tuum (*Psal. xlv, 4*). » De talibus autem gladiis scriptum est : « Et gladii accipies in manibus eorum (*Psal. cxlix, 6*). » Unde et Apostolus ait : « Vivus est sermo Dei, et efficax, et penetrabilior omni gladio accipiti (*Hebr. iv, 12*). » Ille igitur est accinctus potentia, qui tali gladio armatus est. Conturbat quoque Dominus fundum maris, sicut ipse per Isaiam dicit : « Ego Dominus qui conturbo mare, et intumescunt fluctus ejus (*Isa. li, 15*). » Quid per mare nisi mundus iste significatur ? De quo alibi dicitur : « Hoc mare magnum et spatiosum, illic reptilia, quorum non est numerus (*Psal. ciii, 25*). »

C Audiamus ergo quomodo hoc mare conturbatur a Domino : « Veni, inquit, ignem mittere in terram ; et quid volo, nisi ut accendatur ? » (*Luc. xii, 49*). « Non veni pacem mittere, sed gladium (*Matth. x, 34*). » — « Ex hoc erunt quinque in domo una, duo in tres, et tres dividuntur in duos (*Luc. xii, 52*). » Sic igitur conturbat Dominus fundum maris, quando bonos separat a malis, et alios contra alios insurgere facit ; dum alii justitiam impugnant, et alii usque ad mortem pro justitia pugnant. « Sonitum fluctuum ejus quis sustinebit ? » Habet hoc mare et bonos et malos fluctus. Boni fluctus boni homines sunt, mali autem fluctus mali homines. Clamant isti et illi, et tantum sonum multoties reddunt, ut se vicissim sustinere non valeant, nec isti, nec illi. Nam neque boni audire volunt fatuitates malorum, neque mali sustinere et recipere volunt salutiferas voces bonorum. **430** Fit autem multoties, ut illi qui sanctorum voces audire dedignantur, visis signis et miraculis, convertantur. Unde et subditur :

D « Turbantur gentes, et timebunt omnes qui habitant fines terrae a signis tuis. » Videntes enim signa quae sancti apostoli faciebant, iidem ipsi qui prius eorum praedicationem deriserunt, mox contur-

(619) De humanitate a Verbo Dei assumpta interpretatur hunc psalmi locum S. Augustinus, Enarrat. in Psal.

(620) « Preparatos montes, apostolos per allego-

riam decenter accepimus, qui ad verum praedicationis electi sunt, fortitudinem habentes fidei et altitudinem sanctitatis, humiles conversatione, sed merito celsiores. » Cassiodorus.

bati et in administrationem conversi, Christum timere incipiebant; in cuius nomine tam mira et stupenda fieri videbant.

« Exitus matutini, et vespere delectabis. » Bonus exitus, in quo Dominus delectatur. Et alius quidem fuit exitus Israel de Ægypto, et domus Jacob de populo barbaro. Delectatur itaque Dominus exitus illorum qui exeunt et fugiunt de cœtu malorum. Matutinus est ille exitus qui cito vel in primeva ætate sit: vespere autem qui sero vel ultima ætate sit. Omnes tamen recipit Deus, et primis et novissimis denarium tribuit. Recordare illius Evangelii, in quo paterfamilias conducti operarios in vineam suam (Matth. xx, 1).

« Visitasti terram, et inebriasti eam, multiplicasti locupletare eam. » Miratur Propheta de tam subita omnium gentium conversione, et de tanto populo undique ad Ecclesiam conflente. Atque in hoc non immerito terram a Deo visitatam esse dicit. Unde est etiam illud: « Benedictus Dominus Deus Israel, quia visitavit, et fecit redemptionem plebis suæ (Luc. 1, 68). » Inebriavit autem Deus terram ab ubertate domus suæ, et torrente voluptatis suæ potavit eam, per quod nimirum S. Spiritus gratias intelligimus, quibus Ecclesia inebriata omnibus linguis loquitur, et omnes Scripturas exponit, et terrenorum omnium oblitâ a stultis hominibus, non ebria tantum, sed etiam insana esse putatur. Bona ebrietas quæ sic homines convertere potest. Sed quid est: « Multiplicasti locupletare eam », nisi multipliciter locupletasti eam? Multipliciter quidem; quia sapientia et scientia, fortitudine et pietate, virtutibus et honestate, gloria et honore, et omnibus bonis quæ a viro justo desiderari possunt.

« Flumen Dei repletum est aqua; parasti cibum illorum, quia ita est præparatio ejus. » Quid mirum, inquit, si terra inebriata est, quæ tanto flumine irrigatur? Hoc est illud flumen de quo alibi dicitur: « Fluminis impetus lætificat civitatem Dei (Psalm. xlv, 4). » Et hoc quidem flumen repletum est aqua, quia septem sunt gratiæ Spiritus sancti, de hoc uno flumine procedentes, quibus omnes habitantes in terra reficiuntur et satiantur. Unde et subditur: « Parasti cibum illorum, quia ita est præparatio ejus. » Hæc aqua, et cibus, et tota refectio est. Et hunc præparavit Dominus cibum sanctorum suorum, quia sine hoc cibo ad tantum laborem tolerandum præparari non possent.

« Rivos ejus inebrians, multiplicans generationes ejus, in stillicidiis suis lætabitur, dum exoritur (621). » Habet et hæc aqua suos rivos per quos assidue currit et fluit. Isti autem sunt episcopi et sacerdotes qui omnibus aliis necessaria subministrant, et ad quos, quasi ad rivos, sua vascula deferentes, alii plus, alii minus, pro sensus capacitate, inde suscipiunt. Dicatur ergo: Tu, Domine,

(621) Textus Vulgatæ: « Rivos ejus inebria, multiplica genimina ejus in stillicidiis suis lætabitur germinans. » Aliiter apud Clarium: « Sulcos

A parasti hanc aquam cibum illorum, rivos ejus inebrians, et multiplicans generationes ejus, quod utique non fecisses, nisi ejus rivos inebriasses, et ejus generationes multiplicasses. Si enim in ravis non inveniretur, ubi hæc aqua quæreretur? Sed quia rivi ebrii sunt, quicumque eam quærunt, paratam inveniunt. Multiplicat autem Dominus hujus aquæ generationes, quia multi et innumerabiles sunt, qui quotidie ex ea renascuntur, nullus enim in Ecclesia est qui inter ejus generationes non computetur. Et divites, et pauperes, et quicumque in Ecclesia sunt, omnes ejus filii sunt. « Nisi enim quis renatus fuerit ex aqua et Spiritu sancto, non intrabit in regnum Dei (Joan. iii, 5). » Aqua igitur est quæ foris, et aqua quæ intus homines lavat: sed altera videri potest, altera vero videri non potest. « In stillicidiis suis lætabitur, dum exoritur. » Statim, inquit, ut hæc aqua a flumine suboritur et derivatur, in stillicidiis suis lætatur. Eos quos rivos superius dixerat, nunc stillicidia vocat. Quamvis per stillicidia illi qui rivos inferiores et minoris meriti sunt convenienter intelligi possunt. Quicumque igitur ille est in quem defluit aqua Spiritus sancti, statim in ipso exortu spirituali lætitia lætificatur.

« Benedicens coronæ anni benignitatis tuæ, et campi tui replebuntur ubertate. » Et hoc quidem superioribus jungitur, et tale est ac si diceret: Tu quidem rivos ejus inebrians, et generationes multiplicans, et coronam benedicens, facis ea quæ superius dicta sunt. Annus autem benignitatis Dei ex eo tempore cæpit, ex quo Salvator noster in hunc mundum venit. De quo anno ipse Dominus ait: « Spiritus Domini super me, propter quod unxit me, evangelizare pauperibus misit me, prædicare captivis remissionem, cæcis visum, et annum acceptabilem Domino (Luc. iv, 18). » De quo et Apostolus dicit: « Ecce nunc tempus acceptabile, ecce nunc dies salutis (I Cor. vi, 2). » Totus autem hic annus coronatus est, quia quotidie fideles contra vitia et malignos spiritus præliantur, vincunt et coronantur. **431** tur. « Nemo autem, dicit Apostolus, coronabitur, nisi legitime certaverit (II Tim. ii, 5). » Omnes autem anni usque ad hunc annum sub maledictione fuerunt; sed iste annus, et corona hujus anni Christi benedictionem suscipere meruit. Notandum tamen quod non annum, sed anni coronam Dominus hic benedicere dicitur, per hoc solos pugnatores et victores hanc benedictionem habere intelligamus. « Et campi tui replebuntur ubertate. » Campi Dei, singulæ Ecclesiæ sunt utriusque Testamenti fecunditate, et sancti Spiritus ubertate omniumque virtutum abundantia repletæ. Sterilis erat omnis terra quæ in primo homine maledicta fuerat; sed in Salvatore nostro benedictionem simul et fecunditatem accepit.

« Pinguescent fines deserti, et exultatione colles ejus inebrias, comprimis glebas ejus, stillicidiis liquefactis eam et germini ejus benedixis. »

accingentur. » Per fines deserti illos intelligimus qui, quamvis deserto propinqui sint, in deserto tamen non sunt; quoniam et si inter alios conversantur, malos tamen non imitantur. Isti autem pinguescent, illa videlicet pinguedine de qua in alio psalmo dicitur: « Sicut adipe et pinguedine repleatur anima mea (Psalm. LXXII, 6). » Et illi quidem fines, qui sic pingues sunt, omnis boni operis fructificatione uberes sunt. « Et exultatione colles accingentur, » per quos omnes illos intelligere debemus, quos religione, virtute et sanctitate excellentiores in Ecclesia esse videmus. Isti autem accincti sunt exultatione, quia optimos gladios habent, quibus suos jugulant inimicos. Beati qui talibus gladiis sunt accincti, taliterque ad præliandum parati.

« Induti sunt arietes ovium (622), et convalles abundabunt frumento; etenim hymnum dicent. » Videtur hoc in loco illos arietes excludere, qui steriles sunt, et ovibus ad filiorum progeniem utiles non sunt. Illi igitur arietes, illi totius gregis doctores, et principes gloria et honore, veste nuptiali et stola immortalitatis induti sunt, qui verbo prædicationis insistent, multosque filios Domino generant.

« Et convalles abundabunt frumento. » Quid enim per convalles, nisi humiles, mites, simplices, mansuetos et totam fidelium multitudinem intelligamus? Qui aliunde, id est ab Ecclesiæ cultoribus, episcopis videlicet et sacerdotibus, verbi Dei sementem suscipientes, frumentum boni operis, laudis et jubilationis abundantem Domino reddunt. Unde et subditur: « Etenim clamabunt, et hymnum dicent. » Hoc est ergo frumentum quod convalles Domino reddunt, et hic est fructus laborum consentientium nomini ejus. Nihil enim est in quo Deus amplius delectetur, quam in sacrificio laudis et jubilationis.

PSALMUS LXV.

IN FINEM: PSALMUS DAVID. CANTICUM RESURRECTIONIS.

De illa resurrectione loquitur de qua Apostolus dicit: « Si consurrexistis cum Christo, quæ sursum sunt querite, ubi Christus est in dextera Dei sedens (Coloss. III, 1). » Qui vult resurgere, ut prius moriatur, necesse est. Unde et Apostolus ait: « Mortuus sum mundo (Rom. VII, 40). » Ipse autem seipsum resurrexisse, ait: « Vivo ego, jam non ego, vivit vero in me Christus (Galat. II, 20). » Et alibi: « Insuper, inquit, tu quod seminas non vivificatur, nisi prius moriatur (I Cor. XV, 36). » Bene igitur resurgit, qui vivus moritur, et Deo vivit, quales isti sunt qui in hoc psalmo jubitant et psallunt.

« Jubilate Deo, omnis terra, psalmum dicite nomini ejus, date gloriam laudi ejus. » Ecclesia loquitur, et hortatur omnem terram ad laudem Dei et jubilationem. Jubilatio ineffabile gaudium est quod de amore Dei in mente habetur. Psalmum dicere est in

(622) « Subaudiendum, exultatione. Qua enim exultatione colles accingentur, hac inducuntur arietes ovium. » AUGUST.

(623) « Hic jam sacramenta illorum operum festinat ostendere; quia in eorum præfiguratione veraciter post lætatus est populus Christianus. Nam quod

psalterio cantare. In psalterio vero illo cantat, qui decem cordas sonat et tangit, id est, decem legis mandata custodit: « Jubilate, inquit, Deo, omnis terra; » ipse sit gaudium vestrum, et vita vestra: « Psalmum dicite nomini ejus, » ut quæcunque facitis, in ejus nomine faciatis. Date gloriam nomini ejus, ut jubilatio vestra, et cantatio vestra gloriosa et laudabilis fiat. Deum laudare quilibet potest, sed laudi gloriam dare perfectorum est, qui ea quæ cantant opere compleant. Et tales quidem bene psalmos dicunt, et bene in psalterio cantant, dulcemque et bene convenientem omnium chordarum sonitum reddunt.

« Dicite Deo: Quam terribilis sunt opera tua: in multitudine virtutis tuæ mentior tibi inimici tui. » Hoc est enim quod Apostolus ait: « Nunquid dicit figmentum ei, qui se finxit, cur me fecisti sic? An non habet potestatem figulus lutum aliud facere vas in honorem, et aliud in contumeliam? » (Rom. IX, 20.) « O altitudo divitiarum sapientiæ et scientiæ Dei, quam incomprehensibilia sunt judicia ejus, et investigabiles viæ ejus! » (Rom. XI, 33.) Hoc nobis sufficiat, admiremur opera et judicia Dei, non ea discutiamus quæ supra nos sunt nostramque scientiam excedunt. « In multitudine virtutis tuæ mentior tibi inimici tui. » Hoc autem tale ac si diceret: Propter multitudinem virtutis et fortitudinis tuæ, non dimittent, quin tibi mentiantur inimici tui.

« Omnis terra adoret te, et psallat tibi, psalmum: dicat nomini tuo, Altissime. » Dignum est ut omnis creatura eum adoret a quo facta est. « Scriptum est enim: Dominum Deum tuum adorabis, et illi soli servies (Matth. IV, 9). » Quid sit autem psallere, et psalmum dicere, superius diximus.

« Venite, et videte opera Domini, quam terribilis est in consiliis supra filios hominum. » Venite, inquit, et videte opera Domini, quæ inferius in hoc psalmo continentur, et considerate quam terribilis et quam metuendus est in consiliis et in voluntatibus suis, de omnibus quæ agit supra filios hominum. Et quia ea comprehendere non valemus, sint tantum nobis in admiratione et gratiarum actione.

« Qui convertit mare in aridam, et flumina pedes pertransibunt, ibi lætabimur in idipsum (623). » Per mare mundum, per aridam vero Ecclesiam intelligamus. Illud procellis et tempestatibus erigitur; hæc firma semper et stabilis manet. Convertit autem mare in aridam, quando gentiles et idololatæ ad Ecclesiam transeunt et Christianorum fidem suscipiunt. Per flumina vero, quia aquæ multæ, populi multi, diversæ hujus mundi gentes et nationes significantur. Quæ autem flumina pede transire possumus, ea ingredi non timemus. Quando igitur sancti prædicans Judæa per maria transivit, sequens Christi baptismum nuntiabat. Quod flumina sine altitudinis periculo sic pedibus transmeavit, mundi hujus significabat fluentia secure posse transire, et ad poenitentiam tutissima pervenire, etc. CASSIOD.

tores, episcopi et sacerdotes secure et sine timore A in populis prædicant, tunc dicere possumus quia per flumina pede transeunt. « Ibi lætabimur in idipsum. » Ubi prius erat timor, ibi lætitia nuntiatur. Ibi ergo, id est in populis qui per flumina significantur, lætantur modo sancti in idipsum, id est simul et communiter omnes. Omnium communis lætitia est, quia una fides omnium est, nullus nulli contradicit, sed omnes pariter Christum laudant et benedicunt. De quo subditur.

« Quia dominatur in virtute sua in æternum; oculi ejus super gentes respiciunt: qui in ira provocant, non exaltentur in semetipsis. » Solus Deus propria virtute dominatur, quia omnipotens est et nullus eget auxilio. Unde et alibi dicitur: « Dixi Domino: Deus meus es tu, quoniam bonorum meorum non eges (Psalm. xxv, 2). » Dominatur autem in æternum, quia « regni ejus non erit finis (Luc. i, 34). » Oculi ejus super gentes respiciunt, « ut eas custodiat, et ab omnium inimicorum defendat insidiis. De Judæis autem quid dicit? « Qui in ira provocant, non exaltentur in semetipsis. » Hæc est illa domus exasperans, pro qua Propheta orare prohibetur. Videant igitur isti furibundi provocatores et prævaricatores, ut non exaltentur in semetipsis, id est in virtute et fortitudine sua, quia sublata est illis omnis fortitudo eorum et gloria. Videmus itaque quia Judæi abjiciuntur, et gentes eliguntur, ut adimpleatur quod scriptum est: « Vocabo non plebem meam plebem meam, et non dilectam dilectam, et non misericordiam consecutam misericordiam consecutam (Rom. ix, 25); » et quibus dictum fuerat, « non populus meus vos, » illi vocantur filii Dei vivi. Et hoc est quod superius dixerat: « Venite, et videte opera Domini, quam terribilis in consiliis super filios hominum. »

« Benedicite, gentes, Deum nostrum, et obaudite « vocem laudis ejus. » Vos, inquit, gentes, quæ a Domino electæ et in hæreditatem vocatæ estis, « benedicite Dominum Deum nostrum, et auditam facite vocem laudis ejus. » Sic enim in alia translatione habetur. Quid est autem auditam facite vocem laudis ejus, nisi ea prædicare, et annuntiare ea quæ pertinent ad gloriam ejus? Quod autem hic dicitur: « obaudite vocem laudis ejus, » sic videtur esse dictum, ac si dixisset: Quando laus ejus annuntiatur, vos contra ad audiendum et obediendum estote parati. Unde obedire, quasi obaudire dicitur.

« Qui posuit animam meam ad vitam, et non dedit commoveri pedes meos (624). » Ecclesia una est, et ipsa pro omnibus loquitur. Vivunt igitur omnium fidelium animæ, si Ecclesie anima vitam habet. Pedes quoque omnium fidelium firmi stant, si Ecclesie pedes non moventur. Pedes autem ejus sunt fides, constantia, et bona intentio.

« Quoniam probasti nos, Deus, igne nos exami-

(624) « Ipse (Dominus) posuit animam in vitam, ipse regit pedes, ne mutant, ne moveantur et dentur in motum; ipse nos facit vivere, ipse perseverare us-

nasti, sicut igne examinatur argentum. » Et in hac quidem examinatione quales isti pedes fuerint, satis probatum est; nisi enim firmi fuissent, in tanto discrimine stare non potuissent. In igne igitur quasi argentum examinati sunt sancti, per quem videlicet ignem omnia tormentorum genere significantur.

« Induxisti nos in laqueum, posuisti tribulationes 433 in dorso nostro, imposuisti ho- mines super capita nostra. » Hoc facere dicitur Dominus, quod cum prohibere possit, fieri permittit. Unde, et quotidie dicimus: « Et ne nos inducas in tentationem (Matth. vi, 13): » non quod ipse inducat, sed quia induci non prohibet. Laqueus iniquorum, omnis illorum fraudulenta deceptio et violentia est quibus viros justos capiunt et tenent suæque subjiciunt potestati. Imposuit autem tribulationes super dorsa illorum, quia et verberibus eos et multis modis affligi permittit. Unde et Apostolus de seipso dicit: « Ter virgis cæsus sum, et a Judæis quinquies quadragenas una minus accepi (II Cor. ii, 25). » Super capita vero eorum homines imposuit, vel spiculatores ad decollandum, vel qui quolibet alio modo eorum capitum haberent potestatem.

« Transivimus per ignem et aquam, et induxisti nos in refrigerium. » Omnia, sicut diximus, tormentorum genera per ignem et aquam significantur. Sed inducti sunt in refrigerium, quia statim ut eorum animæ, quæ de corpore exibant, in supernæ beatitudinis gloriam introducebantur.

« Introibo in domum tuam, in holocaustis; reddam tibi vota, quæ distinxerunt labia mea. » Holocausta, inquit, offeram, atque per ipsa in domum tuam introibo. Holocaustum autem totum incensum interpretatur. Ille igitur offert holocaustum qui seipsum totum Domino immolat, paratus per omnia ejus facere voluntatem.

« Reddam tibi vota mea, quæ distinxerunt labia mea. » Quæcumque, inquit, in corde meo facere disposui de tuo servitio, omnia reddam, et nihil prætermittam.

« Hæc locutus est os meum in tribulatione mea. Holocausta medullata offeram tibi cum incenso et arietibus, offeram tibi boves cum hircis. » Solent homines in angustiis et tribulationibus positi et plura et majora votaovere. Hæc, inquit, vota tibi persolvam, quæ locutus est os meum. Os interioris hominis, illud os est quod tibi soli loquitur, et a te solo sub silentio auditur. Holocausta medullata, inquit, holocausta plena, integra, læta et pingua, et in nullo diminuta offeram tibi. Talis est illa hostia de qua Apostolus ait: « Obsecro vos per misericordiam Dei ut exhibeatis corpora vestra hostiam viventem, sanctam, Deo placentem, rationabile obsequium vestrum (Rom. xii, 1). » Offeritur autem holocaustum cum incenso in odorem suavitatis, ut Domino placeat in finem, ut in æternum vivamus. » AUGUST. ENARR. IN HUIC PSALM.

ceat. Sicut illa de quibus legitur : « Odoratusque est Dominus odorem suavitatis (*Gen. viii, 21*). » Illoc incensum offerebat Zacharias pater Joannis Baptistæ, de quo legitur : « Qui sorte exiit, ut incensum poneret in ordine vicis suæ (*Luc. i, 9*). » Unde et in Apocalypsi dicitur : « Quia stetit angelus juxta aram templi, et data sunt ei incensa multa, ut adoleret ea ante altare aureum, quod est ante conspectum Domini (*Apoc. viii, 3*). » Offeruntur autem et arietes in hoc holocausto, per quos apostolos intelligimus totius ecclesiastici gregis patres, et ductores ei principes (625). Offeruntur autem et boves, episcopi videlicet et sacerdotes, a quibus ager Dei collitur, et aratur et ad verbum vitæ suscipiendum præparatur. Hirci quoque in hoc holocausto Domino offeruntur, per quos peccatores significantur, dura poenitentia mundati et sanctificati. Valde medullatum est illud holocaustum, in quo talia et tanta offeruntur. Cum tali itaque holocausto mater nostra sancta Ecclesia in domum Dei se intraturam esse promittit, quoniam omnes istos in gaudio et exultatione Domino præsentabit. Hoc significavit sacrificium Noe, in quo de omnibus animalibus mundis aliquod immolatum est.

« Venite, et audite me, et narrabo vobis, omnes qui timetis Deum, quanta fecit animæ meæ (626). » Omnes ad audiendum invitat, ut exemplo sui ad Dei amorem provocet et incendat, qui tanta bona fecit diligentibus se.

« Ad meipsum ore meo clamavi, et exultavi sub lingua mea. » Ore, inquit, meo, ore cordis, interioris hominis clamavi ad Dominum; et exultavi sub lingua mea; id est in silentio cordis mei, cuius exultatio intus est, neque voce manifestatur. Quæ enim exultatio sub lingua est, in corde latet, quæ vero in lingua est, foris auditur.

« Iniquitatem si aspexi in corde meo, non exaudiet Deus. » Hoc autem tale est ac si diceret : Si vis exaudiri, sit munda et pura oratio tua, et de his et pro his ora quæ spectant ad salutem animæ tuæ. Hoc est enim quod in Evangelio Dominus ait : « Si quid petieritis Patrem in nomine meo, dabit vobis (*Joan. xiv, 13*). » Qui autem aliter petunt, etsi multoties accipiant quod petunt, non tamen exaudiuntur a Domino, quia Dominus nescit dare, nisi bona data filiis hominum.

« Propterea exaudivit me Deus, et intendit voci deprecationis meæ. » Propterea, inquit, quia non aspexi iniquitatem in corde meo, ut ea mihi concedi peterem et desiderarem quæ ad iniquitatem perti-

nent, exaudivit me Deus, et fecit **434** mihi secundum desideria cordis mei.

« Benedictus Dominus, qui non amovit deprecationem meam (ubauditur a se) et misericordiam a me. » Si amovisset, non exaudivisset (627).

PSALMUS LXVI.

IN FINEM IN HYMNIS PSALMUS CANTICI DAVID.

In finem hic psalmus referatur, in hymnis et laudibus cantetur. Psalmus cum cantico operationem cum laude significat. Multi habent canticum, qui psalmum non habent, quia laudem habent sine operatione.

« Deus misereatur nobis, et benedicat nos, illuminet vultum suum super nos, et miseretur nostri » Ecce, inquit, sicut in sequentibus legitur, terra nostra dedit fructum suum. » Et Virgo mater peperit Salvatorem. Et ideo « benedicat nos Deus, Deus noster, benedicat nos Deus. » Ter in loco dicitur Deus, quia Deus est Pater, Deus est Filius, Deus est Spiritus sanctus, et ideo non pluraliter, sed singulariter dicitur, « benedicat nos Deus. » Totus mundus sub maledicto erat, sed veniente Christo benedictionem accipere meruit. Ipse est enim, de quo ad Abraham Dominus ait : « In semine tuo benedicentur omnes gentes (*Act. iii, 25*). » Et Apostolus : « Christus, inquit, Jesus nos redemit de maledicto legis, factus pro nobis maledictum (*Gal. iii, 13*). » Hinc est itaque quod modo Ecclesia dicit : « benedicat nos Deus, Deus noster, benedicat nos Deus. » Bene autem dixit Deus noster, quia non Judæorum Deus tantum, sed omnium gentium, et Deus, et Dominus et Salvator est. Unde et convenienter subditur : « Et metuant eum omnes fines terræ. » Illic igitur Deus noster misereatur nobis et benedicat nos, qui ad hoc venit, ut misericordiam faciat, et tantam misericordiam, quantam nec dicere, nec cogitare valemus. Unde et alibi dicitur : « Misericordia Domini plena est terra (*Psal. xxxii, 5*). » — « Illuminet vultum suum super nos, et misereatur nobis. » Vultum, inquit, suum super nos illuminet, hilarem et lætam faciem nobis ostendat, ut per hoc omnem iram et indignationem fugatam esse intelligamus, et ejus gratiam, et bonam voluntatem nos habere sciamus. Sive etiam, « illuminet vultum suum super nos; » ut qui ad ejus imaginem et similitudinem reformemur. Iluc usque in tertia persona locutus, nunc ad ipsum Patrem apostrophem facit, et cætera quæ sequuntur ad secundam personam loquitur.

« Ut cognoscamus in terra viam tuam, in omnibus gentibus salutare tuum. » Ipse, inquit, quem terra

(625) Ex Augustino, ut plurimas alias, S. Bruno hanc expositionem usurpavit. Inquit enim sanctus Doctor : « Arietes duces Ecclesiæ : totum corpus Christi loquitur : hoc est quod offert Deo. Incensum quid est? oratio. Maxime enim arietes orant pro gregibus. Offeram tibi boves cum hircis. Boves invenimus triturantes, et ipsi offeruntur Deo. Apostolus de annuntiantibus Evangelium dixit intelligendum quod scriptum est; bovi tritुरanti os non in-

frenabis, » etc.

(626) Intelligit Augustinus locum hunc de conversione nostra ex gentilitate ad cognitionem veri Dei, et Domini nostri Jesu Christi; et de tantis donis nobis collatis.

(627) Addit August. « Cum videris non a te amotam deprecationem tuam, securus esto, quia non est a te amota misericordia ejus. »

nostra dedit et quem virgo Maria genuit, ipse mi-
sereatur nobis et benedicat nos, ut eundem ipsum
cognoscere valeamus, qui vita nostra est et salutare
nostrum. Hunc enim soli Christiani cognoscunt, et
quantæ bonitatis et misericordiæ sit, soli Christiani
intelligunt. Est autem Christus via Patris, quia per
ipsum venit ad Patrem. Unde ipse ait: « Ego sum
via, veritas et vita. Nemo venit ad Patrem, nisi per
me (Joan. xiv, 6). » Est autem et salutare, quia per
ipsum ubique gentium salutem operatur. Hoc est
enim salutare de quo alibi dicitur: « Notum fecit
Dominus salutare suum (Psal. xcvi, 2). » Et Jacob
patriarcha: « Salutare, inquit, tuum expectabo,
Domine (Gen. xlix, 18). » De quo modo hic dicitur:
« In omnibus gentibus cognoscatur, et mani-
festetur nomen tuum (627). » Sed quare dicitur
« in terra, » nisi quia in terra et in carne cognitus
est, qui in suæ divinitatis potentia videri non pote-
rat? Et Judæi quidem eum videntes non cognoverunt,
quia solam terram viderunt.

« Constituteur tibi populi, Deus, constituteur tibi
populi omnes. » Quia, inquit, in omnibus populis
et in cunctis gentibus apostolica prædicatione et
miraculorum admiratione salutare tuum, Domine,
manifestatum est; amodo constituteur tibi populi,
Deus, constituteur tibi populi omnes, quem soli
Judæi usque nunc constiteri et laudare solebant; si-
quidem « notus in Judæa Deus, in Israel magnum
nomen ejus (Psal. lxxv, 2). » Nunc autem illis solis
a laude et confessione cessantibus, omnes gentes et
omnes populi te constituentur.

« Letentur et exsultent gentes, quoniam judicas
populos in æquitate, et gentes in terra dirigis. »
Letentur, inquit, et exsultent gentes, quia bonum
judicem habent, qui non querit occasiones, ut eas
damaet et perdat (hoc enim iudex illorum humani
generis inimicus facere solebat), sed potius hoc
querit ut eis misereatur et ut eas dirigat in via
veritatis.

« Constituteur tibi populi, Deus, constituteur tibi
populi omnes. » Pauci sunt, inquit, quos amisisti,
et innumerabiles sunt quos filii tui sanguine acqui-
sisti et redemisti. Pauci sunt Judæi ad omnium gen-
tium comparisonem; multi sunt qui ubique se præ-
parant ad laudes tuas et ad gratiarum actionem.
Taceant igitur Judæi, quia et pauci et indigni sunt qui
laudes tibi dicere debeant, et « constituteur tibi **435**
populi, Deus, constituteur tibi populi omnes (628). »

(Reliqua psalmi hujus desunt tum in editione cum
in mss.)

PSALMUS LXVII.

IN FINEM PSALMUS CANTICI DAVID.

In hoc psalmo cantat ipse propheta David; sed
quoniam de Christo et de Ecclesia loquitur, ideo « in
finem » proposuit.

(627) Cod. Ghs. *Salutare tuum.*

(628) Vide quanta proferat S. August. Enarrat
in hunc psalmum.

(629) Jam factum est, exsurrexit Christus, qui
est super omnia Deus benedictus in sæcula: et

« Exsurgat Deus, et dissipentur inimici ejus et
fugiant a facie ejus qui oderunt eum. » Exsurgat,
inquit, Deus, in adiutorium fidelibus suis, exsurgat
et Christus a mortuis, quem Judæi stulti et vani,
quasi eum retinere valeant, clausum in sepulcro
custodiunt (629). Et dissipentur inimici ejus, per
quos Judæos et malignos spiritus intelligimus. Isti
sunt de quibus alibi dicitur: « Dissipati sunt, nec
compuncti (Psal. xxxiv, 16). » — « Et fugiant a facie
ejus, qui oderunt eum. » Quis dubitat malignos
spiritus tunc fugisse (si tamen fugere potuerunt)
quando Christus Dominus ad inferos descendit, et
sanctorum animas, quæ ibi captivæ detinebantur,
eripuit? Fugiant Judæi usque hodie a facie ejus,
quia a sua malitia excæcati, neque videre eum,
neque cognoscere volunt. Sed hæc in judicio plenius
fient, quando a facie ejus cum dedecore expulsi,
mittentur in ignem æternum.

« Sicut deficit fumus, deficiant: sicut fluit cera
a facie ignis, sic pereant peccatores a facie Dei. »
Deficit fumus, dum a terra exaltatur et altius ele-
vatur; sic Judæi et omnes superbi in sua exalta-
tione deficiunt et pereunt. « Sicut fluit cera a facie
ignis, » etc. Sic pereant, ut semper ardeant, et sui-
ipsius illi æterno et inextinguibili igni nutrimentum
præbeant.

« Et justi epulentur, et exsultent in conspectu
Dei, et delectentur in lætitia. » Epulentur, inquit,
justi nunc quidem in azymis sinceritatis et verita-
tis; postea vero deliciis ineffabilis satietatis et feli-
citatibus. Ipsa contemplatio divinæ majestatis, et re-
fectio illis est inestimabilis, et lætitia inenarrabilis.

« Cantate Deo, psalmum dicite nomini ejus, iter
facite ei, qui ascendit super occasum, Dominus
nomen est ei. » Cantare ad vocem, psalmum vero
dicere ad operationem spectat. Et cantare igitur,
et psalmum dicere debemus ut ea quæ cantamus
opere compleamus. Hoc enim est psalmum dicere
nomini ejus, quia Dominus nomen est ei. Qui illum
Dominum, et se servum esse intelligit, ei ea diligentia
et reverentia ei servit, qua bonum servum suo
Domino servire oportet, iste bene cantat, et bene
psallit et bene ejus nomini psalmum dicit, quia sic
eum dicit, sicut bonus servus suo domino dicere
debet. Iter vero illi faciunt, qui ad se veniendi viam
sibi parant, secundum quod scriptum est: « Parato
viam Domino, rectas facite semitas Dei nostri (Marc.
ii, 13). » Si habes humilitatem, viam præparasti
per quam ad te veniat. Si habes patientiam et cha-
ritatem, et hæc viæ sunt per quas ambulare delecta-
tur. Quot virtutes habes et quot opera bona feci-
sti, tot vias quibus ad te veniat Dominus præpara-
sti. Et ipse quidem est qui ascendit super occasum,
quia mortem ipsam moriendo calcavit, deiecit et
superavit. Ascendit autem etiam in hoc super occa-

dispersi sunt inimici ejus per omnes gentes, Judæi,
in eo ipso loco, ubi inimicitias exercuerunt, atque
inde per cuncta dispersi, » etc. August. Enarr. in
hunc psalmum.

sum, quia unde cecidisse putabatur, inde excelsus A fuit potentius illas animas de inferno eripere, quam istas, quæ in hoc mundo sunt, de sepulcris, in quibus mortuæ jacent, resuscitare. Et illæ quidem subito et in una hora liberatæ sunt; istæ autem quotidie liberantur et resuscitantur. Sepulcra dicuntur peccatores, foris dealbata, intus fetore et putredine plena. Sed qui sunt illi qui in ira provocant, nisi illi qui quotidie peccant et ad poenitentiam redire contemnunt? Isti autem secundum duritiam cordis sui, sicut Apostolus ait, thesaurizant sibi iram in die iræ (Rom. ii, 5); quibus si hoc modo de vita exierint, nunquam eis amplius placabitur Deus.

« Gaudete in conspectu ejus. » Vos, inquit, qui et cantatis et in conspectu ejus adstatis gaudete et exultate, quia digna vos vestri servitii retributio exspectat. « Quoniam oculi ejus super justos, et aures ejus ad preces eorum. » De aliis autem quid dicis? « Turbabitur a facie ejus; » qui enim modo ei non cantant, non psallunt, non obediunt et ejus nomen non cognoscunt, illi quidem turbabuntur a facie ejus, quia in judicio tollentur et in ignem mittentur ut non videant gloriam ejus. Sed vis audire ejus ejus? « Patris orphanorum et judicis viduarum. » Isti illi orphani, quorum pater aliquando diabolus fuit: isti sunt illæ viduæ, quæ aliquando turpi matrimonio conjunctæ fuerunt; modo autem quia maritus mortuus est et invitatus ab eis separatus, Salvatoris nostri tutelam et defensionem se habere gaudent. Sicut enim boni gaudebunt in conspectu ejus, ita et mali turbabuntur ante faciem ejus, qui pater orphanorum et judex viduarum est.

« Deus in loco sancto suo, Deus, qui inhabitare facit unanimes in domo (630). » Hic, inquit, est ille Deus qui unanimes in una domo habitare facit, id est in loco sancto. Per quem videlicet locum sancta Ecclesia significatur. Isti sunt de quibus in Actibus apostolorum scribitur: quia « Multitudinis credentium erat cor unum et anima una, et nemo dicebat aliquid 436 esse suum, sed erant illis omnia communia (Act. iv, 32). » Tales sunt usque hodie, qui in locis religiosis et regularibus habitant, de quibus non immerito dicitur: « Ecce quam bonum et quam jucundum habitare fratres in unum! » (Psal. cxxxi, 1.)

« Qui educit vinetos in fortitudine, similiter et eos qui in ira provocant, qui habitant in sepulcris. » Per hos autem patriarchas, et prophetas omnesque sanctorum animas, quæ captivæ in inferno tenebantur, intelligere possumus (631). De quibus alibi dicitur: « Et eduxit eos de tenebris et umbra mortis, et vincula eorum dirupit (Psal. cvi, 14). » Hos autem in quanta fortitudine Dominus eduxerit, quid attinet dicere, cum tantum pro eis educendis et liberandis laborem suscepit? Quæ enim alia causa fuit, quod in mundum venit, quod carnem assumpsit, quod crucis passionem sustinere voluit, nisi ut omne genus humanum de diaboli laqueis et vinculis liberaret? « Similiter et eos qui in ira provocant, qui habitant in sepulcris. » Non

« fuit potentius illas animas de inferno eripere, quam istas, quæ in hoc mundo sunt, de sepulcris, in quibus mortuæ jacent, resuscitare. Et illæ quidem subito et in una hora liberatæ sunt; istæ autem quotidie liberantur et resuscitantur. Sepulcra dicuntur peccatores, foris dealbata, intus fetore et putredine plena. Sed qui sunt illi qui in ira provocant, nisi illi qui quotidie peccant et ad poenitentiam redire contemnunt? Isti autem secundum duritiam cordis sui, sicut Apostolus ait, thesaurizant sibi iram in die iræ (Rom. ii, 5); quibus si hoc modo de vita exierint, nunquam eis amplius placabitur Deus.

« Deus dum egredieris coram populo tuo, cum pertransieris in deserto, terra mota est. » Hæc autem non secundum litteram de monte Sina, sed spiritualiter de sancta Ecclesia intelligenda sunt. Quando enim SS. apostoli per totum mundum ad prædicandum missi sunt, tunc quidem coram populo suo Dominus egrediebatur, et per terras invias et desertas transgrediebatur. Et tunc nimirum terra mota est, quia infinita omnium gentium multitudo ad fidem conversa est. In hoc deserto clamabat beatus Joannes Baptista, quando dicebat: « Ego vox clamantis in deserto (Joan. i, 23). »

« Etenim cæli distillaverunt a facie Dei, a facie Dei Israel. » Cæli apostoli sunt, de quibus dicitur: « Cæli enarrant gloriam Dei (Psal. xviii, 1). » Isti autem distillaverunt a facie Dei, quia illa pluvia et illa doctrina, quam prædicabant et effundebant, non illorum sed Dei erat. Unde et Dominus ait: « Non enim vos estis qui loquimini, sed Spiritus Patris qui loquitur in vobis (Matth. x, 20). » Distillaverunt igitur a facie Dei. Sed cujus Dei? « A facie Dei Israel. » Unus est igitur Deus utriusque Testamenti, et una doctrina est, quam et Moyses et apostoli prædicaverunt. In hoc autem Manichæi reprobantur qui alium Deum Veteris Testamenti, et alium Novi dicebant. Similiter autem et mons Sina distillavit a facie Dei; non solum enim cæli, id est apostoli, verum etiam tota Ecclesia, quæ per montem Sina significatur, hanc eandem pluviam effudit et hanc eandem doctrinam annuntiat. In monte Sina data est lex, et in monte Sion Evangelium datum est. « Ego, inquit Dominus, constitutus sum rex ab eo super Sion montem sanctum ejus prædicans præceptum Domini (Psal. ii, 6). »

« Pluviam voluntariam segregabis Deus hæreditati tuæ, etenim infirmata est, tu vero perfecisti eam (632). » Non, inquit, cæli, non Ecclesia, sed

(630) Secundum aliam lectionem: « Qui habitare facis unius moris in domo, » Augustinus ait: « Quis est locus iste? Ipse Deus eum sibi facit. Deus enim habitare facit unius moris in domo: hic est locus sanctus ejus. » Cassiodorus etiam legit, « qui habitare facit unanimes in domo. »

(631) Eadem de triumphante Christo per mortem suam expressit clarius apostolus Paulus ad Coloss. ii, 15. Expositio, ait, principatus et potestates traduxit confidenter, palam triumphans illas in semetipso.

(632) Non pigeat audire Augustinum. « Pluviam

voluntariam segregans Deus hæreditati suæ; quia non fecit ulli genti, et judicia sua non manifestavit eis. Segregavit itaque pluviam hanc voluntariam Deus hæreditati suæ, quod legem dedit. Et infirmata est vel ipsa lex, vel ipsa hæreditas. Lex infirmata sic accipi potest, eo quod non implebatur, non quod ipsa infirma sit, sed quod infirmos facit, minando poenam, non adjuvando per gratiam, etc. Tu vero perfecisti eam, quia plenitudo legis est charitas; et charitas Dei diffusa est in cordibus nostris, non per nosipos, sed per Spiritum sanctum qui datus est nobis. »

tu Deus fecisti omnia hæc, segregans pluviam voluntariam tuæ hereditati. Non est hæc pluvia coacta, sed voluntaria, quia et sponte datur et sponte suscipitur. Hanc autem quia Judæi suscipere noluerunt, segregavit Dominus hereditati suæ. Unde et de illa vinea, quæ in amaritudinem conversa est, a Domino dicitur: « Mandabo nubibus meis, ne pluant super eam imbrem (Isa. v, 6). » Et alibi: « Pluam super unam civitatem, et super alteram non pluam (Amos, iv, 7). » — (633) Hæc pluvia segregata est hereditati Dei, quæ eam integraret, fecundaret et sanaret. Etenim infirmata est, sed statim ut hanc pluviam suscepit, sanata est; et hoc est quod dicit: « tu vero perfecisti eam: » qui igitur infirmus est, perfectus non est. Sanatus itaque, continuo perfectus est. »

« Animalia tua habitabunt in ea, parasti in dulcedine tua pauperi, Deus. » Animalia Dei omnes fideles intelliguntur, cujuscunque sexus, cujuscunque ætatis, ordinis et conditionis. Multa et diversa sunt hæc animalia, quæ in hac Domini hereditate nutriuntur et manent. Hæc autem significata sunt in arca Noe, quæ omnia animalia munda et immunda suscepit. Sed qui sunt isti pauperes quos in dulcedine sua Dominus paravit. Isti sunt de quibus in Evangelio ait: « Beati pauperes 437 spiritu, quoniam ipsorum est regnum cælorum (Matth. v, 4). » De quibus et Apostolus dicit: « Sicut egentes, multos autem locupletantes, tanquam nihil habentes, et omnia possidentes (II Cor. vi, 10). » Hos autem preparavit Dominus in dulcedine sua, quando ait: « Estote misericordes, sicut et Pater vester misericors est (Luc. vi, 36). » — « Nolite judicare, et non judicabimini, nolite condemnare, et non condemnabimini (Matth. vii, 1). » Ad suam dulcedinem eos informavit, ut omnes diligenter et sanarent, et ad beatitudinem invitarent. Pauper Dominus pauperes discipulos elegit, quia « cum omnium dives esset pro nobis pauper factus est (II Cor. viii, 7). »

« Dominus dabit verbum evangelizantibus virtute multa. » Dominus, inquit, dabit verbum pauperibus suis evangelizantibus virtute multa. Sic enim ipse in Evangelio ait: « Ponite in cordibus vestris, non præmeditari qualiter respondeatis; ego enim dabo vobis os et sapientiam cui non poterunt resistere et contradicere omnes adversarii vestri (Luc. xxi, 15). » Quod igitur hic « verbum, » ibi « os et sapientia » dicitur. Evangelizabant autem apostoli virtute multa, sicut scriptum est: « Domino cooperante et sermonem confirmante, sequentibus signis (Marc. xvi, 20). » Et in Actibus apostolorum dicitur: « Virtute magna reddebant apostoli testimonium resurrectionis Domini nostri Jesu Christi, et gratia magna erat in omnibus illis (Act. iv, 33). » Si autem legamus virtutem multam, sicut quidam codices

A habent; hoc erit intelligere, qui prædicabant Christum, Dei virtutem et Dei sapientiam. Potest autem per conversionem sic intelligi. Dominus dabit virtutem multam evangelizantibus et prædicantibus verbum.

« Rex virtutum dilecti (634) et speciei domus » dividere spolia. » Supplendæ sunt Scripturæ, ubi ad intelligendum aliquid deest. Rex virtutum Deus Pater est qui, volens apostolos dividere spolia dilecti filii sui, et domus speciei, occulta inspiratione eis præcepit ut inter medios cleros dormirent et quiescerent. Et hoc quidem secundum litteram hæc verba significant. Nunc autem significationem videamus. Per virtutes hoc in loco non solum virtutes, sed et angelos quoque, archang. los, principatus, B et potestates et cæteros ordines intelligere debemus, quia nullus ordo sine virtute esse potest. Spolia dilecti et domus speciei idem significat. Significat autem omnes Ecclesias per totum mundum constitutas, quæ tamen unius, et universalis et catholice Ecclesie membra sunt. Et hæc quidem sunt spolia dilecti, illius videlicet de quo Dominus ait: « Ille est Filius meus dilectus in quo mihi bene complacui: ipsum audite (Matth. xvi, 5). » Hæc autem sunt illa spolia, de quibus per prophetam dicitur: « Sicut exsultant victores capta præda, quando dividunt spolia (Isa. ix, 3). » De quibus spoliis ipse quoque Salvator noster ait: « Cum fortis armatus custodit atrium suum, in pace sunt ea quæ possidet; si autem fortior illo supervenerit (635), vincit eum, universa arma ejus auferet in quibus confidebat et spolia ejus distribuet (Luc. xi, 21). » Hæc autem spolia, et has domos speciei et pulchritudinis tunc Dominus divisit, quando per singulas provincias, per singulas gentes et nationes apostolos ad prædicandum ire disposuit. De quibus dicitur: « Quia in omnem terram exivit sonus eorum, et in fines orbis terræ verba eorum (Psalm. xlviii, 4). »

« Si dormiatis inter medios cleros pennæ columbæ » deargentatæ (636). » Et hæc quidem oratio imperfecta est, nisi ei aliquid addatur. Si dormiatis, inquit, inter medios cleros, eritis pennæ columbæ deargentatæ. Et posteriora dorsi ejus sequentur vos in specie auri. His autem sic positis, facilis est D intelligentia. Per duos cleros, duo Testamenta, sive activa et contemplativa vita significantur. Clerus autem sors vel hereditas interpretatur. Dormiant igitur inter duos cleros sancti apostoli, ibi dormiant omnes Ecclesie doctores, ibi dormiant episcopi et sacerdotes, ibi quiescant, ibi delectentur, ibi die ac nocte meditentur, sicut de viro justo in primo psalmo dicitur: quia « in lege ejus meditabitur die, ac nocte (Psalm. i, 2); » sic dormire delectabile est; qui ita quiescit, non est otiosus. Dormiant itaque inter duos cleros, hinc Novum, inde Vetus habeant

(633) Additio ex cod. Ghis.

(634) « Pater ergo est rex virtutum filii. Dilectus enim, quando non ponitur quis dilectus, per antonomasiam Filius unicus intelligitur. » August.

(635) Cod. Ghis., superveniens vicerit.

(636) Vide Augustinum, quam copiosus est in hac interpretatione, de qua certe Bruno suam habuisse videtur expositionem.

Testamentum, inde suscipiant quod aliis prædicent; **A** sol, vestimenta autem ejus facta sunt alba sicut nix inde cibum sumant quo alios nutrant. Non sit eorum prædicatio nova et peregrina, sed firma sit et auctoritate plena. Audiant Apostolum dicentem: « Doctrinis variis et peregrinis nolite abduci (*Hebr. xiii, 9*). » Si autem hoc fecerint, erunt pennæ columbæ deargentatæ, quibus elevatæ, levi ac celeri, facillique cursu ad cœlestia transvolabunt. Hæc est illa columba, de qua in *Canticis canticorum* Dominus dicit: « Una est columba mea, perfecta mea, immaculata mea (*Cantic. vi, 8*). » Tota sancta Ecclesia columba vocatur, quia simplex et innocens est. Unde in Evangelio Dominus ait: « Estote prudentes sicut serpentes, et simplices sicut columbæ (*Matth. x, 10*). » Sed quare deargentatæ dicitur? nisi quia ejus eloquia vera sunt, et pura, et quasi argentum igne examinata, et nulla erroris falsitate corrupta? Talia sunt ejus eloquia, quia talia sunt eloquia Domini, sicut scriptum est: « Eloquia Domini eloquia casta, argentum igne examinatum terræ, probatum septulum (*Psal. xi, 7*). » — « Et posteriora dorsi ejus in pallore auri. » Si non haberet **438** ista columba anteriora, non haberet posteriora. Sed quia anteriora habet, posteriora quoque habere necesse est. Caput Ecclesiæ Christus est; primi vero, post caput, apostoli sunt, episcopi et sacerdotes; isti præcedunt, isti in tota Ecclesia principes a Domino constituti sunt, omnes vero alii istos sequuntur et imitantur. Et isti quidem sunt illi posteriores qui eos sequuntur in specie auri. Sed quare in specie auri? Nisi quia omnes splendidi, omnes mundi et puri, omnes baptizati et super nivem dealbati, omnes spiritualis sapientiæ luce fulgentes, et in vestitu deaurato Domino placentes. Sequitur:

« Dum discernit cœlestis reges super eam (637), « nive dealbabantur in Selmon. » Tunc, inquit, rex virtutum, rex cœlestis præcepit apostolis Ecclesiæque doctoribus, ut dormirent inter medios clericos, quando eos super Ecclesiam reges constituit et ordinavit; « nive dealbabantur in Selmon » omnes isti reges, et quicunque eos imitati fuerint, nive dealbabantur in Selmon. Selmon *umbra* interpretatur; significat autem illam cœlestem Jerusalem, ad quam quicunque pervenerit, in umbra et refrigerio erit. Hanc autem umbram desiderabat qui dicebat: « Sub umbra alarum tuarum protege me a facie impiorum, qui me afflixerunt (*Psal. xvi, 8*). » Et nive quidem dealbabantur sancti in Selmon, quia ibi suscipient vestes candidas, vestes splendidas et nuptiales, et tales vestes ibi omnes habebunt, quales Dominus tribus discipulis manifestavit, quando se coram eis in monte transfiguravit. Sic enim scriptum est: « Apparuit facies ejus splendida sicut

A sol, vestimenta autem ejus facta sunt alba sicut nix (*Matth. xvii, 2*). » Et quasi aliquis interrogaret Prophetam, quid diceret esse Selmon? Respondit:

« Montes Dei, montes uberes (638). » Selmon iste, de quo interrogas, « mons coagulatus, mons pinguis » est. Vere montes Dei, et montes uberes, quia et solus Deus ibi regnat, et tanta bonorum omnium est ibi ubertas, quantam neque cogitare, neque dicere lingua sufficiat; sicut Apostolus ait: « Quæ oculus non vidit, nec auris audivit, nec in cor hominis ascendit, quæ præparavit Deus diligentibus se (*I Cor. ii, 6*). » Est autem mons ille coagulatus, quia nemo ibi indiget lacte, nullus ibi habet imperfectam scientiam quæ in lacte significatur. Unde et quibusdam Apostolus ait: « Facti estis, quibus **B** lacte opus sit, non solido cibo (*Hebr. v, 12*). » Omnis enim qui lactis est particeps, expertus est sermonis justitiæ, parvulus enim est. Ibi vero perfecti sunt omnes, et non lacte, sed solido cibo utuntur omnes, quoniam non per speculum et in ænigmate, sed facie ad faciem omnia vident omnes. Pinguis quoque est ille mons, imo pinguisimus, quia totus in Spiritu sancti oleo natat, et nemo ibi est qui omnes Spiritus sancti gratias non habeat.

« Utquid suspicamini montes uberes (639)? Mons « in quo beneplacitum est Deo habitare, in eo enim « Dominus habitabit usque in finem. » Huc usque de illo monte cœlesti locutus est. Nunc autem de aliis montibus dicere incipit, de Christo videlicet et de Joanne Baptista. Sicut enim in Evangelio legitur: **C** « Omnes putabant Joannem esse Christum; erat enim lucerna lucens et ardens, sed non erat ipse lux, sed ut testimonium perhiberet de lumine (*Joan. v, 33*). » Cum enim venissent ad eum sacerdotes et levitæ, et interrogarent eum, si ipse esset Christus respondit: « Non sum ego Christus (*Joan. i, 21*). » — « fortior me ille est, cujus ego non sum dignus solvere corrigiam calceamenti (*Marc. i, 7*). » Magnus igitur mons, et valde uber et plenus erat beatus Joannes, sed major et altior erat ille cui ipse testimonium perhibebat. Utquid, inquit, suspicatis montes uberes? Quare Joannem admiramini? Quare Christum esse putatis? Contra eos loquitur, eosque redarguit, qui ad Joannem veniebant et Christum eum esse putabant. Unde et subditur: An putatis quod Joannes sit ille mons in quo beneplacitum est Deo habitare? Magnus quidem mons Joannes, cui ipse Dominus testimonium perhibet, dicens: « Inter natos mulierum non surrexit major Joanne Baptista (*Matth. xi, 11*). » Sed altioris dignitatis est ille in quo beneplacitum est Deo habitare. Ipsum Joannem interrogate, et ipse dicet vobis quanta sit differentia inter se et illum. Sed dicat ipse Christus quomodo beneplacitum sit

pinguis.

(639) Id. cod. *suspicitis*; ita lectio Vatic. quæ etiam habet *montem uberem*. S. Brunonis contextus hic cum Vulgata concordat; Cassiodorus habet, *ut quid susceperitis montes uberes?*

(637) Lectio Brunonis est juxta Vulgatam; differt autem Cassiodorus, qui habet *super terram*; convenit tamen in expositione.

(638) Lectio Vatic., *montem Dei montem uberem*; ita Cassiodorus. Vulgata habet *mons Dei, mons*

Deo habitare in eo. « Ego, inquit, sum in Patre, et A Pater in me est, qui videt me, videt et Patrem. Et ego et Pater unum sumus (Joan. xiv, 9). » Hoc neque Joannes, neque ullus alius dicere potest. Habitat enim Deus in Joanne, sed ut in alio : habitat Pater in Filio, ut idem in eodem. Quamvis enim alius sit Pater, et alius Filius, non est tamen aliud Pater, et aliud Filius. « Etenim Dominus habitabit in eo usque in finem. » Quid est usque in finem, nisi penitus et ex toto? Sic enim dicitur et illud : « Patientia pauperum non peribit in finem (Psal. ix, 49). » Habitat igitur Pater in Filio usque in finem, et quia neque Pater, neque Filius habebit finem, ideo neque ista habitatio habebit finem. Semper igitur in Filio Pater, et semper in Patre Filius, et in utroque Spiritus sanctus.

« Currus Dei decem millium multiplex, millia tantum. » Ecce, dicit aliquis, audimus de Christo quis sit et quomodo Pater habitat in eo; de aliis autem quid dicit? quid sunt? et quomodo Deus est in eis? Currus, inquit, Dei sunt, et sicut in curru suo sedet in eis, quando vult ascendit, quando vult descendit, quando vult currere facit, et quando vult quiescere facit. Sed non queras de numero, quia infinitus est, et quia decem millium multiplex est, et quia infinita millia letantium sunt in hoc curru. Tantum significat decem millia, quantum si dixisset infinita millia, quoniam omnis numerus in eo numero continetur. Sic enim et in Apocalypsi dicitur de sanctis quia habebunt tribulationem diebus decem (Apoc. ii, 10), quod tale est ac si dixisset diebus omnibus. In hoc quoque manifestum est eum finitum numerum pro infinito posuisse, quia cum prius dixisset « decem millia », postea simpliciter et inde terminatè posuit « millia ». Sunt igitur currus isti infiniti, et omnes letantes et in Domino gloriantes.

« Dominus in illis in Sina in sancto. » Et hoc quidem ad ipsius gloriam spectat, quod cum currus isti inamurabiles sint, omnesque per se divisi, simul tamen et in singulis et in omnibus Dominus est. Et hoc ideo, quia ubique est, quod sibi proprium esse videtur. Dominus, inquit, est in illis, sed in Sina, hoc est, per Sina in illis. Sed quid est in Sina, nisi in sancto, id est per sanctum? Sina enim *mandatum* interpretatur. De mandato vero dicit Apostolus : « Scimus quia lex quidem sancta est, et mandatum sanctum, et justum, et bonum (Rom. vii, 12). » In nullo igitur alio habitat Deus, nisi in

(640) Opportune hunc locum illustrat Augustinus. « Sed quid prodesset, ait, mandatum? nisi Dominus tibi esset, de quo dicitur : Deus enim est qui operatur in nobis et velle et operari pro bona voluntate? Nam mandatum sine Dei ajutorio littera est occidens. »

(641) Alia lectio in Psalterio a card. Thomasio illustrato. *Ascendisti in altum, cepisti captivitatem, accepisti dona in hominibus*; quæ ita exponit : « Tu, Domine, ascendisti in excelsum; captivam tibi duxisti captivitatem, hostesque tuos tibi subiecasti et captivasti : accepisti dona tua ut ea dares hominibus. »

his qui suscipiunt et custodiunt mandatum ejus. Est itaque Dominus in illis, in Sina sancto, id est per mandatum sanctum (640).

« Ascendens in altum captivam duxit captivitatem, dedit dona hominibus (641). » Hic, inquit, Deus et Dominus noster ascendens in altum; prius quidem in crucem, deinde in cælum, captivam duxit captivitatem, sicut scriptum est : « Cum exaltatus fuero a terris, omnia traham ad meipsum (Joan. xii, 32). » Captivi diaboli erant omnes, sed captivi Christi facti sunt plures, non omnes; multi enim adhuc in captivitate detinentur qui, si voluissent, in captivitate non essent. Dedit autem dona hominibus et maxima dona, quando Spiritum sanctum apostolis misit, et tantam gratiam illis dedit, ut linguis *B* quoniam loquerentur, et omnes languores et infirmitates sanarent.

« Etenim qui non credunt inhabitare (641'), Dominus Deus benedictus : benedictus Dominus de die in diem. » Alia vero translatio habet. « Etenim non credentes inhabitare Dominum Deum, benedictus Dominus de die in diem. » Hoc autem tale est ac si diceret : Illi qui prius non credebant Dominum Deum carnem suscepisse, et cum hominibus habitasse et conversatum fuisse, modo per Spiritum sanctum ad fidem conversi, clamant et dicunt : Benedictus sit Dominus per singulos dies. In hac autem translatione sic ipsa grammatica confusa esse videtur, ut vix eam intelligere valeamus; tamen, quia utraque translatio idem significare debet, per eam quæ manifestior est obscuriorem exponere debemus. Sic igitur distinguamus. Etenim qui prius non credunt inhabitare; postea per Spiritum sanctum illuminati dicunt, Dominus Deus sit benedictus, benedictus sit Dominus Deus; et hoc de die in diem, id est per omnes et singulos dies.

« Prosperum iter faciet nobis Deus Salutaris noster, Deus noster, Deus salvos faciendi, et Domini exitus mortis. » Hoc dixerunt apostoli suscepto Spiritu sancto, quando per universum mundum ad prædicandum ire cœperunt. Et revera prosperum iter habuerunt, quia et omnes gentes ad finem converterunt, et coronas victoriæ suscipere meruerunt. « Prosperum, inquit, iter faciet nobis Deus Salutaris noster, » per quem specialiter Dei Filium intelligere possumus, qui nos sua morte salvavit. Et ipse est Deus noster, quia quamvis sit Deus omnium, proprie tamen Christianorum Deus est. Ipse

(641') Hunc locum ita illustrat Cassiodorus. « Etenim qui non credunt inhabitare, Dominus Deus. Hic subaudiendum est, eos convertit, ut nobis possit verbis integris constare sententia. Nam qui non credunt inhabitare, id est, qui ad Domini penetralia negligunt pervenire, ut in domo ejus cum fidelibus habitare prævaleant, Dominus Deus eos convertit, qui fidem suam humano generi miseratus indulget. » Et ad majorem intelligentiam possumus addere cum Augustino. « Nam fides eos inde liberavit, ut jam credentes inhabitent in domo Dei, facti et ipsi domus Dei, et currus Dei millium tantum. »

quoque est « Deus salvos facienti, » quia ad hoc venit ut mundum redimeret et salvaret. Et ipse est « Deus Domini exitus mortis. » Per quod intelligitur quia est Deus etiam suisipsius. Quia enim simul est Deus et homo; secundum humanitatem quidem servus est, et creatura est, et suisipsius creatura, et servus est. Sed iste servus Dominus noster **440** est. Et ipse quidem est exitus mortis, quia sicut in Adam omnes mortui sunt, ita et in Christo omnes vivificati sunt, ipse est introitus vite, ipse est et exitus mortis, quia per ipsum mors recessit, et per ipsum vita accessit (642).

« Verumtamen Deus conquassabit capita inimicorum suorum verticem capilli perambulantium in delictis suis. » Quamvis, inquit, ipse sit exitus mortis, multos tamen interficiet, qui digni sunt morte. Inimici autem ejus, et in delictis suis perambulantes, Judæi sunt, qui in sua malitia perseverantes, a via iniquitatis non recedunt. Horum autem capita, et verticem capilli, horum superbiam, altitudinem et sublimitatem Dominus conquassabit, quando eos in ignem æternum præcipitabit. De ista autem conquassatione in alio psalmo dicitur: « Judicabit in nationibus, implebit ruinas, conquassabit capita multa in terra copiosa (Psalm. cix, 6). »

« Dixit Dominus: Ex Basan convertam, convertam in profundum aris (643). » Quando Dominus hoc dixerit, Propheta sciebat quod eum in seipso loquentem audiebat, sicut ipse dicit: « Audiam quid loquatur in me Dominus Deus (Psalm. lxxxiv, 8). » Basan confusio interpretatur; significat autem Judæorum terram, quæ propter peccata eorum in confusionem venit et dispersionem. Mare vero mundus iste est, cujus profundum, majores potestates et nequiores homines intelliguntur. Ex Basan igitur in profundum maris conversus est Dominus, quia ex Judæa transivit ad gentes, et ubi erat maris profunditas, ibi constitutum est Ecclesiæ caput atque sublimitas. Hinc est enim quod alibi ait: « Ecce elongavi fugiens, et mansi in solitudine (Psalm. liv, 8). » Et Apostolus: « Vobis, inquit, primum oportuerat prædicare verbum Dei, sed quia repulistis illud, et indignos vos fecistis æternæ vite, ecce convertimur ad gentes (Act. xiii, 46). » — « Donec intingat pes tuus in sanguine; » ac si dicat: Dominus dixit quod ex Basan se converteret in profundum maris,

A et ego respondi: expecta paulisper, donec intingatur pes tuus in sanguine. Neque enim conveniebat ut ante passionem Judæam relinqueret qui a Judæis crucifigendus erat. In sanguine autem pedes Christi tincti sunt, quia cruci clavis affixi, proprio sanguine creantati sunt.

« Lingua canum tuorum ex inimicis. » Boni sunt isti canes qui Dei esse dicuntur, qui ex inimicis amici facti sunt. Ex illis videlicet inimicis de quibus modo superius dixerat: « Verumtamen conquassabit capita inimicorum suorum (Psalm. cix, 6). » Istorum autem canum sola lingua nobis necessaria fuit, quæ nos doceret, et prædicaret, atque lingendo vulnera nostra sanaret. Boni canes qui oves Dei custodiunt et a luporum insidiis et rapacitate custodiunt. « Ab ipso visi sunt gressus tui Deus; ingressus Dei mei, qui est in sancto ipsius. » Ab ipso, inquit, pede, qui in sanguine tinctus est, ab ipso visi et cogniti sunt gressus tui, Deus, quia ipse pes docuit nos per vias tuas incedere et a via pietatis et misericordie non declinare. « Ingressus Dei mei, et regis mei, qui est in sancto ipsius; » id est qui habitat in humanitate, quam ipse suscepit et fecit, visi sunt in illo sanctissimo pede.

« Prævenērunt principes conjuncti psallentibus in medio juvenum tympanistiarum (644). » Eosdem ipsos, quos canes dixerat, nunc principes vocat. Et isti quidem conjuncti psallentibus, toti videlicet Ecclesiæ multitudini, sicut principes et magistri in psallendo, in cantando, in prædicando, in miracula operando, omnes alios prævenērunt. Cantantes et prædicantes in medio juvenum tympanistiarum. Istæ juvenes tympanistrix Ecclesiæ primitivæ fuerunt, quas sancti apostoli per seipsos docuerunt et prædicaverunt. Bene autem tympanistrix dicitur, quia omnes sancti tunc temporis tympana ferebant et ad verbera suscipienda parati erant. Tympana enim ex corio sicco et extenso sunt, quæ verberibus percussa longius resonant. Tympana tunc ferebant apostoli, quando, ut in Actibus apostolorum legitur, gravissime verberati, ibant gaudentes a conspectu concilii, quoniam digni habiti sunt pro nomine Jesu contumeliam pati (Act. v, 41). »

« In Ecclesiis benedicite Dominum, Deum de sonitibus Israel. Ibi Benjamin adulescentior in pavore. » Principes Judæ duces eorum, principes Zabulon, principes Nephthaim. » Præcipit Propheta prædi-

(642) Non prætereunda est Cassiodorii expositio. « Exitus mortis est Domini, hoc est resurrectio votiva fidelium. Revera exitus ille singularis ac mirabilis fuit; quia et ipse ab inferis egressus est, et nos inde præstitit suo munere exire. » Ille in expositione tam sacræ doctrinæ profunditas, cum mentis interpretantis perspicacitas elucet.

(643) Sensus litteralem ita exponit Clarinus. « Ex Basan convertam, etc. Hoc est liberabo populum meum, sicut olim liberavi de manu Og regis Basan, atque de manu regis Egypti in mari Rubro, quos sic contrivi cum populis suis, ut pedes Israelis potuerint tingi in sanguine eorum, et lingua canum sanguinem inimicorum lambere a

Domino interfectionum. Secundum aliam translationem pro convertam legitur converter in profundum maris, sive de profundis, ubi ait Augustinus hoc dixisse Dominum nostrum, quod sua misericordia converteretur etiam in profundum maris, ad eos quoque liberandos qui essent etiam desperatissimi peccatores. » Ead. enarr. in ps. lxxvii.

(644) « Juvenum tympanistiarum, id est juvencularum prima ætate florentium, quæ tympana sua, hoc est corporis tensionem ad Domini laudes gloriamque verterunt, macerantes se jejuniis, carnisque magis maceratione gaudentes; quod hodieque in multis virginibus divina virtus operatur. » Cassiodorus.

etis principibus, qui venerunt de fontibus Israel, ut A vero sanctum, quod in ea est, Salvatoris humanitas intelligitur, in quo videlicet templo requiescit omnis plenitudo divinitatis corporaliter. Reges vero apostoli sunt, et omnes alii qui seipsos et alios sapienter regunt. Isti vero reges de hoc templo suscipiunt omnia munera, quæ Domino offerunt, et ea munera quæ de hoc templo non suscipiuntur, Domino offerri non possunt. Quod autem hoc templum sit Ecclesia, ipse Dominus ostendit, dicens: « Ecce ego vobiscum sum omnibus diebus usque ad consummationem sæculi (Math. xxviii, 20). »

« Increpa feras sylvarum, concilium taurorum inter vaccas populorum, ut excludantur hi qui probati sunt argento. » Feras sylvarum hæretici sunt; feras quidem, quia crudeles, immites, et animas hominum occidere et devorare cupientes. Sylvarum vero, quia ecclesiasticam fugiunt conversationem, et solitario extraneoque cibo delectantur. Tales autem increpet Dominus et a sua feritate compescat, ne simplices animas decipiant et perdant. « Concilium taurorum inter vaccas populorum. » Mali tauri, malæ vaccæ, malum concilium faciunt, qui ad hoc conveniunt, ut sancti ab Ecclesia excludantur (646). Tale fuit concilium Ariminense; tale concilium Arianorum, tale et Ephesinum, in quibus omnes catholici episcopi damnati sunt et exilio destinati. Misere illæ vaccæ, misere illæ animæ, quæ de talibus tauris impregnantur et de talibus filiis pariunt. Quod autem ait: « qui probati sunt argento, » hoc est intelligere quod ad similitudinem argenti multarum afflictionum igne examinati sunt.

« Manda Deus virtutem tuam. » Rogat Propheta Dominum, ut virtutem suam mandet principibus suis, quæ corroborati neminem timeant, ut opus sibi inunctum fideliter sapienterque perficiant. Unde et subditur: « Confirma hoc, Deus, quod operatus es in nobis. » Merito se inter illos enumerat, qui eodem spiritu simul cum illis instructus et plenus erat. Et hoc illis confirmatis orat, sine quo nihil eos posse non dubitat. « A templo sancto tuo, quod est in Jerusalem, tibi offerent reges munera. » Non dicit quod in templo offerant munera; sed potius hoc dicere videtur, quod de templo suscipiant munera quæ offerent. Jerusalem igitur Ecclesia est. Templum

(645) Eadem interpretatio est apud Cassiodorum, qui ad illa verba *adolescunt in pavore* ait: *Adolescentior existit in pavore, quando ad vocem Domini corrui, qui ei miseratus intonuit. Saule, Saule, quid me persequeris? (Act. ix, 5.)*

(646) Longa est concilii Ariminensis historia, in quo omnia per fraudem et vim Arianorum acta sunt, ut plures episcopi catholici a fide Nicænæ defecisse viderentur. Tres fuere eo in concilio exhibitæ formæ fidei; quarum prima et tertia nullum errorem continebant, et in hoc solum peccabant, quod vox consubstantialis *ὁμοούσιος* a Nicænæ Patribus de Filio Dei stabilita, ut identitas nature cum Patre declararetur, deerat, et pro ea Filius Patri per omnia similibus dicebatur, hoc est *ὁμοούσιος*. His formulis subscribere episcopi catholici, pacis amore; sed ab Arianis decepti, qui isdem vocibus abutebantur, alium sensum intendentes, omnimodam scilicet similitudinem inter Patrem et Filium admittebant, consubstantialitatem tamen negabant. Omni exceptione majus est testimonium S. Hieronymi in Dialog. adversus Lucifer. n. 48 edit. Vallars. « Non erat, inquit, curæ episcopis de vocabulo, cum sensus esset in tuto... In hoc vero cuncti episcopi, et tota simul Ecclesia plausu quodam, et tripudio Valentis vocem exceperunt. Quod si quis a nobis victum

pntat, scrinia publica scrutetur. Plene sunt certe Ecclesiarum arce, et recens adhuc rei memoria est. Supersunt homines, qui illi synodo interfuerunt: et quod veritatem firmet, ipsi Ariani hæc ita, ut diximus, gesta non denegant. » Hic est idem Hieronymus, qui hyperbolice dixit, loquens de deceptione Arianorum eadem in synodo, ingenuisse totum orbem, et se Arianum factum miratum esse. Hac cum declaratione accipienda sunt, quæ S. Bruno protulit de concilio Ariminensi. At jure meritoque alterum concilium Arianorum vocavit, quod fuit Seleuciæ congregatum anno 359, cuius episcopi juxta S. Athanasium fere omnes Ariani fuere. In majorem adhuc pravitatem lapsum est concilium Ephesinum, vel potius Latrocinium, in quo a Dioscoro patriarcha Alexandrino, et episcopis ejus asseclis asserta et propugnata est Nestoriana hæresis, damnatusque S. Flavians archiep. Constantinopolitanus, catholice veritatis acerrimus vindex. De concil. Arimin. vid. Theodor. lib. ii, cap. 17, qui refert Epistolam Rom. synod. habitæ sub Damaso Rom. pontifice. De eodem copiosissime egit eruditissimus Jo. Vincentius Bolgenius in dissert. de factis dogmaticis Brixie, pag. 409 edit. anno proxime elapso 1788. Vid. etiam vol. I, observ. in Hlistor. Fleury, pag. 229 et seqq.

omnes illos intelligere possumus, qui a catholicæ Ecclesiæ fide et unitate se dividentes, in erroris tenebras et caliginem demersi sunt; sed postea cognita veritate, de fide et unitate legatos miscerunt, veniam **442** quæsierunt et obedientiam promiserunt. Lege concilia, et hoc modo reconciliatos invenies et Arianos, et Nestorianos et Donatistas, quorum episcopi et presbyteri, præter hæresiarchas propriis ordinibus reservatis, misericorditer ab Ecclesia suscepti sunt. Nam et juxta litteram, et de Ægypto et de Æthiopia multos venisse non dubium est. Spiritualliter autem, undecunque venerunt, de Ægypto et de Æthiopia venisse Propheta significat. Sic enim satis convenienter dicere possumus, quando aliquem hominem Ecclesiæ reconciliari videmus; de Ægypto vel de Æthiopia venit iste. Veniunt igitur legati de Ægypto, quando peccatores pacem quærent et obedientiam promittunt. Quod autem ait Æthiopia præveniet, reconciliationis celeritatem et desiderium ostendit. *Mansu ejus Deo*, subauditur, ad obediendum, ad subscribendum, ad jurandam et ad serviendum præparata est.

« Regna terræ cantate Deo, psallite Domino. » Quia, inquit, tota Ecclesia unita est, et de tot et tantis, tamque diversis sententiis in unam fidem catholicam et apostolicam convenerunt omnes. Cantate, jubilate et psallite de tanta lætitia concessa. « Psallite Deo, qui ascendit super cælos cælorum ad orientem. » Hoc autem de Salvatore nostro dicitur, qui videntibus discipulis et admirantibus, super omnes cælos ascendit, et omnes angelorum ordines transcendit, et pervenit ad orientem, per quem Pater significatur, ex quo omnia oriuntur.

« Ecce dabit vocem suam, vocem virtutis suæ, date honorem Deo. » Dat quotidie Dominus vocem suam, vocem virtutis suæ, per Evangelia, per legem, per prophetas, per clericos, per laicos et per totam simul Ecclesiam, qui eum die ac nocte laudare, honorare, benedicere non cessant. Et non dubito hanc jubilationem et laudationem, quæ nunc ubique gentium in tota Ecclesia fit, tunc temporis Prophetam prævidisse, quando ista scribebat et cantare jubebat.

« Super Israel magnificentia ejus, et virtus ejus in nubibus. » Quid per Israel nisi Ecclesiam et populum Christianum intelligamus? Iste enim solus ex cunctis gentibus Deum videre et cognoscere meruit. Interpretatur Israel *vir videns Deum*. Est igitur super hunc magnificentia ejus, quia iste solus est qui ab eo magnificatur, glorificatur et honoratur. « Et virtus ejus in nubibus. » Nubes apostoli sunt Ecclesiæque doctores, in quibus nisi virtus Dei esset, nequaquam ea quæ faciebant facere potuissent. De his

(647) « Ne quis de humana fragilitate diffideret, nec se crederet ad tanta præmia pervenire, veraci promissione firmatur, quia Dominus dabit fideli virtutem patientiæ et fidei fortitudinem, ut possint ad æterna præmia pervenire. » Cassiod.

(648) Apposite hic S. Augustinus. « Unde autem

A nubibus scriptum est: « Qui sunt isti qui ut nubes volant? » (Isa. lx, 8.) Iis nubibus tota terra irrigata et secundata est, quæ prius sicca et arida erat.

« Mirabilis Deus in sanctis suis, Deus Israel, ipse dabit virtutem et fortitudinem plebi suæ, benedictus Deus. » Mirabilis, inquit, Deus in sanctis suis, per quos talia et tam magnifica operatur Deus Israel. Illius videlicet Israel, de quo modo superius dixi. « Super Israel magnificentia ejus. » Ipse dabit virtutem quam in nubibus nunc esse dicit. Et fortitudinem plebi suæ quæ omnes suos superet inimicos (647); unde et nos omnes gratias agentes dicamus: Benedictus Deus.

PSALMUS LXVIII.

IN FINEM: PRO HIS QUI COMMUTABUNTUR: PSALMUS DAVID.

Pro his enim qui commutabuntur, et qui ab infidelitate ad fidem transient, orat Dominus in hoc psalmo, dicens: « Non erubescant in me, qui te expectant, Domine Deus virtutum (648). »

« Salvum me fac, Deus, quoniam intraverunt aquæ usque ad animam meam. » Sæpe jam diximus, et sæpe dicendum est quia, quoties Salvator noster aliquid postulat et aliqua re indigere videtur, nihil ad divinitatem, sed omnia ad humanitatem referenda sunt. Sed neque ipsa humanitas oratione indigebat, cui omnia quæ volebat in potestate erant. Quæ autem Christi humanitas vel voluit, vel noluit, ita Propheta ea scribit, ac si ea locuta fuisset, atque eandem ipsam loquentem introducit. Valde pauca suæ passionis tempore locutus est Dominus, quæ nobis evangelistæ diligenter narrant. Multa autem et in hoc psalmo et in aliis dicit Propheta Dominum locutum fuisse, quæ in Evangelii non inveniuntur (649). Unde manifestum est quia similiter scribit Propheta ea quæ Dominus locutus est corde, sicut ea locutus est ore. Utraque enim simili modo et audiebat, et videbat, **443** et quæ Dominus loquebatur, et quæ Dominus volebat vel cogitabat. Sed dicet aliquis: Si Dominus ea voluit quæ in hoc psalmo et in aliis quibusdam continentur, et quæ ipse petere videtur, quare secundum ejus voluntatem factum non est, cum omnia in ejus voluntate posita essent? Lege in Evangelio, et invenies eum idem voluisse et noluisse. Cum enim dixisset: « Pater, si possibile est, transeat a me calix iste (Math. xxvi, 39); » illico subjunxit: « verumtamen non mea, sed tua voluntas fiat (ibid.). » Volebat enim procul dubio, quod petebat; sed sic volebat, si Pater quoque id ipsum voluisset. Si igitur aliquid petat, et quod petit non accipiat, nemo pro ista commutatio facta est, nisi ex passione Christi? »

(649) Optime animadvertit S. Bruno Christum Dominum in sua passione pauca locutum fuisse ore suo, quæ diligenter ab evangelistis scripto tradita sunt; sed multa in corde David posuisse, per quem verba ipsius Domini accipere debemus.

pter hoc ejus voluntatem non esse completam dicere audeat. Neque est inconueniens, si natura mutabilis mutabilem habeat voluntatem. Omnia enim quæ nostra sunt, præter peccatum, eum suscepisse dubitare non debemus. Quod autem ait : « Salvum me fac, Deus, quoniam intraverunt aquæ usque ad animam meam, » et multa alia quæ sequuntur, non ore, sed cordis intentione locutus est Dominus : « Aquæ multæ, dicit Scriptura, populi multi (Apoc. xvii, 15). » Istæ aquæ undique inundantes, et super eum impetuose influentes, Judæi sunt, qui usque ad ejus animam intrasse dicuntur, quia usque ad mortem eum persequi non cessarunt.

« Influxus sum in limo profundo, et non est substantia. » In prædictas profundissimas aquas cadens, ad limum usque pervenit, per quem videlicet limum, Judæorum nequissimam voluntatem intelligimus. Dedit enim eis potestatem ut illis tribus diebus suam adversus eum complerent voluntatem. Unde et ipse in Evangelio ait : « Sicut fuit Jonas in ventre ceti tribus diebus et tribus noctibus; ita erit Filius hominis in corde terræ (Matth. xii, 40). » Non erat igitur substantia quæ de illo limo eam extrahere voluisset, quoniam hoc erat in voluntate ipsius, ut sic teneri potuisset; unde et Pilato dicebat : « Non haberes in me potestatem, nisi datum tibi esset desuper (Joan. xix, 11). »

« Veni in altitudinem maris, et tempestas demerit me. » Hoc significatur per altitudinem maris, quod significatur per limum profundi. Tempestas autem quæ eum demersit, Judæorum sæviens multitudo fuit, quæ eum cepit, ligavit, tenuit.

« Laboravi clamans, rauca factæ sunt fauces meæ, defecerunt oculi mei, dum spero in Deum meum. » Hoc autem tale est ac si diceret : Nil profuit quod tantum in eis laboravi, quod tantum prædicando clamavi; unde sic rauca factæ sunt fauces meæ, ut quasi mutus et loqui non valens, non responderem eis. Hinc est enim quod dicitur : « Sicut agnus ad victimam ductus est, non aperiens os suum (Isa. lxi, 7). » Oculi autem ejus, qui defecerunt, apostoli mihi esse videntur, qui tunc quidem defecerunt, quando eo relicto fugerunt. Et hoc ideo, quia non in eorum, sed in solo Dei adiutorio spem habebant. Unde et Petro pugnare volenti ait : « Mitte gladium tuum in locum suum. An putas quia non possum rogare Patrem, et exhibebit mihi modo plus quam duodecim legiones angelorum? Quomodo ergo implebuntur Scripturæ, quia sic oportet fieri (Matth. xxvi, 53). » Oculi autem ejus, ideo apostoli dicuntur, quia per illos alios illuminat, et per illos omnes alios recto itinere ad patriam ducit.

« Multiplicati sunt super capillos capitis mei qui oderunt me gratis. » Gratis enim, et sine causa oderunt Judæi Dominum, sicut ipse quoque in Evangelio ait : « Quia odio habuerunt me gratis (Joan. xv, 25). » Quod autem super capillos capitis sui multiplicatos eos esse dicit, infinitos eos et innumerabiles esse ostendit. Non solum enim illi qui tunc

A temporis erant, sed isti quoque qui nunc sunt, et cæteri qui futuri sunt, in eodem odio sunt. Et hoc fortasse fecit illa maledictio eorum, quam super se ipsos et super filios suos imprecati sunt, dicentes : « Sanguis ejus super nos et super filios nostros (Matth. xxvii, 25). »

« Confortati sunt super me qui me perscquuntur inimici mei injuste. » Confortati quidem, quia tantum fortiores apparuerunt, ut in eum facerent quod facere optaverunt. « Quæ non rapui, tunc exsolvebam. » Hæc enim, ut ipsi ostendebant, maxima causa fuit interfectionis illius, quia filium Dei se esse dixit. Unde et clamantes dicebant : « Secundum legem debet mori, quia filium Dei se fecit (Joan. xix, 7). » Quæ quidem magna rapina fuisset, si Salvator veritatem non dixisset. Sed audi quid Apostolus dicat : « Non rapinam arbitratus est, esse se æqualem Deo (Philip. ii, 6). » Exsolvit igitur quæ non rapuit, quia inde pœnas persolvit, quod illud quod erat se esse dixit. Exsolvit et aliter quod non rapuit, quia rapina primi hominis fecit ut ipse pro nobis moreretur.

« Deus tu scis insipientiam meam, et delicta mea » a te non sunt abscondita. » Magna insipientia stoltis et infidelibus hæc esse videtur, ut Deus tantum se humiliaret et pro hominibus moreretur. Judæi quoque magnum hoc peccatum ei imputabant, quod in Sabbato curaret et Dei Filium se esse testabatur. Sed hoc peccatum et hanc insipientiam ille sciebat, in cujus obedientiam Salvator noster hæc omnia sustinuit.

« Non erubescant in me qui te expectant, Domine Deus virtutum, non revereantur super me qui requirunt te, Deus Israel. » Erubescerent enim si non resurrexisset, et si hoc quod se facturum esse promiserat non fecisset. Et sancti quidem expectant et requirunt Dominum, quia in ejus adventu se beatos fore non dubitant.

444 « Quoniam propter te sustinui improprium. » Magnum improprium fuit quod filius Patris obediendo sustinuit. Unde et subditur. « Operuit reverentia faciæ meam. »

« Extraneus factus sum fratribus meis et hospes filiis matris meæ. » Per hos autem Judæos intelligimus, qui ejusdem Synagogæ ejus et ipse filius erat. His autem extraneus Dominus, et peregrinus factus est, quia eum spernentes dixerunt : « Nolumus hunc regnare super nos. Et nolumus hunc, sed Barrabam. Et non habemus regem nisi Cæsarem (Luc. xix, 14). »

« Quoniam zelus domus tuæ comedit me, et opprobria exprobrantium tibi ceciderunt super me. » Domus Dei Ecclesia est, cujus amor Christum comedit, et inseparabiliter sibi conjunxit. Quæ enim comedimus sic secundum aliquam partem sui in nostram substantiam transferuntur, ut ab ea separari non valeant. Ceciderunt autem super filium opprobria exprobrantium Patrem, quia Pater op-

probria, tantum, Filius vero et opprobria sustinuit et passionem.

« Et operui in jejuniis animam meam, et factum est mihi in opprobrium. » Volebam, inquit, Judæos mihi conjungere, et meo corpori, quod est Ecclesia, incarnare et sociare, sed jejuans sum, neque hunc cibum suscipere valui. Talis erat ille cibus, qui beato Petro in linteo ostensus est, quando ei a Domino dictum est: « Macta, et manduca (Act. x, 13). » Operuit autem Dominus in hoc jejuniis animam suam, quia et desiderium suum eis celavit, et virtutem, quæ intus erat, non manifestavit. Et hoc quidem ei in opprobrium factum est, quia inde majorem audaciam habuerunt, unde eum humiliatum, et quasi sine viribus esse viderunt.

« Et posui vestimentum meum cilicium, et factus sum illis in parabolam. » Animam quidem, id est virtutem et fortitudinem, quæ in anima est, operuit Dominus atque celavit. Cilicium vero eorum oculis anteposuit, per quod caro significatur; talem se illis ostendit, qualem eum esse putabant. Unde et Propheta in eorum persona dicit: « Et nos putavimus eum quasi leprosum, percussum a Deo, et humiliatum (Isa. li, 4). » Cilicium ergo viderunt, hominem scilicet humiliatum in similitudinem carnis peccati, nullam virtutem et fortitudinem ostendentem. Unde et Pilato dicebant: « Nisi esset hic mafactor, non tibi tradidissemus eum (Joan. xviii, 30). » Si enim animæ et divinitatis similitudinem Dominus ostendisset, quis ei resistere potuisset? Quia igitur posuit et ostendit vestimentum suum cilicium, ideo factus est illis in parabolam, ut derisorie et parabolice de eo loquerentur.

« Adversum me exercebantur qui sedebant in porta, et in me psallebant qui bibebant vinum. » Tota illa nox, qua Salvator noster captus est, ludentium exercitum, saltatio et ebrietas fuit. Sedebant autem in porta templi, sive potius in porta mortis, ubi talia conventicula fieri solent.

« Ego vero orationem meam ad te, Domine. » Illi, inquit, hoc faciebant; ego vero orabam in corde meo, et orationem meam ad te, Domine, dirigebam. Sed quid orabat Dominus? Audi quid sequitur: « Tempus beneplaciti Deus; » subauditur: « ecce advenit. » Et quis est iste beneplacitus? dicat ipse Pater: « Hic est filius meus dilectus, in quo mihi lætæ complacui (Matth. xii, 18). » Tempus autem Christi, quamvis omne tempus suæ incarnationis intelligi possit, illud tamen præcipue intelligitur, in quo majorem misericordiam operatus est, tempus videlicet suæ passionis. Unde et subditur:

« In multitudine misericordiarum tuarum exaudi me in veritate salutis meæ. » Multa, quasi dicat, sit ista misericordia tua, et vera sit ista salus tua, quam per me modo operaris, quatenus et multi salvi fiant, et vera salute salvi fiant. Vera enim salus illa est cui neque infirmis neque mors succedere potest; maxima medicina est qua mortis aculeus fractus est.

« Eripe me de luto, ut non inharream, libera me

A « ex odientibus me et de profundo aquarum, non me demergat tempestas aquarum. » Dictum est superius quid per lutum sive limum, et quid per profundum maris et aquarum tempestatem intelligere debeamus. Et superius quidem in limo profundi infixum et tempestate submersum se esse dicit. Hic autem ut eripiat exorat; quia, ut diximus, usque in tertium diem potestatem in eo habuerunt; postea vero de eorum potestate ereptus, nihil ulterius adversus eum facere potuerunt. Sed quare hic dicit: « Non me demergat tempestas aquarum; » cum superius dicat: « et tempestas demersit me? » nisi ut intelligamus eum pro sola anima orare, ut nullam in eam habeant potestatem. Sic enim et de beato Job, cum Satan ei detraheret, a Domino dictum esse legitur: « Ecce in manu tua est; verumtamen animam illius serva (Job ii, 6). »

« Neque absorbeat me profundum, neque urgeat super me puteus os suum. » Hic autem manifeste ostenditur quia hæc oratio, non ad corpus, sed ad animam pertinet: sola enim Salvatoris nostri anima in infernum descendit, qui per hunc puteum profundum significatur. Et ipse quidem ibi teneri non potuit, sed ligato diabolo et inferno exspoliato, cum magna victoria inde ascendit.

« Exaudi me, Domine, quoniam benigna est misericordia tua: secundum multitudinem miserationum tuarum respice me; ne avertas faciem tuam a puero tuo; quoniam tribulor, velociter exaudi me. » Satis velociter exauditus est, quia ipsa hora qua voluit, et sicut ipse cum Patre disposuit, a mortuis resurrexit.

445 « Intende animæ meæ in adjutorium, et libera eam propter inimicos meos, eripe me ut non gaudeant de me inimici mei. » Hæc autem plana sunt, et expositionem non indigent. Diximus superius qualiter has Salvatoris nostri orationes intelligere debeamus.

« Tu enim scis improprium meum, confusionem et verecundiam meam. » Omnia hæc idem significant: quæ ideo Patrem scire dicit, quia inde eum magnam ultionem accepturum esse non dubitat. « In conspectu tuo sunt semper qui tribulant me. » Tu eos vides, tu eos cognoscis, te fugere non poterunt; tibi de his omnibus rationem eos reddere oportet. Miseri, et per omnia infelices, quibus tam dura accusatio et tam terribile iudicium imminet!

« Improprium expectavit cor meum et miseriam. » Sciebat Salvator noster, quando Judæis prædicabat, et eorum infirmos sanabat et mortuos resuscitabat, omnia hæc sibi esse ventura, et de tali vinea aliam vindemiam expectare non debuit.

« Sustinui, qui simul mecum contristaretur, et non fuit, consolantem me quæsi, et non inveni. » Et mirum certe cum tot millia ibi essent, qui eum cognoverant, prædicantem audiverant, et tamen multo ejus miracula viderant, quod nemo ad eum accessit ut compateretur, et qui cum consolaretur; tantus terror invaserat omnes bonos, et sic diabolus adver-

sus eum concitaverat; et inflammaverat omnes malos, ut et illi essent extra se, et quod facerent, ignorarent. Nam et ipsi discipuli, relicto eo, fugerunt omnes; et ipse, qui inter eos maximus erat, et qui alios, sicut et mandatum fuerat, confirmare debebat, timore perterritus, ter eum negavit. Et hinc est quod Dominus dixerat: « Hæc est hora vestra, et potestas tenebrarum (Luc. xxii, 53). »

« Et dederunt in escam meam fel, et in siti mea potaverunt me aceto. » Hoc autem et Evangelista similiter narrat: « Quia dederunt ei acetum cum felle mistum (Matth. xxvii, 34). »

« Fiat mensa eorum coram ipsis in laqueum, et in retributionem et in scandalum. » Hanc autem maledictionem et alias omnes quæ sequuntur quotidie Judæi legentes et non intelligentes seipsos excommunicant et maledicunt; quod utique non fecissent, nisi eas Propheta scripsisset. Eandem escam spirituales habent Judæi, quam et nos habemus, legem videlicet, et prophetas et alias Scripturas quibus animæ nutriuntur, sed non est inter eos qui panem frangat et Scripturas eis exponat; sicut scriptum est: « Parvuli petierunt panem, et non erat qui frangeret eis (Thren. iv, 4). » Sequuntur igitur litteram, et, sicut Apostolus ait, ipsa littera eos occidit, atque eo modo sit eis in laqueum quo decipiantur et occidantur. Et hanc retributionem et hoc scandalum inde habebunt, quod solam litteram sequuntur et spirituales intelligentiam non quaerunt. Unde et subditur:

« Obscurentur oculi eorum ne videant. » Hoc est enim quod per prophetam dicitur: « Excrea cor populi huius, ut videntes non videant, et audientes non intelligant (Isa. vi, 10). »

« Et dorsum eorum semper incurva. » Incurvatum est dorsum Judæorum, et non ad ea respiciunt quæ sursum sunt, sed ad ea quæ inferius latent; temporalia quaerunt, et non æterna; non homines, sed bestie facti sunt.

« Effunde super eos iram tuam, et indignatio iræ tuæ apprehendat eos. » Hoc jam ex parte factum est; sed abundantius in iudicio expectatur.

« Fiat habitatio eorum deserta, et in tabernaculis eorum non sit qui inhabitet. » Habitat quidem usque hodie Judæa, sed non a Judæis, quoniam ab eis derelicta et deserta est, et nullus est ex eis qui quasi in hæreditate sua habitet in ea. Sed quare hoc?

« Quoniam quem tu percussisti, ipsi persecuti sunt me, et dolorem vulnerum meorum addiderunt. » Hoc est enim quod alibi scriptum est: « Percutiam pastorem, et dispergentur oves gregis. (Zach. xiii, 7). » Addiderunt autem et alium dolorem vulnerum ejus, quia non fuit ei sufficiens, quod Dominum occiderent, nisi et servos interficerent. Hæc quidem adhuc futura erant; sic de eis loquitur, ac si jam transacta fuissent.

« Appone iniquitatem super iniquitatem ipsorum. » Dominus iniquitatem facere non potest, sed pro

A iniquitate, meritum iniquitatis intelligere debemus. Ponit igitur Dominus iniquitatem super iniquitatem, quia omnes illorum enumerat iniquitates, ut nulla prætermittatur, pro qua pœnam non suscipiant.

« Et non intrent in tuam justitiam. » Quid est enim in tuam justitiam, nisi in locum in quo justitia habitat? per quem utique illa habitatio supernæ felicitatis significatur.

« Deleantur de libro viventium. » Hoc autem exponit: « et cum justis non scribantur. » Mali autem in illo libro scripti non sunt; sed ideo ex eo delentur, quod in eo scribi non permittuntur. Liber autem ille, quid aliud est, nisi memoria omnipotentis Dei, in qua simul omnia, et prima et novissima continentur?

B « Pauper et dolens ego sum, et salus vultus tui Deus suscepit me. » Hæc sunt, quasi dicat illæ gratiæ quas ab illo populo suscipio, quia cum omnium dives essem, pauper et dolens pro eo factus sum. Unde et alibi dicitur: « Vere languores nostros ipse tulit, et dolores nostros ipse portavit (Isa. lxi, 4). » — « Et salus bonæ voluntatis tuæ Deus suscepit me, »

qui, ut alios sanarem, infirmari volui. Vultus pro voluntate ponitur, quia in vultu voluntas cognoscitur.

« Laudabo nomen Dei mei cum cantico, et magnificabo eum in laude. » Hoc est enim illud nomen, de quo ipse Dominus per 446 Prophetam dicit: « Ego Dominus, hoc est nomen meum, gloriam meam alteri non dabo (Isa. xlii, 8). » Hoc autem nomen ille laudat, et cum cantico laudat, qui et se servum, et ipsum Dominum esse cognoscens, sic ei servit, et sic ei obedit, sicut bonum servum bono Domino servire oportet.

« Et placebit Deo super vitulum novellum cornua producentem et ungulas. » Hic est ille vitulus saginatus, de quo in Evangelio dicitur: « Occidite mihi vitulum saginatum, ut epulemur et satiemur (Luc. xv, 23). » Novellus est ipse vitulus, quia nunquam amplius talis vitulus immolatus fuit. Ac per hoc bene placuit Deo super vitulum istum, neque in aliquo alio sic aliquando delectatus est, ut merito de eo dicatur: Quia odoratus est Dominus odorem suavitatis (Genes. viii, 21). » Produxit autem iste vitulus et sibi et nobis cornua et ungulas quibus inimicos superare et sub pedibus conculcare valemus. Unde Apostolus ait: « Dominus conteret Satanam sub pedibus vestris velociter (Rom. xvi, 20). » Omnia mandata utriusque Testamenti et arma nobis et cornua sunt ad superandos inimicos.

D « Videant pauperes et lætentur, quaerite Dominum, et vivet anima vestra. » Isti sunt illi pauperes, qui magistri exempla secuti, sua sponte pauperes facti sunt. Et de Judæis quidem dicitur superius: « obscurentur oculi eorum ne videant: » de his autem dicitur, « videant pauperes, et lætentur. » Ut adimpleatur illud quod in Evangelio Dominus ait: « In iudicio ego veni in hunc mundum, ut qui non vident, videant; et videntes cæci fiant (Matth. xiii, 15). » Lætentur itaque pauperes, quorum oculi aperti

sunt, et ad videnda et intelligenda omnia divina mysteria illuminati. « Quærite Dominum, » quia ad hoc illuminati estis, ut eum quærat et inveniatis; quem ideo Judei invenire non possunt, quia cæci sunt et in tenebris ambulant. Vivunt autem qui Dominum quærent, quia in ipso vitam invenerunt.

« Quoniam exaudivit pauperes Dominus, et vinctos suos non sprexit. » Dignum, inquit, est, ut Dominum pauperes quærant, qui eorum iusta desideria semper exaudit. Vincti autem Domini illi sunt qui quasi vinculis colligati seipsos compescunt, ut ad illicita non accedant. Omnia divina mandata vincula quedam sunt, quibus retineri debemus.

« Laudent illum cæli et terra, mare et omnia quæ in eis sunt. » Si hæc omnia Dominum laudant, nihil relinquitur quod ejus laudibus idoneum sit. Quoniam, sicut scriptum est: « In inferno autem quis confitebitur tibi? » (Psalm. vi, 6). — « Quoniam Deus salvam faciet Sion, et ædificabuntur civitates Juda. » Sion S. Ecclesia est, cujus speculatores prædicti pauperes sunt, quibus ideo dictum est ut videant, quoniam ad hoc super speculum positi sunt, ut civitatem custodiant, et a longe videant. Tanta est autem lætitia de salute Sion, ut ex hoc omnis creatura Deum laudare et benedicere debeat. Civitates vero Juda, singulæ Ecclesiæ sunt quæ, per totum mundum ab apostolis ædificatæ, non Judæos, sed Christianos habitatores habent.

« Et hæreditate acquirant eam, et semen servorum ejus possidebit eam, et qui diligunt nomen ejus habitabunt in ea. » Hanc, inquit, hæreditatem semen, et filii apostolorum possidebunt. Et omnes qui diligunt nomen ejus, et qui se gerunt ut servos ejus, habitabunt in ea.

PSALMUS LXIX.

IN FINEM PSALMUS DAVID : IN REMEMORATIONEM ;
IDEO QUIA SALVUM EUM FECIT DOMINUS.

In finem, inquit, hæc referantur, et ad Christum dirigantur, et ab ipso adiutorium quærat et expectetur, quæ ego quasi dicat in rememorationem scripsi, ideo quod Dominus salvum me fecit. Hæc autem in cunctis nostris necessitatibus dicamus et omnibus nostris actionibus præponamus, quæ ad sui exemplum Propheta nos dicere voluit.

« Domine Deus, in adiutorium meum intende, Domine, ad adjuvandum me festina. » Hæc oratio sufficit nobis in omnibus quæ postulamus, præsertim si ab inimicis et adversariis affligimur. Ubique et in omnibus Dei adiutorium quærendum est, quia ubique et in omnibus necessarium est; quoniam sine ejus adiutorio nihil facere possumus. Si bona agere volumus, bene et utiliter oremus; et si quod non debemus, male agere volumus, bene et utiliter oramus; magnum Dei adiutorium est, si malis desideriis resistat et fieri non permittat. Qui igitur malum aliquod facere cupit, dicat prius : « Deus in adju-

torium meum intende, » et non poterit facere quod facere cupit. Festinet igitur Dominus in adiutorium bonis, ut faciant quod volunt; festinet et malis in adiutorium, ne faciant quod volunt.

« Confundantur et reveantur inimici mei, qui quærent animam meam. » Hæc oratio et contra inimicos sit et pro inimicis. Pro inimicis quidem si respiscunt : contra eos autem, si in malitia perseverant. Bene autem confunditur et erubescit qui peccata sua recognoscens, ab iniquitate quiescit et eum diligere incipit, quem occidere desiderabat. Unde et sequitur :

447 « Avertantur retrorsum et erubescant qui cogitant mihi mala. » Avertantur, inquit, retrorsum ab iniqua sua intentione, et ad penitentiam redeant cum satisfactione. Et erubescant ea erubescencia, de qua Apostolus loquitur, dicens : « Quem ergo fructum habuistis tunc in illis in quibus modo erubescitis? » (Rom. vi, 21.)

« Avertantur statim et erubescant qui dicunt mihi euge, euge. » Cito, inquit, avertantur, et non tardent converti ad Dominum, neque differant de die in diem : et erubescunt convertantur, ne et ipsi audiant quod per prophetam dicitur : « Facies meretricis facta est tibi : nescis erubescere (Jer. iii, 3). » Quod autem ait euge, euge, insultatio est, quam iniqui homines contra sanctos, quasi jam ab eis superatos, facere solebant.

« Exsultent et lætentur qui quærent te, Domine. » Qualescunque fuerint, dicunt martyres, et quomodo-
C docunque nos afflixerint, si te quæsierint et ad te conversi fuerint, rogamus ut eandem nobiscum lætiti-
am et exultationem habeant. Boni discipuli qui, magistri exempla secuti, pro persequentibus et calumniantibus orant. Sic enim ipse Dominus pro suis crucifixoribus oravit, dicens : « Pater ignosce illis, quia nesciunt quid faciunt (Luc. xxiii, 34). » — « Et dicant semper, magnificetur Dominus, qui diligunt salutare tuum. » Qui Filium diligunt, diligunt et Patrem, et simul cum Filio glorificant Patrem.

« Ego vero egenus et pauper sum, Deus, adjuva me. » Egeni et pauperes erant sancti et humano auxilio destituti, quia præter Deum, nemo erat qui eis auxilium præstare auderet. Unde et unusquisque illorum Domino dicit : « Deus, adjuva me, » et illud quod sequitur : « adjutor meus et liberator meus es tu. » In magna afflictione se esse significant, dum tanta instantia adiutorium postulant : Unde et subditur : « ne tardaveris ; » cito, inquit, succurre : jam vires deficiunt et resistere non valeamus.

PSALMUS LXX.

PSALMUS DAVID FILIORUM JONADAB (650), ET PRIORUM CAPTIVORUM (Jerem. xxxv, 6)

Iste est ille Jonadab qui præcepit filiis suis ut habitare, eosque magnam obedientie hujus apud Dominum gratiam comperisse; qui nunc pro fidelibus ac devotis ponuntur : unde et Jonadab interpretatur

(650) « Jeremias propheta refert Jonadab fuisse Dei sacerdotem: qui filiis suis præceperat non bibere vinum, neque in domibus, sed in tentoriis ha-

non non biberent et in hoc laudo hereditatem non A
habere præcepit. Illi vero bibere noluerunt, dicentes
sibi hoc a patre suo interdictum fuisse. Unde et per
eundem prophetam Dominus ait : « Prævaluit sermo
Jonadab sermonibus meis, et magis filii Jonadab
obediunt patri, quam filii Israel obediunt mihi
(Jerem. xxxv, 18). » Isti itaque et omnes alii qui
in illa captivitate majores melioresque fuerunt, et
cæteri omnes qui per illos significati sunt, in hoc
psalmo modo loquuntur et Dei adjutorium imploran-
t. Non est igitur iste Psalmus totius captivitatis,
sed illorum solummodo qui meliores sunt et in ista
et in illa captivitate.

« Deus in te speravi, Domine, non confundar in
eternum, in tua justitia libera me, et eripe me. » B
Dicunt se in Domino sperasse. Dicit Apostolus : quia
« spes non confundit (Rom. v, 5). » Deus autem justus
est, ideoque liberantur et eripiuntur de omnibus angustis suis.

« Inclina ad me aurem tuam, et libera me. » Au-
rem ad aliquem Dominum inclinare, quid aliud
est, quam exaudire? Sicut e converso a voce alicu-
jus aurem avertere, nihil aliud est quam audire
nolle.

« Esto mihi in Deum protectorem, et in locum
munitum ut salvum me facias. » Et protector et
locus munitissimus est Deus fidelibus suis, quia con-
tra eum quem ipse vult defendere nullæ inimico-
rum valebunt insidie. Unde et subditur :

« Quoniam firmamentum et refugium meum es tu. » C
Firmamentum quidem, quia sine te nulla est forti-
tudo; refugium vero, quia ad te confugientibus præ-
sidium es et beatitudo.

« Deus meus eripe me de manu peccatoris, et de
manu contra legem agentis et iniqui. » Peccatores
iniqui, et contra legem agentes, judæi, hæretici et
tyranni sunt, a quibus omnes sancti, ut eripiantur,
Dominum orant.

« Quoniam tu es patientia mea, Domine, spes
mea a juventute mea. » Tu scis, inquit, quia tan-
tos eorum injurias sustineo, quod nisi patientiam
dedisses, jam penitus succubissem. Sed tu es pa-
tientia mea et spes mea a juventute mea; ab illa
videlicet ætate, qua contra diabolum arma suscepi.
In hac autem ætate sunt et pueri, et adolescentes,
et senes et quicumque **448** ad pugnandum idonei
sunt : est autem juvenus flos ætatis, in qua nimirum
ætate omnes mortui resurgent, in qua et Salvator
noster resurrexit. Quicumque igitur viriliter se habet
et viriliter pignat, cujuscumque ætatis sit, inter ju-
venes computari debet.

Domini spontaneus; qui dicere potest, *voluntarie sa-
crificabo tibi*. Cum quibus et priores captivi simul
lacrymas fundunt; id est, qui prius captivi, postea
redimi meruerunt : qui peccando captivi, sed pœni-
tendo redempti, aiunt : *et de abyssis terrarum iterum
reduxisti me.* » BEDA.

(651) Vossius in Etymolog. ait *prodigere* esse a pro
seu porro *agere*; est enim, addit, *prodigere* præter

« In te confirmatus sum ex utero, de ventre ma-
tris mee tu es protector meus in te cantatio mea
semper. Dixi, inquit, quia tu es patientia mea, et
« spes mea a juventute mea; » qui utique ad ipsam
juventutem pervenire non potuissem, nisi tu me
confirmasses, educasses, docuisses et provexisses.
Totum igitur quod sum, gratia tua sum. Et in te erit
decantatio mea semper, quia omni tempore tibi can-
tabo et jubilabo.

« Tanquam prodigium factus sum multis : et tu
« adjutor fortis. » Est autem prodigium novum ali-
quod et inusitatum. Et dicitur prodigium, quasi pro
digito; eo quod longe ostendatur digito (651). Erant
igitur sancti prodigium multis, qui cernentes duris-
sima tormenta quæ pro fide Christi patiebantur,
digito eos ostendentes, stupebant et admirabantur.
Et tunc quidem Dominus aderat adjutor fortis in
opportunitatibus, in tribulatione.

« Repleatur os meum laude tua, ut possim cantare
« laudem tuam, tota die magnificentiam tuam. »
Quia, inquit, factus es mihi adjutor fortis, dignum
est ut os meum impleatur laude tua, et abundanter
impleatur, ut tota die omni tempore possim cantare
gloriam tuam et magnificentiam tuam, qui tam mi-
rabilis es in sanctis tuis, et tam fortes et po-
tentes eos facis ad pugnandum contra inimicos
tuos.

« Ne projicias me in tempore senectutis. » Quid
est in tempore senectutis? Cum defecerit virtus
« mea, Deus, ne derelinquas me. » Cujuscunque
ætatis sit homo, virtute et constantia in eo deicien-
te, inter senes reputatur; sicut econtra superius de
juventute diximus, quæ magis pugnandi robore,
quam ætatis tempore consideratur. Rogat itaque ut,
si quando virtus in eo defecerit, more solito Deus
adsit et nunquam ab eo derelinquatur (652).

« Quia dixerunt inimici mei mihi mala, et qui
« custodiebant animam meam consilium fecerunt
« in unum, dicentes : Deus dereliquit eum, perse-
« quimini et comprehendite eum : quia non est qui
« eripiat eum. » Non mirum si adjutorium postu-
lat, contra quem tam pravam et tam iniquum con-
siliū inimici iniverunt. Hæc autem et alia quædam
quæ in hoc psalmo dicuntur etiam de Salvatore
nostro convenienter intelligi possunt. Multoties enim
homines iniqui inde sanctos Dei gravius affligebant,
et a Deo derelictos esse putabant, et quasi impios
et sacrilegos judicabant, quia Deus auxilium diffi-
erebat et eis tam cito non subveniebat. Unde
subditur :

« Deus ne elongeris a me, Deus meus in auxilium
« meum respice. » Ut eorum consilium vanum et

modum erogare. Quamobrem dici etiam potest *pro-
digere* esse præter modum communem agere, in quo
miraculi natura indicatur.

(652) Egregie Augustinus in hunc locum. « Respon-
det hic tibi Deus : imo vero deficiat virtus tua, ut in
te maneat mea; ut dicas cum Apostolo : quando in-
firmor, tunc potens sum. »

Inutile invenitur; cum te et præsentialiter adesce et adiutorem esse cognoverint.

« Confundantur et deficiant detrahentes animæ meæ, operiantur confusione et pudore qui quæ- runt mala mihi. » Contat enim quia si confunderentur et erubescerent, et ab iniquitate sua deficerent et quiescerent, quia sanctorum orationibus, quos interficiunt, adhuc veniam impetrare possent. Quod si in malitia perseveraverint, æterna confusione confundentur, deficient et peribunt. Facilius ad misericordiam flectitur iudex, si ille qui injuria passus est pro reo orare incipiat.

« Ego autem semper in te sperabo, Domine, et adjiciam super omnem laudem tuam. » Faciant illi, inquit, quod volunt, et quod homines iniqui facere solent, quia spem meam nunquam mihi auferre poterunt, sed semper et in prosperis et in adversis in te sperabo, Domine, et super omnem laudem adjiciam laudem tuam. Quid est enim super omnem laudem adjicere laudem, nisi semper laudare, et a laudibus nunquam cessare? Unde et subditur:

« Os meum pronuntiabit justitiam tuam, tota die salutare tuum. » Et certe ad maximam laudem Dei pertinet ejus justitiam nuntiare. Salutare Dei Christus est, quem tota die et omni tempore laudare et prædicare debemus.

« Quia non cognovi negotiationes, introibo in potentias Domini (653). » Non est conveniens ut negotiatores nuntient justitiam Domini et salutare Domini, neque conveniens est ut intrent in potentias Domini. Et hoc quidem de Simoniacis specialiter intelligi debet qui, quoniam de templo ab ipso Domino ejecti sunt, utique et prædicare et in potentias Domini intare **449** prohibiti sunt (654). Quid autem per potentias Domini, nisi ecclesiasticas dignitates intelligere debemus? Illi igitur intrent in potentias Domini, illi dignitates Ecclesiæ suscipiant, qui tales negotiationes non cognoverunt. Omnes autem negotiationes malæ sunt, quæ cum fraude et deceptione fiunt.

« Domine, memorabor justitiæ tuæ solius. » Nullam, inquit, aliam justitiam pronuntiabo, nullam aliam justitiam prædicabo, nisi justitiam tuam; illam videlicet justitiam, quam tu Deus docuisti me a juventute mea. Hæc est domestica illa justitia, quæ in utroque Testamento invenitur, qua homines justificantur, et misericorditer judicantur. Juvenum et perfectorum justitia est, secundum legem judicare, et a mandatis Domini non declinare. « Et usque

A « nunc pronuntiabo mirabilia tua. » Non videtur sufficiens usque nunc, si simpliciter intelligatur nunc, sed quia nunc præsens tempus significat, ille quidem videtur pronuntiare justitiam Dei usque nunc, qui omni tempore eam pronuntiat. « Et usque in senectam et senium, Deus, ne derelinquas me (655). » Quid per senectam et senium, nisi ultimam senectutem et vitæ terminum intelligimus? Tale est igitur ac si dicat: Ego quidem omni tempore pronuntiabo mirabilia tua; et tu omni tempore mihi adesto adversus eos qui audire nolunt mirabilia tua.

« Donec; annuntiæm brachium tuum generationi omni, quæ ventura est. Potentiam tuam, et justitiam tuam Deus usque in altissima quæ fecisti magnalia. » Hoc est illud brachium de quo dicitur: « Et brachium Domini cui revelatum est (Isa. **LIII**, 1). » Per quod Salvator noster intelligitur, per quem omnia facta sunt, et sine quo factum est nihil. Hoc autem brachium nuntiant sancti, qui Patrem omnia per Filium dicunt esse operatum. Et hæc quidem illorum prædicatio extenditur in omnem generationem quæ ventura est. Nuntiant autem et potentiam et justitiam Dei, et eum omnipotentem et justissimum esse annuntiant. Nuntiant præterea et altissima magnalia quæ Dominus fecit, per quæ, non mundi creationem, non diluvii inundationem, non maris Rubri divisiones, non Pharaonis interitum, non multa alia quæ altissima esse videntur intelligimus; sed illa quæ super omnia altissima sunt, Christi videlicet incarnationem, passionem, resurrectionem et ascensionem. Unde nimia admiratione commotus exclamat: « Deus, quis similis tibi? »

« Quantas ostendisti mihi tribulationes? » Vis audire quantas? « multas; » et quales? « malas. » Quis enim enumerare valeat quantas et quam malas tribulationes pro Christi nomine sancti sustinuerunt? Vix enim beati Pauli tribulationes enumerare sufficimus.

« Et conversus vivificasti me, et de abyssis terræ iterum reduxisti me. » Nisi prius aversus fuisset, non diceretur quia conversus, vivificasti me. Aversus nobis et iratus, et nos mortui eramus, quia mortis princeps nobis dominabatur. Conversus est ad nos, et ipse, qui vita est, vivificavit nos et de abyssis terræ iterum reduxit nos. Reduxit, quando infernum exspoliavit; reduxit, quando de mundi hujus conversatione et vana superstitione eripuit. Reducet in judicio, quando omnes fideles suos ad se vocabit; quod, quia sine dubio futurum est, non inconvenienter factum esse dicit.

(653) In Vulgata habetur: Quoniam non cognovi litteraturam, quod explicat Augustinus: « Quæramus ergo litteraturam, quam non cognovit iste, in cujus ore tota die laus Dei est. Est quædam litteratura Judæorum: ad illos enim et hoc referamus, ibi invenimus quod dictum est; quomodo eum de negotiatoribus quæreremus, propter actus et opera, invenimus illam dici negotiationem, detestandam, quam notavit Apostolus Rom. x, 3, dicens: Ignorantes enim Dei justitiam, et suam volentes constituere,

justitiæ Dei non sunt subjecti. Contra quam dicit Apostolus: non ex operibus, ne forte qui extollatur. Quomodo ergo? nunquid non operamur? Operabimur, sed ipso in nobis operante. Ipsum enim figmentum sumus creati in operibus bonis, etc. Eph. ii, 9. »

(654) Vide quæ supra in ps. **LXVII** dixit de episcopis hæreticis ad Ecclesiam relictis, etc.

(655) Ad Ecclesiam cum hæc accomodat Cassiodorus non injucundum erit eam audire. « Lavemus

« Multiplicasti iustitiam tuam. » Multiplicavit quidem iustitiam suam Dominus, quoniam, quibus multas et malas tribulationes ostendit, eos et vivificavit, et de abyssis terræ iterum iterumque reduxit. « Et conversus exhortatus es me. » Exhortatus est Dominus fideles suos per leges, per prophetas, per evangelistas, per apostolos, et quotidie hortatur nos et docet quid agere debeamus. « Et ego confitebor tibi in vasis psalmodiarum. » Vasa psalmodiarum instrumenta sunt musicæ artis, quæ decem chordas et non amplius habent, in quibus ille bene et suaviter Domino cantat, qui legis decem mandata observat.

« Veritatem tuam psallam tibi in cithara, Deus sanctus Israel. » Cithara, ut jam alibi diximus, ad Novum pertinet Testamentum; cui vel tres vel quatuor cordæ sufficiunt, quoniam Novum Testamentum in quatuor evangelii continetur, in quibus clarissime et suaviter resonat mysterium Trinitatis. Maxime autem veritas Dei in cithara canitur, per quam Christum intelligimus, qui de seipso loquitur, dicens: « Ego sum via, veritas et vita (Joan. xiv, 6). »

« Gaudebunt labia mea, dum cantavero tibi, et anima mea quam redemisti. » Gaudebunt, inquit, labia mea, labia interioris hominis, labia quæ tibi in silentio loquuntur, et a te solo audiuntur: illa labia gaudebunt, dum cantavero tibi, quia non modicum de cantatione sua mercedem expectabunt. Et anima mea, quam redemisti, similiter faciet.

« Sed et lingua mea meditabitur iustitiam tuam. » Idipsum per linguam et per labia significatur, quia meditatio non oris, **450** sed cordis est; unde totus ille cantus, non oris tantum, sed cordis potius esse monstratur.

« Dum confusi, et reveriti fuerint qui quaerunt mala mihi. » Meditantur sancti iustitiam Dei, et tunc præcipue meditantur, et laudant, quando inimicos suos confusos esse vident: sive bona confusione, ut de peccatis erubescant, sive ut in sua malitia perseverantes in æternum confundantur et pereant. Et tunc quidem magnam sibi iustitiam factam esse gaudent, quando eos erubescences, et de his quæ contra iustitiam fecerunt, poenitentes esse intelligunt.

PSALMUS LXXI.

PSALMUS: IN SALOMONEM.

Salomon interpretatur *pacificus*. Significat autem Salvatore nostrum, de quo Apostolus ait: « Ipse

fuit Ecclesie, quando Dominus crucifixus est Christus, quando martyrum turba dimicavit, et morientibus fidelibus Ecclesie virtus apparuit. Senectam vero dicimus ætatem, quæ nunc agitur proxima fini, quando proficit fides, et per universas Ecclesias populus augetur, cum mundi istius tempora fugitiva decrescant. Senium autem tempus illud occiduum intelligendum puto, quando et sævus ille tyrannus adveniet, et turba martyrum hanc vitam optato fine concludet. »

(656) « In Salomonem quidem psalmi huius titulus prænotatur; sed hæc in eo dicuntur, quæ non

est pax nostra, qui fecit utraque unum (Ephes. ii, 14). » Hic est ille rex pacificus, cuius vultum desiderat universa terra (III Reg. x, 24). Et ipse quidem dominatur a mari usque ad mare: et adorabunt eum omnes reges terræ, omnes gentes servient ei: Quod quidem si de primo Salomone intelligatur, non est verum (656).

« Deus, iudicium tuum regi da, et iustitiam tuam filio regis. » Hoc autem de Salvatore nostro dicit Propheta qui de seipso loquitur, dicens: « Pater non iudicat quemquam; sed omne iudicium dedit filio (Joan. v, 22). » Ipse enim et rex est, et filius regis, qui iudicabit orbem terræ in æquitate, et populos in iustitia. Ipse igitur iudicium teneat, ipse iustitiam faciat, qui non respicit personam hominis, et potens est unicuique reddere secundum opera sua.

« Judicare populum tuum in iustitia, et pauperes tuos in iudicio. » Da, inquit, Domine, iudicium tuum filio regis, id est filio tuo. Hic enim locutionis modus in libris Veteris Testamenti frequentissimus est. Judicare, hoc est ad iudicandum populum tuum in tua iustitia, et pauperes tuos in tuo iudicio. Iste, quasi dicat, a tua iustitia et a tuo iudicio nunquam recedet, quia non differt a te in iustitia, qui a te non differt in substantia. Pauperes Dei illi sunt, qui sua sponte pauperes sunt, et non terrena, sed celestia quaerunt.

« Suscipiant montes pacem populo, et colles iustitiam. » Suscipiant, inquit, et montes et colles hanc pacem et hanc iustitiam, quam tu modo das populo tuo, quod nihil aliud est dicere vel intelligere, nisi suscipiant filium tuum: « Ipse enim est pax nostra (Ephes. ii, 14), » sicut Apostolus ait, ipse est iustitia, sine qua nemo iustificatur. Sed quid per montes et colles, nisi apostolos et doctores, vel Ecclesias et civitates intelligamus (657)? Isti enim inter alios altiores sunt, et quasi montes aliis præminent.

« In sua iustitia iudicabit pauperes huius populi, et salvos faciet filios pauperum. » Hic inquit, filius regis in sua iustitia, quam naturaliter et substantialiter habet, et quam aliunde non recepit, iudicabit populos huius sæculi (658); de quo modo dixit: « Judicare populum tuum. » Pauperes quidem ipse iudicabit, quia divites a diabolo iudicantur. « Et salvos faciet filios pauperum. » Pauperes et filii pauperum apostoli sunt, et eorum imitatores. Isti sunt illi pauperes qui « relictis omnibus secuti

possunt illi Salomoni regi Israel secundum carnem, juxta ea quæ de illo S. Scriptura loquitur, convenire: Domino autem Christo aptissime tribui possunt. Unde intelligitur etiam ipsum vocabulum Salomonis ad figuratam significationem adhibitum, ut in eo Christus accipiat. » D. August. in hunc titulum.

(657) « Per montes significari frequenter diximus apostolos et prophetas, qui ad superna firmiter elevati celesti gratiæ proximantur. » Cassiod.

(658) Cod. Ghs. *pauperes huius populi*.

sunt Dominum (*Luc. v, 11*) > Hos autem salvabit A Dominus, et in sua justitia judicabit.

« Et humiliabit calumniatorem. » Per quem diabolus significatur, qui populum Dei calumniari et accusare non cessat. Ille autem, qui supra modum se exaltavit, omni poena comprimetur et humiliabitur. « Et permanebit cum sole, et ante lunam in sæculum sæculi. » Permanebit, inquit, in sæculum sæculi cum sole, qui ante lunam fuit et ante solem; siquidem ipse fecit solem et lunam. Ante lunam fuisse, aliquid est, sed cum sole manere, quid est? Dicitur autem de eo alio in loco: « Et sedes ejus sicut sol in conspectu meo, et sicut luna perfecta in æternum (*Psal. LXXXVIII, 18*). » Possumus igitur per solem claritatem intelligere, ut sicut dicitur lumen de lumine, sic etiam dicatur sol de sole, et claritas de claritate. Permanet itaque cum sole in sæculum sæculi, quia nunquam recedit a Patre, semperque in eadem gloria et claritate manet cum Patre. Manet autem et ante lunam, quia sicut suo Domino tota sibi servit Ecclesia (659). In eo autem, 451 quod ante eam manet, dilectionis affectio designatur.

« Et descendet sicut pluvia in vellus, et sicut stillicidia stillantia super terram. » Nota est historia Gedeonis, qui aliquando ad prælum iturus, et cum hostibus pugnaturus, hoc signum victoriæ a Domino accepit, ut vellus in area poneret. Posuit itaque et semel et iterum, et prius quidem vellus madidum, terra vero sicca apparuit; deinde autem vellus siccum, terra vero madida apparuit (*Judic. vi, 36*). Hæc similitudo in Christi incarnatione servata est. Vellus in medio areæ, Judæa in medio terræ. Sicut pluvia prius in vellus; ita et Christus prius in Judæam descendit. Sed postea siccato vellere, stillicidia super terram stillarunt; quia, relicta Judæa, Dominus, et doctrina Domini in omnes terras et in omnes gentes pertransiit. Hoc autem tunc factum est, quando « in omnem terram exivit sonus apostolorum, et in fines orbis terræ verba eorum (*Psal. XVIII, 4*). » Isti fuerunt illæ nubes, quibus totus irrigatus est mundus.

« Orietur in diebus ejus justitia, et abundantia pacis, donec extollatur luna (660). » Hæc pax, et hæc justitia inter sanctos, et in Ecclesia a diebus Salvatoris nostri orta est, quia ipsi sunt, qui justitiam

pacemque custodiunt. Nam et secundum litteram, quando Dominus natus est, maxima pax ubique erat; toto mundo sub Romano imperio constituto. Unde et digne satis in ejus nativitate angelorum voces audite sunt, clamantium et dicentium: « Gloria in excelsis Deo, et in terra pax hominibus bonæ voluntatis (*Luc. II, 14*). » Et hæc quidem pax, et justitia non auferetur a sanctis et ab Ecclesia Christi, donec ipsa elevetur et super cælos extollatur; quæ modo hoc in loco per lunam significatur. Et luna a sole, et Ecclesia a Christo, suæ claritatis lumen suscipiunt.

« Et dominabitur a mari usque ad mare, et a flumine usque ad terminos orbis terræ. » Ubique dominatur Christus; nulla gens est, quæ ejus non sit subdita potestati. Ipse enim est, « qui solem suum oriri facit super bonos et malos, et pluit super justos et injustos (*Matth. v, 45*). » Quod autem significat a mari usque ad mare, hoc significat a flumine magno Euphratis usque ad terminos orbis terræ.

« Coram illo procident Æthiopes, et inimici ejus terram lingent. » Per Æthiopes, qui naturaliter nigri sunt, omnes peccatores significantur. Procident igitur Æthiopes coram illo, quia peccatores homines, qui antiquitus suam pulchritudinem amiserunt, ad fidem conversi, eum colunt, adorant et venerantur. Inimici vero ejus Judæi sunt, qui usque ad mortem iniquo eum odio persecuti sunt (661). Isti autem terram lingunt, qui sola terrena et transitoria quæerunt. Et quanto amore terram diligunt, in eo ostenditur, quod eam lingere dicuntur. Possumus autem per istos inimicos etiam prædictos Æthiopes intelligere, qui quamvis prius inimici fuissent, nunc autem cognita veritate, eum suppliciter colunt, venerantur, et cum magna humilitate pro ejus amore ipsam terram osculantur.

« Reges Tharsis, et insule munera offerent, reges Arabum, et Saba dona adducent. » Tharsis, exploratio latitiæ; Arabia, insidia; Saba vero captivitas interpretatur. Et illi igitur, qui solam latitiam explorantes voluptati dediti erant, et illi qui aliis insidiabantur, et perdere et decipere conabantur, et illi qui quasi servi captivi a diabolo tenebantur; postea baptizati, et Christi fidem suscipientes, et munera sua, et seipsos Domino offerunt (662). Hoc ipsum faciunt et insule, quæ in mari positæ singulas quas-

(659) De Ecclesiæ duratione exponit hunc locum S. Augustinus. « Quid autem magnum est permanere cum sole ei per quem facta sunt omnia, et idcirco factum est nihil, nisi quia hæc propheta propter eos premissa est, qui putant religionem Christiani nominis usque ad certum tempus in hoc sæculo victuram, et postea non futuram? Permanebit ergo cum sole, quandiu sol oritur, et occidit; hoc est, quandiu tempora ista volvantur, non deerit Ecclesia Dei, id est: corpus Christi in terris. »

(660) In aliquibus exemplaribus legitur tollatur, in aliis auferatur. Cuilibet verbo occurrit Augustini expositio. Sed Bruno eam qua de Ecclesia loquitur, prælegit: « Donec extollatur luna, id est inquit sanctus Doctor, elevetur Ecclesia per gloriam resurre-

ctionis cum illo regnatura, qui eam in hac gloria primogenitus a mortuis antecessit, ut sederet ad dexteram Patris: ita cum sole permanens ante lunam, qui postea extolleretur ut luna. »

(661) Eadem est Cassiodorii expositio. (662) Non omittenda videtur S. Augustini super illa verba, dona adducent, expositio. « Nunquid nam de immolandis victimis dici potuit? Absit, ut talis oriatur in diebus ejus justitia. Sed ista dona, quæ adducenda prædicta sunt, homines mihi videntur significare, quos in societatem Ecclesiæ regum adducit auctoritas: quamvis etiam reges persecutores dona adduxerint, non scientes quid facerent, SS. martyres immolando. »

que Ecclesias significant, quæ in hujus mundi procellosa amplitudine continentur.

« Et adorabunt eum omnes reges terræ, omnes gentes servient ei. » Hoc est enim quod Apostolus ait : « In nomine Jesu omne genu flectitur celestium, terrestrium, et infernorum (Phil. II, 10). » Unde et alibi : « Vivo ego, dicit Dominus, quia mihi curvabitur omne genu, et confitebitur omnis lingua (Isa. XLV, 23). »

« Quia liberabit pauperem a potente, et inopem cui non erat adjutor. » Quotidie Dominus liberat pauperem a potente, quotidie deponit potentes de sede, et exaltat humiles. Quamvis per potentes diabolus intelligi possit; per pauperem vero et inopem, quilibet peccator ad penitentiam conversus. Valde namque pauper est, qui diabolo servit : sicut contra illi soli divites sunt, qui Domino serviunt.

« Parcet pauperi et inopi, et animas pauperum salvas faciet. » Hoc est enim, quod alibi dicitur : « Peccator quacunq[ue] hora conversus fuerit, et ingemuerit, vivet, et non morietur (Ezech. CXXXIII, 11). » Diximus enim per pauperem peccatorem significari; qui ideo quidem pauper erat, qui veras divitias non habebat.

« Ex usuris et iniquitate liberabit animas eorum. » Non poterant divites esse, qui quotidie usuras persolvebant; sed cui, nisi diabolo, usuras dabant? crudeli videlicet, **452** et avarissimo feneratori. Dat enim et ipse pecuniam suam ad mensam, ut veniens cum usuris eam recipiat. Pecunia diaboli omne malum est : pecunia ejus peccatum est, cujus usura ipsa anima est. Quicumque hanc pecuniam suscipit et tenet, animam sibi pro usura reddere oportet. Reddatur igitur sibi pecunia sua, ut ab ejus usuris anima liberari valeat. Hoc autem, quia sine Dei adjutorio fieri non potest; ideo hic dicitur : « Ex usuris, et iniquitate liberabit animas eorum. Et præclarum nomen coram ipso. » Præclarum nomen est, quod Dominus ait : « Jam non dicam vos servos, sed amicos : et vos estis lux mundi; vos estis sal terræ (Joan. XV, 14). » Vocantur autem et aliis nominibus præclaris valde, sibi que convenientibus.

« Et vivet, et dabitur ei de auro Arabiæ. » Vivet, inquit, non ad tempus, ut cæteri reges, sed in æternum et in sæculum sæculi. « Et dabitur ei de auro Arabiæ. » Hoc in magis completum est, qui inde venientes aurum, thus et myrrham Domino attulerunt. Aurum Arabiæ optimum est, quod illi quidem dare videntur, qui pure et sapienter Deo serviunt; siquidem aurum pro sapientia ponitur. « Et orabunt de ipso semper (663). » Ipse docuit nos orare; ab ipso habemus illam optimam et plenissimam orationem, quam quotidie facimus : « Pater noster, qui es in caelis (Matth. VI, 9), » etc. Quando Salvator noster hanc orationem discipulos suos docebat, credo quia

A jam extunc in spiritu ibi erat Propheta, et in hac tam pulchra et compendiosa oratione delectabatur. « Tota die benedicent eum. » Sicut enim tota die oramus; ita etiam tota die Dominum benedicimus. Hoc enim Apostolus dicit : « Sine intermissione orate (Thess. V, 17). » Quod si ore facere non possumus, desiderio tamen, et bona intentione facere possumus. Si enim desiderium non orat, nequaquam diceretur : « Desideria cordis eorum audivit auris tua (Psalm. XX, 3). »

« Et erit firmamentum in terra. » Quid est enim firmamentum erit in terra, nisi cælum erit in terra? Hoc enim dicit Moyses : quia « vocavit Dominus firmamentum cælum (Gen. I, 8). » Bene autem firmamentum vocatur Dominus, quia in ipso est et sol, et luna, et stellarum omnium pulchritudo. Et ipse quidem est firmamentum in terra, quia in ipso firmata et fundata est Ecclesia; sicut Apostolus ait : « Fundamentum aliud nemo potest ponere, præter id quod positum est, quod est Christus Jesus (I Cor. III, 11). » — « In summis montium superextolletur. » Nullus mons tam altus, nulla potestas tam excelsa, quæ ei non subjiciatur, et inferior non sit. Unde et in alio psalmo dicit : « Ut quid suspicitis montes uberes? mons in quo beneplacitum est Deo habitare (Psalm. LXXVII, 17). » — « Super Libanum fluctus ejus. » Per Libanum, qui *candidatio* interpretatur, Jerusalem intelligitur, quæ inter alias civitates pulcherrima et nobilissima fuit. De qua Zacharias propheta ait : « Aperi, Libane, portas tuas, et devoret ignis cedros tuas (Zach. XI, 4). » Quia igitur iste mons in superbia sua stetit, et sicut cæteri montes Salvatori nostro humiliare se noluit, ideo super Libanum fluctus, tempestates, inundationes, ira et indignatio Dei descendit, et descendet. « Et floreant de civitate sicut fenum terræ. » Ipse Propheta sua verba exponit; et quem montem dixerat, civitatem vocat. Et floreunt, inquit, de civitate turpiter expulsi et violenter extracti, sicut fenum terræ, quod hodie est, et cras mittitur in clibanum.

« Et erit nomen ejus benedictum in sæcula. » Legamus in Evangelio, et audiamus benedictionem matris et Filii, « Benedicta tu, inquit, inter mulieres, et benedictus fructus ventris tui (Luc. II, 42). » Hæc benedictio non habebit finem, sed permanebit in æterna sæcula. « Et ante solem permanebit nomen ejus, et ante lunam sedes ejus (664). » Si ante hoc in loco tempus significat, non magnum est, quod dicitur; cum arbores et herbas ante solem fuisse legamus. Sic igitur intelligatur, ut superius dicitur. « Et permanebit cum sole, et ante lunam in sæculum sæculi. » Ubi Christus, ibi et nomen Christi. Est igitur nomen ejus cum sole, et ante solem, id est cum Patre et ante Patrem, hoc est in conspectu Patris; quia Pater et Filius relativa sunt, et sine

(663) S. Augustinus hunc locum habet, et adorabunt de ipso semper, ut in Vulgata legitur, et orabunt de ipso semper. Quod habet Græcis ὁπὸ τοῦτο, aliqui interpretati sunt de ipso, aliqui pro ipso, vel pro

eo. Quid est autem de ipso, nisi forte quod oramus, dicentes, adveniat regnum tuum, etc.

(664) Lectio Vatic. « Ante solem permanebit nomen ejus et ante lunam sedes ejus. »

se esse non possunt. Est autem et ante lunam sedes ejus, per quam Christi humanitas significatur, quem omnes sancti semper videre, et ante oculos habere desiderant. De hac autem sede dicitur : « Cælum mihi sedes est, terra autem scabellum pedum meorum (Isa. LXVI, 1). »

« Et benedicentur in eo omnes tribus terræ. » Ipse enim est de quo ad Abraham Dominus ait : « In semine tuo benedicentur omnes gentes (Gen. xxvi, 4). » Quod Apostolus exponit. « Non in seminibus dixit, quasi in multis, sed quasi in uno, et semini tuo, qui est Christus (Galat. iii, 16). » — « Omnes gentes magnificabunt eum; » secundum illud : « Laudate Dominum, omnes gentes, laudate eum, omnes populi (Psalm. cxvi, 1). » Sed quomodo magnificabunt?

« Benedictus Dominus Deus, qui facit mirabilia magna solus. » Ab omnibus igitur magnificatur Christus, a quibus psalmus iste cantatur; ipse solus facit mirabilia, quia et Pater, et ipse, et Spiritus sanctus, unus et solus Deus est, qui omnia operatur : « Et benedictum nomen maiestatis ejus in æternum, et in sæculum sæculi. » Quid est enim nomen maiestatis ejus, nisi laus et fama, gloria et potentia ejus? per quam videlicet laudem evangelica prædicatio intelligi potest. « Et replebitur **453** maiestas ejus omnis terra. » Hic est ille lapis abscissus de monte sine manibus, quem Daniel tantum crevisse dicit (Dan. ii, 35), ut impleat universam terram. Hoc autem quia Propheta futurum adhuc esse videbat, rogat ut cito fiat, et præ nimia lætitia bis dicit, « fiat, fiat. »

PSALMUS LXXII.

DEFECERUNT LAUDES DAVID FILII JESSE. PSALMUS ASAPH (665).

Hoc quod dicit : « Defecerunt laudes David filii Jesse, » ad superiorem psalmum pertinet. Quod autem sequitur : « Psalmus Asaph, » sequentis psalmi titulus est. Sufficiat vobis (quasi dicat), usque nunc laudasse David filium Jesse; amodo autem laudate David filium Dei. Ecce natus est; natiuitatem ejus secundum carnem, et laudes ejus magnas et præclaras in superiori psalmo prophetavimus, et prædicavimus. Restat nunc, ut omni tempore dicamus : « Benedictus Dominus Deus Israel, qui facit mirabilia magna solus, et benedictum nomen maiestatis in æternum, et in sæculum sæculi. Psalmus Asaph. » Asaph congregatio interpretatur, per quem Ecclesia intelligitur, de omnibus mundi hujus gentibus congregata (666), de qua hoc in psalmo dicitur : « Domine, in civitate tua imagines eorum ad nihilum rediges. »

« Quam bonus Israel Deus his qui recto sunt corde. » Vox Prophetæ est, vel Ecclesiæ Dei bonitatem et potentiam admirantis. Quam bonus, inquit,

(665) Hic erat levita ex tribus primariis cantoribus constitutus a Davide in domo Domini.

(666) Haud aliter interpretatus est Cassiodorus hunc titulum, cujus mentem etiam in expositione

est Deus Israel; sed illis præcipue, qui recta et catholica cogitant, et ad falsas cogitationes et periculosas disputationes non transeunt. Torquentur namque corda hominum, quando aliter quam debent, vel de ipso Deo, vel de ejus dispositione, vel de rerum veritate sentiunt. Unde et subditur :

« Mei autem pene moti sunt pedes, pene effusi sunt gressus mei, quia zelavi in peccatoribus, pacem peccatorum videns. » De cordis, et animæ pedibus, et gressibus loquitur, qui tunc quidem moventur et cadunt, quando homo contra Deum pro aliqua re murmurat, vel scandalizatur. Vidit iste, qui hæc loquitur, homines iniquos et peccatores, pacem et prosperitatem habere, et mundi hujus gloria et divitiis abundare; seipsum autem et alios Domino servientes penuriam pati, multisque adversitatibus torqueri; et cepit illis invidere et similia desiderare. Neque hoc sibi justum esse videbatur, malis prospera, bonis vero adversa contingerent; atque ex hoc in eam, quam hic narrat, corrumpit temptationem (667). Sed in se reversus, considerans quæ bonis præmia sint præparata, et quæ pena sit præparata malis, seipsum consolatus est, et pedes suos jam motos, et cadentes firmavit et stabilivit. Unde et subditur :

« Quia non est declinatio mortis eorum, nec firmitas in plagis eorum. » Inde ergo pacem et prosperitatem, quasi dicat, abominatus est, et suæ sibi indigentiae placuit, quia nulla via illis est, qua mortem æternam declinare et effugere valeant, et sic plagati et vulnerati sunt, ut nulla eis medicina subveniat. Firmamentum pro medicamine posuit, quia qui infirmi sunt, inde firmanantur et sanantur.

« In laboribus hominum non sunt, et cum hominibus non flagellabuntur. » Ideo, inquit, non est declinatio mortis eorum, quia in laboribus hominum non sunt. Boni labores, qui immortales homines faciunt; et boni homines, qui sic laborant ut immortales fiant. Hoc ipsum et de flagellis intelligamus, quibus apostoli « flagellati ibant gaudentes a conspectu concilii, quoniam digni habiti sunt pro nomine Jesu contumeliam pati (Act. v, 41). » Nam et illa flagella bona sunt, quibus Dominus flagellat omnem filium, quem recipit.

« Ideo tenuit eos superbia eorum. » Simul enim cum divitiis, pace et prosperitate crescit superbia. « Operiti sunt iniquitate et impietate sua. » Miseri, qui tales vestes et talia ornamenta habent; isti in convivio Dei esse non possunt, et quales sunt, tales in judicio apparebunt, et ipsa sua vestimenta eos abominabiles facient.

« Prodiit quasi ex adipe iniquitas eorum. » — « Ex abundantia cordis os loquitur (Luc. vi, 45); » non est vacuum cor illud, unde tanta iniquitas procedit : diabolus ibi habitat, fons, et origo totius ini-

psalmi secutus est Bruno.

(667) Querimonias refert eorum, qui de Dei providentia lamentantur.

quitatis. Unde et subditur: « Transierunt in dispositionem cordis. » Ad ea, inquit, facere transierunt, quæ in corde a diabolo disposita **454** fuerunt. Et hoc exponit.

« Cogitaverunt, et locuti sunt nequities. » Illud peccatum majus est, quod meditatione et consilio fit. « Iniquitatem in excelso locuti sunt. » Isti sunt de quibus dicitur: « Peccatum suum quasi Sodoma prædicaverunt (Isa. III, 9). » In excelso autem illi præcipue loquuntur, qui Deum blasphemant, eique detrudere non timent. Sicut ille insipiens, « qui dixit in corde suo: Non est Deus (Psalm. XIII, 1); » et ut omnes illi, qui idola colebant, falsosque deos adorabant, de quibus adhuc subditur:

« Posuerunt in cælum os suum. » Os suum ponere in cælum, est contra ipsam divinitatem loqui. Quod gentiles quidem faciebant, qui non in cælo, sed in statutis aureis et argenteis divinitatem quærebant. Hæretici quoque et Ariani in cælum os suum posuerunt, qui de ipsa divinitate male disputantes, Filium a Patre dividere conati sunt. « Et lingua eorum transiit super terram. » Si super terram transiit, quod iuit, nisi quia in cælos ascendit? Unum igitur idemque significat: « Et posuerunt in cælum os suum, et lingua eorum transiit super terram (668). »

« Ideo revertetur huc populus meus. » Iverant isti quo non debuerant, et cogitaverunt quæ cogitanda non erant, quando zelantes in peccatoribus, eorum pedes moti sunt; sed quia non est declinatio mortis eorum, ideo revertetur populus meus huc. Quid est hoc? Ad sanam intelligentiam de qua modo loquimur. Magis eligemus nobis labores et indigentiam bonorum, quam pacem et affluentiam malorum. « Et dies pleni invenientur in eis. » Dies pleni illi sunt, qui bonia omnibus abundant. Et tales post hanc vitam habebunt sancti, quando bonis omnibus in illa beatitudine superabundabunt.

« Et dixerunt: Quomodo scit Deus, et si est scientia in excelso? Ecce ipsi peccatores, et abundantes in sæculo obtinuerunt divitias. » Hoc est enim, quod modo dicebat: « Ideo revertetur populus meus huc. » Multum enim alienati erant, quando hæc cogitabant et dicebant. Nonne audis, quia hoc dicebant: « Ecce ipsi peccatores, et abundantes in sæculo, quomodo obtinuerunt tantas divitias? Si Deus hoc scivit, et si hujus rei scientia apud Deum est? Hoc enim tale erat ac si dicerent: Nescit Deus quæ in hoc mundo sunt: quoniam si sciret, hoc tam magnum malum fieri non permetteret. Talis autem

A disputatio, et cogitatio mala est, et Christianæ religioni multum contraria. Unde et subditur:

« Et dixi: ergo sine causa justificavi cor meum, et lavi inter innocentes manus meas, et sine causa fui flagellatus tota die, et iudex meus in matutino. » Dolet mater Ecclesia de illis qui ea in cogitatione et disputatione fuerunt. Si, inquit, illa disputatio vera esset, et si in excelso scientia non fuisset, quid mihi prodesset tot et tanta pro Domino sustinuisse? Ergo sine causa justificavi cor meum, quod non solum opere, sed ipsa quoque cogitatione offendere timebam; et sine causa peccatorum consortia fugi, et inter innocentes manus meas et opera mea purificare studui, et sine causa ab impiis hominibus tot et tanta flagella sustinui, et sine causa iudex meus, et durissimus atque nequissimus magister meus in matutino incipiens tota die quasi malum discipulum me verberabat, et ad suum errorem me trahere conabatur.

« Si dicebam, narrabo sic. » Ordo est: Dicebam: si narrabo sic, sicut isti, de quibus superius dictum est: ecce, subauditur, perit natio filiorum tuorum, quibus ista dicere disposui.

« Existimabam ut cognoscerem hoc, labor est ante me. » Ecce populus ejus, qui devierat, ad Ecclesiam reversus est, de quo modo superius dixerat. « Ideo convertetur populus meus huc. » Nunc autem contra eos loquitur, a quibus revertitur, et quorum persuasionibus in illam disputationem populus ille inductus fuerat. Et certe hæc talis disputatio non modicum ipsos quoque philosophos sollicitavit: Unde et quidam inter eos sapiens ait: Si Deus non est, unde bona? Si vero est, unde mala (669)? « Existimabam, inquit, ut cognoscerem. » Quid? « Quia non est declinatio mortis eorum, nec firmamentum in plaga eorum. » Hoc autem ipsum cognoscere, labor est ante me, et nisi ad novissima eorum mentis oculum intenderem, nullatenus hoc cognoscere valerem. Et hoc est, quod dicit: « Donec intrem in sanctuarium Dei, et intelligam novissima eorum. » De hoc sanctuario Dominus ait: « Intra in cubiculum tuum, et clauso ostio, ora Patrem tuum (Matth. VI); » per quod videlicet cordis secretum intelligimus. Quis enim videat potentes hujus sæculi bonis omnibus abundare, eosque non iudicet esse felices? Solent enim homines dicere, **455** quod tales a Domino diligantur, et alio modo illa tanta bona habere et possidere non possent. Ac per hoc sola eorum novissima consideranda sunt. Unde et sequitur:

« Verumtamen propter dolos disposuisti eis mala: »

ipsa enim natura procedit, quæ non est summe bona, ut essentia divina per se indefectibilis et immutabilis. Sed infinita Dei sapientia per suam omnipotentiam malum convertit in bonum. « Neque enim, inquit Augustinus, Deus omnipotens, quod etiam infideles fatentur, rerum cui summa potestas, cum summe bonus sit, ullo modo sineret mali aliquid esse in operibus suis, nisi usque adeo esset omnipotens, et bonus, ut bene faceret et de malo. » Euchirid. cap. 4. Vid. etiam De Civitat. Dei lib. XII, cap. 3 et 4.

(668) Videnda est Augustini interpretatio, quam bene homines de se jactantes et superbe minantes contundat. « Non se cogitat, inquit, hominem subito mori posse, cum loquitur: quasi semper victurus, minatur; transcendit cogitatio illius terrenam fragilitatem: nescit quali vase cooperatus est, etc. »

(669) Deum esse creaturæ omnes, quæ secundum dispositionem universi ordinis bonæ sunt, conclamant. Nulla autem ex sua natura mala est; nam Deus, inquit Moyses, vidit cuncta, quæ fecerat, et erant valde bona. Neque officit, quod aliqua creata patiantur defectum, hoc est privationem boni; ex

quæ mala? « deiecisti eos dum allevarentur. » Sub- A
lito enim dum in majoribus prosperitatibus isti tales
esse videntur, cadunt et moriuntur, et sine ullo mi-
sericordiæ respectu ad penas trahuntur. « Mortuus
est dives, et sepultus est in inferno (*Luc. xvi, 22*). »
Nemo igitur ante finem hæc talia cognoscere potest.
Sed ipse finis omnia manifestat.

« Quomodo facti sunt in desolationem, subito de-
« fecerunt; perierunt propter iniquitates suas, velut
« somnium exsurgentis. » Cito transeunt omnia, quæ
in hoc sæculo sunt, etsi longe esse videantur; et
sic sunt quasi somnium exsurgentis, qui antequam
a somno evigilaret, magnas divitias se in somno ha-
bere videbat; exsurgens autem nihil invenit. Sic
autem et divites, mortis somno dormientes, quando
evigilaverint, et resurrexerint, de illis suis tantis
divitiis nihil reperient.

« Domine, in civitate tua imagines eorum ad nihi-
« lum rediges. » Civitas Dei Ecclesia est, in qua hæ
divitiæ imaginariæ pro nihilo reputantur, quoniam
ad veras divitias festinat. « Quia delectatum est cor
« meum. » Delectatum quidem, non in divitiis supra-
dictis, sed in te, in amore tuo, in divitiis spirituali-
bus. « Et renes mei resoluti sunt. » Renes, inquit,
mei igne tuo, quasi cera resoluti sunt, et nullam in
eis inimicis virtutem habet et potestatem. De quo
alibi dicitur: « Virtus ejus in lumbis ejus, et forti-
tudo illius in umbilico ventris ejus (*Job xl, 11*). »

« Et ego ad nihilum redactus sum, » secundum
malorum hominum opinionem, qui me quasi mor-
tuum et huic mundo inutilem per omnia esse judi-
cant. « Et nescivi. » Quid est nescivi? stultum et
insipientem me ostendi, secundum hoc quod Apo-
stolus ait: « Si quis videtur sapiens inter vos, stultus
fiat, ut sit sapiens (*I Cor. iii, 18*). » Pro stulto ab
insipientibus habetur, qui mundi honores et divitias
spernit, et carnis voluptatibus non obedit.

« Ut jumentum factus sum apud te. » Qui me ad
hoc officium constituisti, ut aliis servirem, et alio-
rum onera ferrem. Unde Apostolus ait: « Alter al-
terius onera portate, et sic adimplebitis legem Chri-
sti (*Galat. vi, 2*). » Nam et Salvator noster, ut
jumentum fieri dignatus est, qui ovem perditam su-
per humeros posuit, et ad pascua reportavit. « Et
ego semper tecum. » Semper cum Deo est, etsi in
hoc mundo sit, qui ab ejus fide et dilectione non re-
cedit.

« Tenuisti manum dexteram meam, et in volun-
« tate tua deduxisti me, et cum gloria suscepisti
« me. » Quæ est ista dextera, qua Ecclesia tenetur,
et ducitur, et cum gloria assumitur? Dextera nostra
bona intentio est; sinistra vero intentio mala.
Unde et in Evangelio Dominus ait: « Nesciat sini-
stra tua quid faciat dextera tua (*Matth. vi, 5*). » Qui
elemosynam facit, et dextera, et sinistra eam facere

potest, vel dare: dextera ille dat, qui bona inten-
tione et in abscondito dat, ut a Deo videatur; sini-
stra dat, qui mala intentione et pro vana gloria dat,
ut videatur ab hominibus; de quibus Dominus ait:
quia « receperunt mercedem suam (*ibid., 16*). » Dex-
tera igitur, et non sinistra operatur Ecclesia, et ideo
non immerito per dexteram a Domino tenetur, de-
ducitur et cum gloria assumitur. Prophetarum est
sic de futuris loqui, ac si jam facta sint, quia quæ-
cunque vident, sine dubio ventura esse cognoscunt.

« Quid enim mihi restat in cælo, et a te quid vo-
« lui super terram? » Seipsum reprehendit, quia
aliquid in terra habere voluit, qui tanta in cælo
gloria parabatur. Nulla sunt quæ in terra habentur,
ad comparisonem illorum quæ in cælo possidentur.

« Defecit cor meum, et caro mea. » Eorum, quasi
dicat, desiderio, quæ mihi in cælo parantur. Jam
cor meum et caro mea secundum priorem statum
defecerunt, et non terrena, sed cælestia querunt.
Unde et subditur: « Deus cordis mei, et pars mea
Deus in sæcula. » Nullam, inquit, aliam partem volo,
nullam aliam de omnibus quæcunque sunt, partem
requiro; Deus sit pars mea, et pars cordis, et to-
tius desiderii mei per omnia sæcula.

« Quia ecce qui elongant se a te, peribunt. » Soli,
inquit, illi vivent, qui te partem habent et tibi ad-
hærent; qui vero te fugiunt, sine dubio peribunt.
« Perdes omnes, qui fornicantur abs te. » Qui sunt
enim, qui fornicantur abs te, nisi illi qui se elon-
gant a te? Isti enim alios amatores querunt, quibus
se illicite conjungunt. Unde scriptum est: « Forni-
catus est Israel post deos gentium (*Judic. viii, 27*). »
Magna fornicatio est, diabolo consentire, et de ipso
filios habere. Omnia vitia et omnia peccata, diaboli
progenies et semina sunt.

« Mihi autem adhærere Deo bonum est, ponere
« in Deo meo spem meam. » Ego, quasi dicat, non
me elongabo a Deo, non eum fugiam, non alium
amatorem suscipiam, ei soli adhærebo, eique ser-
viam, et omnem spem, et amorem meum in Domino
ponam.

« Ut annuntiem omnes laudes tuas in portis filie
« Sion. » Ecclesia est quæ loquitur (670), et sic de
ipsa Ecclesia, quasi de alio loquitur. Ipsa est enim
filia Sion, de qua 456 alibi dicitur: « Exsulta sa-
tis, filia Sion, jubila, filia Jerusalem (*Zach. ix, 9*). »
Si enim dixisset ut annuntiem omnes laudationes
tuas in portis meis, planius esset. Sed, sicut jam
sæpe diximus, iste modus locutionis apud veteres
frequentissimus est. Tale est enim et illud: « Deus,
judicium tuum regi da (*Psalm. lxxi, 1*), » ubi cum di-
cere debuisset: « et justitiam tuam filio tuo; » non
tamen filio tuo dixit, sed « filio regis. » Sed quid
per portas, nisi aures intelligamus? Ipsæ enim sunt,

des ejus. In atriis filie Sion annuntia. Ad unitatem
tende, noli dividere populum; sed rape ad unum,
et fac unum. »

(670) Mire Augustinus, ejusque commentatio hisce
diebus opportuna. In atriis filie Sion; « quia præ-
dicatio Dei, inquit, præter Ecclesiam inanis est.
Parum est laudare Deum, et annuntiare omnes lau-

quæ laudes Dei suscipiunt et audiunt, et quibus laudes Dei annuntiantur.

PSALMUS LXXIII.

INTELLECTUS ASAPH.

Asaph (671), ut supra dictum est, *Synagoga* interpretatur, et ipsa quidem est, quæ loquitur in hoc psalmo, et conqueritur, et plangit destructionem Jerusalem, quæ tempore Nabuchodonosor regis facta est (672).

« Ut quid repulisti nos Deus in finem. » Multoties quasi dicant, repulisti et afflixisti nos propter peccata nostra; sed nunquam sicut modo repulisti nos. Quid est enim repellere in finem, nisi ex toto repellere, et usque in finem? « Iratus est furor tuus super oves gregis tui. » Quibus irascaris? Quibus tantam iram et indignationem ostendis? De grege B
tuo sumus oves et simplices, et imbelles, et sine fortitudine sumus, et sine tuo adiutorio tantæ potentie resistere non valeamus.

« Memento congregationis tuæ, quam creasti ab initio. » Ab initio enim simul cum aliis hominibus etiam hos creavit Dominus. Quamvis ab initio, a temporibus Abraham convenienter intelligi possit. Ab eo enim Judæorum populus et fidem, et circumcisionem accepit, ut Dei populus specialiter vocaretur.

« Liberasti virgam hereditatis tuæ. » Quid per virgam, nisi sceptrum et correctionem? Quid vero per hereditatem, nisi eundem Judæorum populum intelligamus? Inde est quod per prophetam dicitur: « Ne lateris Philisthæa omnis tu, quia comminata est virga percussoris tui (Isa. xiv, 29). » Et alibi: « Væ Assur virga furoris mei (Joan. x, 5). » Fuit aliquando ille populus quasi virga in manu Dei, quia per ipsum omnes gentes in circuitu flagellavit et castigavit. Hunc autem multoties liberavit Dominus, prius quidem de Ægypti servitute, postea vero de multis angustis. « Mons Sion, in quo habitas. » Hæc inquirunt, hereditas tua est, mons Sion, in quo te habitare promissisti, secundum illud. « Et factus est in pace locus ejus, et habitatio ejus in Sion (Psal. lxxv, 3). » Quod autem ait: « in idipsum, » sic potest intelligi, ut simul et communiter in eo habitet cum aliis omnibus, qui cum eo sunt, ut per hoc et locum, et gentem quadam ratione defendere cogatur.

« Eleva manum tuam in superbiam eorum in finem. » Sic in hoc intelligitur in finem, sicut et superius, « ut quid repulisti nos Deus in finem. »

« Quanta malignatus est inimicus in Sanctis tuis (673), et gloriati sunt, qui te oderunt in me-

(671) « Asaph Latine *congregatio*, Græce *Synagoga* dicitur. » Aug. in hunc titulum.

(672) Varia est, ut admonet Ven. Beda super hunc psalmum interpretum opinio. « Hieronymus contra Chaldaeos cantatum putat; Cassiodorus contra Romanos, Arnobius contra Philisthim, quando Ophni et Phinees sacerdotibus interfectis, arca Dei capta est. » Alii putant psalmum vaticinium esse eversionis Jerusalem in penam necis Christi Do-

« dio atrio tuo. » Multi sancti et boni tunc temporis ducti sunt in captivitatem, quamvis valde pauci essent ad malorum comparisonem. Quomodo autem contra sanctos malignati sunt, et quomodo in mediis atris gloriati, sequentia manifestant.

« Posuerunt signa sua, signa: et non cognoverunt sicut in via super summum. » Quod autem his dicunt signa sua signa, magni doloris indicium est. Posuerunt, inquirunt, signa sua, signa. Sed ubi posuerunt? supra summum. Hoc enim et hodie victores faciunt, et captis urbibus, supra summum, id est in turribus et locis sublimioribus signa sua ponere videmus. Qua in re et illorum gloria, et loci calamitas apertissime demonstratur.

« Et non cognoverunt, sicut in via (674). » Hæc est illa via quam Dominus fecit in mari Rubro, in qua periit Pharaon cum omni exercitu suo, qui populum Dei per talem viam stultissime persequabatur. Et ipsi quidem cognoverunt. Quid cognoverunt? Dei omnipotentiam, et suam fatalitatem. Sed Chaldaei nihil tale cognoverunt, nullum signum viderunt; sed audacter et secure fecerant quæcunque facere voluerunt.

« Quasi in silva lignorum securibus exiderunt januas ejus in idipsum, bipenni, et ascia dejecerunt eas. » In hoc ostendit secure eos sine reverentia circa sanctuarium se habuisse, dum ipsius templi valvas, quasi alia ligna securibus et aliis ferramentis exiderunt. Quod autem dicit, in idipsum, unam eandemque voluntatem in 457 hoc opere tam nefario habuisse ostendit.

« Incenderunt igni sanctuarium tuum, in terra polluerunt tabernaculum nominis tui. » Omnia hæc secundum litteram facta sunt, quæ tamen et spiritualiter intelligi possunt.

« Dixerunt in corde suo cognatio eorum inter se: Venite, comprimamus omnes dies festos Domini a terra. » Hæc una cogitatio, et voluntas omnium fuit, ut sic omnia destruerentur (675), ut nunquam solemnitates ibi amplius fierent, nec dies festi colebantur.

« Signa nostra non vidimus. » Sicut ab antiquis temporibus in tali eventu videre soliti sumus. « Jam non est propheta inter nos, qui veritatem dicere audeat. Ibi enim erat Jeremias, qui ideo in lacum missus est, quia veritatem eis nuntiabat. » Et nos non cognoscet amplius. » Sic miseri homines dicere solent, quando in magnas veniunt calamitates, et quasi desperantes, penitus derelictos se a Domino esse dicunt.

« Usquequo Deus improperebit inimicus? irritat mini.

(673) Etiam contextus apud S. Aug. habet, in sanctis tuis. Vulgata autem, in sancto. Conforbes vero sunt in his: « Et gloriati sunt, qui oderunt te in medio solemnitatis tuæ. »

(674) Cod. Ghs. « Hæc via semper, et memorabilis est. »

(675) Id cod. Et ad nihilum deducerentur.

« adversarius nomen tuum in finem? » Quando in finem dicunt, magnas et multas blasphemias eos contra Dominum locutos fuisse ostendunt. Neque credendum est verbis pepercisse, qui manibus talia operabantur.

« Ut quid avertis faciem tuam. » Et tantas populi afflictiones non respicis? « Et dexteram tuam de medio sinu tuo in finem? » Signus Dei illa civitas fuit, in qua priusquam Deum offenderet, totius sapientiae et scientiae thesauri reconditi in lege et Prophetis continebantur. Ibi erant, et dextera Dei, tantaeque ejus virtus et fortitudo, ut omnes in circuitu vinceret inimicos.

« Deus autem rex noster ante saecula operatus est salutem in medio terrae. » Huc usque Synagoga et populus Judaeorum locutus est, suas desens miseriae et calamitates. Hinc Ecclesia loquitur, et de sua exultat felicitate. Deus, inquit, rex noster modo quidem noster, et specialiter noster, sed Deus omnium ante saecula operatus est salutem in diebus nostris in medio terrae. Quid est in medio terrae? In civitate Jerusalem, quae in medio gentium sita est, sive in medio terrae, in utero virginis; sive in medio terrae, in assumpta humanitate; sive in medio terrae salutem operatus est, quia non unius gentis, sed omnium gentium hanc salutem voluit esse communem. Nunc ad ipsum Salvatorem convertitur, eique loquitur cetera quae sequuntur.

« Tu confirmasti in virtute tua mare. » Hoc est illud mare de quo dicitur: « Hoc mare magnum, et spatiosum (Psalm. ciii, 25), » per quod mundus iste significatur. Hoc autem confirmavit Dominus in virtute sua, ut jam non fluctet, sicut prius, et quietum maneat, et super se Domino gaudenti, Domino gradienti se palpabile et calcabile præbeat. Mare ab amaritudine dicitur; sed Spiritus sancti gratia confirmatum et inunctum est, omnem amaritudinem in dulcedinem convertit.

« Tu contribulasti capita draconum super aquas. » Capita draconum vitia sunt et peccata, quae, si succisa fuerint, maligni spiritus, qui per dracones significantur, quasi mortui et decollati nihil possunt. Haec autem capita contribulavit Dominus super aquas, quia omnia vitia et peccata in baptismo delevit.

« Tu confregisti capita draconis magni. » Illic est ille magnus draco, qui in paradiso cum muliere locutus, eam seduxit, et de ligno vetito comedere fecit, ac per hoc peccatum intravit in mundum, et per peccatum mors, quia « invidia diaboli mors intravit in orbem terrarum (Sap. ii, 24). » Sed hujus magni draconis caput, per quod originale peccatum significatur, Christi morte confractum est, ejusque sanguine deletum. Magnus draco, magnum

A habuit caput, quod magno malleo conterendum fuit. « Dedisti eum in escam populo Aethiopum, » ut vice versa ab illis devoretur, quos ipse prius devorare solebat. Devorare autem superare est. Per Aethiopes naturaliter nigros, peccatores significantur, qui aquis baptismatis regenerati et super nivem dealbati sunt (676).

« Tu dirupisti fontes, et torrentes. » Fontes et torrentes, legis et prophetarum, et utriusque Testamenti volumina intelliguntur; qui videlicet fontes prius clausi et obturati erant. Sed eorum venas Dominus aperuit, et arctissima vincula quibus claudebantur dirupit et aquarum ex eis affluentiam emanare jussit. Hinc est enim, quod Joannes apostolus, cum videret librum septem sigillis signatum, multumque fletet, eo quod nullus dignus ad librum aperiendum inveniretur, dictum est ei: « Ne flevieris, quia ecce venit leo de tribu Juda, radix David aperire librum, et solvere septem signacula ejus (Apoc. v, 5). » Aperire igitur librum, quid aliud fuit, nisi id quod hic dicitur. « Tu dirupisti fontes et torrentes. Tu siccasti fluvios Ethan. » Ethan fortis interpretatur, per quem diabolus intelligitur, de quo in Evangelio Dominus ait: « Cum fortis armatus custodit atrium suum, in pace sunt ea, quae possidet (Luc. xi, 21). » Sed quid per fluvios ejus, nisi omnes haereticorum libros, et omnia dogmata impietatis intelliguntur? Hos autem desiccavit Dominus, qui in multis conciliis, per Ecclesiae doctores, omnes haereses destruxit. Et bene quidem conveniens fuit, ut fluvios Ethan desiccaret, qui Ecclesiae fontes et torrentes aperuit.

« Tuus est dies, et tua est nox. » Legitur in Genesi, quia « divisit Deus lucem a tenebris, vocavitque lucem diem, et tenebras noctem (Gen. i, 5). » — « Et fecit tunc duo magna luminaria, solem scilicet et lunam; luminare majus, ut præsetter diei, et luminare minus, ut præsetter nocti (ibid., 16). » Dies igitur Christianos, et nox Judaeos significat. Et quidem diei præest luminare majus, nocti vero minus. Luminare autem majus Novum Testamentum est, cujus claritas et doctrina, ad solis similitudinem, totum mundum illuminavit. Minus vero luminare, Vetus Testamentum est, quod quasi in nocte sic super Judaeos pallescit et tenebrescit. Unde et Apostolus ait: « Nam neque clarificatum est, quod claruit in hac parte propter excellentem gloriam (II Cor. iii, 10). » Tanta est enim claritas Novi Testamenti, ut Veteris Testamenti claritas pro tenebris habeatur. Utrumque tamen Testamentum unum est, et utrumque clarum et splendidum est, si spiritualiter intelligatur: Quod igitur ait: « tuus est dies, et tua est nox; » tale est, ac si diceret, et Christiani et Judaei, et illuminati et caeci, et boni et

(676) Post hanc expositionem, quae eadem est apud sanctum Augustinum haec opportune admonet S. Doctor. « Fratres, obsecro, intendite: cum magna voluptate audiuntur, quae auditae etiam in orbe terrarum cognoscuntur. Ille quando dicebantur, non

fuerunt; quia tunc promittebantur, non reddebantur: nunc vero qua voluptate afficimur, cum ea, quae praedicta legimus in libro, compleri videmus in mundo? »

mali tui sunt, quia tu fecisti omnes; et uno rectoque A
iudicio iudicabis omnes.

« Tu fecisti solem et lunam. » Dictum est modo quid per solem et quid per lunam significetur. Miseri Manichæi, qui alium Deum Novi Testamenti, et alium Veteris esse dicebant. Ecce enim Salvator noster utrumque Testamentum hoc in loco fecisse dicitur.

« Tu fecisti omnes terminos terræ, ætatem et ver, tu fecisti ea. » Nihil est enim quod Christus non fecerit, quia ipse est per quem omnia facta sunt, et sine quo factum esse nihil. Placuit tamen Ecclesiæ sive Prophetæ hæc singulariter enumerare, ut in his ita expositis, ejus omnipotentiam exaltaret. Possumus tamen per ætatem et ver perfectos et imperfectos intelligere, quorum alteri feruentissimo Spiritus sancti igne succensi sunt; alteri vero eidem igni appropinquant, et jam proximi sunt.

« Memor es hujus creaturæ tuæ. » Divinitati loqui videtur, et eam quam assumpsit humanitatem ei commendat, quam ideo creaturam vocat, ut verus Deus et verus homo Salvator noster esse credatur. Et valde conveniens erat, ut qui tanta de potentia divinitatis ejus usque nunc locutus fuerat, de humanitate quoque aliquid diceret, atque illis hæreticis occasionem tolleret, qui eum non hominem, sed Deum tantum esse credebant (677). « Inimicus impropèravit Domino, et populus insipiens exacerbavit nomen tuum. » Ideo, inquit, hujus creaturæ tuæ memor esto, quia humani generis inimicus diabolus, et simul cum eo Judæorum populus insipiens multum ei adversabitur. Prophetarum autem est, pro futuris præterita ponere, multa enim impropèria Domino isti in Evangelium intulisse opponunt. Nam et ipse diabolus ad hoc usque tentando pervenit, ut ad se adorandum eum invitaret.

« Ne tradas bestiis animas confidentes tibi; et animas pauperum tuorum ne obliviscaris in finem. » Nunc autem pro illis omnibus orat, contra quos post Christi passionem omnes bestias insurgere conspexit. Per bestias autem malignos spiritus, hæreticos, et tyrannos intelligere debemus. De quibus Apostolus ait: « Quid mihi prodest quod ad bestias pugnavi Ephesi, si mortui non resurgunt? » (1 Cor. xv, 32). Et revera crudelissimæ bestię omnes isti sunt, qui non solum corpora, sed animas quoque perdere nituntur. Quid significet « in finem » sæpe jam diximus.

« Respice in Testamento tuo, quia repleti sunt, qui obscurati sunt terræ domorum iniquitatum. » Respice, inquit, in Testamento tuo, per quod Ecce-

677) Hæretici asserentes Verbum divinum specie tenus assumpsisse naturam humanam fuerunt Marcionitæ, Manichæi, Priscillianistæ, et ante eos Simon Magnus, et ejus discipuli, quos perstringit S. Jo. i, Ep. c. 4, eosque solventes Christum, id est separantes naturam humanam a divina, antichristos vocat.

(678) « Asaph, ut sæpe diximus, interpretatur

siam intelligimus, quæ ipsum Testamentum suscipere meruit, et propter ipsum multas patitur tribulationes. Et valde quidem necessarium est ut eam respicias. Quare? « Quia repleti sunt, qui obscurati sunt terræ domorum iniquitatum. » Non fuit eis sufficiens, ut iniquitatum pleni essent, nisi ipsas iniquitatum domos in se suscepissent. Domus iniquitatum maligni spiritus sunt, quia omni malitia et iniquitate pleni sunt. Repleti sunt igitur domorum iniquitatum illi, qui obscurati sunt caligine terræ, per quos Judæi et hæretici, omnes homines iniqui significantur, qui terreni erroris caligine obscurati et exæcati sunt, ut veritatis lumen videre non valeant. Respice itaque in Testamento tuo, quia omnes isti ad hoc intendunt, ut illud deleant, et destruant.

« Ne avertatur humilis factus confusus. » Iste humilis unusquisque fidelis est, qui tunc quidem fugaretur et averteretur, si Testamentum sibi datum defendere non valeret; quod nimirum, quod absit, ad magnam confusionem sibi contingeret. « Pauper et inops laudabunt nomen tuum. » Per pauperem et inopem, eundem ipsum humilem significat. Et pauper quidem est, 459 qui nihil habet; inopa vero qui quamvis sine opibus sit, pro naturæ tamen necessitate aliquid habet.

« Exsurge Deus, judica causam tuam. » Exsurge, inquit, Deus in adjutorium servis tuis, et tu ipsa defende, et judica causam tuam, quam isti maligni suis argumentationibus destruere conantur. C
« Mea mor esto impropèriorum tuorum, eorum dica, quæ ab insipiente sunt tota die. » Quanta mala, et quam nefanda Judæi et hæretici dicunt contra Christum, si tamen est locus, ubi dicere audeant.

« Ne obliviscaris vocem querentium te. » Ne obliviscaris, inquit, voces eorum qui te querunt, sed exaudi et libera eos de omnibus angustiis suis, sicut digni sunt. Similiter autem et superbia eorum ascendat semper ad te, ut eam semper videas, semper de eis vindictam suscipias, et nunquam talis mali obliviscaris.

PSALMUS LXXIV.

IN FINEM NE CORRUMPAS. PSALMUS CANTICI ASAPH (678).

Ad finem referatur iste psalmus, id est ad Christum; quod autem dicitur ne corrumpas, multis modis intelligi potest. Veluti ne corrumpas tituli inscriptionem; vel ne corrumpas aliquam Scripturam, quod Judæi facere solent. Vel ne corrumpas teipsum, sive ne facias aliquam illicitam corruptionem. Asaph autem Synagoga interpretatur. Bona Synagoga est ista quæ Deum laudat, ejusque mirabilia narrat.

« Confitebimur tibi, Deus, confitebimur tibi, et

Synagoga : illa, quæ utique credidit, non quæ obstinata permansit : nam post resurrectionem Domini confessa legimus multa millia Judæorum, quos Asaph iste nunc admonet, ne fidem suam corrumpant in finem, id est in Dominum Salvatorem. » Beda. Haud aliter sensit de tituli hujus interpretatione Cassiodorius, cujus etiam verba usurpavit Beda.

« invocabimus nomen tuum. » Promittit Synagoga A
et universaliter in omnibus, et singulariter in uno-
quoque Salvatore nostrum se laudare, ejusque no-
men invocare, ac omnia ejus mirabilia percensere.
Sic enim et Moysi quondam populum dixisse legitur :
« Omnia quaecunque praecepit nobis Dominus, facie-
mus (Exod. xix, 8) ; » et tamen non fecerunt. Sed
non videntur offendere, qui ista promittunt, quo-
niam secundum suam intentionem alios judicant, et
hoc est in eorum voluntate, ut omnes alii similiter
faciant. Bonam enim voluntatem habebant illi, qui
dicebant : « Hosanna filio David, benedictus qui venit
in nomine Domini, rex Israel, hosanna in excelsis
(Matth. xxi, 9). » Et hoc erat in desiderio illorum,
ut alii quoque eum laudarent et benedicerent. Nunc
autem sequentia videamus.

« Cum accepero tempus, ego justitiam judicabo. »
Hæc autem loquitur Salvator noster, et ad superiora
respondet. Ego, inquit, cum accepero tempus justi-
tiam judicabo, et unicuique secundum merita dabo,
et eos qui me confitentur, et meum nomen invocant,
et mirabilia mea prædicant, dignis muneribus remu-
nerabo. Hoc autem erit in iudicio, quando et boni,
et mali omnes astabunt ante tribunal Christi. Et ibi
quidem erit Asaph, ibi erit tota Synagoga, ibique a
se dividuntur, et qui Christum confessi sunt et lau-
daverunt, et qui eum negaverunt.

« Liquefacta est terra, et omnes inhabitantes in
ea. » In eo quod terra, ejusque habitatores lique-
facti esse dicuntur, sine viribus, sine fortitudine,
sine propria figura et pulchritudine esse monstnan-
tur. « Ego confirmavi columnas ejus. » Columnæ
totius terræ apostoli sunt et doctores : Has autem
columnas confirmabat Dominus quando dicebat :
« Nolite timere eos qui occidunt corpus, animam
autem non possunt occidere (Matth. x, 28). » Et :
« Estote fortes in bello, et pugnate cum antiquo ser-
pente (II Reg. x, 12). » Et : « Ego dabo vobis os et
sapientiam, cui non poterunt resistere et contradi-
cere omnes adversarii vestri (Luc. xxi, 15). » Bene
confirmatæ sunt istæ columnæ, totam terram porta-
re, et sustinere valent ; multi tamen sunt qui super
eas ascendere nolunt.

« Dixi iniquis : Nolite inique agere, et delinquen-
tibus : Nolite exaltare cornu. » Hoc enim dixit D
Dominus per legem, per prophetas, Isaiam nempe,
Jeremiam et Ezechielem, per ipsos psalmos, et per
utriusque Testamenti Scripturas. Hoc et per apo-
stolos dixit, et per episcopos, et sacerdotes quotidie
dicit ; attamen impii inique agere non cessant, et
delinquentes suæ potestatis et iniquitatis cornua
exaltant. Per cornua iniquorum omnis eorum virtus
et fortitudo figuratur.

« Nolite extollere in altum cornu vestrum. » Hoc
autem exponit : « Et nolite loqui adversus Deum
iniquitatem. » Adversus Deum iniquitatem illi lo-
quuntur, qui de ipsa divinitate disputantes perversa
dogmata introducunt. Hoc fecit Arius, hoc Mani-
chæi, multique alii perditionis filii. Nam et Judæi

adversus Deum iniquitatem loquenti sunt, quando con-
tra Salvatorem « Crucifige » clamant.

460 « Quia neque ab oriente, neque ab occi-
dente, neque a desertis montibus, » est volvis,
subauditur, via evadendi. Omnes mundi terminos
posuit, quia per montes desertos et inhabitabiles,
australis et septentrionalis plaga designatur ; nemo
enim effugere poterit iudicium Dei. De quo et sub-
ditur : « Quoniam Deus iudex est. » Sed quomodo
judicat. « Hunc humiliat, et hunc exaltat. » Deponit
potentes de sede et exaltat humiles : eos humiliat,
qui juste humiliandi sunt ; eos exaltat, qui merito
exaltandi sunt. In potestate illius est, et humiliare et
exaltare quos vult ; hanc autem potestatem nullus
alius habet. Et hoc ideo, quia :

B « Calix in manu Domini vini meri plenus est mi-
sto, et inclinavit ex hoc in hoc, verumtamen fæx
ejus non est exinanita. » Calix iste in manu Domini
mensura retributionis est. Et bene in manu Domini
esse dicitur, quia in manu et potestate illius est,
reddere unicuique secundum opera sua. In hoc autem
calice merum et purum vinum, et mistum vinum simo
cum fæce continetur. Et alii quidem merum vinum,
alii mistum, alii vero fæcem de hoc calice bibunt.
Dicendum est igitur, qui sunt illi qui merum, et qui
mistum, et qui fæcem bibunt. Merum autem illi bi-
bunt, qui de hac vita exuentes, nihil in se habent
quod puniatur. Mistum vero illi peccatores, qui pœ-
nitentiam ex corde suscipiunt. Unde scriptum est :
C « Peccator quacunq[ue] hora conversus fuerit, et in-
gemuerit, vita vivet, et non morietur (Ezech. xxxiii,
11). » Isti enim, ut Apostolus ait, salvabuntur qui-
dem, sic tamen « quasi per ignem. » Salvati autem
per ignem, quid est, nisi bibere vinum mistum ? Fæ-
cem autem illi peccatores bibunt, qui usque in
finem in sua malitia perseverant. De quibus Aposto-
lus ait : « Secundum duritiam autem tuam, et cor-
impenitentem thesaurizas tibi iram in die iræ, et re-
velationis justi iudicii Dei, qui reddet unicuique
secundum opera sua (Rom. ii, 5). » Quod autem
ait : « Et inclinavit ex hoc in hoc ; » ad magnam
Dei misericordiam spectat, qui de vino mero in mi-
stum vinum tantum inclinat, ut bibentes non pereant,
et pœnitentiæ remedium et pœnam tolerare valeant.
D Fæx autem non minuitur, quia valde plures sunt illi,
qui fæcem bibunt, quam sint omnes illi, qui merum
vinum bibunt et mistum. Unde et subditur :

« Bibent omnes peccatores terræ. » Fæcem vide-
licet, quæ semper sic abundat, ut non minuat,ur,
per quod intelligitur quia pœna malorum nullum fi-
nem habebit. Sic enim in alia translatione legitur.
Quod vero in ista dicitur, « ex eo, » de calice in-
telligitur. De calice vero peccatores in sua malitia
perseverantes, sicut superius diximus, nihil aliud,
nisi fæcem bibent.

« Ego autem in sæcula gaudebo, cantabo Deo Ja-
cob. » Illi, quasi dicat, neque gaudere, neque can-
tare poterunt ; qui omnium tormentorum fæcem
inefficienter, quotidie et sine fine bibent. Ego au-

tem et fideles mei in sæcula gaudebo, et cantabo Deo Jacob, et ineffabilis suavitatis dulcedine eos inebriabo. Hinc est enim, quod alibi dicitur: « Inebriantur ab ubertate domus tuæ, et torrente voluptatis tum potabis eos (Psal. xxxv, 7). »

« Et omnia cornua peccatorum confringam, et exsultabunt cornua iusti. » Dicimus per cornua potentiam et fortitudinem significari; quoniam boni tunc fortes erunt atque potentes, mali vero miseri erunt, et per omnia infelices.

PSALMUS LXXV.

IN FINEM IN LAUDIBUS PSALMUS ASAPH, CANTICUM AD ASSYRIOS (IV Reg. xix).

Legitur de Sennacherib rege Assyriorum, cum venisset ad obsidendam Jerusalem, quod angelus Domini una nocte percussit de Assyriis centum octoginta quinque millia. In laudibus igitur tantæ victoriæ cantat Asaph canticum istud ad Assyrios, id est contra Assyrios. Sed quia dixit in finem, ea quæ secundum litteram facta sunt, ad Ecclesiam spiritualiter referenda esse ostendit.

« Notus in Judæa Deus, in Israel magnum nomen ejus. » Totus enim mundus erat in errore, et idolis serviebat, quando sola Judæa veri Dei cognitionem habebat. Unde et merito hic dicitur: « Notus in Judæa Deus, in Israel magnum nomen ejus. » Sed quia Judæa confessio, Israel vero vir videns Deum interpretatur; per Judæam Ecclesia significatur, quæ sola ex cunctis gentibus Deum confiteatur et laudat. Per Israel vero, populus Christianus, qui solum verum Deum cognoscit et adorat.

« Et factus est in pace locus ejus, et habitatio ejus in Sion. » Jerusalem visio pacis interpretatur, et est ille locus de quo modo dicitur: « Factus est in pace locus ejus, » quoniam ibi a Salomone ædificatum est templum. Differunt autem Sion et Jerusalem, quod Jerusalem tota civitas, Sion vero sola arx et fortitudo vocata est. De qua dicitur: « Cepit David arcem Sion (I Par. xi, 5). » Utraque autem sanctam Ecclesiam significat, in qua Salvator noster rex et pontifex a Domino constitutus ait: **461** « Ego autem constitutus sum rex ab eo super Sion montem sanctum ejus, prædicans præceptum Domini (Psal. xi, 6). »

« Ibi confregit cornu, arcum (679), scutum, gladium, et bellum. » Hoc autem secundum litteram illud est quod modo diximus, quia percussit angelus Domini de Sennacherib centum octoginta quinque millia. Et tunc quidem totum illorum bellum confRACTUM et dissipatum est. Hoc quoque in Ecclesia quotidie fit, et omnia arma diabolice artis, totumque ejus bellum quotidie a pluribus franguntur et dissipantur. Cornua diaboli illa sunt quæ alios vocant, et ad prælia concitant. Arcus autem, hæretici et fraudulentii, qui bonos in occultis sagittant et vulnerant. Scuta vero omnes illorum argumentationes, vel

A quæcunque alia sunt, quibus se contra veritatem defendunt. Per gladium autem illos intelligimus, qui manifesta persecutione contra Ecclesiam sæviant.

« Illuminans tu mirabiliter. » Tu, inquit, mirabiliter illuminans Ecclesiam tuam, confregisti in ea omnia illa quæ superius dicta sunt. Mirabilis illuminatio est, quam Spiritus sanctus operatur. Hoc autem apostoli probaverunt, qui tam subito tales facti sunt, quibus ipsi philosophi resistere non valerent. Unde ipse Dominus ait: « Ego dabo vobis os et sapientiam, cui non poterunt resistere, et contradicere omnes adversarii vestri (Luc. xxi, 15). » — « A montibus æternis turbati sunt omnes insipientes corde. » Æterni montes apostoli sunt et doctores. Ab his autem conturbati sunt philosophi, hæretici, omnesque alii ore et garrulitate sapientes; corde vero insipientes, cum eorum sapientiæ et rationibus respondere non possent.

« Dormierunt somnum suum, et nihil invenerunt omnes viri divitiarum in manibus suis. » Sed unde iste tam validus somnus? « Ab increpatione tua, Deus Jacob, dormitaverunt, qui ascenderunt equos. » Si de Assyriis intelligatur, manifestum est quia et seipos et omnia sua subito amiserunt, gravissimo somno dormientes, et nunquam postea evigilantes. Illi quoque qui per eos significati sunt, et qui similiter populum Dei et sanctam Ecclesiam persequuntur, quotidie dormientes et morientes, et seipos et sua omnia perdunt, et nihil suarum divitiarum inveniunt. Hoc autem fit ab increpatione Dei, qui unicuique illorum assidue in Evangelio dicit: « Stulte, hac nocte anima tua rapietur a te, quæ autem parasti cuius erunt? » (Luc. xu, 10). Per equos autem omnia illa significantur, quibus potentiores et fortiores homines fiunt. Sic dicere solemus, super bonum equum aliquem sedere, quem vel divitiis, vel honore, vel aliqua magna re præditum videntur.

« Tu terribilis es, et quis resistet tibi, extunc ab ira tua? » Ideo, inquit, ab increpatione tua dormierunt, qui ascenderunt equos, quia tu terribilis es, et nemo tuæ voluntati resistere valet extunc ab ira tua. Quod ipse dixit extunc, hoc exposuit dicendo ab ira tua. Statim enim ut irascitur, necesse est, ut omnes illi superentur et cadant, contra quos ipse irascitur. Unde et subditur: »

« De cælo judicium jaculatum est, et confestim terra tremuit, et quievit (680). » Statim, inquit, ut judicium de cælo jaculatum est, et sententia a sede tua processit, statim factum est quod fieri jussisti. Securi, inquit, Assyrii erant, et nihil timebant, et subito in celis data est sententia, et statim omnes ab angelo interfecti sunt. Et hoc est quod dicit: « Terra tremuit et quievit. » Terram vero eos vocat, qui sub una hora et tremuerunt et quieverunt. Qua in re tam repentinam cladem illam fuisse ostendit, ut vix eis timere et dolere licuisset. Sic factum est

(679) In Vulgata legitur « potentias arcum, » apud Augustinum « fortitudines arcum. »

(680) Lectio Vulgate: « De cælo auditum fecisti

judicium: terra tremuit, et quievit. » Alia est apud Augustinum, « De cælo jaculatus est judicium: terra tremuit, » etc

et in Pharaone, qui cum secure per medium maris Rubri Dei populum persequeretur, iudicium de celo jaculatum est, et statim cum omni exercitu suo in profundum demersus est. Et multa alia in divinis Scripturis reperire poterit, qui ea querere voluerit.

« Dum exsurgeret in iudicium Deus, ut salvos faceret omnes quietos terræ (681). » Tunc, inquit, contra Assyrios fecit ea Deus quæ modo dicta sunt, dum exsurgeret in iudicium adversus eos, qui longo tempore superbiam eorum sustinuerat. Surrexit tandem, ut salvos faceret omnes quietos terræ, per quos omnes illos intelligimus, qui in Jerusalem clausi tenebantur. Ibi enim tunc erat Isaias propheta, et rex Ezechias, et multi alii viri religiosi. Audiamus itaque Apostolum dicentem : « Hæc autem omnia in figura contingebant illis. Scripta sunt autem ad correctionem nostram (1 Cor. x, 11). » Redeant peccatores ad penitentiam, et ne tardent converti ad Dominum, ne iudicium de celo jaculetur, quia jam securis ad radicem arborum posita est. Gaudeant et quieti terræ, quia ad hoc surgit Dominus quotidie in iudicio, ut salvos faciat omnes quietos terræ. De quibus subditur : « Quia cogitatio hominis constituitur tibi. » Ideo, inquit, salvat Dominus quietos terræ, quia cogitatio quieti hominis eum laudat et constituitur. Unde ipse ait : « Super quem requiescet Spiritus meus, nisi super humilem, et quietum, et tementem sermones meos (Isa. lvi, 2). » — « Et reliquæ cogitationum diem festum agent tibi. » Reliquæ cogitationum, 682 bonæ cogitationes intelligi possunt, quæ aliis bonis cogitationibus sine intermissione succedunt. Et hæc quidem agunt Domino diem festum, quia sine his nulla festivitas Deo acceptabilis est. De bonis namque cogitationibus bona opera originem habent; sicut econtra de malis mala opera oriuntur.

« Vovete, et reddite Domino Deo vestro, omnes qui in circuitu ejus offeritis munera. » Vos, inquit, qui in civitate clausi estis, et circa templum habitatis; in quo eum esse non dubitatis, et qui quotidie ei sacrificia et munera offeritis, ut vobis eum propitium et placabilem faciatis, vovete vota vestra, et reddite ea Domino Deo vestro. Qui in aliquo peccato est, dimittat illud, et voveat eas bene facturum. Vobiscum est prophetarum maximus Isaias, audite eum dicentem : « Quiescite agere perverse, discite benefacere, querite iudicium, subvenite oppresso, iudicate pupillo, et defendite viduam (Isa. i, 17). »

« Terribili et ei, qui aufert spiritum principum, et terribili apud reges terræ. » Vovete, inquit, Domino Deo vestro, Domino forti, atque terribili, qui tam subito aufert spiritum principum, et qui tam terribilis est apud reges terræ. Neque dubium est in illo exercitu multos reges, ac principes fuisse, simulque cum aliis perisse. Hæc autem omnia se-

cundum litteram vera sunt, quæ ad spirituales intelligentiam facillime et convenienter trahi possunt. Sed nos titulum secuti sumus, qui ad Assyrios scriptus est.

PSALMUS LXXVI.

IN FINEM : PRO IDITHUN PSALMUS ASAPH (682).

Perfectorum sunt illi psalmi, quorum titulus ponitur Idithun, qui *transiliens cæteros* interpretatur. Et hoc quidem jam in aliis psalmis expositum est.

« Voce mea ad Dominum clamavi, voce mea ad Deum, et intendit mihi. » Voce, inquit, mea, per meipsum voce interioris hominis, tota mentis intentione clamavi ad Dominum, vox mea ad Dominum ivit, et in aures ejus introivit, sicut alibi dicitur : « Et clamor meus in conspectu ejus introivit in aures ejus (Psalm. xvi, 7). » Et Dominus intendit mihi. Quid est autem et intendit mihi, nisi exaudivit me? Sic igitur oret, qui exaudiri desiderat.

« In die tribulationis meæ, Deum exquisivi manibus meis. » In die, inquit, tribulationis meæ, exquisivi Dominum, qui adiutor est in opportunitatibus, in tribulatione. Sed quomodo quæsi? manibus meis. Plus est manibus Dominum querere, quam ore. Illi manibus Dominum querunt, qui bene operando ad eum venire contendunt.

« Nocte coram eo, et non sum deceptus. » Non decipiuntur qui nocte Dominum querunt, et in tribulationibus querunt : « Quia juxta est Dominus his, qui tribulatio sunt corde (Psalm. xliii, 19). » — « Multæ tribulationes iustorum, et de his omnibus liberabit eos Dominus (Psalm. vii, 20). » Nam et Propheta nocte se Deum quæsisisse ostendit : « Media nocte surgebam ad confitendum tibi (Psalm. cxviii, 62). » Itemque : « In noctibus extollite manus vestras in sancta, et benedicite Dominum (Psalm. cxxxiii, 4). »

« Noluit consolari anima mea. » Cum, inquit, in tribulationibus easem, multos habui consolatores, quorum consolationes noluit recipere anima mea. Sic beatus Job suis consolatoribus ait : « Consolatores onerosi omnes vos (Job. xii, 2). » Sic et « Rachel plorans filios suos noluit consolari, quia non sunt (Matth. ii, 18). » Carnalis igitur erat ista consolatio, quam vir iste sanctus recipere noluit : « Memor fui Dei, et delectatus sum (Psalm. lxxvi, 4). » Memor, inquit, fui Dei, qui seipsum exinanivit formam servit accipiens (Philipp. ii, 7), et tantas pro nobis omnibus sustinuit tribulationes; et delectatus sum in tribulationibus meis : « Non enim sunt condignæ passionibus hujus temporis ad futuram gloriam, quæ revelabitur in nobis (Rom. viii, 18). »

« Exercitatus sum, et defecit paulisper spiritus meus. » In tali exercitio fuerat Apostolus, qui ait : « Nolo vos ignorare, fratres, de tribulatione nostra, quæ facta est nobis in Asia, quia supra modum gravati sumus, supra virtutem, ita ut tæderet nos etiam

(681) Alia lectio in Vulgata omnes mansuetos terræ; alia apud Augustinum omnes mites corde.

(682) Asaph interpretatur congregatio. Loquitur hic ergo congregatio transiliens, ut perveniat ad fi-

nem, qui est Christus Jesus. Quæ sint igitur transilienda, ut ad illum finem pervenire possimus, psalmi textus ipse demonstrat. » S. Aug.

vivere (1 Cor. 1, 8). » Defecerat utique paulisper spiritus ejus, quem tadebat etiam vivere. Sic igitur sancti martyres in agone suo multoties exercitabantur, ut spiritu paulisper deficiente, de hac vita exire optarent.

« Anticipaverunt vigilias oculi mei. » Mirum non erat, si dormire non poterat, qui in tali exercitio erat, praesertim cum Dominus dicat : « Vigilate, quia nescitis diem, neque horam (Matth. xxv, 13). » Vigilabat utique et mortem potius quam vitam optabat, quia satis ipsa morte duriora erant tormenta, quae austerabat. Unde et subditur : **463** » Turbatus sum, et non sum locutus. » Quomodo enim turbari non poterat, tot tantisque angustiis undique circumseptus? Sed in hoc ejus perfectio comprobatur, quia locutus non est, et patienter omnia sustinuit, Salvatoris nostri exempla secutus, qui « sicut agnus ad victimam ductus non operuit os suum (Isa. LIII, 7). »

« Cogitavi dies antiquos, et annos aeternos in mente habui. » — « Cogitavi, inquit, dies antiquos, » et inveni quod omnes, qui pie volunt vivere in Christo, necesse est ut persecutionem patiantur (II Tim. iii, 12) ab impiis et his similibus. Sic Abel, sic Abraham, sic Moyses, sic David et sic alii sancti sustinuerunt. « Et annos aeternos in mente habui (683). » Et cognovi, et vidi quia sanctorum gloria erit in aeternum, et malorum tormenta finem non habebunt. Hanc considerationem debent habere omnes boni, et hanc in suis angustiis suscipere consolationem. Unde adhuc subditur :

« Et meditatus sum nocte cum corde meo, exercitabar, et ventilabam in me spiritum meum. » Haec, inquit, in nocte cogitabam, haec in corde meo tractabam, hoc erat exercitium, et studium meum, et in hac tam nobili meditatione ventilabam spiritum meum. Egregie dictum est, ventilabam, ut spiritus ejus, qui ex indignatione succensus fuerat, ex hac meditatione tam delectabili refrigerium caperet.

Et dixi : « Nunquid in aeternum projiciet Deus? aut non apponet, ut beneplacitum sit ei adhuc? aut in finem misericordiam suam abscindet a saeculo et generatione? Nunquid obliviscetur misereri Deus, aut continebit in ira misericordiam suam? » Ecce qui ab aliis noluit consolari, modo seipsum ipse consolatur, et sub interrogatione ea confirmat quae quasi negative dicere videtur. Et tale est ac si diceret : Putant stulti quod nos Dominus projecit, et quod nimirum iratus ulterius nobis non miseretur. Sed non est ita. Cito se placabilem ostendit, qui nunc implacabilis esse videtur; neque ut ipsi putant, abscindet misericordiam suam usque in finem, et ab hoc saeculo, usque ad futuram generationem. Unde et subditur :

« Et dixi : Nunc cepti. » Quid est nunc cepti? Nunc cognovi et intellexi, quia nunquam Deus deseret

(683) « Qui sunt anni aeterni? inquit Augustinus, magna cogitatio. Videte, si vult ista cogitatio nisi magnam silentium! Ab omni forinsecus strepitu, ab

sanctos suos. In praeteritis, quasi dicat, cognoscitur, quid in his quae futura sunt facturum est Dominus. Et hoc est quod ait : « Haec est mutatio dexterarum excelsi. » Quae? « Quia memor fui operum Domini, » et quia memor ero ab initio mirabilium tuorum, » et quia meditatus sum in omnibus operibus tuis, » et quia in observationibus tuis me exercebo. » Totum hoc, inquit, est immutatio dexterarum excelsi; et totum hoc operatur dextera Domini, ut homo sic mutetur de primis in novissima, et de novissimis in prima, et sic memor fiat et recordetur operum Domini et mirabilium ejus. In hac enim tali commutatione et meditatione cognoscunt sancti et bonorum praemia et malorum supplicia; et hoc quidem tribuit eis non modicam consolationem. Nota hic, quomodo inter se commutat praeterita et futura. Memor fui, inquit, et memor ero : et meditatus sum et meditabor. Semper mirabilia Dei in memoria habenda sunt, semper ejus opera meditanda sunt et semper in ejus mandatis et observationibus nos exercere debemus.

« Deus in sancto via tua, quis Deus magnus sicut Deus noster? tu es Deus, qui facis mirabilia solus. » Nunc Dei mirabilia narrare incipit, sicut modo superius se facturum esse promisit, dicens : « Quia memor ero ab initio mirabilium tuorum. » Omnis via Dei est in sancto, quia nunquam a sanctitate et justitia recedit. Possumus autem per sanctum ipsum Dei Filium intelligere, qui de seipso ait : « Ego sum via, veritas, et vita (Joan. xiv, 6). » Et in ipso quidem est via Dei, quia « omnia per ipsum facta sunt, et sine ipso factum est nihil (Joan. 1, 3). »

« Quis Deus magnus sicut Deus noster? omnes dii gentium daemonia, Dominus autem caelos fecit. » Et ipse solus facit mirabilia, quia quaecumque omnes alii faciunt, si tamen bona sunt, quae faciunt, non a se, sed ab ipso faciunt.

« Notam fecisti in populis virtutem tuam. » Quam virtutem? « Liberasti in brachio tuo populum tuum filios Israel, et Joseph. » Haec est virtus quae de Aegypto servitute populum suum Dominus liberavit; concitis populis et nationibus nota facta est, quia valde gloriosa et sine fine memorabilis est. Sed non minus illa quoque laudabilis est, qua in brachio suo, id est per filium suum omne hominum genus de diaboli servitute Dominus liberavit; haec enim in illa significata est, et uno eodemque brachio haec et illa facta est. Quod autem dicit « filios Israel, et filios Joseph, » sic videtur esse dictum, sicut illud in Evangelio : « Ite, dicite discipulis ejus, et Petro (Marc. xvi, 7). » Nam et Petrus unus de discipulis erat, sicut et Joseph unus fuit de filiis Israel. De Petro quidem manifesta ratio est, quare nomine vocatus fuerit. De Joseph vero quid aliud intelligere debemus, nisi quia omnes alii gratia Patris liberati sunt, Joseph vero quia suis

omni humanarum rerum tumultu intus requiescat, qui cogitare vult annos istos aeternos. »

ipsius merito liberatus est? Per hos autem, omnes A Christianos intelligere debemus, unum Deum videntes et cognoscentes, et in fide et in bonitate cordis crescentes. Interpretatur enim Israel vir videns Deum; Joseph vero augmentum, sive accrescens.

« Viderunt te aquæ Deus, viderunt te aquæ, et timuerunt, turbatæ sunt abyssi. » Potest hoc intelligi juxta litteram, quando filii Israel per mare Rubrum siccis pedibus transierunt, aquis utrinque recedentibus, quod quidem inter maxima et præclara Dei miracula commemorandum erat. Secundum spirituales intelligentiam, « aquæ multæ, populi multi, » qui postquam Dominus populum suum liberavit in brachio suo, ab infidelitate ad fidem conversi, in eum crediderunt, eum viderunt, et timuerunt. Abyssi vero turbatæ sunt; per quas hujus sæculi potentiores intelligimus, qui sic sunt in hoc mundo, sicut abyssi in medio maris. Unde Apostolus ait: « Videte vocationem vestram, fratres, quia non multi potentes inter vos, non multi nobiles, non multi sapientes, sed quæ sunt stulta mundi elegit Deus, ut perdat sapientiam, et quæ infirma sunt elegit Deus, ut confundat fortia, et ea quæ non sunt, ut ea quæ sunt destrueret (I Cor. 1, 26). » Isti autem conturbati sunt, et cum magno furore contra sanctos insurrexerunt. Hos autem secuta est infinita iniquorum hominum, et procellosa multitudo. De qua et subditur: « Multitudo sonitus aquarum. » Quid mirum si de abyssi perturbatione multarum aquarum sonitus exiit? Quid mirum, si de sævitia divitum et potentum populi stulti, et indisciplinati contra sanctos clamor erupit? Quis enim contra Salvatorem nostrum omnem illam multitudinem concitavit, ut omnes una voce « crucifige » clamarent, nisi principes et sacerdotes? Sic igitur ex abyssi conturbatione factus est sonitus aquarum multarum. Sed non idcirco apostoli et doctores tacerunt, et a Christi prædicatione cessarunt. Unde et subditur:

« Vocem dederunt nubes, etenim sagittæ tuæ transierunt, vox tonitru tui in rota. » Valde majores et terribiliores sunt voces nubium, quam voces aquarum et valde magnum timorem et terrorem faciunt illæ sagittæ, quæ de nubibus exeunt; præsertim cum vox tanti tonitru sit in rota, et apostolica prædicatione non unam partem teneat, sed universum mundum (684). Nubes enim, et apostoli et doctores sunt, quorum doctrina tota Ecclesia irrigatur et fecundatur. Sagittæ vero, eorum sententiæ intelliguntur, quibus vitiorum et spirituum iniquorum fugatur exercitus.

« Illuxerunt coruscationes tuæ orbi terræ, et commota est terra. » Coruscationes istæ, quæ de nubibus et tonitruis exeunt, signa et miracula sunt,

(684) Cod. Ghis., in circuitu complet.

(685) « Verba ista intellectus sunt; id est intelligentiæ sunt, quæ data est ipsi Asaph: quod non uni homini, sed melius accepimus congregationi

quæ per apostolos ubique fiebant. Hæc autem vidit terra et commota est, quia maxime propter signa et miracula, quæ fiebant, omnes infideles et increduli ad fidem convertebantur. Unde et in Evangelio de apostolis dicitur: quia « profecti prædicaverunt ubique, Domino cooperante, et sermonem confirmante sequentibus signis (Marc. xvi, 20). »

« In mari via tua, et semitæ tuæ in aquis multis, et vestigia tua non cognoscentur. » Hoc de Salvatore nostro ad litteram intelligi potest, qui super aquas maris siccis pedibus ambulavit, ubi humana vestigia inveniri non possunt. Spiritualiter autem mare mundum significat, sicut jam sæpe in aliis psalmis dictum est. « Aquæ vero multæ, populi multi » sunt, et hoc quidem jam sæpe diximus. B Fecit igitur Dominus viam sibi in mari, et semitas in aquis multis, quoniam ex quo mundus iste ad fidem ejus conversus est, per eum invisibiliter ambulare, et Ecclesias suas ubique visitare non cessat. Sicut ipse suis discipulis ait: « Ecce ego vobiscum sum omnibus diebus usque ad consummationem sæculi (Matth. xxviii, 20). » Vestigia vero ejus non cognoscuntur, vel quia hoc invisibiliter agit, vel quia pauci sunt, ad malorum comparisonem, qui ejus vestigia imitantur. Sic enim et de Spiritu sancto, qui similiter invisibilis est, ipse Dominus ait: « Spiritus ubi vult spirat, et vocem ejus audis, et nescis unde veniat, aut quo vadat (Joan. iii, 8). » Unde ejus quoque vestigia invisibilia esse monstrantur. Si autem et secundum litteram de filiis Israel hæc C intelligantur, non erit inconveniens, qui et in mari Rubro, et in Jordane vias et semitas habuerunt, sicut sacra narrat historia. Unde et subditur:

« Deduxisti sicut oves populum tuum in manibus Moysi et Aaron. » Intelliguntur aut per Moysen et Aaron episcopi et sacerdotes, qui populum Christianum (ipse est enim populus Dei) regunt, et ducunt, et in terram riventium, quæ per terram promissionis significatur, recto itinere introducunt.

465. PSALMUS LXXVII.

INTELLECTUS ASAPH.

Vult Asaph ut iste psalmus secundum suam intelligentiam exponatur, et ideo ait: « Aperiam in parabolis os meum, » ut non secundum litteram, D sed parabolice intelligatur (685).

« Attendite, popule meus, legem meam, inclinate aurem vestram in verba oris mei. » In hoc psalmo loquitur Propheta, et apostoli, Ecclesieque doctores, quibus totus populus a Domino commissus est. Dicit igitur cæcis apostolicis: Attendite popule meus, mihi ad regendum commissus, legem meam, legem quam ego prædico et custodio, legem qua vivo et pro qua, si necesse fuerit, mori non timeo. « Inclinate aurem vestram, » aurem videlicet cordis vestri, ut qui habet aures audiendi audiat; et in

populi Dei, unde nequaquam nos alienare debemus, » etc. S. Augustinus. Hæc ostendunt Brunonem nostrum, S. doctoris mentem, sicut in aliis interpretationibus, secutum fuisse.

verba oris mei, » quoniam ea quæ dicturus sum, A altioris quam putantur intelligentiæ sunt. Unde et subditur :

« Aperiam in parabolis os meum, loquar propositiones ab initio sæculi. » Est autem parabola alicujus rei similitudo, cum aliud dicitur et aliud intelligitur. Quales sunt, quæ dicuntur parabolæ Salomonis, quales et illæ, quibus frequentissime in Evangelii Dominus loquitur. Idem autem hoc in loco et parabolæ et propositiones significant.

« Quanta audivimus, et cognovimus ea, et patres nostri narraverunt nobis. » Multa sunt, quasi dicat, quæ audivimus et audiendo cognovimus, et quæ patres nostri narraverunt nobis, quæ nos quoque modo vobis in parabolis nuntiamus.

« Non sunt occultata a filiis eorum in generatione ne altera. » Nos, inquit, eorum filii non occultamus, quæ a patribus audivimus, sed in altera generatione ea prædicamus, per quam videlicet gentilem populum intelligimus, quoniam « qui abscondit frumentum maledicetur in populis (Prov. xi, 26). »

« Narrantes laudes Domini, et virtutes Domini, et mirabilia ejus quæ fecit. » Patres, inquit, nostri omnia narraverunt nobis, et laudes Domini, et virtutes, et mirabilia Domini. Lege in libris Moysi, et in aliis libris Veteris Testamenti, et omnia hæc invenire poteris.

« Et suscitavit testimonium in Jacob, et legem posuit in Israel. » Israel, et Jacob, et testimonium, idem significant. Hæc est illa lex quæ per Moysen in monte Sinai filiis Israel a Domino data est. De qua et subditur :

« Quanta mandavit patribus nostris? » Ad quid? ut nota facerent ea filiis suis. Et hoc quare? « Ut cognoscat generatio altera. » Non debet itaque neque lex, neque aliqua scientia occultari, quæ ad hoc data est, ut ab aliis in alios transiret, et transeundo pluribus proficiat. Sic enim lex, quæ Judeis data fuerat, ad gentiles usque pervenit, et magis in hoc populo, quam in illo operata est, et quotidie operatur.

« Filii qui nascuntur, exsurgent, et narrabunt eam filiis suis. » Filii, inquit, qui nascuntur, et nova generatione, per aquam et spiritum renascuntur, non erunt otiosi, non erunt pigri, vel fastidiosi, sed exsurgent, et ad prædicandum se viriliter præparabunt, et narrabunt eam filiis suis. Hoc autem adimpletum est in apostolis apostolorumque successoribus.

« Ut ponant in Deo spem suam, et non obliviscantur opus Dei sui, et mandata ejus exquirant. » Hoc, inquit, filii, qui nascuntur, hortabantur filios suos ut ponant in Deo spem suam, et non in incerto divitiarum, non in cultura, vel responsis falsorum deorum, neque in aliqua alia superstitione. « Et non obliviscantur opus Dei sui, » qui tam mirabiliter de tantis periculis eos liberavit, « et mandata ejus exquirant, » et die ac nocte meditentur in eis.

« Ne fiant sicut patres eorum. » Et quales fuerunt

patres eorum? Audi quod sequitur. Genus pravam et peramarum, de quibus ipse Dominus ait : « Generatio prava atque perversa signum querit (Matth. xii, 39). » — « Genus, quod non direxit cor suum. » Non direxit ad bonum, non direxit ad justitiam vel sanam intelligentiam, sed potius retorsit et reflexit ad omnem iniquitatem. « Et non est creditus cum Deo spiritus ejus. » Si Deo se non credidit, et cum Deo esse noluit, cui se credidit, et cum quo fuit? Cum illis utique quibus filios et filias immolavit, sicut scriptum est : « Et immolaverunt filios, et filias suas demoniis (Psal. cv, 31). » Et hoc quidem probat per filios Ephraim, quia spiritus et voluntas eorum non fuit cum Deo.

« Filii Ephrem intendentes arcum, et mittentes sagittas suas, conversi sunt in die belli. » Hoc autem, sicut in Isaia legitur, 466 factum est in diebus Achaz regis Juda, quando Ephraim, qui fratres suos adjuvare debuerat, se conjunxit gentibus ad expugnandam Jerusalem (Isa. ix, 9). Sed quia in parabolis ista dicuntur, hæc ad Christianorum tempora referenda sunt. Sæpe enim hoc in Ecclesia fieri videmus, ut illi, de quibus maxima spes habetur; et qui paratores ad præliandum esse videntur, tempore necessitatis arma deponant, et turpiter se in deditionem hostibus tradant. De quibus bene subditur :

« Non custodierunt Testamentum Dei sui, et in lege ejus noluerunt ambulare. » Hoc autem de filiis Ephraim manifestum est, quia in diebus Jeroboam legem Domini abjicientes, vitulos aureos adoraverunt, et penitus se ad idololatriam transtulerunt. Similiter autem et Christiani multos hæretici sunt, et legem Dei violare non timent.

« Et oblii sunt benefactorum ejus, et mirabilium ejus, qui ostendit eis. » Ingrati filii sunt et merito exheredandi, qui patris benefactorum oblii, ejus inimicis ad ipsum patrem suum expugnandum se sociare non metuunt; præsertim illius patris, cujus fidem et doctrinam signis, et miraculis probatam esse cognoscunt. Sed nos, dicit aliquis, mirabilia non vidimus. Ad quod ipse : « Coram patribus eorum fecit mirabilia in terra Ægypti, in campo Ta-neos. » Si tu, inquit, non vidisti, at patres tui viderunt, quibus non minus, quam tibi ipsi credere debes. Et testes tibi dedit, qui mirabilia viderunt, et regnum, in quo facta sunt, et ipsum locum, ubi facta sunt, ut nullatenus inde dubitare debeas. Nec vero minora miracula postea per apostolos aliosque sanctos per totum mundum facta sunt, quæ fuerunt illa quæ tunc temporis per Moysen in Ægypto facta leguntur. Et illa quidem miracula nihil Ægyptiis profuerunt : hæc autem mundum pene totum ad fidem converterunt. Hæc autem contra illos dicta sunt, qui Testamentum Dei non custodierunt, et in lege ejus ambulare noluerunt.

« Interruptit mare, et perduxit eos, et statuit aquas quasi in utre. » Et hæc parabola est, et allegoricam querit expositionem. Sæpe jam diximus, quia

mare mundum significat : aquæ vero multæ, populi multi sunt. Quæ vero aquæ in utre clauduntur, nisi permissione erumpere non valent. Modo igitur omnes aquæ in utre clausæ sunt, et quocunque volunt, secure vadunt Christiani, neque timent ulla maris inundationes et tyrannorum persecutiones.

« Et eduxit eos in nube diel, et tota nocte in illuminatione ignis. » Hoc est enim quod apostolus ait : « Quia omnes mare transierunt, et omnes in Moyse baptizati sunt in nube, et in mari (1 Cor. x, 2). » Nubes autem, quæ eos præibat, duplex beneficium præstabat; in die obumbrando, et in nocte illuminando. Hæc igitur nubes Spiritus sanctus est : hæc nubes obumbrat populum Dei, ne carnis concupiscentias, et vitiorum æstum sentiat. Unde et B. Mariæ ab angelo dicitur : « Spiritus sanctus superveniet in te, et virtus Altissimi obumbrabit tibi (Luc. i, 35). » Hæc eum illuminat, et in via mandatorum Dei errare non sinit.

« Interruptit in eremo petram, et adaquavit eos velut abyssus multa. » Hæc est illa petra de qua Apostolus ait : « Petra autem erat Christus (1 Cor. x, 4). » Hæc petra prius arundine, deinde lancea percussa et vulnerata est, et continuo exivit sanguis, et aqua (Joan. xix, 34). Nam et de illa alia dicitur, quod percussa h'is fuerit. Tanta autem aquarum affluentia ex hac petra profluxit, ut mundum totum lavaret, et satiaret, et peccatorum contagione mundaret. Unde et subditur :

« Et eduxit aquam de petra, et eduxit tanquam flumina aquas. » Quatuor magna flumina de hac petra exierant, quibus sancta Ecclesia irrigatur.

« Et apposuerunt adhuc peccare ei, in ira concitaverunt excelsum in siccitate. » Non fuit eis sufficiens in aqua peccasse, nisi in esca quoque similiter deliquissent. Apposuerunt itaque peccatum supra peccatum; utpote qui omni bonitate sicci erant, et in terra sicca tunc temporis morabantur.

« Et tentaverunt Deum in cordibus suis, ut peterent escas animabus suis. » Valde amplius peccabant, in cordibus diffidendo, quam ore clamando, et escas petendo. Nam ipsi quoque eorum duces Moyses, et Aaron ad aquas contradictionis similiter peccasse leguntur. Unde etiam prohibiti sunt, ne in terram promissionis intrarent. Magnum igitur peccatum est diffidentia, et in his quæ petuntur a Domino, spem non habere.

« Et male locuti sunt de Deo, et dixerunt : Nunquid poterit Deus parare mensam in deserto? » Hæc sunt illa verba, quæ intus dicebant, et quibus in cordibus suis Deum tentabant, et ore quidem quærebant escas, in cordibus vero dicebant : nunquid in deserto dare nobis poterit escas? Et hoc est, quod ait :

« Quoniam percussit petram, et fluxerunt aquæ, et torrentes inundaverunt. Nunquid et panem poterit dare, aut parare mensam populo suo? » Stultissimi et insipientes, nonne convenientius erat dicere; quoniam percussit petram, et fluxerunt aquæ,

et torrentes inundaverunt, certi sumus et nullatenus dubitamus quia ille, qui aquas tam affluenter dedit, etiam panes nobis abundantissime ministrabit? Neque enim difficilius est Deo, de cælo dare panes, quam de petra producere aquas. In his autem et similibus admonendi sumus, ne similia faciamus. Et talis expositio sufficiat nobis.

« Ideo audivit Dominus, et distulit, et 467 superposuit. » Quid distulit Dominus, et quid facere superposuit? Hoc videlicet, quod in sequentibus legitur. « Adhuc escæ eorum erant in ore ipsorum, et ira Dei ascendit super eos. » Distulit iram, et complevit petitionem, ut prius Dei omnipotentiam, deinde suam infidelitatem et malitiam agnoscerent. Unde et subditur : « Et ignis accensus est in Jacob, et ira ascendit in Israel. »

« Qui non crediderunt in Deum suum, nec speraverunt in salutare ejus. » Ideo, inquit, ignis iræ et indignationis Dei accensus est contra Jacob, et ascendit super filios Israel, quia neque crediderunt neque speraverunt, sicut credere et sperare debuissent. Cum enim tot tantæque signa et mirabilia viderent, nullatenus de Dei omnipotentia dubitare debuissent. Hæc autem per anticipationem dicta sunt, quia ea quæ sequuntur priusquam ista facta sunt.

« Et mandavit nubibus desuper, et januas cæli aperuit, et pluit illis manna manducare. » Habuerunt illi suas nubes, suos cælos et suum manna; habemus et nos nostras nubes, nostros cælos et nostrum manna; valde quidem majoris digniorisque naturæ. Nostræ nubes et nostri cæli, apostoli sunt et doctores; nostrum manna, utriusque Testamenti doctrina et spiritualis intelligentia est. Et talis quidem cibus descendit a nubibus nostris, talemque panem pluunt nobis cæli nostri. Possumus et per hunc panem Christi corpus intelligere, de quo nimis mirum quotidie dicimus : « Panem nostrum quotidianum da nobis hodie (Matth. vi, 11). » De quo pane subditur adhuc :

« Panem cæli dedit eis, panem angelorum manducavit homo, frumentationem misit eis in abundantia. » Panis cælestis est corpus Christi; panis cælestis est intelligentia et scientia spiritualis. Tali cibo reficiuntur angeli, et tali pane omnia supercælestia vivunt. Talem et modo homines manducant, et talem frumentationem in Ecclesia suscipiunt. Hæc autem frumentatio de illo frumento fit, de quo in Evangelio Dominus ait : « Nisi granum frumenti cadens in terram mortuum fuerit, nullum fructum affert; si autem mortuum fuerit, multum fructum affert (Joan. xii, 24). »

« Et excitavit Austrum de cælo, et induxit in virtute sua Africum. » Auster et Africus idem sunt. De quo videlicet Austro alibi dicitur : « Deus ab Austro veniet (Habac. iii, 3). » Hunc autem commovit Dominus, et secundum suæ virtutis potentiam excitavit. Et ille quid fecit?

« Et pluit super eos sicut pulverem carnes, et

« sicut arenam maris volatilia pennata. » Prius A per Prophetam Dominus ait : « Populus hic labits aquas, deinde panes, postea vero carnes quesierunt, nihil est negatum eis; sed omnia abundanter eis concessit, « qui dives est in omnibus, qui invocant eum (Rom. x, 12). » Super nos quoque excitatur Auster, qui Aquilonis frigus, et desidiam pellat, et corda nostra calefaciat, et nimii frigoris immensitate jam pene emortua reviviscere faciat. Sed quid per carnes, nisi carnalis intelligentia? Et quid per volatilia pennata, nisi spiritualis intelligentia designatur? Utramque Dominus nobis abundanter dedit, quia utroque modo Scripturas intelligimus et exponimus. Unde et subditur:

« Et ceciderunt in medio castrorum eorum, circa « tabernacula eorum. » Cadunt autem hæc et in medio et circa castra Christianorum, quia sapientes et insipientes hic quotidie satiantur. Et hoc est, quod dicit:

« Et manducaverunt, et saturati sunt nimis, et « desiderium eorum attulit eis, et non sunt fraudati « a desiderio suo. » Non majori appetitu quæsierunt illi tunc temporis illas escas carnales, quam Christiani modo quærunť escas spirituales; sed aliter illi quæsierunt, et aliter isti modo quærunť, et ideo non eadem, neque æqualia merita recipiunt. Et de illis propter infidelitatem dictum est, quod sequitur:

« Adhuc escæ eorum erant in ore ipsorum, et ira « Dei ascendit super eos, et occidit plurimos eorum, « et electos Israel impedivit. » Non qualescunque, sed majores et fortiores murmurasse ostendit, dum electos Israel impeditos dicit.

« In omnibus his peccaverunt adhuc, et non cre- « diderunt in mirabilibus ejus. » Quam stulti, quam inæreduli et iniqui fuerint, in eo ostenditur, quod neque miracula, neque flagella eos corrigere et dirigere potuerunt. Unde et subditur:

« Et defecerunt in vanitate dies eorum, et anni « eorum cum festinatione. » Quid sit autem cum festinatione deficere, sequentia manifestant.

« Cum occideret eos, tunc inquirebant eum, et « convertiebantur ante lucem, et veniebant ad eum. » Qui enim sic occiduntur, utique cum festinatione deficiunt et moriuntur. Quia vero ante lucem stabant, et sui cordis malitiam abscondere non poterant, ideo convertiebantur, sed non ex corde convertiebantur. Et veniebant ad eum, non corde tamen, sed facie et simulatione veniebant.

« Et memorati sunt, quia Deus adiutor eorum est, « et Deus excelsus liberator eorum est. » Si obliti non fuissent, non diceretur, « et memorati sunt. » Tale est illud quod alibi dicitur: « Constituitur tibi, cum benefeceris ei (Psal. xlii, 19). »

« Et dilexerunt eum in ore suo, et lingua sua « mentiti sunt ei; cor autem eorum non erat re- « ctum cum eo, nec fides habita est illis in Testa- « mento ejus. » Hoc est enim quod in Evangelio et

me honorat, cor autem eorum longe est a me (Marc. vii, 6). » Quid est autem, « nec fides habita est illis in testamento ejus? » Nisi quia non crediderunt, nec fidem habuerunt in Testamento ejus. Omnia autem hæc in parabolis 468 dicuntur, ut nemo eos imitetur, qui similia pati formidat. Qui enim similia agunt, dignum est ut similia patiantur. In his autem Dei quoque misericordia considerari debet, qui, sicut difficilis est in peccatis perseverantibus, ita facilis et misericors est conversis et pœnitentibus. Unde et subditur:

« Ipse autem est misericors, et propitiuss flet peccatis eorum, et non disperdet eos. » Peccator enim quacunque hora conversus fuerit et ingemuerit, vita vivet, et non morietur.

« Et multiplicavit, ut averteret iram suam ab eis. » Quid multiplicavit Dominus, nisi misericordiam, indulgentiam et pietatem? Quia enim his abundabat, et plenus erat, ideo « non accendit omnem iram suam, » ut eos confestim occideret pro tantis offensis et necessitatibus suis.

« Et memoratus est quia caro sunt; » quæ semper spiritui resistit, et sicut Apostolus ait, adversus spiritum concupiscit: « Spiritus vadens, et non rediens (Psal. lxxvii, 34). » Quasi aliquis diceret: Et si caro interficeretur, spiritus quid faceret? Ad quod ipse: Vadens, inquit, vaderet, neque rediens, rediret. Postquam enim a corpore separatur anima, nisi divino oraculo, usque ad tempus omnibus constitutum, nunquam ad illud revertetur amplius.

« Quoties exacerbaverunt eum in deserto, in iram « concitaverunt eum in terra sine aqua. » Usque hodie qui in deserto sunt, et ab Ecclesia longe sunt, et aquis spiritualibus non irrigantur, eum exacerbare et concitare non cessant.

« Et conversi sunt. » Unde, et quo? A bono ad malum. « Et tentaverunt Deum, et sanctum Israel « exacerbaverunt. » Decies tunc Judæi Dominum tentasse leguntur. Prima tentatio fuit in mari Rubro, de qua scriptum est: « Et irritaverunt ascendentes in mare, mare Rubrum (Psal. cv, 7). » Secunda, de vituli creatione. Tertia, quando murmurantes dixerunt: « Quare eduxisti nos de terra « Egypti? anima nostra nauseat super cibo isto levissimo (Num. xxi, 5); » et misit in eos ignitos serpentes. Quarta, et quinta, ad aquas contradictionis; una ante mortem Mariæ, altera post mortem ejus. Sexta, quando manna computruit. Septima et octava de coturnicibus. Nona de Core. Decima de exploratoribus (686).

« Non sunt recordati manus ejus, qua die libera- « vit eos de manu tribulationis. » Hæc omnia in parabolis dicuntur nobis, qui multoties tantæ Dei omnipotentis oblitii, eam fidem non habemus, quam habere debemus.

(686) Quæ desunt de hoc psalmo in editione Marchesii supplentur ex cod. C. XII. Vallicell.: desunt etiam in cod. Chis.

« Sicut posuit in Ægypto signa sua, et prodigia sua in campo Taneos. » Ille autem enarrare incipit. « Convertit in sanguinem flumina eorum, et pluviales aquas, ne biberent. » Istæ plagæ, quibus tunc Ægyptii percussi sunt, illas plagas significabant, quibus ubique gentium omnes illi flagellantur, qui Ægyptios imitantur. Bibebant Ægyptii non aquas, sed sanguinem, quas tamen non sanguinem, sed aquas esse putabant. Sed Moyses aperuit eis oculos, et quod bibebant intelligere fecit. Ægyptus enim, quæ *tenebræ* interpretatur, mundum significat, qui ante adventum Salvatoris nostri, qui per Moysen signatus est, in tenebris sedebat et umbra mortis. Unde scriptum est : « Populus qui sedebat in tenebris, vidit lucem magnam (Isa. ix, 2). » Aquæ vero Ægypti omnem scientiam et doctrinam philosophorum, poetarum, et hæreticorum significabant, quæ videlicet aquæ in sanguinem versæ sunt, quia « stultam fecit Deus sapientiam hujus mundi (I Cor. i, 10), » et quasi sanguis, et peccatum a Christi fidelibus abhorreatur, quæ prius sana et utilis esse putabatur.

« Immisit in eos muscam caninam, et comedit eos. » Per muscam caninam, quæ Ægyptios comedit, luxuriam et carnis voluptates intelligimus, quæ adultos et fornicatores persequitur, qui per Ægyptios significantur. « Ranam, et exterminavit eos (687). » Quid per ranam, nisi hæreticos sola voce, et garrulitate foras (688). Isti sunt, qui omnes illos exterminant, et ab unitate Ecclesiæ separant, quicunque eorum cantu, et doctrina delectantur.

« Et dedit ærugini fructus eorum, et labores eorum locus. » De ærugine in Evangelio Dominus ait : « Thesaurizate vobis thesauros in cælo, ubi neque ærugo, neque tinea demolitur (Math. vi, 20). » Per æruginem itaque, quæ totum illud cui inhæserit corrumpit et dissipat, odium, invidiam et vanam gloriam intelligimus, quæ omnes fructus animæ dissipant et perdunt. Tales igitur ærugines a se excutiat, qui animæ fructus diligit, ac bonas operationes amittere timet. At vero per locustam superbia significatur, quæ quoniam vitiorum mater et domina est, semper cum exercitu et multitudine graditur, quod proprium locustarum esse videtur. Altius tamen locusta se elevare non valet; quia desuper est Dominus, qui superbos humiliat, et diu regnare non patitur. Hanc igitur locustam a nobis repellamus, ne labores nostros amittamus.

« Et occidit in grandine vineas eorum, et moros eorum in pruina. » — « Qui timent pruinam, » sicut scriptum est, « venit super eos nix (Job vi,

A 16). » Per grandinam igitur et pruinam 469 omnium tormentorum genera significantur, quibus illi occidendi et flagellandi sunt, qui Dei voluntati resistunt, et populum ejus affigunt. Unde et subditur :

« Et tradidit grandini jumenta eorum, et possessionem eorum igni. » Per jumenta et possessiones, corpora eorum intelligere possumus, qui quasi jumenta habuerunt, et in stercore suo se computruerunt, quia iniquos possessores habuerunt. Hæc autem grandini tradentur et igni, quia tormentis cruciabantur æternis. Unde et convenienter subditur

« Immisit in eos iram indignationis suæ, indignationem, iram, et tribulationem, immissiones per angelos malos (689). » Totus iste versus magis ad judicii diem quam ad tempora Ægyptiorum pertinere videtur, quia tunc majores erunt indignationes, majores iræ, et tribulationes, pluresque immissiones per angelos malos.

« Viam fecit semitæ suæ. » Hoc autem exponit. « Et non pepercit a morte animabus eorum. » Quantum hæc est ampla via, et aperta semita, tantum ista est novissima. Janua Dei, quæ prius parva erat, et quasi per semitam gradiebatur, postea in immensum crevit, et per amplam viam currere cœpit. Unde et subditur :

« Et non pepercit a morte animabus eorum, et jumenta eorum in morte conclusit. Et percussit omne primogenitum in terra Ægypti : primitias omnis laboris eorum in tabernaculis Cham. » Primogenita nostra originalia peccata fuerunt. Hæc autem in passione sua percussit Dominus non solum in Ægypto, sed per totum mundum, et ubicunque erant tabernacula Cham, per quem diabolus intelligimus; quia per Cham *calliditas* interpretatur (690).

« Et abstulit sicut oves populum suum, et perduxit eos tanquam gregem in deserto. » Mortuis primogenitis, et destructo originali peccato, abstulit Dominus populum de diaboli potestate, et elongavit a civitatibus Pharaonis, et in loco pascuæ eum collocavit. In terra enim, quæ prius deserta fuerat, ibi oves Dei nunc præcipue nutriuntur.

« Deduxit eos in spe, et non timuerunt. » Non enim in mare introissent, nisi maximam spem in Deo habuissent; cum aquas maris murum ex utraque parte stare conspexissent. « Et inimicos eorum operuit mare. » Hos autem non spes, sed diabolus ducebat, qui eorum oculos excæcaverat, ut quid facerent ignorarent. Similiter autem et nunc Pharaon, per quem diabolus significatur, cum omni exercitu suo, usque ad baptismatis aquas, persequitur populum Dei, ibique in abyssum præcipitat et perdit.

« Et induxit eos in montem sanctificationis suæ,

(687) Nimirum S. Bruno hic loquitur juxta hæbraicam phrasim, qua dicitur Deus illud facere, quod ipse ex Providentiæ legibus permittit. Sic in oratione Dominica ita orare Christus nos docuit : *Et ne nos inducas in tentationem.*

(688) Ita et S. Vincentius Lirinensis in Comentario § 14, *ranas et cyniphes, et muscas morituras* appellat hæreticos.

(689) « Utilitur ergo Deus angelis malis, non solum ad puniendos malos, sicut in istis omnibus, de quibus loquitur psalmus, sicut in rege Achab, quem fallaciæ spiritus ex Dei voluntate seduxit, ut caderet in bello, verum etiam ad probandos et manifestandos bonos, sicut fecit in Job. » August.

(690) *διόβολος* cuius calumniatorem, criminosum significat.

« montem hunc, quem acquisivit dextera ejus. » Hic A
est mons Sion, et civitas Jerusalem, per quem S.
Ecclesia intelligitur. Unde et alibi dicitur : « Venite,
ascendamus in montem Domini, et ad domum Dei
Israel (Isa. ii, 3). » Hujus autem montis rex, et
Dominus ait : « Ego autem constitutus sum rex ab
eo super Sion montem sanctum ejus, prædicans præ-
ceptum Domini (Psal. ii, 6). »

« Et ejecit a facie eorum gentes, et sorte divisit
eis terram in funiculo distributionis. » Similiter au-
tem a facie hæreticorum, schismaticorum, et vi-
tiorum gentes Dominus ejecit, et totam terram per
partes divisit.

« Et habitavit in tabernaculis eorum tribus Israel. »
Ubique habitant modo filii Israel, non carnalis tan-
tum, sed spiritualis Israel, quia facta est omnis terra
possessio ejus.

« Et tentaverunt, et exacerbaverunt Deum excel-
sum, et testimonia ejus non custodierunt. » De-
buerant jam tunc cessare a tentatione, postquam
ingressi sunt terram repromissionis. Sed hæc ideo
narrantur nobis, ne et nos similia faciamus, et le-
gem Domini custodiamus.

« Et averterunt se, et non observaverunt pactum. »
Et averterunt se, inquit, a Deo, et non observaverunt
mandata et testimonia ejus. Sed « quemadmodum
« patres eorum, » illi videlicet patres, quorum ipsi
sunt imitatores, « conversi sunt in arcum perva-
sum. » Perversus arcus ille est, qui contra amicos
sagittas dirigit, et ea impugnat quæ defendere de-
buisset.

« In iram concitaverunt eum in collibus suis. » In
collibus videlicet, ubi demonis immolabant. Unde
alibi dicitur : « Immolaverunt demoniis, et non Deo,
dum quærebant illum (Psal. ciii, 37). » Hoc est au-
tem quod ait : « Et in sculpsilibus æmulati sunt eum. »
Quid est autem « æmulati sunt eum, » nisi quia ad in-
dignationem provocaverunt eum?

« Audivit Dominus et sprexit, et ad nihilum re-
« duxit nimis Israel. » Nihil se Deo occultare po-
tuerunt, cum ipsæ cogitationes loquantur, et valde
eos ad nihilum redigit, quia ad ipsius injuriam suo
serviunt inimico.

« Et repulit tabernaculum Silo, tabernaculum
« suum, in quo habitavit inter homines. » Lege in
libris Regum, et invenies arcam Dei captam fuisse
propter insolentiam filiorum Heli, qui suo sacerdotio
abutebantur, et quia ipse Heli eos, sicut debuit,
corrige negligit (I Reg. iv). Non parvum peccatum
fuit, pro quo ipsum tabernaculum suum Dominus
repulisse narratur. **470** Hoc audiant Domini sa-
cerdotes, et viriliter se habeant, neque populum sibi
commissum corrigere negligant.

« Et tradidit eos in captivitatem, virtutem eorum
« et pulchritudinem eorum in manus inimici. » Si-

militer cum arca Dei capti sunt qui fortiores, pul-
chriores et nobiliores in illo populo esse videban-
tur. Nam et filii Heli, Ophni, et Phyneas sacer-
dotes in illo prælio cecidisse leguntur. Quamvis per
fortitudines et pulchritudines eorum ipsam arcam
convenienter intelligere possumus; in qua omnis vir-
tus eorum et pulchritudo continebatur.

« Et conclusit in gladio populum suum, et hære-
« ditatem suam sprexit. » Patiens quidem est Domi-
nus, et misericors, et diu peccatores, ut convertan-
tur, expectat. Sed postquam irascitur, sicut Apo-
stolus ait : « Horribile est incidere in manus Dei
viventis (Hebr. x, 31). » Unde adhuc subditur :

« Juvenes eorum comedit ignis, et virgines eorum
non sunt lamentatæ. » Tanta erat hostium crudeli-
tas, tantus erat timor miserorum, ut juvenum suo-
rum mortem durissimam flere et lamentari non
auderent.

« Sacerdotes eorum in gladio ceciderunt, et vidua
« eorum non plorabantur. » Hoc autem non solum
de filiis Heli, qui in prælio ceciderunt; sed de aliis
quoque ejusdem populi sacerdotibus intelligi potest.
Hinc est autem quod per similitudinem Apostolus
ait : « Quia non parcat oleastro, qui olivæ non pe-
percit (Rom. xi). »

« Et excitatus est tanquam dormiens Dominus,
« quasi potens crapulatus a vino. » Quasi dormire
videatur Dominus, cum suos non adjuvat, et affligi
permittit. Unde et alibi dicitur : « Exsurge, quare
obdormis, Domine, et ne repellas in finem (Psal.
xliv, 23). » Lege librum Judicum, et videbis Ju-
dæos, nunc propter peccata sua miserabiliter hosti-
bus traditos; nunc ad pœnitentiam conversos, mi-
rabili a Domino liberatos. Sic enim quando arca
capta est, qui prius dormire videbatur, quin nullum
eis præstaret auxilium, protinus quasi ebrius, et vi-
olentus a somno excitatus contra Philisthæos sæ-
vire, et durissime eos affligere cœpit. Unde et sub-
ditur :

« Et percussit inimicos suos in posteriora, oppro-
« brium sempiternum dedit eis. » Nota est historia,
qua dicitur quia percussit eos Dominus in secretiore
parte natum, et computruerunt proeminentes extales
eorum (691). Possunt autem hæc spiritualia signi-
ficare, quia eo tempore, quo Salvator noster repulit
tabernaculum suum, et Synagoga reprobatam, quasi
potens a vino crapulatus, a somno mortis excitatus
exurgens inimicos suos Judæos percusserit, et in
opprobrium sempiternum eos tradiderit. Nam et ipsi
in posteriora percussi sunt, non tamen corporis,
sed ætatis. In ultima namque ætate tam valide eos
percussit, ut toto subsequenti tempore usque in
finem sanari non possint.

« Et repulit tabernaculum Joseph, et tribum
« Ephraim non elegit. » Undecim tribus secutæ Je-

(691) « Circumduxerunt arcam Dei Israel. Illis au-
tem circumducentibus eam, fiebat manus Domini su-
per singulas civitates interfectionis magnæ nimis, et

percutiebat viros uniuscujusque urbis a parvo usque
ad majorem, et computrescebant proeminentes exta-
les eorum. » I Reg. 9.

roboam, qui fuit de tribu Joseph et Ephraim, qui A omnes idololatriæ dedit vitulos aureos adoraverunt. Hos igitur repulit Dominus, et a suis fidelibus separavit.

| « Sed elegit tribum Juda montem Sion, quem dilexit. » Judas confessio interpretatur, et significat illos, qui inter ipsa tormenta Deum confitentes, potius occidi possunt, quam vinci. De quibus in Evangelio Dominus ait : « Qui me confessus fuerit coram hominibus, confitebor et ego eum coram Patre meo (Matth. x, 32). » Id ipsum significat et mons Sion, qui speculatio interpretatur. Boni speculatores, qui assidue vigilant, ne quasi incauti ab hostibus capiantur.

« Et ædificavit sicut unicornium sanctificationem » in terra, fundavit eam in sæcula (692). » Sanctificatio Dei Ecclesia est de solis unicornibus ædificata. Sed ubi ædificata est, nisi in terra, quæ firma semper et immobilis manet? Firmum habet Ecclesia fundamentum; ideoque nec pluvias timet, nec flumina, nec ventum. Omnes Christiani sunt unicornes, quia os unum et unam fidem habent, cui non possunt resistere et contradicere omnes adversarii eorum. Unde et subditur : « Fundavit eam in sæcula. » In omnia sæcula fundata est Ecclesia, quia ejus fundamentum Christus est; de quo Apostolus ait : « Fundamentum aliud nemo potest ponere, præter id quod positum est, quod est Christus Jesus (1 Cor. iii, 11). »

« Et elegit David servum suum, et sustulit eum » de gregibus ovium, et de post fetantes accepit eum; pascere Jacob servum suum, et Israel hæreditatem suam. » Ædificavit, inquit, sanctificationem, ad quam regendam et gubernandam non qualemcunque hominem elegit, sed ipsum David servum suum. Et sustulit eum non de palatiis regum, non de schola philosophorum, sed de gregibus ovium, et de post fetantes accepit eum. Bonas oves habebat David, non steriles et inanes, sed fetantes erant. Tales sunt illæ de 471 quibus dicitur : « Dentes tui sicut greges tonsærum ovium, quæ ascenderant de lavacro omnes gemellis fetibus, et sterilis non erat in eis (Cant. iv, 2). » Tales et illæ de quibus Dominus ait :

(692) Apud S. August. legitur : « Et ædificavit sicut unicornum sanctificationem suam; vel sicut aliqui interpretes verbum novum fecerunt. sanctificum suum. » Quæ concinne exponit carl. Thommasius : « Et in eo monte ædificavit sanctuarium suum, excelsum, forte, ac unicum, in similitudine unici cornu unicornium. »

(693) In intellectibus habet Vulgata. In versione autem quæ usus est S. Augustinus hic legitur : in intellectu manuum suarum. Expositio tamen eadem est.

(694) Triplicem interpretationem suscipere posse hunc psalmum docet S. Augustinus. Prima scilicet si referatur vaticinium ad Assyrios, qui Hebræos, Dei populum captivum Babylonem duxerunt, et sanctum templum profanarunt et everterunt; secunda plene inspicitur in ultima Romanorum obsidione,

« Oves meæ vocem meam audiunt, et sequuntur me; et ego Dominus agnosco eas (Joan. x, 27). »

« Et pavit eos in innocentia cordis sui. » Cujus sui? Populi supradicti, de quo modo dixit : « Pasce Jacob populum suum. » Populum quidem pavit, et cibis spiritualibus ednavit, malitiam cordis illius non nutrit, sed viriliter sapienterque exstirpavit. Unde Apostolus ad Timotheum : « Testificor, inquit, coram Deo, et Christo Jesu, qui judicaturus est vivos et mortuos, prædica verbum, insta opportune, importune, increpa in omni patientia, et doctrina (1 Tim. iv, 1). » — « Et in sensu manuum suarum deduxit eos (695). » Sensus manuum optimus est, quem non cogitando, vel loquendo, sed operando perficiunt. Nec est ullus sensus, quo facilius ad illam supernam beatitudinem homines ducantur atque trahantur, quam sensus manuum, qui de quinque sensibus unus est.

(604) PSALMUS LXXVII.

PSALMUS ASAPH.

Quid significat psalmus Asaph, sæpe jam dictum est. In hoc autem Psalmo Synagoga fidelium, quæ per Asaph significatur, suas desinet calamitates, in quibus Ecclesiæ quoque persecutiones multæ et innumerabiles significantur (695).

« Deus, venerunt gentes in hæreditatem tuam, » coinquinaverunt templum sanctum tuum (696). » Multas persecutiones passa est Synagoga, et multoties captivata est : prius quidem ab Assyriis et Chaldeis, deinde a Græcis et Romanis. Sed illæ tantæ persecutiones multo majores Ecclesiæ afflictiones significabant. Hæreditas namque Dei, templum Dei, et civitas Dei S. Ecclesia est, cujus persecutiones, qui scire desiderant, SS. martyrum passiones legant. Possumus autem et per Græcos vitia et malignos spiritus intelligere, a quibus hæreditas et populus Dei multis modis polluitur et violatur.

« Posuerunt Jerusalem velut pomorum custodia- » rium (697), » in quo illi manere solebant qui poma custodiebant. Sic et muri et ruinæ Jerusalem, habitatoribus omnibus in captivitatem deductis. Nam et in Ecclesia multoties, in quibusdam locis, tanta Christianorum strages facta fuisse legitur, ut vix aliqui inveniri potuissent.

quando Titus vi urbem et templum Jerusalem cepit. populo omni partim ensibus cæso, partim captivo facto, sacrisque ædibus dirutis penitus, soloque æqualis; tertiam reperire licebit in Ecclesia sub tot tantisque hostibus a primis usque temporibus vastata, et afflicta. In hac præcipue versatur S. Bruno, et quæ de Jerusalem et Synagoga perditione prædicta sunt, ad Ecclesiæ labores et persecutiones traducit.

(695) Sequuntur Psalmi ex eodem Cod. Vallicel. c. xii.

(696) De rege Antiocho habetur lib. I Machab. 1 : Jussit coinquinari sancta, et sanctum populum Israel, jussit ædificari aras et templa, et idola, et immolare carnes suillas.

(697) Tam Vulgata, quam textus apud S. Augustinum, habent, custodiam.

« Posuerunt mortalia (698) servorum tuorum escas A bestis terræ. » Hoc autem et in Synagoga, et in Ecclesia juxta litteram accidisse non ignoramus; quoniam sanctorum corpora, quæ sola in eis mortalia erant, multoties bestiis et volucribus cœli tradita sunt, pro quibus maligni spiritus intelligi possunt, quibus ad devorandum tradebantur, qui duris tormentis Christi fidem negare cogebantur.

« Effuderunt sanguinem eorum in circuitu Jerusalem, et non erat qui sepeliret. » Et hoc quidem in circuitu Jerusalem, et in circuitu Ecclesiæ secundum litteram factum fuisse non dubium est. Nam etsi erant, qui eos sepelire voluissent, sepelire tamen eos non audebant.

« Facti sumus in opprobrium vicinis nostris, derisio et contumelia iis qui in circuitu nostro sunt. » Hinc est enim quod in Evangelio dicitur; quia « insurgent parentes in filios, et filii in parentes, et eritis odio omnibus propter nomen meum (Matth. x, 22). » Itemque: « Veniet hora, ut omnis, qui interficit vos, arbitretur obsequium se præstare Deo (Joan. xvi, 2). » In utroque itaque Testamento opprobrio et derisioni boni a malis habiti sunt.

« Usquequo, Domine, irasceris in finem? » Hoc autem exponit: « Accenditur velut ignis zelus tuus. » In finem enim ex toto servis suis Dominus iratus esse videbatur, quando eos sic affligi permittebat, et nullatenus eis subveniebat.

« Effunde iram tuam in gentes, quæ te non noverunt, et in regna, quæ nomen tuum non invocaverunt. » Ne effundas, inquit, iram tuam et indignationem tuam contra servos tuos, sed potius, sicut dignum 472 est, contra gentes, quæ te non noverunt, et nomen tuum non invocaverunt; sed sicut fatui et stulti falsa numina venerati sunt. « Quia comederunt Jacob. » Quomodo autem comederunt? subsequenter exponit dicens: « Et locum ejus desolaverunt. » Usitata locutio est, ut vastatores, devoratores dicamus.

« Ne memineris iniquitates nostras antiquas. » Quæ sunt iniquitates nostræ antiquæ, nisi illæ quas patres nostri fecerunt, vel quas nos ipsi a pueritia fecimus? Vindicat enim Dominus, sicut scriptum est, peccata patrum in filios usque in tertiam et quartam generationem. Si tamen filii tales sunt, qui patres imitentur, et ab eorum malitia non recedant: alioquin « filius non portabit iniquitatem patris, et anima quæ peccaverit ipsa morietur (Ezech. xviii, 20). »

« Cito anticipet nos misericordia tua, quia pauperes facti sumus nimis. » Pauperes erant isti, non tantum penuria rerum, sed humano auxilio destituti, in sola Dei misericordia spem habentes. Quæ

videlicet misericordia tunc eos anticipat, quando non solum a periculis eripit, verum etiam ipsa pericula sentire non permittit.

« Adjuva nos, Deus salutaris noster; » quia alium præter te adiutorem non habemus. « Et propter honorem nominis tui, Domine, libera nos. » Magnus honor est nomini ejus, quando dicitur: Isti homines servi sunt illius Dei, qui nunquam deserit sperantes in se, sed in omnibus suis necessitatibus potenter et mirabiliter eos exaudit.

« Et propitius esto peccatis nostris propter nomen tuum; » ut omnes intelligant non esse sine causa, quod Jesus dicaris, et salutaris. Nam et Apostolus hoc dicit, quia « omnis quicumque invocaverit nomen Domini salvus erit (Rom. x, 13). »

B « Ne quando dicant gentes: Ubi est Deus eorum? » Hoc enim et contra Judeos, et contra Christianos gentiles aliquando dicere solebant, cum eos sine Dei adiutorio miserabiliter perire videbant, quos prius a cunctis adversitatibus Dominus tam mirabiliter defendere consueverat.

« Et innotescat in nationibus coram oculis nostris; » subauditur, quod mox dicturi sumus. Quædam nobis consolatio est, si eos miseros videamus, qui miseros nos esse fecerunt (699).

C « Vindica sanguinem servorum tuorum, qui effusus est. Intret in conspectu tuo gemitus compeditorum, » et cætera, quæ sequuntur. Vindica, inquit, Domine, nobis videntibus et præsentibus, sanguinem servorum tuorum, qui pro tuo nomine effusus est. Hanc autem vindictam sanguinis sui, etsi non modo, in iudicio tamen omnes sancti visuri sunt. Intret in conspectu tuo gemitus illorum, qui propter te durissimis vinculis compediti et ligati in obscuris carceribus concluduntur.

« Secundum magnitudinem brachii tui posside filios mortificatorum. » Hoc autem tale est ac si diceret: Rogamus ne filios interficiant, qui dura et crudeli morte parentes occiderunt. Posside vel filios in magnitudine brachii tui, qui inimicorum manibus eorum parentes tradi permisisti. Neque possideant filios, qui parentes possederunt, et tanto tempore captivos tenuerunt.

D « Redde vicinis nostris septuplum. » Non solum Judæi, sed vicini quoque eorum, qui in circuitu ita habitabant in captivitatem ducti sunt; qui quidem majori pœna digni fuerunt, quia de Judæorum perditione gavisi sunt; de quibus sicuti sociis et amicis dolere debuissent. Septuplum autem plenam et integram pœnam significat; quia hic numerus perfectus est, omnesque in se numeros continet. Unde et illud: « Septuplum ultio dabitur de Cain: de Lamech vero, septuagies septies (Genes. iv, 24). »

« Improprium ipsorum, quod exprobraverunt

(698) Vulgata habet *morticina*. Ubi hæc docet S. August: « Melius sane interpretati sunt, qui morticina posuerunt, quam sicut quidam, *mortalia*. Morticina enim non dicuntur nisi mortuorum, mortalia vero etiam vivorum corporum nomen est. »

(699) Quod quidem malum est, si de hoc consoletur homo tantum ex proprio amore; virtus vero, si ex amore divinæ iustitiæ. Ex hoc in Apocalypsi animæ interfectorum clamabant: *Vindica, Domine, sanguinem nostrum*, c. xvi, 10.

« tibi, Domine. » Illis autem verbis manifeste ostenditur eos non solum gavisos fuisse, verum etiam in Deum blasphemasse, quasi qui populum suum defendere non potuisset. Hoc autem improprium sit in sinu et in corde ipsorum, quatenus in illius memoria vel affligantur vel corrigantur, ut ipsi quoque dicere possint : « Et peccatum meum contra me est semper (Psalm. I, 5). »

« Nos autem populus tuus, et oves gregis tui, con-
« stitemus tibi, Deus, in sæcula, et in sæculum sæ-
« culi narrabimus laudem tuam. » Hoc dicit Asaph, hoc dicit Synagoga, quia quocumque molo res se habeat, sive adversa sive prospera eis contingant, nunquam tamen a Deo recedent. Semper populus ejus, et oves gregis ejus erunt, semper eum constabuntur et laudabunt, semper ejus mirabilia laudaque narrabunt. Omnia autem non solum de Judeis, sed de martyribus quoque intelligi debent, qui non minora et leviora, imo vero majora et graviora tormenta passi sunt a persecutoribus suis, quam illi sustinuerunt ab Assyriis.

PSALMUS LXXIX.

473 IN FINEM : PRO HIS QUI COMMUTABUNTUR TESTIMONIUM ASAPH. PSALMUS.

Quando ponitur in finem, ea quæ dicuntur, etsi intra litteram ad Synagogam pertinere videantur, de Christo tamen et de Ecclesia spiritualiter intelligenda sunt. Dat autem Asaph in Synagoga fidelium hoc testimonium pro iis qui ab infidelitate mutabuntur ad fidem, et a littera ad spiritualem intelligentiam transibunt. Isti enim sunt illa vinea, quæ hoc in psalmo de Ægypto in terram promissionis translata et commutata refertur.

« Qui regis Israel, intende (700), qui deducis velut ovem Joseph. » Dominus et Salvator noster ipse est qui regit Israel, per quem omnes illos intelligimus, qui eum cognoscunt et in eum credunt. Ipse quoque deducit velut ovem Joseph, per quem illi significantur qui humilitate et patientia præditi bonorum operum fetu fructificant. Joseph namque augmentum sive accrescens interpretatur. Et cæteri quidem fratres patris nomine vocantur Israel; Joseph vero proprio nomine designatur, quoniam non suo, sed patris nomine a Domino reguntur et ducuntur. Iste vero sua propria bonitate regitur, ducitur et diligitur.

« Qui sedes super Cherubim, appare coram Ephraim, Benjamin et Manasse. » Quia Dominus et Salvator noster fons et origo est totius sapientiæ; siquidem « omnis sapientia ab ipso est, et cum eo fuit semper, et est ante ævum (Eccli. I, 1); » ideo super Cherubim sedere describitur, quod scientiæ plenitudo interpretatur. Sibi ergo loquitur Propheta, et Christum rogat ut de illa suæ majestatis excellentissima sede

(700) Apud S. August. legitur : « Qui pascis Israel, intende. » Et continuo ait : « Quid est : Qui pascis Israel, intende, qui deducis velut oves Joseph ? » Invocatur ut veniat, expectatur ut veniat, desideratur ut ve-

A descendat, et humanitate assumpta huic mundo visibilis appareat coram Ephraim, Benjamin et Manasse. Isti tres pertinent ad Joseph, et in medio filiorum ponitur, qui ejus frater exstitit. De tribu Ephraim fuit Jeroboam, qui peccare fecit Israel; et de tribu Benjamin fuit Saulus, qui vehementer Ecclesiam in suo principio persecutus est. Per hos igitur quoscunque nequissimos homines intelligamus; ipsum Dominum dicentem audiamus : « Non veni vocare justos, sed peccatores ad poenitentiam (Matth. ix, 13). » — « Non enim indigent qui sani sunt medico, sed male habentes (Luc. v, 31). » Saulus suscipio persecutorem, neque abjicio Ephraim, qui ad meam injuriam vitulos aureos fabricatus est, de quo per Isaiam dicitur : « Væ coronæ superbiæ, ebriis Ephraim (Isa. xxviii, 1). » Apparet in hoc psalmo, quia de bonis parentibus mali filii oriuntur. Valde bonus fuit Jacob sive Israel, valde bonus fuit et Joseph; sed valde mali fuerunt, qui de illo orti sunt. Notandum quia de malis filiis locuturus, bonos parentes Propheta præmisit, ut eorum gratia facilius Dominus ad misericordiam flecteretur.

« Excita potentiam tuam, et veni, ut salvos nos facias. » Videtur Dominus in primo adventu non excitasse, sed posuisse potentiam suam, quia humiliter venit, et in forma servi. In secundo vero potentiam suam excitabit, quia in majestate divinitatis veniens, qualis est, talis apparebit. Salvavit nos in primo, quia de diaboli potestate eripuit. Salvabit et in secundo, quia de omnibus miseriis liberabit, ac æterna beatitudine keticabit.

« Domine, Deus virtutum, converte nos. » Orat Propheta pro Judeis, ut quia in primo adventu inconvertibiles exstiterunt, saltem in secundo ad fidem convertantur : « Convertentur ad vesperam (Psalm. lvm, 7); » et : « In diebus illis salvabitur Juda (Jer. xxiii, 6); » et : « Si fuerit numerus filiorum Israel sicut arena maris, reliquæ convertentur (Rom. ix, 27). » Et : « Ostende faciem tuam, et salvi erimus. » Et prius quidem ostendit, sed non omnibus, quia « in propria venit, et sui eum non receperunt (Joan. I, 11). » Unde et ipse dicebat : « Multi prophetæ et reges voluerunt videre quæ vos videtis, et non viderunt (Matth. xiii, 17). » Unde et Apostolus dicit quia « si cognovissent, nunquam Dominum gloriæ crucifixissent (I Cor. II, 8). » Soli autem illi vident faciem et gloriam Dei, qui in eum catholicæ credunt.

« Domine, Deus virtutum, quousque irasceris in orationem servi tui (701)? » Irasci quidem videtur Dominus contra orationes nostras, quando post multas preces et supplicationes nos non exaudit. Bene autem sibi convenit hoc nomen, ut dicatur Dominus Deus virtutum, quia non solum terrestrium

niat;

(701) Ita plane irasceris, ut pater corrigens, non ut iudex damnans. » August.

omnium ipse solus fortis et potens est, cunctisque virtutibus præclarus et admirabilis est.

« Cibabis nos pane lacrymarum, et potum dabis nobis in lacrymis in mensura? » Panis et potus lacrymarum omnis carnalis afflictio et tribulatio intelligitur. Tali autem cibo et potu longo tempore satiati sunt omnes fideles utriusque Testamenti in mensura; secundum hoc quod Apostolus ait: « Fidelis autem Deus, qui non patietur vos tentari supra id quod potestis, sed faciet etiam cum tentatione proventum, ut possitis sustinere (1 Cor. x, 13). » Unde et alibi in pondere, et numero, et mensura Deus omnia fecisse narratur. Et ipse quidem hoc facere dicit, quia fieri permittit quod si nolisset fieri non posset.

« Posuisti nos in contradictionem vicinis nostris, et inimici nostri deriserunt nos. » Quantum, quibusque modis inimici et vicini eorum eis contradixerint, eosque opprobrio et derisioni habuerint, quid attinet dicere? Unde, sicut scriptum est, in iudicio dolentes et poenitentes dicturi sunt: « Isti sunt quos aliquando habuimus in derisum, et in similitudinem improprietatis (Sap. v, 3). »

« Domine, Deus virtutum, converte nos. » Bene iterum repetit, quod valde difficile esse videbat, Iudeorum scilicet conversionem. Ad hoc enim venerat Dominus, ut eos converteret, si ei obedire voluissent. Unde ipse ait: « Non sum missus nisi ad oves quæ perierant domus Israel (Matth. xv, 11). » Et alibi ad Jerusalem: « Quotiescunque volui congregare filios tuos, sicut gallina congregat pullos suos sub alas, et noluisti? » (Matth. xxiii, 37.) Et Apostolus: « Vobis itaque primum oportuerat prædicari verbum et regnum Domini sancti; sed quia repulistis illud, indignos vos fecistis ejus verbi et agnitionis gratiæ (Act. xiii, 46). » Ostende faciem tuam, et salvi erimus. » Hoc autem jam superius expositum est.

« Vineam ex Ægypto transtulisti. » Hæc itaque est illa vinea quam tu de Ægypto transtulisti, de qua et propheta loquitur, dicens: « Vineam factam est dilecto meo in capite filiorum olei (Isa. v, 4). » Vineam enim domus Dei Sabaoth dicitur.

« Ejecisti gentes, et projecisti eas. » Ejecit enim Dominus gentes de terra promissionis quam prius habitabant, et in earum civitatibus filios Israel habitare fecit.

« Viam fecisti in conspectu ejus; » quia mare Rubrum et aquam Jordanis eis aperuit, et per medium eorum siccis pedibus transivit. Talem autem viam nullus alius facere potuisset; et idea non immerito semper memorabile est.

« Et plantasti radices ejus, et repleta est terra. » Sic de populo, quasi de vinea loquitur, quia metaphoram vineæ sequitur. Hæc autem vinea sancta Ecclesia significabatur; quæ tunc quidem in montibus Israel, postea vero nobiliorem habuit plantationem. Unde et subditur:

« Operuit montes umbra ejus, et arbusta ejus cedros Dei. » Quid per montes et cedros Dei, nisi

A apostolos et prophetas intelligamus? Hos autem operuit vinea et arbusta ejus, quia super eos tota Ecclesia fundata est. Sicut Apostolus ait: « Superædificati super fundamentum apostolorum et prophetarum, ipso angulari lapide Christo Jesu (Ephes. ii, 20). » — « Fundamenta ejus in montibus sanctis. » (Psalm. lxxvi, 1.) Cedri enim dicuntur apostoli propter vitæ excellentiam et puritatem. Siquidem cedrus propterea arbor est et imputribilis, redolentisque naturæ.

« Extendisti palmites ejus usque ad mare, et usque ad flumen propagines ejus. » Isti sunt illi palmites et ille propagines, de quibus in Evangelio Dominus ait: « Ego sum vitis, et vos palmites: qui manet in me, et ego in eo, hic fructum multum facit, quia sine me nihil potestis facere: sicut palme non potest facere fructum a semetipso nisi manserit in vitâ, ita et vos, nisi in me manseritis (Joan. xv, 1, 4, 5). » Hos autem extendit Dominus usque ad mare: quia in omnem terram exiit sonus eorum, et in fines orbis terræ verba eorum (Psalm. xlviii, 5). De Synagoga vero non dicitur, quia usque ad mare occidentale, et usque ad flumen magnum Euphratem erunt termini ejus.

« Ut quid deposuisti maceriem ejus, et vindemiaſti eam omnes qui transeunt viam? » Maceria Ecclesiæ apostoli sunt et doctores, omnesque episcopi et sacerdotes. His autem depositis et interfectis, nemo est qui eam defendat, et latronum et hæreticorum insidias ab ea repellat. Vindemiatur itaque et conculcatur ab iis qui viam transeunt, et per viam rectitudinis non ambulant; unde et subditur:

C « Exterminavit eam aper de silva, et singularis ferus depastus est eam. » Iste aper, et ferus singularis quilibet hæreticus est, veluti Arius et Simon Magus, per quem et tyrannos nihilominus intelligere possumus. Qui bene de silva venire dicuntur; quoniam silvestres et extranei sunt, neque domesticam ferunt doctrinam. Domestici vero illi sunt, de quibus dicitur: « Jam non estis hospites et advenæ, sed estis cives sanctorum et domestici Dei (Ephes. ii, 19). » Et isti quidem depascunt vineam Dei, quia et corporaliter et spiritualiter Ecclesiam Dei dissipare non cessant.

« Domine, Deus virtutum, converte nunc; quoniam vinea tua vindemiatur, exterminatur et conculcatur. Nunc convertere; quia ecce nunc tempus acceptabile, ecce nunc dies salutis (II Cor. vi, 2). » Et quia Judæi inconvertibiles sunt, vel gentiles convertantur ad fidem.

D « Respice de celo; » de illo tuæ divinitatis excellentissimo clarissimoque secreto, « et vide » misericorditer, « et visita » potentialiter vineam istam; et dirige eam ad te, neque errare permittas post greges hæreticorum. « Quam plantavit dextera tua. » Et ubi plantavit? « Super filium hominis, quem confirmasti tibi. » Salvator noster est, qui de se ipso ait: « Videbitis angelos ascendentes et descendentes super Filium hominis (Joan. i, 51). »

475 Super hunc autem plantata est Ecclesia, quia sicut Apostolus ait: « Fundamentum aliud nemo

« potest ponere, præter id quod est Christus Jesus A
(I Cor. iii, 11). » Quod autem ait: « quem confirmasti
tibi, » hoc est quod alibi dicitur: « Ponam in
« salutari, fiducialiter agam in eo (Psal. xi, 6). »
Ipsam enim digne satis confirmavit Dominus prin-
cipem militiæ suæ ad laudem et gloriam nominis sui.

« Incensa igni, et effossa manu, ab increpatione
« vultus tui peribunt. » Vide, inquit, et visita vineam
istam, ne forte ab impiis incendatur, et effodiatur;
quia omnia quæ incensa fuerint igni, et effossa manu,
ab increpatione vultus tui peribunt. Hæc increpatione
erit in iudicio, quando dicitur, tollantur impii, ne
videant gloriam Dei, et convertantur peccatores in infernum
(Isa. xxi). Et: « Ite maledicti in ignem æternum
(Math. xxv, 41). » Ignis est omne peccatum
quo anima incenditur, effoditur, et a suæ stabilitatis
fundamento avulsa separatur.

« Fiat manus tua super virum dexteræ tuæ, et
« super filium hominis, quem confirmasti tibi, et
« non discedimus a te. » Rogat Propheta in persona
omnium fidelium, ut hunc virum dexteræ suæ, hunc
Filium Virginis, Salvatorem nostrum, manū potentiæ
suæ Dominus protegat et defendat, qui nos regat
et post se trahat, et, eo duce et prævio, non disce-
damus ab eo. Bene autem eum vocat virum dexteræ
suæ, quia in spiritu elevatum sedere videt ad dexteram
suam.

« Vivificasti nos, et nomen tuum invocabimus. »
Mortui, inquit, sumus, quia in primo homine immor-
talitatem et vitam amisimus; sed tu, o Christe, tua
morte vivificasti nos, et nomen tuum semper et
ubique in omnibus nostris necessitatibus invoca-
bimus: « Omnis enim, dicit Apostolus, quicumque
invocaverit nomen Domini salvus erit (Rom. x, 13). »

« Domine, Deus virtutum, converte nos, et ostende
« faciem tuam, et salvi erimus. » Videt Propheta
quia nemo potest salvari nisi per Christum; nemo
salvari potest, nisi qui credat in Christum, et ideo
toties repetit ut veniat, et faciem ostendat, et mundum
ad se convertat, et salvi erimus.

PSALMUS LXXX.

IN FINEM, PRO TORCULARIBUS ASAPH, QUINTA
SABBATI (702).

Psalmus iste pro torcularibus referatur in finem. D
Finis autem fuit in quinta Sabbati; quando vetera trans-
iierunt, et facta sunt omnia nova. Ille namque dies
finis fuit Veteris, et initium Novi Testamenti, qua
die reprobatum est sacrificium Aaron, et confir-
matum est sacrificium secundum ordinem Melchi-
sedech. Torcularia vero tot sunt, quot sunt Ecclesiae,

(702) Ad clariorem tituli huius intelligentiam,
quomodo exponatur a Venerabili Beda, ejus verba
suljiciam: « Quinta Sabbati est quinta dies a Sabbato,
quæ a gentilibus dies Jovis, a nobis quinta feria
vocator, in qua Deus dixit: *Producant aque reptilia
animarum vivarum, et volantia super firmamentum
celi*; mystice significans diversæ virtutis ex aquis
baptismatis esse nascituros. Tituli ergo huius intentio
talis est, ut in finem designet Dominum Christum;

in quibus vinum novum suscipitur, omnesque utriusque
Testamenti racemi exprimuntur et exponuntur,
quibus architriclinus et apostoli inebriantur, et nova
et vetera mirabiliter interpretantur.

« Exsultate Deo adjutori nostro, jubilate Deo Jacob. »
Vos, inquit Propheta, qui in torcularibus estis, et
novum et admirabile vinum novo magisterio confi-
citis et propinatis, exsultate Deo adjutori nostro, quia
hæc sola exsultatio utilis est, laudabilis, et æterna
est. « Jubilate Deo Jacob. » Iste, quasi dicat, qui
modo venit in adjutorium nostrum, et de diaboli
potestate nos liberavit, ipse Deus Jacob, ipse est
Deus utriusque Testamenti. Illi igitur jubilate et
cantate; illum solum colite et adorete. Quomodo?

« Sumite psalmum, et date tympanum, psalterium
« jucundum cum cithara. » Qui sunt illi, qui psalmum
sumunt, nisi illi qui corde et voce Deum laudant et
benedicunt? Tales autem persecutionis tempore tym-
pana dabant, quia statim post prædicationem verbera
sustinebant. Tympana enim nisi verberata non so-
nant (703). Pretiosum tympanum beatus Paulus, qui
a Judæis quinquies quadragenas, una minus accepit
(II Cor. xi). Datum autem est illis tympanum, qui cum
vitiis et concupiscentiis carnem affligunt. « Psalterium
jucundum cum cithara. » Sumite, inquit,
psalmum, cantate, et prædicat. Hoc autem in psalterio
et cithara. Psalterium ad Vetus, cithara ad Novum
pertinet Testamentum. Quia psalterium decem chordas
habet, et Vetus Testamentum in decem mandatis
continetur. Citharæ vero quatuor, vel tres chordæ
sufficiunt, et Novum Testamentum in quatuor Evan-
geliiis concluditur, in quibus mysterium Trinitatis
clarissime prædicatur. 476 Hoc autem mysterium
Judæi ignorant, et ideo in cithara cantare nesciunt.
Christiani vero et in cithara, et in psalterio cantant,
quia utrumque Testamentum suscipiunt et præ-
dicant. Est autem psalterium jucundum cum cithara,
quoniam in sermonibus nostris alterum Testamentum
altero confirmatur.

« Canite in initio mensis tuba, in die insignis
« sollemnitis vestre. » Hoc autem initium mensis,
et hic dies insignis sollemnitis coepit a quinta
Sabbati, de qua in titulo locuti sumus, et perse-
verabit usque ad primam Sabbati, quando ad judi-
candum Dominus veniet. Et Judæi qui, em per sin-
gulos menses hoc faciebant; item, quoties luna nova
apparebat. Unde et in alia translatione non initium
mensis, sed neomenia habetur, per quod nova luna
significatur. Tunc igitur cantare et prædicare instan-
tissime oportebat, quando luna adhuc nova erat.
Quod autem luna Ecclesiam significet, manifestissi-

pro torcularibus, Ecclesiam persecutionibus exami-
natam; Asaph, congregationem; Quinta Sabbati,
baptismus: unde colligitur Psalmum in Ecclesia
Domini de regenerata congregatione esse locuturum.
Hinc enim et Asaph juxta historiam quidem loquitur
Judæis, sed melius intelligitur a populo Christiano.

(703) Ex Cassiodoro videtur Bruno hanc interpre-
tationem hausisse, quem etiam in reliquis secutus
est.

mun est. Tuba autem cantare, est clara et alta voce Deum laudare et prædicare.

« Quia præceptum in Israel est, et iudicium Deo Jacob. » Hoc igitur præceptum in Israel est, et hoc iudicium datum est Deo Jacob; ut sic in nova luna, et in hac prima festivitate cantare debeatis, in qua vetera transierunt, et facta sunt omnia nova.

« Testimonium in Joseph posuit illud, dum exiret de terra Ægypti. » Et hoc testimonium non solum in Israel, sed et in Joseph quoque posuit Dominus. Quare autem per se Israel, et per se ponatur Joseph, iam in aliis psalmis dictum est.

Qui dum exiret de terra Ægypti, « linguam, quam non noverat, audivit. » Quod autem in hac translatione dicitur, « posuit eum, » nihil est cui hoc pronomen referre valeamus, nisi forte ad eum insignis solemnitatis. Posuit igitur Dominus illum diem testimonium Joseph; quia ille dies dat eis testimonium, quanta diligentia et sollicitudine Domino serviat, et ejus celebret festivitates. Joseph enim hoc in loco omnes illos significat, qui ad similitudinem novæ lune, usque ad perfectionis plenitudinem quotidie crescent, et in melius proficiunt. Siquidem Joseph accrescens interpretatur. Isti autem dum exirent de terra Ægypti, et de ignorantie tenebris ad fidem transirent, linguam, quam prius non noverant, audiverunt, et utriusque Testamenti scientiam didicerunt, atque in noemenia, hæc est in principio nascentis Ecclesiæ, constantissime prædicaverunt. Hoc autem testatur ipse dies, hoc confirmat ipsa insignis solemnitas, quoniam ipsi interfecti sunt propter Christi fidem, et nomen quod annuntiabant. Primus autem Joseph, non quando exivit, sed quando intravit in terram Ægypti, linguam quam non noverat audivit.

« Divertit ab oneribus dorsum ejus, manus ejus in cophino servierunt. » Quia de Joseph loqui coeperat, ejus metaphoram sequitur, qui cum prius suis humeris onera ferret, postea princeps populi a Pharaone constitutus in cophinis servivit, quibus granum mensuratur et fertur. Similiter autem et sanctorum dorsum ab oneribus Dominus divertit; quando ait: « Venite ad me, omnes qui laboratis, et onerati estis, et ego reficiam vos (Matth. xi, 28). » In cophinis vero servierunt, postquam annonam verbi Dei populis ministrarunt, et prædicare coeperunt. Hoc autem significaverunt illi cophini, quos de reliquiis panum apostoli repleverunt (Matth. xiv). In cophino igitur serviunt qui panem evangelicæ doctrinæ aliis ministrant.

« In tribulatione invocasti me, et liberavi te. » Hoc autem et de Joseph, et de sanctis qui per eum significantur, convenienter intelligitur; quia et ille et illi in suis tribulationibus invocantes Dominum, exauditi et liberati sunt. Unde et subditur:

« Et exaudivi te in abscondito tempestatis: » id est in repentina et improvisa superveniente calamitate. Talis autem tempestas venit super beatum Job, qui

(704) Lectio Vulgatæ, in adinventionibus suis.

A quare adligeretur, omnino ignorabat. Talem et SS. martyres passi sunt, et moriendo exauditi sunt; quia hoc erat in desiderio eorum, ut inter ipsa tormenta desicerent; unde et contra ipsos duris verbis tyrannos provocabant, neque eos propitios habere volebant.

« Probavi te apud aquam contradictionis. » Quid per aquam contradictionis, nisi evangelicam prædicationem intelligamus? Illis enim aquis et Judæi, et hæretici omnesque infideles constantissime contradicunt. Et hic quidem probantur sancti: quia occidi quidem possunt, sed a prædicatione comprimi non possunt.

« Audi et tu, populus meus, et loquar Israel, et testificabor tibi. » Nunc Salvator noster specialiter B Judæis loquitur, qui eum præcipue persequabantur, quod se Filium Dei esse dicebat. Docet itaque illos et sub testificatione præcipit, ut eum audiant, et intelligant, et ejus doctrinæ acquiescant. Et hoc est quod ait:

« Israel, si me audieris, non erit in te deus recens, neque adorabis deum alienum. Ego enim sum Dominus Deus tuus, qui eduxi te de terra Ægypti. » Ego itaque sum Dominus Deus tuus. Non sum ego alius, et alius ille, qui eduxit te de terra Ægypti: sed ego ipse, qui loquebar, ecce adsum (Isa. lvi, 6); et propter te homo factus sum, ad te docendum, liberandum et salvandum veni. Si me audieris, si in me credideris, non erit in te deus recens, neque adorabis deum alienum: « Ego sum in Patre, et Pater in me est; et ego, et Pater unum sumus (Joan. x, 30). »

« Dilata os tuum, et ego adimplebo illud. » Voluit Dominus Judæos docere, fovere, 477 et cibis spiritualibus adimplere; sed noluerunt. Et hoc est quod ait:

« Et non audivit populus vocem meam, et Israel non intendit mihi. » Unde ipse quoque Dominus ait: « Loquebar et non credidistis (Joan. x); » itemque: « Qui ex Deo est, verba Dei audit; propterea vos non audistis, quia ex Deo non estis (Joan. vi, 47). » Et alibi: « Si non venissem, et locutus eis fuisset, peccatum non haberent; nunc autem excusationem non habent de peccato suo (Joan. xv, 22). »

D « Et dimisi eos secundum desideria cordis eorum. » Miser ille qui a Domino dimittitur, ut cordis sui desideria faciat. Sic enim Pharaonem dimiserat Dominus, ut usque ad mortem cordis sui desideria sequeretur.

« Et ibunt in voluntatibus suis (704). » Qui enim ibunt in voluntatibus suis, nisi quia eos nunquam præcavebit, sed usque in finem suis in malitiis perseverabunt?

« Si plebs mea audisset me, Israel si in viis meis ambulasset, ad nihilum inimicos eorum humiliassem, et super tribulantes eos extendissem manum meam. » Magnam consolationem dant hæc verba omnibus illis, qui verba Dei audiunt et custodiunt, ac per vias

mandatorum incedunt; sicuti enim sunt, et nullatenus dubitare possunt, quin de suis inimicis aliquando vindictam suscipiant (703). Hanc autem ultionem perdidit iudei, quia verba Dei audire noluerunt; de quibus subditur:

« Inimici Domini mentiti sunt ei, et erit tempus eorum in æternum. » Nunc Propheta loquitur, et æternam pœnam iudeis minatur; dum tempus eorum, tempus videlicet mortis et perditionis, in æternum esse dicit. Ipsi sunt inimici Domini, ipsi sunt, de quibus ipse Dominus dicit: Quia « odio habuerunt me gratis (Joan. xv, 25). » Et ipsi quidem mentiti sunt ei, quia « in propria venit, et sui eum non receperunt (Joan. i, 10); » cum olim Moysi promississent: « Quidquid præcepit nobis Dominus faciemus (Exod. xix, 8). »

« Cibavit eos ex adipe frumenti, et de petra melle saturavit eos. » Improperatio est adversus eos, qui mala pro bonis reddere non erubuerunt. « Cibavit, inquit, eos Dominus ex adipe frumenti » et temporalibus, et spiritualibus epulis eos satiavit. De hoc autem adipe alibi dicitur: « Sicut adipe, et pinguedine repleatur anima mea (Psal. lxxv, 6). » Divina Scriptura frumentum est, quod videlicet frumentum aliis asperum, aliis delicatum panem ministrat. Mel vero de petra susceperunt, qui de pectore Salvatoris verba vitæ audire meruerunt. De quibus dicitur: « Quam dulcia faucibus meis eloquia tua, super mel et favum ori meo! » (Psal. cxviii, 103.)

PSALMUS LXXXI.

PSALMUS ASAPH.

Sæpe jam diximus quid significet psalmus Asaph. Ecce Asaph, qui *synagoga* interpretatur, per quem bonorum omnium congregatio intelligitur. De *synagoga* loquitur malignantium, eamque reprehendit, quia Salvatori nostro per se ipsam sibi loquenti credere noluit.

« Deus stetit in synagoga deorum, in medio autem deos discernit. » Ubique sunt viri fortes, viri sapientes, et vitæ merito cæteris præeminentes, ibi est *synagoga* deorum. Sic autem de futuris quidem et præsentibus loquitur Propheta; et id, quod post multum temporis futurum erat, id factum esse ostendit. Stetit enim Dominus et Salvator noster in *synagoga* deorum, seu potius iudeorum et impiorum, et non solum de factis, verum etiam de perversis cogitationibus suis ea qua decebat auctoritate eos reprehendit et iudicavit. Unde et in Evangelio dicitur, quia non loquebatur sicut Pharisei, sed quasi potestatem habens. Hoc enim ipsi quoque testantur, dicentes: « Magister, scimus quia verax es, et viam Dei in veritate doces, et tibi non est cura de aliquo; non enim respicis personam hominis (Matth. xxii, 6). » Sed quomodo discernit et iudicat eos? Sequitur:

« Quousque iudicatis iniquitatem, et facies peccatorum sumitis? » Dicebant illi: « Ille homo non est

a Deo, qui Sabbatum non custodit (Joan. xxi, 5). » Dicebat autem illis: « Cujus vestrum asinus, aut bos, in puteum cadet, et non continuo extrahet eum in die Sabbati? » (Luc. xiv, 5). « Quousque iudicatis iniquitatem? » Quare transgredimini præceptum Dei propter traditionem vestram? Nam dixit: Honora patrem, et matrem; et vos dicitis: Munus quodcumque ex me est, tibi proderit (Matth. xv, 3-5). Hoc autem iniquitas est, et contra mandatum Dei est. Facies autem peccantium sumunt, qui in iudicio personam respiciunt, sive etiam qui iudicando peccatores similes sunt. Facies enim a faciendo dicitur. Eandem igitur faciem habet cum peccatoribus, qui idem facit quod peccatores faciunt.

« Iudicate pupillo et egeno, humilem et pauperem; » justificate. Si, inquit, pupillus et egenus, humilis et pauper justam causam habuerit, illos iudicate; illis iustitiam et victoriam date, neque ad personam, sed ad causam respiciatis; unde et subditur:

478 « Eripite pauperem, et egenum de manu peccatoris liberate. » Non terreamini divitis et peccatoris potentia; sed constanter causam pauperis, si justa fuerit, justam esse ostendatis.

« Nescierunt, neque intellexerunt. » Nescierunt; inquit, Propheta, et verba tam salutaria, quæ eis Dominus loquebatur, neque intelligere voluerunt, ideoque « in tenebris ambulant. » In tenebris utique cæcitatibus et erroris, quia cæci sunt et duces cæcorum. « Movebuntur omnia fundamenta terræ. » Contra hos, inquit, iudices iniquos movebuntur omnia fundamenta terræ, per quæ apostolos intelligimus, ut eos juste iudicent et damnent, qui alios injuste iudicare et damnare non timerunt. Hoc autem erit in iudicio; quoniam, sicut scriptum est, apostoli « sedebunt super sedes duodecim, iudicantes duodecim tribus Israel (Matth. xx, 28). » Hinc autem versum interposuit Propheta. Hinc vero suæ orationis Salvator noster ordinem tenet.

Ego dixi: « Dii estis, et filii Excelsi omnes. » Hoc est enim quod in Evangelio dicitur: « Quotquot autem receperunt eum, dedit eis potestatem filios Dei fieri, his qui credunt in nomine ejus (Joan. i, 12). » Sunt siquidem dii, sunt filii Dei. Hoc Dominus dixit, hoc constituit. Hanc potestatem hominibus dedit; sed illis hominibus, qui receperunt eum, qui crediderunt in eum, et qui mandata ejus custodierunt. Cæteris autem quid? « Vos autem sicut homines moriemini, et sicut unus de principibus cadetis. » Noluistis, inquit, esse dii, noluistis immortales fieri, noluistis rursus ad cælestia conscendere; ideoque sicut homines moriemini, et sicut unus de principibus cadetis. Moriuntur ut homines, qui et corpore et anima moriuntur; cadent vero sicut unus de principibus, per quem diabolus significatur. Similiter cadent et isti, et ille, qui uno modo et una hora simul mittentur in ignem. Huc usque Dominus, cætera vero loquitur Propheta.

(706) «Exsurge, Deus, judica terram.» Exsurge, inquit, Deus, quem ad Patris dexteram sedere conspicio; veni ad iudicium, et judica terram: damna impios et peccatores, et sicut unus de principibus cadant qui non sursum aspiciunt, sed sola terrena et transitoria quaerunt. Sufficiant tibi tui, illos honora, et glorifica; quoniam tu hereditabis in omnibus gentibus. Nulla enim gens est in qua Dominus non hereditaverit, et in sortem sibi aliquos elegerit; quia, sicut scriptum est, «omnes gentes servient ei (Psalm. L, 11).»

PSALMUS LXXXII.

CANTICUM PSALMI ASAPH.

Vult Asaph ut iste psalmus cum cantico, et laudibus dicatur, in quo Dei virtus et magnificentia, et iniquorum exterminium et perditio praedicatur.

«Deus, quis similis erit tibi? (707) Ne taceas, neque compescaris, Deus.» Cum veneris, inquit, o Deus, judicare terram, sicut in fine superioris psalmi legitur, quis erit similis tibi? Venisti quondam, sed humilis, et in forma servi; vidimus te non habentem speciem, neque decorem; venies autem clarissimus, et potentissimus in sede maiestatis tuae, et quis similis tibi? Quis te non timebit, Domine? Quis similis Deo inter filios Dei? «Ne taceas, neque compescaris, Deus.» Tacuisti, et sicut agnus sine voce ad victimam ductus, os non aperuisti; redde eis vicem, Domine. Locuti sunt illi, et nimis superbe locuti sunt in tempore suo, loquere et tu tempore tuo; cognoscant te excelsus, qui humilem agnoscere noluerunt.

«Quoniam ecce inimici tui sonuerunt. Sonuerunt quidem, et stulte, crudeliter, et sine tentatione, Crucifige clamaverunt (Luc. xxiii).» Et qui oderunt te «extulerunt caput.» Sic enim in Evangelio dicitur: quia «illu. ebant ei moventes capita sua (Matth. xxv, 39).» Caput autem levare contra Dominum, superbia est.

«In plebem tuam astute cogitaverunt consilium, (708), et cogitaverunt adversus sanctos tuos.» Non solum, inquit, contra te, sed et contra plebem tuam, et contra Ecclesiam tuam, et Iudaei, et omnes alii, de quibus modo dicturi sumus, cogitaverunt malum consilium. Et hoc astute, dolose et fraudulenter. «Et cogitaverunt adversus sanctos tuos;» et quid cogitaverunt, audiamus:

«Dixerunt: Venite, et disperdamus eos de gente, et non memorabitur nomen Israel amplius.» Notandum quia ubicunque loquitur Asaph, semper de veteri historia parabolas ponit, ut ea quae antiquis patribus

(706) Omnes superiores psalmi desunt in cod. Chisiano, et in Marchesio: hic autem proseguitur editio, et codex Chisianus.

(707) De Christo Domino hic loqui Prophetam etiam Augustinus exponit: «Quid enim magnum dicitur, cum Deo dicitur: Quis similis erit tibi? nisi illi dicatur, qui similes esse hominibus voluit, formam servi accipiens in similitudinem hominum factus, et habitum inrenus ut homo,» etc. Phil. ii, 7.

(708) Haec altera lectio apud Augustinum et Cassiodorum invenitur.

(709) Perfecte convenit cum Augustino huiusmodi

A acciderunt, parabolice ad Ecclesiam transferamus. Sicut in hoc loco, ubi Israel pro Ecclesiae persecutoribus accipiuntur. Hoc enim Ecclesiae adversarii non solum 479 cogitaverunt et dixerunt; verum etiam facere conati sunt, ut Christianorum nomen omnino de memoria hominum tolleretur. Unde et subditur:

«Quoniam cogitaverunt consensum in unum.» Cogitaverunt, inquit, et convenerunt in unum consensum; malum utique atque perversum, ut Ecclesiam destruerent, et sanctos Dei interficerent, et fidem catholicam omnino deleterent.

«Adversum te testamentum disposuerunt.» Qui? «Tabernacula Idumaeorum et Ismaelitarum, Moab et Agareni, Gebal et Ammon, et Amalech, et alieni-»

B «genae cum habitantibus Tyrum,» et caetera quae sequuntur. Per hos autem qui Iudaeorum populum quondam graviter persecuti sunt, eos intelligimus qui Ecclesiam Dei usque hodie persequuntur. Nam et Iudaei male legem interpretantes, et haeretici, et pagani adversus Dominum suum testamentum disposuerunt, omnesque alii qui novam doctrinam introducant, adversus Dominum aliud testamentum facere disponunt. Sed videamus modo qui sunt isti qui sanctam Ecclesiam persequuntur. Primum quidem «tabernacula Idumaeorum,» qui terreni interpretantur (709); per quos omnes illos intelligimus, qui non animae, sed corpori serviunt, et sola terrena ac transitoria diligunt; a quibus non differunt «Ismaelitarum,» qui sibi obedientes interpretantur. Sibi autem obedientes sunt, qui cordis sui desideria sequuntur, et quocunque voluntas eos duxerit ire non erubescunt.

«Moab» vero, qui ex parte interpretatur, fustiva et illicita conjunctione in ebrietate conceptus, eos significat qui Ecclesiae sacramentis ab haeticis generantur; tales enim bonos parentes habere videntur, sed ex patre diabolo esse probantur (710). Sed quid per «Agarenos,» qui extranei dicuntur, nisi eos intelligamus qui ab Ecclesia longe sunt, et sanctorum fidem et doctrinam recipere nolunt? «Gebal» vero vallis vana dicitur, per quam steriles et infructuosi, falsamque humilitatem simulantes, significantur. At vero «Ammon,» qui populus turbidus interpretatur, haeticos designat, sicut et frater ejus «Moab,» de quo superius diximus. Sunt autem

D et ebrietatis et fornicationis filii, utpote insani et in errore generati. Per «Amalech» autem, qui populus brutus dicitur, homines stultos et indisciplinatos intelligimus, qui voluptatem summam bonum putantes, simul animam cum corpore mori arbitrantur. «Alii-

interpretatio.

(710) Hic innuere videtur S. Bruno quod supra in expositione psalm. lxxvii, pag. 442, dixerat, nempe ordinatos ab Arianis, Nestorianis et Donatistis episcopis ad Ecclesiam catholicam revertentes, servatis propriis ordinibus misericorditer fuisse receptos, quod factum referens, validus admittit eorum ordinationes non tamen licitas, quibus benigne indulsit Ecclesia. Quoties vero suis erroribus non renuntiant, etsi vere sacramenta receperint, diabolum tamen parentem habent. Quid vero sentiat S. Bruno de Simoniacis suo loco dicemus.

nitentia; vero illi sunt qui idola colentes nullam Dei cognitionem habent. « Tyri » autem habitatores navigis et negotiationibus dediti fuerunt, quos Propheta, quam divites fuisse describit, ut aliarum civitatum principes esse potuissent. Scribit etiam de rege Tyri, quem omni lapide pretioso decoratum esse dicit; sed ideo cecidit, quia in magnam superbiam se erexit. « Tyrus » igitur mundum significat; ejus vero habitatores, divites et potentes hujus mundi intelliguntur. Quod itaque adversus Testamentum Dei supradictas gentes, simul « cum habitantibus Tyrum, » ventisse dicit, hoc est intelligere, quia non solum multæ provinciæ et nationes, sed totus mundus generaliter contra Ecclesiam conjuravit. Sed quid mirum? cum ipse diabolus eorum princeps eos regeret, et secundum suam voluntatem dirigeret. Hoc est enim quod sequitur:

« Etenim Assur simul venit cum illis. » Assur quippe *dirigens* interpretatur. Nullos autem alios diabolus ad se dirigit, nisi eos quos a via veritatis retrahet et aberrare facit. « Facti sunt in susceptionem filiiis Loth. » Omnes, inquit, isti, de quibus superius locuti sumus, facti sunt in susceptionem et in adiutorium filiiis Loth, per quos hæreticos significari diximus. Ecclesiae inimici maximi et principales hæretici sunt, et ideoque quicunque Ecclesiam persequuntur, hæreticorum adiutores sunt; nunc autem eos excommunicat, et magnis imprecationibus eis maledicit.

« Fac illis sicut Madian et Sisaræ, et sicut Jabin in torrente Cisson. Omnes isti disperierunt in Endor, facti sunt sicut stercus terræ. » — « Madian » interpretatur *de judicio*; « Sisara » *gaudii exclusio*; « Jabin » *sapiens*, sed iste *mundanus*; « Cisson, » *duritia eorum*; « Endor » vero *generationis* (711). « Madian » itaque eos significat qui de judicio miseri exhibent. « Sisara » vero eos significat quibus omne gaudium excluditur, et semper in doloribus erunt. At vero « Jabin » sapientes hujus sæculi ostendit, qui apud Deum stulti esse dicuntur. Omnes isti peribunt in « Cisson et in Endor, » id est in duritia sua. Et in ipso fonte suæ generationis, per quod peccatum originale intelligimus, a quo qui Christi sanguine liberatus non fuerit, procul dubio in æternum peribit. Hoc bellum sub Barach et Debhora uxore ejus factum est.

« Pone principes eorum sicut Oreb, et Zeb, et Zebee, et Salmana: omnes principes eorum, qui dixerunt: Hæreditate possideamus sanctuarium Dei. » Hi quatuor reges sub Gedeone mirabili prælio superati sunt. 490 Interpretatur autem « Oreb, » *foramen*; « Zeb, » *lupus*; « Zebee, » *victima*; « Salmana, » *umbra prohibendi*. Per « Oreb » eos intelligimus qui undique perforati, nullum vitii et maligni spiritibus ingrediendi obstaculum opponunt. « Zeb » autem rapaces et prædatores significat. « Zebee » vero diaboli martyres sunt, qui se vicissim inter-

ficiendo, quotidie ei ubique immolantur. At vero « Salmana » hypoeritas designat, qui nihil aliud sunt nisi umbra, et simulatio, et multoties ea quæ prohibere videntur vehementer fieri optant. Ad horum igitur similitudinem omnes illos perituros esse dubium non est, quicunque sanctuarium Dei, Dei hæreditatem aggredi non timent, et id quod divini juris est sibi vindicare non formidant. Et merito horum talium principes hoc in loco specialiter maledicuntur; sive quia suo malo exemplo ad hoc scelus cæteros impellunt, sive quia in eos per potentiam non repellunt.

« Deus meus, pone illos ut rotam; » ut celerrime et præcipiti cursu subito ad inferiora terræ devolvantur.

« Et sicut stipulam ante faciem venti; » quatenus violento malignorum spirituum turbine, ad perditionem mortemque trahantur. « Et sicut ignis qui comburit silvas, velut si flamma incendat montes: » ita persequeris eos in tempestate tua, et in ira tua conturbabis eos. » Bene autem silvis comparantur quia multi sunt, et montibus, quia superbiæ spiritu tumidi sunt, quibus, ut in Evangelio legitur, ignis æternus, et flamma inextinguibilis præparata est.

« Imple faciem eorum ignominia. » Et revera ignominia et talibus maledictionibus digni sunt, qui sanctuarium Dei ejusque ministros ita conculcant, sibi que subjiciunt, et tantis contumeliis afficiunt. C Lege omnes divinas Scripturas, et nullos alios invenies ita excommunicatos et maledictos, sicut illos qui Ecclesias affligunt, et qui cogitare et dicere non metuunt: « Hæreditate possideamus sanctuarium Dei. » Omnes enim isti sacrilegi sunt; et nos sciimus quia omnes sacrilegi excommunicati, et maledicti, et damnati sunt. Hoc est enim quod hic dicitur: « Imple facies eorum ignominia; » et quando isti quærent nomen tuum, dicentes: Domine, Domine, tunc confundantur æterna confusione, et conturbentur, non ad horam, sed in sæculum sæculi. « Et revereantur, et pereant; et » tunc tandem « cognoscant, quoniam nomen tibi Dominus, » quem sub tantis interdictis, tantis prohibitionibus, tantis excommunicationibus et maledictionibus offendere non timerunt.

« Tu solus Altissimus super omnem terram. » Tunc, inquit, quando ad judicium venies Dominus, omnes amici et inimici cognoscant, quoniam tibi nomen Dominus, » et quoniam « tu solus Altissimus super omnem terram. » Et tunc, o Deus, « quis similis erit tibi? Ne taceas, neque compescaris, Deus, quoniam ecce inimici tui sonuerunt, et qui te oderunt extulerunt caput. » Tu quidem Altissimus es, ipsi tamen malo suo caput extollere non timerunt.

PSALMUS LXXXIII.

IN FINEM PRO TORCULARIBUS FILIIS CORE (712).

In finem referatur iste psalmus, ad Christum videlicet, de quo hic dicitur: « Et respice in faciem Christum tui. » Est autem pro torcularibus, quorum suavi novoque vino sancti inebriati omnium terrenorum obliviscuntur, solaque Dei tabernacula videre et intrare concupiscunt. Detur autem ad cantandum filiis Core, id est populo Christiano, qui magis gloriatur de Calvarie loco, quam de tota Jerusalem. Core nempe *Calvaria* interpretatur. Alii autem dicantur filii Sion: nos autem filii Calvarie nominamur et sumus.

« Quam amabilia sunt tabernacula tua, Domine virtutum (715): concupiscit et deficit anima mea in atriis Domini. » Hæc sunt illa tabernacula, de quibus Dominus ait: « In domo Patris mei mansiones sunt multæ (Joan. xiv, 2). » Unde Apostolus dicit: « Christus assistens pontifex futurorum bonorum per amplius et perfectius tabernaculum, non manufactum, etc. (Hebr. ix, 11.) » Sunt igitur tabernacula ei multa, et unum, quia et multæ mansiones in una domo continentur. Ad hæc autem tabernacula, et horum tabernaculorum atria sancti Dei venire cupientes, nimio desiderio deficiunt. Sed quibus deficiunt? **481** Omnibus mundi hujus voluptatibus, et quæcunque in hoc mundo haberi et desiderari possunt.

« Cor meum, et caro mea exultaverunt in Deum vivum. » Optima spes resurrectionis, quod animam suam, quæ per cor significatur, et carnem suam in Deum vivum exultasse dicit; quoniam ad ipsum, et ad ejus tabernacula se venire confidunt. Sed quid mirum si viri sancti, et Leo amabiles ad illa tabernacula festinant, cum passer et turtur, parva animalia, domos et nidos sibi querant et inveniant? Hoc est enim, quod dicit:

« Etenim passer invenit sibi domum, et turtur nidum, ubi reponat pullos suos (714). » Altaria tua, Domine virtutum, rex meus, et Deus meus, non invenient sibi, subauditur domum et tabernaculum, ubi ponantur et stabiliantur? Altaria Dei dicuntur sancti, quia Deo consecrati sunt. et in eis habitat Deus, in eis quotidie sunt holocausta et sacrificia Dei. Unde Apostolus ait: « Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum (Rom. xii, 1). »

« Beati qui habitant in domo tua, Domine. » Ideo, inquit, tanto desiderio in domum tuam sancti venire

(712) « Filios Core interpretatos habemus filios Calvi, sive aliquid aliud quod nos forsitan latet: interim quod occurrit, videte, quia plenum est sacramento. Filii Core, filii Christi. Nam et filios suos dicit sponsus, cum ait, Matth. ix, 15: Non possunt filii sponsi jejungere, quando cum illis est sponsus. Christianorum ergo sunt illa torcularia. » S. August. in hunc titulum.

(715) Alia lectio apud August.: « Quam dilectissima sunt tabernacula tua, Domine virtutum. In tractatu

A et habitare cupiant, quia sciunt eos esse beatos, qui habitant in domo tua. Unde et hic idem Propheta alibi dicit: « Unam petii a Domino, hanc requiram, ut inhabitem in domo Domini omnibus diebus vite mee (Psal. xvi, 6). » Unde autem sit illa beatitudo, audiamus: « in sæculum sæculi landabunt te. » Ab omnibus itaque occupationibus; et fatigationibus expediti, solis Dei laudibus et jubilationibus vacabunt. Et hoc est quod ipsi desiderant, ut Deum omni tempore et sine intermissione laudare et benedicere valeant. Qui autem habet quod desiderat, beatus est. Et hoc quidem in hac vita nullus hominum habere potest.

« Beatus vir cujus est auxilium abs te, Domine; » beatus, inquit, est ille vir, cui in hac vita sic auxiliarius, ut ad illam domum tuo adjutorio conscendere possit. Nemo enim venit ad te, nisi tu traxeris eum. « Ascensus in corde ejus deposuit. » Ubi? « In valle lacrymarum, et in loco quem disposuisti ei (715). » Convallis lacrimarum, et locus laboris et certaminis a Deo nobis dispositus, hic mundus est. Illic igitur pro peccatis plorandum est, quia « beati qui lugent, quoniam ipsi consolabuntur (Matth. v, 5). » Illic in vinea Dei laborandum est; quia qui laboraverit, mercedem recipiet. Illic contra vitia et malignos spiritus totis viribus certandum est; quia « nemo coronabitur, nisi qui legitime certaverit (II Tim. ii, 5). » Disponamus et ordinemus ascensiones in corde nostro, et quosdam gradus nobis faciamus, per quos de hac valle in illum montem ubi est illa domus ascendere valeamus. Si disposuisti jejungere, unum gradum fecisti; si disposuisti elemosynam dare, alterum fecisti; si disposuisti debitoribus tuis debita dimittere, et omnibus in te peccantibus indulgere, et hic gradus est. Isto igitur modo illa scala conficitur, qua de hac valle profundissima in cælum ascenditur. Qui autem hoc fecerit, beatus erit. Unde hoc? Sequitur:

« Ecce enim benedictionem dabit, qui legem dedit; ambulant de virtute in virtutem, videbitur Deus eorum in Sion. » Qui, inquit, hanc legem dedit, et hunc ad sibi serviendum locum disposuit, ipse dabit et benedictionem, qua ad beatitudinem perducamur. « Venite, inquit, benedicti Patris mei, percipite regnum quod vobis paratum est ab origine mundi (Matth. xxv, 34). » Et tunc quidem « videbitur Deus eorum in Sion; » in illa videlicet Sion, quæ digne satis *speculatio* interpretatur. Sed a quibus videbitur? Ab illis qui ambulabunt de virtute in virtutem, et qui per illam scalam ascendent, de qua modo superius diximus. Pulchra via est, de virtute

S. Maxim. Taurin. contra Judæos, p. 745, edit. Rom., lectio conformis est textui Brunonis: *Quam amabilia sunt tabernacula, etc.*

(714) Hujusce similitudinis docta et copiosa habetur apud Augustinum expositio.

(715) Eadem versione usus est Augustinus, qui ait: « Unde ploramus? Nisi inde se miserum exclamabat Apostolus, Rom. vii, 25, quia videbat aliam legem in membris suis repugnantem legi mentis sue. Et unde hoc nobis? Ex pœna peccati. »

in virtutem ambulare, de fide in spem, de spe in charitatem, de charitate in humilitatem, de humilitate in patientiam, de patientia in obedientiam, de obedientia in continentiam, et sic transire de virtute in virtutem, donec veniatur ad summam virtutem, id est ad Salvatorem nostrum, qui est Dei virtus et Dei sapientia.

« Domine, Deus virtutum, exaudi precem meam, auribus percipe, Deus Jacob. » Hoc autem tale est ac si diceret: Ut quolibet modo ad te conscendere valeam, exaudi orationem meam, quia aliter ad te venire non possum. Per Jacob illi intelliguntur qui vitia superant, malignos spiritus supplantant, et tales quidem in Dei militia non immerito computantur.

« Protector noster aspice, Deus, » et porrige manum ad te venientibus; quia nisi tu traxeris nos in hoc itinere tam arduo, sine dubio deficiemus. « Et respice in faciem Christi tui; » qui ideo homo factus est, ideo nostræ humanitatis formam suscepit, ut ubi ipse est, et nos simus, et regem nostrum, nostræque humanitatis participem semper videamus, et videndo gaudeamus.

« Quia melior est dies una in atriis tuis super millia. » Ideo, inquit, in illam domum, vel in arcam illius domus tanto desiderio intrare festino, quia melior est **482** dies una, una quidem, qui finem non habet: « Nox enim, » sicut scriptum est, « non erit illic (Apor. xxi, 25). » Melior, inquit, est dies una, non dicam in domo tua, sed foris in atriis domus tuæ, super millia, ubicunque fuerint. Nihil igitur sunt omnia, quæcunque sunt, et ubicunque sunt, ad illius beatitudinis comparisonem.

« Elegi abjectus esse in domo Domini magis quam habitare in tabernaculis peccatorum. » Quamvis stella ibi differat a stella in claritate, nemo tamen ibi abjectus erit; sed magis iste ibi desiderat minimus esse, quam in hoc mundo potentissimus esse, ubi non sunt nisi tabernacula peccatorum; siquidem sanctorum conversatio in cælis est (Philipp. iii).

« Quoniam misericordiam et veritatem diligit Dominus, gratiam et gloriam dabit Deus. » Et gratiam quidem peccatoribus dabit, quia misericors est, gloriam vero poenitentibus sibi que servantibus, quia verax est. Illi sola misericordia salvantur, isti pro victoria coronantur; aliter autem neque misericors, neque verax dici potuisset.

« Dominus non privabit bonis ambulantes in innocentia. » Illi ambulantes sunt in innocentia, quibus Apostolus dicit: « Non vosmetipsos defendentes, charissimi, sed date locum iræ (Rom. xii, 19). » Et quidem Dominus ait: « Si vos persecuti fuerint in una civitate, fugite in aliam (Matth. x, 23). » Et: « Diligite inimicos vestros, benefacite his qui oderunt vos (Matth. v, 44). » Cui enim nocebit, qui ipsos suos diligit inimicos? « Non privabit bonis ambu-

« lantes in innocentia. Domine, Deus virtutum, » beatus homo, qui sperat in te. » Tales autem non privabuntur bonis, sed æternis cum Domino deliciis perfuerunt. Et ideo beatus, qui in domo tua habitabit. Ipse est enim, cui dicitur: « Spera in Domino, et dabit tibi petitionis cordis tui (Psal. xixvi, 4). »

PSALMUS LXXXIV.

IN FINEM FILIIS CORE, PSALMUS.

Multa bona in hoc psalmo promittuntur et dantur filiis Core, quia ipsi soli sunt quibus Christi incarnatio et passio fructuosa fuit. Ipse David loquitur in hoc psalmo, et sic de futuris, quasi de præteritis loquitur, et dicit Dominum in adventu Filii sui terram suam benedixisse, et de diaboli potestate liberasse.

« Ben dixisti, Domine, terram tuam. » In adventu, inquit, Filii tui benedixisti, Domine, terram tuam, quæ adhuc sub maledictione illa jacebat, qua primo homini dictum fuerat: « Maledicta terra in opere tuo (Genes. iii, 17). » Tuam, inquit, terram benedixisti, illam videlicet quæ in te credit, tibi que servit; alia vero adhuc sub antiqua maledictione manet.

« Avertisti captivitatem Jacob. » Illius utique Jacob, qui patris benedictionem accipere meruit, per quem populus Christianus significatur, qui Christi sanguine et aqua baptismatis de diaboli potestate liberatus est.

« Remisisti iniquitatem plebis tuæ, operuisti omnia peccata eorum. » De populo Christiano loquitur, cui simul cum originali peccato omnia peccata in baptismo remittuntur (716). Unde et alibi dicitur: « Beati, quorum remissæ sunt iniquitates, et quorum tecta sunt peccata (Psal. xxxi, 1). »

« Mitigasti omnem iram tuam. » Tanta erat ira et indignatio Dei, usque ad id temporis, ut ipsi quoque patriarchæ et prophetæ necessario in infernum descenderent.

« Avertisti ab ira indignationis tuæ. » Avertisti, inquit, te ab ira indignationis tuæ, et quos prius videre nolebas, nunc quasi filios charissimos amplexaris.

« Convertite nos, Deus salutaris noster. » Quoniam quidem, inquit, tu gratuita bonitate tua conversus es ad nos et eos, qui multum te offenderunt, respicere dignaris, convertite nos quoque ad te, quia viæ nostræ prævæ sunt, per quas incedere soliti sumus. Tu enim es Deus Salvator noster, et in te solo consistit tota salus nostra. « Et averte iram tuam a nobis, ut non in æternum irascaris nobis. » Sic, inquit, convertite nos ad te, et sic avertas iram tuam a nobis, ut nunquam amplius irascaris nobis. Nunquam enim fit quod in æternum non fit. Unde et subditur:

« Neque extendas iram tuam a progenie in progenie. » Fuisti, quasi dicat, iratus primis, rogamus te ne irascaris novissimis. Satis tibi sit quod præcedens progenies sensit iram tuam, amodo ea

(716) Remittere, est debitum relaxare non causæ alicujus interventu, sed pietatis intuitu. Sic Domi-

nus remisit culpam, dum reos pervenire fecit ad veniam, etc. Cassiod.

progenies, quæ secutura est, inveniat misericordiam tuam (717).

463. Deus, tu conversus vivificabis nos, quinquam, nisi converteres, vivificares nos. Nemo enim vivificabitur, nisi qui a prima conversatione conversus fuerit. Et plebs tua lætabitur in te, tota penitus a via mala conversa ad te. Et quia hæc tanta conversio, et immutatio nisi per adventum Filii tui fieri non potest, veniat jam diu desideratus, tantoque tempore expectatus. Et hoc est quod ait :

Ostende nobis, Domine, misericordiam tuam, et salutare tuum da nobis (718). In eo enim ostendit Dominus misericordiam suam, quia dedit nobis salutare suum. Hæc misericordia omnes alias superavit, quia proprio Filio non pepercit, et pro nobis omnibus tradidit illum (Rom. viii, 32). Ostendit quam misericors esset, dum modum misericordiae superascendit. Cum autem hæc Propheta tractaret, subito sensit Dominum in se loquentem, suæque petitioni respondentem, et ait :

Audiam quid loquatur in me Dominus Deus. Dominus ergo est qui loquitur in prophetis, et ea quæ prophetæ dicunt, non sunt prophetarum, sed Dei (719). Unde et discipulis Dominus ait : Non enim vos estis qui loquimini, sed spiritus Patris mei, qui loquitur in vobis (Matth. x, 20).

Quoniam loquetur pacem in plebem suam, et super sanctos suos, et in eos qui convertuntur ad ipsum. Quid est autem, loquetur pacem in plebem suam, nisi, quia dabit pacem populo suo, et sanctis suis? Inde enim in Christi nativitate voces angelorum auditæ sunt, dicentium : Gloria in excelsis Deo, et in terra pax hominibus bonæ voluntatis (Luc. ii, 14). Quod enim dicitur hominibus bonæ voluntatis, hoc est quod dicitur, et in eos, qui convertuntur ad ipsum. Aliis enim non datur hæc pax, nisi his qui bonam voluntatem habent, et qui ad ipsum convertuntur, per quos videlicet soli Christiani significantur. Quid ergo de Judæis fiet, qui ad ipsum converti noluerunt? Audi Apostolum dicentem : Caritas ex parte contigit in Israel (Rom. xi, 25). — Non enim repulit Deus plebem suam, quam præcivit (ibid. 2). Ex parte populus ille inconvertibilis fuit; multi tamen ex eis in Christum crediderunt, quorum gratia et inter eos nasci, et prius ad eos venire, et prius eis prædicare Dominus voluit. De quibus subditur :

Verumtamen prope est timentibus eum salutare ipsius. Quamvis, inquit, maxima pars illius

A populi Dei Filium recipere noluit; verumtamen prope est timentibus eum salutare ipsius. Neque enim iustum esset, ut propter malos bonos abjecerit, et propter inimicos, amici et timentes eum perirent. Propter igitur istos paucos eum timentes et in eum credentes factum est, ut inhabitet gloria in terra nostra. Inde enim beatissima Virgo Maria, inde et apostoli fuerunt, de quorum maxima et principali gloria tota lætatur Ecclesia. Hinc est enim quod per prophetam dicitur. Nisi Dominus Sabaoth reliquisset nobis semen, velut Sodoma essemus, et velut Gomorra similes fuissetis (Isa. i, 9).

Misericordia et veritas obviaverunt sibi, justitia et pax complexæ sunt se. In Christi namque nativitate, et in ejus gloriosissima humanitate eveniunt, seseque vicissim complectentes, quia nihil fuit bonitatis, nihil fuit virtutis et honestatis, quod in ipso non fuerit. Quoniam, sicut Apostolus ait : In ipso requievit omnis plenitudo divinitatis corporaliter (Coloss. ii, 9). Ipse denique est misericordia, ipse est veritas et justitia, ipse est pax nostra, quæ fecit utraque unum (Ephes. ii). Et hæc quidem :

Veritas de terra orta est, et justitia de cælo prospexit. Beata Virgo Maria et terra vocatur et cælum : terra per naturam, cælum per gratiam; terra, quia de terra facta est, cælum, quia Dei habitatio est. Veritas igitur de terra orta est, quia Salvator noster de Virgine natus est; ipse enim et via est, et veritas, et vita (Joan. xiv). Et justitia de cælo prospexit, quia idem Dominus Salvator noster, qui de ea natus est, quæ et cælum vocatur et terra, mundum istum misericorditer respicere, et impios, et peccatores justificare dignatus est. Bene autem cælum dixit, quam terram vocaverat, ne tantæ personæ injuriam tali nomine fecisse videretur.

Etenim Dominus dabit benignitatem, et terra nostra dabit fructum suum. Certissime, inquit, credite, et nullatenus dubitare veltis, quia revera Dominus dabit benignitatem, et sicut per me ipsum, et per alios prophetas promisi, in tempore præfinito mittet nobis Filium suum, et terra nostra, sicut modo dixi, dabit fructum suum. Felix terra, quæ talem fructum dedit : felicissima Virgo, quæ talem Filium genuit !

Justitia ante eum ambulabit. Justitia, inquit, ante eum ambulabit : quia in omnibus justitiam sequetur, et in nullo a justitia deviat. Et ponet in via gressus suos. In via namque justitiæ gressus suos ponunt, qui per viam justitiæ incedunt. De

(717) Quæ compendiose dixit Bruno, per ampliorum Cassiodori expositionem declarantur : Perscrutandum est autem quod duas progenies posuit : prima est enim (ut quibusdam placet) ab Adam usque ad Christum : secunda, quæ per gratiam baptismatis usque ad finem sæculi perducta concluditur. Petit ergo ut, quia priori generationi pro pertinaciæ suæ qualitate justè iratus est Dominus, ne secunde generationi velit irasci : quæ et si a peccato immunis esse non potest, tamen per gratiam baptismatis, et satisfactionem culparum suarum sor-

dibus desiderat expiari.

(718) Da nobis, id est concede salutare tuum, quasi amplectendum, quasi possidendum, quasi munere æternæ gloriæ perfruendum. Perdidit tantum apparuit, non etiam datus. Cassiod.

(719) Ex quo ipse Spiritus sanctus, qui loquitur in prophetis, de se dicit esse Deum, hinc arguit Cassiodorus, ejus cum Patre, et Filio, a quibus procedit, æqualitatem, eandemque naturam, atque substantiam.

quibus Dominus ait : « Beati, qui esuriunt et sitiunt A
justitiam, quoniam ipsi saturabuntur (*Matth. v.*
6). »

484 PSALMUS LXXXV.

ORATIO IPSI DAVID (720).

David propheta in persona totius Ecclesiae loquitur ipsi David, qui veraciter David vocatur, id est manu fortis. De quo alibi dicitur : « Dominus fortis et potens, Dominus potens in praelio (*Psal. xxiii,* 8). »

Inclina, Domine, aurem tuam ad me, et exaudi « me, quoniam egenus et pauper sum ego. » Iste psalmus planus est, et totus deprecationibus plenus, neque eget multa expositione. Sed « beati pauperes, quoniam ipsorum est regnum celorum (*Matth. v,* 3). » Divitibus autem quid dicitur? « Vae vobis, divites, qui habetis consolationem vestram (*Luc. vi,* 24). » Ecce enim iste, qui hic loquitur, quoniam egenus et pauper est, inde praecipue se exaudiri sperat. Hinc est enim quod Apostolus ait : « Praecepte divitibus hujus saeculi, non superbe sapere, nec sperare in incerto divitiarum (*I Tim. vi,* 17). » Quam enim spem in Deo habere possunt, qui in incerto divitiarum spem suam ponunt? Pauperes sunt, qui nihil habent. De quibus Apostolus ait : « Tanquam nihil habentes, et omnia possidentes (*II Cor. vi,* 10). » Egeni vero illi dicuntur, qui et multis egent, et paucis et minimis contenti sunt. De illis itaque haec intelligamus, qui sua sponte egeni et pauperes sunt.

« Custodi animam meam, quoniam sanctus sum. » C Qui sanctus est, dignus est, qui a Domino custodiat. Sed ego omnes illos sanctos intelligo, qui sacramentis Ecclesiae sanctificati fidem tenent, et ab Ecclesia non recedunt, quamvis peccatores esse videantur. Sic enim et in legibus habetur, de locis Domino dedicatis, si destruantur, sacer tamen permanet locus. « Salvum fac servum tuum, Deus meus, » sperantem in te. » Et hic similiter ratio redditur, cur eum Dominus salvare debeat, dum dicit : « sperantem in te. » Certum est enim, quia « spes non confundit (*Rom. v,* 5). » et quia nunquam deserit Dominus sperantes in se.

« Miserere mihi, Domine, quoniam ad te clamavi « tota die. » Longo tempore se clamasse ostendit, in eo quod tota die se clamasse dicit. Hinc est enim quod Apostolus ait : « Sine intermissione orate (*I Thess. v,* 17) » Et Dominus in Evangelio : « Petite, inquit, et dabitur vobis, quaerite, et invenietis, pulsate, et aperietur vobis; omnis qui petit, accipit, et qui quaerit, invenit, et pulsanti aperietur (*Matth. vii,* 7, 8). » Et alibi dicitur, quia « Regnum celorum vim patitur, et violenti diripiunt illud (*Matth. xi,* 12). » Apparet igitur in his verbis quantum potest violenta et diuturna oratio.

(720) Oratio David. « Quia Dominus noster secundum carnem filius David, secundum vero divinitatem Dominus David et creator David; et non solum ante David, sed et ante Abraham ex quo David, sed

« Letifica animam servi tui, quia a te, Domine, « levavi animam meam. » Digna est illa anima letificari, quae Domino offertur et praesentatur. Bonis actionibus levatur anima ad Deum, sicut malis mergitur in infernum.

« Quoniam tu, Domine, suavis et mitis es, et « copiosus in misericordia omnibus invocantibus te. « Auribus percipe, Domine, orationem meam, et « intende voci deprecationis meae. » Jam non quaerit ut ex suis factis, sed ex sola Dei bonitate exaudiat, Exaudi, inquit, orationem meam, et deprecationem meam. Quare? Quia suavis es, quia mitis es, et peccatoribus ad te conversis benignus es; insuper et copiosus es in misericordia omnibus invocantibus te. Multi sunt invocantes et misericordiam postulantes, sed misericordia tua copiosior est, quam dici et cogitari possit.

« In die tribulationis meae clamavi ad te, quoniam « exaudisti me. » In multis, inquit, tribulationibus meis expertus sum benignitatem tuam, quia in die tribulationis meae semper clamavi ad te, et confidenter clamavi, quoniam semper exaudisti me. Hoc autem dii gentium facere non possunt, neque in suis tribulationibus ad se clamantes exaudire valent. Et hoc est quod ait :

« Non est similis tibi in diis, Domine, et non est « qui facere possit secundum opera tua. Quoniam « dii gentium demonia, Dominus autem caelos fecit. » Ideoque « omnes gentes, quascunque fecisti, » relictis diis suis, et qui eos adjuvare, et de tribulationibus liberare non possunt, « venient ad te, et « adorabunt coram te, Domine, et honorificabunt « nomen tuum. » Hoc autem maxima ex parte jam factum est, et adhuc circa finem saeculi futurum est, quando plenitudo gentium intrabit, et quando Israel salvus fiet (*Rom. xi*). Et hoc merito.

« Quoniam magnus es tu et faciens mirabilia, tu « es Deus solus. » Si illi, inquit, dii essent, adorandi et honorandi essent; sed quia tu solus Deus es, tu solus honorandus et adorandus es.

« Deduc me, Domine, in via tua, et ambulo « in veritate tua. » In via Dei sunt omnes fideles, sicut in via diaboli sunt omnes infideles. Indigent tamen ut a Domino 485 deducantur, et ejus auxilio sustineantur, quatenus in veritate ambulare D valeant, et nullatenus in errorem trahantur.

« Laetetur cor meum, ut timeat nomen tuum. » — « Initium sapientiae timor Domini (*Psal. cx,* 10). » Unde et alibi dicitur : « Time Deum, et observa mandata ejus, hoc est enim omnis homo (*Eccle. xii,* 13). » Illa corda timent Deum, quae spirituali sunt laetitia perfusa : quae vero spirituali laetitia perfusa sunt, jam non terrena, sed caelestia diligunt, et sperant. Quid est igitur, « laetetur cor meum, ut timeat nomen tuum? » nisi da mihi et perfectum,

et ante Adam ex quo omnes homines, sed et ante caelum, et terram in quo omnis creatura est. » S. AUGUST.

et tui amoris lætitia plenum? Hoc autem si feceris, A qui me oderunt et confundantur, et inde confundantur, et tale cor si mihi dederis, et confitebor tibi, Domine Deus, in toto corde meo, et honorificabo nomen tuum in æternum. » Et hoc merito. Unde hoc?

« Quia misericordia tua magna est super me, et eripuisti animam meam ex inferno inferiori (721). » Magna quidem est misericordia, quæ ex inferno inferiori animam liberat. Sicut in illa superna beatitudine alii ab aliis differunt in gloria; ita in inferno alii ab aliis differunt in tormentis. Illæ igitur animæ liberantur ex inferno inferiori, quæ ex maioribus et gravioribus tormentis liberantur, non quod ibi aliquando fuerint, sed quia ibi futuræ essent, nisi gratia Dei liberatæ fuissent.

« Dens, iniusti insurrexerunt in me, et synagoga potentium quæsierunt animam meam, et non posuerunt te ante conspectum suum. » Sive David, sive Ecclesia conqueritur hic de adversariis suis. Verum est quod dicunt, quia et iniusti insurrexerunt adversus eos, et sine Dei respectu et timore animas eorum perdere quæsierunt. Nam et David a Saule, et aliis iniquis, qui cum eo erant, et Ecclesia a tyrannis et hæreticis multas persecutiones passa est.

« Et tu, Domine Deus meus, miserator et misericors, patiens et multum misericors, et verax, respice in me, et miserere mei; da potestatem puero tuo, et salvum fac filium ancillæ tuæ. » Hæc tanta verborum inculcatio magnæ subjectionis, magnique amoris significatio est; multumque ei placere desiderat, quem tam laudabili, ut ita dixerim, alloquitur adulatione. Dedit autem potestatem puero suo David, etiam in hac vita, quia regem valde potentem eum constituit, et ab omnibus inimicis suis eum salvavit. Similiter etiam et Ecclesiæ filiis, quæ in hoc loco ejus ancillæ vocantur, magnam super serpentes et scorpiones, et super omnem virtutem in imici, potestatem Dominus tribuit.

« Fac mecum, Domine, signum in bonum, ut videant qui me oderunt, et confundantur. » Multa signa fecit Dominus cum sanctis suis, et omnia in bonum, quia maxime propter signa quæ fiebant, ad fidem gentiles convertebantur. Quæ quidem maligni spiritus, et alii eorum inimici videntes, confundebantur, magnoque dolore et invidia torquebantur. Facit autem Dominus cum peccatoribus signum in bonum, quando eos divina inspiratione ad se convertit, et duram penitentiam agere facit. Et sit multoties alicujus impij et scelerati hominis tam subita commutatio in bonum, ut pro signo et miraculo habeatur. Unde bene per prophetam dicitur: « Convertetur Libanus in Carmel (Isa. xlii, 17). » Dicit itaque quilibet peccator: Fac mecum, Domine, signum in bonum, quatenus omnes boni admirentur, et gratias tibi agant de mea conversione; et videant

(721) De duplici inferno, superiore et inferiore, multis disserit hac in enarratione Augustinus. Probat autem dari superius infernum pro animabus justis, in quo impius dives Abraham et Lazarus suspexit,

et alterum in quo ille infelix cruciabatur. « Eruiſſe Deum animam suam ab inferiore dixit, (David), quia liberavit se a talibus peccatis, per quæ posset deduci ad tormenta inferni inferioris. »

PSALMUS LXXXVI.

FILII CORE PSALMUS CANTICI

Hunc psalmum cantant filii Core, læti, quia prius in Calvarie loco Ecclesia ædificatur, de qua hic dicitur: « Fundamenta ejus in montibus sanctis. » Quia vero hic Psalmus Cantici est, non legendus, sed cantandus est, ut in eo majori lætitia plenum esse intelligamus, quia non legi, sed cantari jubetur.

« Fundamenta ejus in montibus sanctis. » Fundamenta, inquit, ejus in montibus sanctis; et diligit Dominus portas Sion super omnia tabernacula Jacob. » Jam superius de fundamentis dictum est. « Fundamentum aliud, ait Apostolus, nemo potest ponere, præter id quod positum est, quod est Christus Jesus (1 Cor. iii, 11). » De quo et beato Petro Dominus ait: « Tu es Petrus, et super hanc petram ædificabo Ecclesiam meam (Matth. xvi, 18). » Fundamentum igitur fundamentorum Christus est; siquidem et apostoli et prophete fundamenta sunt. Quæ igitur civitas super tales montes fundata est, merito 486 de ea dicitur: « Fundamenta ejus in montibus sanctis. Diligit Dominus portas Sion super omnia tabernacula Jacob. » Si solas portas tantum diligit, dic mihi, quæso, quantum totam diligit civitatem? Tabernacula Jacob, isti Judæi intelliguntur, qui a Domino recedentes ubique gentium dispersi sunt.

« Gloriosa dicta sunt de te, civitas Dei. » Sed quæ gloriosa dicta sunt? Forsitan illa, quod tota ex auro, et margaritis, et lapidibus pretiosis ædificari dicitur? Hæc utique gloriosa sunt. Alia tamen illa quæ de ea dicta sunt. Sed vis audire quæ? « Memor ero Raab et Babylonis scientium me. » Et revera gloriosa, et plusquam gloriosa sunt hæc. Considera modo quid viri justi de Dei misericordia sperare et præsumere valeant, si etiam Raab et Babylonis Dominus memor erit? Altera meretrix fuit; altera Dei populum captivatum sustinuit. Et illa quidem exploratores, ne occiderentur? abscondit; hæc vero populum prævaricantem aliquanto tempore ex Dei præcepto in servitute detinuit. Talium igitur Dominus memor erit, qui memor est omnium scientium eum; neque enim aliter istarum memor esset, nisi quia eum scirent, et quamvis post multa flagitia, in eum tandem credere meruerunt? Valde enim notandum est quod ait: « scientium me. » Qualiscunque igitur prius fuerit, sive meretrix, sive sanctorum persecutor, si tandem conversus fuerit, et Dominum cognoverit, salvus erit. Unde et ipse Dominus ait: « Hæc est vita æterna, ut cognoscant te verum Deum, et quem misisti, Jesum Christum (Joan. xvii,

et alterum in quo ille infelix cruciabatur. « Eruiſſe Deum animam suam ab inferiore dixit, (David), quia liberavit se a talibus peccatis, per quæ posset deduci ad tormenta inferni inferioris. »

5). » Audiamus nunc et alia gloriosa, quæ dicuntur de civitate Dei.

« Ecce, inquit, alienigenæ, et Tyrus, et populus Æthiopum, hi fuerunt in ea. » Hoc est enim quod Apostolus ait : « Nonquid Judæorum Deus tantum? Imo et gentium (Rom. II, 19). » Similiter autem et apostolus Petrus : « In veritate, inquit, comperi, quia non est personarum acceptor Deus, sed in omni gente, qui timet eum, et operatur justitiam, acceptus est illi (Act. x, 34). » Quicunque igitur Deum timet, et justitiam operatur, undecunque veniat, ab hac piissima civitate suscipitur, et non quasi alienigena, sed quasi civis et indigena habetur. Ita Cornelius centurio susceptus est, qui primus de gentibus Ecclesie filius factus est. Hoc et illud vas significabat, quod immundis animalibus plenum erat, quando Apostolo dictum est, « macta et manduca (Act. x, 15). » Hoc et illæ simiæ significantur, quæ simul cum pavonibus Salomoni afferuntur. Quid simia turpis? Quid pavone pulchrius? In tabernaculo Domini erant et cilicia, et pili caprarum; neque hircum in holocaustum Dominus respuit, cui tauri et agni offerebantur, aurum, et lapides, et ligna, cæteraque, quibus templum Domini constructum est, non tibi nata, sed aliunde allata sunt. Sic igitur et Ecclesia Dei ex omnibus gentibus ædificata omnes gentes recipit, neminem ad se venientem repellit. « Et Tyrus, et populus Æthiopum, hi fuerunt in ea. » Gloriosa sunt hæc quæ et iustis et peccatoribus spem magnam dare possunt, et immensam afferre lætitiā. Vis in Ecclesiam suscipi? Tyrios imitare, quorum opera et auxilio templum Domini ædificatum est. Imitare et centurionem, qui Synagogam Judæis ædificavit. Moyses, sicut legitur, Æthiopiā duxit uxorem, pro qua Maria soror ejus, quia murmuravit, lepra a Domino percussa extra castra ejecta est. Hujus Æthiopiæ filii sunt Æthiopes isti, de quibus nunc dicitur : « Et populus Æthiopum, hi fuerunt in ea. » Hæc est illa Æthiopia, quæ in Canticis canticorum loquitur, dicens : « Nigra sum, sed formosa, filiæ Jerusalem (Cant. I, 4). » Hanc autem, quia Synagoga odio habet, ideo lepra percussa est, et usque ad sæculi consummationem intra Ecclesie castra non suscipietur. Hæc igitur gloriosa, imo gloriosissima sunt, quæ dicuntur de civitate Dei, in qua servi liberi sunt, ignobiles gloriosi; et ibi, non alibi est illa aqua, quæ Æthiopum possit immutare colorem. Et hæc quidem tantam omnium hominum curam et diligentiam habet, ut non immerito omnium mater esse dicatur. Unde et subditur :

« Mater Sion dicit homo. » Ac si dicat : Hæc est mater et revera mater, quæ pietatis sinum omnibus aperit, nullis materna viscera claudit, omnes suscipit, omnes ex affectu fovet et nutrit. Sequitur : « Et homo natus est in ea, et ipse fundavit eam Altissimus. » Multa superius gloriosa dicta sunt de

(722) « Macheleth, vel Amalech, interpretatur chorus divina verba decantans, et quod addit ad respondendum, significat organa musica prævenisse, et

A civitate ista; sed hoc quod modo dicitur, omni gloria gloriosius est, nulla gloria huic gloriæ comparari potest. Ipse Altissimus, qui fundavit et fecit eam, ipse homo factus est, et natus est in ea. Et unde hoc probas? Vis audire unde?

« Dominus narravit in scripturis populorum suorum, et principum eorum, qui fuerunt in ea. » Interroga patres tuos, et annuntiabunt tibi, majores tuos, et dicent tibi (Deut. xxxii, 7; Psal. xliii, 2). Lege scripturas omnium populorum, prophetarum scilicet et apostolorum, quæ omnes communes sunt, quæ ad nostram et omnium doctrinam scripta sunt, et docebunt te. Lege Moysen, Isaiam et Jeremiam, et invenies. Lege Evangelia, quæ non sunt minoris auctoritatis, quam illa. Lege Paulum servum Jesu Christi « qui vocatus est apostolus, et segregatus in Evangelium Dei, quod ante promiserat per prophetas suos in Scripturis sanctis de Filio suo, qui factus est ex semine David secundum carnem (Rom. I, 1). Probatum est igitur quia homo natus est in ea, et ipse fundavit eam Altissimus. Restat unum gloriosum adhuc, quod de 497 hac civitate dictum est, et ipsum audiamus :

« Sicut lætantium omnium nostrum habitatio est in te. » Nam et hoc valde gloriosum est, quod hujus civitatis habitatores perpetuam lætitiā habebunt, et miseriam nullam sentient : ubi enim miseria est, ibi lætitia locum non habet. Hæc autem lætitia spiritalis est, hoc gaudium, non festum temporaneum, sed æternæ felicitatis est. De qua Apostolus ait : « Non sunt condignæ passionibus hujus temporis ad futuram gloriam, quæ revelabitur in nobis (Rom. viii, 18). » — « Lætamini ergo in Domino, et exsultate justi, et gloriamini omnes recti corde (Psal. xxxi, 11). » — « Gaudete in Domino semper, iterum dico, gaudete (Philip. iv, 4). »

PSALMUS LXXXVII.

CANTICUM PSALMI FILIUS CORE IN FINEM PRO MACHELETH AD RESPONDENDUM, INTELLECTUS EMAN EZRAHITES (722).

Si canticum psalmi est, et cantandum pariter, et legendum est. In hoc enim psalmo Christi passio prædicatur, quæ nobis et lætitiā simul et tristitiā facit. Quis enim de salute sua non lætetur? Quis de passione Christi non contristetur? Cantemus igitur hunc psalmum de redemptione nostra gaudendo : nos enim sumus filii Core, a quibus cantari jubetur. Et eundem psalmum legamus, Christi passioni compatiendo. Referatur autem in finem, id est ad Christum, quia « finis legis Christus est (Rom. x, 4). » — « Ipse est alpha et omega, initium et finis (Apoc. I, 17). » Iste autem intellectus Eman Ezrahitæ est, quia Eman Ezrahitæ isto modo hunc titulum intellexit. Interpretatur autem Eman fortitudo eorum : Ezrahitæ vero, semen Dei. Per hunc igitur apostolos intelligamus; qui Judæorum chororum respondisse solemniter : mystice innuens Domini passionem, quæ hoc psalmo cantatur. » Beda.

mido sunt, quoniam ipsi eos iudicabunt et damnabunt. Qui et ipsi sunt semen Dei, de quibus per prophetam dicitur: « Omnes, qui vident eos, dicent quia isti sunt semen, cui benedixit Dominus (*Isa. lxi, 9*). » De hoc autem parvo semine per universum mundum a Domino seminato, tota Ecclesie multitudo pullulavit. Cui enim duodecim grana frumenti parvum semen non videatur?

« Domine Deus salutis meae. » Filius secundum humanitatem loquitur ad Patrem, et de Judaeorum perfidia conqueritur, qui tam inhoneste et tam crudeliter eum traxerunt. Mentuntur Judaei, qui dicunt: « Non est salus ipsi in Deo ejus (*Psal. lvi, 3*), » quem ipse suae salutis Deum et Dominum esse dicit. « In die clamavi et nocte coram te. » In die namque et in nocte, in prosperis et in adversis clamavit Dominus, et palam praedicavit in Synagoga Judaeorum, ut eos ab errore converteret, et veritatem cognoscere faceret. Unde et Patrem suum testem invocat, dum hoc coram eo se fecisse dicit. Hinc est enim quod ipse in Evangelio dicit: « Ego palam locutus sum mundo, et in abscondito locutus sum nihil, et semper docui in Synagoga Judaeorum, ubi omnes Judaei convenerant (*Joan. xviii, 20*). » Qui « si non venissem et locutus eis fuisset, peccatum non haberent, nunc autem excusationem non habent de peccato suo (*Joan. xv, 22*). »

« Intret oratio in conspectu tuo, inclina aurem tuam ad precem meam, Domine. » Usque nunc, quasi dicat, clamavi et praedicavi, sed parum me clamasse et praedicasse profuit; quia meis verbis deteriores facti sunt, qui mihi credere et obedire debuissent. Nunc itaque non illos praedico, sed te potius oro, ut ab eorum impietate me defendas. Quare hoc?

« Quia repleta est malis anima mea. » Si enim sponte sua passus est Dominus, utique et sponte sua repleta est malis anima sua, neque potuit contra voluntatem suam aliquid mali accidere animae suae, unde et alibi dicitur: « Oblatus est, quia ipse voluit, et non aperuit os suum (*Isa. lvi, 7*). » — « Et vita mea inferno appropinquavit. » Bene dicit animam suam inferno appropinquasse, quia, quamvis ibi fuisset, nullas tamen ejus incommoditates sustinuit, quando eum expoliavit. Sic igitur et longe fuit a tormentis, et tormentis appropinquavit. Secundum Judaeorum aestimationem loquitur, qui nihil eum in perferendis tormentis ab aliis hominibus differre putabant. Unde et subditur:

Aestimatus sum cum descendentibus in lacum,

(725) « Factus sum sicut homo sine adjutorio, inter mortuos liber. » Ita Vulgata, eademque lectio est apud S. Augustinum; quem locum sic illustrat: « In his verbis maxime persona Domini apparet. Quis enim alius inter mortuos liber, nisi in similitudine carnis peccati inter peccatores solus sine peccato? Ille ergo inter mortuos liber, qui in potestate habebat ponere animam suam, et iterum sumere eam: a quo eam nemo tollebat, sed eam ipse voluntate ponebat. » Consentiant Origenes, Ambrosius, Hieronymus, alique Patres; ut mirum sit aliquem esse

A « factus sum sicut homo sine adjutorio (723). » Ego autem liber inter mortuos fui, 488 neque aliquid ibi impedimentum inveni. Factus est igitur Dominus homo sine adjutorio, et sicut alii homines, qui in infernum descenderunt, non autem secundum rei veritatem, sed secundum stultam Judaeorum opinionem. Secundum eandem aestimationem, ea, quae superius dicta sunt, intelligi possunt.

« Sicut vulnerati dormientes projecti in monumentis, quorum non meministi amplius; et quidem ipsi de manu tua repulsi sunt; posuerunt me in lacu inferiori, in tenebris et in umbra mortis. » Sic, inquit, secundum aestimationem et iudicium suum posuerunt me Judaei in tenebris et in umbra mortis, sicut ibi ponuntur vulnerati dormientes, projecti in monumentis. Per hos autem homines iniqui significantur, diabolicis sagittis vulnerati et interfecti, et infernalibus monumentis demersi et projecti. Qui longe a memoria Dei facti sunt, in poenis dormientes, semperque et sine fine morientes. Et hoc ideo quia propter scelera sua in loca illa poenalia de manu Dei expulsi sunt. Inter hos autem stultissima Judaeorum aestimatio, et opinio Salvatorem nostrum ponere non timuit.

« In me confirmata est ira tua, et omnes elationes tuas super me induxisti. » Ubique subaudiendum est, secundum eorum iudicium, et aestimationem. Putabant enim Deum sibi iratum fuisse, et omnia illa mala, quae sibi inferebant, merito accidisse. Bene autem poenae illae elationes vocantur, et severitatis maris tempestatibus comparantur (724).

« Longe fecisti notos meos a me. » Notos suos apostolos dicit, qui timore perterriti eo relicto fugerunt omnes; de quibus in Evangelio legitur quia « stabant noti ejus a longe, ut viderent finem (*Luc. xiii, 49*). » — « Posuerunt me in obominatiorem sibi. » Illi qui in lacu inferiori, ut supra diximus, eum posuerunt, etiam abominabilem habere non timuerunt.

« Traditus sum, et non egrediebar. » Quid necesse fuit ut prodicione caperetur, qui inter eos conversabatur, et nusquam egrediebatur? Non fugit Dominus, sed contra illis venientibus sua sponte obviam ivit, et in se irruentibus ait: « Quem queritis? » Illis autem respondentibus, « Jesum Nazarenum, » dicit: « Si me queritis, sinite hos abire (*Joan. viii, 7, 8*). » de discipulis suis loquens, de quibus subditur:

« Oculi mei infirmati sunt praeter inopiam. » Oculos suos apostolos vocat (725), ob nimiam dilectionem, qua eos diligebat. Unde et ipse ait: « Sicut dilexit negantem hanc eos docuisse sententiam.

(724) « Et omnes elationes tuas super me induxisti. » Hoc adhuc dicitur quantum ad deliberationem pertinuit nefariam Judaeorum. Credebatur Deus induxisse super Christum elationes, id est amplissimas indignationes, quando eum pertulit crucifigi; mortem illam putantes poenalem, cum dispensationis ejus gloriam non viderent. » Cassiod.

(725) Pro oculis, apostolos intelligit etiam Cassiodorus, qui ait infirmatus praeter inopiam; quia necdum acceperant Spiritum sanctum, quo confortati postea

me Pater, et ego dilexi vos (*Joan. xv, 9*). » Hac autem significatione idem ipse alibi ait: « Si oculus tuus scandalizat te, erue eum, et projice abs te (*Matth. xviii, 9*). » Per oculum eos videlicet significans quos charissimos habemus, et quasi oculos amamus. Isti autem passionis tempore, mortis timore adeo infirmati sunt, ut ipse qui inter eos fortior habebatur, ter eum negaret. Et hoc quidem præ inopia; copia et inopia contraria sunt. Copia apostolorum Christus erat, quia virtutem, constantiam et fortitudinem, et quæcunque eis necessaria erant in ipso habebant et possidebant. Quia igitur copiam fugerunt omnium bonorum inopiam habuerunt.

« Clamavi ad te, Domine, tota die expandi manus meas ad te. » Clamavit autem, sicut in Evangelio legitur, voce magna, dicens: « Pater, in manus tuas commendo spiritum meum, et inclinato capite emisit spiritum (*Joan. xviii, 30*). » Expandit vero in cruce positus manus suas tota die, sicut per prophetam dicitur: « Tota die expandi manus meas ad populum non credentem, et contradicentem mihi (*Rom. x, 21; Isa. lxxv, 2*). » Hac benigna manuum suarum extensione totum mundum Dominus complexus est, omnesque credentes ad se traxit.

« Nunquid mortuis facies mirabilia, aut medici resuscitant, et confitebuntur tibi? » Clamavit Dominus in cruce, et quid clamaverit Propheta manifestat. Sed hæc verba solus Pater audit, cui soli Filius loquebatur. Cætera vero, quæ non corde tantum, sed ore locutus est, omnes qui aderant audire potuerunt. Veluti quando dixit: « Pater, ignosce illis, qui nesciunt quid faciunt (*Luc. xxiii, 34*). » Clamavit igitur Salvator noster, et pro illis qui tunc temporis in eum credebant, et pro omnibus aliis, qui in toto mundo credituri erant. Alios vero omnes mortuos et tenebras vocat, quos neque verbis, neque miraculis credituros esse cognoverat. Et hoc est quod dicit: « Nunquid mortuis facies mirabilia? » Multa mirabilia fecit Dominus per sanctos suos coram impiis et peccatoribus, quos mortuos dicit, quæ ipsi non divina virtute, sed magicis artibus facta esse dicebant: « Aut medici resuscitant, et confitebuntur tibi, » et laudabunt te? Sic, inquit, mortui sunt, et insensibiles facti, ut neque verbis, neque miraculis, neque medicinis resuscitari valeant. Medici Dei, apostoli et doctores sunt, qui et mortuos resuscitabant, et omnes languores et infirmitates sanabant.

« Nunquid enarrabit aliquis in sepulcro misericordiam tuam, aut veritatem tuam in perditione? » Tales, quasi dicat, non solum **489** mortui sunt, verum etiam jam fetidi et perditioni traditi in sepulcris dealbati putrescent: qui igitur eis Dei misericordiam et veritatem prædicare valeat? (726)

« Nunquid cognoscentur in tenebris mirabilia tua,

nullatenus humana tormenta timuerunt. »

(726) « Illos vult intelligi, qui non sunt Domino credituri: quia nullus eis misericordiam Domini videtur narrasse, quem non voluerunt devota mente

et iustitia tua in terra oblivionis? » Isti, inquit, tenebræ sunt, terra oblivionis, in quorum memoria nihil boni est, cum omnino sint erroris tenebris involuti. Talibus itaque mirabilia Dei facere, et ejus iustitiam prædicare superfluum et inutile est.

« Et ego, ad te, Domine, clamavi. » Sed non pro his clamavi ad te: « Ego enim scio quos elegerim (*Joan. xiii, 18*). » Pro quibus igitur clamavit Dominus? Utique pro discipulis suis, et pro omnibus aliis, qui per verba illorum credituri erant in eum. Lege in Evangelio, et sic eum fecisse invenies. Et pro talibus quidem illico a Patre exauditus est. Hoc est enim quod ait: « Et mane oratio mea præveniet te. » Mane autem fieri dicitur, quod subito fit et sine ulla dilatione; sicuti econtra quod tarde fit sero fieri dicitur.

« Ut quid, Domine, repellis orationem meam, » avertis faciem tuam a me? » Hæc sententia superiori videtur esse contraria; dum dicit se exaudiri, et statim dicit orationem suam esse repulsam. Quomodo enim exauditus est, si ejus oratio repulsa est? Determinandum est itaque, ut secundum diversa tempora, vel secundum diversas personas hoc intelligatur. Nunquam enim Pater ejus repulit orationem; nunquam faciem suam ab eo avertit; repulisse tamen et avertisse dicitur, quod sanctos in magnis afflictionibus positos non tam subito liberat et exaudit, sed aliquandiu affligi permittit (727). Non repellitur igitur oratio Christi, quamvis in aliis mane, et in aliis sero exaudiat; ostendit autem quantam compassionem in servis suis habeat, eum eos diutius affligi non patiatur.

« Egenus sum ego, et in laboribus a juventute mea. » Pro istis, inquit, de quorum intolerandis doleo passionibus, cum omnium dives essem, egenus et pauper factus sum, pro his quoque in laboribus et fatigationibus sum a juventute mea. Ex quo in Judea prædicare cœpi, pro his exaltatus sum in cruce, humiliatus in sepulcro, et confusus sum, ignominia crucis et morte turpissima ab impiis condemnatus.

« In me pertransierunt iræ tuæ, et terrores tui conturbaverunt me. » Hoc est enim quod alibi dicitur: « Quod non rapui, tunc exsolvebam (*Psal. lxxviii, 5*). » Omnes iræ Dei, quæ peccatoribus debentur, in Christum transierunt, quia pro omnibus moriens, omnes Dei iras et indignationes mitigavit. Terrores quoque Dei conturbaverunt eum, quia, sicut ipse ait, nullam in eum potestatem habent, nisi desuper datum eis fuisset.

« Circumdederunt me sicut aqua tota die, circumdederunt me simul. » His autem verbis et a multis, et cum magna instantia et diligentia ne evadere potuisset, se a Judæis circumventum et custoditum fuisse ostendit.

percipere. » Cassiod.

(727) Eandem expositionem affert D. Augustinus.

Elongasti a me anicum et proximum, et notos
« meos a miseria. » Per hos autem apostolos intel-
ligimus, qui eo relicto omnes fugerunt, et ipso vo-
lente et iubente teneri non potuerunt; sic enim ipse
ait : « Si me queritis, sinite hos abire (Joan. xviii,
8), » ut adimpleatur sermo qui dixerat : « Pater,
quos dedisti mihi, non perdi ex eis quemquam
(Joan. xiii, 9). »

PSALMUS LXXXVIII.

INTELLECTUS ETHAN EZRAHITE (728).

(729) Ethan robustus, et Ezrahites semen Dei in-
terpretatur. Robustorum igitur et filiorum Dei in-
telligentiam, per quos apostoli et martyres signifi-
cantur in hoc psalmo sequi et tenere debemus. Est
autem hic psalmus Ecclesie Testamentum, ut fir-
missime credat, et nullatenus dubitet de omnibus,
quæ per hanc chartulam donationis sibi promit-
tentur.

« Misericordias (730) tuas, Domine, in æternum
« cantabo, in generationem et generationem pro-
« nuntiabo veritatem tuam in ore meo. » Promittit
Propheta se in æternum cantare misericordias Dei,
et in omnes generationes se pronuntiare veritatem
jus. Et reddit rationem, quare hoc faciat.

« Quoniam dixisti : In æternum misericordia ædi-
« ficabitur in cælo, quoniam dixisti 490 quia in
« æternum præparabitur veritas tua in eis (731). »
Cæli dicuntur omnes sancti, sicut econtra terra
omnes peccatores vocantur. Unde et primo homini
dictum est : « Terra es, et in terram ibis (Gen.
iii, 19). » Quoniam autem sancti æterni sunt, æter-
na misericordia est, et veritas, qua salvati sunt (732).
Si vero æterna est, et ut Deum laudent in æternum,
necesse est, quoniam omne optimum opus semper
suum laudat faciozem. Semper igitur laudabunt mi-
sericordias Domini, quicumque salvati sunt per mi-
sericordias Domini.

« Disposui Testamentum electis meis. » Alia
causa, quare in æternum cantet misericordias Do-
mini : « quia dixisti, inquit, disposui Testamentum
electis meis, » et cætera quæ sequuntur, fidelibus
tuis dare promissum ideo et per meipsum, et per eos,
qui hæc verba mea suscipient, misericordias tuas
in æternum cantabo.

« Juravi David servo meo : Usque in æternum
« præparabo semen tuum, et ædificabo in sæculum
« sæculi sedem tuam. » Hoc est itaque illud Testa-
mentum, quod se Dominus electis suis dare dispo-
nit. Quod autem se Dominus jurasse dicit, sui ser-
monis firmitatem ostendit, quia omne quod promittit,
quasi juramentum et plus quam juramentum est; si-

A quidem nullo modo immutari potest. « Usque in
æternum, inquit, præparabo semen tuum, » quia
nunquam deficient verba tua, nunquam filii tui de-
ficient. Et in sæculum sæculi ædificabitur sedes tua,
quia de te nasceretur, cujus sedes et cujus regnum in
æternum manebit. Cantat igitur David, sicut jam
diximus, misericordias Domini in æternum; siqui-
dem semen ejus et doctrina ejus manet in æter-
num.

« Constabuntur cæli mirabilia tua, Domine, et
« veritatem tuam in Ecclesia sanctorum. » Illi, in-
quit, cæli, in quibus misericordia tua et veritas tua
in æternum præparata est, constabantur et laudabunt
mirabilia tua, et veritatem tuam in Ecclesia sancto-
rum. Rationabiles sunt isti cæli, qui Deum laudant
B et prædicare didicerunt. Quicumque autem evange-
lium prædicant, multa quidem mirabilia, et verita-
tem sine dubio prædicant.

« Quoniam quis in nubibus æquabitur Domino?
« Aut quis similis erit Deo inter filios Dei? » Et
hoc quidem prædicant cæli, et quod prædicant ve-
rum est, quoniam nulla creatura, quamvis magui
meriti sit, Filio Dei comparari potest. Et ipse qui-
dem solus Dei Filius est per naturam, alii vero om-
nes per gratiam et adoptionem. Quando autem ho-
mines videntes mirabilia, quæ per apostolos fiebant,
eos quasi deos adorare volebant, tunc nimirum hæc
apostoli dicere cogebantur : « Quoniam quis in nu-
bibus æquabitur Domino? Aut quis similis erit Deo
inter filios Dei? » Nos, quasi dicant, homines su-
mus, et illius servi sumus quem vos insipienter non
esse putatis. Isti sunt illæ nubes de quibus dicitur :
« Qui sunt isti, qui ut nubes volant? » (Isa. lx, 8.)
Dabant autem pluvias istæ nubes, non tamen a se,
sed quas de illo fonte clarissimo suscipiebant.

« Deus, qui gloriatur in consilio sanctorum. »
Hic est, inquit, ille Deus qui ab omnibus sanctis
glorificatur et magnificatur. « Magnus, et metuen-
« dus super omnes, qui in circuitu ejus sunt. » Illi
sunt in circuitu ejus et appropinquant sedi ejus, qui
magis familiares sibi sunt et amplius ab eo diligun-
tur. Unde in Apocalypsi Joannes apostolus dicit se
vidisse sedentem in sede, et in circuitu sedis viginti
quatuor seniores (Apoc. v, 8). Omnes isti et magni
D et metuendi sunt, sed ille major est et magis me-
tuendus est. Unde et subditur :

« Domine Deus virtutum, quis similis tibi? Potens
« es, Domine, et veritas tua in circuitu tuo. » Mo-
do nos docet Propheta, qui sunt illi qui in circuitu
ejus sunt, et quibus omnibus ipse fortior et poten-
tior est, utpote Deus virtutum, et cui nemo similis

(728) Hic titulus est juxta Vulgatam. Apud Augu-
stinum legitur : *Intellectus Ethan Israelitæ*. Ethan,
et Eman filii Zaræ ut Paralip. ii, 6. Ex quo forsitan
Zaritar, vel Ezrahitæ.

(729) Tituli hujus interpretatio, quam S. Bruno
tradidit ex Beda desumpta est, quemadmodum fere
omnes alii, ut legentibus animadversiones cardina-
lis Thommasii constabit, eundemque Bedam, secu-
lus est in sensus mystici expositione.

(730) Ita etiam apud S. August. legitur. « Misi-
ericordias tuas, Domine. » In Vulgata tuas omittitur.

(731) Lectio Vatic. : « Quoniam dixisti : In æternum
misericordia ædificabitur, in cælis præparabitur ve-
ritas tua. »

(732) Super quæ egregie S. Aug. : « Neque enim
exhiberetur veritas in impletionem promissionum, nisi
præcederet misericordia in remissione peccato-
rum. »

est. « Veritas enim tua in circuitu tuo. » Illi, quasi dicat, sunt in circuitu tuo et familiares tibi adherent, qui prædicaverunt et docuerunt veritatem tuam, per quos patriarchas, apostolos et doctores intelligimus. Merito autem vocantur isti veritas Dei, quia in verbis istorum multis assertionibus probatum est, quam verax est Deus.

« Tu dominaris potestati maris. » Hoc est illud mare de quo dicitur: « Hoc mare magnum et spatiosum (Psalm. ciii, 25), » per quod mundus iste significatur, cujus princeps et potestas diabolus existit, de quo Dominus ait: « Venit enim princeps hujus mundi, et in me non habet quidquam (Joan. xvi, 11). » Unde et Apostolus: « Non est, inquit, nobis colluctatio adversus carnem et sanguinem, sed adversus principes et potestates, adversus mundi rectores tenebrarum harum, contra spiritualia nequitiae in cœlestibus (Ephes. vi, 12). » Huic autem potestati, sive potius potestatibus (multi enim sunt) dominatur Dominus, et secundum suam voluntatem eos coercet, ut non quantum volunt, mare istud perturbare valeant. Et hoc est quod dicit: « motum » autem fluctuum ejus tu mitigas. » Tanta est enim diaboli sufflatio, ejusque malignitatis inspiratio, nisi iras hominum qui ejus veneno assidue inficiuntur Dominus mitigasset; omnes se vicissim homines interficerent.

« Tu humiliasti sicut vulneratum superbum. » Ipse enim non solum superbus est, sed rex super omnes superbiæ filios alibi dicitur. **491** Hunc autem quasi vulneratum humiliavit Dominus, quia potenter eum hævavit, et domum ejus exspoliavit. Qui autem post mille annos solvendus esse narratur. « Et in » virtute brachii tui dispersisti inimicos tuos. » Per hos inimicos, Judæos intelligere possumus, qui de patria ejectione in universum mundum dispersi sunt in Salvatoris nostri virtute atque potentia.

« Tui sunt cœli, et tua est terra, orbem terrarum » et plenitudinem ejus tu fundasti. » Tu, inquit, quem Judæi crucifixerunt, et cœli et terræ Dominus es, tu ipse fundasti orbem terrarum, et omnia quæ in eo sunt, tu fecisti, cujus fundamentum, quale sit, nisi tua revelatione, nullus hominum scire potest.

« Aquilonem et mare tu creasti. » Magna laus, et magna gloria est Salvatoris nostri, dum omnium rerum creator esse describitur. Possumus autem per aquilonem, illum intelligere de quo dicitur: « Ab aquilone pendentur mala super omnes habitantes terræ (Jer. i, 14). » Per mare vero ejus ministros sibi obediens, siquidem soli venti mari dominantur. Dei igitur creatura est diabolus, quamvis nimia superbia elevatus dicere ausus fuerit, quod Altissimo similis fieret. Unde et beato Job Dominus

A ait: « Ecce Behemoth, quem feci tecum (Job. xl, 10), » ostendens quia sicut fecit Job, sic fecit et Behemoth.

« Thabor et Hermon in nomine tuo exsultabunt. » Interpretatur autem « Thabor » lumen veniens; « Hermon » vero anathema ejus. Isti duo montes apostolos et Ecclesiam significant, qui et ipsi multis in locis montes vocantur. Sunt enim apostoli lumen veniens, qui non otio dediti, sed solliciti ubique discurrentes totum mundum sua doctrina illuminaverunt. Ecclesia vero anathema ejus, quem nominare fastidiosum et turpe est, semper in ore habet, quia eum excommunicare, exsufflare et maledicere non cessat. Hoc autem probare poteris, si sacerdotes audieris, quando scrutinia faciunt (753). Et isti quidem in nomine ejus semper exsultant, quia et dici et esse Christiani vehementissime gaudent. « Tuum » brachium cum potentia. » Brachium patris filius est, et brachium filii apostoli sunt. Tanta autem in apostolis potentia fuit, ut dæmonia fugarent, omnes suos inimicos superarent, omnesque languores et infirmitates sanarent.

« Firmetur manus tua, et exaltet dextera tua. » Et brachium, et manus, et dextera idem significant. Hæc autem manus, et hæc dextera tam firmata et exaltata est, quando Spiritum sanctum apostoli susceperunt, quoniam tunc et sacerdotes, et excellentiores omnibus hominibus facti sunt; unde et eisdem ipse Dominus ait: « Ego dabo vobis es et sapientiam, cui non poterunt resistere, et contradicere omnes adversarii vestri (Luc. xii, 15). » « Firmetur, inquit, manus tua, et exaltet dextera tua. » Ad quid? ad construendam et præparandam sedem tuam. Quibus instrumentis? « Justitia et judicium præparatio sedis tue. » Sedes Dei Ecclesia est, in qua Salvator noster maximus Pontifex ordinatus est. Hinc est enim quod omnes episcopi Ecclesias, in quibus ordinati sunt, sedes suas vocent. Præparatur autem in justitia et judicio sedes Dei, quia nulla pulchritudo ibi est, ubi justitia et judicium non est. Quid igitur misericordia? Nunquid et ipsa huic præparationi necessaria non est? Ad quod ipse:

« Misericordia et veritas præbunt ante faciem tuam. » Hoc est enim quod alibi dicit: « Misericordia et veritas complexæ sunt se (Psalm. lxxiv, 11); » junctæ sibi in Christo sunt misericordia, et veritas, quæ et justitia vocatur, et naturaliter junctæ, quia et justitia in faciendo misericors est, et misericordiam faciendo justus est. Præcedunt igitur hæc duæ virtutes ante faciem Christi, quia in omnibus suis actionibus eas sequitur, et a misericordia et justitia nunquam recedit. Unde et merito alibi di-

(753) Hoc ex loco testimonium habemus adhuc sæculo xi, in quo sanctus Bruno floruit servari in Ecclesia vetustissimam consuetudinem faciendi scrutinia de his, qui in Sabbato sancto solemniter baptizandi erant, quæ scrutinia, probationes scilicet, an symbolum, orationem Dominicalem etc., memoriter

tenerent in Dominicis 4 et 5 Quadragesimæ ab episcopis, vel pastoribus habebantur; quo tempore fiebant etiam super baptizandos exorcismi ad expellendos dæmones; et novi fideles ad Baptismi sacramentum præparabantur. Vid. Chardon De sacram. lib. i, cap. 7. Trombellium De sacram. Baptismi, etc.

etur : « Universæ viæ Domini misericordia et veritas (Psal. xiv, 10). » — « Beatus populus » Christianorum, « qui solus scit jubilationem. » Jubilatio gaudium ineffabile est, quod intus in secreto cordis de Deo habetur, quod quidem neque verbis, neque litteris exponi potest. Hoc autem ideo dixit Propheta, quia hæc verba, quæ modo loquitur, gaudium et jubilationem in omnibus fidelibus excitare debent (734).

« Domine, in lumine vultus tui ambulabunt. » Domine, inquit, in lumine vultus tui ambulabunt Christiani tui, quia eris oculus illorum, et ad tuorum luminum similitudinem eorum oculos illuminabis. Soli igitur Christiani illuminati sunt, alii vero omnes cæci sunt, et in tenebris ambulant. « Et in nomine tuo exsultabunt tota die; » de tanto videlicet patronimico gloriantur, quia a Christo Christiani vocantur. « Et in tua justitia exaltabuntur. » Si Salvator noster tantam justitiam non haberet, non exaltarentur, qui pro eo moriuntur, sed potius illi qui de eo male loquuntur.

492 « Quoniam gloria virtutis eorum tu es. » Tu, inquit, es gloria, tu es præmium et corona virtutis eorum. Unde non tantum tota die, sed omni tempore et gaudere, et exsultare possunt. Magnam gloriam suscipit de virtute sua, qui Deum ipsum habere meretur pro victoria virtutis suæ. « Et in beneplacito tuo exaltabitur cornu nostrum. » Si queratur a te de cornu Christianorum, quomodo scilicet virtus et potestas eorum tantum exaltata sit? Responde, quia sic placuit Deo, et in beneplacito ejus, nullis præcedentibus meritis sic exaltati et sublimati sunt.

« Quoniam Domini est assumptio (735) et sancti Israel regis nostri. » De assumptione carnis nostræ loquitur, quam non angelus, non archangelus, sed ipse per seipsum Filius Dei, ut nos redimeret et exaltaret assumere dignatus est. In hac igitur assumptione est omnis virtus et fortitudo, gloria et potestas, et omnis beatitudo nostra. Apostrophe ad Patrem.

« Tunc locutus es in aspectu filiis tuis, et dixisti : Posui adjutorem super potentem, et exaltavi electum de plebe mea. » Sic de futuris, quasi de præteritis loquitur, secundum prophetarum consuetudinem. Tunc, inquit, quando Salvator noster carnem assumpsit, locutus est Dominus filiis suis, per quos omnes mundi nationes intelligimus, omnesque suos fideles intelligere fecit ea quæ de Christi passione, resurrectione et ascensione

A scripta sunt, sive in his psalmis, sive in lege et prophetis, sive in aliis scripturis. Unde et in aspectu locutum esse dicit, hoc est palam et manifeste, quæ prius in occulto et obscure loqui consueverat. Nunc igitur ea audiamus quæ de unigenito Filio suo locutus est Dominus filiis suis sive per prophetas sive per apostolos, sive per alios quoscunque prædicatores. « Posui, inquit, adjutorem super potentem, et exaltavi electum de plebe mea. » Quando ista dicuntur, non ad divinitatem, sed ad solam humanitatem respicere debemus. Posuit enim Dominus adjutorem redemptionis et salutis nostræ super potentem, imo vero super omnipotentem, de quo alibi ait : « Ponam in salutare, fiducialiter agam in eo (Psal. 11, 6). » — « Ego autem constitutus sum rex ab eo super Sion montem sanctum ejus, prædicans præceptum Domini (Psal. 11, 6). »

« Inveni David servum meum. » Inveni, inquit, David servum meum, hominem fortem, sapientem, sine peccato, et sine carnis concupiscentia natum. Servus autem pro parte carnis, Christus vocatur.

« Oleo sancto meo unxi eum; » de quo videlicet alibi dicitur : « Propterea unxit te Deus, Deus tuus, oleo lætitiæ præ participibus tuis (Psal. xlv, 8). » — « In ipso enim, sicut scriptum est, requiescit omnis plenitudo divinitatis corporaliter (Coloss. 11, 9). » Qui de seipso alibi dicit : « Spiritus Domini super me, propter quod unxit me, evangelizare pauperibus misit me (Luc. 11, 18). »

C « Manus enim mea auxiliabitur ei, et brachium meum confortabit eum. » Manus, et brachium Patris virtus, et fortitudo est, quæ, quantum Christus voluit, auxiliata est.

« Nihil proficiet inimicus in eo, et filius iniquitatis non nocebit ei. » Ille est ille inimicus, filius iniquitatis, de quo ipse Dominus in Evangelio ait. « Venit enim princeps hujus mundi, et in me non habet quidquam (Joan. xvi, 11). » Nullus alius in hoc mundo præter Christum, natus est, in quo aliquid de suo diabolo non invenerit, ipse enim solus sine peccato natus est; ipse est, « qui peccatum non fecit, nec dolus inventus est in ore ejus (1 Petr. 11, 22). » Non querit itaque diabolus in homine, nisi ea quæ sua sunt, et in quo aliquid de suo non invenerit, nihil D ei suis accusationibus nocere poterit. Quomodo igitur Salvatori nostro nocere possunt, ad quem, si voluisset, nunquam accedere valuisset. Unde et subditur :

« Et concedam inimicos ejus a facie ipsius, et odientes eum in fugam convertam. » Hoc autem

(734) Cod. Ghis., omnibus fidelibus facere debent.

(735) Quia in textu Augustini lectio est : « Quoniam Domini est susceptio; » ideo hæc apposite subjicit. « Ipse susceptio, ipse te illuminat : in ejus lumine intus es, in ejus lumine ambulans, justitia ejus exaltaris. Ipse te suscepit, infirmitatem tuam ipse custodit, ipse facit robustum de se, non de te. »

(736) Eadem lectio est apud Augustinum. Tunc locutus es in aspectu filiis tuis, et dixisti. « Locutus es in aspectu tuo, revelasti hoc prophetis tuis, ideo

locutus es eis in aspectu, id est in revelatione, unde prophete videntes dicebantur. » Hæc subjicit S. doctor. Etiam Cassiodorus habet in aspectu; in Vulgata autem legitur : in visione. Ejusdem Cassiodori hujus loci egregiam expositionem subjiciam. « Per hoc verbum, ait, illud ostenditur; quia quicquid prophete dixerunt, non ignoranter locuti sunt; sed in contemplatione certissima constituti, viderunt quod ore prædicaverunt. »

de malignis spiritibus et de omnibus aliis inimicis A intelligi potest. Quod tamen si ad iudicium referatur, non erit inconveniens.

« Et veritas mea, et misericordia mea cum ipso. » Per veritatem et misericordiam Patris, quæ cum ipso et in ipso erat, ipsam ejus divinitatem intelligere possumus quæ semper eum in omnibus et regebat, et fovebat. Unde et subditur : « Et in nomine meo exaltabitur cornu ejus. » Unum nomen est et Patris et Filii, quia sicut Pater, et Filius Deus vocatur. Exaltatus est igitur Salvator in nomine Patris, quia humanitas neque in nomine suo, neque in virtute sua exaltata est, sed in nomine divinitatis.

« Et ponam in mari manum ejus, et in fluminibus dexteram ejus. » Per mare et flumina mundus iste significatur; siquidem « aquæ multæ populi multi. » Est igitur manus 493 Domini in mari, et in fluminibus, quia ejus virtus et potentia ubique gentium narratur (737).

« Ipse invocabit me, Pater meus es tu, Deus meus, et susceptor salutis meæ. » Pater meus es tu, ad divinitatem spectat, cætera vero ad humanitatem. Lege in Evangelio, et invenies eum multis in locis Patrem suum Deum vocasse. Unde et Judæi Pilato dicebant : « Secundum legem debet mori, quia Filium Dei se fecit (Joan. xix, 7). »

« Et ego primogenitum ponam illum, excelsum præ regibus terræ. » Ipse enim secundum divinitatem et primogenitus et unigenitus est Patris, et secundum humanitatem et primogenitus et unigenitus est matris. Posuit tamen eum Pater secundum humanitatem, quomodo primogenitum omnium, quia constituit eum habere primogeniti honorem et dignitatem inter omnes. Hunc honorem perdidit Esau, qui pro lentis edulis vendidit primogenita sua. Et non solum primogenitum, sed etiam præ cunctis regibus excelsum fecit eum.

« In æternum servabo illi misericordiam meam. » Fuit ei aliquando, secundum humanitatem, necessaria misericordia Patris, quia et ipse, sicut ceteri homines indigentiam patiebatur. Hoc autem probatur; cum fatigatus sitiret, a muliere Samaritana bibere petiit. Sed modo ei necessaria non est; nobis vero semper necessaria est. Propter nos igitur dicitur : « in æternum, » quia sola Dei misericordia salvati sumus. « Et Testamentum meum fidele ipsi. » Fidele utique Testamentum est, quia firmum et stabile est, et nihil ex his quæ promittit evacuari potest.

« Et ponam in sæculum sæculi sedem ejus. » Hoc est quod beatissimæ Mariæ ab angelo dicitur : « Dabit illi Dominus sedem David Patris ejus, et regnabit in domo Jacob in æternum (Luc. i, 32). » Et alibi : « Potestas ejus, potestas æterna, quæ non auferetur, et regnum ejus, quod non corrumpetur

(Dan. vii, 14); » unde et subditur : « et thronus ejus sicut dies cæli. » Dies terræ corporales sunt, et aliquando finem habebunt; dies vero cæli æterni sunt, et nunquam finem habebunt. Erit igitur thronus ejus sicut dies cæli, quia æternus erit, et finem non habebit. Cætera quæ sequuntur ad Ecclesiam pertinent, et ineffabilem Dei misericordiam super eam ostendunt.

« Si, inquit, dereliquerint filii mei legem meam, et in iudiciis meis non ambulaverint, si justificationes meas profanaverint, et mandata mea non custodierint. » Quid faciam illis? Vis audire quid?

« Visitabo in virga iniquitates eorum, et in verberibus peccata eorum. » Et quid amplius? « Misericordiam autem meam non dispergam ab eo, neque nocebo ei in veritate mea, neque profanabo Testamentum meum, et quæ procedunt de labiis meis non faciam irrita. » Quid majus, vel quid æquale Dominus servis suis promittere potuit? Nullus locus desperationi relinquitur, quoniam omnibus misericordiam facit, omnibus quidem, qui ad poenitentiam convertuntur; aliis autem non sit ista promissio; sicut enim ipse Dominus ait : « Peccator, quacunque hora conversus fuerit, et ingemuerit, omnium iniquitatum ejus non recordabor (Ezech. xxxiii). » Quid est omnium iniquitatum? Hoc videlicet quod hic dicitur.

« Si dereliquerint filii mei legem meam, si in viis meis non ambulaverint, si justificationes meas profanaverint, et mandata mea non custodierint. » Per justificationes Dei, omnia ecclesiastica sacramenta intelligere debemus. « Visitabo in virga iniquitates eorum, et in verberibus peccata eorum (738). » Visitat autem Dominus in virga iniquitates nostras, et in verberibus peccata nostra, quando pro peccatis nostris, quæ gravissimis poenis, vel etiam ipsa morte multanda essent, facili nos correctione castigat, sive in hac vita, sive in alia nos misericorditer affigere et castigare dignatur.

« Misericordiam autem meam non dispergam ab eo, neque nocebo ei in veritate mea, neque profanabo Testamentum meum, et quæ procedunt de labiis meis non faciam irrita (739). » Et hoc quidem promittit Dominus in veritate sua, ut firmissime ei credatur, in quo semper veritas est, et qui mentiri nunquam potest. Profanaret autem Dominus Testamentum suum et irrita faceret verba sua, si ea quæ dicit non adimpleret, et contra ea aliquid faceret. Quod autem singulariter ait : « Non dispergam ab eo, neque nocebo ei; » tantumdem valet, ac si pluraliter dixisset eis, quoniam ipse caput nostrum est, et nos membra ejus sumus; de quibus ipse ad Patrem ait : « Pater, volo, ut sicut tu, et ego unum sumus, ita et ipsi in nobis unum sint (Joan. xvii, 24). » « Semel juravi in sancto meo, si David mentiar. »

(737) Cod. Ghis., *dominatur*.

(738) Illic versus deest in edit.

(739) Hæc iterum deest, et textus mutilatus reperitur.

Sic enim et alibi dicitur, quia semel loquitur Dominus, et secundo idipsum non repetit (740), quoniam omne quod dicit, firmum et stabile est, nullaue indiget reiteratione. Firmiter igitur juravit Dominus in sancto suo, id est in dicto filio suo, quod nunquam ei mentiatur. Per ipsum Filium sibi ipsi juravit, quia non habuit majus, per quod jurare potuisset.

Sed quid juravit? « Semen ejus in aeternum manebit, et sedes ejus sicut sol in conspectu meo, et sicut luna perfecta in aeternum, et testis in caelo fidelis (741). » Semen igitur ejus, doctrina ejus, et filii ejus manebunt in aeternum. Sedes autem ejus Ecclesia est, sive unaquaeque anima fidelis, quoniam anima iusti sedes est sapientiae. Haec autem erit sicut sol in conspectu ejus, quia, sicut ipse Dominus ait: « Folgebunt sancti sicut sol in regno Dei, et sicut luna perfecta in aeternum (Matth. xiii, 43); » quia nunquam scriptius decrescet, sed in sua perfectione et plenitudine manebit in aeternum. Et ex omnibus his quae juravi et promisi, testis est vobis in caelo fidelis Salvator noster, qui pro nobis loquitur, qui causam nostram agit, et pro nobis quotidie interpellat. Huc usque Dominus locutus est, nunc Propheta loquitur et conqueritur de Testamento suo a Domino reprobo. Et hoc est quod ait.

« Tu vero repulisti, et sprevisi, et distulisti Christum tuum, avertisti testamentum servi tui, profanasti in terra sanctuarium ejus (742). » Tu vero, inquit, testamentum filii tui David in aeternum confirmasti, et testamentum servi tui David repulisti, sprevisi et avertisti. Et hoc ideo quia distulisti Christum tuum. Si enim nobis eum misisses, non diceretur de nobis, quod de illis dicitur, ad quos missus est: « In propria venit, et sui eum non receperunt (Joan. i, 11). » In hoc enim dierum spatio, quod fuit a David usque ad Christum, multas et magnas persecutiones passa est Synagoga. Primum quidem ab Assiriis tempore Isaiae; deinde a Chaldeis tempore Jeremiae; postea vero a Graecis tempore Machabeorum. Nam et templum destructum est, et civitas desolata, multaque Judaeorum ad gentilem ritum a patribus legibus translati sunt. Hoc igitur est quod Propheta plangit, et testamentum sibi datum profanatum esse sibi conqueritur. Quod vero

A sanctitatem in terra profanatam esse dicit, porcinas carnes super aliare immolatas esse significat.

(743) « Destruxisti omnes macerias ejus, posuisti munitiones ejus in formidinem. » Nulla, quasi dicat, fuit fortitudo, quae eos defendere potuisset: muri fortissimi quasi maceriae destructi sunt. Vicini quoque illorum, et qui prius eos timere solebant, nunc hostibus juncti, in opprobrium eos habebunt.

« Diriperunt eum omnes transeuntes viam, factus est in opprobrium vicinis suis. » Quidquid contra illum populum sit, sibi David dicit, esse factum. Et illi quidem diripiunt populum Dei, qui viam transeunt, et per viam rectitudinis incedere nesciunt. (744). Vicini quoque illorum, et qui prius eos timere solebant, nunc hostibus juncti, in opprobrium eos habebunt.

« Exaltasti dexteram inimicorum ejus, latificasti omnes inimicos ejus. Avertisti adiutorium gladii ejus, et non es auxiliatus ei in bello. » Haec ad litteram vera sunt, si ad Chaldaeorum tempora referantur. Nam et cetera quae sequuntur secundum litteram intelligenda sunt.

« Dissolvisti eum ab emundatione, et sedem ejus in terram collaisti. » Haec autem completa sunt, quando sacrificia perdidit, quibus secundum legem emundari solebant. Non enim licet Judaeis extra patriam sacrificare.

« Minorasti dies temporum ejus, perfudisti eum confusione. » Minorati sunt dies illi, quibus ille populus se regnare, et terram illam possidere sperabat. Unde etiam dicere solebant, « templum Domini, templum Domini est. » In illo videlicet templo spem habentes, et illam civitatem insuperabilem esse credentes. Huc usque Propheta. Amodo vero Ecclesia loquitur, cujus immensas afflictiones et tribulationes istae persecutiones significabant, quas nunc usque Judaeorum populum sustinuisse Propheta narravit. Bene itaque post illas, istas ponere voluit, quia et in pluribus consimiles sunt, et sicut diximus, in istis significatae sunt. Dicit igitur Ecclesia, et inter ipsa tormenta, quae patitur, misericordias sibi promissas, ad memoriam Domini reducat. Promiserat enim Dominus, quod in virga quidem eam visitaret, misericordiam vero suam ab ea non separaret. Sed fortasse apud Deum virga est, quod ipsa putat esse tormenta.

(740) « Unam jurationem pro vita nostra habuit, qui pro nobis ad mortem unicum Filium suum misit. » AUGUSTINUS.

(741) Hoc testimonio S. August. invictè probat, et confirmat dogma catholicum de carnis resurrectione, cui apertissime contradicebant etiam illi philosophi gentiles, qui animae immortalitatem admittebant; dicentes, « fieri non posse, ut caro ista terrena possit in caelum ascendere. »

(742) Ne quae hic loquitur Propheta, superioribus laudibus confraria videantur, juxta S. Augustinum et Cassiodorum, distinguendae sunt personae. « Celebratur ante Christi regnum, cujus gloria et stabilitas in aeternum duratura promittitur: hic autem de Davide sermo est, qui multis calamitatibus pro-

batur afflicto. Ipse etiam Christus appellatur, quod unctus fuit; repulsus vero David apparet a dignitate regiae ex sententia Dei per Nathan prophetam propter peccatum eum Bersabea commissum. »

(743) Vulg. legit. *Destruxisti omnes sepes ejus: posuisti formidinem ejus in formidinem.*

(744) « Status ille, inquit Cassiodorus, regni Judaici et fide noscitur directus, et opibus. Nam pes eum transeuntes sublati facultatibus ejus religionis copias ad se violentissime transtulerunt; illis magis credentes ad quos Dominus corporaliter non venerat commonendos; sicut ipse dixit ps. xvi, 45. *Populum quem non cognovi serviebat mihi: in auditu auris obediit mihi.* »

« Usquequo, inquit, Domine, irasceris? » An in finem? Cesset jam nunc indignatio tua, et miserere populo tuo. « Usquequo exardescet sicut ignis ira tua? » Quæ sic loquitur, non virgam, sed scorpiones se sentire significat.

« Memorare, Domine, quæ mea est substantia. » Non enim fortitudo lapidum, fortitudo mea, nec caro mea ænea est (Job. vi, 12): terra sum, fragilis sum, et hæc tam dura tormenta, **495** quæ tu pro virga habes, sustinere non possum. « Non enim vane constituisti filios hominum; » quos utique in vanum constituisses, si supra id, quod possunt, eos tentari permisisses, et de tantis afflictionibus non eripulisses.

« Quis est homo, qui vivit, et non videbit mortem, aut eruet manum suam de manu inferi? » Hoc autem tale est ac si diceret: Quia nisi sanctis suis in tormentis positus Dominus subvenisset, omnes timore mortis eum negarent, et mortem fugientes temporalem, mortem æternam viderent, et sustinerent, et animas suas ab inferi cruciatibus eripere non valerent.

« Ubi sunt misericordiæ tuæ antiquæ, Domine, sicut jurasti David in veritate tua? » Tu, inquit, promissisti David, non prophætæ David, sed filio tuo David, quod misericordias tuas non auferres ab eo, et non solum promissisti, verum etiam in veritate tua jurasti, quia omnis promissio tua juramentum est. Ubi igitur modo sunt illæ tantæ misericordiæ tuæ?

« Memor esto opprobrii servorum tuorum, quod continui in sinu meo, multarum gentium. » Memor esto, inquit, illius opprobrii, quod non solum a Judæis, sed ab aliis quoque multis gentibus servi tui lacerati sunt, ejus ego, dicit Ecclesia, oblita non sum, et quod in sinu meo, et in corde meo firmiter continui, et memoriæ commendavi. Et quid est illud? Sequitur:

« Quod exprobraverunt inimici tui, Domine, quod exprobraverant commutationem Christi tui. » Hoc est enim quod Judæi et alii infideles contra nos ad magnam injuriam nostram dicere solent: quia hominem crucifixum et morte turpissima condemnatum adoramus. Ecclesia tamen honeste commutationem dicere voluit, quam ipsi mortem turpissimam dixerunt. Et revera magis commutatio, quam mors dici debet, per quam a tenebris transitur ad lucem, et a miseriis ad gloriam summamque felicitatem.

« Benedictus Dominus in æternum: fiat, fiat. » Puto quod Dei misericordias subito Ecclesia advenisse sensit, quando inter suas querelas hanc benedictionem et gratiarum actionem tam celeriter inseruit. Nam et Job gravissime afflictus simile quid dixisse ridetur. « Dominus, inquit, dedit Dominus abstu-

lit, sicut Domino placuit, factum est, sit nomen Domini benedictum (Job. i, 21). »

PSALMUS LXXXIX.

ORATIO MOYSI HOMINIS DEI (745).

In libris Moysi iste psalmus non invenitur: quod tamen Moyses dicit esse principium, in quo Deus creavit cælum et terram, ipse est, de quo hic dicitur: « Priusquam fierent montes, aut formaretur orbis terræ, a sæculo et usque in sæculum tu es Deus. » Hominis quoque defectio in hoc psalmo narratur, ejus creatio in illis libris continetur. Et conveniens fuit ut idem ipse, qui scripsit creationem, scriberet quoque hominis defectionem.

« Domine, refugium factus es nobis a generatione et progenie. » Ecclesia loquitur de adventu Salvatoris nostri, quia optimum se cognoscit nunc habere refugium, quæ ante hoc tempus nullum habuit adiutorem; Domine, inquit, refugium factus es nobis ab hac generatione et progenie tuæ incarnationis. Ad te fugientes securi sumus, qui nullum refugium prius habuimus. Neque dicant tibi Judæi: « Quinquaginta annos nondum habes (Joan. viii, 57), » quia non solum ante Abraham, verum etiam ante cælum et terram tu es. Et hoc est quod dicit:

« Priusquam fierent montes, et formaretur orbis terræ, a sæculo et usque in sæculum tu es Deus. » Et Deus, inquit, es et æternus es, et neque initium, neque finem habes, qui modo propter nos, et ad refugium nostrum, homo factus es.

« Ne avertas hominem in humilitatem. » Quid est in humilitatem? Est enim humilitas bona, quam utinam omnes habeamus, et humilitas mala, qua vitiis et malignis spiritibus homo subjugatur. Hanc igitur humilitatem timet iste, et hanc venire formidat. « Et dixisti: Convertimini, filii hominum. » Et refugium, inquit, nobis factus es, et per prophetas, et per apostolos tuos, aliosque prædicatores nobis dixisti: « Convertimini, filii hominum. » Et hoc quidem consilium tuum bonum est, et cum magno desiderio facere debemus. Quare?

« Quoniam mille anni ante oculos tuos sicut dies hesterni, quæ præterit, et sicut custodia in nocte, quæ pro nihilo habetur. » Sic, sub auditu, sunt anni eorum: **496** « Mane sicut herba, transiet, mane floreat, et pertranseat, vespere decidat, induret, et arescat. » Tota, quasi dicat, hæc præsens vita nihil est, etiamsi mille annis viveret homo; quoniam mille anni ante oculos tuos sic sunt, sicut dies præterita, quæ fuit, et non est. « Et sicut custodia in nocte, » quæ sua brevitate pro nihilo habetur, sic sunt anni omnium hominum, cum homo infelix « mane sicut herba transeat. » Mane et sero oppo-

(745) Ad psalmi hujus dilucidationem docet Ven. Beda titulum hunc illi appositum fuisse; quippe vel cecinit David quæ de universa rerum creatione scripsit Moyses, vel eum apud Deum pro suo populo deprecantem imitari voluit, eique orationem hanc tribuit. Moyses non tam Veteris Testamenti minister

fuit, quam Novi propheta Testamenti? Quod etiam asserit S. August. referens illud Apostoli: *Omnia in figura contingebant illis; scripta sunt autem ad correctionem nostram, in quos finis sæculorum obvenit.*

aita sunt, et sicut sero tarde, ita et mane cito significat. Mane itaque sicut herba transit homo, quia cito suæ pulchritudinis florem amittit et hoc est quod ait: « Mane floreat et pertranseat. » Mane est hominis, quando in juventute est; unde et flos ætatis dicitur esse juvenis. « Vespere decidat. » Quid est vespere decidat, nisi in senectute moriatur, et cadat? est enim senectus occasus vitæ; « induret et arescat, » quod est intelligere, pulvis in pulverem revertatur, et sola ossa arida et sicca de illo flore, et illa pulchritudine remaneant. Apparet his in verbis, quod Moyses in hac sua oratione, non diligentius creationem, quam defectionem hominis descripsit. Sequitur:

« Quia defecimus in ira tua, et in furore tuo conturbati sumus. » Et quia? « Posuisti iniquitates nos: ras in conspectu tuo, et sæculum nostrum in illuminatione vultus tui. Et quoniam omnes dies nostri defecerunt, et nos in ira tua defecimus. » Ideo « anni nostri sicut aranea meditabuntur. » Ideo, inquit, anni nostri mutabiles, fragiles, breves et vani, sicut aranea meditabuntur et computabuntur, quia sicut superius dictum est, defecimus in ira tua, et in furore tuo conturbati sumus. Et hoc quidem propter peccatum primi parentis. Posuit autem Dominus iniquitates nostras in conspectu suo, quia non est oblitus earum, neque sine vindicta eas abire permittit; et hoc est quod dicit « sæculum nostrum in illuminatione vultus tui. » Sæculum nostrum, vitam nostram, et pravam conversationem significat. Ecce audivimus causam, cur anni nostri sicut aranea meditabuntur. Sequitur:

« Dies annorum nostrorum pauci sunt, in ipsis; aliquando septuaginta anni » cum bona valetudine sunt; et hoc in pluribus contingit; pauci vero etiam usque ad octoginta aliquando perveniunt; sed hoc est in potentatibus. Est autem homo in bona valetudine quando omnibus membris sua officia sana et integra reservantur. Sicuti illi qui sanativi dicuntur, et rarissime infirmantur; et isti quidem in potentatibus sunt, quia sani et incolumes potenter se habent. Videmus autem alios in minori ætate visum, et auditum, et aliorum membrorum officia maxima ex parte amisisse; et in hac ætate, quæ pene ultima est, quosdam potenter se habere, sed plurimorum labor est, et dolor (746). Usque ad hanc, inquit, ætatem bene valentes aliqui pervenire possunt, ulterius vero transire labor et dolor est; tussis, et anxietas, angustia et miseræ; præsertim cum ipsa senectus infirmitas sit. Quæ autem suavitas, vel vitæ hujus delectatio illi esse potest, qui neque videt, neque audit, qui amissis dentibus cibum molere non valet, et quasi lapis toto die quasi uno in loco fixus, parum quid a mortuo differre videtur? Possumus autem per annos septuaginta et octoginta, activam et contemplativam vitam intelligere, ut per septem activam intelligamus, quia hæc tota præsens vita in septem diebus continetur; per octo vero, contem-

plativam, quia octava dies alterius hebdomadæ initium est, per quam videlicet hebdomadam illa altera vita significatur. Illi autem ad bonam senectutem perveniunt, qui vel activæ vel contemplativæ vitæ deserviunt. Unde et alibi dicitur: « Da partem septem, necnon et octo (Eccle. xi, 2). » Id est, da partem activæ, et partem contemplativæ; quatenus sic transeamus per bona temporalia, ut non amittamus æterna. Quod autem ultra est, et ab hac utraque vita recedit, et labor et dolor est.

« Quoniam supervenit super nos mansuetudo, et corripiemur. » Illi, inquit, senibus, qui ad bonam senectutem perveniunt, supervenit mansuetudo, omni superbia et pravitate fugata et superata. Et corripiuntur, quia tota eorum vita in melius commutata, jam in ultima hora in vinea Dei laborare incipiunt.

« Quis novit potestatem iræ tuæ. » Ille utique, qui cum offendere timet. Ille vero, qui cum offendere non timet, nondum cognovit quam horribile sit incidere in manus Dei viventis (Hebr. x, 31). « Aut præ timore iram tuam dinumerare? » Subauditur, quis novit? Ille præ timore iram Dei dinumerat, qui digna poenitentia conversus secum in corde reputat, quoties, et quibus modis offenderit Deum.

« Dexteram tuam, Domine, notam fac mihi. » Potest autem hoc intelligi, ut suæ correctionis dexteram nos in hac vita sentire faciat, ne in altera vita nos durius affligat. Possumus autem per dexteram Dei, Salvatorem nostrum intelligere, pro eo quod subditur:

« Et eruditos corde in sapientia. » Et tale est ac si diceret: Ut iram tuam cognoscere valeamus, notifica nobis Filium tuum, et prophetas, et apostolos tuos, qui sapienter eruditi sunt, et quorum verba obscura valde et difficilia sunt. Qui enim istos cognoscit, nihil ei deest ad veræ scientiæ plenitudinem. Et iste quidem cognoscit dexteram viam, quæ ducit ad vitam, ut sinistram respuit, quæ ducit ad mortem.

497 « Convertere, Domine, aliquantulum. » Convertere, inquit, aliquantulum ab indignatione tua; et deprecabilis et exorabilis esto super servos tuos, quos tantum dilexisti, ut eis mitteres Filium tuum.

« Repleti sumus mane misericordia tua, et exultavimus, et delectati sumus omnibus diebus nostris. » Nato Domino, nox præcessit et finita est, et factum est mane hujus ultimæ ætatis. Ab hac igitur mane repleti sumus misericordia tua, Domine, et exultavimus et delectati sumus omnibus diebus nostris. Quid ergo de illis dicitis, in quibus tantis tormentis afflicti et humiliati estis? Sequitur: « Delectati sumus pro diebus, in quibus nos humiliasti, et pro annis, in quibus vidimus mala. » Magis, quasi dicat, in illis delectati sumus et delectamur, quia majorem pro illis honorem et gloriam expectamus.

« Respice in servos tuos, et in opera tua, Domine, A et dirige filios eorum. » Servi ejus opera ejus sunt, quia ipse eos creavit et fecit, super quos tunc quidem respicit, quando eos errare et peccare non permittit. Filii vero eorum sunt, qui in fide, opere et doctrina eos imitantur. « Et sit splendor Domini » Dei super nos; » ut ad ejus imaginem facti sumus, ad ejusdem imaginem reformemur. Fulgebunt enim sancti sicut sol in regno Dei. Unde et Joannes apostolus ait: « Charissimi, filii Dei sumus, et nondum apparuit quod erimus. Scimus enim quoniam cum apparuerit, similes ei erimus, quia videbimus eum, sicuti est (Joan. iii, 2). » — « Et opera » manuum nostrarum dirige super nos, » ut nihil in operibus nostris pravam, et perversum, et distortum inveniatur, sicut in operibus illorum de quibus dicitur: « Non enim cogitationes vestre cogitationes meae, neque vires vestre vires meae, dicit Dominus; quia sicut exaltati sunt caeli a terra, sic exaltatae sunt vires meae a viris vestris, et cogitationes meae a cogitationibus vestris (Isa. lv, 8). »

PSALMUS XC.

LAUS CANTICI DAVID.

Laus cantici David continetur in hoc psalmo; illius videlicet David, de quo dicitur: « Cadent a latere tuo mille, et decem millia a dextris tuis, tibi autem non appropinquabunt. Et super aspidem, et basiliscum ambulabis, et conculcabis leonem et draconem. »

« Qui habitat in adjutorio Altissimi in protectione » Dei caeli commorabitur. » Contra Judaeos et malignos spiritus loquitur Propheta, adversum Salvatorem nostrum insidias ponentes, et nefaria de eo cogitantes. Qui habitat, inquit, ubicunque habitat, etiam inter inimicos suos, et adversarios; habitat in adjutorio Altissimi, « non timebit a timore nocturno, neque a sagitta volante per diem, neque a » negotio perambulante in tenebris, neque a » ruina, et daemonio meridiano. » Et ideo non timebit, quia in protectione Dei caeli commorabitur. Quid enim timeret, quem omnipotens Pater, et ipsa divinitas, quae in eo est, semper et ubique protegit et defendit?

« Dicit Domino: Susceptor meus es tu, et refugium meum, Deus meus. » Hoc dixit Salvator D noster secundum humanitatem, quia nihil horum habet secundum divinitatem. Ipse, inquit, si quando ei necesse fuerit, hoc dicit. Et hoc ipso dicente, sive potius cogitante et volente, statim voluntas ejus adimplebitur. Quid igitur facient contra eum, qui insipienter insurgunt in eum? Et ego quidem, dicit Propheta, « sperabo in eum. » Si seipsum Christus Dominus defendere non potuisset, sperare in eum, vanum et inutile fuisset. Probatum est utique eum neminem timuisse, qui aliorum omnium unica spes et defensio est.

« Quoniam ipse liberavit me de laqueo venantium, » et a verbo aspero. » Ideo, inquit, sperabo in eum, quia ipse me liberabit de omnibus angustiis meis.

A Venatores isti maligni spiritus sunt, in quorum rebus peccatores capiuntur. Quot sunt vitia, tot sunt et laquei quibus miseros homines ligant et tenent. Verbum asperum illud est quod Dominus in iudicio dicturus est: « Ite, maledicti, in ignem aeternum (Matth. xxv, 41). » Nunc ad ipsum Christum verba sua Propheta convertit.

« Scapulis suis obumbrabit tibi, et sub pennis » ejus sperabis. » Deus enim neque scapulas, neque pennas habet; sed metaphorice loquitur, ut per scapulas et pennas omnem ejus protectionem et defensionem intelligamus.

« Scuto circumdabit te veritas ejus. » Magnum et insuperabile scutum est veritas, ad fallaces et iniquos homines convincendos. Hoc scuto superati sunt B Judei, quia nihil in verbis Christi digne reprehendere potuerunt: « Non timebis a timore nocturno. » Timorem nocturnum illum dicit, quando ipsa nocte, qua traditus est, Judei simul cum Juda traditore, cum gladiis et fustibus irruerunt in eum; qui si timuisset, potius fugisset, quam eis obviam esset: « A sagitta volante per diem. » In nocte comprehensus est Dominus, et in die sagittatus. Tunc enim Judei eum sagittarunt, quando Crucifige clamaverunt. Sed sagittae parvulorum facie sunt plagae eorum. « A negotio perambulante in tenebris (Psalm. lxxiii, 9). » ~~498~~ Negotium illud, quod in tenebris ambulabat, illud consilium intelligitur, quod de morte Salvatoris in cordibus Scribarum et Phariseorum versabatur. Ipsi enim digne satis hoc in loco tenebrae vocantur, quia caeci sunt et duces caecorum.

C « A ruina et daemonio meridiano. » Postquam Pilatus eum defendere non potuit, et lotis manibus in Judaeorum potestatem crucifigendum eum tradidit; tunc ista ruina facta est, tunc bestiarum saevitia, et crudelitate in eum irruentes ad crucem eum traxerunt: « Erat autem hora sexta, et crucifixerunt eum (Marc. xix, 33; Joan. xix, 18). » Unde et hic dicitur: « a daemonio meridiano: » nisi enim ille populus iniquissimus a daemonio duceretur et vexaretur, hoc malum tam magnum facere non potuisset. « Cadent » a latere tuo mille, et decem millia a dextris tuis. » Per mille et decem millia omnia malignorum spirituum millia intelligere debemus, quae quidem in Christi passione omnia ceciderunt, omnemque potestatem et fortitudinem amiserunt. Tunc enim diabolus ligatus est, et qui post mille annos solvendus esse dicitur. Poterat hoc intelligi de futuro iudicio, nisi a dextris posuisset; tunc nullus ex eis a dextris erit, sed a sinistris ferientur et cadent. « Tibi autem » non appropinquabunt. » Cadent quidem, et potestatem amittent, et quamvis ad nocendum omnes in unum consilium et pravam voluntatem conveniant; tamen ad Salvatorem nostrum appropinquare non audent.

« Verumtamen oculis tuis considerabis, et retributionem peccatorum videbis. » Omnia, quasi dicat, patienter sustinebis, et cum te statim vindicare possis, non tamen te protinus vindicabis. Verumtamen

men qualiter puniendi sint, considerabis, et retributionem peccatorum videbis, ut suo tempore de eis vin licetam suscipias, et facias ultionem.

« Cum iam tu es, Domine, spes mea, altissimum posuisti refugium tuum. Non accedent ad te mala, et flagellum non appropinquabit tabernaculo tuo. » Singula singulis respondent, quod enim hic dicitur: « Quoniam tu es, Domine, spes mea; » hoc est, quod superius ait: « Sperabo in eum. » Et quod hic dicitur: « Altissimum posuisti refugium tuum; » hoc est, quod superius dixit: « Qui habitat in adiutorio Altissimi. » Dicatur ergo, quoniam tu es, Domine, spes mea, ideo certus sum quia flagellum non appropinquabit tabernaculo tuo, id est mihi, quoniam ego sum tabernaculum tuum. Unde alibi dicitur: « Tu autem in sanctis habitas, rex Israel (Psal. xxi, 4); » et quoniam altissimum posuisti refugium tuum, ideo non accedent ad te mala; non enim possibile est in tantam altitudinem malum ascendere.

« Quoniam angelis suis mandavit de te, ut custodiant te in omnibus viis tuis. In manibus portabunt te, ne unquam offendas ad lapidem pedem tuum. » Ideo, inquit, ab angelis portaberis, ne in lapidem pedem offendas, quia sic eis a Domino mandatum est. Non enim dubitandum est angelos ei ad serviendum et obediendum semper praeesto fuisse, cum de aliis quoque dicitur: quia « angeli eorum semper vident faciem Patris (Matth. xviii, 10). » Unde et alibi dicitur quia « angeli accesserunt, et ministrabant ei (Matth. iv, 11). » Angeli itaque eum custodiebant, ne forte lapides ledere potuissent, per quos Iudeos et alios iniquos intelligere possumus. Omnia autem hæc ad humanitatem referenda sunt.

« Super aspidem et basiliscum ambulabis, et conculcabis leonem et draconem. » Per aspidem et basiliscum, leonem et draconem, diabolum intelligimus. Et aspis quidem est, quia ejus venenum insanabile est; basiliscus autem, quia rex est totius iniquitatis; leo vero, quia semper circuit querens quem devoret; draco, quia tortuosus, et nunquam recta incedens via. Super hunc autem ambulat Dominus, pedibusque conculcat, quia omnes ejus verutias destruit et superat. Hoc usque Propheta. Nunc autem ipse Pater de Filio loquitur, et hoc quidem secundum humanitatem.

« Quoniam in me sperabit, liberabo eum. » Hinc est quod ipse ait: « Conserva me, Domine, quoniam in te speravi (Psal. xv, 1). » — « Protegam eum, quoniam cognovit nomen meum. » Et hoc est quod ibi dicitur: « Dixi Domino: Deus meus es tu (ibid., 2). » Ubique Filius secundum humanitatem, et Deum suum, et Dominum et regem suum Patrem vocat: « Invocabit me, et ego exaudiam eum. » Hoc enim ipse Dominus ait: « Pater, gratias ago tibi, quoniam exaudisti me; ego enim sciebam, quia semper me audis (Joan. xi, 41). » — « Cum ipso sum in tribulatione. » Non enim Pater Filium derelinquit. Unde et cum alibi dixisset: « Quare me

(747) Hæc in editione desunt.

A « dereliquisti? » Subdidit mox dicens: « Longe a salute mea (Psal. xxi, 2). »

« Eripiam eum, et glorificabo eum; longitudine dierum adimplebo eum, et ostendam illi salutarem meum. » Ego, inquit, eripiam eum de omnibus angustiis et necessitatibus suis; et glorificabo eum, collocando ad dexteram meam. « Longitudine dierum adimplebo eum, » quia regnabit in æternum, et in sæculum sæculi, et regni ejus non erit finis. « Et ostendam illi salutarem meum, » per quod salutem æternam et incommutabilem intelligimus.

PSALMUS XCI.

499 PSALMUS CANTICI IN DIE SABBATI.

Hic psalmus in die Sabbati cantari debet. Prima festivitas Sabbatum est, quæ collitur divino præcepto. B Unde et bene requies interpretatur. Hanc diem benedixit Deus, et omne opus servile in ea fieri interdictum. Est autem opus servile, non quod servi faciunt, sed quod etiam homines liberos servos facit. Omne igitur peccatum est opus servile, quia quicumque facit peccatum, servus est peccati. Bene itaque celebrant Sabbatum, qui mala fugiunt, et bona agunt. Tales igitur in psalterio decachordo cum cantico, et cithara hunc psalmum cantent.

« Bonum est confiteri Domino, et psallere nomini tuo, Altissime. Ad annuntiandum mane misericordiam tuam, et veritatem tuam per noctem. In decachordo psalterio cum cantico, et cithara: quia delectasti me, Domine, in factura tua (747). » Ideo bonum mihi est confiteri Domino. Ecclesia loquitur, in facitura Domini, et in cunctis suis operibus nimium delectata, quæ per dies sex usque ad Sabbatum Deus operatus est. Vult itaque in ipso Sabbato Dominum laudare, benedicere et prædicare, quatenus nec ipsum Sabbatum sine gloria sit, cum omnes alii dies actionibus sint gloriosi. Magna laus est, et in immensum crescit, si singula, quæ illis diebus facta sunt enarrare velimus. Neque in tantis laudibus Sabbatum nobis sufficere potest, nisi aliter, quam Judæi Sabbatum intelligamus. « Bonum est, inquit, confiteri Domino, » et psallere, et laudare nomen tuum, Altissime, ut ab omnibus audiat. Unde et alibi dicitur: « Clama, ne cesses, quasi tuba exalta vocem tuam (Isa. lviii, 1). » Itemque: « Exalta in altitudine vocem tuam, qui evangelizas Jerusalem (Isa. xl, 9). » Et non solum de his, sed de misericordia quoque et veritate tua, te omni tempore et laudare et prædicare debemus. Et hoc est quod dicit: « Ad annuntiandum mane misericordiam tuam, et veritatem tuam per noctem. » Hoc est enim mane et nocte, quod est omni tempore, ut per mane, quod initium diei est, totum diem intelligamus. Non enim majus fuit mundum facere quam redimere, neque magis Deum laudare debemus de creatione, quam de redemptione, quæ sola Dei misericordia et veritate nobis facta est. Bonum est itaque laudare, prædicare et annuntiare. Sed quomodo?

« In decachordo psalterio, cum cantico et cithara. »

Decem chordas habet psalterium, per quas decem A verba legis significantur. In cithara vero vel tres vel quatuor chordæ sufficiunt, et hoc quidem jam saepe diximus. Per psalterium igitur Vetus Testamentum, Novum vero per citharam intelligamus. Hæc autem duo instrumenta nobis sufficiunt ad Dei magnalia prædicanda. Sed, quia cum cantico fieri debet, lætitiā in tali sermone adesse significat. « Quia delectasti me, Domine, in factura tua. » Hoc jam superius expositum est, et huc usque sermonis continuatio descendit : « Et in operibus manuum tuarum exsultabo. » Et hoc merito ; « non enim qui coperit, sed qui perseveraverit usque in finem, hic salvus erit (Matth. x, 22). »

« Quam magnificata sunt opera tua, Domine ! » Digna exclamatio, et non modici miraculi nobilis admiratio ! Hinc est enim, quod alibi dicitur. « Mirabilis facta est scientia tua ex me, confortata est et non potero ad eam (Psalm. cxxxviii, 6). » — « Nimis profundæ sunt cogitationes tuæ. » Cur aliud vas in honorem fiat, et aliud in contumeliam ; cur, antequam nascantur, Jacob eligatur, et Esau reprobetur, solvat, qui potest. Unde et digne satis Apostolus exclamans ait : « O altitudo divitiarum sapientiæ et scientiæ Dei, quam incomprehensibilia sunt judicia ejus, et investigabiles viæ ejus ! » (Rom. xi, 33.) Investigabiles quidem, quia nimis profundæ.

« Vir insipiens non cognoscit, et stultus non intelligit ea. » Vir, inquit, insipiens, et stultus neque cognoscit, neque intelligit opera Dei, illa videlicet opera quæ modo magnificata esse dixit. Sed quæ sunt illa ? ut peccatores intendant in sæculum sæculi. Et hoc est, quod dicit.

« Cum exoriantur peccatores sicut fenum, et apparuerint omnes, qui operantur iniquitatem, ut intendant in sæculum sæculi. » Exoriantur peccatores sicut fenum, quod hodie est, sicut Dominus ait, et cras mittitur in clibanum. Apparent autem et clariores inter alios incedunt, nec tamen ab iniquitate recedunt, non ad aliud nisi ut moriantur et pereant. Hoc autem si vir insipiens et stultus intellexisset, ab illa sua iniquitate fortasse quievisset.

« Tu autem altissimus in æternum, Domine, » subauditur, eos punies, et ipsas eorum iniquitates cognoscere facies, unde et viro stulto alibi dicitur : « Arguam te, et statuam contra faciem tuam (Psalm. xlix, 21). » Et hoc est quod ait :

« Quoniam ecce inimici tui, Domine, peribunt, et dispergentur omnes qui operantur iniquitatem. » Et exaltabitur sicut unicornis 500 cornu meum : Cornu Ecclesiæ, virtus, et potestas, et fides, et doctrina sic exaltata est, ut nullus ei resistere valeat. Unde et ipse Dominus ait : « Ego dabo vobis os, et sapientiam, cui non poterunt resistere, et contradicere omnes adversarii vestri (Luc. xxi, 15). » Sic enim dicitur de unicorni, quod nullum animal ejus impetum sustinere valeat.

« Et senectus mea in misericordia uberi. » Hinc est enim quod dicitur : « Et ingredieris in abundantia sepulcrum (Job i, 26). » Senectus Ecclesiæ, hujus sæculi consummatio est, in qua tam uberem misericordiam suscipiet, et nulla ulterius misericordia indigeat. Satis magna misericordia, quæ omnes misericordias excludit : « Et respexit oculus tuus inimicos meos, et insurgentes in me malignantes » audivit auris tua. Non est, quasi dicat, mihi necesse ostendere tibi, nec accusare inimicos meos ; tu eos vidisti et audisti, tu eos optime agnoscis, quam vindictam de eis suscipere debeas.

« Justus ut palma florebit. » Egregie vir justus palmarum comparatur, quoniam in divina Scriptura palma victoriarum significat. Unde Moyses ait : « Si fuerit causa inter aliquos, et iudices interpellaverint, quem justum esse prospexerint, illius justitiæ palmam dabunt : quem impium condemnabunt impietatis (Deut. xxv, 1). » Et nota quod ipsi victoriæ justum comparavit, ut ejus laudem amplius extolleret. Floret igitur, clarescit, et gloriatur quasi palma justus, quia de omnibus suis triumphat inimicis. « Nemo enim coronatur, nisi qui legitime certaverit (II Tim. ii, 5). » — « Et sicut cedrus Libani multiplicabitur, » quæ super alias arbores pulchrior, major et excellentior est. Quales igitur sunt cedri inter alias arbores, tales sunt viri justi inter alios homines. Sed quibus rebus hi tales multiplicantur, nisi scientia, misericordia, pietate, omnibusque divitiis spiritualibus ? De quibus adhuc subditur :

« Plantati in domo Domini, in atria domus Dei nostri florebut. » Domus Dei Ecclesia est, in cujus atris viri justi plantati, et fundati sunt, ut semper ab omnibus videantur. Ibi doctrina et justitia florent, et sui odoris suavitate alios satiant. Unde Apostolus ait : « Christi bonus odor sumus in omni loco (II Cor. ii, 15). » Nam et cedrus odoriferæ naturæ esse perhibetur.

« Adhuc multiplicabuntur in senectate uberi. » Adhuc, inquit, et quanto tempore mundus iste erit, multiplicabuntur multorum propagine filiorum et virtutum omnium abundantia. In senectute uberi senes sunt sancti, cujusunque ætatis esse videantur ; matura est eorum vita, et ab omni levitate et vanitate aliena. « Et bene patientes erunt. » Nam et latrones, et adulteri, et multi alii multoties patientes sunt, et multis et variis tormentis præ suis iniquitatibus cruciantur, sed non bene patientes sunt, quia nullam de hac sua patientia mercedem recipiunt. Sancti vere patientes erunt, ut annuntient. Quid ?

« Quoniam justus Dominus Deus noster, et non est iniquitas in eo. » Hæc fuit maxima et principalis causa ut sancti interficerentur, quoniam omnes Deos gentium demonia esse dicebamus, et solum Dominum nostrum justum, et verum Deum esse fatebantur, qui redderet unicuique secundum opera sua.

PSALMUS XCII.

LAUS CANTICI IPSI DAVID IN DIE ANTE SABBATUM, QUANDO
FUNDATA EST TERRA (748).

Laus, inquit, hujus cantici cantetur, et jubiletur ipsi David. Cui ipsi, nisi Salvatori nostro, qui revera est ipse David, id est manu fortis? cantetur autem in die ante Sabbatum, quia de his quæ in illa die operatus est, a cunctis gentibus laudandus et glorificandus est. In illa enim die, quæ ante Sabbatum est, Salvator noster crucifixus est, et diabolus superatus est, et de ejus impia potestate humanum genus liberatum est, et originale peccatum deletum est, et ipsa die fundata est terra. De qua dicitur: « Etenim firmavit orbem terræ, qui non commovebitur. » Ipsa enim die fundata est Ecclesia, qua ipse nos lavit a peccatis nostris in sanguine suo.

« Dominus regnavit, decorem induit. » Letatur Propheta de his, quæ in die ante Sabbatum facta sunt. Quia ipsa die princeps hujus mundi judicatus et damnatus est, et Salvator noster victor et triumphator regnum suscepit, atque **501** de ejus violenta dominatione genus humanum liberavit. Sed qualem decorem in sua resurrectione induisse putamus, cum in faciem ipsius transfigurati, præ nimio splendore, discipuli intendere non potuissent?

« Induit Dominus fortitudinem, et præcinxit se virtute. » Tantam virtutem et fortitudinem habebunt sancti post resurrectionem, ut nulla creatura eos in aliquo lædere possit. Quid igitur de Salvatore nostri fortitudine et virtute dicere attinet?

« Etenim firmavit orbem terræ, qui non commovebitur. » Ibi continuatur, ubi in titulo dicitur, quando terra fundata est. Per terram enim Ecclesia significatur, quæ tunc quidem fundata est et firmata, quando pro ejus redemptione Salvator noster crucem subire et mori dignatus est; et ipsa quidem non commovebitur, tantique beneficii memor nunquam ab ejus fide et dilectione separabitur. De qua et subditur:

« Parata sedes tua, Deus, extunc: a sæculo tu es. » Eadem ipsa est sedes Dei, quia in ipsa sedet, et judicat Deus, et sicut scriptum est, anima justi sedes est sapientiæ. Sed extunc ista sedes parata est, et tanti sessoris digna facta est, ex quo ejus sanguine lota et mundata est. Et sedes quidem ejus extunc parata est; ipse autem non extunc, sed a sæculo est, idem autem significat a sæculo est ac si diceretur, semper est.

« Elevaverunt flumina, Domine, elevaverunt flumina vocem suam a vocibus aquarum multarum. »

(748) Non inopportunitum erit hic etiam Bedæ interpretationem addere. « Canticum ad laudem divinitatis: ipsi David ad Christum convenienter aptatur. Queritur autem, quomodo in die ante Sabbatum, id est sexta feria terram dicat fundatam; cum legatur in Genesi tertio die aridam apparuisse? Sed hic terram, hominem debemus accipere, cui dicitur *terra es, et in terram ibis*. Qui sicut a Creatore Deo sexta die factus est, ita et sexta ætate sæculi ab eodem Deo ex semine David a Creatore for-

A Postquam hæc sedes parata fuit, et prædicatores quos Christus suos vicarios et episcopos super eam ordinavit, prædicare coeperunt, tunc elevaverunt flumina voces suas Domino, eum laudantes, et benedicentes, de sua conversione et justificatione gratias agentes. Per flumina enim populi figurantur, quia, ut scriptum est, « aquæ multæ, populi multi. » Et bene flumina populos significant, quia sicut in fluminibus undæ sibi succedunt ad inferiora labentes, ita et in populis alii aliis succedunt ad mortem festinantes.

« Mirabiles elationes maris, mirabilis in excelsis Dominus. » A vocibus, inquit, aquarum multarum, mirabiles elationes maris factæ sunt, quia contra voces sanctorum prædicantium et fidelium populo-
B rum Deum laudantium totus mundus conturbatus et commotus est. Ecce mare contra flumina pugnat, contra pauperes divites, contra humiles superbi, et potentes hujus mundi contra eos qui se defendere nolunt. Nemo igitur tantæ maris elationes et impetus ferre potuisset, nisi virtus Dei adesset, qui tantæ furoris iras mitigasset. Sed audiamus quod sequitur. « Mirabilis in excelsis Dominus. » Et certe conveniens erat, ut contra mirabiles mirabilis poneretur: et mirabilior est ille, qui contra mirabiles pugnat, quam sint maris elationes, quæ sanctos impugnant. Et vere mirabilis in excelsis est, tam stupenda, cunctisque admiranda mirabilia faciens. Unde et subditur:

C « Testimonia tua, Domine, credibilia facta sunt nimis. » Testimonia hoc in loco omnes ejus promissiones dicit. Promiserat enim Dominus discipulis suis, quod eos non desereret, neque dereliqueret, et quia opera, quæ ipse faciebat, ipsi similiter facerent. Quia igitur sicut promiserat, ita factum est, ejus testimonia nimis credibilia facta testatur.

« Domum tuam decent sancta, Domine, in longitudinem dierum. » Hoc est enim quod Dominus ait: « Sancti estote, quoniam sanctus sum Dominus Deus vester (Levit. xi, 41). » Omnia igitur sancta et bona omnia religione et veneratione præclara decent Ecclesiam Dei, quæ per domum significatur. Et hoc quidem non ad tempus, sed in longitudinem dierum, per quod intelligitur in æternum, et in sæculum sæculi.

PSALMUS XCIII.

PSALMUS IPSI DAVID QUARTA SABBATI (749).

D Dictum est quid significet ipsi David. Quarta Sabbati illuminatus est mundus; illa namque die fecit Deus solem, lunam et stellas, quibus totus mundus illuminatur. Hujus diei immenores sunt, qui Deum

matus est: tunc enim terra fundata est, quando in eo humani generis firmata est credulitas; et ideo laus sanctæ incarnationis ejus, psalmi istius contextione cantatur. »

(749) Quarta Sabbati est a Sabbato quarta feria: « Qua die Deus luminaria cæli creavit. Hoc aptandum est sanctis viris, cælesti in terra conversatione lucentibus, de quibus est psalmus iste dicturus. » Bedæ.

cœli nescire, et omnia non videre, dicere audent; A sicut illi, qui in hoc psalmo dicunt: « Non videbit Dominus, neque intelliget Deus Jacob. » Et qui huius mundi clarissima lumina extinguere conantur, quæ in illis significata sunt, quæ quarta Sabbati Dominus fecit: quibus ipse Dominus ait: « Vos estis lux mundi (Matth. v, 11). » Fit igitur iste psalmus contra Ecclesiæ persecutores, qui, quoniam in tenebris sunt, lucem videre non possunt. « Omnis enim qui male agit, fugit lucem (Joan. iii, 20). »

« Deus ultionum Dominus, Deus ultionum libere egit. » Ecclesia loquitur, et tyrannos, hæreticos, aliosque homines iniquos redarguit, qui tantopere veritatem **502** impugnant, et errorem defendere nituntur. Et quasi dicat: Deus, qui ultionum Dominus est, et qui nihil inultum relinquit, sed omnibus injuriam patientibus justitiam facit, libere egit, Ebertatem fecit, de diaboli servitute mundum redemit; et vos econtra populum Dei in errorem, et diaboli servitutem trahere conamini? Cessate jam nunc, cessate, et ad ultorem et liberatorem oculos erigite. Si non cessaveritis, ultor est: si cessaveritis, liberator est.

« Exaltare, qui judicas terram, redde retributionem superbis. » Inconvertibiles eos esse cognoscit, ideoque ad Dominum conversus eum rogat, ut in sua superbia persistentibus retributionem reddat, quatenus ultorem cognoscant, quia liberatorem habere noluerunt. Exaltatur autem Dominus, et contra superbos elevatur, quando se eis iratum ostendit.

« Usquequo peccatores, Domine, usquequo peccatores gloriabuntur? » Exspectat Dominus peccatores, et non statim punit, si forte convertantur et sanentur. Illi autem non solum peccare non cessant, sed, quod nequius est, in ipsis iniquitatibus gloriantur.

« Usquequo pronuntiabunt, et loquentur iniquitatem? Loquentur omnes, qui operantur iniquitatem? Non sufficit eis malum agere, nisi et alios agere doceant. Tales enim sunt, qui in cathedra pestilentiae sedent, quia pronuntiare et loqui ad doctrinam pertinent.

« Populum tuum, Domine, humiliaverunt. » Humiliaverunt enim alios quidem tormentis, alios blanditiis et promissionibus, alios vero falsæ doctrinæ persuasionibus. Quid est enim humiliaverunt, nisi suæ voluntati subdiderunt? « Et hereditatem tuam vexaverunt. » Tales homines demonia sunt, et ideo quos invadunt, vexare dicuntur. Magna vexatio est ista, de qua modo superius diximus.

« Viduam et advenam interfecerunt, et pupillos occiderunt. » Hoc autem secundum litteram verum esse non dubium est. Allegorice autem per viduam illa anima significatur, quæ a Deo divisa est, et eorum erroribus sociata. Dicitur enim vidua, quasi a viro divisa. Advenæ vero illi sunt, qui Ecclesiam relinquentes, ad eos venerunt, et cum eis esse et habitare elegerunt. Per pupillos autem illi signifi-

cantur, qui simpliciores sunt, et quasi infantes facile decipiuntur. Et isti quidem sunt, quos Ecclesiæ persecutores interfecisse dicuntur.

« Et dixerunt: Non videbit Dominus, neque intelliget Deus Jacob. » Hanc tantum blasphemiam illi dicere potuerunt, qui Deum Jacob non esse credebant. Si enim Deus est, et videre eum, et intelligere omnia necesse est. Unde et deos gentium Propheta deridens, ait: « Dicite mihi quæ prima fuerunt, et ultima quæ futura sunt, et dicam quia dii estis vos. »

« Intelligite nunc, qui insipientes estis in populo, et stulti aliquando sapite. » Vel nunc, quasi dicat, intelligite, quando tot signa et miracula in ejus nomine fieri videtis, et Deum esse credidistis, et omnia videre et intelligere cognoscite. Quis enim nisi Deus **B** hominem fecit? Quis ei aures et oculos dedit? Quod si ipse omnia fecit, quæ præsumptione hæc dicere audetis? Et hoc est, quod ait:

« Qui plantavit aurem, non audit? Qui finxit oculum, non considerat? » Qui enim potuit quod majus est, et illud potest quod minus est. Non enim sine visu, et auditu esse potest, qui omnibus aliis et visum et auditum tribuit. Sed quia dixit non considerat, potius de sensibus interioribus significare videtur.

« Qui corripit gentes, non arguet? Qui docet hominem scientiam. » Ille, inquit, qui corripit omnes gentes, et de suis pravitatibus castigat, vos solos de vestra insipienti et stultitia non arguet? Et ille, qui docet omnem hominem scientiam, ita suam **C** scientiam amisit, ut vestras iniquitates non videat, neque intelligat?

« Dominus novit cogitationes hominum, quoniam vanæ sunt. » Omnia igitur videt, cui neque ipsæ cogitationes abscondi possunt. Taceant itaque insipientes in populo, et stulti aliquando quiescant, et hæc ulterius nec cogitare nec dicere audrant.

« Beatus homo quem tu erudieris, Domine, et de lege tua docueris eum. » Illi soli beati sunt, qui a Deo et de lege Dei eruditi sunt: sicut econtra illi miseri sunt, qui sapientiam huius mundi, quæ apud Deum stultitia est, a philosophis, et hæreticis, aliisque magistris perversorum dogmatum didicerunt.

« Ut mitiges eum a diebus malis, donec fodiat **D** peccatori fovea. » Illos mitigat Deus a diebus malis, quos in sua misericordia custodit, ut etiam inter iniquos fideliter vivere et conservari possint. Unde Apostolus ait: « Redimentes tempus, quoniam dies mali sunt (Ephes. v, 16). » — « Donec fodiat peccatori fovea. » Quotidie foditur peccatori fovea, quia quanto plus peccat, tanto sibi profundior fovea paratur.

« Quia non repellet Dominus plebem suam, et hereditatem suam non derelinquet, quoadusque justitia convertatur in iudicium: et qui tenent eam omnes, qui recto sunt corde. » Mitigabit enim Dominus sanctos suos a diebus malis, sive in hac vita, sive in alia; ne hic, neque ibi dies malos habeant. Et inde manifestum est quia non repellet

Dominus plebem suam, et hereditatem suam non derelinquet; sicut ipse ait: « Non vos deseram, neque derelinquam (Joan. xiv, 18). » Et: « Ecce ego vobiscum sum omnibus diebus, usque ad consummationem 503 sæculi (Matth. xxviii, 20). » Et tunc quidem iustitia converteretur in iudicium, quia tunc de singulis, et de omnibus tractabitur et iudicabitur, utrum iustitiam vel iniustitiam habeant. Et qui sunt illi, qui vel nunc eam tenent, vel tunc eam habebunt? Omnes, qui recto sunt corde. Hoc est enim quod alibi dicitur: « Quam bonus Israel Deus his qui recto sunt corde! » (Psal. lxxii, 1.) Rectum cor illi habent, qui via recta incedentes, ad falsitatem et iniquitatem non decuntur.

« Quis exsurgit mihi adversus malignantes? Aut quis statit mecum adversus operantes iniquitatem? » Hinc probatur quod hereditatem suam, et Ecclesiam suam Dominus non derelinquet, quia ipse est, qui exsurgit ei in adiutorium adversus malignantes, et qui stat secum ad pugnandum contra eos, qui operantur iniquitatem.

« Nisi quia Dominus adjuvasset me, paulo minus habitasset in inferno anima mea. » Nisi, inquit, hoc fuisset, quia Dominus adjuvasset me, tantis multoties calamitatibus oppressa fui, ut paulo minus succubissem; ac per hoc habitasset in inferno anima mea, sed tu semper præsto mihi aderas optimus auxiliator. Hoc est enim quod ait:

« Si dicebam: Motus est pes meus, misericordia tua, Domine, adjuvabat me (750). » Pes autem movetur, quando mens a sua stabilitate fleuit, et præ timore quid ei agendum sit, dubitare incipit.

« Secundum multitudinem dolorum meorum in corde meo, consolationes tuas, Domine, lætificaverunt animam meam. » Hoc est enim quod Apostolus ait: « Sicut abundant passionibus Christi in nobis; ita et per Christum abundat consolatio nostra (II Cor. i, 5). » Neque enim aliter mundi huius adversitates Ecclesia Dei sustinere posset, nisi ei in suis magnis necessitatibus tam misericorditer Dominus subvenisset. Sed probatum est quia, quando humano auxilio penitus destituitur, tunc in proximo ei divinum adest auxilium.

« Nunquid adhæret tibi sedes iniquitatis, qui singis laborem in præcepto? » Hoc est enim quod alibi dicitur: « Quia non habitabit iuxta te malignus, neque permanebunt iniusti ante oculos tuos (Psal. v, 6). » Bene autem hic dicitur. Quia non adhæret ei sedes iniquitatis, de quo supra dixit: « quia hereditatem suam non derelinquet. » Conveniens enim est ut qui bonos sibi associat, malos quoque a se repellat. Sedes autem iniquitatis homines dicuntur iniqui, quia in eis iniquitas sedet et habitat. Fingit autem Dominus dolorem in præcepto, quia sine labore et dolore ejus præcepta servari non possunt. Unde ipse ait: « Qui vult venire post me, abneget semetipsum, et tollat crucem suam, et se-

(750) « Mirum est quomodo probat Deus homines; ipsa pericula nostra dulciorem nobis faciunt libe-

quator me (Matth. xvi, 24). » Non placet igitur ei iniquitas, qui tantam iustitiam diligit et æquitatem. « Captabunt in animam iusti, et sanguinem innocentem condemnabunt. » Docet nos quod per sedem iniquitatis homines iniquos intelligere debemus; ipsi enim sunt qui captant in animam iusti, et sanguinem innocentem morti condemnant. Sed quid est in animam iusti captare, nisi magno desiderio in ejus perditionem inhiare?

« Et factus est mihi Dominus in refugium, et Deus meus in auxilium spei meæ. » Non multum ei timere necesse est iniquorum hominum insidias et persecutiones, qui ipsum Dominum in refugium et adiutorium firmissime habere sperat; sicut ille ait: « Fiat misericordia tua, Domine, super nos, quem admodum speravimus in te. » Hoc enim ille non dixisset, nisi firmam spem in Deum habuisset.

« Et reddet illis Dominus iniquitates ipsorum, et in malitiam eorum disperdet illos Dominus Deus noster. » Hoc autem erit in iudicio, quando pro suis iniquitatibus, et maxime quia Ecclesiam Dei tanto odio persecuti sunt, in ignem mittentur æternum. Reddere autem iniquitates, nihil aliud est, quam reddere mercedem de iniquitatibus.

PSALMUS XCIV.

LAUS CANTICI IPSI DAVID.

Non omne canticum laudabile est, sed illud canticum est dignum laude, quod non solum voce, sed mentis quoque intentione Christo cantatur; hoc est enim, ipsi David.

« Venite, exsultemus Domino, jubilemus Deo salutari nostro. » Invitat nos Propheta ut conveniamus et Domino exsultemus, jubilemus, cantemus, ploremus, adoremus, et ipsum benedicamus, et ante faciem ejus procidamus.

« Ipse enim est Dominus Deus noster, nos autem populus ejus, et oves pascuæ ejus; » et ideo dignum est ut ei serviamus, et per omnia, et in omnibus ei obediamus. Deo autem exsultare et jubulare, est ei immenso amore intus et extra, in corde et in ore dignis laudibus personare. Quod autem in titulo dicitur: « Laus cantici 504 ipsi David, » hoc est quod hic dicitur: « Jubilemus Deo salutari nostro, » quia salutare nostrum Christus est, qui per David significatur.

« Præoccupemus faciem ejus in confessione. » Venturus est Dominus ad iudicium, et videbit eum omnis oculus, sicut scriptum est, quia « videbit omnis caro salutare Dei (Luc. iii, 6). » Præoccupemus igitur faciem ejus in confessione, ut, cum venerit, non quasi extraneos et ignotos nos respiciat, sed læta facie nobis occurrat, et illuminet vultum suum super nos, et misereatur nostri. « Et in psalmis jubilemus ei. » Hinc fortasse Ecclesia ubique gentium consuetudinem accepit, ut die ac nocte in psalmis Deo jubulare non cesset. In psalmis autem cantare, est decem legis præcepta servare, quoniam

ipsa pericula nostra dulciorem nobis faciunt libe-

psalmi a psalterio dicuntur, cujus decem chorda, A decem legis mandata significant.

« Quoniam Deus magnus Dominus, et rex magnus
« super omnes deos. » Ideo, inquit, et cantare et
iubilare debemus, quoniam ipse est et magnus Deus,
et magnus Dominus, et rex magnus super omnes
deos. Hoc est enim quod alibi ait : « Magnus Domi-
nus et laudabilis nimis, et magnitudinis ejus non est
finitus (Psal. xcv, 4). » Relinquantur igitur ceteri
dii, et ipse solus adoretur, qui maximus et poten-
tissimus est in universa terra.

« Quoniam non repellet Dominus plebem suam,
« quia in manu ejus sunt omnes fines terræ, et alti-
tudines montium ipse conspiciit. » Plebs illius nos
sumus, et ideo eum laudare debemus, quia non re-
pelleat nos, neque a se ipso, neque a laudibus suis :
« Quia in manu ejus sunt omnes fines terræ. » Hoc
autem ad illud respondet quod ait : « Quoniam
Deus magnus Dominus. » Magnus enim est, in
cujus manu omnia concluduntur. Manus autem Dei
ejus virtus, et potentia intelligitur. « Et altitudines
montium ipse conspiciit. » In quo nihilominus et
magnus et excelsus super omnes esse monstratur.
Huic autem loco convenire videtur quod dicitur :
« Excelsus Dominus, et humilia respicit, et alta a
longe cognoscit (Psal. cxxxvii, 6). » Quid igitur
per montes, nisi hujus seculi altiores et potentiores
intelligamus? Horum autem altitudines, quia Deo
non placent, eum a longe cognoscere dicit. Sunt
tamen et alii montes, per quos apostoli significantur,
quorum altitudines, quia bonæ sunt, eas Dominum
videre delectat. Sanctorum altitudines, virtutes
sunt et mores honesti. Alius enim humilitate, alius
patientia, alius continentia, alius alia qualibet vir-
tute elevatur, et aliis præminet.

« Quoniam ipsius est mare, et ipse fecit illud, et
« aridam fundaverunt manus ejus. » Et in hoc si-
militer magnus Dominus esse ostenditur, quod mare
et aridam fecisse dicitur. Per mare mundum istum,
et per aridam Ecclesiam intelligere possumus, quæ
sic in medio hujus maris a Domino fundata est, ut
ejus procellis et tempestatibus moveri non possit.
Ipse autem fecit utrumque, quia et bonos et malos
ipse fecit, et nihil est quod ipse non fecerit.

« Venite, adoremus, et prociadamus ante Deum,
« ploremus coram Domino qui fecit nos, quia ipse
« est Dominus Deus noster, nos autem populus ejus,
« et oves pascuæ ejus. » Iterum nos invitat ut ve-
niamus, adoremus et ploremus, atque ex toto nos
humiliemus ante Deum, omnium rerum factorem
et creatorem, qui nos fecit et refecit, et ad antiquam
imaginem reformavit. Quod quidem iustissime fa-
cere debemus, « quia ipse est Dominus Deus noster. »
Si Deo, et Domino nostro non servimus, omnino
ingrati et abominabiles sumus. « Nos autem populus
ejus, et oves pascuæ ejus. » Magna gloria, et ma-
gnus honor nobis est, ut ejus populus et ejus oves

(751) Ipse etiam S. Augustinus titulum hunc, et
psalmum in sensu allegorico explanavit; quippe non

PATROL. CLXIV.

dicamur. Nos sumus ille populus de quo dicitur :
« Populus, quem non cognovi, servivit mihi, in
auditu auris obediuit mihi (Psal. xvii, 44). » Oves
autem ejus sumus, si humilitatem et patientiam ha-
beamus, et si in ejus pascuis delectemur, per quæ
utriusque Testamenti volumina significantur, si ejus
vocem audiamus. Sicut ipse ait : « Oves meæ vocem
meam audiunt, et ego Dominus agnosco eas, et vi-
tam æternam do eis; et sequuntur me (Joan. x,
27). » Et ipse quidem est, qui nos quotidie admonet,
dicens :

« Hodie si vocem ejus audieritis, nolite obdurare
« corda vestra, sicut in exacerbatione secundum
« diem tentationis in deserto. » Hodie, inquit, si
vocem ejus audieritis, cujus oves et populus estis,
B nolite facere sicut fecerunt patres vestri, quorum
utique filii estis, si eos in eadem perfidia imitamini.
Hoc autem de illis dicit qui, quoties enim in deserto
tentaverunt, ad iracundiam provocaverunt, inobedi-
entes exsisterunt, et ideo in terram sibi promissam
non intraverunt. De quibus alibi dicitur : « Quoties
exacerbaverunt eum in deserto, in iram concitave-
runt eum in terra sine aqua (Psal. lxxvii, 40). »
Dicitur igitur nobis ne eos imitemur, et ne ad Dei
præcepta audienda et suscipienda corda nostra in-
duramus, ne forte et nobis similia contingant. Et illi
quidem probaverunt et viderunt opera Dei, et in
mari diviso, et in Pharaone submerso, et in aqua
de petra, et in manna de cælo, et in multis aliis,
quæ enumerare longum est, et tamen non credide-
runt vocem ejus, nec vocem Domini audierunt.

« Quadraginta annis proximus fui generationi
« ni huic, et dixi : Semper hi errant corde. »
Proximus eis fuit Dominus per annos quadra-
ginta ad regendum et custodiendum, aliquando etiam
ad puniendum, et neque beneficiis, neque flagellis
505 cordis sui duritiam amiserunt. Unde et sub-
ditur : « Et dixi : Semper hi errant corde. » Dicere
Dei, vidisse et cognovisse fuit, et tale est ac si dice-
ret : « Et vidi eos semper errantes, et in malitia per-
severantes. Et hoc est quod dicit :

« Ipsi vero non cognoverunt vias meas. » Quid est
vias meas non cognoverunt, nisi per vias meas am-
bulare noluerunt? « Quibus juravi in ira mea, si in-
troibunt in requiem meam. » In eo quod se jurasse
dicit, firmum hoc et incommutabile esse ostendit.
Quod autem ait : « si introibunt in requiem meam, »
comminatio est. Vocatur enim ellipsis hic modus
locationis, ubi semper aliquid deest ad plenitudinem
orationis; potest enim subaudiri, non mihi credatur,
vel non amplius potero, vel aliquid aliud, quod con-
venire videatur.

PSALMUS XCV.

QUANDO DOMUS ÆDIFICABATUR POST CAPTIVITATEM. CAN-
TICUM HUIC DAVID (751).

Vidit David propheta quando domus ædificabatur
post captivitatem, et præcepit hoc canticum cantari
de templo materiali a Salomone exstructo intelligen-
dum esse docet; sed de novo templo spirituali, id

huic David, id est Salvatori nostro, a quo illa domus ædificata est. Hæc domus S. Ecclesia est, quam Salvator noster in ligno crucis ædificavit, post longam captivitatem, in qua totum humanum genus diabolus possedit, et tenuit. Similiter autem, et sub Jesu sacerdote magno templum Domini reardificatum est, post Babyionis captivitatem a qua ista, de qua nunc loquimur, captivitas significabatur.

« Cantate Domino canticum novum, cantate Domino, omnis terra. » Quod modo Propheta in titulo præcepit, hoc canticum cantari huic David, hoc est, quod modo dicit : « Cantate Domino canticum novum ; » quoniam per David ipse Dominus et Salvator noster significatur. Invitantur enim ad cantandum non solum Judæi, sed omnis terra, quia « non Judæorum tantum, ut ait Apostolus, imo et gentium (752) unus est Deus (Rom. iii, 29). » Debent autem cantare canticum novum, canticum nativitatis, passionis, resurrectionis, et ascensionis. Hæc enim ævæ sunt, et a prioribus inaudita. Cantant præterea et illi canticum novum, qui non litteræ vetustatem, sed spiritualis intelligentiæ novitatem sequuntur.

« Cantate Domino, et benedicite nomini ejus. » Dignum est ut semel, et iterum, et multoties ad cantandum invitet, quos non uni genti, sed cunctis gentibus, populis et nationibus cantare oportet. Cantate, inquit, et cantando benedicite nomen ejus; id est sic vivite, sic agite, sic prædicate, ut in vobis nomen ejus benedicatur. Benedicite in Patre Filium, in Filio Patrem, et in utroque Spiritum sanctum; hoc est nomen ejus, quia hi tres unus Deus. Quis enim Apostolos Christi virtutes et miracula narrare, et ejus misericordias prædicare audiat, et non continuo dicat : Sit nomen Domini benedictum? « Bene nuntiate de die in diem salutare ejus. » Bene, inquit, constanter et sapienter nuntiate de die in diem, omni tempore, et per singulos dies eam salutem, quam ubique gentium Dominus operatus est. De qua alibi dicitur : « Deus autem rex noster ante sæcula operatus est salutem in medio terræ (Psalm. lxxiii, 12). »

« Annuntiate inter gentes opera ejus, in omnibus populis mirabilia ejus. » Hoc enim fecerunt apostoli, quia sicut scriptum est : « Profecti prædicaverunt ubique, Domino cooperante et sermonem confirmante, sequentibus signis (Marc. xvi, 20). » Et alibi : « In omnem terram exivit sonus cornu, et in finem orbis terræ verba eorum (Psalm. xviii, 5). »

« Quoniam magnus Dominus, et laudabilis nimis, et terribilis est super omnes deos. » Et ideo terribilis super omnes deos, quoniam omnes dii gentium demonia. Ideo vero laudabilis, quoniam ipse cælos fecit.

est Ecclesia, ejus lapides, ut inquit Apostolus, sunt fideles, et edificator Christus Dominus.

(752) In edition. hæc desunt.

(753) Quamvis hic in sanctificatione pro loco sancto proprie intelligi debeat, attamen auctor noster mysticam S. Augustini interpretationem secutus pro

A Quis enim sic magnus, sic laudabilis et sic terribilis est, sicut ille qui omnia fecit? A privilegio majoris partis omnium rerum creatorem esse ostendit, dum eum cælos fecisse dicit.

« Confessio, et pulchritudo in conspectu ejus. » Confessio martyrium, pulchritudo vero baptismum significare videtur. Et de confessoribus quidem Dominus ait : « Qui me confessus fuerit coram hominibus, confitebor et ego eum coram Patre meo (Matth. x, 32). » De baptismo vero : « Qui crediderit, et baptizatus fuerit, salvus erit (Marc. xvi, 16), » Unde et alibi dicitur : « Lavabis me, et super nivem dealabor (Psalm. l, 9). » Tales igitur erunt in conspectu Dei, qui vel martyrio, vel baptismo sic sanctificati fuerint. Qui vero vel hoc, vel illo modo ab eo sanctificantur, **506** et sancti et magni efficiuntur. Et hoc est quod ait : « Sanctitas, et magnificentia in sanctificatione ejus (755). » Possumus autem per confessionem et poenitentiam intelligere, quia et ipsa sanctificat et liberat a peccatis.

« Afferte Domino, patriæ gentium, afferte Domino gloriam et honorem, afferte Domino gloriam nomini ejus. » Afferte, inquit, Domino patriæ gentium, et quid afferre debeatis, audite : « Afferte Domino gloriam et honorem. » Et quam gloriam? Afferte Domino gloriam nomini ejus. Quid est nomini ejus? Ad honorem nominis ejus, vel quæ conveniat nomini ejus. Magnum est nomen, magna fiet gloria. Nomen ejus omnia continet, gloria ejus omnia replentur.

G « Tollite hostias, et introite in atria ejus, adorare Dominum in aula sancta ejus. » Aula sancta ejus Ecclesia est et fidelium multitudo. Vult igitur, ut hostias nostras ibi offeramus, ubi a pluribus videamur, ut fides nostra non sit occulta, sed manifesta. Qui aliud non habet quod Domino offerat, se ipsum, obsequium suum, fidem suam offerat, quia non est majus, quod offerre possit. Si promissisti castitatem, humilitatem, patientiam, obedientiam, et his similia, bonam hostiam Domino obulisti. Non erubescas coram multis adorare Dominum, ut multi te videant, et bonum exemplum de te suscipiant, quatenus in te illud adimpleatur quod scriptum est : « Sic luceat lux vestra coram hominibus, ut videant bona opera vestra, et glorificent Patrem vestrum, qui in cælis est (Matth. v, 16). »

« Commoveatur a facie ejus universa terra. » Vos, quasi dicat, ejus facies, ejus imago et similitudo estis, quia ad ejus imaginem et similitudinem facti estis. Commoveatur igitur a vobis universa terra; nihil terrenæ corruptionis in vobis permaneat, ut penitus ad ejus faciem et pulchritudinem reformemini, ad cujus imaginem facti estis. « Dicite in na-

peculari hominis sanctitate accepit. Ait enim in hunc locum : « Tu jam querebas magnificentiam, prius dilige sanctitatem, cum sanctificatus fueris, eris et magnificus. Nam si præpostere prius esse volueris magnificus, ante cadis quam surgas : non enim surgis, sed extolleris, » etc.

tionibus, quia Dominus regnavit a ligno (754). Qui tales sunt, talia dicere digni sunt. A ligno Dominus regnare cepit, quia per lignum regnum redemit. Non cognoscebant prius homines regnum suum; sed postquam factus est principatus super humerum ejus, cognitus est Dominus, et regni gubernacula suscepit. « Etenim correxit orbem terræ, qui non commovebitur. » Ab hoc enim dicitur rex ut regat, et corrigat et inde eum esse regem probat, quia rexit et correxit orbem terræ, non totum mundum, sed meliorem mundi partem intelligere debemus, populum videlicet Christianum, qui sic a rege suo correctus et instructus est, ut nunquam ab eo separaretur et commoveatur. « Judicabit populos in æquitate. » Hoc autem erit in iudicio, quando reddet singulis secundum opera sua. « Et gentes in ira sua, » quia non fecerunt voluntatem suam. Unde et alibi dicitur: « Dominus in ira sua conturbavit eos, et devorabit eos ignis (Psal. xi, 10). »

« Lætentur cæli, et exsultet terra, moveatur mare, et plenitudo ejus. » Hæc verba tantam lætitiā sonant, quanta in hac vita haberi potest. Tunc igitur ista lætitia erit sanctis, quando Dominus judicabit populos in æquitate. Cæli, apostoli; terra, Ecclesia; mare, et plenitudo ejus, omnes baptismatis aquis regenerati intelliguntur. Tales pisces promittebat Dominus apostolis, quando dicebat: « Venite post me, et faciam vos fieri piscatores hominum (Marc. ii 17). »

« Gaudebunt campi, et omnia quæ in eis sunt. » Quod per mare et plenitudinem ejus significatum est, hoc per campos et quæ in eis sunt, intelligi potest. « Tunc exsultabunt omnia ligna silvarum. » Et hæc similiter significant, quæ superiora. Diversis namque ex causis, et pisces maris, animalia terræ, et ligna silvarum homines dici possunt. Sed quare omnia hæc tunc gaudebunt et exsultabunt? Sequitur: « Ante faciem Domini, quia venit, quoniam veniet judicare terram. » Duplex gaudium erit: unum, quia prius venit redimere et docere; alterum, quia veniet judicare terram. Nisi enim prius redimere venisset, nullum de secundo adventu gaudium esset. Illi igitur de secundo adventu gaudebunt, qui se in primo redemptos et electos esse intelligent; sive pisces maris, sive bruta camporum animalia, sive dura et infructuosa silvarum ligna fuerint. Venit igitur Dominus judicare terram. Sed quomodo judicabit?

« Judicabit orbem terræ in æquitate, et populos in veritate sua. » Iste versus bonis gaudium, et malis tristitiam parit.

507 PSALMUS XCVI.

PSALMUS IPSI DAVID CUM TERRA EJUS RESTITUTA EST.

Tunc factum est quod dicit iste Psalmus, cum terra restituta est ipsi David. Tunc enim Salvatori nostro terra sua restituta est, quando diabolo supe-

A rato, mundus ei servire, et in eum credere cepit. Possumus autem per terram suam, suam quoque carnem intelligere, quam cum in cruce mortuam reliquisset, die tertia viva sibi restituta est.

« Dominus regnavit, exsultet terra, lætentur insulæ multæ. » Exsultet, inquit, terra, gaudeat Ecclesia, lætentur insulæ multæ, per quas singulæ Ecclesiæ significantur; quæ, quamvis spatio locorum divisæ sint, in fide tamen et dilectione unum sunt et unam Ecclesiam faciunt. Sed unde lætentur? Quia Dominus regnavit, quia terra sua, et regnum suum sibi restitutum est. Gaudeant, quia bonum habent imperatorem, quæ tanto tempore sub diaboli durissima servitute oppressæ doluerunt. Qui ideo, quasi dicat, in adventu suo cognitus non est, quia humilia apparuit, et in forma servi et majestatem suam in primo adventu revelare noluit. Et est hoc quod ait.

« Nubes et caligo in circuitu ejus. » Nubem et caliginem, carnem vocat, qua divinitas induta, et circumamicta videri non potuit. « Si eum cognovissent, ut ait Apostolus, nunquam Dominum gloriæ crucifixissent (I Cor. ii, 8). » De hac nube scriptum est: « Ecce Dominus ascendet super nubem levem, et ingreditur Ægyptum, et corrueant omnia simulacra ejus (Isa. xiv, 1). » De hac nube istæ pluvie exeunt quibus tota Ecclesia irrigatur. Cum autem venerit Dominus in sede majestatis suæ, tunc hæc nubes non erit caliginosa; sed in tanta claritate apparebit, ut ejus splendore obscuretur sol et luna perdat lumen suum. Cujus autem sedis correctio, justitia et iudicium erit; et hoc est quod dicit: « In circuitu ejus justitia, et iudicium correctio sedis ejus. » Totus mundus ab hac sede judiciaria judicabitur et corrigetur. Sed quomodo? Non injuste, non temere, sed in justitia et iudicio.

« Et tunc quidem ignis ante eum præbit, et inflammabit in circuitu inimicos ejus. » Postquam, inquit, hæc sedes suæ correctionis sententiam dederit, illico ignis præbit ante eum, et inflammabit in circuitu inimicos ejus, » ut de igne temporali, quo mundus ardebit, in ignem æternum transeant impii, qui finem non habebit.

« Illuxerunt fulgura ejus orbi terræ, vidit, et commota est terra. » Nunc ad primum adventum, de quo in principio psalmi loqui cœperat, revertitur, et ea per ordinem narrat, quæ tunc temporis facta sunt. Ipse, quasi dicat, suæ divinitatis potentiam celavit, sed fulgura ejus, per quæ apostolos et doctores intelligimus, manifeste cunctis illexerunt et clauerunt. Hæc autem fulgura, et vocis magnitudine, et miraculorum splendore terribilia, totam terram commoverunt. Hoc est enim quod ait: « Vidit, et commota est terra. » Alii bene et alii male commoti sunt. De hac autem commotione Dominus ait: « Nolite putare quia veni pacem mittere in terram, non

crucis cœpisse regnum suum, victoriam nempe diaboli et peccati destructionem. »

(754) In Vulgata tantum habetur: Dominus regnavit. Hæc additio a ligno etiam legitur apud S. Augustinum, ubi ait: « Christum Dominum a ligno

veni pacem mittere, sed gladium. Veni enim separare filium adversus patrem suum, et filiam adversus matrem suam, et nunc adversus socrum suam, et inimici hominis domestici ejus (*Matth. x, 34*). »

« Montes sicut cera fluxerunt ante faciem Domini, a facie Domini tremuit omnis terra. » Quos modo fulgura dixit, nunc montes vocat. Et merito montes vocantur apostoli, quia et sanctitate et scientia omnibus aliis altiores sunt. Ipsi autem sicut cera fluxerunt, quia multos alios illuminarunt. Bene autem dixit: « ante faciem Domini, » quia dignum est ut talia candelabra, talesque cerei ante faciem Domini semper assistant. « A facie Domini tremuit omnis terra. » Quid est a facie Domini, nisi a cognitione veritatis? Illa igitur terra tremuit, quæ Dominum cognoscere meruit, est enim « initium sapientiæ timor Domini (*Ecclesi. i, 17*); » unde et subditur:

« Annuntiaverunt cœli justitiam ejus, et viderunt omnes populi gloriam ejus. » Ecce iterum cœli vocantur apostoli, ut montibus sublimiores esse credantur. Et isti sunt illi cœli, qui prædicant et narrant justitiam et gloriam Dei. Gloriam videlicet resurrectionis et ascensionis, quam soli et omnes illi populi vident, qui in Christum credunt, et Christianorum fidem recipiunt.

« Confundantur omnes qui adorant sculptilia, et qui gloriantur in simulacris suis. » Omni confusione digni sunt, qui post apostolorum prædicationem, et tantam miraculorum virtutem et ostensionem, adhuc idola adorare non erubescunt, et in simulacris suis gloriantur. « Adorate eum omnes angeli ejus. » Possumus per angelos qui Salvatorem nostrum adorare jubentur, non solum virtutes angelicas sed apostolos quoque **508** et doctores intelligere, quoniam angeli nuntii interpretantur.

« Audivit, et letata est Sion. » Hoc est enim quod superius ait: « Exsultet terra, et letentur insule multe. » Idem igitur per Sion, et per terram, et insulas significatur. De quibus adhuc subditur: « Et exsultaverunt filie Judæ, propter judicia tua, Domine. » Filie Judæ singulæ Ecclesiæ, vel civitates intelliguntur, quæ inde letantur, quia judicia vera esse cognoscunt, in quibus de suis inimicis vindicandas esse non dubitant.

« Quoniam tu es Dominus altissimus super omnem terram, nimis exaltatus es super omnes deos. » Omnes, inquit, te adorare debent, quia tu solus altissimus super omnem terram, cui omnis creatura subjecta est, secundum illud: « Omnia subiecisti sub pedibus ejus (*Psal. viii, 8*). » Nimis autem super omnes deos exaltatus est Dominus, quia non solum demonia, sed ipsi quoque angeli omnes ei subjecti sunt.

« Qui diligitis Dominum, odite malum. » Nihil aliud odio habendum est, nisi malum, quia et Deus noster omnem suam diligit creaturam, et solum ma-

(755) De liberatione a peccato exponit hunc locum Cassiodorus. « Liberat, inquit, de manu peccatorum animas, quando eas non sinit aliqua pravitae

lum odio habet. Qui igitur diligit Deum, omnem creaturam Dei diligit, non autem malum; quia creatura Dei non est. Sunt igitur et mali homines diligendi; sed vitia quæ in eis sunt, quia mala sunt, diligendi non sunt. « Custodit Dominus animas servorum suorum, et de manu peccatoris liberavit eos. » Odite, inquit, malum, et ne timeatis hominem malum. « Nolite timere eos qui occidunt corpus, quia animam non possunt occidere (*Matth. x, 28*); » et hoc est quod dicit: « Custodit Dominus animas servorum suorum; de manu peccatoris liberavit eos (755). » Non in anima, sed in solo corpore habent potestatem. Unde et alibi dicitur: « Dominus custodit te ab omni malo (*Psal. cxx, 7*). » Et ne forte de corporis afflictionibus hoc intelligeres, subdidit, dicens: « Custodiat animam tuam Dominus. »

« Lux orta est justo, et rectis corde lætitia. » Hæc, inquit, lux de qua huc usque locuti sumus, hic Deus noster, qui est altissimus super omnem terram: hæc lætitia de qua Sion lætata est, et exsultaverunt filie Judæ, non omnibus orta est; quia non ab omnibus recepta est. Hæc enim lux « in propria venit, et sui non receperunt (*Joan. i, 11*). » Quibus igitur orta est? Justis et rectis corde, per quos Christianorum populos intelligimus. Unde et bene subditur: « Lætamini, justi, in Domino, » quoniam vobis natus est Dominus; « et conflamini memorie sanctitatis ejus; » quia non est oblitus promissionis suæ, sed quæcumque per legem et prophetas promiserat, veniens, et carnem suscipiens adimplevit.

PSALMUS XCVII.

PSALMUS IPSI DAVID.

Quid significet ipsi David, satis manifestum est. Hoc in isto Psalmo significat, ipsi David, quod in prioribus significat, in finem.

« Cantate Domino canticum novum, quia mirabilia fecit Dominus. » Hoc Judæi non intelligunt, et ideo in vetustate litteræ permanentes, se ipsos occidunt. Hoc enim et Apostolus dicit: « Littera occidit, spiritus autem vivificat: finis legis Christus est (*II Cor. iii, 6*), » quia in ipso littera finita est, et post ipsum secundum litteram legem intelligere magnum peccatum est. Nos igitur cantemus Domino canticum novum, canticum nativitatis, passionis, resurrectionis et ascensionis. Hæc sunt enim mirabilia, quæ Dominus hic fecisse dicitur. Quid mirabilius Christi nativitate? Quid mirabilius ejus resurrectione et ascensione? Et quid mirabilius ejus passione? In qua ipsa ejus dextera eum salvavit, et moriendo omnes suos inimicos superavit? Et hoc est quod dicit:

« Salvavit eum dextera ejus, et brachium sanctum ejus. » Non necesse habuit aliunde auxilium querere; sufficiebat sibi dextera sua, et fortitudo brachii sui. Mors Christi voluntatis fuit, non imbecillitatis. Mortuus est, quia voluit, qui, si noluisse, nunquam occidi potuisset. Hinc autem narrare incipit, subverti: sed ita illasas eripit, quemadmodum sibi bene placitas esse cognoscit. »

quomodo hæc mirabilia facta fuerunt; et dicit Deum A
patrem hoc fecisse, qui proprio Filio non pepercit,
sed pro nobis omnibus et incarnari, et mori consti-
tuit. Et hoc est quod ait :

« Notum fecit Dominus salutare suum, ante con-
« spectrum gentium revelavit justitiam suam. » Sa-
lutare Dei Christus est, qui de Virgine natus in mul-
tis argumentis notissimus nobis factus est. Unde
Apostolus dicit : « Nihil me judicavi scire inter vos,
nisi Christum Jesum, et hunc crucifixum (I Cor. 11,
2). » Inde et beatus apostolus Petrus ait : « Tu es
Christus Filius Dei vivi (Matth. xvi, 17). » Quod au-
tem ait : « Ante conspectum gentium revelavit justitiam
suam; » **509** vel eundem ipsum intelligere
debemus, vel evangelicam prædicationem, quæ et
per ipsum, et per discipulos suos ubique gentium
manifestata est. Unde Apostolus ait : « Non erubescio
Evangelium; virtus enim Dei est ad justitiam omni
credenti (Rom. 1, 16). »

« Memor fuit misericordiæ suæ Jacob, et verita-
« tis suæ domus Israel. » Si dicatur quod Jacob me-
mor fuit misericordiæ Dei, et domus Israel, planum
est; sed multum ab alia translatione differt. Alia enim
translatio hoc significat : Quod « Deus memor fuit
misericordiæ suæ quam promisit Jacob, et veritatis
suæ quam promisit domui Israel. » Ut itaque utra-
que translatio conveniat, sic dicatur : Memor fuit
misericordiæ suæ, quam promisit filiis Jacob, et
veritatis suæ, sicut promisit filiis domus Israel (756).
Jacob et Israel idem significat, per quem populum
Christianum intelligimus, qui et vitia supplantat, et
C mentis intuitu Deum videt. Potest tamen in hac vita
Jacob, et in alia Israel recte vocari. Iste autem me-
mor fuit semper, et erit misericordiæ et veritatis
Dei. Deus quoque illius non immemor fuit, sed quod
promisit, fideliter adimplevit.

« Viderunt omnes fines terræ salutare Dei nostri. »
Hoc est enim quod alibi dicitur : « In omnem terram
exivit sonus eorum, et in fines orbis terræ verba
eorum (Psalm. xviii, 4). » Videre autem, cognoscere
est. In iudicio tamen etiam oculis corporeis, et boni
et mali eum videbunt. Unde scriptum est : Quia
« videbit omnis caro salutare Dei (Luc. iii, 6). »

« Jubilate Deo omnis terra, cantate, et exsultate,
« et psallite. » Magni gaudii hæc verba indicativa
sunt, quia et jubulare, et exsultare, et cantare, et
psallere, nihil aliud quam gaudium et lætitiarum signi-
ficare videntur. Jubilatio tamen intus, cætera vero
exterioris sunt. Quo modo autem psallere debeatis;
attendite.

« Psallite Deo nostro in cithara, et cithara. » Deas
citharas posuit, quarum alteram Novi Testamenti,

(756) Utramque translationem ita conciliat Cassio-
dorus : « Et ne intellectum nostrum diversa nomi-
num dissimilitudo confundat, perserutemur, quare
additum sit : Et veritatis suæ domui Israel; ut non
solum hoc datum intelligeremus populo, qui post
adventum Domini dictus est Christianus : sed etiam
illis, qui eum de Virgine nasciturum esse credide-
runt. »

alteram Veteris esse puto. Vult igitur ut sancti præ-
dicatores utriusque Testamenti auctoritate confirmet
et prædicent mysterium Trinitatis. Sæpe enim jam
diximus, quia tres, vel quatuor chordæ in Ecclesia
sufficiunt; quod, quid significet, jam sæpe dictum est.
In voce vero psalmi, quia die, nocteque tota ubique
Ecclesia concrepat, quid aliam expositionem qua-
ramus?

In tubis ductilibus et voce tubæ cornæ, jubi-
« late in conspectu regis Domini. » Et corneas, et
argenteas tubas habebant Judæi, quibus populum
nunc ad prælia, nunc vero ad castra redire et quie-
scere suadebant. Per has autem sanctorum sermo-
nes longos et extensos, lucidos et claros intelligere
possumus, quibus populum Dei docent et prædicant,
B et in conspectu regis sui Domino jubilant. Valde bo-
neste, suaviter, et sapienter eos jubulare oportet;
nihil est enim quod in conspectu ejus non sit; omnia
videt et nihil se sibi abscondere valet.

« Moveatur terra, et plenitudo ejus, orbis terra-
« rum, et universi qui habitant in eo. » Nihil fuit
quod ad hunc sonitum tam clarum et magnificum
tubarum et cithararum non moveretur; aliis con-
tradicientibus, aliis Deum laudantibus et benedi-
centibus.

« Flumina plaudunt manibus in idipsum. » Non
possent flumina manibus plaudere, nisi populos de-
signarent. Sed, sicut scriptum est, « aquæ multæ,
populi multi. » Plaudunt igitur flumina in idipsum,
quia una et consona voce multi populi in Dei laudi-
bus perseverant. « Montes exsultaverunt ante faciem
C « Domini. » Hoc autem jam in aliis psalmis expositum
est, et quod montes, apostolos significant, sæpe
dictum est. Qui inde exsultare dicuntur, quoniam
Dominus et venit et venturus est, primum quidem
redimere, secundum vero judicare terram. Quomodo
judicaturus sit, sequentia manifestabunt.

« Judicabit orbem terræ in justitia, et populos
« in æquitate. » Hoc est enim quod alibi dicitur :
Quia « reddet unicuique secundum opera sua (Matth.
xvi, 27). »

510 PSALMUS XCVIII

PSALMUS DAVID.

Quid significet psalmus David, cum multis
dictum sit, non indiget expositione.

« Dominus regnavit, irascantur populi, qui sede-
« super Cherubim, moveatur terra. » Dixi semel,
dixi iterum; nunc autem tertio dico : « Dominus re-
gnavit. » Et ideo dixi, ut populi irascantur et con-
fundantur, quia velint, nolint, Dominus regnavit
(757). Irascantur et boni populi adversus eos qui
usque nunc eos affligebant, et captivos detinebant.

(757) Satis compendiose complexus est S. Augu-
stinus, quæ hoc in psalmo continentur : « Intendat
ergo nobiscum charitas vestra, ait, ad istum psal-
mum, et queramus hic Christum : utique apparebit
querentibus, qui primo apparuit non querentibus :
et non deseret desiderantes se, qui redemit negli-
gentes se. »

Audiant Apostolum dicentem : « Jam non regnet A peccatum in vestro corpore mortali (Rom vi, 12). » Neque decet, ut regnante Domino, alium super se regnare patiantur. Sed quis Dominus regnavit? Ille nique, qui sedet super Cherubim. Interpretatur autem Cherubim *scientiæ plenitudo*, per quos apostolos intelligere possumus, quos Spiritus sanctus *tristius scientiæ plenitudine replevit*. Ad laudem vero Salvatoris nostri pertinet, sive super istos, sive super illos alios Cherubim sedere dicatur. Nam et isti, et illi, et omnis creatura sibi subiecta est, et super omnes ordines angelorum et hominum ipse sedet, et imperium tenet. Quod autem nunc dicitur, « Moveatur terra, » hoc est quod supra dixit, « irascantur populi. »

« Dominus in Sion magnus, et excelsus super omnes populos. » Illic, inquit, Dominus noster, qui a tempore suæ passionis regnare cepit, in celo, et in terra, et super angelos, et super omnes homines, major et sublimior est. Sed si vis scire quam magnus est Dominus, vade ad Sion, perge ad Ecclesiam, et ibi cognoscere poteris quam magnus est Dominus. Ibi enim ejus magnitudo, ejus virtus et fortitudo, ejus honor et gloria sine intermissione ab omnibus prædicatur. Unde et subditur :

« Confiteantur nomini tuo magno et terribili, quoniam sanctum est. » Magnum, quidem est nomen Christi, et terribile, et sanctum, ad ejus invocationem mortui suscitantur, demonia fugantur, leprosi mundantur, et omnes languores et infirmitates sanantur; quod nimirum semper et laudare et prædicare debemus. Et hoc quare? « Quia honor regis judicium diligit (Psalm. xxviii, 4). » Honor autem regis laus est et prædicatio. Qui igitur regem (sic etiam interpretatur Christus) sincero affectu in hac vita laudant et prædicant, illi in judicio non timebunt; non enim diligerent, si timerent. Sed quia dictum est quia « honor regis judicium diligit, » confessio igitur facit, ut judicium non timeamus, sed potius diligamus.

« Tu parasti æquitatem, judicium et justitiam in Jacob tu fecisti (758). » Tu, inquit, parasti et fecisti tale judicium tuum, ut non solum æquum, verum etiam ipsa æquitas jure dici debeat. Quis igitur non diligit judicium tuum, si tamen honoravit nomen tuum? Timeant illi qui tibi contrarii fuerunt, et nomen tuum blasphemaverunt. « Et justitiam in Jacob tu fecisti. » Si de carnali Jacob intelligamus, qui Christi nomen sanctum et terribile quotidie blasphemare non cessat, ex parte in eum justitia

(758) Vulgata legit : Tu parasti directiones.

(759) Moyses equidem proprie sacerdos non fuit, bene tamen Aaron, ut habetur Exod. cap. xxviii, ubi legitur Deum præcepisse, quibus vestibus uti deberet in sacerdotii ministerio. « Et loqueris (ita Deus Moysi,) cunctis sapientibus corde, quos replevi spiritu prudentiæ, et faciant vestes Aaron, in quibus sanctificatus ministret mihi. » Ita intellexit Augustinus hunc locum, qui tamen psalmi auctoritate innixus, Moysen sacerdotem dixit, quod vota po-

A facta est, quia ubique gentium dispersus est.

« Exaltate Dominum Deum nostrum. » Exaltate, inquit, prædicate, et honorate eum, quia, ut modo diximus, honor regis judicium diligit, et quicunque eum digne prædicant, et honorant in judicio mercedem et honorem suscipiunt. « Et adorete scabellum pedum ejus, quoniam sanctum est. » Salvator noster et Deus, et homo est. Omnis autem homo, terra est. Terra vero scabellum Dei est: sic enim ipse Dominus ait : « Cælum mihi se'es est, terra autem scabellum pedum meorum (Act. vii, 49). » Debemus igitur adorare scabellum pedum ejus, id est Salvatoris nostri humanitatem, quoniam sancta est, sicut ad Virginem angelus ait : « Spiritus sanctus superveniet in te, et virtus Altissimi obumbrabit tibi, ideoque quod nascetur ex te sanctum, vocabitur Filius Dei (Luc. i, 35). » Ipse est enim quem adoravit Abraham, qui cum staret ad ilicem Mambre, vidit tres viros venientes ad se, et unum adoravit (Gen. xviii, 1-3). Ipse est, cui Moyses, et Aaron servierunt, et cujus nomen invocaverunt. Unde subditur :

« Moyses et Aaron in sacerdotibus ejus, et Samuel inter eos, qui invocant nomen ejus. » Moyses et Aaron, quantum ad litteram sacerdotes non fuerunt (759); tales tamen regale sacerdotium vocantur gens sancta, et populus acquisitionis. Sunt igitur sacerdotes, etsi sacerdotis officio non fungantur, quicunque sacerdotalem et religiosam vitam agunt.

« Invocabant Dominum, et ipse exaudiebat eos, et in columna nubis loquebatur ad eos. » Isti, inquit, et cæteri omnes hunc Regem et Salvatorem nostrum, et non alium invocabant, et ipse, et non alius exaudiebat eos. « Et in columna nubis loquebatur ad eos. » Tunc loquebatur in columna nubis, qui postea locuturus erat in columna carnis; prius nube, postea carne involutus (760). Audiri quidem potuit, sed videri non potuit. Miseri Judæi sola hæc vobis sufficere possent, nisi littera vos deciperet et occideret. Adhuc vobis nubes opposita est, ne per illam eum videre valeatis. « Cæcitas enim ex parte contigit in Israel, ut videntes non videant, et audientes non intelligant (Rom. xi, 25). »

« Custodiebant testimonia ejus, et præcepta ejus, quæ dederat illis. » Ipse est igitur, qui legem dedit, ipse est qui tabulas scripsit, et unus atque idem utriusque Testamenti auctor, et Dominus, et legislator esse credatur. Domine Deus noster, qui homo factus es, qui de Virgine natus es, qui crucifixus es,

pulorum coram Deo semper exhibuit, quod sacerdotis officium esse monstratur. Quapropter, ut inquit Cassiodorius, et hic sacerdos dicitur, qui magnis precibus, irascentem Domino, pro populo supplicavit.

(760) « In columna nubis. In hac ergo specie loquebatur illis Dominus, quæ venturam fabricam Ecclesiæ nuntiabat: Sed quia illis tunc per nubem verba fecit, nobis per sanctum scabellum suum, id est per Incarnationem et loqui psalmi et apparere dignatus est. » Cassiod.

qui a mortuis resurrexisti, cœlum ascendisti, et scabellum fieri voluisti; tu, et non alius exaudiebas eos. « Deus, tu propitius fuisti illis. » Quis omnes illas propitiationes enumerare valeat, quas illi populo Dominus fecit? Vindicavit tamen peccata illorum Dominus in hac vita, ne eos perderet in alia. Et hoc est quod ait: « Et vindicans omnia studia eorum. » Tunc itaque maxime illis propitius erat, quando de eorum prævaricationibus vindictam sumebat.

« Exaltate Dominum Deum nostrum, et adorare in monte sancto ejus, quoniam sanctus est Dominus Deus noster. » Audistis, quasi dicat, quis, qualis, quantus est Dominus Deus, noster vos eum exaltate, vos eum adorare, qui in monte sancto ejus estis, qui eum cognoscitis et in Ecclesia habitatis. Quoniam sanctus est Dominus Deus noster, qui propter vos et propter peccata vestra inter iniquos reputari voluit.

PSALMUS XCIX.

PSALMUS IN CONFESSIOE.

Totus iste psalmus ad lætitiā pertinet, et nihil nisi læta et jucunda sonare videtur. Unde in confessione, in hymnis semper, et laudibus, et gratiarum actione cantari debet (761).

« Jubilate Deo, omnis terra. » Sæpe jam diximus quia jubilatio ineffabile gaudium est, quod de supernæ felicitatis contemplatione in mente habetur. Vult igitur Propheta, ut omnis terra Domino jubilet, et pospositis omnibus quæ in mundo sunt, solius Dei amare et desiderio teneatur servire Deo in lætitia. Multi serviunt Deo, sed non in lætitia, quia non sponte, sed coacte id faciunt. Servire autem in lætitia docet nos Apostolus, ubi ait: « Gaudete in Domino semper; iterum dico, gaudete: modestia vestra nota sit omnibus hominibus. Dominus enim prope est (Philip. iv, 4). » Similiter et Propheta Ecclesiam hortatur dicens: « Lætare, sterilis, quæ non paris; erumpe, et clama, quæ non parturis; quia multi filii desertæ, magis quam ejus, quæ habet virum. (Isa. liv, 1; Galat. iv, 27). »

« Intrate in conspectu ejus in exultatione. » Si enim omnia quæcunque sunt, in conspectu ejus sunt, et nihil se ab ejus oculis abscondere potest, ubierant isti qui in conspectu ejus intrare jubentur? Secundum quemdam modum et sunt, et non sunt in conspectu ejus. Non sunt illi, de quibus Dominus dicturus est: « Amen dico vobis, nescio vos (Matth. xxv, 12). » Illi autem sunt in conspectu ejus, qui digni sunt visionis illius. Intrare itaque in conspectu ejus, nihil aliud est, nisi hominem se præparare, super quem Dominus respicere dignetur. Omnia autem in exultatione, in gaudio, et lætitia spirituali fieri debent.

(761) S. Hieronymus pro titulo habet: *Canticum in gratiarum actione*. Revera juxta Cassiodorum duplicem confessionem agimus: « Una est quando peccata nostra deplorantes, culpabiles nos, reosque profitemur, et misericordiam Domini concedendam nobis piis fletibus exoramus. Altera cum sive nobis beneficia collata laudamus, sive aliis præstita cum magna exultatione veneramus. »

(762) Audiant Augustinum, qui raro confitentur:

« Scitote quod Dominus ipse est Deus. » Et unde hoc probas? « Quia ipse fecit nos, et non ipsi nos. » Solus igitur est Deus, qui omnia fecit, non autem illi qui ab hominibus facti sunt. De quibus scriptum est: « Simulacra gentium argentum, et aurum, opera manuum hominum. » Neque tu fecisti filium tuum, neque te fecit pater tuus, sed solus Deus fecit nos, et non ipsi fecimus nos. Quid ergo sumus?

« Nos autem populus ejus, et oves pascuæ ejus. » Ipse, inquit, est Deus, et Dominus, et Creator noster; nos autem populus ejus sumus, ab ipso creati et facti, et de potestate diabolica liberati. Sumus 512 autem et oves pascuæ ejus, quicunque audimus vocem ejus. Sic enim ipse ait: « Oves meæ vocem meam audiunt, et cognosco eas (Joan. x, 27). » Hæc est illa pascua, de qua alibi ait: « In loco pascuæ ibi me collocavit (Psalm. cxii, 1), » per quam utriusque Testamenti volumina significantur.

« Intrate portas ejus in confessione, atria ejus in hymnis confessionum. » De portis cœlestis Jerusalem dicere videtur, quoniam eos invitat, qui in Ecclesia sunt. Et quoniam in istas jam intravimus, ut in illas quoque intremus heritatur. In illas autem nisi in hymnis et confessionibus intrare non possumus. Primum itaque necesse est ut peccata nostra confiteamur (762), et sic in hymnis confessionum ad ejus atria perveniamus. Unde scriptum est: « Confitemini alterutrum peccata vestra, et orate pro invicem, ut salvemini (Jac. v, 16). » Et quoniam non est pretiosa laus in ore peccatoris, peccatorum confessio illam confessionem præcedere debet, quæ ad laudem pertinet et jubilationem. Et altera quidem confessio, et hic et ibi erit; altera vero ibi non erit; nullus enim ibi peccatum confitebitur, ubi peccatum nullum erit.

« Laudate nomen ejus, quoniam suavis est Dominus, in æternum misericordia ejus, et usque in sæculum sæculi veritas ejus. » Ista laus nullum finem habebit, quia et in Ecclesia, quanto tempore hic erit, postea in cœlesti Jerusalem de suavitate sua, de misericordia et veritate sua in æternum, et in sæculum sæculi laudabitur Dominus. Unum idemque et laudare Dominum, et laudare nomen Domini.

PSALMUS C.

PSALMUS IPSI DAVID.

Quando dicitur ipsi David, de Salvatore nostro intelligi debet, cui in hoc psalmo Ecclesia loquitur, et de misericordia, et veritate eum laudat (763).

« Misericordiam et judicium cantabo tibi, Domine. » Quinquagesimus psalmus totius misericordię plenus est; iste autem, qui centesimus est ad

« Difficile est in hac vita, ut sic homo mutetur, ut nihil inveniatur in eo quod reprehendatur. Opus est, ut tu te reprehendas, ne ille reprehendat, qui damnaturus est. » Enarrat. in hunc psalm.

(763) Psalmus sanctam significat operationem. « Ipsi David ubi ponitur, totum Christi virtutibus applicatur; ut nihil de isto terreno rege intelligas; sed omnia de illo cœlesti dicta fuisse intelligas. » Cassiod.

judicium exaltat, et in matutino omnes peccatores interficiendos esse dicit. Merito igitur Ecclesia et de misericordia eum laudat, atque iudicium ei prædicat. in quo peccatores puniendos esse cognoscit. « Psallam, et intelligam in via immaculata, quando venies ad me. » — « Beati immaculati in via, qui ambulant in lege Domini (Psal. cxviii, 1). » Et isti quidem bene psallunt, et voce et opere psallunt; siquidem ambulando psallant. Et quod majus est, sic se psallere dicunt, ut intelligant quando Dominus veniet ad eos. Illi enim qui dormiunt, non possunt cognoscere et intelligere quando ad eos Dominus veniet. Qui vero vigilat et solliciti sunt, quasi incauti prævesiri nequeunt. Hinc est enim quod Dominus ait: « Vigilate, quia nescitis qua hora Dominus vester venturus sit (Marc. xiii, 35). » Ideo enim vigilare debet, ut iudicem venientem a longe videant et cognoscant. Et hoc est quod modo dicit Ecclesia: psallam, et ita psallam ut intelligam et cognoscam quando venies ad me. Non dormitabo, neque dormiam, sed vigilabo et cantabo, et sollicita ero ut te adhuc de longe venientem sentiam et aspiciam. Hinc autem vitam suam et conversationem suam in hoc mundo Ecclesia narrat, quatenus ejus exemplo instruamur, qualiter nos quoque vivere debeamus.

« Perambulabam in innocentia cordis mei, in medio domus meæ (764). » Perambulabam, inquit, mandatorum tuorum semitam, currendo, et custodiendo; de qua videlicet semita Apostolus ait: « Bonum certamen certavi, cursum consummavi, fidem servavi (II Tim. iv, 7). » Sed quomodo ambulabam? « In innocentia cordis mei. » Si innocentia fuerit in corde, non erit malitia in opere. « Ex corde enim exeunt, dicit Dominus, cogitationes male, homicidia, perjuria, falsa testimonia, et cætera quæ inquinant hominem. (Matth. xv, 19). » Ubi autem ambulaverit, audiamus. « In medio domus meæ. » Domus Dei, vel totus Christianorum populus, vel mundus iste intelligi potest. Ecclesia vero, quæ hic loquitur, perfectiores quique intelligi debent. Hæc autem ambulat in innocentia cordis sui, in medio domus Dei, quia bonis et malis, fidelibus et infidelibus bonum exemplum tribuit suæ sanctæ et honestæ conversationis. Unde et Dominus ait: « Sic luceat lux vestra coram hominibus, ut videant opera vestra bona, et glorificent Patrem vestrum, qui in cælis est (Matth. v, 16). »

« Non proponebam ante oculos meos rem malam. » Proposuisset utique si vel ipsa faceret, vel facientibus consentiret. Sed hoc ipsa non fecit. Quid igitur fecit? **513** « Facientes, inquit, prævaricatores odivi. » Et non adhesit mihi cor pravum. » Prævaricatores sunt, qui legem sibi impositam transeunt, Nobis autem hæc lex imposita est, declinare a malo, et facere bonum. Sed quis est, qui in hoc mandato aliquando non offendat? Facientes igitur prævaricato-

res eos intelligimus, qui nunquam ad penitentiam redeunt, sed omni tempore in malo opere perseverant. Tales autem odio digni sunt, quia apud Deum damnati sunt. Et isti quidem cor pravum habent, cor perversum et indomabile, quod sic in malitia induratum est, ut verba vitæ recipere nequeat.

« Declinantes a me malignos non cognoscebam. » Maligni namque sunt, quicunque ab Ecclesia declinant, et qui ejus verba salutifera recipere fugiunt. Hos autem non cognoscit Ecclesia; sed quasi infideles, et penitus alienos, et extraneos habet, neque divina sacramenta cum eis participat.

« Detrahentem adversus proximum suum occulte, hunc persequer. » Magnum peccatum est detractio, pro quo Ecclesia tantum commovetur, ut ipsis detractoribus faciat persecutionem. Ecclesie autem persecutio, interdictis et excommunicationibus fit. Qui vero occulte detrahunt, non sine odio sunt, et tales quidem homicidis adnumerantur. Proximus autem noster omnis Christianus intelligitur, quia et frater noster est, et ejusdem Patris filius. Detrahere autem est de alicujus propria bonitate diminuire velle.

« Superbo oculo, et insatiabili corde, cum hoc simul non edebam. » Bene autem superbos in oculo notavit, quia nusquam sic superbia deprehendi potest, sicut in oculis et superciliis elevatis. Initium autem omnis peccati superbia est. De qua alibi dicitur: « Non veniat mihi pes superbiæ (Psal. xxxv, 12). » ipsa enim est, quæ angelos ipsos ruere fecit. In corde vero insatiabili, avari designantur, et videtur definitionem pro definito posuisse. Avarus enim est, qui corde insatiabilis est. Præcepit autem Apostolus cum ejusmodi nec cibum sumere. Tales igitur a Christi corpore iustissime separantur.

« Oculi mei super fideles terræ, ut sedeant hi mecum. » Illos, quasi dicat, a me repellebam et separabam; fideles vero misericorditer respiciebam, mihi quæ sociabam. Fideles terræ, illi sunt, quicunque in Ecclesia fidem catholicam tenent, et fideliter Deo serviunt. Tales igitur vult Ecclesia ut sedeant et secum habitent, et judicent secum. « Ambulans in via immaculata, hic mihi ministrabat. » Ministri Ecclesie episcopi sunt et sacerdotes. Ipse quoque Dominus se ministrum esse ostendens, ait: « Non veni ministrari, sed ministrare (Matth. xx, 28). » Tales ergo ad ministrandum elegit Ecclesia, qui immaculati et sine crimine sunt. Unde et vasa altaris de auro purissimo esse jubentur, et nullum aliud vas ministrat altari, nisi illa quæ sunt de purissimo auro.

« Non habitabit in medio domus meæ, qui facit superbiam. » In nomine superbiæ omnia vitia et peccata continentur. Sed hoc de illa superbia intelligitur, quæ ad tantam contumaciam pervenit, ut penitus se humiliare, et ad penitentiam redire con-

temnat. Hæc autem malignorum spirituum propria est; unde Apostolus ait: « Tentatio vos non apprehendat, nisi humana (I Cor. x, 13). » — « Qui loquitur iniqua, non direxit in conspectu oculorum meorum. » Hæc autem specialiter de hæreticis dicere videtur, qui neque se ipsos, neque alios in Ecclesiam dirigunt; sed quoscunque possunt, ab ea divertunt.

« In matutino interficiebam omnes peccatores terræ (765). » Ideo Ecclesia, ut superius ostensum est, prævaricatores superbos, avaros, malignos, detractores et fallaces a se repellat, eorumque consortia fugiebat, quia omnes tales apud Deum condemnatos esse videbat. Unde etiam omnes peccatores se in matutino interfecisse dicit, quia eos in iudicio damnandos et interficiendos esse iudicavit. Sic igitur sua sententia jam Ecclesia damnavit et interfecit omnes illos, quos in iudicio damnandos esse cognovit. Iste locutionis modus in divina pagina sæpe invenitur. Unde et Moyses de leprosis scribens, præcipit sacerdoti ut recludat eos septem diebus, et si viderit lepram crevisse, contaminabit eos (Levit. xiii, 6). Quid est contaminabit eos, nisi contaminatos esse iudicabit? Matutinum autem vocatur dies ille, quia hujus sæculi finis et alterius initium erit. Hoc, inquit Ecclesia, ideo faciebam, « ut disperdam de civitate Domini, » id est de celesti Jerusalem, « omnes operantes iniquitatem, » per quos eos intelligimus, qui in malitia perseverant. Quid est autem, ut disperdam, nisi ut disperdendos esse ostendam?

514 PSALMUS CI.

ORATIO PAUPERIS CUM ANXIATUS FUERIT, ET CORAM DOMINO EFFUDERIT PRECEM SUAM.

Hic titulus planus est, nec indiget expositione. Omnis autem homo in eo pauper est, in quo alieno indiget servitio. Est igitur hæc oratio omnium illorum, qui in suis necessitatibus divinum auxilium implorant.

« Domine, exaudi orationem meam, et clamor meus ad te perveniat. Ne avertas faciem tuam a me. In quacunque die tribulor, inclina ad me aurem tuam; in quacunque die invocavero te, velociter exaudi me. » Pauperes isti, qui hic loquuntur, illi sunt qui sua sponte pauperes fiunt, et qui relictis omnibus secuti sunt Dominum. De quibus Apostolus ait: « Tanquam nihil habentes, et omnia possidentes (II Cor. vi, 10). » Quanta autem instantia, quo mentis affectu, qua animi devotione Deum

(765) Satis prolixa est loci hujus expositio Augustini, ejusque conclusionis partem afferemus. « Quid est, inquit, in matutinis? Cum dies venerit, mortis scilicet, nocte transacta vitæ, in matutinis interficiebam omnes peccatores terræ. Quare eis parcat usque ad matutinum? Quia nox erat. Quid est, nox erat? Quia tempus erat parcendi: parebat, cum corda hominum essent occulta. Nox est enim, et omnes tolerat Deus, quia longanimitas est. Tolerat, ut convertantur ad illum peccatores; sed qui non se correxerint in isto tempore misericordie, interficiuntur. » Aliter Cassiodorus hunc locum exponit:

A orare debeamus, ipsi nos docent; dum eadem iterantes et replicantes, unum idemque toties dicunt. Tale esse videtur, quando iterum, iterumque et multoties dicimus « Kyrie eleison. » Orationes autem non tantum compositione, quantum mentis affectu Domino placent.

« Quia defecerunt, sicut fumus, dies mei, et ossa mea sicut in fritorio confixa sunt (766). » Immortales facti sumus, sed propter peccatum primi parentis ad tantam dierum brevitatem devenimus, ut dies nostri non immerito fumo comparentur, quoniam lacrymis, et caligine, omnique amaritudine cito deficiunt. « Et ossa mea sicut in fritorio confixa sunt. » Hoc enim et secundum litteram plerumque sanctis contingit; quia et spontanea afflictione et calamitate aliunde superveniente, supra modum exuruntur et cruciantur. Possumus autem per ossa Ecclesie, ipsos apostolos aliosque fortiores intelligere, qui non minores cruciatus passi sunt, quam si in fritorio confixi fuissent.

« Percussus sum sicut fenum, et aruit cor meum. » Vere fenum est populus, « exsiccatum est fenum, et cecidit flos (Isa. xl, 8). » Omnes homines quasi fenum percussuntur, et percussi moriuntur, et mox omni viriditate, omni flore et lætitia destituti deficiunt, et arescunt, et in pulverem pulvis convertitur. Cum enim ipsum cor, in quo tota vita erat, arescere dicat, satis aliorum membrorum ne seriam innotescit. Hoc autem cur sibi contingat, audiamus.

« Quia oblitus sum, inquit, comedere panem meum. » Adhuc omnes homines primi parentis exempla sequuntur, qui, cum omnibus divitiis abundaret, illius panis qui sibi ad edendum fuerat concessus oblitus, ad lignum vetitum accessit, et cibum sibi interdictum comedit. Sic et nos ea quæ nobis interdicta sunt libentius audimus et agimus, quam ea quibus animæ vivunt, et sine quibus vivere nequeunt. Tunc enim panem suum anima comedit, quando ea facit, quibus ad vitam ducatur æternam.

« A voce gemitus mei alibaserunt ossa mea carni meæ. » Quid enim homo sic percussus et vulneratus, nisi dolere et gemere potuit? A voce autem tanti gemitus, et ossa et caro sibi conjuncta sunt, quia communem dolorem utraque senserunt. Quid enim ossa Ecclesie, nisi fortiores quosque significant? Caro vero molliores et imperfectiores designat. Omnes ergo et perfecti et imperfecti in hoc sibi con-

« In matutinis, in ipsis videlicet initiis dicit, quando in nobis suggestiones diabolicæ velut dubia crepuscula cœperint apparere, tunc oratione debeat ejici: tunc abominabili execratione detrudi, ne paulatim noxia crescentes, velut dies nobis nebulosissima comprehendat. »

(766) Vulgata legit: *Et ossa mea sicut cremum aruerunt*; quæ a Cardinali Thommasio ita exponuntur. « Et ossa ac membra mea aruerunt veluti confixa in fritorio, ac tanquam stridum lignum facile crematur. »

juncti sunt, quia in carnis passionibus, in gemitu A et dolore, et in ipsa morte non differunt, ac per hoc alii pelicani, alii nycticoraci, alii vero passeri similes sunt, ut vix tantæ infirmitati succurrere possint. Et hoc est quod ait :

« Similis factus sum pelicano in solitudine et factus sum sicut nycticorax in domicilio, vigilavi, et factus sum sicut passer solitarius in tecto. » Elias et Joannes Baptista, Antonius, Hilarion et beatus Benedictus sint nobis in exemplum, qui, ad pelicani similitudinem, hominum conversationem fugientes solitariam vitam elegerunt. Pelicanus quædam avis est ad ciconiæ quantitatem, quæ solitudine nimium delectata, tantam cibi penuriam patitur, ut vix ossibus hæreat (767). Tales igitur fuerunt isti viri religiosi, de quibus modo diximus, quos tanta millia hominum usque hodie imitantur, ut muri cœlestis Jerusalem ex his maxime construi videantur. De talibus autem Jeremias loquitur dicens : « Bonum erit homini cum portaverit jugum ab adolescentia sua ; 515 se debet solitarius, et tacebit (Thren. iii, 17). » Potest etiam homo in civitate solitarius esse, si non implicet se negotiis sæcularibus, si vigiliis, jejuniis, lectionibus et orationibus vacat. Nycticorax vero, quæ et noctua vocatur, satis nobis nota est, quæ non in die, sed in nocte apparet, totamque noctem cantu qualicumque et vigiliis agit. Huic autem vir justus assimilatur, qui factus velut nycticorax in domicilio, sui videlicet corporis sublimitate se vigilasse dicit. Et tale est ac diceret : « Factus sum veluti nycticorax in domicilio ; » in eo videlicet, quia vigilavi. Sole igitur vigilæ hanc inter eos similitudinem faciunt ; illius quidem vigilæ sunt in supercilio domorum, hujus vigilæ sunt in supercilio oculorum. De talibus autem vigiliis Dominus ait : « Vigilate, quia nescitis diem, neque horam (Matth. xxv, 13). » Itemque : « Vigilate et orate, ne intretis in tentationem (Matth. xxvi, 41). » Et Apostolus : « Vigilate, inquit, et orate, state in fide, viriliter agite, et confortamini in Domino, omnia vestra in charitate fiant (I Cor. xvi, 13). » Bene igitur vigilat, qui in bono opere perseverat. Utinam omnes sic vigilemus, et sic noctuis similes simus, ut in hujus vitæ caliginosa nocte non dormiamus, sed bonis operibus insistamus. « Et factus sum sicut passer unicus in ædificio. » Ad magnam humilitatem spectat, quod se passeri comparari voluit. Passer enim, et corpore et pretio parva avis est ; sicut in Evangelio Dominus ait : « Nonne duo passerces veniunt dipondio ? » (Matth. x, 25.) Legerat iste qui tantum se humiliat quia « omnis qui se exaltat, humiliabitur, et qui se humiliat exaltabitur (Matth. xxiii, 12). » Deponit enim

Dominus potentes de sede, et exaltat humiles. Et non tantum passerem se esse dicit, sed unicum quodque ac singulare, cui familia nulla sit, nullæ divitiæ, et qui cibo egeat quotidiano. Est autem in ædificio, qui ab Ecclesia non separatur (768). Alter autem hæc exposita sunt in illa expositione, quam super aliam psalmodum translationem feci, quæ qui audire voluerit, ibi legere et cognoscere poterit.

« Tota die exprobrabant me inimici mei, et qui me laudabant, adversus me jurabant. » Semper viri sancti inimicos et adversarios habent ; nunquam desunt qui eis insidientur, et de eis male loquantur. Et plerumque fit ut qui prius eos laudaverant, postea invidia ducti contra eos conspirantes, eos persequantur. Hoc enim ipsi Salvatori nostro, et apostolis accidisse legimus. Neque nobis deessent exempla, si plura ponere placuisset.

« Quia cinerem sicut panem manducabam, et potum meum cum fletu temperabam. » Ideo, inquit, exprobrabant me inimici mei, mihi que detrahebant, quia omnes suscipiebam et ipsos idololatrias ad poenitentiam conversos mihi sociabam. Quod enim interest inter cinerem et panem, hoc interest inter peccatores et sanctos. Tunc enim beatus Petrus apostolus cinerem sicut panem manducare jusus est, quando linteum immundis animalibus plenum sibi ostensum est : atque desuper Dominum dicentem audivit : « Macta, et manduca (Act. x, 13). » Potum autem cum fletu temperabant, quia tales homines lugentes et fletus sibi in convivio sociabant. Hinc est enim quod Salvatori nostro Judei detrahentes dicebant : « Quare cum publicanis et peccatoribus manducat et bibit magister vester ? » (Marc. ii, 6.) Hinc est quod Pharisei pro Zachæo murmurabant, quod ad hominem peccatorem divertisset (Luc. xix, 7). Similiter autem et ille qui dicebat : « Illic si esset propheta, sciret utique qualis esset hæc mulier quæ tangit eum, quia peccatrix est (Luc. vii, 39). »

« A facie iræ indignationis tuæ, quia elevans alios, humiliasti me. » Propter iram tuam, quasi dicat, et indignationem tuam, omnia quæ superius dicta sunt mihi accidisse non dubito. Quia in ipso primordio meæ creationis multum exaltans et elevans, et ad tui imaginem et similitudinem me formans, propter inobedientiam meam merito allisisti me, et de immortalis mortis legibus me subjecisti, qui ita a te creatus fueram, ut nisi peccassem, neque mortem, neque carnis miseras et passiones aliquando sensissem.

« Dies mei sicut umbra declinaverunt, et ego sicut fenum arui. » Ab eo, inquit, tempore, ex quo elevans, allisisti me, dies mei sicut umbra declina-

(767) Pelicanus, ut habent Hieronymus et Cassiodorus, est avis Ægyptiæ ciconiis corporis granditate consimilis, quæ naturali marie semper affecta est ; atque duplicis generis volunt, aquatilem nempe, et volatilem. Sed S. Augustinus dubitat an vere hoc animal existat, de quo ait : « Habet ergo hæc avis, si

vere ita est, magnam similitudinem carnis Christi, cujus sanguine vivificati sumus. »

(768) Altera psalmodum expositio a S. Brunone facta enuntiatur, quæ cum aliis ejus scriptis desideratur.

verunt, et sub omni celeritate transierunt, et ego sicut fenum, viriditate et floris pulchritudine amissa, et arui, et factus de pulvere in pulvere redii. Transeunt præterea dies nostri sicut umbra, si opera nostra veritatis tantum similitudinem imitentur, et non ipsam teneant veritatem.

« Tu autem, Domine, in æternum permanes, et memoriale tuum in sæculum sæculi. » Dies, inquit, nostri cito deficiunt; sed tu, Domine, manes in æternum, in quo vivunt et permanent omnia, etiam si defecisse videantur. In te igitur firma est spes nostra, et non ex toto deficiamus, quamvis deficere videamur. Manet itaque memoriale tuum in sæculum sæculi, quia memoria tui nunquam deficiet in sanctis tuis.

« Tu exurgens misereberis Sion, quia venit tempus miserendi ejus. » Sion ipsa est quæ hæc omnia loquitur Ecclesia **516** Dei. Quotidie enim exurgit Dominus in adiutorium, et quotidie miseretur Ecclesie sue. « Quia venit tempus miserendi ejus. » Ex quo pro ea passus est Salvator ejus. Unde et Apostolus ait: « Ecce nunc tempus acceptabile, ecce nunc dies salutis (II Cor. vi. 2). »

« Quia bene placitum habuerunt servi tui, lapides ejus, et terræ ejus miserebuntur. » Isti servi apostoli sunt, et ceteri, qui ejus civitatis muros ædificant. Dignum est ergo ut hanc civitatem Dominus diligat, ejusque misereatur, cujus muri ex tam pretiosis lapidibus facti sunt, ut ipsius ejus opificibus placeant, non solum murorum lapides, sed tota terra cum suis pertinentiis eis placere monstrantur. Isti sunt illi lapides, de quibus dicitur: « Lapidem vivi voluntur super terram (769), » per quos viri sancti et catholici significantur.

« Quoniam ædificavit Dominus Sion, et videbitur in majestate sua. » Unde ædificavit, nisi ex lapidibus, quos ex gentibus collegerunt? Sed ubi videbitur in majestate sua, nisi in hac Sion civitate sua? Illic enim cognoscitur Dominus, et excelsus ab omnibus prædicatur.

« Et respexit in orationes pauperum, et non sprevit preces eorum. » Bene autem hic dicitur, quia respexit Dominus in orationes pauperum, quoniam iste Psalmus titulatur *Oratio pauperum*. Pauperes autem sunt omnes sancti, quia nullam spem habent in incerto divitiarum, sunt autem divites divitiis spiritualibus, quas nemo illis subripere valet.

« Scribantur hæc. » Et quare scribantur? « In generatione altera. » Et hoc quare? « Et populus qui creabitur laudabit Dominum. » Si enim scripta non fuissent, ad nos usque non venissent, sed jam longo tempore oblita fuissent. Profuerunt igitur quæ scripta sunt, quia in ipsis, et per ipsa laudatur, et prædicatur Dominus in hac altera generatione,

A et in hoc altero populo, qui postea creatus et baptizatus est.

« Quoniam prospexit de excelso sancto suo, Dominus de cælo in terram prospexit. » Ad quid? « Ut audiret gemitus vinculatorum, et solvat filios interemptorum. » Digna causa, quare Dominum laudare debemus, « quia prospexit de excelso sancto suo, » de illo eminentissimo secretario majestatis sue, et eorum gemitus audiret, qui pro ejus nomine ligati in carcere tenebantur, et eosdem ipsos solveret, illorum videlicet filios, qui pro eo interempti sunt. Et revera dignum erat ut tantorum parentum filii eorum gratia solverentur, qui si soluti non essent, quomodo nomen ejus et laus ejus in Sion et in Jerusalem nuntiari potuisset? Et hoc est quod ait.

« Ut annuntiaretur in Sion nomen Domini, et laus ejus in Jerusalem. » Sion et Jerusalem sancta est Ecclesia, in qua ab iis qui soluti sunt, et de laqueis diaboli liberati nomen Domini, et laus ejus quotidie prædicatur.

« In conveniendo populos in unum (770), et regna, ut serviant Domino. » Tunc, quasi dicat, nomen Domini, et laus ejus instantius prædicanda est, quando multus populus convenit in unum ad audiendum verbum, et Domino serviendum. Hinc igitur et nos admonendi sumus: ut in magnis festivitibus, quando multus populus ad ecclesiam convenit, Deum laudemus, et ejus magnalia prædicemus.

C « Respondit ei in via virtutis sue; paucitatem dierum meorum nuntia mihi. » Legitur in Evangelio, quia egressus de templo dixit Jesus discipulis suis: « Videtis has structuras, et hos magnos lapides? Amen dico vobis, non remanebit hic lapis super lapidem, qui non destruat (Marc. xiii. 1). » Et cum sederet in monte Oliveti, responderunt discipuli ejus: « Dic nobis, quando hæc erunt, et quod signum adventus tui (Math. xxiv. 3). » Hoc est igitur quod hæc sequens Ecclesia jam in generatione altera loquitur de primitiva Ecclesia: cum, inquit, Dominus esset in via virtutis sue, et signis multis, atque miraculis suam potentiam et virtutem populis revelaret; tunc respondit ei primitiva Ecclesia, cætus videlicet apostolicus: « paucitatem dierum meorum, Domine, nuntia mihi: — et si in tempore hoc restitues regnum Israel (Act. i. 6), » ne celaveris nobis. Putabant enim in illis verbis Dominicis significari mundi finem proxime adfuturum. Unde et Dominus ait: « Cum audieritis prælia et seditiones, nolite terri, oportet primum hæc fieri, sed nondum statim finis (Luc. xxi. 9). »

D « Et ne revoces me in dimidio dierum meorum, in sæculum sæculi anni tui. » Hæc quoque vel

(769) Habet Vulgata: *Et salvabit eos Dominus Deus eorum in die illa, ut gregem populi sui, quia lapides sancti elebuntur super terram ejus. Zach. ix. 16.*

(770) « Dicerdo in unum, virtus catholica veritatis

ostenditur, nam quamvis populus iste de diversis mundi partibus aggregetur, ad unum tamen conveniunt, dum una fidei regula continetur. » Cassiod.

dicere, vel cogitare tunc temporis apostoli potuerunt, A quamvis in Evangelio non inveniantur. Scribit enim multoties Propheta non minus cogitationes hominum, quam locutiones. Rogabant igitur sive pro se ipsis, sive pro civitate Jerusalem, sive pro mundo universo, ut non revocarentur in dimidio dierum suorum, quia nondum tantum vixerant, quantum vivere sperabant. Illi enim sunt dies nostri, quos non divina providentia, sed nos ipsi nobis promittimus, 517 et constituimus. Unde est illud: « Viri sanguinum et dolosi non dimidiabunt dies suos (Psal. LIV, 14). » Dicat igitur: « Et ne revoces me in dimidio dierum meorum; » quia in potestate tua est, quemcumque volueris, terminum constituere; quoniam omnes anni tui sunt, omnesque tue obediunt voluntati. Et hoc probat, quoniam omnes anni sui sunt, et terra, et cœli sui sunt, quia ipse omnia fecit. Hoc est enim quod ait:

« Initio terram tu fundasti, Domine, et opera manuum tuarum sunt cœli. » Sive dicatur: « In principio fecit Deus cœlum et terram; » sive dicatur: « In principio fecit Deus terram, et cœlum, » nulla differentia est. Non enim quia prius dicitur, ideo prius vel posterius aliquid est; quoniam sicut scriptum est: « qui manet in æternum creavit omnia simul (771); (Eccli. xvin, 1). »

« Ipsi peribunt, tu autem permanebis, et omnes ut vestimentum veterascent. » Sic enim in Evangelio Dominus ait: « Cœlum et terra transibunt, verba autem mea non transibunt (Math. xxiii, 35). » Transibunt autem, quia de hac specie, in qua modo sunt, in aliam mutabuntur. Erit enim, sicut scriptum est: « Cœlum novum, et terra nova (Apoc. xxi, 1); » et illi cœli, qui superiores sunt, mutabuntur in melius.

« Tu autem idem ipse es, et anni tui non deficient. » Omnis, quasi dicat, creatura aliquo modo mutabilis est, et in eo quod mutabilis est, id quod fuerat quodammodo peritissimum videtur. Sed tu omnino immutabilis es, et semper idem ipse es, nihilque aliud esse potes, nisi id quod es. « Et anni tui non deficient. » Non ergo fient illi anni solari circuitione, sed alio quodam modo nobis nondum revelato.

« Filii servorum tuorum inhabitabunt ibi. » D Ubi? In illis cœlis in melius commutatis.

« Et semen eorum in sæculum sæculi dirigetur. » Semen et filii idem significant, per quos omnes illos intelligimus, qui sanctos imitantur. Et isti quidem ideo habitabunt ibi, quia quanto tempore in hac vita sunt, per omnia sæcula diriguntur, et semper in melius proficientes, et a via veritatis nunquam aberrantes, eos per omnia imitantur, quorum filii esse dicuntur.

(771) Non contradici Psalmistam et Moysen putandum est, quod ille initio Deum terram creasse dixerit; hic cœlum primo loco posuerit creatum, cum omnia simul a Deo creata Salomon asseruerit, id est quod Deus omnium rerum materiam ex nihilo

PSALMUS CII.

LAUS DAVID.

Quid significet *Psalmus David* sæpe dictum est.

« Benedic, anima mea, Dominum, et omnia interiora mea nomen sanctum ejus. » In illis psalmis hortatur David omnes alios homines ut Deum laudent et benedicant, nunc vero seipsum hortatur, et animam suam et omnia interiora sua. Qua in re quantum Dominum diligat, quantum ei adherere, servire et obedire desideret, apertissime ostendit. « Benedic, inquit, anima mea, Dominum, » quia tu es quæ facta fuisti ad imaginem et similitudinem ejus, quam videlicet imaginem et pulchritudinem, nisi per ipsum recuperare vales. « Et omnia interiora mea » benedicant « nomen sanctum ejus (772). » Nomen ejus Filius est, quia per ipsum et Patrem agnoscimus et eundem ipsum. Tolle nomen, et rei cognitio perit. Merito igitur Filius et nomen, et cognitio Patris dicitur, quia per ipsum cognoscitur Pater. « Nemo enim novit Patrem nisi Filius, et cui voluerit Filius revelare (Luc. x, 22). » Quando vis cognoscere aliquem, nomen quæris, similiter si vis cognoscere Patrem, Filium respice. Audi ipsum dicentem: « Qui videt me, videt et Patrem (Joan. xiv, 9). » Nos hoc facimus ut Deus habeat nomen; quia aliter eum cognoscere et invocare non possumus. Quod si aliter eum cognoscere non possumus, ipse est nomen ejus, per quem eum cognoscimus. Sed per quem cognoscimus eum, nisi per verbum, per sermonem, per sapientiam et veritatem? Nihil cognoscitur nisi per hæc et hæc omnia Filius est. Per Filium igitur cognoscimus Patrem. Et ergo Filius nomen Patris. De hoc autem nomine dicit modo Propheta, ut omnia interiora ejus benedicant nomen sanctum ejus.

« Benedic, anima mea, Dominum, et noli oblivisci omnes retributiones ejus. » Quænam istæ retributiones sint, audiamus: « Qui propitius fuit omnibus iniquitatibus tuis; qui sanat omnes languores tuos, qui redimit de interitu vitam tuam; qui sicut in bonis desiderium tuum; qui coronat te in miseratione et miserationibus, renovabitur sicut aquilæ juvenus tua. » Magnæ sunt istæ retributiones et tam magnæ, ut eas nunquam oblivisci debeamus. Factus est enim Dominus propitius omnibus iniquitatibus nostris. Quia non solum originale peccatum, sed simul cum eo omnia alia suo sanguine delevit. Et hoc est quod dicit: « Qui sanat 518 omnes languores nostros; » omnes quidem, quia nullum ad sanandum relinquit. Animæ loquitur, et de ejus languoribus dicit. Redemit autem de interitu vitam ejus: quod fieri non posset, nisi prius ejus peccata dimisisset. Satiavit quoque in bonis desiderium ejus, quia firmissimam spem sibi tribuit

eodem tempore condiderit.

(772) Etiam virtutibus, juxta Augustinum, benedicimus Dominum non tam vigilantes, quam dormientes. « Innocentia tua etiam in dormiente vex est animæ tuæ. »

æternæ felicitatis. Unde Apostolus ait: « Spe enim salvī facti sumus (Rom. ix, 24). » Coronat autem eam in miseratione et misericordia; quia ipse qui dat coronam, idem ipse dedit victoriam; neque vincere potuisset, nisi ejus auxilium adfuisset (773).

« Renovabitur sicut aquilæ juvenus tua. » De resurrectione dicere videtur; quando ad antiquam dignitatem homo ex toto renovabitur. Dicitur autem de aquila, quia ad ultimam veniens senectutem, iterum juvenescit et renovatur. Cui assertioni locus iste maximam tribuit auctoritatem. Quod si semel aut multoties fiat, dubitari potest.

« Faciens misericordiam Dominus, et judicium omnibus injuriam patientibus. » Notas fecit vias « suas Moysi, filiis Israel voluntates suas. » Cum enim Dominus, et misericordiam, et judicium faciat omnibus qui pro ejus nomine injuriam patiuntur, maxime tamen hoc in Moysē, et filiis Israel manifestum apparuit. Loquebatur Dominus cum eis quasi vir cum amico suo, et tam mira et stupenda inter eos operatus est, ut incredibilia esse videantur his qui Deo omnia possibile esse non credunt.

« Misericors et miserator Dominus, patiens et multum misericors: non in finem irascetur, neque in æternum indignabitur. » Magnam spem, magnamque consolationem omnes peccatores ex his verbis percipere possunt, quibus tam immensa omnipotentis Dei misericordia prædicatur. Irascetur, quasi dicat, sed non in finem; indignabitur, sed non in perpetuum: quacunque hora peccator conversus fuerit, salvus erit.

« Non secundum peccata nostra fecit nobis, neque secundum iniquitates nostras retribuit nobis. » Ex præteritis, quasi dicat, futura cognoscimus. Multoties eum offendimus, multoties ad iracundiam eum provocavimus, ipse autem non secundum peccata nostra fecit nobis; quod si fecisset, diu est ex quo nos funditus perdidisset.

« Quia secundum altitudinem cœli a terra confirmavit Dominus misericordiam suam super tinentes eum. » Iniquitates vero quantum elongaverunt? « Quantum distat oriens ab occasu, elongavit a nobis iniquitates nostras. » Videmus itaque, quia et misericordia immensa est, et iniquitates in immensum a nobis separate sunt. Demus igitur operam ut misericordia ulterius a nobis non recedat, et iniquitates ulterius ad nos non accedant. Tanta est misericordia, ut hominem de terra trahat in cœlum, sic elongatæ sunt iniquitates, ut ex toto mortuæ, et omnino non esse credantur. Valde igitur cavendum est, ne forte pro eis aliæ orientur.

« Sicut miseretur pater filiis, ita misericors est Dominus timentibus se (774). » Nobilis comparatio

(773) « Qui in nobis victi sumus, in illo vicimus. Ergo coronat te, quia dona sua coronat, non merita sua. » August.

(774) Aliter legitur in Vulgata: *Quomodo pater miseretur filiorum, misertus est Dominus timentibus se: quoniam ipse cognovit signum nostrum.*

A ad immensæ misericordiæ declarationem. Sed audiamus modo compatiētis affectum, quem tanta misericordia consequitur. « Quia ipse, inquit, acit « signum nostrum. » Ipse scit de qua fragili materia facti sumus; quia « ipse fecit nos, et non ipsi nos (Psalm. xcix, 3). » Et ideo parcit piissimus pater tantæ naturæ fragilitati. Unde et subditur:

« Memento, Domine, quod pulvis sumus; homo « sicut fenum dies ejus, et sicut flos agri, ita efflo- « rebit (775). » Ecce de qua materia homo factus est; ecce quam labilis et fragilis est. Quid pulvere villius? Quid flore debilius? Sic homo est, et sic sunt dies ejus, sicut fenum, quod sub una hora et floret et viriditatem amittit. Et hoc probat.

« Quia spiritus pertransit ab eo, et non erit, et non cognoscet amplius locum suum. » Videmus enim quia sub uno momento et est homo, et non est homo, quoniam quandiu spiritus in eo est, homo est; statim autem ut ab eo recedit, homo non est. « Et non cognoscet amplius locum suum; » imo jam non suum, quia cum spiritu et locum et cætera perdit. Postquam homo moritur, nihil habet in hoc mundo, in alio vero (de malis loquor) sola illis tormenta restant.

« Misericordia autem Domini a sæculo est, et usque in sæculum sæculi super timentes eum. » Hæc est igitur quæ neque post mortem deserit; hæc est quam homo, sed bonus homo, semper habebit.

C « Et justitia ejus super filios filiorum, custodiē- « tibus testamentum ejus, et memoria relinquentibus « mandata ejus, ut faciant ea. » Et similiter post mortem manet omnibus illis, qui Dei testamentum et mandata custodiunt. Quid enim prodest memoria retinere, nisi et opere ea faciamus? Alii igitur sola misericordia, alii justitia et misericordia: sine misericordia nemo salvatur.

519 « Dominus in cœlo paravit sedem suam, et « regnum ejus omnibus dominabitur. » Post multas misericordias, quas servis suis Dominus fecit, ostendit etiam quo in loco simul cum eis habitare debeat. Ibi enim paravit sedem suam, ubi vidensibus discipulis gloriosus ascendit post passionem suam. Omnium dominabitur regnum ejus, quia nulla gens est, nulla potestas, vel altitudo, quæ ab Ecclesia non judicetur.

D « Benedicite Dominum, omnes angeli ejus, poten- « tes virtute, qui facitis verbum ejus ad audiendum « vocem sermonum ejus. » Prius animam suam invitavit, nunc autem ipsos angelos, et omnem creaturam invitavit ad laudandum et benedicendum Dominum. Possumus autem per angelos, qui nuntii interpretantur, omnes illos intelligere qui evangelizant

(775) In Vulgata etiam tum versus hujus, cum sequentis alia lectio: *Recordatus est, quoniam pulvis sumus. Homo sicut fenum dies ejus: tanquam flos agri sic effloret. Quoniam spiritus pertransibit in illo, et non subsistet. In reliquis fere omnibus hujusce psalmi versiculis differt Vulgata.*

officium habent, inter quos apostoli obtinent principatum; nam et isti potentes sunt in virtute, et verbum ejus audiunt, et prædicant et faciunt.

« Benedicite Dominum, omnes virtutes ejus, ministri ejus, qui facitis voluntatem ejus. » Et hoc quidem sanctis convenire potest, per quos tantas virtutes operatus est Dominus, ut non immerito ejus virtutes dicantur.

« Benedicite Dominum, omnia opera ejus. » Omnia opera ejus benedicunt Dominum, quæ tam sapienter et mirabiliter facta sunt, ut in omnibus benedicatur Dominus. « In omni loco dominationis ejus benedic, anima mea, Dominum. » Sed nullo locus est, qui non sit dominationis ejus. In omni igitur loco benedic, anima mea, Dominum. Et sicut iste psalmus non finitur, ita et benedictio non finiatur.

PSALMUS CIII.

PSALMUS IPSI DAVID.

Hunc psalmum facit David ipsi David, id est Salvatori nostro. Ipsi videlicet qui omnia fecit, qui mundum redemit, qui a mortuis resurrexit et caelos ascendit : « qui ponit nubem ascensum suum, et ambulat super pennas ventorum (776). »

« Benedic, anima mea, Dominum. » Seipsum hortatur ad benedicendum, ut omnes alii eum sequantur, et sicut ipse facit, similiter faciant. Optimus magister, qui non solum verbis, sed ipsa quoque actione discipulos instruit, « Domine Deus meus, magnificatus es vehementer. » Deus, qui naturaliter magnus est, apostolica prædicatione vehementer magnificatus est, quia tantus in Ecclesia prædicatur et creditur, quantus est.

« Confessionem et decorem induisti. » Induit Dominus confessionem, quia non solum laudatur ab omnibus, verum etiam sic ipse laude vestitus et circumdatus est, ut ab eo separari non possit. Pulchra vestis et bene composita, sine qua cætera ornamenta non placent. Quid enim placeret, nisi quod laudabile est? Sed quis dicere valeat quantum, qualemque decorem in sua resurrectione induerit Dominus, cum de sanctis ejus dicatur; quia « fulgebunt sicut sol in regno Dei (Sap. 11, 7). » Unde subditur, « amictus lumen, sicut vestimentum. » Hæc sunt igitur ornamenta Salvatoris nostri, confessio, decor, lumen, charitas, pulchritudo. His adde immortalitatem, potentiam, fortitudinem, cæterasque virtutes. Et hoc quidem est indumentum confessionis, quo nunc in hoc psalmo induitur Dominus.

« Extendens cælum sicut pellem, qui tegis in aquis superiora ejus. » In hoc autem docet nos

A Propheta, quod facile sine ulla difficultate ipsos caelos fecerit Deus, et ad magnam illius laudem et gloriam spectat, quod ipsum opus maximum et principale sine labore fecisse narratur. De aquis autem, quibus cælum tegitur, sic in alio loco scriptum habemus. « Et aquæ, quæ super caelos sunt, laudent nomen Domini (Psalm. cxlviii, 4). » Itemque : « Et divisit aquas, quæ erant super firmamentum ab his quæ erant sub firmamento (Gen. 1, 7). » Possumus autem per caelos apostolos intelligere, quos quasi pelles Dominus extendit, quia vinarios utres fecit. Isti sunt illi utres novi, de quibus in Evangelio Dominus ait : « Nemo ponit vinum novum in utres veteres, sed in utres novos ponit vinum novum (Matth. 9, 17). » Hoc vino multi inebriati terrenorum omnium obliviscuntur. Horum vero superiora prophetae sunt, qui non vino, sed aquis teguntur. Bene autem tegi dicuntur, ut non intus istæ aquæ, sed foris esse monstrentur; quia multoties prophetae nec ab ipsis prophetis intelliguntur.

« Qui ponis nubem ascensum tuum, qui ambulas super pennas ventorum. » Hoc est enim quod in Evangelio de Domino dicitur. Quia, « videntibus discipulis elevatus est, et nubes suscepit eum ab oculis eorum (Act. 1, 9). » Ambulavit autem super pennas ventorum, quia nulli venti in illam altitudinem ascendere possunt. Hæc autem nullam aliam expositionem querere debemus, 520 ne forte huic tam verissimæ et clarissimæ expositioni injuriam facere videamur (777).

C « Qui facis angelos tuos spiritus, et ministros tuos ignem urentem. » Quia enim angeli nuntii interpretantur, illi qui naturaliter spiritus sunt, angeli fiunt quando mittuntur. Tanta est igitur potentia Christi, ut quando vult, de spiritibus angelos faciat, et ipsos Seraphim, qui ardentes vel incendentes interpretantur, ad id quod voluerit ministrandum mittat. Hoc est enim quod dicit, « et ministros tuos ignem urentem. » Sic enim dicit Isaias propheta : quia « misit Dominus unum de Seraphim, qui cum carbone tetigit labia ejus (Isa. vi, 6). » Si autem per conversationem dicamus, quod angelos, et ministros suos spiritus, et ignem urentem Dominus faciat, non erit inconveniens. Angeli vero et ministri D et rectores Ecclesiæ sunt, qui et spiritus et ignis non inconvenienter dici possunt.

« Qui fundasti terram super stabilitatem ejus. » Si ad litteram intelligatur, manifestum est. Quæ tamen sit ejus stabilitas, nisi sola virtus et potentia Dei sciri non potest. « Non inclinabitur in sæculum in sæculi. » Hæc verba verissima sunt, quia ille qui

explanabimus. » Cassiod.

(777) D. August. tamen hunc locum allegorice sumens explanavit. « Ascendit super pennas ventorum. » Diximus bene accepit figurate ventos animas. Pennæ ventorum, pennæ animarum, quæ sunt, nisi a quibus sursum attolluntur? Pennæ ergo animarum virtutes, bona opera, recta facta. In duabus aliis habent pennas omnes; omnia enim præcepta in duobus sunt. »

(776) David in hoc psalmo persona tantum loquentis adhibetur. « Cæterum omnia constat de Domino Salvatore narranda, qui in principio fecit cælum et terram. Est autem psalmus iste tanta dispositione perfectus, ut aliqua hic dicta intelligas, quæ in libro Geneseos tacita fuisse cognoscas. Quapropter quæ sunt apta exponemus ad litteram, quæ vero fidei nostræ indicare notitiam videntur (sicut a majoribus nostris accepimus) spirituali intellectu

loquitur mentiri non potest. Per terram autem, Ecclesiam intelligimus, cujus fundamentum et stabilitas Christus est; et quia supra firmam petram, sicut Dominus ait, fundata est, non inclinabitur in sæculum sæculi. Et de hoc quidem fundamento dicit Apostolus: « Fundamentum aliud nemo potest ponere, præter id quod positum est, quod est Christus Jesus (I Cor. iii, 11). »

« Abyssus sicut pallium amictus ejus. » Est autem abyssus aquarum immensa profunditas: aquæ vero multæ, sicut scriptum est, populi multi. Terra vero Ecclesiam significat. Sic igitur aliquando abyssus, id est sæviens populorum multitudo totam Ecclesiam operiebat, sicut pallium totum illud operit cui superponitur. Unde et subditur: « Super montes stabant aquæ. » Quid per montes, nisi apostolos Ecclesiarum doctores intelligamus? Super hos autem stabant aquæ, quia tam prælatos quam subditos affligebant. Videmus enim usque hodie non solum Ecclesiam, verum etiam ipsos episcopos hanc abyssi violentiam sustinere.

« Ab increpatione tua fugient, a voce tonitru tui formidabunt. » Fugiebant autem multoties aquæ istæ, de quibus loquimur, ab increpatione Dei, quia signis, et miraculis et apostolorum prædicatione populi perterriti ad fidem Christi convertiebantur. In voce namque tonitru, apostolorum prædicatione significatur.

« Ascendunt montes, et descendunt campi in locum quem fundasti eis. » Isti sunt illi montes de quibus modo diximus: « Super montes stabant aquæ. » Aquis autem fugientibus, isti ascendunt, quia, cessante persecutione, Ecclesiæ prædicatores elevantur, honorantur, et a populis venerantur. Campi vero descendunt, quia omnis ecclesiastica multitudo sub eorum pedibus se humiliat. Sicut enim campi subjacent montibus, ita episcopis et sacerdotibus omnes Christiani subjacere debent. Hinc est enim, quod illi prælati, et isti subjecti vocantur. Illi in suum locum ascendunt, et isti in suum locum descendunt; quia illi primum, et isti secundum locum in Ecclesia tenent. « Terminum posuisti eis, quem non transgredientur, nec convertentur operire terram. » Terminum posuit Dominus super dictis aquis quæ et terram et montes occupaverant, quem transgredi non licet, quia non amplius possunt mali contra Ecclesiam, nisi quantum Dominus eis facere permittit. Hinc est enim quod alibi dicitur: « Quis conclusit ostiis mare? » (Job xxxviii, 8.) « Circumdedi illud terminis meis, et posui vectem et ostia, et dixi: Usque huc venies, et non procedes amplius: et hic confringes fumentes fluctus tuos (ibid., 10, 11). »

« Qui emittis fontes in convallibus, inter medium montium pertransibunt aquæ. » Istæ sunt illæ convalles de quibus alibi dicitur: « Et convalles abundabant frumento (Psal. lxxiv, 14); » per quas singulas Ecclesias intelligimus, quæ in humilitate et simplicitate fructum boni operis abundanter Domino

reddunt. Hæ autem irrigantur fontibus sanctarum Scripturarum, quos inter eas Dominus mittit, et affluenter currere facit. Et hoc est quod dicit: « Inter medium montium pertransibunt aquæ. » Idem enim hoc in loco montes, et convalles, et fontes et aquæ significant.

« Potabunt eas omnes bestię silvarum. » Bestię silvarum illi intelliguntur, qui de gentium feritate ad fidem Christi conversi sunt. Et isti quidem has aquas modo bibunt, et in ejus potu suavissimo delectantur. « Exspectabunt onagri in siti sua. » De istis onagris alibi sic a Domino dicitur: « Quis dimisit onagrum liberum, et vincula ejus quis solvit? Cui dedi in solitudine domum, et tabernacula in terra salsuginis (Job xxxix, 5). » Per hos ergo illos intelligimus, qui ab omnibus mundi hujus impedimentis liberi, et soluti, vel in monasteriis, vel in locis solitariis Domino famulantur. Et isti similiter has aquas expectant in siti sua, quia his quotidie reficiuntur in magno desiderio suo.

« Super eas volucres cœli habitabunt, de medio petrarum dabunt voces suas. » Per 521 volucres cœli, Ecclesiæ prædicatores, per petras vero, ipsæ Ecclesiæ significantur. Dant igitur volucres cœli voces suas de medio petrarum, quando episcopi et sacerdotes verbum Dei prædicant in medio ecclesiarum. Qui bene super aquas habitare dicuntur, quia a divinis voluminibus non recedunt, et die ac nocte in lege Domini meditantur.

« Rigans montes de superioribus suis. » Tu, inquit, Domine, hæc omnia operaris, rigans montes de superioribus suis. Habent, enim montes isti superiora, quibus a Domino irrigantur. Per superiora montium, utriusque Testamenti scientiam, et sancti Spiritus gratias intelligimus, quibus Ecclesiæ doctores irrigantur et satiantur. Unde et subditur: « De fructu operum tuorum satiabitur terra. » Terra enim Ecclesia est, quæ de fructu operum Dei quotidie satiatur, sive spiritualem, sive corporalem satisfactionem intelligamus. Ipse enim et spiritualis, et corporalis cibi et creator, et operator est. « Omnis enim sapientia ab ipso est, et cum eo fuit semper, et est ante ævum (Eccli. i, 1). »

« Producent fenum jumentis, et herbam servituti hominum. » A te, inquit, terra tua satiatur; ipsa vero non quasi ingrata, et tuorum beneficiorum oblita, jumentis tuis fenum tribuit, et hominum servituti herbam producit. Jumenta Dei, episcopi sunt et sacerdotes; jumenta quidem, quia aliorum onera ferunt. Unde est illud: « Ut jumentum factus sum apud te, et ego semper tecum (Psal. lxxii, 23). » His autem Ecclesia ministrare debet cibum corporis a quibus nihilominus ipsa suscipit cibum cordis. Unde Apostolus ait: « Si nos vobis spiritualia seminavimus, non magnum est, si carnalia vestra metemur (I Cor. ix, 11). » Et Dominus in Evangelio: « Dignus est, inquit, operarius mercede sua (Luc. x, 7). » Et hoc est quod ait:

« Ut educaſ panem de terra, et vinum letificet

« cor hominis. » Terra est illa, terra sunt et illi : dat illa fructum suum, et illi similiter suum. Bonum fructum dat, sed meliorem suscipit; fenum dat, sed panem recipit. Et qualem panem? Panem utique vivum, qui de coelo descendit. Suscipit similiter et vinum, calicem videlicet Novi Testamenti. Hoc autem lætificat cor hominis, quia vitam præstat æternam.

« Ut exhilaret faciem in oleo, et panis cor hominis confirmet. » Non solum panem et vinum, sed oleum quoque suscipit Ecclesia ab apostolis, per quod S. Spiritus gratiæ significantur. Sine hoc oleo nulla spiritalis lætitia est. Bene autem faciem posuit, quia et lætitia et tristitia in facie cognoscitur; et qui dixerat, « quod vinum lætificat cor hominis, » convenienter addit : « Et panis cor hominis confirmat. » Hinc est, quod Dominus ait : « Nisi manducaveritis carnem Filii hominis, et biberitis sanguinem, non habebitis vitam in vobis (Joan. vi. 54). » Ubi autem vita non est, neque vita, neque fortitudo esse potest.

« Satiabuntur omnia ligna silvarum, et cedri Libani quos plantasti. » Bona ligna, et bonæ cedri, quæ tali pane satiantur. Per hæc enim gentium populus significatur, ex quibus domus Dei constituitur, Judæorum populo reprobato. Has autem cedros plantavit Dominus, et ideo in tantam altitudinem crescere possunt. Inde est enim, quod alibi ait : « Omnis plantatio, quam non plantavit Pater meus cælestis, eradicabitur (Matth. xv. 13). » — Illic passeret nidificabunt. In his arboribus nidificant passeret, quia in istorum tutela et potestate servi Dei monasteria construunt, in quibus nocte dieque Domino servant.

« Fulicæ domus, dux est eorum (778). » Fulicæ domus aqua est, quoniam hæc avis in aquis vivit et manet. Fulicæ igitur domus passeret dicit, quia sine aquarum ducatu sancti Dei ad cælestia volare non possunt. Unde et Dominus ait : « Nisi quis renatus fuerit ex aqua, et Spiritu sancto, non potest intrare in regnum Dei (Joan. iii. 5). » Soli igitur Christiani hanc ducem habent, quia ipsi soli ex aqua et spiritu regenerantur. « Montes excelsi cervis, petra refugium herinacis. » Duos montes excelsos habemus, Novum videlicet et Vetus Testamentum. Ad hoc autem cervi Ecclesiæ refugium habent, per quos apostoli et doctores significantur. De his enim est ille qui dicit : « Levavi oculos meos ad montes, unde veniet auxilium mihi (Psalm. cxx. 1). » Ad hoc igitur semper recurrere debemus, ubi consilium et consolationem semper invenimus. Petra vero est refugium herinacis, per quos peccatores intelligimus, vitiorum aculeis undique plenos et circumseptos : « Petra autem, dicit Apostolus, erat Christus (II Cor. x. 4); » — « qui, sicut ipse ait, non venit vocare justos,

(778) Ἐρωδὶς Græce, Latine fulica, avis aquatica.
(779) Vulgata habet, repleta est terra possessione tua.

(780) Omnia in sapientia fecisti. Ista igitur sapien-

sed peccatores ad penitentiam (Marc. ii. 17). »

« Fecit lunam in tempore, sol cognovit occasum suum. » Uno eodemque tempore et Ecclesia, quæ per lunam significatur, initium habuit; et Christus sol justitiæ venit ad occasum. Sicut enim de latere Adam dormientis Eva facta est, ita de latere Christi in cruce pendentis Ecclesia fabricata est.

« Posuisti tenebras, et facta est nox, in ipsa pertransibunt omnes bestie silvarum. » Eo, inquit, tempore, quo Salvator noster occubuit, tenebræ factæ sunt, quibus et intus et extra miseri Judæi sunt excecati, et facta est nox super eos et caligo tenebrarum. Et in ipsa nocte transierunt omnes bestie silvarum, per quas omnes maligni spiritus significantur, qui nimiam super illos decipiendi et apud se trahendi **522** habuerunt potestatem. De quibus adhuc subditur :

« Catuli leonum rugientes ut rapiant, et quærant a Deo escam sibi. » Hinc est enim quod alibi dicitur : « Quia inimicus noster diabolus tanquam leo rugiens circuit quærens quem devoret (I Petr. v. 8). » Isti autem sine Dei permissione neque rapere, neque escam habere possunt. Habet tamen fiduciam diabolus, quod induat Jordanis in os ejus : « Sunt enim, » sicut scriptum est, « escæ ejus electæ. » Iste voluit Job devorare, sed non potuit, Judam vero cum multis aliis devoravit.

« Ortus est sol, et congregati sunt, et in cubilibus suis collocabuntur. » Ortus est enim sol, quia Salvator noster die tertia a mortuis resurrexit. Et tunc catuli leonum congregati sunt; et in suis cubilibus collocati, Salvatorem nostrum terrore nimio perterriti, dolentes expectabant, quem illic venturum non dubitabant.

« Exiit homo ad opus suum, et ad operationem suam usque ad vesperam. » Hoc autem tunc completum est, quando post resurrectionem suam Salvator noster discipulis ait : « Ite in universum mundum, prædicate Evangelium omni creaturæ (Marc. xvi. 15). » Tunc enim apostoli, qui per hunc hominem significantur ad opus suum exierunt, et Evangelicam prædicationem cunctis gentibus nuntiare cœperunt; et usque ad vesperam, id est finem vite suæ constanter et fideliter operationem sibi injunctam operati sunt.

« Quam magnificata sunt opera tua, Domine, omnia in sapientia fecisti, repleta est terra creatura tua (779). » Non est hæc admiratio de cæli terræque creatione, sed de mundi hujus tam subita conversione. Heri, quasi dicat, apostoli prædicare cœperunt, et hodie nova creatura, novoque populo repleta est terra. Unde omnia in sapientia Deum fecisse dicit, quia nisi per Christum, hæc nullo modo fieri potuissent. Ipse est enim virtus et sapientia Patris (780).

Ista Filius est, sicut dicit Apostolus : Christum Dei virtutem, et Dei sapientiam, per quam omnia facta sunt, et sine ipso factum est nihil. Et ut cooperationem ejus virtutis ostenderet, Patris dicit operante Filio,

« Hoc mare magnum et spatiosum, illic reptilia, A
 « quorum non est numerus. » De hoc mundo loquitur, qui ad maris similitudinem semper perturbatur, vix aliquando valuit esse quietus, nunc autem novo Christianorum populo repletus, apostolorum naves suscipit, ubique piscandum et navigandum. Ibi quoque modo secure navigant Christi piscatores, ubi perire et mergi solebant ipsi imperatores. Per illa autem reptilia, quorum non est numerus, illi significantur qui toto corpore terræ conjuncti, sola terrena et transitoria quærent, quorum videlicet tanta est multitudo, ut numerari non possit. Sunt autem in hoc mari alia quoque animalia pusilla et magna, per quæ pauperes et potentes, bonos et malos, sapientes et insipientes intelligere possumus. Illic quoque est ille draco antiquus, qui est diabolus et Satanas, qui secundum Scripturam seducit universum orbem. Et hoc est quod dicit :

« Draco iste, quem formasti ad illudendum ei. » Postquam draco iste per suam superbiam cecidit, talem eum Dominus formavit, et ad talem suæ minorationis formam redegit, ut non solum viri, sed ipse quoque mulieres ei illudere eumque decipere possint. « Omnia a te expectant, Domine, et tu das illis escam in tempore. » Omnia, inquit, animalia, et bona et mala, et quæ te offendunt et quæ tibi serviunt, non abunde habent escam, nisi a te; tu enim es qui solem tuum oriri facis super bonos et malos, et pluis super justos et injustos.

« Dante te illis colligent, aperiente te manum » tuam omnia replebuntur ubertate. » Ipse igitur facit ut bonis omnibus abundemus, ipse facit ut omnium rerum penuriam patiamur. Unde et subditur :

« Avertente autem te faciem tuam turbabuntur, » auferes spiritum eorum, et deficient et in pulvere rem suum revertentur. » Non omnibus qui conturbantur iratus est Dominus, sed omnibus quibus iratus est, et perire et conturbari necesse est. De quibus alibi dicitur : « Erubescant et conturbentur in sæculum sæculi, confundantur et pereant (Psal. vi, 11). » Quod autem ait : « Auferes spiritum eorum, et deficient et in pulverem suum revertentur, » et bonis et malis commune esse videtur. Sed aliter bonis auferetur spiritus, et aliter malis. Bonis autem auferetur spiritus, ut in pace quiescant, malis vero, ut tabescendo deficient, crucientur et pereant. Et isti quidem ex toto convertentur in pulverem suum; quia sicut ante corruptibiles fuerunt, ita et post resurrectionem, et corruptibiles et passibiles erunt.

« Emitte spiritum tuum, et creabuntur, et reno- » vabis faciem terræ. » Nullus hominum esset qui in hunc talem pulverem non reverteretur, et qui non omni tempore miser et corruptibilis esset, nisi Do-

Tu fecisti. Hoc etiam de Spiritu sancto idem ait Apostolus : Omnia cooperatur unus atque idem spiritus, dividens singulis prout vult. » Cassiod.

(781) « Toties nos Dominus creat, quoties de vestustate peccati in novum hominem instaurare digna-

P. TROL. CLXIV.

minus Spiritum suum mitteret qui homines recrearet et renovaret (781). Rogat itaque Propheta ut Spiritum suum Dominus mittere dignetur, quo facies terræ 523 recreetur et renovetur. Bene autem faciem dixit, quia substantia eadem erit, sola facie et pulchritudine renovata.

« Sit gloria Domini in sæculum, lætabitur Dominus in operibus suis. » Sit, inquit, gloria Domini in operibus suis, ut tam gloriosa maneant in sæculum sæculi, sicut ab eo pulchra et gloriosa creata sunt. Aliter enim non lætabitur Dominus in operibus suis.

« Qui respicit terram, et facit eam tremere; qui » tangit montes, et fumigabunt. » Respicit Dominus terram, et eam tremere facit, quando sua inspiratione peccatorem visitat, et ad poenitentiam convertit, ut in timore et tremore sibi deserviat. Per montes autem divites et potentes significantur, qui quanquam difficile intrent in regnum Dei, tacti tamen Spiritu sancto, fumigare foris et intus ardere incipiunt. Foris autem fumigare est per lacrymas et compunctionem quotidie poenitentiam demonstrare. Nisi enim ignis intus arderet, fumus exterius non appareret.

« Cantabo Domino in vita mea, psallam Deo meo » quandiu ero. » Quasi diceretur sibi : Satis cantasti, et satis jubilasti; jam quiescendum esset, et cantus terminandus esset. Ad quod ipse : Et cantavi, inquit, et cantabo, non ad horam, sed omnibus diebus vitæ meæ. Et psallam Deo meo, non modo tantum, sed quandiu ero; et hoc solum deprecor, ut placeat tibi laudatio mea, quia ego semper delectabor in eo. Hoc est enim quod ait :

« Suavis sit ei laudatio mea (782); ego vero de- » lectabor in Domino. Deficiant peccatores a terra, » et iniqui; ita ut non sint. » Multi in Ecclesia sunt, quos et cantus, et lectiones, et prædicationes audire tædet, et non solum corde, sed ore quoque multities murmurant, quod laudes Dei non citius finiuntur, quia magis in fabulis et vanitatibus, quam in Dei laudibus delectantur. Quibus tunc Propheta loquitur, dicens : « Deficiant peccatores a terra. » Exeat fastidiosi de Ecclesia, et iniqui ita deficient, ut in ea non sint; cum sibi ipsi nihil proficiant, et aliis impedimentum faciant. « Tu vero benedic, » anima mea, Dominum, » et nunquam eorum persuasionibus acquiescas; sed sicut cœpisti, in Dei laudibus omni tempore persevera.

PSALMUS CIV.

ALLELUIA.

Interpretatur Alleluia laudate Deum; et certe nisi Deo valde acceptabile, et nobis utilissimum esset laudare Dominum, nunquam toties Propheta Dominum laudare juberet (783).

tur, sicut in psalmo L legitur : Cor mundum crea in me, Deus. » Cassiod.

(782) Vulgata habet : Jucundum sit ei eloquium meum.

(783) « Iste psalmus maxime Patrum replicat hi-

« Conſitemini Domino et invocate nomen ejus, et annuntiate inter gentes opera ejus. » Illis loquitur Propheta qui ex gentibus ad fidem converſi ſunt, et antiquorum narrat hitoriam, quomodo *Aegyptios* multis plagis Dominus percuſſerit, et de eorum durissima ſervitute populum ſuum glorioſiſſime liberaverit. Qua in re, Eccleſiæ quoque liberatio et perſecutorum perditio ſignificatur. Vos, quaſi dicat, qui falſos deos laudare ſoliti fuiſtis, nunc conſitemini et laudate Dominum, quia ipſe ſolus, et Deus, et Dominus eſt. « Et invocate nomen ejus, » quia nullus alius invocandus eſt. Annuntiate inter gentes opera ejus, quatenus ea quæ vos didicistiſtis omnes alios doceatis, et intelligere faciatis.

« Cantate ei, et pſallite ei, narrate omnia mirabilia ejus. » Ei, inquit, cantate, et pſallite, non veſtram, ſed ejus gloriam quaerite, virtutes et mirabilia ejus narrate. Hinc eſt enim quod Apoſtolus ait: « Non noſmetipſos prædicamus, ſed Dominum Jeſum (II Cor. iv, 5). » Unde et ſubditur:

« Laudamini in nomine ſancto ejus. » Laus veſtra non ſi veſtra, ſed omnis laus et gloria ad eum referatur, qui eſt mirabilis in ſanctis ſuis. Dolebant ſancti multoties, quando eis poſt miracula magnus honor a populis exhibebatur. « Lætetur cor quaerentium Dominum. » Lætetur, inquit, et non in miraculorum operatione, ſed in ſolo Domino, cor quaerentium Dominum. Sic enim in Evangelio diſcipulis ſuis Dominus ait: « Nolite gaudere, quia dæmonia ſubjiciuntur vobis in nomine meo. Sed in hoc potius gaudete, quia nomina veſtra ſcripta ſunt in cœlis (Luc. x, 17). »

« Quaerite Dominum, et confirmamini, quaerite faciem ejus ſemper. » Quaerite Dominum in Scripturis, quaerite Dominum in miraculis, et cum eum cognoveritis, confirmamini in amore ejus. « Quaerite faciem ejus ſemper. » (784) Hanc autem faciem quaerebat Moyses, cum diceret: « Si inveni gratiam in oculis tuis, oſtende faciem tuam, ut videam te (Exod. xxxiii, 13). » Semper enim hoc quaerere debemus, quomodo ante faciem ejus ſecuri et læti veniamus.

524 « Mementote mirabilem ejus quæ fecit, et prodigia et judicia oris ejus. » In his bene ſatis cognoscitur Dominus, quia niſi Deus eſſet, ea nullo modo facere poſuiſſet. Vult igitur Propheta ut ejus ſigna et miracula, ejus verba et judicia ubique gentium prædicentur, ut qui aliter eum cognoscere non poſſunt, ſaltem in virtutibus eum cognoscant. Sed qui ſunt illi qui eum cognoscere et prædicare jubentur?

« Semen Abraham ſervi ejus, filii Jacob electi ejus. » Dicunt Judæi in Evangelio: « Semen Abraham ſumus (Joan. viii, 33). » E contra Dominus reſpondens ait: « Si ſemen Abraham eſſetis, opera Abraham faceretis. » Non ſunt igitur ſemen Abraham, ſed ſpiritualiter intelligi debet; omnia enim quæ contingebant antiquitus, in figura contingebant, ut nos erudiremur. » S. IHERONIMUS.

A neque filii Jacob, niſi illi qui Abraham et Jacob imitantur. Ambo autem eſt in Chriſto crediderunt, quoniam, ſicut ſcriptum eſt, et Abraham eum adoravit, et Jacob dixiſſe legitur: « Salutare tuum exspectabo, Domine (Gen. xlii, 18). » — Ipſe « Dominus Deus noster, in univerſa terra judicia ejus. » Nos, inquit, ſumus ſemen ejus, et ipſe eſt Dominus Deus noster, cujus judicia non Judæi, ſed univerſa terra ſuſcepit.

« Memor fuit in ſæculum testamenti ſui: verbi quod mandavit in mille generationes. » De hoc teſtamento in ſequentibus legitur, quod promiſit Dominus terram Chanaan Abraham in hæreditatem. Mandavit autem hoc verbum in mille generationes, quando dixit: « Sic erit ſemen tuum ſicut ſtellæ cœli, et ſicut arena quæ eſt in littore maris (Gen. xxi, 17). » Poſuit autem finitum pro infinito, quia ad ſtellas cœli et arenam maris comparatæ, valde pauca ſunt mille generationes. Sed quia ſcriptum eſt: « In Isaac vocalitur tibi ſemen (Gen. xxi, 13), » magis Chriſtianis quam Judæis hoc teſtamentum factum eſſe videtur. Unde Apoſtolus ait: « Non dixit ex ſeminibus, quaſi in multis, ſed quaſi in uno, et ſemini tuo, quod eſt Chriſtus (Galat. iii, 16). »

« Quod diſpoſuit ad Abraham, et juramenti ſui ad Isaac; et ſtatuit illud Jacob in præceptum, et Israel in teſtamentum æternum, dicens: Tibi dabo terram Chanaan, funiculum hæreditatis veſtræ. » Statuit, inquit, Dominus, et præcepit non Eſau, ſed Jacob, ut ad illam hæreditatem feſtinaret, quæ æterni teſtamenti conſcriptione ſibi debetur, dicens eis: « Tibi dabo terram Chanaan, » et ſimul cum ea totam menſuram, atque *funiculum hæreditatis veſtræ*. Qua in re Pherezæi, Jebuſæi, Ethæi et cæteræ gentes ſignificantur. Hoc autem dixit illis Dominus, cum adhuc pauciſſimi eſſent et quaſi incolæ et peregrini in illa terra habitarent. Sed quia firmam ſpem habuerunt, et verbis Dominici firmiter crediderunt, omnia eis adimpleta ſunt quæcunque illis promiſerat Deus. Hæc nobis ideo recitantur, ut nos quoque firmam ſpem habeamus fideliterque credamus, quia non privabimur promiſſa nobis hæreditate, ſi patres noſtros imitati fuerimus, et eorum fidem et doctrinam tenuerimus, ſcientes quia per multas tribulationes oportet nos intrare in regnum cœlorum, quæ valde meliora ſunt quam terra Chananeorum. Unde et ſubditur:

« Cum eſſent in numero brevi, pauciſſimi, et incolæ in ea, et pertransierunt de gente in gentem, et de regno ad populum alterum. » Si ergo illi cum tanto labore ad illam hæreditatem, quæ temporalis eſt, pervenerunt, quanto magis ad illam, quæ æterna eſt, cum ſummo ſtudio feſtinare debemus!

« Non permisit hominem nocere eis, et corripuit

(784) « Ut non huic inquisitioni, qua ſignificatur amor, finem præſtet inventio; ſed amore crescente inquisitionis creſcat inventi. » Accuſat.

« pro eis reges. » Nam Pharaonem et Abimelech propter eos correptos fuisse Scriptura commemorat. Quibus Dominus præcepit, dicens : « Nolite tangere christos meos, et in prophetis meis non lite malignari. » Christos suos eos dicit, non quod oleo visibili, sed quia sancti Spiritus gratia divinitus injecti fuerunt.

« Et vocavit famem super terram, et omne frumentum panis contrivit. » Quare Dominus hanc famem super terram esse voluerit (785), sequentia manifestant. Hæc fames fuit causa ut Joseph, qui in Ægypto venditus fuerat, dominus terræ constitueretur, atque ejus providentia a famis periculo liberaretur. Hæc fuit causa ut Jacob cum filiis suis in Ægyptum descenderet, et filium, quem mortuum esse putabat, incolumem inveniret. Et hoc est quod dicit :

« Misit ante eos virum, in servum venundatum est Joseph. » Dei igitur dispositione et malitia fratrum suorum venditus est Joseph, ut nos intelligamus multa in hoc mundo Dei dispositione fieri, quæ malum initium habere videntur. Nam et Salvatoris nostri passio, venditio et traditio, Dei dispositione ad nostram salutem facta est, quam tamen injustam fuisse non dubitamus.

« Humiliaverunt in compedibus pedes ejus, ferrum pertransiit animam ejus, donec veniret verbum ejus; eloquium ejus inflammavit eum. » In eo quod animam ejus ferrum pertransisse dicit, magnos dolores et angustias eum sustinuisse ostendit. Sed postquam venit verbum ejus, et eloquium Domini inflammavit et illuminavit eum, ut somnium regis interpretari potuisset, illico ab his tantis angustis liberatus est. Et hoc est, quod ait :

« Misit rex, et solvit eum, princeps populorum, et dimisit eum, et constituit eum dominum domus suæ, et principem omnis possessionis suæ, ut erudiret principes suos sicut seipsum, et principes suos prudentiam doceret. » Magnam sapientiam in Joseph Pharaon cognovisse ostenditur, quem totius terræ principem et dominum constituit, et ad docendos majores et seniores ordinavit. Putabant enim illam somniorum interpretationem, non divino beneficio, sed artis magisterio, et ingenii sublimitate eum habuisse. Unde et alios, sicut se ipsum hanc doctrinam docere posse putabant. Multa sunt hoc in facto quæ Salvatori nostro convenire possunt. Quoniam sicut Joseph venditus est a Juda fratre suo, ita et ipse venditus est a Juda discipulo suo. Et omnium gentium rex et dominus a Patre constitutus, non solum Ægyptum, sed universum mundum a fame perpetua liberavit. De qua videlicet fame

(785) « Vocavit famem : intelligendum est, dixit ut fames esset, ut hoc sit vocare quod appellare, hoc appellare quod dicere, hoc dicere quod jubere. Nam ille vocavit famem qui vocat ea quæ non sunt, tanquam quæ sunt. » AUGUSTINUS.

(786) Ad majorem intelligentiam afferamus Augustinum. « Nunquid ergo istorum tam gravium peccatorum auctor est Deus, qui nullius vel levissimi pec-

per Prophetam dicitur : « Immittam in vos non famem panis, neque sitim aquæ, sed audiendi verbum Dei (Amos viii, 11). » Et ipse quidem peritissimus est, non solum ad somnia interpretanda, verum etiam ad omnia Scripturarum profundissima mysteria revelanda.

« Et intravit Israel in Ægyptum, et Jacob habitavit in terra Cham. » De genere Cham natus est Chanaan, a quo Ægyptii originem ducunt. Si Jacob non timuit intrare in Ægyptum, cur nostri timeant ad prædicandum invadere mundum? cum audiant : quia « auxit Dominus populum suum nimis, et confirmavit eum super inimicos ejus. » Nam et isti et illi valde multiplicati et super omnes inimicos suos confirmati sunt.

« Convertit cor eorum, ut odirent populum ejus, et dolos facerent in servos ejus. » Quare Ægyptii de facto reprehendantur, si eorum corda Deus convertit, et hoc facere voluissent? Usitatus est in divina pagina iste locutionis modus, ut hoc Dominus facere dicatur, quod cum prohibere posset, facere permittit (786). Dat enim Dominus malis occasionem, ut eorum iniqua desideria foris manifestentur, et malum, quod in corde hæcent, celari non possit. Cum igitur Ægyptii populum Dei vehementer affligerent, ad eorum consolationem Moysen et Aaron venire præcepit. Et hoc est quod dicit : « Misit Moysen servum suum, et Aaron quem elegit ipsum. Posuit in eis verba signorum suorum et prodigiorum suorum in terra Cham. » Quæ autem fuerunt illa prodigia audiamus.

« Misit tenebras, et obscuravit eos qui exacerbaverunt sermones ejus. » Illæ tenebræ, quæ tunc Ægyptios obscurabant, illas quas Judæi, hæretici ac pagani et tunc et semper passuri sunt, significabant. Isti enim sunt qui exacerbant sermones ejus, et doctrinæ catholicæ et apostolicæ contradicunt.

« Convertit aquam eorum in sanguinem, et occidit pisces eorum. » Aquæ Ægyptiorum, quæ in sanguinem conversæ sunt, philosophorum et hæreticorum doctrinam designabant; quæ nihil aliud est, nisi venenum, sanguis et peccatum. Pereunt igitur qui hunc sanguinem bibunt, et hanc doctrinam suscipere non metuant.

« Misit in terra eorum ranas, et in cubilibus regum ipsorum. » Istæ ranæ, poetæ et philosophi, et Judæi et hæretici intelliguntur, qui, de sola loquacitate gloriantes, contra veritatem loqui non cessant. Et tales quidem regibus et potentibus familiares sunt, qui in eorum vanitatibus et erroribus delectantur.

« Dixit, et venit cœnomia, et cinipes in omnibus

cati auctor credendus est? Quis sapiens, et intelliget hæc? Nam ipse est illa mirabilis Dei bonitas, quæ bene utitur etiam malis, vel angelis, vel hominibus. Cum enim ipsi vitio suo mali sint, ille de malo eorum bene facit. Non enim antequam odissent populum ejus boni erant, sed maligni et impii tales erant, qui facile incolis suis felicibus inviderent, etc.

« finibus eorum. » Cenomia genus muscarum est turpissimum et importunissimum. At vero ciniphes culices dicuntur, qui quanto cæteris sunt minutiores, tanto sunt aculeis graviore. Quid igitur per muscam caninam et ciniphes, nisi luxuria designatur, quæ inter alia vitia turpissima et molestissima esse probatur. Hoc vitium, quia de carne est, et naturaliter carni adheret, non sine labore et Dei adiutorio vici et fugari potest.

« Posuit pluvias eorum in grandinem, et ignem comburentem in terra ipsorum. Et percussit vineas eorum, et ficulneas eorum, et contrivit omne lignum finium eorum. » Per grandinem et ignem comburentem, et immensam Dei iram et furorem intelligere possumus, quibus homines iniqui cum omnibus quæ possident flagellandi et perdendi sunt.

« Dixit, et venit locusta, et bruchus, ejus non erat numerus, et comedit omne fenum in terra eorum. » Locusta et bruchus, qui quasi cum exercitu et multitudine semper incedunt, omnia vitiorum genera significant: quibus omne fenum illius terræ comeditur et dissipatur, per quod ipsos homines intelligimus, siquidem per fenum populus significatur.

526 « Et percussit omne primogenitum in terra Ægypti, primitias omnis laboris eorum. » Hæc plaga plus omnibus aliis terruit Ægyptios, ita ut Hebræos ire rogarent et exire compellerent, quæ sola inter alias bonam videtur habere significationem. Significat enim originale peccatum in omnibus hominibus Christi sanguine esse deletum. Huc usque Ægyptiorum plagas, hinc vero Judæorum beneficia divinitus eis a Deo collata scribere incipit.

« Et eduxit eos in argento et auro, et non erat in tribubus eorum infirmus. » Non solum Christiani, sed aliæ quoque gentes aurum habent et argentum, virtutes et mores honestos, et multarum artium peritiam, quæ omnia ab illis suscipere et mutuare non est peccatum. Et notandum quia qui Deum sequuntur non infirmantur, si tamen via regia læcedant et ab ea non recedant.

« Lætata est Ægyptus in protectione eorum, quia cecidit timor eorum super eos; et expandit nubem in protectionem eorum, et ignem, ut luceret eis per noctem. » De hac nube dicit Apostolus: « Quia omnes in Moysæ baptizati sunt in nube et in mari (1 Cor. x, 2); » id est ex aqua et Spiritu sancto, ut per mare aquam, per nubem Spiritum sanctum intelligamus. Ipse est igitur, qui nos a calore et cunctis tribulationibus protegit, qui tenebras nostras illuminat, viamque veritatis ostendit.

« Petierunt carnes et venit coturnix. » Per coturnices spiritualis intelligentia significantur, quæ de

(787) « Justificationes autem ejus sunt, ut Deum toto corde diligamus, proximos tanquam nos habeamus patrem veneremur, filium charum habeamus, et cæteræ justitiæ, quæ in diverso rerum genere sunt præceptæ. » Cassiod.

(788) « Ecce breviter præcipitur ut Domino totius

superioribus et ab aquis originem habet. Quod enim omnia hæc spiritualiter intelligenda sint, Apostolus nos instruit dicens: « Omnes eandem escam spirituales manducaverunt, et omnes eundem potum spirituales bibebant: bibebant autem de spirituali, consequente eos petra; petra autem erat Christus (1 Cor. 3, 4). » Unde et subditur: « Et pane celi saturavit eos. » Panis enim ille, qui de cælo descendit, vel Christi caro, vel spiritualis intelligentia est.

« Dirupit petram, et fluxerunt aquæ, et abierunt in sicco flumina. » Similiter de pectore Christi quatuor magna flumina eruperunt, quibus tota terra, quæ prius sicca et arida erat, abundanter irrigata et satiata est. Et hæc omnia quæ superius locuti sumus ideo fecit Dominus populo suo, quia « memor fuit verbi sancti sui, quod locutus est ad Abraham puerum suum. » Promiserat enim Dominus Abraham quod in semine ejus omnes gentes benedicerentur, et quia sic esset semen ejus, sicut stellæ cæli, et sicut arena quæ est in litore maris.

« Et eduxit populum suum in exultatione, et electos suos in lætitia. » Quomodo enim sine lætitia et exultatione esse poterant qui sic a Domino fovebantur, defendebantur et tantis beneficiis diabantur? « Et dedit eis regiones gentium, et labores populorum possederunt. » Ad quid? « Ut custodiant justificationes ejus, et legem ejus exquirant (787). » Nisi enim victis hostibus pacem habuissent et terram quiete possedissent, neque justificationes legitime custodire, neque legem diligenter exquirere potuissent.

PSALMUS CV.

ALLELUIA, ALLELUIA.

Primum Alleluia præcedentis psalmi est, sequens sequentis.

Docet nos Propheta quanta instantia Deum semper laudare debeamus, qui in laudibus desinit et in laudibus incipit: quando Psalmus fuit, laudare præcipit, et quando incipit laudare præcipit, ut semper laus Dei continua sit, et nulla in Dei laudibus interpositio fiat (788).

« Constemini Domino quoniam bonus, quoniam in sæculum misericordia ejus. » Nobilis ratio quare Deum laudare debeamus, et quia bonus et misericors est. Si enim omne bonum laudabile est, et nihil laudari debet nisi quod bonum est, quantum ille laudandus est qui solus est bonus, et a quo sunt omnia bona! Legitur in Evangelio quia, cum quidam dixisset Domino « Magister bone, » respondens ait: « Quare me dicis bonum, cum nemo sit bonus, nisi solus Deus? Si Deum me esse credis, bene dicis; si autem non credis, quare hoc dicis? »

psalmi jubilatione cantetur. Sed inspicimus, quod a superioribus dictis nec titulum nobis cognoscitur mutasse, nec causam. Titulus est enim *alleluia*, causa confessio, quæ nro modo ad laudes Domini omnino fecunda est. » Cassiod.

(*Matth. xix, 17.*) Deus enim a se ipso et substantialiter bonus est; cætera vero non a seipsis, neque sunt, neque bona sunt, sed a Deo sunt quidquid sunt.

527 Laudemus igitur Dominum, quoniam bonus est et substantialiter bonus, et qui nunquam potest esse nisi bonus. « Et quoniam in sæculum misericordia ejus. » Quod autem ait in sæculum, tantum est ac si dixisset in æternum. Unde et alibi dicitur: « Misericordias Domini in æternum cantabo (*Psalm. lxxxviii, 1.*) »

« Quis loquetur potentias Domini, auditas faciet omnes laudes ejus? » Ecce quasi aliquis dicat, laudare parati sumus, sed laudare non sufficimus. Quis enim plene loquetur potentias Domini? Et quis loquendo semperque clamando audiri faciet omnes laudes ejus? Innumerabiles sunt, modum excedunt: « Magnus Dominus, et laudabilis nimis, et magnitudinis ejus non est finis (*Psalm. xlviii, 8.*) » — « Beati, qui custodiunt iudicium, et faciunt justitiam in omni tempore. » Si illud, quasi dicat, facere non potes, saltem hoc facias, et beatus eris. Beati enim sunt qui custodiunt iudicium ejus, sed quod est iudicium ejus? « Declina a malo, et fac bonum (*Psalm. xxxvi, 27.*) » Verum quidem est, quia omnes Dei laudes dicere non potes; at vero a malo declinare et bonum facere quis non potest? Omni autem tempore justitiam faciunt, qui secundum hoc quod posunt mandatum custodiunt, quia declinare a malo iustitia est, et bonum facere justitia est.

« Memento nostri, Domine, in beneplacito populi tui, et visita nos in salutari tuo. » Bene autem dixit « in beneplacito populi tui, » quia et bonorum et malorum recordatur Dominus; bonorum quidem ad miserendum, malorum vero ad puniendum. Sed talis recordatio bonis quidem placet, malis vero non placet. Rogavit autem Propheta ut eos Dominus visitaret in salutari suo. Quod si de Christi incarnatione intelligitur, factum quidem est, sed non in tempore suo; ipse tamen etiam ante incarnationem suam eos et visitabat, et regebat, et gubernabat.

« Ad videndum in bonitate electorum tuorum, ad lætandum in lætitia gentis tuæ, ut lauderis cum hæreditate tua. » Sic visita, inquit, in salutari tuo, ut videamus nosmetipsos, et participes simus in illa bonitate quam factorus es electis tuis. Et lætemur in lætitia gentis tuæ, per quam videlicet gentem populus Christianus significatur. Hoc est enim quod Judæis non credentibus Dominus ait: « Multi reges et prophetae voluerunt videre quæ vos videtis, et non viderunt, et audire quæ auditis, et non audierunt (*Luc. x, 24.*) » Omnes enim desiderabant adventum Christi, et omnes desiderabant connumerari et sociari Ecclesie Christi. « Ut lauderis in hæreditate tua. » Fac nos, quasi dicat, esse in lætitia gentis tuæ, ut a nobis quoque simul lauderis cum hæreditate tua, et fiat unum ovile et unus pastor (789). Hinc narrare

A incipit prævaricationes illius populi, qui semper incredulus exstitit, multisque modis Deum tentavit, et ad iracundiam provocavit. Similiter autem facit et Daniel, qui confitetur peccata sua et peccata populi sui, ut ejus orationibus et supplicationibus tandem Dominus ad misericordiam moveatur. « Peccavimus cum patribus nostris, injuste egimus, iniquitatem fecimus. Patres nostri in Ægypto non intellexerunt mirabilia tua, et non fuerunt memores misericordiarum tuarum. » Isti sunt illi patres de quibus Apostolus ait: « Quoniam increduli fuerunt, eorum cadavera prostrata sunt in deserto (*I Cor. v.*) » De quibus et Dominus dicit: « Non introibunt in requiem meam (*Hebr. iv, 6.*) » Isti enim, si mirabilia Dei, quæ in Ægypto viderant, intellexissent, et tantæ misericordiarum quam eis Dominus fecerat memores fuissent, nunquam contra hostes ire timuissent. Et qui prius non timerant mare Rubrum intrare, postea contra Chanaanæos pugnare veriti sunt. Et fortasse nec mare Rubrum tunc introissent, nisi Ægyptios super se irruentes formidassent.

« Et irritaverunt ascendentes in Rubrum mare. » Hinc est enim quod Moyses illis timentibus et desperantibus ait: « Ne timeatis Ægyptios, quia Dominus pugnabit pro vobis, et vos lacebitis (*Exod. xiv, 14.*) » Hæc est itaque prima tentatio qua Dominum irritaverunt, postquam de Ægypto exire cœperunt. « Et liberavit eos, » non eorum meritis, sed propter nomen suum, quia nisi eos liberasset, magnam jacturam fecisset nomini suo; omnes enim dicerent, quod eos liberare non potuisset. Hoc autem ideo fecit, « ut notam faceret eis potentiam suam. » Sed quid profuit, cum ipsi eam cognoscere noluerint?

C « Et increpuit mare Rubrum, et exsiccatum est, et eduxit eos in aquis multis, sicut in deserto, et liberavit eos de manu odientium, et redemit eos de manu inimicorum, et operuit aqua tribulantes eos, unus ex eis non remansit. » Quid per mare Rubrum, nisi baptismum? Quid vero per Pharaonem et exercitum ejus, nisi diabolum et vitiorum multitudinem intelligamus? Isti vero usque ad baptismum populum Dei persequuntur; sed ibi pereunt, et destruuntur.

« Et crediderunt in verbis ejus, et cantaverunt laudes ejus, cito fecerunt, et oblii sunt operum ejus, et non sustinuerunt consilium ejus. » Videntes, inquit, mirabilia Dei quæ fecerat, verbis ejus crediderunt, et laudes ejus cantaverunt; cito hoc fecerant, et subito defecerunt, et oblii operum ejus non sustinuerunt consilium ejus. Si enim consilium ejus **528** sustinuissent et fecissent, non perissent.

D « Et concupierunt concupiscentias in deserto, et tentaverunt Deum in siccitate. » Quid istæ tentationes significant, Apostolus docet, ubi ait: « Neque tentemus Deum, sicut quidam eorum tentaverunt, et a serpentibus perierunt (*I Cor. x, 9.*) » — « Et hæc,

(789) Ex his plane noscitur quantam fidem et spem S. David et justii Veteris Testamenti haberent in futurum Redemptorem.

inquit, omnia in figura contingebant illis; scripta sunt autem ad correptionem nostram (I Cor. x, 11).

« Et dedit eis petitiones eorum, et misit saturitatem in animas eorum. » Dabat eis Dominus quod petebant, ut vel sic a murmuratione cessarent, et de ejus omnipotentia non dubitarent.

« Et irritaverunt Moysen in castris, et Aaron sanctum Domini. Aperta est terra, et deglutivit Dathan; et operuit super Synagoga Abiron; et ignis exarsit in Synagoga eorum, et flamma combussit peccatores. » Tali morte digni sunt, qui Dei sacerdotibus detrahunt, et violenter sibi sacerdotium vindicare conantur.

« Et fecerunt vitulum in Oreb, et adoraverunt sculptile, et mutaverunt gloriam suam in similitudinem vituli manducantis fenum. » Gloria nostra Deus est. Hanc autem gloriam Judæi in vitulum commutaverunt, quando pro Deo vitulum adoraverunt. Hic autem vitulus eos devoravit, quia fenum sunt, sicut scriptum est: « Vere fenum est populus (Isa. xl, 7), » fenum autem vitulus manducatur.

« Et oblitus sunt Deum qui liberavit eos, qui fecit magnalia in Ægypto, mirabilia in terra Cham, terribilia in mari Rubro. Et dixit ut disperderet eos, si non Moyses electus ejus stetisset in contradictione in conspectu ejus, ut averteret iram ejus, ne disperderet eos. » Hoc autem factum est, quando considerata terra promissionis, Josue, et Caleb et ceteri qui cum eo erant reversi sunt: qui cum nuntiassent ea quæ viderant, territus est populus, et se illic transire negavit, oblitus tot et tantorum miraculorum quæ jam coram eis, et in Ægypto et in mari Rubro, Dominus fecerat. Unde et Dominus iratus occidere voluit, sed Moyses iram suam confregit et avertit, ne eos occideret et disperderet. Unde et subditur:

« Et pro nihilo habuerunt terram desiderabilem. » Pro nihilo quidem, quia se periculis pro ea tradere noluerunt, et ideo in eam non intraverunt, quam tam immenso desiderio et videre et habere cupierunt. « Et non crediderunt in verbis ejus, » quibus Moyses, Josue et Caleb eos hortabantur, et ne timerent confortabant.

« Et murmuraverunt in tabernaculis suis, nec exaudierunt vocem Domini; et elevavit manum suam super eos in deserto, et ut decideret semen eorum in nationibus, et disperderet eos in regionibus. » Dicens Moysi: « Dimitte me, ut deleam populum istum, et faciam te in gentem magnam (Deut. ix, 14). » Historia quidem narratur nobis, sed quæ valde consideranda est et memorie commendanda, ne et nos miraculorum Christi, et virtutum ejus quæ nobis quotidie leguntur obliviscamur, et promissam nobis hæreditatem parvi pendamus, sed viriliter contra omnes adversarios nostros dimicemus, ut ad eam transire valeamus.

« Et consecrati sunt Beelphegor, et manducaverunt (790) » Ea tamen qua dubitavi Moyses, sanctitate servata, hac tantum inruit ultione percelli ne in

runt sacrificia mortuorum. » Nescio quid nefandius unquam isti facere potuissent, qui se ipsos diabolo consecrarunt, eique sacrificarunt, et de ipsis scelestis sacrificiis manducaverunt. Unde iratus Dominus Moysi dixit: « Tolle cunctos principes populi, et suspende eos contra solem in patibulis, ut aufferatur furor meus ab Israel (Num. xxv, 4). »

« Et irritaverunt eum in studiis suis, et multiplicata est in eis ruina. » Hoc autem totum descendit ex consilio Balaam, qui docuit Balac ut virgines suas Judæis opponeret, quarum amore miseri homines superati, earum diis immolarent, et ad hoc tam immensum scelus devenirent. Cum magno igitur studio atque frequentia ad eas intrantes, magnam iram contra se concitaverunt, donec Phinees super-
B veniens cum gladio fornicatores interfecit. Et jam viginti tria millia hominum ceciderant, quando Phinees pro eis oravit et exauditus est. Et hoc est quod ait:

« Stetit Phinees, et exoravit, et cessavit quassatio, et reputatum est illi ad justitiam a generatio, ne usque in generationem, usque in sæculum. » Hunc igitur et nos imitari debemus, ut fornicationis spiritum, ubicunque est, verbi Dei gladio confodiamus.

« Et irritaverunt eum ad aquas contradictionis, et vexatus est Moyses propter eos, quia exacer-
C baverunt spiritum ejus, et distinxit in labiis suis. » Istæ sunt aquæ contradictionis, ubi jurgati sunt filii Israel contra Dominum, quando Moyses dixit eis: « Audite, rebelles et increduli, num de petra hæc poterimus nobis producere aquas? » (Num. xx, 10.) Et tunc quidem Moyses distinxit in labiis suis, per quod significatur, quia cum magna supplicatione deprecatus est Dominum pro eis in secreto pectoris sui (790). Ille autem aquæ hæc quatuor Evangeliorum flumina significabant, quæ, de Christi corpore emanantia, omnibus ad bibendum abundanter sufficiunt. Quæ non immerito aquæ contradictionis dicuntur, quia valde multi sunt qui eis contradicunt. Hinc autem ea enarrare incipit quæ facta sunt, post-

529 quam Jordanem transierunt, et terram promissionis intraverunt. Præceperat autem illis Dominus ut omnes gentes disperderent quarum terram
D possessuri erant, quod quia non fecerunt, multa mala ab eis postea passi sunt. Sed quia omnia in figura contingebant illis et ad correptionem nostram scripta sunt, nos demus operam ut totam vitiorum gentem, quæ in nostra carne habitat et dominatur, usque ad interfectionem interficiamus et disperdamus, ut nunquam amplius contra nos insurgere valeant, ne forte de nobis quoque dicatur, quod sequitur:

« Non disperdiderunt gentes, quas dixerat Dominus illis, et commisti sunt inter gentes, et didicerunt opera eorum, et servierunt sculptilibus eorum, et factum est illis in scandalum, et in terram introiret promissionis, qui de Domino magno trouittere non præsumpsit. » Cassiod.

« molaverunt filios suos et filias suas demoniis, et effuderunt sanguinem innocentem, sanguinem filiorum suorum et filiarum suarum, quas sacrificaverunt sculptilibus Chanaan; et infecta est terra in sanguinibus, et contaminata est in operibus eorum. » Simplex hic narrator historia, et quam stulti et iniqui isti fuerint, quantumque a primis suis parentibus, quibus terra promissa fuerat, degeneraverint, apertissime ostendit. Ut omnes intelligant, justo Dei judicio, eis omnia mala accidisse, quæ super eos venisse narrantur. Sic enim tota terra eorum iniquitatibus violata et contaminata est, ut eam merito Deus abominari debueret.

« Et fornicati sunt in adinventionibus suis, et iratus est Dominus in populum suum, et abominatus est hæreditatem suam, et tradidit eos in manus gentium, et dominati sunt eorum qui oderunt eos, et tribulaverunt eos inimici eorum, et humiliati sunt sub manibus eorum, sæpe liberavit eos. » Et in hoc quidem magna Dei clementia declaratur, quia, quamvis Deum sic offendissent, quoties tamen humiliati ad eum clamabant, toties eos exaudiebat, et de inimicorum suorum manibus liberabat. Et hoc quidem præcipue tempore Judicium factum fuisse, qui leget, inveniet.

« Ipsi autem exacerbaverunt eum in consilio suo, et humiliati sunt in suis iniquitatibus. » Si enim ejus consilio credidissent, ab ejus imperio non recessissent; sic in suis iniquitatibus ab adversariis suis humiliati non fuissent.

« Et respexit eos cum tribularentur. » Si tamen poenitentes eum orabant et invocabant. Hoc est enim, quod dicit; « cum exaudiret orationes eorum. » Quomodo enim eorum orationes exaudire posset, nisi eum invocassent et orassent?

« Et memor fuit testamenti sui, et poenituit eum secundum multitudinem misericordiæ suæ. » Deum non poenitet, sed poenitere videtur, quando poenitentis imitatur affectum; si enim quem affligebat subito aliquis amplecti et honorare incipiat, poenitere videtur.

« Et dedit eos in misericordias in conspectu omnium qui ceperant eos. » Non enim interficiebant eos, neque a patriis legibus recedere cogebant, semperque secum prophetas habebant qui eos consolabantur et Dei misericordias eis promittebant.

« Salvos nos fac, Domine Deus noster, et congrega nos de nationibus, ut consiteamur nomini sancto tuo, et gloriemur in laude tua. » De illis nunc Propheta specialiter loquitur qui in fine sæculi futuri sunt, de quibus alibi dicitur: « In diebus illis salvabitur Juda, et Israel habitabit confidenter (Jer. xxxiii, 16). » Itemque: « Si fuerit numerus filiorum Israel sicut arena maris, reliquæ convertentur (Isa. x, 21). » Pro istis orat Propheta quos ubique gentium videt esse dispersos, ut in unam fidem congregentur, et Christum consiteantur et in

eo glorientur, quod eum laudare tantum digni facti sunt.

« Benedictus Dominus Deus Israel a sæculo usque in sæculum; fiat, fiat. » Nunc, inquit, quia Judei et gentiles ex omnibus mundi partibus in unum congregati sunt omnesque in unam fidem convenerunt, omnes eum benedicunt et ejus benedictiones confirmantes dicunt, « fiat, fiat. »

530 PSALMUS CVI.

ALLELUIA.

Quid significet Alleluia, satis quidem dictum est, sed satis factum non est. Et ideo toties nos Propheta hortatur laudare Dominum, quia nunquam satis laudare possumus.

« Constemini Domino, quoniam bonus, quoniam in sæculum misericordia ejus. » Hos nunc hortatur Propheta ad laudes Domini qui Christi sanguine redempti sunt et ex omnibus mundi partibus in unam catholicam Ecclesiam congregati.

« Dicant nunc qui redempti sunt a Domino, quos redemit de manu inimici, et de regionibus congregavit eos. » Nunc, inquit, in hoc tempore suæ redemptionis consiteantur Domino, et nunc laudes ejus dicant, et prædicent omnes qui redempti sunt a Domino; illi videlicet quos Dominus redemit de manu inimici, et de potestate diaboli liberavit, et de omnibus nationibus in unam fidem congregavit. Et hoc est quod ait:

« A solis ortu et occasu, ab aquilone et mari. » Mare, quod totum circumit mundum, nunc pro sola parte australi ponitur.

« Erraverunt in solitudine in siccitate, et viam civitatis habitationis non invenerunt. » Omnes, inquit, isti erraverunt; sed Christi gratia illuminati sunt. Sed ubi erraverunt? In solitudine, et non solum in solitudine, sed in sicca solitudine. Hæc est illa solitudo, de qua Propheta dicit: « Ego vox clamantis in deserto (Joan. 1, 25). » Totus mundus erat solitudo, quando Dominus venit, omnis terra arida et sterilis erat; nondum homines illam viam invenerant quæ ducit ad civitatem habitationis: « Ego, inquit Dominus, sum via, veritas et vita; nemo venit ad Patrem, nisi per me (Joan. xiv, 6). » Hæc est igitur illa via quæ ducit ad Patrem et ad civitatem habitationis. Illa sola civitas habitationis, in quam quicunque intrant, æternam habent et feliciem habitationem.

« Esurientes et sitientes, anima eorum in ipsis deficit. » Omnes, inquit, adhuc esurientes et sitientes erant, quia veritatis et sapientiæ cibum et potum nondum gustaverunt, et ideo anima eorum fame et siti in ipsis defecerat: « Non autem fame panis, ut Propheta ait, neque siti aquæ, sed audiendi verbum Dei (Amos viii, 11). »

« Et clamaverunt ad Dominum cum tribularentur, et de necessitatibus eorum liberavit eos. » Hoc autem tunc factum est, quando audita evangelica prædicatione, se in errore et diaboli laqueis esse cognoverunt. Sed mox clamantes et poenitentiam

agentes salvati et liberati sunt. Et tunc quidem
 « eduxit eos Dominus in viam rectam, ut irent in ci-
 « vitatem habitationis. »

« Conſteantur Domino miſericordiæ ejus et mira-
 « bilia ejus filiis hominum. » Egrege autem dicitur,
 ut miſericordiæ et mirabilia laudent Dominum, quia
 per miſericordias quas fecit, et per mirabilia quæ
 filiis hominum oſtendit, laudatur et magnificatur
 Dominus. Et dignum quidem eſt ut eum laudent
 qui ea bona ſuſcipere meruerunt quæ ſuperius ex-
 poſita ſunt.

« Quia ſatiavit animam inanem, et animam eſu-
 « rientem ſatiavit bonis. » Hoc eſt enim, quod ſu-
 perius dixit, quia « de neceſſitatibus eorum libera-
 « vit eos, » qui eſurientes et ſitientes erant. Inanes
 erant illæ animæ, quæ Chriſti fide et cognitione va-
 cuæ erant. Haſ autem ſatiavit Deus omnibus bonis,
 quia utriusque Teſtamenti dulcedinem et veritatem
 intelligere fecit.

« Sedentes in tenebris et in umbra mortis, vincu-
 « lis ligatos in mendicitate et ferro. » Subauditur,
 liberavit eos Dominus. Hoc enim inferius conti-
 nuatur, ubi dicitur, « de neceſſitatibus eorum libe-
 « ravit eos. » Ille eſt ille populus, de quo Propheta
 ait : « Populus qui ſedebat in tenebris vidit lucem
 magnam, ambulantiſ in regione umbræ mortis,
 lux orta eſt eis (Iſa. ix, 2). » Sedebant iſti in tene-
 bris erroris et cæcitatſ, et ſub illius arboris umbra
 quæ non refrigerium, ſed mortem dabat. Erant au-
 tem in vinculis ferreis, in mendicitate, quia ſpiri-
 tualibus divitiis pauperes dura diaboli catena
 ſtringebantur. Hoc autem cur eis acciderit ſequen-
 tia manifeſtant.

« Quia exacerbaverunt eloquium Domini, et con-
 « ſilium Altissimi irritaverunt. » Neque ipſi per ſe,
 vel a doctoribus ſuis cognoscere poterant veritatem,
 neque hiſ qui divino oraculo eum prædicabant,
 credere volebant, ſed potius contra divinæ legis
 prædicatores, errorem ſuum omnibus modis defen-
 dere nitebantur. Et hoc quidem erat eloquium Do-
 mini exacerbare, ejusque conſilium irritare. Unde
 et ſubditur :

« Et humiliatum eſt in laboribus cor eorum, et
 « infirmati ſunt, nec fuit qui adjuvaret. » Magnus
 labor eſt veritatem investigare, quam quidem nemo
 ſuo ingenio, ſine divino auxilio invenire poterit. Et
 ideo omnes ſæculi ſapientes ſtulti facti ſunt, et ad
 veritatis agnitionem perſingere non potuerunt. Cor
 autem cum vincit exaltatur, cum vincitur humiliatur.
 Quod itaque hic dicitur : « Humiliatum eſt in labo-
 ribus cor eorum, » tale eſt ac ſi diceret : **531**
 Quamvis multum die nocteque cogitando et medi-
 tando laboraſſent, victum tamen et humiliatum eſt
 cor et ingenium eorum, quoniam ad veritatis noti-
 tiam ſuo ingenio pervenire non potuerunt, ſed om-
 nino infirmati ſunt, nec fuit inter eos neque ſcriptu-
 ra, nec ſapiens aliquis, qui eis hoc in labore auxilium
 præſtare valuiſſet. Cum igitur ſic meditando tribu-
 larentur et affligerentur, audita ſubito evangelica,

A prædicatione illuminati ſunt, et clamantes ad Domi-
 num de iſtis tantis neceſſitatibus liberati ſunt. Et
 hoc eſt quod dicit :

« Et clamaverunt ad Dominum cum tribularentur,
 « et de neceſſitatibus eorum liberavit eos. » Quæ
 autem fuerint iſtæ neceſſitates, audiamus :

« Et eduxit eos de tenebris et umbræ mortis, et
 « vincula eorum diſrupit. » Et hoc quidem jam
 ſuperius expoſuimus, quia erroris et cæcitatſ
 tenebras patiebantur.

« Conſteantur Domino miſericordiæ ejus et mira-
 « bilia ejus filiis hominum. » Et hoc ſimpliciter
 expoſitum eſt. Quod tamen dignum eſt ut ſæpius
 repetatur, quia magna Dei miſericordia eſt, magna-
 que miracula quæ nobis in hoc Pſalmo narrantur. Sed
 B quæ miracula ?

« Quia contrivit portas æreas, et vectes ferreos
 « confregit. » Valde dura et fortia eſſe oſtendit, in
 eo quod ærea et ferrea ea eſſe dicit. Omnia machi-
 namenta diaboli tam fortia ſunt, ut merito ærea et
 ferrea eſſe dicantur. Non eſt ergo mirum ſi verba
 vitæ corda iniquorum penetrare nequeunt, quæ tam
 fortiter clauſa et obſerata ſunt. Omnia vitia et
 peccata machinamenta diaboli ſunt, quæ verbo Dei
 obſiſtunt, ne ad cor hominis penetrare valeat. Vincit
 tamen virtus et potentia Dei, et quamvis miſer
 homo in via iniquitatſ clauſus et ligatus ſit, inde
 tamen eum trahit, et ad viam veritatſ revocat. Et
 hoc eſt quod dicit :

C « Suſcepit eos de via iniquitatſ eorum. » Et
 quaſi aliquis diceret : Quid cauſæ eſt quod ſic
 homines a diabolo et vinci et humiliari poſſunt ?
 ait : « Propter injuſtitias enim ſuas humiliati ſunt ; »
 quaſi dicat : Hoc faciunt qui falſitatem et injuſtitiam
 diligunt, et eam quam diligere debent veritatem
 odio habent. Et hoc eſt quod ait :

D « Omnem eſcam abominata eſt anima eorum, et
 « idcirco appropinquerunt uſque ad portas mortis. »
 Omnem, inquit, eſcam ſalutiferam et vivificantem,
 perquam utriusque Teſtamenti doctrina ſignificatur,
 abominata eſt anima eorum, et ideo ad portas
 mortis appropinquerunt, quia hæreticis et ſchi-
 ſmaticis aliisque deceptoribus ſe ſociaverunt. Iſti
 enim ſunt portæ mortis, quia per iſtos intratur ad
 mortem.

« Et clamaverunt ad Dominum cum tribularentur,
 « et de neceſſitatibus eorum liberavit eos. » Hoc
 autem jam ſuperius expoſitum eſt. Sed quomodo
 de neceſſitatibus eorum liberavit eos, ſequitur :

« Miſit verbum ſuum, et ſanavit eos et eripuit
 « de interitu eorum. » Hoc autem de Salvatore
 noſtro intelligitur, qui ad ſanandas et liberandas
 omnes gentes a Deo miſſus eſt.

E « Conſteantur Domino miſericordiæ ejus et mira-
 « bilia ejus filiis hominum. » Nunc, quaſi dicat :
 Miſericordiæ et mirabilia neceſſaria ſunt, quia
 ſancti prædicatores ad prædicandum et ſacrificium
 laudis immolandum mittuntur. Hoc eſt enim quod ait :

« Ut ſacrificent ſacrificium laudis, et annuntient

« opera ejus in exultatione. » De hoc sacrificio dicit Apostolus : « Per ipsum ergo offeramus hostiam laudis semper Deo, id est vitulos labiorum contentium nomini ejus (*Heb. xiii, 15*). » Vituli namque labiorum, laudes, sermones et verba sunt quæ apostoli prædicare et nuntiare mittuntur. Sed ut hoc in exultatione facere valeant, necesse est ut misericordiae et mirabilia Dei cum eis vadant.

« Qui descendunt mare in navibus, facientes operationes in aquis multis, ipsi viderunt opera Domini et mirabilia ejus in profundo. » Isti qui descendunt mare in navibus apostoli sunt et doctores. Et ipsi quidem fecerunt operationes in aquis multis, quia prædicaverunt, et virtutes multas fecerunt in populis multis. Et hoc est quod ait : « Ipsi viderunt opera Domini, et mirabilia ejus in profundo. » Tunc enim in profundo maris apostoli mirabilia viderunt, quando inter impios et peccatores mortuos suscitabant, cæcos illuminabant, aliaque miracula faciebant. Descendit autem unusquisque in navicula corporis sui, quæ quidem fragiles erant et naufragio destinatæ; sed spiritus, qui præsidebat, fortis erat, et navigandi peritus. Unde et Dominus ait : « Spiritus quidem promptus est, caro autem infirma (*Math. xxvi, 41*). »

« Dixit, et stetit spiritus procellæ, et exaltati sunt fluctus ejus. » Hoc est enim quod per Prophetam Dominus ait : « Ego Dominus, qui conturbō mare, et intumescunt fluctus ejus (*Isa. li, 15*). » Tantum enim et non amplius poterant mali contra bonos, quantum eis Dominus facere permittebat. « Dixit igitur Dominus (dicere autem, voluisse fuit) et stetit spiritus procellæ. » Et quia Dominus hoc voluit ut spiritus procellæ staret et mare in suo fervore et tempestate perseveraret, ideo exaltati sunt fluctus ejus. Et quid fecerunt tunc illi, de quibus modo diximus, qui descendunt mare in navibus?

« Ascendunt usque ad celos et descendunt usque ad abyssos. » Et ascendere malum est et descendere pejus; in utroque **532** enim periculum est. Unde et dicit quia « anima eorum in malis tabescebat; » id est in calamitatum et dolorum vehementia constituti, vix a virtute non deficere valebant. Possumus autem intelligere quod tunc ascendebant, quando ante tyrannos ad tribunal iudicii trahebantur; tunc vero descendebant, cum in ima carceris trudebantur.

« Turbati sunt, et moti sunt sicut ebrius, et omnis sapientia eorum deglutita est. » Hæc verba quid aliud significant, nisi timoris et perturbationis intolerabilem immensitatem? Hinc est enim quod Apostolus dicit : « Nolo vos ignorare, fratres, de tribulatione nostra, quæ facta est nobis in Asia, quoniam supra modum gravati sumus, supra virtutem, ita ut tæderet nos etiam vivere (*II Cor. i, 8*). »

« Et clamaverunt ad Dominum cum tribularentur, et de necessitatibus eorum liberavit eos. » Quomodo autem liberavit, audiamus. « Statuit procellam ejus in auram, et siluerunt fluctus ejus, et lætati sunt quod siluerunt, et eduxit eos in portum voluntatis eorum : » et ita quidem de necessitatibus eorum

A liberavit eos. Plana sunt hæc et jucunda ad intelligendum.

« Constituteantur Domino misericordiae ejus, et mirabilia ejus filiis hominum. » Et hoc quare? « Ut exaltent eum in Ecclesia plebis, et in cathedra seniorum laudent eum. » Constat igitur quia aliter eum exaltare non possunt, nisi Dei misericordiae et mirabilia adsint. Inde est enim quod alibi dicitur : « Quia profecti prædicaverunt ubique, Domino cooperante et sermonem confirmante, sequentibus signis (*Marc. xvi, 20*). » Quid est autem in Ecclesia plebis, nisi in populo gentium? Et quid est in cathedra seniorum, nisi in Synagoga Judæorum? De hæc autem cathedra Dominus ait : « Super cathedram Moysi sederunt Scribæ et Pharisei (*Math. xxiii, 2*). »

B « Quia posuit flumina in desertum, et exitus aquarum in sitim; terram frugiferam in salsuginem, a malitia inhabitantium in ea. » E contra vero, « qui posuit desertum in stagna aquarum, et collocavit illic esurientes, et constituerunt civitatem habitationis. » Hoc est igitur, unde apostoli et prædicatores et in Ecclesia plebis et in cathedra seniorum Dominum exaltare et laudare debent, quia deponit superbos, et exaltat humiles, quia convertit in Libanum Chermel, et Chermel in salum reputatur. Quia convertit desertum in terram fructiferam, et terram fructiferam in desertum; et, ut planius dicatur, quia malitiam Judæorum repulit, et gentium simplicitatem elegit. Quid enim aliud erat gentilitas, nisi desertum et terra sitiens et sine aqua? Et ibi quidem posuit Dominus flumina, et exitus aquarum, quoniam illis apostolos dedit, et sanctarum volumina scripturarum. Judæa vero terra fructifera quondam fuit, sed a malitia inhabitantium in ea, in salsuginem et sterilitatem conversa est. Quod autem sequitur : « Posuit desertum in stagnum aquarum, et terram sine aqua in exitus aquarum, » repetitio est. Ibi autem, id est in terra sine aqua, per quam Ecclesia significatur, collocavit Dominus esurientes, illos videlicet de quibus dicitur : « Et famelici saturati sunt (*I Reg. ii, 5*). » Et isti quidem constituerunt, compleverunt, ædificaverunt, et cunctis bonis abundare fecerunt civitatem habitationis, per quam vel Ecclesia, vel celestis Jerusalem intelligi potest.

D « Et seminauerunt agros, et plantaverunt vineas, et fecerunt fructum nativitat. » Quotidie seminatur ager Dei, et plantatur vinea Dei, et quotidie reddunt fructum novum, fructum nativitat. Plures enim, ut Apostolus ait, facti sunt sacerdotes secundum legem, idcirco quod morte prohiberentur permanere (*Hebr. vii, 23*), ut semper aliis alii succedant qui in agro Dei et in vinea Dei laborare non desinant.

« Et benedixit eos, et multiplicati sunt nimis, et jumenta eorum non minoravit. » Jumenta hoc in loco episcopi sunt et sacerdotes. Hæc autem minorata non sunt, quia, sicut modo diximus, alii pro aliis ordinantur. Dicuntur autem jumenta, quasi juva-

mentia, quod nomen, quantum huic ordini conveniat, A
quis non intelligat?

« Pauci facti sunt, et vexati a tribulatione malorum
et dolorum. » Modo, quasi dicat, iumenta minorata
non sunt, quamvis persecutionis tempore in Ecclesia
predicatores valde pauci aliquando facti sunt,
multumque ab iniquis hominibus vexati et afflicti.

« Effusa est contemptio super principes eorum, et
seduxerunt eos in invio, et non in via (791). »
Inde, quasi dicat, vexati sunt sancti a malorum
hominum tribulatione; quia super principes eorum
contemptio effusa est, qui eos seduxerunt in invio, et
non in via. Isti principes hæretici sunt, qui semper
contendere parati, et suos decipiunt, et sanctos
quiescere non patiuntur. Decipiunt autem eos in
invio, et non in via, quia nemo est qui in omnibus
decipiat. Ubi seducitur homo, in invio est; et ubi
non seducitur, in via est.

533 « Et adjuvit pauperem de inopia, et posuit
sicut oves familias. » De quibus modo superius
dixit, « pauci facti sunt, » eosdem ipsos propter
ipsam paucitatem pauperes vocat. Vicina sibi sunt
paucitas et paupertas, et pene idem significare
videntur. Quomodo adjuverit pauperem de inopia,
id est de supradicta paucitate, exponit dicens:
« Et posuit sicut oves familias, » quoniam sicut
greges ovium, sic eos multiplicavit. Singulas autem
Ecclesias intelligere possumus.

« Videbunt recti, et lætabuntur, et omnis iniquitas
oppilabit os suum. » Videbunt, inquit, recti ea
quæ in hoc psalmo scripta sunt et lætabuntur,
quoniam totus iste psalmus misericordia plenus est.
Iniqui vero taceant, et contra Deum ulterius non
loquantur. Nullam excusationem habere poterit,
qui post tantam misericordiarum plenitudinem ab
iniquitate non recedit.

« Quis sapiens, et custodiet hæc, et tunc intelliget
misericordias Domini? » Ille, inquit, sapiens est,
qui ista custodit. Et qui ista custodierit, ille sine
dubio intelliget misericordias Domini. Intelligere
autem hoc in loco suscipere est. Nemo enim sic
eas intelliget, sicut ille qui eas suscipiet.

PSALMUS CVII.

CANTICUM PSALMI DAVID.

Quid est autem canticum psalmi, nisi laus bonæ
operationis? Laudantur igitur in hoc psalmo opera
bona, et qui ea operantur. Eloquitur contra philo-
sophos et hereticos, qui suam scientiam extollentes,
sanctorum irrident doctrinam et simplicitatem. Sed
vir iustus ea non curat, neque propter hoc divinæ
legis scientiam et doctrinam prædicare cessat.

« Paratum cor meum, Deus, paratum cor meum:
cantabo, et psalmum dicam Domino. » Faciant
illi quidquid velint, dicant quod velint, laudent
dogmata sua, vituperent nostra; cor meum semper
est paratum ad cantandum, ad jubilandum, ad lau-

(791) *Effusus est contemptus super principes. Et
seduxit eos in invio, et non in via.* Ita lectio apud S.
Aug. Ad quæ subjicit: « Quid est, ergo seduxit eos,

dandum et prædicandum, et verbum vitæ et salutis
cunctis gentibus nuntiandum. Et hoc est quod dicit:
« Cantabo, et psalmum dicam Domino. » Sed ubi?
in psalterio et cithara. Hoc est enim quod sequitur:

« Exsurge, gloria mea, exsurge, psalterium et
citharam, nisi Vetus et Novum Testamentum
intelligamus? Decem chordas habet psalterium,
quia decem sunt verba legis. In cithara vero vel
tres, vel quatuor chordæ sufficiunt; et tres eadem
mysterium Trinitatis, quatuor vero totidem Evange-
liorum libros designant. Cantant igitur sancti vel in
psalterio, vel in cithara, quia alium cantum et do-
ctrinam non habent, nisi Veteris et Novi Testamenti.
Si igitur psalterium et cithara ab Ecclesia tollatur,
quid dicat, quid cantet, quid prædicet non habebit.
Est igitur omnis gloria ejus in psalterio et cithara,
quia sine cantu, sine doctrina et scientia, nullam
gloriam habere potest. Et quamvis omnis modulatio
psalterii et citharæ suavis sit, et dulcis ad audiendum;
illa tamen dulcissima est quæ a tribus chordis in
cithara modulatur. Et talis quidem est ille cantus,
quem sicut Isaias propheta, et Joannes apostolus
dicit: « Seraphim et quatuor animalia cantare non
cessant: Sanctus, sanctus, sanctus Dominus Deus
omnipotens, plena est omnis terra gloria ejus (Apoc.
iv, 9). » Merito igitur dicit Ecclesia: « Exsurge,
gloria mea, exsurge, psalterium et cithara; » et ego
quidem exsurgam diluculo. Tu, inquit, psalterium,
et tu, cithara, semper esto parata, ut nullum mihi
impedimentum et moram facias, quia ego quidem
ad cantandum exsurgam valde diluculo. In hoc autem
se per totum diem a mane usque ad vespertum, id
est omni tempore vitæ suæ se cantare et jubilare
promittit, quod se diluculo exsurgere dicit.

« Confitebor tibi in populis, Domine, et psalmum
dicam tibi inter gentes. » Parata, inquit, sum,
psalterium et citharam habeo, et in psalterio et
cithara cantabo tibi, et laudabo te in populis, Domine,
et psalmum dicam inter gentes. Quia enim Judæi
audire nolunt, psalmos se inter gentes cantare
promittit. Psalmos autem cantare, est verbis et
actione legis mandata adimplere.

« Quoniam magnificata est super cælos miseri-
cordia tua, et usque ad nubes veritas tua. » Miseri-
cordia Dei, et veritas Dei Salvator noster est, qui
omni misericordia et veritate plenus est, et in ipso
et per ipsum, Patris misericordia et veritas cunctis
gentibus revelata est. Hoc, inquit, confitebor, hoc
prædicabo, in omnibus gentibus nuntiabo, quoniam
usque ad cælos et usque ad nubes misericordia tua
et veritas tua magnificata et exaltata est. Sed ut
vera sit prædicatio mea, jam nunc exi de spelunca,
egredere de sepulchro, et exaltare super cælos, Deus,
et super omnem terram gloria tua manifestetur.
« Exaltare super cælos, Deus, et super om-

dimisit eos in invio, et non in via? Tradidit illos
Deus in concupiscentias cordis eorum. Hoc est enim,
seduxit: donavit illos sibi. »

nem terram gloria tua, ut liberentur electi tui. » **534** « Saluum me fac dextera tua, et exaudi me. » Dicit Ecclesia : ut liberentur electi tui, saluum me fac dextera et fortitudine tua, et exaudi me. Salus hujus piissimæ matris, omnium filiorum liberatio est.

« Deus locutus est in Sancto suo : Lætabor, et dividam Sichimam, et convallē tabernaculorum » metibor. » Propheta loquitur modo, et Ecclesia consolatur, quæ de humani generis calamitatibus, ab ipsa origine incipiens lamentabatur, quæ tamen de sola significatione gaudebat, quæ fugere poterat a facie arcus. « Deus, inquit, locutus est in Sancto suo, » id est in dilecto Filio suo, et ea locutus est quæ lætitiā tibi dabunt et exultationem, quoniam usque ad fines terræ te dilatabit, et totam terram, quam dimensus est et per suas partes divisit, tibi dabit. » Lætabor, inquit, et dividam Sichimam. » Egregie Dominus a lætitiā incipit, quia ejus lætitiā omnibus fidelibus gaudium præstat. Unde et in ejus nativitate gaudium pastoribus promittens angelus, ait : « Ecce annuntio vobis gaudium magnum quod erit omni populo, quia natus est vobis hodie Salvator, qui est Christus Dominus in civitate David (Luc. ii, 10). » Sichima humeri interpretatur, et significat illos humeros qui superhumeralē in Exodo ferre jubentur. Ipsi autem sunt SS. apostoli, episcopi et sacerdotes, qui ideo humeros ornatos habent, ut alios omnes sapienter et fortiter portent. Ipsi enim sunt quibus Dominus ait : « Tollite jugum meum super vos, et discite a me quia mitis sum et humilis corde (Matth. xi, 29). » Hoc igitur divisit Dominus, et totam convallē tabernaculorum inter eos partitus est. Convallis tabernaculorum totus iste mundus intelligitur, quo tabernacula Dei posita sunt, per quæ omnes Ecclesiæ significantur, de quibus subditur :

« Meus est Galaad, et meus est Manasses, et Ephraim fortitudo capitis mei. Juda rex meus, Moab olla spei meæ. In Idumæam extendam calcementum meum, mihi allophyli (792) subditi sunt. » Ecce omnia sua sunt ; omnia hæc ad Ecclesiam pertinent, et ita sancta mater Ecclesia ubique gentium magnificata et dilatata est. Sed quid per « Galaad, » quæ *acervus testimonii* interpretatur, nisi Ecclesiæ doctores et magistros intelligamus ? Ipsi enim sunt, in quibus utriusque Testamenti testimonia coacervata sunt, quibus et seipsos omnesque alios defendere debent. Et merito primi ponuntur, qui inter omnes alios obtinent principatum. « Manasses » vero interpretatur *oblivio*, per quem nimirum illi significantur qui S. Spiritus calice inebriati, terrenorum omnium obliviscuntur et sola cœlestia concupiscunt. Tales erant illi de quibus in Actibus apostolorum dicitur : « Quia omnibus

A erat cor unum et anima una, et nemo dicebat aliquid esse suum, sed erant illis omnia communia (Act. iv, 32). » Inter hos autem monachi quoque et eremitæ connumerantur. At vero per « Ephraim, » qui *frugifer* dicitur, omnes illos intelligere debemus, qui boni operis fructum Domino reddunt. In his autem et clerici et laici, et masculi et feminae, et divites et pauperes, et liberi et servi, et omnes alii qui otiosi non sunt, sed in vinea Domini fideliter laborant, intelliguntur. Quod autem ait, « fortitudo capitis mei ; » tale est ac si diceret, fortitudo mea. Ad hanc autem significationem, et boves nostros, et operarios nostros, fortitudinem nostram dicere solemus. « Juda rex meus. » *Juda confessio* interpretatur. Isti autem sunt qui pro aliis pugnant, et Deum assidue laudant et benediciunt, et inter ipsa tormenta Deum suum et Creatorem suum Christum esse confitentur. Et tales quidem digni sunt qui reges a Domino constituantur. « Moab olla spei meæ. » Bene post confessionem ollam posuit, quia sola confessio sanctorum carnibus ollam implebat, et eos ad ignem et ad alia tormenta ducebat. Per ollam enim hoc in loco omnia tormentorum genera significantur. Interpretatur autem « Moab » ex *patre*, per quem eos intelligimus quibus in Evangelio Dominus ait : « Vos ex patre diabolo estis (Joan. viii, 54). » Isti igitur sunt quos prius sibi ipsi, deinde vero fidelibus suis ollam se Dominus habere sperabat. Sperabat quidem, quia libenter et sua sponte sustinuit passionem. » In Idumæam extendam calcementum meum, » id est calcēatos meos, per quos apostolos significat, qui, sicut scriptum est, « calcēati erant in præparationem Evangelii pacis (Ephes. vi, 18). » Illos autem extendit Dominus, et misit in Idumæam, quæ *sanguinea* interpretatur, quod quid significet manifestum est. « Mihi allophyli subditi sunt. » Per allophylos (793), qui *sine capite* interpretantur, universaliter omnes infideles, et quicunque Dei cognitionem non habent, intelligere debemus. Quomodo enim caput habebant qui, cæci et surdi, aures et oculos non habebant ? Si enim oculos habuissent, nequaquam ligna et lapides deos esse dixissent. Isti tamen apostolica prædicatione Salvatori nostro subditi sunt, quia de talibus Ecclesiæ muri fabricati sunt. Isti enim sunt illi lapides impoliti et incircumcisi, **535** quos ferrum non teigit, quia de talibus altare sibi Dominus fieri jussit. Huc usque Dominus locutus est. Hinc autem Ecclesia suæ narrationis ordinem servat.

« Quis deducet me in civitatem munitam ? Aut quis deducet me usque in Idumæam ? » Quis, inquit, deducet me in civitatem munitam, id est in cœlestem Jerusalem ; ubi neque ollas Moab, de quibus modo locutus es, neque sanctorum sanguine cruentatos Idumæorum gladios timeam ? Aut si pedes

Brunonis interpretatio ; si nimirum intelligimus homines idololatriæ deditos, adeoque gentis diversæ admodum a Judæorum natione et religione.

(792) Cod. Ghs., *alienigenæ*.

(793) Allophylus, ut alibi superius diximus, significat hominem alterius tribus, sive alterius gentis et nationis ; atque in hoc etiam sensu sese sustinet S.

meos in idumæam extendere vis, quis erit qui me A deducat, et itineris viam ostendat, et euntem et redeuntem custodiat?

« Nonne tu Deus, qui repulisti nos et destruxisti nos, iratus es et miserus es nobis? Et non egredieris Deus in virtutibus nostris? » Egredieris utique, quia sic promisisti nobis, et sic te facturum esse speramus. Hoc est enim quod Dominus in Evangelio dicit: « Qui credit in me, opera quæ ego facio et ipse faciet, et majora horum faciet, quia ego ad Patrem vado (Joan. xiv, 12). » Itemque: « Signa autem eos qui crediderint hæc sequentur: In nomine meo demonia ejicient, linguis loquentur novis, serpentes tollent, super ægros manus imponent, et bene habebunt (Marc. xvi, 17). »

« Da nobis auxilium de tribulatione; » quia nos aliunde auxilium non expectamus. « Et vana est salus hominis; » siquidem universa vanitas est ipse homo.

« In Deo faciemus virtutem. » In Deo, inquit, faciemus virtutem, et ipse egredietur in virtutibus nostris; quia sicut ipse dixit, sine ipso nihil facere possumus. « Et ipse ad nihilum deducet tribulantes nos. » Tale est et illud quod alibi dicitur: « Ad nihilum devenient, sicut aqua decurrens (Psal. lvm, 8). » Ad nihilum deducitur, cujus intentio non adimpletur. Est enim usitatissimus iste locutionis modus, ut nihil eum fecisse dicamus, qui id quod cœpit facere non potuit. Sic igitur ad nihilum devenerunt, qui suas voluntates ad effectum perducere non potuerunt.

PSALMUS CVIIL

IN FINEM PSALMUS DAVID.

Iste titulus jam multoties expositus est. Quando Propheta ponit in finem, non vult ut de se, sed de Christo, intelligatur. Et ipse quidem loquitur in hoc psalmo, et de Judæis conqueritur, qui tantis ejus beneficiis ingrati fuerunt et pro bonis mala reddiderunt.

« Deus, laudem meam ne tacueris. » Vult Salvator noster ut totus mundus cognoscat et prædicet misericordiam, fortitudinem et patientiam ipsius, qui cum solo verbo omnes suos inimicos perdere potuisset, quod ad fortitudinem spectat; noluit tamen, sed nimia misericordia plenus, pro eis orabat dicens: « Pater, ignosce illis, quia nesciunt quid faciunt (Luc. xxiii, 34). » Et sicut ovis ad occisionem ductus, eum eum irridere, maledicerent, ligarent, flagellarent, damarent, spinis coronarent et (quod dicere contremisco) conspuerent, et colaphizarent, crucifigerent et aceto potarent. Sed quis omnia dicere valeat? Ipse tamen patienter omnia sustinuit. Sed melius est ut ipsum audiamus, et ipse nobis dicat quid ille populus stultus et insipiens, impius et ingratus, contra eum fecerit. « Quia os, inquit, peccatoris et dolosi super me apertum est. » Vere peccatoris, qui illud peccatum facere non timuit cui nullum peccatum unquam comparari potest. Vere dolosi, qui laudando, extollen lo, magistrum bonum

vocando, in omnibus insidiando, eum falsis testibus accusando, legis injurias obijciendo, ipsum legis conditorem contra legem fecisse mentiebantur:

« Nos, inquit, legem habemus, et secundum legem debet mori, quia Filium Dei se fecit (Joan. xix, 7). » Et cum nullam causam mortis Pilatus in eum invenire potuisset, ac per hoc eum dimittere voluisset, illi omnes e contra una voce clamaverunt: « Crucifige, crucifige! » dicentes. Cumque ille diceret: « Quid enim mali facit? » (Ibid.) illi, nihil habentes quod ei respondere potuissent, non ad interrogata responderunt, sed iterum « Crucifige! » clamaverunt. Et tunc quidem completum est quod modo Dominus ait: « Quia os dolosi et peccatoris super me apertum est. » Dicitis, Judæi, quia legem habetis; quare B ergo secundum legem non judicatis? Quare justum et innocentem condemnatis? Quare contra eum qui neque victus, neque confessus est, « Crucifige, crucifige! » clamatis? Sed audiamus quid Dominus dicat:

« Locuti sunt adversus me lingua dolosa, et sermonibus odii circumdederunt me, et expugnaverunt me gratis. » Quid dicitis ad hæc? Nonne Propheta vester istud prædixit? Non potuit mentiri Spiritus sanctus, qui in eo loquebatur; ipse vestra iniqua consilia, ipse vestros dolos, ipse vestros sermones odii et mendacii plenos, antea per tam multos annos revelavit, et hoc malum tam immensum, quod ad perditionem vestram factori erat, manifestavit.

C Verum est igitur, et negare non potestis, quia locuti estis adversum eum lingua dolosa, lingua f illaci, lingua merito dampnanda et flammis perpetuis crucianda. Verum, inquam, est, et negare non potestis, quia sermonibus eum circumdeditis; et sicut ipse ait, gratis eum odio habuistis, et nullam justam causam contra eum invenire potuistis. Scio quia causam vestram, quamvis iniquam, defenderetis, 536 et sicut semper soliti estis contra veritatem contenderetis et pugnaretis, nisi Propheta vester et Rex vester ista prædixisset, cui contradicere non audetis. Sed iterum quid Dominus dicat, audiamus:

« Pro eo ut me diligenter, detrahebant mihi. » Et tu, Domine, quid faciebas? « Ego autem orabam: » posuerunt adversum me mala pro bonis, et odium D pro dilectione mea. » Hoc est enim, quod per prophetam Dominus ait: « Vineæ mea electa, ego te plantavi, quomodo conversa es in amaritudinem vitis alienæ? » (Jer. ii, 21.) Et alibi: « Popule meus, quid feci tibi, aut in quo contristavi te? responde mihi? » (Mich. vi, 5.) Longum esset si enarrare velimus quæ et quanta beneficia illi populo iniquo et ingrato Dominus fecerit: « Non sum missus, dicit Dominus, nisi ad oves quæ perierunt domus Israel (Matth. x, 6). » Magna causa dilectionis est hæc, multum hæc pro causa eum diligere debuissent, quod ipsemet pro illis se venisse testatur. Suscitabat mortuos illorum, illuminabat cæcos, curabat paralyticos, mundabat leprosos, sanabat hydropicos. Illi vero e contra quid detrahentes dicebant? « Ille

homo non est a Deo, qui Sabbatum non custodit A peccata. Diripient autem alieni labores ejus, quia quaecunque operati sunt malignorum spirituum erunt.

« Constitue super eum peccatorem, et diabolus « stet a dextris ejus. » Dignum est ut peccatores precatorem suscipiant, et qui noluerunt suscipere Christum Salvatorem, Antichristum suscipiant deceptorem. Stat autem diabolus a dextris hujus populi, quia ipse post se eos trahit, ad sinistram impellit, et ab itinere recto divellit : ostendit eis viam sinistram, dexteram claudit, et eos per illam transire non patitur.

« Cum judicatur, exeat condemnatus. » Hoc erit in judicio, quando simul cum eo quem nunc sequitur mittetur in ignem æternum. « Et oratio ejus fiat « in peccatum. » Quotidie orant Judæi, et psalmos et prophetas legunt, sed omnis eorum oratio in peccatum vertitur eis, quia in hoc ipso Dominum offendunt, quod ejus verba ore impio et polluto dicere præsumunt (794).

« Fiat habitatio eorum deserta, et non sit qui « inhabitet in ea. » Iste versus in hoc loco superfluous est; et in alia translatione non habetur. Sed fortasse additus est, ut numerus maledictionum conveniret numero denariorum quibus Dominus venditus est (795).

« Fiant dies ejus pauci. » Pauci quidem fuerunt dies, quia post quadraginta duos annos, capta urbe et templo destructo, omnes in captivitatem ducti sunt. Quod si de Juda intelligatur, neque multi, neque pauci fuerunt, quia statim abiens laqueo se suspendit.

« Et episcopatum ejus accipiat alter. » Et Judæ quidem episcopatum accepit Matthias; Synagagam vero suscepit Ecclesia.

« Fiant filii ejus orphani, et uxor ejus vidua. » Quot in illa misera captivitate miseri illius populi orphani, et quot viduæ factæ fuerunt, quis dicere valeat? De Juda autem non legitur quod vel uxorem, vel filios habuisset; sed quia Propheta hoc dicit, dubitari non debet.

« Commoti amoveantur filii ejus, et mendicent, « et ejiciantur de habitationibus suis. » Et hoc ad litteram factum est, quia et commoti, et amoti, et mendici, et pauperes facti, et de suis habitationibus ejecti sunt.

« Scrutetur fenerator omnem substantiam ejus, « et diripiant alieni omnes labores ejus. » Iste fenerator diabolus est, qui pecuniam suam dedit eis ad mensam, quam sine usura nunquam suscipiet. Usura autem animæ fuerunt; pecunia vero, vitia et

« Non sit illi adjutor, nec sit qui misereatur pupillis ejus. » Jam per mille annos, et amplius in captivitate est populus iste, et nullum neque Dei, neque hominis auxilium meruit, ut ad propria remearet, nullusque fuit qui vel ipsis, vel eorum filiis, misericordiam præstaret.

« Fiant nati ejus in interitum, in una generatione « deleatur nomen ejus. » Hoc autem in illa obsidione completum fuit, de qua jam supra diximus. In una vero generatione deletum nomen ejus est, quia transactis quadraginta duobus annis, in quibus una generatio completur, nulla terra postea nominata est B regnum Judæorum.

« In memoriam redeat iniquitas patrum ejus in « conspectu Domini, et peccatum matris ejus non « deleatur. » Hoc est enim quod in Evangelio Dominus ait : « Et veniat super vos omnis sanguis justus qui effusus est super terram (Math. xxiii, 35); » quatenus in eos vindicetur quicquid vel ipsi, vel eorum parentes commiserunt.

« Peccatum matris ejus, » vel peccatum Jerusalem, vel originale peccatum mihi esse videtur quod Eva commisit, omnium viventium mater, quod quidem in nullis aliis deletur, nisi in illis qui Christi sanguine redempti sunt.

537 « Fiant contra Dominum semper, et dispe- « reat de terra memoria eorum. » Quid est quod C huc usque singulariter locutus, nunc vero pluraliter loquitur, nisi ut intelligamus unum idemque significari, sive singulariter, sive pluraliter ista dicuntur? De illis loquitur qui in malitia perseverantes, nunquam ad poenitentiam redire volunt. Vult igitur ut isti tales semper Domino contraria operentur, semperque se ipsis deteriores fiant; et sicut scriptum est (Apoc. xxii, 11), sordidi sordescant, quatenus majora tormenta patiantur. Dispereat igitur de terra viventium memoria eorum, et in libro vitæ non scribantur. Et hoc, quare?

« Pro eo quod populus iste (796) non est recor- « datus facere misericordiam; » qui tot et tantas misericordias a Domino suscepit.

« Et persecutus est hominem pauperem et men- « dicum; » seipsum dicit, « qui cum omnium dives « esset, pro nobis pauper factus est (II Cor. viii, « 9); » — « et compunctum corde morti tradidit. » Magnæ crudelitatis est inopi et pauperi, et cor'e compuncto non parcere. Compunctus corde fuisse Dominus in eo ostenditur quod et pro Lazaro lacrymatus est, et pro civitate Jerusalem, jam adversus eum conspirante, flevisse legitur.

« Et dilexit maledictionem, et venit ei, et non ait

(794) Quia nimirum nolunt intelligere, atque in sensu alieno per vim interpretantur quæ de Christo Messia præclarissima in Scripturis habentur.

(795) Quamvis maledictio hæc ab aliis interpretibus omittatur, alii tamen illam non esse habendam

Hoc enim pertinet ad innolem Hebraicæ poeseos, ut eadem res diversa phrasi ad quamdam efficaciorum significationem exprimitur.

(796) In Psalt. Vatic. desunt hæc verba populus iste.

« benedictionem, et elongabitur ab eo. » Illud dilexit, *cujus* os maledictione et amaritudine plenum est et dolo; et illud habere noluit, in quo omnes gentes benedicuntur. Qui igitur benedictionem cum Christo habere noluit, maledictionem habebit cum Antichristo.

« Et induit maledictionem sicut vestimentum, et intravit sicut aqua interiora ejus, et sicut oleum in ossibus ejus. » In his verbis ostenditur, quia sic maledictio et intus et extra ei adhæret et conjuncta est, ut ab eo separari non possit. Qua in re cor impenitens et mentis induratio designatur. Unde et subditur:

« Fiat ei sicut vestimentum quo operitur, et sicut zona qua semper præcingitur. » In eo enim quod « semper » dicit, conjunctionem inseparabilem ostendit.

« Hoc opus eorum qui detrahunt mihi apud Dominum, et qui loquuntur mala adversus animam meam. » Quotidie Judæi male de Christo loquuntur, et nunquam ei detrahere cessant. Unde manifestum est, quia sicut hic dicitur, hoc opus componitur eis, ut omnes hujus psalmi maledictiones veniant super eos.

« Et tu, Domine, Domine, fac mecum misericordiam propter nomen tuum, quoniam suavis est misericordia tua. » Sæpe jam diximus, quia quoties Salvator aliquid petit, et aliqua re indigere videtur, nihil ad divinitatem, sed omnia ad humanitatem referenda sunt. Neque vero ipsa humanitas aliquo indigebat, nisi quantum indigere volebat. Postulat igitur, sed pro nobis, qui membra illius sumus; postulat, ut nos postulare doceat in necessitatibus nostris, qui non armis, sed orationibus pugnare debemus. Fecit igitur Pater misericordiam propter nomen suum, quod invocavit; *cujus* misericordia suavis est, quia tunc adest quando necessaria est.

« Libera me, quoniam egenus et pauper sum ego. » Egenus quidem et pauper est qui se a suis inimicis defendere non potest. Talis, quantum ad se, erat humanitas Christi; sed quia divinitas sibi conjuncta erat, nihil erat quod ipsa non posset. Simul itaque ei pauper et dives erat, et egebat et non egebat.

« Et cor meum conturbatum est in me. » Et hoc quidem ad humanitatem spectat. Quis enim nisi homo, sicut de eo scriptum est, « cepit tædere et mœstus esse » (*Marc. xiv, 33.*) Fecit humanitas quod suum est, et divinitas quod suum; quia nisi hoc faceret, quis eum hominem esse crederet? Si enim solius divinitatis naturam et potentiam ostendisset, nemo eum hominem esse credidisset (797). Valde ergo nobis necessarium fuit ut has affectiones in se esse Salvator noster ostenderet.

« Sicut umbra, cum declinat, ablatus sum. »

(797) « Cor ejus, nempe Christi, potuit conturbari, *cujus* caro pro nobis cognoscebatur extinguere, sicut ipse vicina passione professus est: *Tristis est anima mea usque ad mortem*, *Matth. xxvi, 38.* Quæ omnia

A Declinante umbra, subito solis splendor aufertur a nobis; ita cæcitatibus errorisque tenebris crescentibus, solem justitiæ et veritatis lumen Judæi videre non possunt. « Et excussus sum sicut locusta. » Quasi vastatorem ac deprædatorem, eum a se repellere conati sunt, quia nisi hoc fecissent, et locum et gentem se amittere timebant.

« Genua mea infirmata sunt præ jejuniis, et caro mea immutata est propter oleum. » Genua et caro hoc in loco dicuntur apostoli, qui alibi oculi, pedes, et ossa et fortia quæque vocantur. Et hoc ideo, quia molles et timidi, facile labentes et ad fugiendum parati in Christi passione apparuerunt. Sed non mirum, quia adhuc jejuni erant, et Spiritus sancti plenariam unctionem nondum acceperant; et ideo infirmati sunt et eo relicto fugerunt. Suscepit autem postea Spiritu sancto, quam fortes fuerint, eorum actus testantur. « Et ego factus sum opprobrium illis; » et apostoli, inquit, infirmati sunt, et ego ipse factus sum opprobrium illis. « Viderunt me, et moverunt capita sua. » 538 Viderunt me flagellatum, crucifixum, spinis coronatum, dicentes: « Vah qui destruis templum Dei, et in triduo illud reedificas, salva te ipsum (*Matth. xxvii, 40.*) »

« Adjva me, Domine Deus meus, et salvum me fac propter misericordiam tuam, ut sciant quia manus tua hæc, et tu, Domine, fecisti eam. » Hoc est enim quod alibi ait (*Joan. xix, 11*): Qui non haberent in eum potestatem, nisi desuper datum sibi fuisset. Et Judæi hoc fecerunt, et Dominus hoc fecit: sed Judæi hoc facere non potuissent, nisi Dominus voluisset. Et Dominus quidem hoc propter nos fecit, et propter salutem nostram; Judæi vero propter adium et invidiam suam. Dominus autem hoc fecit, quia, sicut scriptum est: « Proprio Filio suo non pepercit, sed pro nobis omnibus tradidit illum (*Rom. viii, 32.*) »

« Maledicent illi, et tu benedices. » Quotidie Judæi maledicunt; sed eorum maledictiones super eorum capita convertuntur. Non possunt celare malitiam suam, quia omnia ipsorum sacrilegia idem propheta manifestat. Hoc est enim quod Isaac benedicens filium, ait: « Qui maledixerit tibi, sit ille maledictus, et qui benedixerit tibi, benedictionibus repleatur (*Gen. xxvii, 29.*) » Hinc et alibi scriptum est: « Maledicam benedictionibus vestris, et benedicam maledictionibus vestris. Qui insurgunt in me, confundantur (*Malac. ii, 2.*) » Confusi sunt enim, quoniam Deus sprevit eos. Sed major eos confusio expectat, de qua et subditur:

« Induantur qui detrahunt mihi pudore et revarentia, et operiantur sicut diploide confusione sua. » Qui sunt illi qui detrahunt Salvatori nostro, nisi qui hominem tantum, vel Patre minorem esse dicunt? Isi induuntur non solum confusione,

salutari dispositione narrantur; ut propter hæreticos et perfectæ naturæ hominis in Christo Domino valeat ostendi, et nos quemadmodum supplicemus, possimus edoceri. » Cassiod.

ufertur
rescen-
videre
Quasi
pellere
cum et

et caro
ua' et
oculi,
Et hoc
et ad
erunt.
piritus
nt; et
cepto
erint,
ppro-
erunt
t me
ntes:
illud
.

n me
quia
Hoc
n ha-
sibi
fecit:
inus
fecit,
pter
ecit,
non
om.

Ju-
per
lare
regia
aac
sit
tio-
libi
ris,
unt
unt
eos

ve-
ne
no-
em
ne,

os
eat
si-

sed duplici confusione, temporali scilicet et aeterna. Unde et propheta alibi ait: « Induc super eos diem afflictionis, et duplici contritione contine eos, Domine Deus noster (Jerem. xvii, 18). » Hoc enim significatur in diploide, per quam duplex genus vestis intelligitur.

« Confitebor Domino nimis in ore meo, et in medio mulatorum laudabo eum. » Magnus est enim Dominus, et laudabilis nimis. Sed solus Filius nimis eum laudare potest, ceteri vero neque satis eum laudare possunt. Nimis ergo eum laudat ad aliorum comparationem, quia nemo est qui ad hanc mensuram laudationis contingere valeat. Sed ubi eum laudat? In medio mulatorum. Quid est in medio mulatorum? In Ecclesia catholica et per universum mundum diffusa.

« Qui assistit a dextris pauperis, ut salvam faceret a persequentibus animam meam. » Stabat divinitas humanitati Christi a dextris, quia ad consolandum stabat, ad dirigendum, ad fovendum, et in omnibus defendendum. Stat praeterea Pater Filio a dextris, et Filius Patri sedet a dextris, ut per hoc secundum divinitatem in omnibus similes esse credamus.

PSALMUS CIX.

PSALMUS DAVID.

In hoc psalmo minor David loquitur de majore David, quem Dominum suum esse dicit et Patri aequalem esse ostendit (798).

« Dicit (799) Dominus Domino meo: Sede a dextris meis, donec ponam inimicos tuos scabellum pedum tuorum. » Prius continuationem ponamus, et sic postea ad expositionem veniamus. Loquitur autem Pater Filio, ut Propheta testatur in his tribus verbis: « Dicit Dominus Domino meo, Donec ponam, etc., Tecum principium, » Loquitur vero Propheta ad Christum in his duobus versibus: « Virgam virtutis tuae, » etc., et « Juravit Dominus, et non poenitebit eum, » etc. Loquitur denique Propheta ad Patrem, « Dominus a dextris tuis, » usque ad finem psalmi. Eodem ergo ordine quo posita sunt nunc exponere incipiamus. Memores esse debemus quod legisperitis in Evangelio Dominus ait: « Quid vobis videtur de Christo? cujus filius est? Dicunt ei: David. Ait illis: Quomodo ergo David in spiritu vocat eum Dominum, dicens: Dicit Dominus Domino meo, sede a dextris meis? Quomodo enim Dominum vocat, si filius ejus est? Et non potuerunt, » dicit Evangelista, « respondere ei verbum (Matth. xxii, 42, 43). » Haec questio usque

(798) Videtur Cassiodoro hic psalmus quidam sol fidei nostrae, speculum caelestis arcani, armarium sanctorum Scripturarum; ubi totum summum dicitur quod utriusque Testamenti praedicatione narratur.

(799) In Psalt. Vat. sicut in Vulgata habetur dixit, ita apud S. Aug.

(800) Profundius disserit in hunc locum S. Augustinus. « Cum sit principium et Pater, de quo unigenitus Filius, in quo principio erat Verbum, quia Verbum erat apud Deum. Quid ergo si et Pater

A hodie apud Judaeos indissolubilis manet; neque enim hoc intelligere potest, nisi qui Deum et hominem esse Christum credit. Unde nobis haec questio facillima est, qui Salvatorem nostrum, et secundum divinitatem Dominum David, et secundum humanitatem filium esse David non dubitamus. Et hoc est quod ait: Dicit Dominus Pater Domino meo Filio suo, sede a dextris meis. Sedere autem cum Deo in una sede, et a dextris sedere, aequalitatem significat. Judaei vero neque Deum esse, neque Deo aequalem, neque in caelum ascendisse, neque simul in eadem sede a dextris ejus eum sedere credunt. Et ab hac quidem infidelitate sua non prius recedent, donec ponantur scabellum pedum ejus. Hoc autem erit in judicio, quando, in sua majestate eum B videntes, et Deum et hominem certissime esse cognoscent. Probat ergo Propheta ab auctoritate ipsiusque Patris quia Filius aequalis est Patri, et quia sedet et sedebit ad dexteram Patris, donec inimici ejus fiant scabellum pedum ejus. Posquam 539 autem hoc fuerit, jam ulterius hoc Prophetiae testimonium non erit necessarium, quia ita esse omnes videbunt.

« Tecum principium in die virtutis tuae, in splendoribus sanctorum. » Et hoc, inquit Propheta, dicit Dominus Domino meo, quia ipse simul cum eo omnium creaturarum principium est (800). Qua in re nihilominus Patri aequalis esse ostenditur. Quod autem ipse principium sit, et ad Patris dexteram sedeat, in die virtutis suae, et in splendoribus sanctorum, cunctis gentibus revelabitur. Dies virtutis suae ille erit, quando simul cum sanctis suis in splendore majestatis suae mundum judicaturus se revelabit. Tunc enim illum splendorem suscipient sancti, de quo dicitur: « Fulgebunt justi sicut sol in regno Dei (Sap. iii, 7). »

« Ex utero ante luciferum genui te. » Et hoc similiter, ait Propheta, dicit Dominus Domino meo, quia genui te. Unde? « Ex utero. » Quando? « Ante luciferum. » Nullum tempus ostenditur, quando ante luciferum dicitur, quia in infinitum ascenditur. Sed quid est ante luciferum, nisi antequam dici, vel intelligi, vel cogitari possit? Luciferum namque mihi est quicquid mihi obscurum aliquid ostendit et intelligere facit. Inde enim dicitur D luciferum, eo quod lucem ferat. Est igitur Dominus ante luciferum genitus, id est antequam mente recipere valeamus. Quod enim tempore non concluditur, humana mente concipi non potest (801). Sed quid est quod ait: « Ex utero? » Deus enim neque

principium, et Filius principium, duo principia? Absit. Sicut enim Pater Deus, et Filius Deus, Pater autem et Filius non sunt duo dii, sed unus Deus: sic Pater principium, et Filius principium, Pater autem et Filius non duo, sed unum principium.

(801) « Ut ostenderet incomprehensibile nescio quid, dicit prius esse genitum, antequam illud existeret quod solet venturum diem saeculo nuntiare. Non enim potest principium ejus comprehendere a quo cuncta creata sunt. » Cassiod.

cor, neque uterum habet, neque ulla partium divisio in illo est, qui semper et totus est hoc quod est. Quod igitur ait: « Ex utero ante luciferum genui te, » tale est ac si diceret: Ex meipso ante omnem creaturam, et antequam dici et excogitari valeat, genui te (802). Huc usque Pater ad Filium; nunc autem Propheta similiter ad ipsum Filium.

« Virgam virtutis tue emittet Dominus ex Sion. » — « Ex Sion, dicit Scriptura, exiit lex, et verbum Domini de Jerusalem (Isa. ii, 3). » Virga igitur virtutis Domini, lex, et verbum ejus, et evangelica predicatio est, qua omnes gentes reguntur et corriguntur. Hoc autem de Jerusalem tunc exiit, quando suis discipulis Dominus ait: « Ite in universum mundum, predicate Evangelium omni creature (Marc. xvi, 15). » — « Dominaberis in medio inimicorum tuorum. » Omnes Judei et gentiles usque ad id temporis, ejus inimici erant, inter quos modo Dominus dominatur, et virgam, sceptrum et imperium tenet.

« Juravit Dominus, et non poenitebit eum, in es sacerdos in aeternum secundum ordinem Melchisedech. » Quid est enim juravit, nisi statuit firmum, atque firmavit? Omnis sermo Dei et omnis dispositio ejus testamentum est. Non autem poenitebit eum, quia ipse est in quo sibi plene complacuit. « Tu es, inquit, sacerdos in aeternum, » secundum hoc quod Apostolus ait: « Ille autem eo quod maneat in aeternum, sempiternum habet sacerdotium (Hebr. vii, 24): » non secundum ordinem Aaron, qui jam destructus est, sed secundum ordinem Melchisedech, cujus generatio, sicut scriptum est, neque initium dierum, neque finem habet. Sacrificium Melchisedech panis et vinum fuit, in quibus Christi corpus et sanguis significabatur (803). Magnus sacerdos magnum sacrificium fecit, in quo universum mundum Deo Patri reconciliavit. Huc usque Propheta ad Filium, nunc vero ad Patrem loquitur dicens:

« Dominus a dextris tuis (804), confringet in die irae suae reges. » Filius, inquit, tuus, Dominus meus, quem superius a dextris tuis sedere dixisti, confringet in die irae suae reges. Ille est enim ille lapis abscissus de monte sine manibus, qui in Daniele illam statuam comminuit, per quam omnia

A regna mundi significabantur (Daniel. ii, 34). Haec autem magna confractio erit in judicio, quando dicetur adversariis potestatibus: « Ite, maledicti, in ignem aeternum, qui paratus est diabolo et angelis ejus (Matth. xxv, 41). » Unde et subditur:

« Judicabit in nationibus, implebit ruinas, conquassabit capita in terra multorum (805). » **540** Tunc enim judicabit Dominus omnes gentes, tunc adimplebit ruinas; quia post illam ruinam nulla unquam amplius ruina fiet. Tunc multa capita conquassabit, multos elatos divites et superbos humiliabit. Et hoc in terra copiosa, imo copiosissima. Ibi enim erunt omnes angeli, et boni et mali; ibi erunt omnes homines, quicunque fuerunt, et sunt, et erunt; ibi erit et ipse iudex omnium Dominus, et B Salvator noster, qui judicabit populos in aequitate, et gentes in ira sua. Qui quoniam « de torrente in via » bibit, propterea exaltavit caput. » Per triginta et amplius annos Salvator noster, sicut ceteri homines, in via fuit, ad mortem festinavit, de torrente bibi, humanas miseras et passiones sustinuit, et propterea exaltavit caput. Neque enim aliter exaltari potuisset, qui secundum divinitatem altissimus est, et ubi amplius exaltari possit, nihil est.

PSALMUS CX.

ALLELUIA.

Laudate, inquit, Dominum. Hoc solum nobis sufficit, laudare, predicare et benedicere Dominum.

« Confitebor tibi, Domine, in toto corde meo, in consilio justorum et congregatione. Magna opera Domini exquisita in omnes voluntates ejus. Confessio, et magnificentia opus ejus, et iustitia ejus » manet in saeculum saeculi. » Docet nos Propheta qualiter Deum laudare et predicare debeamus, dum dicit: « in toto corde meo. » Sic enim ipse Dominus ait: « Diliges Dominum Deum tuum ex toto corde tuo, et ex tota mente tua, et ex omnibus viribus tuis (Matth. xxii, 37). » Qui enim ita enim diligit, ille eum laudat in toto corde suo, tametsi taceat, et lingua non moveatur. Sed ubi eum laudare debemus? « In consilio justorum et congregatione. » In Ecclesia itaque laudandus est Dominus, quia ibi solummodo est consilium et congregatio sanctorum (806). Noli simul laudare cum illis qui extra D Ecclesiam sunt, quia nulla communicatio Christi ad

(802) Ex utero. « Ex secreto, ex occulto, de meipso, de substantia mea; hoc est ex utero; quia generationem ejus quis enarrabit? » S. Aug. Inferius autem docet idem S. doctor hoc prophetice dictum intelligi posse de utero virginali Mariae. Inquit: « Si enim illa Virgo ducens propaginem de carne David, ex illo utero natus Christus, tanquam ex utero genitus a David. Ex utero, quo masculus non accessit. Ex utero prorsus, proprie ex utero, quia solus ex solo utero. Ergo ex utero, inquit ille, qui eum Dominum suum dixerat. Ex utero ante luciferum genui te, et hoc ipsum ante luciferum signate dictum, et proprie dictum, et sic impletum. Noctui enim natus est Dominus de utero Virginis Mariae, etc.

(805) S. Augustinus: praeclaram illustrationem non praeteribo. « Nam secundum id quod natus est de Patre Deus, coaeternus gignenti, non sacerdos; sed

sacerdos propter carnem assumptam, propter victimam, quam nobis offerret, pro nobis acceptam. »

(804) « Quod Pater dicitur fecisse, hoc et Filium et Spiritum constat operatum. Illud autem movere potest, cum in Psalmi hujus initio Pater dixerit Filio: *Sede a dextris meis*; nunc iterum Propheta dicit a dextris Filii, Patris operatam esse virtutem. Quod ideo dictum est, ut, cum haec vicissitudo aequalis ponitur, majus hic aut minus aliquid nullo modo sentiat. » Cassiod.

(805) Cassiodorus legit *conquassabit capita in terra copiosa*. Super quae ait: « Terram vero copiosam dicit, quae peccatores abundantes enutrit, quasi messum germinenque vitiorum. »

(806) Non intelligendus hic S. Bruno, ut dicat Ecclesiam solum ex justis constare, cum alibi in ea peccatores esse fateatur, sed eam congregationem

Belial (*II Cor. vi, 15*), nulla pars fidei cum infideli. Unde et propheta ait : « Exite de medio eorum, et immundum ne tetigeritis (*Isa. lxi, 11*). »

« Magna opera Domini, exquisita. » Præcepit laudare; dixit quomodo; dixit ubi : nunc autem dat materiam, qua eum laudare debeamus. Opera illius materia sunt, in quibus ejus laudes inveniuntur, si tamen bene exquisita fuerint. Non solum in majoribus operibus suis, sed in minoribus quoque magnus et laudabilis est Dominus Deus poster. Non longe petamus exempla, dicamus cum eodem Propheta : « Mirabilis facta est scientia tua ex me (*Psalm. cxxxviii, 6*). » Sed et Apostolus ait : « O altitudo divitiarum sapientiæ et scientiæ Dei, quam incomprehensibilia sunt judicia ejus, et investigabiles viæ ejus (*Rom. xi, 33*) ! » Magna igitur sunt opera Domini, sed exquisita.

« In omnes voluntates ejus confessio, et magnificentia. » Si queris, quasi dicat, voluntatem ejus, et si vis scire quid Dominus requirat a nobis, scias quia in omnes voluntates ejus conveniunt simul confessio et magnificentia : hoc enim significat titulus hujus psalmi, id est, « laudate Dominum. »

« Opus ejus, et justitia ejus manet in sæculum sæculi (807). » Nunquam igitur etiam in malis ex toto peribit creatura Dei; justitia vero non esset æterna, si vel electi præmiis, vel damnati carerent suppliciis. Dixerat superius : « Magna opera Domini, exquisita; » nunc autem magna esse ostendit in eo quod in sæculum sæculi mansura ostendit. Neque vacat quod prius pluraliter opera, postea vero singulariter opus dicat, quia omnia in eo unum sunt, quod bona sunt.

« Memoriam fecit mirabilia suorum misericors et miserator Dominus, escam dedit timentibus se. » Quæ superius opera dixerat, nunc mirabilia vocat. Et hoc **541** merito, quia nihil fecit Deus, quod mirabile non sit. Horum igitur, sive operum, sive mirabilium placuit Deo memoriam facere, ne forte vetustate oblivioni traderentur. Memoriam vero, litteras, et scientiam dicit, quæ in Novo vel Veteri Testamento continentur. Voluit igitur Deus, ut Scripturæ sferent, ut sacra volumina scriberentur, ad suorum operum recordationem. Hanc autem memoriam et hunc cibum spirituales dedit escam ti-

sanctorum vocat, vel quod ipsa per se sancta est, vel quia facit sanctos. Aut cum Cassiodorio dici potest futura Ecclesia consilium justorum, quando beati cum Domino resurrectionis tempore judicabunt. Sed prior interpretatio magis consona est contextui S. Brunonis, qui hanc justorum congregationem statim opponit illis qui sunt extra Ecclesiam, hæreticis nempe et infidelibus. Noverat autem sanctus Bruno Christianos omnes ex eo quod Christiani sint, sanctos appellari a scriptoribus N. T., nemoe ob rationes initio a nobis indicatas.

(807) His in expositionibus aliter connectit sanctus Bruno verba Prophetae ac sese exhibent, et illustrantur a S. Augustin. Ita S. Doctor : « Magna opera Domini exquisita in omnes voluntates ejus; per quas nullum confitentem de-erat misericordia, nullus sit iniquitas impunita; quando flagellat etiam

A mentibus se. Dominus ait : « Non in solo pane vivit homo, sed in omni verbo Dei (*Matth. iv, 4*). » Escam igitur sunt verba Dei (808), siquidem de illis homines vivunt.

« Memor erit in sæculum Testamenti sui, virtutem operum suorum annuntiabit populo suo, ut det illis hereditatem gentium. » Memor erit Dominus in sæculum Testamenti sui, quia, sicut promissit et Testamento confirmavit, ita fecit populo suo. Cui videlicet populo virtutem operum suorum annuntiavit, et quanta virtus sit in operibus suis intelligere fecit. Hanc enim virtutem habent opera Dei, ut ea facientibus vitam possint prestare æternam; unde et subditur : « Ut det illis hereditatem, gentium (809). » Gentium autem hereditatem, celestem Jerusalem intelligimus, de qua ille superbus cum tota gente sua expulsus est.

« Opera manuum ejus veritas et judicium. » Ipsum igitur imitari debemus, ut nostra quoque opera vera et justa sint, quibus, ut modo audivimus, virtutem operum suorum annuntiare et revelare dignatus est. « Fidelia omnia mandata ejus, confirmata in sæculum sæculi. » Et fidelia quidem sunt, et ab omnibus, qui nos præcesserunt, confirmata et corroborata, et quicunque ea custodierint, beati erunt. « Facta in veritate et equitate; » quia nihil falsum, nihil iniquum, vel impossibile in eis invenitur. « Jugum enim ejus suave est, et onus ejus leve (*Matth. xi, 30*). »

C « Redemptionem misit populo suo. » Et quam redemptionem, nisi sanguinem Filii sui? Unde et Apostolus ait : « Empti enim estis pretio magno, glorificate, et portate Deum in corpore vestro (*I Cor. vi, 20*). » — « Mandavit in æternum Testamentum suum. » Mandavit, inquit, Dominus, firmiterque præcepit, ut Testamentum suum, Testamentum confirmatum sanguine Filii sui maneat in æternum. Unde et superiori psalmo dicitur : « Innavit Dominus, et non pernebit eum, tu es sacerdos in æternum secundum ordinem Melchiselech. » — « Sanctum et terribile nomen ejus. » Sanctum bonis, terribile malis; imo sanctum et terribile bonis et malis, quia et boni et mali venerari illud et timere debent. Hoc nomine sanctificantur omnia; in hoc nomine pelluntur dæmonia; qui hoc nomen non

omnem filium, quem recipit. Sed si justus vix salvatur, peccator et impius ubi parebunt? *Confessio, et magnificentia opus ejus.* Quid magnificentius, quam justificare impium? Sed opus fortasse hominis prævenit istam magnificentiam Dei, ut cum fuerit peccata confessus, justificari mereatur... Hæc magnificentia Domini, justificatio peccatoris.

(808) « Quod dixit : escam dedit timentibus se, significat utique spirituales cibum. Quis enim escam communem putet fidelibus ad præmium datam, quæ et peccatoribus passim cognoscitur attributa? » Cassiod.

(809) « Apernit enim causam quare virtutem operum suorum annuntiabit populo suo : scilicet ut daret eis hereditatem gentium ipsa enim intentio fuit miraculorum, ut crederent, et præmia compromissa credentes acciperent. » Cassiod.

timet, stultus et fatuus est; qui vero hoc timet, sapiens est. Unde et subditur.

« Initium sapientie timor Domini. » Recte dicitur quia stultam fecit Deus sapientiam hujus mundi (I Cor. 1, 20). « Intellectus bonus. » Sed quibus est bonus? « Omnibus facientibus eum. » Bene dicit, et bene intelligit, qui dicit: « Initium sapientie timor Domini; » si tamen facit quod intelligit, ut timeat Dominum. Hinc est enim quod alibi dicitur: « Time Deum, et observa mandata ejus, hoc est omnis homo (Eccli. xii, 14). »

« Laudatio ejus manet in sæculum sæculi. » Laudatio, inquit, ejus qui ita intelligit et ita timet Dominum manet in sæculum sæculi, quia illi soli laudandi sunt qui bene intelligunt et bene agunt.

542 PSALMUS CXI.

ALLELUIA CONVERSIONIS AGGÆ ET ZACHARIE (810).

Præcipit Propheta ut laudemus Dominum de conversione Aggæ et Zachariæ, qui post longam captivitatem in patriam reversi sunt. Aggæus festus, Zacharias memoria Domini interpretatur. Significant autem illos qui, festive et solemniter viventes, opus servile facere fugiunt, semperque Deum in memoria habentes, eum laudare et benedicere non cessant, donec de hujus mundi captivitate ad supernam patriam transferantur. Et de talibus quidem in hoc psalmo loquitur Propheta.

« Beatus vir qui timet Dominum, in mandatis ejus cupit nimis. » Verum est itaque quia initium sapientie est timor Domini, siquidem beatus est qui Dominum timet. De timore dilectionis loquitur, quia alius timor non valet ad beatitudinem. Nam et dæmones eum timent, sed talis timor non beatitudinem, sed pœnam habet. Qui vero casto amore timet Dominum, in mandatis ejus cupit nimis. Bene autem dixit, nimis, quia non tantum potest in mandatis ejus servire et obedire, sed quantum ei servire et obedire desiderat.

« Potens in terra erit semen ejus. » Et hoc quidem ad beatitudinem spectat. Semen ejus illi sunt qui eum imitantur. Terra vero, qui alia, nisi terra viventium intelligitur? Ibi igitur potentes erunt, qui viri hujus imitatione filii erunt. Unde et subditur:

« Generatio rectorum benedicetur (811); » illa videlicet benedictione qua Dominus in judicio dicturus est: « Venite, benedicti Patris mei, percipite regnum quod vobis paratum est ab origine mundi (Matth. xxv, 34). »

« Gloria et divitiæ in domo ejus. » — « In domo Patris mei, dicit Dominus, mansiones multæ sunt

(810) Titulus huic psalmo appositus convenit cum eo qui legitur apud Augustinum: « Conversio, inquit, Aggæ et Zachariæ; sed alia est expositio quæ ita se habet. Nondum erant hi prophete, cum ista cantata sunt. Namque inter tempus David et transmigrationem populi Israel in Babyloniam, quatuordecim generationes numerantur, sicut divina Scriptura, maximeque Matthæus evangelista testatur: eversi autem templi renovatio, secundum S. Jeremiam prophetiam, ex illa transmigratione post septuaginta annos sperabatur: qui cum com-

(Joan. xiv, 2). — « Stella ibi differt a stella in claritate (I Cor. xv, 41). » Sed in quacunque illarum domo beatus vir et justus fuerit, gloriam et divitiis habebit. « Et justitia ejus manet in sæculum sæculi. » Si justus æternus est, et justitia æterna erit, neque, manente justo, poterit perire justitia.

« Exortum est in tenebris lumen rectis corde. » Et quod lumen? « Misericors, et miserator, et justus Dominus. » Ex hoc igitur lumine omnia quæ dicta sunt, et quæ dicenda sunt, habent illi qui recto sunt corde, quia Christi nativitas aliis non profuit nisi illis qui recto corde eum sequuntur et in eum credunt.

« Jucundus homo qui miseretur et commolat. »

B Homo, inquit, qui miseretur et commodat, sive spirituales sive temporales substantiam largitur, festus, jucundus et hilaris esse debet. Quia, ut Apostolus ait: « Hilarum datorem diligit Deus (II Cor. ix, 7). » Itemque: « Qui miseretur in hilaritate (Rom. xii, 8). » Et iste quidem versus specialiter Aggæo pertinere videtur, qui festus interpretatur, cæterisque omnibus qui per eum significantur.

« Disponet sermones suos in judicio, quia in æternum non commovebitur. » Iste, inquit, vir disponet sermones suos in judicio, quia, priusquam loquitur, omnia verba sua judicabit; et cum tanta gravitate loquetur, ut putes eum in judicio sententiam dare. Et hoc est quod ait: « Quia in æternum non commovebitur; » neque in aliam partem a veritate flectitur. Tales fuerunt sancti apostoli, tales esse debent Ecclesiæ rectores.

« In memoria æterna erit justus. » Similiter autem et iste versus ad Zachariam pertinet, qui memoria Domini interpretatur, et ad alios qui per eum significantur; qui, quoniam semper Domini memores fuerunt, ipsi quoque in Domini memoria semper erunt. « Et isti quidem ab auditu malo non timebunt, » quem illi audituri sunt, quibus in judicio dicitur: « Ite, maledicti, in ignem æternum (Matth. xxv, 35). »

« Paratum est cor ejus sperare in Domino, » confirmatum est cor ejus; non commovebitur, donec videat inimicos suos. « Ideo, inquit, non timebit justus, quia paratum est cor ejus sperare in Domino. » Spes autem, ut ait Apostolus, non confundit (Rom. v, 5). « Unde vir justus alibi dicit: « In te, Domine, speravi, non confundar in æternum (812). » Ille autem habet cor paratum ad spem qui sic Domino servit, ut merito sperare debeat.

plerentur sub Dario, rege Babylonis, impleti sunt Spiritu sancto hi duo prophete, Aggæus et Zacharias, et ambo post invicem intra unum annum prophetare cœperunt, quod ad renovationem templi, sicut tanto ante prædictum est, pertinere videtur.

(811) « Generatio autem rectorum benedicetur, non ista carnis, sed illa quæ imitatione justorum per similitudinem operum noscitur esse propagata. » Cassiod.

(812) Hym. Ambros. in fine

Unde et subditur: « Confirmatum est cor ejus; » in spe videlicet et dilectione. Et inde non commovebitur, donec videat inimicos suos. Quid est donec videat inimicos suos? Donec ad judicium veniat, ubi inimicos suos ab auditu malo timere conspiciat.

« Dispersit, dedit pauperibus. » Hæc est summa perfectionis, sicut in Evangelio Dominus ait: « Si vis perfectus esse, vade, vende omnia quæ habes, et da pauperibus, et sequere me, et habebis thesaurum in cælo (Matth. xix, 21). » Quod qui ita fecit, ideo securus est; unde et subditur: « Justitia ejus manet in sæculum sæculi, cornu ejus exaltabitur in gloria. » Et ipse quidem, et justitia ejus, et virtus, et potentia ejus, quæ per cornu significantur, semper erunt, et non solum semper erunt, sed super cælos exaltata semper in gloria erunt.

« Peccator videbit, et irascetur. » Hanc, inquit, justitiam exaltationem videbit peccator, per quem diabolus intelligitur et irascetur. « Dentibus suis fremet, et tabescet. » Per motum exteriorem interior malitia designatur, et quantum de sanctorum salute diabolus doleat, in eo ostenditur quod irasci et dentibus fremere describitur. Et tunc quidem « desiderium peccatorum peribit; » sive quod maligni spiritus habebunt de bonorum perditione, sive quod iniqui homines habebunt de illorum liberatione. Non erit ulterius locus, neque bonis ut timeant mala, neque malis, ut sperent bona.

PSALMUS CXII.

ALLELUIA.

Quid significet Alleluia, sæpe jam diximus. Neque vult Propheta, ut a Dei laudibus cessemus, qui toties Deum laudare præcepit.

« Laudate, pueri, Dominum, laudate nomen Domini. » Pueri a puritate dicuntur. Isti sunt illi pueri de quibus dicitur: « Quasi modo geniti infantes, rationabiles sine dolo, lac concupiscite, ut in eo crescatis in salutem (II Petr. ii, 2). » Non est enim pretiosa laus in ore peccatoris. « Peccatori enim dixit Deus: Quare tu enarras justitias meas? » (Psal. cxli, 16.) Vos igitur puri et pueri, laudate Dominum, laudate nomen Domini. Quid est laudare nomen Domini? aut quod est nomen Domini? Audi quid per prophetam Dominus dicat: « Ego Dominus, hoc est nomen meum! gloriam meam alteri non dabo (Isa. xlii, 8). » Hoc nomen totius Trinitatis est, quia et Pater Dominus, et Filius Dominus, et Spiritus sanctus Dominus, non tres tamen domini, sed unus est Dominus. Hoc nomen proprium

illius est, qui omnium Dominus est, et qui nullum habet Dominum. Nullus enim alius est qui omnium Dominus sit, et qui Dominum non habeat. Hoc autem nomen illi laudant, qui se servos esse cognoscunt. Quid est igitur laudate nomen Domini, nisi cognoscite et confitemini vos esse servos? Qui enim aliter agit, nomen Domini negat et dampnat. Confiteri autem non tantum voce, quantum opere debemus, ut ei sicut pio Domino fideliter serviamus.

« Sit nomen Domini benedictum. » Laudate, inquit, et dicite: « Sit nomen Domini benedictum. » Ex quo et usque quo? « Ex hoc nunc, et usque in sæculum. » Quid est « ex hoc nunc? » Ex hoc præsentis tempore, quia nunc præsens tempus significat. « Et usque in sæculum, » quid est? Usque in principium et usque in finem; quia ante principium nullum sæculum est, et post finem, nullum. Ecce, quasi dicat, audivimus ex quo et usque quo: sed a quo loco et usque ad quem laudare debemus.

« A solis ortu usque ad occasum laudate nomen Domini. » Nam et isti termini boni sunt, quia ultra procedere non valeamus. Ite igitur, predicatorum, et laudate Dominum a solis ortu et occasu et de omnibus eum laudate, quæcunque facta sunt a mundi initio, et quæcunque fient usque in finem. Et altissime eum laudate, quoniam Altissimus est. Hoc est enim, quod ait:

« Excelsus super omnes gentes Dominus, et super cælos gloria ejus. » Super omnes gentes excelsus est Dominus, sive quæ in cælo, sive quæ in terra sunt; in cælo angeli, in terra homines, sed ipse super omnes est, et omnium Dominus. « Et super cælos gloria ejus. » Magna, quasi dicat, gloria sibi in hoc mundo est, sed, ad comparisonem illius gloriæ quæ super cælos est, ista gloria nulla est.

« Quis sicut Dominus Deus noster, qui in altis habitat, et humilia respicit, et alta a longe cognoscit? » Ex quanto mentis affectu et ex quanto cordis amore et desiderio hæc verba procedunt! Quantum **544** eum diligit, tantum in ejus laudibus delectatur. Sed notandum quia in altis habitat Dominus, quamvis sola humilia diligit, humilia respicit in cælo, et humilia in terra respicit (813); quia hic et ibi sola humilia diligit. Superbos inde deiecit, qui quotidie superbos humiliat, et exaltat humiles. Sed quid est in altis? In cælis, in angelis, in apostolis, in Christianis. Nam et Christiani satis alti sunt, quia, quicumque Christiani non sunt, sub eis sunt.

(813) Videtur hic S. Bruno respexisse ad vulgatum lectionem: *qui in altis habitat, et humilia respicit in cælo, et in terra*. Qui quidem versus si explicetur juxta indolem Hebræicæ syntaxeos, pulcherrimus sane apparebit. Est ergo observandum quod, juxta syntaxim Hebræicæ linguæ, quando de duabus rebus indicantur proprietates, solent exponi decussatum, ut aiunt. Sic ubi dicitur: *Nigra sum sed formosa sicut tabernacula Cedar, sicut pelles Salomonis* (Cant. i, 4); Hoc ita accipiendum est: *Nigra sum sicut tabernacula Cedar, sed formosa sicut pelles Salomonis*, quæ de re consulendi sunt eruditiores inter-

pretes. Ergo et versiculus ille: *Quis sicut Dominus Deus noster qui in altis habitat, et humilia respicit in cælo et in terra*, ita dispertiendus est: *Quis, sicut Dominus, qui in altis habitat, in cælo; quis, sicut Deus noster, qui humilia respicit in terra*; ex quo intelligimus Deum respicere humilia non in cælo, sed in terra: quod sane magis rationi consentaneum est, cum præsertim verbum *respicere* in sacris litteris in partem favorabilem accipitur, pro *diligere*. Quod quidem ex sequentibus psalmi versiculis mirifice confirmatur: dicitur enim: *suscitans a terra inopem*, etc.

« Suscitans a terra inopem, et de stercore erigens pauperem, ut collocet eum cum principibus populi sui. » Ecce quomodo respicit Dominus humilia in celo et in terra: solos humiles respicit in celo, quia alii ibi non sunt; solos humiles trahit in celum, quia alii ibi esse non possunt. Et considera quanta sit Dei omnipotentis misericordia: inopes et pauperes sunt isti quos de terra suscipit, et de stercore et putredine suscitavit et resuscitavit, et cum principibus populi sui in celestibus collocat.

« Qui habitare facit sterilem in domo. » Non jam sterilem, sed matrem, et secundissimam matrem multorumque filiorum letantem. Hæc est illa sterilis de qua scriptum est: « Lætare, sterilis, quæ non paris; erumpite et clama, quæ non parturis, quia multi filii desertæ magis quam ejus quæ habet virum (Galat. iv, 27). » Filii hujus sterilis sunt isti pueri qui in hoc psalmo Dominum laudant. Hæc autem habitat in illa domo, imo ipsa est modo domina et regina illius domus, in qua Synagoga et gentilitas habitabat. Possumus autem per hanc domum celestem patriam intelligere, in qua cum tota sua progenie mater Ecclesie habitat.

PSALMUS CXIII.

ALLELUIA, ALLELUIA.

Quid significet Alleluia, et sæpe dictum est et sæpe dicendum. Significat enim *laudate Dominum*. Quod quidem Propheta non toties dixisset, nisi valde necessarium esse cognovisset. Hoc sit igitur opus Ecclesie, in hoc opere delectetur, et die nocteque jurundet.

« In exitu Israel ex Ægypto, domus Jacob de populo barbaro. Facta est Judæa sanctificatio ejus, Israel potestas ejus, Israel regnavit in ea (814). » Sub figura Israelitici populi Christianum populum Propheta describit de diaboli potestate et hujus mundi tenebris liberatum (815). Israel vero et Jacob fidem significant. Quando, inquit, Israel, id est Christianus populus, qui Deum cognoscit et videt, exivit de terra Ægypti, id est de hujus mundi tenebris et erroribus. Et quando domus Jacob, per quam ille ipse populus significatur, exivit de populo barbaro, per quem malignorum spirituum et vitiorum exercitus intelligitur, tunc facta est sanctificatio ejus. Cujus ejus? illius quem in titulo psalmi laudare jubemur, ubi dicitur: « Laudate Dominum. » Judæa, quæ *confessio* interpretatur, Ecclesia est, quæ etiam inter ipsa tormenta Dominum confiteri et laudare non cessat. Hæc autem facta est confessio ejus, quia hanc solam ipse sanctificavit, et ab omni villorum contagione mundavit. Similiter autem et Israel factus est potestas ejus, quia ipse in populo Christiano regnum tenet, imperium et pote-

statem. Quod autem sequitur: « Israel regnabit in ea, » in alia translatione non habetur. Possumus autem per Israel, Salvatorem nostrum intelligere, qui de seipso ait: « Nemo novit Patrem, nisi Filius, et cui voluerit Filius revelare (Luc. x, 22). » Interpretatur enim Israel *vir videns Deum*. Per istos autem qui prius de Ægypto exisse dicuntur, apostolos intelligimus ceterosque qui in primitiva Ecclesia fuerunt, per quos postea totus mundus ad fidem Christi conversus est. Unde et subditur:

545 « Mare vidit, et fugit; Jordanis conversus est retrorsum. » De hoc mari alibi dicitur: Hoc mare magnum et spatiosum, per quod mundus iste significatur. Hoc igitur mare vidit apostolos, aliosque prædicatores ad se venientes, et fugit. Quid est fugit, nisi locum eis concessit, et ad transeundam viam spernit? Talis fuga bona est, quæ non odio, sed obsequio fit. Qui ita fugiunt, non resistere, sed obedire parati sunt. Per Jordanem vero populus baptizatus designatur, qui prius quidem præceptis ad inferiora ruebat, sed, Christi fide suscepta, ad superiora redire et ad cælos conscendere cepit.

« Montes exsultaverunt ut arietes, et colles sicut agni ovium. » Montes et colles divites et potentes designant. Et isti quidem, videntes signa et mirabilia quæ per apostolos fiebant, protinus ad fidem conversi tanto gaudio exsultaverunt, ut arietes et agnos esse non dubitares, per quos omnes et prælati et subjecti Ecclesie significantur, ac per hoc de ovibus Christi esse monstrantur, quia simul cum aliis eadem spirituali lætitia gratulantur. Et bene quidem prius mare, postea vero montes et colles posuit: quia prius minores, postea vero majores credere coeperunt. Unde Apostolus ait: « Videte vocationem vestram, fratres, quia non multi potentes, non multi nobiles inter vos, sed quæ stulta sunt mundi, elegit Deus, ut confunderet fortia (II Cor. i, 26). »

« Quid est tibi, mare, quod fugisti: et tu Jordanis, quia reversus es retrorsum? » Montes, quare exsultastis sicut arietes, et colles, velut agni ovium? Hæc tanta admiratio ex magna lætitia procedit. Lætatur enim Propheta quod undique totum mundum convertere videt. « Quid est, inquit, tibi, mare, quod fugisti, et vos, montes, quare exsultastis? » Non est hoc ex vobis. Ex Deo est hæc fuga, et hæc exsultatio. Hoc est enim quod ait:

« A facie Domini commota est terra, a facie Dei Jacob. » Quid est enim a facie Domini? A cognitione veritatis. Nisi enim Deum vidissent, et cognovissent veritatem, hanc commotionem tam magnam homines non fecissent (816). Hinc est Deus Jacob,

mundi a nostra coeperint mente discedere. » Cassiod. (816) « Audite, conversi, audite, fidelissimi Christiani, commotionem istam; id est permutationem, quæ humanæ terræ feliciter evenit, non factam tre more montium, sed prospera conversione populo lorum. » Cassiod.

(814) Hæc verba in Vulgata desunt.
(815) Ille exitum illum debemus accipere, quando nos a peccatorum vinculis contigit exire. Tunc enim ab Ægyptiorum, id est a dæmonum turba liberamur, quando barbaricæ severitatis illius jura non patimur: et vero reddimur Israelitæ, cum pompe hujus

qui populum suum tam subito deiecit diabolum fuggere, et vitia supplantare.

« Qui convertit solidam petram in stagnum aquarum, et rupes in fontes aquarum. » Hic est, inquit, verus Deus, qui de sola petra aquam producit, et de siccis rupibus fontes manare facit. Et de petra quidem dicit Apostolus : « Petra autem erat Christus (1 Cor. x, 4). » Rupes vero apostolos, et doctores designant. De quibus sitiienti populo fontes producit salientes in vitam æternam.

« Non nobis, Domine, non nobis, sed nomini tuo da gloriam. » Se inter alios prophetas connumerat, quia et ipse rupes est, de qua non modici fontes erumpunt. Hæc, inquit, gloria tua est; isti fontes aquarum tui sunt, non est nostrum quod facimus, quia non a nobis facimus (817). « Non nobis, igitur, non nobis, sed nomini tuo da gloriam. » Labor noster sit gloria tua; sciant omnes quia sine te nihil facere valeamus. Hoc autem rogamus, ut facias ex sola misericordia et veritate tua, quia sic te facere promissisti. Et hoc est quod ait :

« Super misericordia et veritate tua, ne quando dicant gentes : Ubi est Deus eorum ? » Nunquam hoc gentes dicere præsumant; quod si dixerint, sciant quia Deus noster ubique est, et in cælo et in terra est, et quidquid vult ubique operatur (818). Hoc est quod sequitur :

« Deus autem noster in cælo, sursum in cælo, et in terra omnia quæcunque voluit, fecit. » Cæteri vero dñi quid faciunt? vel quid sunt? Nihil faciunt, et nihil sunt. Si tamen vis audire quod sunt, ut per hoc intelligas quia qui hoc sunt, dñi non sunt; audi quod sequitur :

« Simulacra gentium, argentum et aurum, opera manuum hominum. Os habent, et non loquuntur; oculos habent, et non videbunt; aures habent, et non audient; nares habent, et non odorabunt; manus habent, et non palpabunt; pedes habent, et non ambulabunt, non clamabunt in gutture suo; neque enim est spiritus in ore ipsorum. » Satis probatum est quoniam, qui tales sunt, dñi non sunt. « Similes illis fiant qui faciunt ea, et omnes qui confidunt in eis. » Non contra illos, sed pro illis orare videtur, quia et aurum bonum est, et argentum bonum est, et nihil faciunt, vel facere possunt.

« Domus Israel speravit in Domino, adiutor eorum et protector eorum est. » Per hos autem patriarchas, et prophetas et apostolos intelligamus, qui pleni Spiritu sancto præ cæteris Deum videre et intelligere meruerunt. Isti autem in Domino speraverunt et sperata susceperunt.

« Domus Aaron speravit in Domino, adiutor eorum et protector eorum est. » Isti sunt episcopi, sa-

(817) « Cum bona largiatur immeritis, ipsius gloria probatur esse quod concedit. » Cassiod.

(818) « Ipsa vox est tyrannorum, ipsa gentilium : Ubi est Deus eorum? Quasi non possit eripere quos ut coram, tormenta patitur sustinere. » Cassiod.

(819) « Adjiciat duplici modo videtur intelligi; sive benedictionem, quam in hoc sæculo sanctis suis

A cædotes cæterique omnes qui in clericali ordine Domino servant.

« Qui timeant Dominum sperent in Domino, 546 » adiutor eorum et protector eorum est. » Tota Ecclesia in his tribus versibus continetur, et omnibus, qui in ea sunt adiutor et protector factus est Dominus. Unde et subditur :

« Dominus memor fuit nostri, et benedixit nos. » Si nostri memor non fuisset, Filium suum ad nos redimendum et benedicendum non misisset. Ipse est enim de quo scriptum est : « In semine tuo benedicentur omnes gentes (Gen. xxii, 18). » Dominus igitur benedixit nos. Sed quæris fortasse quos? Benedixit domum Israel, benedixit domum Aaron, benedixit omnes timentes se Dominus, pusillos cum majoribus; nullus relictus est; omnes benedicti sunt, si tamen de domo Israel, vel de domo Aaron, Deum timentibus, sunt.

« Adjiciat Dominus super vos et super filios vestros. » Adjiciat, inquit, Dominus Pater ea quæ dicta sunt, super vos, et super filios et imitatores vestros omnem benedictionem et honorum operam sanctificationem (819).

« Benedicti vos a Domino, qui fecit cælum et terram. » Et cælum fecit Dominus et terram, et bonos et malos, et justos et peccatores ipse fecit, et nihil est quod ipse non fecerit.

« Cælum cæli Domino; terram autem dedit filiis hominum. » Cælum dedit Domino cæli, quia Salvatori nostro ad salvandum et regendum Ecclesiam dedit; terram vero dedit filiis hominum, quia super peccatores alios peccatores dominari permisit.

« Non mortui laudabunt te, Domine, neque omnes qui descendunt in infernum. Sed nos qui vivimus et benedicimus Dominum, ex hoc nunc et usque in sæculum. » Super nos, inquit, qui vivimus, qui jam non in terra, sed in cælo sumus (cælum enim vocatur Ecclesia), super nos, inquam, effunde benedictionem tuam, quia non mortui laudabunt te, Domine; mortui enim sunt, qui a te separati sunt. « Neque omnes qui descendunt in infernum, sed nos qui vivimus et benedicimus Dominum ex hoc nunc, id est ex hoc tempore quod nunc instat, et usque in sæculum. »

PSALMUS CXIV.

ALLELUIA.

Satis scitis quid significet Alleluia. Laudate igitur Dominum, quia hoc significat Alleluia.

« Dilexi, quoniam exaudivit Dominus vocem orationis meæ. » Dilexi, inquit, Dominum, de quo in hoc titulo dicitur, laudate Dominum. Et merito dilexi, quoniam exaudivit Dominus vocem orationis meæ. Quid amplius mihi facere debuit?

Dominus pro parte concedit; sive adjiciat numero vestro populos fideles. Quod et nostris temporibus facit, et usque ad finem sæculi non desinit operari; ut de gentibus Ecclesia prædestinata in unum gregem redacta congaudeat, et unius pastoris glorioso regimine perfruat. » Cassiod.

« Quia inclinavit aurem suam mihi. » Non solum A exaudivit, sed aurem quoque mihi inclinavit. Excelsus est ipse, humilis ego; sed « ipse humilia respicit (Psal. cxii, 6); » et ideo « in diebus meis invocabo eum; » expertus sum bonitatem, non timeo adversitatem; quæ si acciderit, invocabo eum omnibus diebus vite meæ.

« Circumdederunt me dolores mortis, pericula inferni invenerunt me. » Et ipse, sicut in sequelibus legitur, liberavit me. Magnos dolores et magna pericula fuisse ostendit, quæ mortis et inferni fuisse dicit. Magni enim sunt illi dolores, qui mortis doloribus comparantur, et magna sunt illa pericula, quæ inferni periculis assimilantur.

« Tribulationem et dolorem inveni, et nomen Domini invocavi, dicens: O Domine, libera animam meam, misericors Dominus et justus, et Deus noster miseretur. » Non ille, qui queritur, sed ille qui querit, invenire aliquid dicitur. Quærebat iste igitur tribulationem et dolorem, quæ se invenisse ostendit. In hoc autem aperte monstratur, quanto desiderio pro Christi nomine mori sancti optabant. « Et nomen Domini invocavi, dicens: O Domine, libera animam meam. » Non pro corpore rogat, nullam corporis mentionem fecit, sed solius animæ liberationem postulat. « Misericors Dominus et justus, et Deus noster miseretur. » Quomodo?

« Custodiens parvulos Dominus. » Unde hoc scis? Quia jam sæpe « humiliatus sum, et liberavit me. » Quia sæpe eum liberavit, inde certus est, quod adhuc eum liberabit. « Misericors et justus. » Hæc enim duo sunt, quæ bonis omnibus maximam spem dare possunt, quia misericors et justus est Dominus, qui nunquam deserit sperantes in se. Humiliatio hoc in loco pro afflictione et tribulatione ponitur.

« Convertere, anima mea, in requiem tuam, quia Dominus benefecit mihi. » Quia animam suam Dei misericordia liberatam esse intelligit; nunc eam hortatur, ut in requiem suam convertatur, et terrarum omnium obliviscatur, et in solâ Dei contemplatione amodo delectetur. Bene autem fecit Dominus, et valde bene, qui de tantis periculis eum liberavit.

547 « Quia eripuit animam meam de morte, oculos meos a lacrymis, pedes meos a lapsu; » placebo Domino in regione vivorum. » Ex hoc, inquit, credo, et nullatenus dubito, quia placebo Domino in regione viventium; quia jam eripuit animam meam de morte, et omnibus diaboli laqueis et deceptionibus liberavit. Liberavit insuper et oculos meos a lacrymis, quibus per singulas noctes lectum meum rigare solebam, et pedes meos a lapsu, quia victus est ille, qui calcaneo meo insidiabatur.

PSALMUS CXV.

ALLELUIA, ALLELUIA.

Laudate, inquit, Dominum, laudate, et præcipue in hoc psalmo, quo omnis qui credit laudare jubetur.

« Credidi propter quod locutus sum: ego autem

humiliatus sum nimis. Ego dixi, in excessu mentis meæ: Omnis homo mendax. » Loquitur Propheta in persona martyrum, et hortatur eos ad passionis calicem. Ego, inquit, in excessu mentis meæ elevatus, a primo homine usque ad ultimum, humanam naturam diligentissime consideravi, et sic in omnibus eam corruptam et vitiatam inveni, ut mens mea me dicere compelleret, « omnis homo mendax. » Est autem mendacium non in verbis tantum, sed etiam in rebus. Unde et denarios falsos vocamus, et aurum, et argentum falsum esse dicimus, et quidquid a puritate suæ naturæ degenerat, mentiri non dubitamus. Cum igitur sic omnes homines corruptos viderem, et ab hac corruptione, Nisi Christi sanguine liberari non posse cognoscerem, credidi in Christum, et quia credidi, locutus sum, et quia locutus sum, humiliatus sum nimis. Hoc enim ipse Dominus in Evangelio ait: « Nisi credideritis quia ego sum, moriemini in peccato vestro (Joan. viii, 25). » Nisi, inquit, credideritis quia ego sum Jesus, qui *Salvator* interpretatur, sine quo salvari nemo potest, moriemini in peccato vestro. Hæc est igitur causa quare unusquisque SS. martyrum dicat, credidi, et quia credidi, locutus sum, prædicavi, et palam cunctisque audientibus Christi fidem annuntiavi. Et quia hoc feci, humiliatus, afflicus sum, et multis tormentis cruciatus sum; et in hoc nimis quidem, quantum ad carnis fragilitatem, non quantum ad bonitatem divinæ retributionis. Unde et sebditur:

« Quid retribuam Domino pro omnibus quæ retribuit mihi? » Hinc est enim quod beatus Job Domino ait: « Nonne sicut lac mulsisti me, et sicut caseum me coagulasti, pelle et carnibus vestisti me, ossibus et nervis conpegisti me, vitam et misericordiam tribuisti mihi, et visitatio tua custodivit spiritum meum (Job x, 11). » Hinc et Apostolus ait: « Non sunt condignæ passionibus hujus temporis ad futuram gloriam, quæ revelabitur in nobis (Rom. viii, 18). »

« Calicem salutatis accipiam, et nomen Domini invocabo. » Quia, inquit, majus non habeo, quod ei retribuere possim, ecce meipsum offero; calicem salutatis accipiam, et accipiendo nomen Domini invocabo, et in ipsa morte eum confitebor et laudabo. Scio enim, quia « pretiosa est in conspectu Domini mors iustorum ejus. » Vere pretiosa, quæ vitam meretur æternam, quæ animam de corpore egredientem confestim in æternam beatitudinem introducit.

« O Domine, quia ego servus tuus, ego servus tuus et filius ancillæ tuæ. » Justum est, inquit, ut moriar pro te, quia servus tuus ego sum, servus, inquam, tuus et naturalis servus, utpote ancillæ tuæ filius. Ancilla tua est Ecclesia, cujus filius iste est, qui se Dei servum esse gloriatur.

« Dirupisti, Domine, vincula mea, tibi sacrificabo hostiam laudis. » Ligatus, inquit, eram, dura me catena diaboli stringebat et trahabat; sed tu dirupisti vincula mea, tu solvisti originale peccatum,

quod nisi tuo sanguine solvi non poterat. Tibi ego sacrificabo hostiam laudis; tibi reddam vitulos labiorum meorum; si jusseris, calicem quoque salutaris accipiam,

« Vota mea Domino reddam. » Ubi? « In atris domus Domini. » Et ubi est hoc? « In conspectu omnis populi ejus. » Planius hoc ostende. « In medio tui, Jerusalem. » Vovi, inquit, firmiterque promisi quia sacrificarem Domino hostiam laudis et jubilationis. Et hæc quidem Domino reddam, non in occulto, non in qualicumque loco, sed in loco celebri et manifesto. In ipsis atris domus Domini, et in conspectu omnis populi ejus in medio tui Jerusalem, ubi omnes undique confluentes, me videant, et me videndo nomen Domini laudent et glorificent. Hoc est enim quod Dominus ait: « Sic luceat lux vestra coram hominibus, ut videant opera vestra bona, et glorificent Patrem vestrum, qui in caelis est (Matth. v. 16). »

548 PSALMUS CXV

ALLELUIA, ALLELUIA.

Quid iste titulus significet, psalmi hujus initium declarat.

« Laudate Dominum, omnes gentes, et collaudate eum, omnes populi; quoniam confirmata est super nos misericordia ejus, et veritas Domini manet in æternum. » Invitat Propheta non solum Judæos, sed simul cum eis omnes gentes ad laudandum Dominum, quia non Judæorum tantum, sed omnium gentium Dominus est. Notus enim erat prius in Judæa Deus, et in Israel magnum nomen ejus; nunc autem quia pro omnibus passus est, et omnes gentes suo sanguine redemit, omnes eum laudare et benedicere debent. Nunc enim « confirmata est super nos misericordia ejus, » et nunc certissima ratione probatum est, quantum clemens sit et misericors; « qui dilexit nos, et lavit nos a peccatis nostris in sanguine suo (Apoc. 1, 5). » — « Et veritas Domini manet in æternum; » quia completum est quod promiserat per prophetas suos in Scripturis sanctis de liberatione nostra, et de restauratione populi sui, secundum illud: « Et liberavit nos de inimicis nostris, et de manu omnium qui nos oderunt (II Reg. xix, 9); » — « sicut locutus est per os sanctorum suorum prophetarum, qui a sæculo sunt (Luc. ii, 70). »

PSALMUS CXVII.

ALLELUIA.

Iste titulus tantum huic psalmo convenire videtur, ac si ejus proprius esset, et non aliorum. Unde in sequentibus dicit: « Constituite diem solemnem in confrequentationibus usque ad cornu altaris. »

« Confluemini Domino, quoniam bonus, quoniam in sæculum misericordia ejus. » Nulla ratio convenientior inveniri potuit, ut eum laudemus, quam quia bonus et misericors est. Si enim bonus et misericors non esset; quid in eo poterat esse unde laudandus esset? Tolle bonitatem, et nihil laudabile manet. Sed aliter Deus bonus est, et aliter omnis ejus creatura bona. Ipse enim a seipso bonus est;

A cætera vero non a seipsis, sed ab ipso. Laudemus igitur bonitatem et misericordiam Domini, et nunc præcipue laudemus, quando confirmata est misericordia ejus, et tam manifesta facta est bonitas ejus. Unde et subditur:

« Dicat nunc Israel quoniam bonus, quoniam in sæculum misericordia ejus. » Nunc, inquit, hoc dicat, quia nunc maxime dicendum est quando dextera Domini fecit virtutem dextera Domini exaltavit me.

« Dicat nunc domus Aaron quoniam bonus, quoniam in sæculum misericordia ejus. » Dicant nunc omnes, qui timent Dominum, quoniam bonus, quoniam in sæculum misericordia ejus. Omnes hoc dicant, quia omnes hanc misericordiam experti sunt. Et qui hoc dicere noluerit, hujus bonitatis et misericordiae particeps non erit. Sed illi soli dicant, qui Dominum timent; qui vero non timent, etiam si dicant, nihil eis dixisse profuerit. Sed quid per Israel, qui videns Deum interpretatur, nisi patriarchas et prophetas, et apostolos, cæterosque magis Deo familiares intelligamus? Quid vero per domum Aaron, nisi episcopi, et sacerdotes, cæterique ejusdem ordinis significantur? At vero per eos, qui Deum timent, omnis multitudo ecclesiastica designatur.

« In tribulatione invocavi Dominum, et exaudivit me in latitudinem. » Et hoc ad bonitatem et misericordiam, quia quoties Ecclesia in tribulationibus fuit, toties clamans ad Dominum exaudita est, et non solum exaudita, sed ample, et magnifice et in latitudinem exaudita est.

« Et Dominus mihi adjutor est, non timebo quid faciat mihi homo. » Non est timenda hominis fortitudo, ubi Dominus auxilium præstat. Nam etsi faciat quod homines facere solent, sua tamen beatitudine non privatur. « Dominus mihi adjutor, et ego videbo inimicos meos. » Ego, inquit, videbo inimicos meos, Dominus autem pugnabit pro me, cui nemo resistere valet.

« Bonum est confidere in Domino, quam confidere in homine. Bonum est sperare in Domino, quam sperare in principibus. » Hinc est enim quod alibi dicitur: « Maledictus homo qui confidit in homine, et ponit carnem brachium suum, et a Deo recedit cor ejus (Jer. xvii, 5). » Non est autem peccatum auxilium hominum querere, sed ita querere, ut totam spem in eorum auxilio ponat, et sine eorum auxiliis de suis necessitatibus se homo liberari posse diffidat, magnum peccatum est. Tunc enim suum auxilium fidelibus suis præstare Dominus solet, quando de hominum auxilio desperant.

« Omnes gentes circumdederunt me, et in nomine Domini ultus sum eos. » In hoc loco in præpositio subaudienda est, ut dicatur in eos, sicut in alia translatione habetur. In Hebræo nihil horum est, sed tantum dicitur: « in nomine Domini ultus sum. » Nulla gens est, quæ Ecclesiam non circumdedit, et quæ persecutionem ei non fecisset; sed de omnibus liberavit eam Dominus, et non solum

liberavit, sed etiam ultionem fecit, quia omnes ejus persecutores statim ad tormenta ducuntur, ut de hac vita exeant.

« Circumdantes circumdederunt me, et in nomine Domini ultus sum eos. » Hoc autem nihil aliud significabat, nisi magnam instantiam afflictionis et persecutionis. Unde et subditur :

« Circumdederunt me sicut apes. » Sicut apes quidem, quoniam et multi erant, et nimio furore et indignatione succensi, eos vulnerare et affligere non cessabant. De apibus enim dicit poeta (Vinc. Georg., lib. iv, v. 236).

Illis ira modum supra est, læsæque venenum
Morsibus inspirant et vulnera caeca relinquunt.

Affixæ venis animasque in vulnere ponunt.

« Et exarserunt sicut ignis in spinis. » Vere ignis, et ira illorum in spinis ardebat, et ardendo spinas ipsas consumebat. Quid enim sunt iniqui homines, nisi spinæ aculeis et punctationibus pleni. « Et in nomine Domini vindicabor in eis. » Quamvis enim de his talibus quotidie vindicetur Ecclesia; majorem tamen de illis adhuc vindictam expectat.

« Impulsus versatus sum, ut caderem, et Dominus suscepit me. » Multis modis impellebantur, versabantur et tentabantur sancti, ut a statu suæ rectitudinis caderent; cadere autem penitus non poterant, quos Dominus suscipiebat, et aliquando casui proximos firmabat et stabiliebat. Unde adhuc subditur :

« Fortitudo mea, et laudatio mea Dominus, et factus est mihi in salutem. » Quod ego, inquit, contra steti, quod pugnavi, quod vici et fortis fui, non mea fortitudo, nec mea laus est, sed tota fortitudo mea, et laus mea Dominus est, qui factus est mihi in salutem. Unde et alibi dicunt viri sancti : « In Deo faciemus virtutem, et ipse ad nihilum deducet tribuant nos (Psalm. lxx, 14). »

« Vox lætitiæ et salutis in tabernaculis justorum. » Inde, inquit, est vox lætitiæ et salutis in tabernaculis justorum, quia Dominus eos defendit, et factus est eis in salutem. Et nisi Dominus hoc fecisset, nulla inter eos lætitia esse posset quoniam nullo modo suis adversariis resistere potuisset.

« Dextera Domini fecit virtutem, dextera Domini exaltavit me (820). » Dextera Patris Filius est, quia per ipsum omnia operatur. Hæc autem dextera fecit omnem hanc sanctorum virtutem, quando Salvator noster morte sua diabolus superavit; ibi enim omnes sancti constantia et fortitudine super suos inimicos omnes exaltati sunt et ab æternæ mortis periculo liberati. Unde et subditur :

« Non moriar, sed vivam, et narrabo opera Domini. » Castigans, castigavit me Dominus, et morti non

tradidit me. » Non loquitur de morte corporis quæ inevitabilis est; sed potius de morte animæ, quæ solummodo moritur, cum a Deo separatur. Et hinc est quod Dominus ait : « Nolite timere eos qui occidunt corpus, quoniam animam non possunt occidere (Matth. x, 28). » Sic igitur sancti castigationem possunt, occidi vero non possunt.

« Aperite mihi portas justitiæ. » Quare ? « Ingressus est in eas confitebor Domino. » Quia, inquit, mortem jam non timeo, aperite mihi portas justitiæ, docete me quid facere debeam. Doctoribus Ecclesiæ loquitur ista, qui, habentes clavem scientiæ, cæteris justitiæ viam ostendunt. Et vide cum quanta fiducia loquitur : « ingressus, inquit, in eas confitebor Domino, » nihil erit quod me terrere possit, ut justitiam non prædicem, et Dominum non confitear. At illi non multas, sed unam portam ostendentes, dixerunt : « Hæc est porta Domini, justi intrabunt in eam. » Non queramus, inquit, multas portas, quia una est per quam justi ingrediuntur. Si quis te de aliqua re interrogaverit, dic solummodo, Christianus sum, et sufficit tibi. Hæc est porta Domini, justi ingrediuntur per eam et qui ascenderit aliunde fur est et latro.

« Confitebor tibi, Domine, quoniam exaudisti me, et factus es mihi in salutem. » Portam quam quærebat invenit, et ipsam portam, Christum esse intelligit, cui etiam loquitur, dicens : « Confitebor tibi, Domine; » te queram, te laudabo, « quoniam exaudisti me, » et ab omnibus periculis me liberans, factus es mihi in salutem. »

« Lapidem quem reprobaverunt ædificantes, hic factus est in caput anguli. » Venite, inquit Ecclesia, et videte lapidem quem reprobaverunt ædificantes, hic injuste abjectus et reprobatus in caput anguli factus est, duos in se conjungens 550 parietes, unum ex circumcissione, et alterum ex præputio venientem, ut fiat unum ovile et unus pastor (821). Mali ædificatores, qui meliorem lapidem reprobant et vilissimos lapides in constructione domus Dei ponere nituntur. Isti sunt illi ædificatores qui Synagoga male constituentes, sive potius destruentes de Salvatore nostro dixerunt : « Nolumus hunc regnare super nos (Luc. xix, 14). » Et : « Nolumus hunc, sed Barabbam (Luc. xxiii, 18). » Hoc lapide reprobato, tota corrumpitur Synagoga; sed a Domino factum est istud et est mirabile in oculis nostris. Quis non miretur quod super hunc lapidem Ecclesia tota construitur quem Judæa insipiens reprobavit? Hinc est, quod alibi dicitur : « Populus quem non cognovi servivit mihi (Psalm. lvii, 15). » Et : « Filii alieni mentiti sunt mihi (Ibid., 46). » Quid igitur mirum si obediētes, et mendaces et impii reprobantur.

(820) « Dextera Domini exultat, cum terrenis hominibus celorum regna concedit. Quid enim potentius, quam mortales induere immortalitatem, corruptibiles, incorruptionem, peccatoribus beatitudinem, de hoste fortissimo infirmis dare victoriam ? » CASSIOD.

(821) Eodem loco usus est S. Petrus in concione quam habuit Hierosolymis ad populum Judeorum Act. iv, 11, et in ep. I, c. 11, S., quo ostendit prædictum fuisse Christum ex Judæis, atque gentilibus congregaturum in unum corpus Ecclesiam.

« Hæc dies quam fecit Dominus, exsultemus et A
 « letemur in ea. » Hæc, inquit, dies, in qua lapis
 iste reprobatus est, et Ecclesia Christi sanguine redempta est. Hæc est illa dies quam ad letitiam et exultationem nostram fecit Dominus. Exsultemus et letemur in ea, et dicat unusquisque nostrum :
 « O Domine, salvum me fac, o Domine, bene sperare. » Nulla dies opportunior est ad postulandam salutem et prosperitatem, quam illa quæ salutis et prosperitatis initium est, et ad salutem et prosperitatem nobis dedicata est. Dicamus etiam simul omnes : « Benedictus qui venit in nomine Domini ; » ut simul ab hominibus benedicatur, a quo omnia benedicuntur. Venit Dominus in nomine Domini, sicut ipse Judæis loquens, ait : « Ego veni in nomine Patris mei, et non recepistis me ; alius autem veniet in nomine suo, et illum recipietis (Joan. v. 43). » Quid est autem in nomine suo veniet, nisi a seipso et seipsum glorificare veniet ?

« Benediximus vos de domo Domini : Deus noster, et illuxit nobis. » Vos, inquit, benedicite Dominum, quia nos quoque jam in alio psalmo vos benediximus, dicentes : « Benedicite vos a Domino, qui fecit cælum et terram (Psal. cxiii, 15) » Et hanc benedictionem non a vobis habuimus, sed de domo Domini, et ab ipso Domino eam accepimus, qui revera est Deus et Dominus, et illuxit nobis. Illuxit quidem, quia cum adhuc in tenebris ignorantie et cæcitatibus essemus, ipse nos illuminavit, et justitie et veritatis portas aperuit, in ejus commemoratione semper hanc diem letam et solemnem agere debemus. Unde et subditur :

« Constituite diem solemnem in confrequentationibus usque ad cornu altaris. » Omnes, inquit, converte, nemo se absentare audeat, tantaque sit multitudo, et frequentia populi, ut ipsius altaris cornua premant. Et unusquisque in hac tanta solemnitate fidei aliter dicat : « Deus meus es tu, et confitebor tibi, Deus meus es tu, et exaltabo te. »

« Confitebor tibi, Domine, quoniam exaudisti me, et factus es mihi in salutem. Confitemini Domino quoniam bonus, quoniam in sæculum misericordia ejus. » Iste ultimus versus superioribus non continuatur, quia psalmi hujus initium est ; et in fine ponitur, ne laus finiatur, sed quasi rota in circuitu sine fine volvatur.

(822) In editione Marchesii omissus est *Alleluia* titulus hujusce psalmi, qui in Vulgata et in Cassiodorio reperitur. De Psalmo hæc præloquitur ideus commentator. « Festivo psalmo et divinarum rerum virtute plenissimo desiderabile alleluia præmittitur, ut meritum divini carnis honore tituli possit agnosci. Est enim altissimus profunditate sensuum, et contextus quasi similium repetitione veriorum : modo proficundo quod accepit : modo iterum eadem sperando quæ meruit. »

(823) Satis notam arbitror Dallæi censuram lib. De usu Patrum pag. 244 in D. Ambrosium, quod Hebraicarum litterarum interpretationem non feliciter

PSALMUS CXVIII.

551 ALLELUIA (822).

« Beati immaculati in via, qui ambulant in lege Domini. » Iste psalmus secundum ordinem Hebraicarum litterarum scriptus est, et ab unaquaque littera octo versus incipiunt, quarum prima est Aleph, quæ doctrina interpretatur ; ultima vero Thau, quæ signum, vel consummatio dicitur. Hujus igitur psalmi doctrinam sequatur, et teneat quicumque ad consummationem, perfectionem, et ad summum bonum venire desiderat. Signetur autem signo crucis, ut in Christi militia esse dignoscatur. Pauca quidem sunt litteræ, id est viginti duæ, in quibus tamen omnis et divina, et humana scientia continetur. Qua in re quantæ perfectionis psalmus iste sit, apertissime declaratur. Quod enim unaquæque littera in octo versibus extenditur, quid aliud significat, nisi quia omnis doctrina, divina et spiritualis, temporalia nos relinquere et æterna querere docet ? Dies enim octava, et hujus vitæ finis est, quæ in septem diebus agitur, et alterius initium, quæ finem non habebit. Unde et quidem psalmi pro octava titulatur. Ad octavam itaque diem iste litteræ et isti versus nos festinare docent, quatenus hanc postponentes ad aliam festinamus (823).

ALEPH. « Beati immaculati in via qui ambulant in lege Domini. » Beati, inquit, qui ambulant in lege Domini, sic tamen, si immaculati in hac vita fuerint, et vitam immaculatam duxerint. Hoc est enim ambulare in lege Domini, quia hoc lex Domini præcepit ut immaculati simus et viam immaculati incedamus. Unde et subditur :

« Beati qui scrutantur testimonia ejus. » Sic tamen si « in toto corde exquirunt eum. » Et illi quidem in toto corde eum exquirunt qui se a macula custodiunt. Ambulare autem in lege Domini et scrutari testimonia ejus idem significant. Nullus versus est in hoc psalmo in quo non inveniatur vel verbum, vel eloquium, vel sermo, vel justificatio, vel testimonium, vel iudicium, vel aliud quod legem significare videatur. Sequitur :

« Non enim qui operantur iniquitatem, in viis ejus ambulaverunt. » Dixit illos esse beatos qui scrutantur testimonia ejus, a quibus tamen omnes illi separandi sunt qui operantur iniquitatem, quoniam hi tales neque ambulant in viis ejus, neque in toto corde exquirunt eum.

« Tu mandasti mandata tua custodiri nimis. »

assecutus fuerit. S. doctorem excusant PP. Maurini quod pauci essent tunc temporis interpretes, et ipse nimis se fideri Philonis ethymologiis multis erroribus scatentibus. De eodem lapsu aliquis rigidus censor nostrum Brunonem fortasse insinulabit ; sed in eundem cecidisse Bedam reperiet, quem ducem hisce in interpretationibus, quemadmodum in aliis secutus est. Sed antiquior in earundem Hebraicarum vocum interpretatione S. Hieronymus, et in illa lingua peritissimus prius omnium sua in epistola ad Paulam olim 155, modo 50, eas habet interpretationes, quibus S. Bruno usus est.

Nimis quidem quantum ad humanam fragilitatem et negligentiam, quia vix invenitur aliquis qui sicuti debet ea custodiat. Et quia nimis custodienda sunt mandata ejus: « Utinam dirigantur viæ meæ et opera mea ad custodiendas justificationes tuas, » quæ per mandata significantur. Quia tunc non confundar, dum respiciam in omnia mandata tua; quæ sicut modo diximus, nimis custodienda esse mandasti. Respicere autem custodire est. Ac per hoc, ut non confundar et ut servitium meum tibi acceptabile sit, « constitebor tibi, Domine, in directione cor-
« dis. » Quid est autem in directione cordis, nisi in directo et mundo corde? In eo quod didici judicia justitiæ tuæ. Sic, inquit, in directo corde te laudabo, sicuti judicia justitiæ tuæ recta esse didici et cognovi.

« Justificationes tuas custodiam, » quas tu mandasti custodiri nimis, et ideo « ne me derelinquas usquequaque, » quod est intelligere, nunquam me penitus derelinquas.

552 **BETH.** Quod interpretatur *domus*. Domus Dei Ecclesia est, ejus habitatores hanc doctrinam tenent et custodiunt; atque per eam hoc septenario finito, ad diem octavam se venire sperant, et sic deinde ad summum bonum, quod per ultimam litteram significatur, se conscendere confidunt.

« In quo corrigi juvenior viam suam? in custodiendo sermones tuos. » Per primam litteram, quæ *doctrina* interpretatur, sermones, mandata, eloquia, justificationes, et cætera quæ jam superius dicta sunt, significantur. Illi itaque juvenes corrigunt vias suas qui hanc doctrinam et hos sermones custodiunt qui in hoc psalmo continentur. Necessæ habent adolescentuli et juvenes corrigere vias suas, quia ipsi sunt qui facilius et sæpius peccant.

« In toto corde exquisivi te, ne repellas me a mandatis tuis. » Repellere videtur Dominus a mandatis suis illum hominem cui auxilium non præstat, ut ejus mandata custodire velit et valeat. Rogat igitur iste adjutorium, ut custodire possit, quia maximum desiderium habet custodiendi. Et hoc quidem significat dicens: « In toto corde meo exquisivi te. » Qui enim in toto corde Deum quærit, multum desiderat ejus facere voluntatem.

In corde meo abscondi eloquia tua, ut non peccem tibi. « Difficile peccant, qui verba Dei in corde reponunt, et memoriæ commendant. Sunt autem aliter abscondenda eloquia Dei, neque omnibus revelanda, sicut ipse Dominus ait: « Nolite sanctum dare canibus, et nolite margaritas spargere ante porcos (*Matth.* vii, 6). » Talibus igitur eloquia tua manifestare renui, ne forte audiendo te blasphemarent, ut soliti sunt, et maledicerent; ac ego per hoc peccarem tibi. Tu autem benedictus es, et tales maledictiones non curas; ego autem audire non possum. « Doce me justificationes tuas. » Hoc est enim quod superius ait: « Ne repellas me a mandatis tuis. »

« In labiis meis pronuntiavi omnia judicia oris

A « tui. » Doce me, inquit, justificationes tuas, quoniam et si aliis eas celavi, aliis tamen eas manifestavi, et illis quibus prædicare debui, prædicavi.

« In via testimoniorum tuorum delectatus sum sicut in omnibus divitiis. » Non solum, inquit, pronuntiavi judicia oris tui, sed pronuntiando sic delectatus sum, sicut in omnibus divitiis. Sunt quidam qui prædicant, et per mandatorum viam non incedunt, sed alia quidem via pergunt, longe a testimoniis Dei. Unde Apostolus ait: « Doctrinis variis et peregrinis nolite abduci (*Hebr.* xiii, 9). »

« In mandatis tuis me exercebo. » Non vult iste recedere ab illa doctrina quæ in hoc psalmo continetur et prædicare jubetur, neque obliviscitur quomodo prima littera interpretatur. Meminit insuper B illius versus, in quo superius dicitur: « Beati qui scrutantur testimonia ejus, in toto corde exquirunt eum. » Unde subinferens dicit

« In tuis justificationibus meditabor, non obliviscar sermones tuos. » Beatus enim ille est qui in lege Domini meditatur die ac nocte. Hic autem psalmus nihil aliud jubet, nisi in lege Domini meditari mandata ejus, et testimonia perscrutari.

GRIBEL. Quod *retributio*, vel *plenitudo* interpretatur. Hoc autem in hac littera significatur quod illi qui hanc doctrinam, quæ in hoc psalmo continetur, fideliter tenuerint et custodierint, plenam retributionem a Domino suscipient. Prima namque littera, quæ *doctrina* interpretatur, per omnes alias currit, donec ultimæ conjungatur. Ad quid enim aliud nisi ad solam doctrinam omnes litteræ inventæ sunt? Totum autem ad doctrinam pertinet, et quod nuntiando et quod jubendo, vel operando dicitur.

« Retribue servo tuo, et custodiam sermones tuos. » Non est parva doctrina, quando ab aliis doremur quomodo Deum orare debeamus. Retribue, inquit, servo tuo quod eis retribuere promissisti qui tua mandata custodiunt. Hoc enim in Evangelio Dominus ait: « Si quis sermonem meum servaverit, mortem non gustabit in æternum (*Joan.* viii, 52). » Hoc igitur, quasi dicat, mihi retribue, ut in æternum vivam et custodiam sermones tuos.

« Revela oculos meos, et considerabo mirabilia de lege tua. » Nonne vides quomodo retributionem quærit de his, quæ se facturum esse promittit? Si, inquit, aperueris oculos mentis meæ, ego considerabo mirabilia de lege tua, et docebo et custodiam legem tuam. Aliter enim considerare quid valet?

« Incola ego sum in terra, non abscondas a me mandata tua. » Hoc est enim, quod Apostolus ait: « Non habemus hic manentem civitatem, sed futuram inquirimus (*Hebr.* xiii, 14). » Aperi, inquit, oculos meos, quia **553** non terrena, sed cælestia videre et habere desidero, et ideo non abscondas a me mandata tua. Doce me, quasi dicat, doctrinam tuam, quam carnales oculi videre et intelligere non valent. Sic enim discipulis suis Dominus ait: « Vobis datum est nosse mysterium regni Dei, cæteris autem in parabolis (*Marc.* iv, 11). »

« Concupivit anima mea desiderare justificationes tuas in omni tempore. » Non solum, quasi dicat, desideravi facere mandata tua, quibus fideles tui justificantur, sed etiam hoc concupivi, ut semper ea facere desiderarem, et ut mens mea ab hoc tam nobili desiderio nunquam recederet. « Increpasti superbos, maledicti qui declinant a mandatis tuis. » Quid enim superbius quam Domini tui mandata contemnere? Increpat Dominus superbos, ubi ait: « Qui ex Deo est, verba Dei audit, propterea vos non auditis, quia ex Deo non estis (Joan. vi, 47). » Si vero ex Deo non sunt, utique maledicti sunt. De perseverantibus loquitur, et qui ad poenitentiam redire contemnunt. In unoquoque versu doctrina hujus psalmi se manifestat quam utilis omnibus et necessaria sit.

« Aufer a me opprobrium et contemptum, quia testimonium tua exquisivi. » Exquirere mandata Dei, non solum legere et intelligere sufficit, sed et custodire necesse est. Qui autem hoc faciunt, ab omni opprobrio et contemptu iniquorum hominum liberantur, et simul cum sanctis a Domino honorantur. Quae autem fuerint haec opprobria, sequentia manifestant.

« Etenim sederunt principes, et adversum me loquebantur. » Ea videlicet loquebantur, quae ad viri justii opprobrium et contemptum intolerabilem pertinebant. Ille vero quid faciebat? « Servus autem tuus exercebatur in tuis justificationibus. » Exercebatur autem meditando, legendo, custodiendo et pro earum custodia dura tormenta patiendo. Unde et subditur.

« Nam et testimonia tua meditatio mea est, et consolatio mea justificationes tuae sunt. » Quia idem significant mandata, justificationes, eloquia, sermones, et caetera, quae superius diximus, ideo pene ubique alterum pro altero ponitur. Exercebar, inquit, et meditabar in mandatis tuis, et hoc solum erat consolatio mea. Unde Apostolus ait: « Quaecunque scripta sunt, ad nostram doctrinam scripta sunt, ut per patientiam et consolationem Scripturarum spem habeamus (Rom. xv, 4). »

DALETH. Hoc autem tabulae vel januae interpretatur. Non solum omnes litterae, sed unaquaeque per se tantam doctrinae pulchritudinem habet, ut sufficere videatur. Haec littera nos docet cordis januas huius doctrinae tam sacrae aperire, ut in mentis nostrae tabulis inscribatur et imprimatur. De his tabulis Apostolus ait: « Epistola nostra vos estis, scripta non atramento in tabulis lapideis, sed Spiritu Dei vivi in tabulis carnis (II Cor. iii, 3). »

« Adhaesit pavimento anima mea, vivifica me secundum verbum tuum: vias meas annuntiavi, et exaudisti me, doce me justificationes tuas. » Hoc est illud verbum quod per prophetam Dominus ait: « Peccator quacunque hora conversus fuerit, et ingemuerit, vita vivet, et non morietur (Ezech. xxxiii, 12). » — « Vivifica me, inquit, secundum verbum tuum, » quia ego conversus sum, et vias meas et

peccata mea tibi nuntiavi, dicens: « Adhaesit pavimento anima mea. » Sordidata erat pulvere pavimento anima mea, cui nimium adhæserat, ejusque voluptates secuta fuerat. Hoc pavementum caro est, cui anima conjuncta ejus pulvere peccatorum nimium sordidatur. Hoc est enim quod dicit: « et exaudisti me. » A modo vero, doce me justificationes tuas, quatenus non pavimento et carnis voluptatibus, sed tuis mandatis obediam. Unde et subditur.

« Viam justificationum tuarum insinua mihi, et exercebor in mirabilibus tuis. » Hoc est igitur quod homo post conversionem et poenitentiam agere debet, ut semper in bonis perseveret, et peccatorum suorum recordetur. Hoc est enim quod sequitur.

B « Dormitavit anima mea praeter tedium. » De tedium alibi dicitur: « Tædet animam meam vita mea (Job x, 11). » Praeter tedium itaque anima dormitat, quia peccatorum recordatione aliquando a bono opere cessat, et se omnia corrigere posse quodammodo diffidit. Ex hoc autem non immerito se accusat, et ab hac non immo dicitur tentatione liberari postulat. Et hoc est quod ait: « Confirma me in verbis tuis; » ut firmissime credam praedictae promissioni tuae, in qua peccatori converso veniam polliceris.

« Viam iniquitatis amove a me. » Sic enim dormire, vias iniquitatis est, quia desperationi proxima est.

C « Et de lege tua miserere mei. » Haec est enim illa lex benignissima, quam peccatoribus Dominus posuit: « Si dimiseritis, inquit, hominibus peccata eorum, et Pater vester dimittet vobis peccata vestra (Matth. vi, 15). » Tu peccasti in Deum, homo in te, dimitte tu illi, ut et tibi dimittatur, et ut pro centum denariis, decem millia talenta reddere non cogaris, et in carcerem mittaris.

« Viam veritatis elegi, judicia tua non sum oblitus. » Audita, quasi dicat, tanta Dei miseratione, omnes diabolicae fraudis tentationes a me removi, et solam veritatis viam elegi, per quam, qui ambulat, errare non potest. Ac per hoc judicia tua non sum oblitus, sed firmissime memoriae commendavi. Qui enim eorum obliviscitur, per viam veritatis incedere nescit.

D « Adhaesi testimoniis tuis, Domine, noli me confundere. » Quid est autem adhaesi testimoniis tuis, Domine, nisi hoc, quod modo dixit: « Judicia tua non sum oblitus? » Et talis quidem non habet, unde confundi et erubescere debeat.

« Viam mandatorum tuorum cucurri, cum dilatares cor meum. » Hic versus superioris expositio est. Multum enim delectari potest in via mandatorum Dei, qui, finito cursu, tam magnam retributionem expectat.

HEX. Ipsa interpretatur, ipsa, inquit, doctrina, quae per primam hujus psalmi litteram significatur, dat nobis intellectum et deducit nos in sententiam mandatorum Dei, et ipsa inclinat cor nostrum in testimonia ejus, et avertit oculos nostros, ne vi-

deant vanitatem, et cætera quæ sequuntur; et tandem ducit nos ad Thau, id est consummationem et æternam felicitatem.

« Legem pone mihi, Domine, viam justificationum tuarum, et exquiram eam semper. » Hanc. inquit, doctrinam et hanc legem pone mihi, Domine, viam, quæ me ducit ad tuas justificationes, et exquiram eam semper. Quid enim sic querendum, sic diligendum et custodiendum est, sicut id quo justificari et sanctificari speramus?

« Da mihi intellectum. » Ad quid? « Et scrutabor legem tuam et custodiam illam in toto corde meo. » Ille habet bonum intellectum qui hoc facit: qui vero hoc non facit, et legem Domini non custodit, non habet bonum intellectum, quoniam intellectus bonus omnibus facientibus eum. »

« Deduc me in semitam mandatorum tuorum, quia ipsam volui. » Jam non viam querit, quæ amplior est, sed semitam postulat, quia angusta via est, quæ ducit ad vitam (Matth. vii, 14); scit enim quia per multas tribulationes oportet nos intrare in regna cælorum. Multi enim viam incedunt, qui per majorum semitam mandatorum incedere nequeunt. Sed, sicut Apostolus ait: « Unusquisque proprium donum habet ex Deo (I Cor. vii, 7). »

« Inclina cor meum, Deus, in testimonia tua, et non in avaritiam. » Non est solummodo avaritia pecuniæ, sed honoris quoque et dignitatis. Sic igitur cor suum in legis testimonia declinare desiderat, ut contra legem nihil faciat, et omnes mundi concupiscentias a se repellat. Hoc enim sequentia manifestant.

« Averte oculos meos ne videant vanitatem, in via tua vivifica me. » Multæ sunt mundi vanitates, quæ neque interioribus, neque exterioribus oculis videre debemus. Ille autem in via Dei vivificatur, qui in bono opere assiduus est, et ea quæ agit, non negligenter, sed diligenter agit.

« Statue servo tuo eloquium tuum in timore tuo. » Quid prodest nobis scire, et intelligere eloquia Dei, si Deum offendere, et eloquia non facere non timeamus? (824) Et certe non sunt pauci, qui hoc vitio laborant.

« Amputa opprobrium meum, quod suspicatus sum; judicia enim tua jucunda. » Amputa, inquit, hoc opprobrium, et vitium meum, quod in me esse homines suspiciantur, sive verum sit, sive non sit. Et si verum est quod dicunt, amputa, ut non sit. Si verum non est, et hoc ipsum amputa, ut in eorum opinione non sit amplius, quoniam hæc talis opinio et me affligit et illos occidit; judicia enim tua jucunda. Quia a justitia recedunt, qui bonum malum, et malum bonum dicunt.

« Ecce concupivi mandata tua. » Ecce, inquit,

(824) Cod. Ghis., et contra eloquia facere, etc.

(825) Potentiam bonum agendi, V. G., servandi Dei mandata per gratiam sufficientem quilibet habet, sed ut velit et ea perficiat, hoc ab efficacia gratiæ cælestis obtinebit, juxta illud Apostoli ad Philip. ii,

A satis in his quæ dicta sunt superius ostendi quia mandata tua non solum feci, sed facere concupivi. Facere enim quilibet potest, sed cum desiderio facere, cælestis gratiæ est (825). « In aequitate tua vivifica me. » Quid est in aequitate tua vivifica me, nisi quia æquus et justus es, redde mercedem meam?

555 Vau interpretatur et ipse; ipse, inquit, dedit nobis hanc doctrinam, a quo est omnis sapientia, et cum eo fuit semper, et est ante ævum Christus Dominus noster, qui est Aleph et Thau, Alpha et Omega, id est initium et finis.

« Et veniat super nos misericordia tua, Domine, salutare tuum, secundum eloquium tuum. » Lege in Evangelio, et pluribus in locis invenies Salvatorem nostrum et misericordiam, et salutem, et regnum cælorum, et vitam æternam fidelibus suis promississe. Hoc igitur iste postulat, ut secundum eloquium suum donet ei misericordiam et salutem.

« Et respondebo exprobrantibus mihi verbum, quia speravi in sermonibus tuis. » Hoc, inquit, verbum respondebo exprobrantibus et maledicentibus mihi, quia speravi in sermonibus tuis, et ita non timebo quid faciat mihi homo. Tu enim dixisti nobis: « Non vos deseram, neque derelinquam (Jonn. xiv, 18), » et multa his similia, et in his quidem sermonibus tuis multam spem habemus.

« Et ne auferas de ore meo verbum veritatis usquequaque, quia in judiciis tuis speravi. » Quid est autem in judiciis tuis speravi, nisi quod modo dixit: « quia speravi in sermonibus tuis? » Rogat autem ut nunquam mortis timore a verbo veritatis eum recedere patiatur.

« Et custodiam legem tuam semper. » Quid est semper? « In æternum et in sæculum sæculi. » Si tis legem Dei bene custodit qui a verbo veritatis nunquam recedit. Illic autem quomodo prius se habuerit et quam fidelis Domino fuerit ostendit.

« Et ambulabam in latitudine, quia mandata tua exquisivi. » In latitudine ambulat qui charitatem custodit, et Deum et proximum diligit. Hoc est enim maximum et primum mandatum, de quo alibi dicitur: « latum mandatum tuum nimis. » Unde et Apostolus. « Plenitudo, inquit, legis est dilectio (Rom. xiii, 14). » Et quia omnia mandata in hoc uno mandato continentur, bene hic dicitur: « quia mandata tua exquisivi. »

« Et loquebar de testimoniis tuis in conspectu regum, et non confundebar. » Breviter in hac versu sapientia martyrum et patientia declaratur. Sapientes namque erant, qui de testimoniis Domini loquebantur. Fortes vero, qui ante ipsos reges loqui non timebant. Patientia vero in eo ostenditur quod de ipsis suis injuriis non erubescabant.

« Et meditabar in mandatis tuis, quæ dilexi nimis. »

15. Deus est qui operatur in nobis velle et perficere pro bona voluntate. Et hæc est mens S. Brunonis, qui hanc eandem D. Pauli sententiam refert, p. 653, ex qua concludit nihil boni sine Dei adjutorio nos facere posse.

Numquam, ac si dicat, mandatorum tuorum obliviscar; sed die ac nocte meditabor in eis quæ valde semper dilexi, ut in eorum observatione morti me tradere non dubitarem. Nimis enim hoc aliquis diligere videtur quod plus diligit quam seipsum. Hoc autem secundum humanam opinionem dicit, quia amor Dei nec ipsa vita præferenda est.

« Et levavi manus meas ad mandata tua, quæ dilexi, et vehementer exercebar in tuis justificationibus. » Quantum ea dilexerit, in eo quoque ostendit quod se manus suas ad ea elevarat dicit. Ille quippe ad Dei mandata elevat et dirigit qui non solum audire et intelligere, sed etiam quantum potest, facere conatur. Unde et vehementer se in eis exercere promittit. Quid est enim vehementer nisi intellectu omni et operatione agere?

ZAIN. Interpretatur autem Zain *oliva*, vel *fornicatio*. Hæc igitur littera docet nos pacificos et fructiferos esse, ut simul cum viro justo dicamus: « Ego autem sicut oliva fructifera in domo Domini (Psal. LI, 10), » semperque misericordiam diligamus, quæ oliva nomine significatur. Audiamus præterea Apostolum quoque dicentem: « Fugite fornicationem (I Cor. VI, 18); » quare mentis et corporis fornicationem fugiamus.

« Memento verbi tui servo tuo, in quo mihi spem dedisti. » Dicit enim Dominus in Evangelio: « Beati misericordes, et beati pacifici (Matth. V, 7), » qui modo per Zain litteram significantur. Memento, inquit, verbi et promissionis tuæ, in quo dedisti maximam spem mihi servo tuo et aliis omnibus qui pacem diligunt et misericordiam.

« Hæc me consolata est in humilitate mea, quia eloquium tuum vivificavit me. » Hæc, inquit, spes consolata est me in humilitate et afflictione mea, quia eloquium tuum et promissio tua vivificabit me. Unde et alibi dicit: « Humiliatus sum usquequaque, Domine, vivifica me secundum verbum tuum. » Unde humiliatus sit, ostendit.

« Superbi inique agebant usquequaque. » Quam impie, et inique adversus eum egerint superbi, in eo ostenditur, quod eos usquequaque inique egisse dicit: « A lege autem tua non declinavi. » Et ideo quidem non declinavi, quia semper eam **556** in memoria habui. Et hoc est quod dicit:

« Memor fui iudiciorum tuorum a sæculo, Domine. » Quid est enim a sæculo, nisi semper? « Et consolatus sum. » Consolatus, inquit, sum a iudiciis tuis, quibus multa bona promittis fidelibus tuis.

« Defectio animi tenuit me pro peccatoribus de- » relinquentibus legem tuam. » Quantum zelum in lege Dei custodienda habuerit, in eo monstratur quod sic de peccatoribus et transgressoribus dolebat, ut animi incurreret defectionem.

(826) Aliter exponit Cassiodorus: « Hæc facta est mihi, subaudi consolatio. » Quod magis de nocte, quam de lege debet intelligi; ut quæ peccatoribus est cæcitas, ipsa viris sanctis illuminatio esse videatur. Sic enim credentes non patiuntur tenebras, quamvis in huius mundi cæcitate versentur. Sequitur

A « Cantabiles mihi erant justificationes tuæ in loco incolatus mei. » In hoc quoque non modicus zelus ostenditur in quo Dei justificationes sibi cantabiles fuisse dicit: Non enim sibi cantabiles essent, nisi magno cum amore et lætitia eas fecisset, unde et subditur:

« Memor fui nominis tui, Domine. » Valde bene Dei mandata custodiebat, qui in nocte, et inter ipsa tormenta ejus nomen confiteri non metuebat. « Et custodivi legem tuam; » illam videlicet legem, qua dicitur: « Nolite timere eos, qui occidunt corpus, animam autem non possunt occidere (Matth. X, 28). »

B « Hæc mihi facta est, quia justificationes tuas exquisivi. » Sola custodia mandatorum Dei, illius noctis et tribulationis causa fuit, quia, si mandatis Dei recedere voluisset, illam noctem et illa tormenta passus non fuisset (826).

HETH. Hæc octava littera (quæ merito *vita* interpretatur, siquidem octava die fuit resurrectio mortuorum) docet nos de omnibus quæ in mundo sunt solum Deum et vitam æternam esse querendam.

« Portio mea, Domine, dixi custodire legem tuam. » Alii, quasi dicat, de his quæ in mundo sunt sibi eligant quod illis placuerit; mihi autem sufficit ut Dominus sit portio mea, possessio mea et omnes divitiæ meæ. Et ut hoc obtinere valeam, me legem Domini custodire promitto.

C « Deprecatus sum faciem tuam in toto corde meo, miserere mei secundum eloquium tuum. » Ille Dei faciem in toto corde deprecatur qui summo studio nititur ad ejus imaginem reformari; vel qui ante ejus faciem venire desiderat: sicut ille, qui ait: « Ostende nobis faciem tuam, et salvi erimus (Psal. LXXIX, 8). »

« Quia cogitavi vias meas, et converti pedes meos in testimonia tua. » Tu, inquit, peccatori converso et poenitenti veniam promisisti. Miserere itaque mei secundum eloquium tuum, quia ego quidem conversus sum, et vias meas cogitavi, et correxi, et pedes meos et vestigia mea ad testimonia tua direxi. Et hoc quidem sponte et bona voluntate feci (827), quia non diligis coacta servitia. Hoc est enim quod ait:

D « Paratus sum, et non sum turbatus, ut custodiam mandata tua: funes peccatorum circumplexi sunt me, legem autem tuam non sum oblitus. » Funes peccatorum tyranni et heretici sunt, qui viros, catholicos ad peccata trahere conantur. Sed qui legem Dei non obliviscuntur, talibus funibus trahi non possunt.

« Media autem nocte surgebam ad confitendum tibi super judicia justitiæ tuæ. » Si enim legem Dei oblitus esset, nequaquam ad confitendum media nocte surrexisset. Possumus autem per mediam causam quare illi nox facta sit consolatio: Quia justificationes tuas exquisivi. Si enim dixisset meas, sustinisset adhuc densissimam cæcitatem; sed quia dixit, tuas, mundi tenebris non potuit obcæcari. »

(827) Cod. Ghis., facio.

notem, ævissimæ persecutionis tempus intelligere, sed vir justus neque sic perterritus a Dei confessione cessabat, sed inter ipsa tormenta Christianum se esse clamabat. Confitetur autem super iudicia iustitiæ Dei, qui legem Dei iustitiam esse contendit. Nulla legis expositio tali confessione planior est.

« Particeps ego sum timentium omnium te, et « custodientium mandata tua. » Sola lætitia, quam habet de bona operatione omnium, et de servitio Dei, quod faciunt omnes, facit eum participem omnium.

« Misericordia tua, Domine, plena est terra, justificationes tuas doce me. » Qui omnibus, quasi dicat, misericordiam facis, mihi quoque hanc misericordiam facias, ut legem et justificationes tuas me doceas. Plena est autem omnis terra misericordia Domini, qui super justos et injustos pluit, et solem suum super omnes oriri facit (828).

557 TERTIUM, bonum interpretatur, et Dei bonitatem, scientiam, disciplinam et justificationes nos querere hortatur. In his autem tota doctrina Ecclesiæ continetur.

« Bonitatem fecisti cum servo tuo, Domine, secundum verbum tuum. » Omnes bonitates, quas fidelibus solis Dominus se facturum esse promiserat, in Christi passione completæ sunt. Singulariter autem, sicut promisit, unicuique propriam bonitatem facit, aliam humilibus, aliam persecutionem patientibus (829), et similia.

« Bonitatem, et disciplinam et scientiam doce me, quia mandatis tuis credidi. » Doce me, inquit, bonitatem facere, disciplinam ecclesiasticam tenere, et scientiam catholicam defendere. Quia non hæreticorum persuasionibus, non poetarum fabulis, non philosophorum superstitionibus, sed solis tuis mandatis obedivi et credidi.

« Priusquam humiliarer ego deliqui. » Prius inquit, quam sub iugo tuo, quod suave est, humiliarer, et diaboli superbiam et inflationem a me repellerem, ego multis modis deliqui, et in pluribus te offendi; « propterea eloquium tuum ego custodivi, » ut in me adimplerem quod scriptum est: « Ubi abundavit delictum, superabundavit et gratia (Rom. v, 20). »

« Bonus es tu, Domine. » Et naturaliter bonus, et sine quo nihil est bonum. « Et in bonitate tua doce me justificationes tuas; » quatenus bona sit, tibi que placeat intelligentia mea. Ideo enim hæreticorum doctrina prava est, quia non in Dei bonitate, sed in eorum malitia est.

« Multiplicata est super me iniquitas superborum. » Satis quidem iniqui erant qui me affligendo iniquiores facti sunt. « Ego autem in toto corde meo scrutabor mandata tua. » Faciant quidquid possunt, et adhuc (830) iniquiores fiant, quia neque mors, neque vita

A poterit me separare a charitate tua, et a tuorum custodia mandatorum.

« Coagulatum est sicut lac cor eorum; » quia mollibus, quasi dicat, verbis et blanditiis nos decipere non potuerunt; nunc cor illorum contra nos induratum est ut in nullo ulterius parcant. Ego vero legem tuam meditatui sum, et quod lex tua me facere juberet, non sum oblitus.

« Bonum mihi quod sic humiliasti me; » et tantis flagellis me affligi permisisti, ut discerem justificationes tuas, quas audiendo vel legendo discere non potui, eas patiendi plenissime intellexi.

« Bonum mihi lex oris tui, super millia auri, et « argenti. » Mansura fugitivis, et æterna temporalibus non sine injuria comparari possunt. »

B Iob scientiam, vel principium interpretatur. Hæc littera ad veram scientiam nos invitat, ut non secundum litteram, sicut Judæi, sed spiritualiter legem et prophetas intelligamus, et illud omnium rerum principium esse sciamus, cujus manus nos fecerunt et plasmaverunt.

« Manus tuæ fecerunt me et plasmaverunt me. » Quid per manus, nisi virtus et potentia ipsius significatur? Nihil corporeum in his verbis intelligatur, quia non manibus operatur Deus, sed voluntate. « Ipse enim dixit, et facta sunt, ipse mandavit, et creata sunt (Psalm. xxxiii, 9). » Respicere ad primam litteram, quæ scientia interpretatur, ne littera te decipiat, ut hæc verba secundum litteram intelligere velis. Unde et sequitur: « Da mihi intellectum, ut « discam mandata tua. » Nonne audis quia et iste spirituales querit intellectum? Quoniam sicut Apostolus ait: « Littera occidit, spiritus autem vivificat (II Cor. iii, 6). »

« Qui timent te, videbunt me, et lætabuntur, quia « in verbo tuo speravi. Hoc erit in iudicio, quando omnes qui Deum timent, sive angeli, sive homines, videntes sanctam Ecclesiam, gloriosam et quasi solis radios fulgentem, de illius gloria et honore lætabuntur. Sed hoc habebit, quia in verbo Dei, in promissionibus ejus spem firmissimam posuit, et nulla ratione ab eo separari potuit.

« Cognovi, Domine, quia æquitas iudicia tua. » Omnia iudicia Dei vera et æqua sunt, sive malis prospera, sive bonis adversa contingant; quamvis super hoc etiam viri justi aliquando scandalizari soleant. Hoc autem Ecclesia se cognovisse dicit, et ideo de suis calamitatibus et afflictionibus lætatur. Unde et subditur: « Et in veritate tua humiliasti me. » Verax est Dominus et quando exultat et quando humiliat sanctos suos, quia non minus eos adjuvat humiliando, quam exaltando. Hoc autem ideo dicere videtur, quia Dominus **558** ait: « Non res descram, neque derelinquam (Joan. xiv, 18). » Non est

(828) Cum dicit: *Misericordia tua, Domine, plena est terra*, ostendit utique dilatationem fidei Christianæ, quam sic misericorditer implevit, ut undique nomen vanissimæ superstitionis evacuasce doceatur.

CASIOD.

(829) Cod. Ghisianus, *aliam misericordiam facientibus*.

(830) Cod. Ghis., *et adhuc, si volunt*.

hoc deserere, sed probare, et ad maiorem gloriam præparare.

« Fiat nunc misericordia tua ut consoletur me. » Gaudeo, quasi dicat, de his quæ pertuli, sed amodo mihi fieri consolationis misericordiam peto: « Secundum eloquium tuum servo tuo. »

« Veniant mihi miserationes tuæ, et vivam. » Veniant, inquit, nunc mihi servo tuo miserationes tuæ, et vivam secundum eloquium tuum, et secundum promissiones tuas. Sic se habet ordo. Bene autem dicit, secundum eloquium tuum; quia in multis locis utriusque Testamenti promittit Dominus misericordiam et adiutorium fidelibus suis. « Quia lex tua meditatio mea est. » Bona ratio cur ejus Dominus misereatur. Quorum enim miserebitur Dominus, si illos non audit qui ejus mandata custodiunt?

« Confundantur superbi, quia injuste iniquitatem fecerunt in me. » De hoc, inquit, confundantur superbi, et erubescant, quia iniquitatem fecerunt in me. Et hoc injuste, quia ego ad viam veritatis eos invitabam. Bona confusio, quia non contra eos, sed pro eis orat. « Ego autem exercebar in mandatis tuis. » Hoc est sanctorum studium et exercitium, ut mandata Dei semper custodiant.

« Convertantur ad me, qui timent te, et qui novunt testimonia tua. » Omnes enim qui Deum timent, et qui ejus testimonia intelligunt, quocunque vadant, semper ad Ecclesiam convertuntur et ejus præcepta sequuntur. Multi enim quotidie peccando ab ea separantur, sed veniendo ad eam revertuntur.

« Fiat cor meum immaculatum in tuis justificationibus, ut non confundar. » Confundantur igitur illi qui Dei justificationes corde sordido et maculato tractare præsumunt. Quod quidem hæreticorum proprium est, qui divinas Scripturas corde perverso interpretantur.

CAPH. Hoc elementum, quod manus interpretatur, ad pugnandum et ad laborandum nos invitat. Tales enim manus habet ille qui dicit: « Benedictus Dominus Deus meus qui docet manus meas ad prælium et digitos meos ad bellum (Psal. cxliii, 1). » Et Apostolus: « Unusquisque laboret manibus suis operando quod bonum est (Ephes. iv, 28). » Et alibi: « Labores manuum tuarum manducabis (Psal. cxvii, 2). » In magno namque prælio hoc in loco se (831) Ecclesia esse ostendit, dum dicit: « Quia factus sum sicut uter in pruina (Psal. cxviii, 83). » Et (232): « Paulo minus consummaverunt me in terra (ibid., 87). »

« Defecit in salutari tuo anima mea, et in verba tua speravi. » Tantum, quasi dicat, fuit desiderium salutis tuæ, quæ æterna est, ut ex toto in anima mea deficeret desiderium salutis meæ, quæ temporalis est. Et ideo in verbo tuo et in promissione tua speravi quæ mihi salutem præstat æternam.

(831) Ita Cod. Ghis.

(832) Cod. Ghis.

A Bona illa defectio, quæ ad tantam refectionem animam perducit.

« Defecerunt oculi mei in eloquium tuum. » Isti oculi non carnis, sed mentis sunt, qui mundi vanitates videre deficiunt et despiciunt, ut sola divina eloquia contemplantur: « dicentes: Quando conso-
« laberis me? » Tales oculi loquuntur, sicut alibi dicitur: « Non taceat pupilla oculi tui (Thren. ii, 18). » Omnia membra nostra loquuntur Deo, et non minus oculos, quam linguam audit. Per singula membra corporis nostri videt Deus, et intelligit intentionem cordis nostri.

« Quia factus sum sicut uter in pruina. » Hoc est igitur unde queris consolationem. Nulla res fuit, in qua sanctorum calamitas convenientius ostendi potuisset, quam in utro, in pruina contractio, et congelatio.

« Justificationes tuas non sum oblitus. » Non ideo, inquit, justificationes tuas oblitus sum, quia tantis miseriis circumventus, quasi uter in pruina factus sum.

« Quot sunt dies servi tui? » quos videlicet in his calamitatibus sustinere habeo? « Quando facies de persequentibus me judicium? » Jam, quasi dicat, manus deficiunt, et contra eos pugnare non valeo.

« Narraverunt iniqui fabulationes, quibus mentem meam decipere nituntur. » Sed non ita illæ sunt, « ut lex tua, Domine. » Unde hoc? « Omnia mandata tua veritas; » illorum vero fabulationes omni falsitate et errore plenæ sunt.

« Iniqui persecuti sunt me, succurre mihi, et adjuva me. » Nimis duram et intolerabilem persecutionem in his verbis esse ostendit. Unde et auditur:

« Paulo minus consummaverunt me in terra. » Mala consummatio, qua humana vita in terra finitur. Qui enim sic finitur, ad æternam beatitudinem non extenditur. « Ego vero non dereliqui mandata tua. » Quod si fecissem, penitus in terra (832) consummetus essem.

« Secundum misericordiam tuam vivifica me. » Ut sicut cæpi, semper custodiam testimonia tua tui. » Non sine causa vivificari se postulat, qui quasi utrem in pruina se esse dicit.

D 559 LAMED. Interpretatur autem Lamed disciplina. Hujus discipline discipuli sunt omnes Christiani; hanc tenent et prædicant, hanc defendunt, et per hanc salvari confidunt.

« In æternum, Domine, permanet verbum tuum in cælo. » Cælum vocari Ecclesiam omnes Scripturæ divinæ, et præcipue Evangelia nos docent. In Ecclesia igitur verbum Dei, et doctrina utriusque Testamenti permanet in æternum. Unde et Dominus ait: « Cælum et terra transibunt, verba autem mea non transibunt (Marc. xiii, 31) (833). »

« Et in sæculum sæculi veritas tua. » Idiosum

(833) In Vulgata legitur: In generationem et generationem veritas tua.

autem et per verbum Dei et per veritatem Dei significatur. Omnis namque doctrina Dei veritas est, et nihil reprehensibile in ea est.

« Fundasti terram, et permanet. » Hæc terra Ecclesia est, quam et cælum modo vocavit, cujus fundamentum Christus est, sicut Apostolus ait : « Fundamentum aliud nemo potest ponere, præter id quod positum est, quod est Christus Jesus (I Cor. iii, 11). » Hoc autem similiter in æternum permanet, sed non in hoc mundo permanet in æternum.

« Ordinatione tua perseverat dies, quoniam omnia « servant tibi. » Præter angelum et hominem, omnia alia tenent ordinem sibi a Domino constitutum. Sed boni sunt isti dies qui in Domini ordinatione perseverant, per quos apostolos eorumque successores intelligere possumus. Servat terra stabilitatem suam, tenent et dies ordinem suum. « Omnia » autem « servant tibi, » Merito, inquit, et terram fundasti et dies ordinasti, quoniam per hæc et in his omnia alia servant tibi.

« Nisi quod lex tua meditatio mea est, tunc forsitan perissem in humilitate mea. » Tunc, inquit, quando humiliabar, quando me impii flagellabant et cruciabant, tunc forsitan perissem in ipsa mea humilitate et afflictione; « nisi quod lex tua meditatio mea est, » quæ me confortat et consolatur. Unde Apostolus ait : « Ut per patientiam, et consolationem Scripturarum spem habeamus (Rom. xv, 4). » — « In æternum non obliviscar « justificationes tuas. » Et hoc ideo, « quia in ipsis « vivificasti me, » quoniam, ut modo dixi, forsitan sine ipsis perissem in humilitate mea.

« Tuus sum ego, salvum me fac. » De salute animæ loquitur; quoniam nullos alios secundum animam salvat Dominus, nisi illos qui ejus sunt. Cum enim omnia sua sint, soli tamen illi sui esse dicuntur qui ei servant et in eum credunt. « Quia justificationes tuas exquisivi. » Multis ex causis hanc suæ salutis rationem reddit, quia Domini mandata custodit.

« Me expectaverunt peccatores, ut perderent « me. » Et tu quid fecisti? « Testimonia tua intellexi, » et ideo perdere me non potuerunt. Neque timui eos qui corpus occidunt, quia animam non possunt occidere, et hoc quidem testimonium tuum est.

« Omnis consummationis vidi finem, latum mandatum tuum nimis. » Vidi, inquit, probavi, et certissime cognovi, latum mandatum tuum nimis, finem esse omnis consummationis et perfectionis; et qui illud observat, securus est, et ab inimicis superari non potest. Qui enim Deum et proximum diligit, Deum et proximum offendere timet : latum, et nimis latum est hoc mandatum, quoniam omnia alia in eo continentur.

Mem. Interpretatur autem Mem *ex quo, vel ex ipsis*. Superioribus continuatur, et de eodem mandato primo et maximo loquitur adhuc. Et bene hic dicitur, *ex quo, vel ex ipsis*, quia de illo mandato lo-

quitur, quod et unum est, et multa. Audiamus igitur quid sequentia dicant, et ex ipso, et ex ipsis.

« Quomodo dilexi legem tuam, Domine? tota die « meditatio mea est. » Et hoc quidem non fecisset, nisi multum eum dilexisset. « Est autem maximum, et primum mandatum : Diliges Deum tuum ex toto corde tuo, et ex omnibus viribus tuis (Matth. xiii, 37), » etc.

« Super omnes inimicos meos prudentem me fecisti mandato tuo, quia in æternum mihi est. » Hoc, inquit, mandatum omnibus inimicis meis prudentiorem et sapientiorem me fecit, quia vitam mihi præstat æternam. Et hoc est quod dicit : « Quia in æternum mihi est, » in quo qui offendit, factus est omnium reus. Cætera verò quæ sequuntur aliorum mandatorum **560** sunt. Ac per hoc intelligere possumus quid significet ex quo, vel ex ipsis.

« Super omnes docentes me intellexi, quia testimonia tua meditatio mea est. » Satis discipuli melius intelligunt, quam ipsi sui magistri, si eam custodiunt; quia ille bene medietur in legem, qui eam observat. Unde Apostolus ait : « Non enim auditores legis iusti sunt apud Deum, sed factores legis justificabuntur (Rom. ii, 13). »

« Super seniores intellexi, quia mandata tua « quæsi. » Quæsi autem plus agendo quam legendo. Neque magistri, neque seniores legem intelligunt, nisi faciant quod intelligunt.

« Ab omni via mala prohibui pedes meos, ut custodiam verbum tuum. » Neque enim aliter verbum Dei custodire potuisset, nisi a malo declinasset, cum Dominus a malo declinare præcipiat.

« A iudiciis tuis non declinavi, quia tu legem posuisti mihi; » ut a iudiciis tuis non declinarem. Si vis, inquit Dominus, « perfectus esse, serva mandata (Matth. xxi, 21). » Itemque : « Qui diligit me, mandata mea custodit (Job xiv, 15). »

« Quam dulcia faucibus meis eloquia tua; super « mel, et favum ori meo. » Hoc illi soli dicere possunt qui verba Dei et audire et facere concupiscunt. Multi enim sunt (ex quibus ego quoque unus sum) quibus audire dulce est, facere autem valde amarum esse videtur.

« A mandatis tuis intellexi. » Non solum quasi dicat, mandata tua intellexi, sed ab ipsis intelligendi formam, et ipsum, quem prius non habebam, intellectum suscepi. « Propterea omnem viam iniquitatis odio habui; » quam videlicet viam illi multum diligunt qui mandata tua non intelligunt. Hoc autem quod sequitur; « quoniam tu legem posuisti mihi, » in alia translatione non habetur. Sed magna ratio est ut iniquitatem odio habeamus, quia lex justitiæ et æquitatis nobis posita est.

Nex. Hoc elementum, quod *sempiternum*, vel piscis interpretatur, hanc doctrinam sempiternam esse significat et omnibus eam custodientibus vitam promittit æternam. Sed necesse est ut pisces fiant, et in aquis baptismatis nacent qui per eam ad beatitudinem venire desiderant. Unde et Dominus ait :

« Nisi quis renatus fuerit ex aqua et Spiritu sancto non potest intrare in regnum Dei (Joan. iii, 5). »

« Lucerna pedibus meis verbum tuum, Domine, et lumen semitis meis. » Hoc, inquit, verbum tuum, et hæc doctrina tua, lucerna, et lumen mihi est, ut recto itinere incedere valeam, quoniam qui hoc lumine non ducuntur, cæci sunt, et in tenebris ambulantes. Ideoque « juravi, et statui custodire jura dicitur tuæ. » Hoc juramentum omnes illi faciunt, quicumque Christi fidem suscipiunt. Propter quod etiam « humiliatus sum usquequaque, Po- mine. » Illi revera humiliantur, et ex toto humiliantur, qui tanto lumine et tali lucerna illuminantur. « Vivifica me secundum verbum tuum. » Hoc est enim illud verbum quod Dominus ait : « Omnis qui se exaltat humiliabitur, et qui se humiliat exaltabitur (Luc. xviii, 14). »

« Voluntaria oris mei beneplacita fac, Domine. » Quæ sunt ista voluntaria, quæ sic placere Domino rogat, nisi illa juramenta quæ se vovisse et statuisse modo superius dixit : « Et judicia tua doce me, » quia aliter ea etiam cum juramento custodire non valeo.

« Anima mea in manibus meis semper (834). » Similiter autem et beatus Job ait : « Quare lacerò carnes meas dentibus meis, et animam portio in manibus meis ? » (Job, xiii, 14.) Ille animam suam in manibus portat, qui bonis operibus eam Domino representat. Semper sit anima nostra in manibus nostris, ut nunquam ejus obliviscamur, et nunquam eam cadere patiamur ; et legem tuam non sum oblitus. » Non habent animam suam secum, qui legem Dei obliviscuntur. Qui vero eam præ manibus habent, legis Dei oblivisci non possunt.

« Posuerunt peccatores laqueos mihi, et a mandatis tuis non erravi. » Si legem Dei oblitus fuisset, inter peccatorum laqueos, mandata Dei custodire non potuisset.

« Hæreditate acquisivi testimonia tua in æternum. » Si quasi aliena, sibi quæ accommodata Dei testimonia habuisset, nequaquam ea in sempiternum habere potuisset, sed quia jure hæreditario acquisita sunt, ideo ea mittere non timet. Hinc est autem, quod hæc littera, a qua isti versus incipiunt, sempiternum interpretatur. « Quia exultatio cordis mei sunt. » Illis igitur testimonia Dei hæreditaria sunt, qui ea cum exultatione custodiunt, ab aliis vero facile dilabuntur.

« Inclinavi cor meum ad faciendas justificationes tuas in æternum. » Et hoc quare ? propter retributionem, quam me pro hoc facto habere non dubito. In æternum Dei justificationes se facere pro-

mittit, quia in æternum hæreditatem eas acquisivit.

561 SAMECH adjutorium interpretatur ; unde et hic dicitur : « Adjutor et susceptor meus es tu. Adjuva me, et salvus ero. » Et illi quidem hoc adjutorium habebunt qui hanc doctrinam et hanc legem custodiunt.

« Iniquos odio habui, et legem tuam dilexi. » Ille diligit legem qui legis mandata observat. Præcipit autem lex, sicut Dominus ait : « Ut diligas amicum tuum, et odio habeas inimicum tuum (Matth. v, 43). » Sed alia lex econtra dicit : « Diligite inimicos vestros (ibid.). » Diligamus ergo homines iniquos secundum naturam, sed non diligamus secundum vitium quod operantur, et sic utrumque facere poterimus, et legem diligere et iniquos odio habere.

« Adjutor et susceptor meus es tu, et in verbo tuo speravi. » Igitur significat littera « Samech, » quia illorum adjutor est Dominus qui in verbo ejus sperant, et promissiones firmissime expectant.

« Declinate a me, maligni. » Quare ? « Et scrutabor mandata Dei mei. » Quia illa dilige, vos autem odio habeo. Isti sunt illi iniqui de quibus modo dixit : « Iniquos odio habui ; » qui, nisi ab eo recesserint et declinaverint, legem Dei scrutari non valent : « Corruptant enim bonos mores colloquia prava (I Cor. xv, 33). »

« Suscipe me secundum eloquium tuum et vivam. » — « Omnis, qui venit ad me, dicit Dominus, non ejiciam foras (Joan. vi, 37). » Soli autem illi vivunt qui a Domino suscipiuntur. « Et ne confundas me ab expectatione mea. » Illi confundentur ab expectatione sua quibus in judicio janna claudetur, et a Domino dicitur : « Amen dico vobis, nescio vos (Matth. xxv, 12). »

« Adjuva me, et salvus ero, et meditabor in tuis justificationibus semper. » Deus est, qui operatur in nobis et velle et posse (Philip. ii, 13), et sine ejus adjutorio nihil boni facere possumus (835).

« Sprevisisti omnes discedentes a justificationibus tuis, quia injusta cogitatio eorum. » Injusta et omnino iniqua est cogitatio illorum, qui ita recedunt a mandatis Domini, quibus homines justificantur, ut ulterius ad ea per penitentiam non revertantur.

« Prævaricantes reputavi omnes peccatores terræ. » Omnes homines in Adam prævaricatores facti sunt (836) ; qui, legem sibi impositam transgrediens, ad arborem sibi interdictam accessit. In illa utique prævaricatione pereunt quicumque Christi sanguine non sunt redempti (837). Qui vero redempti sunt, nisi legem sibi datam custodiant, prævaricatores fiunt. Omnes igitur peccatores, prævaricatores esse

D. Augustini mentem docetur.

(836) Cod. Vallicell. prævaricati sunt.

(837) Infantes sine baptismo pereunt ; sicut enim et ipsi prævaricatores legis a Deo Adamo datæ in paradiso, ideoque egent gratia Dei, nempe regeneratione baptismatis ut salventur. Hæc est Augustini sententia.

(834) Notat Augustinus : « Non nulli codices habent in manibus meis, sed plures in tuis, et hoc quidem planum est. Justorum enim anima in manu Dei sunt. In cujus manu sunt et nos et sermones nostri. »

(835) Necessitas gratiæ Dei etiam ad initium cujuslibet actionis bonæ contra semipelagianos, et juxta

non dubium est. « Ideo dilexi testimonia tua. » Ipsa enim sunt in quibus homines praevaricatores fiunt, et per quae a peccato praevaricationis liberantur.

« Indige amore tuo carnes meas. » Ut tui timoris gladio vulneratae carnis concupiscentiis non moveantur.

« A mandatis enim tuis timui. » Tua mandata me docuerunt et intelligere fecerunt quam magnum peccatum sit carnis voluptatibus agitari.

Aix fons, sive *oculus* interpretatur. Est igitur haec doctrina et fons vivus, quo animae satiantur, et clarissimus oculus, quo illuminantur. Qui de hoc fonte non bibunt, semper sitiunt, et qui hoc oculo non illuminantur, nunquam de erroris tenebris liberantur.

« Feci iudicium et iustitiam, ne tradas me persecutoribus me. » — « Eadem mensura, qua mensi fueritis, dicit Dominus, remetietur vobis (Matth. vii, 2). » Qui igitur rectum iudicium et iustitiam fecit, non est ei timendum, ut persecutoribus suis in iudicio tradatur. Isti persecutores maligni spiritus sunt, quibus qui traditus fuerit, non dimittitur usque ad novissimum quadrantem.

« Elige servum tuum in bonum, ut non calumnietur me superbi (858). » De illa electione loquitur quae in iudicio fiet, quando agni ponentur a dextris, haedi vero a sinistris. Elige, inquit, servum tuum, et pone me in partem bonam, ut non calumnietur me illi superbi, qui nec tibi ipsi aliquando humiliari voluerunt.

« Oculi mei defecerunt in salutare tuum, et iustificationes tuas doce me. » Haec verba ineffabilis desiderii indicia sunt. Sed deficiunt oculi nostri in utraque contemplatione, **562** quia neque Salvatorem nostrum, neque ejus eloquia perfecte in hac vita comprehendere valeamus.

« Fac cum servo tuo misericordiam tuam, et justificationes tuas doce me. » Hanc, inquit, misericordiam mihi facias, ut illo fonte et illo oculo, de quibus modo superius dixi, me reficere et illuminare digneris.

« Serrus sum ego, da mihi intellectum et sciam testimonia tua. » Illi soli debet dari intellectus, qui se servum esse cognoscit et Domini sui mandata offendere timet. Si non servaverit, damnabilis erit, quae sine intellectu servare non poterit.

« Tempus faciendi, Domine, dissipaverunt legem tuam. » Nunc, inquit, est tempus faciendi quod postulo, quia nunc maxime intellectus necessarius est, quando contra veritatem haeretici pugnant. Hoc est enim quod dicit: « dissipaverunt legem tuam. »

« Ideo dilexi mandata tua super aurum et topazion. » In metallis aurum, et in gemmis topazion pretiosius est. Ideo, inquit, dilexi mandata tua super omnia, quae hoc in mundo desiderari possunt; quia servus tuus ego sum, et tibi per omnia placere, et

voluntatem tuam facere concupisco. « Propterea enim militem ad omnia mandata tua facienda dirigebar, et propterea omnem viam iniquitatis odio habui. » Bonus servus, qui Domini sui voluntati concordans, hoc diligit quod ipse: hoc odit quod ipsum odisse cognoscit.

Pne interpretatur *os*, de quo in sequentibus dicitur. « Os meum aperui, et attraxi spiritum. » Docet nos ista littera ut os aperiamus, et hanc doctrinam tam sanctam et perfectam suscipiamus, memoriae commendemus et in cordis habitaculo reponamus.

« Mirabilia testimonia tua, Domine, ideo scrutata est ea anima mea. » Magnum et perfectum os habet iste qui ita loquitur. Mirabilia quidem sunt testimonia Dei, quia tam alta sunt, ut humano ingenio intelligi non valeant; tam vera ut nemo eis resistere possit; tantae efficaciae, ut a morte animam liberent, et ad vitam perducant aeternam. « Ideo scrutata est ea anima mea. » Quae enim scientia tam perfecta est, ut cum magno desiderio perscrutanda sit.

« Declaratio sermonum tuorum illuminat me, et intellectum dat parvulis. » Et me, inquit Ecclesia, illuminat declaratio, et expositio sermonum tuorum, et parvulis, qui in me sunt, tribuit intellectum. Talis est igitur haec doctrina, ut pro capacitate attentionis, et majoribus, et minoribus idonea sit.

« Os meum apersi, et attraxi spiritum. » Os videlicet interioris hominis aperuit, et spiritum sapientiae et intellectus Domino largiente suscepit. « Quia mandata tua desiderabam. » Illis igitur datur sapientia qui mundo corde eam desiderant. Unde et Jacobus apostolus ait: « Si quis indiget sapientia, postulet a Domino, qui dat omnibus affluentem, et non improperat, et dabitur ei (Jac. i, 5). »

« Aspice in me, et miserere mei secundum iudicium diligentium nomen tuum. » Secundum iudicium, inquit, et testimonium apostolorum et prophetarum diligentium te. Aspice in me, et miserere mei, et illam misericordiam mihi facias quam per eos mihi facere promissisti.

« Gressus meos dirige secundum eloquium tuum, et non dominetur mei omnis injustitia. » Hoc est enim quod alibi dicitur: « A Domino gressus hominis diriguntur, et viam ejus cupit nimis (Psalm. xxxvi, 23). » Et alibi: « Illuminare his qui in tenebris sedent: ad dirigendos pedes nostros in viam pacis (Luc. i, 79). » Ubi autem gressus mentis directi sunt, ibi injustitia dominari non potest.

« Redime me a calumniis hominum, ut custodiam mandata tua. » Multae sunt calumniae hominum quibus injuste sanctis calumniantur et quiescere non permittunt, et ideo ea diligentia, qua debent, Dei mandata custodire non possunt.

« Faciem tuam illumina super servum tuum. » Tunc faciem suam super nos Dominus illuminat,

addit S. Doctor illi impellunt, ut cadam in malum; tu excipe in bonum.

(388) Volgata habet: *Suscipe servum tuum in bonum.* Apud Augustinum legitur: *Excipe servum tuum in bonum, non calumniatur mihi superbi: ad quod*

quando letam faciem nobis ostendit, pellendo adversa et prospera tribuendo. « Et doce me justificationes tuas. » Nunquam legis et mandatorum obviscitur, sed pene in unoquoque versu legis scientiam sibi dari exoptat.

« Exitus aquarum transierunt oculi mei, quia non custodierunt legem tuam. » Quanta viri perfectio, qui lacrymarum inundatione aquarum exitus se transisse dicit, quia legem Domini, sicut voluit, custodire non potuit!

563 *Sade* *justitia* interpretatur, de qua dicitur: « Justitia tua, justitia in æternum, et lex tua veritas. » Hæc igitur littera ad justitiam nos invitat, cujus virtus non modica in hujus psalmi doctrina continetur.

« Justus es, Domine, et rectum judicium tuum. » Ideo Dominus justitiam diligit, et ideo nos hæc littera ad justitiam provocat, quia justus est, et omne ejus judicium rectum est, quem sicut Dominum, et magistrum per omnia et in omnibus imitari debemus.

« Mandasti justitiam testimonia tua, et veritatem tuam nimis. » Quia enim justus est Dominus, ideo justitiam, et testimonia sua, et veritatem suam nimis custodiri præcepit. Nimis quidem, quia in eorum observatione ipsa vita postponenda est. Dicitur nimis, non ad justitiæ contemplationem, sed ad hominum opinionem.

« Tabescere me fecit zelus domus tuæ (839), quia oblit sunt verba tua inimici tui. » Tale est et illud, quod alibi dicitur: « Zelus domus tuæ comedit me (Psal. LXXIII, 40). » Nimio dolore se defecisse ostendit, quia domum Dei ab hæreticis destrui et dissipari conspexit. Ipsi enim sunt inimici ejus, qui verba Dei et sanum intellectum oblit sunt, et aliter Scripturas exponunt, quam ab antiquis Patribus didicerunt (840).

« Ignitum eloquium tuum vehementer, et servus tuus dilexit illud. » Vehementer ignitum est eloquium Dei, quo mentis oculi illuminantur, peccata exuruntur, et ad Dei amorem corda fidelium accenduntur. « Et servus tuus dilexit illud. » Nisi enim dilexisset, pro eo defendendo ad mortem usque non pugnasset.

« Adolescentior sum ego, et contemptus. » Adolescentiorem, quasi dicat, inimici mei me reputant, et puerilem intelligentiam me habere dicunt, et quasi stultus et insipiens contemptus sum ab eis. « Ego autem justificationes tuas non sum oblitus, » sicut illi quorum me oblivio tabescere fecit.

« Justitia tua, justitia in æternum. » Non est talis, inquit, justitia tua, quæ oblivioni tradenda sit, æterna esse debet, et superari non potest. Unde et

(839) Vulgata habet: *Tabescere me fecit zelus meus*. Super quæ ita animadvertit S. Aug. *Tabescit me zelus meus*, vel sicut alii codices habent: *zelus tuus*. Habent nonnulli etiam *domus tuæ*, et non *tabescit me*, sed *comedit me*. Quod ex alio psalmo quantum mihi esse videtur putatum est emendandum, ubi scriptum est, *zelus domus tuæ comedit me*. Unam-

A subditur: « Et lex tua veritas. » Veritas autem a mendacio superari non potest. Pro hac autem justitia tua, quam tanta instantia tenere et defendere studui, « tribulatio et angustia invenerunt me. » Et tu quid fecisti? « Mandata autem tua meditatio mea est. » Si enim a sola justitia, quam prædicabant sancti Dei cessare voluissent, illas tantas tribulationes et angustias passi non fuissent.

« Equitas testimonia tua in æternum. » Egrege testimonia Dei non æqua esse, et ipsam potius æqualem esse dicit, ut se justissime, et non sine causa pro eis pugnasse ostendat.

« Intellectum da mihi, et vivam. » Solum intellectum postulat, et in ipso vitam suam esse confirmat; quo videlicet intellectu, et testimonia Dei contra inimicos defendere, et ipsos inimicos expugnare valeat.

Coru interpretatur *vocatio*. Hæc littera monet nos semper vocare, et sine intermissione clamare ad Dominum, sicut sequentia manifestant, ut in omnibus necessitatibus nostris nobis subveniat, et a nostris persecutoribus nos eripiat.

« Clamavi in toto corde meo, exaudi me, Domine. » Sic igitur clamet qui exaudiri desiderat; non voce, sed corde clamet, quia non ad vocem, sed ad cor respicit Deus. In vanum extolletur vox, nisi ex corde procedat oratio. « Justificationes tuas requiram. » Et hæc quidem causa non minima est exaudiende orationis.

« Clamavi ad te, et salvum me fac, et custodiam mandata tua. » Neque enim aliter ejus mandata custodire valemus, nisi ipse nos protegat, et salvos faciat, et a vitiorum et dæmoniorum infestatione defendat.

« Præveni in maturitate, et clamavi, et in verbo tuo speravi. » Maturitas pro congruo ponitur et opportuno. « Omnia tempus habent (Eccl. III, 1). » Et de arbore illa nobilissima dicitur: quia « dabit fructum suum in tempore suo (Psal. I, 3). » Clamat igitur in maturitate, quia tunc clamat, quando clamare oportet, et sic clamat, sicut oportet. Et qui ita clamat in verbo et promissione Dei firmissimo sperare potest. Unde et sequitur: **564** « Et in verbo tuo speravi. »

D « Prævenere oculi tui ad te diluculo, ut meliorarer eloquia tua. » Diluculo, inquit, summo mane, nocte transacta, erroris et tenebrarum obscuritate fugata, veni ad meditandum eloquia tua, ut sic ad te et ad tui cognitionem pertingere possem. Qui lucem videre vult, de tenebris cum exire oportet.

« Vocem meam, exaudi, Domine, secundum misericordiam tuam, et secundum judicium tuum quamque lectionem optimum sensum continere demonstrat, ut quilibet videre poterit.

(840) Proprie Novatorum est sacras Scripturas in pravam sensum detorquere, et ab interpretationibus SS. Patrum suis erroribus adversantibus longe abire.

« vivifica me. » Non ex meritis, sed ex misericordia A exaudiri se postulat, et secundum ejus judicium justificari querit, qui solis poenitentibus misericordiam facit.

« Appropinquarunt persequentes me iniquitati : « a lege autem tua longe facti sunt. » Mihi, inquit, appropinquarunt iniqui, ut me perderent et deciperent, sed a lege tua longe facti sunt, cui per omnia contradicunt.

« Prope es tu, Domine. » Mihi, inquit, a lege tua longe sunt, quia in errore et falsitate sunt; sed tu, Domine, prope es, quia ibi es, qui veritas es. Unde et subditur : « Et omnia mandata tua veritas. » Omnia mandata Dei vera sunt, quia ab ipsa veritate composita sunt.

« Initio cognovi de testimoniis tuis, » quia in æter- « num fundasti ea. » Initium Christus est, qui de seipso ait : « Ego principium, qui loquor vobis (Joan. viii, 25). » Sed Christus hoc dicit de testimoniis suis, et de verbis suis : quia « cælum et terra transibunt, verba autem mea non transibunt (Luc. xxi, 33). » Ab ipso ergo initio cognovimus et edocti sumus, quia testimonia ejus in æternum fundata sunt. Stulti igitur sunt, qui ea dissipare et destruere conantur.

Res caput interpretatur. Hoc est illud caput sive principium de quo alibi dicitur : « In capite libri scriptum est de me (Psal. xxxix, 9). » De hoc et in sequentibus dicitur. « Principium verborum tuorum veritas. » Hoc igitur principium Christus est, a quo hæc omnia mandata suscepimus. Hæc itaque littera jubet semper ad caput respicere, et capitis reverentia omnia hæc mandata fideliter custodire.

« Vide humilitatem meam, et eripe me, quia legem meam non sum oblitus. » Vide, inquit, tantæ humilitatem et afflictionem meam, et eripe me, quia multi sunt persequentes me et tribulantes me. Ego tamen legem tuam non sum oblitus, pro qua omnes istas sustineo passiones et humiliações.

« Judica judicium meum, et redime me. » Judicium suum, quo injuste ab iniquis judicatus et damnatus est, judicari et vindicari rogat, et se de illorum inopia servitute redimi et liberari postulat. « Propter eloquium tuum vivifica me. » Hoc est illud eloquium, quod Dominus ait : « Si quis sermonem meum servabit, mortem non videbit in æternum (Joan. viii, 51). »

« Longe est a peccatoribus salus, quia justificationes tuas non exquisierunt. » Boni, inquit, ideo salvantur et vivificantur, quia eloquia Domini exquirunt et custodiunt; quod quia mali facere negligunt, ideo longe est a peccatoribus salus.

« Misericordie tue multæ nimis, Domine, secundum judicium tuum vivifica me. » Hoc est illud judicium misericordie plenum, quo Dominus ait : « Si dimiseritis hominibus peccata eorum, et Pater vester dimittet vobis peccata vestra (Matth. vi, 14). »

(841) Vide August. quid in hunc locum pr. ferat.

Itemque : « Dimittite, et dimittetur vobis (Luc. vi, 37). »

« Multi persequentes me, et tribulantes me. » Ego autem, sicut ipse scis, « a testimoniis tuis non declinavi, » neque inter ipsa tormenta te confiteri et laudare cessavi.

« Vidi non servantes pactum, et tabescebam, » quia eloquia tua non custodierunt. » Hoc de Judæis, vel de Christianis timore mortis Dominum negantibus dicit, quia inde multum dolebat et tabescebat, quod pactum non observabant, et eloquia Domini non custodiebant. Quibus Dominus ait : « Nolite timere eos qui occidunt corpus (Matth. x, 28); » quia « post hæc non habent ultra quid faciant (Luc. xii, 5). »

« Vide quia mandata tua dilexi, Domine, in tua misericordia vivifica me. » Notandum est quod homo tantæ perfectionis, quasi de futuris pertimescens, semper misericordiam petit.

« Principium verborum tuorum veritas. » Omnia, inquit, mandata tua dilexi, quorum principium veritas est, ex quo fonte ejusdem puritatis omnia deducuntur. Et ideo « in æternum manent omnia judicia justitiæ tue. » Si vera non essent, in æternum manere non possent; cum omnia falsa cito deficiant et pereant, nihilque diu durable sit, quod a veritate recedit.

565 Six dentes interpretatur. Tyranni, et hæretici dentes diaboli sunt, qui sanctos decipere et devorare nituntur, de quibus alibi dicitur : « Quia comederunt Jacob, et locum ejus desolaverunt (Psal. lxxviii, 7). » Et de quibus similiter hoc in loco Ecclesia dicit :

« Principes, persecuti sunt me gratis, et a verbis tuis formidavit cor meum (841). » Gratis quidem hoc faciebant, quia nulla justa causa erat, quod hoc facere debuissent. Unde et Dominus Judæis in Evangelio dicit : « Quia odio habuerunt me gratis (Joan. xv, 25). » — « Et a verbis tuis formidavit cor meum. » Non illos tantum, inquit, timebam, quantum ne te offenderem, et timore perterritus in verba tua peccarem.

« Letabor ego super eloquia tua, sicut qui invenit spolia multa. » Pro spoliis computat eloquia Dei, quæ hostibus devictis retinere et defendere potuit.

« Iniquitatem odio habui, et abominatus sum, legem autem tuam dilexi. » Non iniquos, qui me crudeliter persequabantur, sed eorum iniquitatem odio habui, et abominatus sum, ut gratis, et sine causa hoc fecisse intelligantur. « Legem autem tuam dilexi, » pro qua meipsum tradere non dubitavi.

« Septies in die laudem dixi tibi. » Finitum pro infinito posuit, et tale est ac si diceret : Quoties me in die tentaverunt, toties me paratum ad laudes tuas prædicandas et confitendas invenerunt. Et hoc est quod dicit : « Super judicia justitiæ tue. » Ad quid enim hæc laudes pertinebant, nisi ad judicia

justitiæ Dei? Hinc autem consuetudo inolevit ut A septies in die Ecclesia laudes Domino cantet.

« Pax multa diligentibus nomen tuum, Domine. » Multam pacem habet, qui ipsos suos diligit inimicos. Unde Apostolus ait : « Si fieri potest, quod in vobis est, cum omnibus hominibus pacem habentes (Rom. xii, 18). » — « Et non est illis scandalum. » — « Beatus est, inquit Dominus, qui non fuerit scandalizatus in me (Luc. vii, 23). » Scandalum esset eis si murmurassent, et patienter omnia non sustinissent (842).

« Expectabam salutare tuum, Domine. » Ideo, inquit, inter ipsa tormenta non scandalizabar, quia salutem tuam expectabam, quam mihi futuram esse non dubitabam. Et ideo « mandata tua dilexi; » quæ nunquam mihi mentita sunt, et in omnibus vera esse probavi. Unde adhuc subditur :

« Custodivit anima mea testimonia tua, et dilexit ea vehementer. » Et hoc ipsum repetit adhuc : « Servavi mandata tua, et testimonia tua. » Quod tu ipse melius nosti. Unde hoc? « Quia omnes viæ meæ in conspectu tuo. »

Tu signum vel consummatio, sicut in principio hujus psalmi dictum est, interpretatur. Et quia ibi expositum est, ut iterum exponatur necesse non videtur. « Appropinquet oratio mea in conspectu tuo, Domine, secundum eloquium tuum da mihi intellectum. » Hoc est illud eloquium, quod alibi dicit : « Intellectum tibi dabo, et instruam te (Psalm. xxxi, 8). » Rogat igitur, ut intellectum sibi det, sicut ei se daturum esse promisit.

« Intret postulatio mea in conspectu tuo, Domine, secundum eloquium tuum eripe me. » Et hoc est similiter quod Dominus ait : « Non vos deseram, neque derelinquam (Joan. xiv, 18). » Et : « Ecce ego vobiscum sum omnibus diebus usque ad consummationem sæculi (Matth. xxviii, 20). » Itemque : « Invoca me, inquit, in die tribulationis tuæ, eripiam te, et magnificabis me (Psalm. xlix, 15). »

« Eructabant labia mea hymnum, cum docueris me justificationes tuas. » Ideo rogavit ut intellectum sibi daret, quia ejus justificationes plenissime eructare et prædicare desiderat.

« Pronuntiabit lingua mea eloquia tua. » Et hoc omnibus nuntiabo, quia omnia eloquia tua et omnia mandata tua justa, et sancta, et æqua sunt, et nihil erit quod ab eorum laudibus me terrere possit.

(842) Nemo scandalizari debet, juxta S. Augustinum, si aliquos sanctæ cujusque professionis a lege defecere videat; sed legem diligit, ut ex ea pacem consequatur.

(843) D. Augustinus Hebraicarum litterarum interpretationem cur oniserit, rationem reddit. « Quod autem, inquit, de alphabeto Hebræo, ubi octoni versus singulis subjacent litteris, atque ita totus psalmus contextitur, nihil dixi; non sit mirum, quoniam nihil quod ad istum proprie pertineret inveni, » etc.

(844) Multam lucem pro horum psalmonum intelligentia affert Theodoretus : « Theodotion, inquit, Carmen ascensuum, sed Symmachus et Aquila in ascensus verterunt. Indicant ascensus sive gradus captivi populi a Babylone reditum, quandoquidem

« Fiat manus tua, ut saluum me faciat, quia mandata tua elegi. » Ego, inquit, mandata tua omnibus nuntiare et prædicare elegi; tu solummodo mihi adjutorium præsta, ne mihi prævaleant inimici. Nemo enim est qui dexteræ tuæ resistere possit.

« Concupivi salutare tuum, Domine, et lex tua meditatio mea est. » Non corporis, sed animæ salutem querit, quam Dominus suis fidelibus se præcipue daturum esse promisit, dicens eis : « Nolite timere eos qui occidunt corpus, animam autem non possunt occidere (Matth. x, 28). » Unde et alibi dicitur : « Dominus custodit te ab omni malo (Psalm. cxi, 7). » Et hoc determinat quomodo custodit. « Custodiet animam tuam Dominus (ibid., 8). » Et hoc est quod ait : « Vivet anima mea, et laudabit te, et judicia tua adjuvabunt me. » Judicia, inquit, tua, quæ ego prædico, et lex tua, quæ meditatio mea est, ipsa me adjuvabunt, et a cunctis periculis liberabunt.

« Erravi, sicut ovis quæ perierat, quære servum tuum, Domine, quia mandata tua non sum oblitus. » Loquitur Dominus in Evangelio (Luc. xv) de homine, qui habebat centum oves, et relictis novaginta novem, unam venit quærere, quæ perierat. Inventam autem super humeros imposuit, et ad pascua reportavit; de cujus inventione maximam lætitiæ factam fuisse narrat. Ille autem ovis humana natura est, pro qua Dominus in mundum venit, quæsit, invenit, et adhuc quotidie quærît et inventam ad cœlestia vehit (845).

PSALMUS CXIX.

CANTICUM GRADUUM.

Quindecim psalmi sunt, qui *Canticum Graduum* titulatur (844). Prius itaque de ipso numero tractandum est, quare quindecim tantummodo sint. Quinque sunt libri Moysi qui, per triplicem intelligentiam ducti, in quindecim surgunt. Est autem prima intelligentia litteralis, secunda spiritualis, tertia actualis. Prima occidit, secunda vivificat, tertia ad beatitudinem hominem perducit. De tertia namque scriptum est : « Intellectus bonus omnibus facientibus eum (Psalm. cx, 10). » Itemque : « Non auditores legis justi sunt, sed factores (Rom. ii, 13). » Legere igitur, et audire bonum est : spiritualiter vero intelligere melius est, agere autem quod intelligitur optimum est. Sed quis agat, quod non intelligit? Quis intelligit quod non audivit, nec legit? Sic igitur gratia Spiritus sancti servitutem et futuram libertatem prænoscebat, et hanc et illam prædixit, illorum utilitatem procurans, et nobis hinc lucrum afferens. Verum non eadem quilibet a Psalmis graduum vaticinatur, sed unus quidem calamitates, quæ Babylone ipsis acciderunt, et hic reditus lætium nuntium, alius autem in itinere lætitiæ, et alius bella, quæ post reversionem gesta fuerunt, alius templi restorationem, et varietas vaticinationis satietatem hymnorum cantilena exigit. Cæterum unusquisque psalmorum formatus est in sanctorum chororum, qui ea tempestate erat, quandoquidem propheticus sermo illos, quæ hic proposita sunt, dicentes inducit : at qui est primus graduum, et calamitates, et divinam benevolentiam narrat. »

tur de littera spiritualis intelligentia oritur, de spirituali vero intelligentia, operatio procedit. In illis enim quinque libris, si isto modo intelligentur, omnis divina et spiritualis intelligentia plenissime continetur. Quindecim igitur psalmi triplicatam, perfectamque scientiam ostendunt. Sed notandum quod non dicitur primus gradus, secundus gradus, vel tertius gradus, sed unusquisque vocatur Canticum Graduum, quasi unusquisque tanti sit, ut per se ad id quo tenditur, ascendentem perducere possit (845). Horum autem quindecim psalmorum (846), ille qui penultimus est, sanctorum Ecclesiam continet psallentium et dicentium: « Ecce quam bonum, et quam jucundum habitare fratres in unum! » (Psalm. cxxxiii, 1.). Tales autem erant illi de quibus dicitur: « Multitudinis credentium erat cor unum et anima una; et nemo dicebat aliquid esse suum, sed erant illis omnia communia (Act. iv, 32). » Inde autem uno gradu venientes ad ultimum, seipsos hortantur dicentes: « Ecce nunc benedicite Dominum omnes servi Domini, qui statis in domo Domini, » (Psalm. cxxxiii, 1.). Narrat autem Propheta, et eosdem ipsos per singulos psalmos loquentes introducit, quomodo mundi conversationem reliquerint, quæ impedimenta habuerint, et quid eis veniendo contigerit.

« Ad Dominum cum tribularet clamavi, et exaudivit me. » Aliquis de illa sancta congregatione hoc dicit quod, dum in mundi hujus sæculari conversatione multas tribulationes sustineret, et Deo familiarius adherere cupiens, sui desiderii **567** vota complere non posset; tandem intimo corde clamavit ad Dominum, et exauditus est. Quomodo autem clamaverit, audiamus.

« Domine, libera animam meam a labiis iniquis, et a lingua dolosa. » Non solum hæretici, qui eum decipere et ad se trahere conabantur, sed ipsi sui propinqui et amici magnum sibi impedimentum faciebant, qui, ad sæculi voluptates et vanitates eum trahentes, sæcularibus implicari volebant. Unde non immerito eorum labia iniqua et linguam dolosam esse dicit, qui suæ mentis propositum tam sanctum et utile mutare, et ad mortis præcipitulum trahere nitebantur. Ipse vero dum hæc scandala suslineret, sibiipsi et animæ suæ talia loquebatur. « Quid datur tibi, aut quid apponatur tibi ad linguam dolosam? » Quod consilium invenire poteris ad istorum dolos et deceptiones evitandum et repellendum.

« Sagittæ potentis acutæ cum carbonibus desolatæ tortis. » Sagittæ, inquit, potentis dabuntur tibi; illis te defende, illas eis oppone: dic eis quod Do-

(845) S. Hilarius in Prologo in Cantica de quindecim gradibus, quibus inscripti sunt sequentes psalmi, hæc habet: « Sed meminisse nos oportet hos eosdem psalmos non idcirco omnes corporaliter intelligendos, quia his corporalium negotiorum significatio antefertur: quin potius oportet nos spirituales intelligentiam sub hac quadam generali rerum gestarum commemoratione sectari. »

(846) « Cum gradus audimus in psalmis, non ter-

minus ait: « Qui amat patrem, aut matrem, plus quam me, non est me dignus (Matth. x, 37). » Et: « Qui non accipit crucem suam, et sequitur me, non est me dignus (Luc. xiv, 27). » Et: « Nisi quis reliquerit omnia quæ possidet, non potest meus esse discipulus (ibid., 35). » Et: « Si vis perfectus esse, vade, vende omnia quæ habes, et sequere me, et habebis thesaurum in cælo (Matth. xix, 21). » Istæ sunt illæ sagittæ potentis, imo omnipotentis; acutæ cum carbonibus S. Spiritus, quibus omnes insidie, et omnia machinamenta diaboli desolantur.

« Heu me (847)! quia incolatus meus prolongatus est: habitavi cum habitantibus Cedar, multum incola fuit anima mea (818). » Sic, inquit, liberatus sum ab eis: ego tamen multum doleo, quia tardius feci, et qui tanto tempore cum eis conversatus sum. Quoniam revera habitavi cum habitantibus Cedar, et multum incolam, eisque consentiens fuit anima mea. Cedar tenebræ interpretatur. Habitat igitur cum habitantibus Cedar, qui cum talibus commoratur; tenebræ enim sunt isti tales, et tenebrosorum principem imitantur.

« Cum his, qui oderunt pacem, eram pacificus. » Non tamen, quod vitis eorum et iniquitatibus consentirem, eisque prout poteram, multoties non contrarem. Sed dum loquebar illis, et verba salutis nuntiabam, « Impugnabant me gratis. »

PSALMUS CXX.

CANTICUM GRADUUM.

« Levavi oculos meos in montes, unde venit auxilium mihi. » Idem ipse, qui supra, loquitur adhuc. Cum me, inquit, cum aliter a labiis iniquis, et a lingua dolosa defendere possem, levavi oculos meos in montes, respexi ad apostolos, et ad eorum imitatores ut eorum sentirem auxilium, quorum exemplum imitari cupiebam. Et confestim illorum, et Domini auxilium suscipere merui. Et hoc est quod dicit:

« Auxilium meum a Domino, qui fecit cælum et terram. Non det in commotionem pedem tuum, et neque obdormiet qui custodit te. » Sibiipsi loquitur, sicut et superius, ubi ait: « Quid detur tibi, aut quid apponatur tibi ad linguam dolosam. » Recitat enim ea quæ sibi contigerant, antequam sanctorum jungeretur congregationi. Sic igitur prius se ipsum consolabatur, et confortabat, et pedem mentis suæ firmum stare optabat, ut ab illo suo voto, sanctoque proposito moveri non posset.

« Ecce non dormitabit, neque obdormiet qui custodit Israel. » Securus, inquit, esto, quia custos tuus semper vigilat, et nunquam suorum obliviscitur; quia nunquam dormiet ille qui custodit Israel: per-

renum, aut corporeis gressibus subeundum nobis aliquid suspicemur, sed mentis accipiamus ascensum. Ideo enim præmissum est Canticum, ut hoc potius ad animæ profectum applicare debeamus.

CASSIOD.

(847) Ita etiam apud S. Aug.

(848) Apud S. Aug. Longinqua facta est peregrinatio mea.

quem eos intelligamus qui ejus contemplatione delectantur, semperque eum videre desiderant.

« Dominus custodit te, Dominus protectio tua super te per manum dexteræ tuæ (849). » Satis ostendit, quia quibuscunque modis poterat, confortabat seipsum, ut votum et desiderium suum complere non timeret, cum talem tantumque haberet custodem, protectorem et defensorem.

« Per diem sol non uret te, neque luna per noctem. » Nam et secundum litteram hoc plerumque habent sancti, qui locum secretum et solitarium, solique contemplationi idoneum sibi eligunt, ubi neque solis, neque lunæ, neque alicujus rei patiuntur injuriam. Sed per solem Christum intelligimus, qui est justitiæ sol a quo omnia illuminantur. Per lunam vero illi significantur qui in tota Ecclesia post solem virtute et miraculis sunt clariores. Et isti quidem judicaturi sunt, quorum præcepto omnes mittentur in ignem, quicumque in judicio damnabuntur. Per diem et per noctem omne tempus 568 significatur. Nunquam igitur neque sol, neque luna eos exuret, qui Domini faciunt voluntatem, quia nunquam fit, quod per diem et per noctem non fit.

« Dominus custodit te ab omni malo. » Sed ne eo poris afflictionibus hoc intelligere velis, audi quid sequitur : « Custodiet animam tuam Dominus. »

« Dominus custodiat introitum tuum, » in sanctorum congregationem. « Et exitum tuum » de hoc mundo ad cœlestia festinantem. « Ex hoc nunc, et usque in sæculum. » Quid est, ex hoc nunc? Ex hoc præsentī tempore, in quo hæc facere disponis, si in hac bona voluntate perseveraveris.

PSALMUS CXII.

CANTICUM GRADUUM.

Iste quoque psalmus illorum graduum est, per quos ad summum perfectionis ascenditur.

« Lætatus sum in his quæ dicta sunt mihi, in domum Domini ibimus. » Legeram, quasi dicat, in Scripturis utriusque Testamenti, et videram ibi sagittas potentis acutas, cum carbonibus desolatoriis, per quas divinæ legis sermones et testimonia significantur. Et valde lætatus sum in his quæ dicta sunt mihi, et dixi : Amodo nihil dubito, et certus sum quia in domum Domini ibimus, et sicut optavimus, in sanctorum congregatione habitabimus.

« Stantes erant pedes nostri in atriis tuis, Jerusalem. » Nondum, inquit, veneram in Jerusalem, id est in illam sanctorum congregationem, et jam pedes mei spe certa et desiderio ibi stabant et firmati erant. Tale est illud quod Apostolus adhuc in

terris positus dicit : « Nostra conversatio in cœlis est (Philip. III, 20). »

« Jerusalem, quæ ædificatur ut civitas, cujus participatio ejus in idipsum. » Non loquor inquit, de illa Jerusalem, quæ occidit prophetas : sed de illa quæ sic ædificatur, ut civitas, cujus participatio est in idipsum (850) : cujus habitatores et volunt et nolunt idem atque ipsum ; quibus omnibus est cor unum, et anima una ; de quibus non immerito dicitur : « Ecce quam bonum, et quam jucundum habitare fratres in unum. »

« Illuc enim ascenderunt tribus Domini, testimonium Israel, ad confitendum nomini tuo, Domine. » Quasi aliquis dicat : Qui sunt illi qui habitant in hac Jerusalem, in qua tantam concordiam esse dicis? Cui ipse : Omnes tribus Domini, omnes viri catholici et religiosi, omnes martyres et confessores, et quicumque Deo fideliter serviunt, hujus civitatis sunt habitatores. Illuc ascendit et testimonium Israel. Ad quid? « Ad confitendum nomini tuo, Domine. » Hoc est illud testimonium, quod filiis Israel in monte Sinai a Domino datum est. Hoc igitur testimonium non Judæi, sed Christiani habent. Illi hoc habent, qui non ad litteram, sed spiritualiter illud intelligunt, et in eo Dominum confitentur, et laudant.

« Quia illic sederunt sedes in judicio, super domum David. » Merito, inquit, illuc ascenderunt tribus Domini, et testimonium Domini, quia illic sederunt et sedent, sedes in judicio præparatæ, sedes illic, quæ distributæ sunt super domum David. De quibus sedibus ipse Dominus suis discipulis loquitur, dicens : « Vos, qui reliquistis omnia, et secuti estis me, sedebitis super sedes duodecim judicantes duodecim tribus Israel (Matth. XIX, 27). » Sic igitur divisæ sunt istæ sedes, et sic tota domus David, id est tota Ecclesia, in eas dividitur, ut unusquisque apostolus ibi suam habeat sedem. Usque hodie unusquisque episcopus sedem suam vocat Ecclesiam illam in qua ordinatus est.

« Rogate quæ ad pacem sunt Jerusalem (851). » Omnes, inquit, qui in Jerusalem habitatis, et quicumque hæc verba auditis, rogate pro his quæ pertinent ad pacem Jerusalem ; quia sine pace impossibile est placere Deo. Et dicite : sit « abundantia diligentibus te, » sit abundantia totius felicitatis, ut qui de tua pace lætantur ipsi quoque perpetua pace perficiantur. Unde et subditur :

« Fiat pax in virtute tua, et abundantia in turribus tuis. » Fiat, inquit, pax in virtute tua, ut quod

(849) Lectio apud S. Aug. Dominus tegumentum tuum super manum dexteræ tuæ.

(850) Augustinus audiatur interpret. « Quil est idipsum? Quod semper eodem modo est ; quod non modo aliud, et modo aliud est. Quid est ergo idipsum, nisi quod est? quid est quod est? Quod æternum est. » Illic consonat Cassiodori interpretatio. Cujus participatio ejus in idipsum ; id est civitatis istius participatio est in Domino Salvatore, qui est proprie in idipsum. In idipsum quippe significat æternitatem.

quæ nunquam desinit esse quod est, sed semper unum, atque eodem modo est : virtus indefecta, potestas incommutabilis, substantia per se manens, omnia quæ vult efficaciter potens. »

(851) Interrogate quæ ad pacem sunt Jerusalem legitur in Augustino, quicquid refert ad judices sedentes super duodecim sedes, et interrogabant judicandos ; et quos invenerint fecisse misericordiam, ipsos vocabunt ad Jerusalem, quia ipsa sunt ad pacem Jerusalem. »

« nobis habere non possumus, tuis meritis obtineamus. Et **569** sit abundantia in turribus tuis; per quas pastores et rectores Ecclesie significantur, quibus tota civitas defenditur et custoditur. Tanta abundantia est istis necessaria, quæ aliis omnibus sufficere valeat.

« Propter fratres meos, et proximos meos, loquebar pacem de te. » Isti sunt illi fratres qui dicunt: « Ecce quam bonum et quam jucundum habitare fratres in unum! » Pro quibus semper orandum est, ut in illa pace et concordia perpetuo persevere-
rent.

« Et propter domum Domini Dei mei, » quæ ex tuis lapidibus ædificatur, « quæsi vi bona tibi. » Unde et alibi dicitur: « Benigne fac, Domine, in bona voluntate tua Sion, ut ædificentur muri Jerusalem **B** (Psalm. 1, 20). »

PSALMUS CXXII.

CANTICUM GRADUUM.

« Ad te levavi oculos meos, qui habitas in cælis. » Habitatio Dei, et in conventu angelorum, et in Ecclesia est, quæ per cælum significatur. Unde et alibi dicitur: « Tu autem in sancto habitas, laus Israel (Psalm. xxi, 4). » Ad te, inquit, levavi oculos mentis meæ, ad te venire et te videre desiderans: qui in cælo habitas, qui turpia et inhonesta fugis, cui pulchra et nitida placent.

« Ecce sicut oculi servorum in manibus domino-
rum suorum, et sicut oculi ancillæ in manibus do-
minæ suæ, ita oculi nostri ad Dominum Deum
nostrum donec miseretur nobis. » Respiciunt
servi et ancillæ ad manus dominorum dominarum-
que suorum, ut vel necessaria suscipiant ab eis, vel
si flagellantur liberentur ab eis. Ita et nos ad Domi-
num semper recipere debemus, ut et necessaria
nobis subministret, et a cunctis periculis et adver-
sitatibus liberet.

« Miserere nobis, Domine, miserere nobis, quia
multum repleti sumus contemptione. » Non solum
ab aliis, sed ab ipsis quoque Christianis perversis et
superbis, servi Dei multoties contemptui habentur,
quia illorum vita a vita illorum dissimilis est, et
quia mundi sapientiam fugiunt, quæ apud Deum
stultitia est.

« Et multum repleta est anima nostra. » Unde? **D**
« Opprobriis divitum, et superhorum despectioni-
bus (852). » Isti enim sunt qui eos præcipue despi-
ciunt et irrident, quoniam et divitias fugiunt, et
nimia humilitate se cunctis subiciunt. Sed hæc de-
spectio, et hoc opprobrium retorquetur in illos,
quia prope est ut divites pauperes fiant, et superbo-
rum colla humiles premant, quia sicut scriptum est:
« Deponit Dominus potentes de sede, et exaltat hu-
miles (Luc. 1, 52). »

(852) Psalt. Vatic., opprobrium abundantibus, et
despectio superbis.

(853) Cod. Ghis., Nisi quod Deus.

(854) Aliiter apud S. August. Torrentem pertransiit
anima nostra: fortasse pertransiit anima nostra

PSALMUS CXXIII.

CANTICUM GRADUUM.

« Nisi quia Deus (855) erat in nobis, dicat nunc Israel,
« nisi quia Dominus erat in nobis, dum insurgent
« homines in nos, forsitan vivos deglutissent nos. »
Nunc, inquit, sancti in unum congregati, quibus est
cor unum et anima una, recordentur pristinæ suæ
conversationis, et de quantis periculis eos Dominus
liberaverit, et dicant: Nisi quia Dominus liberavit
nos, proximi fuimus morti et perditioni. Bene autem
Israel isti vocantur qui in Dei visione et contem-
platione tanto affectu et desiderio delectantur. Vixi
autem deglutiuntur qui, nisi temporaliter moriantur,
a Deo separati in æternum moriuntur. Unde adhuc
subditur:

« Dum irascereetur animus eorum adversus nos,
« forsitan velut aqua absorbuissent nos. » Qui ita
absorbentur, non anima, sed corpore pereunt. Sic
enim absorpti sunt omnes martyres, qui, si veritatem
negare voluissent, absorpti utique non fuissent. Sed
quia Dominus præsens aderat, sic isti liberati sunt,
ut neque corporis, neque animæ jacturam susti-
nerent.

« Torrentem pertransiit anima nostra, forsitan
« pertransisset anima nostra aquam intolerabi-
« lem (854). » Nota quod dicit, anima nostra, quasi
multorum una sit anima, quia de illis est quibus est
cor unum, et anima una. Torrentem se pertransisse
dicit, per quem duram et repentinam passionem, sed
tolerabilem ostendit. Quæ si etiam intolerabilis fuis-
set, ipsi tamen cum adjutorio Dei, viriliter eam per-
transissent.

« Benedictus Dominus qui non dedit nos in
« captionem dentibus eorum. » Et hoc ostendit.
« Anima nostra sicut passer erepta **570** est de la-
« queo venantium. » Et hoc quomodo? « Laqueus
« contritus est, et nos liberati sumus. » Cujus adju-
torio? « Adjutorium nostrum in nomine Domini, qui
« fecit cælum et terram. » His verbis aperte de-
monstrat, et deceptionum retia circumposita fuisse,
et se in ipsa retia incidisse, et vel signis, vel ra-
tionibus retia rupisse, et ita se cum Dei adjutorio
evasisse. Sed notandum quod apostoli in mari, ma-
ligni vero spiritus in aere retia ponunt. Ipsi enim
sunt de quibus Apostolus ait: « Quia non est no-
bis colluctatio adversus carnem et sanguinem, sed
adversus principes et potestates, adversus mundi
rectores tenebrarum harum, contra spiritualia ne-
quitie in cælestibus (Ephes. vi, 12). »

PSALMUS CXXIV.

CANTICUM GRADUUM.

« Qui confidunt in Domino sicut mons Sion, non
« commovebitur in æternum qui habitat in Jerusa-
« lem. » Mons Sion munitissimus fuit locus in Jeru-

« aquam sine substantia. Ubi inquit: « Quæ est aqua
sine substantia, nisi aqua peccatorum sine substan-
tia. Peccata enim non habent substantiam, inopiam
habent, » etc.

saem ad totius civitatis custodiam ædificatus; per quem apostoli et ceteri Ecclesiæ custodes et defensores significantur. Sicut, inquit, mons Sion, ille videlicet mons Sion, qui habitat in Jerusalem, per quem modo aliquem sanctorum cœtum significari diximus; non commovebitur, neque ab ea separabitur in æternum: ita et omnes illi qui confidunt in Domino, non commovebuntur in æternum, neque ab ea sanctorum congregatione dividuntur, ubi est cor unum et anima una. Sive enim in terra, sive in cœlo sint, omnes simul erunt, omnes ejusdem civitatis cives et habitatores erunt, et omnes sine fine gaudebant (855).

« Montes in circuitu ejus. » Non timeat, inquit, Jerusalem, non timeat sanctorum et pacificorum congregatio, quia montes sunt in circuitu ejus, qui eam protegent atque defendunt. Et non solum montes, sed ipse « Dominus vigilat in circuitu populi sui, » ex hoc nunc et usque in sæculum, » secundum promissionem suam, qua suis discipulis ait: « Ego vobiscum sum omnibus diebus usque ad consummationem sæculi (Matth. xxviii, 20). » Securi igitur maneat, qui non solum angelorum et apostolorum, sed ipsius quoque Domini custodia muniuntur. Et unde hoc probas?

« Quia non derelinquet Dominus virgam peccatorum super sortem iustorum. » Et hoc ideo, « ut non extendant justi ad iniquitatem manus suas. » Sic Dominus defendit sanctos suos, et ea custodia confirmat, ut quamvis multoties peccatores in corpore sæviant, animam tamen superare non possint. Virgam quoque ipsam Dominus avertit, et non quantum volunt, sanctos suos, eos flagellare permittit. Sors enim iustorum Ecclesia dicitur, quia ipsa est, quam sibi in partem elegit.

« Benefac, Domine, bonis et rectis corde. » Quid est benefac, nisi libera, protege, custodi, virgam peccatorum averte, et retine manus eorum, ne ad iniquitatem eam extendant.

« Declinantes autem ad obligationem adducet Dominus cum operantibus iniquitatem. » — « Nemo militans Deo, dicit Apostolus, implicat se negotiis secularibus, ut placeat ei, qui se probavit (II Tim. ii, 4). » Multæ sunt obligationes diaboli quibus homines ligat et trahit. Et valde timendum est quod hic dicitur, quoniam qui ad tales obligationes declinant simul cum operantibus iniquitatem ad supplicia ducentur æterna. Et tunc quidem ducentur, quando pax æterna et indeficiens venit *supra Israel*. Hoc audiant monachi et qui sæculum reliquerunt, et quam bonum et quam jucundum sit fratres habitare in unum didicerunt, iterum ad sæculi negotia declinare non optent.

571 PSALMUS CXXV.

CANTICUM GRADUUM.

« In convertendo Dominus captivitatem Sion,

(855) « Sed hic quoque Jerusalem, cœlestem patriam debemus advertere, quæ significat visionem

« facti sumus sicut consolati. » Prædicit Propheta in hoc psalmo, quod dixerunt Judæi revertentis de captivitate sua; et hoc similiter, quod dixerunt Christiani, quando ipsi quoque de sua captivitate reversi sunt. Dicunt Judæi: Dum converteret Dominus captivitatem Sion, et de Babylonis captivitate nos in patriam revocaret, « facti sumus sicut consolati. » Et tunc quidem « repletum est gaudium os nostrum, et lingua nostra exultatione. » Non ex toto consolati, sed quasi consolati facti sunt, quia quamvis in patria habitarent, nondum tamen libertati redditi erant, sed adhuc sub Babylonis tenebantur potestate. Magno tamen gaudio et exultatione repleti sunt, cum et templum reædificari, et civitatem restaurari viderent, et unusquisque, quod multum optaverat, maneret sub vite sua et sub ficu sua. Nunc autem quid de Christianorum quoque captivitate Propheta dicat, audiamus.

« Tunc, inquit, dicent inter gentes: Magnificavit Dominus facere cum illis: magnificavit Dominus facere nobiscum, facti sumus lætantes. Convertite, Domine, captivitatem nostram, sicut torrens in austro. » Usque ad tempora Constantini imperatoris ubicunque inter gentes Christiani erant, sub dura paganorum servitute premebantur. Et tunc quidem dicebant hoc, quod Propheta eos dicturos esse prædixerat. Et hoc est quod sequitur: « Magnificavit Dominus facere cum illis, » cum Judæis videlicet, quos inter inimicos custodivit, et tandem de captivitate liberavit. « Magnificavit Dominus » similiter « facere nobiscum; » unde nos quoque « facti sumus lætantes, » et non minus quam illi gaudio et exultatione repleti sumus. Adhuc tantum unum restat, quod rogamus; et velociter fiat. Et quod est illud? Ut nostra quoque captivitas convertatur. Et majora quidem fecit Dominus cum Christianis in captivitate sua, quam cum Judæis in sua; quia multa signa et miracula per eos tunc operatus est, quod per illos fecisse non legitur. Austro autem ventus est pluvialis, et torrentes desiccatis aquis implet et currere facit. Sic igitur factum est in captivitate, quando magno agmine, quasi pleno flumine, omnes captivi ad propria remeabant. Legimus quod tempore prædicti principis omnes sancti cum magno honore de exilio reversi sunt.

« Qui seminant in lacrymis, in gaudio metent: euntes ibant et flebant mitescentes semina sua. » — « Beati qui lugent, quoniam ipsi consolabuntur (Matth. v, 5). » Seminabant et flebant, prædicabant et lugebant, et non solum pro bonis, sed pro ipsis quoque persecutoribus suis plorabant et orabant. Et ideo cum gaudio metent, quia omnes illos, quos flendo et patiendo converterunt, cum gaudio in judicio Domino præsentabunt. Unde et subditur:

« Venientes autem venient cum exultatione, portantes manipulos suos. » Bene autem dicit, ve-

pacis: de qua nullus potest ullo modo commoveri qui meruerit in ejus soliditate constitui. » Cassica.

nent, quia in cœlis sunt, et inde venturi sunt, et quot animas unusquisque convertit, tot manipulos Domino offert.

PSALMUS CXXVI.

CANTICUM GRADUUM.

« Nisi Dominus ædificaverit domum, in vanum laborant, qui ædificant eam. Nisi Dominus custodierit civitatem, in vanum vigilant, qui custodiunt eam. » Hinc est enim, quod discipulis suis Dominus ait: quia « sine me nihil potestis facere (Joan. xv, 5). » Unde et Apostolus dicit: « Neque qui plantat est aliquid, neque qui rigat, sed qui incrementum dat, Deus (I Cor. iii, 7). » Nihil enim proficit prædicatio, nisi Spiritus sanctus interior operetur (856).

« Vanum est vobis ante lucem surgere, surgite postquam sederitis, qui manducatis panem doloris. » Contra hæreticos loquitur, omnesque falsos prædicatores de quibus in Evangelio Dominus ait: « Attendite a falsis prophetis, qui veniant ad vos in vestimentis ovium, intrinsecus autem sunt lupi rapaces (Matth. vii, 15). » Et Apostolus: « Multi, inquit, ambulantes, de quibus dicebam vobis, nunc autem et fletus dico, inimicos crucis Christi, quorum finis interitus, quorum, Deus venter est (Philip. iii, 18). » Isti sunt, qui surgunt ante lucem et manducant panem doloris. Sed vanum est illis ante lucem surgere, quia cæci sunt et dnces cæcorum. Ante lucem quidem surgunt, qui antequam illuminentur et doceantur, prædicare et docere incipiunt. Unde subditur:

« Surgite postquam sederitis. » Prius, inquit, sedete, prius discipuli estote, prius divinæ legis magistros audite, et non panem doloris et erroris, sed cibum spirituales, et catholicum ab eis suscipite.

572 « Cum dederit dilectis suis somnum, hæc est hæreditas Domini, filii merces fructus ventris. » Modo, quasi dicat, difficile boni discernuntur a malis, quia et illi et isti prædicant, et illi et isti altaris sacramenta suscipiunt, utrique Deum laudant et benedicunt. Sed tunc hæreditas Domini et merces filii, et fructus ventris cognoscetur, quando somnum dilectis suis Dominus dabit. Somnus hoc in loco quietem significat. Hoc igitur erit in iudicio, quando a vigiliis et laboribus, quibus servos suos Dominus vigilare præcepit, ad somnum et quietem, et ad perpetuam felicitatem vocabit. Et isti quidem sunt merces filii, quia hanc mercedem de labore suo Christus suscepit. Isti sunt fructus ventris, quos simul omnes in uno Filio suo unigenito et primogenito beatissima Virgo Maria Domino peperit (837).

« Sicut sapientie in manu potentis, ita filii excusso-

(856) Præclare addit Augustinus: « Nemo habet aliquid boni, nisi ab illo acceperit, qui solus bonus est. »

(857) Ecce hæreditas Domini, filii, merces fructus ventris: sic legit Cassiodorius, et exponit: « Ecce hæreditas Domini, filii scilicet Ecclesie, ex aqua et Spiritu sancto generati, qui hæreditas Domini esse

« ram. » Isti excussi, electi et expulsi, apostoli sunt. Quibus ipse Dominus ait: « Si vos persecuti fuerint in una civitate, fugite in aliam (Matth. x, 23). » Horum autem filii sunt, quicumque eos imitantur: qui vero eos imitantur, tales sunt, quales sagittæ in manu potentis. His enim sagittis vitiorum exercitus fugatur, his multitudo demonum superatur, his vincitur omnis turba hæreticorum.

« Beatus vir qui implevit desiderium suum ex ipsis. » Et qui sunt illi qui implent desiderium suum ex ipsis, nisi illi qui libenter eos audiunt, et eorum doctrinam et mandata custodiunt? Tales autem « non confundentur, quando loquentur inimicis suis in porta. » Inimici nostri maligni spiritus sunt, qui in iudicio ad accusandum præparati erunt; quando porta vitæ aperiatur bonis, et porta mortis aperiatur malis. Illi autem tunc confundentur, qui eis resistere non valebunt, per quos illos intelligimus, qui in peccatis perseverantes, ad poenitentiam non redierunt.

PSALMUS CXXVII.

CANTICUM GRADUUM.

« Beati omnes qui timent Dominum, qui ambulantes in viis ejus. » Illi, inquit, sunt beati, qui non mortem, non rerum temporalium amissionem, non mundi miseras, sed Dominum timent. Hinc est enim quod Dominus ait: « Nolite timere eos qui occidunt corpus, sed potius eum timeite qui corpus et animam potest perdere in gehennam (Luc. x, 28). » — « Beati qui ambulant in viis ejus, » et custodiunt mandata ejus, quia mandata ejus vitæ sent, per quas ad eum venire debemus.

« Labores fructuum tuorum manducabis, beatus es, et bene tibi erit. » In alia translatione non fructuum tuorum, sed manuum tuarum habetur. Unde et Apostolus ait: « Laboret unusquisque manibus suis, quod bonum est (Ephes. iv, 28). » Sed non ideo est homo beatus, quia de tali labore vivit. De animæ igitur labore intelligi debet, quæ pro bona operatione quam in hac vita operatur, in alia vitæ celestibus deliciis perfruetur. Hæc autem signa hypallage Græce vocatur, quando per contrarium aliquid dicitur: Non enim labores fructuum, sed fructus laborum suorum homines manducant. Tale esset, si diceretur, hic homo detur illi equo, cum dici debuisset, ille equus detur huic homini. Tale est illud in Virgilio:

..... dare classibus austrum;

cum dici debuisset: dare classes austro.

« Uxor tua sicut vitis abundans in lateribus domus tue. » Quid hic facient, qui uxores non habent, si ad litteram hoc intelligitur? Omnis virtus,

noscuntur. Et qui sint isti filii consequenter exponitur: merces fructus ventris. Hujus fructus ventris, id est uteri virginalis partus, merces est omnis ejus hæreditas, quæ resurgens in cælorum possessionem mittitur, et æterna cum Domino felicitate gaudebit.

quam multum diligis et in qua multum delectaris, A me. Non equidem expugnaverunt, neque praevalere mihi potuerunt.

uxor tibi est, sive sapientia, sive humilitas, sive misericordia, sive obedientia, sive quaelibet alia sit. Haec autem quasi vitis abundans erit tibi, semper fructifera, suavis et jucunda ubicunque fueris in hac amplissima domo, quam tibi et cunctis viventibus Dominus praeparavit. Bona uxor quae virum suum non derelinquit, et ubicunque est, semper illi praestat laetitia et honorem: ubique honorabilis est qui secum talem ducit uxorem.

« Filii tui sicut novellae olivarum in circuitu mensae tuae. » Filii tibi sunt qui te imitantur, tamque doctrinam tenent et custodiunt. Isti autem, si Deum timeris, et in viis ejus ambulaveris, tales erunt in circuitu mensae tuae et circa doctrinam pectus tui, quasi olivae novellae fructu pacis et misericordiae plenae. « Ecce sic benedicetur omnis homo, qui timet Dominum. » Ecce, inquit, audisti, quam benedictionem suscipiunt omnes qui Deum timeant, quam bene vivant, quales uxores et filios habeant. Insuper et haec alia benedictio veniat super te et maneant semper.

573 « Benedicat te Dominus ex Sion, et videas quae bona sunt in Jerusalem, omnibus diebus vitae tuae, et videas filios filiorum tuorum. » Et sit pax aeterna et indeficiens super Israel, illum videlicet Israel qui Deum cognoscit et diligit. Haec est illa Sion de qua Dominus alibi ait: « Ego autem constitutus sum rex ab eo super Sion montem sanctum ejus (Psal. 11, 6), » per quem Ecclesia significatur, ad praedicandum et docendum praeceptum ejus. Praedicare autem magis pontificum, quam regum esse videtur. Inde igitur, id est de Sion rex et pontifex maximus Jesus benedixit fideles suos, ut videant quae bona sunt in caelesti Jerusalem, omnibus diebus vitae suae, qui nunquam finem habebunt. Et videant filios imitatores suos, et filiorum suorum, non usque in tertiam et quartam generationem, sed usque in aeternum et in saeculum saeculi.

PSALMUS CXXVIII.

CANTICUM GRADUUM.

« Saepè expugnaverunt me a juventute mea, dicebat nunc Israel. Saepè expugnaverunt me a juventute mea, etenim non potuerunt mihi (858). » Sicut in praecedenti psalmo omnes boni aeterna benedictione benedicuntur; ita et in hoc omnes iniqui et peccatores aeterna maledictione maledicuntur. Quod autem ait: « dicat nunc Israel, » insultatio est adversus eos qui populum Dei se vicisse gloriabantur. Nunc, inquit, post victoriam securus et felix dicat Israel, dicat populus, qui Deum cognoscit et videt: saepè expugnaverunt inimici mei, sicut ipsi dicunt, a juventute mea, saepè expugnaverunt

A me. Non equidem expugnaverunt, neque praevalere mihi potuerunt.

« Super dorsum meum fabricaverunt peccatores, prolongaverunt iniquitates suas. » Pugnaverunt quidem, quasi dicat, peccatores multum contra me; sed mentiuntur si dicant quod expugnaverunt me; fabricam et incudem me fecerunt, et duris magnisque malleis supra dorsum meum fabricaverunt, et me quidem in vas pulcherrimum et pretiosum converterunt; sibi autem iniquitates prolongaverunt. Unde in Apocalypsi Joannes apostolus ait: « Tempus enim prope est, qui nocet noceat adhuc, et qui in sordibus est sordescat adhuc, et justus justificetur adhuc (Apoc. xxi, 11). »

« Dominus justus concidet cervices peccatorum. » Merito illae cervices concidentur, quae in nimiam superbiam elatae, contra ipsum Deum blasphemias jaculare non timuerunt. Hinc autem eos maledicere incipit, quia inconvertibiles et mortis obnoxios eos esse cognoscit. « Confundantur, inquit, et reverentur omnes qui oderunt Sion. »

« Fiant sicut fenum aedificiorum, quod, priusquam evellatur, arescit. » Sic sunt iniqui homines, sicut fenum aedificiorum, qui, quoniam fidei et bonitatis humorem non habent, facile siccantur, et igni aeterno et inextinguibili praeparantur.

« De quo non implebit manum suam qui metet, et sinum suum qui manipulos colliget. » Messores isti, angeli sunt, qui non in manum neque in sinum, fenum illud fetidum colligent, sed sicut in Evangelio legitur, in fasciculos ligabunt, et mittent illud in caminum ignis, ibi erit fletus et stridor dentium (Matth. xiii, 42).

« Et non dixerunt, qui praeteribant: Benedictio Domini super vos, benediximus vos in nomine Domini. » Ego, inquit, non immerito istos maledico, quia sanctos apostolos et praedicatores per se transeuntes et praedicantes viderunt et audierunt, et eorum benedictiones suscipere non meruerunt, quoniam eorum verbis credere noluerunt. Unde non dubium est omnes illos aeternae morti esse destinatos, quicunque evangelicam et apostolicam praedicationem non receperunt.

PSALMUS CXXIX.

CANTICUM GRADUUM.

« De profundis clamavi ad te, Domine, Domine, exaudi orationem meam. » In eo quod de profundis clamasse dicit, in magnis angustiis se fuisse ostendit, et spiritualium et carnalium passionum. Ille quoque de profundis clamat, qui ex intimo corde Deum exorat.

« Fiant aures tuae intendentes in orationem servi tui. » Sufficere poterat quod dixit: « Exaudi ora-

(858) Ecclesiam hic loqui ex Propheta intelligit Augustinus, et ab exordio, nempe ab ejus juventute coepta est ejus expugnatio: Jam modo Ecclesiae senectus expugnatur; sed non timeat: dicat: Saepè expugnaverunt me a juventute mea. Nonquid ideo

non pervenit ad senectutem, quia non cessaverunt illi expugnando? Nunquid delere potuerunt? Dicat nunc Israel: et consoletur te Israel Ecclesia de praeteritis exemplis et dicat: Saepè expugnaverunt me a juventute mea.

tionem meam; sed aures **574** ejus ad suam orationem intentas esse postulat, per quas ejus benignitatis velocissimam exauditionem intelligere possimus. Servum quoque se constituit, ut Domini clementiam facilius impetrare valeat.

« Si iniquitates observaveris, Domine, Domine, quis sustinebit? » Si enim, non dicam ad alias, sed ad solas primi hominis iniquitates Dominus respexisset, nullus hominum salvari potuisset.

« Quia apud Dominum propitiatio est, et propter legem tuam sustinui te, Domine. » Non observabit Dominus, quasi dicat, iniquitates nostras, quia magna propitiatio et misericordia apud eum naturaliter est; qui non vult mortem peccatoris, sed magis ut convertatur et vivat. Unde et subditur: « Et propter legem tuam sustinui te, Domine. » hæc est illa lex a Domino data: « Peccator quacunque hora conversus fuerit, vita vivet, et non morietur (Ezech. xxxiii, 11). » De qua adhuc subditur:

« Sustinuit anima mea verbum tuum, speravit anima mea in Domino. » Et revera magnam spem tribuit peccatoribus lex ista benignissima, pietate et misericordia plena.

« A custodia matutina usque ad noctem speret Israel in Domino. » Speret, inquit, Israel in Domino, non carnalis, sed spiritualis Israel; non ille qui eum interfecit, sed ille qui in eum credit et firmissime sperat. « A custodia matutina, » qua ipse Dominus a mortuis resurrexit, « usque ad noctem, » qua ista dies, et hæc ætas ultima finiatur. Quis enim tantam spem habere potest, quantum ille populus, pro quo Dominus mortuus est et resurrexit?

« Quia apud Dominum misericordia est, et copiosa apud eum redemptio. » Hæc est maxima, et probabilis ratio, quare Israel in Domino speret (859), quia, quamvis multum peccaverit, misericordia tamen, et redemptio vincit. Magna redemptio, et nimis copiosa, ut pro uno peccato Christi sanguis pretiosissimus funderetur. Unde Apostolus ait: « Empti enim estis pretio magno, glorificate et portate Deum in corpore vestro (I Cor. vi, 20). »

« Et ipse redimet Israel ex omnibus iniquitatibus ejus. » Agamus gratias Salvatori nostro, quia hæc redemptio jam facta est, quam Propheta futuram esse prædixit.

PSALMUS CXXX.

CANTICUM GRADUUM.

« Domine, non est exaltatum cor meum, neque elati sunt oculi mei. » Hæc vox perfectorum est, neque ad jactantiam suam ista loquuntur, sed ut

(859) « Red lita est causa mirabilis quare israel debuisset sperare in Domino: quia in ejus manu misericordia est, quæ potest ex perverso justum facere, ex imbecillo immortalem, ex carne angelis similem. Ille enim ille de nobis consuevit ostendere, ad quod humana natura per se non potest pervenire. » CASSIOD.

(860) Quid hoc in psalmo continetur, paucis explicat Cassiodorus. « Psalmus hic, inquit, humilitatem qualem prædicat, temperantiam docet, pa-

A eos alii imitantur, et talia facere pertimescant.

« Domine, inquit, non est exaltatum cor meum, » ut de scientia, vel aliis virtutibus, quas mihi tribuisti, me extollerem et superbirem. « Neque elati sunt oculi mei, » in quibus superbia maxime notari et deprehendi solet (860).

« Neque ambulavi in magnis. » Ut in illis delectarer quæ ab omnibus magna et pretiosa esse videntur. « Neque in mirabilibus super me. » Multum enim ideo erraverunt, quia ad ea se extendere conati sunt, quæ supra nos sunt, et humanam intelligentiam excedunt. Talia itaque miranda, veneranda et credenda sunt, et non argumentis dialecticis pertractanda (861). Inde enim Arius infelix cecidit, quia de Trinitate inseparabili dialectice disputare non timuit. Unde et subditur:

« Si non humiliter sentiebam, sed exaltavi animam meam; sicut ablatus (subauditur si peccaverit) super matre sua, ita retribues in animam meam. » Hoc est enim quod Apostolus dicit: « Non alta sapientes, sed humilibus consentientes (Rom. xii, 16), » quia sicut scriptum est: « Deus superbis resistit, humilibus autem dat gratiam (I Petr. v, 5). » Fidem autem catholicam non superbi, sed humiles docuerunt. Quam magnum autem peccatum sit non humiliter sentire, super alios se exaltare, et aliam fidem et doctrinam prædicare, ac per hoc sanctam Ecclesiam omnium Christianorum matrem scandalizare, in eo ostenditur, quod vir iste catholicus dicit: « Sicut ablatus, » si peccaverit, « super matre sua, » non ejus, sed aliam doctrinam prædicando, merito damnandus et excommunicandus est; ita retribues in animam meam. » Iste est ille ablatus, de quo Propheta dicit: « Quem docebit scientiam? Quem intelligere faciet auditum? » (Isa. xxviii, 9.) — « Ablatus **575** a lacte, avulsos ab uberibus, » per quos illi intelliguntur, qui doctrinam ecclesiasticam didicerunt, et ad tantam scientiam pervenerunt, ut jam non lacte egeant, ut Apostolus ait, sed solido cibo. Talibus igitur parcendum non est, si extraneam doctrinam prædicare voluerint.

« Speret Israel in Domino ex hoc nunc et usque in sæculum. » Ex quo enim Israel se humiliavit, et fidem catholicam suscepit, et matrem Ecclesiam offendere timuit, firmissime sperare in Domino potuit; qui si aliter fecisset, nullam spem habere potuisset.

PSALMUS CXXXI.

CANTICUM GRADUUM.

« Memento, Domine, David, et omnis mansuetudinis ejus. » De Salvatore nostro loquitur, qui

scientiam monet. »

(861) Cogitandum est S. Brunonem, virum doctissimum, reprobasse non absolute Dialecticæ usum quoad sacra mysteria, sed ejus scientiæ excessum, et abusum, sicut Apostolus non scientiam damnat, sed vanam scientiam. Et sane idem S. Bruno explanando psalmum reprehendit in hæreticis dialecticis ambages, ambages deceptionum et sophismata; non autem rectam ratiocinandi methodum. Ita infra in expositione psal. cxxxix.

agnus mansuetos ad victimam ductus, non aperuit os suum. Rogat igitur Patrem ut Filii sui humilitatis, mansuetudinis, patientiæ et obedientiæ nunquam obliviscatur (892).

« Sicut juravit Domino, votum vovit Deo Jacob. » Et hoc similiter orat ut sit memor illius juramenti et illius voti, quod Domino juravit et vovit (865). Voluntas Christi de Ecclesia ædificanda, quia immutabilis est, pro juramento et voto accipitur. Et hoc est quod dicit :

« Si introiero tabernaculum domus meæ, si ascendero in lectum strati mei, si dederò somnum oculis meis, aut palpebris meis dormitionem, aut requiem temporibus meis, donec inveniam locum Domino, tabernaculum Deo Jacob. » Tota hæc verborum repetitio idem significat, quæ ideo idem fit, ut firmitus credatur. Et tale est ac si diceret : Non prius introibo in tabernaculum domus meæ, cœlestis videlicet Jerusalem, neque ascendam in lectum strati mei, per quem illa habitatio ineffabilis quietis significatur, donec locum inveniam Domino, et tabernaculum dignum suæ habitationis. Et sicut ipse mihi domum in cœlis præparavit; ita et ego sibi in terris domum præparabo. Per somnum vero, et dormitionem et requiem idipsum significatur quod per domum et lectum significari diximus. Et tale est ac si Salvatoris nostri humanitas diceret : Non prius in illam domum æternæ quietis et beatitudinis intrabo, quam Ecclesiam catholicam in terris ædificavero.

« Ecce audivimus eam in Ephrata, invenimus eam in campis silvæ (864). » In Ephrata, quæ alio nomine vocatur Bethlehem, natus est Dominus; ibi prius visus et auditus est, ibi primos suæ infantie vagitus emisit, quibus angeli organizantes cantaverunt : « Gloria in excelsis Deo, et in terra pax hominibus bonæ voluntatis (Luc. 11, 14). » Campi silvæ Judæa est, quam Dominus per seipsum excoluit, et seminavit et prædicavit, malas arbores extirpavit vitiorum et malignorum spirituum spineta eradica- vit. Et fortasse illa terra inde etiam campi silvæ vocatur, quia silvæ gentium, quæ in ea habitabant, a filiis Israel inde succisæ et extirpatæ sunt. Ibi igitur Ecclesia cepit, qua postea per universum mundum dilatata, tabernaculum Dei hoc in loco vocatur. De quo et subditur :

« Introivimus in tabernaculum ejus, adoravimus in loco ubi steterunt pedes ejus. » Ostendit jam

(862) Amplius est super hunc locum Cassiodori commentatio, qua ostendit propheticum sermonem de Christo Domino omnino esse intelligendum.

(863) « Nemo præsumat viribus suis reddere quod voverit. Qui hortatur ut voveas, ipse adjuvat, ut reddas. » S. Aug. enarr. in Ps.

(864) Singularis est Bruno hac in lectione. Omnes quos vidi SS. Patres et expositores habent cum Vulgata : *Audivimus eam*, id est arcem Domini, *esse in Ephrata, invenimus eam in campis silvæ*; sed Brunonis interpretatio convenit cum S. Hilario. Inquit enim Ephrata requiem significare. *Auditur itaque in Ephrata.* « Ephrata eadem est quæ Beth-

A tabernaculum esse constructum, quod se Dominus construere sub juramento promiserat : in quod se quoque cum aliis intrasse et adorasse ostendit. Pedes ejus apostoli sunt, qui ejus fidem et doctrinam ubique gentium portaverunt. De quibus dicitur : « Beati pedes evangelizan-ium pacem, evangelizan-ium bona (Rom. x, 15) ! » Illoc autem ad litteram intelligi potest, quia in illo loco adorant Christiani ubi Salvator noster suis pedibus ambulavit.

« Exsurge, Domine, in requiem tuam, tu et arca sanctificationis tuæ. » Ecce, quasi dicat, completum est votum; fecisti quod promisisti : exsurge in requiem tuam, et duc tecum ipsam arcam, quam modo fecisti sanctificationis tuæ. Merito autem B Ecclesia arca vocatur, in qua quæque arcana et meliora reposita sunt. Non potest hæc arca tota modo simul ascendere, 576 ascendit tamen quotidie, et in judicio tota simul ascendet.

« Sacerdotes tui induantur justitiam, et sancti tui exsultent. » Tu, inquit, exsurge : sacerdotes vero tui, apostoli tui, eorumque successores induantur justitiam, ut arcam et Ecclesiam tuam juste et sapienter regere valeant, et omnes sancti tui sub eorum regimine et custodia exsultent.

« Propter David servum tuum non avertas faciem Christi tui. » Illic versus primo hujus psalmi versu jungitur, ubi dicitur : « Memento, Domine, David. » Rogat itaque Dominum ut non avertat faciem Christi Filii sui, sed ubique et in omnibus eum exaudiat, ejusque per omnia compleat voluntates. Et quia non est alius major, vel charior, per quem eum rogare possit, per eundem ipsum eum deprecatur, dicens : « Propter David servum tuum, » te exoro, « ut non avertas faciem Christi tui. » Hinc enim quod Dominus ait : « Quidquid petieritis Patrem in nomine meo, dabit vobis (Joan. xvi, 25). » Nunc autem ostendit subito sibi revelatum esse, quantum Pater eum diligat, ejusque faciat voluntatem dum dicit :

« Juravit Dominus David veritatem, et non frustrabitur eam, de fructu ventris tui ponam super sedem meam. » Sicut Filius Patri, ita et Pater Filio juravit, ut per hoc ejusdem potentie et aequalitatis (865) intelligamus. Salvatoris nostri filii, et illius ventris fructus sunt apostoli, qui de semine et doctrina pectoris ejus creati et generati sunt. Sedes autem ejus Ecclesia est, super quam isti reges et pontifices ordinati sunt. « Si custodierint filii tui

lehem, in qua natus Dominus ex Maria est. Testis est nobis Propheta dicens : *Et tu Bethlehem domus Ephrata non es minima, ut sis in millibus Juda; ex te exiet qui erit rex Israel.* Illic enim primum Dei requies auditur, ubi primus Unigenitus Deus corpus humanæ carnis habitavit; et quod in Ephrata auditur, in campis silvæ invenitur. Initium itaque Ecclesiæ in Bethlehem auditur; esse non cepit a Christo, sed in gentibus reperitur, quæ sunt in campis silvæ; ex horrentibus nitidæ, ex sterilibus fructuosæ, ex ignis pabulo vitalis cibi regio, ex ferarum cubilibus Dei requies, domus, templum atque possessio. »

(865) Cod. Ghis., et aequales.

« testamentum meum et testimonia mea hæc, quæ A
« docebo eos, et filii eorum usque in sæculum sæ-
« culi sedebunt super sedem meam. » Non solum,
inquit, filios suos ponam ego super sedem meam,
sed ipsi et filii eorum, per quos eorum imitatores
significantur, sedebunt super sedem meam in sæcu-
lum sæculi. « Si tamen custodierint (866) filii tui
testamentum meum et testimonia mea hæc, quæ
docebo eos; » per quæ utriusque Testamenti testi-
monia spiritualiter intellecta significantur.

« Quoniam elegit Dominus Sion, prælegit eam in
« habitationem sibi. » Ideo subauditur, de ea dixit :
« hæc requies mea in sæculum sæculi, hic habitabo,
« quoniam elegi eam. » Non est alia causa, quod in
ea habitare debuisset, nisi quia ipse sibi eam elegit
in habitationem. « Ipse enim cuius vult mise-
retur, quem vult indurat (Rom. ix, 18). » — « Non
est volentis, neque currentis, sed miserentis est Dei
(ibid., 16), » qui secundum voluntatem suam « Jacob
dilexit, Esau autem odio habuit (Malac. i, 3). »

« Viduam ejus benedicens benedicam, pauperes
« ejus saturabo panibus. » Vidua Christi Ecclesia
est, quam modo vocavit Sion. Sed quare viduam,
nisi quia virum suum videre desiderat, et videre
non potest. Dicitur enim vidua, quasi a viro divisa.
Et virum igitur habet, et vidua est, quia nondum per
immortalitatem viro suo conjuncta est. « Pauperes
ejus saturabo panibus. » Pauperes Christi illi sunt,
de quibus dicitur : « Beati pauperes spiritu, quon-
iam ipsorum est regnum cælorum (Matth. v, 3). »
Illi autem panibus saturati sunt, quia spiritualibus
divitiis abundant.

« Sacerdotes ejus induam salutari. » Per quos
episcopi et sacerdotes significantur. Hi autem salu-
tari induti sunt, quia veritatis et sapientiæ orna-
mento vestiti sunt. Unde his Apostolus ait : « Exuite
veterem hominem cum actibus suis, et induite no-
vum, qui secundum Deum creatus est in justitia et
sanctitate veritatis (Ephes. iv, 22). » — « Et sancti
« ejus exultatione exsultabunt. » Et modo quidem
exsultant in spe, postea autem exsultabunt in re.

« Illuc producam cornu David, paravi lucernam
« Christo meo. » Illuc enim, id est ad Sion et ad
Ecclesiam produxit Dominus, et ante alios prædica-
tores præmisit cornu David, id est Joannem Bapti-
stam præcursorem Filii sui, qui seipsum cornu esse
ostendens, ait : « Ego vox clamantis in deserto, pa-
rate viam Domino (Joan. i, 23). » Et ipse quidem est
quem Dominus paravit lucernam Christo suo, sicut
scriptum est : « Erat enim Joannes lucerna lucens
et ardens, sed non erat ille lux, sed ut testimonium
perhiberet de lumine (Joan. v, 35). »

« Inimicos ejus induam confusione, super ipsum
« autem efflorescit sanctificatio mea. » Et Christi, et
Joannis inimici æterna confusione induantur. Super
ipsos autem jam effloruit sanctificatio; quia quales
sunt, tales ab omnibus fidelibus esse creduntur.

(866) Cod. Ghs. Sic tamen, si custodierint.

(867) Ex Augustino desumpta est hujusmodi Brunonis expositio.

577 PSALMUS CXXXII.

CANTICUM GRADUUM.

« Ecce quam bonum et quam jucundum habitare
« fratres in unum! Quoniam illic mandavit Dominus
« benedictionem et vitam usque in sæculum. Sicut
« unguentum in capite, quod descendit in barbam, bar-
« bam Aaron, quod descendit in oram vestimenti ejus,
« sicut ros Hermon, qui descendit in montem Sion. »
Sic enim se habet ordo, nunc autem significationem
videamus. Beati isti fratres super quos Dei bene-
dictio et tanta gratiarum abundantia descendit : isti
sunt illi fratres, de quibus Dominus ait : « Nuntiabo
nomen meum fratribus meis (Hebr. ii, 12). » Et alibi :
« Omnes vos fratres estis. » Et : « Patrem nolite vocare
vobis super terram; unus est enim pater vester qui
in cælis est (Matth. xxiii, 8, 9). » Ipse est autem, cui
quotidie dicimus : « Pater noster, qui es in cælis
(Matth. vi, 9). » Et dives et pauper, nobilis et igno-
bilis, dominus et servus, imperator et mendicus,
omnes una voce dicunt : « Pater noster, qui
es in cælis, » ut se unius patris filios et se fratres
esse ostendant. Ille nobilior qui melior. Multi sunt
hic servi qui in alia vita Domini erunt, et e contra,
multi hic domini, qui ibi dura servitute comprimen-
tur. Boni fratres Sergius et Bachus, qui tanta pro
Christo tormenta passi sunt; boni Cosmas et Damia-
nus; boni Joannes et Paulus; boni Mauritius et socii
ejus; bonus Dionysius cum sociis suis; boni et multi
alii qui pro Christi fide mortii se tradiderunt. Et
istorum quidem est regnum cælorum, qui contem-
pserunt vitam mundi, et pervenerunt ad premia regni,
et laverunt stolas suas in sanguine agni (Apoc. vii,
14). « Tales autem fratres habitant in unum; talibus est
cor unum et anima una : nemo dicit aliquid esse
suum, sed sunt illis omnia communia. Mali fratres,
qui corpore simul sunt, sed per odium a se invicem
longi sunt. « Bonum est, » inquit, « et jucundum
habitare fratres in unum. » Unde hoc? quoniam
illuc, id est, inter tales fratres mandavit Dominus
benedictionem suam, et vitam quæ finem non habet.
Quomodo mandat? « Sicut unguentum in capite,
quod » de capite « descendit in barbam, » de barba
vero usque « in oram vestimenti ejus. » Et sicut ros
Hermon, qui descendit in montem Sion. Caput Ec-
clesiæ Christus est, cujus membra omnes nos sumus.
De hoc autem corpore Apostolus ait : « Sicut enim
in uno corpore multa membra habemus, omnia au-
tem membra non eundem actum habent; ita multi
unum corpus sumus in Christo, singuli autem alter
alterius membra (Rom. xii, 4, 5). » Habet igitur bar-
bam Christus in corpore suo, habet oculos et aures,
habet manus et pedes, et cætera membra. Barba
Christi apostoli sunt. Barba quidem, quia in corpore
sunt primi, et ipsi capiti uniti; barba, quia nihil
molle, nihil femineum in se habentes, viriles, et
fortes et masculi sunt. Unde et merito non barbati,
sed ipsa potius barba vocantur (867). Præcipit autem

Dominus sacerdotibus ut barbam non radant, et comam non nutriant. Nutrire comas et barbam non habere mulierum est. Sacerdotes autem non mulieres, sed viriles facies habere debent. Non solum igitur apostoli, sed et sancti martyres Christi barba vocari possunt, quia et viriliter pugnaverunt et hostes potentissimos vicerunt. Unguentum igitur de capite in barbam descendit, quia sancti Spiritus gratia de Salvatoris nostri divinitate prius in apostolos et martyres venit. De hoc enim unguento ipse Dominus ait : « Spiritus Domini super me, propter quod unxit me, evangelizare pauperibus misit me (Luc. iv, 18). » De hoc et Psalmista : « Dilexisti, inquit, iustitiam, et odisti iniquitatem; propterea unxit te Deus, Deus tuus, oleo lætitiæ præ consortibus tuis (Psal. xlv, 8). » Hoc et Ecclesia sentiens dicit : « Trahe me post te, et curremus in odorem unguentorum tuorum (Cant. viii, 4). » Hoc unguento sanantur infirmi, hoc omnes languores et omnes infirmitates sanabat Jesus, hoc et sacerdotes, et ecclesiæ consecrantur, hoc chrismate et Christus ipse, et Christiani omnes vocantur. Hoc igitur de capite descendit in barbam, de Christo in apostolos; nihil enim virtutum et gratiarum habuerunt apostoli, quod ab ipso non accepissent. Unde et Apostolus ait : « Quid habes, quod non accepisti? Si autem accepisti, quid gloriaris, quasi non acceperis? » (I Cor. iv, 7.) « Alii enim datur per Spiritum sermo sapientiæ, alii sermo scientiæ, alii prophetia, alii discretio spirituum, alii fides in eodem spiritu, alii gratia sanitarum, alii genera linguarum, alii interpretatio sermonum. Hæc autem omnia operatur unus atque idem spiritus, dividens singulis prout vult (I Cor. xii, 8-12). » De apostolis autem hæc tanta gratiarum abundantia per totum corpus ecclesiasticum in cætera membra decurrens, usque ad vestimenti oram pervenit. Vestimenti ora, extremi illi intelliguntur, qui omnium ultimi in fine sæculi futuri sunt. Vide ergo quanta sit unguenti huius abundantia, quæ tam longo cursu defluat, et tantam gentem ungat et sanat. Hoc unguentum Simon Magus ab apostolis emere voluit, unde et merito cum omni pecunia sua damnatus est. Vocatur autem Salvator noster Aaron, omnium **578** videlicet sacerdotum primus, et maximus, cujus filii sacerdotes sunt, et qui ejus filii non sunt, sacerdotes esse non possunt. Interpretatur autem Aaron *mons fortitudinis*, quæ interpretatio illi maxime convenire videtur; qui Dominus fortis vocatur et potens, Dominus potens in prælio. Sequitur : « Sicut ros Hermon, qui descendit in montem Sion. » — « Hermon, » *anathema* (868), id est divisio; « Sion, » *speculatio* interpretatur. Et « Hermon » quidem apostolos, « Sion » vero Ecclesiam significat. Merito autem « Hermon » vocantur apostoli, quia ipsi primi omnium a Synagoga divisi

et separati, Christum Dominum secuti sunt. Unde Apostolus ait : « Cum autem placuit ei, qui me segregavit ex utero matris meæ, et vocavit per gratiam suam (Galat. i, 15), » etc. Non solum autem apostoli, verum etiam omnes Christiani hoc nomine vocari possunt. Omnes enim hoc nomen in baptismo suscipiunt, quia ibi diabolo et omnibus pompis ejus abrenuntiantes a peccatis omnibus, et a vitiis separantur, et a sinistra in dexteram transeunt, ab hædis divisi, agnis et ovibus sociantur. Unde et in alio psalmo dicitur : « Ad meipsum anima mea turbata est, propterea memor ero tui, Domine, de terra Jordanis et Hermonii (869) a monte modico (Psal. xli, 7). » Terra Jordanis et Hermonii illi sunt qui per baptismum a vitiis separati sunt, quoniam per Jordanem baptismus, et per Hermon divisio et separatio significatur. Solæ igitur baptizatorum animæ de terra Jordanis et Hermonii Dominum laudant. De quibus et alibi dicitur : « Thabor et Hermon in nomine tuo exsultabunt (Psal. lxxxviii, 13). » De monte igitur Hermon descendit ros in montem Sion, per quem fides, doctrina et evangelica prædicatio intelligitur, quæ ab apostolis in Ecclesiam venit. Hoc enim rore et hæc pluvia tota Ecclesia irrigatur, fecundatur, lavatur atque mundatur. Mali autem montes Gelboe, quibus David maledicens ait : « Montes Gelboe nec ros, nec pluvia cadet super vos, ubi ceciderunt fortes Israel Saul et Jonathan (II Reg. i, 21). » Per hos enim hæretici designantur, qui non rore apostolico, sed turbine diabolico perfunduntur. Beati illi fratres, qui tali rore, tali pluvia, tali unguento et tali gratia perfusi audire meruerunt : « Ecce quam bonum et quam jucundum habitare fratres in unum! Quoniam illic mandavit Dominus benedictionem et vitam usque in sæculum. »

PSALMUS CXXXIII

CANTICUM GRADUUM.

« Ecce nunc benedicite Dominum, omnes servi Domini. » Nunc, inquit, quando in unum congregati estis, quando scitis et intelligitis quam bonum sit et quam jucundum habitare fratres in unum, nunc benedicite Dominum, quia vestre benedictiones laudabiles sunt et Domino placent; nunc igitur benedicite Dominum, omnes servi Domini, quia aliorum benedictiones non suscipit Dominus, nisi eorum qui sunt servi Domini. Quicunque enim servi Domini non sunt, diaboli servos esse non dubium est.

« Qui statis in domo Domini, in atrii domus Dei nostri. » Qui statis, inquit, ad obediendum, ad serviendum, ad orandum, ad pugnam in domo Domini, vos benedicite Dominum. Qui enim extra sunt, sub maledicto sunt, et nec benedicere, nec maledicere possunt. Sed qui sunt illi qui in atrii sunt, nisi illi qui domum custodiunt, et alios introducunt?

(868) Aliud reddit hoc nomen apud Augustinum; inquit enim : « Hermon nomen Hebræum est, et habemus interpretationem ab eis, qui illam linguam noverunt Hermon interpretari dicitur *lumen exaltatum* est. A Christo enim ros. Nam nallum lumen exaltatum nisi Christus. Quomodo exaltatum est? Primo in cruce, postea in celo, » etc.

(869) Cod. Chis. *Hermonis*.

« In noctibus extollite manus vestras in sancta, et benedicite Dominum. » Beati, qui ad litteram et agunt, et intelligunt, et media nocte ad confitendum Domino surgunt, quia hoc tempus valde orationi idoneum est. Extollunt et illi manus suas in sancta, qui eas elevant ad eleemosynas faciendas. Hoc autem in nocte faciunt, si in abscondito faciunt, ut nesciat sinistra quod dextera faciat (*Matth. vi, 3*). Et isti quidem benedicunt Dominum, quia quicumque eas suscipiunt, Dominum benedicunt, et gratias agunt.

« Benedicat te Dominus ex Sion, qui fecit cælum et terram. » Hanc benedictionem facit tota congregatio simul super illum qui noviter venit, et aliis se sociavit.

579 PSALMUS CXXXIV.

ALLELUIA (870).

« Laudate nomen Domini, laudate, servi Domini. » Quid enim aliud significat alleluia, nisi laudate Dominum? Nomen domini laudat servus, quando et voce et obedientia servum se esse ostendit.

« Qui statis in domo Domini, in atriis domus Dei nostri. » Qui enim recedunt a domo Domini, et mala sua conversatione extranei sunt, non sunt digni qui Dominum laudent.

« Laudate Dominum, quoniam benignus est Dominus, psallite nomini ejus, quoniam suavis est. » Laudare, inquit, eum debetis, non solum quia servi estis, verum etiam quia tam benignus et suavis est, ut pro sua benignitate et suavitate sua, omnis creatura eum laudare et benedicere debeat.

« Quoniam Jacob elegit sibi Dominus, Israel in possessionem sibi. » Optima ratione probatum est, quoniam benignus est Dominus atque suavis; siquidem priusquam Jacob nasceretur, et priusquam boni vel mali aliquid egisset, nullis præcedentibus meritis, sola bonitate sua eum elegit. Et non solum ipsum, sed totum Israel, id est totam ejus progeniem, quæ postea ab ipso Israel vocata est, elegit sibi Dominus in possessionem et hæreditatem.

« Quia ego cognovi, quod magnus est Dominus et Deus noster præ omnibus diis. » Ideo, inquit, hæc dico, et benignum et laudabilem prædico, quia certissime cognovi quod magnus est Dominus et Deus noster, magnus est præ omnibus diis. Et unde hoc probas?

« Quia omnia quæcunque voluit Dominus fecit in cælo et in terra, in mari et in omnibus abyssis. » Major est igitur et omnibus angelis qui in cælo sunt, et omnibus diis gentium qui in terra, in mari et in inferno a stultis hominibus esse creduntur; siquidem omnia quæcunque voluit fecit, ubicunque aliquid facere voluit.

« Educens nubes ab extremo terræ, fulgura in pluviam fecit. » Nubes istæ apostoli sunt et docto-

(870) Post gradualium pulcherrimam constructionem, quæ usque ad illam pervenit summitatem, quæ in æternum securos efficit et felices, congrue nimis

res, quos ab extremis terræ per omnes mundi paries ad prædicandum Dominus misit, quorum doctrinæ pluvius tota terra satiata, irrigata et purificata est. Fulgura autem in pluviam fiebant, quando apostolis prædicantibus, multa miracula per eos Dominus faciebat, et vitia et malignos spiritus ignitis Scripturarum sagittis in hominibus interficiebat.

« Qui producit ventos de thesauris suis. » Quid enim per ventos, quibus nubes pelluntur et fugantur, nisi tyrannos et potentes homines intelligamus, qui sanctos prædicatores ubique persequabantur? Thesaurus autem Dei, ipsa ejus voluntas est, in qua omnia continentur, sicut scriptum est: « In voluntate tua, Domine, universa sunt posita (*Isa. xlvii, 10*). » Exeunt ergo venti de thesauris Dei, quia ex B judicio Dei fit, quod mali contra bonos insurgunt ac sæviunt. Unde et Dominus discipulis ait: « Si me persecuti sunt, et vos persequentur (*Joan. xv, 20*); » qui tamen nullam in eos haberent potestatem, nisi datum fuisset eis desuper.

« Qui percussit primogenita Ægypti ab homine usque ad pecus. » In eo quod omnia Ægypti primogenita Dominus percussit, omnia generalia peccata per totum mundum in se credentibus delenda esse significabat.

« Misit signa et prodigia in medio tui, Ægypte, in Pharaonem et in omnes servos ejus. » Similiter autem et per sanctos suos, cunctis videntibus, signa multa et miracula per totum mundum Dominus fecit.

C « Qui percussit gentes multas, et occidit reges fortes. » Per gentes multas, et reges fortes, vitia et maligni spiritus significantur, qui ubique gentium percutiendi et perdendi erant.

« Seon regem Amorrhæorum, et Og regem Basan, et omnia regna Chanaan occidit. » Interpretatur autem « Seon » *tentatio oculorum*, « Amorrhæi » *amarum*, « Og » *conclusio*, « Basan » *confusio*, « Chanaan » *commotio*. Quid igitur per « Seon », nisi luxuria designatur? Ipsa est enim quæ oculum tentat, et turpia et inhonesta cogitare et videre facit; ipsa er propter quam quotidie dicimus: « Averte oculos meos, ne videant vanitatem (*Psal. cxviii, 36*). » Et bene Seon Amorrhæorum rex esse dicitur, quia et D luxuria, quamvis carni dulcis sit, animæ tamen venenosa et amarissima est. « Og », qui *tectum* vel *conclusio* interpretatur, avaros significat, qui omnia tegunt, abscondunt et claudunt. Qui merito in « Basan », id est in confusione regnare perhibentur, quoniam et avari, per avaritiam suam, universa confundunt, rapiunt et dissipant. « Chanaan » vero, qui *commotio* dicitur, ipse diabolus est, vitiator omnium rex et princeps, qui totum mundum perturbat et commovet, et nunquam quietum esse permittit. Et quia non unius regni, sicut cæteri, obtinet principatum, bene hic dicitur: « Et omnia regna

ponitur *alleluia*; ut laudibus Domini sancta perfruat Ecclesia, cui tale munus noscitur præparatum. » Cassiod.

Chanaan. » Percussit igitur Dominus gentes multas, A et occidit reges fortes, quia ipsum diabolum cum omni exercitu suo fugavit et superavit. Sed quid amplius?

« Et dedit terram eorum hereditatem, hereditatem Israel populo suo. » Totus mundus successit in Ecclesie hereditatem, cui prius diabolus imperabat.

« Domine, nomen tuum in æternum, Domine, memoriale tuum in sæculum sæculi. » Victi sunt, inquit, inimici, omnes reges terre superati sunt; « perit memoria eorum cum sonitu (Psal. 12, 8); » solummodo nomen tuum, et memoria tua manet in æternum.

« Quia iudicabit Dominus populum suum, et in servis suis consolabitur. » Scimus, quasi dicat, et certi sumus, quia amodo non reges supradicti, sed solus Dominus, qui est justus iudex, iudicabit populum suum. Et consolabitur in sanctis suis de tantis periculis sua gratia liberatis. Cætera quæ sequuntur usque ad finem psalmi, superius exposita sunt.

« Simulacra gentium argentum et aurum, opera manuum hominum. Os habent, et non loquentur; oculos habent, et non videbunt; aures habent, et non audient; nares habent, et non odorabant; manus habent, et non palpabant; pedes habent, et non ambulant; non clamabant in gutture suo, neque enim est spiritus in ore ipsorum: similes illis sicut qui faciunt ea, et omnes qui confidunt in eis. Domus Israel, benedicite Dominum; domus Aaron, benedicite Dominum; domus Levi, benedicite Dominum. Qui timetis Dominum, benedicite Dominum. Benedictus Dominus ex Sion, qui habitat in Jerusalem. »

PSALMUS CXXXV.

ALLELUIA.

Totus iste psalmus laudibus Domini plenus est, quæ per alleluia significantur.

« Constatemini Domino, quoniam bonus; quoniam in sæculum misericordia ejus. » Laudate, inquit, Dominum, quoniam naturaliter bonus, et misericors est, et hoc sibi soli proprium est, nullusque alius hoc naturaliter habet. « Constatemini Deo deorum, et constatemini Domino dominorum. » Illum, inquit, laudate, semperque et sine fine laudate, qui omnium deorum, et dominorum Deus et Dominus est, a quo ei vos, et omnis creatura regitur et gubernatur, et sine quo nihil est.

« Qui facit mirabilia magna solus. » Et quæ magna mirabilia fecit ipse solus?

(871) Duplici modo interpretatus est locum hunc Cassiodorus. « Terram dicere potuit super aquas esse, etiam cum multo spatio distare videretur; sic enim et cælum dicimus super nos, dum tamen aeris magna spatia interesse noscantur. Sive scit aliis videtur super aquam, juxta aquam intelligendum est... vel certe spiritualiter accipiendum est: quia super aquam sacri baptismatis terra nostra, id est corpus relictur, dum religionis stabilitate firmatur. »

PATROL. CLXIV.

« Qui fecit cælos in intellectu, qui fundavit terram super aquas, qui fecit luminaria magna solus; « solem in potestatem diei, lunam et stellas in potestatem noctis. » Vere magna sunt hæc, et quæ ipse solus, et nemo alius fecit. Cæli intellectuales illi sunt, qui his, quos videmus superiores sunt, quos cogitare quidem et intelligere possumus, oculis autem videre non possumus. Per hos autem propheta et apostoli significantur, qui in regno cælorum, quod est Ecclesia, superiores et majoris intelligentiæ sunt. Quod autem terra super aquas fundata esse dicitur, nostram scientiam excedit. Mihi autem non videtur mirabilis, terram super aquas esse fundatam, quam aquas, quæ ejusdem ponderis sunt, super terras in aere volare (871). Possumus autem per terram Ecclesiam intelligere quæ super multos populos fundata est, qui per aquas significantur; si quidem « aquas multæ populi multi. » Legitur autem in Genesi, quia « fecit Deus deo magna luminaria, luminare majus, ut præset diei, et luminare minus, ut præset nocti (Gen. 1, 16). » Et hoc est quod hic dicitur: « Solem in potestatem diei, lunam et stellas in potestatem noctis. » Per hæc duo magna luminaria, duo Testamenta significantur, quorum alterum, quod clarius est, præset diei, id est Christianis; alterum vero præset Judæis, qui semper in nocte sunt, et in tenebris ambulant.

« Qui percussit Egyptum cum primogenitis eorum. » Jam supra dictum est, quia Egyptus mundum significat, cujus primitiva, originalia peccata fuerunt. Sed hæc percussa et deleta sunt.

« Et eduxit Israel de medio ejus, in manu forti et brachio extenso. » Sic et populus Christianus fortissima Christi dextera, in cruce extensa et elevata, de hujus mundi tenebris liberatus est.

« Qui divisit mare Rubrum in divisiones, 581 et eduxit Israel per medium ejus (872). » Hoc autem in baptismo fieri videmus, quod unusquisque baptizandorum aperit, ex eo mundatus et sanctificatus educitur. Ibi autem perit diabolus cum omni exercitu suo, quod in sequenti versiculo declaratur.

« Et excussit Pharaonem et exercitum ejus in mari Rubro, qui transduxit populum suum per desertum. » Sancti quoque per hoc desertum, in quo clamat Joannes Baptista, ad patriam festinantes, cælestis panis deliciis saturantur.

« Qui eduxit aquam de petra rupis. » — « Petra autem, dicit Apostolus, erat Christus (1 Cor. 1, 4), » qui fidelibus suis in Evangelio clamat: « Si quis sitit, veniat ad me et bibat, de ventre ejus fluent aquæ vivæ (Joan. vii, 37). »

(872) « Priscæ auctoritatis viri mare Rubrum in duodecim divisiones dixerunt esse paritum, quantas tribus constat fuisse Judæorum. Ideo enim plurali numero positum est, in divisiones, ne putaretur mare Rubrum uno itinere fuisse transmissum. Sed potest hoc et spiritualiter congruenter adverti. Rubrum mare est sacenti istius permixta profunditas, quam multis divisionibus transimus, quando conversi, ad terram viventium Domini munere festinamus. »

CASSIOD.

« Qui percussit reges magnos, et occidit reges
« mirabiles : Sen regem Amorrhæorum, et Og re-
« gem Basan, et dedit terram eorum hæreditatem
« israel servo suo. » Hæc autem superius exposui-
mus.

« Quia in humilitate nostra memor fuit nostri Do-
« minus, et redemit nos de manu inimicorum no-
« strorum. » Ideo, inquit, Dominus supradictos reges
percussit, et inimicos nostros, qui nos multum af-
flicerant et humiliaverant, quia in ipsa humilitate et
afflictione nostra benigne, et misericorditer memor
fuit nostri.

« Qui dat escam omni carni. » In quo ejus miseri-
cordia maxima et ineffabilis commendatur. « Con-
fitemini Deo cœli; » quia nulli alii, sed ipse solus
laudandus est. « Confitemini Domino dominorum, »
« quoniam bonus quoniam in sæculum misericor-
« dia ejus. »

PSALMUS CXXXVI.

DAVID PSALMUS JEREMIE.

In hoc psalmo David introducit Jeremiam loquen-
tem, qui simul cum aliis in captivitatem Babylonis
ductus est.

« Super flumina Babylonis illic sedimus, et flevi-
« mus, dum recordaremur tui, Sion. » Iste psalmus
et secundum litteram intelligitur de Judæis, qui Ba-
byloniam in captivitatem ducti sunt, et spiritualiter
de Christianis, qui in mundi hujus captivitate, multa
a tyrannis et hæreticis passi sunt. Babylon, con-
fessio interpretatur, cujus flumina omnes mundi hu-
jus populos et nationes significant, siquidem « aquæ
multum populi multi. » Sancti igitur memores cele-
stis Jerusalem, ad cujus beatitudinem omnes alios
secum ducere cupiebant, quasi super altam fluminis
ripam sedentes, et præcipitium metuentes, prædi-
cabant et flebant, et nihil multoties proficiebant.
Flebant igitur non timore; sed nimio desiderio
illius beatitudinis, ad quam venire festinabant.

« In salicibus in medio ejus suspendimus organa
« nostra. » Per salicem, quæ tenacissima arbor est,
et ad ligandum aliquid satis idonea, memoria signi-
ficatur, quæ videlicet memoria omnia quæcunque
scimus, quasi in uno fascio ligata tenemus. Videntes
igitur prædicatores, quod verba sua ab infidelibus
despiciebantur, et nihil prædicando proficiebant,
multi ab ipsa prædicatione aliquando cessabant, et
sue prædicationis organa memoriæ commenda-
bant.

« Quia illic interrogaverunt nos, qui captivos
« duxerunt nos verba cantionum. » Non ad discen-
dum, sed ad reprehendendum et irridendum eos in-
terrogabant; et ideo sancti tacebant et respondere
nolebant, quia quasi joculatorios eos habebant. Unde
et subditur : « Et qui adduxerunt nos, » irridendo

(875) Idem commentatus est Cassiodorus, de his
parvulis intelligens vitia carnis in nobis mature re-
frenanda atqueam adolescant. Et ad illa verba,
« allidet ad petram, inquit, ut non moretur tenens,
ne voluntas blanda subripat. Allidet, ait, ad petram,

A dicebant : « hymnum cantate nobis de canticis Sion. »
Quibus nos in cordibus nostris respondebamus.

« Quomodo cantabimus canticum Domini in terra
« aliena? » Hoc est enim quod Dominus ait : « Nolite
dare sanctum canibus, neque spargere margaritas
ante porcos (Matth. vii, 6). » Unde et alibi dicitur :
« In corde meo abscondi eloquia tua, ut non pec-
cem tibi (Psal. cxviii, 11). » Hinc est quod sancti
martyres a tyrannis interrogati, sicut in eorum
passionibus legitur, multoties respondere nolebant.

« Si oblitus fuero tui, Jerusalem, obliviscatur me
« dextera mea. » Qui solam hanc vitam diligit, et
totum se carnis voluptatibus et desideriis tradit,
ille utique obliviscitur cœlestis Jerusalem. Et hunc
quidem obliviscitur dextera sua, quia nihil agit, quod
B spectat ad utilitatem animæ suæ.

« Adhæreat lingua mea faucibus meis, si non me-
« mineris tui. » Optat se mutum et elinguem in aliis
fieri, si ejus laudes, ubi opportunum fuerit, non præ-
dicaverit.

« Si non proposuero tui Jerusalem in 562 prin-
« cipio lætitiæ meæ. » Non enim proposuisset, si
plusquam eam, aliquid aliud dilexisset. Quid enim
sic optandum et diligendum est, sicut summum bo-
num et vita æterna?

« Memento, Domine, gloriæ Edom in die Jeru-
« salem, qui dicunt Exinanite, exinanite usque ad
« fundamentum in ea. » Edom, qui sanguineus vel
terrenus interpretatur, omnes Ecclesiæ persecutores,
et præcipue tyrannos et hæreticos designat. Et isti
quidem sunt, qui et corde et voce dicere non ces-
sant, ut usque ad fundamentum domus Domini
destruatur. In die autem, qua Jerusalem glorificabi-
tur, venturi sunt isti in memoriam Domini, ut peni-
tus confundantur.

« Filia Babylonis misera, beatus qui retribuet tibi
« retributionem tuam, quam tu retribuisti nobis. »
Filia Babylonis filia mortis et confusionis, caro nostra
est, vere misera et misericordie indigna : ipsa nos
affixit, ipsa nos mortis legibus, tantisque passi-
onibus et calamitatibus subdidit. Hoc et nos ipsi facere
debemus, ut ei vicem reddamus, et præter eas quas
in vita patitur, spontaneis passionibus et tribulatio-
nibus affligamus.

D « Beatus qui tenebit et allidet parvulos tuos ad
« petram. » Beatus, inquit, ille erit, qui parvulos
Babylonis tenebit, ligabit, frenabit et crescere non
permittet, per quos motus carnales, voluptates et
concupiscentie significantur, quæ interfici, dum
parvæ sunt et teneri possunt; adultæ verò, sine
magno labore, magnaque Dei misericordia teneri et
superari non possunt. Hos ad petram allidere, est
Christi memoria, fortitudine et adiutorio supera-
re (875).

in Dominum utique Salvatorem, de quo scriptum
est : Petra autem erat Christus (I Cor. x, 4); ut sta-
tim confracta dispereant, quæ nos terribilibus mo-
tibus iustigabant. » Cassiod.

PSALMUS CXXXVII.

IPSI DAVID.

Ipsi, inquit, David, qui omnia fecit, qui mundum redemit, cui angeli serviunt, qui humilia respicit, et alia a longe cognoscit, loquitur Ecclesia in hoc psalmo, et ex toto corde eum laudat et benedicit.

« Constitutebor tibi, Domine, in toto corde meo. » Non labiis tantum te laudabo, sicut quidam facere solent, sed in toto corde meo; quia non ad labia, sed ad cor te respicere scio et intelligo. « Quoniam exaudisti omnia verba oris mei. » Hoc autem fecisti, quia labia cordi et cor labiis concordabat. Unde et Dominus ait: « Si duo ex vobis consenserint de omni re; quod petitis, fiet vobis (Matth. xviii, 19). » Omnia autem verba oris ejus exaudivit, quia totum cordis ejus desiderium adimplevit. « Et in conspectu angelorum psallam tibi. » Qui in conspectu angelorum psallit, sapienter eum psallere oportet. Sapienter autem psallit, qui pura cordis intentione Deum laudat. Per angelos autem, non solum virtutes celestes, quæ nobis ad custodiam datæ sunt, sed Ecclesiarum quoque rectores et custodes intelligere debemus.

« Adorabo ad templum sanctum tuum, et constitutebor nomini tuo, Domine. » Adorare ad templum et in templo hoc in loco idem significat. Unusquisque autem nostrum adorat Deum in templo sancto suo, quando eum adorat in secreto pectoris sui. Unde Apostolus ait: « Nescitis quia templum Dei estis, et Spiritus sanctus habitat in vobis? Templum enim Dei sanctum est, quod estis vos (I Cor. iii, 16). » Unde et Dominus ait: « Tu autem cum oraveris, intra in cubiculum tuum, et, clauso ostio, ora Patrem tuum (Matth. vi, 6). » In corde igitur orare, et in corde Deum laudare debemus.

« Super misericordia et veritate tua. » Laudabo, inquit, te et constitutebor nomini tuo, de magna misericordia et veritate tua. Conjectæ tibi sunt misericordia et veritas, quia misericordia fecit sicut promisit, et faciendo se veritatem esse ostendit.

« Quoniam magnificasti super nos nomen sanctum tuum. » Magnificavit autem Dominus nomen sanctum suum super nos, quia secundum sui nominis interpretationem salvavit nos; si quidem Jesus, salvator interpretatur. In hoc enim hoc nomen completum est, quia quod significat, magnifice completum est.

« In quacunque die invocavero te, exaudi me. » Quod si feceris, « multiplicabis in anima mea virtutem tuam. » Semper exauditur Ecclesia, etsi non semper exaudiri videatur, quia in nullo alio vult exaudiri a Deo, nisi in his quæ placeant Deo. Nam et si ejus petitio aliquando differatur, exauditur tamen, cum suo tempore completur. Multiplicat Dominus in Ecclesia virtutem suam, quia et sapien-

tia, et patientia, aliisque virtutibus pro tempore et necessitate eam corroborat.

« Constitutebor tibi, Domine, omnes reges terræ, quoniam audierunt omnia verba oris tui, et cantent in canticis Domino. » Illi reges terræ, qui omnia verba Dei exaudisse dicuntur, et qui ad constitutebunt, et ad cantandum ejus cantica idonei sunt, episcopi et sacerdotes, omnesque Ecclesiæ rectores intelliguntur. Tales enim et pro officio, et pro fortitudine, et pro sapientia, et constantia eum laudare et prædicare debent. Cantent igitur in canticis Domino, quoniam magna est gloria Domini, quoniam excelsus Dominus, et humilia respicit, et alia a longe cognoscit. » In his paucis verbis pene tota evangelica prædicatio continetur. Prius enim scire et credere debemus, quia ubique et in omnibus gloriosus, et super omnia excelsus est Dominus, et omnia ei subjecta sunt, sicut suo Creatori et Domino. Deinde vero quid velit et quid nolit scire debemus, quia aliter ejus voluntatem facere non possumus. Diligit enim, sicut hic dicitur, humiles; reprobat superbos, deponit potentes de sede, et exaltat humiles: « humilia respicit, et alia a longe cognoscit. » Et illa quidem miserendo respicit, illa vero puniendo agnoscit.

« Si ambulavero in medio tribulationis, vivificabis me, et super iram inimicorum meorum extendisti manum tuam, et salvum me fecit dextera tua. » Quia, quasi dicat, semper me respicias, et respiciendo custodis, ideo ubique securus sum, neque ipsas mihi illatas tribulationes pertimesco, quia et mortuum me suscitabis et vivificabis, et de omnibus inimicis meis me vindicabis. » Domine retribue pro me. » Retribue, inquit, Domine, inimicis meis dignam retributionem pro me, sic tamen, si in hac malitia sua perseverant. Si vero conversi fuerint, et se peccare cognoverint, fac eis misericordiam, et opera manuum tuarum ne despicias; sed misericordia tua etiam super illos maneat in æternum.

PSALMUS CXXXVIII.

IN FINEM PSALMUS DAVID.

In finem hunc psalmum referendum esse Prophetam nos docet, per quem Christum, et Ecclesiam intelligimus. « Finis enim legis Christus est (Rom. x, 4). » ipse est « Alpha et Omega, principium et finis (Apoc. i, 8). » De Ecclesia quoque dicit Apostolus: « Nos sumus in quos fines sæculorum deveniunt (I Cor. x, 11). »

« Domine, probasti me et cognovisti me. » In hoc psalmo loquitur Propheta, et alii ejusdem perfectionis. Domine, inquit, « probasti me, et probando cognovisti me (874). » Non quod probatione indigeat, qui novit omnia, antequam fiant; probavit igitur propter nos, et probando clariorem fecit, quia aliter cognoscere non potuimus. « Tu cognovisti

(874) Ex persona populi fidelis intelligentis Domini potentiam, et quod nulla etiam secreta majestatem ejus fallere possunt, juxta cardinalis Thommasii interpretationem, psalmus iste componitur; ac proin-

de ita Prophetam loquentem inducit: Domine, tu me totum exploratum, et cognitum habes, etc., ita interpretatum fuisse S. Brunonem ejus expositio manifestat.

« sessionem meam, resurrectionem meam. » Quomodo sed, quomodo docui, quomodo in bono perseveravi, cum quanta gravitate me habui, tu vidisti et cognovisti. Et si aliquando carnis fragilitate cecidi, quomodo, quam cito et quam viriliter surrexi, tu optime nosti; unde hoc? Tu enim « intellexisti cogitationes meas a longe. » A longe quidem, qui ab æterno, et ante mundi constitutionem cognovit Dominus et actiones nostras et cogitationes. Unde adhuc subditur: « Semitam meam et directionem meam investigasti, et omnes vias meas prævidisti. Et tu scis quia non est dolus in lingua mea, » et ea, quæ dico vera sunt, pura et munda, et sine fallacia sunt. Omnia enim videt Dominus, et angustas, et amplas vias, per quas ambulamus, et directiones, et correctiones, quibus opera nostra et itinera nostra dirigimus et castigamus. Unde et subditur:

« Ecce, Domine, tu cognovisti omnia novissima et antiqua. » Nihil enim fuit, vel est, vel futurum erit, quod ipse non noverit. « Tu formasti me, et posuisti super me manum tuam. » Si quid igitur in eo laudabile est, non ipsius, sed Dei est, Tale est illud quod alibi quoque a Domino dicitur: « Priusquam te formarem in utero, novi te, et antequam exires de ventre, sanctificavi te (Jer. 1, 5). » Non igitur se ipsos laudant sancti, quia tales sunt, sed illum potius laudant a quo tales formati sunt.

« Mirabilis facta est scientia tua ex me. » Et tam mirabilis, et sic confortata et exaltata, ut ad eam pertinere non valeam. Si ergo se ipsum intelligere et cognoscere non valet, quomodo ea quæ extra sunt intelligere valet? Qua fronte miser homo de Deo disputare præsumit, qui de se ipso rationem reddere nescit? « Mirabilis, » inquit, « facta est scientia tua. » Non ex te tantum, non ex mundi creatione, **584** sed ex me ipso, qui me ipsum videre non possum. Miser ille qui te offendit, quia nusquam iram tuam effugere potest. Et hoc est quod ait:

« Quo ibo a spiritu tuo? et quo a facie tua fugiam? » Se ipsum pro aliis ponit, ut quod de se dicit, de omnibus intelligatur. Quo ibo, inquit, a spiritu iræ tuæ, et quo fugiam a facie indignationis tuæ? Qui ubique es, et omnia vides.

« Si ascendero in cælum, tu illic es, si descendere in infernum, ades. » Ascendimus autem non pedibus, sed precibus in cælum, quando eos qui in cælis sunt, in nostrum adiutorium invocamus. Inde vero in infernum descendimus, quando eos qui in hoc mundo sunt similiter deprecamur. Ad cæli namque comparationem, mundus iste infernus vocatur, quia inde infernus dicitur, eo quod inferior sit. Cui igitur Deus iratus est, neque eorum, qui in cælo sunt, neque eorum, qui sunt in terra adiutorium habere potest. Una igitur sola et singularis causa est, qua homo iram Dei effugere potest, hæc videlicet, ut fugiens se ipsum, ad Deum confu-

giat; neque enim homo velocior esse potest ad penitendum, quam Deus ad indulgendum. Hoc enim ipse ait: « Quacunque hora peccator conversus fuerit, omnium iniquitatum ejus non recordabor (Ezech. xxxiii, 11). » Peniteat igitur hominem, et sic iram Dei effugere poterit.

« Si snipsero pennas meas ante lucem, et habito in postremo maris. » Tunc, subauditur, iram tuam effugere potero. Sumamus ergo pennas nostras per quas remedia penitentiae significantur, sine quibus ad maris hujus postrema volare non possumus. Ante lucem autem pennas suscipimus, si peccata nostra ante Deum, qui est vera lux, ex toto corde manifestamus. Quod ergo dicitur ante lucem, tale est ac si diceretur coram luce, vel in præsentia lucis. Et illi quidem habitant in postremo maris, qui mundi hujus naufragia et flagitia evaserunt. Quomodo evaserint, sequentia manifestant.

« Etenim illic manus tua dedecet me, et tenebit me dextera tua. » Hæc dextera tenuit Petrum, cui, cum mergeretur, Dominus ait: « Modicæ fidei, quare dubitasti? » (Matth. xiv, 31.)

« Et dixi: Forsitan tenebræ conculcabunt me. » Si, inquit, mundum relinquere et ad te volare voluero, « forsitan tenebræ conculcabunt me. » Hoc autem tempore martyrum multis accidisse legimus, qui ad Christi fidem confugientes a tenebris conculcati sunt, per quas iniqui homines significantur. De quibus Apostolus ait: « Fuistis aliquando tenebræ, nunc autem lux in Domino (Ephes. v, 10). » Deque ipsis in Evangelio dicitur: « quia lux in tenebris lucet, et tenebræ eam non comprehenderunt (Joan. 1, 5). » Tales itaque tenebræ eos conculcabant et occidebant, quos ad Christi fidem transire videbant. Sequitur: « Et nox illuminatio mea in deliciis meis. » Tenebræ, inquit, conculcabunt me, et ad mortem, quæ per noctem significatur, deducunt me, sed ipsa nox et ipsa mors erit illuminatio mea. Ubi? « In deliciis meis. » Nisi enim mors prius intercessisset, ad illas tantas delicias pervenire non potuisset.

« Quia tenebræ non obscurabuntur abs te, et nox sicut dies illuminabitur. » Ideo, inquit, dixi, quia nox erit illuminatio mea, quia scio et certus sum, quod tenebræ non obscurabuntur abs te; sed mox ut pro tuo nomine interfectus fuero, fugatis tenebris, recto et claro itinere, ad te perveniam. Et illa nox sicut dies illuminabitur mihi, in qua de hujus mundi tenebris ad tuæ claritatis gloriam me venire contigerit.

« Sicut et tenebræ ejus, ita et lumen ejus. » Sicut enim illius noctis tenebræ multæ sunt, ita et lumen ejusdem noctis multum et ineffabile erit (875). Neque plus noctis et tenebrarum suscipiet caro, quam lucis et claritatis in illa vita suscipiet anima.

« Quoniam tu, Domine, possedisti renes meos, suscepisti me de utero matris meæ: confitebor

(875) Hic locus mutilus in editione Marchesii, ex cod. S. Crucis Minor. in Laurent. reintegratur. Huius concordat codex Ghisianus.

« tibi, Domine, quoniam terribiliter magnificatus es. » Ideo, inquit, confitebor tibi, Domine, et laudabo te, quia possedisti renes meos, neque luxurie peccatum, inter alia omnia peccata sordidissimum mihi dominari permisisti, et quia suscepisti me de utero matris meae, et sub tuae protectionis custodia conservasti et de tantis periculis liberasti. Insuper ex hoc quoque confitebor tibi, Domine, et laudabo te, « quoniam terribiliter magnificatus es. » Terribiliter multoties magnificatus est Dominus, multis et maximis plagis suos conterens inimicos, sicut in diluvio, in mari Rubro, in Sodomis, et in multis aliis locis, « Mira opera tua, et anima mea novit nimis. » Multum mirabilis est ille, cujus opera tam mirabilia sunt, quae ille quidem bene cognoscit, quia in illis se exercet, non solum legendo, sed et agendo.

« Non est occultatum os meum abs te, quod fecisti in occulto. » De ore cordis loquitur, cujus verba solus Deus cognoscit (876). **585** Quantum autem iste aliis humilior fuerit, in eo ostendit quod substantiam suam in inferioribus terrae fuisse dicit :

« Imperfectum meum viderunt oculi tui. Imperfectionem, inquit, meam tu vidisti, et quantum a plena et consummata justitia minus habuerim cognovisti. Verumtamen omnes fideles tui, et amici tui, non imperfecti, sed perfecti scribentur in libro tuo. Et hoc est quod dicit : « Et in libro tuo omnes scribentur. » Quales? « Dies formabuntur, et nemo in eis. » Liber Dei, ipsa ejus memoria est, in qua nomina sanctorum omnium continentur. Dies autem formabuntur omnes, quia clari et splendidi; et sicut scriptum est : « fulgebunt justi sicut sol in regno Dei, » et nemo ejus claritate et perfectione carebit.

« Mihi autem nimis honorificati sunt amici tui, Deus; nimis confortatus est principatus eorum. » Satis enim et in caelo et in terra honorificati sunt, qui et in caelo et in terra tantam potestatem habent, ut et hic et ibi, quos ligant, ligentur; et quos solvant, solvantur : ibi scripti sunt in libro vitae, et hic memoria eorum clarissima et perpetua manet, et vere nimis confortatus est principatus eorum, quibus mundus non sufficit, sed super caelos obtinent principatum.

« Dinumerabo eos, et super arenam multiplicabuntur. » Innumerabiles, inquit, sunt, et velut arena maris numerari non possunt. Multiplicantur autem, et in hoc super arenam maris, quia multo plures sunt Christiani, quam Judaei, qui per arenam significantur. Hinc est enim quod Abraham a Domino dicitur : « Sic erit semen tuum sicut stellae caeli, et sicut arena, quae est in litore maris (Ephes. xii, 17); » per stellas Christianos, et per arenam, quae pedibus conculcatur, Judaeos significans.

(876) Hic S. Bruno nimis indulsit studio mystici sensus, quod os ossis, pro os oris exponit. S. enim Augustinus ut penitus invocationem auferret usus est licentia ossum appellans : « Ecce, inquit, in carne est substantia mea, in inferioribus terrae est

« Resurrexi, et adhuc sum tecum. » Dixit modo superius : « imperfectum meum viderunt oculi tui; » nunc autem ab illa imperfectione se surrexisse, et in Domino fideliter firmiterque mansisse se dicit, ut et ipse simul cum aliis scribatur in libro vitae, et inter alios dies formetur et glorificetur.

« Si occideris, Deus, peccatores, viri sanguinum declinate a me. » Omnes illi occiduntur et moriuntur, qui a Deo separantur et dividuntur. Si, inquit, peccatores a te repellas, et a tuo conspectu separe; et ego dicam illis : « Viri sanguinum declinate a me; » neque illis communicabo, quos tuam gratiam non habere cognoscam. Tunc enim peccatores a Domino occiduntur, quando excommunicantur, et Ecclesiae sententia feriuntur.

« Quia dicitis in cogitationibus vestris : accipiant in vanitate civitates suas. » Merito, inquit, o viri sanguinum vos fugimus, et a nostro consortio separamus, quia male et inique et de Deo ipso, et de ejus Ecclesia judicatis et cogitatis. Viri sanguinum praecipue haeretici intelliguntur, qui corpus et animam perdunt, et totum hominem interficiunt. Et isti quidem dicunt de viris sanctis et catholicis in cogitationibus suis. Accipiant in vanitate civitates suas, quia sic execravat eos malitia eorum, ut quicquid in Ecclesia agitur, totum vanum et inutile esse credant.

« Nonne qui oderunt te Deus, oderam illos, et super inimicos tuos tabescebam? » Merito tales peccatores Deus occidit, et a toto suo corpore, quod est Ecclesia, repellit; quia ipsi sunt, qui eum odio habent, et qui ei specialiter sunt inimici. Tales autem quantum fugere et evitare debeamus, haec verba nos docent.

« Perfecto odio oderam illos, et inimici facti sunt mihi. » Bonum et perfectum odium est, quando et naturam diligimus, et vitium odio habemus. « Haereticum hominem, dicit Apostolus, post unam et secundam correctionem devota (Tit. iii, 10). » Quod utique non dixisset, nisi ejus communionem periculosam esse cognosceret.

« Proba me, Deus, et scito cor meum, et interroga me, et cognosce semitas meas. » Beatus ille, quem sic sua conscientia defendit. Adhuc probari desiderat, qui in ipso principio psalmi, se probatum fuisse dicit, quoniam et cogitatione et operatione mundum et purum se esse intelligit. « Et vide si via iniquitatis in me est, et deduc me in viam aeternam. » Postquam, inquit, probaveris, interroga veris, et si vis, quasi dicat, igne examinaveris, et cognoveris me, et viam iniquitatis non inveneris in me, deduc me in viam aeternam. In via aeterna illi sunt, qui jam ulterius ad viam peccati et mortis

substantia mea; et habeo tamen ossum intrinsecus, quod formasti. » Non omittam concinnam card. Thommasii expositionem. « Non est tibi occultatum, ne unum quidem ex ossibus meis, quae mihi tecisti in abscondito ventris matris meae. »

declinare non timent. Sed hinc via in hac vita non invenitur.

586 PSALMUS CXXXIX.

IN FINEM PSALMUS DAVID.

Quid significet in finem, et quid significet psalmus David saepe jam diximus (877).

« Eripe me, Domine, ab homine malo, a viro iniquo libera me. » Ecclesia loquitur, et rogat Dominum, ut ab homine malo eam eripiat, per quem diabolus et haeretici significantur. Isti enim et mali, et iniqui sunt, et plus omnibus aliis Ecclesiam persequuntur (878).

« Qui cogitaverunt malitias in corde. » Malitias enim in corde cogitant, quia in hoc maxime laborant, quomodo viros catholicos decipere et in haeresim trahere possint. « Tota die constituebant praelia. » Tota die disputare et contendere volunt, multisque argumentationibus veritatem impugnare, et suos errores defendere parati sunt.

« Acuerunt linguas suas, sicut serpentes, venenum aspidum sub labiis eorum. » Bene haeretici serpentibus comparantur, quia labiles, tortuosi et veneno pleni sunt: veneno autem aspidum, quod insanabile dicitur, quia et haeticorum doctrina mortifera et insanabilis est.

« Custodi me, Domine, de manu peccatoris, et ab hominibus iniquis libera me. » Peccator, diabolus; iniqui, haeretici sunt: malus magister malos discipulos habet. De omnibus custodiri et liberari postulat, quia omnium insidias pertimescit.

« Qui cogitaverunt supplantare gressus meos. » Quomodo? « Absconderunt superbi laqueum mihi. » Sola superbia et arrogantia haeticos facit, quia, dum alta sapere volunt et humilibus consentire nolunt, in haeresim cadunt; inde vero cogitant, quomodo alios supplantare et ad suum sensum trahere possint. Abscondunt laqueos, fallaciter et argumentose Scripturas exponunt, et quod auctoritate non possunt, syllogismis facere nituntur. Unde et additur:

« Et funes extenderunt in laqueum pedibus meis, juxta iter scandalum posuerunt mihi. » Laqueum, ipsam disputationem vocat: funes vero, quibus a longe laqueus trahitur, dialecticas ambages et sophismata dicit; his autem simplices homines illaqueantur et decipiuntur et in erroris foveam trahuntur. « Juxta iter vero scandalum ponit, qui de ipsa Scriptura, quae via nostra est, aliquid assumit, quod male interpretatum, in errorem hominem ducit. Sic faciebant Ariani, dicentes: Nonne Filius hoc dicit: « Pater major me est? » (Joan. xiv, 28.) Quomodo tu aequalem dicit, qui se minorem esse fatetur. Et hoc simplicibus scandalum erat, quia quomodo solverent, nesciebant.

« Dixi Domino meo: Deus meus es tu, exaudi,

(877) Per totum hunc psalmum Ecclesia loquitur. Ita Cassiodorus.

(878) « Sciens mater Ecclesia quanta in membris suis diaboli infestatione pateretur; sollicite clamat

Domine, vocem orationis meae. » Dicit Ecclesia se in illo tanto haeticorum praelio chamasse ad Dominum, quia omnes simplices, et illiteratos, et in divinis Scripturis minus exercitatos se amittere timebat. Tu, inquit, es Deus meus, alium non habeo, te mihi isti auferre nituntur; tu me modo in hoc praelio et in hac tanta necessitate exaudi. Unde autem exaudire debeat, audiamus.

« Domine, Domine, virtus salutis meae obumbrasti caput meum in die belli. » Haec verba magni terroris significativa sunt. Periculosus est pugnare cum haeticis, quam cum tyrannis, quia illi corpus, isti vero animas interficiunt. Domine, inquit, Domine, virtus salutis meae, sine cujus adiutorio, et virtute salvari non possum, « obumbrasti caput meum, » caput mentis meae, « in die belli, » ut eorum blasphemiae ad aures meas penetrare non valeant.

« Ne tradas me a desiderio meo peccatori. Quid est peccatori? Diabolo et membris ejus. Unde pluraliter subditur: « Cogitaverunt adversus me, » quia in uno nomine peccatoris multi peccatores significantur. Tunc enim, quod absit, suo desiderio frustrata peccatoribus traderetur Ecclesia, si adversus eam suas iniquas cogitationes adimplere potuissent.

« Ne derelinquas me, ne unquam exaltarent et vincerent, qui etiam victi sex altare, et errorem suum defendere non erubescunt.

« Caput circuitus eorum, labor laborum ipsorum, cooperiet eos. » Caput circuitus eorum, diabolus est, quia illos circuitus locutionum et illas ambages tantarum deceptionum ipse eorum magister diabolus eos docuit. Labor vero laborum ipsorum idem ipse circuitus dicitur: quia, sicut illi qui verum dicunt non laborant, ita econtra illos qui mentiuntur multum laborare necesse est. Et iste quidem circuitus, iste eorum sermo dolosus, ita multoties eos cooperit, ut eorum haeresis 587 comprehendere non possit. Quae autem poena eos expectet pro hac tanta sua deceptione, audiamus.

« Cadent super eos carbones, in ignem deficiet eos, in miseris non subsistent. » Hoc est enim quod alibi dicit: « Pluit super peccatores laqueos: ignis, et sulphur, et spiritus procellarum pars carnis eorum (Psalm. x, 7). » Quomodo igitur in miseris subsistere poterant, qui igne sic undique circumposito ardebunt.

« Vir linguosus non dirigetur super terram. » Eum, qui super terram non dirigitur, jam sub terra positum sola tormenta expectant. Inde Apostolus post primam et secundam correctionem nos haeticum hominem evitare jubet, quia hi tales inconvertibiles sunt; et valde difficile est ut ad bonum dirigantur. Bene autem vir linguosus vocatur haeticus qui in sola lingua et garrulitate confidit. De quo adhuc sub-

ad Dominum, qui solus ejus potest superare nequitiam, ut ab ipsius multiplici tentatione liberetur, a Idem Cassiod.

dicitur. « Virum injustum mala capient in interitu. » Mala inquit, capient eum, non in correctione, ut salventur, sed in interitu, ut sine fine crucientur.

« Cognovi, quia faciet Dominus judicium inopum, et vindictam pauperum. » Insuper et pauperes illi sunt, qui non temporales, sed æternas divitias querunt. De istorum autem judicio, et vindicta dubitandum non est; quia sicut gloria præparata est bonis, ita et poena præparata est malis.

« Verumtamen justii constabuntur nomini tuo. » Constituant, quasi dicat, viri injusti prælia tota die: cogitent, quomodo sanctorum gressus supplantare valeant; verumtamen justii Deum laudare, et veritatem prædicare non cessant. « Et habitabunt recti cum vultu tuo. » Quid est « cum vultu tuo, » nisi in conspectu gloriæ tuæ. Ibi enim laudabunt sancti, ibi in æternum cum Domino gaudebunt.

PSALMUS CXL.

PSALMUS DAVID.

Iste titulus jam multoties superius expositus est.

« Domine, clamavi ad te; exaudi me. » Domino, inquit Ecclesia, multoties clamavi ad te, et nunc quidem clamabo, ut exaudias me, et non solum nunc, sed omni tempore: dum « clamavero ad te, » intende voci orationis meæ. « Hoc autem ideo dico, quia futurum esse cognoscit, ut sicut crassitudo terræ eructat super terram, ita dissipentur ossa ejus secus infernum. Qua in re maxima, et nimis intolerabilis persecutio significatur. Et hoc quidem in sequentibus exponitur.

« Dirigatur oratio mea sicut incensum in conspectu tuo. » Orat mater Ecclesia, ut persecutionis tempore sic dirigantur ad Dominum ejus orationes, eique placeant, sicut bonus odor incensi ad nares nostras dirigitur, et suavis est nobis.

« Elevatio manuum mearum sacrificium vespertinum. » Sacrificium vespertinum, Christi passio fuit, qui circa illam horam spiritum emisit. Elevatio vero manuum illa est, de qua alibi dicitur: « In noctibus extollite manus vestras in sancta, et benedicite Dominum (Psal. cxxxiii, 2). » Oremus igitur Dominum, ut elevatio manuum nostrarum, munda et pura sit, Deo grata, et acceptabilis sicut sacrificium vespertinum.

« Pone, Domine, custodiam ori meo, et ostium circumstantiæ labiis meis. » Et hoc quare? « Ut non declinet cor meum in verbum malum, ad excusandas excusationes in peccatis. » Hoc vitium a primis parentibus habemus, qui post peccatum a Domino interrogati, prius excusationes invenerunt. Et Adam quidem dixit: « Mulier dedit mihi, et comedi (Gen. iii, 12); » mulier vero: « Serpens decepit me. (Ibid., 13) » Tales excusationes male sunt, et fieri non debent, quibus peccata non minuuntur, sed potius crescent. Et omnes quidem excusationes male

sunt, quibus poenitentia impeditur, et vitia nutriuntur. Sic autem hic dicitur: « Ut non declinet cor meum in verbum malum, » sicut alibi dicitur: « Ne nos inducas in tentationem (Matth. vi, 13). »

« Cum hominibus operantibus iniquitatem, et non communicabo cum electis eorum. » Non communicabo, inquit, neque sociabor cum hominibus iniquitatem operantibus, et in malitia perseverantibus, neque cum ipsis, neque cum electis eorum, per quos eorum principes et magistros, omnesque hæresiar-chas intelligimus. Isti enim ab eis electi sunt, ut eos sequantur, eorumque errores defendant, et teneant.

« Corripiet me iustus in misericordia, et lucra-bit me. » Hoc faciunt Ecclesiæ doctores, hoc faciunt episcopi et sacerdotes, qui peccatores quotidie arguunt et corripiunt, magnamque misericordiam con-versis et poenitentibus promittunt. « Oleum autem peccatoris non impinguet caput meum. » Quid per-oleum peccatoris, nisi blanditiæ, adulationes, per-suasiones et deceptiones significantur? Caput autem pro mente ponitur, quæ tali oleo impinguita et deli-buta, facile trahitur ad peccata.

« Quoniam adhuc et oratio mea. Illi vero in bene-placitis eorum absorpti sunt. At vero continuati petrae iudices eorum audient verba mea. At illi quoniam potuerunt, sicut crassitudo terræ eructat super terram, ita dissipata sunt ossa nostra secus

588 infernum. » Sic enim se habet ordo. Nunc autem significationem videamus. Exaudi me, inquit, quoniam adhuc est, adhuc manet, et nondum finita, est oratio mea, qua et in hujus psalmi initio rogavi, dicens: « Intende voci orationis meæ, dum clama-vero ad te. » Illi vero, de quibus superius dixi, cum hominibus operantibus iniquitatem, et non communi-cabo cum electis eorum, absorpti sunt in his quæ bene sibi placuerunt. Bene quidem, sicut ipsi pu-tant, qui in suo errore et stultitia delectantur. Sic enim illi absorpti sunt, et a diabolo devorati, ut de illo barathro jam ulterius non expediantur. At vero illi, qui petrae continuati et conjuncti sunt, per quam Christus significatur, audient verba mea. Hæc est illa petra, de qua Apostolus ait: « Petra (879) au-tem erat Christus (1 Cor. x, 4). » Huic autem petrae omnes boni indissolubili-ter continuati et conjuncti sunt. Et isti quidem Ecclesiæ verba audiant et cre-dunt, quæ hæretici audire fastidiunt. Unde et stul-tissimi esse probantur, qui ea audire despiciunt, quæ eorum iudices admirantur, et in quibus pluri-mum delectantur; unde in Canticis canticorum Do-minus ait: « Quæ habitas in hortis, amici auscul-tant: fac me audire vocem tuam (Cant. viii, 13). » Iudices isti non solum apostoli, sed omnes sancti intelliguntur, inter quos et regina Austri, et Nini-vitæ computantur. Sequitur:

« Quoniam potuerunt, sicut crassitudo terræ eru-

(879) Pro petra hic, sicut multis in locis, significa-tur Christus Dominus, juxta quam stantes doctores hæretici, quasi iudices populi sui subita voracitate merguntur, qui ideo corruunt in profundum, quo-

niam supra petram stare non eligunt. Soli enim in hac soliditate consistunt, qui super arenam fragilia fundamenta non ponunt. » CASSIOBORUS, quem in reliquis etiam secutus est S. Bruno.

« etat super terram, dissipata sunt ossa nostra se-
 « cus infernum. » Quoniam, illi, inquit, qui absorpti
 sunt, aliquando potuerunt, et quoniam in hac vita
 fortes, et potentes fuerunt, ideo ossa nostra, fortiora
 membra nostra, per quae apostoli et martyres figu-
 rantur, eorum violentia et fortitudine dissipata sunt
 secus infernum, per quem tyranni et alii homines
 iniqui significantur, a quibus et inter quos quasi in
 inferno afflictati sancti Dei, et cruciati, et dissipati
 sunt. Hinc est enim quod de se ipso et omnibus
 istis, qui ejus membra sunt, Dominus ait: « Ego
 sum vermis, et non homo, opprobrium hominum, et
 obiectio plebis. Omnes videntes me, aspernabantur
 me (Psal. xxi, 7). » Non est ergo mirum, si viri
 iusti vermibus comparentur, cum ipse Dei Filius
 vermibus dicatur.

« Quia ad te, Domine, Domine, oculi mei, in te
 « speravi, ne auferas animam meam. » Ne auferas,
 inquit, Domine, id est, ne auferri et decipi patiaris
 animam meam a supradictis hominibus impiis et
 iniquis, quoniam ad te levavi oculos meos, et in te
 speravi, et nullum alium adiutorem habeo.

« Custodi me a laqueo quem statuerunt mihi, et a
 « scandalis operantibus iniquitatem. » Multa de hoc
 laqueo, et in his scandalis in superiori psalmo dicta
 sunt, per quae nihil aliud nisi tyrannorum et hære-
 ticorum astutia et deceptio significatur.

« Cadent in retiaculum ejus peccatores. » In re-
 tiaculum laquei hujus cadunt peccatores, quia ipsi
 sunt, qui ab hæreticis, et ab aliis iniquis hominibus
 decipiuntur.

« Singulariter sum ego donec transeam. » Singu-
 lariter est Ecclesia in hac vita, quia valde pauci sunt
 boni ad malorum comparisonem, sed postquam
 transierint, pluraliter erit: quia etiam non numero,
 virtute tamen et fortitudine omnibus major et po-
 tentior erit.

389 PSALMUS CXXI

INTELLECTUS DAVID (880) CUM ESSET IN SPELUNCA.

« Voce mea ad Dominum clamavi, voce mea ad
 « Deum deprecatus sum. » Non solum interiori voce,
 qua semper cum Domino loquebatur, sed exteriori
 quoque voce, qua ab hominibus audiebatur, saepe
 Filius clamavit ad Patrem, et sicut voluit in omni-
 bus exauditus est.

« Effundam in conspectu ejus orationem meam, et
 « tribulationem meam ante ipsum pronuntiabo, in
 « deficiendo in me spiritum meum. » Modo, inquit,
 in mortis articulo, et tempore passionis, dum spiri-
 tus et vita defecit, et anima a carne mea separatur,
 opto ut effundam in conspectu ejus orationem meam,
 et ipse præstita adsit ad eam audiendam et auscapien-

(880) « David ob Saulis insidias profugus, cum in
 spelunca lateret, quod Christum Dominum in cor-
 pore ante passionem suam significabat esse factu-
 rum. Nam, cum huic orationi intellectus præmittitur,
 significatur, intellexisse David inter angustias, et
 fuge suae latebras, quid Dominus esset a Judæis pas-
 surus, et quomodo Patrem rogaturus. » BEDA.

A dam. Volo similiter, et opto et tribulationem meam
 ante ipsum pronuntiem, quatenus me vindicare non
 obliviscatur de his qui in sua malitia perseverant.

« Et tu cognovisti semitas meas. » Nunc ad Patrem
 loquitur, cujus consilio et voluntate in mundum ven-
 nit, carnem suscepit, inter homines conversatus est,
 prædicavit, ad fidem Judæos vocavit. Et istæ quidem
 sunt semitæ illius, quas Patrem non ignorare dicit:

« In via hac qua ambulebam, absconderunt la-
 « queos mihi. » Lege in Evangelio, et invenies Ju-
 daeos, multos laqueos, multasque insidias Domino
 præparasse, sicuti de tributo solvendo, et de Sabbati
 observatione.

« Considerabam a dextris, et videbam, et non
 « erat qui cognosceret me. » Nihil aliud considera-
 bat Dominus, nihil aliud mente tractabat, nisi de his
 quæ a dextris erant, et quæ omnibus ad salutem et
 prosperitatem fiebant. Ipsi tamen hoc non cognosce-
 bant, et pro bonis mala reddebant.

« Periiit fuga a me. » Poteram, inquit, fugere si
 voluissem; facile mihi erat eorum iram et indigna-
 tionem declinare; sed si hoc fecissem, quid humano
 generi profuissem? Illorum salutem anteposui, meam
 postposui. « Et tamen non est qui requirat animam
 « meam, nisi ut auferat eam, Clamavi ad te, Do-
 « mine, dixi: Tu es spes mea, portio mea in terra
 « viventium. » Clamavit Dominus, sed intus clama-
 vit, quia ejus voluntas magnus clamor erat in atri-
 bus Patris: hoc dixit, hoc proposuit, et firmavit
 quod se non defenderet, sed in sola divinitate spe-
 raret, cujus portio non in terra morientium, sed
 potius in terra viventium erat (881). Non mortuos,
 Domine, sed vivos elegisti, non Synagogam, sed
 Ecclesiam, quia « non mortui laudabant te, Domine,
 neque omnes qui descendunt in infernum. Sed nos
 qui vivimus benedicimus Domino ex hoc nunc, et
 usque in sæculum (Psal. cxiii, 17-18). »

« Intende in orationem meam, quia humiliatus
 « sum nimis. » Quia secundum humanitatem loqui-
 tur Dominus, ideo humanos ostendit affectus. Neque
 enim orare necesse habebat, cujus in voluntate ei
 potestate omnia erant, sed si potestate uti voluisset,
 quis ei resistere potuisset? Ac per hoc hominem
 eum esse, quis credidisset? Et revera nimium se
 D humiliavit, qui de sua omnipotentia ad tantam im-
 potentiam se inclinavit.

« Libera me a persecutibus me, quoniam con-
 « fortati sunt super me. » — « Oblatus est » enim
 Dominus, « quia ipse voluit (Isa. lxxv, 7). » Confor-
 tati sunt inimici ejus super eum, quia ipse voluit,
 liberatus est de manibus eorum, sicut voluit et
 quando voluit.

(881) Portio mea in terra viventium. « Probat hoc
 specialiter locus ille, quando in cruce positus latroni
 dixit: Amen dico tibi: hodie mecum eris in paradiso.
 Luc. xxiii, 43. Paradisus est enim terra viventium,
 quam soli beati feliciter introibunt, qui sub æterni-
 tate et securitate victuri sunt. » Cassian.

« Educ de carcere animam meam, ad confitendum tibi, Domine. » Carcer iste infernus est, de quo non suam tantum, sed sanctorum omnium animas, quæ ibi incluse tenebantur, Dominus eduxit: unde tota Ecclesia ejus nomini confitetur, atque omnes sancti eum laudant et benedicunt.

« Me expectant justi, donec retribuas mihi. » Omnes justi hoc expectabant, ut a mortuis Christus resurgeret (882); quia non aliter se posse resurgere sciebant, nisi ipse prius resurgeret, « qui est primogenitus mortuorum, et princeps regum terræ (Apoc. 1, 5). » Resurgens autem Dominus tanti laboris dignam retributionem suscepit; quia sicut ipse ait: « Data est ei omnis potestas in cælo et in terra (Matth. xxviii, 18). »

590 PSALMUS CXLII.

QUANDO FILIUS SUUS ABSALON EUM PERSEQUEBATUR
(II Reg. xv, 14).

Hunc psalmum dictante Spiritu sancto fecit David, quando Absalon filius ejus eum persequabatur, quem et simul cantare debemus in omnibus angustiis et necessitatibus nostris.

« Domine, exaudi orationem meam, auribus percipe obsecrationem meam in veritate tua, exaudi me in tua justitia. » Tale est illud in Evangelio, ubi unum idemque Salvator noster toties repetit. « Petite, et accipietis, quærite, et invenietis, pulsate, et aperietur vobis (Matth. vii, 7). » Unde et alibi dicit: « Regnum cælorum vim patitur, et violenti diripiunt illud (Matth. xi, 12). » Hinc et Apostolus sine intermissione orare nos docet. « In veritate, » inquit, « tua exaudi me, » quoniam sic mihi promissisti, et verax es, et mentiri non potes, ut manifestetur justitia tua, quæ ubique veritatem sequitur, et sine ea ex se non valet.

« Et non intres in iudicium cum servo tuo. » Quoniam si hoc feceris, « non justificabitur in conspectu tuo omnis vivens. » Sic enim violata est humana natura, ut nemo se defendere valeat, si simul cum Deo ad iudicium veniat. « Omnis enim homo mendax (Psalm. cxv, 11). » Et: « Stellæ non sunt mundæ in conspectu ejus (Job xiv, 5). » Et ut Joannes Apostolus ait: « Si dixerimus, quia peccatum non habemus, ipsi nos seducimus, et veritas in nobis non est (I Joan. i, 8). » Unde et quotidie dicimus: « Dimitte nobis debita nostra, sicut et nos dimittimus debitoribus nostris (Matth. vi, 12). » Et hoc ideo, quia « persecutus est inimicus animam meam, humiliavit in terra vitam meam. » Hic est ille inimicus, de quo dicitur: « Inimicus noster diabolus, tanquam leo rugiens circuit quærens quem devoret (I Petr. v, 8). » Iste persequitur animas nostras, eas in terra humiliat, et cælestia cogitare non permittit: iste in terram eas conculcat, et carnis voluptatibus implicat. Unde et subditur:

« Collocavit me in obscuro sicut mortuos sæculi, et anxius est in me spiritus meus, et in me tur-

batum est cor meum. » Mortui sæculi illi sunt, qui a vera vita, quæ Christus est, peccando separati sunt. Tales autem in obscuro jacent, quando in peccato perseverant. In his autem anxius spiritus, quia nimia infirmitate anima tabescit. Cor vero conturbatur, quando vana et turpia meditatur.

« Memor fui dierum antiquorum, et meditatus sum in omnibus operibus tuis. » Hoc remedium recuperandæ sanitatis quærere debemus, quando nos in obscuro collocatos, et in peccatorum tenebris jacere sentimus. Recordamur dierum antiquorum, et reformemus nosmetipsos ad exempla sanctorum. Meditemur opera Dei, et tantum magistrum imitari studeamus, in cuius operibus malum non invenitur, qui vidit omnia quæcumque fecit, et erant valde bona. « Et in factis manuum tuarum meditabor. » Vita et peccata non sunt in factis manuum ejus, et ideo neque cogitare, neque facere ea debemus. Multum enim nocet mala cogitatio, quia ipsa est causa, et origo peccati.

« Expandi manus meas ad te. » Hoc est enim quod alibi dicitur: « In noctibus extollite manus vestras in sancta (Psalm. cxliiii, 2). » — « Anima mea sicut terra sine aqua tibi. » Seipsum accusat, quod anima ejus sic aliquando fuerit coram Deo sterilis, et infructuosa sicut terra secca et sterilis et infructuosa est. Unde et velociter se exaudiri exorat, quia displicet sibi quod talis aliquando fuerit. « Justus enim, sicut scriptum est, in principio accusator est sui (Prov. xviii, 17). »

« Domine, defecit spiritus meus. » Talis aliquando fuit anima mea, sed adveniente Spiritu tuo, quo omnia secundantur, defecit spiritus meus, qui eam desiccabat. Hic est ille Spiritus, de quo dicitur: « Beati pauperes spiritu (Matth. v, 3). » — « Ne avertas faciem tuam a me. » Quare? « Et ero sicut milis descendentibus in lacum. » Si enim fideles suos Deus non exaudiret, simul et ipsi cum peccatoribus in infernum descenderent.

« Auditam fac mihi mane misericordiam tuam, quia in te speravi, Domine. » Toties homo exit de nocte, et venit ad mane, quoties peccatum dæmoniaquit, et poenitentiam agere incipit. Non sum, inquit, in nocte, in die sum. Nox præcessit, dies autem appropinquavit (Rom. xiii, 12). « Fac me audire et cognoscere misericordiam tuam; illam videlicet misericordiam, quam illi soli habent, qui in te credunt et sperant.

« Notam mihi fac viam, in qua ambulam, quia ad te, Domine, levavi animam meam. » Illa via nobis nota est, per quam frequenter ambulamus. Non ergo recedamus a mandatis Dei, et nota erit nobis **591** via, per quam ambulare debemus. Ille autem levat animam suam ad Dominum, qui eam a vitiis separat, et virtutum gradibus exsultans Domino offert.

« Eripe me de inimicis meis, Domine, ad te con- fugi. » Qui turris fortitudinis es a facie inimici. « Doce me facere voluntatem tuam, quia tu es Deus

(882) Hic locus in editione deficiens ex cit. cod. S. Crucis Minor. in Laurent. perficitur, cui concordat cod. Ghisianus.

meus, » cuius tantummodo voluntatem et servitium A
facere debet.

« Spiritus tuus bonus deducet me in viam rectam. » Quia deficit spiritus meus malus, qui me deducebat in viam perversam. Via recta illa est, quæ ad patriam inducit, et a mundi impedimentis animam separat. « Propter nomen tuum, Domine, » quod assidue invocare non cesso, « vivificabis me » in æquitate tua. — « Omnis enim quicumque invocaverit nomen Domini, salvus erit (Rom. x, 13). » Ille homo vivificatur in æquitate, qui iniquitatem fugiens, iuste et æque vivere incipit.

« Et edoces de tribulatione animam meam. » In tribulatione est anima illa, quæ quamvis invita carnis voluptatibus servire compellitur (885). « Et in misericordia tua disperdes inimicos meos; » per quos vitia et peccata significantur, a quibus anima affligitur et tribulatur. Unde et subditur:

« Et perdes omnes, qui tribulant animam meam. » Et hoc ideo, « quia ego servus tuus sum, » cui me per omnia servire et obedire oportet.

PSALMUS CXLIH.

DAVID ADVERSUS GOLIATH (I Reg. xvii, 4).

Prælium David adversus Goliath, prælium Ecclesie adversus diabolum significat, qui, quamvis potentissimus esse videatur, quotidie tamen a Christiano populo prosternitur, concalcatur et jugulatur.

« Benedictus Dominus Deus meus, » qui docet me: « nus meus ad prælium, et digitos meos ad bellum. » Propheta, et populus Christianus omnipotenti Deo in hoc psalmo gratias agit, qui hostem superbissimum ejus adiutorio superavit.

« Misericordia mea et refugium meum, susceptor meus et liberator meus, protector meus, subji- crens populos sub me, et in ipso speravi. » Sic enim se habet ordo. Nihil sibi imputat, omnia ad Deum refert, et hoc ipsum, quod est, et fortis et sapiens est, et quod inimicos vicit, et quod tot ac tantis eorum insidiis resistere potuit. Atque hoc totum obtinuit, quoniam non in se, non in suis viribus, sed tantum in eo speravit. Populos autem sibi subjectos esse dicit, per quos tyrannos et hæreticos, vitia et malignos spiritus intelligimus.

« Domine, quid est homo, quia innotuisti ei? aut « Filius hominis, quia reputas eum? » Miratur propheta, quod hominem tam caducum, tam superbum, tam inobedientem, et miserum sic honoret, sic diligit, sic reputet, et sic se ei manifestare dignetur. Magnus honor homini, quod Dei cognitionem habet, quoniam, qui eam non habent, non inter homines, sed inter bruta animalia computandi sunt.

« Homo vanitati similis factus est; dies ejus sicut « umbra prætereunt. » Ad imaginem et similitudinem Dei factus est homo, sed, sua superbia et inobedientia, tante vanitati similis factus est, ut non immerito de eo dicatur: « Qui cum in honore esset, « non intellexit, comparatus est jumentis insipientibus

(883) Non deficit tamen illi divinum auxilium, ut eas comprimant, si humiliter petat.

« tibus, et similis factus est illis. » Et ideo « dies ejus sicut umbra prætereunt, » quæ crescendo deficit, et quando major esse videtur, subito in tenebris evanescit.

« Domine, inclina cœlos tuos, et descende, » Ut ab hac vanitate, quasi dicat, homo liberari valeat, inclina Domine, cœlos tuos, et descende, quia, nisi tu descenderis, ille ascendere non potest. Cœli apostoli sunt, quos Dominus tunc inclinavit, et simul cum eis in lacum descendit, ut eos, qui per totum mundum sub diaboli potestate tenebantur, eriperet, quando eis dixit: « Ite in universum mundum, prædicate Evangelium omni creaturæ (Marc. xvi, 15). » Magna inclinatio est, cum cœli in terram, et apostolica sublimitas ad impios et peccatores prædicandos descendit. De quibus subditur:

« Tange montes, et fumigabunt. » Omnes enim sancti Spiritus unctione tangendi et mitigandi sunt (884), per quos majores, et potentiores homines intelligere debemus. Quos bene quidem fumigare dicit, quatenus eos ad fidem conversos in amore Dei ardere ostendat. Ubi enim fumus est, ibi et ignis esse monstratur. De hoc igne Dominus ait: « Ignem veni mittere in terram, et quid vo'o, nisi ut accendatur? » (Luc. xii, 49.)

« Corusca coruscationes tuas, et dissipabis eos; » emitte sagittas tuas, et conturbabis eos. » Quid per coruscationes, nisi utriusque Testamenti declaratio, vel ~~502~~ signa, vel miracula significantur? His autem gentiles, secundum priorem statum dissipati, et penitus in melius commutati sunt. Similiter autem et sagittæ, sanctorum Scripturarum sententiæ intelliguntur, de quibus alibi dicitur: « Sagittæ potentis acutæ cum carbonibus desolatoris (Psalm. cxix, 4). » Talibus sagittis, qui vulnerantur, contra se ipsos dignissime conturbantur. Taliter autem conturbatis Apostolus ait: « Quem ergo fructum habuistis tunc, in quibus nunc erubescitis? » (Rom. vi, 21.)

« Emitte manum tuam de alto, eripe me et libera me de aquis multis, et de manu filiorum alienorum. » Emitte, inquit, manum tuam, virtutem et fortitudinem tuam de alto, de te ipso, qui super omnia altissimus es. « Et libera me de aquis multis. » Per aquas multi populi significantur. « Et de manibus filiorum alienorum, » de quibus alibi dicitur: « Filii alieni mentiti sunt mihi (Psalm. xvii, 46), » per quos omnes illos intelligimus, qui non Dei, sed diaboli filii esse dicuntur. Tales erant illi quibus Dominus ait: « Vos ex patre diabolo estis (Joan. viii, 44). »

« Quorum os locutum est vanitatem, et dextera « eorum dextera iniquitatis. » Inde, manifeste alienorum filii esse probantur, quoniam et ore vanitatem loquuntur, et manibus iniquitatem operantur. Per hos autem hæretici et tyranni præcipue intelliguntur, quorum omnis sermo vanitas, et omnis operatio iniquitas est.

(884) Cod. Ghis. « Sed illi maxime qui fortiores, et duriores esse videntur.

« Deus, canticum novum cantabo tibi. » Ubi? « In A psalterio decem chordarum psallam tibi. » Canticum novum in psalterio cantatur et psallitur, quando Vetus Testamentum non secundum litteram, sed spiritualiter prædicatur. Habent Judæi psalterium, sed non cantant ibi canticum novum, quia tantum Vetus Testamentum secundum litteram interpretantur.

« Qui das salutem regibus, qui liberas David servum tuum de gladio maligno. » Reges isti apostoli sunt, de quibus alibi dicitur: « A templo tuo in Jerusalem tibi offerent reges munera (Psalm. LXVII, 30). » Et iste David Salvator noster intelligitur; gladius vero malignus diabolicam fortitudinem significat. Rogat igitur Propheta, rogat et populus Christianus, ut ille, qui dat salutem regibus, et liberat David servum suum, et filium suum de gladio maligno, eripiat eum et liberet eum de aquis multis et manu filiorum alienorum.

« Quorum os locutum est vanitatem, et dextera eorum dextera iniquitatis. » Et hæc quidem modo superius exposuimus. Possumus autem per istos reges non solum apostolos, sed omnes quoque Christianos intelligere, qui seipsos et membra sua sapienter et honeste regunt.

« Quorum filii sicut novellæ plantationes, stabili et a juventute sua. » Sic sunt, inquit, filii istorum loquentium vanitatem, et operantium iniquitatem, sicut novellæ plantationes, stabili et firmati a juventute sua, quæ inter alias ætates valentior est, per quod videlicet, plurimo et jucundo, rhetoricoque sermone eos abundare significat. Sed quid per filios, nisi discipulos et imitatores eorum intelligamus?

« Filii eorum compositæ, circumornatæ ut similitudo templi. » Per has autem eorum sententias significantur multa verborum venustate et varietate decoratæ. Bene autem similitudini comparantur, quia rei veritatem non habent, quamvis se habere ostendant.

« Promptuaria eorum plena eructantia ex hoc in illud. » Quid per promptuaria, nisi eorum corda significantur, multorum exemplorum plenitudine redundantia? Unde ex hoc in illud eructare dicuntur, quoniam ex uno volumine in aliud transeuntes, ubique male et perverse Scripturas interpretantur. Transeunt denique ex hoc in illud, quia eorum doctrina non habet fundamentum, sed semper vaga et instabilis est.

« Oves eorum fetosæ, abundantes in itineribus suis, boves eorum crassæ. » De his ovibus hæreticorum Dominus in Evangelio ait: « Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces (Math. VII, 15). » Quæ bene fetosæ dicuntur, quia isti tales multos diabolo filios generant. Sunt et iidem ipsi, et boves crassæ, quorum Deus venter est, qui sola terrena et transitoria quærunt, non laboribus, sed voluptati et luxuriæ dediti.

« Non est ruina maceræ, neque transitus, neque clamor in plateis eorum. » Bonum illis esset, si maceriam suam non defenderent. Bonum illis esset, si per plateas suas sanctos prædicatores transire permitterent, et eorum voces et clamores audirent.

« Beatum dixerunt populum, cui hæc sunt. » Homines stulti et indocti, populum istum talibus divitiis abundare cernentes, et pœnas sibi paratas non intelligentes, beatum illum esse dixerunt. Sed non est ita. Ille populus beatus, cujus est Dominus Deus illorum, cujus Dominus omnium creaturarum, et Deus et Dominus est. Talem autem Deum et Dominum isti non habent, qui erroris et falsitatis simulacrum sibi Deum faciunt.

593 PSALMUS CXLIV.

LAUDATIO DAVID.

In hoc psalmo magnifice, præclare, multisque laudationibus Propheta Deum laudat, et benedicit, ut merito psalmus iste dicatur laudatio David, qui tantis laudationibus plenus est.

« Exaltabo te, Deus meus rex. » Tunc Deus exaltatur a nobis, quando ejus exaltationem, gloriam et honorem digne et laudabiliter prædicamus. Ipse enim est rex noster, si peccatum non regnat in corpore nostro mortali, alioquin ille tibi rex est, cui te ad regendum tradidisti.

« Et benedicam nomen tuum in æternum, et in sæculum sæculi. » Hoc est illud nomen, de quo ipse Dominus ait: « Ego Dominus, hoc est nomen meum; gloriam meam alteri non dabo (Isa. LXVIII, 11). » Et hoc quidem nomen illi soli benedicunt, qui et sermone et operatione servos se per omnia esse sententur. Nisi enim tu servus ejus fueris, dominus tibi ille non erit. De servis autem dicitur: « Benedicite, servi Domini, Dominum. »

« Per singulos dies benedicam te, et laudabo nomen tuum in æternum, et in sæculum sæculi. » Quomodo autem laudet, audiamus: « Magnus Dominus et laudabilis nimis, et magnitudinis ejus non est finis. » Discamus et nos hunc laudationis modum, et ita per singulos dies eum benedicamus: ita in æternum, et in sæculum sæculi eum laudare non desinamus. Magnus est, inquit, Dominus, et quam magnus sit, protinus nobis exponit dicens: « et magnitudinis ejus non est finis. » Nemo scit igitur quam magnus sit, quia quod finem non habet, quantum sit, nemo scire potest. Qui itaque tam magnus est, dic mihi, si potest, quantum laudabilis est? « Nimis. » Quid est nimis? Secundum multitudinem magnitudinis ejus. Hoc autem ideo nimis est, quia nemo hoc scire potest.

« Generatio et generatio laudabunt opera tua, et potentiam tuam pronuntiabunt. » Et prius quidem hoc egit generatio Judæorum: nunc autem hoc agit generatio Christianorum.

« Magnificentiam majestatis tuæ, et sanctitatem tuam loquentur, et mirabilia tua narrabunt. » Cum enim utrumque Testamentum legimus et prædicamus, tunc magnifica opera Domini, quæ opera-

tus est, et sanctitatem et mirabilia ejus et loquimur A et narramus.

« Virtutem terribilium tuorum dicent, et magnitudinem tuam narrabunt. » Cum enim ea, quæ in diluvio, et in mari Rubro, et in castris Sennacherib, et multa alia his similia nuntiamus; tunc procul dubio terribiles Dei virtutes, ejusque magnitudinem dicimus, et narramus.

« Memoriam abundantie suavitatis tuæ eructant. » Eructamus autem abundantiam suavitatis ipsius, quando ea prædicamus, quæ ad misericordiam spectant, quale est illud: « Qui proprio Filio non peperit, sed pro nobis omnibus tradidit illum. Et justitia tua exultabit (Rom. viii, 32). » Exultamus vero de justitia ejus, qui reddit unicuique secundum opera sua, bonis gloriam, et malis supplicia destinavit.

« Misericors et miserator Dominus », patiens, et multum misericors; suavis Dominus universis, et miserationes ejus super omnia opera ejus. » Nullus locus relinquitur desperationi, post tantam misericordie repetitionem. Ille solus desperare potest, qui ista non credit, et qui, his auditis, adhuc in sua malitia perseverat. De quibus Apostolus ait: « Secundum duritiam autem tuam, et cor impenitens thesaurizas tibi iram in die iræ, et revelationis justitiae iudicii Dei, qui reddet unicuique secundum opera sua (Rom. xi, 5). » Sunt igitur miserationes ejus super omnia opera ejus; quia nihil est in operibus ejus, quod misericordie comparari possit. Misericordia eum ad terram traxit, et crucis mortem ambire coegit: misericordia cælum implevit, et angelorum ruinam restauravit.

« Constituatur tibi, Domine, opera tua, et sancti tui benedicent te. » Omnia opera Domini constituentur, et laudant Dominum; quia nihil reprehensibile est in operibus Domini: unusquisque artifex in operibus suis vel reprehenditur, vel laudatur. Non est igitur malum opus Domini, quia nihil non laudabile in eo est. Et, quamvis omnis creatura Dominum benedicat, iusta tamen hic dicitur: « Et sancti tui benedicent te, » quia eorum benedictiones magis Deo acceptabiles sunt. « Gloriam regni tui dicent. » Sancti, inquit, tui dicent gloriam regni tui, et loquentur potentiam tuam. Ad quid? « Ut notam faciant filiis hominum potentiam tuam, et gloriam magnificentiæ regni tui. » Singula singulis respondent. Hoc egit sanctorum prædicatio, ut totus mundus Dei potentiam agnosceret, et quanta sit ecclesiæ beatitudinis gloria, perciperet.

« Regnum tuum, Domine, regnum omnium sæculorum, et dominatio tua in omni generatione et progenie. » Hoc est autem, quod 594 alibi dicitur: « Multiplicabitur ejus imperium, et regni ejus non erit finis (Isa. ix, 7). » Et alibi: « Potestas ejus potestas æterna, quæ non auferetur, et regnum ejus, quod non corrumpetur (Dan. vii, 14). »

« Fidelis Dominus in verbis suis, et sanctus in omnibus operibus suis. » Nulli mentitur Dominus, nulli injustitiam facit, nihil in verbis falsum, nihil in ejus operibus invenitur injustum.

« Allevat Dominus omnes qui ruunt, et erigit omnes elisos. » Hoc de martyribus intelligitur, vel de his qui post gravium peccatorum ruinam, puro corde ad Deum convertuntur. Et martyribus quidem ipse Dominus ait: « Nolite timere eos qui occidunt corpus; animam autem non possunt occidere (Matth. x, 8). » Pœnitentibus vero: « Quacunque hora peccator conversus fuerit, omnium iniquitatum ejus non recordabor (Ezech. xxxiii, 41). »

« Oculi omnium in te sperant, Domine, et tu das escas illis in tempore opportuno. » Et hoc quidem est quod in Evangelio dicitur: « Qui solem suum oriri facit super bonos et malos, et pluit super justos et injustos (Matth. v, 45). » Possumus autem et de illa esca hoc intelligere, de qua quotidie Domino dicimus: « Panem nostrum quotidianum da nobis hodie (ibid., 41). »

« Aperis tu manum tuam, et imples omne animal benedictione. » Secundum ejus namque judicium et voluntatem omnibus bonis abundamus, et omnium rerum penuriam patimur. Quando largitur aliquid, manum aperire; et quando non largitur, manum Dominus claudere dicitur.

« Justos Dominus in viis suis, et sanctos in omnibus operibus suis. » Ipsam igitur imitari debemus, ut per ejus viam incedamus, ejusque opera faciamus, ut, ipso adjuvante, ubi ipse est, illuc venire mereamur. Unde et subditur:

« Prope est Dominus omnibus invocantibus eum in veritate. » Non est, inquit, longe via, si ad eum venire vuleris, prope est, voca eum, et respondet tibi; si tamen in veritate invocaveris eum. Quid autem sit invocare in veritate, dicat ipsa Veritas. « Si quid petieritis, inquit, Patrem in nomine meo, dabit vobis (Joan. xiv, 13). » — « Voluntatem timendum se faciet. » Et unde hoc probas? « Et orationes iustorum exaudiet, et salvos faciet eos. » Hæc est enim eorum voluntas, et si hoc impetraverint; sufficit eis.

« Custodit Dominus omnes diligentes se, et omnes peccatores disperdet. » Hoc autem complebitur in iudicio, quando boni vocabuntur ad gloriam, et mali trahentur ad pœnam.

« Laudationem Domini loquetur os meum. » Iste psalmus, qui titulatur laudatio David, a laudibus incipit, et in laudibus desinit. Et se Propheta in Dei laudibus perseverare promittit; et præcipit ut omnia homo simul secum in benedictionibus et laudibus perseveret. Hoc est enim quod ait: « Et benedicat omnis caro nomen sanctum ejus in æternum, et in sæculum sæculi. »

PSALMUS CXLV.

ALLELUIA (885) AGGÆI ET ZACHARIÆ.

« Lauda, anima mea, Dominum, laudabo Dominum in vita mea, psallam Deo meo, quandiu ero. » Seipsum Propheta ad Domini laudes hortatur, et animam suam ut qui alios Deum laudare præcipit, ipse otiosus non sit, nec sine laudibus inveniat. « Lauda, inquit, anima mea, Dominum. » Noli cessare, brevis est vita ista; et ego quidem « laudabo Dominum in vita mea, psallam Deo meo quandiu ero. » Quia igitur semper erunt sancti, semper et sine fine Deum laudabunt. Discamus modo Deum laudare in hac vita, qui cum sine fine laudaturi sumus in alia vita. Merito itaque per totum hunc librum ad Dei laudes nos ubique Propheta invitat, quas et in cælo et in terra cantare debemus.

« Nolite confidere in principibus, neque in filiis hominum in quibus non est salus. » Laudate, inquit, Dominum, sperate et confidite in ipso, et nolite confidere in principibus, qui neque vos, neque se ipsos a morte æterna eripere possunt. Quid alii facere poterunt? Unde et subditur: « Neque in filiis hominum, in quibus non est salus. » In illo igitur sperate, qui dat salutem regibus, et qui salvat omnes sperantes in se.

« Exiet spiritus ejus, et revertetur in terram suam, » in illa die peribunt omnes cogitationes eorum. » Nunc pluraliter, nunc singulariter loquitur Propheta et grammaticæ regulas parvipendet. Exiet, inquit, spiritus ejus, principis videlicet alicujus, et caro revertetur in terram suam, sicut scriptum est. Quia « terra es, et in terram ibis (Gen. iii, 19). » Sive etiam spiritus revertetur **505** in terram suam, in terram miseriæ et tenebrarum, in locum et in terram, quam male vivendo sibi præparavit. « Et in illa die peribunt omnes cogitationes eorum. » Et quæ fuerunt illæ cogitationes? Occidere, mœchari, furari, mentiri, et similia. Istæ cogitationes peribunt, quia hæc ulterius agere non poterunt.

« Beatus cujus Deus Jacob adjutor ejus, spes ejus in Domino Deo ipsius, qui fecit cælum et terram, mare, et omnia quæ in eis sunt. » Miseri, inquit, illi, qui confidunt in principibus; illi vero beati erunt, quorum Deus Jacob adjutor ejus, qui vitia supplantant et a se repellunt, qui verum Deum venerantur et colunt, non illos qui ab hominibus facti sunt, sed illum qui omnia fecit.

« Qui custodit veritatem in sæculum, facit judicium injuriarum patientibus, dat escam esurientibus. » Hoc autem alii dii facere non possunt, quia omnes mendaces sunt, et non judicaturi, sed judicandi et simul cum aliis damnandi. Escam autem, et carnalem, et spiritualem solus Deus fecit et esurientibus dedit.

« Dominus erigit elisos; » illos videlicet elisos,

(885) « Aggæus festivus, Zacharias vero memoria Domini interpretatur. Tales igitur digni sunt, qui militantur ad constituendos muros celestis Jerusalem, qui et festivitatem diligant, et Deum semper in

A qui ex toto corde indulgentiam quæerunt, et se elisos esse intelligunt. » Dominus solvit compeditos, » ut in via mandatorum Dei recto itinere currere possint.

« Dominus illuminat cæcos, » ut de eorum tenebris liberati veritatem intelligere valeant. « Dominus dirigit justos, » quia ipsius gratia est, quod a recto itinere non recedunt. « Dominus custodit advenam, » de gentilitate, vel undequaque ad Ecclesiam venientem. « Pupillum et viduam suscipiet. » quibus malus pater et maritus diabolus mortuus est. Gaudeant pupilli, qui talem patrem amiserunt, gaudeant illæ viduæ, quæ talis mariti turpia et injusta conjugia reliquerunt.

« Et viam peccatorum exterminabit. » Exterminantur peccatorum viæ, quia malæ sunt, sed non exterminantur peccatores, si eas reliquerint, et per viam justitiæ ambulare voluerint.

« Regnabit Dominus in æternum, Deus tuus, Sion, » in sæculum sæculi. » Regnabit, inquit, Dominus Deus, tuus Sion in æternum, et in sæculum sæculi, et ideo iubila, et exsulta, et noli cessare a laudibus ejus in æternum, et in sæculum sæculi. Qui regnum habet æternum, habeat et laudes æternas.

PSALMUS CXLVI.

ALLELUIA.

Quid significat Alleluia psalmi hujus initium indicat.

« Laudate Dominum, quoniam bonus est psalmus. » Illa laus vocatur psalmus, quæ in psalterio sit, et sine psalterio non sit. In psalterio vero cantare non possumus, nisi et manus tangat corda, et lingua proferat voces. Bonus igitur est psalmus, quia bona est illa laus, in qua cum voce opera concordant. « Deo nostro jucunda sit laudatio. » Nos, inquit, laudemus Dominum, nos agamus quod nostrum est; ipse vero laudationem nostram jucundam faciat, ipse gratam et acceptabilem habeat.

« Edificans Jerusalem Dominus, et dispersionem Israel congregans; suscipiens mansuetos Domini, humiliat autem peccatores. » Sic enim se habet ordo: Dominus, inquit, ex vivis lapidibus edificans celestem Jerusalem, et congregans in ea dispersionem Israel, id est sanctam Ecclesiam, ubique gentium diffusam, suscipiens ibi mansuetos et humiles corde, humiliat peccatores usque ad terram; ut adimpleatur quod scriptum est: « Deponit potentes de sede, et exaltat humiles (Luc. i, 52). »

« Qui sanat contritos corde, et alligat contritiones eorum. » Hoc est quod alibi dicitur: « Cor contritum, et humiliatum Deus non spernit (Psalm. l, 19). » Contritiones alligat Dominus, quoniam omnem sanctorum tristitiam, et cordis contritionem in gaudium convertit. Unde alibi dicitur: « Qui seminant in lacrymis in exultatione metent (Psalm. cxxv, 5). »

memoria habeant, et semper in Dei memoriam asbeantur. Festivi autem illi sunt, quia a servili opere spiritualiter vacant, et in Dei laudibus peræverant. »

Beda.

« Qui numerat multitudinem stellarum, et omnibus eis nomina vocal. » Istæ sunt illæ stellæ, de quibus Apostolus ait : « quia stella differt a stella in claritate (1 Cor. xiii, 44). » Istæ autem numeratæ sunt, et nulla illarum de numero a Domino constituto perire, vel minui potest. Si enim capilli capitis nostri omnes numerati sunt, quis de sanctorum numero dubitare possit, quorum et numerum, et nomina ipse scit, qui omnia novit? Unde et convenienter subditur :

« Magnus Dominus noster, et magna virtus ejus, et sapientiæ ejus non est numerus. » In his, quæ modo superius dicta sunt, et magnus, et fortis, et sapientissimus Dominus vera ratione esse probatur.

« Incipite Domino in confessione, psallite Deo nostro in cithara. » Dixit superius, « laudate Dominum; » nunc autem admonet, ut laudare incipiant in confessione laudis et jubilationis. Et quia superius de psalterio dictum est, nunc in cithara quoque laudare præcipit, ut sit psalterium jucundum cum cithara. Et cithara quidem ad Novum Testamentum, de qua jam multis superius diximus, in cithara cantare est vel Novum Testamentum prædicare, vel Trinitatis mysterium exponere, quia tres vel quatuor chordæ sufficiunt.

596 « Qui operit cælum nubibus, et parat terræ pluviam. » Cæli apostoli sunt, qui spiritualis doctrinæ nubibus operiti, ubique illam aquam ferunt, quia tota Ecclesia irrigatur, lavatur, et satiatur. Terra enim Ecclesia est, cui hæc aqua parata est.

« Qui producit in montibus fenum, et herbam servituti hominum. » Montes isti Ecclesiæ doctores intelliguntur, qui illo feno, et illa herba Domino largiente abundant, quibus Dei animalia nutriuntur, per quæ utrinque Testamenti scientia designatur.

« Qui dat jumentis escam ipsorum, et pullis eorum invocantibus eum. » Hæc sunt illa jumenta, quæ totius Ecclesiæ onera ferunt, per quæ apostoli et doctores significantur. Tale jumentum se vir justus esse intelligens, ait : « ut jumentum factus sum apud te, et ego semper tecum (Psal. lxxii, 23). » Isti autem spiritualibus cibis nutriuntur, qui eis a Domino præparantur. De pullis vero corvorum Apostolus dicit : « fuisitis aliquando tenebræ, nunc autem lux in Domino (Ephes. v, 10). » Unde et alibi dicitur : « Æthiopia præveniet manus ejus Deo (Psal. lxxvii, 32). » Tales sunt omnes peccatores ex toto corde ad poenitentiam conversi. His autem Dominum invocantibus esca illa ministratur, quæ dat vitam mundo, id est panis vivus, qui de cælo descendit.

« Non in viribus equi voluntatem habebit, neque in tabernaculis viri beneplacitum est ei. » Malus est iste equus, cujus vires Deo non placent, per quem nimirum tyranni et hæretici demonstratur, super quos diabolus sedet, et cruentis calcaribus stimulat, atque in omnia scelera violenter ruere facit. Viri autem tabernacula, hæreticorum sunt

A conventicula, qui quoniam in suis viribus cõfundunt, quasi a viribus viri dicuntur.

« Beneplacitum est Domino super timentes eum, et in eis qui sperant in misericordia ejus. » Quid Deo displiceat et placeat, in his verbis declaratur. Illi soli sibi placent, qui Deum timent, et in ejus misericordia sperant.

PSALMUS CXLVII.

ALLELUIA

Titulus iste laudabilis ad laudes Dei nos semper hortatur.

« Lauda, Jerusalem, Dominum, lauda Deum tuum, » Sion. » Invitat nunc Propheta totam Ecclesiam ad laudem Dei, quæ per Jerusalem et Sion significatur. Jerusalem, visio pacifica, Sion speculatio interpretatur. Utrumque nomen Ecclesiæ convenit, quæ et sola pacem habet, quoniam « non est pax impiis, dicit Dominus (Isa. lvi, 21), » et plena oculis ante et retro omnia sibi utilia speculatur. Et quia « in pace factus est locus ejus, et habitatio ejus in Sion (Psal. lxxv, 3), » merito Sion et Jerusalem, quæ hic per pacem significatur, Dominum laudare jubetur.

« Quoniam confortavit seras portarum tuarum, » benedixit filios tuos in te. » Portæ Jerusalem apostoli sunt et doctores, episcopi et sacerdotes, qui eam muniunt et claudunt, et introeundi aditum aperiant. Nullus ingreditur nisi per istos, quorum seræ tam fortes sunt, ut a nullo aperiri, vel claudi valeant, nisi ab ipsis. Unde et eis a Domino dicitur : « Quæcunque ligaveritis super terram, erunt ligata et in cælis, et quæcunque solveritis super terram, erunt soluta et in cælis (Matth. xviii, 18), » Benedixit autem Dominus filios ejus in ea, quam videlicet benedictionem illi soli habent, qui manent in ea, et illi amittunt, qui separantur ab ea. Sunt igitur Ecclesiæ filii benedicti, sed in ea benedicti sunt; extra vero benedicti non sunt.

« Qui posuit fines tuos pacem. » Ubi non est pax, ibi neque Ecclesia est, quia infra terminos pacis Ecclesia tota concluditur, et extra fines pacis non extenditur.

« Et adipe frumenti satiat te. » De hoc frumento Dominus ait : « Nisi granum frumenti cadens in terram mortuum fuerit, ipsum solum manet. Si autem mortuum fuerit, multum fructum affert (Joan. xii, 24). » Adipe ergo frumenti reficitur Ecclesia, quæ Christi sanguine satiatur.

« Qui emittit eloquium suum terræ, » per quod evangelicam prædicationem intelligimus, de qua ipse Dominus ait : « Ite in universum mundum, prædicate Evangelium omni creaturæ (Marc. xx, 16). » De quo et subditur : « Velociter currit sermo ejus. » Velociter enim, et intra paucos annos, sicut scriptum est, « in omnem terram exivit sonus eorum, et in fines orbis terræ verba eorum (Psal. xlviii, 3). »

« Qui dat nivem sicut lanam, nebulam velut cinerem spargit. » Hoc autem tale est ac si dixisset :

Qui dat nivem et lanam; nebulam et cinerem spargit. Dat Dominus fidelibus suis nivem, quando baptizantur: dat lanam, qua vestiantur: spargit multas a cordibus eorum nebulam et cinerem, qua excruciantur. De hac nive alibi dicitur: « Asperges me hyssopo et mundabor, lavabis me et super nivem dealbabor (Psalm. 51, 8). » Dat ergo Dominus nivem, id est candorem et pulchritudinem nivis. Dat lanam, ex qua nobis vestimenta faciamus, ut vestiti et non nudi incedamus. Hæc vestis incorporea est, qua tamen vestitur et ornatur corpus et anima. Si habes humilitatem, vestimentum tibi est, si habes patientiam, vestimentum tibi est, et quicumque habet charitatem, bene vestitus est. Talia vestimenta **597** ex ista lana conficiuntur, quam quidem nisi a Domino habere non possumus: « Quid enim habes, dicit Apostolus, quod non accepisti? » (1 Cor. 14, 7.) Ex tunc quidem Dominus nebulam et cinerem sparsit, quando populus, qui sedebat in tenebris, vidit lucem magnam. Jam, Deo gratias, liberati sumus a tenebris erroris, et omnis caligo nebulæ et cineris fugata est a nobis.

« Mittit crystallum suam sicut frusta panis: ante faciem frigoris ejus quis subsistit (886) » Vetus Testamentum, quod prius quidem obscurissimum erat, nunc spiritualiter intellectum, digne satis crystallus vocatur, quoniam spiritualiter intelligentibus clarissimum et penetrabile factum, est. Quasi scriptum est: « Vicileode tribu Juda, radix David, aperire librum, et solvere septem signacula ejus (Apoc. 5, 5). » Et quod propter suam duritiam prius comedi et intelligi non poterat nunc quasi panis in frusta divisus, facile sumitur et intelligitur. De hoc pane Jeremias ait: « Parvuli petierunt panem, et non erat qui frangeret eis (Thren. 14, 4). » Ante faciem frigoris ejus quis sustinebit? » Hoc autem tale est ac si diceret. Nisi Dominus hoc fecisset, nemo ante faciem frigoris ejus subsistere potuisset. Unde et subditur:

« Mittit verbum suum, et liquefaciet ea, flabit spiritus ejus, et fluent aquæ. » Frigida erat lex, dura, et sine misericordia, quia ad litteram intellecta non lucebat in ea ignis charitatis; mortem jubebat. Si quis fecerit iniqui hunc vel illud, morte moriatur. Misit ergo Dominus Verbum suum, Filium suum, Salvatorem nostrum, qui eam spiritualiter exponendo, liquefecit, et tolerabilem et intelligibilem reddidit. Flavit in ea Spiritus sanctus, spiritus sapientiæ et intellectus, et fluxerunt aquæ spirituales, quæ inclusæ continebantur. Hoc autem sua gratuita misericordia fecit Dominus, pronuntians et exponens verbum suum et legem suam Jacob; non carnali, sed spirituali Jacob; « justitia, et judicia sua Israel; »

(886) Vulgata habet: *Mittit crystallum suam sicut buccellam, ante faciem frigoris ejus quis sustinebit?* Lectio tamen hæc conformis est textui S. Augustini, a cujus declaratione non recessit S. Bruno, aliamque exponit. « Nix, inquit Augustinus, multorum annorum tempore durato, et serie sæculorum, crystallum dicitur, » proprietatem lucis et perspicuitatis,

A non carnali, sed spirituali Israel. Unde Apostolus ait: « quia cæcitas ex parte contigit in Israel (Rom. 11, 15). » Hoc et sequentia manifestant.

« Non fecit taliter omni nationi, et judicia sua non manifestavit eis. » Solis illis manifestavit verba et judicia Dei, qui ea spiritualiter intelligere meruerunt.

PSALMUS CXLVIII

ALLELUIA, ALLELUIA.

Titulus iste toties repetitus gaudium nobis et letitiam præstat.

« Laudate Dominum de cælis, laudate eum in excelsis. » Non sufficit Prophetæ ad Dei laudes solos homines invitare, angelos invitat, et omnia quæ in cælis continentur, invitat et terram, et quæcunque continentur in ea. Neque dimittit ea quæ sub terra sunt, sed ipsas quoque abyssos laudare Dominum jubet. Omnis autem creatura laudat Deum, quia nulla est quæ ei non serviat, et ejus mandata non custodiat. Laudate, inquit, Dominum, vos qui in cælis estis, et de cælis originem ducti, et quia in excelsis habitatis, excelsius cæteris Deum laudate. Clariores et altiores voces habetis, quia omnibus aliis clariores et sublimiores estis.

« Laudate eum, omnes angeli ejus, laudate eum, omnes virtutes ejus. » In nomine angelorum et virtutum omnes beatorum spirituum ordines continentur. Considera modo quantæ, et quales laudes ibi sunt, ubi tot et talium cantorum voces resonant.

« Laudate eum sol et luna, laudate eum, omnes stellæ et lumen. » Ex quo mundus iste factus est, nunquam hæc omnia a laudibus cessaverunt, quia sui servitii ordinem nunquam reliquerunt. Quis enim solem, lunam et stellas videat, et tantorum luminum Creatorem non laudet et benedicat? Nihil est, in quo amplius, quam in his admiretur et laudetur virtus et sapientia Dei. Unde et non immerito post angelos secundum in Dei laudibus obtinent locum.

« Laudate eum, cæli colorum, et aquæ, quæ super cælos sunt, laudent nomen Domini. » Cæli colorum illi sunt, qui omnibus aliis superiores sunt, ubi Dei divinitas et majestas clarius et manifestius revelatur. Nam et Apostolus usque ad tertium cælum raptum se fuisse commemorat. Aquas autem super cælos esse Moyses ostendit, ubi ait: « Deus aquas quæ erant supra firmamentum, ab his quæ erant sub firmamento (Gen. 1, 7). »

« Quia ipse dixit, et facta sunt, ipse **598** mandavit, et creata sunt. » Si dixit, Verbo dixit, et per Verbum omnia factum esse intelligamus, ideo hoc Verbum posuit, quod est, dixit. Nota simul celeritatem et facilitatem faciendi omnia; nulla fuit mora inter fa-

enique aptavit spirituali intelligentiæ Veteris Testamenti, quia ex obscuritate ad clarissimum sensum educitur. Hanc vero interpretationem sustinere potest, qui rerum apparentia contentus est. Cæterum physici hanc nivis metamorphosin ad plura sæcula permanentem nunc minime admittunt.

cere et dicere; sed statim, ut dixit, facta sunt omnia.

« Statuit ea in æternum et in sæculum sæculi, » præceptum posuit, et non præteribit. » Omnia quæ superius dicta sunt in æternum esse statutum est; præceptum hoc positum est, et præteriri non potest.

« Laudate Dominum de terra, dracones, et omnes » abyssi. » Sicut illi superiores, ita et isti inferiores sunt: cætera vero, quæ sequuntur, in medio consistunt. Per dracones et abyssos, eos intelligimus qui in inferno continentur; et ipsos igitur ad laudes Dei invitat Propheta, ut ei obediant, neque contraire audeant. Nulla creatura se poterit excusare, quod ad Dei laudes invitata non sit.

« Ignis, grando, nix, glacies, spiritus procellarum, » quæ faciunt verbum ejus. » Laudantur ista, quia faciunt verbum ejus, quoniam non veniunt, nisi ex præcepto et voluntate ipsius, et statim, ut ei placuerit, obedire non differunt; et miseri homines pene ubique inobedientes inveniuntur.

« Montes et omnes colles, ligna fructifera et omnes » cedri, bestię et universa pecora, serpentes et » volucres pennatę. » Omnia ista Deum laudant, quia tam sapienter creata sunt, ut eorum factura, et pulchritudo omnibus placeat. Laus artificis est, uniuscujusque operis laudabilis compositio.

« Reges terrę et omnes populi, principes et omnes » judices terrę, juvenes et virgines, senes cum » junioribus laudent nomen Domini. » Audiat omnis rationalis creatura, quia dracones, serpentes, bestię et universa pecora laudant nomen Domini, et erubescat, et confundatur, si toties invitata non laudaverit Dominum. Et cæterę quidem creaturę laudant Deum per homines, homines vero per se ipsos laudare debent. Nam et mali et iniqui homines, etiam si nolint, laudant Dominum, si quando laudant et admirantur opera Domini. Sed hæc talis laus non sufficit eis. Illi bene laudant, qui fide eum credunt, qui ei serviunt et obediunt, ejusque voluntatem faciunt.

« Quia exaltatum est nomen ejus solius, confessio » ejus super cælum et terram, et exaltavit cornu » populi sui. » Laudetur, inquit, super cælum, quia nomen ejus solius exaltatum est super omnes cælos. Laudetur et super terram, quia nomen ejus exaltatum et nominatum est super omnes terras. Hoc autem a populo suo, quia exaltavit et sublimavit cornu, potentiam et fortitudinem populi sui.

« Hymnus omnibus sanctis ejus, filiis Israel po- » pulo appropinquantı sibi. » Iste, inquit, hymnus datur ad cantandum, et jubilandum omnibus sanctis ejus, id est filiis Israel, populo videlicet appropinquantı sibi similitudine, imitatione, et bona voluntate.

PSALMUS CXLIX.

ALLELUIA.

Quicumque legimus hunc titulum, laudemus Do-

minum, quia quod Hebraice dicitur, Alleluia, Latine dicitur, laudate Dominum.

« Cantate Domino canticum novum, laudatio ejus » in Ecclesia sanctorum. » Vetera, inquit, transierunt, facta sunt omnia nova. Cantent Judęi inveterati dierum malorum canticum vetus: vos autem aquis baptismatis innovati cantate Domino canticum novum, Canticum videlicet Christi nativitatis, passionis et ascensionis. Hęc autem laudatio sit in Ecclesia sanctorum, in populo Christianorum, non in Synagoga Judæorum.

« Lætetur Israel in eo, qui fecit ipsum, et filii Sion » exsultant super rege suo. » Ille, inquit, Israel, qui cantat canticum novum, lætetur in eo qui fecit ipsum, et qui se credit factum esse ab ipso, qui crucifixus est propter ipsum. Et filii Sion, filii illius Jerusalem, quæ sursum est, quæ est mater nostra, exsultant super rege suo, qui diabolo superato regnavit a ligno.

« Laudent nomen ejus in choro, et tympano, et » psalterio psallant ei. » Quid autem sit laudare Dominum in choro, et tympano, et psalterio superius dictum est, et in sequenti psalmo plenius dicitur.

« Quia beneplacitum est Domino in populo suo, et » exaltabit mansuetos in salutem. » Dignissima causa, quæ eum laudare debeant, quia ipsi sunt, qui multum ei placent, et quos ipse in æternam salutem et gloriam exaltabit. Unde et subditur:

« Exsultabunt sancti in gloria, lætabuntur in cõ- » libus suis. » In illis videlicet cubilibus, in quibus exaltati gloriam et salutem invenient.

« Exaltationes Dei in faucibus eorum, et gladii » ancipites in manibus eorum. » Hoc autem erit in judicio, quando in magna lætitia et exsultatione mundum judicabunt, et gladii æternę damnationis impiorum corda vulnerabunt, dicentes eis: « Ite, maledicti, in ignem æternum, qui » paratus est diabolo, et angelis ejus (Matth. xxv). » Et hoc est quod dicit:

« Ad faciendam vindictam in nationibus, et in- » crepationes in populis. » Tales erunt illi gladii, quibus in populis et nationibus universalis vindicta et increpacio fiet. Unde et ancipites dicuntur, quia a nullo ingenio evitari poterunt.

« Ad alligandos reges eorum in compedibus, et » nobiles eorum in vinculis ferreis. » Illi, inquit, gladii vulnerabunt et jugulabunt damnabunt et increpabunt, et ipsos reges et principes ferreis durisque vinculis alligabunt.

« Ut faciant in eis judicium conscriptum. » Gladii, inquit ancipites ad tam diversa omnia preparati erunt in manibus eorum, et ut faciant in eis judicium conscriptum, » judicium firmum et immutabile, quale in divinis voluminibus scriptum invenitur. « Gloria hæc est omnibus sanctis ejus. » Gloria, inquit, hæc communis erit omnium, et non solum apostoli, verum etiam omnes sancti in illo judicio judicabunt.

PSALMUS CL.

ALLELUIA.

Nunquam laudes Domini finem habeant, quia in principio et in fine hujus psalmi, qui ultimus est omnium, Dominum nos Propheta laudare jubet. Cum enim dicat in ipso fine : « Omnis spiritus laudet Dominum, » manifeste ostendit quia non vult ut laudes finiantur, ut continua sit perseverantia in laudibus Domini.

« Laudate Dominum in sanctis ejus, laudate eum » in firmamento virtutis ejus. » Cœlum et terram, et omnes creaturas quæ in eis sunt, ad laudes Dei Propheta invitaverat, nunc autem materiam, quæ eum laudent, eis ministrat. Sumat unusquisque quod sibi placet, et quod sibi conveniens et utile esse videtur. « Laudate, inquit, Dominum in sanctis ejus. » Hanc laudandi materiam suscipite, quia in nulla alia re laudabilior esse probatur. Dicite ergo : « Mirabilis Deus in sanctis ejus, Deus Israel, ipse dabit virtutem et fortitudinem plebi suæ, benedictus Deus (Psal. LXVII, 36). » Si quis enim considerare velit sanctorum fidem, et sapientiam, et constantiam, et patientiam, et alias virtutes quas a Deo suscipere meruerunt, facile cognoscere poterit valde in sanctis suis Deum et laudabilem et mirabilem esse. Unde et alibi in sua et aliorum persona iste, qui hoc modo loquitur, ait : « Mirabilis facta est scientia tua ex me, confortata est, et non potero ad eum (Psal. CXXXVIII, 6). »

« Laudate eum in firmamento virtutis ejus. » Pro firmamento Dominum laudare memento. Terra fide fortis, quod dat tibi conditor orbis. Hoc enim firmamentum, quod cœlum vocatur, quod sua virtute et potentia ineffabili Dominus fecit, apostolos, cæterosque sanctos significat, qui tanta virtute et claritate præditi sunt, ut nulla sub cœlo creatura valeat eis comparari.

« Laudate eum in virtutibus ejus. » Non tua vir-
C virtus, quæ pugnās, sed tibi Christus in cruce donavit, quando moriens superavit. Sis igitur certus, quia pugnās virtutibus (887) ejus. Sive virtutes cœlorum intelligamus, sive virtutes miraculorum, quæ per sanctos suos operatus est Dominus, sive etiam sapientiam, justitiam, fortitudinem, temperantiam, cæterasque virtutes, quibus sanctos ornatos fuisse, quibus et vitia, et malignos spiritus, omnesque suos adversarios eos superasse legimus, valde quidem conveniens est ut in omnibus his Deus laudetur et glorificetur.

« Laudate eum secundum multitudinem magnitudinis ejus. » Semper laudate, quia nullo fine tenetur. Nescis fortasse quantum eum laudare debeamus; considera quantus est, et secundum ejus quantitatem laudes multiplica. Nunquam igitur a laude quiescas, quia immensus est ille quem laudas.

« Laudes itaque Domini loquatur os meum, et benedicat omnis caro nomen sanctum ejus (Psal. CXLIV, 21), » non ad tempus, sed « in sæculum sæculi. »

« Laudate eum in sono tubæ. » Nunquam nostra-

(887) Cod. Ghis., *viribus*.

PATROL. CLXIV.

A rum sileat vox alta tubarum; et tuba vox alta sonus est laudatio sancta. Post laudandi materiam, consequenter instrumenta posuit, quibus Deum laudare debeamus. Tuba namque, psalterium, et cithara, tympana quoque, chorus et chorde, organa et cymbala, instrumenta sunt musicæ artis, divinis laudibus convenientia. Non omnium est tuba canere: hoc officium episcoporum et doctorum est. Illis enim dicitur : « Canite initio mensis tuba (Psal. LXXX, 4). » Et : « Clama, ne cesses, quasi tuba exalta vocem tuam (Isa. LVIII, 1). » Isti sunt septem angeli in Apocalypsi tuba canentes. Tubarum sonitu muri Jericho corruerunt, et ingrediendi aditum undique populo Dei aperuerunt. Tubis Israelitæ ad prælium vocabantur, tubis jubileus annus nuntiabatur, et ad totius anni solemnitatem populus parabatur. Hoc autem totum sacerdotum ministerio fiebat, 600 quia episcoporum et sacerdotum voces significabat, quibus per prophetam dicitur : « Si non annuntiaveris iniquo iniquitatem suam, animam ejus de manu tua requiram (Ezech. III, 19). »

« Laudate eum in psalterio. » Psalterium portat homo, quem nova vita reformat. Ut valeat denis verbis insistere legis. Omnis chorda sonum reddat bene torta canorum. Cantare in psalterio perfectorum est. Hoc instrumentum Deus ipse constituit, et decem chordas suo digito in eo extendit, per quas decem verba legis significantur. Vocatur autem prima chorda, unus Deus : « Et non habebis Deum alium absque me (Exod. XX, 3). » Secunda vero, « Non facies tibi simulacrum (ibid., 4). » Tertia, « Non accipias nomen Dei tui in vanum (ibid., 7). » Quarta vero, « Cole diem Sabbatorum (ibid., 8). » Quinta, « Honora patrem et matrem (ibid., 12). » Quinque autem, quæ sequuntur, hæc nomina sunt. « Non occides, non mœchaberis, non furtum facies, non falsum testimonium dices, non concupisces rem proximi tui (ibid., 13-18). » Inter hæc autem Dei mandata, tanta concordia est, ut qui offendit in uno, necessario offendat in omnibus. Unde Jacobus apostolus ait : « Quicumque observaverit totam legem, offendat autem in uno, factus est omnium reus (Jac. XI, 10). » Aliquando in duas chordas peccaverat David, adulterium simul et homicidium perpetrando; sed postquam ei dictum est : Dimissum est tibi peccatum tuum; mox letabundus et ad psalterium accedens, ait : « Exsurge, gloria mea, exsurge, psalterium et cithara (Psal. LVI, 9). » Vere magna gloria ibi est, qui hæc decem verba custodire potest, et qui has chordas sine offensione tangit et modulatur. Unde Apostolus ait : « Gloria nostra hoc est, testimonium conscientiæ nostræ (II Cor. I, 12). » Ille enim in psalterium non delinquit, quem conscientia non accusat.

« Laudate eum in psalterio et cithara. » In cithara cantat, qui corda tumentia placat. Nam cithara a furiis mentem solvere Saulis. Decem chordas, sicut modo diximus, habet psalterium; in cithara

vero tres cordæ sufficiunt, per quas Trinitatis mysterium significatur. Unde quatuor animalia, et ipsi Seraphim, die ac noctemodulando, dicunt: « Sanctus, Sanctus, Sanctus Dominus Deus Sabaoth, plena est omnis terra maiestate ejus (Isa. vi, 1). » Multi autem in cithara cantant, qui psalterium ferre non valent. Psalterium ad operationem, cithara autem ad sermonem pertinet. Qui bene prædicat et male vivit, citharam quidem habet, psalterium non habet. Est autem psalterium jucundum cum cithara, quando vox operationi, et operatio voci concordat, alioquin parum citharedus proficit sibi, quamvis multis aliis cantando proficiat.

« Laudate eum in tympano. » Tympana nos clare mortalia mortificatæ membra docent carnis corii, quia sunt animalis. Hoc instrumentum proprie martyrum est; quamvis et illorum esse videatur, qui carnem suam cruciunt cum vitis et concupiscentiis. Tympanum enim verberibus sonat, et nisi feriatur et percutiatur non sonat. Est enim corium siccum et extensum, quod frequenti percussione longius resonat. Si autem delectat te audire vocem tympani benesonantis et laudantis, audi Apostolum dicentem: « A Judæis quinquies quadragenas una minus accepi; ter virgis cæsus sum, semel lapidatus sum (II Cor. xi, 24). » Beati Stephani tympanum, cum percuteretur et a Judæis lapidaretur, tam magnum sonum reddidit, ut cælos aperiret, et ante thronum Dei sublimius audiretur. At ergo: « Video cælos apertos, et Jesum stantem a dextris Dei (Act. vii). » Tales ergo in tympanis Deum laudabant, qui carnem suam prius jejuniis afflictam et siccatam, tyrannorum verberibus et cruciatibus flagellandam tradebant.

« Laudate eum in tympano, et choro. » Non chorus ullus erit, ubi clero regula desit. Ordine namque sedent; ergo ordine vivere debent. Illi itaque laudabant in choro, de quibus dicitur: « Multitudinis autem credentium erat cor unum et anima una (Act. iv, 32). » Illi enim clerici et monachi, qui se diligunt, qui se honorant, qui sibi vicissim obediunt et serviunt, qui sibi assurgunt, qui ad invicem alter alterius onera portant, qui sub regula et disciplina vivunt, illi, inquam, in choro Deum laudant. Non enim tantum ad vocum consonantiam, quantum ad animorum mentisque concordiam respicit Deus.

« Laudate eum in choris. » Torquentur sancti manibus, si quando tyranni: chordis laudatur, nam chorda vocatur carnis tortura, carnis tribulatio dura. Per has ergo chordas nulla alia instrumenta, nisi ipsa sanctorum martyrum corpora intelligimus, quæ multoties in eculeo, et catasta, et in cruce, quasi quedam chordæ in psalterio extendebantur. Illi ergo qui talia patiebantur, in chordis procul dubio Deum laudabant.

« Laudate eum in choris et organo. » Organa nostra Deum laudent sine fine dierum. Organa doctorum voces dicuntur eorum. Quas reboant lignis, conceptas foliis imis. Organa et tympana unam habent significationem, utraque enim significant carnis mortificationem, sive per abstinentioniam, sive per martyrii passionem. Illæ namque episcoporum prædicationes in organo fiunt, quæ de corpore per abstinentioniam dissecant et mortificato procedunt. Unde Apostolus ait: « Castigo corpus meum, ne forte dum aliis prædicavero, ipse reprobos efficiar (I Cor. ix, 27). » Illa igitur prædicatio reproba est, quæ non de corpore castigato et mortificato, sed de carne impinguata et delicata procedit. Organa enim ex mortuorum 601 pellibus, et siccis coriis conficiuntur. Unde et merito illos significant, qui multis abstinentioniis afficiuntur.

« Laudate eum in cymbalis bene sonantibus, laudate eum in cymbalis jubilationis. » Cymbala quippe Dei bene sonantia sunt duo cleri. Hic novus, ille vetus; hic Paulus, et hic bene Petrus. Olim cantavit, cum nos Judamque vocavit. Ille enim in cymbalis bene sonantibus canit, qui verba sua, et sermonem suum utriusque Testamenti auctoritate confirmat. Duo namque testamenti, duo cymbala sunt, quæ tunc quidem suaviter sonant, quando alterum attingitur sibi quæ vicissim respondent. Hinc est enim, quod abyssus abyssum invocet; hinc est, quod inter medios cleros non dominari jubemur; hinc est, quod duo Cherubim se vicissim respiciunt, et bini discipuli a Domino mittuntur.

« Omnis spiritus laudet Dominum. » Spiritus omnis eum benedicat nunc, et in ævum. Laudet, ametque, colat, quem Rachel mater adorat. Nunc secunda quidem, sterilis sine semine pridem. Hoc Pater, hoc Flamen, hoc Filius audiat. Amen.

S. BRUNONIS ASTENSIS

EPISCOPI SIGNIENSIS

EXPOSITIO DE MULIERE FORTE

602 Nemo quidem ambigit humanæ divinæque sapientiae Salomonem præ omnibus principatum posse disce. Multum igitur decauit, ut tantus vir Domini sui majora negotia procuraret. Cogitat itaque atque percurrit quando, aut quò in loco mulierem fortem inveniat, quæ Domino suo sit digna copulari. Ait enim (*Prov. xxi*) :

« Mulierem fortem quis inveniet ? » Quæ mulier tam sapiens, tam nobilis, tam decora, tam pulchra, tam dives, tam ornata reperietur, quam tantus rex, tantique regis filius in matrimonio sibi conjungat ? « Procul. » Non hoc, inquit, in tempore reperitur, non nostro in regno invenitur; procul est, longe est, non modo in Judæa est. Est enim ab ortu solis et occasu, ab aquilone et mari. « Et de ultimis finibus » pretium ejus. « Non una, inquit, provincia contenta, quinimo ex omnibus mundi partibus; aurum, argentum, lapides pretiosi et cætera, quæ ad pretium pertinent et ornatum ejus, deferent. Erit enim in vestitu deaurato circumdata varietatibus. Erit itaque ex ultimis finibus pretium ejus; quoniam post hujus sæculi finem pretium suscipiet, coronam et hæreditatem.

« Confidit in ea cor viri sui. » Non petulans, inquit, non lasciva, non adultera erit, imo casta, sobria et viro fidelissima. Quocirca vir ejus confidit in ea. Non zelotypus erit, non ejus insipientiæ, non infidelitatis timebit. Fugiant adulteri, cessent Judæi, non tentent eam hæretici : ejus quippe thalamus corrumpi non potest. « Et spoliis non indigebit. » Non enim spoliis indiget Ecclesia, quoniam semper iniquorum prævalet multitudini. Semper enim vitia supplantat, semper malignos spiritus fugat, ejusque spolia diripit, animas videlicet baptismi fonte purgatas. Quis enim nisi victor spoliis dicetur onustus ?

« Reddet ei bonum, et non malum omnibus diebus vite sue. » Non asper, inquit, non durus hujus sponsus erit; imo dulcis, suavis, qui non aliquando bonum, aliquando malum, sed bonum, et nunquam reddet malum : « Sine poenitentia enim sunt dona, et vocatio ejus (*Rom. xi, 29*). » Nunquam enim poenituit dedisse quod dedit, fecisse quod fecit, vocasse quos vocavit. Vix enim sine labore, et angustia aliquid vel parvum acquirit. Postquam autem ad vite dies Ecclesia pervenerit, semper bonum, et nunquam malum suscipiet. Sicut econtra mali semper malum, nunquam autem bonum invenient.

« Quæsit lanam, et linum, et operata est consilio manuum suarum. » Per lanam, et linum, et in quibus totum muliebri artificium continetur, totam ecclesiasticam operationem intelligimus. Habet Ecclesia lanam, et linum, quo et animas vestit et corpora. Colligit linum circa fustum, colligit spem circa fidem. Non sine fuso tenditur filum, nec sine fide prolatur spes : « Est enim fides sperandarum substantia rerum (*Hebr. xi, 1*). » Non invasit, sed quæsit; accepit, et operata est. Hoc autem consilio manuum suarum. Manuum enim consilium optimum est, quoniam quæ consiliantur ipsæ perficiunt. Lingua autem dicere novit; quæ autem dicit, facere nescit.

« Facta est quasi navis institoris. » Navis quidem, B quoniam in hujus mundi fluctibus posita, multorum fluctuum adversitate concutitur. Institoris, quia Salvator noster semper instat, ad ostium stat et pulsat. Multi enim in Ecclesia sunt institores, multi emptores, et venditores. Da fidem, suscipe vitam. Sic enim in Ecclesia emptio fit. « De longe portat panem suum. » De longe, de cælis, a Moyse, et Elia, Jeremia, cæterisque prophetis. Denique ex omnibus mundi partibus panem suum, victumque spirituum cælus apostolicus attulit. Hæretici **603** vero de longe non afferunt, a patribus non accipiunt; sed ipsi in se errorem concipiunt.

« De nocte surrexit, deditque prædā domesticis suis, et cibaria ancillis suis. » De nocte quidem surrexit, quatenus, lampadibus accensis, venienti sponso occurreret. Domesticis autem præda datur; quoniam ecclesiastica regimina hæreticis, Simoniacis, adulteris a clero et populo auferuntur, et viris non ignotis, nec neophytis, sed notis et probatis attribuuntur. Per hos autem dantur ancillis cibaria, quoniam ab his subjectorum animæ pabulo spirituali reficiuntur.

« Consideravit agrum, et emit eum. » Quid per agrum, nisi patriam cœlestem intelligimus ? Hujus autem fructum, multiplicationem et pulchritudinem Ecclesia intellexit; omnia quæ habuit vendidit et pauperibus tribuit; hunc agrum emit.

« De fructu manuum suarum (plantavit vineam. » De fructu namque manuum suarum sibi ille in hoc sæculo vineam plantavit, qui ea, Domino cooperante, D operatur, per quæ æternæ beatitudinis suavitatem degustet. Unde Psalmista : « Inebriabuntur, inquit, ab ubertate domus tuæ (*Psal. xxxv, 9*). »

« Accinxit fortitudine lumbos suos. » Lumbi quidem cinguntur fortitudine, quando vigore castitatis impetus libidinis refrænatur. Unde Dominus in Evangelio : « Sint, inquit, lumbi vestri præcincti (Luc. xii, 35). » — « Et roboravit brachium suum. » Quid est autem brachium corroborare, nisi incessanter bonum opus operari ? Roboravit brachium ne vinceretur, neve scutum et telum bajulando lassaretur.

« Gustavit, et vidit quoniam bona est negotiatio ejus. » Gustavit, inquit, tentavit, cognovit, et vidit, et intellexit quantum bona est et utilis recta negotiatio, labor, et exercitatio ipsius. Vere utique bona, quoniam ad bonum summum, sine fine bonum eam perducet.

« Non exstinguetur in nocte lucerna ejus. » Non enim ex illis erit, quæ in sui doloris tenebris, et nocte dicturæ sunt : « Date nobis de oleo vestro, quia lampades nostræ exstinguuntur (Matth. xxv, 8). » Lucerna quidem non exstinguetur, quoniam virtutum operumque fulgore omnibus illucescet.

« Manum suam misit ad fortia. » Quid per manum, nisi doctores ? Nam sicut corporis principalior pars manus est, ita et doctores corporis ecclesiastici. Hi autem mittuntur ad fortia, hi majora exercent negotia.

« Et digiti ejus apprehenderunt fenum. » Per digitos quoscunque fideles intelligimus, qui minoris meriti et officii sunt. Hi autem fenum apprehendunt, qui leviora negotia procurant, solaque fide et spe muniantur. Filare namque quælibet muliercula potest, credere autem et sperare, non magnus labor est. Sine manibus non filant digiti, sine doctioribus non credunt subiecti. Unde Apostolus, « Quomodo, inquit, audient sine prædicante ? » (Rom. x, 14.)

« Manum suam aperuit inopi. » Expositio : « Et palmas suas extendit ad pauperem. » Non strinxit, inquit, non clausit ; si manus aperuit, palmas extendit, eleemosynas pauperi distribuit.

« Non timebit domui suæ a frigoribus nivis. » Optima est domus, bene induti sunt habitatores ; non frigus, non glaciem, non nivem, non hiemalem, non vernalem timeant pruina. Quare hoc ? Sequitur : « Omnes enim domestici ejus vestiti sunt duplicibus. » Duplicibus quidem induuntur familiares et domestici Ecclesiæ ; quoniam et animæ et corporis puritate ambiunt. Hic autem et contra mali suæ confusionis diploide induti, duplici contritione conterentur.

« Stragulatam vestem fecit sibi. » Stragulata enim genus vestium est, quod multa varietate sit. Stragulata est igitur vestis Ecclesiæ, quoniam multa varietate depingitur. Ibi enim humilitas, pax, patientia, pietas, mansuetudo, cæteræque virtutes refulgent.

« Biasus, et purpura indumentum ejus. » Multum enim decet ut tanta regina pulchris et speciosis vestibus induatur. Hæ tamen secundum colorum

A qualitatem diversis sanctorum ordinibus conveniunt, ut ruberæ martyribus, albæ confessoribus.

« Nobilis in portis vir ejus. » Nam etsi humilis, et in forma servi Christus Dominus noster in primo adventu apparuisset, in secundo tamen nobilis cum senatoribus terræ in portis conspicietur. Nobilis quidem, quoniam in propria et paterna claritate refulget. In portis autem, quoniam ipse, qui janua est, et peccatores in infernum præcipitabit, et justos in cælestem domum introducet. Cum senatoribus autem sedebit ; quoniam, sicut ipse ait, cum venerit in sede majestatis suæ, duodecim discipuli super duodecim sedes sedebunt, qui duodecim tribus Israel judicaturi sunt.

« Sindonem fecit et vendidit. » Sindonem, inquit, vestem candidam, vestem puram, vestem nuptialem Ecclesia fecit. Hanc autem vendidit, hanc nulli sine pretio dedit, hanc filiis sanctis in baptisate tribuit. Vis hanc vestem ? Sponde fidem, abrenuntia Satanae et omnibus operibus ejus. Hæc enim est vestis : « Et cingulum tradidit Chananæo. » Quid per Chananæum, nisi gentiles ? Hi autem laxi, discincti et dissoluti erant. Hi sunt, qui sine lege vivebant : hos succinxit, hos ad hoc opus præparavit.

« Fortitudo et decor indumentum ejus. » Hanc enim et Christus vestem habere dicitur ; unde Propheta : « Dominus, inquit, regnavit, decorem induit : indutus **604** est Dominus fortitudinem (Psalm. xci, 4). » — « Scimus autem, inquit Joannes, quoniam similes ei erimus (Joan. iii, 2). » Fortitudine igitur et decore induemur ; quia caro quam recepturi sumus, jam amplius corrumpi non poterit. Decore autem, quoniam sicut sol in regno Dei sancti fulgebunt.

« Et ridebit in die novissimo. » Nunc autem est tempus flendi, tunc erit tempus ridendi. Risus enim gaudetis est, quoniam ridere gaudere est. Ridebunt igitur sancti in die novissimo ; si quidem et gaudebunt. Unde et illud : « Lætabitur justus, cum viderit vindictam impiorum (Psalm. lvi, 11). »

« Os suum aperuit sapientiæ. » Erant enim tenebræ super faciem abissi ; teeta erat, obscura erat, clausa erat sapientia. Hanc autem aperuit, hanc docuit, hanc prædicavit Ecclesia. « Et lex clementiæ in lingua ejus. » Lex enim Mosaica, dura, gravis, utpote in lapidibus deformata, et aspera erat ; quoniam si quis contra hoc vel illud fecisset, occidere eum jubebat. Ecclesiæ vero lex mansuetudinis est, clementiæ et misericordiæ ; non enim occidi, sed miseretur, conversis omnibus veniam præstat.

« Consideravit semitas domus suæ. » Consideravit, inquit, sapienterque inspexit, per quas domus suæ famuli, filii et ancillæ semitas incedere deberent. Alios per humanitatem, alios per patientiam, alios per castitatem regna cælorum scandere jussit. Nullum in via peccatorum ex domesticis sanctis stare passa est ; quoniam malam et inutilem hanc

riam esse cognovit. « Et panem otiosa non comedit. » A Unde Psalmista : « Labores, inquit, manuum tuarum, quia manducabis (Psal. cxvii, 10). » Et Apostolus : « Laboret unusquisque manibus suis operando quod bonum est (Ephes. iv, 28). »

« Surrexerunt filii ejus. » Non jacuerunt, inquit, non dormierunt, imo surrexerunt, steterunt, matrisque beatitudinem prædicaverunt. Quis enim prophetarum, vel apostolorum hujus beatitudinem non prædicavit ? « Et vir ejus laudabit eam ; » sicut scriptum est : « Laudabuntur omnes, qui jurant in eo (Psal. lxxii, 1). » Sed quomodo laudabuntur ? Vis audire quomodo ? « Esurivi, inquit, et dedistis mihi manducare ; hospes fui, et collegistis me, nudus, et cooperuistis me (Matth. xxv, 35). » Hæc erit laus Ecclesie. Sic vir ejus laudabit eam.

« Multæ filie congregaverunt divitias. » Quantum enim ad creationem, sive boni, sive mali, omnes Dei filii esse dicuntur. Multæ filie igitur divitias habuerunt. Sapientes enim fuerunt Judæi, sapientes et philosophi. « Hæc autem supergressa est universas ; » quoniam non mundanam, nec eam quæ inflat, sapientiam didicit : « Super senes intellexi, quia mandata tua quesivi (Psal. cxviii, 100). »

« Fallax gratia, et vana est pulchritudo. » Fallax, inquit, gratia, vana sapientia, inutiles divitiæ multorum sunt. Gratia quidem hæc omnia dicuntur, quoniam gratis omnibus, et sine pretio datur. Unde Apostolus : « Quid enim habes, inquit, et non accepisti ? » (I Cor. iv, 7.) Et Psalmista : « Non est qui se abscondat a calore ejus (Psal. xviii, 7). » Omnes C igitur gratiarum aliquid habent ; in pluribus tamen fallaces gratiæ inveniuntur. Quamvis gratis omnibus a Domino datur : « Omnis enim sapientia a Domino Deo est (Eccli. i), » tamen fallax est, si quidem non Domino servit, quæ non a virtutibus, sed a coloribus fit, quæ non æterna, sed transitoria est. « Mulier, » timens Dominum ipsa laudabitur. » Ecclesia videlicet, quæ in timore, et tremore Domino famulatur, ipsa salvabitur. Laudabitur itaque a Deo, laudabitur ab operibus sanctis, laudabitur et ab hominibus, et ab angelis.

« Date ei de fructu manuum suarum. » Vos, inquit, mater Ecclesia genuit, vos plantavit, vos docuit coluit, et rigavit. Date igitur ei de fructu manuum vestrarum, servite ei, obedite ei, et sicut matri sanctissimæ per omnia credite. Quamvis enim omnes fideles Ecclesie sint ; illi tamen principaliter hoc nomine censentur, qui cæteros regunt et docent. His autem serviendum est, « Quoniam dignus est, inquit Dominus, operarius mercede sua (I Tim. v, 18). »

« Et laudent eam in portis opera ejus. » Laudant equidem opera sua in portis Ecclesiam, quando bona, quæ ipsa agit, nos videntes et audientes eam laudibus exaltamus. Cum enim apostolorum actus narrantur, nonne apostolos in auditu laudant auribus B que fidelium, quæ tanquam portæ sunt, quibus ad intima cordis verba penetrant.

Laudant itaque :

Certissime cognovimus
Quod sermo Salomonicus
Mulierem fortissimam
Significat Ecclesiam.

Hunc Rex sapientissimus
Regumque potentissimos
Adveniens in hominem
Sibi delegit conjugem.

In hac prophetæ plurimi
Apostoli, episcopi,
Confessores et martyres,
Vidæ simul et virgines.

Cum tu tamen Felicitas
Filios itaque prædicas
Quæ cæteris communia
Tibi videntur propria.

Tu fortis, et fortissima
Mulier prudentissima
Constans, et constantissima
Felix, et felicissima.

Per te laus sit ingenito
Gloria unigenito
Cum Spiritu paraclito
Consolatore inclyto. Amen.

S. BRUNONIS ASTENSIS

EPISCOPI SIGNIENSIS

EXPOSITIO IN CANTICA CANTICORUM

INCIPIIT LIBER

SCIR HASCIRIM SEU CANTICUM CANTICORUM

AUCTORE EODEM

605 CAPUT PRIMUM.

« Osculetur me osculo oris sui. » Vox prædictæ mulieris.

Multa, inquit, mihi, cœlestis regis legati, sæpe nuntiastis, multa de nobilitate, de divitiis, de fortitudine, de pulchritudine, multaue de viri sapien-

tia retulisti. Vidi Moysen, vidi Eliam, vidi Jeremiam, vidi David, vidi et alios, qui ipsius adventum mihi nuntiaverunt. Credo verbis, amore langueo, parata sum, cessent legati; jam ipse veniat, manifestetur, figat oscula, det amplexus, proprioque ore mihi loquatur. (888) Apostropha. Te, inquit, diligo, et desidero, te audire, te videre concupisco. Quare hoc? « Quia meliora sunt ubera tua vino. » Vinum mihi Moyses, vinum mihi ceteri prophetae dederunt amarum, et forte, austerum, et ad bibendum asperum. Gravia enim non solum factu, verum etiam dictu sunt prophetarum verba. Nam ut dicere, et pronuntiare omitam, vix in quibusdam intelligi possunt. Christi vero prædicatio vinum in lac convertit. Duo quippe ubera duo sunt testamenta, (889) quæ Christus docendo, et exponendo, lacteam, dulcemque suavitatem retraxit. Quos enim lex occidere videbat, ipse misericorditer sanabat. Mulierem namque in adulterio deprehensam Judei lapidare volebant, Christus autem, « Non ego te condemnabo (Joan. vii, 10), » inquit. Sunt autem hæc verba vino meliora. « Fragrantia unguentis optimis. » Quid per unguentum, nisi septiformis gratia Spiritus sancti? (890) His autem fragrant, splendent, et redolent et novum et vetus testamentum. Hunc odorem Christi prædicatio inferebat; quoniam alios sapientes, alios intelligentes, alios fortes, alios pios faciebat. « Et odor unguentorum tuorum super omnia « aromata. » Per aromata quidem quasque res odoriferas intelligimus. Sed quid tanti odoris, tantæ suavitatis, ut ipse spiritus esse possit, quo Apostolus repletus dicebat: « Christi bonus odor sumus Deo? » (II Cor. ii, 15.) Vox Ecclesiæ ad Christum: « Unguentum effusum (891) est nomen tuum. » Tuum, inquit, nomen, quasi unguentum effusum cunctis credentibus præbuit sanitatem. Christus namque a chrismate dicitur, in quo nomine baptismatis aqua mundati omnes Christiani vocamur. Hoc igitur nomen super electos diffusum Spiritus sancti gratia eos conjunxit. « Ideo adolescentulæ dilexerunt « te. » Adolescentulæ quidem primitivæ, novæque Ecclesiæ intelliguntur, quæ nuper Deo genitæ, et baptizatæ, et femineo more fragiles erant, natosque

(888) Ita ex Isaïæ oraculo cap. xxxv, 22: *Dominus iudex noster, Dominus legislifer noster, Dominus rex noster, ipse salvabit nos*, sensit Origenes, et cum eo S. Hieronymus, epist. 146. ad Damasum; S. Joan. Chrys., hom. 8, in Symbolum, quæ est de Turture Tom. V, alique.

(889) Philonem Carpathium eandem dedisse interpretationem constat; cujus verba sunt apud Ghislerium.

(890) « Quidam, ait Ghislerius, per Christi unguenta spirituales illius gratiam designatam arbitrantur, quæ præferatur unguentis iis quæ Moysen ex præcepto Dei composuisse legimus, quæque figuram horum exstitisse novimus: atque adeo præferri, inquit, Christum ipsum, quem Pater unxit Spiritu sancto, verbis legis ac prophetarum, quorum Ecclesia (quæ hic loquitur) usum habuit, atque notitiam. » Ejusque expositionis auctores ait Origenem, Theodoretum, Bedam, etc.

(891) Vulgata habet: *Oleum effusum*; sed unguentum usurparunt alii ex versione LXX; Si-

A non multos pepererant. Hæc autem pristina vetustate relicta, sanctoque Spiritu accepto, Christum totis viribus, omnique maternitatis affectu dilexerat. Vox Ecclesiæ ad Christum:

« Trahe me post te. » Post se namque Christus eos trahit, quicumque eum imitantur, ut qui ipsius imperio super cælos exaltantur: « Nemo ascendit in cælum, nisi qui de cælo descendit (Joan. iii, 13). » Ipse quidem per se ascendit, qui et perfectus **606** Deus est, et perfectus homo. Cæteri autem, quoniam per se ascendere nequeunt, ut trahantur, necesse est. Trahuntur igitur, sicut ipse Dominus ait: (892) « Cum a terris exaltatus fuero, omnia traham ad me ipsum (ibid. xii, 32). » — « Et curremus in « odorem unguentorum tuorum, » id est in suavi-

B tate virtutum, prædicationum et gratiarum. In istarum namque odorem currunt, qui earum suavitatem et dulcedinem capti incessanter bona operantur. Qui enim vitis fœtent, eis quidem hæc omnia non redolent. Vox sponsæ ad adolescentulas: « Introduxit « me rex in cellaria sua. » Mutatio personæ. Jam, inquit, in cellaria sua, et in æterna tabernacula fide et spe me Rex regum introduxit. Possumus etiam per cellaria singulos prophetarum libros intelligere, in quos Ecclesia introducta spirituali vino inebriatur (893). Unde Psalmista: « Inebriabuntur ab ubertate domus tuæ (Psal. xxxv, 9). » Apostropha. « Exsultabimus, et lætabimur in te. » Cum enim Dei laudes, et magnificentias in sacris voluminibus ecclesiastici viri reperiunt, in tanto talique

C viro exsultant, et lætantur. Denique cum ad summam illam beatitudinem pervenerunt, summis et æternis bonis receptis, in eo solo exsultabunt. « Me « mores uberum tuorum super vinum. » In te, inquit, exsultabimus uberum tuorum memores super vinum venientium. Venit lac super vinum, venit Novum Testamentum super Vetus; temperatum est vinum, dulcis, mitis, et intelligibilis facta est lex. Consummatum est igitur super domum Israel, et super domum Juda Testamentum Novum. (894) « Reges di « ligunt te. » Qui enim scriptum, et alios regit, vera definitione rex appellatur. Reges enim sunt apostoli, episcopi, et sacerdotes. Apostoli autem nisi Christiariaci. Vatabili, et aliorum, ut docet Cornelius a Lapide. His addimus Matth. Captachuzenum in Latinum verum a doctiss. Vincentio Riccardo Cler. Reg. Romæ an. 1624. De præstantia nominis Jesu fuse disseruerunt sancti Patres; ut docet super cit. Ghislerius.

(892) « Non enim currere quis valet per viam mandatorum Dei, nisi per ipsam trahatur gratiam. » Ita S. Greg. papa, Beda, Cassiod., etc.

(893) Huiusmodi interpretatio est juxta Cassiodorum, et Bedam, ut apud Ghislerium. Alii mysteriorum divinorum revelationem intelligunt. Ita Cantachuzenus.

(894) Ita lectio Riccardiani codicis: at Vulgata habet: *Recti diligunt te*. Et omnes commentatores huic versioni conformantur; inter quos S. Gregorius ait: « Rectitudinem esse fundamentum dilectionis Dei, sicut et dilectio Dei est perfectio rectitudinis; » idemque docet Cassiodorus. Riccardus vero ex Cantachuzeno legit: *Rectitudo dilexit te*

stus diligenter, pro eo quidem non morerentur. Diligunt igitur reges et recti, a quo sunt reges, et recti. Vox synagogæ: « Nigra sum, sed formosa, filie Jerusalem. » Nigram se dixit pro ignobilitate generis: formosam vero propter poenitentiam et fidem (895). Hoc autem gentium Ecclesia, vel apostolicus cætus dicit. Vos, inquit, filie Jerusalem, filie Libani, filie candidationis estis. Ego autem filia Cedar, filia tenebrarum, filia cervorum fui. Ego populus, qui sedebat in tenebris. Ego sum, cui dictum est: « Fuistis aliquando tenebræ (Ephes. v. 8). » Consentio igitur, quia nigra sum, quoniam in peccatis nata sum: secundum creationem, pristinamque vitam nigra; secundum regenerationem autem super nivem dealbata. « Formosa sum; » sed ubi formosa? In oculis, in auribus, omnibusque membris. Deformes enim oculi sunt, quod deformia et turpia videre concupiscunt; deformes aures, quod vaniloquia, et scurrilitatem audire delectantur. E contra vero « quam speciosi pedes evangelizantium pacem, evangelizantium bona (Rom. x. 15)! » Nigra sum exterius, pulcherrima vero, et formosa interius. Nigra videtur homini, quod videt; pulcherrima, quod hominem latet. Homo enim faciem, Deus autem corda considerat.

« Sicut tabernacula Cedar. » Cedar tenebræ interpretatur. Tenebrarum vero nigredo sola luce fugatur. Erat igitur Ecclesia nigra sicut tabernacula Cedar, quæ a sole justitiæ illuminata candida facta est. Unde Evangelista: « Et lux, inquit, in tenebris lucet, et tenebræ eam non comprehenderunt (Joan. 1. 5). » Cedar quidem tabernacula sunt, in quibus tenebrarum principes inhabitant. Denique secundum carnem non majoris pulchritudinis sunt iusti quam iniusti. « Sicut pelles Salomonis. » Nigra, inquit, sum, sicut tabernacula Cedar, formosa vero sicut pelles Salomonis. Non me igitur despiciat Salomon; si quidem mea pellis pelli suæ convenit. Est igitur Ecclesia inter mulieres speciosa, atque formosa, quoniam quidem prædictus Salomon, « Speciosus est forma præ filiis hominum (Psal. XLIV. 5). » Vox Ecclesiæ: « Nolite considerare quod fusca sim. » (896) Hoc autem in persona dicitur apostolorum. Fusca, inquit, sum, et quantum ad exteriorem formam deformis sum; non uncta, non crassa, non delicata, imo hispida, et ad videndum gravis. Hæc autem nemo despiciat: sed quæ interius sunt, subtilius cogitet. « Quia decoloravit me sol. » (897) Non in umbra quievi, non in lecto me otio dedi.

(895) *Fusca sum* (exponit S. Ambros. ser. 2 in ps. cxviii): « Per culpam, decora per gratiam, fusca per vitium, decora per lavacrum. Fusca sum, quia peccavi; decora, quia jam me diligit Christus. » Concordat August. serm. 201, de Tempore.

(896) Ex Cantachuz. vertit Riccardus: « Non intueamini, quod nigra sim; quoniam non est intuitus me sol. » Quibus subjicit: « Nam et si nondum verum illud in me apparuit lumen, apparebit tamen, et illustri gloria perfundar. »

(897) In plures interpretationes super hunc locum abire Patres, ut videre est apud Calmetum, Cor-

A Quid igitur? In vinea laboravi, agrum excolui, vigilavi, jejunavi, sole insuper multas adversitates perpessa decolorata sum, et fusca. Quid mirum? Vox Synagoga: « Filii namque matris meæ pugnaverunt contra me. » Mihi, inquit, quietudinis fuit facultas, quoniam necessaria parare, et 607 contra hostes pugnare necesse erat. Non enim solum barbari, verum etiam filii matris meæ mihi bellum inferebant. Foris igitur pugnae, intus timores, hinc tyrannorum gladius, hinc Judæorum, et hæreticorum disputatio (898). Matrem suam Judæam, vel synagogam intelligas. Unde Apostolus: « Cum, inquit, placuit ei qui me segregavit ex utero matris meæ (Galat. 1. 15), » etc. Possumus autem per hanc matrem, iniquitatem intelligere. Unde Psalmista: B « Quoniam in iniquitatibus conceptus sum, et in peccatis concepit me mater mea (Ps. 1. 7); » inquit: « Filii matris meæ pugnaverunt in me. » Hoc est impugnaverunt me corporis passiones, carnis illecebræ decoloraverunt me, ideo sol justitiæ mihi non refulsit (899).

« Posuerunt me custodes in vineis. » Quis igitur, nisi pro arcendis furibus ponit in vineis custodes? Unam Deus vineam plantavit, quæ quoniam in amaritudinem conversa est, multæ aliæ vineæ plantatæ sunt. Unde et illud: « Et seminaverunt agros, et plantaverunt vineas (Ps. cvi. 37). » In his apostoli positi sunt custodes, ne eam vindemiarent omnes qui prætergrediuntur viam. « Vineam meam non custodivi. » Vineam, inquit, unam reliqui, vineas autem multas custodivi (900). Multæ autem vineæ multæ sunt Ecclesiæ. Una vero synagoga est. Hanc autem reliquerunt apostoli, sicut scriptum est: « Vobis oportuerat primum loqui verbum Dei, sed quia repulistis illud, et indignos vos fecistis æternæ vitæ, ecce convertimur ad gentes (Act. xiii. 46). » Potest et sub interrogatione hoc legi. Vineam meam non custodivi? Custodivi utique. Quod autem prius pluraliter, dein vero singulariter vineam posuit, unitatem Ecclesiæ figuravit, quæ quamvis secundum locorum qualitatem dividatur, in fide tamen et dilectione una est. Hanc custodierunt apostoli et doctores, ne Arius, Sabellius, cæterique fures aliquem dolose racemum subriperent, neve quemque fidelem ab Ecclesia separarent. Vox Ecclesiæ ad Christum: « Indica mihi, quem diligit anima mea, ubi pascas, ubi cubes in meridie (901). » Indica mihi, inquit, fac me scire, firmiterque cognoscere, o pastor, o rector, quem tota mente, omnibus viri-

nellum a Lapide, et Ghislerium. Placuit Brunon. Cassiodorio, et Bedæ adherere.

(898) Juxta Origenem hæc dicta intelliguntur ab Ecclesia primitiva, enarrantem pugnas illas quas sustinuit a Judæis filijs synagogæ matris suæ. Idem sentit Cantachuzenus.

(899) S. Ambros. lib. de Isa. et anima, c. 4.

(900) « Ex inobedientia erga prophetas id contigit mali synagogæ, ut non custodierit propriam vineam legis divinæ. » Ambros. serm. 2. ps. cxxiii, v. 1.

(901) Cantachuzenus his animam divinam sponsum.

bus dilexi, et diligo (902); indica mihi, ubi gregem pascas, quo in loco, quibusve cibis oves tuas nutrias. Dei namque oves in conventu prædicationis, et sacris voluminibus pascuntur. Illis autem episcopis etiam indicatum est, qui canes muti non latrare valentes, Dei animalia fame perire patiuntur. « Ubi cubes in meridie. » Quid per meridiem nisi nimis æstuantem sanctorum afflictionem (903)? Dic inquit, dic pastor, ubi in meridie cubas, ubi es, cum sancti affliguntur, ubi es cum a lupis agni tui dilaniantur? Nonne tu es ille qui, ut bonus pastor, animam pro ovibus ponis? Gravis est æstus, sitiunt oves, uruntur calore. Duc ad portum, duc ad umbram. Scio; dices: In te sum, in te cubo et requiesco. « Super quem enim requiescit spiritus meus, nisi super humilem, et quietum, et trementem verba mea? » (Isa. lvi, 2.) Itemque: « Nescitis, quia templum Dei estis, et Spiritus sanctus habitat in vobis? » (Cor. iii, 16.) Cur igitur tribulor? Scio, inquit, quoniam per multas tribulationes oportet nos intrare in regna cælorum. Vera est responsio; jam nihil timeo; siquidem tantus hospes civitatem custodit. Æstum non perhorresco, quoniam fons vivus mecum est. Sequitur: « Ne vagari incipiam per greges sodalium tuorum. » Quid per sodales, nisi hæreticos, et philosophos (904)? Sed quare sodales? Quia et ipsi quidem et pastores sunt, et gregem pascunt. Per istorum autem greges, et conventicula illi vagantur, qui veræ pascuæ, et divini prati viam ignorant. Rogemus igitur Dominum nostrum, ut et nobis ovile indicet, et in loco pascuæ nos sua misericordia collocet.

Item versus:

Quid mihi tot legas, o regie sponse, prophetas?
Cessant legati tantum dare verba parati.
Te volo, te credo, te solum visere quero.
Jam miserere mei, jam te patiari videri.
Oscula jamque tuæ sponse dare sit tibi curæ,
Auribus et nostris dulcis modulamina vocis.

Jam resonet rogo te, si quis tuus est amor in me.

Vox Christi ad Ecclesiam: « Si ignoras te, o pulcherrima inter mulieres, egredere. » Si te, inquit, mulierum pulcherrima, forma speciosa, ignoras; si tui oblii, tuæ nobilitatis immemores, egredere, abi. **608** et vagare, ut dixisti, per vestigia gregum. Sequere hæreticos, imitare philosophos. Nos ipsos namque ignoramus, quando nostræ dignitatis, baptismatis, et novitatis oblii errori sublimur, et vanitati, gre-

interrogasse perhibet, ubi quiesceret; eique respondisse in meridie; id est in Patris ac sempiterni luminis sinu, ejusque tempus nondum advenisse, ut ab eo descendat, et suam faciat in homines misericordiam.

(902) « Bene, inquit, eum, cujus præsidium flagitat dilectum animæ suæ vocat; quia quo gravius est periculum, de quo eripi capit, eo amplius illum, per quem se eripiendam novit, diligit. » Beatus.

(905) Etiam hac in expositione scilicet videtur Bruno Cassiodorum, et Bedam.

(904) Ita Augustinus pluribus in locis, præcipue vero in serm. 50. de Verbis Domini.

A gumque caparrum, et hircorum vestigia sequimur.

« Et pascas hædos tuos juxta tabernacula pastorum (905). » Si te, inquit, ignoraveris, et a me recesseris, agni tui mox hædi fient. Sicut enim in baptismate capreae vertuntur in agnos, ita peccantes, et a Deo recedentes animas puras, agnosque mitissimos in petulcos, fœtidosque hircos convertimus. Hi autem hædi juxta pastorum tabernacula, et hæreticorum conventicula, suavi Scripturarum cibo fastidito, venenosa pascuntur herba, id est prava dogmata hauriunt. Vox Christi: « Equitavi meo in curribus Pharaonis, assimilavi te, amica mea. » Nec me, inquit, relinquare, nec tui oblivisci debes. Meo enim equitavi assimilavi te in curribus Pharaonis. Ei autem Ecclesia assimilatur, ea videlicet ratione, qua currus, et equites Pharaonis populum Israeliticum persecuti sunt. Sed sicut Pharaeo prædictum persequens populum cum curribus, et equitibus in mari submersus est; ita et diabolus cum vitiorum multitudine hominum animabus insidians, in baptismate perit. Tanto igitur accepto beneficio, nemo sui, vel Dei obliviscatur. Adolescentulæ ad sponsam:

« Pulchræ genæ tuæ sicut turturis. » His autem quasi exprobrationis verbis auditis, propter verba superius dicta, verecundiæ sibi attrahit ruborem. Dixerat enim: ne vagari incipiam. « Vagari namque meretricum est. Hujus igitur verbi hujusque temeritatis recordata erubuit. Sponsus autem, hæc ut vidit, virginalem verecundiam laudavit. Ait enim: « Pulchræ sunt genæ tuæ, » verecunda, et pudica facies tua (906). Erubescis dicere, vel fecisse, etiam turpia cogitasse. Tu enim ex illis non es, quæ a crimine vires sumunt. Sed quomodo pulchræ? Sicut turturis, sicut virginis, sicut magnæ castitatis et conjugalis fidei observatrice. Non enim nisi uni Ecclesia servit marito. « Collum tuum sicut monilia. » Sicut, inquit, ceteræ virgines monilibus; ita tu solius colli pulchritudine delectaris. Quid per collum, nisi doctores? Per collum namque ventri cibum immittitur, de quo et verba exeunt. Ecclesia vero a doctoribus nutritur et eruditur. Colli igitur officium a doctoribus expletur. Præterea colli infirmitas totius corporis est ruina. Vox amicorni: « Murena aureas faciemus tibi. » Murenulæ quidem ornamenta sunt colli virginalis, a pisce murena ita nuncupatæ. Significant autem sermones prophetarum prolixos, et distinctos, et laudabiles. Murenu-

(905) Ut brevitati consulam unum inter plures loci hujus interpretes afferam S. Augustinum, serm. 50. De Verbis Domini, et ep. 48. ad Vincetium, qui docet fideles, ignorantes excellentiam catholicæ Ecclesiæ, facile in sectas hæreticorum prolabi.

(906) Observat Origenes, hom. 2. in Cant. apud LXX legi: Quam pulchræ factæ sunt genæ tuæ, ut significaretur, prius quidem non ita eas fuisse, sed postea quam suscepit oscula sponsi, et ipse qui loquebatur per prophetas, prius adfuit, et mundavit sibi ipsi Ecclesiam suam lavacro aquæ; totamque speciosam, pulchramque reddidit. Vid. Ghisler.

tas nobis Moyses, Isaias, Jeremias, David, et hic quidem, qui hæc scripsit Ecclesiastes, nobis fecerunt. « Vermiculatas argento. » Murenlæ quidem sunt, quoniam labiles; aureæ autem, quoniam sapientiam luce præfulgent; argento vero vermiculatas dicuntur, quoniam eloqui puritate distinguuntur.

Versus :

Virgo beata,	Grata meorum
Mirificata,	Discipulorum,
Sponsa pudica,	Pascua scito :
Dulcis amica;	Hæc et adito,
Te sapienter,	Pax tibi multa
Atque decenter,	Omnia tuta.
Ordine forma.	Quod placet uni,
Moribus orta	Est grave nulli.

Vox sponsæ : « Cum esset rex in accubitu suo, « nardus mea dedit odorem suum. » Cum, inquit, rex meus, sponsus meus, dilectus meus esset in accubitu, in lectulo carnis, in humanitate, quam ex virginali utero assumpsit (907), « nardus mea dedit odorem. » Hoc autem juxta litteram de Maria intelligi potest, quæ unguenti alabastrum super caput ipsius recumbentis effudit. Mox enim tota domus ex unguenti odore repleta fuit. Spiritualiter autem de Ecclesia intelligitur. Priusquam enim in homine Salvator noster venisset, in paucis nardus odorem dedit, quoniam paucorum virtutes, et orationes Domino placebant. Postquam autem in carnem venit, et tanquam sponsus de thalamo suo Dominus processit, mox sanctorum virtutes et orationes odorem dederunt. Unde Apostolus : « Bonus odor, inquit, sumus Deo (II Cor. II, 15). » Et Psalmista : « Dirigatur oratio mea sicut incensum in conspectu tuo (Ps. cxi.). » Hinc est, quod Joannes phialas aureas odoramentorum plenas vidit (Apoc. v, 8). Post Christi namque incarnationem, et virtus sanctorum, et numerus crevit. Dedit igitur **609** nardus odorem Christo Domino incarnato. « Fasciculus myrrhæ dilectus meus mihi. » Myrrham quidem pro amaritudine posuit. Fuit enim Christus Ecclesiæ myrrhæ fasciculus; et quidem magni doloris, magnæque amaritudinis collectio. Quomodo enim nisi in dolore et amaritudine esse poterat, tanto talique viduata viro? Sic quoque dici potest : « Dilectus meus mihi. » Propter me, meique ad utilitatem fasciculus myrrhæ factus est, quoniam morti et passionis amaritudini sese pro me subdidit (908). Nonne myrrhæ et amaritudinis por-

(907) Sententia est Ambrosii, serm. 3 in ps. cxviii, 1, pro regis accubitu accipiendam filii Dei incarnationem in purissima Virgine, quam sibi matrem, et sponsam elegit, atque in se plenitudinem gratiæ tanquam pretiosissimum odorem effudit.

(908) Quanvis in plures commentationes in hunc locum abierint expositores, communis nihilominus, ut docet Ghislerius, Patrum Latinorum sensus eo spectat, ut per hæc Ecclesiæ, vel pia anima, vel etiam B. Virgo significet se velle Christi passionem jugiter habere in corde, nedum per jugem meditationem, verum etiam per imitationem.

(909) Præter Brunonem, alii fuisse, ut notat

A tabat fasciculum, cum diceret : « Tristis est anima mea usque ad mortem? » (Math. xxvi, 38.) Fuit equidem fasciculus, quia et multos ad se traxit, et multos secum occidit. Omnes enim martyres pro morte ipsius, quasi uno fasciculo colliguntur. « Inter « ubera mea commorabitur. » Commoratur enim egregius sponsus inter ubera sponsæ, quoniam a memoria ejus et amplexu non separatur. Locus namque cordis inter ubera est. Ubi autem cor, ibi et memoria. Qui igitur inter ubera commoratur, siquidem in corde jacet, memoriam fugere nequit. Felix illa anima, nimiumque felix, cujus inter ubera Christus commoratur, cujus in corde jacet, et quæ ipsius nunquam obliviscitur. « Botrus Cypri dilectus meus « mihi. » Cypri namque insulæ vinum optimum est

B (909). Vinum autem lætificat cor hominis. Est autem Christus sanctis suis botrus Cypri, quoniam ejus sanguinis haustu lætificantur. Denique si vinum lætitiam significat, merito qui fuerat fasciculus myrrhæ moriendo, botrus Cypri dicitur resurgendo. Unde Psalmista : « Ad vespertum, inquit, demorabitur fletus, et ad matutinum lætitia (Psal. lxxix, 6). » Est igitur botrus Cypri. Ubi? Sequitur : « In vineis « Engaddi. » Engaddi fons hædi interpretatur. Fons autem hædi in Ecclesiis est. Sunt autem Ecclesiæ vineæ Engaddi. Fons enim baptismatis est in Ecclesia, in quem qui intrat, hædus est; qui autem exit, agnus.

Versus Scir Haseirim.

C Omnia qui feci, sumere carnem dignatus Dominus, Morte redemit humani generis sponte ruinam : In cruce suspensus, cum pateretur, fasciculum myrrhæ

Crede, fuisse. Tristis enim dixit morte.

Insper et Petrus flevit amare; postea vero dedit Nardus odorem, cum caelos petit veste cruenta.

Vox Christi : « Ecce tu pulchra es, amica mea. » Confirmatio. « Ecce tu pulchra es. » Pulchra, inquit, es, sine macula es, interior exteriorque casta es. Magnæ enim inter Christum et Ecclesiam sunt amicitie; cum et Christus pro Ecclesia, et Ecclesia pro Christo mori non dubitaret : « Majorem enim hæc dilectionem nemo habet, quam ut animam suam ponat quis pro amicis suis (Joan. xv, 13). » Vox

D Ecclesiæ : « Oculi tui columbarum. » Oculi, inquit, tui, memoria, et intellectus, et ratio columbarum sunt, id est casti et simplices. Nullatenus enim de intellectu vel sapientia superbis. Tu enim ex illis non

Ghislerius, qui Cyprum insulam hic pro Cypri frutice, vel arbusculo suave olentem florem producente usurparunt. Fuerunt autem S. Gregorius, Cassiodorus, Beda, Anselmus, et Bernardus, etc. Ex hoc flore fit unguentum, seu oleum cyprinum vel ligusticum appellatum, quod a Theophrasto lib. ix De historia plantarum cap. 7, inter odorosissima connumeratur unguenta. De hac planta etiam loquitur Plinius lib. xii, cap. 24. Cyprus in Egypto est arbor Ziziphi foliis, semine Coriandri, flore candido odorato, etc. Eadem affert Riccardus in notis ad Cantachuzenum, p. 121.

es, qui dicunt: « Labia nostra a nobis sunt (*Psal.* A. 5). » Vox Ecclesiae, vel Christi: « Ecce tu pulcherrimus, dilectio mihi, et decorus. » In hoc enim maxima virtusque concordia comprobatur, quod utique utrumque de pulchritudine laudat. Hujus decor et pulchritudo nec dici quidem, nec cogitari potest. « Lectulus noster floridus. » Quid per lectulum, nisi cor? Unde ipse Dominus ait: « Intra in cubiculum tuum (*Matth.* vi). » Hic autem lectulus floridus est, virtutibus et conscientiae puritate. Possumus autem et per hunc lectulum illam sanctorum beatitudinem intelligere, in qua in perpetua quiete, et otio quiescentes, sicut palma Justis forebunt. « Ligna domorum nostrarum cedrina, laquearia cypressina. » Has autem domos Ecclesiae intelligas, per hunc mundum dispersitas. In his autem, et culmen et fundamentum Christus est, quoniam ab eo sustentantur. Columnae vero et parietes apostoli sunt et prophetae. Ligna autem praepositi sunt et doctores a quibus reguntur, sustentantur et teguntur. Laquearia vero, quae magis ad ornatum pertinent, quam ad utilitatem, virgines sunt et viduae, cum monachorum ordine. Hic enim quanto a saeculo dividuntur, tanto magis et virtutibus et sanctitate refurgent. Hi autem sibi prosunt, et ceteris non efficiunt. Sed quare illa cedrina, vel ista cypressina esse dicuntur? Cedrus namque et cypressus immarcescibilis, et redolentis naturae est. Sancti autem, et immortales sunt, et odor Domino suavissimus (910).

610 CAPUT II.

Vox Christi: « Ego flos campi. » Non equidem et pulchrum esse, et decorum negat, quin imo totius mundi florem, et pulchritudinem, et honorem esse confirmat. Est praeterea flos campi, id est illius virginis, et inaratae terrae filius, de qua scriptum est: « Et terra nostra dabit fructum suum (*Psal.* lxxv, 7). » Unde Isaias: « Egredietur, inquit, virga de radice Jesse, et flos de radice ejus ascendet (*Isa.* xi, 1). » — « Et lilium convallium. » Hoc enim lilium non montium, sed convallium est; quoniam non superbos, sed humiles Dominus diligit. Sicut ipse ait: « Discite a me quia mitis sum et humilis corde (*Matth.* xi, 29). » In convalle nascitur lilium, in humilium corde habitat Salvator. « Sicut lilium inter spinas, sic amica mea inter filias. » Lilium namque inter spinas pungitur et premitur; crescit tamen, et dat odorem. Sed et Ecclesia a filibus, scilicet ab haereticis et schismaticis, quos in fonte baptismatis genuit, multoties affligitur, opprimitur et pungitur. Hoc autem ad litteram. Spiritua-

(910) Totā hāc expositio cum SS. Patribus saepe relatis perfecte cohaeret, et brevi commentario, quem sibi proposuerat S. Bruno, satis superque est.

(911) S. Ambros. lib. Institutionis virgin. cap. 14, ait: « Christus erat lilium in medio spinarum, quando erat in medio Judaeorum. » Et Rupertus abbas Judaeos pariter intelligens per spinas, per filias putat significari haereticos, quae catholicam veritatem tanquam lilium suffocare nituntur.

(912) Circa vim encomii hujus, quo Christus celebratur similitudine mali, communis est Patrum omnium sensus, ut laus triplex in illum conferatur:

A. Inter autem lilium inter spinas Christus est inter Judaeos, et justos inter peccatores (911). A spinis quidem opprimitur lilium, a Judaeis autem affligitur, vulneratur et crucifigitur Christus. Inter spinas lilium crescit, quoniam a ligno Christus regnat. Hoc autem lilium in cruce suavissimum Patri dedit odorem. Unde Psalmista: « Dirigatur, inquit, oratio mea sicut incensum in conspectu tuo, elevatio manuum mearum sacrificium vespertinum (*Psal.* cxi, 2). » Primitiva vero et apostolica Ecclesia, inter innumeras filias, quas genuit, hanc competentem tenet similitudinem. Conveniat modo civitas una, imo duae, vel quatuor, totaque provincia. In medium ponatur Petrus, dicatur Paulus adesse, nonne lilium inter spinas, nonne flos gratissimus tibi inter tribulos esse videtur?

Versus:

Flos ego sum campi, decus et laus ordinis almi;
Angelicus caetus mihi subditur;
Omnia complector, coelum trans maris aequor:
Cunctorum Dominus, Pater et Deus
Quis nisi solus ego? Nemo, dico tibi, nemo.

Vox Ecclesiae: « Sicut malum inter ligna silvarum, sic dilectus meus inter filios (912). » Sicut enim malum inter ligna infructuosa fructuosum est; ita et Christus inter Judaeos, aliquando et apostolos fuit. Hoc est enim illud lignum, de quo dicitur quod fructum dabit in tempore suo (*Psal.* i, 3). Erant enim tunc temporis apostoli sine fructu, cum multos in Judaea Christus daret fructus. Ad ejus autem comparisonem non solum sine fructu, verum etiam sicci videbantur. Unde ipse ait: « Si in viridi ligno hoc faciunt, in arido quid fiet? » (*Luc.* xiii, 31). Hi autem qui prius aridi et infructuosi erant, hujus ligni pomis degustatis, sanctoque Spiritu accepto, quanta fertilitate fructificarent, ab ipsius Salvatoris verbis percipiunt, qui ait: « Ut eatis, et fructum afferatis, et fructus vester maneat (*Joan.* xv, 16). » — « Sub umbra illius, quem desideraveram, sedi; » id est in ejus protectione tandem requievi (913). Nigra namque erat Ecclesia, et vitiorum aestu fuscata, quando ad hujus arboris umbram confugit, quando hujus umbram cognovit, suique caloris refrigerium sensit.

« Et fructus ejus dulcis gutturi meo. » Sub umbra, inquit, sedi, de fructibus arboris hujus cognovi, ejusque in contemplatione sum resecta, dulcibus et eloquiis satiata. De his enim fructibus, et alibi Ecclesia dicit: « Quam dulcia faucibus meis eloquia tua, super mel ori meo (*Psal.* cxviii, 103)! » — Introduxit

pulchritudinis, juxta illud Ps. xlii, *Speciosus forma praefiliis hominum*; fragrantiae gratiarum, juxta illud: *Unguentum effusum nomen tuum*; atque refectionis, quam refectionem generice sumunt Theodoretus, Ambrosius, Cassiodorus, Beda, Bernardus, nec non Origenes hom. 2, ex tribus, per verba per doctrinam, per exempla.

(913) Ita sentiunt omnes SS. Patres et expositores, aiuntque sub umbrae metaphoram designari Dei, vel Christi, animae sponsi, protectionem, ad quam aspirare debent ejus amatores.

me rex in cellam vinariam. » Quid per cellam vinariam, nisi Novi Veterisque Testamenti doctrina? De hac enim cella dicitur: « Quia calix in manu Domini vini meri plenus misto (Psal. LXXIV, 9). » De hujus namque cellæ vino Apostolus ebrius dicebat: « Sapientiam loquimur inter perfectos (I Cor. II, 6). » Et Psalmista: « Et calix tuus, inquit, inebrians, quam præclarus est! » (Psal. XLII, 5.) Hanc autem in cellam Ecclesia introducta, superni vini dulcedine inebriatur. « Ordinavit in me charitatem (914). » Quomodo in hac cella charitas ordinatur? Vis audire? « Diliges Dominum Deum tuum ex toto corde tuo, et ex tota mente tua, et ex omnibus viribus tuis (Math. XXII, 37). » Quid ultra? « Et proximum tuum sicut te ipsum (ibid., 39). » Illic est ordo, et vera regula charitatis, ut et Deum super omnia, et proximum sicut nos ipsos, diligamus. Ordinavit in prima cella; ordinavit et in secunda. In prima autem **611** quomodo? « Diliges proximum tuum, et odio habebis inimicum tuum (Math. v, 43). » Quid dicitur in secunda? « Diligite inimicos vestros, benefacite his qui vos oderunt (ibid., 44). » Nunquid hic ordo contrarius tibi esse videtur? Non utique contrarius, imo conveniens; alioquin ordo non esset. Quod enim in primo de vitio, in secundo de natura intelligitur, ut sic dicatur: inimicum odio habebis; vitium, non naturam. Diliges inimicum tuum, naturam, non vitium. « Fulcite me floribus, stipate me malis, quia amore langueo. » Floribus namque et malis granatis fulciri sponsa desiderat, ut super illa requiescat (915). Sponsi, inquit, charitas, jam in me ordinata est. Diligo, amore langueo. Vos igitur mei famuli, fidei, clientes, consocii, familiares, fulcite me floribus, stipate me malis. Apostoli namque et doctores floribus Ecclesiam fulciunt, et malis quidem stipant. Multos enim flores Gregorius, multos Ambrosius, Hieronymus, et Augustinus Ecclesiæ attulit. Per flores sententias; per mala, credentes intelligimus. Possumus etiam per flores operis initium, per mala vero perfectionem intelligere (916). Flores enim poma sunt, cum auditores sententiis credunt, et quæ credunt, opere complent. « Læva ejus sub capite meo, et dextera illius amplexabitur me. » Cum enim pro Ecclesia moreretur Christus, nonne sub ejus capite lævam manum tenebat? Læva enim et

A sinistra pro adversitate ponitur. Hac igitur læva, hac adversitate, hac durissima morte nostri Salvatoris de lino profundi, summaque miseria elevati sumus. Cum enim inclinato capite spiritum emisit, nimirum ad se caput erexit. Dextera vero ipsius Ecclesiam amplexata est; quia resurgens a mortuis, immortalis factus, dextera et fortitudine resumpsit omnia quæ quidem ad se traxit (917). Possumus autem et pro læva ea quæ huic vitæ necessaria sunt intelligere. Pro dextera autem summam illam beatitudinem (918). Dum enim in hoc sæculo vivimus, quasi lævam nobis sub capite Dominus tenet, in adversitate sustentans, et necessaria suppedians. Postquam autem hanc vitam relinquemus, Dei dextera amplexati, immortalitate et fortitudine induti, jam nobis nihil sinistrum, nihil adversum esse poterit. Vox Christi:

« Adjuro vos, filiæ Jerusalem, per capreas, cer-
vosque camporum, ne suscitatis, neque evigilare
« faciatis dilectam, quoad usque ipsa velit (919). »
Quid per filias Jerusalem, nisi omnes animas baptis-
matis fonte regeneratas? Quid per capreas et cervos,
nisi virtutes et bona opera, quibus et ad cælum cur-
rimus, et serpentum demonumque venena superamus?
Quid vero per dilectam, nisi animam solius Dei
contemplationi vacantem? Hanc enim a tanto somno
excitare, a tanta quiete tantaque beatitudine separare,
nisi ipsa volente vel necessitate cogente, peccatum est.
Qui igitur cervos et capreas diligit, qui pedes, alas,
fortitudinem, æquitatem amittere perhorrescit, huic Dei
dilectæ non sit molestus. Versus:

Sicut inter ligna malum, pomis et odore gratum
Sic dilectus in solo est conventu filiorum
Sub illius umbra sedi, refrigerio quievi.
Dulcia gutturi meo poma suscepi ab eo.
Me in cellam introduxit, et vinum bibere jussit.
Dedit mihi charitatem, virtutum omnium matrem.
Læva caput sublevatur, dextera caput amplexatur.
Ad hoc nisi me amaret, quis pro eo me adjuraret?
Vox Ecclesiæ: « Vox dilecti mei. » Hæc, inquit,
vox, hæc, quam audio, adjuratio mei dilecti est. Nisi
enim me dilexisset, nequaquam pro me ita loqueretur.

« Ecce iste venit. » Sed quomodo venit? « Sa-
liens in montibus. » De cælis namque veniens pri-

(914) Ordinavit in me charitatem. Juxta communionem PP. sententiam, eo spectat, ut Ecclesia, aut pia anima significet, se, postquam a Deo admissa est in cellam vinariam, ab eodem Deo donatam, ut debito ordine, charitate prosequeretur ipsummet Deum, et proximum. Ita Ghisl., cui concordant Cornelius et Lapidus, Calmetus, etc.

(915) Ita verit Symmachus: Requiescere me facite in flore; id est sternite mihi flores, ut super illis requiescam; quæ interpretatio non displicuit Hieronymo.

(916) « Quid namque sunt flores, nisi animæ bonum jam opus inchoantes, et desiderium cælestis redolentes? Quid mala de floribus, nisi perfectæ jam bonorum mentes, quæ ad fructum perveniunt boni operis, de initio sanctæ propositionis? » S. Gæc.

(917) « In læva reputat anima sancta recordationem illius charitatis, qua nulla major est, quod animam suam posuit pro amicis suis: in dextera vero beatam visionem, quam promisit amicis suis, et gaudium de præstantia majestatis. » S. Bernardus in lib. De diligendo Deo.

(918) « Sinistram Dei, prosperitatem videlicet vitæ præsentis, quasi sub capite posuit, quam intentione summi amoris premit. Dextera vero Dei eam amplectitur, quia sub æterna ejus beatitudine tota devotione continetur. » S. Gægorius.

(919) Cantacruzenus intelligit his verbis significari oracula prophetarum, divinam M. V. maternitatem prædicentia, quæ aperienda non erant, donec ipsa voluerit; venisset scilicet, et Jesum genuisset Salvatorem.

mun saltum in uterum Virginis dedit (920). Ille est ille lapis, qui abscissus dicitur de monte sine manibus. Sine viri namque complexibus de Virgine Christus processit. Vides igitur quod mons Maria vocetur. Dedit igitur saltum in montem, siquidem in Mariam. Dedit et alium saltum, in crucem videlicet. Cum enim in celos ascendit, altissimos in montes saltum fecit. Montes præterea dicuntur apostoli, quos Christus saliens habitavit. Sed si tu, o homo, mons fieri cupis, erige mentem, ut a terrenis cupiditatibus **612** spes, et cor tuum exaltetur. Mox enim in te saliet, qui in montibus salire dicitur. « Transiliens colles. » Vere utique colles transiliens, quoniam et sanctos sanctitate, et potentes omnes potentia transcendit : « Quis enim in nubibus æquabitur Domino ? » (Psal. LXXIV.) — « Similis est dilectus capreae, hinnuloque cervorum. » Ac si dicat : Ergo quia in montibus saliens, et colles transiliens est, capreae hinnuloque cervorum similis est. Hi enim et per montes currunt, et colles transiliunt.

« En ipse stat post parietem nostrum respiciens » per fenestras, prospiciens per cancellos. » Quid vero per parietem, nisi peccatum ? Hoc enim interposito, Deo conjungi non possumus. Noster autem dicitur paries, quoniam nos ipsi eum fabricavimus. De hoc autem, et per Psalmistam dicitur : « Et in Domino meo transgrediar murum (Psal. XVII, 30). » Possumus autem per parietem et humanitatem intelligere. Per hunc namque parietem, id est in humanitate clausus a paucis cognosci potuit (921). Stetit igitur post parietem nostrum, quia humana carne tecum cum hominibus conversatus est. Per fenestras respexit, quoniam quid nostri oculi videre, quid aures audire, quid os loqui desideret, quid corda cogitent, penitus ipse cognovit. Prospicit autem et per cancellos, quoniam nullus in choro cantat, cujus non videat voluntatem. Videt monachum, videt episcopum, videt qui ore, qui corde psallat. Cognoscit enim qui pro amore, vel qui pro favore cantat. « Columba mea, formosa mea, veni. Ecce dilectus meus loquitur mihi, dicens : Surge, propere, amica mea (922). » Unde Isaias : « Manda, remanda (Isa. XXVIII, 10), » inquit. Surgite apostoli, prædicate doctores, nuntiate Evangelium. Columba mea sine felle, absque amaritudine, innocens et simplex. Unde ipse ait : « Estote ergo prudentes sicut serpentes, et simplices sicut columbae (Matth. x, 16). » Formosa mea super

nivem dealbata, sine macula et ruga. Surge, inquit, fac quod factura es, et ad me tandem post malitiam, et peracto officio veni. « Jam hiems transiit, imber abiit, et recessit. » Transiit, inquit, hiems et imber, transiit tempus nebulosum, asperum et grave : « Ecce nunc tempus acceptabile, ecce nunc dies salutaris (II Cor. VI, 2). » — « Nox præcessit, dies autem appropinquavit (Rom. XIII, 12) ; » omnia jam clara, omnia jam nuda et manifesta sunt (923). « Flores apparuerunt in terra. » Jam flores, inquit, apparent in terra ; jam decore virtutum rutilat Ecclesia, jam spinis omnibus et tribulis evulsis, terra nostra germinat Salvatorem.

« Tempus putationis advenit. » Hoc autem est, quod Dominus in Evangelio discipulis ait : « Levate oculos vestros, et videte regiones, quia albæ sunt jam ad messem (Joan. IV, 35). » Nunc tempus metendi, nunc tempus in unam fidem gentes colligendi, tempus est vitia resecandi. Amputate vineas, ut oriantur uvæ ; amputate vitia, ut oriantur virtutes. « Vox turturis audita est in terra nostra. » Vox, inquit, turturis vox casta, vox apostolica audita est in terra nostra : « Domini est terra, et plenitudo ejus (Psal. XXIII, 1). » — « Ficus protulit grossos suos. » Quid per ficum nisi Synagoga ? Hæc autem protulit grossos suos ; dedit primitias fidei, patriarchas videlicet et prophetas. Vineæ florentes dederunt « odorem suum. » Vineæ florentes Ecclesie sunt : sed quare florentes, nisi quia virtutum cultores in illis sunt ? Hæc autem odorem dederunt, quoniam virtutibus et orationibus Dominum oblectant vineæ (924) ; quia aliis sunt odor mortis in mortem, aliis autem odor vitæ in vitam (II Cor. II, 16). Versus : Saliens in montes, transiliens colles, venit ecce nunc. Et Sponsus, et Deus, quem paries carnis oculis hu-

[manis

Celat, ut Judæus dicat. Non est Deus. Nonne vocem

[audis ?

Quæ intima cordis penetravit mei. Surge, veni, veni. Hiems enim transiit, imber omnis abiit, æstas aperitur.

[ritur.

Et turtur auditur, ficus dedit grossos, dabit ista bonos

[tros

Vineæque florent, præstant et odorem.

D « Surge, amica mea. » Ne dormias, inquit, sed surge, et per fidem et dilectionem bonum operare. « Sponsa mea ; » cui tantæ dilectionis amoræ con-

(920) « Veniendo quippe ad redemptionem nostram, quodam, ut ita dixerim, saltus dedit. De celo venit in uterum, de utero venit in præsepe, de præsepe venit in crucem, de cruce in sepulchrum, de sepulchro rediit in cælum. » S. GREG. M.

(921) « Quasi post parietem nostrum Christus incarnatus stetit, quia in humanitate assumpta divinitas latuit. Et quia ejus immensitatem si ostenderet, infirmitas humana ferre non posset, carnis obseculum obiecit ; et quicquid magni inter homines operatus est, quasi post parietem latitans fecit, » etc. Idem S. GREG.

(922) A divino Verbo hæc, ut ad M. V. dicta, refert Cantabrigie. « Tempus est, o mater, ut tu

nascaris in terra, ut sis domicilium mihi, ex te nasciturus mortali. Tempus enim hiemis nimirum infidelitatis præterit, et imber abiit, idololatriæ eluvies cum pravis pariter desit operationibus. »

(923) Ad illud Jo. III, 29, hæc referri possunt. Qui habet sponsam, ait, sponsus est : amicus autem sponsi, qui stat et audit eum, gaudio gaudet propter vocem sponsi.

(924) Communioni Patrum sensu, ait Ghislerius, significatur Ecclesiam universalem, seu Ecclesias particulares post Christi adventum floruisse virtutibus, et dedisse odorem bonæ famæ. Ita Origenes, Nyssenius, Hieronymus, etc.

junctus sum, ut tuam pro te carnem sumere dignarer. « Et veni, columba mea. » Columba, inquit, mea, felle, omnique amaritudine carens, veni post me, sequere me, ducem non habebas nisi me. « Et in foraminibus petreæ, » subauditur morare; id est in mœx carnis vulneribus delectare; tuxque salutis hæc vulnera fuisse causam agnosces (925). Moram **613** namque fecerat Thomas, nec credere volebat; qui postea in hujus lapidis vulneribus delectatus, inquit: « Dominus meus, et Deus meus (Joan. xx, 28). »

« In caverna maceræ. » Confirmatio est. Possumus etiam per maceræ cavernam, doctorum et angelorum custodiam intelligere, ut nunc quasi infra maceræ posita eorum munimine tueatur; quæ prius palam, et sine munitione vitiorum impetu quætielatur. « Ostende mihi faciem tuam (Exod. xxxiii, 15). » Probetur qualis sit innovatio, et pulchritudo tua, doce alios ut te; nullum timeas præter me. « Sonet vox tua in auribus meis. » Me, inquit, prædica et confitere, ut a te et ab aliis per te laus mihi, et honor debitus reddatur. « Vox enim tua dulcis. » (926) Quam audire volo, et facies tua decora, quam videre cupio. Præparet se sponsa, et vestibus ornet, quæ a tanto talique sponso est conspicienda. Loquatur non fletitia, vel inhonesta, imo dulcis et suavia verba. Vox adversus hæreses: « Capite nobis vulpes parvulas, quæ demoliantur vineas. » Quid per vulpes, nisi hæreticos, vitia et malignos spiritus? Hæc autem dum parva sunt, et in ipso suæ originis principio capienda, tenenda et destruenda sunt. Unde Psalmista: « Beatus, inquit, qui tenebit, et allidet parvulos suos ad petram (Psalm. cxxxvi, 9). » Vineam autem hanc vulpes demoliantur, quoniam Christi Ecclesiam destruant et dissipant. « Nam vitia nostra floruit (927). » Floruit itaque, quoniam vitis amputatis, virtutum candore et pulchritudine decoratur. Custodienda est igitur, ne a vulpibus vastata floribus privetur. Versus:

Surge, amica mea; veni, columba mea,
Vulneribus in meis, tam sana delecteris.
Tu pulchra videaris, tu sapiens loquaris.
Nam vox tua canora, et facies decora
Jam vulpes capiantur, vitia destruantur
Ne vinearum flores pereant, et odores.

Vox Ecclesiæ sic: « Dilectus meus mihi, et ego illi. » Dilectus, inquit, meus mihi auxilium præstat, et virtutem. Ego autem illi servo, et per omnia

(925) « Foramina petreæ sunt vulnera quæ Christus pro salute nostra in cruce suscepit, figuræ namque clavorum, lanceæ percussio. In his ergo foraminibus columba, id est Ecclesia moratur, quia totam spem salutis suæ in passione sui Redemptoris constituit. » Auctor Comment. Cassiod. attribuit.

(926) « Suavis est vox, quia ore confessio fit ad salutem, et decora facies, quia non erubescit auctorem, non confunditur Redemptorem. Ostendit ergo faciem suam signaculum crucis præferens, et insinuat vocem suam, auctoritatem prædicationis assumens. » Ambros. serm. 6, in ps. cxviii, v. c.

A obedio. « Qui pascitur inter lilia. » Idem est qui inter multos candidos et floridos sanctorum et virginum choros lætatur et habitat. In floribus enim delectantur virgines. Denique ut in peccatoribus spinæ, ita et in sanctis lilia pullulant. Pascitur igitur inter lilia, siquidem in sanctis habitat.

« Donec aspiret dies, et inclinentur umbræ. » Unde ipse ait: « Ecce ego vobiscum sum omnibus diebus, usque ad consummationem sæculi (Matth. xxviii, 20). » Dies enim tunc aspirabit, quando sol iustitiæ oriatur sanctis, et illa incipiet, quæ nunquam finem habebit. De qua dicitur: « Quia melior est dies una in atris tuis super millia (Psalm. lxxxiii, 10). » Umbræ vero inclinabuntur; quia vitæ hujus cessantibus adversis, cum satellitibus suis tenebrarum princeps in infernum præcipitabitur. « Reverte-
tere. » Cœlos, inquit, ascendisti, præliquo peracto ad Patrem redisti. Sed revertere inspicere terras, tuorumque preces exaudi. « Similis esto, dilecte mi, capræ, » quæ super montes appetit, et aut hinnulo cervorum, qui et umbram desiderat, et matrem frequenter revisere studet, et persequentium oculis sese ultro repræsentat. Similis igitur est capræ cœlos ascendens; hinnulo vero matrem revisitans in sanctis, qui vitiorum æstu minime exuruntur; habitans, atque iterum in secundo adventu Judæorum sese oculis repræsentans: « Videbunt, in quem compunxerunt (Joan. xix, 37). » — « Super montes Bether (928), » subauditur in quibus habitas. Bether namque domus Dei interpretatur. Stent igitur sancti Bether; siquidem est domus Dei. Dicitur autem domus Bether, a quibusdam domus consurgens, vel domus vigiliarum. Sancti autem et de virtute in virtutem semper ad altiora consurgunt, et eum quasi forem in nocte venturum vigilantes expectant.

CAPUT III.

Vox Ecclesiæ: « In lectulo meo per noctes exqui-
sivi quem diligit anima mea, quæsi, et non inveni. » Olim, inquit Ecclesia, in lectulo meo, in corde et perscrutationis otio quæsi Dominum meum, sponsum meum, quem plus omnibus diligit anima mea. Sed per noctes, sine fide, in tenebris, in humana sapientia, mentis cæcitate. Ideoque non inveni. Hoc enim hæretici, hoc philosophi quæsierunt; sed in nocte quærentes suæque in sapientia confidentes, non invenerunt (929). Unde ipse Dominus ait: « Confiteor tibi, Pater, Domine cœli et terræ, quia abscondisti hæc a sapientibus, et pro-

(927) « Id est Ecclesia, quæ per universum mundum late flores virtutum emit. Et notandum cum superius vineas pluraliter dixerit, modo singulariter dicit: Vineam nostram floruit, quia de multis Ecclesiis una electa est Ecclesia. » Auctor comment. dict. Cassiod.

(928) In Vulgata scribitur Bether, itemque in Hebræo textu, sed in Arabica versione Bethel, mons celebris propter visionem quam Jacob in eo habuit, et sæpe in Scriptura sancta repetitum hoc nomen reperitur.

(929) Vid. comment. in Cantic. sub Cassiod. xomine.

dentibus, et revelasti ea parvulis (*Matth. xi, 25*). » A
 — « Surgam, et circuibō civitatem. » Surgam, in-
 quit Ecclesia. Sed quē Ecclesia? Ecclesia gentium,
 populus qui sedebat in tenebris, somnoque deditus,
 qui nondum dixerat: « Deus Deus meus, ad te de
 luce vigilo (*Psal. lxxi, 1*). » Surgam, inquit, non am-
 plius dormiam, **614** circuibō civitatem, id est san-
 ctorum, apostolorumque congregationem; ut me
 de Deo ea doceant quę per me scire nequivi. « Per
 « vicos et plateas, omnibusque in locis quęram
 « quem diligit anima mea, quęsivi eum, et non in-
 « veni. » Hoc autem per noctem, hoc in lectulo
 meo. Quęram igitur in die, quatenus eum inveniam
 « Invenierunt me vigiles, qui circumcunt civitatem. »
 Surrexi, inquit, et prædictam civitatem circui-
 vi. Dum autem hoc facerem, me vigiles invenerunt, qui
 custodiunt civitatem. Civitas Ecclesia, vigiles autem
 apostoli sunt. Hi autem eos inveniunt, qui Deum
 fide et baptismo quęrunt. In hoc enim custodum
 cura circumdatur, quę non ipsa eos. verum etiam
 ipsi eam invenisse dicuntur. His autem inventis,
 dixi (Ecclesia de Christo dicit): « Num quem diligit
 « anima mea, vidistis? » Hoc autem tale est ac si
 diceret: Vos qui Dei cognitionem habetis, Deum
 ipsum, veritatisque viam mihi monstrate. « Paululum
 « cum pertransissem eos, inveni quem diligit anima. »
 Cum, inquit, audiendo et intelligendo eos pertrans-
 issem, cumque eorum monita et prædicationem
 transcurrerem (hoc enim locutionis modo, transcur-
 ro librum, dicere solemus), inveni per eorum de-
 monstrationem quem diligit anima mea. « Tenui
 « illum, nec dimittam (930). » Inveni, inquit, et
 dulciter eum amplexata sum. « Tenui. » Quomodo?
 mentis, et operatione, et fide perfecta: « nec dimit-
 « tam, » sed ardentissimo amore ei inhaerebo.
 « Donec introducam eum in domum matris meę
 « (931), » id est in hujus fictilis vasis habitaculum,
 quod ipse manibus suis, genitrice terra, plasmavit.
 Sancti enim Dei sunt habitaculum. Unde ipse ait:
 « Inhabitabo in illis et inambulabo inter eos (*II Cor.*
vi, 16). » — « Et in cubiculum genitricis meę. » Id
 est in secretarium cordis mei. Possumus autem et
 per hanc matrem Synagogam intelligere, a cujus
 domo Christus exiit, ex quo dixit: « Relinquetur
 vobis domus vestra deserta (*Matth. xxiii, 38*). »
 — « Cum autem plenitudo gentium introierit, tunc
 Israel salvus fiet (*Rom. xv, 25*); » tunc in suę ge-
 nitricis domum Ecclesiam introducet. « Dilectus meus
 « mihi, et ego illi. » Non equidem moratur vel hic,
 vel ibi, sed habitat cum sanctis, donec et dies aspi-
 ret, et umbrarum veniant fines.

Versus:

Cui: Capreę, dixi, similis esto,
 Aut super montes Bether parvulo cervo,

(930) « Christum scilicet super omnia diligen-
 dum, quia ipse prior dilexit nos, et lavit a pecca-
 tis nostris in sanguine suo, deditque animam suam
 pro nobis. » Idem auctor.

(931) « Non est putandum quod tunc Ecclesia

In lectulo per noctes eum quęsivi;
 Sed quoniam per noctes non reperi, **B**
 Surrexi circuire civitatem.

Per vicos et plateas dum remearem,
 Me vigiles portarum reperiunt.
 Ubi esset dilectus, mihi exierunt.
 Inveni ergo illum, neque dimittam
 Donec in genitricis lectulum mittam,
 Id est in hujus vasis materiam secretam
 Sive Judęorum plebem postremam.

Sponsus ad fideles animas: « Adjuro vos, filię Je-
 « rusalem per capreas, cervosque camporum, » et
 reliqua. Per capreas, inquit, et cervos, per apostolos
 et doctores, per virtutem et fidem, et bonam opera-
 tionem, quibus et ad cœlum et ad promissum bra-
 vium curritis, et serpentum venena superatis; vos
 filię Jerusalem, vos quę Dei cognitionem habetis,
 adjuro et deprecor, ut dilectam meam, sponsam
 meam non excitetis, nec ab eo in quo delectatur
 opere separetis. Alius enim in jejuniis delectatur,
 alius in vigiliis, alius in eleemosynis faciendis, alius
 in ecclesiis construendis. Hos a tanto somno, ab hac
 delectatione, ab hoc sui animi proposito sejungero
 magnum enim peccatum. Diversę namque sunt gratię,
 diversę sunt voluntates, diversę sunt et operationes
 quibus Domino servire possumus. Unusquisque ergo
 in suo sensu abundet. Synagoga de Ecclesia: « Quę
 « est ista, quę ascendit per desertum. » Quę, in-
 quit, qualis, quam pulchra, quam admirabilis est
 ista, quę ad me de virtute in virtutem properando
 conscendit? Cujus, inquam, virtutis et audacię est,
 quę ad me per desertum venit? Per desertum nam-
 que, et per hujus sæculi adversa, non latronum insi-
 dias, non tyrannorum gladios, non leonum dentes,
 non Judęorum et hæreticorum sophismata timens,
 ad Dominum Ecclesia pertransiit. Sed quomodo
 transiit? « Sicut virgula fumi facti ex aromatibus,
 « myrrhę videlicet, et thuris, et universi pauperis
 « pigmentarii. » Ac si dicat: Sic in hujus adventu
 delector, quasi in omnium pigmentorum odore et
 suavitate. Per myrrham et thus, quę hic nominan-
 tur, carnis mortificationem et sanctorum orationes
 intelligimus.

Versus:

Quę est ista per desertum,
 Cum cœlum est apertum,
 Quę ascendit quasi fumus,
 Quam non aggravavit humus.
 Per desertum sic transiit,
 Arctam viam reperivit,
 Sed transiit per desertum
 Gratum bajulans pigmentum.

Vox Ecclesię: « En lectulum Salomonis sexa-
 « ginta fortes ambiunt ex fortissimis Israel. »

relictura sit eum, cum in cubiculum matris suę
 introduxerit, id est Synagoga ad cognitionem ejus,
 et fidem venerit; sed donec pro sempiterno ponitur,
 id est semper illi fidelis erit, ardentissimoque amore
 flagrabit. » Idem auctor.

Salomon namque *pacificus* interpretatur. « Ipse autem est pax nostra, qui fecit utraque unum » (*Ephes. II, 14*). « Lectulum igitur Salomonis **615** Ecclesiam intelligimus (932), quam sibi pio amore Christus sociavit, non habentem maculam neque rugam. De qua per Prophetam ait : « Hæc requies mea in sæculum sæculi ; hic habitabo, quoniam elegi eam » (*Psal. CXXXI, 14*). » Hanc autem sexaginta fortes ambiunt, hanc apostoli et doctores custodiunt, ne forte Judæi, hæretici, et pseudo-apostoli verbum Dei adulterantes Salomonis lectum, sanctorumque conscientiam deturpent. Sed quare sexaginta esse dicuntur, nisi quia sexagenarius numerus ex senario et denario conficitur ? Sexies namque decem, vel decies sex sexaginta faciunt. Et quoniam sex diebus opus suum peregit Deus, merito per sex, operum perfectionem intelligimus. Per decem autem, legalia decem præcepta signamus. Qui igitur lectulum Salomonis, id est sanctam Ecclesiam custodiunt, et in operibus quidem perfecti, et legis documentis, et institutionibus sapientes esse debent. Hi autem non solum fortes, verum etiam ex fortissimis Israel esse dicuntur, quoniam Ecclesiæ doctores cæteris fortiores esse oportet. « Omnes tenentes « gladios. » Unde et Psalmista : « Et gladii accipites in manibus eorum » (*Psal. CXLIX, 6*). » Et Apostolus : « Et gladium spiritus, quod est verbum Dei » (*Ephes. VI, 17*). » Teneant igitur episcopi gladios, quibus et vitia destruant, et Ecclesiam defendant. « Et ad bella doctissimi. » Unde est illud : « Benedictus Dominus Deus meus, qui docet manus meas ad prælium, et digitos meos ad bellum » (*Psal. CXLII, 3*). » Doctissimi namque in prælio sunt, quoniam patientiando, non se ipsos defendendo, in humilitate et patientia vicerunt. « Uniuscujusque ensis super femur suum. » Super femur namque enses habent, qui impetus libidinis casitatis freno repellunt. Unde Apostolus : « Castigo, inquit, corpus meum, et in servitutem redigo » (*I Cor. IX, 27*). » — « Propter timores nocturnos. » Armati, inquit, sunt doctores, et gladiis accincti, ne hæretici et maligni spiritus in nocte dolo et occulte Salomonis lectum invadant, id est sanctam Ecclesiam. Ecclesia. « Ferculum fecit sibi rex Salomon de lignis Libani. » Quid per ferculum, nisi Ecclesiam ? Hoc autem ferculum, hoc refectorium, hanc sacræ epulationis domum de lignis Libani fecit Dominus, quoniam nullus in Ecclesia habitat, qui baptismatis aqua non sit candidatus. Libanus enim *candidatio* interpretatur (933). De hoc autem ferculo in Psalmis dicitur : « In loco pascuæ ibi me collo-

cavit. » (*Psal. XXII, 2*). » In hoc autem ferculo qui resident, vestes nuptiales habere oportet. Hic autem carnem suam nobis ad manducandum Christus apposuit. Hic panem vivum, hic agnum præfiguratum, taurumque saginatum comedimus, hic calicem Novi Testamenti potamus, hic divino et dulcissimo vino inebriamur. De Christo dicit : « Columnas ejus « fecit argenteas. » Quid per columnas nisi apostolos et doctores ; sed quare columnæ, nisi quia totius Ecclesiæ sunt sustentamenta ? De his in Psalmis dicitur : « Ego confirmavi columnas ejus » (*Psal. LXXIV, 4*). » Cur autem argenteæ, nisi quia simplicitatis, modestiæ, et sobrietatis affectione pallent ? Hi sunt illæ pennæ columnæ, quæ deargentatæ esse dicuntur : « Reclinatorium aureum. » Mensam, inquit, et reclinatorium aureum fecit, quoniam Novum et Vetus Testamentum sapientiæ luce præfugent. De hac autem mensa dicitur : « Parasti in conspectu meo mensam » (*Psal. XXII, 5*). » Accedamus igitur ad hanc auream mensam, ut divinis et spiritualibus dapibus reficiamur. « Ascensum purpureum. » Nullus enim hujus mensæ cibos comedit, nisi per purpuream viam ascendat. Non enim Judæi hujus cibum capiunt, quoniam ascensum purpureum non novērunt. De quibus dicitur : « Fiat mensa eorum ipsis in laqueum » (*Psal. LXXIII, 23*). » Via namque purpurea est, quam Christus proprio sanguine cruentavit. Possumus autem per reclinatorium celestem illam beatitudinem intelligere. Hæc autem aurea dicitur, quia omnibus pretiosior est ; cujus quies æterna, cujus ascensus purpureus. Nemo illuc ascendit, nisi Christi morte redemptus ejus sanguine deducatur. Martyres quoque per viam purpuream se se illuc ascendisse gratulantur.

« Media charitate constravit propter filias Jerusalem. » Quomodo autem media charitate nos constravit et cooperuit, nisi quia communi dilectione omnes redemit ? Hoc autem propter animas simplices, quæ in infernales tenebras mergebantur (934). Constravit et media charitate, quia pro universali salute crucifixus, salutem in medio terræ operatus est. Vox Ecclesiæ de Christo dicit : « Egre dinini « et videte, filie Sion, regem Salomonem. » Egre dinini, inquit, filie Sion, extra portam ; exite, filie Jerusalem, et videte regem vestrum, videte Salomonem, videte Christum vere pacificum. « In diademate quomodo coronavit eum mater sua. » Hæc autem mater Synagoga intelligitur, quoniam ex Judaica **616** gente secundum carnem natus est Dominus. Hæc autem filium suum, dominum suum,

(932) « Lectus Salomonis, quamvis supernæ illius beatitudinis requies accipi possit, in qua Deus cum sanctis suis requiescit, probabilis tamen præsens accipitur Ecclesia, in qua sancti Dei sopitis tumultibus vitiorum amplexu Salomonis, id est veri pacifici, delectantur. » Idem auctor. Cantachuzenus in lectulo hoc Salomonis significari ait monumentum, in quo mortuum Christi corpus depositum fuit, quique Judæi milites apposuerunt, ut illud custodi-

rent.

(933) « Libanus candidatio vel dealbatio interpretatur. Ligna ergo Libani sunt sancti, candidati, et dealbati in baptismo, et omnium virtutum pulchritudine exornati. » Idem auctor.

(934) Hoc est propter animas simplices, et nullius sibi virtutis conscias, quæ quanto magis propriam fragilitatis sunt conscie, tanto amplius Salvatore et Redemptorem diligere satagunt. Idem auctor.

regem suum coronavit, spineamque coronam super caput ejus imposuit (935). Quando? « In die sponsionis ejus. » Id est in die quo Christus nuptias fecit, et Ecclesiam Patris desponsavit, ipsiusque de latere dormientis conjugem fabricavit. Namque sicut de dormiente Adam, una costa subtracta, facta est Eva, ita de Christo dormiente, latere lancea perforato, facta est Ecclesia. « Et in die lætitiæ cordis ejus (936). » O mira pietas! moriens lætabatur, de morte gratulabatur; quoniam sic se mundum redimere, et patriarchas et prophetas liberare a morte sciebat. Quamvis enim caro tristaretur, cor tamen, et divinitas lætabatur.

Versus.

En lectulum Salomonis ambiunt fortissimi,
Omnes gladios tenentes in bello doctissimi
Propter timores nocturnos sunt accincti gladiis,
Quibus suis sunt tutamen, et timor extraneis.
Ferculum rex Salomon fecit de lignis Libani,
Cujus utique columnæ vos estis apostoli.
Reclinatorium ibi fabricavit aureum
Sanguine proprio fecit ascensum purpureum.
Filix Sion, quid statis, foras egredimini?
Regem vestrum coronatum spinis intoemini.
Tu tamen, Virgo Maria, coronasti Filium;
Quia carnem de te sumens ponitur in medium.
Quem chorus apostolorum, confessorum, virginum,
Sic circumdat, ut corona prudentium militum.

CAPUT IV.

Vox Christi: « Quam pulchra es, amica mea, quam pulchra es (937)! » Cur autem bis dixit quam pulchra es, nisi quia in opere et sermone, interius et exterior, in anima et corpore pulchra est? « Oculi tui columbarum, » id est intellectus, ratio, intuitus tuus simplex est et acutus, non ira confusus, non furoris sanguine perturbatus, non in superbiam elatus. « Absque eo quod intrinsecus latet. » Multa inquit, de te dici possunt. Laudabilis es in virtute, in constantia, in sapientia. Magnum est quod videtur, maximum est quod latet. Magna in te fulget operatio, magna in celesti secretario tibi servatur retributio. Magnus est labor, sed maxima spes. Possumus etiam et per oculos prophetas intelligere, qui ea quæ futura erant multo ante præviderant. Hi columbæ dicuntur, quoniam in humilitate et simplicitate cordis Domino servierunt. « Capilli tui sicut greges caprarum. » Per capillos eos intelligimus, qui ab Adam usque ad Christum fidem servaverunt. Capillis namque nulla pars

superius est. Merito ergo capilli isti dicuntur; siquidem secundum tempus totius Ecclesiæ sunt superiores. Sed quare gregi caprarum assimilantur, nisi quia carnaliter vivebant, et luxuriæ carnisque voluptatibus serviebant? His enim dictum fuerat: « Crescite, et multiplicamini (Gen. ix, 7). » Ex talibus autem David et Salomon fuisse probantur, quorum concubinarum non erat numerus. Sola igitur fide isti salvantur. Hi sunt, qui per fidem vicerunt regna. « Quæ ascenderunt a monte Galaad. » Galaad namque *aceris testimonii* interpretatur. Ascenderunt igitur de monte Galaad, quia legis et prophetarum testimonia observantes cœlorum regna scandere meruerunt. « Dentes tui sicut greges tonsarum ovium. » Dentes apostoli. Sed quare dentes, nisi quia prophetarum et legis graviores sententias ruminantes et exponentes, Ecclesiam pascunt et nutriunt? Cur autem greges tonsarum ovium, nisi quia sæcularibus omnibus venditis, et pauperibus attributis, nudati, vitili exspoliati in innocentia et simplicitate Domino servierunt? « Quæ ascenderunt de lavacro. » De lavacro quidem ascenderunt, quoniam baptismatis aqua mundati, vitiliisque omnibus expulsi, ad summum fidei et doctrinæ, et ad cœlos sublimati sunt. « Omnes gemellis fetibus. » Gemellos quidem fetus habent, quoniam inter medios cleros dormientes Novum et Vetus prædicant Testamentum. Possumus autem et per gemellos fetus doctrinam et operationem intelligere, sive etiam carnis et animæ castitatem, vel Dei et proximi dilectionem (938). « Et sterilis non est inter eas, quoniam multiplices semine fructificant. »

« Sicut vitta coccinea labia tua. » Quid per labia, nisi episcopos, et sacerdotes, cæterosque, qui Deum assidue laudant et benedicunt? Hi autem vitta coccinea esse dicuntur. Sed quare vitta? Quia quasi multos capillos, ita multos fideles in una fide ligant; sive quia multas virtutes, multasque sententias simul adunant; sive etiam quia cordis sui cogitationes comprimunt, ne vento vanitatis per inania rapiantur. Cur autem coccineæ? Quia et igne sancti Spiritus accensi sunt, et Christi prædicant passionem. Coccus ignis, vel sanguinis speciem habet. « Et eloquium tuum dulce. » Dulcia quidem sunt sanctorum eloquia, et auditu suavia. Unde et illud: « Quam dulcia faucibus meis eloquia tua, super mel ori meo! » (Psal. cxviii, 103) — « Sicut fragmen mali Punici, ita genæ tuæ. » Genæ namque

(935) « Egredimini, videte, filix Sion, in rege Salomone coronam, qua coronavit eum mater sua, spineam videlicet, quam ejus capiti imposuit. In die desponsationis ejus, hoc est in die qua passus est: tunc enim, tanquam sponsus uxorem duxit, castam nimirum ex gentibus Ecclesiam. » Ita Cantachuzenus.

(936) « Qui gaudebat per passionem suam redimere mundum de diaboli potestate, etc. » Idem auct. Cassiod. dict.

(937) « Bis repetit, quam pulchra es; » scilicet in opere, et in prædicatione. In opere, quia nihil fec-

dum, nihil oculis meis indignum agit. In prædicatione; quia ad considerandum incarnationis nostræ mysterium, etiam sodales tuas alias Jerusalem invitare non cessas. Idem auctor.

(938) In eandem convenit interpretationem Cantachuzenus, qui de hisce ovibus loquens, ait: « Tonsæ enim, et lavacro lotæ divino, secundum jugi suorum filiorum serie sacri baptismatis reddidere fontem, semperque exstant gemellæ; præclaram animi contemplationem, præstantemque pariter operationem exercentes. »

Dei martyres intelliguntur, qui coram et in faciem A
Christum confidentes pro eo mortui sunt (939). Hi
autem fragmen mali punici esse dicuntur, quoniam
proprio sanguine eruentati sunt. Genæ igitur dicun-
tur, quia et de peccatis erubescunt; fragmen autem,
quoniam pro Christi nomine trucidantur et frangun-
tur; mali vero punici propter sanguinis effusionem.
« Absque eo, quod intrinsecus latet. » Pulchræ,
inquit, sunt genæ, rosea est facies, virginalis et
pudicus est vultus; multo tamen laudabiliora sunt,
quæ nondum apparent, quæ in corde latent, quæ
in cœlesti thesauro tibi reservantur. « Sicut turris
« David collum tuum. » Per collum Ecclesiæ do-
ctores intelligimus. Per collum namque transit ci-
bus, quo venter reficitur et saturatur; per collum
quoque exeunt verba, omnisque doctrinæ documen-
ta; collum denique sustinet scutum, quo totum
tegitur corpus. Doctores autem Ecclesiam nutriunt,
docent, muniant et defendunt. Præterea cum Eccle-
sia Christum conjungunt, sicut collum cum capite
corpus. Hi autem sic totam defendunt Ecclesiam,
sicut turris David totam quandam defendebat Jeru-
salem.

« Quæ edificata est cum propugnaculis suis. » Sic
autem et doctores propugnacula habent, sapientiam
videlicet et virtutem, quæ nulla possunt machina
expugnari, nullisque inimicorum instrumentis des-
trui. « Mille clypei pendent ex ea (940). » Mille
namque clypei pendent a doctoribus, quoniam per
innumerabiles sententias et argumentationes ab eis
defluentes, Ecclesiam protegunt. « Omnis armatura
« fortium. » Nihil enim in ea vinci, vel frangi po-
test. « Duo ubera tua sicut duo hinnuli capræ ge-
« melli. » Una enim caprea, una est Ecclesia, cujus
visus acutus, cujus pedes agiles, cujus voluntas al-
tiora petit, cujus cursus cœlos ascendit; duo habet
ubera, quia duo sunt gemelli. Duo namque ubera
duo Testamenta sunt. Duo vero gemelli duos popu-
los designant: Judaicum videlicet et gentilem. Hi
autem gemelli dicuntur, quoniam et gemini sunt,
et geminam charitatem observant. « Qui pascuntur
« in liliis, donec aspiret dies, et inclinentur umbræ. »
In liliis quidem pascuntur, qui in suavis et odo-
riferis Scripturarum sententiis delectantur. « Donec
aspiret dies; » illa scilicet de qua dicitur: Quia
« melior est dies una in atriis tuis, super millia
(Psal. lxxxi, 10). » — « Et inclinentur umbræ. »
fugiatque caligo, et tenebrarum omnium princeps
cum tota militia sua in infernum præcipitetur. Soon-

(939) Eadem est suppositi Cassiodori interpreta-
tatio.

(940) Mille clypei intelliguntur innumera divinæ
defensionis præsidia, quibus sancta vallatur et de-
fenditur Ecclesia, etc. Idem auctor. Pro hac turri,
sive arce, intelligit etiam Cantachuzenus præsigna-
tam B. V., undique munitione vallatam, atque præ-
sidio munitam, ut nullus contra eam hostis præva-
lere possit.

(941) Hæc prophetice dicta de Deipara censet idem
Cantachuzenus, quod sacer scriptor considerans
ipsam totius prorsus labis expertem, totius orbis

sus de sponsa dicit: « Vadam ad montem myrrhæ. »
Vadam, inquit, Dominus ad montem myrrhæ, visi-
tabo terras, carnem suscipiam. Mons namque myr-
rhæ caro est, quam assumpsit. Hic autem est ille
mons, qui tantum crevit, ut totam terram comple-
ret. Myrrhæ autem idéo dicitur, quia corruptionem
non vidit; juxta illud: « Nec dabis sanctum tuum
videre corruptionem (Psal. xv, 10). » Possumus au-
tem et per hunc montem Ecclesiam intelligere, quæ
carnem suam cum vitiis et concupiscentiis mortifi-
cans, in amaritudine semper moratur.

« Et ad collem thuris, » id est ad eos, quorum
orationes me oblectant, sicut suavis odor thuris.
« Tota pulchra es, amica mea, et macula non est
in te (941). » Tota namque pulchra est, quia neque
maculam, neque rugam habet. Sponsus ad spon-
sam: « Veni de Libano, sponsa mea, veni de Libano,
« veni. » In Libano, inquit, es, dealbata es in virtu-
tibus, florum sanctitate nites; nihil tenebrosum,
nihil nigrum, nihil obscurum in te esse conspicitur.
Veni igitur ad me, et quæ semper pulchritudinem
dilexisti, sicut sol in regno meo fulgeas in æter-
num (942). Ter autem dixit « veni, » quia tria sunt,
sine quibus non ad eum venit; id est fides, spes,
et charitas; 618 sive quia cogitatione, locutione,
operatione Domino servit. Cur autem sponsa vocetur,
superius dictum est: « Coronaberis de capite
« Amana. » Amanus namque mons est Ciliciæ, qui et
Taurus appellatur.

« De vertice Sanir et Hermon. » Hi autem mon-
tes in Judæa sunt. In his autem leones et pardi ha-
bitant, sicut sequentia manifestant. « De cubilibus
« leonum, de montibus pardorum. » Per hos autem
montes, illos intelligimus, in quibus vitiorum exer-
citus, leones, et pardi, et ipsi maligni spiritus in-
habitant. His autem devictis et expulsis, coronatur
Ecclesia: « Nemo enim coronabitur, nisi qui legi-
time certaverit (II Tim. ii, 5). » Coronatur igitur
de supradictorum montium capite, quia diabolo de-
victo, qui illorum caput et dominus est, pro tanto
certamine præmium suscipit, et coronam. « Vulne-
« rasti cor meum soror, mea sponsa. » Soror qui-
dem, quia ejusdem patris filia est. Unde Apostolus
ait: « Si autem filii et hæredes; hæredes quidem
Dei, cohæredes autem Christi (Rom. viii, 17). »
Sponsa vero, quia carnem nostram sumens de vir-
ginali utero Christus processit. Hæc autem soror et
conjugis sponsi sui cor vulneravit, amore scilicet,
mortisque timore. « In uno oculorum tuorum. »

causam futuram salutis, ad ipsam divino succensus
spiritu exclamavit: Tota pulchra es, proxima mea,
et macula non est in te.

(942) « Et tertio dicit, veni; quia vult eam per-
fectam esse in cogitatione, locutione et opere. Vel
vocat eam primo, ut ad se veniat per fidem, vocat
secundo, ut dignam cœlestium præmiorum retribu-
tionem, jam liberato corpore accipiat. Vocat tertio,
ut in die generalis resurrectionis, jam resumpto
corpore, duplici stola ornata perpetuo gaudeat. »
Idem auctor, Cassiod. supp.

Multos namque oculos habet Ecclesia, plena est oculis ante et retro, undique videt, undique latro- num propellit insidias; unum tantum oculum splen- didissimum habet; una Trinitatis fide illuminatur, sine qua Deo nullus placebit. Hunc autem oculum qui non habent, cæci sunt, et in tenebris ambu- lant (943). Unde Apostolus: « Carcitas, inquit, ex parte contigit in Israel (Rom. xi, 25). » — « Et in uno crine colli tui. » Confirmatio est. Multi nam- que crines multa doctorum exempla et sententiæ sunt. Sed quare crines, nisi quia subtiles et prolixi sunt? Unus autem crinis, una est sententia, quæ apud omnes eadem est, in qua Christianorum nullus dis- sidet, quam apostoli prædicaverunt, et pro qua martyres sanguinem fuderunt, quam sancti Patres confirmaverunt. « Quam pulchræ sunt mammæ tuæ, « soror mea sponsa! » Pulchræ sunt mammæ, pul- chri sunt et filii. Synagogæ namque mammæ pul- chræ non sunt, quoniam nigro lacte, sordidissima fæce, et erroris intelligentia filios nutrit.

« Pulchriora sunt opera tua vino. » Metonymia est. Ecce vino lac comparatur, quod utique candidius et suavius est. Natos suos lactat Ecclesia, adulterinos suos inebriat Synagoga. Hi autem sapienter educati, celeriter crescent; illi vero sicut ebrii, sensum amittunt. De quibus ipse Dominus ait: « Et in me psallebant, qui bibebant vinum (Psalm. lxxviii, 13). » — « Et odor unguentorum tuorum, » id est virtu- tum, sermonum et gratiarum. Hæc enim omnia un- guentum dicuntur, quia et suavia sunt, et omnium infirmitatum languores sanant. « Super omnia oro- tata, » id est præ cunctis Judæorum sacrificiis. « Favus distillans labia tua. » Favus enim mel est in cera, per quem spiritualis intelligentia signifi- catur in littera. Favum distillant labia Ecclesiæ, id est dulcia et suavia verba. « Mel et lac sub lingua tua. » Quibus omne genus hominum delectatur. Possumus autem et per mel, quod de rore cæli conficitur, spi- ritualem et altiore doctrinam intelligere; de qua Apostolus ait: « Sapientiam loquimur inter perfec- tos (I Cor. ii, 6); » per lac vero mediocre; unde ipse ait: « Lac vobis potum dedi, non escam (I Cor. iii, 2). » — « Et odor vestimentorum tuorum sicut odor thuris. » Habet enim Ecclesia vestimentum, quod ipsa suis duxit et texuit manibus; virtutibus enim virtutes conjungens, operibusque bonis bona opera connectens, admirabilem sibi composuit ves- tem; in qua non minus delectatur sponsus quam in multo suavissimo thuris odore. « Hortus conclu-

(943) « In uno oculo, et in uno crine; ut per hoc unitas sanctorum doctorum exprimat; unitas etiam cælestis doctrinæ, quam subjectis impendunt. Unus enim Dominus, ut Apostolus ait, una fides, unum baptisma, una etiam devotio subjectorum fidelium. Idem Auctor. In cordibus nostris, inquit Cantachu- zenus, insecisti unius trinxæ substantiæ splendorem purissimum, quo docemur, unum Deum, trinum in personis, in una essentia fore adorandum. »

(944) Virgo, hortus conclusus a Propheta est ap- pellata. Hortus quidem, quia Christum, veluti vitæ

« sus est soror mea sponsa (944). » Hortus quidem vocatur, quia quasi diversa florum et arborum ge- nera, ita diversi sanctorum et fidelium ordines in ea continentur. Ibi sancti apostoli, confessores et mar- tyres, virgines et viduæ. Conclusus autem, quoniam virtutum et angelorum munita prædiis (945). Nulla vitilis patet porta, per quam latrones, et hostes sub- intrent, qui furentur, et rapiant bona. « Hortus « conclusus, et fons signatus. » Fons quidem bap- tismatis est in Ecclesia, quo et vitiorum sordes aufe- runtur, et animæ et corporis macule purgantur. Est autem fons vivus in horto isto, cujus aquam qui bibit, non sitiet ultra. De hoc autem fonte dicitur: « Sitivit anima mea ad Deum fontem vivum (Psalm. xli, 3). » Sed cur signatus, nisi quia in Trinitatis

B nomine sanctificatur et benedicitur? Signatus est fons, cognoscitur aqua, ad hanc sancti currunt, hanc et vitia, et maligni spiritus fugiunt. Hoc enim signo fons iste ab aliis discernitur, quoniam quæ iste fecit, alii facere nequeunt. « Emissiones tuæ paradisi ma- « lorum 619 punicorum, cum pomorum fructibus. » (946) Quem hortum superius dixit, paradisum hic appellat; quoniam paradisus est hortus delicia- rum. Vocatur igitur Ecclesia paradisus, quoniam omnium deliciarum copiis repleta est. Hic enim est lignum scientiæ boni et mali, Novum videlicet et Vetus Testamentum, quæ et mala devitare, et bona nos facere docent. Habemus et lignum vitium; id est Christum, qui est panis vivus, qui de cælo descendit. Quatuor paradisi flumina, quatuor sunt

C Evangelia. Sed quæ sunt ejus emissiones, quæ sunt navera, quæ sunt poma, qui sunt flores, quos hic hortus malorum punicorum fructus Domino mittit? Mala, inquit, punica mittit, multosque martyres Domino mandat. Mala namque punica vos estis apo- stoli, qui pro Christi nomine sanguinem fudistis. « Cum pomorum fructibus; » non solum, inquit, martyres mittit, sed cum aliorum pomorum fructi- bus, cum virginibus et confessoribus mala punica præsentat. « Cyprî cum nardo. Nardus et crocus, « fistula et cinnamomum, cum universis lignis Libani, « myrrha et aloë cum omnibus primis unguentis, » subauditur, sunt in hoc horto. In his autem intel- ligimus, quoniam omnium aromatum genera in san- cta Ecclesia versantur. Per cyprum namque quo regium paratur unguentum, et per nardum, qui su- avissimi magnique odoris est, omnes gratiæ Spiritus sancti intelligi possunt, quæ et suavitate et odore omnibus præferuntur. Cyprus namque cum nardo ponitur, quoniam qui divino et regio unguento un-

pomum, germinavit; conclusus vero, quia post par- tum etiam virgo permansit. Cantachuzenus.

(945) Conclusus est hortus iste, quia S. Ecclesia re- lidemptoris, et Domini sui adjutorio munita est, et præsidio angelicarum virtutum vallata, nullis ma- gnorum spirituum patet insidiis. » Idem auctor, Carsiod. supp.

(946) « Gratia nimirum a Deo ad Virginem per Ga- brielem nuntium missa: ipsa namque paradisum revera nobis reservavit, et delicias fructuum illius ad vescendum apposuit. » Cantachuzenus.

gantur, magnus et suavissimus odor Deo sunt. Unde A
Apostolus, « Christi, inquit, bonus odor sumus Deo
(II Cor. II, 15). » Per crocum namque, fistulam et
cinnamomum, quæ brevia sunt, nec altius crescunt,
simplices et humiles intelligimus, quos, quamvis
vulgo homines non venerentur, magnæ tamen virtutis
et sanctitatis sunt. In his autem persona est humilis,
sed virtus excelsa. « Cum universis lignis Libani. »
Per hæc autem apostolos et prophetas intelligam,
qui altitudine, robore et pulchritudine cæteris præ-
sunt; siquidem ligna Libani magnæ sunt altitudi-
nis. Myrrha vero et aloë, quæ putredini, vermi-
busque resistunt, castitate et alias virtutes signi-
ficant, quæ a vitiorum contactu et animam et corpus
servant illæsa. « Cum omnibus primis » et maximis
« unguentis, » per quæ fides, spes et charitas desi-
gnari possunt, quæ in sæcula sæculorum detinent
principatum. « Fons hortorum, puteus aquarum
« viventium. » Hic, inquit, est fons hortorum, hic
sunt apostoli et doctores, hic est illa aqua, qua to-
tus irrigatur mundus. Multi enim horti multæ sunt
Ecclesiæ. En puteus viventium aquarum, en profun-
ditas Scripturarum. Una enim est doctrina aposto-
lorum, mortuusque error hæreticorum: hanc aquam
qui bibunt, non moriuntur; illam qui bibunt, vivere
nequeunt. Illi tamen de fonte bibunt, qui Scriptu-
rarum superficiem summis tenus labiis delibant. De
puteo non sumunt profundiores aquas, id est diffi-
ciliores sententias non hauriunt. « Quæ fluunt im-
« petu de Libano. » Impetu, inquit, magna scilicet
constantia, virtute, et affluentia hæc aquæ fluunt.
Sed unde fluunt? de impetu, de Libano, de monte
candidato. Libanus enim, ut dictum sæpe est, *cand-
didatio* interpretatur. Christus gratias convocat.
« Surge, aquilo, et veni, auster, perfla hortum meum,
« et fluant aromata illius. » Dixit superius hor-
tum, dixit arbores et poma, dixit fontem et puteum,
quibus irrigatur; nunc autem præcipit ventis ut
surgant, hortum perflect, aromata ventilent, quate-
nus sibi odor reddatur suavior. Venti enim in Chri-
sti hortum insurgent, quando tyrannorum impetu
et furor Ecclesiam persequendo sanctos trucidab-
ant. Tunc enim aromata fluebant, tunc martyrum
constantia et virtutes redolebant, tunc suavissimus
odor rationabilis holocausti, et puri sacrificii ante
Domini conspectum ferebatur (947). Possumus ta-
men per aquilonem, qui asper ventus et frigidus
est, tyrannorum crudelitatem intelligere. Per austrum
vero, qui serenus est, fallaciæ blandimenta designan-
tur; unde dicitur: « Inimici ejus terram lingent
(Psal. LXXI, 9). »

Versus:

Diximus Ecclesiam

Sponsam Regis regiam,

(947) « Novit Dominus de malis hominum bona
quædam facere, sed ipsam persecutionem in sua
potestate habet, ut non tantum sævant, quantum
volunt; unde scriptum est: *qui fecit ventis pondus*:
quia videlicet flatibus persecutionum modum im-
ponit. » Idem auctor sub Cassiodori nomine.

Cujus estis oculi, vos propnetæ,
Vos dentes fortissimi, Petre et Paule,
Qui eam redicitis assuete.
Genæ semper rubæ
Martyres sunt utique.
Imperfecti quilibet sunt capilli,
Et minoris meriti imbecilli,
Quia sunt instabiles sicut illi.
Collum ferens clypeos
Dicimus episcopos,
Qui defendunt fortiter suas oves:
Persequentes vitia, et leones,
Serpentina furias, et dracones.
Hortus est tutissimus
Sanctorum sanctissimus,
Qui non caret liliis neque rosis;
Nec privantur arbores suis pomis.
Ibi fons dulcissimus est saporis,
Hunc ventorum flamina,
620 Tyrannorum agmina
Perturbant et ventilant cum furore;
Cælum petunt martyres cum honore;
Delectatur Dominus in odore.

CAPUT V.

Ecclesia de Christo dicit: « Veniat dilectus meus
« in hortum suum. » Veniat, inquit, dilectus meus,
sponsus meus, amicus meus in hortum suum, in
Ecclesiam suam, in sanctorum congregationem. Ad
quid? « Ut comedat fructum pomorum suorum. » Co-
medat, inquit, fructum pomorum, recipiat manipu-
lum, obsequium, et bona opera sanctorum. Mita
sunt poma, quantuntur arbores, occiduntur marty-
res. Jubeat igitur Dominus, ut eorum animæ in
cælesti thesauro, et in sinu Abraham congregentur.
Christus dicit: « Veni in hortum meum, soror mea
sponsa. » Tu me, inquit, venire rogas; ego autem
jam veni (948).

« Messui myrrham meam cum aromatibus. » Per
myrrham autem martyres, castos et incorruptos
intelligimus. Per aromata vero fragrantiam bonorum
operum. Est autem myrrha cum aromatibus, quando
concupiscentiis carnis devictis, cum solia virtutibus
homo conversatur. Tunc inecorrupta est caro, tunc
virtutes redolent, tunc ad se sanctos venire Domi-
nus jubet. Cum enim Apostolus diceret: « Capio
dissolvi, et esse cum Christo (Philip. I, 23), » nonne
ut sua meteretur myrrha desiderabat? « Comedi
« favum meum cum melle meo. » Quanta dulcedine
et delectatione sanctos suos Deus recipiat, in his
verbis declaratur. « Comedi, inquit, favum meum
cum melle meo, » recepi amorem meum, suscep-
i dulcissimos, nimisque dilectos amicos meos. Con-
firmatio. « Bibi vinum meum cum lacte meo. » Vi-
num quidem vos estis, apostoli, qui divino calice

(948) « Desideranti Ecclesiæ, ut ad se veniat Spon-
sus, respondet se jam hoc fecisse. Ego jam veni. Ve-
nio ad eam, ut errantes corrigam, infirmitates cor-
roborem, dubios confirmem, et perfectos donis cæles-
tibus angeam. » Idem auctor, Cassiod. supp.

inebriati omnem peritiam habuistis. Lac vero illi sunt qui medicari et imperfecta scientia ornantur. Venit igitur Christus in hortum suum, et myrrham, quam ventus perflaverat, sanctos scilicet, quos tyrannus contristaverat, nimio secum amore devexit. Christus ad apostolos dicit : « Comedite, amici mei, et bibite. » Apostropha ad apostolos. Vos, inquit, amici mei estis ; vos doctrinam fidei, et carnem meam comedite, vos sanguinem meum bibite. « Nisi enim manducaveritis meam carnem, et biberitis meum sanguinem, non habebitis vitam in vobis (Joan. vi, 54). » Comedite igitur panem vivum ; bibite calicem novi testamenti. « Et inebriamini, charissimi. » Qui enim hoc calice inebriatur, vera scientia inebriatur. Qui enim divitias spernit, mortem desiderat, sui obliviscitur, negligit quæ videt, credit quæ non videt, nonne is ebrius esse videtur ? « Ego dormio, et cor meum vigilat. » Dormivit quidem secundum carnem, quoniam mortuus est et sepultus ; cor autem vigilat, quia divinitus dormire non potest. Hoc autem etiam in persona Ecclesiæ sic intelligitur. Ego dormio, carne devicta et subjugata ; cor autem vigilat, anima scilicet quæ in bonis operibus perseverat. Possumus autem per cor, Christi apostolos intelligere. Isti autem vigilant, isti sanctam Ecclesiam die noctuque custodiunt. Ecclesia : « Vox dilecti mei pulsantis. » Audio, inquit, vocem Domini mei ; pulsant enim sanctos suos, ne dormiant, hortatur ut vigilant. Stat enim ad ostium, et pulsant. Si quis aperuerit, intrabit, et cenabit cum illo. « Aperi mihi, soror mea. » Soror quidem, quia ejusdem patris et sponsus et sponsa ; filii sunt. Ille naturaliter, ista vero adoptione. « Amica mea, » pro qua mori non dubitavi, quia major dilectio nulla est. « Columba mea, » felle, et amaritudine carens. « Immaculata mea, » quæ vitis omnibus emundata sine macula es atque ruga. Aperi, inquit, mihi cor tuum, aperi mihi portam, qua et tuas, et aliorum ingrediar conscientias : « quia caput meum plenum est rore. » Confirmatio. « Et cincinnati mei guttis noctium (949). » Tota, inquit, nocte cucurri, pro tuo amore vigilavi. « Ecce sto ad ostium, et pulso (Apoc. iii). » Aperi mihi, soror mea. In multis quidem adversis, in nocte, et in ipsa morte pro hujus dilectione fuit Christus. Unde et illud : « Insuper et usque ad noctem increpaverunt me renes mei (Psal. xv, 7). » Injustum est igitur hunc non aperire, et in cordis thalamum tantum sponsum non accipere. Spiritualiter autem ros in capite, et celestis benedictio, et Spiritus sancti gratia in eo intelligitur. De quo dictum

A est : « Sicut unguentum in capite, quod descendit in barbam, barbam Aaron (Psal. cxxxv, 2) : » Vox fidelis animæ. Sponsa ad seipsam : « Exspoliavi me tunicam meam, quomodo induar illa ? » Merito, inquit, me immaculatam vocasti, quoniam tunicam meam exspoliavi, pristinam vitam fugi, veterem hominem exui, mundique concupiscentias, sæculi curas, et vitia repuli, quibus involuta et irretita eram. Immaculata sum, et te novo homine induta, in novitate vitæ ambulo, et non amplius prædicta tunica induar, non ad sæcularia revertar ; sed quæ incœpi, instanter operabor. « Lavi pedes meos, quomodo inquinabo illos ? » Pedes, inquit, lavi, et ea vitia fugavi, in quibus humana fragilitas frequentius offendit. Hæc enim pars **621** corporis, quia terre

B propior est, sæpius coinquinatur. Sunt enim quedam peccata, sine quibus vix aliquis immunis erit. Ut elatio mentis, vana gloria, verba otiosa et vanæ cogitationes. Vox Ecclesiæ de Christo : « Dilectus meus misit manum suam super foramen (950). » Dilectus, inquit, meus misit manum suam, doctrinam, et spiritum fortitudinis suæ, ipsamque suæ passionis commemorationem super foramen et portam cordis mei, quæ nunquam ei clauditur.

C « Et venter meus intremuit ad tactum illius. » Quis enim est, quem Dominus tetigit, sanctoque Spiritu inspiravit ; quis ipsius passionem commemorans non contremiscat ? Unde est illud. « Tange montes, et fumigabunt (Psal. cxliii, 5). » Mittit igitur Dominus manum per foramen, tangit cor nostrum ; recordatur passionis, stringitur admiratione et timore cum Dominus pro servis, justus pro injustis, creator pro creatura, talia pateretur. « Surrexi, ut aperirem dilecto. » Vocem, inquit, audiivi, de lectulo meæ delectationis, surrexi, et sæculi blandimenta dereliqui. Aperui dilecto, credidi sermonibus, cor meum vitis et errore mundavi, in quo tantus hospes habiturus erat. Unde per Psalmistam dicitur : « In auditu auris obedit mihi (Psal. 47, 45). » — « Manus meæ distillaverunt myrrham. » Quid per manus nisi opera ? Quid vero per myrrham, nisi incorruptionem ? Distillant igitur manus myrrham, quoniam et corpus, et animam bona opera incorruptam faciunt. « Et digiti mei pleni sunt myrrha

D « probatissima. » Quid enim per digitos, nisi singulorum operum discretam operationem intelligimus ? Ut vigilare, orare, jejunare, et similia. Hæc autem non immerito probatissima myrrha plena esse dicuntur ; quoniam et carnem non sine magna retributione mortificant, et æternam præparant incor-

(949) « Caput Christi, ut Apostolus ait, Deus est. Cincinnati vero sunt intimæ cogitationes, quæ non laxæ et dissolutæ sunt, sed vinculo timoris et amoris Dei colliguntur. » Idem auctor.

(950) « Dilectus manum super foramen mittit, et ventrem tangit, cum interna conditor inspiratione cor visitat, et ad profectum virtutum accendit. Seu etiam cum nos ad memoriam operum suorum revocat, ut cogitemus, quia cum esset Deus, homo pro nobis fieri dignatus est. » Idem auctor, Cass. supp.

Cum hæc Cantachuzenus ad B. V. referat, ita exponit : « Misit ex suæ voluntatis placito, per Gabrielem, in me virtutem ipsius obumbrantem, quam manum appellat. Accedente vero angeli voce, cum altissimi Dei conciperem Verbum turbatus est super eum venter meus ; dixit enim : Quomodo fiet istud, quoniam virum non cognosco ? Ubi vero causam didici. Ecce, inquit, ancilla Domini, fiat mihi secundum verbum tuum. » Luc. ii, 38. »

reptionem. «Pessulum ostii mei aperui dilecto meo.» Valde, inquit, cor meum induratum erat, multis obicibus, et retinaculis obstratum erat. Sed posteaquam hujus vocem audivi, et veritatis sententias mente concepi, totam cordis intelligentiam aperui, omnia erroris obstacula dimovi, quibus quasi pessulo cor meum erat clausum (951). Aperui quidem, ut eum reciperem, et quis, et qualis, et quomodo sit verissime, perfecte et rationabiliter intelligerem. Sed frustra. Ut quid? Sequitur. «At ille declinaverat, atque transierat.» Cum enim ea quæ Dei sunt, homines perscrutari præsumunt, ipse quidem ab eis declinat atque transit; quoniam qualiter sit, nullo modo comprehendi potest. Unde est illud: «Accedet homo ad cor altum, et exaltabitur Deus (Psalm. lxxiii, 7).» — «Anima mea liquefacta est, ut locutus est.» Anima, inquit, mea, quæ ferro et lapide durior erat, dulcissima voce sponsi audita, liquefacta est, et quasi cera emollita, evangelicam prædicationem in se scriptam recepit. Denique cum divina præcepta doctores nostros prædicantes audivimus, si forte timore et amore compuncti, oculos in lacrymas solvimus, animam liquefactam tunc habemus. Judæorum autem animæ liquefactæ non sunt; quoniam eorum corda nimium indurata stilo spiritus inscribi nequeunt. Quod quidem lex eorum significavit in lapidibus deformata. «Quæsi vi, et non inveni illum.» Quærunt namque multi Dominum, quoniam et mundum relinquere, et de necessitatibus liberari, et cum eo esse desiderant. Unde quidam ait: «Utinam disrumperes cælos, et descenderes!» (Isa. lxxiv, 1.) Et Apostolus: «Cupio dissolvi et esse cum Christo (Philipp. i, 23).» Quidam tamen quærunt, et non statim inveniunt. «Vocavi, et non respondit mihi.» Vocant enim et clamant, rogant ut de hac carne liberentur, et non exaudiat eos Dominus. «Invenerunt me custodes, qui circumceunt civitatem.» Civitas Ecclesiae, custodes apostoli; custodes, inquam, apostoli et doctores, qui circum Ecclesiam vadunt, qui eam ab inimicis defendunt, «invenerunt me. Percusserunt me,» videlicet gladio spiritus. «Vivus est enim sermo fidei et efficax, et penetrabilior omni gladio accipiti (Hebr. iv, 12).» — «Et vulneraverunt me,» timore videlicet compunctionis, et amoris, et sententiarum Scripturarum, quæ quasi sagittæ acutissimæ inimicorum fugant exercitum. «Tulerunt pallium meum mihi custodes murorum.» Meum, inquit, pallium, pravam voluntatem et vitiorum multitudinem, qua involuta et cooperta eram, apostoli et doctores mihi tulerunt, et vestimento fidei, veste candida et nuptiali me induerunt. Apostropha. «Adjuro vos, filiæ Jerusalem, si inveneritis dilectum meum, ut nuntietis ei, quia amore languo.» Filiæ namque Jerusalem, apostolorum animæ intelliguntur. Hæc autem jam in Jerusalem

ascenderunt, et cum Domino habitant, suum desiderium invenerunt. Ideoque Dei dilecta, scilicet Ecclesia, quæ adhuc in hoc mundo **622** conversatur, eos adjurat, ut suum amorem et desiderium Deo annuntient. Testes enim sunt in cælo fideles.

Versus:

Quis est hic, qui pulsat ad ostium,
Noctis rumpens somnum?
Me vocat: O virginum pulcherrima,
Soror, conjux, gemma splendidissima
Cito surgens aperi, dulcissima:
Ego sum summi Regis Filius,
Primus, et novissimus,
Qui de cælo in has veni tenebras,
Passus mortem et multas injurias,
Liberare captivorum animas.
Mox ego dereliqui lectulum,
Cucurri ad pessulum,
Ut dilecto domus mea pateat,
Et mens mea plenissime videat
Quem videre maxime desiderat:
At ille jam inde transierat,
Ostium reliquerat.
Quid ergo, quid miserrima facerem?
Lacrymando sum secuta juvenem,
Cujus manus plasmaverunt hominem.
Vigiles urbis invenerunt me,
Exspoliaverunt me,
Abstulerunt et dederunt pallium,
Cantaverunt mihi novum canticum
Quo in regis inducar palatium.

Vox Synagægæ: «Qualis est dilectus tuus ex dilecto? Qualis est dilectus tuus ex dilecto, o pulcherrima mulierum (952)?» Nobilior nobilium, fortior fortium, sapientior sapientium. Qualis, inquam, est, dic qualis est, quia sic adjurasti nos? ut tuum ei amorem nuntiaremus. Vox Ecclesiæ: «Dilectus meus candidus et rubicundus.» Candidus quidem, quia nulla vitiorum macula eum decoloravit. Rubicundus autem, quia proprio sanguine cruentatus est. Juxta illud: «Quis est iste, qui venit de Edom tinctis vestibus de Bosra?» (Isa. lxxiii, 1.) «Elevatus ex millibus,» id est ex omni multitudine angelorum et hominum. «Quis enim in nubibus æquabitur Domino?» (Psalm. lxxxviii, 7.) «Caput ejus aurum optimum.» Quid per caput, nisi divinitas? Unde Apostolus: «Hominis, inquit, caput, Christus: caput autem mulieris, vir: caput Christi, Deus (I Cor. xi, 3).» Hoc autem caput aurum optimum dicitur, quia divinitas rebus omnibus præfertur. Non enim factura factori, creatura Creatori æquiparari potest. Duæ namque naturæ sunt in Christo, quarum altera est aurum, altera vero terra; divinitas scilicet et humanitas. «Comæ ejus sunt elatæ palmarum.» Elatæ namque

(951) «Pessulum ostii aperirunt, cum Ecclesia, vel fidelis quæque anima cor advenienti conditori præparat.» Idem auctor, Cassiod. supp.

(952) «Dilectus ex dilecto, filius est ex Patre, sic-

ut Deus de Deo, lumen de lumine. Vel etiam dilectus ex dilecto Christus est, ex ea parte, qua diligendus est, non ex ea qua timendus.» Idem auctor, Cassiod. supp.

palmarum rami sunt productiores, semper ad altiora tendentes, viriditatem non amittentes. Sunt igitur fidelium multitudines elatae palmarum, quoniam semper ad altiora festinant, viriditatem non amittunt, siccare et mori non possunt, et de virtute in virtutem crescentes, caelos ascendant. De quibus dicitur: « Justus ut palma florebit, sicut cedrus Libani multiplicabitur (Psal. xci, 13). » Hi autem Christi comae dicuntur, quoniam ejus fidei, quae omnium virorum caput est, firmiter inhaerent. « Nigrae quasi corvus. » Quare nigrae? Quia macerantur, tribulantur, aestum et multas adversitates patiuntur. Unde superius dixit: « Nigra sum, sed formosa. »

« Oculi ejus sicut columbae, » id est casti et simplices, non elati, non ira confusi. Per oculos autem Spiritus sancti gratias intelligimus, quibus sancti illuminantur. Unde est illud: « Vidi agnum, tanquam occisum, habentem cornua septem, et oculos septem, qui sunt septem spiritus Dei, missi in omnem terram (Apoc. v, 6). » Possumus autem et per oculos patriarchas et prophetas intelligere, quibus ipse Dominus ait: « Vos estis lux mundi (Math. v, 14). » — « Super rivos aquarum (953), » subauditur, existentes. Sunt namque apostoli et doctores super aquarum rivos, quando in Scripturarum voluminibus exercentur. « Quae lacte sunt lotae. » Aliter enim simplices et parvuli eas bibere non possunt. Ergo quia lacte sunt lotae, et sapientes, et insipientes eis utuntur, quoniam omnis scientiae in se continent principatum. « Genae illius sunt areolae aromatum consitae pigmentariis. » Genae, inquit, illius odoriferae sunt, et ad videndum suaves. Sed quid per genas, nisi eam, quam de Christo habemus, notitiam, intelligimus? Unde Apostolus ait: « Et odorem notitiae suae manifestat per nos in omni loco (II Cor. ii, 14). » Quis enim odor suavior, et delectatio major, quam Christi notitiam habere? Sunt igitur genae Christi cognitiones, ex scilicet quae de ipso apparent, et videri et intelligi possunt; quasi aromatum collectiones, quae a pigmentariis compositae et ordinate sunt (954). « Labia illius, labia distillantia myrrham primam. » Labia quidem erant labia Christi, quando baptismum praedicando dicebat: « Oportet vos nasci denuo (Joan. iii, 7). » Itemque: « Nisi quis renatus fuerit ex aqua et Spiritu sancto, non potest videre regnum Dei (ibid., 5). » Haec enim dum diceret, lilia odorem et pulchritudinem dabant. Myrrham autem, carnis mortificationem et totius hominis incorruptionem ejus labia **623**

(955) « Bene columbis super rivos aquarum comparantur, quia Spiritus sanctus puris et sinceris mentibus delectatur. Non enim super stagna et paludes, sed super rivos aquarum columbae resident, quia Spiritus sanctus castas et mundas mentes sibi habitaculum facit. » Idem auctor

(954) « Hae areolae a pigmentariis conditae sunt. Pigmentarii sunt Prophetae vel apostoli, quia alteri futura haec omnia, alteri jam facta descriperunt. » Idem auctor.

(953) In hanc interpretationem conveniunt aucto-

A distillabant (955) tunc, quando discipulos, ut fortes essent et nihil timerent, admonebat, dicens: « Nolite timere eos qui occidunt corpus, animam autem non possunt occidere (Math. x, 8). » Et: « Beati qui persecutionem patiuntur propter justitiam (Math. v, 10). » Et: « Si me persecuti sunt, et vos persequantur (Joan. xv, 20). » Itemque: « Qui vult venire post me, abneget semetipsum, et tollat crucem suam, et sequatur me (Math. xvi, 24). » — « Manus illius tornatiles, plenae hyacinthis. » Cur tornatiles, nisi quia regulariter, facile, recto ordine cuncta disponit et operatur? Optimus est faber, doctae sunt manus bene pingere, bene sculptere, optime vasa tornare novit. Cur autem aureae, nisi quia ipsius opera omnibus praestantiora sunt? Sicut enim aurum ceteris metallis, ita Dei operatio omnibus praestat. Sed quare plenae hyacinthis esse dicuntur? Hyacinthus namque lapis est aerei coloris, sive etiam flos purpuream speciem habens. Manus igitur Domini plenae sunt hyacinthis; sive quia ipsius operatio nos excitat ad regna caelestia. « Invisibilia enim ipsius, ut ait Apostolus, a creatura mundi per ea quae facta sunt intellecta conspiciuntur (Rom. i, 20); » sive etiam propter clavorum sanguinem. Sanguis enim et purpura ejusdem coloris sunt. Sunt etiam manus Domini plenae hyacinthis, quia omnia ejus opera admirabili distinctione sunt. Unde ipse ait: Quoniam « nec Salomon in omni gloria sua cooperatus est, sicut unum ex istis (Math. vi, 29), » cum de liliis loqueretur. « Venter illius eburneus. » Venter, inquit, illius, humanitas et caro, homo Christus de Virgine eburneus natus est, candidus est, et fortis, castus, eburneus venter Mariae; eburneus et Christi; uterque candidus, uterque fortis et castus.

« Distinctus sapphiris. » Sapphirus namque lapis est, sereni caeli habens colorem. Erat igitur Christi venter distinctus sapphiris; quoniam Verbum caro factum, modo caelestia, ut Deus, modo humana, ut verus homo faciebat (956). Ergo quia venter dicitur, homo et terra intelligitur; quia vero sapphirus dicitur, quem caelicum colorem habere diximus, ille nimirum, qui de caelo descendit, denotatur.

D « Crura illius columnae marmoreae. » Per crura namque vias et itinera intelligimus, et est causa pro effecta. Crura, inquit, viae et itinera illius non debilia sunt. Non arundo vento agitata; imo columnae. Sed quae columnae? Marmoreae utique, quae frangi

res supra relati.

(956) Per sapphiris ergo opera divinae maiestatis intelliguntur, quae in carne perficiebat. Venter vero sponsi distinctus erat sapphiris; sed distinctus, ita videlicet, ut inter sapphiris eloris candor appareret; sic Dominus operabatur ea quae divinitatis erant, ut nihilominus perficeret ea quae erant humanitatis: sic et rursus operabatur ea quae erant divinitatis, ut non relinqueret ea quae erant humanitatis; distincta est enim in Christo operatio divinitatis et humanitatis. » Idem auctor, Cassiod. supp.

quidem, flecti autem non possunt. Christus namque A
occidi potuit, a proposita vero voluntate detorqueri
non fuit facultas. « Quæ fundatæ sunt super bases
« aureas: » fidem nempe de his quæ nos docuit
Deus, et sapientiæ firmitatem. Christi namque divi-
nitas humanitatem assumptam et regebat, et susten-
tabat. Possumus autem, et per itinera, incarnatio-
nem, passionem, resurrectionem et ascensionem
denotare. Quæ ideo super aureas bases fundata
dicuntur, quia in providentia et consilio Patris
(quod nimirum aureum fundamentum est) ante
mundi constitutionem inhæserant. Unde ipse ait :
« Non haberes in me potestatem, nisi desuper tibi
datum fuisset (Joan. xix, 11). » Hoc autem tale est
ac si diceret : Firmissimum mihi est fundamentum,
quod nisi se volente me occidi non patietur. « Spe- B
« cies ejus ut Libani, electus ut cedri. » Hic enim
mons omnes illius terræ montes altitudine transcen-
dit; Christi autem montis majestas omnia complet
et continet. Denique Libanus candidatio dicitur,
Christus autem præ filiis hominum forma est spe-
ciosior. Est igitur species ejus ut Libani, alta, et
pulchra, et præ omnibus excellentior. « Electus ut
cedri. » Cedrus namque arbor est quæ excelsa,
odorifera, speciosa, imputribilis naturæ esse perhi-
betur. Hæc autem omnia Christo conveniunt. « Guttur
illius suavis; » id est, verba quæ ab ejus ore prodeunt
jucunda et suavia sunt, omnique melle dulciora.
Sed quid in singulis moror? « Et totus desidera-
« bilis. » Singularia relinquam : summam, et bre-
viter omnia dicam. Quid dicam? Totus amicus
meus est desiderabilis, totus est amabilis. Dili-
gamus igitur eum non verbis, sed opere, et veritate,
toto corde, tota mente, tota cordis intentione.
« Talis est dilectus meus, » cui fidei annulo de-
sponsata sum, nimisque amore et dilectione con-
juncta; « et ipse, » et non alius, non Judæus, non
hereticus, « est amicus meus, filiæ Jerusalem. »
Vere utique amicus, quoniam propter eam sangui-
nem fudit, qua major dilectio esse non potest.

Versus :

Quis interrogare qualis
Attinet, cum non sit talis,
Cui Pater est æqualis
Et Spiritus principalis,
Deus et homo.

Cajus caput purum aurum,
Lux et splendor animarum;
Comæ palmæ sunt elatæ,
Mire floribus ornatæ,
Typice sancti.

Oculi non sunt elati,
Sed columbæ similiti,
Qui super rivos aquarum
Et fluentia Scripturarum
Semper morantur.

Ejus genæ sunt suaves,
Nulli ad videndum graves;
Labia sunt pulchra nimis :

Mvrrha distillat ab illis.

Quid super addam?

Auræ sunt manus ejus,
Eburneus venter ejus,
Hic distinctus est sapphiris,
Illæ plænæ sunt hyacinthis :

Omnia novit.

Marmoris sunt ejus crura
In stabilitate sua,
Solida nimis et dura,
Nullo modo ruptura :

Credite mihi.

Sicut cedrus exaltatus,
Ut Libanus candidatus,
Majestate cuncta replet,
Omnibus odorem præbet,
Deus deorum.

Dulcia sunt ejus verba,
Vera semper et aperta;
Igne sunt examinata
Et a Patribus probata,
Sicut argentum.

Talis est dilectus meus
Et hic est amicus meus,
Cujus explicare laudes
Quia non valeamus omnes,
Hic finis erit.

CAPUT VI.

« Quo abiit dilectus tuus, o pulcherrima mulie-
« rum : quo declinavit dilectus tuus, et quæremus eum
« tecum? » Imperfecti sunt enim qui hic loquuntur :
Idcirco ubi Deus sit, quo declinaverit, et quo in loco
moreretur, quasi ignorantes inquirunt. « Dilectus
« meus descendit in hortum suum. » Quid est, in-
quit, quod quæritis? Nonne vobis notum est quod
in hortum suum dilectus meus descendit? Venit
utque in hortum suum, visitavit me sponsam et
amicam suam. Denique et dixit : non te deseram,
neque derelinquam. Ex quo igitur in mundum ve-
nit, ex quo me dilectionis vinculo sibi conjunxit,
mecum est et mecum habitat. Ad Patrem ivit, me
non reliquit; cælos ascendit, me non deseruit. Non
ergo dicas, o homo, quo abiit? non dicas quod decli-
navit? Vis eum quærere mecum? Fac ut sentias
mecum : operare quod ego, vigila ut ego. Duc oleum
tecum, si vis ascendere mecum. Non habeo dicis;
nec mecum longius ibis. Vigila igitur accensis lam-
padibus, quatenus ei venienti lætus occurras. Cur
autem Ecclesia hortus vocetur jam superius dictum
est : « Ad areolam aromatis. » Ad areolam, inquit,
aromatis. Per areolam intelligitur quælibet anima
fidelis, quæ disciplina cœlesti exulta, et diligenter
composita, ac laterum paritate, id est quatuor
virtutibus præcipuis exornata, in sanctis operati-
onibus, multa aromata Deo incendenda excolit.

« Ut paseatur in hortis. » Vis hortus fieri? dicis,
Volo : munda igitur cor tuum, aufer spinas et tribu-
los; fac ut floreat anima tua; fac ut liliis et rosis,
castitate et simplicitate, cæterisque virtutibus viro-

scat. Tunc pascetur in horto tuo, tunc veniet ille, qui dixit: « Si quis aperuerit, intrabo, et cœnabo cum illo, et ipse mecum (*Apoc. iii, 20*). » — « Et lilia colligat (957). » Semper enim Deus lilia colligit, semper animas sibi conjungit. Scimus enim quia fenum est populus; fenum autem baptizatur, de quo Deus lilia colligit. Vovisti Deo servire, promissisti Deo servire in castitate et humilitate, patientia et sobrietate; hæc sunt lilia, quæ Deo præsentas; hæc sunt lilia, quæ Dominus colligit. « Ego dilecto meo, et dilectus meus mihi. » Ego, inquit, dilecto meo servio, et per omnia obedio, suæque in me habitationis præparo locum. Et dilectus meus mihi auxiliatur, servitutis merita tribuit, et seipsum in me hospitem infert. « Qui pascitur inter lilia, » id est in virtutum odore et animarum pulchritudine delectatur. Vox sponsi: « Pulchra es, amica mea, » suavis et decora sicut Jerusalem. « Pulchra quidem, quoniam baptizata es. » Suavis autem et decora sicut Jerusalem. « Jerusalem namque visio pacis interpretatur. Merito igitur sicut Jerusalem suavis Ecclesia dicitur, siquidem pacem cognoscit et videt, pacem sequitur, et in pacem credit (958). Unde scriptum est: « Et factus est in pace locus ejus (*Psal. lxxv, 3*). » Quoniam autem superna Jerusalem filia est, ideoque ejus pulchritudinem et decorem habere perhibetur; de qua Apostolus: « Illa, inquit, quæ sursum est, Jerusalem libera est, quæ est mater nostra (*Galat. iv, 26*). » — « Terribilis ut castrorum acies ordinata. » Terribilis quidem, quia fide et spe, cæterisque virtutibus armata, malignorum spirituum fugat insidias. Terribilis namque erat Petrus, terribilis erat et Paulus. Petrus namque Ananiam cum uxore mori præcepit. Paulus autem adulterum Satanæ tradidit. Terribiles fuerunt et cæteri sancti, qui malignos spiritus ex obsessis corporibus exire cogeant. Sed quare ut castrorum acies ordinata esse dicitur? Castrorum namque acies ita ordinantur, ut unusquisque in suo loco positus, locum sibi creditum defendat. Sic autem et in Ecclesia. Stat episcopus ante portas, ne lupus subintret, ne rapiat oves. **625** Sed quid multa? Unusquisque in suo ordine pugnat. Pugnant doctores, pugnant continentes, pugnant et conjugati. Docti sunt in prælio, vitia destruant, et malignos spiritus supplantant. « Averte oculos tuos a me, quia ipsi me a te avolare fecerunt. » Nam quoniam superius sui ostii pessulum Ecclesia aperiens, et Christum in se recipere voluit, ejusque divinitatis secreta nimium rimari coepit; ideoque hic dicitur: « Averte oculos tuos a me. » Unde et Apostolus « non plus sapere, quam oportet (*Rom. xii, 3*), » præcepit. Avertamus

igitur oculos nostros; et qui de terra est, de terra loquatur: nemo quod incomprehensibile est, comprehendere conetur. « Quia ipsi me avolare fecerunt a te. » Quanto enim altius investigatur, tanto magis mentes hominum divina sapientia fugit. Fugit enim Deus Arium, fugit Sabellium, fugit et multos alios hæreticos, quoniam obliquis oculis eum inspiciebant, et carnali intuitu, humanaque ratione de his disputabant, quæ nisi divina inspiratione scire non possunt. « Capilli tui sicut greges caprarum, quæ ascendunt de monte Galaad. » Capilli, inquit, tui, sententiæ, et cogitationes, fidelium multitudines, sicut caprarum greges, semper altiora petunt, cœlesti cibo saturari cupiunt. Et « quoniam omne datum optimum, et omne donum perfectum desursum est, descendens a patre luminum (*Jac. i, 17*); » terrenum victum fastidientes, de cœlo sibi venientem cibum expectant; denique et seipsos Domino sacrificant. « Quæ apparuerunt de monte Galaad. » Galaad namque *aceruus testimonii* interpretatur. Cur igitur hæc duo Testamenta Galaad dicantur, evidenter apparet. « Dentes tui sunt greges tonsarum ovium, quæ ascenderunt de lavacro. » Omnes gemellis fetibus, et sterilibus non est in eis. « Sicut cortex mali puniel, sic genæ tuæ absque oculis tuis. » Laudat Dominus sponsam suam, et eisdem verbis laudat, quibus et superius; nihilque aliud in ea reprehendit, nisi quia eum intuetur, suisque oculis ea cernere persequitur, quæ humanus visus videre non potest. Ideoque reclamationem.

« Averte oculos tuos a me. » Non me quasi localem, quasi mensuralem, quasi alienius formæ statum intuearis. Æternus sum, immensus, incomprehensibilis. « Non videbit me homo, et vivet (*Exod. xxxiii, 20*). » — « Sexaginta sunt reginæ. » Quid per reginas, nisi apostolos et doctores, qui alios regunt et docent (959)? Sed quare sexaginta? Sexagenarius enim numerus ex senario et denario conficitur. Sexies namque decem vel decies sex sexaginta faciunt. Et quoniam sex diebus opus suum peregit Deus, non immerito per sex, operum perfectionem intelligimus; per decem autem, legalia decem præcepta signamus. Sic igitur Christi reginæ sexaginta sunt; quoniam in Ecclesia rectores, et in operibus quidem perfecti, et in legis institutionibus sapientes inveniuntur. « Octoginta concubinæ. » Concubinæ autem illi intelliguntur, qui sub amicitie vultu amici domum dissipant, bona distrahant, legitimæque uxoris thalamum dolose subintrant, et avidissime violant. Sed quare octoginta? Illic enim numerus ex octo fit, atque decem: octo, enim decem, vel decies octo, octoginti faciunt. Prædicant

(957) « Ipse enim bonis nostris pascitur, in tantum ut in paupere ipse reficiatur. Et lilia colligat, hoc est, ut sanctas animas virtutis maturitate ad perfectum candorem perducat, de hoc mundo ad se colligat, et secum in æterna beatitudine gaudere faciat. » Idem auctor, Cassiod. supp.

(958) « Ecclesia, quæ adhuc in terris est, vel ani-

ma quæque fidelis, ad similitudinem illius Jerusalem suavis est et decora, quia illam pacem, in quantum potest, imitatur. » Idem auctor.

(959) « Reginæ sunt doctores sanctæ Ecclesiæ, qui merito fidei et scientiæ thoro regis æterni propinquant, et spirituales filios Deo pariunt. » Pseudo Cassiod.

igitur et isti, legalia decem præcepta, sed non ex charitate, ut non ea quæ prædicant faciant. Ili enim sunt, de quibus dicitur: « Alligant enim onera gravia et importabilia, et imponunt in humeros hominum, digito autem suo nolunt ea movere (Matth. xxiii, 4). » Ili sunt qui adulterant verbum Dei. Isti autem in sex diebus non inveniuntur, quoniam otio dediti in bonis operibus non exercentur. At vero nec sabbatismum, nec requiem habebunt, siquidem diem septimum transierunt. Venient autem ad octavum, in quo fiet resurrectio. « Omnes enim, sive boni sive mali, stabimus ante tribunal Christi (Rom. xiv, 10). » De hac autem octava dicitur: « Cur timebo in die mala, iniquitas calcanei mei circumdabit me (Psal. xlviii, 6); » id est in die qua mali æterna ingredientur. Sunt igitur octoginta concubinæ, quoniam multi legem prædicant, qui octava die in iudicio damnabuntur. Damnabuntur igitur multi monachi et episcopi, qui ex labiis oreque bona defluentes, interius vitia reservantes damnabuntur, in iudicio ita audientes: « Ite, maledicti, in ignem æternum (Matth. xxv, 41). » Hoc etiam monachis dicitur verbum, qui soli manentes, hoc quod habent, non recte impendentes, absque dubio in æternum peribunt. « Et adolescentularum non est numerus. » Quid per adolescentulas, nisi quoscumque fideles baptismatis aqua regeneratos (960)? De quibus dicitur: « Renovabitur ut aquilæ juvenus tua (Psal. cii, 5). » Horum autem numerum solus ille cognovit, qui numerat stellas (961). « Una est columba mea. » Multæ, inquit, sunt reginæ, multæ sunt et concubinæ. Una tamen est columba mea, id est sancta et universalis Ecclesia, cui unus Deus 626 est, una fides, unum baptismus, una voluntas, id est cor, eademque anima. Hæc autem vere columba dicitur, quia simplex est, spiritalis, humilis et mansueta. Perfecta mea, cui senarius numerus certissime convenit; siquidem a meis operibus non cessat. « Una est matris suæ, » id est unica et singularis filia supernæ Jerusalem. « Electa genitricis suæ. » Quoniam sicut illa cœlestem diligit patriam, ita et cœlestis patria eam diligit. Sumus igitur filii terræ secundum carnem; sumus autem et filii cœli secundum animam. Hæc enim terrena, illa vero cœlestis est (962). Serviamus igitur non terrenæ matri, imo cœlesti. Viderunt eam filiæ. » id est prædictæ adolescentulæ.

(960) « Copulatas autem semel tantum Christo per baptismum divinum, merito adolescentulas præter numerum appellavit, ob illarum multitudinem; ac etiam quia replent omnes fines terræ. » Cantachuzenus.

(961) « Infinitus est numerus animarum in Christum credentium, nec ab ullo homine comprehendi potest. Cæterum Deo numerati sunt omnes electi. » Idem auctor, Cassiod. supp.

(962) « Hæc ergo Ecclesia una est matris suæ, quia, ad exemplum illius Ecclesie quæ jam in Christo fruatur, ipsa in hac peregrinatione instituitur et informatur, atque ad illam beatitudinem, in qua cum

et beatissimam prædicaverunt eam (Prov. xxi, 28). » Quis enim prophetarum, vel apostolorum, doctorumve Ecclesiæ beatitudinem non prædicavit? Quis sanctorum felicitatem non narravit? Subauditur nullus. « Reginæ et concubinæ laudaverunt eam. » Namque et apostoli, et doctores eam laudaverunt. Denique et hæretici, et pseudoapostoli eam laudibus extollebant. Multæ adhuc concubinæ, multi falsi prædicatores, multi numinum, et non Dei sacerdotes Ecclesiam laudant. Ipsa enim est, quæ ex multis constans fidelium personis catholicam, id est universalem efficit Ecclesiam. »

Versus :

Pulchra es, mea dulcis amica,
Pulchris vestibus circumamicta.
Sunt tibi castra bene armata,
Bene ordinata, ut vinci nequeant.
Oculos tibi geminos dedi,
Quibus me poteris intueri.
Non oculis hæreticorum,
Et philosophorum videri potero.
Sexaginta sunt mihi reginæ,
Octoginta vero concubinæ;
Possunt amari, possunt laudari,
Non numerari adolescentulæ.
Una tamen est columba mea,
Unus est meus amor in ea,
Quam et viderunt, et cognoverunt
Et laudaverunt plurimæ filiæ.

« Quæ est ista, quæ progreditur tanquam aurora » C « consurgens? » Quæ, inquit, qualis, quam pulchra est ista quæ progreditur, non otio moratur, sed ad me de virtute in virtutem transeundo conscendit, suæque magnitudine mundum replet, et ubique terrarum diffunditur? « Quasi aurora consurgens, » virtutibus fulgens, serenitate nitens, verum et summum diem cunctis gentibus denuntians. « Pulchra ut luna, » quoniam solius fratris, et sponsi lumine illuminatur (963). « Electa ut sol. » Quod enim eligitur, aliis præfertur. Electa igitur Ecclesia est, quoniam solis fulgorem imitatur. Denique cum Christus sol, luna autem Ecclesia dicatur, non immerito dicitur electa ut sol. Sicut enim Ecclesia solem, ita et sol iustitiæ Christus Dominus noster Ecclesiam elegit (964). Unde est illud: « Et cum electo electus eris (Psal. xvii, 17). » — « Terribilis. » Quare terribilis? Quia prudens, quia fortis, quia sapiens, quia « ut

Christo conregnare, pervenire nititur. » Idem sub Cassiod. nom.

(963) « Lunam ferunt physici a sole illuminari; Ecclesia pulchra est ut luna, quia claritate sponsi sui Christi illuminatur ut eius gratia resplendat. » Idem auctor.

(964) Ut vaticinium de E. V. exponit Cantachuzenus. « Stupore percussus ab excellentia illibatæ Matris Verbi Dei. Quamvis ista est, inquit, quæ se inflectit ut aurora? quemadmodum enim lumine solis accedente nocturnæ recedunt tenebræ: sic ad puræ Virginis splendorem, peccati recesserunt tenebræ. Electa ut sol. Non absurdum est, eandem et lunam

« castrorum acies ordinata » est. Semper vigilans, A
semper armata, nunquam incanta est. Dicit ergo :
« Et præcinxisti me virtute ad bellum, et supplan-
tasti insurgentes in me subitus me (Psalm. xvi, 40). »
— « Descendi in hortum nucum. » Quid per hortum
nucum, nisi Ecclesiam? Cor autem Ecclesia hortus
vocetur jam superius dictum est: sed quare nucum?
Nux enim suavem reddit odorem. Ejus autem fructus
duplici tegmine induitur. Quod autem exterius est,
amarum est; secundum autem tenax et durum. Quod
vero intrinsecus latet, dulce est atque suave. Sic
autem Ecclesia exteriorem vestem, carnem videli-
cet amaram, miseram, lacrymabilem, horridam et
hispidam habet. Sub hac autem illa fortis, candida,
et unica tegitur vestis quam ipsa suis manibus
texuit: virtutes enim virtutibus conjungens, operibus-
que bonis bona opera connectens, admirabilem sibi
composuit vestem; qua induta, inimicorum spernit
sagittas. Sub hac autem tegitur anima, mira dulce-
dine et suavitate, fellis omnisque amaritudinis ex-
pers. « Ut viderem poma convallium. » In hunc hor-
tum descendit Christus. Sed quare descendit? Ut
convallium poma videret, id est humilitatem et pa-
tientiam fidelium. De hac autem valle dicitur :
« Omnia vallis implebitur (Luc. iii, 5). » Descendit
in hortum, vidit vallem, cognovit et elegit humi-
les. « Et inspicerem, si florisset vinea. » Floret
enim vinea Dei, quando ad bonum opus se præpa-
rant sancti. « Et germinassent mala punica. » Mala pun-
ica sunt martyres, mala punica sunt virgines, mala
punica sunt omnes, qui peccatis suis erubescunt. Hi
627 autem semper germinant, hi non spinas et
tribulos, imo flores et virtutes generant et nutriunt.
« Nescivi. » Vox Synagoga: Tu, inquit, in hortum
venisti. Ego autem nescivi, tuum adventum ignoravi.
Quare hoc? Quoniam « anima mea conturbavit me; »
hoc autem « propter quadrigas Aminadab. » Vidi,
inquit, Aminadab, vidi et audiui Christum. Amin-
adab namque spontaneus populi sui interpretatur. Est
igitur Christus Aminadab, siquidem pro nobis san-
guinem proprium fundere non dubitavit (965). Hujus
autem quadrigas vidit Synagoga. Vidit Mariam, quæ
in utero et in manibus eum bajulavit. Vidit et aposto-
los, quos Christus regebat, et ut bonus auriga diri-
gebat. Hinc est quod dicitur : « Qui ascendes super
equos tuos, et quadrigæ tuæ salvatio (Habac. iii, 8). »
Hoc vidit Synagoga: ideoque conturbata est. Con-
turbata est propter Mariam, conturbata est et pro-

dici, et solem. Solem quidem, eo quod Dei et Pa-
tris suscepit Verbum: luna perfecta, et quæ præ-
ter modum exuberat, sicut est in suo corpore sol. »

(966) « Aminadab abnepos fuit Judæ, per quem
generatio Christi contextitur. Interpretatur autem
Aminadab populi mei spontaneus: ideoque significat
Christum, qui populi sui spontaneus fuit; quia cum
sit Deus, sponte factus est homo, cum esset conditor
et Creator, sola benignitate factus est portio populi
sui. Idem auctor, Cassiod. supp.

(966) « Vox est Ecclesie Synagoga ad fidem in-

pter carnem, quoniam nec hominem esse, nec ma-
trem habere posse Deum dicebat. Audivit et aposto-
los prædicare: conturbata est, quoniam contra le-
gem loqui videbantur. Prædicabant enim « Chri-
stum crucifixum, Judæis quidem scandalum; genti-
bus autem stultitiam (I Cor. i, 23). » Vox consola-
toria Ecclesie: « Revertere, revertere Sulamitis,
« revertere, revertere, ut intueamur te (966). » Vox
quadrigarum, id est apostolorum: Tu, inquit, o
Synagoga, ut stulta et incauta eum, qui in hortum
descendit, non cognovisti, nec propter ejus quadri-
garum strepitum tuam duritiam amisisti. Tu vero
Sulamitis, tu populus gentium, tu Ecclesia, rever-
tere. Ubi? Ad Dominum, in patriam, in promissam
hæreditatem. Sulamitis autem *capitva* vel *despecta*
B interpretatur. Ecclesia vero prius despecta, nunc a
viro electa est. Quod quidem Rachel significavit. Est
autem *capitva*, quoniam in prælio capta, malignis
spiritibus ablata est. Quater autem « revertere » di-
citur, quoniam quatuor sunt Evangelia, quæ « rever-
tere, revertere » dicere non cessant. Semper enim
ut revertamur, pœnitentiam agamus, ad Dominum
revertamur, nos admonent. « Ut intueamur te, » id
est, ut in tenebras non submergaris; sed in celesti
Jerusalem te nobiscum tuamque pulchritudinem in
æternum videamus.

CAPUT VII.

« Quid videbis in Sulamite, nisi choros castro-
rum? » Chori namque castrorum, sicut mos est,
C et letantur, et cantant, eosque exornant, arma di-
lucidant, propugnacula muniunt, seipsos ad virtu-
tem et audaciam exornant. In Ecclesia vero laus
exultationis et confessionis resonat; caroque equus
animæ intelligitur, virtutibus ornatur, arma et Scri-
pturarum sententiæ declarantur, alterque alterum ad
Dei servitium excitat. Vox Christi ad Ecclesiam :
« Quam pulchri sunt gressus tui in calceamentis filia
« principis (967) ! » Pulchri sunt gressus, pulcher est
incessus, pulchra est et operatio. Unde Apostolus
ait : « Sicut in die honeste ambulemus (Rom. xiii,
13). » — « In calceamentis. » Calceata, inquit, es, ad
iter agendum parata es. Dixisti superius, « lavi pedes, »
nunc autem calceata es, ne inquinentur. Patientia
namque pedes nostros calcat, quoniam sanguinem
innocentum fundere non dubitavit, et non modo pa-
titur. Possumus, et per calceamenta, prophetarum
qui mortui sunt exempla intelligere. Sic autem regis
filia, hæc filia æterni principis calceata est. « Jun-
« cturæ femorum tuorum sicut monilia, quæ fabri-

vitantis : Revertere, o Synagoga, ab infidelitate ad
fidem, revertere ab odio ad dilectionem. Sulamitis
interpretatur *capitva*, vel *despecta*. Talis erat Syn-
agoga ante adventum Christi, *capitva* videlicet vinculo
diaboli, et a Deo despecta, quia Christum ad salu-
tem suam missum non cognovit. » Idem auctor.

(967) « Ab hoc loco incipit sponsus exponere lau-
des sponsæ suæ. Et notandum quod a gressibus
incipit ejus pulchritudinem texere, et in laudes ejus
finit, sicut superius ab oculis cœperat. » Idem au-
ctor.

« cæta sunt manu artificis. » Quid per femora, nisi A filiorum generationem? In femoribus namque fit generatio. Unde super femur servum suum Abraham jurare fecit, quoniam inde Christum exiturum esse sciebat, cujus nomen, qui Deum timent, in vanum jurare non audent. Dicatur ergo: Junctura femorum tuorum sunt tibi, sicut monilia, id est conjunctio, dilectio, et concordia filiorum. Gloria namque matris filii sunt, nullisque monilibus plus decoratur, quam filiis, si eos bene morigeratos habuerit. Tantoque in his major gloria habenda est, quanto superioris artificis manu dignior et pulchrior operatio instituitur. « Umbilicus tuus crater torna-
« tilis (968). » Quid per umbilicum nisi apostolos? Sed 628 quare umbilicus? Sicut enim umbilicus in medio ventris, ita et apostoli in medio Ecclesie continent locum. Juxta illud: « In medio Ecclesie aperiet os suum (Eccli. xv, 5). » Sunt igitur apostoli umbilicus. Sed quare crater? Quoniam viva aqua, celesti nectare, et omnium Scripturarum inundatione replentur. Cur autem tornatilis? Quod enim in torno fit, regulam et ordinem non omittit. Sunt igitur apostoli tornatiles; quoniam veritatis regulam semper observant, rotundi sunt, solidi sunt, non scrupulum, non dignæ offensionis obstaculum in eis est reperire. « Nunquam indigens poculis, » quoniam semper plenus est, semper inundat, semperque salutis poculum sitientibus propinat. « Venter tuus sicut « acervus tritici. » Per ventrem namque subditorum, imperfectorumque multitudinem intelligimus. Ventri quidem omnia corporis membra servant; cum pedes portant, dentes nutriunt, oculi ducunt. Sic autem et sunt prædicatores, Ecclesiam sustentant, nutriunt, et illuminant. Venter igitur imperfecti dicuntur, quoniam molliores, et imperfectiores sunt. Hi autem acervum tritici comparantur; quia et multi sunt, et ab uno processerunt. Unde ipse Dominus ait: « Nisi granum frumenti cadens in terram mortuum fuerit, ipsum solum manet; si autem mortuum fuerit, multum fructum affert (Joan. xii, 24). » Cecidit igitur in terram, venit in Mariam hoc frumenti granum, ex quo illa fidelium exorta est multitudo, quæ acervus tritici hoc in loco vocatur. « Vallatus liliis; » circumdatus virtutibus et doctorum orationibus. « Duo ubera sunt duo hinnuli gemelli capreæ. » Duo namque ubera duo sunt Testamenta. Una vero capra, una est Ecclesia, quæ semper altiora petit, et supernum de cælestibus cibum exspectat. Duo autem hinnuli duo sunt populi, Judaicus videlicet et Gentilis. Quot igitur ubera, tot et filii. Vox Christi:

« Collum tuum sicut turris eburnea. » Collum namque, oculi, et nasus dicuntur apostoli. Collum quidem, quoniam scutum portant; et Ecclesiam nutriunt, et doctrinæ verba depromunt. Oculi autem, quoniam cæcos illuminant. Nasus vero, quoniam et sacræ legis virtutumque odorem, et prave doctrinæ hæreticorum, vitiorumque fetorem cognoscunt. Collum igitur Ecclesie, id est quilibet prædicator, turris esse debet, refugium cæterorum, et alta defensio. Unde est illud: « Turris fortitudinis a facie inimici (Psalm. lx, 4). » Sit autem et eburnea, id est casta, candida et fortis. « Oculi tui sicut piscine in Hesebon. » Hesebon quidem *cingulum maroris*, vel *civitas multitudinis* interpretatur. Ecclesia vero multos in se continet, multosque cingit et ligat; multos effeminatos succinctis vestibus ad virilia præparat, multos effrenatos et dissolutos, ne per inania vagentur, in eam et freno constringit (969). Piasinas autem, quæ in Ecclesia sunt, fontem baptismatis intelligimus. In his autem piscatores multos pisces et levant et capiunt. Sunt igitur oculi Ecclesie, id est sancti prædicatores, et clari, et lucidi sicut piscine in Hesebon; presertim cum eorum prædicationes animarum purgatio sint. Quæ enim semel in baptismo purgantur, multoties a doctoribus purgari oportet. « Quæ sunt in portis filix multitudinis. » Filia namque multitudinis Ecclesia dicitur, quoniam filiorum multitudinem quotidie parere non cessat. In hujus autem portis sunt istæ piscine; quoniam in ea nemo ingreditur, nisi prius baptizetur. Vis ingredi civitatem? descende in piscinam. Vis jungi Ecclesie? baptizare, et crede.

« Nasus tuus sicut turris Libani. » Libanus enim, qui *candidatio* interpretatur, qui omnibus illius provincie montibus præeminet, Christum significat. In hoc autem monte, in hujus lapidis firmitate turris illa sita est, illa apostolorum congregatio fundata est, quæ totam Ecclesiam desuper intuetur, et protegit. Unde et episcopi vocantur, quasi supra videntes. Alta est ergo turris, altum est et fundamentum. Non fetorem timet, non aeris perturbationem pertimescit. Cœlestia petit, non in vitiorum volutabris jacet. « Quæ respicit contra Damascum, » id est contra diabolum et angelos ejus. Damascus enim *sanguinis potus* interpretatur. Turris igitur Dei respiciat contra Damascum, id est contra eos, qui sanctorum sanguinem sitiunt. Ea enim ex parte, qua magis timetur, plures ponendi sunt speculatores. « Caput tuum sicut Carmelus (970). » Quid per caput, nisi cor et intellectus? Ut enim caput in

(968) Aliter et eximie hunc locum illustrat Cantabruzenus. « Ex quo, inquit Salvator noster, Verbum caro factum est, et suum sanguinem in potum fidelibus dedit: ex eo, inquam, tempore crater non deficit in Ecclesiis, quæ sunt ubique terrarum; quin imo impletur quotidie sacris incuruentis sacrificiis, vitali, et divino sanguine. »

• (969) « Filia autem multitudinis vocatur Hesebon, juxta litteram, ob multitudinem ibi confluentium populorum. Sic et sancta Ecclesia recte filia dicitur

multitudinis, qui numerositatem quotidie colligit gentium. Hesebon autem interpretatur *cingulum maroris*, » etc. Cassiod. supp.

(970) « Caput Ecclesie principalitas mentis fidelium intelligitur. Nam sicut capite membra reguntur, ita mente cogitationes disponuntur. Bene autem caput Ecclesie Carmelo assimilatur, quia novit circumcisionem aliquando corporaliter celebratam, nunc se spiritualiter debere observare, etc. » Idem auctor.

corpore, sic et intellectus in anima principatum tenet. Carmelus autem *cogitatio circumcisionis* interpretatur. Est igitur Ecclesia caput sicut Carmelus; magnus est, altus est, non humilia, non carnalia, imo cœlestia et spiritualia novit. Non litteram quæ occidit, sed spiritum qui vivificat, sequitur; non carnalis, sed cordis circumcisionem dedit. « Et comæ capitis tui, sicut purpura regis juncta canalibus. » Si enim caput intellectus est, quid **629** erunt comæ capitis, nisi cogitationes intellectui adherentes. Hæc autem purpuræ assimilantur, quoniam et de peccatis semper erubescunt, et sanguinis pro Christo diligunt effusionem. Non reges magis in purpura plorantur, quam sancti in indumento talium cogitationum. Hæc est vestis et purpura sanctorum; hi teguntur, his ornantur; hæ sunt junctæ canalibus, hæ semper lavacrum et purgationem expectant. Sit igitur sanctis altus intellectus, induantur et ornentur bonis cogitationibus; semper animarum desiderant purgationem.

« Quam pulchra es, et quam decora, charissima, in deliciis! » Quibus deliciis? Spiritualis gratiæ, id est divini sapientiæ cœlestium gaudiorum. « Statuta tua, » id est perfecta et alta stabilitas, « assimilata est palmæ, » quia firma et recta stat, et nunquam a ventis detorqueatur, ejus rami proceri, hujus fructus suavis, hujus viriditas æterna. Palma victoribus convenit, victoris ab Ecclesia non recedit. « Et ubera tua botri, » id est doctores vel gemina Testamenta, quæ aliquando lac, aliquando merum vinum nobis propinant. Hoc autem vino qui inebriantur, terrenorum obliviscuntur.

Versus:

Ad Deum tuum revertere, Sulamitis,

Apostolorum fidelibus crede dictis:

Eia revertere.

Sunt pedes tui pulchri in calceamentis

Et verba tua prophetarum in exemplis,

Filia principis.

Quid de junctura dicam femorum tuorum?

Qua decoraris ob merita filiorum,

Sicut monilibus.

Per umbilicum omnes illi describuntur,

Ecclesiarum qui in medio loquuntur

Spiritualia.

Triticum acervus tuus distendit venter,

Ab uno grano, quod multiplicatur semper,

Vallatus liliis.

Collum, et nasus, et oculi sunt doctores

Qui ventrem pascunt, pellunt noctem et fetores,

Gravis scientiæ.

Christus vel Ecclesia: « Dixi: Ascendam in palmam. » Hoc enim dixit Christus; hoc ante præcivit,

(971) « Id est, fructu honorum operum et laborum, quibus Ecclesia desudat, remunerabo. Vel etiam secundum eum sensum, quo per palmam crux intelligitur; id est impleto passionis triumpho, veniam ad gloriam resurrectionis. » Idem auctor.

(972) « Sancti doctores vinum spirituale ruminant, quando præcepta evangelica diligenter exqui-

quoque in palmam et virginem, in crucem ascensurus erat. Palma est Maria, quia semper viridis et virgo. Palma est crux, quia victoriæ instrumentum. Semper crescit, semper viret, hujus laus æterna, hujus virtus nunquam senescit. « Et apprehendam fructus ejus (971). » Fructus dedit venter Mariæ, mundi scilicet instaurationem. Fructus dedit, et Christi crux, quoniam ejus sanguine purpurata, mortuos vivere fecit. Vos hujus fructus estis, apostoli, martyres et confessores. O palma! O victrix et admirabilis arbor, quæ tantis fructibus decoraris! Ascendit Christus in palmam, apprehendit fructus, quoniam omnia ad se traxit. « Et erunt ubera tua sicut botri vineæ. » Ubera namque Ecclesiæ et vinum continent, et lac: lacte nutriunt simplices, vino inebriant sapientes.

Hoc lacte suos filios Ecclesia nutrit, hoc vino et mentes et corda lætificat. Hoc vinum dat sapientiam, hi secundum calices infantium linguas fecere disertas. « Et odores tui sicut malorum, » id est grati et suaves. Gratus est odor, jucunda sunt poma. Dulces et graves sunt sententiæ. Vox Ecclesiæ: « Guttur tuum sicut vinum optimum, verba tua dulcia sunt et suavia. » Vinum sunt, sed optimum, quoniam et si profunda sint, dulcedinem tamen et lætitiæ denuntiant, non mortem, sed vitam prædicant. Tu enim non vis mortem peccatoris, sed vitam. Vinum namque Moyses dabat, cum, « oculum pro oculo, dentem pro dente (Deut. xix, 21), » dicebat. Hoc autem vinum grave videtur, et ad bibendum asperum. « Di-

gnum dilecto meo ad potandum. » Dignum, inquit, est, vitale vinum, tam dulce, tam suave; dilectus meus bibit; dignum est ut tam melliflua verba ab ipsius ore distillent. De hoc enim gutture, de hoc vase pretioso vinum illud exivit, quo Ecclesia inebriatur. Gustavit vinum, laudat et pincernam et vinum. Et quasi interrogata an bonum esset vinum, regis esse dignum respondit. « Labiisque et dentibus ejus ad ruminandum. » Quid per labia et dentes, nisi apostolos et doctores? Hi sunt qui prædictum vinum et bibunt, et ruminant. Hi sunt qui divina secreta subtiliter perquirunt. Vinum namque ruminare est Dei testimonia semper et in labiis et in corde volvere (972). Unde Apostolus ait: « Sine intermissione orate (1 Thess. v, 17). » Sponsa de-

sponso: « Ego dilecto meo, et ad me conversio ejus. » Ego, inquit, dilecto meo loquor, measque ei voluntates confiteor; ipse autem ad me convertitur, mihi respondet, et me exaudit. « Veni, dilecte mi. » **630** Hæc autem vox prophetarum est, omniumque illorum qui Christi adventum expectabant (973). « Veni, dilecte mi, » inspicie terras, sume carnem. « Egre diamur in agrum, » ut inde spinas et tribulos eradicemus. Colamus agrum, prædicemus gentes, exeant, et crebra investigant meditatione, atque invicem conferunt. » Idem auctor.

(973) « Potest etiam hæc vox esse Synagogæ ex persona sanctorum Patrum adventum Christi desiderantium, juxta illud Psalmistæ LXXIX, 3: *Excita potentiam tuam, et veni: et Isaias vi, 1: Utinam dirumperes caelos, et descenderes.* » Idem auctor.

jar qui seminat sœminare semen suum. « Commore-
retur in villis (974); » id est habitemus in gentibus.
Rustici enim eramus et indocti. Non legem, non
iustitias, non de iudiciis noveramus. Veniens autem
Dei Filius in mundum reliquit civitates, reliquit Je-
rusalem. Unde ipse ait: « Ecce elongavi fugiens,
et mansi in solitudine (Psal. LII, 8). » Jam legem
habemus, jam urbane loquimur, quoniam rex uni-
versalis cum lege et iudicibus in villis moratur. »
« Mane surgamus ad vineas. » — « Nox præcessit,
dies autem appropinquavit (Rom. XIII, 12). » Sur-
gant doctores, quia dies est, ne dormiant, quia nox
præcessit. Surge tu, Paule, qui ceteros vigilare
admones, amputa Dei vineam, præpara, et munda
tuam plantationem. Tu enim plantasti, Apollo riga-
vit. « Videamus si floruit vinea, » id est si jam
fidem et doctorum suscepit documenta. Hoc enim
ille videbat, hos flores ille desiderabat, cui erat
solicitudine omnium Ecclesiarum. « Si flores fructus
« parturiunt. » Flores namque fructus parturiunt, cum
bona perveniunt ad effectum. Sive cum ea bona,
quæ incœpimus, ad finem usque perducimus. « Si
« floruerunt mala punica, » id est si adhuc martyres
pro Christo mori non dubitant. Florent denique mala
punica, quando humiles et pauperes virtutibus et
sanctitate refurgent. Est enim arbor mali punici bre-
vis atque deformis. « Ibi que dabo tibi ubera mea. »
« Ubi? In vineis, tibi mea ubera dabo, tibi meam
castitatem servabo, ad tuam laudem et honorem fi-
lios lactabo. Fugiant Judæi, fugiant et hæretici,
quibus nec tangere hæc ubera licet. » Mandragoræ
« delectum odorem in portis nostris (975); » id est
apostoli et doctores, quia aliis quidem erant odor
mortis in mortem, aliis odor vitæ in vitam (II Cor.
II, 16). Ili autem in portis nostris, id est in auita
fidelium sui odorem et notitiam dederunt. Sed quare
mandragoræ isti dicuntur? Mandragora namque ste-
rilitati repugnat. De apostolis autem, et doctoribus
superius dictum est, quoniam steriles non est inter
eos. Præterea his, qui dormire non possunt, man-
dragora somnum præstat. Ili autem et æternæ vitæ
quietem cunctis præstant, et eos, qui sæculi sollici-
tudine vexabantur, omnium terrenorum sæpiissime
oblivisci faciunt. Dant somnum et quietem, dant
pristinæ vitæ oblivionem. « Omnia poma nova et
vetera, dilecte mi, servi tibi. » Vetera quidem,
quia patriarchas et prophetas; nova vero, quia apo-
stolos et confessores. Illos autem et de novis ve-

Arribusque sententiis intelligitur. Custodit utique Ec-
clesia poma, suoque dilecto reddit, quæ maligni
spiritus furari concupiscunt.

CAPUT VIII

« Quis mihi det te fratrem meum sugentem ubera
« matris meæ. » Quis, inquit, hoc mihi det, quis
hunc honorem, hanc dignitatem, hanc beatitudinem
mihi tribuat, ut tu summi regis Filius carnem su-
mens homo fias, et meus frater appelleris, ipseque
proprio ore dicas: « Narrabo nomen tuum fratribus
meis (Psal. XXI, 23). » Matris autem Synagogæ ubera
elicit Christus, quoniam legis et prophetarum man-
data ipse adimplevit; sive etiam quia secundum car-
nem, sicut scriptum est, et « ætate et sapientia pro-
ficiēbat coram Deo, et hominibus (Luc. II, 52) (976). »
« — Et inveniam te foris: » inquit, ideo dixit, te foris
inveniam, te in homine videam, a Patre procedas,
in mundum venias, et gentibus manifestor. » Et
« deosculer te. » Hoc autem est quod in capite hujus
libri scriptum est. « Osculetur me osculo oris sui. »
« — Nemo me despiciat. » Tu me, inquit, dilexisti, pro
me carnem assumpsisti, nemo me despiciat; quan-
doquidem tanto viro sum desponsata (977). » Appre-
hendam te, et ducam in domum matris meæ. »
Confirmatio. « Et in cubiculum genitricis meæ. »
Apprehendit enim, quoniam pio amore ei inhaeret.
Duxit autem in domum matris suæ, in carnem vide-
licet, quæ de terra universali matre facta est. Pro
Ecclesiæ namque dilectione 631 Christus Dominus
noster homo fieri voluit. « Ibi me docebis. » In hac,
inquit, domo, in hoc tabernaculo, in hoc loco dormi-
tionis et mortis, me docebis, per quam viam et
doctrinam ad te venire voleam. Merito autem Chri-
sti humanitas cubiculum dicitur; siquidem ibi dor-
mire visus est, quod secundum divinitatem nec dor-
mire, nec mori potest. « Et dabo tibi poculum ex
« vino condito. » Primitiva namque vitea in amaritu-
dinem conversa, cum uvas dare desisset, labruscas
fecit. Ecclesia vero vinum dat bene conditum, Deo
delectabile, et ad bibendum suave. Sed quare con-
ditum nisi quia litteræ spiritualis intelligentia ad-
miscetur. Vinum namque conditum dabit Paulus;
quoniam sicut in vino pigmentato quis delectatur,
ita in ipsius sana doctrina suavique prædicatione
delectabatur Christus. Vinum namque conditum da-
bat, quando ad Dei laudem et honorem inter perfectos
sapientiam prædicabat. « Et mustum malorum gra-
« tatorum meorum. » Mustum enim novum esse vinum

(974) « Id est etiam ignorantibus te paganis tuam
fidem annuntiemus, nec in transitu; sed commore-
mur ibi, donec illos ex paganis catholicos, ex alienis
tibi proprios faciamus. » Idem auctor.

(975) « Mandragora herba est aromatica, cujus
radix similitudinem habet humani corporis; poma
ejus optimi odoris, in similitudinem pomi mariani,
quod nostri malum terræ vocant. Hæc herba rebus
medicinalibus aptissima est. Nam fertur eos, qui
incommodum vigiliarum laborant haustu poci hujus
relevari, et posse dormire. » Idem auctor.

(976) « Id est, ut hominem factum in aperto vi-
deam. Quasi enim intus erat jam Deus, cum in sinu

paternæ majestatis lateret; sed foris inventus est,
cum homo factus visibilis se hominibus præbuit, in-
comprehensibilis voluit comprehendendi. » Idem auctor.

(977) « Quasi enim despecta erat Synagoga, ante-
quam Christus veniret; quia legalibus observatio-
nibus dedita, sub typo, et figura, et non in veritate
adventum Christi præannuntiabat. At postquam Chri-
stus apparuit, et adventus sui gratia mundum illu-
stravit, jam nemo despexit Ecclesiam; quin imo ut
castrorum acies fuit hostibus suis, quia per univer-
sum mundum Christum prædicavit, et mundanum
imperium sibi subiecit. » Idem auctor.

nemo dubitat; quod quidem ebullire non cessat, donec totum purgatum fuerit. Mala vero granata apostoli, ceterique martyres sunt. Horum autem mustum, horum novum canticum fervere distulit, donec et hæreticorum error, et paganorum infidelitas cessavit. Dabat igitur Ecclesia malorum granatorum mustum, quando Christi martyres et Novum Testamentum prædicabant, et proprio sanguine infundebant.

Versus :

In palmam Christus ascendit

Ejus fructus apprehendit

Quia cruci est affixus,

Ut periret inimicus.

Gloria magna Deo!

Mustum enim, quasi vinum

Melle plurimo conditum,

Hoc Apostolus potavit,

Et gentibus propinavit.

Gloria magna Deo!

Sponsa sua dixit sibi :

Loquor tibi, et tu mihi,

Veni, veni, mi dilecte,

Cum villanis velis esse.

Gloria magna Deo!

In vineas exeamus;

Si jam florent videamus,

Si flores mala dederunt

Et in fructus prorsuperunt.

Gloria magna Deo!

Tuæ Christo mandragoræ

Magno redolent odore.

Poma vetera et nova

Lerat tibi tua sponsa.

Gloria magna Deo!

Utinam sis mihi frater,

Una nobis fiat mater!

Tibi est immensus Pater

Ut non æquatur alter.

Gloria magna Deo!

« Læva ejus sub capite meo, et dextra illius amplexabitur me. » Vox Christi : « Adjuro vos, filie Jerusalem, ne suscitetis, neque evigilare faciatis dilectam, quoadusque ipsa velit. » Per capreas, inquit, et cervos, per apostolos et doctores, per virtutes, et fidem, et bonam operationem, quibus ad promissum bravium curritis, et serpentum venena superatis. Hæc autem, quia superius expositi sunt, ulterius expositione non indigent. Synagoga de Ecclesia : « Quæ est ista, quæ ascendit de de-

(978) « Vox Synagogæ admirantis Ecclesiam de gentibus congregatam. Quæ est, inquit, ista? Id est qualis, et quanti meriti, quæ ascendit de deserto? Derelicta enim fuerat a Deo propter idololatriam et veritatis ignorantiam. Ascendebat ergo virtutum gradibus de deserto, hoc est de infidelitatis errore, in quo ad tempus derelicta fuerat. » Idem auctor.

(979) « Arborem malum, crucem Dominicam debemus accipere, sub qua arbore suscitata est Synagoga, quia ipsa a prævaricatione originalis peccati,

A « serto, deliciis affluens, et innixa super dilectum suum (978)? » Quæ, inquit, qualis, quam pulchra, quam fortis est ista, quæ semper ascendit, semper ad altiora festinat, nunquam descendit, sed virtutum gradibus cœlestia petit? Sed unde venit? « De deserto, » de terra invia et inaquosa, et quondam a Deo derelicta. Sed quomodo venit? « Affluens deliciis, » copiosa virtutibus, cum plenis lampadibus. Quis eam portat? Sequitur : « Innixa super dilectum suum, » ei conjuncta, ei adherens, quem tota mente, concitisque viribus dilexit, quique post se eam trahere promisit. Vox sponsi ad sponsam : « Sub arbore malo suscitavi te (979). » Mortua, inquit, eras, in peccatis jacebas; sed ego carnem sumens sub arbore mali resuscitavi. De hoc autem

B malo superius dicitur : « Sicut malum inter ligna silvarum, sic dilectus meus inter filios. » Hæc autem arbor, hæc caro nostri Salvatoris eos obumbrat, quos suscitavit. Potest autem et de cruce hoc intelligi, quæ ob Christi sanguinem hujus pomi colorem et speciem habuit. « Ibi corrupta est mater tua, » Synagoga videlicet, quæ Christum Dominum crucifixit : secundum illud : « Corrupti et abominabiles facti sunt (Psal. xiii, 1). » — « Ibi violata est genitrix tua, » quia legitimum sponsum dereliquit. Ecclesia ad Christum dicit : « Pone me ut signaculum super cor tuum, ut signaculum super brachium tuum. » Christus enim et signaculum, et clavis, firmumque sigillum est cordis sanctorum.

Non possunt sanctorum corpora frangi, 632 non possunt eorum secreta violari, tanto et tam munita sigillo. Signum fecimus, amici recordemur. Nobis Christus fidem dedit, signum et pignus amoris. Super brachium hoc signum portant, qui omnia quæ faciunt, in nomine Domini faciunt. Signaculum est in corde, signaculum est in manu, quoniam et in cogitationibus, et in operibus semper Christi memores sunt sancti. Sit igitur Christus nostri cordis signum et doctor, ut ejus signo, et admonitioni facile credamus. « Quia fortis est ut mors dilectio (980). » — « Perfecta namque charitas foras mittit timorem (Joan. iv, 17). » Non timet dilectio mortem, non superatur amore. Fortis est mors, fortis est dilectio. Non timent Christi discipuli mortem, quoniam eorum dilectio fortis est ut mors. Cum morte pugnant, morti occurrunt. Recordantur enim, et signaculum habent, quoniam Domini dilectio super eos firmissima fuit. Pater enim proprio Filio non pepercit, sed pro nobis omnibus illum morti tradidit (Rom. viii, 32). » Filius autem per Prophetam dicit : « Zelus domus tuæ comedit me

et a potestate diaboli per crucem redempta est. Ibi suscitata est, quæ peccatis erat mortua. » Idem auctor.

(980) « Dilectio Christi fortis est, ut mors. Sicut enim mors animam a corpore separat, et jam nihil concupiscere, nihil in præsentia vita licet ambire, ita Christi dilectio quem vere pervaserit, totum sæculo huic mortificat, et quasi insensibilem reddit, solumque Christo vivens, mundo mortuus. » Idem auctor.

(*Psalm. lxxvi, 10*). » Confirmatio : « Dura sicut infer- **A**
 « nus æmulation. » De hac æmulatione Apostolus ait :
 « Æmulor enim vos Dei æmulatione (*II Cor. xi, 2*). »
 infernus omnia domat, charitas omnia superat. Non
 timet charitas infernum, non timet ejus principes et
 habitatores. Metonymia est. « Lampades ejus lampa-
 « des ignis, atque flammarum. » Semper enim infer-
 nus igne ardet inextinguibili. Semper charitas igne
 accenditur insuperabili. De hoc autem igne Dominus
 ait : « Ignem veni mittere in terram (*Luc. xii, 49*). »
 Ille autem ignis vitia exurit, et corda illuminat.
 « Aquæ multæ non potuerunt extinguere charita-
 « tem. » Merito igitur inferno charitas assimilatur;
 siquidem ejus ignis, sicut illius inextinguibilis est.
 « Nec flumina obruunt illam. » Nam sicut Apostolus
 ait (*Rom. viii, 35*), nec tribulatio, nec angustia, nec
 mors, nec vita, neque ulla persecutio a charitate,
 quæ est in Christo Jesu, sanctos separare poterit.
 « Si dederit homo omnem substantiam domus suæ
 « pro dilectione, quasi nihil despiciet eam. » Quid,
 inquit, de charitate dicam? Quibus eam laudibus
 exaltabo? Major est quam cogitari, major est quam
 dici possit. Quod pretium charitati, quæ divinæ com-
 paratur dilectioni? Non despicias charitatem, non
 eam divitiis comparari posse dicas. Nam si omnia
 quæ habes, dederis, si omnem substantiam domus
 tuæ pro dilectione distribueris, et his te charitatem
 emisse putaveris, despicias charitatem, quæ vendi
 non potest. In pretium ponis, cui pretium non est.
 Omne namque pretium supercellit. Fugiant divitiæ,
 remanent amici, fortuna te fallit, amici pro te mo-
 riuntur. Queramus igitur illum amicum qui nunquam
 moritur, nunquam amicos deserit, nunquam menti-
 tur, omnibus abundat; qui amicitiam laudans, in-
 quit : « Majorem hac dilectionem nemo habet, quam
 ut animam suam ponat quis pro amicis suis (*Joan.*
xv, 13). » Moriens igitur pro nobis hanc complevit
 dilectionem.

Versus :

Quæ est ista veniens,
 Deliciis affluens?
 Non suis pedibus graditur
 Sed viro suo trahitur.
 In cruce sui tecum.
 Ibi suscitavi te;
 Mater vero tua cecidit
 Et sicut violata ruit;
 Quoniam firmamentum fugit
 Pone super signaculum
 Super cor et brachium.
 Omnia vincit dilectio.
 Nihil timet æmulation
 Cui non est operatio.
 Quis non exstinguitur,
 Charitas non moritur.
 Hæc virtus est ineffabilis,

(981) « Parva erat Ecclesia de gentibus congre-
 gata sub ipsis Domini et apostolorum temporibus,
 quia et parvitate credentium parva existerat. et

Sublimis, inenarrabilis,
 Fortis et insuperabilis.
 Homo si tradiderit
 Cuncta quæ habuerit
 Pro hac virtute, despiciatur
 Charitas; quia perpenditur,
 Non enim pretio venditur.

Christus ad Synagoga de Ecclesia : « Soror
 nostra parva, et ubera non habet. » Soror ista
 Ecclesia gentium intelligitur (981). Dicunt ergo
 apostoli, dicunt Domini nuntii, legati sumus; Do-
 mino nostro uxorem querimus. Quam igitur ei da-
 limus? Soror nostra parva est, nuper genita, in-
 sapiens et indocta. Ubera non habet : Testamenta
 non videt, nondum parere, nondum filios enutrire
B potest, virum nescit. Alloquenda est igitur, et de
 nuptiis admonenda. Sed « quid faciemus sorori
 « nostræ in die, quando alloquenda est? » Quibus
 verbis, quibusve promissis ejus animum temperabi-
 mus. Sequitur : « Si murus est, ædificemus super
 « eum propugnacula argentea. » Si, inquit, murum,
 constantiam, fidem et fortitudinem in ea reperie-
 mus, super eum propugnacula argentea et divina
 eloquia ædificemus. Prophetiarum namque senten-
 tiæ, doctorumque sermones muro et fidei nostræ
 propugnacula sunt; quoniam his defendimur, his
 vitia superamus, his hæreticis resistimus. Hæc
633 autem argentea dicuntur, quoniam nihil
 plumbi, vel æris, nihilque falsitatis in eis reperitur,
 « Si ostium est, compingamus illud tabulis cedri-
 « nis, » etc. Ostium, inquit, pingamus, portas si-
 gnemus, et variemus, ut Dei exercitus, virtutumque
 multitudo introitum inveniant; signum recogno-
 seant, et in decoris ornatibus delectentur. Sive
 etiam compingamus et claudamus, ut undique portæ
 compactæ nulla ex parte vitia ingredi possint. Hæc
 autem cedrinis tabulis, exemplis prophetiis, im-
 marcescibilibus, aliisque sententiis muniuntur. Vox
 Ecclesiæ : « Et ubera mea sicut turris. » Ego, in-
 quit, murus sum, fortis sum, constans sum, vitis
 resisto, inimicos expugno. « Et ubera mea sicut
 turris. » Ubera, inquit, mea, doctrina et sapientia
 mea turris sunt. Alta est doctrina, grandis est sa-
 pientia, bene munita, bene armata, non hæretico-
D rum, non philosophorum sophismata timens. Hæc
 enim ubera filios nutriunt et defendunt. Unde et
 turris et ubera vocantur. Sed ex quo tempore talis
 est fortitudo? Sequitur : « Ex quo facta est coram eo
 « quasi pacem reperiens; » id est ex quo Christus
 me dilexit, Patrique reconciliavit; ex quo angelica
 tuba cecinit : « Gloria in excelsis Deo, et in terra
 pax hominibus bonæ voluntatis (*Luc. ii, 14*). » Syn-
 agoga Ecclesiæ dicit : « Vineam fuit pacifico, quæ
 « habet populos. » Per vineam Ecclesiam; pro paci-
 fico vero Christum intelligas. « Vineam enim Domini
 exercituum, domus Israel est (*Isa. v, 7*). » — « Ipse

ubera necdum habebat; id est nequaquam prædicando
 spirituales Deo filios generare volebat. Idem au-
 ctor.

autem est pax nostra, quæ fecit utraque unum (Ephes. ii, 14). Hæc autem vinea populos habet, quia Judæos et gentiles, Græcos et barbaros omnesque nationes in unum colligit. Tradidit eam cu-
 « stodi- » id est apostolis et doctoribus, qui eam
 colerent, et amputarent, et a furibus custodi-
 rent (983). « Vir affert pro fructu ejus mille argen-
 « teos. » Millearius namque numerus pro summa
 perfectione et plenitudine ponitur. Et tale est ac si
 diceret : Vir sanctus et catholicus ut hujus vineæ
 fructus merito et beatitudine, omnia tribuit quæ-
 cunque possidet. Christus dicit : « Vineam meam coram
 « me est. » Vineam, inquit, meam, hæreditas, vel Eccle-
 sia mea coram me est, mihiq; servit, et quamvis
 custodibus eam tradidisset, semper tamen præsens
 adsum, qui eam munio, præparo, et custodio.
 « Mille tui pacifici, » subauditur, tibi servantur,
 Quos autem superius argenteos dixit, pacificos hic
 appellat. Sed quare pacificos? Quoniam Deo nos
 conciliant, ejus inimicitiam, iram et indignationem
 mitigant, nobisque pacem præparant, et in pacem
 nos inducunt. Ili autem Ecclesiæ reservantur, eique
 multiplicati reddentur. « Et ducenti his qui custo-
 « diunt fructus ejus. » Ducenti, inquit, millium pa-
 storum serviantur apostolis et doctoribus. Iis
 enim sicuti regibus et magistris duplex honor est
 habendus; siquidem cæteros custodiant, et pro cu-

(983) Custodes hujus vineæ, id est Ecclesiæ,
 sunt prophete, apostoli, apostolorumque successores.
 Sive etiam custodes sunt angelicæ virtutes, quæ
 ab incursibus tentationum et draconum Ecclesiæ
 defendunt, Idem auctor.

(983) « Fuge, dilecte mi; id est impleto incarna-
 tionis et passionis tue mysterio, revertere ad com-

teris vigilant et moriuntur. Christus Ecclesiæ dicit :
 « Quæ habitas in hortis, amici auscultant. » Tu, in-
 quit, Ecclesia in hortis habitas, in liliis delectaris,
 inter rosas et violas jaces, undique flores, undique
 virtutes, undique doctorum sententiæ sunt. « Fulcite
 me floribus, » dixisti; completa est petitio tua. Te
 mei amici, videlicet angeli et apostoli, auscultant,
 quid credas, quam spem habeas, ad quem finem
 tendas audire desiderant. « Fac me audire vocem
 « tuam; » laudem scilicet, jubilationem, canticum lau-
 dis et confessionis. Vox Ecclesiæ ad Christum :
 « Fuge, dilecte mi, assimilare capræ, hinnuloque
 « cervorum super montes aromatum. » Fuge, inquit,
 relinque terras, advola ad Patrem, ut qui te homi-
 nem tantum putant, verum Deum esse credant (983).
 B Propter me venisti, domum meam intrasti; jam me
 osculatus es; tibi sum conjuncta, tibi desponsata.
 Revertere igitur, trahere me post te, redde vicem, in
 domum tuam me introduceas. « Assimilare capræ, »
 « pete montes, pete cælos, pete superiora; » hinnulo-
 que cervorum, » ut in umbra, in Selmon, et in re-
 frigerio habites; super montes aromatum in æter-
 num maneat, ubi odor est suavissimus, locus deli-
 cabilis, splendor ineffabilis, copia inenarrabilis;
 Ibi sancti exsistant, ibi angeli lætantur; ibi cum
 Patre et Spiritu sancto laus, honor et gloria in
 æternum tibi cantatur. Amen.

lum, ut non jam te sicut hominem, sed sicut Deum
 super omnia cogitare incipiam. Tunc audies vocem
 meam, quia tunc liberius prædicabo omni mundo.
 Et hoc est quod Dominus in Evangelio dicit : Ego
 veritatem dico vobis : expedit vobis ut ego vadam
 (Joan. xvi, 7). Idem auctor.

ORDO RERUM

QUÆ IN HOC TOMO CONTINENTUR.

S. BRUNO ASTENSIS SIGNIENSIS EP.- SCOPUS.

PROLEGOMENA.	
Epistola dedicatoria.	9
Vita S. Brunonis.	89
De Vita S. Brunonis commentarius.	97
Testimonia de S. Brunone.	137
EXPOSITIO IN GENESIN.	147

EXPOSITIO IN EXODUM.

—	IN LEVITICUM	233
—	IN NUMEROS	277
—	IN DEUTERONOMIUM.	463
—	IN JOB.	505
—	IN PSALMOS.	531
—	IN PROVERB. CAP. XXI. JO.	695
—	IN CANTICA.	1230
		1234

FINIS TOMI GENTESIMI SEXAGESIMI QUARTI.



